




Q

7







Digitized by the Internet Archive
in 2014

R. P. FRANCISCI SUAREZ

GRANATENSIS è Societate JESU,
Doct̃oris Eximii,

DE VIRTUTE ET STATU
RELIGIONIS.

VOLUMEN IV. ET ULTIMUM.

*De Obligationibus Religiosorum ex Regula, Prælatione, & subjectione
regulari provenientes.*

De varietate Religionum tam in genere, quam in specie.

De Religione Societatis JESU in particulari.

OPERUM TOMUS DECIMUS QUINTUS.



230.24
5u13



V E N E T I I S,
APUD SEBASTIANUM COLETI.
M D C C X L I V.



Superiorum Permissu, ac Privilegiis.

R. P. FRANCISCI
SUAREZ

GRANATENSIS & SOCIETATIS IESU,

DOCTORIS EXIMIUS,

DE VIRTUTE ET STATU
RELIGIONIS.


VOLUMEN IV. ET ULTIMUM.

De Obligationibus Religioforum ex Regula, Prælatione, & subjectione
regulæ præsentibus.

De varietate Religionum tam in genere, quam in specie.

De Religione Societatis IESU in particulari.

OPERUM TOMUS DECIMUS QUINTUS.



V E N I T I S,

APUD SEBASTIANUM COLETTI.


MDCCLIV.

Superiorum Permissu, ac Privilegio.



R. P. N.
MUTIO VITELLESKO,
SOCIETATIS JESU
PRÆPOSITO GENERALI.
OPUS SUARII DE RELIGIONE


Ex eadem Societate BALTHASAR ALVAREZ D. & D.



OSTREMUM hunc, & germanum, quamquam posthumum Suarii de Religione fœtum, quem ipse jam conceptum diu parturierat, in meo sinu hætenus inclusum in lucem tandem editurus, paulisper hæsi dubius, quo sub fidere nascentem emitterem. Nefas quippe esse ducebam partum illustrissimum adeo obscure, expectatissimum adeo temere in vulgus prodire, quin prius astrum haberet natalitium, quod & illius dignitatem auget, & faustum, ac fortunatum exitum portenderet. Circumspexi igitur, neque

ullum mihi aut splendidius, aut benignius occurrit, quam tu universæ Societatis nostræ & parens, & columen singulare, qui in Romano cœlo tua ipse luce conspicuus oculos, & animum ad te convertisti, imo rapuisti. Vidi, ac prævidi illico, quam bene, & fauste casurus ortus, pignusque accepi felicitatis futuræ, & in tanto fulgore spes præluxit bonæ fortunæ, quæ animum altius erexit, & mirifice confirmavit. Visum mihi fuit & salubre, & honestum, quin etiam gloriosum, occasione pulcherrima oblata uti, illum tibi nascentem dicare, consecrareque, te illi fidus natalitium assignare, cui feliciter præsideas, quem humaniter foveas, quem benigne intuearis. Idque vel maxime, quod & rationi consentaneum, & operi utile, & dignitati tuæ decorum fore putavi. Rationi consentaneum; quia cum toti Societati, velut sol universo orbi præsis, Astronomiæ lex, & ratio postulat, ut nostrum tibi Mercurium adjungas, qui ut sapientiæ symbolum est, ita cum Sole, ut observant Astrologi, incredibili modo consentit. Operi utile; quia tui syderis miti, facili, & benigno aspectu fœtus noster adolescet, confirmabitur, corroborabitur, quin a pestifero alicujus astri oculo fideretur. Dignitati tuæ decorum; quia, quemadmodum Soli gloriosum est, quod astra reliqua ab eo lucem mutuentur, ita decorum tibi erit, quod tantum sydus a te fœneretur splendorem. Sed omiſſis verborum involucris, abjecto fūco lenocinioque dicendi, rem nudam sincere investigemus. Plurimis igitur justissimisque de causis censeo Suarium hoc tibi uni ex omnibus Opus, teque illi etiam opem, fidem & patrociniū debuisse, ita ut eodem mutui officii nexu vinciamini. Quam est æquum, ut quod opus, vir in tota hac tua familia maximus in lucem edit, tibi ejusdem familiæ Parenti maximo consecratur? Quam conveniens, ut quos beatissima nostri soli gleba fructus tulit, tibi cultori, & domino agri reddantur? Quam consentaneum, ut quas plenissimus Sapientiæ fluvius aquas evolvit, ad te fontis caput iterum redeant? Sunt quidem hæc altius repetita, illa videamus, quæ e re ipsa magis nascuntur. Opus de Religione Societatis, quod in toto hoc volumine præcipuum eminet, ex monito ac præscripto R. P. D. Claudii Aquavivæ Suarius conficiendum suscepit; nonne res ipsa postulat, ut quoniam a Claudio principium accepit, ad te (qui in ejus locum, neque nomine, neque factis inferior successisti) tamquam ad terminum & finem referatur? Omnium certe cæterorum fœtum Suarii, quos tu cum per otium legeres, pulcherrimum judicasti, nonne hoc nomine tuus est, parens Societatis optime, cui jure optima quæque debentur. Nonne præterea ejus hoc titulo Opus tibi vendicas, ut cujus doctrinam olim (quod ingenue confiteris) amplexus es, modo tuearis? & quem vivum magistrum habuisti, mortuum hoc saltem patrocinii officio prosequaris? Jam vero, quod hujus Libri scopus sit nostra Societas, adeo tuum reddit Opus, ut nemini, te præter unum, convenire posse videatur. Quapropter existimo, & ita credere par est, hanc mihi mentem ab ipso Suarii animo jam Beato immisſam fuisse, qua me violentius impelli sentiebam, & cui tandem post varios sollicitudinum æstus acquievi. Quippe qui nutricis more fœtus curam suscepissem, sedulo aluissem, & in sinu hætenus contentum nollem exponere fortunæ arbitrio, sed tutori fidelissimo quasi pupillum exhibere, & in tutissimo alicujus gremio collocare, qui tantum pignus, quantum ego ceperam, & caperet, & sustineret. Quamquam enim Suarii opera non rudia, & inchoata, sed absoluta, & perfectæ sint, adeo ut existimem Divino consilio factum esse, ut tot libri post ejus mortem mature satis in lucem ederentur, quo omnibus palam fieret, nihil

in iis rude, nihil informe esse, quod Parentis lima, aut lingua urfi more formaretur; tamen, & præclarum mihi fore videbatur, & illi salutare, si eum illi patronum adhiberem, qui non modo protegeret, sed efferret, non modo susciperet, sed illustraret, non modo defenderet, sed etiam nobilitaret. Hac enim ego ratione abunde mihi satisfactum putabo, quoniam illum laboris & industriæ in hoc foetu alendo, & nutriendo fideliter collocatæ fructum accepi, ut te tutorem optimum relinquerem ejus foetus, qui parente optimo orbatus esset. Suscipe igitur illius curam, & tuæ in eo Societatis imaginem, non fictis adumbratam, sed veris expressam coloribus contemplare, & sive parens es, ad ejus nos similitudinem effingito; sive imperator, ad hoc vexillum explicatum evocato: sive magister, hoc nobis vitæ & morum castigatissimum exemplar imitandum proponito: sive pastor, nos intra hos legum & rationum carceres, & septa contineto; sive Sol, hoc nos lumine illustrato, & hanc faciem nobis inspiciendam objicito, ut in ea aciem mentis nostræ experiamur & irretortis oculis, firmoque obtutu defixi, generosos nos esse Aquilæ magnarum alarum, id est, parentis Ignatii pullos, & tibi, & omnibus vere probemus. VALE Societatis nostræ Parens obfervandissime,



AD LECTOREM.



OC de Religione postremo volumine fidem tibi pro Suario solvimus, studiose Lector; babes, quo avidum expleas animum, fastidio procul exulante. Excusa prius typis (nec diffiteor) pleraque de Societatis JESU instituto acceperis, sed non prius exarata calamo. Nam quadripartitum atque elaboratum de Religione Opus ante annos fere 18. in suo servabat scrinio Autor Suarius. Acceperis antea scite admodum explanata, quæ ad mores, legesque nostræ familiæ referuntur; sed quæ ad splendorem illius faciant, quæ ad refellendos impugnatores conferant, non alibi prius data, non accuratius elucubrata. Neque vero quod de aliis

Religiosorum Ordinum institutis pressius dixerit Suarius, invidiam sibi jure conflaverit; brevitate quippe indixit provectior ætas, quæ suo flexu ad occasum, metamque properabat, ac par erat, ut explicatis obiter alienis (omnino enim præterire, proposita ab initio tractandi series minime patiebatur) de suæ Religionis institutione ac documentis, qui scopus fuerat a parente Claudio præfixus, latius differeret. Nam hic probanda erant ex Antiquitate, quæ indocti quidam nova esse objiciebant; hic absolvenda argumenta, quibus varii Societatis gradus acerbè impetebantur; hic proterenda calumniæ, quibus non bene in ipsam animati odiosam vulgo atque invisam redderent: quem plane laborem non frustra suscepisse Suarium speramus; imo fore, ut cum ad manus legentium venerit, discant, ac sibi demum persuadeant, banc Societatis nostræ Regulam appositissimam esse, quæ Professores suos ad religiosa vitæ perfectionem ducat, ad proximorum salutem procurandam instruat, & ad Ecclesiæ Catholicæ fines propagandos obarmet. Illud tantum moneo addidisse nos huic Operi (præter morem Suarii) allegationes quasdam magis peculiare, indicatis scilicet capitulis, ac numeris, in quibus aut jam dixerat, aut dicturus quippiam erat. Nimirum quantum id impendio temporis prospicit, tantum legentibus gratum esse solet. Vale.

I N D E X

TRACTATUUM, LIBRORUM, ET CAPITUM

QUÆ IN HOC QUARTO TOMO CONTINENTUR.

TRACTATUS OCTAVUS.

*De obligationibus Religiosorum ex regula, pralatione, & subjectione regulari
provenientibus. Fol. I.*

L I B E R I.

De propriis obligationibus Religiosorum, quatenus
sub propria Regula vivunt, vel specialibus
juribus utuntur. Pag. I.

- Cap. I. **Q**uid & quotuplex regula Religiosa sit, &
quomodo a Constitutione differat? 1
- 2 Quam obligationem inducat regula religiosa, &
quomodo cognoscatur, quanta sit talis obligatio. 3
- 3 Quomodo dignoscatur regulam obligare, quando
id non exprimit. 6
- 4 Utrum Religiosus teneatur sub precepto ad non con-
temnendam regulam, & consequenter, an teneatur
ad progrediendum in via perfectionis secundum re-
gulam. 9
- 5 Utrum teneatur religiosus non dimittere suum habi-
tum. 15
- 6 Utrum religiosi ad clausuram servandam non egre-
diendo claustrum proprio & rigoroso precepto te-
neantur. 19
- 7 An rigoro etiam precepto teneantur Religiosi ad
clausuram non admittendo externos. 22
- 8 De clausura monialium quoad non egrediendum e
monasterio. 24
- 9 Quis possit in prædicta clausura monialium dispen-
sare. 29
- 10 De altera parte clausura monialium, quoad in-
gressum scilicet in earum monasteria. 33
- 11 Utrum omnes actiones seculares, vel profane, &
in universum omnes pravae sint religiosi speciali-
ter prohibita. 40

L I B E R II.

De religiosi quatenus Prælati sunt, & eorum
obligationibus, ut sic.

- Cap. I. **A**n in religioso statu necessarius sit aliquis
Prælati jurisdictione pollens, & unde
illam habeat. 42
- 2 Quotuplex sit Religionis Prælati, & quem inter
se ordinem servent. 46
- 3 De electione supremi Prælati in religione, deque
conditionibus ex parte ipsius requisitis, ut legitime
eligatur. 52
- 4 De conditionibus eligentium dictum Generalem. 57
- 5 De forma prædictæ electionis Generalis. 59
- 6 De electione aliorum Prælatorum infra Genera-
lem. 65
- 7 An Prælatio Religionis perpetua sit; quandoque du-
rare possit, aut debeat. 70
- 8 An Prælati Religionis potestatem habeant obligan-
di subditos in conscientia, quando & quomodo. 72
- 9 An in Prælati religiosi sit potestas coerciva, tum
in universum, tum speciatim ad poenas spiritua-
les. 79
- 10 An in eisdem sit talis potestas ad poenas corpora-
les. 82
- 11 An religiosi possint a sententiis & preceptis suorum
superiorum appellare. 84
- 12 An in Prælati regularibus sit potestas dispensandi,
& ad quam materiam se extendat. 88
- 13 Quibus Prælati, & quæ ratione potestas dispensan-
di cum suis subditis sit concessa. 97

- 14 Quæ persone a Prælati Religionis dispensari que-
ant. 101
- 15 An in Prælati Religionum sit potestas, tum ad ab-
solvendum suos subditos a culpis non reservatis;
tum ad delegandum aliis talem potestatem. 103
- 16 An in aliis etiam, præterquam in ipsis Prælati Re-
ligionum, vel eorum delegatis detur potestas illos
absolvendi. Ubi de bulla Cruciate. 105
- 17 An saltem pro religiosi peregrinis, ac novitiis ab-
solvendis detur in aliis dicta potestas. 108
- 18 Quid circa reservationem culpæ in Religione
statuerit Clemens VIII. 111
- 19 Quis possit absolvere religiosi a culpis reservatis.
113
- 20 An Prælati regulares habeant potestatem absol-
vendi suos subditos a censuris. 118
- 21 A quibus censuris & poenis possint Prælati regulares
absolvere suos subditos, per privilegia religionibus
præsertim mendicantibus concessa. 120
- 22 In quibusnam Religiosis Prælati sit potestas absol-
vendi subditos de omnibus censuris, tam a jure,
quam ab homine. 123
- 23 An in Episcopis etiam resideat dicta potestas absol-
vendi Religiosos. 126
- 24 Ad quas personas absolvendas extendatur dicta
potestas. 129
- 25 An superiores religionum possint per privilegia ab-
solvere subditos etiam a censuris specialibus ab ho-
mine. 131
- 26 De potestate Prælatorum religionis circa bonorum
temporalium administrationem, ex primæva in-
stitutione a jure antiquo permissam. 133
- 27 De potestate ad prædictam administrationem im-
mobiliæ juxta posterius jus Canonicum. 137
- 28 De potestate ad prædictam administrationem juxta
indulta specialia Religionum, & nominatim So-
cietatis. 141
- 29 De potestate Prælatorum regularium ad conferen-
dos ordines. 144
- 30 De potestate eorundem Prælatorum ad res aut vesti-
menta sacra benedicenda vel consecranda. 149

L I B E R III.

De Religiosis deferentibus, vel mutantibus
aliquo modo statum suum, & de obli-
gationibus eorum.

- Cap. I. **Q**uando Religiosus sit fugitivus, vel Ap-
stata censendus; & quas poenas ob
crimen incurrat. 15
- 2 Expediuntur aliquot dubia circa doctrinam co-
precedentis. 17
- 3 De culpa, obligatione, ac poena cooperantium mo-
aliquo ad alterius apostasiam. 19
- 4 An Religiosus professus juste possit a religione exp-
li. 19
- 5 Ad quid teneatur professus e Religione ejectus,
primum, an teneatur ad illam redire. 19
- 6 Ad quid obligetur Religiosus expulsus licite & li-
re in seculo permanens. 21
- 7 An liceat Religioso professo extra monasterium
vere, recte, vel mutato habitu de licentia
lati, & ad quid tunc teneatur. 21

- 8 *An ex natura rei secluso jure humano; liceat professio unius Religionis ad aliam perfectiorem propria autoritate transferri.* 184
- 9 *An liceat etiam ex natura rei transitus propria autoritate factus ad Religionem laxiorem vel aequalem.* 186
- 10 *Quousque ex vi juris communis liceat transitus ad Religionem perfectiorem.* 190
- 11 *An ex vi dicti juris communis liceat transitus ad Religionem, aequae vel minus strictae.* 196
- 12 *An spectato jure particulari, seu indultis Religionis, liceat transitus ad aliam Religionem.* 201
- 13 *An religiosus legitime transiens ad aliam Religionem, possit secum transferre aliquod peculium.* 208
- 14 *An cum Religioso transeunte transeant etiam immobilia vel mobilia pretiosa, quae forte ratione illius pertinebant ad priorem Religionem.* 210
- 15 *An cum Religioso transeunte, transeant etiam praerogativae, quibus in prima Religione fruebatur.* 214
- 16 *De transitu Religiosi ad Episcopatum, & de obligationibus ejus ex vi votorum castitatis, & paupertatis.* 217
- 17 *De obligationibus ejusdem ex vi voti obedientiae.* 223
- 18 *An praedictus Episcopus gaudeat gratiis suae Religionis: & utrum omnia dicta a c. 16. procedant de Religioso assumpto ad Cardinalatum.* 226
- 19 *An Religiosus transferri queat ad beneficium infra Episcopatum, & quibus obligationibus tunc teneatur.* 227

TRACTATUS NONUS.

De varietate Religionum tam in genere, quam in specie.

LIBER I.

De varietate religionum in genere.

- Cap. I **A** N potuerit, vel debuerit esse in Ecclesia religionum varietas. 233
- 2 *De divisione vitae religiosae in solitariam & coenobiticam, & utra sit perfectior.* 236
- 3 *An militaris religio sub genere status religiosi proprie comprehendi possit.* 239
- 4 *An militares religiones, quae de facto dantur, comprehendantur proprie sub genere status religiosi.* 241
- 5 *De divisione religionis in activam, & contemplativam.* 247
- 6 *Quae religio sit perfectior, activa ne, an contemplativa, an mixta.* 250
- 7 *De divisione religionis in clericalem, & monachalem simpliciter.* 257
- 8 *An recte dividatur religio monachalis simpliciter, seu prout contradistinguitur a clericali, in monachalem presse, & in mendicantem.* 260
- 9 *Quot sint ordines clericorum Regularium.* 262
- 10 *An religiones Monialium a virorum religionibus, atque etiam inter se distinguantur.* 265
- 11 *De receptione, ac novitiatu Monialium, earumque professione cum cerimonia veli.* 267
- 12 *De observantia Monialium tam quoad substantialia vota, quam quoad subjectionem erga praelat. ac regulam.* 270

LIBER II.

De varietate religionum in particulari.

- Cap. I **Q** Uae fuerit professio monachorum Orientis, eorum praecipue qui sub regula Basilii militarunt. 272
- 2 *Quae fuerit religionis S. Benedicti institutio, & progressio.* 274
- 3 *Quae religiones monachorum ex Benedictina ortae sint, & an sint ab illa distinctae.* 277
- 4 *An ordo Carthusiensis sit perfecta monachorum religio.* 279
- 5 *An religio S. Hieronymi, aut alia monachalis, sub regula S. Augustini militet.* 280
- 6 *An religio Praedicatorum una sit ex mendicantibus; quamque originem, & institutionem habuerit.* 282
- 7 *An religio Minorum una sit ex mendicantibus; & quam originem & institutionem habuerit.* 285
- 8 *De origine ordinis Eremitarum S. Augustini, & an unus sit ex mendicantibus.* 287
- 9 *An religio Eremitarum S. Augustini, quae hodie extat in Ecclesia, sit eadem reipsa, an solo nomine cum primis illis Augustinianis?* 292
- 10 *An sacer ordo Carmelitarum unus ex mendicantibus sit, quamque originem & institutionem habuerit.* 298

TRACTATUS DECIMUS.

De Religione Societatis JESU in particulari.

LIBER I.

De religione Societatis JESU, quo ad Institutionem, & institutum in generali.

- Cap. I **S** itne Societas JESU vera religio, & cur ita appelletur? 301
- 2 *De fine hujus religionis.* 304
- 3 *De mediis, quibus hac religio utitur ad finem sibi praestitutum.* 308
- 4 *An Societatis JESU religio convenienter insituta sit, & approbata.* 311
- 5 *An Societas JESU sit per se religio Clericorum, non solum habitum, sed etiam re ipsa, & quasnam proprietates inde consequatur?* 315
- 6 *An Societas JESU contemplativam, an potius*

- activam vitam complectatur.* 318
- 7 *In quo gradu perfectionis Societas JESU instituta sit?* 321
- 8 *Satisfit primae objectioni capitis praecedentis.* 323
- 9 *Satisfit secundae objectioni.* 326

LIBER II.

De ingressu in Societatem, & probatione, tum quae illum antecedit, tum etiam quae sequitur.

- Cap. I **R** ectene instituta sint aliqua impedimenta substantialiter impediencia ingressum in religionem Societatis, & quenam illa sint? 332

- 2 De quodam alio impedimento ex defectu originis : 339
- 3 De impedimentis accidentalibus, seu qua conditiones servanda sint, quæ probatione antecedere debeat, ut aliquis convenienter in Societatem JESU recipiatur. 341
- 4 An biennium ingressis jam Societatem pro secunda probatione, seu Novitiatu convenienter sit assignatum? 344
- 5 De experiētiis hujus secunda probationis in Societate JESU. 347

LIBER III.

De admissione novitiorum in Societatem JESU per tria vota simplicia in communi, & eorum dissolutione, &c.

- Cap. I **P**roponuntur argumenta, quibus in Societatem admissio per vota simplicia perperam impugnata fuit: supponunturque nonnulla pro veritate stabilienda. 351
- 1 Vera resolutio superioris capituli, atque impugnatio- num ibidem adductarum. 353
 - 3 An hæc scholasticorum approbatio, sive admissio in Societatem JESU, verum religiosum constituat? 356
 - 4 Corollaria tria, sive conclusiones ex principali supe- rioris capituli conclusione deducuntur. 359
 - 5 An prædicta scholasticorum approbatio admissio in Societatem, dicenda sit professio? 365
 - 6 Quæ conditiones requirantur ex parte votantis, ut prædicta scholasticorum vota fiant valida? 367
 - 7 Quæ conditiones requirantur ex parte religionis, ut eadem vota scholarium valide fiant? 369
 - 8 An tacita votorum immissio, seu incorporatio in scholaribus Societatis locum habeat? 370
 - 9 An scholarium vota tolli possint per commutatio- nem, aut dispensationem, aut irritationem? 372

LIBER IV.

De votis Castitatis, Paupertatis, & Obedientiæ, prout in Societate immittuntur.

- Cap. I **A**n simplex Castitatis votum quod in Socie- tate fit, dirimat matrimonium postea contractum? 376
- 2 An prædictum votum dirimat etiam præcedens ma- trimonium? 379
 - 3 Quibus mediis Societas juvet suos subditos ad vo- tum Castitatis servandum. 382
 - 4 Votum Paupertatis scholarium Societatis JESU, neque illos reddere dominii incapaces, neque id pugnare vero religionis statui. 384
 - 5 Quomodo paupertas a scholaribus Societatis ex vi regula servanda sit in distributione suorum bono- rum? 389
 - 6 Quomodo a scholaribus Societatis servanda sit ex vi voti paupertas in distribuendis suis bonis? 390
 - 7 Ad quem usum, seu exercitium paupertatis ex vi regula obligentur singuli religiosi Societatis JESU? 394
 - 8 Ad quem usum, seu exercitium iidem religiosi obli- gentur ex vi voti? 398
 - 9 De paupertate in communi domorum professorum So- cietatis JESU. 401
 - 10 An explicata superiori capite paupertas conveniens sit Societati professæ. 404
 - 11 De paupertate in communi Collegiorum Societatis, ac domus probationis. 407
 - 12 An ex voto obedientiæ obligari possint religiosi So- cietatis in quacumque materia? 409
 - 13 De consilio obedientiæ in Societate quoad perfectio- nem executionis. 412
 - 14 De consilio obedientiæ quoad perfectiones ex parte voluntatis. 413
 - 15 De perfectionibus ex parte intellectus. 418
 - 16 An promissio scholarium in Societate approbatorum ingrediendi Societatem, sit verum votum ad hunc

statum religiosum conveniens, vel necessarium? 426

- 17 Ad quid obliget dicta promissio? 427

LIBER V.

De Societatis tum scholaribus quantum ad proprium ipsorum studendi munus, profectumque in literis, tum etiam de publicis ejus scholis pro externis.

- Cap. I **A**n in Societate JESU status aliquis reli- giosus ad literas discendas merito desti- netur? 430
- 2 An Societatis religiosi in Philosophicis studiis, & humanioribus literis diligenter instruendi sint? 433
 - 3 Utrum ratio profitendi in literis convenienti modo, & per apta media in Societate JESU instituta sit? 436
 - 4 An conveniens fuerit religiosos Societatis publica studia, & universitates habere, & in eis docere? 439
 - 5 An puerorum eruditio convenienter per religiosos fiat in universitatibus Societatis? 442
 - 6 An ad externos scholasticos erudiendos convenien- tibus mediis utatur Societas JESU. 446

LIBER VI.

De professione quatuor votorum, quæ in Societate fit, ac probatione propria ei antecedente, deque aliis votis simplicibus, quæ consequenter ad illam emittuntur.

- Cap. I **A**n professio in Societate recte diu differa- tur? 448
- 2 Utrum ante professionem tertius probationis annus fieri debeat. 452
 - 3 Quid sit in professione Societatis votum secundum obedientiam, peculiarem curam circa puerorum eruditionem, & quæ specialis obligatio inde nas- catur. 453
 - 4 An obedientiæ votum ad summum Pontificem quod professi Societatis emittunt, sit solemne, & ab aliis tribus distinctum. 458
 - 5 An professio convenienti modo in Societate fiat? 464
 - 6 De votis simplicibus ultra professionem emissis, ac primum de voto non assentiendi relaxationi pau- pertatis. 466
 - 7 De voto non ambiendi dignitatem aliquam intra vel extra Societatem. 470
 - 8 An votum non acceptandi Episcopatum absque su- perioris præcepto convenienter fiat in Societate. 473
 - 9 De voto audiendi consilia Generalis, si quis profes- sus Societatis in Episcopum assumptus fuerit. 478
 - 10 De voto manifestandi dignitatem aliquam procu- rantes. 482
 - 11 Cur dicta professorum vota simplicia sint, & non solemnia. 487

LIBER VII.

De professione trium votorum, ac formati- Coadiutoribus.

- Cap. I **C**ur hac professio in Societate admittatur, & ad quem finem. 488
- 2 Cur Coadiutores spirituales Societatis JESU sole- mnia vota non emittant, & in quo a professis, & scholaribus differant. 490
 - 3 An conveniens fuerit Coadiutores temporales in Societate admitti, & quibus votis incorporentur. 493
 - 4 Generalis illatio de gradibus personarum Societa- tis. 495

LIBER VIII.

De mediis quibus ad spirituales profectum & perfectionem suorum religiosorum Societas utitur.

- Cap. I **A**N, & quantum debeant religiosi Societatis ex vi sui instituti mentalibus exercitiis vacare. 496
- 2 An religiosi Societatis ad aliquas orationes vocales ex vi sui instituti teneantur. 497
- 3 An ad frequenter celebrandum vel communicandum religiosi Societatis specialiter obligentur. 500
- 4 An confessionis usus, & frequentia convenienter in Societate instituta sit, ac primum de generalibus confessionibus. 502
- 5 An reservatio peccatorum, quae in Societate sit, sit conveniens. 503
- 6 De charitate in universum tam erga Deum, quam erga proximum, quam Societas JESU a religiosis expetit. 507
- 7 De mediis in particulari pro charitate erga proximos, domesticos, seu fratres, ac primum de negativis, consistentibusve in omissione. 508
- 8 De mediis positivis, seu quae in actione consistunt. 511
- 9 De mediis, quibus ad solidas virtutes infra theologales, perfectamque animi moderationem religiosi Societatis promoveantur. 515

LIBER IX.

De mediis, seu ministeriis, quibus ad proximorum externorum salutem Societas utitur.

- Cap. I **Q**uid possint, ac debeant religiosi Societatis prestare in ministerio predicandi. 518
- 2 Quid possint, ac debeant iidem religiosi prestare in administratione sacramenti poenitentiae. 525
- 3 Quid possint, ac debeant prestare in administratione Eucharistiae. 536
- 4 Quid iidem religiosi possint in aliorum sacramentorum administratione. 539
- 5 De spiritualibus exercitiis, & primum quid sint, & quam sanam doctrinam contineant. 543
- 6 De arte seu methodo exercitiorum. 553
- 7 De prudentia in hoc exercitiorum opere a B. Ignatio servata, & eorum usu, a nostris, vel externis hominibus servando. 555
- 8 De medio juvandi proximos, conversando familiariter cum ipsis. 558

9 De medio peculiaris cure juvandi proximos in periculo mortis. 562

LIBER X.

De regimine Societatis tam in genere, quam in particulari, & consequenter de ipsius Praelatis.

- Cap. I **A**N Societas per modum monarchiae gubernetur convenienter. 564
- 2 An expediat in Societate Generalem perpetuum institui. 567
- 3 An convenienti modo reliqui Praelati Societatis instituuntur. 568
- 4 De suprema potestate jurisdictionis in Societate JESU. 572
- 5 De potestate jurisdictionis, infra supremam. 575
- 6 An Societatis Praelati ad particulare subditorum regimen merito ab eis exigant rationem conscientiae. 577
- 7 Regimen Societatis per ipsius regulam denunciandi aliorum defectus, ut a quibusdam impugnatur, & ut a nobis defendenda sit. 581
- 8 Praemittitur generalis doctrina denunciationis, ut ostendatur quousque in Societate locum habeat. 586
- 9 De modo utendi in Societate denunciatione Evangelica, seu charitativa hactenus explicata. 589
- 10 Satisfit objectionibus in capite 7. positis. 593
- 11 De triplici modo procedendi in externo judicio contra defectus subditorum, ac primum de visitatione, seu generali inquisitione. 596
- 12 De modo procedendi per viam specialis inquisitionis, aut etiam accusationis. 598
- 13 Applicatio doctrinae precedentium capitulum ad usum Societatis. 606
- 14 An regula Societatis apta sit, & sufficiens ad ejus convenientem gubernationem, & religiosam directionem. 608

LIBER XI.

Deiis, qui religiosum statum a Societate mutant.

- Cap. I **U**trum professus possit a Societate expelli, & quas ob causas. 613
- 2 Utrum professus in Societate possit ad aliam religionem transmitti, & quomodo. 614
- 3 Ad quid teneatur professus e Societate ejectus, vel qui modo alio ab illa deficit, seu mutatur. 616

TRACTATUS OCTAVUS DE OBLIGATIONIBUS RELIGIOSORUM EX REGULA, PRÆLATIONE, ET SUBJECTIONE REGULARI PROVENIENTIBUS.

LIBER PRIMUS

De propriis obligationibus Religiosorum, quatenus sub propria regula vivunt, vel specialibus iuribus subduntur.

POST explicatam essentiam, & substantialia vincula status Religiosi, dicendum superest de obligationibus, quæ ad omnes pertinent, quatenus Religiosi sunt. Et quoniam tractando de votis, quibus Religiosi efficiuntur, simul diximus de obligationibus, quæ ex illis nascuntur, & in Religiosis potissimæ sunt: ideo solum hic superest dicendum de Regula, & propriis statutis, seu constitutionibus Religiosorum, & obligationibus, quæ ex eis nascuntur directe, vel etiam indirecte, seu consequentione quadam ratione ipsius Religiosi status, ut in sequentibus constabit. Hoc ergo primo libro dicemus de vi, ac potestate regulæ, & constitutionis religiosæ, ac obligationibus ex eis directe consurgentibus, etiam illis, quæ jure canonico sunt impostæ; postea vero de indirecte consurgentibus ex statu ipso, seu officio.

CAPUT I.

Quid, & quomodo Regula religiosa sit, & quomodo a Constitutione differat?

Regulæ significatio multiplex

UT obligationem directe proveniente personæ Religiosæ ex sua regula, vel constitutione intelligamus, oportet, ut quid ipsa Regula, quidve Constitutio sit, & an discrimen inter se habeant, exponamus. *Regula* (inquit Isidorus libr. 6. Etymologiar. cap. 16. & refertur cap. 2. ad 3.) *dicta ex eo, quod ducit, nec aliquando aliorum trahit; & subiungit: Alii dixerunt regulam dictam, vel quod regat, vel quod normam recte vivendi præbeat, vel quod distortum pravumque corrigat.* Aliter Jurisconsultus l. 1. ff. de reg. juris; *Regula est (inquit) quæ rem, quæ est, breviter enarrat: non ut ex regula jus sumatur, sed ex jure quod est regula fiat.* Unde constat vocem hanc æquivocam esse, nam interdum significat instrumentum artis ad dirigendas aliquas actiones inventum, ut ex communi usu constat, & inde videtur derivata ad significandum principium aliquod inventum ad dirigendas operationes morales, & sic apud juris peritos regula frequentius appellatur brevius, & compendiosa præceptio ex jure collecta, ut sit veluti norma aliquarum actionum. Sic inscribuntur tituli de regulis juris; sic etiam dicitur in l. 9. ff. de juris, & facti ignorantia. *Regula juris est, ignorantiam juris nocere, facti vero non, & sic de aliis.* Ex quo tandem in jure canonico regula solet pro lege, seu jure summi: nam lex est, quæ maxime dirigit operationes morales, & in hoc sensu videtur sumpta ab Isidoro citato loco; ubi etiam ait regulam Latine idem esse, quod canonem Græce: canones autem communi usu jam vocamus canonicas leges. Nihilominus tamen nomen regulæ, etiam in hac significatione Ecclesiastica sumptum non significat rigorosum præceptum obligans in conscientia, sed simplicem ordinationem mores hominum dirigentem: sicut regulæ artis appellantur præceptiones in unaquaque servandæ, ut opus artificiose fiat. Hoc ergo modo quasi per antonomasiam applicata est

illa vox ad significandum regulam religiosam, quia strictiori, & perfectiori modo religiosorum actus dirigit, ut bene notavit Umbertus in expositione regulæ Augustini c. 7. unde ab illa ipsi Religiosi regulares sunt appellati, quia ad vivendum secundum regulam aliquam astringuntur, ut constat ex rubrica de regularibus; ubi Panormit. & alii id notant. Sicut olim clerici in communi & religiose viventes a canone Canonici dicti sunt. Postea vero Canonici Regulares sunt appellati, quia nomen Canonici generalius est, ut optime, notavit Navar. comment. 1. de regular. nu. 2. & 3. ubi optime defendit geminatam illam vocem a calumnia Ludovici Vives, nam Canonici simpliciter dicuntur Clerici, qui sub aliqua communitate, & regula vivunt, quamvis religiosi non sint, sed proprium habeant: Canonici autem regulares appellantur, qui non utcumque communiter vivunt, sed alia in super obligatione astringuntur, quod recte etiam notavit Covar. in Clement. s. furiosus, part. 1. in princip. nu. 1. ubi advertit etiam Sanctimoniales Virgines in hac significatione a Chrysostomo Canonicas appellari, id est, regulares.

2. Ulterius autem, ut secundæ parti tituli satisfaciamus, adverti potest interdum appellari regulam quamcumque singularem ordinationem, seu legem, ita ut nomen regulæ commune sit; interdum vero esse hoc nomen collectivum, significans normam vivendi secundum perfectionem Evangelicam; quomodo una regula continet in se plures regulas priori modo sumptas, & utroque modo est frequens usus hujus vocis in præfenti materia, præcipue tamen loquimur posteriori modo. Atque ita distingui solet ab auctoribus quadruplex regula religiosa specialiter ab Ecclesia approbata, scilicet Basilii, Augustini, Benedicti (de quibus fit mentio, & earum approbatio supponitur in cap. perniciosam, 18. q. 2. ex Conc. Roman. sub Innoc. II. cap. 16. & 27.) & regula S. Francisci ab Honor. III. approbata, sub quibus regulis multæ religiones vivunt, ut sub regula S. Benedicti militant fere omnes ordines monachales, præter Carthusianos, qui habent statuta pro regula, ut notat Sylv. verb. *Religio*, 1. q. 7. Ut proprii Benedictini, qui in jure Monachi nigri appellantur, Cistercienses, Camaldulenses, & alii præterea fere omnes ordines militares Hispaniæ. Sub regula S. Basilii dicuntur militare fere omnes Orientis monachi, & idem dicit Anton. 3. part. tit. 16. cap. 1. §. 8. de Carmelitis; sed de hoc postea n. 6. videbimus, nam illius ordinis authores non facile hoc admittunt, sed suam regulam esse volent ab omnibus prædictis diversam, & ante Honorium etiam approbatam. Sub regula vero August. militant omnes Canonici regulares, & Eremitæ, qui Augustiniani, & Prædicatores, & plures alii, qui, ut Anton. Sylvest. & alii ajunt, licet in regula conveniant, constitutionibus inter se differunt.

3. Ut autem hoc explicemus, & cur illæ tantum quatuor regulæ numerentur, & approbatæ dicantur, quæri potest, quid inter regulam, & constitutiones differat. Nam si regula singulariter sumatur, quælibet constitutio religiosa, regula est: si autem sumatur collective, re-

Regula pro institutione vite, seu collectione multarum Regularum specialium, quadruplex olim tantummodo.

Discretur prædicta quadruplex divisio Regularum.

gula uniuscujusque religionis comprehendet omnes constitutiones ejus, quia ex omnibus consurgit norma vivendi in illa religione: & quia non est major ratio, cur sub collectione regulæ quædam constitutiones potius, quam aliæ comprehendantur. Confirmatur, & declaratur: quia quando religiosi promittunt obedientiam secundum regulam, necesse est, ut sub regula constitutiones comprehendant, aliàs non tenerentur secundum illas obedire, nec ad majorem, vel strictiorem obedientiam obligarentur fratres Prædicatores, v.g. quam Canonici regulares, quia omnes obligantur ad obediendum secundum eandem regulam, si per regulam sola Augustini regula intelligenda est: consequens est aperte falsum: ergo oportet, ut in unaquaque religione propriæ constitutiones sub illius regula comprehendantur. Quod si hoc ita est, sine causa distinguuntur tantum quatuor regulæ approbatæ, sed tot distinguendæ sunt, quot sunt in Ecclesia religiones approbatæ: quia nulla esse potest religio sine propria regula in eo sensu sumpta, aliàs non haberet in quo distingueretur ab alia, nec potest esse religio approbata, quin regula ejus approbata sit, cum tota perfectio, & substantia religionis (ut sic dicam) pendeat ex regula, seu ex ordine ad illam.

Enucleatur jam ipsa divisio.

4 In hoc potest solum esse quaestio de vocabulis, & ideo illa, vel illorum usum distinguere oportet, & ita constabit, an in re sit aliqua differentia. Non est ergo dubium, quin loquendo de regula juxta significationem explicatam, pro norma recte, & perfecte vivendi, omnes constitutiones religionis, quæ in illa habent vim legis, sub regula comprehendantur, quia in illis omnibus consistit norma perfecte vivendi in tali religione, & hoc convincit ratio facta. Videtur autem in aliquibus religionibus quasi per antonomasiam vocari regula, quædam specialis norma seu præceptorum collectio a primo aliquo fundatore religiosi status tradita, quæ a cæteris sumpta est tamquam fundamentum suæ religionis, seu modi vivendi: & hujusmodi fuerunt tres illæ antiquiores regulæ Basilii, Augustini, & Benedicti, quæ si attente inspiciantur, adeo breves sunt, ut non contineant omnia, quæ in communitate religiosa necessaria, vel utilia esse possunt, sed tantum præcipua, & substantialia, & præsertim regula Basilii, quam nunc ex ejus operibus colligere possumus, vel ex regulis brevius, aut fufius disputatis, vel ex constitutionibus monasticis, vel ex epistola ejus ad Gregorium Theologum, quæ incipit: *Agnovi literas tuas*, quæ est de forma honestæ vitæ: ex his (inquam) locis solum colliguntur generalia quædam consilia ad viam perfectionis instituendam, non vero omnia, quæ ad plenam institutionem monasterii, vel totius Reip. religiosæ necessaria sunt; & idem fere observari potest in aliis duabus. Unde ortum est, ut semper illis regulis additæ sint aliquæ constitutiones, vel nova statuta, quæ temporum necessitas ostendit esse necessaria. Item factum est, ut intra latitudinem status religiosi ad diversos fines sit unaquæque ex illis regulis applicata, vel ad eundem sub diversis cæremoniis, & observantiis, juxta diversas vocationes, aut pietatis affectus, quos Deus fundatoribus, aut potius reformatoribus, vel moderatoribus aliquarum religionum inspiravit. Atque hoc modo dicuntur varæ religiones sub una, vel altera illarum regularum militare: quia illam regulam, quasi pro fundamento sumpserunt, & proprias observantias addiderunt, de illis etiam proprias ordinationes faciendo, quas, ut ab illa primaria regula distinguerent, constitutiones, vel statuta appellarunt. D. autem Franciscus nullam illarum regularum pro fundamento suæ religionis sumpsit, sed propriam confecit, ejusque peculiarem approbationem obtinuit, & ideo quarto loco inter approbatas nominatur, sub qua militant, etiam varæ religiones, vel potius familiæ Minorum, præsertim tres, Observantiæ, Conventualitatis, & Capuccinorum, quæ sub distinctis Generalibus proprias etiam habent constitutiones, seu statuta a propria regula S. Francisci, distincta.

Primum Corollar, quo respondetur te v. g. patet, si- mili.

5 Ex his ergo satis constat, quomodo differat constitutio a regula in his religionibus, ubi hæc distinguuntur: non enim per se differunt ex obligatione, quam inducunt, utraque enim esse potest, vel ad culpam mortalem, aut venialem, vel ad solam pœnam, juxta intentionem instituentium, aut acceptantium talem regulam, vel constitutiones; & secundum utramque debent præ-

lati uniuscujusque religionis subditos gubernare, & potest eis imputare ex vi obedientiæ, ut probatum est. Differentia vero solum videtur accidentaria in origine, & in hoc, quod regula est quasi generalis, & communis, constitutiones autem speciales, & propriæ. Aliqui existimant etiam differre aliquo modo in majori perpetuitate proveniente, ex speciali Pontificis approbatione, seu confirmatione: nam regula non potest sine Pontificis autoritate mutari, quia est jure communi, vel a Pontifice specialiter confirmata: constitutiones autem sicut per religionem factæ sunt, ita per eam mutari possunt: ita D. Anton. 3. part. tit. 16. cap. 1. §. 4. ex Jo: Andr. in Novellis. De qua differentia mihi satis non constat: & ideo consulenda censeo singula instituta, & quo sensu, & modo unaquæque talem regulam sumpserit, ac profiteatur: nam de tribus antiquioribus regulis non habemus ita expressam Pontificum, aut juris communis approbationem. Nam Innoc. II. in dict. cap. *perniciosa*, obiter tantum illarum mentionem facit, & supponit potius antiquam approbationem, quæ scripta non habetur, sed potius traditione, & usu facta videtur, quamvis de regula S. Benedicti legitur specialis S. Gregor. approbatio in hæc verba: *Ego Gregorius S. R. E. Præfcripti vitam B. Benedicti, & legi regulam, quam ipse sanctus manu propria scripsit, laudavi eam, & confirmavi in sancta Synodo*: ita refertur ad finem illius regulæ post commentarios Turrecrematæ in quodam antiquo volumine, de cujus autoritate mihi satis non constat. Deinde non constat illas regulas, ita esse confirmatas a Pontificibus, ut non possit a religionibus, quæ illas profitentur, communi consensu, & autoritate mutari. Loquimur autem de mutatione quoad aliquas particulares partes regulæ, nam mutare totam jam esset mutare religionem, & substantiam ejus, quod religio facere non potest, aliàs destrueret seipsam. Hoc tamen modo, etiam non potest talis religio autoritate sua mutare omnes constitutiones simul sumptas, quibus quasi constituitur in esse talis religionis: quia hoc esset destruere suam specialem professionem: non videtur ergo esse in hoc magna differentia. Præsertim, quia etiam constitutiones approbatarum religionum solent esse a sede Apostolica confirmatæ, & nihilominus ab eadem sede habet religio potestatem ad mutationem aliquam faciendam: idem ergo potest contingere circa regulam. Consulendæ ergo sunt facultates Apostolicæ, quas in hoc unaquæque religio habet. Specialiter vero ex regula S. Benedicti, & S. Francisci, quædam sunt in jure canonico insertæ, ut patet ex cap. *Cum ad monasterium*. De statu monach. & ex cap. *exiit*, de verborum signif. in 6. & Clement. *exiit*, eod. tit. & in his verum esse opinor non posse fieri abrogationem, seu derogationem, Summo Pontifice inconsulto.

5 Secundo sequitur ex dictis, multas esse religiones approbatas, quæ non habent regulam in eo sensu sumptam, id est, a constitutionibus distinctam, aut ex aliquo antiquo Patriarcha religionum sumptam, non tamen propterea carent regula propriissime dicta, vere enim, ac proprie regulares sunt: habent ergo suas constitutiones pro regula: ita sentiunt de Carthusiensibus Antonin. Sylvest. & alii, qui putant usque ad sua tempora nullam aliam religionem approbatam fuisse, quæ aliquam ex prædictis regulis non profiteretur. Et sane Innocen. II. in dict. cap. *perniciosa*, satis significat, usque ad sua tempora omnes veros religiosos sub aliquotum antiquarum regularum militasse: sic enim ait de quibusdam mulieribus: *Qualicet, neque secundum regulam B. Benedicti, neque Basilii, aut Augustini vivunt, sanctimoniales tamen vulgo censeri desiderant*; quasi tacite supponendo illas scænnas non potuisse, nisi sub aliqua ex his regulis veram religionem profiteri. Nihilominus tamen Carmelitæ ante Innocentium II. vere religiosi erant, & tacitam saltem approbationem habebant, ut colligitur ex cap. unico, §. *sane*, de relig. domib. in 6. & infra latius dicemus; & tamen ipsi met dicunt se nullam ex dictis regulis profiteri, sed propriam: non ergo religiones omnes approbatæ vivebant sub aliqua illarum quatuor regularum. Antonin. autem, & alii ad hoc respondent, Carmelitarum regulam a Basilio duxisse originem, & ita sub illa comprehendendi; quod licet aliquibus non placeat, mihi videtur necesse.

Secundus Corollar,

necessarium, propter textum citatum Innocentii II. Usque ad tempora ergo Honorii III. facile concedemus nullam fuisse religionem approbatam, quæ suas constitutiones quasi pro primaria regula habuerit, præter Carthusianos, de quibus dicit Antonin. supra, quod habent sua statuta pro regula, & habetur in magna veneratione in Ecclesia. Post Honorium vero Societas in hoc imitata est Carthusianos, nullam enim ex antiquioribus regulis proficitur, sed Constitutiones, quas a suo fundatore S. Ignatio accepit, habet pro regula a sede Apostolica approbata, ut infra videbimus. Ordo etiam Minimorum dicitur habere propriam regulam a suo institutore S. Francisco de Paula editam, & a Sixto IV. & Alexandro VI. approbatam.

Verificatur plane de Carthuf. & Societate, & aliis.

Tertium Corollar.

7 Tertio sequitur, nunc plures esse in Ecclesia, quam quatuor regulas approbatas. Nam præterquam, quod religio Carmelitarum suam propriam regulam approbatam habere contendit, Carthusienses, & Minimi, & Societas, & fortasse alii habent suas, quia nec esse possunt sine regula, ut dixi, nec potest religio esse approbata sine sua regula: hæc autem religiones approbatæ sunt, ut supponimus, & non profitentur supra dictas regulas: ergo unaquæque habet suam approbatam. Neque enim in illis prioribus quatuor major, aut diversæ rationis approbatio cogitanda erit; nullo enim fundamento hoc dici potest, cum eadem autoritate Pontificia, & eisdem verbis etiam hæc posteriores regulæ approbatæ, & confirmatæ sint: de quo videbimus plura in particulari infra tractando de approbatione Societatis. Non omitam etiam advertere in 9. tom. operum D. Hieronymi haberi regulam monachorum ex scriptis D. Hieronymi a Lupo de Olivero Generali ejusdem ordinis collectam, ibidemque refert literas Apostol. Martini V. quibus eam approbavit, ut monachi illius ordinis, qui prius secundum regulam B. Augustini profitebantur, sub propria regula D. Hieronymi nuncupata deinceps profiterentur. Extat etiam regula S. Pachomii, quem ab Angelo dictante accepisse Hieronymus refert, & sub ea multos Ægypti monachos vixisse.

CAPUT II.

Quam obligationem inducat regula religiosa, & quomodo cognoscatur quanta sit talis obligatio.

Duplex modus cõdendi regulam cõ jurisdictione, aut sine illa.

1 SUPponimus hanc regulam habere aliquam vim, & rationem legis, ut constet ex usu, & sensu omnium religionum, & patebit magis ex dicendis. Ad quod explicandum adverto, statum religionis, ut sæpe dixi, dupliciter posse considerari, vel seclusa jurisdictione Ecclesiastica a Pontificibus collata Prælati, vel toti communitati religiosæ; vel adjuncta hujusmodi jurisdictione. Et utroque modo intelligi potest in eo esse regulam, immo in principio religionum videntur regulæ hoc modo institutæ, & prius potius per modum instructionis, & doctrinæ, quam per modum legis, ut videre licet in multis ex constitutionibus, seu regulis S. Basilii: postea per modum cujusdam statuti conventionalis, quod non est proprie lex, sed habet vim in mutua promissione, & pacto: addita vero jurisdictione per Ecclesiam, confirmatur religiosa regula (sub qua semper constitutiones, & statuta comprehendimus) ut habeat veram, & propriam rationem legis. Est autem præterea advertendum, nonnullas esse leges datas regularibus, vel omnibus, vel certis religionibus immediate ab ipsis Pontificibus summis, quarum aliqua continentur in jure canonico sub titulis de Regular. & de statu monach. de religiosis domibus, & nonnulla sub titulis de voto, de sentent. excomm. & aliis; aliqua vero sunt extra corpus juris in Bullario, seu collectione constitutionum Pontificalium, & aliis moribus propriis, qui extra illud opus vagantur; de quibus legibus in hoc capite non agimus, tum quia non pertinent ad regulam, sed potius ad jus canonicum, quod interdum præcipit laicis, interdum clericis, interdum secularibus, interdum vero regularibus. Tum etiam, quia non est dubium, quin illæ obligent in conscientia; modus autem, & gradus obligationis ex verbis, & materia sumendus est, atque etiam ex pœna, præsertim quando

Suarez Tom. XV.

habent censuram annexam: & quæ istam ipso jure imponunt, explicatæ a nobis sunt in tom. 5. de Censuris. Præter has ergo leges regula ipsa religiosa per Pontificem confirmatur, ut vim habeat legis non tantum conventionalis, sed etiam jurisdictionalis (ut sic dicam); & similiter statuta, vel constitutiones, quatenus a religione sunt per potestatem a Pontifice acceptam, veram rationem legis habent.

2 Ex his sequitur, regulam religiosam necessitatem aliquam operandi imponere; hoc enim est de ratione legis, & per hoc differt a puro consilio, ut ex propria materia lib. 5. de legib. cap. 4. suppono. Regula autem religiosa non est merum consilium, quia præter illam sunt multa alia, quæ ex consilio possunt religiosi facere: nam, ut recte dixit S. Benedictus in cap. ultim. suæ regulæ, non tota perfectio in sola regula est; & nihilominus religiosus omittens alia consilia supra suam regulam, non censetur deesse suo muneri & statui: si autem suam regulam prætermittat, deficere censetur a sua obligatione: ergo talis regula respectu illius plus est, quam consilium: ergo aliquam necessitatē imponit. Et confirmatur ex dictis, quia talis regula ex jurisdictione procedit; ergo ab illa habet vim, & dirigendi, & cogendi, quæ est moralis necessitas. Hæc autem duplex solet esse in legibus: una sub obligatione ad culpam: alia sub reatu pœnæ, quas nos directivam, & coactivam appellamus, licet aliqui soleant utranque sub coactione comprehendere. Si ergo loquamur de possibili, utraque locum habere potest in regula religiosa, quia jurisdictio Prælatorum perfecta est, & ad utrumque actum dirigendi, & cogendi se extendit, ut romo superiori ostensum est. Imo seclusa jurisdictione, in statuto conventionali posset intelligi utraque necessitas, conscientia in virtute pacti & promissionis, si per statutum fides data exigatur: pœnæ autem ex eodem capite, quamvis coactio, & exactio non possit esse tam rigorosa, seclusa jurisdictione, ut supra etiam declaratum est.

Regula religiosa plus obligat, quam consiliū.

3 Potest autem primo lex, præsertim Ecclesiastica, interdum obligare ad culpam mortalem: quam efficaciam posse etiam habere regulam religiosam dubium non est, si cum potestate, quæ non deest, concurrat instituentium voluntas, & materia regulæ gravis sit, & capax tantæ obligationis. Deinde secundo potest interdum regula obligare ad solam venialem culpam: quod etiam in re est clarum, quando materia non est capax majoris obligationis, quamvis de nomine sit quæstio, an talis regula mereatur nomen præcepti, vel legis. Qui enim putant peccatum veniale non esse contra legem, vel præceptum, consequenter dicent talem regulam: quoad hanc partem non esse legem, vel præceptum, sed simplicem ordinationem. Imo Scotus in 2. distinct. 21. quæst. 1. vult comprehendere sub consiliis: tamen (ut dixi) quæstio est de nomine, & simpliciter loquendo melius appellatur præceptum, nec ratione materiæ diminutam obligationem inducat, & in ordine ad charitatem conservandam non sit præceptum simpliciter necessarium, de quo videri potest Cajet. 2. 2. quæst. 186. art. 9. & Opusc. 25. tract. 1. Vega lib. 1. 4. in Trid. cap. 13. Navar. in cap. negotium, de pœnit. distinct. 5. nu. 7.

Potestque primo obligare ad mortale in materia gravi. Potest secundo ad veniale solum obligare.

4 Difficilius autem dubium est, si materia præcepti sit capax obligationis sub mortali, an sit in potestate instituentis regulam non imponere tantam obligationem, imponere tamen aliquam in conscientia, ita ut illa transgressio ex vi regulæ sit peccatum veniale. Aliqui enim, in quibus sunt Bellarm. lib. 3. de Laicis cap. 1. 1. ad fin. Medin. 1. 2. quæst. 96. artic. 4. Vasquez 1. 2. disput. 158. cap. 4. putant non esse hoc in potestate legislatoris, quia vel præcipit, vel non (inter hæc enim non potest dari medium: si autem præcipit, præceptum natura sua infert obligationem proportionatam materiæ, nam hoc ex natura rei sequitur, nec potest per voluntatem hominis impediri. Caterum vult existimo circa eandem materiam posse imponi regulam obligantem ad mortale, & nihilominus posse auctorem regulæ moderari postea intentionem suam, & obligare tantum ad veniale. Hoc probavi in tractatu de legibus lib. 3. cap. 27. sequuntur Sanchez lib. 1. de Matrim. disput. 9. nu. 6. Valentia tom. 2. disput. 7. quæst. 5. punct. 6. quæst. 2. & 3. & alii, quos citat loco allegavi. Nam tota obligatio positivi præcepti pendet ex voluntate ferentis, & nulla

An de materia gravi possit ferri præceptum leve.

Vera resolutio probatur ratione, & auctoritate.

est mere necessaria, etiam supposita voluntate præcipiente: quia in hacmet voluntate, & in ipso præcepto potest intelligi latitudo, ut sentire videntur, qui mandatum a præcepto distinguunt, non solum in materia, sed etiam in modo jubendi, ut videre licet in Sylvest. verb. *Lex*, quæst. 8. & verb. *Præceptum*, quæst. 2. Navar. in Summ. cap. 23. num. 48. & seq. referente D. Thom. in quodlib. 1. quæst. 9. artic. 20. ubi multum favet huic sententiæ, ut statim videbimus. Eam etiam supponunt omnes auctores, qui dicunt leges humanas non obligare ad mortale etiam in materia gravi, sed tantum ad veniale, quando verba plus non indicant, ut late refert Guriel. lib. 1. cap. 7. num. 20. Henric. lib. 1. cap. 13. num. 2. in fine. Gerson in tract. de vita spirituali animæ, lect. 5. alfab. 63. lit. G. & seq. ubi ita videtur interpretari difficilem opinionem, quam habuerat in eodem tract. lect. 1. peccatum veniale solum differre a mortali ex misericordia Dei, non ex natura rei; esset enim minus improbabilis illa sententia, si intelligatur de misericordia Dei, non quidem dissimulante, aut non puniente malitiam talis peccati, ut gravem, quamvis revera talis sit; hic enim sensus omnino cavendus est: sed de misericordia non præcipiendi, vel prohibendi tales actus cum toto illo rigore, quo posset; ex quo fit, ut de facto, & re ipsa tantum non habeat malitiam: quo sensu non est ita improbabilis illa sententia, licet vera non sit in legibus divinis, quia si positivæ sint, nobis non constat per specialem revelationem de tali moderatione voluntatis Dei, nisi quatenus materia ipsa eam postulat: si vero sint naturales, obligant per modum naturæ, ac proinde quantum possunt, juxta materiæ capacitatem. In humanis autem præceptis, quamvis non sit universalis, quia interdum non potest legislator humanus obligare ad mortale, etiam si velit propter incapacitatem materiæ; e contrario tamen potest legislator humanus nolle obligare quantum potest in aliqua materia, & hanc voluntatem suam satis explicare. Et hanc differentiam inter præceptum hominis, & Dei indicavit aperte D. Thomas 2. 2. quæst. 105. artic. 2. ubi propterea dicit, inobedientiam contra Deum eo esse majorem, quo majus est bonum omissum, vel malum commissum; quia intentio Dei accommodatur materiæ, ut sic dicam: inobedientiam vero hominis non semper esse majorem, licet sit contra majus bonum, quia aliud minus bonum potest esse magis de intentione præcipientis. Vult ergo peccatum contra legem humanam in graviore materia posse esse levius ex intentione præcipientis: ergo eadem ratione poterit esse leve peccatum, etiam si materia sit gravis ex intentione præcipientis, ab illo enim totum hoc negotium pendet. Potest ergo in materia gravi legem, vel simplicem ordinationem imponere, quæ obliget in conscientia, solum tamen ad venialem culpam. Atque hoc indicare voluit Martinus V. in approbatione regulæ monachorum S. Hieronymi, ubi in fine declarat transgressores illius non propterea mortalis peccati vinculo ligari, non quia materia sit incapax illius obligationis, sed quia illam imponere non vult, sic enim ait, *Volumus*, &c. non excludit autem minorem obligationem in conscientia, tum quia non sine causa dixit, non ligari ad mortalem culpam; tum etiam, quia subdit, ut pro modo culpæ pro hujusmodi transgressionibus puniantur. Et ideo etiam in nostra Societate declaratum est, regulas non obligare ad peccatum mortale, vel veniale, 6. part. Constit. cap. 5. quia poterant ad unum, vel alterum tantum obligare, & ita habent multarum religionum regulæ: est ergo possibilis talis obligatio, de qua re plura dixi in tract. de legibus citato.

5 Tercio etiam potest dari regula, quæ nullam obligationem in conscientia, etiam ad culpam venialem inducat, sed solum ad pœnam obliget: hoc enim multi putant sufficere ad veram rationem legis. Alii solum volunt hanc appellare legem conventionalem. Sed non est in nominibus immorandum: certum est enim posse Prælatum habentem Ecclesiasticam jurisdictionem ex vi illius, & secluso alio pacto imponere hanc necessitatem operandi sub reatu talis pœnæ, vel (ut etiam hujus vocis invidia tollatur,) sub tali gravamine non imponendo immediate obligationem ad culpam respectu actus immediate imperati. Probat, quia hic modus

necessitatis non involvit repugnantiam, nec excedit humanam jurisdictionem, quia multo major est necessitas sub obligatione ad culpam; & quia Princeps potest non permittere aliquem actum, nisi cum tali onere. Potest ergo hæc necessitas imponi ex vi jurisdictionis humanæ. Illud autem imperium ex hac parte sufficiens est ad rationem legis, quia jam imponit aliquam necessitatem, & excedit rationem consilii, & ideo a multis dicitur lex pure pœnalis.

6 Addimus vero necessario involvere aliquam obligationem in conscientia, seu in illam tandem resolvi, quia sine illa, nec vera ratio legis subsisteret, nec vera necessitas moralis induci potest. Declaratur, quia si talis regula imponit pœnam transgressoribus, obligat illos in conscientia saltem, ut patiantur pœnam; dat enim jus Superiori ad puniendum talem actum, quem punire iuste non posset, nisi regula illum sic prohibens posita fuisset: ergo necesse est, ut obliget subditum etiam in conscientia ad parendum Superiori talem pœnam imponenti, id est, ad non resistendum illi violenter, si pœna consistat in passione, vel ad exequendam illam, si consistat in actione, & stricte præcipiatur. Unde Martinus V. supra adjunxit: *Per suos Superiores pro eorum excessu & transgressionibus, ac modo culpa injungi valeat pœnitentia salutaria, quam suscipere, & adimplere teneantur*. Quocirca etiam si regula non taxet certam pœnam eo ipso, quod regula est, subicit hoc modum: transgressorem iustæ pœnæ, sive immediate, sive mediante aliqua culpa, alioquin non haberet, in quo a mero consilio distingueretur, ut significavit Hieronym. lib. 1. contra Jovinian. dicens: *Quod præcipitur, imperatur, quod imperatur, necesse est fieri, quod si non fiat, pœnam habet*; & infra: *Ubi consilium datur, offerentis consilium est, ubi præceptum, necessitas est servientis*, haberet in cap. *quisquis*, 1. 4. quæst. 1. Ut ergo regula a mero consilio distinguatur, oportet, ut necessitatem aliquam saltem ad pœnam inducat.

7 Cum ergo hi tres modi obligandi possibiles sint in regula religiosa, non possumus in communi statuere, quomodo de facto obliget: quia nullus ex dictis modis est simpliciter necessarius ad regulam religiosam ut sic, & in particulari potuerunt institutores religionum eligere unum, vel alium modum obligandi. Propter quod graves Doctores difficile putant definire de regula religiosa, quomodo obliget. Verumtamen in communi loquendo (ut dixi) nihil aliud respondere possumus, nisi obligare aliquo ex illis tribus modis, & ad nullum eorum necessario determinari. In quo est advertendum, quod tomo præced. lib. 1. 0. dixi, votum obedientiæ non obligare immediate ad servandam regulam, nisi regula ipsa verbis satis expressis exigat voti obligationem. Et ideo non recte censent, qui putant regulam religiosam ex genere suo obligare ad mortale: quod senserunt Henricus, & alii, ex illo fundamento, quod voti obligatio ex genere suo obligat sub mortali, & obligatio regulæ est obligatio voti. Falsum est autem hoc fundamentum, quia votum non obligat ad servandam regulam, sed ad obediendum secundum regulam: & ideo propria obligatio regulæ, ut sic, non ex voto obedientiæ, sed ex propria ratione legis, & ex principiis ejus colligenda est, & hæc de prima parte tituli.

Assignantur principia ad dignoscendum, quæ & qualis sit obligatio regularum.

8 Difficultas ergo superest, quomodo in particulari cognoscatur, an aliqua regula religiosa obliget ad culpam gravem, vel levem, vel solum ad pœnam. Quod quidem judicabitur facilius ponderando, & expendendo verba uniuscujusque regulæ, & considerando communem sensum, & consuetudinem uniuscujusque religionis: & fortasse inferius tractando de varietate religionum in 2. tractatu aliquid de singulis attingemus. Nunc vero generalia quædam principia, vel regulæ proponenda sunt. Quatuor ergo modis potest se habere quoad hanc partem aliqua regula vel institutum religionis. Primo, ut in eo distincte, & (ut ajunt) in actu signato explicetur intentioni religionis esse obligare in vi præcepti quantum potest juxta uniuscujusque materiæ capacitatem. Secundo, ut explicet eodem modo obligare ad veniale tantum, & nunquam ad mortale ex vi regulæ, nisi ubi specialibus verbis fuerit major rigor præce-

Semper tamen involvit aliquam obligationem in conscientia.

Quo ex tribus dictis modis regula religiosa obliget.

Potest tertio ad solam pœnam, & nec ad culpam obligare.

Notatio quadruplicis modi ferendi regulam.

præcepti expresse declaratus. Tertio, ut eodem expresse modo explicetur in regula non obligare in conscientia ad aliquam culpam etiam venialem, sed solum reddere transgressorem reum pœnæ. Quarto, ut nihil horum in regula declaratur, sed absolute feratur ordinando, statuendo, aut præcipiendo, quæ agenda sunt.

De primo modo ferendiregulam.

9 Ex his modis primus videtur posse accommodari ad regulam S. Francisci: nam (ut dicitur in Clement. *Exivi de paradiso*,) ubicumque in illa regula ponitur nomen *præcipiendi*, aut hoc verbum *teneantur*, aut æquivalens, censetur obligare sub mortali. Verum est tamen in regula ipsa primitiva hoc non explicari sub his formalibus verbis; tamen a Pontificibus ita declaratum est, quia consuetudo ipsius religionis ita etiam regulam declaravit, quod est signum hanc fuisse mentem institutoris, & a principio ita fuisse intellectam. Juxta hanc ergo interpretationem regula illa obligabit ad mortale, ubicumque fuerit constituta per modum præcepti, & materia capax sit. Aliæ vero regulæ, quæ non habent hujusmodi verbum, obligabunt juxta modum infra explicandum circa quantum membrum supra positum, quia quoad eam partem nihil speciale declaratum est. Quocirca in rigore nullam invenio religiosam regulam, in qua universalis obligatio pro tota illa explicata sit, illo primo modo supra declarato. Et juxta doctrinam D. Thomæ dict. quodlib. 1. art. 20. talis modus regulæ non esset conveniens, aliàs status religiosus esset religiosus in laqueum peccati mortalis, quod vix aut nunquam posset declinari.

De secundo modo bipartito.

Exponitur una pars.

10 Secundus modus regulæ suavior est, & ad tollenda pericula cautior, & ad invitandum ad perfectionem sufficiens. Duas autem continet partes. Una est negativa, scilicet non obligare ad mortale, & hæc est frequens in multis regulis, ut supra citatum est de regula S. Hieron. ex Martino V. & de aliis infra in 3. modo dicitur. Solum adverto, aliquando poni illam declarationem sine ulla exceptione, ut in dicto Brevi Martini V. Nihilominus tamen subintelligenda necessario est exceptio aliqua. Prima, *nisi regula aliqua contineat materiam voti*, ut est, v.g. quæ prohibet habere proprium, quæ licet ex vi regulæ non obliget sub mortali, obligat tamen ex vi voti. Secunda, *nisi aliqua regula in particulari expresse declarat talem obligationem*, nam, ut habet regula 34. juris in 6. generi per speciem derogatur. Oportet tamen, ut verba legis non possint aliter explicari: quando enim illa generalis declaratio est in regula, non sufficiunt simplicia verba quantumvis præceptiva, ut, *teneantur, præcipimus*, &c. ad inducendam dictam obligationem, quia propter hæc & similia verba ponitur illa declaratio, aliàs nullum fere haberet effectum: necesse est ergo, ut addatur aliud speciale signum indicans intentionem legislatoris esse obligare sub culpa gravi, non obstante dicta generali declaratione. Hoc autem signum juxta communem usum duplex est. Unum quando additur, *in virtute obedientiæ*: nam tunc expresse significatur actum illum constitui intra propriam & rigorosam materiam voti obedientiæ, seu exigi a religioso proprium obedientiæ debitum, quod ex genere suo obligat sub mortali. Alterum signum est, quando additur pœna excommunicationis majoris ipso facto incurrendæ: quia talis censura non incurritur, nisi pro peccato mortali. Dixi autem, *ipso facto incurrendæ*, quia si solum esset inferenda, licet aliàs sint opiniones, an hoc sit signum obligationis ad mortale, quas late examinavimus lib. 3. de legib. cap. 18. a num. 16. in præsentī casu non debet censi sufficiens: nam cum supponatur generalis declaratio, quod regula non obligat ad mortale, ut in particulari oppositum fiat, necesse est addi signum certissimum, & omni exceptione majus; illud autem non est hujusmodi, quia comminatio excommunicationis ferendæ, & sæpe fit in sola comminatione, & referri potest ad ipsos Prælatos, ut ipsi cogant per excommunicationem ad regulam servandam; & tunc non erit obligatio ad mortale, donec Prælati ponat præceptum ab homine sub illa rigorosa obligatione.

Exponitur altera pars ejusdem secundi modi.

11 Circa aliam partem affirmativam de obligatione ad veniale, advertendum est dupliciter contineri posse in regula: primo explicite, quia scilicet utraque pars expresse declaratur; & tunc res est clara quantum ad

Suarez Tom. XV.

generalem intentionem instituentis, licet dubitari possit, an extendatur ad omnes, & singulas regulas, in quo ipsa verba talis declarationis præcipue consideranda sunt: & deinde materia, aut modus regularum: nam, ut significat D. Thom. dict. quodlib. & infra in cap. seq. explicabimus, in regula nonnulla misceri solent, quæ sunt pura consilia, in quæ nulla obligatio in conscientia cadit etiam ad veniale: quod locum habet, non obstante prædicta generali declaratione, quia illa intelligitur fieri juxta materiam proportionatam: hujusmodi autem est quidquid in regula habetur per modum præcepti, vel statuti, aut ordinationis, non vero id, quod solum ponitur per modum consilii: quia illa declaratio non fit ad ponendam obligationem, ubi ex vi verborum non postulat, sed ad limitandam illam, ubi ex modo regulæ postulat. Tunc ergo in tali materia, quantumcumque gravis sit, obligatio est sub veniali; erit tamen major in graviori materia, semper tamen intra illam latitudinem. Alio modo potest illa pars contineri in regula solum tacite, seu præsumptive, quia scilicet solum obligatio ad mortale negatur, de altera vero tacetur, ut fit in dicta declaratione Martini V. nam per hoc admitti, seu relinqui videtur, juxta cap. *nonne* de præsumptionibus, quæ præsumptio erit evidentiior, si in regula ipsa expresse supponatur in generali, *obligatio in conscientia*: nam cum hæc duplex tantum sit, exclusa una, tantum relinquitur altera. Si autem illa generalis declaratio non habetur, res est magis dubia, quia datur tertium membrum, quo possit regula obligare, ut supra diximus. Nihilominus, quia illa duo membra incompatibilia non sunt, imo valde germana, scilicet obligare ad culpam venialem, & ad aliquam pœnam, ideoque præcise excludit obligationem ad culpam mortalem, videtur plane totam aliam obligationem, quæ ex vi legis inferri potest, admittere: quod probabilius fiet ex his, quæ in quarto puncto dicemus.

12 Hinc ergo ortus est tertius modus ferendi, & expresse declarandi regulam, ut neque ad veniale, neque ad mortale peccatum obliget: ita fit in religione Prædicatorum, ut refert D. Thom. 2. 2. q. 186. art. 9. ad 1. & significat suo tempore fuisse hoc singulare in illa religione: nam cum de aliis religionibus dixisset, regulam obligare saltem ad venialem culpam (quod infra declarabimus) subdit: *In aliqua tamen religione, scilicet ordinis fratrum Prædicatorum, transgressio talis, vel omisio ex suo genere non obligat ad culpam, neque mortalem, neque venialem, sed solum ad pœnam taxatam sustinendam*. Ubi Cajetan. addit, hanc declarationem non fuisse in illo ordine a principio ejus, sed factam esse in secundo Capitulo generali anno 1237. Non exponit autem, an declaratio illa cadat etiam in regulam D. Augustini, quatenus eam dicta religio proficetur, vel solum in proprias constitutiones ejusdem religionis. Nam si vera est differentia inter regulam, & constitutiones, quam supra cap. 1. n. 5. ex Antonino, & aliis retuli, non potuit illa religio regulæ obligationem moderari, sed solum suarum constitutionum: & hoc videntur sonare verba, quæ Cajetan. refert: *Nolumus, quod statuta nostra obligent ad culpam, sed solum ad pœnam*. Verius tamē existimo declarationem illam extendi etiam ad ipsam regulam. Nam D. Th. de ipsa regula loquitur, & ratio eadem est in illa: & probabilius existimo esse in tota religione potestatem ad hanc declarationem seu moderationem faciendam, etiam in regula, ut sup. dixi.

13 Notanda sunt etiam illa verba, *sed solum ad pœnam taxatam sustinendam*. Circa quæ Cajet. dubitat, an hæc sit obligatio in conscientia, necne; & negative respondet: quia declaratio regulæ excludens ab illa obligationem in conscientia universalis est; ergo nec circa sustinendam pœnam illam relinquit. In quo videtur contrariis his, quæ supra num. 6. diximus; sed non est, quia loquitur præcise, & ex vi regulæ, & de directa obligatione ejus: nos autem loquuti sumus de obligatione consequente ex natura rei, vel ex præcepto Superioris. Itaque si regula imponat pœnam ipso facto a subdito exequendam, & non infligatur a Prælato (feri enim facere potest, & solet, ut ibidem Cajetan. refert) non magis obligat in conscientia ad exequendam pœnam, quam ad non committendam transgressionem: quia

De tertio modo.

Ex obligatione directa ad sola n pœnam resultat per consequentiam obligatio aliqua in conscientia.

declaratio universalis est, ut recte Cajetan. argumentatur; si autem poena per Prælatum imponenda est, vel consistit in actione exequenda ab ipso met subdito ad præceptum Prælati, & tunc juxta modum præcepti erit modus obligationis: unde, si præceptum fuerit rigoroſe positum, erit quidem obligatio ex vi præcepti, non ex vi solius regulæ. Vel poena solum passive sustinenda est a subdito, & tunc non habet locum directa obligatio in conscientia, quia hæc non est ad patiendum, sed ad agendum, quamvis intelligi possit obligatio ad non resistendum violenter, ad quod videtur teneri subditus ex vi subjectionis & obedientiæ. Dices; nulla ergo obligatio prius ex hac lege poenali, nam tota hæc oritur ex vi obedientiæ debite Prælato. Respondetur: Regula tunc facit, ut illa poenalis per modum supplicii & vindicationis sit materia obedientiæ juxta imposita; nam sine tali causa non posset Prælatus juxta vel rigoroſe præcipere talem actionem, vel cogere ad talem passionem. Et ita obligatio in conscientia, quæ ibi intervenire potest, radicaliter fundatur in regula, & in declaratione ejus, prout a D. Thoma, etiam insinuat; dicit enim regulam non obligare ad culpam, sed ad poenam, loquitur enim de obligatione in conscientia: sentit ergo in ordine ad poenam oriri aliquam obligationem in conscientia, quæ non videtur posse esse alia, nisi quæ a nobis explicata est.

14 Et juxta hæc (ut Cajetan. etiam dixit) intelligenda est omnis alia regula, quæ similem habuerit declarationem, qualem habet nostra Societas distinctissimam, & tollentem omnem dubitationem, 6. part. suarum constit. cap. 5. ubi dicitur, universas constitutiones, declarationes, aut ordinationes, exceptis tantum Societatis votis, non inducere obligationem ad peccatum mortale, vel veniale, nisi addantur expressa signa hujus obligationis, ubi ponuntur hæc duo, *in nomine Domini nostri Jesu Christi*, vel *in virtute obedientiæ*, tanquam specialia religionis. Supponitur autem aliud signum de poena excommunicationis, ut generale ex vi juris communis, quo interdum etiam proutur constitutiones Societatis, ut infra videbimus. Est autem peculiare in illa declaratione, ut nulla mentio in ea fiat obligationis ad poenam, & in tota regula Societatis hoc specialiter observari potest, ut rarissime poena aliqua taxetur, neque illius comminatio fiat, sed simpliciter, quæ agenda sunt, statuuntur. Quod non ideo fit, quia ex regulis ipsis non sequatur obligatio ad aliquam poenam; hoc enim, ut diximus, & ex natura rei sequitur, & ad disciplinam religiosam necessarium est, quæ in Societate exacte retinetur appositus per Superiores poenitentis pro levissimis etiam contra regulam transgressionibus: sed voluit nobis significare S. P. N. Ignatius, primo alumnos suos amore potius, quam timore regendos esse: unde in citato loco concludit, & loco timoris offensæ succedat amor, & desiderium omnis perfectionis, & ut major gloria & laus Christi creatoris, ac Domini nostri consequatur. Deinde voluit, ut quando contrigerit aliquem in regulæ observatione deficere, non solum patienter sustineatur poena, sed etiam voluntarie ac studioſe procuretur: & ideo part. 3. constit. cap. 1. §. 28. & in Summ. constit. §. 51. Aliquoties (inquit) singulis annis omnes a Superiore sibi poenitentias injungi propter defectum observationis regularum putant, ut hæc cura indicium sit illius, quam de suo profectu spirituali in via Dei quisque habet.

CAPUT III.

Quomodo dignoscatur regulam obligare, quando id non exprimit.

1 Quartus modus ferendi regulam religiosam propositus præced. cap. n. 8. atque in præſenti separatim tractandus, quia uberiorem doctrinam continet, usitatus fuit ab antiquis Patribus; simpliciter enim regulam constituebant, & modum obligationis ejus non declarabant: & ideo difficile est judicare, quæ obligatio ex tali regula nascatur in profitentibus illam, non ratione voti adjuncti (de hoc enim jam supra dictum est) sed ratione sui, quatenus est quædam lex talis communis, quam servare tenentur, qui efficiuntur membra ejus. Et est ratio dubii, quia regula est vera lex, ut supra

dixi, & utitur propriis verbis præceptivis: ergo obligat cum omni rigore legis, id est, ad peccatum etiam mortale, quando materia est capax. Consequentia probatur ex declaratione Pontificis in dicta Clemen. Exiit, ubi ex eo, quod S. Francis. in sua regula ad quædam apponit verbum præcepti, vel æquipollentis, colligit obligationem ejus sub culpa gravi. Minor autem patet ex regula Augustini, in cujus initio ponit: *Hæc sunt, quæ ut observetis, præcipimus in monasterio constituti*; & in fine ait: *Ubi vos inveneritis ea, quæ scripta sunt, facientes, agite gratias Domino: ubi autem sibi quicumque vestrum videt aliquid deesse, doleat de præterito, caveat de futuro, orans ut debitum dimittatur*, in quibus verbis significat, hunc defectum in regula non esse absque culpa coram Deo. Et S. Benedictus in Prologo suæ regulæ sic incipit: *Ausculata o fili præcepta Magistri*, &c. de illa sic scribit Bernardus lib. de Præcepto, & dispensatione, cap. 2. *Universa Benedicti instituta non profitentibus quidem monita tantum, seu consilia censenda sunt, nec gravant non observata, cum tamen profitentibus in præcepto prævaricantibus in crimine fiant*. Regula etiam S. Pacomii sic incipit. *Hæc sunt præcepta vitalia a tribus majoribus tradita*.

2 In hac re tres possunt esse sententiæ. Prima est, hujusmodi regulam vi sua, & ex primaria intentione instituentium obligare ad culpam, quantum potest juxta vim verborum, & capacitatem materiæ. Pro qua sententia citari possunt Henricus, & Joannes de Neapoli, quos supra retulimus, qui magis videntur loqui ratione voti, quam in virtute legis. Hanc vero sententiam circa regulam Augustini fere sequitur Antonin. 3. part. tit. 16. cap. 1. §. 6. & de regula S. Benedicti ex parte idem tenet Tutrecem. tract. 5. & 6. in illam, ubi ponderat verba Prologi: *Ausculata o fili præcepta Magistri, & admonitionem tui patris libenter excipe*. Ex quibus colligit regulam obligare quoad præcepta cum toto rigore, quamvis quoad admonitiones non ita obliget. Quoad modum autem distinguendi obscure loquitur, quia non ex verbis, sed ex materia putat esse distinguenda; nam si contineant finem regulæ, vel sint essentialiter necessaria ad illum, non putat esse præcepta, etiam si per modum præcepti ferantur. Ex qua declaratione, si recte attendatur, nihil firmum colligi potest, sed potius ex illa sequitur regulam ut regulam non inducere obligationem, sed res ipsas, quæ continentur in regula, aliquando asserre obligationem, vel ex natura sua, vel ratione voti. Et in idem fere redit sententia Antonini, unde nullum invenio authorem, qui hanc sententiam expresse asserat, quamvis multi Canonistæ illi faveant, dum asserunt regulam religionis, si utatur verbis præceptivis, aut æquivalentibus, & materia aliàs gravis sit, obligare ad mortale, nullam fere in hoc differentiam facientes inter præcepta regulæ religiosæ, & quælibet alia præcepta juris canonici, ut videre licet in Panorm. in cap. nam concupiscentiam, de Constit. & in cap. relatum, ne clerici vel monachi, Felmo in dict. cap. nam concupiscentiam, nu. 9. & aliis quos referunt, putantque esse sententiam D. Thom. 2. 2. quæst. 186. art. 9. quia ibi ait regulam obligare ad mortale ratione præcepti, si in ea sit expressum: quia tunc pertinet regula ad substantia religionis, scilicet ad votum obedientiæ, quod est fundamentum dictorum auctorum. Non declarat autem D. Thom. quando regula contineat præceptum. Et eodem fere modo loquitur in quodlib. 1. art. 20. ubi distinguit in regula tria, præcepta, statuta seu ordinationes, & monitiones seu consilia; & quoad præcepta affirmat obligare sub mortali, quoad alia negat: non tamen declarat, quomodo obligent statuta, aut monitiones, nec quomodo illa tria sint in regula distinguenda, an ex verbis, vel ex rebus.

3 Secunda ergo opinio esse potest, regulam religiosam, si de obligatione ejus nulla fiat in ea generalis declaratio, nullam obligationem ad mortale peccatum inducere, quantumcumque verbis præceptivis utatur, nisi vel aliquo speciali verbo ostendat ferre præceptum sub virtute voti obedientiæ, vel talem addat poenam, quæ plane indicet lapsum gravein, vel nisi consuetudo ita fuerit regulam interpretata: nihilominus tamen obligare ad omnia, quæ in ipsa continentur sub veniali. Prior pars probatur primo ex discursu D. Thom. in illo

Hic ter-
tius mo-
dus feren-
di regulam
distin-
guatur
in Socie-
tate.

Arguitur
hanc
quæcum-
modum
semper
importare
gravem
obliga-
tionem.

Prima
opinio in
præſenti
cap.

Disce opi-
nionis
nullam au-
thor ex-
presse.

Secunda
opinio
bipartita.

in illo quodlibet. nam sancti Patres, qui religiones instituerunt, noluerunt hominibus injicere damnationis laqueum, sed potius viam salutis ita ordinare, ut illius periculum esse non posset: ergo non habuerunt intentionem multiplicandi præcepta obligantia ad mortale, nam illa non possent non esse in laqueum respectu totius communitatis, in qua plures infirmos & fragiles esse necesse est: ergo quoties verba omnino non cogunt ad intelligendum hujusmodi fuisse intentionem fundatoris, præsumenda non est. Secundo id colligi potest ex ipso nomine regulæ, quod de se non vendicat rigorosam vim præcipiendi, sed dirigendi, & instruendi. Unde, licet sub generali regula in aliquibus particularibus ponatur verbum imperandi, vel in actu signato, ut *præcipimus, mandamus*, vel in actu exercito, ut, *omnes hoc faciunt, caveant*, &c. non est sufficiens signum rigorosi præcepti, nam sæpe uti solemus illis verbis ad explicandam simplicem ordinationem, sicut pater imperat filio sine intentione rigorose obligandi in conscientia: vel sicut dicitur Matth. 7. *Præcepit eis, ne cui dicerent*. Sic etiam Clem. I. epist. 5. *Doctrinis* (inquit) & *exemplis Apostolorum obedire præcipimus*, quod explicat Glossa, id est, monemus, in cap. dilectissimis, 12. q. 1. Vel saltem est certum sub illa voce etiam monitiones comprehendere, quia in Apostolorum doctrinis & exemplis tam præcepta, quam consilia continentur. Igitur ex subjecta materia & circumstantiis lenitur sæpe rigor illius vocis. Unde Navar. cap. 23. Summ. nu. 50. dixit, illa verba ex originaria significatione non indicare obligationem ad mortale, & in dubio potius interpretanda esse de veniali, præsertim si aliqua conjecturæ adjungantur, quæ in præsentem sunt. Primum, quod talia verba ponuntur sub generali titulo regulæ, & non rigorosæ legis. Secundum, quod eodem tenore ponuntur in rebus levioribus. Tertium, quod ad finem intentum per regulam nec necessaria, nec conveniens erat talis obligatio.

6 Altera vero pars de obligatione ad veniale colligitur ex D. Thom. d. q. 186. arr. 9. ad 1. ubi ait, omnia, quæ sunt contra regulam, & non rigorose, neque ex voto præcipiuntur, esse peccata venialia: & idem sentit in alio loco quodlibet. 1. quoad eam partem regulæ, quam dicit continere ordinationes seu statuta. Idemque intelligit de omni regula, in qua expresse non declaratur intentionem fundatorum esse hanc obligationem excludere. Et Cajetan. d. arr. 9. circa ad secundum in fine, & tom. 1. Opuscul. tract. 25. q. 1. ait, regulam Augustini ex se obligare ad veniale ratione verb. *præcipimus* in principio ejus positi. Quod etiam sentiunt Umbertus, & Jo. Dominicus in expositione ejusdem regulæ, quos refert Anton. supra §. 5. & 6. quamvis concedant aliqua esse in regula, quæ sunt tantum consilia. Eodem fere modo sentit Turrecrem. de regula S. Benedicti, quem Anon. §. 7. late refert. Ac denique authores omnes citati in præcedenti opinione a fortiori hoc sentiunt. Et D. Bernar. lib. de præcepto, & dispensat. cap. 12. & seq. ubi hanc regulam constituit: *Univerforum, quæ per se, aut propter se nec bona, nec mala sunt, aut divina institutione, aut propria cujusque professione fixa non sunt, non jussa quidem, licite, utrumlibet, vel admittantur, vel omittantur; jussa vero sine culpa non negligantur, sine crimine non cōtemnantur*. Sentiit ergo, quæ sunt in regula (de his enim tractat) secluso contemptu sine mortali omitti; hoc enim vocat crimen, non tamen sine aliqua culpa, etiam si ex negligentia fiat, quæ ad minimum erit venialis. Ratio esse potest, prima ex D. Thoma, quia transgressio regulæ est quædam dispositio ad transgredienda principalia vota, nam ad illorum observantiam ordinantur regula, & omnia instituta regularia: ergo illa transgressio est quædam dispositio ad peccandum mortaliter: ergo est peccatum veniale, nam propria ratio ejus est, ut sit dispositio ad mortale. Secunda, quia verba regulæ sunt præceptiva, vel ordinativa: ergo vi sua inducunt aliquam obligationem, & intentio legislatoris quoad hanc partem præsumitur conformis significationi verborum: quia cessant conjecturæ omnes factæ de obligatione sub mortali, nam hæc minor obligatio est satis consentanea fini regulæ, & institutoris ejus, & est valde intrinseca ex vi talis modi ordinandi: ergo nisi expressa & quasi reflexa intentione excludatur, semper inest ex vi regulæ.

Suarez Tom. XV.

5 Tertia sententia est, regulam religiosam simpliciter latam, sive ordinativis, sive præceptivis verbis, de se non obligare ad culpam mortalem, aut venialem, nisi quando vel in ipsa regula hoc specialiter declaratur, vel ex aliis circumstantiis id colligitur, vel cōsuetudine ita receptum, ac interpretatum est. Fundamentum hujus sententiæ esse debet, quia intentio ferentis talem regulam non est hujusmodi obligationem imponere, sed solum directionem & instructionem tradere, juxta quam religiosi vivere, & gubernari debeant. Conjectura autem hujus intentionis est primo, quia hoc sufficit, & est magis accommodatum ad finem regulæ. Secundo, quia vel illa obligatio oriretur ex voto, vel ex jurisdictione; non ex jurisdictione, quia regulæ factæ sunt ab institutoribus religionum, priusquam propriam jurisdictionem Ecclesiasticam haberent, ut constat de S. Benedicto, & de S. Augustino, qui regulam fecisse creditur, priusquam esset Episcopus. Et licet Episcopi, vel Pontifices tales regulas postea approbaverint, non tamen ideo addiderunt vim præcepti, sed solum approbaverunt, & cōfirmarunt illas, ut observantias regulares aptas ad consequendam perfectionem, ut in simili dixit Navar. Comment. 4. de Regular. num. 29. & seq. Neque etiam oritur ex voto obedientiæ: quia, ut supra dixi, religiosus non vovet servare regulam, sed obedire secundum regulam; & ideo, donec Prælati præceptum accedat, non obligat regula in conscientia, nisi ad hoc solum, ut religiosus sit paratus subijci disciplinæ religiosæ secundum regulam. Unde argumentor tertio, quia non magis obligat regula scripta, quam Prælati jussio: sed Prælati cum jubet aliquid ordinatio modo, sive utatur verbo mandandi, sive aliis simplicioribus, non obligat in conscientia, nec censetur præcipere, ut jurisdictione utens, sed ut spiritalis pater: neque etiam censetur rigorose exigere promissam obedientiam, donec expressis, & quasi præscriptis verbis id declarat: ergo eodem modo de regula censendum est.

6 Inter has sententias difficile est ferre judicium, quia difficile est intentionem auctoris uniuscujusque regulæ conjectari: nam simplicia verba revera ad hoc non sufficiunt, ut generaliter dixit Navar. dict. cap. 23. Summæ, nu. 50. & in religiosa regula propter speciales rationes maxime locum habet, ut omnia adducta declarant. Hæc autem ipsa difficultas satis persuadet, quod ad obligationem peccati mortalis attingit, admittendam non esse in regula, nisi vel aperte contineat materiam voti, ut est apud Augustinum illa: *Non dicatis aliquid proprium, sed sint vobis omnia communia*; vel nisi contineat materiam aliâ per se necessariam, ut est illud apud eundem Augustin. *Ubi cumque semina sunt, invicem vestram pudicitiam custodite*; & illud: *Qui convitio, vel maledicto, vel criminis objectu aliquem læsit, meminerit satisfactionem, quantocius curare quod fecit: & ille, qui læsus est, sine disceptatione dimittere*. Vel denique nisi speciali aliquo signo, aut spiritali pœna necessitas præcepti sub gravi culpa aperte significetur, cujus membri exemplum in materia aliâ non necessaria (ut verum fatear) in regulis Basilii, Augustini, aut Benedicti non invenio, neque in regulis Pachomii, neque in illis, quæ circumferuntur nomine Hieronymi: neque in regula Carmelitarum alia verba invenio præter hæc: *Debeat, non liceat, jejument*, &c. quæ etiam in rigorosis seu propriè d. legib. non solent gravem obligationem indicare.

7 Solum facit nobis negotium regula S. Francisci, præsertim addita expositione Pontificis, in d. Clem. Exivi. Sed, si attente expendantur verba & circumstantiæ illius regulæ, facile intelligetur nihil ob stare dictam determinationem: nam ter tantum in illa regula invenitur hic modus loquendi: *Firmiter præcipio*; in quo Pontifex declarat rigorosum præceptum indicari, & merito, tum quia in tribus illis locis sermo est de materia trium votorum, in cap. 4. de paupertate, in 10. de obedientia, in 11. de castitate. Tum etiam, quia ille modus exaggerationis: *Firmiter præcipio*, indicat obligationem, & (ut sic dicam) voti firmitatem. Tum etiam, quia in illa regula valde accurate distinguit Sanctus modum loquendi, quando vult præcipere, vel quando vult tantum monere aut exhortari, vel consulere. Est etiam aliud in illa regula peculiare, quod in ea sit promissio servandi talem regulam;

Tertia opinio, e-
jusq; fun-
damentu.

Suadetur
Primo.

Secundo.

Tertio.

Authoris
opinio
quantum
ad gravē
obligā-
tionem.

Arguitur
item ra-
tione.
Prima.

Secunda.

Non ob-
stat pro-
xime di-
ctis regu-
la S. Fran-
cisci, aut
pontificia
ejus de-
claratio.

iam; ex qua promissione colligit Pontifex, rigorosam obligationem regulæ quoad ea, quæ sub dictis verbis præcipiunt. Præter illa tamen tria loca, sunt alia, in quibus ponuntur hæc verba, *teneantur*, vel *non debeant*, quæ Pontifex fatetur in rigore non equivalere verbis præceptivis, ibi: *Licet fratres non ad omnia, quæ sub verbis imperativi modi ponuntur in regula, sicut ad præceptorum seu præceptis equipollentium observantiam teneantur, expedit tamen*, &c. Unde quæ postea ipse declarat habere vim præcepti, speciale est ratione materiæ, v. g. voti paupertatis, vel alterius similis in eis contenti, vel etiam ex circumstantiis, & consuetudine ac traditione illius ordinis, quæ ita intellexerat, & observaverat illa præcepta, ut de jejunio, & similibus.

8 Quod vero spectat ad obligationem peccati venialis, non est multum contendendum: quia vix potest separari venialis culpa a transgressione regulæ, ut statim dicam n. 12. Et ideo verisimile est, ubi expresse non excluditur hæc obligatio, induci per propria statuta & constitutiones regulæ. Dico autem, *per propria statuta*, propter distinctionem D. Thomæ, quæ valde notanda est, quia in regulis misceri solent alia, quæ sunt pura consilia, quæ ex omnium sententia nullam obligationem inducunt, sicut in lege Evangelica sunt consilia nullam obligationem inducentia, ut præter Hieronymum supra citatum explicat Augustinus de Sancta virginitate, cap. 4. Et optime Chrysostomus tom. 4. homil. in id, *Salutate Priscillam, & Aquilam*, quæ habetur post commentarium in Epist. ad Rom. Discernere autem illa duo interdum est facile ex verbis, ut clarius patet in regula Francisci, quam in aliis: interdum vero ex materia, & ex modo doctrinæ, quæ potius præponitur per modum recordationis, quam ordinationis, ut est in regula Benedicti statim in principio, *Abbas semper meminisse debet*, &c. & alia multa similia sunt in illa regula, & nonnulla in regula Augustini, quamvis in ea frequentius ordinando & statuendo loquatur. In regula autem Basilii, prout in ejus operibus nunc habetur, etiam si quædam habeant nomen regularum, & aliæ Constitutionum, omnes traduntur magis per modum doctrinæ & consiliorum, quam statutorum: tamen in regula Carmelitarum, quæ censetur esse Basilii, distincte ponuntur prius statuta, & postea exhortationes, quæ ut plurimum tantum continent consilium, vel commemorationem Evangelicæ doctrinæ. Hæc ergo consilia, & exhortationes per se nullam obligationem inducunt, præter eam, quam ex natura rei vel ex Evangelio habent res, de quibus sunt. Statuta vero videntur inducere obligationem; saltem sub veniali culpa, ubi aliud non explicatur. Quamvis multum in hoc valeat consuetudo, & communis sensus religionis: nam ad interpretandam legem plurimum valet, & ideo potest ei adicere obligationem, vel tollere.

9 Atque hæc distinctio inter statuta & consilia notari etiam potest in illis regulis, quæ expresse excludunt obligationem ad culpam etiam venialem: nam statuta illarum obligabunt ad pœnam; mera autem consilia neque etiam ad pœnam videntur obligare; quia nullam omnino necessitatem inducunt, aliàs non haberent in quo ab statutis talis regulæ distinguerentur. Imo in religione Prædicatorum videtur non incurri debitum pœnæ, nisi per transgressionem regulæ imponentis & taxantis illam; quia declaratio generalis est, ut regula solum obliget ad sustinendam pœnam taxatam in ea. Unde solum illa capitula regulæ, & Constitutiones, quæ sub pœna aliquo modo taxata aliquid ordinaverint, habebunt rationem statutorum, reliqua vero erunt mera consilia, nisi ex eis, vel ex usu constet propter eorum transgressionem solere Prælatos pœnitentias injungere suo arbitrio taxandas, nam hoc satis erat, ut habebant vim statutorum.

10 Unde in Societate cum nulla sit ordinarie obligatio ad culpam, nec taxatæ pœnæ comminatio, omnes regulæ & constitutiones censentur esse non tantum consilia, sed statuta, quia de omnibus exigitur perfecta observantia in eisdem Constitutionibus, 6. part. cap. 5. & part. 10. §. 13. & pro cujuscumque transgressione possunt Prælati accommodatam pœnitentiam injungere. Quare vix possum in eis distinguere consilia ab statutis, nisi fortasse ex parte materiæ. Nam in regula So-

cietatis multa sunt, quæ solum generaliter componunt interiorem hominem, & nihil externum, aut in particulari seu certis temporibus agendum statuit, ut cum dicitur, curandum esse ei, qui Societatem ingreditur, ut *omnem carnis affectum erga sanguine junctos exuat, & illum in spiritualem convertat*, & illud: *Diligenter animadvertant, oportet, quantum opus fuerit ad vite spiritualis profectum omnino & non ex parte abhorre ab his omnibus, quæ mundus amat, & amplectitur*, &c. & similia multa, quæ in Summario Constit. collecta sunt. Reliqua vero omnia, quæ aliquid determinate agendum ordinant, vel prohibent, propria statuta sunt, quæ necesse est aliquo modo versari circa exteriores actus; nam licet etiam dentur statuta de actibus mentalibus, tamen quatenus ad illa præscribunt certum tempus, in quo postulatur vacationem ab aliis actibus externis, respiciunt etiam exteriorem observantiam. Ita ergo possunt aliquo modo in illa regula statuta a consiliis distingui: ita tamen hoc accipiendum, ut etiam illa, quæ dicuntur consilia, censeantur specialiter proposita professoribus hujus regulæ, ut & ad illa aspirare debeant, & secundum illam seu in ordine ad illam regi a Superioribus possint, & ordinationes recipere: unde solum videntur ab aliis in hoc differre, quod defectus vel imperfectiones contra illa puniri non possunt: quia pro actibus internis nullus ab homine judicatur, vel punitur, etiam si puniri possit pro externis defectibus, qui illam internam imperfectionem indicant: vel etiam per voluntariam confessionem talis defectus interni extra Sacramentum factam, possint per correctionem religiosam tales defectus puniri. Et ad hoc etiam extendi posset illa regula Societatis, quæ jubet aliquoties postulare penitentiam propter defectus regularium. Atque ita in Societatis instituto seclusis rigorosis præceptis, quæ præter vota ferre nulla sunt, parva est inter cōsilia & statuta distinctio.

11 Ultimo dubitari hic potest, quomodo transgressio statuti seu constitutionis sine legitima causa excusante facta possit non esse aliquod peccatum. Nam eo ipso, quod aliquis est membrum alicujus Reipub. obligatur in conscientia ad servandas leges ejus: sed statuta & constitutiones sunt leges hujus religionis; ergo eo ipso, quod quis est membrum religionis, obligatur in conscientia ad servandas illas: ergo non potest vitare peccatum saltem veniale in earum transgressione, nisi ex dispensatione, vel iusta epikeia. Confirmatur: nam *turpis est pars, quæ discordat a toto*: quæ proportio sufficit ad culpam venialem, juxta vulgarem sententiam Augustini communiter receptam in materia de legibus: sed hanc improprietatem incurrit religiosus quoties ex puro arbitrio aut negligentia transgreditur regulam; ergo. Propter hæc dicunt aliqui, religiosum transgredientem quodcumque statutum regulæ, etiam minimum, non excusari a culpa veniali, quantumcumque institutor expresse declaret regulam non obligare etiam ad veniale. Quia licet per se & directe obligare nolit, non potest excludere naturalem obligationem, quæ indirecte sequitur, posita lege. Sicut legislator quantumcumque nolit se obligare, teneatur servare legem a se latam ex illo principio naturali: *Patere legem, quam ipse tuleris*. Vel sicut dispensatus in lege positiva valide & sine causa peccat, saltem venialiter, utendo dispensatione ratione illius principii, *Turpis est pars, &c.*

12 Sed hæc sententia mihi non placet, quia repugnat menti & intentioni talium religionum, & auctoritatem earum, & inutiles reddit conatus eorum: quid enim refert propter majorem securitatem, & ad tollendos laqueos nolle directe obligare ad culpam venialem, si eo ipso necessario inciditur in eandem obligationem alio titulo, præsertim cum id sine sufficienti fundamento dicatur, ut ostendam. Dico ergo, facile intelligi posse in hac transgressione, per se loquendo, non esse culpam venialem, licet per accidens frequenter incurratur. Declaro utrumque distinguendo duplicem transgressionem, per commissionem, vel omissionem; & in utraque distinguendo duo, scilicet opus, & quod sine licentia fiat, & omittere petitionem licentiæ ad id faciendum. Quando ergo actus, qui fit, est prohibitus per regulam, & supponitur non malus de se, nec per Ecclesiasticam prohibitionem (alioquin habebit aliunde malitiam non ex regula) tunc considerandum est motivum, propter quod

Item ejusdem opinio quantum ad levem obligationem culpæ venialis, quæ.

Quomodo in variis religionibus discernatur regula a mero consilio.

Quomodo in religione Prædicatorum idem discernatur.

Quomodo item in Societate.

In Summario §. 8. & 11.

Temperetur pro xime dicta de Societate.

In Summario §. 51.

Dubitatur, an revera frangi possit regula non obligans ad peccatum, absque omni peccato. Ratio dubitandi.

Ejus confirmatio.

Contraria sententia vera.

Quomodo vera sit hæc sententia in commissione contra regulam.

quod sit talis actus: nam si illud te vera est honestum, actus nullum peccatum erit; quia sola oppositio ad regulam, vel ommissio petitionis licentiae, non est circumstantia sufficiens ad vitandum actum, cum non sit talis prohibitio, quæ ex intentione prohibentis reddat actum malum, quia hoc ipse declarat cum dicit nolle obligare in conscientia. Quia vero raro contingit religiosum operari ex motivo honesto, quando operatur contra regulam, sed ex aliqua otiositate, vel delectatione; ideo frequenter hoc non fit sine culpa veniali.

13 Idem cum proportionem dicendum est de omissione regulæ contraria, nam ex illo capite non est mala solum quia prohibita, & ideo non est per se mala: per accidens autem erit ex voluntate, quæ est voluntaria. Quod duobus modis esse potest, scilicet, vel in actu positivo, qui est causa ejus, vel in se. Priori modo judicanda est juxta qualitatem actus: ut si quis omittat orationem hoc tempore injunctam per regulam propter studium; considerandum est quo motivo vacetur studio: nam si sit honestum, & cum aliis circumstantiis intrinsece requisitis ad talem actum, ex solo capite illius omissionis non est malum, quia ipsa ommissio per se mala non est, & ita nullum ibi intervenit peccatum. Quia vero motivum honestum non inducit ad agendum contra regulam, ideo frequenter talis actus est culpabilis ratione extrinseci finis. Quod si ommissio consideretur, ut in se voluntaria, subdistingendum est, nam potest esse voluntaria tantum indirecte, quia non advertit, quamvis posset: & tunc censeo semper excusari omnem culpam in tali omissione, etiam si interveniat aliqua negligentia in considerando; quia hæc ipsa negligentia, licet sit minus perfecta, non est mala, quia nec est intrinsece mala, neque intervenit prohibitio, quæ reddat illam malam. Imo, licet illa inadvertentia vel negligentia proveniat ex præcedente occupatione aliâ culpabili, non fiet inde ommissio mala: quia illa præcedens culpa non est causa talis omissionis, & licet sit causa ejus, non inde aggravatur in malitia sua, cum aliunde ipsa ommissio in se mala non sit. Potest denique ipsa ommissio esse directe & in se voluntaria, ut si quis nolit, v.g. orare: & tunc licet objectum illius voluntatis non sit malum, quia illa ommissio in se mala non est: de ipso tamen actu volendi seu nolendi, prout in individuo fit, judicandum est juxta motivum ejus, nam si sit honestum, etiam voluntas erit honesta: si autem sit turpe, erit voluntas mala: si denique sit indifferens, ut delectatio aliqua, vel fuga alicujus laboris, actus erit in individuo otiosus, & consequenter peccatum veniale. Et hujusmodi frequentius esse solent tales omissiones, sunt enim ex quadam animi tepiditate ad superandam aliquam difficultatem; & ideo practice vix sunt sine aliqua culpa veniali, non propter obligationem regulæ, sed propter irrationabilem volendi, vel nolendi modum in individuo. Quod parer, nam in actibus etiam consiliorum contingere potest hic modus peccandi venialiter, ut si quis directe nolit esse religiosus, otiose, & sine ulla rationabili causa habendo hunc actum,

14 Idem iudicium est de omissione petendi licentiam, quæ semper conjungitur cum hujusmodi regulæ transgressionem; imo in illa maxime consistit. Nam si actus præscriptus a regula ommitteretur, vel contrarius fieret cum licentia Prælati, non esset transgressio; ergo si quid malitiæ est in tali actu, videtur maxime consistere in non petenda licentia. Considerandum ergo est, quomodo omittatur ejus petitio, an directe, vel indirecte, & applicanda est doctrina tradita; nam hæc etiam ommissio in se mala non est, cum obligatio ad talem licentiam petendam solum sit ex regula, quæ ad culpam non obligat, ut supponimus. Potest etiam interdum contingere, ut petita licentia, & non obrepente quis operetur, vel omittat contra regulam; & tunc est nonnullum periculum contemptus, de quo statim disputabimus sequenti cap. seculo autem contemptum, etiam tunc non est per se mala illa operatio, vel ommissio, sed judicandum de illa est juxta motivum operandi, & regulas positas, quia etiam tunc actus non est intrinsece malus, neque etiam intervenit sufficiens prohibitio, quæ illum reddat malum: suppono enim Prælatum negando licentiam non impondere novum præceptum obligans in conscientia, nam tunc esset nova obligatio, sed non ex vi regulæ,

Ad rationem ergo dubitandi responderetur, membrum communitatis obligari quidem ad servandas leges communitatis, non tamen aliter quam illæ obligent: si ergo illæ ita sunt impostæ, ut in conscientia non obligent, nemo suscipit majorem obligationem eo quod talem statum profiteatur. Ad confirmationem responderetur, cum dicitur turpem esse partem, &c. si per hoc significetur operatio contra rectam rationem, intelligendum esse illud principium, quando pars non conformatur toto in observatione legis obligantis in conscientia, quia tantum hujusmodi lex continet rectitudinem rationis necessariam ad honestatem morum; & ideo in præsentem non habet locum hoc principium ita intellectum, sed ad summum potest dici religiosus transgressor regulæ esse imperfecta pars, atque adeo turpis latiori modo, quia imperfectio latius patet, quam venialis culpa. Posset etiam incurrere turpitudinem peccati ex illo principio ratione scandali, & infamiae religionis, & pro illius qualitate erit major vel minor turpitudine. Denique alio etiam modo potest hæc pars turpis vocari, si velit ita esse transgressor regulæ, ut non subiaceat pænæ seu disciplinæ religiosæ: nam in hoc jam discordaret a toto in eo, ad quod in conscientia tenetur, ut supra explicatum est.

C A P U T IV.

Utrum Religiosus teneatur sub præcepto ad non contemnendam regulam, & consequenter an teneatur ad progrediendum in via perfectionis secundum regulam,

1 Communis sententia Doctorum est, quamvis religiosus non peccet per se transgrediendo regulam, si tamen id faciat ex contemptu, esse peccatum mortale, etiam in minimis. Quamvis enim hoc ultimum non omnes asserant, tamen D. Bernard. qui videtur esse præcipuus author illius sententiae, ita expresse loquitur in lib. de præcepto & dispensatione, eumque absolute sequuntur D. Th. dist. 2. 2. q. 186. art. 9. & hinc forte in constitutionibus sui Ordinis cum sæpe dicatur eas ad mortale non obligare, semper exceptio fit de contemptu; item Bonav. tom. 1. opusc. lib. 2. Pharetæ, c. 44. & plures alii, quos retuli in opere de Legibus lib. 3. c. 28. n. 2. Explicans autem D. Th. hunc contemptum, ait transgressionem regulæ non obligare ad mortale, nisi propter contemptum regulæ; quia hoc directe contrariatur professioni, per quam aliquis vovit regularem vitam: unde sentit tunc aliquid in particulari fieri contra regulam ex contemptu, quando simpliciter tota regula contemnitur, & ex illo absoluto contemptu derivantur particulares transgressionem. Per contemptum autem regulæ videtur D. Th. intelligere absolutum propositum non servandi illam, seu vivendi ita libere, ac si illa non esset. Quod apertius declarat in solutione ad tertium, dicens: *Tunc aliquis transgreditur ex contemptu, quando voluntas ejus renuit subijci regulæ, & ex hoc procedit ad faciendum contra regulam.* Sequitur igitur D. Th. hunc actum: *Nolo servare regulam*, in religioso esse peccatum mortale, & consequenter teneri religiosum ex vi suæ professionis ad habendum propositum servandi suam regulam: quam obligationem fundat in voto, quod religiosus facit regularis vitæ. Et hinc q. 184. art. 5. ad secundum dicit religiosum non profiteri se esse perfectum, sed tendere ad perfectionem; & ideo non esse mendacem, licet imperfectus sit: committere autem mendacium & simulationem ex eo, quod ab intentione perfectionis animum revocat. Et quamvis non delectet illud mendacium esse peccatum mortale, tamen id plane sentit, quia tale mendacium est contra votum in materia gravi. Unde Cajet. ibi: *Tales (inquam) videntur in statu peccati mortalis in litera hac poni tamquam mendaces & simulators facti.* Et infra declarat, ut non revocetur animus religiosi ab intentione proficiendi, necessarium esse, ut religiosus habeat intentionem vivendi secundum regulam & constitutiones, idque satis esse, quamvis in multis interdum delinquat. Sequitur hanc doctrinam Astensis lib. 6. Summ. tit. 47. quem refert & sequitur Angel. verb. *Religiosus*, num. 27. Armill. verb. *Religio*, num. 3. Tabiena num. 4. Et idem

Ad rationem dubitandi in num. 11.

Ad consilium ibid.

Pars affirmativa ejusque auctores.

Quomodo item vera in omissione regulæ.

Quomodo denique sit vera in omissione licentiæ petende.

idem sentit Navarr. Comment. 1. de Regularib. n. 10.

Primum
argum.
pro hac
parte
affir.

2 Potestque hæc sententia confirmari primo ex modo vivendi multarum religionum. Nam juxta regulam S. Benedicti, c. 58. qui proficetur, promittit stabilitatem suam, & conversionem morum suorum, & obedientiam coram Deo & sanctis ejus. Ubi Turrecrem. advertit, tria substantialia monasticæ professionis ibi tangi, scilicet stabilitatem, conversionem morum, & obedientiam. Hæc autem conversio morum, quam etiam Carthusienses, & alii promittunt, ut tomo præced. annotavimus, semper intelligitur secundum regulam: quia religiosus non tenetur ad eos mores supererogationis, qui non continentur in sua regula, vel ad illam non reducuntur, ut eodem tomo tractando de obedientia diximus, & in particulari de Minoribus explicuerunt Nicolaus Pap. in c. extir. vers. quem intellectum, de verb. signif. in 6. & Clemens in Clement. Exivi. §. nos circa, eod. tit. & in forma profitendi S. Francisci ita fit promissio servandi regulam fratrum Minorum vivendo in obedientia, sine proprio, & in castitate: ergo ex vi talis professionis tenetur religiosus habere propositum servandi regulam: nam hoc ipsum est propositum tendendi ad perfectionem, quia non tenetur aliter tendere, quam servando regulam, ut notavit Cajet. dict. art. 9.

Secundum
argum.

3 Confirmatur ex modo loquendi Patrum. Nam Hieron. epist. 1. ad Heliodorum: *Tu igitur perfectum te fore pollicitus es, nam cum derelicta militia (scilicet seculi) te castrasti propter regnum cælorum, quid aliud quam perfectam sequutus es vitam? perfectus autem servus Christi nihil præter Christum habet, aut si quid præter Christum habet, perfectus non est; & si perfectus non est, cum se perfectum fore Deo pollicitus est, ante Deum mentitus est: os autem, quod mentitur, occidit animam.* Unde idem Hieronym. epist. 8. ad Demetriadem dicit, *non progredi in via perfectionis, regredi esse.* Quomodo loquitur etiam Bernard. serm. 2. de Purificat. Hoc enim ideo verum esse potest in eo, qui desistit ab intentione progrediendi: nam in executione ipsa non possumus semper proficere. Unde idem Bernard. epist. 253. Monachæ inquit: *Non vis proficere; ergo vis deficere.*

Tertium
argum.

4 Ultimo confirmari potest hæc sententia, quia regula religionis inducit ex suo genere aliquam obligationem in conscientia, ut c. præced. dictum est: ergo licet illam transgredi in singulis semper sit in executione tantum peccatum veniale, quia materia est levis; intentione & proposito totam illam contemnere, erit peccatum mortale, quia obiectum illud est materia valde gravis. Quæ ratio magis urgere videtur pro iis religionibus, quarum regulæ obligant non solum ad penam, sed etiam ad aliquam culpam.

Partes ne-
gant.

5 Nihilominus esse potest secunda sententia, negans esse peccatum mortale habere animum libere vivendi absque observatione vel cura aliqua servandi regulam, nisi in his tantum rebus, in quibus ipsa obligat sub peccato mortali, id est, in tribus substantialibus votis, vel in quolibet alio, si fortasse in particulari religione sit, & in specialibus præceptis rigorosis & gravibus, si quæ fuerint expressa in regula, juxta principia capite superiori posita. Nam si malum propositum seu contemptus ad hæc etiam extendatur, manifestum est esse peccatum mortale, non solum ex modo, sed etiam ex obiecto; imo non tantum simplex mortale, sed virtute multiplex, utpote contrarium multis votis & præceptis. Cum prædicta vero limitatione, illud propositum esse non peccatum mortale, probatur primo, quia neque est contra votum, nec contra præceptum aliquod divinum, aut humanum. Prima pars probatur, quia in professione religionis, per se ac præcise loquendo de statu religionis, ut sic, tantum sunt tria vota, nam illa tantum sunt de substantia illius status. Unde, licet promittatur conversio morum, non est illa promissio intelligenda tanquam votum distinctum ab illis tribus, sed tanquam consule & quasi collective continens illa tria. Quia non promittit quis aliam conversionem, nisi quæ exercetur servando paupertatem, castitatem, & obedientiam: in qua obedientia regula includitur, quia non si specialis promissio servandi regulam, nisi quatenus sub obedientiam cadit, vel, quod perinde est, solum sit propositum obediendi secundum regulam. At vero illud propositum non est contra

Probatur
hæc sen-
tentia ar-
gumento
ex libro
Primum
membru.

aliquid ex his tribus votis, ut ex obiecto & limitatione ejus a nobis explicata constat: ergo. Secunda pars probatur, quia vel illud jus est divinum positivum, & hoc ostendi non potest: vel est naturale, & hoc non, quia illud propositum non habet ex obiecto intrinsicam malitiam, præferim mortalem, quia non est de actibus per se malis, sed vel de indifferentibus, vel etiam de bonis, quamvis minus perfectis; imo interdum includere potest actus perfectiores, quam in regula contineantur, vel permittantur, ut si quis proponat jejunare etiam quando regula prohibet, vel vigilare, quando præcipit dormire.

Secundum
membra.

6 Dices: supposita professione & incorporatione cum religione, quæ per illam fit, esse contra rationem naturalem nolle vivere secundum regulam ejus. Sed contra, nam in præcedenti capite ostensum est, hanc obligationem non esse majorem, quam ex ipsa regula nascatur, nam ratio naturalis solum præcipit servare regulas communitalis in eo gradu obligationis, in quo ipsæ latæ fuerint: sed tota regula etiam collective sumpta non est posita cum obligatione ad mortale: ergo nec ratio naturalis obligat illo modo ad servandam illam. Probatur minor, quia in tota collectione regularum non est alia obligatio, nisi quæ confurgit ex singulis particularibus regulis: quia author regulæ non intendit unam obligationem pro tota regula collective sumpta, & singulas in singulis regulis, sed per unamquamque regulam imponit suam obligationem, ex quibus confurgit totius regulæ obligatio, quæ revera non est una, sed est multitudo obligationum particularium. In illa autem multitudine nulla in particulari est, quæ sit sub mortali, ut supponimus, quia vel in regula non est, vel si est, non includitur in illo proposito. Ex multitudine autem obligationum levium, præferim diversarum legum & rationum non confurgit una obligatio gravis in conscientia. Quod est evidens, quando singulæ regulæ neque ad veniale obligant: nam cum in singulis nulla sit obligatio in conscientia, omnes etiam simul non habent obligationem in conscientia; ergo multo minus possunt efficere unam obligationem gravem. Idem vero est, etiam si regulæ singulæ obligent sub veniali, quia multa venialia non efficiunt unum mortale: juxta doctrinam certam 1. 2. q. 88. & 89. transgressionem autem talium regularum tantum sunt plura peccata venialia, nec inter se coherent quasi ad componendam unam obligationem, ut dixi, sed tantum multitudinem discretarum: ergo neque unam culpam gravem efficere possunt, sed multitudinem levium. Nec refert, quod illa multa levia uno proposito apprehendantur, quando inter se non ununtur in una materia gravi ejusdem virtutis, ut sunt multa facta levia; quia aliàs non efficiunt unum obiectum, a quo illud propositum habeat unam malitiam gravem, sed habet plures leves ex variis obiectis, quæ virtute apprehendit. Imo licet fingatur illa esse una malitia, erit tantum venialis ex vi regulæ; quia, ut supponimus, author regulæ simpliciter noluit per illam obligare ad mortale in quacumque materia etiam aliàs gravi, & nihil distinguit inter singulas regulas, vel totam collectionem earum. Et hinc probata manet tertia pars de lege humana, quia in præfenti non intervenit alia nisi regula, nam ex vi illius præcise loquor: sed regula non affert hanc obligationem, ut ostensum est; ergo.

Evasio re-
solvitur.

Tertium
membra.

7 Et confirmatur hic discursus, nam si illud propositum formale esset peccatum mortale, etiam per solam executionem ac diuturnam consuetudinem licentiose vivendi sine observatione regulæ perveniretur ad statum peccati mortalis, quod admittere durum & perniciosum esset: ergo. Propter hoc fortasse Cajet. dict. 2. 2. q. 184. art. 5. diligenter advertit, loqui D. Th. de intentione, ut distinguitur ab executione: quia deficere (inquit) a perfectione executive, non est simulare, aut mentiri: deficere autem ex intentione, est simulare, aut mentiri, & ita virtute negat dictam illationem. Rationem autem illius differentie reddit, quia status Ecclesiasticus significat directe intentionem existentium in statu, & non executionem. Quod inde colligit, quia status ille a principio habet suam significationem, cum tamen a principio non possit significare executionem, sed solam intentionem. Sed in primis

Confir-
matur
primo ca-
dem parte
negans.

primis probatur nostra sequela, quia in moralibus pe-
rinde valet consensus virtualis & indirectus, ac forma-
lis & directus: sed qui sciens & videns longo tempore
deficit ab observatione totius regulæ: habet plus quam
virtualem consensum non proficiendi in perfectione se-
cundum illam regulam: ergo si formalis consensus est
peccatum mortale, etiam ille est peccatum mortale: &
committitur tunc peccatum mortale, quando quis inci-
pit prævidere suum statum, & non vult remedium ad-
hibere, sed voluntarie continuare; sicut dici solet de
illo, qui leviam furta committens prævidere incipit jam
confergere materiam gravem. Deinde illa differentia
a Cajetano assignata nimis speculativa & voluntaria
videtur: nam exterior habitus vel status magis debet si-
gnificare exteriorem vitam, quam intentionem, vel
cur potius hanc, quam executionem? Nam a princi-
pio significabit initium executionis, & deinceps pro-
gressum ejus. Et præterea admittitur differentia, & illo
mendacio, non esset mortale ex objecto, quia non est
mendacium contra verum, ut ostendimus: neque et-
iam est mendacium perniciosum, cui enim nocum-
tum infer, per se loquendo? Tandem nullum profecto
mendacium esse videtur: quia exterior habitus vel sta-
tus nec intentionem, nec executionem per se signifi-
cat, sed obligationem regulæ accommodatam.

Confir-
matur se-
cundo,

8 Quod declaratur, & confirmatur, nam aliàs se-
quitur etiam Episcopos peccare mortaliter, si habeant
intentionem non vivendi perfecte, nec exercendi ope-
ra supererogationis, sed tantum servandi præcepta, &
rigorosas obligationes voti, aut officii: consequens
est falsum; ergo. Sequelam admittit Cajet. quia D. Th.
ibi indifferentem loquitur de religiosis, & Prælati, &
de utrisque ait mendacium & simulationem committe-
re, si deficiant ab intentione perfectionis. Consequens
autem est incredibile, tum quia nullum apparet funda-
mentum talis peccati mortalis, & asserendum non est,
nisi ubi ratio, aut lex cogit: tum etiam, quia hoc es-
set damnare quamplures, vel fortasse ordinatum mo-
dum vivendi Prælatorum; satis enim fecisse putant, si
singulis præceptis & obligationibus justitiæ, miseri-
cordiæ, castitatis, & similibus satisfaciunt, nec pru-
dentes & pii etiam confessores plus ab illis exigunt. Imo
si illa ratio simulationis, aut mendacii sufficeret ad pec-
catum mortale, non solum deficiendo ab intentione,
sed etiam ab executione perfectionis, peccaret morta-
liter. Quinetiam proficiendo illum statum sine perfe-
ctione, mortaliter peccaret. Probatur, quia ille non
est status acquirendi perfectionem, sed hominis jam
perfecti, ut supra declaratum est: ergo qui accipit il-
lum statum, cum non sit perfectus, simulat, & men-
titur, quia ille status non significat intentionem pro-
ficiendi, sed virum jam perfectum.

Confir-
matur ul-
timo.

9 Tandem confirmatur, quia aliàs sequitur, esse in
statu peccati mortalis illum religiosum, qui habet deli-
beratum animum non servandi unam, duas, aut tres
ex suis regulis, etiam si cæteras servare studeat ordina-
rio modo. Consequens etiam est durum & incredibile:
suppono enim illas regulas non obligare ad culpam, vel
non ad mortalem. Sequela patet, primo ex eadem do-
ctrina Bernardi: nam frangere quamcumque regulam
ex contemptu illius est peccatum mortale; ille autem
est contemptus talis regulæ; si enim propositum non
servandi totam regulam collective est contemnere il-
lam, propositum etiam non servandi hanc regulam, v.
g. jejunandi sexta feria, aut examinandi conscientiam
quotidie, est contemnere illas singulares regulares:
ergo est peccatum mortale. Probatur item sequela,
quia illud sufficit, ut aliquis deficiat ab intentione pro-
ficiendi secundum regulam, vel quia illæ sunt tam ne-
cessariæ ad perfectionem, ut moraliter non possit ac-
quiri sine observatione illarum, ut est regula de quoti-
diana oratione, vel conscientiæ examinatione, & si-
miles: vel certe, quia totum & perfectum juxta Phi-
losophum idem sunt. Qui ergo non habet intentionem
servandi totam regulam, sed potius contrariam, pla-
ne non intendit esse perfectus secundum illam: ergo.

Duplex præsertim difficultas enodatur, ac tota
controversia per partes dissolvitur.

10 Hæc sunt, quæ difficile reddunt doctrinam il-
lam D. Thomæ: in qua explicanda desidero nec la-

queum religiosus injicere, imponendo periculum pec-
candi mortaliter, ubi revera non sit: neque etiam eis
occasionem tribuere, ut remisse vivant, & veris peri-
culis peccandi mortaliter se exponant. Duo ergo ex-
plicanda sunt. Primum de obligatione habendi inten-
tionem proficiendi, aut vivendi secundum regulam.
Secundum de transgressione regulæ ex contemptu.
Circa priorem partem dico in primis, religiosum ab-
solute teneri ad progrediendum aliquo modo in via
perfectionis. Probatur, quia ex vi suæ professionis
tenetur velle servare statum, qui secundum se est in
consilio tantum, & non in præcepto: sed hoc ipsum
est intrinsece velle tendere ad perfectionem: ergo.
Explicatur minor, quia ut tendatur ad perfectionem,
non est necesse uti omnibus mediis utilioribus ad cha-
ritatem obtinendam, sed satis est uti aliquibus de se
non præceptis: nam uti omnibus vix est moraliter
possibile, vel saltem est rarissimum. Unde Sylvest.
verb. Religio. 1. quæst. 3. postquam proposuit doctri-
S. Thomæ, subdit, habere locum, quando religiosus
omnia media ad illum finem sibi vult abdicare, nam si
unum retineat, non est extra statum salutis: qualiter
teneatur ad intentionem tendendi, non tamen
currendi ad perfectionem. Indicat autem necessarium
esse, ut retineat propositum utendi aliquo medio,
quod non sit in præcepto.

Primum
pronun-
tatum.

Sylvestri
placitum.

11 Hoc autem potest intelligi, vel quod secundum
se spectatum non sit in præcepto, & sic est verissimum,
quia via perfectionis debet aliquid addere ultra com-
munem viam mandatorum. Alio vero modo potest
intelligi de præcepto etiam respectu ipsius religiosi, ita
ut præter ea, quæ ratione votorum, vel ex riguroso
præcepto regulæ, aut Superioris facere tenetur, de-
beat necessario intendere aliquid sibi non præceptum
adjungere. Et hunc sensum videtur ille author inten-
dere. Difficile autem probari potest, quamvis id pe-
culiare opus nimis onerosum non sit: nemo enim est
tam dissolutus, qui non soleat aliquid supererogatio-
nis facere. Sed nihilominus in rigore cum nulla sit
obligatio intendendi magis unum opus, quam aliud,
neque omnia simul, neque aliquod determinare ex
his, quæ huic personæ præcepta non sunt, non ap-
paret, unde teneatur ad intendendum aliquid in confu-
so, vel suo arbitrio eligendum. Præterea, quamvis
religiosus per votum efficiat sibi præceptum, quod
aliàs erat consilium, nihilominus servando votum il-
lud, implet etiam consilium, & tendit per viam per-
fectionis; aliàs servare castitatem, & paupertatem
religioso voto confirmatam, non esset tendere ad per-
fectionem, quod plane absurdum est. Igitur ad im-
plendam obligationem in asserione positam satis
esse videtur, quod religiosus intendat servare sua vo-
ta integre, prout in tali regala fiunt, & cætera omnia
specialia præcepta suæ religionis, præter communia.
Patet, quia si hoc faciat, vere tendit ad perfectionem:
ergo si hoc præcise intendat, etiam intendit
tendere ad perfectionem, etiam si non intendat cur-
rere, ut aiebat Sylvester.

Explica-
tur & ad-
mittitur
in bono
sensu.

12 Dico ergo secundo, per se loquendo & ex vi
objecti non teneri religiosum sub peccato mortali ha-
bere propositum servandi omnia, vel aliqua ex his,
quæ nec promissit, nec sibi specialiter præcepta sunt:
quamvis moraliter loquendo vix fieri possit, ut ha-
beat debitam intentionem salutis propriæ, quin hoc
etiam intendat.

Secundum
pronun-
tatum bi-
partitum.

Prior pars videtur sequi ex proxime dictis circa præ-
cedentem asseritionem, & convinci argumentis secun-
do loco factis: non enim possumus imponere obliga-
tionem sub peccato mortali sine voto, vel præcepto,
de quo satis constat. Item cum illo proposito stat
amor Dei super omnia: quia relinquit hominem cum
affectu de se efficaci non recedendi a Deo, ut ab ulti-
mo fine propter ullam rem mundi: quod satis est ad
amorem super omnia: ergo illud propositum non est
peccatum mortale ex objecto suo. Nam peccatum mor-
tale evidenter pugnat cum amore Dei super omnia.
Posterior pars probatur, quia vix potest moraliter
contingere, ut homo etiam secularis habeat firmum
propositum nunquam peccandi mortaliter, quin con-
sequenter nonnulla opera supererogationis faciat, &
habeat

Suadet
prior
pars.

Suadet ut
posterior

habeat formale, vel virtuale propositum illa faciendi: quia sicut substantia creata non potest sine omnibus accidentibus conservari, ita nec substantialis charitas & amicitia Dei potest sine aliquibus operibus, quæ sint extra substantiam ejus, existere. Ergo servata proportionem non potest religiosus habere firmum propositum servandi omnia ad charitatem & ad perfectionem ejus necessaria in tali statu, quin paratus sit multa in particulari agere bona & honesta, quæ præcepta non sunt: quia non possunt moraliter hæc ab illis omnino seungi. Quod notavit Gerson Dialogo de Perfectione cordis, p.2. Alphab.68.lit.H. ubi cum dixisset, qui statuit servare præcepta, & non consilia, non esse in malo statu, quia nemo consiliis ligatur, addit: *Quamvis raro fiat, ut homines præcepta strenue compleant, quin quodammodo supererogent, & misceantur consiliis.*

13 Dico tertio, quando regula religionis ad nullum peccatum obligat, sed tantum ad pœnam, non peccat mortaliter religiosus per se & ex vi objecti, qui habet animum non servandi quæcumque regulam, dummodo paratus sit ad sustinendam pœnam. Probat-ur primo ex rationibus factis: quia in objecto illius actus non est materia contraria alicui voto, vel præcepto. Secundo, quia ille vult subiacere regulæ eo modo, quo ipsa lata est; quia illa solum ordinat, ut hoc vel illud religiosus faciat, aut pœnæ subiaceat: ille autem vult non facere, quod ordinatum est, cum suo discrimine: ergo sufficienter subjicitur regulæ saltem quoad finem non lædendi conscientiam, esto imperfectissimus sit. Unde si quis vellet ita esse liber a iugo regulæ, ut paratus non esset sustinere pœnam, quantumcumque Prælati eam præciperet, vel ei resistere si necesse sit, ille sine dubio esset in malo statu, & peccaret mortaliter, tum quia habet dispositionem directæ contrarii voto obedientiæ: tum etiam, quia resistit regulæ, non tantum ut mera lex pœnalis est, sed etiam, ut resolvitur in obligationem conscientiæ ex suo genere gravem, scilicet non resistendi Prælato jure suo utenti, & observationem regulæ procuranti. At vero si quis sit ita remissus, ut secum statuatur non servare regulam, quoties occulte potuerit, vel aliter pœnam vitare, vel certe quoties majus onus fuerit in servanda regula, quam in sustinenda pœnitentia, non apparet in hoc actu malitia mortalis ex objecto. Maxime si aliàs proponat non peccare etiam venialiter, dum regulam non exequitur, sed in aliis actibus honestis sibi suavioribus se exercere.

14 Sed quæres, an in eo actu sit saltem culpa venialis, nam ex dictis videtur sequi nullam esse. Nam in objecto illius actus ita circumspici & limitari non est intrinseca malitia etiam venialis, nec prohibitio in conscientia etiam sub veniali: ergo neque actus ipse per se culpabilis est venialiter. Dicunt aliqui, illud esse peccatum veniale, quia oritur ex proposito non operandi, quod melius est, quod habet intrinsecam deordinationem, quia licet in particulari non facere, quod melius est, non semper sit peccatum, tamen generatim proponere in actionibus vitæ non facere, quod melius est, videtur esse intrinsece peccatum: quia est ponere obicem Spiritui sancto, & gratiæ Dei, quod sentit Cajet. 2. 2. q.186. art.2. non solum de religiosis, sed etiam de quibuscumque. Declarat autem non esse peccatum mortale, sed veniale tantum: quia in rigore non excludit dilectionem Dei super omnia. At vero religiosus volens illo modo non servare regulam, vult non operari, quod melius est: quia licet regula non obliget ad culpam, servare illam melius est. Sed hoc non obstat, quominus ille actus possit a veniali culpa ex vi objecti excusari. Primo, quia resistere gratiæ Spiritui sancti vocanti ad meliora non videtur esse peccatum, si aliàs sit propositum obsequendi illi in necessariis: quia Spiritus sanctus vocando ad opus consilii non ponit præceptum sequendi vocationem. Et ideo Christus ad perfectionem vocabat illis verbis: *Qui vult venire post me, ubi vis perfectus esse.* Dices: licet non teneamur obedire huic gratiæ, teneamur tamen non ponere illi quasi antecedentem obicem: per illud autem propositum ponitur obex Spiritui sancto, ne nos vocet ad meliora.

15 Sed contra, quia nec de hoc potest ostendi tale

præceptum, cum totum hoc pertineat ad bona supererogationis. Item aliàs peccaret, qui deliberato animo statuit non esse religiosus, quia poneret obicem antecedentem vocationi divinæ. Præterea revera ille non est obex, quia Spiritus sanctus vocat ad mutandum illud propositum, & sæpe efficaciter id operatur. Accedit præterea, quod religiosus, de quo agimus, non vult semper resistere divinæ gratiæ & vocationi, sed solum vult vivere suaviter (ut sic dicam) secundum suum statum, per quod non excludit, quin si a Deo fortius tangatur, mutaturus sit propositum. Præterea non vult nunquam operari, quod melius est, vel nunquam servare regulam, sed vult non semper esse addictus regulæ, vel perfectioribus consiliis; quæ duo valde diversa sunt, sicut contraria, vel contradictoria, & multo magis inordinatum est velle semper transgredi regulam, quam velle non semper & in omnibus servare regulam. Et si moraliter loquamur, inveniri non potest religiosus ita rectus in substantialibus seu necessariis, ut illa illa servare statuatur, qui in reliquis sit ita remissus, ut intendat nullam omnino regulam servare, aut semper in omnibus transgredi: quod vix contingere potest sine contemptu, ut infra declarabo. Potest autem facile inveniri religiosus ita remissus, ut contentus necessariis nolit de aliis esse sollicitus, & ideo statuatur non semper regulam servare, sed quando disciplina ipsa & ordo religiosus necessitate quadam morali compulerit, vel quando sine gravamine & difficultate fieri possit. Denique cum hoc proposito etiam stat, quod talis religiosus velit in aliquibus actibus vel secundum regulam, vel ultra illam multa opera supererogationis & meliora facere. Et ad minimum cum illa vitæ relaxatione stat, ut velit intensius & frequentius amare Deum, quam teneatur: quod etiam pertinet ad opera consiliorum, & vix omitti potest ab eo, qui efficaciter statuit Dei amorem super omnia, ut notavit Angelus in suis Moralib. c.8. §. *Diversorum finium*, concl.1. Igitur in illa intentione per se & ex vi objecti nullum peccatum committi videtur.

16 Dico quarto, ubi regula obligat ad venialem culpam, & non ad mortalem, grave peccatum veniale est proponere frangere illam, si occasio tulerit; tamen secluso periculo gravioris lapsus, & contemptu, non est peccatum mortale. Prior pars evidens est ex suppositione talis regulæ: quia in particulari transgredi illam est peccatum veniale; ergo & id proponere: ergo gravius est confuse & indefinite id intendere, quia in illo objecto major malitia includitur, quam in qualibet particulari transgressionem. Imo (ut supra dicebam) dubitari potest, an illa malitia sit una, vel multiplex, quia videntur ibi esse tot malitiæ, quot sunt regulæ diversarum virtutum: quia omnium transgressio implicite ibi continetur, & admittitur: quod satis esse videtur ad omnium malitias contrahendas; quod fortasse ita est. Facile tamen defendi potest esse unam tantum contra generalem rationem obediendi legi. Sicut enim observationes omnium regularum conveniunt in hac generali ratione, ita transgressio regulæ ut sic præcise opponitur illi generali rationi, & quando intentio voluntatis in eam præcise tendit, ab illa sumit unam specificam malitiam, ut latius in 1.2. explicatur.

17 Et nihilominus (ut secundam partem probeamus) in proposito illa malitia non erit mortalis: quia omnes transgressionem, quæ sub illa generica convenientia apprehenduntur, veniales tantum sunt, & secundum proprias rationes non concurrunt proprie ad unam materiam gravis peccati componendam, sicut concurrunt plura furta levia, sed solum concurrunt secundum rationem communem, in qua conveniunt, quæ censetur gravius objectum, quia, in potentia & confuse includit specificas malitias: hæc autem gravitas nunquam potest esse tanta, ut constituat peccatum mortale. Confirmatur; nam hac ratione in homine seculari non est peccatum mortale cum proposito servandi omnia rigorosa præcepta habere animum non cavendi venialia, vel facile committendi illa, prout se se obtulerit occasio, secluso tamen periculo gravioris lapsus, & contemptu, in quo omnes fere conveniunt, ut ex 1.2. quæst.88. constat: ergo idem est cum propor-

OR ed eae
multipli
citer nec
veniale
esse, ex se
dictu pro
positum.
Primo.
Secundo.
Tertio.

Quarto.

Quinto.

Quæreom
pronun-
ciat amb
membre.
Ostendi-
tur prius
membri.

Ostendi-
tur poste-
rius.

Tertium
Pronun-
tium.

Unde
Probat
1.
Probat
2.

An obli-
gatus ad
solam pœ-
nam regu-
læ peccet
in propo-
sito non
servandi
regulam,
statuendo
tamen su-
bire pœ-
nam.
Opinio
existens
esse ve-
niale.

tionem de religioso in dicto casu, quia omnes obligationes ejus ex regula non excedunt peccatum veniale, vel si quæ sunt majores supponimus illum habere propositum servandi eas: est ergo eadem proportio.

Exponitur limitatio. Nisi detur periculum incidendi in mortale.

18 Prior vero limitatio hujus posterioris partis de exclusionem periculi gravioris lapsus, fundatur in illo principio, quod in moralibus exponere se periculo peccandi est peccatum: nam qui amat periculum, peribit in illo: peccatum autem veniale est dispositio ad mortale, ut ait D.Thom. citato loco, & magis explicat 1.2. quæst. 88. art. 3. dicens, veniale est sola levitas materiæ, vel ex defectu sufficientis deliberationis, directe disponere ad mortale circa eandem materiam: peccatum autem veniale ex genere indirecte saltem & removendo prohibens disponit ad mortale peccatum. Si ergo supponatur regula obligans sub veniali, intentio frangendi illam est virtualis intentio se disponendi ad graviorem lapsum, non tantum remore, sed etiam proxime: quia licet unum vel aliud veniale sit tantum dispositio remota, tamen frequentia illorum, & præsertim cum deliberatione negligendi illa, facile esse potest proxima dispositio ad mortale. Sed circa hanc partem advertere oportet raro aut nunquam peccari mortaliter ob hujusmodi periculum, nisi in particulari materia & specie peccati mortalis illud periculum versetur, & aliqua certa ratione & experimento constet ex remisso modo vivendi in observatione talis regulæ, vel in vitandis talibus culpis levioribus sequi illud periculum: quia aliàs non est occasio proxima, sed remota, quæ non sufficit ad specialem culpam mortalem ex illo titulo: & ideo existimo raro contingere, ut illa remissio animi in servandis regulis levioribus etiam directe voluntaria sit ex hoc solo titulo peccatum mortale: quia illa negligentia, per se loquendo, tantum est dispositio remota, nisi accedant aliquæ particulares circumstantiæ, quæ in aliqua materia consumment occasionem proximam.

Exponitur altera limitatio. Nisi interveniat contemptus.

19 Altera limitatio, quæ erat de contemptu, petit alteram partem superius propositam in num. 10. ex qua pendet maxime intelligentia opinionis D.Thomæ: quia ipse plane intelligit, non peccari mortaliter in illa remissione animi circa intentionem servandi regulam, nisi perveniatur ad contemptum. Primum ergo difficile est explicare quis sit iste contemptus; & deinde an semper sit peccatum mortale, & ob quam causam. Dicunt ergo aliqui, ipsam intentionem vel propositum non servandi regulam eo ipso esse contemptum, quamvis nullam aliam circumstantiam habeat. Quod significare videtur D.Thom. dict. q. 186. art. 9. ad 3. cum ait: *Tunc committit aliquis, vel transgreditur ex contemptu, quando voluntas ejus renuit subjici ordinationi legis, vel regulæ*; ergo contemnere est renuere subjici regulæ: renuere autem subjici nihil aliud esse videtur, quam nolle servare regulam. Sed hoc si intelligatur de contemptu, qui sit mortale peccatum, non potest esse verum, nisi in illo objecto includatur aliqua subjectio, ad quam homo teneatur sub mortali. Quod manifeste convincitur rationibus supra factis: quia propositum non subjiciendi se regulæ in his, quæ graviter non obligant, neque ex objecto, neque ex voto aliquo, aut ex speciali prohibitionem habet malitiam mortalem. Dico autem, nisi in objecto includatur subjectio gravis, seu in re gravi: quia, ut supra num. 13. dicebam, si quis proponeret non subdi regulæ, etiam resistendo superiori volenti ipsum cogere, vel juste punire, in malo statu esset, ac mortaliter peccaret. Et fortasse hoc totum includit D. Thom. & ita erit facilis, & clara ejus sententia. Nec immerito potest dici talis actus verus contemptus tam regulæ, quam Prælati: nam, ut Bernardus ait de præcepto & dispensatione, cap. 12. *Contemptus tumor superbiæ est*: superbia autem maxime repugnat huic subjectio, juxta doctrinam ejusdem D. Thomæ 2. 2. q. 162. art. 5. & 6. At vero si religiosus semper retineat intentionem servandi omnia necessaria ex voto, vel præcepto, & subjiciendi se Prælato, & religiosæ disciplinæ, non potest dici contemnere saltem graviter, etiam si habeat intentionem non servandi regulam in reliquis. Atque ita sentit etiam Cajet. dict. q. 186. art. 2.

Sententia D. Thomæ attributa quando interveniat contemptus in proposito frangendi regulam. Expenditur hæc sententia.

20 Addit vero ibidem Cajet illud propositum ex objecto quasi materiali esse contemptum levem, qui non excedit venialem culpam: quia est contemptus spiritualis perfectionis, non vero est contemptus Dei; ex objecto autem formali fieri peccatum mortale: *ut si quis* (inquit) *refugit subjici divinis consiliis, ut consiliis, & profectui charitatis, ut perfectiori vie*. Ratio ejus est, quia contemptus Dei est peccatum mortale, ex D.Thomæ q. 15. de veritate, art. 5. sed tunc intervenit contemptus Dei, quia nolle subjici divinz regulæ, est contemnere Deum: ergo. Sed utraque pars indiget majori explicatione. Prior enim erit quidem vera, si regula obliget sub veniali culpa, alio qui si ad nullam culpam obliget, vel si sint tantum consilia, de quibus magis ibi Cajet. loquitur, non video quomodo ex objecto materiali ille actus sit peccatum veniale, cum in objecto nulla malitia sit: erit ergo indifferens actus ex sua specie. Cujus etiam signum est, quia potest honestari ex fine. Unde etiam ex vi materialis objecti non necessario includitur contemptus in illo actu: quia semper contemptus boni actus & perfecti inordinationem dicit. Tunc ergo dici poterit aliquis contemptus, quando quis ex sola incuria & remissione animi sine ullo iusto titulo negligit illa opera per directam intentionem; & ita sine dubio loquutus est Cajetanus: & tunc verum est talem actum non excusari a culpa veniali.

Distinctio Cajetani circa proximam distinctionem.

Quando verum sit contemptum distinctionis membrum.

21 In altera vero parte vix potest intelligi, quid sit velle transgredi consilia, ut consilia Dei sunt; aut nolle profectum charitatis, ut perfectior via est. Nam si sit sensus reduplicativus, seu causalis, scilicet nolle sequi consilia, quia consilia Dei sunt, & nolle profectum charitatis, quia perfectior via est: hic posterior actus videtur impossibilis, quia perinde est ac nolle bonum, quia bonum, vel quia melius est: quod tam repugnat, quam velle malum, quia maius est. Prior autem actus licet non sit impossibilis, est tamen adeo rarus & extraordinarius, ut vix credibile sit propter illum solum toties reperti a Doctoribus esse peccatum mortale transgredi regulam vel legem ex contemptu. Imo ille actus non videtur posse oriri nisi aut ex errore aliquo in fide, contemnendo consilia Dei tamquam minus bona, seu vera: vel ex odio Dei, nolendo sequi consilium ejus in despectum illius: qui modus operandi magis videtur esse damnari hominis, quam viatoris. Quod si hic non est sensus, vix intelligitur, quid sit renuere subdi consiliis, ut consilia Dei sunt, nam seclusa dicta causalitate in consilio ut consilio solum manet id, in quo distinguitur a præcepto, scilicet quod non imponit necessitatem. Hoc autem sensu nolle subdi consiliis, ut consilia Dei sunt, non augeat, sed extenuat inordinationem, nam inde habet actus ille, ut non sit intrinsece & per se malus: quia non est de objecto prohibito, sed solum consilio repugnante. Sicut qui vult committere peccatum aliquod, quia veniale est, sumpta causaliter in dicto sensu non aggravat culpam; imo directe præservat, ne peccatum illud mortale sit.

Arguitur contra sententiam membrum ejusdem distinctionis.

22 Ad hanc difficultatem fateor transgredi consilia ex contemptu non posse esse peccatum mortale, nisi vel supposito errore in intellectu prave sentiente de consiliis divinis, vel tam pravo affectu in voluntate, ut velit Deum ipsum spernere, aut res divinas seu gratiam ipsam pro nihilo habere. Unde si tantum in hoc sensu dicitur religiosus peccare mortaliter transgrediendo regulam ex contemptu, verum & facile erit: parum autem ad praxim deservit, quia vel nullus est religiosus ita prave affectus circa Deum & res divinas, vel si quis est, ille non solum intendit regulam transgredi quoad consilia, seu simplices ordinationes, sed etiam quoad rigorosa præcepta & vota. Alio autem modo potest intelligi contemptus in religioso vel respectu Prælati seu religionis, vel respectu ipsius regulæ. De priori videtur maxime loqui Bernardus dict. lib. de præcepto & dispensatione. Nam cap. 12. distinguit mandatum a mandante, & gravitatem præcipiam constituit in contemptu mandantis. Eritque hic actus, si quis nolit obedire Prælato, ut ostendat se illum pro nihilo ducere, quæ intentio sine dubio est peccatum mortale ex genere suo. Et simile esset, si quis

Decisio auctoritatis quoad contemptum consiliorum Dei ut Dei sunt vix contingentem.

De alio duplici modo contemptus magis contingens. Expediunt prior modus ejusque causæ.

ex odio, aut ira contra suam religionem, vel personas ejus intenderet quasi conculcare, vel profanare regulam: nam tunc transgressio minimæ regulæ hac intentione facta esset peccatum mortale. Et hic modus operandi rarus etiam est, non tamen tam insolitus, sicut præcedens.

Expedi-
tur pos-
terior, &
ejus cau-
sæ ape-
riatur.

23 Respectu vero regulæ posset esse proprius contemptus, si quis formaliter eam despiceret tamquam minus utilem ad suam perfectionem, & ob eam rem illam transgrederetur. In quo modo operandi non videtur necessario misceri error contra fidem, sicut de contemptu consiliorum dicebamus: quia licet regula sit approbata, solum inde habetur, & non continere aliquid contra bonos mores, & ex se continere viam aliquam ad perfectionem utilem: non tamen inde sequitur vel cuicunque personæ in individuo fore utilem, quia potest aliquis habere naturam illi repugnantem: nec sequitur esse utiliore aliiis regulis vel mediis ad perfectionem: ergo si religiosus concipiat contemptum suæ regulæ, vel solum comparatione suæ personæ, vel solum per comparationem ad alia media, quæ ipse sibi excogitat, & credit sibi fore utiliora, non se opponit approbationi Pontificis, nec directè errat in doctrina fidei ex vi illius contemptus. Neque etiam ex affectu odii, aut vindictæ, aut alio simili videtur esse in illo actu per se loquendo malitia gravis: & ideo in transgressione regulæ ex hujusmodi contemptu non apparet malitia mortalis ex illa circumstantia, si aliunde non sit. Esse tamen potest magnum periculum illusionis & deceptionis, prout sancti patrum advertunt. Unde Rich. de S. Victore cap. 9. super Cantica: *Vigilia (inquit) & orationes sunt tibi inutiles, si singularitatem quandam in his teneas, per quam communia, & ad quæ magis teneris, omittas.* Et Cassian. lib. 11. de Institut. c. 18. *Quidquid (ait) in conversatione fratrum minime communis usus recipit, vel exercet omni studio, ut instantia deditum declinemus,* &c. & D. August. serm. 15. de verbis Apostoli: *Melius (inquit) claudus in via, quam cursor præter viam.* Quæ sententia licet de Apostatis ab Augustino dicta sit, optime in præsentia accommodatur: nam modus quidam apostasiæ est communem relinquere regulam propter propriam adinventionem. Aliquando etiam oriri posset ex nimia præsumptione, & superbia, quæ tunc attingit rationem peccati mortalis, quando juxta prudentis arbitrium exponit religiosum periculo retrocedendi, vel deficiendi in necessariis ad statum suum, & nihilominus in suo judicio & affectu perseverat. Denique intentio generalis non se subjiciendi regulæ, etiam si tantum sit ex amore proprio & accidia, quidam contemptus regulæ est virtualis potius, quam formalis. Si tamen quis non solum intendat non esse sollicitus in observatione regulæ, sed etiam nunquam illam servare, quamvis facile possit, dispositio hæc vel est peccatum mortale, vel certe magna dispositio ad illud, & vix sine formali contemptu haberi potest.

Satisfit argumentis ab initio capitis propositis.

24 Superest, ut rationibus utriusque partis in principio capitis factis satisfaciamus, ne resolutioni a nobis datæ obviare videantur. Sententiam ergo illam D. Thomæ & communem num. 1. propositam intelligendam censeo, vel quando intentio non vivendi secundum regulam talis est, ut vel simpliciter totam regulam nihil distinguendo inter gravia & levia, substantialia & accidentalia despiciat; vel quando talis est, ut omnino quis statuat nec servare regulam, nec subjacere religiosæ disciplinæ: vel certe, quando quis ita despicit regulam, non solum non intendat totam servare, sed etiam quasi positive intendat totam illam non servare, ne illi subjectus appareat; extra hos vero casus non est peccatum mortale, nisi per accidens ratione periculi.

25 Neque plus probant confirmationes ibi adductæ. Nam prima in num. 2. sumpta ex modo profitendi, promittendo conversionem morum, aut observantiam regulæ, solum probat esse necessariam intentionem subjiciendi se regule in eo gradu, in quo ipsa proponitur: nam, ut supra diximus, per professionem vel vota ejus non aliam obligationem aliquis sibi

imponit præter eam, quam auctor regulæ imposuit; sed solum profiteretur se subjicere illi. Secundæ autem confirmationi ex modo loquendi sanctorum in num. 3. respondetur, verba illa Hieronymi accommodata intelligenda esse: nam cum ait: *Te perfectum fore pollicitus es*, non intelligit aliquem promittere se consequentur perfectionem, sed in statu perfectionis permanens, ad quem statum spectat nihil præter Christum habere, id est, nec proprium aliquid, nec seculi, aut matrimonii curas, neque aliam voluntatem, nisi ejus, qui Christum repræsentat. Quæ in tantum cadunt directe sub promissione, in quantum pertinent ad tria substantialia vota religionis: & hoc modo intentio servandi regulam, quatenus hæc continet, vel determinat secundum peculiarem modum suum, est de necessitate præcepti: reliqua vero sunt ad melius esse, vel in eo gradu necessaria, in quo per regulam proponuntur. Atque hæc intentio sufficit, ut quis habeat propositum proficiendi substantialiter, ut sic dicam, & consequenter ad non deficiendum simpliciter gratiæ Dei. Et ita cum proportionem accommodari poterit vulgaris illa sententia, in via Dei non progredi deficere est, quia non progredi in substantialibus & necessariis erit substantialiter deficere: non progredi autem in consiliis erit deficere in perfectione tantum: & sæpe erit defectus venialis, non autem substantialis defectus.

26 Illa vero sententia: *In via Dei non proficere, est deficere, vel non progredi, est regredi*, quæ frequentior est apud Bernardum, quam apud alios Patres, intelligi potest vel formaliter & rigore, vel causaliter seu consecutive ac morali modo. Prior sensus non est verus, quia etiam si quis in gratia non crescat, si non peccet, non ideo regreditur in via Dei. Unde formaliter dixit August. serm. 15. de verbis Apostoli. *Semper adde, semper ambula, semper profice, noli in viam remanere, noli retro redire, noli deviare. Remanet qui non proficit, retro redit, qui ad ea revertitur, unde jam abcesserat, deviat, qui apostatat.* Secundus ergo sensus est intentus a Bernardo: nam, quia in hac vita non potest homo carere omni operatione, ideo necesse est per eam aut deficere, aut proficere. Sicque dixit idem Bernard. epist. 91. & epist. 341. *In hac vita mortali nihil in eodem statu permanet, aut ascendas necesse est, aut descendas.* Unde illa sententia non est religioso unius propria, sed omnibus iustis communis est. Dum autem sic dicitur deficere, qui non proficit, non intelligitur de defectu mortalis culpæ, imo nec de diminutione ipsius charitatis in seipsa, quæ diminui nullo modo potest; sed intelligitur de defectu alicujus venialis culpæ, vel de defectu in acquirendo aliquo morali vitio, aut de augmento alicujus inordinatæ affectionis, quæ cursum, vel facilitatem virtutis impediat. Atque ita intellecta illa sententia nihil ad præsentem causam facit. Addo etiam, præsertim intendere dictos Patres docere periculosum esse in hac vita existimare aliquem se satis profecisse, & ideo desistere a cura & solitudine proficiendi. Sic dixit Bernardus dictæ epist. 253. *Nunquam iustus arbitratur se comprehendisse, nunquam dicit, satis est, sed semper esurit, sititque justitiam.* Et ita inferius subdit: *Si studere perfectioni esse perfectum est, profecto nolle proficere, deficere, est, utique a perfectione, non statim a gratia; nisi tanta sit superbia, vel animi relaxatio, ut hominem in eo periculo constituat.* Quo sensu dixit etiam August. dict. serm. 15. *Semper tibi displiceat, quod es, si vis pervenire ad id, quod nondum es: nam ubi tibi placuisti, ibi remansisti; si autem dixeris, Sufficit, & peristi.*

27 Ad ultimam confirmationem jam responsum est, regulam religionis, de qua agimus, vel non obligare ad aliquam culpam, vel solum ad venialem: neque ex confusa illa, & generali ratione non servandi hujusmodi regulam, insurgere materiam gravis culpæ, secluso contemptu, & periculo, ut satis explicatum est.

28 Ad rationes pro altera parte factas responderetur in primis optime probare illud propositum non esse peccatum mortale, nisi vel gravem contemptum includat, vel hominem morali periculo mortaliter peccandi exponat. Ut unumque autem quando contingat, jam explicatum est: nec de toto primo discursu in n. 5.

Ad secundum argumentum in num. 3.

Ad proloquium sanctorum in codic. n. 3.

Ad primum argumentum in num. 2.

Ad tertium argumentum in num. 4.

Ad primam probationem partis negativæ in n. 5. & 6.

Propo-
nitur quæ-
stio, &
ratio du-
bitandi
utrinque.

Quæstio vel pro-
poni po-
test de di-
missione
habitus,
vel de
spoliatio-
ne.

spoliare se seu nudare habitu, aliud deferere aut mutare habitum. Nam primum fieri potest ad breve tempus, & sine assumptione alterius habitus, ad dormiendum, v.g. ad balneum sumendum, vel natandum, vel ob alias similes causas. Secundum vero proprie significat relinquere religiosum habitum ad induendum alium. Quod fieri potest, vel ad vivendum diu aut perpetuo in alio habitu assumpto, & illud est proprie renunciare habitum: vel solum ad breve tempus, & illa dicitur mutatio habitus, quamvis hæc vox generalior sit. Potest etiam mutatio esse vel in habitum secularem, vel in alium habitum religiosum.

Prima Assertio de demissione habitus peccaminosa graviter.

4 Dico ergo primo, teneri religiosum sub mortali peccato retinere, id est, non mutare proprium religionis habitum. Hanc assertionem, ut certam supponunt omnes Doctores, quos nunc omitto, quia infra lib. 3. a principio tractando de apostasia a religione, referendi sunt: nam unus modus, & frequentior apostatandi est per desertionem habitus. Et sufficienter probatur ex cap. 2. Ne cleric. vel monach. in 6. ubi fertur excommunicatio ipso iure in quemlibet religiosum professum temere dimittentem religionis suæ habitum: excommunicatio autem major supponit peccatum mortale. Confirmatur, nam clericus secularis tenetur sub mortali non deferere, vel mutare clericalem habitum, ut constat ex toto tit. de vita & honest. cleric. ergo idem dicendum est de religiosis, nam quoad hoc æquiparantur in iure. Unde confirmatur per argumentum ab speciali ex cap. *Deus qui*, de vita & honest. cleric. ubi Innocentius III. concedit quibusdam monachis & religiosis diversorum ordinum, ut in unum honestum habitum se conforment, ut possint melius uniri, vel scandalum auferre ad Evangelium prædicandum: ergo supponitur in illo textu non posse religiosum per se loquendo licite mutare habitum. Optime hoc confirmat c. *Clerici* 2. de vit. & honest. cleric. ibi. *Pontifices autem in publico & in Ecclesia superindumentis lineis omnes utantur, nisi monachi fuerint, quos oportet ferre habitum monachalem*, ubi clare supponitur hæc obligatio; imo etiam ex illo textu recte probatur teneri religiosum ad deferendum habitum suum patientem, cum non permittat etiam per Episcopalia indumenta oscultari. Quæ etiam est ibi communis opinio, quam expresse quoque docuit Navarr. in consiliis de regularibus infra citandis.

Ex iure naturali supposito voto naturali hanc obligationem videtur.

5 Sed difficultas est, unde nascatur hæc gravis obligatio non deferendi habitum, seu quo iure hoc præceptum introductum sit; & in primis dici potest esse de iure naturali, supposito tali voto, & statu, & institutione ac sine talis habitus. Nam, ut num. 2. diximus, hic habitus non solum datur ad humanum usum, sed tamquam insigne propriæ professionis. Eo autem ipso quo quis assumit aliquid munus vel statum cum perpetua obligatione sustinendi illud, consequenter obligatur ad non deponendum proprium signum publice institutum & datum ad talem professionem significandam, nam illa est virtualis quædam defectio ab illa obligatione. Quæ ratio manifeste convincit, quando habitus deponitur animo retrocedendi ab statu: nam tunc plane committitur apostasia vitium, quod supposito voto, contra legem divinam & naturalem est, ut significatur in Concil. Carthag. IV. cap. ult. habetur in c. 1. 27. q. 1. & idem habetur in cap. *de viduis*, & cap. *viduas*, cum aliis ead. caus. & 9. cap. 2. 20. q. 3. ex Concil. Tolet. VI. c. 6. tunc autem præcise agitur de sola depositione habitus. Posset autem intelligi aliquem velle retinere statum, & servare substantialia ejus, nolle autem uti tali habitu: quod posset facilius in monialibus contingere. Ergo non satis est obligatio ad statum, nisi addatur specialis obligatio ad deferendum in habitu proprium signum talis status. Ad hoc vero dici posset, quamvis hæc duo speculative (ut sic dicam) sint separabilia; practice in tali materia non posse separari, quia vel religiosus dimittit habitum relinquendo etiam monasterium, seque ab obedientia suorum Prælatorum subrahendo, vel sub illa manens. Priori modo retrocedit ab statu, in quo perseverare tenetur, & est apostata, ut infra citato

Non esse hanc causam sufficientem sumptam per se solam.

lib. 3. videbimus; posteriori autem modo impossibile moraliter est, ut habitum mutare permittatur. Quæ ratio probat quidem optime, quando mutatio habitus diuturna est, & quando per modum status assumitur: tamen etiam de illa non probat in universum, sed ut in plurimum. Nam in religione militari, v.g. potest aliquis nunquam deferre habitum, dissimulantibus & conniventibus Prælati, vel forte ignorantibus: & in monasterio monialium nimium relaxato posset aliqua deponere velum, & seculari modo ornari, in cæteris servando integritatem sui status. In quibus casibus si id contingat, non definit religiosus peccare mortaliter propter negligentiam, vel ignorantiam Prælatorum non adhibentium coactionem; & præterea hoc peccatum non solum committitur in stabili mutatione habitus, sed etiam in ea, quæ fit ad breve tempus, ut ex dict. cap. 2. Ne cleric. vel monach. in 6. sentit Navarrus cons. unico de Apostatis, n. 6. & tamen ratio facta in eo casu non procedit.

6 Necessarium ergo est, ut præter rationem naturalem & necessariam connexionem moralem cum statu & obedientia Prælatorum sit aliqua positiva lex, quæ directe obliget ad retinendum habitum religionis, quam semel quis professus est. Alioquin non erit per se gravis malitia in contraria dimissione, sed solum ex adjunctis, vel per accidens, ratione scandalum. Dico ergo habere religiosos positivum præceptum, quod ita obligantur. Propter difficultatem autem in num. 3. positam addendum est hoc præceptum non tam fundari in speciali regula, quam supponi (cum proportionem) ad omnem regulam. Est enim hoc tamquam generale quoddam jus status religiosi, ut unusquisque in sua vocatione, & consequenter in proprio habitu suæ vocationis permaneat. Quod jus, quatenus extenditur ultra id, quod mere naturale est, potest dici non scriptum, id est, communi consensu & traditione omnium religionum receptum. Potest etiam dici jus commune canonicum, quia in decretis supra citatis authoritatè Pontificum, & Conciliorum generalium confirmatum est.

Completa causa prædictæ gravis obligationis traditur.

7 Sed querendum restat, an dimissio vel mutatio habitus semper sit peccatum mortale? Quod dubitari potest primo ex modo peccandi, secundo ex parte materiæ. Quoad primum Cajet. in Summ. verb. *Clericorum peccata*, significat, religiosum non peccare mortaliter, nisi temere dimittat suum habitum; nam inde probat quasi a fortiori clericum non peccare mortaliter dimittendo suum, nisi temere id faciat: quid autem sit temere dimittere, explicavit idem Cajet. 2. 2. q. 5. art. 3. dicens, temeritatem esse inordinationem ex contemptu, & infra dicit esse speciem præcipitationis contemptum addentem. Et in illo rigore dicit esse interpretandos canones imponentes pœnas temere delinquentibus, alludens inter alia ad c. 2. ne cleric. vel monach. in 6. ubi excommunicatur monachus temere dimittens habitum. Ergo jungendo omnia, sentit non esse peccatum mortale dimittere habitum, nisi fiat ex contemptu.

Responsio Cajet. quoad primam dubitationem.

8 Quod si hæc doctrina vera est, non magis obligatur sub mortali religiosus ad non dimittendum habitum, quam ad non transgrediendum quamcumque regulam: quæcumque enim transgressio est mortalis, si fiat ex contemptu, & non aliâs. Hoc autem repugnat his, quæ hæcenus diximus, & communi modo sentiendi & loquendi Doctorum; censent enim multo maiorem esse obligationem ad non dimittendum habitum, quam ad alias particulares observantias regulæ. Quocirca licet temeraria dimissio in illo rigore explicata a Cajetano, necessaria forte sit ad incurrendam censuram latam in dict. c. 2. de qua re in proprio loco diximus tom. 5. in 3. p. disp. 23. sect. 4. tamen ad peccandum mortaliter non est necessarius contemptus, sed ex parte modi peccandi sufficit quælibet libertas, quæ ad alia peccata mortalia satis est, sive sit mixta cum ignorantia culpabili, sive cum passione & pravo affectu vagandi per aliquod tempus, aut fornicandi, percutiendi aliquem, &c. qui esse potest sine proprio contemptu. Ratio est, quia hæc materia est gravis ex suo genere, & est stricte prohibita per sacros canones, non solum in dict. cap. 2. sed etiam in antiquiori-

Rejicitur Cajet.

Vera resolutio.

bus,

bus, & communis traditio & consensus declarat illam esse rigorosam & potissimam legem prohibentem; ergo ut transgressio ejus sit peccatum mortale, non est necessarius formalis contemptus, sed sufficit virtualis inclusus in libera voluntate faciendi actum legi contrarium. Et hæc est communis sententia Doctorum etiam explicantium illam particulam *temere*, in dict. cap. 2. dicunt enim temere dimitti, quoties sine causa rationabili dimittitur, ut notavit Sylv. verb. *Excommunicatio*. 9. num. 51.

Expedi-
tur postea
prior pars
dubii.

9 Quoad secundam partem certum videtur posse hoc peccatum esse aliquando veniale ex parte materiæ, quod aperte sentit Sylvest. verb. *Excommunicatio*. 9. n. 53. cum aliis, quos refert. Potest autem hæc levitas materiæ in præsentem considerari & ex parte temporis: quia licet dimittatur habitus, statim reassumendus est, & ea intentione exiit. Et in hoc casu præcipue videntur loqui Palud. Sylvest. & cæteri: quia in moribus parum pro nihilo reputatur, nec dicitur quis simpliciter assumere secularem habitum eo quod ad breve tempus illum induat, argumento legis *divortium*, ff. de divortis. Alii tamen hunc casum non admittunt, quia si revera fiat mutatio dolosa ad utendum serio habitu seculari, & ut talis persona secularis reputetur, videtur esse materia gravis, etiam si pro brevissimo tempore fiat. Quod videtur sentire Navar. dict. conf. de Apostasia num. 6. & summa Rossella verb. *Excommunicatio*, & videtur valde probabile, quia illa materia habet intrinsecam deformitatem repugnantem illi statui. Unde addendum secundo est, ut talis mutatio fiat levis, necessarium esse, ut etiam ex intentione minuatur, v. g. si quis ad breve tempus mutet habitum, non ut serio illo utatur, vel ut secularis incedat, sed ludi causa ad repræsentandum, vel quod simile: tunc enim sine dubio erit res levis: quod etiam frequens usus virorum timoratorum declarat.

Obiectio
contra
proxime
dicta de
intentione
enucleatur.

10 Dices: Intentio est valde extrinseca respectu talis materiæ: ergo si materia ipsa est contraria præcepto, & alioquin est sufficiens ad peccatum mortale, non fiet veniale eo, quod ex intentione jocosa aut levi fiat. Respondetur hoc verum esse de intentione mere extrinseca, quæ non mutat moralem rationem actionis: nos autem loquimur de intentione efficiendi hujusmodi mutationem. Voco autem in præsentem variationem moralem actionis, quod mutatio habitus fiat ad mutandam revera speciem exteriorem & existimationem status, vel quod fiat solum ad repræsentandam aliquam personam, quia secundum æstimationem moralem hæc sunt actiones diversarum rationum; immo posterior non censetur vera mutatio. Prior vero est propriissima, & ideo quamvis fiat ex intentione, quæ secundum se tantum sit peccatum veniale, ut ad intuentum publicum ludum, vel quid simile ipsa ratione suæ materiæ vel prohibitionis erit peccatum mortale.

Quomodo
mutando
partem
solum ha-
bitus, fiat
aut non
fiat levis
mutatio.

11 Alio modo videtur hæc materia posse esse levis, quia non totus habitus, sed pars ejus dimittitur. In quo præcipue est observandum, ne religiosus habitus ita ex parte minuatur, ut ex reliquo cognosci non possit, an talis persona religiosa sit, necne, jamenim illa materia erit semper sufficiens ad peccatum mortale: quia in ea consummatur transgressio legis & quoad materiam, & quoad finem ejus. Quin potius licet quis exuendo exteriorem partem habitus, retineat internam, & superinduat secularem habitum, ne religiosus appareat, ratione materiæ non excusabit gravem culpam: quia illa pars cum illis circumstantiis est satis gravis materia, & quia religiosus tenetur exteriorem habitum suum retinere, ut colligitur ex cap. *Deus qui*, de vit. & honest. cler. & sentiunt ibi gloss. Joan. Andr. Antonius, & Panormit. Navar. consil. 76. de Regularibus in nova impressione. Si vero pars habitus, quæ retinetur, exterius apparet, & est proprium signum talis status, non peccabit quis saltem graviter contra prohibitionem dimittendi habitum: quia re vera non dimittit, neque occultat proprium statum. Unde si assumat partem alterius habitus, quæ proprium non occultat, peccare quidem poterit contra decentiam religiosam, vel contra canones prohi-

Suarez Tom. XV.

bentes clericis, vel monachis laicum, vel indecentem vestitum, non tamen contra obligationem non dimittendi habitum. Dixi autem, si sit sufficiens signum proprii status, quia non satis est, quod sit signum religiosi status in communi: quia religiosus tenetur deferre peculiarem habitum suæ religionis, ut Navarrus supra notat, & sufficienter probatur rationibus adductis.

12 Quæri autem hic potest, an occultatio habitus nihil de proprio exuendo, sed alium superinduendo, sit mutatio sufficiens ad peccatum mortale. Sed hoc dubium tractavi latius in 5. tom. 3. Partis, in loco cit. in num. 8. & mihi semper videtur ex vi materiæ non esse illam mutationem, de qua loquuntur jura; quia revera non est dimissio habitus: neque etiam intrinsece esse mendacium, vel quia occultare veritatem non semper est mendacium, vel quia vestis assumpta non est principaliter ad significandum, sed ad alium usum, propter quem accipi potest sine mendacio, etiam si alii decipi permittantur. Præterea licet illa sit ficta simulatio, quando sine rationabili causa fit; nihilominus non videtur ex objecto mendacium ita perniciosum, ut sit peccatum mortale: judicandum ergo erit ex fine, nam si id fiat ex intentione mortali, erit mortale, & multo magis si fiat animo apostatandi, vel fugiendi a religione: quia illa intentio & est mortalis, & multum proportionata illi actioni. Idemque timendum est, si fiat animo libere vagandi per multum tempus, quia illa est virtualis depositio religiosi habitus.

Quomodo
ita nihil
proprie
habitus
mutando,
sed alium
superindu-
cenda.

13 Ultimo est circa hanc obligationem advertendum, non esse ita præcise necessariam, ut oppositum nunquam liceat saltem ad tempus & ex iusta causa. Quia propter gravem necessitatem vel tuendi vitam, vel virandi gravem infamiam, aut scandalum, licite potest mutari habitus religionis ad tempus, ut notavit glossa in cap. 2. ne cleric. vel monach. in 6. & in c. *Cleric. 2.* de vita & honest. cleric. & sumitur ex textu ibi: *Nisi iusta causa timoris exegerit habitum transformati.* Idemque in simile de prohibitionem portandi arma notavit glossa in cap. *Cleric. 1.* eod. tit. Et idem docent Sylvest. verb. *Habitus*, & alii Summistæ tum ibi, tum verb. *Excommunicatio*, Antonin. 3. part. 2. q. 53. Et ratio est, qui tunc illa non est temeraria dimissio; immo nec voluntaria censetur, argumento c. 1. de his quæ vi, &c. & quia leges humanæ non obligant cum tanto rigore, quando aliàs materia est de se indifferens, & transgressio non cedit in contemptum religionis, vel damnum commune: in eo autem casu nihil horum intervenit, quia illud tunc non est mendacium, ut probat ratio supra facta n. præcedent. nec fit in contemptum religionis, nec sequitur aliud damnum, sed potius fit ad vitandum illud, ut supponimus.

Quomodo
tandem di-
cta simili-
tudo possit
omni pec-
cato care-
re.

Primo ex
iusta cau-
sa, hunc
contemte.

14 Dices, hoc ad summum habere locum, quando necessitas præoccupat hominem, non vero quando homo se ingerit actioni, vel trineri habenti necessitatem illam, vel periculum annexum. Respondeo, in priori casu de necessitate præoccupante, semper hoc procedere, etiam si contingat occasionem illam ex antecedente peccato oriri, quia illud est per accidens, & hic & nunc judicandum est de humana necessitate pro ut jam in re existit. In posteriori autem casu de se ingerente pensanda est necessitas, vel utilitas aggrediendi opus, vel iter, quod sine mutatione habitus religiosi commode fieri non potest: nam si illa fuerit sufficiens, non est relinquendum opus propter illam circumstantiam, ut recte sensit Navar. consil. 70. de Regularibus, in secunda impressione, addens judicium de legitima causa in hoc negotio relinqui arbitrio boni viri, cum non sit jure determinatum, argumento cap. *de causis*, §. 1. de officio deleg. & l. 1. ff. de jure delib. randi. At vero quando ratio aggrediendi opus est iniqua, vel non necessaria, tunc licet fieri non possit sine periculo vitæ, vel infamiae absque mutatione habitus, nulla est excusatio, sed dupliciter in eo facto peccatur, primo in intentione juxta malitiam ejus, deinde in medio assumpto ad excusandum periculum, non imminens, nec necessarium, sed voluntarie assumptum.

Instantia
contra
proxime
dicta di-
statur.

15 Alia quoque ratione potest fieri licita hæc mu-

B

tatio

Secundo
potest ca-
sere omni
peccato
ex dispen-
satione.

ratio habitus per justam dispensationem. Cum enim hæc observantia non sit de substantia status religiosi, certum est admittere dispensationem ex justa causa, quæ etiam relinquitur arbitrio prudentis dispensatoris. Non requiritur vero tanta, ut per se sufficiat excusare; quia illa non esset dispensatio, sed interpretatio. Neque etiam est necessaria ingens & extraordinaria causa, qualis ad dispensationem in ipso statu religioso, vel in substantialibus ejus necessaria est, quia minor effectus minorem causam requirit. Et eadem proportionem quo mutatio futura fuerit major, vel diuturnior, eo majorem causam postulat: ut si detur dispensatio ad totam vitam, vel solum ad tempus studii, vel ad agendum negotium, aut iter. Et similiter plus requiritur, ut mutetur habitus monachalis in laicalem, quam in clericalem, & plus, ut in clericalem, quam in alium monachalem, quia magis receditur a lege, seu regula.

Hanc dis-
pensatio-
nem potest
Papa con-
cedere. De præ-
lato religio-
nis idem
probari
videtur a
Navarr. Confir-
matur.

16 Quæri autem potest, quis habeat potestatem concedendi hanc dispensationem. Et quidem constat summum Pontificem maxime posse illam concedere, c. *Deus qui*, de vita & honest. cleric. & quia in omnibus habet supremam potestatem. De Prælato autem religionis dubitari potest. Nam videtur etiam illum posse hanc licentiam ex justa causa dare, quia per hoc non dispensat in voto, sed in regula, quæ illam conditionem includit, nisi justa causa obstat. Et confirmatur, quia Prælatus potest dispensare cum religioso in clausura (loquimur enim de viris, & ex vi juris communis); ergo & in delatione habitus: quia ejusdem sunt obligationis, ut patet cap. seq. Atque ita sentire videtur, & hæc duo æquiparare Navarr. dict. con. 70. n. 8. & 9. Nihilominus censeo solum Papam posse hanc dispensationem concedere, proprie loquendo. Quod ita declaro; nam aliud est dare licentiam ad opus, quod sine mutatione habitus commodè exerceri non potest, aliud vero dispensare per se & directe in gestatione habitus. Primum facere potest Prælatus, & facit quotidie; & ita loquitur Navarr. ut constat ex casu, quem tractat. Illa vero non est dispensatio in hac obligatione, sed facultas ad agendum opus religiosum, quæ non est necessaria ad opus propter dispensationem, sed propter subordinationem & obedientiam religiosam; posita autem illa facultate ad opus, altera obligatio per se cessat ratione occurrentis causæ, juxta supra dicta in num. 13. & 14. Propria autem dispensatio esset, quando opus, ad quod datur facultas, sine periculo vitæ, vel infamie, vel alio scandalo potest exerceri in proprio habitu religioso, & daretur specialis licentia ad non deferendum habitum illo tempore: & hoc modo nego posse Prælatum dare hanc dispensationem. Hancque differentiam constituo inter Pontificem & Prælatum. Ratio me movens est, quia hæc dispensatio non tam est in regula, quam in jure communi, ut ex dictis num. 6. constat: & potestas ad illam concedendam nullibi invenitur data Prælati, neque etiam continetur in generali facultate, quam habent dispensandi in jure communi, quia illa solum extenditur ad res, quæ ordinariæ & frequenter occurrunt, & ad dispensationes moraliter necessarias ad ordinarium vivendi modum: hæc autem dispensatio non est hujusmodi, sed est valde extraordinaria, & multum exorbitans, ideoque supremam Pontificis potestatem mihi postulare videtur, quamvis hoc in terminis disputatum non invenerim. Quæ etiam hanc differentiam considero inter existentiam extra claustrum, & mutationem habitus, quod illa est frequenter necessaria, & habet ordinarias causas, hæc vero minime; & ideo prior censetur concessa Prælato in generali potestate, non autem posterior. Item est alia ratio optima, quia facultas existendi extra claustrum quasi per se & directe pertinet ad jurisdictionem Prælati, ut possit uti suo subdito, ubi ille indigerit, vel ei præcipere ministerium extra claustra, quando opportunum judicaverit: mutatio vero habitus per se non spectat ad executionem obedientiæ religiosæ. Non ergo est similis ratio, neque illa duo æquiparantur, nisi quando ex facultate ad aliquod opus necessaria est utraque circumstantia. In quo etiam est differentia, quia circumstantia loci locum est per se intenta, & intrin-

sece postulat in ipsa facultate: alia vero est omnino per accidens, sequiturque ex causis extrinsecis, & ideo non est ita directe intenta.

17 Dices: interdum religiosus habens facultatem a Prælato ad aliquod iter vel ministerium agendum, dubitat, an expediat, vel liceat mutare habitum, & sua autoritate non audet, & de licentia Prælati securus facit: ergo signum est posse Prælatum directe & per se hanc licentiam dare. Respondeo, illam magis esse authenticam interpretationem, quam dispensationem: nam in rigore illud dubium posset determinari per prudentem arbitrium, considerata causa: si vero potest fieri recursus ad Superiorem, merito fit, quia ad illum ex officio spectat declarare, an lex obliget in casu dubio, & sua autoritate adjungit practicam certitudinem. Quod si quis illam vocet dispensationem, non contendo de voce, quia solum loquimur, quando constat obligationem non dimittendi habitum non cessare ob extrinsecas causas, & per se tollitur a Superiore; & hoc dicimus pertinere ad solum Pontificem. Unde infero, regulariter ac moraliter loquendo, per solam licentiam Prælati non posse dimitti habitum pro tota vita, nec pro tempore diuturno, & quasi stabili modo, sed solum occasione alicujus actionis, & pro tempore, quo durat: quod secus est de dispensatione Pontificis, ut per se constat. Et ideo dico, regulariter loquendo: quia si religiosus mittatur a Prælato ad prædicandum Evangelium, ubi non potest sine periculo facere nisi mutando habitum, etiam poterit longo tempore, & per totam vitam ea licentia uti, quia est consequens ad prædictum ministerium, quod toto illo tempore sancte exercetur.

Affertio secunda. Religiosum exuere se, absque animo deferendi habitum non esse peccatum, seclusa regula, vel extrinsecis circumstantiis.

18 Hactenus a num. 4. diximus de dimissione & mutatione habitus: nunc de spoliatione breviter dicendum est, nihil de illa esse statutum jure communi, quia cap. 2. nec cleric. vel monach. in 6. non loquitur de spoliatione, ut in 5. tom. 3. p. num. 8. allato dixi. Et omnia alia jura magis loquuntur de mutatione habitus, cum qua status relinquitur, quam de spoliatione, ut supra notavi. Unde ex vi juris communis hoc prohibitum non est: neque etiam ex natura rei, aut ratione voti, seu status religiosi. Consulenda ergo est religiosa regula, tanta enim erit hæc obligatio, quanta in illa fuerit imposita. Unde nisi ex aliis circumstantiis hæc transgressio fiat culpabilis, vel mortale peccatum, non erit talis, nisi juxta regulæ obligationem. Ait tamen Sylvest. verb. *Excommunicatio*. 9. num. 52. nunquam dimitti (etiam hoc modo) a religioso professio sine rationabili causa absque peccato: quia adeo (inquit) est annexus offibus monachorum, quod in quocumque loco consistentes, sive in lecto quiescentes, constanter eo uti debent, citat ca. vidua. 20. quæst. 1. ubi Concilium Toleranum X. loquens de virginibus sacris, quæ religionem continentur, ait: *Tunc accepta a Sacerdote, vel ministerio apta religionis professioni veste seu in lectulo quiescens, sive in quocumque loco consistens, constanter ea utatur.* Et Concilium Carthaginense IV. cap. 11. dicit: *Sanctimonialis virgocum ad consecrationem suo Episcopo offertur, in talibus vestibus applicetur, qualibus semper usura est, professioni, & sanctimonialis aptis, habetur in cap. Sanctimonialis, 23. dist.* Immo indicat præterea Sylvest. hoc peccatum esse mortale, si ex rationabili causa non fiat, ut si ex lascivia (inquit) & illicita sensualitate dormiendi quietus in hospitio extra monasterium. Et Navarr. in consil. de Apostatis significat, religiosum, qui spoliatur habitu ad liberius fornicandum, peccare mortaliter, non solum contra temperantiam, sed etiam exuendo habitum, quamvis apostata non sit. Nihilominus ex vi juris communis certum existimo non esse in hoc obligationem sub peccato mortali: quia neque in citatis decretis sunt verba, quæ indicent rigorosum præceptum. Nam in cap. vidua, solum dicitur, *constanter ea utatur*; in alio vero, *qualibus semper usura*

Instantia
contra re-
solutionem.

Diluitur.

Offenditur
assertio.

Sentire
videtur
Sylv. item
per pecca-
re religio-
sum exue-
do se ab-
sque ratio-
nabili causa.

Accedit
aliqua ex
parte Na-
varrus.

Sustine-
tur tamē
assertio
posita.

Ejus ratio,
quæ etiam sa-
tisfit pro-
hibitioni
claustræ.

Satisfit
confirmati-
onem præ-
cedenti in
allata ex
multiplici
difer. mi-
ne inter
dispensa-
tionem
claustræ
& habi-
tus.

usura est, quæ non sunt verba rigorose præceptiva, ut per se constat: nec communi usu & consuetudine ita sunt interpretata. Nec dicti authores oppositum sentiunt: nam Sylvester expresse dicit, licet monachi debeant semper suo habitu uti, tamen hoc debitum esse honestatis, non necessitatis. Et in hanc sententiam refert Archidiaconum, & Joan. Andr. solum ergo volunt ex circumstantia extrinseca posse illud peccatum esse mortale. Unde in prædicto casu intemperantis religiosi non erit, per se loquendo, duplex malitia mortalis in illo actu, una fornicationis, alia spoliationis habitus, nisi fortasse ex speciali regula talis prohibitio cum eorum sacra sit: semper enim jura specialia excipimus, quæ consulenda & observanda sunt. Alia de decencia, quam religiosi in vestibus servare debent, legi possunt apud Navarr. Comment. 4. de Regul. num. 27. ubi late expendit Clem. 1. de Constit. de qua aliqua dicemus in cap. 1.

CAPUT VI.

Utrum religiosi ad clausuram servandam non egrediendo claustrum proprio & rigoroso præcepto teneantur.

Circa clausuram major est, & specialis monialium obligatio; & ideo quæ in genere dicemus, de viris præcipue intelligenda sunt, postea in cap. 8. & 9. quod sceminis fuerit particulare addemus. Potest autem religiosa clausura in duas partes distribui: una est observatio claustrum non egrediendo extra illud; alia est ejusdem claustrum observatio, non admittendo personas extraneas seculares, vel laicas intra illud.

1. Circa priorem partem clausuræ in hoc cap. propositæ, questio est, an habeant religiosi speciale præceptum non egrediendi extra claustrum sine legitima facultate, & consequenter an talis egressus ex suo genere sit peccatum mortale. Ratio dubitandi est, quia hæc obligatio non oritur ex voto, nec ex præcepto Ecclesiastico; ergo ad summum oritur ex regula: ergo non est major, quam sit communis obligatio regulæ: non est ergo, per loquendo, & ex genere suo peccatum mortale. Prima pars antecedentis probatur, quia religiosi directe non vovent clausuram, quia ordinarie solum vovent tria substantialia vota: neque etiam indirecte in his continetur clausura, nisi in quantum in virtute obedientiæ præcipi potest: ergo donec ita præcipiatur per regulam, vel Prælatum, non est talis obligatio ex vi voti. Neque obstat, quod aliqui dicuntur profiteri expresse hoc modo: Promitto Deo, & Sanctis ejus, & vobis Domino Abbati, me perpetuam continentiam servaturum in hac domo, vel monasterio, ut ex Speculatore refert Navar. statim citandus, tum quia illud speciale est, & mihi non constat, in qua religione servetur: tum etiam, quia intentio illorum verborum non est promittere nunquam exire a monasterio materiali, sed formali, ut sic dicam, id est, servare continentiam cum perseverantia in tali statu.

2. Secunda pars probatur, quia nullum est in jure canonicum decretum, quod hujusmodi præceptum factis probet. Nam si qua sunt, maxime illa, quæ Gratian. congerit 16. q. 1. Illa vero non de permanentia in clausura, ut sic, sed in ordine ad abstinendum a functionibus Ecclesiasticis loquuntur, quando verbis utuntur præceptivis, ut patebit unum vel aliud attingendo. Primum est c. placuit, secundum 16. q. 1. ubi Eugenius Papa ait: *Placuit communi nostro Concilio, ut nullus monachorum pro lucro terreno de monasterio exire nefandissimo ausu presumat.* Et infra: *Sit claustrum suo contentus: quia sicut piscis sine aqua caret vita, ita sine monasterio monachus.* Unde Bernard. serm. 1. de S. Andrea, monasteria comparat stagnis, a quibus pisces non habent divagandi facultatem. In quibus verbis priora, quæ majorem rigorem continent, non sunt absoluta, sed cum illis limitationibus, *pro lucro terreno, & nefandissimo ausu*, ex quibus constat non simpliciter prohiberi exitum, sed ad pravam finem, vel ad actiones vel ministeria monachis prohibita, quæ ibi statim recensentur juxta illius temporis consuetudinem. Posteriora autem verba non continent præcep-

tum, sed monitionem & recordationem proprii status, ut patet etiam ex subjunctis verbis: *Sedeat itaque solitarius, & taceat, quia mundo mortuus est, Deo autem vivit.* Quomodo etiam dicit Concilium Nicænum in c. placuit. 1. ejusdem q. *Placuit omnibus residentibus in sancta Nicæna Synodo, ut monachorum conversatio & vita secundum etymologiam nominis ab omnibus discrepet (monachus enim Græce, Latine singularis dicitur) unde monachum per omnia singulariter agere oportet.* Per quæ verba sui status illum admonet, & postea subjungunt præceptum in his decretis (quod præ oculis habendum est) intentum; agunt enim de monachis antiquis, qui ex vi status non erant sacerdotes, neque ad ministeria Ecclesiastica ordinabantur, sed ad vitam separatam & contemplativam agendam: directe ergo prohibentur exire ad illa ministeria circa populum peragenda, non vero novum præceptum circa eorum statum eis imponitur. Imo in dict. c. placuit. 1. in fine aperte supponitur monachos posse exire, seu peregrinari, nam dicitur, ut non sepeliant nisi monachum in monasterio secum commorantem, etsi fortuito quemquam advenientium fratrum ibi mori contigerit. Per illam vero comparisonem piscis declaratur utilitas vel necessitas claustrum ex vi status, non ex speciali præcepto canonico. Aliud decretum est in cap. *Monachi.* 2. ead. q. sed constat manifeste ibi non exitum, sed Ecclesiasticum ministerium egrediendi prohiberi, & præterea addi, *sine imperio Abbatis.* Idem potest responderi ad c. *juxta*, & c. *qui vere*, ibid.

3. Consequentia autem in num. 1. illata probantur a sufficienti partium enumeratione, quia non est aliud principium, unde possit oriri hæc obligatio, nisi regula, quæ quoad hanc observantiam non fertur majori rigore, nec verbis magis indicantibus præceptum, quam in aliis, ut videre licet in Regula Augustini cap. 10. aliàs 29. quoad hanc partem solum dicitur: *Qui habet aliquo eundi necessitatem, cum quibus Præpositus jusserit, ire debet.* Dixerat enim in c. præcedenti, & in c. 16. aliàs 8. ut nunquam soli incedant, sed duo vel tres simul: hic autem subjungit, socium debere a Prælato designari: unde a fortiori supponere videtur potius quam disponere, ut petatur licentia a Præposito, si quo eundum est: hæc autem regulæ non plus obligant, quam reliquæ. Basilii autem in sua regula nulum peculiare præceptum de hac re posuit: solum in reg. 35. ex fusioribus indicat utilitatem magnam manendi intra claustra. Et in c. 8. constit. monast. monet graviter religiosos, ut in assignato sibi ad habitandum loco fortiter & quiete permaneant, & non facile huc illucque discurrant. Subdit vero statim: *Neque vero tamen propterea perpetuo est tamquam in custodia permanendum, sed quodcumque & res poscit, & conscientia non reprehendit, libere est, fidenterque prodeundum, ita tamen, ut in prodeundo modus teneatur, & prava omnis suspicio evitetur.* In regula autem Carmelitarum (quæ creditur esse Basilii) c. 6. dicitur, *maneant singuli in cellulis suis, vel juxta eas die ac nocte in lege Domini meditantes, & cætera.* Ex quibus a fortiori sequitur obligatio manendi in claustrum. Sed illa regula non plus obligat, quam alia, & certum est minus obligare, quam præceptum non exeundi extra claustrum; gravius enim peccaret religiosus Carmelita extra claustrum sine licentia exiens, quam extra cellam. In regulam etiam D. Benedicti nihil expressum de hac re invenitur, nam licet cap. 29. supponatur esse grave delictum egredi monasterium, tamen sermo ibi est de egressu per apostasiam, vel fugam, quod longe diversum est. In cap. autem 51. prohibet comedere extra monasterium sine imperio Abbatis, de exitu autem nihil dicit. Neque etiam S. Franciscus in sua regula: solum enim de volentibus ire ad infideles, disponit in c. vul. ut non eant sine licentia Ministri Provincialis. Denique in Regula S. Pachonii, c. 36. 47. & 72. prohibetur exitus sine licentia, sicut prohibetur etiam locutio, aut deambulatio in monasterio, vel aliquid simile. Non apparet, ergo unde in hac re sit rigorosa præcepti obligatio.

6. Ut sepatemus certa ab incertis, supponendum est, exitum a monasterio animi apostatandi, vel fugiendi ab obedientia Prælatorum, esse intrin-

Probatur consequentia argumenti. 1. illata.

Primum præmissum in hac q. certum.

sece malum, supposita professione, & ex genere suo peccatum mortale, quia directe repugnat obligationi, quæ ex professione nascitur. De qua re infra in lib. 3. a c. 1. ubi de mutatione religiosi status dicturi sumus: hic enim non agimus de permanentia in statu, & recessu illi contrario, sed de permanentia in loco materiali monasterii, ut sic dicam, & hanc vocamus clausuram, cui opponitur egressio tantum localis extra septa totius monasterii. Secundo certum est, hanc clausuram non esse ita præceptam monachis seu religiosi, ut nulla ratione eis liceat extra claustrum exire: nam de licentia legitimi Prælati exire licet, ut supponunt omnes regulæ religiosorum, & jus commune non repugnat, communisque consuetudo confirmat. Certum est etiam Prælatos communi & ordinaria potestate posse dare hanc licentiam, nisi ubi aliquod jus proprium alicujus religionis obstituerit. Tertio suppono esse in religiosi aliquam obligationem non exeundi claustrum sine licentia Prælati, hoc enim etiam constat ex regulis & ex usu. Intelligendum est autem de religiosi infra Prælatum, nam ipse Prælati sibi poterit facere facultatem, ut per se constat, quamvis in modo possit excedere, ut infra attingam. Loquimur etiam de religiosi, qui profitentur vitam communem seu cœnobicam, prout nunc sunt in Ecclesia: nam si status religiosus consideretur, ut fuit in Apostolis, vel prout esse potest in vita solitaria vel privata, non postulat necessario hanc observantiam. Duo ergo alia videntur posse dubitari. Unum est, qualis sit obligatio religiosi non exeundi extra claustrum sine licentia: aliud est, an hæc licentia dari possit a Præfato per modum ordinariæ facultatis, vel solum per modum dispensationis.

5 Circa primum videtur sane dicendum, hanc obligationem ex genere suo non esse tantum ex simplici ordinatione regulæ obligantis ad pœnam, & non ad culpam, sed esse in conscientia, & in rigore proprii præcepti obligantis juxta materiæ capacitatem: ita sentit Nav. supra, qui non parum laborat in inveniendi hoc præcepto, & tandem illud præcipue reducit ad consuetudinem & usum omnium religionum. Quamvis enim hæc observantia a principio inceperit ex directione regulæ, postea vero usu videtur recepta tamquam res gravis, & intrinsece necessaria ad custodiam & convenientem disciplinam illius status. Nonnihil etiam potuerunt conferre Conciliorum & Pontificum decreta ad introductionem hujus præcepti, maxime illud Concilii Chalcedon. c. 4. quod refertur in d. c. qui vere, ibi: *In locis, in quibus se semel Deo dedicaverunt, permanentes*; & subditur infra: *Prætereuntem vero hæc decrevimus extra communionem esse, ne nomen Domini blasphemetur*. Et alii Alexan. II. in d. c. 2. *Juxta Chalcedonenfis tenorem optimi Concilii monachis, quamvis religiosi ad normam S. Benedicti intra claustrum morari præcipimus, vicos, castella, civitates peragrarare prohibemus*. Quamvis enim verum sit hæc & similia fuisse præcepta ad illum finem, ut non usurparent Ecclesiastica in iustitiam, tamen ea occasione videtur eis præcepta aliqua permanentia in claustrum, vel saltem ipso usu in eo sensu est illa lex recepta. Et eodem modo, licet illa loquatur de solis monachis, & secundum antiquam institutionem, quæ ad actiones erga proximos non ordinabatur: nihilominus quoad hanc partem videtur ab omnibus religionibus recepta, nam in omni-bus delictum in conscientia existimatur, clausuram frangere prædicto modo. Unde Innoc. III. in c. quando de offic. ordin. de omnibus loquens inquit: *Ad audientiam nostram noveris pervenisse, quod monachi, canonici, & alii regulares tue provincie, cum deberent potius in claustrum juxta regularia instituta divinis obsequiis vigilare, claustrum abhorrentes per curias Principum discurrere*, &c. Et similia habentur in Clem. 1. §. quia vero, de statu monach. In quibus juribus directe quidem non præcipitur clausura, sed prohibetur divagatio & discursus ad curias Principum, maxime sine licentia Prælatorum, & usurpando bona religionis; supponunt tamen regularem obligationem ad clausuram servandam. Hujus autem rei fundamentum magis explicabitur declarando gradum culpæ, quæ in transgressione hujus obligationis committi potest.

6 Dico ergo secundo: hæc obligatio ex genere suo talis est, ut contra illam possit mortaliter peccari, ex eo solum, quod materia in illo genere gravis sit. Hæc assertio sequitur ex præcedenti, nam hæc lex vel traditio obligat in conscientia, & per specialem voluntatem legislatoris non limitatur solum, ut obliget sub veniali, ubi enim est hæc limitatio? nunquam enim præsumitur, nisi explicetur. Cum autem in præsentī hæc obligatio, ut est in conscientia, maxime nitatur aut legibus canonicis, aut consuetudine, debet per illas explicari, quod non sit neque in decretis citatis, nec per consuetudinem: ergo relinquitur hæc obligatio in ordinario & quasi naturali modo obligationis legis humanæ: conditio autem hujus legis est, ut obliget quantum potest juxta capacitatem materiæ, & consequenter, ut in materia gravi obliget sub mortali: ergo talis est præsens obligatio. Materia autem gravis respectu hujus obligationis potest variis exemplis explicari. Primum, si quis absque licentia claustrum egrediatur, ut extra illud diu & quasi stabili modo vivat, etsi non habeat animum nunquam revertendi, vel omnino relinquendi religionem: nam talis fuga ex communi sensu omnium religionum gravis transgressio est; imo ego existimo id non fieri sine culpa apostasiæ, quando intenditur mora multum diuturna, de quo infra in lib. 3. suo loco dicam. Multi autem, inter quos videntur esse Cajer. & Navar. existimant non esse apostasiæ, nisi sit cum animo non revertendi; & nihilominus pro certo habent esse grave peccatum mortale, quod tamen est in materia clausuræ. Imo idem censendum est de quacunque propria fuga, quæ occulte fit, aut quasi violenter invito Præfato ad vagandum aliquo tempore, etiam si nec tempus sit multum diuturnum, neque vagatio sit ad peccandum mortaliter: & a posteriori signum hujus gravitatis est scandalum & infamia vel religiosi, vel etiam religionis, quam talis fuga solet generare. Propter quod adeo est in jure odiosa, ut etiam prætextu adeundi majorem Prælatum, in canonibus prohibeatur. Et novissime Conc. Trid. sess. 25. c. 4. de Regularibus dixit: *Non liceat regularibus a suis conventibus recedere, etiam prætextu ad superiores suos accedendi, nisi ab eis missi, aut vocati fuerint*; & contrarium facientes mandat puniri, ut transgressores sui instituti. Ubi particula, *non liceat*, satis significat obligationem in conscientia, & modus transgressionis ac pœnæ sufficienter ostendit gravitatem transgressionis.

7 Præter hæc, quæ clara videntur, censo etiam esse gravem materiam hujus transgressionis quemcumque nocturnum exitum furtivum, & sine licentia, etiam si aliàs ex fine non sit ad peccandum mortaliter, quia revera est nimis contrarius decentiæ & custodiæ religiosæ, & eisdem effectus scandali & infamiæ per se loquendo secum trahit. Et hoc clare supponit Clem. VIII. in decreto de casibus reservatis religiosorum: nam tertius est *nocturna, ac furtiva a monasterio egressio, etiam non animo apostatandi facta*; cum enim non reverterentur nisi peccata mortalia, supponit manifeste talem esse illum egressum, non tantum ex fine extrinseco, hic enim accidentarius est, & oportuisset id explicare; est ergo tale ex objecto. Unde etiam censo, quamvis egressio diuturna sit, si tamen fiat animo pernoscendi etiam extra monasterium sine licentia, esse sufficientem materiam peccati mortalis. Quia nocturna egressio non est tantum mortalis propter modum exitus, per quem vis quædam fieri videtur custodiæ monasterii, quæ sine dubio est circumstantia multum aggravans, sed etiam est gravis propter existentiam ipsam furtivam extra monasterium, tanto & tali tempore, in quo, per se loquendo, inest & periculum infamiæ, & scandali, tam proprii, quam aliorum.

8 Ex quibus exemplis conjectare possumus, radicale fundamentum hujus gravitatis esse jus Superioris ad gubernandum, & custodiendum subitum, quod graviter læditur per hujusmodi exitus. Nam in primis subditus ita esse debet sub potestate Superioris, ut ab illo possit vel gubernari & custodiri, vel imperari: a qua subjectione multum subtrahitur per fugam vel discessum a monasterio, invito, vel inscio Præfato; nam si discessus sit diuturnus quoad moram, pri-

vatur

Hæc obligatio peccati mortalis.

Casus ubi non licet gravi- tatis hujus materiam.

Casus alii ex sententia Auctoris.

Quæ sit causa prædictæ gravitatis.

Secundum præmissum.

Tertium præmissum.

Datur obligatio ad claustrum.

vatur quodammodo Prælatus poteſtate imperandi, in materia gravi, qua ratione fuga ſervi, qui tenetur eſſe ſub poteſtate domini, ex ſuo genere gravis culpa eſt: religioſus autem quoad hoc ſuo modo æquiparatur ſervo, ut tomo præced. dictum eſt. Si autem diſceſſio ſit ad modicum tempus quoad quantitatem, grave autem quoad qualitatem, ut ſic dicam, quia nimirum eſt tempus requirens majorem cuſtodiam, & permanſionem ſub poteſtate Prælati, ea ratione etiam tollitur Prælato ſubjectio ſeu jus debitum illi in materia gravi: ut ſi filia furtim diſcedat a domo paterna, præſertim tempore nocturno, nam licet aliàs in individuo ſingamus non peccare mortaliter neque ex intentione, neque ex periculo, ex injuria, quam facit domui paternæ, & fidelitati illi debitæ, graviter peccabit: non eſt autem minus religioſa caſtitas, & decencia ſervanda. Et juxta hanc ponderationem explicata hæc obligatio, videri poteſt non mere poſitiva, ſed naturalis, & divina, ſuppoſita profeſſione religioſa in tali ſtatu, pertinereque vel ad juſtitiam legalem reſpectu totius communis, vel reduci etiam ad votum obedientiæ reſpectu Prælati: nam hoc votum (quod eſt notandum) non tantum obligat ad actum obediendum, quando actu præcipitur, ſed etiam ad perſiſtendum quaſi in proxima ſubjectione, ut mandati quis poſſit, quam ex natura rei ſecum affert obedientia, etiam ſi diſtincte non præcipiatur. Unde furtiva diſceſſio a clauſtro ſic conſiderata non tam eſt peccaminosa graviter ob materialem egreſſum a terminis localibus clauſtri, quam ob ſubtractionem a ſubjectione & poteſtate Prælati, quæ cum illa conjuncta eſt. Sic ergo ſatis probabiliter explicatur radix hujus obligationis. Quod ſi aliquibus nihilominus videatur non omnino demonſtrari obligationem mere naturalem, negari ſaltem non poterit, & oſtendere ſufficientem gravitatem in illa materia ad gravem etiam obligationem legis poſitivæ, & convenientiſſime impoſitam eſſe religioſis hanc obligationem, ſive per legem canonicam ſcriptam, ſive per conſuetudinem & quaſi traditionem.

9 Dico tertio nihilominus exire de clauſtro ſine licentia Prælati non eſt adeo grave peccatum, quin in individuo poſſit eſſe veniale ex levitate materiæ. Et quidem aſſertionem ipſam, quantum ad levitatem culpæ, expreſſe docet Nav. dict. Comm. 4. num. 35. Sed videtur amplius velle, nimirum hoc peccatum per ſe tantum eſſe veniale, licet per acciſſens ex ſcandalo vel noſtamento poſſit fieri mortale. Ratio ejus eſt, quia licet jus commune confirmet, non tam id facit addendo vim præcepti, ſed vim generalis ſtatuti, ita quod non fiat de obſervantia præceptum, ſed de obſervantia regulæ particularis obſervantia legis generalis. Cujus rationis vim & ſenſum non ſatis percipio, quia vel intendit canones Eccleſiaſticos nullam huic regulæ addidiſſe obligationem, ſed ſolum feciſſe, ut quæ erat regula particularis unius vel alterius religionis, eſſet univerſalis omnium: & hoc repugnat his, quæ hæcenus diximus, & verbis canonum, quæ præceptiva ſunt, & multo magis conſuetudini, quam ipſe non negat: præterquam quod ſi id verum eſſet, neque ad peccatum veniale per ſe obligaret talis prohibitio, quia ſimplex regula generatim ſumpta non obligat in conſcientia, niſi induat veram rationem legis. Vel intelligit jus commune addidiſſe vim ſtatuti generalis obligantis in conſcientia cum limitatione ad veniale ex intentione canonum ſeu authorum eorum, & interrogo, unde conſtet de hac intentione, cum verba præceptiva abſoluta ſint.

10 Dico ergo peccatum hoc non eſſe veniale ex limitata voluntate legiſlatoris, ſed poſſe fieri veniale ex levitate materiæ, qualiter ſit, ut opinor, ſi duo religioſi per communem januam ſine licentia exeant conſueto modo, paulo poſt reverſuri: ſecula enim mortali intentione in tali exitu, & ſeculo ſpeciali præcepto alicujus religionis, ſi forte ſit, per ſe & ex vi clauſuræ, hoc non eſt peccatum mortale: quia & prudenti exiſtimatione, ut tale apprehenditur communi conſuetudine: neque illa eſt ſubtractio notabilis a ſubjectione Prælati, nec poteſt dici fuga a monaſterio, vel aliquid ſimile. Quamvis ergo ille ſit gravis defectus intra latitudinem diſciplinæ regulatis, & excuſari

non poſſit a culpa veniali, quia aliquo modo lædit clauſuram, & cuſtodiam religioſam; tamen non poſſumus illud, ut peccatum mortale damnare, quia in illo genere non continet gravem deordinationem. Poſſumus id confirmare exemplo ſervi ſupra adducto, nam licet fugiendo graviter peccet (quod gratia exempli ſuppono), ſi tamen ad horam ſe tubrahatur, ut propriæ vacet voluntati, etiam cum aliquo incommodo Domini, non peccabit plus quam venialiter ob materiæ levitatem: ita ergo in præſenti. Denique cuſcumque fere legis tranſgreſſio poteſt eſſe venialis ex levitate materiæ: ergo etiam hæc, quia nulla eſt ſpecialis ratio, quæ obſtet.

11 Tandem dicendum eſt, non obſtante hac obligatione poſſe interdum exitum hunc extra clauſtrum fieri licite ſine licentia ex juſta cauſa. Non loquimur de exitu vel apoſtatico, vel ſimpliciter fugitivo a tota religione, & omnibus Prælatis ejus; ad hunc enim nulla poteſt eſſe juſta cauſa, eſt enim intrinſece malus, utpote voto contrarius, & ideo honeſtari non poteſt, ut infra ſuo loco videbimus. Loquimur ergo de exitu, qui licitus eſſet, ſi de licentia fieret. Hic ergo præſertim ad breve tempus interdum eſſe poteſt neceſſarius ex charitate proximi ad defendendum illum, vel jam morienti per abſolutionem ſubveniendum, vel quid ſimile: & tunc licet petenda ſit licentia, ſi fieri poſſit, ſi tamen inſtet neceſſitas, licitum eſt exire ad opus charitatis neceſſarium. Verum eſt in his & ſimilibus caſibus intervenire præſumptam, ſeu tacitam licentiam, quæ in his rebus ſufficit, ut in ſuperioribus dictum eſt. Poteſt tamen accidere, ut petita licentia negetur, & tunc oriri videtur perplexitas quædam: verum tamen uſitata regula ſequenda eſt, ut ſi res fuerit dubia, religioſus ſequatur judicium Prælati, & ſuam legem obſervet: ſi autem de neceſſitate proximi ac proinde de obligatione charitatis certus ſit, & Prælatus procedat vel ex falſa præſumptione, vel ex pravo affectu, & res poſſit fieri ſine ſcandalo, & infamia religionis, tunc nullum committeretur peccatum in tali egreſſu: imo interdum cadere poterit ſub obligatione, quamvis tot requirantur circumſtantiæ, ut vix caſus ſit moralis, niſi in exitu quaſi momentaneo, qui moraliter quaſi pro nihilo reputatur. Hic autem occurrebat quaſtio, an hic exitus ad longum iter agendum poſſit aliquando eſſe licitus animo cundi ad ſuperiorem Prælatum prætextu propriæ deſenſionis, ſed de hoc dicam commodius infra cit. lib. 3. tractando de apoſtaſia religioſorum.

12 Per hæc ſatis videtur explicata hæc obligatio, & ſatis factum rationibus dubitandi in principio n. 1. poſitis. Super eſt tamen declarandum, qualis licentia neceſſaria ſit, ut hic exitus licite fiat. Navar. enim ſupra ſentit licentiam hanc eſſe neceſſariam per modum diſpenſationis, & conſequenter non poſſe dari licite niſi ex juſta cauſa, neque ſubditum liberari a violatione clauſuræ per licentiam ſine rationabili cauſa obtentam, ſicut ſupra dicebamus de uſu paupertatis. Sed diſtinguendum cenſeo inter rigoroſam præcepti obligationem, quæ hic cenſetur eſſe ex jure communi, vel naturali, & inter obſervantiam regulæ. Priori modo aſſero, per licentiam Prælati ſine fraude & vi ab illo obtentam ſemper excuſari a culpa mortali clauſuræ violationem, etiam ſi licentia imprudenter, & ſine ulla cauſa derur; imo (quod gravius eſt) etiam ſi Prælatus per ſuam regulam ſit prohibitus eam dare. Probat, quia talis exitus non eſt apoſtaſia, neque fuga, neque etiam furtiva egreſſio: quia nec ſit inſcio Prælato, nec extra obedientiam ejus: ſeculaſis autem illis tribus capitibus, & ſeculaſis iis, quæ ſunt per acciſſens, ſcilicet ſcandalo, contemptu, &c. non appareat in hac re materia gravis culpæ ex vi ſolius clauſuræ. Confirmatur, & declaratur ratio a priori, quia licentia Prælati in præſenti non eſt diſpenſatio in jure communi, ſed potius eſt quaſi materia & conditio ipſiusmet præcepti, quia hæc lex non prohibet exitum ſimpliciter, ſed exitum ſine licentia. Neque talis lex ex ſua ſpeciali ratione poſtulat, ut licentia prudenter derur, ſed hoc ſupponit ex officio Prælati: neque imponit ſubdito onus hoc examinandi, id enim neque ex lege conſtat, neque ex conſuetudine; nec multum rationi

Declaratur & ſua-
detur
aſſertio.

Sententia
Navarii.

Prima
pars vera
reſolutio-
nis.

Contra-
rium pla-
citum
Authoris.

Probat.

consonat. Præsertim, quia finis hujus prohibitionis, ut dixi, magis est, ut religiosus non discedat a Prælati, quam ut non discedat a loco: quotiescumque autem discedit sub voluntate Prælati, non discedit a Prælati, etiam si Prælati talem voluntatem immerito habeat.

Instantia. 13 Dices, hoc discursu probari religiosum nec venialiter peccare utendoli facultate: quod videtur plane falsum, cum id irrationabile sit. Sequela vero patet, quia nullo modo violat legem clausuræ quantum ad materiam ejus, ut explicata est. Respondeo concedendo sequelam ex vi illius legis clausuræ, ut si quis habeat præceptum non comedendi sine licentia, & petat, ac obtineat illam, & comedat sine ulla necessitate propter solam voluptatem, nihil peccabit contra dictum præceptum, quia in nullo violavit materiam ejus, licet peccet contra temperantiam intemperstive, vel sine causa comedendo: sicut non violat legem jejunii, qui de cibis non prohibitis nimium comedit tempore permissio, licet aliàs intemperatus sit. Ita ergo in præsentis casu nihil peccat religiosus contra commune jus clausuræ, licet peccare possit vel petendo licentiam, quæ justè dari non potest, vel otiose tempus conterendo, vel malum exemplum dando, vel alio simili modo: quæ peccata frequenter erunt venialia, mortale vero vel nunquam, vel rarissime, nisi intentio excundi sit ad peccandum mortaliter, vel cum aliquo gravi scandalo, quæ omnia accidentalia sunt. Hæc vero intelligenda sunt de ordinario egressu ad breve tempus, vel ad aliquod iter agendum. Nam si loquamur de facultate ad habitandum extra monasterium, hæc dari non potest nisi per modum dispensationis ex causa legitima: quia quoad hoc prohibitio est absoluta, ut consuetudo ipsa declarat, ut infra tractando de mutationibus religiosorum latius dicemus.

Illatum de egressu ipsius Superioris. 14 Ex quibus infero, Prælatum, qui in tali loco non habet superiorem, exeundo sine justa causa, non violare clausuram, licet aliàs fortasse peccet. Probat, quia non exit sine licentia, quam enim potest aliis dare, potest etiam sibi sumere; vel certe lex illa, quæ in suamet materia includit licentiam Prælati, loquitur solum ad subditos, relinquens Prælatum in libertate, quam habet ex vi sui muneris: nec imponit illi specialem obligationem, ut illa irrationabiliter non utatur, quia de hoc nihil loquitur, sed relinquit naturali obligationi. In quo ultimo puncto oppositum sentit Navar. supra n. 32. non tamen dicit peccare mortaliter, sed forte venialiter, ex illo principio: *Pate-re legem, quam ipse tuleris.* Cum autem nos dixerimus ex vi legis clausuræ etiam subditos non peccare egrediendo sine causa, dummodo non sine licentia, potius sequitur ex illo principio, Prælatum etiam non peccare propter transgressionem illius legis, licet fortasse aliunde id non faciat sine peccato.

Secunda pars resolutionis. 15 At vero loquendo ex vi regulæ non possumus doctrinam generalem tradere nisi sub conditione proportionata unicuique regulæ. Nam si aliqua regula obligat ad specialem clausuram præter communem hactenus explicatam, & directè prohibet vel Prælati eam licentiam dare, nisi ex justa & necessaria dispensatione; vel subditis absolute interdicit violationem ejus, tunc licentia data sine justa causa non reddet religiosum tutum in conscientia intra gradum obligationis regulæ, id est, si regula obligat sub mortali, non excusabit illud, si ad veniale, similiter: si vero ad solam pœnam, hæc jam non est proprie in conscientia, & ideo apud ipsum Prælatum, qui dedit facultatem, fortasse excusabit, non tamen apud superiorem Prælatum, si tam clara sit iniquitas licentiæ, ut non possit subditum ignorantia, vel auctoritas Prælati excusare. Ratio est, quia tunc non sufficit simplex licentia, sed dispensatio necessaria est, ut supponitur, ex vi regulæ: illa vero dispensatio sine causa rationabili non tantum est iniqua, sed etiam nulla, quia est ab inferiori in lege superioris: regula enim est superior Prælati, & ab altiori jurisdictione seu potestate. Exemplum hujus rei est, quod Navar. supra adducit de clausura Cartusianorum, qui per statuta prohibentur egredi claustrum sine licentia Prioris Generalis, nisi in iis casibus in eorum constitutionibus numeratis. Et simile fore exem-

plum est in religione Camaldulensi. Et omnes pene religiones monachales majorem clausuram ex vi suæ regulæ profitentur, quam Mendicantes, quia non profitentur mendicitatem, aut ministeria, quæ sine egressu a claustris commode fieri non possunt. Et inter ipsas monachales quædam observant strictiorem clausuram: imo intra eandem religionem quædam monasteria ex peculiari constitutione, vel consuetudine strictiorem servant clausuram, ut in religione S. Benedicti Cassinense monasterium in Italia, & Montis Serrati in Hispania: & inter Canonicos regulares illustre cœnobium S. Crucis in hac urbe Conimbrica, & sic de aliis monasteriis, in quibus gradus & modus obligationis juxta proprias uniuscujusque constitutiones attendenda sunt; multum etiam consuetudo consideranda: nam in his rebus magnam vim habet, ut Navar. advertit.

CAPUT VII.

An rigorofo etiam præcepto teneantur Religiosi ad clausuram non admittendo externos.

I Superest dicendum de altera parte hujus clausuræ, quæ est, ut seculares vel externi non permittantur ingredi monasteria religiosorum. De qua re nihil invenio generali lege canonica statutum in corpore juris, neque quoad virorum, neque quoad fœminarum ingressum in talia monasteria. Extra jus vero est quidam Motus proprius Pii V. & alius Gregorii XIII. de quibus statim dicemus. Prius ergo supponendum est in hoc servandas esse regulas vel constitutiones singulorum religionum, in quibus si nihil sit pertinens ad prohibitionem hujus ingressus virorum vel fœminarum, nulla quidem erit circa hoc specialis obligatio positiva, sed sola naturalis, quæ nasci potest vel ex decencia religiosa, vel ex necessaria cura vitandi scandalum, tam illud, quod seculares religiosi dare possunt, quam etiam illud, quod a religiosi possunt iidem seculares capere, etiam sæpe sine culpa illorum, ut eleganter profequitur Basil. in Constit. monast. cap. 7. *Quid necesse est (dixit Ambrosius, licet aliud agens in offic. cap. 20.) dare secularibus obrectandi locum?* Quocirca ex vi sui muneris tenentur Prælati, etiam si peculiaris regula nihil injungat, convenientem uniuscujusque statui in hac parte cautionem adhibere, ut non facile personæ seculares intra claustrum, & præcipue ad ejus interiora loca ingredi permittantur: quia quies a strepitu secularium separata religiosi animis maxime necessaria est, teste Bernardo epist. 78. Quod quidem magis necessarium est his, qui vitam pure contemplativam profitentur, quam his, qui miscent activam: quibus nihilominus debita etiam moderatio necessaria est, ne & a secularibus contemnantur, & ad secularia nimia eorum familiaritate trahantur. Cum debita tamen moderatione & prudentia id nunquam fuit prohibitum, ut patet ex Basilio supra, ubi in fine cap. ait, etiam ad mensam posse admitti, si prius prudentes, & bene affecti sint. Et reg. 312. & 313. ex brevioribus & reg. 20. ex fusioribus id supponit, cum declarat, quomodo hospites, vel alii, qui ad nos visitandos veniunt, recipiendi, & tractandi sint. Et D. Ambros. dicto lib. officior. cap. 20. significat, si seculares indigent nostra ope, aut ministerio, potius expedire, ut illi ad nos veniant, quam nos ad ipsos. Hoc tamen non eodem modo de fœminis, ac de viris accipiendum est: nam circa illas multo major cautio est adhibenda, ne regulariter in monasteria religiosorum ingredi permittantur, propter periculum, & scandalum. De qua re multa sumi possunt ex Basilio cap. 4. Constit. monast. & ex Ambros. supra.

2 Si autem specialis constitutio religionis præcipit hanc clausuram, prohibendo ingressum secularium, tria in illa consideranda sunt. Primum de quibus personis loquatur: nam frequentius prohibebit tantum ingressum fœminarum: si autem aliqua ex parte ad viros etiam extendatur, servanda est. Intelligitur autem extendi, quoniam de secularibus in communi, vel per verba masculini generis loquitur, nam hæc verba comprehendunt utrumque sexum, nec non e converso, maxime ubi dispositio eandem rationem habet in fœminis, ac in

Jus commune ingressum externos in monasteria non vetat.

Ex decencia tamen, & ob vitandum scandalum speciale jus non datur quousque sint attendendi.

Ubi specialis regula non admittendi externos datur, tria in ea sunt attendenda. Primum.

Exempla juris seu regulæ variationum religionum.

ac in viris, ne dum quando habet majorem, ut in præfenti. Secundo est considerandum, de quibus locis fiat prohibitio, nam ordinarie non fit de Ecclesia, etiam pro fœminis. Carthusiani autem dicuntur habere hanc prohibitionem, unde etiam solent januam Ecclesiæ habere intra sepra, seu muros totius monasterii: in aliis vero religionibus solet prohiberi fœminis ingressus intra totum claustrum, non vero in Ecclesiam: & solet dubitari, quid nomine *Ecclesiæ* tunc intelligatur. Videtur autem vox illa exponenda juxta cap. *si civitas*, de sent. excom. in 6. scilicet, ut comprehendat sacristiam, & capellas illi contiguas, ad quas pertinet Ecclesiæ patet immediatus ingressus, nam omnia illa censentur partes ejusdem Ecclesiæ: loca vero magis disjuncta, & claustrum ipsum, etiam si per Ecclesiam ad illud immediate intrari possit, omnino ad Ecclesiam non pertinent, nec ejus appellatione venire possunt. In nonnullis vero religionibus ex vi suarum constitutionum permittitur fœminis ingressus, etiam ad claustrum inferius, vel semper, vel quibusdam certis diebus, & occasione aliquarum solennitatum, & in eis quid nomine *claustrum* intelligatur, & ubi terminetur, ita ut ultra progredi non liceat, ex uniuscujusque loci situ, forma, consuetudine, & præcipue ex Prælatorum declaratione, quæ esse debet intentioni constitutionum, & custodiæ religionis conformis, sumendum est. Pro viris autem nunquam videtur esse generalis prohibitio ingrediendi intra claustra, quamvis major, vel minor ingressus pro varietate religionum permittatur, in quo unaquæque consular suas leges, nihil enim certius dicere possumus.

3. Tertio expendenda est ratio, & modus obligationis, nam hæc etiam cum non sit de jure communi, non est eadem in omnibus, & ideo verba etiam, & consuetudo declarabunt gradum obligationis. Est autem in hoc considerandum obligationem hanc directe cadere posse in ipsos religiosos, vel Prælatos eorum, quia constitutio religionis non potest seculares obligare, & ideo si per illam tantum hic ingressus est prohibitus, peccabunt quidem religiosi admittendo, vel permittendo ingressum, unusquisque pro ratione sui muneris: seculares autem ipsi non peccabunt ingrediendo, nisi vel quia inducunt alios ad peccandum, aut cooperando peccato eorum, vel quia per vim, aut furtive ingrediuntur, quod videtur esse contra justitiam, & in tali materia erit contra religionem propter sanctitatem loci. Præter hoc vero per indulta Pontificia solent religiones habere potestatem directe imponendi hanc prohibitionem ipsis secularibus, etiam sub censuris ipso facto incurrendis. Et propter hanc obligationem emanarunt a sede Apostolica varia privilegia, per quæ nonnullis fœminis illustribus conceditur, ut possint ingredi monasteria virorum quocumque modo talis ingressus prohibitus sit.

Motus proprii Pii V. & Gregor. XIII. circa ingressum fœminarum in monasteria virorum per quatuor dubia expediuntur.

4. Ex abusu erga talium privilegiorum motus videtur Pius V. ad prohibendum hujusmodi ingressum in constitutione, quæ est 22. in Bullario Romano, & incipit, *Regularium personarum*: anni 1566. in qua primum revocat omnes licentias ingrediendi monasteria, ac domos Carthusiensium, & aliorum quorumcumque regularium, etiam Mendicantium, mulieribus cujuscumque gradus, conditionis, &c. ampliando hanc revocationem omnibus usitatis, & maxime rigorosis verbis. Deinde prohibet ingressum sub excommunicatione latæ sententiæ sibi reservata prædictis mulieribus dictas facultates prætendentibus, & Prælati monasteriorum, ac religiosi prohibet, ne illas admittant sub pœnis privationis officiorum, & inhabilitatis ad illa, & suspensionis a divinis ipso facto incurrendis. Et Gregor. XIII. sua Const. 36. *Ubi gratia*, addit etiam his pœnam excommunicationis reservatæ. Circa quam legem multa dubia orta sunt. Primum an comprehendat absolute omnes mulieres, vel solum illas, quæ facultates illas prius habebant. Secundum, an illæ prohibeantur absolute, & simpliciter, vel solum prætextu dictarum licentiarum ingredi, ita ut si non virtute illarum, sed sua temeritate

ingrediantur, non tamen contra hanc legem, neque ejus censuram incurrant. Tertium, quæ personæ monasterii peccent permittendo hunc ingressum, & quando censeantur illum permittere. Quartum, an ille sic peccantes incurrant pœnas illic positas ante omnem sententiam.

5. Ad primum dicendum videtur primo non extendi prohibitionem ad mulieres, quæ hujusmodi facultates nunquam habuerunt. Probat, quia in textu expresse fit restrictio prohibendo mulieribus prædictas facultates, & licentias prætendentibus. Et Gregorius XIII. ait: *Inhibentes eisdem, qui illas obtinuerunt*. Quæ verba restricta sunt, & ideo extendi non debent, tum quia lex pœnalis est, tum quia esset contra proprietatem illorum. Neque obstat, si quis objiciat similitudinem rationis, tum quia hæc personæ solent esse nobiliores, & potentiores, & propter usum fortasse ingrediendi difficilius possent contineri per solam revocationem privilegiorum, nisi adderetur prohibitio. Secundo dicitur ex vi verborum non comprehendendi omnes mulieres etiam habentes tale privilegium: nam licet prius dicatur, *mulieribus cujuscumque status, gradus, ordinis, conditionis, & quacumque dignitate, ac præ eminentia præditis*, statim additur, *etiam Comitissis, Marchionissis, Ducissis*. Unde videtur hi gradus assignari tanquam supremæ earum fœminarum, quæ ibi comprehenduntur: ergo illæ, quæ superiores fuerint, ut Regina, & filia earum, Imperatrices, & earum filia, non comprehenduntur. Quæ interpretatio juxta tenorem decreti Pii V. videtur juridica: tamen juxta tenorem Gregorii, qui sic habet: *Quibusvis, etiam Comitissis, Marchionissis, Ducissis, & aliis cujuscumque status, & conditionis mulieribus*, non videtur procedere: nam particula, *& aliis*, &c. non videtur posita ad descendendum, sed ad ascendendum, ut patet ex progressu præcedentium verborum. Nimis enim de eadem re, & de eisdem personis loquuntur uterque Pontifex: neque est verisimile Gregorium in specie nominasse illos gradus personarum, & Reginas, &c. sub generali clausula comprehendisse: maxime, quia paulo inferius, ubi Reges, & Reginas comprehendere voluit, nominavit. Denique hic a fortiori locum habet regula juris, sub generali clausula non comprehendendi, quæ specialissimam rationem habent, quæ procedit evidentius, quando in clausula generali additur specificatio inferioris notæ.

6. Contra hoc vero obijci solet declaratio ejusdem Gregor. XIII. & Congregationis Cardinalium, quam moderni referunt. Cum enim religio Minorum in suis constitutionibus habeat concessionem, ut mulieres de stirpe Regia, & fundatrices suorum monasteriorum volentes cum decenti comitatu ingredi suas domos, tolerari possint, consuluerunt Patres illius ordinis Summum Pontificem, an illi concessionem per prædictas constitutiones derogatum sit. Responditque Pontifex ex sententia congregationis non esse derogatum quoad Reginas, vel fundatrices dumtaxat. Quæ declaratio confirmat ex parte datam expositionem, scilicet quoad Reginas, & extendit illam quoad fundatrices, sive hæc extensio denuo concessa sit ab ipso Summo Pontifice, sive juxta commune jus data; nam illæ personæ tam peculiarem habent rationem, ut non debuerint sub generali prohibitionem comprehendendi, tum quia jus Patroni est valde privilegiatum in jure: tum etiam, quia fundatrices sunt quasi domine suorum monasteriorum, & ideo non debuerunt eadem generalitate qua extraneæ ab illis excludi, nam quoddam ingratitudinis genus esse videbatur. Quoad alias vero repugnat nobis illa declaratio: quia præter Reginas, in quibus Imperatrix sine dubio comprehenditur, sunt alia majoris dignitatis, quam sint Ducissæ, ut filia Regum, vel etiam nepes, quæ vulgari sermone *Infantas*, vel *Princessas* (si primogenitæ sint) appellari solent. Ad quod respondemus, potuisse Pontificem suam mentem ita exponere, nam sæpe Pontifices in his declarationibus, aliquid de novo addunt sua

Tertium.
Quartum.

Pro primo
dubio
vnum
pronun-
tatum.

Alterum
Pronun-
tatum.

Obiectio
ex Greg.
XIII. &
declara-
tione Car-
dinalium.

Responsio.

Dubia cir-
ca hanc
legem.
Primum.
Secundum.

potestare, & si de illa declaratione satis constet, illi standum erit. Mihi tamen non constat illam fuisse universalem, fortasse enim pro illa religione propter specialem observantiam ejus voluit Pontifex regulam illam ita coarctare. Est enim aliud valde considerandum in illa declaratione, quod nimirum extendit dictam revocationem Pontificum ad regulas ipsas, vel constitutiones religiosorum: quod sane non videbatur, ita dicendum ex vi, & tenore ipsorum indultorum: quia (ut in principio dixi) prohibitio ingrediendi hæc monasteria, sit per constitutiones religionum approbatas a Pontificibus, & facultates ingrediendi dantur superposita prohibitione. Pius autem V. solum revocat facultates, ac licentias ingrediendi monasteria quibuscumque feminis concessas, quæ facultates supponunt prohibitionem, ut dixi: ergo si ipsamet constitutio religionis non prohibet ingressum, nulla est facultas ad illum necessaria, nec videtur proprie dici facultas concessa feminis ipsamet constitutio permittens illarum ingressum. Sed hæc difficultas attingit dubium secundum propositum.

7 Et atigitur secunda dubitatio, quam in distin. 22. de cens. sect. 6. a num. 11. tractavi, an per has constitutiones prohibeatur absolute hic ingressus mulieribus, ita ut quamvis nec per constitutiones alicujus religionis, nec per consuetudinem esset prohibitus, ex vi harum legum prohibeatur. Nam ex declaratione proxime citata videtur sequi factam esse prohibitionem absolutam, cum censeatur revocata positiva permissio, quæ per constitutiones Minorum fiebat, exceptis solis casibus specialibus, quos hæc constitutiones non comprehendunt. Item, quia aliàs nullus fere esset fructus illarum constitutionum, quæ tanto consilio, & verborum ponderatione factæ sunt. Nihilominus dicendum in primis est, ibi non prohiberi ingressum simpliciter omnibus feminis. Probat, quia ostensum est constitutiones illas non loqui cum omnibus, sed cum habentibus tales facultates. Et hinc fit conjectura etiam illis non imponi specialem prohibitionem absolutam, quia quoad hoc non est in eis specialis ratio, nec debent esse pejoris conditionis. Solum ergo prohibentur, ne prædictis facultatibus uti tentent, & virtute illarum ingredi, quasi contemnentes Pontificiam revocationem. Quod indicavit Pius V. in illis verbis: *Prohibentes mulieribus prædictas facultates, & licentias prætentibus, ne monasteria ingredi deant*, &c. utique fundata in dicta præsentione. Quod evidentiùs declarant verba Gregorii: *Inhibentes eisdem, qui illas obtinuerunt, ne ipsarum licentiarum prætextu*, &c. Nec propter hoc sunt inutiles illæ constitutiones, quia finis earum non videtur fuisse addere novam clausuram monasteriis virorum, præter eam, ad quam singula ex suis institutis tenentur, sed conservare illa in sua integritate, & indemnitate contra importunitates feminarum potentium, & de suis privilegiis confidendum.

8 Ad illam autem declarationem in primis dico me non vidisse illam, & ideo de illius sensu non mihi satis constare, fortasse enim (ut num. 6. dicebam) fuit solum pro tali religione per modum extensionis, & forte ad petitionem ejus. Dicit etiam potest in illa religione prohiberi esse ingressum feminarum ex vi regulæ; exceptionem autem in ea factam reputari licentiam tali jure concessam talibus feminis ad ingrediendum, & ideo censi revocatam per has constitutiones, non tamen esse additam specialem prohibitionem prædictis feminis, sed relictas esse, ut comprehendantur in prohibitionem regulæ: & ideo solum peccare contra hanc constitutionem, & ejus censuram incurrere, si prætextu permissionis regulæ ingredi velint. Unde, si alio modo per vim, vel fraudem ingrediantur, licet fortasse gravius peccent, non incurrunt hanc censuram, quia hæc non imponitur pro quocumque delicto in tali ingressu, sed pro speciali contumacia contra hanc legem.

9 Refert tamen Navar. Comment. 4. de Regularib. num. 62. Pium V. declarasse mentem suam fuisse comprehendere omnes feminas etiam alia ratione, quam virtute prædictarum facultatum ingredientes, imo etiam omnes carentes talibus facultatibus, & ita servari in Prætorio Pœnitentiariæ. Quæ declaratio (si re-

vera fuit) non pura videtur declaratio, sed extensio; & ideo donec sit sufficienter promulgata (ad quod sola relatio Navarri non satis est) non obligat. Præsertim cum in eisdem constitutionibus dicatur, *postquam harum notitiam habuerint*. Hujus autem declarationis non habetur sufficiens notitia, qualis per se ad obligandum requiritur; & ideo ubi non sit alio sufficienti modo promulgata, vel consuetudine recepta, non existimo obligare, nisi secundum simplicem tenorem dictarum constitutionum. Et hoc etiam per argumentum ab speciali confirmat alia declaratio data ab eodem Pio V. ordini Minorum in particulari, quam refert Emmanuel Rodriguez 1. tom. Quæstionum regularium, quæst. 48. art. 3. de qua per indulta authentica eidem religioni constituit, & ita recepta est. In ea vero facta est eadem extensio ad omnes feminas, & ad quemcumque ingressum sine prætextu facultatum: aliunde vero facta est limitatio, & facultas concessa ingrediendi claustra monasteriorum causa divinorum officiorum, processionum, concionum, funerum, seu suffragiorum pro defunctis, ut ibi latius videri potest. Quæ declaratio quoad hanc secundam partem non est pura interpretatio, ut per se notum videtur, sed fuit concessio, vel additio quædam: idem ergo est de priori parte. Et utraque peculiariter directæ fuit ad illam religionem, quapropter non tenentur aliæ religiones priorem extensionem, quæ rigorem affert, admittere, nisi eis authentice constet mentem Pontificis fuisse de omnibus loqui. Posteriori autem concessione sine scrupulo omnes uti possunt, vel quia quoad illam partem est favor ampliandus, & quasi privilegium, in quo est communicatio: vel certe, quia si priorem rigorem non recipiunt, eo ipso sunt eis omnia illa permissa, quia non sunt prohibita: si autem prohibitionem, ut communem omnibus admittunt, cum suis exceptionibus possunt illam recipere, & non aliter. Cæterum quamvis juxta prædictas constitutiones Gregorii XIV. & Pii V. veram sententiam traditam doctrinam, scilicet feminas ingredientes alia monasteria virorum diversa a monasteriis Minorum non prætextu facultatum, &c. non comprehendendi, vel subijci pœnis prædictarum constitutionum, nec religiosos illas admittentes, sicut jam docueram tom. 5. in Tertiâ partem disput. 22. sect. 6. numer. 11. Nihilominus, postquam hæc scripseram, ad meam notitiam devenit alius motus proprius Pii V. editus anno 1570. die Julii 16. qui incipit, Romanum Pontificem, ubi eisdem pœnis subijcit quascumque feminas virorum monasteria ingredientes, ac religiosos illas ingredi permittentes, etiam si sine ullo prætextu facultatum ingrediantur, & admittantur. Quem motum proprium ad verbum refert Confectus in privilegiis ordinum Mendicantium inter literas Apostolicas fol. 179. Quapropter nullus jam superest dubitandi locus pœnas priorum constitutionum per hanc ultimam ad omnes feminas virorum monasteria ingredientes, & ad religiosos illas ingredi permittentes, fuisse extensas.

10 De tertio dubio eadem est proportionalis ratio in monasteriis virorum, & monialium, & ideo in cap. 10. simul explicabitur. In quarto autem dubio certum est censuras suspensionis, & excommunicationis statim incurri ante omnem sententiam, quia verba sunt expressa, & in censuris sine ulla dubitatione hoc operantur. Ex illis autem censuris suspensio, quæ a solo Pio V. fertur, non habet clausulam reservationis: Gregorius vero, qui excommunicationem addidit, cum dicat: *Sub eadem excommunicatione*, videtur plane eam reservare, quia talis erat excommunicatio, quæ præcesserat: quomodo autem per privilegia tolli possit, supra declaratum est, & iterum inferius lib. 2. a cap. 20. Quoad alias vero pœnas, probabile est necessariam esse sententiam declaratoriam ad incurrendas illas, juxta communiorum doctrinam in materia de legibus.

C A P U T VIII.

De clausura monialium quoad non egrediendum e monasterio.

1 Superest, ut explicemus ea, quæ specialia sunt monialibus circa clausuram tam quoad egrediendum, quam

Secundū
dubium
an illi
motus
proprii
verent ab-
soluti in-
gressum
feminarū
in mona-
stera vi-
rorum.
Arguitur
pro parte
affirm. ex
declara-
tione
Cardin.
Item ab
absurdo.
Authoris
resolutio.

Excludi-
tur allat-
um ab-
surdum.

Ad decla-
rationem
prædictā
Cardina-
lium mul-
tiplex re-
sponsio.

Instantia
ex Navar-
expeditur.

De tertio
& quarto
dubio in
nu. 4. pro-
positis.

Disenti-
tur, & re-
soluitur
clausura
hæc mo-
nialium.

quam quoad ingressum, quæ sine dubio strictior est. Loquor autem de monialibus proprie, ut nunc omit-
tam alias, quas in tractatu sequent. lib. I. cap. 4. in fine commemorabo. Primo ergo circa egressum in hoc cap. inquirendum est, an & unde teneantur moniales sub gravi obligatione ad culpam, ad servandam clausuram non egrediendi e suis monasteriis. Constat enim in primis non esse de intrinseca necessitate status religiosi in fœminis specialis clausura, vel proprium voto promissa, vel per jus positivum imposita, tum quia ostensum est tomo superiori, & infra etiam dicitur in num. 11. olim sacras virgines solitas sæpe fuisse in propriis domibus religionem profiteri: & præterea est ostensum in eodem tomo, tria vota substantialia sufficere ad statum religiosum, & rationes ibi factæ de utroque sexu probant: non est ergo simpliciter necessarium quartum votum clausuræ. Neque etiam ulla extrinseca lex determinata est de intrinseca ratione talis status, quia licet potestas præcipiendi sit de ratione illius, quatenus responderet subjectioni, quæ sit per votum obedientiæ, determinata lex, vel præceptum humanum pendet ex prudentia, & arbitrio: & ideo nullum determinatum dici potest esse de substantia talis status. Denique sine tali lege, vel voto potest servari castitas, & regula religiosa, vel modus vivendi secundum consilia Evangelica: ergo non sunt simpliciter necessaria ad talem statum. Non potest tamen dubitari, quin hæc clausura convenientissima sit ad statum religiosum fœminarum, præcipue quando illum profitentur in communi, seu conventuali vita, ut nunc est in usu Ecclesiæ, qui veritatem hanc satis confirmat, & ex naturali conditione, & fragilitate sexus fœminei, id est per se manifestum, & patebit amplius ex dicendis.

Cap. I. In-
nuante,
qui Cler.
vel vovet.
Conc. II.
libertin.
cap. 27.

Primum
illatum
ex proxi-
me dictis.

2 Atque hinc colligimus potuisse Ecclesiam ita in-
stituere religiosum statum fœminarum, ut prohibe-
rit illum profiteri in propriis domibus, sed tantum in
sacris domiciliis, & monasteriis ad hoc per ipsam Ec-
clesiam deputatis, & approbatis. Quia licet hoc non
sit absolute de substantia, liberum est Ecclesiæ non ad-
mittere professionem, nisi cum hac circumstantia, ut
substantia religionis melius servetur. Et ita fecisse sal-
tem quoad ordinarium, & frequentioremodum hu-
jus status, constat ex usu Ecclesiæ, quem antiquissi-
mum esse constat ex Concil. Carthag. III. can. 33. Et li-
cet nunc etiam non sit de substantia professionis, ut
professio in monasterio, seu intra claustra fiat, argu-
mento dicti cap. *insinuante*, tamen certum est de ratio-
ne ejus in talibus religionibus esse, ut professio in ordi-
ne, & cum obligatione ad illum modum vivendi fiat.
In eo tamen modo vivendi in communi potest adhuc
esse latitudo in modo, & obligatione servandi clausuræ.

Secundū
illatum.

3 Unde ulterius potest etiam Ecclesia non admit-
tere aliquam fœminam ad religiosam professionem,
nisi simul voveat, vel se obliget ad non exeundum e
monasterio, in quo stabilitatem proficitur, sine legiti-
ma Ecclesiæ dispensatione: quia licet hoc ex natura
rei non sit de substantia illius status, tamen est ita con-
junctum cum illo, & necessarium ad decentiam ejus,
ut possit Ecclesia merito non acceptare pactum pro-
fessionis sine illa conditione. Dices: ergo posset Ec-
clesia prohibere, ne fœminæ in privatis domibus vo-
veant statum continentie, quin etiam se obligent ad
aliquam clausuram, quia hæc videtur moraliter repu-
gnare cum illo modo vivendi, & ideo posse Ecclesiam
prohibere, ne in illo fiat simile votum. Respondetur,
non esse simile de professione religiosa, & de voto
simplici: nam per professionem constituitur virgo in
publico, & solemnī statu Ecclesiæ, & est peculiari
modo membrum Ecclesiastici status, ejus institutio,
& regimen speciali ratione est sub providentia Præla-
torum Ecclesiæ: per votum autem simplex continen-
tiæ non constituitur status Ecclesiasticus, sed est
actio mere privata, quæ non pendet etiam ex acce-
ptione Ecclesiæ, sed inter Deum, & solum homi-
nem transigitur: & ideo uniuscujusque consilio, &
arbitrio relinquitur, quamvis si votum illud sit ali-
quo modo publicum, ad providentiam Pastorum Ec-
clesiæ pertineat procurate, ut decenter observetur:
de qua re multa ex canonibus, & Patribus antiquis in
superioribus adduximus.

Tertium
illatum
de funda-
mento ob-
ligationis
clausuræ.

4 Tertio ex dictis colligitur, obligationem præci-
sam ad servandam clausuram non egrediendi monaste-
rium duobus, vel tribus tantum modis intelligi posse
in sanctimoniali. Voco autem obligationem præci-
sam, ut illam augeam supra ordinariam clausuram vi-
rorum: quia non includit in objecto, seu materia il-
lam conditionem *non exeundi sine facultate Prælati, aut Abbatis*, sed absolute non exeundi. Nam, licet
hæc negatio non excludat justam dispensationem, ni-
hilominus multum differt dispensatio a simplici facul-
tate, ut dixi in cap. 6. a num. 12. & ideo illa vocatur ab-
soluta obligatio. Prima ergo radix hujus obligationis
esse potest quartum votum monialium specialiter de
hoc objecto emissum. Non est enim dubium, quin hæc
esse possit conveniens materia voti, quatenus illa clau-
sura ad divinum cultum ordinatur, & ad observantiam
castitatis, ac in universum ad spiritualem profectum
multum conferre potest. Ubi ergo de tali voto consti-
terit, obligatio clara est, & materia ejus extenderet
juxta declarationem regulæ, vel communem obser-
vantiam monasterii. Multumque refert scire, an hæc
obligatio oriatur ex voto, vel aliunde, tum ad gravi-
tatem ejus, tum ad modum dispensationis, ut infra
dicam. Advertere etiam oportet non esse necessarium,
ut hoc votum explicite fiat, satis est enim, si fiat im-
plicitate, ut si ex regula, vel ex ordinatione Ecclesiæ
jam constet hanc obligationem includi in ipsa profes-
sione, sicut in superioribus dicebamus tria vota sem-
per fieri in professione, quamvis sæpe non exprimitur,
nisi obedientiæ votum: vel sicut votum castitatis sit in
suspensione ordinis sacri.

5 Secundo potest hæc obligatio oriri ex pacto, seu
promissione mere humana facta monasterio, quod sub
ea conditione vult recipere talem personam, & non
aliàs. Hæc ergo conditio sine dubio est justa, & alio-
quin contractus ille utrinque libere sit: ergo potest ex
parte monasterii imponi illud gravamen: ergo si acce-
petur, oritur obligatio servandi illud, quia pacta
justa servanda sunt. Ut autem talis obligatio insurgat,
oportet, ut ea conditio in principio sufficienter propo-
natur, aliàs non erit voluntaria: intelligitur autem
sufficienter proponi, si in regula contineatur, ut profes-
sio ita fiat, vel consuetudine ita receptum sit: nam
unusquisque intendit profiteri secundum regulam, &
probam consuetudinem religionis. Hic autem se-
cundus modus moraliter a præcedenti non separantur:
quia in professione non intelligitur fieri pactum mere
humanum, cum de illo servando Deo fiat promissio:
& quia eadem clausura non promittitur homini, nisi
in quantum pertinet ad cultum Dei, & ita Deo prin-
cipaliter promittitur. Atque huc etiam reducit om-
nis obligatio orta directe ex regula, si in illa tale præ-
ceptum contineatur: quia tunc etiam illa obligatio ori-
tur ex voto obedientiæ. Totam ergo hanc obligatio-
nem ex voto, seu ex professione appellamus.

6 Ultimus ergo hujus obligationis modus esse pot-
est ex positivo Ecclesiæ præcepto superaddito professio-
ni: & de hoc fuit aliquando controversia, an possit
Summus Pontifex hoc præceptum imponere moniali-
bus, quæ per professionem ad clausuram se non obli-
gaverunt. Videtur enim non posse, quia neque ex vi
jurisdictionis Ecclesiasticæ; hæc enim non se extendit
ad opera consiliorum, inter quæ sine dubio computan-
da est perpetua clausura: neque etiam ex vi voti obe-
dientiæ, quia, ut supra vidimus, solum potest ex vi
illius præcipi secundum regulam: ergo ubi clausura
non est de regula, neque explicite promissa est, non
potest imperari. Atque ita tenuit Oldrad. consil. 96. &
propendit Felin. dicens ejus rationem esse æquissimam
in cap. *ad nostram*, de appellat. num. 6. Erat autem ra-
tio Oldradi, quia frustra daretur annus probationis
ad experiendas austeritates regulæ ante professionem,
si post factam professionem possunt novæ austeritates
præcipi, quas Novitius nec expertus est, nec cogita-
vit. Dicendum nihilominus, posse hoc præceptum
imponi, non solum per Pontificem Summum, sed et-
iam per Prælatos religionis.

7 Probatur primo ex usu, quia ita factum est in
cap. unic. de statu regularium, in 6. & aliis, quæ in-
fra referemus. Responderi posset, Pontificem per
illam

illam legem obligasse omnes fœminas, quæ post illam profiterentur religionem: quia per illam sufficienter est eis proposita conditio, cum qua recipiuntur, non tamen obligasse jam tunc professas: sicut lex continentie sacrorum Clericorum cum primum lata est, non obligavit jam ordinatos, sed ordinandos, ut supra vidimus. Hanc tamen evasionem excludit Pontifex, dicens, universas, & singulas moniales, præsentis, atque futuras. Ubi gloss. verb. *Præsentis*, difficultatem hujus præcepti expendit, & tandem resolvit, licet Summus Pontifex non possit fideles cogere ad statum perfectionis; tamen postquam illi voluntarie illum sumpserunt, posse illos obligare ad arctiorem, & perfectiorem vitam. Quomodo loquitur etiam gloss. in cap. *quod omnes*, de regulis juris, in 6. & in cap. *gesta*, 74. d. Innoc. in cap. *super eo*, de Regularibus, & idem videtur sentire Abb. in cap. *ad nostram*, de appellat. num. 4. & 5. ubi Felin. Decius, & alii eodem fere modo loquuntur. Sed hoc cum grano salis intelligendum est: quia non possunt religioso præcipi austeritates, quæ nullo modo ad regulam pertinent, ut in superioribus visum est tractando de obedientie voto; sed præcipi possunt ea, quæ directe, vel indirecte, seu implicite in tali statu, vel regula continentur, qualia sunt omnia, quæ licet in regula non sint expressa, tamen secundum rectam prudentie rationem, vel ad decentiam talis status, vel ad puritatem ejus, & observantiam moraliter sunt vel necessaria, vel certe convenientissima, ut late citato loco ex communi doctrina probatum est, & per se se est manifestum: quia in omni statu bene instituto est hujusmodi potestas in Prælato necessaria.

8 Unde utroque titulo supra insinuat potest Pontifex hoc præceptum ponere. Primo ex vi suæ jurisdictionis supposito statum jam voluntarie assumpto: multa enim sunt, quæ absolute non possent præcipi personis Ecclesiasticis, nisi talem statum assumpserint: illo autem supposito iuste imperantur, ut constat ex titulis de vita, & honest. cleric. & de cohabit. cleric. & mulierum, & ne cleric. vel monachi, cum similibus. Et ratio est, nam qui assumit aliquem statum, virtute se obligat ad ea, quæ expediunt, vel decent in tali statu: quorum determinatio nec semper est certa, & sufficiens ex sola natura rei, nec relinqui debet unicujusque arbitrio: ergo ad eum, qui præest in tali statu, ratione suæ jurisdictionis convenit posse ea præcipere, quæ ad conversationem, & observantiam talis status necessaria sunt. Sed in præsentī materia clausura monialium est moraliter necessaria ad puritatem status, quem professæ sunt, non solum propter observantiam castitatis (quamvis hæc fortasse sit præcipua ratio) sed etiam ad tollenda multa impedimenta tendendi ad perfectionem, quod etiam Prælati jure suo facere possunt: ergo. Et hanc rationem insinuat Bonifacius VIII. in dist. cap. *unic. dum ait, periculosum, & detestabile quarundam monialium statum providere salubriter cupientes*, &c. ubi statum monialium sine observantia clausuræ periculosum, & detestabile vocat: quod effectibus, & ab usu ibidem ostendit, & inde recte colligit ad suam providentiam, & jurisdictionem spectare huic incommodo providere. Alius titulus est, obedientie votum, qui eodem modo explicandus est, nam ratione illius potest Prælatus præcipere austeritatem, vel rigorem in regula non expresse contentum, si ad observanda ea, quæ in regula continentur, & maxime si ad vota substantiata in sua integritate conservanda sint moraliter necessaria, vel ita utilia, ut difficile possit religiositer contineri: talis autem est clausura respectu monialium, ut dictum est. Atque hoc modo recte procedit doctrina Canonistarum supra adducta, quam ita explicuit Navar. Comment. 4. de Regularib. num. 40. & sequentibus, & insinuat Anton. 3. part. tit. 16. cap. 7. §. 3. Sylvest. *Religio*, 7. quæst. 16. Angel. verb. *Religiosus*, §. 30.

9 Ad rationem ergo dubitanti responsum jam est, negatur enim argumentum. Unde clausura respectu monialium, etiam ante præceptum impositum non potest reputari ex illis bonis supererogationis, quæ proprie dicuntur de consilio, sed est unum ex mediis adeo convenientibus ad finem illius status, ut sit apta

materia præcepti positivi. Imo est tam consentaneum rationi naturali, ut Navar. supra plures proponat conjecturas, quæ suadere videntur ex natura rei esse præceptum, supposita obligatione status ex voto talium personarum, quæ licet non persuadeant, ut ipse fateatur, ostendunt saltem sufficienter esse aptam materiam humani præcepti. Ad rationem autem Oldradi respondet Felin. annum probationis non dari solum ad experiendum in specie talem religionem, sed propriam etiam aptitudinem sui ipsius ad religionem in genere: nam per professionem videtur religiosus se subicere omni alterationi, & dispositioni Superioris, de qua potest eo tempore unusquisque cogitare, & ideo non potest dici deceptus. Sed hoc non recte dictum est, vel juxta limitationem supradictam intelligendum est, licet dicta verba vix illam patiantur. Dico ergo annum probationis solum concedi propter experimentum illius religionis, in quo facienda est professio. Sicut autem diximus potestatem Prælati extendi ad ea, quæ virtute, vel indirecte continentur in regula; ita qui per annum probationis experitur talem regulam, virtute experitur omnia, quæ continentur in illa; experitur (inquam) vel saltem animi præparatione, & deliberatione; intelligit enim per illud experimentum fore per professionem subijciendum Prælato quoad omnia, quæ ad observantiam talis regulæ convenientia fuerint: & hoc satis est, ut postea non possit de deceptione conqueri.

Expediuntur nonnulla dubia circa præsens caput.

10 Quærendum vero superest, an hæc obligatio insit de facto omnibus, ac solis monialibus, & ex quo principio ex dictis, & quam rigorosa sit; ultimo quis possit in ea dispensare, quod in sequens caput referemus. Explicabimus vero tantum, quid jure Pontificio servandum sit, nam singulas earum regulas explicare nostrum non est. Nec mihi constat, quænam illarum emittant quantum votum clausuræ, aut ex vi suæ regulæ, aut post Pontificia præcepta. Priori enim modo dicuntur illud emittere religiosæ S. Claræ, juxta regulam ab Urbano IV. approbatam: & ideo juxta modum, & mensuram præscriptam a regula tenebuntur ex vi voti clausuram servare. Aliqua etiam monasteria, licet ex prima institutione non haberent clausuram, post Ecclesiæ præceptum, non solum illam admittunt, sed etiam promittunt: quod an sit necessarium ex vi præcepti, infra attingam. Certum est autem, illud votum per se non addere obligationem extensivam (ut sic dicam) sed solum intensivam, id est, novum titulum obligationis ad eandem rem. Et ideo explicata materia præcepti, erit explicata materia hujus voti.

11 Primum ergo dicendum est teneri moniales omnes ex præcepto Ecclesiæ ad observandam clausuram quantum ad cavendum exitum ab illa. Primus, qui hoc præceptum posuit, videtur fuisse Bonifacius VIII. in cap. *unic. de statu regular. in 6.* Nam licet in antiquis canonibus multa sint hujus clausuræ præcepta, nullibi tamen erat absolute injecta, sed dependenter fere a legitima facultate Abbatis, unde paulo major fœminis, quam viris imponebatur. Canon enim 33. Concilii III. Carthagin. qui primus in hac materia esse videtur, prius permittit virgines sacras a parentibus in suis domibus custodiri; postquam vero illis private fuerint (ait) *Episcopi providentia in monasterio virginum, vel gravioribus fœminis commendentur, ut simul habitantes invicem se custodiant, ne passim vagantes Ecclesiæ ledant existimationem*. Ubi etiam virgines orbatæ parentibus non coguntur in monasterio claudi, nam poterant gravioribus fœminis commendari, & de virginibus habitantibus in monasteriis non dicitur, ut nunquam exeant, sed ne passim vagentur, & ut invicem se custodiant. Postea vero in Can. 46. Tullano, qui VI. Synodo attribuitur, sic statutum est. *Quæ vitam exercitatoriam (id est, religiosam) eligunt, & in monasteriis sunt constitutæ, ne omnino progrediantur: quæ prohibitio videtur esse absoluta (quamquam de efficacia illius canonis ad obligandum non satis constet.) Statim vero subiungit. Si qua autem inexorabilis necessitas ad hoc trahit, cum benedictione, & permissione ejus, quæ præest, hoc agant, tunc;*

in quoque non solum per se, sed cum aliquibus vetulis, & que in monasterio prime sint, cum mandato ejus, que Prefecta est; eis autem omnino extra cubare non liceat. Unde constat non fuisse absolutam prohibitionem, sed cum subordinatione ad licentiam Abbatis. Et in Concil. Cabilon. II. can. 65. similiter dicitur: *Sanctimoniales, nisi forte Abbatisa sua pro aliqua necessitate incumbente illas mittente, nequaquam de monasterio egrediantur.* De ipsa vero Abbatisa dicitur in cap. 57. ut non exeat sine licentia Episcopi, nisi in quibusdam casibus. Constat itaque antiquis canonibus non fuisse hanc clausuram rigore præceptam. Primum igitur Bonifacius Papa illam absolute præcepit, nulla relicta egrediendi facultate, quacumque ratione, vel causa, una tantum addita exceptione infra explicanda: quæ exceptio magis confirmat prohibitionem ipsam quoad omnes alios casus, quia, ut est vulgatum axioma, *exceptio firmat regulam in contrarium.* Unde existimo ex vi illius legis nullum exitum licuisse, nisi per modum rigorosæ dispensationis, & satis dubium esse, an possit aliquis præter Summum Pontificem illam concedere, quia in lege Superioris adeo absoluta non potest inferior dispensare.

Primus omnium Bonifacius dicitur egressum strictum servavit.

Hæc Bonifacii prohibitio, vel recepta non fuit, vel diffusæ audine cessavit.

12 Illud tamen decretum usu receptum non fuit, vel per contrariam consuetudinem fuit antiquatum, ut indicat Concil. Trident. sess. 25. cap. 5. de Regularibus, dicens: *Bonifacii VIII. constitutionem renovans Sancta Synodus; & infra: Præcipiens ubi clausura violata fuerit diligenter restituatur; & authores passim restantur, & experientia nobis in Hispania constat, & de Gallia refert Joannes Andreas super illud cap. Et ob hanc fortasse causam dixit Cajetan. in summ. verb. Monachi, excusari moniales circa clausuram indictam a jure, si nunquam fuit acceptata; & Episcopi sic semper gubernarunt dando eis licentiam exeundi, quoniam jura non recepta tanto tempore infirma sunt. Idemque est, si forte alicubi in principio acceptata fuit, & postea per contrariam consuetudinem revocata. Quæ consuetudo non ad hoc tantum prævalere potuit, ut licentia Episcopi sufficeret, sed etiam licentia Abbatis: quia utrumque est tantum contra jus humanum, quod potest per legitimam consuetudinem contrariam tolli. Potuit autem jus illud sic abrogari in una provincia, & non in alia, & intra eandem provinciam in una religione, & non in alia; imo & in uno monasterio ejusdem religionis, & non in alio, quia sunt communitates diversæ, & una potest non recipere legem, vel præscribere contra illam, licet alia eam recipiat, & observe. Nihilominus tamen quatenus rigor illius legis per posteriores temperatus est, poterunt omnia monasteria ea moderatione uti, etiam si antea legem illam integre servarent.*

Trident. renovat decretum Bonifacii.

13 Concilium ergo Trident. sess. 25. cap. 5. de Regularibus innovando dictam constitutionem, hunc modum observat, quod prius præcipit universis Episcopis *sub obsecratione divini judicii, & interminatione maledictionis eterne, ut in omnibus monasteriis sibi subiectis, ordinaria, in aliis vero Sedis Apostolicæ auctoritate, clausuram sanctimonialium, ubi violata fuerit, diligenter restituatur; & ubi inviolata est, conservari maxime procurent.* Postea vero explicando hanc clausuram, & obligationem ipsarum monialium, ait: *Nemini autem sanctimonialium liceat post professionem exire e monasterio, etiam per breve tempus, quocumque pretexto, nisi ex aliqua legitima causa ab Episcopo approbata, indultis, & privilegiis quibuscumque non obstantibus.* Quod decretum si attente expendatur, in aliquibus æquale est decreto Bonifacii, ut mox ostendemus, & in aliquo strictius, ut num. 22. constabit: ac in aliquo suavius, prout in cap. sequenti videbimus. Est ergo æquale primo in materia, prohibet enim omnem exitum monialium a monasterio; & ita præcipit & innovat perpetuam clausuram. Quod autem in hac parte addit Concilium, etiam ad breve tempus, non fuit restrictio, sed major explicatio, nam in absoluta negatione hoc continebatur: & quod ait, *quocumque pretexto*, perinde est atque illud, quod dicitur a Bonifacio, *quacumque ratione.* Secundo est æquale in universalitate personarum, quas obligat; comprehendit enim omnes, & singulas totius orbis,

& cujuscumque ordinis moniales: ita enim expresse loquitur Bonifacius VIII. & idem est sensus Concilii, tum quia innovat decretum Bonifacii: tum etiam, quia universaliter loquitur: *Nemini sanctimonialium,* & c. tum quia præcipit universis Episcopis, & de monasteriis sibi subiectis, & non sibi subjectis ergo comprehendit omnes. Unde utrumque decretum comprehendit omnes religiosas tacite, vel expresse professas; sic enim expresse distinguit Bonifacius. Concilium autem licet distinctionem omiserit, innovavit, & satis esse censuit dicere: *Nemini licet post professionem:* nam utraque tam tacita, quam expressa, est professio simpliciter.

14 Et quia in utroque decreto nihil aliud postulat, ideo utrumque comprehendit omnes professas, sive antea novissæ, vel servassent clausuram, sive non: non enim possumus nos limitationem addere, quam lex non posuit. Præsertim quia Bonifacius expresse tulit legem ad comprimendas moniales, quæ clausuram non servabant, & expresse dixit, *moniales presentes, atque futuras, & cujuscumque religionis, vel ordinis:* ergo evidenter voluit omnes obligare, etiam quæ non profitebantur clausuram. Denique non præcipit, ut suam pristinam obligationem servare compellantur, sed ex vi suæ legis obligationem ipse imponit, dicens: *Præsenti constitutione perpetuo irrefragabiliter valitura sancimus.* Ex quibus verbis constat, & legem esse novam, & de se non supponere obligationem, sed imponere. Concilium autem Trident. innovando Bonifacii constitutionem, & nullam quoad hoc addendo limitationem, evidenter loquutum est in eodem sensu imponendo eandem obligationem legis Ecclesiasticæ eisdem professis omnibus in eadem universalitate sumptis. Et ideo præcipit Episcopis, ut ubi clausura servata fuerit, illam retineri faciant: ubi autem violata fuerit, restituatur: violatam enim censet, ubicumque non servabatur, propter legem Bonifacii VIII. nam non dicitur violatio, nisi sit contra aliquam obligationem, vel legem. Et ideo monasteria, quæ non profitebantur clausuram, non possent proprie dici violasse illam, si ad illam non tenerentur. Quia vero ex lege Bonifacii obligabantur, ideo eorum etiam non observatio, violatio censetur, nam per violationem saltem incepit. Concilium ergo utens illa disjunctione, satis distincte voluit constitutionem Bonifacii in sua universalitate restituere. Quod etiam in ultimis verbis, per quæ revocat indulta, hoc satis declaravit, ut statim exponam. Et clarissime in cap. 22. ejusdem sessionis explicuit omnia, & singula decreta de monialibus edita, intelligi de monasteriis quorumcumque monialium, virginum, ac viduarum, quocumque nomine appellentur, etiam si vivant sub gubernio militiarum, etiam Hierosolymitanæ, sub quacumque regula, & c. quæ ibi videri possunt, & amplissima sunt, & æque ampliant hoc decretum de clausura, ac si in illo specificè addita essent, licet in finem sint reservata, ne sæpius illa repetere esset necessesse. Non est ergo dubium, quin hæc fuerit mens Concilii; & ita etiam supponit evidenter Pius V. & Gregorius XIII. in decretis infra citandis, ac prorsus in praxi servari vidimus, & statui Salmanticæ in Concilio Compostellano anno 1566. Tradit denique Navar. in Comment. 4. de Regularib. num. 4. & late, & docte Emmanuel Rodriguez tom. 1. Quæstionum regular. quæst. 44. art. 2. Habet autem specialem difficultatem, an conversæ sub hac generalitate comprehendantur, de quo dicemus melius post sequens punctum in nu. 17.

Etiam eas quæ antea non tenerentur ad clausuram.

15 Ultimo commune est utrique decreto, ut non comprehendant, nisi moniales professas: ita docent omnes, & explicuit Congregatio Cardinalium circa Concilium Trident. agens de monialibus Tertiariis, seu de Pœnitentia, quas si professionem emisissent, dicit cogendas esse ad clausuram, si vero professionem non emisissent, servandam esse constitutionem Pii V. Circa Pastoralis officii, quæ est 8. in Bullario Romano, ubi dicit, hujusmodi fœminas monendas esse a Prælati, ut professionem emittant, & postea clausuram servent: quod si induci non potuerint ad professionem emittendam, prohibeantur, ne in posterum alias in suam congregationem recipiant. In qua constitutione manifeste etiam supponitur, eas omnes, quæ

Denique ostenditur ex praxi, & auctorib.

quæ in religione approbata tria vota substantialia non emiserunt, hac lege non comprehendunt. Ratio autem in primis est, quia dicta jura expresse limitant suum præceptum ad professas tacite, vel expresse, & hujus limitationis ratio fuit, quia illæ sunt tantum propriæ religiosæ, & Ecclesia solum pro religiosis sœminis hanc curam clausuræ adhibuit. Quapropter quantumvis virgines sint per votum virginittatis consecratæ Deo, & collegialiter vivant, & sub obedientia vel spontanea, vel etiam privato voto aut pacto promissa, si non habent statum ab Ecclesia pro religioso approbatum, & in eo tria vota substantialia emiserunt, non obligantur hoc præcepto clausuræ, licet circa eas observanda sit constitutio Pii V. & ita in specie de quadam congregatione sœminarum resolvit Navar. conf. 6. de statu monach.

16 Ex quibus infertur primo, novitias non obligari hac lege, quia religiosæ non sunt. Solum potest dubitari, an si novitia semel exeat a monasterio, eo ipso desinat esse monialis eo modo, quo antea erat, id est, desinat esse novitia, & consequenter interrumpat novitiatum. In quo breviter certum mihi est, si exeat sine licentia Abbatisæ, interrumpi annum, & consequenter amittere priorem qualemcumque statum, etiam si habitum non exuat, ut a fortiori patet ex dictis tomo superiori de anno probationis in genere. Si autem exeat cum licentia Abbatisæ, vel superiorum monasterii, ad quos hoc pertinet, & ex justa causa data, certum est & licere, & non interrumpere novitiatum. Ita enim intelligo quoddam responsum Congregationis Cardinalium, si novitia morbi curandi causa de licentia Superiorum, & cum eo habitu, qui ipsis videbitur, ante professionem exeat, & postea sanitate recuperata redire voluerit, posse & ad habitum, & ad professionem recipi. Intelligo enim sensum esse, posse recipi eodem tempore & modo, ac si intra monasterium suam probationem continue peregisset: quia non intelligitur eam interrupisse, sub eadem semper obedientia vivens, & habitum non temere dimittens. Alioquin si novus annus esset necessarius, nihil deserviret declaratio: nam licet dimisisset omnino religionem & habitum, volens reverti, posset recipi ad habitum, & perseverando in novitiatu, etiam ad professionem. At vero si gressus novitiæ sit de licentia Abbatisæ, male tamen concessa, res videtur dubia, quia perinde videtur exire cum tali licentia, ac sine ulla; quia illa licentia nulla est, cum Abbatisa non possit illam dare: & idem dicam de Prælato, si absque causa legitima illam det. Nihilominus censeo per talem exitum non interrumpi seu amitti novitiatum: quia nulla est lex, quæ irritet illum. Imo neque invenio legem juris communis, quæ prohibeat directe hujusmodi exitum, aut Abbatisis, ne possint hanc licentiam dare, sed ex regulis, & prohibitionibus Superiorum hoc pendet; & ideo nisi expresse declaratum sit in aliquo monasterio, illam continuationem clausuræ esse de substantia novitiatus, nulla ratione dici potest per illum exitum interrumpi. Estque clara differentia inter illum exitum ab eo, qui est sine licentia: nam quando est sine licentia, est quædam retrocessio ab obedientia, & consequenter ab unione cum tali monasterio: quando autem sit cum licentia, semper retinetur unio & permanentia in eadem religione quantum ad illum gradum: ad quod facere possunt, quæ tractat Navar. confil. 32. de Regularibus.

17 Secundum ex dictis resolvitur dubium supra in fine num. 14. relictum de monialibus conversis, utrum ad clausuram teneantur: nam si professionem trium votorum non emittunt, non tenentur ad clausuram, quia non comprehenduntur sub illa lege, & alio titulo non tenentur: suppono enim illam non vovere, nec promittere. Si autem emittunt tria vota, ad illam obligantur ex vi hujus decreti, ut satis patet ex dictis: & quia in substantia religionis non possunt differre hæc conversæ ab aliis, sed solum in ministerio; quia conversæ dicuntur, quæ deputantur ad servitia, seu ministeria corporalia, aliæ vero ad chorum; unde etiam differunt in habitu saltem quoad hoc, quod conversæ non deferunt nigrum velum, sicut aliæ: unde etiam inferiores sunt in quodam gradu honoris, seu

dignitatis, per quæ omnia non minuitur earum religio, sed augeri potest: & ideo nec clausuræ obligatio minor in eis esse debet. Dixi autem, ex vi illorum decretorum: quia Pius V. in sua constitutione 8. Circa pastoralis, quandam in hoc limitationem seu exceptionem permittit, scilicet, ut in monasteriis, quæ ad suam sustentationem indigent elemosynis fidelium, quæ per conversas colligendæ sunt, si illæ fuerint professæ, possint extra monasterium degere cum his conditionibus. Prima, ut sint ætatis annorum 40. Secunda, ut in domo contigua monasterio degant. Tertia, ut non ingrediantur clausuram monialium, nisi in casibus in suis constitutionibus expressis. Quarta, ut de suis domibus non exeant ad colligendas elemosynas, nisi de licentia Ordinarii & Superiorum. Gregorius autem XIII. in constit. 13. Deo sacris, cupiens hanc exceptionem aufert, injungit Ordinariis, ut quacumque ratione cognoverint posse convenienter conventuum moniales sustentari sine hac elemosynarum collectione, easdem conversas sub eadem clausura cum aliis monialibus reducant, neque amplius a suis monasteriis exire permittant.

Dubium bipartitum circa conversarum professionem, & clausuram.

18 Duo autem ex illis constitutionibus circa has conversas oriuntur dubia. Primum est, an possint jam veram professionem emittere, & ad clausuram obligari. Nam Pius post superiora verba subjungit: *Et de cetero nulla aliæ professæ converse recipi amplius etiam de consensu suorum Superiorum, vel Prælatorum possint: quod si adversus hanc nostram prohibitionem receptæ fuerint, illarum receptio nulla, irrita, & inanis sit, prout ex nunc nullam, ac irritam facimus, & annullamus.* Responderi potest Pontificem prohibere, ut non recipiantur conversæ professæ, quæ extra monasterium maneant, sed ut finitis illis, quæ tunc erant, collectio fieret per conversas non professas. Sed obstat, quia Gregor. XIII. contrario potius modo declarat illam prohibitionem, dicens: *Quod autem idem Pius statuit de cetero nullas alias conversas professas recipi amplius posse: ita esse intelligendum declaramus, præter illas conversas, quæ extra monasterium in domibus contiguis degerent.* In quo potius significat illas recipi posse, non vero alias, quæ intra monasterium degant: quod videtur incredibile, ut statim dicam. Secundum dubium est, an possint nunc in monasteriis esse conversæ non professæ. Nam Gregorius expresse dicit: *Conversas vero non professas, & profiteri nolentes, dimisso habitu domum remittant, neque alias in futurum, nisi professionem suo tempore emissuras, atque sub perpetua clausura mansuras, in monasteria hujusmodi recipi permittatur.* In contrarium vero est, quia hæc prohibitio videtur priori prohibitioni repugnare, vel ex utraque sequi nullas conversas esse posse in monasteriis monialium, quod admitti non potest.

19 Circa hoc dubium Navar. Comment. 4. de Regularibus, num. 56. existimat prohibitum esse monialibus recipere conversas, quæ professionem emittant, & intra monasteria maneant; & quod amplius est, dicit, consuluisset de hac re Gregor. XIII. & ipsum ita interpretatum esse mentem Pii V. & suam. Verum tamen de interpretatione viva voce data ab ipso Gregor. XIII. mihi non ita constat, ut teneat illi nunc adhærere. Nam licet certo credam Navar. veritatem referre, nescio tamen, an satis verba Gregorii perceperit, aut intellexerit. Mihi tamen persuadere non possum dictos Pontifices id prohibuisse. Primo propter rationes optimas, quas idem Navar. adducit, ut verisimilis non sit talis prohibitio: quia nullo titulo necessaria, aut utilis vel conveniens apparet, neque per se ad statum religiosum, vel perfectionem ejus: cur enim hoc magis pertinet ad perfectionem monialium, quam monachorum, qui ubique habent conversos profectos, seu veros religiosos, etiam si maximam perfectionem & rigorem vitæ profiteantur. Neque ad finem clausuræ, quam in illis indultis præcipue intendunt dicti Pontifices, & ubi solum ea occasione aliquid de his conversis statuunt: si autem illæ ad perpetuam clausuram obligantur, quid potest nocere clausuræ earum professio? Aliunde vero earum auxilium est moraliter neces-

Prima dubii pars.

Secunda pars.

Opinio Navar. ad hoc dubium, non posse nunc dari in monasteriis conversas professas.

neceffarium cæteris monialibus, quæ proptie monachæ vocantur, & divinis officiis magis vacare debent, & multo majus inconveniens effer recipere intra claufuram converfas, quæ nunquam profiteantur. Accedit præterea, quod per talem prohibitionem impediretur status perfectionis multis pauperioribus fæminis, quæ ad gradum monacharum recipi non poffunt. Effer denique talis prohibitio contra receptam & fere univerfalem confuetudinem, quam verifimile non effer voluiffe dictos Pontifices abrogare fine urgentiffima caufa, quæ hic non apparet: nam ita poftulat æquitas legis humanæ Ecclefiafticæ, præfertim cum illa confuetudo honefta & fancta videatur.

20 Secundo moveor propter expreffa verba Gregor. XIII. præcipientis converfas non profefas in monafteriis tunc repertas, aut profiteri, aut abire, neque alias (inquit) in futurum, nifi profefionem fuo tempore emiffuras, atque in perpetua claufura manfuras in monafterio hujufmodi recipi permittantur. Ex quibus verbis evidenter conftat ipfum non fimpliciter prohibuiffe receptionem converfarum, tantumque abefse, ut profefionem vetuerit, quod potius hanc poftuit tanquam conditionem necceffariam, ut converfæ admittantur, cum qua exprefse voluit, ut permittantur. Quorum verborum vis non latuit Navarrum, nihil tamen ad illa refpondet, nec declarat, quomodo potuerit Gregor. XIII. fine expreffa contradictione mentem fuam aliter viva voce declarare.

21 Tertio declaratur exponendo mentem utriufque Pontificis. Nam Pius V. proxime loquutus fuerat de converfis deftinatis ad eleemofynas colligendas, eafque permiferat extra monafterium in propinquis domibus habitare; & ftatim fubdit: *Et de cætero nulla alia profefse converfæ recipi amplius, etiam confenfu fuorum Superiorum, vel Prælatorum poffint*; irritatque receptionem & profefionem. Et profequitur deinde: *Quod fi prædicto modo necceffitatibus monialium*, &c. ergo manifefte loquitur de converfis degentibus extra monafterium, & illas tantum refert, cum ait, *nulla alia*: nam contextus ipfe, & connexio antecedentium cum fequentibus plane id oftendit. Gregorius autem XIII. volens difpofitionem Pii vel declarare, vel limitare, de converfis intra, & extra monafterium degentibus diftincte loquitur. Et primum vult omnes converfas profefas reduci ad claufuram monafterii, quoad fieri poffit. Secundo vult, ut intra monafteria nullæ fint converfæ non profefæ. Tertio voluit, ut converfæ profefæ intra monafterium, & tunc effer, & in futurum recipi, & denuo profiteri poffint. Quarto permisit, ut præter converfas intra manentes, fi necceffitas eleemofynarum durer, poffint ad hoc minifterium extra monafterium in domibus propinquis hujufmodi converfæ profefæ habitare, & in futurum etiam ad hoc recipi. Quinto prohibuit, ne plures hujufmodi recipi poffent, quam ad hoc minifterium eleemofynarum effer necceffariæ, & ita dicit effer intelligendum, quod Pius V. dixit, *nullas alias in poffterum recipi poffe*, fcilicet nullas alias præter eas, quæ propter minifterium eleemofynarium necceffariæ funt, & in propinquis domibus habitent. Difficile autem creditu effer hanc fuiffe mentem Pii V. nam proxime poft illam prohibitionem fubdit: *Quod fi prædicto modo necceffitatibus monialium succurri fufficienter non poterit, mandamus Superioribus, ut ipfi provideant de aliis perfonis piis, & Deo devotis, quæ fidelium eleemofynas colligant*. Quod remedium necceffarium non effer, nifi mens ejus fuiffet, ut collectio amplius non fieret per converfas denuo ad profefionem receptas. Nec Gregorius dixit aliam fuiffe mentem Pii V. fed voluit illam ex parte mutare, concedens, ut ubi necceffaria fuerit hæc collectio, poffint aliquæ converfæ ad profefionem recipi propter illud minifterium: quia fervatis circumftantiis a Pio V. poftitis, videtur moraliter fieri poffe fine inconvenienti, & fperari, quod per eas minifterium fidelius, & diligentius fiat. Denique neuter ex dictis Pontificibus difponit, an poffint monafteria monialium habere aliquas converfas, feu oblatas non profefas, quæ extra fepta monafterii in domibus propinquis degant. Tamen eo ipfo, quod hoc non prohibent, relinquitur hoc juri communi,

vel naturali, aut speciali uniuufcujuſque religionis: conftat autem ex natura rei hoc non effer malum, fed poffe effer religioſum & fanctum, ficut effer in religionibus vitorum: neque etiam invenio decretum aliquod juris communis, quod hoc prohibeat. Relinquendum ergo effer juri religionis, vel receptæ confuetudini, dummodo his converfis ingreffus ad monafterium non pateat, nifi juxta dicenda in cap. 10. circa alteram partem hujus claufuræ, ad quam hæc obligatio pertinet. Et hæc de converfis.

22 Præter dicta autem de claufura Concilium Trident. addit, revocationem privilegiorum, dicens: *Indultis quibufcumque, & privilegiis non obftantibus*. Et in cap. 22. fir amplior, magisque specifica revocatio: *Non obftantibus eorum* (id effer, regularium) *omnium, & fingulorum privilegiis ſub quibufcumque formulis verborum conceptis, ac Mare magnum appellatis, etiam in fundatione obtentis, necnon conftitutionibus, & regulis etiam juratis, atque etiam confuetudinibus, vel præſcriptionibus, etiam immemorabilibus*. Quæ tunc revocatio ad prædictam legem applicanda effer: nam idem Concilium ait, cadere in omnia præcedentia, & ſingulas ejus partes: ergo maxime in hanc, quæ effer una ex principalioribus partibus. Et quoad hanc partem effer rigorofior hæc lex Concilii, quam fuerat Bonifacii. Nam ille nullam expreffam revocationem privilegiorum, vel confuetudinum addidit, & ideo licet ex univerſalitate, & exaggeratione verborum, & ex circumſtantiis literæ poffet fortaffe colligi, non tamen ita clarè & aperte, præfertim ad revocandas immemorales confuetudines, vel ſpecialia privilegia, præfertim in ipſamet fundatione monafteriorum obtenta: quia juxta commune jus lex non folet hujufmodi derogare, nifi ſatis exprefse id declaretur, juxta cap. 1. de conſtit. in 6. Nunc vero per hoc decretum, ut latum effer a Concil. Trident. certum effer nullum genus privilegii, vel confuetudinis poffe impedire hanc obligationem.

23 Ex his ergo ſatis declarata ſunt tria puncta ſupra num. 10. propoſita, ſcilicet hanc obligationem omnibus, & ſolis monialibus profefſis effer impoſitam, & oriiri, non quidem ex voto generalium loquendo, ſed ex præcepto Eccleſiaſtico jam a nobis declarato. Dico, *generatim loquendo*, quia aliquæ moniales, ut S. Clara, & fortaffe aliæ, emittunt hoc votum, in quibus additur (ut ſic dicam) obligatio intenſiva, non extenſiva, quia hæc revera non poteſt effer major. Nam quoad perſonas hoc præceptum extenditur ad omnes religioſas, ut dictum effer, quoad locum ſeu actum prohibet omnem exitum extra clauſtrum, etiam ad Eccleſiam, quam ſeculares intrant, & extra januam clauſuræ, etiam ſi ſit intra aliam, quæ patere ſolet ſecularibus, ut Gregorius XIII. in ſuo Moru diſtinctius præcepit, & Navar. dict. Comment. 4. num. 57. declaravit. Quoad tempus vero ſeu occaſiones exeundi comprehendit omnes, tantum necceſſariis exceptionibus adhibitis, ut mox declarabimus. Non poteſt ergo effer major extenſio hujus obligationis. Non cogit autem præceptum hoc moniales, ut votum clauſuræ emittant, quia neque in aliqua conſtitutione hoc declaratur; neque ſub hac ratione receptum effer illud præceptum, ſicut contingit in continentia clericorum; & ideo non effer, quod hanc obligationem imponamus. Et ita etiam patet, quam rigorofa ſit hæc obligatio.

C A P U T I X.

Quis poffit in prædicta claufura monialium diſpenſare.

UT ultimum punctum ex propoſitis in cap. præcedenti nu. 10. expediamus, oportet explicare moderationem, quam Concil. Trident. addidit huic præcepto, *nifi ex aliqua legitima caufa ab Epifcopo approbata*, per quam temperatur, ut eodem cap. n. 13. dicebamus, rigor præcepti Bonifacii. Quia (ut ibi notavi) abſolutam reliquit prohibitionem, & unicam exceptionem addidit, per quam magis videbatur coarctari generalis prohibitio. Quod fecit conſultiffime Concilium, ut facilius poffent moniales induci ad ſervandum præceptum, quod tanto tempore recuſaverant.

In quo
decretum
Concil. II
ſit ſtrictius
d. us, quæ
Bonif. cit.

Satisfit
motivo
Navarr.
in nu. 19.

rant. Circa illam vero moderationem nonnulla explicanda sunt. Primum, quæ sit illa legitima causa: secundum, quis possit licentiam dare.

Dubium primum de legitima causa egrediendi clausuram.

Causæ sufficiens relinquitur arbitrio ordinarii juxta Trid.

2 Circa primum dicendum est, ex vi Concilii reliquum hoc esse prudenti arbitrio Episcopi. Probat, quia talis causa nullo jure definita est, nec Concilium illam determinat: ergo relinquitur arbitrio Episcopi, cui approbationem committit. Dices: Jam fuerat hæc causa a Bonifacio definita, scilicet laborare tali morbo, ut non possit cum aliis absque gravi periculo, seu scandalo communicare: causa autem legitima idem est, ac causa per legem statuta: ergo de hac loquitur Concilium, & hanc vult esse recognitam & approbatam ab Episcopo. Sed non est hæc mens Concilii, neque ita communiter intellectum, aut receptum est, & constat etiam ex constitutionibus Pii, & Gregorii, ut statim videbimus, & ex multis declarationibus Cardinalium, & ex vi & proprietate verborum. Nam legitima causa indefinite significat causam rationabilem, quæ legi rectæ rationis conformis est: non ergo recte limitaretur ad particularem causam illo antiquo jure indicatam.

Pius V. res causas limitat.

3 Advertendum est autem Pium V. in constit. 100.

Decoris, causam hanc intra certos limites præscripsisse, cum majori quidem amplitudine, quam Bonifacium, cum magna tamen (ut apparet) restrictione Concilii. Sic enim ait: *De cetero etiam infirmitatis, seu aliorum monasteriorum occasione, & pretextu, nisi ex causa magni incendii, aut infirmitatis lepre, aut epidemice, a monasteriis præfatis exire, sed neque in prædictis casibus extra illa, nisi ad necessarium tempus stare licebit.* Ubi aperte causam legitimam restringit ad illos tres casus. Ex quibus duo postremi continentur sub causa a Bonifacio explicata, imo plures videtur Bonifacius comprehendisse, nam plures videntur esse morbi contagiosi, qui communitati grave periculum, vel scandalum afferre possunt, quos omnes Bonifacius sub generali voce complexus est. Navarrus autem in dict. Comment. 4. de Regularib. num. 48. ait, hos casus Pii V. extendendos esse ad similes; quod variis conjecturis confirmat, juxta quam interpretationem manifestum est totum, quod Bonifacius in sua exceptione comprehendit, contineri in duabus infirmitatibus a Pio V. in specie positis. Præsertim quia verisimilius est nomen *epidemice*, non rigore sumi ibi pro illa, quæ pestis dicitur, id est, pro morbo, qui ita gradatur, & per contagium communicatur, ut majorem hominum partem, quos ferit, interimat: sed ut latius dicitur de quolibet morbo communi ita contagioso, ut ab uno facile ad alios diffundatur, si cum illo communicent. Cum enim illa lex quoad hanc partem restrictiva, & odiosa sit, verba ejus in mitiori significatione propria interpretanda sunt: certum est autem juxta usum peritorum artis medicæ, vocem *epidemia* absolute dictam, hanc habere significationem. Juxta illam ergo intelligenda est hæc, & ita non per similitudinem, sed etiam per proprietatem comprehenduntur omnes morbi vere contagiosi, qui communitati grave periculum, vel scandalum afferre possunt. Et nihilominus verum existimo Navarri dictum, in illis scilicet casibus comprehendere quoscunque alios ita similes, ut in eis eadem ratio, quæ in prædictis, militat. Ut in ipso exemplum in periculo belli imminens: nam tunc liceret monialibus fugam capere propter similitudinem rationis cum primo casu incendii: quod etiam admittit Gutierrez lib. 1. Practicarum quæst. cap. 14. num. 9. ubi alios refert. Idem erit si monasterio juxta flumen existente, inundatio vel ruina totius monasterii nimium crescente fluvio repente timeatur: & sic de similibus, qui materialiter, non formali ratione sunt ab incendio diversi.

Author cum Navar. extendit creatum ad casus non solum proprie similes, sed etiam in quibus ratio pontificis militat.

Vide Gal. in lib. 1. de ratione victus in morbis acutis, comm. nr. 9. & lib. 1. de morbis popularibus, p. 3. comm. 20.

Num præter dictas causas egressus alii sunt admittendi. Ratio pariter neg.

4 Difficultas ergo est, an in aliquo casu liceat hujusmodi licentiam dare moniali propter aliam causam præter has tres numeratas a Pio V. ut a nobis sunt cum Navarro proxime exposuimus. Ratio dubitandi est, quia Pontifex ponit regulam universalem prohibentem, & addit illas exceptiones: ergo firmat regulam in contrarium: nullam ergo aliam exceptionem permittit.

Confirmatur primo, quia statim gravem adjungit penam adversus aliter concedentes hujusmodi facultates, volens illam esse quasi formam substantialem illius facultatis concedendæ; ergo facultas aliter concessa nulla est. Confirmatur secundo, quia ex illis tribus causis numeratis a Pio V. evidenter constat illum solum considerasse commune detrimentum conventus, ut hæc licentia legitima esse posset. Vel ergo alia causa talis est, ut simile detrimentum communitati afferat, & ita non est alia causa, nec similis proprie, sed eadem, ut explicaturum est: si vero non vergit in damnum communitatis, plane non est reputata a Pontifice sufficiens: quomodo ergo poterit ab aliquo inferiori sufficiens reputari? Atque ita definit hoc dubium Gutierrez lib. 1. suarum Practicarum quæst. cap. 14. & Cenedus in Collectaneis ad 6. collect. 3. numer. 2. Eman. Rodrig. tom. 1. quæst. regul. quæst. 49. art. 3.

5 Contrariam sententiam tenet Navar. Comment. 4. de Regular. num. 49. ubi duos casus ponit, in quibus videtur hoc licere præter numeratos a Pio V. Primus est, quando monialis unius monasterii eligitur in Abbatissam alterius, nam Episcopus potest hanc causam excundi a suo monasterio, ut sufficientem approbare; & in hoc etiam consentit Gutierrez, imo illud extendit ad quamcumque rationabilem causam, propter quam autoritate, & præcepto Prælatorum monialis mutatur ab uno monasterio, ut in alio habitet. Quia hoc non ideo licet solum, quia causa est justa, licet distincta: sed quia ille exitus non est, de quo loquitur Pius V. quia non est (inquit Gutierrez) ad manendum extra monasterium, sed ad transeundum ad aliud: Pius autem loquitur de exitu ad manendum aliquo tempore in seculo. Quæ ratio non videtur omnino satisfacere: quia etiam prohibetur a Pio V. exitus ad ambulandum extra monasterium per aliquod breve tempus, sine ulla mora, aut detentione in aliquo loco: imo, etiam si singatur causa rationabilis excundi per unam januam monasterii ad ingrediendum statim per aliam, incedendo recta via, & sine ulla mora, id non esset licitum: ergo quod alter egressus sit solum ad iter agendum, usque ad aliud monasterium, non sufficit quominus sit materia hujus prohibitionis. Nihilominus casum illum censo esse verissimum: nam consuetudo, quæ est optima legum interpret, ita illum approbavit, & interpretata est. Necessarium autem est ad rationem reddendam dicere, vel ex benigna, seu præsumpta interpretatione illum non reputari exitum a monasterio, quia eo ipso, quod exit ab uno, censetur moraliter transire ad aliud eo modo quo potest, viamque intermediam moraliter non reputari: vel (quod mihi magis placet,) hic habet locum regula juris, quod species derogat generi, etiam si species antecedit. Hic autem casus specificus est in jure expresse permissus, & novissime in Concil. Trident. sess. 25. cap. 7. de Regular. ubi statuit, ut in casu necessitatis possit eligi Abbatissa ex alio monasterio. Qui autem unum concedit, etiam approbat necessarium medium ad illud. Pius autem V. sine dubio noluit revocare hanc legem: ejus ergo universalis prohibitio per illam specialem legem limitatur. Confirmari potest a simili ex dict. cap. unic. §. *verum*, de statu regularium in 6. Ubi in speciali casu conceditur, ut Abbatissa cum honesta, & decenti societate possit exire ad fidelitatis sacramentum præstandum alicui Principi, cui illud debet. Quæ lex specialiter non revocatur, & ideo limitare censetur generalem prohibitionem: ergo similiter, &c.

6 Aliqui tamen hoc extendunt ad quamcumque mutationem monialium ab uno monasterio in aliud propter varias causas, ut ad fundandum monasterium, vel ad aliud ministerium ibi peragendum, licet non sit Prælatio. Quæ certe juxta dicta videntur probabilia; tamen a Congregatione Cardinalium hoc responsum datum invenio: *Monialis non potest transire de uno ad aliud monasterium, etiam de consensu Episcopi sine licentia Sedis Apostolicæ, etiamsi translatio fiat ad aliud ejusdem Ordinis.* Et infra dicitur, Sedem Apostolicam aliquando hoc concedere ex causa de consensu Superiorum etiam ad monasterium alterius obedientiæ. Et nuper in hoc Lusitanæ regno vidi ad transferendam monialem ab uno monasterio ad aliud ejusdem Ordinis.

Contrarium sentit Navar. in duobus casibus.

Quorumdam ex-
tentio di-
ci casus
non ad-
mittitur.

Ordinis, & sub eodem Generali, & interveniente satis gravi causa salutis, expectaram fuisse licentiam Sedis Apostolicæ. Ita ergo servandum iudico, quotiescumque causa mutationis talis non fuerit, quæ vel in jure sit specialiter expressa, ut dictum est de officio Abbatissæ: (Idemque censeo, si oporteat totum monasterium alio transferri, juxta decretum Concil. Trident. sess. 25. cap. 5. de Regularibus); vel nisi per æquiparationem rationis possit causa ad numeratas a Pio V. reduci juxta ea, quæ statim dicemus: ut est, v.g. quando oportet ob pravorum mores moniale alio transferre, nam illa causa non immerito contagioso morbo comparatur, vel scandalo communi, pro quo vitando Bonifacius etiam egressum concessit.

Secundus casus, quæ Navar. probat quadrupliciter.

7 Alter vero casus, & difficilius est, si monialis gravi labore ægitudine, ita ut in morali periculo mortis constituatur, nisi extra monasterium curetur: & tunc etiam existimat Navar. esse sufficientem causam juxta facultatis, etiam si morbus ille cæteris monialibus contagiosus non sit. Fundatur primo, quia illa causa esset sufficiens juxta Concil. Trident. Pius autem V. non videtur voluisse derogare Concilio: nam potius dicit, se velle renovare, & stabilire illud. Idemque argumentum sumit ex decreto Bonifacii, quia in hac parte est strictius, quam Concilium, imo etiam quam Constitutio Pii, quatenus non exprimit casum incendii, & nihilominus non obstante illo decreto erat legitima illa causa iudicio omnium prudentium, & communi usu. Tertio adducit Navar. leges juris civilis, in quibus prohibitio aliqua fit cum certo numero exceptionum, & nihilominus juxta communes interpretationes admittuntur aliæ, quando recta ratio docet esse admitendas. Quarto argumentatur ex conjecturata mente legislatoris, quia non est verisimile voluisse privare hominem defensione propriæ vitæ, quæ tam naturalis est.

Contra sentit Gutier.

8 Ad hæc argumenta respondet late Gutier. supra negando in specie esse licitam facultatem in eo casu. Et quamvis aliæ responsiones probabiles sint (quas breviter causa omitto) in ea mihi non satisfacit, in qua admittit non obstante decreto Bonifacii in sua vi permanente, posse licentiam dari in eo casu, & negat posse fieri juxta constitutionem Pii V. cum revera magis restrictiva sit exceptio Bonifacii, quam Pii, ut ponderavi: vel saltem in hoc convenient, quod etiam Bonifacius in sua exceptione solum respexit ad causam, quæ ad totam communitatem pertineat; quod est fundamentum potissimum suæ sententiæ. Unde consequenter loquendo idem dicendum esset de decreto Bonifacii, nisi fuisset consuetudine derogatum, vel per Concil. Trident. amplificatum. Et hanc sententiam esse communem, ait Emmanuel Rodrig. 1. tom. Quæst. regul. q. 49. artic. 3. citans Collectores Mendicantium, & Cordubam in Additionibus ad Compendium, & ipse indicat esse sequendam in judicando, & consulendo, cum tamen in art. 2. dixisset, in monasteriis existentibus in desertis locis, ad quæ non possunt medici frequenter accedere, quantum necesse est, sufficientem causam hujus licentiæ insurgere posse ex ægitudine privatæ personæ non obstante Motu proprio Pii V. quem limitandum putat quoad illa monasteria. Sed certe si limitatio admitenda est, non est præcisè propter situm monasterii, nam certissimum est illud absolute sub lege comprehendendi; sed est propter necessitatem occasione illius situs subortam: si ergo illa sufficit, quamvis sit unius tantum personæ, & ex ægitudine, sufficit ex quacumque alia causa nascatur: quia hoc ad vim, & rationem præcepti materiale est.

Navarri placitum suadetur primo.

9 Ego igitur non possum discedere a pia sententia Navarri propter nonnulla, quæ ultra illum breviter expendam. Primum: quod leges humanæ non obligant ad sui observationem cum gravi periculo mortis, nisi ubi honor fidei, vel religionis, vel magna necessitas boni communis intercedat: nihil autem horum in præfenti intervenit: ergo non tenetur monialis cum tanto periculo patere huic præcepto Ecclesiastico. Minor supponitur ex facto, nam revera moraliter ita potest facile contingere. Ad majorem autem responderi potest, esse veram, nisi ex circumstantiis legis aperte constet intentionem præcipientis esse obligare cum illo

periculo, ut hic constare videretur. Sed contra hoc est, quia illud principium, sicut communiter receptum est, ita etiam communiter non solet fundari in solo defectu voluntatis, sed etiam in defectu potestatis; quia leges hominum debent esse tolerabiles, & humanæ, & ita non possunt imponere tam grave onus exponendi se gravi periculo mortis, nisi ex causa proportionata, quæ non est, nisi necessitas communis boni temporalis, aut spiritualis. Quamvis autem hoc præceptum sit propter bonum commune, & spirituale religionis, tamen hoc bonum non periclitatur, nec patitur grave nocumentum propter licentiam concessam in illa extrema necessitate. Et quamvis demus legem hanc non fuisse futuram injustam, in eo sensu tamen negari non potest, quin esset gravissima, & durissima, quod præsumendum non est de pia mente Pontificis: & ita procedit optime ultima ratio Navarri.

10 Unde argumentor secundo in hunc modum, quia duobus, vel tribus modis conjectare possumus illum casum fuisse omissum a Pontifice. Primo, quia non venit in actualem considerationem ipsius; & hoc insinuat Navar. & ita quasi per epikheiam interpretatur non fuisse voluntatem ejus illum excludere. Illud autem suppositum difficile creditur, quia illa solet esse causa maxime vulgaris & frequens. Secundo ergo credi potest Pontificem de illo cogitasse, & intellexisse verum periculum mortis, quod in illo casu esse potest, & noluisse nihilominus legem suam tunc relaxare; & hoc dicimus videri incredibile. Tertio igitur potest intelligi Pontificem quidem cogitasse de causa privatæ infirmitatis, supposuisse tamen, vel præsumpsisse, propter illam curandam non posse esse necessarium exitum a monasterio: & tunc si postea revera constet de necessitate, ita ut illo medio speretur vita, & sine illo moraliter desperetur, lex illa non obstat, quominus causa illa legitima censeatur. Probatur, quia lex fundata in præsumptione quantum ad id non obligat, quando veritas rei præsumptioni non correspondet, ut est recepta doctrina. Sed ita contingit in hoc casu juxta hanc interpretationem: ergo.

11 Tertio, ut simul satisficiamus clariis fundamentis alterius sententiæ per æquiparationem rationis, potest hic casus sub numeratis a Pio V. comprehendi. Nam etiam alii auctores fatentur hanc æquiparationem sufficere, sed negant in hoc casu reperiri, quia putant Pium V. solum respexisse ad causam, quæ pertineat ad communitatem monialium, ita ut damnum non exundi omnes concernat. Sed revera non ita est, quia etiam habuit rationem damni singularum monialium. Quod declaro in casu incendii: tunc enim incendium sufficit, ut omnes moniales monasterio exeant, quando omnium vita periclitatur, nisi exeant: si autem non immineret periculum omnium, sed aliquarum, quia videlicet una pars monasterii incenditur, & in alia non est periculum: tunc illæ tantum exire possent, quæ aliter vitare mortem non possent, ut si singulas habitare in parte, quæ incenditur, & non posse transire ad aliam, nisi per ignem. Idemque erit de una tantum, si casus ad hanc restringatur, ut illa sola in incendio periclitetur. Quod ideo expendo, ut declarem hanc causam non respicere communitatem, ut communitas est, sed omnes personas ejus, ut singulas, & sufficere in unaquaque, si illam solum tangat: ergo quæcumque alia causa, quæ constituat singulas moniales in evidenti periculo mortis, nisi exeant, est eadem cum hac per æquiparationem rationis, & consequenter comprehenditur sub illa exceptione, & procedunt exempla aliarum rerum, quæ Navarri adducit. Confirmatur, & declaratur; ponamus enim periculum ægitudinis, quod in una supponimus grassari per omnes, vel quam plures moniales monasterii, non propter contagium ipsarum inter se, sed propter novam loci insalubritatem, vel aliam extrinsecam occasionem illius loci peculiarem; certe tunc causa illa æquiparetur incendio respectu totius monasterii, quia jam periculum tangit omnes: ergo pari modo respectu singularum talis causa æquiparetur incendio uniuscujusque: ergo sicut periculum incendii unius sufficit, ut illa sola possit exire; ita etiam infirmitas ex loco proveniens, quæ illi soli vitam eripit.

Satisfit rationibus adversariis in num. 4.

Hoc

Hoc denique confirmat quædam responsio Cardinalium, quæ sic habet: *Curanda valetudinis causa ad balnea monialium exire posse Sedes Apostolica concessit, dum tamen eat cum honesto comitatu personarum, quem Ordinarius dandum censuerit: atque tam eundo, quam redeundo nullum ad locum extra viam rectam divertat, neque diutius maneat apud ipsa balnea, quam ad curandam infirmitatem necesse fuerit.* Non declaratur autem ibi, an illa fuerit dispensatio cum aliqua moniali in particulari, vel generalis declaratio juris. Tamen extenore verborum hoc posterius magis colligitur.

12 Dices, rationes has nimium probare, scilicet posse in huiusmodi casu monialem sine facultate, imo & invitis Prælati exire, quia non obligatur lege clausuræ, ut prima & secunda ratio probare conantur: & quia in casu incendii, cui hunc æquiparamus, non est necessaria facultas. Respondetur negando sequelam, simpliciter loquendo: quia lex, quæ non obligat ob periculum mortis, solum excusat, quantum ad vitandum periculum necessarium est: hæc autem lex simpliciter prohibet exire sine legitima facultate, & in casu, quem tractamus, ad vitandum periculum non est necessarium exire sine legitima facultate, & approbatione Superiorum. Et in hoc etiam est dissimilis æquiparatio incendii: quia ibi periculum non dat locum petendi facultatem, nec causa indiget approbatione Superioris, quia per se est evidentissima. Cum ergo extensio hæc fiat per æquiparationem rationis, in eo tantum fieri debet, in quo est paritas: in reliquo vero potius est æquiparatio faciendæ cum aliis casibus in eadem lege positis, in quibus approbatio Episcopi requiritur, etiam si infirmitas contagiosa sit. Quod tamen semper intelligitur, nisi esset evidens periculum in mora, ut si acuta pestis repente invaderet monasterium, & Episcopus multum distaret; tunc enim æquipararetur hic casus incendio. Quia verò adero est rarus, ut non sit moralis, non commemoratur in lege. Solum posset urgeri casus, in quo monialis constituta in dicto periculo mortis, petita facultate, eam obtinere non possit: tunc enim non videtur obliganda ad servandam legem cum tanto periculo vitæ. Tamen, quia res morales periculis expostæ sunt, non est huiusmodi casus admittendus, nec talis libertas concedenda, tum quia non potest hic tam evidenter constare de periculo, sicut in incendio: & ideo si Prælati informati non approbat necessitatem, presumendum est non esse sufficientem: tum etiam, quia nunquam id fieri posset sine magno scandalo & infamia religionis: atque ita militat ibi ratio servandi legem humanam, etiam cum vitæ periculo propter commune bonum suæ religionis.

Secundum dubium, a quo, & quomodo, supposita causa, danda sit licentia.

13 Ex his ergo declarationum relinquatur ultimum punctum in fine num. 1. propositum, quis scilicet, & quomodo possit in hoc præcepto dispensare. Possimus autem hic distinguere facultatem a dispensatione modo in superioribus adnotato. Nam facultas est pars materiæ ipsius legis, quia prohibitio ipsa est ingrediendi absque tali facultate ex tali causa concessa: & ideo cum talis facultas datur, revera non dispensatur in lege, sed juxta illam fit; dispensatio autem propria esset, si daretur licentia egrediendi sine causa, & facultate in lege requisitis. Dispensationem ergo in hoc rigore & proprietate sumptam solus Papa concedere potest, quia solus ipse potest in suis legibus dispensare jure ordinario. Nec fingi potest casus, in quo ex accidenti sit necessaria dispensatio Episcopi, quia in eo sufficeret facultas, quam ipsa lex permittit, & ita cessabit ratio dispensationis in ipsa proprietate sumpta. Loquendo autem de facultate, Concil. Trident. dixit legitimam causam ab Episcopo esse approbandam: & Pius V. dixit hoc esse intelligendum etiam de monasteriis exemptis a jurisdictione Episcoporum, & vult approbationem dari *in scriptis, expresse, & causa cognita*, & postea subdit: *Aliiter autem, quam, ut præfertur, egredientes, &c.* Ex quibus rebus colligitur, omnes illas condiciones necessarias esse ad vitandam culpam, & censuram. Extendit tamen nomen *Episcopi*, dicens: *Per Episcopum, seu alium loci ordinarium.* Quod intelligo de Ordinario habente jurisdictionem Episcopalem: hoc

enim significare solet *Ordinarii* nomen, quando agitur de actu pertinente ad jurisdictionem fori contentiosi, & maxime in materia tam gravi. Et hæc non est additio, sed interpretatio Concil. Trident. quia nomen *Episcopi* in his rebus extendi solet ad Ordinarium habentem jurisdictionem Episcopalem. Et fortasse ob hanc causam congregatio Cardinalium in nonnullis responsis de hac materia semper utitur nomine Episcopi, quamvis sine dubio non recedat a mente Pii V. Quæri autem potest, an hæc approbatio, & licentia Episcopi sufficiat. Ad quod respondendum est, in monasteriis subjectis Episcopo sufficere, quia ibi ipse est, & Episcopus, & Prælati religionis. In exemptis vero necessaria præterea est licentia proprii Prælati, Provincialis scilicet, vel Generalis, juxta uniuscujusque institutum: hanc enim licet Concilium non requirat, non excludit, sed potius supponit, ut jure communi necessarium; semper enim loquitur secundum jus, quando illud non immutat: & ita expresse declaravit Pius V. & dicta Congregatio Cardinalium in multis responsis. Et uterque tam Superior regularis, quam Episcopus debet approbare legitimam causam, ut Pius V. dixit. Emmanuel autem Rodrig. d. quæst. 49. art. 6. ait hoc non esse in usu in Hispania, & ideo tunc scrupulo sufficere in illa licentiam Provincialis habentis jurisdictionem Episcopalem: quia ipse etiam est Episcopus, & ordinarius talis monasterii, & constitutio Pii vel est intelligenda, quando Prælati monasterii non habet jurisdictionem Episcopalem, vel per non usum amisit vim obligandi. Sed quod ad jus attinet, prior expositio violenta est, nam Pius expresse requirit, præter alios Ordinum Superiores, approbationem Episcopi, vel Ordinarii, etiam si monasteria exempta sint; & declarationes Cardinalium expresse requirunt consensum Superioris regularis, & Episcopi diocesani: & declarant Episcopos posse per censuras compellere quoscunque Superiores religionum ad hoc observandum, non obstantibus privilegiis. Quod vero attinet ad non usum, res est facti, quæ mihi non satis constat. Illud tamen scio legem Ecclesiasticam non pendere ex acceptione, nec amittere vim suam, nisi post longissimam præscriptionem, præsertim quando dat jurisdictionem, contra quam præscribendum est.

14 Sed quid si dent licentiam sine causa legitima, eritne tuta in conscientia ipsa monialis? Respondetur, minime, per se loquendo; nam ipsa bona fide procedendo, semper debet præsumere Prælatos legitime agere, etiam in eo casu opinabili, vel dubio: quia hoc est ordinarium jus Superioris, & in præsentem maxime juvat, si duo tam graves Prælati concordent. Si tamen ei constet in conscientia causam non fuisse, & favore, vel alio modo licentiam obtineat, nec culpam, nec censuram excusat: quia & illa facultas in re ipsa nulla est, & eam non latet: & quia Pius V. dicit: *Aliiter autem, quam, ut præfertur, egredientes*: prædictum autem fuerat, ut sine legitima causa & probata non exeant. Quæ porro sit hæc causa legitima, satis jam explicatum est: ut autem ex omnibus dictis regulam summam colligamus, non censeo hoc esse absolute relinquendum prudenti arbitrio Episcopi, aut Prælatorum, ut ex vi Concilii relinqueretur: quia Pius V. illam legitimam causam vel limitavit, vel declaravit: juxta quam limitationem, prout a nobis exposita est, videtur posse generaliter dici hanc causam consurgere vel ex necessitate præcisa ad propriam vitam tuendam, vel ex necessitate vitandi contagium seu damnum aliarum monialium. Quæ profecto est satis magna restrictio, ita vero scripta est.

15 Sed objiciet aliquis ex Navar. supra, quia Pius V. non videtur derogasse Concil. Trident. quod etiam absolute affirmat Emmanuel Rodrig. d. quæst. 49. art. 5. quia in sua constitutione idem Pontifex ait, velle se adhibere decreto Concil. Trident. Verum tamen negare non possumus Pontificem amplitudinem illam Concilii quodammodo coarctasse, sive per derogationem, sive per limitationem, juxta doctrinam Bartoli distinguentis illa duo in *l. si constante*, ff. soluto matrim. n. 39. Nam illa limitatio potius est per quandam declarationem, quam per derogationem. Quæ declaratio licet limitans seu coarctans videatur; quando pietatem respi-

Objeccio
contra
proxime
dicta di-
luitur.

Emma-
nuelis
placitum
expendi-
tur.

Dispensa-
tionem
proprie
sum. seu
solus Pa-
pa conce-
dere po-
test jure
ordina-
rio, quoad
clausuram.

Quid Tri-
dent. &
Pius V.
pro facul-
tate simp-
liciter re-
quirant.

Objeccio
contra
doctrinam
proximi
dubii di-
luitur.

De altera parte claufura monialium, quoad ingreffum fcilicet in earum monasteria.

refpicit, favorabilis potius quam correctoria cenfetur, argumento cap.2.§.statuimus, de decimis in 6.Ob hanc ergo caufam, non obftante illa limitatione, dicitur Pontifex adhærere Concilio, & nulla facta mentione derogationis illud limitavit: alioquin inutilis fuiffet lex Pii V.quoad illos tres cafus, quos enumerat, quod in omni legum interpretatione cavendum eft.

16 Quæri vero ulterius poteft, quid dicendum fit, fi e contrario caufa legitima in re fubfit; Epifcopus autem vel Prælati nolit illam approbare. Refpondeo, duo hic intervenire, quæ videntur diftinguenda, approbatio caufæ, & licentia exeundi, nam revera fe-parabilia funt, ut de approbatione quoque, & facultate ad confeffiones audiendas in tomo de pœnitentia notavimus; quia quamvis nullus det licentiam, quin approbet, moraliter, ac prudenter loquendo; tamen e converfo ad aliquem pertinere poteft approbatio caufæ, quæ confiftit in iudicio de fufficientia illius, abfque poteftate dandi licentiam. Atque hoc modo videtur pertinere approbatio ad Epifcopum quoad monasteria exempta: & ita Concilium nihil aliud dixit, nifi caufam ab Epifcopo approbandam. Et Pius V. ut caufa cognita, & in fcriptis exprefse approbata fit. Sine approbatione ergo caufæ exiri non poteft, juxta prædictas leges, etiamfi injufte negetur: quia hæc jura requirunt, ut de facto approbatio præcedat extra cafum incendiï, vel fimiles: licentia vero proprii Superioris ex vi ftatus religionis neceffaria eft. Quocirca fi monasterium eft fubjectum Epifcopo, & ipfe negat approbationem, & confequenter negat licentiam exeundi, nullo modo licet exire, quia utrumque jus obftat, & per modum defenfionis, aut juftæ excufationis id fieri non poffet fine magno fcandalo, & in cafu potius ficto, quam morali, ut fupra in fimili dicebam in nu. 12. Quando autem monasterium eft exemptum, & Epifcopus non vult approbare caufam, Prælati autem proprius licentiam præbet, & caufam approbat, fi injuftitia Epifcopi evidens fit, videtur in confcientia poffe excufari monialis: quia tunc ratio religionis propriæ eam non obligat, & alioquin lex pofitiva non videtur in eo cafu obligare: quia tunc re ipsa impletur, quod lex intendit, quamvis exterior folennitas defit, ad quam non videtur obligare cum tanto difpendio, licet fortaffe in foro exteriori aliud præfumatur. Si autem e contrario Epifcopus approbet, & Prælati refiftat, & nolit licentiam dare, permittendus non eft exitus (moraliter loquor), quia tunc & hæc lex obftat, & intrinfecca obligatio religionis, feu obedientiæ: & quia tunc vix poteft vitari grave fcandalum, & apoftafiæ periculum, vel fpecies, cum infamia religionis. Quod maxime urget, quando claufura fpeciali voto promiffa eft: quia in objecto, feu materia ejus includitur femp̃ licentia Prælati. Et ideo quoad hoc multum referre poteft, quod hæc obligatio nafcatur ex voto, vel folum ex lege humana. Sic etiam referre poteft ad hoc, ut difpenfatio conceffa fine legitima caufa, etiam a Romano Pontifice invalida fit.

17. Ultimo notari poffunt pœnæ, quæ in dictis conftitutionibus feruntur contra moniales frangentes claufuram. Concilium enim Tridentinum nullam in hoc cafu tulit; fed folum contra magiftratus feculares, qui negant auxilium Epifcopis neceffarium ad claufuram inftaurandam, ponit pœnam excommunicationis ipfo facto: & eandem ponit inferius contra ingredientes in monasteria monialium, de quibus mox dicemus. Contra ipfas vero moniales egredientes illegitime nullam ponit cenfuram, vel pœnam, fed fimplicem prohibitionem. Pius vero V. in Motu proprio, qui incipit: *Decoris & honeftati*, excommunicationem pofuit ipfo facto, & alias pœnas, quas extendit etiam ad recipientes, comitantes, & dantes illis auxilium. De quarum interpretatione legi poteft Navar. in dict. Comment. 4. & quæ infra dicemus de pœnis apoftatarum, ne oporteat eadem repetere: nam in his omnibus eadem fere eft proportio, imo in rigore fufficit applicare generales regulas de cenfuris, & de aliis legibus pœnabilibus, quas lectorem non ignorare fuppono.

1 NON minus neceffarium eft ad virginum cuftodiam, & religiofos mores, ut feculares vel extranei intra earum claustra non ingrediantur, quam ut ipfæ inde non egrediantur: & ideo facri canones non minus hoc, quam illud prohibuerunt. Ex antiquioribus hoc prohibent Concil. Matifconenfe l. cap. 2. & Concil. Arelatenfe IV. cap. 7. Quibus locis non videtur facta absoluta prohibitio, fed cum aliquibus limitationibus ex parte perfonarum, vel ex parte actionum. Nam quoad primum additur in dict. cap. 7. hæc limitatio: *Nifi aut paterna, aut germana neceffitas probetur admittere*; quamvis hæc non pro ingreffu, fed pro acceffu addita videatur: quæ duo quomodo diftinguantur, patebit ex dicendis: quoad primum vero permittitur ibi ingreffus ad dicendas Miffas, quod poftea mutatum eft. In VII. etiam Synodo feff. 7. can. 20. prohibetur fieri duplex monasterium, id eft, ex fœminis & viris confans: & explicatur regula Bafilii, fecundum quam talia monasteria permittebantur, ita efle fervanda, ut ab uno monasterio ad aliud aditus non pateat; & quando neceffaria vite (inquit) a parte virorum ad regulares deferuntur, extra portam hæc fufcipiat Abbatiſſa monasterii fœminarum cum aliqua vetula monacha. Ante feptimam vero Synodum in Concil. Agathenſi, cap. 28. præceptum fuerat monasteria puellarum longius a monasteriis monachorum, aut propter oblocutiones hominum collocari. Quæ refert Gratian. cap. *definimus*, & cap. *monasteria*, 18. q. 2. ubi plura alia decreta de hac materia refert. In illis tamen omnibus non invenio abfolutam prohibitionem hujus ingreffus quoad omnes perfonas, tam viros, quam fœminas non profefſas in tali monasterio.

2 Primus ergo, qui hanc claufuram integre præcepit, fuit Bonifacius VIII. in dict. cap. unico de ftatu regular. in 6. *Nulli* (inquit) *aliquatenus inhoneste perſone, neque etiam honeste, niſi rationabilis, & manifesta caufa exiſtat, ac de illius, ad quem pertinuerit, ſpeciali licentia ingreffus, vel acceſſus pateat ad eafdem*. Quod præceptum conſtat quoad perſonas univerſale efle, quia ſub voce perſonæ honeſtæ, tam fœminæ, quam viri, & tam laici, quam clerici, vel monachi, & Epifcopi comprehenduntur. Id vero clariùs declavit Concil. Trident. feff. 25. de Regular. cap. 5. dicens: *Ingredi autem intra ſepta monasterii nemini liceat, cujuſcumque generis, aut conditionis, ſexus, vel ætatis fuerint*. In quibus verbis dubium oriri poteſt circa illam particulam, *cujuscumque ætatis*, an comprehendantur pueri ante uſum rationis. Sed manifeſtum eſt eos ex parte ſua non comprehendere, quia non ſunt capaces præcepti: lex autem illa directe refertur ad ipſos ingredientes, cum tenor ejus ſit: *Ingredi nemini liceat*. Et non poteſt comprehendere pueros pro ea ætate, in qua nihil poteſt eis efle illicitum; ex parte vero introducentium, vel admittentium ipſos poſſet magis dubitari. Sed de hoc genere cooperationis ad hunc ingreſſum, etiam pro his perſonis, quibus eſt illicitus, nihil Concil. Trident. loquutum eſt: neque in Motib. Pii V. 8. 22. aut 100. neque in Motibus Gregor. XIII. 13. 36. aut 75. qui ſunt de hac claufura, aliquid circa has perſonas ſpecialiter expreſſum invenio, præterquam in 36. Gregorii, ibi: *Neve moniales ſub eiſdem pœnis illos aliter admittere præſumant*. Sed conſtat ex contextu, relativum, *illos*, ſolum referre quasdam perſonas ibi nominatas, quæ prætextu quarumdam facultatum aliàs legitimarum pro articulis neceſſitatis volunt ingredi, etiam quando nulla eſt neceſſitas. Unde potius ſumitur ab ſpeciali argumentum, cum in aliis locis hæc additio non fiat, non extendi præceptum vel pœnas ejus ad huiusmodi perſonas. Talis ergo cooperatio in tantum eſt prohibita, in quantum ipſa de ſe fuerit mala, ſuppoſita culpa in ingredientibus: quia cooperatio ad culpam per ſe mala eſt, & confequenter eodem præcepto prohibita, etiamſi ad incurrendam ejus pœnam non ſufficiat. In prædicto ergo cafu de pueris ante uſum rationis, cum ex parte illorum nulla ſit culpa,

Jure anti-
quo pro-
hibetur
omni ex
parte non
fuit ingre-
di in mo-
nasteria
monialia.

A Bonifacio ſecundo gra pro-
hibitio
puno
manavit.

Num in
tali pro-
hibitione
compre-
hendantur
pueri
ante uſum
rationis.

culpa, ex parte admittentium ipsos nulla est cooperatio ad culpam: cumque prohibitio directe non cadat in ipsos infantes, non potest indirecte redundare in admittentes ipsos: ergo ex neutra parte hic ingressus prohibitus est.

3 Sed insurgit difficultas, nam sequitur idem esse dicendum de perpetuo amentibus, qui nunquam usum rationis habuerunt, etiam si grandioris ætatis sint: consequens videtur esse contra bonos mores, & contra intentionem Concilii: ergo. Sequela patet, quia illi non peccant ingrediendo, nec sunt prohibiti, quia non sunt capaces præcepti; ergo nec moniales prohibita sunt admittere, vel introducere illos, neque in hoc peccant. Minor probatur, quia inde possunt sequi eadem incommoda, vel majora, quam si illi haberent usum rationis, quia sunt indecentes joci, impudici tactus, & similia, ex quibus constat talem ingressum directe esse contrarium intentioni illius legis.

4 Ad hoc Navar.d. Comment. 4. nu. 59. quem sequitur Emmanuel Rodrig. 1. tom. quæst. 46. art. 1. Thom. Zerola in praxi Episcopali part. 1. verb. *Moniales*, ad 8. quæsitum vers. 4. negat admittendam esse sequelam: quia facti (inquit) licet non possint peccare, possunt tamen ad peccandum incitare, tumultum facere, turpiter joculari, & similia monasterio nocentia asportare. Quæ ratio probat quidem bene peccare moniales contra legem naturæ, vel contra suam regulam hos admittendo, vel certe etiam contra votum castitatis, si mala intentione, vel cum morali periculo læsionis ejus, illos admittant. Quomodo etiam poterunt peccare admittendo parvulos, præsertim grandiusculos, licet nondum ratione utantur: quia licet ipsi non possint peccare, neque active ad peccandum incitare, possunt esse materia peccandi, & objective movere, vel occasionem præbere ad faciendum tumultum, vel turpiter jocandum, vel aliquid pejus. Non videtur autem probare illa ratio illud esse peccatum contra prohibitionem Concilii, tum propter replicam factam, quia etiam quoad illam rationem est similitudo in pueris: tum maxime, quia ut lex obliget, non satis est finis legis, nisi interveniat etiam materia legis: Quamvis enim lex jejunii hodie obliget propter talem finem, quamvis idem finis, vel eadem necessitas sit in me alio die, non obligabit me lex jejunii, si pro illo die non est posita. Sic ergo cum hæc lex non sit posita pro his personis ratione carentibus, licet in aliquibus earum ratio, & necessitas legis eadem sit, obligatio non erit eadem, præsertim, quia cum hæc lex non obliget moniales nisi indirecte, urget semper ratio, quod cessante obligatione directa circa alios, nulla possit in ipsas redundare.

5 Nihilominus sententia illorum authorum mihi placet, censeoque esse peccatum grave contra prohibitionem Concilii admittere has personas. Rationem vero esse existimo, quia præceptum illud per se, & vi sua illas etiam personas obligat, quamvis ex accidenti excusetur: aliud enim est non obligari, aliud excusari a lege, ut ex materia de legibus suppono. Hanc ergo differentiam invenio inter infantem, & adultum perpetuo stolidum, quod infans per se est incapax præcepti, & ideo ad illum nullo modo dirigitur: adultus vero est capax per se loquendo, quod autem in tali ætate per se sufficiente ad usum rationis habeat impedimentum ejus, per accidens est: & ideo tale impedimentum excusat quidem personam a transgressionem præcepti, non tamen excludit, quominus præceptum in illam cadat. Ideoque si talis persona admittatur, vel introducat in monasterium, licet ipsa non peccet, peccant alii: quia ille ingressus est contra præceptum, qui licet non sit liber homini amenti, alius est liber, & iure non excusantur, licet ille excusetur. Declaratur exemplo; si homo dormiens vel ebrius introducat, nam ipse non peccabit, & alii sine dubio peccabunt: quia in illo carentia culpæ est solum per excusationem, & non quia non sit materia præcepti: quæ tamen excusatio in aliis locum non habet. Sicut etiam, qui facit, ut alius comedat carnes in die prohibito, illo fortasse non peccante propter oblivionem, vel ignorantiam, peccat contra præceptum Ecclesiæ, quia licet alius excusetur, actus ipse est contra præceptum Ecclesiæ, & ipse est voluntaria causa ejus. Multo ergo magis dicendum est in presenti casu, in quo

ipse actus materialis (ut sic dicam) ingrediendi, licet ab ingrediente non fiat moraliter, habet eadem incommoda, quæ lex vitare intendit: & tunc habent optimè locum congruentiæ a Navar. adductæ. Favet tandem forma hujus præcepti, prout habetur in dict. cap. unic. de statu regular. in 6. *Nulli aliquatenus inhoneste persone, nec etiam honeste ingressus pateat*, &c. Nam hæc verba non solum ad ingredientiæ dirigi videntur, sed etiam ad omnes, quibus cura incumbit talis clausuræ, & passive magis quam active feruntur, ut non tantum ingrediendi actionem moralem, sed etiam permissionem seu admissionem comprehendere videantur: Nomen autem inhonestæ personæ in omni proprietate comprehendit hos amentes, non vero infantes, quibus vix etiam nomen personæ tribuitur, juxta communioem usum.

6 Sed explicandum superest, quis sit terminus localis (ut sic dicam) hujus ingressus, in quo consummatur violatio hujus præcepti. In quo generatim loquendo dicendum est, in omni monasterio sœminarum sepimentum aliquod, vel murum necessario designandum esse per totum circuitum ejus, ut intra illud censeatur esse claustrum monasterii: intra quem terminum contineri debent, & loca omnia, seu cubicula, & officinæ interiores, & claustrum, & hortus etiam si quis fuerit monialium, ac denique omnia loca, in quibus ipsæ ordinarie versantur, comprehendere debent; hoc enim supponunt omnia dicta jura, & Pontifices, quoties de hac materia loquuntur, & est per se evidens, supposita necessitate clausuræ. Qui ergo intra illum murum, vel januam ejus ingreditur, eo ipso præceptum hoc transgreditur, & quamdiu intra illum non est, præceptum hoc non violavit. Unde qui animo ingrediendi ascendit murum, licet intentione, & attentione graviter peccaverit, non incurrit censuram Concilii, si non intrat: qui autem sine tali intentione ascenderet tantum ob curiositatem, vel aliam causam, non peccaret contra hanc legem, sed aliunde juxta scandalum, nocumentum, vel injuriam illaram.

7 Est autem practicum dubium, an omnis locus, ad quem possunt egredi moniales, censendus sit intra clausuram, quam non possint ingredi seculares. Et ratio dubitandi est, quia usu retentum videtur, non obstante Concilio, ut juxta interiorem januam monasterii sint aliqua receptacula, seu cubicula, ad quæ seculares, præsertim sœminæ ingrediuntur, quamvis illuc etiam moniales egrediantur: quod non esset permittendum, si per Concilium intelligeretur prohibitum. In contrarium est, quia vel illa loca sunt intra clausuram, vel extra; non extra, aliàs non liceret monialibus ad illa egredi: ergo sunt intra clausuram: ergo licet monialibus illa ingredi. Responderi potest, eandem clausuram posse habere duplices terminos, vel potius unum terminum communem, qui sit quasi intrinsecus utrique extremo, id est, loco clausuræ, & externo, & ideo ingredientibus, & egredientibus licet simul attingere talem terminum. Neque enim hic terminus mathematico modo indivisibilis est, sed aliquam extensionem habet, & plures personas capere potest, & per impositionem quandam moraliter designandus est. Potest ergo spatium illud, quod est inter duas januas, tanquam terminus communis designari. Sicut enim paulo antea in num. 6. dicebamus, eum, qui ascendit murum, nondum violasse clausuram ingrediendo; ita etiam religiosus, vel religiosa, licet ascendat murum ad egrediendum, nondum censetur consummasse peccatum violandi clausuram per egressum, donec extra septa monasterii egresso fiat, ut significavit etiam Clemens VIII. in decreto de reservatione casuum regularium. Ita ergo intelligitur dari terminus communis, in quo possint simul esse seculares, & religiosus sine ingressu unius, & egressu alterius.

8 Respondeo nihilominus dari talia loca communia (ut sic dicam) esse contra mentem Concilii, & contra legem ejus. Primum patet, quia hoc est, quod præcipue intendunt vitare canones, ne scilicet moniales cum secularibus in eisdem receptaculis, seu locis possint convenire. Quod adeo verum est, ut hac ratione prohibuerint moniales egredi, vel habere januam ad Ecclesiam exteriorem, ad quam inirent seculares. Et ex ratione & sine præcepti constat hoc esse in primis necess.

Num grā-
diores,
sed tamen
perpetuo
amentes.

Explicam-
tur limi-
tes clau-
suræ.

An possit
dari locus
commu-
nis, ad quē
possint
egredi
moniales,
& ingredi
externi
sine fra-
ctione
clausuræ.

neceffarium. Et confirmatur, quia aliàs etiam viris liceret ingredi talia cubacula: quod per fe ftatim apparet abfurdiffimum. Unde ille ufus, vel potius abufus, qui in contrarium affertur, nullibi ad viros amplifcatus eft. Nullo autem colore fit in hoc diftinftio inter viros & fœminas: quia prohibitio æqualis eft pro omnibus, & pro eifdem locis, feu pro eadem claufura. Unde probatur altera pars, primo ex verbis Bonifacii, *Nullique aliquatenus ingreffus pateat ad easdem*, fcilicet moniales: quomodo igitur non patet ingreffus ad easdem, fcilicet ingredi ad aliquod receptaculum, ad quod ipfæ moniales communiter egrediuntur? Concilium autem, atque etiam Pius V. renovant decretum illud Bonifacii. Et præterea Concilium ait: *Ingressi intra fepta monasterii nemini liceat*. Septa autem monasterii non appellantur cubiculum aliquod, fed murus, quo habitatio monialium clauditur, ut conftat ex communi ufu vocis. Nec poteft negari, quin talia loca fint intra fepta. Primo, quia funt intra januam illam, quam femper claufam monialis aliqua custodit, extra quam egredi piaculum eft. Deinde quia in illis locis refident communiter moniales, præfertim janitrices, & sociæ earum, quas omnes intra clauftrum femper contineri necesse eft.

9 Quapropter ad confuetudinem num. 7. adductam refpondeo, & raram efle, & ubi permiffa eft, ex aliqua ignorantia efle ortam, non efle tamen permitendam, fed abolendam, quia eft juri contraria, & non eft rationabilis, quia multum etiam derogat religiofæ custodiæ, & difciplinæ: & quamvis eflet tolerata, non eft tam antiqua, nec tam communis, & nota Superioribus, ut potuerit canonice legi, & adeo gravi derogare. Ad objectionem aliam refpondetur, totam illam efle fraudem legis, & fophifticam argumentationem. Unde cum eadem proportionem dicitur, quamvis locus dividens locum clauftri ab externo non fit mathematicè indivifibilis, moraliter tamen debere efle indivifibilem, & non amplum quoddam cubiculum, feu receptaculum ad mutuam confabulationem fine ulla murorum divifione ædificandum. Quod autem fupra murum, vel in ipfamer janua poffint fimul duæ perfonæ conjungi fine ingreffu unius, vel egressu alterius, non confideratur a lege: quia & eft nimis accidentarium, & quia leges communes non poffunt ad hæc minima, & particularia descendere; & ita non poteft inde argumentum fumi ad congressum in eodem cubiculo, quod de fe poffet fufficere ad fimul habitandum.

Quis poffit licentiam dare ad ingreffum in monasteria Monialium.

10 Superest, ut explicemus reftriktionem, feu moderationem hujus legis, hætenus enim amplitudinem, & veluti fubftantiam ejus declaravimus. Ad id ergo Concilium Tridentinum feft. 25. de Regular. cap. 5. *Sine Epifcopi, vel Superioris licentia in fcriptis obtenta*; & intra: *Dare autem tantum Epifcopus, vel Superior licentiam debet in cafibus neceffariis: neque alius ullo modo poffit, etiam vigore alicujus facultatis, vel indulti hætenus conceffi, vel in pofterum concedendi*. Bonifacius autem VIII. etiam dixerat, *nifi rationabilis, & iufta caufa exiftat, ac de illius, ad quem pertinuerit, fpéciali licentia*. Circa quam moderationem primum noto, folum Pontificem poffe dare hanc facultatem fine caufa neceffaria ad talem ingreffum, quia omnes inferiores Prælati folum id poffunt circa hanc legem, quod eis conceffum eft, & quidquid non eft conceffum, eft prohibitum, quia ipfi de fe non habent poteftatem derogandi legi Pontificiæ, vel Conciliari: ibi autem folum eis conceditur, ut poffint dare facultatem ex caufa neceffaria: ergo folus Papa amplius poteft. Unde fit, fi Epifcopus det facultatem fine legitima caufa, non folum peccare, fed etiam nihil agere, quia excedit poteftatem fibi conceffam: & ideo cui talis facultas datur, non poteft illa uti tuta confcientia, per fe loquendo, quia non impletur conditio pofita a Concilio, & illa non impleta, obligat prohibitio ejus, poffet tamen ignorantia excufare addibendo fidem Superiori: quod habebit locum, quando fubditus bona fide procedit, & non eft certus de defectu caufæ. Sequitur etiam inde,

folum Papam proprie poffe in hac lege difpenfare: quia inferior Prælatus, fi dat facultatem ob neceffitatem, non difpenfat, fed implet legem: fi vero dat fine neceffitate, nihil facit. Dices. Sequitur Pontificem nunquam poffe licite difpenfare: quia difpenfatio fine caufa, neque a fupremo Principe licite datur, etiam fi data valeat. Refpondetur negando fequelam, nam poteft dari caufa fufficiens ad iuftam difpenfationem, quæ non eflet fufficiens ad facultatem ab Epifcopo dandam. Nam Epifcopus folum poteft eam concedere in cafibus neceffariis, utique monasterio, feu monialibus. Pontifex autem poteft iufte illam concedere ob qualitatem perfonæ, vel ob infignem beneficentiam, fupposita aliunde decencia, moderatione, & aliis circumftantiis.

11 Secundo adverto, poteftatem dandi hanc facultatem in cafibus neceffariis ex decreto Concilii refervatam efle Epifcopo, vel Superiori. Et quidem de Epifcopo nulla eft difficultas quantum ad monasteria illis fubjecta, nam in illis folius Epifcopi licentia fufficit, & neceffaria eft. Sub Epifcopo autem comprehenditur ejus Vicarius Generalis, ut declaravit Congregatio Cardinalium; addit tamen conditionem: *Dummodo mandatum fpéciale ad hoc habeat*. Declarat itaque hanc poteftatem efle ab Epifcopo delegabilem, quia jure ordinario convenit, & Concilium illud non limitat. Cenfer tamen cafum efle ita fpécialem, ut non debeat reputari in conceffione generali, nifi exprimatur. Comprehenditur etiam nomine Epifcopi Capitulum Sede vacante, quia fuccedit in ordinaria jurifdictione Epifcopali, & refpectu talium monasteriorum fubjectorum etiam poffet comprehendere nomine Superioris. Idemque a fortiori eft de Epifcopo electo, & confirmato, nondum vero confecrato: quia hic actus jurifdictionis Epifcopalis eft, quam ille jam poteft exercere, cap. *transmiffam*, de elect. Denique utroque nomine comprehenduntur fculares Abbates, vel fimiles inferiores Prælati habentes jurifdictionem Epifcopalem, fi habeant aliqua monasteria monialium fibi immediate fubjecta, ut per fe fatis patet.

12 Quoad monasteria vero exempta, & immediate fubjecta regularibus, certum eft, Prælatum regularem poffe hanc facultatem dare, quia ille eft fuperior talis monasterii. Item eft certum ex vi Concilii pro hujusmodi monasteriis hanc facultatem fufficere: quia Concilium abfoluta difjunftione utitur, & ad veritatem difjunctivæ, atque adeo ad obfervantiam difjunctivi præcepti una pars fufficit. Unde in hoc eft differentia inter facultatem ingrediendi, & egrediendi: nam ad egressum caufa femper eft ab Epifcopo approbanda, etiam in monasteriis exemptis, & fupposita facultate Prælati: ad ingreffum autem nulla eft neceffaria approbatio Epifcopi, quia Concilium illam non pofitavit, nec Pius V. nec Gregorius XIII. aut alius Pontifex, nec in refponfis Congregationis Cardinalium ulla eft de hoc mentio. Gravior ergo facultas egrediendi, quam ingrediendi reputata eft: & ideo differentia illa conftituta videtur. Cum autem dicimus facultatem Superioris (& idem eft de Epifcopo) folam fufficere, non excludimus confenfum Abbatiffæ, feu monasterii, nam hic ex natura rei fupponitur, & neceffarius eft, femperque in facultate fubintelligitur, quando non egreditur terminos facultatis. Quod addo, quia talis poffet efle cafus, vel occasio, in qua Prælatus poffit non folum facultatem dare, fed etiam præcipere, & fi neceffe fit, cogere moniales, ut ingreffum non impédiant, quod pender ex modo jurifdictionis, & caufæ, quæ ad præfens non fpéciant.

13 Duo autem alia dubia efle poffunt. Primum eft, quis fit intelligendus nomine Superioris refpectu talium monasteriorum, an fcilicet Generalis, vel Provincialis, vel etiam Prior, feu Abbas monasterii virorum, fi fortaffe monasterium monialium illi fubjectum fit. Quod interrogari poteft vel ex vi Concilii, vel ex alterius juris. De hoc fecundo nihil certi dicere poffumus, nifi fervandas efle regulas religionis in his omnibus, in quibus difpofitioni Concilii non repugnant: quia de hoc nihil habemus ex jure communi, nifi quod Bonifacius dixit: *Ac de illius, ad quem pertinuerit,*

Illatio
falla re-
moveretur.

Secunda
Notatio,
in cafibus
neceffariis
dare
licentiam
poteft Epifcopus.
Qui ve-
niant hic
nomine Epifcopi.

Poteft in
fuperior
regularis
quoad
moniales
fubditas.

Quis ve-
niat no-
mine Su-
perioris
monialium.

Ad con-
fuetudinē
pro parte
contraria
adductam
in nu. 7.

Ad eva-
fionem
ibidem
allatam.

Prima No-
tatio, fo-
lum Papā
poffe li-
centiam
dare fine
caufa e-
greffionis

speciali licentia. Quis autem sit ille, ad quem pertinet, ipse non statuit: remittit ergo ad propria jura religionis: illa ergo etiam ex speciali intentione Bonifacii necessario servanda sunt. Quod vero spectat ad Concilium, sine dubio ex vi illius sufficit licentia Provincialis, quia est quasi Episcopus quoad jurisdictionem respectu suorum subditorum. Si autem ex vi regulæ alicujus religionis necessaria fuerit licentia Prælati supremi, seu Generalis, non repugnabit Concilio, nam ille tunc est superior quoad illum casum, & non alius: unde juxta decretum Bonifacii ille solus est, ad quem pertinet dare facultatem, in quo nihil Concilium innovat. Quod si constitutiones ipsæ regulares restringerent hanc facultatem ad Summum Pontificem, non derogarentur per decretum Concilii, cum quia per generalem legem non derogantur statuta particularia, quorum mentio non fit, præsertim quando eorum rigor magis favet intentioni legis: tum etiam, quia ipsum Concilium cap. 22. declaravit non esse mentem suam per superiora decreta arctiores regulas aliqua ex parte relaxare. De Prælato vero inferiori, seu conventuali videri potest juxta mentem Concilii non posse habere hanc potestatem, quia cum Concilium sub disjunctione ponat Episcopum, & Superiorem, videtur eum proportionem loqui de Superiore, qui habet locum Episcopi quoad jurisdictionem, quia quoad hoc est æqualitas rationis: Prælati autem conventuales non habent jurisdictionem Episcopalem, simpliciter loquendo, ut in superioribus ostensum est. Propter quam rationem hæc pars videtur satis probabilis, & tutior: unde saltem cenfeo talem actum non pertinere ad ordinariam jurisdictionem talis muneris, saltem in ordinibus Mendicantibus: si tamen Provincialis, vel Generalis voluerit committere hanc potestatem Prælato conventuali, qui aliàs sit etiam immediatus Prælatus ordinarius monialium, non repugnabit Concilio, ut ex dicendis constabit.

Quid de
Prælato
infra Pro-
vincialē.

Quoniam
a danda
facultate
Trident.
excludat.

14 Addit enim Concilium, postquam dicit Episcopum, vel Superiorem licentiam hanc dare debere in casibus necessariis: *Neque aliis ullo modo possit etiam vigore cujuscumque facultatis, vel indulti hætenus concessi, vel in posterum concedendi.* Ubi in primis excludit, ne Abbatisa possit hanc licentiam dare, nomen enim masculini generis etiam fœminas complectitur, ut est vulgaris regula. Et esse hanc communem sententiam, etiam juxta cap. unicum refert Navar. Comment. 4. de Regular. numer. 59. Ratio autem, quam adducit ex Dominico, Franco, & aliis, scilicet non sufficere licentiam Abbatisæ, quia & illi imponitur clausura. Hæc (inquam) ratio mihi non satisfacit. Quid enim repugnat servare clausuram sibi impositam, & habere potestatem dandi licentiam ad ingressum in casibus necessariis? Et fortasse illa ratio apparentius probaret licentiam ad egressum, quoniam in illa proprie subjecta est Abbatisa: & ideo ad eundem Prælatus videtur pertinere dare illi, aut aliis facultatem. Quamquam neque hoc sit simpliciter necessarium ex vi illius rationis, sed quia jura expresse postulant licentiam Episcopi. Unde considerato tenore dicti cap. unici: *Ac de illius, ad quem pertineat, speciali licentia*, non videtur cur non possit sub illis comprehendere Abbatisa, si antea aut ex regula, aut ex consuetudine ad illam hoc pertinebat: quia ibi etiam sub masculino comprehendendi potest fœmininum: at Concilium revocat omnem similem consuetudinem, vel privilegium, aut quemcumque alium titulum. Unde existimo non posse Prælatus committere Abbatisæ hanc potestatem: quia Concilium revocat omnes facultates, etiam in posterum concedendas. Et eadem ratione existimo non posse Prælatus illam committere alicui, qui non sit superior simpliciter talis conventus: quia Concilium aperte vult solos superiores posse habere hanc facultatem. Denique si aliqua personæ ex speciali privilegio, etiam Pontificio poterant illam facultatem concedere, ibi revocata est: non tamen voluit Concilium auferre a Pontifice potestatem illam in posterum concedendi, si vellet: sed per illa verba explicuit voluntatem, quam tunc Ecclesia habuit, & sedes Apostolica confirmavit, ut talia indulta non concederentur: quæ voluntas non facile a posterioribus Pontificibus revo-

catur. Et hanc vim, & energiam habent illa verba respectu sedis Apostolicæ. Ambiguum autem esse potest, an illa revocatio se extendat ad facultates, vel indulta ingrediendi monasteria: nam longe diversum est habere indultum ad dandam licentiam ingrediendi, vel habere indultum dans licentiam ad ingrediendum: Concilium autem tantum de prioribus loqui videtur, considerato tenore verborum. Aliqui tamen volunt verba extendere ad utrumque; in quo non immoror, quia illa revocatio satis per Pium V. & Gregorium XIII. facta est, de qua supra satis est dictum.

15 Aliud dubium est, an Episcopus possit dare hanc facultatem in monasteriis exemptis suæ diocesis. Et ratio dubitandi esse potest, quia Concilium sub disjunctione dicit, *Episcopus, vel Superior.* Sed ex his verbis nullum argumentum sumitur, alioquin eodem modo dici posset, regularis Prælati licentiam sufficere in monasterio Episcopi: quia etiam ibi posset applicari disjunctiva locutio. Sicut ergo ibi nihil potest Prælatus, quia non est ibi superior, &c. debet intelligi respectu: ita Episcopus ex vi Concilii nihil potest in hac parte circa illa monasteria sibi non subjecta, quia disjunctiva illa debet intelligi cum partitione accommodata: aliàs posset Episcopus concedere hanc licentiam renuente Prælato religionis, quod est contra debitum ordinem, supposita exemptione, quam Concilium in hac parte tollere noluic, nam ideo addidit illam particulam, *vel superioris.* Per quam etiam significavit non esse satis esse Episcopum, nisi sit Superior monasterii ad hanc licentiam dandam: e contrario vero Superiorem sufficere, ut declaratum est. Additur vero in quadam Declaratione Congregationis Cardinalium, ubi post Concilium fuerit consuetudo introducta, ut ordinarius det hanc licentiam in monasteriis regularium subjectis, observandam esse. Sed id profecto non erit ex vi Concilii, sed ex vi consuetudinis, quæ potest jurisdictionem dare, vel privilegium tollere. Sicut etiam ibidem dicitur, ubi fuerit consuetudo introducta, ut Episcopus habeat superintendendam aliquam super concessionem talium licentiarum, ut v.g. quod debeant apud eum registrari, observandam esse, quamvis Episcopus non possit tunc licentiam improbare. Quando vero hæc licentiæ dantur fœminis, vel aliis personis, aut clericis secularibus Episcopo subjectis, poterit Episcopus ex parte illarum ingressum prohibere, si iustus, & rationabilem causam ad hoc habeat: quod magis habere potest locum in accessu, quam ingressu in talia monasteria, quia ingressus non tam facile permittitur. Observandum est autem, quod Concilium præcipit, ut talis licentia in scriptis detur. Necessaria enim videtur hæc circumstantia ad vitandam excommunicationem a principio positam, sic enim ait: *Sine licentia in scriptis obrepta sub excommunicationis pena.*

Quæ causa requirantur ad prædictam licentiam.

16 Jam quæ sit causa legitima, dicendum. Sed hæc a Bonifacio per duas tantum condiciones explicatur, scilicet, quod sit rationabilis, & manifesta. Concilium vero Tridentinum addidit, quod tantum detur in casibus necessariis. Et ita videtur priorem conditionem a Bonifacio positam coarctasse: nam rationabilis causa multo latius patere videbatur. Nam quod mater ingrediatur ad visitandam filiam, rationabilis causa appellari poterat, & tamen juxta tenorem Concilii sine dubio non est sufficiens, quia illa congruitas simpliciter non est necessitas. Qui autem ceteri sint casus necessarii, explicatur a gloss. in dict. cap. unic. verb. *Causa*, his exemplis, *sicut in medicis, barbitonsoribus, futoribus, carpentariis cum egerint, & similibus.* Intelligit ergo casus necessarios ad vitam humanam. Tamen licet hi frequentiores sint, non est ad illos arctanda constitutio Concilii, ut e dicendis patebit. Quanta vero debeat esse hæc necessitas, Concilium nihil dixit, sed simpliciter, *in necessariis.* Gregorius autem XIII. in constitutione supra tractata: *Ubigratia & indulta*, addidit: *Sed necessitatibus urgentibus dumtaxat ingredi, &c.* Sed per illam particulam nihil addidit Concilio quoad gradum necessitatis, sed observantiam & executionem ejus providit, statuens, *sub ejusdem pœnis ipso facto incurrendis, ne quisquam prætextu licentiæ datæ*

An salte
Episcopi
veniant
nomine
Superioris,
etiam
respectu
monialium
subjectarum
regula-
ribus.

Quæ cau-
sa a Boni-
facio, quæ
a Trident.
postule-
tur.

data pro cafibus neceffariis , ingrediatur , nifi tunc quando vere urget neceffitas : non ergo vult neceffitatem effe majorem , fed ut vere inftit in ufu ipfius licentie : & ad hoc addit penas , quas Concilium non pofuit .

Necessitas, quæ a Trident. postulat, duplex est.

17 Est autem advertendum , hanc neceffitatem duplicem effe poffe , unam communem & ordinariam , aliam extraordinariam pro multis repentinis , vel inopinatis eventibus , qui non poffunt per ordinariam providentiam præveniri . De priori videtur tantum loquuta glosfa fupra citata : fed fine dubio textus , quem exponit , multo latius loquitur , absolute loquens de caufa rationabili . Illa ergo neceffitas ex natura rei excipitur in tali lege , & in omni regula monialium . Sed in illa neceffitate potest effe latitudo , ut quod plures medici ingrediantur ad vifitandam infirmam , vel unus fufficiat , & fimilia . Et propter hanc determinationem neceffarium eft prudens arbitrium Prælati , neque alia regula pro tali neceffitate assignari potest . De posteriori etiam neceffitate dicendum eft , consideratam effe a Concilio ; & fortaffe ob illam præcipue illa verba , in neceffariis , pofuiffe : nam alia per fe non erant . Gradus autem feu menfura hujus neceffitatis prudenti etiam arbitrio ejufdem Prælati relinquitur , quia nulla alia regula assignari potest . In hoc autem judicio præftando facile unusquisque intelligit majorem neceffitatem postulandam effe ad ingreffum viri , quam fœminæ , & ad ingreffum nocturnum , quam diurnum , & fic de aliis circumftantiis . Pro his etiam neceffitatibus extraordinariis , qui fub generali facultate comprehendit commodè non poffunt , ubi Prælati longe diftant a monafteriis , neceffe eft , ut alicui committant vices fuas , qui in repentinis cafibus , quando eft periculum in mora , poffit hujusmodi licentiam dare , ne cogatur Abbatiffa uti epifcopica , quæ etiam in hac lege locum habebit , fi revera moralis neceffitas fuperveniat , & Prælati confuli non poffit : nam hæc leges morales funt , & moraliter funt intelligendæ .

Dubium primum circa hæc neceffitatem .

18 Sed fupersunt hic nonnulla dubia . Primum eft , an poffit Prælati dare hanc facultatem non folum ad ingrediendum ad breve tempus , fed etiam ad habitandum , feu diu permanendum ibi , fi neceffitas moralis id poftulet . Hoc maxime locum habet in fervitricibus , fi non inveniantur fufficientes , quæ velint profiteri , nec in perpetuum monafterio offerri , an poffint fœculares effe . Quarum neceffitas effe potest vel pro toto conventu , vel pro aliqua particulari moniali . In quo primo dicendum eft , ex vi Concilii non effe prohibitum , fi cafus reverentifatur neceffarius . Probat , quia Concilium non limitavit ingreffum ad breve , vel longum tempus , fed absolute de illo loquitur , in cafibus neceffariis : ergo fi neceffitas poftulat diuturnam moram , vel habitationem poft ingreffum , Concilium illam non prohibet . Deinde nullum eft aliud decretum juris communis , quod hoc prohibeat , vel quod diftinguat in hac parte inter ingreffum & habitationem . Neque etiam poft Concilium invenio constitutionem Pontificiam hoc exprefse prohibentem . Imo , fi verum effet , quod Navarrus fentit , Pium V. & Gregorium prohibuiffe converfarum profefionem , tacite in hoc permiffiffent fervitricibus fœculares : quia verifimile non eft voluiffe Pontifices , ut in monafteriis Sanctimonialium nullæ fint fœminæ , quæ in rebus , & fervitiis neceffariis ad humanam vitam eis famulentur , cum moraliter loquendo illis maxime indigeant . Quia vero certius credimus non effe prohibitum monialibus habere profefas converfas , ut cap.8. a num.19. oftendimus , ideo neceffitas famularum fœcularium multo rarior effe potest .

Primum pronuntiatum pro hoc dubio

19 Unde fecundo dicitur , licentiam pro his famulabus dati non poffe , nifi vera neceffitate exiftente , & fub conditione fervandi claufuram , ita ut nunquam egrediantur , & fi femel egreffæ fuerint , nunquam amplius ingrediantur . Ratio prioris partis eft , quia ceffante neceffitate , ceffat cafus , de quo Concilium loquitur : ceffabit autem neceffitas , quoties per converfas profefas fufficienter poterit monafterio miniftrari . Unde fi non defit occasio moralis recipiendi illas , non erit liberum Prælati dare potius licentiam ad ingreffum fœcularium fervientium , quam ad recipiendas converfas profefionem emiffuras . Et hoc maxime confir-

Secundum pronuntiatum

mat constitutio 13. Gregorii XIII. quæ prohibet , ut converfæ non profect , fi profiteri noluerint , in domum remittantur , & in futurum non recipiantur , nifi fuo tempore profefionem emiffuras : quæ prohibitio adeo eft rigorofa , ut videatur excludere omnino a monasteriis monialium ufum fervitricium fœcularium : nam fi prohibet tenere converfas non profefas , multo magis fervientes omnino fœculares : quia converfæ magis accedunt ad ftatum religiofum , minufque videntur poffe obftare claufuræ , aut aliis religiofis obfervantiis monialium . Nihilominus tamen , quia exprefse loquitur de converfis , non extendam prohibitionem rigorofam ultra cafum exprefsum ob fimilitudinem rationis , cui facile responderi potest . Intelligo igitur Gregorii mentem fuiffe , ut neceffarium miniftrium monialium fiat per converfas profefas , & ideo fi poffit haberi copia earum , non poterunt admitti famulæ fœculares , ut etiam citato cap.8. diximus ex mente Concilii . Si autem defit earum copia , non exiftimo prohibitum effe a Gregorio , ne talia miniftria poffint per famulas fieri de licentia Prælatorum , & cum aliis conditionibus debitis : quia non eft verifimile voluiffe in hujusmodi eventu relinqui monasteria fine remedio . Tunc autem potius recipiendæ funt fœculares , quam converfæ non profefæ , quia hoc eft exprefse prohibitum , & non illud . Et ratio effe potuit , quia famulæ dimitti poffunt , quoties fe obtulerit occasio recipiendi novitias converfas profefionem emiffuras : quod in aliis oblatis , vel converfis non ita fieri poffet . Item , quia in monasteriis monialium nulla apparet neceffitas , vel utilitas harum converfarum non profefarum : nam fi funt utiles ad miniftria , & volunt fe confecrare Deo per profefionem , non eft , cur non admittantur : fi autem profiteri nolunt , non eft , cur ad aliud genus oblationis vel perpetui contractus recipiantur . Altera vero pars colligitur ex mente Concilii , & Gregorii XIII. & ex declarationibus Cardinalium , quas ftatim nufquenti referemus . Et ratio eft , quia hæc facultas danda eft cum minima læfione claufuræ quoad fieri poffit , quia eft difpenfatio in re gravi , quæ coarctanda eft . Præfettum , quia per fe & ex natura rei eft it neceffarium ad custodiam & honeftos mores monialium .

Tertium pronuntiatum .

20 Ultimo dicitur , hanc facultatem dari poffe pro communi neceffitate monifterii , non vero pro particulari fervitio unius , vel alterius monialis . Hoc etiam a fortiori colligitur ex declarationibus Cardinalium . Eft enim confentaneum profefioni religiofæ , alioquin fingulæ moniales proprias famulas habere vellent , quod effet contra decorem , & religionem monasterii . Ratio vero eft , quia ille non eft cafus neceffitatis , cum per monasterii communes fervitricibus , feu coadiutricibus poffit fufficienter fingularum neceffitatibus provideri . Quod fi exiftat cafus (id enim frequenter contingere potest) in quo aliqua monialis indigeat particulari cura , & miniftrio alicujus famulæ , vel fociæ ad curam Prælatæ , vel Abbatiffæ , fpectat aliquam ex fervientibus huic miniftrio omnino applicare . Unde ob hujusmodi neceffitates licitum erit facultatem dare ad augendum numerum fervitricium fœcularium , fi converfæ profefæ , vel aliæ moniales ex junioribus juxta ufum , & confuetudinem monasterii non fufficiant . Tunc autem revera non datur facultas , ut aliqua admittatur , ut famula alicujus particularis monialis , fed ut pro fervitio monasterii ingrediatur : applicatio autem ad tale miniftrium fit ex Abbatiffæ voluntate .

Secundum dubium .

21 Juxta hæc definiendum etiam eft aliud dubium , an poffit Epifcopus , vel Prælati monasterii dare licentiam , ut puellæ fœculares in monasteriis educantur , vel ut aliæ honeftæ fœminæ ob graves caufas intra ea commorentur per aliquod tempus . Videbatur enim ex dictis fequi non poffe , quia illi non videntur cafus neceffarii refpectu monasterii , de quibus videtur loquutum Concilium . Nihilominus Congregatio Cardinalium fæpe declaravit hoc non effe prohibitum per Concilium . De qua re feptemdecim declarationes refert Emmanuel Rodriguez dict. quæftione 46. articulo 10. quarum omnes , præter ultimam , ad manus meas pervenerunt , & plures aliæ ejufdem fere tenoris . In quadam tamen earum in generali adhibetur limitatio ,

gio, licet Episcopo, vel Superiori in monasteriis sibi subiectis dare licentiam recipiendi puellas in monasteriis, & ibi commorari, ut recte in omnibus instruantur, licet nolint religionis habitum suscipere, cum certis tamen conditionibus, non obstante Concil. Trident. Illæ autem conditiones in aliis explicantur. Prima, ut nullas secum afferant, vel habeant ancillas: secunda, ut exire non possint, nisi non revertatur: tertia, ut obligatæ sint ad clausuram, & ad cætera sicut moniales; quarta, ut in eo vestitu incedant, qui virginali modestiæ, & pudori conveniat; quinta, ut ibi esse non permittantur ultra ætatis suæ annum 25. sexta, (quæ ex 9. declaratione a dicto authore allata colligitur) est, ut facultates habeant, vel parentes a quibus postea dotari in matrimonio, vel in aliquo monasterio possint: septima, ut hoc non extendatur ad viduas, etiam si velint perpetuo in monasterio vivere, nisi velint fieri moniales, quia (dicitur in declaratione undecima) in istis nulla adest causa necessaria, quod verbum notandum est pro his, quæ dicemus; & quia in aliis casibus necessariis, etiam mulieres maritatæ permittuntur ibi recipi ad tempus, declaratione decima tertia, & decima quarta: octava conditio sumi potest ex 16. declaratione, ut fœminæ, quibus talis facultas datur, inhoneste non vixerint, præsertim si non consuevit monasterium huiusmodi fœminas admittere; nona, ut hoc non repugnet institutis, seu consuetudini monasterii; decima, ut Abbatisæ, & monialium consensus accedat.

22 In quo notanda sunt verba cujusdam interrogationis, & responsionis ejusdem Congregationis Cardinalium, quæ mihi ambigua visa sunt; scilicet: *Utrum puella introduci possit intra claustra monialium ad hoc, ut educetur ibi etiam absque licentia Ordinarii quoad monasteria regularibus subiecta; Respondet Congregatio posse, obtentis tamen literis ab ipsa congregatione in forma præscripta: non autem ex sola licentia Superiorum regularium.* Dubium enim n. ibi est (cujus perfectam intelligentiam Romæ procurari vellem), quæ sit illa congregatio, cujus literæ requiruntur. Nam si sit ipsamet Congregatio Cardinalium, ut vocis similitudo indicat, repugnat hoc aliis responsis, in quibus sæpe dicitur sufficere licentiam Prælati juxta tenorem Concilii. Item non constat congregationem illam habere jurisdictionem, sed solum ministerium pertinens (ut sic dicam) ad clavem scientiæ. Denique non constat, quæ sint illæ literæ necessariæ, vel quæ sit forma præscripta earum. Si autem sit sermo de congregatione ipsius monasterii, primum inusitatus est modus loquendi, nam significari potius solet nomine monasterii, aut conventus. Deinde licet ejus consensus requiratur, non tamen scripta licentia; ergo nec literæ sub aliqua certa forma. Nec minus obscurum est, quod ibidem consequenter subditur: *Neque etiam de licentia Ordinarii, & Superior illa, quæ habitum regularem suscipere vult, & ibi permanere, potest ibidem commorari per aliquot dies, ut magis perspicere possit monasterii, & ordinis regulam, nisi obtentis literis ab ipsa congregatione.* In quo responso valde quidem probabile mihi est non posse Prælatos dare licentiam, ut quæ volunt moniales fieri prius ante susceptionem habitus novitatum, per aliquot dies intra monasteria recipiantur; quia ille non est casus necessarius, tum quia ad hoc datur annus probationis, ut regula & monasterii mores perspiciantur; tum etiam, quia extra monasterium potest regula videri, & sufficiens informatio sumi. Et præterea, quia illo titulo possent plures ingredi, & postea exire, ante receptionem habitus, quod esset occasio, & fingendi similem occasionem, & perturbandi moniales. Quod autem ibi adjungitur, *nisi obtentis literis ab ipsa Congregatione*, non satis intelligo. Tandem ex his declarationibus colligo, casum necessitatis, quem Concilium requirit, non limitari ad necessitates ipsius monasterii, vel monialium, sed extendi etiam ad necessitates proximarum, id est, mulierum, quarum gravi necessitati spirituali, vel corporali periculum ingessum, vel habitationem subventi potest sine incommodo, vel violatione regulæ monasterii: in hoc enim principio fundantur omnes declarationes relatæ, quia non sunt quasi re-

laxationes rigoris Concilii, sed veram ejus interpretationem continent.

23 Tertio dubitari potest, an hæc prohibitio, vel coarctatio extendatur ad ipsos Prælatos, qui suo jure possunt ingredi monasteria monialium: cujusmodi sunt omnes, & soli illi, qui possunt facultatem ingrediendi aliis dare: quia certum est eos non indigere speciali licentia Pontificis, sed ipso jure illam habere ratione sui muneris, cum possint aliis præstare. Videntur ergo posse uti hoc jure suo arbitrio, rationabili quidem, tamen sine præcisa limitatione ad casus necessarios a Concilio positam: quia Concilium solum dixit de Episcopis, vel Superioribus, quam licentiam dare non possint: non autem dixit, non possint accipere, vel non valeant sua potestate uti. Denique dare licentiam non dicitur proprie respectu sui ipsius: ergo illa lex non est extendenda, cum in hac parte sit rigoroſa. Nihilominus Gregor. XIII. constitutione sua 75. dubiis emergentibus ad hoc specialiter edita, declaravit Concilium comprehendere etiam hos Prælatos, ut ingredi non possint, nisi in casibus necessariis. *Et in eis* (inquit Gregorius) *ut ingrediantur, a paucis, idque senioribus personis comitati.* Unde dare licentiam intelligitur Episcopus, etiam si sibi ipsi illam faciat: nam in hoc etiam in generali lege quodammodo dispensat, & ideo eandem, seu proportionatam causam requirit. Et hanc suam mentem satis explicuit idem Concilium, dum infra cap. 7. præcipit, ut *is, qui electioni Abbatis præest, Episcopus, seu Superior claustra monasterii non ingrediat, sed ante cancellorum fenestellam vota singularum audiat, vel accipiat.* Si quis enim ingreſſus videri poterat rationem aliquam habere, maxime ad electionem faciendam, & tamen, quia non habet necessitatem, declarat Concilium, in eo non licere ingreſſum. Inde tamen commutata ratione intelligi potest, si aliquis casus occurrat, in quo propter perturbationem monialium, vel alias causas, necessarium sit Superiorem ingredi ad electionem faciendam, non esse prohibitum id facere: quia Concilium per posterius decretum non revocavit prius, sed declaravit solam electionem non esse casum necessitatis: ergo quacumque ratione accidat fieri casum necessitatis, habet locum prius decretum, ut recte notavit Navar. dict. comment. 4. num. 59. & in Summa cap. 27. nu. 124.

An ingressus tantum, vel an etiam accessus ad dicta monasteria sit prohibitus.

24 Ultimo tractari potest, utrum hæc prohibitio extendatur etiam ad accessum ad monasteria monialium. Quod difficultatem nullam habet (mea sententia) spectato solo Concil. Trident. nam in eo nulla fit mentio accessus, sed solius ingressus. Et ita cenſeo certum, omnia, quæ disponit, ad solum ingressum pertinere, nec per alium actum violari prohibitionem ejus, aut incurri censuram. Dubium ergo oritur ex decreto Bonifacii, quia hæc duo distinguit, dicens: *Nullique inhonestæ personæ, nec etiam honestæ, ingressus, vel accessus pateat ad easdem.* Et eodem modo loquuntur nonnulla antiqua decreta, quæ statim indicabimus. Nec videtur dubium, quin illæ duæ voces diversos actus significant, tum quia sub disjunctione ponuntur quasi ad augendum præceptum. Quia in cap. monasteria, de vit. & honest. cleric. prohibetur frequentia ad monasteria Sanctimonialium; per frequentiam autem non intelligitur frequens ingressus, qui usitatus non est: ergo intelligitur accessus: igitur accessus nomine intelligi debet, quod vox in proprietate significat aditum ad monasteria monialium, visitandi, vel colloquendi gratia. Unde non est sermo de accessu ad earum Ecclesias, sed ad earum colloquia, & aspectum. In hoc ergo sensu videtur Bonifacius prohibuisse accessum, etiam sine ingressu: cum illa vero limitatione, *nisi rationabilis, & manifesta causa existat, & de illius, ad quem pertinerit, speciali licentia.*

25 Videtur autem Bonifacius auxisse prohibitionem Alexandri III. in d. cap. monasteria. Nam Alexander solum de viris loquutus est: Bonifacius vero de omnibus personis. Et quamvis glossa ibi in propositione casus videatur ad viros limitare textum; tamen sine dubio loquitur generaliter de omnibus, ut supra dixi. Item Alexander solum frequentiam prohibuit, quæ addit

Dubium tertium.

Vera resolutio.

Ingressus & accessus distinguuntur.

Bonifacii & Alexandri prohibitiones hæc de re, & discrimina inter utramque prohibitionem.

supra

Quæ in Cardinalium declarationibus obscura sunt.

ſupra acceſſum iterationem, ſeu repetitionem actus. Quanta autem illa eſſe debeat, gloſſa ibi, duplicem actum putat ſufficere: quod non placet Hoſtienſi, ſed iudicandum putat ex communi uſu loquendi. Itaque prudenti arbitrio relinquitur. Nam ſi inter unum & alium acceſſum longum tempus interponatur, non poterit dici frequentia: ſecus vero erit, ſi intra breve tempus ſapius accedatur. Recte autem advertit Panormitanus Jo: Andrea, maxime damnari, quando poſt monitionem iterum acceditur: nam tunc prava generatur ſuſpicio. Bonifacius autem abſolute acceſſum prohibet: unde neque unum tantum permittere videtur ſine manifeſta, & rationabili cauſa. Eſt etiam alia differentia, quia Bonifacius nullam imponit pœnam; Alexander autem clericis comminatur pœnam ſuſpenſionis; non ipſo jure illas imponens, ſed præcipiens Episcopis, ut imponant, præmiſſa prius monitione, & ſpeciali prohibitione, etiam ab homine: quæ pœna manifeſte ſupponit culpam gravem, ſaltem poſt Episcopii monitionem, nam antea habere poſſet aliquam excuſationem, niſi frequentia evidenter eſſet nimia, & cum aliquo ſcandalo.

Quæſti-
cula tri-
plex.

Reſolutio
prima, an
Bonifacii
prohibi-
tio de ac-
ceſſu vi-
geat.

26 Dubium ergo nunc ſupereſt, primo an prohibi-
tio Bonifacii obliget ad culpam in quocumque acceſſu. Secundo an ex vi illius legis ſemper ſit peccatum mortale accedere ad monaſteria monialium ſine conditionibus a Bonifacio poſitis. Tertio inquiri poteſt, an ſub hac prohibitione comprehendatur etiam ſcriptio literarum. Quoad primum dicendum eſt, ex vi illius legis fuiſſe prohibitum huiusmodi acceſſum: quia verba ejus in proprietate accipienda ſunt, & in ea continent hanc prohibitionem: quam ita intelligunt Sylveſt. verb. *Religio*, 7. quæſt. 16. Angel. verb. *Monialis*, nu. 3. Vereor tamen legem illam, ſicut non fuit recepta quoad ingreſſum, ita etiam neque quoad acceſſum: quia conſuetudo obtinuit, ut moniales in hac parte juxta ſuas regulas, & receptos uſus gubernentur. Dubitari vero poteſt, an Concil. Trident. innovaverit hanc conſtitutionem quoad hanc partem. Ad quod videtur negative reſpondendum. Nam licet in principio dicti cap. 5. incipiat: *Bonifacii VIII. conſtitutionem renovans ſancta Synodus*, &c. poſtea explicans, in quo renover, ſolum egreſſum, & ingreſſum commemorat. Unde non video, cur Navar. dict. Comment. 4. num. 61. verſ. 6. dixerit, præſatum cap. periculoſo, & Concilium non ſolum vetare frequentiam, ſed ſimpliciter omnem acceſſum. Nam licet hoc ſit verum de cap. periculoſo, Concilium tamen de acceſſu nihil loquutum eſt. Magis videtur eam innovare Pius V. d. conſtit. 8. *Circa paſtoralia*: nam dicit: *Quam nos auctoritate præſata etiam approbamus, & innovamus in omnibus, & per omnia, ac illam obſervari mandamus*. Ergo etiam quoad hanc partem præcipit obſervari. Si quis autem attente conſideret, ſolum eam innovat quoad clauſuram, & quoad omnia & ſingula, quæ ad illam pertinent. Acceſſus autem prohibitus videtur eſſe ultra clauſuram: imo Pius V. ſolum de illa parte clauſuræ, quæ prohibet egreſſum, videtur ibi loqui, ut ex tota conſtitutione, & ex conſtitutione 100. ejusdem conſtat. In conſtitutione autem 22. ubi attingit aliquid de altera parte clauſuræ, ſolum loquitur de ingreſſu, quamvis ibi potius agat de monaſteriis virorum. Gregorius autem XIII. in ſua conſtitut. 36. de monaſteriis, etiam monialium tractans, ſolum ingreſſum prohibet; imo in conſtit. 13. ſic inquit: *Et quidem poſt ſacri Concilii Trident. decretum, quo conſtitutum ſelicis recordationis Bonifacii Papa VIII. prædeceſſoris noſtri, quæ incipit, Periculoſo, renovatur, prohibens, ne aut ipſis monialibus ex monaſteriis ſuis egredi, aut ulli cujuſcumque ſexus, aut ordinis perſonæ ad eas ingredi liceat*. In novis ergo decretis non invenio ſpecielem prohibitionem canonicam de huiusmodi acceſſu. Et ideo non poſſumus cum ſufficienti fundamento aſſerere eſſe malum, quia prohibitum; ſed ex circumſtantiis, & modo iudicandum eſt. Semper tamen ſacri canones huiusmodi acceſſum averſati ſunt, ut videre licet in cap. in decima, & cap. definimus, & aliis 18. q. 2.

Reſolutio
ſecunda,
mortale
nō eſt per

27 Ad ſecundum dubium hinc conſtat, ex vi ſolius prohibitionis Eccleſiæ hoc non eſſe peccatum mortale, quia nulla talis eſt. Non dubito tamen, quin decretum

Suarez Tom. XV.

Bonifacii ex ſuo genere illam induceret; ſi tamen illud conſuetudine derogatum eſt, affirmare non poſſumus hoc eſſe peccatum mortale ex ſuo genere, quia nullum apparet aliud jus poſitivum, quo diſtincte prohibeatur, ſeculſa frequentia, quam ſatis graviter prohibet dict. cap. *monaſteria*, quod dici non poteſt conſuetudine derogatum. Ablato autem jure poſitivo, ex natura rei non eſt intrinſeca malicia, præſertim gravis in huiusmodi acceſſu. Erit autem mortalis culpa, primo ex prava intentione, ſecundo ex materia locutionis, tertio ex ſcandalo, vel reſpectu monialis, ſi ei occaſio peccandi detur, vel reſpectu ſui ipſius, ſi quis ſciat ſe inde conſtitui in periculo peccandi, vel reſpectu aliorum, ſi inde rumor, vel mala ſuſpicio oriatur. Unde quarto poteſt eſſe gravis culpa propter injuriam, quæ fit monaſterio, ſi aliqua infamia inde oriatur. Unde addo quinto, omnem acceſſum furtivum ad moniales eſſe peccaminofum. Voco autem furtivum omnem illum, qui fit ſine licentia Abbatiffæ, vel ejus, ad quem pertinet illam dare, & regulariter cenſeo eſſe peccatum mortale, etiam ſi ad mortalem finem non ordinetur, quia eſt contra jus monaſterii, & Abbatiffæ, & contra bonum nomen ejus, nam inter ſeculares furtive accedere ad colloquendum cum virgine exiſtente ſub cura parentum, ex ſuo genere eſt gravis injuria: multo ergo magis in virgine ſacra. Erit autem gravior hæc culpa, ſi acceſſus ſit ad loquendum per loca inuſitata, quia tanto eſt major injuria, & periculum ſcandali. Sexto denique ſolent hoc Episcopii per generales ſententias prohibere, & Sylveſter refert ſynodales excommunicationes, ſub quibus ſolet hoc prohiberi: quæ ſine dubio ſunt juſtiſſimæ, & obligant graviter etiam in individuo; in quo interdum ceſſare poſſent incommoda, vel ratio gravis malitiæ: quia lex non ceſſat in particulari, etiam ſi ratio legis ibi ceſſare videatur. Talis ergo excommunicatio in univerſum obligat. Imo invenio quoddam reſponſum Congregationis Cardin. datum 9. die Aprilis anno 1587. quod ſic habet: *Regulares adeuntes monaſteria monialium ſine licentia Episcopii, incidunt in pœnam excommunicationis, quam Episcopus ſuo edito propoſuit, niſi regulares illi haberent ex privilegio, quod non poſſint excommunicari; & tunc deberent puniri a ſuis Superioribus alia pœna. Qui regulares ſic excommunicati non poſſunt abſolvi a ſuis Superioribus, ſed ab Episcopo, qui ſibi hanc abſolutionem reſervavit*. Ex quibus ſatis colligitur, quam grave iudicetur huiusmodi præceptum a prædicta congregatione. Quando autem acceſſus non eſt furtivus, ſed cum facultate ejus, ad quem pertinet dare, licet forte ſit ſine neceſſitate, vel cauſa ſufficienti, imo licet ſit ex cauſa ſcicta, non erit peccatum mortale ſeculſo ſcandalo, & prava intentione, & nimia frequentia: quia non videtur res ex objecto gravis, nec ſpecialiter prohibita per jus poſitivum, ut declaratum eſt.

ſe loquen-
do acceſ-
ſus ad col-
leju nō
cum mo-
nialibus.

28 Eadem eſt reſolutio ad tertiam interrogationem, nullum enim invenio jus de illa re ſpecialiter conſtitutum. Imo etiam cap. *Periculoſo*, quamvis eſſet in ſua viridi obſervantia, non eſſet extendendum ad hunc caſum: quia ſcribere literas in rigore non eſt accedere, & lex non eſt extendenda ultra proprietatem terminorum. Unde Navar. dict. Comment. 4. num. 61. refert prohibitionem, ſeu edictum factum Romæ de huiusmodi ſcriptione, quod dicit non obligare extra urbem, quia non fuit lex Pontificia. Et conſ. 19. de ſentent. excomm. refert aliam ſpecielem prohibitionem factam quibuldam religioſis a Gregorio XIII. ſub pœna excommunicationis, quæ illos obligat, non alios. Itaque de hac re nulla eſt prohibitio legis poſitivæ, ſed de illa iudicandum eſt juxta circumſtantias, & finem actionis, & cum proportionem ſere applicari poſſunt, quæ de acceſſu diximus num. præcedenti.

Reſolutio
tertia, de
ſcriptione
Epistolæ
rum.

C A P U T X I.

*Utrum omnes actiones ſeculares, vel profane,
& in univerſum omnes prave ſint
religioſis ſpecialiter prohibite.*

I N hoc capite non agimus de ſola obligatione regulæ, ſed de quavis alia ex quocumque jure na-

Puella
duo tra-
ctanda hoc
in cap.

ſcitur, vel naturali, vel poſitivo. Duo autem ſunt, quæ interrogantur. Unum eſt, an religioſis aliquæ actiones ſpecialiter prohibita ſint, quæ aliis non prohibentur. Aliud eſt, an illa eadem, quæ religioſis cum aliis communiter prohibita ſunt, habeant in religioſis ſpecielem prohibitionem, vel gravitatem. Quoad priorem partem ſupponimus non eſſe ſermonem de actionibus contrariis votis monaſticis, nam de illis conſtat eſſe ſpecialiter prohibitas religioſis. Specialiter (inquam) quantum eſt ex vi ſtatus, quia religioſis per ſe convenit talis obligatio, ſeu prohibitio, non vero aliis, qui illum ſtatum non proficiunt. Poſſe autem interdum ſimilis obligatio inveniri in perſona non religioſa, quia votum aliquod habet, in quo cum religioſis convenit. Sed hoc & eſt accidentarium, & ibi jam intervenit participatio quædam ſtatus religioſi. Deinde non tractamus de ſpeciali prohibitionem orta ex regula; nam ſic etiam conſtat multa eſſe poſſe ſpecialiter prohibita religioſis. Sed de hac obligatione in genere ſatis dictum eſt a cap. 1. in particulari vero unusquiſque regulam ſuam conſulat. Præterea non agimus de prohibitionem ex vi juris naturalis, aut divini, ſic enim nihil eſt ſpecialiter prohibitum religioſo, præterea, quæ intrinſece ex votis, & traditione facta religioni ſequuntur: de quibus etiam dictum eſt in tomo ſuperiore: nulla enim alia ratio, aut cauſa excogitari poſſe, unde ſimilis prohibitio naturalis, aut divina oriatur, cum in his perſonis nihil ſpeciale invenitur, per ſe loquendo, & ut religioſæ ſunt: nam ſi habeant alia miniſteria, vel officia, ratione illorum poterunt alias obligationes habere: ſed illa accidentaria ſunt ad religioſum ſtatum.

2 Igitur ſolum ſuper eſt dicendum de jure communi canonico. In quo ulterius conſiderandum eſt, quædam dici poſſe ſpecialiter prohibita religioſis, ut diſtinguuntur a perſonis omnino laicis, ſeu non Eccleſiaſticis, vel ſpecialiſſime prout tam a laicis, quam a ſecularibus clericis diſtinguuntur. Priori modo ſunt jure canonico prohibita religioſis multa, quæ numerantur in cap. 1. & ſequenti. ne cleric. vel mon. & in cap. a crapula, cap. cleric. 1. & 2. de vita, & honeſtat. cleric. & Clemen. 1. de ſtatu monach. & Concil. Trident. ſeſſ. 22. cap. 1. de Reform. & ſeſſ. 24. cap. 12. in fin. quæ ibi videri poſſunt, nihil enim habent, quod ſpecialiter ad religioſos pertineat, & hic tractanda non ſunt, quia omnibus clericis ſunt communia, habebunt enim, ſi Deus dederit, ſuum proprium locum in tractatu de ordine. Et multa ex ibi prohibitis ſunt per ſe mala, ut ebrietas, libido, uſura, & ſimilia: alia pertinent ad decentiam habitus clericalis, de quibus quantum ad religioſos ſpectat, ſatis in cap. 5 dictum eſt. Alia denique ſpecialiter prohibentur propter decorem talis ſtatus, & quia multum impediunt finem ejus. Inter quæ numerantur in primis negotiatio temporalis lucri cauſa, forenſes cauſas agere, præſertim in cauſa ſanguinis, conductores ſecularium rerum, aut procuratores eſſe, & hujusmodi, quæ licet per ſe mala non ſint, periculum habent, & implicanti hominem negotiis ſecularibus, juxta cap. 1. & 2. de Cleric. venat. Quibus denique accedunt alia, quæ de ſe magis indifferenter videntur, ut ſunt aleatum ludus, venatio, canes, & aves inſequendo, & vociferando: de quibus videri poſſe Navar. Comment. 4. de Regular. num. 26. & ſeqq. ubi ſpecialiter agit de venatione prohibita religioſis, quam non putat eſſe peccatum mortale, ſed cluſo ſcandalo, & aliquando ex juſtæ recreationis cauſa, & ſervatis aliis debitis circumſtantiis poſſe fieri ſignificat: quod verum exiſtimo. Eridem dixit de ludo idem Navar. in Summ. cap. 19. numer. 3. quando ludus aliàs non eſt ex jure prohibitus, ut notavit etiam Bernardus Diaz in practica, cap. 70. ubi Salzedo alios refert, & attrigit Soto lib. 4. de Juſtitia, quaſt. 5. artic. 2. Maxime tamen cavendum eſt, ne votum paupertatis per ludum violetur, quod maxime poſſe hujus actionis malitiam aggravare, eumque, qui a religioſo aliquid lucratur, ad reſtitutionem obligare, juxta principia ſuperius poſita de materia paupertatis.

3 Poſteriori modo inveniuntur in jure ſpeciales prohibitiones factæ religioſis, quas fere omnes late expoſui in tom. 5. tractando de excommunicationibus juris

in particulari in diſput. 22. & 23. & de ſuſpenſionibus propriis religioſorum diſput. 31. ſect. 6. eaſque breviter recenſet Sylveſt. verb. Religio, 6. quaſt. 15. & 16. & Religio, 7. quaſt. 15. & Angel. verb. Religioſus, 66. Quibus locis multa ponunt, quæ non ſunt omnibus religioſis communia, ſed eorum propria, qui Monachi nigri in jure appellantur; & adhuc inter illa multa non ſunt rigoroſa præcepta, ut in ſuperioribus tactum eſt, explicando etiam cap. cum ad monaſterium, de ſtatu monach. Multa etiam ex his, quæ numerant, pertinent vel ad non alienanda bona religionis, quæ lib. 2. a cap. 26. tractabo, vel ad modum faciendi, & accipiendi electiones, quod attigimus tomo ſuperiore, explicando obedientiæ votum, & tractando modum creandi Prælatos. Reliqua dicemus, quæ ſpectant ad Prælationes intra religionem, eodem lib. 2. a cap. 3. nam de aliis, quæ ſunt extra illam, in priori loco tomi ſuperioris eſt dictum, & dicemus plura infra lib. 3. tractando de mutatione ſtatus religioſi: ubi etiam tractabimus de his, quæ pertinent ad prohibendam apoſtaſiam, & omnem illicitam mutationem ſtatus religioſi. Solum ergo deſiderari poterat explicatio præcepti fallendi in choro horas canonicas, quod ad regulares etiam Eccleſias extenditur in Clem. 1. de Regular. Sed hoc præceptum unamquamque religionem obligat juxta modum ſui inſtituti: unde Societatem non obligat, quia ſub tali modo inſtituta, & approbata eſt: cujus rei rationem infra tract. 10. lib. 1. cap. 8. reddemus. Unde autem oriatur obligatio, quam ſinguli religioſi profeſſi habent ad recitandas horas canonicas, & tota communitas ad publice canendas & recitandas illas in choro tom. 2. lib. 4. cap. 17. de Horis canonicis dictum eſt. Et ideo de oneribus ſtatus religioſi in communi nihil dicendum ſuper eſt.

4 Quoad ſecundam partem eſt commune dubium, an peccatum religioſi, cæteris paribus, gravius ſit, quam non religioſi, & conſequenter an idem præceptum commune religioſo, & non religioſo magis obliget religioſum? Quam rem diſputat D. Tho. 2. 2. q. 186. art. 10. ubi, ſi attente legatur, reſolutio ejus non ſolum eſt negativa, verum potius ſignificat levius eſſe peccatum religioſi, per ſe loquendo. Ex triplici enim accidente (ut ait) poſſe peccatum religioſi eſſe gravius, ſcilicet vel quia eſt contra votum, vel quia eſt ex contemptu, vel quia fit cum ſcandalo: quæ tria conſtat eſſe accidentaria, & extra propriam rationem & obligationem particularium præceptorum. Idem tenet Sylveſt. Religio, 6. q. 14. Gregor. Lop. gloſ. 8. in lib. 25. tit. 4. part. 1. cum Jo: Andr. in cap. Accuſatus, de hæret. in 6. Extra hos vero tres caſus ait D. Thom. peccatum religioſi eſſe levius in eodem genere peccati. Quia ſi ſit leve (inquit) quaſi abſorbetur ex multis bonis operibus, quæ facit, ſi vero ſit mortale, facilius ab eo reſurgit. Sed hæ rationes etiam ſunt ab extrinſecis effectibus ſumptæ, & ſolum probant peccatum religioſi facilius remedium habere, non tamen eſſe in ſe levius.

5 Quocirca dicendum cenſeo, præcepta communia religioſis, & non religioſis, quantum eſt de ſe, æqualiter illos obligare. Probatur, quia præceptum indiffinſte loquitur, & potestas præcipientis æqualis eſt reſpectu omnium: voluntas etiam generalis eſt, & indifferens: ergo etiam obligatio æque ad omnes deſcendit, per ſe loquendo. Neque enim ex parte ſubjectorum conſiderari poſſe aliquid, quod reddat unam ex his perſonis magis obnoxiam huic obligationi, quam alias: ſuppono enim præceptum non pertinere ad ſtatum religioſi, ut ſic, aliàs non eſſet commune non religioſis: ergo ſtatus hominis religioſi per ſe neque augeat, neque minuit obligationem talem præcepti. Unde ſit, ut ex hac parte, & conſequenter ex vi materiæ nec gravius, nec levius religioſus peccet, ſed juxta exigentiam virtutis, ad quam pertinet tale præceptum. Dices, eo ipſo, quod perſona eſt ſacra, ex circumſtancia perſonæ aggravari quamlibet culpam, ideoque ipſam magis obligari ad non transgrediendum quodlibet præceptum. Reſponderetur idem argumentum fieri poſſe de clerico comparatione laici, & de fidelis ſeu baptizato comparatione inſidelis. Item ſolet idem argumentum fieri de loco ſacro, de quo certum eſt non omne peccatum factum in eo ſpecielem gravitatem

quoad
prohibi-
tiones re-
ligioſorum
proprias.

Reſolutio
ponit
quod
prohibi-
tiones co-
munes re-
ligioſis
ſum Ec-
cleſiaſti-
cis ſecu-
laribus.

Prima aſ-
ſert. pro
Authoris
reſolutio-
ne.

Reſolutio
ponit
quod
prohibi-
tiones co-
munes re-
ligioſis
ſum Ec-
cleſiaſti-
cis ſecu-
laribus.

inde accipere, nisi vel peculiariter ibi prohibitum sit, vel directe sit injuriosum loco. Ita ergo in praesenti dicimus illam circumstantiam personae non aggravare specialiter quamlibet culpam, nisi vel ratione voti, vel peculiaris praeccepti sit specialiter prohibita, vel alius sit directe injuriosa tali statui, ut recte Cajet. 1. 2. q. 7. art. 1. sentit. Unde si in tali persona consideretur aliqua major obligatio vitandi culpas, non est ex sola consecratione personae, sed ex aliis conditionibus ad voluntatem vel intellectum pertinentibus, ut videbimus.

6 Secundo dicendum est, regulariter loquendo gravius peccare religiosum, quoties cum perfecta deliberatione peccat, levius autem cum ex subreptione. Ratio prioris partis est, quia regulariter ille modus peccandi est in religioso cum majori scientia, & consequenter cum majori libertate, ac propterea cum majori ingratitude erga Deum. Quia ex majori lumine rerum spiritualium, quod solent religiosi habere, sequitur & major libertas in peccando, quando deliberatio non impeditur. Et praeterea etiam sequitur major obligatio recognoscendi illud Dei beneficium, & consequenter non offendendi benefactorem. Atque hoc modo intelligendum puto, quod aliqui absolute asserunt, peccatum religiosi, ceteris paribus, gravius esse quam non religiosi, propter circumstantiam personae. Quo modo loquitur saepe Navar. ut videre licet in Summa c. 6. n. 13. & in c. consideret, de poenit. dist. 5. n. 49. & 50. & Comm. 2. de Regul. n. 59. Hoc enim in tantum verum esse existimo, in quantum ex illa conditione personae oritur aut major consideratio, aut certe major facultas & obligatio considerandi & cavendi divinam offensionem, saltem ex generali ratione gratitudinis. Haec autem omnia non ita habent locum in peccatis, quae ex surreptione fiunt: quia non sunt perfecte humana, & ideo non magis imputantur ratione majoris luminis, aut scientiae, quia in eis praevenerit homo, ne cum perfecta libertate possit his donis uti. Et ob eandem causam fere nulla ingratitude in his peccatis consideratur. Quamvis autem hoc proprie locum habeat in peccatis venialibus, nam surreptio in rigore sumpta in solis illis locum habet; suo tamen modo extendi potest ad peccata, quae ex infirmitate, aut vehementi passione fiunt, etiam si mortalia sint, quatenus passio antecedens facultatem considerandi impedit. Et ideo D. Th. de his absolute dixit esse leviora in religioso, quod regulariter forte ideo est, quia passio, quae religiosum vincit, aut perturbat, solet esse major: nam si in illa esset aequalitas, etiam posset illi magis imputari, quod habens plura principia vel auxilia ad superandam illam, vinci se sinat. Nisi etiam dicatur culpa levior (quod plane videtur D. Thom. intendisse) id est, minus nociva seu periculosa quoad ultimum ejus damnum seu effectum, quia facilius curari potest. Quod secus est in peccatis, quae ex certa scientia, vel malitia a religiosi sunt: nam in eis maxime locum habet, quod Aug. dixit ep. 137. *Sicut non vidi meliores, quam qui in monasteriis profecerunt; ita non video peiores, quam qui in eis defecerunt.*

7 Advertit nihilominus Navar. citatis locis, & recte, gravitatem hanc, quam potest habere peccatum religiosi, ex hoc solo capite seclusis tribus illis circumstantiis, quas D. Th. n. 4. adductus consideravit, neque addere malitiam distinctae speciei, neque mortaliter aggravare, ita ut ex veniali peccato possit facere mortale; neque etiam si mortalem malitiam supponat, ita notabiliter aggravare illam, ut necesse sit talem circumstantiam in confessione declarare. Ratio omnium est, quia ibi non est specialis materia sacrilegii, ut ostensum est: praeterquam nulla alia cum fundamento excogitari potest. Solum ergo esse potest augmentum, vel ratione majoris libertatis, aut voluntatis formalis, vel interpretativae, quae notabiliter non augent;

vel ratione alicujus ingratitude, quae non est formalis, sed materialis, secluso contemptu, ut in simili diximus in tomo 4. de Praenitentia, disp. 13. sect. 3. & in praesenti etiam materia, quamvis de alia re agens, sentit Cajet. 2. 2. q. 187. art. 4.

8 At vero D. Th. eo ipso in loco, Religiosos illicite uti temporalibus bonis, si ab actibus religiosi deficiant: quia sic quantum est de se defraudant intentionem eorum, qui talia bona contulerunt. Ubi Cajetanus declarat illud esse illicitum ratione ingratitude, vel formalis, si directe intendatur, vel ex contemptu beneficii suscepti fiat (quod moraliter nonquam fit); vel tantum materialiter, quae erit major, vel minor, juxta obligationem, quam ex alio praeccepto habuerint religiosi ad tales actus exercendos. Unde nisi aliàs teneantur sub peccato mortali ad tales actus, sola ingratitude suscepti beneficii non sufficit ad malitiam mortalem.

9 Dicunt vero aliqui, eo ipso, quod religiosi ex vi sui status, & professionis deputantur ad aliquos actus, ut, v. g. ad chorum, vel ad spiritualia ministeria erga proximos, vel ad serviendum in actionibus corporalibus, si sint laici, teneri ex justitia ad illos actus exercendos, & non ex sola gratitudine, ideoque per se ac directe peccare mortaliter illos omitendo. Quia inter religionem & religiosum intercedit pactum implicitum, ut religio ministret omnia necessaria ad vitam; religiosus vero munus suum exequatur. Dico tamen, excepta obligatione recitandi officium canonicum, quae oritur ex aliis principiis, sive illa sint consuetudo, sive jus aliquod canonicum, sive solenne votum, de quibus alibi; in reliquis actibus nullam esse obligationem sub peccato mortali, per se loquendo, nisi vel in regula sit praecceptum, quo ita districte praecipiantur, vel ipse Praelatus sub virtute obedientiae illos praecipiat. Ratio est, quia nullum aliud principium talis obligationis, vel gravis transgressionis cum fundamento affirmari potest. Nam ex vi professionis ad nullos actus immediate se obligat religiosus, nisi ad id, quod voverit: non voverit autem immediate actus illos, ad quos destinatur, neque enim ad recitationem in choro, quidquid sentiat Nav. tractatu de oratione, c. 21. n. 20. sed praeter castitatem & paupertatem voverit tantum obedire secundum regulam. Tunc ergo obligabitur ex voto ad illos actus, quando intervenierit obedientiae praecceptum, vel regulae, vel hominis: ergo, si utrumque secludamus, non manet obligatio ex vi votorum; ergo nec ex vi professionis: ergo nec justitiae obligatio intervenit, donec Praelatus rigore praecipiat, & exigat jus suum; tunc enim facit peccatum esse posse contra justitiam ratione traditionis, & pacti, & contra virtutem religionis ratione voti obedientiae, ut in superiori tomo late explicavimus. Sicut peccaret etiam Praelatus contra justitiam negando subdito necessaria ad suam sustentationem: est autem differentia, quia Praelatus ex officio habet hanc obligationem sine novo praeccepto, nec enim subditus potest illud Praelato imponere: at vero subditus immediate & ex officio solum tenetur obedire: in particulari vero obligatio semper est juxta gradum praeccepti seu legis sibi impositae; & nunquam intelligitur obligatio justitiae ab ipso exigi, nisi quando actus ita praecipitur. Illa autem justitiae obligatio, aut transgressio non est respectu fundatorum, aut benefactorum, qui elemosynas dederunt (nisi ubi tale pactum intervenierit) sed est respectu Praelati, seu religionis, cui religiosus se tradidit. Dixi autem per se loquendo, nam ratione scandalii, vel propter alia gravia damna, si inde sequantur, poterit in ea omissione esse peccatum mortale. Et haec de obligationibus religiosi communibus: reliquum est, ut de Praelatis in particulari dicamus.

Ingratitudo religiosorum in intentionem bonis temporalibus donatis an sit gravior.

Ex alio fundamento alii agere gravane peccatum religiosi.

Vera auctoritas doctorum.

Secunda assertio bipartita.

Concilio eorum, qui contra hanc partem videntur sensisse.

Exponitur major gravitas peccati religiosi, quando intervenit.

LIBER SEUNDUS.

DE RELIGIOSIS QUATENUS PRÆLATI SUNT, ET EORUM OBLIGATIONIBUS, UT SIC.



POST explicatam essentiam, & præcipua vincula, status religiosi, dicendum de cæteris obligationibus, & proprietatibus ejus. Ad hoc autem oportet gradus personarum, ex quibus religiosa congregatio coalescit, distinguere, & singillatim considerare, quia pro diversitate eorum, diversa est obligatio, & in quibusdam earum personarum oritur, ex respectu ad alias. Ad duo autem capita possunt dictæ personæ revocari, Prælatos scilicet, & subditos. Primum vero occurrit Prælatorum consideratio, quia & præcipui sunt, & post doctrinam de obedientia, & subjectione, opportunecadit sermo de Prælati. Igitur de eis dicemus, quæpertinent ad ipsorum creationem, seu existentiam, (ut sic dicam;) deinde, quæ ad potestatem & obligationes ipsorum, quæ in tali creatione fundamentum habent.

C A P U T I.

*Utrum in religioso statu aliquis Prælati
requiratur jurisdictionem habens,
& unde illam habeat.*

De statu
religioso
provi. nūc
est in Ec-
clesia,
sermo in
disputatur

NON possumus religionum obligationes, in quibus tradendis versamur, explicare quoad eam partem, quæ Prælatos attingit, nisi de eorum existentia, & potestate, in quibus tales obligationes fundamentum habent, doctrinam, per nonnulla capita præmittamus. Supponendum vero, sermonem esse de statu religioso, ut nunc est in usu Ecclesiæ, in regulari, & communij vita, nam, ut supra tactum est, & tractatu sequenti dicemus, inveniri etiam potest verus religiosus status in solitario & privato vivendi modo, respectu cuius non est necessaria alia Prælatio, vel præcipiendi potestas, præter eam, quam intrinsece requirit obedientiæ votum, ut ex dicendis a fortiori constabit: & ideo de illo statu, quod ad præsens atinet, nihil aliud dicere necesse est. De alio vero statu communitatis religiosæ per se notum videtur in illo necessarium esse aliquem, qui cæteris præsit, præcipue si hoc non restringamus ad unam personam, sed indefinite loquamur de uno gubernatore, sive illa una persona sit, sive unum consilium ex multis personis constans: sic enim impossibile est humanam communitatem sine gubernatore consistere. *Ubi enim non est gubernator* (dixit Spiritus Sanctus Prov. 11.) *populus corrumpitur*. Quod si de omni communitate hoc verum est, multo magis de religiosa, in qua summus ordo ad perfectionis profectum necessarius est. Et ideo in eo statu speciali titulo & ratione necessaria est obedientia, ut tomo præcedenti vidimus. Simili ergo modo necessarius est Superior, cui obedatur: & ideo omnes religionum institutores hoc primum in hoc genere vivendi statuunt, ut scilicet in eo sit aliquis Præfectus, cui cæteri perfecte obediant, ut satis ostentum est tractando de necessitate obedientiæ: hæc enim duo correlativa sunt. Quamvis autem de absoluta necessitate hoc non rest ingatur ad unam personam, ut dixi, tamen moraliter loquendo, necesse est usum hujus regiminis ad singulares personas reduci, quia fieri non potest, ut singula, quæ agenda, vel præcipienda occurrunt, plurium communi consilio disponantur, vel ordinentur. Posset autem ordinaria potestas etiam immediata, solum esse in communitate, seu consilio aliquo, licet per Vicarios proxime administranda esset: illud autem regimen non esset religioni conveniens, quia imperfectum est, & ordini religioso minus accommodatum. Ideoque in omnibus religionibus monarchicum regimen, saltem quoad proximam gubernationem usu receptum est. Est enim hoc regimen omnium perfectissimum, teste Aristot. 8. Ethic. c. 10. & confir-

mat D. Th. 4. contra Gent. c. 76. imo Christus Dominus docuit, dum in sua Ecclesia perfectam monarchiam esse voluit, ut in tom. de fide ostendi; imo & natura ipsa hoc persuadere videtur, dum unum tantum supremum Principem, Deum scilicet, admittit, ut notavit Cyprianus in tract. de Idolorum vanitate. Status ergo religiosus ratione suæ perfectionis monarchiam etiam maxime postulat. Requirit ergo non solum unum gubernatorem, sed etiam unum caput, quod singularis persona sit: in hoc enim differt monarchia a cæteris politicis.

2 Est autem ex superiori tomo recolendum, in Prælati religionum duplicem posse intelligi potestatem, jurisdictionis scilicet & dominii. Dicendum ergo secundo est. In hoc statu necessarius est superior, qui potestatem dominativam habeat; jurisdictio vero non ita illi necessaria est. Prior pars sufficienter est in illo tomo declarata, & probata: nam traditio, & votum obedientiæ sunt de necessitate status religiosi: ergo & potestas dominativa in Prælato est necessaria in hoc statu: nam hæc duo sunt quasi correlativa, vel tamquam causa, & effectus; nam ex traditione, quæ fit ex parte religiosi, sequitur dicta potestas in religione, a qua in superiorem transfertur. Altera item pars probatur, quia prædicta potestas sufficit ad gubernationem æconomicam: hæc autem, si sit accommodata disciplinæ religiosæ, sufficit in rigore ad religiosum statum. Major pater in seculari gubernatione domus, in qua pater habet hujusmodi proportionalem potestatem in filium, vir in uxorem, dominus in servum, & illa sufficit ad politicam gubernationem. Minor autem pater, quia religiosus status sufficienter salvari potest in communitate unius domus, cujus gubernatio & vivendi modus ad perfectionem charitatis ordinatur: ergo in illius superiore sufficit prædicta potestas ad eundem finem, & vitæ modum accommodata. Quod si plures domus habeant inter se moralem unionem, qua unum corpus politicum efficiant, præterquam, quod id non est simpliciter necessarium ad statum religiosum, etiam illud potest sufficienter salvari cum prædicta potestate amplificata, seu extenta quoad dominium cum sufficienti proportionem, sive id fiat per subordinationem obedientiæ plurium conventuum, seu domiciliorum ad unum superius caput, sive per consensionem plurium Abbatum, seu superiorum conventuum inter se; quamquam hoc secundum minus firmum est, & pluribus dissensionibus expositum.

3 Confirmatur, & explicatur exemplis, primo monialium, in quibus nulla est jurisdictio spiritualis juxta doctrinam D. Th. in 4. d. 19. & 25. communiter receptam, quam in tomo de censuris disp. 2. sect. 3. a n. 5. explicuimus; & tamen in illarum conventibus est aliqua cæteris præfecta, sive Abbatis, sive Priorissa, vel aliter nominetur, in qua est sufficiens potestas gubernativa ad religiosum statum necessaria, argumento c. 2. de his, quæ sunt a Prælato, cum his, quæ ibi notat Abbas, & alii, & ex ipso usu satis constat. Aliud exemplum est de antiquis monachis, qui regulariter non erant clerici, ut sumitur ex Dionysio c. 6. de Eccles. hierarch. Hier. ep. 1. ad Heliodorum, 4. ad Rusticum, & libi. contra Vigilantium, & ex aliis, quæ referuntur 16. q. 1. & infra tractatu sequenti de varietate religionum, latius de ea re dicemus: & tamen inter antiquos monachos erant Præfecti ac Superiores sufficientem habentes potestatem ad religiosum statum gubernandum, ut constat de illis antiquis Patribus Antonio, Hilarione, & Pachomio; imo etiam S. Benedicto, quem sacerdotem fuisse non legimus; imo non fuisse scribit Bonav. in expositione suæ regulæ, cap. 7. fuisse autem vere Abbatem, id est, monachorum patrem, & superiorem, satis constat. Estque optimum exemplum apud D. Greg. lib. 1. Dialog. c. 4. de Equitio, qui,

Varia
exempla
pro asser-
tione con-
firmanda.

Q alius
Prælati
deceat
magis re-
ligionem.

cum

cum sacris ordinibus initiatus non esset, Abbas, & multorum monasteriorum Pater a Gregorio appellatur. Igitur ad hoc munus jurisdictio Ecclesiastica necessaria non est, sed sufficit prædicta potestas: nam in his viris laicis, quantumcumque sanctis, Ecclesiastica jurisdictio esse non potest. Dices, in illis fuisse potestatem excommunicandi, ut ex regula S. Benedicti, & ex aliis colligi potest. Respondetur, in nomine *excommunicationis* esse æquivocationem: nam illa, de qua Benedictus in sua regula loquitur, non erat censura Ecclesiastica, sed externa quædam separatio a conversatione fratrum, vel in choro, vel in aliis occupationibus, seu exercitiis, vel in communibus colloquiis, quæ separatio solum erat per ordinationem, seu prohibitionem obedientiæ, unde neque ipsum religiosum, neque alias personas eo modo ligabat, quo nunc ligat Ecclesiastica censura.

Arguitur adhuc contra secundam partem præcedentis asserti.

4 Rursus vero objicit aliquis, nunquam posse statum religionis esse aut conservari sine Prælato habente potestatem jurisdictionis, nec exemplis adductis oppositum probari; quia nec moniales sunt sine hujusmodi Prælato, nec religiosi unquam fuerunt: solumque probant dicta exempla, non oportere Prælatum esse ejusdem sexus, vel ejusdem ordinis; non vero esse omnino nullum. Nam moniales vel subjiuntur religiosi viris tamquam Prælatis habentibus jurisdictionem in illas, vel Episcopis, si exemptæ non sint: & tunc Episcopus non minus est proprius Prælatus earum, quam sit Provincialis, aut Prior circa sibi subiectos. Et similiter olim quando monachi erant mere laici, subiciebantur Episcopo tamquam proprio Prælato, ut sumitur ex citato loco Dionysii, & ex Hieronymo, & aliis, quos supra retulimus: & idcirco quia Episcopus per seipsum præesse non poterat, solebat substituere Presbyterum aliquem, cui vices suas committebat, ut colligitur ex Concilio Chalcedonensi c. 8. & ex regula Augustini, ubi distinguit Præpositum a Presbytero, & utrique tribuit potestatem corripiendi religiosos, & vindicandi delicta: quia fortasse in Præposito erat tantum potestas dominativa; in Presbytero autem erat etiam Prælatio, & jurisdictio: & hoc significant illa verba, quæ habentur in fine regule: *Præposito tamquam patri obediatur, multo magis Presbytero, qui omnem vestrum curam gerit. Ut ergo cuncta ista servantur, & si quid servatum minus fuerit, non negligerit præceatur; sed ut emendandum corrigendumque curetur, ad Præpositum præcipue pertinebit, ut ad Presbyterum, cujus est apud vos major autoritas, referat, quod modum vel vires ejus excedit.* Erat ergo in Presbytero major potestas, quam in Præposito, quæ non videtur alia fuisse nisi jurisdictionis: ergo nunquam hæc defuit in Prælatis religionum. Et ratio sumi potest ex prædictis verbis Augustini: quia hæc potestas moraliter necessaria est ad perfectam gubernationem talis status, tum ratione directionis perfectæ, tum etiam ad majorem coactionem, ubi fuerit necessaria.

5 Hæc argumenta convincunt plane, quod intendunt, solumque posita sunt, ut verum sensum assertionis posita explicemus. Duobus enim modis intelligi potest, Prælationem cum jurisdictione esse necessariam ad statum religiosum. Primo, ut talis jurisdictio, & Prælatio esse debeat specialiter commissa ipsi religioni, vel alicui personæ ejusdem ordinis, & professionis. Et hoc modo negamus esse necessariam propriam Prælationem cum potestate jurisdictionis intra ipsam religionem: & hoc convincunt exempla adducta in n. 3. quibus addi potest exemplum, quod nunc etiam extat, religionis laicorum institutæ ad curandos infirmos in publicis Xenodochiis eorum curæ commissis: illi enim inter se proprios habent Præfectos, quibus obediunt; illi tamen jurisdictionem proprie non habent, sed in Episcopis refidet. Alio modo potest intelligi hæc jurisdictio necessaria in aliquo Prælato Ecclesiæ, qui ratione illius dici poterit Prælatus religiosorum: & hoc modo evidens est talem Prælationem, & jurisdictionem esse necessariam, ut probat discussus numero præcedentis factus: & præterea, quia non potest esse in Ecclesia aliquis status, quin totus subiectus sit jurisdictioni Prælatorum, & Pastorum Ecclesiæ, secundum aliquem modum vel immediate a Christo, vel ab ipsa Ec-

clesia institutum: quod magis ex sequenti assertionem, ejusque declaratione constabit.

6 Dico ergo tertio. In religionibus exemptis, quales nunc fere sunt omnes religiones virorum, necessarii sunt Prælati proprie dicti habentes spirituales, imo & Episcopalem jurisdictionem. Conclusio est certa, & communis Doctorum, quos statim referemus, constatque inductione juxta præsentem Ecclesiæ usum: nam & monachales Ordines, & Mendicantes (ad quas reducuntur alii, qui cum illis communicant, vel participant) habent hujusmodi Præpositos cum propria potestate, & jurisdictione. Ratio autem necessitatis, supposita exemptione, est efficax, quia eo ipso, quod religio a jurisdictione Episcoporum eximitur, manet immediate subiecta solius Pontificis jurisdictioni; non poterat autem convenienter gubernari immediate per solum Summum Pontificem, aut per Commissarios, vel Delegatos ab ipso: quia in omni congregatione necessarii sunt Pastores ordinarii, quibus ejus cura ex officio incumbat: ergo, si hujusmodi Pastores proximi non sunt Episcopi, necessarium est, ut sint Prælati proprii uniuscujusque religionis. Atque hinc inferunt communiter Doctores, Præpositum Generalem, Provinciale, & localem, seu conventuale uniuscujusque religionis approbatæ a Summo Pontifice, & exemptæ, esse vere ac proprie Prælatos, ut patet ex Gloss. in Clem. 1. de Elect. verb. *Prælatus*, ubi Cardinalis, & alii. Sumitur ex Panorm. in cap. *cum ab Ecclesiis*, de Offic. Ordin. ubi distinguit duplicem acceptionem hujus vocis *Prælatus*: unam latæ, secundam etiam Parochus dici potest Prælatus, quatenus suis Parochianis præest: aliam propriam, & jurisdictionem spirituales, & ordinariam fori contentiosum, Prælatus dicitur, ut sumitur ex cap. 2. juncta gloss. ult. de judiciis. Cum ergo Superiores religionum jurisdictionem habeant spirituales fori contentiosum, eamque ordinariam, nam ex vi proprii muneris eam habent, unde & delegate illam possunt, Prælati proprie dicuntur, ut latius docent etiam Sylvest. & Angel. verb. *Prælatus*. Et hæc de 1. p. tituli.

Tractatur secunda pars tituli de origine jurisdictionis Prælatorum Regularium.

7 Ex dictis facile definitur quæstio hic occurrens, unde, aut quo jure habeant hi Præfecti religionum, ut Prælati sint, id est, ut habeant hanc spirituales jurisdictionem. Quidam enim putant habere illam jure divino, quod gravissimos Doctores docuisse, eos tamen non referens, dixit Medina, lib. de Indulgentiis, cap. 24. eandem sequi videtur, & suadere conantur Emmanuel Rodriguez to. 1. Regularium quæst. q. 17. art. 2. & Miranda in Manuali Prælatorum tom. 1. quæst. 13. articulo 4. conclusione 1. Argumentantur primo, quia Prælati Ecclesiæ sunt, qui habent jurisdictionem illam, de qua dictum est Matth. 18. *Si Ecclesiam non audierit, sit tibi tamquam ethnicus, & publicanus*; nam juxta communem interpretationem Chrysostomi, & aliorum, nomine Ecclesiæ, Prælati ibi intelliguntur; sed Præfecti religionum sunt vere Prælati: ergo habent jurisdictionem jure divino. Secundo, & in idem redit, quia Christus ibi, cum dixit: *Quæcumque ligaveritis*, &c. ad omnes Prælatos Ecclesiæ loquutus est: sed inter hos Prælatos sunt Superiores religionum: ergo habent jurisdictionem ex vi verborum Christi, atque adeo ex jure divino. Tertio, Episcopi habent jurisdictionem jure divino, ut est multorum sententia; sed Prælati religionum habent jurisdictionem Episcopalem, vel quasi Episcopalem, ut dicitur in cap. *Abbates*, de Privilegiis, in 6. & notat glossa in Clement. unica, de rebus Eccles. non alien. verb. *Proprii*; ergo per argumentum a simili etiam illi habent jurisdictionem ex jure divino. Quarto, religio instituta est a Christo; sed religio non potest consistere sine Prælatis ejusdem ordinis habentibus jurisdictionem: ergo habent illam a Christo; nam qui instituit aliquem statum, sine dubio dat omnia necessaria ad illum. Major supponitur ex supra dictis. Minor sumitur ex ratione juris statuentis, ut religiosorum Prælatus ejusdem habitus, & religionis sit: cujus rationem reddit Innocentius III. in cap. *cum causam*, de Ele-

Occurritur argumentis proximè factis.

Electio. Quia secundum legem divinam non est in hove arandum, & alino: id est (ut exposuit Concilium Hispalense II. cap. 9. cap. in nona, 16. quest. 7. *homines diverse professionis in officio uno non sociabis: nam coherere* (ut ibidem subiungitur) *& conjugii non possunt, quibus & studia. & vota diversa sunt.* Unde in Clem. 1. de Elect. sic dicitur: *Cum rationi non congruat, ut homines disparis professionis, vel habitus, simul in eisdem monasteriis socientur, prohibemus, ne religiosus aliquis in Abbatem vel Praelatum alterius religionis, vel habitus de cetero eligatur.* Est ergo hæc institutio ex natura rei intrinseca huic statui.

8 Hæc sententia nova est, & sine dubio falsa: qui enim fieri potest, ut sit de jure divino, quod ab Ecclesia non semper fuit observatum? ostendimus autem num. 3. in antiquis religionibus fuisse spirituales Patres, seu Praefectos, aut Abbates sine propria & spirituali jurisdictione. Unde certum est, institutionem hanc habuisse initium a summis Pontificibus, atque adeo esse de jure humano, quod praedictus author non negat, sed ait, fieri posse, ut idem Praelatus pluribus titulis, & rationibus jurisdictionem habeat. At hoc solum habet locum, ubi plures tituli non involvunt repugnantiam: non vero in praesenti, si proprie ac per se loquamur de origine jurisdictionis. Tunc enim jurisdictio proprie dicitur esse de jure humano, quando ab homine immediate confertur: & e converso de jure divino dicitur, quæ immediate datur a solo Christo; & ita unus titulus istorum alium excludit: non potest ergo eadem jurisdictio utroque modo proprie ac per se haberi. Dico autem *per se*, quia si unus titulus sit per accidens, non erit tanta repugnantia. Ut qui opinantur Episcopos habere jurisdictionem divino jure, negant quidē per se habere ab homine: tamen quia non negant, nec negare possunt habere illam dependentem a Summo Pontifice, dicere possunt, etiā esse ab illo saltem per accidens, tamquam a non prohibente, seu impediēte, cum possit, vel tamquam a confirmante, seu designante personam. Sed hæc non sent satis, ut jurisdictio dicatur de jure humano: sic enim etiam jurisdictio Summi Pontificis per accidens est ab hominibus eligentibus ipsum: nec jurisdictio Praelatorum religionis est hoc modo ab homine, sed ut ab immediate, & per se conferente illam: nisi enim Summus Pontifex illam dedisset, nullum est divinum jus, nulla ve Christi promissio, ex qua colligere possumus ipsum immediate illam conferre: maxime quod talis modus Praelationis immediate est institutus ab Ecclesia, & non a Christo Domino; licet enim potestas illam instituendi fuerit a Christo, non vero ipsa institutio, nullibi enim ostendi potest; nec talis institutio fuit ex aliquo præcepto divino positivo, sed ex prudenti arbitrio Summorum Pontificum: nullo ergo modo talis jurisdictio est proprie de jure divino, nisi solum remote in generalibus principiis, & in potestate concedendi illam: quod evidentius fiet respondendo ad argumenta.

9 Ad primum negatur consequentia, si enim illatio virtualiter in quatuor terminis: immediate enim solum inferitur, Praelatum religionis habere jurisdictionem illam, ratione cujus dixi Christus: *Si Ecclesiam non audierit, sit tibi tamquam ethnicus, & publicanus.* Unde autem nihil inferitur, quia Christus non dixit, omnes Praelatos Ecclesiae habituros dictam jurisdictionem immediate ab ipso. Unde, si ratio illa quidpiam valeret, probaret, omnes, qui in Ecclesia habent potestatem excommunicandi, etiam Archiepiscopos, Archidiaconos, Priores, Abbates, & si illes inferiores dignitates, habere illam potestatem de jure divino; quod plane falsum est, quia hoc in his omnibus constat non a sancta jurisdictione ex privilegio Pontificum, & humana institutione. Eademque est responsio ad secundum: facit ut enim verba illa: *Quaecumque ligaveritis, & solveritis.* &c. dicta esse per omnes Praelatos; dicimus tamen autem vel in multis, vel in omnibus infra Summum Pontificem per jurisdictionem mediantem ipso Pontifice concessam. Unde in his argumentis oportet discernere, aliud esse, Praelatum habere jurisdictionem; aliud, quod obediendum

sit Praelato jurisdictionem habenti. Primum non semper est immediate a Christo, nec ex præcepto ejus: secundum autem est divinum præceptum explicatum Matth. 18. *Si Ecclesiam non audierit*, quod suo modo naturale est, sicut obedire Regibus. Similiter participatio clavium non semper est immediate de jure divino, sed per hominis concessionem; & nihilominus, supposita participatione clavium, quod habeant effectum aperiendi, & claudendi, de jure divino est, explicato illis verbis: *Quaecumque ligaveritis*, &c. hic autem non agitur de effectu clavium quasi in sensu composito, sed de ipsa clavium participatione per jurisdictionem quasi Episcopalem.

10 Ad tertium primo respondetur negando antecedens: probabilis enim credimus jurisdictionem Episcoporum non esse de jure divino, ut tomo 4. & 5. tertiae part. diximus. Secundo vero respondetur negando consequentiam, tum quia argumentum a simili debile est, maxime ubi tanta ratio differentiae potest facile assignari: tum etiam, quia ex illo antecedente contrarium potius inferri debuisset. Itaque, si negemus Episcopos habere jurisdictionem jure divino, inde a fortiori inferitur, idem dicendum esse de omnibus inferioribus Praelatis, siue secularibus, siue religiosis: si vero de Episcopis id admittimus, inde etiam colligimus de inferioribus non esse admittendum, primo quidem, quia hoc tamquam speciale habet aliquam rationem in Episcopis, quia eorum dignitas est de jure divino, & quia divinum præceptum est, ut Ecclesia per Episcopos regatur, juxta illud Act. 20. *Posuit vos Spiritus sanctus Episcopos regere Ecclesiam Dei.* Aliæ vero inferiores dignitates, quantum spectat ad potestatem jurisdictionis fori contentiosi, nec sunt ex institutione Christi, nec ex præcepto ejus.

11 Unde argumentor secundo, quia quod religiosi sint exempti a jurisdictione Episcoporum, non solum non est de præcepto divino, verum etiam videtur potius quædam quasi dispensatio, vel limitatio juris divini, quod de se erat indifferens: ergo, quod religiosi habeant intrinsecos Praelatos, ut sic dicam, habentes propriam jurisdictionem, non potest esse de jure divino. Patet consequentia, quia necessitas talium Praelatorum supponit dictam exemptionem, nam si religiosi essent subiecti Episcopis, per eos, eorumque Vicarios possent immediate gubernari in his, quæ ad jurisdictionem spectant, relicta eis tantum domestica administratione, ad quam potestas dominativa, & votum obedientiae sufficit: sicut olim fieri diximus, & nunc fit cum multis mentalibus, & cum religiosis meritis laicis. Antecedens autem per se notum videtur, quia hæc exemptio fuit privilegium voluntarium, quod proinde multo tempore concessum non est: & incepisse videtur aliqua ex parte a temporibus Gregorii I. qui monachos Sancti Benedicti vel omnino, vel magna ex parte a jurisdictione Episcoporum exemxit, ut colligitur ex Concilio Lateran. sub eodem Gregorio I. & ex lib. 7. Epistolarum ejus, epist. 18. & ex cap. 1. & 3. 18. quest. 2. Alexander vero III. postea exemxit Carthusianos, & Honorius III. Ordines S. Francisci, & Dominici, & deinceps hæc exemptio amplificata est, antea enim non erat adeo universalis etiam usque ad tempora Innocentii III. ut constat ex Concilio Lateran. sub eodem, can. 12. & ex cap. *cum dilectus*, de Relig. dom. nec fingi potest tanta necessitas postea suborta, quæ ex vi juris divini, aut naturalis Pontifices obligaverit ex præcepto ad hanc exemptionem faciendam. Nec dubio, quin de absoluta potestate possit nunc illam revocare, ita ut factum teneat, quamvis sine iusta causa jam id non recte fiat.

12 Ad quartum respondetur in primis distinguendo notionem, nam status religionis præcise quoad substantialia vota est a Christo immediate institutus; ad illum autem ut sic non sunt necessarii Praelati, qui religiosi sint, nedum ejusdem ordinis, & habitus. Quod patet, quia non est de essentia talis status, ut sit in communi vita seu congregatione, pro qua maxime posset esse necessaria dicta Praelatio. Status autem religionis, quoad omnes circumstantias, quas nunc habet, non est ex institutione Christi immediate, sed adjuncta Ecclesiastica prudentia ac dispositione, & ideo quam.

quamvis in illo statu, prout nunc est, esset simpliciter necessaria dicta jurisdictio, non sequitur datam esse immediate, a Christo; sed pertinere potest, ut revera pertinet ad eas circumstantias, quas Ecclesia addidit. Secundo dicitur, etiam in hoc statu prout nunc est in vita communi, vel sub uno Præfecto, jurisdictionem ordinariam in Præfecto existentem non esse simpliciter necessariam ad conservationem talis status; ut patet in monasteriis monialium, quæ immediate subduntur Episcopis, & in antiquis monasteriis monachorum. Quo circa ratio illa, qua jura utuntur, non fundatur in absoluta necessitate, sed in majori congruitate, & prudentiori regimine, alioqui dispositio illorum juris non esset constitutiva novi juris, sed tantum declarativa juris divini; quod est contra illam particulam, *de cetero*, quæ in dicta Clementina habetur. Adde præterea, illa decreta supponere statum religiosum prout nunc est ab Ecclesia institutum, & non stando in mero jure divino. Supposito enim, quod Ecclesia voluerit, ut religiosi habeant proprios & immediatos Prælatos ordinarios, distinctos ab Episcopis, valde consentaneum rationi est, ac fere necessarium ex ipsa rei natura, ut sint religiosi, & ejusdem ordinis, ut postea videbimus. At vero id, quod supponitur, non est de jure divino, quia Episcopi possent esse proximi Prælati religiosorum. Unde etiam nunc, ex communi sententia, ad Ecclesiam regularem, si sit Cathedralis, potest eligi in Episcopum clericus secularis, juxta c. nullus, de Elect. in 6. & argum. Clementinæ 1. de Electione, & c. quod Dei timorem, de statu regula. & notat Abbas in dict. c. cum causam, de Electione, n. 6. & rationem reddit, quia Episcopus propter excellentiam dignitatis suæ potest dici religiosus, & ideo potest religiosus immediate præesse. Ergo idem potuisset Ecclesia instituere de quocumque conventu religioso, etiam si Cathedralis Ecclesiam non habeat.

Instantia
ab incom-
modo re-
moveretur
duplici-
ter.

13 Quod si quis dicat, non posse unum Episcopum convenienter tot conventus immediate gubernare: dicitur in primis, hoc esse accidentarium ratione multitudinis, non per se ratione status religiosi, quem consideramus. Deinde dicitur, potuisse singulos conventus gubernare per Vicarios suos, qui non ordinariam, sed delegatam tantum jurisdictionem ab illo haberent, & ideo proprii Prælati non essent, juxta doctrinam receptam, supra notatam ex Panormitano, Angelo, Sylvestro, & aliis. Possent etiam hi Vicarii seu delegati in rigore esse seculares, quales videntur olim fuisse Presbyteri monasteriis præpositi ab Episcopis, de quibus mentionem faciunt Concilium Chalcedon. & Augustinus supra citati; quamvis interdum etiam fuerint ex eisdem religiosi: quando enim inter monachos aliquis inveniebatur sacerdotio dignus, & ad illud munus aptus, ille potius eligebatur, quia negari non potest, quin, cæteris paribus, hic ordo melior, & convenientior sit: & hujusmodi videtur fuisse Paphnutius ille, quem Presbyterum congregationis Scythiæ vocat, & summe laudat Cassianus collat. 3. c. 1. & Daniel successore ejus, de quo loquitur collat. 4. capite 1. Huc etiam spectat, quod refert Epiphanius Epist. ad Joannem Episcopum Hierosolymitanum, se ordinasse Sacerdotem quendam monachum renuentem, eo quod multitudo fratrum Presbytero careret. Sic etiam intelligo, quod refert Hieronymus in Epitaphio Paulæ, in Monte Nitriæ occurrisse Paulæ innumerabiles turbas monachorum, ex quibus multos sacerdotales, & Leviticis sublimabat gradus: erant enim, ut fertur, in eo monte ad quinque millia monachorum, inter quos plures fuisse sacerdotio dignos, & aptos ad regendum alios, credibile est. Quod autem hi Presbyteri olim fuerint quasi Vicarii, vel coadjutores Episcoporum in hoc munere, can. 8. Concilii Chalcedonensis supra citatus satis ostendit, ubi præcipiuntur esse sub potestate Episcopi secundum traditionem sanctorum Patrum, & can. 4. statuit, Monachos per unamquamque civitatem, aut regionem subiectos esse Episcopo, & idem colligitur ex canone 14. 54. & 56. Concilii Nicæni, quos refert Alphonsus Pisanus lib. 3. ejusdem Concilii; & præsertim est notandus 14. Si quis laicus fieri monachus voluerit, sine licentia Episcopi, qui illius monasterii potestatem ha-

bet, non est recipiendus; ubi supponitur, monasteria tunc fuisse sub potestate Episcoporum: quod expresse decrevit multo post Concilium Aurelianense tempore Simmachii Papæ, can. 21. Abbates (ait) pro humilitate religionis in Episcoporum potestate consistant, habetur in c. Abbates, 18. quæst. 2. ubi multa alia similia ex variis Conciliis referuntur. Ex quibus constat, Episcopos fuisse proprios Prælatos religiosorum, & Abbates aut jurisdictionem non habuisse, vel certe non nisi delegatam ab Episcopis; vel postquam cœperunt ordinariam habere, habuisse illam dependentem ab Episcopis, donec per privilegia exempti fuerint. Quæ omnia sunt manifesta signa jurisdictionis per ipsos Episcopos, vel per Summum Pontificem concessæ, ex liberali gratia, & meliori quadam providentia, supposita varietate temporum, & religionum, non ex absoluta juris divini necessitate.

14 Ulterius vero quæri hic potest, utrum habeant hi Prælati jurisdictionem, ex communi jure civili, aut canonico. Cum autem hæc jurisdictio spiritualis sit, clarum est non posse oriri directe ex jure civili; posset autem ei attribui, vel quatenus in eo explicatur aliqua ratio naturalis, quæ hoc postulat, vel quatenus in eo aliquid disponitur, quod a jure canonico acceptatur, eo ipso, quod non rejicitur, ut, verbi gratia, in lege ult. C. de jurisdict. omnium judicum, disponitur, ut qui in aliqua militia connumerati sunt, his iudicibus subint, qui eis in tali jurisdictione præfunt; nam hoc videtur postulare naturalis æquitas & ratio. Facit deinde caput cum Ecclesiarum, de off. ordin. quatenus significat, unumquemque Prælatum habere jurisdictionem in suam plebem seu congregationem sibi subiectam,

15 Dico tamen jurisdictionem hanc, quoad religionem omnes non posse satis fundari in jure communi, quia nullum datur, quo universim statutum sit, ut religio, quatenus talis est, constet Prælati habentibus propriam & intrinsecam jurisdictionem. Nam, ut supra num. 2. probavi, non est de intrinseca ratione status religiosi, ut constet propriis Prælati, jurisdictionem Ecclesiasticam habentibus; imo non semper illam habuerunt, nec modo habent omnes, præsertim moniales, & si quæ sunt religiones pure laicorum; igitur ex hoc præcise, quod religio instituitur, vel etiam approbatur, non sequitur habere jurisdictionem, nisi ei insuper conferatur: nullum autem est commune jus canonicum, quod hoc statuat, ut vi illius statim censeatur conferri. Non ergo datur ex vi juris communis. Nec dicta jura quidquam probant: nam utrumque supponit judicem, aut Prælatum habentem jurisdictionem, & ea supposita, statuunt, ut ei pareatur. Circa illam vero legem advertenda est vulgaris differentia, inter jurisdictionem civilem & Ecclesiasticam, quod civilis proveniat ab ipsa communitate hominum: spiritualis a Christo in Papam, & per hunc in alios. Illa ergo lex loquitur de jurisdictione civili, quam communitas aliqua conferre potest suo præfecto, quem sibi in judicem, & immediatum superiorem eligit, sive id faciat adminiculo ipsius juris civilis, sive illo tantum non contradicente. Hoc autem non potest in exemplum adduci ad religiosos, de quibus agimus, quia eorum jurisdictio debet esse spiritualis, & a capite manare. Circa alium vero textum canonicum est observandum in eo sermonem esse de propriis Ecclesiasticis Prælati, qui jurisdictionem habent fori contentiosi; nam hoc esset ratione Prælati in rigore sumpti, ut supra cum communi docuimus. Si ergo supponatur religio habere Prælatum in hac significatione, clarum est eum habere jurisdictionem, & hoc solum probatur ex illo textu: attamen hoc ipsum est, quod quærimus, an videlicet Præfecti, seu Rectores religionum, vel quocumque alio vocentur nomine, ex vi juris communis habeant, quod sint veri Prælati in dicto sensu, & hoc nec ex illo textu, nec ex alio probari potest.

16 Sed quæri tandem potest, quando inceperint religiosi habere Ecclesiasticam jurisdictionem. Responderetur de hoc initio non satis constare, neque idem pro omnibus posse assignari: nam cum non sit fundatum in jure communi, debet ad speciales concessionem revocari: quæ concessionem factæ sunt aliquibus religio-

Videri dictam jurisdictionem nasci saltem ex jure communi positivo.

Quando cœperunt Religiones habere jurisdictionem per specialia jura.

nibus statim a principio earum: aliquando vero longa post tempora, quæ incerta sunt; & ideo propria singularum religionum indulta, vel historię, & antiquæ consuetudines, sunt consulenda. Videtur autem hæc iurisdicção in religione S. Benedicti modo aliquo incepisse a tempore Divi Gregorii, ut significatur in c. *quam sit necessarium*, 18. quæst. 2. quamvis neque ibi expresse iurisdicção eis concedatur, sed aliquæ exemptiones, vel immunitates, quas Episcopi violare non possint. Quamdiu ergo religiosi fuerunt subiecti Episcopis, non videntur habuisse propriam iurisdiccionem saltem ab Apostolica Sede, sed quam Episcopi delegare volebant; unde tunc proprie videtur hæc iurisdicção incepisse, cum primum exemptio religionum a iurisdicção Episcoporum incepit. Exemptio autem quoad integras religiones iniiuim videtur habuisse a temporibus Alexandri III. Innocentii III. & Honorii III. Nam Carthusiensem ordinem Alexander III. exemit; Innocentius vero & Honorius, mendicantes ordines, & deinceps Romani Pontifices similia privilegia aliis religionibus concesserunt. Antehæc vero tempora videntur fuisse aliqua monasteria exempta, licet alia ejusdem ordinis subiecta essent Episcopo diœcesis, ut colligitur ex capite *cum dilectus*, de religios. domib. & ex capite *in singulis*, & cap. ultimo, de statu monach. Et ita in diversis monasteriis ejusdem ordinis fieri tunc poterat, ut unus Prælatus iurisdiccionem haberet, & non alius, sicut hodie sunt etiam monasteria monialium, quæ cum sub eadem regula, vertigratia, Sancti Benedicti aut Francisci vivant; alia tamen Prælaturum habent ordinatum, alia regularem. Jam vero hoc non est in usu, sed in omnibus religionibus tam clericorum, quam monachorum superiores propriam iurisdiccionem habent: hinc siqui sunt subditi Ordinariis, non videntur carere omnino iurisdicçãoe saltem immediata, & quoad primam instantiam: de quo tamen consuetudo, & indulta Apostolica servanda sunt, quia, ut dixi, inde manat hæc iurisdicção.

CAPUT II.

Quotplex sit religionis Prælatus, & quem inter se ordinem servant.

Triples
genus
Prælato-
rum in
unaquaq;
religione.

I N On inquirimus diversitatem Prælatorum in diversis religionibus, sed in eadem: nam prior diversitas magis solet esse de nomine, quam de re: in diversis enim religionibus idem est proportionalis modus Prælatorum, seu Superiorum, quamvis diversis nominibus appellantur: *Abbat*, *Prior*, *Guardiani*, *Rectores*, &c. Quod si in eis sit aliqua diversitas quoad privilegia, vel potestates, illa est accidentaria ad communem tractationem, quam nunc prosequimur, penderque ex specialibus privilegiis, & statutis singularum religionum, ut obiter, quantum necesse fuerit, attingemus. Agimus ergo de varietate Prælatorum, qui in una & eadem religione, atque adeo in singulis esse possunt. Quæ diversitas, ut formalis sit, (nam materialis nihil ad doctrinam refert) secundum majorem, vel minorem universalitatem Prælationis sumenda est: non enim possunt aliter distingui, nisi secundum hierarchicum ordinem. Sic ergo triples religionis Prælatus generaliter distingui potest, scilicet, infimus, supremus, & medius, prout Dionysius singulas hierarchias in tres ordines distinguere solet.

Qui sint
Prælati
infimi, seu
Locales.

2 Prælati infimi in religione sunt illi, qui Conventuales, seu Locales vocantur, quorum unusquisque unitantum monasterio præest, & in eo immediatam gerit Prælationem, ita ut infra se nullum alium Prælatum habeat. Hujusmodi est Abbas, v. g. unius monasterii, Prior, Guardianus, &c. nam hos omnes vere Prælatos esse communis sententia est, ut notant Angel. & Sylv. verb. *Prælatus*, & alii superiori cap. num. 6. citati. Quod etiam declarasse videtur Sixtus V. in 2. constitut. de illegitimis, in qua priorem declaravit. Idemque Florentiæ declaratum fuisse quoad religionem Minorum in quodam capitulo generali refert Corduba in Annotationibus ad Compendium privilegiorum, tit. *Guardianus*. In o. auctem Panor-

mitanus in cap. ult. de Regularibus jure communi antiquo hoc tantum genus Prælatorum fuisse usitatum in religionibus, loquendo de propriis Prælatis intrinsecis religioni: quia in singulis monasteriis erant singuli Abbates habentes per se regimen, neque unus Abbas subiciebatur alteri Abbati, sed omnes Episcopo loci, juxta cap. *Abbat*, & cap. *Monasteria*, 18. quæst. 2. & alia adducta [cap. præced. Atque ita observatum fuisse tempore Basilii, Augustini, & Benedicti, ex eorum Regulis non obscure colligitur. Et idem significat Cassianus in suis institutionibus & collationibus de monachis Ægypti. Unde Basilii regul. 35. ex superioribus, ubi tractans quæstionem, an expediat in uno oppido plura esse monasteria, plane supponit, eo ipso, quod essent distincta, nullo modo coalescere in unum corpus, & habere debere Prælatos inter se omnino condistinctos. Interdum vero legimus, unum Abbatem præfuisse multis monasteriis, ut de Pachomio in vita ejus, & cap. 43. & 57. apud Surium tom. 3. die 14. Maii. Verisimile autem est, omnia illa monasteria fuisse per modum unius, sicut nunc solet esse unum monasterium cum aliquibus residentibus annexis, quarum omnium unus est immediatus superior, licet Vicarios habeat in diversis locis, qui OEconomi vocantur in vita Pachomii supra. Hinc etiam legimus apud Palladium in Lausiaca historia, cap. 7. in tom. 7. Bibliothecæ; cum in monte Nitriæ quinque millia essent monachorum, ex quibus nonnulli erant Presbyteri, unum ex eis tantum fuisse primum Presbyterum, qui solus sacra Deo offerebat, & omnibus præerat. Postea vero inter diversa monasteria habentia distinctos Abbates cæpit esse major unio sub uno Prælato proprio totius religionis, ut nunc videmus in omnibus fere Ordinibus tam Monachalibus, quam Mendicantibus, & respectu illius universalioris Prælati inferior est hic particularis, seu localis Præpositus, ut per se constat. Infimus autem a nobis appellatur, quatenus sub se non habet inferiorem Prælatum: nam licet habere soleat Vicarium sibi subordinatum, qui in aliquibus religionibus vocatur Prior respectu Abbatis, in aliis Superior respectu Prioris, vel Minister respectu Rectoris, aut Præpositi; tamen, juxta communem sententiam, hic non est Prælatus, quia non habet iurisdiccionem propriam, & ordinariam: autem nullam habet, sed solum æconomicam administrationem, aut solum habet delegatam, ut notat Sylvester verb. *Prælatus*, quem alii communiter sequuntur. Intelligitur autem de Vicario non solum nomine, sed etiam re: nam, ut idem Sylvester notat, si mortuo Abbate, vel Priore, Vicarius substituatur cum sufficiente autoritate, ille pro tunc Prælatus censendus est, quia iurisdiccionem habet ordinariam, quam delegare potest, & per eam absolvere a reservatis, &c. Idemque a fortiori est de illo, qui præest parvo conventui, immediate subiecto Provinciali, aut Generali, quamvis propter parvitatem Vicarius tantum nominetur. Quod sumi potest ex capite *in singulis*, de statu monachor. ibi: *Priorum Abbates proprios non habentium*.

3 Supremus Prælatus religionis dicitur, qui intra illam Superiorem non habet, & omnes alios ejusdem religionis Prælatos sibi habet subiectos: qui Prælatus in omnibus religionibus, quæ illum habent, vocatur Generalis, quamvis in quibusdam appelletur, Prior Generalis; aut etiam Abbas Generalis, ut loquitur Panormit. in cap. ult. de Regularibus, in aliis Magister, Minister, aut Præpositus Generalis. Unde constat, non dici hunc Prælatum simpliciter supremum, quia nulli subiectus sit, sic enim solus Summus Pontifex potest dici supremus Prælatus religionum omnium; sed solum respectu, seu inter Prælatos ejusdem religionis. Dices; ergo eadem ratione posset talis Prælatus esse subiectus Episcopo. Respondeo, non esse in hoc repugnantiam, si non obitante tali modo Prælationis, non fuisset facta per Pontifices religionum exemptio; tamen de facto nunquam videtur fuisse in Ecclesiâ hic modus Prælationis sine iurisdicçãoe quasi Episcopali; nec sine exemptione a iurisdicçãoe Episcoporum. Nam hujusmodi Prælatus Generalis iurisdiccionem habet quodammodo universaliorem, quam

Qui sint
Prælati
supremi
seu Gene-
rales.

quam particulares Episcopi, nam habet monasteria sibi subiecta in variis Episcopatibus, vel etiam Provinciis, aut Regnis: ergo non poterat convenienter esse subordinatus singulis Episcopis, quia moraliter non posset generaliter, & uniformiter monasteria sibi subiecta gubernare. Unde quamdiu fuerunt monasteria singula quasi per se separata, ita ut eorum Abbates non haberent intra suam religionem Superiorem, videntur Episcopis fuisse subiecta, ut de Benedictinis colligitur ex cap. *in singulis*, de statu monachor. Religionem vero, quæ unum corpus efficiunt sub uno interno capite, semper fuerunt exemptæ, ex quo talem unionem habere cœperunt, ut constat ex Cisterciensibus, Carthusianis, Prædicatoribus, Minoribus, &c. Et hæc dicuntur habere supremum Prælatum sub Summo Pontifice. Per hoc tamen non excludimus, quin congregatio generalis talis religionis possit esse supra Generalem, de quo in tract. 3. l. 10. c. 4. dicemus; sed loquimur de Prælatibus ordinariis, quibus permanentiter ac durabiliter religio gubernatur.

An, & quomodo possint esse in una religione plures Generales.

4 Dices rursus, ex dictis sequi in una religione tantum esse posse unum Prælatum supremum: tum quia non possunt esse plura capita æqualia, (esset enim monstruosum) tum etiam, quia diximus de ratione huius supremi Prælatis esse, ut habeat omnia monasteria ejusdem religionis sibi subiecta. Consequens autem est falsum, nam eadem religio, ut v. g. S. Benedicti, aut Bernardi, &c. habet plures Generales, alium in Hispania, alium in Gallia, alium in Lusitania, ut constat ex usu. Respondeo, si proprie loquamur, unius religionis tantum esse posse unum supremum Prælatum, sicut in uno Prædicamento non potest esse nisi unum genus generalissimum. Et quidem, quantum ad negationem superioris, quam ratio supremi includit, manifestum est non posse esse in duobus, si alter eorum est Generalis simpliciter, quia eo ipso habebit alterum sibi subiectum, & consequenter ille alter non erit supremus: vel si uterque ita præest, ut neuter alteri jure ordinario subiciatur, & consequenter monasteria uni subiecta alteri non subiciantur, neque e converso, neuter eorum dici potest Generalis simpliciter talis religionis, sed uterque dici poterit Generalis secundum quid suæ nationis, seu regionis. In religionibus ergo, in quibus plures nominantur Generales, observandum est, an inter eos sit aliqua subordinatio etiam minima, ita ut unus sit prorsus in dependens; alii vero aliquam etiam minimam dependentiam ab illo habeant, quia ab eo confirmari debent, aut visitari possunt, vel quid simile; & tunc ille solus, qui independens est, est supremus Prælatus, atque adeo Generalis simpliciter totius religionis; alii vero tantum secundum quid ita nominantur, partim propter amplitudinem districti, partim propter minimam subordinationem, quæ moraliter, & in ipso usu quasi nihil reputatur. Si autem nullam omnino inter se subordinationem habent, uterque revera est supremus Prælatus, prout de illo nunc loquimur, & sic comprehenditur nomine Generalis, quamvis respectu totius religionis non sit Generalis simpliciter, sed solum in sua natione, seu districtu: quomodo se habebant ante paucos annos in religione S. Hieronymi Generales Lusitanæ, & Castellæ, & nunc Generales Cistercienses, vel S. Benedicti, & in religione S. Francisci Generales Observantium, Conventualium, & Capuccinorum in Italia eodem modo videntur inter se comparari. Et in huiusmodi ordinibus religio, in qua sunt plures Generales, dicitur una non perfecta unitate morali, quæ requirit unionem sub uno capite; sed unitate, & imitatione ejusdem fundatoris, & unitate etiam Regulæ, saltem quoad præcipua, & quoad habitus similitudinem, & quoad quandam majorem fraternam communicationem, ac dilectionem, quam similitudo efficere solet. Neque hoc mirum videri debet, quia in religionibus antiquis non videntur fuisse major unitas, ut v. g. in religione S. Benedicti, quando singuli Abbates erant quasi supremi, quia communem Superiorem ejusdem religionis non habebant; imo nec Visitatores communes, nec Capitula generalia, ut colligitur ex cap. *in singulis*, de statu monachor. ubi Panormi. & Doctores id advertunt. Unde obiter

etiam declaratum, an hic supremus Prælatus, seu Generalis sit necessarius in religioso statu. Dicendum est enim absolute, & simpliciter non esse necessarium: ad majorem autem unitatem, & meliorem gubernationem fuisse opportunum, ejusque unitatem magis necessariam esse in quibusdam religionibus, quam in aliis, ut specialiter de nostra Societate infra suo loco declarabimus.

5 Prælati medii dicuntur, qui intra eandem religionem superiorem Prælatum habent, & nihilominus aliquo modo universales Prælati sunt, plures domos, pluresque Prælatos inferiores sub se habentes, ut sunt Provinciales religionum Mendicantium, & aliarum, quæ eas imitantur. Nam in religionibus Monachalibus non videntur esse in usu huiusmodi Prælati medii: nam Carthusiani, præter Generalem, non habent unius Provinciæ, vel nationis Prælatum aliquem communem, sed solos Priores singulorum conventuum. Hi vero suis temporibus Capitulum quasi Provinciale, seu Nationale efficiunt, quod Capitulum, quamdiu durat, dici potest habere authoritatem Prælati quasi Provincialis, vel Nationalis; in eo tamen non eligunt Provinciale, sed Visitatores, qui non sunt ordinarii Prælati, sed veluti specialem quandam commissionem suis locis, & temporibus exercent. Reliquæ item Monachales religiones unum tantum solent habere ordinarium Prælatum supra omnes Abbates, vel Priores, quem propterea Generalem appellant, modo superius declarato. Non est ergo hic triplex ordo Prælatorum necessarius simpliciter in religioso statu, etiam prout nunc est in usu Ecclesiæ. In religionibus autem Mendicantibus propter amplitudinem earum, & peculiarem vivendi modum semper servatur hic ordo quasi hierarchicus, ut inter Superiorem conventualem, & Generalem, mediet Provincialis, qui sub Generali existit, & sub se habet plures conventus, & Prælatos eorum, qui unam Provinciam constituent, quæ licet sit pars unius religionis, per se spectata efficit unum politicum corpus, constans ex omnibus illis Conventibus, cujus caput est Provincialis. Nec solent in religionibus, moraliter loquendo, esse plures Prælati intermedii, & Ordinarii: nam licet aliquando creentur Commissarii, vel Visitatores, illi non sunt Superiores ordinarii, sed extraordinarii, habentesque jurisdictionem delegatam, quæ expirat per mortem concedentis.

De prælatibus mediis, seu provincialibus.

Hoc triplex genus prælatorum non est absolute necessarium.

6 Religionem S. Francisci excipio, in qua alii sunt Prælati intermedii, ut est Commissarius Generalis Cismontanus, vel Ultramontanus, qui Superior est Provincialibus omnibus suæ familiæ, & sub Generali constituitur, & ut probabiliter creditur, verus Prælatus est, jurisdictionemque ordinariam habet. In aliquibus etiam Provinciis habent Prælatos medios inter Provinciales, & Guardianos, qui Custodes in speciali quadam significatione appellantur, suntque sub Provincialibus, & sub se habent nonnulla monasteria Provinciæ, quæ in hunc modum in plures custodias est divisa: quamquam hoc fere jam non sit in usu, sed tituli tantum, seu nomina retineantur, quæ ad nos nunc exponere non certinet. Sed illi tres gradus prælationis Generalis, Provincialis, & Præpositi localis nobis sufficiunt: nam hi generales sunt, & si quales sunt intermedii, facile potest eorum munus ad instar Provincialatus explicari, & hæc de 1. parte tituli.

An ad Franciscanos ex meo inter provinciales, & Generales, dantur commissarii.

In quibus tria Prælatorum genera numerata conveniant.

7 De his ergo breviter inquiri potest, in quo conveniant, & in quo etiam differant, per quod secundæ parti tituli satisfacimus. Quod ad convenientiam attinet, dicendum est primo, convenire in hoc, quod omnes habeant jurisdictionem spiritualem in subditos; tam in foro pœnitentiæ, quam in foro exteriori Ecclesiastico, aut religioso: loquimur enim secundum præsentem consuetudinem Ecclesiæ, & religionum, quæ proprium habent regimen extra jurisdictionem Episcoporum. Et sic assertio est clara ex ipso usu, & institutis ac privilegiis talium religionum: & a fortiori constabit ex sequenti assertionem. Secundo ergo dicendum est, omnes hos Prælatos habere jurisdictionem ordinariam, & non tantum delegatam. Hoc

Prima assertio pro prima convenientia.

Secunda assertio pro secunda convenientia.

cert.

certum est apud omnes, & de jurisdictione in foro penitentiarum id ostensum a nobis est in 4. tom. 3. p. dis. 25. quia omnes hi sunt ordinarii pastores, quibus ex officio incumbit cura animarum religionum: nam respectu eorum superiores, & universales Prælati sunt quasi Episcopi; inferiores vero seu locales sunt quasi Parochi, & ideo habere debent ordinariam jurisdictionem in foro penitentiarum: religiosi enim propter favorem exemptionis non debent carere hujusmodi ordinariis pastoribus; hoc enim potius esset nocumentum, quam favor. Atque eadem ratio cum proportionem applicari potest ad externam jurisdictionem: nam hæc etiam necessaria est ad religionis gubernationem, vel in tota illa, vel in singulis Provinciis, vel in unaquaque domo respective. Quamvis enim, in rigore loquendo, potestas dominativa posset sufficere ad exteriorem gubernationem, præsertim ad æconomicam unius domus; tamen efficacior, & utilior erit, si fiat simul per potestatem jurisdictionis. Supposita autem exemptione religionum ab Episcopis, necessarium est, ut in ipsa religione sit hæc jurisdictione, & efficacia ejus, quia non potest relinqui sine proprio gubernatore infra Summum Pontificem. Hac ergo ratione necessaria est talis jurisdictione in Generali, & quia ille non potest immediate præesse singulis provinciis, necessaria etiam est in Provinciali, præter quem in unaquaque domo necessarius est proprius gubernator, qui participet etiam curam Episcopalem, ut infra num. 12. dicam, & ideo etiam in illo est moraliter necessaria hæc jurisdictione. Et in omnibus ordinaria est, quia omnes sunt ex officio pastores, & rectores in hoc etiam exteriori foro: ita sentiunt communiter Doctores in cap. cum ab Ecclesiarum: & cap. quanto, de Offic. Ordin. cap. ea quæ, & cap. singulis, de stat. monach. & bene Navar. alia congerens consil. 9. de Privileg.

8 Et ratio generalis est, quia jurisdictione, quæ convenit alicui per electionem Collegii, vel Universitatis ad aliquod officium, cui vel natura sua, vel virtute legalis jurisdictione convenit, est ordinaria, & non tantum delegata: sed hujusmodi est jurisdictione horum Prælatorum: ergo est ordinaria. Major quoad priorem partem de electione est communis Juristarum cum glossa in cap. cum ab Ecclesiarum, de Offic. Ordin. verb. Ecclesiastica, & Panormit. in cap. suspicionis, de Officio delegati, num. 9. Sylvest. verb. Prælatus, & colligitur ex c. 1. de Elect. Advertunt autem iidem auctores, regulariter, seu communi jure, esse necessarium ad jurisdictionem ordinariam, quod habeatur per electionem: nam jure speciali, vel autoritate prælati superioris potestatem habentis, aliter conferri solet, ut constat ex cap. 2. de Offic. Archidiacon. & ex communi usu, & quia nullum est jus, vel ratio, quæ necessario requirat electionem, de quo latius c. seq. Adde etiam, electionem non esse satis ad jurisdictionem ordinariam, si ex intentione eligentium solum fiat ad commissionem, seu delegationem faciendam. Et ideo dixi, oportere, ut electio fiat ad præfecturam, vel officium, cui annexa sit jurisdictione, nam revera in hoc formaliter consistit ratio ordinariæ jurisdictionis. Oportet autem, ut hæc annexio sit jure ordinario, & ideo addidi alteram particulam, virtute legis. Quæ communis etiam est ex glossa, & Canonistis, & ex rubrica de officio delegati, & aliis Doctores in l. 1. ff. de Officio ejus, cui mandata est jurisdictione. Qui asserunt, jurisdictionem ordinariam esse, quæ habetur virtute legis; intelligendum autem est prædicto modo, nam virtute legis potest etiam haberi jurisdictione delegata, ut constat de jurisdictione Inquisitorum, & ex toto titulo de officio deleg. Oportet ergo, quod talis jurisdictione conveniat ratione officii, vel dignitatis de jure aliquo, vel consuetudine. Quod significaverunt Innocentius, & Panormitanus in cap. 1. 2. & 3. de officio Ordinarii, & satis expresse colligitur ex l. 1. ff. de Offic. ejus, cui mandata est jurisdictio. Et ita probata est major propositio tota, de qua plura etiam dixi in tom. 4. & 5. 3. p. Quod autem hoc modo jurisdictionem habeant hi prælati religionum, quæ erat minor propositio rationis factæ, per se est evidens, nam habent officium pastorale Ecclesiæ approbatione institutum, cui tam intrinsece videtur jurisdictione, ut sine illa vix possit intelligi, vel saltem

non possit moraliter executioni mandari, ut declaratum est. Ac denique partim jure communi, ut infra videbimus, partim jure proprio singularum religionum per Pontificia diplomata, partim consuetudine satis confirmata est hæc jurisdictione, ut late Nava. Comment. 2. de Regularibus num. 63. & sequentibus, & Comment. 3. num. 40. & sequentibus. Hic vero occurrebant speciales quæstiones, an Visitatores religionum habeant ordinariam, vel delegatam jurisdictionem: item de Commissariis: item de Præbendis Capitulo generali, juxta cap. in singulis, de statu monach. ubi hæc, & similia a Doctores tractantur. Sed in eis immorari nolo, quia vel non sunt magni momenti, vel non habent generalem doctrinam pro omnibus religionibus, sed juxta uniuscujusque statuta, aut mores definienda sunt.

9 Tertio dicendum est, hanc jurisdictionem in Prælati religionum esse quasi Episcopalem; ita loquuntur omnes auctores in Clement. 1. de rebus Eccles. non alien. verb. Proprii, & sumitur ex cap. Abbates, de privileg. in 6. ibi: In quos Ecclesiasticam, & quasi Episcopalem jurisdictionem obtinent, ubi glossa notat vocare quasi Episcopalem, quia non se extendit ad actus, ad quos potestas ordinis, seu consecratio Episcoporum necessaria est. Sed hoc majori explicatione indiget, quia illa particula diminuens, quasi, non æque in omnibus his Prælati diminuit, ut mox dicemus. Advertendum est autem textum illum loqui de Abbatibus, qui tantum sunt superiores Conventuales: ex quo colligitur, idem dicendum esse de cæteris.

10 Dicunt autem aliqui, hoc argumentum recte convincere de aliis Prælati superioribus ordinum Mendicantium, ut sunt Generales, & Provinciales; non tamen esse idem de Conventualibus Prælati eandem religionem, ut sunt Guardiani, Priores, &c. quia hi sunt inferiores Prælati, qui comparantur ad Provinciales, sicut Archidiaconi, vel Archipresbyteri ad Episcopum: hi autem Prælati minores non habent jure communi Episcopalem jurisdictionem, nam solum de quibusdam minoribus possunt per se judicare, majora vero ad Episcopum perferre debent, ut constat ex toto tit. de officio Archidiaconi, & Archipresbyteri, cum ibi adnotatis. Ita ergo Prælati Conventuales, saltem religionum Mendicantium, jure communi non habebunt jurisdictionem quasi Episcopalem, sed inferiorem quasi Archidiaconi, vel Archipresbyteri. Dico tamen, jure communi nullam differentiam ostendi posse inter Abbates, vel Priores Monachales, & Guardianos, Priores, & alios Prælatos Conventuales Mendicantium: nihil enim de his posterioribus Prælati jure communi circa hoc invenimus dispositum. Et quamvis illa analogia Archipresbyteri, & Episcopi in aliquo similis sit, non tamen in omnibus, ut statim dicemus, & ideo ex illo non potest sufficiens argumentum sumi. Eo vel maxime, quod si consideremus statum, & modum regiminis, quem nunc habent monachales religiones, etiam in eis Abbates particulares possunt comparari ad Generalem, sicut Archidiaconi ad Episcopum. Si autem loquamur secundum jus antiquum, non possumus secundum illud discrimen constituisse in religionibus Mendicantibus, cum nondum essent institutæ; sed potius cum proportionem esset de illis loquendum.

11 Dices, hinc potius colligi ex jure communi non posse probari aliquem infimum Prælatum religionis, etiam si Abbas benedictus sit, habere jurisdictionem quasi Episcopalem, si proprium superiorem Prælatum habet in eadem religione. Jura enim antiqua ideo tribuunt Abbatibus jurisdictionem quasi Episcopalem, quia tunc singuli Abbates erant quasi supremi, & Generalem superiorem non habebant. Unde in cap. nulla, 18. q. 2. ait Pelagius Papa: Ad Abbatem potestas tota pertinere convenit; quia nimirum eo tempore unusquisque Abbas habebat totam curam sui monasterii, nec recognoscebat Generalem superiorem. Quamquam (ut verum fatear) incertum mihi est, an hic textus loquatur de propria jurisdictione spiritali, vel de sola potestate dominativa, per quam competit etiam Prælati administratio totius monasterii quoad spiritalia, & temporalia, etiam prævia propria jurisdictione

Objeccio
contra citatum
textum pro
assertione,
quæ
tum ad
mendicantes.

atione spirituali. Quod enim hoc sufficiat ad verificanda verba illius textus, ex eo colligi potest, quod juxta communem expositionem Doctorum dispositio illa etiam ad Abbatissas ampliatur, ut ibi notat Navar. comment. 3. de regularib. n. 4. qui multa adducit ex regula Augustini ad confirmandam decisionem illius textus, quæ plane intelliguntur de Præposito, qui tunc jurisdictionem non habebat, sed potestatem dominativam, ut supra notavi: cumque Pontifex non multo post Augustinum federit, & fere eodem quo S. Benedictus floruit tempore, incertum est, an propria jurisdictione spiritualis jam tunc esset Abbatibus concessa, maxime cum non constet vel Benedictum ipsum, vel Abbates illius temporis fuisse clericos. Communiter tamen extenditur hic textus ad potestatem jurisdictionis spiritualis, quod non est facile negandum, quia etiam ostendi non potest illam tunc non habuisse, & jura indifferenter loquuntur, meliusque, & proprius illa posita procedunt.

12 Verumtamen hæc obiectio nihil obstat, nam Abbates illi, de quibus jura canonica dicunt habere quasi Episcopalem jurisdictionem, subditi erant Episcopis, ut eadem jura testantur; erant ergo illis inferiores non solum dignitate, sed etiam jurisdictione, subordinatione, ac dependentia: ergo comparabantur ad illos sicut nunc ad suum Generalem, vel Provincialem: ergo hæc subordinatio non obstat quominus nunc etiam dicantur habere jurisdictionem quasi Episcopalem. Nec jura antiqua fundantur in hoc, quod illi Abbates erant tunc supremi in sua religione, hoc enim parum referret, si potestas eorum adeo esset limitata, ut ad nullos actus Episcopalis jurisdictionis se extenderet: quod esse posset, etiam si intra eandem religionem Superiorem haberent, nam subjectio ad Episcopos sufficeret. Imo nec ex cit. c. nullam, etiam si de potestate jurisdictionis intelligatur, satis colligitur illam jurisdictionem tunc fuisse tantam, ut quasi Episcopalis dici posset: nam verba illa: *Ad Abbatem potestas tota pertinere convenit*, intelliguntur respective, id est, comparatione facta ad alios monachos, cum quibus ibi fit collatio, ut patet ex illis verbis: *Quia nulla autoritas remanebit Abbatibus, si monachorum potestati cæperit subiacere*. Sic ergo dicitur tota potestas esse in Abbate, quia tota, quanta est, in illo solo est, & semel collata, jam non pendet a subditis; quanta autem sit, ibi non explicatur, sed solum dicitur, *universa que vel ad divini cultus reverentiam, vel ad utilitatem monasterii pertinent, Abbatibus sollicitudo debet adimplere*. Ad hæc autem duo sufficere posset jurisdictio inferioris Prælati, ut Archiepiscopi, &c. Igitur quod jurisdictio Abbatis sit quasi Episcopalis, non tam jure antiquo, quam novo citato ex lib. 6. sufficienter probatur: ergo illis quoad hoc æquiparantur alii Prælati Conventuales religionum Mendicantium, non resistente saltem jure communi, imo aliquo modo adjuvante saltem per similitudinem rationis. Nam revera nulli eorum habent ex jure communi, sed ex propriis privilegiis, & quasi speciali jure, nec in dicto c. Abbates, illis confertur hæc potestas, sed collata supponitur, utique per privilegia: constat autem Locales Prælatos Mendicantium per privilegia sua hujusmodi potestatem habere, ut ex infra tractandis a cap. 8. latius patebit declarando in particulari actus, ad quos habent potestatem.

13 Ratione tandem probatur, declarando vocem illam, *quasi Episcopalem*. Dupliciter enim potest aliqua jurisdictio dici Episcopalis. Uno modo ratione subjecti scilicet, quia est jurisdictio per se debita muneris Episcopali, & quasi jure suo postulans personam consecratam in Episcopum tamquam proprium subjectum suum. Alio modo potest jurisdictio dici Episcopalis ratione actuum, quia scilicet extenditur ad actus, qui communi, & ordinario jure sunt proprii jurisdictionis Episcoporum. Sunt enim quidam actus spiritualis jurisdictionis, per se convenientes Episcopis, aliis autem non nisi quatenus aliquid participant de jurisdictione eorum. Jurisdictio ergo Prælatorum religionis, Episcopalis nominatur, quia revera se extendit ad actus jurisdictionis Episcopalis circa subditos talium Prælatorum. Hujusmodi enim actus sunt, excommunicatio, aut suspensio, maxime si fiant jurisdictione ordinaria: item absolutio ab eisdem censuris, præsertim ab homine

latis: item absolutio a casibus & censuris reservatis, præsertim Papæ, in aliquibus eventibus: item dispensatio in votis, in nonnullis irregularitatibus, & similes, quos participant prædicti Prælati religionum: nam licet forte non quilibet illorum Prælatorum, quilibet tamen eorum potest plures efficere, & in eis excedunt ordinariam jurisdictionem Archiepiscopi, & Archidiaconi: Hi enim licet possint aliquando excommunicare, non tamen tam generali potestate sicut Prælati religionum, & præterea non possunt dispensare in votis, &c. Hæc ergo ratio satis est, ut jurisdictio horum Prælatorum Episcopalis vocetur, non tamen simpliciter, sed cum diminutione, & ideo additur illa particula *quasi*.

14 Potest autem dicta particula duo significare. Primum, quod illa jurisdictio est (ut sic dicam) in alieno subjecto, id est, in non Episcopo: & hoc modo talis diminutio communis est omnibus Prælati non Episcopis, & ad illam pertinet quod non sufficit in tali persona ad exercendos omnes actus Episcopales, saltem eos, qui consecrationem Episcopalem requirunt, ut quædam glossa citata n. 9. dicebat, quamvis hoc non semper proveniat ex limitatione jurisdictionis, sed ex defectu potestatis Ordinis. Secundo potest per illam particulam significari diminutio intrinseca (ut ita dicam) ipsius jurisdictionis Episcopalis: quia nimirum in Prælati religionis non se extendit ad omnes actus, etiam puræ jurisdictionis, quos Episcopalis jurisdictio potest elicere. Et hoc modo etiam sumitur illa particula in presenti, & maxime locum habet in Prælati conventualibus qui jurisdictionem habent magis limitatam, & ideo sine dubio non possunt omnes actus jurisdictionis Episcopalis, ut, v.g. dare literas dimissorias ad ordines suscipiendos, & alia, de quibus infra. In Provincialibus etiam existimo regulariter etiam habere locum hanc diminutionem, quia non possunt omnia circa suos subditos, quæ possunt Episcopi circa suos, quia aliquid semper est Generalibus reservatum. De Generalibus autem ipsis dubitari potest, quia plenissimam habent jurisdictionem sub Summo Pontifice: nihilominus etiam in eis inveniuntur aliqua diminutio, & saltem hæc nunc occurrit, quod interdictum locale ponere non possunt, ut in toto de censur. disp. 36. sect. 1. n. 2. diximus: item ea, quæ specialiter possunt Episcopi ut delegati Pontificis, non cadunt sub jurisdictionem Prælatorum religionis, etiam si illa delegatio in jure contineatur, quia solum fit Episcopis.

15 Dico quarto. Omnes dicti Prælati religionum in hoc conveniunt, quod habent immediatam jurisdictionem in omnes religiosos sibi subditos. Conclusio est certa, & communis, & de Prælati conventualibus est per se evidens, quia sunt immediati Prælati, habentes jurisdictionem in subditos, ut ostensum est, & inter illos, & subditos non mediat alius Prælati: ergo necesse est ut illorum jurisdictio immediata sit in sibi subditos, nam ad alios nullo modo extenditur: nam Prælati inferior non habent jurisdictionem in eos, qui sui Collegii non sunt, argum. lult. C. de jurisdict. omn. judic. & c. cum ab Ecclesiarum, ubi glossa, de Offic. Ordin. De superioribus autem, seu universalioribus Prælati declaratur assertio ex comparatione ad Episcopum, Archiepiscopum, & Patriarcham: nam Archiepiscopus ut sic non habet immediatam jurisdictionem in omnes subditos suæ provincie, sed ut Episcopus illam habet in sua propria diocesi; in reliquis vero Episcopatibus suæ provincie non item, sed illam habent proprii Episcopi; ipse vero solum mediate, id est, in casu appellationis, nisi forte dum visitat, ut alibi dixi tom. de censur. Et eadem ratione, & cum proportionem Patriarcha non habet jurisdictionem immediatam in Archiepiscopatu sui Patriarchatus, sed ad summum mediatam, juxta jarium dispositionem. Non ergo ita comparantur dicti Prælati religionum, sed Provincialis æque immediate potest suam jurisdictionem exercere in quemcumque religiosum suæ provincie, sicut proprius Prior ac Rector ejus: & Generalis eadem proportionem immediate comparatur ad omnes, & singulos religiosos suæ religionis.

16 Sic ergo explicata conclusio sufficienter probatur usu, & institutione omnium religionum, quæ per hujusmodi Prælatos gubernantur: quæ consuetudo videtur sufficere ut dicamus hoc esse quasi jus commune, quamvis generale jus Pontificium non inveniatur de hoc scriptum. Unde si ex speciali instituto in aliqua re-

Particula quasi in assertione duo importat.

ligione aliud servetur, illa repugnat est quasi exceptio a jure communi, quæ ad nos non spectat, Ratio vero hujus assertionis tota consistit in institutione: congruentia vero institutionis est, quia hic modus jurisdictionis est magis accommodatus statui religioso, tum, ut subditorum saluti, & commodis melius & efficacius per plures provideatur: tum, ut ordo, & subordinatio perfectius observetur: nam Locales Prælati tam exacte, & perfecte subditi esse debent Provincialibus, & Provincialibus Generali, sicut minimi religiosi suo Prælato. Hæc autem perfectæ subiectio esse non posset, nisi universalium Prælatorum jurisdictionis ad omnes & singulos respective immediate descenderet. Denique hæc jurisdictionis religiosa proportionatur voto obedientiæ, & ad illius complementum, & perfectam executionem quodammodo ordinatur; ideoque sicut votum obedientiæ immediate obligat ad obediendum omnibus illis Prælatis, ita in omnibus illis est jurisdictionis immediate attingens universos subditos. Nec vero ex hac multiplici jurisdictione immediata sequitur aliqua perplexitas, vel confusio, quia non est sine ordine, neque est ita multiplex, quin ad unam revocetur, ut ex dicendis constabit.

In quibus eadem Prælatorum genera differant.

17 Dico ergo quinto, hujusmodi Prælatos differre inter se variis modis in hujusmodi jurisdictione, præsertim vero in amplitudine, & dependentia, seu subordinatione. Et primo est clara differentia in amplitudine quasi extensiva quoad personas, seu quoad territorium, quale in præsentie esse potest. Nam Prælatus infimus solum in suum monasterium & personas ejus, jurisdictionis nem habet: medius seu Provincialis tantum in personas seu monasteria suæ provincie: Generalis in omnes personas, & loca religionis jurisdictionem habet; quod ex dictis satis declaratum est. Secundo potest hæc differentia intelligi in amplitudine jurisdictionis quoad materiam, quia nimirum quo universalior est quoad personas, vel loca, eo etiam plures actus exercere potest tam circa personas, quam circa loca, eo modo, quo capacia sunt. Et in hoc sensu etiam differentia est vera, ejus tamen intelligentia, & probatio pender ex perfecta cognitione potestatis horum Prælatorum, quam hic, & infra ac. 8. trademus; nunc breviter declaratur exemplis clarioribus. Nam Provincialis potest exercere actum mutandi religionem ab una domo in aliam, quod Prior facere non potest: & Generalis ab una provincia in aliam, quod Provincialis non potest. Circa domum etiam, vel bona monasterii multa fieri possunt cum licentia Provincialis, quæ sine illa non possent, ut grave aliquid, & difficile inchoare; contractus, præsertim alienationes bonorum, conficere; & aliquando in his Generalis consensus necessarius est, de quo non possumus certam regulam in particulari tradere, quia juxta varia instituta, & consuetudines religionum est in hoc magna diversitas: generalis vero doctrina quod hæc differentia aliquo modo in omnibus invenitur, sine exceptione vera est.

18 Cujus ratio, seu congruentia est, quia sicut hæc prælationes distinguuntur quasi in objectis; ita per se primo intendunt diversos fines: nam potestas infimi Prælati respicit per se primo commune bonum suæ domus; Prælati medi suæ provincie; Prælati supremi totius religionis: nam hæc fuit moralis necessitas multiplicandi has prælationes; ad hos autem fines diversa media accommodata sunt, & quo bonum intentum est universalius, eo etiam postulat plura, & universaliora media; & personæ ipsæ secundum plures respectus subijciuntur Prælato universali, quam particulari, id est, non solum ut sunt partes domus, sed etiam ut sunt membra provincie, vel etiam totius religionis, cujus universalibus commodis inservire debet. Atque etiam converso quatenus hæc prælatio ad bonum singulorum religiosorum ordinatur, propter hanc etiam finem necessaria sunt hæc multiplex potestas, ut bona communia religionis possent convenienter ad majus commune singulorum applicari, quantum expediat, & fieri possit sine incommodo communis boni. Denique, quia ratio postulat, ut ad majores actus, & majora negotia gravior etiam seu major potestas requiratur, ut cum graviore etiam consilio

fiant; potestas autem quo universalior, eo est gravior; & ideo amplior etiam est in actibus, & effectibus suis. Unde colligitur, has jurisdictiones ita inter se comparari, quod quidquid potest inferior, potest superior, ob quartam convenientiam supra declaratam: e converso autem non quidquid potest superior, potest inferior, ob differentiam proxime traditam.

19 Alio modo dicebamus differre has jurisdictiones in dependentia, quæ primo considerari potest in origine, seu in esse: nam inferiores Prælati ducere solent originem aliquo modo a superioribus, non vero e converso, ut Provincialis a Generali, non vero e converso; & Rector a Provinciali, & non e contrario: sicut causa particularis manat ab universali, & non e converso. Dixi autem *aliquo modo*, quia in hoc potest esse varietas juxta varia instituta religionis: aliquando enim superior Prælatus omnino confirmat, vel illam ratam habet; nulla enim ratio cogit, ut determinate aliquis modus ex his necessarius sit; tamen quod aliquo modo creatio inferioris Prælati pendeat a superiore, per se est valde consentaneum rationi, & ad debitam subordinationem necessarium, & ut Prælatus superior possit integre suo muneri satisfacere, cum ad ipsum magis pertineat cura subditorum, quam ad quemlibet inferiorem Prælatum sibi subordinatum. In quo etiam considerandum est quando unus Prælatus inferior, v.g. Conventualis, habet plures Superiores, necessarium quidem esse, ut in origine, seu receptione suæ prælationis pendeat a supremo Prælato vel formaliter, si ab illo confirmandus, vel instituendus sit, vel radicaliter, in quantum pender a Prælato medio, v.g. Provinciali, qui ab alio superiore, seu supremo suam potestatem accepit: nam perfecta subordinatio hanc reductionem usque ad supremum Prælatum requirit. At vero e converso necessarium non est, ut infimus pendeat a medio, nam interdum potest immediate a solo supremo creati, vel confirmari: neque hoc repugnat debito ordini, tum quia etiam supremus Prælatus est immediatus superior, ut num. 15. ostendimus: tum etiam, quia Prælatus medius tenetur consentire ordinationi supremi, vel majoris Prælati. Uterque ergo modus inveniri potest in religionibus, & de facto invenitur, ut constabit varia earum instituta consideranti, & infra in speciali aliquid attingemus de Societate in tractatu 3. lib. 10. cap. 3.

20 Sed objiciet aliquis contra posteriorem partem. Nam Provinciales, vel Abbates eam Generalem in Capitulo, & sæpe etiam Priores, aut Guardiani Provinciales: ergo etiam superior prælatio ducit originem ab inferiori; est ergo hæc dependentia mutua, potestque esse sine inconvenienti, quia est respectu diversorum. Respondeo, Provinciales eligentes Generalem, non eligere illum ut Provinciales sunt, sed ut electores, quæ duo munia sunt formaliter diversa, nam actus eligendi per se non pertinet ad jurisdictionem Provincialis, unde a multis participatur, qui Provinciales non sunt: & e converso posset alius modus electionis institui, in qua Provinciales, vel Abbates suffragium non habent: igitur superior Prælatus non quæ pender ab inferiori formaliter tamquam a Prælato; e contrario autem inferior pender hoc modo a superiore, & ita intelligitur differentia posita. Quæ sit autem dependentia illa, quæ habet Prælatus, qui per electionem creatur, a suis electoribus, in sequenti sectione declarabitur.

21 Secundo intelligitur hæc dependentia in operari, quia nimirum Prælatus superior non pender in suis actibus ab inferiori; inferior autem peder aliquo modo a superiori. Utrique enim constat ex usu. Et ratio prioris patet est, quia superior nec pender ab inferiori tamquam a causa intermedia, cum possit sine illo operari, sicut ostentum est, nec pender ut a causa dante virtutem operandi, ut proxime etiam actum est: nullo ergo modo per se pender. Dices, in naturis ab ipse causa universalis pender a particulari in agendo, saltem lato modo, id est, ut sine illa non possit effectum producere, ut sol non potest generare hominem sine homine. Respondet, id habere locum in causis universalibus simpliciter, quæ solum immediate, & quasi partialiter possunt concurrere, per se autem non funtunt. Causa autem universalis perfecta per se sufficit absolute ad effectum; quæ est Deus, & ideo simpliciter non pender a causa proxima.

proxima, sed solum ex suppositione, quod nolit absolute efficere effectum, sed dando tantum necessarium concursum causæ secundæ: tunc enim, licet non sit propria dependentia, est nihilominus necessitas influxus causæ secundæ. In præsentem autem dictum est, universalem Prælatum esse ita perfectum, ut possit etiam immediate operari, si velit; & ideo absolute non indiget concursu, vel consensu inferioris Prælati, sed solet hic esse necessarius ex quadam urbanitate superioris Prælati; & moraliter, ac regulariter loquendo, ad bonum pacis, & ordinis, & melioris gubernationis conveniens est; absolute autem potestas est in superiore Prælato, & interdum expedit illa uti, vel in defensione innocentis subditi, vel ad consolandum afflictum, vel propter alios similes fines.

22 Ratio alterius partis est, quia causa particularis pendet ab universali in suis actionibus: nam quale est esse, tale est & operari. Hæc autem dependentia non est intelligenda cum rigore physico de influxu immediato, & per se, sed moraliter, in primis mediate, quatenus potestas inferioris pendet a superiore, ut dictum est: deinde aliquo modo immediate, saltem ut a causa non impediante, cum possit. Quamvis enim necesse non sit, ut superior Prælatus actu confirmet, vel ordinet quæ inferior præcipit; tamen necessarium saltem est ut non contradicat, nam voluntas inferioris Prælati non potest esse efficax contra voluntatem sui superioris. Atque hinc sequitur alius modus huius dependentiæ, qui in hoc, virtute continetur, scilicet quod major Prælatus potest coarctare jurisdictionem inferioris, non tamen e converso. Hoc posterius per se notum est, & colligitur a paritate rationis ex c. nullam, 18. q. 2. Prius autem multipliciter etiam sequitur ex dictis. Primo, quia inferior Prælatus pendet in suo esse a superiore; ergo in jurisdictione; ergo in quantitate seu amplitudine jurisdictionis. Secundo, quia inferior Prælatus est subditus superiori: ergo si superior præcipiat, ut in hac, vel illa re non se intromittat, tenetur illi obedire, supponendo, nullam turpitudinem in eo præcepto includi: hoc igitur modo etiam potest limitare potestatem ejus. Tertio, quia Prælatus universalis potest immediate præcipere omnibus subditis: ergo potest eis prohibere, ne in hac re, vel illa pareant inferioribus Prælatis: ergo hoc etiam modo limitabit facultatem illorum, quia ejus potentia, & voluntas efficacior est. Denique hoc modo potest supremus Prælatus præservare sibi absolutionem a tali culpa, iudicium in tali causa, vel talem dispensationem, aut etiam subjectionem talis personæ, & similia: & idem suo modo potest Prælatus medius circa infimum.

23 Statim vero occurrit inquirendum, an hæc restrictio requirat justam causam, vel possit pro solo arbitrio majoris Prælati fieri. Respondetur breviter primo, si loquamur de his, quæ conveniunt unicuique Prælato ex vi sui muneris, atque adeo de potestate ac jure ordinario, quoad hæc non posse restrictionem fieri licite sine justa causa, ita docent communiter Doctores in simili, tractando de casuum reservatione, ut in 4. tom. de Pœnitentia notavimus, est autem hæc eadem ratio, tum quia unusquisque Prælatus habet aliquod jus in re quoad jurisdictionem suam ordinariam; non ergo potest licite illo privari sine causa: tum etiam, quia vel illa est pœna illata sine culpa, & sic illicita; vel est perversio, aut immutatio ordinis, de se instituti ad bonum commune, & consequenter est præter regulam, quæ omnia sine causa facta, sunt illicita: tum denique, quia ex huiusmodi injustis restrictionibus multum potest perturbari pax, & oriri scandala. Unde ad minimum cenſeo hoc esse contra charitatem, & justitiam legalem, & non est improbabile etiam esse contra commutativam: quamvis hoc sit magis incertum, quia in his religionis non videtur esse tam proprium dominium circa hæc jura, vel officia.

23 Unde, his non obstantibus, cenſeo secundo restrictionem hanc validam esse, etiam si absque causa fiat, sicut etiam de reservatione casuum probabilior sententia fert. Cujus ratio est, quia voluntas superioris Prælati, absolute loquendo, potentior est, & nulla est lex positiva, quæ huiusmodi factum irritet, neque ex sola natura rei potest censeri nulla, quia multa illicita sunt, quæ facta tenent, inter quæ videtur hoc compu-

tandum, quia nullam habet specialem rationem nullitatis, cum defectus magis sit in modo, quam in substantia, cumque magis interveniat ibi injustitia legalis, quam commutativa. Unde confirmatur, quia in his actibus major ratio habenda est boni communis, quam privata injuriæ; ad bonum autem commune expedit, ut talis restrictio teneatur, & servetur, etiam si injusta appareat ex defectu causæ: & ideo facta tenet, ac valida est. Dico autem, ex defectu causæ, quia si aliunde contineretur intolerabilem errorem contra bonos mores, clare, & evidenter nulla est. Tertio vero addendum est, si quæ sunt concessa inferiori Prælato ultra jus ordinarium per delegationem superioris, & licite, & valide revocari ab eodem Superiore, vel ab æquali, scilicet successore, vel etiam ab alio utrique superiore, pro sola voluntate sine speciali causa: & tunc cessant omnes rationes supra factæ, quia delegatio est quædam gratia, & favor: quamquam in hoc etiam cavenda sunt incommoda, quæ per accidens sequi possunt, vel contra commune bonum, vel contrarietatem, & charitatem singulorum: maxime, si acceptio aliqua personarum misceri videatur.

25 Tandem inquire hic potest, an hæc dependentia sit etiam in conservari: quod est quærere, an supremus Prælatus possit quemlibet sibi inferiorem suo officio privare: & eadem quæstio est de Prælato medio respectu sibi subiecti. Sunt autem duo certa. Unum est, si ne legitima causa non possit licite, ut a fortiori ex dictis constat. Intelligendum autem id est, quando prælatio vel perpetua est, vel pro definito tempore datur, si intra illud auferatur, quia tunc procedunt fortius rationes in superiori puncto factæ. Si autem tempus non esset definitum, nec positive perpetuum, sed indefinite daretur ad arbitrium Superioris; tunc per se non esset illicitum, nam cessat etiam omnis ratio justitiæ, dummodo nihil necvum fiat contra consuetudinem, quod merito posset perturbationem aliquam, vel infamiam generare. Secundo est certum, ex justa causa posse hoc & licite, & valide fieri, quia jurisdictio non deest, & ad licitum usum sufficit justa, & proportionata causa. Quod ita explicatur: nam hæc causa generatim loquendo duplex esse potest. Una est, culpa sufficiens ipsius prælati: nam iuste potest a suo superiore privari; sed privatio officii potest esse justa pœna: ergo. Alia est, ratio aliqua urgens majoris boni communis: nam hæc munera non ad privatum commodum prælatorum, sed ad bonum commune religionis ordinantur: cura autem huius boni communis, & jurisdictio ad illud tuendum proportionata, maxime pertinet ad supremos, & universales prælatos, ut supra declaravi: ergo in eo casu, & ex parte eorum est sufficiens potestas, & ex parte causæ sufficiens ratio, ut talis mutatio sancte fiat.

26 Tertium autem incertum est, scilicet, an talis privatio sine justa causa facta, valida sit. Omnis autem rationibus dubitandi, quæ utrinque facile excogitari possunt, cenſeo illam esse validam, per se spectata hierarchica subordinatione harum potestatum, propter rationes factas in superiori puncto: nam eadem ratio est totius, & partis in his, quæ similia sunt. Si ergo restrictio sine causa facta valida est, cum tamen sit diminutio seu ablatio partis jurisdictionis, etiam totius ablatio valida erit. Hoc autem, & reliqua quæ in hoc capite diximus, intelligenda sunt, & supponendo in his prælati perfectam, & monarchicam jurisdictionem, & tollendo impedimenta, seu restrictiones, quæ per legem, vel superiorem potestatem factæ esse possunt. Primum ideo adverto, quia in multis religionibus, etiam si Generale, vel Provinciales habeant, regimen non est simpliciter monarchicum, præsertim in rebus gravioribus, in quibus Generalis, vel Provincialis nihil valide potest statuere sine concursu suorum *Definitorum*, aut quovis alio nomine vocentur, qui definitivum suffragium in huiusmodi negotiis habent. Igitur quoad hoc non possumus regulam generalem statuere, sed spectanda est consuetudo, vel institutio uniuscujusque religionis, & juxta modum ejus applicare quæ hæcenus diximus. Eademque ratione addita est altera limitatio: nam hæc potestas sive conferatur immediate Summo Pontifici, sive mediante religione, & generali Capitulo ejus, vel per supremum Superiorem ad medios descendat, sæpe non datur absolute, saltem quoad

Delegata
jurisdi-
ctio licite
restringi
potest si-
ne causa,
per se lo-
quendo.

An Præla-
tus major
possit in-
feriorem
amovere.

Prælatus
major re-
stringens
jurisdi-
ctionem
inferioris
sine causa
peccat.

Valida-
men re-
stringit,
nisi restri-
ctio sit
contra bo-
nos mo-
res.

quoad plures adus ex dictis, sed cū restrictione & obligatione servandi talem formā aut modum, vel cum aliqua dependentia ab ipso concedente, aut simili alio modo; & tunc facultas non excedit concessionem; ideoque etiam quoad hanc partem consulenda sunt privilegia, & statuta religionum, ut secundū ea limitentur omnia, quæ diximus; nam illa procedunt per se, & quantum est ex jure communi, & ex natura & modo talium jurisdictionum; non est tamen dubium, quin jura specialia possint multa addere, quæ hic a nobis non possunt considerari, sed ad singulas religiones id pertinebit.

C A P U T III.

De Electione supremi Prælati in Religione: deque conditionibus ex parte ipsius requisitis ut legitime eligatur.

I Uobus modis potest Magistratus aliquis creari, scilicet, vel per electionem, vel per voluntatem alicujus Principis, seu Prælati superioris; omitto enim hereditariam successionem, quæ in præsentī materia, & in universum in spiritali potestate locum non habet; omitto etiam modum succedendi per nominationem Prælati decedentis, seu sinientis tempus suum, delegentis sibi successorem; quia licet hic modus intrinsicam malitiam, aut aliam repugnantiam absolute non involvat, in Ecclesia tamen in nullo genere propriæ successionis ac prælationis usu receptus est: ne prælatio Ecclesiastica quasi testamento legari seu relinqui videretur, & ad vitanda pericula, quæ esse possent, si unusquisque juxta suam propriam affectionem successorem sibi posset eligere: & ideo hoc est sacris canonibus vetitum, ut dixit Gratianus in §. *his omnibus*, 8. q. 1. post nonnulla decrēta, quæ de hoc adduxerat, & in simili nonnihil in tomo de fide disp. 10. sect. 4. retuli. Dixi autem, hoc non admitti in propriam successionem prælationis, quia nominare aliquem Vicarium, qui prælati interim dum sit electio proprii prælati, non ita repugnaret, quia neque habet prædicta incommoda, nec per canones est prohibitum. Unde in nostra Societate 8. p. Constit. c. 1. conceditur Generali, ut possit Vicarium nominare, qui statim post mortem ejus, debeat Societatem congregare, atque illi præesse, donec Præpositus Generalis eligatur: quamquam neque S. Ignatius ipse, neque aliquis ejus successor usque ad hæc tempora, in quibus scribimus, ea facultate uti voluerit. Itaque solum supersunt duo modi supradicti, quibus Prælati religionis creari possunt.

2 Ut ergo a supremo capite incipiamus, dicendum est principaliter Prælatum supremum & generalem uniuscujusque religionis per legitimam electionem creandum esse. Hoc probat usus, & institutio omnium religionum, & est consentaneum juri canonico, ut statim dicam. Ratio autem est, quia hic Prælatus non habet intra religionem alium superiorem, a quo institui possit; ergo non superest alius modus nisi per electionem. Dices, habere hos prælatos Summum Pontificem superiorem, a quo possent institui, sicut ab eo creantur Episcopi. Respondetur, potuisse quidem Pontificem Summum hoc sibi reservare, & hac lege, & modo unamquamque religionem instituere, & approbare; noluisse tamen, ut suavius, & commodius religionibus provideret, ut nimirum ipsa religio in patre sibi eligendo consentiret; & ut ipse etiam electus a suis futuris subditis publicum haberet suæ sufficientiæ, & dignitatis testimonium, & ita cum majore amore, & fiducia a tota religione susceperetur. Simili enim ratione noluerunt Summi Pontifices sibi successores nominare, sed electionem Ecclesiæ committere, ut videre licet in Tutrecremata lib. 2. Summæ, c. 51. & in citato loco tomi de fide. Atque hoc recte confirmant jura, quæ disponunt, ut Abbas per electionem monachorum creetur: illi enim Abbates, ut supra c. præced. n. 11. tetigi, erant tunc in sua religione supremi, quamvis Episcopis essent subjecti, & ideo non poterant a religiosis creari, nisi per electionem; potuissent tamen, si Ecclesia vellet, a solis Episcopis, vel Pontificibus provideri: illud tamen nunquam factum est, nec judicatum expediens; propter rationes paulo ante adductas. Et ob easdem nunc in religiosis monachum, quæ subsunt Episcopis, Abbatibus per electionem monialium creantur, & non constituuntur a solis Episcopis. Denique in regulis singularum religionum hoc disponitur, ut videre licet in Regula S. Fran-

cisci, c. 8. & in 8. p. Constitut. Societatis, c. 1. & 2. &c.

3 Dices, Quomodo potuit hæc dignitas Præpositi Generalis in unaquaque religione incipere per electionem, cum electio supponat religionem ipsam constitutam, cum debeat a religiosis fieri, ut dicemus; religio autem supponat aliquem Prælatum, cui omnes possint obedientiam promittere. Respondeo, primo, necessarium non esse ut conclusio intelligatur de primo initio ac fundatione religionis, nec de novo quod tunc inceperit gubernare: nunc enim præcipue agimus de ordinario regimine religionum, postquam institutæ, & fundatæ sunt. Deinde dicitur generalis prælati electionem aliis modis potuisse in religionibus incipere. Primo: ut præceserit religio, & regimen ejus sine uno supremo capite, vel gubernatore, postea vero singula monasteria inter se consenserint de uno communi prælati eligendo: nec repugnat religionem præexistere sine hujusmodi prælati, ut de religione S. Benedicti, & de antiquis monachis supra conjecravimus.

4 Secundo, potest a principio institui religio cum hac lege, ut nullum habeat prælatum, ut de religione S. Francisci constat ex Regula ejus, c. 1. & 8. & idem est de religione Prædicatorum, & de Societate. Modus autem constituendi primum Generalem esse potuit vel per designationem Summi Pontificis, quod ita fuisse in religione S. Francisci colligi potest ex c. 1. Regulæ ejus, ubi Franciscus ipse soli Papæ promittit obedientiam; de aliis autem dicitur: *Tenantur obedire Francisco, & successoribus ejus*; vel etiam potest talis creatio fieri per liberum consensum omnium, qui in principio aggregati fuerunt fundatori religionis, illi obedientiam promittendo, etiam ante approbationem Apostolicam: nam licet eo tempore ille non esset verus prælatus sicut illa non erat vera religio; tamen adveniente approbatione, per quam Pontifex confirmat quod prius factum est, & acceptat sua vota tamquam solennia, confertque participationem suæ jurisdictionis illi religioni in individuo prout in talibus personis inchoata, incipit ille esse verus prælatus generalis ordinis. Et fortasse etiam ita factum est in religione S. Francisci, & sancti Dominici. Alio item modo potest primus Generalis fieri per propriam electionem, & post religionem jam vere institutam, & confirmatam, prout in nostra Societate contigit: anno enim 1540. confirmata est a Paulo III. sequenti vero anno P. N. S. Ignatius in Generalem electus est, postea vero tam ipse Ignatius, quam socii ejus solennem professionem emisissent; in qua etiam notari potest quod Ignatius ipse Summo Pontifici tantum, reliqui vero ipsi etiam Ignatio perpetuam obedientiam promiserunt. Rursus observare licet, prius fuisse Societatem veram religionem, quam in ea esset facta solennis professio; imo priusquam essent vota aliqua, autoritate Pontificia in ea recepta, quia jam erat approbata, & erat in ea potestas emittendi talia vota, quæ primum facta fuere ab ipso Ignatio, & illa ex vi prioris approbationis ipso jure fuerunt acceptata per Apostolicam Sedem; reliqua vero mediante ipso Ignatio admissa fuere. Denique notare licet in ea electione, personas illas prius fuisse eligentes, & electam, quam essent veri religiosi, quod nondum votum obedientiæ emisissent: quamvis enim prius illud esse decrevisset ex lib. 2. vitæ Ignatii, c. 13. nondum tamen illud executioni mandaverant, quod quomodo esse possit, paulo post declarabimus.

De conditionibus ad electionem alicujus in Prælatum religionis, præcipue Generalem.

5 Quoniam vero in conclusione dictum est, id quod etiam de se est manifestum, electionem hanc debere esse legitimam, nam a lege præcipue vigorem habet: ideo explicandum nobis superest quid requiratur ut hæc electio legitima sit. Possunt autem ad tria capita reduci hujusmodi requisiti, nimirum, ad personam electam, seu eligendam; electores, & formam, seu modum electionis. Primum horum in præsentī capite expediemus, duo reliqua in duobus sequentibus. In persona ergo eligenda duo desiderantur, scilicet capacitas & dignitas. Circa capacitatem igitur sciendum est, ex natura rei, vel ex solo divino jure nullam conditionem specialem ad hanc capacitatem requiri præter generales, ut quod sit persona humana, ratione utens, & apta aliquo modo ad hoc regimen suscipiendum, hæc enim

Excluditur hoc capite hereditaria successio & nominatio.

Apud R. l. ad lib. 4. vitæ S. Ignat. c. penul.

Prima assertio, Generalis per electionem creari.

Lib. 1. vitæ S. Ignatii, c. ult. & lib. 3. c. 1. apud Ribaden.

Quæ conditiones jure naturali requirantur.

enim in omni electione humana necessaria sunt præter hæc vero ex vi solius rationis naturalis nihil amplius cum fundamento addi potest. Quatenus vero electio hæc in fide suo modo fundatur, & ad supernaturalem finem ordinatur, recte colligitur ex discursu etiam connaturali fidei, & gratiæ, ad hanc capacitatem necessariam esse fidem, seu fidei professionem in persona eligenda, quia alias non potest esse apta ad hujusmodi regimen. Unde etiam necessarium est, quod sit persona baptizata, ex generali principio alibi late tractato r. 4. & 5. in 3. p. quod *sine charactere baptismali nullus est capax spiritualis jurisdictionis*. Quod vero ex divino jure positivo, nihil amplius hic requiratur, ex dicendis constabit.

Jus Ecclesiasticum simplex.

6 Superest ergo, ut de jure Ecclesiastico videamus an in eligendo aliquid amplius requiratur, ut non solum capax, sed etiam dignus censeatur. Hoc autem jus triplex distingui potest, speciale, generale, & generalissimum: speciale hic voco, quod in unaquaque religione per specialia indulta, vel privilegia additum est, quale esse potest, v.g. quod persona eligenda non ducat originem ex Judæis, vel aliud simile. Et de hoc jure nihil hic dicimus. Generalissimum appello, quod non solum religiosus, sed omnibus cæteris Ecclesiasticis electionibus commune est, quale est, quod eligendus non sit excommunicatus, aut irregularis ad officium vel beneficium: de quo etiam hic non agimus, in sua generalitate, quia spectat ad materiam de Censuris, & Irregularitate, quæ in proprio locotradata est: solum hic addemus quæ necessaria fuerint ad applicandum huic electioni illam communioris doctrinam, quod fiet explicando jus, quod generale vocamus, quatenus omnibus religionibus commune est.

Prima conditio juris communis ad Generalis prælaturam, legitima ætas.

7 Prima ergo conditio requisita in persona eligenda, est, ut habeat legitimam ætatem, quæ ad minimum debet esse 25. annorum, juxta c. *cum in cunctis*, de Electione, confirmatum a Concil. Trident. sess. 24. c. 12. de Reformatione. Hæc autem jura generaliter loquuntur de omnibus dignitatibus Ecclesiasticis, habentibus curam animarum annexam, sub quibus sine dubio comprehenduntur etiam prælationes regulares, magnam enim sine dubio habent curam animarum ordinariam, & ex officio, veræque prælationes, dignitates Ecclesiasticæ sunt, ut supra diximus. Quia vero ibi in Episcopis postulatur ætas triginta annorum, in inferioribus viginti quinque, dubitari potest sub quo illorum membrorum comprehendere debeamus prælatum generalem religionis. Nam in rigore & proprietate non est Episcopus, sed dignitate inferior; verba autem legis in sua proprietate servanda sunt: præsertim in lege, quæ ponit formam necessariam, & irritat actum in quo omittitur: nam ex hac parte est odiosa, & ideo restringenda ad verborum proprietatem. Contrarium autem videtur suadere ratio: quia hæc major ætas non tam postulatur in Episcopis propter ordinis dignitatem, quam propter superiorem jurisdictionem, & graviora negotia, & actus, qui ratione talis jurisdictionis ad illos pertinent. Sed supremus Prælatum religionis participat maxime jurisdictionem Episcopalem, quæ in illo ratione status subditorum magnam judicii maturitatem requirit. Ergo, quantum ad præsens spectat, videtur sub Episcopi nomine comprehendendus. Nihilominus prior sententia in rigore juris vera videtur propter rationes adductas, & quia nullus author illam extensionem facit. Imo Panormitanus dict. c. *cum in cunctis*, n. 6. quærens quid de Abbate? respondet in jure clare non caveri, communiter tamen revocari ad dispositionem de inferioribus dignitatibus: diximus autem supra c. 2. n. 2. jus commune nihil disponere in particulari de hac prælatione universalis, seu generalis religionis; sed tantum de Abbate, quatenus per se erat quasi supremus intra suam religionem. Addo præterea, licet hic sit veluti casus omisus in jure communi, nihil referre, quia moraliter loquendo, & quasi ex ipsarum rerum natura seu necessitate contingere non potest, quin is, qui in Generale eligitur, trigessimum annum ætatis excedat: nec existimo contigisse unquam in gravi aliqua reli-

Suarez Tom. XV.

gione, ut junior aliquis fuerit electus. De Sancto enim Bonaventura legimus cum 35. ætatis annum ageret, & per tredecim tantum in religione fuisset, electum esse, quod singulare valde, & extraordinarium reputatur, factumque fuisse ob ejus singularem virtutis & doctrinæ excellentiam. Cujus non dissimile exemplum in admodum reverendo P. N. Generali Claudio Aquaviva Romæ ante 20. annos conspeximus: nam 39. ætatis annos, & 15. religionis propter eximias naturæ, & gratiæ dotes in Generalem Societatis electus est.

Secunda conditio, professio solennis, expressa, & in eadem religione.

8 Secunda conditio hodie necessaria, ut quispiam sit capax hujus electionis, est, ut sit expresse professus eandem religionem. In qua tres includuntur: prima est, ut sit professus: habetur in c. *cum ad nostram*, de electione, ubi irritatur electio, in qua quidam electus fuit in Abbatem prius quam esset monachus: idem habetur in c. *cum causam*, & in c. *cum in magistrum*, eodem titulo: in quibus juribus observare licet, solum prohibere, ne seculares, seu non professi eligantur, & præcipere ut electiones de aliis factæ, irritentur; non tamen in eis expresse declarari, an tales electiones essent ipso jure nullæ, & an ille defectus redderet personam incapacem, vel solum indignam, seu improporcionatam. Unde videtur probabile secundum illud jus antiquum tales electiones non fuisse irritas ipso facto, quia in dict. c. *cum causam*, allegatur consuetudo, qua multi Priores continue unus post alium fuerant non professi, qui cum ita simpliciter appellerent, non videntur fuisse reputati tantum, vel solo nomine, sed veri Prælati: unde Pontifex subdit: *Non debemus solum attendere quid factum sit, sed quid sit faciendum*. Et hanc opinionem indicat Panorm. ibi, num. 6. dicens: *Item nota, quod electio facta in Ecclesia regulari de non professis venit irritanda, consuetudine contraria non obstante. Hodie vero est ipso jure nulla, per c. nullus, de electio. in 6.* Sentit ergo, ante illud jus libi 6. non fuisse talem electionem ipso jure nullam. Quod expresse asseruit glossa in dict. c. *nullus*. Nihilominus glossa in dicto c. *cum ad nostram*, exponit, irritare, id est, irritam nunciare, citans c. *Officii*, eod. tit. ex quo, mea sententia nihil probatur, nam agit de re longe diversa, ut infra exponam: alia vero glossa in dict. cap. *cum causam*, citat cap. *Abbatem*, & c. *quam sit* 18. q. 2. ut probet, talem electionem etiam ante illa decreta Innocentii III. fuisse contra jus commune, & ideo fuisse nullam, ac proinde verbum irritare ibi idem esse quod irritum declarare. In illis autem juribus solum dicitur, Abbatem eligendum esse a monachis de sua, vel de eadem congregatione: potest autem novitius in rigore dici de eadem congregatione; & ideo illa jura non videntur satis convincere.

Prima pars.

An hæc pars conditionis requiratur ad valorem electionis.

Probabilius affirmandum.

9 Nihilominus tamen jura illa ita intelligenda censeo, quia proprie congregatio religiosorum, præsertim in ordine ad electionem, solum comprehendit professos, qui etiam ad eligendum solum comprehenduntur: nam de eisdem, seu de eadem congregatione loquuntur illa jura in ordine ad activam, & passivam electionem. Quare non dubito, quin ante Innocentium III. hæc conditio fuerit necessaria jure communi; & præterea quia nisi ita esset, non præciperet Innocentius illam irritari, nec diceret, consuetudinem non potuisse in contrarium prævalere. Probabile etiam est, fuisse conditionem ita necessariam ut sine illa persona esset inhabilis: quia illa conditio ponitur tamquam de forma substantiali electionis, & ut tam necessaria ex parte eligendi, quam ex parte eligentium. Et ita etiam sentit Hostiensis dict. c. *cum causam*, n. 7. & Panormitanus varius esse videtur, nam ex illo textu colligit, quod consuetudo non potest habilitare personam profus inhabilem. Nunc autem certior res est, & ex dict. cap. *nullus*, quod jam exponemus.

10 Secundo addendum est huic conditioni, non quamcumque professionem sufficere, sed necessariam esse expressam. Ita enim additum est in c. *nullus*, de elect. in 6. ubi ad tollendam omnem dubitationem, non de monacho, sed de religioso sub hac voce, nec de Abbatia tantum, sed etiam de prælatura, cujuscumque religionis mentio fit: & postulatur, ut eligendus antea

Secunda pars.

fuerit

Dubium quæ sit legitima.

Resolutio auctoris.

fuerit ordinem regularem expresse professus. Et additur: Quod si secus actum fuerit, eo ipso irritum habeatur. Atque idem de Abbatibus statuitur in cap. indemnitate, eod. tit. quod jus secundum omnes quantum ad hanc partem, novum fuit, nam ante illud sufficiebat tantum professio, cum vere religiosum efficiat. Nunc autem non est dubium, quin conditio hæc expressæ professionis sit de substantia & valore talis actus, cum in illo textu hoc satis expresse sit: de quo etiam aliqua diximus supra tomo præced. tractando de effectibus professionis.

11 Tercio addendum est huic conditioni, debere hæc expressam professionem esse in eadem religione; ita statuitur in Clement. 1. de electione, prohibetur enim; *ne religiosus aliquis in Abbatem, vel Prælatum alterius religionis, vel habitus de cetero eligatur. Quod si secus actum extiterit, sit eo ipso irritum, & inhabile.* Ubi ponderanda est illa particula de cetero, qua significatur illud esse jus novum: antea enim non erat hæc conditio tam necessaria, ut ibi notat glossa, & illam renovat Concil. Trident. sess. 14. c. 10. de Reform. & sess. 25. c. 21. de Regul. Verum etiam existimo jure antiquo postulari, ut patet ex d. c. Abbatem, 2. & in c. quam sit, 18. q. 2. in quibus Abbas eligendus dicitur de eadem, seu de sua congregatione: non erit autem de eadem congregatione, nisi in eadem professus sit. Unde Gregorius expresse dixit *non extraneus*. Consonat etiam c. *nec e meritis*, & c. *nullus in vitis*, & c. *obitum*, d. 61. ubi Celestinus, & Gregorius Pontifices statuunt, ut in unaquaque Ecclesia ex ejus clericis Prælati assumantur, & non ex alia, nisi in eadem digni inventi non fuerint. Quæ conditio etiam subintelligebatur in Abbate religionis; imo expresse ponitur a Gregorio in d. c. *quam sit*. Quod si aptam (inquit) inter se personam invenire nequiverint, solenter sibi de aliis monasteriis similiter eligant ordinandum. Quo etiam modo videtur intelligendum c. Abbas, 2. quod ex Concil. Moguntino refert Gratianus 18. q. 2. ubi contingat Abbatem cum licentia Episcopi locum suum relinquere, dicitur, *eligant sibi fratres Abbatem de ipsis: sin autem, de extraneis*; sub illa enim conditione, *sin autem*, subintelligendum est, scilicet, *commode fieri non potuerit*; quamvis canon ille in Conciliis Moguntinis non reperiatur. Nunc autem conditio hæc non ponitur in dicta Clementina, sed absolutum est decretum, & irritans; & ideo non existimo posse admitti exceptionem illam privam auctoritate: sed in eo casu recurrendum esse ad Superiorem; qualis est solus Summus Pontifex in casu, de quo loquimur; quamquam timendum non est, quod possit moraliter evenire, ut in tota aliqua religione nullus sit, qui ad eam gubernandam dignus sit, & sufficiens.

12 Ut autem rationem hujus conditionis declaremus, quaerimus, an hæc conditio sit necessaria ex obligatione juris naturalis, vel solum positivi Ecclesiastici. Quidam enim primum asseruerunt, eo quod Pontifices ratione naturali nisi videantur. Innocentius enim inde probat, hominem non professum non posse esse Prælatum professorum, quia lex divina prohibet in bove & asino arare, aut vestem induere de lana linoque contextam: nam licet hæc sumpta sint ex lege veteri, non tamen, ut positiva erat, sic enim cessavit; sed ut indicant naturale judicium rationis, cui non congruit, ut homines disparis professionis vel habitus simul in eisdem monasteriis socientur, ut dixit Clemens V. dicta Clement. 1. & Concil. Hispalense II. c. 9. ex eadem lege Moylis confirmat, quod dixerat, *in uno eodemque officio non debet dispar esse professio*; & infra subdit optimam rationem: *Nam coherere, & conjungi non possunt, quibus & vota, & studia diversa sunt.*

13 Verum tamen ex tribus partibus hujus conditionis, secundum clarum est non esse necessariam, nec præceptam ex natura rei, scilicet, quod professio sit expressa: quia nulla est ratio, quæ necessitatem suadeat, sed congruitatem, ut per se satis est clarum, & in superioribus traditum est, & ex ipso jure constat ante illam Ecclesiæ constitutionem, non fuisse factam differentiationem inter professos tacite, vel expresse, ut in Prælatos religionis eligi possent. Si autem ex natura rei expressa professio esset aliquo modo necessaria, fuisset ille intolerabilis error. Solum ergo illa conditio postulata fuit, quia professio tacita dubiis, & litibus est exposita;

oportet autem, ut de illius professione, qui in Prælatum eligitur, maxima certitudo, quoad fieri possit, habeatur. Et ideo hæc conditio non fuit ab Ecclesia postulata, donec necessitas professionis clarius postulata fuit tamquam de substantia, & valore electionis.

14 Deinde tertia pars illius conditionis, scilicet, quod sit professus ejusdem religionis, congruitatis tantum est, non necessitatis: quia, si illa conditio ex natura rei esset necessaria, maxime quia sine illa nullus posset digne, & convenienter munus Prælati exequi; consequens falsum est: ergo. Major patet, quia nulla alia ratio talis necessitatis cogitari potest, cum reliqua omnia, quæ possunt esse de substantia talis muneris, possint facile reperiri, ut judicium, & sufficiens rerum notitia, ac recta voluntas, &c. Minor autem patet, quia illa disparitas professionis, vel habitus non necessario impedit, quominus Prælatus inferiores gubernet juxta eorum regulas, & institutum, in quo potest, & debet esse satis instructus; & ideo Clemens V. in dicta Clementina solum dixit: *Cum rationi non congruat*, non vero dixit, *cum rationi repugnet, aut contrarium sit*. Congruitatis enim in hoc consistit, quod disparitas religionis non conciliat amorem, vel in Prælato ad religionem ipsam, vel in subditis ad ipsum Prælatum, nec etiam juvat dissimilitudo habitus: per se autem constat, hoc non esse necessarium impedimentum ex sola rei natura, nisi lex fuisset adjuncta. Imo etiam per legem posset aliis modis illi incommodo subveniri absque identitate professionis, argumento c. *Deus qui*, de vita & honest. clericor. ubi in casu necessitatis ad tollendum scandalum, & ad ædificationem proximorum, debent homines disparis professionis se conformare in unum honestum habitum, & propositum: sic ergo posset religiosus alibi professus eligi in Prælatum alicujus religionis, dummodo se illi conformaret in habitu, & exteriori modo vivendi, quantum ad unionem sufficeret. Quod significavit glossa ultima in c. *in nona*, 16. q. 7. & Panorm. d. c. *Deus qui*. Tandem confirmatur, quia antiqui canones statuebant (quod nunc etiam fieri potest ex dispensatione Pontificis), ut si in propria religione non inveniretur dignus, ex alia sumi posset. Supponitur ergo, posse esse personam ex se dignam ad tale munus, etiam si in eadem religione professus non sit: vel etiam supponitur, per excessum in aliis donibus compensari posse diversitatem illam professionis: ergo absque ulla dubitatione conditio hæc non est ex sola rei natura necessaria, etiam si ex se habeat congruitatem sufficientem, ut per legem humanam tamquam necessaria præcipi potuerit.

25 De prima etiam parte hujus conditionis idem dicendum censeo, scilicet, professionem personæ eligendæ in Prælatum non esse ex natura rei conditionem necessariam; esse tamen ita congruam, ut merito lex humana necessitatem addiderit. Hoc secundum a fortiori constat ex dictis: nam si professio ejusdem religionis habet illam congruitatem, multo magis professio absolute. Prior autem pars ex dictis in cap. primo manifesta est. Duo enim requiruntur in hujusmodi Prælato: unum est voluntaria subiectio subditi per traditionem, & votum obedientiæ: aliud est spiritualis jurisdictio. De primo constat posse religiosos, si velint, promittere obedientiam homini non professo, sed seculari clerico, non solum si sit Episcopus, de quo nullus dubitat, verum etiam, si Episcopus non sit, posseque Ecclesiam tale votum recipere, & approbare, quia non est per se malum, nec contra bonos mores, & in particulari posset esse utile. Idemque cum proportionem est de jurisditione: nam eadem ratione posset Pontifex (adeum enim hoc primario pertinet) eam conferre Prælato seculari, sicut olim eam habebant Episcopi. Dices, hoc ideo esse, quia Episcopi sunt in altiori statu, ut responder. Panormitanus in cap. *cum causam*, de Elect. num. 6. & bene quoad reddendam rationem juris communis, quæ pertinet ad congruitatem, & decentiam, non ad absolutam necessitatem, seclusa lege prohibente. Nec enim semper necesse est, ut Prælatus sit in eodem, vel altiori statu; satis enim est, quod persona ipsa sit sufficiens ad tale regimen: ita enim professus in religione laxiori propter qualitates personales posset, seclusa prohibitione positiva, assumi ad regendam strictiorem religionem: presbyter etiam

Tertia
pars:

An tota
lis hæc
secunda
conditio
requira-
tur ex na-
tura rei.

Responsio
authoris.

etiam est suo modo in altiori statu, quam Diaconus; & clericus in sacris, quam in minoribus, & nihilominus minores sæpe assumuntur ad gubernandos majores. Denique, quamvis lege ordinaria laicus non sit capax jurisdictionis spiritualis; nihilominus Pontifex de absoluta potestate posset illum conferre laico in personas Ecclesiasticas: neque id esset per se intrinsece contra legem naturalem, aut divinam, ut in tomo de censur. disput. 2. sect. 3. nu. 12. quamvis posset esse indecens, & scandalosum, & ita per accidens malum: ergo eadem vel majori ratione posset Pontifex conferre jurisdictionem clerico seculari in religiosos, quia non minor, imo fortasse major disparitas est inter laicum, & Ecclesiasticos, quam inter clericum secularem, & religiosos. Innocentius ergo præcipiens illam conditionem, affert legem divinam quasi in exemplum: nam illa divina lex etiam supposebat congruitatem in ipsa natura rerum, non absolutam necessitatem.

An in
professio-
ne requi-
ratur an-
tiquitas.

16 Quæri autem potest ulterius circa hanc conditionem, utrum requiratur aliquod tempus, seu antiquitas professionis in tali persona; vel statim post factam professionem eligi possit. Ratio dubitandi est, quia Concil. Trident. sess. 25. cap. 7. de Regularibus, statuit, ut Abbatissa non eligatur, nisi quæ octo annis post expressam professionem laudabiliter vixerit; vel si id fieri non potuerit, saltem quinque: ergo idem erit necessarium in Abbatibus, tum quia sub masculino genere solet comprehendi fœmininum: ergo & e converso: tum etiam, quia major auctoritas, & vitæ approbatio in Abbate, quam in Abbatissa videtur necessaria. Unde a fortiori id observandum erit in Generali religionis. Nihilominus dicendum est, necessarium non esse, ut aliquod certum tempus post professionem transeat, sed statim per ipsam professionem expressam reddi personam capacem hujus prælationis, quantum est ex hoc capite. Ratio est, quia nullo jure præscribitur illa conditio, & ex natura rei necessaria non est. Primum patet, quia in corpore juris nec de Abbatibus, nec de Abbatissis, nec de Prælatibus religionis in communi aliquid simile invenitur, aut ab authoribus refertur: decretum autem Concilii Tridentini potius ad oppositum induci debet, quia specialiter id statuens de Abbatissa, videtur relinquere Abbate in communi, & antiqua regula; ut in simili a gumentatur Abbas in cap. cum in cunctis, de Elect. num. 6. & sumitur ex glossa, ibi recepta in cap. indemnitate, de Electione, verb. Trigesimum, & verb. Non obstante, in fine. Unde, licet sub masculino genere comprehendi solet fœmininum, non tamen e converso: ut ad hoc propositum dixit expresse Abbas in cap. super inordinata, de Præbend. num. 8. cum glossa in Clementina Attendentes, de statu monachor. verb. Cecidisse. Et habetur expresse in scriptis, ff. de Legatis 2. ubi dissimilitudo rationis, fundata in usu verborum, ac decentia, assignatur. Exemplum enim (inquit) pefsimum est fœminino vocabulo etiam masculos contineri. Quoad rem vero est etiam facile differentiam assignare: quia virilis conditio perfectior est, & securior, & ideo non ita indiget hujusmodi temporis limitatione, aut conditione. Secundum autem & per se est facile, & ex dictis in superiori puncto cum proportionem ostendi potest, quia hæc antiquitas professionis, regulariter, ac moraliter loquendo, potest esse valde necessaria, ut possit quis more religionis diutius & melius expediti, quæ experientia moraliter necessaria est ad recte gubernandum: non tamen est conditio simpliciter necessaria ex natura rei, non solum ad capacitatem, verum etiam nec ad dignitatem personæ: quia illa experientia potest aliis modis suppleri, vel conditiones alie, & dotes personæ possunt esse tales, ut illum defectum compensent. Solum est cavendum, ne ita eligatur aliquis repente professus ad hujusmodi prælationem, ut illa jam vacante, ex seculari fiat religiosus, & proficiatur, ut ad prælationem promoveatur: hoc enim adeo est in jure reprobatur, ut talis electio irrita decernatur, in cap. Officii, de Electione, etiam in eo casu, in quo electus paratus erat purgare se, quod nulla fuisset ad id ambitione inductus, ut ibi dicitur, quia (ubi etiam subiicitur) ex his, quæ in continenti subsequuta sunt, ostenditur, quod talis taliter non possit eligi in Abbatem.

Suarez Tom. XV,

17 Occurrit autem circa illud caput dubitatio, an saltem prohibitum sit, statim post professionem aliquem eligere in Abbatem, vel Generalem: nam hoc videtur supponi in illo textu, cum tamen nullibi talem prohibitionem inveniamus, & alioquin definiri non possit, quantum tempus intercedere debeat. Unde etiam difficile est rationem addere, cur illa electio irrita declarata fuerit, quia ille defectus non erat per se sufficiens ex sola rei natura ad irritandam electionem, ut per se constat, quia illa celeritas vel etiam vera ambitio non affert secum incapacitatem, neque etiam ante illud caput invenitur jus Ecclesiasticum talem electionem irritans: quomodo ergo potuit irrita declarari? Propter hoc dicere posset aliquis, illum fuisse electum in Abbatem, priusquam esset professus, nam eodem die, quo receptus est in monachum, electus est in Abbatem, ut in integra dicitur. Sed authores non ita intelligunt hunc textum, & merito, tum quia monachum fieri in rigore magis significat professionem facere, quæ tunc fieri potuit statim primo die recipiendo habitum professionis, vel etiam expresse profitendo, & renunciando juri suo: tum etiam, quia nec talis ratio dubitandi proposita est, cum tamen futura esset potissima, nec Pontifex in illa fundatur, nec præcipit professionem facere, ut iterum eligi possit; sed solum, ut competenter instruat, & purgetur. Censeo igitur, electionem illam particularem non fuisse nullam ipso facto propter rationem allatam; & consequenter verba illa: Irritam esse decrevimus, & inanem, non significare sententiam tantum declaratoriam nullitatis, sed effectivam talis nullitatis, irritando id, quod factum erat, quia nvis non esset per se irritum: ad irritandum autem sufficiens ratio fuit vehemens ambitionis præsumptio, orta ex his, quæ in continenti facta sunt: nam ut in integra dicitur, eodem die, in quo monachus est effectus, fuit in Abbatem electus. Accessit etiã, quod illa persona non satis digna, & sufficiens reputata est, eo quod antequam esset discipulus, voluit esse magister.

Irritatio
de qua in
cap. Offi-
ci de E-
lect. fuit
facta, &
no tantum
declarata

18 An vero id statuerit Pontifex, ut in posterum similis electio sic facta sit irrita ipso facto, dubitari potest propter vim verborum: Irritam esse decrevimus, & inanem. Quæ ferri videntur non solum in illa electione, sed in omnem similem. Quod licet fortasse defendi possit, mihi tamen probabilius videtur, ibi legem statui, ut in simili casu possit, & debeat casari electio, prout ibi Innoc. indicat, & Hostien. quia verba textus non aliud in rigore postulant, & non sunt amplianda in materia rigorosa; at lex illa, ut respicit ambitionem, pœnalis est; ut vero fundatur in personæ insufficiencia, non est tamen evidens indignitas, ut sufficiat ad nullitatem. Hinc autem inferri videtur, quoties electio religiosi ad hujusmodi prælationem est nimis præmatura, etiam si post professionem fiat, posse irritari, & consequenter inferri, ut electio sit omnino rata & firma, necessarium esse, ut aliquod tempus a professione interjectum sit: hoc autem videtur præter consuetudinem, & contra rationem, quia nullum certum tempus ibi designatur, nec designari potest.

An etiam
irritet in
posterum
similes
electiones

19 Dicendum tamen est, in primis ibi non tantum considerari breviteratem temporis post professionem, sed subitam mutationem a seculari statu usque ad prælationem, addita etiam illa circumstantia, quod mutatio facta est vacante Abbatia. Nam ex his omnibus simul sumptis & ambitio, & insufficiencia valde præsumitur; ideoque quoties similes circumstantiæ occurrerint, irritandam esse electionem: quod adeo verum est, ut sine dispensatione Papæ fieri, & confirmari non possit, ut ibidem significatur, ut recte Panor. notavit. Nihilominus addo, nunc, moraliter loquendo, nunquam esse irritandam electionem propter celeritatem ejus, post legitimam professionem electi, nisi aliunde manifeste redderetur in personæ electæ insufficiencia, & indignitatem. Probatur ex eo d. cap. verbis illis: Verum postquam fuerit in regula competenter instructus. Ubi glossa, & Doctores ad summum requirunt annum ad hujusmodi instructionem, vel committendum dicunt prudenti arbitrio: nunc autem ad professionem faciendam prærequiritur annus integer religionis, in quo, si persona sit tantæ capacitatis, ut sit digna prælatione, profecto etiam poterit competenter instrui in regula religionis: ergo,

D 4

nisi

nisi persona alioquin sit indigna, vel ambitio, aut vehementer præsumptio ejus intercedat, sola ratio, seu brevitatem temporis post professionem, non infirmat electionem, ut ob eam causam cassari possit. Quod sensit Fredericus de Senis conf. 258, cum Joan. Andr. in cap. *cum ad nostram*, de elect. ubi Additio ad Panorm. idem notat.

Tertia conditio Sacerdotium.

20 Tertia principalis conditio necessaria in persona eligenda ad prælationem religionis, præsertim supremam, est, ut sit sacerdos, ex cap. 1. de ætate, & qualitate. Certe est autem, hanc conditionem non esse requisitam jure divino, vel naturali, quia nullam habet intrinsecam connexionem cum tali munere, vel positivo, quia nullum est de hac re scriptum, vel traditum. Deinde si in hoc munere præcise spectemus potestatem dominativam, & subordinationem religionis, ortam ex votis & professione, etiam ex communi, & antiquo jure Ecclesiastico, non esset necessaria hæc conditio; imo nec alicujus ordinis, vel primæ tonsuræ: quia cum illa potestas non sit jurisdictionis spiritualis, sese non requirit ordinem, vel inchoationem ejus. Sic enim antiqui Abbates nec sacerdotes, imo nec clerici erant, ut colligitur ex c. *a Subdiacono*, d. 93. præsertim prout a Gratiano legitur: & ita ex illo colligit glossa in c. *tuam*, de ætat. & qual. & Panorm. in c. 1. de ætat. & qual. Quamvis in ipso can. 7. Concilii Romani, sub Sylvest. prout in 1. tom. Conciliorum refertur, nulla fiat Abbatis, aut Monachi mentio: tamen ex aliis decretis 18. q. 2. idem colligi potest. Et fortasse verum est, etiam si inter religiosos subditos aliqui sint sacerdotes: quia ex vi illius potestatis non subduntur, ut sacerdotes, nec quoad actus jurisdictionis, sed quoad disciplinam religionis; nec in eo esset intrinseca indecentia: quia quoad illum modum regiminis magis consideratur æqualitas professionis, & super omnia perfectio virtutis, & ita credo sæpe contigisse in antiquis religiosis: nam Equitius, Pachomius, Antonius, qui presbyteri non fuerunt, nec fortasse clerici, in suis monasteriis presbyteros aliquos sibi religiose subditos habere potuerunt. Et S. Franciscus sacerdos non fuit, ut refert Bonav. in expositione suæ Regulæ, c. 7. & fortasse in principio suæ religionis nec clericus fuit, quantum colligi potest ex discursu vitæ ejus, quam Bonaven. scribit, & tamen etiam tunc nonnullos religiosos sacerdotes habuisse in sua religione, licet paucos, refert Bonav. d. c. 7. At vero considerando in Prælatu religionis spirituales potestates, ex generali lege canonica necessarium est, & sufficit, ut sit clericus, quia laicus etiam religiosus non est capax spiritualis jurisdictionis, ut supra dixi. Quod autem sit sacerdos, non videtur necessarium, quia quicumque ordo, etiam prima tonsura, sufficit, quantum est ex generali ratione spiritualis potestatis. Nec etiam ex speciali ratione jurisdictionis religionis videtur hæc conditio necessaria, aut aliquo jure præscripta: nam in d. c. 1. de ætat. & qual. solum mandatur, ut *Abbas, Decanus, & Præpositi, qui presbyteri non sunt, presbyteri fiant*; illa tamen non ponitur, ut conditio necessaria, ut eligi possint ad tales dignitates, nec de religiosis aliquid ibi speciale dicitur. A hinc D. Franciscum fuisse Generalem sui Ordinis, qui tamen sacerdos non fuit, ut dixi: idemque Sanctus in sua Regula statuit, ut conversi sui Ordinis sine ordinibus sacris possint esse Prælati.

21 Dicendum ergo censuo, conditionem hanc in tantum esse jure communi necessariam in persona eligenda ad hanc prælationem, in quantum in omni persona, cui cura animarum committitur, seu confertur beneficium, aut dignitas habens annexam hanc curam vel obligationem, postulat. Ratio est, quia nullo speciali jure imposita est circa hoc major obligatio, vel necessitas. De jure autem communi necessarium non est, ut qui promovetur ad curam animarum habendam, sit jam sacerdos, quando promovetur; sed satis est, ut per promotionem ipsam seu beneficium obligetur ad sacerdotium sui aptum. Quod notavit Abbas in d. c. 1. de ætat. & qual. & colligitur ex eodem textu, & ex *præterea*, eod. tit. & c. *si pro clericis*, de Præben. in 6. licet ergo in præsentem, quamvis religiosus professus nequid ordinatus sacerdos, in Prælatum religionis elegeretur, jure communi non esset irrita electio, nec

irritanda, quia nullum haberet juris defectum: tenebatur autem sic electus debito tempore ordinari, tum ex d. c. 1. ubi nomine Abbatis omnes intelligunt comprehendendi Prælatum religiosum, nomen etiam Præpositi proprie illi convenit. Ratio vero est, quia nunc Abbates seu Prælati religionum habent propriam curam animarum: necessarium autem est, ut pastores animarum sacerdotes sint, quia aliis nec poterunt per seiplos subditis peccata remittere, neque pro eis offerre, aut Eucharistiæ sacramentum tribuere: quod magnum inconveniens est, quia deesset illis potestas ad præcipua munera sui officii, cui non semper possunt per alios convenienter satisfacere; & præterea postquam in religionibus quamplures & præcipui sunt presbyteri, indecens profecto esset, Prælatum non esse sacerdotem. Quæ ratio, moraliter loquendo, probat, etiam ante electionem esse debere sacerdotem; ex decencia tamen, & ex communi cursu rerum, non ex necessitate, quia de hoc nulla est lex.

22 Dici vero potest, regulariter necessarium esse, ut eligendus sit ordinatus in sacris: ita colligitur ex c. *tuam*, de ætat. & qual. ibi: *Cum instante necessitate articulo, possit in Abbatem assumi, etiam in minoribus ordinibus constitutus*. Nam per argumentum a contrario colligitur, extra articulum necessitatis debere esse ordinatum in sacris, qui Abbas constituitur, & ita notat ibi Panorm. nam si ob necessitatem potest fieri Abbas, qui non est ordinatus in sacris: ergo extra necessitatem, atque adeo regulariter non poterit eligi nisi ordinatus in sacris. Verumtamen satis probabile est, quod & glossa ibi indicat, ibi esse sermonem de irregulari, qui non potest in sacris ordinari, ut indicant illa verba textus: *Instituas in Abbatem, ita videlicet, quod ad sacros ordines non ascendat*. Unde fit, ut ibi appelletur non constitutus in sacris non omnis ille, qui actu non est ordinatus, sed qui nec potest etiam ordinari: unde glossa ultima advertit, Pontificem per illa verba: *Cum instante necessitate*, &c. respondere tacite objectioni, quomodo fieri possit Abbas, qui non potest fieri sacerdos: ergo non sola privatio actualis, sed incapacitas consideratur. Unde ex illo textu solum colligitur, irregularem ad sacros ordines non posse jure ordinari eligi in Prælatum religionis: sequitur quod hoc ex præcedenti assertionem, nam eo ipso, quod obligatur ex vi muneris ad sacros ordines, non potest ad illud eligi, qui ad eos est impeditus. Quæ vero necessitas sufficiat, ut non obstante hac irregularitate, quis eligatur, & an tunc etiam requiratur dispensatio, paulo inferius dicemus.

23 Ultimo vero circa hanc conditionem addi potest, necessarium esse, ut eligendus ad prælationem regularem, præsertim supremam, clericus ordinatus sit, saltem in minoribus ordinibus, seu aliquo eorum. Hoc aperte colligitur ex d. c. *tuam* ibi: *Cum instante necessitate articulo, possit in Abbatem assumi etiam in minoribus constitutus*. Et ratio supra tacta est, quia laicus quominus seu non clericus non potest rite eligi ad dignitatem Ecclesiasticam, quia non est capax ejus, ut sæpe dictum est: nemo autem eligi potest ad id, cujus non est capax. Adeo, ut in c. *contingit*, de arbitris, dicat Innoc. III. *Generaliter prohibemus, ne super rebus spiritualibus compromittatur in laicum*; & idem in c. 2. de Judicis, prius dicitur laicos non posse tractare Ecclesiastica negotia; postea vero additur: *Sed Episcopi, Abbates, &c.* ubi supponitur, Abbates non posse esse laicos, ut sint apti ad res Ecclesiasticas tractandas: & quoad hoc, ut Abbas notat, mos, seu jus antiquum immutatum est. Et ratio fundamentalis est, quia olim Abbas monachorum non habebat jurisdictionem spirituales. Quæri vero potest, an sufficiat prima tonsura, quia in d. c. *tum*, dicitur: *In minoribus ordinibus constitutus*; cum tamen prima tonsura ordo non sit. Dico tamen sufficere, quia intentio juris solum est, ut sit clericus, & capax spiritualis jurisdictionis.

Quarta conditio carentia irregularitatis.

24 Quarta principalis conditio assignari potest, ut eligendus in Prælatum irregularis non sit. Sed sciendum est, irregularitatem proprie ac per se primo recipere ordines, est enim inhabilitas quædam ad ordines recipiendos: hic autem sermo est de irregularitate latius sumpta, ut dicit etiam inhabilitatem ad beneficium Ecclesiasticum, vel prælationem. Quia vero beneficium,

Necessarium vero est, ut habeat saltē primam tonsuram.

Hæc sacerdotii conditio nullo jure postulat, sive potestatem dominativam spectes, cum non sit jurisdictionalis.

Sive spirituales jurisdictionis, cum sit laica, prima tonsura.

Postulat tamen dicta tonsura, cum sit conditio, saltē potestatem dominativam spectes, cum non sit jurisdictionalis.

ac prælatio supponit aliquem ordinem, ideo irregularitas simpliciter consequenter est impedimentum ad Ecclesiasticam prælationem: nam irregularitas simpliciter est, quæ impedit omnem ordinem, & consequenter usum ejus, & quidquid talem ordinem, & usum requirit. Nam qui ad aliquid est inhabilis, consequenter fit inhabilis ad id, quod est illi connexum, ut dicit Glossa in cap. *fundat*, d. 50. verbo *ut tale beneficium*, & Navar. cap. 27. num. 251. An vero illa irregularitas, quæ non impedit omnem ordinem, sed aliquem, v.g. sacerdotium, aut ordinem sacrum, impedit omnino hujusmodi electionem, dubitari potest. Verumtamen idem judicium in hac questione dari debet, quod de electione ad quodlibet aliud beneficium facta de persona irregulari, de qua diximus in propria materia disput. 40. sect. 2. num. 30. esse nullam ipso jure; ideo ergo est in præsentia, quia hæc prælatio regularis esto non sit proprie beneficium quoad temporale annexum; est tamen quoad jus spirituale circa curam animarum, & in omni rigore est dignitas ac prælatio. Verum est regulam illam maxime procedere de irregularitate simpliciter; si tamen res attente consideretur, hic non est necessaria distinctio inter irregularitatem partialem, & totalem: quia si irregularitas est præcise ad sacerdotalem ordinem, hoc satis est, ut per se loquendo impediatur electionem personæ ad hujusmodi prælationem, juxta dict. cap. *tuam*, & juxta dictam regulam generalem, de his, quæ inter se connexa sunt: nam secundum ordinarium jus, hujusmodi Prælati debet esse sacerdos, & ideo eo ipso, quod est irregularis ad sacerdotium, impeditur, ne eligi possit. Quod si sit irregularis ad aliquem inferiorem ordinem, eo ipso est irregularis ad omnes superiores, ut ex propria materia constat; & ideo perinde impedit.

Possitne eligi, qui est irregularis solum ad Episcopatum.

25 Solum posset excogitari irregularitas, seu inhabilitas ad solum Episcopatum, & non ad sacerdotium: & de illa concedendum est, non esse impedimentum ad hanc electionem, quia nec directe prohibet hanc prælationem, ut supponitur; nec propter connexionem, quia ad hanc prælationem non est necessaria dignitas Episcopalis. Dices: est saltem necessaria jurisdictio Episcopalis. Respondeo, per talem irregularitatem directe prohiberi consecrationem Episcopalem; jurisditionem autem solum consequenter, quatenus consecrationem supponit. Imo, licet non sit irregularitas in hac proprietate, sed pœna inhabilitatis ad dignitatem, seu jurisditionem Episcopalem, non esset extendenda ad hanc jurisditionem quasi Episcopalem, qualis est in Prælato religionis, etiam supremo: quia pœna non est extendenda ultra rigorem verborum, in rigore autem illa dignitas non est Episcopalis. Unde secus erit, si inhabilitas non limitetur ad illam dignitatem in specie, sed extendatur ad prælationes, vel dignitates Ecclesiasticas in genere, tunc enim sine dubio comprehendet hanc, de qua tractamus.

Electio impediti irregularitate partiali non est ipso jure irrita.

26 Una vero differentia assignari potest inter irregularitatem integram, seu ad omnes ordines, & partialem ad aliquos tantum ex superioribus: quod prior ita reddit personam inhabilem, ut electio de illa facta, eo ipso irrita sit, quia est incapax jurisditionis spiritualis: at vero irregularitas partialis, v. g. ad sacerdotium, vel sacros ordines, licet impediatur, regulariter loquendo, electionem, non tamen reddit illam ipso jure nullam: quia non reddit personam incapacem jurisditionis spiritualis, & alioquin nullum est jus expresse irritans talem electionem, neque ex vi solius connexionis sequitur irritatio ipso jure, sed solum quod possit irritari: quia conditio sacerdotii, ut dixi n. 21. non est necessaria antecedenter, sed solum consequenter. Et hoc etiam potest aliquo modo colligi ex d. cap. *tuam*, dum significat, in necessitate posse eligi hujusmodi irregularem: in quo videtur supponi, illum non esse absolute incapacem talis dignitatis. Unde etiam probabile est, in eo casu non esse necessariam dispensationem ab homine concessam ad talem electionem, quia satis conceditur ex vi illius juris: & ita intelligo, quod Panormitanus, & alii ibi dicunt, talem personam tunc assumi dispensative, scilicet concessione, aut interpretatione juris.

27 Nihilominus tamen, ut talis electio rara, &

firma maneat, necessarium erit, ut vel superior dispenset in tali irregularitate, vel confirmet, aut consecrat talem prælationem cum facultate retinendi, & administrandi illam absque sacerdotio, vel ordinibus sacris. Quocirca, si quis prædicto modo irregularis eligetur ad hujusmodi prælationem, etiam sine necessitate, & postea priusquam cassaretur electio, obtineret dispensationem irregularitatis, fortasse jam non posset irritari electio, quia electio fuerat valida, licet infirma, solum ratione impedimenti, ad debitum usum, & ad explendam obligationem talis dignitatis: ablato ergo impedimento, roboratur (ut sic dicam) & firma manet electio. Maxime cum nullum sit jus, quod directe præcipiat illam irritari, nisi existente iusta causa impediens sacrum ordinem, argumento cap. 1. de ætat. & qualitat.

Irritabitur tamen, nisi debito modo validetur.

28 Jam vero occurtebat hic dicendum in particulari de nonnullis conditionibus, quæ personam frequentius solent reddere inhabilem ad hujusmodi electionem; ut præcipue sunt, defectus natalium quoad ortum illegitimum; defectus originis ex radice infecta macula hæresis, apostasie, vel Judaismi, aut alterius sectæ damnatæ, & infamia. Sed de his omnibus dixi late in materia de Irregulari. disput. 43. 48. 50. neque hic aliquid novum notatu dignum occurrit: nisi hoc solum, quod esse illegitimum impedit jure communi; juxta cap. 1. de filiis Presbyteri, ex quo plane habetur, etiam post professionem religionis durare hoc impedimentum. An vero per Superiorem religionis dispensari possit, consulenda sunt specialia privilegia, nam jure communi non potest: de quo infra a cap. 12. nonnihil attingemus. Secundum autem defectum non constat impedire ex vi solius juris communis, & ideo specialia jura religionum, vel Provinciarum consideranda sunt, & servanda. De tertia glossa in d. cap. *tuam*, verbo *Non ascendat*, dicit, infamiam non impedire Abbatie prælationem: citat cap. *accedens*, d. 50. ubi Saturninus quidam Presbyter, qui pro crimine a sacerdotii ordine erat dejectus, sollicitudinem de monasteriis gerere, & in eodem statu manere permittitur; sed si infamia talis sit, quæ reddat personam irregularem ad sacerdotium, consequenter impedit hanc prælationem, ut dictum est, quia conjuncta est cum ordine sacerdotali: decretum autem illud Gregorii procedit juxta antiquum jus, in quo Abbates esse poterant non ordinati; & ideo irregularitas ad ordines per se non impediens prælationem, nisi in casibus expressis. Eo vel maxime, quod non constat Saturninum illum fuisse Abbatem: imo verisimilius est tantum habuisse ministerium temporale, seu procuracionem quorundam monasteriorum, ut bene exponit Turrescremata ibi. Qui censet, etiam eo tempore non potuisse irregularem a sacerdotio, esse Abbatem; quia non posset curam animarum monachorum exercere. Et ex illo quidem textu aliud non colligitur, ut bene ipse explicat: tamen ratio ejus non cogit, quia tempore Gregorii poterat esse Abbas sine ordinibus sacris, ut supra cap. 1. num. 3. ostensum est ex 1. Dialogo, cap. 4. & aliis testimoniis. Nihilominus verisimilius est, infamem secundum jus Canonicum nunquam potuisse esse Abbatem, quia id est valde indecens, & repugnans tali muneri: nunc autem multo certius, id est, quando hæc est propria spirituali prælatio. Sed de hac infamia videnda sunt, quæ late tradidimus in fine 5. tom. disp. 48.

CAPUT IV.

De conditionibus eligentium dictum Generalem.

I Hactenus dictum est de conditionibus requisitis ex parte eligendi: nunc dicendum secundo loco superest de eligentibus, quod brevius expediri potest. Primo enim dicendum est, electionem hanc pertinere ad ipsammet religionem, nam secundum commune jus eligere Prælatum alicujus congregationis, ad ipsam congregationem spectat, cap. 1. de electione, & cap. 2. 3. 4. & seqq. 18. quæst. 2. ubi specialiter de monachis agitur: & sicut statuitur, ut Abbas de eadem congregatione eligatur, ita etiam quod ab eadem congregatione. Atque hoc jus commune maxime receptum

Prima assertio, seu conditio, ut eligentes sint de ipsa Religione.

prum est in omnibus religionibus secundum jura specialia quoad supremam prælationem totius religionis, quia in illa erat moraliter necessaria electio, ut supra ostendi cap. præced. num. 2. non erat autem expediens, ut esset ab externis, ut per se notum est. Quid autem requiratur, ut hæc congregatio ad hunc finem, seu effectum legitima sit, maxime attendendum est ex conditionibus requisitis in singulis eligentibus, de quibus statim, & in authentica, ac sufficiente eorum convocatione, quæ maxime pendet ex propria institutione, & modo singularum religionum. Nam in unaquaque debet convocatio fieri ab eo, qui ad illud munus deputatus est, auctoritatemque habet ab ipsa religione, & similiter convocandi sunt omnes etiam, qui juxta statuta uniuscujusque religionis suffragium in illa habere possunt.

2 Secundo dicendum est, hujusmodi eligentes debere esse professos ejusdem religionis, non tamen esse necessarium, ut sint expresse professi. Prior pars certa est ex eisdem juribus citatis, 18. q. 2. ubi monachis committitur sui Abbatis electio: *Quem sibi* (ait Gregorius ibi cap. 5.) *propria voluntate concors fratrum societates elegerit*: nomine autem fratrum intelliguntur, qui jam per professionem facti sunt religiosi. Expressum vero jus est in cap. *ex eo*, §. *in Ecclesiis*, de Elect. in 6. & in cap. *indemnitatibus*, idem circa electionem monachalium præcipitur, ubi glossæ & Doctores conveniunt. Denique ita habet omnium religionum consuetudo. Ratio etiam id exigit, quia novitius non est verum membrum illius corporis: ergo nec jus eligendi habere potest. Præterea rationes fere omnes, propter quas novitius non potest eligi in Abbatem, probant non posse eligere. De quibus videri potest cap. *cum in magistratum*, de Electione, scilicet quia non debet esse prius magister, quam discipulus; & quia novitius non satis est expertus religionem, nec potest habere sufficientem notitiam personarum. Alteram partem docet expresse glossa in cap. *nullus*, & in cap. *ex eo*, verb. *Tacite*, & cap. *indemnitatibus*, verb. *Tacite*, de Elect. in 6. & probatur sufficienter ex dictis juribus: nam in primo solum postulatur expressa professio in eligendo; tacetur autem de electore; jus autem novum non mutat, vel limitat antiquum, nisi in eo, quod exprimitur in aliis vero juribus expresse requiritur sub disjunctione professio tacita, vel expressa: ergo quælibet earum sufficit. Ratio autem est, quia utraque est vera professio. Dices: Cur potius in eligendo, quam in electore requiritur, quod professio fuerit expressa? Respondetur, hoc pendere ex jure positivo, & ideo voluntatem legislatoris esse nobis pro sufficienti ratione: illum autem movere potuit, quia plus multo est eligi in Prælatum, quam eligere, ideoque plures conditiones in eo requiruntur. Item, quia, ut quis habeat jus eligendi, satis est, quod vere ac substantialiter sit membrum communitatis, seu religionis: quod non minus tenetur perpetuo obedire Prælati, quam reliqui; hunc autem statum tam vere, ac proprie habet per professionem tacitam, sicut per expressam; ut autem eligatur in caput, id satis non est, propter alias rationes superius allatas.

3 Terrio dicendum est, necessarium esse, ut electores sint clerici, & in sacris constituti. Prior pars probari potest ex d. cap. *ex eo*, §. *in Ecclesiis*, de Elect. in 6. ibi: *Conversi laici cum clericis electionibus interesse non debent* (scilicet) *in Ecclesiis regularibus, vel monasteriis*; circa illa autem verba advertit glossa, ex vi illorum non excludi monachos professos, etiam non ordinatos, si ad ordines tendant, quia illi non vocantur *conversi*, sed propriissime monachi: unde quamvis protine sint laici, id est, nondum clerici ordinati, nihilominus non possunt dici *conversi laici*; non ergo sub illis verbis comprehenduntur. Et ad hoc confirmandum refert varia jura, quæ solum probant, per nomen *monachi* comprehendendi fratres non clericos; quod satis a nobis est in superioribus confirmatum. Imo juxta morem antiquum, etiam nuncquam ordinati essent, *monachi* vocabantur: quin etiam nunc existimo interdum accipi hanc vocem in tam lata significatione, ut *conversi* vere professos comprehendat, cap. *canonica*, de sent. excommunicat. At vero e con-

tratio nomen *conversi* re vera non solet attribui monachis ex eo tantum, quod ordinati non sint, sed ex eo, quod sunt in gradu, in quo ad ordines non deputantur, licet sint vere religiosi, Geminianus in cap. *exceptio-nem* de privilegiis in 6. & alii communiter. Quocirca stando in proprietate dictorum verborum, videtur vera sententia glossæ, quam sumpsit ex Innocentio in cap. 2. de institutionibus, & idem sentiunt Abbas, cap. 1. de Procuratoribus, num. 9. Felinus in cap. *non dubium*, de sent. excomm. num. 3. verbi. *Secunda conclusio*. Diceret vero aliquis, saltem præsuppositivè colligi hanc partem ex illo textu, quatenus dicit, *conversos laicos non esse admittendos ad electionem simul cum clericis*: supponere enim videtur faciendam esse a clericis. Sed hoc etiam non cogit, nam licet supponat, ubi sunt clerici, faciendam esse ab illis; non tamen a solis illis: nam, si hoc supponeret, non oporteret decretum facere de excludendis conversis laicis: unde potius retorqueri potest argumentum in contrarium, colligendo ab speciali, vel ex illo principio, quod *exceptio firmat regulam in contrarium*: nam ibi Pontifex volens excludere eos, qui cum clericis admittendi non sunt ad electionem, solum excludit conversos laicos: ergo virtute admittit omnes alios professos, qui monachi sunt, & non tantum conversi. Et inter eos potest optima ratio differentię assignari: nam alii religiosi, quamvis non sint ordinati, possunt esse literati, & majorem rerum notitiam habere, quæ ad hujusmodi electionem solet esse necessaria.

4 Igitur ex antiquo jure nihil invenio, quod illam priorem partem sufficienter probet: imo Innocentius supra aperte dicit, jus eligendi cadere in monachum laicum. Et idem sentit Panorm. cap. 2. de Institutionibus, num. 5. Quorum sententia maxime procedit secundum jus antiquum, quando monachi, etiam ipsi Abbates, erant laici; tunc enim clarum est, electionem Abbatum potuisse fieri a monachis laicis, etiam si inter eos essent aliqui clerici; quia hoc erat accidentarium; & quia per talem electionem non conferebatur jurisdictio spiritualis, ut supra declaravi. Nunc autem quando Abbas religionis est proprius Prælatus, & jurisdictionem spirituales habet, videtur ex alio principio requiri, ut eligentes omnes clerici sint, quia jus eligendi ad hujusmodi prælationes non cadit in laicum, ut dicitur in cap. *sacro sancta*, & cap. *Massans*, de Electione. Et quamvis illi textus possint intelligi de laicis omnino secularibus, quia in casibus illorum textuum de illis erat sermo, & rationes etiam ad illos maxime pertinent; nihilominus cum hæc electio munus quoddam spirituale sit, videtur satis probabile, regulam ipsam extendendam esse ad omnes laicos. Quia, ut supra notavi, & in initio materiæ de Censuris, cum jura dicunt, spirituales administrationem, vel electionem non esse committendam laicis, laicorum nomine comprehenduntur etiam religiosi non ordinati: ergo, cum hæc electio sit aliquo modo actus jurisditionis, vel saltem administrationis spiritualis, videtur ab illa excludendi omnes laici, quantumvis monachi sint. Et consequenter posset probabiliter sustineri, ad eos etiam extendi dict. cap. *ex eo*: nam, licet conversorum nomine in rigore non veniant monachi; nihilominus quæ negantur conversis, non quia conversi sunt, sed quia laici sunt, videntur consequenter negari etiam laicis; hujusmodi autem videtur esse in præsentia actus eligendi spirituales Prælatus: non enim negatur conversis eo, quod ad inferiora, & temporalia officia sint destinati; id enim humilitati religiosæ consentaneum non esset, nec solum vel præcipue, quia non sunt literati, quia hoc ex se non obstat hujusmodi electionibus, sed maxime necessaria est prudentia, & experientia, quæ in his conversis sæpe non est, & multis clericis deesse potest, imo & scientia, seu doctrina. Negatur ergo, quia *laici* sunt; hæc enim est proprie, & per se causa, quam jus debet attendere: ergo quoad hoc comprehenduntur omnes religiosi, seu monachi, qui laici sunt.

5 Certius autem probatur illa prior pars simul cum posteriori ex Clement. Ut ii, de stat. & qual. ubi Pontifex statuit: *Ut nullus de cetero in Ecclesiis Cathedralibus, vel collegiatis secularibus, vel regularibus vocem*

Secunda assertio, ut sint professi.

Dubium explicatur.

Instantia remove-tur.

Unde nunc sus-cedi pos-sit.

in Capitulo habeat, etiam si hoc sibi ab aliis libere concedatur, nisi saltem in subdiaconatus ordine fuerit constitutus. Quod decretum comprehendit sine dubio monasteria regularium, qui ad divina officia destinati sunt, & eorum Capitula, ut ex ipso textu constat, & ex omnium expositione. Unde sita fortiori comprehendi sub hac lege capitula Provincialia, vel Generalia talium religionum: nam, si particularis Conventus est proprium regulare collegium, ratione cujus talis Ecclesia collegiata dicitur; multo magis tota provincia, vel tota religio constituit unum Collegium, cujus Capitulum in hac decisione comprehendatur. Deinde, per hoc decretum excluduntur omnes non ordinati in sacris, ne vocem in Capitulo habeant, & consequenter ne possint eligere; nam hæc est una, & forte potissima ex his vocibus, quæ haberi possunt in Capitulo. Loquitur autem specialiter illa lex (quantum ad nostrum propositum nunc spectat) de propriis monachis, seu religiosis, qui ad divina officia sunt destinati, quique ex vi sui gradus debent ad sacros ordines promoveri, ut patet ex principio, & ex ratione illius textus: *Ut ii, qui divinis officiis sunt mancipati, vel mancipabuntur in posterum, ad suscipiendos sacros ordines propensius inducantur, &c.* Unde colligit Panormitanus, ex vi illius textus non excludi a Capitulo conversos, quia illi non sunt divinis officiis destinati; sed ad nostram præsentem quæstionem id non refert, quia non agimus de privatione vocis in Capitulo quoad omnes actus, sed solum quoad electionem, a qua jam supponuntur exclusi conversi ex alio capite.

Primum dubium circa prædictam conditionem movetur. 6 Inquirunt autem ibi glossa & Doctores duo, quæ breviter expedite necessarium est. Primum est; Quid si aliquis non erat ordinatus in sacris tempore vacationis, tempore autem electionis jam ordinatus sit? Respondetur, posse habere suffragium, quia ille est habilis tempore electionis, & hoc sufficit; nec enim in illo capite postulat, ut ante vacationem sit ordinatus, sed solum, ut non admittatur in Capitulum, nisi sit ordinatus: quod variis juribus confirmant glossa & Panormitanus ibi. Sed ratio facta est sufficiens. Ob quam etiam, si quis non esset professus tempore vacationis, tempore autem electionis jam esset professus, posset, & deberet ad electionem admitti, quantum est ex hoc capite: quia nullo jure statutum est, ut professio antecederet vacationem, neque etiam quod professio debeat antecedere electionem certo aliquo tempore; sed solum quod facta sit, ut patet ex d. cap. ex eo.

Secundum dubium, cui per distinctionem fit factis. Primum membrum distinctionis. 7 Altera dubitatio est, quid sit dicendum de eo, qui ordinatus sit in sacris ante legitimam ætatem; videtur enim esse inhabilis ad electionem, quia lex postulans ordinem sacrum, consequenter postulat legitimam ætatem ad illum; ergo, quidquid horum deficiat, non sit persona habilis. Respondetur, duobus modis posse aliquem ordinari in minori ætate: primo ex privilegio, atque adeo legitime, & tunc non dubito, quin talis persona possit habere suffragium, quia habet omnia requisita ab hac lege, & modo licito absque ulla culpa. Item, ille non solum recipit ordinem, sed etiam executionem ordinis: ergo. Nec ratio facta obstat, quia hæc lex non postulat directe & per se ætatem, sed supponit illam, quantum a lege postulat. Unde sit, ut licet diversis temporibus leges canonicæ majorem, vel minorem ætatem requisierint ad subdiaconatum, quælibet earum sufficiens fuerit ad habendam vocem in Capitulo, supposito ordine: ita ergo si per dispensationem minor ætas sufficit ad illum ordinem, sufficit etiam ad habendum suffragium. Alio modo potest quis ordinari ante ætatem legitimam illicite ac subreptitè, & tunc certum est jure posse privari suffragio per sententiam, quia potest suspendi: an vero sit ipso jure privatus, & inhabilis ad talem electionem, pendet ex generali quæstione, an sit ipso jure suspensus, quam tractavi late in tom. 5. disput. 31. sect. 1. a nu. 22. agens de suspensione, licet enim juxta antiquum jus non esset ipso facto suspensus, sed suspendendus, ut affirmat Panormit. dict. Clement. num. 8. nihilominus juxta novum jus ipso facto suspensus manet, & hac ratione inhabilis ad electionem. Est autem advertendum, hanc suspensionem esse specialem pœnam, quæ si per aliam legem imposita non esset, ex vi dictæ Clementi-

næ non induceretur. Unde si quis propter bonam fidem excusaretur a culpa in tali ordinatione, & consequenter a pœna, posset tuta conscientia ferre suffragium, quia revera habet conditionem ordinis sacri requisitam in dicta Clementina, & nullum habet impedimentum canonicum: nam defectus ætatis per se non est impedimentum ad electionem, esto sit impedimentum ad executionem ordinis, si ante impletam legitimam ætatem cognoscatur. Quia, ut dixi, lex nihil de ætate disponit in ordine ad electionem. Et ita tenet expresse Panorm. cum Paulo contra quandam gloss. d. n. 8.

8 Tandem quæri hic potest, an hæc conditio sit de substantia electionis, ita ut suffragium datum a non ordinato in sacris, nullum sit, vel solum sit prohibitum. Sed hoc nullam habet dubitationem, si illa verba expendantur: *Nullus vocem in capitulo habeat, nisi, &c.* nam illa verba non solum prohibent, sed etiam tollunt omnem facultatem & potestatem, ideoque non est dubium, quin tale suffragium nullum sit, quia persona est inhabilis ad illud ferendum. Quod non solum est verum, quando ipsa persona per fraudem se ingerit, sed etiam, si a toto Capitulo admittatur, ut ibi glossa notavit, verb. *Concedatur*, & verb. *Nullo modo*. Et probatur sufficienter ex verbis illis textus, *etiam si hoc sibi ab aliis libere concedatur*, quia per hæc verba irritatur talis concessio, quandoquidem ea non obstante, alius remanet sine voce in Capitulo ex vi illius legis. Imo addit glossa ibi, neque Episcopum posse in hoc dispensare, quod verissimum credo; sed id omitto, quia in præfenti casu nunquam potest occurrere necessitas talis dispensationis; & eadem ratione omitto casum alium, si coningeret nullum esse ordinatum in sacris: nam in præfenti contingere non potest, agimus enim de religionibus monachorum, & clericorum prout nunc sunt in usu Ecclesiæ: nam si quæ sit religio mere laicorum, ut potest esse militaris, vel hospitalaris, & in illa fiat electio, non esset necessaria hæc conditio, ut omnes Doctores advertunt in d. cap. ex eo, & dicta Clem. de etat. & qual. & ex ipsis juribus satis colligitur.

9 Quarta conditio generalis assignari potest, ut elector non sit per excommunicationem, vel aliam similem censuram, aut Ecclesiasticam inhabilitatem suspensus a munere eligendi, quod generale est omnibus electionibus Ecclesiasticis, de qua in disput. 14. de censur. sect. 2. a nu. 6. & ideo illam omitto. Videri potest Abbas in cap. illa quotidiana, num. 7. & in cap. Cumana, in fin. de Elect. & in cap. ult. de Procurat. num. 3. ubi late tractat aliam quæstionem, an inhabilitas unus electoris reddat nullam totam electionem; vel iudicetur propter habiles, quæ etiam generalis est, & ideo illam omitto. Pro regula enim tenendum est: *Utile per inutile non vitiari*; & ita in præfenti inhabilitas unus, vel alterius non nocet, quando alii non consenserunt, nec voluntarie admiserunt excommunicatum, vel alium similem, cujus defectum supplere non poterant; tunc enim conspiratio illa reddet vitiosam totam electionem, non vero privata malicia unus. Et ita cessat nunc quæstio, quam late tractant Innoc. Jo: Andr. Panorm. & alii dictis locis, si excommunicatus sit occultus, an possit, ratione illius, irritari electio: nam hodie facile hoc expeditur, juxta Extravag. *Adevitanda*, quæ nullum favorem concedit excommunicato, concedit autem aliis, ne illum vitare teneantur. Et ideo ille semper peccat, se ingerendo ad electionem: alii vero non peccant illum, non reprehendendo, quamvis possint, quia non tenentur illum vitare, aut repellere; & ideo ex hac parte non erit nulla electio.

CAPUT V.

De forma prædictæ electionis Generalis, ubi late exponitur textus c. quia propter de Elect.

1 **T**ertio loco, ut creatio Prælati valeat, necessarium est, ut debita forma electionis servetur. Circa quam duo potissimum jura sunt observanda, scilicet cap. quia propter, de Elect. nam licet caput illud generalius loquatur, sine dubio comprehendit hanc electionem, de qua modo agimus. Nam, juxta communem

Defectus dictæ conditionis clericatus irritat vocem.

Excipe religionem puralaticum.

4. Affer. ut nullus elector sit censuratus.

Jus canonici præscribens formam eligendi Ecclesiasticum Prælatum absolute sumptum.

munem interpretationem, dispositio illius textus habet locum in electionibus Abbatum Ecclesiarum regularium, quæ etiam dicuntur viduata, & sine pastore relinqui, mortuo, vel deficiente Abbate, cap. *ne pro defectu*, eod. tit. per dispositionem autem dicti cap. *quia propter*, providetur omnibus Ecclesiis viduatis, ut in eodem textu dicitur: ergo comprehendit illa dispositio electionem Abbatum regularium: ergo & in omnibus Prælatibus localibus religionum, qui licet non vocentur Abbates, fere solo nomine differunt quoad munus, ad quod eliguntur: ergo a fortiori idem dicendum est de electione Prælatorum regularium altiore seu universaliorem habentium jurisdictionem; & maxime de electione supremi Prælati. Et hæc est communis doctrina Doctorum in dict. cap. *quia propter*. Aliud jus est specialiter pro Regularibus editum in Concil. Trident. sess. 25. cap. 6. de Reformat. regularium, ubi expresse declaratur, comprehendere electiones Superiorum omnium, Abbatum, Officialium, Generalium, imo & Abbatissarum seu Præpositarum. Ubi tamen considerandum est, non præcipi, ut hi omnes per electionem fiant, sed, ut, ubi fiunt per electionem, talis modus in electione servetur.

De forma antecedente electionem.

2. Ad tria ergo capita reducuntur omnia, quæ in iuribus illis statuuntur. Quædam enim præcedunt, alia comitantur, alia subsequuntur electionem. Ad primum caput pertinent illa verba cap. *quia propter*. *Cum electio fuerit celebranda, presentibus omnibus, qui debent, & volunt, & possunt commode interesse, assumantur tres de Collegio fide digni, qui secreta, & sigillatim vota cunctorum diligenter exquirant*. Ex quibus verbis primo colligitur, necessarium esse ad legitimam electionem, ut omnes, qui habent jus eligendi, convocentur, si commode fieri possit: nam si non fuerint vocati, non poterunt moraliter esse præsentibus, etiam si velint; quod tamen in prædicto jure postulat. Et expresse ponitur hæc conditio in cap. *coram*, de Electione, & sumitur ex cap. *bonæ memoria*, 2. & cap. *cum inter*, 2. eo l. tit. & cap. *quod sicut*, eod. tit. Non est autem ita necessarium, ut adsint omnes, qui jus habent eligendi, quia non coguntur eligere, sed si velint, ut ex prædictis verbis aperte constat. Unde fit, non tantum necessarium non esse, ut omnes, qui possunt ferre suffragium, præsentibus sint; verum etiam nec major illorum pars: quia potest major pars nolle adesse, & tunc non est impedienda electio contra intentionem illius cap. quæ in principio ejus explicatur: poterit ergo celebrari ab his, qui præsentibus fuerint. Dices, hoc esse contra rationem electionis, quæ debet esse a majori parte. Item omnes, qui habent jus suffragii, debent adesse; ergo injuste agunt, si nolunt adesse: non ergo pro illorum voluntate debet fieri electio a paucioribus. Item, quid, si omnes, vel fere omnes nolint venire, quomodo fiet electio?

Ad primum responderetur, electionem debere fieri a majori parte eorum, qui præsentibus sunt, & actu ferunt suffragium, ut statim ex eodem textu dicitur, non omnium, qui possunt ferre suffragium, quia parum confert potestas, si non reducatur in actum. Ad secundum dicitur, illud verbum, *debent*, ex parte electorum non dicere obligationem, sed jus, ita ut respectu eorum passive potius, quam active interpretandum sit: nam illis debetur suffragium, si velint illud ferre, licet ipsi non teneantur; & ideo non injuste agunt nolendo, nec contra debitum electionis. Hoc autem intelligitur ex vi juris communis, nam ex jure speciali poterit imponi obligatio, vel etiam ex præcepto Superioris, si ita expediat. Unde ad tertium dicitur, in eo casu ad providentiam Superioris pertinere facere, ut conveniens numerus electorum congregetur, quantum potuerit, & ad bonum religionis expedire censerit. Quod si non valuerit aliquem numerum cogere, devolvitur electio, seu provisio Ecclesie ad Superiorem, ut Canonistæ communiter ajunt: in nostro autem casu ad Summum Pontificem pertinebit, si religio exempta sit, quia tunc religio non habet extra se Superiorem aliquem, per quem possit ei de capite providere, quando ipsa vel sua culpa negligens est, vel propter impedimenta impotens ad illud eligendum.

3. Unde etiam constat quomodo hæc convocatio electorum facienda sit: quod voluit explicare Pontifex in illo verbo: *Et possunt commode*: nam hæc commoditas, ut Doctores dicunt, & ratio postulat, magis ex parte Ecclesie, seu communitatis, quam ipsorum electorum spectanda est. Interrogari autem potest, qualis, vel quanta esse debeat hæc commoditas, quæve difficultas vocandi aliquem excuset. Item, an oporteat unumquemque in particulari, vel sufficiat publicum edictum proponere, die & hora in particulari assignatis. Respondeo, in his circumstantiis nihil esse jure communi dispositum: nam in dict. cap. *quia propter*, nihil de hoc dicitur, & in nullo alio aliquid de forma eligendi præscribitur; & ideo in primis servanda sunt jura specialia, per quæ solent hæc esse definita. Deinde juxta cap. *cum inter universas*, de electione, ubi jus scriptum defuerit, servanda est consuetudo, præsertim in modo convocandi per admonitionem, seu vocationem singulorum, vel per generalem publicationem, solitam fieri tali loco, aut modo, vel per ipsam legem & constitutionem, qua ipso jure (ut sic dicam) solent vocari electores: quod in nostro casu maxime locum habet in his religionibus, ubi Prælatio Generalis temporalis est, & certo, ac per legem definitum tempore vacat, & successoris electio certo etiam die, & loco fit. Ubi autem vel tempus, vel locus sunt incerti, vel certe vacatio ipsa, quia non contingit, nisi per mortem, necesse est vocationem sigillatim fieri per omnes Provincias, vel Prælatos Generali immediatos, ut per eos ad omnes, qui suffragium habent, perveniat. Unde in his difficultas illa, vel distantia, quæ per se est conjuncta cum tali electione, non consideratur, nec censetur esse contra commoditatem electionis: debet ergo esse extraordinaria. Unde, quando talis est, quæ nec a lege considerari potuit, nec per consuetudinem judicari, prudenti arbitrio relinquendum est, nulla enim alia regula certa statui potest: in eo autem judicio ferendo maxime attendendum est, ne propter dilationem electionis communis detrimentum patiat. Et hæc est communior sententia in cap. *coram*, de electione, & sumitur ex cap. *cum inter universas*, eod. tit.

4. Præterea ponderanda sunt illa verba, *presentibus omnibus*: nam ex eo constat, electionem canonicam debere fieri in communi congregatione, in qua præsentibus adsint omnes electores; non enim jure communi permittitur fieri electio, nisi *communiter celebrata*, ut explicatur in cap. *in Genesi*. De Elect. dicitur autem communiter celebrari, quando in uno loco omnes electores conveniunt; singulariter autem fieri diceretur, quando singuli in suis domibus, vel Provinciis manentes, suffragia mitterent. Ratio autem hujus conditionis est, ut electio possit fieri cum majori examine, & cognitione personarum, & cum majori certitudine tam suffragiorum, quam meritum eligendi. Addit Panormit. in dict. cap. num. 12. hoc sequi ex alio generali principio, quod ea, quæ fiunt ab Universitate, ut Universitas est, debent fieri per congregatos in unum. Et idem habet glossa in cap. *cum omnes*, de constitut. ubi idem Abbas nam. 8. latius id confirmat, & est per se valde consentaneum rationi, quia tunc proprie operatur Universitas per modum unius corporis, quando est congregata in unum ad talem actum, & more solito, & non aliàs; ac vero electio est actio Universitatis tamquam unius corporis habentis potestatem ad constituendum sibi caput.

5. Unde colligo hanc conditionem esse substantialem. Probatur, quia, si illa deficiat, revera non est electio, neque actio communitatis, ut sic, juxta rationem proxime factam: ergo non est valida: ergo conditio substantialis est. In præsentibus enim illa conditio substantialis vocatur, sine qua non potest actus moralis valide fieri sub tali ratione. Sed objicit Panormit. quia absentia aliquorum per contemptum, id est, quia sine causa vocati non sunt, non inducit nullitatem electionis, cap. *Ecclesia*, 2. de Electione: ergo præsentia non est de substantia. Confirmatur, nam si electio fiat in absentia alicujus, qui injuste vocatus non est, & ille postea consentiat, id satis est, ut valida sit electio, ex eodem textu, & communi sententia: ergo præsentia

non

Jus specialiter pro Prælatibus Regularibus.

Prima conditio, ut antecedat convocationem suffragantium.

Ad 1.

Ad 2.

Ad 3.

Dicta convocatio debet esse moraliter possibilis.

An fieri debeat singulariter.

non est de substantia. Tandem, aliquis absens, & impeditus potest admitti ad suffragium ferendum: ergo. Respondetur, objectionem procedere in diverso sensu. Aliud est enim loqui de vocatione omnium electorum, ut praesentes fiant ad suffragium ferendum: aliud de praesentia eorum, qui de facto suffragium ferunt. Nos hic non loquimur de vocatione, nec dicimus esse de substantia, ut fiat de omnibus ac singulis, qui jus habent suffragii, nullo excepto: sed agimus de ipsamet electione, & ad eam dicimus esse omnino necessariam & substantialem praesentiam electorum: quod ratio facta plane convincit. Obiectio autem Panormitani procedit de vocatione in priori sensu, & in eodem negat ipse praesentiam esse de substantia, praesentiam nimirum omnium, qui ferre possunt suffragium: quod verum est, quia, licet aliqui desint, etiam injuste, valida erit electio donec irritetur, dummodo sufficiens numerus electorum convocatus sit: nam saltem requiritur, & est de substantia, ut duae partes electorum convocentur, aliam non conferetur Universitas convocata. De qua re videri potest Bartolus in l. omnes populi, ff. de iustit. & iur. quæst. 3. Panorm. in cap. in causis, de Electione, ubi contra eundem Bartolum docet, non esse necessarium, ut duae partes adveniant cum effectu: nam eo ipso, quod vocantur, & contemnunt venire, amittunt jus suum, & perinde reputantur ac si non essent de numero eligentium, cap. cum nobis, de Elect. & ideo qui supersunt, etiam si pauci sint, censentur esse Universitas electorum. Quod censio habere locum, quando non duae partes tantum, sed omnes, qui debent, & possunt habere suffragium, essent sufficienter vocati, & plures deficerent transacto praefixo termino: nam si duae tantum partes essent vocatae, & postea ex eis multi voluntarie deessent, profecto congregati non sufficerent, nec tunc dici posset Universitas sufficientiter vocata. Sed hæc generalia sunt, & ideo sufficit illa breviter attingere.

6 Ad confirmationem priorem, de illo, qui vocatus non fuit, & postea consentit, responderetur, illum proprie non conferre valorem electioni: jam enim facta, & valida supponitur: sed quasi cedit juri suo, quo posset illam infirmare, & irritationem ejus postulare; & hoc modo confert firmitatem quandam electioni jam factæ. Propter hoc ergo non est eadem ratio de illo consensu: nam illud non est proprium suffragium; ideoque ad illud præstandum non est necessaria praesentia ex vi prædictæ formæ, seu juris. Nec ego invenio aliud, in quo talis conditio ad illum consensum præstandum exigatur: poterit ergo quis absens, & in suo loco manens, consensum illum præstare post factam electionem; sicut posset ante electionem vocatus non venire, & cedere juri suo. Solum ergo est differentia, quod si prius vocetur, & contemnat venire, iuste, valide, ac firmiter sine illo fit electio: si autem ipse contemnitur, & non vocatur, injuste fit electio, & potest irritari, quamvis valida sit. Ad aliam confirmationem de absente impedito, in eodem cap. Quia propter, §. Illud, disponitur quid faciendum sit, & in summa dicitur, cum, qui ita est absens, & distans, ut vocari non debeat, nullo modo posse ferre suffragium, quia reputatur tamquam nullum habens jus: si autem convocandus est, ipse autem allegat, se esse iuste impeditum, primum omnium debet sufficienter veritatem impedimenti ostendere, aut confirmare, & tunc poterit vices suas committere alicui ex aliis electoribus. Et ita, licet ipse sit absens, non concurret ad electionem ut absens, sed ut praesens: nam sicut per alium concurret, ita per alium praesens est.

7 Ulterius principaliter statuitur in dictis verbis, ut ante electionem assumantur tres, qui singulorum vota exquirant. Circa quam partem multa tractari possunt, quæ brevier insinuo, quia res non est propria religionum, quamvis ab eis participetur. Primum quomodo hi tres assumendi sint: nullus enim certus modus ibi præscribitur, & fortasse ob hanc causam usus est Pontifex generali verbo assumendi, & non dixit eligendi, vel aliud simile. Ordinarius autem modus, ac fere moraliter necessarius, est per electionem, quia ubi personæ non sunt designatæ, per legem, nec ex vi alicujus muneris, sed per consensionem plurium

designandæ sunt, ibi necessaria est electio. Unde ad eligendos illos tres non oportebit hanc formam servare, ne procedatur in infinitum: arbitratio ergo modo fiet; nec enim illa forma necessaria est ad omnes electiones, sed Praetorum tantum, ut dixi. Posset autem vel consuetudine, vel lege statui, ut electio illorum trium non pertineret ad totam congregationem, sed ad quatuor, vel quinque antiquiores, vel digniores ratione officii, aut alterius conditionis: hoc enim nulli juri repugnat. An vero possit lege, vel consuetudine introduci, ut sine ulla electione designatæ sint hæc tres personæ, per conditionem antiquitatis, vel officii, &c. dubitari potest, quia in illo textu dicitur: *Assumantur tres de Collegio fide digni*. Per quæ verba videtur committi praesentibus examen, & cognitio de tali qualitate personæ. Nihilominus oppositum video in praxi servari, juxta specialia statuta, vel jura, quæ non censentur contraria huic communi juri. Vel quia personæ designatæ per legem præsumuntur esse fide dignæ, ordinarie enim designari solent, quæ ratione muneris, vel antiquitatis digniores censentur; vel certe, quia nunquam excluditur consensus tacitus, vel expressus praesentium in tali congregatione, quia illis non negatur jus suspicionem objiciendi, si talem personam non reputent fide dignam. Imo addit Panormit. quod licet absque adminiculo juris, vel consuetudinis tres de congregatione sua sponte assumerent munus illud, eo ipso, quod alii tacerent, censentur virtualiter assumpti. De quo ego dubito, saltem quoad forum externum, quia merito præsumerentur id facere per potentiam, & alios tacere magis invitos, quam volentes.

8 Secundo inquiri potest, an sit de substantia hujus conditionis, ut hi tres assumpti sint de Collegio electorum. Nam glossa, & nonnulli Doctores dixerunt, hoc non esse substantiale. Sed certe repugnant textui, ut melius consideravit Innoc. Hostiens. Panormit. & alii. Nam ibi expresse dicitur, ut hi tres sint de Collegio, & postea subditur, *aliter electio facta non valeat*. Item, quia hæc conditio est valde necessaria, ut electio convenienter fiat, quia fidelius hoc munus exercebitur per eos, ad quos spectat electio. Et ob eandem causam oportet, ut hi sint de Collegio, id est, de numero eligentium: hic enim est planus sensus illius textus. Itaque, si electio sit, v. g. in Ordine Minorum, non satis est, ut eligantur tres de eodem Ordine, vel de eadem provincia, &c. sed oportet, ut sint tres ex his, qui vocem habent in Capitulo. Addit Panormit. etiam esse de substantia ut sint tres, & non plures, nec pauciores. Quod quidem de paucioribus mihi certum videtur, quia esset expresse contra formam, & contra certitudinem scrutinae. De pluribus autem, merito dubitari potest, quia illud non esset contra verba formæ, quia ubi sunt quatuor, sunt etiam tres: nec contra finem, quia augmentum numeri potius reddit certorem, & securiorem fidem electionis. Dices, eadem ratione possent assumi quinque, & sex, & ita in quocumque majori numero; multo ergo magis possent assumi omnes, qui sunt de congregatione, quod esset formam destruere. Considerandum est ergo, in hoc negotio non spectari tantum certitudinem, sed etiam secretum, & ideo designatus est numerus, qui & ad certitudinem faciendam, moraliter sit sufficientissimus, & pro secreto servando sit minimus, qui esse possit: & ideo existimo, illum numerum ita esse præfixum, ut tam major, quam minor exclusus sit: de quo plura statim. Et hæc de primo capite ex posui num. 2.

De forma comitante electionem.

9 Ad secundum caput ibidem positum spectant illa verba textus: *Qui secreti & sigillatim vota cunctorum diligenter exquirant, & in scriptis redacta mox publicent in communi, nullo prorsus appellationis obstaculo interjecto, ut is collatione habita eligatur, in quem omnes, vel major & sanior pars Capituli consentit*. Per quæ tria præcipiuntur. Primum est, ut a prædictis tribus commissarius vota secreta & sigillatim exquirantur: & in scriptis redigantur. Quod duobus modis potest intelligi: primo, ut singuli electores voce coram illis tribus proferant, quem eligunt, & aliquis eorum scribat, quem sensum videtur indicare verbum *exquirendi*, nam exquirere idem videtur esse, quod *querere*, seu

Siue substantiale, ut hi tres sint de Collegio electo. u.

Tria præcepta in citato textu: Quia propter formam comitante continentur.

Tertio dicitur, ut assumantur tres, qui suffragia exquirant. Quomodo assumendi per votum, an modo alio.

seu interrogare; & additur, *diligenter*, quo significatur, ut interrogatio & responsio fiat satis distincte, & clare, ita ut nulla possit esse ambiguitas. Et cavendo, quoad fieri possit, ne iniquitas aliqua committatur: unde notat Hostiensis, debere huiusmodi scrutatores respicere vultum uniuscujusque, quia difficile est crimen non prodere vultu. In quo hunc sensum indicat, & magis in eo, quod ait hunc numerum præscribi, ut unusquisque liberius dicat, quod sibi videbitur. Quod etiam affirmavit glossa ibi, Panorm. & alii. Alio modo potest intelligi, ut unusquisque eligentium secreto scribat, vel scriptum deferat votum suum, ita ut neque ipsis scrutatoribus notum fiat. Et hoc est magis consentaneum illi verbo *secrete*, quia si tres sciant, non videtur suffragia esse secreta. Item facit, quia ibi solum fit mentio scripturæ, non autem vocis; nec necessaria est vox, ubi scriptura intervenire debet: nec etiam utilis, quia multum diminuit secretum: ergo. Denique hic modus videtur necessarius juxta Concil. Trident. supra, dum præcipit, omnes *eligi debere per vota secreta, ita ut singulorum eligentium nomina nunquam publicentur*. Propter quæ verba aliqui censent, priorem modum esse reprobatum, quidquid sit de jure antiquo.

10 Ego vero censeo, priorem modum posse observari ex vi juris communis: quia revera ita sentit communis sententia, & in textu nihil est, quod repugnet. Quin potius dubitari posset, an alius eligendi modus locum habeat juxta hoc commune jus, de quo in sequentibus dicemus. Deinde censeo, etiam juxta Concilium Trident. esse illum modum licitum, & sufficientem. Paret, quia in primis non repugnat verbum illud *vota secreta*: nam verbum *secrete*, quod in alio capite habetur, æquivalere, & nihilominus illo modo censentur vota secrete ferri: sunt ergo vota secreta. Item, quia quædam Declaratio Cardinalium sic habet: *Vota secreta intelliguntur esse, etiam quod aliqui Superiores quatuor, aut quinque ea sciant, si hoc est juxta formam statutorum religionis, cap. quia propter, de electione*. Et in alia Declaratione sic dicitur: *Si electi fuerint a Superioribus aliqui, ut puta quatuor, qui vota omnium recipiant, electio reputabitur secreta, & canonica, cap. quia propter, de electione*. Ubi recipere vota non videtur significare solum schedulam scriptam recipere: nam hoc modo nihil referret ad secretum, quod essent quatuor, vel quinque; significare ergo audire vota, & scire, ut in prioribus verbis expresse dicitur. Cumque in utroque loco videtur cap. *quia propter*, clarum est ita fuisse a Congregatione intellectum. Dubitari autem potest, quomodo ibi dicatur, hoc secretum servari etiam in quatuor, aut quinque, & ad hoc citetur cap. *quia propter*, cum in eo tres præcise requirantur: propter quod supra num. 8. diximus, augmentum illius numeri esse contra dictam formam. Dicendum sane videtur, caput illud solum ad hoc citari, ut non repugnet secreto requisito ad formam canonicam suffragium coram multis proferri, si deputati sint legumi ad illud sub secreto recipiendum. Quod autem hic numerus ternarius excedat, præter cap. *quia propter* est: unde clarum est, ad hoc non citari: & ideo addita esse illa verba: *Et hoc sit juxta formam statutorum religionis*. Subintelligendum autem existimo, quæ a Sede Apostolica confirmata sint: nam sine illius auctoritate non possent derogare juri communi.

11 Deinde, nec per alia verba: *Ita ut singulorum eligentium nomina nunquam publicentur*, prohibita est illa forma eligendi, ut dictæ declarationes Cardinalium aperte supponunt. Et ratio est, quia non publicari, non significat, a nemine sciri, sed servari sub secreto sub quo recepta sunt, & ita sicut suffragia sunt secreta, quamvis a tribus sciantur, ita quamdiu ab illis sub eodem secreto retinentur, non publicantur: sed hoc optime fieri potest non obstante dicta notitia: ergo illa verba non necessario prohibent illam. Et explicatur amplius, quia in illis verbis duo includuntur, unum de præsentibus, & aliud de futuro. De præsentibus est obligatio ad non publicandum vota, & hæc statim sequitur, etiam si coram tribus proferantur vota: & ideo ex hac parte nulla est repugnantia. Pertinet etiam ad substantiam electionis, & ad hunc effectum de præ-

sentibus, ut in ipsa publicatione electionis nomina eligentium non publicentur: nam Concilium non dicit: *Teneantur non publicare*, sed, *Non publicentur*: & postea addit verba irritantia electionem alter factam: Quod adeo verum est, ut Congregatio Cardinalium declaraverit: *Quod si per electionem factam in bullis confirmationis, seu patenibus exprimerentur nomina eligentium, electio sit nulla*, quia adhuc videtur electio non esse plene consummata, & ideo totum illud secretum censetur esse de substantia electionis. De futuro autem est, ut nomina eligentium nunquam cum effectu publicentur, seu manifestentur. Et hoc, cum sit quid contingens, & pendens ex facto, & arbitrio hominum, non potest pertinere in se ad substantiam electionis, sed ad summum in obligatione, aliàs penderet electio ex futuro eventu, quod esse non potest. Dices. Ideo videtur ex mente Concilii verbum illud, *non publicentur*, non solum negare actum, sed etiam potestatem, non tantum juris, sed etiam facti; atque adeo tale postulare secretum, ut nunquam possint nomina publicari: quod optime fiet, si suffragium non voce proferatur, sed scriptura aliquantulum immutata, ut non agnoscat, & ita a nemine sciatur, atque adeo a nemine publicari possit. Et ita juxta hanc intelligentiam plane excluditur per illa verba modus proferendi suffragium per vocem; est tamen nimis rigorosa, & coacta expositio contra proprietatem verbi, præsertim in morali usu. Item, quia non est verisimile antiquum morem, & jure communi probatum uno verbo tam obscuro fuisse reprobatum. Eo vel maxime, quod licet ex parte secreti minus conveniens sit, quam alius; habere potest alias utilitates, propter quas possit interdum præferri: non oportet ergo, ut per legem ablata sit potestas physica loquendi (ut sic dicam) sed moralis, obligando dicto modo ad servandum secretum. Sufficit ergo respectu futuri actus obligatio, quam rigorosam esse existimo, & sub culpa gravi: quia materia magni momenti est.

12 Uno existimo non tantum cadere in scrutatores, qui vota recipiunt, sed etiam in ipsosmet ferentes suffragium: quia Concilium *districte præcipit, omnes su prædictos eligi debere per vota secreta, ita ut singulorum eligentium nomina nunquam publicentur*: hoc ergo strictum præceptum non limitatur ad has, vel illas personas, sed indefinite ponitur: ergo comprehendit omnes, per quos possit talis publicatio fieri: ergo comprehendit ipsos eligentes, & quolibet eorum. Ut enim hoc præceptum graviter frangatur, non est necesse, ut multa suffragia, aut multis personis revelentur; sed satis est, ut quilibet eligentium cuiusque personæ manifestetur, quia jam rumpitur secretum. Quod adeo verum est, ut sufficiat talis manifestatio unius suffragii facta uni personæ extra formam præscriptam, ad annullandam electionem, si in ipsamet electione fiat; ut a congregatione Cardinalium declaratum est. Dicit aliquis. Hæc prohibitio facta est in favorem eligentium: ergo si ipsi cedant juri suo, & seiplos revelent, non peccabunt saltem graviter. Respondeo, non esse illam causam adæquatam, imo nec principalem; sed favorem ipsiusmet electionis ad vitandas fraudes, & illicitas contentiones, & ut majori cum libertate electio fiat. Et eadem ratione dici non potest, hanc prohibitionem solum durare usque ad consummatam, confirmatam, & publicatam electionem; postea vero licitum esse se manifestare: nam revera non ita est, tum quia Concilium simpliciter dixit, *nunquam publicentur*: tum etiam, quia ad finem præcepti inierit ne fiat publicatio, etiam post transactum tempus electionis.

13 Uterius vero inquiri potest circa eandem partem seu præceptum primum, an sit de substantia hujus formæ, ut vota in scriptis redigantur. Nam quod hoc sit præceptum, manifestum est in textu: an vero sit substantialis conditio, dimittere potest, quia ibi non specialiter exprimitur, & raro solet scriptura esse de substantia actus, maxime in his, quæ a communitate sunt ad plura suffragia. Nihilominus certum est, hanc conditionem esse de substantia, ut omnes Doctores ibi notant, & glossa in cap. 1. de Consib. in 6. Cardinalis in tractat. de Elect. 1. part. cap. 22. & 3. part. cap. 61. Colligiturque ex textu ibi, *in scriptis redacta*, &c.

Num secretum in suffragando postulat scribi suffragium immutandocharacteres.

Secretum suffragii non solum respectu recipientium suffragia, sed etiam suffragantium.

An redigi suffragia in scriptis sit circumstantia essentialis electioni.

& infra, aliter electio facta non valeat: nam illud adverbium aliter, cadit in totam illam formam, cap. *Ecclesia vestra*, 2. eod. titul. manifestum autem est, priora verba posita esse in ipsa forma. Ratio etiam hoc postulat, quia illa circumstantia est valde necessaria ad certitudinem electionis.

An etiam circumstantia fiat a alia in eodem r. præcepto indicata.

14. Unde obiter constat, alias etiam circumstantias, quæ in illis verbis includuntur, esse substantiales, ut quod vota ferantur sigillatim, & non simul plura, etiam duo, ut patet ex particula *sigillatim*, & quia hoc ad secretum necessarium est. Item, quod vota omnia, nullo excepto, suscipiantur, patet ex illa distributiva *vota cunctorum*, ubi Panormit. advenit, quod licet non sit de substantia electionis, ut omnes vocari veniant; est tamen de substantia, ut omnes præsentibus suffragium ferant, quod intelligendum existimo, si velint: nam, si quis jam in Congregatione præsens, se excusaret, & nolleret ferre suffragium, quamvis sine illo electio fieret, non esset electio nulla, quia nullo jure irritatur, & particula illa, *Cunctorum*, recte intelligitur juxta præcedentia verba, *Qui debent, & volunt, & possunt* suffragium ferre. Imo nec prohibitum jure communi esse ideo procedere ad electionem contempto illo etiam ex præsentibus, qui non vult suffragium ferre; esset tamen statim a Congregatione expellendus. Insinuat autem a Panormit. differentia inter electores antequam congregentur, & postquam præsentibus jam in Congregatione sunt. Nam, si quis antea non vocetur, sed contemnatur, non statim fit irrita electio postea subsequuta, licet irritanda sit ad petitionem ejus, qui fuit contemptus. Si autem aliquis ex præsentibus contemnatur, & invitatus ad suffragium non admittatur, electio est nulla. Ratio autem differentie esse videtur, quia hoc posterius est contra intrinsecam formam electionis ibi præscriptam; illud autem prius est circa præambula ad electionem; sola autem forma est ibi in rigore præscripta, & substantialis, juxta cap. *Ecclesia vestra*, infra eod. tit. Congruentia etiam addi potest, quia, qui jam præsentibus adsunt, videntur habere acquisitum majus jus, & quia tunc communitas ipsa, ut communitas est, aut vim patitur, dum non permittitur tota eligere, aut committit intolerabilem errorem, injuste non admittendo aliquem ex præsentibus ad suffragium ferendum.

Plus est non admitti præsentibus ad suffragium, quam non vocari absentes.

Secundo præceptum agitur in n. 9. allati ut suffragia publicentur mox.

15. Secundo præcipitur per illa verba, ut suffragia omnia mox in communi publicentur, nullo prorsus appellationis obstaculo interjecto. Dicuntur autem publicari suffragia in communi, quando integer numerus eorum publice profertur quoad totam Congregationem, non explicando in quorum favorem data fuerint, vel quot ex illis in hanc, vel illam personam descenderint, sed explicando solum numerum personarum, quæ suffragium tulerunt: hoc enim significat illa particula, *in communi*, ordinatur autem hæc solennitas ad majorem certitudinem collationis votorum postea faciendæ, & ut subterfugia, & tergiversationes præcludantur. Unde hæc solennitas ex omnium sententia substantialis est. Dubitari autem solet, an illa conditio talis publicationis, scilicet ut mox fiat, & sine interpositione appellationis, vel alterius dilationis, sit etiam de substantia. Pars vero affirmans certa videtur ex ipso textu, nam omnes illæ circumstantiæ pertinent ad intrinsecam formam, & ita censet Panormit. cum communi opinione. Quam autem vim habeat illa particula, *mox*, tractant ibi late glossa, & Doctores, & Bartolus in l. *si quis major*, Cod. de transactione, & in l. *si fructus*, ff. solutio annu. Breviter tamen dicitur, in præsentia significare, ut statim sine ulla morali interruptione publicatio fiat: esset autem moralis interruptio, si interponeretur alius actus pertinetus ad impediendam vel differendam electionem; vel si abtque tali publicatione dissolveretur Congregatio sine ulla causa cogente, argumen. cap. *cum post*, de Elect. de quo statim. Denique a quo, vel quomodo fieri debeat talis publicatio, in textu non præscribitur, ut Hostien. notavit, & ideo nihil quoad hoc est de forma; clarum est autem debere fieri ab ipsis scrutatoribus, id est, ab eis, consentientibus aliis, quia vix est alius modus possibilis, cum soli illi supponantur scire suffragia secreta, & expediens non sit omnes si-

Quid Mox importet.

molloqui, nec necessarium, ut a singulis successive fiat publicatio.

16. Tercio præcipitur in eadem parte, ut collatione habita, is eligatur, in quem omnes, vel major & sanior pars Capituli consentit. Circa quam partem duo præcipue explicanda sunt; scilicet, qualis sit illa collatio, & quomodo fieri debeat post illam electi. Circa primum certum in primis est, collationem hanc esse adeo necessariam, ut sit de substantia electionis, ex cap. *cum Anna*, infra, eod. tit. Deinde certum etiam est, collationem esse debere inter vota recepta, non enim agitur de collatione inter aliquos eligendos, hæc enim collatio pertinet ad omnes, & singulos ferentes suffragia, & ex contextu constat collationem illam active referri ad scrutatores; passive vero (ut sic dicam) ad suffragia. In quo autem conferri debeant, quæri potest, an scilicet in solo numero, vel etiam in qualitatibus personarum: nam glossa ibi hoc secundum indicat, dicens, *Collatione facta numeri ad numerum, zeli ad zelum, meriti ad meritum*: sumptique ex cap. in *Genesi*, & cap. *Ecclesia vestra*, de Electione, & sequuntur ibi Panormit. nu. 10. & alii. Sumiturque ex eodem textu dicente, *In quem major, & sanior pars*, &c. quia major refertur ad numerum; sanior autem ad qualitatem personarum, quæ per zelum, & meritum significantur.

Tercio præceptum ejusdem textus bipartitum de collatione, & electione faciendis.

17. Circa hanc autem collationem sic explicatam occurrit difficultas: primo, quia supponit suffragia, & vota singulorum debere esse nota scrutatoribus: quia nisi sciant pro quo singuli suffragium ferant, nihil referret voventium zelum vel meritum ponderare, cum ignoretur in quam partem uniuscujusque pondus inclinat. Difficile autem creditur est, illam formam limitari ad modum ferendi vota, suam mentem voce explicando coram tribus scrutatoribus, ut supra tractatum est. Quod si quis dicat, collationem illarum qualitarum postulari quantum fieri potest, ideoque si suffragia ferantur per schedulas secretas, sufficere collationem quoad numerum. Contra hoc est, quia textus indistincte loquitur. Et præterea hinc oritur altera difficultas: nam illa collatio qualitarum inutilis est, quia semper numerus est præferendus; ita ut si major pars Capituli in unum consentiat, ille sit eligendus, cujuscumque conditionis eligentes personæ judicentur: & e converso, si numerus personarum suffragiorum non excedit dimidiam partem, non sufficit ad electionem faciendam, etiam si eligentes dignissimi sint. Aliquin tota electio revocabitur ad judicium scrutatorum, & cum paucis votis poterunt eligere quem maluerint, judicando, illam esse saniores partem, etiam si major non sit: quod est magnum inconveniens in re morali, & occasio plurium dissensionum.

Prima difficultas est ea explicatam collationem.

18. Ad priorem difficultatem, glossa & Doctores omnes supponunt plane totum id, quod in ea proponitur, & sine dubio est consonaneum juri in dicto cap. quam in cap. *cum Anna*, & cap. in *Genesi*, cap. *Ecclesia Sancta Maria*, eod. tit. De electione autem facta per secretas schedulas, nihil dicunt auctores, quomodo possit tunc inter suffragia talis collatio fieri: unde videntur sentire, illum modum electionis non esse secundum hoc commune jus, & ideo consequenter dicere debent, non esse licitum nec sufficientem nisi ex aliquo jure speciali legitime confirmato, & tunc juxta illud erit alio modo collatio faciendæ. Mihi autem credibile non est, ut supra dixi num. 9. hunc modum ferendi suffragium per schedulas, & vota omnino secreta fuisse exclusum ex vi hujus decretalis, & formæ ejus, cum sit aptus, & fortasse, omnibus pensatus, convenientissimus omnium. Maxime cum verba textus cum omni proprietate in illo possint verificari, cum proportionem tamen, & accommodationem ad talem modum eligendi.

19. Dico ergo, collationem tunc præcipue esse faciendam numeri ad numerum; in qualitatibus autem solum in aliquo casu posse habere locum, aut esse necessariam. Primo enim exquirere diligenter oportet, an singuli voventes habiles sint, habeantque omnia necessaria ad ferenda varia suffragia. Unde si de aliquibus sit questio, & aliqui sint in dubio electi, vel admissi, diligenter oportebit conferre numerum suffragiorum, an sit tantus, ut tollat omne dubium, & consequenter

an electio sit certa, nec ne. Deinde, interdum in his electionibus sunt vota qualificata, quæ aut cæteris præferuntur, aut pluribus æquivalent, solerque hujusmodi qualitas, etiam si persona sit occulta, designari; ut, v.g. quod sit Presbyter, vel Prælatus, aut aliquid hujusmodi. In his ergo qualitatibus facienda erit diligens collatio, qualis fieri solet in suffragiis cathedræ, licet sint aliæ occulta, quantum ad personas voventium. Intelligamus ergo hunc textum indefinite loqui de collatione suffragiorum, qualis nimirum, vel necessaria vel opportuna fuerit juxta modum ferendi suffragia. Quod autem Panorm. addit, in hac collatione conferendum etiam esse de merito electi, an sit idoneus ad dignitatem, mihi probari non potest, tum propter ea, quæ supra num. 17. dixi, & præcipue quia textus evidenter loquitur de collatione suffragiorum, qua supposita absolute dicit, ut is eligatur, in quem Capitulum consenserit: tum etiam, quia judicare de dignitate electi non pertinet ad scrutatorem, sed vel ad confirmatorem, si necessaria sit confirmatio, vel ad Superiorem, ad quem recurrere oportebit, si aliquid contra idoneitatem electi obijciendum sit.

20 In secunda difficultate petitur, ut explicemus, eum conjungantur illæ duæ particule, *Major & sanior pars*: nam si sit major, illa erit sufficiens. Circa hoc diversæ sunt sententiæ Canonistarum. Quidam censent, majorem partem quoad numerum postponendam esse minori, si hæc sanior sit, id est, majori zeli, meriti, & aequitatis, ita sentit Innoc. ibi, & in cap. scriptum, de Elect. Glossa in cap. in Genesi, verb. ad zelum, de Elect. quæ consequenter infert, non semper standum esse numero, & illam censeri majorem, & sanior partem, quæ majori ratione, & iustitia nititur. Fundatur in verbis textus, sed non sufficienter, ut patet, nec videtur opinio per se rationi consentanea, ut difficultas superius num. 17. proposita persuadet.

21 Alii ergo dixerunt, minorem partem suffragiorum nunquam sufficere ad faciendam electionem, quantumcumque zelo, & meritis personarum excedat, ita docet Panorm. ibi num. 7. cum Jo. Andr. & aliis, & probat, quia textus dicit, *In quem omnes, vel major, & sanior pars*, ubi prius disjunctive requiritur totum, vel partem, postea vero in hujusmodi parte copulative postulat, ut major, & sanior sit: non ergo sufficit altera ex his proprietatibus, sed utraque necessaria est, quia copulativa in suo rigore utrumque extremum conjungit. Confirmatur, quia vel illa particula, &, sumitur conjunctim in dicta proprietate; & habetur intentum: vel sumitur divisim, ut sæpe solet, & non improprie: & ita sensus erit, quod electio valeat facta a majori parte, & facta a saniori parte, & tunc sequitur perplexitas; quid enim si una pars sit major, & non sanior, altera vero sanior, sed minor? utriusque enim electio valida erit, si unaquæque proprietates per se sufficit: neque erit ratio cur potius sanitas numero, quam e converso numerus sanitati præferatur, si de utroque membro per se divisim sumpto ad electionem sufficere affirmatur. Responderi potest ex Innocentio ibi, neutro modo sumi particulam &, sed pro id est, ita ut sensus sit, in quem major, id est, sanior pars. Sed est violenta, & voluntaria expositio contra proprietatem, & communem usum talis vocis. Item, ex illa expositione sequitur, nunquam requiri majorem partem numeri votorum ad canonicam electionem, sed meliorem, nisi fingendo casum moraliter impossibilem, in quo omnes electores sint æquales in omnibus qualitatibus: hoc autem repugnat multis juribus, cap. cum Anna, cap. in Genesi, cum aliis, de Electione.

22 Relinquitur ergo ut ex vi illorum verborum imprimis requiratur major numerus suffragiorum; quod mihi certissimum videtur. Intelligendumque est de majori parte totius Capituli: non enim sufficit habere plura vota, quam cæteri, si numerus votorum non contineat majorem partem totius Capituli: nam hoc requiritur ad electionem canonicam, de qua ibi est sermo: unde expresse dicitur *major pars Capituli*, & in aliis juriibus citatis expresse declaratur. Juxta hoc vero fundamentum sequitur consequenter, majorem numerum, licet necessarius sit ad electionem, non tamen

sufficere, nisi etiam sit sanior: nam vi illius copulativæ æque utramque partem comprehendit. Unde inferatur ulterius, si contingat majorem partem, quæ in unum consentit, non esse saniozem, & saniozem, quæ vult alterum, non esse majorem, utriusque electionem per se loquendo, esse nullam, quia neutra pars eligentium habet omnia requisita ad conficiendam electionem. Dico autem, *per se loquendo*, quia si contingat alteram partem amittere jus suum, eo quod (v.g.) elegit scienter indignum, tunc electio alterius partis erit valida, quia ad illam devolvitur jus alterius partis, & ita jam non reputatur ut minor pars, sed ut unum Capitulum, ut notavit Panorm. in cap. dudum, 1. de Elect. num. 10. Per se autem loquendo, etiam si ab utraque parte eligatur dignus, talis electio non tenet, estque casus expressus in cap. Ecclesia vestra, 2. de Elect. ubi Hostien. uterque Abbas, & alii id notant, & sequuntur. Unde ad secundam difficultatem positam negandum est antecedens quoad illam partem, ut major pars semper sufficiat sine illa qualitarum consideratione.

23 Neque inde sequitur, per se loquendo, perturbatio aliqua, quia ubi aliud non confiteris, major pars semper præsumitur sanior, ut in eod. cap. Ecclesia dicitur, & sumitur cap. dudum, 1. eod. tit. & ratio ipsa per se statim postulat; ubi autem oppositum probari potuerit, per Superiorem judicandum est, & ita tollitur perturbatio. Quod si aliqua dissensio, vel lites oriantur, non retent, quia in hujusmodi rebus humanis non possunt omnia vitari incommoda, & magis expedit, ut electiones iuste fiant. Semper tamen manet nobis illa difficultas, quia hinc sequitur, non posse fieri electionem per vota omnino secreta, quia tunc non potest apparere, quæ pars sit sanior. Quod expresse animadvertit Panorm. dict. cap. Ecclesia, nu. 7. dicitque, communiter non animadverti, ipse tamen faretur, non debere ita fieri, vel, ut ipse loquitur, *non debere dari voces per lupinos*. Nihilominus, quod superius num. 9. & 18. dixi censo verum, scilicet, illum modum electionis reprobari non posse: nam, ut ibi dicitur in Addit. ad Panormitan. *per totum mundum prædicatur, quod voces dantur sive per favas, sive per lupinos*: & (quod me magis movet) est ille modus valde conformis Concil. Trident. statuenti, ut nomina eligentium nunquam publicentur: nam ubi fuerit dubium de saniori parte, non poterit, moraliter loquendo, fieri judicium, nisi nomina publicentur. Dico ergo, ubi fuerit illa consuetudo, servandam esse, & tunc majorem partem præsumi saniozem, ut paulo antea dicebamus. Imo addit Baldus tract. de Schismate, colum. 12. quod quando cautius dantur suffragia, ut non comprehendantur, tanto sanior & liberior est electio. Denique, ut supra dicebam, tunc fiet collatio quoad hanc conditionem sanioris partis, prout fieri potuerit, scilicet, vel ex parte electi, considerando ne adeo sit indignus, ut inde sufficienter colligatur, non fuisse saniozem partem, quæ in illum concurrat: vel ex parte modi cognoscendi saltem in generali, an intercesserit ambitio, & donationes illicitæ, vel aliquid simile, unde sufficienter probetur partem illam non fuisse saniozem. Quia vero generaliter, & in communi, & non descendendo ad personas particulares, hoc moraliter probari non potest; ideo semper major pars præsumetur sanior, si persona electa indigna non sit.

24 Circa alteram partem hujus præcepti, scilicet, ut, facta collatione, electio fiat, primum tollenda est ambiguitas vocis: nam electio proprie videtur fieri quando teruntur suffragia, nam electores sunt omnes de Capitulo, eligunt autem vovendo; postea vero potius videtur fieri publicatio electionis jam factæ. Textus autem non ita loquitur, sed potius dicit, tunc fieri, & faciendam esse electionem. Est enim advertendum, electionem hanc esse veluti unum actum totius Capituli, qui non censetur fieri, seu consummari donec unus nomine totius Capituli loquatur, & eligat futurum Prælatum: hoc autem fit postquam totius Capituli voluntas paulatim declarata, & cognita est; & ita electio alter fit a singulis declarantibus suas voluntates, aliter a toto Capitulo declarante suam & quasi unam voluntatem.

Tractatur secundum difficultatem de intelligentia illarum vocum, Major & sanior pars.

Respondetur tamen ad 2. difficultatem, in num. 17. & aperitur quomodo maior pars intelligatur sanior in suffragiis secretis.

Authentici sunt omnes majores pars dividit requiritur.

Non est electio nisi sit sanior.

Tractatur 2. pars, id est, Electio proposita nu. 26.

voluntatem. Hoc ergo est, quod per illa verba fieri mandatur, estque omnino de substantia, vel (ut ita dicam) ipsa substantia, & forma electionis, quia non censetur electio facta, donec ita fiat, nec conferet aliquod jus, si hoc omittatur: imo necessarium, & substantiale est, ut hæc electio statim post collationem sine interruptione morali fiat; sicut dictum est num. 1. de publicatione suffragiorum in communi, ut expresse declaratur in cap. *cum post*, de Electione. Quomodo autem hæc electio communis fieri debeat, in prædicto textu non declaratur; tamen ex intentione ejus, & ex cap. *sicut cum*, de Elect. in 6. constat, debere fieri ab uno, nomine omnium publice loquente, & denunciante electionem. Quis autem ille esse debeat, vel a quo designari, aut præcipi debeat, ut loquatur, in eodem etiam textu non dicitur; tamen & ex contextu constat a scrutatoribus debere designari; quia vero hoc non expresse dicitur, ajunt expostores, utile esse ut Capitulum a principio det hanc potestatem scrutatoribus, vel alicui eorum. Glossa vero in cap. *sicut cum*, de Elect. in 6. ait, quemcumque sufficere, si ceteri audientes tacite consentiant. Mihi autem videtur veluti ex natura rei hoc pertinere ad eum, qui Capitulo præest, dum jura aliud non disponunt, supponunt enim & deesse non posse, qui præsit Capitulo, vel saltem qui primam vocem habeat, & omnia debere ordinate fieri: ratio autem postulat ut hoc fiat ab eo, qui præest, vel qui primam vocem habeat, quando nulli alteri commissum est. Et hæc de secundo capite ex propositis in num. 2.

De forma consequente Electione.

25 De tercio capite ibidem posito, id est, de his, quæ post electionem necessaria sunt, nihil additur in dict. cap. *quia propter*, neque in jure communi aliquid aliud invenio, nec videtur necessarium, imo nec possibile, cum supponatur jam electio consummata. Solum invenio id, quod ex Concil. Trident. supra num. 1. 1. notavi, districte præcipiente, ut singulorum eligentium nomina nunquam publicentur. Quomodo autem ex hoc decreto aliquid resulter pertinens ad substantiam electionis: quomodo item id, quod in futurum pendet, non suspendat valorem electionis, satis ibidem declaratum est: nihil ergo est subsequens electioni, quod ad valorem ejus proprie pertineat. Solum ergo potest confirmatio post electionem requiri, ut plenum jus Prælationis obtineatur: quæ confirmatio jure communi necessaria est, pertinetque ad Superiorem immediatum Prælatis electi, & si nondum illa obtenta, quis prælatione utatur, jure acquisito per electionem privatur, cap. *avaritia*, de Elect. in 6. & videre licet latius in Syv. v. 8. & Angelo, verb. *Confirmatio*, Panorm. in cap. *cum Ecclesia*, de Elect. nu. 8. In præsentia ergo confirmatio per se spectat ad solum Summum Pontificem; tamen, juxta privilegia, & indulta multarum religionum, non solet esse necessaria specialis confirmatio; sed cum ex vi privilegiorum fiat autoritate Apostolica, eo ipso, quod quis publice denunciatur canonice electus, censetur etiam confirmatus eadem Apostolica autoritate; & ita videtur esse in usu multarum religionum: nam finita electione Generalis; statim ei ut supremo Prælato omnes reverentiam exhibent, & ipse incipit præsidere generali Capitulo, suumque munus exercere.

C A P U T V I.

De Electione aliorum Prælatorum infra Generalem.

HActenus de creatione supremi Prælatis religionis diximus, & ex his, quæ tribus proxime præcedentibus capitulis tractata sunt, hoc uno capite facile expediri possunt, quæ ad reliquos spectant. Dicendum ergo est omnes illos posse per electionem creari, non tamen esse in eis ita necessariam sicut in Generali: ubi autem in usu fuerit, cum proportionem servanda esse, quæ de electione Generalis diximus: ubi autem juxta speciale institutum electio necessaria non sit, simplicem ac legitimam provisionem Superioris habentis potestatem sufficere. Declaro singulari: nam in primis potestatem tota religio habet unum supremum capitulum seu præter Pontificem, ab illo potest satis commo-

Suarez Tom. XV.

de recipere inferiores Prælatos, tam medios, quam infimos, sive utrosque immediate providendo, sive solum medios ac sibi proximos, & per eos inferiores reliquos. Et ob hanc causam dixi, in his Prælatis non esse tam necessariam electionem, quia influxus primi Prælatis potest ad hæc omnia extendi sine ulla repugnantia, sicut in universa Ecclesia Catholica unius Vicarii Christi necessaria est electio: pro aliis autem inferioribus Prælatis, Episcopis, Archiepiscopis, & Patriarchis, in rigore non erat necessaria electio, nam per solum ipsum Vicarium Christi poterant sufficienter provideri, si ipse voluisset. Olim etiam videtur fuisse observatum, ut Abbates monasteriorum ab Episcopis crearentur, ut colligitur ex Concilio Nicæno, cap. 54. ubi etiam significatur Episcopum solitum fuisse creare Abbatem quasi Generalem plurium monasteriorum; hunc vero instituisse locales, seu particulares Abbates singulorum monasteriorum: idem munus tribuitur sacerdotibus in Concil. Toleran. IV. cap. 50. Nihilominus tamen frequentius observatum est in religionibus, ut inferiores etiam Prælatis per electionem fiant, & non est dubium, quin recte ita fieri possit, quia hoc pendet ex humana institutione, & Pontificis approbatione; nec ex natura rei habet hic modus creandi hujusmodi Prælatos aliquid præter rectam rationem aut convenientem gubernationem, per se loquendo: nec repugnat juri communi, sed potius est illi valde conformis, ut videbimus: nec denique repugnat juri, aut potestati supremi Superioris, vel supremi Prælatis, quia illa limitata est juxta regulas, & indulta Apostolica, per quæ illi non major potestas concessa est. In hoc enim differt monarchia unius religionis a monarchia totius Ecclesiæ: nam in tota Ecclesia suprema potestas absoluta gubernandi, in capite residet, quæ a nullo infra Christum potest limitari; & ideo modus instituendi inferiores Prælatos per electionem, vel sine illa, non potuit ab alio, quam ab ipso Pontifice definiri. Unde, quodcumque, vel ubicumque per electionem fit, vel facta est, ex benigna concessione ejusdem Pontificis introducta est: in religionibus autem tota potestas manat a Pontifice, loquendo de propria jurisdictione, & ideo licet uni Generali principaliter communicetur, datur tamen cum limitatione ad hunc vel illum modum regiminis, juxta exigentiam rerum: ubi ergo institutio electionum talium Prælatorum postulat, servanda est. Jam vero declaratur, & probatur altera pars, nimirum, in hujusmodi electionibus servanda esse fere omnia, quæ de electione Generalis diximus. Quod quidem, quantum spectat ad ea, quæ pendent ex jure communi, unica ratione ostendi posset, quia jus commune nihil fere disponit de Generalibus in particulari, sed vel de Prælatis in communi, vel de Abbatibus, sub quibus alii Prælatis locales intelliguntur, & a fortiori eorum Superiores.

De 1. & 2. conditionibus requisitis ex parte eligendi.

2 Igitur ut per particulares conditiones breviter discutamus. Primo ex parte eligendi necessaria est ætas ad minimum 25. annorum: de qua nihil speciale occurrit, præter ea, quæ de Abbatibus statim adnotabimus a numer. 7. expressa in eadem religione. Circa quam interrogari potest, an requiratur professio in eadem Provincia, vel domo cum proportionem, ita ut sicut in Generali requiritur professio ejusdem religionis, ita in Provinciali ejusdem Provincie, in conventuali ejusdem domus. Sic enim de Abbate sentit Syv. verb. *Abbas*, num. 2. & in cæteris. Et favent jura antiqua, 18. quest. 2. ubi in cap. *Abbatem* 2. dicitur, *In monasterio illum volumus ordinari, quem sibi de sua congregatione*, &c. id est, de suo monasterio, ut sequentia verba declarant, & *possessio domus*, de quibus paulo inferius: & in cap. sequenti tunc solum permittuntur monachi eligere *de aliis monasteriis*, quando *inter se aptam personam invenire nequiverint*. Et tota se olim quando monasteria monachorum ita erant inter se divisa, ut non efficerent proprie unum corpus, nec haberent unum Superiorem communem, hoc erat in more positum, ut electio fieret ex proprio monasterio, allegaturque tanquam jus ordinarium & commune, quod non licebat præ-

Secunda conditio erat professio.

Prælatus olim ex eadem provincia vel domo eligebatur ordinarius.

De confirmatione Electi.

Affertio tripartita.

E

termite

remittere nisi in prædicto casu necessitatis. Quamquam forte non fuit hoc tam necessarium, quin electio aliter facta valida esset, quia non invenimus verba irritantia in antiquo jure, & alioquin cum electio futura esset communi consensu, saltem majoris partis, poterat communitas cedere juri suo: imo præsumenda esset ex legitima causa, & necessitate id facere, nisi oppositum manifeste constaret.

3 Nunc autem in religionibus virorum certum est, conditionem hanc non esse necessariam, sed solum ut electus ejusdem religionis sit, ut patet ex Clement. i. de Elect. ubi, *Ne religiosus aliquis in Abbatem, vel Prælatum alterius religionis, vel habitus, vel professionis*: ergo ex variis textibus solum est necessaria identitas religionis, professionis, & habitus: non ergo ejusdem domus, vel Provinciæ. Expendimus autem supra cap. 3. num. 1. particulam, *de cætero*, in eodem textu positam, quia ex ea intelligitur, illud esse jus novum; post illud autem non habemus jus, quod majorem identitatem requirat: ergo illa sufficit. Denique, usu omnium religionum ita receptum est. Nam religiones Mendicantes, & aliæ illis similes, tantam habent in se unitatem, ut distinctio locorum, vel provinciarum valde accidentaliter reputetur, ideoque nec in eligendo Provinciali consideratur, per se loquendo, ut ejusdem Provinciæ sit filius, aut habitator, neque in Prælato conventuali quod sit ejusdem conventus. Major hujus rei consideratio videtur conservari in religionibus monasticis; tamen quoad hoc fere reductæ sunt ad eandem formam. Hoc ergo jus regulariter est commune omnibus: ubi autem ex speciali regula aliquid aliud additum fuerit, observandum est.

4 Potest autem circa dictam Clementinam dubitari, an illa tria verba, *eiusdem religionis, professionis, & habitus*, æquipollent, solumque sint posita ad majorem rei declarationem, vel expressionem; an vero singula aliquid addant. Glossa enim ibi indicat hoc posterius: nam, si religio, inquit, sit diversa, ut Cisterciensium, & Carthusiensium, quamvis fortasse professio sit eadem, non sufficit. Sed quoad hæc duo non existimo unum ab altero separari, sed voces illas ut synonymas positas esse, & ita non sunt posite in eadem clausula, sed una in principio in ratione textus, altera inferius in ipsius lege. Nunquam enim religio est diversa, quin professio sit aliquo modo diversa, saltem quoad obedientie votum; tum quia sit diversis Prælati non subordinatis: tum etiam, quia sit secundum regulam, quam in diversis religionibus oportet esse aliquo modo diversam. Et præterea traditio, quæ etiam est de substantia professionis, necessario est distincta in distinctis religionibus: illa ergo duo æquipollent in præsentī materia.

5 De alio autem termino, videtur certe positus ad addendum aliquid: nam contingit in eadem religione deferri diversos habitus in distinctis monasteriis aut Provinciis, ut, v.g. in religione S. Francisci quidam sine calceis incedunt, & asperiori ac viliori habitu utuntur, quam alii; & ideo licet sint ejusdem religionis, non tamen videntur esse ejusdem habitus cum aliis conventualibus, vel de Observantia. Et in aliis religionibus, ut Trinitatis, v.g. aut canonicorum regularium, magna varietas in diversis regionibus constituitur, non solum in colore, sed etiam in figura. Videtur ergo in prædicto textu requiri, ut eligendus in Superiorem sit non solum ejusdem religionis, sed etiam ejusdem habitus intra illam. Quod patet ex contextu, nam statim a principio sub disjunctione dicitur, non esse rationi contententium, ut homines disparis professionis, vel habitus in eisdem monasteriis socientur: & ex hac ratione concluditur, utramque conditionem postulandam esse in Abate, seu Prælato medio. Hæc vero expolitio dissoluta est, nam ex illa sequitur, in religione S. Francisci, aut Carmelitarum, v.g. non esse validam electionem, si aliquis ex eadem religione, diversæ tamen factionis, gentis distinctum habitum eligatur. Consequens videtur falsum, & contra usum. Confirmatur, nam in eadem religione contingit esse varias in habitu quoad colorem albam, vel nigrum, ut de quibus S. Benedicti dicitur in Clemp. *Ne in agro*, §. 1. de statu monach. & tamen id non obstat, quo minus gestans habitum diversæ coloris possit in Abbatem

eligi, ut ibi glossa fatetur, dicens hanc diversitatem esse accidentariam.

6 Ex hac igitur glossa, & quæ circa illam a Doctoribus notantur, colligere possumus, convenientiam quidem in habitu esse necessariam ex parte eligendi in Prælatum, hæc enim in dicto textu expresse postulatur, potest autem diversitas in habitu esse quasi substantialis, quæ, ut mihi videtur, semper supponit diversitatem Regulæ, & consequenter etiam religionis. Tunc enim mutatio in habitu alicujus religionis censetur substantialis, quando est contra dispositionem regulæ, ut significavit Panormit. in dict. Clement. i. num. 4. ergo, ut varietas in habitu censetur substantialis, necesse est ut ex diversitate Regularum procedat; nec potest alia ratione commode discerni substantialis varietas ab accidentali in ipso actu: tunc ergo distinctio in habitu merito impedit electionem. Accidentalis autem distinctio in habitu erit, si sit in colore, si sit in figura, quæ non fuerit contra regulam, sed sub eadem permittatur: illa ergo non impedit electionem, & de hac procedunt exempla superius num. præced. adducta. Et ratio reddi potest, quia illa varietas non est distinctio in habitu simpliciter, sed tantum secundum quid, & ideo non repugnat prædicto textui. Ex qua interpretatione concluditur, identitatem habitus in rigore non addere conditionem diversam ab identitate religionis, sed per eam explicari, ad unitatem religionis requiri aliquam conformitatem in habitu, saltem substantialem. De quo iterum dicemus infra, tractatu sequenti de varietate religionum. Addo verò, ubi contigerit, electum esse diversi habitu accidentaliter, quamvis electio valida sit, nihilominus esse juri consentaneum, ut durante illo munere, se conformet aliis in habitu, saltem Superiori; ne inter caput, & membra diversitas appareat, argumento cap. *Deus*, qui, de vita, & honest. cleric. & cap. *in nona*, 16. quæst. 7. ibi, *Constituuntur ut hi, qui in administrationibus Ecclesiæ Pontificibus sociantur, discrepare non debeant nec professione, neque habitu.*

An decisio Clementina a num. 3. explicata procedat de electione monialis.

7 Tandem dubitari potest, an decisio illius Clementinæ circa 2. conditionem locum habeat etiam in monialibus. Ad quod respondendum est affirmative, cum glossa ibi, & communi sententia: quia in his dispositionibus femininum sub masculino comprehenditur, ut in superioribus diximus. Expressius vero hoc statuit Concil. Trident. sess. 25 cap. 7. de Regulari ubi postquam nonnullas conditiones posuit observandas in ea, quæ in Abbatissam eligenda est, subdit: *Quod si his qualitatibus non reperiatur in eodem monasterio, ex alio ejusdem ordinis eligi possit.* Quæ verba in primis supponunt, in monasterio monialium, per se loquendo, & quoad fieri possit, observandum esse, ut de eodem monasterio Abbatissa eligatur. Deinde, in casu necessitatis solum conceditur, ut de alio monasterio ejusdem ordinis eligi possit: est ergo hoc substantiale.

8 Circa hoc autem decretum primum observare oportet, duas conditiones addidisse ibi Concilium pro Abbatis, & Præpositis, &c. quæ in viris necessariæ non sunt: scilicet, ætatem quadraginta annorum; & octo annos religiosæ vitæ post expressam professionem ejus: ut eum supra cap. 3. num. 7. diximus de Generalibus religionum, ita etiam de Provincialibus, & Conventualibus Prælati virorum nullum est jus, quod in eis dictas conditiones requirat: decretum autem de feminis non comprehendit viros, ut supra etiam ostensum est. Tantum ergo in prædictis femininarum illarum conditiones speciali jure requiruntur, & utraque addita videtur a Concilio Tridentino. Nam, quod ad ætatem attinet, licet olim Gregorius Maximiano Episcopo scripserit, ut non permitteret Abbatisas sub sexagenariis fieri, lib. 3. Epist. 11. cap. *Juvenilas*, 20. quæst. 1. tamen illud nunquam fuit jure receptum, posteaque Bonifacius VIII. in cap. *in demeritationis*, de Elect. in 6. solum ætatem triginta annorum completorum requisivit. Concilium autem Trident. quatuordecim tenens, & quia experientia forte monstravit, in feminis licet fortior ætas quam sexagenaria necessaria est, ita maturiorem, quam tricennariam requiri,

Affirmandum de convenientia substantiæ alii, quæ remouet a gaudiis denitatis religionis, non de accidentali.

Id nunc in religionibus virorum non postulat.

Nota.

Num tria hæc religio, professio, habitus sint synonyma.

Resolutio affirm.

Decretum Trid. pro electione monial.

Convenientia in habitu an sit requisita in eligendo.

Expenditur prædictum decretum de ætate, & ætate moniales eligendi.

requiri, quadraginta annorum ætatem postulavit. De altera vero conditione antiquitatis professionis nihil invenio antiquiore jure, nec simili, neque dissimili definitum. Hæ autem duæ conditiones non declarantur a Concilio tanquam substantiales, nec irritatur electio aliter facta, sed simplex prohibitio ponitur, *ut non eligatur*, &c. ideoque si alioquin electio facta sit juxta commune jus, licet illæ duæ conditiones non servantur, non erit electio irrita ipso jure, sed ad summum irritanda. Præterea illæ conditiones non ponuntur a Concilio ut simpliciter necessariæ, sed, si servari poterint; alioquin conceditur ut ætatis triginta annorum, & post quinquennium a professione eligi possit. Intellico autem, illas conditiones servari non posse non solum quando in nulla religiosa ejusdem monasterii inveniuntur; sed etiam, si inveniuntur in aliquibus vitæ laudabilis, si non habeant qualitates aliquas ad gubernandum necessarias: ita enim intelligendum est Concilium cum dicit, *Si his qualitatibus non reperiatur in eodem monasterio*, scilicet, apta ad electionem: clarum est enim illas solas qualitates non sufficere, ut persona sit digna; nec velle Concilium, ut sine aliis requisitis aliqua eligatur, etiam si illas conditiones habeat. Et eodem modo intelligo quandam responsionem Congregationis Cardinalium, quæ absolute habet, *Abbatissam triginta annorum, & quæ per quinque annos solos sit professa, eligi non posse, si in monasterio est aliqua monialis quadraginta annorum, & quæ jam per octo annos sit professa*; subintelligendum enim puto, dummodo alioquin ad gubernandum apta sit, & sufficiens, nam hoc ex natura rei necessarium est. Addit vero idem Concilium, ut sine illis eligi possit, oportere, ut non possit commode ex alio monasterio cum illis eligi; quod committit judicio Superioris: & ideo Congregatio Cardinalium in prædicta responsione addidit, *Aut in aliquo monasterio ejusdem ordinis vicino istius qualitatis inveniantur*; ubi expendo particulam illam *Vicino*, quæ addita est verbis Concilii fortasse ad declarandum, distantiam loci sufficere, ut electio non possit commode ex alio monasterio fieri: quanta autem sit illa distantia, Superior judicabit.

9 Notandum præterea est aliud responsum eorundem Cardinalium, quod variis ac fide dignis testimoniis ad nostras manus pervenit sub his verbis, *Abbatissa, licet per quinquennium non manserit in religione, dum tamen excedat triginta annos, & id fiat ad requisitionem suarum monialium de licentia secunda dignitatis cathedralis, & earum Superioris regularis, dummodo laudabiliter anno superiore se gesserit, debet confirmari per biennium in officio. Quod si ad confirmationem dictæ Abbatissæ deesset Superiorum regularium licentia propter absentiam, servatis iis, quæ hoc capite præscribuntur, ad dictam confirmationem procedendum est*. Quod responsum imprimis intelligo habere locum, quando dispositio Concilii Tridentini ad litteram servari non potest, quia non est verisimile per illam derogari, vel aliqua ex parte dispensari in Concilio, si observari potest. Solum ergo habet locum quando nec quadragenaria cum octo annis professionis ejusdem monasterii & religionis commode eligi potest; nec etiam in monasterio invenitur aliqua triginta annorum ætatis, & habens quinque integros annos professionis æque digna, & apta ad illud regimen: nam si hujusmodi inveniantur, non video cur alia admittenda sit. Imo etiam in eo casu necessitatis censeo, illam declarationem factam esse auctoritate Pontificis, quia sola scientia sine potestate ad illam non fuisset sufficiens, tum quia est quasi nova lex in casu a Concilio omisso, nihil enim Concilium providit pro eo casu, in quo non invenitur aliqua triginta annorum, habens quinque annos professionis: tum etiam, quia ibi postulatur licentia secundæ dignitatis cathedralis, & Superioris regularis, si commode haberi possit, & solum conceditur, ut ad biennium confirmari valeat. Quæ omnia non pertinent ad doctrinalem interpretationem, sed authenticam, & potestativam, ut sic dicam; ideoque, ut illa declaratio ad usum applicari debeat, observare oportet, an sit universaliter facta pro tota Ecclesia, & an sit facta promulgata ut habeat vim legis. De quibus mihi nunc non constat; credo tamen saltem

observari posse ubi oppositum non constiterit, nam continet quasi epychejam per se satis consentaneam rationi, & habet sufficientem auctoritatem.

10 Ex hac vero declaratione constat, antiquitatem professionis non esse reputatam a Congregatione Cardinalium tam necessariam conditionem, sicut etatem completam triginta annorum: nam alius casus omittitur etiam in Concilio esse posset, in quo nulla monialis existentium in monasterio, & apta ad gubernationem ejus, habeat triginta annos ætatis expletos, & tamen in eo nulla declaratio vel epycheja facta est, ideoque in tali casu nulla eligi potest minoris ætatis, etiam si per plures quam octo annos religiosa fuerit: sed in eo casu aut ex alio monasterio ejusdem religionis assumenda erit Abbatissa, etiam si difficultates aliquas superare, vel aliquid incommodi ferre necesse sit, vel certe dispensatio erit a Summo Pontifice postulanda. Sed quid si duæ apæ ad dictum officium concurrant, altera quadragenaria, nondum tamen habens quinque annos professionis; altera vero habens illos completos vel etiam octo, nondum vero attingens quadagesimum annum ætatis, licet excedat trigésimum? Videtur enim hæc posterior præferenda, quia habet aliquo modo completam utramque conditionem a Concilio postulatam: priori vero una conditio omnino deest. In contrarium autem est, quia Concilium per se primo requirit ætatem quadraginta annorum, quæ conditio completur in priori, & non in posteriori, & aliunde conditio ætatis magis desideratur, ut notatum est: ergo videtur præferenda prior. Mihi videtur negotium arbitrarium, quia revera se habent tanquam excedens, & excessum, & ideo censeo præferendam esse illam, quæ ob alias conditiones dignior reputata fuerit: si autem fuerint æquales, excessus ætatis videtur præferendus ex genere suo, propter rationem factam, & quia in jure magis consideratur, quam alius. Dico autem, *ex genere suo*, quia tam parvus esse posset excessus ætatis, & tantus in antiquitate religionis, ut hic præponderaret: Superior ergo prudenter hoc judicabit. Hinc tamen colligimus, quotiescumque nulla est, habens integras illas duas conditiones quadraginta annorum ætatis, & octo professionis, illam esse, cæteris paribus, præferendam, quæ plus de illis participaverit. Ut si sit aliqua habens quadraginta annos ætatis, & quinque professionis, in dubio esset præferenda aliis non attingentibus illam ætatem, neque habentibus octo annos professionis; & sic de aliis. Quamvis enim dici possit, Concilium solum assignasse illa tempora certa, & ideo, si non expleantur, nihil referret quod ad illam magis, vel minus accedatur, & similiter duas illas conditiones simul postulasce, & ideo, si simul non conjungantur, unam vel alteram nihil conferre: nihilominus negari non potest, quin & conditio ætatis majoris 30. annorum per se spectata necessaria sit, & quod juxta intentionem Concilii major participatio illarum conditionum, ubi integræ haberi non possunt, cæteris paribus, reddant personam in hoc munus digniorem.

11 Ex quo tandem intelligitur, quando juxta mentem Concilii oporteat electionem fieri ex alio monasterio. Nam imprimis juxta dictam declarationem Cardinalium solum est hoc simpliciter necessarium, quando in eodem monasterio nulla, quæ eligi possit, habet triginta annos ætatis completos: nam si illos habeat, in reliquis conditionibus facile potest benigne interpretatione uti, considerata aliqua incommoditate in eligendo extraneis: hanc enim etiam necessariam esse opinor, ut prædicta declaratio locum habeat, ita ut a dispositione Concilii non recedatur. Addo deinde, sufficientem causam eligendi ex alio monasterio esse, quod in eodem non inveniantur aliqua habens simul illas duas qualitates quadraginta annorum ætatis, & octo professionis: sic enim intelligo illa verba Concilii, *Quod si his qualitatibus non reperiatur in eodem monasterio*, quia nisi utramque habeat, dici non potest esse iis qualitatibus affecta. Verum est, Concilium non dicere in eo casu, eligi debere ex alio monasterio, sed posse; quare judicio Superioris relinquit, ut id fiat, si absque incommodo possit. Unde, si non obitante eo defectu, ex consensu Superioris alia de eodem monasterio eligatur, habens alias conditiones requisitas a

Juxta hoc responsum non tam exigitur monialis antiquitas, quam ætas.

Quam conditionem defectu possit, autem eas eligi monialis ex alio monasterio.

Concilio triginta annorum ætatis, & quinque professionis, sine dubio erit valida & confirmanda electio, etiam si fortasse aliter sine incommodo fieri possit, quia nullum est verbum in Concilio, quod necessitatem indicet, sed solum directionem Superioris, ut id non permittat, nisi ratione alicujus incommodi. Quod si fortasse ille liberalior sit, quam debeat, inde non infirmatur electio, cum Concilium hoc non disponat. Tanto autem facilius, seu ad vitandum etiam levius incommodum poterit hoc permitti, quando minor fuerit defectus dictarum conditionum in persona eligenda ex eodem monasterio. Nam si habeat octo annos professionis, licet non attingat quadragesimum annum ætatis, dummodo excedat triginta, facilius poterit admitti ejus electio: & idem est e converso, si habeat quadraginta annos ætatis, nondum vero expleverit rotos annos professionis. Et sic de aliis combinationibus, quæ facile cogitari possunt.

Expediuntur 3. & 4. conditiones requisite in eligenda.

Ordo sacer.

12 Tertia conditio necessaria ex parte eligendi in Prælaturam erat, ut sit sacerdos, vel ordinatus in sacris: quam per se constat in religionibus virorum, non monialiam requiri, quia nec fœminæ sunt capaces ordinis, neque illo indigent ad suum modum prælationis, cum non consistat in potestate jurisdictionis spiritualis, sed tantum in dominativa, seu materna. In religionibus autem virorum ita necessaria est ad inferiores prælationes, sicut ad supremam: nam jura quæ adduximus, de conventuali Abbate, seu Superiore præcipue loquuntur. Quarta conditio erat, ut sit legitimus: quam certum est etiam postulari ad prælationem Provinciale, vel Conventuale; imo ad quodcumque munus religionis habens jure ordinatio spirituale jurisdictionem. Nam cap. 1. de filiis presbyt. hæc omnia completur, ut laus Sylvest. prosequitur verb. *Prælatus*, n. 3. & verb. *Electio*, l. q. 14. n. 15. & Ange. eod. verb. n. 23. Dubitari autem potest an hæc conditio etiam in Abbatissis requiratur. Et ratio dubitandi est, quia earum prælatio non consistit in spirituali jurisdictione, sed ille defectus originis solum impedit ex vi juris canonici aut ordinem, aut spirituale jurisdictionem: ergo. Major sæpe est in superioribus tractata, præsertim cap. 1. num. 3. minor ex jure constat, quia nullum decretum afferri potest, in quo impedimentum illius amplius extendatur. Et confirmatur maxime ex toto titulo de filiis presbyterorum, in quo de filiis tantum sermo est. Et licet sub nomine masculino soleant fœminæ comprehendi, tamen id potissimum habet locum in favorabilibus, non autem in odiosis, nisi vel aliæ circumstantiæ, vel saltem omnimoda identitas rationis ad illum sensum cogant: hic autem nec est similis ratio, ut explicatum est, nec circumstantiæ aliquæ ad illam extensionem faciendam inducunt. Imo si considerentur verba cap. 1. de filiis presbyt. aperte videntur determinari ad solos mascululos: nam prius dicitur, ut filii illegitimi non ordinentur, nisi religiosi fiant, & deinde additur: *Prælationem vero nullatenus habeant*: loquitur ergo de filiis ordinis capacibus, vel (quod idem est) de prælatione proprie dicta, quæ ordinem aliquem præsupponit, aut requirit. In reliquis autem textibus fere sermo est de filiis presbyterorum, quatenus ad dignitates, personatus, aut beneficia Ecclesiastica curam animarum habentia, adiri non possunt sine dispensatione Pontificis, præsertim in illis Ecclesiis, ubi patres eorum beneficia habuerunt. De quibus etiam solis agit Concil. Trident. sess. 25. cap. 15. de Reformat. Constat autem officium Abbatissæ nec dici posse beneficium Ecclesiasticum, neque illius sollicitudinem proprie vocari posse curam animarum, sed solum ministerium pertinet ad gubernationem quasi æconomicam unius domus, quamvis accommodatam religioso statui ac profectui. Tandem, nulla irregularitas admittenda est, quæ non sit in jure expressa; hæc autem inhabilitas illegitimitatis ad prælationes Ecclesiasticas quædam irregularitas est: non est ergo ad fœminas extendenda, cum in jure non sit expressa.

13 Propter hæc ergo, vel similia, nonnulli graves auctores censuerunt, hunc defectum natalium nullum impedimentum esse ad munus Abbatissæ. Citatur ab

Emmanuel Rodr. q. 10. art. 21. & in Somm. 2. part. cap. 29. n. 12. Felinus referens Jo: Andr. & Geminianum loco infra adducendo, num. seq. sed nec Felinus id tenet, nec dictos auctores refert: citatur etiam Ancharanus in cap. generali, de Elect. in 6. citans Cynum, & Bartolum in l. 2. ff. de verb. signific. ubi etiam Bartolus nihil de hac re loquitur; indicat vero hanc opinionem Tabien. verb. *Virginis consecratio*. Nihilominus alii distinguunt inter Abbatissas, quæ temporales sunt & non benedicuntur, & perpetuas, quæ benedicuntur: & de prioribus ajunt cum prima opinione, nihil referre quod illegitimæ sint; secus vero esse de posterioribus, quia sunt veræ prælatæ, & habent jurisdictionem quasi Episcopalem. Sed hæc distinctio neque in antiquis authoribus invenitur, neque habet fundamentum in jure. Nam in primis benedictio non refert, quia illa non est aliquis ordo, ut defectus natalium reddat personam quasi irregularem ad illam benedictionem; neque admittenda est illa exceptio, cum in jure non habeatur, & materia sit odiosa, & quamvis admitteretur, sicut professio religiosa tollit irregularitatem ad ordines, ita etiam tolleretur ad illam benedictionem. Perpetuitas etiam non refert, quia non majorem jurisdictionem habet Abbatissa perpetua ex illo capite, quam temporalis; sed id, quod habet, magis durable est, & revera neutra habet propriam jurisdictionem spirituales, nam hoc non provenit ex majori, vel minori duratione, sed ex incapacitate fœminei sexus, ut alibi diximus tom. 5. in 3. part.

14 Est ergo communis opinio, illegitimitatem absque dispensatione non posse esse Abbatissam, tenet glossa in cap. indemnitate, §. 1. verb. *Canonica*, de elect. in 6. Sequitur Panorm. in cap. cum in cunctis, de elect. n. 6. & Felin. cap. meminimus, de accusat. nu. 4. quam esse communiter receptam, & in praxi servatam testatur Navar. Comment. 2. de Regul. nu. 60. Majolus lib. 1. de irregul. cap. 29. nu. 10. citans Tabien. verb. *Dispensatio*, §. vers. 21. Qui tamen non fundantur nisi in cap. 1. de filiis presbyt. quod generaliter statuit, filium illegitimum esse inhabilem ad Ecclesiasticas prælationes; munus autem Abbatissæ inter prælationes computatur, ut notant Doctores in d. cap. indemnitate, §. Verum, ex textu ibi, *Ut a dignitate deiciatur adepta*, ubi Geminianus in 3. notab. & Abbas in cap. quia propter, de elect. n. 8. ubi propterea omnes docent in electione Abbatissarum servandam esse formam illius textus, quia sub nomine prælationis comprehenditur. Et licet D. Thom. in 4. d. 25. q. 2. art. 1. q. 1. ad 2. dicat, Abbatissam non habere prælationem ordinariam, statim tamen subdit, habere quasi ex commissione, habet ergo aliquo modo sufficiente ut sub generali nomine comprehendatur. Præterea non obstat, nomen filii masculini generis, quia in aliis similibus dispositionibus juris sub ea voce fœminæ comprehenduntur, præsertim quando lex est favorabilis religioni, etiam si fortasse sit onerosa privatæ personæ ex Clemen. 1. cum gloss. ibi, verb. *Homines*, de elect. & in cap. generali, verb. *Universos*, de elect. in 6. hujusmodi autem est dispositio illius cap. 1. in quo etiam non deest similitudo rationis, quia munus Abbatissæ etiam computatur inter dignitates Ecclesiasticas. Et ad hoc confirmandum induci potest declaratio Sixti V. quæ aliàs posset in contrarium obijci: cum enim contra illegitimos rigorosum scriptum edidisset, postea in declaratione addit, *Ceterum quæ a nobis circa religiosos viros in præfata constitutione sancita sunt, ea nequaquam volumus ad moniales nunc extendi*. Quam declarationem ideo necessariam reputavit, quia non ex vi verborum, sed ex peculiari intentione, & benignitate sua videbatur profecta. Quamvis enim prima sententia in rigore juris facile defendi possit, quia revera ex illo sufficienter non convincitur hæc opinio: nihilominus in praxi non censuo recedendum ab hac sententia, quoniam sicut communior, ita securior est.

15 Sed dicunt aliqui, hanc maculam per professionem religiosam tolli, nam in viris irregularitas ad ordines tollitur per professionem religiosam: ergo etiam in fœminis aliqua inhabilitas tolli debet; in eis autem non est irregularitas ad ordines, quæ tolli possit; ergo tollitur talem hæc inhabilitas ad prælationem. Sed hoc non recte dicitur: nam professio sola sua vi, & natura

Communis opinio
requirens
legitimitatem.

Opinio
Emmanuelis
nucis in
praxi minus
secura, quam
vis facile
defendi
possit.

Legitimitas.

Arguitur
non requiri
legitimitatem
pro Abbatissa.

tura non tollit hæc impedimenta, ut in superioribus tetigimus, & per se satis notum est: tantum ergo tollit, quantum a Pontificibus est concessum, & ideo in viris professio tollit irregularitatem ad ordines, non vero ad prælationes, quia utrumque statutum est in dict. cap. 1. de filiis presbyter. Quod autem in fœminis professio tollat inhabilitatem ad prælationem, nullo jure, aut privilegio concessum est: ergo propter illam congruentiam, vel æquiparationem, non potest hic effectus tribui professioni monialium: neque etiam est similis ratio, quia per hanc inhabilitatem non impeditur fœmina ab aliquibus actibus spiritualibus, & ad cultum Dei pertinentibus, qui per fœminas exerceri possit; sicut impeditur vir per irregularitatem ab ordine.

An corrupta possit eligi in Abbatissam.

16 Denique addunt prædicta glossa, Panormit. Felinus, & alii, non posse eligi in Abbatissam, quæ fuerit corrupta, etiam si sit vidua: quod solum probant ex cap. juvenclus, 20. quæst. 1. ubi Gregor. præcipit, eligi virginem sexagenariam. Verum tamen caput illud quoad unam partem, scilicet, quod sit sexagenaria, receptum non est in vim legis: idem ergo de altera parte responderi potest: unde Archidiaconus & Hugo ibi ajunt, illud interdum non observari; nam licet decentissimum sit, ut virginibus non præsit nisi virgo, ut ita non solum verbo, sed etiam opere ac perseverantia sit aliis exemplum virginitatis; nihilominus aliquando potest expedire viduam eligi, quamvis tunc consecranda, seu benedicenda non esset, ut notat etiam glossa in Clem. Attendentes, verb. Rationabilis, de stat. monach. quæ tamen indicat etiam in eo casu necessitatis necessariam esse dispensationem, quam etiam indicat, posse concedi per aliquem Prælatum præsentem electioni, v. g. Episcopum, vel Episcopalem jurisdictionem habentem: quod mihi est probabile, quia illa prohibitio, quam Gregor. fecit cuidam Episcopo, non est cum tanto rigore proposita, ut ab illo extulerit potestatem dispensandi in casibus revera necessariis. Sed in hac re potissimum censeo standum esse consuetudini. Reliqua quæ de aliis defectibus seu impedimentis ad hujusmodi prælationem, ejusdem fere rationis sunt cum his, quæ de viris diximus, & de illis videri potest late Majoris dict. lib. 1. de irregularitate, cap. 29.

Quid de aliis defectibus cum viris communibus.

Tractantur conditiones ex parte eligentium requisitæ.

1. Condicio ut eligendi officium sit penes congregationem.

17 Jam dicendum est de requisitis ex parte eligentium, in quibus eadem, quæ de Generali diximus in cap. 4. cum proportione servanda sunt. Nam in primis uniuscujusque electio ad congregationem proportionatam pertinet: electio enim Prælati conventualis jure communi ad conventum pertinet, argumento cap. 1. de electione, & expresse habetur in cap. cum dilectus, de consuetudine, & 18. quæst. 2. per multa capita, & fere ex natura rei sequitur, supposita provisione futura per electionem: & altem constas, nisi jure aliquo positivo aut consuetudine præscripta aliis jus eligendi concessum sit ex natura rei in ipso corpore communitatis tale jus residere. Affirmat autem Navar. comment. 3. de Regular. nu. 2. hoc jus constituendi Abbates magna ex parte reservatum esse Summis Pontificibus, vel facultatem præsentandi illos nonnullis Principibus esse concessam. Sed hoc intelligendum existimo de his, qui vel regulam in suo rigore non observant, vel secundum aliquam reformationem regulariter vivunt: nam in religionibus observantibus ac reformatis electio juxta communem consuetudinem per conventum fit & ita est observandum, nisi aliud constiterit de jure speciali. Unde fit, idem proportionaliter esse dicendum de electione Provincialium; quamvis enim jus commune de illis nihil specialiter disponat, constat eandem esse rationem, seu proportionem Provinciarum, seu Capituli Provincialis ad suum Prælatum, quæ est conventus localis ad suum.

2. Condicio professio religionis ejusdem.

18 Deinde ex parte eligentium requiritur etiam professio ejusdem religionis, nam jura supra citata signatim requirunt hanc conditionem in electione Abbatissæ, vel Abbatissæ. Non est autem necessarium ut talis professio sit expressa, quia hoc in jure non postulat, ut supra cap. 4. num. 2. satis dictum est. Et ibi etiam nu. 3. tractata sufficienter est alia condicio, quam jura postulant, scilicet, ut electores sint in sacris ordinati. Quæ licet in monialibus locum non habeat, dubitari tamen

3. Ne electores sint laici.

Suarez Tom. XV.

potest, an illæ religiose, quæ inter eis laicæ vocantur, quia nec velantur, nec ad officium chori deputantur, an (inquam) vocem habeant in hujusmodi electione. Sed de hoc nihil invenio vel in jure, vel in authoribus, & ideo dico breviter: si illæ non sint vere professe per tria vota solennia, jure communi excludi cap. indemnitate, de Elect. in 6. Si autem sint vere religiose professe, nullum invenio jus, quo excludantur: nam illa similitudo, vel proportio ad religiosos eligentes, quod debent esse ordinati, non sufficit, neque aliquid refert ad jus in hac re constituendum. Non repugnat ergo admitti; an vero admittendæ sint, ex consuetudine, vel ex jure speciali pendet, & regulariter observari existimo ut non admittantur. Postulatur præterea in dict. cap. indemnitate, ætas duodecim annorum expletorum: sed illud procedebat juxta antiquum jus. Hodie autem cum major ætas requiratur ad professionem emittendam, constat etiam ad eligendum majorem ætatem requiri, scilicet sexdecim annorum expletorum. Major autem necessaria non est, quia neque ad professionem emittendam requiritur, nec per jus aliquod per se postulat; nec etiam petitur, ut post professionem, aliquod tempus ante electionem intercesserit. Unde etiam necessarium non est quod professio diem vocationis antecesserit, sed sufficit ut ante electionem legitime facta sit. In viris autem nihil invenio specialiter de ætate dispositum, & ideo quæ sufficiens est ad ordinem Subdiaconatus, sufficit etiam ad eligendum. De quo videri potest Sylvest. verb. Electio, 1. per priores quatuor quæstiones.

De conditione etiam us, & necessitatis eligentium.

19 Tandem inquiri solet, an Patronus possit habere jus eligendi simul cum religiosis. Faciunt enim substitutionem verba Pelagii Papæ in cap. Abbatem, 2. 18. q. 2. In monasterio (inquam) illum volumus ordinari Abbatem, quem sibi de sua congregatione, & monachorum electio, & possessionis dominus poposcerit ordinari. Per quæ verba videtur jus eligendi Patrono tribui; ubi glossa alia jura in eandem sententiam refert. Nihilominus dicendum est, Patronum non posse habere jus eligendi, tum quia, si est laicus, non potest habere jurisdictionem Ecclesiasticam, nec propriam administrationem, si vero non sit professus ejusdem religionis, etiam si sit clericus, non potest eligere Prælatum regularem, juxta cap. ex eo, & cap. indemnitate, de elect. Et hæc est sententia communis, quam tenet glossa in d. cap. Abbatem, glossa in cap. quod sicut, verb. Impedire, ubi Abbas n. 6. item in cap. cum terra, n. 2. de elect. idem Panorm. in cap. nobis, de jure patronatus. In quo textu expresse est hoc declaratum, & per illud explicandum est d. cap. Abbatem, ait enim, In conventuali Ecclesia non electioni Prælati faciendæ sed jam factæ honestius præstatur assensus, non ergo erigit patronus, sed electioni factæ præbet assensum. Quod etiam in d. cap. Abbatem, insinuat, nam electio tantum dicitur esse monachorum; patroni autem simul cum illis potestere electum. Dices, aut hoc nihil conferre patrono, aut idem habere incommodum: nam vel cogitur patronus præbere assensum, & inutilis est illa cæremonia; vel potest sua voluntate rumpere electionem, & hoc majus est incommodum. Respondetur primum, illud esse quoddam genus gratitudinis, recognitionis, & honoris, quod inter homines plurimum æstimatur. Deinde, si patronus legitimam causam proponat, ob quam non præbet assensum; audiendus est; & si causa sit sufficiens, Superior non confirmabit, sed cassabit electionem: sine legitima autem causa nihil obstabit Patroni dissensus; & ita nec est inutilis hæc potestas nec incommodum afferri. Quamvis autem hoc ita sit jure communi, specialia jura legitime confirmata spectanda etiam sunt, & laudabilis consuetudo servanda. Numquam tamen poterit consuetudine introduci, ut jus eligendi Prælatum acquiratur laico, aut non professo, nam est contra canones Ecclesiasticos, & contra Ecclesiasticam utilitatem ac disciplinam, & ita sentiunt Doctores citati, & Navar. Comment. 3. de Regular. nu. 60.

An patronus requiratur ad eligendum.

Pars negativa.

20 Ultimo necesse est, ut hi electores non sint per censuram Ecclesiasticam impediti, aut voto privati. De hoc autem impedimento sufficienti superius dicta cap. 4. num. 9. quoniam ejusdem rationis est in omnibus electionibus, siue majorum, siue minorum Prælatorum, & pro omnibus consulenda est doctrina de

Ultima conditio ne sint censurati.

Censuris, ut illo cap. 4. num. 9. jam citavimus: nam ex ea constat per quam suspendatur quis a potestate eligendi. Viderique possunt Sylvester, & Angelus, & alii Summistæ, verb. *Electio*. Inquiri etiam hic posset, an moniales per censuras interdiciantur, aut suspensæ priventur etiam hac potestate eligendi, mediate, aut immediate, in materia de Censuris sufficienter tractum est; & ideo de his electoribus hæc in præsentia sufficiant.

21 Tertium requisitum est, ut servetur debita forma electionis. Circa quam communis, & recepta sententia est, servandam esse formam præscriptam in cap. *quia propter*, in his omnibus Prælati, ut constat ex Innoc. P. norm. & omnibus expositoribus, Sylvestro verb. *Electio*, 2. num. 2. & 4. ubi addit, tam Priores Provinciales, quam Conventuales ordinis Prædicatorum, & qui eis correspondent in aliis religionibus, debere eligi juxta dictam formam, resecatis multis juris subtilitatibus per constitutiones eorum: intelligendum est autem de constitutionibus confirmatis a Summo Pontifice, si in aliquo derogant juri communi, quia nulla constitutio sine auctoritate Summi Pontificis contra illud valere potest. Neque hic occurrit aliquid specialiter addendum, sed superius dicta in cap. præced. cum proportionem applicanda sunt. Atque idem dicendum est de monialibus, in quibus eadem forma capitis, *quia propter*, ut ibidem quoque tradidimus, servanda est, ut notavit glossa communiter recepta in cap. *indemnitate*, §. 1. verb. *Collatio*, de Elect. juxta modum tamen & moderationem additam in d. cap. *indemnitate*, quam in Summa redegit Sylvest. verb. *Elect.* 3. in fine. Denique, etiam in eis locum habet dispositio addita a Conc. Trid. sess. 25. cap. 6. de Regular. ut in eodem expresse declaratur. Et hæc de conditionibus, ac forma eligendi Prælatos regulares in f. a. Generalem.

22 Ultima pars assertionis restat de modo creandi hujusmodi Superiores absque electione per solam provisionem, aut nominationem superioris Prælati. De quo genere provisionis, quantum ad usum ejus spectat, cum præter jus commune sit, nihil aliud dicere possumus, nisi tantum ibi servari posse ac debere, ubi specialiter & approbato jure fuerit institutum. Qua lege supposita, ex parte eligentis, seu providentis necessarium est, ut habeat suam potestatem non suspensam, neque impeditam. Et quia talis potestas annexa esse debet prælationi ejusdem religionis, ut supponimus, omnes conditiones quæ ad talem prælationem necessariæ sunt, ad illam requiruntur. Ex parte vero ejus, qui providendus seu instituendus est in Prælatum, omnes conditiones supra posite in cap. 3. ex parte eligendi necessariæ sunt: quia illæ non postulantur propter specialem modum electionis, sed propter prælationem ipsam; ut, v. g. quando jus disponit, ut nemo eligatur in Prælatum religionis, nisi expresse professus, professio non petitur propter modum electionis, sed ut persona sit capax prælationis: unde quantum ad hoc spectat, cum dicitur, *non eligatur*, perinde est ac si diceretur, *non promoveatur*, itaque de cæteris conditionibus illo capite positis intelligendum est, juxta communem, & certam sententiam. Neque ulla ratio dubitandi occurrit: nam quod jura utantur verb. *eligantur*, solum est, quia secundum commune jus ille est ordinarius modus promovendi aliquem ad hanc dignitatem: aliquando vero utuntur verb. *assumendi*, ut in cap. *tuam*, de ætat. & qualitat. *Possit in Abbatem assumi*, quia revera, ut dixi, non respiciunt viam (ut sic dicam,) sed terminum, id est, conditiones, quæ decent talem personam: unde hæc, quæ diximus, potissime intelliguntur de quacumque institutione, seu collatione prælatuæ: nam postulationem, per quam non acquiritur jus postulatio, non requiruntur ex parte ejus, qui postulat, omnes conditiones necessariæ ad prælationem habendam: nam satis est, quod si aliqua deficiat, possit in ea dispensare ille, a quo fit postulatio, & quod ratio sufficiens ad dispensandum intercedat, ut latius tractatur in tit. de postulat. Prælat. & a Summistis, verb. *Postulatio*. Denique circa modum, seu formam providendi prælationem absque electione, nihil citra hoc dicendum occurrit, nisi quæcumque signa, aut verba sufficienter declarantia voluntatem superioris Prælati, conferendi alteri inferiorem prælationem cum actuali usu (ut sic

dicam) seu exercitio ejus, sufficere ad illam conferendam eo ipso quod sufficienter proponitur ac promulgatur. Nec existimo esse necessarium addere, quod requiratur etiam subditorum acceptatio: nam, per se loquendo, non est necessaria nova acceptatio, sed sufficienter obligatio obediendi, quam ex vi voti habent. Quamquam in hoc servanda sunt etiam jura specialia, vel honesta consuetudo præscripta. Sed de hoc modo providendi Superiores religionis, quia inter omnes videtur esse proprius Societatis; ideo tractando in particulari de ejus instituto, plura de illo dicemus tract. 10. lib. 10. cap. 3.

C A P U T VII.

An prælatio religionis perpetua sit, quante tempore durare possit, aut debeat.

1 **Q**uæstio hæc tractari potest aut ex natura rei, aut ex jure communi, aut ex speciali. In primo sensu potest tractari de facto, quia pender ex hominum arbitrio, ac institutione, ut videbimus; & ideo ex sola rei natura non habet hæc prælatio, quod sit perpetua, vel temporalis. Sed hoc solum ex natura rei ad illam consequitur, ut postquam semel collata est, auferri non possit iuste intra illud tempus, pro quo data est, nisi interveniente causa legitima; & potestate, quia per collationem acquiritur in illam proprius jus, quo nemo potest sine causa privari: de quo aliàs. Igitur ex natura rei uterque modus institutionis possibilis est, quia in neutro illorum per se est aliquid contra rectam rationem, & quia alii principatus, & magistratus possunt esse perpetui & temporales. Denique quia in utroque modo possunt esse multa commoda in ordine ad bonum regimen, & quamvis habeant admixta incommoda, vel non sunt contra rectam rationem, vel non per se sequuntur, sed per accidens, necessarioque sunt in rebus humanis toleranda, quia non possunt omnia vitari, & præcipuum punctum humanæ prudentiæ est tunc id eligere, quod minus habet incommodi. Unde oritur quæstio, quæ illarum institutionum ex natura rei magis expediat religionum gubernationi: de qua dicam in num. 9. expeditis aliis membris propositis.

2 Secundo igitur dicendum est de jure communi. Omitto autem divinum, quia de hac materia in particulari nihil divinum jus statuit, ut sæpe in superioribus tactum est, & per se est evidens, quia nec scriptum, nec traditum ostendi potest. Imo probabile existimo in universa Ecclesia Catholica nullam prælationem esse ex divino jure absolute perpetuam, ita ut non possit quis ea invitatus privari, vel sub ea lege haberi, nisi solus Pontificatus Summus; sed de hoc aliàs. Igitur, loquendo de communi, jure Ecclesiastico, Navar. Comment. 3. de Regular. num. 3. affirmat, monasteriorum Prælatos, vel prælatos secundum jus commune, & regulam debere esse perpetuos: id autem non probat nisi ex eodem textu; quem commentatur, cap. *nullum*, 18. quæst. 2. ubi dicitur, nullam potestatem relinqui monachis expellendi Abbatem, aut sibi met ipsum ordinandi: quod non alia ratione dici potest, nisi quia Abbas ex vi juris perpetuus est. Et hoc idem supponitur toto titulo de statu monach. Verum tamen duobus modis intelligi potest, hæc perpetuitatem esse de jure communi, positive scilicet, seu de jure; aut negative tantum, vel (ut ita dicam) præsuppositive. Priori modo non invenio jus aliquod positive definiens ut hæc prælationes perpetuæ sint; nec Navar. illud adducit. Nam illud cap. *nullum*, solum statuit, ut monachi non possint deponere Abbatem pro arbitrio suo, aut alium creare quando voluerint, quod longe diversum est; nam, licet prælatura sit temporalis, non potest deponi Prælati arbitrio subditorum, sed definito tempore a lege, seu statuto, vel ipso jure amittere officium, vel tenebitur renunciare, & ad id cogi potest juxta constitutionis tenorem. An vero possit Prælati sub ea conditione creati, ut tantum durent in officio ad arbitrium subditorum, infra a num. 4. videbimus. Neque etiam in toto titulo de statu monachorum, aliquid invenio, quo hæc conditio perpetuitatis pro hoc munere accetatur, ac præscribitur.

3 At vero alio modo negativo verum esse videtur ex vi ju.

Resolutio
quæstio-
nis atten-
to jure
naturæ.

Resolutio
ejusdem
attento
jure divi-
no.

De forma
servanda
in d. d. a.
electione.

Offendi-
que tamē
3. p. 1. s. 1.
p. 1. s. 1.
p. 1. s. 1.
p. 1. s. 1.
p. 1. s. 1.
p. 1. s. 1.
p. 1. s. 1.
p. 1. s. 1.

Quid ex
parte pro-
videntis
requira-
tur: quid
item ex
parte
provisi.

Quid ex
parte for-
mæ, seu
modi pro-
videadi.

vi juris communis hanc dignitatem esse perpetuam. Primo, quia illud jus non verat quin perpetua sit, sicut etiam non prohibet esse temporalem. Secundo, quia semper loquitur de hac dignitate tanquam de perpetua, & quæ de illa statuit, perpetuitati congruunt, quia nimirum illam conditionem supponit. Unde fit tertio, ut virtualiter illam approbet, ac defendat, qui videtur esse proprius sensus dicti cap. *nullam*, declarat enim, postquam religiosi sibi eligunt aliquem in Abbatem, absolute, & simpliciter, ac sine ulla temporis limitatione, talem Prælaturam ita esse perpetuam, ut non possit ab inferioribus deponi. Liberum enim eis fuit potestatem in ipsos dominandi tradere; postquam autem absolute dederunt, auferre non possunt. Atque hic videtur fuisse mos antiquorum monachorum, ut colligitur ex decretis, & historiis supra adductis & ex Concilio Moguntino, cap. 11. ubi dicitur, Abbatem non posse etiam suo arbitrio locum suum relinquere, sed cum permissione Episcopi. Et ex Concilio Triburiensi sub Adriano II. & aliis, quæ statuunt, Abbatem solum propter crimina, vel defectus in regimine, posse suo munere privari; & ex Regula S. Benedicti cap. 2. & 64. colligitur, Abbatem ex vi suæ Regulæ esse perpetuum: nam licet hoc expresse, & in actu signato (ut sic dicam) non dicatur, tamen nullus ei præfigitur terminus, & tanquam de perpetuo de illo tractatur: Hac ergo ratione magis dici potest duratio perpetua, quam temporalis hujus prælationis esse de jure communi, præsertim antiquo: quia præsuppositivè saltem fere semper de illa tanquam de perpetua loquitur.

4. Tertio nihilominus secundum specialia jura religionum multa est in hoc varietas. Nam in primis supremus Generalis frequentius temporalis est, & majori, vel minori tempore durat, in religione Minorum, & Carmelitarum per sexennium; in multis aliis monachalium solum per triennium; in aliquibus vero religionibus perpetuus est, seu ad vitam, ut in religione Carthusianorum, Prædicatorum, & Societatis: religio autem S. Augustini quoddam medium observat ad hoc usque tempus; nam vivente Generali, Capitula Generalia celebrant, in quibus de retinendo eodem Generali, & novo creando suffragia ferunt. Unde videntur non posse sine rationabili causa mutationem facere: atque ita Generalem esse perpetuum, tamen sub ea conditione, ac modo, ut ex prudenti arbitrio religionis cessare valeat. Reliqui autem Prælati omnes inferiores in omnibus religionibus temporales sunt, juxta proprias constitutiones, ordinationes, aut Apostolica indulta, ut ex usu constat, & unicuique videre licet in propriis institutis. Solum in ordine Carthusiensium Priores durant perpetui; & fortasse in aliquibus particularibus monasteriis aliorum ordinum, præsertim monialium; & ubi fuerit illa consuetudo, vel institutio, servanda est. Horum autem omnium rationem, & modum explicare nunc non est necesse: de nostro autem peculiari, in fine hujus operis dicemus, tract. 10. lib. 10. cap. 2. & 3. & in eum locum reservamus questionem, cur Generalis Societatis perpetuus sit.

5. Hic vero de prædicto communi usu religionum, præsertim quoad Abbates, & Priores Conventuales, videndum est, an convenienti ratione fuerit introductus. Navarrus enim dict. Comment. 3. num. 3. dicit, nunquam sibi persuadere potuisse animarum salutem, & tranquillitati expedire, Abbates, seu Prælatos, qui secundum jus commune, & Regulam debent esse perpetui, fieri triennales a Capitulo eligendos. Idem ait cons. 7. de statu monach. num. 8. Moveretur ex incommodis, quæ inde regulariter oriuntur. Primum, quia inde fit, ut Prælati quodammodo a subditis pendeant, & consequenter fit, ut vigor & autoritas Prælati plurimum minuat: nam, ut dicitur in dict. cap. *nullam*, nulla autoritas remanebit Abbati, si monachorum potestati cœperit subiacere, & ut dicitur in cap. *visis*, 16. quæst. 2. *Humani moris est illum vereri, cujus judicio, & voluntate nunc erigeris, nunc deprimeris*: temporales ergo Superiores verentur potius, quam dominentur subditis, a quibus deprimi, & erigi possunt. Secundo, quia ex hac vicissitudine oritur in primis multorum ambitio, quæ pestis est religionis, & religiosorum oculis excæcat, ne sui status obligationem agnoscant,

Suarez Tom. XV.

ut dicitur in cap. *quorundam*, de Elect. in 6. ex qua ambitione subsequitur enervatio disciplinæ: nam qui eligi cupiunt, multa dissimulant, ut gratos habeant suffragatores. Sequuntur deinde subornationes, collusiones, imo Simoniz, & conventiones, odia, & dissidia intestina, murmuraciones, & similia, quæ Navarrus dicto loco late prosequitur. Quæ omnia maxime confirmantur ex antiqua consuetudine, & jure communi: non enim sine causa antiqua consuetudo habuit, ut Abbates essent perpetui. Faver etiam universalis Ecclesiæ consuetudo, quæ habet ut Episcopi, & alii Prælati Ecclesiarum secularium perpetui sint, adeo, ut translationes Episcoporum per se ac regulariter Ecclesiæ displiceant, quia utilis creditur, ut idem Episcopus in eadem Ecclesia perpetuo maneat. Ex quo intelligitur non solum per accidens, ob incommoda, quæ sequuntur, ex frequenti electione; sed per se propter utilitates, & commoda, quæ ex diuturna perseverantia ejusdem personæ in hoc munere sequuntur, illam esse magis convenientem, quia ex majori consuetudine, & quasi perpetuo vinculo major amor generatur, & homo majori cura suscipit munus, in quo perpetuo est perseveraturus: longa etiam experientia multum confert ad magnam providentiam, & gubernationem, quæ omnia deficiunt in temporalibus Prælatibus, quando enim incipiunt sui muneris experientiam habere, tunc deficiunt, nec de rebus perpetuis admodum curant, contenti ut sit pax in diebus suis. Denique alia congruentia sumi potest a simili ex Basilio regul. 35. ex futurioribus, ubi ipse probat, non expedire in eodem loco plura monasteria multiplicari, quia difficile est reperiri plures personas dignas prælatione religiosa. Nam absolute (inquit) *severe disciplina ratio moderatorem conventus providum, & non parum eloquentem requirit, & præterea vigilantem, ac mitem, & ejusmodi qui perfectæ corde Dei justificationes exquirat*. Unde concludit, *Qui quæso fieri potest ut plures tales in uno eodemque pago reperiantur*: Sic ergo in præsentis possumus interrogare, qui fieri possit, ut in tanta Prælatorum mutatione omnes vel plures eorum inveniantur.

6. Nihilominus contrariam partem non minoribus conjecturis suadere possumus. Primo enim plus movet mutatio antiquæ consuetudinis, quam ipsa vetus consuetudo, quia illa mutatio non in uno, vel alio loco, sed in tota Ecclesia facta est: nec solum in religionibus, quæ de suo fervore aliquid remiserunt, sed etiam in illis, quæ in eo conservantur, vel ad illum revocate sunt, vel de novo sunt institutæ. Quod est signum, illam mutationem non evenisse ex privato errore, aut imperfectione, sed quia per experientiam cognitum est, hunc modum esse magis convenientem. Accedit, quod Apostolica Sedes semper in hanc partem sese magis propensam ostendit, ut Prælati, vel prælatæ religionum temporales sint: unde videmus sepe illius auctoritate mutatum esse modum regiminis ex perpetuo in temporalem; nunquam autem e converso ex temporali in perpetuum. Imo si alicui per plures annos, vel indefinito tempore ad arbitrium Superioris Prælati, alii duraverint, ejus auctoritate tempus limitatum, vel abbreviatum est: ergo signum est Apostolicam Sedem sentire hunc modum esse convenientiorem. Tertio, priora incommoda, quæ Navarrus inferebat, in primis non tam ex temporali duratione Prælatorum, quam ex modo illos eligendi inferebantur: ergo ad summum oportebit modum illum mutare, non vero obeam solam causam perpetuo Prælatos facere: & deinde etiam in ipsis electionibus possunt alia remedia adhiberi, quibus illa incommoda evitentur. Nam in religione, v.g. Prædicatorum, Priores triennales sine illis incommodis eliguntur, & Concil. Trident. hujusmodi electiones tacite approbando, aliqua remedia adhibuit, ut recte, & sine fraude fiant. Quarto, per se teni ipsam spectando, videtur utilior prælationum mutatio, & vicissitudo congruis temporibus facta, quam perpetuitas: tum quia Superior religionis debet esse non dominus, sed pater, juxta illud, *Non dominantes in clericis*. Si autem perpetuus sit, facile oblitiscitur paterni spiritus, & paulatim fit plusquam dominus: si autem brevi tempore duraturas sit, hoc ipso magis in proprio officio continentur. Tum etiam,

Secundo a consuetudine, & commo-
dis perpe-
tuitatis.

3. Ex congruentia.

Arguitur pro parte contraria, quod expediat. Primo ex revocatione antiquæ perpetuitatis.

Secundo ex professione Secundis Apost.

Tertio ex incommodis perpetuitatis.

Quarto ex commodis mutationis horum Prælatorum.

Quid de
juribus
specialib.

An expediat
Prælatos lo-
cales non
esse perpe-
tuos.

quia, ut possit convenienti modo præcipere, necessarium valde est, ut assuecat interdum obedire, & ut compatiatur necessitatibus, vel etiam infirmitatibus subditorum, valde conveniens est, ut aliquando eas ipse patiatur, & in eis ab alio Prælatore pendeat. Quæ omnia cessant in perpetuis Prælati. Tum præterea, quia ipsa securitas muneris perpetui solet personam reddere negligentem non solum in temporalibus, sed multo magis in spiritualibus. Imo (ut Navarrus etiam fatetur) in temporalibus usu venire solet, ut majori ex parte in suam utilitatem illa convertant, & aliquando etiam amicis, vel cognatis illa tribuant; quod incommodum, licet temporale videatur, non ibi sistit, sed magna adest spiritualis incommoda non solum ipsius Prælati, sed etiam subditorum, quia inde oriuntur odia, & graves detractioes, & similia. Tum denique, quia si unus & idem semper gubernet, alii non exercentur, nec experientiam gubernandi acquirunt; unde evenire solet, ut pauci ad illud munus obeundum apti inveniantur; e contrario vero dum plures successive sunt, plures etiam agnoscuntur apti ad illud munus, qui aliàs incogniti jacerent, quia magistratus ostendit virum, & præterea ipso usu perficiuntur, & ita religio abundat hominibus ad quamcumque dignitatem, aut prælationem aptissimis. Ex his ergo saltem concludo; non esse tam certam sententiam illam Navarri, quantum ipse existimavit, & consuetudinem, quæ nunc maxima ex parte viget in religionibus, non esse facile improbandam: nam ad minimum res arbitraria est, & sine imprudentia potest alterutra pars eligi, dummodo, quoad fieri possit, incommoda, quæ in unaquaque illarum contingere possunt, præcaveantur.

7 Ut autem quod sentio dicam; ubi electiones, præsertim faciendæ a Capitulis, aut congregatione multarum personarum, vitari possunt, per se loquendo, & convenientius, & statui religioso magis consentaneum est, ut prælationes non sint perpetuæ. Ad hoc sentiendum persuadeor rationibus posteriori loco factis. Quibus addo, statum religiosum non esse per se statum prælationis, sed subjectionis, & humilitatis, solumque ob necessitatem prælationem admittit: valde ergo consentaneum est illi statui, ut quantum fieri possit, nullus religiosus sit semper Prælati. Deinde hoc modo magis conservatur æqualitas, quæ ad religiosam charitatem necessaria est; dum enim qui hodie præest, cras subiectus & aliis æqualis conspicitur, & ipsi, qui præstunt pro illo tempore non nimium effervescunt, & alij postea de eorum æqualitate plurimum ædificantur. Item, religiosa gubernatio magis in charitate, quam in aliis humanis respectibus fundari debet: quod si ita fiat, non minori cura, & sollicitudine assumetur, quam si perpetuo duratura sit: si autem alia intentione, vel respectu fiat, eo ipso multum expedit, ut non sit admodum diuturna, nam quo plus duraverit, eo inde citius verget. Similesque rationes possunt facile considerari; neque in rationibus, quæ in contrarium fiebant, aliqua retinet vim, nisi illa fortasse, quæ sumebatur de necessitate experientiae. Ad quæ in primis dicimus, hoc incommodum (cum omnia vitari non possint) in primis raro esse magni momenti, & aliquando dissimulandum esse, & aliis mediis supplendum. Deinde non in omnibus, sed in his, qui primo gubernate incipiunt, hic defectus locum habet, & regulariter non multo tempore durat: nam res pertinet ad unum domum religiosam tantæ non sunt, quin brevi tempore per experientiam agnoscantur, & qui in aliquibus domibus expertus est, facile unius provincie experientiam comparabit. Denique, inexperti pro illo tempore juvari possunt prædecessorum exemplis, & præsentium consiliis, & Prælati eorum sub superiorum monitis: quibus omnibus si obediat, non multum erribit.

8 Secundo nihilominus assero, ubi prælatuæ per electiones conferendæ sunt, moraliter loquendo, consilios esse, ut sint vel perpetuæ, vel admodum diuturnæ. In hoc assensum sententiæ Navarri, propter damna & pericula electionum, quæ tam intrinseca esse videntur, supponi hominum fragilitate, & experientiam, ut longe difficilius videatur illa vitare, quam illa,

quæ ex perpetuitate, vel diuturnitate prælationis sequi solent. Atque ita videmus quamplures ex religionibus, in quibus prælationes temporales sunt, vel abstulisse electiones, vel reduxisse illas ad concilium aliquod paucarum & gravium personarum, in quo facilius sit vitare electionum incommoda, vel ex parte eligentium, aut eligendorum, ita vel personarum numerum, vel tempus ac modum electionis coarctasse, ut negotiationes electionum, quoad fieri possit, præcaveantur. Quod si religiones aliquæ simpliciter retinent conventuales, & frequentes, seu triennes electiones Prælatorum, id forte est vel quia non possunt commode aliter sibi ipsis providere, ut de monasteriis monialium probabile est, vel quia nondum sunt expertæ incommoda, sed in simplicitate, & puritate religiosa omnia efficiant: quod desiderabile est.

Ultimo vero interrogate quis potest, esto prælationes hæc temporales sint, quis modus limitationis earum magis expediat. Duobus enim modis intelligi potest prælationem esse temporalem, scilicet, vel quia est ad certum, & definitum tempus, vel indefinite ad arbitrium alicujus. Quis ergo ex his modis melior existimandus erit? Possent ad utramque partem conjecturæ adduci, nam res etiam est arbitraria, & prudentialis. Illi tamen omisissis respondeo, priorem modum per se, & ex suo genere videri meliorem. Hoc suadet in primis consuetudo, nam fere ab omnibus religionibus ita servatur. Deinde, ubi hæc prælationes infra superiorem (de his enim agimus) per electionem providentur, vix potest aliter fieri, quia illud arbitrium non debet alicui personæ committi, alioquin veluti nova electio ei committeretur. Quod si illud arbitrium ejusdem congregationis futurum sit, cujus fuit electio, perinde erit illud ferre ac de novo eligere, & tunc melius erit ut omnino libera sit electio, ne difficile, aut onerosum sit Superiorem mutare, si expediat, dum non sine aliqua infamia, vel nota fieri videtur, quando tempus non est lege præscriptum. Addo præterea, in multis religionibus statutum esse, & ab Apostolica sede approbatum ut idem Prælati non iterum statim eligantur, sed post elapsam aliquod tempus: ergo signum est, per se loquendo, melius esse ut aliquo tempore vacet: ergo etiam erit melius ut tempus prælationis præfixum sit. Ubi autem prælationes conferuntur ab uno superiori capite, facilius posset tempus, seu terminus ejus ejusdem arbitrio committi; tamen rationes factæ suadent, etiam ibi determinationem temporis esse meliorem, tum quia etiam ibi expedit aliquando cessare, seu intermittere officium, & hoc esse a lege statutum: tum etiam, quia ita libentius fieri poterunt mutationes absque nota eorum, qui auferuntur, & absque gravamine Superioris, qui hoc modo nullius offensionem incurreret, mutationes suis temporibus faciendo. Tollentur etiam occasiones vel accipiendi personarum, vel certe murmurationem, &c. Cum autem dicimus, tempus debere esse limitatum, ut, adveniente præfixo termino, statim ipso facto prælatio vacet; fortasse enim hoc non semper expediet: laus ergo erit quod statim sit nova provisio faciendæ, nec possit secundum statuta notabiliter differri: in particulari ergo, juxta varias religionum condiciones, & circumstantias, poterit unum, vel alterum expedire: quod autem in unaquaque fuerit statutum id maxime observandum est.

C A P U T VIII.

An Prælati religionis potestatem habeat obligandi subditos in conscientia, quando, & quomodo.

I N superioribus capitulis solum explicuimus necessitatem, & consequenter etiam varietatem horum Prælatorum, ubi simul (si quis attente consideret) declaravimus causas, & originem harum prælationum: nunc superest ut explicemus, quid sit hoc munus: quod faciemus explicando potestatem ejus, nam totum in potestate consistit, seu per illam formaliter constituitur, & quoniam potestas ex actibus cognoscitur, simul etiam actus hujus potestatis, & effectus declarabimus; ad quos actus tenentur hi Prælati ex speciali obligatione sui muneris; & ideo simul de eorum

Judicium
authoris.

1. Preu
stium in
hac con
proverbia.

Ad con
traria
rationes
in nu. 5.

2. Preu
stium in
hac con
proverbia.

De potestate dominativa hic non agitur.

eorum obligationibus dicemus, quatenus Prælati sunt, nam ut homines, vel ut religiosi habent obligationes ceteris communes. Supponimus autem ex dictis in superioribus, esse in his Prælati duplicem potestatem; dominativam, & jurisdictionis: de quarum distinctione nunc non agimus, nam satis intellecta jam est. Præcipue ergo agimus de potestate jurisdictionis: nam altera, quatenus habere potest actum veluti præcisum a jurisdictione, explicata est partim tractando de irritatione votorum religiosorum, partim tractando de voto obedientiæ: quatenus vero conjungi potest cum potestate jurisdictionis, simul cum illa explicabitur. Potestas autem jurisdictionis, licet secundum adæquaram rationem una sit, tamen in ordine ad varios actus tamquam multiplex concipitur: sicut enim distingui potest hæc potestas in voluntariam, vel non voluntariam: directivam, & coactivam; ligandi, aut solvendi, vel dispensandi: de quibus omnibus dicendum est per sequentia capita, ac primum de illa quam in titulo proposuimus.

2 In omni regimine prima potestas & maxime necessaria est directiva, ad quam pertinet non solum consilia (hoc enim sine speciali potestate fieri potest) sed etiam leges, seu præcepta ferre: hæc ergo in primis requiritur in religioso prælato. Sit ergo certum, posse Prælatus religionis in conscientia obligare subditum per legem, vel præceptum suum justum. Hoc est certum, & commune apud omnes Doctores, quos referre non est necesse, quia res videtur certa de fide, supposito universali consensu Ecclesiæ, & vero statu religionis, ejusque institutione, & approbatione. Itaque duplex est titulus hujus potestatis. Prior est votum obedientiæ, & de hoc sufficiunt quæ de illo voto diximus: quia subditum obligari hoc voto, & Superiorem posse ex illo obligare, comparantur sicut actio, & passio; non enim potest subiectum pati, nisi potestas sit in agente: ita ergo non potest subditus obligari, nisi esset potestas in Prælato ad obligandum. Ostendimus autem supra, tom. præced. religiosum obligari ex voto ad parendum: ergo & Superior potest illum, obligare; obligatio autem ex voto est in conscientia: ergo Prælatus potest in conscientia obligare. Contendere autem quis posset tunc non obligare Prælatus, sed votum ipsum; Prælatus autem solum veluti explere conditionem, sine qua votum non obligaret. Sed hoc solum est de verbis contendere, fatemur enim illam obligationem hoc titulo consideratam provenire ex voto; tamen quia votum ipsum non obligat ad talem actum, nisi medio imperio Superioris, & ideo merito dicitur Superior habere potestatem ita præcipiendi, ut alter in conscientia parere teneatur, sive Prælatus proprie obligationem imponat, sive exhibeat materiam, cui veluti inhæret obligatio ex voto. Omitto quæstionem, an ibi interveniat etiam obligatio justitiæ ratione traditionis: nam de illa satis dictum in superioribus est, & totam illam, qualiscumque sit, sub voto nunc includimus.

Primo ex titulo voti obedientiæ.

Contestatio de nomine tollitur.

Secundo ex titulo collatæ jurisdictionis.

3 Alter titulus hujus obligationis est jurisdictio Ecclesiastica his prælati concessa. Qui titulus pender ex duobus principiis. Unum est de jure, scilicet, Ecclesiasticam jurisdictionem esse sufficientem ad obligandum in conscientia per leges, seu præcepta. Et hoc est de fide certum, pertinet tamen proprie ad materiam de Legibus, ubi late illud tractavimus lib. 4. c. 18. & ideo nunc solum id supponimus. Aliud principium est de facto, scilicet, Prælati religionum communicatam esse jurisdictionem Ecclesiasticam; ad hunc actum sufficientem; & hoc autem constat ex usu Ecclesiæ, & ex indultis, & privilegiis singularum religionum. Et late tractavimus sup. cap. 1. Ergo ex his duobus principiis manifeste concluditur, esse in his Prælati potestatem obligandi in conscientia per præceptum: Dici potest, dari posse jurisdictionem ad alios actus, non vero ad tam gravem obligationem imponendam, nam ad hoc requiritur valde perfecta jurisdictio. Sed hoc non recte dicitur, tum quia eodem modo, quo constat, Prælatos religionum habere hanc jurisdictionem; constat etiam illam extendi ad hunc actum, tum etiam, quia sepe imponunt præcepta sub pœna excommunicationis: tum præterea, quia illa jurisdictio est quasi Episcopalis, ut diximus; vel quia licet hæc ju-

risdictio videatur valde perfecta, habet tamen latitudinem, & gradus, & secundum aliquam necessariam est in quolibet habente veram jurisdictionem gubernativam.

4 Unde ad majorem hujus rei veritatem observare oportet, aliud esse præceptum personale, aliud vero statutum per modum legis. Priori modo possunt præcipere etiam in conscientia omnes, qui habent jurisdictionem aliquam; magis aut minus juxta modum jurisdictionis: posteriori autem modo non omnes, sed illi, qui habent principalem quandam jurisdictionem, qualis requiritur ad leges ferendas. Sic ergo in religione omnium Prælatorum est movere suos subditos per præcepta obligantia in conscientia cum proportionem suæ jurisdictionis: nam Prælati conventuales solum in religiosos sui monasterii, & in rebus ad illud pertinentibus, Provincialis in sua provincia, Generalis in tota religione uti potest potestate sibi concessa. Ad faciendam autem statuta perpetua, quæ vim habeant, & rationem legis, nec inferiores Prælati, nec Provinciales ordinariam potestatem habent. Dices, Episcopus potest condere similia statuta; isti autem prælati, præsertim Provinciales, habent Episcopalem jurisdictionem: ergo poterunt statuta perpetua facere. Respondetur negando consequentiam, quia non in omnibus habent parem, aut similem potestatem, ideoque non Episcopalem, sed quasi Episcopalem jurisdictionem habere dicuntur. Episcopi ergo habent per se ac immediate jurisdictionem a Summo Pontifice, & illi etiam immediate subsunt, ideoque per se habent jurisdictionem ad condenda statuta; sunt enim quasi Ecclesiæ Principes sub supremo capite: Provinciales autem religionum non immediate a Papa, sed vel a Generali, vel a sua religione habent jurisdictionem, subiectam etiam, & dependentem a Generali, & ideo non conceditur eis jurisdictio sine Generali ad condenda statuta; quæ est res gravissima, & quæ concernit totum corpus religionis. Quin potius neque ipsi Generali sine universali conventu solent tanta facultas dari: quia licet ille sit veluti proprius Episcopus totius religionis immediate constitutus sub Pontifice summo; nihilominus non est simpliciter supremum tribunal ipsius religionis, nam Capitulum generale superius est: & ideo regulariter illi reservatur hæc potestas, quæ a Juristis dicitur esse meri ac mixti imperii: est ergo hoc valde consentaneum rationi, & instituto ac moribus religionum.

Non vero per statuta etiam provincialis.

Imo nec Generales extra capitulum generale.

5 Dices, hoc habere locum in statutis, quæ sunt prototo corpore religionis: secus vero esse de statutis singularum Provinciarum, vel nationum. Respondetur in primis, unam religionem, quæ sub uno Generali militat, & in unum generale Capitulum interdum congregatur, esse unum corpus politicum, quod servare debet unitatem quoad fieri possit, & ideo regulariter, expedire ut non solum substantialia regulæ, sed etiam perpetua statuta & leges, seu constitutiones eadem in tota religione sint, & ob hanc causam regulariter non est necesse ut in singulis provinciis, vel nationibus sit potestas condendi statuta perpetua: nam si quid peculiariter in singulis provinciis necessarium est, per ordinariam provinciam & ordinationes Prælatorum accommodari potest. Deinde dicitur, ubi aliquod simile statutum necessarium esset, potestas illud condendi potius conventui provinciali, quam Prælato Provinciali esset illam potestatem committendam, servando proportionem ad id, quod diximus de conventu generali respectu generalium legum. Adde vero ulterius, etiam non expedire, ut hæc potestas sit in Capitulo provinciali, vel etiam nationali, (si fieri contingat) independenti a Generali Prælato, vel Capitulo; quia respectu talis Provinciæ tale statutum est etiam res gravissima, & ideo fieri non debet sine influxu supremi capitis, seu tribunalis saltem confirmantis, vel approbantis tale statutum, argumento cap. cum accessissent. de Constit. ibi: *Ac statutum ipsum auctoritate sedis Apostolicæ fuisse postmodum confirmatum.* Item, quia, sicut pars non debet discordare a toto, regulariter loquendo; ita cum expedit in aliquo discrepare, non debet id facere sine motione, aut consensu capitis, vel totius corporis: maxime quando illa dissonantia in

in re perpetua futura est. Item, quia, cum Generalis debeat habere providentiam singularum provinciarum, etiam quoad proprias observantias earum, valde consentaneum rationi est, ut sine illo statuta perpetua non introducantur. Quamquam autem hæc vera sint, & conformia rationi; nihilominus non adeo cogunt, ut per se inducant necessariam obligationem: nec etiam invenio jus commune, quod præcipiat hæc omnia ita observari, sicut a nobis proposita sunt; & ideo semper consulenda sunt peculiaria instituta, seu indulta singularum religionum, ut id observetur, quod in unaquaque fuerit ordinatum, & ab Apostolica sede rati, vel expresse confirmatum. Circa utrumque autem modum præcipiendi sive per præceptum sive per statutum nonnulla super sunt declaranda.

Primum dubium; An ad obligandum præceptum requiratur consultatio.

6 Primum est, an Prælati religionum possint præcepta, id est, quæ statuta non sint (ita enim brevitatis causa generali nomine pro specifico utemur,) imponere solo suo arbitrio sine consilio eorum, qui juxta religionis morem illi assunt, & sunt a consiliis. Pro resolutione adverto, præceptum posse esse, vel speciale, quod uni personæ tantum ponitur, sive pro uno actu, sive pro multis, aut longo tempore. Vel potest esse præceptum generale, quod etiam potest esse duplex, scilicet vel ad unum tantum, vel alium actum, ita ut generale dicatur solum ex parte subjectorum respective ad Prælaturam præcipientem, quia scilicet pro omnibus illius subditis ponitur: vel potest dici generale etiam ex parte temporis, quia nimirum ponitur ut duraturum vel indefinito tempore, vel ut duret quamdiu durat Prælatus potestas, non enim potest amplius durare, finitur enim per mortem ejus, vel elapso prælationis tempore, ut suppono ex materia de Legibus, & de Censuris. Quamvis ergo responsio ad prædictam interrogationem pendeat ex institutis singularum religionum, quia potest Prælatus uno vel alio modo concedi potestas. Considerando tamen quod juri communi, usui, & rationi magis consentaneum est, dicimus primo, in præceptis, quæ imponuntur particularibus personis, nisi valde graviora, onerosa, aut extraordinaria sint, solum auctoritatem, & judicium Prælati sufficere absque alio consilio, tum quia hujusmodi præcepta ordinaria, & facilia sunt: tum etiam, quia esset valde onerosum pro singulis actibus seu personis Concilium congregare. In gravioribus autem præceptis, etiam si unam tantum personam attingant, observare profecto debent Prælati, ut ea sine sufficienti consilio, ad minimum, a religione præscripto, vel majori, si negotium id postulet non imponent. Ratio est, quia si tale consilium lege præscriptum sit, servandum est: seclusa autem positiva lege, prudentia ipsa postulat, ut res gravis non fiat sine maturo consilio, cum rectum in eis judicium ex multis circumstantiis, rationibus, & interdum ex specialibus legibus pendeat. Quapropter, si aliter fiat, graviter peccari potest, vel ratione temeritatis, & periculi errandi: & quidem prior obligatio, quæ est ex lege positiva, æqualis est respectu omnium: posterior autem, quæ ex naturali ratione nascitur, non est simpliciter æqualis, sed proportionalis. Nam unus Prælatus magis potest indigere consilio, quam alius ad hujusmodi onera imponenda, ut per se notum est. Unde a fortiori constat, multo magis adhibendum esse hoc consilium, si præceptum toti communitati imponendum sit; maxime, si perseveranter, seu pro diuturno tempore imponatur, quia tunc res valde gravis est: si autem sit pro uno actu, cujus occasio, & tempus cito transit, facilius ferri potest absque hujusmodi consilio, nisi speciale jus religionis id prohibeat.

7 An vero ubi hoc consilium necessarium est, sit etiam de substantia, & valore præcepti, distinctio opus est. Nam in primis considerandum est, an religionis regimen sit pure monarchicum, vel mixtum aristocratico, quale in multis religionibus est per definitorem, quod vocant. In hoc posteriori modo regiminis constat consilium esse de substantia, quia non solum est consilium, sed judicium, & definitio, nam suffragia non sunt tantum consultiva, sed definitiva:

unde potestas præcipiendi tunc non est proprie in uno Prælato persona, sed in consilio. Existimo tamen raro esse adeo coarctatam potestatem Prælati quoad præcepta particularia, vel transitoria, quæ ad unum actum dantur. Quando vero regimen est pure monarchicum, potestas quidem est in solo Prælato: adhuc tamen considerare necesse est, an consilium per propriam constitutionem postulat ad talem actum, sit de substantiali forma actus, necne. Aliquam enim de substantia actus est rem in consilio tractare, quamvis auditis suffragiis, validum sit quod Prælatus statuit, etiam si a suffragiis consensum discedat; & tunc si Consilium omittatur, præceptum non obligabit; obligabit autem etiam si in eo imponendo consensum adhibitorum judicium Prælatus non sequatur. Quando vero consilium solum requiritur ut actus recte fiat, præceptum validum erit, etiam si consilio non præmissio feratur. Atque hoc ultimo modo intelligo esse hoc consilium necessarium ubicumque suffragantium vota tantum sunt consultiva, & Prælatus est verus monarcha, nisi aliud ex verbis positivæ legis constet; quod tunc præcedit, attigimus, tractando de receptione novitiorum, & latius in materia de Legibus lib. 3. c. n. 3.

8 Unde etiam constat, multo magis esse necessarium hoc consilium ad alium modum præcipiendi per leges, seu statuta perpetua: Et ideo merito talia statuta neque a Prælatis fieri possunt sine Capitulo proportionato, ut supra dixi a. num. 4. neque a Capitulo sine consensu Prælati: quod etiam juri communi consentaneum est, cap. novit. de his, quæ sunt a præl. & cap. cum consuetudinis, de consuetud. Sed in hoc observare oportet discrimen inter Capitulum, & Prælaturam generalia: nam Generalis ad faciendum statutum perpetuum ita indiget concursu Capituli, ut nisi major ejus pars concurrat, lex condici non possit, argumento eorum, quæ communiter tradunt Doctores cap. cum accessissent, de constit. Ionc. & Panormit. in cap. 2. de novi operis nuntiatione. At vero e contrario licet Capitulum sine præsentia, & præsentia Prælati per se, aut per suum Vicarium legem condere non possit, non tamen pendet ex consensu, vel suffragio affirmativo (ut sic dicam) Prælati: nam si major pars Capituli concordet in lege ferenda, quamvis generalis Prælatus alterius sit opinionis, prævalebit sententia Capituli, & lex constituetur, dummodo pars Capituli ita excedat, ut superet qualitatem, aut prerogativam Prælati, si quam habet in suffragando juxta religionis ordinationes. Ratio autem est, quia potestas, ut diximus, ad æquata est in Capitulo, & ibi Prælatus solum est unus ex ferentibus suffragia, & ad summum solet ejus suffragium duobus æquivalere, vel habere qualitatem vincendi ubi est in numero æqualitas, & in hoc differt Capitulum religionis comparatum ad suum Generalem, a Concilio generali comparato ad Pontificem, & a Capitulo Ecclesiæ cathedralis comparato ad Episcopum. Nam in Concilio generali si Papa nolit, non poterit lex fieri, etiam si totum Concilium velit: & idem existimo de Capitulo cathedralis respectu Episcopi quoad leges graviores, quas sine consensu Episcopi facere non potest, juxta cap. cum consuetudinis, de consuet. in Capitulo autem religionis secus est, ut diximus. Ratio autem est, quia ut tract. de fide censui, disp. 5. sect. 8. Papa est supra Concilium; Capitulum autem generale religionis est supra ipsum Generalem: Episcopus etiam non comparatur ad Capitulum Ecclesiæ ut ferens particulare suffragium quoad hoc negotium constituendi legem, seu constitutionem capitularem; sed ut Superior habens potestatem confirmandi, vel infirmandi legem: secus vero est in Prælato religionis, ut diximus: & radicem hujus declarabimus ex modo jurisdictionis, & emanationis ejus a Summo Pontifice.

9 Ex quo etiam obiter expeditur aliud dubium, an Capitulum generale religionis sede vacante, ante electionem Generalis possit leges condere perpetuo mansuras. Dicendum est enim ex natura rei, seu jure communi posse, si ejusdem religionis jura, vel Pontificia indulta non obstant. Ratio est, quia illud Capitulum habet supremam jurisdictionem in talem religionem immediate a Pontifice: & quamvis tunc religio non habeat

Consilium est etiam de substantia statuti.

Cur non sit de substantia pro statutis Pontificum.

Capitulum Generale sede vacante potest per statuta obligare in conscientia.

Præsentia multiplicitatis præcepti.

An prædicta consultatio sit de substantia præcepti.

Quid de
Concilio
Generali
Ecclesiæ.

Generalem, non tamen potest carere aliquo Vicario, seu Præsidente, qui pro tunc simul cum toto Capitulo eandem potestatem habet ad præcipiendum, vel statuendum, quam habere potest Capitulum cum Generali jam electo. Et ideo non est simile si quis objiciat de Concilio generali Acephalo, congregato Pontificatu vacante: nam illud non habet æqualem potestatem cum Summo Pontifice, & consequenter nec cum Concilio Generali, cui Pontificia autoritas adest: & ideo non potest universales leges condere, quæ perpetuo obligent, nisi a Pontifice postea electo fuerint approbatæ. Major esset similitudo de Capitulo Ecclesiæ cathedralis Episcopatu vacante, nam potest facere diocesanas leges, quæ durent, & obligent, etiam post Episcopi electionem, ut notavit Fredericus de Senis consil. 16. & sumitur ex Panormio in cap. *anobis*, l. de sentent. excomm. num. 12. Et ratio est, quia Capitulum sede vacante habet jurisdictionem Episcopalem ordinariam, & ideo constituit legem de se perpetuam, argumento cap. ult. de officio legati. Est tamen notanda differentia, quia statutum factum a Capitulo Ecclesiæ cathedralis vacantis potest revocari ab Episcopo postea electo ut dicti auctores docent, & est per se evidens, quia est potestas ad minimum æqualis: sicut unus Episcopus potest revocare legem sui antecessoris. At vero statutum factum a Capitulo totius religionis Generalatu vacante, non potest revocari a Generali postea electo sine consensu ejusdem, vel similis Capituli. Ratio est, quia non habet æqualem potestatem, ut declaratum est.

10 Dixi autem, nisi jura religionis, vel indulta Apostolica obstant, quia potest generali Capitulo committi jurisdictio solum ad eligendum Generalem, & ad præcipiendum, & ordinandum ea tantum, quæ ad hunc finem necessaria essent, vel ad actualem conservationem, & gubernationem totius religionis pro eo tempore. In quo casu non posset tale Capitulum ante electionem Generalis leges durabiles condere, quia non habet jurisdictionem ordinariam, & absolutam, sed tantum commissam ad talem finem. Constat autem hunc modum concessionis esse in potestate concedentis primo quidem ac per se in Summo Pontifice, cujus proinde verba, & intentio maxime observanda sunt: deinde etiam in tota religione: nam, si constitutionibus ejus ordinatum esset, ac declaratum, ut Capitulum congregatum ad electionem Generalis, illo vacante, nihil posset statuere ante talem electionem, nec aliam jurisdictionem exercere præter superius explicatam, id satis esset, ut non posset nec licite, nec valide condere leges, quia religio non intendit dare potestatem, nisi juxta suas constitutiones. Dices, ipsum Capitulum posset tales constitutiones mutare, vel in eis dispensare. Respondeo, negandum esse assumptum in prædicto casu: quia etiam isti sunt actus supremæ jurisdictionis, quæ, ut supponitur, non est data simpliciter tali Capitulo, sed definire ad talem electionem, & mediante illa, simulque cum generali electo ad leges ferendas, vel mutandas si opus fuerit.

Secundum dubium de conditionibus requisitis ad obligandum in conscientia.

11 Secundo circa utraque præcepta inquiri potest quæ conditiones requirantur, ut inducere valeant hanc obligationem in conscientia. Hoc vero dubium partim resolutum est tomo Superiore tractando de voto obedientiæ, partim coincidit cum generali quæstione de requisitis ad obligationem legis humanæ, vel Ecclesiasticæ, quæ ex propria materia lib. 3. de legib. a cap. 15. petenda est. Breviter ergo, supponenda est in primis in Prælato potestas, de qua jam in cap. 1. dictum est. Secundo supponenda est ex parte materiæ legis, seu præcepti honestas, quæ in omni præcepto humano necessaria est, sive sit intrinseca ipsi materiæ, sive ex fine extrinseco sumi possit; ita ut materia ipsa nec intrinsece mala sit, neque ab aliquo superiore, majorem habente potestatem, prohibita, juxta communes regulas juris, cap. *quod super his*, de majorit. & obedi. cap. *in istis*, d. 4. cum similibus, quia nemo potest ad malum obligari, neque inferior potest legem superioris auferre, ut in fine hujus capituli pro præsentī materia dicemus. Quando vero materia est dubia, quid agendum sit dubitari potest: sed hic etiam locum habent ge-

nerales regulæ de Legibus in lib. 4. cap. 11. Distinguere enim oportet inter Superiorem, & subditum, superior enim non debet imponere legem quamdiu dubitat, an materia sit honesta, vel iusta, donec saltem probabile iudicium practicum formet de honestate illius, quia aliàs exponit se manifesto periculo errandi; subditus autem si lex lata sit, tenetur eam servare: quamdiu non constiterit esse injustam, quia in dubio jus Superioris præfertur, & pro illo præsumitur: unde non obstante illo dubio, quod speculativum tunc est, intervenit certitudo practica, honestum esse tunc obedire legi. Sed de hoc in lib. de legib. cap. 9. num. 10. & tractatu de conferentia.

12 Tertio supponenda est materia apta ad obedientiam religiosam: non enim qualibet materia honesta est capax hujus obedientiæ, sed quæ est consentanea Regulæ, ut in tomo superiori late explicatum est. Quamvis enim præceptum, ut manat ex potestate jurisdictionis, non fundetur directe, & immediate in voto obedientiæ; nihilominus, quia illa jurisdictio datur accommodata ad statum religiosum, eandem materiam respicit, & ultra illam non extenditur. Quod, ut declaratur, advertendum est ex vi hujus jurisdictionis quædam præcipi posse, quæ communia sunt religiosis cum cæteris Christianis, sicut potest Episcopus aliqua præcepta imponere suis subditis, tam clericis, quam laicis, servata proportionē: item alia posse, præcipi propria religiosorum, quæ laicis, vel clericis secularibus non possent ab Episcopo præcipi. De prioribus clarum est sub hac jurisdictione contineri, quia suo modo pertinent ad statum religiosum, quasi præsuppositive, sicut consilia supponunt præcepta, vel perfectio justitiæ ipsam justitiam. Denique, licet religiosi sint exempti jurisdictione Episcoporum, non tamen a jurisdictione Episcopali; sed quia debebat esse in Episcopo respectu talium personatum, committitur Prælato religionis, & ideo materia apta ad præcepta Christianorum (ut sic dicam) est etiam apta ad præcepta religiosorum. De posterioribus autem præceptis dicimus, materiam eorum accommodandam esse statui uniuscujusque religiosi, & obedientiæ ab eo promissæ: quia amplior jurisdictio nec data est ex intentione Pontificis, ut tam ex jure communi, quam ex indultis religiosorum facile constare potest, & ex Conc. Trident. sess. 25. de Regul. nec dari poterat, ut existimo.

13 Quin potius difficile videri potest quomodo dari possit Prælato religionis jurisdictio Ecclesiastica, quæ possit aliquid præcipere subdito suo, quod non possit Episcopus suis præcipere, cum jurisdictio videatur eadem, solumque differat in applicatione ad hanc, vel illam personam. Quocirca, licet in vi voti per potestatem dominativam aliquid possit præcipere Prælatus religionis suo subdito, quod non possit Episcopus præcipere clerico; tamen quod per potestatem jurisdictionis id possit, difficile apparet, quia jurisdictio hæc solum videtur se extendere ad materiam communem omnibus fidelibus. Tamen idem nodus dissolutus est in superioribus, quia non oportet jurisdictionem illam æqualiter, vel uniformiter respicere omnes fideles, sed cum proportionē pro statuum varietate, nam ex vi illius aliud potest præcipi clerico, aliud laico, aliud virgini, aliud nuptæ, & sic de aliis, quia, supposito statu, aliud est necessarium ad bonum regimen animæ unius, aliud alterius. Ita ergo est in religioso: unde, licet assumptio talis status voluntaria fuerit, tamen illa supposita, cura, & sollicitudo de observantia illius ad jurisdictionem Ecclesiasticam pertinet, & ita est in Prælato religionis, futuraque esset in Episcopo nisi in alium esset translata. Hic tamen discursus simul ostendit quod dicebam, materiam hujus jurisdictionis non posse extendi ultra materiam accommodatam statui assumpto religionis, & obedientiæ promissæ, quia supponit hanc tanquam conditionem necessariam.

14 Quarto requiritur, ut præceptum sufficienter propositum sit, quia aliàs non applicatur ita, ut obligare possit. Hæc autem propositio debet esse accommodata præcepto. Unde, si sit præceptum privatum, oportet ut particulari personæ, cui imponitur, sufficienter intimetur, ut per se constat; non oportet autem ut Superior per se ipsum præcipiat, satis enim est si id faciat per

Declaratur hæc
tertia
conditio.

Nodus
dissolvi-
tur.

Prima
conditio
potestas
Prælati.
Secunda
honestas
materiæ.

per internuncium fide dignum, vel per literas subscri-
ptas, nisi religio speciali jure postulet aliam cæremoni-
am in intimando præcepto servandam, nam tunc
modus præscriptus adhibendus est. Ubi tamen similis
lex fuerit, attente observare oportebit verba legis, ut
constet, an illa forma præcipiendi requiratur solum ut
in foro exteriori constet de imposito præcepto, an ve-
ro etiam ad substantiam, & valorem præcepti: fre-
quentius enim existimo priorem esse sensum talium leg-
um, & tunc ad obligationem in conscientia satis erit,
ut voluntas Superioris præcipientis quacumque via in-
noteat sufficienter: & hoc est observandum, nisi in
aliquo casu aliud expresse dispositum sit per humanam
legem. In quo idem cum proportionem dicendum est de
præceptis, quæ a Prælati feruntur pro tota communi-
tate, non sub ratione statuti, sed præcepti tantum,
nam est eadem ratio, proportionem servata: in statutis
autem necessaria est solennis promulgatio, quia hæc
est de ratione legis, illa autem statuta sunt veræ leges.
Modus autem promulgationis, si per proprias consti-
tutiones religionis fuerit definitus, servandum est, &
antequam constitutio sit tali modo promulgata, non
obligabit in conscientia, etiam si privatim constet esse
conditam. Si autem nullum de hoc fuerit jus priva-
tum, recurrendum erit ad consuetudinem, quia ex
solo jure communi non videtur posse aliquid certum
definiri: quia de legibus religionum nihil peculiare
jus disponit, imo & in aliis legibus, civilibus, vel
Ecclesiasticis, non est idem modus promulgationis, &
difficile ad mores religionum applicatur, ut statim
dicam. Consuetudo ergo servanda est, quia ipsa po-
test in hoc habere vim legis.

15 Quia vero non semper de consuetudine constat,
vel nulla certa est, dubitari potest, an ex natura rei ne-
cessarium sit constitutionem editam promulgari in sin-
gulis monasteriis, seu domibus religionis. Nam in le-
gibus Ecclesiasticis cum proportionem sumptis, hoc non
est necessarium; lex enim Pontificia sufficienter pro-
mulgatur Romæ; Episcopalis in cathedrali Ecclesia:
Regia in Curia Regis: & sic de aliis: nec necessarium
est, ut leges in singulis Ecclesiis, vel oppidis promul-
gentur: ergo similiter in præsentem non erit necessaria
promulgatio in singulis domibus. In contrarium au-
tem est, quia Prælati religionum non habent quasi
propriæ sedes, vel curias, in quibus hujusmodi pro-
mulgationem facere possint: & ideo necessarium vide-
tur ut faciant illam per totam religionem, & conse-
quenter per universas domus ejus, quia non est major
ratio de uno, quam de alio, & quia alias non fieret
promulgatio toti religioni. Item, quia communitas
religiosa magis in personis, quam locis continetur,
& ideo requirit promulgationem, quæ ipsi communi-
tati personarum directe fiat: hæc autem fieri non po-
test, nisi fiat in omnibus locis, in quibus pars illius
communitatis existit.

26 Respondeo, hunc modum promulgationis esse
satis accommodatum, mihi que optimum videri, ma-
ximè quando leges pertinent ad singulos, ut tollantur
ignorantiæ, & excusationes: absolute autem non est
necessarium. Nam in primis, si statutum factum est
in Capitulo generali, sicut in illo adest tota religio ad
condendam legem, ita si ibi promulgetur, tota reli-
gio ibi etiam adest ad audiendum: ergo illa promulga-
tio ex natura rei potest esse sufficiens in suo ordine, vel
certe juxta canonica jura, illa solennis editio habet vim
promulgationis. Dico autem, *in suo ordine*, quia il-
la non satis est ut statim obliget omnes religiosos ubi-
que existentes, sed tempus faciens, ut notitia legis
ad alia loca diffundatur, præterit necesse est: & ad
curam Prælatorum pertinebit providere quomodo talis
notitia divulgetur per literas missivas, vel voce eam
proponendo in locis, aut personis, prout expedire aut
sufficere judicaverint, juxta materiam ipsius legis.
Nam, si legis actus ad solos Prælatos pertinet, satis
erit ipsi notitiam dare, & gravioribus personis, quæ
proxime possunt talia munera obire: & idem est cum
proportionem, si ad alios hoc vel illud ministerium
agentes pertineat: si vero spectet ad omnes religiosos,
major publicatio facienda est, fiet tamen facile per pu-
blicam notitiam, & traditionem, etiam si specialiter

in singulis monasteriis autoritate publica non propo-
natur. Atque idem dicendum cum proportionem est de
statutis Provincialibus, ubi fuerit sufficiens autoritas
condendi illa.

27 Quinta conditio ad obligationem legis necessa-
ria esse solet, ut ad subditos feratur: quæ sequitur ex
prima, quia potestas hæc ferendi leges est respectiva,
& terminatur ad subditos. Tria vero puncta in præsen-
ti occurrunt circa hanc conditionem. Primum est de
novitiis, an in numero subditorum ponendi sint, qui
præceptis Prælatorum in conscientia obligari possint?
De qua re multa in tomo superiori diximus, tractando
de novitiis, & nihil fere addendum occurrit, quo ad
hunc locum proprie pertineat. Solum est præ oculis
habenda illa duplex potestas Prælati religionis, scilicet
dominativa, & jurisdictionis: neutra enim quatenus
est propria religionum, habet locum in novitiis, quia
nec votum obedientiæ emiserunt, nec se subjecerunt
proprie ut religiosi; & hac ratione per ordinaria præ-
cepta, vel leges proprias religionum, non possunt
in conscientia obligari. Tamen, quia pro eo tempore
sunt sub pastoralis cura Prælatorum religionis, pote-
runt ab eis obligari in his, quæ per se cadunt sub jurisdi-
ctione Episcopali sine speciali respectu ad professio-
nem religiosam, ut v. g. ad dicendam veritatem in casu
occurrenti, in quo legitime interrogatur, vel ad ca-
vendam talem peccati occasionem, vel restituendum
ablatum, cogendo etiam per censuram, & similia,
quæ ad ordinariam jurisdictionem Episcoporum perti-
nent, & non possunt ab Episcopis exerceri circa novi-
tios exemptorum religionum. De qua re plura in se-
quentibus, præsertim c. 17. & 24.

28 Secundum punctum est de ipso Prælati supremo
religionis, an obligetur præceptis, vel statutis ejus.
In quo nullum est dubium de statutis latis in Capitulo
generali, quia, ut sæpe dixi, Capitulum est supra
Generalem, & ideo suis legibus æque obligat Genera-
lem ipsum, ac cæteras singulas personas, quæ sunt de
Capitulo. Unde fit, ut non solum obligent quoad vim
directivam, sed etiam quoad coactivam quia sunt leges
Superioris, & ideo in eis non habet locum illud
principium, quod Princeps obligatur sua lege quoad
vim directivam & non quoad coactivam. Et hinc me-
rito in religionibus, in quibus Generales temporales
sunt, solent finito tempore puniri, si constitutiones
transgressi sunt, quia de se fuerunt rei facti pœnæ,
quamvis pro eo tempore, pro quo erant Generales,
non potuerint puniri ex defectu Superioris intra suam
religionem, nam a Papa possent juste puniri, si de hu-
jusmodi delictis cognosceret. Imo etiam, durante Ge-
neralatu, vel ubi perpetuum est, si generale Capitu-
lum congregetur, poterit de similibus transgressionibus
cognoscere, & eas punire, quia, ut dixi, jurisdi-
ctione superior est. Quod si alicubi ex speciali institutio-
ne Capitulum non habet hanc potestatem, illud necessa-
rio esse debet ex speciali Pontificis concessione, aut re-
servatione, & ideo ad illum recurrendum erit pro ta-
lium criminum emendatione.

19 Sed quid, si Generalis habeat potestatem feren-
di leges perpetuas, solus, & sine Capitulo? nunquid
obligabitur illis in conscientia? Respondeo in primis,
nullam esse religionem (quantum assequi possum) in
qua solus Generalis talem habeat potestatem: ad minus
enim requirit concursus aliquorum Definitorum, seu
Consiliatorum, quocumque nomine vocentur, qui
in lege ferenda non solum votum consultivum, sed etiam
decisivum habeant. Et tunc illud tribunal in eo
actu habet supremas vires totius religionis, ideoque
est supra ipsum Generalem, potestque illum lege obli-
gare, sicut de Capitulo generali dicebamus. Admissa
autem illo casu, videtur esse idem judicium, quod de
illa questione generali, an Princeps suis legibus obli-
getur, in quo certum censo obligari quoad vim direc-
tivam, ut alias rationes, & longam disputationem
omitam, quam in materia de Legibus lib. 3. c. 35. tradi-
dit: in præsentem existimo, hæc conditio datam esse
potestatem Generali, vel immediate a Summo Ponti-
fice, vel mediante ipsa religione, ad leges ferendas, ut
iple eas observare teneatur, quando ratio, & materia
legis illis communis est, quia potestas data est illi in edi-
fica-

Quid pro
imposito
toti com-
munitati.

Quid suf-
ficia pro
statu.

Judicium
authoris.

Secundum
dubium
de præla-
to Gene-
rali obli-
gatur
legibus
capituli
Generalis.

Quid si
ipse Ge-
neralis
solus va-
leat con-
dere sta-
tutum.

searionem, non in destructionem: esset autem magna dissipatio religionis disciplina, si Prælati non observent, constitutiones generaliter ad omnes pertinentes. Unde etiam existimo, per huiusmodi transgressionem fieri reos pœnæ, quamvis nec eam in seipso exequi cogantur: neque, si ipso iure imposita sit, illam ipso facto incurrant: quia si sit censura aliqua, non possunt illam in seipso ferre; si vero sit alia pœna, non coguntur illam exequi per seipso, nisi forte sit aliqua pœnitentia religiosa occulta, ad quam possint religiosi in conscientia obligari: nam tunc illa magis reducit ad vim directivam; poterunt autem propter talia delicta puniri a Superiore, si intra religionem illum aliquando habere poterint, vel saltem a summo Pontifice: quia reatum pœnæ contraxerunt, etiam quoad iudicium humanum. Atque idem dicendum censeo de toto Capitulo generali, si contingat delinquere contra observantiam regularem, non ut singuli, sed ut universitas, nam revera committit delictum etiam in foro humano, quamvis ex defectu Superioris puniri non possit nisi a Summo Pontifice.

20 Unde etiam constat quid dicendum sit de præceptis, seu ordinationibus, quæ non sunt leges, & a Prælati per se solis, & præferunt supremis, facilius possunt imponi. Eodem enim modo dicendum censeo, si talium præceptorum materia, & ratio ipsis Prælati communis sit, teneri eos in conscientia ad eorum observationem, vel ex illo generali principio, quod Princeps tenetur servare suas leges, quod per identitatem rationis extendendum est ad præcepta generalia, etiam si non constituantur sub stricta ratione legis: vel ex voluntate interpretativa totius religionis, & pacto implicito cum ipso Prælato, quia hæc conditio necessaria est ad illud munus debite exercendum, & ideo cum hoc onere dari, & acceptari videtur. Atque eadem proportionem de cæteris Prælati, intra suos terminos aliquid præcipientibus, iudicandum est, de Provinciali scilicet quoad statuta Capituli Provincialis, & quoad præcepta generalia ab ipso lata pro tota Provincia, & de conventuali Prælato quoad præcepta, quæ fortasse pro suo conventu generaliter imponit, nam omnium est eadem seu proportionalis ratio. Secus vero est de Superiori Prælato respectu receptorum, quæ ab inferiori lata sunt, quia nullo modo est illi subiectus, nec ex vi sui muneris tenetur se conformare præceptis illius, nec directe, nec indirecte, neque ex vi alicujus pacti impliciti, ut magis ex sequenti puncto patebit.

21 Tertium punctum est de hospitibus, seu peregrinis, an obligentur legibus seu præceptis ejus provincie, vel domus, in qua ad tempus existunt. Quæ interrogatio non habet locum quoad statuta, vel præcepta generaliter lata pro tota religione: nam constat illa ab omnibus, & ubique esse servanda: contingit autem in una provincia esse propria statuta, quæ non sunt in alia, & in una domo aliquid ex præcepto peculiariter observari ab omnibus ibi habitantibus: de his ergo procedit talis ratio. Adquam primum generaliter dicimus, consulendum esse institutum religionis, quoad constitutiones ejus: nam, si aliquid in eis est circa hoc declaratum, illud est observandum, quia constituto sufficit vel ad limitanda, vel ad extendenda talia præcepta, ut obligent, vel non obligent tales personas. Secundo, secluso jure speciali, illa, quæ sunt pura præcepta generalia, & non propria statuta, non obligant religiosos advenas. Probatur a simili ex c. *a nobis*, 1. de senten. excomm. ubi declaratur, sententiam latam vel per generale præceptum Prælati tantum obligare subditos. Unde omnes colligunt, non comprehendere peregrinos, qui intra diocesim versantur: ergo idem dicendum est in præsentis, servata proportionem. Ratio autem a priori est, quia præceptum directe fertur ad personas, & ideo non potest obligare nisi subditos; peregrini autem simpliciter non sunt subditi, sed solum quoad ea, quæ pertinent ad universale regimen religionis. Dices, inde posse sequi scandalum, si ceteri videant, religiosum non servare commune præceptum. Respondetur, hanc circumstantiam esse accidentariam, quæ si aliter vitari non possit, tunc orietur obligatio non ex tali præcepto, de quo agimus, sed ex lege charitatis. Deinde scandalum illud facile auferri poterit,

nam fundatur in ignorantia, vel facti, quia non cognoscitur talis religiosus ut hospes, vel quia putatur hospes teneri eisdem præceptis, utraque autem ignorantia potest facile tolli, & in hoc videntur Doctores convenire.

22 De statutis autem, quæ vere sunt leges perpetuæ, idem esset dicendum juxta opinionem, quæ tenet, non subditos peregrinantes in aliena diocesi, non teneri ad servanda propria illius statuta, nisi ratione scandalum. Quod nonnulli moderni ex illo principio docent in præsentis questione: sed revera illud principium minus probabile est, & contrarium est magis consentaneum juri communi, & rationi, ut in materia de Legibus probavi, lib. 3. c. 33. & lib. 2. de dieb. festis, c. 14. Altera ratio posset religiosi excusari ab hac obligatione, quia nimirum statuta particularia ideo solent obligare peregrinos, quia directe respiciunt territorium aliquod, intra quod aliquis habet jurisdictionem, ut prædictum, vel prohibeat aliquid fieri inter terminos illius diocesis, a quocumque ibi assistente: statuta autem religionum non habent huiusmodi vim seu rationem; quia non accommodantur territorio, sed personis. Ut enim notavit Innocentius in c. *dilecta*, de excess. prælator. in principio, duplex est communitas, alia realis, quæ constat ex territorio; alia personalis, quæ solum constat ex personis, ut est Academia, v.g. & Collegium, de quibus sermo est in lult. C. de jurisd. omn. jud. Religiosa ergo communitas in hoc secundo ordine continetur, & ideo leges ejus non respiciunt territorium, sed personas: ergo possunt hospites comprehendere, nam præcepta ideo dicebantur non obligare hospites, quia non respiciunt directe territorium, sed personas.

23 Nihilominus contrarium ut probabilius, & securius sentiendum, & asserendum est, ut generaliter sentiunt glossa, Innocentius, & Panor. in d. c. *a nobis* & sumitur ex c. *quæ contra mores* 8. d. ibi. *Ut pactum inter se civitatis, aut gentis consuetudine, vel lege firmatum, nullas civis aut peregrini libidine violeatur.* Non expendit illud verbum: *Civitatis, aut gentis.* quæ hominum communitatem eodem more viventem comprehendunt. Pondero etiam illa verba, *lege, aut consuetudine,* & ex illis conficio novum argumentum: nam religiosus, qui in aliqua provincia versatur, tenetur receptam consuetudinem illius provincie servare: ergo a fortiori statuta. Antecedens patet, quia clericus tenetur se conformare consuetudini Ecclesie, in qua versatur: ergo & religiosus, servata proportionem; nam, si rationem naturalem inspicimus, eadem est in utroque; si jus positivum, nullum est, quod in religiosis quoad hanc partem aliquam exceptionem faciat. Præterea, quamvis religiosa communitas præcipue consistat in personis, tamen, quatenus habent certas provincias, quæ certis terrarum terminis, aut certo domorum numero distinguuntur, habent suum modum territorii, pro quo possunt statuta fieri: ergo eodem modo obligabunt hospites, sicut solent statuta Episcopalia obligare peregrinos.

24 Potest autem aliquis interrogare, an hoc locum habeat etiam in superioribus Prælati, quando in aliquibus locis versantur: v.g. Generalis cum est in aliqua provincia, an teneatur se accommodare propriis statutis, & consuetudinibus illius provincie: & idem est de Provinciali respectu alicujus conventus, habentis specialem observantiam abstinendi a carnibus, vel quid simile: in illis enim est peculiaris ratio dubitandi, quia sunt Superiores, qui non tenentur se subdere legibus inferiorum; statutum autem Provinciale respectu Prælati generalis, est inferioris ordinis, factum scilicet a provincia sibi subiecta: & eadem proportio est de Provinciali respectu statuti, vel consuetudinis unius conventus, & præterea esset valde onerosum his Prælati dum singulas provincias, vel domos visitant, singulorum moribus sese accommodare. Respondetur supponendo semper, in his, & similibus rebus itandum esse constitutionibus, vel receptis consuetudinibus singularum religionum: his ergo remotis, loquendo ex vi juris communis, idem dicendum censeo de ipsis Prælati, quod nimirum dum hospites sunt teneantur servare mores locorum in quibus versantur: tum quia hoc exigit ipsa generalis ratio loci: tum etiam, quia ibi intervenit aliud generale præceptum, quod hospites obligat sese conformare moribus locorum; hoc autem

aurem non est unius loci, vel provinciae, sed commune omnibus, & ideo prælatus etiam obligat. Tum denique, quia nullum statutum religionis potest habere vim legis perpetuae, nisi ab ipso Generali confirmatum sit, & ideo, licet non sit universale pro omnibus locis, non potest dici latum ab inferiori prælato, ac proinde eadem ratio obligationis in illo erit, quae in ceteris.

Tertium dubium quantum obliget praeceptum positum a Superiore.

25 Tertium dubium hic esse potest de quantitate huius obligationis in conscientia, an extendatur etiam ad culpam mortalem. In quo certum est, potestatem ad hoc extendi quia si consideretur ut fundata in voto, illud ex suo genere obligat sub mortali; si vero ut est iurisdictio, illa etiam perfecta est, & ideo se extendit ad obligationem materiae, & rei praeceptae convenientem: qua ratione constat, non solum in Pontifice, sed etiam in Episcopis esse hanc potestatem: illam ergo participant religionum Prælati. Difficultas ergo est de usu, seu actuali obligatione, id est, quando praeceptum Prælati tale sit, ut obliget sub mortali. Hoc autem ex generalibus principiis legum definiendum est, accommodando illa ad talem statum. Supposita ergo potestate, de qua jam dictum est, duae conditiones necessariae sunt; materia capax talis obligationis, & voluntas prælati. Circa priorem solum est advertendum, aliquam actionem, vel materiam secundum se spectatam posse videri levem, quae in tali statu, ratione finis, & circumstantiarum sit gravis: quia ejus dilatio in tali statu potest religioni afferre grave nocumentum. Circa posteriorem observandum est, communem morem religionum esse, ut ordinaria praecepta Prælatorum, quae ore tenus sunt, non censeantur ita obligare, ut, si absque contemptu, ex negligentia, vel alia occasione omitratur, transgressio sit mortalis, etiamsi materia sit gravis, & verba sint praeceptiva, vel in actu signato, ut *mando, precipio*; vel in actu exercito, ut *fac, recita*, &c. Cujus ratio non est, nisi quia ex usu illa verba non satis indicant in prælato voluntatem obligandi, ita sumitur ex D. Bern. lib. de Praecepto & dispens. c. 12. & S. Thom. 2. 2. q. 186. a. 9. ubi late Cajetanus, & Nav. c. 23. n. 35. & sequent. clarius id docet D. Ant. 3. p. tit. 16. c. 1. §. 9. Gerson. p. 2. Alphab. 32. lit. L. consider. 6. & Alphab. 34. lit. M. Angles p. 2. q. de Voto, art. 2. diffinit. 16.

26 Unde ulterius addo, si Prælatus praeicipiendo addat verba, quibus satis indicet voluntatem obligandi in conscientia juxta materiae capacitatem, tunc, supposita materiae gravitate, obligationem esse sub mortali, ita docent omnes, & est clarum ex dictis. Quae autem sint haec verba, aut signa, ex usu uniuscujusque religionis sumendum est; communia autem sunt, cum Superior praecepit *in virtute obedientiae*, aut *in virtute sanctae obedientiae*. in aliquibus etiam sufficit dicere, *in nomine Domini nostri Jesu Christi*. Idem censendum est, quando praeceptum ponitur sub excommunicatione. Et quidem, si excommunicatio imponatur ipso facto incurrenda propter praecepti transgressionem, res est indubitata, quia excommunicatio non incurritur nisi propter peccatum mortale. Si autem solum adjungatur excommunicatio ferenda, aliqui putant non esse sufficiens signum, quia non statim incurritur censura per illum actum, sed requirit novam contumaciam, ut imponatur, ita sentit Angles supra; & Cajet. in Summa, verb. *Clericorum peccata*, & verb. *Praecepti transgressio*. Alii vero communiter sentiunt, etiam illud esse sufficiens signum obligationis sub mortali, nisi aliquibus indicis sufficienter constet illam esse meram comminationem externam, ita sentit Cajet. dict. art. 9. Navar. dict. cap. 23. n. 53. Castro 1. de Lege poen. n. 5. docum. 4. ad fin. & Sylv. ver. *Praeceptum*, q. 3. Angel. verb. *Lex*, §. 3. Tabiena eod. ver. §. 28. S. Antonin. dict. §. 9. Qui generaliter loquuntur de quocumque praecepto Ecclesiastico, quia per transgressionem talis praecepti efficitur quis dignus excommunicatione; non autem fit dignus nisi per peccatum mortale, etiamsi excommunicatio per judicem ferenda sit. Propter quod probabilior est haec sententia; videtur autem nihil longe certior inter religiosos, inter quos etiam raro, vel nunquam proponitur haec censura per meram comminationem, sed ad explicandum praecepti rigorem; sufficienter ergo indicat voluntatem

obligandi, per se, ac regulariter loquendo.

Quartum dubium de Excusationibus obligationis in conscientia.

27 Quarto dubitari potest, an possit religiosus ab hac obligatione aliquo modo excusari. Quod dubium intelligi debet, perseverante voluntate Superioris praeipientis, & volentis obligare: nam si ipse revocet praeceptum, vel si finiatur terminus, pro quo positum erat, jam illa erit non excusatio, sed cessatio obligationis, & praecepti, dummodo revocatio valida fuerit: de quo infra in proprio capite dicemus. Durante autem praecepto, contingit in aliis legibus excusatio vel per ignorantiam, vel per necessitatem, aut coactionem. De priori certum est etiam in praesenti posse intervenire, siue sit sermo de ignorantia facti, siue juris, cum haec praecepta humana sint. Quando autem haec ignorantia invincibilis sit, ex generalibus principiis expendendum est. Solum hic advertimus, ignorantiam proprii juris non facile esse excusabilem in religioso, quia majori obligatione tenetur illius notitiam, & frequentem memoriam habere: praesertim quoad eas leges, quae sub culpa obligant. Altera item excusatio locum habet in praesenti materia, quia praecepta haec, de quibus agimus, humana sunt, & ideo non obligant cum tanto rigore. Item, quia voti executio non obligat in simili evenit: ergo similiter, &c. Dices, hoc solum habere locum, quando rationabiliter praesumitur, intentionem superioris non fuisse obligare pro tali evenitu, quod est contra suppositionem paulo ante factam, quae dicebamus, quaestionem procedere durante praecepto, & voluntate Superioris. Respondetur, illud intelligi de praecepto, & voluntate generali ac per se; non de voluntate particulari etiam ex suppositione talis circumstantiae; sicut quando intervenit ignorantia, perseverat praeceptum, & voluntas Superioris, non quidem obligandi cum hac reflectione, etiam interveniente ignorantia, esset enim irrationabilis voluntas; sed generaliter quantum est ex se.

28 Sed quid, si voluntas Superioris sit obligandi, etiam in eo casu particulari, non obstante coactione, mortis periculo, vel alia simili necessitate. Respondetur, in hoc duplicem esse posse quaestionem. Una est, an praeicipere hoc modo excedat potestatem Prælati religiosi, ita ut, licet velit, non obliget. Altera est, quando censendum sit ita velle, & rationabiliter velle. Circa priorem quidam simpliciter affirmant, id esse supra talem potestatem, ita sentiunt Tabiena verb. *Episcopus*, §. 1. concl. 5. & sentit Armilla verb. *Obedientia*, n. 5. citans D. Th. 2. 2. q. 104. art. 5. dicentem, in his, quae pertinent ad corporis sustentationem, vel conservationem, non teneri subditum parere Superiori. Fundari possunt primo, quia tota haec obligatio radicaliter fundatur in voto obedientiae, & consequenter in intentione voventis: nullus autem intendit se obligare ad parendum in hujusmodi evenitu. Item, quia tantum obligatur religiosus ad obediendum secundum Regulam; Regula autem non praecepit res adeo difficiles, nec cum tanto discrimine: ergo. Unde inferi Armilla, non posse Prælatum religionis praeicipere subdito, ut assistat infirmo tempore pestis.

29 Nihilominus dicendum est, hunc modum praeicipiendi non excedere potestatem Prælati religiosi, ita tenet Cajet. tom. 3. Opuscul. tract. 9. qui est de hac re, & sumitur ex eodem & communi sententia 1. 2. q. 96. art. 4. Et ratio est, quia Prælatus religionis est vere Superior, habens potestatem ad omnia, quae ad perfectam gubernationem inter homines necessaria esse possunt; hic autem modus obligationis saepe necessarius est. Unde Principes seculares, & Ecclesiastici hanc habent potestatem, ut latius in materia de Legibus lib. 3. c. 30. ostendimus. Explicatur exemplis, nam si religiosus aegrotet morbo contagioso, potest Prælatus praeicipere alteri, ut ei ministret, etiam cum periculo vitae, quia illud est necessarium ad convenientis regimen monasterii, & ad conservationem atque adeo ad commune bonum ejus: praeterquam quod charitas de se obligat hoc corpus religiosum ad subveniendum paribus, quibus constat, alias ei periculum imminet. Unde quando haec obligatio est quasi indifferens, & non applicata ad certam personam, penes Superiorem est potestas applicandi illam; alias esset inefficax, nec posset convenienti modo adfci.

ad effectum perducitur. Deinde potest Prælati præcipere religioso, ut tempore pestis assistat, si ita expediat ad commune bonum, & aliquo modo pertineat ad obligationem talis religionis, vel ex peculiari instituto, vel ex gravi necessitate occurrente: quia etiam in his casibus pertinet ad munus Prælati ejus providere: habet ergo potestatem accommodatam. Denique, interdum potest præcipere longam navigationem, etiam si habeat periculum annexum, ut ostensum est tomo præced.

Ad primum fundamentum, in n. 28.

30 Nec fundamenta contraria difficultatem habent. Ad D. Thom. enim recte respondit Cajetanus, ea, quæ pertinent ad conservationem naturæ, per se non cadere sub præceptum humanum, id est, per se, & directe non posse prohiberi, si necessaria sint; nec contraria præcipi: per accidens vero præcipi posse, præcipiendo nimirum actum, cui conjunctum est periculum contrarium conservationi naturæ. D. Thomas ergo in priori sensu loquitur; potestas autem hæc, de qua agimus, solum posteriori modo se extendit ad hujusmodi malum contrarium naturæ. Et ratio a priori est, quia per hujusmodi præceptum non præcipitur fieri aliquid naturæ contrarium, sed præcipitur permitti, seu pati, si necesse sit: quod est rationi consentaneum, & interdum bono communi necessarium, ideoque sub potestate humanam cadit. Ad aliud fundamentum responderetur, potestatem hanc immediate ac formaliter esse jurisdictionis Ecclesiasticæ, quæ ad hujusmodi præcepta extenditur. Quia vero aliquo modo supponit professionem religiosam ut fundamentum, ideo dicitur ulterius, ex vi professionis subdi religiosum hujusmodi præceptis, quatenus sunt consentanea tali statui, & corpori religionis, cujus pars efficitur per professionem: sicut miles tenetur obedire duci præcipienti etiam cum periculo vitæ ratione sui status ac professionis. Quapropter etiam si religiosus dum vovet obedientiam, expresse non intendat obligare se ad obediendum in his casibus, implicite id intendit, imo, etiam si velit, non potest hanc intentionem excludere, quia repugnat intentioni proficendi. Unde hoc genus præcepti non excedit ea, quæ sunt consentanea regulæ, ut declaratum est: non enim dicimus, posse Prælatum pro arbitrio suo præcipere, sed quando ad bonum religionis, vel ad debitum munus, vel ministerium ejus sit pertinens: quidquid autem hujusmodi est, spectat ad regulam religiosam, ut supra vidimus.

31 Atque hinc fere responsum est ad alteram questionem: jamenim declaratum est quando Prælati rationabiliter hanc habet voluntatem, seu intentionem. Unde vel ex verbis ejus expressis, vel certe ex ipsa intelligi poterit talis voluntas. Ad hoc autem magis explicandum adverte dupliciter conjungi hoc periculum actioni præceptæ, scilicet, omnino per accidens, & præter intentionem ac præcisionem præcipientis; & per se, aut de facto hic & nunc cum præscientia præcipientis. Quando accidit priori modo, regulariter excusabitur quis a præcepto, quia non intercedit voluntas præcipientis, cum nihil sit volitum si non sit præcognitum: nec etiam præsumitur, quia ordinaria conditio præcepti humani est, ut non obliget cum tanto rigore; neque aliud esset rationi consentaneum, quia non esset moraliter tolerabile. Dico autem, regulariter, quia si in re ipsa intercederet magna necessitas religionis, & oppositum vergeret in gravem ignominiam, vel detrimentum ejus, tunc sine dubio præceptum obligaret vel ex natura rei, vel ex implicita voluntate præcipientis, sicut de præceptis Ecclesiasticis est communis doctrina. Quando vero periculum inest posteriori modo in re præcepta, clarum est, voluntatem præcipientis esse obligare, non obstante tali periculo, & per se loquendo, præsumitur talis voluntas rationabilis, nisi oppositum manifeste constet. Quæ doctrina communis est quoad utramque partem, sumiturque ex D. Th. 2. 2. q. 120. Cajetano ibi, & 12. q. 96. art. 4. & 6. Soto 2. d. justit. q. 5. art. 8. Castro lib. 1. de Leg. pœn. c. 5. docum. 5. Nav. c. 23. n. 43. Sylv. verb. Præceptum, q. 3.

Utrum in Prælati religionis sit potestas coerciva tum in universum, tum spectatim ad pœnas spirituales.

1 Q UOD in his Prælati aliqua sit potestas hujusmodi, id manifestum est, tum ex usu, tum ex ratione, quia potestas directiva sine aliqua coercitione, infirma ac fere inutilis est, quia sine timore ac disciplina non potest communitas humana in officio contineri, quantumvis bona videatur in hac vita mortali, quia corpus, quod corrumpitur, aggravat animum, & caro concupiscens adversus spiritum, sepe vincit, ideoque septies in die cadit justus. Est igitur omnino necessaria hæc potestas, ut ordo, pax, & institutio religiosa conservetur. Explicandum vero est, qualis & quanta sit. In quo distinguere iterum oportet in statu religioso, id quod habet quasi ab intrinseco ex pura natura sua, vel quod habet ab extrinseco superadditum ex providentia, & liberalitate Pontificum.

2 Dicendumque primo est, Prælatum religionis ex vi talis status, seu professionis, ac voti obedientiæ subditorum, solum habere potestatem coercendi modo paterno, & juxta limites Regulæ. Probatum, ac declaratur, quia ut sic non habet jurisdictionem, sed potestatem dominativam instar illius, quam habet paterfamilias in domo sua: solum enim differunt, quod hæc circa exteriora, & corporalia, illa vero circa spiritualia præcipue versatur. In hoc autem conveniunt, quod neutra est proprie jurisdictio, unde neuter etiam illorum est proprie iudex, qui possit, gravem pœnam corporalem, vel spirituales imponere; sed solum eam correctionem adhibere, quæ inter latitudinem familiaris domus ac providentiæ locum habere potest. Qualis autem, vel quanta esse possit hæc pœna, iudicio prudentis arbitrii relinquendum est, ut considerato usu, & communi more hominum id iudicet. Exemplo monialium id ita declaratur, nam in eis est potestas aliqua coerciva juxta regulam, licet jurisdictionem non habeant; illæ tamen non excedunt religiosam disciplinam per leviores pœnitentias. Quod si gravior pœnitentia necessaria est, ad Prælatum recurrere oportet. Eodem modo in religionibus virorum Vicarius, licet jurisdictionem non habeat, potestatem aliquam coercivam habet, quæ ultra leves, & ordinarias pœnitentias non se extendit. Itemque fuisse olim observatum in religionibus quando Præpositi sacerdotes non erant, nec jurisdictionem habebant, intelligi potest ex Regula Augustini, nam circa finem sic ait: *Præposito tamquam patri obediatur, multo magis Presbytero, qui omnium vestrum curam gerit. Ut ergo cuncta ista servantur, & si quid servatum minus fuerit, non negligenter prætereatur, sed ut emendandum, corrigendumque curetur, ad Præpositum præcipue pertinebit, ut ad Presbyterum, cujus est apud vos major auctoritas, referat quod modum, vel vires ejus excedit.* Denique hæc potestas solum fundatur in voto obedientiæ, & ab illo quodammodo manat, & ideo non excedit communem & regularem intentionem sic voventium: imo fortasse ipsi non possent dare majorem potestatem supra seipsos, nisi a publica potestate descenderet, ut ex dicendis patebit.

3 Dico secundo, Prælati religionis ratione jurisdictionis Ecclesiasticæ habet perfectam potestatem coercivam Episcopalem. Hoc constat etiam ex usu, & ex privilegio omnium religionum exemptarum: quæ enim exemptæ non sunt, non habent revera hanc potestatem in seipsis, vel in suis intrinsecis Præpositis (ut ita dicam) sed manet in Episcopis, qui illam sine dubio non habent in moniales sibi subjectas; & idem est de viris, si exempti non sunt: ergo in exemptis talis jurisdictio residet in propriis Prælati: non enim extincta est, nec Summo Pontifici reservata, nec enim expediebat, cum sit ordinarie, & regulariter necessaria: ergo translata est in religionem ipsam, & Prælatos ejus per Summos Pontifices, non quidem jure communi, sed speciali, ut supra tetigi, quod proinde consulendum est. Addit Nav. Comm. 2. de Reg. n. 63. hanc jurisdictionem magna ex parte introductam, vel auctam

auctam esse consuetudine, quæ vim habet dandi jurisdictionem, c. *Duo simul*, de offic. Ordin. quod etiam repetit Comm. 3. de Reg. in fine. Et ideo consuetudinem etiam est habenda ratio: nam ratione illarum fieri potest, ut tota jurisdictione sit a Prælati religioso, quoad omnia delicta, vel quod aliqua sint Episcopi reservata, aut quod in utroque sit jurisdictione accumulative, de quo nonnihil in fine c. 1. dicemus. Ut autem hæc potestas explicetur, advertendum est, duplicem esse posse coercionem in Prælati Ecclesiastico, scilicet, spiritualem, & corporalem: illa prior sit maxime per censuras, irregularitates, vel inhabilitates ad quæcumque spiritualia bona, vel jura, vel ministeria, & omnia alia, quæ ad hæc revocari possunt; sub corporali comprehendimus quæcumque corporis castigationem, afflictionem, vel etiam publicam reprehensionem, aut infamationem, aut incarcerationem, vel depurationem ad quodcumque vile, vel laboriosum opus, seu ministerium: aliæ enim pænæ temporales, quæ fieri solent in externis bonis fortunæ, in religiosis, qui non possident propria bona cum proprie non habent, quamvis enim privati possint usu aliarum rerum, qui alias ipsis liceret, vel etiam secundum Regulam esset debitus, illa tamen privatio propter corporis afflictionem imponitur, & ita sub prædictis pænis comprehenditur.

Tractatur secunda pars tituli, de potestate coercitiva spirituali.

4. Quæri ergo in primis potest, quantum se extendat hæc potestas Prælatorum religionis, quoad spirituales coercionem, in modo seu numero, aut specie pænarum. In qua re in primis, si limitatio adhibita est vel in Pontificum concessione, ac privilegiis, vel in distributione, seu applicatione ejus, facta ipsis Prælati per religionem ipsam in suis Capitulis, vel per aliquem Superiorem, potestatem habentem, illa limitatio servanda est: hoc autem quia ex positiva constitutione pender, inde in unaquaque religione sumenda est. Quando autem indefinita est concessio ad regendam & gubernandam religionem sub protectione immediate Summi Pontificis susceptam, & ab Ordinariis jurisdictione exemptam, illa potestas non habet aliam limitationem, nisi quam ex natura rei secum affert, vel jure communi habet in Episcopis: quia ex nullo alio capite fingi potest limitatio, & ubi lex non distinguit, nec limitationem addit, non possumus nos voluntarie illam excogitare. Unde fit, esse in hujusmodi Prælati potestatem ad coercendos subditos per quascumque Ecclesiasticas censuras, quæ alias jure possint in tali materia, seu crimine personis imponi. Pater, quia in Episcopis est hæc potestas: ergo & in his Prælati: item quia hi Prælati possunt excommunicare: ergo & alias censuras ferre.

5. Dixi autem, quæ possunt imponi personis, ut excluderem interdictum locale, quod non potest ab his Prælati imponi, ut in superioribus dixi, in c. 2. n. 14. ex propria materia de censur. Dubitari autem potest, an extendatur ad censuras, quæ communitatibus imponuntur, ut sunt suspensio Capituli, & interdictum generale personale. Non video tamen cur sit illis hæc potestas neganda, quia vere sunt Prælati, & judices respectu inferiorum communitatum, ut, v.g. Generalis respectu Capituli Provincialis, & inferiorum, & Provincialis respectu Capituli conventuales (debent enim cum proportionem sumi,) ergo potest Prælati superior suspendere Capitulum sibi subiectum, vel interdicere communitatem religiosam, si necesse sit, quia hæc potestas jure ordinatio conjuncta est cum tali jurisdictione, & utilis est ad communem gubernationem; & nulla est ratio excipiendi illam. De interdicto enim locali est specialis ratio, quia quodammodo redundaret in personas non subditas ipsis Prælati regularibus, & propterea non est eis data tam ampla potestas, quanta est in Episcopis: interdictum autem personale non transgreditur ipsas personas, vel communitatem earum; & ideo non est in eo similis ratio.

6. Dubitari autem potest, an hæc potestas ferendi censuras conveniat etiam Prælati conventuales religionum: illi enim videntur esse tamquam Patres, quibus hæc potestas non conceditur. Dicendum vero

est, etiam illos habere communiter potestatem excommunicandi, ut constat ex observantia fere omnium religionum, & ex supra dictis, citato cap. 2. ubi ostendimus, posse etiam Prælatos habere jurisdictionem quasi Episcopalem, nam hic actus solet esse primus, qui cum tali jurisdictione conceditur. Unde fit, ut hi Prælati etiam possint suspendere singulas personas sibi subiectas, quia qui potest excommunicare, potest etiam suspendere, nam qui potest in majus, potest etiam in minus, quando est rationis similitudo sufficiens, vel quando comparantur quodammodo tamquam totum, & pars, & potestas est jurisdictionis ordinariæ, & non delegariæ: quæ omnia in præfati concurrunt. Suspensio autem Capituli, & communitatis non videtur pertinere ad hos Prælatos: quia non habent Capitulum a seipsis condistinctum, & sibi subiectum: Prælati enim conventuales non habent jurisdictionem extra suum Capitulum; illius autem ipse est caput, & ideo nihil potest peccare ipsum Capitulum, quod ipsi præcipue non imputetur, ac proinde non potest ipsemet esse iudex criminis commissi a tali Capitulo, ut Capitulum est: ergo nec potest illud punire per suspensionem. Denique, sicut non potest suspendere seipsum, ita nec Capitulum, cujus ipse est caput. Unde, licet jure suspenderet singulos, ipse semper maneret habilis, & in eo servaretur vox Capituli, juxta doctrinam Abbatis in c. 1. de elect. n. 5. communiter receptam, ut testatur Navarr. consil. 38. de Reg. Atque eadem ratio est de generali interdicto personali totius conventus; particulare vero videtur ferri posse per hujusmodi Prælatos, propter rationem proxime factam. Ordinariæ autem non videtur esse in usu, sicut sunt aliæ duæ censuræ. Cujus ratio fortasse est, quia pro singulis personis illæ duæ censuræ sunt magis accommodatæ, & sufficientes maxime pro personis religiosis, quæ non solent esse adeo contumaces. Imo, ut recedant a contumacia sola excommunicatio imponi solet; quando vero additur suspensio, magis est ad punitionem delicti commissi; ad quem finem non est tam accommodata censura interdicti, quia privat mediis spiritualibus, & necessariis ad animæ profectum.

7. De aliis autem pænis Ecclesiasticis dicendum est, propriam irregularitatem non posse ab his Prælati imponi. Probat, quia neque Episcopi illam imponunt: irregularitas enim tam gravis res est, ut solo Pontificio jure imponatur, & solum in casibus ab ipso expressis, c. *usque*, de sent. excomm. in 6. extra quos casus nec per iudicis sententiam, nec per novum jus inferiorum Prælatorum potest imponi, ut in propria materia disput. 40. de censur. ostendi: ergo nullo modo Prælati religionum hanc pœnam imponere possunt, sed ad summum declarare, an quispiam subditorum illam incurrerit.

8. De aliis vero inhabilitatibus res est magis dubia: hinc enim videtur, inhabilitare personam ad actum, ad quem natura sua, vel divino jure habilis est, videtur esse potestatis supremæ, quem vocant meri, & mixti imperii, ut colligi potest ex his, quæ tradit Nav. consil. 26. de Regul. n. 4. & 5. In contrarium autem est, quia per statuta religiosorum puniuntur sæpe hujusmodi pænis, quibus redduntur inhabiles ad Prælationes, vel officia, &c. Respondetur quando hujusmodi pæna jure communi præscriptæ sunt, ut imponendæ propter aliqua delicta, Prælatum regularem jure posse talem pœnam imponere; imo etiam debere, quando jure proprio religionis alia pœna præscripta non est. Pater prior pars, quia illa pœna canonica est, & proportionata tali delicto: ergo jure imponi potest a iudice, qui potestatem habet Ecclesiasticam puniendi tale delictum; cum alias ei non sit specialiter prohibitum talem pœnam imponere. Posterior autem pars probatur, quia iudex debet secundum jus judicare: ergo si non habeat proprium, debet judicare secundum commune jus. Licet enim religiosi sint exempti a jurisdictione Episcoporum, non tamen a jure communi. Et ideo si pœna sit lata ipso jure, & tale jus universale sit promissum Ecclesiasticis personis, religiosus transgressus ipso facto pœnam incurrit: ergo si pœna solum sit ferenda per iudicem, etiam erit imponenda religioso delinquenti per suum Prælatum. At vero si jus non sit uni-

Excipitur
interdictum
locale.

universales; sed de clericis secularibus loquatur, (quod attendente ex verbis, & usu considerandum est) tunc non erit ita necessarium illam penam imponere, sed ad prudentiam iudicis pertinebit illam legem imitari, & cum proportionem ad talem personam, & statum illam applicare.

9 Quando vero talis inhabilitas non est jure communi imposita, advertere oportet, an respiciat actum, cujus valor pender aliquo modo ex potestate dominativa vel voluntate religionis, nec ne. Nam, quando habet dictam dependentiam, optime potest religio talem inhabilitatem imponere, seu instituire, quia potest suum consensum non præstare, vel potestatem non concedere: si ergo potest inhabilem reddere personam ad Prælationem in religione habendam, non consentiendo scilicet electioni ejus, vel non præbendo jurisdictionem, quæ ab ipsa religione manare debet. Aliæ vero spirituales pænæ, vel inhabilitates, quæ hujusmodi non sunt, neque a jure sunt institutæ, non possunt a religionibus denuo excogitari, aut, quia hoc proprie spectat ad Pontificiam potestatem, ut latius diximus tractando de Censuris, & de Irregularitate disp. 40. multoque minus possunt ipsi prælati novas spirituales pænas adinvenire, aut imponere, sed solum quæ jure communi, aut proprio impositæ sunt, vel ad instar illarum, quando pænæ fuerint arbitrariæ.

An dicta potestas competat Abbatis monialium.

10 Tandem dubitari potest, an hæc potestas conveniat, vel convenire possit Abbatis monialium. Ratio dubii quoad priorem partem esse potest, quia olim Præfecti monasteriorum, licet essent laici, poterant suspendere, & excommunicare: nam de excommunicatione sæpe fit mentio in Regula S. Benedicti, ut patet ex regula 23. & sequentibus usque ad 28. suspensionis autem meminit Cassianus lib. 4. Instit. c. 20. ergo eadem ratione poterunt Præfecti monialium similes pænas imponere. Quoad secundam vero partem ratio dubitandi esse potest, quia in c. dilecta, de majorit. & obediencia dicitur, Abbatissam solitam esse suspendere ab officio, aut beneficio moniales, & clericos suæ jurisdictioni subiectos. De hac re dixi ex professo in materia de Censuris; disp. 2. sect. 2. a n. 5. & ideo breviter eam expediam. Loqui enim possumus aut de communi, & ordinario jure, aut de speciali privilegio alicujus Abbatissæ. Priori modo dicendum est, non posse monialium prælatas hujusmodi pænas spirituales imponere, quia saltem ordinario jure non habent jurisdictionem spirituales, quæ ad illas pænas imponendas necessaria est. Unde idem dicendum est de quocunque Præfecto religioso non ordinato, quia secundum commune jus non clericus non est capax jurisdictionis spiritualis, ut supra tetigimus, c. 3. n. 20. & latius in eodem loco diximus: & ideo adnotavimus etiam supra, excommunicationem illam apud S. Benedictum non esse censuram Ecclesiasticam, sed solum separationem quandam a communi mensa, vel choro, vel conversatione fratrum, ut ab expositioribus adnotatur, & ex ipsa Regula non obscure colligitur. Et similis erat suspensio, de qua loquitur Cassianus, eamque vocat suspensionem ab oratione, id est, vel separationem a communi oratione, vel privationem proferendi orationem aliquam in communi conventu fratrum. Has ergo, & similes pænas poterunt Abbatissæ monialibus imponere, si aliqui sint conformes suæ Regulæ, vel consuetudini, & ordinarium modum disciplinæ religiosæ non excedant. Nec tales pænæ sunt proprie spirituales, sed ad corporales reducuntur, ad modum exilii, vel separationis cujusdam. Fortasse etiam potest hæc pænæ ad aliquid spirituale extendi, ut si jubeatur quis non communicare tali die, vel non orare, sed in alio opere laborare in pænâ: hæc tamen, si aliquando permittantur, non imponuntur per propriam jurisdictionem, sed solum ut mandata quædam per dominativam potestatem, & non inferuntur proprie, ut sunt spirituales privationes, sed ut inducunt aliquam notam, vel ruborem.

11 Loquendo autem de specialibus privilegiis, Canonistæ multa concedunt his Abbatissis, ut patet per Panormitanum, & alios in dict. c. dilecta, & in c. cum dilectus, de Consuetud. n. 20. & in c. dilecta, de Excess. Prælati nimirum, posse conferre beneficia, & habere jus instituendi, & consequenter, posse suspendere a benefi-

Suarez, Tom. XV.

cio, imo & tollere illud, vel etiam suspendere ab ordine, saltem lato modo, præcipiendo scilicet clericis ne celebrent. Et rationem reddunt, quia ista sunt jurisdictionis spiritualis, & non ordinis. Et nihilominus omnes pro comperto habent, non posse ex quocunque privilegio Ecclesiasticas censuras inferre: & hoc sequuntur Sylv. Angel. & alii, verb. *Abbatissa*. Difficilis tamen est illa ratio, & non satis consequens doctrinam: nam ferre censuras etiam est actus spiritualis jurisdictionis, & ad illum non requiritur ordo per se, & ex vi talis actus: ergo eadem ratio est de illo, & de quocunque alio actu, qui per se requirat jurisdictionem spirituales, & non ordinem. Patet consequentia, quia vel spiritualis jurisdictio prærequirit ordinem (sub illo primam censuram includendo) tanquam necessariam dispositionem, seu conditionem, ut subjectum sit capax talis jurisdictionis; & sic nulla jurisdictio spiritualis, neque actus ejus esse poterit in fœmina. Vel neque isto modo requiritur ordo ad jurisdictionem spirituales habendam, & exercendam; & sic etiam jurisdictio ad censuras ferendas esse poterit in persona carente omni ordine, vel etiam incapaci ordinis. Responderi poterit, verum quidem esse de absoluta potentia Pontificis posse jurisdictionem spirituales, etiam ad censuras ferendas, communicari laico, vel fœminæ, tamen secundum jus commune, & perpetuum Pontificum observationem id nunquam fieri, nec talia privilegia concedi: alios vero actus, qui minorem jurisdictionem requirunt, interdum concedi Abbatissis. Sed distinctio hæc mihi non satisfacit, quia non video quomodo possit sufficienter in jure fundari: nam quod laicis, vel fœminis non communicetur jurisdictio ad excommunicandum, verb. gr. maxime habetur ex generali regula, quod potestas clavium, etiam jurisdictionis tantum sit, solis clericis communicatur, juxta ordinarium, & perpetuum jus Ecclesiæ: omnis autem jurisdictio spiritualis pertinet ad potestatem clavium. Unde Div. Thom. in 4. d. 19. qu. 1. art. 1. quæst. 3. ad 4. generaliter ait, *fœminam non posse habere aliquam jurisdictionem spirituales, & iterum, fœminam non habere clavem ordinis, aut jurisdictionis*. Ad id autem, *mulieri committi aliquem usum clavium*. Circa quæ verba difficile ad explicandum est, quomodo alicui committatur usus clavium, si non committitur ipsa clavis: nemo enim uti potest re, quam non habet. Item nemini committi potest usus jurisdictionis, nisi committatur jurisdictio: ergo similiter, &c. Quid ergo est committi fœminæ usum clavium, vel (quod idem est) usum jurisdictionis Ecclesiasticæ, si clavis ipsa, & jurisdictio non committitur?

12 Sane D. Th. non aliter declarat usum clavium, qui committitur fœminæ, nisi quia ei datur habere correctionem in subditas mulieres, propter periculum, quod imminere posset, si viri mulieribus cohabitarent. Unde non videtur loqui de speciali potestate; quæ illi solet aliquando concedi ex privilegiis, non solum in fœminas subditas, sed etiam in viros, & clericos, quos interdum potest habere subjectos, ut patet ex dicto c. dilecta. Quare, juxta mentem D. Thomæ, non dicitur concedi fœminæ usum clavium, quia verus actus jurisdictionis spiritualis ei concedatur; nam corrigere subditas fœminas non est actus jurisdictionis spiritualis, sed est actus cujusdam domini religiosi, quod proprie non a potestate clavium, sed a voto obedientiæ, & professione religiosa descendit. Vocatur autem ille usus clavium vel solum per quandam analogiam, & imitationem, quia illud dominium est aliquo modo spirituale; vel quia etiam illa potestas, & usus ejus non est sine interventu clavium, quia etiam ille modus Prælationis, seu regiminis non potest esse sine approbatione Pontificis, & ideo est veluti quidam usus per claves commissus. Quo circa respectu monialium certum videtur, nunquam prælatas habere potestatem imponendi prædictas pænas spirituales, saltem per seipsas: quia per nulla privilegia major potestas coerciva eis conceditur circa moniales subditas, quam quæ sufficiat ad prædictam correctionem religiosam.

13 De aliis vero personis, & maxime de clericis, qui interdum eis subijciuntur, existimo imprimis, il-

Concluditur, neque ex jure speciali Abbatissas habere propriam jurisdictionem spirituales,

In eler-
cos, &
alias per-
sonas ha-
bere po-
test Ab-
batissa
jurisdi-
ctionem
quodam-
modo spi-
ritualem.

Iam subjectionem non esse ratione alicuius propriæ iurisdictionis spiritualis, ut ratio facta, & auctoritas D. Th. probat; sed ratione alicuius domotii, vel iurisdictionis, quæ licet substantialiter temporalis sit; tamen annexa est aliquo modo bonis, aut personis Ecclesiasticis, & ideo Ecclesiastica dici potest, & quodammodo spiritualis, quam committi feminæ, nec repugnat, nec est omnino inusitatum. Atque hoc modo habet aliquando Abbatisa integram administrationem, & gubernationem omnium bonorum monasterii, quæ Ecclesiastica sunt, inter quæ bona sæpe continentur villæ & castra, quorum iurisdicção temporalis tota est monasterii, & Abbatisæ committitur, & aliquando etiam extenditur ad personas clericorum, quantum ad actum præcipiendi illis, & castigandi illos; nam hi etiam actus de se non sunt spirituales, sed corporales (ut sic dicam) Ecclesia autem eos sibi reservavit propter dignitatem talium personarum; eos autem interdum committit etiam per iurisdictionem ordinariam his personis, quæ licet ordinem non habeant, sunt tamen Ecclesiasticæ, & in Ecclesiastica dignitate constitutæ. Quæ conditio sufficit, ut ei committatur iurisdicção in personas Ecclesiasticas, quando non datur ad actus propriæ spirituales, sed ad alios temporales, vel corporales, quatenus in persona Ecclesiastica versari possunt.

Nunquam
tamen ei
conce-
duntur
actus pro-
prii, & di-
recti spi-
ritualis
iurisdi-
ctionis.

14 Quocirca quando actus est propriæ spiritualis, existimo nunquam dari huiusmodi personis propriam iurisdictionem ad illos efficiendos; sed ad summum concedi actum aliquem, qui sit veluti conditio, ad cuius præsentiam, id quod spirituale est, sit ab Ecclesiastico Prælato, ad cuius potestatem id spectat. Exemplum est in facultate eligendi confessorum, quæ datur pœnienti: non enim illi tribuitur potestas dandi alteri iurisdictionem, sed designandi personam, cui statim Pontifex dat iurisdictionem: ita ergo, cum dicitur Abbatisa posse conferre beneficium, aut habere ius instituendi, & similia, intelligendum existimo quoad actum præsentandi, seu designandi clericum, cui beneficium, vel iurisdicção Ecclesiastica conferatur; nam dare hanc iurisdictionem, vel beneficium quoad ius spirituale, quod includit, est actus clavium, quarum potestas fœminis non communicatur, iuxta c. nova. de pœnit. & remiss. Aliquando vero hæc præsentatio fit homini, v.g. Episcopo, ut ab eo collatio, & institutio fiat, ut in c. ea no- scitur, de his, quæ sunt a Prælati sine, &c. Aliquando vero fieri potest absoluta per simplicem designationem, & quasi electionem, ut, ipso facto beneficium, & spirituale ius a Pontifice conferatur. Atque eadem ratione potest interdum Abbatisa dare possessionem beneficii, quia ille in rigore non est actus propriæ iurisdictionis spiritualis in ipso executore, sed in præcipiente; tunc autem Abbatisa solum se habet tanquam is, cui delegatur executio: & eodem modo potest dare titulum, id est; testimonium beneficii alteri collati, non a se, sed a Pontifice ad suam nominationem. Eodem ergo modo possunt e contrario privare beneficiis, vel possessione eorum in penam, si hoc eis speciali privilegio concessum sit, quia tunc etiam non exercent propriæ iurisdictionem spiritualem, sed ad voluntatem earum Pontifex est, qui suspendit influxum, seu aufert iurisdictionem spiritualem.

15 Dices. Ergo simili modo poterunt etiam excommunicare, non directe, & per se spirituale vinculum faciendo, sed designando personam, quam Pontifex statim liget ad declarationem, seu voluntatem Abbatisæ. Responderetur, non inveniri in hoc repugnantiam, nec excedere potestatem Pontificis, ut a fortiori constat ex dictis in materia de Censuris: regulariter autem hoc non concedi fortasse propter periculum abutendi censuris, vellent enim suo iudicio illas imponere, vel auferre, quod non potest esse conveniens. Aliquando autem concedi solet his Abbatisis, ut per officiales suos possint excommunicare, tunc autem ipsi officiales non accipiunt potestatem excommunicandi ab Abbatisis, sed a Summo Pontifice ad mandatum, seu designationem Abbatisæ: sicut dici etiam potest de Conservatoribus iudicibus, eliguntur enim a religiosis per sua privilegia: iurisdicção autem eis datur a Summo Pontifice. Denique eodem modo de aliis censuris suspensionis, & interdicti iudican-

dum est, ut expresse Abbas supra docuit: quamvis, latius loquendo de his prout solum significant prohibitionem aliquam, possit interdum per huiusmodi Abbatisas fieri, ut supponitur in dict. cap. dilecta, & dixi in materia de Censuris. Et hæc de pœnis spiritualibus.

CAPUT X.

An in Prælati religionis sit potestas coercitiva ad pœnas corporales.

1 Circa corporales pœnas potest in specie tractari, ad quas se extendat hæc potestas Prælatorum religionis. In quo certum est non extendi hanc potestatem ad penam mortis, quæ a nullo iudice Ecclesiastico imponi potest, cap. cum non ab homine, de iudiciis. Quia vero Ecclesiastici iudices interdum possunt sententiam ferre de delicto, & reum postea remittere brachio seculari, dubitari potest, an potestas horum Prælatorum ad hoc se extendat. Dicendum enim videtur, ex vi solius professionis religiosæ hoc non repugnare, quia possunt prælati regulares religiosum incorrigibilem propter enormia crimina habitu, & omnibus privilegiis religionis privare: ergo consequenter possunt si delicta id mereantur, talem personam tradere brachio seculari. Dixi autem, quantum est ex parte professionis, quia, si religiosus sit ordinatus clericus, non potest religiosus prælatus illum degradare, nec privare privilegio clericali, & illum tradere brachio seculari: quantumvis illum privet statu, seu habitu religionis. Addo etiam, si ex parte ipsius prælati consideretur quod est clericus, quodque iurisdictionem Ecclesiasticam administrat, non posse ita religiosum privare immunitate, ut illum tradat brachio seculari, nisi hoc ei speciali privilegio concessum sit. Ratio est, quia nisi hæc remissio fiat autoritate, seu privilegio Pontificis, vix potest ab irregularitate excusari, ut latius in propria materia tractavi disp. 47. sect. 1. Secundo, quia hæc immunitas conceditur religioso non tantum ut clericus est, sed etiam ut est religiosus, in favorem, non privatæ personæ, sed religionis; & ideo non potest prælatus privare religionem hoc favore propter peccatum privatæ personæ, nisi hoc ei specialiter concedatur: sicut non potest privata persona renunciare privilegio in favorem communitatis concessio, cui per talem renunciationem præiudicium fiat. Et ob hanc causam existimo prælatos religionum nunquam habere hanc potestatem, quia nunquam est eis specialiter concessa, neque expedit, ut ea utantur propter decentiam, & honorem religionis.

2 Objici autem potest communis usus, & praxis secularium iudicum condemnantium ad mortem huiusmodi religiosos delinquentes, & eiectiones: quam ubique servari testatur Calsaneus in consuetudinibus Burgundiæ, fol. 51. nu. 66. Sed circa hoc advertendum est, dupliciter intelligi posse religiosum tradi brachio seculari, ut de crimine, morte digno, iudicaretur, scilicet permissive tantum, ac remote, aufertur impedimentum religiosi habitus, & immunitatis. Secundo, immediate, & (ut sic dicam) positive, illum tradendo in manibus iudicis secularis postquam de crimine convictus, & iudicatus est. Nos loquimur de hoc posteriori modo, & sic negamus esse talem consuetudinem. Imo etiam ab aliis iudicibus, quando non temere, sed ordinate procedunt, vix aliquando id fit, nisi in casu hæresis; in quo casu etiam cum religioso id faciendum est, non tamen a prælato religionis, sed ab Inquisitoribus, quibus iudicium de illo crimine reservatum est, ut in specie, agens de iurisdictione religiosorum, tractat Navarrus, Consil. 1. de Hæreticis. Alii vero casus, in quibus possunt prælati Ecclesiastici hoc modo tradere clericum degradatum iudici seculari, rari sunt, ut tractavi tom. 5. ad 3. partem, Disput. 6. de suspens. sect. ult. Et in eis existimo, non debere, nec posse religiosum prælatum hoc modo tradere subditum, quantumvis incorrigibilem, tradere brachio seculari, propter ea, quæ diximus. Consuetudo ergo illa, si quæ est, videtur intelligenda priori modo; in quo etiam alia distinctio observanda est: nam religiosus semel eiectionis,

Prælati
religiosi
neque
pœnam
mortis
imponere
subdito.

Possent
tamen ex vi
professionis
religiosæ
brachio
seculari.

Aliunde
tamen id
revera
non po-
test.

Objiciunt
ex con-
suetudine
condem-
nandi ad
mortem
eiectionis.

ejectus, dupliciter potest mortem plecti a iudice seculari. Primo, propter delicta commissa post ejectionem a religione, digna tali pœna: & hoc modo facile potest admitti, si fuerit consuetudo, quando religiosus ejectus alias clericus non est: quia in eo statu iudex ordinarius ejus non est Prælati religionis; nec videtur reputari tanquam persona Ecclesiastica, supposita dicta consuetudine. Quod ideo adverteo, quia religiosus, quantumcunque ejectus, verus religiosus manet, ut infra lib. 3. cap. 5. ostendam, & sub obedientia Episcopi esse debet tanquam Ecclesiastica persona: & ideo videtur frui privilegio fori, nisi per contrariam consuetudinem amissum sit. Quæ consuetudo maxime tolerari posset, quando talis religiosus ejectus nec regularem, aut clericalem habitum portaret, nec obedientiam Episcopo servaret. Secundo modo posset puniri religiosus ejectus propter crimina in religione commissa: & hoc modo nec admittendam, nec probandam cenfeo talem consuetudinem, nimirum, quod a iudice seculari possit ad mortem damnari propter talia crimina, tum quia illa commisit in alieno foro, & quasi in diverso territorio: tum etiam, quia supponitur jam judicatus, & punitus, nam per sententiam definitivam ejectus est a religione propter talia crimina.

3 Præterea non extenditur hæc potestas ad mutilationem membri, nam hæc ejusdem rationis est cum pœna mortis, quod attinet ad irregularitatem, & repugnantiam cum Ecclesiastica mansuetudine. Item excludenda videtur pœna publica corporalis, quæ ordinarie non est in usu in Ecclesiastico foro propter decentiæ religiosi, & clericalis status; qualis est publica flagellatio per plateas, & vias civitatis. Nam licet absolute non excedat Ecclesiasticam jurisdictionem hujusmodi pœna citra sanguinis effusionem; tamen regulariter non est in usu Ecclesiæ respectu personæ Ecclesiasticæ; neque talis pœna per canones aliquando designatur: & ideo non est extendenda potestas Prælati regularis; ut arbitrio suo possit illam imponere. Potest nihilominus religio punire subditum pœna triremis, ut late Navar. Comment. 2. de Regularib. nu. 53. ubi id maxime probat ex consuetudine plurium regularium, & quia illa pœna non includit diffusionem sanguinis per se; neque aliquo speciali jure est prohibita, & ideo potuit consuetudine induci, nam jurisdictio potest consuetudine acquiri, c. cum contigat. de foro compet. ubi glossa alia refert. Sicut etiam quoad alia multa horum Prælatorum jurisdictio consuetudine erecta est.

4 Potest autem objici ex eodem Navarro, quia hujusmodi pœna videtur nimis acerba, & excedens fraternitatem, & mansuetudinem religiosam, & (quod gravius est) nimis periculosa saluti animarum eorum, qui sic puniuntur, propter pravam societatem, & mores perditos, & infinitas peccandi occasiones illius status. Cum ergo Prælati religiosi maxime debeant subdito- rum saluti consulere, quantumvis mali sint, alienum ab eorum charitate, & munere videtur hanc pœnam imponere. Unde non legimus antiquos Patres Basilium, Augustinum, Benedictum, &c. tali pœna usos fuisse: imo (quod magis urget) neque Episcopi solent seculares clericos hac pœna afficere, sed solus Summus Pontifex videtur posse id facere. Ratio etiam adhiberi potest, quia nulla pœna repugnans privilegio canonis si quis suadente, potest imponi a iudice Ecclesiastico inferiori Summo Pontifici, nisi juxta formam juris communis, scilicet post realem degradationem, quia Prælati inferior non potest privare subditum privilegio a Superiore concessio: at vero pœna triremium est contra privilegium canonis, quia ibi rei vapulantur a laicis, & per vim ibi detinentur. Nec satis est respondere, illud fieri autoritate, & quasi ex commissione Prælatorum, & ideo excusari juxta c. ut fama, de senten. excomm. nam licet hoc satisfaciatur quoad violentiam detentionem, non tamen quoad verberationem: quia hoc ipsum est contra privilegium canonis, prohibetur enim Abbas flagellare subditum religiosum per laicum, capit. universitatis, de sent. excommunic. & ibi communis.

5 Respondetur, has rationes persuadere, raro posse ac debere Prælatos regulares hanc pœnam imponere; non tamen probare esse per se iniustam, aut illicitam: Suarez Tom. XV.

quia potest esse æqualis delicto, & alias non est intrinsece mala, nec iure prohibita. Neque obstat, quod non legamus antiquos Patres illa usos fuisse, tum quia aliquæ fortasse graviore tunc erant in usu, qualis est perpetua incarceration cum magna ciborum diminutione, & aliis corporalibus pœnis: tum etiam, quia tunc non erat tanta necessitas, quia non erat tanta multitudo personarum in singulis religionibus, nec fervor earum adeo fuerat diminutus. Et ideo licet talis pœna acerba sit, non semper excedit religiosam charitatem, & mansuetudinem, quia est interdum necessaria ad exemplum, & timorem aliorum, & ad satisfaciendum publico scandalo ex enormi, & publico delicto exorto. Magis profecto cavenda esset hæc pœna propter periculum animæ; tamen quia hoc periculum accidentarium est, toleratur interdum, eo quod non occurrat alia commoda via digne puniendi delictum sine morte. Et fortasse ideo hæc consuetudo non ita invaluit apud Episcopos respectu clericorum secularium, quia quando aliquod delictum est dignum acerba pœna corporali etiam in persona Ecclesiastica, perpetuo, vel diuturno carcere illud punire solent: quia sine magno gravamine id facere possunt, & cum minori periculo reorum; religio autem sæpe non posset sine magno gravamine hos secum retinere, etiam carcere inclusos, ut infra lib. 3. iterum attingemus tractando de ejectis.

6 Ad rationem autem in contrarium responderi Navarrus, legem prohibentem, ne persona Ecclesiastica per laicum verberetur, etiam autoritate Prælati Ecclesiastici, contraria consuetudine sublatam esse, ita ut non solum a pœna, & censura, sed etiam a culpa excuset. Verumtamen & Panormitanus, quem ipse citat, non probat illam consuetudinem, & præterea non dicit esse de verberatione, sed de tortura, de qua fortasse non est eadem ratio, nisi accommodetur modo statim explicando. Et ideo in tomo 5. disp. 22. sect. 1. a n. 40. explicando excommunicationem canonis si quis suadente, censui illud c. universitatis, suam obligationem retinere, præsertim circa regulares, de quibus in specie loquitur: nec puto, contrariam consuetudinem in eis ostendi posse. Dico ergo in primis, c. universitatis, loqui quando pœna flagellationis directe imponitur, & persona religiosa ad hoc traditur ministro, ut vapulet. Quod non ita fit in pœna triremis, quia per se solum ordinatur ad laborem remigandi, per accidens autem adiungitur flagellatio. Sed hoc non satisfaciatur: quia vel postea licite verberatur religiosus damnatus ad triremes, vel non. Si primum, iam sine culpa non servatur lex lata in dict. c. universitatis. Si secundum, certe non iuste damnatur religiosus ad illam pœnam, tum quia, moraliter loquendo, habet verberationem quasi per se adiunctam: tum, quia datur aliis materia peccandi.

7 Addendum ergo est, dictum cap. universitatis, specialiter loqui de verberatione, quæ fit modo religioso, & iuxta religiosam disciplinam, ut ex ipso textu clare constat; & quoad hoc non existimo illam legem esse usu revocatam; neque talis consuetudo esset rationabilis, cum hoc pertineat ad religiosam honestatem, & possit decenter servari: quando autem religiosus verberandus est non more religioso, sed more aliorum secularium, & infamium reorum, non procedit ille textus, quia nec de tali casu loquitur, nec posset decenter servari, quia non potest persona religiosa tale munus per se licite aut decenter exequi. Ita ergo contingit in verberatione illa, quæ fit in triremibus; & hoc est etiam simile exemplum de tortura: ideo enim religiosi torquentur per ministros laicos, quia torquentur more laicorum, quod tortoris munus non posset religiosa persona per se decenter exequi. Illud autem in utroque casu difficile manet, quomodo scilicet possit religiosus taliter torqueri licite, vel ad laicalem (ut sic dicam) verberationem, vel pœnam, quæ illam includat, damnari. Ad quam difficultatem nihil aliud respondere possumus, nisi consuetudine introductum esse: quam damnare non possumus, cum sciente, & tacente Summo Pontifice invaluerit, & a viris doctis & religione insignibus observetur: quæ bona etiam si de incipere potuit, quia nullum est expressum decretum, quo prohibeatur: nam potius in cap. 1. de calumnia.

Nequis
item Præ-
latus da-
mare
subditum
ad mutila-
tionem,
aut etiam
flagella-
tionem per
plateas.

Bene ta-
men dam-
nare ad
triemes.

Obiectio
contra
hanc pœ-
nam tri-
remium.

Impugna-
tur eva-
sio.

Satisfit
obiectio-
ni.

Ad impu-
gnationē
evasionis
in nu. 4.
Navarri
responsio
non pla-
cet.

Altera
responsio,
quæ etiam
infatur.

Exterior
responsio.

lumniatoribus, subdiaconus verberibus publice castigari præcipitur, & in c. *quia iuxta*, 5. q. 6. similiter dicitur, aliquando posse ut infamem verberibus castigari.

Potest ult-
terius
Prælatus
damnare
subditum
exilio.

8 Statuendum præterea est, posse etiam Prælatum regularem punire subditum criminofum pœna exilij: hanc enim etiam Canones imponunt Ecclesiasticis personis, ut patet ex c. *cum beatus*, 45. d. & c. 1. de Calumniatorib. ubi glossæ id notant, & alia jura adducunt; & de persona religiosa est eadem ratio, & nullibi invenitur prohibitum, quod hac pœna puniatur; neque etiam ob rigorem excedit potestatem talium Prælatorum, nam major est pœna tritremium: ergo. Potest autem hoc exilium dupliciter intelligi. Primo, intra ipsam religionem: secundo, expellendo a religione, & simul relegando. De priori modo est res perspicua, & quotidiana praxis: nam ubi sunt filiationes monasteriorum, aut provinciarum, solent religiosi propter delicta a propriis monasterijs, vel provinciis ad aliena transferri; & illud est quoddam exilij genus, quomodo solent etiam puniri moniales, quando graviter, & scandalose in suis monasterijs delinquant: tantoque gravior erit hæc pœna, quo in loca magis distantia, vel minus cognita, facta fuerit mutatio. Ubi autem non sunt filiationes, habet locum hoc exilium per mutationem provinciarum, aut regni, vel propriæ originis, vel professionis, & educationis in eadem religione. De secundo autem modo exilij solent aliquando religionum Prælati, dum aliquem expellunt, illi simul præcipere, ut in tali provincia vel regione non habitet, & ita simul condemnant eum & ad expulsionem, & ad exilium. Et videtur hoc esse posse justum, tum quia delictum potest esse dignum utraque pœna: tum etiam, quia ad honorem, vel pacem religionis pertinere potest, ut talis religiosus ejectus ibi non habitet.

Unus mo-
dus exilij,
ad quem
datur po-
testas.

Alter mo-
dus.

Ad hunc
modum
non dari
potestatem
prole-
gatur.

9 Sed nihilominus in rigore non videtur obligare tale præceptum, & consequenter neque pœnam posse hoc modo imponi: quia postquam religiosus ejectus est, non est subditus religionis, nec tenetur Prælatis ejus obedire: ergo neque illi præcepto obedire cogitur: nam eo ipso, quod cessabit subiecto, cessavit etiam præceptum. Confirmatur, quia non potest Prælatus imponere præceptum subdito pro eo tempore, pro quo vel ipse non est futurus Prælatus, vel alter non est futurus subditus: tum quia præceptum expirat morte mandantis, nisi sit lex: tum etiam, quia extra territorium jus dicenti non est parendum, c. 2. de constitut. in 6. Confirmatur tandem, quia ob similes rationes (præter alias) si Prælatus ei, quem eiecit, præcipiat ingredi aliam religionem, non tenetur ei parere, ut dixit Navarr. consil. 77. de Regul. & infra etiam lib. 3. c. 5. nu. 20. dicemus. Unde etiam obiter colligo, religiosum ejectum, cui Prælatus concedit facultatem ingrediendi aliam religionem, dummodo non sit in tali Regno, vel Provincia, non obligari ex vi præcepti ad hanc conditionem servandam: quia illa respicit tempus, in quo jam non est futurus subditus, & virtute continet quoddam exilium. Dico autem, *ex vi præcepti*, nam ex vi pacti posset obligari, ut si ad vitandum aliud genus pœnæ justæ, sub ea conditione, & pacto acceptasset ejectionem, tunc enim, si conditio fuerit justa, & libere acceptata, obligat non per modum præcepti humani, sed ex naturali lege fidelitatis, vel justitiæ; neque erit sufficiens excusatio, quod metu gravioris pœnæ fuerit acceptata: quia ille metus non fuit injuste incussus; sicut quando damnato ad mortem remittitur pœna, ea lege, ut obligetur ad ducendam in uxorem talem mulierem, vel ad tale munus publicum exercendum, justa est conditio, & obligans postea in conscientia.

10 Præter has pœnas potest etiam Prælatus religionis præcipere subdito graviore aliquas penitentias, vel labores, aut opera, vel aspera, & dura, vel humilia, & abjecta pro qualitate delicti. Hæc sumitur ex Sylvestro, verb. *Religio*. 6. q. 6. & Angelo verb. *Religiosus* nu. 29. & constat ex dictis supra de voto obedientiæ. Unde in hoc consideranda est differentia inter has pœnas, & alias graviore corporales; quod ad alias solum obligatur homo, ut eas patitur, non resistendo violentè; ad eas autem potest obligari religiosus etiam active (ut sic dicam) eas in se exequendo, quia hæc obligatio non excedit humanam jurisdictionem, nec est res nimis ar-

dua, aut difficilis, de quo latius in materia de Legibus lib. 5. a c. 5. Hic vero occurrebat specialis difficultas de religioso damnato ad perpetuum carcerem, an teneatur non fugere, etiam si possit. Item, si damnatus sit, ut fame paulatim pereat, per insensibilem quandam cibi diminutionem, & subtractionem, an teneatur non amplius comedere, etiam si possit. Verumtamen hæc quæstiones generales sunt, de quibus videri potest Covar. lib. 1. Variar. c. 2. nu. 14. Cajet. 2. 2. q. 69. art. 4. Sor. lib. 5. de Justit. q. 6. art. 4. & specialiter de religiosis Navar. Comment. 4. de Regularib. nu. 63. Salsedo in Practica crimin. c. 137. Qui omnes concludunt, in priori casu teneri religiosum ad non fugiendum, tum ex generali lege justitiæ, vel obedientiæ, qua tenetur reus parere sententiæ justæ, & illam servare, quantum ad ea, quæ per ipsum licite exerceri possunt: tum etiam speciali titulo, quo religiosus tenetur ratione voti obedientiæ in claustrum manere, & intra terminos ejus a Prælato præscriptos. Quæ sententia vera est maxime in religiosis; intelligenda tamen videtur ex vi solius detentionis, seu incarcerationis: per accidens vero propter gravissima incommoda tali incarcerationi adjuncta, accidere potest, ut contrarium liceat, sicut jam dicemus.

11 In altero ergo puncto resolutio communis est, non teneri reum abstinere a cibo necessario ad vitam conservandam propter pœnam impositam: imo multi dubitant, an licite possit id facere; quia quæst. omiſſa, quia pertinet ad materiam de homicidio, saltem certum est, non posse obligari in conscientia ad hujusmodi abstinentiam: quia & est res nimis difficilis, & naturali inclinationi repugnans, & alioqui non est necessaria ad commune bonum: satis enim est, quod reipſa possit juste cibis privari, & quod judex possit præcepto suo ministros justitiæ obligare ne alimenta præbeant hujusmodi malefactori, quod etiam potest prohibere Prælatus religionis tam virtute obedientiæ, quam ratione voti paupertatis. Ipsi vero religiosi prohibere non potest, quin licite comedat, si possit, quia nec justitia, nec obedientiæ paupertatis votum ad tam difficilem abstinentiam obligat. Unde infero, religiosum sic damnatum posse licite fugere, non ad fugiendum carcerem, sed mortem. Omnes enim sententur damnatum ad mortem licite fugere, si possit, quia privilegium vitæ tuendæ maximum est, ut constat ex auctoribus citatis, & aliis, quos ipsi referunt. Sed qui ita damnatur ad perpetuum carcerem, ut per continuam in diem paulatim pereat, est damnatus ad mortem, nam licet non sit damnatus, ut occidatur, est tamen damnatus, ut quasi ab intrinseco moriatur, quod perinde est, quantum ad vitæ detrimentum pertinet; ergo propter illud vitandum licebit fugere. Et fortasse in hoc casu loquuntur Angelus, & alii auctores, quos Covar. Navar. & Salsedo referunt, dicentes, licere fugere damnato ad perpetuum carcerem.

C A P U T XI.

An religiosi possint a sententiis, & præceptis suorum superiorum appellare.

1 HOC in loco tractandum occurrit, an religiosus possit appellare a sententia Prælati, per quam ad gravem pœnam condemnatur. Et, ut quæstio sit specialis hujus materiæ, sumenda est in eo casu, in quo licitum esset seculari clerico, vel laico a sententia legitimi judicis appellare, vel quia reputat illam injustam, vel nimis rigorosam, & sperat a Superiore esse justè leniendam. In priori ergo casu videtur licere etiam religioso appellare, juxta doctrinam D. Th. 2. 2. q. 68. art. 3. quia talis appellatio nihil aliud est, quam quædam naturalis defensio, qua nemo potest justè privari. Confirmatur, quia si Prælatus religionis subditum aggredetur injustè, ut illum gladio occideret, posset subditus se etiam gladio defendere propter naturale jus defensionis: ergo si illum aggreditur per sententiam injustam, poterit se defendere saltem per appellationem justam. Quod si hoc necessario admittendum esset in religioso, si damnari posset ad mortem; eadem ratione licebit quotiescunque damnetur ad patiendam injuriam, tantoque magis, quanto pœna injusta fuerit acce-

Arguitur
posse re-
ligiosum
appellare
a senten-
tia injus-
ta.

Item a iu-
sta, sed
nimis ri-
gorosa.

acerbior. Idem argumentari possumus de altero casu, quando licet pena non excedat limites iustitiae, multum tamen rigorosa est; & infra eosdem posset mitior imponi: cur enim non licebit reo mitiorem iudicem postulare, cum non petat injustum? aut cur debet hoc magis religioso prohiberi, quam aliis, cum religiosum iudicium mitissimum omnium, & paternum potius quam iudiciale esse debeat? Tandem quando Praelatus inferior praecipit subdito aliquid nimis grave, & difficile, potest subditus ad superiorem Praelatum recurrere non solum pro injustitia, sed etiam pro nimio gravamine tollendo; ergo idem erit in poenis.

Arguitur
non posse
sum ex
jure com-
muni.

2 In contrarium autem facere videtur c. *reprehensibilis*, de appellationibus. ubi dicitur, *Statuimus, ne subiecti contra disciplinam Ecclesiasticam in vocem appellationis erumpant, & in fine subditur, Praecipue vero hoc in religiosi volumus observari, ne religiosi cum pro aliquo excessu fuerint corrigendi, contra regularem Praelati sui, & Capituli disciplinam appellare praesumant, sed humiliter ac devote suscipiant, quod pro salute sua fuerit eisdem injunctum*. Et in c. *ad nostram*, eod. tit. praecipit Alexander III. cuidam Abbati, ut, licet religiosus appellare praesumat, eum, juxta sui ordinis institutionem, castiget. Item sumitur ex c. *licet*, de Officio ordinarii. Ex quibus juribus ortum videtur axioma communiter receptum, inter probos religiosos appellationis vocem audiendam non esse, & per statuta, vel consuetudines religionum communiter hoc prohibetur, ut dicitur in lib. Monumenta ordinum, fol. 125. alias 220. concess. 499. & specialiter in ordine Praedicatorum est constitutio prohibens appellationem, quam his verbis refert Armilla, verb. *Accusatio in fine*. *Declaramus, quod licet appellatio sit de jure naturali, unusquisque potest juri suo renunciare, & eo ipso, quod quis obedientiam sponte proficitur, secundum Constitutiones nostras, secundum quas non licet appellare, &c.* & infra refert in quodam Capitulo generali, denunciatum fuisse fratribus universis, quod de jure communi, & ex privilegio ordinis speciali nulli fratri licitum est a correctione, vel ab officiorum amotione appellare. Et similis prohibitio, licet aliis verbis, habetur in eorum Constitut. dist. 2. *Cum non venerimus* (dicitur ibi) *contendere, sed potius delicta corrigere*. Et videri potest Ferdinandus a Castillo lib. 2. suae Chronicae, cap. 8. ubi refert etiam confirmationem Bonifacii IX. Unde etiam confirmatur: nam in nostra Societate Paulus III. in Bulla ult. circa princ. inter alia statuit, *ut a correctione regulae Societatis hujusmodi secundum ordinationes factae, ut vigor disciplinae melius conservetur, appellari aut talis appellatio per ullum iudicem admitti non possit*. Item: Cisterciensibus privilegium concessum est, ut a correctionibus Praepositi Generalis, vel Visitationis ejus appellari non possit etiam ad Sedem Apostolicam sub poena excommunicationis Sedi Apostolicae reservatae, nisi a generali congregatione, & in casu denegatae iustitiae, aut pro notoria injuria, ita refertur in Compendio Societatis, verb. *Appellatio*, ubi aliud simile privilegium refertur Canonicis regularibus concessum, & Julius II. idem concessit Minoribus, prout habetur in Supplemento, concess. 553.

Tum ex
statutis
religio-
rum.

3 Ad haec vero omnia respondent aliqui, intelligenda esse altero & duobus modis. Prior est, ut a correctione Praelatorum non sit religiosi appellandum, nisi correctiones in modo excedant, alioqui, interveniente excessu, non putant esse religiosi prohibitam appellationem, etiam a correctione regulae, ita sentit glossa 1. in c. *de priore*, de appellationibus. ubi idem sentit Decius, & Panorm. in c. *ad nostram*, de appellat. ubi in principio ita colligit conclusionem illius textus, *a correctione legitima non appellatur, nisi modus excedatur*. Deinde a contrario sensu infert, appellationem permitti religiosi, quando indebite praegravantur per Superiorem, quia nulli deneganda est defensio, cap. *cum inter*, de exceptionibus. Idem habet Glossa, Panorm. & alii communiter ex textu ibi in c. *licet*, de offic. Ordin. Quam sententiam sequitur Navarr. Comment. 3. de Regularibus. nu. 51. & consil. 4. de Appellat. ubi inter alia ait, nullo jure prohiberi regularem appellare; quin potius in c. 1. & 2. q. 6. omnibus dicitur permitti appellatio, quod saltem intelligendum est

Suarez, Tom. XV.

de omnibus, quibus non est appellatio specialiter prohibita, ut idem Navarr. notat ex Glossa in l. *qui resistere*, ff. de rei vendicat. Qui omnes addunt rationem, quia, quando in correctione modus exceditur, contra jus naturae esset tollere defensionem: ergo & appellationem.

4 Haec tamen responsio difficilis est, primo, quia hoc modo nulla est differentia inter secularem clericum respectu Episcopi, & religiosum respectu sui Praelati: nam etiam secularis appellare potest a correctione, si sit ultra modum; si autem modus servetur, etiam ille prohibetur appellare in dict. cap. *licet*, & in Tridentino sess. 13. cap. 1. de Reformat. ergo nulla est differentia. Consequens autem videtur contra communem sensum, & supra dictum axioma receptum, quod speciale esse creditur in religiosi, quod etiam significatur in dict. cap. *reprehensibilis*, in fine. Secundo obstat, quia alias Pontificia indulta nihil concedunt, quia non appellare a moderata, & legitima correctione, ex debito iustitiae necessarium est, ut ex D. Thoma diximus n. 1. in religiosi autem, etiam ex speciali debito obedientiae: ergo si Pontifices hoc tantum voluerunt esse prohibitum, nullum speciale privilegium concesserunt, quod videtur esse contra mentem eorum. Tertio, ratio illa de defensione naturali videtur inefficax, nam est ab specie ad genus negative: quia defensio, etiam iusta & moderata est genus, & latius patet quam appellatio, ideoque licet alicui denegetur appellatio, non recte infertur defensionem denegari. Potest enim ad Superiorem recurrere per simplicem querelam, vel per modum supplicationis, aut precum, & ab eo obtineri vel iustitia, vel gratia; quod est sufficiens remedium diversum ab appellatione, ut ex dicendis constabit, & multo magis decens religiosum statum. Vide Panorm. c. *cum dilectus*, de appellationibus.

5 Alius modus respondendi est, per dicta indulta non prohiberi religiosi simpliciter appellationem, sed illam, quae sit ad aliena, vel extrinseca tribunalia, vel per alium modum indebitum, qualis esset recedere a conventu praetextu accedendi ad Superiores sine eorum facultate: quod merito prohibetur in Concilio Tridentino sess. 25. cap. 4. de Regularibus. & Gregorius XIII. in quadam constitutione praecipit sub gravibus poenis religiosi Minoribus, ne ad secularia tribunalia appellent; non vero prohibet appellationem servato debito ordine intra propriam religionem, vel, si necesse sit extra totam illam appellare (ut si a Supremo generali Praelato appellandum sit) id fiat ad Apostolicam Sedem, vel ad tribunal ab ipsa designatum. Sic enim in dict. c. *de priori*, graviter reprehenditur quidam Prior, qui appellationem ad Sedem Apostolicam non admisit, nam ad Romanam Ecclesiam omnibus appellare licet, cap. *ad Romanam*, cum aliis, 2. q. 6. & in Congregatione Cardinalium pro regularibus decretum factum est anno 1587. ut appellationes religiosorum fiant immediate ab uno Praelato religionis ad proximum superiorem, & a Generali ad Protectorem, & a Protectore ad sacram Congregationem. Videtur ergo legitima dicta expositio, quam adducit Emmanuel Roder. tom. 1. q. 29. art. 2. Nihilominus difficultate non caret, tum quia juxta illam nihil speciale concederetur religionibus per citata indulta, praeter exemptionem, quia eo ipso, quod religio est exempta, est religiosi interdicta appellatio ad omnia alia tribunalia, saltem extra Sedem Apostolicam, vel eum, qui ejus vicem gerit: quia ex natura rei, & communi jure, nullius momenti est illa appellatio, quae sit ad personam non habentem jurisdictionem. Consequens autem videtur esse contra intentionem talium indultorum: nam in Societate, v. g. postquam exempta jam erat a Paulo III. ab eodem additum est, ut appellari non possit: tum etiam, quia in aliquibus ex privilegiis citatis interdicatur appellatio, etiam ad Sedem Apostolicam: ergo multo magis non licebit ad altiores Praelatos ejusdem religionis.

6 Propterea dicendam censo, appellationem etiam ex natura rei non injustam, esse regulariter interdictam religiosi, maxime per specialia privilegia, ita docet simpliciter Soto lib. 5. de Just. quest. 6.

F 3

art. 3.

1. Affer-
re reso-
lutione
hujus ca-
pitis

arr. 3. & de Mendicantibus admittit Navar. conf. 5. de Appellat. num. 6. quamvis addat, & merito, non esse privandos alio genere defensionis. Ad hoc ergo explicandum adverto aliud esse appellare; aliud ad Superiorem recurrere aliis modis: nam per appellationem ita fit recursus ad Superiorem, ut suspendatur jurisdictio inferioris Prælati, tam quoad vim obligandi per præceptum, vel sententiam, a qua appellatur, quam quoad potestatem procedendi in causa, de qua agitur; regulariter enim hos duos effectus habet appellatio, quamvis in censuris, quando subsequitur post sententiam latam, solum habeat secundum effectum, ut disput. 3. de censur. sect. 6. diximus, & traditur communiter in cap. super eo, & c. Passoralis, de appellationibus, & c. is cui, de sentent. excommunic. in 6. & videri possunt Sylvester, & Angelus, verb. *Appellatio*. Per alium vero recursum ad Superiorem non suspenditur jurisdictio inferioris, nec quantum ad vim obligandi per suum præceptum, vel sententiam, quamdiu a Superiore non fuerit revocata, nec etiam quoad procedendum ad executionem, vel ad ulteriorem definitionem causæ, si opus sit: quia per alium simplicem recursum non potest subditus devolvere negotium ad altiorum Prælatorum sola voluntate sua sine adminiculo juris; nullum autem est jus, in quo talis devolutio fundari possit, seclusa appellatione.

7 Recursus ergo ad altiorum Prælatorum legitimus, & habentem jurisditionem, nullibi negatur religioso subdito, esset enim contra omnem rationem: maxime in sustinendis penis, quia per hoc nullam injuriam facit proximo Prælati, quia interim illi obedit, ut supponimus, & alias utitur jure suo, quia, ut supra c. 2. nu. 15. dixi, Prælati religionis, licet universales sit, habet immediatam jurisditionem in subditos; ergo licet eis ad illam recurrere. Nec contra hoc invenio prohibitionem aliquam positivam. Unde cenfeo hunc recursum non solum esse licitum quando in pœna imponenda Prælati debuit modum excedi; sed etiam si sit iusta, & secundum regulam; dummodo materia talis sit, ut altior Prælati iuste possit gratiam aliquam, vel quasi dispensationem concedere, quia tunc ex nullo capite malum est illam procurare, dummodo etiam vera & sufficiens relatio Superiori fiat, ne gratia, seu remissio subreptitia sit. Cenfeo præterea, hunc recursum non solum licere ad altiores Prælatos religionum, sed etiam usque ad Summum Pontificem, vel ad quemcumque alium habentem jurisditionem ad mutandum præceptum, vel penam religioso impositam a suis Superioribus: quia in his omnibus eadem ratio locum habet.

8 Ad externos vero non licet etiam hoc modo recurrere, cum illi Superiores non sint, nec jurisditionem habeant: propter quod etiam (ut hoc obiter noster) secunda expositio seu modus respondendi positus in nu. 5. videtur minus satisfacere, quia id solum censet esse prohibitum circa appellationem, quod generaliter verum est in quocunque actu petendi usum jurisditionis ab eo, qui non habet. Si autem ille recursus ad alios Principes, vel Prælatos non sit ad petendam actionem aliquam jurisditionis, sed intercessionem, non est per se, & intrinsece malum, quia nihil petitur per se injustum, aut iniquum. Solet autem in religionibus hoc etiam prohiberi per proprias regulas, vel constitutiones. Et sine merito, tum quia huiusmodi intercessionis mutuum religionem petuntur, sunt enim violentiæ quedam morales; nam si illis non condescendatur, vel odia generantur, vel saltem amicitie dissolvuntur, aut remittuntur: si autem propter illas nimis indulgentie fiant, enervatur disciplina religiosa cum non parvo religionis dispendio: tum etiam, quia hoc nunquam fit sine dedecore, & infamia religionis, & aliis gravissimis incommodis. Propter quod non immerito recte, & religiosi Prælati non tantum si isti non solent huiusmodi intercessionibus, verum potius indignari, ita ut difficiliore, & duriores se in huiusmodi religiosos ostendant, cum prudentia tamen, & moderatione, ne scandala, vel majora mala sequantur. Quin potius etiam solet hos Prælatos offendere recitatus ad alium altiorum Prælatorum, sed hoc humanum est, & si ob eam causam aliquod subdito inferant, erit injustum, quia in

eo non male ager, ut diximus num. precedenti.

9 Quia vero per simplicem recursum sine vera appellatione non semper satis subvenitur iniuriis, quas interim religiosi pati possunt; ideo diximus, appellationem esse regulariter, non vero semper eis interdictam, quia interdum est necessarium medium ad repellendam gravem, & manifestam injuriam, Ut ergo explicemus quomodo regulariter non liceat talis appellatio, est secundo dicendum, non satis esse, quod sententia contineat rigorem, nam si totus ille locus habet absque propria iniustitia, non habet locum in religioso vox *appellationis*, etiam si fortasse in seculari audiri posset. Unde, etiam in eo casu religiosus appellet, si Prælati non mutet sententiam, vel præceptum, tenetur subditus parere, vel non resistere, donec a superiori Prælati, alia via requisito, aut rogato, relaxatio fiat. Ratio omnium est, quia iustitia suam vim retinet, etiam si sit rigorosa: ut in contractibus, si venditor nolit nisi pro rigoroso pretio vendere, emptor tenetur totum solvere. Sic ergo, quandiu Prælati non excedit limites iustitiæ, etiam si summo rigore utatur, obligat per suum præceptum, & sententiam nec suspendi potest per appellationem, quæ inter religiosos saltem non habet locum, nisi ubi iniuria intercedit.

10 Terrio addendum est, non satis esse, quod sit dubium, an sententia iusta sit, nec ne, sed oportere, ut iniustitia sit clara, ita sentiunt communiter Doctores citati, & communiter Summistæ verb. *Appellatio*. Angel. n. 10. Tabiena 11. Armil. 16. Sylvest. q. 7. Gloss. in dict. c. *ad nostram*, & in dict. c. *licet*, & bene Covar. in Practicis c. 23. n. 6. verb. *Sexto*, & *Octavo*. Soro supra, nec Navarr. contradicit. Et ratio est, quia in dubio obediendum est Prælati, & jus ejus præferendum est. Item quia in dict. c. *ad nostram*, absolute dicitur, quod non obstante appellatione religiosi, Prælati secundum regulam, & constitutionem ordinis eam corrigat, & castiget: idemque sine limitatione statuitur in dict. cap. *reprehensibilis*. Ergo nulla limitatio, vel exceptio addenda a nobis est, nisi quam ratio naturalis necessario postulat; quod solum habet locum in manifesta iniuria. Præterea explicatur in hunc modum ex dict. c. *ad nostram*, quia cum Prælati possit, & debeat punire subditum juxta regulam, ex duplici capite potest oriri dubium circa iustitiam punitionis, scilicet vel quia factum ipsum negatur satis esse probatum, vel quia pœna dicitur excedere modum regulæ. Et hoc posteriori capite nunquam dubium potest esse sufficiens causa appellationis: quia si regula ponit definitam penam pro tali delicto, vel erit evidens excessus, si major ponatur, vel certe erit clara iustitia ex hac parte, si pœna sit conformis regulæ; & ideo hoc signum postulat in dict. c. *ad nostram*, quod si minor fuerit, saltem respectu ipsius religiosi non erit iniusta: quod si in ipsa regula pœna committatur arbitrio Prælati, eo ipso, quod illam imponat, & non constet esse iniustam, existimatur prudenti arbitrio positam, atque ad iuxta regulam. Cum autem dubium versatur circa facti notitiam, vel probationem, merito etiam, præsertim inter religiosos, præsumitur pro facto Prælati, tum propter conditionem status, tum etiam, quia inter religiosos in huiusmodi correctionibus necesse non est iudicalem ordinem exacte servare, ut dicitur in cap. *qualiter* & quando de accusationibus in fine.

11 Quarto dicendum est, in gravioribus causis aliquando esse admittendam appellationem religiosi ad altiorum Prælatorum, servato debito ordine: in communibus autem defectibus, aut correctionibus, quæ nec infamiam inducunt, nec acerbam aliquam penam, vel dolorem, penitus non esse audiendam, sed humiliter, ac devoto suscipiendum, quod pro salute sua eis fuerit iniunctum, ut dicitur in dict. cap. *reprehensibilis*. Priorem partem probant, quæ ex Gregorio X. II. & Congregatione Cardinalium adduximus. Probatur etiam naturalis ratio, quia tunc est talis defensio necessaria, quia nisi suspendatur sententia, & executio, imminet periculum gravis nocuenti, & fortasse irreparabilis. Hoc etiam ad minimum seu uni auctores citati in responsionibus supra positis. Soro etiam & alii eam non negant quoad appellationem intra propriam

Assertio hæc procedit de propria appellatione, ac regulari.

Non vero procedit de recursu ad Superiores Prælatos etiam Patrum.

Recursus hoc ad externos illicitus est, namvis procurator ecclesie in nomine suo non ex natura rei.

Hæc tam merito in religionibus prohibetur.

4. Assert.

3. Assert.

4. Assert.

priam religionem, nam omnia incommoda, quæ ex hujusmodi appellationibus Soro inferit, in hoc fundantur, quod decor, & quies religionis perit, si eorum causæ extra religionem ad seculares iudices, tametsi competentes, transferatur. Quæ incommoda non sequuntur ex eo, cum intra religionem ab inferiori ad superiorem Prælatus appellatur: ergo si alioqui negotium grave est, & iniustitia clara, licite poterit talis appellatio fieri, quia tunc nec bono communi sequitur detrimentum, neque alteri fit injuria, sed propria, & gravis propulsatur. Neque etiam jus commune tunc prohibet appellationem, quia jura citata non loquuntur in eo casu, in quo aliquid absurdum sequitur contra rationem naturalem: & idem dicendum est de quibuscunque privilegiis, vel religionum regulis, quæ non prohibent appellationem, nisi a correctione regulari: quædo autem puniri gravis est, & cum manifesta injuria non potest dici correctio regularis. Hæc autem assertio quoad hanc partem non repugnat primæ, quia hic casus extraordinarius est, vixque potest accidere in religione, quod fiant tam graves, & manifestæ injuriæ titulo justitiæ, & potestatis publicæ, & quod tam grave periculum imminet recurrendo ad Prælatus altiore simplici, & magis religioso modo; unde quia res morales judicandæ sunt ex his, quæ frequenter accidunt, ideo absolute dicitur interdicta vox *appellationis*, maxime vero cum illa restrictione, *regulariter*.

12 Quod magis declaratur probando secundam partem, de qua maxime videntur loqui jura citata, & quoad eam rem procedunt, ut opinor, etiam si in correctione excedatur modus: item de appellatione etiam intra eandem religionem, ab inferiori ad superiorem Prælatus. Quæ in primis non habet locum intra eandem domum, tum quia ibi solum est unus Prælatus, ut supponimus: tum etiam, quia ibi non est necessaria propria appellatio, cum facile possit esse personalis recursus ad Superiorem, qui locum, & effectum appellationis habere potest, juxta c. *dilecti*. 2. de appellat. & quæ ibi norantur. Hinc ergo probatur generaliter conclusio, quia si in his ordinariis correctionibus, quæ juxta disciplinam religiosam fiunt, locum haberet appellatio a Priore ad Provinciale, & a Provinciali ad Generalem, magna sequeretur perturbatio, & disciplina religiosa sine dubio corrueret, tum quia reverentialis timor ad inferiores Prælatos, facile contemneretur: tum etiam, quia vix possent superiores Prælati expediendis singulorum religiosorum causis, & appellationibus vacare: tum denique, quia partim per hujusmodi dilationes, partim per fraudes, vel negotiationes, quæ interim misceri possunt, nulla fere fieret religiosa correctio: ergo ad bonum religionis expedit, ut in hac correctione simplicius procedatur sine ullo genere appellationis. Confirmatur, & declaratur, quia ubi intercedit rationabilis causa, quæ sufficiens esset ad appellandum, si eadem repræsentetur eidem Superiori, & ab eo humiliter petatur, ut pœnam remittat, aut temperet, moraliter loquendo, erit sufficiens remedium, quia religionum Prælati maxime debent recta ratione gubernari, & credendum est pro sui status obligatione, regulariter loquendo, ita procedere: si autem rationabilis causa non subest, neque etiam appellatio rationabilis erit. Quod si interdum, interveniente etiam iusta causa, illud remedium non sufficiat, minus malum est, quod in raro casu privata persona incommodum aliquid patiatur, quam ut relaxatio religionis per usum appellandi a correctione regulæ introducat. Eo vel maxime, quod ex hujusmodi correctione non creatur infamia alicujus momenti, & licet aliqua excogitari possit, per humilem certe obedientiam, & patientiam, non solum recompensatur, sed etiam superatur. Aliunde etiam in hujusmodi religionis pœnis non est tantus labor, aut dolor, quin sine culpa possit facile sustineri ab his, qui perfectionem proficiunt: nam & ipsi possunt & debent hujusmodi pœnas inter alias pœnitentias, & austeritates, quas voluntarie sumunt, computare, & Superiores possunt interdum similia propter solam exercitationem spiritalem præcipere: ergo est valde consentaneum hujusmodi statui, ut vox *talis appellationis* in eo non audiat.

Suarez Tom. XV.

13 Ultimo addo, merito concessum esse religionis, ut etiam in gravioribus causis extra totam religionem non fiat appellatio. Duobus autem modis intelligi potest fieri extra totam religionem. Primo, ad iudicem non competentem, & de hoc genere appellationis non loquor, quia, ut supra n. 8. dixi, constat per se, & intrinsece esse iniquum, siue fiat ad laicos iudices, vel Principes, quod pessimum omnium est, & interdum contra censuram in bulla Cœnæ Domini latam, siue fiat ad Ecclesiasticos Prælatos non habentes jurisdictionem in tales religiosos, quia illud etiam est contra justitiam, & contra præcepta, & privilegia singularum religionum. Alio vero modo potest dici appellatio extra religionem fieri, quoties fiat ad Prælatus secularem, & extrinsecum, ut sic dicam, cui religio, vel monasterium subiectum est; & hæc appellatio per se non est injusta, ut constat. Circa illam vero distinguendum videtur inter religiones non exemptas, & exemptas: nam in illis, quæ subiectæ sunt Episcopis, non est prohibita appellatio in prædictis casibus ad Episcopum, cui monasterium subiectum est, quia gerit vicem superioris Prælati, qualis in aliis religionibus esse solet Provincialis, aut Generalis. In religionibus autem exemptis, de quibus præcipue loquimur, appellatio ad Episcopum ex vi exemptionis prohibita est, non vero appellatio ad Summum Pontificem, quæ jure divino, & communi omnibus patet, ut probant jura supra n. 3. citata. De hac ergo appellatione dicimus in assertione, merito concessum esse religionibus præsertim Mendicantibus, ut in eis non admittatur talis appellatio etiam ad Summum Pontificem, probaturque sufficienter ex indultis supra n. 2. citatis.

14 Ut autem amplius explicetur, distingui potest duplex modus appellationis, quod notat Navar. consil. 5. de appellat. n. 7. facto scilicet & verbo. Facto dicitur fieri, quando arripitur iter ad superiorem Prælatus, juxta c. *dilecti* 2. de Appellat. Quod quidem, si fiat cum licentia proximi Prælati, licitum est, ut per se constat, & per argumentum a contrario sumitur ex Conc. Trid. statim citando: tunc autem illa non est propria, & rigorosa appellatio, sed ille alius simplex recursus ad Superiorem. Si autem fiat invito, aut incito Superiore, videtur talis appellatio prohibita a Conc. Trid. sess. 25. c. 4. de Regularib. ibi. *Nec licet regularibus a suis conventibus recedere, etiam prætextu ad Superiores suos accedendi, nisi ab eisdem missi, aut vocati fuerint. Qui vero sine prædicto mandato in scriptis obtento repertus fuerit, ab Ordinariis locorum tanquam desertor sui instituti puniatur.* Navar. autem Comment. 2. de Regularib. n. 61. hanc prohibitionem interpretatur, ut non procedat in adeunte Superiorem ex gravi causa; qualis est injustum, & notabile gravamen, a quo non potest subditus liberari: *Quia non est (inquit) credendum tantum Concilio voluisse derogare tam iustæ appellationi tam gravi rationi nitenti*, scilicet quia illud posset repugnare juri naturali, quo malis hominum obviamdum est. *Præsertim (ait) quod non est petendus consensus ab eo, ad cujus gravamen tollendum, vel delictum castigandum, est agendum juxta glossam in c. cum pastoris 2. q. 7. & argumento cap. ex parte, de accusatio-*

Quid si quis eam sine licentia ex gravi causa.

15 Verumtamen expositio hæc difficilis creditur est, quia, juxta illam, prohibitio Concilii sine fructu fuisset, quia semper fuit in Ecclesia prohibitum religionis arripere iter suo arbitrio, & sine urgente causa sub titulo eundi ad superiorem Prælatus: Concilium autem novum aliquid prohibere voluit, ut indicant illa verba, *nec liceat regularibus*, mens ergo Concilii fuit, ut nullo prætextu hoc faciant: minus enim incommodum existimat, ut religiosus interdum patiatur aliquid gravamen injustum, quam ut totum corpus religionis illo prætextu magnum dispendium patiatur. Existimo ergo hanc fuisse mentem Concilii, alias nullum fere remedium prioribus malis adhibuisset. Unde in foro exteriori non excusabitur, ut opinor, hujusmodi religiosus hoc prætextu quo minus ab ordinario loci detineri possit, & puniri, licet nec excommunicatus sit, nec excommunicandus, ut Congregatio Cardinalium in quadam Declaratione adver-

5. Assert. quod nec in gravioribus causis expediat sup. Hæc autem Prælatus extra religionem.

Idque etiam ad iudicem competentem.

Appellatio eundo personam ad Superiorem cum licentia, licita est.

tit. In foro autem conscientie tunc solum posset admitti hæc excusatio, quando vel magnum commune bonum evidenter periclitaretur, vel extrema necessitas immineret alicujus gravissimi, & irreparabilis nocuenti, quod non proprio, sed prudentum arbitrio judicandum esset. Quapropter solo titulo appellationis a gravamine injustæ sententiæ, moraliter loquendo, nunquam existimo hoc licere, quia raro esse potest gravamen tam notabile, tamque irreparabile, ut propter solam dilationem accedendi ad Superiorem ordinato modo tam grave debeat existimari, præsertim, quia major infamia, majusque nocumentum, etiam spirituale, sequi solet ex hujusmodi perturbato discessu.

An illicitum sit ire etiam ad Sedem Apostolicam sine licentia.

16 Dubitari vero posset circa dictum decretum Concilii Tridentini, an sub illo verbo, *ad superiores suos accedendi*, comprehendi etiam debeat Romana Sedes: videtur enim in rigore non comprehendi, quia sub generali verbo non comprehenditur tam specialis autoritas, & quia nomine Superiorum, juxta communem usum solum significantur proprii Prælati religionis. Item, quia jus Pontificum non solet derogare, nisi expressa, & specifica mentio illius fiat. In contrarium autem est, quia ad intentionem Concilii multo magis necessarium erat hoc ostium claudere discoloris religiosis, quam cætera. Item quia nomen *Superioris* generalissimum est, & in rigore comprehendere, nam si nomen Prælati possum fuisse. Item, quia aliàs nec legatus Pontificis sub eo decreto comprehenderetur, & ita licitum esset, inconsulto proprio Superiore, ad illum accedere, quod valde absurdum est. Et ideo existimo hanc posteriorem partem veriorē, & usu receptam. Quæ non repugnat supremæ auctoritati Pontificis, quia ab ipsomet hæc prohibitio nascitur, nam licet sit supremus pastor, vult, ut in accessu ad ipsum debitus ordo servetur, & communi bono religionis prospiciatur, Tenebitur autem Prælati religionis concedere subito petenti hanc facultatem quando rationalis causa subest; quod si eam tunc neget, poterit subditus per aliam viam conqueri apud Summum Pontificem, ut seipsum defendat, vel alicui malo gravi succurrit; si tamen nullum aliud remedium ei superest, tunc juxta gravitatem causæ per modum epicheiræ judicium ferri poterit.

Appellatio verbalis, seu proprie dicta est, quæ formaliter prohibetur.

17 De appellatione autem propria, & verbali intelliguntur specialia privilegia, in quibus Sedes Apostolica concedit, ut etiam ad seipsam hujusmodi appellatio non fiat: nam verba simpliciter prolata, in proprietate sumenda sunt, & vox appellationis non aliud proprie significat. Ratione autem horum privilegiorum, & sanctæ observantiæ optime, & religiose attigit Siro, quia commune bonum religionis privato præferendum est, & unumquodque membrum pro bono totius postponere debet suum peculiare incommodum; plurimum autem interest religioni ut causæ ejus & si qui sunt defectus, inter ipsos religiosos tanquam inter patres, & fratres componantur, & altissimo silentio recludantur: nam, si extra prodeant, decor etiam, & honor religionis minuetur, & paulatim peribit; præter alia incommoda, quæ ex libertate appellandi extra religionem in discoloris, & inquietis hominibus sequerentur. Est etiam optima moralis ratio, quia sufficienter provium est religiosis per plures Superiores a Conventuali, usque ad Generalem, qui & facilius, & melius poterunt veritatem causæ cognoscere intra propriam religionem, quam externi iudices, etiam si Pontifici sint. Motio ergo alia appellatio denegatur. Per hoc autem non prohibetur alia via legitima ad Summum Pontificem, dummodo propriis Prælati obedientia servetur, donec Summus Pontifex aliud statuat: imo hoc est, quod præcipue dicta privilegia concedunt.

C A P U T XII.

Utrum in Prælati regularibus sit potestas dispensandi cum subditis, & ad quam materiam extendatur.

I Ost explicatam potestatem directivam, & coactivam, dicendum sequitur de potestate dispensativa:

nam hæc etiam in perfecto Prælati necessaria est, quia sine illa non potest humanum regimen moraliter subsistere. Sit ergo hæc prima & generalis assertio, habere scilicet Prælatum regularem potestatem dispensandi cum suis subditis, (nam de extraneis nunc non agimus.) Hoc satis constat ex superioribus in c. 5. ubi ostensum est eos habere jurisdictionem Episcopalem, ad quam pertinet hæc potestas dispensandi. Unde etiam constat, hanc assertionem proprie habere locum in religionibus exemptis: nam quæ exempta non sunt, sicut Episcopo subjacent in his, quæ sunt jurisdictionis non voluntariæ, ita etiam in his, quæ sunt voluntariæ jurisdictionis, ex quibus est dispensatio: & ideo non est tam necessaria potestas dispensandi in præfectis, vel superioribus talium religionum, neque ordinario jure illam habent, sed quantum vel Episcopus de illa commiserit; vel per specialia privilegia eis sic a Pontificibus communicata; vel si quid habent ex legitima consuetudine præscriptum. At vero prælati exemptarum religionum jure ordinario, & ex vi exemptionis habent hanc potestatem dispensandi, sicut habent jurisdictionem Episcopalem, quia sub Pontifice Summo non habent alium proprium Episcopum extra suos prælatos; & ideo ad eorum munus, prout de facto in Ecclesia institutum est, pertinet hæc potestas; est ergo in illis ex ordinario jure, & consequenter dicenda est potestas ordinaria, & non tantum delegata, sicut supra de eorum jurisdictione diximus, & hæc de 1. parte tituli.

2 Hac igitur potestate supposita, tria principalia dubia circa illam occurrunt explicanda. Primum, quantum se extendat, & consequenter circa quam materiam versetur. Secundum, in quibus prælati religionum sit hæc potestas, id est, an solum in Generalibus, vel Provincialibus, vel etiam in conventualibus, seu particularibus. Tertium, ad quas personas se extendat hæc potestas, id est, an ad solos professos, vel etiam ad novitios, aut extendatur ulterius ad familiares, benefactores, vel alios similes. Primum autem dubium tractari potest in primis in generali per comparationem ad Episcopos. In qua comparatione prima difficultas est, an prælati regulares possint dispensare cum suis religiosis in omnibus casibus, in quibus potest Episcopi dispensare cum suis subditis. Et ratio ad hoc videtur esse potest, quia Episcopus dispensare potest in omnibus, quæ sibi non sunt jure, aut consuetudine prohibita, seu specialiter Papæ reservata; ut est vulgatum apud plures Canonistas, & Summistas; prælati religiosorum non habent tantam potestatem, sed ad summum possunt quod eis jure aliquo concessum est, ut docuit Innoc. in c. 2. de eo, qui furt. ord. suscepit, ergo. Confirmatur, quia in multis casibus possunt dispensare Episcopi, in quibus non possunt dispensare prælati regulares, ut v. g. in occultis suspensionibus, vel irregularitatibus potest Episcopus dispensare juxta decretum Conc. Trid. sess. 24. c. 6. de Reformat. in quibus tamen non possunt prælati regulares dispensare, & similia; ergo. In contrarium autem est, quia hi prælati, supposita exemptione suarum religionum, jure ordinario habent hanc potestatem; ergo, si non limitetur, est æqualis quoad extensionem jurisdictioni Episcopali. Patet consequentia, tum quia illius loco succedit, seu subrogatur: tum etiam, quia non est major ratio limitandi illam in uno actu, vel materia, quam in aliis, nisi ubi aliquo expresso jure facta fuerit limitatio. Atque hanc partem sequuntur Glossa, & Doctores communiter in Clement. 1. de rebus Ecclesiæ non alienandis, verb. *Proprii*, & in capite *Abbatis*, de privil. in 6. verb. *Quasi Episcopalem*, & sumitur ex Navarr. in Summ. c. 12. n. 75. verb. *Tertio*, & consil. 5. de sponsalibus, juxta impressionem Romanam anni 1590.

3 Pro resolutione distinguere oportet, quædam esse, quæ conveniunt Episcopis jure ordinario quatenus Episcopi sunt, ut dispensatio verorum, quæ Episcopali dicuntur, & in aliis casibus, qui etiam hac ratione Episcopales dicuntur; alia vero esse, quæ spectant jure conceduntur Episcopis, ut legatis Summi Pontificis, ut sunt multi casus, vel potestates eis concessæ in Conc. Trid. sess. 24. & 25. & aliis decretis de Reformat. quamvis ubicunque expresse additur illa particula, non de potestate

Tres ordines faciunt Episcopum, cum a m. Episcopo, tum ad dispensandum.

stare dispensandi, sed de aliis actibus jurisdictionis, vel administrationis Ecclesiasticæ sermo est. Tertio tamen sine additione illius particulæ, ut *Sedis Apostolicæ delegati*, quedam circa dispensationes specialiter conceduntur Episcopis, quæ antea non concedebantur, ut in dict. c. 6. test. 24. Conc. Trid. Quod ergo spectat ad primum ordinem actuum, seu facultatum, verum est in regularibus prælatis esse omnem potestatem dispensandi cum subditis, quæ est in Episcopis, servata proportionē: & hoc probat ratio superius facta. Addidi autem, *servata proportionē*, quia ratione subditorum, seu materiæ multa cadunt sub potestate, quam Episcopi habent ad dispensandum, quæ non possunt a prælatis religionum exerceri, quia non possunt esse actus suis subditis convenientes: ut sunt, v. g. dispensatio in impedimentis matrimonii non irritantibus, vel quid simile. Sicut etiam è converso aliqua dispensatio potest esse accommodata statui religioso, quæ non potest habere locum in laico: ut, v. g. dispensatio in regula, & similes; hæc autem diversitas materialis est. Formalis autem ratio utriusque potestatis est dispensare cum subdito in his, quæ ordinariè possunt esse necessaria, & accommodata statui ejus, & in hoc est æqualitas superius dicta.

4 Quod vero attinet ad secundum ordinem, certum est ea, quæ illo modo conceduntur Episcopis, non extendi ad Prælatos religionum, quia jurisdictio, quæ illo titulo communicatur, non est Episcopalis, sed Apostolica, & ideo ex vi muneris non participatur ab his, qui jurisdictionem Episcopalem participant: neque etiam potest ad illos extendi concessio quæ fit Episcopis propter convenientiam, quam in modo jurisdictionis cum illis habent, tum quia verba privilegii seu delegationis in sua proprietate accipienda sunt: ergo delegatio, quæ fit specialiter Episcopo, non potest ad prælatum regularem extendi, qui vere Episcopus non est: tum etiam, quia in huiusmodi delegationibus maxime haberi solet ratio dignitatis Episcopalis, quam non habent regulares prælati, neque etiam absolute, & simpliciter habent jurisdictionem Episcopalem, sed quasi Episcopalem, ut in superioribus declaravimus. Denique non solum regulares prælati, sed etiam seculares inferiores Episcopis non comprehenduntur sub huiusmodi facultatibus, quia revera non sunt Episcopi: & hoc ad minimum sentit Innocentius supra. Neque in hac parte existimo esse controversiam inter auctores.

5 In tertio ordine potest esse nonnulla maior difficultas, an religiosi prælati participant illam etiam potestatem dispensandi, quæ speciali iure conceditur Episcopis: nam ratio proxime facta videtur negativam partem suadere, quia licet hæc facultates videantur gratiæ, & ex eo capere ampliandæ, tamen quatenus exorbitant a iure communi, videntur potius restringendæ saltem ad verborum proprietatem, quæ non potest dici restrictio, sed potius ad æquata privilegii interpretatio. Et hanc partem confirmat etiam auctoritas Innocentii, & textus, quem allegat, in c. ad hæc. de offic. ordinari. ubi dicitur, ardua negotia ad Episcopum esse deferenda: satis autem ardua sunt illa, quæ cum prius, etiam ipsis Episcopis denegarentur, postea speciali iure eis conceduntur, ergo non sunt ad alios extendenda. Nihilominus aliqui censent, huiusmodi concessionem tam quoad dispensandum, quam quoad absol. endum, eo ipso quod conceduntur Episcopis, intelligi concessa prælatis religionum, quatenus jurisdictionem Episcopalem ad hos actus absolvendi, & dispensandi absolute, & simpliciter participant. Fundamentum est, quia huiusmodi concessionem non exorbitant a iure communi, sed potius per eas fit reductio ad commune ius, & ideo extenduntur ad omnes, qui participant jurisdictionem Episcopalem. Antecedens declaratur, primum ex illo principio, quod ex vi sui muneris possunt Episcopi circa suos subditos quicquid potest Papa in universa Ecclesia nisi eis sit specialiter prohibitum. Nam ex hoc principio sequitur, omnes reservationes, vel prohibitiones, quæ fiunt Episcopis in huiusmodi materia dispensationum, esse exceptiones quasdam a iure communi, nam per eas admittitur Episcopis id quod aliis ex vi sui muneris competeret, si non prohiberetur: sed id, quod convenit ratione muneris, convenit ex vi iuris communis, vel

divini, vel saltem Ecclesiastici universalis, ergo tales prohibitiones vel reservationes continentur exceptionem a iure communi. Consequentia autem non probatur, primo quia eo ipso quod ablata est exceptio per concessionem factam Episcopis, redimus etiam in ius minus; sed ex vi iuris communis sibi relicta illæ facultates conveniunt omnibus habentibus jurisdictionem Episcopalem: ergo secundo, ablata prohibitionē, Episcopus potest ex vi sui muneris, & non ex speciali delegatione Papæ: sed quicquid potest Episcopus hoc modo, possunt etiam hi prælati habentes jurisdictionem Episcopalem, iuxta doctrinam Patronitanti, in c. asseclerici. § de adulteriis n. 13. de iudiciis, supra a nobis probatum: ergo tertio quia illud principium, quod Episcopi in his possunt quicquid sibi non prohibetur, non debet applicari potest prælatis etiam regularibus exemptis: quia, ut dixi, habent commissam jurisdictionem Episcopalem in suos subditos, quæ ad omnia illa extenditur, quæ non excipiuntur: ergo sicut in Episcopo extenditur ad omnia non prohibita, ita & in his prælatis. Eo autem ipso quod si nullis concessio facta est Episcopis, aufertur prohibitio: ergo.

6 Fundamentum autem huius opinionis valde incertum mihi est, præsertim in materia dispensationum (nam de absolutione fortasse alia est ratio statim notanda) nullo enim iure satis probatur, Episcopum posse dispensare in omnibus, quæ ipsi non prohibentur: nam c. nuper. de sent. excomm. quod ad hoc afferitur, non loquitur de dispensatione, sed de absolutione ab excommunicatione, de qua fortasse est specialis ratio propter periculum animarum, quod regulariter in dispensationibus esse non solet: præter illud autem ius, nullum aliud afferri potest: imo sunt multa, quæ oppositum significant, ut disp. 7. de censur. sect. 4. a n. 2. & lib. 6. de legib. c. 14. a n. 4. Iam dixi: Neque etiam eo sola ratione naturali potest illud principium colligi, licet ex natura rei unusquisque dispensare possit in lege a se posita, non tamen in lege posita a Superiore. Quia potius lex Superioris ex natura sua est reservata, ut inferior possit in illa dispensare, nisi ab ipso Superiore, vel ab altiori talis potestas positive concedatur. Dicunt fortasse ita esse in præsentis: nam hæc potestas generaliter data est Episcopis a Christo Domino, quoad omnia, nisi per Pontificem limitentur. Sed hæc sententia quoad hanc partem de immediata emanatione jurisdictionis Episcoporum, generaliter falsa nobis semper visa est, ut tomo 4. & 5. 3. partis diximus, & lib. etiam 4. de legib. c. 3. & Deo dante, in 6. etiam dicemus tractando de Ordine Hierarchico Ecclesiæ. Specialiter vero videtur nunc improbabilis quoad potestatem dispensandi in legibus Papæ: nam, cum hic sit ex se ordo præposterus, quod inferior mutet legem Superioris, neque expediat nisi in certis casibus, vel materiis, incredibile est, illam fuisse quasi generalem regulam a Christo positam, & alium ordinem esse quasi exceptionem a regula. Magisque improbabile est, concessionem factam prælatis religionum ex vi divini iuris habere hanc extensionem, cum certum sit jurisdictionem hanc non esse in prælatis regularibus de iure divino, sed immediate a Papa, a quo ex vi iuris communis non amplius concessum illis est, quam de facto habent Episcopi.

7 Unde intelligitur (quod valde notandum est) quod licet daremus respectu Episcoporum, denegationem alicuius potestatis se habere per modum privationis, & limitationis iuris divini, nihilominus respectu prælatorum inferiorum, etiam regularium solum comparari per modum simplicis negationis, seu non concessionis, quia illi nihil unquam habuerunt de iure divino: de iure autem humano ex vi iuris communis solum receperunt ea, quæ Episcopis eodem iure communi non sunt prohibita: ergo respectu aliorum, quæ specialiter Episcopis prohibentur, non se habent ut privati, sed ut non recipientes talem jurisdictionem, vel, ut aliàs dici solet, non se habent ut nudati, sed ut nudi. Quamvis ergo postea fiat specialis concessio Episcopis, & respectu illorum dicatur illa ablatio prohibitionis, respectu inferiorum non potest talis existimari: quia nunquam fuerunt prohibiti, & positiva concessio illis non fit. Et potest hoc confirmari, quia sub generali concessione non veniunt specialia, quæ alioqui solent esse

esse Superiori reservata, ut est axioma juris: ergo quamvis dispensatio aliqua, quæ secundum antiquum commune jus erat reservata Pontifici, nunc speciali jure Episcopis concedatur, non est hæc specialis concessio extendenda ad inferiores prælatos, quibus tantum veluti per generalem concessionem communicatur Episcopalis jurisdictio.

8 Propter hæc mihi maxime placet doctrina Innocentii in n. 5. quoad hanc partem, scilicet, ut non facile extendamus ad inferiores prælatos speciales concessionem factas Episcopis, præsertim quando illæ sunt ad casus extraordinarios, & non ad ordinarium regimen animarum. Nec Panormitan. aut alii antiqui auctores in hoc contradicunt, sed loquuntur tantum de generali jurisdictione Episcoporum quoad res ordinarias, & communes. Unde circa dictum c. 6. Conc. Trid. sess. 24. invenio a congregatione Cardinalium declarationem factam his verbis: *In hoc decreto non comprehenduntur inferiores habentes jurisdictionem ordinariam, & quasi Episcopalem, sed tantum Episcopi privative quoad omnes alios.* Quæ declaratio non potuit fundari in aliqua speciali ratione, aut locutione illius textus, sed in generali doctrina; & ideo ad omnes similes casus extenditur. Ad fundamentum autem contrariæ sententiæ possum n. 5. satis responsum esse: quia neque in ipsis Episcopis admittimus illud principium ita generatim sumptum, ut possint quicquid non prohibetur: nec etiam admittimus consecutionem ad inferiores prælatos. Et sane in exemplo illo de potestate dispensandi in irregularitate occulta, concessa a Conc. Trid. non video qua ratione dici possit, per illam redire ad antiquum jus: quod est enim illud jus antiquum, quod per illud decretum restituitur? nam humanum nullum ostendi potest, nec cum probabili fundamento dici potest, potestatem dispensandi in irregularitatibus divino jure convenire Episcopis, cum ipsæ irregularitates per solum jus Ecclesiasticum incurrantur; ad quod etiam spectat statuere quomodo, vel a quo tollenda sint: quod maxime postulat ratio in penalibus irregularitatibus, de quibus Concilium loquitur: nam pœna a Superiore imposita, stando in divino ac naturali jure, ab eo tantum remitti potest, vel ex ejus voluntate.

9 Ex his ergo ad primam interrogationem seu dubium supra n. 2. possum, ad quid scilicet se extendat hæc potestas dispensativa prælatorum regularium, respondendum est, generatim loquendo, & ex vi juris communis se extendere ad dispensationes Episcopales secundum idem commune jus, & non ultra, sistendo in eodem jure. Quod totum satis probatum relinquitur, ut opinor, ex discursu facto. An vero ex vi specialium jurium, aut privilegiorum amplius possint, non est nostrum ex professo disputare, quia non assumimus onus explendi omnia jura, & privilegia omnium religionum in particulari, sed de sola Societate in postremo hujus tomi tractatu magna ex parte id præstare conabimur, ubi in lib. 9. de his etiam dispensationibus non nihil in particulari dicemus. Nunc solum in generali dicimus multa esse privilegia concessa religionibus, præsertim mendicantibus, ratione quorum multo amplius habent potestatem dispensandi cum suis subditis, quam Episcopi habeant cum suis clericis, vel laicis. Specialiter autem notari potest privilegium concessum a Pio V. fratribus Prædicatoribus anno 1571. die 22. Julii, per quod extendit concessionem factam Episcopis a Conc. Trid. sess. 24. c. 6. ad prælatos illius religionis, & consequenter aliarum, quæ in privilegiis cum illa communicant. Et consequenter additur, ut possint, quicquid possunt Episcopi circa suos subditos, sive ex jure communi, sive ex Conc. Trid. sive ex quacunque alia facultate. Amplius vero extenditur hoc Prælatorum potestas ex vi privilegii Carthusiensibus concessi a Sixto IV. anno 1481. scilicet, ut Generalis per se, vel per quinquaginta prælatos inferiores ab ipso deputandos dispensare possint cum suis subditis in omnibus casibus Pontificalibus, nullo excepto, in foro conscientie tantum; sola dispensatio in homicidio voluntario conceditur cum limitatione, scilicet, extra altaris ministerium. Et plura alia de privilegiis referuntur in Compendio Minorum, & a recentioribus diligenter tractantur.

10 Ex quibus, (ut, ad particularia descendendo, di-

stinctius hæc potestas declaretur) intelligi potest, potestatem hanc dispensativam regularium prælatorum ad omnem materiam Ecclesiasticarum dispensationum extendi quatenus in personis religiosis locum habere potest. Dico autem *ad omnem*, distributione accomodate accepta, pro singulis generibus, non vero pro omnibus casibus, qui sub ipsis generibus comprehendi possunt, ut statim explicabo. Nam hæc materia dispensationum in quatuor capita distribui, & comprehendi potest, quæ sunt vota, irregularitates, Ecclesiastica præcepta, & in religiosis regularis observantia. In omnibus igitur his materiis possunt prælati regulares cum subditis dispensare, quanquam fortasse non possint in rebus omnibus, quæ sub illis capitibus comprehenduntur. Et in primis de dispensatione votorum satis diximus in superiori tomo, ubi ostendimus, in religiosis prælatis duplicem esse potestatem circa vota subditorum, scilicet, dominativam, per quam possunt illa irritare, & jurisdictionis, per quam possunt in eis dispensare. Et omissa priori, quæ ad præsens non spectat, & satis fuse ibi tractata est, in altera constat eandem esse in his prælatis, quæ est in Episcopis, quia in omnibus votis jure communi dispensare possunt, quæ non sunt Summi Pontifici reservata; & idem possunt religiosis prælatis, de quibus addere possumus, dispensationem circa vota reservata, vel inutiles, vel repugnantem, & noxiam illis esse; & ideo talem potestatem illis non concedi, nec moraliter potuisse. Solum enim sunt vota reservata religionis, castitatis, & quarundam peregrinationum. Primum votum simplex religionis non habet locum in religiosis, cum jam sint in termino illius voti (ut sic dicam.) Et quamvis religiosus professus possit votum altioris religionis emitte, tamen in lud non est votum religionis, nec reservatum, & ideo sub hanc potestatem cadit, ut supra diximus. Quod si novitius forte habeat hujusmodi votum religionis, certum est non posse prælatum religionis cum eo dispensare, quicquid sit de aliis votis. Votum autem castitatis constat esse indispensabile in religiosis per omnem prælatum infra Summum Pontificem, quia votum illud solemne est. Quid autem dicendum sit de speciali jure Societatis quoad eos religiosos, in quibus votum illud simplex est, tractabimus infra tract. 10. lib. 3. c. 9. Nunc autem certum sit, durante statu, votum illud esse indispensabile, mutato autem statu, cum illo auferri: mutationem autem status non posse fieri per modum dispensationis, sed potius irritationis. Cetera autem vota peregrinationum a religiosis fieri non possunt, nisi in ordine ad licentiam prælatis; & ideo in potestate prælatis erit dare, vel non dare talem licentiam, & votum irritare: confirmare autem votum, quantum est ex parte facultatis suæ, & alia via dispensare, non est illi concessum, nec talis potestas necessaria est moraliter. Quoad hanc ergo partem manet hæc potestas in terminis juris communis, & Episcopalis jurisdictionis. Quædam vero alia, quæ specialiter circa quædam vota Societatis desiderari possunt, infra tractantur in illo tract. 10. l. 6. c. 11.

De potestate dispensandi in irregularitatibus.

11 Circa secundum caput irregularitatum possumus præced. in materia de irregularitate tom. 5. multa diximus, & ex dictis hic n. 6. constat, ex vi juris communis generalis non habere Episcopos potestatem dispensandi in irregularitate ut sic, & consequenter in omni irregularitate non prohibita; sed ad summum posse dispensare in aliquibus irregularitatibus, eis concessis jure communi; quæ autem illæ sint, proprio loco illius tomi 5. explicatum est. Similem ergo habebunt potestatem in tali materia prælati regulares, iuxta principium supra positum. Statim vero occurrebat questio de potestate dispensandi in irregularitatibus ex delicto occulto contractis, concessa Episcopis per Conc. Trid. an intelligatur cum proportionem concessa prælatis regularibus. Sed ad hoc iam responsum est negative n. 8.

12 Occurrit vero ulterius interrogandum, stante illo iure (de quo præter alia loca, in disp. 21. de fide sect. 4. a nobis receptum est,) & seclusis privilegiis, an possint regulares exempli obtinere dispensationem talem in irregularitate occultam; nam cum sint exempti a jurisdictione Episcoporum, non poterunt ab Episcopis dispensari, quia dispensatio est actus jurisdictionis.

Vota reservata Pontifici æque reservata quoad dispensationem Prælatis regularibus ac Episcopis.

De voto ingreditur di. Religionem.

De voto castitatis.

De voto eundi Hierosol. &c.

An religiosi dispensari valeant ab Episcopis in quibus nequeunt sui superioris.

Multa concessa sunt Prælatis regularibus non dan- tur Episcopis.

nis, & ideo solum potest circa subditum exerceri. Si autem recurrendum illis est ad Summum Pontificem, erunt peioris conditionis, quam alii clerici seculares, reportabuntque incommoda ex sua exemptione. Hoc argumento uti possunt qui putant, similem concessionem factam Episcopis eo ipso extendi ad prelatos regulares habentes jurisdictionem quasi Episcopalem. Sed certe neque illud verum est, ut dixi, neque argumentum id persuadet. Certum est enim potuisse Concilium solis Episcopis illam facultatem concedere, omnes inferiores prelatos, etiam exemptos, & regulares excludentes. Quid ergo tunc ad argumentum esset respondendum? Idem igitur nunc respondemus. Dico ergo, regulares tunc dispensari posse ab Episcopis in his casibus, unumquemque ab Episcopo illius diocesis, in qua commoratur, & domicilium habet: nam, licet sit exemptus, tamen quoad aliquos actus Episcopi proprios, & omnibus respective necessarios, est illi subiectus, ut alias dixi tomo 4. disp. 28. sect. 4. tractando de approbatione confessorum. Quod maxime verum habet quoad actus jurisdictionis voluntariæ, qui cedunt in favorem, & utilitatem subditi, qualis est actus dispensationis. Estque optimum exemplum de actu lucrandi indulgentias, nam licet indulgentia sit Episcopalis, possunt religiosi illa frui, ut in 4. tom. adnotavi disput. 52. sect. 1. n. 3. & tamen indulgentia etiam suo modo est actus jurisdictionis, qui solum circa subditos exercetur.

Ad talem dispensationem requiri licentiam prælati putant aliqui,

13 Dubitabit vero aliquis, an ad huiusmodi dispensationem sit necessaria licentia prælati, vel saltem an per ejus prohibitionem possit impediri. Videtur enim utrumque affirmandum, quia religiosus non habet vel le, aut nolle; ergo non potest sine licentia prælati talem dispensationem procurare, aut illa gaudere. Confirmatur, quia ob similem causam non potest religiosus indulgentiam Episcopalem lucrari invito suo prælati, vel sine licentia ejus. Denique, cum isti sint actus jurisdictionis voluntariæ, non videntur posse exerceri ab Episcopo circa alienum subditum invito ejus prælati. Atque ita sentiunt Emmanuel Roder. tom. 1. q. 22. art. 3. & aliqui moderni. Sed distinguendum est de actu quoad valorem suum, ut habeat effectum, vel solum quoad honestatem, ut recte fiat. Item separare oportet actiones prævias, & necessarias ad obtinendam, huiusmodi gratiam ab Episcopo, ab ipsamet gratia. Sepe enim ad obtinendam dispensationem (& idem cum proportionem est de indulgentia) necessarium est aut domo exire, aut literas scribere, vel aliquid simile operari, quod prohibere prælati religionis, aut sine licentia ejus, juxta religionis statuta fieri non potest, & has vocamus actiones prævias ad gratiam obtinendam, ratione quarum contingere potest, ut talis gratia sine facultate proprii prælati non possit ab Episcopo obtineri, saltem licito, & religioso modo. Nihilominus tamen, si religiosus cum affectu procuret dispensationem, & necessaria ad illam obtinendam faciat, & Episcopus eam concedat, valida erit, sive in modo procurandi religiosus recte egerit, sive non, quia ille defectus est extrinsecus, & accidentarius ad valorem talis gratiæ. In hoc ergo sensu verum est, dispensationem hanc posse obtineri sine licentia prælati, imo ipso invito: quod de indulgentia affirmavit Palud. in 4. d. 20. q. 4. n. 48. & idem est de hac dispensatione, quia utraque est jurisdictionis voluntariæ, & est ad utilitatem subditi sine ullo incommodo ejus, vel religionis, & ideo ab illa non censetur religiosus exemptus: maxime quando talis potestas non communicatur proprio prælati, quia per exemptionem non debet fraudari commune omnium commodum.

An queat regularis dispensari ab Episcopo, si ipse prælati similem habeat potestatem? Arguitur pro parte affirm.

14 Nonnullum vero dubium esse posset, postquam per privilegia similis facultas concessa est prælati religionis, an, eo non obstante, possit religiosus petere ab Episcopo dispensationem irregularitatis occultæ: videtur enim posse, quia per extensionem factam respectu regularis prælati, non est ablata potestas ab Episcopo, ce dirque in majorem favorem religiosi ut non auferatur; sicut, licet Pontifex daret Rectori hujus Collegii facultatem ad aliquam indulgentiam suis religiosis concedendam, non propterea essent prohibiti iidem religiosi quominus Episcopalem indulgentiam lucrari possint.

In contrarium autem est, quia per illam concessionem, seu extensionem videtur consequenter extendi, & quasi consummari exemptio religionum quoad hunc actum. nam inde maxime colligimus, religiosum posse hanc dispensationem obtinere ab Episcopo in terminis Conc. Trid. quia non habet alium Episcopum, neque aliquem vice ejus quoad talem actum: ergo eo ipso quod prælati ejus datur jurisdictionis Episcopalis etiam quoad talem actum, cessat subiectio ad Episcopum respectu ejusdem actus. Confirmatur primo: nam si a principio Conc. Trid. concessisset illam facultatem Episcopis, & regularibus prælati habentibus quasi Episcopalem jurisdictionem, tunc non diceremus, religiosum posse dispensari ab Episcopo, sed tantum a suo prælati, quia illa facultas solum esset concessa unicuique prælati respective in ordine ad suos subditos: ergo idem dicendum est si per subsequens privilegium in eodem statu res constituitur. Confirmatur secundo, quia alias possent nunc religiosi exempti obtinere ab Episcopis dispensationes in omnibus casibus Episcopalibus, etiam si possint easdem obtinere a suis prælati per communem, & ordinariam potestatem supra explicatam: quod videtur esse contra morem, & contra religiosum ordinem, atque exemptionem. Sequela patet, quia per potestatem concessam prælati religionum quoad hos actus jurisdictionis voluntariæ non censetur ablata generalis potestas ab Episcopis, sed accumulative in utroque esse poterit, sicut in alio casu dicebamus, nam hoc etiam erit in majus commodum religionum.

15 Hæc res dubia profecto mihi videtur, ideoque securius est hanc posteriorem partem sequi in praxi, obtinendo semper huiusmodi dispensationem a proprio prælati, vel de licentia ejus, si recurrere quis velit ad Episcopum eo, quod prælati non vult, vel non audeat sua potestate uti, aut de illa dubitat. Nam quod de consensu prælati possit Episcopus hanc dispensationem dare, multi affirmant. Est autem probabile, prælatum exemptum eo ipso quod ipse habet potestatem dispensandi, habet etiam jus, ut nullus se intromittat circa suum subditum, neque ipsum præveniat in usu talis potestatis, & propterea tunc necessarium esse consensum prælati, etiam ut sit valida dispensatio: quod secus est quando prælati ipse potestatem non habet. Est autem hoc maxime verisimile quando dispensatio attingit aliquo modo disciplinam regularem, ut magis explicabitur in cap. 16. circa absolutionem. Nam exemptio, & potestas concessa prælati religiosi magis respicit commune bonum religionis, quam commodum singulorum: & ideo licet privatus religiosus velit cedere privilegio exemptionis, non potest in detrimentum religionis: ita ergo quamvis posset obtinere dispensationem ab Episcopo occulte, & sine scientia sui prælati videatur commodum privati religiosi, potest esse noxium, & injuriosum religioni, ac proinde repugnans privilegio exemptionis. Quod non solum in absolutionibus a censuris & peccatis, (ut infra dicam) sed etiam in dispensatione præceptorum tam communium Ecclesie, quam propriorum religionis, mihi videtur certum.

16 Circa irregularitatem vero dispensationes videtur res magis dubia, quia continet purum favorem, & nullum nocumentum possunt asferre religioni. Et, ut recte in simili adnotavit Paludanus supra in n. 13. reliquæ absolutiones, vel dispensationes non sunt omnino jurisdictionis voluntariæ, quia per se procedunt a potestate tam ligandi, quam solvendi, ligandi (inquam) per præceptum, vel per justam sententiam; dispensatio autem in irregularitate, sicut & concessio indulgentiæ, nihil videtur habere jurisdictionis involuntariæ, sed esse purus favor, & gratia. Nullum etiam videtur asferre posse incommodum religioni, quia per illam nec remittitur delictum, nec tollitur a prælati religionis jus judicandi, & vindicandi illud in eo foro, in quo illud noverit: nec etiam propter talem dispensationem cogitur prælati religionis concedere facultatem subdito recipiendi ordines, vel alium similem actum exercendi: solum ergo tollitur inhabilitas quædam, quod pertinet ad purum favorem sine alicujus nocumento. Propter hæc ergo non videtur omnino improbabile, dispensationem datam ab Episcopo personæ exemptæ sine licen-

licentia prælatis eius in materia irregularitatis alias dispensabilis ab Episcopo, sed validam, etiam si prælatus regularis habeat potestatem dispensandi in illa: maxime quando hæc potestas solum data est per extensionem quandam concessionis factæ a Concilio Tridentino. Quia per illam iam antea habuerunt Episcopi hanc potestatem etiam in religiosos exemptos, ut probavimus, & difficilius excluditur, quam non admittitur hospes; nec satis probatur potestatem illam fuisse ablatam per subsequens privilegium. Et ideo non est similis ratio si a principio non fuisset data, aut si decretum Concilii in aliam formam factum fuisset.

17 Nihilominus contrarium, ut dixi, securius est, & saltem ad servandum rectum, & religiosum ordinem existimo esse necessarium, & nun dubito quin prælatis religionis possint stricte prohibere suis subditis, ne ab aliis quam a suis prælatis talem dispensationem postulent, quando ipsi possunt eam concedere. Denique quoad alias irregularitates extra illud decretum Concilii Trid. nulla potest esse controversia, quia propriæ nullæ sunt aliæ irregularitates Episcopales, quantum est ex vi iuris communis: quoties consuetudine in aliquibus dispensare possunt; in eis id etiam observandum erit circa religiosos, quod consuetudine fuerit introductum, aut retentum: non existimo autem esse talem consuetudinem quod religiosi exempti, ab Episcopo dispensentur; sed quidquid iuris ipsi habebant, translatum esse censetur ad regularem prælaturam exemptum respectu suorum subditorum. Consulenda ergo sunt uniuscuiusque religionis privilegia, prout sunt consuetudine interpretata, & recepta, & ita observanda sunt. Quapropter non descendam hoc loco ad examinandas singulas irregularitates, & particulares casus, an in illis possint, vel non possint prælatis regulares dispensare cum suis subditis, quia cum non sint huiusmodi casus definiti ex iure communi, sed ex particularibus privilegiis, alienum est a præsentis instituto, in propriis autem locis, & materiis, cum occasio occurrerit, non omitemus ea, quæ opportuna visa fuerint.

De potestate dispensandi in præceptis Ecclesiæ.

18 Tertium caput dispensationum ex recentibus n. 10. est in præceptis Ecclesiæ. Circa quod eadem generales regulæ observande sunt: nam quidquid iure communi possunt Episcopi in hoc genere circa suos subditos, possunt etiam hi prælati circa suos, ex illo principio, quod ipsi prælati habent iurisdictionem quasi Episcopalem, quæ ad hoc genus dispensationum maxime necessaria est: quia huiusmodi potestas regulariter versatur in his rebus, quæ frequenter, & ordinarie occurrunt, pro quibus dispensatione non potest semper fieri recursum ad Summum Pontificem: quæ necessitas non minus in religiosis personis, quam in cæteris evenire solet; ergo eo ipso quod eximuntur ab ordinaria iurisdictione Episcoporum, necesse est ut prædicta potestas eorum prælatis concedatur, alias non possent perfecte, imo nec commode gubernari. Et intelligitur hoc amplius, si addamus quod supra n. 14. & 17. insinuavimus, ita esse hos religiosos exemptos, ut iam non possint dispensationes in his præceptis ab ordinariis Episcopis obtineri, quia tota cura animarum eorum ablata est Episcopis, & translata in prælatos religionis: salus autem animarum in præceptorum observatione posita est, & ideo potestas dispensandi in præceptis ad curam animarum principalem, & Episcopalem maxime pertinet: ergo quibus prælatis commissa est hæc cura in religionibus, eisdem hæc potestas data est.

19 Unde obiter colligo, quando in aliquibus specialibus privilegiis harum religionum, dicitur ut possint in his præceptis dispensare, vel per illa privilegia nihil præterius commone conceditur, sed declaratur ius, quod ipsam exemptionem comitatur, vel certe si Pontifex aliquid amplius concedere intendit, illud certe erit ut faciliori modo, vel ex leviori causa id facere possit, quam valeret ex solo communi iure. Exempli gratia concessit Julius III. Societati præpositus possit per se, vel alios prof. sos dispensare cum personis Societatis circa ieiunium, & cibos prohibitos, quæ concessio videtur specialiter facta propter illam particularem per te, vel alios Societatem ipsam professos, nam aliæ quæ illa facultas muneri Præpositi coniuncta erat:

unde illa concessio a Gregorio XIII. generaliter extendita est, ut per quoscunque religiosos Societatis talis dispensatio fieri possit. Ad hunc ergo modum similia privilegia expendenda, & intelligenda sunt.

20 Alia regula negativa est, quidquid in hoc genere Episcopi non possunt iure communi, prælatis etiam religionum non esse concessum, nisi ex speciali aliquo privilegio aliud constet. Probat, quia secluso huiusmodi privilegio, non est unde prælatis regulares habeant maiorem potestatem, servata proportionem. Quod autem per privilegium Pontificis hæc potestas possit ampliari, nullus Catholicus dubitavit, imo quod in multis ita factum sit, consulenti bullas religionum, vel compendia privilegiorum, facile constabit. Hic autem iterum occurrit illa quæstio, quia nimirum regula utendum sit ad cognoscendum quid in hoc genere concessum sit, vel prohibitum Episcopis, & consequenter his prælatis, an scilicet, quidquid non prohibetur, censetur concessum. Sed hanc quæstionem late tractavi in materia de Legibus, lib. 6. c. 4. & de censur. disp. 7. sect. 4. ubi censui, ea tantum censeri in hoc ordine concessa, quæ vel expresse iure canonico scripto, vel usu constiterit esse concessa. Usus autem & consuetudinem extendendam diximus ad omnia, quæ moraliter, ac prudenter ad regimen ordinarium animarum fuerint necessaria, nam extensionem hanc ipsa etiam ratio naturalis postulat, ut supra etiam n. 10. tetigimus tractando de dispensatione in votis reservatis. Juxta hæc ergo principia de huiusmodi potestate prælatorum regularium judicandum est.

21 Suboritur tamen hic quæstio, an quidquid in hoc genere Episcopis expresse concessum est iure speciali, censetur consequenter concessum his prælatis. Exemplum sumamus ex Conc. Trid. sess. 23. c. 11. & 13. de Reformat. ubi prohibet, ordinatum in inferiori ordine ante annum ab eo suscepto ascendere ad superiorem; dat tamen facultatem Episcopis dispensandi in ea prohibitionem. Unde statim oritur dubitatio, an prælatus regularis possit dispensare in huiusmodi interstitiis. Quidam ergo absolute affirmant, huiusmodi decreta extendi ad hos prælatos, propter generalia principia supra posita, & consequenter ajunt in exemplo posito prælatum religiosum posse dispensare in interstitiis. Alii vero, licet generalem illam doctrinam admittant, in illo exemplo hoc negant, quia putant Concilium ibi non concedere illam facultatem Episcopo, tantum prælato ejus, cum quo dispensatur, sed tanquam ordinatori, putant enim hanc dispensationem non pertinere ad ordinarium prælaturæ clerici ordinandi, sed ad eum Episcopum, a quo ordinandus est, ita ut si unus concedat dimissorias literas, & alius ordines collaturus sit, dispensatio interstitiorum non pertineat ad concedentem dimissorias, sed ad ordinantem. Unde recte inferitur, prælaturam religionis ut sic non posse in hoc dispensare, quia non est ordinator. Dico autem ut sic, quia si contingat prælaturam regularem habere privilegium conferendi minores ordines suis subditis, tunc poterit cum illis dispensare in interstitiis talium ordinum: non quidem ex mera iurisdictione, quam habet ut prælatus, sed ex peculiari concessione, quæ ad illum extenditur quatenus ordinator est, ita exposuit Emmanuel Rodericus tom. 1. Quæst. reg. q. 22. ar. 7. dicitque continere ex contextu Concilii, & ex declaratione Card. prout refert (ait) Pater Gaspar Paraselus in lib. Privilegiorum.

22 Ego vero in lib. manu scripto, earundem Declarationum Cardinalium, quem apud me habeo, magna diligentia, & auctoritate collectam, ad dictam sess. 23. c. 11. in verbo illo *Judicio Episcopi*, hanc declarationem additam invenio, quam etiam refert Marzilla l. 3. tit. 13. c. 9. *Non potest Episcopus, ad quem dimissus est ordinandus, hoc judicium facere.* Quibus verbis aperte exponit contra superiorem interpretationem, hanc dispensationem non pertinere ad ordinantem, sed ad dantem dimissorias literas. Et ad c. 13. ad illa verba, *Si per annum saltem*, & c. additur, *Ob eminentiam doctrinæ, & bonum testimonium, & de consensu Ordinarii Summus Pontifex concedit, ut breviori tempore*, & c. Ubi dum contrarius ordinari, non ordinatoris postulari, aperte declaratur hoc jus esse prælato superioris, non Episcopi con-

conferentis ordines. Præterea in ipso Concilio nihil invenio, ex quo satis colligi possit loqui de Episcopo ordinantem: nam in c. 10. verba sunt; *Hi vero non nisi post annum a susceptione postremi gradus minorum ordinum ad sacros ordines promoveantur, nisi necessitas, aut Ecclesiæ utilitas iudicio Episcopi aliud exposcat.* Ubi constat, nomen Episcopi de se indifferens esse ad ordinantem, vel dantem dimissorias literas, & ex circumstantia literæ potius colligitur (ut Congregatio Cardinalium significavit) sermonem esse de Episcopo, qui sit proprius prælatus ejus, qui ordinatur: nam ille melius potest judicare de tali necessitate, vel utilitate. Similiter in c. 13. solum dicitur, *Nisi aliud Episcopo videbitur*, recte igitur Concilium exponitur de Episcopo superiore ejus, qui ordinandus est. Unde consequenter erit probabilis prior sententia, etiam quoad illud particulare exemplum; cui favet secunda declaratio Cardinalium supra citata, quatenus utitur nomine *ordinarii*, hæc enim vox proprie admodum comprehendit Provincialem, seu prælatum religionis respectu suorum inferiorum.

23 Sed quod attinet ad hoc particulare exemplum, cum dispensatio hæc non solum ex iudicio, sed etiam ex voluntate pendeat, ex hac parte dici potest dispensatio hæc pendere ab Episcopo ordinante: quantumvis enim Episcopus, vel prælatus, qui dat dimissorias literas, judicet expedire, & facultatem det ut interstitia non serventur, potest Episcopus, qui ordines daturus est, non esse contentus tali dispensatione. Unde quantumvis prælati religionum contendant, hujusmodi dispensationem respectu suorum subditorum ad eos pertinere (ut est certe satis probabile) nihilominus (quod in praxi sæpe vidimus) potest Episcopus eam non acceptare, quamquam fortasse sine rationabili causa id licite facere non possit. E contrario vero, quamvis Episcopus velit conferre ordines religioso, vel alteri sibi non subdito, non servatis interstitiis, non videtur posse jure id facere, nisi ex iudicio Episcopi dantis literas dimissorias, propter declarationem adductam, & rationem factam. Unde quoad hanc partem non dubito, quin hæc dispensatio, seu iudicium hoc, respectu regularium, pertineat ad eorum prælatos, ad quos spectat dare illis dimissorias literas. Atque ita nomen Episcopi in dictis decretis ampliandum esse ad inferiorem prælatum habentem jurisdictionem quasi Episcopalem sufficientem ad dandas dimissorias literas: ita enim ex dicta declaratione colligitur, nec possunt commode illa decreta aliter intelligi, cum hæc personæ non habeant alium Episcopum, ad quem possit, vel debeat hoc iudicium pertinere. Quo circa, si prælatus religionis det subdito dimissorias literas simpliciter ad suscipiendum omnes ordines a quolibet Episcopo, nulla facta mentione interstitiorum, non videtur posse Episcopus ordinans solo suo iudicio a voluntate dispensare cum illo in interstitiis: quia omnis facultas simpliciter data, debet in reliquis omnibus intelligi secundum jus: ergo ita sunt intelligendæ hujusmodi dimissoriæ literæ: ergo ex vi illarum non intercedit proprii prælati, & ordinarii iudicium circa talem dispensationem: ergo non potest ab ordinatore fieri, attentâ dispositione, & declaratione Conc. Trid. supra dicta. Unde tandem concluditur, hanc dispensationem in rigore magis pertinere ad prælatum Ordinarium, quam ad ordinatorem, quando hi distincti sunt: nam licet uterque concurrere deberet, tamen acceptatio ex parte ordinantis magis videtur pertinere ad usum dispensationis, quam ad valorem ejus: sicut etiam dimissoriæ literæ parum utiles erunt, si Episcopus nolit eis uti, seu ordines conferre, & nihilominus de se valide sunt: ita ergo videtur dicendum de hac dispensatione: ergo, quantum est ex se, seu quantum ad actum primum (ut sic dicam) per quem persona fiat habilis, & sine impedimento potestas Episcopalis quoad hanc dispensationem videtur extendi ad prælatos religionis, quamvis ipsi modestæ causa recte faciant non tam utendo verbo dispensandi, quam rogandi Episcopos in literis dimissoriis, quas conferunt, ut admittant suos subditos ad ordines, non servatis interstitiis, quia sufficiens necessitas, vel utilitas intercedit.

24 Non obstante autem hac declaratione in illo particulari casu, quod ad generalem quæstionem spe-

ctat, non censeo indistincte admittendum esse universalem regulam, quam alii in n. 21. inducebant, ut ubicunque per specialia verba conceditur Episcopo potestas dispensandi in aliqua lege Pontificia, aut conciliari, eo ipso intelligenda sit concessa prælati regularibus respectu suorum subditorum: nam licet fortasse regulariter ita sit; non tamen videtur id esse infallibile propter rationes in superiori puncto adductas. Consideranda ergo in primis est materia legis: nam si illa pertineat ad salutem animarum, & ad bonum regimen spirituale earum, sine dubio ad obtinenda est illa extensio, quia quoad hanc causam, ut supra dicebam, prælatus religionis habet totum onus Episcopale: ergo & habere debet omnem potestatem, quæ ratione illius operis, & curæ videtur concessa. Si autem materia legis non fuit hujusmodi, sed pertinet ad externum ordinem Ecclesiasticum, ut omnia scilicet decenter, & ordinate fiant; tunc erit ulterius considerandum, an materia, & causa dispensationis talis sit, ut requirat notitiam, & providentiam proprii prælati, vel solum concedatur specialiter Episcopo propter maiorem rei auctoritatem, vel gravitatem, vel ut non frequenter ac vulgariter fiat. Quando enim concessio est prioris generis, signum est intentionem legis esse, dispensationem committere Prælato Episcopali (ut sic dicam) & in eo sensu accipi tunc nomen Episcopi. Et hac ratione interpretati sumus decreta proxime tractata, & ex declaratione Cardinalium adducta, ad omnia similia decreta regulam, seu argumentum sumimus. At vero quando facultas datur posteriori modo quod ex circumstantiis literarum constare poterunt, non facile est recedendum a proprietate verborum, nec specialis concessio per generales regulas mensuranda est, ut supra latius est declaratum: sed hic modus concessionis raro invenietur in puris præceptis, nisi aliqua irregularitas, vel inhabilitas dispensanda interveniat: de quibus jam dictum est. *De potestate dispensandi in observantiis, seu obligationibus ipsius religionis.*

25 Quartum caput harum dispensationum positum n. 10. est regula ipsa, seu observantia regularis. Circa quod generatim loquendo certum in primis est, potestatem hanc dispensativam versari posse circa hanc materiam, ita docet gloss. ult. in c. ult. 20. q. ult. & in c. *carne*. de Consecr. d. 5. Sylv. verb. *Dispensatio*. n. 20. Angel. eodem verbo, n. 8. & alii infra citandi. Hoc colligitur primo ex c. *Cum ad Monasterium*, de statu monachorum ubi in fine sic dicitur, *Nec astimet Abbas quod super habenda proprietate possit cum aliquo monacho dispensare: quia abdicatio paupertatis sicut & custodia castitatis adeo est annexa regulæ monachali, ut contra eam nec Summus Pontifex possit licentiam indulgere.* Ex quibus verbis duo colliguntur. Unum est, non posse prælatum dispensare in substantialibus votis statuti religionis, neque in aliquo actu, qui sit contra obligationem eorum: quod hic pro certo supponimus ex supra dictis, & ex Conc. Trid. sess. 25. de Regular. c. 1. dicente, *Cum compertum sit ab eis (scilicet a prælati) non posse ea, quæ ad substantiam regularis vite pertinent, relaxari.* Unde in præsentia vota substantialia non comprehendimus sub observantiis regularibus, sed cetera, quæ ad regulam pertinent. Aliud ergo in illis verbis innuatum est, posse prælatum in his observantiis, & regulis dispensare. Imo per argumentum a contrario videtur ex illis verbis colligi, posse dispensare in omnibus, quæ non sunt contra substantiam votorum: nam si ideo non potest dispensare in proprietate, quia est contra substantiam voti, poterit in his, quæ contra substantiam non fuerint. Sed, quod spectat ad hanc universalitatem, argumentum non est efficax, quia non oportet ut ratio illa Pontificis sit adæquata, potuit enim adduci ut notior & efficacior, quidquid sit de assertionem, de qua paulo inferius. Recte autem inde colligitur simpliciter, aut indefinite, quod possit dispensare in regula: nisi enim hoc supponeretur, neque oportuisset illam specialem exceptionem facere, neque speciali ratione illam confirmare.

26 Ratio etiam hoc convincit, tum quia si possunt dispensare in præceptis Ecclesiæ, multo magis in regulis religionum: tum etiam, quia hæc dispensatio frequenter necessaria est: ergo oportet ut sit commissa Ordinatio prælato, alias non esset sufficienter regulari vitæ pro-

re provifum. Unde conftat, poteftatem hanc convenire prælatis ex vi juris communis fupra declarati. Probat, quia jurifdictio Epifcopalis extenditur ad ea omnia, quæ fpectant ad fubditum, juxta proportionem ad ftatum ejus. Sicut ergo Epifcopus poteft difpenfare cum clerico fecolari in obligationibus pertinentibus ad ftatum clerici, vel ad officium, aut beneficium ejus; ita cum proportionem poteft prælatus regularis difpenfare cum fubditis in propria eorum regula. Unde etiam Epifcopus poteft difpenfare cum religiofis fibi fubjedis, & non exemptis, in his, quæ pertinent ad obfervantiam regulæ: ergo hæc facultas per exemptionem eo ipfo transfertur in prælatus regularem. Dices: Cur ergo interdum dantur religionibus fpecialia privilegia? Refpondeo breviter, ficut in fuperioribus fæpe dixi, talia privilegia vel nihil novum concedere, fed explicare magis poteftatem horum prælatorum ad tollendos fcupulos; vel certe concedere aliquam peculiarem circumftantiam, ad quam ordinaria poteftas non extendatur, ut v. g. ad difpenfandum facilius, vel cum minori neceffitate. Quid autem horum duorum per privilegium intendatur, ex materia, & verbis, aliisque circumftantiis ejus colligendum erit.

27 Quæritur autem poteft, an hæc poteftas extendatur folum ad regulas directivas (ut fic dicam) quæ non obligant ad culpam faltem mortalem, vel extendatur etiam ad quæcumque obligationem gravem, & fub mortali, provenientem ex regula, vel ex peculiari voto religionis, præter tria fubftantialia. Hanc dubitationem attingit Emmanuel Rodericus to. 1. q. 26. art. 1. diftinguitque in religione tria, quædam fubftantialia religioni ut fic, quæ indifpenfabilia funt per hanc poteftatem, ut diximus, alia fubftantialia tali religioni, ut talis eft; quæ indicavit Conc. Trid. c. 1. de Regul. feff. 25. in illis verbis, *Ac fi qua alia funt alicujus regulæ, & ordinis peculiariora vota, & præcepta ad eorum refpective effentiam pertinentia*, & hujusmodi putat dictus auctor efle omnia vota, quæ in aliqua religione, præter tria fubftantialia, funt: item omnia præcepta, quæ ad peccatum mortale obligant. In tertio ordine funt, & accidentaria dici poffunt, omnia, quæ in regula continentur, & hunc gradum obligationis non imponunt. Respondet igitur, poteftatem prælatorum regularium extendi ad omnia tam in fecundo, quam in tertio ordine contenta: quia Concilium folum dixit, religiofum prælatum non poffe relaxare ea, quæ funt de fubftantia regularis vitæ, & non dixit, hujus, vel illius vitæ regularis, fed abfolute, *vita regularis*, quæ folum funt ea, quæ pertinent ad primum ordinem: ergo fignificat, in aliis omnibus poffe; quia exceptio firmat regulam in contrarium. Citat enim in hanc fententiam D. Bern. lib. de Præcep. & difp. D. Th. 2. 2. q. 47. art. 3. Sylv. verb. *Difpenfatio*, q. 14. Sor. 1. de Juftit. q. 7. art. 3. & lib. 8. q. 3. art. 1. dub. 2.

28 Hæc vero doctrina non poteft, ut exiftimo, ita univerfaliter, & fine limitatione defendi, ideoque ad explicandam veritatem, diftinguamus vota peculiariora uniuscujusque religionis a regulis, & præceptis obligantibus fub mortali: eft enim inter hæc duo maxima differentia, quamvis ambo ex regula, & ex voto oriri videantur: nam & vota peculiariora fecundum regulam funt, & præcepta regulæ aliquo modo includunt votum obedientiæ; eft nihilominus differentia, quod licet regula ordinet ut votum fiat, tamen immediate non oritur obligatio ex regula, fed ex voto, ut in religione Minorum regula ordinat fieri quartum votum abftinentiæ a carnibus, factum autem voto, comedere carnes eft facriligium immediate oppofitum voto: e contrario vero, fi fola regula immediate obligat eandem abftinentiam, v. g. etiam fi obliget fub mortali (ut quidam de Carthufianis dicunt) non eft obligatio voti, neque excedit obligationem præcepti humani Ecclefiaftici: quia votum obedientiæ, quod illa lex fupponit, obligat immediate ad fervandam unamquamque regulam, ut fupra dixi, fed unaquæque regula obligat juxta fenfum, & virtutem fuam.

29 Primo ergo de obligatione ex votis affero, prælatus religionis refpective non poffe difpenfare in omnibus votis, quæ unaquæque religio fibi affumit tanquam fubftantialia fuo initutorio, imo, proprie loquendo, nunquam credo poffe difpenfare in talibus votis fe-

cundum fe, licet in aliquo actu vel ufu eorum interdum poffit difpenfare juxta legem, aut morem religionis. Explico & probò hanc afserionem primo inductione, quam idem auctor facit, adducens in primis fpecialia vota Profefforum Societatis. Præcipuum eft quartum votum obediendi Summo Pontifici in miffionibus: de quo nec cogitari quidem poteft, quod per prælatus Societatis difpenfari poffit, tum quia non eft fimplex, fed folenne, ut conftat ex Conftitutionibus, & ex Bullis Pontificiis, & infra fuo loco tract. 10. lib. 6. c. 4. dicitur: tum etiam, quia eft de fubftantia fpecifica hujus ftatus, vel profeffionis, quam nulla poteftas infra Pontificiam immutare poteft: tum etiam, quia effer valde absurdum quod inferior prælatus poffit difpenfare in voto facto de obediendo fuperiori prælato. Præterea, quia vel prælatus Societatis poteft difpenfare in hoc voto quoad ufum ejus, & hoc non, alias, præcipiente Pontifice miffionem alicui profeffo, poffet prælatus Societatis difpenfare; ne illi obediret, quod abfurdiffimum eft, nam hoc modo præceptum Papæ fubjiceretur voluntati prælati Societatis: vel poffet difpenfare in ipfo voto fecundum fe, id eft, auferendo totum ipfum votum: & hoc repugnat intentioni, & menti totius Societatis, & immutabilitati profeffionis ejus, quam habet juxta Bullas Pontificias, & juxta intentionem voventium, & acceptantium, nec tantum ut profeffio eft, fed etiam ut talis profeffio eft. Et hoc confirmant verba Conc. Trident. dict. c. 1. ita intelligenda: *Si enim illa quæ bases funt, & fundamenta totius regularis difcipline, exacte non fuerint confervata, totum corruat ædificium neceffe eft*. Ratio enim, quam hæc verba continent, cum proportionem vim habet in tali religione, fecundum fuam fpeciem (ut fic dicam) confiderata, non enim debet efle ftabile, ac firmum hoc ædificium fecundum generalem rationem tantum, fed etiam fecundum propriam; hæc autem everteretur, fi aliquod ex fundamentis ejus relaxari poffet. Denique quæ de aliis votis dicemus, de hoc a fortiori convincunt.

30 De aliis igitur votis fimplicibus, quæ religiofi Societatis poft profeffionem emittunt, idem dicendum cenfeo. Sed prius obiter adverto, prædictum auctorem inter hæc vota Societatis ponere votum de detegendo ea quæ aliquis per minifterium procuraffe repertus fuerit. Sed de hac re non fit in Societate votum, fed de detegendo eo, qui dignitatem ambit. Itaque idem de his votis dicimus, quamvis de illis nonnulla efle poffit in ajor ratio dubitandi, nam illa fimplicia funt, & ex hac parte ordinario jure difpenfabilia, unde, cum non funt peculiariter refervata, videtur probabile fubefle poteftati prælati, quia, ut diximus jure communi omnia vota Epifcopalia funt difpenfabilia a prælato religionis in fuos fubditos, omnia autem vota, quæ fpecialiter refervata non funt Pontifici, funt Epifcopalia. Unde confirmatur: nam fi religiofi Societatis non eflet exempta a jurifdictione Epifcoporum, Epifcopi jure fuo poffent in his votis difpenfare, eo ipfo quod refervata non funt: ergo, juxta fuperius dicta, per exemptionem translatus eft hoc jus in prælatus Societatis. Imo, fi non fuiffet ita translatus, videretur adhuc manere in Epifcopis, quia nullo alio jure, vel fpeciali prohibitione illis fublatum eft.

31 Nihilominus pro certo judico, Generalem non habere in Societate talem poteftatem. Quod in primis mihi perfuadet communis totius religionis confenfus: nam cum ipfa talem poteftatem in fe non agnofcat, neque aliquem ejus ufum aliquando ufurpet, imo nec fibi convenientem judicet, fignum profeffio eft nec talem poteftatem ipfi efle datam, nec intentionis, aut voluntatis ejus efle ut Generalis, vel prælati illam habeant. Secundo declaratur ratione, quia hæc poteftas nec fpeciali jure conceffa eft Societati, in nulla enim Pontificia Bulla eft illius mentio, neque in omnibus Societatis conftitutionibus: neque etiam communi jure conceffa eft, quia nullum commune jus eft, quod de fimilibus votis loquatur, & quod de cæteris votis Epifcopalibus loquatur, non poteft rationabiliter ad hæc vota extendi.

32 Et quoniam in hoc ultimo eft punctum difficultatis, variis modis illud oftendo. Primo ex principio juris, quod fub generali conceffione non veniunt ea, quæ fpeciem rationem habent, & difficultatem, quæ pro-

Arguitur non videri hoc afserum procedere de votis fimplicibus profefforum Societatis.

An hæc poteftas extendatur ad graves obligationes.

Triples ordo obligationum in religionibus juxta quosdam.

Prænotatio pro vera refponfione duplicis obligationis, ex voto, aut ex regula.

Valquez 12. difp. 162.

Prima Afserio de votis aliis a communibus in Religione.

unde non esset aliquis verisimiliter in specie concessurus, sed in his votis est specialis difficultas, & optima ratio, ob quam non sit verisimile sub illa generali concessione comprehendi, & committi prælato religionis: ergo. Explicatur minor, quia illa vota licet non sint absolute de essentia huius status, sunt tamen valde propinqua, & quasi propriæ passionis ejus, pertinentq; ad consistentiam, & quasi integritatem eius: hæc autem non committuntur prælato, sed supponuntur potius tanquam bases huius religionis in suo gradu, ut in cæteris reb. possit prælatorum potestas convenienter administrari, iuxta ea, quæ ex Concilio Tridentino sumpturavimus.

33 Secundo declaratur in hunc modum, quia in religioso duplicia vota distinguere possunt, quædam dici possunt personæ, alia status: status vocatur ea vota, quæ ex vi cuiuscunque instituti emittuntur, & exiguntur veluti ad complementum professionis talis status: personæ autem appello ea vota, quæ unusquisq; religiosus sub arbitrio superaddit ultra exigentiam status. Jus ergo commune concedit potestatem prælato ad dispensandum in votis personalibus, seu privatis religiosorum; non tamen licet nobis extendere hoc jus ad vota status, & communia religioni: quia nec ratio potestatis, nec utilitas religionis suffragatur. Vota enim ipsius status quasi complent, & perficiunt proprium onus talis religionis, alia vero personalia vota sunt onera superaddita toti ponderi religionis, & ideo in his posterioribus potestas dispensandi utilissima, & necessaria est, in prioribus vero, moraliter loquendo, non est utilis dispensatio, & ideo nec potestas ad illam præstandam utilis esset religioni; unde nec verisimile est illi esse datam. Nam licet fingatur casus, in quo talis dispensatio posset esse utilis, adeo est rarus, & difficilis, ut propter illum non fuerit concedenda hæc potestas, neque aperienda via ad multiplicandas huiusmodi dispensationes: mansit ergo hæc potestas in eodem Pontifice qui religionem confirmavit, eamque sub suo patrocínio recepit. Et confirmari potest hæc ratio, quia potestas dispensandi vota in prælato religionis respectu subditorum non magis extenditur, quam potestas irritandi, quia hæc est magis intrinseca, unde eius usus & universalior, & faciliior esse solet: sed prælatus Societatis non potest hæc vota irritare, ut est certissimum, quia pertinent suo modo ad ipsum statum: ergo nec dispensare in eis potest.

34 Tertio declaratur in hunc modum, quia hæc dispensatio vel dari potest a prælato in toto voto, aut in aliquo actu, vel usu eius: neutrum dici potest; ergo Minor quoad priorem partem explicatur: nam dispensare illo modo in voto, est auferre omnino a me votum, & obligationem non procurandi dignitatem, aut non relaxandi paupertatem. Quod ergo Præpositus Generalis hoc non possit efficere, indubitatum apud nos esse debet, quia tunc maxime procedunt rationes factæ, quia ad illam non spectat solvere propria religionis vincula per sedem Apostolicam approbata, & quodammodo confirmata. Item, quia alias posset dispensare simul cum omnib. professis, & secum saltem mediante Confessore; & consequenter posset dispensare cum uno vel pluribus, aut certe omnibus, qui denuo admittuntur ad professionem, ne illa alia vota simplicia emittant: & similia absurda inferri possunt, de quibus eadem est ratio, quantum attinet ad potestatem, licet ex parte causæ maior in quibusdam, quam in aliis requiratur. Quod si in his potestas est in solo Summo Pontifice, quia pertinent ad substantiam huius religionis secundum speciem suam, profecto etiam tollere omnino talia vota, vel aliquod eorum a quolibet professore, pertinet ad solum Summum Pontificem, a quo etiam ex defectu causæ raro poterit talis dispensatio concedi.

35 Posterior pars minoris haberet locum, si Superior posset dispensare cum professore Societatis ut acceptet dignitatem sibi oblatam extra Societatem, etiam si ei non præcipiatur: vel ut non manifestet ambientem, vel procurantem dignitatem, etiam si sciat. Et in hoc in primis vix potest occurrere rationabilis causa talis dispensationis: nam si occurrat tanta necessitas, quæ obliget prælatum ad approbandum illud factum, vel omissionem non obstantem voto, profecto sufficeret interpretatio quod tunc votum non obliget, propter grave ali-

quod periculum, vel quid si nile: si autem necessitas tanta non est, vix potest esse sufficiens causa iustæ dispensationis, maxime respectu prælati Societatis, qui maxime tenetur consulere majori bono spiritus illi totius Societatis, & singulorum subditorum, ad quod talis dispensatio nihil potest deservire. Et sane si S. P. Ignatius intellexisset, Generalem habiturum potestatem ad dispensandum illo modo in voto non acceptandi dignitatem, non posuisset ut conditionem necessariam quod præcipiatur, sed potius dixisset, nisi ex facultate, aut iudicio Generalis ut sepe alius dicit; noluit autem hoc iudicio aut voluntati alicujus relinquere, sed illius tantum, qui possit præcipere, & per præceptum suum extrahat actum a materia voti.

36 Præterea est optima ratio, quia ex potestate ordinaria nullus potest dispensare in voto ex parte, qui non potest in totum: ergo si prælatus non potest dispensare in toto: nec in parte poterit. Antecedens declaratur: nam per delegationem solet aliquando committi dispensatio in uno, vel alio actu voti, ut ad petendum debitum, v.g. licet non committatur in toto voto. Sicut etiam solet committi potestas commutandi, & non dispensandi in præfenti autem non est facta aliqua delegatio, ut per se constat. Per potestatem autem ordinariam nunquam potest fieri unum illorum, quin etiam possit dispensari aliud, ut facile constare potest inductione: sicut etiam nemo potest jure ordinario commutare votum, quin possit etiam dispensare. Et ratio est, quia obligatio voti ejusdem rationis est in toto, & in parte, & alias potestas ordinaria de se simpliciter cadit in votum, nisi aliunde limitetur, quæ limitatio in præfenti nulla etiam est; ergo si ordinaria potestas prælatorum Societatis extenditur ad dispensandum hæc vota quoad aliquos actus eorum, etiam extendetur ad ipsa secundum se. Et in hoc (ut obiter id adnotemus) est differentia notanda inter dispensationem in voto, & in lege: nam in lege dispensare potest jure ordinario qui non potest illam tollere, in voto autem qui dispensare potest, in eo potest illud tollere. Et ratio differentie est, quia lex non tollitur per dispensationem, sed per abrogationem, qui est actus superioris potestatis; votum autem per dispensationem tollitur. Cujus differentie potest ulterius ratio reddi, quia votum est quasi privata lex huic tantum personæ imposita, & ideo eximere talem personam a tali lege, quod est dispensare, est etiam tollere votum; lex autem est generale præceptum, quod non tollitur, licet unus, vel alius ab illo eximatur, & ideo major potestas necessaria est ad tollendam legem, quam ad dispensandum in illa.

37 Ultimo confirmare possumus hanc resolutionem, quia si prælatus Societatis posset in his votis dispensare, posset id facere non solum Generalis, sed etiam Provincialis, imo & localis Præpositus; quod dicere valde absurdum est, & nullo modo in ædificationem, sed in destructionem. Sequela patet, quia si admittitur hæc potestas, solum est propter Generalem potestatem dispensandi in votis non reservatis; hæc autem potestas quamdiu non limitatur, vel usus ejus prohibetur, tanta est in minori prælato, quanta in maiori, & ita est de facto in prælatis Societatis, quia nulla facta est limitatio, quæ nobis innotescat: ergo si Generalis potest, etiam alii possunt. Veritas ergo est, potestatem illam communem dispensandi in votis Episcopalibus non extendi ad hæc vota, quia illa potestas solum versatur circa vota personæ, non circa vota status, ut declaratum est. Unde etiam dici possunt, hæc vota status esse reservata, sicut & ipse status quoad suam immutabilitatem immutabilis est.

38 Quo ex fundamento seu ratione, inferre possumus primo, vota Scholarium, vel coadiutorum Societatis, licet simplicia sint, potius reservata, quam Episcopalia dici posse, nullus enim Episcopus potest in eis se intrinsece, ut Greg. XIII. definit: & optima ratio, præter Pontificis decretum est, quia illa vota non sunt communia & vulgaria (ut sic dicam) sed sunt vota status religiosi, & per Pontificem confirmati, & exempti. Quamvis autem prædicta vota simplicia professorum Societatis non ita formaliter ac primo constituent religiosum statum sicut vota Scholarium, sunt tamen suo modo per se annexa perfectiori statui, & ad quandam

Primum
corollar.
ex veritate
compro-
bata
pro votis
substan-
tialibus
Scholarium
Societatis

illius

illius consummationem necessaria, & ideo imitantur naturam ejus, sicut accessorium imitatur principale. Ex quo etiam infero, promissionem illam, seu votum ingrediendi Societatem, quod emittit scholaris approbatus Societatis, esse indispensabile tam per Episcopos, quam per ejusdem religionis prælatos, sicut vota & status religiosus, quibus illud votum connectitur, indispensabilia sunt: quamvis enim alio modo auferri, seu irritari possit, non tamen dispensari, & perseverante illo statu, fieri non potest quin promissio illa & obligatio ejus integra maneat, quamvis executio ex voluntate Superioris pendeat.

39 Sequitur præterea ex dicta resolutione, idem dicendum esse de quocunque statu religioso habente votum aliquod ex peculiari ratione talis status præter tria vota communia, nam tale votum indispensabile est per prælatos religionis, propter rationes factas, quæ generaliter procedunt ex natura status religiosi, & conditione talis voti; & ideo punctum hoc non reservavimus in peculiarem tractatum de Societate, quia de se commune est. Ita ergo censo de monialibus S. Claræ, quoad votum clausuræ, non enim possunt in illo dispensare prælati minores, quia non possunt votum illud, vel obligationem ejus auferre. Idem est de voto non comedendi carnes, quod religiosi Minimi emittunt: nam per eorum Superiores tolli, seu dispensari non potest ob easdem rationes. Nec refert quod prælati possint aliquando dare licentiam egrediendi, aut comedendi, &c. nam supposito voto, hoc tantum fieri poterit vel interpretando casum esse talem, in quo votum non obliget, quod non est dispensare, ut in tractatu de voto li. 6. c. 9. dixi; vel subtrahendo materiam voti, quia nimirum in ipso voto emittendo vel expresse, vel secundum regulam includitur conditio non faciendi hoc, vel illud, nisi approbante, vel ordinante Superiore: tunc enim dum ipse ordinat, vel dat facultatem, non dispensat, sed facit ut cesset materia voti. Hac autem integrâ manente, indispensable esse existimo talia vota per inferiores prælatos, etiam per Episcopos, quia ex vi status, cui sunt annexa, sunt alterius ordinis, & habent quasi peculiarem modum reservationis, ut explicatum est.

40 Secundo dicendum est de obligationibus religionis sub mortali ex Regula, ut n. 28. notabamus, quæ merito dici possunt pertinere aliquo modo ad substantiam religionis, cum suo modo pertineant ad substantiam vitæ spiritualis in tali religione. Quin potius aliqua, quæ nec voventur, nec illo modo præcipiuntur, in aliqua religione reputantur de substantia ejus: sicut in Societate in Congregat. 5. generali, can. 17. declaratum est, aliqua esse substantia hujus instituti, quamvis sub culpæ obligatione imposita non sint, ut reddere rationem conscientie suæ Superiori, & alia, quæ ibi numerantur: sicut etiam inter Carthusianos abstinence a carnibus censetur valde substantialis, licet probabilis forte sit non cadere sub obligatione mortalis culpæ, ut alibi differitur. Cum enim unusquisque status religionis tendat ad perfectionem secundum proprium scopum ac finem suum, & per certa ac definita media, merito dici possunt substantia tali religioni ea, quæ sunt ita intrinseca, vel necessaria ad eum finem, sine quibus non potest talis religio moraliter conservari, & tendere ad perfectionem secundum modum suum. Nam tria vota ideo dicuntur substantia statui religionis ut sic, quia sunt media moraliter necessari ad perfectionem ut sic, absolute namque (licet rarissime) perfecti homines dari possunt non religiosi, ut olim Patriarchæ & alii in lege gratiæ: ergo servata proportionem in tali, vel tali religione illa etiam de substantia talis status, quæ ad proprium finem ejus fuerint moraliter necessaria, præsertim quando illis sublati, vix, aut difficulter dari potest perfectio charitatis in tali statu, regulariter loquendo: & hujusmodi sunt in Societate ea, quæ in prædicta congregatione declarata sunt, ut, Deo dante, expendemus in tract. 10. lib. 19. c. 6.

41 Hinc ulterius assero, in hæc, quatenus substantia sunt religioni, non cadere dispensationem, neque potestatem prælatorum ad hanc materiam secundum hanc rationem spectatam extendi; & cum hoc nihilominus stare, ut in particulari possit in hujusmodi observantias, vel præcepta cadere dispensatio. Prior pars

patet ex illo principio sumpto ex Conc. Trid. *substantialia religionis, ut talia sunt immutabilia esse*, saltem per potestatem intrinsecam ipsius religionis: quod nos ostendimus cum proportionem de singulis religionibus, & de substantialibus unicuique esse intelligendum. Ratio etiam moralis id postulat, quia talis potestas non esset ad edificationem, sed ad destructionem. Altera vero pars constat ex usu, & quia talis dispensatio sæpe est moraliter necessaria. Unde ad concordiam & intelligentiam utriusque partis, advertere oportet, non omnia, quæ absolute & simpliciter sumpta, sunt substantia religioni, in particulari quoad singulas personas, vel singulos actus earum esse ita substantia: ut v. g. in Societate substantiale est, id est, moraliter necessarium, ad perfectionem ejus, ut conscientie inferiorum notæ sint Superiori, & consequenter ut ipsi reddant rationem earum, quia non potest illa notitia moraliter, ac religiose aliter obtineri. Non poterit ergo Generalis, vel aliquis prælatus Societatis in hujusmodi regula vel institutione ita dispensare, ut in Societate non servetur, vel ulla ratio, aut cura illius habeatur, nam hæc esset dissipatio, non dispensatio, & illa esset propterea relaxatio in re substantiali, ut talis est. Nihilominus tamen hæc ipsamet observantia reddendi rationem conscientie in una persona in particulari propter probitatem ejus, & magnam estimationem de illius prudentia; &c. potest non esse necessaria, neque ad bonum ejus, neque aliorum, & ideo licet cum ea dispensetur, non erit dispensatio in substantialibus instituti: quia illa observantia licet in toto corpore religionis sit substantialis; non tamen ut applicata ad singula membra. Hinc autem recte fit, dispensationem in his observantiis gravioribus, & quæ ad substantiam alicujus instituti ex natura sua, vel ex declaratione ejus pertinere censentur, difficiliorem esse debere, etiam cum in particulari sunt, ita ut moraliter satis constet, inde non minui substantialem observantiam religionis. In aliis vero regulis, vel ceremoniis, vel actibus virtutum facilius potest concedi dispensatio, imò aliquando dari posset non tantum uni vel alteri in particulari, sed etiam toti religioni ab eo, qui potestatem habet in totam religionem. Semper tamen necessaria est causa proportionata, nam hæc in omni justa dispensatione postulat.

42 Queri autem hic potest, an dispensatio data a prælato sine causa justa, sit valida, quamvis ipse peccet dando; ita enim solet esse valida dispensatio male concessa in humano jure. Dico tamen, non esse validam, nec reddere subditum tutum in conscientia. Ratio est, quia dispensatio in lege Superioris sine causa data ab inferiori, est nulla; prælati autem religionis dispensant in præceptis, aut regula religionis, dispensant in lege Superioris: ergo dispensatio ejus sine causa data, est nulla. Minor manifesta est in Superioribus localibus, & Provincialibus, ac Generalibus, quia ipsi non sunt legislatores: nam propriæ leges, id est, stabiles, ac perpetuæ non solent committi ejusmodi prælati, sed Capitulis Generalibus, vel Provincialibus respective, juxta varia statuta religionum, quæ Capitula sunt supra eosdem prælatos, etiam cum proportionem comparatione facta: ergo dum illi dispensant in constitutionibus religionis, dispensant in lege Superioris, ac proinde non valet dispensatio sine causa data. Ex quo discursu intelligitur assertio nem maxime habere locum in constitutionibus totius religionis, quæ sunt firmata majori auctoritate, quam sit in aliquo singulari prælato, etiam si Generalis sit: nam si generalis ipsa congregatio cum alio particulari dispense, valida erit dispensatio, etiam si fortasse sine causa data sit, quia tunc non procedit ratio facta, & alia ratio nullitatis per se non occurrat. Secus autem esset, si dispensatio fieret in præcepto Pontificio, vel in constitutione *specialiter* confirmata a Papa, ut perinde habeatur ac si ab ipso esset facta, quia jam tunc dispensatio esset in lege Superioris. Similiter ubi Capitulum Provinciale veras leges pro sua provincia facere potest, si idem Capitulum in aliqua dispense sine causa, per se loquendo valida erit dispensatio, quia dispensat in lege sua, vel sui equalis Dispensatio etiam data a Generali in lege lata a Capitulo provinciali, ex cōmuni jure, & ratione talis muneris valida est, quia a majore prælato, nisi ejus potestas

Quarta Assertio incidens: nullam esse dispensationem prælati datam sine causa.

Secundum corollar. pro eorum voto ingrediendi Societatem.

Tertium Corollar. pro voto clausuræ, & abstinentiæ a carnibus, &c.

Secunda Assertio et aves obligationes dici posse substantiales Religionis in quibus dantur.

per constitutiones religionis sit mutata. Item, si Generalis (& eadem est proportio de Provinciali) dispenser in sua ordinatione, vel præcepto, quod non est propriæ lex, valida erit dispensatio, quia in proprio præcepto dispensat. Denique cum dispensatio hæc cadere possit tam in præceptum obligans in conscientia, quam in regulam obligantem solum ad melius esse, cum proportionem ad utrumque applicandum est quod dicimus de valore, aut nullitate dispensationis: nam, si est valida, tollit obligationem in conscientia, vel in ratione majoris perfectionis pro ratione legis, vel regulæ.

Quid de pœna legis ipso facto incurrenda, quando dispensatio fiat invalida.
43 Quod si talis lex habeat adjunctam pœnam ipso facto incurrendam, ut censuram aliquam; si dispensatio non fuit valida quoad vim directivam legis, plane non impeditur quominus talis pœna incurratur: quia si dispensans non potuit auferre vim legis Superioris, quoad vim directivam, nec quoad coactivam potuit. Item, quia si dispensatio fuit invalida, subditus æque contumax est, & inobediens. Intellego autem *per se*, nam ex ignorantia facile poterit subditus excusari vel omnino a culpa, vel saltem a pertinacia requisita ad talem censuram; auctoritas enim prælati dispensantis facit sæpe talem ignorantiam probabilem, vel saltem multum excusabilem, ubi non intervenit malitia, sed simplex subditi fides.

Quid de pœna inferenda.
44 Ubi autem pœna non est ipso facto imposita, sed ferenda, facilius interveniet excusatio, nam a nullo inferiori prælato poterit talis pœna imponi, quia nullus inferior potest damnare quod Superioris auctoritate, & voluntate factum est. Nec etiam ipsemet dispensans poterit rationabiliter illud factum punire, quando subditus ipsum non decepit, nec ei vim intulit, quia ipsemet indebite dispensando fuit occasio illius transgressionis. At vero major prælatus merito puniet transgressorem illum, dummodo adeo sit evidens iniustitia, & defectus dispensationis, ut non possit subditus excusari, nam in casu aliquo modo dubio non est damnandus subditus, cum alias debeat pro suo prælato præsumere. At quando res est clara, sicut non excusatur a culpa, etiam in exteriori foro, ita nec a pœna: ergo cum in superiori prælato, sit sufficiens jurisdictio, poterit illam exequi. De æquali vero successore res est magis dubia, quia videtur habere sufficientem jurisditionem, & non impediri, cum ipse non fuerit auctor talis dispensationis. Nihilominus probabilius puto oppositum: quia esto dispensatio fuerit iniusta; tamen æqualis non potest in exteriori foro de illius iniustitia cognoscere, neque illam damnare: ergo nec punire quidquid auctoritate illius factum est.

Dispensatio a licentia preste sum; ea longe differt.
45 Ultimo in hoc puncto adverto quod supra tetigi, aliud esse dispensare, aliud licentiam dare: cum enim Superior dat facultatem religioso ad faciendam elemosynam, non dispensat: sic ergo in nonnullis constitutionibus, vel regulis contingit, cum enim dat licentiam ingrediendi cubiculum alterius, vel exeundi domo, & similia, proprie non dispensat. Et ratio est, quia illa opera non sunt simpliciter prohibita per leges religionis, sed ne fiant sine licentia; & ideo quando ita fiunt, non ex dispensatione fiunt, sed ex concessione ipsiusmet regulæ, tunc ergo licentia non est necessaria ut dispensatio fiat, sed ut compleatur materia legis, seu modus operandi per legem postulat. Cum ergo dicimus, dispensationem religiosam etiam in hac materia, ut sit iusta, vel etiam valida, non oportet hoc extendere ad omnem licentiam, quin potius ad honestatem talis actus sufficit Superioris consensus bona fide ac simpliciter obtentus, quia solum requiritur ut e conditio necessaria ex parte materia. Imo etiam ut talis facultas licite detur, non semper necessaria est specialis causa, sed sufficit, ut in illo opere hic, & nunc, nihil sit incommodi, & quod possit a subdito honeste fieri quocumque titulo, etiam ob honestam animi, vel corporis recreationem, & sæpe Superior licite has facultates concedit, ne nimis austerus videatur, cum tamen ad licitas dispensationes hoc non sufficiat, nisi propria, & specialis causa interveniat.

46 Et fortasse juxta hanc doctrinam intelligenda est quædam concessio Pii II. facta Minoribus, quæ in specie verborum obscura est, ejus vero intelligentia poterit ad multa similia servire. Concessit ergo ille Pontifex

Ordini Minorum, ut prælati possent annuere, seu dispensare cum subditis debilibus, & infirmis, quæ non sunt contraria Regule. In tribus verbis videtur esse quædam implicatio in adjectis: nam si dispensatio non est in his, quæ sunt contra regulam, ad quid necessaria est? vel quod privilegium ibi conceditur? Item, exempla, quæ ibi ponuntur, videntur esse contra regulam Minorum, ut equitare, &c. quomodo ergo dispensatio contra regulam non conceditur, & dispensatio in equitando, hisque similibus conceditur? Dicendum vero est, juxta distinctionem a nobis datam, quædam esse, quæ simpliciter, & absolute prohibentur per regulam, ut v.g. habere proprium tam in communi, quam in particulari, &c. & hæc dicuntur esse simpliciter contra regulam, & quoad hæc non conceditur in illo privilegio dispensatio in regula: alia vero sunt, quæ non absolute prohibentur, sed cum limitatione, scilicet, ut non fiant sine facultate, vel etiam sine urgente necessitate. Et hæc non sunt simpliciter contra regulam quoad substantiam, sed quoad modum, quando ultra præscriptam conditionem fiunt: in his ergo conceditur illa dispensatio, quæ, ut aliquid conferat, seu operetur, tribuit potestatem dandi hanc facultatem, vel licentiam cum minori causa, seu necessitate, quam rigor regulæ postulat. Atque ita videntur intellexisse illam concessionem expositores ejusdem ordinis. Ex illa ergo nos elicimus, ea, quæ non simpliciter prohibentur, nec sub votum cadunt, non esse proprie ex substantialibus, in quibus dispensatio non cadit. Colligimus etiam, in his, quæ ex facultate Superioris licent, non habere rationem dispensationis concessionem facultatis ex ordinaria providentia, & quasi ratione muneris debitam, sed tunc solum, quando aliqua major benignitas, aut liberalitas sit ex peculiari causa, vel potestate. Speciale vero dubium hic supererat, an habitus delatio, & habitatio intra claustrum sint ex his, quæ per prælatos religionis dispensari possunt. Sed hoc tractabitur commodius infra lib. 3. cap. 7. disputando de mutatione status religiosi: & ideo hæc sufficiunt de materia, ad quam hæc potestas extenditur.

C A P U T XIII.

Quibus Prælati, & qua ratione potestas dispensandi cum suis subditis concessa sit.

Superest ut de alio puncto principium in c. præcedenti proposito dicamus; in quibus scilicet prælati sit hæc potestas. Sunt enim in religionibus prælati supremi, medii, & infimi, ut supra exposuimus: quibus ergo illorum datur hæc potestas? vel quanta unicuique? In qua re generalis regula Doctorum est, unumquemque prælatum religiosum id tantum posse in hac materia dispensationum, quod a jure, vel privilegio, & regula ei concessum est, ita Innoc. in c. 2. de eo, qui furt. ordines suscepit, & in c. ult. de postulat. prælat. Abbas, Anton. & communis in c. si clerici. §. de adulteriis, de judic. Sylv. verb. *Dispensatio*, n. 10. Et ratio est, quia hi prælati non habent de se hanc jurisdictionem: ergo oportet, ut a Pontifice illam recipiant, quia nullus alius potest illam concedere tamquam ordinarius: ergo oportet ut jure communi, vel speciali, seu ex privilegio illam habeant: quæ duo capita breviter a nobis explicanda sunt.

2 Circa jus commune advertere primo oportet, in eo fere nihil haberi (ut supra c. 12. n. 2. etiam notavi) de his prælati nisi sub nomine Abbatum, qui sunt proximi, & immediati prælati monasteriorum, & sub ea voce comprehenduntur reliquos Superiores religionum habentes simile munus quoad jurisdictionem, quamvis diversis nominibus appellentur. Unde fit, hanc potestatem quatenus ex vi juris communis habetur, omnibus veris prælati regularibus convenire respective, id est, unicuique in suo quasi territorio, nisi per speciale jus alicujus religionis limitata sit. Quod, ut amplius explicetur, advertito secundo, dupliciter posse hanc potestatem concedi jure communi. Primo per specialem concessionem, vel declarationem. Secundo per generalem concessionem jurisdictionis quasi Episcopalis. Priori modo Sylv. verb. *Dispensatio*, q. 14. cum Angelo eodem verbo, num. 8. decem casus præmittunt ex jure communi, in quibus potest Abbas cum subditis dispensare, postea vero & novem tantum numerant, & inter eos septimus, & nonus neque inter se distincti sunt,

nec continent casus speciales, sed generalem doctrinam de potestate dispensandi in regula, vel observantiis regularibus, quam superiori c. tradidimus, & expendimus. Octavus autem casus est circa dispensationem irregularitatis, de qua nos ex professo diximus in 1.5. disp. 42. de Irregularitate, sect. 3. casu 8. & latius disp. 31. de Suspensione sect. 1. Ubi ostendi in c. *cum illorum*, de sent. excommunic. sermonem esse de suspensione, non de propria irregularitate; atque ita facultatem in eo textu datam magis esse ad absolvendum, quam ad dispensandum. Alii vero sex primi casus, quos dicti auctores numerant, non pertinent proprie ad potestatem dispensandi, ut, per illos breviter discurrendo, facile constabit. Et similis casus potest, a nobis addi ex cap. *cum H.* de eo, qui furtive ord. suscep. ubi in favorem religionis conceditur Abbati potestas dispensandi cum eo, qui furtive ordines suscepit, de quo impedimento, an sit suspensio, vel irregularitas, & consequenter de facultate data in illo textu in tomo citato satis diximus. Primus ergo casus est, dispensare cum novitio, ut ad sacros ordines promoveatur ex c. *Monachus*, d. 77. sed novitius ut ordinetur, non indiget speciali dispensatione, cum nullum impedimentum, vel irregularitatem habeat, ut alibi ostensum est. Et in dicto textu de hoc non conceditur dispensatio, sed de interstitiorum tempore, ut brevius in novitio sit in favorem religionis. Et hæc ipsa dispensatio non committitur prælato, sed sit per ipsum jus, quamvis hodie quoad hanc partem revocatum sit per Concilium Tridentinum. Addo, in epistola 1. Gelasii non haberi verba illa: *Monachus novitius*, sed solum illa: *Si quis de religioso proposito*. Unde ego valde dubito, an etiam secundum illud jus dispensatio illa ad novitios extenderetur.

3 Secundus casus est, dispensare cum apostata a religione, ut possit ad ordines promoveri, ex c. ult. d. 50. Sed ibi nulla talis potestas datur prælato, solum hæc verba apponuntur: *Quem etiam jubemus ad clericatus officium non admitti*. Unde, si illa esset irregularitas, potius dicendum esset, prælatum non posse dispensare in illa. Sed videtur Sylvester motus per argumentum a contrario ex c. ult. de Apostatis, ubi de religioso apostata, qui ante reditum ad religionem ordinatur, dicitur, non posse ministrare sine dispensatione Papæ: quia ergo hæc reservatio non additur in alio textu, colligi, ibi dispensationem esse concessam prælato. Sed non est bona collectio: nam in posteriori textu pœna imposita, non est irregularitas, sed censura suspensionis, quæ si non reservaretur, eo ipso fuisset concessa, juxta cap. *nuper*, de sent. excommunic. Hæc autem regula non habet locum in irregularitate, ut alias dixi, & ideo si in priori capite fuisset posita irregularitas simpliciter, ex vi illius juris non posset Abbas in ea dispensare. Verius tamen est, ibi non poni irregularitatem absolute, sed quasi conditionatam, donec, pœnitentia peracta, ad religiosum statum redeatur; & tunc nec datur prælato potestas dispensandi, nec est necessaria dispensatio, sed ipso facto finitur irregularitas, sicut in aliis irregularitatibus sæpe contingit. Atque idem est de tertio casu dispensandi ad ordines cum illegitimo, ex c. 1. de filiis presbyteri. Veruntamen ibi etiam non datur potestas dispensandi, sed ipso jure tollitur tale impedimentum, facta professione, ut alias diximus.

4 Quartum casum sumit ex Clement. 1. §. *sane*, de statu monachorum, de potestate dispensandi cum monacho, ut ultra mensem differat communionem. Sed illa nec est propria dispensatio, sed judicium quoddam, & quasi authentica sententia: nec soli Abbati committitur, sed etiam confessori, & Priori, verba enim textus sunt: *Domini mensis cuiuslibet in monasteriis semper communicent, nisi forte ex causa, quam Abbatis, Prioris, aut Pœnitentiaris monasteriorum non desinant interzitari, eorumque judicio, vel abstineant, vel accedant*. Simile asserere possumus ex cap. *omnis utriusque sexus*, de pœnitent. & remiss. ubi etiam in præcepto Ecclesiastico communicandi in Paschate additur illa conditio: *Nisi forte de proprii sacerdotis consilio ob aliquam rationabilem causam ad tempus ab huiusmodi præceptione jussit abstinendum*, ubi non conceditur potestas dispensandi, sed declaratur materia, & conditio sub qua

tale præceptum imponitur. Ad quem fere modum supra c. præced. n. 45. distinguebamus, dare facultatem, non semper esse dispensare: ita enim in præfati dare consilium, vel judicium circa dilationem communionis ex rationabili causa, non est re vera dispensare.

5 Atque idem fere cenfeo de quinto casu, quem ponit Sylvester de facultate, quam potest dare Abbas monacho, ut sit capellanus Ecclesiæ parochialis, consentiente Episcopo, ex c. 1. dist. 58. & c. *doctos*, cum aliis, 16. q. 1. Sed hoc etiam non pertinet ad potestatem dispensandi, sed ad subordinationem, quam religiosus debet prælato suo. Duo enim illa jura intendunt declarare, & ordinare; unum est, monachum si sit ordinatus sacerdos, non esse incapacem, vel impedium ex eo quod monachus est, quominus animarum ministeria exercere possit; & hoc præcipue agit in dict. cap. *doctos*. Secundum est, nihilominus non esse religiosum assumendum ad hæc ministeria sine consensu prælati, sicut etiam non potest introritti sine voluntate Episcopi, vel Papæ: & hoc agit in dict. c. 1. & aliis multis. Sicut etiam in c. 2. ejusdem dist. 58. dicitur, monachum non posse ordinari ab Episcopo sine licentia sui Abbatis; licentia autem ad suscipiendos ordines, non est proprie dispensatio, quia non est alicujus regulæ relaxatio, sed est aliud genus gratiæ, vel facultatis. Ita ergo facultas ministrandi in Ecclesia Parochiali, non est dispensatio, sed facultas quædam, vel etiam præceptum, quod interdum potest prælatus suo subdito imponere. Quantum vero extendi possit facultas, quam prælatus potest religioso dare ad regendam aliquam Ecclesiam parochialem, & an possit illam concedere perpetuam, manendo scilicet semper extra claustrum, & an extendi possit ad obtinendum Ecclesiasticum beneficium, dicemus infra lib. 3. c. 19. tractando de mutatione status religiosi.

6 Eiusdem rationis existimo esse facultatem, quam Abbas potest dare monacho ad ædificandam cellulam a congregatione monasterii separatam: quam dicti auctores sexto loco numerant, ex c. *nullus*, 18. q. 1. & c. *Monachus*, 20. q. 4. Nam illa etiam facultas non habet rationem dispensationis, sed cujusdam obedientiæ ex parte subditi, & debiti regiminis ex parte prælati: maxime si illa facultas extra monasterii septa non extendatur, ut dict. c. *Monachus*, præscribitur; an vero possit prælatus religionis dare subdito facultatem transeundi a vita cœnobitica, ad solitariam, vel manendo sub eadem regula, & obedientia, vel mutando illam, dicemus infra tractando de mutatione status religiosi. Igitur de hac potestate etiam respectu Abbatum, & a fortiori respectu quorumcumque prælatorum conventualem, nihil fere habemus in particulari jure canonico præscriptum, præter, id quod in c. *Ad monasterium*, insinuat de dispensatione circa observantias regulares, quod in superiori cap. satis explicatum est: alia enim jura, quæ a Sylvestro, & aliis ad hoc citantur, parum sine dubio ad rem faciunt.

7 Superest ergo alter modus n. 2. positus colligendi hanc potestatem dispensandi ex jure communi, per aliud principium, seu generalem regulam, quatenus ex illo habemus hos prælatos habere jurisdictionem quasi Episcopalem: nam inde videtur sequi, quemlibet ex illis habere totam potestatem, quæ ratione jurisdictionis Episcopalis ad regularem statum applicari haberi potest. Sed in hoc oportet advertere, aliter loquendum esse de his Abbatibus pro eo tempore, quo erant subditi Episcopis; & aliter de Prælati exemptis. Nam in priori statu, seu tempore nihil revera poterant, nisi quod intrinsece, & ex natura rei status eorum postulabat vel expresse illis in jure concedebatur. Ad quod explicandum recolo duplicem illam potestatem, quam diximus esse in Prælati religionis, dominativam, & jurisdictionis: huic enim duplici potestati, duplex etiam dispensatio correspondere potest, domini scilicet, & jurisdictionis. Nam sicut ex parte subditi duplex est ratio subjectionis, scilicet, traditio voto obedientiæ confirmata, & jurisdictio; ita etiam in Prælato duplex est ratio præcipiendi, & utriusque respondet propria potestas dispensandi, nam unusquisque eo modo, quo potest præcipere, potest etiam in suo præcepto dispensare. Unde etiam in antiquis Præfectis regularium,

Qualem potestatem, & unde haberent olim Prælati non exempti ad dispensandum.

qui propriam & Ecclesiasticam jurisdictionem non habebant, inerat potestas aliqua dispensandi, illa vero exendi non poterat ad leges Ecclesiasticas, vel effectus ab illis manantes: quia sicut hi sunt effectus jurisdictionis Ecclesiasticæ, ita per illam solam immutari possunt. Eadem ratione non poterat versari circa votum quoad dispensationem; quia potestas dispensandi in votis est jurisdictionis, & supernaturalis, ut supra vidimus, quæ in illis Præfectis non erat, ut supponimus. Solum ergo versari poterat illa potestas circa observantias regulares, ut ex antiquis regulis etiam colligitur, Basilii, Augustini, Benedicti, &c. Et facile declaratur considerando originem illius potestatis; nascitur enim ab ipsismet subditis, & ex mutua conventionem inter ipsos, & religionem: nam sub hac veluti conditione se committunt religioni ac Prælato ejus, ut ab ipso possint ad onera religionis vel obligari, vel ab eis dispensari; quia vero tota hæc institutio religiosa pendebat a voluntate, & approbatione Episcoporum, ideo hæc ipsamet potestas poterat ab ipsis Episcopis limitari, dispensationes aliquas in observantiis etiam religiosis sibi reservando, quia apud eos erat major potestas non solum ratione jurisdictionis, sed etiam ratione voti, ut supra ostensum est. Et ad hunc modum potest esse nunc in Abbatissis, aut Priorissis aliqua potestas dispensativa, juxta earum instituta, & permissiones suorum Prælatorum. Idemque dicendum est de religionibus, vel monasteriis virorum subiectis Episcopis, etiam si propriam jurisdictionem non habeant, ut si inter eos clerici ordinati non sint, nam in illis sicut esse potest præfectura, ita etiam hoc genus potestatis, juxta Episcopi determinationem. Nam de tali potestate, aut statu ita præcise spectato, hæc regula assignari potest, ut quidquid juxta modum instituti, professionis, ac regulæ in observantiis regularibus dispensabile est, posse per Præfectum regularem dispensari, nisi ab Episcopo prohibeatur; quæ satis ex dictis declarata est.

Talis potestas est non proprie dispensativa.

Merito tamen vocari potest dispensativa.

8 Solum in hoc puncto adverto, actum hujus potestatis videri plus participare de ratione irritationis, vel simplicis facultatis, quam dispensationis, quia per hanc potestatem non videtur auferti obligatio, nisi faciendi aliquam mutationem ex parte materiæ, vel apponendo conditionem, qua posita, cessat obligatio præcepti, ut supra dicebamus de simplici facultate, & cernitur in votis: nam hi etiam religionum Præfecti possunt vota subditorum irritare, cum tamen non possent dispensare. Verumtamen, licet quæstio de nomine sit, magis proprie potest hic servari nomen & ratio dispensationis: nam regula talis religionis suam habet rationem legis, a cujus obligatione, siue coactiva, siue directiva, potest Præfectus ex vi sui muneris aliquem eximere, nulla facta mutatione in materia, sed immediate ac per se tollendo obligationem, etiam si regula absolute præcipiat, vel prohibeat, nulla adjuncta conditione, intervenit ergo ibi propria ratio dispensationis. Item, potest generalis Præfectus religionis generale aliquod præceptum suis subditis imponere, & deinde potest aliquem eximere modo supra dicto, & non tantum declarando, non esse obligatum, sed auferendo obligationem, quam possit conservare: ibi ergo etiam intervenit modus dispensationis. Neque est simile de voto, nam illius obligatio est divina, & naturalis, penderque ex ejus relaxatione per se, vel per dispensatorem a se deputatum: ab altero autem homine pendere non potest, nisi quatenus vel materia voti, vel consensus permittentis ab ejus voluntate penderet: regularis autem obligatio, seclusa jurisdictione, manat ex hominum pacto, & promissione inter se, & ideo ab eis a se dari potuit potestas tollendi illam. Et quamvis ablatio hujus obligationis respectu ejus personæ, cui conceditur, sit veluti abrogatio præcepti illi impositi; tamen respectu regulæ, seu præcepti generalis, merito appellatur dispensatio.

9 Hæc igitur sola potestas est inniseca statui religioso, & ideo illa de se integra est, etiam nunc in quocumque religioso Prælato, siue universali, siue locali, nisi major Prælatus aliquid sibi specialiter reservaverit, sicut de Episcopo in n. 7. dictum est: nam ipsamet institutio religiosa hanc conditionem postulat, & ideo

Suarez, Tom. XV.

superioribus Prælati hanc conferunt potestatem, Hæc autem potestas & confirmata, & aucta est per jurisdictionem Ecclesiasticam Prepositis regularibus superadditam. Nam per hanc jurisdictionem nova potestas dispensandi data est, quæ versari potest circa omnes materias supra c. præcedenti declaratas, & specialiter circa statuta, vel præcepta regularia, quatenus jam non solum procedunt ex paterna seu dominativa potestate, & sunt leges (ut sic dicam) conventionales, sed etiam ex potestate jurisdictionis, & Prælationis, & sunt leges simplices, & in omni proprietate.

10 De hac autem jurisdictione quoad Abbates, vel Prælatos non exemptos a jurisdictione Episcoporum, nihil dicere possumus ex vi illius principii de jurisdictione Episcopali, quia his Abbatibus nullibi legimus esse generatim concessam generalem potestatem quasi Episcopalem, neque erat conveniens statui eorum, cum essent sub immediata jurisdictione Episcoporum. Unde in antiquis canonibus Decretorum, & quinque librorum Decretalium, quia nondum erat adeo extensa, & multiplicata hæc exemptio religionum, nulla fere fit mentio jurisdictionis Episcopalis horum Abbatum, quia cum illam haberent eo tempore Episcopi, nondum erat illis communicata jure ordinario. Neque obstat, quod de Abbate dicitur in c. nullam, 17. q. 2. ad Abbatem totam potestatem pertinere, ex quibus verbis solent multa Canonistæ colligere de hac potestate Abbatum, ut videre licet in Navar. Comment. 3. de reg. n. 4. & aliis, quos ipse refert. Dicendum est enim, ibi non loqui Pontificem de propria potestate jurisdictionis Ecclesiasticæ, sed de potestate dominativa, seu paterna, quam habet Abbas ex vi talis religiosi status, ut constat ex contextu, & in superioribus tactum est.

Eam potestatem non habent Prælati non exempti, cum non sint quasi Episcopi sed distincti.

11 De his ergo Abbatibus, seu Prælati non exemptis dicendum est, ex vi sui muneris, seu ex concessione juris nullam habere jurisdictionem ad dispensandum in votis, præceptis, aut impedimentis Ecclesiasticis, generatim loquendo. Probat, quia hoc pertinet ad jurisdictionem Episcopalem, quam ipsi non habebant. Dixi autem, *generatim loquendo*, quia excipiendi sunt casus speciales in jure expressi, si quos fortasse fuerint, ut n. 2. tractatum est. Dixi etiam, *ex concessione juris*, quia ex concessione Episcopi potestatem Abbates habere hanc jurisdictionem, quia, cum essent superiores Prælati ordinarii, poterant illam communicare, & quasi vicarios suos illos constituere. Tunc autem illa jurisdictio in his Prælati videri potest tantum delegata, quia non convenit his Abbatibus ex vi muneris, sed ex concessione Episcopi. Et fortasse regulariter ita est. Existimo tamen, potuisse tunc Episcopos, eo modo, quo ad illos spectabat approbatio & institutio religionum in suis Episcopatibus, instituere munus, & Prælationem Abbatis cum ordinaria jurisdictione ad dispensandum in prædictis materiis, juxta mensuram aliquam ab ipsis præscribendam: hoc enim non videtur excedere potestatem Episcoporum, quamdiu eam sibi Apostolica Sedes non reservavit. Quæ autem fuerit in hoc antiqua institutio monachorum, mihi non constat. Postquam autem Pontifex sibi reservavit confirmationem, & approbationem religionum, in nullo Prælato religioso invenitur hæc jurisdictio ad dispensandum ut ordinaria, nisi eam habeat a Summo Pontifice: nam si religio sit exempta, eo ipso habet jurisdictionem a Papa; si autem exempta non sit regulariter, non habent Præfecti ejus hanc jurisdictionem, sed quantum Episcopus superior concedere vult.

Neque illam habent ex jure communi.

Poterunt tamen habere ex jure suorum Episcoporum.

Hodie nulla religio eam habet ordinariam nisi a Papa.

12 Atque hinc ulterius concluditur, potissimum inveniri hanc jurisdictionem in Prælati regularibus exemptis, & in suo ordine supremis, id est, immediate Summo Pontifici subiectis. Probat, quia illi omnes sustinent locum, & munus Episcoporum respectu suorum subditorum. Unde ad hoc non refert, quod talis Prælatus sit unius loci tantum, vel plurium: nam ratio facta in utroque æque procedit. Unde si quis nunc est Abbas exemptus unius tantum monasterii, non habens alium Prælatum regularem, cui ordinarie subiectus sit, potestatem habet dispensandi Episcopalem, juxta regulas superius c. præced. politas, & juxta specialia privilegia, si illa habuerit. Idemque a fortiori certum est de Generalibus omnium religionum, ut

per se constar. De Provincialibus autem, quatenus subiecti sunt Generalibus, oritur nonnulla ratio dubitandi, quia habent superiorem Prælatum habentem Episcopalem, & ordinariam jurisdictionem in ipsos, & in omnes subditos eorum cum potestate dispensandi immediate cum omnibus illis: non solet autem in Ecclesia respectu eorundem esse potestas dispensandi Episcopalis infra Summum Pontificem, nisi in uno Episcopo, vel Prælato habente vices ejus. Major autem dubitatio est de Prælati conventualibus, quia hi solum videntur esse tamquam proximi Parochi, qui potestatem non habent dispensandi, neque illis videtur necessaria, cum per Provinciales possit sufficienter omnibus necessitatibus subveniri.

13 In hoc vero puncto servanda est regula tradita ab Innocentio in c. 2. de eo, qui furt. ord. suscep. recepta communiter a Doctoribus ibi, & in c. *an scelerici*, §. *de adulteriis*, de Judic. & a Sylvestro & Angelo, verb. *Dispensatio*, videlicet, unumquemque Prælatum religiosum eam habere potestatem dispensandi, quæ sibi a jure, vel a regula concessa est. Quæ assertio supponit in his omnibus Prælati esse aliquam potestatem dispensandi, quæ de omnibus, etiam de conventualibus vera est. Quod constat sufficienter ex usu omnium religionum. Item, quia supra ostensum est, hos omnes esse vere Prælatos, & consequenter omnes participare jurisdictionem Episcopalem: ergo eadem ratione participabunt illam quoad potestatem dispensandi, quia non debet esse minor hæc potestas ut favorabilis, quam ut rigorosa. Denique, quia hæc potestas pro ratione sui muneris unicuique ex his Prælati necessaria est. Et omissis Generalibus, de quibus jam diximus, de Provincialibus est res certa, quia sunt quasi Episcopi in suis provinciis. Et (ut difficultati insinuatæ in n. præced. satisfaciamus) specialis necessitas nascitur ex peculiari conditione status religiosi: nam quando religio adeo universalis est, ut per universam Ecclesiam per varias regiones sit dispersa, & ideo est in varias provincias divisa, non possunt commode omnes religiosi dispensatione indigentes, ad Generalem recursum habere; sed necessarium fuit hæc potestatem Provincialibus communicare. Quæ ratio suo etiam modo, licet non tam urgente, locum habet in Prælati conventualibus, quia necessitas dispensationis, sæpe potest esse urgens, & præsentanea, vel quasi quotidiana, & ideo non debuit pendere semper a Provinciali, qui interdum & diu, & longe absens est. Accidit, quod hæc potestas dispensandi sæpe est necessaria ad bonum spirituale subditorum; religiosi autem sicut ratione status ad majorem perfectionem spiritualem obligantur, ita per hæc auxilia debent & frequentius, & facilius adjuvari: est ergo valde consentaneum huic statui, ut Prælati etiam locales hanc habeant potestatem, ut sicut tenentur non tantum salutem, sed etiam perfectionem subditorum procurare, ita etiam possunt modis omnibus illos juvare. Et ideo non repugnat, nec est ullum inconveniens, quod hæc potestas, etiam in ordine ad eundem actum, seu effectum, sit in multis Prælati subordinatis inter se, & sub uno Summo Pontifice: tum quia potuit sine dubio hoc modo ab eodem Pontifice concedi, tum etiam, quia tunc illa ordinatur ad majus bonum, & ædificationem religiosorum, & in ea servatur ordo, ut quatenus est in inferiori, semper a superiore dependeat, ut mox dicemus; & ita servatur pluralitas sine confusione.

14 Deinde vero assignatur in prædicta assertione communis regula ad cognoscendum gradum, seu quantitatem hujus potestatis in unoquoque ex dictis Prælati, quæ dicitur esse vel jus commune, vel speciale religionis; illam vero regulam ita intelligendam censeo, ut, quantum est ex vi juris communis, in quolibet illo sit potestas dispensandi in casibus Episcopalibus, juxta principium generale supra positum & explicatum c. præd. a. n. 1. usque ad 9. Ratio est, quia jus commune nulli illorum Prælatorum limitat hanc potestatem: ergo, quantum est ex vi juris, in nullo eorum diminuta est. Præferim, quia si in aliquibus est diminuta, maxime in conventualibus Prælati: at jus commune potius his concedit quiddam concedit regulis Prælati: quia (ut n. 2. dixi) de his tantum fere

semper loquitur, & ex vi juris communis nihil pertinet ad hoc genus potestatis, his inferioribus Prælati ademptum est. Relinquitur ergo, ut limitatio talis potestatis, si quæ fuerit in his Prælati, ex jure specialium uniuscujusque religionis sumenda sit.

15 Unde hanc regulam, pro concessione dictæ potestatis ex vi juris specialis constituo, unumquemque Prælaturum regularem posse dispensare cum suis subditis in omnibus, quæ in regula reservata non sunt superiori Prælato, ita ut quiddam non est prohibitum, censeatur concessum. Probatur, quia ex vi Prælationis habet unusquisque Prælatus hanc potestatem: ergo unusquisque habet totam, quæ in tali religione invenitur respectu subditorum, nisi prohibeatur jure speciali: quia nullum aliud principium excogitari potest unde limitetur. Dices, in Societate potius contrariam regulam servari, juxta quandam Bullam Gregorii XIII. quia nullus inferior Prælatus sub Generali censeatur posse dispensare, nisi quatenus sibi concessum est, ita ut quiddam non est concessum, censeatur prohibitum, & non e contrario, quiddam non est prohibitum, censeatur concessum. Respondetur, in primis hic nos non agere de speciali instituto Societatis, de quo infra toto tract. 10. sed de communi ratione Prælatorum regulatum. Deinde dicimus, id non esse alienum a nostra regula: nam, si in Societate id servatur, illud est propter speciale jus, quod declarat esse prohibitum quiddam non est concessum. De quo, an ita universaliter accipiendum sit, vel quomodo sit intelligendum, infra suo loco dicam in citato tract. lib. 10. cap. 5.

16 Tandem, ut melius possit dicta regula ad omnia instituta applicari, animadvertendum occurrit, hanc potestatem dupliciter convenire posse unicuique religioni exemptæ. Primum ex vi muneris talis Prælati, habentis respectu suorum subditorum non tantum vices Parochi, sed etiam Episcopi: & quantum ad hoc genus potestatis maxime procedit regula posita, ut sufficienter confirmatur ex proxime dictis n. præced. & ex supra generatim tractatis c. 12. de jurisdictione quasi Episcopali horum Prælatorum. Alio modo potest convenire hæc potestas ex specialibus privilegiis, vel indulgiis, sive directe concessis tali religioni, sive per communicationem cum aliis: & quoad talem potestatem, licet regula dicta bene intellecta, & applicata, locum etiam habeat, tamen modus indulgi, & concessionis maxime considerandus est. Nam, si verba Pontificis generalia sunt, scilicet, concedendi tali religioni, vel Prælati ejus potestatem dispensandi in hac, vel illa re, & per aliud indulgium, vel per regulam religionis non limitantur, tunc optime procedit regula posita, quia illa potestas in omnibus invenitur, quibus specialiter non prohibetur. Si autem verba indulgi sunt specialia, quia nimirum solum diriguntur ad Generales, vel ad Provinciales, tunc potius habet locum altera regula, scilicet, inferiores Prælatos solum posse in eo genere id, quod sibi a superioribus fuerit concessum: nam cum alibi datum non sit, ex natura rei est ipsis prohibitum, quamdiu non est concessum, & hoc modo etiam hic casus ad prædictam regulam reduciatur: nam illam et specialis concessio & est jus speciale talis religionis, & est virtualis quædam prohibitio respectu inferiorum. Dico autem semper respectu inferiorum, quia respectu superiorum nunquam censeo illam limitationem admittendam, nisi exprimatur: Quoniam enim indulgium, vel regula tantum diceret, Omnes Guardiani, vel Priores, vel denique conventuales Prælati, quomodocumque nominentur, hoc possint dispensare; nihilominus Provinciales, & superiores Prælati non sunt censendi exclusi ab ea concessione & potestate: quia sub particulari semper includitur universalis Prælatus; sicut sub nomine proprii sacerdotis comprehenditur Episcopus quoad habendam potestatem.

17 Dices, interdum inferior habet jus ad judicandum in aliqua causa, in qua non potest superior se intromittere, nisi fortasse per viam appellationis, vel in defectum alterius: ergo idem contingere potest in hac materia dispensationum. Respondetur in primis, antecedens non habere locum in Prælati Ordinariis, utroque propriam curam spiritualem subditorum in habet

Præpotestas est i- que Prælati cum proportione est com- paret.

que foro, ut sunt Prælati religionum. Deinde, in his dispensationibus multo minus esse id admittendum, quam in aliis causis judicialibus, quia propinquius ordinantur ad spirituale bonum subditorum. Ac denique, ut id posset admitti, oporteret prohibitionem, & denegationem esse expressam, quia multum exorbitaret ab ordinario jure. Supererat hic alia dubitatio, an Prælari habentes hanc potestatem possint illam delegare. Sed expediemus illam simul cum alia simili in cap. 15. a num. 4.

C A P U T XIV.

Quæ persona a Prælati religionis dispensari queant.

Sex personarum genera in hac quæst.

Expediuntur tria posteriora genera personarum.

Ultimum punctum supra propositum c. 12. n. 5. fuit de personis, quæ per hanc potestatem possunt dispensari. Et de tribus generibus personarum potest dubitari, scilicet de ipsismet Prælati utentibus tali potestate, de novitiis, & de secularibus, aliquo extrinseco modo (ut sic dicam) religioni conjunctis, ut sunt familiares, servientes, & similes. Nam præter hæc tria genera solum relinquuntur alia tria, scilicet, religiosi professi ejusdem religionis subditi; religiosi ejusdem etiam professionis, non tamen subditi, & omnes alii externi nullo modo religioni conjuncti, sive seculares sint, sive religiosi alterius religionis. De hoc autem triplici posteriori genere nulla est quæstio; nam quod attinet ad religiosos professos ejusdem religionis constat, illos esse quasi propria subiecta (ut sic dicam) circa quæ potestas hæc versatur, nam propter illos datur hujusmodi potestas: cum illis ergo omnibus potest dispensare Prælatus religionis, per se loquendo, seu nisi in ipso indulto fiat peculiaris restrictio, quæ raro, vel nunquam fit. De aliis religiosis ejusdem professionis, non tamen subditis est contraria regula certa, scilicet, non posse religiosum non subditum dispensari a Prælati non suo. Ratio est clara, quia dispensatio hæc est actus jurisdictionis, quæ non versatur circa non subditum. Et quamvis interdum contingat, potestatem dispensandi concedi erga eos, qui alias non sunt subditi, quia per privilegium fiunt subditi quoad illum actum, vel quia tunc non conceditur jurisdictionis, sed nudum ministerium; licet hoc (inquam) fieri possit, & interdum fiat, tamen ex ordinatio jure religionum, tam communi, quam speciali, certum est, non ita fieri, quia esset contra debitum ordinem, & quia pareret confusionem potius, quam ædificationem. Item, quia religiosi possunt facile habere recursum ad suos proprios Prælatos, & Prælatus debet agnoscere vultum pecoris sui: ergo supervacaneum, & inopinatum esset, si unusquisque religiosus posset dispensari a quolibet Prælati suæ religionis, etiam non suo. Denique, ob hanc rationem non potest inferior Prælatus dispensare cum suo Superiore; nec Prælatus unius conventus cum Prælati alterius; neque unus Provincialis cum alio: ergo multo minus poterit unus Provincialis dispensare cum subditis alterius, vel contra, & sic de cæteris. Statim autem occurrebat quæstio de religiosis hospitibus, an possint dispensari a Superiore loci, vel provincie, in qua inveniuntur, propter actualem subjectionem, quam videntur habere. Resolutio tamen est, non posse, loquendo proprie de dispensatione prout distinguitur ab absolutione: de quo postea num. 7. videbimus. Et ratio est, quia simpliciter non sunt subditi; & quia dispensatio obtineri potest a Prælati absentis. Et ita in simili declaratum est de clericis forensibus a Congregatione Cardinalium circa capitulum *liceat*, quod est 6. de Reformat. in sess. 24. Concilii Trident.

2 Atque hinc facile constat, eandem regulam negativam veram, & indubitam esse in ultimo genere personarum. Quia illæ non solum subiectæ non sunt, verum etiam nec conjunctæ, aut unitæ tali religioni. Observare autem oportet, sermonem hic esse de potestate concessa religioni per modum jurisdictionis in foro exteriori, & in ordine ad externum regimen. Aliquando enim conceditur aliqua potestas dispensandi in ordine ad forum conscientie, & quasi annexa jurisdictioni in foro sacramentali, quæ sic concessa non ordinatur ad regimen religionis, sed ad ministeria circa

Suarez Tom. XV.

salutem animarum, & in favorem pœnitentium. Et hoc posteriori modo conceditur interdum religiosis per sua privilegia potestas dispensandi cum externis vel in aliquibus votis, vel in aliquo impedimento affinitatis, vel quid simile. Sed quia hoc universale non est, unusquisque consulere debet sua privilegia, & satis cognitam habere potestatem sibi concessam. Quando autem potestas hujusmodi est, circa illum poterit exerceri, qui in foro pœnitentiæ fuerit subiectus, quia illa potestas, cum in ordine ad illud forum detur, illam subjectionem postulat, & non aliam.

3 Jam igitur circa priora tria genera personarum dubium in primis est: an Prælatus religionis possit secum ipse dispensare? Et ratio dubitandi oritur ex dictis, quia ipse non est sibi subiectus, neque habet in se jurisdictionem: ergo non potest secum dispensare. Confirmatur, quia semper esset suspecta, & periculosa talis dispensatio: quia nemo recte potest in propria causa judicium ferre. Denique, hi Prælari semper habent Superiorem, ad quem recurrant, Conventualis ad Provinciale, Provincialis ad Generalem, & Generalis ad Papam: ergo non possunt ipsi secum dispensare, hac enim ratione non possunt Episcopi secum dispensare, quia Superiorem habent, juxta doctrinam Panormitani in c. *magne*, de voto, de qua supra in materia de voto lib. 6. cap. 11. dictum est. Propter hæc aliqui absolute negant, hos Prælatos posse secum dispensare. Aliis vero hoc nimis onerosum videtur, quia non debent esse hi Prælari pejus conditionis, quam sint sui subditi: ergo, si subditi po. esse dispensari, v. g. a Provinciali in aliquo casu: ergo etiam ipse Provincialis poterit dispensari per eandem potestatem Provincialis; alias gravius cum illo ageretur. Item, quia Prælatus potest sibi concedere licentiam, quam potest subdito dare, quia vix potest alio modo convenienter gubernari: ergo eadem ratione potest sibi concedere dispensationem, quam subdito; quia non magis hoc repugnat, quam illud, & utriusque necessitas frequenter ac moraliter occurrit.

4 In hac quæstione difficultas esse potest de modo necessario ex parte actus dispensandi, an scilicet exerceri possit ab eodem circa seipsum. Quo sensu difficultas generalis est ad plures alias materias, de Legibus, de voto, &c. in quibus sufficienter tractata est, citato c. 11. de voto & lib. 6. de legib. c. 12. a n. 8. & ideo hic omittitur, quia vim non facimus in hoc, quod Prælatus possit per seipsum secum dispensare, vel eligere aliquem, cui committat dispensationem, hoc enim falsum est, quamvis probabile sit, si per alium potest secum dispensare, in rigore etiam posse per seipsum: quia distinctio personarum non est substantia dispensationis, sicut est de substantia sacramentalis absolutionis, licet moraliter convenientius sit illud judicium alteri committere, ut probat ratio dubitandi in principio facta. In alio ergo sensu intelligenda est dubitatio de potestate ipsa, an ut in Prælati ad hujusmodi dispensationem faciendam, sive per se, sive per commissionem suo confessori factam.

5 In hoc ergo sensu dico in primis, supremum Prælatum religionis posse secum dispensare, quia non esset sufficienter provisum, si deberet semper extra religionem quærere remedium talis dispensationis, quod plane est contra intentionem Pontificum concedentium religioni hujusmodi facultates, seu privilegia, & exemptiones, ut omnes ejus religiosi possint illis gaudere: non excipiunt autem Generalem: ergo illum etiam comprehendunt. Esset etiam id contra intentionem religionis, ad quam spectat habere debitam providentiam sui Prælati non minus, quam aliorum. Unde eo ipso, quod religio committit Generali absolute, & sine restrictione omnem potestatem suam quoad actus dispensandi, consequenter illam committit etiam ipsamet. Posset tamen religio, ut existimo, existens tota in Capitulo generali, designare personam, cui has vices respectu Generalis committit, ut postea etiam dicemus de absolutione: & tunc non posset Generalis secum dispensare, sed a Communitate Capituli generalis, quia revera potestas principaliter est in tota religione, & ille modus utendi illa non habet repugnantiam, neque indecentiam, imo potest esse convenientis.

Expediuntur jam quæstio circa 1. genus, an Prælati secum dispensare valeant.

Non quæritur an requiratur distinctio inter dispensationem & dispensatorem.

Proprius sensus quæst. An possit Prælatus potestatem saltem delegare ut secum dispensetur.

niens. Quamdiu tamen religio non utitur hoc genere providentiæ circa suum supremum Prælatum, prout regulariter non utitur, talis potestas commissa censetur Generali propter rationem factam, & quia non est a nobis sine causa restringenda. Modus autem utendi illa potestate per se, vel per alium, si speciali lege religionis non prescribitur, consequenter etiam relinquatur, ut juxta rei naturam, & prudentiam Prælati fiat.

6 Secundo de inferioribus Prælatibus dicendum est, de illis non posse aliam generalem regulam assignari, nisi unumquemque in hoc dependere a suo Superiore, juxta institutionem & usum suæ religionis: per se enim loquendo pertinet talis dispensatio ad proximum Prælatum uniuscujusque; & in Prælatibus conventualibus ita existimo regulariter observari, nimirum a suis Provincialibus postulari debere hujusmodi dispensationes, vel ex facultate eorum habere designatum aliquem confessorum, vel licentiam eligendi illum, cui hæc potestas sit commissa: quod si ex usu religionis constitit, Prælatibus inferioribus esse concessam hanc facultatem, id satis erit, nam consuetudo ostendit hanc esse voluntatem superioris Prælati, ut sæpe alias dixi. In Provincialibus autem, quamvis in rigore, considerata qualitate sui muneris, habeant eandem dependentiam a Generali; tamen frequentius non videtur servari tanta subordinatio inter hos Prælatos in multis religionibus; sed Provincialis censetur posse in sua provincia quicquid non est expressè reservatum Generali, juxta sua statuta. Unde, si statuta in hoc aliquid disponunt, illud servandum est; si autem nihil disponunt, videtur eo ipso commissa facultas ipsis Provincialibus, nisi ex consuetudine oppositum constet. Aliqui etiam probabile existimant, hos Prælatos posse juvari ad hanc dispensationem privilegio capituli, de penit. & remiss. licet illud privilegium extendatur ad hos Prælatos, ut dixi in 4. tom. 3. p. disp. 27. sect. 2. tamen difficile est illud extendere ad hanc potestatem dispensandi, cum ibi solum concedatur facultas eligendi confessorum, qui confessor nec per se habet hanc potestatem ex vi muneris confessoris, nec in illo textu ei datur, cum solum de munere confessoris fiat mentio: maxime cum hæc dispensatio, de qua agimus, nullo modo sit annexa absolutioni sacramentali, quia neque est prævia ad illam ex necessitate, ut est absolutio a censura, neque aliam connexionem necessariam cum illa habet.

7 Est autem ultimo in hoc puncto advertendum, hæc omnia intelligi de dispensatione proprie dicta, quam in superioribus c. 12. n. 45. distinximus a cõmuni licentia; & ita proprie habent locum in dispensatione votorum, & præceptorum Ecclesiæ, & impedimentorum, quæ ex illorum transgressione interdum contrahuntur, & præceptorum etiam religionis simpliciter prohibentium, vel præcipientium aliquid: nam circa has materias versatur proprie dispensatio. At vero in aliis actibus, qui non prohibentur simpliciter fieri, sed licentia Prælati postulat, ut recte fiant, non videtur dubitandum, quin his Prælati, etiam conventuales possint hujusmodi licentias sibi concedere, quas aliis dare possunt, dummodo debita moderatione secum utantur, quam etiam circa alios observare tenentur. Probat, quia hoc est moraliter necessarium juxta statum horum Prælatorum. Item, quia hujusmodi licentia non tam est actus jurisdictionis, quam cujusdam domini, eo autem ipso, quod Prælatus relinquatur in hac domo tamquam pater & superior illius, relinquatur tamquam dominus suarum actionum, earum scilicet, quæ ad ordinatum modum talis vitæ pertinent, in cuius solet esse necessaria licentia Præpositi totius domus: ergo hoc ipso illi conceditur, ut ipse possit sua facultate facere, quod alii possunt de ejus licentia efficere. Quod semper intelligitur, nisi aliquid ei specialiter prohibeatur, cujus licentiam sibi reservet superior Prælatus.

8 In secundo puncto de novitiis, quod ad vota attinet, superius tractatum est; quod vero pertinet ad communes observantias, vel præcepta religionis, in eis locum non habet: quia illi non obligantur in rigore his præceptis, & ita non indigent propria dispensatione; sed ut suæ religioni, & probationi satisfiant,

indigebunt licentia Prælati, quam certum est posse ab ipso dari, quamvis, ut recte fiat, prudens causa necessaria sit. Solum ergo potest dubitari de Ecclesiasticis præceptis, aut de effectibus eorum. In quo agi potest vel de observantia, & executione talium præceptorum pro tempore tantum illius anni probationis; vel de dispensatione aliqua perpetua, & durabili. Priori modo dicendum est posse Prælatum dispensare cum novitio in his, in quibus posset a suo Episcopo dispensari, ut in jejuniis, vel in audienda Missa, & similibus. Ratio est, quia pro illo tempore gaudent privilegio exemptionis, & quoad spiritualia sunt sub propria cura Prælatorum religionis: ergo hi Prælati possunt exercere circa illos jurisdictionem quasi Episcopalem, ad quam pertinet hæc dispensatio. Et confirmatur, quia hic modus dispensationis regulariter est necessarius, & in tali statu neque expedit, nec convenienter fieri potest, ut novitius habeat recursum ad alium Prælatum præter eum regularem, sub cuius disciplina vivit: ergo. Unde, si Prælatus religionis ex propriis privilegiis majorem aliquam in hoc habet potestatem circa suos religiosos, etiam illam extendendam censeo ad novitios: quia licet novitius in rigore non sit religiosus, & quoad odiosa non comprehendatur sub hac appellatione; nihilominus quoad gratias, & favores comprehenditur, juxta communem doctrinam. Potestas autem dispensandi favorabilis est, & ideo ample interpretanda, licet dispensatio sit restringenda.

9 Posteriori autem modo dicendum est, Prælatum religionis non posse cum novitiis dispensare, scilicet, dispensationes perpetuas eis concedendo, quæ in eis ducent, etiam si postea non profiteantur, sed habitum relinquunt. Probat, quia illi non sunt absolute & perpetui subditi. Item, quia esset irrationalis dispensatio, quæ potius cedere posset in nocuum religionis, quam in favorem. Denique, nullo jure, vel privilegio talis potestas ostendi potest. Unde etiam colligo, non posse novitium dispensari virtute privilegiorum religionis ad effectus perpetuos, sed permanentes in tali persona, etiam si religionem relinquat; quia illa formaliter, vel virtualiter est quædam dispensatio perpetua. Hujusmodi esse censeo dispensationem ad ordines suscipiendos, si sit dispensatio in irregularitate, si in interstitiis, si in recipiendo ordines extra tempora; est enim possit Prælatus per privilegia cum suis religiosi in hujusmodi dispensare, non est extendenda illa potestas ad novitios, nisi in ipso indulto expressa mentio illorum fiat. Ratio est, quia, considerata materia talium privilegiorum, non potest prudenter ad novitios fieri extensio, cum tamen in rigore verborum sub religiosi non comprehendantur, ut per se constat. Assumptum declaratur, cum quia illa extensio non est accommodata statui novitii, ut sic, nam ille habet statum annuum (ut sic dicam) & facile mutabilem; dispensatio autem fit ad rem perpetuam: tum etiam, quia potestas super novitios solum conceditur ad spirituale regimen eorum pro tempore probationis, & consequenter solum extenditur ad ea, quæ ad hunc finem sunt necessaria; hujusmodi autem dispensationes nihil solent ad illum finem referre: tum denique, quia talis dispensatio posset interdum cedere in injuriam Episcopi, cui novitius, ut secularis, subiectus est quasi radicaliter, & erit etiam actualiter, si ad seculum revertatur, manebitque clericus secularis irregulariter ordinatus, sine licentia sui Episcopi, quod est inconveniens, & contra debitum ordinem: & ideo præsumendum non est Pontificem in hoc sensu concedere privilegia. Neque obstant privilegia quædam Sixti IV. quæ referuntur in Mari magno, & in lib. Monum. ordin. concessa Prædicatoribus, & Minoribus, ut cum novitiis possint dispensare in quibusdam irregularitatibus: quia si illa comprehendunt novitios, ideo est, quia illos expresse nominant; unde potius sumitur argumentum ab speciali, nimirum, quando expresse non nominantur, non comprehenduntur in hujusmodi privilegiis; quomodo autem illa privilegia intelligenda sunt, alibi tractatum est. Et simile privilegium concessum est Societati a Paulo III.

10 In tertio puncto de dispensatione cum extraneis fami-

1. Pronſt. de dispensationibus ad tēpus.

2. Pronſt. de dispensationibus in perpetuum.

Hæc assertio procedit de propria dispensatione non de simplici licentia, ubi ea locum habet.

Explicatur deinde questio quoad r. genus, an scilicet Novitii dispensari valeant.

Vide Emman. Roder. tom. 1. q. 24. art. 15.

De 3. ge-
mere per
sonarum
in eodem
a. 1.

familiaribus, vel servientibus religioni, pro regula habendum est, tunc solum extendi hanc facultatem ad has personas, quando in indulto fuerint expressæ. Quia neque in proprietate verborum sub religionum nomine comprehenduntur, neque etiam secundum aliquam extensionem, quæ vel in jure, vel in communi modo loquendi habeat aliquod fundamentum. Necessaria ergo est extensio, quæ ab ipso Pontifice fiat per expressa verba, de qua nihil dicere possumus ex jure communi, quia nullum est, quod talem potestatem concedat. Consulenda ergo sunt particularia privilegia: hujusmodi autem est privilegium, quod Eugenius IV. concessit monachis S. Hieronymi, quo aliæ religiones per communicationem utuntur, scilicet, ut Prælati conventuales possint dispensare cum familiaribus monasteriorum in jejuniis Ecclesiasticis, vel etiam, ut diebus prohibitis possint ratione infirmitatis carnes, & ova comedere, de consilio medici, vel etiam sine illo, si commode habere non possint; de quibus vide in Compendio Minorum, verb. *Jejunium*, §. 7. & in Compend. Societatis, verb. *Dispensatio*, §. 7.

C A P U T XV.

An in Prælati religionum sit potestas tum ad absolvendum suos subditos a culpis non reservatis, tum ad delegandum aliis talem potestatem.

QUoniam in superioribus constituimus differentiam inter dispensationem, & absolutionem, ideo, explicata in tribus proximis capitulis potestate dispensandi, necessarium est de potestate absolvendi in specie dicere. Duplex autem est absolutio, quæ ad præsentem pertinere potest, scilicet, a peccatis, & a censuris, vel pœnis Ecclesiasticis: nullum enim aliud spirituale vinculum excogitari potest, quod per absolutionem tollatur: nam si quæ sunt alia, ut legum, irregularitatum, aut votorum, non tolluntur per absolutionem, sed per dispensationem. Duplex ergo hinc oritur questio principalis, una est de potestate absolvendi a peccatis in foro sacramentali: alia de potestate absolvendi a censuris.

2 Circa priorem multa in præsentem dici possunt, nisi ex principiis positis in 4. tomo, circa jurisdictionem fori sacramentalis, & ex dictis in superioribus de munere, & jurisdictione Prælatorum regularium, res esset satis nota; & ideo breviter applicabimus generalia principia ad hanc materiam, proponendo ea, quæ in ipsa servanda sunt, tam circa peccata non reservata in hoc, & duobus capitulis sequentibus; quam circa reservata in c. 18. & 19. Primo ergo certum est, habere Prælatos religionum ordinariam jurisdictionem ad absolvendum suos subditos religiosos a peccatis. Pater, quia sunt Ordinarii pastores animarum suorum subditorum, & in eos translata est cura, quam Episcopi, vel Parochi habent circa suos subditos seculares: ergo habent prædictam jurisdictionem ex vi sui muneris, quod est habere illam tamquam ordinariam. Denique hoc est per se notum ex usu, & institutione fere omnium religionum exemptarum, sequiturque necessario ad ipsam exemptionem, ut supra dictum est. Et ideo hic nihil agimus de religionibus non exemptis, nam illæ sicut sunt sub jurisdictione Episcoporum, ab ipsis, vel per ipsos habere debent suos proprios sacerdotes, seu vicarios, a quibus absolvantur, vel si circa hoc habuerint aliqua specialia privilegia Pontificia, juxta illa debent quoad hanc partem, seu jurisdictionem ab Episcopis gubernari.

3 Secundo est certum, hanc jurisdictionem esse in pluribus Prælati regularibus inter se subordinatis respectu ejusdem seu eorundem subditorum. Explicatur, nam Prælati Conventuales habent hanc jurisdictionem circa religiosos sui conventus, & circa eosdem habet Provincialis eandem jurisdictionem de se æque immediatam quoad usum absolvendi subditos, si velit, independentem a voluntate Prælati Conventualis, vel etiam ipso renuente. Et cum eadem proportionem habet similem jurisdictionem Generalis in eisdem subditos totius religionis, seu ditionis suæ. Hoc etiam est certum ex praxi religionum, & ex intrinseca ratione talium munerum: omnes enim hi sunt proprii, & ordinarii

Pastores talium animarum magis, vel minus universales: quæ universalitas non tollit prædictam immediationem quoad potestatem, sed ponit subordinationem inter dictos Prælatos, etiam in usu hujus potestatis, ita ut inferior pendeat a superiore, non vero e converso. Exemplum est in Parocho, Episcopo, & Pontifice: qui omnes habent jurisdictionem immediatam dicto modo in hoc foro cum subordinatione. Unde Prælati Conventuales solent Parochis comparari in hoc foro, quia sunt proximi Pastores ordinarii talium animarum; Provinciales autem sunt tamquam Episcopi; Generales vero non habent tantam proportionem cum Pontifice, quia ille est simpliciter supremus, & ordinarius Pastor etiam in hoc foro ipsorum religionum; Generales autem sunt sub ipso Summo Pontifice, & ideo solent comparari Archiepiscopis, vel Patriarchis. Sed in hoc differunt ab eis, quod Archiepiscopus non habet jurisdictionem ordinariam in hoc foro in diocesis suffraganeorum, nisi dum visitat; Generalis autem semper est ordinarius Pastor, & ideo ipse etiam uti potest immediata tali jurisdictione modo prædicto. Et hanc existimo esse institutionem & observantiam omnium religionum. Video enim non repugnare institui alio modo hujusmodi Prælationes universales, & præcipue Generalis Prælati, ut scilicet in hoc foro non præoccupet munus proprii, & immediati Prælati, ad quem maxime pertinet conscientiam subditi cognoscere; sed nihilominus talis institutio non esset accommodata statui religioso, nam illa Prælatio esset magis forensis, & externa, quam spiritualis, & paterna, quam postulat religiosus status in quocumque gradu, & ordine Prælationis.

4 Tercio hinc etiam certum est, quemlibet ex his Prælati posse hanc jurisdictionem pro suis subditis aliis delegare. Probatur, quia quicumque habet potestatem ordinariam, potest illam delegare, ut dicto tomo 4. late diximus: neque in præsentem est ulla ratio limitandi hoc generale principium, seu faciendi exceptionem. In eo est hic quiddam speciale adnotandum: nam inter seculares ordinarii Pastores, ut Parochi, v.g. licet possint, non tenentur suam jurisdictionem delegare, sed possunt velle per se audire confessiones suarum ovium, ordinarie loquendo: at vero in religionibus hoc non esset expediens: licet enim Superior ratione sui muneris, & potestatis debeat esse paratus ad confessiones subditorum audiendas, si ipsi velint ei confiteri, non tamen debet ordinarie ad hoc illos cogere, & ideo necesse est, moraliter loquendo, jurisdictionem hanc alicui alteri delegare, cui religiosi libere confiteantur. Quod si quis querat, quanta, & qualis sit hæc necessitas, seu obligatio Prælati. Respondetur in primis ex natura rei videri esse gravem, quia retinere in se solo jurisdictionem hanc esset abusus quidam in illa, contra religionem sacramenti, & contra salutem animarum subditorum, nam ob hanc causam multis periculis exponeretur. In quo est magna differentia inter Superiorem regularem, & secularem Parochum, tum propter majorem dependentiam, quam habet religiosus ad suum Superiorem: tum etiam, quia ab eo regitur in omnibus rebus, & timere potest, ne notitia sacramentalis fori cum alio regimine misceatur. Maxime cum ab eodem possit suo modo in exteriori foro judicari, & puniri. Propter quæ etiam ex proprio instituto, & regula existimo teneri unumquemque Prælatum ad hanc delegationem faciendam, & ita etiam crescere obligatio, quamvis ex hoc capite non excedat obligationem regulæ. Quia vero res hæc magnæ considerationis est, ut obligatio esset clarius, speciali lege imposita est a S. D. N. Clemente VIII. in Decreto de Reservatione casuum pro regularibus, ubi §. 2. sic inquit: *Non liceat Superioribus regularium confessiones subditorum audire, nisi quando peccatum aliquod reservatum admiserint, aut ipsimet subditi sponte, aut proprio motu id ab eis petierint.*

5 In quibus verbis primum expendo loqui de Superioribus indebitum, & ita comprehendere omnes tam Conventuales, quam majores. Ex quo fit, necessario teneri ad delegandam suam jurisdictionem aliis confessoribus; alioqui cogerentur religiosi illis confiteri, & ipsi eos audire. Deinde adverto, sermonem

Comparatio Generalis cu Papa, vel cum Archiepiscopo, in quo veniunt a culpis.

3. Assertio.

Prælati regulares obligantur ad delegandam potestatem ad absolvendum a culpis.

1. Assertio de absolutione a peccatis indistincta.

2. Assertio.

esse de ordinariis culpis, & confessionibus eorum, non de reservatis; de quibus proinde exceptio adjungitur, quam infra in cap. 18. tractabimus. Præterea ponderanda sunt illa duo verba, *sponte, aut proprio motu*: nam quod sit proprio motu, excludit alterius inductionem, petitionem, aut consilium, quæ non excludit particula *sponte*; & ideo securius quidem est, ut hoc non fiat nisi proprio motu ipsius pœnitentis; si tamen fiat sponte, id satis erit, quia verba Pontificis disjunctiva sunt: fiet autem sponte, etiam si consilium aliquod, vel induc[tio] antecedit: cavendum est autem, ne timor aliquis reverentialis, aut nimia persuasio, quæ est virtualis quædam præceptio intercedat: nam tunc moraliter non censetur actus fieri sponte, prout Pontifex per illa verba intendit. Denique verbum *non liceat*, præceptivum est, & sufficiens ad inducendam gravem obligationem, si materia sit gravis, cujusmodi esse videtur materia hujus præcepti, cum pertineat ad debitum usum sacramenti adeo necessarii.

6 Hinc consequenter jubet idem Pontifex ibidem nu. 3. ut Superiores in singulis domibus deputent duos, tres, aut quatuor confessarios pro subditorum numero majori, vel minori, qui generalem habeant facultatem absolvendi a non reservatis. Quod præceptum consequens est ad Superiorem prohibitionem, ut declaravi, & confirmat assertionem nostram. Addit vero, delegationem hanc esse multis faciendam, ad minimum enim numerat duos, plures autem adjungit, si necessarium fuerit. Dubius autem est sensus horum verborum: nam potest esse duplex. Unus est, ut illic duo, vel plures confessores indifferenter pro omnibus religiosis talis domus designentur, ita ut liberum sit unicuique religioso, cui voluerit eorum, confiteri. Alius est, ut signentur quidem plures, qui inter se habeant divisum onus audiendi confessiones omnium; ita tamen, ut unicuique definita pars, & certæ personæ designatæ sint: neque possint, qui uni commissi sunt, alteri confiteri. Videri autem potest Pontifex intendere primum sensum, quia intendit providere quomodo religiosorum confessiones liberius fiant, ita ut propter verecundiam, vel difficultatem se aperiendi, non versentur in periculo committendi sacrilegium: ad hunc autem finem multum conferret, si confessores sint plures priori modo. Item, quia aliàs non esset necessarium semper duos designare, sed unus satis esset, si pro parvo conventu sufficeret.

7 Nihilominus non opinor fuisse mentem Pontificis obligare Superiores religionum ad designandum plures confessores priori modo, scilicet, pro singulis religiosis. Primo, quia id non satis explicat, si autem voluisset hoc onus imponere, cum sit novum, & extraordinarium, amplius declarasset illud. Secundo id colligo ex verbis illis, *Pro numero subditorum majori, vel minori*: nam ex eis constat rationem postulandi plures, non esse ut singuli religiosi multos habeant confessores; aliàs non pro numero pœnitentium, sed pro uniuscujusque conditione, vel indigentia essent multiplicandi confessores: ergo ratio solum fuit, ut onus divideretur inter plures, si opus esset, quod spectat ad secundum sensum supra positum. Unde etiam cenleo non esse mentem Pontificis, ut hi confessores debeant ad minimum, ac necessario esse duo, etiam in parvo conventu: nam illa verba *pro numero subditorum*, reddunt etiam conditionalem sensum, scilicet, si numerus subditorum plures, vel pauciores confessores postulerit: si ergo unus confessor pro tali numero satis sit, non est voluntas Pontificis, ut duo necessario constituantur. Idque usu ita receptum est, ut videre maxime licet in monasteriis monialium, quibus non minus necessaria est providentia illius Pontificii decreti; & tamen quando numerus religiosarum magnus non est, unus tantum Vicarius, vel confessor ordinarius ab Episcopo, vel Prælato eis solet assignari. Idque plane supponit Concilium Tridentinum sess. 25. de Regular. cap. 10. solumque providet, ut, *præter ordinarium confessorem, alius extraordinarius ab Episcopo, & aliis Superioribus, bis, aut ter in anno offeratur, qui omnium confessiones audire debeat*. Unde possumus retorqueri argumentum supra factum, quia non est necessarium multiplicare hos confessores, ubi numerus re-

ligiosorum plures non requirit; ergo ubi propter numerum plures multiplicantur, non oportet singulos designari pro toto conventu, sed satis est unicuique certam aut definitam partem ejus committere. Quarto secus speciali jure potest uterque illorum modorum eligi, & unaquæque religio, vel Superior ejus posset inter illos duos modos prudenter arbitrari, vel priorem eligendo, tanquam humanæ fragilitati magis accommodatum, vel posteriorem tanquam ad severitatem disciplinæ religiosæ, & ad perfectius regimen spirituum animarum magis aptum: ergo non est verisimile, voluisse Pontificem excludere hunc posteriorem modum, & priorem omnino præcipere, præsertim pro ordinariis confessionibus peccatorum non reservatorum, nam de reservatis infra dicemus, in cap. 18.

8 Sed quæret aliquis, cur hujusmodi confessarius delegatus a nobis dicitur, & non potius ordinarius, sicut Prælati ipse Conventualis ordinarius est, non obstante jurisdictione Provincialis. Est enim contiderandum, quod licet Prælati Conventualis comparetur Parocho, quia ad unam tantum Ecclesiam, seu locum jurisdictionem suam ordinariam definitam habet: nihilominus quoad jurisdictionem habet illam superioris rationis, & quasi Episcopalem, & ideo casus habet sibi reservados, & non constituitur, ut ordinarie confessiones subditorum audiat, ergo optime potest habere sub se confessorem, qui vere sit tanquam Parochus in hoc foro, & consequenter habet jurisdictionem ordinariam: ergo, cum talis confessor ex legis necessitate constituendus sit pro tali munere, potius dicendus est habere jurisdictionem ordinariam, quam delegatam. Et confirmatur: nam hujusmodi confessor solet a Provinciali, vel Definitorio eligi, sicut alii ordinarii officiales, & ex vi sui muneris requirit hanc jurisdictionem: ergo est ordinarius.

9 Respondetur, in primis a posteriori constare, hanc solum esse delegationem jurisdictionis, quia (quod ad rem maxime spectat) non potest hujusmodi confessor suam jurisdictionem alteri committere; si autem haberet illam ut ordinariam, posset eam delegare. Antecedens patet ex consuetudine, & ex more Prælatorum. Item est optima ratio, quia Prælati dum committunt vices suas hujusmodi confessori, eligunt industriam personam. Unde etiam Clemens in dicto decreto dicit, designandos esse confessores, qui sint docti, prudentes, & charitate præditi. Ergo solum eis committitur, ut per se possint talem jurisdictionem exercere, juxta commissionem sibi factam. Denique, hæc jurisdictio pendet ex hominis concessione, & ab illius voluntate descendit: est ergo delegata. Nec refert, quod ex necessitate legis, seu regiminis talis confessor constituendus sit, nam hoc ipsum sufficienter fit per delegationem. Quod vero talis jurisdictio committatur a Provinciali, vel a proximo Superiore, parum refert, quia ab utroque fieri potest per modum delegationis. Nec invenio hoc universali aliquo jure definitum: nam Clemens VIII. in dicto decreto solum dixit, *Superiores in singulis domibus deputent*, & c. quod respectively referendum est ad eos Superiores, ad quos provisio talium officiorum spectat: qui autem illi sint in unaquaque religione, ex proprio jure, & modo regiminis intelligendum est.

10 Addendum vero ulterius est, non obstante illa delegatione, vel ordinaria commissione, quam Prælati ex officio faciunt, constituendo ordinarium confessorem, posse extraordinarie eandem jurisdictionem suam aliis delegare, vel ex parte Sacerdotis, dando illi directe jurisdictionem, vel ex parte subditi pœnitentis, dando illi facultatem ad eligendum confessorem. Hoc constat, quia ordinaria potestas pluribus delegari potest, quod maxime locum habet in hac jurisdictione, quæ non exercetur sine voluntate, & subjectione pœnitentis: per hoc autem, quod Superior potestatem suam uni commisit, non se privavit potestate, & libertate delegandi aliis eandem jurisdictionem. Solum observare debet Prælati primum, ne hoc faciat modo sibi prohibito per suam regulam: nam licet pro una vice, seu ad aliquem actum facile hoc concedatur Prælati; tamen concedere subdito absolutam, & permanentem facultatem eligendi confessorem quem

Unusmodus delegandi plures confessarios in uno conventu. Altermodus.

Quæstionem submissam, an confessor juxta Clementem designandus, dicendus sit delegatus.

Observanda circa hanc partem.

quem voluerit, forte non possunt secundum regularem disciplinam. Et similiter quamvis possit committere cuiusque Sacerdoti, ut semel audiat confessiones subditorum, tamen constituere illum, ut ordinarium confessorum simul cum alio, præsertim respectu eorundem pœnitentium, sæpe etiam non poterit secundum regulam: illa ergo est consulenda, & observanda. Plurimum etiam advertere debet, ne nimia facilitas in his facultatibus, vel delegationibus vergat in spirituale nocuum subditorum; quod facile accidere potest, nisi in personarum selectu magna consideratio habeatur.

C A P U T XVI.

An in aliis etiam præterquam in Prælati religioforum, vel eorum delegatis, sit potestas illos absolvendi.

Ille occurrit quæstio, an liceat religiosis alteri confiteri præterquam Confessori sibi designato a suis Prælati, vel de illorum facultate. Et ut certa ab incertis separemus, non est quæstio de confessione venialium, vel in universum de materia non necessaria: quia ad hanc, ut rite fiat, non est necessaria specialis iurisdicção, sed illa sufficit, quæ omnibus simplicibus sacerdotibus communis est: & ideo si a religioso fiat talis confessio sine licentia Prælati, in rigore valida erit, nec erit gravius peccatum, quam sit unius regulæ transgressio, quæ, si non obligat in conscientia, illa imperfectio per se non attinget venialem culpam; & licet obliget in conscientia, non credo esse illam materiam moralis culpæ, per se loquendo, ac secluso contemptu, vel scandalo: quia, cum sacramentum de se sit validum, & alioquin non simpliciter necessarium, modus ille non est adeo gravis, ut defectus illius ad peccatum mortale sufficiat. Difficultas ergo est de confessione de materia necessaria. In qua etiam est certum, jure ordinario, & secluso privilegio, non posse regulares alii confiteri, nisi confessoribus a suis Prælati designatis: quia reliqui iurisdictionem in illos non habent. De privilegiis ergo est dubium, quod ex parte pœnitentium, & ex parte confessorum tractari potest.

An per Cruciatam queant religiosi eligere Confessorem.

2 De pœnitentibus est commune dubium, an religiosus per Bullam Cruciatæ possit eligere Confessorem approbatum, quem voluerit, invito, vel non consentiente suo Prælati. Quæ res satis est controversa inter modernos, & multi partem affirmantem sequuntur: quia Bulla illa pro omnibus fidelibus conceditur, & quoad hanc facultatem generaliter etiam loquitur, illam tribuendo omnibus fidelibus: ergo comprehendit etiam religiosos, maxime cum sit favor, qui ampliandus est. Et quamvis religiosus ratione indigeat facultate Prælati, ut licite accipiat Bullam, vel ut expendat elemosynam ad illam necessariam, vel ut faciat actionem, sine qua effectus Bullæ comparari non potest; tamen hæc licentia Prælati solum est necessaria, ut recte, & ordinate hæc fiant. Si tamen, prætermisso hoc ordine, & sine debita licentia fiant, facta tenent, & sufficiunt ad effectus Bullæ consequendos, si aliud impedimentum non obstat: quia ille modus recte operandi non est de substantia talis actionis, vel effectus, nec culpa illa videtur ex suo genere esse grave peccatum: quod si aliquando fuerit, per pœnitentiam deleri poterit, acceptio tamen Bullæ valida manebit, & consequenter usus ejus poterit postea esse fructuosus. Igitur si religiosus Bullam acceperit de licentia Prælati, si non, poterit postea per illam eligere Confessorem independentem a voluntate Prælati: quia non potest inferior Prælati prohibere facultatem a Superiore datam, vel usum ejus: Pontifex autem, qui est supremus Prælati, dat facultatem eligendi Confessorem: ergo non potest Prælati religionis illam prohibere. Et confirmatur: nam multi religiosi docti, & timorati hanc sententiam sine scrupulo sequuntur in praxi, etiam videntibus suis Prælati, & tacentibus.

3 Respondeo nihilominus, contrariam sententiam

esse veram, securam, & religioni maxime consentaneam, quam plures, & graves Theologi nostri temporis tenent; quibus addi possunt Garzia, de Benef. 2. p. cap. 5. a nu. 6. Ledesma, 2. p. 4. q. 29. art. 2. Contuba in annot. super regul. D. Francisci. c. 7. q. 8. puncto 2. Paraseli. de privil. Minorum cap. 10. Sebastianus a Costa d. Andrade in expos. Cruciatæ, q. 107. Potest autem dupliciter fundari: primo, quia licet in principio cum ea generalitate concessa sit, postea Pontifices revocaverunt illam concessionem, quantum ad religiosos, eisque tanquam religionis privilegium concesserunt, ne quis posset ea facultate Bullæ uti, ita concessit Minoribus Leo X. ut refertur in Supplem. concess. 144. & 168. & Pius V. Prædicatoribus, ut refert Paraseli in Compendio privilegiorum Minorum, & Emmanuel Rodriguez post expositionem Bullæ Cruciatæ; & Alexander VI. idem concessit Cisterciensibus, ut refertur in eorum Compendio, verb. *Cruciatæ*, & Gregor. XIII. Societati Jesu in Bulla de usu facultatum. Ad hæc vero, & similia indulta responderi potest, hos Pontifices potuisse revocare priores Bullas, vel restringere, quas ipsi concedebant; non tamen potuisse modum ponere posterioribus Pontificibus, & ideo per posteriores Bullas Cruciatæ revocari concessionem illas, & denuo facultatem illam generaliter concedi.

4 Sed contra hoc est, quia in ultima clausula ejusdem Bullæ, etiam expeditæ a posterioribus Pontificibus, additur limitatio, *Exceptis tamen, quæ concessa sunt Ordinum Mendicantium Superioribus, quoad eorum fratres*. Quæ exceptio generalis est, & ideo cadit non tantum in indulgentias, ut quidam sine ratione volunt, sed absolute in omnes gratias, & facultates in Bulla concessas, nam clausula in fine posita, & verbis generalibus concepta, cadit in omnia præcedentia, ut Juristæ communiter docent, & est per se evidens, quia si clausula sit distributiva, non debet restringi, si vero est indefinita, æquivalere universali, neque est ulla ratio determinandi verba ad unam partem potius, quam ad aliam, juxta ea, quæ tradit Abbas in cap. secundo requirit, de appellat. num. 10. & 11. cum Bartolo in l. talis Scriptura, fide leg. I. ergo ex vi illius clausulæ non revocatur illud privilegium religioni, & Superioribus concessum. Hoc vero fundamentum, licet sit probabile pro illis religiosis, quibus illa concessio facta est, non vero satisfacit pro omnibus absolute. Item, licet habeat locum in dicta revocatione Bullæ Cruciatæ facta cum illa limitatione, non tamen in aliis Bullis, quæ generalius loquuntur.

5 Secundo ergo, & melius, ut opinor, fundatur hæc sententia in hoc, quod talis facultas nunquam fuit per Bullam Cruciatæ religionis concessa. Quod primo probatur: nam fere omnes citati Pontifices in citatis scriptis, verbis utuntur non tam concessivis, quam declarativis: ergo non revocant facultatem per Bullam concessam. Antecedens patet ex Bulla Pii V. ubi referens factum, ait, *Nonnulli his facultatibus uti presumunt, & illarum pretextis eligunt Confessorem*, ubi verbum, *presumunt*, & vox, *pretextis*, indicant id non legitime fieri: & postea concludit, illa privilegia quoad hoc non habere locum in prædictis fratribus, *Apostolica* (inquit) *auctoritate tenore presentium perpetuo declaramus*. Clarius vero Gregor. XIII. in decreto Societatis declarat, *non esse, nec fore unquam mentis sue, aut Sedis Apostolicæ, ut persona Societatis*, &c. & Alexander III. in favorem Cisterciensium similiter declaravit, *non esse mentis sue*, &c. Paulus V. etiam confirmavit denuo omnia privilegia Societatis, quæ antea erant revocata, ut pristinum haberent vigorem in Bulla anni 1606. quæ incipit, *Quantum Religio*. Ex his ergo, & similibus colligimus illam non fuisse restrictionem, sed juridicam Bullæ declarationem, ac proinde & esse perpetuam, nunquamque revocari, & esse universalem: nam licet ad peculiarem religionem dirigatur, quia ad illius petitionem facta est, omnes comprehendit, in quibus eadem ratio juridicæ declarationis versatur. Simile argumentum sumo ex quadam declaratione Cardinalium, facta ad petitionem Patriarchæ Valentini, quæ declaravit, moniales Episcopo subditas non posse vigore facultatis in Bulla concessæ alios confessorios, præter eos, qui ad audiendas ipsarum

Resolutio
affirm.
quoad ab-
solutionem
venialium.

Quæstio
presentis
capitis
bipartita
pro mor-
galibus.

ipsarum monialium confessiones ab eodem Ordinario approbati fuerint, eligere. Quæ declaratio non potuit fundari in speciali aliquo privilegio illis monasteriis, vel Episcopis eorum Prælati concessio: quia nec de illo constat, neque illa interrogatio, seu petitio declarationis fuisset necessaria, si tale privilegium existeret: fundatur ergo in ratione juridica, quæ aliis regularibus communis est.

Accedit tandem Bulla Clementis VIII. anno 1599. 23. Novembr. edita, in qua prædictus Pontifex perpetuo declarat concessionem Cruciatæ, & aliorum privilegiorum, seu indulgiorum particularium, quæ ab Apostolica Sede concedi solent, quantum ad articulum eligendi confessorum, & absolvendi a casibus reservatis cum religiosis, & monialibus quorumcumque ordinum, locum minime habere, nec censei; sed suæ intentionis existere, quod prædicti religiosi & moniales quantum ad Sacramentum Pœnitentiæ, seu confessionis administrationem, dispositioni suorum Prælatorum subiecti sint. In qua quidem constitutione declarat Summus Pontifex nec suæ intentionis, nec Sedis Apostolicæ fuisse, vel esse, quod religiosi vel moniales cujuscumque Ordinis uti possint privilegii Cruciatæ quoad effectum eligendi confessorum, vel absolvendi a reservatis. Ex dictis vero jam sic efformo argumentum: Non solum alii SS. Pontifices, sed Clemens VIII. declarat concessionem Cruciatæ, & privilegia illius quoad eligendum confessorum, vel absolvendum a reservatis, non habuisse nec habere locum in religiosis vel monialibus usque ad ejus tempora: Ergo neque modo habebit. Valer consequentia, quia tenor Bullarum subsequentium est omnino idem, & immutatus, præsertim quoad extensionem, seu comprehensionem personarum, quæ privilegiis Bullæ uti possunt, & solum certo numero annorum, v. g. sexro quoque anno novam a Sede Apostolica accipit confirmationem, vel renovationem, eodem, inquam, manente tenore Bullæ; ergo si antea concessio Cruciatæ non comprehendebat personas religiosas, ut prædicti Pontifices declarant, nec modo comprehendet, nam nova extensio ad illas non censetur fieri, nisi id explicetur nova aliqua clausula, seu verborum declaratione, ut per se patet.

6 Ratio autem esse videtur, quia sub clausula generali non comprehenduntur particularia, quæ non esset quis verisimiliter in specie concessurus, ut est regula, in generali, de Regulis juris, in 6. cap. 2. de pœnit. & remiss. in 6. In præsentia autem facultas hæc habet in religiosis specialem quandam rationem, & (ut ita dicam) deformitatem: ergo non est verisimile comprehendere religiosos sub verbis tantum generalibus, quantum ad illam facultatem, etiam si quoad alios favores Bullæ comprehendantur. Minor patet, quia talis facultas verget in magnum detrimentum religionum, ut Pius V. in prædicto indulto fateretur: potest enim illa esse occasio dissolutionis & relaxationis disciplinæ religiose, ut Gregor. XIII. significat: non est autem verisimile voluisse Pontifices sub generalibus verbis tantam licentiam religiosis concedere. Quod declarari potest ex alio principio, quod Pontifex concedendo privilegium generale, non præsumitur comprehendere particulares casus, qui includunt præjudicium tertii, vel sunt contra specialem jus alterius: in præsentia autem intervenit præjudicium religionis, & pecuniarum ejus Prælatorum ejus, quod sine dubio habet aliquid magis speciale, quam jus Parochorum, vel Episcoporum circa subditos seculares, quatenus Prælati regulares habent specialem obligationem procurandi non tantum salutem, sed etiam perfectionem suorum subditorum, & conservationem suæ religionis, quoad disciplinam religiosam; ergo.

7 Accedit tandem quod in nonnullis Jubileis, in quibus Pontifices volumi hanc gratiam facere religiosis, id verbis propriis, & specificis declarant: ergo signum est, cum generatione tantum loquuntur, non esse mentem eorum comprehendere religiosos. Ubi animadvertitio dignum censeo non inveniri (quod ego viderim, aut legerim), has sententias concessiones, nisi in aliquibus facultatibus, quæ una vice tantum & raro, & ex gravissimis causis propter au-

quo I solenne Jubileum conceduntur, quod non solum sine præjudicio religionum, sed etiam cum fructu potest interdum fieri ad subveniendum omni generi personarum, & uni, vel alteri, qui fortasse ob nimiam verecundiam, aut pravam consuetudinem oneratam habent conscientiam. At vero in concessionibus perpetuis, vel quæ ad longum tempus, & quæ ad ordinarium usum confessionis conceduntur, nunquam fit illa specifica concessio, quia per licentiam generalem, & talem ordinarium usum plane everteretur disciplina religiosa: multi enim timorem ac pudorem religiosum amitterent, ex quo etiam non parva infamia religionibus crearetur: signum ergo est Pontifices per generalia verba non intendere has específicas concessionem. In quo etiam expendo circumspectionem Concil. Trident. sess. 25. cap. 10. ubi cum expediens judicaverit bis, aut ter in anno dari monialibus extraordinarios confessores; nihilominus illos voluit esse designatos ab Episcopis, vel Superioribus: quia cum illa esset lex perpetua, inconveniens maximum reputavit liberam facultatem facere monialibus, ut vel semel in anno possent suo arbitrio eligere confessorum: qui ergo credibile est Pontificem eis concedere absolutam licentiam id semper faciendi quotiescumque voluerint, per hæc privilegia, quæ vel perpetua sunt, vel per continuam successionem semper durant. Quod si monialibus hoc Pontifex non concedit per generalia verba, certe nec viris regularibus, in quibus non minor ratio specialitatis militat.

8 Quapropter quod de Bulla Cruciatæ dicimus, verum esse censemus de omnibus Bullis, ut Trinitatis, aut aliarum confraternitatum, & similibus indultis, per quæ conceditur hæc facultas permanens, & generalis per similia verba, propter easdem rationes. Estque de hoc egregia declaratio, & concessio facta Ordini Cisterciensium, ut habetur in ejus Compendio, verb. *Confessionale*, §. 4. ubi ita concluditur, *Si quis ergo monachus, vel monialis quodcumque confessionale impetraret, aut eo absque Superioris facultate uti presumpserit, eo ipso impetratis caret, ac pœnis constitutionum, & definitionum inhabilitatis, & suspensionis subicitur, prout concessit Clemens VII.* In Jubileis autem, ut dixi, quæ pro uno tantum actu conceduntur, facilius est admitti illa extensio, sed in eis necessarium judico, ut aliquibus specialibus verbis sufficienter ostendatur illam fuisse intentionem concedentis.

9 Ad fundamentum ergo contrariæ opinionis, concessis omnibus, quæ in ea præmittuntur, negamus Pontificem, talem licentiam religiosis concedere; ideoque si accipiant Bullam de licentia Prælati, siue absque illa, non possunt uti illa facultate Bullæ; non quia Prælati tollat illam, sed quia Pontifex non dedit. Dices, ergo quamvis Prælati det facultatem non solum accipiendi Bullam, sed etiam utendi omnibus facultatibus ejus, non poterit religiosus uti hac facultate, quia non est sibi facta per Pontificem. Respondeo primum, si Prælati verba sint tantum generalia, idem censeo, propter ea, quæ dixi de specialitate hujus facultatis, quæ multo major mihi esse videtur persona religiosa, quam sit in persona seculari facultas ab Episcopo data confitendi alteri de sibi reservatis: at vero jus declarat sub facultate Episcopi ad absolutionem de omnibus peccatis non comprehendere reservata: ergo similiter in præsentia sub generali licentia fruendi gratiis Bullæ, non comprehenditur hæc facultas, quæ vix potest prudenter concedi. Deinde, si in particulari hoc etiam concedat Prælati, poterit religiosus illa facultate uti vel quia ipse Prælati potest per se illam concedere, vel certe, quia tunc cessat præjudicium tertii, & ideo possunt verba Pontificis ad illam personam extendi, quia se gerit tanquam liber, & sui juris. Atque hoc modo excusari possunt religiosi, qui in praxi sequuntur alteram sententiam: quia Prælati eorum tacite consentiunt, dum sciunt, & non resistunt: quod si non, ipsi Prælati videant cur, & quomodo id faciant. Ego vero existimo eos magis fundari in ignorantia, putantes contrariam sententiam esse practice probabilem: quod ego mihi non existimo.

10 Solent autem peculiariter dubitari, an idem dicendum sit de novitiis, quod nimirum non possint uti Bulla quoad hanc facultatem sine licentia Prælatorum.

Alterum
judicium
ex Trid.

Didici hæc
genus de
Bulla
Cruciatæ
extenduntur
ad
alias.

Ad arg.
in num. 20

Accedit
etiam
judicium
ex tribus
viam
Jubileis

Videri
quoque
novitiis
non
posse
ut
Cruciatæ.

Videm;

Videntur enim rationes factæ in eis procedere, non quoad hoc judicandi sunt ac si essent veri religiosi, nam prout sunt sub jurisdictione religionis quoad hoc forum, ut in simili dixit Cord. lib. 1. Questionarii, q. 30. ex quo loco possunt multa desumi ad hanc partem confirmandam. Nihilominus probabilius cenſeo, posse novitios gaudere hoc privilegio Bullæ, si eam acceperint antequam religionem ingrediantur, siue postea illam sumpserint de licentia Prælatorum, vel absque illa. Ratio est, quia si attendantur generalia verba Bullæ, omnes comprehendunt: specialis autem illa ratio, ob quam credimus non comprehendere religiosos quoad hanc facultatem, non ita habet locum in novitiis: tum quia vere non sunt religiosi, & simpliciter liberi sunt, ut de se, & de actibus suis possint disponere, cap. *religioso*, de sent. excom. cap. *non solum*, de Regul. in 6. cum similibus tum etiam, quia ex eo, quod novitii habent hanc facultatem, non sequitur morale detrimentum religionis: ergo nullum habemus sufficiens fundamentum, ut eis hanc gratiam denegemus. Quin potius etiam post declarationes Pontificum, quod religiosi non possint uti tali facultate sine licentia suorum Prælatorum, probabilius est novitios posse nihilominus uti prædicta facultate Bullæ: quia quoad hunc rigorem non comprehenduntur sub religionum nomine juxta generalem regulam Doctorum dict. cap. *religioso*, & Summistarum verb. *religio*, & aliorum quos congerit Tiraq. de utroque retractu part. 1. §. 1. glof. 8. num. 28. & sequentibus, quæ hic maxime locum habet, cum non militet in præſenti eadem ratio in novitio, quæ in vero religioso quoad subjectionem, & dependentiam a suis Prælati. Et hanc sententiam tenent frequentius moderni Doctores, & alii, quos referemus in puncto sequenti.

An per privilegium unius religionis possit absolvi pœnitens alterius religionis.

11 Aliud membrum supra propositum in fine nu. 1. erat, an ex parte confessorum sit in aliquibus jurisdictioni seu potestas per privilegium aliquod concessa, ratione cujus possint religiosi eis confiteri sine suorum Superiorum facultate. In quo solum est dubium de jurisdictione delegata a Papa, seu per privilegium Sedis Apostolicæ: inferior enim sufficere non potest eo, quod religiosi sint exempti (de his enim loquimur) a jurisdictione omnium aliorum Prælatorum extra suam religionem, non minus in foro pœnitentiæ, quam in exteriori: igitur neque ab ipsis Prælati externis absolvi possunt: multo ergo minus a delegatis eorum. De habentibus autem jurisdictionem delegatam per Pontificia indulta, est nonnulla ratio dubitandi: quia religiosi non sunt exempti a jurisdictione Pontificis; sed Pontifex concedit mihi, v. g. jurisdictionem, ut possim audire confessiones sibi subditorum: ergo possum audire confessiones quorumcumque religionum; ergo & ipsi poterunt mihi confiteri sine facultate suorum Prælatorum, vel etiam contra prohibitionem illorum, quia non videntur posse id prohibere: sicut non potest Parochus prohibere subdito suo, ne religioso privilegiato, & approbato confiteatur.

12 Nihilominus dicendum est, unumquemque religiosum debere in hoc servare suum institutum, quod maxime in hac parte semper erit munitum Sedis Apostolicæ approbatione, & confirmatione. Si ergo Prælati alicujus religionis juxta suam regulam non prohibent subditos suos confiteri cuicumque habenti aliâ jurisdictionem sufficientem in illo foro, poterunt tales religiosi absolvi non tantum a suis Prælati, sed etiam a quibuscumque religiosi privilegiatis ad tale munus. Quia confessores ipsi de se potestatem habent ad quasque confessiones audiendas, si aliâ ex parte pœnitentium non sit impedimentum; sed in hujusmodi religiosi non est impedimentum, quia seculi prohibitio non est instituta, aut Prælatorum, nullum est: ergo. Solum in hoc potest adverti, contingere posse, ut in aliqua religione sint aliqui casus peculiariter reservati, quamvis aliâ non sint prohibiti confiteri dicto modo, & tunc licet confessio de aliis peccatis fieri possit dictis confessoribus, quoad reservata vero servanda erit regula statim tradenda de cæteris religiosi, quibus specialiter prohibitum est confiteri alicui sine licentia sui Prælati. Quia Prælati talis religionis tunc non dant facultatem

supra peccata sibi reservata: tum quia nec jurisdictionem, seu facultatem tribuunt, ut supponamus, sed tantum non prohibent: tum etiam, quia licet darent facultatem confitendi cum vellent, non intelligerentur comprehendere casus reservados sub illa generali concessione, juxta cap. 2. de pœnit. & remiss. in 6. Neque etiam potestas, quam confessores aliunde habent, extenditur ad hos casus reservados, propterea, quæ statim dicemus. Existimo autem paucas esse, vel nullas religiones, in quibus tantam habeant religiosi libertatem, sed in omnibus observatur, ut religiosi nemini possint confiteri, nisi vel proprio Prælato, vel de licentia ejus, seu confessori ab ipso designato.

13 Sic ergo dicendum est, hujusmodi religiosos non posse confiteri aliis religiosi, vel sacerdotibus, etiam his, qui aliâs habent jurisdictionem delegatam a Papa, ut confessiones generaliter audiant, ita sentiant Doctores omnes, quos statim referam. Aliqui conantur hoc fundare in sola potestate ordinaria Prælatorum religionis: nam qui potest ligare, potest absolvere, cap. *si inferior*, 21. d. & cap. *si Petrus*, 24. quest. 1. quod principium maxime verum habet in habente ordinariam potestatem; sed Prælati religionum data est potestas absolvendi suos religiosos: ergo possunt etiam eos ita ligare, ut ab aliis absolvi non possint. Et confirmatur; nam ob hanc rationem possunt casus sibi reservare. Confirmatur secundo: nam Prælati religionum commissa est propria cura spiritualis suorum religionum, & ideo illis data est plena jurisdictione ordinaria in hoc foro: ergo eo ipso est eis concessum, ut sine eorum facultate non possint aliis confiteri.

14 Hæc vero rationes, & similes, licet probent respectu inferiorum Prælatorum, aut confessorum habentium ab eis delegatam jurisdictionem, non tamen respectu confessorum habentium jurisdictionem a Papa. Nam illud principium; Qui potest absolvere, potest & ligare (præter alias fallentias, vel interpretationes, quas recipit) ad summum procedit respectu inferioris, vel æquâ illis iudicis, non vero respectu superioris: nam inferior non potest ita ligare subditum, quin a superiore Prælato possit absolvi. Eadem autem ratio est de Superiore ac de delegato ejus, quia censetur esse una jurisdictione. Quamvis ergo Prælati religionis possint ligare subditum, ne ab alio possit absolvi, non tamen potest in ea ligatione comprehendere Pontificem, vel habentem potestatem ab illo: hic autem agimus de confessoribus habentibus a Pontifice potestatem. Unde ad primam confirmationem eodem modo responderi potest, licet Prælati religionis possint reservare casus respectu inferiorum, vel æqualium, non tamen respectu Papæ. Et patet, quia etiam Episcopi possunt reservare casus, & tamen religiosi aliqui per indulta Pontificia possunt ab illis absolvi: ergo eadem ratione poterunt absolvi a peccatis reservatis a religionum Prælati. Unde etiam non videtur urgere 2. confirmatio, quia, quamvis oves alicui, ut proprio Pastori committantur, si semper manet integrum jus supremi Pastoris, ut per se, vel per alium possit in eas influere.

15 Oportet ergo ostendere, non esse voluntatem ipsius Pontificis delegare cuiquam suam jurisdictionem respectu aliorum regularium, repugnantis, vel non consentientibus Prælati illorum: hic enim est punctus difficultatis: nam revera, si Papa voluisset aliter illam jurisdictionem concedere, potuisset, & factum teneret, ut probant tam ratio dubitandi in principio posita, quam objectiones factæ contra superius fundamentum. Illud autem assumptum probatur ex privilegio Innoc. IV. concessio Ordini Prædicatorum, scilicet, ut fratres habentes facultatem, ut confessiones generaliter audiant, non possint talium religionum confessiones audire, nisi pœnitentes a suis Prælati licentiam habeant. Quo privilegio gaudent per viam communicationis aliæ religiones, quæ illam habent. Refertur autem illud privilegium in Supplement. Minor. & in lib. Monument. Ordin. & in Compendio Secretaris, verb. *Confessarius* §. 5. Idem refertur concessum Minoribus, & Carmelitis, ut refert Emmanuel Rod. tom. 1. q. 62. artic. 4. quamvis solum videatur intelligere prohibitionem illam quoad alios Prælatos, vel confessores ab eis approbatos, & jurisdictionem habentes: tamen propter

pter hoc solum non erat necessaria specialis prohibitio: quia illud ex vi exemptionis, & jurisdictionis horum Prælatorum prohibitum erat, ut probat primum fundamentum adductum in num. 13. ergo universalis intelligenda est illa prohibitio de quibuscumque confessoribus. Idem concessum esse ab Innocen. VIII. & Julio II. Ordini Eremitarum S. Augustini, refertur in Compendio Mendicantium verb. *Confessio*, & *Confessor*, §. 6. & 7. & Clemens VII. ac Gregor. XI. idem concesserunt Ordini Cisterciensium, ut habetur in ejus Compendio verb. *Confessor*, §. 3. ubi etiam dicitur, ab antiquo fuisse illi Ordini indultum, ut unusquisque Monachus confiteri debeat suo Prælato, vel aliis de ejus licentia, aut designato confessori Conventuali. Quæ concessio intelligi debet exclusive, scilicet ut alteri confiteri non possit, quantumcumque ipse confessor aliunde habeat jurisdictionem ad confessiones audiendas. Idem enim Pontifex, qui talem jurisdictionem concessit, potest alia via limitationem hanc adhibere, scilicet, ut respectu regularium nemo uti possit tali jurisdictione, nisi pœnitens a suo Prælato facultatem habeat. Denique limitationem illam expresse posuit Benedictus XI. in Extravag. *Inter cunctas*, de Privilegiis dicens, *Non religiosi, qui secundum statuta suorum Ordinum propriis Prælati confiteri debent, aut ab eis, ne confiteantur aliis prohibentur*. Atque ita est etiam consuetudine receptum in omnibus religionibus bene ordinatis. Quæ consuetudo sufficiens esse solet ad suo modo dandam, vel tollendam jurisdictionem in hoc foro. Unde nec moniales etiam confiteri possunt quibuscumque regularibus confessoribus, nisi de licentia suorum Prælatorum. Et ideo Congregatio Cardinalium circa cap. 10. de Regul. sess. 25. Concil. Trident. declaravit, etiam extraordinarios confessores, qui aliquoties in anno dandi sunt monialibus, a Prælati illarum esse approbandos, ita ut si monasteria sint subiecta regularibus, Episcopi approbatio non sufficiat, nisi in aliquo extraordinario casu, quem infra in speciali capite de monialibus fortasse attingemus.

16 Tandem ex his omnibus probabiliter conjectare possumus, a principio non fuisse mentem Pontificum concedentium religiosi jurisdictionem ad confessiones audiendas, illis concedere facultatem audiendi confessiones regularium invititis eorum Prælati: nam quæ a Deo, & ejus Vicario sunt, ordinata sunt: cum ergo Prælatus religionis ab ipso Pontifice habeat jus prohibendi subdito, ne extraneis confiteatur, inordinatum esset, ut alii nihilominus haberent jurisdictionem ab eodem Pontifice ad tales confessiones audiendas. Dices, eadem ratione diceretur esse inordinatum, quod habeant jurisdictionem audiendi confessiones secularium invititis Parochis, vel Episcopis. Respondeo, non esse similem rationem, quia non est tanta dependentia voluntatis hominis secularis a suo Episcopo, vel Parocho, quanta esse debet voluntatis religiosi a suo Prælato: nec etiam est tam necessaria subordinatio inferioris ad superiorem, nec tam intima cognitio, quam superior debet habere de inferiore: & ideo in statu religioso multum invertitur debitus ordo per hujusmodi libertatem subditorum; quod non ita fit in statu seculari. Propter hoc ergo satis verisimile est, Pontifices nunquam intendisse dare hanc jurisdictionem cum detrimento religiosi ordinis ac disciplinæ: & ad hoc confirmandum juvant, quæ supra in simili puncto diximus, & per hæc satis respondum est rationi dubitandi in contrarium.

C A P U T XVII.

An saltem pro religiosi peregrinis, ac novitiis absolvendis detur in aliis dicta potestas.

Respon-
sio
generalis.

1 Pæculiare autem hic dubium circa hoc occurrit de religiosi peregrinantibus, cui possint, aut debeant confiteri de non reservatis; (nam de reservatis in cap. 19. nu. 2. dicemus.) In quo juxta regulas juris communis dicendum est, debere confiteri ei, qui in loco, in quo inveniuntur, jurisdictionem habet ordinariam, vel delegatam, ut ex propria materia de pœnitentia constat. Quia vero religiosi etiam in hoc regi solent speciali jure, illud unusquisque servare debet, quod ad se pertinet, & generalis regula erit, ut unusquisque sequa-

tur directionem sui Prælati, vel suæ regulæ, juxta dicta in proximo capite. Certum est enim religioso peregrinanti nec debere, nec posse denegari facultatem, ut alicui confiteri possit, quia hæc necessaria est, considerata hominis fragilitate, &, seclusa præcisa necessitate, ad majorem perfectionem etiam confert.

2 Deinde, distinguere possumus veluti tres casus, Deciditur unus casus circa peregrinos. Primus est, quando religiosus peregrinus secum defert socium ejusdem religionis, sacerdotem, & sufficientem ad confessiones audiendas: & tunc communis observantia esse solet, ut religiosus peregrinans debeat socio confiteri, & non alteri, quia hæc solet esse voluntas Prælatorum, quæ licet aliquando non sit expressa, sufficit tacita, & inclusa in ipsa licentia sic peregrinandi, quam recta ratio, & communis consuetudo satis indicant. Secundus casus est, ut religiosus peregrinus sit hospes in alia domo, vel monasterio ejusdem religionis: & tunc regula est, ut confiteri debeat vel prælato ipsius domus, vel alteri de licentia ejus, vel confessori conventuali, qui est quasi Ordinarius illius loci; non tamen poterunt confiteri aliis religiosi ejusdem domus, si ad audiendas confessiones suorum religiosorum a prælatis expressi non sint. Ratio est, quia illi non habent jurisdictionem ad audiendas confessiones religiosorum: ergo nec circa hospitem habent. Deciditur alter casus. Prælatus vero, vel Ordinarius habent jurisdictionem, cui jure hospitii subdi potest peregrinus pro eo tempore, quo ibi moratur. Ratio decisionis.

23 Dices, rationem hanc procedere considerando jurisdictionem, ut manantem a prælato illius domus, vel per se illi convenientem: secus vero intelligi posse de jurisdictione manante a prælato ipsiusmet peregrini, qui dedit illi facultatem eligendi confessorem; ut de clerico seculari statim dicemus. Ergo per illam poterit eligere quemcumque religiosum illius domus. Respondent aliqui, non posse, quia alii religiosi illius domus non sunt approbati a prælato religionis ad audiendas confessiones religiosorum: religiosi autem quamvis possint eligere sacerdotem non approbatum ab Episcopo, juxta Conc. Trident. non tamen possunt eligere juxta antiquum jus (quod Tridentinum in hac parte non mutavit,) nisi sacerdotem approbatum a suis prælatis. Sed hoc non satisfacit: nam vel approbationem intelligunt collationem jurisdictionis, & sic est verum, quod assumitur, tamen in eo, quod subsumitur, petitur principium: nam hoc est, quod contendimus, scilicet quemlibet religiosum electum a pœnitente, eo ipso esse approbatum ab ipsius prælato, per facultatem, quam ille fecit eligendi confessorem; sicut de seculari clerico statim dicemus. Si autem per approbationem intelligatur judicium prævium, seu declaratio authentica de sufficientia ad audiendas confessiones, qualem nunc requirit Conc. Trident. ab Episcopo datum ad audiendas confessiones secularium; sic falsum est assumptum, quia nec antiquo jure fundatum est, nec consuetudine constat, ut ex sequenti casu evidentiùs constabit. Item illo modo non satis sit difficultati; nam possunt esse in illa domo multi, qui sæpius fuerunt confessores fratrum, & tunc non sint, qui, quantum ad approbationem, quæ excogitari potest, seclusa jurisdictione, merito censeri debent approbati, & tamen non licet hospiti eis confiteri. Dico ergo, rationem hujus esse, quia in eo casu non potest manare jurisdictio a prælato pœnitentis. Nam facultas, quæ illi datur ad eligendum confessorem, solum est pro casibus necessitatis, quando deest ordinarius confessor ejusdem religionis; tunc autem jure hospitii ille habet sufficientem ordinarium confessorem ejusdem religionis, etiam applicando cum proportionem jus commune: ergo tunc celsat facultas eligendi confessorem, & consequenter deest omnis jurisdictio, quæ manare potest a prælato pœnitentis. Unde si Prælatus concessisset expressam facultatem eligendi quemcumque sacerdotem, etiam in monasteriis ejusdem religionis, tunc sine dubio posset cuicumque confiteri, nisi statuta religionis ita repugnarent, ut illam facultatem irritam reddent. Regulariter autem Superiores talem facultatem non concedunt, vel quia per regulam prohibentur, vel certe quia per se est irrationabilis, & contra debitum ordinem sine ulla necessitate. Quapropter

eo ipſo quod talis facultas non eſt expreſſa, cenſetur non conceſſa, nec comprehenſa ſub generali facultate, quæ & neceſſitatem reſpicit, & debitum ordinem religioſum.

**Quid quæ-
do con-
currunt
ambo præ-
cedentes
caſus.**

4 Addendum vero occurrit circa hunc, & præcedentem caſum, ſi ambo ſimul concurrant, liberum eſſe religioſo alterutro ex illis modis conſiteri, id eſt, ſi religioſus habens ſocium ſacerdotem in aliquo monaſterio ſuæ religionis hoſpes ſi; poſſe vel ſocio ſuo, vel Ordinario ipſius monaſterii conſiteri. Ira enim quantum intelligere poſſum, habet conſuetudo. Et ratio eſſe poteſt, quia in utroque illorum eſt ſufficiens titulus juridi-
**Deciditur
5. caſus.**

5 Tertius caſus eſt, quando religioſus divertit ad loca extra monaſteria ſuæ religionis: & tunc, ſeculiſis particularibus voluntatibus; ſeu inſtructionibus Prælatorum, quæ non cadunt ſub ſcientiam, niſi quoad hoc ſolum, quod ſervandæ ſunt, quando non fuerint plane injuſtæ: his, inquam, ſeculiſis, generalis regula eſt, tunc poſſe conſiteri cuicumque ſacerdoti ſeculari, vel regulari: quia non debet privari ſubſidio confeſſionis. Atque ita docent omnes; dubitant tamen, an ad hoc ſit neceſſaria expreſſa licentia Prælati, vel ſufficiat tacite incluſa in licentia peregrinandi. Reſpondetur tamen, quæcumque ſufficere, ut aliàs in materia de Pœnitentia generaliter diximus de huiusmodi peregrinis: non enim debent eſſe pejoris conditionis religioſi peregrinantes quoad hanc facultatem. Præterea, quia talis facultas ſecundum rectam rationem debita eſt, & quaſi neceſſitate morali annexa peregrinationi: ergo conceſſo antecedente, virtute eſt conceſſum conſequens. Deinde, communis conſuetudo ſatis in hoc interpretatur voluntatem Prælatorum. Eo vel maxime, quod vix poteſt fieri, quin in regulis, vel conſtitutionibus uniufcujuſque religionis hoc ſatis declaratum ſit. Imo etiam ſunt aliqua privilegia Pontificia, concedentia religioſis, *Ut dum itineraverint, vel fuerint extra conventus ſuos dumtaxat, valeant conſiteri quibuſcumque ſacerdotibus regularibus, vel ſecularibus*, ita conceſſit Sixtus IV. Minoribus, ut reſertur in lib. Monumenta Ordinum, & Innoc. VIII. Ciſterciienſibus, ut in eorum Compendio reſertur. In quo indulto notari poſſunt illa verba, *Vel fuerint extra conventus ſuos*: nam ſi intelligatur abſolute de omnibus conventibus ſui Ordinis, confirmant optime quæ diximus in ſuperiori puncto num. 2. eſtque expoſitio ſatis pia, & probabilis; ſed non cogens; quia poſſunt illa verba exponi reſpectu de conventibus ſuis, id eſt, propriis, in quibus habitant; unusquiſque ſcilicet in ſuo.

**Quæſti-
cula 2. ci-
ca proxi-
mum ter-
tium caſum.**

6 Interrogari ulterius poteſt, quem ſacerdotem debeat tunc religioſus eligere, an habentem aliàs juridi-
**Quæſti-
cula 3. ci-
ca proxi-
mum ter-
tium caſum.**

7 Ad ſecundam interrogationem reſpondetur non

eſſe neceſſarium religioſum eligere ſacerdotem appro-
batum ab Epifcopo, niſi a prælato ſuo in facultate ſibi conceſſa id fuerit ſpecialiter præſcriptum. Ratio prio-
ris partiſ eſt, quia illa approbatio nec ex natura rei, nec ex jure antiquo eſt neceſſaria, ſed ſolum ex novo jure Concilii Tridentini; Concilium autem ſolum voluit illam approbationem eſſe neceſſariam ad confeſſiones ſecularium audiendas, ut ex contextu conſtat, & alibi ex proſeſſo tractatum eſt. Ratio vero alterius partiſ eſt, quia prælatus poteſt facultatem concedere limitatam ad certum genus perſonarum; ergo poteſt etiam limitare illa conditione adjecta. Verumtamen, niſi illam aperte exprimat, non eſt præſumenda: quia non eſt veriſimile voluiſſe prælatum imponere onus, quod Concilium non poſuit, ſi enim voluiſſet, expreſſiſſet, hæc enim regula in omnibus maxime imponendis ſervanda eſt: præſertim cū reſpectu regularium non ſit tam neceſſaria hæc conditio, tum quia frequen-
tius conſitentur, tum etiam, quia cautius vivunt; & ita facilius poſſunt idoneum confeſſorem eligere, etiam ſi illo ſoleni ritu approbatus non ſit.

8 Ad tertiam interrogationem eodem modo reſpon-
dendum eſt, per ſe loquendo liberam eſſe electionem ſecularis, vel regularis ſacerdotis, niſi prælatus expreſſe adhibeat limitationem aliquam, tunc enim illi ſtandum eſt, alioquin non eſt cur præſumatur. Solum poſſet quis dubitare, quando contingit in eodem loco concurrere religioſum ejusdem ordinis, tunc enim videtur valde probabilis præſumptio voluntatis prælati, ut ſubditus extraneo ſacerdoti, ſive ſeculari, ſive regulari non conſiteatur, cum poſſit habere ſuæ religionis confeſſorem. Et ſane ita eſt conſulendum, quia per ſe eſt magis ordinatum, magiſque commendat unitatem, & fidelitatem erga religionem. Nihilominus, ubi non fuerit vel in regula præſcriptum, vel a Superiore ordinatum, non cenſeo eſſe neceſſarium, quia omnis hæc limitatio eſt oneroſa, & ſcrupuloſa, & ideo niſi de illa expreſſe conſtiterit, non eſt imponenda.

9 Tandem queri hic poſſet, an hæc facultas peregrinantium regularium ſe extendat ad obtinendam abſolutionem a caſibus in ſua religione reſervatis. Sed de his caſibus dicemus in cap. 19. nunc enim tantum de ordinaria confeſſione ſimpliciter loquimur. Obſervandum vero eſt, in multis religionibus præſcriptum eſſe, ut qui iter egit, cum primum ad monaſterium redit, integre conſiteatur omnia, quæ geſit ab ultima confeſſione in monaſterio ante diſceſſum facta. Et quidem D. Baſilius in regula 44. ex ſuperioribus; monet, ut prælato omnia manifeſtentur: ſed ibi non agit de ſacramentali confeſſione: tamen illud ſtatutum habent Carthuſiani, ut ſerunt; & idem habent Odo S. Hieronymi in ſuis Conſtitutionibus, cap. 20. Et in Societate univerſalior regula traditur, *ut qui alii, quam ſuo confeſſario designato conſiteretur* (uniquæ ex iuſta cauſa, qualis eſt abſentia) *debeat poſtmodum quantum recordari poterit eidem confeſſario ſuo totam ſuam conſcientiam aperire, ut nihil ignorando, quod ad eam per-
tineat, melius in Domino poſſit eundem juvare*, habetur 3. part. Conſtit. cap. 1. lit. Q. & in Summario Conſtitutionum, §. 9. Ubi autem ſimilis conſtitutio, vel conſuetudo ſervatur, videri poteſt facultatem religioſo conceſſam, ut tempore abſentia, vel peregrinationis confeſſorem eligat, non eſſe abſolutam, ſed ſub onere iterum eadem conſitendi proprio prælato, vel confeſſori: niſi enim hæc conditio fuiſſet in facultate appoſita, non poſſet poſtea obligari religioſus ad confeſſionem iterandam, quia hæc non eſt materia præcepti.

10 Verumtamen, ſeculiſis peccatis reſervatis, de quibus poſtea, non cenſeo eſſe ita explicanda huiusmodi ſtatuta, tum quia illa non ſolum loquuntur de materia peccati mortalis, ſed etiam de venialibus, quando talis eſt, ut ad majorem perfectionem pertineat illam expreſſe conſiteri: tum præterea, quia etiam in materia mortali non ſolum comprehendunt externa peccata, ſed etiam interna per ſolam cogitationem, & conſenſum: durum eſt autem dicere, facultatem conſitendi peccata mere interna dari ſub illo onere; quia illa eſſet quædam eorum reſervatio, quæ in uſu non eſt. Unde etiam confirmatur, quia per illa ſtatuta non reſervantur omnia peccata, quæ religioſus com-
mittit

Peregrinantes religioſi alicubi tenentur aperire ſuam conſcientiam cum redeant.

Talis obligatio non eſt ex reſervatio-
ne, ſed ob
majorem
perfectionem.

mirum dum iter agit; ergo facultas ad confitenda illa non datur sub hoc onere, quia illo modo dari non solet, nisi pro peccatis reservatis. Est ergo facultas absoluta, & ita ex vi confessionis nulla obligatio remanet. Nihilominus tamen illa statuta sancta, & perfecta sunt, tum quia, licet iteratio confessionis in qua fuerunt peccata absolute remissa, non cadat sub præceptum, cadere tamen potest sub regulam perfectionis, quando illa iteratio specialem habet rationem utilitatis: tum etiam, quia est præceptum illud, nulla suppositione facta, imponi non possit; tamen voluntarie, media professione, & voto, obligare posse, ut graves Doctores docuerunt, Major. in 4. d. 17. quæst. 6. Gerson in Regulis moralibus, tit. de Pœnitentia, tom. 2. Alphab. 25. lit. F. Adrianus in 4. quæst. 5. de Confessione, Medina Cod. de Confessione, quæst. de facultate, & fructu reiterandi confessionem, Navar. in cap. *placuit*, de pœnit. distin. 6. num. 118. Dico tamen, similia instituta non inducere specialem obligationem in conscientia, sed solum simplicis regulæ, ubi aliud expresse non declaratur: quia illa obligatio, quæ manet, non nascitur ex modo potestatis concessæ ad absolvendum, seu ex virtute clavium in foro sacramentali, ut ex dictis patet: sed nascitur præcise ex voto. Et hæc de peregrinis religiosis.

Quid dicendum circa novitios.

11 Jam quoad novitios dubitari etiam potest, an confiteri possint sine licentia prælati sacerdoti aliàs habenti jurisdictionem. In quo tres possunt esse sententiæ. Prima, sine distinctione docens, non posse novitium tali sacerdoti confiteri, tenet Corduba lib. 1. quæst. 30. citatur Gerson Alphab. 34. lit. P. sed ibi solum ait, Abbatem posse absolvere novitios sicut professos. Hinc vero sumitur ratio hujus opinionis, quia novitii pro eo tempore sunt commissi jurisdictioni religionis. Sed hæc ratio, ut supra cap. 16. nu. 14. dixi, non convincit, nisi addatur exclusio ab alia jurisdictione, quæ ex vi illius principii non necessario sequitur. Et ideo est secunda opinio satis probabilis, quæ distincte ait, posse novitium confiteri cuicumque Sacerdoti habenti jurisdictionem, vel ab Episcopo ipsius novitii, vel a Papa, per privilegia, v. g. religionum, ita simpliciter tenent nonnulli moderni, Henricus lib. 6. de Pœnitentia cap. 16 §. 3. lit. X. & lib. 7. de Indulgentiis, cap. 22. §. 7. lit. I. & V. qui citat pro hac sententia Angel. verb. *Novitius*, §. 18. & Armillam ibidem, Sylvestr. *Religio*, §. 6. qui solum dicunt novitium non teneri ad præcepta regulæ: unde videtur inferre, non obligari ad confitendum prælato, vel ordinariis confessionibus religionis, & consequenter posse confiteri aliis quibuscunque habentibus jurisdictionem. Quæ illatio non videtur necessaria, quia, seclusa obligatione præcepti, potest novitius esse exemptus a jurisdictione extranea religionum, & ideo ex defectu jurisdictionis non posse aliis confiteri. Soro vero, qui etiam citatur lib. 7. de Justit. quæst. 2. arc. 1. in fine tertii argumenti, vers. *Ex hac*, solum agit de differentia inter votum religionis, vel votum perseverandi in religione, quod nihil ad rem præsentem facit. Fundamentum autem, quod pro hac opinione afferri potest, statim examinabimus.

12 Tertia opinio distinctione utitur, de confessoribus privilegiatis, habentibus jurisdictionem a Papa, & de Ordinariis pastoribus, & delegatis ab illis, ut sunt Episcopus, Parochus, & aliquis adjutor ejus. Primo ergo dicimus, novitium unius religionis posse libere confiteri cuicumque confessori privilegiato, habenti jurisdictionem a Papa. Probat ex dictis cap. præced. num. 10. de usu privilegiorum ab ipso Papa concessorum ex parte pœnitentium: nam sicut talia privilegia generaliter conceduntur omnibus fidelibus, ita per privilegia confessorum datur illis jurisdictio ad audiendas confessiones omnium fidelium: ergo sicut in prioribus privilegiis comprehenduntur noviti sub fidelibus, & non sub exceptione religionum; ita etiam in posterioribus privilegiis comprehenduntur sub eadem appellatione fidelium, & exceptio, quæ fit de religiosis non habentibus facultatem prælatorum, non completitur novitios, quia revera religiosi non sunt. Atque ita omnia privilegia, quæ in hoc pacto excipiunt confessiones religionum, & ratio, quæ suadet

exceptionem illam fuisse necessariam, non extenduntur ad novitios, quia quoad illos est materia odiosa, & sub proprietate verborum non comprehenduntur, neque habent substantiale fundamentum talis exceptionis. Quæ ratio apud me convincit, supposita resolutione illius prioris puncti.

13 Unum tamen adverto, jurisdictionem hanc, quæ per hæc privilegia datur, regulariter non descendere ad singulos religiosos, nisi media concessione, & voluntate suorum prælatorum. Unde fit, si prælati religionis expresse suis subditis prohibeat novitiorum suorum confessiones audire, non poterunt novitii illis confiteri, non quia ipsi novitii ex parte sua impediri sunt, sed quia ipsi religiosi jurisdictionem non habent, nam Superior potest illam coarctare, & communicare prout voluerit: sicut etiam non habent jurisdictionem ad audiendas confessiones religionum ejusdem domus, quia illis non communicatur a prælati suis: vel sicut etiam potest prælatus approbare subditum, & dare jurisdictionem ad audiendas confessiones virorum, & non seminarum; sic etiam potest approbare ad audiendas confessiones secularium, & non regularium, etiam novitiorum. Quando autem prælatus absolute, & directe prohibet novitiorum confessiones audire, sine dubio intendit vetare quantum potest, & consequenter jurisdictionem auferre, juxta communioem doctrinam Canonistarum in materia de Legibus tractatam. Quocirca, si tota religio (ut in Societate fit, sicut in tract. 10. lib. 9. cap. 2. nu. 2. trademus) per influxum Generalis jurisdictionem accipiat, ipse potest omnibus, & singulis sacerdotibus totius religionis efficaciter prohibere, ne confessiones novitiorum totius religionis audiant, nec eos absolvere valeant: idemque cum proportionem Provinciales in suis provinciis, & Conventuales prælati in suis domibus: nam hæc jurisdictio ita communicatur subditis, ut semper in illius usu a proximis prælatis pendeant. Imo eodem modo possent prælati religionum, si vellet, ita limitare jurisdictionem suorum subditorum, ut ab ea excluderent non solum novitios propriæ religionis, sed etiam omnium aliarum, quia delegatio potestatis omnem hanc limitationem admittit, ut ratio facta probat, neque in hoc male facerent, sed potius unionem & charitatem ostenderent ac foverent; & incommodis (si quæ sequi possunt ex illa libertate novitiorum) occurrerent. Quamquam, si moraliter res spectetur, satis illis occurrere possit per hoc quod intra eandem religionem non possunt novitii confiteri alicui sine licentia prælati, nam extra illam raro, aut nunquam id facere possunt.

14 Secundo dicitur juxta hanc sententiam, novitios non posse confiteri, invito prælato, alicui confessori habenti tantum jurisdictionem Episcopalem. Hanc partem satis probabiliter suadent variæ rationes, quas Corduba supra multiplicat. Præcipuum vero fundamentum est, quia novitius censetur mutasse domicilium, & territorium, præsertim quoad ea, quæ spectant ad Sacramenta necessaria, argumento eorum, quæ tradunt Doctores in cap. *omnis utriusque sexus*, & in cap. ultum. de Parochiis, & cap. *Apostolica*, de decimis, & Sylvestr. & alii Summistæ verb. *Domicilium*, & Tiraquel. de utroque retractu, part. 1. glos. 8. num. 23. & 24. Sed ad hoc responderi potest, novitium mutare quidem aliquo modo domicilium, acquirendo, non tamen amittendo. Acquisivit enim domicilium, vel quasi domicilium in religione, quatenus ad illam transtulit animo ibi remanendi, non quidem absolute, & immutabili, sed sub conditione, quod satis est ad acquitendum domicilium, ratione cujus subdit jurisdictioni prælati religionis. Inde autem non statim sequitur quod amittat omnino prius domicilium, quia non repugnat simul habere duo domicilia, & multo minus habere unum domicilium, & alium quasi domicilium, etiam in ordine ad confessionem, ut constat ex materia de pœnitentia. Cum ergo novitius non acquirat domicilium omnino firmum, adhuc retinet prius, & consequenter simul cum subjectione ad prælatum religionis retinet subjectionem ad Episcopum, præsertim in foro confessionis, quod voluntarium est. Sed contra hoc est, quia fieri non potest

Observatio per quam etiam peratur hoc pronuntiatum.

1. Sententia insufficiens suadata.

2. Sententia probabilis.

3. Sententia veluti media per duo pronuntiatum. 1. Pronuntiatum.

2. Pronuntiatum.

potest ut aliquis simul, & eodem tempore habeat duos ordinarios pastores non subordinatos inter se in hoc foro, quia repugnat debito ordini, & pareret confusionem. Unde, licet quis possit habere plura domicilia, tamen pro eo tempore, in quo in uno habitat, non potest adire Parochum alterius domicili; sed pro eo tempore pastori tantum illius loci, in quo habitat, subiectus est: ergo novitius quando in religione habitat, soli prælato illius subiectus est. Sed hoc etiam argumentum licet sit satis probabile, non tamen convincit, quia illud antecedens non ab omnibus recipitur. Navar. enim tenet oppositum, cui ego magis adhæsi in 4. tom. in 3. part. de Sacramento Pœnitentiæ.

15 Addendum ergo est, novitium ita mutare domicilium, ut omnino fiat extra jurisdictionem secularium pastorum, & ideo ex vi prioris jurisdictionis non posse illis confiteri. Assumptum declaratur, quia tota religio est exempta a jurisdictione Episcopi in utroque foro, in hac autem exemptione religio accipienda est non ut ex professis tantum constat, sed etiam ut novitios complectitur: ut exempli gratia, Societas Jesu, (ut in ejus Constitutionibus adnotatur part. 5. in principio) uno modo accipitur ut complectitur omnes, qui sub obedientia Præpositi Generalis vivunt, etiam novitios: cum ergo Pontifices, Paulus III. & Gregor. XIII. illam sub sua protectione suscipiunt, & ab Ordinariorum jurisdictione eximunt, intelligendi sunt, de illa loqui sub illa amplissima acceptione, ut patet ex illis verbis Pauli III. in sua Bulla ultima, *Ipsamque Societatem, & universos illius socios, & personas, illorumque bona quacunque ab omni superioritate, jurisdictione, & correctione quorumcumque Ordinariorum eximimus, &c.* Ubi particula illa, *Universos socios, & personas*, videtur habere emphasim, & ampliare etiam ad novitios. Idem ergo erit in aliis religionibus, siue quia habent similia indulta, siue quia per communicationem hoc etiam gaudere possunt, siue etiam per regulas juris communis. Quia beneficium Principis amplissime est interpretandum, & privilegia sunt amplianda, quantum verba juxta communem usum patiuntur: hoc autem est privilegium, & beneficium Principis, & verba optime admittunt hanc ampliationem. Nam religio Minorum in omni proprio usu dicitur tota illa congregatio, ut ex omnibus membris, etiam novitiis, constat: nam licet novitius proprie religiosus non sit, proprie tamen est in illa congregatione, quæ illo nomine appellatur.

Obje-
ctio
contra al-
latum
fun-
dam.
diluitur.

16 Dices, hanc extensionem esse ipsi novitiis onerosam, & ideo admittendam non esse. Respondeo in primis negando consequentiam, quia gratia privilegii magis est consideranda respectu totius religionis, cui immediate fit, quam respectu particularium: nam sæpe etiam potest esse illa exemptio onerosa multis professis. Secundo responderetur negando assumptum: quia licet interdum onerosa esse possit ex aliquo accidenti, simpliciter tamen est favorabilis. Unde confirmatur præcipue hoc fundamentum, quia novitius gaudet non solum privilegio canonis, sed etiam fori, & propriæ exemptionis religionis quoad alios actus jurisdictionis: ergo etiam & majori ratione quoad jurisdictionem fori pœnitentiæ. Quæ ratio amplius in sequentibus comprobabitur. Hæc ergo tertia opinio videtur mihi verisimilior, & ex dictis sit satis fundamentis aliarum, quæ sua probabilitate non carent.

C A P U T XVIII.

Quid circa reservationem culpæ in Religionibus statuerit Clemens VIII.

1 **U**T de absolutione religiosorum a culpis, in qua versamur, dicamus etiam specialiter de reservationis, præmittenda est explicatio diplomatis, Pontificii circa reservationem. Duplicitur vero possunt casus aliqui esse reservati respectu religiosi, scilicet vel a Pontifice, vel ab ipsa religione. Prior reservatio communis, & iustato jure non fit nisi cum aliqua censura reservata, juxta dicta in 4. tom. 3. part. & ideo his peccatis reservatis simul cum censuris dicemus in cap. 20. Circa aliam ergo reservationem supponendum est, posse prælatos religionum reservare sibi aliquos casus: quod est

certain eadem certitudine, quæ id constat de Episcopis, & aliis prælatis circa suos subiectos: nam licet Concil. Trident. sess. 14. cap. 7. solum Pontificem Maximum, & Episcopos nominaverit, tamen sine dubio sub Episcopis intellexit omnes habentes Episcopalem jurisdictionem: nam actus reservandi jurisdictionis est, & per se non pendet a charactere Episcopali: sicut neque actus absolvendi a peccatis. Item quia religiosi exempti (de quibus semper agimus) non ligantur reservationibus Episcoporum: ergo justum est, ut subdantur reservationi propriorum prælatorum. Denique ita habet consuetudo fere omnium religionum, ut infra in tractatu de Societate lib. 8. cap. 5. in particulari referam: quam consuetudinem Pontifices confirmarunt, & approbarunt, præsertim Alexander VI. ut refertur in Supplemento Minorum, & in lib. Monumenta ordinum, concess. 66. & novissime S. D. N. Clemens VIII. peculiari decreto de hac re edito anno 1593. qui aliqua peculiariter circa hanc reservationem ordinavit, quæ hic adnotare, adjuncta brevi declaratione, propter dubia, quæ quotidie interrogantur, necessarium visum est.

2 Primo ergo ipse enumerat undecim casus, qui in religionibus reservari possunt. *Primus, Veneficia, Incantationes, Sortilegia. 2. Apostasia a religione, siue habitu dimisso, siue retento, quando eo pervenerit, ut extra septa monasterii, seu conventus egressio fiat. 3. Nocturna, ac furtiva e monasterio, seu conventus egressio, etiam non animo apostatandi facta. 4. Proprietas contra votum paupertatis, quæ sit peccatum mortale. 5. Juramentum falsum in iudicio regulari, seu legitimo. 6. Procuratio, auxilium, seu consilium ad abortum faciendum post animatum factum, etiam effectum non sequuto. 7. Falsificatio manus, aut sigilli officialium monasterii, aut conventus. 8. Furtum de rebus monasterii, seu conventus, in ea quantitate, quæ sit peccatum mortale. 9. Lapsus carnis voluntarius, opere consummatus. 10. Occisio, aut vulneratio, seu gravis percussio cujusque persone. 11. Malitiosum impedimentum, aut retardatio, aut apertio literarum a Superioribus ad inferiores, vel ab inferioribus ad Superiores.*

3 Circa quos casus primum advertere oportet, quamvis in aliquibus eorum explicetur, necessariam esse materiam peccati mortalis, & opus externum, nihilominus has duas condiciones in omnibus illis esse intelligendas, quia peccata venialia sicut non sunt materia necessaria confessionis, ita nec proprie reservationis: peccata autem mere interna, etiam si mortalia sint, secundum communem Ecclesiæ usum non reservantur, etiam si in rigore reservari possint. Pontifex autem cum aliud expresse non declaret, loquitur secundum ordinariam legem, vel consuetudinem Ecclesiæ. Præterquam quod verba, quibus utitur, in rigore & proprietate, prout sunt accipienda, significant externos actus. Ubi ergo hujusmodi declaratio addi videtur, non est solum propter has condiciones, ut generales sunt, sed propter aliquid speciale, circa aliquam earum explicandum. In primo ergo casu nihil additum est, quia non erat necessarium, nam illud genus peccati externum est, & gravissimum, & vix potest in individuo committi, quin mortale sit. Quid autem sub illis vocibus comprehendatur, dictum est in 1. tom. tract. 3. lib. 3. de vitis virtuti religionis oppositis: & videri possunt Summiæ in illis verbis, & verb. *Maleficium*, ac verb. *Superstitium*.

4 In secundo casu peculiariter explicatur, non sufficere quemcumque exteriorem actum: nam licet quis deliberato animo apostatandi exuat habitum regularem, & secularem induat, & curet, ac tenet egredi septa monasterii, & tandem id non exequatur, vel quia mutat voluntatem, vel etiam quia non potest, casus ille reservatus non est, quia non pervenit ad statum, & effectum, quem Pontifex designat. Et ratio esse potuit, quia vel antea non est perfecta injuria illata religioni, ita ut cedat in infamiam ejus, vel certe, quia antea non potest illa dici apostasia exterior.

5 In tertio casu solum notanda est illa particula, *furtiva*, quæ idem significat, quod sine licentia prælati. Unde licet quis exeat per vim, vel merum gravem iniuriam prælato, ne resistat, exterius nihilominus furtive dicitur egredi, quia invito prælato, vel sine

Enumeratio casuum qui reservari permittuntur.

Prima ob-
servantia
principa-
lis circa
hos casus
in uni-
versum.

Circa 3.
casum.

Circa 3.

Duplex
modus re-
servandi.

sine legitimo consensu ejus egreditur: unde illud peccatum non solum est quasi furtum, sed quasi rapina in illo genere, ut sic loquamur: generatim autem comprehenditur sub furtivo egressu, quia fit invito prælato. Sed quid si prælatus consentiat, tamen inique, & contra suum officium, & contra honorem Dei, & religionis? Quid etiam, si ipse prælatus sic occulte egrediatur? Utrumque censeo egressum furtivum, & in hac reservatione comprehensum. Primum quidem, quia illa licentia injusta est, & nulla, & ita nihil operatur: secunda autem, quia, licet prælatus conventus non habeat præsentem prælatum, cujus voluntate regatur; habet tamen regulam, & voluntatem Superioris prælati, auctorius religionis, aut expressam, aut secundum rectam rationem præsumptam, respectu cujus talis egressus furtiva est. Denique modus talis egressus qualis ille sit manifestat, quia semper sit occulte, ac furtive.

6 Dubitari vero etiam potest, an hic casus extendatur ad egressum furtivum diurnum. Verba enim Pontificis sunt, *nocturna, ac furtiva e monasterio egressio*: ergo omnis furtiva egressio illicita reservata est. Respondeo nihilominus illam dictionem, *ac*, complexive, & non divisive esse intelligendam, ac propterea furtivam egressionem si nocturna non sit, etiam si contingat esse peccatum mortale, ex vi illorum verborum non reservari. Sicut enim nocturna egressio non reservatur, nisi furtiva sit, ut est per se evidens tam ex ipsa re, quam ex intentione Pontificis; ita e converso, furtiva egressio, nisi sit nocturna, non reservatur, quia, ut illud prius verum sit, necesse est particulam *ac* complexive sumi: & inde sequitur etiam posterius, ut per se constat.

7 Circa quartum casum nihil occurrit adnotandum, præter ea, quæ dicta sunt de voto paupertatis. In quinto solum desiderari potest ut explicetur, quid vocetur iudicium legitimum. Breviter tamen dicitur, esse quodlibet iudicium forense, quod secundum leges, vel canones in suo foro, qui solet dici actus legitimus duarum personarum sub eodem iudice, & cap. juxta Giosam in cap. *forus*, de verb. signif. Videntur ergo ibi numerari iudicium regulare, & legitimum ad excludenda iudicia privata per conventiones, vel arbitria particularia. Addendum vero censeo, tunc esse hunc casum reservatum, quando religiosus legitime interrogatur, & sub juramento veritatem negat: secus autem erit, si injuste interrogetur, nam tunc licet sub juramento neget, si respondere sciat, & debitam intentionem haberet, non erit periturus: si autem ex ignorantia, & conscientia erronea peccet, existimans id esse perjurium, non erit casus reservatus, quia illud externum non est verum perjurium, sed purum; reservatio autem restringenda est ut cadat super verum actum. Idem opinor dicendum esse, si quis juret falsum testimonium contra aliquem in iudicio, quod est nullum, vel quia sit coram non legitimo iudice, vel ob aliam causam, quia tunc illud iudicium non est legitimum, & quia iudicium, quod est nullum, non est iudicium, licet appareat, & ideo nec illud est perjurium in iudicio vere, sed tantum apparenter.

8 Sextus casus non indiget declaratione, sed videri potest motus proprius Sixti V. contra illud genus peccati; & moderatio, quæ a Clemente addita est, quæ attigimus in 5. tom. de Censur. In septimo interrogari potest, qui vocentur officiales monasterii. Ad quod breviter dicitur, sub illa voce comprehendi & prælatum ipsum, & omnes, qui sub illo habent aliquam administrationem personarum, aut bonorum conventus, ut sunt Vicarius, Subprior, vel in Societate Minister, Procurator, & si qui similes. Adde etiam comprehendenda fortiori Provinciale, & Generalem, juxta mentem Pontificis, quia eo falsificatio gravior esset, & magis perniciofa religioni. Item, quia quilibet eorum dici potest officialis monasterii, vel conventus: nam licet magis proprie appelleretur totius provincie vel religionis, tan ex ibi fortiori singuli conventus includuntur; quæ extensio maxime locum habet in his, quæ ipsi prælato favorabilia sunt, & quæ pertinent ad reverentiam, & fidelitatem ejus officio debitam quale est hoc, de quo agimus. Occurrit etiam

hic obiter adnotandum, supponere hic Pontificem tunc approbare usum religionis, quod officiales ejus propria habeant sigilla distincta ab his, quibus privati religiosi uti possunt: non enim falsificatio cujusvisque sigilli, sed propria talis muneris, reservata est. Quare, licet privatus religiosus utatur aliquando proprio sigillo, & alius illud falsificet, non incurrit in hunc casum reservatum: & e converso, si officialis non habeat speciale sigillum, sed ejusdem figuræ cum aliis, vel privatum, quodcumque illud sit, falsificatio ejus ex hoc capite non erit reservata, quia non est sigillum officialis ut sic, neque habet (ut ita dicam) auctoritatem religionis. Dixi autem *ex hoc capite*, quia ex alio falsificandi manu, erit casus reservatus.

9 Interrogari etiam potest, an fabricare sigillum simile sigillo religionis, vel officialium ejus occulte, & furtive, sit falsificare sigillum, si per illud nulla falsa scriptura consignetur. Respondeo, sicut falsificare manu est subscribere cum nomine alterius, imitando subscriptionem ejus, quæ illius non est; ita falsificare sigillum proprie est consignare similem scripturam sigillo alieno. Quod dupliciter fieri potest, scilicet, vel subfurando proprium, & verum sigillum, & consignando, vel fabricando aliud sigillum simile, & ita utendo. Quamvis autem hæc furtiva fabricatio sigilli grave peccatum sit; tamen non videtur esse propria falsificatio, donec falsa literæ per illud consignentur: & ideo non videtur esse peccatum reservatum etiam si hac intentione fabricetur, donec ad prædictum usum, & effectum perveniat: sicut etiam furari sigillum prælati ea prava intentione, si ad effectum sigillandi non perveniatur, non erit peccatum reservatum ex hoc cap.

10 Denique interrogari potest, si scriptum, quod falso consignatur manu, aut sigillo officialis, non pertineat ad officium, nec ad rem monasterii, sed sit familiaris epistola, v.g. falso alteri attributa, an tale peccatum reservatum hic sit. Et ratio dubitandi esse potest, quia illa non est falsificatio signi officialis, ut officialis est, videtur autem hæc reservatio intelligenda respectu officialis formaliter, quia non respicitur persona ejus, sed munus. Quod sane videtur probabile: nihilominus non excusarem hujusmodi actionem a ratione peccati observati, quoties materia ejus sufficeret ad peccatum mortale, quia simpliciter est contra fidelitatem debitam tali personæ ratione talis muneris, & est iniuriosa non tantum personæ, sed etiam officio.

11 De octavo casu, quantum spectat ad quantitatem sufficientem ut illud furtum mortale sit, superius actum est, nam hoc peccatum semper habet adiunctam manuum proprietatem. Quia vero ibi dicitur, *De rebus monasterii*, dubitatum est, an furari aliquid a privato religioso ex rebus illi ad suum usum concessis, sub hac reservatione comprehendatur: & pars affirmans dicitur fuisse ab ipso Pontifice declarata, in qua nulla mihi dubitatio esse posset: quia quod res sit applicata ad usum unius fratris, non tollit, quin, absolute loquendo, sit monasterii, vel conventus. Quia potius, licet privatus religiosus habeat usum ejus cum facultate donandi illam etiam extra religionem, nihilominus furari illam, erit reservata culpa, si mortalis sit, quia quando illa res non est consumpta, vel alienata extra religionem, semper est monasterii quoad proprietatem, & dominium, vel quoad principalem administrationem, & dispensationem (ut monasteria comprehendamus, quæ dominium in communi non habent,) & hoc satis est ut comprehendatur sub verbis Pontificis in omni proprietate. Sed quid si res non sit alicuius monasterii in particulari, ut solet esse, v.g. pecunia, qua Provincialis utitur, vel res aliæ similes. Respondetur sine dubio comprehendendi, iuxta dicta in præcedenti casu: nam sub illo singulari *monasterii, vel conventus*, a fortiori comprehenditur plurale *conventum, vel monasteriorum*; bona autem provincie ut sic sunt omnium monasteriorum simul.

12 Circa nonum casum est familiare dubium, quid significent illa verba, *opere consummatus*, duobus enim modis intelligi possunt. Primo, ut sint posita ad excludendum lapsum per consentum internum, vel morosam delectationem, ita ut solum significetur, oportere ut tale peccatum in opus externum progrediatur, & in illo

Duo dubia extenduntur circa hunc casum.

Aliud dubium.

Circa 4. & 5. casum.

Circa 7.

Circa 7. bona quæ sunt in una.

Tertia quaestio.

Circa 8.

Primum dubium.

Circa 9. casum.

illo consummetur quatenus peccatum mortale est. Alius sensus est, ut peccatum sit consummatum in sua specie. Prior sensus est rigorosus, nam juxta illum omnia peccata externa habentia malitiam mortalem ex ipsa materia, & actione exteriori, continentur sub hac reservatione sic declarata, ut sunt, v.g. tactus impudici, qui ad ultimam consummationem nō perveniunt. Dixi autem, *ex ipsa materia, & actione exteriori*, quia si materia exterior revera sit levis, quamvis ex pravitāte intentionis fiat actio exterior peccatum mortale, non erit reservatum ex vi horum verborum, quia revera dici non potest opere consummatum. Alius sensus est mitior, & quantum intelligere potui, communiōri sensu receptior; juxta quem sensum actus impudicus, si non perveniat ad consummationem actus in sua specie, fornicationis, v.g. vel alia simili, non erunt casus reservati, quia non sunt opere consummati. Solum ad verto, quoties peccatum pervenit ad pollutionem, esse in omni rigore opere consummatum, & consequenter sub illa reservatione comprehendi, quia illud peccatum habet propriam speciem, in qua consummatur juxta doctrinam D. Thom. 2. 2. quæst. 154. artic. 11. & hoc satis est ut sit reservatum, quamvis non perveniatur ad consummationem illius actus, quem fortasse peccans intendebat, vel in quem natura sua actus impudici ordinabatur, copulam scilicet carnalem.

Circa 10. & 11. 13 In decimo casu nihil occurrit adnotandum. In undecimo solum est ponderandum illud verbum *malitiosum*, ut inde colligatur si fiat bona fide, etiam imprudenter, & cum gravi negligentia, non esse casum reservatum: nam verb. *malitiosum* non tantum significat fieri cum gravi culpa, sed etiam fieri ex malitia, id est, ex directā intentione impediendi effectum literatum, & retardandi illas, existimo etiam illud verbum conjungendum esse etiam cum apertione literatum, nam, ut reservata sit, oportet ut ex malitia fiat: ad hoc autem satis erit, quod fiat intelligendo, aut præsumendo id esse contra voluntatem Superioris, nam tunc sufficiens malitia intervenit.

Secunda principa-
lis obser-
vatio cir-
ca eisdem
casus in
universū.
14 Est autem circa hos casus ulterius advertendum, Pontificem non præcipere ordinari, ut omnes hi casus reserventur in religionibus, ut manifeste patet ex illis verbis, *Decrevit* (scilicet Pontifex) *ut nemo ex regulariis Superioribus peccatorum absolutiones sibi reservet exceptis iis, quæ sequuntur; aut omnibus, aut eorum aliquod prout subditorum utilitati expedire in Domino judicaverint*. In quibus verbis nullum est præcipiens, ut hi casus reservati sint, sed solum prohibens, ne Superiores religionum alios reservent, & eis permittens ut ex his possint, quos expedire judicaverint, reservare. Unde inferitur, per hoc decretum non auferri a Superioribus potestatem reservandi casus, sed ad talem materiam limitari. Et quoniam in prædictis verbis Pontifex indefinite loquitur de Superioribus, existimo ex vi illorum non solum Generale, vel Provinciale, sed etiam prælatum Conventualem posse prædictos casus, & quemlibet eorum reservare, etiam si in religione reservati non essent. Quod non ita intelligendum est, ut Pontifex censeatur dare prælati novam aliquam potestatem, sed solum non auferre; ita ut si Guardiani, vel Priores antea habebant privilegia reservandi casus (quod esse concessum ab Alexand. VI. refertur in lib. Monum. ordin. & in Supplemento Minorum) etiam nunc habent eandem potestatem, sed restrictam ad hos casus a Pontifice designatos: imo ex potestate ordinaria existimo posse idem facere, nisi aliās sint prohibiti per suam regulam, quia sunt veri prælati Ordinarii, & habent altiorē jurisdictionis rationem, quam Parochi.

Tertia obser-
vatio.
15 Præterea observandum est, quod licet Pontifex restrinxerit potestati prælatorum ad illos undecim casus, non abstulit omnino religionibus potestatem alios reservandi, sed voluit ut id solum fieri posset vel a Capitulo generali pro tota religione, vel a Capitulo provinciali pro sua provincia. Ubi etiam adverto, non fuisse mentem Pontificis dare Capitulis novam potestatem, sed solum non auferre quam juxta sua privilegia, vel constitutiones habebant. Unde in Societate, in qua congregatio provincialis juxta suum institutum non habet jurisdictionem ad hujusmodi actus, etiam nunc illam non habet, non obstantibus prædictis verbis Pontificis.

Suarez. Tom. XV.

Ad quod etiam expen-
to, solum negative dicere, *non aliter fiat quam generalis, vel provincialis Capituli*, &c. non dicere autem positive, ut ab eis, & a quolibet illorum fieri possit.

16 Dicunt autem aliqui, hanc prohibitionem, seu limitationem non esse usu receptam in aliquibus religionibus: quia sepe contingit evenire casus particulares, qui propter bonum regimen necessarii sunt statim reservandi, non expectato Capitulo generali, quia aliās maxima incommoda religioni sequerentur. Sed nullo modo censeo hoc esse admittendum in praxi, nam lex Pontificia non pendet ex acceptance, sed ipsa obligat ut acceptetur, & ideo primi transgressores post sufficientem promulgationem non excusantur a culpa, nec continuata transgressio sufficit revocare legem, donec valde frequens sit, & ab ipso legislatore scienter tolerata, quod in præfenti nullo modo video dici posse: quia nec talis consuetudo huic legi contraria ostendi potest, & multo minus quod Summus Pontifex scienter tolerat illam: maxime vero hoc habet locum in lege irritante, qualis est hæc, auferit enim potestatem, & consequenter reddit nullam reservationem aliter factam. Quapropter sine scrupulo possunt subditi non timere illam, quantumcumque illis dicatur, prohibitionem Pontificis non esse acceptatam. Ratio autem de incommodis religionis vel probat Pontificiam prohibitionem esse contra commune bonum religionum, quod dicere plusquam temerarium esset: vel certe nihil probat, quia vel nulla sunt talia incommoda, quibus aliis mediis occurrere non possit, præsertim pro brevi tempore: vel si aliquod interdum sequatur, est ratum, & particulare, quod lex humana non considerat.

17 Potest autem dubitari, esto non possint prælati immediate, & directe reservare sibi alias culpas, possint nihilominus reservare censuras. Et ratio dubitandi est, quia a diversis non fit illatio; censura autem, & peccatum, & utriusque reservatio diversa sunt. In contrariū autem est, quia juxta communem usum Ecclesie quoties peccatum habet excommunicationem ipso facto annexam, si excommunicatio reservata sit, etiam peccatum censetur reservatum. Item, quia aliās possent prælati religionum per hanc viam eludere hoc præceptum, adjungendo censuras, & illas sibi reservando. Respondeo, debere prælatos omnino cavere, ne hac occasione multiplicent censuras: nam, ut in jure dicitur transgressor legis merito judicatur qui verba legis tenens, contra legis nititur voluntatem. Nihilominus existimo, prælatos religionum non esse privatos per hanc legem suo jure reservandi censuram: quia revera est per se distincta; & mens Pontificis non fuit de illa tractare. Declaraturque in hunc modum, quia vel censura fertur a lege, vel ab homine, si a lege, reservari poterit ab auctore legis, quia in religionibus auctor talis legis non est nisi Capitulum generale, vel provinciale, quæ potestatem habent reservandi casus, etiam ex ordinatione Pontificis. Si autem censura est ab homine, eo ipso absolutio ejus pertinet ad ferendam illam, & ita dici potest illi reservata. Et quamvis de illa, quæ fertur per sententiam generalem, sint opiniones, tamen non dubito quin ad tollendas illas possit Superior etiam nunc sibi talem absolutionem reservare, cum illi non sit prohibitum, ut dixi, & per accidens sit quod ratione censuræ non possit a tali peccato absolvi, nam hoc etiam sequitur ex censura per sententiam particularem.

C A P U T XIX.

Quis possit absolvere religiosos a culpis reservatis.

1 Supposita jam reservatione superiori cap. explicata, facile est definire, quis possit religiosos absolvere a peccatis sic reservatis. Primo enim dicendum est, per se loquendo, & jure ordinario a nemine posse absolvi extra suam religionem, præterquam a Summo Pontifice. Hoc patet, quia dictum est in cap. 16. a communibus etiam peccatis non posse extra religionem absolvi: ergo a fortiori idem dicendum est de peccatis specialiter reservatis. Unde sit, ampliandum esse etiam ad eos, qui habent jurisdictionem delegatam a Papa per generalia privilegia absolvendi a reservatis: nam in illo cap. ostensum est, hæc privilegia, siue sint concessa ex parte penitentium, siue ex parte confessorum, non extendi ad personas religiosorum: ergo nec facultas in eis con-

Dubium
an possint
prælati
relig. re-
servare
censuras
esto non
possint
culpas.

Resolutio
vera.

Prima as-
sertio, ue-
rans hanc
potesta-
tem extra
religionē.

H cessa

cessa extenditur ad peccata reservata in religionibus. An vero hæc ampliatio extendenda sit ad novitios, juxta superius d. cap. 17. a n. 11. definiendum est. Novitii enim gaudere possunt dictis privilegiis, & ideo absolvi possunt per eorum facultates: per communem autem jurisdictionem Episcoporum absolvi non possunt a reservatis, quia neque ab alijs possunt, ut diximus eod. c. 17. n. 14.

Quid de novitiis,

Quid de ite agentibus nonnulli resolvant,

Verior res iuxta auctoritatem,

Indulgentiam Innocentii pro hac resolutione expeditur,

2 Sed quid de religiosis iter agentibus? Quidam ajunt, non posse absolvi ab externis confessoribus ab hujusmodi peccatis. Ratio est, quia per privilegium Sixti V. Innocentii VIII. & similia, solum eis conceditur, ut possint confiteri sacerdotibus regularibus, vel secularibus, dum iter agunt; in hac autem facultate generali non comprehenduntur casus reservati, ut in jure declaratum est. Neque etiam illa facultas censetur concessa a prælatis, nisi expresse, & in specie declararetur, ob eandem causam quod casus specialis sub generali confessione non comprehenditur. Et hoc specialiter confirmat, quia nonnulli Pontifices prohibuerunt Mendicantibus prælatis, ne casus reservatos extra suos ordines committant, ut ex lib. Monumenta ordinum referunt Corduba in cap. 7. Regula S. Francisci, quæst. 3. & Emmanuel Roder. tom. 1. quæst. 62. art. 5. Respondeo nihilominus, nullam posse in hac re generalem regulam assignari, sed consulendam esse regulam, consuetudinem, vel peculiarem providentiam prælatorum uniuscujusque religionis. Moraliter enim loquendo, necessarium est, ut aliquo modo in hac parte subditis religiosis provideatur; nam si sint sacerdotes, quotidie possunt indigere confessione, quia debent frequenter celebrare; & per plures dies abstinere, & scandalosum esse potest, & eis nocivum, & nimis molestum. Si autem sacerdotes non sunt, etiam expedit ut sæpius communicent; essetque præter debitam religionis providentiam eos cogere, ut a communione abstineant usque ad reditum in monasterium; quamvis enim hæc posset esse iuxta pœnam religiosi sic peccantis, esset tamen nimis rigorosa, & non admodum medicinalis, nisi ubi censura intervenit: præterquam quod periculosum esset cogere religiosum, qui fortasse ex fragilitate moraliter peccavit, ut per multos dies sine sacramenti absolutione permaneat.

3 O hanc ergo causam Innocentius VIII. ut dicti auctores referunt ex Compendio Cisterciensi, verbo *Confessor*, §. 5. concessit Prædicatoribus monachis, ut extra monasterium ordinis existentes de licentia Superiorum cuicumque regulari, seu seculari sacerdoti confiteri possint, & a quocumque casu, quomodocumque reservato absolvi, sicut a confessoribus ordinis. Quæ verba mihi ambigua sunt; nam illa particula *de licentia Superiorum*, potest cum antecedentibus, & consequentibus conjungi, quia nulla virgula interponitur; reddet autem sensum valde diversum, si uno, vel alio modo construat: nam conjuncta præcedentibus, sensus est, religiosum, qui ex licentia Superiorum extra monasterium existit, eo ipso posse absolvi, & c. ita ut illa verba addita sint ad excludendum fugitivos ab hujusmodi gratia, & ad significandum, licentiam sic confitendi, vel ab ipso Pontifice eo ipso dari, vel intelligi inclusam in ipsa licentia peregrinandi. Si autem prædicta verba tantum subsequentibus conjungantur, sensus est, eos, qui extra monasterium existunt, posse de licentia suorum Superiorum absolvi. Sed hic posterior sensus minus apertus videtur, tum quia hoc per se notum est, tum etiam, quia idem dici posset de existentibus in monasterio. Prior ergo sensus videtur proprius, & intentus. An vero illa concessio sit usu recepta in alijs religionibus, mihi non constat, neque existimo fuisse necessarium, tum quia non est omnibus directe facta, & alix non coguntur communicationem ejus admittere: tum etiam, quia non continet præceptum, sed datur per modum privilegii cui renunciare potuit illa religio, cui directe concessum est. Et adhuc certius existimo non cogi prælatos religionum illam facultatem absolute dare, sed eo modo, quo expedire judicaverint. Quod & per se est rationi consentaneum, quia Pontifex non intendit relaxare disciplinam religiosam, sed tantum sufficienter providere necessitati religiosorum. Et ex ipsa concessione colligi potest, quatenus dicit, ita posse absolvi, sicut possent a con-

fessoribus ordinariis: Confessarii autem Ordinis non possunt absolvere a reservatis, nisi juxta modum a Superiore præscriptum: ergo neque alij in prædicto casu.

4 Propter hoc ergo censo, magis esse attendendam regulam, vel consuetudinem religionis, aut ordinationem prælatorum, quam alia privilegia. In aliquibus ergo religionibus fortasse vel ex regula, vel ex consuetudine constat, talem licentiam absolute, & simpliciter censi concessam eo ipso, quod prælatus non prohibet, nec limitat illam, & in talibus religionibus eo ipso quod quis peregrinatur, peccata desinunt esse reservata, quia perinde absolvi possent a quolibet confessore, ac cæteri. Quod difficile creditur est, quia non potest non esse in dispendium religionis: si enim reservatio adhibetur ut sit tanquam frænum ad non cadendum, quomodo auferenda omnino est quando religiosus extra monasterium vagatur, cum tunc majori fræno & pluribus medijs indigeat? Ob hanc ergo causam religio- nes aliquæ licentiam illam concedunt peregrinantibus cum onere comparendi postea coram suis prælatis: sic enim utrique necessitati subveniunt, quia nec subditus cogitur diu cætere absolutione, nec ei auferitur frænum reservationis, & alioquin modus ille dandi facultatem sub illo onere, sanctus est, & in Ecclesia usitatus, ut in tom. 4. disput. 30. sect. ult. late tractatum est, & ita servari dicitur in religione Carthusiæ, & S. Hieron. & de Societate, ut infra tract. 10. lib. 8. cap. 5. dicitur.

5 Tandem, ubi nec per regulam satis declarata sit hæc facultas, vel modus ejus, nec de consuetudine satis constiterit, quia fortasse solet peti facultas a Superiore, si contingat aliquem ex oblivione naturali discedere non petita facultate, credendum est, implicite esse concessam a Superiore in ipsa facultate peregrinandi, salvo rigore reservationis quoad fieri potest. Prior pars constat, tum quia, qui unum concedit, virtute concedit aliud, quod moraliter necessarium est ad illud convenienter exercendum: tum etiam, quia universalis consuetudo ita videtur interpretari voluntatem prælatorum. Altera vero pars probatur, quia illa licentia non datur nisi propter necessitatem: ergo est explicanda juxta ea jura, quæ in similibus casibus facultatem concedunt: quotiescumque autem hæc facultas in jure datur ratione occurrentis necessitatis datur salvo onere reservationis, atque adeo sub obligatione comparendi: ergo hoc sensu interpretandum est, quoties Superior aliud expresse non declarat. Imo aliqui volunt in eo casu non dari ullam facultatem, sed ob inopiam confessoris, qui a reservatis absolvat, posse religiosum absolvi tunc directe ab alijs peccatis; reservata autem solum per accidens remitti, sicut oblita, & ideo manere integram obligationem illam confitendi Superiori. Quod quidem non repugnat, ut infra in similibus videbimus; est tamen rigorosius, & quod dixi videtur verisimilius. Nam quod alij ajunt, in eo casu neutro modo posse absolvi, sed posse ac debere celebrare, aut communicare cum sola contritione, mihi verisimile non est, ut statim in simili dicam.

6 Secundo dicendum, religiosum non posse absolvi a casibus reservatis ab aliquo religioso, seu confessore suæ religionis, nisi de licentia prælati, specialiter ad hoc concessa. Probat, quia hæc est vis reservationis; supponimus autem peccatum esse reservatum ipsi prælato: ergo qui ab illo non habet jurisdictionem, non potest hanc absolutionem præstare; non datur autem talis jurisdictio per generalem facultatem audiendi confessiones religiosorum, ut ex regula juris sæpe citata constat, ergo necessaria est specialis facultas. Limitandum vero hoc est, nisi ex regula, vel ex usu jam constaret, talem facultatem esse annexam tali muneri confessoris. Verumtamen in eo casu peccatum non esset reservatum jam soli prælato, sed ipsi, vel confessori domus. Sicut respectu novitiorum, si eorum Magister habet ex officio talem facultatem, eorum peccata non tantum Superiori, sed etiam Magistro suo dicuntur reservata, vel sub disjunctione, quamvis in hoc semper excedat prælatus, quod possit sibi reservare, si velit. Et ideo posset esse quæstio de modo loquendi. Dicit fortasse aliquis, jam hoc esse debere jus ordinarii religionum, quia Summus Pontifex Clem. VIII. ordinavit, ut Superiores in singulis domibus deputent duos,

Prædicta auctoritas infirmat solidius, si non tunc, tunc, vel regulæ, vel consuetudinis.

Quid non nec regula providet, nec de usu constat.

2. Afferre, excludens quod religiosi non habent licentiam prælatis.

duobus, vel tres confessarios, quibus etiam casus reservati committantur. Respondetur: imo hinc colligi, huiusmodi confessarios non habere hanc jurisdictionem ex vi sui muneris, imo nec debere illis committi habitualiter (ut sic dicam) sed solum pro re nata, quando occasio id postulerit.

7 Sed licet hoc verum sit communi iure, quæri potest, an ex communi aliquo privilegio religionum possint regulares absolvi a quocumque sacerdote, vel confessore sui ordinis. Circa hoc nonnulla privilegia referuntur in Compendiis privilegiorum religionum, & in lib. Monumenta Ordinum, quæ in summa redegit Emmanuel Roder. q. 62. art. 6. ex quibus duos casus præcipue elicio. Unus est in quo datur facultas religiosi Minoribus, ut possint semel eligere de eadem observantia confessorem: qui de omnibus peccatis reservatis & censuris possit illos absolvere, imo & dispensare in irregularitatibus, excepto homicidio, & mutilatione voluntaria. Quod privilegium, cum generale sit, complectitur omnia peccata, etiam in ipsa religione reservata; cumque ex parte personæ eligendæ nullam aliam conditionem requirit, nisi quod sit ejusdem ordinis, non videtur amplius restringenda, nec postulanda specialis licentia prælati. Sed nihilominus probabile existimo, confessorem sic eligendum debere esse ex approbatis, vel expositis a prælato religionis ad audiendas confessiones suorum subditorum, tum quia non sine causa dixit Pontifex, *Possit eligere confessorem de eadem observantia*; & non dixit, possit eligere sacerdotem, aut presbyterum: tum maxime, quia privilegium debet, quoad fieri possit, secundum jus intelligi, quando ita potest suum effectum operari sufficienter, & magis ordinate, quod ita contingit in præsentia: nam privilegium hoc operatur dando bene amplam jurisdictionem; tamen ex parte personæ non excludit ordinariam jurisdictionem, quod requirit prælati approbationem ad illud munus exercendum. Unde quatenus idem privilegium ibi extenditur etiam ad servientes, & famulos, oportebit ut confessor eligendus, sit approbatus ab Episcopo, juxta Conc. Trident. De novitiis autem, ad quos etiam sit extensio, non idem iudico, sed sufficere illis confessorem approbatum a religione: nam quoad hoc non ut seculares, sed ut regulares computandi sunt. Denique hoc privilegio uti possunt omnes religiosi, qui in privilegiis cum Mendicantibus communicant, unusquisque tamen servare debet modum in sua religione præscriptum, & a Pontificibus approbatum circa usum talium privilegiorum. Idem sentiendum est de quibusdam aliis privilegiis, & quasi jubileis concessis aliquibus religionibus pro aliquibus anni festivitibus, quæ refert dictus E. man. tom. 1. q. 62. a. 10.

8 Alius casus est, quo similis facultas conceditur pro articulo mortis, quæ in quodam privilegio Sixti IV. cum his exaggerationibus conceditur, *Quicumque confessor quemlibet religiosum Mendicantium, vel eorum qui gaudent illorum privilegiis, ab omnibus casibus, nullo excepto, cum omnimoda auctoritate, ac si in illo actu esset Summus Pontifex, absolvere potest; & eadem auctoritate ei indulgentiam plenariam concedere*. In quo primum notari potest particula, *quicumque confessor*, quam intelligo de confessore, qui hoc munere fungi poterat in illo articulo ante hoc privilegium; & ideo fortasse non dixit, *Quicumque presbyter, vel sacerdos*: nam licet in casu necessitatis quilibet sacerdos possit esse confessor in articulo, & tunc consequenter possit uti hac facultate circa religiosos; tamen, seclusa necessitate, non quilibet sacerdos, sed solus proprius, vel delegatus ejus, potest esse confessor, etiam in illo articulo: hoc autem privilegium non facit confessorem eum, qui non erat, sed auget facultatem legitimi confessoris. Et ob hanc causam existimo non posse religiosum virtute huius privilegii confiteri in articulo mortis cuiusque simplici sacerdoti, omisso legitimo confessore, si adsit, & velit suum munus iuste exequi. Item, licet ex vi eorum verborum non fiat determinatio ad confessores ejusdem ordinis, nihilominus ex alio capite existimo, quando adest proprius confessor, non posse eligi presbyterum alterius ordinis, quia non est confessor respectu talis personæ; prædicta autem verba videntur respectu, & proprie intelligi, quia ibi, ut dixi, non da-

tur facultas ad eligendum quemcumque sacerdotem in confessorem, sed augetur potestas cujuscumque legitimi confessoris talis personæ. Et confirmatur hæc expositio, quia ibi solum intenditur favor articuli mortis quantum ad plenam remissionem, qui potest obtrineri non immutando debitum ordinem, nec jus alterius auferendo: ergo ita explicandus est.

9 Secundo est notanda illa particula, *quemlibet religiosum*: nam ex vi illius constat non extendi ad familiares, vel servientes. De novitiis autem dubitari posset, quia religiosi non sunt, tamen in re adeo favorabili potest nomen religiosi ad novitium extendi: item quia in eodem privilegio sub his verbis, *Omnibus Prædicatorum, & Minorum ordinum professoribus*, novitii manifeste continentur: nam inferius dicitur, consequantur indulgentiam etiam si ante professionem moriantur: ergo eadem ratione possunt comprehendendi sub nomine religiosorum. Erit autem hoc certius, si in religione sit generale aliquod privilegium concedens, ut novitii frui possint huiusmodi gratiis, & favoribus. Idemque dubium locum habet in donatis, qui tria vota substantialia non emittunt, & ideo proprie religiosi non sunt. Et quia neque ad illa vota emittenda, vel professionem faciendam tendunt, ideo adhuc minus proprie religiosi sunt, quam novitii: & ideo secutius est pro his personis uti aliis privilegiis continentibus similem gratiam pro articulo mortis, & expresse extensionem faciunt ad huiusmodi personas, ut refertur in Compendio D. Hieronymi, §. 6. cum quibusdam limitationibus, & conditionibus, quæ ibi explicantur.

10 Præterea advertere oportet, in prioribus privilegiis simpliciter concedi hanc gratiam pro articulo mortis. Unde inferunt aliqui, quod ex vi illorum si quis absolvat in vero periculo, (quod sub articulo comprehenditur, ut tom. 10. disp. 26. sect. 4. & disp. 21. de fide sect. 4. nu. 23. diximus) & postea non moriatur, non potest iterum per illud privilegium absolvi: quia talis facultas jam habuit suum effectum, & ita per primum usum expiravit, ut generaliter de similibus facultatibus tenet Navar. in Summa cap. 26. num. 3. i. dicens esse juxta mentem omnium; solumque id confirmat argumento l. boves, ff. de verb. signific. ibi, *Hoc sermone dum nupta erit, prima nuptia significantur*. Et confirmari potest: nam ob hanc causam quando Papa vult majus privilegium concedere, addit, *Quod si de illo reputato tunc mortis articulo, aut infirmitate, in qua eorum quilibet constitutus fuerit, non discesserit, semper indulgentia prædicta intelligatur reservari ad verum mortis articulum*. Quæ verba adduntur in privilegiis concessis ab Eugenio IV. & a Nicolao V. relatis in dicto compendio S. Hieron. §. 6. & 7. ergo signum est, ubi hæc extensio non additur, finiri facultatem per primum usum. Et hanc sententiam videtur sequi Cordub. lib. 5. de Indulgentiis, quæst. 29. in fine.

11 Sed in his privilegiis oportet duo distinguere, scilicet, absolutionem a reservatis, de qua nunc præcipue agimus, & indulgentiam plenariam. Quantum ergo attinet ad indulgentiam Navarri opinio frequentius recepta est, ut intelligi potest ex Sylvestro, verb. *Indulgentia*, nu. 25. & Anton. 3. part. tit. 10. c. 3. §. 4. & 5. Nihilominus probabilius cenfeo semper reservari in verum articulum mortis ex conjecturata mente Pontificis, nam revera intentio ejus est concedere hanc gratiam, ut quantum in se est habeat efficaciam perducendi hominem immediate ad gloriam, ita ut illi non sit necessaria purgatio post hanc vitam. Item, quia hæc etiam est intentio postulantis hoc privilegium, quia tota mens ejus fertur ad veram mortem: nam vera necessitas huius gratiæ in illo veto articulo existit. Unde ubi hoc expresse ponitur, fieri cenfeo ad majorem declarationem, & ad tollenda dubia, tamen considerata materia, etiam sine tali declaratione, videtur ex re ipsa satis constare de mente Pontificis.

12 Hæc autem suspensio usque ad verum articulum, dupliciter potest intelligi: primo, ut indulgentia nunquam habeat effectum, donec vera mors sequatur, & ideo, illa non sequuta, refertur. Secundo, ut indulgentia statim operetur, & nihilominus si mors non sequatur, iterum atque iterum in simili articulo concedi possit cum effectum, donec vera mors sequatur. Et

a. Observatio.

3. Observatio, & quorumdam placitum circa illam.

Authoritas decisiva quoad confessionem indulgentiæ in articulo mortis.

Duplex modus differendi indulgentiam usque ad articulum mortis.

Nota pro servientibus in religione. Item pro novitiis.

Alter casus in articulo mortis.

licet prior modus sit probabilis, tamen posterior est magis pius, & veritati magis consentaneus. Primo, quia beneficium Principis ample interpretandum est, quando ipse non limitat illud, hic autem non limitat, quia non dicit, *semel in articulo mortis*, tunc enim fortasse statim fieret effectus, propter rationem quam statim faciemus, & expiraret gratia propter illam restrictionem *semel*, quæ in præsentia non additur, sed est concessio indefinita pro articulo mortis: ergo ample intelligendum est hoc beneficium pro quovis articulo. Et confirmatur, quia in huiusmodi rebus indefinita æquivaleret universali. Secundo, quia Pontifex absolute dat confessori facultatem concedendi illam indulgentiam in articulo mortis: ergo etiam confessor utens illa, absolute absolvit plenarie, & non sub aliqua conditione: ergo absolutio non manet suspensa, quasi expectans adventum mortis: nec debemus recurrere ad præsentiam Dei, quia hi effectus morales sunt juxta virtutem, & intentionem agentis independentem ab extrinseca scientia: ergo in illa absolutio statim operatur: ergo reservatur in verum articulum mortis nova absolutio. Tertio potest ita explicari: quia per talem indulgentiam vult concedere Pontifex plenariam remissionem totius vitæ usque ad articulum mortis: quia tamen de vero articulo mortis homini constare non potest, ideo consequenter ac necessario vult ut talis absolutio instanti periculo, & quando moraliter timetur mors, concedatur: & quia non vult absolutionem, quæ debet esse actus legitimus, esse conditionatam, ideo statim habet effectum. Si autem postea mors non sequitur, effectus ille non est adequatus gratiæ, seu facultati: quia non est de reatibus totius vitæ usque ad veram mortem: ergo semper superest facultas absolvendi in vero articulo mortis a reatibus, qui superfuere: ergo semper reservatur indulgentia aliqua ad verum articulum mortis. Atque ita sentit Gerson 2. part. tract. de absolutione sacramentali, §. *Quæris ulterius*, Alph. 33. lit. K. & quoad hanc partem idem sequitur Cordub. supra.

Decisio
quoad ab-
solutionē
a reservatis
in eo-
dem arti-
culo.

13 Hinc verò colligo idem a fortiori dicendum esse de potestate absolvendi a peccatis reservatis pro articulo mortis simpliciter concessa: nam sine dubio per illam potest quis absolvi in gravi, & morali periculo mortis, quia non potest humano, & rationabili modo aliter dari, vel plus differri absolutio. De qua multo certius est statim operari, quia sacramentalis absolutio suspendi non potest, nec conditionem de futuro recipere. Si autem mors non sequatur, dari poterit similis absolutio in quocumque simili eventu usque ad verum articulum mortis. Primo quidem ratione indulgentiæ plenariæ, quando illa conjungitur, ut in indulgiis, de quibus agimus: nam eodem sensu conceditur potestas absolvendi a reservatis, quo indulgentia plenaria pro articulo mortis, ut ex eodem contextu patet. Imo illa potestas absolvendi ordinatur ad indulgentiam plenariam obtinendam, ut in jubileis, & per Bullam Cruciatæ fieri solet: ergo quamdiu homo manet capax talis indulgentiæ, manet etiam capax absolutionis, quæ est dispositio ad illam: nam qui dat formam, dat consequentiam ad formam. Secundo, etiam si indultum non haberet adjunctam indulgentiam plenariam, juxta tantum daret potestatem absolvendi a reservatis in articulo mortis, non exstingueretur illa potestas per primum actum, sed semper maneret sufficiens ad absolvendum in vero articulo mortis, propter easdem rationes in priori puncto factas, quia revera finis intentus a Pontifice per hanc facultatem, est efficax auxilium pro ipsa morte, & quia illa non sequuta, nondum habet illa facultas plenum usum. Et revera hoc potius opinatur Corduba, imo ex hoc exemplo confirmat illud de indulgentiis, *Sicut aliæ concessionēs (inquit) factæ pro articulo mortis, ut ad absolvendum a peccatis, & censuris in articulo mortis, ad celebrandum domi sue, & communicandum in articulo mortis, intelliguntur toties, quoties talis articulus occurrit, ut patet (ait) ex practicata consuetudine*. In fine autem illius §. solum dicit, licentiam absolvendi a reservatis expirare per primum actum, nisi aliud constet de mente concedentis. Nos autem dicimus, id factis constare de mente concedentis, & priorem actum non fuisse adequatum tali facultati.

14 Sed quæret tandem aliquis, quæ sit utilitas hujus

indulti de reservatis pro articulo mortis, seclusa plenaria indulgentia: quia in mortis articulo nulla est peccatorum reservatio, ut Concil. Trident. sess. 14. dicit: ergo illa facultas nec necessaria tunc est, nec utilis. Respondetur, duo per hanc facultatem concedi. Unum est, ut confessor ordinarius, qui aliàs non posset in illo articulo a reservatis absolvere, cum adit prælati, qui absolvere possit, valeat absolutionem a peccatis reservatis impendere. Quamvis enim in articulo mortis si necessitas urgeat, nulla sit reservatio culpæ, nihilominus non excluditur ab illo articulo debitus ordo, ut nimirum ab illo peccatur absolutio, qui per se habet jurisdictionem, quia solus mortis articulus non dat aliis jurisdictionem, sed solum in defectu habentis illam, ideoque quando adest superior, ad quem per se spectat reservatorum absolutio, non potest inferior sacerdos, vel ordinarius confessor absolvere a reservatis per solum commune jus. Addito autem hoc privilegio potest quilibet confessor absolvere, prætermisso prælato, & absque alia facultate ejus, quia Pontifex dat illi jurisdictionem.

15 Secunda utilitas hujus privilegii est, quia ex vi illius absolvitur religiosus simpliciter, & sine ullo onere comparendi. Nam licet omnia peccata in articulo mortis a quolibet sacerdote absolvi possint, tamen interdum si habeant censuram reservatam annexam, ratione illius relinquatur onus comparendi, quando absolutio datur ab eo, a quo aliàs dari non posset, ut alibi tractatum est. Quando autem absolutio datur ex vi hujus privilegii, nullum relinquatur onus comparendi, sed tantum satisfaciendi. Non omitram autem advertere, in quodam privilegio relato a citatis auctoribus, & in dicto Compendio S. Hieronymi haberi hæc verba, *Cum aliquis fratrum incurrerit in dementia, letargiam, vel amiserit expressionem loquelæ antequam absolvatur, vel quia non fuit copia confessoris, in tali casu, vel simili, absolvere eum possit in periculo mortis, & remissionem plenariam auctoritate Apostolica impendere quilibet presbyter secularis, aut regularis*. Oportet enim hæc verba sapienter intelligere: nam si in illis sit sermo de absolutione sacramentali, necessarium est ut aliqua confessio fieri potuerit, saltem per generalia signa confessionis in ordine ad absolutionem postulatam. Si autem confessio nullo modo præcedere potuit, non est danda absolutio sacramentalis, nec privilegium potuit talem facultatem concedere: absolutio vero, seu remissio indulgentiæ plenariæ dari potest in eo casu virtute illius privilegii, quia hæc non est sacramentalis, nec requirit necessario præcedentem confessionem, sed solum gratiæ dispositionem, quæ præsumitur quamdiu oppositum non constat.

16 Tertio dicendum est, prælatum religionis jure suo posse subditos absolvere a peccatis in religione reservatis, vel alteri eam jurisdictionem committere. Hæc assertio quoad priorem partem est per se nota, quia cum peccatum reservatur Superiori, apud illum manet jurisdictio ad absolvendum a peccatis huiusmodi. Est autem hoc respectively intelligendum de Superiore non tantum reservante, sed etiam cui sit reservatio: quamvis enim Generalis, vel Provincialis solus, vel cum Capitulo sibi proportionatus, juxta morem religionis, reserve peccatum, non tamen semper sibi reservat, sed Conventuali prælato: de illo ergo dicimus posse jure suo absolvere, & a fortiori omnem Superiorem prælatum. Sed quid si peccatum reservetur soli Generali, vel Provinciali? Respondeo, tunc non posse Conventualem prælatum jure suo absolvere: sicut non potest Parochus absolvere jure suo a peccatis reservatis Episcopo. Ad providentiam aut Provincialis, vel Generalis pertinet providere modum quo possint subditi absolvi a talibus peccatis in absentia sua, quia cum hæc sit frequens, & diuturna, & confessio cum absolutione nō possit fieri per literas, injustum esset cogere subditos rō tempore confessione privati, vel cogere illos, ut vel diminute confiteantur, tacendo peccata reservata, quia ab eis absolvi nō possint, vel licite integre confiteantur, ut ab eis absolvi nō possint, nisi per accidens sicut a peccatis oblitis. Imo licet peccatum habeat annexam excommunicationem reservatam Provinciali, cujus absolutio per literas potest impetrari, qua impetrata, tollitur reservatio culpæ, nihilominus molestissimū esset subditis

grava.

gravamen expectandi absolutionem censuræ per litteras a Provinciali, tum propter moram, tum propter periculum reservationis; & ideo semper esse debet præfens qui possit absolvere, vel simpliciter, vel saltem sub onere comparandi tempore commodo.

17 Altera pars etiam est certa, quia in prælato iurisdic-tio circa hæc peccata, est ordinaria, convenit enim illi ex vi sui muneris: ergo potest illam delegare. Dices, quando reservatio fit a Capitulo vel prælato superiore, tunc inferior prælatus solum ex commissione superioris reservantis habet iurisdictionem circa talia peccata: ergo est iurisdic-tio delegata: ergo non potest illam alteri committere. Respondetur negando antecedens, si de nova, aut speciali commissione intelligatur: nam reservare peccatum Conventuali prælato, non est novam iurisdictionem illi committere, sed est non auferre, quæ convenit illi ratione muneris, quod si hæc vocetur commissio, non est delegatio, sed traditio ordinariæ iurisdictionis. Occurrit autem hic mihi peculiare dubium, si peccatum sit reservatum Provinciali, vel Generali, & ipse designet aliquem, qui in absentia sua absolvat, an ille possit vices suas alteri committere. Respondeo tamen, non posse, quia revera ille tantum est delegatus. Unde idem dicam in illo casu de ipsomet prælato locali, etiam si illa facta sit commissio a Provinciali, vel Generali: quia tunc etiam est pure delegatus, quia illa commissio non est ex proprio munere, neque a jure, sed ab homine; ut si Episcopus committat Parocho peccata sibi reservata, non potest illam iurisdictionem alteri subdelegare.

18 Dices, ergo cogitur subditus tunc confiteri prælato proximo, vel uni confessori, cui facta est commissio, nec potest ab eis obtinere facultatem confitendi alteri, quod esset valde molestum, & sæpe etiam nocivum. Ponamus deinde, Provinciale lapsum esse in peccatum, quod respectu illius est reservatum Generali; cogetur ergo illud confiteri soli confessori sibi designato a Generali, nec poterit obtinere facultatem confitendi alii, nisi ad Generalem recurrendo, & ita esset ipse peioris conditionis, quam ceteri. Respondeo ad priorem difficultatem, illud non esse inconveniens in rigore loquendo, quia satis est quod Provincialis uni committat vices suas, qui ad illud opus quasi permanenter expositus sit, & sit quasi pœnitentiarius ejus: quod si aliquis subditus illo contentus non fuerit, recurrere poterit ad Provinciale, medio alio sacerdote, nomine pœnitentis tacito, petente facultatem: quod si passus fuerit moram, sibi imputet, cum ad pœnitentiarium expositum nolit recurrere. Suavius tamen faciet Provincialis, committendo talem facultatem cum potestate subdelegata, vel duobus, aut tribus illam committendo, si commode fieri potest.

19 Atque idem fere dici potest ad alteram partem, quamvis in eo casu sit specialis difficultas, eo quod recursum ad Generalem & difficilior est, & tardior; & præterea, quia Provincialis vix, aut nullo modo potest petere novam facultatem, tacito suo nomine. Et ideo in designando confessore Provinciali cum tali facultate, videtur magis necessarium, ut habeat illam cum potestate delegandi; vel certe ut illam habeat tanquam ordinarius minister respectu talis personæ. Ut cumque tamen id fiat, non potest vitare Provincialis quin ab eo petat facultatem confitendi alteri, & si ve illam per se, si ve per alium petat, excusari non potest quin confessori innotescat persona, pro qua facultas postuletur; quia non habet alium pœnitentem pro quo possit postulare. Sed hoc non est inconveniens, est enim tanquam onus illius muneris quod tolerandum est, nam & est necessarium ad debitum ordinem, quia etiam prælatus cum sit homo, indiget fræno reservationis, & non potest alio convenienti modo illi provideri de ministro, qui eum possit absolvere, eo quod Superiorem distantem habeat. Et aliunde, sicut ratione muneris, & donorum, quæ ad illud supponuntur tenerur liberior esse hujusmodi culpis, mirum non est, si in illas inciderit quod majus etiam sentiat onus, & gravamen.

20 Occurrit tamen statim quæstio, an Superior non solum possit, sed etiam teneatur delegare hanc facultatem quando subditus id postulet. Sed hanc quæstionem tractavi sufficienter in 4. tom. disp. 30. sect. 4. & in

Suarez Tom. XV.

5. explicavi modum concedendi illam; quæ hoc loco repetere necesse non est. Sed propter quosdam, qui nimiam licentiam in hoc negotio subditis concedunt, addendum hic occurrit vulgare dubium, si prælatus neget hanc licentiam subdito petenti illam per se, vel per alium, an eo ipso possit subditus alteri confiteri, & ab illo absolvi a peccatis reservatis. Non enim defuerunt, qui id affirmarent: quia tunc subditus vim patitur a prælato: ergo eo ipso habet jus confitendi alteri. Antecedens patet, quia prælatus graviter peccat, negando hujusmodi facultatem, contra suum munus, & contra præceptum Pii V. in quodam motu proprio anni 1571. Prædicatoribus concessio, in quo declarat, eos non posse per Bullam Cruciatæ eligere confessorem sine licentia prælatorum. Et subdit, *Eisdem tamen prælatis in usu hujusmodi potestatis, seu cum subditis benignos, & faciles se exhibeant, præcipimus.* Consequentia autem probatur, quia eo ipso quod inferior prælatus injuste negat dictam facultatem, præsumitur superior prælatus, vel ipse Papa concedere illam, ne subditus perplexus, & sine remedio maneat.

21 Sed nihilominus sententiam hanc falsam esse existimo, quia nullo jure fundatur, nec auctores antiqui illam docent, nec talis consuetudo est inter timoratos viros, nec denique ratio ulla illi suffragatur. Nam in hoc Sacramento non sufficit rati habitio de futuro, nec voluntas præsumpta, si non sit de aliqua voluntate, quam revera habeat, vel habuerit prælatus, & præsumptio fundetur in aliquibus sufficientibus signis talis voluntatis; in præfenti autem nulla sunt talia signa, neque ulla verisimilitudo, quod Superior habeat, vel habuerit talem voluntatem. Imo, si prudenter res consideretur, existimo nec rati habitationem de futuro hic intervenire, quia potius prælati superiores præsumendi sunt gravare ferre hujusmodi subditorum libertatē, quia licet alicui fortasse interdum posset esse utilis, sæpius esset in ruinam, & in dispendium religionis. Denique illa sententia intellecta de absolutione directâ a reservatis parum consentanea est doctrinæ Conc. Trident. sess. 14. c. 7. quomodo autem possit sano modo explicari, statim dicam. Videantur, quæ generatim de hac facultate petita, & non obtemperata dixi in 4. to. disp. 17. sect. 4.

22 Sed quæret aliquis, quid faciet pœnitens, cui hæc facultas negatur, & necessitatem habet celebrandi, vel communicandi, ita ut si non sit, scandalum, vel infamia sequatur. Quidam dicunt, habita contritione, vel probabili estimatione ejus, posse communicare non præmissa confessione, tanquam is, qui non habet copiam confessoris. Sed circa hoc est in primis advertendum, non quodcumque peccatum prælati in deneganda facultate sufficere, ut statim concedamus subdito hanc, vel similem licentiam. Potest enim hoc peccatum consistere, vel solum in nimio rigore, & in periculo, in quo constituit subditum, vel male confitendi, vel concipiendi aversionem, & quasi odium confessionis; vel potest esse peccatum in hoc quod Superior intendit abuti notitia confessionis, ita ut subditus inde probabiliter timeat aliquod grave damnum, vel fractionem sigilli. Quando peccatum est tantum primi generis, illud non est satis ut subditus deobligetur ab observatione divinorum præceptorum, quando vincendo difficultatem, & sustinendo rigorem nimium Superioris, nullum probabile incommodum, neque injuriam sacramenti timeret, licet Superiori confiteatur, sed solum ruborem, verecundiam, & similes difficultates, quæ, moraliter loquendo, non sufficiunt ad excusandum a divino præcepto. Si ergo in eo casu communicare vult, confiteatur integre cui potest, quia habet divinam obligationem, & nullâ sufficientem excusationē.

23 Quando autem peccatum est posterioris rationis, habet sine dubio subditus sufficientem excusationem, ut constet ex materia de Pœnit. Potest ergo tunc communicare, licet Superiori non confiteatur. Addo vero, etiam posse confiteri alteri ordinario confessori, & ab eo posse absolvi, quamvis absolutio solum cadat directè in peccata non reservata, & alia tollant solum indirectè, sicut oblita. Imo vero non solum existimo hoc posse fieri, sed etiam esse convenientius, & omnino faciendum, si quis habeat conscientiam alterius peccati mortalis non reservati: quia ille est dispositus ad con-

fectionem, & ad effectum absolutionis. quantum est ex se, ut supponimus, & alioquin confiteretur quantum potest, & quomodo potest, & quod licite id facit, cum sit in necessitate communicandi; quæ est sufficiens, ut debeat sic confiteri, tum ut impleat præceptum divinum, tum ut fiat ex animo contritus, si fortasse non pervenit ad veram contritionem. Confessor autem potest, & debet tunc absolutionem præstare, si sibi confiter, penitentem habere justam excusationem non confitendi Superiori: quia penitens est dispositus, & integre confiteretur quantum potest, & est in sufficienti necessitate absolutionis. Neque est quod confessor de jurisdictione dubitet, quia tunc non utitur jurisdictione præsumpta. (In quo differt hæc sententia a præcedenti) sed utitur jurisdictione certa, quam habere debet circa alia peccata confessa, quæ sufficit ad conficiendum sacramentum, quo indirecte tollantur peccata reservata, etiam si in illa nulla sit jurisdictio. Per hoc autem remedium subvenitur necessitati penitentis, & servatur reverentia debita sacramento Eucharistiæ, & non minuitur rigor reservationis, nam semper manet eadem obligatio confitendi directe illa peccata Superiori, vel ei, qui ab illo jurisdictionem habuerit: in quo maxime differt hic modus dicendi a præcedenti in n. 20. nam juxta illum, consequuta semel absolutione, non oporteret illa peccata iterum confiteri Superiori; quia remissa fuisse dicuntur per jurisdictionem ipso jure, vel tacite datam a majori prælato, imo etiam sit ut penitens maneat liber ab omni onere comparendi, quia sicut præsumitur jurisdictio data, ita præsumetur absolute, & simpliciter data: maxime ubi peccatum non habet annexam censuram reservatam, quod sine dubio maximum inconveniens est. Est ideo illa jurisdictio præsumpta, ut dixi, nullo modo est admittenda; absolutio autem directa juxta mensuram propriæ jurisdictionis cum remissione indirecta eorum peccatorum, in multis casibus necessario admittenda est, ut ex propria materia constat: unus ergo illorum est hic, de quo agimus, & alium similem in sequenti videmus.

C A P U T X X.

An Prælati regulares possint absolvere suos subditos a censuris.

HÆtenus de peccatorum absolutione dictum est, jam de absolutione censurarum agendum, quæ possunt etiam distingui in censuras ipsiusmet religionis, & ab extrinseco provenientes: item in censuras a jure, vel ab homine: item in reservatas, & non reservatas. Deinde potestas absolvendi ab illis, esse potest vel ex jure communi, vel ex jure, & privilegiis regularibus. Primo ergo dicendum est, prælatum religionis jure communi posse absolvere ab omnibus censuris non reservatis, & ipso jure latis, sive sit jus commune, sive proprium religionis. Probatur ex cap. *nuper*, de sent. excom. ubi quilibet proprius sacerdos dicitur habere hanc potestatem; quia ubi conditor juris absolutionem non reservat, concessisse videtur, ut ibidem dicitur. Quæ regula in omni jure, tam communi, quam regulari, eadem ratione locum habet: prælatus autem religionis est proprius sacerdos suorum subditorum, ut per se constat: ergo. Ex quo infero, etiam ordinarium confessorem conventus, vel quemcumque alium approbatum ab ipso prælato ad audiendas confessiones subditorum cum jurisdictione absolvendi a mortalibus non reservatis, posse etiam absolvere a quibuscumque censuris non reservatis per talia peccata contractis; nam juxta probabiliorē sententiam, quam in tom. 5. approbavimus, decisio cap. *nuper*, extenditur ad quemlibet sacerdotem habentem jurisdictionem ad absolvendum a peccatis mortalibus, ratione quorum censetur consequenter concessa potestas absolvendi ab hujusmodi censuris: nam, qui delegat potestatem ad aliquid censetur concedere potestatem ad omnia necessaria ad talem finem, ut est vulgatum in jure. Et confirmatur, quia aliqua est constituenda differentia inter excommunicationem reservatam vel non reservatam prælato: nulla autem esset, si confessor ordinarius non posset absolvere ab excommunicatione non reservata. Hic autem

oriebatur dubium de censuris juris communis peculiariter commissis Episcopis, de quo infra dicemus.

2 Secundo dicendum est, prælatum religionis jure ordinario posse absolvere subditum ab omni censura lata ab homine, tam per sententiam generalem, quam per particularem, nisi sit lata a Superiore prælato suo. Probatur assertio, quia censura ab homine, ab eodem tolli potest, a quo fuit posita, vel ab ejus superiore; sed religiosus non potest ab alio homine excommunicari nisi a prælato suo: ergo ab eodem potest, & debet absolvi. Habet ergo prælatus jure ordinario hanc potestatem, quæ, si consideretur in prælato superiore, extenditur ad omnes censuras latis ab inferioribus prælatis sibi subjectis. Atque hinc facile probatur exceptio: nam inferior non potest superioris sententiam revocare.

3 Potest autem quæri, an illa exceptio intelligenda sit tam de sententia generali, quam de particulari; Breviser tamen respondeo, quod licet in rigore juris utriusque adhibenda videatur, nihilominus ex usu, & pia interpretatione generalis sententia in hoc æquiparatur juri, ita ut, si censuram sic latam prælatus sibi expresse non reservet, eo ipso illam ordinariis prælatis, vel confessoribus reservare censeatur juxta regulam dicti cap. *nuper*. Solum ergo in sententiis specialibus illam limitationem intelligit. Ex dictis autem constat, nomine prælati in præsentem comprehendere Summum Pontificem, qui generali, & speciali titulo est summus prælatus religiosorum, & ideo ipse potest absolvere quoscumque religiosos a quibuscumque censuris, latis a quibuscumque aliis prælatis: alii vero non possunt absolvere a latis ab ipso, nisi quatenus ab eo conceditur, vel expresse, vel per generalem regulam cap. *nuper*.

4 Peculiarem vero difficultatem habet quid dicendum sit de excommunicatione religiosi lata ab Episcopo in casibus in quibus eam in religiosos ferre potest, etiam si exempti sint; nam de sibi subjectis nulla est quæstio, quia cum ipse sit Ordinarius prælatus talium religiosorum, regula posita, in eo locum habet. Potest autem interdum Episcopus aliquid præcipere religiosi sub pœna excommunicationis, ut quod ad processionem vocati accedant, juxta Concil. Trident. sess. 25. cap. 13. de Regul. & in aliis casibus illis commissis in eadem sessione, variis decretis de Regularibus, & sess. 5. cap. 1. de Reformat. & aliis locis similibus. Tunc ergo, cum certum sit, ipsummet Episcopum posse absolvere, & a fortiori Pontificem; de prælatis religionis dubium est, nam cum non sint subditi Episcopis, non videntur comprehendere sub exceptione posita, poterunt ergo absolvere subditos ab his censuris. Respondeo nihilominus non posse; quia in eo actu revera sunt Episcopi superiores prælati respectu prælatorum religionis: nam vel Episcopi in eo actu procedunt ut delegati Secis Apostolicæ, ut sæpe in dicto Concilio dicitur, & tunc constat non solum esse Superiores, sed quodammodo supremos, quia vivunt jurisdictione Pontificia sibi delegata: Vel se gerunt ut propria jurisdictione utentes, ablata exemptione, quantum ad talem calum; & sic etiam sunt Superiores, quia omnes prælati religionis jure ordinario essent subditi Episcopis, nisi essent exempti: ergo pro illis casibus, in quibus exempti non sunt; manent inferiores Episcopis: ergo non possunt absolvere a censura lata ab Episcopo in aliquo tali casu per sententiam particularem, nam de generali aliud est, ut diximus.

5 In quo tamen obiter notandum est privilegium concessum a Nicolao IV. quod his verbis refertur in Compendio Societatis, verb. *Excommunicationis*, §. 3. *Nicolaus IV. noluit fratres ligari aliqua sententia excommunicationis, suspensionis, & interdicti hominis, nisi nominatim fieret mentio, nec sufficeret, si diceret in sententia generali, ut perinde valeant, ac si essent nominati expresse.* Quod privilegium si intelligatur de expressa nominatione singularium personarum regularium, est satis magnum; si autem intelligatur solum de expressa nominatione talis, vel talis religionis, vel monasterii, & omnium religiosorum ejus, minorem continet gratiam, sufficientem tamen ad explicationem privilegii, si alia verba non repugnant. Videtur prior sensus magis consentaneus verbis, quia proprie non dicitur fieri mentio nominatim aliquorum quando sub generali appell-

An de censuris ab Episcopis latis proceat assertio.

Privilegium eximios religiosos a censuris nisi nominantur.

appellatione talium religiosorum comprehenduntur; præsertim quia ibi dicitur, *non sufficere, si dicatur in sententia generali, ut perinde valeant ac si essent nominati expresse*. Quod credibile non est, positum esse propter nominationem religionis, aut monasterii, quæ facilissimo negotio fieri potest expresse: positum ergo est propter expressam nominationem personalem. Ita ergo videtur hic favor intelligendus, ampliandus, & valde notandus.

6 Dico tertio, a censuris latis, & reservatis jure religionis eodem jure absolvere potest prælatus, ad quem reservatio facta est, & a fortiori prælatus superior, & consequenter delegati ab ipsis. Hæc omnia constant ex communi doctrina de censuris, & ex dictis in præcedenti capite de solutione a culpis reservatis: nam quoad hoc eadem est ratio, & proportio. Solum queri potest, si reservatio censuræ fiat prælato absolute, & absque addito determinante, quis veniet sub illa appellatione, & præsertim, an prælatus, etiam localis, possit absolvere. Respondetur affirmando; nam sub illa voce absolute prolata, quilibet prælatus comprehenditur, & indefinita locutio in his rebus universali æquivalere. Item, quia Præpositus Conventualis est vere prælatus, & participat suo modo jurisdictionem Episcopalem; ut supra cap. 2. a num. 9. dixi.

7 Circa delegationem autem occurrit illa vulgaris interrogatio, si Superior committat potestatem absolvendi subditum a censuris, an censeatur commissa ad absolvendum a censuris reservatis. Videtur enim negative respondendum, juxta regulam textus in cap. 2. de pœnit. & remiss. in 6. In contrarium autem est, quia per illam facultatem plus videtur concedi, quam per facultatem absolvendi a peccatis mortalibus non reservatis, sed per hanc conceditur consequenter potestas absolvendi a censuris non reservatis, ut nu. 1. diximus: ergo ut illa facultas aliquid operetur, oportet ut extendatur ad censuras reservatas. Respondetur nihilominus, si aliunde non colligatur, hanc fuisse mentem concedentis, non esse facile extensionem illam admittebam; propter citatam regulam, & quia potest illa expressa, & directa concessio fieri ad tollendam omnem dubitationem, vel opinionem: nam in jurisdictione delegata non est certum, cum, qui potest absolvere a mortalibus, posse etiam absolvere ab excommunicatione majori non reservata, licet sit probabile: item potest operari illa facultas, ut absolutio a censura per se detur sine ordine ad absolutionem sacramentalem. Hoc autem procedit quando in religione sunt quedam censuræ reservatæ, & aliæ non reservatæ: nam si tantum essent reservatæ, necessario venient sub generali appellatione, quia in tali religione non sunt aliæ; & ideo ex materia ipsa fit sufficiens determinatio.

8 Dico quarto, prælatus religionis, partim jure communi, partim ex privilegio, potest absolvere subditos a censuris reservatis Papæ quæ in jure commissæ sunt Episcopis. Non agimus de censuris, quas ipsi Episcopi sibi reservant, quia illæ non ligant religiosos exemptos, de quibus agimus; censuræ autem Papales ligant illos, si alioquin ad illos vel speciatim, vel generatim dirigantur; & consequenter etiam reservatio Papalis ex se vim habet respectu illorum: ideoque nisi ab ipso Papa detur aliquo modo jurisdictio, non poterunt ab illis absolvi. Solum autem in jure committi Episcopo in aliquibus casibus absolutio a censura Papæ reservata: quod dupliciter contingit, scilicet, vel simpliciter ex generali ratione Episcopalis jurisdictionis, vel ex peculiari commissione, & præsertim si addatur, *ut legato Pontificis*. Priori modo committitur ei absolutio ab excommunicatione can. *Si quis suadente*, ut in cap. *pervenit*, cum similibus, de sent. excom. & in Conc. Later. sub Alexand. III. part. 14. In his ergo casibus, & similibus absolvere possunt prælati religionum suos subditos jure ordinario. Probat, quia habent in illos jurisdictionem Episcopalem, & præsertim in his rebus, quæ ad spirituales salutem, & medicinam pertinent, ut est absolutio a censura: sicut ergo illam jurisdictionem habent communi jure, ut supra probatum est; ita etiam habent potestatem absolvendi in his casibus.

9 Posteriori modo sunt multæ concessionem factæ Episcopis in Concil. Trident. illa vero præcipua est, quæ

habetur sess. 24. cap. 6. de Reform. ubi conceditur Episcopis facultas absolvendi in quibuscumque casibus occultis, sed Apostolicæ reservatis. Quæ concessio, si nulla verba inspiciantur, videtur esse prioris generis, & consequenter extendi ad prælatos religionum, etiam jure ordinatio. Nihilominus in 4. rom. 3. part. disp. 30. sess. 2. n. 7. propter quamdam responsionem Congregationis Cardinalium, oppositum dixi: retuli tamen ibidem Motum proprium Pii V. in quo facultatem illam extendit ad prælatos ordinis Prædicatorum: quo privilegio aliæ etiam religiones per viam communicationis uti possunt. Conceditur autem illa facultas tam Prioribus Conventualibus, quam superioribus prælati. Unde constat Superiores, aut Vicarios ordinarios non posse illa facultate uti, nisi eis a prælati delegeretur: intelligitur autem delegata, quoties prælatus a monasterio absens, Vicarium loco suo relinquit. Fruentur autem illa facultate Superiores parvorum conventuum, quilibet Abbates, aut Priores non nominentur, munus tamen integre exercent, & immediate Provinciali subiciuntur. Atque idem dicendum est circa priores casus, in quibus hi prælati utuntur sua jurisdictione ordinaria, juxta superius dicta de his prælati, & eorum jurisdictione in genere.

10 Hic autem occurrebat specialis quæstio de excommunicatione incurra per peccatum hæresis, an possit ab his prælati absolvi per illud privilegium Pii V. dicendum autem est, si Concilii facultas revocata non esset, sine dubio id possent hi prælati, quia ex censu Pii V. generalis est quoad omnes facultates; Concilium autem concedit hanc facultatem Episcopis, saltem per seipso. Ego autem in d. sess. 2. probabilis censui, dictam facultatem esse revocatam per Bullam Cœnæ, quod explicando eandem Bullam in to. 5. & disp. 21. de fide sess. 4. n. 1. iterum confirmavi, & nunc etiam verum censeo, etiam si nonnulli moderni oppositum docuerint, in quibus sunt Henric. lib. 3. de Pœnit. cap. 3. & Emman. Rodr. tom. 1. q. 20. art. 10. & in explicat. Cunctar. §. 9. nu. 70. Gutier. in Quæst. canon. statim citandus. Unde consequenter in præsentis pro indubitato habeo, non posse hos Prælatos absolvere ab hac censura ex vi Concilii, & Privilegii Pii V. quod etiam sensit Sanc. lib. 2. Decal. cap. 1. nu. 7. quia ille non vult, ut hi Prælati in hac parte habeant majorem jurisdictionem, quam Episcopi, sed tantum, ut non sint peioris conditionis: tum etiam, quia revocatio, quæ fit in Bulla Cœnæ, generalis est quoad omnes, qui non habent facultatem peculiarem in casus ibi contentos prout ibi reservantur.

11 Addunt vero aliqui, quod licet Episcoporum facultas non esset revocata, Prælati religionum illam non haberent, quia illa non est data Episcopis, ut Episcopi sunt, sed ut Inquisitores sunt, quod munus Prælati religionum non habent. Sed hoc non potest satis probari ex verbis Concilii Tridentini: nam postquam generaliter de aliis criminibus occultis dixerat, subdit, *Idem & in hæresis crimine*, &c. ergo hoc etiam committit Episcopis, ut Episcopi sunt; solum addidit restrictionem, ut non possint eam potestatem delegare: de cujus restrictionis sensu alibi disputandum est. Vide quæ dixi disp. 30. de pœnit. sess. 2. & disp. 21. de fide sess. 4. & disp. 21. de censur. sess. 3. n. 5. & Cordub. in Summa Hispana, quæst. 8. Gutier. in suo Quæstionario cap. 13. nu. 28. Emman. Rodr. tom. 1. q. 20. artic. 11. Igitur licet Concilium ex se non extendatur ad Prælatos religionum, sed solum ex concessione Pii V. tamen, illa supposita, non dubito, quin extensio comprehendat etiam crimen hæresis; tamen revocatio æque etiam extenditur, ut dixi, & in sequentibus amplius explicabo.

12 Dico quinto, per privilegia religionum, præsertim Mendicantium, possunt Prælati regulares absolvere suos subditos ab omnibus censuris a jure, vel ab homine latis. Priorem partem hujus conclusionis, quæ spectat ad censuras a jure, (sub quibus nunc censuras Bullæ Cœnæ comprehendo) colligo ex his, quæ breviter notantur in Compendio Societatis, verb. *Abolutio*, & ex multis privilegiis, quæ indicat Emmanuel Rodericus tom. 1. quæst. 20. Non censeo tamen necessarium per singula privilegia discurrere: quædam enim concedunt absolutionem tantum ab una censura, excommunicatione, v.g. alia ab aliis, vel ab

quo sum-
ptis Epi-
scopis ut
l. gratis
sedis
Apost.

Novo tas-
men pri-
o v legio
Pri IV re-
vera pro-
cedit.]

An quoad
censu am-
on hære-
sim æq. i-
parentur
etiam E-
piscopis
idem
prælati.

Probat
ex variis
privile-
giis.

Non pro-
cedit æ-
quipara.

omnibus, & interdum extendunt sermonem ad dispensationem ab irregularitate, de qua nunc non agimus. Item, quædam addunt hanc limitationem, *Nisi adeo fuerint graves, & enormes excessus, quod sint ad Sedem Apostolicam merito destinandi*, ut ex Clemente IV. refertur in libr. Monumenta ordinum, concess. 318. & 319. Alia vero addunt contrariam extensionem, *etiam si talia forent, propter quæ Sedes Apostolica esset consulenda*, &c. prout refertur in dicto Compendio Societatis, §. 10. ex privilegio Benedictinis concessio. Ex omnibus ergo privilegiis sufficienter inspectis colligitur universalis conclusio posita (etiam quoad utramque partem.) In qua sunt tria explicanda. Primum materia, circa quam hæc facultas versatur: secundum, quis Prælati possit illa uti: tertium, circa quas personas,

CAPUT XXI.

A quibus censuris & pœnis possint Prælati regulares absolvere suos subditos per privilegium religionibus, præsertim mendicantibus, concessum.

IN hoc puncto, quoad primum in fine præcedentis capituli proposuimus, dicendum est censuras Pontificias esse materiam horum privilegiorum. Hoc constat ex eorum verbis, quæ universalia sunt, & prædictam distributionem multis modis declarant. Quia vero sub universali clausula non solent speciales casus comprehendendi, dubitari inprimis potest, an sub ea comprehendantur casus reservati in Bulla Cœnæ; qui, ut aliqui censent, ita sunt speciales, ut sub generali facultate non comprehendantur, qua de re vide Staphylæum de Reservat. in forma Brevium, pag. 191. Gomez in tract. Brevium, n. 26. Nihilominus dicendum est comprehendendi, non quidem sub singulis privilegiis, nam, ut dixi nu. 12. cap. præced. in aliquibus sunt vel tantum generalia, vel nimis limitata, sed sub omnibus simul. Primo quidem est privilegium Sixti IV. cujus fit mentio in nostro Compendio §. 6. verb. *Absolutio*, ex Monumentis Minorum. In eo enim a generali exceptione quatuor tantum casus excipiuntur; exceptio autem, ut Juristæ ajunt, firmat universalem regulam in contrarium: ergo ex vi illius indulti extenditur hæc facultas ad omnes alios casus in Cœnâ Domini contentos, & quomodocumque Pontifici reservatos. Erant autem casus excepti a Sixto IV. Primo *relapsus in hæresim, schisma, literarum Apostolicarum falsificatio, & delatio prohibitorum ad infideles*. Qui omnes sunt casus in Bulla Cœnæ contenti, & ex his, quæ circa illius expositionem tomo de Censur. disput. 21. sect. 2. diximus, satis clari. Ex his autem intelligitur vis rationis factæ: nam ex eis constat, illam facultatem extendi etiam ad primum lapsum in peccatum hæresis, quod inter omnia reservata habet maximam specialitatem; ergo a fortiori intelliguntur concessi omnes alii casus ibi non excepti. Item cum in sola hæresi relapsus excipitur, in aliis non exceptis quicumque relapsus, seu quodcumque recidivum intelligitur concessum.

2. Addo vero ulterius, illam exceptionem magna ex parte sublatam esse per concessionem Gregor. XIII. Societati factam, *absolvendi ab hæresi, & a relapsu etiam in hæresim eos omnes, qui sub Societatis obedientia vivunt, si quis (quod Deus avertat) in tam incideret*, ut dicitur in dicto Compendio, §. 7. & in 9. additur, eandem facultatem concessisse Alexand. VI. Minoribus de Observantia, cum duplici tamen limitatione, scilicet, pro solis Ultramontanis, & dummodo relapsorum crimina publica, & notoria apud seculares non sint: Gregorius vero nullam limitationem addit. Circa quam extensionem dubitari potest, an per illam sublatae sint aliæ tres exceptiones posita a Sixto IV. nam ita videtur affirmandum, quoniam potissima illarum exceptionum erat relapsus in hæresim, & inter omnes casus ille habet maximam specialitatem: ergo illo concessio, reliqui omnes censentur concessi. Sed nihilominus ex vi illius solius indulti non audeam hoc affirmare, quia in materia jurisdictionum, & potestatum argumentum illud non est firmum, nam potest quis habere jurisdictionem ad judicandum de gravissimo

crimine, & non de minori, maxime in jurisdictione delegata, qualis datur per hæc privilegia. Verum est, juxta materiam subjectam intentionem illorum Pontificum videri fuisse, ut omnis exceptio & limitatio auferretur. Existimo tamen supposuisse alias exceptiones jam sublatas, & ideo illam tantum, quæ maxima erat, abtulisse; ablatae autem videntur aliæ exceptiones per privilegia generalia, quæ exceptionem non habent, & addunt illam clausulam, *etiam si talia forent, propter quæ Sedes Apostolica esset consulenda*. Dices, per hanc clausulam, etiam exceptionem relapsus in hæresim videri sublatam. Respondeo, adeo esse specialem casum illum, ut sine specifica expressione non putaretur concessus, etiam per illa generalia verba; sicut in disput. 21. de fide sect. 4. diximus, per privilegia concedentia facultatem absolvendi a casibus Cœnæ, non comprehendendi hæresim, nisi exprimat. Propterea igitur specifica concessio, & extensio merito obtenta est. Atque ita relinquitur satis probata conclusio quoad omnes censuras a jure, & Pontificias, quia omnes continentur vel extra Bullam Cœnæ, vel intra illam; sed ad utraque extenditur hæc facultas; ergo, Quocirca non est dubium, quin hæc facultas se extendat ad excommunicationem, cap. si quis suadente: nam licet olim de jure communi hæc censura committeretur Episcopo in gravioribus casibus, & Abbati in levioribus, cap. Monachi, de sentent. excomm. tamen etiam illa concessio generalis non erat, sed solum quando permissio erat monachorum inter se. Et licet postea extensa sit ad percussorem clerici secularis, cap. Religioso, de sentent. excomm. in 6. tamen & soli Episcopo committebatur, & non universaliter, sed in percussione non enormi, juxta communem interpretationem: at vero juxta prædicta privilegia absolute concessa est hæc facultas non in speciali, sed per sufficientem clausulam generalem, ut explicatum est.

3. Dubitari vero hic potest, an hæc privilegia hodie sufficiant ad hujusmodi observationem. Est autem duplex ratio dubitandi: prima, quia privilegia non cadunt in futuras reservationes; ex autem reservationes Cœnæ Domini singulis annis renovantur, & tanquam de novo fiunt: ergo privilegia prius concessa non extenduntur ad illas. Quæ ratio procedit de quibuscumque casibus post dicta privilegia reservatis, etiam extra Bullam Cœnæ. Alia ratio est, quia hæc facultates videntur revocatae per posteriores Bullas Cœnæ, in quibus ad finem dicitur, *etiam prætextu quarumvis facultatum, vel indultorum quibuscumque personis quarumvis ordinum etiam Mendicantium, ipsique ordinibus, & eorum monasteriis, &c.* Per quæ verba videntur expresse derogata dicta privilegia. Dicendum nihilominus est primo, hæc privilegia de se sufficere ad absolvendum a quibuscumque peccatis reservatis, tam in Bulla, quam extra illam, etiam si reservatio post concessionem privilegiorum facta sit. Probat, quia sensus illorum privilegiorum non est per ea dari facultatem ad absolvendum ab illis peccatis, quæ tunc reservata sunt, quando privilegium conceditur; sed ab illis, quæ tunc reservata sunt, quando fit confessio, & absolutio præstanda est; ergo, licet reservatio sit posterior, nihil refert. Antecedens probatur, quia inprimis Papa potest hoc sensu suam jurisdictionem delegare, ut est apud omnes indubitatum, quia potest facere delegationem de se perpetuam, id est, quamdiu revocata non fuerit, & potest suam propriam jurisdictionem, & pro tempore vitæ suæ illo modo delegare: ergo pro omnibus futuris temporibus. Quod autem hoc etiam intendat probatur, quia concedit illa privilegia ut perpetua, & ut generalia ad omnes casus reservatos; non possent autem esse talia, nisi ea intentione concederentur. Item, quia privilegia illa sunt absoluta, & continent gratiam & favorem, quæ in nullius præjudicium cedunt, nisi ipsi concesseris: ergo non sunt a nobis restringenda, sed amplianda potius, juxta communem regulam juris.

4. Confirmatur a simili: nam, si Rex eximat oppidum ab aliquo onere, quantumcumque postea crescat, totum id, quod in futurum auctum est, censetur exemptum, ut tradit Baldus in l. cum fundus, ff. de legatis 2. & tractat Covar. in Pract. cap. 2. ergo similiter, &c.

Extenditur etiam ad omnes casus cap. Si quis suadente.

Dubium insurgens an dicta privilegia hodie valeant.

Neque hodie excipitur casus hæresis.

Quid de aliis 3. casibus excipitis a Sixto IV.

&c. Confirmatur secundo a simili, nam si Pontifex concedat Regi præsentationem beneficiorum talis provincie, vel civitatis, extenditur illa concessio etiam ad beneficia postea creata, argum. cap. *quia circa*, de privileg. ubi ratio assertur, quia in beneficiis plenissime est interpretatio adhibenda: ergo multo magis in præsentati adhibenda est: tum quia novæ reservationes sunt quotidianæ, & ideo facilius creditur de eis cogitasse Pontificem, quando tale privilegium concessit; tum etiam, quia hæc privilegia data sunt propter publicam, & magnam utilitatem, scilicet spiritualem, juxta ea, quæ tradunt Joan. Andr. in c. *qui sentit*, de regulis juris in 6. & Panormit. in c. *quia circa*, n. 5. Alexand. lib. 2. consil. consilio 178. n. 21. Tandem confirmatur ex usu sequentium Pontificum: quando enim volunt ut talia privilegia non valeant ad absolvendum a casibus denuo ab ipsis reservatis, revocant expresse dictas facultates: ergo supponunt, illas de se extendi ad sublequutas etiam reservationes.

5 Secundo dicendum est, prædictas facultates non esse revocatas per Bullam Cœnæ Domini. Circa quam assertionem sciendum est; olim in revocatione, quæ fiebat in Bulla usque ad Gregor. XIII. solita fuisse poni illa tantum verba, quæ supra retulimus; illis vero, ut notavit Navar. c. 27. n. 73. addidit Sixtus V. hæc verba: *Nisi in eis etiam casus presentibus literis expresse comprehendantur*, quæ etiam adduntur in Bulla S. D. N. Clementis VIII. Igitur juxta hanc additionem manifesta est conclusio posita, quia per illa verba declaratur non revocari privilegia, in quibus conceditur specifica facultas absolvendi a casibus Bullæ Cœnæ: hujusmodi autem sunt privilegia regularium, ut ostendimus: ergo. Specialiter etiam concessit Gregorius XIII. Societati, ut nullæ ejus facultates per Bullam Cœnæ Domini derogatæ censeantur, ut refertur in Compendio Societatis, verb. *Bulla Cœnæ*, §. 2.

6 At vero juxta antiquam formam dubium erat, an talia privilegia essent revocata, propter verba superius citata sine prædicta, vel aliqua alia limitatione posita. Et affirmandum censuit Collector privilegiorum Mendicantium, verb. *Abolutio ordinaria quoad fratres*, §. 13. ubi refert responsum Cardinalis Alexandrini, ita affirmantis. Aliquibus tamen juris doctis nimis rigorosa visa illa interpretatio, quia non putant verisimile revocare omnes facultates datas in specie ad ipsosmet casus Cœnæ: quia inde possunt inferri multa incommoda, quæ videntur absurda, quæ indicant magnam inconstantiam in voluntate Principis, quæ præsumenda non est, ut latius refert Emman. Roder. tom. 1. q. 20. art. 9. Ad illa vero incommoda respondere possunt, hanc revocationem non esse intelligendam respectu ejusdem Pontificis, qui concessit privilegium, ut adnotavit etiam Cardinalis Alexandrinus, quia de eodem verisimile non est infra eundem annum velle revocare facultatem perpetuam, quam in specie concesserat, præsertim cum illa revocatio, cum sit ordinaria, censeatur prævisa, nam videretur eludere vel decipere concedendo hoc privilegium, quod statim est revocaturus: respectu ergo ejusdem magnam habet vim illa conjectura, quæ quando est adeo vehemens, magnam vim habet in interpretatione legum, ut late prosequitur Tiraquel. in Præfatione ad l. *si unquam*, n. 37. at vero quando Bulla revocatoria, edita est a diverso Pontifice, nulla potest argui inconstantia, quia, cum diversa sit voluntas, non est inconstantia quod una revocet, quod alia voluit, ut quotidie fieri videmus; nec particularia incommoda, quæ hinc inferuntur, aut potius cogitantur, apud me vim habent, quia sunt valde privata, & extraordinaria, quæ morales leges non considerant. Probabilius fundamentum illius sententiæ esse potest, quia facultas absolvendi a casibus Cœnæ, non exceditur, nisi in specie detur, nec sufficit clausula generalis absolvendi a casibus reservatis Papæ, ut multi sentiunt: ergo & e converso facultas specialis ad absolvendum a casibus Cœnæ non revocatur per clausulam generalem, donec expressa mentio illius fiat: sed in Bulla Gregorii XIII. & aliis non fiebat talis revocatio, sed tantum generalis. Unde juxta hanc sententiam, & rationem per illa verba solum revocantur generales facultates absolvendi a censuris reservatis Papæ, ut ni-

mirum illæ non sufficiant ad absolvendum a casibus Cœnæ, non vero revocentur facultates expresse hoc concedentes; quod quidem explicavit Sixtus Quintus, non vero addit.

7 Verumtamen hæc ratio videtur seipsam falsificare: nam, si facultas generalis ad absolvendum a casibus omnibus Papæ reservatis, non comprehendit casus Cœnæ: ergo talis facultas non est revocabilis per prohibitionem absolvendi a casibus Cœnæ: quia non revocatur nisi facultas, quæ antea erat; sed antea illa non erat facultas absolvendi a casibus Cœnæ: ergo per Bullam Cœnæ non revocabantur illa privilegia generalia: atque adeo ex illa ratione potius sequitur, per illa verba solum revocari illa privilegia, quæ in specie illos casus concedebant, nam alia generalia per se erant limitata, & exclusa. Dices, ergo immerito in Bulla Sixti V. illa additio facta est, quia destruit ipsam revocationem. Respondeo, inde fieri probabile oppositum ejus, in quo fundatur prædicta ratio, quæ alio modo ita impugnatur. Nam per universalem clausulam absolvendi a casibus Papæ reservatis, datur facultas etiam ad casus Cœnæ in specie: ergo e converso per revocationem generalem absolvendi a casibus Cœnæ revocantur etiam facultates expresse illos concedentes. Antecedens probatur ex mente Sixti V. & Clementis VIII. addendo enim illam limitationem, supponunt dupliciter dari facultatem ad absolvendum a casibus Cœnæ, scilicet, per generalem clausulam, vel per specificam, & ideo declarant se revocare priorem facultatem, non posteriorem. Idemque confirmari potest ex aliis indultis, in quibus Pontifices generaliter concedentes suos casus, excipiunt casus Bullæ Cœnæ, supponentes comprehendendi, nisi excipiantur. Sed hæc rationes non concludunt, quia in his literis Apostolicis aliqua verba addi solent tantum ad majorem declarationem, & ad tollenda dubia.

8 Unde sustinendo illud fundamentum (quod probabile est) sub concessione generali casuum Pontificis non comprehendendi casus Cœnæ, dicendum est ad priorem objectionem, hoc ipsum provenire ex vi illius clausulæ, & ideo respectu præcedentium privilegiorum esse revocatoriam ex parte; respectu vero subsequentium esse quasi declaratoriam, seu impediendam, ne ad hos casus extendantur. Per illa enim verba factum est, ut illi casus tam specialem habeant reservationem, ut sub generali clausula absolvendi a reservatis non comprehendantur. Si enim non adderetur illa clausula revocatoria privilegiorum, non esset cur illa omnia delicta non comprehendenderentur, quia atrocitas culparum non sufficit per se sola; alia enim fortasse delicta, ut Simonia, vel blasphemia, sunt tam gravia ac multi casus Bullæ Cœnæ, & nihilominus licet habeant annexam excommunicationem reservatam Pontifici, comprehenderentur sub illa clausula generali *absolvendi a reservatis*. Si ergo casus Cœnæ non comprehenduntur, ideo est, quia per illam clausulam revocatoriam sunt exempti, & ita per illa verba & revocantur, vel limitantur quoad hanc partem privilegia prius concessa, & simul fit, ut subsequencia privilegia sub generali clausula concessa, hos casus non comprehendant. Ad secundam ergo objectionem ex verbis Pii V. responderetur, solum esse addita ad hoc ipsum explicandum, scilicet, privilegia generalia non sufficere ad absolvendum ab his casibus, & forte ita explicasse mentem suorum prædecessorum. Et simili modo, si aliquando in generalibus privilegiis sit exceptio casuum Cœnæ Domini, ad majorem claritatem fieri, non quia sit necessarium; & ideo ratio fit illa exceptio. Frequentius e converso quando Pontifex vult privilegium extendere ad casus Cœnæ, eos specialiter exprimit, sentiens, in universali clausula non comprehendendi. Est ergo probabile, privilegia religionum in hac parte nunquam fuisse revocata per Bullam Cœnæ; incertum tamen; & ideo prudenter Societas declarationem, vel renovationem obtinuit a Gregorio XIII. jam vero per posteriores Bullas dubium sublatum est.

9 Superest vero aliud speciale circa censuras, quæ per Simoniam contrahuntur. Nam licet dicta privilegia ad illas etiam extendantur, ut declaratum est, tamen

1. Obiectio contra illam rationem.

2. Obiectio.

Ad 1. objectionem in præced.

Ad 2. objectionem in eodem n.

An dicta privilegia excommunicantur

Discentur assertio Ipe-ctus Bullæ Cœnæ ante hos Pontifices.

Qui stant pro revocatione. Qui revocationem negant.

etiam ad
censuras
propter
Simoniam
cōtraclat.

men Sixtus V. in Motu proprio adversus clericos male promotos, §. 8. easdem pœnas renovans, & alias addens, sibi que eas reservans, revocat omnia privilegia, etiam in Mari magno contenta, vel quibuscumque ordinibus, aut personis regularibus concessa, & similiter detogat facultatem Concilii Tridentini concessam Episcopis ad absolvendum a casibus occultis. Quæ revocatio integra adhuc manet, quia licet Clemens VIII. Motu proprio edito anno 1595. constitutionem illam Sixti V. reduxerit ad terminos communis juris, & Concilii Tridentini, addidit exceptionem: *Præterquam contra simoniace ordinatos, & ordinantes infidelis*. Respondetur inprimis hanc revocationem non esse generalem de quacumque Simonia, sed de illa tantum, quæ circa ordines committitur, & ideo si aliqua censura contrahitur per Simoniam circa beneficia, vel prælationes obtinendas, facultas absolvendi ab illa revocata non est. De alia vero, quæ contrahitur per ordinationem simoniacam, concedendum est, nunc non habere Prælati religionum hanc facultatem circa suos subditos, nisi a Sede Apostolica habeant, saltem vivæ vocis oraculo, novam confirmationem suorum privilegiorum. Estque admiratione dignum, quod possint hi Prælati absolvere a peccato hæresis, & non a peccato simonia: ubi constat verum esse, quod supra num. 2. diximus, in his facultatibus non valere argumentum, qui potest in majus, posse etiam in minus. Et ad illam admirationem responderi potest, licet peccatum simoniæ minus grave sit, quam hæresis, esse tamen frequentius, & plerumque esse homines, præsertim regulares, nimium proclives ad ordines suscipiendos; & ideo non immerito potuisse reservationem illius delicti magis restringi.

An exten-
dantur ad
censuras
cōtraclat
spe, & fi-
ducia pri-
vilegio-
rum.

10 Dubitari præterea potest de quadam restrictione, quæ in dictis privilegiis addi solet, scilicet, ut possit ab his censuris absolutio dari, nisi fuerint peccata commissa in contemptum clavium, vel nisi commissa fuerint spe, & fiducia talium privilegiorum, ut constat ex privilegiis Bonifacii IX. & Eugenii IV. quæ referuntur in Supplemento, & Monum. Minorum. In contrarium autem est, quia licet illa privilegia non plus concedant, tamen alia & noviora, & universalia non addidere illas restrictiones, & ideo certum est ex vi priorum privilegiorum non esse limitatam hanc materiam, nam potuit per alia privilegia amplificari. Neque oportuit priorem limitationem expresse revocari: quia per solam additionem tollitur limitatio. Manet autem dubium, an generalia verba sufficiant ad huiusmodi extensionem. Nam de posteriori præsertim limitatione, spe scilicet, & fiducia, quidam existimant, tacite contineri in huiusmodi privilegiis, vel facultatibus, & in aliis similibus, etiam si non exprimitur. Ratio est, quia in generali concessione non comprehenditur casus specialis, qui verisimiliter non esset a Pontifice in particulari concedendus; sed illud genus peccati est valde speciale, & contrarium intentioni Pontificis, qui non vult, ut ejus gratia fiat alicui occasio peccandi. Atque hæc sententia sumi potest ex Antonino 1. p. tit. 10. cap. 3. §. 5. ubi in forma generali concedendi indulgentiam plenariam, ponit hanc particulam: *Præter ea, quæ ex confidentia huius indulti commissisti*, sentiens includi in huiusmodi indultis dictam conditionem, & in eandem inclinat Corduba lib. 5. de Indulgentiis, q. 37. quem sequitur Emman. Rodr. tom. 2. q. 20. art. 16. qui consequenter idem sentiunt de quibuscumque similibus gravius, vel facultatibus, quæ a Pontifice concedi solent.

Contraria
sententia
suadetur.

11 Sed licet hæc opinio pio zelo cogitata sit tamquam securior, & cautior, ne privilegiati sumant occasionem peccandi, nihilominus videtur nimis rigorosa. Primo, quia quando Pontifices volunt cum illa limitatione facultatem concedere, expresse declarant, quod frequenter faciunt, præsertim in Ballis Compositionis propter damnum tertii: ergo quando non exprimunt, præsumendum potius est, noluisse illam addere præsertim in privilegiis, quæ per se solum ordinantur ad spirituales reparationem, & medicinam subditorum. Unde argumentor secundo, quia hæc facultas necessaria est etiam pro illis, qui ex beneficio privilegii sumunt occasionem peccati: ergo ad beni-

gnitatem Principis, intendenti reparationem lapsi; pertinet tota illa amplitudo facultatis: ergo quando ipse eam non limitat, ita interpretanda est tamquam Principis beneficium. Tercio, quia gravius est crimen hæresis, & præsertim cum lapsu, quam peccatum aliud commissum etiam cum illa circumstantia fiduciæ privilegiorum: ergo, si facultates extenduntur ad hæresim, cur non etiam ad illam pravam fiduciam? cum non excipiat. Et confirmatur, nam in aliquibus indultis sunt aliquæ exceptiones particulares, & reliqua generaliter conceduntur: ergo nihil aliud excipere nobis licet. Et hanc sententiam tradidimus lib. 6. de voto cap. 13. n. 6. & sequutus est Sancius lib. 4. de voto c. 54. num. 18. Tener item Sylvest. verb. *Indulgentia*, q. 10. parit. 5. ubi contra Antoninum ait, illam limitationem solum esse necessariam, si in indulto exprimitur: & Corduba fatetur, in rigore hoc ita esse.

12 Neque obstat, quod Pontifex non intendat dare incentivum peccandi: quia cum hoc fiat, quod intendat, ut absolvarur etiam ille, qui talem occasionem sumpsit, quam ipse non dedit: sicut Deus, quando promittit omnium peccatorum veniam, non intendit dare incentivum peccati, & nihilominus suam promissionem extendit etiam ad ea peccata, quæ ex fiducia in sua misericordia, & promissione sunt: quia illud spectat ad perfectam misericordiam, quam exaltat hominum malitia, & quia alio modo non sufficienter esset provisum fragilitati hominum. Ita ergo suo modo se gerit Pontifex in his indultis erga religiosos, quibus non esset alio modo sufficienter provisum. Unde etiam prædicti auctores fatentur, in casu particulari, ne nimia tristitia absorbeat, qui sic peccavit, posse absolvi per dictam facultatem. At certe, si facultas de se non haberet dictam amplitudinem, non posset quis in eo casu absolvi simpliciter, sed cum onere compendi: ergo, si pro illo, & similibus casibus creditur facultas concessa, verius dicitur absolute, & simpliciter concessam esse, quamvis non omnibus hoc prædicandum sit, ne inde sumant occasionem peccandi. Igitur prædictæ limitationes hodie omnino sublatae sunt.

13 Tandem queri potest de quadam extensione, quæ in his indultis addi solet, quia non solum datur potestas absolvendi a censuris, sed etiam a pœnis, & interdum additur potestas absolvendi ab irregularitatibus, infamia, inhabilitate, &c. sed de illa generali particula *a pœnis*, dicam ex professo infra, tract. 10. lib. 9. c. 2. a n. 20. explicando potestatem, quam habent confessorii Societatis ad absolvendos quoscumque fideles; ubi etiam ostendam, sub illis verbis non comprehendendi irregularitatem, quæ in pœnam delicti solet imponi. Quia vero ad id asserendum, unum ex præcipuis fundamentis esse solet, quia irregularitas non absolvitur, sed dispensatur, quod etiam in materia de Censuris, & de irregularitate ostensum est, difficultatem in præsentem ingerunt illa indulta, quatenus dant potestatem absolvendi ab irregularitatibus: aut enim illud principium falsum est, aut illa verba includunt repugnantiam. Idemque dubium est de concessione absolvendi ab infamia, vel inhabilitatibus: nam hæc sunt etiam veluti irregularitates quædam, quæ non absolvantur, sed dispensantur. Item, quia pœnæ perpetuæ non absolventur, alias extenderetur illa potestas ad absolvendum a depositione perpetua, vel degradatione, si fieret sine mortis pœna subsequuta, quod plane falsum est: sed huiusmodi inhabilitates de se sunt pœnæ perpetuæ, vel, si imponantur ad præfixum tempus, intra illud non absolvantur, sed dispensantur: quæ est ergo hæc potestas absolvendi? Propter hanc forte difficultatem solet hæc concessio ita explicari, ut per absolutionem ab irregularitate non intelligatur ablatio ipsius irregularitatis, sed absolutio a culpa, cui est annexa talis irregularitas. Potest enim absolutio sacramentalis a culpa dari, irregularitate manente, ut est communis doctrina, quam in tom. 4. & 5. 3. par. tractavimus: & videri etiam potest Cardinalis receptus in Clem. *Dandum*, de sepultur. q. 8. ergo etiam potest concedi potestas absolvendi a culpa, & non tollendi irregularitatem, ita exponit Collector Compendii Cisterciensis, verb. *Absolutio*: sequitur Emman. Rodr. tom. 1. q. 20. art. 18.

Ad fund.
adversariorum.

Arguitur
primo cō-
tra verba
privile-
giorum
conceden-
tium ab-
solutionē
ab irreg-
gul. &c.

14. Objici vero potest, quia, juxta hanc interpretationem, nulla facultas conceditur per hæc verba, *salutem privilegiorum*. Probatum primo, quia, quamvis culpa habeat irregularitatem annexam, non propterea absolutio peccati quoad culpam reservata est, non solum Summo Pontifici, verum etiam neque Episcopo, ut tractavi tom. 4. in 3. p. disp. 28. sect. 3. ergo si per illa verba solum conceditur absolutio a culpa, nihil conceditur, quia jure communi habebatur. Secundo, multum repugnat proprietates verborum, quia absolutio a sola culpa revera dici non potest absolutio ab irregularitate, cum illam non tollat.

15. Ad hæc vero responderi potest, ex his, quæ subobscure insinuat prædictus auctor, seu Collector absolutionem hanc ab irregularitate, non intelligi ab irregularitate jam contracta, sed de absolutione a delictis quibuscumque, quæ producunt irregularitatem, si cum eis celebreretur, quia secum afferunt suspensionem, ut sunt publicus concubinitus, & similia, juxta doctrinam Navarri c. 25. n. 76. Sed hoc & gratis dicitur, quia verba indulti generalia sunt, & sine fundamento sic limitantur; & non solvit difficultatem; tum quia illa est major improprietas verborum, quia non absolvitur quis a vinculo, quod nondum contraxit, nec necessario est contracturus, si nolit; non enim dicitur sacerdos absolvi ab irregularitate, quando ab excommunicatione absolvitur, eo quod esset contracturus irregularitatem, si excommunicatus celebraret: ergo idem est in suspensione. Tum etiam, quia illa peccata non sunt reservata ratione illius suspensionis, præferunt Summo Pontifici: ubi etiam facta est talis reservatio? imo neque inter peccata, quæ olim dicebantur ipso jure Episcopis reservata, numerari solebant, ut patet ex dictis in illa sect. 3. Tum denique, quia illa doctrina Navarri, ut existimo, vera non est, ut alibi ostendi, quia illa suspensio non est vera censura, cum ipse fateatur, per solam pœnitentiam tolli.

Vera Auctoritas
horis re-
sponso.

16. Videretur ergo dicendum, ibi verbum absolvendi latius sumi pro verbo abolendi, seu tollendi, quæ verba abstrahunt a propria absolutione, & dispensatione: sicut enim sub potestate ligandi, & solvendi includitur potestas dispensandi, ita verbum absolvendi potest interdum sumi in illa generali significatione, quæ dispensationem includit. Verum quidem est juxta ordinarium, & proprium usum juris canonici, non ita sole- re accipi verbum illud, & ideo ubi verba adjuncta non cogunt, propria significatio retinenda est, & hic est sensus illius principii, seu fundamenti, *irregularitas non absolvitur*, &c. quod aliis locis posuimus. Si autem adjuncta verba cogant ad intelligendum, verbum accipi in illa latiori significatione, non est adeo impropria, quin admitti possit. Eo vel maxime, quod conjunctio illarum duarum vocum, *absolutio irregularitatis*, cogit nos, ut in alterutra illarum improprietatem, vel extensionem significationis admittamus: ergo eligenda est, quæ minor fuerit; multo autem minor improprietas est in extensione verbi absolvendi ad dispensationem, quam in acceptione vocis *irregularitas* pro culpa, quæ irregularitatem produxit, aut producere potest. Præsertim, quia per priorem verbi interpretationem ampliatur privilegium, quod fieri debet quando cum nulla, vel minori improprietas verborum fieri potest. Tandem in hismet privilegiis statim subjungitur exceptio (ut iidem auctores referunt) homicidii voluntarii, mutilationis, & bigamiæ: ergo signum est non esse sermonem de absolutione a culpa; quia nec bigamia est culpa, nec peccatum homicidii, aut mutilationis tale est, ut per hæc privilegia absolvi non possit. Et hæcenus de materia hujus potestatis.

C A P U T XXII.

In quibusnam Religionibus Prælati sit dicta potestas absolvendi subditos ab omnibus censuris tam a jure, quam ab homine,

1. Circa secundum punctum de personis, quibus hæc potestas conceditur, quod etiam in fine c. 20. proposuimus; primum omnium consideranda sunt verba privilegiorum: nam si in specie quædam nomi-

nantur, & non alia, illa solum habebunt potestatem, quia privilegia tantum valent, quantum sonant. Si autem generatim potestas conceditur Prælati, vel Prælato, dicendum est dari Prælati conventualibus, & a fortiori omnibus universalioribus. Ratio prioris partis est, quia illi sunt veri Prælati, ut supra ostendimus, & concessio indefinita æquivalere universali. Quod est manifestius quando loquutio est in plurali, nam cum est sermo de Prælato in singulari, non nihil dubitationis habere videtur. Nihilominus tamen restringi non potest ad unum tantum Prælatum supremum, tum quia potius nomine proprio Generalis, quam communi nominaretur: tum etiam, quia regulariter hoc est contra communem usum religionum, nam ipso jure censentur hæc facultates per ipsamet privilegia communicata Provincialibus, & ad usum earum moraliter necessarium est. Quantumvis ergo Prælati in singulari nominentur, sub illa voce comprehenditur Generalis, & Provincialis: ergo etiam Conventualis Prælati, quia nulla est ratio restringendi. Dices, alii habent magis proprie jurisdictionem Episcopalem. Respondeo, parum hoc referre: nam hic etiam habet eam jurisdictionem, quæ sufficit, ut sit vere & simpliciter Prælati, ut hac ratione sub illa voce comprehendendi possit, quæ indefinite posita tantum valet, ac si diceretur, quicumque Prælati. Aliunde vero actus absolvendi, propter quem datur hæc facultas, magis ordinatur ad internam salutem, quam ad forense iudicium, ideoque merito censetur concessa illa facultas proximo Prælato, qui curam gerit animarum subditorum. Unde quando in jure committitur Prælato casus aliquis reservatus Pontifici, Abbas specialiter nominatur, ut patet ex cap. cum illorum, cum similibus, de sent. excom. quia nimirum ille est veluti proprius pastor religionum; idem autem est de quocumque Prælato Conventuali.

2. Nihilominus tamen (ut alteram partem probeamus) non potest sub illa voce, etiam in singulari posita ita intelligi particularis Prælati, ut excludantur universales, tum propter rationem factam de indefinita loquutione: tum maxime, quia illi sunt præcipue Pastores, & magis proprie. Unde sicut alibi in tomo de pœnit. diximus, nomine proprii sacerdotis ita in jure significari Parochum, ut non excludatur Episcopus, vel Pontifex; ita de nomine Prælati in præfenti dicendum est. Quapropter, etiam si indulta solum facerent mentionem Prælati Conventualis, v. g. Prioris, vel Guardiani, aut Abbatis, non existimo excludi superiores Prælatos eorundem subditorum, propter rationem factam, & quia revera hoc postulat debitus ordo, & verisimile non est Pontificem velle aliquid præter illud concedere.

3. Dico autem, *respectu eorundem subditorum*, quia interdum privilegium conceditur in favorem unius tantum monasterii, & religionum, vel Prælati ejus, ut sic, & tunc quamvis dicamus, non solum Abbatem, vel Priorem localem, sed etiam Provinciale, vel Generalem posse uti illo privilegio: nihilominus non poterunt illo uti nisi circa religiosos illius monasterii, quia non conceditur illis ut Provinciales, vel Generales sunt absolute, sed ut tunc Prælati talis monasterii. Exemplum esse potest in multis privilegiis concessis Abbati monasterii S. Benedicti Vallisoleri, quæ in Compendio etiam Mendicantium, & in nostro interdum referuntur, verbo *Absolutio*, & verbo *Dispensatio*: si tamen supponamus illa ipsi concedi ut Abbati illius monasterii, & non ut Generali sui ordinis, prout est in Castella, de quo mihi non satis constat, quia originales litteras videre non potui. Addo etiam per alias Bullas, & indulta, quæ concedunt communicationem omnium privilegiorum, factum jam esse, ut fere nullum sit privilegium uni domui, vel provincie, aut nationi concessum, quibus non possint alii conventus gaudere, ut constare potest in nostra Societate ex Bulla Pii V. *Dum indiffesse*, ubi communicationem privilegiorum illi concedens, addit illa verba: *Tam in genere, quam in specie, & tam communiter, & conjunctim, quam particulariter, & divisim, etiam per modum extensionis, seu communicationis, & alias quomodolibet quibusvis ordinibus fratrum, & sororum Mendicantium,*

Limitatio prædictæ partis, & eius explicatio.

tium, quocumque nomine nuncupentur, illorumque congregationibus, conventibus, & Capitulis, ac utriusque sexus personis, ac illorum monasteriis, domibus, Ecclesiis, &c. Et similia verba habet Gregorius XIII. in Bulla anni 1575. *Ad perpetuam rei memoriam*, addens extensionem ad omnes religiones: *Mendicantium* (inquit) *aliarumque religionum ordinibus, congregationibus, conventibus, Capitulis, monasteriis, domibus, Ecclesiis, &c.* & multæ aliæ religiones habent similem communicationem, & ideo, ut dicebam, jam non multum refert, an privilegium in principio fuerit uni monasterio, vel Abbati illius, aut toto ordini concessum.

4 Secundo dicendum est, ex vi talium privilegiorum, in quibus Prælati nominantur, non posse inferiores ministros, vel confessores absolvere a prædictis casibus. Probatur, quia nulli alii sunt proprii Prælati, & privilegium non extenditur ultra verborum proprietatem. Unde fit ex vi horum privilegiorum Vicarios ordinarios monasteriorum, quocumque nomine appellentur, non posse hanc absolutionem dare ex vi talium privilegiorum. Probatur, quia non sunt Prælati, ut supra ostensum est.

Dubium trimembre circa assertionem.

5 Dubitari autem potest, an sit aliquod speciale privilegium, per quod facultas concedatur Vicariis, seu Subprioribus, &c. In hoc duo videntur certa inter auctores, & tertium incertum. Primum est, Vicarium illius domus, quæ non habet alium Prælaturum conventualem, vel quia mortuus est, vel tempus suum absolvit, vel certe, quia in tali domo non consuevit alius provideri Prælatus, hunc, inquam, Vicarium gaudere his privilegiis, quia, licet non nomine, re ipsa Prælatus conventualis est, ut supra tetigimus: unde ad hoc non est necessarium speciale privilegium, sed supra dicta verba sufficiunt. Secundum est, hujusmodi Vicarium, vel Subpriorem ordinarie non habere hanc potestatem, dum scilicet proprius Prælatus suum monasterium præsens gubernet, propter conclusionem, & rationem adductam, & quia nullum invenitur privilegium, quod majorem extensionem habeat, ut statim dicam.

6 De tertio vero puncto est nonnulla dubitatio, scilicet, quando monasterium habet proprium Prælaturum, ille autem absens est, an possit tunc Vicarius his facultatibus uti. Nam Collector privilegiorum in Compendio Mendicantium, verb. *Absolutio quoad fratres*, §. 7. & 34. partem negantem indicat. Contrarium vero cum Veracrucē, quem citat, & tenet Emmanuel Rodericus dict. q. 20. art. 2. & 3. nimirum, quencumque Vicarium Prioris conventualis relictum ab ipso Priore pro tempore suæ absentie habere eandem auctoritatem. Fundatur in quodam privilegio Clementis IV. quod ipse refert art. 1. ex lib. Monumenta ordinum, ubi hoc videtur concedi *Generalibus, Provincialibus, Prioribus conventualibus, & eorum vicem gerentibus in eorum conventibus, & locis sibi commissis*. Hæc verba refert dictus auctor art. 3. quæ si eodem tenore habentur in originali, plane convincunt, nec possunt bene exponi de Vicario, qui Sede vacante loco Prælati substituitur: nam illa verba, *Eorum vicem gerentibus in eorum monasteriis*, non possunt commode intelligi, nisi de monasteriis, vel provinciis habentibus proprios Prælatos, quidam absunt, alios relinquunt, qui vices suas gerunt. Et inde recte sequitur Vicarium, vel Ministrum absente Prælato, seu Rectore, posse uti illis facultatibus, quia tunc vices Prælati gerit. Verum tamen idem auctor in art. 1. alio tenore refert illud privilegium; scilicet: *Concessit Generali, & Provincialibus ministris, & eorum Vicariis, atque etiam Custodibus fratrum Minorum in Provinciis, & Custodiis sibi commissis, &c.* In quibus verbis consistit nec Priores conventuales, nec eorum Vicarios factam esse illam concessionem, ut idem auctor facit. Imo, si tenor verborum servetur, nec Vicarius Custodum fit concessio, sed tantum Vicarius generalibus, vel Provincialibus, fortasse propter maiorem illorum auctoritatem. Addit vero idem auctor in eodem art. 1. ex lib. Monument. ordin. concessione 548. & concess. 432. privilegium illud extensum fuisse ad Priores conventuales in gratiam Prædicatorum, & Carmelitarum; de Vicariis

autem ibi nihil dicit: sed in art. 2. statim in principio ait; ex Mari magno Prædicatorum constare hæc privilegia extendi ad Priores conventuales; & eorum Vicariis: nihil tamen in particulari allegat, sed refert se ad art. 1. D. autem An. oninus 1. p. tit. 19. c. 2. prius dicit, generalem Vicarium Magistri ordinis ex potestate sibi a privilegiis tradita ita posse fratres absolvere ab omnibus peccatis, & censuris, sicut magistrum ipsum, & idem postea subdit de Vicario Prioris Provincialis, & infra inquit: *Item Vicarius Prioris conventualis in suo conventu potest omnia, quæ superius de Vicario Magistri ordinis posita sunt*; addit vero exceptionem, quæ ad absolutionem non spectat; & subiungit: *Hæc, quæ dicta sunt de Vicariis, habentur in diversis privilegiis, & præcipue Bonifacii, Virtute*. Ex his autem Antonini verbis non possumus satis iudicium ferre, an loquatur de Vicariis, qui Sede vacante constituuntur, vel in quacumque absentia loco Prælatorum relinquuntur, tamen dum alia restrictio non constiterit, possumus in ampliori sensu verba accipere, cum omnes ibi sint vere ac proprie Vicarii.

7 Dicit aliquis: eadem ratione extendendæ sunt hæc facultates ad Vicarios, etiam pro eotempore, quo Prælati sunt præsentis, quia etiam tunc sunt vere ac proprie Vicarii. Responderetur negando sequelam, quia licet in aliquibus religionibus ita appellentur, non tamen in eadem significatione, quia tunc non gerunt vices proprii muneris Prælatorum, quod in jurisdictione consistit, sed habent proprium ministerium cujusdam domesticæ administrationis; in dictis autem indultis nomen Vicarii significat eum, qui vices gerit in jurisdictione, & Prælatione, imo his verbis aliquando explicatur, ut dicti auctores referunt: in religionibus autem, ubi Subprior Vicarius appellatur, vox illa significat idem ministerium, seu officium, quod in religionibus monachalibus nomine Prioris significari solet, & in Reg. S. Benedicti, c. 65. vocatur Præpositus monasterii. Quando ergo Abbas, Guardianus, &c. præfens adest, ille, qui Vicarius dicitur, non proprie vicem ejus gerit, sed proprium ministerium exercet, & ideo tunc non gaudet dictis facultatibus: at vero quando Prælatus abest, jam vices illius gerit in proprio illius munere, & ideo jam est Vicarius, de quo loquuntur indulta. Unde, ut omnis tollatur scrupulus, optimum consilium est, ut Prælatus, dum recedit, omnes potestates suas committat Vicario, & ne hoc pendeat ex memoria, vel voluntate singulorum, debet esse stabile lege, aut recepta consuetudine introductum.

Secundum dubium.

8 Ut autem hoc magis declaretur, dubitari potest secundo, an hæc facultates delegabiles sint. Et ratio dubitandi est, quia non pertinent ad jurisdictionem primariam, sed ad delegatam in foro conscientie, quæ subdelegari non potest. Item, quia nemo potest privilegium sibi personaliter concessum in alium transferre, hæc autem sunt privilegia concessa talibus personis: ergo non possunt & aliis committi. Item, confessor Societatis, v. g. qui ex privilegio habet potestatem absolvendi a casibus Papæ reservatis, non potest hanc facultatem committere alii sacerdoti non habenti: ergo. Responderetur nihilominus posse Prælatos committere vices suas aliis, etiam in usu harum facultatum, ita docent omnes, qui de his privilegiis scribunt, & usu ipso satis comprobatur est. Item in aliquibus indultis Pontificiis hoc expresse explicatur, ut in Bullis Societatis, Paulus I. in sua Bulla ultima expresse concedit *Generali, ut omnes gratias, concessionem, & indulta sibi concessa a Sede Apostolica, exercere possit per Vicarios, aut personas ad id sibi bene visas*. Quod etiam declaravit Gregor. XIII. in Bulla de usu facultatum. Idem concessit Sixtus IV. Prælati Minorum in quodam indulto supra relato, ut scilicet, per se, vel per alios possint hanc absolutionem præstare.

9 Est etiam hoc consentaneum juri communi, maxime supponendo, jurisdictionem Episcopalem ex jure communi, divino, vel Ecclesiastico extendi quasi natura sua ad omnes hos casus, si non impediatur, vel limitetur ab aliquo superiore. Unde fit (ut multi opinantur) ut quando Summus Pontifex casus sibi reservatos Episcopo concedit, non censetur jurisdictionem dele-

Authoris
iudicium.

Illatum
cetera pro-
ximum
authoris
iudicium
diluitur.

Ratio du-
bitandi.

Vera re-
solutio,
quæ pri-
mo suade-
tur ex usu,
& ex Pon-
tificiis
indultis.

Alteram
aliorum
suasio.

Resolutio
primi
membri.

Resolutio
secundi
membri.

Tertii
membri.

delegare, sed tantum impedimentum, aut prohibitionem auferre, quæ ablata, statim ex vi suæ ordinariæ jurisdictionis potest ab illis casibus absolvere. Sic ergo de Prælati religionum ratiocinari possumus, habent enim jurisdictionem Episcopalem, & ideo in hoc æquiparantur Episcopis, ut ex vi suæ jurisdictionis possint quidquid eis non prohibetur, quod maxime verum habet in absolutione a censuris, juxta doctrinam Panormitani in cap. *ut sceleris*, §. *de adulteriis*, de Judiciis, & aliorum ibi: ergo eadem ratione per hæc privilegia non delegatur illis jurisdictionis, sed solum tollitur prohibitio, quæ ablata, ex vi muneris, atque adeo per jurisdictionem ordinariam hæc omnia possunt.

10 Quod fundamentum prout nititur in jure divino, mihi probari non solet, quia in universum censeo, jurisdictionem Episcoporum non esse immediate a jure divino, sed per Pontificem; maxime vero id censeo de potestate immutandi, vel tollendi præcepta, vel quæcumque vincula a Superiore posita: non enim video, quo jure divino, naturali, vel positivo habeat inferior potestatem ad destruendum, quod superior construxit: id enim nec in Evangelio scriptum, neque ulla traditione confirmatum reperio, neque enim necessariam illationem video, ut ex principiis revelatis naturali discursu inferatur: quin potius nec rationi consentaneum videtur in illa generalitate sumptum, quia est contra debitam subordinationem inferioris ad superiorem. At vero limitatum illud fundamentum ad absolutionem a censuris, & fundatum non in jure divino, sed in canonico, est satis probabile propter cap. *nuper*, de sent. excomm. in quo ponderanda sunt illa verba: *Quia conditor canonis absolutionem sibi specialiter non reservavit, eo ipso concessisse videtur facultatem relaxandi*: per quæ satis significatur, illam facultatem non esse a jure divino immediate, sed ab auctore ipsiusmet censuræ, ut alibi in tomo de censuris, latius extendi.

11 Ex hoc tamen videtur inferri illatio facta, nam hæc concessio potest esse & ordinaria, & delegata: ergo ex vi illius juris neutra colligi potest. Nec dubito, quin possit Papa concedere Episcopis suos casus reservatos per modum delegationis tantum, sicut in Concilio Tridentino multa eis committuntur ut Papæ delegatis, quæ alias possent ab eis fieri jure ordinario, seclusis privilegiis, vel exemptionibus. Et multi valde probabiliter putant, commissionem ad absolvendum in casibus occultis factam Episcopis a Concilio Tridentino sess. 24. c. 6. de Reformat. fuisse specialem delegationem, & non restitutionem jurisdictionis ordinariæ Episcopalis, alias hodie casus illi occultis, essent Episcopales, & consequenter, qui haberet generale privilegium absolvendi a casibus Episcopalibus, posset ab illis casibus absolvere, quod plane falsum est, & contra communem usum, ut etiam sentiunt Henriquez lib. 3. de Pœnit. c. 15. §. 7. lit. P. & Emmanuel Rodriguez in expositione Bullæ, num. 125. & contra illa verba ejusdem Concilii: *Per seipsos aut Vicarium ad id specialiter deputandum*, quæ satis indicant illam jurisdictionem esse valde specialem, & non communem Episcopalem: imo etiam indicant esse delegatam, quia si esset ordinaria, eo ipso posset per Vicarium exerceri: quamquam hoc iudicium non convincat, ut ex statim dicendis constabit.

12 Quidquid ergo sit, an illa sit dicenda concessio, vel restitutio ordinariæ jurisdictionis, vel solum commissio jurisdictionis propriæ, nihilominus ex alio etiam principio satis probatur assertio posita, quia Commissarius ex privilegio perpetuus potest alteri vices suas committere: quod esse communiter receptum a Doctoribus, ait Corduba in Summa Hispana, q. 8. ex Sylvestro, verb. *Absolutio*, q. num. 6. dub. 2. qui refert glossam in c. *cul.* de offi. O. din. & faver textus ille, ubi sic dicitur: *His, quibus ex officio in certis casibus competit illos absolvere, qui pro violenta manuum injectione incurrunt in canonem sententie promulgata, licet aliis absolutionem hujusmodi committere cum viderint expedire*. Hæc autem potestas, quæ datur Prælati per privilegia perpetua, propriissime dicitur competere ex officio, quia ratione officii convenit: nam privilegium illud quoad hoc magis est reale, quàm personale, quia dignitati adhæret, & ratione illius competit personæ: ergo ex officio cõpetit. Neque oportet, ut omnino conveniat ex officio

tamquam jurisdictio ordinaria, nam particula, *in certis casibus*, quæ ibi additur, satis indicat sufficere, quod ex privilegio conveniat ratione dignitatis, ut recte ibi glossa expendit, quæ subdit, idem esse in omnibus aliis communicationibus, quod illi, qui ordinario jure, vel delegato a Principe, possunt absolvere, possint etiam committere vices suas, ut viderint expedire, dummodo delegatio, vel commissio sit ratione officii, ac proinde per privilegium perpetuum. Arque idem tenent ibi Panormitanus, Felinus, & alii in cap. ult. de Offi. deleg.

13 Arque ita responsum est ad rationem dubitandi in num. 8. positam: nam hæc jurisdictio vel ordinaria est, vel in hoc æquiparatur ordinariæ, quia ex officio ratione legis, seu perpetui privilegii competit. Quando autem Prælati committit vices suas alteri quoad hanc absolutionem, non transfert privilegium in illum, proprie loquendo, sed utitur ministerio ejus ad suum privilegium exequendum, quod valde diversum est. Unde ille Commissarius non potest alteri vices suas committere, quia non tam jurisdictio, quam nudum ministerium ei commissum est, juxta caput ultimum §. ultimo de offi. delegat. atque ita procedit exemplum eodem numero octavo de simili potestate absolvendi commissæ confessori religioso, qui illam committere non potest, quia nudum ministerium ei commissum est. Advertendum est tamen pro nostra Societate, & si quæ est alia religio, quæ hunc modum observet, quod in ea omnis hæc potestas censetur concessa Generali, juxta Bullas Pontificum, ut infra videbimus tractatu 10. lib. 9. cap. 2. a num. 2. & per illum conceditur Prælati inferioribus, ut constat etiam ex Compendio privilegiorum ejusdem Societatis. Nihilominus tamen & Provinciales, & Rectores, seu Præpositi locales possunt aliis committere vices suas, vel delegare hanc potestatem quotiescumque in concessione sibi facta non sit expressa restrictio, vel prohibitio, ut per se, & non per alios absolvere in aliquo casu possint, quia eo ipso, quod talis restrictio non ponitur, censetur eis concessa potestas eo modo, quo per indultum conceditur, seu eo modo, quo juxta commune jus administrari potest facultas, quæ ratione officii Prælato competit.

Tertium dubium.

14 Hinc vero nascitur tertium dubium, an possint superiores Prælati restringere hanc facultatem inferioribus, scilicet Generalis Provincialibus, & Provincialibus Prælati Conventualibus. Oportet autem loqui præcise stando in virtute dictorum privilegiorum, nam ubi est speciale indultum declarans, vel concedens hanc potestatem, ut est in Societate, sublata est questio. De aliis ergo videtur res dubia, quia cum Pontifex immediate, & quasi ex æquo concedat hanc potestatem omnibus his Prælati, licet alias sint subordinati in jurisdictione ordinaria, & in ea possit Superior restringere jurisdictionem inferioris, ut supra dictum est, tamen in hac commissione videntur æquales, & ideo non posse in uno eorum ab altero restringi. Nihilominus etiam in hac potestate probabilius censeo, posse restringi a superioribus Prælati respectu inferiorum quamdiu expresse hoc non prohibetur in ipso indulto. Ratio est, quia Papa concedens privilegium in favorem religionis, censetur conferre juxta debitum ordinem, & magis consentaneum ipsi religioni, quamdiu aliud expresse non declarat; sed debitus ordo religionis postulat, ut inferiores Prælati pendeant a superioribus: ergo credendum est hanc esse voluntatem Pontificis concedentis talia privilegia, atque ita tunc non dici potest inferior auferre facultatem a superiore concessam, quia non creditur simpliciter concessa, sed cum hac subordinatione.

15 Sed fortasse hæc conjectura alicui non satisfaciat, quia privilegia absolute loquuntur, & potius sunt extendenda. Item, quia, cum hi casus jam sint extra jurisdictionem ordinariam Prælatorum, & sint proprii ipsius Pontificis, potest ipse æqualiter illos concedere sine illa subordinatione, quæ in re tam favorabili ad remedium subditorum non videtur necessaria. Nihilominus illa mihi videtur moralis conjectura satis probabilis, quam aliter ita explicare possumus: quia Pontifex

Displicet una ex parte dicta sua.

Suffragatur vero ut probabitur ex alia parte.

Infirmatur tamen absolute dicta sua.

rifex concedendo has facultates, non aufert ab his Prælati potestatem reservandi sibi casus, quia hoc expedit ad disciplinam religiosam; sed expedire potest, ut ex his casibus Pontificiis aliqui sint reservati Provinciali, vel Generali: ergo credendum est ita concedi hanc facultatem Prælati religionis, ut semper maneat in majori Prælato jus reservandi sibi casum, quem expedire judicaverit. Quod maxime locum habet juxta opinionem asserentem, per hæc privilegia solum auferri prohibitionem, & rem statim reduci ad commune jus: nam stando in jure communi, licet aliqua censura Pontificia non esset ab ipso Pontifice reservata, posset Generalis, vel Provincialis religionis eam sibi reservare: ergo post hæc privilegia possunt etiam id facere, quia per privilegia solum constituuntur in terminis juris communis; & quamvis Papa auferat suam prohibitionem, non tollit jus Provincialis, vel Generalis, ut possit id prohibere, si religioni fuerit expediens. Præterea, sustinendo, ut videtur verius, per hæc privilegia non tantum auferri prohibitionem, sed etiam concedit positivam facultatem, & jurisdictionem: Nihilominus unaquæque religio cum approbatione Sedis Apostolicæ habere solet auctoritatem distribuendi has facultates prout sibi judicaverit expedire: ergo potest unaquæque religio statuere, ut quædam ex his facultatibus sint reservata Generali, aliæ Provincialibus, &c. nec dubito, quin factum teneat propter præsumptam, ut dixi, voluntatem Pontificum, qui religionibus ipsis & propter majus earum bonum has facultates concedunt. Denique tota ipsa religio potest cedere juri suo, & non obstante privilegio sibi concessa, pro singulis Prælati, aliqua eorumdem privilegiorum pro majoribus Prælati reservare. Dices, esse possit hoc fieri a Capitulo generali, vel Provinciali, non tamen a singulis Prælati majoribus. Respondeo, hoc pendere ex modo gubernationis uniuscujusque religionis: nam earum Prælati habent potestatem a Capitulis, a quibus eliguntur, & ideo si ab eis fuerit concessa etiam ad hunc actum, poterunt illa uti, non vero alii. Ad id tamen ultimo, nunc standum circa hoc esse novo decreto Clementis VIII. circa reservationes regularium: nam quælibet restrictio harum facultatum ad absolvendum a casibus reservatis Papæ, re vera est nova reservatio in tali religione facta, & ideo circa illam decretum Clementis servandum est. Ex quo duo colligo; unum est, non posse fieri nisi in generali, vel Provinciali Capitulo respective, juxta formam in eodem decreto præscriptam: aliud est, a Capitulo posse fieri, nam Pontifex hanc generalem facultatem præbet hujusmodi Capitulo ad reservandum quoscunque alios casus, ultra designatos ab ipso Pontifice: & mirum profecto esset, quod posset religio reservare casus minus graves, & non aliquem ex gravioribus reservatis Papæ.

Quartum dubium.

16 Hinc porro emergit quartum dubium, an scilicet omnia peccata, quæ in jure, vel in Bulla Cœnæ, aut aliis, sunt reservata Summo Pontifici, censenda sint reservata in quacunque religione, non obstantibus prædictis privilegiis; & consequenter, an Prælatus concedens alicui religioso absolutam potestatem audiendi confessiones suorum subditorum, censeatur illi concedere has facultates, seu hos casus: nam, si reservati non sunt in tali religione, comprehenduntur sub generali facultate; non videntur autem reservari, quia Summus Pontifex per illa privilegia abstulit reservationem, & religio aliam non addidit, ut supponimus. Unde Clemens VIII. in suis casibus reservatis regularium non facit horum mentionem, nec singulas religiones in suis propriis reservationibus, ut de Societate nobis constat, & de aliis supra tetigimus.

17 Nihilominus responderetur, hos casus non solum esse reservados, sed etiam altiori, & strictiori modo quam sint particulares casus religionum. Declaratur, nam Pontifex nunquam simpliciter abstulit suam reservationem ab his casibus, etiam respectu religiosorum, sed solum eorum absolutionem religiosorum Prælati commisit, quod longe diversum est: nam si ablata fuisset simpliciter reservatio respectu talium personarum, absolvi possent ab illa censura a quocunque proprio

confessore, juxta c. nuper, de sent. excom. quod tamen falsum est, ut ex primo, & secundo dubio constat. Unde eo ipso, quod Pontifex hanc potestatem concessit solis Prælati, & eorum vices gerentibus, voluit absolutionem hanc esse illis reservatam. Hæc autem reservatio non fundatur in potestate, & voluntate ipsius religionis, sed manat ex voluntate ipsius Sedis Apostolicæ, quæ prius talem reservationem absolute fecit, & postea circa illam majorem potestatem non concessit, neque amplius (ut sic dicam) illam remisit: & ideo dixi hanc reservationem altiore esse, quam sint propriæ reservationes uniuscujusque religionis. Et ideo fortasse hi casus Pontificii non numerantur inter particulares reservationes religionum, quia sunt altioris ordinis, & supponuntur tamquam omnibus communes.

18 Ex quo inferitur, hos casus non comprehendi sub generali delegatione, vel commissione facta a Prælato religionis ad absolvendum a peccatis, vel censuris, juxta regulam textus in c. 2. de Penitent. & remiss. in 6. Quin potius licet superior concedat facultatem ad absolvendum a peccatis reservatis in religione, non videtur concedere facultatem ad absolvendum ab his casibus Pontificiis, quia habent reservationem longe altioris rationis, ut dixi, & ideo habent specialitatem sufficientem, ut sub illa generalitate non comprehendantur. Item, quia circa peccata reservata in religione habet Prælatus ordinariam jurisdictionem, quam per illa verba delegare videtur: circa hos autem casus Pontificios habet solum jurisdictionem ex peculiari commissione Pontificis, quæ difficilius, & majori cum consideratione committi alteri debet, ideoque sub illa generalitate non comprehenditur. Quod maxime verum censeo de casibus Cœnæ Domini, & inter eos lapsus in hæresim, propter eorum specialem, vel specialissimam gravitatem, & reservationem. Ideoque prudenter in Compendio Societatis licet absolutio a casibus Cœnæ respectu subditorum committatur superioribus cum facultate delegandi, nihilominus lapsus in hæresim soli Generali reservatur, ita ut nec Provinciales possint absolvere, nisi sub onere comparendi. Et alibi etiam diximus, ipsummet Pontificem committendo casus suos, non censi committere casus Cœnæ, nisi exprimat; & committendo casus Cœnæ, non committere absolutionem ab hæresi, nisi in specie id declararet: ergo idem dicendum est de Commissario Pontificis. Unde Episcopus, v.g. committens alicui casus suos, non videtur committere absolutionem, v.g. a censura canonis si quis suadente, pro illis casibus, in quibus ipsi in jure committitur, quia illi non sunt proprie casus Episcopales, ut alibi diximus. Ut ergo Prælatus religionis censeatur committere hos casus Pontificios, oportet, ut vel in specie eos exprimat juxta uniuscujusque exigentiam, vel, si utatur generalibus verbis, quod talia sint, ut omnem tollant ambiguitatem: ut si dicat, v.g. concedere omnes facultates suas, vel quantum per privilegia potest, aut quid simile. In quo etiam observare oportet, ut distincte explicetur an concedatur potestas absolvendi a culpis, vel etiam a censuris: nam hæc duo diversa sunt. Verum est, in casibus Pontificiis ita esse conjuncta, ut uno concessa, alterum concessum esse intelligatur. Videantur dicta in 4. tomo disp. 30. sect. 2.

C A P U T XXIII.

An non solum in religionis Prælati, sed etiam in Episcopis sit prædicta potestas ad absolvendum religiosos.

I N hac quaestione in primis certum est non convenire Episcopis hanc potestatem ex vi privilegiorum ipsorum regularium, cum in eis nulla de Episcopis fiat mentio, sed potius ab eorum jurisdictione eximantur. Loquimur enim de exemptis, nam circa regulares sibi subjectos clarum est posse Episcopos quicquid in hoc genere possunt jure communi, & si quid amplius per privilegia Pontificia talibus religiosis fuerit concessum respectu suorum Prælatorum, nam Episcopi sunt proprii illorum Prælati, quod munus non habent respe-

Confessarium ex proxima resolutione.

Tom. de penit.

Videri per privilegia religionum tolli omnem reservationem, quæ non sit ab ipsa religione facta.

Contraria resolutio vera.

Ex vi privilegiorum regularium non habent Episcopi hanc potestatem.

Triplex
est s pro-
ponitur,
in quo v-
dentur
habere
Episcopi
tam pri-
vilegium.

Quæ exemptionum. Solum ergo habere potest locum dubitatio posita in duobus, vel tribus casibus: primo in nonnullis casibus, in quibus jure communi scripto seu canonico possunt Episcopi absolvere a casibus alias Pontifici reservatis, ut a leviore lesione clerici, c. *Monachi*, & c. *excommunicatorum*, de sentent. excommunicat. Secundum est de aliquo casu necessitatis, in quo propter difficilem recursum ad Pontificem censetur tacito jure, & recepta consuetudine, facta commissio Episcopo, quæ necessitas potest interdum in religioso exempto occurrere. Tertium est de Prælatu religionis, qui non potest absolvere seipsum, neque habet alium a quo possit commode absolvi; nec debet esse peioris conditionis: poterit ergo ab Episcopo absolvi.

Quorundam
placitum in
1. casu &
eorum
fundam.

2. Circa primum casum quidam putant quod licet religiosus exemptus possit in illis casibus absolvi a suo Prælatu; nihilominus posse etiam absolvi ab Episcopis, si velit: quia licet Pontifex concesserit illam potestatem Prælati religionis, non abstulit Episcopis: ergo liberum est religiosis, si velint eis subjici quoad hanc absolutionem. Nec videtur obstar exemptioni, quia hæc videtur esse a jurisdictione coacta, non a voluntaria. Item videtur esse in his, quæ spectant ad gravamen, non in his, quæ ad favorem; est autem major favor religiosi quod a pluribus Prælati possit absolvi. Atque ita opinati sunt Fredericus de Senis consil. 14. & Joannes de Lignano in Clemen. *Ne in agro*, de statu regularium, & alii, quos Sylvester citat. Contrariam sententiam tenet Abbas in c. *Monachi*, de sentent. excommunicat. num. 4. ubi refert Joannem Andreæ, & seipsum in aliis locis; quos sequitur Sylvester verb. *Absolutio*, §. n. 2. Fundamentum est, quia religiosus exemptus non tantum eximitur a jurisdictione fori contentiosi, sed etiam a jurisdictione fori poenitentialis: nam hæc ratione non potest confiteri Episcopo sine licentia sui Prælati, ut supra visum est: ergo in neutro foro potest Episcopus absolvere religiosum, quantumvis ipse se illis subjiciat. Et confirmatur, quia exemptiones privilegii non in favorem privatum religiosi, sed in favorem totius religionis concessum est, & in favorem etiam Prælatorum ejus: ergo nullus religiosus potest in hoc cedere juri suo, nec sibi judicem constituere extra Prælatos suos, juxta c. *significasti*, de foro compet. Atque hæc sententia plane videtur in rigore juris vera, & per se loquendo, ac suppositis religionum privilegiis omnino servanda.

Contraria
sententia
veritas.

Hujus fund.

3. Dico autem suppositis privilegiis, quia si Prælati religionum non haberent potestatem absolvendi suos subditos ab aliquo casu reservato Papæ, & alias concessio Episcopis, in eo casu probabilem censetur primam sententiam. Exemptum esse poterat in facultate absolvendi a casibus occultis concessa Episcopis in Concilio Tridentino: nam si illa non fuisset extensa ad Prælatos religionum, possent, ut opinor, religiosi absolvi ab Episcopis, quia non debent esse deterius conditionis: & rationabiliter interpretatur non esse exemptos, nisi in his, in quibus subduntur jurisdictioni suorum Prælatorum. Si enim in foro exteriori non possent de aliquo delicto judicari a suis Prælati, profecto eo ipso non censerentur in illa causa exempti a jurisdictione Episcoporum, quia non debent sine ordinario iudice relinqui. Potestque hoc non improbabili- ter colligi ex c. *si Papa*, de privilegiis in sexto: ergo idem cum proportionem in absolutione a censuris locum habet. At vero nunc, quia tota jurisdictione Episcoporum ad absolvendum a censuris, etiam eis iure commissa circa Pontificios casus, commissa est Prælati regularibus per privilegia perpetua, non possunt religiosi, per se loquendo, in talibus casibus ab Episcopis absolvi, quia prorsus exempti sunt, & quia Prælati religionum merito possunt respectu suorum subditorum sibi tales casus reservare, quia illis iudicium eorum commissum est, & in favorem ipsorum, ut plane significavit Pius V. in Mtu proprio, quo Prælati Prædicatorum concessit facultatem illam Concilio Tridentini, cum ait: *Nec Prior conventualis, & superiores Prælati dicti ordinis in hac parte deterius conditionis existant.* Nec fundamentum contrariæ sententiæ tunc habet vim, quia sufficienter provisum est religiosis, & illa major licentia licet videatur favor privatæ personæ,

Quomodo
posset
procedere
prius pla-
citum.

Favet ei
jus.

Ad fund.
in num. 2.

non tamen religionis; & fortasse etiam respectu privatorum non esset favor in ordine ad eorum spiritualem profectum: nam inde fortasse sumerent licentiam peccandi.

4. Circa secundum casum necessitatis, in quo religiosus non potest adire Prælatum suum, potest autem convenire Episcopum, Sylvester supra numero 3. affirmat cum Panormitano, in eo casu posse religiosum absolvi ab Episcopo ex æquitate, licet non possit de rigore juris. Per æquitatem autem intelligi epichejam, ut Panormitanus expresse declarat. Ita que intelligunt ex vi legis, & exemptionis in rigore sumptæ non posse, ex quadam tamen interpretatione voluntatis Pontificis posse, ne religiosus in eo casu sit deterius conditionis, quam seculares, quod videtur esse contra intentionem eximentis. Sed difficile mihi est in materia jurisdictionis, & in lege irritante actum hujusmodi epichejam admittere extra casum extremæ necessitatis; hæc autem materia jurisdictionis est, sine qua non potest Episcopus absolvere religiosum: lex etiam, quæ vetat exercere jurisdictionem circa personam exemptam, est irritans actum, ut constat ex juribus citatis, & ex cap. *frater*, 16. quæst. 1. ergo extra casum extremæ necessitatis, id est, periculi mortis, non possumus hanc licentiam Episcopo dare. Dicit enim Concilium Tridentinum sessione 14. capite 7. loquens de casibus reservatis, extra illum articulum inferiores sacerdotes nihil posse: vocatur autem inferior sacerdos respective omnis ille, qui est inferior comparatione reservantis, & ab illo non habet commissam facultatem; ita vero se habet Episcopus in eo casu respectu religiosi exempti, quia & est inferior Papa reservante, & ab illo non habet commissionem ordinariam, ut supponimus: ergo, nec ex interpretatione possumus illam admittere, nisi in periculo mortis, juxta doctrinam Concilii. Alias pari ratione possemus dicere, posse nunc Episcopum absolvere in simili casu clericum sibi non subditum solum, quia habet difficilem recursum ad suum Prælatum, quod plane videtur falsum, quia illa difficultas non præbet alteri jurisdictionem. Similiter etiam posset Episcopus absolvere religiosum in casu, in quo recursum habet ad suum Prælatum, & illi injuste negat absolutionem: quod etiam non videtur admittendum, quia injustitia unus Prælati, ut cap. 19. num. 21. diximus, non dat alteri jurisdictionem, quando subordinati non sunt. Alio qui aperiretur via, ut in similibus casibus religiosi quasi appellent a suis Prælati ad Episcopos, quod magnum incommodum est, & contra intentionem eximentis.

Impugnatur
quoad
casum ne-
cessitatis
non ex-
tremam.

5. Dico igitur, non videri necessariam hanc interpretationem ad favorem religiosorum, sed per generales, & communes regulas casuum reservatorum posse illis sufficienter subveniri absque ulla epicheja, quæ admittenda non est, nisi ubi manifesta necessitas urget; hic autem nulla erit necessitas, si aliter potest sufficienter subveniri necessitati religiosi. Quod autem possit, declaro ex generali principio in jure fundato, quod posui in 4. tomo tertiæ partis, disputatione 30. sectione 3. scilicet, in casibus Pontificiis, quoniam non patet aditus ad Summum Pontificem, vel Commissarium ejus, nisi cum magna difficultate, & mora, tunc posse peccatorem absolvi ab inferiori sacerdote cum onere comparendi coram Pontifice, vel habente jurisdictionem ab illo circa tales casus respectu talis personæ. Hoc ergo principium censeo in præsentia esse applicandum. Quando enim religiosus non habet facilem aditum ad suum Prælatum, absolvi quidem poterit ab alio, non tamen ita ut maneat omnino liber a reservatione, sed ut absolvatur cum onere comparendi coram Summo Pontifice, aut coram suo Prælatu, qui respectu sui vices illius gerit. Hoc enim satis est ad subveniendum necessitati religiosi, & aliunde servatur rigor reservationis, & debita subiectio ad Prælatum. In eo autem casu non est necessarium, ut religiosus recurat ad Episcopum, quia a quolibet sacerdote, a quo potest absolvi a culpis mortalibus, poterit pro tunc absolvi a tali censura, quia non absolvitur simpliciter, sed cum onere comparendi; sicut posset ex sententia omnium absolvi, quando etiam ad Episcopum esset difficilis accessus; idem autem est quamvis

Vera hujus
casus
descriptio.

vis sit facilis, quia ad absolvendum cum illo onere non habet maiorem facultatem Episcopus respectu personæ sibi non subditæ, quam ordinarius confessor. Et ex hac parte hic modus absolutionis cedit in maiorem favorem religiosi, quia facilius absolvi poterit, & ita melius poterit onus comparendi tolerare, præsertim quia nullum est jus, quo possimus illum eximere a tali onere, quod secum affert reservatio, quando potestas absolvendi solum datur occasione talis difficultatis, vel necessitatis.

Confirmatur amplius.

6 Tandem confirmatur hoc, & declaratur, quia Prælatus regularis, quando mittit subditum ad peregrinandum, potest illi dare facultatem eligendi confessorem, a quo possit absolvi etiam a casibus Papæ reservatis sub onere comparendi eorum se. Tunc ergo, si talis religiosus incidat in censuram canonis *si quis suadente*, in eo loco, ubi non potest recurrere ad Prælatum absentem, non potest recurrere ad Episcopum, ut ab eo simpliciter absolvaatur sine onere comparendi eorum suo Prælato, quia tunc jam habet sufficientem iudicem, seu confessorem a suo Prælato designatum, nec est recurrendum ad jurisdictionem interpretativam, ubi expressa, & sufficiens haberi potest: at vero quamvis Prælatus expresse non declarat illam voluntatem, ex ipso communi jure satis explicatur. Relinquitur ergo solum Prælatum regularem habere hanc jurisdictionem in religiosos exemptos sub Pontifice Summo, nisi in casu extremæ necessitatis, in quo nulla est reservatio.

3. Casus.

Prælatus relig. etiam absolvi possunt intra religionem per ejus privilegia.

In quibus sacerdotibus sit talis potestas ordinarie.

7 In tertia autem interrogatione, seu casu petitur, quid dicendum sit de ipso Prælato religionis. Quæ difficultas magis pertinet ad caput sequens de his, qui per hanc potestatem absolvi possunt. Nam certum est, absolutionem Prælati religiosi in his casibus non pertinere ad Episcopum, tum quia non minus est exemptus, quam reliqui, tum etiam, quia non minus potest absolvi per privilegia religionis, quia non debet esse deterioris conditionis cum sit principale membrum ejus, & privilegia generaliter pro omnibus dentur. Igitur, si juxta communem usum præcise loquamur, potestas absolvendi ab hujusmodi censuris Prælatum conventualem, est apud Provinciale, & respectu Provincialis apud Generalem, nam unusquisque solum pendet a suo proximo Prælato, & quando privilegia concedunt hanc facultatem Prælatis, intelligenda sunt respectu, scilicet, illis Prælatis, vel illi Prælato, quos, vel quem unusquisque religiosos habuerint: Generalis vero, quia intra religionem non habet superiorem Prælatum, sed solum generale Capitulum, absolvi poterit ab illo confessore, cui Capitulum suas vices commiserit.

De modis aliis non tam ordinariis habendi hanc potestatem erga Prælatos.

8 Quod si Capitulum ipsum nihil circa hoc obligaverit, eo ipso poterit Generalis eligere confessorem cum omni potestate, quam privilegia concedunt: quia non superest alius modus, quo possit ipse Generalis passive frui hujusmodi privilegiis, quibus privari non debet. Estque ille modus consentaneus juri communi in cap. ult. de Pœnitent. & remiss. Quia potius in multis religionibus observari intelligo, ut etiam Provinciales, & Conventuales Prælati eodem modo sibi eligant confessores cum omnibus facultatibus, quas ipsi possunt suis subditis communicare. Quod fieri potest, vel quia in ipsa religione ita specialiter, & positive (ut sic dicam) ordinatum est, quod sine dubio fieri potest, vel etiam consuetudine recipi, aut certe quia contrarium ordinatum non est; quod censeo etiam sufficiens. Quia ex privilegio dicti capitis ult. de pœnitent. & remiss. hi Prælati possunt sibi eligere confessorem *præter licentiam suorum Superiorum*, ut dixi in 4. tom. disput. 27. sect. 2. dub. 5. & nunc in confirmatione eorum, quæ ibi dixi, expendo illam particulam, *præter suorum Superiorum licentiam*: non enim dicit, contra eorum ordinationem, aut voluntatem, sed solum præter, id est, absque eorum licentia, & quando illi non provident alio modo de ordinario confessore; qui est casus, de quo loquimur. Deinde confessor sic electus, eo ipso habet circa talem Prælatum omnes facultates Pontificias, sive hoc sit, quia ab ipso communicatur, sicut Papa eligendo confessorem dat illi jurisdictionem in seipsum, sive (quod verius existimo)

quia virtute privilegiorum immediate ei conferuntur; eo quod vices gerit superioris Prælati in eo munere.

9 Hic vero occurrere potest casus, in quo in religioso conventu tantum sint Prælatus, & alius sacerdos, & ambos incurrisse in censuram reservatam Pontifici: ut, v. g. per mutuum rixam in censuram canonis *si quis suadente*, quomodo possint absolvi; quia tunc nec Prælatus potest absolvere subditum, cum ipse sit excommunicatus, neque etiam potest illum eligere in confessorem, quia similiter ligatus est: quid ergo in eo articulo facient? Quidam ut Emmanuel Rodriguez tom. 1. q. 20. art. 12. citans Joannem Fabianum verb. *Absolutio*, 2. §. 6. & alii, respondent, ob necessitatem posse tunc mutuo absolvere: quia necessitas caret lege. Item, quia excommunicatus potest in casu necessitatis absolvere a peccatis: ergo & a censuris. Quod si in praxi sequenda esset hæc sententia, deberet Prælatus prius absolvere subditum, & jam ille absolutus, esset idoneus minister ad absolvendum Prælatum.

Quid nihil duo tantum sunt sacerdotes, Prælatus & subditus, amboque excommunicati.

10 Indiget tamen, ut opinor, illa sententia magna declaratione, & limitatione. Et in primis, si neuter illorum est nominatim excommunicatus, vel si censura fuit canonis *si quis suadente*, & delictum est occultum, videtur Prælatus posse absolvere subditum, quia nondum est omnino privatus jurisdictione, & communicatione cum illo saltem in bonum subditi. Dices, hoc haberet locum, si subditus non esset etiam excommunicatus; quia vero excommunicatus supponitur, non videtur posse uti favore Extravag. *Ad evitanda*. Respondeo, etiam licet subditus excommunicatus sit, Prælatus non est jurisdictione privatus in suos subditos, quantum est ex se: licet autem talis subditus excommunicatus sit, non peccat petendo a Prælato absolutionem, quia illa communicatio cum sit ordinata ad bonum animæ, & ad se liberandum a censura, non est prohibita ex vi suæ excommunicationis; neque etiam propter Prælati excommunicationem prohibetur ratione Extravag. *Ad evitanda*, & ideo in eo casu non dubito, quin, servato hoc ordine, licite petatur, & detur absolutio.

Limitanda dicta responsio ad casum occultum.

11 Urgendo tamen casum, ita ut delictum sit publicum, cessat hoc remedium, & tunc non censeo statim esse dandam licentiam Prælato absolvendi subditum, vel contra, cum hoc sit contra rationem factam, & contra jura, argument. c. *audivimus*, 24. q. 1. & c. *prudenciam*, §. 6. de offic. deleg. & c. *duobus*, de sentent. excommunicat. per argumentum a contrario; ibi enim dicitur, duos habentes facultatem sese invicem absolvendi, si ambo in excommunicationem minorem incidant, non privari dicta potestate, nec usu ejus, ut recte glossa exponit: quia excommunicatio minor privat receptione Sacramentorum, non usu jurisdictionis: ergo de excommunicatione majori contrarium tacite exponit, quia hæc privat usu jurisdictionis: & ita sentiunt ibi glossa, & Doctores. Quapropter in eo casu Prælatus extra religionem debet eligere alium sacerdotem habilem, ut ab eo absolvaatur, & postea ipse absolutus poterit absolvere subditum. Dico autem, Prælatum debere hoc facere, quia subditus non habet hanc facultatem; neque ipse Prælatus dum excommunicatus est, potest illam concedere, ut alibi dixi.

Quando casus est publicus neuter in alterum habet potestatem.

Quo remedio uter sit utentium.

12 Dices, ergo nec ipse potest eligere sibi confessorem. Respondetur, negando consequentiam: quia dare licentiam subdito, ut eligat confessorem, est actus jurisdictionis, cujus usu privatus est excommunicatus; eligere autem confessorem non est usus jurisdictionis, sed cujusdam privilegii, quo non privatur excommunicatus. Dices, cum Prælatus eligit confessorem, committit illi jurisdictionem suam, ut illa circa se utatur; ille autem videtur esse actus jurisdictionis. Respondeo, non ipse committit, sed Pontifex, vel superior Prælatus virtute privilegiorum, ut supra in fine n. 8. dictum est. Sed instabit aliquis, fingendo casum, in quo non sit copia alterius sacerdotis secularis, vel alterius religionis, qui eligi possit. Respondeo, in eo casu ita se habere quemlibet illorum ac si esset solus, & non haberet copiam confessoris, extra casum articuli mortis, quia excommunicatus vitandus extra hunc articulum non habet usum jurisdictionis;

Instantia contra id remedium diluitur.

Replica removeatur.

Ultima instantia hujus casus publici.

tionis; in illo autem articulo possunt se invicem absol- vere a peccatis, & ratione illorum etiam a censuris, ut in 4. tomo generaliter dictum est.

C A P U T XXIV.

Ad quas personas absolvendas extendantur hæc privilegia.

1. Assertio pro professis, & similibus.

HOc est tertium punctum superius in fine capitis 20. propositum. In quo in primis certum est, talia privilegia posse habere effectum circa omnes professos talis religionis, quia pro illis maxime conceduntur hæc privilegia. Quia vero privilegia hæc concedi solent sub his verbis, ut Prælatus possint absolvere subditos suos: oriebatur dubium de ipsis Prælati. Sed hoc jam expeditum est in fine capitis proxime præcedentis; nam illi etiam sunt subditi vel superioribus Prælati, vel saltem ipsi religioni. Oriebarur deinde dubium speciale de scholaribus, & Coadiutoribus Societatis, qui non sunt professi. Sed nullam habet rationem dubitandi, tum quia sunt veri religiosi, & regulares, sub quibus vocibus solent hæc privilegia concedi; tum etiam, quia eorum incorporatio, & vota sub nomine professionis comprehenduntur, præsertim in favorabilibus, ut infra tractatu 10. lib. 3. cap. 5. ostendam. Tum denique, quia Pius V. & alii Pontifices expresse illis communicant hæc privilegia.

2. Assertio pro peregrinis. In lib. Mo. num. Ordium concessi. 318. & 319. sic.

2 Secundo dicendum est, hanc facultatem extendi non tantum ad proprios religiosos subditos, sed etiam ad hospites, seu peregrinos, qui jure hospitii possunt ab eis sacramentaliter absolvi. Probatur primo ex ipsis privilegiis: sæpe enim expresse nominant hospites, nam Clemens IV. in privilegio citato inquit: *Nec non fratribus aliis ejusdem ordinis interdum ad eos declinantibus undecumque.* Alia vero privilegia indefinite loquuntur de suis monachis, aut religiosi, unde convenienter intelliguntur de illis, qui ab unoquoque Prælati sacramentaliter absolvi possunt, quia hæc privilegia, ut dicemus, ad forum conscientie præcipue ordinantur. Et licet aliqua privilegia loquantur de subditis, recte etiam exponuntur de subditis in foro conscientie secundum præsentem statum. Secundo probatur ex quadam declaratione Cardinalium ad cap. liceat sess. 23. Concilii Tridentini, quæ habet, forenses dum versantur in aliquo Episcopatu, posse absolvi a casibus occultis ab Episcopo loci per facultatem ibi concessam; ergo similiter religiosus hospes absolvi poterit per facultates religionis a Prælati illius loci, in quo tanquam hospes degit, ibi enim se habet tanquam forensis, & militat in eo eadem ratio.

Peregrinis absolutio, non dispensatio danda.

3 Est autem notanda differentia, quæ ibi assignatur, inter dispensationem, & absolutionem: nam de dispensatione dicitur, non posse dari homini forensi ab Episcopo loci per illam facultatem Concilii, sed petendam esse a proprio Episcopo: absolutio autem dicitur posse dari ab Episcopo loci. Er ratio insinuat, quia absolutio solum conceditur in ordine ad forum sacramentale, & ideo sicut sacramentum Pœnitentie ministrandum est in præsentia pœnitentis, ita & hæc absolutio per se loquendo danda est ab Episcopo præsentem, ideoque Episcopo loci commissa censetur; dispensatio autem postulari potest ab Episcopo absente, & ideo semper reservatur proprio Prælati, & Episcopo. Juxta quam doctrinam in proposito etiam observandum erit, quia in multis eorum & dispensandi, & absolventi facultas committitur, absolutionem semper extendi ad hospites, non vero dispensationem, nisi in ipso privilegio Clementis IV. nam immediate post citata verba subdit: *Absolutionem, vel dispensationem indigentibus.* Secluta autem expressa concessione, est illa doctrina valde probabilis, tum propter auctoritatem Congregationis, ejusque rationem; tum etiam, quia absolutio a censura conceditur hospitibus, quia est necessaria ad absolutionem a culpa, quæ differenda non est, ne propter dilationem pœnitentie; periculum imminuat animarum, ut dicitur in cap. ult. de pœnit. & remiss. dispensatio autem non est necessaria ad ministrationem pœnitentie, nec ad salutem animæ, unde differ-

Suarez. Tom. XV.

ri potest. & reditus ad Prælatus expectari, vel ab absente postulari.

4 Unum vero aliud insinuat in illa doctrina, quod, si verum est, satis singulare est, scilicet, per facultatem absolventi a censuris, concessam tantum in foro pœnitentie, (qualis est illa Concilii Tridentini) non posse absolutionem etiam a censura dari absenti, quia debet dari in sacramento Pœnitentie, unde ibi expresse exponitur, Concilium loqui de absolutione sacramentali. Sed hoc receptum non est, quia videtur nimia restrictio privilegii, & facultatis sine cogente ratione. Unde multi putant, posse Episcopum ex vi Concilii per seipsum absolvere a censura hæresis occultæ monialem, vel aliam impeditam personam absentem, quia nec facultatem potest delegare, ut Concilium indicat, quamvis Corduba in Summ. Hispan. quæstione 8. & alii aliter exponant; nec cogendus est Episcopus ad pœnitentem impeditum accedere, ut illum absolvat, nam data absolutione a censura, tollitur reservatio culpæ, & ita poterit a quocumque legitimo confessore absolvi. Sed quid in hoc sentiendum sit pro re, de qua agimus, inferius explicabimus; vide interim Navarrum consil. 15. de sentent. excommunicat. juxta primam impressionem, Emmanuel. Rodriquez tom. 1. quæst. 20. articulo 11. in fine Guierrez in Practicis quæstio. cap. 13. num. 28.

Locus ex declaratione ordin. difficult.

5 Dico tertio. Hæc potestas absolventi extenditur etiam ad novitios, qui virtute dictorum privilegiorum possunt absolvi: ita habetur expresse in multis privilegiis citatis, in quibus etiam explicatur, ut possint absolvi ab omnibus peccatis ante, vel post ingressum commissis, & ab omnibus Ecclesiasticis, & secularibus sententiis, censuris, & penis a jure, vel ab homine latis, ut refertur ex privilegio Sixti IV. in Compendio Societatis, verb. *Absolutio*. §. 6. ex monentis Minorum, & idem habetur in citato privilegio Clementis IV. & in aliis. Est autem advertendum, in eis non tantum concedi hanc facultatem pro novitiis, qui jam habitum susceperunt, sed etiam pro his, qui ingredi volunt: quod etiam Paulus III. concessit Societati in Bulla ultima, qui addit limitationem, quæ eisdem verbis in antiquis privilegiis continetur, scilicet: *Volentes ingredi Societatem, seu religionem, nisi mox ingrediantur, eo ipso in pristinas sententias, a quibus absoluti fuerint, reincidentes, etiam si super hoc inducia eis a peccatis religionis concedantur.* Aliqui vero exponunt, ut qui vult ingredi per professionem, possit ante illam absolvi, non vero ante ingressum per susceptionem habitus ad novitiatum. Indicat Vivaldus 1. part. Summe, tit. de Absolutione, num. 22. Sed prior expositio prior est, nam in privilegio prius dicitur, *Volentes ingredi*, &c. & postea, *Ac eos, qui post assumptum habitum, vel professionem emissam recoluerint, &c.* ita sentit D. Antoninus referens idem privilegium 3. part. tit. 24. in ultimis verbis. Et in Bulla Societatis evidenter constat sermonem esse de his, qui volunt ingredi, priusquam recipiantur. Unde hæc absolutio videtur concessa quasi præparatio ad ipsum ingressum, seu receptionem habitus. Ex prædicta vero limitatione constat, si quis postulet ingredi sine animo ingrediendi, solum ut absolvatur, absolutionem esse nullam; imo nisi habeat animum ingrediendi, & profitendi, saltem bona fide ingrediendo ad probandum cum animo profitendi, si iusta causa ad illum mutandum non occurrerit. Unde in illo privilegio Societatis expresse dicit Paulus III. *Reincident in pristinas sententias, nisi mox ingredi, & peractis experientiis secundum Constitutiones Societatis vota emittere parati sint:* ergo qui non habet hunc animum, & bonam fidem, non consequitur absolutionem. Et idem est proportionaliter in aliis religionibus, nam eadem fere verba in privilegiis Mendicantium habentur.

3. Assertio pro novitiis.

Hæc privilegio gaudent etiam ante susceptionem habitus volentes ingredi serio.

6 Sed quid, si quis sic absolutus bona fide suscipiat habitum religionis cum animo profitendi, postea non profiteatur absque culpa sua, quia vel a religione eiicitur, vel ex iusta causa egreditur, nunquid reincident in priores censuras? Communiter auctores affirmative respondent, & non afferunt aliud privilegium, nisi vel Clementis IV. & Pauli III. Sed ex illis obscure colligitur, nam Clemens solum ait: *Nisi mox ordinem intraverint;* & Paulus fere similia habet verba.

Quid de non peccante? Emmao. Rod. to. 1. q. 3. art. 4. & q. 20. art. 21. Vivald. su. p. 1. m. 13. & 24.

Ingressu
dient de
fama, sed
absque
sua culpa
non perse-
ve ans
non reitue-
ridis.

Secus de
eo, quia-
te, vel
p. st. n-
g. est m-
f. a o-
luncate-
ret. oce-
dis.

Ex alio
camen
privilegio
abs. lvi
ponunt
absque o-
ne e. re
Incidentis
est non
p. seve-
rent.

Hæc vero
privile-
gium non
extendit-
ur ad ab-
solutio-
nem m-
gum ca-
suum.
Neque ad
dispensa-
tiones o-
mines.

Referunt
tu alia
privilegia
empla pro
novitiis
abs. lvi
dis. & o-
l. enan-
dis.

Discutitur
an proxi-
me alia
privilegia
extendant-
ur ad a-
bs. lvi
dis. & o-
l. enan-
dis.

Quæ intelligenda videntur de primo ingressu ad novitium, nam de illo erat sermo supra, ubi dicitur: *Volentes ingredi ordinem*: ergo qui semel ingressus est bona fide & animo p. ontendi secundum jus, jam implevit conditionem requisitam: ergo licet postea egrediatur, præsertim licite, non reincident: nulla est enim ratio extendendi illud verbum: *Nisi intraverint*, ad introitum per professionem, quia talis expositio nec consonat superioribus verbis, nec rigor ipsius verbi ad illam cogit, cum de se sit indifferens; nec privilegium coarctandum est, sed extendendum. Præsertim cum sit valde consentaneum rationi, ut qui absolutus fuit in ordine ad insignem actum ingrediendi religionem, & illum bona fide explevit, non privetur postea illo beneficio, & quod facultate sibi a jure concessa legitime utatur, dimittendo religionem. Et confirmatur, nam ille esset quidam modus cogendi novitium ad profitendum, saltem timore reincidenti in censuras, quam coactionem jura valde abhorrent, præsertim Concilium Tridentinum sess. 25. de Regularib. c. 15. & sequentibus. Quapropter probabile reputo, hanc absolutionem datam novitio, qui bona fide in religione versatur cum animo profitendi, non esse ad reincidentiam, sed omnino absolutam, ac permanentem, datam vero ei, qui vult ingredi antequam novitius sit, esse ad reincidentiam, si cum effectu non ingrediatur, aut ingressus nimium differatur: si autem cum effectu ingrediatur, omnino firmetur absolutio, ita ut licet casu postea non profiteatur, non reincident. Hæc omnia videntur satis probari conjecturis adductis, & maxime patebunt, si attente legatur Pauli III. indultum. Prius enim concedit facultatem absolvendis *omnes & singulos Societatis socios, & personas sub eorum obedientia, disciplina, & correctione pro tempore degentes*. Sub quibus verbis clarum est novitios comprehendere, & de horum absolutione nulla conditio ponitur: postea vero solum ponitur conditio circa eos, qui ingredi volunt, & eo titulo absolvantur, prius nimirum quam ad aliquid recipiantur.

7 Quia vero hæc nostra sententia incerta est, alia via potuerunt hæc personæ certius liberari a periculo reincidenti, si nimirum non absolvantur titulo hujus privilegii, sed absolute ut seculares per facultatem, quam ibi concedit idem Paulus III. religiosis Societatis ad absolvendum quoscunque fideles a quibuscunque censuris, &c. extra Bullam Cœnæ, quod privilegium infra tract. 10. lib. 9. c. 2. declarabimus. Verum est quidem absolutionem sic datam, etiam ante receptionem habitus, esse omnino absolutam, & sine periculo reincidentiæ, quia non datur titulo religionis, sed sicut dari potest cuicumque seculari. Est tamen magna differentia inter hæc facultates, & absolutiones: nam hæc, quæ communis est omnibus secularibus, non extenditur ad casus Cœnæ, alia vero, quæ datur titulo religionis, extenditur ad omnes fere casus Pontificios juxta ea, quæ diximus c. 21. n. 1. & sequentibus. Item est alia differentia, quia facultas pro secularibus solum est ad absolutionem, alia vero extenditur ad dispensationem in aliquibus irregularitatibus.

8 Præter hæc autem sunt alia privilegia, per quæ possunt novitii absolute, & sine ulla conditione absolvi a censuris reservatis, ut est illud Eugenii IV. & Cælestini V. quod refertur in Compendio Cisterciensi, verb. *Absolutio*, §. 1. ubi datur facultas Generali reformatori regularis observantiæ *absolvendi monachos, & novitios*, & postea extenditur etiam ad dispensationem in irregularitatibus, & nulla conditio ad reincidentium apponitur, possuntque per viam communicationis alie religiones ea facultate uti, per illam tamen semel tantum in vita potest dari hæc absolutio. Dubito vero, an illa extendatur ad casus Cœnæ Domini, quia non fit illorum propria, & specifica mentio, sed verba generalia sunt hæc: *Ab omnibus qualitercumque enormibus peccatis*, & infra *a quibusvis excommunicationis*, &c. Verum est, particulam istam, *qualitercumque enormibus*, multum augere præcedentem distributionem, *ab omnibus*: ergo, ut aliquid addat, necessarium videtur, ut extendat facultatem ad casus Cœnæ. Quæ ponderatio esset efficax apud me, si præcessisset particula, *ab omnibus reservatis*; nunc vero non ita est, sed dicitur, *ab omnibus qualitercumque enormibus*, & ideo dici potest in sola distributio-

ne *ab omnibus*, non includi reservata; per aliam vero particulam extendi ad reservata tantum generaliter, & ideo non oportere, ut extendantur verba ad casus Cœnæ. Sed contra hoc inflo, & expendo particulam *qualitercumque*. Nam ad illam extensionem generalem de casibus Papæ reservatis sufficeret dicere, *ab omnibus etiam enormibus*: dum ergo additur, *qualitercumque enormibus*, major ampliatio significata est: ergo sit ad casus Cœnæ, saltem in generali (ut specialitatem hæresis excludam) quia non est alia ampliatio, propter quam illa particula poni potuerit. Et potest confirmari a simili ex glossa in Clemen. 1. de Re judic. verbo *quavis*, quam commendat Panormit. 1. p. consil. ult. n. 5. & ad hanc partem confirmandam videtur adduci ab Emmanuele tom. 1. q. 20. a. 4. ubi licet non loquatur expresse de casibus Cœnæ, dicit tamen illud privilegium extendi ad casus quomodolibet reservados Papæ: est ergo hæc extensio satis probabilis. Non tamen videtur illa ponderatio sufficiens, ut vere possimus dicere, in hoc indulto esse expresse comprehensos casus Cœnæ, & ideo quoad hanc partem veridici potest revocatum per Bullam Cœnæ, nisi eam revocationem impediat speciale indultum Gregorii Societati concessum, de quo supra c. 21. num. 8. in fine dictum est. Verum tamen etiam absque illo existimo non esse revocatam illam facultatem, quia illa est sufficiens expressio, præsertim si alia verba ejusdem indulti ponderentur.

9 Ultimo addo, etiam videri concessam sufficientem facultatem absolvendis novitiis absolute & sine reincidentia per privilegium Benedictinorum, quod sub his fere verbis refertur in Compendio Societatis, verb. *Absolutio* §. 10. *Possunt prælati absolvere omnes, qui in Societate* (seu in tali religione) *proposuerunt perpetuum Deo reddere famulatum a quibuscumque peccatis*, &c. Expendo enim nō dicere *qui promiserunt*, sed *proposuerunt*, & ideo verisimile est extendi ad novitios, qui eo animo in religionem versantur, qui licet postea non perseverent, absoluti manebunt, quia ibi nulla limitatio, nec conditio adjungitur. Intellego tamen necessarium esse, ut illi jam sint aliquo modo in religione, saltem per susceptum habitum, nec sufficere illud propositum, si extra religionem habeatur, quia verba indulti diriguntur ad eos, qui in religione jam sunt.

10 Dico quarto, privilegia hæc etiam extendi ad donatos, seu oblatos religioni: ita habetur expresse in privilegio concessio Cisterciensibus ad observandum semel in vita, de quo proxime in numer. 8. loquuti sumus, ubi cum monachis, & novitiis expresse numerantur donati, & commissi: sub quibus vocibus comprehenduntur omnes illi, qui conversi appellantur, licet professi non sint, nec tria vota substantialia emittant, dummodo religioni donati, seu dicati sint cum aliqua firmitate, & obligatione, sive per obedientiam votum, sive per aliud genus promissionis, & pacti: nam omnes hi dicuntur proprie donati, aut oblato, ut in 5. tom. dixi, explicando canonem *si quis suadente*. Quia vero hæc extensio ad donatos in aliis privilegiis non fit, licet semper est sermo de monachis, fratribus, aut religiosis, ideo assertio hæc non est universaliter intelligenda de omnibus gratis, & facultaribus, quas explicuimus; sed solum de illis, in quibus talium personarum expressa mentio facta fuerit. Nam hi revera non sunt monachi, nec religiosi; & quamvis interdum late sumpto vocabulo soleant hæc personæ nomine regularium, aut monachorum comprehendi, præsertim in dispositione favorabili, juxta doctrinam Panormit. & aliorum in rubrica de Regularibus: nihilominus in his privilegiis comprehendi non debent, nisi exprimentur, tum quia ex communi usu constat hanc esse intentionem Pontificum, & ideo ubi volunt plus concedere, id exprimunt; tum etiam, quia licet privilegia contineant favorem, sunt juxta proprietatem verborum intelligenda, ubi iura ipsa illa non extendunt. Hoc autem intelligimus de illis conversis, qui tria vota substantialia non emittunt, nam de illis, qui hæc promittunt, non est dubium quin sub illis privilegiis comprehendantur, etiam si monachorum tantum mentionem faciant, quia licet monachus iocredum strictè dicatur, ut distinguitur a converso, tamen in generali significatione satis proprie significat quem.

Ultimum
privilegiū
pro idē
novitiis.

Quarta af-
ferta pro
donatis.

Prima ob-
servatio
pro asser-
tione.

Secunda
observa-
tio.

Tertia af-
fectio.]

quemcumque religiosum fratrem. Adverto ulterius si privilegium utatur aliis verbis generalibus, quæ in rigore non requirant illa vota, extendi posse ad huiusmodi donatos. Talia videntur esse verba illa supra nu. 9. citata ex privilegio Benedictinorum: *Omnes, qui in tali religione proposuerunt perpetuo Deo reddere famulatum*: nam hi donati vere, & proprie dici possunt proposuisse, imo & promississe perpetuo in tali religione Deo reddere famulatum. Idem videtur dicendum de his verbis, *Omnes, qui sub obedientia talis religionis vivunt*: nam hoc etiam de his personis in proprietate dicitur, quia vel votum obedientiæ emittunt, vel certe promissionem, aut pactum illi perpetuo serviendi: quod satis est, ut dicantur sub obedientia talis religionis vivere. Semper tamen consulenda sunt alia verba ipsius privilegii, ut ex tenore illius verus sensus colligatur: ad quod etiam multum conferre potest religionis consuetudo.

An laici
servientes
gaudeant
etiam di-
ctis pri-
vilegiis.

Sed quid de aliis laicis servientibus religioni? Respondedo. De his nihil speciale invenio, quod attinet ad religiones virorum, præter ea, quæ de administratione sacramentorum respectu talium personarum dicam infra, tract. 10. lib. 9. c. 2. tractando de ministerio Societatis erga penitentes. De servitricibus autem monialium nonnulla tradit Emanuel Rodriguez tom. 1. q. 20. a. 24. quæ in eo videri possunt.

12 Ultimo circa hanc absolutionem explicandum superest, quomodo danda sit. Et in primis quæri potest, an danda sit solum in foro sacramentali quod iterum occurreret tract. 10. lib. 9. cap. 2. n. 24. Et ratio dubii est, quia in his privilegiis sæpe dicitur, ut hæc absolutio debeat in foro conscientiæ tantum. Responderi potest, per hæc verba non significari modum dandi absolutionem, sed effectum ejus: quæ duo valde diversa sunt: potest enim absolutio a censura dari per se, & extra sacramentum Penitentiae, & nihilominus non habere effectum quoad externum forum, sed solum quoad obligationem in conscientia. Et ita exponunt illa verba moderni Doctores, & revera in rigore non videntur aliud postulare. Sed difficultatem mihi ingerit quædam declaratio Cardinalium, quam supra retuli n. 4. Nam cum Concil. Trident. sess. 24. c. 6. tribuat Episcopis facultatem absolvendi in casibus occultis sedi Apostolicæ reservatis, & addat illa verba: *In foro conscientia imposita penitentia salutari*. Inde colligunt Cardinales, Concilium loqui de absolutione sacramentali in foro conscientiæ: ergo pari ratione idem dicendum est de quolibet indulto per similia verba concessio. Verum est tamen, illud non affirmari in responsione directa, quæ in ea declaratione datur ad dubium directe propositum; sed incidenter in quadam ratione, quæ non semper est efficax, aut necessaria etiam in decretis. Nihilominus distinctione uti possumus: nam hæc facultas interdum conceditur solum ad absolvendum a peccatis reservatis in foro conscientiæ, nulla facta mentione censurarum, & tunc verisimilius est per se concedi potestatem ad absolvendum a culpis, a censuris vero consequenter ratione culparum, & ideo tunc censuras non posse tolli nisi in ipso usu sacramenti, & in ordine ad absolutionem sacramentalem: & in hunc modum loquitur Concilium Trid. illo loco, & in hoc videtur, fundata dicta expositio. At vero sæpe conceditur hæc facultas directe ad absolvendum a censuris, vel a peccatis, & censuris, & tunc directe conceditur absolutio censurarum, & ideo non limitatur ad sacramentalem absolutionem: quia quando potestas alicui conceditur directe, censetur juxta modum & naturam suam concedi, & ideo extra Sacramentum exerceri potest, cum per se, & natura sua illud non requirat. Sed quid si indultum dicat: *In foro conscientia & penitentiali*? Quidam putant per hæc verba fieri majorem restrictionem, ita ut facultas sic data etiam directe ad censuras tollendas, restringatur ad forum sacramentale. Dico tamen illa verba velle æquivalentia, vel solum addi ad magis explicandum finem & modum hujus absolutionis. Quamvis enim censura extra Sacramentum absolvi possit in foro conscientiæ, nihilominus simul esse debet forum illud aliquo modo penitentiale, quia absolvi non debet nisi qui penitentiam ostendat, & ad satisfaciendum paratus sit, & ideo in huiusmodi indultis addi solet: *Salutari penitentia injuncta, &*

Suarez Tom. XV,

satisfacta parte. De quibus particulis quid operentur, & an valor absolutionis ex illarum executione pendeat: item, an satisfacta parte, possit hæc absolutio extendi, & valere etiam quoad forum externum, dicemus infra tract. ultimo lib. 9. c. 2. tractando de privilegiis religionum Societatis ad absolvendos quoscunque fideles, nam doctrina illa omnibus generalis est. Hæc autem omnia, quæ diximus præcipue pertinent ad absolutionem a censuris a jure latis, in quibus semper comprehendimus latas generaliter ab homine, ut in quinta assert. cap. 20. posuimus, vel quia ex generali consuetudine jam æquiparantur quoad effectus, & quoad absolutionem, vel quia in prædictis indultis exprimuntur, ut constat, & statim etiam dicam.

CAPUT XXV.

An superiores religionum possint per sua privilegia absolvere subditos etiam a censuris specialibus ab homine.

1 D icendum vero superest de excommunicatione ab homine speciali, an per hæc indulta tolli possit. Quidam enim moderni affirmant per hæc privilegia concessum esse absolvere religiosos a censura lata ab homine in particulari contra talem religiosum: ita Emmanuel dict. qu. 20. art. 4. non tamen assert. expressum de hoc privilegium, sed nonnulla inducit. Primum est, illud Clementis IV. supra citatum cap. præced. in quo facultas hæc extenditur etiam ad casus Bullæ Censuræ, paucis exceptis, juxta aliam declarationem Sixti IV. supra etiam allegatam in cap. 21. num. 1. Unde sic colligitur, qui concedit maius, concedit etiam & minus, in regula: *Qui licet*, de regulis iuris, in 6. ergo qui concedit facultatem a casibus Censuræ, quæ maior est, concedit etiam quancunque censuram ab homine quomodocunque latam. Similis collectio fit ex verbis illis Martini V. in privilegio Benedictinis concessio, *etiamsi talia forent, propter quæ esset sedis Apostolica consulenda, vel quæ Summus Pontifex reservare consuevit*; item ex illis Eugenii IV. in privilegio Cisterciensibus concessio: *Ab omnibus etiam qualitercumque enormibus*. Nam ex his, & similibus verbis potest idem argumentum fieri a concessione majoris facultatis ad concessionem minoris. Secundo adducit privilegium Gregorii XIII. concessum Generali ordinis Ministrorum infirmorum, ut possit per se, vel alios, absolvere subditos a quibuscunque censuris a jure, vel ab homine (*non tamen nominatim*) quomodolibet latis, refert vero Casarubius in Addit. ad Compendium Mendicantium, verb. *Solutio quoad fratres*, integram Bullam huius privilegii. Fit autem vis in exceptione illa, *non tamen nominatim*; nam hæc exceptio firmat regulam in omnibus aliis: ergo extenditur illa facultas etiam ad sententias particulares ab homine, dummodo persona non sit nominatim excommunicata. Tercio addere possumus, quod in illo indulto Eugenii IV. generaliter, & sine restrictione dicitur, *ab omnibus censuris, & sententiis a jure, vel ab homine, in genere, vel in specie, promulgatis, vel promulgandis*.

2 Nihilominus contraria sententia suaderi potest, retorquendo hæc eadem argumenta. Primum quidem, quia Clemens IV. in dicto privilegio expresse dicit, *a jure vel a iudice generaliter promulgatis*: ergo non est verisimile alia eius generalia verba extendi ad sententias etiam particulares, cum illa expressa limitatio ad illas excludendas posita sit. Unde argumentum illud a maiori facultate ad minorem in potestatibus non ordinariis, nec subordinatis (de quibus regula iuris intelligenda est) parum efficax esse, supra ostendimus. Huiusmodi autem sunt hæc potestates, non proveniunt enim ab extrinseco ex vi proprii muneris, sed per voluntariam Pontificis concessionem, & quasi delegationem, & inter se subordinatæ non sunt: ergo ex concessione maioris non recte alia infertur. Maxime, quia quotidie videmus per Jubilæa, vel alia indulta Pontificia concedi casus reservados Papæ, etiam Bullæ Censuræ & non concedi censuras ab homine particulariter latas, quia licet in his non sit maior gravitas quoad culpam, &

cenfuram, tamen in earum absolutione concedenda est major difficultas propter peculiare jus illius iudicis, qui tulit sententiam, & ne perturbetur ordo judicialis. Et ideo parum probant alia generalia verba de concessionibus casuum reservatorum Pontifici, vel quantumcunque enormium, quia in eis vel est sermo de censuris a jure, vel ad summum per sententiam generalem.

3 Secundo illa particula, *nominatim*, posita in indulto Gregorii XII. videtur potius excipere hujusmodi sententias particulares: excommunicatio enim, v.g. tunc fertur particulariter in aliquem, quando fertur nominatim in eum; neque apparet quomodo sententia possit esse particularis ex parte personæ, (sic enim loquimur) nisi in illam nominatim feratur. Dico autem, ex parte personæ, quia posset ferri sententia excommunicationis pro dilecto speciali, v.g. furto, generaliter tamen in eum, qui illud commisit, & post trinam admonitionem satisfacere noluit, quia occultus est: tunc enim licet in re ipsa excommunicatio feratur in personam, vel personas particulares, quia particulare factum a particularibus personis necessario exitit: nihilominus ex forma sententiæ generaliter fertur in personas incertas, & de hujusmodi sententia recte probatur ex vi illius privilegii, & aliorum, ut dicemus, comprehenditur sub hac facultate. Non tamen id probatur de sententia particulari, id est, quæ directe fertur in particularem personam. In quo etiam est considerandum; aliud esse excommunicationem esse latam nominatim in aliquem, aliud vero illum declarari nominatim excommunicatum. Nam potest primum stare sine secundo, declaratio enim non facit censuram, sed supponit, ut alibi dictum est, igitur in illo privilegio non tantum excipitur censura, quam declaratio nominatim facta subsequuta est, sed omnis illa, quæ nondum declarata est; sic enim ibi dicitur, *vel ab homine*, (non tamen nominatim) quomodolibet latis. Sic autem excommunicatio nominatim lata, & excommunicatio per sententiam particularem idem sunt; ergo.

Tertio, sub generali clausula, *ut est regula juris*, non comprehenduntur specialia, quæ in particulari concedi non consueverunt, præsertim ubi peculiaris difficultas, vel injuria tertii intercedit; sed hujusmodi est facultas absolvendi a particulari censura ab homine lata, ut constat tum ex usu, tum ex ratione facta, quia cepit aliquo modo in injuriam iudicis; ergo talis facultas non comprehenditur sub clausulis generalibus, specialis autem concessio non invenitur; ergo negandum est esse concessam. Et ideo non satis colligitur ex alio indulto Eugenii IV. & Celestini V. nam omnia illa verba generalia sunt. Licet enim in eis dicatur, *a jure vel ab homine*, & infra addatur, *in genere, vel in specie promulgatis*, non satis determinantur verba ad sententias particulares ab homine, nam illa particula, *vel in specie*, non videtur referri ad personam, in quam specialiter fertur censura, sed ad speciem censuræ, vel pænæ; aliquando enim fertur censura sub nomine generali, ut suspensionis, v.g. aliquando sub nomine speciali, ut suspensionis ab officio, vel beneficio. Potest etiam illud verbum referri ad speciem delicti commissi, ut supra declaravimus.

5 Nihilominus conseo per privilegia religionum absolvi posse religiosos, & novitios, seu ingredientes religionem ab omnibus censuris latis, etiam ab homine per sententiam si ecialem. Hoc suadet satis probabiliter privilegium proxime tractatum; nam verba illa: *Vel in specie promulgatis*, revera habent vim, & difficile distinguuntur ad alios sensus, nam sententia specialis distinguitur a generali, dicitur autem generalis sententia, quæ non fertur in determinatam personam, & propria dicitur illa, quæ nec ratione delicti determinatur ad auctorem ejus; ergo specialis dicitur ratione determinatæ personæ in quam fertur. Et licet verum sit, posse dici specialem eam, quæ fertur in auctorem singularis delicti commissi, licet incognitum, non est tamen cur ad illam solum verba illa limitentur, cum magis proprie sit specialis quæ fertur in personam nominatam, & verba privilegii absoluta sunt. Præterea persuadet omnino, ut opinor, hanc sententiam indultum Pauli III. Societati concessum, & fatis verbis conceptum, *a quibusvis excommunicationis, suspensionis, & interdicti, aliisque Ecclesiasticis, & secularibus sententiis*,

censuris, & pœnis a jure, vel ab homine, quomodolibet latis, & promulgatis. Expendo enim illud adverbium *quomodolibet*; frenum absolute dixisset ab homine, posset per argumentum supra factum restringi ad sententiam generalem; cum vero additur, *quomodolibet*, non habet locum restrictio: nam solum ad hoc addi potuit, ut talis restrictio tolleretur. Unde infero, doctrinam hanc procedere etiam si quis nominatim denunciatus sit, quia Pontifex non fuit contentus dicere, *quomodolibet latis*, sed addidit etiam, *promulgatis*; denunciatio autem excommunicationis latæ nihil aliud est quam promulgatio talis sententiæ; at sententia quomodolibet promulgata, per hanc potestatem remitti potest; ergo etiam si nominatim denunciatus sit. Et ideo in Compendio Societatis, verb. *Absolutio* §. 6. ubi de hac facultate fit mentio, simpliciter dicitur, *vel ab homine latis*, sine ulla restrictione, vel declaratione, in quo significatur, nullam esse necessariam. Sed de hoc privilegio iterum in tract. 10. lib. 9. c. 2. n. 22.

6 Dices. Ergo si contingat religiosum excommunicari ab Episcopo in casu aliquo sibi commissio poterit nihilominus a suo prælato absolvi, imo etiam si excommunicatus sit a legato, vel iudice aliquo Apostolico. Item licet sit excommunicatus a suo Generali, vel Provinciali, poterit absolvi a Guardiano, vel Priore. Quæ omnia videntur absurda, quia sunt contra debitum ordinem, & regimen, & in injuriam iudicis ferentis sententiam. Sequela autem patet, quia verba illa, *quomodolibet ab homine*, tam generalia sunt, ut omnia hæc comprehendant. Imo in illo privilegio additur exceptio, nisi casus sint adeo graves, & enormes, ut merito censetur Sedes Apostolica consulenda, & declaratur hujusmodi esse solum illa quatuor a Sixto IV. excepta supra cap. 21. num. 1. allata; ergo hæc exceptio firmat regulam quoad omnes alias sententias a jure, vel ab homine quomodolibet latis: ergo comprehenduntur omnes casus supra numerari. Quin potius nisi illi comprehenderentur, non posset hæc facultas exerceri circa religiosos quoad sententias particulares in eos latis postquam religiosi sunt. Consequens est absurdum: ergo; consequentia patet, quia in illo statu jam constituti excommunicari non possunt, nisi vel a suis prælatis, vel ex speciali commissione, & potestate Apostolica. Minor probatur, quia licet in favorem religionis concedatur hoc privilegium pro his, qui volunt ingredi, non tamen pro solis illis, sed maxime pro jam professis, seu religioni per vota junctis, imo ad eos principaliter dirigitur privilegium, ut ex ejus tenore constat, & in eo expresse additur, ut absolvi possint ab omnibus ante, vel post ingressum religionis in Societate commissis; ergo etiam a sententiis in eos latis quomodolibet ab homine, etiam postquam religiosi sunt.

7 Respondeo igitur concedendo sequelam quoad eam partem de censura lata a iudice, vel prælato aliquo extra religionem, quia privilegium ad hæc omnia extenditur, & ex vi alterius privilegii Benedictinis concessi possunt Superiores etiam Locales Societatis iuxta compendium in verbo *Absolutio* §. 10. absolvere subditos a quibuscunque sententiis & peccatis, *etiam si talia farent propter quæ Sedes Apostolica esset consulenda*. Additur autem ibi: *ut id fiat præmissa ex parte subditorum debita satisfactio*. Ad hanc autem satisfactionem pertinere existimo, ut quando specialis sententia ab homine præcessit, ut non solum parti læsæ, si qua fuerit, sed etiam Ecclesiæ, id est, iudici (iuxta modum loquendi Evangelii) nam per contumaciam specialem illi facta est specialis injuria. Oportet ergo ut ante omnia absolvendus a contumacia recedat: deinde, ut satisfactio exhibeat, vel offerat, aut promittat, prout poterit, & tandem ut iudicem, a quo excommunicatus est, saltem reddat certum de obedientia sibi, & Ecclesiæ reddita, & absolutione obtinenda enim vitantur incommoda, quæ ex dicto privilegio sequi posse videbantur. Et hæc est sufficiens ratio huius interpretationis quia privilegium ita debet sorti suū effectū, ut in reliquis omnibus quam minimū lædat aliorū iura, & præsertim ea, quæ ad convenientē gubernationē pertinent.

8 Ad alteram vero partem, quæ spectat ad sententias maiorum prælatorum eiusdem religionis, dicendum est, in eis esse hoc speciale quod Superiores possunt sibi casus,

vel

vel sententias reservare: & inferiorum prælatorum iurisdictionem restringere, non obstantibus privilegiis, ut dictum est. Si ergo superior prælatus hoc modo tulerit sententiam, vel ex Constitutionibus, aut ex consuetudine religionis constituerit, hanc restrictionem, seu reservationem esse factam, tunc neganda est sequela, quia quoad hanc partem habet inferior prælatus restrictionem, vel non sibi communicatam huius privilegii facultatem. Si autem talis restrictio, vel reservatio non est facta, concedenda est sequela eodem modo, quo in superiori parte dictum est. Et fortasse hæc est intentio superioris prælati non restringentis iurisdictionem inferioris, ut subditus statim ac fuerit bene dispositus, & satisfactionem obtulerit, sine dilatione possit absolvi.

CAPUT XXVI.

De potestate prælatorum religionis circa bonorum temporalium administrationem ex primæ institutione, a jure antiquo permissam.

PREter potestates circa personas, necesse est ut prælatus religionis habeat potestatem circa bona temporalia eiusdem religionis, quia non potest religio omnino carere his bonis temporalibus vel quoad proprietatem, possessionem, & usum, vel saltem quoad simplicem retentionem, & usum, iuxta uniuscuiusque modum: quomodoque autem habeantur, necesse est ut eorum administratio & cura ad aliquem pertineat. Non potest autem pertinere ad singulos, tum quia per se repugnat ordini, & conservationi rei, tum etiam, quia potius per votum paupertatis simul impediti sunt ne propria voluntate, & arbitrio possint de temporalibus bonis disponere, ut supra tractatum est. Quamvis autem hæc potestas in tota communitate, ut sic, esse possit, tamen non potest communitas per se ipsam immediate exercere omnia, quæ ad hanc administrationem pertinent, & ideo necesse est; ut hæc potestas vel omnino, vel magna ex parte prælato commissa sit. Explicandum ergo a nobis est quantum potestatis in hoc genere commissum sit prælatis religionis, & ad quos actus, & cum quibus conditionibus extendatur. Quia vero hæc concessio potestatis aliquo jure constare debet, triplex jus hic distinguere possumus, scilicet naturale, commune, seu canonicum, & speciale ex privilegiis seu ordinationibus Pontificum circa singulas religiones. Primum breviter expediemus, quia fere ad usum non deservit. Tertium autem latissime patet, & fere non cadit sub generali doctrina; sed unaquæque religio sua debet scire statuta, & privilegia: & ideo solum obiter & gratia exempli aliquod particulare institutum indicabimus. Dicemus ergo præcipue de potestate, quam ad hanc administrationem habet Prælatus religionis jure communi. Et quamvis hæc potestas de facto amplior videatur esse in universalioribus prælatis, quia tamen jura canonica, ut supra notavi, frequentius loquuntur de Abbatibus, quibus respondent omnes prælati Conventuales, ideo potestatem hanc in eis explicabimus, unde facile constabit quid de cæteris dicendum sit. Tandem quia actiones hujus administrationis variz sunt, omnes possumus ad tria capita revocare, quæ sunt recipere, conservare, & alienare. Sub prima comprehendimus omnem acquisitionem bonorum, quæ religioni sit: sub secunda omnem actionem, quæ pertinet ad gubernationem, beneficentiam, augmentum, custodiam, & usum talium bonorum: ad tertiam pertinet omnis consumptio, distractio, seu alienatio; imo etiam omnis usus talium bonorum.

2 Primo ergo dicendum est, iuxta primævam institutionem religionum, quam ius antiquum admittebat, totam administrationem bonorum monasterii esse seu fuisse apud solum Abbatem. Colligitur ex c. nullam 18. q. 2. ubi Pelagius Papa inquit: *Universa, quæ vel ad divini cultus reverentiam, vel ad utilitatem monasterii pertinent, Abbatis sollicitudo, ad quem potestas tota pertinere conferet, debeat adimplere.* Hoc autem ius, quantum ex verbis eius colligitur, non constitutivum, sed declarativum fuit, non enim de novo statuit, sed pro constanti supponit totam potestatem esse apud Abbatem. *Suarez. Tom. XV.*

tem. Est ergo advertendum, ex vi status religiosi, & secluso omni iure positivo Ecclesiastico, fieri potuisse, & antiquitus ita factum esse, ut hæc potestas tota in solo prælato existeret. Dico, fieri potuisse, quia hoc semper dependet ex voluntate, & consensu totius communitatis. Si enim ex sola rei natura loquamur ex vi institutionis religiose congregationis, in qua singulæ personæ paupertatem proficiuntur, potestas ad ministrandi quæcunque Bona, immediate est in ipsa communitate, quia illa est domina, vel usufructuaria per se prima. Item, quia ex natura rei non est maior ratio de uno membro illius communitatis, quam de alio. Præterea quia, cum omnes habeant votum paupertatis, nullus potest proprio nomine uti huiusmodi bonis: ergo oportet, ut facultas, in quocumque particulari sit, deriveur ab alio, non potest autem resolutio ultima fieri nisi ad totam communitatem ut sic, quia in nulla particulari persona consistere possumus intra communitatem ipsam, non oportet autem extra illam progredi, ut scilicet potestas illa maneat ab Episcopo, vel Pontifice, nam unaquæque communitas habet ius proprium administrandi sua bona, quo non privatur communitas religiosa eo quod religiosa sit, quia non repugnat voto paupertatis singulorum, nisi hoc etiam voluntarie proficiatur: pender ergo hoc ex voluntate eorum, qui ad instituendam, vel inchoandam talem communitatem primum conveniunt: nam illi possunt inter se statuere, & quasi paci fieri ut tota administratio temporalium rerum sit apud solum prælatum: ergo ita fieri potuit in initio religionum; semel autem facta, & approbata institutione, qui eam postea profiterentur, consequenter præberent suum assensum, & quantum in ipsis esset, idem ius in prælatum transferrent. Confirmatur, ac declaratur, nam hæc potestas administrandi bona temporalia nec est iurisdictionis, nec per se requirit illam, sed est potestas dominativa, sub hac comprehendendo potestatem ministerialem a domino commissam; ergo talis potestas respectu communitatis religiose, per se, & ex natura rei, ac secluso iure positivo non pender a concessione Pontificis, vel alterius prælati Ecclesiastici, sed ex voluntate eorum, qui in tali communitate sociantur: ergo per eandem voluntatem fieri poterit, ut in solum prælatum ea potestas transferretur.

3 Quod autem ita in initio religionum factum sit, intelligi potest ex antiquis institutoribus religionum, & Regulis eorum, Basilii in regula 7. & 8. ex fusiis disputatis, & ferm. 2. de Institut. monachorum, & sepe alias docet, totam hanc curam debere esse apud Antistitem, & ita interpretatur exemplum primitivæ Ecclesiæ, quando omnia erant communia, & singulis dividebantur prout unicuique opus erat. Et de eadem re videri possunt in regulis brevioribus 87. 91. 100. & 101. & 302. Similiter Augustinus in Regula statim in principio: *Non dicatis aliquid proprium, sed sint vobis omnia communia, & distribuatur unicuique vestrum a Præposito vestro,* &c. & infra præcipit, ut nihil occulte accipiat, sed sit in potestate Præpositi. Cassianus etiam lib. 4. de Institutis renunciant. c. 13. & 14. idem de antiquis monachis refert, de quo etiam legi potest c. 20. & sequentibus, in quibus plane supponit, totam hanc curam penes Abbatem fuisse: & idem sumitur ex toto lib. 7. Idem constat ex Regula S. Benedicti, c. 32. & 33. & 54. & 57. in quibus locis, & aliis supponit, totam hanc potestatem esse apud Abbatem; quod generalius declarat c. 65. Idem habetur in Regula S. Pachomii c. 18. & 19. & regula 40. Denique reduci hoc posset ad primam congregationem religiosam, quæ in Ecclesia fuit, nimirum Collegium Apostolicum, in quo ita erant omnia communia, ut eorum dispensatio & administratio præcipue ad Christum Dominum pertineret. Unde cum Joannis 13. Christus Jude dixisset, *Quod facis fac citius,* discipuli existimant, quia loculos habebat Judas quod dixisset ei Jesus: *Ene ea, quæ opus sunt nobis ad diem festum, aut egenis ut aliquid daret.* Ratio vero hujus institutionis reddi potest, quia, ut in principio num. 1. dicebamus, necessarium fuit hanc potestatem alicui committere, quia non poterat per totam communitatem administrari: ergo maxime debuit committi prælato, ut debitus ordo, & perfecta obedientia in omnibus servaretur. Et quamvis

Posteam
assertione
non pro-
cedere
loquendo
ex natura
rei proba-
tu.

Confir-
matur.

Probat
jam asser-
tio loquen-
do ex po-
sitiva vo-
luntate
ipsius co-
mmunita-
tis. Primo
authenti-
citate.

Secundo
ratione.

Notatio-
nes ali-
que pro
decisi-
one
præsentis
capitis.

Triplex
caput ad-
ministra-
tionis tem-
poralium
acquisitio
conserva-
tio, alie-
tio.

Admini-
stratio
hæc cur
in solidū
competet
hæc præ-
lato.

possit non soli prælato, sed cum consilio, & consensu paucorum hæc potestas committi, non tamen legimus ita olim esse factum, sed potestatem fuisse soli prælato commissam, quamvis ad prudentiam, & obligationem ejus pertineret uti consilio aliorum juxta rerum qualitatem. Ratio autem esse potuit, quia vel monarchia etiam quoad hanc partem tanquam perfectior gubernatio electa est, vel quia hoc judicatum est pertinere ad majorem sui, & rerum omnium abnegationem, & obedientiam ac paupertatis professionem. Juvare etiam potuit, quia monachorum bona parva tunc indigebant administratione, & Abbates veri Patres erant, & aliorum utilitati, non suæ consulabant.

Hanc in
solidum
ad admini-
strationem
jus com-
munis ap-
probavit.

4. Quod hæc ergo, & alias causas talis fuit olim religionum institutio quoad hanc partem, eamque jure communi antiquo Pontifices approbaverunt, ut docet Panormitan, & communis sententia in c. *edoceri*, de rescriptis, & in c. *ad Apostolicam*, de Regul., & Navarr. Commen. 3. de Regularib. n. 5. & 6. & c. sufficienter probatur ex d. c. *nul lam*, & ex d. c. *ad Apostolicam*, & ex c. *cum ad monasterium*, de statu monachorum, juncta glossa ibi verbo, *amoveri*, & c. 2. ejusdem tit. ibi, *Nisi ab Abbate fuerit ei pro injuncta administratione permittum*. Item ex c. *edoceri*, de rescriptis, ibi, *Cum ex officio suo teneantur* (scilicet, Abbates) *congregationis sue negotia procurare*. Additur autem statim, *Nisi Abbatis, & conventus negotia essent omnino discreta*, ubi Panor. n. 2. advertit, hoc non esse secundum jus commune, nam ex hoc jure omnia debent esse communia in statu regulari quoad dominium, & pertinere ad Abbatem quoad administrationem. Ratio autem hujus communis juris fuisse videtur, quia in eo Pontifices non tam condiderunt novum jus quantum ad monachos spectat, quam approbare, & confirmare quod ex vi suæ professionis institutum erat.

De potestate acquirendi.

5. Sed quæres, ad quos actus ex tribus allatis in fine n. 1. extendatur ex vi juris iniqui hæc potestas prælati. R. Respondetur, nullam in hoc inveniri limitationem in jure scriptam, præter eam, quæ in d. c. *nullam*, significatur per illa verba, *Fideliter & studiose, universa, quæ vel ad divini cultus reverentiam, vel ad utilitatem ejusdem monasterii pertinent*. Per quæ verba nihil speciale additum est, sed explicatur solum quod ex natura rei necessarium est. Itaque ex tribus illis actibus, quos supra numeravimus, in primo, scilicet, acquirendi monasterio, nulla limitatio ponitur, sed tota auctoritas est penes Abbatem, supponendum est enim, acquisitionem esse justam, & decentem religioso statui: talis enim acquisitio ex se cedit in utilitatem monasterii, & ad cultum Dei ex se refertur, & ideo absolute, & simpliciter comprehenditur sub prædictis verbis, & pertinet ad dictam potestatem. Unde ratione illius potest prælatus recipere quidquid monasterio oblatum fuerit, & quod sibi fuerit donatum, quamvis non sibi, sed monasterio acquirat. Item, cum illius facultate alii possunt acquirere monasterio, quamvis non sibi, sine illa autem nec sibi, nec monasterio. Et ideo quoad hunc actum recte additum est in illo textu, *Ad utilitatem ejusdem monasterii*, quia hæc potestas non extenditur ad acquirendum alicui personæ privæ, sed soli monasterio, cum alia acquisitio paupertati repugnet.

An Ab-
bas unus
monasterii
sit potest
acquirere
alteri
monasterio.

6. Sed ponderanda est particula, *ejusdem*; quia unus Abbas non potest acquirere alteri monasterio, sed solū illi, cujus administratio illi commissa est, quia in alia monasterio nullam habet potestatem. Inquireret vero aliquis, quomodo posset unus Abbas acquirere suæ religioni pro alio monasterio, quādo unusquisque Abbas erat supremus, & non habebant unum prælatum generalem neque etiam Capitulum generale celebrabant cujus consensu, & potestate posset talis acquisitio fieri. Respondetur, in eo casu nullum Abbatem unius monasterii potuisse ex vi sui muneris acquirere alteri monasterio, vel (ut ita dicam) potuisse acquirere aliud monasterium, & bona ejus suæ religioni, cum ejus prælati non extendetur extraneum monasterium. Potuisse nihilominus facultatem concedere aliquibus ex suis subditis, ut in alio loco novum monasterium erigerent, cujus acquisitio, & acceptatio ab eis non ut singulis sed ut universis, id est, ut constituentibus novum Capitulum, fieret,

& tunc ad illos etiam pertinere proprium eligere Abbatem, ad quem administratio bonorum novi monasterii pertineret. Addo insuper, monachos tunc fuisse Episcopis subiectos, quorum auctoritate, & consensu respective monasteria erigebantur, & ita accedente consensu Episcopi diocesis, in qua monasterium erigendum erat, & concurrente novo Capitulo religiosorum illuc convenientium de licentia sui Abbatis, vel suorum Abbatum, facile poterat nova acquisitio fieri tali religioni.

De potestate conservandi.

7. Quoad secundum actum, qui est conservatio bonorum, nulla etiam necessaria est limitatio, præter eam, quam citata verba præferunt, habet enim prælatus totam potestatem, quæ ad debitam conservationem, & gubernationem talium bonorum necessaria est, non minus quam si essent sua propria, quia & ad bonum regimen hoc necessarium est, alioqui communia bona facile perirentur etiam, quia hæc est intentio domini talium bonorum, id est, conventus, a quo, ut diximus, manavit hæc potestas. Unde etiam fit, ut juxta mensuram potestatis sit etiam mensura obligationis quoad hanc curam, & sollicitudinem ita fideliter administrandi talia bona, ut ad majus Dei obsequium, majoremque monasterii utilitatem conserventur. Unde quia per se non potest totam curam immediate exercere, ad eandem potestatem spectat potestates officiales, & ministros creare, per quos hanc temporalem curam exequantur, quibus etiam obligationem res fideliter administrandi, & conservandi imponant, quæ obligatio tantæ æstimationis erat inter antiquos Patres, ut delictum reputarent tres lenticulas e manibus per nonnullam incuriam elabi, ut est apud Cassianum lib. 4. Instit. c. 20. *Cujus* (inquit) *negligentia reatus non aliter ei remissus est, nisi si publicam poenitentiam diluisset*. Et rationem declarans subiungit, *Non solum enim se ipsos non esse suos, sed etiam omnia, quæ sua sunt, credunt Domino consecrata. Propter quod si quid fuerit monasterio illatum, ut sacrosanctum cum omni decernunt reverentia debere tractari, tantaque fide de universa procurant, atque dispensant ut etiam ea, quæ de spectui habentur, parvæque reputantur, ac vilia, si loco moverint, vel competentius collocaverint, si tenuem festucam de oratorio, cellave submoverint, mercedem se consequuturos a Domino tota credulitate confidant*. Ex quibus verbis intelligi potest, curam hanc conservandi bona monasterii ad omnes, & singulos religiosos pertinere, sed diverso modo: nam ad omnes pertinet conservatio quasi per accidens, per obligationem (ut sic dicam) negativam, non dissipandi, aut non male tractandi res monasterii: quæ obligatio & ad pauperatatem, & interdum ad justitiam pertinere poterit. Positiva autem cura conservandi res, per se non spectat ad singulos, nisi quatenus charitas interdum eam dicere potest: spectat ergo ex officio, & justitia ad prælatum, cui est primario commissa dicta potestas; per participacionem vero ad ministros quos ipsi sibi constituerint. Denique etiam pertinet ad prælatum strictiori modo conservatio rerum per negativam obligationem non consumendi, vel alienandi res nisi juxta mensuram statim exolicandam.

De potestate alienandi, ac primo quoad mobilia.

8. Tertius ergo actus, & præteritus hujus potestatis est alienatio talium bonorum; sub qua voce comprehendimus omnem usum, quo talia bona consumuntur. Hic ergo actus etiam est commissus ex vi juris antiqui prælato monasterii sine ulla limitatione, præter eam, quam jus naturæ postulat, nimirum ut talis dispensatio sit *fidelis, & in monasterii utilitatem*. Ut autem hoc magis in particulari explicetur, distinguere possumus bona monasterii in immobilia, & mobilia; de quibus terminis diximus lib. 4. Defensionis fidei c. 18. & mobilia rursus in ea, quæ permanentem habent durationem cum ipso usu, ut sunt vestes, libri, & similia; & in ea, quæ usu consumuntur; quæ duplicia etiam distinguere possunt; quædam, quæ pertinent immediate ad conservationem vitæ, ut sunt esculenta, & poculenta, quædam quæ mediate, ut pecunia. (Ab hac ergo ultima incipendo, duplicem habet usum, quantum ad præsens spectat) quo potest consumi, nimirum aut emendo late hac voce utendo, ut explicavi; aut gratiose donando; & uterque est suo modo in potestate prælati religiosi, quæ.

Conservatio hæc ad alios etiam subditos attinet suo modo.

Notatio variorum bonorum mobilium ac usus eorum.

Usus pecunie duplex.

quatenus uterque vel necessarius, vel utilis, vel decens monasterio, aut religionis ejus (inter quos prælatus ipse præcipue computatur) esse potest, & ideo necessario debet potestas prælati ad hunc usum extendi. Est tamen differentia inter illos duos usus, quod prior licet sit consumptio pecuniæ, non tamen est consumptio bonorum, sed commutatio, quia loco pecuniæ succedit illud, quod per illam emitur, quodque ad usum humanæ vitæ necessarium est, & ideo in eo usu major facultas conceditur.

9 Nam extenditur in primis ad ea omnia, quæ ad divinum cultum necessaria, vel decencia prudenter iudicata fuerint, servata proportionem ad monasterii facultates, & ad modum ac institutum religionis: quod & per se satis est consentaneum rationi, & sufficienter fundatur in illo verbo d. c. *nullam*. Vel ad divini cultus reverentiam; sub quo verbo, ut recte notavit Nav. comprehenduntur omnes sumptus fabricæ, & ornamentorum Ecclesiæ; addo etiam ministrorum secularium, si qui forte ad servitium Ecclesiæ necessarii sunt: nam hæc omnia pertinent ad reverentiam divini cultus, & hos omnes sumptus nomine *empionis* comprehendimus. Deinde extenditur ad ea omnia, quæ ad religiosos sustentando, & convenienter, & decenter, juxta suum statum fuerint opportuna: quia ad hunc finem maxime talia bona deputata sunt, & sub his sumptibus comprehenduntur omnia, quæ pertinent ad fabricam monasterii, & ad suppellectilia ejus, tam communiter, quam singulis necessaria, tam quoad corporis conservationem, ut sunt ea, quæ ad delectum, & vestitum spectant, quam ad alia ministeria juxta institutum religionis convenientia, ut sunt libri, & similia. Et huc etiam spectant expensæ, quæ fieri solent cum operariis, seu servitoribus, & jumentis familiæ religiose necessariis. Hæc enim omnia, & similia prudenti arbitrio prælati commissa sunt, & ideo ad illa omnia plenam accipit potestatem, commensurata regulæ, & rectæ rationi. Addo etiam non solum posse, sed etiam debere prælatum hujusmodi sumptus, & expensas facere, quia non solum charitas, sed etiam officium illum rigoro obligant: nam sub hac lege, & conditione munus accepit, unde, ut supra dicebamus, intercedit quasi pactum mutuum inter religiosos, & religionem, ejus potestatem, & obligationem prælatus suscipit.

10 Addit vero Nav. posse prælatum in primis accipere necessarios, & honestos usus suæ personæ, & secundo loco ponit usus fabricæ, & in tertio sustentationem conventus, juxta doctrinam Abbatis in c. de his, de Eccl. ædific. ibi tamen Pan. loquitur de clericis secularibus habentibus beneficia in alia Ecclesia, de quibus ait, non teneri ex fructibus sibi necessariis Ecclesiam ædificare, vel instaurare, vel pauperes alere, sed ex superabundantibus. At in nostra materia longe diversa ratio est, tractamus enim de conventibus religiosis, in quibus perfectus modus vivendi in communi, & rigor disciplinæ servatur, ubi non est (secus abusus) certa portio ad sustentationem prælati, alia ad fabricam, alia ad religiosos sustentandos designata; sed omnia monasterii bona indivise destinata ad omnia onera hujus conventus sustentanda. Quapropter non invenio ordinem ullum, quem possit prælatus inter se, & alios servare, præter eum, quem necessitas potest exigere, quæ interdum obligabit ad subveniendum prius aliis, quam sibi, interdum e contrario. Per se autem loquendo, æque primo ad alendum totum conventum tenetur, in quo ipse etiam comprehenditur, potest autem cedere juri suo, non vero aliorum, nisi in his, quæ regulæ consentanea sunt: & e converso, sicut non debet terminos regulæ, aut modestiæ religiøsæ cum aliis excedere, ita nec secum, quod multo magis cavere debet, tum propter exemplum, tum propter periculum, quod ex propensione, quam unusquisque habet ad seipsum, oriri facile potest. Per hæc tamen non excluditur, imo maxime commendatur proportionalis distributio, nam æqualitas religionis non consistit quoad hanc partem in absoluta unitate, seu pariformitate, sed in proportionali distributione; optima autem illa est, quæ in Actibus c. 4. docetur, *Dividatur singulis prout cuique opus erat*, ut Basil. August. & alii religiosorum Patres frequenter expendunt.

11 Circa alium modum distrabendi pecunias per Suarez Tom. XV.

gratuitam donationem, sciendum in primis est, non esse commissum prælato religionis, ut solo titulo liberalitatis possit hujusmodi largitiones facere, tum quia non est dominus, sed dispensator fidelis, & prudens, cuius non est liberales donationes ex alienis facere; tum etiam, quia in dicto c. *nullam*, solum dicitur, posse expendere in Dei cultum, & proprii monasterii utilitatem. Et confirmat optime c. *Abbati*, dist. 54. ubi dicitur non licere Abbati servum monasterii facere liberum; & redditur ratio, *Qui enim nihil proprium habet, libertatem rei alienæ dare non potest*, hoc enim intelligendum puto quando illa est mera, & liberalis donatio libertatis, alienando rem, quæ erat monasterii: idem ergo erit in pecunia. Unde a fortiori sequitur, non posse eripere donationes facere, quales sunt in presenti omnes illæ, quæ nullo titulo honesto fiunt, sed ad vanam ostentationem, vel ad quemcunque pravum finem. Quapropter prælatus sic expendens pecuniam monasterii, & contra suum officium, atque adeo contra iustitiam peccat, abutendo sua potestate, & contra votum paupertatis, quia utitur illis bonis, non ut prælatus religiosus, sed ut dominus.

12 Nihilominus tamen potest ex aliis honestis titulis aliquid gratiose donare: primo titulo misericordiæ in elemosynam, ut est certum apud omnes, quia monasterium potest, imo & debet facere elemosynam, si valeat: hæc autem cura demandata est prælato, quantum est ex jure communi, ut loquimur, & ex antiqua institutione, quia neque alii singuli possunt eam facere sine licentia prælati, ut supra tractatum est, nec ad hoc erat semper totus conventus congregandus, neque etiam legimus, hoc fuisse commissum alicui Concilio ex pluribus suffragiis decisivis constante: ergo erat commissum Abbati. Et in dicto c. *nullam*, comprehenditur tam sub his quæ pertinent ad reverentiam, & cultum Dei, quam sub his, quæ ad utilitatem monasterii pertinent, utrumque enim habet elemosyna. Quantum autem in hoc genere largitionis possit prælatus, non potest certa regula præscribi, sed prudenti arbitrio relinquendum est, consideratis monasterii facultate, & aliis occurrentibus circumstantiis.

13 Specialiter autem queri solet, an possit, vel debeat prælatus omnes superabundantes redditus in elemosynam dare. Respondetur, neque in hoc etiam posse assignari generalem regulam; regulariter autem id necessarium non est, nec conveniens, quamvis interdum possit esse laudabile, & aliquando præceptum. Pendet enim hoc ex occurrentibus necessitatibus proximorum: nam si illæ sint extremæ, non solum superflua, sed etiam aliqua ex necessariis danda sunt, habita ratione aliorum, qui ad talem necessitatem sublevandam solent concurrere. Si vero necessitas sit gravis, omnia superflua sunt danda, nisi ex concursu aliorum necessitas minuat. Si autem necessitates tantum sint communes, licet aliquid ex superfluis dandum sit, maxime a religiosis propter exemplum; dare tamen omnia nec necessarium est, ut suppono ex materia de elemosyna, neque in prælato religioso esset consilium, & ideo non opinor esse id in potestate ejus regulariter loquendo, tum quia melius est, si commode potest, augere, & perficere monasterium ipsum, vel quoad ea, quæ pertinent ad cultum divinum, aut habitationem, vel quoad perpetuos redditus, ut ex eis plures religiosi sustentari possint, quod maius Dei obsequium est, quam abundans elemosyna in communibus necessitatibus, ut adnotavit Navar. dicto Comment. 3. de Regul. n. 7. in fine.

14 Potest præterea prælatus hujusmodi gratuitam donationem facere titulo gratitudinis, seu remunerationis, quæ ex iustitiæ obligatione non debeatur: hæc enim donationem hanc gratuitam appellamus, quam jurisperiti *Antidorem* vocant, quia non omnino liberalis, sed ex aliqua obligatione naturali exorta, quamvis efficaci ad agendum, l. sed & si §. consuluit. ff. de petitione hæreditatis. Ob hanc ergo naturalem æquitatem, & obligationem quam talis largitio supponit, necessarium est, ut comprehendatur sub potestate prælati, tum quia necessaria est ad perfectam bonorum temporalium administrationem: tum etiam, quia talis gratitudo, & remuneratio maxime decet statum religiosum, nam est solutio alicujus debiti moralis.

De secundo usu pecuniæ qui est donatio.

Prælatus donans inhoneste peccat contra iustitiam & contra votum paupertatis.

Titulo elemosynæ donare potest juxta facultates conventus.

An possit dare omnia superflua.

Potest prælatus relig. donare ad remunerandum gratiam.

Dici etiam potest pertinere ad utilitatem monasterii: nam qui gratum animum non ostendit, etiam in his temporalibus bonis, juxta modum suo statui convenientem, non potest aliorum benevolentiam, & amicitiam conservare, quod est magnum incommodum, etiam humanum ac temporale. Unde etiam addo non solum habere potestatem prælatus ad remuneranda obsequia, vel beneficia jam recepta, sed etiam ad præveniendum aliquid gratis erogando, ut se urbanum, & benevolum ostendat, respiciendo semper ad majorem proximorum ædificationem, vel ad monasterii utilitatem: atque ita omnia hæc comprehenduntur sub citatis verbis *c. nullam*. Et ad hæc capita videtur revocari omnis erogatio pecuniæ, quæ a prælato religioso fieri potest, mensura autem, & modus in qualibet earum regula prudentiæ præscribenda sunt, quia nulla alia vel jure taxata est, vel generali ratione definiri potest: considerandus ergo est finis largitionis, & potestas monasterii, ut servata proportionem, & respectu ad utrumque, medium in largitione servetur.

Imo & ad
novā ac
quirendā.

De motu
proprio
Clement.
VIII. con-
tra la-gi-
tiones.

15 Hic autem occurrebat specialis difficultas orta ex speciali motu proprio Clem. VIII. quem late explicat Sancius lib. 6. de matr. disp. 4. n. 7. & adducit Azor tom. 2. lib. 12. cap. 9. §. 5. quo largitiones religionum prohibentur. Sed præterquam quod nunc loquimur stando præcise in antiquo jure communi, non credimus ibi esse prohibitas largitiones, quæ & nomine communis, seu, quod perinde est, per potestatem ab illa acceptam, & honestissimis titulis a nobis explicatis, & cum debita moderatione fiunt: quod facile ex ipso motu proprio constabit, & per se est verisimile, quia hæc omnia & valde decetia sunt, & religioso statui necessaria, ut rationes factæ ostendunt, addo etiam non videri eum motum satis usu receptum saltem in hoc Lusitanæ Regno.

De usu
aliorum
monasterii
qui est ere-
rum con-
sumptio.

16 Ex his facile intelligi potest quid possit prælatus circa alienationem, vel consumptionem aliorum bonorum, quæ ipso usu consumuntur: nam de his eadem proportionalis ratio est, quæ de pecuniis, imo interdum sub pecunia comprehenduntur, quatenus & pecunia æstimantur, & quoad multa eundem habent usum. Dupliciter ergo possunt hæc res consumi, aut alienari; primo simpliciter, id est, per puram amissionem seu consumptionem earum, vel per aliquam permutationem, sub hac voce comprehendendo venditionem, & quemcumque alium contractum, per quem ita hæc res alienantur, ut loco illarum aliæ monasterio acquirantur. Uterque ergo modus dispensationis cadit sub potestate prælati, & consequenter ab illius voluntate penderet eisdem rationibus, & cum eisdem regulis, & moderationibus, quibus de pecunia id explicavimus. Et ob eandem etiam causam uterque modus cadit sub obligationem prælati, sed prior frequentior est, & magis necessarius, quia immediate ordinatur vel ad religionum sustentationem, vel ad sacra ministeria, & cultum Dei. Posterior autem per se necessarius non est, sed tunc solum, quando vel ad conservationem bonorum monasterii, vel convenientem eorum administrationem, fuerit necessaria. Interdum etiam est opportuna talis alienatio ad religiosos sustentandos dum quidam fructus venduntur, vel pro aliis necessariis commutantur, aut immediate, & unico contractu, vel mediante pecunia, & duplici contractu ex pretio unius rei venditæ, aliam emendo. Hoc enim modo contractus hujusmodi efficere non est alienum a statu religioso, sed usitatum etiam ab antiquis monachis, qui etiam propria opera suis manibus, & arte facta ad se sustentandos vendere solebant, ut in superioribus retulimus: sola enim emptio, & venditio per modum negotiationis ad temporale lucrum, religiosis prohibita est.

De aliis
mobili-
bus quæ
in usu diu
perman-
ent.

17 Præterea de aliis bonis mobilibus, quæ in usu diu permanent, licet paulatim conterantur, & tandem consumuntur, eadem fere regula servanda est: nam etiam est apud prælatus potestas alienandi illa, quia hæc actio interdum esse potest utilis, vel necessaria monasterio: ergo oportet ut potestas circa illam alicui de mandata sit; ergo est in prælato, cui est tota potestas commissa. Limitatio autem hujus potestatis eadem est quoad illa duo principia in dicto textu insinuada, quia non ut dominus, sed ut dispensator potest prælatus alie-

nare hæc bona, vel ad majorem cultum, & reverentiam supremi domini, vel ad proprii monasterii utilitatem. Unde fit, ut ex illis duobus modis alienandi vel simpliciter donando, aut consumendo; vel pro pecunia seu alia re, commutando, prior rarius liceat prælato, & cum magna moderatione, in rebus parvæ estimationis, & supervacaneis monasterio, quanquam in hoc etiam non possimus aliam regulam nisi prudentiam assignare, quia nulla certa quantitas absolute limitata est; regulis ergo superius positis & cum proportionem applicatis utendum est. Posterior autem alienandi modus sæpius potest esse convenientis, quamquam etiam debeat rarior in his bonis, quam in fructibus, qui usu consumuntur, quia quo res ipsæ majorem habent stabilitatem, eo etiam eorum dominium, vel possessio majorem firmitatem postulare videtur: tum etiam, quia hæc res ex suo genere solent esse gratiosiores, & habere meliorem usum in uno individuo, quam in alio: ac denique venditio, vel commutatio talium rerum raro solet esse utilis monasterio, nisi in aliqua gravi necessitate, vel nisi in alias utiliores commutetur.

Quid de
donat. o-
ne gravi-
ta bonum
bonorum.

Quid de
onerosis.

De potestate alienandi immobilia.

18 Hinc tandem immobilium alienatio ex suo genere difficilior est, quia talia bona solent esse quasi fundamenta monasterii in his, quæ ad usum & conservationem corporum pertinent, sine quibus spiritualia non possunt subsistere. Unde fit, ut nunquam fuerit in potestate prælatorum talia bona ita distrabere, ut monasterium omnino illis privetur sine æquivalenti, vel meliori compensatione, quia hæc non esset administratio, sed dissipatio bonorum, prælato autem tantum data est potestas administrandi, non in destructionem, sed in ædificationem (ut verba Pauli 2. Corinth. 13. usurpem.) Nihilominus tamen non omnino caret prælatus ex vi juris communis, potestate alienandi hæc bona, quia si alienatio fit in utilitatem, etiam continebitur sub regula in dicto *c. nullam*; quia verba generalia sunt, & nullo alio iure antiquo fit illa exceptio; nec ratio cogit ad illam admittendam, quin potius, si superius factæ pro licitis alienationibus mobilia, convenienter applicentur, etiam ostendunt hujus facultatis necessitatem, supposita monarchia antiquorum monasteriorum. Quod erit evidentius si nomen alienationis aliquantulum extendamus: in rigorosa enim significatione importat venditionem, donationem, vel quancumque aliam similem actionem, per quam dominium rei in alium transfertur: latius autem solet extendi illa vox ad locationem, vel conductionem, & alios similes contractus, per quos usus, vel usufructus rei, vel dominium utile ejus perpetuo, vel ad aliquod certum tempus sub aliquo onere, seu pensionem alienatur, juxta ea, quæ statim dicemus, & constat ex *c. nulli*. de rebus Eccles. non alien. & l. ult. C. de rebus alienis non alienandis, & Auth. de non alienandis, §. nos igitur. vers. Alienationes. collat. 2. Manifestum autem est in monasteriis habentibus bona immobilia necessarium sæpe esse hujusmodi contractus facere: ergo necesse fuit potestatem administrandi prælato concessam ad hujusmodi actiones extendi, sub limitatione posita in dicto cap. *nullam*, nam in his bonis est maxime necessaria.

Ostendi-
tur hæc
etiam po-
testatem
fuisse in
præbatis
iure a anti-
quo.

19 Neque invenio in antiquis historiis limitationem aliam prælato regulari impostam in usu hujusmodi administrationis quoad alienationes talium bonorum, præter illam generalem, quæ ex natura rei est per se conveniens, ut graviora negotia sine prudentum consilio non transigantur, hæc enim alienatio rerum immobilium inter res graves monasterii merito computatur; & ideo comprehenditur sub dicta regula, quæ a S. Benedicto, cap. 3. & ab aliis exprimitur. Quantum autem, & quale futurum esset illud consilium, non fuit fortasse eodem modo ab omnibus constitutum, sed unaquæque religio suam consuetudinem, vel regulam servabat. Nec etiam invenio in antiquo jure canonico ante Leonem X. peculiarem modum, aut formam circa hoc præscriptam. In jure autem civili inveniuntur quædam leges Imperatorum prohibentes alienationes talium bonorum, ut patet in l. jubemus. 2. C. de sacros. Eccles. cum sequent. & Authentics, quæ ibi referuntur ex collatione 2. tit. de non alienan. & collat. 9. tit. de alienat. & c. mphy. Sed illæ leges, cum essent civiles a

Quæ so-
lennitas
olim in
his aliena-
tionibus.

non

non poterant dicere legare personas ecclesiasticas, nisi quæ venis per Ecclesie Pontifices admittentur, licet quoad forum externum & civile, & quoad personas laicas, vendentes, & ementes talia bona, possent habere aliquos effectus. Sed circa illas leges nunc immorari non oportet, quia in hoc standum est juxta Canonico, quod jam sequenti c. explicavimus.

Enucleatur con-
clusio po-
stia n. 2.

20 Ultimo vero addendum est circa dictam conclusionem exclusivam (ut vocant) nu. 2. positam, non excludere concomitantia. Cum ergo diximus solum prælatum habere hanc potestatem, non excludimus dependentiam ejus a suo Superiore, si talem habeat; sed dependentiam a juris subditis, de qua expresse loquitur dictum caput nullam. Unde cum olim Abbates regulares essent subditi Episcopis, tenebantur in hac administratione, & nihil agere contra eorum voluntatem, & in rebus gravioribus, præsertim in alienationibus earum, Episcoporum consensum expectare, ut expresse cavetur in c. *Abbatibus* 12. qu. 2. ex Concil. Aurelian. III. cap. 23. & in c. *Invenditionibus* 17. qu. 4. ex Conc. Agath. c. 56. in quo etiam advertendum est bona monasteriorum, seu religionum, semper habita esse in Ecclesia tanquam Ecclesiastica, ut constat ex decretis 10. qu. 2. & 12. qu. 2. & 17. qu. 4. per multa capita, & in Decretalibus, de rebus Ecclesie non alienandis & Cod. de sacrosanct. Eccles. & merito, quia & monasterii ipsa loca sacra sunt, & religiosi personæ sunt ecclesiasticæ, ac bona eorum peculiariter sunt divino cultui dicata. Hinc ergo fit ut quamvis prædicta potestas esset apud Abbates, nihilominus tenerentur non uti illa contra ecclesiasticos canones in his quæ de rebus Ecclesie nullo, vel certo modo alienandis disponunt; nam illi non erant a sacris canonibus exempti.

C A P U T XXVII.

De potestate prædictæ administrationis immobilium, juxta posterius jus Canonicum.

I Diximus præcedenti capite de hac potestate juxta antiquum jus commune; nunc juxta posterius agendum. Dico ergo: Potestas administrandi bona Religionis, nunc etiam, stando in jure communi, eadem est in prælato regulari, excepta solum restrictione quæ jure Canonico adjecta est, quoad alienationem aliquorum bonorum. Probatur prima pars, quia ab antiquo jure non recedimus, nisi quatenus per posterius immutatum est, sed nullum invenitur novum jus commune seu Pontificium quod potestatem hæcenus explicatam amplius restringat; ergo. Minor quoad negationem quam includit, probatur, quoniam neque in corpore iuris Canonici, neque extra illud extat lex in universum aliquid circa hoc statuens, vel generaliter de Ecclesiasticis bonis, vel specialiter de regularibus, præterquam circa alienationem rerum immobilium aut pretiosarum, de quibus ut ad posteriorem partem assertionis veniamus, multa sunt antiqua decreta, quæ prohibent prælatis res immobiles vel pretiosas Ecclesie alienare, tamen omnia intelliguntur de alienatione contraria divino cultui, vel utilitati Ecclesie, & ideo semper intelliguntur excepti casus, in quibus vel pietas, vel necessitas, aut utilitas, causa est talis alienationis, ut notant glossa & Doctores in c. *nulli*. de reb. Ecclesie non alienand. Tamen pro illis casibus, in quibus talis alienatio licet, verum est in Autenticis citatis inveniri specialem formam servandam in alienatione rerum Ecclesiasticarum, quam multi Doctores censent semper fuisse servandam, quia erat canonizata, 10. qu. 2. c. 2. At vero licet Gratianus ibi eam inseruerit, non sequitur esse canonizata, ut constat ex materia de legibus; & ideo plures Canonistæ censent neque esse, nec fuisse semper necessarium formam illius autenticæ servare: de qua re videri potest glossa in c. 1. de reb. Ecclesie non alienand. in 6. Glossa, Pan. & alii in c. *nulli*, extra eodem titulo, & Rebuffus in tractat. de alienatione rerum Ecclesiasticarum n. 2.

Solemnitas alienationum quo potestatis iure fundatur.

2 Omnis ergo similibus legibus, per iura canonica specialis solemnitas postulat, tunc qua prælatus Religionis nequit bona immobilia aut mobilia pretiosa, quæ servando servari possunt, & cum illa alienare po-

test, nulla habita ratione aliarum conditionum, etiam si per eas civile requiratur, ut trañant prædicti Doctores. & Innoc. in c. 1. de reb. Ecclesie non alienandis in 6. Panor. in c. *in presenti*, de p. o. n. 28. Et ratio facta convincit, quia hæc materia Ecclesiastica est, non civilis. Primo a non sit talis necessitas huius forme seu solemnitatis in c. *sine exceptione* 12. qu. 2. quia Gratianus tribuit Leonis Præsent. c. 1. Episcopos Siciliæ, non citat autem nomen, non constituit in capitulis autem Leonis primi, solum quia est ad Episcopos Siciliæ, in qua hoc caput non habetur. Neque in totius Conciliorum inter opera eius referuntur. Unde non videtur constat an fuerit Leonis, vel alterius, quia neque a Gratiano notatur. Neque inter decreta vel gesta alicuius Pontificis Leonis vocati illud invenio. Ut autem in Gregoriano Decreto advertitur, alii referunt illud caput ex Leone in Concilio apud Valentias, vel ex Concilio Carthagin. IV. sed in nullo Concilio ex Valentinis, quæ habemus, illud c. habetur; in Concilio autem Carthagin. IV. can. 30. ita legitur. *Ut Episcopus rebus Ecclesie tanquam commendatis, non inquam propriis utatur.* Et c. 31. subiungitur, *Irrita erit donatio Episcoporum, vel venditio, vel commutatio rei Ecclesiasticæ, sine conniventia, & subscriptione clericorum.* Quæ verba habentur in ultima parte illius capitis, sive exceptione; & in c. 1. de his quæ sunt a prælatis, & ubi tribuuntur Conc. Valent. Cuiuscunque igitur auctoritatis fuerit illud decretum, certum est esse authenticum, & formam in eo præscriptam, esse necessariam, ex vi iuris communis, prout nunc loquimur.

3 Plura autem sunt quæ in illo capite requiruntur. Primum est, causa, quæ explicatur his verbis, *nisi forte aliquid horum faciat, ut meliora prospiciat*. & in 1. quod non sit dubium profuturum Ecclesie. Sub quibus verbis comprehenduntur quatuor causæ, quæ ab auctoribus numerantur, ut videre licet in Pan. & Rebuffo supra ex Glossa in Summ. 12. qu. 2. Prima est necessitas, quæ a fortiori comprehenditur sub utilitate. Secunda est utilitas, quæ solet etiam appellari necessitas, ut Philosophi dicunt, ad melius esse, & ita existimo quoad hæc duo capita iura indifferenter loqui, ut patet ex dicto c. *sint. c. sicut. c. non habenti* 12. qu. 2. & c. *ut super.* de reb. Ecclesie non alien. & in Authen. *Hoc jus* Cod. de Sacros. Ecclesie 10. qu. 2. Tertia causa dicitur esse quando res est incommoda Ecclesie, c. *terrulas* 12. qu. 2. & c. *subgitiui* de reb. Ecclesie non alien. Sed hæc quid est nisi quedam utilitas? Si enim rem utilem pro utiliori commutate magna utilitas est, d. c. *super* §. 1. etiam rem inutilem in utilem convertere, vel damnosam divendere, utile est: nam hoc ipsum, scilicet vitare damnum, est quedam utilitas. Non enim existimo, rem immobilem, quantumvis inutilem, vel damnosam videatur, ita licere divendere, quin, si commode fieri possit, alia illius loco substituitur, quæ nonnullam utilitatem afferat: quia, ut dicitur d. c. *sine exceptione*, illud semper eligendum est, quod sit profuturum Ecclesie, semper autem talis commutatio est profutura, si fieri potest.

Prima causa dicitur esse necessitas. Secunda utilitas.

Prima causa necessitas. Secunda utilitas.

Tertia causa ad aptitudinem.

4 Dices. Interdum potest res ita esse inutilis, ut nec vendi possit, nec commutari pro alia utili, tunc ergo licet talem rem donare absque alia utilitate. Respondeo, primum si habere talem rem esset onerosum religioni, quia nimirum in conservanda illa aliquid expendit, tunc iam esset utilitas in ea donanda, quia vitare expensas infructuosas utile est; sed hoc vix accidere potest in rebus immobilibus, sed solum in se moventibus, quæ quando huiusmodi sunt, tam parvæ estimationis sunt, ut non pertineant ad bona de quibus agimus. Si autem res immobilis sine ullo damno, vel incommodo monasterio sub ejus dominio conservari posset, quantumvis inutilis videatur, non potest, ut opinor, liberaliter donari sine aliqua commoitate, vel morali utilitate monasterii, cum quia habere illud non nocet, & quod nunc videtur inutile, in aliqua occasione poterit esse utile etiam, quia ut causa sit legitima, non satis est quod alienatio non sit inutilis, sed oportet ut sit utilis, ut iura citata docent, & ideo inter res utiles non licet commutare æqualem pro æquali, licet aliquid commodi inde monasterio accrescat: omnes ergo hæc causæ sub una utilitate continentur.

Instantia recurritur.

5 Addunt vero auctores citati aliam causam, scilicet pietatem.

Ultima
causa pie-
tas.

pietatem, qualis est, v.g. redemptio captivorum, nam pro illa dicunt posse bona Ecclesie alienari, quod probant ex l. *Sancimus*. C. de sacros. Eccles. libi, *Excepta videlicet causa captivitatis, & famis*: nam si necessitas fuerit (inquit) in redemptione captivorum, tunc venditionem prefatarum rerum divinarum, & hypothecam, & pignorationes fieri concedimus, quoniam non absurdum est animas hominum quibuscunque vasis, vel vestimentis præferre. In qua lege solum est sermo de rebus mobilibus: expendi autem possunt illa verba, quibuscunque vasis, & vestimentis, nam plane extenditur ad res pretiosas, quæ æquivalentur immobilibus; expresse vero in Autent. de alienat. & emphyt. tit. 3. de alienatione & emphyteusi, c. 9. *Santissimas*, dicitur, *Ecclesias, seu æconomos civitatum precipimus alienare res immobiles pro captivorum redemptione, nisi sub hac conditione possessionis aliqui de derint, ut nullo modo has alienent*. Sed hæc leges cum Ecclesiasticæ non sint, non possunt de rebus Ecclesiarum disponere, & ita non videtur illis standum nisi vel quatenus ipsum jus naturale, & divinum explicant, vel canonibus consentaneæ sunt. Invenimus autem illas leges canonizatas per jura canonica, c. *factorum*. 12. q. 2. ubi Gregorius ait, *Et sacrorum canonum statuta, & legalis auctoritas permittit, licite res Ecclesiasticas in redemptionem captivorum impendi*. Similia verba habet lib. 6. epist. 35. c. 199. & apud Gratianum supra c. & *sacrorum*.

Ministeria Ecclesie
sunt vasa
sacra vo-
cantur.

6 Sed oportet caute exponere verbum illud, *Ministeria Ecclesie*, non enim est sensus, Ecclesiastica munera, aut actiones vendi posse propter opera misericordie, constat enim illud non licere; sed vasa sacra, quia ad divina ministeria deputata sunt, ministeria nuncupavit, ut patet ex verbis infra subjunctis, *Si de prædicta Ecclesie usuale argentum est, superscriptam quantitatem accipiet, alioqui de sacratis vasis vos hac in re eam quam prædiximus, qualitatem præbere necesse est: nam sicut omnino grave est frustra Ecclesiastica ministeria vendere, sic iterum culpa est imminente hujusmodi necessitate res desolata Ecclesie captivis suis præponere, & in eorum redemptione cessare*. Quod etiam eleganter prosequitur Ambros. lib. 2. de Offic. cap. 28. Et habetur apud Gratianum c. *scilicet*. c. *aurum* 12. q. 2. Ex prædictis autem verbis constat, hunc casum comprehendere sub Ecclesie utilitate, imo etiam necessitate, ut Gregorius in citatis verbis satis declaravit, recteque comprehenditur hæc causa in dicto c. *sine exceptione*, in verbis illis, *Ut meliora prospiciat*. Addit quintam causam Hostien. in Summa, tit. de rebus Eccles. non alien. scilicet æquitatem, ex c. *ad aures*. eod. tit. Verumtamen in illo etiam textu major Ecclesie utilitas considerata est, ut patet ex illis verbis, *Nisi forte et tunc aliis possint ad maiorem Ecclesie utilitatem cum eodem labore, & onere conferre*. Solum ergo potest ratio æquitatis facere, ut cum æquali Ecclesie utilitate is præferatur, cui alia ratio æquitate favet.

Vide: Mo-
lisam 2.
tom de
Just. disp.
468. & Co-
var. lib. 2.
Variar.
c. 16. n. 3.
& 9.

Haecenus
explicata
conditio
est juris
naturalis.

7 Atque hæc conditio ita explicata per hæc omnia membra non tam est positivum juris, quam divini, & naturalis, quod quidem verum est de quocunque prælato Ecclesiastico, quantum ad bona ipsius Ecclesie, quorum ipse non est dominus, sed dispensator: multo vero magis in prælato regulari propter pauperatatem, quam proficitur. Additur vero ex positivo jure necessarium esse ut de hac causa constet per publicum instrumentum ad hoc specialiter factum, ita ut non sufficiat hoc inferi in instrumento alienationis. Ita docet Dominicus, Philippus, Socinus, & Guido, quos refert, & sequitur Rebuffus supra, n. 10. Hanc vero solennitatem non invenio expressam in d. c. *sine exceptione*, ipsi vero allegant cap. 1. de rebus Eccles. non alien. in 6. cujus verba sunt, *Præsertim cum evidens necessitas quare fieri deberet, vel utilitas non subesset*. Ex quibus non video quomodo illa peculiaris conditio & solennitas colligatur, nam ibi solum requiritur ut vere subsit evidens necessitas, & utilitas: quod autem hoc constare debeat per speciale instrumentum, ibi non dicitur, neque ego invenio aliud in jure expressum: durum autem est admittere conditionem ut necessariam ad contractus valorem, vel honestatem, quam jura non exprimunt. Præsertim, quia in c. 2. de rebus Eccles. non alien. in 6. solum postulatur ut alienatio fieret in forma, & casibus a jure permixtis, ca-

sus autem sunt supra numerari, circa quos, ut de illis constet, nulla forma ponitur in jure, sed circa alia, quæ statim dicemus. Quocirca nisi consuetudo fortasse obsteret, videtur probabile ex parte causæ sufficere quod in re subsit, & sufficienter possit de illa in iudicio constare sive per speciale instrumentum, sive aliis modis. Ad quem pertineat probare hujusmodi utilitatem Ecclesie, si forte post alienationem lis exorta sit, videri potest in citatis auctoribus, & præsertim in Covarr. lib. 2. Variarum c. 17. ad nos enim non spectat.

8 Secundo ut recte fiat alienatio, necessarium est ut ante illam præcedat tractatus, d. c. *sine exceptione*. ibi, *Et cum totius cleri tractatu, & consensu*, & in c. 1. de rebus Eccles. non alien. in 6. quædam concessio reprobat. *Qui tractatus solennis, & diligens, qui in talibus concessionibus perpetuis, & alienationibus rerum Ecclesiasticarum exigitur, non fuit habitus in eadem*. Est autem tractatus mutua collatio conventus, seu Capituli de necessitate, vel utilitate alienationis; unde ad illum convenire debent omnes, qui circa talem alienationem suffragium habent, nam eorundem petitur tractatus, quorum consensus postulatur. Oportet etiam (juxta communem interpretationem) ut tractatus fiat inter religiosos, vel clericos capitulariter congregatos, ita ut non sit satis separatim cum singulis rem tractare, aut per literas cum eis conferre, nisi in unum conveniant, & inter se conferant, nam & verba jurium hoc indicant, & iuvat c. *tertio loco*. de probationibus & res ipsa ita postulat ut convenienter agi possit, & Doctores consentiunt, ut patet ex superius citatis. Addit Rebuff. supra numero suo 12. debere fieri speciale instrumentum de hoc tractatu, quod in iure non invenio expressum, & ideo non iudico esse necessarium in foro consuetudinis; tamen in exteriori praxi sequendus est usus, & communis sententia: existimo tamen sufficere quod in eodem instrumento alienationis narreretur tractatus præcedens, non tantum præsupponendo, sic enim oportebit ut alia via de suppositione constaret; sed notando illum, & dando fidem illius, ex sententia Capituli, quæ ex illo resularet circa utilitatem alienationis; & fortasse Juristæ nihil aliud intelligunt.

Secunda
conditio
alienatio-
num im-
mobili-
um bonorum.

9 Tertia conditio est consensus Capituli in talem alienationem. Patet ex citatis verbis c. *sine exceptione*, & ex aliis statim citandis: unde quoad hanc partem multum diminuta est potestas prælati, quia non est monarchica, sed coniuncta cum aristocratia. Ratio autem seu congruentia huius iuris fuisse videtur, ut difficilior fieret hæc alienatio, & quia fortasse prælati abutebantur potestate, quam antea in solidum habere solebant, & si petebatur consilium seniorum, vel Capituli, non erat decisivum, sed consultivum, iuxta hanc vero formam omnes de conveniunt suffragium decisivum. Unde duo actus hic distinguendi sunt, unus pertinet ad tractatum, alius pertinet ad ipsum contractum alienationis. Prior pertinet ad intellectum, seu iudicium, per illum enim quasi fertur sententia quod talis alienatio expediat, vel necessaria sit monasterio, ad hanc enim ordinatur tractatus, & si in ea Prælatus non confirmaretur Capitulum saltem pro maiori parte non esset ultra progrediendum, quia iam deesset iustæ alienationis fundamentum, nec posset rationabiliter postulari consensus in alienatione ab his, qui eam convenientem non esse iudicassent. Alius actus est voluntatis, quia proprie nomine consensus significatur, & est voluntas quod talis alienatio fiat: potest enim aliquis iudicare utile esse monasterio ut fiat alienatio, & nihilominus nolle ut hic & nunc, vel cum tali persona fiat, propter extrinsecos respectus, vel rationes: propterea ergo requiritur consensus in ipsa alienatione. De quo consensu, quomodo debeat exprimi in instrumento per propria nomina, & subscriptiones singulorum, & de aliis circumstantiis eius, videri possunt auctores citati.

Tertia
conditio

Ita ut a-
lius per-
tinet ad
hanc ter-
tiam con-
ditionem.

Alter
actus.

10 Quod ad nos spectat, solum est ad attendendum requiri simul consensum prælati, & Capituli. Ut autem Capitulum consentire dicatur, non est necesse ut omnes de Capitulo consentiant, sed sufficit maior pars, ut ibi glossa advertit, nam quod a maiori parte fit, censetur a toto fieri, ut supra c. 5. tractando de electionibus diximus: si autem saltem magna pars non consentiat, etiam si plures cum prælato velint, nihil poterit, quia

Explica-
tur hic
posterior
actus.

tunc

tunc verum non est, Capitulum consensisse: contrario vero quamvis totum Capitulum, excepto prælato, consentiret, non posset alienatio fieri, ut est communis sententia Doctor, quos retuli, quia utriusque simul, prælati scilicet & Capituli consensus necessarius est. Item, quia per hanc formam non privatur prælatus sua potestate, sed solum limitatur ne possit illa uti sine consensu Capituli, ut aperte colligitur ex juribus citatis: ergo semper necessarium est ut interveniat auctoritas, & potestas prælati, quod esse non potest sine consensu ejus. Tandem ob hanc causam sede vacante non potest Capitulum cathedralis Ecclesiæ bona ejus alienare, ut constat ex c. 1. de rebus Eccles. non alien. in 6. ubi glossa advertit idem esse in minoribus Ecclesiis c. si qua, & c. precaria. 12. q. 2. Hujus autem ratio inter alias est, quia auctoritas prælati est maxime necessaria ad hujusmodi actum; ergo quando Ecclesia non vacat, fieri non potest sine consensu ejus.

Questiun,
cola in-
furgens.

Authoris
probabilis
resolutio.

11 Solum queri potest, si contingat in Capitulo paria esse suffragia præter prælatum, & inter se æqualiter dividi, an id sufficiat, ut accedente consensu prælati, fieri possit alienatio: videtur enim non satis esse, quia Capitulum in hoc negotio debet considerari ut conditum a prælato, nam jura dicunt, prælatum non posse hoc facere sine consensu Capituli; & e converso dicimus consensum totius Capituli sine Episcopo non sufficere: considerantur ergo Capitulum, & prælatus tanquam duæ personæ conditæ, quarum consensus simul necessarii sunt, sic autem considerando Capitulum non potest dici in eo casu consentire, quia major ejus pars non consensit. Nihilominus probabilius videtur saltem in religionibus, ubi Capitulum non ita distinguitur a prælato, sicut in cathedralibus Ecclesiis, illud consensum Capituli sufficere, quia prælatus est pars Capituli, & ideo absolute verum est tunc majorem partem Capituli, & consequenter Capitulum ipsum consentire. Neque est inconveniens quod prælatus suo consensu operetur, & ut pars habens suffragium in Capitulo, & ut caput, & superior sua fungens potestate: atque idem censeo de quocunque Capitulo, in quo prælatus eodem modo præsideret. Alia multa possent de his conditionibus tractari, quæ omitto, quia pertinent ad universaliorem materiam de bonis Ecclesiasticis, & quia unaquæque religio hæc observat, ut statim dicam, juxta privilegia sibi concessa: videri ergo possunt in citatis auctoribus, præsertim in Panormitano in c. 1. & c. 2. de his quæ sunt a prælatis, &c. Geminiano, & aliis in c. 1. de rebus Eccles. non alien. in 6.

12 Solum ergo addendum est, pro regularibus prælatis jure novo confirmato, & declarato esse illud antiquum jus in Clement. unic. de rebus Ecclesiæ non alienandis, ubi omnibus religiosis, monasterio, Prioratui Ecclesiæ, seu administrationi cuiusvis presidentibus prohibetur hæc alienatio, nisi necessitas aut utilitas monasterii, Prioratus, Ecclesiæ, aut administrationis hujusmodi hoc exposcant, conventus sui, aut si conventum non habeant, prælati proprii assensu ad hoc nihilominus accedente. In quo jure solum superest explicanda illa ultima conditio, quæ additur quando deest conventus: tunc enim solius prælati consensus postulat. Ex quo in primis videtur a contrario sensu colligi, quando prælatus, aut prior habet conventum, tunc, si uterque consentiat, non esse necessarium consensum superioris prælati. Probat, quia hic specialiter postulat quando deest conventus: ergo, quando non deest, sufficit consensus ejus sine consensu superioris prælati.

Objeçio.

13 Sed contra hoc objici potest, quia prælatus non exemptus non potest aliquid alienare sine consensu Episcopi, etiam si conventus consentiat, ut colligitur ex c. Abbatibus, 12. q. 2. & c. in venditionibus. 17. q. 4. & tradit glossa recepta in Summa, in 2. q. 2. prælatus autem conventualis exemptus indiget consensu sui Provincialis, quem habet loco Episcopi, nam, cum sit exemptus, in illo consensus Episcopi necessarius non est, ut notavit Turrecr. in dicta Summa, in princ. 12. q. 2. tamen loco illius est necessarius consensus sui prælati. Respondetur ad priorem partem, in dicta Clementina non requiri in eo casu consensum superioris prælati; & ita ex vi illius non esse necessarium consensum Episcopi; tamen quia illa non revocat antiquum jus, nec de

hoc aliquid positive disponit, ideo, ea non obstante, verum esse commune sententiam. Nam argumentum in contrarium licet sit efficax ad probandum, ex vi illius non postulari talem consensum, non tamen est efficax ad probandum non requiri ex vi aliorum jurum. Atque idem dicendum est ad posteriorem partem, quæ per se est consentanea juri communi, quatenus Provincialis, vel Generalis vicem Episcopi tenet respectu monasterii exempti; nihilominus tamen illud pendet ex proprio jure uniuscujusque religionis. Ubi autem nihil in contrarium statutum fuerit, prædictum jus commune servandum est, adeo, ut Archidiaç. Hostien. & alii, quos refert & sequitur Rebuff. supra n. 85. non valere consuetudinem in contrarium dixerint.

14 Circa eandem vero partem, quatenus postulat consensum Superioris, quando Prior, vel administrator non habet conventum, interrogari potest primo, an prælatus superior, vel Episcopus possit solus consensum præstare, vel simul debeat concurrere Capitulum Ecclesiæ, vel monasterii, cui talis prælatus præest. Et ratio dubii esse potest, quia juxta formam c. sine exceptione. Episcopus non potest alienare bona Ecclesiæ sine consensu Capituli, quæ forma non est revocata per dictam Clementinam. Responderetur nihilominus, ex vi illius textus non requiri consensum nisi solius Episcopi, v. g. Quam sententiam significant Geminianus, Perusius, Speculator, quos refert, & sequitur Rebuffus supra, n. 88. ubi allegat etiam alia jura. Sufficiunt tamen verba ejusdem Clementinæ, quæ solum requirunt consensum prælati proprii; nec oportet addere onus, quod lex non addit. Nec ex vi antiqui juris id erat necessarium, nam in dicto c. sine exceptione, expresse dicitur, ne quis Episcopus de rebus Ecclesiæ suæ: unde omnes colligunt, ad alienanda bona inferiorum Ecclesiarum non requiri consensum Capituli Ecclesiæ cathedralis, sed Episcopi, & eorum, ad quos pertinet proxima cura talium Ecclesiarum. De quo possunt optime intelligi ultima verba ejusdem textus, quæ generalius loquuntur de alienatione rei Ecclesiasticæ, & prohibetur fieri ab Episcopo absque conviventia, & subscriptione clericorum. Quæ intelligenda sunt respectu, id est, clericorum uniuscujusque Ecclesiæ, vel unius tantum, si plures non habuerit. Ergo, si Ecclesiæ fuerit regularis, & si conventum non habuerit, etiam ex vi illius textus sufficit consensus Episcopi, & Prioris.

15 Sed quid si talis Prior fuerit exemptus? Respondeo, aut est immediatus Papæ, aut habet prælatum superiorem intra eandem religionem: in hoc posteriori casu proprii prælati regularis consensus necessarius est, & sufficit. Solum tenebitur ipse prælatus superior ad prebendum suum assensum, uti consilio sibi, juxta suam regulam præscripto ad similes res graves definiendas, siue illud consultivum sit, siue definitivum: quoad hoc enim verum est, dictam Clementinam licet in eo casu non requiratur consensus alicujus Capituli, vel consilii, non tamen excludere alia jura specialia, quæ illud possunt requirere. Quocirca, si bona illius Ecclesiæ, quæ per hujusmodi Priorem sine proprio conventu administrantur, sunt ita annexa alteri monasterio, ut censeantur etiam bona illius, ideoque talis Prior sit subiectus prælato illius monasterii; tunc sine dubio erit necessarius consensus non tantum prælati, sed etiam Capituli monasterii: quia ipsemet prælatus non potest dare suum consensum ad alienanda bona monasterii sine consensu Capituli, illa autem bona etiam sunt talis monasterii. At vero in priori casu necessarius erit consensus Pontificis, nam ille est proprius prælatus talis Abbatis, seu religiosi exempti: quod notat glossa in dicta Clementina, verbo Proprii, & Rebuffus supra, nu. 86. Qui omnes addunt, si talis Abbas Ecclesiam habeat pleno jure sibi subiectam, id est, cum Episcopali jurisdictione, tunc non indigere consensu Pontificis, nam potius ipse potest præbere auctoritatem alienationibus bonorum cujusunque Ecclesiæ sibi subiectæ, consentiente illius Rectore. Adverto tamen non solum in regularibus, sed etiam in secularibus prælatis inveniri minime posse aliquem habentem jurisdictionem Episcopalem, & Pontifici immediate subiectum, qui tamen conventum non habeat, seu Capitulum, vel saltem clero: quapropter nullum existimo esse talem Abbatem, qui

Circa po:
stulandū
consensū
prælati
superio-
ris, dubiū
unum.

Dubium
alterum
per distin-
ctionem
duobus
casus re-
solviuntur.
Quil in
posteriori-
ti.

Quid in
priori.

quisolo arbitrio suo sine consensu alicujus prælati sibi superioris, saltem Papæ, & sine consensu alicujus Capituli, vel cleri, vel saltem proximi rectoris Ecclesiæ possit bona Ecclesiæ alienare. Nam in dicto cap. *sine exceptione* generalis regula ponitur, Episcopum non posse alienare bona Ecclesiæ sine consensu cleri: ergo multo minus poterit inferior prælatus habens jurisdictionem Episcopalem: ergo e contrario quotiescunque locum habet casus dictæ Clementinæ, in quo religiosus præfectus non indiget consensu alicujus conventus, vel cleri, quia illum non habet, necessarius illi est consensus alicujus prælati superioris, saltem Papæ, quantumcumque ipse exemptus sit: nec in hoc existimo posse habere locum limitationem, vel exceptionem, sed solum in illis prælatis, qui cum habeant conventus, in eis habent Episcopalem jurisdictionem solum Pontifici Summo subordinatam.

De quibus rebus alienandis intelligatur prædicta sollemnitas.

Additur vero in dicta Clementina limitatio hujus formæ, seu prohibitionis his verbis, *Verum præmissa ad locationes, vel etiam reddituum aut fructuum venditiones ad tempus modicum faciendas, declaramus ullatenus non extendi*. Circa quæ verba duo in hoc puncto declaranda supersunt. Primum, in quibus bonis alienandis requirantur prædictæ conditiones: secundum, in qua eorum alienatione necessaria sit: utrumque autem horum satis distincte explicatur in Extravag. *Ambitiosa*, de rebus Ecclesiæ non alien. nam generalis regula ibi statuta de Ecclesiasticis bonis, ad regularia etiam applicanda est. Quoad priorem ergo partem, declaratur ibi, bona, circa quæ prædicta omnia servanda sunt, esse omnia *immobilia, & pretiosa mobilia*: unde fit, circa alia omnia, quæ hujusmodi non fuerint, conditiones illas non esse necessarias, ac proinde circa alienationem illorum integrum manere jus antiquum, & potestatem quam juxta illud habent regulares prælati. Quid autem per mobilia bona intelligatur, res nota est, & videri potest Panormitanus cap. *Nulli*, de rebus Ecclesiæ non alienandis, n. 9. & 10. & tomo præced. illud attingimus, tractando de materia paupertatis. In præsentibus ergo sub immobilibus bonis comprehenduntur tam res corporeæ, fixæ, & immobiles, quam actiones, & jura, vel redditus longi temporis, seu jus diuturnum ad illos, censetur autem diuturnum, si sit saltem decem annorum. Item etiam jura, seu debita rerum immobilium, quæ natura in eorum participant.

17 Circa hæc autem debita oportet advertere, necessarium esse, ut jam sit monasterium jus acquisitum, nam antea non sunt bona monasterii, nec Ecclesiastica, & ideo nondum comprehenduntur sub prædictis legibus, ideoque si quis modus alienationis in eis esse potest, manet sub ordinata potestate administrativa prælati. Exemplum est, si donatio offeratur monasterio sub his, vel illis conditionibus, vel legatum relinquatur, ante acceptationem non habet monasterium jus acquisitum, & ideo ad non acceperandum manet potestas apud prælatos, possuntque alienare, vel commutare bona sibi relicta modo supra dicto, tractando de paupertate in majorem utilitatem, vel commoditatem monasterii. Quam sententiam tenuit Freder. de Senis consil. 9. quem refert, & sequitur Panormit. in cap. 1. de integritate restitu. n. 9. & cap. *tua*, de his, quæ sunt a Prælati, n. 9. ubi additio refert Romanum, Ancharanum, & Lapium, & alios refert Rebuffus supra, nu. 30. ubi rament refert etiam Ancharanum & alios in contrarium & ipse, licet distinctione utatur, in eam sententiam magis inclinatur, & eam sequitur noster Molina disp. 468. de justitia. Sed mihi in rigore prior opinio vera videtur, nam ante acceptationem non est proprium jus acquisitum, quod inter bona mobilia computari debet. Facit ad hoc confirmandum dictum Pauli de Castro consil. 11. Felin. c. *cognoscetes*, de Constit. n. 3. mulierem posse repudiare donationem sibi factam nondum acceptatam omnia sollemnitate statuti loquens de alienationibus mulierum, quia loquitur ubi jus est acquisitum in re. Quod etiam sentit Sanch. li. 6. de Matr. d. 4. n. 11. Verum est debere Prælatos in hoc servare modum suam regulam præscriptum, vel si in hoc nihil esset speciale definitum, servare debet generalem regulam, ut in re-

bus arduis nihil agat sine consensu conventus: de qua videri potest Felinus in ca. *doceri*, de re scriptis, num. 3.

18 Quæ vero censeri debeant mobilia pretiosa, non invenio in jure declaratum, neque ab auctoribus de illa re certa regula assignatur præter quædam exempla sumpta ex l. *lex*. C. de administr. tut. ut videre licet in glossa in c. *tua*, de his, quæ sunt a Prælati, & Panormitan. in d. c. *nulli*, nu. 8. & 11. prudens ergo judicium intervenire debet. Primum autem locum inter hæc bona obtinent vasa, & vestimenta divino cultui deputata, quando sunt ex materia multæ æstimationis, præsertim si in eo genere, & quantitate materiæ, & artis qualitate præstent, ut sunt vasa aurea, vel argentea, gemmæ, vestes aureæ, aut sericæ majoris pretii: & de his præcipue loquitur dicta Extravagans, *Ambitiosa*, dicens, *Pretiosa mobilia Deo dicata, ex quibus Ecclesiæ, monasteria, & pia loca reguntur, illustranturque*. Existimo præterea in hoc numero computari copiosam bibliothecam monasterio competentem: nam licet singuli libri, vel plures illorum alienari possint sine illa sollemnitate, vendere tamen totam bibliothecam est sine dubio res gravissima, quæ inter mobilia pretiosa, quæ servando servanda sunt, ut jura loquuntur, merito computatur. Et idem judico de grege integro ovium, aut similibus rerum se moventium, quæ fructiferæ sunt, & immobilibus bonis communi æstimatione æquiparantur. Idem censuit Navarrus consil. 7. de reb. Ecclesiæ non alien. de cæsiōe arborum ferentium & non ferentium fructus, quæ magno pretio æstimantur, & venduntur: nam, licet illa res videatur mobilis, est pretiosa, & quatenus pertinet ad utilitatem prædii, & illi adheret, quodammodo est immobilis: & nihilominus in consil. 6. ait idem Navarrus, succidere aliquas arbores inutiles, vel opacas, & eas vendere, non transcendere æstimationem, & modum rerum mobilium, quæ servando servari non possunt, vel non debent, quia revera & sunt parvæ æstimationis, & non pertinent ad utilitatem prædii, & ideo nullo modo reputantur immobiles; cætera autem bona mobilia, quæ hujusmodi non sunt, & servando servari non possunt, etiam ratione quantitatis, si aliquando sint magni pretii, inter mobilia pretiosa non computantur, ut sunt pecunia, oleum, triticum, vinum & alii fructus, atque etiam vestes, quæ quotidiano usu facile reperiuntur, & magnæ æstimationis non sunt.

19 Ex quo infert Panormitanus dicto cap. *nulli*, cum glossa ibi, hæc omnia permitti posse a Prælato, aut vendi sine prædicta sollemnitate, quia in eis integræ retinet administrandi potestatem, nam, ut supra dicebamus, jus antiquum integrum manet, ubi per novum non est immutatum; circa hæc autem bona nihil innovatum est in prædictis juri-bus. Solum excipitur in dicto c. *nulli*, *rusticum mancipium*, juxta Authenticum de non alienandis, §. *nos igitur*, nam juxta jus antiquum computabatur hujusmodi mancipium quasi accessorium, vel quasi pars ipsius prædii, & ideo fortasse idem nunc censendum erit de jugis boum, aut aliorum jumentorum cum aliis rebus deputatis ad cultum prædii: nam licet singula ex his non sint mobilia pretiosa, tamen peculium illud rusticum (ut sic dicam) quid pretiosum dici potest, & conjunctum prædio est, veluti quid immobile in eo ergo etiam videtur servanda forma juris. In cæteris autem mobilibus, ut dixi, Prælatus habet suam integram potestatem, ut plane colligitur ex dicta Extravag. per argumentum ab speciali, & ex dicta Clementina sine, per argumentum a fortiori, & est communis sententia his locis, & 12. qu. 2. in princ. cum glossa ibi, & in cap. *tua*, ubi etiam Panormitan. de his, quæ sunt a Prælati, &c. Additur vero in dicta Extravagante verbum notandum: *Ac de fructibus, & bonis, quæ servando servari non possunt pro instantis temporis exigentia*. Quo significatur, etiam hæc bona non esse alienanda nisi quando oportunitas, vel occasio id exigit, respiciendo semper ad necessitatem, vel commoditatem monasterii, vel ad debitam pietatem.

De qua alienatione intelligatur eadem sollemnitas.

20 Quoad alteram vero partem n. 16. propositam, in qua scilicet alienatione requiratur prædicta sollemnitas, dicitur in prædicta Extravagante: *Omnium rerum, & bonorum Ecclesiasticorum alienationem, omneque pactum per quod eorum dominium transferatur, concessio-*

Quæ censentur mobilia pretiosa.

Quæ mobilia non censentur pretiosa.

Confessio uno verbum de his non pretiosis.

Exceptio a confessionario.

Notandum.

Responsio de bonis immobilibus, & quæ talia sunt.

Quæ mobilia non subduntur dictæ sollemnitati.

Variæ alienationes in quibus requiritur dicta sollemnitas, *nam, hypothecam, locationem, & conductionum ultra triennium, necnon infundationem, vel contractum emphyteuticum præterquam in casibus a jure permissis, & de rebus & bonis in emphyteusim ab antiquo concedi solitis, & cum Ecclesiarum evidenti utilitate.* Per quæ verba imprimis sublata est ambiguitas, quæ in dicta Clementina relinquebatur, quod censetur modicum tempus: quam ibi tractat glossa, & refert varias opiniones, & Panormitanus ibi videtur approbare illam, quæ tempus infra decennium censet esse modicum: tamen dicta Extravagans limitavit tempus trium annorum, & ita de facto servatur, & servandum est. Deinde possent hic quæstiones insitui de singulis contractibus istorum quomodo Prælati prohibiti sint, & an sint omnino invalidi sine debita sollemnitate facti, & an saltem valeant pro tempore permissio, quando pro majori indebite facti sunt. Sed ab his, & similibus quæstionibus nunc abstinere, quia generales sunt de omnibus Ecclesiasticis bonis, & late tractantur a citatis auctoribus, & videri potest Molina tom. 2. de Justit. disp. 466. & tribus sequentibus. Nunc solum suppono ex dictis juribus manifestum esse, hujusmodi contractus esse irritos ex vi prædictarum legum absque alia sententia, vel declaratione, quia in ipsa lege satis explicatur, neque talis irritatio est poena, ut sit necessaria sententia. Nec mihi placeat sententia eorum, qui dicunt, si non cesset justa causa, & utilitas Ecclesie propter solum defectum sollemnitis non teneri quempiam in conscientia recedere a contractu, quod sentit Navarrus Commentario de Alienatione rerum Eccles. qu. 15. & sequentibus, & in Comment. de spoliis clericorum, §. 2. num. 6. quia sollemnitas (inquit) inducta est ad præsumendam justam causam, ubi autem intercedit veritas, cessat præsumptio. Sed non placet, quia non est tantum ad præsumendum, sed ad præcavendum ne aliter fiat, & ideo non obstante veritate causæ, necessaria est sollemnitas. Tum quia effectus legis, & obligatio non cessat, etiam si finis in particulari cesset: tum etiam, qui deest potestas ad contrahendum alio modo: ergo actus est simpliciter nullus.

Tunc autem contra-ctus re-scienden-dus, aut sollem-nitas de-novo adhiben-da.

21 Quapropter qui hoc modo accipit bona alienata a monasterio, non potest illa in conscientia retinere, nec fructus, imo, si sit in mora restituendi, tenebitur ad damna monasterii, nisi propter bonam fidem a culpa excusetur. De quo videri potest Navarrus tribus consiliis ultimis de rebus Eccles. non alien. Covar. in reg. pec. cap. §. 3. n. 11. Anton. Gom. l. 3. Tau. n. 124. Gutier. de jure confirm. l. p. c. 1. n. 42. Rebuff. referens alios antiquos, supra, n. suo 42. & Molina loco citato; neque in hoc potest monasterium cedere juri suo; nisi confirmando de novo contractum, & supplendo priorem defectum; nam quando jus præscribit certam formam essentiali servandam in contractibus, nemo potest huic juri renunciare, ut sumitur ex l. contra jura, ff. de legat. 1. notat Panormit. in c. si diligenti, de foro compet. num. 7. ex Barrolo in l. si quis in conscribendo, C. de pactis. Unde si in præfenti casu consensus Capituli, v. g. prætermisus fuisset, actus quidem in rigore esset invalidus, potest tamen ratificari per consensum Capituli, præmisso tractatu, & tunc incipiet valere contractus non a tempore, quo factus est, sed a tempore, quo fuit ratificatus, ut est communis sententia Doctorum, quos refert Rebuffus supra, n. 95. Et per hæc satis videntur dicta jura explicata quantum ad præfens institutum spectat. De penis autem excommunicationis, suspensionis, vel interdicti, quæ ibi adduntur, præsertim in Extravag. Ambrosiense, dictum in particulari est in tomo de Censuris: disp. 22. sect. 6. a n. 6. De aliis vero, quæ pertinent ad privationem beneficiorum, aut officiorum, juxta generales regulas materiz de Legibus judicandum est, ubi etiam in specie illam Extravagantem attigimus, & cum Navarro adnotavimus, quoad has penas non videri usu receptum.

CAPUT XXVIII.

De potestate prædictæ administrationis juxta statuta & specialia indulta religionum, nominatim Societatis Jesu.

IN hac re dicendum est, Prælatus uniuscujusque religionis posse & debere administrare bona mona-

sterii, aut religionis juxta indulta, & privilegia a Sede Apostolica suæ religioni concessa, & juxta suam regulam, vel constitutiones ab eadem Sede approbatas. Probatur, quia indulta Apostolica dant potestatem derogando etiam juri communi, quando id suffiçenter exprimunt, (nam quod possint id facere, manifestum est.) Constitutiones autem constituunt jus, quod hujusmodi Prælatus servare tenetur: ergo & potest, & debet juxta talia indulta, ac statuta religionis bona administrare. Quæ vero sint hujusmodi statuta, & indulta in singulis religionibus, non est nostrum nunc inquirere, vel examinare, sed videri possunt, quæ de his privilegiis, sicut & de cæteris aliis, doctæ, & diligenter tractat Emmanuel Rodericus in 1. tomo Quæstionum regularium, q. 27. Si quis autem attente animadvertat, in privilegiis communiter concessis Mendicantibus, aut monachalibus religionibus, nihil fere derogatum est de sollemnitate ad alienationem requisita; in reliquis vero, quæ ad administrationem pertinent, idem fere jus commune est omnibus. Quod si aliqua sit varietas in specialibus statutis, eorum intelligentiam, & observantiam unicuique Prælato remittimus.

2 Solum est notatu dignum privilegium illud a Sixto IV. & Leone X. concessum Minoribus ad alienandum aliqua bona immobilia, non obstantibus ultimis voluntatibus testatorum, vel donantium, prout refertur in Supplemento Minorum, concess. 95. & 317. Quanquam, quia illi non habent bona immobilia, solum conceditur eis commutatio talium bonorum, quando primum illis traduntur. Alii vero Mendicantes, qui habere possunt dominium rerum immobilium, uti possunt illa facultate, etiam postquam acceptant, & possident talia bona, juxta testantis voluntatem, dummodo observent condiciones in privilegio requisitas, nimirum, ut sine scandalo fiat, & cum diligenti informatione de talis alienationis, vel commutationis necessitate. Et ita habetur in privilegiis Augustinianorum, & in Compendio Societatis, verb. Alienatio, §. 5. ubi usus hujus facultatis reservatur Generali, juxta proprium, & peculiarem modum procedendi Societatis. De quo pauca hic addere necesse est, ne oporteat iterum postea in tract. 10. de hac temporalis administratione sermonem facere, & quia antiquus modus procedendi religionum videtur in ea quoad hanc partem, innovatus. Ad denique, quia, ut in fine dicam, aliqui putant, posse alias religiones, vel Generales earum per communicationem privilegiorum uti Pontificiis facultatibus Præposito Generali Societatis in hac parte concessis.

3 Est igitur in hac materia advertendum, quod sicut in Societate religiosum regimen ad perfectam monarchiam revocatum est, ut infra tract. 10. lib. 10. cap. 1. dicam, ita tota potestas administrandi omnia domorum, vel collegiorum Societatis bona temporalia, illi per Constitutiones Societatis attributa est, hoc loco solo excepto, quod collegia semel acceptata dissolvere non potest, nec etiam immobilia bona omnino alienare, ut habetur 9. p. Constit. his verbis: *Est penes Præpositum generalem omnis facultas agendi quovis contractus emptionum aut venditionum quorumlibet bonorum temporalium mobilium tam Domorum quam Collegiorum Societatis: & imponendi, ac redimendi quoslibet census super bonis stabilibus ipsorum Collegiorum, in eorundem utilitatem ac bonum, cum facultate sese onere liberandi, restituta pecunia, quæ data fuerit. Alienare autem, aut omnino dissolvere Collegia, vel Domos jam erectas Societatis sine generali ejus Congregatione, Præpositus Generalis non poterit.* Et statim §. 6. Generali datur facultas disponendi, & applicandi huic, vel illi loco quæcumque bona Societati indifferenter relictæ, prout magis censuerit expedire, & infra §. 17. declaratur, posse etiam admittere Collegia, & Domos, quamvis non possit ea dissolvere, ut statim additur in 18. Ex quibus constat hanc potestatem ex vi Constitutionum esse latissimam, extendiq; ad omnia mobilia sine ulla limitatione, ideoque etiam pretiosa comprehendere. Item extendi ad immobilia quoad imponendos census super illis, dummodo redimi possint, & cedant in religionis utilitatem, qui est modus quidam alienationis: ex quo plane sequitur posse etiam locare, vel facultatem dare ad locandum ultra triennium, & omnes alios contractus efficere, qui non

Affertio pro 1. pag. tituli.

privilegia religionum parum derogant sollemnitate communis.

Privilegium alienandi non obstante ultima voluntate.

Ampla generalis Societatis potestas ad alienandum cum duplici limitatione.

non continent propriam ac perpetuam alienationem, vel translationem domini directi, aut utilis: nam omnes illi sunt minores alienationes rerum immobilium, quam venditio census super illis: cui autem majus conceditur (ut habet regula juris 53. in 6.) censetur etiam minus concessum, in his saltem, quæ ejusdem sunt rationis.

4. At vero absoluta seu perpetua alienatio rerum immobilium, ex vi huius constitutionis Generali non conceditur, quamvis sub his terminis ibi expresse non dicatur, sed ex his, quæ illi specialiter conceduntur, constat hoc non esse concessum, & consequenter esse prohibitum, cum desit potestas. Unde inferius, c. 4. §. 5. inter graves lapsus, propter quos posset Societas Generali officio privare ponitur, *Aliqua stabilia bona Domorum, vel Collegiorum alienare*, quomodo autem hoc intelligendum sit, infra explicabitur.

5. Alia vero limitatio expressius ponitur in eadem constitutione, §. 18. scilicet, non posse Generalem transferre, vel dissolvere, quod intelligitur de Generali solo, nam ipse cum Societate, hanc habet potestatem, et habetur in 4. p. Constit. ca. 2. §. 3. ubi in Declaratione exponitur, per Societatem commode intelligi congregationem generalem; tamen fieri etiam posse sine congregatione generali, concurrentibus his, qui habent jus suffragii, mittendo scilicet sua suffragia. Qui autem tunc habeant jus suffragii cum Generali, ibi non explicatur: ad minimum autem in Societate solent esse Provinciales omnes in Europa, quando res sine congregatione generali transigenda est, ut a simili constat ex p. 9. Constit. cap. 5. §. 3. ubi agitur de electione Assistentis, quando extra congregationem generalem fit, ad quam sufficere dicuntur suffragia omnium Provincialium. Tamen in aliis casibus postulari solet cum Provincialibus suffragium duorum Præpositorum, vel Rectorum localium uniuscujusque Provinciæ, ut patet ex eadem 9. p. cap. 4. §. 6. & 8. p. cap. 2. lit. C. & ideo ambiguum manet, an hic etiam ad alienandum, tot suffragia necessaria sint. Sed considero tunc solum extra congregationem generalem requiri suffragia Præpositorum localium præter Provinciales, quando Generalis cum eis non concurret, sed ipsi inter se per literas conferunt ad supplendum aliquem defectum Generalis, & cogendum, vel obligandum eum ad aliquid faciendum, quod solum facere possunt in casibus expressis, & modo præscripto in Constitutionibus. Quoties autem Generalis ipse cum consensu Societatis absque congregatione generali aliquid facturum est, tantum solent postulari suffragia Provincialium, ut constat ex primo loco citato, & clarius ex altero loco 9. p. cap. 4. §. 6. ubi prædicta differentia expresse constituitur: nam si Generalis velit sibi Vicarium generalem eligere, potest id facere cum solis suffragiis Provincialium; si autem Societas velit illi dare Vicarium, necessaria sunt suffragia aliorum Præpositorum. In præsentibus ergo censeo, jus suffragii in eo casu esse apud solos Provinciales, quia solus Generalis potest alienare cum consensu Societatis: ergo sufficienter tunc præbet consensum per Provinciales; in quo receditur a jure communi, nam juxta illud non sufficiunt suffragia per literas, nec singillatim extra Capitulum. E contratio vero nunquam potest Societas sine Generali alienationem facere, & ideo extra congregationem generalem non requiruntur suffragia Præpositorum localium. Quin potius nec congregatio generalis Sede vacante, licet Vicarium generalem Præsidentem habeat, potest talem alienationem facere, quia constitutio citata expresse dicit: *Præpositus Generalis simul cum ipsa Societate potestatem habebit*, quæ verba cum omni proprietate sunt intelligenda, & ideo de Præposito, non de Vicario illa intelligenda, sic enim & magis conformia sunt juri communi, & magis prospiciunt indemnitati Societatis. Ratio etiam in ipsamet constitutione insinuat juvat, quia non est membrum a corpore abscindendum sine consensu capitis; & ideo dum corpus quasi truncum est, & caret proprio capite, non est aliquod principale membrum abscindendum, donec caput eligatur.

6. Specialiter etiam de universitatibus Societatis dicitur in 4. p. cap. 11. §. 2. ad Generalem pertinere eas admittere, non tamen postquam admissa fuerint, sine

congregatione generali per eum dissolvi posse. Ubi neque in Declaratione ponitur disiunctiva de suffragiis Provincialium extra congregationem: unde videtur probabile, præcise requiri consensum congregationis in unum corpus convenientis, nam hoc significat vox *congregatio* in proprietate; & ita magis consultatur firmitati universitatum, & minus receditur a jure communi. Potestque ratio hujus specialitatis reddi: quia universitates sunt magis publicæ, & solent esse graviores quam privata Collegia, aut Domus, & ideo earum dissolutio, aut mutatio potest esse in majus dispendium, & scandalum, ideoque prudenter potuit reservari ad congregationem generalem stricte sumptam. Nihilominus probabile est, hanc constitutionem non esse diversam a præcedenti, & congregationem ibi sumptam esse tanquam æquipollentem Societati, cujus rei judicium ei remitto, ad quem auctoritas interpretandi Constitutiones ex officio spectat.

7. Ex his a fortiori constat, posse Generalem cum consensu Societatis alienare bona stabilia Collegiorum, & Domorum: quia plus est dissolvere Collegium, quam aliqua bona stabilia illius alienare; cui autem in his majus conceditur, non negatur, quod est minus. Tum etiam, quia hæc actio interdum potest esse conveniens Societati: ergo oportet, ut in ea sit potestas ad illam; sed non est in solo Generali, neque in sola congregatione: ergo saltem esse debet in utroque simul. Denique hoc est consentaneum juri communi, imo plus est quam jus commune requirat, quia jus commune solum requirit consensum conventus cum Præposito, vel Episcopo, aut Provinciali, hic autem cum Generali postulat consensum congregationis generalis, vel Provincialium totius Societatis pro majori parte. Necessarium autem est, ut talis alienatio cedat in utilitatem Domus, vel Collegii, hæc enim conditio ex natura rei necessaria est, & jura omnia illam requirunt; nec esset rationabilis constitutio, quæ in hoc esset illis contraria. Unde notari potest differentia inter dissolutionem omnimodam unius Collegii, vel alienationem bonorum stabilium ejus: quod dissolutio non potest cedere in utilitatem ipsius Collegii, cum per illam omnino destruat, & rei destructæ nulla sit utilitas; alienatio autem aliquorum bonorum stabilium Collegii, vel Domus permanentis potest cedere in utilitatem ejus; & ideo in dissolvendo Collegio non habetur ratio privatæ utilitatis ejus, sed Societatis; in alienandis autem aliquibus bonis primum omnium habenda est ratio utilitatis ejus Collegii, cujus sunt talia bona.

8. Sed quid si fingatur casus, in quo talis alienatio sit utilis Societati, & non privato Collegio, cujus sunt bona. Videtur certe in eo etiam casu habere Generalem cum consensu Societatis hanc potestatem, ex argumento facto, quod propter hunc finem potest id, quod majus est: ergo etiam quod est minus. Id autem intelligendum erit dummodo non sit ita onerosum Collegio, quod privatur talibus bonis, ut sine illis commode sustentari non possit, neque ex alio capite institutioni repugnet. Dices: ergo posset Generalis cum consensu Societatis partem bonorum stabilium unius Collegii auferre, & applicare alteri, si priori superflua sint, & posterius indigeat; quod videtur grave incommodum, & contra usum. Respondeo, non videri hoc esse ultra absolutam potestatem, si aliunde ex circumstantia extrinseca non repugnet, & alias constet illud secundum se esse majus Dei obsequium, majusque bonum Societatis. Probat, quia Societas est unum corpus, & bona singulorum Collegiorum magis sunt totius corporis, quam partis: ergo potest totum ipsum corpus cum capite dictam mutationem facere cum cedat in majus bonum totius corporis, & tali Collegio non fiat vera læsio, cum supponantur illa bona esse illi superabundantia. Item hæc potestas non est prohibita Societati, aut specialiter reservata Summo Pontifici; ubi enim est hæc prohibitio, vel reservatio? ergo continetur sub potestate dissolvendi Collegium, præsertim, quia in toto pars continetur.

9. Dico autem, si aliunde non repugnet; tum quia si bona sint beneficia Ecclesiastica tali Collegio unita, non possunt disjungi, & alteri uniri sine auctoritate Pontifici.

Quid etiam
ut esset
quoad
dissolu-
tionem u-
niversita-
tis.

Responsio
probabi-
lis.

Quid de-
nique re-
quiratur,
ut illimi-
tatio pō-
sic n. 4.
cesset.

Quæstio
cula sub-
ora dis-
solvitur.

1. Limita-
tio non a-
lienandi
omnino
de bona
immobili-
a.

2. Limita-
tio non
dissolven-
di Colle-
gia, &c.

Quid re-
quiratur,
ut hæc li-
mitatio
cesset.

Sententia
Auctoris
in hoc du-
bio.

Pontificis: tum etiam, quia si ex pacto inito cum fundatoribus, vel conditione ab eis posita hoc prohibeatur, non licebit, quia iusta pacta servanda sunt. Sicut in 4. p. Constitut. cap. 2. in prima Declaratione dicitur, quando Societas dimittit aliquod Collegium, non posse bona ejus extra Societatem donare, sed vel debere ea in manu Patroni relinquere, si aliquis talis sit, cui ex institutione, & voluntate fundatoris reservata est pia dispositio de talibus bonis, pro tali casu: si vero nulla intercesserit talis reservatio, Societatem posse applicare illa bona, prout expedire judicaverit, id est, applicando illa aliis Collegiis, vel Domibus indigentibus, id enim necessario sequitur, cum dictum fuerit, non posse extra Societatem donari: idem ergo cum proportionem dicimus de parte bonorum unius Collegii in casu dicto. Qui, ut dixi, raro potest contingere, tum quia fere semper intervenit aliquod ex dictis impedimentis: tum etiam, quia nullum est, & vix esse potest Collegium, quod habeat superabundantia bona, quia si plures habet redditus, plures etiam habet quos alit, & semper plures habere potest, omnesque solent esse necessarii ad finem talis Collegii, ubicunque ita copiose fundatum est. Frequentius autem posset hoc subsidium fieri ex redditibus unius Collegii elemosynam alteri faciendo, ad quod habet potestatem solus Generalis, quia illa non est alienatio bonorum immobilium, sed mobilium tantum.

10 Addenda vero est limitatio, quæ in dictis Constitutionibus sæpe exprimitur, pertinereque maxime ad paupertatem Societatis professæ, nimirum Generalem non posse redditus Collegiorum in usum Societatis professæ convertere, nedum ipsa bona stabili: ita habetur 4. p. c. 2. §. 5. & p. 9. c. 3. §. 18. Quod ita intelligendum est, ut non modo Præpositus solus, verum etiam nec cum consensu totius Societatis, aut Societas ipsa hoc possit efficere, quod ex dictis locis insinuat, expressius vero habetur in 4. p. c. 10. supremam curam Collegiorum, dicitur ibi, juxta Sedis Apostolicæ litteras professa Societas habebit: cum enim quidquam privatæ utilitatis ex redditibus quaerere, vel in suum usum convertere non possit, est valde probabile, quod majori cum puritate procedat, &c. & in Examine, c. 1. §. 4. declaratur, idem esse intelligendum de redditibus Domorum probationis, quæ sunt veluti Collegiorum membra. Hæc autem limitatio non inde oritur, quod potestas Generalis ad administranda bona Collegiorum diminuta sit, sed ex eo præcipue, quod Societas professa ratione sui peculiaris voti est incapax hujusmodi usus. Per hoc tamen non videtur excludi, quin, interveniente vera necessitate, possit Collegium Societatis eam elemosynam facere domui professæ, quam posset facere monasterio S. Francisci; sed de hoc plura infra, tractando de paupertate Societatis, in tract. 10. lib. 4. c. 9. & sequentibus.

11 Hæc sunt peculiaria jura, quæ circa hanc administrationem habet Societas ex vi suarum Constitutionum, quæ in hac parte specialiter approbatæ sunt per varia indulta, & privilegia Apostolica. Et in primis Pius V. in Bulla anni 1568. *Innumerabiles*, Constitutiones quoad hoc expresse confirmavit, ut contractus in Societate non celebrentur capitulariter, sed per Generalem Præpositum, ad quem ordinario jure tota facultas eos celebrandi spectat, vel per eum inferiorem Prælatum, aut delegatum, cui ipse hoc commiserit. Per hoc tamen non excluditur, quin ad dimittenda, vel transmutanda Collegia indigeat Generalis consensu Societatis, quia non de hujusmodi dimissione ibi agitur, sed de his contractibus, ut in Compendio, verb. *Alienatio*, §. 1. adnotatur, & merito, tum quia non fuit mens Pii V. derogare in aliquo Constitutionibus, sed confirmare illas: tum etiam, quia in principio expresse dicit sub disjunctione, gubernationem Collegiorum pertinere, *vel ad Præpositum, vel ad ipsam Societatem*, indicans se velle tribuere, vel relinquere unicuique, quod ad illum spectat. Et nihilominus illa confirmatio posset ad dictum casum applicari, quando sine congregatione generali cum suffragiis Provincialium a Præposito fiunt: tunc enim licet fiat cum consensu Societatis, non sit capitulariter.

12 Et juxta hoc etiam intelligendum est, quod de

hoc casu dicitur in Bulla 1. Julii III. ubi cum dictum esset, Præpositum debere graviora statuerere cum consilio Societatis, subditur. *Concilium vero necessario convocandum ad condendas, vel immutandas Constitutiones, & aliæ graviores, ut alienare, vel dissolvere Domus, vel Collegia semel erecta, intelligatur esse major pars totius professe Societatis*: & hoc inferius confirmat Pontifex; ex quibus posset aliquis intelligere, omnino esse necessariam convocationem Societatis ad illum actum, atque ita non posse nisi capitulariter fieri. Sed non ita est, illa enim verba non sunt Pontificis, sed petitionis, & narrationis oblata Pontifici ab ipsa Societate, quæ expresse statim adjungit, *juxta Constitutionum nostrarum declarationem*; in Declarationibus autem explicatum est, ut capitularis congregatio non sit necessaria ad talem actum: ergo tantum abest, quod hoc ibi revocatum sit, ut sit potius a Julio III. confirmatum. Unde quoad hunc effectum Provinciales omnes simul sumpti, licet in unum locum congregati non sint, totam Societatem repræsentant; & quod Generalis facit ad plura illorum suffragia, censetur facere cum consensu majoris partis Societatis.

13 Ad hæc Gregorius XIII. prædicta privilegia, & indulta variis modis declaravit, confirmavit, & auxit: nam in Bulla anni 1575. de usu facultatum, concessit, ut possit Societas uti privilegiis concessis aliis religionibus ad exercendos contractus, vel alios actus, qui ab aliis religionibus capitulariter fiunt, uti (inquam) more suo, & juxta Constitutiones suas per eos, quibus administratio talium bonorum commissa est; in Bulla autem anni 1576. *Apostolica Sedis*, hoc amplius declaratur, & tota potestas Præposito relinquatur cum facultate eam delegandi, quibus, & quomodo expedire judicaverit, juxta Constitutiones. Ampliatur præterea ibi Præpositi potestas etiam ad alienationes bonorum immobilium, vel quasi mobilium, & ad pretiosa mobilia cujuscunque qualitatibus, & quantitatis, ac valoris. Quod privilegium amplius extenditur ab eodem Gregorio in Bulla anni 82. *Ex debito*, &c. ubi omnia genera contractuum numerantur, & conceduntur Præposito, ut per se, vel alium eos exercere, cum variis clausulis, & extensionibus, quæ ibi, & in Compendio privilegiorum videri possunt; semper tamen cavetur, ut omnia fiant in evidentem Collegiorum utilitatem, quamvis ibi concedat Gregorius, ut qui cum Societate contrahunt, aut bona illius emunt, non teneantur probare evidentem utilitatem, nec pretium ab eis datum in Societatis commodum fuisse conversum, sed solum ostendere patentes litteras a Societate, seu Præposito Generali de contractu cum ea inito, & pretio soluto. Additurque, non esse necessariam specialem Sedis Apostolicæ confirmationem ad omnimodam talium contractuum firmitatem, sed consensum Præpositi, vel congregationis generalis respectivum sufficere. Additur etiam ibi extensio notanda, & necessaria ad componendas lites. Datur enim Generali facultas, ut possit de bonis Societatis compromittere, & quomodo libet super illis transigere, illisque simpliciter vel liti de super habita, & actionem in non possessorem cedere, & renunciare. Quod etiam intelligitur sub illa conditione, in evidentem utilitatem, vel necessitatem: nam hæc fuit in principio posita, & sub illa, omnia sequentia unico textu conceduntur. In hujusmodi autem compositione non oportet, ut utilitas sit semper temporalis, sed sufficiet spiritualis, ut ad tollenda scandala, vel perturbationes, ne impediatur fructus animarum, cujus rei judicium in toto hoc negotio prudenti arbitrio ejusdem Generalis relinquatur, his verbis, *utilitatemque venditionum, & aliorum hujusmodi, vel etiam necessitatem, aut aliam causam propter quam fiant, simpliciter, & absque figura judicii cognoscere, judicare, definire, & penitus terminare libere, & licite valeat*.

14 Circa quæ privilegia nihil fere notare necesse est, cum & per se, & ex dictis sint satis clara; in eis autem considerare licet, quantum Apostolica Sedes approbet monarchicum regimen Societatis, quantumque de fidelitate, & prudentia Præpositi Generalis confidat: illi enim præcipue hanc facultatem concedit, nec requirit cum illo aliquod definitivum consilium, sed ordinarium modum procedendi Societatis. In quo etiam ad-

Indultum
Julii III.
ad idem.

Indulta
varia
Gregor.
XIII. ad
idem.

Observatio prima
circa præcedentia
indulta.

Secunda

noni-

3. Limitatio non eam potestatem Generalem, quam capacitatis aliorum.

Indultum Pii V. confirmans prædicta jura Societatis de alienationibus.

nonicam esse hodie necessariam ad validitatem horum contractuum, sed simpliciter fieri posse per ordinarias Scripturas, sicut sunt inter seculares, quia ita concedit Gregorius in hac ultima Bulla. Imo, cum in priori Bulla citata anni 1576. quandam peculiarem solennitatem postulasset, & contractus aliter factos, irritos declarasset, in hac ultima hoc onere Societatem liberavit, & simpliciter procedendi facultatem concessit.

Terzia. In quo tamen ulterius advertere oportet, concessionem disjunctive fieri his verbis: *Præposito Generali dictæ Societatis, vel ipsi Societati, dum ea scilicet erit generaliter congregata*; ad utrumque ergo membrum cum proportionem applicandum est, quod dixi. Et de Præposito res est clara; quando autem res in congregatione agitur, vel si congregatio sibi aliquid reservaret (quod facere potest), tunc ex natura rei sequitur, ut res ad plura suffragia decisiva definienda sit, quia non potest alio modo congregatio consentire, vel sua potestate uti; posset tamen eam potestatem delegare alicui singulari personæ, & tunc ad delegationem esset necessaria major pars suffragiorum congregationis; delegatus autem postea poterit simpliciter & solus, juxta morem Societatis, negotia transigere.

15. Dubitari autem hic posset, an vacante Generalatu, Vicarius generalis habeat quoad hoc plenam potestatem Generalis. Idemque interrogari potest de congregatione generali, Sede vacante, antequam Generalem eligat, an scilicet intelligatur habere potestatem ibi concessam. De quibus infra tract. 3. lib. 10. cap. 4. dicitur: nunc breviter ad utrumque respondeo negative, quia utriusque potestas est limitata per Constitutiones, & quasi determinata ad finem eligendi Generalem, & quia privilegium illud in hac parte potius coarctandum est, quam extendendum.

16. Tandem dubitari potest, quid teneatur facere Prælatus Societatis, ut jure ac valide utatur hac potestate, præsertim in alienatione bonorum immobilium, vel pretiosorum mobilium. Respondeo, quod attinet ad justitiam & conscientiam, nullam peculiarem obligationem habere ex jure positivo, præter eam, quam naturalis ratio ex vitalis muneris postulat procurandi per hujusmodi contractus majorem utilitatem Societatis; nihil enim aliud in prædictis Bullis postulatur, neque in modo inquirendi de hujusmodi utilitate, ut plena illius notitia, & informatio habeatur, nulla specialis solennitas, vel diligentia præscribitur, sed totum relinquitur prudentiæ, & conscientiæ Generalis, ut constet ex verbis Gregorii in ultimo privilegio in numero 13. citato, quæ amplissima sunt, nam prius refert concessionem in priori privilegio factam: *Nos eidem Societati, illiusque Præposito Generali pro tempore assistente, quod informatione de contractibus ineundis per literas, vel alias prout ipse Generalis statueret a subordinatis localibus Præpositis, vel Rectoribus, aut Præfectis, seu horum vicegerentibus, vel a Provincialibus, seu Visitatoribus, aut Commissariis, vel ab aliis sibi bene visis, auditis juxta eorum institutum Consultoribus, accepta concedimus, &c.* Postea vero subjungit: *Ex nunc de cætero perpetuis futuris temporibus (supra concedimus) si ut præmittitur, vel si utribet (id est, Præposito, vel congregationi generali) visum erit extrajudicialiter, ac summarie, & simpliciter accepta, vel etiam ea omnino omissa, &c.* Quod verbum ultimum positum est, non quia Præpositus, vel congregatio possit ad contractum faciendum procedere sine sufficienti notitia utilitatis; id enim contrarietatem naturalem est: sed quia interdum possunt habere hanc notitiam sine nova informatione, quod maxime contingere potest in congregatione generali, ubi adesse solent hi, quibus ex officio incumbit talem habere notitiam, & possunt cæteris illam præstare, & Præpositus ipse potest interdum non indigere nova informatione, quia sufficienter novit qualitatem rei, de qua agitur. Itaque in conscientia solum tenetur recta intentione, & prudenter procedere, ut Societas non damnificetur, & nihilominus in Societate magna diligentia, & peculiaris etiam forma observatur, ut hæc informatio plene ac fideliter Generali tradatur.

17. Unde tandem fit, hujusmodi contractus validos esse, quotiescunque bona fide ob majorem utilita-

tem sunt; quæ est manifesta intentio Pontificis in dicta Bulla. Quare licet postea effectus probet, venditionem, v. g. non fuisse utilem, non propterea judicandum est contractum fuisse nullum, quia ejus valor non pendet ex futuro eventu, dummodo in ipsomet contractu non interveniat deceptio, vel enormis læsio ex parte e mentis, nam hæc sunt alia principia generalia nullitatis, de quibus nunc non agimus. Si autem contractus a principio fieret mala fide propter complacendum alteri in utilitatem ejus cum nocummento Societatis, existimo in conscientia contractum esse nullum, non propter solam injustitiam, sed quia non servatur forma in usu potestatis concessæ, sed exceduntur limites potestatis. Sicut enim hæc privilegia tollunt obligationem aliarum solennitatum juris communis, ita dum hanc conditionem retinent, cum eadem vi, & necessitate, quam in jure communi habet, illam requirunt; constat autem secundum commune jus esse de substantia contractus. Unde si emptori constet de tali defectu, & iniquo modo alienandi, tenebitur in conscientia non contrahere, vel si ita contraxit, rescindere contractum, imo si ipse fuit in causa, restituere Societati damna, quæ fortasse Prælatus reparare non valet. Et ita etiam esset in externo foro judicandum, si defectus sufficienter probaretur, difficile autem esset utrumque ad praxim reducere. Hæc ergo sunt propria indulta Societatis in hac administratione.

18. An vero alii religiosi per viam communicationis illis uti possint, ipsi examinant, & videbunt. Ego solum adverto per communicationem non intendere Pontifices invertere modum procedendi uniuscujusque religionis secundum suas Constitutiones; neque ad hoc licentiam dare: communicatio ergo ad unamquamque accommodari debet juxta modum suum, ut, v. g. Pontifex concedit Generali Societatis, ut in alienationibus simpliciter procedat juxta suas Constitutiones, non conceditur per communicationem Generali, v. g. S. Augustini, ut possit similiter uti illo privilegio juxta Constitutiones Societatis, sed juxta suas, quia intentio Pontificum non est derogare aliquibus Constitutionibus, nec private religionem, vel religiosum suo jure, quod fortasse juxta suas Constitutiones habet. Unde licet in Societate tantum requiratur consilium consultivum, in aliis requiratur definitivum; & licet in Societate non sit de substantia actus, in aliis esse poterit. Observata ergo hac moderatione, & convenienter applicata, habebit locum dicta communicatio.

C A P U T XXIX.

Quam potestatem habeant Prælati regulares ad Ordines conferendos?

1. **D**uplex potestas Ecclesiastica distingui solet, jurisdictionis, & ordinis: ad priorem pertinent, quæ hæcenus de potestate horum Prælatorum tractavimus, nam potestas administrandi temporalia quasi accessorie jurisdictioni adjungitur; potestas autem ordinis vocatur illa, quæ est ad quoscunque actus sanctificandi, consecrandi, aut solenniter benedicendi rem aliquam, vel personam. Hæc autem potestas non convenit specialiter Prælati religionis per se, & præcise ex eo, quod Prælati sunt, sed supponi solet in illis ex eo, quod sacerdotes sunt. Nihilominus tamen ex peculiari institutione, vel concessione Ecclesiæ aliquid eis in hac parte concessum est, quod vel omnibus, vel multis eorum est communicatum, & ideo breviter est hoc loco explicandum. Supponendo in primis sacerdotem simplicem solum posse ex vi suæ ordinationis, & communis institutionis Ecclesiæ præter sacramenta, quædam pauca sacramentalia conficere, ut aquam benedictam, & similia, quæ in Missali, & Manuali Romano continentur: nihilominus tamen posse Pontificem hanc potestatem extendere per specialia privilegia. Unde si Prælati religionum aliquid amplius potestatis in hoc genere habeant, per specialia indulta Pontificia illis concessum esse necessarium est, & ideo illa consulenda sunt, licet aliqua sint in jure communi inserta, ut videbimus.

2. Secundo supponendum est, Abbates religionum quosdam esse benedictos, alios non benedictos, ut ex usu constat, & ex privilegiis statim referendis. Et colligitur

ut utatur valide.

Quosque aliis religiosis possit etiam munificatio horum indultorum committere.

Esse in Prælati religionum aliquid ejusmodi potestatem.

1. Suppositio pro hac potestate explicanda;

Quid requiratur

ligitur etiam ex cap. 1. de supplen. neglig. Prælat. quod sumptum est ex 6. privilegio Cisterciensium, & idem habetur in 8. ab Urbano III. concessio, ex quo nonnulla ad rem præsentem notari possunt. Primo, Abbatem non constitui in suo munere per benedictionem, sed per electionem, & confirmationem, ut ibi glossa notat, Panormitan. & omnes; atque ita benedictionem se habere veluti quoddam ornamentum, & quasi ordinationem, seu consecrationem personæ in ea dignitate constitutæ. Unde recte infert Navarrus Consil. 2. de Sacramentis non iterandis, benedictionem illam non posse iterari, sicut prima tonsura, & aliæ benedictiones Ecclesiasticæ circa eandem rem permanentem non iterantur. Secundo colligitur ex dicto textu, hanc benedictionem habuisse olim aliquos actus proprios, qui dici possunt veluti actus Ordinis, ut insinuat Sylvest. verb. *Abbas*, n. 4. nam Abbas electus, & confirmatus potest actus jurisdictionis exercere, tamen benedicere, aut ordinare, qui sunt veluti actus Ordinis, non poterat olim, nisi esset benedictus, quod in illo textu supponitur, & statim amplius patebit. Simul vero constat ex illo textu, per concessionem Pontificis fieri posse, ut Abbas non benedictus possit eisdem actus quasi Ordinis exercere, quos potest benedictus: cum enim olim Abbates ab Episcopis benedicerentur, antea non exercebant prædictos actus Ordinis, quia vero Episcopi interdum negabant, vel nimium differebant benedictionem, concedit ibi Alexander III. *Ut si Episcopus tertio cum humilitate ac devotione, sicut convenit, requisitus, Abbates benedicere renuerit, liceat Abbatibus proprios monachos benedicere, & alia, quæ ad officium huiusmodi pertinent, exercere.* Constat igitur illam benedictionem Abbatis non esse simpliciter necessariam ad tales actus.

3 Dico ergo: Aliqui Prælati religionum possunt primam tonsuram & minores Ordines conferre, & olim poterant etiam subdiaconos, & Diaconos ordinare. Hæc assertio partim constat jure communi, partim privilegiis extra illud existentibus. Primum jus, quod in hac re invenio, est in c. 1. 69. dist. ex VII. Synodo, c. 14. ubi dicitur, *Abbatibus posse tantummodo in proprio monasterio lectores ordinare*, unde glossa colligit, etiam posse facere Ostiarios, quia inferior gradus est. Et Innocentius III. in c. cum contingat, de ætat. & qualir. inde concludit, posse etiam dare primam tonsuram, quia qui majus potest, etiam potest id, quod est minus, maxime quando sunt per se subordinata. Hoc ergo jus antiquum indubitatum est. Nonnulla vero ad illius declarationem interrogari possunt.

Prima Questio, in quibus sit hæc potestas?

4 Primum sit, qui Prælati regulares habeant hanc potestatem. Respondeo, qui quatuor condiciones habuerint, quantum ex textu colligitur. Prima, ut sit Abbas, id est, Prælati monasterii, & si hæc sola esset necessaria, existimo ibi comprehendere quoscumque veros Prælatos regulares, etiam si Abbates non appellerentur, quia hoc non pendet ex nomine, sed ex re significata per nomen, & in re, quantum attinet ad dignitatem Prælationis, æquales sunt, ut sæpe in superioribus dictum est. Et confirmatur, nam in originali, saltem prout habetur in editione Latina Conciliorum (Græcam enim videre non potui) non est nomen Abbatis, sed Prælati monasterii. Secunda conditio est, ut Abbas sit sacerdos, ut etiam Innocentius expressit, olim enim sæpe Abbates non erant sacerdotes, quod usque ad sua tempora durasse, Innocentius significat. Tertia conditio est, ut sit benedictus, & significatur illis verbis, *Si eidem Abbati manus impositio facta non fecatur ab Episcopo secundum morem perficiendorum Abbatum*, illa enim manus impositio ibi non est nisi benedictio, ut glossa advertit, quia revera nihil aliud commode intelligi potest. Quarta conditio est, ut habeat jurisdictionem, de qua statim.

Secunda Questio, Qui possint ordinari.

5 Secundo interrogari poterit, quos possint Prælati ordinare ex vi illius juris, id est, an solum monachos ejusdem religionis, vel etiam extraneos, aut seculares. Hoc pendet ex intelligentia illorum verborum, *Solummodo in proprio monasterio*: nam refertur possunt vel solum ad personas, vel solum ad locum, vel ad utrum-

que simul. Juxta primum sensum dicendum est, unumquemque Abbatem tantum posse ordinare monachos sui monasterii; posse tamen illos ordinare ubicumque reperiantur, quia monasterium ibi sumitur formaliter pro personis, & quia qui potest ordinare subditum in sua diocesi, etiam potest extra illam, quia ille est actus voluntariæ jurisdictionis, ut Canonistæ docent, quos refert, & sequitur Rebuffus in Practica, p. 1. cap. De clericis, &c. Juxta secundum sensum Abbas solum poterit ordinare in loco sui monasterii, ibi tamen poterit extraneos illos legitime venientes ordinare: quia juxta hunc sensum in personis nulla ponitur limitatio. Juxta tertium vero sensum solum poterit ordinare suos subditos, & intra suum monasterium.

6 Et hunc sensum existimo verum: nam quod hæc potestas solum conferatur respectu propriorum monachorum, certissimum est ex usu, & ex aliis privilegiis, quæ infra referemus, & declarat aperte Innocentius III. supra dicens, *Cum contingat interdum quod laici ad monasteria convolantes a suis Abbatibus conjurantur*, &c. Et juxta hoc intelligit statim decretum VII. Synodi, cujus ratio, & motivum non tam fuit favor Abbatibus, quam religionis, & ut facile, & sine distractione possent religiosi ordinari: ergo solum pro subditis data est hæc potestas. Denique conjectura sufficiens est, quia similia privilegia ad subditos tantum referri solent, nisi aliud expresse declaretur, quod in præsentibus non fit. Deinde, quod talis facultas limiteretur ad propria monasteria; patet etiam ex proprietate verborum, & communi interpretatione. Item potest reddi ratio, quia nullus Episcopus potest in aliena Diocesi ordines conferre, etiam si proprios subditos ibi ordinare velit, vel alios exemptos, qui ab ipso ordinari cupiunt, argumento c. Episcopum non, & sequentibus, 9. q. 2. & c. placuit, 7. q. 1. & Clementin. unica; de foro competentis. Sed Diocesis (ut sic dicam) uniuscujusque Abbatibus, non extenditur extra proprium monasterium; ergo non possunt extra illud Ordines conferre. Quæ ratio optime probat etiam ex vi juris communis non posse ordinare in alio loco invito Prælati illius Diocesis; quæri autem potest, an ex consensu alterius Prælati possit id facere; nam glossa in dicto cap. quoniam, verb. *Monasterio*, affirmat posse si inviteretur ab alio Prælati, quod solum probat ex c. ult. 9. q. 2. ubi sermo est de Episcopis, de quibus ratio longe diversa esse videtur, quia Episcopus ex vi suæ consecrationis potest ordinare quoscumque, & solum ex lege Ecclesiastica requiritur certus modus, ut licite fiat; in præsentibus autem potestas est ex privilegio. Unde non videtur excedere formam, & concessionem illius.

Tertia Questio, An valida sit ordinatio excedendo formam privilegii.

7 Ut ergo circa hoc veritas constet, insurgit alia questio, si Abbas excedat formam canonis ordinando sibi non subditos, vel extra suum monasterium, ordinatio sit valida, esto licite non fiat. Videri enim potest, ita esse assumendum, quia facultas per hoc decretum concessa est veluti quædam potestas ordinis; potestas autem ordinis non pendet ex loco, aut jurisdictione, ut validum efficiat actum, si alias veretur circa materiam capacem; ergo postquam hæc potestas per privilegium data est, quamvis non liceat ea uti, nisi modo, & circumstantiis a concedente præscriptis, si tamen aliter fiat, factum tenebit; si concurrant reliqua omnia necessaria ad tale sacramentum. Atque ita sentit glossa in c. Abbates, de privilegiis in 6. verb. *tonsuram*: ubi cum Archidiacono ait Abbatem alteri (id est, non subdito) conferendo ordines imprimere characterem. Quod si hæc pars vera est, probabiliter defenditur, quod dicta glossa in c. quoniam, sup. relata affirmat, quam aliqui sequuntur, & tunc non solum valide, sed etiam licite poterit Abbas ordinare extra suum monasterium, quia illa limitatio solum censetur addita in favorem Prælati alterius loci; & ideo illo cedente jure suo cessat illa obligatio. Imo eadem ratione (quod etiam glossa sentit) poterit unus Abbas licite ordinare subditos alterius Abbatis invitatus ab illo, quia potestas ordinis non deest, ut supponitur; reliqua autem, quæ ad jurisdictionem pertinent, per licentiam alterius Prælati licite fiunt.

8 Nihilominus, in priori puncto de ordinatione non subditorum contraria pars videtur probabilior, saltem quoad circumstantiam personarum. Itaque si Abbas ordinans seculares, vel Religiosos, non sui ordinis, aut sibi non subditos, ordinatio non tenebit ex defectu potestatis in ordinante, ita sentiunt communiter Doctores in dicto c. *quoniam*, & in c. *cum contingat*, de ætate & qualitate, & Rebuffus in practica, p. 1. c. de Clericis n. 14. & ideo in num. 15. ait extraneos promotos ab Abbatibus debere privilegium Abbatis ostendere, sine quo tonsura eorum non valet. Ratio autem est, quia licet hæc potestas sit ad actum Ordinis, & ideo late potestas ordinis dicatur; tamen non est extrinseca, & quasi divina extensione sive characteris sacerdotalis, qui solus in Abbate supponitur, sed est ex quadam veluti extrinseca extensione per Pontificis voluntatem; ergo hæc extensio non excedit terminos a Pontifice præscriptos; ergo extra illos nulla est potestas in tali ministro, non solum ut licite, verum etiam ut valide faciat; ergo si potestas solum data est ad ordinandos regulares subditos; circa alios facta nulla est. Probatur consequentia, quia illa extensio, & potestas non est de se indifferens ad omnes, ad modum potentie naturalis, sicut dici potest de characteris Episcopali, sed est voluntaria, juxta concessionem delegantis; ergo non extenditur ultra illa etiam, quoad potestatem faciendi actum validum. Confirmatur exemplo: nam si Pontifex det licentiam Sacerdoti ad confirmandum tantum personas hujus civitatis, non potest valide alios extraneos confirmare, quia per se non est minister hujus sacramenti, sed solum quantum ei conceditur; idem est autem in præsentem.

9 Declaratur etiam ex alio effectu: nam Pontifex potest concedere hoc privilegium solum pro tali tempore, quo transacto, si quis tentaret Ordines conferre, vel confirmare, nihil faceret, quia jam non est minister ex commissione. Item potest Papa tale privilegium absolute datum revocare, ut per se certum est; ergo potestas ejus non est in omnibus similis potestati characteris, quæ indelebilis est, & irrevocabilis; ergo etiam quoad personas limitari omnino potest a concedente. Ex qua resolutione sequitur hujusmodi Abbates non posse ordinare alios sibi non subditos, etiam rogatus a Prælato illorum, quia unus Prælatus solum potest invitare alium supposita in alio sufficienti potestate ordinis, vel sufficienti commissione Pontificis; neutra autem in præsentem invenitur, ut ostensum est: ergo. Major patet, quia nullus Prælatus infra Summum Pontificem potest committere extraordinario ministro (ut sic dicam) ea, quæ pertinent ad potestatem ordinis, sed solum possunt inferiores Prælati dare licentiam subditis, ut ab his, qui vel per consecrationem, vel per concessionem Pontificis possunt esse Ministri hujus Sacramenti, illud recipiant.

10 Magis autem videtur res dubia de circumstantia loci proprii Monasterii; videtur enim res nimis extrinseca, ut ab illa validitas actus pendere censeatur. In contrarium autem objici potest, quia, si facultas Pontificis detur ad tempus determinatum, extra illud non manet potestas; ergo si dat pro loco definito extra illud, non est potestas. Est enim eadem ratio, scilicet, quod hæc potestas commensuratur concessionem, ut dictum est. Mihi sane videtur posse Pontificem cum tanta restrictione delegare hanc potestatem, ut extra locum ab ipso designatum, nec valide exerceri possit, quia cum totum pendeat ex illius voluntaria concessionem, potest conditionem, quam voluerit, apponere.

11 Nihilominus ex vi verborum dicti c. *quoniam*, non existimo esse positum, neque esse præsumendum, nisi satis expresse declararetur propter conjecturam factam, quod hæc circumstantia est nimis extrinseca ad substantiam, & valorem talium actuum. Et ideo non est simile de personis, quia concessio, & potestas, illas principaliter respicit, & ideo ad personas designatas præcise terminatur ubicumque sit; neque etiam est simile de limitatione temporis, quia ex illa pendet substantia, (ut sic dicam,) seu totum esse talis potestatis; pendet etiam in fieri, & conservari a concedente, & transactum tempore ab ipso designato statim definit conservari; atque ita cessat. A loco autem non ita pen-

det, sed solum respicit illum, ut circumstantiam actus necessariam, ut licite fiat. Qua sententia supposita existimo veram esse sententiam glossæ, quoad monachos subditos Abbati, quia & valide & licite poterit illis conferre ordines dictos extra suum monasterium, si a Prælato alterius loci vel invitetur, vel permittatur. De valore patet ex dictis. De honestate autem probatur, quia licet textus dicat *in suis Monasteriis* quoad circumstantiam loci, solum eam postulat, quatenus jure communi ad debitum ordinem necessaria est; consentiente autem Prælato alterius loci nullus pervertitur ordo, & ideo non fit contra hanc legem, sicut non fit contra commune jus.

Quarta Questio, An per hoc privilegium ordinari possint Novitii.

12 Quarto interrogari potest, utrum hæc potestas ex vi illius juris extendatur ad Novitios ejusdem monasterii, & suo modo subditos Abbatis; videtur enim non extendi, quia Novitii non sunt religiosi, neque in rigore sunt subditi. Item, quia Novitius potest discedere; Ordo autem semel datus est indelebilis; ergo non est verisimile, pro illis etiam datam esse hanc potestatem. Præsertim, quia est communis opinio, Novitios secundum commune jus non posse licite ordinari; ergo illa concessio intelligenda est, secundum hoc commune jus. In contrarium autem est, quia verior sententia fert Novitium posse ordinari; si aliud speciale non impediatur, & præsertim ad tonsuram, vel minores ordines, ad quos specialis titulus non est necessarius; ergo in favorem Religionis extendenda potius est hæc potestas, quam restringenda, cum sit etiam beneficium Principis, quod late explicandum est, quantum verba legis patiantur. Verba autem illius legis solum habent *in suis Monasteriis*, in quibus etiam comprehenduntur Novitii, & aliquo modo sunt partes illius Communitatis Religiosæ; ergo.

13 Confirmatur, quia Innocentius III. in dicto cap. *cum contingat*, solum ait, *Laici ad Monasteria convolantes a suis Abbatibus tonsurantur*, per quæ verba proprie videtur Novitii significari, qui ex saculo ad Religionem convolant. Unde Alexander IV. in c. *Abbatibus*, de privilegiis in 6. duo membra distinguit, dicens: *Monasteriorum suorum Conversis, & qui ad illa convolaverint*. Ubi per Conversos non intelligit Religiosos laicos prout solent Conversi a Monachis distinguui; constat enim potestatem hanc non pro illis præcipue dari, sed intelligit Monachos professos, qui Conversi appellantur, quia in professione promittunt modum conversionis; ergo per illos, qui convolaverunt ad monasteria, intelligit Novitios, quos enim alios intelligere potest, quod sensit glossa ibi, verb. *Convolverunt*, addens, *ut ibi convertantur, & fiant monachi*. Et idem sentiunt ibi Francus, & Cardinalis Alexandrinus, & expresse Rebuffus supra n. 18. dicens valere talem ordinationem intra annum professionis, neque annullari (loquitur de prima Tonsura) etiam si Novitius egrediatur, quia legitime facta est, juxta regulam *actus legitimi*, de regul. juris in 6. & efficacior ratio est, quia ordo est indelebilis. Atque hæc sententia, ut magis favorabilis, ac probabilis sustinenda est, quam a Julio II. confirmatam, & declaratam invenio in privilegio concessio Ordini Cisterciensi in Hispania, ubi inter alia sic habet, *Nec non Novitios, & alios quoscunque dicti monasterii subditos prout poterant prefati perpetui Abbates clericali characteris insigniendi*, per quæ verba multa alia ex his, quæ diximus, comprobantur.

Quinta Questio, An ad omnes ordines conferendos privilegium hoc extendatur.

14 Quinto interrogari potest, ad quos ordines conferendos hæc potestas extendatur, ex vi illius antiqui usus. In quo duo sunt certa. Primum non extendi ad sacros ordines, quia ibi non exprimuntur, & posse conferre aliquem ordinem sacrum absque Episcopali consecratione ordinantis est magnum privilegium, quod non conceditur, nisi exprimatur in specie. Secundo est certum potestatem extendi ad omnes gradus infra lectorem, ut in principio n. 3. dixi: nam qui dat potestatem ad formam, dat, vel supponit potestatem ad dispositionem præviam; prima autem tonsura, & gradus Ostiarii est quasi dispositio ad gradum lectorem, qui

Quomodo
vera sit
glossa in
nov. alla
de l. c. na
ord.

Rationes
dubitandi
de altero
puncto
ordinandi
extra lo-
cum a pri-
vilegio
expressu.

qui in eo textu expresse conceditur; ergo, &c. Solum ergo superest difficultas de duobus gradibus Exorcistæ, & Acolyti; nam glossa in c. 1. de ordinatis ab Episcopo, qui renunciavit Episcopatum, partem affirmantem indicat. Cum enim in textu dicatur omnes Ordines usque ad Subdiaconatum exclusive a non Episcopis quandoque conferri, glossa id confirmat ex dictis capitulis *quoniam*, & *cum contingat*; sentit ergo ex vi illorum jurium posse Abbates omnes dictos ordines conferre. Et potest ex textu sumi argumentum, quia Alexander III. affirmat hoc fieri, & nullum extat aliud jus, quo possit fieri.

15 Nihilominus contraria sententia probabilior est, quam tenet glossa in dicto c. *quoniam* communiter ibi approbata, ut constat ex Turrecremata, & aliis. Ratio est, quia in textu expresse limitatur potestas ad lecturatum, & non potest a nobis extendi ad id, quod majus est; privilegia enim nec per similitudinem rationis, possunt extendi ultra verborum proprietatem, nec dum ubi est tanta disparitas. Denique privilegia tantum valent, quantum sonant, & ideo supra n. 8. dicebamus, si concedant facultatem circa tales personas, non posse ad alias extendi; ergo cum verba illius textus de lectoribus tantum mentionem faciant, non possunt cum fundamento ultra extendi. Nec verba Alexandri III. in contrarium urgent; nam licet referat omnes ordines minores interdum dari a non Episcopis, non tamen dicit fieri ex vi illius juris antiqui, imo nec alterius juris communis scripti, sed poterat tunc fieri ex vi aliorum privilegiorum, ut mox dicemus.

Sexta Questio, An Prælatus non benedictus uti possit hoc privilegio in aliquo casu?

16 Sexto interrogari potest, an hoc jus, quoad omnia in illo statuta nunc duret, vel quoad aliqua mutatum sit. Et specialiter quoad eam conditionem Abbatibus ordinantis, quod scilicet debeat esse benedictus, dubitatur, utrum Abbas non benedictus possit nunc Ordines conferre. In quo dicendum est ex parte ampliatum esse hoc jus per concessionem Alexandri III. quæ habetur dicto c. 1. de supplenda negligentia Prælatorum, ubi sic inquit: *Si Episcopus tertio cum humilitate, ac devotione, sicut convenit, requisitus Abbates benedicere renuerit, licet Abbatibus proprios Monachos benedicere, & alia, quæ ad hoc officium pertinent, exercere.* Ubi glossa verb. *Alia*, intelligit, ut conferant *Lectoratum in proprio Monasterio*, quam Panormitanus ibi, & alii approbant, & idem tenet Joannes Andreas in Clementina *Attendentes*, §. *statuimus*, de statu monachorum. Felinus in c. *eam te*, de re scriptis. Panormitanus & communis in c. *inter Monasterium*, de re judicata. Et quamvis verba Alexandri III. obscura sint; nam in originali, quod est privilegium sextum Cisterciensibus concessum, sic habet: *Liceat novitios proprios benedicere, & alia, quæ ad illud officium pertinent, exercere.* Unde obscurum redditur, an facultas solum referatur ad illud officium benedicendi monachos, aut vestes, vel sit illa: licet hoc (inquam) ita sit, nihilominus Urbanus III. in privilegio 8. eorumdem Cisterciensium clarius dixit concedens idem privilegium, & cetera, *quæ ad officium suum pertinent, exercere*: pertinet autem ad officium eorum Lectores in suo Monasterio ordinare; ergo in eo casu, non est dubium, quin Abbas non benedictus possit hoc præstare. Neque etiam potest dubitari, quin possit Papa hoc concedere; quia illa benedictio, non imprimit characterem, neque est ex Christi institutione, ut necessaria reputetur ad hanc concessionem; sicut ergo potest Papa simplici Sacerdoti absque prævia aliqua benedictione committere confirmationem, ita etiam ordinationem; & ita pro illo casu de facto illam commisit.

Septima Questio, An extra dictum casum possint Prælati non benedicti, seu non perpetui ordinare.

17 Ulterius vero inquiritur septimo; an extra illum casum habeant aliqui Abbates non benedicti, imo nec benedicendi, prædictam potestatem ordinandi. Quod dubium movetur propter Abbates triennales, qui non benedicuntur, ut perpetui, eo quod benedictio sit etiam quasi perpetua, & indelebilis, & ideo non datur propter officium temporale, prout statuit Eugenius IV.

Sharez. Tom. XV.

in privilegio sexto Cisterciensibus de Observantia in Hispania concessum: de illis ergo Abbatibus dubium est, an possint tunc Ordines conferre in suis Monasteriis. Et quidem, quod de jure communi non possint, neque etiam ex antiquis privilegiis Cisterciensibus, aut aliis similibus, certum est, quia in eis non invenitur concessum. Nihilominus aliqui id affirmant ex privilegiis concessis Cisterciensi familiæ in Hispania. Primum est dictum privilegium sextum concessum ab Eugenio IV. anno 1437. ubi vult, ut *Abbates triennales, licet eis munus benedictionis non impendatur, omnibus, & singulis honoribus, præminentis, privilegiis, prærogativis, juribus, & insigniis Abbatialibus fungi possint.* Hæc autem verba nimis generalia sunt, & de illis merito dubitari posset, quia potestas conferendi ordines est privilegium valde speciale. Tamen privilegium Julii II. supra relatum omnem tollit dubitationem, quia expresse, & in specie concedit his Abbatibus triennialibus potestatem insigniendi clericali characterem, quam habebant Abbates perpetui, quid autem per characterem clericalem ibi intelligendum sit, infra dicemus. Aliæ item concessionem de hac recitantur in Compendio Cisterciensi, verbo *Abbas* §. 4. & 5.

Octava Questio, An per hæc privilegia soli subditi religiosi nunc valeant ordinari.

18 Octavo interrogari potest, an hæc potestas etiam nunc limitetur ad solos subditos Religiosos. Ratio dubitandi sumitur ex cap. *Abbates*, de privilegiis in 6. ubi expresse conceditur his Abbatibus, ut possint *primam tonsuram conferre Monasteriorum suorum conversis, & qui ad illa convolverint, & in quos Ecclesiasticam, & quasi Episcopalem jurisdictionem obtinent.* Deinde Innocentius VIII. anno 1489. concessit Cisterciensibus Ordinis Generali, & quatuor præcipuis Abbatibus, (& est privilegium 118.) ut possent omnes ordines minores personis ejusdem Religionis intra Monasteria prædicta conferre; imo ibidem refert antea hoc ipsum fuisse ab Apostolica Sede illis concessum: quæ concessio non limitatur ad subditos, sed extenditur ad omnes Religiosos ejusdem Ordinis, quamvis non ad seculares etiam subditos, sicut præcedens, in qua tertium membrum plane intelligitur de secularibus, qui interdum subjiciuntur his Abbatibus habentibus jurisdictionem Episcopalem. Unde illa concessio quoad hoc magis ampla est, licet, quoad potestatem conferendi sit magis restricta, ut in sequenti questione dicam.

19 Sed licet verum sit per hæc jura, seu privilegia amplificatam fuisse antiquam concessionem juris communis: Nihilominus, quoad Abbates triennales videtur restricta a Julio II. ad solos subditos per illa verba, *Novitios, & alios quoscumque dicti Monasterii subditos*, per quæ certum est excludi non subditos etiam Religiosos ejusdem ordinis; an vero comprehendantur subditi, etiam seculares, dubium est propter illa verba, *alios quoscumque.* Tamen dubitationem abstulit Concilium Tridentinum sess. 23. c. 10. de reformatione, ubi statuit, ut amplius non liceat his Abbatibus *cuiquam, qui regularis subditus sibi non sit, tonsuram, vel minores Ordines conferre*; & infra subdit, non obstantibus quibusvis privilegiis, præscriptionibus, aut consuetudinibus etiam immemorabilibus. Circa quæ verba dubitari potest, an per illa revocetur privilegium etiam in jure insertum, ut est in dicto c. *Abbates*, quia hæc privilegia difficilius revocari solent; sed nihilominus etiam illud revocatum censetur, & ita declaratum invenio a congregatione Cardinalium.

20 Sed quid si aliquis subditus secularis ordinetur ab Abbate, nunquid ille indigebit nova tonsura, vel ordinatione? Ad hoc responsum invenio ejusdem congregationis istam manuscriptum, quam ex variis impressionibus, circa circuitum c. 10. Trid. illum non indigere iterum tonsurati, seu ordinari quoad minores jam receptos, sed solum indigere dispensatione. Unde tacite videtur explicari illud verbum Concilii, *non licet*, ut contineat prohibitionem, non vero auferat potestatem. Nam si potestatem abstulisset, revera illa ordinatione non fuisset valida, quia ignorantia, vel bona fides etiam si intercedat, non reddit actum validum, quando potestas deest: ergo si Ordo bona fide susceptus a tali Abbate fuit validus, non deest potestas

Resolutio vera de solis subditis religiosis Abbatibus triennialium.

Quoad subditos seculares horum Abbatum ordinatio valet, sed non licet.

in Abbate, sed solum prohibitum est illa uti circa talem personam. Et ideo dicitur esse necessaria dispensatio, quia per illam ordinationem, quamvis sit datus character, non tamen usus ejus, eo quod sit datus ab habente potestatem impeditam, seu ab alieno, & non a proprio Episcopo, & absque literis ejus. A quo autem sit danda hæc dispensatio ibi non explicatur: credo tamen pertinere ad proprium Episcopum ordinari juxta principia posita in materia de suspensione disp. 31. sect. 1.

Licebit
tamen
juxta res-
pons. Car-
din. si sint
Abbatibus
mitrati,
&c.

21 Additur vero, in ejusdem responsionibus Cardinalium circa idem caput Concilii Tridentini, unum valde notandum scilicet Abbates, qui habent jus baculum deferendi, & mitram si Sacerdotes sint, & benedicti, posse, & valide, & licite conferre omnes minores ordines, quibuscumque, tam regularibus, quam secularibus, etiam sibi non subditis, si tamen ordinandi habeant dimissorias literas, a proprio Episcopo, vel Prælato, per quas singulatum, & in particulari hanc licentiam præbeat, & consensum etiam Episcopi illius loci, in quo sunt ordines ministraturi. Ex qua responsione plane sequitur, quod si hujusmodi Abbates hos ordines conferant talibus personis sine dimissoriis literis suorum Prælatorum, ordinatio substantialiter erit valida, & non iteranda, quamvis sic ordinati indigeant dispensatione, propter suspensionem contractam ratione ordinis male suscepti. Consequutio est evidens, quia si Abbas licite hoc faciat suppositis dimissoriis literis, supponitur potestatem habere, quia dimissoriæ literæ, non dant illi potestatem, sed solum licentiam, vel jus utendi sua potestate circa talem personam.

Hæc Cardinalium
responsio,
si autem
est, parit
difficultatē

22 Hæc autem omnia videntur repugnare resolutioni traditæ circa tertiam questionem in num. 8. Nam hic clare supponitur potestatem horum Abbatum ex vi suæ benedictionis se habere ad modum potestatis collatæ per characterem, quæ de se sufficit ad operandum circa personam quancumque, licet ad justè operandum requiratur jurisdictionem. Sed nos supra tantum diximus ex illo jure antiquo Septimæ Synodi id non haberi, quod revera videtur sufficienter probatum; fortasse autem per posteriora privilegia id ampliatum est, aut consuetudine idem est explicatum, & in hac consuetudine potissimum videtur fundata illa resolutio: nam de jure, aut de privilegio scripto mihi non satis constat. An vero illi resolutioni standum sit, aliis judicium relinquo; nam de autoritate, & certitudine illius responsi, mihi hactenus dubia res est.

Nona Questio, An dicta privilegia extendantur ad aliquos ordines conferendos ultra Lectorum.

Resolutio
affir. quoad
omnes
ordines
minores.

23 Nono interrogari potest, an illud antiquum jus sit ampliatum quoad potestatem conferendi aliquos ordines ultra Lectorum. Ad quod affirmando respondendum est: nam Alexander III. in dicto cap. 1. de ordinatis ab Episcopo, qui renunciavit Episcopatum, refert, solere aliquos non Episcopos omnes ordines infra subdiaconatum conferre: ergo cum ex jure communi hoc non constet, credendum est ex privilegio factum esse. Item Innocentius VIII. commemorat, ut supra retuli, nonnullos Abbates Cistercienses ex privilegiis & indultis Apostolicis hoc posse. Imo Congregatio Cardinalium in responso supra citato supponit, omnes Abbates benedictos habentes jus deferendi mitram, & baculum, posse omnes minores ordines conferre, ita ut benedictio illa sit quasi ordinatio quædam conferens hanc potestatem. Potuit enim sub hac ratione a Pontificibus institui; an vero a principio habuerit hanc institutionem, affirmare non possumus, quia non est in jure expressum; sed potius jus cum limitatione loquitur, ut videmus. Privilegium etiam Innocentii Octavi non de omnibus Abbatibus benedictis, sed de Cisterciensibus, & quatuor aliis loquitur. Alexander etiam Tertius in dicto capite primo, solum indefinite dicit, *hujusmodi Ordines a non Episcopis, quoadque conferri*. Non est etiam dubium, quin Abbates Sancti Benedicti habeant hoc privilegium. Idem de Abbate Camaldulensibus, & aliis; hinc ergo vel usu, vel expressa concessione extensa est hæc potestas conferendi omnes minores ordines ad omnes Abbates benedictos, ex vi suæ benedictionis.

14 Additum præterea est, ab Innocentio Octavo in

dicto indulto, ut Abbas Cisterciensis, & quatuor principales Abbates ejusdem Ordinis possint etiam Diaconatum, & Subdiaconatum conferre. De qua commissione controversia est inter Theologos, an possit a Papa fieri, ut in materia de ordine tractandum est: nunc autem factum tamquam certum supponimus, & ideo credimus jure etiam esse factum, quamvis in ratione, & modo explicandi hoc jus possit esse varietas, de qua suo loco. Verumtamen privilegium hoc quoad hanc partem revocatum esse per Concilium Tridentinum, sentit Navarrus Consilio decimotertio de privilegiis. Nam sessione 23. capite 8. de reformatione, statuit Concilium ordinationes sacrorum Ordinum a proprio Episcopo faciendas esse; unde significat solos Episcopos posse ordines sacros conferre; illud vero cap. non multum urget; nam, ut ex contextu constat, & a Congregatione Cardinalium declaratum est, c. illud, etiam in minoribus ordinibus locum habere. Majus indicium est, quod in cap. 10. cum de ordinatione Abbatum loquitur, solum Tonsuram, vel minores Ordines respectu subditorum Monachorum eis permittit, & cap. 12. Episcopis tribuit curam eligendi & examinandi dignos ad sacros ordines, & subdit: *Regulares quoque, nec in minori ætate, nec sine diligenti examine Episcopi ordinantur, privilegiis quibuscumque quoad hoc penitus exclusis*; ergo vult Concilium, ut regulares ordinari non possint in sacris, nisi ab Episcopis, & revocat privilegia contraria, quæ erant hoc, de quo tractamus. Quæ sententia Navarri mihi placet; nam licet (ut ipse etiam putavit) revocatio illa non sit tam expressa, quin possint conjecturæ illæ dissolvi, nihilominus privilegium illud adeo est exorbitans, ut ejus revocatio etiam tacita, & insinuata tantum admittenda sit. Videtur enim Concilium consulto noluisse expressam mentionem illius privilegii facere, sed tacite illud præterire, ne videretur illud tamquam validum recognoscere (quod controversum est) sed simpliciter statuit, & supposuit, quæ in privilegio repugnabant, addita solum generali revocatione, per quam hoc etiam privilegium revocatum intelligitur. Quod etiam sensu Collector compendii Privilegiorum Ordinis Cisterciensis, hoc privilegium omittens.

25 Unde multo certius est, Abbates non benedictos, & triennales non gaudere hoc privilegio, quibus solum conceditur, ut possint subditos suos Clericali characterem insignire, prout poterant perpetui Abbates, sub quibus generalibus verbis certum est, tam singulare privilegium non comprehendere, maxime, quia illud commune non erat omnibus perpetuis Abbatibus; ibi autem solum conceditur, quod omnibus commune erat. Unde certum existimo etiam ante Concilium Tridentinum, hoc non potuisse. De aliis vero quatuor minoribus Ordinibus contrarium est, etiam de his Abbatibus non benedictis, ratione illius privilegii; nam licet verbum *character clericalis* sufficienter posset in sola prima tonsura verificari, tamen ex se ad illa non limitatur, & ideo convenienter extenditur ad omnes ordines Minores; ad quos saltem ex consuetudine extendebatur potestas perpetuorum Abbatum, quibus quoad hoc triennales æquiparantur.

26 Sed objici potest capitulum, *Abbatibus*, de privilegiis in 6. ubi solum permittitur Abbatibus primam clericalem conferre tonsuram, per quod videtur etiam antiquum jus limitari. Nonnulli volunt extendere textum illum ad omnes minores ordines, ut videre licet in expositioribus, & aliis, quos refert Sylv. verb. *ordo* 3. q. 2. Sed plane repugnat proprietatis literæ; nam prima tonsura Clericis proprie significat solum illam, ut a propriis ordinibus distinguitur. Et ideo dicendum est in illo textu, non præcipue disponi de ordinibus, quos possunt Abbates conferre, sed de personis, quibus possunt eos conferre, & quoad hoc ampliabat textus ille jus antiquum, (ut dixi) ad quoscumque subditos Abbati habenti jurisdictionem Episcopalem, etiam secularis. Igitur ratione hujus ampliationis solum primæ tonsuræ mentionem fecit, quia quoad omnes illos subditos noluit illi Pontifex majorem potestatem dare, si tamen aliunde habeatur, non abstulit illa; nullum enim verbum revocatorium quoad hanc partem addidit. Et vel maxime, quod privilegia, quæ minores ordines

Resolutio
neg. quoad
sacros
ord. saltem
post Triden-
tium.

Eadem
resolutio
valet a
fortiori
pro Ab-
batibus
triennalibus.

Obiectio
contra
nunc di-
cta, non
recte evan-
ditur a
quibusdā.

Vera evan-
gio.

concedunt, posteriora sunt, & consuetudo etiam id semper obtinuit.

Decima Questio, An in privileg. ordinandi communicent alii religiosi.

27 Ultimo dubitari potest, utrum Prælati aliarum Religionum per viam communicationis gaudere possint hoc privilegio; & ratio dubitandi est, quia Prælati Mendicantes, v. g. communicant non solum inter se, sed etiam cum Religiosis Monachalibus, ut constat ex variis privilegiis, quæ in eorum compediis referuntur, verb. *Communicatio*; sed hæc facultas conferendi Ordines minores pertinet ad unum ex privilegiis Apostolicis; ergo in illo etiam communicabunt. Patet consequentia, quia verba Pontificum generalissima sunt, ut constat præcipue ex privilegio Clemen. VII. Minoribus concessum, in quo inter alia dicitur, *omnibus facultatibus & gratiis nostræ professionis regularis observantia, non contrariis aliis ordinibus quibuscumque non Mendicantibus quomodolibet concessis, & in omnibus, & per omnia; perinde ac si nobis concessa specialiter fuissent*; ubi hæc potestas comprehenditur sub nomine facultatis, & gratiæ, maxime cum illa ampliatione, *in omnibus, & per omnia*. Nec talis facultas repugnat institutis aut Regulari observantiæ aliarum Religionum, quæ Monachales non sunt. Cur ergo Prælati earum non participabunt hanc potestatem, cum sint vere Prælati, & æqualem habeant in suis subditis jurisdictionem Episcopalem, & consequenter in re ipsa habeant æqualem dignitatem, etiam si non eodem nomine appelletur.

Pars teg. probatur multipliciter.

28 De hoc nihil invenio a Doctoribus tractatum, tamen ex perpetuo eorum silentio colligo, omnes pro manifestis supponere Prælatos aliarum Religionum, qui Abbates non sunt, non gaudere hoc privilegio. Idem videtur certum ex perpetuo non usa omnium Religionum non Monachalium; nullus enim earum Prælati hac utitur potestate; ergo signum est non agnoscere illam sibi concessam per viam communicationis. Et idem existimo etiam de Canonicis regularibus, quorum instituto, & procedendi modo posset facilius hæc facultas accommodari, & nihilominus non utuntur illa, per viam communicationis, nisi aliquibus sit specialiter concessa. Deinde potest reddi ratio, quia hoc privilegium adeo speciale est, ut sub generali clausula non censeatur comprehendere. Item, quia non est ex his privilegiis, quæ pertinent, vel ad spiritualem utilitatem, vel ad convenientem regimen Religionis, sed potius ad quandam dignitatem & præminentiam talium Prælatorum, quæ non videtur ita accommodata statui aliorum Religiosorum, præsertim mendicantium; & ideo non censetur ad illam extendi communicatio. Denique quoties jura loquuntur de inferioribus Prælati, quibus hæc potestas ordinandi communicata est, semper loquuntur de illis sub nomine *Abbatibus*, quod est signum per eam vocem, in jure significari peculiare dignitatem, quam non habeat Prælati aliarum Religionum, qui hoc nomine non vocantur. Et ideo in hac potestate non communicant: Præsertim, quia ex se & ex primæva institutione postulabat hæc potestas benedictionem ipsius Abbatis, & licet specialiter commissa postea sit Abbatibus non benedictis eorumdem ordinum, id solum fuit, quia eis quodammodo erat debita benedictio, ne omnino privarentur commodis ejus. Prælati vero aliarum Religionum per se nullam habent benedictionem, & ideo, nec ex jure communi habent hanc potestatem, neque illa specialis concessio facta Abbatibus triennialibus, ad illos spectat etiam post communicationem. Cujus signum etiam est, quia neque aliis insignis dignitatis uti possunt, scilicet mitra, baculo, &c. neque ad hoc privilegium extenditur communicatio, quia re vera non est res accommodata aliis institutis: ergo multo minus extendetur ad potestatem ordinandi, cum hoc ministerium sine Pontificalibus insignis perficere non possint.

C A P U T XXX.

De potestate eorumdem Prælatorum ad res, aut vestimenta benedicenda, vel consecranda.

Notatio- nes pro decisione.

Sciendum est, quædam ex his jure communi concessa esse simplicibus Sacerdotibus, ut est, aquæ, Suarez, Tom. XV.

aut panis benedictio, de quibus in Missali ordinario mentio fit, & de his hic non tractamus, quia supponimus Prælatos, de quibus agimus, esse sacerdotes, & eo titulo posse quicquid possunt Sacerdotes simplices: alia vero sunt propria Episcoporum in jure ordinario, ut sunt consecratio calicis, vel altaris, & benedictio sacrarum vestium, & de his est in presenti sermone. Est tamen ulterius ad advertendum, quasdam ex his benedictionibus fieri adjuncto chrismate, ut calicis, vel acæ, aliæ vero per simplicem orationem, & aspersionem aquæ benedictæ. Tamen supponendum est, quamvis jure ordinario hæc non conveniant nisi Episcopo consecrato, nihilominus per Summum Pontificem posse regulariter committi Presbytero. Dico *regulariter*, quia de quibusdam dubitarunt aliqui, ut de consecratione chrismatum, & de benedictione olei infirmorum, an scilicet possint ex delegatione Pontificis ita confici, aut benedici a simplici Sacerdote, ut sit sufficiens materia Sacramentorum, confirmationis, & extremæ unctionis, contra quos dictum a nobis est in 3. tom. 3. part. disp. 33. sect. 2. & 4. tom. disp. 40. sect. 2. Sed in illis est specialis ratio propter ordinem ad Sacramentum, cujus materia, & minister sunt de jure divino; relictis ergo illis materiis, quæ ad Sacramenta pertinent, de cæteris benedictionibus ad sacramentalia tantum spectantibus, certum est posse Pontificem illas committere simplici sacerdoti, quia cum omnia sint immediate ex institutione Ecclesiæ per ejusdem potestatem supremam, designari potest earum minister. Unde etiam fit, ut ex communi sententia Doctorum multum in his posset valere consuetudo, præsertim, quoad simplices benedictiones, quæ sine unctione chrismatum sunt.

2 His positis dicendum in primis est Abbates regulares posse vestes sacras & pallas altaris, & corporalia benedicere, non tamen possunt consecrare calices, vel aras, nec consecrationem ullam efficere, quæ unctionem chrismatum requirat. Utraque pars communis est Canonistarum in cap. *Abbates*, de privilegiis in 6. & in Clementina *Attendentes*, de statu monachorum. Ut autem singulas partes problemus dubitari potest circa priorem: unde duxerit originem hæc potestas, vel quo jure fundetur; nam in decretis cap. præced. citatis nulla de hac potestate fit mentio, sed solum de benedictione, & ordinatione Monachorum, ex quibus, esto majoris momenti sit saltem, quoad sacramentalem ordinationem, non licet inferre hanc potestatem, quæ diversæ rationis est; & similiter in d. cap. *Abbates*, dicitur quidem hujusmodi Abbates posse in suis Ecclesiis, quæ ad eos pertinent, pleno jure benedictionem solemnem post Missam, vespertinam, aut matutinam tribuere; de alio vero benedictionis genere non fit mentio, neque ex illa colligi potest propter argumentum factum; quin potius per argumentum ab speciali, dum hæc benedictio tantum exprimitur, aliæ videntur negari. Propter hæc Doctores communiter hoc reducunt ad consuetudinem. Difficile autem est, explicare quomodo actus ordinis consuetudine præscribatur, quia pendet ex potestate ordinis, quam non potest dare consuetudo, licet dare valeat potestatem jurisdictionis. Quod autem hi actus sint potestatis ordinis, constat, tum etiam, quia in eis servatur certa forma, & solennitas ad rem aliquam divino cultui sacrandam ordinatam etiam a posteriori, quia Sacerdos, vel Episcopus ligatus censura, & hos actus exercens fieret irregularis.

Affertio bipartita.

Dubium circa 1. partem hujus assert. unde ad Abbates maxime hæc potestas bened. dicendi.

Marasse ex consuetudine quidam ajunt.

Quo pacto explicetur a nonnullis talis consuetudo.

3 Duobus ergo modis hoc explicari potest, primum juxta sententiam Angeli verb. *Benedictio*, num. 1. dicentis Sacerdotem simplicem, ex vi suæ ordinationis posse consecrare hæc sacra benedicendo vestes, &c. nisi prohibeatur (imo, quod gravius est, idem dicit de benedictione calicis.) Quod si hoc verum est, facile intelligitur potuisse per consuetudinem introduci, ut his Abbatibus non censeatur prohibitum hoc ministerium. Verumtamen fundamentum Angeli, ut ipse fateatur, receptum non est communiter, & illud etiam reprobatum postea Sylvestro, & aliis. Deinde ipse tantum illud ostendit a posteriori, quia potestas illa consuetudine acquiritur, quæ nec est bona collectio, ut statim dicam, nec ostenditur cur Sacerdoti conveniat hæc potestas, eo ipso, quod Sacerdos est; quo circa ut sacerdos habeat

beat hanc potestatem, non satis est, quod non sit prohibitus, sed necesse est, ut positive illi sit concessa. Nam, ut dixi in tom. 3. 3. part. disp. 15. sect. 3. sicut hæc sacramentalia ab Ecclesia sunt instituta, ita ministri eorum per Ecclesiam determinari potuerunt, & debuerunt. Nec videtur dubium, quin potuerit Ecclesia a principio instituire simplicem Sacerdotem, ut proprium & ordinarium ministrum harum benedictionum, cum in hoc nulla sit repugnantia, ut ibi cum Durando dixi. Quod autem ita factum sit a principio, nec probari potest, neque est verisimile; ergo & gratis asseritur Sacerdotem hoc posse, nisi prohibeatur, sed dicendum potius esset, si concedatur, & verisimilius est (quod communis habet sententia) ex primæva institutione solos Episcopos esse ordinarios ministros harum benedictionum; & consequenter in illis solis esse hanc potestatem quasi ordinariam. Probatur tum ex c. *consulto*, de consecr. d. 1. ubi dicitur corporale debere esse ab Episcopo benedictum, neque id ponitur tamquam speciale, ut Sylvest. indicat, sed pro occasione loci illud potius quam alia nominatur; significatur autem talium rerum benedictionem ordinario jure Episcopalem esse, tum ex Pontificali Romano, ubi semper ponitur Episcopus tamquam ordinarius minister harum benedictionum, semperque supponitur debere esse Pontificem, qui nō ita uti valeat; tum etiam, quia ad majorem reverentiam & æstimationem talium rerum, ita fieri oportebat; cujus signum etiam est, quia nunquam legimus hoc licuisse omnibus Sacerdotibus, cum tamen etiam expressam prohibitionem non legamus; ergo ideo fuit semper prohibita, quia non fuit concessa, ut a simili colligitur ex c. *quavis*, 68. distin. Ubi de Chorepiscopis dicitur, non potest ea, quæ sunt propria Episcoporum, quoniam quamquam consecrationem habeant, Pontificatus apicem non attigerunt.

4. Alio ergo modo explicari potest illa consuetudo, distinguendo, quædam convenire Episcopis ratione suæ consecrationis, ex vi juris divini, qualia sunt confirmationis Sacramentum dare, ordinare, & similia, & de his verum est, non posse consuetudine acquiri, c. *quanto*, de consuetudine, & ratio a priori est, quia nec consecratio potest acquiri consuetudine, nec consecratus potest mutare jus divinum, & de his intelligi debet communis doctrina Canonistarum in dicto c. *quanto*, & in c. *aqua*, de consecratione Ecclesiæ, vel altaris. Alia vero sunt, quæ Episcopis conveniunt, & observantur ex institutione Ecclesiæ, ut ea, de quibus agimus, & in his videtur consuetudo posse habere vim ad conferendam potestatem, quia hæc potestas in hoc comparatur jurisdictioni, quod per solam extrinsecam cōcessionem dari potest; ergo sicut jurisdictio propter hanc causam consuetudine acquiriitur, ita etiam hæc potestas. Item, quia hæc dari potest per extrinsecum privilegium, sed consuetudo dare potest privilegium.

5. Dices, ergo posse consuetudine acquiri, ut Sacerdos possit Ecclesiam reconsecrari, quia hoc etiam ex institutione Ecclesiæ pertinet ad Episcopum: consequens est contra dictum c. *aqua*, de consecr. Ecclesiæ, vel altaris. Respondetur ibi esse sermonem, de privata consuetudine Episcopatus Bacharenensis, quæ ad hanc potestatem introducendam satis esse non poterat, sine consuetudine Ecclesiæ Romanæ, quod est valde considerandum, ut ita intelligatur sententia communis, quam tractamus. Ut autem hujus ratio intelligatur, advertendum est, quoddam principium in eo textu possum, scilicet Episcopum non posse delegare, quæ sunt ordinis Episcopalis inferioribus Sacerdotibus, sed tantum aliis Coepiscopis ut habetur etiam in c. *quod sedem*, de offic. ordin. Cum tamen Summus Pontifex possit aliqua ex his committere inferioribus Sacerdotibus, ut nunc supponimus. Ratio autem differentie est, quia actus ordinis, aut est jure divino annexus ordini Episcopali, & sic vel a nemine potest committi inferiori Sacerdoti, vel non nisi in aliquo raro casu a solo Summo Pontifice plenitudine potestatis. Aut ita est actus annexus Episcopali ordini ex institutione Ecclesiæ, & sic etiam talis institutio ad Summum Pontificem spectat, & ideo nullus inferior potest institutiones mutare, aut alteri sua potestate illud ministerium committere, nisi in casibus in jure expressis. Quia

ergo consuetudo non habet vim ad dandam aliquam potestatem nisi ex tacita voluntate illius Principis, qui talem potestatem delegare potest, ideo in præsentī privata (ut sic dicam) diœcesana consuetudo non fuit sufficiens ad hujusmodi potestatem conferendam; generalis autem consuetudo Ecclesiæ Romanæ sufficit, quia in eā Pontificia autoritas intervenire censetur.

6. Ultimo tamen observandum est, quod alias diximus de jurisdictione, multo magis habere locum in hac potestate, scilicet consuetudinem ipsam non concedere hanc facultatem, sed esse signum concessionis a superiori factæ, quod multo magis in præsentī verum censeo; nam jurisdictio absque speciali concessionem potest acquiri per consuetudinem legitime præscriptam adminiculo juris, ita circa hoc expresse disponentis; de hac vero potestate nullum extat expressum jus quod consuetudine possit acquiri; est ergo hæc consuetudo signum concessionis a Summis Pontificibus factæ circa talem facultatem: & verisimile mihi est manasse ex aliqua expressa concessionem, vel institutione Pontificum; quam in hunc modum probabiliter declaro, supponendo Abbates non posse jure ordinari, seu ex vi hujus consuetudinis has res sacras benedicere, nisi ipsi benedicti sint. Argumento c. *quoniam*, d. 69. & c. *cum contingat*, de ætate, & qualitate, quod etiam sentiunt communiter Doctores, & patet etiam, quia sine benedictione non possunt jure communi uti insigniis Episcopalibus; ergo multo minus possunt hos Episcopales actus participare. Requiritur ergo benedictio; & illi censetur esse annexa ipso jure potestas benedicendi has res sacras. Et hinc verisimile sit, hujusmodi Abbatum benedictionem, ex voluntate, & institutione Summorum Pontificum habuisse vim conferendi hanc potestatem, & potest ita declarari. Nam in ipsa benedictione Abbas dicitur per eam ordinari Abbatem, & constitui in ordine Prælatorum Ecclesiæ, & quodammodo participare dignitatem Episcopalem; ergo mirum non est, quod ex vi benedictionis hujusmodi participet etiam aliquos actus Episcopales inferioris ordinis, & qui etiam possunt simplici Sacerdoti committi.

7. Sed adhuc obstat huic communi sententiæ privilegium ab Innocentio Octavo concessum Cisterciensibus, ut Generalis, & quatuor præcipui Abbates possint pallas altaris, & omnia ornamenta Ecclesiastica benedicere; ergo signum est hoc non convenire illis ex vi benedictionis, nec esse commune omnibus Abbatibus perpetuis, alias nihil Abbatibus illis speciale concederetur. Respondeo propter hoc incertum mihi esse, quid ante tempora Innocentii Octavi in hoc habuerit consuetudo, potuit tamen ab eo tempore vel ea occasione introduci. Nam Innocentius Quartus qui plurtquam ducentis annis præcessit, in Clem. *attendentes*, de statu Monachorum, negat Abbates hoc posse ex consuetudine. Deinde dicitur ex consuetudine solum posse Abbatem benedicere paramenta sui monasterii, ut notat Geminianus in c. *Abbatis*, de privilegiis in 6. In illo autem privilegio amplius potestas illis Abbatibus specialiter conceditur: nam verba sunt: *Pallas altaris & omnia ornamenta Ecclesiastica*, quæ non limitantur ad sola illa quæ Monasterio sunt, sed absolute ad omnia extenditur. Addit vero Sylvest. verb. *Benedictio* n. 5. consuetudinem jam tenere, ut omnes possint cuiuscumque loci paramenta benedicere: quod ipse etiam fundare conatur in dict. c. *Abbatis*, juncta gloss. verb. *quasi Episcopalem*. Sed ex jure illo nihil colligitur, quia jurisdictio quasi Episcopalis non dat facultatem ad actus ordinis nisi alias expresse concedatur: de consuetudine autem probabilis id est, quamvis jam magis videatur in privilegiis fundata.

8. Ex his ergo satis probata est prior pars assertionis affirmativa: altera vero, quæ negativa erat, quoad consecrationes, quæ fiunt cum unctione chrismatis, probatur primo, quia nullo jure, vel consuetudine (ut omnes farentur) concessum est: & alias constat hos actus esse Episcopales. Imo sunt qui censent, esse adeo strictæ Episcopales, ut consuetudine præscribi non possint, quod tenet Sylvest. supra, & non parum faveret usus non concedendi talem facultatem. Contrarium tamen tenet Angelus cum Cardinali, quod in rigore

Consuetudo non dat potestatem. Abbatibus ad benedicendum vestes sacerdas, sed est signum datæ.

Quomodo probabitur crederetur collatum fuisse hanc potestatem a Pontificibus.

Objedio contra nunc dicta ex communi sententia.

Offenditur jam pars ejusdem i. as. scilicet quod sit vera de facto

Melior explicatio modus.

Instantia solvitur.

Explicatio solutio.

verius

Depositi-
li tamen
contraria
pars vera
est.

verius est, quia hoc simpliciter est ex jure humano, & ita potuisset Papa, si voluisset, hunc actum etiam ad-
jungere, quasi ex officio, Abbatiali dignitati, ac be-
nedictioni. Deinde in dicto privilegio Innocentii Octa-
vi dictis quatuor Abbatibus & generali Cisterciensi
conceditur, ut possint etiam calices, & altaria conse-
crare, chrismate sacro prius ab aliquo Antistite Catho-
lico recepto: non est ergo dubium, quin possit Ponti-
fex hunc actum committere Sacerdoti non Episcopo:
cur ergo non poterit etiam consuetudine præscribi, vel
benedictione Abbatis ipso jure conjungi? De facto ve-
ro certum est non ita factum esse, imo & de illo spe-
ciali privilegio mihi incertum est, an fuerit usu rece-
ptum, & an nunc duret.

Facultas
prædicta,
seu an-
nexa quod-
modo Ab-
batibus
ad quid
extenda-
tur seculi-
sis aliis
privile-
giis.

9 Atque hinc ulterius addendum est facultatem hanc
non esse extendendam ultra benedictiones earum rerum,
quæ ad sacra vestimenta pertinent, vel pallas, seu or-
namenta altaris, sub quibus etiam corporale compre-
hendimus: nam ad hæc omnia, & hæc sola extenditur
consuetudo, ut omnes Doctores docent. Quare licet
in Pontificali Romano multæ aliæ res nominentur;
quæ sine benedictione olei benedicuntur, nihilominus
non extenditur hæc facultas ad omnes illas, sed tantum
ad supradictas. In dicto autem privilegio Innocentii
octavi conceditur dictis Abbatibus, ut possint etiam
benedicere vascula, ad reponendam sacram Euchari-
stiam, & quascumque imagines. Item ut possint Ec-
clesias, seu Monasteria sui Ordinis, quoties fuerit
opportunitas, dummodo ex homicidio polluta non forent,
reconciliare aqua prius per aliquem catholicum
Antistitem (ut moris est) benedicta obtenta: hoc au-
tem privilegium quoad hanc partem non est commune,
sed particulare quorundam Abbatum. Denique licet
hæc facultas olim solum concederetur Abbatibus be-
nedictis, tamen Julius II. in privilegio *Sacra Religionis*
concesso familiæ Cisterciensi in Hispania, quod inter
impressa est 19. concessit Abbatibus triennialibus, ut
vestes, tunicas, & alia ornamenta, pro celebratione
Missarum, & aliorum divinorum officiorum, in Ec-
clesiis monasteriorum prædictorum duntaxat necessa-
ria benedicerent.

Affertio
triparti-
ta. Prior
pars sua-
detur per
viam com-
municatio-
nis.


10 Secundo dicendum est Prælatos Ordinum men-
dicantium etiam posse sacra ornamenta benedicere,
imo & suas Ecclesias, vel cœmeteria. Prior pars pro-
batur inprimis per vim communicationis; nam quoad
hanc benedictionem est in usu, & praxi Religionum,
eamque supponunt omnia compendia privilegiorum
Religionum, ut videre licet in Compendio Minorum,
verbo *Benedicere*, & in Compendio Societatis eodem
verbo §. 3. Unde considerandum est, quoad alios Præ-
latos, qui non sunt Abbates, non posse allegari con-
suetudinem, ut immediatam rationem, seu titulum
hujus facultatis, quia revera nulla est talis consuetu-
do, nec probabilis ratio ejus; debet ergo fundari in
aliquo privilegio, quod potest esse, vel directe conces-
sum in hac specie Mendicantibus, vel omnibus, vel
alicui Religionis illorum; vel tantum indirecte per viam
communicationis, cum Religionibus Monachalibus.
Et de hoc posteriori modo posset alicui esse dubium,
propter dicta in c. præced. Nam si non est communica-
tio cum illis in collatione Ordinum minorum, cur erit
in hac benedictione. Item quia non communicant cum
eis in facultate utendi insigniis Pontificalibus: ergo ne-
que in hac benedictione; nam hæc duo sese comitantur.

Dubitatio
contra
hanc par-
tem remo-
vetur.

Unde Congregatio Cardinalium in quodam responso,
circa Concil. Trid. sess. 23. c. 10. sic inquit: *Abbas qui
est benedictus, vel qui ex privilegio Sedis Apostolicæ
habet, ut Pontificalia exercere possit, ac si esset benedi-
ctus, potest omnia sacra benedicere, illis exceptis, in
quibus unctio requiritur.* Nihilominus omnes ut dixi,
in hoc admittunt communicationem, cujus ratio sta-
tim patebit.

11 Secundo ergo probatur assertio, quia simile pri-
vilegium directe concessum est Minoribus per Leonem
X. ut habetur in supplemento Minorum concessione
55. & in Compendio eorumdem, verb. *Benedicere*, §. 14.
& in Compendio Societatis eodem verb. §. 1. In quo
privilegio duplex ponitur limitatio; una, ut solum pro
suorum fratrum usu possint hæc benedicere; alia, ut
benedicere non possint ea, in quibus chrisma interven-
nit, in reliquis vero amplissima est concessio, nam ex-
tenditur ad Ecclesias, cœmeteria, Capitula, & Ora-
toria benedicenda, & consequenter etiam ad reconci-
liandam Ecclesiam pollutam quoties opus fuerit sine
alia limitatione, ut notatur etiam in Compendio So-
cietatis verb. *Ecclesia* §. 2. Item extenditur ad paramen-
ta, & ornamenta, & alia quæcumque ad divinum cul-
tum necessaria. Unde fit, ut etiam Corporalia possint
benedicere, & pyxidem Eucharistiæ, & omnia alia,
quæ ad altaris ornamentum, vel ad usum sacrificii
Missæ juxta morem Ecclesiæ Romanæ benedici solent.
Deinde quoad personas conceditur hæc facultas non so-
lum Generalibus, & Provincialibus, sed etiam Con-
ventualibus Prælatibus; & sub his comprehenduntur
omnes Vicarii, qui in defectu Prælatorum eorum regi-
men, & jurisdictionem tenent, illos enim supra c. 22.
n. 4. diximus sub nomine Prælatorum comprehendere, &
in præsentem expressius declaratum est a Pio V. in quo-
dam privilegio Hieronymianis concessio. Præterea in
dicto privilegio Minorum additur, *ut idem possint alii
fratres ejusdem Ordinis, qui ad hoc in Capitulo gene-
rali deputati fuerint.* Alii vero referunt concessam fuisse
a Sixto IV. Ordini minorum, ut omnes simplices
Sacerdotes possint hæc sacra benedicere, exceptis Cor-
poralibus. Ita refert ex summa Rosella, Sylvest. verb.
Benedictio, n. 4. qui inde inferit idem posse Sacerdotes
Ordinis Prædicatorum. Existimo tamen, hanc tantam
amplificationem non esse in usu, neque etiam expedi-
re. Præterea limitatio illa de benedicendis tantum ve-
stibus ad proprium usum, sublata creditur per viam
communicationis, per dictum privilegium Innocentii
VIII. concessum Cisterciensibus. Nam expresse dicit
tam sui monasterii, quam undecumque sit. Et in Com-
pendio Societatis verb. *Benedicere*, §. 2. refert privile-
gium concessum a Julio II. P. iori Generali Canonico-
rum Sancti Salvatoris, quo simpliciter, & sine limi-
tatione conceditur facultas benedicendi hæc, quæ sunt
sacris usibus necessaria. Atque ita supponitur fieri pos-
se in scholio ejusdem Compendii, dum pro usu hujus
potestatis quoad externos, prudens moderatio adhibe-
tur, scilicet, ut non fiat nisi necessitate urgente &
prælati distantibus, & sine illorum offensione. Ex
quibus tantum constat actionem hanc esse ex his quæ a
prælati Mendicantium juxta suum institutum exerceri
possunt, alias per propria, & directa privilegia non
ipsis concederetur, & ideo quoad ipsam gaudere possunt
per viam communicationis etiam privilegiis Abbati-
bus concessis, & hæcenus de prælati Religionum.

Posterior
pars etiā
per direc-
tam con-
cessionem
constat
eum su-
limitatio-
nibus, &
amplia-
tionibus.



LIBERTERTIUS.

DE RELIGIOSIS DESERENTIBUS, VEL MUTANTIBUS ALIQUO MODO
STATUM SUUM, ATQUE DE OBLIGATIONIBUS EORUM.



Actenus dictum est de omnibus, quæ spe-
ctant ad statum religiosum in communi
sumptum. Nunc priusquam sequenti Tra-
ctatu descendamus ad species ejus, oportet
etiam in generali tractare de his, qui ab
hoc statu deficiunt, vel illum mutant quocumque
modo; nam oppositorum cognitio ad eandem do-
 Suarez Tom. XV.

ctrinam spectat, atque adeo quas obligationes per
talem mutationem deponant, vel retineant, aut et-
iam de novo incurrant, unde merito præfens liber ad
tractatum hunc de obligationibus veluti accessoriiis
annectitur.

Potest autem in præsentem duplex distingui muta-
tio, una, quæ fit aliquibus ex Religioso non Religiosus;
alia,

Mutatio
de reli-
gioso in

non reli-
giosum
duplex &
utraque
ab hoc
lib. alie-
na.
1. Mutatio
per totale
dispensa-
tionem.

alia, qua retento statu Religioso, fit mutatio in usu, & vita illius, vel in alium statum. De priori modo hic non agimus, quia solum duobus modis contingit, unus est per dispensationem Summi Pontificis, de qua satis in superioribus ostensum est esse possibilem ex causa gravissima; facta autem illa mutatione modo legitimo per se loquendo nulla superest obligatio prioris status, quia omnino sublatus est, si dispensatio fuit absoluta; nam si habet admixtam commutationem aliquam, manebit obligatio ad illud opus in compensationem impositum, quæ obligatio est vel præcepti a Superiore dispensante impositi, vel erit porius cuiusdam voti simplicis, quod virtualiter fit, quando talis commutatio acceptatur, quia suscipitur illa tamquam obligatio religiosa succedens loco alterius, quæ aufertur, & accipitur, sub eodem genere obligationis. Dico autem, *secundum commutationem*, nullam tunc manere obligationem rigorosam prioris status, quia nec vota manent, nec subiectio ad regulam; nihilominus ex quadam decentia manet quædam obligatio honeste vivendi, & continentie ad priorem statum, quoad fieri possit. Dixi etiam, dummodo legitima sit dispensatio, quia si sit subreptitia, aut sine iusta causa, & consequenter nulla, nullam auferet obligationem, & ita erit iudicandum, de tali persona, sicut de Apostata, & fugitiva; de quibus statim dicemus.

2. Mutatio
per rela-
xationem
votorum.

Alius modus, quo hæc mutatio contingit, est, per talem ejectionem a religione, quæ includat vororum irritationem, & hic modus non habet locum in Religiosis professis, sed est specialis in religione Societatis, quoad aliqua membra illius, & ideo in specialem tractatum hunc modum reservamus.

De muta-
tione non
solvente
vinculum
substan-
tiale reli-
giosi sta-
tus hic
tractatur.

Multif-
plex mo-
dus dictæ
mutatio-
nis tra-
ctandus.

2 Retento autem religioso statu quoad vinculum, & substantiam ejus, potest fieri desertio, vel mutatio illius, quoad usum communis vitæ, habitationem, habitum, subjectionem ad regulam, & alios mores vitæ religiosæ. De hac ergo mutatione duo præcipue a nobis explicanda sunt, quibus scilicet modis licite vel illicite fiat, & post illam factam, quæ obligatio maneat in Religioso quatenus talis est. Ut autem in particulari distincte rem tractemus, distinguere possumus quinque vel sex modos hujus mutationis. Quædam enim est voluntaria, sed illicita, ut est per fugam, vel apostasiam; alia est involuntaria, quæ supponit causam illicitam, tamen cum sit sine culpa fieri potest, ut est per justam ejectionem. Alia est voluntaria, & potest esse licita ex iusta dispensatione, solum ad vivendum extra Conventum, vel ad tempus, vel perpetuo, vel retento habitu, vel mutato. Quarta mutatio fit per transitum ad alium statum, non repugnantem priori, qui potest esse, vel status in alia religione, vel ascensus ad gradum Episcopalem, quibus etiam addere possumus transitum ad serviendum Ecclesiæ, in aliquo beneficio sæculari, vel regulari, de quibus omnibus sigillatim dicemus.

C A P U T I.

Quando Religiosus sit fugitivus vel Apostata censendus: & quas ob id crimine incurrat penas.

Generalis
essentia
de pecca-
toso
discessu a
conventu.
Ac primo
ejus mov-
do.

PRIMUM omnium supponendum est, Religiosum professum non posse licite suo arbitrio, & sine debita facultate, a sua religione, imo nec a suo conventu discedere, quia ratione sui status, & professionis ad perpetuam perseverantiam obligatur, & consequenter ratione regulæ, vel obedientiæ, tenetur aliquo modo ad vitam religiosam in claustrum vel in clausura retinendam sub propriis insigniis seu habitu talis religionis, ut supra lib. I. a c. 5. ostensum est. Non potest ergo licite suam religionem, vel monasterium relinquere absque legitima facultate. Hæc igitur mutatio sine culpa non fit. Sunt autem varii gradus hujus mutationis; & consequenter etiam culpæ, quos oportet distinguere. Primus & minimus est quando quis egreditur e monasterio, sine scientia prælati, servando, in reliquis omnia, quæ in ordinario, & quotidiano egressu servari solent; id est, de die, & per communem januam, & ad breve tempus. Et licet talis egressus secluso scandalo, ac prava intentione; imo & secuso præcepto sub

obedientia, vel declaratione alia Prælati, aut statuti, (materia enim capax est gravis obligationis si imponatur, quia multum spectat ad custodiam disciplinæ religiosæ.) videri possit esse levis culpa, de quo Navar. commento 4. de regularibus a n. 29. præferim in 35. imo & ab ea excusari, si fingantur casus iustæ necessitatis, vel magnæ utilitatis; ita ut prudenter præsumatur superioris absentis, vel etiam ad quem non sit aditus in eo articulo, licentia. Attramen vix poterunt in tali egressione omnes dictæ circumstantiæ convenire; unde juxta earum defectum, gravior etiam erit culpa, ut si non per consuetam januam, aut nec per januam, sed per aliam extraordinariam viam fiat egressio, quod vix poterit per aliam honestam circumstantiam a mortali peccato excusari saltem propter morale periculum scandali, & infamiæ, non tantum ipsius egredientis, sed etiam religionis. Multo tamen erit gravius, si sit de nocte, quia nunquam excusabitur, etiam si fingamus, quod vix credi potest, fieri sine intentione graviter peccaminosa ex suo objecto. Et ita Clemens VI. in decreto de casibus pro regularibus reservandis, absolute ponit nocturnam, ac furtivam e monasterio egressionem, etiam non animo apostatandi; reservatio autem de gravi culpa fit. Quocirca etiam si nullum sit expressum jus Canonicum quod in universum egressionem sine licentia, sub mortali prohibeat; nec etiam in regula alicujus religionis sit fortasse expressum præceptum hoc prohibens sub mortali; nihilominus ex communi observantia, & consuetudine omnium religionum hoc videtur esse receptum sub gravi obligatione, quia ea consuetudo (quæ vim legis habet) non curat rarissimum casum, qualis esset, qui propter illas omnes circumstantias omni malicia careret. Est tamen difficile ad explicandum in qua specie talis malicia sit, & contra quam virtutem directe militet, seclusis affectibus scandali vel infamiæ prædictæ, ac seclusa malitia ex pravo fine, quæ omnia sunt per accidens. Dico tamen esse extrinsece contra iustitiam, & quia versatur circa rem sacram includere malitiam sacrilegii. Monasterium enim & clausura ejus, res quædam sacra est, quæ graviter violatur per furtivam ac nocturnam egressionem, ideoque intrinsece continet gravem injuriam religionis, & rei sacræ. Quamquam ob tale crimen nulla sit censura vel pœna alia ipso jure posita, neque etiam sequatur alia obligatio, ex eo delicto, per se loquendo, præterquam ad emendationem, & condignam pœnitentiam, & ad procurandum omnimode, ne talis actus in religionis, vel alterius infamiam vel nocumentum aliud redundet.

De secundo modo peccaminosi discessus.

2 Secundus gradus hujus mutationis est, quando qui sine licentia egreditur monasterium fugiendo ab obedientia & subjectione proprii Prælati, non quidem animo manendi in sæculo, nec relinquendi religionem, aut habitum; sed alia occasione, vel prætextu, cum mora notabili, & scandalosa, quamvis semper quasi in via ad redeundum. Et hic lapsus gravior est, & videtur sane ex objecto peccatum mortale, (nisi iusta excusatio interveniat) quamvis non attingat veram, & propriam rationem apostasiæ, ut omnes Doctores statim citandi docent. Potest ergo illa proprie dici fuga a monasterio, non tamen apostasia, quæ plures condiciones requirit infra tractandas, ubi etiam dicemus, quomodo in rigore differant malitiæ horum peccatorum. Est autem huiusmodi fuga peccatum grave. Primo quidem (ut mihi videtur) ex natura talis status, vel professionis, ratione cujus tenetur quis subesse potestati, & imperio Prælati talis religionis, & esse unitus suo corpori sub tali capite: qui autem hoc modo exit a monasterio, subtrahit se durabiliter, seu permanenter, pro aliquo notabili tempore a potestate, & dominio sui Prælati & religionis; ergo peccat graviter contra iustitiam & religionem. Secundo constat hoc esse opus natura sua scandalosum tam ipsis Religiosis, quam externis, & de se creans magnam infamiam religioni. Tertio hoc specialiter prohibitum est in Concilio Trident. sess. 26. c. 4. de regularibus, ubi specialiter de hoc egressu loqui videtur, cum dicit: *Non liceat regularibus a suis conventibus recedere*. Non enim possunt hæc verba proprie accommodari ad egressum ex sola domo ad breve tempus, de

Hic mo-
dus fugæ
continet
peccatum
mortale.

de quo in priori puncto dictum est, quia per illum non dicitur quis proprie recedere a conventu. Nec propter illum potest quis iuste reputari desertor sui instituti, sicut hic quem tractamus damnatur ibi a Concilio. Nam subdit eum, qui ita recedunt a suis Conventibus fugitive ab Ordinariis *tanquam desertores suorum institutorum* puniendos esse.

Quomodo puniendus talis culpa.

3 Ubi etiam obiter adnotari potest propter hoc crimen nullam incurri poenam ipso facto ex vi communis juris; specialia enim Religionum singuli religiosi consueverunt. Adnotant etiam Cardinales in quodam responso suo, non dixisse Concilium, ut excommunicentur, sed ut puniantur, in quo indicat, alio modo cogendos, & castigandos esse, non vero excommunicandos, nisi fortasse necessarium sit. Quam jurisdictionem Ordinarius amplificavit Sixtus V. in motu proprio contra illegitimos, &c. qui est 73. in Bullario, ubi precipit Ordinariis & ministris eorum, ut curent diligenter inquiri, an regulares vacantes, vel devidentes ad secularia hospitia literas suae obedientiae secum ferant, & alioquin contra illos procedant, & tamdiu sub custodia detineant, donec de illis certa notitia habeatur. Praelatis autem regularibus precipit, ut eos sine tali licentia (nisi aliis cogniti sint) in hospitium recipiant sub gravibus poenis. Ipsi autem regularibus, sic vagantibus, vel sine licentia incedentibus, nullam novam prohibitionem, aut specialem poenam imponit. Haec autem omnia satis manifeste ostendunt esse hoc grave crimen ex genere suo.

Quarta dicta puniendi probata posteriori gravitate

De excusatione ab hac culpa.

4 Dixi autem, *nisi iusta excusatio intercedat*, quia non est hoc adeo intrinsece malum, quin ex iusta, & necessaria causa possit honestari. Omitto autem ignorantiam, quae vix in huiusmodi negotio intervenire potest, quamvis juvare nonnihil possit concurrentibus aliis circumstantiis, de quibus statim. Communis ergo excusatio esse solet, si interveniat nimia vexatio proximi Praelati cum manifesta injuria, vel ultra modum puniendo aliquod delictum, vel certe sine iusta causa affligendo, vel auferendo ea quae ex ordinario jure religionis debentur, praesertim cum dedecore, & infamia, tunc enim si religiosus sine licentia recedat, non animo vagandi, sed eundi ad Superiorem Praelatum, qui se defendat, videtur excusari a culpa, tum quia jus defensionis naturale est, tum etiam, quia ibi intervenit voluntas interpretativa majoris Superioris.

Bannes & alii eam non admittunt.

5 Hanc vero excusationem in nullo casu admittendam putant aliqui viri graves, quibus assentitur Bannes 2. 2. quaest. 13. art. 1. tum propter absolutam prohibitionem Concilii Tridentini, quod addit etiam praetextu ad superiores suos accedendi, &c. & sub poena adeo severa, ut indicet satis in illo facto peccatum grave: tum etiam, quia id non fit sine gravi scandalo, & perturbatione Religionis. Teneatur autem quis pauper sustinere, & cedere juri suo propter commune bonum, & ideo ipsi etiam Superiores Praelati, non solent tales excusationes admittere sed graviter puniunt ad se hoc praetextu confugientes. Nihilominus contrariam sententiam tenet Navarrus Comment. 2. de regularibus, num. 61. citans Baldum, Decium, & alios, quia huiusmodi accessus ad superiorem est quaedam virtualis, seu implicita appellatio, argumento cap. dilecti, 2. de appellat. & legis contrapupillum, §. is qui, ff. de re judicata. Iusta autem appellatio nemini denegatur. Hoc autem fundamentum parum profecto urget, quia appellatio etiam est interdicta religiosis, ut praeced. lib. cap. 1. visum est, & licet in manifestis injuriis permittatur, non tamen subtrahendo religiosum propria auctoritate ab obedientia sui Superioris. Quidquid vero sit de voce appellationis, propria ratio est paulo ante insinuata de iusta defensione. Quam (inquit Navarrus) noluit prohibere Concilium Tridentinum, quia non est verisimile voluisse impedire tam intrinsecum, & naturale jus; solum ergo prohibet voluntarium accessum propter alias causas.

Autoritas sententia.

6 Inter has sententias prior est magis tuta, & regulariter sequenda; quia, licet hic accessus per se non sit intrinsece malus, tamen, & de se male sonat, & regulariter habet adjuncta gravia incommoda. Nihilominus in rigore, si causa sit evidenter iusta, & satis publice nota, res non est per se mala, propter rationem factam de iusta defensione: nec etiam prohibita

est a Concilio Tridentino, ut bene explicatum est. Et optime confirmat Sixtus V. in declaratione ad suum motum proprium supra citatum, ubi de his regularibus peregrinantibus, sine licentia suorum superiorum addit; *Quod si dicerent se ad Apostolicam sedem confugere, ob gravamina a suis superioribus sibi illata, & ideo ab ipsis superioribus licentiam, & literas obtinere non potuisse, non propterea ullo modo recipi debet, nisi fide dignorum testimonio de petita ab eis licentia, & per suos Superiores denegata constiterit.* Ex qua exceptione manifeste colligitur, non esse omnino, & semper malum egredi claustrum sine licentia Praelati praetextu adeundi superiorem. Et quamvis ibi Sixtus solum loquatur de praetextu confugiendi ad Apostolicam sedem, tamen eadem proportionalis ratio est de praetextu adeundi Provincialem, vel Generalem, tum quia in his est sufficiens jurisdictio ab eadem sede Apostolica communicata, tum etiam, quia si rationes extrinsecas respiciamus, non minus scandalizare, & perturbare solet huiusmodi Romana profectio sine voluntate praetorum regulariter, quam profectio ad superiorem praetatum religionis, sine inferioris consensu: si autem respiciamus rationem intrinsecam, eadem necessitas, & iusta causa esse potest, adeundi tales praetatos; imo quoties sufficiens fuerit intra religionem defensionem quaerere a majore praetato, sine causa tentaretur major profectio.

7 Unum autem valde notandum occurrit in dictis verbis; significat enim Sixtus, ut hoc recte fiat necessarium esse licentiam petitam, licet non sit obtemperata, quia sine sufficienti testimonio petita licentiae, non vult admitti excusationem; per quod videtur excludi, quod Navar. supra ait non esse petendam licentiam ab eo cujus gravamen per superiorem tolli procuratur, quod significat glossa 1. in cap. cum pastoris, 2. q. 7. & sumi videtur ex cap. ex parte, de accusationibus. Sed glossa praedicta non loquitur de licentia petita, sed de consensu, qui includit licentiam etiam concessam, quod si hoc tantum voluit Navar. non repugnamus. Adde vero etiam petitam licentiam de rigore juris, & in foro conscientiae non videri simpliciter necessariam, quia nullo alio jure positivo praecipitur in hoc casu, in quo scilicet consensus praelati non est necessarius, nec Sixtus V. directe hanc praecipit, sed ex praesumptione quadam, sine illa non vult admitti excusationem ab Ordinario; illa vero praesumptio non oberit conscientiae, si revera solum emissa sit, quia nullus ejus fructus sperabatur. Quocirca hoc in particulari pendet ex circumstantiis. Nam si subditus timeat Praetatum immediatum non solum non esse concessurum facultatem, sed etiam omnino impediturum, recursum ad Superiorem, vel negotiationibus effecturum ut Superior Praelatus falsis informationibus praeveniatur, vel alio modo noceat suae defensioni, tunc excusari poterit subditus etiam a petenda licentia. Quod si fortasse obeam rem in itinere capiatur, vel alias poenas sustinere cogatur, non est hoc argumentum sufficiens culpe in conscientia, sed praesumptionis ejus in exteriori foro: in quo si de veritate constiterit, cessabit sine dubio afflictio, & dabitur religioso testimonium, quo possit secure ad Superiorem pervenire.

Quando non sit opus praetono licentia adeundi ad superiorem praetatum.

8 Si autem ex petitione licentiae nullum damnum timeatur, petendam esse censeo, & in primis si est aliqua spes obrinendi illam, vel etiam, si nulla est sufficiens ratio desperandi, omnino necessarium judico illam petere, quia teneatur religiosus per se loquendo non ire sine licentia; ergo teneatur etiam prius procurare illam, neque habet iustam causam hoc omittendi, quando non habet probabilem rationem desperandi, neque timet aliquid incommodi. Imo licet non habeat spem obrinendi licentiam, debet illam petere. Primo ex quadam urbanitate, ne suum Praetatum contemnere videatur. Secundo, ut causam suam quantum in se est iustiore faciat. Tertio, quia haec potest esse maxima ratio sedandi scandalum; nam si quod postea nascitur illius causa potius Praelatus, quam subditus censendus est. Denique necessarium est, ut tanta sit necessitas, quae non det locum petendi prius licentiam a Superiore Praetato, & expectandi illam, nisi res talis sit, ut ad plenam informationem, necessaria sit praesentia, nec sperare.

Quando sit opus.

speretur per solas literas aliquod remedium, vel licentiam posse obtineri. Est autem raro, & difficile hæc omnia simul concurrere; difficilius item est subito in huiusmodi casu prudens iudicium ferre in sua causa, & ideo nunquam hoc facere debet sine prudentium consilio, qui raro, ut existimo, id suadebunt, aut permittent.

9 Tandem vero queri potest, an sit aliqua censura vel poena propter hunc exitum. Nam Rebuffus in practica part. 2. tit. de dispensatione cum regularibus dicit propter hoc delictum incurri excommunicationem ipso facto. Probat primo, ex cap. 2. de clericis, vel monachis in 6. sed ibi solum est sermo vel de religioso dimittente habitum, de quo statim dicemus, vel de accedente ad studium literarum, sine legitima licentia sui Prælati. Unde illa excommunicatio non extenditur extra hos casus, ut tom. 5. 3. partis latius explicuimus. Probat secundo, quia sicut piscis sine aqua caret vita, ita sine monasterio Monachus cap. placuit, 2. part. 16. quest. 1. Sed illud dictum est ratione periculi, vel ratione culpæ non ratione censuræ.

10 Dicendum est ergo propter hoc crimen nullam esse censuram, vel poenam ipso iure latam, ut recte docet Navar. supra citatus in n. 5. & colligitur ex Conc. Trident. d. cap. 4. in verb. *Puniantur*, & maxime adjuncta congregatione Cardinalium supra relata nu. 3. Secundo probatur ex Extravag. 1. de regular. ubi religiosus sine licentia recedens, & vagans, non excommunicatur, nisi monitione prævia, post quindecim dies ad monasterium non revertatur; verum est non loqui generaliter, sed de illo qui exiit prætextu transeundi ad aliam religionem, sed inde sumitur a fortiori argumentum, atque etiam ab speciali: nam si in eo casu non excommunicatur quis ipso facto, nisi monitione prævia, neque etiam in ceteris, cum in eis non sit lata major excommunicatio. Imo, neque illo modo extendenda est censura ad alios casus, cum tantum in illo speciali posita sit, ne quis, prætextu fidei licentiæ transeundi ad monachalem ordinem, propriam mendicantem dimittat. Dices, ibi esse sermonem etiam de illo qui exiit habitu dimisso. Respondeo, ex vi illius textus etiam illum non incurrere censuram; nisi post dictam monitionem & contumaciam, tamen ille textus est antiquior, quam cap. 2. de clericis, vel monachis, ubi absolute excommunicantur dimittentes habitum, ut statim videbimus. Nam Martinus IV. auctor illius Extravagantis præcessit Bonifacium VIII. qui fuit auctor dicti cap. 2. Ex quo tandem capite potest idem confirmari, quia ibi etiam fertur censura hæc solum in speciali casu; ergo extra illum non est extendenda, cum in iure non sit expressum.

De tertio modo peccaminosi discessus.

11 Tertius gradus hujus mutationis est, quando quis deserit propriam Religionem animo non redeundi amplius ad illam, etiam si habitum ejus non deserat, quod dupliciter fieri potest. Primo animo transeundi ad aliam Religionem, & de hoc transitu dicemus infra a cap. 9. Secundo fieri potest animo manendi in seculo, vel cum proposito retinendi semper habitum, vel absolute cum animo sese gerendi prout ibi magis placuerit, aut expedire censuerit. Et in hoc in primis certum est grave peccatum mortale per hanc fugam committi, quod a fortiori patet ex dictis in precedenti discessu, quia hoc peccatum includit totam malitiam illius, & auget illam propter animum perpetuum deserendi religionem, & consequenter negando Prælati ejus obedientiam in toto tempore vitæ, & defraudandi perpetuo religionem, suis obsequiis, & actibus, seu ministeriis, in quo est magna iniustitia & sacrilegium.

12 Difficultas vero est, an peccatum illud sit vera apostasia a religione. In quo suppono primo vulgarem distinctionem de triplici apostasia, a fide, ab Ordine, & a Religione ex Theologis, cum D. Thom. 2. 2. q. 1. 2. art. 1. & Canonistis cum glossa c. 1. de Apostatis; quam distinctionem attingi disp. 16. de fide sect. 5. Suppono secundo Apostasiam a religione, de qua sola hic loquimur, non committi sine defectione religionis; itaque quantumvis aliquis sit incorrigibilis, vel rebellis obedientiæ, si in conventu perseveret, apostata non est, ut bene notavit Navar. consil. ult. de regular. abbas consil. unico sub tit. de Apostatis, quia licet retrocessio ab obe-

dientia possit late dici apostasia, tamen proprio, & usitato modo loquendi iurum, non committitur sine retrocessione ab ipso statu. Si ergo inquiritur an in prædicto casu ille religiosus dicendus sit Apostata; videtur enim non esse, quia non deserit habitum, ut supponimus; ergo non deserit professionem talis religionis, nec statum ejus, sed solum usum, & habitationem, quod longe diversum est. Confirmatur. Nam hæc egressio a religione, solum differt a fuga superiori puncto explicata, secundum magis, & minus, id est, in majori temporis duratione; ergo, si prior non est apostasia, neque hæc etiam erit, quia apostasia videtur esse peccatum specie differens ab omni peccato, quod apostasia non est.

13 Nihilominus dicendum est peccatum illud esse propriam apostasiam a religione: hæc est communis sententia Canonistarum cum Innocentio in cap. finali de renuntiatione, ubi Abbas, n. 3. idem Cajetan. & alii expostores D. Thom. 2. 2. q. 1. 2. art. 1. Et Sylvest. verb. *Apostasia* §. 9. Angelus ibi nu. 4. A. milla n. 1. & reliqui Summistæ; Sumitur ex Clement. VIII. in decreto de casibus reservatis Regularium, ubi ponit Apostasiam a religione sive habitu dimisso sive retento. Ratio est, quia ille, qui sic recedit a religione, non manet, nec perpetuo vult manere, sub obedientia religiosa alicujus Prælati; ergo vult simpliciter retrocedere ab statu religioso; ergo est apostata a religione. Antecedens supponitur ex casu, prima consequentia probatur, quia sine obedientia non potest perdurare status religiosus, quia & ipsa obedientia substantialis est, & sine illa non potest paupertas exerceri, ut in superioribus declaratum est. Dices, hæc solum impediri quantum ad usum; usum autem non esse de substantia religiosi. Sed contra hoc objicitur probando simul secundam consequentiam rationis factæ, quia ad apostasiam a religione, non est necesse, ut aliquis se privet a substantiali vinculo religionis, quia hoc impossibile est propria auctoritate fieri; quod si fieret auctoritate Papæ, jam non esset apostasia; ergo sufficit actu relinquere illum statum, quantum in se est: hoc autem facit, qui recedit a religione, proposito perpetuo manendi sine jugo obedientiæ, & consequenter sine usu paupertatis.

14 Nec refert, quod non relinquat habitum, neque habeat propositum relinquendi, quia habitus non facit Monachum, neque est de substantia religionis. Et ideo potest esse vera religio sine speciali habitu, ut ex usu Ecclesiæ constat, unde in tali religione potest esse evidens apostasia, sine mutatione habitus; ergo & in qualibet alia, quia retentio signi accidentalis parum refert, si substantia religionis relinquatur; & confirmatur. Nam licet quis retineat observantiam castitatis, quæ magis substantialis est statui religioso, non propterea apostasia evitat, & idem est, etiam si retineat observantias, ut jejunii, &c. ergo idem est etiam si habitum retineat. Et ita responsum est ad rationem dubitandi.

15 In confirmatione autem petitur, an hoc peccatum reipsa differat specie a fuga, quæ solum ad tempus fit. De hac re nihil invenio ab auctoribus explicatum, sed speculative loquendo satis probabile apparet, non esse diverbitatem specificam inter hæc peccata, ut videtur probare confirmatio facta, quæ declaratur amplius, nam tota malitia utriusque peccati est iniustitia contra religionem, & sacrilegium contra Deum frangendo promissionem illi factam, & contrectando injuste (ut sic dicam) rem Deo sacram; ergo malitiæ sunt ejusdem speciei, licet una sit major quam alia. Declaratur item exemplo, nam furari rem animo restituendi illam post aliquod tempus, vel cum proposito nunquam eam restituendi, peccata sunt ejusdem speciei, licet unum sit gravius alio, sed ita prorsus in præsentī comparantur: ergo. Dices qui recedit, sine animo redeundi, simpliciter retrocedit a statu religioso: alter vero non retrocedit: ergo committunt peccata specie diversa. Respondeo utrumque retrocedere, sed priore simpliciter, posteriore vero ad tempus, & proinde secundum quid, quod patet, quia pro eo tempore non vult talis fugitivus ut religiosus vivere: ergo pro tunc vult retrocedere a religione, quamvis habeat animum postea redeundi: ut si Novitius relinquat vitam sub obedientia religiosa animo redeundi postea ad religionem,

ad satis

Propter culpam prædicti secundi gradus incurri excommunicationem potest Rebuffus.

Oppositum suadetur.

Secundo.

Contra sententiam approbatur.

Evangelio præcluditur.

Ad arg. in nu. 12.

Probat gravitas ejus.

An hic modus discedendi sit apostasia.

Confirmatio in eodem n. 12. confirmat institutum loquendo speculative.

ad satis est, ut retrocedere pro tunc dicatur, & novitatum interrompere: ergo similiter in professo illa est quædam retrocessio, licet dicatur secundum quid, quia solum est ad tempus. Quæ differentia non satis est ad distinctionem specificam, quia semper manet privatio ejusdem honestatis solum differens secundum magis, & minus.

16 Moraliter autem videntur reputari hæc peccata tanquam specie diversa, primo in ordine ad confessionem: nam sine dubio religiosus temere dimittens suam religionem animo nunquam redeundi ad illam, tenetur hanc circumstantiam in confessione explicare; hoc videtur certum ex communi sensu omnium Doctorum: Unde licet sit controversia an circumstantia notabiliter aggravans, & non mutans speciem, sit necessario in confessione aperienda, in præsentis puncto non videtur admittenda. Non enim censeo esse probabilem prædictæ, negare hanc circumstantiam esse censendam, eo quod non mutet speciem, sed tantum notabiliter aggravet: quidquid enim sit de illa speculatione, moraliter est recepta illa differentia tanquam sufficiens ad illam obligationem, sive hoc sit propter rigorosam distinctionem specificam, sive, quia non potest status pœnitentis aliter sufficienter explicari, sive propter notabilem gravitatem, & quia se habent tanquam completum, vel incompletum in illa specie, quod ego verius censeo, & sicut multi censent, de mutilatione, & homicidio, & idem valde probabile est, in exemplo furti supra posito, quamvis nomen furti absolute dictum de se includat illam intentionem, nisi aliud explicetur: & idem erit in præsentis, si quis declarat suum peccatum nomine apostasiæ.

17 Secundo differunt moraliter in ordine ad pœnas juris; nam propter temporariam fugam nulla est pœna ipso jure imposita, ut supra nu. 10. dixi, propter hanc vero incurritur omnes pœnæ, quæ propter apostasiam a religione ipso jure impositæ sunt. Et de aliis quidem pœnis dicemus inferius in 5. modo discessus. De excommunicatione vero inquiri hic potest, an propter hoc crimen incurritur. Quidam affirmant, quia ille est apostata, & apostata est excommunicatus pro jure, cap. *Et periculosa*, ne Clerici vel Monachi, & hanc opinionem aliqui tribuunt Sylvest. & Cajetan. sed immerito, magis hoc insinuat Armilla verb. *Apostasia*, nu. 11. dicens absolute apostatam a religione hodie esse excommunicatum. Dicendum ergo est propter hoc crimen nullam esse jure communi impositam excommunicationem. Ita sentiunt Sylvest. verb. *Apostasia*, §. 8. ubi primum ait apostatam a religione si habitum dimiserit esse excommunicatum; ergo non impleta illa conditione de habitus dimissione, sentit non incurere excommunicationem, & infra clarius id explicat, & Cajetan. verb. *Apostasia*, ubi ait apostatas a religione excommunicatos esse ob habitus dimissionem, in quibus verbis clare sentit excommunicationem non incurri donec apostasia perveniat ad illum actum, Idem sentiunt Innocen. & Panormit. in cap. *intelleximus*, de ætate, & qualitate. Ratio est, quia pro his apostatis nulla est alia excommunicatio in jure, nisi quæ lata est in dicto cap. *ut periculosa*. Sed ibi non fert in hos apostatas absolute; sed in dimittentes habitum; ergo non est extendenda ultra verba textus. Præterea in Extrav. 1. de regularibus; exiens sine licentia, & ita vagando incedens non excommunicatur, donec monitione prævia, per quindecim dies in suo malo statu perseveret, & tunc dicitur, quod si efficere neglexerit post ipsum terminum, tanquam notorius apostata excommunicatus in omnibus, & per omnia debet ab omnibus reputari; ergo antea non est excommunicatus. Quod intelligendum est de jure communi; nam jure speciali aliud potest contingere in particularibus religionibus propter propria indulta Apostolica, quæ consulenda sunt, & aliqua statim attingemus.

18 Sed oppones Titulum ultimum de apostatis, ubi dicitur de Monacho apostata, si in apostasia sacrum ordinem recipiat, non posse sine dispensatione Summi Pontificis in suscepto ordine ministrari; quod non potest in alio impedimento fundari, nisi quia cum esset excommunicatus suscipiendo ordinem factus est irregularis. Respondetur, Primum probabile esse ibi esse

sermonem de apostata, qui habitum monachalem dimisit, & in clericali ordinatus est, quod significat Panormitanus. Sed hoc, & est divinare, quia textus indistincte loquitur, & non satisfacit, quia eo tempore non incurrebatur excommunicatio propter hanc apostasiam etiam cum dimissione habitus, quia nondum erat conditum decretum Bonifacii VIII. & antea nullum erat continens illam sententiam. Dico ergo illam non esse irregularitatem propter ordinationem receptam cum censura, sed esse specialem pœnam suspensionis reservatæ impositam propter grave crimen suscipiendi ordines, in pravo, & infami apostasiæ statu. De qua suspensione, & ejus reservatione late dixi in tomo de Censuris. Cætera, quæ de hac apostasia dici possunt, communia sunt, cum illa quæ sit per habitus dimissionem, de qua dicemus in quinto puncto.

De quarto modo peccaminosi discessus.

19 Quarta mutatio fieri potest per fugam a religione cum dimissione habitus, sine intentione perpetuo manendi extra religionem, sed solum pro aliquo tempore, & de hac mutatione, primo certum est, esse grave peccatum mortale, ut a fortiori constat ex dictis. Secundo est certum propter illud incurri ipso facto excommunicationem latam in cap. 2. ne clerici, vel Monachi in 6. quam in tom. de censuris late explicui. Tertio dicendum censeo illam circumstantiam dimissionis habitus esse de necessitate, in confessione aperiendam, tum quia, quando illa adjungitur incurritur censura, & non aliàs, & ita ratione illius habet peccatum specialem circumstantiam contumaciæ contra præceptum Ecclesiæ, tum etiam, quia illa per se notabiliter aggravat, & multum variat judicium Confessoris, juxta communem sensum omnium prudentum: tum denique, quia moraliter loquendo, illa circumstantia ratione scandali addit malitiam specie distinctam. Dubitari insuper potest, an per se addat specialem malitiam, quod pendet ex illa quæstione ad quam virtutem, & ad quod præceptum spectet obligatio quam religiosus habet, ad non dimittendum habitum religionis. De qua re supra dictum est in num. 1. & juxta ibi dicta probabile est, illud esse speciale delictum saltem ratione Ecclesiastici.

20 Difficultas autem superest, an talis censendus sit Apostata; videtur enim non esse. Primum, quia in definitione apostasiæ poni solet quod sit cum animo omnino relinquenti statum religiosum, sed ille non habet hanc intentionem ut supponimus; ergo. Secundo, quia si quis temere discedat a propria Religione animo transeundi ad aliam, non est Apostata, ut est communis sententia Doctorum cum glossa in cap. 1. de Apostatis, Cajetan. & aliorum 2. 2. q. 12. art. 1. & Summistarum verb. *Apostasia*. Quod censetur esse verum, etiam si habitum propriæ religionis dimittat; ergo a fortiori, si dimittit habitum cum animo reassumendi, & redeundi ad propriam Religionem, non erit Apostata. Tertio est ratio a priori, quia apostasia est retrocessio a statu religionis, sed qui sic recedit, non retrocedit a statu, quia semper habet animum redeundi; ergo; & confirmatur: nam hac ratione dicimus in secundo puncto fugitivum cum animo redeundi, & retento habitu non esse Apostatam; ergo quamvis relinquat habitum, non erit Apostata, cum habitus non sit de substantia religionis, & consequenter dimissio illius non addit substantialem mutationem, atque hanc sententiam tenent moderni expositores D. Thom. 2. 2. q. 11. art. 1. Bannes, & Aragon. & putant esse sententiam Cajetani, qui non satis illam declaravit. Nam cum distinguit de eo qui recedit cum intentione redeundi, vel non redeundi, sic inquit, *Distinguere oportet, quia religiosum cum habitu sine licentia, & alterius obedientia maneri dupliciter contingit, &c.* Ubi constat loqui de religioso, qui retinet habitum; postea vero nihil dicit de dimittente habitum cum animo resumendi: tamen in Summa verb. *Apostasia*, satis explicuit mentem suam pro hac sententia.

21 Est ergo mihi difficilis illa recentiorum opinio. Continet Primo, quia multi ex antiquioribus indicant oppositum, ut patet ex Innocen. Panormit. & aliis in cap. ult. de renuntiatione, & in cap. *Intelleximus*, de ætate, & qualitate. Secundo, quia ex illa opinione sequitur Monachum,

Non conficit tamen loquendo moraliter quod ostenditur 1. in ordine ad confessionem.

Secundo ex ordine ad pœnâ.

Triplex pronuntiatio circa hunc modum.

Predictum modum non continere apostasiam a quovis quidâ tripliciter.

Objeccio contra nunc tractata.

Continet tamen probari potest.

nachum, qui dimittit habitum animo vagandi, vel militandi per aliquot annos, cum intentione revertendi tandem ad religionem, non esse Apostatam, neque incurrere infamiam, & pœnas Apostatarum; consequens est falsum; ergo. Minor patet ex communi modo loquendi, & sentiendi omnium jurium, & prælatorum Ecclesiæ, omnes enim hos vocant Apostatas, & ut tales eos puniunt. Tertio, Clericus in sacris, qui dimisso habitu Clericali seculariter vivit, aut militat, simpliciter est, & censetur Apostata ab ordine, sive habeat intentionem redeundi ad pristinum statum, sive non: ergo idem est in præsentia. Probatur consequentia, quia utraque apostasia consistit in retrocessione a perfectiori statu; ergo si in ordine est vera retrocessio sine intentione perpetuatis, erit etiam in religione. Unde argumentor quarto ratione impugnante simul fundamentum contrariæ sententiæ, quia, ut aliquis retrocedere dicatur, non est necessaria intentio, nunquam redeundi ad priorem statum, sed sufficit velle nunc cadere a priori statu, sed sufficit velle nunc cadere a priori statu; & converti in alium, etiam si postea redeundum sit ad priorem: ut, qui recedit a fide absolute est Apostata, etiam si fingamus habere animum redeundi ad fidem, & qui cadit a gratia, simpliciter retrocedit a via Dei, etiam si eodem tempore quo peccat habeat animum postea pœnitendi; ergo intentio non redeundi, non est de ratione apostasiæ; ergo in illa fuga cum dimissione habitus nihil deest ad veram apostasiam.

22 Hæc argumenta videntur facere hanc partem valde probabilem. Cavendum tamen est, ne in aliud extremum incidamus, omnem exitum a religione cum dimissione habitus, quæ sufficit ad peccandum mortaliter, & ad incurrendam excommunicationem esse apostasiam; hoc enim nullum eruditum dixisse ait Navar. in dicto consil. de Apostatis n. 6. Respondere tamen possumus id satis sentire glossam in dict. cap. ut periculosa, verb. horum, ubi ita exponit, id est, quod Apostata dimittendo habitum, vel quia vadit ad studium sine licentia, per quæ verba sentit omnem fugam religiosi cum temeraria dimissione habitus sufficiente ad excommunicationem incurrendam esse apostasiam, quod etiam sentiunt ibi Jo: Andreas, & Bernardus, quos refert Sylvest. verb. Excommunicatio, n. num. 52. & ex parte sequitur, quamvis dicat istos non semper esse proprie Apostatas, sed tantum ad aliquid, scilicet assumptione alterius habitus. Sed nec declarat, nec ostendit cur illa non sit proprie & simpliciter apostasia. Unde hoc concedere fortasse non est magnum inconveniens. Cum limitatione tamen existimo esse verum, nimirum, si fuga, & dimissio sit cum animo permanendi, & vivendi stabiliter, ut sic dicam, in statu seculari pro longo tempore, sive determinato trium vel quatuor annorum, sive indeterminato ad suum arbitrium, vel donec aliquam actionem perficiat; nam in hujusmodi casu cenfeo committi veram apostasiam, etiam si quis habeat animum redeundi ad religionem finito tempore, vel negotio. Hoc mihi probant rationes posteriori loco factæ, neque enim cōcipere possum quin esset Apostata religiosus, qui in Lusitania dimitteret habitum, ut iret in Indiam, animo ibi negotiandi aliquid, & redeundi, & tunc revertendi ad suam religionem, quia illa revera est moralis retrocessio, & abdicatio sui status. Item, quia quoad malitiam ejusdem speciei est cum dimissione ex intentione non redeundi, ut supra in simili est probatum; quoad quantitatē vero est gravissimum, satisque in sua specie cōsummatum; quoad pœnas vero juris, propter illud incurruntur, ut in sequenti puncto ostendam; ergo quantum ad rem spectat habet omnes effectus morales apostasiæ, & communiter ita vulgo nominatur; cur ergo non censetur, & theologice & juridice apostasia.

23 Et fortasse alii authores hoc non negarent in eo casu, quia Navar. dicto nu. 6. solum dicit illam dimissionem habitus, quæ fit cum animo cum cito resumendi, & sine animo religionem deferendi, non esse apostasiam. In prædicto autem casu deest illa prior conditio, quia ille non habet intentionem cito resumendi habitum, sed post longum tempus. Item in hac re morali intentio mutationis pro tempore diuturno potest tanquam perpetua reputari; tum propter periculum mortis; tum propter periculum nunquam redeundi, propter

pravam consuetudinem, & majores difficultates, quæ in tanto tempore timeri possunt.

24 Ad fundamenta ergo prioris sententiæ respondemus in primis, si per intentionem deferendi simpliciter religionem intelligatur cum toto rigore intentio nunquam redeundi ad religiosum statum, sine fundamento poni talem intentionem in definitione apostasiæ, quia nullo jure probatur, nec efficaci ratione, neque in aliis speciebus apostasiæ ita est, nec denique est consentaneum communi modo loquendi, & sentiendi, cui multum debent hæc morales definitiones accommodari. Si autem illa intentio latius sumatur pro intentione permanendi simpliciter in statu seculari, id est, pro aliquo tempore notabili, sic facilius admitti potest, & non repugnat resolutioni datæ, quamvis habeat aliquam difficultatem, ut statim attingemus. Ad secundum idem cum proportionem dicendum est. Nam si quis relinquat habitum suæ religionis, ut in sæculo aliquandiu permanentem vivat, quamvis simul habeat propositum ingrediendi aliam religionem etiam laxiorem, Apostata est; quod expresse docent Innocent. & Panormit. supra, imo ipsi largius loquuntur. Sed hoc nunc nobis satis est, & sufficienter probatur illo secundo argumento, & aliis rationibus factis. Secus vero est quando aliquis relinquit habitum suæ religionis, ut immediate transeat ad aliam, tunc enim non censetur proprie Apostata, quia non retrocedit a statu religioso ut sic, & hoc tantum docet communis opinio; quando vero id fiat licite, vel illicite, & quæ pœna incurratur, & an possit habere aliquam rationem apostasiæ, infra dicemus. Ad tertium jam responsum est, satis recedere a statu religioso, qui pro diuturno tempore secularem assumit. Nam moraliter ita se gerit ac si non haberet alium statum. Ad confirmationem responderi potest primo, quamvis habitus non sit de essentia religiosi status, esse tamen publicum quoddam signum professionis, & retentionis ejus juxta doctrinā D. Thom. 2. 2. q. 186. art. 7. ad 1. & ideo quamdiu habitus retinetur cum intentione redeundi ad claustrum, seu ad obedientiam prælatorum, non censeri aliquem permanentem reliquisse religionem, quia semper exterius proficitur illam, & reditum ad usum ejus. Quando autem exiit habitum, ut ita durabiliter vivat, censetur simpliciter exuere religionem quoad exteriorem statum, etiam si retineat animum redeundi. Secundo, & fortasse verius, responderetur negando assumptum, nam etiam retento habitu potest committi apostasia per notabilem moram in sæculo extra omnem obedientiam: ut cap. sequenti in quodam dub. explicabimus: in secundo autem puncto superiori, solum de fuga quasi in transitu quodam licet gravi, & peccaminoso, locuti sumus.

25 Rationes autem factæ pro altera parte probant sufficienter resolutionem positam, pariunt vero aliam difficultatem, quando scilicet judicanda sit mora sufficiens ad apostasiam post dimissum habitum, & quæ sufficiat ad excommunicationem incurrendam, & non ad apostasiam: nam si hæc non distinguuntur per intentionem manendi, vel non manendi perpetuo in sæculo, difficile videtur ea distinguere per majorem, vel minorem temporis moram. In qua re in primis assero aliquam esse dimissionem habitus, etiam post temerarium egressum, quæ non sufficit ad excommunicationem incurrendam, ut est in exemplo Navarri dimissio habitus solum ad exercendum aliquem actum turpem. Idemque est si fiat dimissio solum ad se occultandum in aliqua occasione ne capiatur, dummodo fiat animo statim resumendi illum, quia tunc non censetur temeraria dimissio, ut sentit etiam Cajetan. verb. Apostasia, & latius explicui in tomo de Centuriis. Deinde dico fugam vel exitum temerarium secundum cum dimissione habitus ad evagandum etiam per breve tempus esse peccatum mortale cum excommunicatione annexa ipso facto, juxta cap. 2. Ne cleric. vel Monach. in 6. & quæ circa illud notavimus in 5. tom. 3. part. Denique propter communem sententiam addere possumus, hanc non censeri simpliciter apostasiam, quoad alias pœnas juris, nisi quando quis censetur absolute dimittere tam permanentem habitum, ut censetur etiam simpliciter dimittere religionem, & hac ratione posse aliquando dimissionem habitus sufficere ad excommunicationem incurrendam, & non ad apostasiam simpliciter propter temporis brevitatē,

Ad primū
argum. in
nu. 20.

Difficultas
orta;
ex senten-
tia tradi-
ta nu. 22.
& 23.

vitatem. Quanta autem esse debeat illa temporis mora, quæ ad apostasiam sufficiat, prudentis arbitrio æstimatur, scilicet quando tanta est, ut moraliter censetur mutatio quædam totius status. Neque hoc est inconveniens, quia etiam in ipsa dimissione habitus ad judicandum, quando sufficiat ad incurrendam excommunicationem, nec ne, utuntur auctores prudentis viri arbitrio, ut videre licet in Sylvestro supra, & in Navar. in summa cap. 27. n. 131. Est autem advertendum, an fugitivus dimittens habitum a principio id faciat cum intentione seculariter vivendi per multum tempus, vel cum intentione statim habitum resumendi. Nam in priori casu statim committit apostasiam, quia revera ex tunc dimittit religionem, & habitum simpliciter; in alio vero casu non fit statim Apostata propter contrariam rationem: tamen si postea paulatim differat reassumere habitum per tempus notabile, incipit esse Apostata, quando formaliter, aut virtualiter id decreverit, vel voluntarie consummaverit.

De quinto modo peccaminosi discessus.

26 Quintus gradus hujus mutationis est, quando religiosus deliberato animo relinquendi in perpetuum religiosam vitam fugit, & dimittit habitum, & hic est consummatissimus actus in hoc genere malitiæ, quare certum est esse apostasiam, & qui illud committit, statim in ipso puncto fieri Apostatam, & incurrere excommunicationem, & alias pœnas Apostatarum. Circa quod primum oportet distinguere apostasiam internam ab externa; illa committitur per solum propositum dimittendi religionem; illa vero non sufficit ad pœnas Ecclesiasticas, etiam excommunicationem, neque etiam ad reservationem, ut ex aliis locis suppono. Exterior consistit in ipsa reali dimissione habitus, vel religionis.

27 Quæri autem potest, quando primum ita exterius consummatur, ut ad censuram & reservationem sufficiat. Hoc videtur nobis declarasse Clemens VIII. in dicto Decreto casuum reservatorum, dicens apostasiam reservari, quando eo pervenerit, ut extra septa monasterii, seu conventus egressio fiat. Igitur quamvis religiosus mutet habitum, & secularem accipiat, & egrediatur cella, & perveniat usque ad septa monasterii, si ibi ad se convertitur, & mutat animum, imo licet per vim capiatur, & detineatur, non est absolute Apostata, quia non consummavit actum, quem apostasia significat, & ideo casus ille reservatus non est ex vi illius Decreti Clementis; nam ex speciali statuto alicujus religionis reservari posset, quia est sufficienter exterior. Non sufficit etiam ad pœnas in jure latas contra Apostatas ut sic, quia hujusmodi pœnæ restringuntur ad actus consummatos, ut diximus latius in materiis de censuris & de Legibus. Dixi autem, ut sic, quia de excommunicatione fortasse est alia ratio, quia non fertur in Apostatas, ut sic, propter quod diximus supra, non omnes Apostatas illam incurrere, sed fertur in dimittentes habitum religionis suæ, ut constat ex dicto cap. 2. ne clerici vel Monach. in 6. Hoc autem peccatum satis consummatum est in illo actu. Nihilominus satis probabile existimo etiam excommunicationem tunc incurrere, quia verba illius textus sunt; ne in scholis, vel alibi temere habitum suæ religionis dimittant, ex quibus juncto principio textus; Ut periculosa religiosis evagandi materia subtrahatur, valde verisimile fit, sermonem præcipuum Pontificis esse de locis extra monasterium, & illa referri, per illam particulam, vel alibi, ac proinde donec quis extra monasterium dimisso habitu existat, non incurrere illam censuram, quem sensum confirmant verba Clementis supra citata; cur enim voluisset peccatum illud non esse reservatum, ante exitum extra septa monasterii, si censeret esse sufficiens ad excommunicationem Papalem incurrendam.

28 Secundo quæri potest, quænam pœnæ incurrantur propter hanc apostasiam. In quo primum certum est seclusa excommunicatione, esse annexam apostasiam ut sic, quandam inhabilitatem, & quasi irregularitatem ad Ordines sacros suscipiendos durante illo statu, ita enim expresse habetur in cap. ult. de Apostatis. In quo in primis observo hoc impedimentum non esse propriam censuram, quia per solum pœnitentiam, & reditum ad pristinum statum tollitur absque alia absolutione, ut colligitur ex illis verbis, Monachus in apostasia

Ordinem sacrum recipiens: nam ex eis colligitur, esse ponatur apostasia ante ordinationem, et ipso tolli impedimentum, absque alia absolutione, vel dispensatione, quæ est communis intelligentia. Unde etiam fit, non esse irregularitatem perpetuam, & absolutam, sed esse ex illis quæ per temporis successum, vel rei mutationem ipso facto cessant, ut est illa quæ nascitur ex infamia, vel ex defectu ætatis. Quod secus est de impedimento, quod nascitur ex susceptis Ordinibus in tali apostasia; nam illud sine dispensatione, aut absolutione auferri non potest; sed de illo impedimento, quæ non est pœna apostasie, sed aliterius criminis Ordinis male suscepti non est hic dicendum, sed dictum est in tom. de Censuris disput. 21. de suspensione.

29 Deinde observo vocem illam Monachus. Nam ex illa colligi potest pœnam hanc non esse communem omnibus religiosis. Nam in odiosis, non solent sub ea voce comprehendi Canonici Regulares argumento cap. quod Dei timorem, de statu Monach. ubi id notat Panorm. & Navar. Comment. 3. de regular. n. 4. & 41. Sed nihilominus verior sententia est legem hanc comprehendere omnes religiosos; etiam Canonicos, vel quoscumque Clericos regulares. Ratio est, quia tota illa lex habet respectum ad statum religiosum ut sic, & non quantum ad id, quod est speciale Monachis; ergo licet illud decretum de solis Monachis expresse loquatur, de omnibus religiosis intelligendum est, nam in substantia, & perpetuitate status sunt pares. Quod plane confirmat cap. 2. de postulando, ubi Pontifex declarat canonem prohibentem Monachum esse advocatum comprehendere Canonicum regularem, Licet de Monachis specialiter in canone sit expressum, ut ibi dicitur. Et ratio illius declarationis est, quia illa prohibitio facta est intuitu religiosi status: ergo idem est in presenti, imo etiam in omni simili casu, ut ibi fatetur Panorm. & Navar. dicto num. 41. ubi ex communi sententia ait quando fundamentum canonis tale est, ut in eo acqui-
parentur secundum jus antiquum Monachi, & Clerici Regulares; tum dispositionem etiam odiosam de Monachis extendi ad Canonicos regulares, quia tunc revera intentio legislatoris est, loqui de Religiosis, licet quasi materialiter nominet Monachos. Ita vero est in presenti. Nam apostasia æque damnata est in Clericis regularibus ac in Monachis, & fundamentum illius legis est obligatio ad religiosum statum, quæ ejusdem substantiæ est in utrisque.

30 Tertio expendi potest verbum illud, aliquem sacrum Ordinem; nam ex illo oritur dubium, an hoc impedimentum extendatur ad Ordines minores; nam interdum omnes Ordinationes generaliter vocantur sacre quatenus sacramentum sunt; propria vero, & speciali ratione solum dicuntur Ordines sacri, Subdiaconatus, & superiores: Est ergo dubium quomodo ibi accipiendi sint Ordines sacri, vera tamen interpretatio est ibi Ordines sacros proprie sumi: tum quia juxta communem usum juris hæc est magis propria significatio, tum etiam, quia non oportet legem pœnalem ampliari. Unde fit religiosum suscipientem minores Ordines in statu apostasie non manere suspensum, quoad usum talis Ordinis, & consequenter si apostasiam relinquit, & pœnitentiam agat, posse sine nova dispensatione ad superiores Ordines ascendere. Scio multos ex Canonistis ibi asserere ipsum contrahere impedimentum, dispensabile tamen per Episcopum, & in eo textu fieri mentionem sacrorum ordinum solum propter specialem reservationem; sed illud nullo jure probatur, & ideo non est admittendum, ut dixi latius tom. 5. in 3. p. Loquimur autem ex vi apostasie, ut loquitur ille textus; nam si dimittendo habitum excommunicationem incurrisset, & in eo statu susciperet Ordines minores, ratione excommunicationis fieret irregularis; sed illa pœna est ex alio generaliori principio, de quo in eodem 5. tom. Hic vero ulterius potest interrogari, si religiosus Apostata esset sacerdos, & in apostasia consecratus Episcopus, an maneret suspensus ab Episcopali ordine; & est ratio dubii, quia consecratio Episcopi inter sacros Ordines non numeratur. De hoc nihil invenio in expositoribus, & Summistis; mihi tamen videtur illum manere suspensum ab executione Ordinis Episcopalis; tum per argumentum a fortiori, quia plus est consecrari

Observatio altera.

Observatio tertia de majoribus Ordinibus procedere dictam pœnam.

An procedat etiam de Ordine Episcop.

Hic modus continet apostasiam, & pœnas ejus cum compleatur per externum actum.

Quæstion. 1. circa hunc modum quædo consummatur externus actus.

Ante consummationem nec apostasia a Clemente reservatur; nec alie pœnæ incurruntur.

Quæstion. 2. quæ sit pœna apostasie consummate, 1. a seculis, 2. a seculis, 3. a seculis, 4. a seculis, 5. a seculis, 6. a seculis, 7. a seculis, 8. a seculis, 9. a seculis, 10. a seculis, 11. a seculis, 12. a seculis, 13. a seculis, 14. a seculis, 15. a seculis, 16. a seculis, 17. a seculis, 18. a seculis, 19. a seculis, 20. a seculis, 21. a seculis, 22. a seculis, 23. a seculis, 24. a seculis, 25. a seculis, 26. a seculis, 27. a seculis, 28. a seculis, 29. a seculis, 30. a seculis, 31. a seculis, 32. a seculis, 33. a seculis, 34. a seculis, 35. a seculis, 36. a seculis, 37. a seculis, 38. a seculis, 39. a seculis, 40. a seculis, 41. a seculis, 42. a seculis, 43. a seculis, 44. a seculis, 45. a seculis, 46. a seculis, 47. a seculis, 48. a seculis, 49. a seculis, 50. a seculis, 51. a seculis, 52. a seculis, 53. a seculis, 54. a seculis, 55. a seculis, 56. a seculis, 57. a seculis, 58. a seculis, 59. a seculis, 60. a seculis, 61. a seculis, 62. a seculis, 63. a seculis, 64. a seculis, 65. a seculis, 66. a seculis, 67. a seculis, 68. a seculis, 69. a seculis, 70. a seculis, 71. a seculis, 72. a seculis, 73. a seculis, 74. a seculis, 75. a seculis, 76. a seculis, 77. a seculis, 78. a seculis, 79. a seculis, 80. a seculis, 81. a seculis, 82. a seculis, 83. a seculis, 84. a seculis, 85. a seculis, 86. a seculis, 87. a seculis, 88. a seculis, 89. a seculis, 90. a seculis, 91. a seculis, 92. a seculis, 93. a seculis, 94. a seculis, 95. a seculis, 96. a seculis, 97. a seculis, 98. a seculis, 99. a seculis, 100. a seculis, 101. a seculis, 102. a seculis, 103. a seculis, 104. a seculis, 105. a seculis, 106. a seculis, 107. a seculis, 108. a seculis, 109. a seculis, 110. a seculis, 111. a seculis, 112. a seculis, 113. a seculis, 114. a seculis, 115. a seculis, 116. a seculis, 117. a seculis, 118. a seculis, 119. a seculis, 120. a seculis, 121. a seculis, 122. a seculis, 123. a seculis, 124. a seculis, 125. a seculis, 126. a seculis, 127. a seculis, 128. a seculis, 129. a seculis, 130. a seculis, 131. a seculis, 132. a seculis, 133. a seculis, 134. a seculis, 135. a seculis, 136. a seculis, 137. a seculis, 138. a seculis, 139. a seculis, 140. a seculis, 141. a seculis, 142. a seculis, 143. a seculis, 144. a seculis, 145. a seculis, 146. a seculis, 147. a seculis, 148. a seculis, 149. a seculis, 150. a seculis, 151. a seculis, 152. a seculis, 153. a seculis, 154. a seculis, 155. a seculis, 156. a seculis, 157. a seculis, 158. a seculis, 159. a seculis, 160. a seculis, 161. a seculis, 162. a seculis, 163. a seculis, 164. a seculis, 165. a seculis, 166. a seculis, 167. a seculis, 168. a seculis, 169. a seculis, 170. a seculis, 171. a seculis, 172. a seculis, 173. a seculis, 174. a seculis, 175. a seculis, 176. a seculis, 177. a seculis, 178. a seculis, 179. a seculis, 180. a seculis, 181. a seculis, 182. a seculis, 183. a seculis, 184. a seculis, 185. a seculis, 186. a seculis, 187. a seculis, 188. a seculis, 189. a seculis, 190. a seculis, 191. a seculis, 192. a seculis, 193. a seculis, 194. a seculis, 195. a seculis, 196. a seculis, 197. a seculis, 198. a seculis, 199. a seculis, 200. a seculis, 201. a seculis, 202. a seculis, 203. a seculis, 204. a seculis, 205. a seculis, 206. a seculis, 207. a seculis, 208. a seculis, 209. a seculis, 210. a seculis, 211. a seculis, 212. a seculis, 213. a seculis, 214. a seculis, 215. a seculis, 216. a seculis, 217. a seculis, 218. a seculis, 219. a seculis, 220. a seculis, 221. a seculis, 222. a seculis, 223. a seculis, 224. a seculis, 225. a seculis, 226. a seculis, 227. a seculis, 228. a seculis, 229. a seculis, 230. a seculis, 231. a seculis, 232. a seculis, 233. a seculis, 234. a seculis, 235. a seculis, 236. a seculis, 237. a seculis, 238. a seculis, 239. a seculis, 240. a seculis, 241. a seculis, 242. a seculis, 243. a seculis, 244. a seculis, 245. a seculis, 246. a seculis, 247. a seculis, 248. a seculis, 249. a seculis, 250. a seculis, 251. a seculis, 252. a seculis, 253. a seculis, 254. a seculis, 255. a seculis, 256. a seculis, 257. a seculis, 258. a seculis, 259. a seculis, 260. a seculis, 261. a seculis, 262. a seculis, 263. a seculis, 264. a seculis, 265. a seculis, 266. a seculis, 267. a seculis, 268. a seculis, 269. a seculis, 270. a seculis, 271. a seculis, 272. a seculis, 273. a seculis, 274. a seculis, 275. a seculis, 276. a seculis, 277. a seculis, 278. a seculis, 279. a seculis, 280. a seculis, 281. a seculis, 282. a seculis, 283. a seculis, 284. a seculis, 285. a seculis, 286. a seculis, 287. a seculis, 288. a seculis, 289. a seculis, 290. a seculis, 291. a seculis, 292. a seculis, 293. a seculis, 294. a seculis, 295. a seculis, 296. a seculis, 297. a seculis, 298. a seculis, 299. a seculis, 300. a seculis, 301. a seculis, 302. a seculis, 303. a seculis, 304. a seculis, 305. a seculis, 306. a seculis, 307. a seculis, 308. a seculis, 309. a seculis, 310. a seculis, 311. a seculis, 312. a seculis, 313. a seculis, 314. a seculis, 315. a seculis, 316. a seculis, 317. a seculis, 318. a seculis, 319. a seculis, 320. a seculis, 321. a seculis, 322. a seculis, 323. a seculis, 324. a seculis, 325. a seculis, 326. a seculis, 327. a seculis, 328. a seculis, 329. a seculis, 330. a seculis, 331. a seculis, 332. a seculis, 333. a seculis, 334. a seculis, 335. a seculis, 336. a seculis, 337. a seculis, 338. a seculis, 339. a seculis, 340. a seculis, 341. a seculis, 342. a seculis, 343. a seculis, 344. a seculis, 345. a seculis, 346. a seculis, 347. a seculis, 348. a seculis, 349. a seculis, 350. a seculis, 351. a seculis, 352. a seculis, 353. a seculis, 354. a seculis, 355. a seculis, 356. a seculis, 357. a seculis, 358. a seculis, 359. a seculis, 360. a seculis, 361. a seculis, 362. a seculis, 363. a seculis, 364. a seculis, 365. a seculis, 366. a seculis, 367. a seculis, 368. a seculis, 369. a seculis, 370. a seculis, 371. a seculis, 372. a seculis, 373. a seculis, 374. a seculis, 375. a seculis, 376. a seculis, 377. a seculis, 378. a seculis, 379. a seculis, 380. a seculis, 381. a seculis, 382. a seculis, 383. a seculis, 384. a seculis, 385. a seculis, 386. a seculis, 387. a seculis, 388. a seculis, 389. a seculis, 390. a seculis, 391. a seculis, 392. a seculis, 393. a seculis, 394. a seculis, 395. a seculis, 396. a seculis, 397. a seculis, 398. a seculis, 399. a seculis, 400. a seculis, 401. a seculis, 402. a seculis, 403. a seculis, 404. a seculis, 405. a seculis, 406. a seculis, 407. a seculis, 408. a seculis, 409. a seculis, 410. a seculis, 411. a seculis, 412. a seculis, 413. a seculis, 414. a seculis, 415. a seculis, 416. a seculis, 417. a seculis, 418. a seculis, 419. a seculis, 420. a seculis, 421. a seculis, 422. a seculis, 423. a seculis, 424. a seculis, 425. a seculis, 426. a seculis, 427. a seculis, 428. a seculis, 429. a seculis, 430. a seculis, 431. a seculis, 432. a seculis, 433. a seculis, 434. a seculis, 435. a seculis, 436. a seculis, 437. a seculis, 438. a seculis, 439. a seculis, 440. a seculis, 441. a seculis, 442. a seculis, 443. a seculis, 444. a seculis, 445. a seculis, 446. a seculis, 447. a seculis, 448. a seculis, 449. a seculis, 450. a seculis, 451. a seculis, 452. a seculis, 453. a seculis, 454. a seculis, 455. a seculis, 456. a seculis, 457. a seculis, 458. a seculis, 459. a seculis, 460. a seculis, 461. a seculis, 462. a seculis, 463. a seculis, 464. a seculis, 465. a seculis, 466. a seculis, 467. a seculis, 468. a seculis, 469. a seculis, 470. a seculis, 471. a seculis, 472. a seculis, 473. a seculis, 474. a seculis, 475. a seculis, 476. a seculis, 477. a seculis, 478. a seculis, 479. a seculis, 480. a seculis, 481. a seculis, 482. a seculis, 483. a seculis, 484. a seculis, 485. a seculis, 486. a seculis, 487. a seculis, 488. a seculis, 489. a seculis, 490. a seculis, 491. a seculis, 492. a seculis, 493. a seculis, 494. a seculis, 495. a seculis, 496. a seculis, 497. a seculis, 498. a seculis, 499. a seculis, 500. a seculis, 501. a seculis, 502. a seculis, 503. a seculis, 504. a seculis, 505. a seculis, 506. a seculis, 507. a seculis, 508. a seculis, 509. a seculis, 510. a seculis, 511. a seculis, 512. a seculis, 513. a seculis, 514. a seculis, 515. a seculis, 516. a seculis, 517. a seculis, 518. a seculis, 519. a seculis, 520. a seculis, 521. a seculis, 522. a seculis, 523. a seculis, 524. a seculis, 525. a seculis, 526. a seculis, 527. a seculis, 528. a seculis, 529. a seculis, 530. a seculis, 531. a seculis, 532. a seculis, 533. a seculis, 534. a seculis, 535. a seculis, 536. a seculis, 537. a seculis, 538. a seculis, 539. a seculis, 540. a seculis, 541. a seculis, 542. a seculis, 543. a seculis, 544. a seculis, 545. a seculis, 546. a seculis, 547. a seculis, 548. a seculis, 549. a seculis, 550. a seculis, 551. a seculis, 552. a seculis, 553. a seculis, 554. a seculis, 555. a seculis, 556. a seculis, 557. a seculis, 558. a seculis, 559. a seculis, 560. a seculis, 561. a seculis, 562. a seculis, 563. a seculis, 564. a seculis, 565. a seculis, 566. a seculis, 567. a seculis, 568. a seculis, 569. a seculis, 570. a seculis, 571. a seculis, 572. a seculis, 573. a seculis, 574. a seculis, 575. a seculis, 576. a seculis, 577. a seculis, 578. a seculis, 579. a seculis, 580. a seculis, 581. a seculis, 582. a seculis, 583. a seculis, 584. a seculis, 585. a seculis, 586. a seculis, 587. a seculis, 588. a seculis, 589. a seculis, 590. a seculis, 591. a seculis, 592. a seculis, 593. a seculis, 594. a seculis, 595. a seculis, 596. a seculis, 597. a seculis, 598. a seculis, 599. a seculis, 600. a seculis, 601. a seculis, 602. a seculis, 603. a seculis, 604. a seculis, 605. a seculis, 606. a seculis, 607. a seculis, 608. a seculis, 609. a seculis, 610. a seculis, 611. a seculis, 612. a seculis, 613. a seculis, 614. a seculis, 615. a seculis, 616. a seculis, 617. a seculis, 618. a seculis, 619. a seculis, 620. a seculis, 621. a seculis, 622. a seculis, 623. a seculis, 624. a seculis, 625. a seculis, 626. a seculis, 627. a seculis, 628. a seculis, 629. a seculis, 630. a seculis, 631. a seculis, 632. a seculis, 633. a seculis, 634. a seculis, 635. a seculis, 636. a seculis, 637. a seculis, 638. a seculis, 639. a seculis, 640. a seculis, 641. a seculis, 642. a seculis, 643. a seculis, 644. a seculis, 645. a seculis, 646. a seculis, 647. a seculis, 648. a seculis, 649. a seculis, 650. a seculis, 651. a seculis, 652. a seculis, 653. a seculis, 654. a seculis, 655. a seculis, 656. a seculis, 657. a seculis, 658. a seculis, 659. a seculis, 660. a seculis, 661. a seculis, 662. a seculis, 663. a seculis, 664. a seculis, 665. a seculis, 666. a seculis, 667. a seculis, 668. a seculis, 669. a seculis, 670. a seculis, 671. a seculis, 672. a seculis, 673. a seculis, 674. a seculis, 675. a seculis, 676. a seculis, 677. a seculis, 678. a seculis, 679. a seculis, 680. a seculis, 681. a seculis, 682. a seculis, 683. a seculis, 684. a seculis, 685. a seculis, 686. a seculis, 687. a seculis, 688. a seculis, 689. a seculis, 690. a seculis, 691. a seculis, 692. a seculis, 693. a seculis, 694. a seculis, 695. a seculis, 696. a seculis, 697. a seculis, 698. a seculis, 699. a seculis, 700. a seculis, 701. a seculis, 702. a seculis, 703. a seculis, 704. a seculis, 705. a seculis, 706. a seculis, 707. a seculis, 708. a seculis, 709. a seculis, 710. a seculis, 711. a seculis, 712. a seculis, 713. a seculis, 714. a seculis, 715. a seculis, 716. a seculis, 717. a seculis, 718. a seculis, 719. a seculis, 720. a seculis, 721. a seculis, 722. a seculis, 723. a seculis, 724. a seculis, 725. a seculis, 726. a seculis, 727. a seculis, 728. a seculis, 729. a seculis, 730. a seculis, 731. a seculis, 732. a seculis, 733. a seculis, 734. a seculis, 735. a seculis, 736. a seculis, 737. a seculis, 738. a seculis, 739. a seculis, 740. a seculis, 741. a seculis, 742. a seculis, 743. a seculis, 744. a seculis, 745. a seculis, 746. a seculis, 747. a seculis, 748. a seculis, 749. a seculis, 750. a seculis, 751. a seculis, 752. a seculis, 753. a seculis, 754. a seculis, 755. a seculis, 756. a seculis, 757. a seculis, 758. a seculis, 759. a seculis, 760. a seculis, 761. a seculis, 762. a seculis, 763. a seculis, 764. a seculis, 765. a seculis, 766. a seculis, 767. a seculis, 768. a seculis, 769. a seculis, 770. a seculis, 771. a seculis, 772. a seculis, 773. a seculis, 774. a seculis, 775. a seculis, 776. a seculis, 777. a seculis, 778. a seculis, 779. a seculis, 780. a seculis, 781. a seculis, 782. a seculis, 783. a seculis, 784. a seculis, 785. a seculis, 786. a seculis, 787. a seculis, 788. a seculis, 789. a seculis, 790. a seculis, 791. a seculis, 792. a seculis, 793. a seculis, 794. a seculis, 795. a seculis, 796. a seculis, 797. a seculis, 798. a seculis, 799. a seculis, 800. a seculis, 801. a seculis, 802. a seculis, 803. a seculis, 804. a seculis, 805. a seculis, 806. a seculis, 807. a seculis, 808. a seculis, 809. a seculis, 810. a seculis, 811. a seculis, 812. a seculis, 813. a seculis, 814. a seculis, 815. a seculis, 816. a seculis, 817. a seculis, 818. a seculis, 819. a seculis, 820. a seculis, 821. a seculis, 822. a seculis, 823. a seculis, 824. a seculis, 825. a seculis, 826. a seculis, 827. a seculis, 828. a seculis, 829. a seculis, 830. a seculis, 831. a seculis, 832. a seculis, 833. a seculis, 834. a seculis, 835. a seculis, 836. a seculis, 837. a seculis, 838. a seculis, 839. a seculis, 840. a seculis, 841. a seculis, 842. a seculis, 843. a seculis, 844. a seculis, 845. a seculis, 846. a seculis, 847. a seculis, 848. a seculis, 849. a seculis, 850. a seculis, 851. a seculis, 852. a seculis, 853. a seculis, 854. a seculis, 855. a seculis, 856. a seculis, 857. a seculis, 858. a seculis, 859. a seculis, 860. a seculis, 861. a seculis, 862. a seculis, 863. a seculis, 864. a seculis, 865. a seculis, 866. a seculis, 867. a seculis, 868. a seculis, 869. a seculis, 870. a seculis, 871. a seculis, 872. a seculis, 873. a seculis, 874. a seculis, 875. a seculis, 876. a seculis, 877. a seculis, 878. a seculis, 879. a seculis, 880. a seculis, 881. a seculis, 882. a seculis, 883. a seculis, 884. a seculis, 885. a seculis, 886. a seculis, 887. a seculis, 888. a seculis, 889. a seculis, 890. a seculis, 891. a seculis, 892. a seculis, 893. a seculis, 894. a seculis, 895. a seculis, 896. a seculis, 897. a seculis, 898. a seculis, 899. a seculis, 900. a seculis, 901. a seculis, 902. a seculis, 903. a seculis, 904. a seculis, 905. a seculis, 906. a seculis, 907. a seculis, 908. a seculis, 909. a seculis, 910. a seculis, 911. a seculis, 912. a seculis, 913. a seculis, 914. a seculis, 915. a seculis, 916. a seculis, 917. a seculis, 918. a seculis, 919. a seculis, 920. a seculis, 921. a seculis, 922. a seculis, 923. a seculis, 924. a seculis, 925. a seculis, 926. a seculis, 927. a seculis, 928. a seculis, 929. a se

secrari Episcopum, quam ordinari Diaconum: tum etiā (& melius) quia consecratio Episcopalis est, veluti extensio quædam characteris sacerdotalis, & ideo sub illo comprehenditur in numeratione sacrorum Ordinum.

2. Affer-
excludens
alias pœ-
nas.

Objectioni
de pœ-
na infamiz
occurritur.

31 Secundo principaliter dicendum est, nullam aliā pœnam esse ipso jure impositam propter hanc apostasiam, ita sentiunt Sylvest. Angelus, & alii verb. *Apostasia*, & ratio est, quia nullo jure invenitur talis pœna imposita. Dices in jure imponi infamiam propter hoc crimen, cap. *alieni*, 2. quæst. 7. Respondeo primo verba illius canonis amplissima esse, & extendi ad apostasiam largissime sumptam pro inobedientia Ecclesiastica, juxta illa verba, *Aut sacris Patrum regulis & constitutionibus non obediens*. Potest etiam intelligi de Apostatis tam a fide, quam ab ordine, & religione, quæ est communior expositio, & consentanea principio textus, *alieni erroris socium, vel a sui propositi tramite recedentem*. Postea vero subditur, *Infames omnes esse censendos qui suam aut Christianam pravaricantur legem, aut Apostolicam, vel regularem libenter postponunt auctoritatem*, & in hoc sensu recte probatur hæc pœna; non tamen ipso facto, neque ante sententiam judicis incurrendam, quia ibi nulla sunt verba, quæ talem rigorem indicent. Idemque confirmatur ex cap. *Beatus*, 3. q. 4. ubi *Apostata refutandus dicitur, ante conversionem suam*, scilicet ab accusatione, vel testimonio; ergo donec refutetur per judicem tanquam infamis, non incurrit hujusmodi pœnam ipso facto, unde Sylvest. explicans hanc pœnam in apostasia ab ordine, solum dicit, interim ab accusatione & testimonio tanquam infamis repellitur; ergo sentit ante sententiam judicis non incurri hanc pœnam. Hoc autem intelligimus de infamia juris; nam si delictum sit publicum, propter ejus gravitatem sufficit ad infamiam facti, juxta ea quæ de infamia in materia de irregularitate tradidimus.

Quorum-
dam pla-
cium de
pœnis
aliis rejici-
untur.

32 Præter has vero pœnas traduntur aliæ a Doctoribus, quæ propter apostasiam ab Ordine incurruntur, quas nonnulli extendunt ad apostasiam a religione, sed ego pro regula constituo, nullam pœnam impositam propter apostasiam Ordinis in specie esse extendendam ad apostasiam religionis, nisi in ipsa lege, vel in alia fiat talis extensio, quia in pœnali lege, ut talis est, non admittitur talis ampliatio, etiam si fortasse delictum sit gravius: Nec sufficit similitudo rationis, tum quia requiritur voluntas legislatoris, tum etiam, quia illa similitudo nunquam est exacta. In aliis vero pœnis, non invenitur talis extensio facta in jure, & ideo in eis explicandis non immoror: nam de apostasia ab Ordine Deo dante dicturi sumus in 6. tom. 3. part. Tandem advertendum est, hæc omnia intelligi de jure communi, contento scilicet in corpore juris; nam extra illud sunt quædam constitutiones Pauli IV. & Pii V. ferentes speciales pœnas, quas inferius attingemus; sunt etiam in particularibus religionibus, specialia indulta quæ consulenda sunt, ut de Societate jam dicemus.

C A P U T I I.

Expediuntur dubia quatuor circa doctrinam capituli præcedentis.

7. Dub. an
sint Apo-
state qui
non pro-
fessi disce-
dunt.

I Superfunt vero hic nonnulla dubia. Primum est an religiosi non professi per vota solennia retrocedendo modis supradictis fiant veri Apostatæ, eorumque pœnas incurrant; antiqui enim Doctores partem negantem, ut certam supponunt. Nam Novitius propterea non fit Apostata retrocedendo, quia professione nondum emisit, ac proinde Religiosus non est, cap. *Religioso*, §. 1. de sentent. excomm. in 6. Præterea, quia non dicitur quis simpliciter ingredi religionem donec proficiatur, juxta ea quæ authores notant in Authentica *Ingressi*, & Authentica *Si qua mulier*, de sacrosanctis Ecclesiis per Bartolum, & alios, quos refert Tiracq. de utroque retractu tract. 1. §. 1. gloss. 8. num. 34 Felinus cum additione in cap. *cum deputati*, de judicis ubi 2. ergo neque antea potest esse egressus a religione; ergo neque apostasia. Ad hoc dubium duo dicend. sunt, primum est non esse verum Apostatam, neque incurrere pœnas ejus, nisi qui est verus Religiosus. Hoc convin-
git ratio dubitandi proposita, & hic est sensus commu-

Vige Gre-
gor. Lop.
leg. 17. tit.
3. p. 1.
1. Per unum
statum in
hoc dubio

nis sententiæ antiquorum Doctorum. Unde inferitur, si quis post votum simplex castitatis matrimonium contrahat, non esse Apostatam. Item neque illum, qui post tria vota simplicia, Paupertatis, Castitatis, & Obedientiæ in seculo emissit, sive in privatum vivendi modum, sive in aliqua communitate, & modo ejus vivendi non approbato ab Ecclesia pro vera religione, ut dicuntur esse fœminæ, quæ Mantellatæ, aut Tertiariæ vocantur: neque hunc, inquam, esse Apostatam, neque incurrere pœnas, etiam si assumat statum omnibus illis votis repugnantem. Ratio est, quia ille non est Religiosus, & ita non retrocedit a statu religioso, in quo ratio hujus apostasiæ consistit.

2 Dices, retrocedere ab obligatione ejusdem rationis: nam hæc est eadem in votis simplicibus, & solennibus, ut supra dixi. Respondeo primum, id nos non tractare speculative, an malitia illorum peccatorum differat specie, nec ne: satis enim est, quod loquendo Ecclesiastico more illa peccata differant quam plurimum in æstimatione, appellatione, & punitione, quia unum est longe gravius alio, & quia illud est contra instituta Ecclesiastica, & non aliud; ac denique, quia unum est multo magis consummatum in sua specie quam aliud. Addo vero illa peccata etiam differre specie quoad aliquam malitiam, nempe in malitia, injustitiæ, quam committit verus Religiosus apostatando a sua religione, propter traditionem illi factam, & ab Ecclesia acceptam, quam malitiam non incurrit retrocedens ab alio vivendi modo, quantumvis pio, quia in eo non intervenit traditio valida; hæc enim sine Ecclesiæ approbatione esse non potest.

3 Dico secundo, omnes vere Religiosos, etiam illos qui tantum simplicia vota emittunt in religione ab Ecclesia approbata ad verum statum religiosum etiam in illo gradu esse vere Apostatas, & incurrere pœnas jure communi Apostatis impositas retrocedendo criminose a sua religione. Hæc conclusio est certa ex declaratione, & approbatione Pontificum. Supponiturque posse dari verum statum Religiosum, cum votis simplicibus, quod esse certum secundum doctrinam Ecclesiæ infra ostendemus tract. 10. libr. 3. cap. 3. Ex hoc autem principio manifeste inferitur assertio posita: nam apostasia est iniqua retrocessio a statu religioso; sed verus status religiosus constitui potest aut per professionem, aut traditionem votis tantum simplicibus confirmatam; ergo etiam potest esse vera apostasia huic statui contraria. Unde Paulus III. in ultima Bulla, quam Societati concessit, hujusmodi recedentes a Societate post vota simplicia emissit Apostatas vocat, & omnem potestatem Superioribus præbet ad eos cogendos, & puniendos, quia revera injuriam suæ religioni faciunt, ut statim explicabimus, & Pius IV. ac Pius V. in Bulla, *Æquum reputamus*, addunt pœnam excomm. ipso facto in eosdem Apostatas, & ut tales puniendi, & cogendi declarantur, & Gregor. XIII. in constitutione, *Ascendente Domino*. Si a Societate (inquit) deficient excommunicationis, & aliis Apostatarum pœnis sint subjecti, & infra, Excommunicationis majoris lata sententiæ, & aliis apostatarum pœnis, si qui a Societate deficient subiacere, & tanquam veros Apostatas puniri posse. Quæ verba omnem tergiversationem excludunt; nam hos non fictos, aut reputatos, sed veros Apostatas esse declarat.

4 Neque antiqui authores huic veritati repugnant; nam verum est Novitium non posse esse Apostatam, quia non est verus Religiosus, quod de his Religiosis, de quibus loquimur, dici non potest. Verum est etiam proprium ingressum in religionem, quo scilicet quispiam fit membrum illius, & particeps religiosi status esse professionem, tamen modus talis professionis pendet ex institutione Ecclesiæ, quæ potest facere ut per vota simplicia firmetur professio, seu incorporatio sufficiens ad religiosum statum, & ita potest esse verus ingressus in religionem, sine votis solennibus. Antiqui autem authores loquuti sunt secundum morem sui temporis, in quo non erat in usu professio, vel incorporatio religiosa, nisi per vota solennia, & ideo inconsiderenter de his loquuntur. Formaliter autem intelligendum est dictum eorum de professione quatenus est incorporatio cum religione, & assumptio religiosi status. Unde etiam jura antiqua loquuntur de Apostatis in his etiam Apostatis locum habent;

Satisfit
motivis
in nu. 1.

habent; nam si loquuntur nomine Religiosorum, aut regularium, etiam isti veri Religiosi, & regulares sunt; si vero loquuntur nomine Monachorum, tamen, ut cap. præced. num. 29. dicebam, formaliter respiciunt religiosum statum, & ideo omnes veros Religiosos comprehendunt, juxta communem doctrinam.

5 Et potest ratione declarari; nam hi Religiosi vere se tradunt Deo, ut loquuntur Pius IV. & Pius V. supra, & religioni, ut loquitur Gregor. XIII. & quantum in se est in perpetuum hanc traditionem per vota confirmant; ergo dum injuste recedunt, privant religionem & Dei jure suo, & ita committunt apostasiam ejusdem malitiæ, cum altera quæ est contra professionem solennem. Et ideo merito datur religioni potestas capiendi hujusmodi fugitivum, & Apostatam; nam Dominus etiam potest capere servum fugitivum, ubicumque illum invenerit, leg. 1. Cod. ubi causæ status agi debet, & in leg. 1. §. per servum, ff. de acquirenda possessione, facitque lex 1. Cod. ubi quis de Curiali, &c. Quibus locis Bartolus, Baldus, & alii dicunt in hoc casu valere argumentum a servo ad Religiosum. Cum ergo hi Religiosi, de quibus agimus, verum sui dominium religioni tradiderint, veram apostasiam recedendo committunt, & in omnia jura Apostatis contraria peccant, & consequenter eorum pœnas incurrunt.

6 Sunt autem aliqui moderni authores, qui post hanc institutionem simpliciter scripserunt, eum qui non fecit votum solenne non esse Apostatam, ut Aragonius 2. 2. q. 1. art. 1. qui solum dicit eas quæ vulgo *Beate* dicuntur, non esse Apostatas, licet contra simplex votum castitatis nubant, quod erat per se clarum; sed ille reddit rationem, quia non sunt professæ, nec fecerunt aliquod votum solenne. Sed hic author loquutus est more antiquorum, & fortasse non vidit Bullas Societatis, neque ejus institutum satis perspectum habuit; nam quando ipse scripsit nondum erat hæc res in judicio contradictorio (ut sic dicam) ventilata. Difficilius ibidem loquutus est Dominicus Bannes, dicens Apostatam esse qui retrocedit a religione, quam vovit sollemniter, *quoniam si sit religio in quo emittatur votum simplex tantum, retrocedere ab illa non est apostasia*. Non est autem ausus ponere exemplum in Societate, neque ego volo intentionem ejus judicare, sed ponit exemplum in scæminis tertii Ordinis S. Francisci, vel Dominici. Sed immerito, quia quam illæ profitentur non est religio, nec religio appellari potest, quæ ab Ecclesia ut religio approbata non est; & ideo conditionalis illa, *Si sit religio, in qua sit tantum votum simplex, retrocessio ab illa non est apostasia*, in rigore & proprietate sermonis falsa est; nam si sit religio approbata, erit apostasia recedere ab illa post veram incorporationem ejus, per quæcumque vota fiant, ut probatum est; si vero non est approbata, non est religio; & ideo recessus a tali modo vivendi, non est quidem apostasia, tamen nihil refert ad veritatem illius conditionalis.

7 Dixi autem hunc recessum esse apostasiam si criminose fiat, quia nullus recessus a religione sine peccato factus dici potest apostasia, ut recte notavit Cajetan. dicta q. 1. art. 1. & commemorat Navar. in dicto consilio de Apostatis nu. 4. Nam apostasia est nomen vitii secundum propriam significationem, & communem usum ejus, & ideo in Clericatu, qui post ordines tantum minores relinquit habitum, & statum Clerici, non est Apostata, quia in eo non peccat, neque etiam est Apostata Religiosus professus, qui ex licentia Pontificis dimittit habitum, & vivit extra claustrum, vel licet ducat uxorem, si dispensatio ex legitima causa ad hoc extenditur. Ad hunc ergo modum in præsentis si quis retrocedat a tali statu ex legitimo consensu religionis, quamvis ipse etiam consentiat, non est Apostata, quia in tali consensu vel egressu non peccat, imo licet peccaret malo sine consentiendo, aut procurando egressum, vel licet prius peccando daret causam dimissioni; nihilominus in ipso egressu non committeret apostasiam, quia, nec vota violaret, nec religioni proprie faceret injuriā per quam apostasia consummatur. Dico autem, si hoc fiat ex legitimo consensu religionis, nam si esset extortus per fraudem, & subreptionem fingendo causam ubi vere non est, vel per quandam moralem viam, ex instituto male vivendo, ut liber dimittatur, non esset con-

sensus legitimus, nec reddet quempiam securum ab apostasiæ crimine in conscientia, etiam si exterius non ira appareat.

8 Addendum denique est peculiariter pro religione Societatis non solum committi hoc vitium ab omnibus inique ab ea retrocedentibus, post incorporationem, in quocumque gradu ejus, sed etiam præter alias juris pœnas incurrere excommunicationem ipso facto Pontifici vel Generali Societatis reservatam, etiam si fiat sine dimissione habitus, vel etiam si fiat transeundo ad religionem. De hoc secundo puncto dicemus infra in cap. 12. Primum autem pater ex Bulla Pii V. & Gregor. XIII. qui hanc censuram ferunt præcise propter apostasiam, vel illis verbis, *Si qui a Societate deficiant*, nihil aliud postulat, quod est contra jus commune, in quo dimissio habitus postulat ad censuram. Fuitque hoc necessarium in hac religione, quia non habet peculiarem habitum a Clericali distinctum: imo quamvis in illo observetur peculiarem modum, & decentiam, & fugitivus statuat illam retinere, & observare; nihilominus dictam excommunicationem incurreret, si egredietur animo manendi extra obedientiam Societatis, quia est verus Apostata. Secus vero esset, si exiret titulo adeundi Superiorem, vel animo redeundi ad Societatem sine permanentia in sæculo. Tunc enim licet aliàs peccaret, non esset proprie Apostata, & ideo non incurreret hanc censuram. In qua etiam est noranda reservatio ejus, nam inde constat graviter decipi eos, qui putant posse ordinarium Confessorem ab illa absolvere.

9 Dices, esto non possint per potestatem ordinariā, posse per Bullam Cruciatæ, quæ concedit omnes casus reservados Pontifici; ergo etiam hunc cum illum non excipiat. Sed hoc etiam est falsum. Primum, quia supra lib. 2. cap. 16. ostensum est Religiosos absolvi non posse sine licentia suorum Prælatorum virtute illius Bullæ; Apostata autem Religiosus est, & suis Prælati jure subiectus. Secundo, quia, vel ille permanet in sua apostasia, & sic est incapax absolutionis, vel recedit ab apostasia, & sic debet redire ad suam religionem, ac proinde a propriis Prælati, ac iudicibus absolvi, non ab extraneis. Dices, licet in apostasia manens sit incapax absolutionis a culpa, quia est in statu damnationis, posse tamen absolvi a censura, saltem valide. Respondeo, esto possit facere hoc Pontifex, tamen per Bullam Cruciatæ non concedit hanc potestatem, quia vel solum concedit illam in ipsa confessione, ut multi volunt, vel certe solum conceditur in ordine ad confessionem, & facta parte, & ideo solum conceditur pro his, qui saltem sunt dispositi ad absolutionem de tali culpa. Denique cum in illa absolutione interveniat præjudicium tertii, scilicet Religionis, non intelligitur comprehensa sub generali clausula, juxta communem doctrinam, & intelligentiam privilegiorum fundatarum in cap. *quomodo*, de re scriptis in 6. & in cap. *suggestum*, de decimis, & in leg. *quoties* Cod. de precibus Imperatorum. & in leg. 2. §. 2. & leg. *Officii* ff. Si quis a Principe, & in ratione naturali, quia intentio Principis non est injuriā alicui inferre, vel ad hoc occasionem dare, & ideo, quando est necessarium ad bonum commune private alicuius jure suo, id exprimitur in lege, vel privilegio; & e converso, quando non exprimitur, generalis concessio non intelligitur ad talem casum extendi, sicut etiam in aliis religionibus Prædicatorum, Minorum, &c. si Apostatæ, aut fugitivi excommunicationem reservatam incurrunt, juxta talia privilegia talium ordinum, non possunt per hujusmodi Bullas absolvi in injuriā talium religionum. Ad quod etiam applicari potest illa regula juris, in generali concessione non comprehendi, quod in specie non esset Princeps venturiliter concessurus.

Dubium 2. de religioso fugitivo prout distinguitur ab Apostata.

20 Secundo dubitari potest, an fugitivi a religione incurrant pœnas Apostatarum. Supponimus per fugitivum intelligi Religiosum, qui vagatur extra monasterium, & extra obedientiam suorum Prælatorum sine animo deferendi religionem juxta superius explicata in 2. 3. & 4. puncto, & juxta leg. 1. ff. de adultero edito. *Quid sit fugitivus* (dicitur ibi) & respondetur, *fugitivus est, qui extra Domini domum fugit causa quo se a domino*

3 Pronun. Apostate a Societate Jesu, incurrunt excomm. reserv. licet habitum non mutent.

Disa reservatio nec per Cruciatā cessat.

Navar. c. 26. n. 31. Co d. 1a l. 1. q. 19. 2a. ment. lib. 1. Selectum quæ 10. om c. 10. nu. 5.

Vera & propria traditio religiosa fiat per vota simplicia.

Qui ex legitimo consensu religionis ab ipsa eximitur non est Apostata.

minocelaret, mansi, ita ergo cum proportionem vocatur Monachus fugitivus, ut notant Doctores communiter in cap. ult. de Regular. & quamvis Panorm. ibi dicat eo ipso, quod Religiosus recedit a Monasterio, & non est sub obedientia Prælati esse Apostatam, & ita videatur hæc duo confundere; nihilominus juxta superius dicta licet omnis Apostata sit fugitivus, non e converso omnis fugitivus est Apostata, quæ est sententia Jo: Andreæ ibi, & magis recepta; ita ergo nunc loquimur de fugitivo, & inde nascitur propositum dubium, quia si non est Apostata, non incurrit pœnas eorum.

11 Et quidem dubium suppositis, quæ diximus, difficultatem non habet, stando in jure communi: nam fugitivus aut dimittit habitum, aut non dimittit; si dimittit, excommunicationem incurrit, non vero alias pœnas, si non fugiat cum animo deserendi religionem modo supra explicato; si autem non dimittat habitum, nec excommunicatus est ipso jure, neque alias pœnas incurrit, quamdiu Apostata non est, quæ omnia ex superioribus constant, & excipitur casus specialis de eo, qui accedit ad studia, sine legitima licentia; nam est excommunicatus, licet habitum non dimittat, nec Apostata sit, ex cap. 2. ne Clerici vel Monachi in 6. quod in 5. tom. explicatum est. Solet autem quæri de fugitivo, qui licet non dimittat habitum, occultat illum, an ille sit Apostata, vel excommunicatus. Sed de apostasia judicandum est juxta modum fugæ; nam si sit ad deserendam religionem simpliciter, erit Apostata, sin minus, sola occultatio non facit Apostatam eum, qui aliàs non esset, quia non sufficit ad consummandum actum in ratione desertionis, seu retrocessionis a statu religioso, qua de re consule Quintilianum, Mandosium de signatura gratiæ, tit. licentiæ fol. 101. De excommunicatione vero videri possunt dicta in citato 5. tom.

12 Habet autem difficultatem propositum dubium de pœnis latis a Paulo IV. in 3. constitutione, quæ in Bullario habetur, ubi contra hujusmodi fugitivos, simul, & indifferenter cum Apostatis varias multiplicat pœnas ipso jure incurrendas, scilicet privationem omnium beneficiorum, inhabilitatem ad illa recipienda, incapacitatem fructuum Ecclesiasticorum, ita ut illos suos non faciant, sed restituere teneantur, & perpetuam suspensionem ab omni ordine & Ecclesiastico ministerio, &c. Quæ omnia confirmavit, & auxit Pius IV. in sua constitutione prima in eodem libro. Videntur ergo ibi æquiparari fugitivi Apostatis, quoad has pœnas, quia generaliter feruntur contra omnes, qui temeritate propria, & contra juramentum in sua professione præstitum, & contra regularia sui ordinis instituta extra claustra suorum Regularium locorum degunt habitu retento, vel dimisso. Unde in ipsomet titulo utriusque constitutionis dicitur contra Religiosos extra claustra vagantes, & Apostatas; ergo contra utrosque indifferenter feruntur pœnæ.

13 Nihilominus dicendum est solos veros Apostatas incurrere illas pœnas. Et in primis supponendum est non loqui Pontifices illos contra eos, qui ex legitima facultate extra claustra morantur, vel cum habitu, vel sine habitu, quia illud nec est contra votum in professione factum, neque dici potest contra regularia instituta, quia regula non excludit Superioris Prælati legitimam facultatem, nec denique dici potest factum temeritate propria. Et quamvis ibi subjungatur, *temeritate propria, & quovis prætextu, vel causa*, intelligendum profecto est de iniquo prætextu, & causa non vera, sed ficta, ut Pius etiam IV. declaravit, dicens non incurrere illas pœnas nisi Apostatas, qui cum literis, & dispensationibus subreptitiis in sæculo vagantur. Et ratione facile persuaderi potest, Paulus IV. voluit punire, quæ licite sunt, nec damnare, aut irritare licentias, vel dispensationes, ex veris, & iustis causis concessas. Deinde, quod ad illas pœnas incurrendas necessaria sit apostasia, probatur ex verbis illis Pauli IV. *Volentes contra apostasiam ipsam plenius providere, & eam quantum nobis ex alio conceditur de medio tollere*, & juxta hanc intentionem semper loquitur repetendo frequenter nomina *Apostatarum*, vel *Apostasia*, & Pius IV. ita declarat ejus intentionem, dicens: *Paulus prædecessor, quod diversorum Romano-*

rum Pontificum Constitutionibus contra Apostatas editis deerat supplere studens, & apostasia morbo per amplius mederi intendens, &c. ergo juxta hanc intentionem explicanda est dispositio talis legis, maxime cum pœnalis sit, & restringenda; ita enim esse jura interpretanda, & ipsa jura, & eorum interpretes docent, ut patet apud legem finalem ff. de hæredibus instituendis, & Bartol. Baldum, & alios, ac ratio ipsa convincit, quia ex intentione, & voluntate legislatoris tota legis efficacia pendet, & quia pœna & ejus intentio maxime restringenda est, quantum verba patiuntur. Quævis ergo simul cum vocibus Apostasia, & Apostatarum alii termini in illis constitutionibus addantur, omnes eo tendunt, ut turpitudinem apostasiae declarent, & exaggerent, non tamen, ut propter aliud vitium, præsertim minus grave, eadem pœnæ imponantur.

14 Probant autem sufficienter, ut opinor, constitutiones illæ, quod cap. præced. a num. 19. diximus ad apostasiam satis esse, longo tempore, & quasi permanentem in sæculo manere, & extra omnem obedientiam vagari; manifeste enim ibi dicitur hoc sufficere ad incurrendas omnes illas pœnas, & consequenter censetur per illa verba sufficienter describi vitium apostasiae, quod ibi tantum puniatur. Imo ex eisdem decretis etiam colligitur (quod supra cap. præced. nu. 14. fortasse non tam expresse diximus) hoc satis esse ad apostasiam, etiam si habitus non dimittatur, ut patet ex illis verbis Pauli IV. *Alii vero nullo suffulti prætextu temeritate propria, &c. extra claustra suorum Regularium locorum degunt, & in sæculo, aliqui habitu sui ordinis retento, aliqui illo abjecto in habitu Presbyterorum sæcularium, & quamplurimi in habitu laicali temere vagantur*. Hos ergo omnes censet Apostatas, & pro omnibus illis pœnas imponunt inferius; ergo eandem moram, vel evagandi tempus in sæculo, censet sufficere ad apostasiam habitu retento, aut dimisso, sicut censet eandem sufficere cum habitu clericali, & laicali, & in nullo ex his modis postulat, quod fiat egressio sine animo unquam revertendi. Et sine dubio quod forum externum ita semper judicabitur.

15 Responderi autem potest illud judicium esse ex præsumptione; nam qui ita vagatur, diu præsumitur non habere animum revertendi. Sed certe si tale judicium fundaretur in præsumptione, non deberet æque puniri, qui habitum retinet, nam de illo potius posset præsumi habere animum revertendi, cum semper retineat propria insignia religionis. Deinde falsum existimo, illam legem, vel pœnam ejus fundari in præsumptione; nam in ea solum consideratur id, quod exterius committitur, & convinci potest, scilicet temeraria desertio, & evagatio sine iusto prætextu. Unde si quæ ex ibi impositis incurritur ipso facto, & in conscientia ante omnem sententiam etiam declaratoriam, illam incurrit Religiosus, qui temere in sæculo commoratur, seu vagatur, etiam si habitum non dimittat, & sive habeat animum redeundi ad religionem, sive non, quia Pontifex expresse ponit pœnam propter illud crimen, quod in illo actu sufficienter consummatur, & illa intentio redeundi, vel non redeundi, est valde extrinseca, pertineus magis ad futuram, & contingentem respicientiam, quam ad crimen, quod in præfenti committitur, & propter quod pœna imponitur. Sicigitur pœnæ ibi latæ non extenduntur ultra Apostatas a religione; qui vero sint Apostatæ difficultius declarari videtur, quam multi authores opinati sunt, nisi juxta modum supra insinuatum explicentur.

16 Occurrebat vero statim declarandum, an pœnæ illæ incurrantur ipso facto, & ante omnem sententiam declaratoriam criminis; sed non cenfeo necessarium in hoc immorari, sed legantur attente, & ponderentur verba, & applicentur generales regulæ, de lege pœnali, & erit facilis resolutio. Præsertim, quia Pius IV. quoad pœnas privationis beneficiorum, & dignitatum, videtur declarasse non incurrere ante sententiam declaratoriam criminis, quod secus esse de censuris ibi lapsis manifeste supponit. Addendum denique est præter hæc omnia habere Prælatus religionis potestatem capiendi, cogendi, & incarcerandi hujusmodi Apostatas, eosque condigne puniendi etiam corporaliter, juxta suam regulam, vel juxta prudens arbi-

Quid sit esse fugitivum.

Resolutio de pœnis fugitivi juxta varios modos ejus.

Videri Pontifices contra hanc resolutionem æquiparare fugitivos cum Apostatis

Ostendi. Juramentum non id voluisse Pontifices.

Apostate nomen ad quos se extendat etiam proprie.

Evasio de Apostate nomine in foro externo recte scilicet.

Quæ pœnæ ex prædictis incurrantur ipso facto & nec ne.

Quæ item a Prælati infligi valeant.

arbitrium, regulari statui consentaneum. Et quoad hoc genus pœnæ, & coactionis æquiparantur fugitivi Apostatis; non quoad quantitatem pœnæ; nam hæc imponenda est juxta modum delicti, seu quoad modum coactionis, quæ illis inferri potest ratione subjectionis, & jurisdictionis ejusdem. De qua potestate optime scribit Navar. comment. 3. de Reg. nu. 50. Eam confirmans non solum ex titulo jurisdictionis, sed etiam ex titulo dominii, ratione cujus potest dominus servum fugientem capere, vel rem propriam recuperare ubicumque illam invenerit, etiam juxta leges civiles; & hoc in specie multi Pontifices concesserunt religionibus, ut constat ex compendii privilegiorum, verb. *Apostata*, verb. *Fugitivus*. In quibus multæ aliæ facultates ad hanc causam pertinentes, & aliquæ aliæ pœnæ continentur, quæ ibi videri possunt; non indigent enim speciali declaratione. Solum adverte in aliquibus indultis, non tantum esse sermonem de Apostatis, sed de recedentibus a religione sine licentia Prælati, quæ videtur extendi etiam ad fugitivos, licet non sint proprie Apostatæ. Tale videtur esse privilegium concessum minoribus, ut recedentes a religione nisi post mandatum Superioris infra octo dies ad obedientiam religionis redeant, excommunicationem Pontifici reservatam incurrunt. Hæc enim facultas monendi, & præcipiendi reditum, veluti sub tali censura, non solum datur respectu Apostatarum, sed etiam respectu omnium fugitivorum.

Dubium 3. de obligatione Prælatorum ad revocandos Apostatas.

17 Sed inquirat aliquis (sicque tertia dubitatio, in hoc cap.) an supposita dicta Prælatorum potestate teneantur Prælati hujusmodi fugitivos inquirere, & cogere, ut ad sua monasteria redeant. Respondetur per se loquendo teneri, tum quia jure communi ita statutum est in cap. ult. de Regular. ubi Prælati præcipitur, ut annuatim quærant, & reduci studeant fugitivos suos, tum etiam, quia ex vi muneris, & officii sequitur hæc obligatio, quia tenetur Prælati, & bono communi religionis, & spirituali saluti talis subditi prospicere, & ad utrumque finem, necessaria est illa diligentia, & cura Prælatorum. Satisfacient autem, ut existimo, huic muneris, si juxta ortam occasionem, vel occasiones moralem diligentiam adhibuerint. Nam illa particularis circumstantia, de annali inquisitione, non videtur esse in usu, & vix potest moraliter esse necessaria, vel expectari; nam si Prælato constiterit nullum esse fugitivum, nihil est, quod quærat, si autem aliquis aufugit, non est expectandum tempus unius anni ad inquirendum illum, sed statim adhibenda est omnis diligentia, ut possit esse fructuosa. Quod si tunc capi non possit, non videtur necessarium singulis annis specialem inquisitionem facere, sed satis erit vigilare, & juxta occurrentes occasiones prudenti arbitrio moralem diligentiam adhibere.

18 Dixi autem per se loquendo, quia si talis est persona fugiens, ut experimento constet esse incorrigibilem, vel nocivam religioni, excusandus videtur Pastor ab onere quærendi tam morbidam ovem, quia bonum commune præferendum est privato; quod significavit S. Bonaventura de libro quæstionum circa regulam S. Francisci, quæst. 14. ubi loquens de tali Religioso, inquit, *si Deo permittente talis seipsum ejiceret, gratia sunt Deo agenda, non quia ille peccavit, sed quia oves suas a pestifera contagione liberavit: utinam abscindantur, qui vos conturbant, scilicet puritatem vestram, pacem, & famam*; & insinuat rationem, quia religio potest hujusmodi Religiosum perniciosum a se abjicere; ergo si ipse abeat non tenebitur eum requirere, & ita etiam sentit Sylvester verb. *Apostasia*, num. 10.

19 Addendum vero occurrit, etiam si talis sit Religiosus, ut postea ejiciendus sit, requirendum tamen esse, ut in pravo apostasiæ statu non permaneat, quia debet Prælati, quod in se est, & sine incommodo potest facere, ut illum liberet a statu damnationis; quamvis autem religio gaudeat de illius membri abscissione, tamen quia illicito modo facta est, ille Apostata manet semper in statu damnationis, donec a Prælato competente absolvatur & licencietur. Et quamvis ipse teneatur sibi consulere, & remedium procurare, tamen,

Sharez, Tom. XV.

quia dum est fugitivus, semper est suo cura & jurisdictione religionis, ideo etiam Prælati tenentur illi malo remedium adhibere, quod si id possit facere, absolutionem, & facultatem mittendo absenti, & prudenter judicet ita expedire, satisfaciet suo muneri, regulariter tamen loquendo existimo debere revocari, & propter apostasiam incarcerari, & puniri, juxta cap. *a nobis*, de Apostatis, quia ita etiam expedit ad exemplum aliorum, & quia forte vexatio dabit intellectum, & quamvis ejiciendus sit, forte illi proderit, ut extra religionem cautius vivat. Deinde potest talis reductio esse utilis, ut Religiosus ille audiat, an in ea religione, vel provincia habeat speciales causas suæ perditionis, & contumaciæ, atque ita remedium illi adhibeatur suæ fragilitati accommodatum quoad fieri possit. Nam & religiosa charitas & pastoralis cura totam hanc diligentiam videntur postulare.

Dubium 4. ad quem pertineant bona parva in apostasia.

20 Quarto dubitari potest de bonis acquisitis ab his Apostatis, dum in eo statu permanserunt, ad quem pertineant, quoad jus, & dominium; & consequenter cui reddi debeant, vel durante apostasia, vel recedendo ab illa, aut per mortem, aut per reditum ad religionem, aut per licentiam obveniam manendi in sæculo. Circa quod in primis distinguendum est de modo acquisitionis, aut enim talia bona sunt acquisita per injustitiam contra commutativam, ut per furtum, usuram, vel quamcumque negotiationem iniquam, vel sine injuria alicujus. In priori casu videtur clara responsio, nam bona illa obnoxia sunt restitutioni, ut per se constat; ergo propriis dominis restituenda sunt; hoc ergo certissimum est, quando certi sunt domini, ad quos jus talium bonorum spectat. Contingit autem dominos esse incertos, & occultos, & tunc, quamvis bona sint restituenda pauperibus, seu in pias causas, dubitari potest, an hoc fieri possit arbitrio ipsius apostatæ, vel debeat hoc suis Prælati committere, vel etiam an Camera Apostolica habeat jus aliquod ad talia bona: sed in hoc puncto suppono, non habere jus quamdiu vivit, qui ea lucratus est, sed solum post mortem ejus posse illa recuperare, juxta modum infra tractarum. Quod semper intelligendum est, deducto are alieno, habente certum dominum, ut est per se notum ex materia de justitia; pro incertis autem dominis bene potest Camera Apostolica substatui. Dum vero Pontifici non est acquisitum jus, non video præcisam obligationem in conscientia, ob quam non possit Apostata poenitens statim bona illa restituere erogando pauperibus prout sibi placuit intra laetudinem justitiæ, quia hoc non est contra votum paupertatis, & nullum aliud præceptum occurrit, cui repugnet; ergo. Probatur major, quia illa dispensatio, seu elargitio non est actus dominii, vel proprietatis, quia potius est alieni restitutio, unde non fit nomine proprio, sed nomine ipsius domini talium bonorum; nam ex voluntate illius interpretativa pauperibus erogantur. Adde vero posse Prælatum religionis, ex obedientia præcipere tali Apostatæ, ut in restitutione talium bonorum servet modum a se præscribendum, supponendo illum esse justum; probatur, quia illud præceptum non excedit materiam voti obedientiæ; cum sit de re honesta, & quæ multum potest conferre, & ad salutem, & ad perfectionem, ut ipsamet restitutio aliàs necessaria optime fiat. Secundo etiam in pœnam delicti apostasiæ, & injustæ acquisitionis potest Prælati hoc onus imponere subdito. Tunc ergo peccabit subditus contra obedientiam, si aliter faciat, tamen si faciat, videtur factum tenere, quia non est de bonis monasterii, nec contra paupertatem, existimo tamen posse Prælatum factum irritare juxta principia in superiori tomo posita.

21 Superest dicendum de bonis acquisitis sine injuria, quæ possunt esse in duplici differentia, quædam obventa sine turpi negotiatione, vel lucro, alia per modum prohibitum acquisita. De prioribus clarum est reddenda esse monasterio, vel religioni, juxta dispositionem Prælati, & jura Religionis, quia Religiosus nihil sibi acquirit, & per se loquendo, & ex vi status acquirit suæ religioni, ut supra eodem tomo probatum est,

2. Pronus. quoad bona alicui omnia. Quid quædo d. mi. ni igno. rentur.

2. Pronus. quoad bona licite acquisita.

est, & hoc jus religionis per nullum aliud impeditum est circa hæc bona; oporteret enim esse Pontificium jus, quod ostendi non potest. Teneatur ergo Apostata ad monasterium rediens, secum deferre hæc omnia bona, nec potest illa donare, vel superflue consumere, sed tantum necessariis uti. Quomodo autem hæc bona pertineant ad spolia Camera Apostolicæ, si Apostata extra claustrum ea lucretur, & ibi cum illis decedat, infra declarabimus. Dices: qui fieri potest, ut Apostata licite aliquid acquirat, cum in eo ipso contra paupertatem peccet? Responderetur, in primis dicitur *licite acquirere*, quantum est ex parte actionis, aut mediæ, per quod acquiritur, quia nimirum actio, per quam acquiritur, non est ei prohibita, neque indecens in statu religioso, ut si acquirat petendo elemosynam, vel acceptando liberalem donationem, vel recipiendo stipendium justum pro Missa, aut concione, &c. vel denique si laborando manibus suis in re honesta. Deinde, quamvis Religiosus nihil possit accipere sine licentia Prælati ratione paupertatis, non est necesse, ut Apostata semper peccet, cum dictis modis aliquid accipit sine licentia, quia est in statu, in quo est illi moraliter impossibilis talis licentia, cum tamen sit illi necessarium aliquid accipere. Et quamvis antecederet illa impossibilitas nata sit ex peccato, tamen postquam inest, excusare potest a novo peccato, ut per se constat. Quod si fortasse ille ex dissoluto animo peccet intendendo id accipere, ut proprium, vel contemnendo licentiam Prælati, illæ sunt circumstantiæ internæ magis quam externæ, & ideo illis non obstantibus bona illa reputantur honeste acquisita, scilicet ex se, & ex modo acquisitionis.

22 De aliis autem bonis turpiter & non iniuste acquisitis, certum est ex se non esse obnoxia restitutioni, siue illa turpitudine sit contra naturalem legem, ut si Monialis acquireret abutendo sua castitate, vel Monachus accipiendo pretium, ut actioni turpi cooperetur; siue sit tantum contra sacros canones, ut si lucrum fiat per negotiationem prohibitam personis Ecclesiasticis, non quia intrinsece mala sit, sed quia secularis est, & habet speciem mali, vel periculum peccandi adducit, vel quia indecens est, ut omnis mercatura, & negotiatio, militare, exercere officium forense, & similia. Ratio est, quia sola iniustitia obligat ad restitutionem, non autem alia turpitudine, quæ facit inæqualitatem in bonis acquisitis, juxta communem doctrinam 2. 2. q. 62. Hinc ergo fit, ut seculo jure positivo, talia bona etiam acquirantur monasterio, quia acquirerentur ipsimet Religioso, si esset capax; ergo loco illius succedit monasterium, nisi aliunde impediatur, quod & est consentaneum juri communi cap. *non dicatis*, cum gloss. 1. 2. quæst. 2. & cap. *cum olim*, 2. cum notatis ibi per Innoc. & alios de privilegiis. Atque ita expresse declaravit Paul. IV.

23 Solum ergo facit in hoc puncto difficultatem quædam constitutio Pii IV. quæ est quinta illius Pontificis, in summa constitutionum, & incipit, *Decens esse censemus*. In qua declarat pertinere ad Camera Apostolicam bona acquisita a Clericis in sacris, tam Regularibus, quam secularibus per illicitam negotiationem, vel alias contra sacros canones. Et Navar. in comm. de spoliis §. 7. nu. 3. 4. & 5. refert aliam constitutionem ejusdem Pontificis, quæ in margine notatur esse trigesima prima, & incipere, *Romanus Pontifex*. Sed eam non habet Summa Lugdunensis, habetur tamen in copiosiori Bullatio Romano, in quo prior est vigesima tertia in ordines & posterior, quod ad præsens attinet, non mutat difficultatem, quia in ea dicitur confirmare eandem applicationem illorum bonorum, solum quia eam limitat, ne locum habeat in Cardinalibus, neque in eis, qui ex legitima facultate Pontificis, testamentum condit, vel licentiam habet, ut ei ab intestato succedatur. Videretur ergo per illas constitutiones ablatum esse jus Monasterio ad talia bona, & translatum esse in Camera Apostolicam, & ita indistincte fateretur Navarrus ponens exemplum de quodam Religioso Apostata, qui in Indiis ad viginti millia Ducatorum negotiando acquisierat, quæ secundum antiquos canones ad religionem pertinebant. Juxta novum autem jus illius constitutionis dicit pertinuisse ad sedem Apostolicam, & ideo consulti Monasteriis, ut circa talia bona se componant cum Camera Apostolica, ut pos-

sent jure firmo illa petere, & nonnullas ampliationes, ac limitationes adhibere, quæ in eo videri possunt.

24 In quibus decretis duo mihi notanda occurrunt. Primum ibi tantum esse sermonem de Clericis, & ideo dubitari posse, an Religiosus conversus, seu laicus, veram professionem emittens, seu vota substantialia religionis ibi etiam comprehendatur? & ratio dubii esse potest, quia nomine *Clerici* venire solet aliquando qualibet persona Ecclesiastica, præsertim in favorem ejus: illa autem constitutio, cum sit favorabilis Camera Apostolicæ, licet sit aliis onerosa, videtur simpliciter inter favores computanda, & ita Navar. supra absolute loquitur de quocumque Religioso Apostata. Nihilominus videntur bona talis Apostatæ ad religionem pertinere. Probatur, quia talis Monachus non est Clericus, nec sub tali appellatione etiam late sumpta comprehendi solet, ut patet ex canone, *Si quis suadente*, & similibus, & ex titulo, ne Clerici, vel monachi. Confirmatur primo, quia constitutio non est favorabilis Clericis, imo est penalis, ut statim dicam; ergo ex ea parte non est amplianda, sed restringenda; ergo etiam si nomen *Clerici* posset ita ampliari, non esset ibi extendendum. Confirmatur secundo, quia illa constitutio non fit directe in tuitionem status religiosi, ut sic, sed Clericatus, & decetia ejus, ut constat ex illis verbis, *Per quosvis Clericos tam seculares, quam regulares, etiam in sacris ordinibus constitutos*, &c. Ergo licet laicus Monachus illicite negotietur, bona sic acquisita non adjudicantur Camera Apostolicæ, quia casus ille non pertinet ad intensionem hujus legis.

25 Unde obiter infert, licet Religiosus Apostata sit Clericus, & acquirat modo sibi illicito ratione sui peculiaris status, non tamen ratione clericatus, vel propter prohibitionem sacrorum canonum, bona illa non esse comprehensa sub illa constitutione, quæ tantum loquitur de bonis acquisitis per illicitam negotiationem, vel alias contra sacros canones. Illa autem acquisitio, ut supponimus, non fuit contra sacros canones, sed contra regulam, vel constitutiones religionis; nec potest dici negotiatio illicita, tum quia non est illicita Clerico, ut sic, ut etiam supponimus, & textus ille utpote penalis, cum hac formalitate videtur explicandus, tum etiam, quia Pontifex loquitur secundum jus commune. Unde non vocat simpliciter negotiationem illicitam, quæ ex peculiari instituto aliquibus prohibetur, si alias regulariter Ecclesiasticis personis licita est. Quæ omnia vera quidem videntur attentata sola constitutione Pii IV. Tamen juxta aliam constitutionem Gregor. XIII. plane dicendum est omnes regulares comprehendi modo infra explicando.

26 Secundo adverte ibi non simpliciter adjudicari hæc bona Camera Apostolicæ, sed in duobus casibus. Unus est per successionem, quasi hæreditariam post mortem, quando talis persona vel condit testamentum sine legitima facultate, vel licet haberet facultatem testandi intestata decedit, nisi in facultate esset expressum, ut ei ab intestato succederetur. Argumento legis, *ex imperfecto*, & legis hac *consultissima*, Cod. de testam. Secundus casus est, quoties talis persona privata fuerit illis bonis in vita sua. Circa quem dubitari potest primum, de quibus bonis loquatur Pontifex; quidam cum intelligunt solum de bonis, quæ relinquit Apostata extra claustrum decedens; nam hæc significatur nomine *spoliorum*, vel ea etiam bona, quæ post ejus mortem inventa fuerint extra religionem, ut sic dicam. Unde fit, ut si Apostata redeat ad religionem, bona non pertineant ad Camera, sed ad monasterium: ita Emm. Rodr. tom. 1. quæstionum regularium quæst. 30. art. 1. citans Navar. conf. 17. de statu Monachorum, sed ibi Navar. affirmat quidem in eo casu, quo Apostata decedit extra ipsam religionem, talia bona pertinere ad Camera Apostolicam, non tamen negat, extra illum casum non pertinere, & præterea ibi ad hoc non allegat constitutionem Pii IV. sed aliam Gregor. XIII. *Officii nostri*, quæ est 44. in Bullatio Romano majori, & 19. in minori, quæ directe facta est circa illum casum. Pius autem IV. videtur latius loqui, quia adjudicat Camera etiam illa bona, quibus Apostatæ privantur, dum vivunt. Unde licet verum sit hæc bona non

Didia esse
statutio
an proce-
dat de ac-
quisitis a
religioso
laico.

Eadem
negativa
respon-
sio procedit
etiam de
religioso
clerico, si
solum con-
tra regu-
lam ac-
quirat, &
non contra
canones.

Nec item
procedit
nisi in
duobus
casibus
præfata
constitutio.

3 Pronun-
tiatio boni
na illiciti
se, sed non
iniuste
parata.

Opponi-
tur con-
tra hoc
primum
constitu-
tio pro
Camera
Apost.

non numerari inter spolia, neque occupari a Collectore, seu Camerario Apostolico, usque ad mortem ejus, ad quem pertinent, tamen tunc non solum inter illa bona videntur computanda ea, quæ apud illum tempore mortis inveniuntur, sed etiam quælibet alia, quibus vivens privatus est.

27 Dicit ergo potest, omnia hujusmodi bona Apostata pertinere ad Sedem Apostolicam, ita tamen, ut vivente ipso Apostata hoc intelligendum sit ad modum legis pœnalis, ita ut tunc solum intelligantur hæc bona applicata Cameræ Apostolicæ, quando vivente tali persona, in pœnam illius privata fuerit, si autem ipsa propria sponte de illis disposuerit, non teneatur in conscientia illa reddere Cameræ Apostolicæ, quia nemo tenetur ad pœnam ante condemnationem. Poterit ergo ea in vita dare suæ religioni, & consequenter etiam religio, si ad se revocet personam, poterit etiam cum illa talia bona recuperare, nec poterit postea illis privari, quia iusto titulo illa usurpat, cum nondum essent Cameræ Apostolicæ adjudicata, nec etiam possunt dici fuisse confiscatæ, ut postea retrahatur sententia, quia in illa consideratione nullum est verbum confiscationis, neque aliud, ex quo id colligi possit. Quæ expositio & sententia probabilis videtur, quia cum constitutio illa privet religionem antiquo jure, videtur quoad fieri possit restringenda; illa autem restrictio videtur accommodata juri communis proprietate illius verbi, *privati fuerint*.

28 Sed obstat aliud verbum, quod statim subiungitur, *& eis destitui contigerit*. Nam illud verbum in rigore significat quamcumque abdicationem, seu derelictionem talium bonorum. Si quis autem recte consideret, Pontifex non dicit, si contigerit eos destituere talia bona, sic enim consideratio dicta haberet vim, sed passive dicit, si contingat destitui illis bonis, & ita idem significat, quod privati, & cum sit passivum, optime per modum pœnæ explicatur. Nihilominus interpretationem hanc non assero tamquam securam, sed aliis considerandam propono. Et præcipue observare oportet, quo sensu consuetudo interpretata fuerit hanc legem. Nam fortasse Camera Apostolica & jus, & usum habet exigendi, & recuperandi hæc bona, ubicumque illa invenerit post mortem talium personarum: si tamen illæ viventes ea donarunt, vel aliàs alienarunt, qui ea possident, fortasse non tenentur in conscientia ea reddere Cameræ, donec exigantur, propter rationem dictam. In Religioso vero Apostata oportet specialiter observare, quod si ea non tradat Cameræ Apostolicæ (id enim semper facere potest, se huic juri conformando) non potest suo arbitrio de istis disponere, quia repugnat voto paupertatis, sed tunc debet religioni ea donare, quæ poterit illa retinere saltem usque ad mortem Apostatæ. Post mortem autem ejus, si adhuc bona illa in individuo extant, & non censeantur consumpta in sustentationem ejus, magis dubia res est, an in conscientia pertineant ad Cameram Apostolicam, etiam si ab ipsa non exigantur; tum quia Pius IV. non loquitur tantum de Apostatis, sed de omnibus Clericis per illicitam negotiationem, vel contra sacros canones lucrantibus aliqua bona. Constat autem, quod licet secularis clericus, postquam lucratus est aliqua bona hujusmodi, cesserit a tali negotiatione, & convertat illa bona in utilitatem Ecclesiæ suæ usque ad mortem, nihilominus post ejus obitum pertinere ad Cameram Apostolicam; ergo idem erit cum proportionem in Apostata Regulari, etiam si dum vivit illis bonis fruatur monasterium; tum etiam, quia Gregor. XIII. dicit Cameram Apostolicam habere vices, & nomen veri hæredis in hujusmodi bonis, & in ea dominium, ac possessionem eorum nulla traditione præcedente transire; est ergo optimum Navarri consilium, ut de his bonis semper compositio fiat cum Camera Apostolica.

29 Sed est advertenda differentia inter Gregor. XIII. & Pium IV. Nam hic tantum loquitur de bonis per negotiationem illicitam, vel contra canones acquisitis: Gregorius autem absolute loquitur de omnibus acquisitis extra claustra in apostasia, quocumque modo acquirantur, & ibi fere enumerat omnes modos in specie, qui per se aliàs prohibiti non sunt. Et ideo quantum

ad successionem post mortem Apostatæ extra claustra morientis videtur hoc extendendum ad omnia ejus bona, quocumque modo illa acquisiverit ex vi constitutionis Gregorii. Ac vero si Apostata ad claustrum redeat ante mortem, non habet in illo locum illa constitutio, & ideo quoad bona licite acquisita procedit regula superius posita; quoad bona autem illicite comparata videtur semper habere locum constitutio Pii IV. quamvis res sit incerta, ut dixi.

30 Imo etiam ex vi illius constitutionis dubitari potest, an Religiosus non Apostata, sed sub obedientia suorum Prælatorum vivens, si aliquid acquisivit per illicitam negotiationem, vel per modum a sacris Canonibus prohibitum, an illud in morte ejus pertineat ad spolia Pontificis, si in propria specie extet, ut in pretiosis mobilibus, vel copiosa pecunia, &c. Et ratio dubii est, quia Pius IV. non loquitur de Apostatis, sed in universum de Clericis illicite lucrantibus, sive secularibus, sive Regularibus, & sane in secularibus indistincte id accipimus, etiam si Apostatæ non sint; ergo eodem modo intelligendum est in regularibus; est enim eadem ratio, nimirum, quod ubi lex non distinguit, nec nos distinguere valeamus, quando nec ratio, nec jus aliud cogit. Adde præterea Gregor. XIII. etiam non loqui de solis Apostatis, sed de omnibus Religiosis extra claustra degentibus, etiam de licentia legitima suorum Prælatorum, & velle, ut bona ibi ab eis lucrata ad spolia Pontificia pertineant, saltem si apud eos tempore mortis extra eadem claustra inveniantur; ergo a fortiori constitutio Pii IV. ad non Apostatas extendenda est. Observandæ autem sunt multæ differentię. Prima, quod Pius solum loquitur de clericis; Gregorius simpliciter de Regularibus. Secunda, quod Pius solum loquitur de bonis illicite acquisitis; Gregorius simpliciter de acquisitis. Tertia, quod Pius loquitur de bonis, sive usque ad mortem retentis, sive in vita ablatis; Gregorius autem videtur solum loqui de bonis usque ad mortem possessis, & hæc tres differentię a nobis jam explicatæ sunt. Quarta addi potest, quia Gregorius solum loquitur de bonis acquisitis extra claustrum; Pius autem non adhibet hanc limitationem, & ideo dubitari ulterius potest, an bona illicite acquisita a Clerico regulari, etiam in claustro assilente, pertineant ad spolia post mortem ejus, ubicumque inventa fuerint; & ratio dubii est, quia Pontifex indistincte loquitur; ergo ita est a nobis intelligendus propter rationem supra factam. Item, quia Gregorius noluit indistincte id statuere, vel intelligere, cum limitatione loquutus est; ergo e converso Pius sine limitatione loquens, indistincte, & sine limitatione voluit intelligi. Præterea habet hoc probabilem congruentiam, quia Pius, ut dixi, non loquitur indistincte, ut Gregorius, de bonis acquisitis, sed tantum de illicite paratis, & ideo merito loqui potuit etiam de regulari sic lucrante intra claustrum, quia illa culpa, & indecentia, quam in ea lege maxime respexit Pontifex, in totum monasterium, & Prælatum ejus redundat, quando Religiosus ejus, præsertim clericus, vel illicite negotiatur, vel contra sacros canones lucratur; videntur ergo sane hæc bona prædicta constitutione comprehendendi, saltem cum dicta limitatione legis pœnalis, ut scilicet possint a Pontificio collectore recuperari modo explicato.

CAPUT III.

De culpa, obligatione, ac pœna cooperantium modo aliquo ad alterius apostasiam.

I **U**ltimo circa hanc materiam de religiosis fugitivis dubitari potest, quid peccent, vel quam obligationem, aut pœnam incurrant, qui hujusmodi Apostatis cooperantur, vel illis auxilium præbent, aut favorem, eos recipiendo, defendendo, &c. In quo possumus considerare, vel jus tantum naturale divinum, vel jus Ecclesiasticum. Priori modo dicendum est, hujusmodi cooperatores peccare graviter ex genere suo contra divinum, & naturale jus, quia cooperantur ad rem intrinsece malam, sacrilegam, & injustam. Dux autem difficultates circa hoc occurrunt.

L 2

Prima

Quid de bonis illicite paratis a religioso non Apostata.

Authoris responsio probabilis.

Quæ bona viventis Apostatæ spectant ad Cameram Apostolicam, opinio quorundam.

Obstatulum remouetur.

Varia diff. criminum inter Pontificum decreta circa bona Apostatarum addenda.

Prima est, quando aliquis censetur cooperari huic peccato, in qua dicendum est duos esse modos generales huius cooperationis, scilicet positivum, & negativum, & in utroque esse varios gradus. Primus & maximus positivæ cooperationis est, inducere, & excitare Religiosum ad exitum, vel fugam, nam hoc non solum est cooperari, sed etiam quodammodo principaliter operari, & esse primum auctorem ipsius apostasiæ. Secundus est, consilium dare petenti, & approbare similem deliberationem, nam hoc præter moralem cooperationem est perniciosè decipere proximum in re gravi. Tertius est adjuvare ad ipsummet iniquum exitum, vel fugam, vel aperiendo januas, aut tollendo alia impedimenta, vel certe alijs modis auxilium præbendo ad illa superanda. Quartus esse potest post exitum recipiendo, occultando, aut defendendo Apostatam. In quo oportet advertere hunc non esse concursus ad proprium peccatum apostasiæ, quod in ipso prayo exitu committitur; quia vero Apostata non solum peccat exeundo, sed etiam permanendo in sæculo, seu non redeundo ad claustrum, ideo isti receptatores, &c. in tantum peccare possunt, in quantum cooperantur huic detentioni, vel sunt in causa, ne huiusmodi Apostata statim ad suam religionem redeant.

2. Quapropter si amicus, vel consanguineus recipiat huiusmodi Apostatam in domo sua, vel præbeat ei necessaria ad vitam, solum quia amicus, vel consanguineus est, & alio modo non cooperetur suæ detentioni, non videtur cooperari peccato ejus, quia nullo modo causat illum, sed solum naturam sustentat: si autem illi præbeat instrumenta necessaria ad fugam, ut equum, aut pecunias, videtur sane cooperari peccato ejus. Nam si sciret illum ire ad occidendum hominem, & præberet illi equum, sine dubio cooperaretur, & in universum daret instrumentum necessarium ad opus: est magnus concursus ad illud. Nec refert, quod talis res, & præsertim pecunia de se sit indifferens ad alios usus; nam res moraliter consideranda est, prout hic, & nunc constat esse moraliter determinatam ad pravum usum. Idem erit, si per vim determinatur, ne a Prelato religionis, vel ministris ejus capiatur, quia est defensio injusta, & quædam veluti apostasiæ conservatio. De occultatione vero non est omnino idem, si secludatur positiva vis, aut injusta deceptio, quia, quod reliquum est, solum videtur esse negativum, ut non prodere Apostatam, vel non cogere illum, ut domo exeat, vel certe habere clausam januam domus, vel cubiculi, quamquam in hoc jam videatur esse positivus concursus, quod magis moraliter, quam physice prudenter spectandum est, juxta occurrentes circumstantias, & præsertim ex intentione; nam si id fiat, ut Apostata liber evadat, & vagetur, plane est cooperatio; si autem fiat solum ad tuendum honorem ejus, ut cum minori dedecore, ac tæna reducatur ad monasterium, in interiori foro, ut opinor, excusabitur a cooperatione, quamvis in exteriori præsumatur cooperari.

3. Negative dicimus cooperari illum, qui cum possit impedire Apostatæ exitum, vel commorationem in seculo, id facere negligit; necessarium autem est, ut in eo supponatur obligatio, alias non delinquet: nam omissio non imputatur, nisi supposita obligatione: hæc autem obligatio duplex in præsentem esse potest, una charitatis, alia officii, quæ ad justitiam pertinet. Prior non sufficit ad propriam cooperationem, neque ad incurrendam propriam malitiam apostasiæ, quia illud solum est peccatum contra charitatem, vel misericordiam. At vero posterior obligatio censetur sufficere ad positivam cooperationem, quia ille infert injuriam religioni, non impediendo tale peccatum, & ideo illi imputatur nocumentum inde proveniens religioni, ac si positive illud inferret, & ideo censetur moraliter cooperari. Et quamvis possit speculative controversari, an ille proprie participet malitiam apostasiæ, quia non videtur in ea negligentia peccare contra votum, vel contra virtutem religionis, tamen & certum est peccare concurrente moraliter ad nocumentum religioni illatum, ac prout contra justitiam; & probabilius est peccare contra virtutem religionis, quatenus illud nocumentum est rei factæ, & contra personam sacram, imo etiam dici potest contra votum, non quod habet Prelatus,

v.g. negligens sic delinquens, sed quod habet subditus, & ipse tenetur ex justitia illatum custodire.

4. Altera vero difficultas est, an huiusmodi cooperator teneatur ad aliud, quam ad restitutionem non quidem respectu Apostatæ, quia scienti, & volenti non fit injuria; sed respectu religionis, quæ grave nocumentum patitur, dum privatur persona, in quam habet dominium, & jus, & consequenter obsequiis, vel utilitatibus ejus, cujus nocumentum huiusmodi cooperator causa est, & maxime si fuit excitator & induktor. Unde consequenter videtur teneri ad restitutionem. Quod non solum de inducente ad exitum cum, qui jam professus est, sed etiam de impediente, vel consulente alicui, ne ingreditur, vel profiteatur religionem, affirmat Scorius in 4. d. 25. & ibi Major q. 17. §. Quia hic, Palud. q. 2. art. 2. & ibi Gabr. q. 17. artic. 3. dub. 1. Richard. art. 5. q. 4. ad 8. D. Anton. 3. p. tit. 11. c. 2. §. 1. Sylvest. verb. *Restitutio*, 3. q. 1. ubi dicit esse opinionem non solum Richardi, & Scori, sed etiam S. Thom. locum tamen non adducit, nec existimo S. Thomam alicubi hoc in particulari dixisse. Refert etiam in hac sententiam Archidiaconum, Summam Anglicanæ, Rosellam, & alios. Ratio huius sententiæ est, quia ille, qui causam damni dat, damnum dedisse videtur, ut ait regula juris: qui autem infert damnum, tenetur illud restituere; ergo in præsentem nascitur obligatio ad restitutionem respectu religionis propter damnum datum. De modo autem restitutionis dicitur in primis debere exhortari Apostatam, ut redeat, quod si obtinere non possit, alium quærere debere, qui ingredi velit, & locum Apostatæ supplere, quod si non inveniat ipsum teneri ingredi religionem, ut per se ipsum reddat æquivalens religioni, cum non possit idem. Quod etiam sentit Adrianus in 4. quæst. 3. in fine, & quodlib. 12. & Navar. c. 12. n. 44. c. 17. n. 11. & 14.

5. Sed hæc sententiæ absolute probari non potest, & ideo distinguamus modum cooperationis, seu causalitatis, an fuerit per vim, vel fraudem, aut solum per inductionem, & preces; alii etiam distinguunt intentionem, an scilicet factum fuerit ad nocendum religioni, vel ob alias rationes humanas. Sed ad obligationem restitutionis parum refert intentio, & ideo distinctio illa necessaria non est. Dico ergo primo, qui religiosum apostatare facit, in nullo casu tenetur religionem ingredi, ut locum alterius suppleat. Quod intelligo etiam si vis, vel fraus intervenit, & aliter reparari possit damnum: ita tenet Major supra, & Soto lib. 4. de justitia quæst. 6. art. 3. Navar. cap. 12. n. 44. Ledesm. 2. 4. q. 18. artic. 2. dub. 1. Probatum primo, quia ingressus religionis est opus adeo difficile, & supererogationis, ut nemo sit cogendus ad restituendum, cum tanto onere. Secundo, quia si quis alienum servum ad fugam incitavit, licet teneatur illum restituere, non tamen tenetur se pro illo in servitutem dare, ut illum restituat, etiam si aliter non possit, quia præceptum restituendi non obligat cum tanto detrimento. Tertio, qui occidit Religiosum, non tenetur ingredi religionem pro illo, ut videtur manifestum ex communi usu, & estimatione; ergo a fortiori, &c. Et hoc magis ex sequentibus constabit.

6. Dico secundo, non tenetur quis quærere alium, qui loco Apostatæ velit religionem ingredi: ita tenent Sor. & Ledesm. & potest probari applicando rationes factas, & præterea, quia ingressus religionis non debet fieri propter hunc finem, imo per se non fit propter commodum religionis, sed propter spirituale bonum ipsius Religiosi; ergo nec justitia per se obligat ad compensandam hoc modo fugam alterius. Et confirmatur, quia non esset prudens consilium inducere aliquem ad ingressum religionis principaliter ob eum finem, ut suppleat absentiam alterius. Dices: esto prius debeat considerari, an expediat ingressuro, & an factus voluntarie id faciat, tamen si servatis his circumstantiis potest quis suo consilio, vel alio auxilio juvare illum ad ingressum, tenebitur id facere in recompensationem apostasiæ alterius. Respondeo optime quidem facturum, si id faciat, & ita esse consulendum, tamen in rigore ex vi restitutionis non teneri, quia nemo tenetur restituere de alienis bonis, etiam petendo consensum a domino. Nam si ego teneor restituere mille aureos,

quos

Varij gradus positivæ cooperationis ad apostasiam explicantur.

Quæ receptio Apostatæ fit, aut non sit cooperatio.

Quæ est occultatio ejusdem.

Explicatur alia cooperatio negativa.

Alia difficultas. Ad quam restitutionem non tenetur cooperator apostasiæ.

1. Assertio, negans cooperationem in aliquo casu obligari, ut ipse pro altero iagrediatur.

2. Assertio, nec obligari quærere qui pro se ingrediatur.

quos non habeo, non teneor petere ab alio, ut pro me restituat, & in exemplo de servo supra posito non teneor procurare, ut alius se donet in servum pro altero, quem fecit fugere, & sic de aliis, præsertim, quia hic alia specialis ratio intercedit, ut jam exponam.

7 Dico ergo tertio, in dicto casu non tenetur quis aliquid restituere religioni pro sola carentia talis personæ, quando ipsammet restituere non potest. Dico, sola, ut excludam alia damna, vel carentiam lucri, de quibus statim dicam. Probat primo ratione generali, quia hoc damnum est ex his, seu in his bonis, quæ in eodem genere restitui non possunt, neque est obligatio compensandi illa in bonis inferioris ordinis. Declaratur exemplo de homicidio; nam qui patrem alicujus interfecit, non tenetur præcise pro vita, vel carentia patris, aut mariti aliquid in conscientia restituere, quia non est damnum ab homine reparabile, sed solum tenetur ad alia nocumenta, quæ inde sequuntur. Idem est in exemplo supra posito de interficiendo Religioso, item de abscindente manum alterius, &c. Secundo est hic specialis ratio, quia Religiosus non est ita sub dominio religionis, sicut servus, nam, ut supra dictum est, servus principaliter est propter utilitatem domini; Religiosus autem non ita est in religione propter ejus utilitatem, præsertim temporalem, sed propter suammet spirituales perfectionem, & ideo carentia Religiosi præcise spectata non est proprium nocumentum religionis, quod ab homine restituendum sit, nam præcindendo emolumenta temporalia, quæ ex tali persona possunt provenire religioni, sola ejus præsentia, & societas, non potest reputari damnum factum religioni in propriis bonis, ex quo obligatio restituendi nascatur, sed est veluti damnum proveniens uni amico ex absentia alterius. Quod si inde cessat religioni aliquod spirituale commodum, etiam illud est ab homine irreparabile, neque cadit sub humanam restitutionem, nisi fortasse modo statim explicando.

8 Dico quarto, si quis per vim, vel fraudem Religiosum professum religioni eripiat, tenetur in primis cessare a vi, vel deceptionem auferre, ut Religiosus religioni se restituat. Si autem hic effectus non sequatur, non tenetur ad aliam restitutionem ratione personæ; si tamen monasterium amisit aliqua temporalia lucra propter absentiam Religiosi, tenebitur illa restituere monasterio. Probo singula, nam in primis violentia est contra justitiam; ergo si illa durat, durat etiam peccatum contra justitiam; ergo sicut est obligatio cessandi a peccato, ita etiam est obligatio cessandi ad hujusmodi vi. Unde si coactio semel facta est, & Religiosus postquam est per vim extractus, in sua libertate omnino relinquitur, cessat consequenter hæc obligatio. Quæri autem potest, an teneatur ille qui per vim extraxit Religiosum per similem vim eum ad monasterium reducere, videtur enim teneri, quia non debet esse aliquis minus efficax in restituendo, quam in auferendo. Nihilominus dicendum est non teneri, imo nec propria auctoritate posse id facere, quia nemo potest privata auctoritate personæ liberæ vim inferre: Religiosus autem est liber, ut possit redire, & non redire; ergo non potest cogi ab aliquo privata auctoritate. Confirmatur, quia si sua voluntate exiisset, non posset ab alio cogi ad restitutum, ergo licet fuerit ereptus per vim, si postea sua voluntate vult extra manere, non potest cogi, ut redeat. Pater consequentia, quia prior injuria non dedit eripienti potestatem, aut jurisdictionem ad talem actum. Dices saltem posse illam vim & coactionem inferre auctoritate ipsius religionis, illa scilicet petente, aut consentiente, ut illum ad se per vim reducat; ergo tunc tenebitur id facere si valeat. Respondeo, difficile est tantam obligationem imponere, quia illud munus est valde odiosum, & periculosum, & quodammodo vile, quando non fit per propriam jurisdictionem, sed tantum a ministro alterius, & ideo licet tunc possit licite fieri, & consulendum sit quando sine incommodo potest, non existimo tamen pertinere ad obligationem restitutionis, quia est medium valde remotum, ac violentum, magisque pertinet ad punitionem delicti, vel ad remedium ipsiusmet Religiosi, quam ad restitutionem, quæ religioni fiat: nam hujusmodi coacta reductio potius solet esse onerosa Religioni.

Suarez Tom. XV.

9 Secunda pars de fraude communis est in omni materia, præsertim morali, vel pertinente ad salutem animæ, in qua unus ab alio decipitur; tenetur enim ille ad restitutionem faciendam, non minus in nocumento spirituali, quam in corporalibus, ut recte docuit Cajetan. in summa cap. 7. verb. *Restitutio*, & omnes doctores citati. Et ratio est, quia illud est grave nocumentum, & fit alteri contra ejus voluntatem, quia ipsemet deceptio causat involuntarium; ergo est actio injuriosa, quæ de se patit restitutionem. Prima autem restitutio in hoc damno est deceptionem auferre, plane confitendo, & admonendo personam, quod a se decepta fuerit, vel quod suum consilium fuerit erroneum. Unde talis obligatio (sicut & præcedens) tam est respectu ipsius Religiosi, quam respectu religionis; illius, quia ei immediate est facta injuria, & nocumentum illatum; ipsa enim deceptio ipsius Religiosi decepti magnum damnum est: hujus vero, quia etiam ipsa religio, per illud medium passa est injuriam.

10 Ex quo ulterius inferitur, teneri hujusmodi deceptorem respectu ipsius Religiosi, ad restituendum ei omnia damna, quæ ob eam causam passus est, & involuntarie patitur, etiam postquam deceptio sublata est. Hæc illatio potest intelligi, vel de spiritualibus damnis, vel de temporalibus. De prioribus non est ita certa quoad obligationem justitiæ, quia talia nocumenta, nec sequuntur ex absoluta necessitate extrinseca sine proprio consensu, & voluntate ipsius hominis, nec reparari possunt, aut compensari per aliquid, quod ab homine restitui possit. Dices saltem posse procurari per aliqua media, ut sunt orationes, exhortationes, consilia, &c. Tenebitur ergo ille qui decipit, vel vim intulit, non solum vim, & tenebras auferre, sed etiam orare pro alio, vel exhortari illum, ac denique quod in se est facere, ut ad pristinum statum spirituales redeat. Item inter spiritualia bona computari potest ipsemet quietus & pacificus status religiosus, a quo alterum deturbavit; & sic etiam tenetur facere, quod in se est, ut restituatur ad illum statum, vel ex parte ipsius consulendo, & admonendo, vel ex parte religionis excusando illum, & procurando, ut admittatur ad eandem vitam sicut antea erat.

11 Respondetur ad priorem partem generalem esse questionem, scilicet an qui alium ad peccandum induxit, ad illa omnia damna præstet fortasse secuta teneatur ex justitia, & quamvis multi auctores in nu. 4. citati ita censent; verior tamen sententia est non teneri ex justitia, sed ex charitate obligati posse, & fortasse speciali titulo ratione prioris nocumenti, vel strictiori obligatione secundum ordinem charitatis; quod tenent Sylvest. Sor. & Ledesma supra, & Corduba in summa, quæst. 172. & Navar. cap. 14. nu. 45. & in cap. noli, de pœnit. d. 1. & ratio est, quia sicut injuria solum est in damno, quod invito inferitur; ita restitutio ex justitia obligatione solum est, usque ad tollendum damnum, quod alter patitur invito: nam cætera, quæ pendent ex arbitrio ejus, ab eo fieri possunt, eo ipso, quod vis vel deceptio tollitur; ideoque non est necesse, ut ab alio procurantur. Imo eo ipso, quod ipse liber, & instructus de veritate non vult redire, & virtute remittit priorem injuriam, & incipit sibi esse auctor sui nocumenti. Ad alteram vero partem responderetur admittendo omnia, quantum ad ea, quæ non pendent ex arbitrio ipsius Apostatæ, sed ex parte religionis, quod ex sequenti puncto magis patebit, nam illa restitutio directa magis pertinet ad temporalia nocumenta, licet per quandam relationem dicantur spiritualia, quatenus possunt spiritualia bona impedire.

12 De posterioribus ergo, seu temporalibus bonis obligatio est manifesta ex consensu omnium Doctorum, quos citavi, & ex contrario fundamento, quia nocumenta his bonis contraria inferuntur invito, & ad ea tollenda ac reparanda non sufficit, auferre vim, vel deceptionem; ergo manet obligatio restituendi illa. Hujusmodi est, v. g. infamia, quam fortasse incurrit talis Religiosus: nam tenetur alter, vel omnino illam auferre, si potest, demonstrando illum non voluntate sua, sed per vim fuisse a clauistro eductum; vel certe minuire dicendo illum fuisse deceptum, &c. Aliud damnum est amissio honoris, & sui gradus in religione

Proxima
p. obli-
gatione
confer-
entia
partem
alterius
nis de ob-
ligatione
ad spiri-
tualia da-
na, non
tamen ex
justitia.

Proxima
p. obli-
gatione
confer-
entia
partem
alterius
nis de ob-
ligatione
ad spiri-
tualia da-
na, non
tamen ex
justitia.

De obli-
gatione
quoad
damna te-
poralia.

sua, & quædam inhabilitas, quæ inde relinquitur ad honores, vel ministeria religionis. Tenetur ergo huiusmodi malefactor procurare, vel hæc omnia incommoda vel nulla, vel minima sint. Pro his autem, quæ evitare non potuerit, aliam satisfactionem facere non tenetur, quia non potest, neque illa talia sunt, ut in bonis alterius ordinis restitui ex iustitia debeant. Aliud damnum erit, si Religiosus ob eam causam fecit temporales sumptus, quorum est debitor, vel si amisit, v. g. libros, aut alias res similes, tenebitur enim deceptor omnia huiusmodi refarcire. Denique maximum nocumentum est, si religio nolit illum recipere, sed a se illum expellat, tunc autem tenebitur deceptor illum alere, & de temporalibus providere, saltem donec habeat unde commodè sustentari possit, quia per gravem injuriam & fraudem privavit illum etiam hoc temporali commodo, quod est maxime advertendum pro his Religiosis Societatis, qui tantum per vota simplicia incorporati sunt, ad quos expellendos maiorem libertatem habet religio, & pro illis tota hæc doctrina communis est.

Hang obligatione esse ex iustitia probatur.

13. Atque ex his facile intelligitur, & probatur reliqua pars quartæ assertionis: nam si deceptor errorem abstulit, vel contrarium consilium dedit, & alter redire nolit, non potest aliter personam ipsam restituere religioni, & ideo præcise ex hoc capite ad nihil amplius tenetur, juxta dicta in tribus primis assertionibus. Si autem persona illa erat utilis religioni in temporalibus, quibus religio ob eam causam privata est, tenebitur, qui causam dedit per vim vel deceptionem, ad restituendum, quia per manifestam injuriam fuit causa illius nocumenti, seu carentiæ lucris certi, quod perinde reputatur; sicut qui per vim vel deceptionem impedit pauperem ne certam elemosynam obtineat; ergo similiter in præsentī: Hoc autem intelligendum est quando vis inferitur ipsi Religioso, nam si soli religioni inferatur forrasse aliud dicendum est, ut statim dicam. Est etiam hoc intelligendum de nocumento, quod passa est religio eo tempore, quo Religiosus per vim, vel fraudem, extra illam detentus est. Nam de illo tempore efficaciter procedit ratio facta, at vero si ablata vi aut errore, & Religioso volente redire religio nolit illum acceptare, ex tunc cessat obligatio restituendi religioni lucra, quibus deinceps privatur, quia jam illis non privatur invita. An vero idem dicendum sit, si religiosus ipse admonitus, & suæ libertati relictus nolit redire, patet ex sequenti assertionē.

g. Assertio probatur.

14. Dico ergo quinto, qui sine vi & fraude inducit Religiosum ad apostasiam, nihil illi postea restituere tenetur, nec religioni, ex iustitia, ita sentiunt Ledesm. Sor. & alii, & tandem videtur consentire Navar. Et ratio prioris partis est, quia illa inductio respectu religionis non est actio contra iustitiam, sed contra charitatem tantum, ex huiusmodi autem culpa non nascitur obligatio restituendi, ut supponimus cum D. Thom. secunda secundæ, quæst. 62. & communi sententia; ergo. Major patet ex verbis assertionis, nam sub vi includimus omnem actionem injuriosam, per quam metus gravis, vel alicujus momenti incutitur; sub deceptione vero omnes falsas promissiones, vel consilia erronea, his autem seclusis, scienti, & volenti non fit injuria. Respectu vero religionis non habet locum hæc ratio, quia illa revera injuria fit, quia inducere alium ad faciendam injuriam injuria est, ipsamet autem actio apostatandi injuria est religioni; ergo inductio ad illam non fit sine injuria religionis.

15. Nihilominus probatur assertio; nam ex illa injuria duo damna oriuntur, vel oriri possunt, quæ postulant recompensationem: unum est separatio illius personæ, quæ est quasi abscissio unius membri; aliud est privatio utilitatum, seu emolumentorum temporalium quæ talis persona possit afferre suo monasterio. Primum ex his nocumentis tale est, ut non possit restitui nisi ab ipsomet Religioso, qui voluntarie redire debet, & ideo alter qui illum induxit excusatur propter impotentiam, nec tenetur reddere æquivalens, ut supra n. 7. probavi. Unde ad summum posset obligari ad inducendum rationibus Apostatam, vel rogando ut redeat, & securius erit ita facere, & forte frequenter erit necessarium, vel ad retractandum prævum consilium, vel ad relinquendum alium in plena libertate sua, ne forte exi-

rimet eum, qui se induxit, adhuc permanere in sententia, & voluntate sua, & ideo non audeat ipse mutare etiam consilium. Per se autem loquendo solum tenetur ad tollendam omnino priorem inductionem, & ut ita dicam, omne semen ejus; nam eo ipso alter manet liber ad reditum, & cum aliis ad illum sit obligatus, ipsamet obligatione sua satis movetur, & conscientia impellitur ut redeat, & ideo in rigore iustitiæ non videtur alter teneri ad aliam inductionem, juxta generalem etiam doctrinam supra tactam de præbente scandalum, vel inducente ad malum.

16. Aliud nocumentum de cessatione lucris non censetur esse propria injuria religionis, & ideo ex illa non nascitur obligatio ad restitutionem. Antecedens declaratur, & probatur, quia Religiosus non tenetur ex iustitia lucrari aliquid religioni, sed solum obligari potest ex charitate, vel obedientia; quamvis enim dicatur esse sub dominio religionis, non tamen eo modo, quo servus. Nam servus est ad utilitatem domini, sicut equus, & ideo ex iustitia tenetur esse utilis domino in temporalibus commodis, ac proinde qui servum inducit ad fugam, tenetur domino restituere lucrum cessans, leg. l. ff. de servo corrupto, & leg. qui servo, ff. de furtis, & sumitur ex cap. si servus, 54. d. Religiosus autem non est propter utilitatem, præsertim temporalem monasterii, & ideo non tenetur ex iustitia ad lucrandum illi; ergo nec monasterium habet jus iustitiæ ad talia lucra, nisi supposita voluntate, & operibus ipsius Religiosi. Nam si lucratur, religioni lucratur; si tamen lucrari nolit, non facit injuriam religioni contra iustitiam commutativam; ergo qui illum inducit ad non lucrandum ex hoc capite non peccat contra iustitiam commutativam, nec tenetur restituere, sicut qui inducit restatorem sine vi, aut fraude, ut legatum, vel hereditatem non relinquat Petro, non peccat contra iustitiam, nec tenetur restituere, solum quia alter non tenebatur ex iustitia dare, & consequenter Petrus non habebat jus iustitiæ ad talem rem; ergo ita est in præsentī; nam qui inducit alterum ad apostasiam, mediate inducit eum ut nolit lucrari monasterio, & hoc secundum non est injuria; ergo ex illa inductione, ut cadit in hanc partem, non oritur obligatio restituendi. Et confirmatur, nam ipsemet Religiosus Apostata non tenetur ex iustitia restituere monasterio emolumenta, quibus caruit propter absentiam ejus; ergo neque inducitor tenebitur, quia solum redundare posset in hunc obligatio ex læsione alterius. Dicunt aliqui Religiosum etiam per se teneri, sed excusari, quia non potest, & ideo redundare obligationem in alium. Sed certe illud prius, nec fundari potest, nec verisimile est, aliàs Religiosus doctus, qui nollit, verbi gratia, legere Cathedralam, ex qua monasterio provenirent copiosi redditus, teneretur per se de iustitia commutativa ad restituendos illos, ita si fiat Episcopus, vel alia quacumque via, possit restituere, obligetur id facere, quod incredibile est, & inusitatum, & præter intentionem primariam status religiosi, qui non ordinatur ad emolumentum temporale, sicut status servi.

17. Sed obijciunt contra hanc assertionis partem; nam interdum oritur obligatio restituendi carentiam lucris dependentis ex voluntate alterius sine debito iustitiæ, ut qui detinet pauperem ne petat elemosynam, tenetur illam restituere, quamvis elemosyna non deberetur ex iustitia, sed liberaliter esset conferenda. Item, quia aliàs etiam si quis extraheret Religiosum a religione per vim, vel fraudem, non teneretur calucria religioni reddere, quia etiam tunc religio non habebat jus iustitiæ ad illa. Ad priorem partem respondetur, non esse similem rationem, quia pauper habet proprium jus, ad actum petendi elemosynam, quo actu injuste privatur per violentam detentionem, aut deceptionem; ille autem actus tanti æstimabilis est, quantum est commodum, quod cum morali certitudine ex illo reportari solet, & ideo tunc non obstat, quod lucrum pendeat ex voluntate alterius, quia de voluntate illa moraliter constat: si autem contingeret mutari voluntatem eorum, qui daturi sunt elemosynam, & hæc etiam mutatio certo cognita esset, cessaret etiam obligatio restituendi illud emolumentum. Ita est autem in præsentī, nam mutatur voluntas ipsius

Obiectio bimembris contra probatam in nu. præced.

ipſius Religioſi, ſine qua non habet monaſterium juſtitiæ ad illud lucrum, & ideo ceſſat obligatio reſtituendi illud. Et hinc patet reſponſio ad alteram partem; nam eſt etiam ratio diſſimilis, quia quando Religioſo inferitur vis, vel fraus, tunc non deſt ejus voluntas ad obſequia & lucra religionis, & ideo injuria, quæ fit religioni, privando eam tali perſona, æſtimatur etiam ſecundum lucra, & emolumenta, quæ ex tali perſona illi provenirent, quia ille nunquam cenſetur mutare voluntatem, quia vis, & fraus tollit voluntarium: quando autem Religioſus ſolum inducitur, ipſe mutat voluntatem ſuam, & per illam deſinit eſſe utilis religioni, quoad illa lucra temporalia; ideoque carentia talis perſonæ jam non æſtimatur per reſpectum ad illa lucra, quia ipſam perſona non habet voluntatem acquirendi illa, & aliunde, non habere illam voluntatem, non eſt ſimpliciter contra juſtitiam reſpectu religionis, ut declaratum eſt.

18 Dices; ergo etiam ſi Religioſus extrahatur per vim, factam religioni, & non Religioſo, non ſequetur obligatio ad reſtituendum, quod videtur contra dicta in præcedenti aſſertione nu.8. Explicatur ſequela. Si Religioſus habeat voluntatem fugiendi, & religio ei reſiſtat, eumque diligenter cuſtodiat, tunc poteſt tertia perſona inferendo vim religioni, & non Religioſo, illum eripere. Probatur ergo tunc ſequela, quia ille Religioſus non habet voluntatem lucrandi tunc aliquid religioni; ergo damnum illatum religioni privando illam per vim tali perſonæ non eſt æſtimandum ex quantitate lucri quo privatur religio, quia illud lucrum futurum erat voluntarium, & voluntas deſt. Sicut ſi illa perſona eſſet impotens ad lucrandum, nulla æſtimatio ex lucro fieret: perinde autem reputatur eſſe nolentem, ac eſſe impotentem. Reſpondeo, conſequenter loquendo argumentum convincere, & ita concedendam eſſe ſequelam; nec conſequens eſt contra dicta, quia loquuti ſumus de deceptione ipſius Religioſi, & ſimiliter de vi ipſi illata, vel per abſolutam coactionem, vel ſaltem per gravem metum, qui ſuo modo impedit voluntarium.

19 Sed adhuc ſuper eſt ſcrupulus, quia obligatio reſtituendi principaliter oritur ex damno reiſa illato, vel lucro cum effectu impedito, per actionem injurioſam. At vero in præſenti caſu, ſi Religioſus maneret in monaſterio, moraliter loquendo, vel amore religionis, vel timore pænæ, cum effectu lucraretur religioni tantam quantitatem, vel operas tantæ æſtimationis in ejus obſequium, vel utilitatem impenderet; ergo, qui infer religioni dictam vim, reiſa privat illam tali emolumento per actionem injurioſam; ergo reiſa tenetur illud reſtituere. Et ideo etiam non videtur ſatisfacere prior reſponſio, de mutatione voluntatis, tum quia indecens eſt cauſa illius mutationis; non ſine injuria religionis, nam ipſa inductio injurioſa eſt illi, tum etiam, quia hæc æſtimatio non debet fieri tantum ſecundum præſentem voluntatem ipſius Religioſi, ſed multo magis ſecundum effectum, qui in re futurus eſſet, ſi vis illa vel injuria non fieret religioni. Confirmatur exemplo, nam ſi quis de manibus judicis eriperet reum, vel debitorem deſiderantem fugere, teneretur ex juſtitia ſatisfacere, vel judici lucrum, quod revera eſſet recuperaturus, ſi ob eam cauſam illud amitteret.

20 Reſpondeo rationem factam eſſe valde probabilem, & reddere rem dubiam ac conſideratione dignam. Nihilominus reſpondeo reſtitutionem non ſemper eſſe faciendam ſecundum effectum in futuro præſumptum, ſeu qui creditur futurus, ſi talis actio, vel mutatio non fieret, niſi in præſenti habeat quis juſtitiæ ad illum effectum, & ad cauſas a quibus pender, quatenus cadunt ſub humanam poteſtatem, alioquin effectus eſt mere contingens, & extra dominium alterius, & ideo carentia illius non cenſetur damnum ab altero illatum, quod reſtituendum ſit: ut, v.g. Si Petrus per injuſtitiæ cogatur eſſe abſens a domo, vel civitate ſua, & ea occaſione contingat non eligi ad officium, vel non conſequi aliud commodum, pendens omnino ex voluntate alterius, non tenetur qui vim intulit totam hanc carentiam lucri reſtituere, quia eſt res valde extrinſeca; ita ergo eſt in præſenti. Neque eſt ſimile de judice, quia ille habet proprium juſtitiæ ad pœnam

media condemnatione, quæ jam erat in poteſtate, & voluntate ejus. Et ſimile eſt de creditore; nam habet juſtitiæ ad rem ſibi debitam, quod oſtendimus non ita eſſe in religione reſpectu lucri, vel operis quo comparandum eſt. Eſſet autem exemplum magis ſimile, ſi aliquis eſſet debitor non ex juſtitia, ſed ex aliquo voto, & ab alio perſuaderetur ne impleverit votum; nam licet graviter peccaret inductor, non tamen teneretur ad reſtitutionem, quia debitum non erat ex juſtitia. Idemque eſſet ſi per vim illatam tali creditori pararetur via alteri habenti votum ad fugiendum, & non ſolvendum. Eſt item ſimile ſi quis Religioſum in monaſterio manentem induceret, ut non obediat Præſbitero præſbiteri, ut legat, vel aliud ſimile faciat, unde monaſterio lucrum reportaret, nam licet moraliter conſtet cum effectu ita fuiſſe futurum, ſi ipſe non induceret, non tenebitur ad reſtitutionem. Idemque erit ſi per vim, vel metum cogat Præſbiterum, ne vim inferat ſubdito nolenti legere, aut laborare. Non poteſt tamen negari quin ratione hujus violentiæ teneatur ad aliquam ſatisfactionem arbitrio boni viri, ut dicit Soro; non tamen ad ceſſationem lucri, ſi aliud damnum in propriis bonis non interceſſit, hoc enim ſemper reſtituendum eſt.

Conſeſſaria ex hætenus dictis.

21 Ex dictis ſequitur a fortiori, quid dicendum ſit de illo, qui impedit alterum, ne in religionem ingreſſatur, vel ipſi, vel religioni, & poteſt eſſe ſermo ut in nu.4. proponebatur, vel de ſolo ingreſſu per profeſſionem, ut cum quis impedit jam Novitium ne proficiatur, vel de primo ingreſſu, ut cum quis impedit ſeculare ne habitum religionis aſſumat. Et de utroque dicendum eſt, ſi inductio ſit ſine vi, & fraude, per ſolas preces, & alia humana motiva, nullam inde oriari obligationem reſtituendi reſpectu utriuſque partis. Probat, quia neutrius reſpectu illa actio eſt contra juſtitiam. Imo ſi conſideretur præciſe ut eſt aliquo modo in damnum religionis, nec peccatum mortale ex genere ſuo eſſe videtur, quia religio non habet juſ in tali, vel ad talem perſonam; ergo peccatum illud reſpectu religionis non eſt contra juſtitiam; ergo non habet ex objecto gravem malitiam, quia nulla apparet alia virtus cui graviter repugnet: maxime enim charitati repugnaret, inde autem gravem malitiam non habet, per ſe loquendo, quia religio non eſt in gravi neceſſitate, ut ob eam cauſam ſit mortale peccatum impedire illi bonum illud, ſeu commodum talis perſonæ; ſicut non eſt peccatum mortale impedire ne aliquis iſtituatur hæres, quando id ſit ſine vi, & fraude, & ſine formali odio. Et ita etiam hic limitari ſolet hæc pars, quæ communis eſt, dummodo hoc non ſit ex intentione damnificandi religionem, quæ limitatio vera eſt, quoad peccatum mortale. Nam illa intentio includit odium graviter repugnans charitati, non tamen eſt neceſſaria illa limitatio in ordine ad reſtitutionem, quia etiam illa intentio non eſt contra juſtitiam, neque actio ab illa procedens ob illam cauſam injurioſa ſit.

22 At vero reſpectu ipſius perſonæ, quæ tanto bono impeditur, videtur eſſe actio illa peccatum mortale ex genere ſuo, non tantum ratione intentionis, ut ſi fiat ex odio, & invidia ſpiritualis præſectus fratris (quod eſt manifeſtum) ſed etiam ex ipſa materia, quia eſt illud genus quoddam gravis ſcandali. Nam ſcandalum non tantum eſt inducere proximum ad malum, ſed etiam avertere illum a bono, vel meliori, præſertim quando illud jam inchoaverat, vel in propoſito habebat. Vel ſi quis nolit hoc vocare proprie ſcandalum, (ne in voce hæreamus) certe eſt quoddam opus inferens grave nocumentum proximo; quod licet non ſit contra juſtitiam, quia non ſit invito, eſt tamen contra charitatem inducere hominem in eam voluntatem, quæ talis nocumenti cauſa eſt. Et confirmatur, nam inducere aliquem pravis conſiliis, & precibus ut dilapidet bona ſua, grave peccatum eſt contra charitatem, quia eſt cauſa damni notabilis contra eandem virtutem.

23 Nihilominus aliqui cenſent hoc non eſſe peccatum mortale ex genere ſuo, niſi ex aliqua prava intentione illam accipiat, quia non tenetur quis magis diligere proximum in ſpiritualibus, quam ſeipſum; ſed

Primum confeſſarium negans obligationem reſtituendi in impediendo ingreſſum ſine vi & fraude. Ita negans eſſe peccatum mortale contra religionem de fraudatorem.

Videtur tamen mortale eſſe contra charitatem ingredi.

non peccat quis graviter nolens ingredi religionem, vel mutando propositum ingrediendi, & consequenter se privando omnibus bonis, quæ status ille secum affert; ergo nec etiam peccabit graviter eodem modo se gerens circa proximum, prout potest sine injuria, scilicet inducendo voluntatem ejus. Confirmatur; nam objectum illius inductionis, scilicet, ut proximus nolit ingredi religionem, non est intrinsece malum; ergo neque actus inducendi, ex vi objecti est aliquod peccatum, nedum mortale; cujus signum etiam est, quia ex iusta causa potest esse actus bonus, ut est per se notum; ergo ex causa seu motivo, propter quod fit, sumenda est ratio, & gravitatis talis culpæ; ergo nisi fiat ex mortali intentione, non erit peccatum mortale. Non ergo peccabit mortaliter parens retrahens filium a religionis ingressu, solum ut habeat heredem. Nec amicus retrahens amicum, cujus conversatione & familiaritate, sine Dei offensione gaudet, neque Dominus retrahens servum propter suam utilitatem temporalem, quia in his casibus, & similibus, non est malitia mortalis; sed vel nulla est, vel ad summum erit venialis, si delectatio aliqua humana, & indifferens, & temporalis utilitas propter se diligantur; ergo absolute dicendum videtur hoc non esse peccatum mortale, nisi, vel ratione intentionis pravæ, vel nisi aliquis modus moralis violentiæ adjungatur, ut est in parente timor reverentialis, aut nimis importunæ preces, vel etiam promissiones vanæ, quæ vix possunt a deceptione excusare, videatur Navar. lib. 2. de restit. c. 2. nu. 15.

Secundum
confectio-
nem tri-
partitam.

24. Secundo infero ex dictis, eum qui per vim vel dolum ingressum, vel professionem religionis impedit, peccare mortaliter, & teneri ex iustitia ad tollendam vim, & ignorantiam, seu errorem, non tamen teneri ad ampliorem restitutionem faciendam, aut personæ, aut religioni. Prima pars clara est, quia actio illa non solum est contra charitatem, sed etiam contra iustitiam, saltem respectu personæ, cui vis infertur, vel quæ decipitur: respectu autem religionis erit etiam actio injuriosa, si coactio fiat Prælati, ne talem personam recipiat, aut si per dolum & deceptionem Prælati idem fiat; an vero vis facta volenti esse Religiosus, sit etiam injuria religionis, & e converso, dubitari potest, quia tunc sunt quasi personæ minus distinctæ. Nihilominus affirmative respondendum est, quia unusquisque habet jus, ut per vim & fraudem cuicumque factam, nemo impediatur, ne sibi beneficium conferatur: ut si quis per violentiam impediatur divitem, ne faciat elemosynam pauperi, non solum diviti, sed etiam pauperi injuriam facit; ita ergo est in præsentia. Quando enim Prælati per timorem gravem cogitur, ne aliquem admittat, huic fit gravis injuria, quia per iniqua media & injusta, invitatur privatur magno bono. Ete converso, cum vis infertur personæ; injuria fit religioni, quia impeditur progressus, & augmentum ejus. Item indirecte privatur unusquisque sua libertate per violentiam alteri factam, quod in quocumque humano contractu injustum est. Atque idem est de deceptione, in qua solet peculiaris injuria intervenire, quia solet decipi una pars infamando aliam, quæ est nova & directa injuria. Et hinc probata relinquuntur secunda pars, nam iustitia obligat ad cessandum ab injuria, & ad tollendum injustum impedimentum, ut supra satis dictum est.

Quicquid
gratia iusti-
tiam im-
pedit, &
religionem
& impedi-
to est in-
juriolus.

25. Tertia vero pars, quæ nunc est communior, ut patet ex Soro, Ledesmi, & aliis recentioribus probanda est a fortiori ex superius dictis. Nam damnum spirituale, quod ibi considerari potest, non potest, ut sic dicam, in se & efficaciter restitui, & quoad præteritum tempus, est quasi irreparabile, quoad futurum vero satis reparatur tollendo omne impedimentum; & quamvis possint dari alia auxilia monendi, precandi, intercedendi, & c. illa, vel sunt ad melius esse, vel ad summum ad charitatem pertinent, non ad iustitiam. Damnum vero temporale ex parte Religionis non consideratur ob rationem supra factam, quæ hic majorem vim habet, quia religio nondum habet jus in talem personam; ex parte vero futuri Religiosi posset magis considerari, quia forte privatur temporali subsidio, &c. Tandem, quia illud est valde accidentarium, & temporum, & quia regulariter plus in hoc genere reli-

quitur per ingressum religionis, ideo etiam hæc obligatio moraliter non æstimatur, præferim, quia quoad tempus futurum satis refarciatur illud damnum, si quis ablato impedimento religionem ingrediatur, quod in ejus est potestate: incommodum autem præteritum, quatenus temporale est, moraliter quasi nihil æstimatur. Possunt quidem excogitari circumstantiæ, quæ reddant hoc damnum æstimabile, & dignum temporalis recompensationis; sed hoc adeo est rarum, ut non impediatur generalem regulam, & tunc arbitrio prudentis relinquendum est.

26. Tertio inferitur ex dictis, eos qui cooperantur Religioso volenti apostatate, adjuvando, recipiendo, &c. licet graviter peccent pro ratione cooperationis, non teneri ad aliquam restitutionem. Probatum, quia non tenentur Religioso, quia respectu illius peccatum illud non est injustitia, sed sacrilegium. Nec tenentur religioni, propter fundamenta superius adducta; si enim is, qui inducit, non tenetur, multo minus obligabitur, qui solum adjuvat. Atque hæc sunt, quæ ex jure naturæ consequuntur; jure autem Ecclesiastico (ut 3. parti tituli satisfaciamus) additum est, ut hæc personæ excommunicationem ipso facto incurrant, ut constet ex privilegiis concessis Mendicantibus ab Innocentio IV. & Leone X. & Julio II. in lib. Monument. Ordin. concessione 554. & 651. & 452. & in compendio privilegiorum Mendicantium verb. *Apostata*, §. 8. & in Compendio Societatis verb. *Apostata*, §. 3. & 4. ubi notatur hanc excommunicationem esse reservatam Pontifici. Solumque indiget hæc censura declaratione, quoad receptatores, quam trademus infra a cap. 8. tractando de transitu ab una religione ad aliam.

Tertium
confectio-
nem de
cooperan-
tibus ad
apostasia.

C A P U T I V.

An Religiosus professus iuste possit a religione expelli.

Ratio dubitandi est, quia professio est contractus reciprocus inter Religiosum, & religionem, ut sæpe dictum est: ergo debet esse æqualis ex utraque parte; sed Religiosus ipse ob nullam causam potest in vita religione illam deferere, vel ad seculum redire, etiam quoad habitationem & vitam a religionis communitate segregatam: ergo nec e contrario potest religio ipsum Religiosum invitum a se expellere. Atque ita sentit Cardinalis in Clement. 1. §. *Quia vero*, de stat. monach. Monachum incarcerari, & aliis modis puniri, non ramen posse expelli. Quod videtur posse confirmari ex cap. ult. de Regular. ubi Pontifex præcipit omnes ejectos inquiri, & ad monasterium, si ordo religiosus id patitur, vel ad habitationem aliquam monasterio conjunctam revocari, ut ibi poenitentiam agant: ergo saltem post illud jus non licet talis ejectio. Alii ita moderantur hanc partem, ut dicant Religiosum, quantumcumque incorrigibilem, expelli non posse, si permanere vult, atque adeo nisi ipse consentiat. Ita sentit Sylvester, tribuens D. Thomæ, verb. *Religio*, 6. §. 17. Armilla verb. *Religio*, §. ultimo.

2. Nihilominus res certa est, posse licite Religiosum a religione expelli iusta de causa. Probatum primo ex jure communi, cap. cum ad monasterium, de statu monach. ubi de proprietario contumaci, & post regularem monitionem præmissam, dicitur, *De monasterio expellatur, nec recipiatur ulterius nisi poeniteat secundum monasticam disciplinam*. Exponit fortasse aliquis, ibi non dici, ut expellatur a religione, sed a monasterio, nimirum quasi relegando illum in aliud, non vero extra totam religionem pellendo: ita enim in simili interpretari conatur Archid. in cap. *Abbat*, 18. q. 2. n. 5. Verumtamen considerandum est, Pontificem loqui de monasticis religionibus, in quibus professio fit in particulari monasterio, in quo acquiritur filiatio, & peculiaris unio, & obligatio, ita ut nec Religiosus possit ad aliud monasterium ejusdem religionis sine monasterii consensu transire, nec aliud monasterium possit cogi ad illum recipiendum in proprium membrum, ac socium: & ideo perinde loquitur Pontifex de monasterio, ac de integra religione, quia ad illum modum professionis alia monasteria sunt omnino per accidens; intelligit ergo ut expellatur simpliciter a religio;

Prima
probatio
ex jure
communi.

religione. Et ita sentit ibi glossa licet addat, posse mit-
ti in arctius monasterium, ne evagetur, sed pœnitent:
quod est verum, si religio velit, & expedire judicave-
rit: tamen si aliud iudicat, etiam potest omnino expel-
lere juxta Pontificis mentem, & communem intelligen-
tiam. Quod clarius explicavit Honorius in c. ult. ejus-
dem tit. dicens, *Ovem morbidam ejiciant ab ovili, ne
inficiat sanas oves.* Idem probatur aperte ex c. *relatum*,
ne clerici, vel monachi; ibi, *vel si restiterint ausu te-
merario, eis ejectis*, &c. & c. *cum in Ecclesiis*, de ma-
joritate, & obedientia, ibi, *Alioquin de fratrum
consortio penitus excludatis.*

3 Secundo idem probatur ex regulis, & consuetu-
dinibus religiosi. Nam Basil. in reg. 28. ex fusius dispu-
tatis, de inobediente post plures admonitiones, con-
tumaci, ait, *Ut membrum vitiatum, inutileque, me-
dicorum more, præcidere convenit.* Afferit illud Matth.
5. *Si oculus tuus dexter scandalizet te*, &c. Idem habet
reg. 44. ex brevioribus, & sane non ob culpam nimis
gravem, sed quia impatienter fuffert correctionem cum
contumacia. Idem reg. 57. & 61. pro quocumque vitio
incorrigibile, vel quia laborare non vult, nec Psalmos
discere, & similia cum incorrigibilitate conjuncta. Idem
in animadvertis, ad canonicos delinq. reg. & in Consi-
tut. monast. c. 34. Benedictus etiam in sua regula, c. 28.
præcipit, contumaces, & incorrigibiles expelli, &
plane loquitur de absoluta ejectione a tota religione,
nam supponit, præcessisse plures admonitiones, corre-
ctiones, pœnas, usque ad flagella, & excommunica-
tionem, & alia media, nullaque sufficere, & tunc ait,
utatur Abbas consilio Apostoli, *Auferte malum ex vo-
bis ipsis*, 1. Cor. 5. & *Si infidelis discedit discedat*, 1.
Cor. 7. *Ne ovis morbida totum gregem contamine-
t.* Et ita observant religiones monachales, quæ fere omnes
(Carthusiam excipio) sub regula S. Benedicti militent,
ut sumitur ex Conc. II. Aquisgran. sub Ludovico, tit. de
Ordine Rectorum, c. 15. & ex Bern. epist. 122. ubi eo-
dem consilio utitur. Et usu etiam id servasse S. Benedi-
ctum, refert Greg. lib. 2. Dialog. c. 25. Augustinus in re-
gula, cum dixisset, contumacem graviori pœna ple-
tendum esse, subdit; *Quam si ferre recusaverit, etiam
si ipse non abscefferit, de vestra Societate projiciatur:
non enim hoc fit crudeliter, sed misericorditer, ne con-
tagione pestifera plurimos perdat.* Et ita etiam observant
religiones, quæ regulam Augustini profitentur, ut de
Canonicis regularibus dicitur in Concil. I. Aquisgran.
sub Ludovico, c. 134. ubi latissime plura ponuntur re-
media priusquam ad hoc extremum supplicium perve-
niatur. Idem observare licet in sacra Prædicatorum re-
ligione, distin. 1. suarum constitut. c. 19. ubi post alias
pœnas additur, *Vel secundum regulam Patris nostri
Augustini, si magis expediens judicetur, exutus habitu
ordinis, de nostro ordine expellatur;* quod etiam con-
firmat D. Th. quodlib. 12. art. ult. Idem statutum est a S.
Francisco in sua regula, c. 13. ut Apostata, qui religio-
nis habitum voluntarie exuerit, penitus ab ordine ex-
pellatur: quod, licet cum aliqua moderatione infra tra-
ctanda, in illo ordine receptum est, & ad alios casus am-
pliatur per Alex. VI. ut refertur in lib. Monumenta
Minorum, concess. 65. & alia videri possunt in Com-
pend. privileg. Mendicant. verb. *Ejicere*, & in Specul.
Minor. 2. p. tit. 1. & apud Bonavent. q. 14. in regulam.

4 Tandem probatur ratione, quia commune bonum
religionis privato commodo religiosi præferendum est,
sed ad commune bonum religionis moraliter necessa-
rium est, ut possit a se expellere membrum putridum,
ne alia inficiat, ut Sancti citati docent: ergo. Quæ
ratio multis juribus confirmari potest, quæ de censuris
Ecclesiasticis, præsertim de excommunicatione loquuntur,
cum proportionem tamen in præsentii locum habent.
Facit c. *refecanda*, c. *ecce*, 24. q. 3. c. *sed illud*, 45. d.
cum similibus. Unde facile solvitur ratio dubitandi pro-
posita, & confirmatur veritas. Primum enim nulli
parti fit injuria, si pacta & fœdera, juxta conditiones,
quibus inita sunt, ferventur: pactum autem religionis
cum religioso, quando se illi obligat, ejus professionem
acceptando, habet hanc conditionem inclusam, ut se-
cundum regulam vivere studeat, & religionem non
perturbet, sed obedientem & corrigibilem se exhibeat:
ergo si ipse Religiosus fidem non servat, nec religionis

obligatio integra manet, poterit ergo illum a se expel-
lere. Quod autem illa conditio subintelligatur (reliqua
enim clara sunt) constat, quia tam in communi jure,
quam in ipsis regulis religionum, quam in ratione natu-
rali continetur; vota autem & professio sunt secun-
dum regulam, & commune pactum censetur fieri se-
cundum jus, & secundum rectam rationem: ergo.

5 Atque hinc colligitur, non esse necessarium, ut
ipse Religiosus ejectioni consentiat, si alias sufficiens
causa præcessit. Probatur primo ex omnibus juribus,
& regulis adductis, quæ absolute loquuntur, & con-
sensum ipsius personæ non requirunt. Secundo proba-
tur ex usu, ita enim nunc fit in omnibus gravioribus
religionibus, esseque antiquissimum morem intelligi
potest ex facto Magni Pachomii, quod ex Simeone
Metaphraste refert Surius in vita ejus, cap. 59. die 14.
Maji, ubi ait, cum quidam monachus, Sylvanus no-
mine, inhoneste se gereret, eum vocasse post 20. an-
num suæ exercitationis, jussisseque veste exui monasti-
ca, & expelli monasterio. Eum autem, ad pedes Pa-
tris procidens, rogasse, *Hoc adhuc mihi condona Pa-
ter*, &c. Pachomium autem respondisse: *Si tot acce-
ptis monitionibus, noluit accipere id, quod est melius,
neque plagis affectus eligere id, quod est utile, quemad-
modum possum diutius permittere, ut membrum morbo-
sum congregetur cum grege Christi: ne forte unius ovis
affricata scabies, non parvam ejus partem inficiat, &
corrumpat.* Potestatem ergo in se agnoscebat Pachomius
illum invivum expellendi, quamvis tandem præ-
cibus, & promissis sub fidei jussore datis cesserit, & il-
lum cum magno illius fructu retinuerit. Idem intelli-
gitur ex Joan. Climach. in gradu 4. Obedientiæ, ubi re-
fert de antiquis monachis, dissidentes jussu Prælati so-
litos reconciliari ante Solis occasum, & privati cibo,
donec in gratiam redirent. *Aut certe (inquit) e mona-
sterio expellebantur.* Tertio declaratur ratione, quia
ejectio hæc non tam est medicinalis pœna, quam vin-
dicativa, propter commune bonum: ergo non pendet
per se ex consensu delinquentis, sed ipso invito inferri
potest, si ad commune bonum expedire judicetur.

6 Dices, hoc ad summum procedere, si Religiosus
nollet suæ ejectioni consentire, nec etiam vellet emen-
dari, tunc enim propter contumaciam, & incorrigi-
bilitatem ejici posset invitus: at vero si cum voluntate
permanendi in religione ostenderet etiam emendatio-
nis propositum, non videtur posse expelli, quia tunc
jam non est contumax, nec dici potest incorrigibilis;
cum tamen propter solam contumaciam, & incorrigi-
bilitatem possit expelli, juxta c. ult. de statu monach.
Unde D. Th. quodlib. 12. art. ult. comparat ejectionem
hanc excommunicationi, ut sicut excommunicari non
potest quis, nisi quia contumax est, & emendari non
vult; ita nec a religione expelli: nam æquiparantur
hæ personæ; utraque enim spiritualis est, & pœna
spiritualis non fertur nisi in contumacem.

7 Respondeo, semper quidem esse necessariam ali-
quam incorrigibilitatem, non tamen semper necessa-
riam esse actualem contumaciam. Priorem partem probat
dict. c. ult. de stat. monach. & alia testimonia supra
adducta in n. 3. & illam intendit præcipue D. Th. locq-
cirato, ex Bonav. q. 14. in exposit. reg. & sumitur etiam
ex Bulla Alexand. VI. quæ refertur in lib. Monumenta
Ordi. concessione 65. & hoc convincit ratio, quam D.
Th. insinuat: nam hæc est gravissima pœna, quæ pri-
vat hominem non solum temporalibus commodis, sed
etiam spiritualibus, & ideo non debet statim imponi
propter delictum commissum, etiam grave; sed de-
bent aliæ medicinales pœnæ adhiberi prius, & omni-
bus modis tentari, ut talis Religiosus emendetur. Est
etiam hoc consentaneum statui religioso, qui est scho-
la virtutis, ac perfectionis, ad quam pertinet non so-
lum promovere ad virtutem, sed etiam vicia corrumpere,
& specialiter infirmos curare: ergo est valde alienum
a tali statu infirmos statim deplorare, quod fieret eos
ejiciendo absque multa curatione prævia, quæ inefficax
inveniat propter contumaciam infirmi.

8 Nihilominus probatur altera pars, quia si quis ite-
rum ac sæpius correctus, non emendetur, aut iterum
atque iterum recidat; etiam si postea offerat, & promit-
tat emendationem, potest & interdum debet expelli:
nam

Moderatio in eo-
dem n. 1.
impugna-
tur triplici-
ter.

Cord. q.
31. in c. 2.
suz regu-
la. Ma-
nuel Ro-
der. 1. tom.
quæst. 18.
gul. q. 30.
2. 13. 14.

nam ille satis dici potest incorrigibilis, & ideo in eo locum habent jura, quæ incorrigibilem expellendum dicunt. Aliud enim est esse incorrigibilem, aliud actum contumacem; hoc enim etiam actualem resistenciam voluntatis, illud vero solum dicit iteratum lapsum contra adhibitam correctionem. Unde jura Canonica statuunt, incorrigibilem clericum in aliquibus criminibus, degradandum esse, & tradendum brachio seculari; quod fieri potest, etiam si tunc convertatur, & maxime doleat, ac promittat emendationem, si jam sufficiens castigatio, & monitio semel, vel iterum præcessit; quomodo etiam se gerit Ecclesia in puniendis hæreticis lapsis: ita ergo de ejectione a religione censemus. Non est ergo omnino comparanda cum censura, seu excommunicatione; sed solum quoad hoc, ut requiratur aliquam præviā monitionem, castigationem & contumaciam; non tamen in hoc quod illam etiam actualem & perseverantem postulet. Ratio autem differentie est supra facta, quod excommunicatio est pœna medicinalis, quæ per se primo respicit bonum ejus, qui punitur: hæc autem non est hujusmodi, sed principaliter respicit bonum aliorum, scilicet totius religionis, tum in exemplum, & ut alii timeant esse ita rebelles ordinariæ correctioni, & disciplinæ religiosæ: tum etiam, ut auferatur malum de medio fratrum, ne & ipsi contaminentur; quod alia via non efficaciter caveretur: nam licet talis persona dicatur offerre emendationem, non est tamen fide digna, nec probabilis de illa spes concipitur propter præcedentem incorrigibilitatem; & ideo licet in ordine ad bonum ejus credendum illi sit, & ideo absolutio a censura statim datur, quia solum pendet ex præsentis bona dispositione; nihilominus in ordine ad bonum aliorum id non sufficit, quia propositum illud facile mutabitur, vergetque ejus societas in aliorum detrimentum.

Qua sit causa justa expulsiōis.

9 Ex dictis declaratum fere est, ob quam causam possit Religiosus professus a religione expelli. Ordinarie enim loquendo, duæ conditiones necessariae sunt. Prima est, ut grave aliquod peccatum præcesserit externum, & de se inferens scandalum aliis, vel infamiam religioni: tam gravis enim pœna non potest inferri nisi propter gravem culpam; oportet etiam esse externam culpam, quia de internis Ecclesia non judicat, extra forum Sacramentale. Addit S. Bonav. opus. 9. in regulam S. Francisci, q. 14. non satis esse quod sit externum, & sæpius correctum, si sit occultum, ne oriatur scandalum ex publica ejectione cum culpa non pateat. Intelligendum est autem satis esse quod sit publicum iudice, id est, ita ut de illo sit sufficienter convictus in regulari iudicio, juxta debitam formam & modum ejus, quia in omni delicto hoc satis est ad condignam pœnam. Nec potest ab aliis existimari injuste punitus, eo quod delictum non fuerit publicum notoritate facti; quia potius debent præsumere prælatum ut iudicem juste procedere: nec etiam reo sit injuria publicando delictum, vel pœnam ejus, quando in iudicio satis probatum est, & ita expedit ad commune bonum. Dices, nisi tale peccatum in aliorum vergat detrimentum, non meretur pœnam separationis a consortio aliorum; non vergit autem in aliorum detrimentum donec sit publicum, ut infamiam vel scandalum generet, ergo. Respondetur, non oportere expectare effectum, sed satis esse quod delictum de se tale sit, nam tale peccatum in persona religiosa, quæ in communitate vivit proficiente perfectionem, non potest non esse de se scandalum, & religionem infamans. Unde Alexander VI. Minoribus concessit, ut possint contumaces expellere, nulla addita restrictione de infectione fratrum, vel scandalo, & notoritate facti. Quin potius expectare ut delictum sit notorium externum, quod Bonav. supra q. 17. clarius indicat, non solum necessarium non videtur, verum nec conveniens, sed maxime nocivum religioni.

10 Altera conditio est, ut de tali peccato præcesserit correctio, & admonitio sine fructu, vel emendatione: hoc etiam constat ex dictis, quia oportet, ut non solum Religiosus peccator sit, sed etiam incorrigibilis, ut iuribus, & ratione declaratum est. Quærit autem potest circa hanc secundam conditionem primo, quanta, vel quotuplex correctio necessario præcedere

debeat. Secundo, an semper, & in omni casu necessaria sit, vel aliquando gravitas peccati semel commissi, & scandalum vel infamia inde sequuta sufficiat. Ad priorem interrogationem dicendum est, de ea re non esse unam certam regulam pro omnibus religionibus præscriptam, sed maxime relinqui prudentiali iudicio. Hoc constat ex Basilio, Augustino, & aliis adductis, solum enim asserunt, cum qui sæpius correctus contemplerit emendari, ejiciendum esse. Quam regulam sequitur ordo Prædicatorum, nam in suis Constitutionibus d. 1. c. 19. ubi ille dicitur incorrigibilis, *qui culpam non timet committere, & pœnas recusat ferre, vel earum sepius appetita infirmitate iudicio discretorum cognoscitur non proficere.* At vero in religione Minorum ille proprie censetur incorrigibilis, qui ter convictus & punitur de crimine, non emendatur, ut habetur in Ordinatio. general. Tolerant. tit. de Incorrigibil. c. 6. & refert Emman. Roder. q. 80. art. 14. Et in regula S. Benedicti, c. 58. qui ter deserit religionem, post professionem factam, amplius admitti prohibetur, atque ita omnino expellitur, tuncque censetur satis incorrigibilis: quod si aliqua moralis regula tradi potest, hæc certe videtur maxime probabilis, magisque usitata. Unde clericus, qui de gravioribus criminibus bis est canonice punitus, vel ter admonitus, & non emendatur, censetur incorrigibilis, ut degradari possit, & tradi brachio seculari: ut videri potest in Julio Claro lib. 5. §. ult. q. 36. n. 33. & 34. Menochio contil. 82. n. 97. Bernard. Dias in praxi c. 151. qui alios referunt.

11 Nihilominus non est hæc regula adeo certa, quin detur semper locus prudenti iudicio prælatorum, vel amplius expectandi, vel citius expellendi eum, si ad commune bonum valde conveniens existimetur, & nulla sit expressa lex specialis, quæ oppositum statuatur: jus enim commune nullum est, sed loquitur indefinite, ut vidimus. Unde etiam in religione Minorum ex concessione Leonis X. quæ refertur in compendio privilegiorum, §. 5. potest aliquando expelli Religiosus pro atroci delicto semel tantum perpetrato, ut si ex illo delicto tanta infamia, tantumque scandalum ortum esset, ut sine magno detrimento detineri reus inter Religiosos non posset. Et religioni S. Hieronymi in Hispania concessit Pius V. anno Domini 1566. ut in delictis gravioribus, aut gravissimis velut inobedientiæ contumacia, seu incorrigibilitate possit suos Religiosos etiam usque ad privationem habitus inclusive punire. Ubi etiam cum indefinite de gravioribus & gravissimis delictis loquatur, solumque gratia exempli ponat contumaciam inobedientiæ, constat non ponere regulam omnino definitam, sed prudentiæ iudicis relinquere, quando delictum sufficientem gravitatem habeat ad hanc pœnam, & an, quæve contumacia expectanda sit. Similem in Societate nostra instructionem a Pontificibus probatam infra tract. 10. ostendemus. Denique secluso speciali jure ac privilegio, ex sola ratione naturali hoc ipsum significavit Sylvest. verb. *Abbas*, n. 6. ubi referens sententiam D. Th. dicentis, non posse expelli Religiosum nisi propter contumaciam, addit, *Quod intelligo, nisi incorrigibilitas præsumatur de facto propter conditionem viri, vel de jure propter regulam ita mandantem.* Ubi in primis modum & distinctionem indicat explicandi regulam a D. Thom. & communiter traditam de contumacia, vel incorrigibilitate, scilicet, vel actuali, seu præterita, & præsumpta. Deinde duos modos insinuat præsumendi juste incorrigibilitatem, etiam si actu non præcesserit, vel de jure, ut quando regula aliqua religiosa illam præsumit in aliquo delicto, vel de facto, ut quando tales sunt circumstantiæ personæ, ut nulla sit moralis spes correctionis. Addo, etiam interdum fieri posse, ut licet sit spes correctionis in ipsa privata persona, non tamen possit satisfieri publicæ infamiae, vel scandalo totius religionis, nisi expellendo religiosum delinquentem: vel non posse convenienti modo, & sine magno dispendio religionis in perpetuo carcere detineri, vel alio simili modo puniri: & tunc etiam esse posse sufficientem causam expulsiōis, quantum est ex vi juris communis, si jus speciale alicujus religionis non repugnet. Quia commune bonum religionis præferendum est privato; & quia interdum juste punitur quis perpetuo exilio, imo & morte, propter unum delictum.

Prima conditio an
justam expulsiōem
grave de
lictum.

2. Condi-
tio; præ-
via moni-
tio.

delictum sine alia contumacia; & interdum potest hoc fieri arbitrio judicis propter gravissimas circumstantias, ut videri potest apud Eman. Roder. tom. 1. q. Regul. q. 30. art. 14. ubi pro se citat Jul. Clar. lib. 5. §. sacrilegium n. 3. & Maranta in speculo fol. 29. post n. 53. quid ergo mirum, quod hoc possit fieri in aliqua religione, maxime ubi proprium jus non resistit?

12 Addunt vero aliqui ex doctrina S. Bonavent. licet in exteriori foro possint prælati juste expellere Religiosos propter graves excessus, etiam sine propria incorrigibilitate, non tamen in foro conscientie; propter scandalum, quod in animis secularium potest generari, propter periculum damnationis, cui exponuntur sic ejecti, quia nequeunt servare regulam, quam promiserunt, a cujus obligatione non possunt liberari. Sed debent (ajunt) tales religiosi perpetuis carceribus mancipari, & ibi puniri pro qualitate delictorum. Hanc vero distinctionem de foro interno, & externo ad hanc materiam applicatam, apud S. Bonaventuram non invenio, nec videtur mihi posse probabiliter accommodari, per se loquendo: itaque quoties juxta regulam approbatam, vel juxta Pontificia diplomata, seu concessionem, licitum est in exteriori foro expulsionis sententiâ ferre & exequi contra religiosum professum; etiam in foro conscientie id est licitum, per se loquendo.

13 Ratio est, quia ex duplici tantum capite possit id non licere, vel quia esset contra justitiam, vel quia contra charitatem, alia enim radix in præsentem cogitari non potest: neutrum autem ex his potest cum probabilitate affirmari: ergo. Probatur minor quoad priorem partem de justitia, quia vel hoc intelligitur de justitia commutativa, ratione mutui contractus facti inter Religiosum & religionem in ipsa professione; & hoc non, ut etiam S. Bonavent. dict. q. 14. fatetur, quia pactum illud intelligitur secundum regulam approbatam, & secundum privilegia Pontificia, & secundum rationem rectam: juxta hæc autem jura omnia, includit conditionem ex parte religionis, si ita professus vixerit, ut decet, vel debetur religioso statui, & communitati: aut clarius, nisi se reddat dignum expulsionem, juxta regulam & mentem Pontificis: ergo quoties quis ejicitur juxta regulam, & privilegia, non frangitur pactum a principio factum: ergo ex hac parte non peccatur contra justitiam: ergo ex eodem capite quod licet in foro exteriori, licet etiam in foro conscientie.

14 Vel sermo est de justitia vindicativa, & ex hac parte non potest etiam contra conscientiam agi, saltem per excessum contra Religiosum (nam de defectu contra religionem, vel Rempublicam, statim dicam.) Probatur, quia in tali religione per legem justam, qualis est regula approbata: vel per Pontificiam declarationem, quæ in privilegio continetur, illa judicata est condigna pœnæ talis delicti, vel talium delictorum: ergo non fit injuria reo illam exequendo. Nec enim putandum est illam concessionem Pontificis esse permissivam tantum, sed approbativam: tum quia oppositum constat ex verbis concessionum, tum etiam quia esset contra omnem rationem. Curenim permitteret Pontifex religioni, (quæ tenetur non solum ad justitiam, sed etiam ad perfectam) ut injustam pœnam imponeret, & exqueretur, sine impedimento, & sub Pontificis umbra, & autoritate? Quod si quis dicat, Pontificem non approbare hanc, vel illam ejectionem in particulari, sed illam, quæ sit justa causa; hoc est quod intendimus: nec enim nos defendimus ut justam omnem expulsionem in individuo: sed ex hypothesi dicimus, eam quæ fuerit justa in foro externo, juxta regulam vel privilegia, non posse esse in foro conscientie injuriosam ejectionem. Unde si judicium particulare de causa ejectionis in re verum sit, & prudeniale, juxta verum sensum regulæ & privilegiorum, reddet sine dubio prælatum tutum in foro conscientie, saltem quoad hanc partem non inferendi injuriam reo: si vero judicium sit falsum, quia nimirum delictum tale non est, quale regula, vel privilegium requirit: tunc nec ipsa expulsio est justa secundum regulam, & ideo neque in conscientia erit justa per se loquendo, imo etiam erit contra obligationem inclusam in primo pacto professionis, ut patebit facile convertendo rationem superius factam. Dico autem, per se loquendo, quia per

ignorantiam, & bonam fidem prælati poterit interdum factum excusari. Nunquam ergo hic separatur justitia in conscientia, & in judicio externo, respectu religiosi.

15 Majus dubium esse posset, an talis expulsio possit interdum esse contra justitiam legalem, & bonum commune, quia nimirum delictum non satis punitur illo modo, in quo se fortasse ipse delinquens desiderabit hanc pœnam, ut possit liberior vivere. Unde quoad hanc partem regula, vel privilegium non videntur esse præceptiva, seu ordinativa, sed concessiva, ut ita fiat: semper autem videntur subintelligere conditionem, *nisi ratio justitiæ plus fieri postulaverit*. Respondeo, Pontificem per hanc concessionem, vel regulam non ram intendere punitionem delicti, quam præservationem, quietem & decentiam religionis: & ideo si ad hos fines necessaria sit religiosi ejectio, non est omittenda, eo quod delictum non videatur adæquate puniri, nam hoc non est ita intrinsece necessarium, ut ex justa causa omitti non possit. Accedit, quod semper potest antecedere alia vindicta delicti, quæ pro capacitate status religiosi videatur sufficiens. Potest etiam sic ejectus ad triremes mitti, si dignus judicetur, vel perpetuo, vel ad tempus, itaque nunquam condigna puniatio repugnat cum ejectione, ideoque qui concedit facultatem expellendi a religione, non aufert obligationem puniendi delicti modo sufficienti ad publicam satisfactionem, quatenus simul esse potest cum expulsionem a religione: & ideo non refert ad justitiam & honestatem talis concessionis quod sola expulsio non sit interdum sufficiens pœna. Esset autem contra rationem tale privilegium, si ratione illius posset quis expelli, etiam in eo casu, in quo talis expulsio esset contra justitiam in foro conscientie.

16 Venio ad alteram partem de obligatione charitatis, quæ in primis locum non habet ubi hæc pœna non est arbitraria, sed lege præscripta, in qua inferior, seu ordinarius prælatus dispensare non potest. Deinde, etiam si prælatus religionis ex charitate teneatur procurare bonum religiosi quantumvis criminosi, magis tamen tenetur custodire puritatem & pacem suæ religionis, & auferre scandala, &c. Unde Bonavent. dict. q. 14. dixit, *Cruelis est miseria, unde plures, & meliores graviter offenduntur*. Præterea obligatio ex charitate, cessante justitia, plures condiciones requirit, quæ vix possunt in hujusmodi casu inveniri. Primum enim necessarium est, ut proximus sit, vel constituatur in gravi periculo, morali, & proximo suæ salutis: deinde, ut alius possit sine magno incommodo, præferri spirituali, suo, vel aliorum illi necessitati succurrere: at in præsentem religiosus per ejectionem non statim constituitur in proximo periculo, imo neque in morali salutis suæ: potest enim vexatio dare intellectum, & humiliatio conversionem, vel potest multis modis sibi consulere, ut pericula effugiat: aliunde vero sæpe non potest prælatus sine magno onere religionis, & periculo aliorum religiosorum, & suæ famæ, & quietis, illum detinere: non ergo obligatur ad hoc ex charitate. Afferendum ergo simpliciter est, id quod regula per Pontificem approbata, vel privilegia, aut bullæ Pontificiæ permittunt, seu concedunt singulis religionibus, circa ejectionem contumacium, seu discolorum religiosorum, non solum in externo foro, sed etiam in conscientia per se loquendo licita esse. An vero in aliquo particulari casu charitas exigit moderationem aliquam in executione, id ad factum pertinet, non ad jus, estque accidentarium & ex prudenti arbitrio pendens. Et tunc etiam considerare oportet, an prælatus auctoritatem habeat ad talem moderationem faciendam vel potestatem superiorem juxta regulam, requirat: id enim servandum est.

In quo prælato sit potestas ad expulsionem.

17 Tandem facile etiam ex dictis intelligitur, quis possit religiosum a religione ejicere, supposita causa sufficienti, nam sine illa nullus potest, & cum illa non quilibet, sed qui jurisdictionem ad hunc actum habet, nam est actus vindicativæ justitiæ, & magnæ coactionis, qui sine jurisdictione fieri non potest. Primo ergo ac præcipue habet hanc potestatem Summus Pontifex; non solum, ut supremus pastor Ecclesie, quod clarum per se est, sed etiam ut supremus prælatus religionis, ad quem spectant actus supremi, ab bonum ejusdem reli-

Nec denique con- tra justitiam legalem.

Probatur deinde neque esse contra charitatem.

Concluditur contra citatos in n. 12.

Est in Pa. 2.

Qui putat ejectionem corrigibilem esse illicitam in foro conscientie.

Probatur tamen talem ejectionem non esse illicitam contra justitiam commutativam.

Nec contra vindicativam.

religionis pertinentes. Deinde habet hanc potestatem corpus ipsum religionis; ut autem illam habeat non est necesse, ut a Summo Pontifice specialiter conferatur, sed satis, ut non auferatur, seu reservetur talis actus. Ratio prioris partis est, quia hæc ejectio ex natura rei iusta est, ex vi conditionis inclusæ in priori pacto inter religionem, & Religiosum, ut supra explicatum est: ergo ex natura rei est in ipsa religione tota, seu ut est unum corpus, si aliunde non impediatur: sicut e contrario ex natura rei est apud illum unus retinendi, & alendi religiosum, qui nullam causam præbet ejectioni. Confirmatur, quia omne corpus habet jus separandi a se contagiosa membra, & omnis Respublica abjiciendi, qui eam conturbant, & potestas ad hanc actum per se est in corpore Reipublicæ: ergo similiter est cum proportionem in corpore religioso.

18 Posterior vero pars, quæ est limitatio prioris, patet, quia potestas corporis subordinata est capiti, alias esset summa confusio: ergo si per caput restringatur, id est, per Pontificem reservantem sibi illum actum, non poterit tota religio sine consensu ejus religiosum ejicere. Considerandum itaque est corpus integrum religionis in rigore sumptum Pontificem ipsum ut supremum prælatum includere, qui quatenus jurisdictionem in illam habet, non ab ipsa, sed ex se, seu a Christo illam habet: quatenus vero habet potestatem dominativam, licet a religione illam habeat; in illo tamen ordine est suprema etiam respectu totius corporis religionis simul sumpti, quod non habent prælati intrinseci (ut sic dicam) ipsius religionis. Hac ergo ratione potest hanc potestatem non solum ut universalis pastor, sed etiam ut supremus prælatus sibi reservare. Quia vero jure, & potestate ordinaria relinquit religionem seipsam plene gubernare: ideo quamdiu hæc potestas ablata, seu reservata non est, in ipsa religione integra manet. Et in eo casu, quo Pontifex illius usum sibi reservaret, teneretur ex iustitia, post plenam causæ cognitionem in ejectionem Religiosi consentire, si & culpæ haberet tali pœna dignas, & ad religionis bonum, illius pœnæ executio necessaria moraliter videretur.

19 Tertio solet hæc potestas esse in Generalibus religionum. Nam illis commissa est tota potestas necessaria ad gubernandam religionem, & ad universale bonum ejus: hujusmodi autem est hæc potestas, de qua agimus, ut ostensum est. Unde Pius V. in privilegio supra citato concessit Ordini S. Hieronymi in Hispania, quod habetur in Compend. privileg. ejusdem Ordinis, verb. *Condemnare*, inter alia sic ait; *Considerans quod Prior Generalis, per constitutiones dicti ordinis habet omnimodam, & ordinariam potestatem, quam ipsum Capitulum generale, tempore, quo celebratur, habet: Priori Generali concessit facultatem relegandi*, &c. In quibus verbis solum expendo rationem, quæ movit Pontificem, ad concedendum Generali potestatem, quam Capitulo concedebat: quia tota potestas Capituli translata esse debet in Generalem: eadem ergo ratione jure ordinario habere videtur Generalis potestatem ejiciendi Religiosum ex iusta causa. De aliis vero inferioribus prælatibus, ut sunt Provinciales, Priores, Guardiani, &c. nihil certum dicere possumus ex communi jure, sed solum consulenda esse jura specialia regularum, seu privilegiorum singularum religionum, & illa esse observanda. Regulariter autem videtur esse in solo Generali jure ordinario; nec immerito, quia abscindere membrum corporis est res gravissima, & ideo merito postulatur consensus capituli. Provinciales autem aliquando hac potestate utuntur ex commissione, vel generali, vel speciali, juxta varios usus religionum.

20 Quæri autem hic potest, an prælatus habens hanc potestatem possit illam suo iusto arbitrio, sine consilio aliorum, qui in ordinibus ad hoc ministerium deputari solent, vel potius hujusmodi consilium sit omnino necessarium ad valorem actus. Nam in prædicto privilegio Pii V. ad Hieronymianos additur, *Dum tamen hæc omnia faciat de consilio fratrum*, &c. & similia haberi solent in Constitutionibus religionum, ut in Constit. Prædicatorum, c. 19. d. 1. dicitur, *De consilio discretorum, si expediens judicetur, potest Magister ordinis, &c. Verum tamen in hac etiam re non possumus generalem regulam tradere, sed observandum*

est in unaquaque religione institutum ejus ab Ecclesia approbatum: nam in quibusdam suffragia consulentium decisiva sunt, ita, ut sine illis, vel eorum numero competenti, nihil valide fieri possit, & in eis responsio est clara, quia consilium est de substantia actus, imo solum apud illud est potestas. In aliis vero consulentium suffragia sunt tantum consultiva, quibus auditis, potest prælatus statuere quid judicaverit expedire; duobus autem modis potest intelligi hujusmodi consilium necessarium esse adhibendum, ut in superioribus notavimus, tractando de receptione Novitiorum, scilicet vel ex præcepto tantum, vel ut res bene fiat, non tamen ad valorem actus, vel utroque modo; ex jure autem communi non constat, quo istorum modorum in præsentia requiratur, sed consulenda sunt privata jura uniuscujusque religionis, & illa sunt servanda. In eis autem attente considerandum est, an potestas absolute detur prælato, postea vero solum injungatur, ut tales, vel tales personas consulat: an vero detur talis potestas, quasi sub ea conditione; ut in dicto privilegio Pii V. dicitur, *Concedimus Priori Generali, &c. dum tamen hæc omnia faciat de consensu fratrum*, &c. Quando enim concessio est sub hac potiori forma, est sine dubio illa substantialis conditio, ita ut licet necesse non sit consilia sequi, necessarium sit illa audire, juxta communem sententiam fundatam in proprietate verborum, quam in citato loco exposui. At vero quando potestas priori modo datur, consultatio solum est necessaria ex præcepto, vel regula, & si illa omittatur, male fit, nihilominus actus est validus, quia illa tunc non est substantialis forma, ut eodem loco dixi.

C A P U T V.

An & quomodo professus ejectus teneatur ad religionem redire.

1 IN primis supponendum est, per hujusmodi ejectionem non solvi religiosam professionem quoad vinculum, sed solum quoad usum, seu cohabitationem, sicut quando separantur conjuges propter alterius adulterium, semper manet vinculum matrimonii integrum. Quamquam enim de antiquo usu Ecclesiæ incertum sit, an religiosi dyscoli ejicerentur omnino liberi a professione religiosa, nunc tamen in his, qui solenniter proficiuntur, certum est non ita fieri. Quam diversitatem videre licet in una Societatis religione, in qua scholares approbati ejiciuntur soluto vinculo, professi vero minime: idemque est in omni alio professo. Nam licet ejiciatur, non desinit esse religiosus, ut est concors sententia Doctorum in 4. dist. 48. Innocen. c. *Dilectus*, 2. de simoni. Cardin. Clemen. 1. de Regularib. §. *Quomodo*, q. 1. Etque evidens ex supra dictis de immutabilitate professionis religiosæ; & ex usu Ecclesiæ, nam constat hos manere semper inhabiles ad matrimonium, etiam si non sint in sacris ordinati. Denique hoc aperte supponitur in cap. ult. de Regularib. ut statim in num. 6. expendimus. Manet ergo in his religiosis integra professio, & quidquid est de substantia ejus, atque adeo tria vora, castitatis, paupertatis, & obedientiæ in eo perseverant: quomodo autem eis uti debeat, & ad quid ratione eorum, & professionis obligetur, explicandum superest. Et de castitate quidem nulla est difficultas, tenetur enim illam integre servare, quia potest, & in hoc non ita pender ab actuali subjectione, vel unionem cum sua religione.

De obligatione redeundi ad religionem.

2 De aliis ergo inquiri potest primo, an teneatur semel ejectus ad suam religionem redire, quamdiu aliam professus valide non est, nam in eo casu certum est non teneri: an vero possit id facere, infra videbimus. Quidam ergo asserunt absolute non teneri ad reditum, nec ad illum posse compelli, si per sententiam definitivam, & justam ejectus in perpetuum est. Ita tenet Navarr. Comment. 2. de Regularib. n. 36. Comment. 3. n. 5. 2. & lib. 3. Constit. rit. de Regularib. consil. 77. & seq. Fundamenta ejus sunt, primo, quia per sententiam definitivam extinguitur obligatio, quæ proinde non potest amplius reviviscere. *In perpetuum enim sublata obligatio restitui non potest*, ut dicitur in l. qui res, §. ult. ff. de solutione. Secundo, quia res judicata servanda est, l. res judicata, ff. de regul. jur. & quod bene definitum est, retractari non debet, c. quod bene, 6. q. 4. adeo ut res judicata im-

Supponitur ejectus non liberari a vinculo sui votorum substantialium solennium.

Prima sententia Navarii negans obligationem ad reditum.

Est in tota Religione.

Excipe, nisi a Papa reservetur.

Est denique in Generalibus.

Quid de inferioribus prælatibus.

Requiratur ne consultatio ut prælatus ejiciat religiosum.

ea impediatur litis ingressum, Clement. 1. de except. Ter-
tio, quia est res durissima, ut ejectus definitive contra
suam voluntatem reducat ad monasterium, ubi vix
æquo animo ferre possit impropria, quæ in eum alii
de more obijciunt. Quarto, quia degradatus realiter
a suis ordinibus non potest cogi, ut redeat ad gradum,
quem prius tenebat; ergo nec monachus ejectus, &c.
Tandem ad hoc inducit autoritas Bernardi, Abbatis,
Cardinalis, & Antonini, qui de ejectis nunquam hoc as-
seruerunt, sed solum de fugitivis. Addere ultimo possumus,
quia religio non tenetur semel ejectum iterum reci-
pere; ergo nec ipse tenetur redire, etiamsi revocetur.
Debet enim esse par utriusque conditio, seu obligatio.

3 Alii dicunt, teneri huiusmodi ejectum in primis
ad emendationem, ita ut fiat aptus ad religionem, &
dignus, ut in ea recipiatur. Deinde, teneri ad peten-
dum, & procurandum, ut in religione iterum reci-
piatur, & consequenter teneri ad ingressum, si admi-
tatur. Tertio vero ajunt, si post moralem petitionem
sufficientem repellatur, non teneri amplius ad ingres-
sum, etiamsi maxime cogatur, vel præcipiatur: ita
tenet Soto lib. 7. de Justitia, q. 2. art. 1. circa ad 3. Qui
consequenter ait, hunc Religiosum in eo casu manere
liberum a vinculo religionis, & ab obedientiæ voto,
imo & a voto paupertatis, de quo infra.

4 Et prima quidem hujus opinionis propositio veris-
sima est, teneri scilicet hunc Religiosum ad emenda-
tionem non solum per se, id est, propter vitia vitan-
da, propter quæ punitus est, sed propter statum reli-
giosum, ut, quantum in ipso est, non stet per illum,
quominus ad illum restituatur, & alijs non esset tutum
in conscientia; quam partem tenet etiam Sylvest. *Reli-
gio*, 6. q. 12. & idem supponit in verb. *Apostasia*, q. 5.
& 6. tenet etiam Angles, tit. de Voto, art. 2. difficult.
3. c. 3. Cordub. in c. 2. suæ Regulæ, q. 21. & favet Bonav.
q. 14. super Regulam. Sumitur etiam ex c. ult. de Re-
gularib. ut statim videbimus. Ratione probatur, quia
ille ejectus verus religiosus manet; ergo per se & ex vi
suæ professionis obligatus manet ad vivendum secun-
dum illum statum; ergo tenetur, quantum in se est,
illum non impedire. Confirmatur, quia habens vorum
simplex religionis, tenetur non ponere ex parte sua
voluntarium impedimentum receptioni, quam etiam
procurare tenetur: ergo multo magis ad hoc tenetur
religiosus jam professus, etiamsi ejectus sit, nam eje-
ctio non abstulit vinculum, & consequenter nec obli-
gationem. Maxime cum sua culpa iuste ejectus fuerit,
& nemini debeat sua iniquitas patrocinari.

5 Et hinc etiam probatur auctor secundum dictum
illius sententiæ, quod etiam alii athenes recipiunt, &
ego verum censeo. Nam qui tenetur vivere in aliquo
statu, tenetur non solum illum non impedire, sed etiam
illum procurare, & si admittatur, tenetur acceptare, ut
exemplo etiam adducto de habente vorum simplex reli-
gionis ostenditur; sed religiosus sua culpa ejectus tene-
tur semper obligatione vivendi in statu illo: ergo tene-
tur illum sufficienter procurare, quantum in se est. Con-
firmatur, quia non censetur sic ejectus satis moraliter
emendatus, donec humiliter petat iterum in religionem
recipi; sed tenetur emendari sufficienter, ita ut satis-
faciat religioni, ut in eam posset iterum recipi: ergo.
Imo addit Tabiena verbo *Religio*, n. 25. si in uno mo-
nasterio non recipiatur, teneri alia adire, si sit proba-
bilis spes. An vero teneatur aliam religionem ingredi,
vel hoc ei liceat, dicemus n. 18. nunc enim loquimur
de reditu ad priorem religionem. Tertia vero propo-
siti illius sententiæ probati maxime potest argumentis
Navarri; mihi tamen nihilominus non placet.

6 Dico ergo, Religiosum semel ejectum etiamsi ite-
rum atque iterum petierit iterum recipi, & repulsus sit,
teneri ad ingrediendum iterum, quoties revocatus fue-
rit, si ad aliam religionem non transiit, tunc enim jam
prima obligatio cessavit, & quasi commutata est, ut
statim dicam. Probat ergo assertio ex c. fin. de Regu-
larib. ubi Gregorius IX. præcipit Superioribus religio-
num, ut fugitivos, & ejectos de ordine suo requirant
sollicite annuatim, eosque recipiant, si regularis ordo
id permittit, alijs eis provideant modo ibi statuto: quod
intelligitur, si illi ejecti & fugitivi emendati inventi
fuerint, nam si adhuc sint contumaces, aliud remedium

adhibendum est, ut ibi statuitur. Exponitur in illo tex-
tu. Superiores semper habere jus revocandi ejectos, &
cogendi ad iteratum ingressum, si regula non resistat.
Unde etiam supponit, eos teneri ad obediendum, &
revertendum si præcipiantur, & ideo præcipit eos ex-
communicari, si contumaces sint. Et, quod notandum
est ibi, in hoc æquiparantur fugitivi, & ejecti, constat
autem fugitivos semper teneri ad religionem reverti, si
admittantur; ergo & ejecti. Respondet Navarr. caput
hoc intelligendum esse de ejectis injuste, vel non per
sententiam definitivam, rite & recte latam. Sed hoc
gravis dictum est, & sine fundamento inventum; quia
dictum caput absolute, & sine restrictione loquitur: non
supponere videtur nullum religiosum posse ita definiti-
ve ejici, quin religio retineat jus revocandi illum.

7 Unde argumentor ratione, quia per ejectionem
non solvitur religiosus ab obedientiæ voto, licet pro-
tunc careat usu illius, quia caret actuali regimine Supe-
rioris: ergo si ad obediendum revocetur, tenetur ex vi
voti reverti & obedire. Antecedens patet, tum quia
votum illud solenne extinguere non potest ordinario iure;
tum etiam, quia ille manet verus Religiosus, & con-
sequenter retinet omnia essentialia; tum denique, quia
non debet reportare commodum ex culpa sua; fuit au-
tem propter culpam ejectus, & privatus commodis re-
ligionis, non tamen fuit liberatus onere obedientiæ
omnino. Respondet Navarr. licet fuerit propter culpam
ejectus, jam tamen fuisse sufficienter punitum, & ideo
non debere iterum puniri propter idem delictum, sed
qui sensit onus, debere potius sentire commodum illi
annexum. Sed contra, nam hæc non est secunda puni-
tio, sed debita observantia voti, quod semper manet:
unde licet ille fuerit sufficienter punitus, dum postea
revocatur, non iterum punitur, sed mandatur ei, ut
obligationem suam expleat. Neque hoc commodum
exonerandi se hac obligatione annexum est illi pœnæ:
cur enim, aut quo jure id cautum est? Nulla enim ra-
tio per se spectata rei natura id postulat: sed potius
debitus ordo requirit, ut post debitam satisfactionem
pro delicto persona redeat ad priorem statum, vel
solvat obligationem, in qua semper mansit.

8 Dices, religionem eo ipso quod nolit Religio-
sum petentem, & rogantem admittere, cessasse juri
suo, & ideo illum jam non teneri redire, licet revoco-
tur. Sed falsum est, quod assumitur. Aut enim religio
iusta ex causa recusavit illum acceptare, & quasi ab
exilio revocare, & tunc non est, cur censetur juri suo
cessisse simpliciter, & pro omni tempore, sed solum
voluisse illum condigna pœna afficere, donec satis pa-
teretur: aut injuste & contra rationem negavit illi re-
ditum, & tunc error non est totius religionis, sed unius
prælati, vel conventus particularis; unde non sufficit
ut tota religio juri suo cessasse censetur. Quare potius
existimo, etiamsi velit cedere juri suo in perpetuum,
& sine ulla limitatione, non posse: quia illud jus consi-
derandum est, ut pertinet principaliter ad Deum, quo-
modo non potest tolli per voluntatem hominis sine
iusta causa: sicut non posset nunc religio licentiam da-
re religioso, ut extra illam maneat, cedendo juri suo:
ita ergo est in quolibet ejecto, nam licet ad ejiciendum
illum possit esse iusta causa, tamen ad cedendum in
perpetuum absolute, & simpliciter, ita ut religiosus,
quantum est ex se non teneatur redire, non habet reli-
gio potestatem, quia nulla potest subesse iusta causa,
supposito perpetuo vinculo professionis. Et eadem ra-
tione non potest religiosus remittere religioni obliga-
tionem, quam habet recipiendi illum, quando & de-
lictum est sufficienter punitum, & in futurum nullum
est periculum, quia hoc etiam est contra jus acquisitum
per vinculum perpetuæ professionis.

9 Dices: Etiam vinculum matrimonii est perpe-
tuum, & tamen interdum fit separatim quoad torum ita
perpetua, ut non teneantur conjuges iterum ad se redi-
re: aliquando etiam unus eorum propter delictum ita
privatur jure in alium, ut alter amplius non teneatur
ad ipsum redire: ergo similiter esse potest in presenti.
Respondeo primo, exemplum posse retorqueri quoad
id, de quo agimus. Nam, si separatim fiat, v. g. pro-
pter adulterium unius, licet ille, qui passus est injuriam,
non teneatur amplius conjugi alteri consentire, nec
cum

eum acceptare in suum consortium: tamen si velit idem, qui injuriam est passus, alterum revocare, & cum eo redire in amicitiam, alter semper tenetur acceptare, & vitam maritalem cum alio agere, debitum reddere, &c. ut est communis resolutio Doctorum in 4. cum D. Th. in 4. d. 35. & q. 62. Addit art. 6. quia innocens non privatur jure suo propter peccatum alterius, sed in favorem illi conceditur, quod possit alium a se abjicere; quod autem in favorem conceditur, non debet in detrimentum verti, l. *quod favore*, C. de Legib. & contrario, nullus debet reportare commodum ex suo delicto, & ideo non liberatur conjux adultera propter peccatum suum ab onere cohabitandi, & reddendi debitum, si alter velit uti jure suo, & cedere favore sibi concessio. Unde etiam si adultera prius rogasset admitti, & alter noluisse, si postea ille mutet voluntatem, & revocet adulteram, ipsa tenetur consentire; sic ergo in proposito. Deinde dico, quoad aliam partem esse dissimilem rationem, tum quia in separatione adultera a marito agitur de vindicanda injuria mariti; hic autem agitur præcipue de vindicanda offensione divina, & de tollendo omni impedimento perfectionis, præcipue ipsi religioni, & ideo postquam hoc sublatum est, & Deo est satisfactum, cessat ratio divortii spiritualis ex utraque parte inter Religiosum & religionem. Tum etiam, quia jure declaratum est, illam perpetuam poenam esse debitam injuriæ adulterii, vel alteri simili: seu (quod perinde est) perpetuum illum favorem esse concessum innocenti; in exclusionem vero a religione, nihil tale declaratum est, sed potius ei imponitur onus querendi ejectos, cum limitatione supra explicata.

10 Atque hinc facile responderetur ad argumenta Navarri. Ad primum enim negatur antecedens, nam per sententiam definitivam, per quam aliquis ejectus est, non extinguitur obligatio ejus, cum vinculum professionis, & obedientiæ vorum non tollatur, quatenus exercitium ejus per subtractionem materiæ impeditur. Ad secundum concedo, rem judicatam esse servandam, neque hic proprie mutari sententiam, sed finitur effectus ejus, tempore ab ea virtualiter præscripto. Cum enim aliquis per definitivam sententiam a religione ejicitur, non est sensus talis sententiæ, ut ille liber omnino maneat ab onere religionis, seu ad manendum extra illam, sed solum ut a religione separetur, quamdiu religioni juxta placuerit. Sicut sententia definitiva divortii perpetui non mutatur, etiam si nocens cogatur redire ad petitionem nocentis, quia hæc ipsa conditio in sententia erat inclusa. Ad tertium responderetur, illud incommodum esse valde accidentarium, & extrinsecum, quod sua culpa meruit talis religiosus. Ad do præterea, minus malum esse illa impropria in religione sustinere, quam extra religionem perpetuo manere. Denique addo, si ille vere poenitens redeat, & vitam omnino aliorum ædificatione mutet, non esse cur timeat talia impropria, vel incommoda: & ad obligationem prælatorum religionis pertinebit illa impedire.

11 Ad quartum primo negatur consequentia, & similitudo, nam degradatus non tenetur speciali voto ad obediendum, & perseverandum in illo statu sicut Religiosus. Item degradatus ad ea, quæ sunt oneris, tenetur, etiam per se verant de gradatione, quia tenetur servare castitatem, & horas canonicas recitare; reliqua vero sunt magis honoris, & utilitatis, quibus potest renuntiare: at Religiosus ejectus excusatur pro tunc a multis oneribus religionis, quæ sustinere incipit cum redit, & ideo non debet liber manere omnino ab obligatione redeundi, aliàs commodum talem temporale & humanum ex sua culpa reportaret. Secundo respondeo negando assumptum, quia degradatus realiter a nullo præter Rom. Pontificem potest ad pristinum statum, seu dignitatem revocari; ab eodem autem potest præcipi, & obligari, si oportuerit, ut ad talem statum redeat, eo prorsus modo, quo sacerdos non degradatus cogi potest, ut convenienter suo statui vivat, juxta munera exerceat. Nec enim juxta pœna liberavit eum ab hac obligatione, ut probant cum proportionem rationes factæ: nec adduci potest usus, vel ratio inordinatum, quæ probet efficaciter Pontificem fuisse privatum hac potestate propter degradationem.

12 Ad quintum, ponderationes illorum authorum,

quas Navarrus affert, non multum nos movent; non solum quia jus, & ratio plus movent, sed etiam quia parum fundamentum in eis habent: nam Bern. in positione casus dict. cap. ultimi aperte dicit, utroque, scilicet, fugitivos, & ejectos reducendos esse ad claustrum; supponit ergo utroque teneri ad reditum, quantum est ex se. Quod autem in fine dicitur, sicut fugitivi inobedientes exierunt, &c. ubi videtur omittere ejectos, ut Navarrus ponderat, vel brevitaris tantum causa fecisse credendum est, nec enim a textu ipso, in quo utrique in eadem clausula numerantur, dissensisse verisimile est: vel certe subtiliter judicavit, etiam ejectos, postquam incipiunt esse inobedientes quoad non redeundum contumaciter, incipere etiam esse fugitivos. Et eodem modo intelligendi sunt Abbas, & alii Canonistæ, quos ibi citat, qui interdum de utrisque, interdum de fugitivis loquuntur.

13 In ultimo argumento petitur, an religio teneatur suscipere hos ejectos? ad quod dicendum fere est, sicut supra de fugitivis. Posset ergo negari consequentia, quia non est æqualis ratio, cum religio sit innocens, & qui ejicitur sit nocens, & sua culpa mereatur privari omni bono religionis, licet religio jus suum integrum retineat, sicut exemplo matrimonii declaratum est. Unde secundo dicitur, in hoc spectandum esse jus religionis, nam si juxta propriam regulam potest propter certa, vel gravia crimina aliquos perpetuo ejicere sine obligatione amplius eos recipiendi, ipsa libera manebit, quamvis alter non omnino maneat liber. Nam a principio intelligitur pactum inter religiosum, & talem religionem sub ea conditione initum, quod tacite approbatur in dict. c. ult. dum dicitur, ejectos recipiendos esse, nisi regula obstat: quod non est injustum, quia jus religionis majus est, quia ejus bonum divinius, utpote communius, est: item quia, ut dicebam, religio est innocens, alter autem nocens, & pro eo casu, & non pro alio ponitur dicta conditio. De qua re plura in simili dicemus tractatu decimo de Societate.

14 Adduntur vero duo jure communi statuta in illo c. ult. Unum est, quod ubi regula non obstitit, ejecti recipiendi sunt in religione secundum regularem disciplinam, id est, sufficienter emendati, & castigati, & exhibita cæteris religiosis sufficienti satisfactione. Secundum est, ubi secundum regulam recipi non possint ad communem vitam, recipiendos esse ad arctam aliquam custodiam, vel separatam vivendi modum prope monasterium, ut sub illius providentia, & expensis, ne in perniciem suarum animarum vagari cogantur. Nam quia hic status principaliter ordinatur ad salutem animæ, hujus major ratio habenda est, quam alicujus oneris, vel expensarum religionis. Unde colligo, juxta jus illud, nullum religiosum esse ita ejiciendum, ut libere vagari permittatur, quia si vagantes reducendi sunt juxta textum illum, nunquam vagari permittendi sunt: ergo nec a principio sunt liberi permittendi, sed custodiendi eo modo, quo in illo capite disponitur. Regulariter autem hoc non servatur, quia vel religiones non possunt sine magno suo detrimento hos custodire, vel quia religiones nova habent privilegia, aut statuta a Pontificibus confirmata, quæ consulenda sunt.

Quomodo recipiendus sit in eadem religionem professus expulsus.

15 Quæritur autem potest ulterius, quando hujusmodi ejectus revertitur ad religionem vel ipso petente, & religione consentiente, vel e contrario religione cogente, & ipso non resistente, quomodo recipiendus sit. Respondeo in primis requiri sufficientem potestatem in recipiente, quia est res gravissima, & pertinet ad gubernationem religionis, & ideo non potest privata auctoritate fieri, sed publica potestate religionis. Apud quem autem sit talis potestas juxta varia instituta & regulas religionum respondendum est. Nihil enim video jure communi statutum, præter ea, quæ de receptione religiosorum tomo præced. diximus, & quod in dict. cap. ult. disponitur, ubi Abbates præcipiuntur hujusmodi ejectos recipere, si regula non resistat, vel aliquo modo eos custodire, ubi aliter juxta regulam recipi non possunt. Quod ergo ibi de Abbatibus dicitur, in aliis religionibus cum proportionem intelligendum est

Quid jus commune statuerit de ejectis.

Debita potestas ad receptionem.

Nova
pr. fessio
in antiqua
religi. ne
no. requi-
gitur.

de praelatis, ad quos hæc cura pertinet, vel solis, vel cum aliquorum consilio, juxta regulam.

16 Deinde respondeo non debere ejectum cum recipit, novam professionem emittere: cum enim supra n. 1. dictum sit, hos non liberari per ejectionem a vinculo professionis, & votorum solennium, clarum est non indigere nova professione, sed solum revocationem prioris suspensionis, & actualis separationis a gremio religionis, ratione cujus erat quis impeditus ab actuali usu obedientiæ, & ab actuali unione cum tali corpore, postea vero restituitur ad talem unionem actualem per solum mutationem voluntatum, & mutuum consensum in actualem usum, (ut sic dicam) non in vinculum. Sicut in exemplo supra posito in n. 9. de matrimonio, cum illi, qui perpetuo divortio erant se juncti, per novum voluntarium consensum iterum conjunguntur, non contrahunt matrimonium, quia non est novum vinculum, sed novus usus ejus. Unde non solum non est necessaria nova professio, verum nec proprie videtur possibilis, quia professio valida, & eadem omnino non est multiplicabilis in eadem persona, licet ad majorem devotionem possit exterius renovari. Dixi autem eadem omnino, quia si in alia diversa religione ille ejectus reciperetur, deberet in ea denuo profiteri, quia nunquam se illi tradidit, nec votum obedientiæ ibi fecit, & ita est professio quodammodo speciei diversa, eo modo, quo instituta distinctarum religionum moraliter diversa sunt. Similiter si religio esset ex his monachalibus, in quibus unusquisque in sua domo speciali proficitur, tunc ejectus ab una domo, si in aliam ejusdem religionis reciperetur, deberet in illa profiteri, ut esset filius illius domus, nam hoc necessarium esset etiam si ejectio non intercederet, sed immediatus transitus ab una domo in aliam. Ut autem iterum recipiatur in eadem religionem absolute, non indiget nova professione, sed externa acceptione habentis potestatem, nam hoc ipso manet actualiter subiectus, sicut antea erat.

17 Interrogari autem potest ulterius circa hoc punctum, an recipiendus sit talis ejectus in eodem gradu antiquitatis professionis, quoad locum sedendi, ferendi suffragium, & alias prærogativas, ad quas professionis antiquitas necessaria est, juxta varios usus religionum. Quidam enim affirmant, alii partem negantem absolute docent: mihi autem videtur neutrum esse simpliciter necessarium, sed arbitrio prudenti recipientium committendum esse. Regulariter autem loquendo, ille, qui ejici meruit, consequenter videtur amisisse jus ad suæ professionis gradum, & ideo merito recipi posse in novissimo loco. Item, ratione prioris delicti dignus est hac privatione in pœnam, nam si dignus fuit ejectione, multo magis hac privatione, & licet ei, dum iterum recipitur, ex parte remittatur pœna, nihilominus non est necesse, ut omnino remittatur, quoad hanc conditionem accidentalem. Sed licet hoc regulare sit, nihilominus talis esse posset conditio personæ, tanquam pœnitentia & emendatio, ut censetur dignus majori remissione, & ideo jussu possit vel ad pristinum gradum, vel ad mediocrem alium recipi. Imo aliquando id expediet ad bonum religionis, ut alii ejecti ad pœnitentiam agendam animentur.

Ad quid teneatur Religiosus expulsus, si in suam religionem non recipiatur.

18 Tertio vero quaeritur, quid teneatur facere ejectus quoad statum suum, si in sua religione non recipiatur, an scilicet teneatur aliam ingredi religionem, vel possit libere in seculo manere. Nam Bonavent. d. q. 14. super regulam sentit, teneri aliam religionem ingredi, quod sequitur Cordub. dict. q. 21. in cap. 2. suæ regulæ, prope finem. Dicendum autem est primo, religiosum semel ejectum posse libere aliam religionem ingredi, si velit, quod est manifestum, si prius diligentiam aliquam adhibuit, ut in sua religione reciperetur, nec potuit obtinere, ut a fortiori patebit ex dicendis: verumtamen absolute id verum existimo, posse, scilicet, statim ac ejicitur, nulla alia expectata licentia, vel diligentia præmissa, aliam religionem ingredi, si strictior, vel saltem æqualis sit, quia tunc nec suæ religioni faciet injuriam, cum ipsa eum expulerit, nec statui religioso ut sic, cum æqualem accipiat. De transitu vero ad la-

xiores, dubitari potest, quia talis religiosus ex vi prioris professionis tenetur permanere, quantum in se est, in statu tantæ perfectionis: ergo donec per illum fiat, quominus in illo permaneat, non potest libere ad laxiorem transire. Confirmatur, quia non potest libere manere in seculo, quando ipse est in causa, ut sit a religione ejectus, & ideo tenetur tollere impedimentum, & se ostendere paratum ad rediendum, ut supra a n. 6. dixi. Ergo eadem ratione in eodem casu & tempore eadem proportionem minuere (ut sic dicam) statum perfectionis, quem professus est, donec per ipsum non fiat, quominus in priori statu maneat. Tandem confirmatur, quia Innocent. IV. concessit Minoribus, ut referatur in lib. Monumenta Ordinis, concess. 162, ut semel ejecti possent libere ad aliam religionem transire, exceptis militibus: ergo signum est, hoc per se non esse licitum propria auctoritate, saltem quantum ad religionem laxiorem. Alioquin non fuisset necessaria specialis concessio, nec debuissent excipi religiones militares, nam illæ veteres religiones sunt, esto sint laxiores. Et hæc pars mihi probatur.

19 Non desunt tamen, quibus videatur in eo casu posse Religiosum sic ejectum statim transire ad religionem laxiorem, si velit, quia in ea salvatur substantia status religiosi; ad modum autem, seu austeritatem ejus, ille non se obligavit absolute, sed solum in ea religione, quam professus est, ab illa autem jam est ejectus in perpetuum, ut supponitur: ergo eo ipso manet liber ab illo speciali vinculo. Sed hæc ratio solum probat hoc licere post factam diligentiam, ita ut per religiosum non fiat, quominus in priori austeritate perseveret, nam ex sua culpa non debet commodum, & libertatem ab obligatione arctioris religionis comparare: ergo donec emendatus a culpa, ostendat se paratum ad illam obligationem implendam, & per illum non fiat, non potest ei talis libertas concedi. Quamvis autem ex natura rei hoc ita esse videatur, ex dict. concessione Innocentii, id licebit cum limitationibus in ea positis. Quia ex dispensatione Pontificis licitum est ad laxiorem religionem transire; illa autem concessio continere videtur in hac parte generalem dispensationem, quæ potuit habere justam causam ad evitanda majora mala. Limitationes autem sunt; prima, ut non fiat transitus ad religionem militarem, quoad milites arma portantes, nam quoad clericos, vel monachos, qui in eis religionibus spiritualem vitam profitentur, non videtur id prohibitum. Alia limitatio est, ut sic ejecti deferant literas testimoniales Provincialis, vel Generalis sui ordinis, & aliter recipi non possint absque licentia specialis Sedis Apostolicæ. Et quantum ex verbis concessionis colligitur, si hæc forma receptionis non servetur, professio erit invalida, non minus quam si alius non ejectus reciperetur. Ultima limitatio est, quod hæc concessio specialiter facta est Minoribus, & ideo solum alii, qui cum illis in privilegiis communicant, illa uti poterunt.

20 Secundo dicendum est, religiosum ejectum nunquam teneri ad aliam religionem transire, sed posse in seculo libere manere, postquam jam emendatus repulsus est, licet se sufficienter ostenderit paratum ad rediendum; ita tenet Soto supra, & a fortiori Navarr. Sylvest. & alii citati. Et probatur, quia ille sic professus non se obligavit alteri religioni, & per illum jam non stat, quominus in ea vivat, ut supponitur: ergo non tenetur alteram ingredi, quia in his, quæ ad consilia pertinent, nemo tenetur, nisi ad id, quod voto se obligavit. Sicut qui promissit ingredi determinatam religionem, si in ea non recipiatur, non tenetur aliam quaerere, quia ad illam solum se obligavit; sed similiter per professionem in hac religione solum illi, ejusque regulæ se obligavit: ergo si ab ea repellitur, non tenetur aliam quaerere. Dices: esto ipse ex vi votorum non teneatur, posse a Praelato religionis cogi, & obligari, ut ad arctiorem religionem transeat in pœnam delictorum. Respondeo, etiam hoc modo non posse simpliciter obligari, ut docet Navarr. consil. 77. de Regularib. quod ipse probat, quia postquam ejectus est, non est subditus: ergo non tenetur parere, quia extra territorium jus dicenti impune non paretur. Sed contra, quia potest religio non prius hunc ejicere, sed immediate condemnare, ut transeat ad religionem arctiorem. Item quia in pœnam delicti prius commissi, potest

Aliorum
placitum,
& funda-
mentum.

Secundum
pronuntia-
t m, eje-
ctum non
obligat
ad transi-
tū illum.

Secus si ad
aliam siq
redias.

An eje-
ctus rece-
pius gau-
deat anti-
quis præ-
eminentiis.

Judicium
Authoris.

Primum
pronun-
tiam in
hoc tertio
puncto,
posse eje-
ctum in-
gredi aliā
religionē.

Non tamē
laxiorem.

potest illum obligare, ut post ejectionem jejundet, vel sit relegatus a tali civitate, sicut potest ad tritemes condemnare. Ratio ergo est, quia nemo potest ad statum religiosum obligari (etiam in poenam delicti) si illum non vovit: eadem ergo ratione non potest cogi ad altioris religionem absolute: poterit tamen sub conditione, vel disjunctione obligari, ut vel transeat ad aliam, vel maneat in perpetuo carcere, aut ad tritemes eat, supposito delicto digno tali poena.

21 Dices: Ergo saltem si prius ante professionem in ea religione factam vovisset absolute religionem, teneretur postea ejectus ex vi prioris voti, repulsus a tali religione aliam quaerere. Respondetur, ita sentire Sotum, neque id esse directe contra nostram assertionem, in qua solum consideramus obligationem per se, & ex vi professionis. Respondemus tamen secundo, negando consequentiam: probabilius enim nobis videtur, etiam in eo casu non obligari religiosum ejectum, & omnino repulsus, aliam religionem ingredi, ex duobus capitibus: unum est, quia prius votum simplex, etiam si de religione absolute fuerit, jam satis fuit completum; & ideo amplius non obligat. Sicut qui bona fide ingressus est unam religionem, ut probaret illam, & ante professionem licite dimittit habitum, non tenetur aliam ingredi, quia implevit votum, ut supra dictum est: ergo a fortiori, &c. Aliud caput est, quia prius votum per priorem professionem prorsus fuit extinctum. Imo addo, licet prius votum fuisset de particulari religione strictiori, ita ut ille peccaverit laxiorem ingrediendo, & in ea proficundo, nihilominus postea ab hac ejectus, jam non teneatur alteram, quam voverat, vel aliam aequalem, aut inaequalem ingredi, quia votum illud simplex omnino extinctum fuit per talem professionem, ut definit Pontifex in c. *qui post votum*, de Regularib. in 6. & resolvit D. Th. 2. 2. q. 188. art. 8. ad 3. & ibi Cajet. & a nobis est in superioribus declaratum.

C A P U T VI.

*Ad quid obligetur Religiosus expulsus licite
& libere in seculo permanens.*

1 JAm vero de hoc religioso ejecto, & in seculo licite permanente multa occurrunt, circa obligationem, honestumque modum vivendi ejus; certum est enim in eo manere vincula professionis, & trium votorum, ut ostendimus; in usu ergo illorum, & in actualibus obligationibus, quae ex illis nasci possunt in tali statu, est ora hujus rei difficultas. Quae in voto castitatis nulla est, nam observantia ejus non pendet ab aliquo praelato, nec ab speciali vivendi modo, & ideo ubique servari potest & debet integre. Igitur de voto obedientiae est dubitatio, cui tenetur ille religiosus actu obedire, quia videtur nemini teneri ex vi voti, sed solum ex vi communium legum, aut praeceptorum: Quod si ita est, ad nullum usum obedientiae religiosus tenebitur, & consequenter nec ad usum paupertatis, quia hic intelligi non potest sine ordine ad aliquem praelatum religiosum, quia votum paupertatis involvit ex parte materiae ordinem ad aliquem praelatum, qui possit licentiam dare utendi temporalibus bonis, ut supra dictum est, & consequenter nec ad alia opera religionis omnino tenebitur: quae omnia videntur incommoda, quia illa persona ex vi sui status semper manet obligata ad statum perfectionis: ergo necesse est ut ad aliquem usum ejus maneat obligata.

De obligatione quoad votum obedientiae.

2 Primo ergo circa obedientiae votum est sententia Navarri, religiosum sic ejectum teneri ad obediendum Episcopo non tantum ut alii fideles, vel clerici tenentur ratione suae jurisdictionis, sed specialiter ratione voti obedientiae, atque adeo in his, quae ad perfectionem aliquo modo pertinent, secundum modum illi rationi vivendi proportionatum. ita habet in Comment. 2. de Regularib. n. 33. & Comment. 3. n. 46. Et inde refert. eodem ejusmodi ejectum, ad se praesentandum Episcopo, & manifestandum se esse religiosum, & paratum ei obedientiam praestare. Unde intelligitur ipsum loqui de speciali obedientia religiosa, & ex vo-

to, nam si solum teneretur obedire ut alii clerici, non oporteret se amplius manifestare, quam clericum. Fundamentum ejus est, quia nullus potest manere sine Superiore, c. *nulla*, 93. d. sed ille ejectus manet sine Superiore suae religionis: ergo necesse est ut alteri subesse incipiat; nullus est autem nisi Episcopus, ab ejus enim obedientia per professionem liberatus erat; ergo in illius obedientiam incidit cum a jugo professionis per ejectionem liberatur.

3 Contrariam sententiam indicat Soto lib. 7. de Justit. q. 1. art. 1. dum ait, hujusmodi religiosum manere liberum a voto obedientiae. Expressius id docuit noster Molina, tom. 1. de Justit. disp. 140. ubi sententiam Navarri dicit esse contra praxim Ecclesiae, ideoque omnino improbabilem. Fundamentum est, quia nemo tenetur ex voto obedire, nisi cui promissit; sed religiosus ille non promissit obedire Episcopo, sed praelati suae religionis: ergo si his obedire non potest, nec tenetur; quia ab eis ejectus est, non est unde obligetur Episcopo ex speciali voto, sed ab usu talis voti liber manet, solumque manebit sub obedientia Episcopi sicut ceteri clerici, vel fideles. Confirmatur, nam hac ratione supra dicebamus non teneri aliam religionem ingredi, quia illam non vovit: ergo similiter, &c. Atque hinc sequitur (juxta hanc opinionem) non teneri religiosum hunc manifestare Episcopo quod religiosus sit, quia satis est quod ei obediat ut simplex clericus, ad quod necesse non est ut Episcopus sciat illum esse religiosum. Solum ergo tenebitur esse paratus redire ad obedientiam religiosam, quoties revocatus, & admissus fuerit, & hoc satis est ut vinculum voti obedientiae maneat.

4 Nihilominus opinio Navarri contemnenda non est, nec minus probabilis, sed absolute probabilior debet reputari; quamvis in usu adeo limitanda sit, ut non relinquatur magna diversitas. Hac posterior pars ex discursu eorum, quae n. 10. dicemus, constabit. Prior autem suadet, quia in primis eam significant graves Doctores, Panormit. in c. unico de infantibus & languidis, in fine ait, religiosum legitime ejectum esse sub potestate Episcopi. Idem sentit Innocent. in c. *cum olim*, 2. de privileg. n. 3. quatenus dicit, hunc monachum ejectum acquirere Episcopo, a cujus jurisdictione non est absolutus: videtur enim loqui de jurisdictione religiosa, quia alia communis non sufficeret ut Episcopo acquireret. Hanc autem Innocentii opinionem videntur probare Doctores ibi communiter, ut affirmat, & sequitur Alexand. de Neap. in Addition. ad Panormit. supra; tenet etiam Archidiacon. in c. *Abbatem*, 16. q. 2. Specul. de stat. Monach. vers. 41. Fredericus de Sen. consil. 38. Sylvest. verb. *Apostasia*, q. 6. Præterea est hæc opinio per se valde consentanea rationi: nam hic ejectus manet verus religiosus; ergo tenetur eo modo, quo commode potuerit, servare statum suum, & vitam religiosam, saltem quoad substantialia, sed hoc non potest nisi alicui specialiter obediat; nullus autem est alius, cui hæc obedientia magis præstari possit, & debeat, quam Episcopo. Quod in hunc modum confirmatur, quia olim in Ecclesia, qui proficiebantur statum religiosum privatum, seu solitarium, eo ipso subiciebantur specialiter Episcopo, & omnes monachi erant illi specialiter subiecti, nisi eximerentur; sed iste religiosus postquam ejectus est, manet in statu religioso quasi solitario, seu particulari, privatur etiam per ejectionem privilegio exemptionis: ergo eo ipso reducit ad jus antiquum, manetque Episcopo subiectus, non solum communi modo, ut alii fideles, sed speciali titulo religiosorum.

5 Argumentum in contrarium expediri potest primo supponendo quod supra diximus, votum obedientiae religiosae non tantum fieri praelatis intrinsicse ejusdem religionis, sed etiam extrinsecis, ut ita loquamur, & ideo diximus nunc fieri a Religiosis exemptis ipsi Papæ, nam ille speciali modo est praelatus omnium religionum; a religiosis autem non exemptis fit etiam Episcopo, cui subiciuntur tanquam praelato superiori omnibus praelatis, seu praeceptis religionis, & consequenter etiam Papæ tanquam supremo. Si ergo religiosus ejectus sit non exemptus clarum est manere sub obedientia Episcopi, ex vi sui voti, quia a principio illi tanquam praelato illam promiserunt, ut declaratum est,

Resolutio
quoad ob-
ligationem
castitatis.

Navarri
sententia.

Expeditur
fundamen-
tum
contrarii
in n. 3.

est. In religioso autem exempto videtur id difficilius explicari. Dicendum autem est, quamvis in eo tempore, seu statu promiserit obedientiam Episcopo, materialiter, ut sic dicam, promississet tamen illam omnibus prælatis suis, & quia pro eo tempore Episcopus non erat proprius prælatus ejus, ideo non obligabatur illi ex voto obedientiæ; tamen, quia post ejectionem incipit esse prælatus ejus, ideo incipit etiam illi ex voto obligari. Confirmatur, & declaratur, quia prius votum factum est non solum prælatis religionis, sed etiam Summo Pontifici, imo huic primo ac præcipue, aliis autem ut gerentibus vicem ejus: ergo etiam post ejectionem obligat votum ad obediendum Pontifici: ergo & gerenti vicem ejus, qui tunc est Episcopus, nam per ejectionem perdit religiosus privilegium exemptionis, & consequenter ex voluntate Pontificis, vel expressa, vel tacita, subicitur Episcopo, quia non est verisimile, ut Pontifex, qui vere est prælatus & superior ordinarius talis Religiosi, relinquat illum liberum omnino, & sine ullo regimine. Sicut ergo ante exemptionem omnes religiosi erant sub obedientia Episcoporum, ita intelligendum est ad eandem redire, finito privilegio exemptionis, ut per ejectionem finitur, & sub hac tacita conditione concedi. Declarari potest exemplo Religiosi, qui ad seculare beneficium promotus est, nam eo ipso definit esse sub obedientia prælatorum suæ religionis; & incipit esse sub obedientia Episcopi, sub quo habet beneficium, ut est communis sententia, quam ostendit Navar. supra ex glossa, Cardin. in Clement. 1. de statu Monach. verb. *Clausuram*. Joan. Andr. Panorm. & alii, & textu ibi in c. ult. de Capellis Monach. Panorm. c. *quod Dei timorem*, de statu Monach. n. 9. Sylvest. verbo *Religio*. 7. qu. 11. Nec est verisimile illam obedientiam esse communem tantum, prout illam debent seculares clerici, sed accommodatam religioso statui, quia aliud esset prius inordinatum, & contra bonum animarum: ergo signum est eo ipso quod Religiosus liberatur ab obedientia prælati exempti, incidere in obedientiam Episcopi: idem ergo est in casu ejectionis.

6. Denique dicitur, præter votum obedientiæ, & directam obligationem ex illa ortam, Episcopum ex vi sui muneris, & jurisdictionis habere potestatem regendi personam quamcunque religiosam non exemptam, modo convenienti, & apto statui religioso. Nam, ut supra dicebam, esse religiosus non voveat obedientiam Episcopo, eo ipso quod religiosus est, & in foro Ecclesiæ in eo statu constitutus, pertinet ad Episcopum eum in illo statu governare, & convenientia illi statui præcipere, & inconvenientia removere: sicut persona clerici eo ipso quod ordinatur, subicitur specialiter Episcopo, nam persona religiosa, eo ipso est specialiter res sacra, & Ecclesiastica, unde vel hoc solo titulo incipit esse sub speciali cura prælatorum Ecclesiæ, & consequenter, remota exemptione, pertinet ad specialem curam Episcopi, & ob eandem causam debet illi specialē obedientiam longe alio modo, quam reliqui seculares laici, vel clerici, quia in ordine ad diversum finem, & consequenter etiam in diversis mediis, & rebus. Hoc ergo satis est, ut secluso etiam voto dicatur Religiosus ejectus esse sub speciali obedientia Episcopi, teneatur ad obediendum illi in rebus suo statui convenientibus, si non ex voto, saltem ex pastoralis potestate Episcopi tali statui proportionata: licet fere non sit tam ampla sicut addito obedientiæ voto. Unde etiam consequenter fit, ut talis Religiosus teneatur se manifestare Episcopo, & sui status notitiam ei dare, ut ab eo possit gubernari. Qui enim ad aliquid agendum tenetur, consequenter obligatur ad ea, quæ necessaria sunt, ut illud fieri possit, argumento c. 1. & c. *præterea*, de offic. deleg. Cui Episcopo, habitationis ne, an originis, an forte beneficii, teneatur ejectus se præsentare.

7. Statim vero oritur secundum dubium, quod late supra tract. Navar. dict. Comment. 2. n. 34. cui Episcopo teneatur hic Religiosus se præsentare, & obedire, an Episcopo originis, vel domicilii, seu loci, in quo ejicitur, aut beneficii regularis, si quod habebat. Et respondet; subici Episcopo originis, unde vult eo ipso quod ejicitur, incipere esse subiectus Episcopo originis, quantumvis ille distet, ideoque teneri adire, vel convenire illum, eique obedientiam præstare, &

Suarez. Tom. XV.

sub ejus dispositione vivere, aut, si velit ad alium Episcopatum transire, ab illo licentiam postulare, nec posse licite suo arbitrio id facere. Fundamentum illius est, quia solus Episcopus originis est certus, & immutabilis. Nam licet per beneficium, vel aliis modis alibi possit acquiri domicilium, & subiectio ad Episcopum: numquam tamen aufertur domicilium originis, sed accumulatur aliud, reliqua vero mutabilia sunt, & facile auferuntur. Confirmatur, quia alias religiosus ejectus, cum primum incipit esse extra religionem, maneret quasi sui juris, ut libere possit cui voluerit Episcopo se subdere, & præsentare, quod est contra statum ejus.

8. Hec vero sententia practice pati potest plures difficultates, & non sufficienter fundatur, ideoque non videtur sequenda, nec ipsi ejecti in has angustias redigendi sunt. Contingit enim sæpe Religiosum ejici in loco remotissimo a loco suæ originis; cur ergo cogetur statim peregrinari, & illum adire? Interdum etiam illud erit magnum incommodum non solum spirituale, sed etiam temporale, vel quia erit illi occasio libere divagandi per multum tempus, & varia loca, vel quia redire ad locum originis erit fortasse nocivum. Sæpe etiam erit molestissimum, vel propter honorem, vel propter ruborem, & verecundiam nimiam: cur ergo tam datam obligationem imponemus sine sufficienti fundamento? Nam quod immutabilior sit origo, non refert: inde enim habetur ad summum, posse hunc ejectum, si velit, se subdere statim Episcopo originis, non vero quod illi necessario subiciendus sit, nam hoc præstant alii tituli domicilii, aut beneficii, ut possit quis alteri subdi, si velit. Et ita quoad alios actus jurisdictionis liberum est aliis personis se subdere Episcopo beneficii, aut domicilii, & non originis: ut, v. g. ad recipiendum ab eo licentias dimissorias, & similia: ergo idem erit in præfenti.

9. Quocirca probabile mihi est, esse liberum huic religioso ejecto statim se præsentare Episcopo loci, in quo est monasterium, a quo ejicitur, & illi obedire; si vel hoc sit ratione domicilii, quod libere eligit, & incipit ibi habere, si vel quia tunc est quasi peregrinus, & nullum habens domicilium, & ideo subicitur pastoribus illius loci, in quo præfens est, & quasi peregrinari incipit. Nec tamen ad hoc ipsum censo esse obligandū, quia, si velit, potest etiam adire Episcopum originis propter fundamentum Navarri. Nec est inconveniens, quod Navarri confirmatio agebat, ejectum liberum esse inter hæc eligere, præsertim priusquam se præfentet, quia est veluti carens determinato prælato, cui actu subiectus sit, ideoque aliquam spontaneam electionem in eo habere potest. Videri autem potest probabile inter hos duos Episcopos debere necessitate eligere, quia respectu aliorum nullum habet titulum subjectionis. Nam quod habuerit domicilium sub illo Episcopo antequam ingressus esset religionem, non refert, quia jam omnino domicilium mutavit: & idem est, si ante beneficium habuit, quod jam omnino eliquit, nulla enim inde manet subiectio. Sed licet sit verum, nullam rationem subjectionis respectu aliorum Episcoporum, adhuc manet dubium, an pro suo arbitrio possit illam præbere, cui voluerit, quod pendet ex alia dubitatione, scilicet an postquam uni se præsentavit, & actu subiecit, teneatur perpetuo sub illo manere, ita ut sine illius licentia non possit mutare domicilium, de quo statim n. 16. dicam, & inde patebit alterius dubii resolutio.

Quomodo, & in quibus rebus debet ejectus obedire Episcopo.

10. Dubitari enim ultimus potest, quomodo, & in quibus rebus teneatur hic Religiosus ejectus obedire Episcopo, cui jam se præsentavit, & subiectus actu est, ut 2. parti assertionis satisfaciamus. Ratio autem dubitandi esse potest: quia ille solum promittit obedire prælato secundum talem regulam, sed ejectus jam non tenetur servare regulam: ergo non tenetur obedire secundum illam: ergo nulla in re tenetur obedire, quia quidquid extra regulam præcipitur, non cadit sub tale votum, ut supra ostensum est. Que dubitatio supponit aliam simul hic necessario tractandam; an teneatur Religiosus ejectus regulam servare, quantum in illo statu potest, illa enim, quæ pendet ex actuali vita regulari, & communis, servare non potest, & ideo cla-

Judicium auctoritatis libere unum esse ejecto foris Episcopo originis, vel Monasterii.

Quid ostendo alteri jam elegit.

Ostenditur jam 2. parti assertionis posita in n. 4.

Dubium præviū de obligatione ejacti ad regulam religionis.

rum est ab illis excusari; ut est, v. g. assistere in choro, claustrum suo modo servare, ita ut sine licentia prælati non possit claustrum exire, interesse Capitulo, & communem penitentiam suscipere, & similia; sunt vero alia multa, quæ possent extra claustrum servari, a quibus non videtur exonerandus hic ejectus, cum possit ea servare, ne commodum ex iniquitate sua reportare videatur. Hujusmodi sunt in primis privatim recitare officium Canonicum, quæ videtur esse generalior obligatio consequens professionem; item jejunia ordinis custodire, quæ videtur etiam gravissima obligatio; item disciplinas, vel alias penitencias, quas regula præscribit, & si quæ alia sunt ejusmodi. Eadem questio est de habitu, quem scilicet deferre teneatur, aut quem possit ei præcipere Episcopus, cui subiectus est. Tandem questio similis est de habitatione, & de aliquali modo claustræ, ita ut ei præcipi possit ne tam facile domo exeat, vel non solus, vel non sine alicujus facultate. Ac denique an possit illi prohiberi mutatio in alium locum, vel etiam, an possit ei præcipi. Nam ex una parte videtur valde alienum ab statu religioso, ut possit suo arbitrato locum, vel domicilium mutare, vel etiam ut non possit a suo Superiore mutari. Ex alia vero parte non apparet quomodo possit ad aliquid horum præcepto cogi, cum ea non promiserit, nec sint secundum regulam, quam promissit.

11. In hac re incipiendo a secundo dubio, Soto lib. 7. de Justitia, qu. 2. art. 1. & circa, ad 3. pro certo habet, non teneri hujusmodi ejectum ad observationem regulæ, cum ad nullum obedientiæ usum obligetur. Idem Molina loco citato: Navarrus etiam, licet in puncto de obedientia Episcopi ab eis differat, in hoc tamen consentit, quod non puer teneri ad regulam servandam, tum citatis locis, tum etiam lib. 3. Consiliorum, consil. 79. Alii dixerunt, hunc teneri ad observanda substantialia regulæ, non vero ad accidentalia. Et hoc posterius communiter receptum est, ut ait Navarr. supra. Primum vero videtur sensisse Fredericus de Senis, quem ibi citat consil. 38. Sed difficile est, aliqua substantialia in regula distinguere præter tria vora. Et ideo absolute asserendum videtur cum communi, hunc non teneri ad regulæ observationem, ita tenet cum Soto supra Navarr. Comment. 3. de Regularib. n. 46. Et ratio est, quia ad regulam non obligatur quis nisi ex vi professionis, & quasi sub pacto, & conditione, ut permittatur vivere in tali statu, & communitate: nam civis in tantum obligatur legibus civitatis, in quantum in illa vivere permittitur; si autem ab illa ejiciatur ac relegatur, cessat obligatio. Item, quia observantia talis regulæ in tali vita communis, est suo modo facilis propter propositionem, quam habet cum tali modo vivendi, & auxilia, quæ in eo statu sunt ad illam observantiam sustinendam, quod extra claustrum, & in seculari vita esset molestissimum religioso: ergo non intendit se obligare ad regulam, nisi ex suppositione talis status. Item ille non gaudet privilegiis religionis, nec alitur bonis ejus, & consequenter non exoneratur cura, & diligentia quærendi necessaria ad vitam; ergo non debet onerari caeremoniis, vel observantiis religionis.

12. Ut vero assertum hoc magis in particulari explicetur, dicendum est, hunc religiosum ejectum non teneri ad officium canonicum recitandum, si clericus in sacris non sit, ita Soto supra: & probatur, quia vel teneretur ex voto, & hoc non, quia illud non expresse, & in specie vovit; vel ratione regulæ, & hoc non, quia non teneretur ad regulæ observationem, ut ostensum est; vel ratione Ecclesiastici præcepti, quod obliget omnes in religione professos, & hoc nullum extat, ut diximus lib. 4. de his canon. c. 10. n. 7. vel ratione consuetudinis, & hæc solum probari potest de religionis suum statum proficentibus, ac retinentibus, & ad chorum per se obligatis, nam illi, qui chorum non proficentur, vel qui non sunt ad chorum deputati, nec talem habent consuetudinem, nec ad hoc obligantur ex sententia omnium; a nullo autem nuncius potest ostendi consuetudinem in his ejectis; nec consuetudo, quæ est intra religionem, potest obligare ad illam extra religionem servandam, tum quia non est major ratio de consuetudine, quam de regula; regulam autem non teneretur servare, ergo nec consuetudinem: tum etiam, quia modus vivendi

longe diversus est, & consuetudo respicit istum specialem vitæ modum; tum etiam quia extra religionem deficit fundamentum illius consuetudinis; quod est obligatio ad chorum ex vi regulæ, & fortasse sustentationis ex eleemosynis aut Ecclesiasticis bonis, ut aliqui volunt: ejectus enim jam non alitur ex bonis religionis, sed oportet ut quærat unde alatur: durum ergo est illum obligare; nam habens titulum beneficii sine sacris ordinibus, si omnino fructibus ejus gaudere non potest, non obligatur pro tunc ad recitandum; ergo similiter, &c. Vel tandem tenetur ille præcise ratione professionis, & hoc non, quia, ut tract. 4. supra citato, & tract. 8. cum Cajetano, Joanne de Medina, & aliis diximus, professio per se non affert secum obligationem officii canonici, sed media consuetudine orta ex prædictis capitibus. Et hac ratione professi laici non tenentur ad officium canonicum, quia non sunt ad chorum deputati. Unde omnes dicunt, si monachus professus, & constitutus in gradu eorum, qui ordinandi sunt, & chorum proficentur, arbitrio Superioris mutetur ab illo gradu ad gradum fratrum laicorum, jam non teneri ad officium recitandum: major autem mutatio fit in religioso per ejectionem, magisque separatur a choro (ut sic dicam) potestque perpetuo manere licite in statu laicorum, extra conjugium: ergo multo magis de obligatione ab illo officio.

13. Contra hanc vero partem opinatus est Navarr. in Enchirid. de Orat. c. 7. n. 20. tum quia culpa non debet ei patrocinari, nec libertatem conferre, tum etiam quia semper manet religiosus, & ad suum monasterium aliquo modo reverteri potest, si velit. Hanc opinionem sequitur Emmanuel Roder. tom. 1. qu. regular. qu. 30. art. 19. quia non sunt hi exonerandi, nisi in his, quæ in seculo commode servare non possunt, cum sua culpa extra religionem sint, sed possunt commode canonicum officium dicere: ergo. Sed hæc non cogunt, quia prius quærendum est fundamentum obligationis, quam quærat ratio excusationis. Hic ergo non ideo hos excusamus, quia commode servare non possunt hanc obligationem, sed quia in eis deest obligationis fundamentum, quod non est nuda professio, ut dictum est, sed professio, cum actuali deputatione ad chorum, & consuetudine in illa fundata; per ejectionem autem, licet non tollatur professio, tollitur actualis deputatio ad chorum, & mutatur quodammodo status, in quo illa obligatio fundatur. Nec refert quod sua culpa ejectus sit, quia illa fuit causa remota, ad cujus penam per accidens secutum est, ut tolleretur fundamentum hujus obligationis. Ut si intra religionem ipsam aliquis propter delicta transferretur a statu monachorum chori, ad gradum laicorum, consequenter tolleretur illa obligatio; & de obligatione ad servandam totam regulam idem dicendum est. Nec illud reputatur commodum, quia plus habet incommodi, & pœnæ, licet supposito tali malo pœnæ, aliquid onus auferat. Unde quoad hoc non est eadem ratio de fugitivo, nam ille revera non mutat statum, & gradum in suo ordine, & ideo cum eadem obligatione manet.

14. Tertio quod ad habitum pertinet, certum est hunc religiosum non teneri, imo nec posse habitum suæ religionis deferre, quia iuste illo privatus est, & quia est depositus, & quasi degradatus a monachatu, & ideo ei non permittitur habitus religionis. Item, illud cederet in magnam injuriam, & infamiam talis religionis. Denique habitus ille, juxta communem impositionem, & conceptionem significat actualem unionem cum tali religione, & vitam sub obedientia ejus: quæ significatio in tali persona falsa est. Atque ita sentit Navarrus citatis locis, præfatum Comment. 3. de Regularibus, ubi significat, teneri hunc religiosum ejectum ad deferendum habitum clericalem; existimo tamen ex vi professionis ad hoc non teneri: nam, si sit clericus, ratione ordinum tenebitur, quantum gradus ordinis postulerit: si autem clericus non sit, existimo posse manere in habitu laicorum, quia potest in eorum statu perpetuo manere sine animo suscipiendi ordines: cur ergo obligabitur clericalem habitum deferre. Item, si ejectus sit ex religionis laicis, certum videtur non cogi ad habitum clericalem: ergo idem est, licet esset ex deputatis ad chorum, si

Contra
proxime
dicta de
officio co-
secrantes
refutatur.

De gestas-
sione habi-
tus.

nondum erat ordinatus, quia sine culpa potest animum mutare, & celibatum in statu licetum servare. Quare nec per obedientiam Episcopi existimo posse cogi ad talem habitum deferendum, quia hoc directe non vovit, nec etiam vovit obedire in omnibus sine discrimine, etiam si per se non pertineant ad statum religiosum, habitus autem clericalis per se non pertinet. Solum ergo potest obligari ut honestum habitum deferat, consentaneum ei, qui castitatem, imo etiam statum perfectionis proficitur; in particulari autem prudenti arbitrio hoc relinquendum est. Ut, si persona eiectionis, esset monialis professa, cogi posset ad habitum honestum, virginibus accommodatum, perferendum, non vero ad aliquem specialem modum, vel figuram propriam aliquam, ut est in viris habitus clericalis.

De habitationis modo.

15 Quarto, idem cum proportionem dicendum est de loco, & habitatione huius eiectionis. Fuit enim opinio Frederici de Senis, posse ab Episcopo obligari, ut in aliquo loco solitario vivat, ut ibi servet substantialia religionis. Sed hoc merito refellit Navarrus dict. consil. 79. quia nullo jure, nec ratione fundatur; ille enim eiectionis nec solitariam vitam vovit, nec etiam promisit obedire in huiusmodi rebus, nec ille modus vivendi est secundum regulam, secundum quam obedire promisit: nec etiam est illud medium necessarium ad servandam castitatem, vel paupertatem quam vovit. Quocirca solum poterit ab Episcopo obligari, ut in loco honesto vivat, ubi sine periculo morali castitatis violandæ conservari possit.

16 Maior enim dubitatio est supra tacta in fine n. 9. an possit hic religiosus obligari ad vivendum in eodem loco semper, vel sub obedientia eiusdem Episcopi, vel possit libere, & pro arbitrio suo mutare solum, vel intra eandem diocesim, vel aliam transeundo, in reliquis partibus Episcopo, sub quo fuerit iuxta mensuram sue obligationis. Navarrus dict. Comment. 2. n. 34. sentit, non posse mutari suo arbitrio, cum sit religiosus, & consequenter velle, aut nolle non habeat, cap. quorundam, cap. si religiosus, de elect. in 6. ideoque teneri ibi habitare, ubi Episcopus præscripserit, & postquam uni Episcopo subiectus est, non poterit sine licentia eius mutare domicilium. Quæ sententia etsi turissima videatur, non video, tamen quomodo fundari possit sufficienter. Quia ille non vovit claustrum nisi religiosam, & cenobiticam, seu conventualem, ut sic dicam; seu, quod perinde est, non vovit obedire quoad habitationem nisi secundum regulam: habitatio autem secundum regulam supponit permanentiam in religione, ejusque communi vita: ergo ab hoc fundamento non manet obligatio obediendi in ea materia. Et confirmatur, quia alias durior, & strictior esset quoad hanc partem obligatio religiosi eiectionis, quam erat in sua religione, quia teneretur semper manere sub obedientia eiusdem Episcopi, si ipse velit, & in loco ab eo designato, quod iugum durissimum est. Quare non censeo esse imponendum sine maiori fundamento obligationis. Nam obligatio obediendi non est absolute in omnibus, sed secundum regulam, ut supra declaratum est, & cum eadem limitatione intelligitur religiosus non habere velle, aut nolle, scilicet, in his, quæ secundum regulam præcipiuntur: in his autem quæ sunt extra, vel supra regulam, potest habere aliquam libertatem. Et ita in præfenti existimo posse mutare domicilium sine licentia obtemperata a suo Episcopo vel intra eandem diocesim, vel ad aliam migrando. Et consequenter censeo in dubitatione supra posita in num. 9. etiam a principio cum elicitur, esse in suo arbitrio eligere Episcopatum, in quo vivat, & Episcopum, cui se subiciat, quamdiu ibi vixerit: quia nullum video votum, vel præceptum quod ad aliud cogat.

De actibus poenitentiarum, orationum, & misericordiarum.

17 Quinto censeo idem esse dicendum de specialibus actibus, seu exercitiis virtutum, ut sunt jeunia, disciplina, aut alia corporis afflictiones, orationes vocales, aut mentales, aut opera misericordiarum corporalis, vel spiritualis circa proximos: existimo enim posse obligari per specialem obedientiam Episcopi, nisi quatenus ad castitatis observationem iudicaverit esse necessarium. Probat, quia ex vi regulæ pro eo statu non tenetur ad talia opera, ut ostensum est, sed ex vi voti obedientiarum solum potest ad illa obligari, quatenus sunt secundum regulam, id est, quatenus regula ipsa ad ea obligat: ergo.

Item, quia alias posset obligari ab Episcopo ad hæc opera pro arbitrio Episcopi, sine ullo respectu ad regulam, quod repugnat; alias potestas Episcopi ad præcipiendum ex vi voti obedientiarum maior esset, quam fuisset in præfatis religionis, quod dici non potest, cum sit quasi subrogata loco illius. Sequela vero patet, quia respectu eiectionis regula perinde se habet ac si non esset, quia (ut sic dicam) non est pro illo posita, sed pro religiosis, & obligatione, & usu. Ad id vero limitationem de necessitate talium operum ad observationem castitatis, quia existimo, unam ex potissimis materiis voti obedientiarum esse, ea, quæ pertinent ad observationem aliorum duorum votorum, & ob eam causam potissimum requiri hoc votum in omni statu religioso, etiam privato, ut supra tetigi, & infra latius dicam. Unde, quia votum castitatis in tota sua vi, & usu integrum manet, licet alia regule, & obligationes cessent; hæc semper durat, & consequenter secundum illam potest per obedientiam injungi quicquid specialiter ac prudenter iudicatum fuerit necessarium. Huius autem rei iudicium apud prælatum esse debet, ut per se constat. Nec expectanda est extrema necessitas, aut evidens periculum. Sed satis est quod tale medium indicetur valde conveniens ad præcavendum periculum, vel ad quamdam maiorem securitatem, qualis in omni statu religioso procuranda est.

Limitatio circa hoc auctus pro tuenda castitate.

18 Sexto, & ultimo concludo, hunc religiosum non teneri obedire Episcopo, nisi in tribus materiis. Primo in his rebus, quæ secundum generale arbitrium prudentie pertinet ad decentiam status religiosi, prout in illo modo vivendi durat, in honestate, ac decentia habitus, occupationis, seu negotiationis, conversationis, & similia. Secundo in his, quæ pertinent ad castitatem religiosam. Tercio in his, quæ ad usum paupertatis necessaria sunt. Hæc probantur in primis, quia nulla probabilior ratio huius obedientiarum, & subordinationis assignari potest. Quia non debet hæc obedientia esse sine aliqua mensura, cum hoc sit ultra ordinariam mensuram status religiosi: illa autem mensura non est prior regula, quia ad illam non tenetur, nec alia, quia illam professus non est: ergo non potest alia excogitari, nisi quæ ex ipsis votis, & decentia status sumitur. Confirmatur, quia in illis tribus repetitur ratio clara; nam in primis votum obedientiarum vix potest ad usum reduci sine subordinatione obedientiarum ad aliquam personam in materia ejusdem voti, ut ex superioribus constat. Deinde obedientia religiosa ex generali ratione sua ordinatur ad debitam instructionem, & aliquam disciplinam pro illo statu, & maxime ad observantiam castitatis: ergo si manet in hoc religioso obedientia ad Episcopum, maxime propter illa tria capita manet; præter illa vero nullum aliud potest cum fundamento addi: ergo. Et per hæc satisfactum est omnibus interrogationibus in præcedenti dubio propositis.

De subiectione ad Episcopum in talibus.

De obligatione quoad votum paupertatis.

19. Dixi a n. 10. de voto obedientiarum; superest dicendum de effectibus, & obligationibus, quas votum paupertatis habere potest in huiusmodi religioso eiectionis. Et in primis quæri solet, cui acquirat ea, quæ quacunq; via recipit, vel lucratur: certum est enim non acquirere sibi talium rerum dominium, quia non est capax eius: cui ergo acquiritur? Est autem questio quando iuste, & per definitivam sententiam in perpetuum eiectionis est, nam si temere, & iniuste sit eiectionis, adhuc acquirit monasterio secundum omnes: quia temeritas, aut iniustitia particularis prælati, non potest nocere monasterio: ut notavit Panorm. in cap. sicut nobis, de Regular. n. 6. & in cap. unic. de infantibus, & langu. expol. Archidiaconus cap. Abbates, 18. quæst. 2. ex Regula delictum, de Regular. iur. in 6. in quibus auctoribus, & aliis citandis, advertendum est, promiscue tractare hoc punctum, de eiectionis fugitivis, vel translatis, sed nos singillatim de his agimus, & ideo confundendæ non sunt difficultates, nam sunt valde diversæ: hic enim solum de iuste eiectionis agimus, & maxime de perpetuo eiectionis: nam si non sit perpetuo expulsus, sed ad tempus, monasterio acquirit, quia licet pro eo tempore, quo extra illud vivere compellitur, possit usus rerum ad suam sustentationem retinere: tamen non

Eiectionis non in perpetuum iocumbit alteri quæ in seculo acquiritur si revocatur

potest eas in alios usus distrahere, cum re vera sit subditus religionis, & finito tempore, tenetur cum suis omnibus rebus ad religionem redire. Imo etiam existimo, quod licet iuste & omnino ejectus sit, quamdiu non emendatur, nec procurat redire, sed per eum stat, quo minus recipiatur; pro tunc acquirere monasterio, saltem quoad hunc effectum, ut si monasterium velit illum revocare, teneatur omnia secum deferre, & monasterio tradere; nec possit ea in alium usum distrahere: quod a fortiori patebit ex dicendis.

20. Difficultas vero est, postquam jam est omnino ejectus, sine spe redeundi, etiam si per ipsum non ster. In quo casu fere omnes Doctores conveniunt, hunc ejectum non acquirere monasterio, a quo ejectus est, quia jam non habetur ut membrum ejus. Item, quia videtur renunciavisse juri suo, vel potius necessario amisisse illud, ita expellendo personam, quia abdicat a se dominium ejus quantum potest. Dicitur in primis posset, nulli acquirere, quia non monasterio, eo quod ab illo absolutus sit, nec alteri, quia nullius alterius est: ergo nulli. Unde fiet, ut contractus ab illo facti nihil valeant, sed solum accipiat usum rerum. Hanc opinionem refert Innocentius cap. cum olim, 2. de Privilegiis, n. 2. Non est tamen verisimilis, præsertim quoad ultimam partem: nam si ille dono accipit aliquid ab eo, qui potest donare, & cum aliis conditionibus requisitis ad valorem donationis quantum est ex parte donantis, re vera tenebit donatio, saltem quoad hoc, ut a donante revocari non possit; ergo abdicavit se dominio rei donatæ. Idemque argumentum fieri potest de venditione, emptione, & similibus. Unde etiam fit, ut talium rerum dominium alicui acquiri debeat, quia non manent sine domino, & quasi pro derelicto, ut magis ex dicendis patebit. Alii ergo dixerunt, illum acquirere Episcopo, quia sub ejus obedientia vivit, ita Innocentius supra, quem videtur sequi Panorm. locis citatis, & cap. ult. de Regul. Antonin. 3. p. tit. 16. c. 5. §. 4. Angel. verb. *Monasterium*, n. 6. Tabiena verb. *Relig.* n. 27. Verumtamen hæc opinio non satis explicat, quis sit proprius dominus illorum bonorum, certum enim est Episcopum non esse dominum illorum, cur enim? ad summum ergo esse potest dispensator, tanquam Prælatus, cujus facultate distribuenda, seu applicanda sunt, dominus autem esse non potest, quia nullum titulum domini habet. Et ideo Navarr. dict. Commen. 2. de Regularib. n. 33. dixit, hunc ejectum acquirere Deo, administrationem ejus pertinere ad Episcopum: & ita exponit auctores proxime citatos. Ipse autem fundatur in suo generali principio, quod omnia Ecclesiastica bona sunt immediate sub solo dominio Dei; de quo alias: nobis enim necessarium videtur semper addere aliquod dominium humanum, seu quod ad aliquem hominem, vel hominum communis pertineant circa talia bona.

21. Dico ergo, hunc ejectum considerari posse vel solum ac præcise ratione ejectionis, vel ratione translationis ad aliam Ecclesiam regularem, per professionem in illa: vel secularem, per beneficium: ratione translationis certum est acquirere Ecclesie, vel monasterio, ad quod translatus est, c. 1. 18. quæst. 1. cap. *Si quis translatus*, 21. quæst. 2. & infra c. 13. latius dicitur de translatione ad monasterium. Translatio autem ad Ecclesiam secularem fieri potest, vel per beneficium in illa susceptum, & tunc etiam est res clara, & infra c. 19. tractanda: vel fieri potest solum per habitationem, & domicilium, ac obedientiam iam præstitam Episcopo illius loci, absque ullo beneficio, sed vivendo ex eleemosynis: vel alius suorum operum fructibus, vel stipendiis, (non est enim dubium, quin utroque modo liceat tali religioso vivere, cum neutrum sit prohibitum, nec per se malum, nec ab statu religioso alienum, aut indecens, ut in superioribus generatim tractatum est, & in particulari tractat Navarr. dict. Commen. 2. n. 37.) Igitur de religioso hoc tantummodo translato ad Ecclesiam secularem etiam censeo veram esse communem sententiam, scilicet, acquirere illi Ecclesie, ad quam specialiter translatus est, id est, bona illius pertinere ad bona communia illius Ecclesie, cum onere alendi illum, & cum potestate utendi bonis illis, quæ acquirunt, de licentia Episco-

pi, quæ debet esse iusta, & in pios usus, non extraneos, nec alienos ab illa Ecclesia, quanvis ex rationabili causa, & pia possint etiam alii Ecclesie applicari. Ratio est, quia per hanc qualemcumque translationem acquiritur ius illi Ecclesie, quia illa quodammodo suscipit onus alendi talem religiosum; & Episcopus acquirit etiam ius distribuendi, & dispensandi talia bona: ac denique quia iura canonica ita disponere videntur satis rationabiliter. Quocirca si contingat, hunc religiosum revocari ad monasterium, non habet monasterium ius repetendi bona illo tempore acquisita, imo nec religiosus voluntarie illa deferre poterit, sine consensu Episcopi, qui iam fuit ius acquisitum, quoad dispensationem eorum. Et eadem ratione, si talis religiosus se transferat ab una Ecclesia in aliam, prout diximus facere posse, non poterit secum deferre bona acquisita ibi sine licentia Episcopi, propter eandem rationem, sed solùm ea, quæ suo actuali usui sunt moraliter necessaria.

22. At vero si hic ejectus nunquam proprie transferatur ad aliam Ecclesiam, quia nec beneficium in aliqua recipit, nec sub speciali obedientia alicuius Episcopi vivit, nec tanquam religiosus se gerit (sicut hoc male, si licite faciat) semper videtur mihi acquirere suæ religioni, illamque habere ius ad revocandam personam, & cum ea omnia, quæ acquisivit: & si illa in tali statu moriatur, credo posse recuperare bona si quæ reliquit. Ratio est, quia per solam ejectionem nulli alteri Ecclesie, nec certo aut determinato Episcopo acquisitum est ius ad talia bona, quia nullius Ecclesie ille est speciale membrum effectus, neque in illa vivit, aut alitur ut religiosus, sed ut alii clerici, vel seculares. Unde in eo casu existimo habere locum, quod dixit Sylvest. verb. *Apostasia*, quæst. 9. ius disponendi de bonis acquisitis a tali religioso pertinere ad supremum prælatum religionis, a qua ejectus est. Ipse tamen in hoc distinguit inter religiosos exemptos, & non exemptos: quod mihi non probatur. Nam si religiosus ejectus, est translatus, etiam si exemptus sit, subiicitur Episcopo, & procedunt quæ diximus: quia per ejectionem totalem amittit ius exemptionis, quia desinit gaudere privilegiis suæ religionis, & ipsa etiam religio amittit hoc ius respectu talis personæ, quia, quantum potest, illam a se præscindit, & ita relinquit illam sub obedientia Episcopi, saltem quamdiu illam ad se non revocat: quod idem est in religioso non exempto, in eodem casu, in quo sit omnino translatus ad Ecclesiam secularem, seu potestatem Episcopi, tanquam proximi superioris sui. Si autem translatio facta non est, tunc de non exempto vere dicitur manere sub obedientia prælati suæ religionis, saltem supremi, vel superioris illi, a quo ejectus est; & consequenter verum est, illum acquirere suæ religioni, licet fortasse non acquirat suo monasterio, a quo ejectus est, sed applicatio sit in potestate prælati superioris: tamen idem est proportionaliter de non exempto: nam licet ille maneat subiectus Episcopo, id est, quia ipse Episcopus est veluti superior prælatus talis religionis.

Quid quædo simpliciter ejicitur sine tali aliqua translatione,

Aliorum placium, quod acquirat Episcopo.

Navarr. placium, quod acquirat Deo.

Resolutio quando religiosus transferatur ad aliam, quam Ecclesiam regularem, vel secularem.

C A P U T VII.

Utrum liceat Religioso professore extra monasterium vivere retento, vel mutato habitu, de licentia Prælati, & ad quid tunc teneatur.

1. Diximus de vitiosa, ut sic dicam, & penali mutatione Religiosi status: Sequitur dicendum de mutationibus, quæ per se ac licite fieri possunt, quarum minima esse videtur, quæ sit per solam separationem, seu habitationem, sine assumptione alterius status, vel officii, quod per se postulat talem mutationem. De hac igitur separatione religionis, primo certum est non esse licitam sine legitima facultate alicuius prælati, qui possit illam concedere. Hoc satis constat ex dictis in c. 2. & seq. quia sine tali licentia committeretur peccatum apostasie, ut ibi probatum fuit.

Non licet re sic vivere absque licentia.

2. Secundo est certum ex legitima facultate posse hoc licite fieri. Probatur, quia non est hoc intrinsece malum, neque etiam est contra votum, quia paupertas, castitas, & obedientia extra claustrum possunt servari. De castitate id supponimus, ut in Clericis secularibus, &c. De

De licentia vera licite.

&c. De paupertate infra id declarabimus. De obedientia vero constat, quia per eandem legitimam facultatem servatur debita subordinatio obedientiae ad Prælatum; nam semper talis Religiosus pendet a Prælato voluntate quoad locum habitationis suae. Religiosus autem de se ibi habet claustrum, & monasterium, ubi per voluntatem Superioris habitaverit. Denique hoc satis constat ex usu Ecclesiae, quem antiquissimum etiam esse ex dicendis constabit.

Dictam
licentiam
potest Pa-
pa conce-
dere.

Potest
etiā Præ-
latus re-
gularis
autēto ju-
re com-
muni.

3. Dubium vero imprimis est, quis possit hanc facultatem concedere? & quidem de Summo Pontifice constat posse, quia est supremus prælatus, & in eo est suprema potestas; Dubium ergo est de prælato ipsius Religionis, quod potest tractari, vel secundum jus commune, vel secundum privilegia, ac specialia jura Religionum. Priori modo dicendum est habere prælatum hanc potestatem, ita sentit Navar. Comment. 2. de Regularib. n. 16. & 40. & Comment. 4. n. 14. & sequentibus. Et probatur, primo, quia jure communi potestas supra Religiosum est penes prælatum, c. nullam 18. q. 2. Secundo quia jure communi potest quis profiteri aliquam regulam alicujus Religionis manens in domo sua de licentia prælati, & ad nutum ejus, c. insinuante, qui Clerici vel voventes, quod antiquum jus nullo posteriori revocatum est, nec potestas prælatorum limitata; ergo integrum manet. Tertio, quia licentia non est dispensatio in aliquo voto, sed ad summum in regula; sed prælatus potest dispensare in regula; ergo potest illam licentiam concedere.

4. Sed objici potest, primum, quia prælatus non potest dispensare in jure communi; sed communi jure videtur prohibitum Monacho vivere extra claustrum; ergo. Minor colligitur ex c. placuit 2. 16. q. 1. ubi dicitur, *Placuit communi nostro Concilio, ut nullus Monachorum pro lucro terreno de monasterio exire nefandissimo ausu presumat, & infra. Sit claustrum contentus, quia sicut piscis sine aqua caret vita, ita sine monasterio Monachus.* Idem sumitur ex c. Monachi 2. Ex quibus sumi potest secunda ratio, quia prælatus non potest dispensare in his, quae sunt vel substantialia statui Religioso, vel adeo propinqua, & necessaria, ut sine illis vix possint substantialia conservari; sed ita se habet vita claustrum respectu status Religiosi, ut ex dictis juribus constat. Licet enim status religiosus in communi possit esse in vita solitaria, vel in privata domo, nihilominus specialis status vitae Cœnobiticæ, & regularis, non potest extra claustrum retineri, quia non potest ibi regula & communitas observari. Tertio non potest prælatus eximere aliquem ab obedientia sua, sed extra claustrum vivens manet ab obedientia exemptus; ergo non potest hoc illi concedere. Quarto est similis difficultas de voto paupertatis, quia extra claustrum vivens necesse est ut habeat bona, & reditus unde vivat, & ut de bonis, quae habet, libere possit disponere, quod videtur repugnare voto paupertatis, & observantiae ejus, quam praescribit Concil. Trid. sess. 25. c. 2. de regular.

5. Ad primum dicitur imprimis posse prælatum regularem dispensare cum subditis, in his, quae sunt juris communis, ut in superioribus visum est. Deinde dicitur nullam esse talem prohibitionem absolutam ex vi solius juris communis; nam in dicto c. placuit, solum prohibetur ne Monachus presumat exire nefandissimo ausu, &c. Qui autem egreditur cum licentia prælati, non egreditur nefandissimo ausu, & in c. Monachis additur, *Nisi cum Abbatis imperio;* ergo potius supponitur Abbatem posse dare hanc facultatem. Magis absolute videtur id praecipui in c. qui vero eadem causa, & quaestione, quod est Concilii Chalcedonen. can. 4. Et juxta illud ait Alex. II. in cap. juxta, ibidem, juxta Chalcedonenſis optimi Concilii tenorem Monachis, quamvis Religiosis ad normam Sancti Benedicti intra claustrum morari praecipimus, vicos, castella, civitates peragrarare prohibemus. Tamen in priori canone Concilii Chalced. expresse additur, nisi forte jubeantur propter urgentes necessitates ab ipsius civitatis Episcopo. Erant enim tunc Monachi illi subiecti. Unde nunc in exemptis illa potestas translata est ad prælatum, & juxta eandem limitationem praecipuum Alexandri intelligendum est, cum ad aliud referatur. Et c. 2. ne Clerici vel Monachi in 6. summitur optimum argumentum ab speciali. Nam

Suarez. Tom. XV.

ibi praecipitur, ut nullus Religiosus se conferat ad studia literarum, ut scilicet ea occasione extra claustrum vivat, nisi de licentia prælati, & ibi specialiter postulatur, ut illa non detur sine consensu majoris partis Capituli, quae conditio ibi specialis est, & ideo si licentia detur ad alios fines, neque illud Conc. necessarium est; est ergo potestas apud solū prælātū ex vi communis juris.

6. Ad secundum respondetur, probare quidem argumentum facultatem hanc, sine gravissima, & fere necessaria causa dari non debere, non tamen simpliciter non posse dari, quia habitatio in claustrum multum sine dubio confert ad vitam religiosam, & ad cavenda pericula, & ad servandam conformitatem, & perfectam unionem cum toto corpore, & ad externorum etiam, & secularium exemplum, & edificationem; nam sine dubio hæc separatio Religiosi a suo choro, & privatus vivendi modus ex suo genere non confert populo edificationem, nisi gravibus & manifestis causis honestetur. Absolute tamen non est res simpliciter necessaria ad honestum vivendi modum etiam supposito statu Religioso, quia non est de substantia ejus, nam extra claustrum possunt servari tria substantialia vota, & vita etiam regularis quoad precipuas ejus observantias. Nam qui extra claustrum vivere permittitur, non eo ipso absolvitur ab omnibus oneribus, & obligationibus religiosæ regulæ, cur enim? aut quæ est ratio talis consequentis? nullo ergo modo admittenda est talis exentio, nisi in indulto exprimat, & fiat quasi specialis dispensatio. Quæ multo quidem difficilior est, & vix potest habere causam justam, praesertim si generaliter fiat, nam in aliquibus specialibus regulis posset aliquando tolerari. Seclusa autem hujusmodi dispensatione tenetur hujusmodi Religiosus ibi servare totam suam regulam, pro loci & temporis opportunitate, praesertim quoad actiones, quae privarim, & solitarie fieri possunt, ut sunt jejunia, & alii modi austeritatis ac penitentiae, orationes, & similia, quia nulla est ratio excusationis per se loquendo, cum sine consortio aliorum fieri possit, & regula simpliciter, & sine loci determinatione loquatur. Quod si aliquæ regulæ determinate respiciunt claustrum, vel communitatem, licet non dentur executioni, non fit earum transgressio, sed quasi suspenditur earum obligatio, quia pro tali loco, & tempore deest occasio, & facultas exequendi hujusmodi regulas. Et quod caput est, formaliter in eo servari potest omnis regula, quod semper fieri potest aliquid ex obedientia, vel quod censetur esse voluntati superioris consentaneum. Unde etiam servatur vita communis, & Cœnobitica, quia servatur unio cum toto corpore sub obedientia ejusdem prælati, & quia est semper quis paratus redire ad monasterium, quando justus fuerit, ut in tertia obiectione dicitur.

7. Sed quid si talis licentia sine causa legitima datur? Respondio imprimis graviter peccare prælatum eam concedentem, quia omnis dispensatio in lege iusta sine causa data, iniqua est ex parte dantis. Dices, hoc esse verum quando lex obligat ad peccatum mortale, & continet absolutam prohibitionem; regula autem, quæ obligat Religiosum ad habitandum in claustrum, vel non obligat de se sub peccato mortali, vel saltem non continet absolutam prohibitionem contrariam, sed sub illa conditione, nisi de licentia Prælati; & ideo prælatus dans talem licentiam, non videtur proprie dispensare, sed solum necessariam conditionem apponere, ut actus debito modo fiat. Sicut, quando prælatus dat licentiam Religioso, ad egrediendum e monasterio, non dispensat proprie, alias male faceret dando talem licentiam sine speciali causa.

8. Ad hoc responderi potest ex Navar. dict. Comment. 4. de Regularib. n. 32. legem prohibentem religiosum egredi claustra monasterii includere non solum illam conditionem sine licentia Prælati, sed etiam hanc, neque cum illa, nisi iusta necessitate, vel utilitate id suadente, quod ipse solum probat ex c. citatis, *Placuit & Monachi. Juxta, & Qui vere* 16. q. 1. In quibus, ut supra tractavimus, videtur Religiosus recipi clausura, & prohiberi exitus nisi de licentia cum necessitate concessa. Unde videtur sentire Navar. etiam ordinariā licentiam ad exiendum e Monasterio ad breve tempus, vel horam non posse licite dari sine iusta necessitate,

Prælatus
peccat
graviter
dando si-
ne causa
licentiam
ad habi-
tandum
extra
claustrum.

vel utilitate. Erit tamen differentia, quia dare hanc licentiam ad communem exitum, erit tantum culpa venialis; dare autem ad commorandum extra monasterium erit culpa mortalis, quia, quoad hoc lex, & materia ejus gravissima est, & talis dispensatio tam Religioso, quæ religioni potest asserere grave incommodum,

9. Ne tamen nimium hoc restringere videamur, advertere oportet antiquos illos canones non loqui de omnibus religiosis, sed de propriis monachis, qui vitam magis solitariam, & a consortio hominum remotam profitentur, & præcipue factos esse illis temporibus, quando monachi non permittebantur ministeria Clericorum exercere in populis concionando, aut Sacramenta ministrando, unde præcipue illis prohibent exitum ad hunc finem, & ideo requirunt Episcopi licentiam ex necessitate, vel magna utilitate concessa; nam ad ordinarium exitum pro aliis ordinatis occasionibus, non videtur verisimile fuisse etiam tunc necessariam licentiam Episcopi, nec tantam circumspectionem in ea concedenda. Nihilominus tamen verum existimo in illo statu juxta suum institutum non posse illam licentiam licite concedi, sine aliqua necessitate, vel utilitate alicujus momenti, quia re vera censetur hæc una ex præcipuis observantiis illius status, & ad decorem & puritatem ejus maxime pertinens. Tamen quoad hoc non est æqualis ratio de omnibus aliis institutis religionis, quæ tantam clausuram ex vi sui instituti non profitentur, ut sunt religiones mendicantes, & aliæ similes, quia licet in eis necessaria sit licentia ad exitum, tamen facilius potest concedi, non quidem omnino sine causa rationabili, quia hæc in omni actu humano necessaria est, ut honeste fiat, sed sine tanta necessitate, vel utilitate, quia interdum sufficere potest ratio honestæ amicitiae, vel moderatæ recreationis, ut reddat causam rationabilem, quæ in monachali statu fortasse non sufficeret. Et cum eadem proportionem gravior fortasse causa, & magis extraordinaria necessaria est in proprio Monacho, ut ei concedatur licentia habitandi extra claustrum, quam in aliis Religiosis, qui cum proximis magis versantur. Et nihilominus etiam in illis gravissima causa necessaria est, & regulariter urgens necessitas, aut tanta utilitas vel propriæ religionis, aut alterius boni communis, ut prudenter censetur incommoda talis facultatis compensare.

Prædicta
licentia a
Prælato
regulari
data, est
nulla.

10. Uterius vero dubitari potest, esto, peccet Superior concedendo hanc facultatem sine causa legitima, an illa valida sit. In quo mihi distinguendum videtur inter Prælatum religionis, & Summum Pontificem. Nam de licentia concessa a Prælato religionis existimo esse nullam, si absque causa legitima concedatur. Ratio est, quia dispensatio data ab inferiori in jure Superioris est nulla, si absque causa detur; Prælati autem religionis concedit hanc licentiam, tanquam dispensans in jure Superioris; ergo. Declaratur minor. Primo, quia si attendamus jus religionis, quilibet Prælati religionis est inferior illo. Nam semper est constitutum a tota religione, quæ superior est cuiusque personali Prælati, etiam si Generalis sit, & solet esse approbatum, vel confirmatum a Papa, quod ad minimum facit difficiliorem dispensationem. Eo vel maxime, quod hoc jus jam non est quoad hanc partem unius, vel alterius religionis, sed totius status religiosi, prout nunc est in usu Ecclesiæ. Unde dici potest saltem usu, & acceptione omnium religionum introductum esse tanquam jus omnibus commune, jam non tantum obligans ad modum regulæ, sed ut vigorosum præceptum. Denique censeri etiam potest hoc jus Pontificium & Conciliarium ex decretis supra citatis, a quibus consuetudo etiam declaravit omnes religiones comprehendere, & merito, quia hoc clausuræ genus non respicit peculiarem vitam Monachorum, sed communem statum regularium, & ideo in hoc jure conveniunt, ut etiam indicat Navar. supra. Unde clarius constat in ordine ad hoc jus dispensationem Prælati esse inferioris. Quod idem censeo de licentia Episcopi, respectu non exemptorum, quia licet in ipsis decretis illi concedatur hæc facultas, semper conceditur ut inferiori, & ideo in eis postulat expresse iusta necessitas, vel utilitas.

Nunc dicta
procedunt
etiam de
licentia
Episcopi.
Quod de
licentia
Papali.

11. At vero si talis licentia a Summo Pontifice concedatur sine causa legitima, valida erit, quia non est

dispensatio in voto, cum hæc per se non sit materia voti, ut ostensum est, neque in jure divino, aut naturali, quia secluso voto nullum tale excogitari potest, ut supra disputando de clausura ostensum est, est ergo dispensatio in jure Ecclesiastico, in quo dispensatio a Pontifice data sine causa, valida est; ut ex materia de legibus suppono. Solum oportet cavere (quia in hoc aliquid est periculi) ne licentia subreptitia sit falsas causas allegando, aut aliquid necessarium occultando, nam tunc ex alio capite dispensatio invalida erit.

12. Atque hinc constat, quid dicendum sit de subdito, an sit tutus in conscientia utendo tali facultate sine causa data. Primum enim distinguendum est inter licentiam, & mandatum. Nam si Prælati non solum permittat, sed etiam præcipiat subdito habitare extra claustrum, non peccabit subditus parendo, etiamsi Prælati peccet præcipiendo, quia subditus non tenetur examinare factum Prælati. Dices, subditus non potest obedire Prælati injuste præcipienti. Respondeo tamen posse, quando non præcipit aliquid per se malum, aut divinæ, vel Ecclesiasticæ legi contrarium; manere autem extra claustrum non est hujusmodi, & ita fieri potest, etiamsi imprudenter præcipiatur. Dices, Religiosus non debet obedire Prælati præcipienti aliquid contra regulam, quia tunc excedit suam potestatem, & ideo prævalere debet directio regulæ, etiam si non servare illam alias malum non sit, ut sentit Bernar. lib. de præcepto, & dispensatione; vivere autem extra claustrum, per se est contra regulam, imo & contra rigorosum jus, ut diximus: ergo non licet obedire Prælati id præcipienti sine causa. Respondetur respectu subditi, hoc jus non esse absolutum, non morandi extra claustrum, sed non morandi sua voluntate, & arbitrio. Unde quando simpliciter ducitur præcepto superioris, formaliter non agit contra tale jus, siue superior bene, siue male præcipiat. Probabile autem est propter rationem factam, non teneri subditum ad obediendum in illo casu; oportet autem, ut certo & sine dubitatione constet de injustitia præcepti juxta vulgare principium, quod in dubiis parendum est Prælati, quod multo facilius locum habet, quando non dubitatur de re intrinsece mala.

Non peccat subditus obediendo, quando præcipitur etiam sine causa, habetare extra claustrum.

Potest tamen licet non obedire.

13. At vero quando non intervenit mandatum, sed solum licentia, seu dispensatio, primum quidem graviter peccat subditus eam petendo a Prælati, si certus est nullam intervenire rationabilem causam, sed solum appetitum libertatis, vel alterius humanæ commoditatis, quia vel decipit Prælatum in re gravi, vel inducit illum ad id, quod non potest sine gravi peccato concedere. Et præterea Religiosus ipse non manet tutus in conscientia cum tali facultate, quia ostensum est illam esse nullam; ergo non excusat a culpa, quæ in transgressionem illius præcepti committitur. Dices, ergo ille vivens extra claustrum cum tali facultate erit Apostata, quia si id faceret sine ulla facultate, tale peccatum committeret, & facultas illa, ut dictum est, culpam non excusat; nam actus nullus nihil operatur. Respondetur negando sequelam, quia non est Apostata qui manet sub obedientia Prælati. Et quoad hoc est magna differentia inter eum, qui manet extra claustrum sine licentia, vel cum licentia, licet invalida, nam prior non manet sub obedientia, & ita dupliciter peccat, scilicet manendo extra claustrum, & recedendo a subjectione debita Prælati, & in hoc secundo apostasia consummatur; Alter vero licet peccet contra præceptum manendi in claustrum, manet tamen in subjectione Prælati, & ideo Apostata non est. Licentia ergo illa quamvis sit nulla, quoad effectus juris, operari nihilominus potest aliquid facti, quale est, quod talis persona recognoscat alium ut Prælatum, & de facto ejus obedientiæ sublit.

Peccat tamen graviter quando non præcipitur petendo licentiam, & illam petendo.

14. Sed hinc potest quispiam in contrarium argumentari, licet talis Religiosus peccaverit, inducendo superiorem ad malum, tamen post licentiam datam, licet inique, non peccabit, saltem graviter illa utendo, quia jam non agit contra præceptum saltem ex defectu materiæ illius; nam, ut dicebamus, materia hujus prohibitionis non est absolute vivere extra claustrum, sed vivere sine voluntate Prælati; illa autem licentia sufficit, ut id non fiat sine voluntate Prælati; ergo sufficit

sufficit ut ille non sit transgressor præcepti; ergo ut non sit peccatum grave. Respondeo primo cum Navarro supra, præceptum non solum requirere voluntatem Prælati, sed etiam iustam causam; & ex hac secunda parte semper fieri contra præceptum. Secundo dicitur ipsum præceptum postulare licentiam, vel voluntatem Prælati, non quæcunque, sed validam seu efficacem ad tollendam præcepti obligationem, quia verba legis intelliguntur secundum jus, & quia ipsa ratio, & iustitia legis hoc postulat: nam hæc licentia non postulat solum ut servetur debita subordinatio inter subditum & Prælatus, sed maxime ut religiosa clausura juxta exigentiam Religiosi status illæsa servetur. Ad hoc autem necessarium est, ut non quæcunque voluntas Prælati sufficiat, sed illa, quæ valida, & efficax est.

Licentia
Papalis
sine cau-
sa, etiam
peccami-
nosa est,
valens ta-
men.

15. Sed quid si facultas sit Pontificia. Respondeo in primis etiam male concedi, si absque legitima causa conceditur, ita Navarr. dict. n. 40. qui rationem reddit, quia Papa non potest dispensare in voto sine causa iusta. Quæ ratio probat dispensationem illam non solum esse injustam, sed etiam nullam, si illa est dispensatio in voto, ut Navarr. iudicat. Sed re vera non est dispensatio in voto; nam supra ostendimus vota per se non obligare ad manendum intra claustrum nisi ratione obedientiæ seclusis religionibus Monialium, vel si aliquæ virorum illud specialiter promittunt. Sufficiens ergo ratio est, quia etiam Pontifex male faciet dispensando in suis legibus sine legitima causa regulariter loquendo, ut ex propria materia de legibus suppono, & maxime verum habet in materia adeo odiosa, & quodammodo perfectioni Religionis, & proximorum ædificationi contraria. Verum est respectu Pontificis plures esse posse causas legitimas ad hanc facultatem concedendam, quæ non erunt respectu Prælati Religionis, ut si Pontifex hoc concedat alicui veterano Ecclesiæ ministro ad maiorem quietem, & quasi in præmium laborum, illum suæ obedientiæ reservando, vel si id faciat in gratiam alicujus Prælati, etiam sine magna necessitate, quia cum ipse sit author juris, in quo hæc obligatio fundatur; facilius potest in illo legitime dispensare. Si tamen omnino causa sufficiens desit (quod raro sine surreptione contingeret) peccaret concedens etiam si sit Pontifex: unde etiam peccabit postulans, tanquam inducens ad malum nisi per ignorantiam excusetur. Videtur autem nihilominus valida illa licentia, quia dispensatio data a Pontifice sine causa, in lege positiva valida est. Non est autem ita valida, quin teneatur semper Pontifex illam revocare, quia eiusdem rationis, & malitiæ esse videtur eam conservare, cuius fuit concedere, cum semper retractabilis sit, & in virtute illius, quasi continue contra legem fiat.

Religio-
sus illa
utendo
est non
peccet
contra
præceptū
clausuræ,
aliud de-
linguit.

16. Quando vero non revocatur, videtur reddere Religiosum tutum in conscientia, ne sit violator clausuræ, manendo extra claustrum, quia licentia est valida; ergo tollit obligationem prohibitionis; ergo excusat culpam transgressionis eius. Sed licet hoc ex directa obligatione illius legis ita esse videatur, iuxta communem doctrinam, non excusatur quis ab aliqua culpa utendo tali facultate, quia *turpis est pars, quæ sine causa legitima discordat a toto*, quæ culpa in aliis legibus humanis reputari solet venialis. Vereor tamen ne in præsentī, ratione materiæ, sit mortalis, quia separatio a toto corpore in re tam gravi sine causa legitima videtur notabilis deformitas, cuius signum est, quia regulariter scandalum generat, & nonnullam etiam infamiam creat religioni præter alia pericula, quæ magis extrinseca sunt.

Quæ sit
iusta cau-
sa licen-
tiæ.

17. Tandem in hoc puncto interrogari potest, quænam sit ascendenda legitima causa ad huiusmodi facultatem concedendam. Respondeo cum Navarro supra, has causas non esse per ius definitas, & ideo prudenti arbitrio superioris committi. Argumento cap. *De causis*. §. *Illis*, de offic. deleg. & legis 1. ff. de iure deliberandi. Generalia autem capita harum causarum sunt supra insinuata n. 9. scilicet utilitas monasterii. Argumento cap. *Monach.* 16. quæst. 1. quod Navarrus extendit, si ve sit utilitas directa sive indirecta, ut si sit utilitas Patrii ipsius Monasterii, vel si sit amicus valde utilis monasterio, aut Princeps magnus defensor eius, quod in simili docuit Innoc. in cap. *Cum G. & A.* de sentent.

Suarez Tom. XV.

& re iudicata n. 2. ubi cum sequitur Panormit. n. 29. & communis. Idem dicendum censo de alia utilitate publica Ecclesiæ, aut totius populi, & Navarr. ponit exemplum, ut gratia docendi facultatem aliquam regulari licitam, iuxta cap. *non magnopere*, ne clerici, vel monachi. Quam conditionem in omni simili causa vel utilitate subintelligendam censo, quia si negotium vel ministerium non esset licitum Monacho, quomodo posset causa honestari? Aliquando etiam potest sufficere privata causa præsertim pietatis, præcipue si ad ipsammet personam Religiosi pertineat.

18. In tertia obiectione petitur, an hæc facultas possit concedi perpetua, & irrevocabilis. Et quoad priorem partem respondeo, facilius posse dari ad breve tempus, quam ad diuturnum, & minorem causam sufficere, ut per se clarum est, & eadem ratione posse melius concedi ad tempus limitatum quamvis diuturnum, quam indefinite sine temporis limitatione. Nihilominus certum est posse etiam hoc modo dari, non solum a Pontifice, sed etiam a Prælato, quia nullo iure prohibetur, & causa potest esse talis, quæ ad illum modum facultatis sufficiat. Igitur in hoc sensu potest hæc licentia esse perpetua negative, ut aiunt, id est, sine certo termino. Perpetua autem positive, atque adeo irrevocabilis esse non potest proportionem servata, quod recte sensit Navarr. Comment. 2. de regul. n. 16. & convincit ratio in obiectione n. 4. insinuata, quia non potest Prælatus eximere subditum ab obedientia sua; Quamdiu autem facultas est revocabilis, semper manet subditus sub obedientia Prælati, & ideo non repugnat talis facultas obedientiæ voto, quia non est de necessitate eius, ut subditus sit loco coniunctus alicui Prælati, a quo possit in singulis proximis gubernari; sed hoc ipsum subordinatum est prudenti arbitrio ipsius Prælati. At vero si facultas esset irrevocabilis, eo ipso maneret subditus exemptus ab obedientia Prælati, ut per se clarum est. Est autem hoc intelligendum servata proportionem, ut dixi: nam si concedens licentiam est Prælatus regularis, non potest dare illam irrevocabilem a se, vel a superiore Prælati, propter discursum factum. Potest tamen dare irrevocabilem ab inferiori, & maiori ratione potest Pontifex ita illam dare, ut a nullo Prælati religionis revocari possit, quia est supremus Prælatus. Neque hoc est contra obedientiæ votum, quia ipsamet obedientiæ ratio postulat ordinem, & subordinationem, & consequenter petit ut superior Prælatus possit dare facultatem, quam inferior revocare non possit, & consequenter integra ratio obedientiæ servatur, si supremo Prælati obeditur, quando omne ius in talem personam, ipse sibi reservavit.

19. In quarta obiectione petitur, quomodo servandum sit paupertatis votum ab eo, qui extra claustrum vivere permittitur; nam quod servari debeat certissimum est, cum illud non tollatur. Primo ergo nihil proprium habere potest propter illam mutationem, quia repugnat voto. Nec necessarium est, quia talis religiosus manet semper membrum suæ religionis, & ideo si quid habet, dominium ejus esse potest apud religionem, vel apud eum, apud quem est dominium omnium bonorum, quibus sua religio utitur, quod propter fratres minores dicimus. Deinde (ut satisfaciamus Concilio Tridentino) non est necesse ut habeat administrationem aliquorum bonorum immobilium, neque annuos redditus certos, ad quos jus aliquod quasi proprium habere videtur; nam sunt plures alii modi quibus sustentari possit. Primum recipiendo certam aliquam portionem, a suo Prælati, vel Monasterio, cuius usum, & non amplius recipiat. Secundo petendo eleemosynam. Tertio suis laboribus, vel ministeriis aliquid acquirendo, vel sustentationem, aut stipendium ab aliquo Prælati, Ecclesiâ, vel Academia, &c. recipiendo. In quibus modis omnibus integra servari potest paupertas, non solum quoad proprietatem, sed etiam quoad usum, quia semper est dependenter ab aliena voluntate, & juxta beneplacitum ejus. Unde etiam fit, ut talis religio possit disponere, dum sic vivit de bonis, quæ veluti in peculium habet suo arbitrio, & salva nihilominus paupertate, quia totum illud facit ex licentia Superioris. Et ideo licet ejus arbitrio

Vivens ex-
tra clau-
strum, cum
licentia,
nihil po-
test habere
proprium.

Neque op-
porteret
habere
jus admi-
nistrandi
bona im-
mobilia.

Quomodo possit
acquirere
bona alijs
qua.

trium sit veluti proxima regula; principalis vero cui conformari debet, est iusta licentia Prælati, vel formalis, vel interpretativa, juxta superius dicta de voto paupertatis. Tandem possit etiam in eo statu aliquid acquirere modis licitis ac sibi permissis; Atque ita suum peculiis modum congregare, per illam tamen acquisitionem nullum jus sibi comparat, sed totum transit in monasterium juxta commune jus Religiosorum supra explicatum, quod eodem modo locum habet in Religioso, etiam si extra claustrum vivat, non agimus enim de Episcopo vel beneficiario, de quibus infra a cap. 16. dicemus, quibus titulis seclulis, nulla est ratio eximendi quemcunque Religiosum propter solam separatam habitationem,

Concluditur
modus pau-
peratis
extra
claustrum
degen-
tis.

20 Itaque in omnibus servare debet paupertatis regulas supra positas, solumque intercedit differentia, quod existenti extra claustrum necessarium conceditur licentia, veluti permanens, & aliquo modo generalis, dandi, & recipiendi; quæ tamen necessario limitatur, vel juxta expressam voluntatem Prælati, vel juxta generales regulas de obligatione voti paupertatis. Unde recte advertit Navar. supra, ex vi facultatis vivendi extra claustrum, si nihil aliud exprimat, nullam specialem licentiam concedi ad disponendum libere de bonis, quæ in eo statu acquiruntur, quia nulla est inter hæc connexio necessaria. Imo nec per se rationalis est, nisi specialis causa intercedat ad eam extensionem faciendam, quia major effectus majorem causam requirit. Quod ego verum esse opinor, non solum de tam ampla licentia, qualis est convertendi omnia in suos usus, sed etiam de quacunque relaxatione in regulari paupertate, quam ille modus vivendi non postulat; sed tantum vel ex necessitate quadam humana, vel ex decencia, & honestate, præsertim misericordiar, ut est facultas faciendi aliquam elemosynam, prout recta ratio dictaverit, quæ censenda est concessa, eo ipso, quod non negatur, quod a fortiori confirmari potest ex his, quæ Navar. supra tractat. n. 41.

C A P U T VIII.

An ex natura rei liceat professio unius religionis propria autoritate ad aliam strictiorem transire?

TRansitus ab una religione ad aliam potest esse vel ad strictiorem, vel ad æqualem, vel ad laxiorem. Potest item considerari tripliciter, primo ex natura rei. Secundo stando præcise in jure communi. Tertio juxta peculiare privilegium per Sedem Apostolicam religioni concessum. De primo ergo modo dicemus in hoc & sequenti capite; de alijs duobus, in sequentibus.

I. Dico igitur primo, transitus ab una religione ad aliam non est per se & intrinsece, seu ex natura rei malus, etiam si propria autoritate fiat, dum modo sit ad religionem perfectiorem. Dixi *etiam si propria autoritate fiat*, quia si Pontificis autoritas interveniat, res est extra omnem controversiam ut constat ex usu, & ex his, quæ infra dicemus de jure Canonico. Ratio etiam id ostendit, quia juxta humanam conditionem sæpe occurrere potest moralis necessitas faciendi hunc transitum; ergo oportet, ut saltem autoritate Pontificis licite fieri possit. Addimus ergo in assertionem sine hac etiam facultate interdum fieri posse. Et præterea per illam particulam intelligimus non esse necessariam licentiam ejusdem religionis, nam si ipsa consentiat, nulla etiam est dubitanda ratio, quia volenti, & consentienti nulla fit injuria; ergo si religio, quæ relinquitur, consentit, nulla injuria fit illi: neque etiam fit Deo, quia ejus obsequium, & cultus in utroque loco quaeritur. Quæ ratio etiam videtur probare ex consensu religionis licitum esse hunc transitum etiam ad æqualem, seclusa humana prohibitione, de qua infra videbimus, quia seclusa injuria tertii non est improbabile, posse propria autoritate votum licite commutari in æquale. Opposita tamen sententia est longe probabilior, eamque late defendimus tract. 6. lib. 6. c. 19. a. n. 5. Conclusio ergo posita loquitur de transitu, qui fit ad perfectiorem in vita propria religionem. Ratio autem ejus est, quia per hunc transitum non fit contra obligationem Deo factam in professio-

ne religionis; ergo non est unde sit illicitus ex natura rei, etiam si propria autoritate fiat. Antecedens patet, quia per professionem religionis præcipue intenditur tendentia ad perfectionem ex vi status, ad hanc ergo per se primo Religiosus obligatur; sed per hunc transitum non receditur ab hac tendentia in perfectionem, sed potius magis apprehenditur; ergo non est contra illam obligationem,

2. Sed contra, in hac obligatione non attendendus finis ejus, sed materia, ita enim in omni lege, & promissione servatur: sed per professionem licet intendatur tendentia ad perfectionem, non est tamen illa materia promissionis & voti, nisi quatenus in particulari promittitur talis paupertas & obedientia secundum talem regulam; hæc autem materia non servatur transendo ad aliam religionem, quia ad minimum mutatur obedientia secundum regulam. Ad hoc vero respondendum est, per aliam partem assertionis; ideo enim restricta est ad transitum in religionem perfectiorem. Unde probatur simul illa pars, & satisficit difficultati; nam in materia voti, licet mutare unam in aliam, præsertim, quando in ordine ad finem intentum divini cultus, & propriæ perfectionis fit commutatio in meliorem, ut supra tract. 6. probatum est; sed ita est in præsentem: ergo. Dices illud esse verum, quando votum fit soli Deo, & non datur jus in re alicui homini; at in perfectione religionis præter vota Deo nuncupata sit promissio, vel potius traditio tali religioni, quæ acquirit dominium in talem personam; ergo non potest professus privari religione illo dominio sua autoritate, quod facit transendo ad aliam religionem sua autoritate. Sicut, qui se alicui vendit, aut tradit in servum, non potest se alteri donare privando priorem dominum suo jure propter quodcunque majus commodum suum. Respondetur etiam, in Religiosa professione licitam esse illam commutationem ejus loquendo ex sola rei natura, quia sicut in matrimonio rato, verum jus, & dominium acquiritur sponso, & nihilominus potest a contractu recedere transendo ad religionem, quia in illo contractu intrinsece inest conditio melioris frugis; ita multo majori ratione in contractu, qui per professionem cum religione fit, involvit intrinsece conditio melioris frugis; multo enim major ratio in hoc contractu intervenit, quam in illo, quia matrimonium non ita per se, & immediate ordinatur ad spirituales perfectionem, & cultum Dei, sicut professio Religiosa. Et ideo merito est major hæc licentia in professione quam in matrimonio, quia in matrimonio solum durat quandiu consummatum non est, quia postea involvit intrinsecam malitiam; in professione vero est perpetua, quia nunquam involvit malitiam neque tractu temporis, aut aliquo usu, vel actione jus majus religioni acquirit, & ut sic dicam, status ille talis est, ut usque ad gloriam, seu finem vite non censeatur consummari.

III. Denique propria ratio est, quia ipsamet traditio professionis, licet fiat religioni, non fit principaliter propter ipsam, sed propter Religiosum, & perfectionem ejus, & ideo semper censetur reservata facultas, assumendi statum perfectiorem, & in hoc est magna differentia inter servum, & Religiosum, ut supra tactum est. Atque hoc confirmat usus antiquorum Monachorum; legimus enim fuisse solitos sua monasteria relinquere, vel ad vitam solitariam, & magis austeram sustinendam, vel advitanda aliqua spiritualia incommoda. Optimum de hac re exemplum legimus apud Calsianum lib. 4. de institutis renunciantium c. 30. ubi refert Abbatem Pynuphium suum Cænobium reliquisse vitandi honoris gratia, propter maximam reverentiam, & subiectionem, quam omnes illi præstabant; ut ergo humilitatem, & subiectionem, quam desiderabat, exercere posset, clam fugiens de Cænobio secessit solus, in Thebaidis ultimas partes, ibique deposita habitu monachorum assumpta seculari veste Cænobium Tabennensitarum expetit, quod sciebat cunctis esse strictius, & c. 31. refert eundem Sanctum semel revocatum ad suum Cænobium iterum in Palestinam aufugisse, & in alio monasterio receptum fuisse. Nec lectorem perturbet illa mutatio habitus monachalis in secularem, quia non fuit temeraria, nec ad permanendum,

Accedunt
exempla.

vel

vel vagandū, in illā habitū, sed ex pia causa, & ad breve tempus, quantum scilicet ad illud sanctum propositum esset necessarium. Idem fecisse Marcharium, & a Sancto Pachomio ignoranter fuisse susceptum, refert Paladius in Prato spirituali, alias in Lausiaca historia c. 6. & simile refert c. 21. de quadam Sanctimoniali. Præterea de Sancto Benedicto legimus prius mutasse monasterium, ut ad regendum aliud petentibus fratribus accederet, postea vero illis inique se gerentibus erga illum ad pristinum monasterium rediisse, apud Gregorium lib. 2. dialogorum c. 3. Et quod amplius est, idem Benedictus in sua regula c. 61. agens de Monachis peregrinis, dicit recipiendos esse, & si ibi perseverare voluerint, & stabilitatem suam firmare, & bonum specimen sui dederint, admittendos esse. Tamen D. Benedictus ibi loquitur de Monachis ejusdem religionis suæ, qui cum proficentur secundum illam regulam, eo ipso habent hanc facultatem modo in ea præscripto.

4 Sed objici potest, nam sequitur Religiosum, qui habet licentiam a Summo Pontifice ad transeundum ad determinatam religionem, posse autoritate sua transire ad strictiorem, consequens est falsum, ergo. Sequela probatur a paritate rationis. Minor autem patet, quia delegatus non potest mutare voluntatem delegantis, quia delegatio est stricti juris, cap. P. & G. de offic. deleg. ergo similiter, qui talem habet licentiam, non potest virtute illius aliud facere, nisi quod in illa præscriptum est; non potest ergo ordinem mutare. Respondeo concedendo sequelam, etiam si viri aliqui docti aliud sentiant. Duobus autem modis potest alia religio esse strictior. Primo etiam comparatione illius, religionis a qua fit transitus; & sic constat esse licitum non tam virtute illius facultatis, quam ex natura rei, ut dictum est, & ex jure communi, ut infra c. 10. patebit. Nisi forte ex privilegio esset prohibitus ille transitus; nunc necessarius erit usus facultatis, & tunc dico etiam illam sufficere eadem ratione, quæ in puncto sequenti.

5 Alio ergo modo potest religio esse strictior comparatione alterius, ad quam transitus concedebatur, licet non sit respectu ejus a qua fit, & tunc est nonnulla major ratio dubitandi. Dico tamen etiam tunc posse fieri. Primo; quia votum de quacumque religione determinate sufficienter impletur in quacumque strictiori; ergo a fortiori hæc facultas. Nam duo respectus possunt in ea considerari; unus est libertatis, quæ datur ad relinquendam propriam religionem, & hic semper est idem, seu eadem revocatio juris, seu privilegii talis religionis; secundus est ad aliam religionem, ad quam fit transitus, & quoad hoc fit restrictio transeundo ad meliora. Est enim considerandum, determinationem talis religionis factam a Pontifice in tali facultate, non esse in specialem favorem vel auxilium talis religionis; nam si de hoc constaret, tunc verum esset non posse mutari Pontificis voluntatem; nunc autem non ita loquimur, sed prout ordinarie conceditur talis licentia in gratiam Religiosi, & frequenter fit determinatio ad petitionem ejus, vel si fit ab ipso Pontifice, solum est ad restringendam facultatem, ne transitus fiat ad laxiorem, & ut obligatio relinquatur magis certa, & determinata; ergo quando quis utitur facultate illa ad transeundum ad arctiorem, non excidit, sed potius minus utitur illa facultate, quam possit. Tertio argumentor ex voluntate præsumpta concedentis. Cur enim vellet impedire Pontifex transitum ad perfectiorem, si ad minus perfectam illum concedit? Declaratur in hunc modum; nam si quis utens illa facultate transeat ad religionem sibi designatam, potest deinde transire ad perfectiorem illam; ergo potuit etiam a principio immediate transire; nam ille intermedius terminus non est per se necessarius, neque ulla ratio probabilis apparet, ob quam censamus Pontificem voluisse cum hoc rigore illum præscribere. Quocirca sicut in jure dicitur non esse reum voti, qui in melius illud commutat, ita hic dicimus non esse reum talis facultatis, ut sic loquamur, id est, non excedere illam, neque ea abuti, qui virtute illius ad strictiorem immediate transit; nam ex parte termini, a quo, eam formaliter implet; ex parte vero termini ad quem, impletur eminenter.

6 Per quod patet responsio ad fundamentum con-

tractatæ sententiæ, tum quia licet delegatio sit stricti juris, in præsentem non extenditur, sed potius restringitur, ut declaratum est, tum etiam, quia in dicto cap. P. & G. solum significatur delegationem esse stricti juris, quoad jurisdictionem, ut non possit extendi ab una persona in aliam, vel ab una causa in aliam, ubi nulla est connexio; non est tamen ita stricti juris, ut sub formali concessione non possimus, & sæpe debeamus intelligere aliquid virtualiter concessum. Neque exlimo Navarrum aliud sensisse consil. 63. de Regul. n. 4. cum de quadam delegatione facta ad certum ordinem seu conventum, ait nihil potuisse fieri virtute illius, nisi ad illum ordinem: loquebatur enim manifeste comparatione ordinis laxioris, ut constat ex clausula proxime præcedenti.

7 Sed quid si Religiosus habeat votum non transeundi ad aliam religionem, licebitne nihilominus huiusmodi transitus? Respondeo duplici tempore, & duobus modis potuisse fieri tale votum, primo ante ingressum in primam religionem, vel post professionem in illa. Item fieri potuit vel absolute non transeundi, vel determinate non transeundi ad perfectiorem, vel ad laxiorem, vel ad æqualem. Si ergo votum fuit factum ante professionem primæ religionis, quocumque sensu factum fuerit, postea non obligat, quia per professionem extinguitur tota ejus obligatio. Nam licet fecisset votum determinatum ingrediendi strictiorem religionem, & nihilominus proficeretur laxiorem, amplius non teneretur priori voto, ut declaratum est in capite penultimo de Regularib. in 6. ergo multo minus obligabitur priori voto transeundi vel non transeundi ad aliam religionem. Si autem votum non transeundi factum est post professionem, obligare quidem potest specialiter ad non transeundum ad laxiorem, neque ad æqualem, nam licet ad hoc teneatur Religiosus ex vi suæ professionis, ut dicemus, non repugnat novam voti simplicis obligationem superaddere. Quia Religiosus capax illius est, nam præcedens professio, non extinguit aut impedit subsequenter vota, ut supra vidimus. Materia etiam illa apta est ad votum, quia respectu talis personæ est de meliori bono, quod est manifestum, quoad non transeundum ad laxiorem, habet autem etiam locum in ordine ad æqualem, quia licet absolute, & secundum se, non sit melius esse in una religione quam in alia æquali, tamen supposita professione jam facta in una religione, melius est illi permanere, quam ad æqualem transire, quia est jam acquisitum priori religioni, & quia cæteris paribus mutatio est in minus bonum. Operabitur autem tale votum duo: unum est, ut si eo non obstante transitus ad laxiorem, vel æqualem indebite fiat, gravius peccetur propter transgressionem talis voti, quæ adjungitur priori malitiæ; aliud est, quia si petenda sit dispensatio ad transeundum, oportebit hanc specialem obligationem declarare, alioquin licet solvantur alia vincula, semper hoc manebit; oportet ergo, ut illud etiam dispensetur, vel irritetur a Prælate religionis, nam hoc etiam modo tolli potest, ut ex superioribus constat.

8 Dices, non videri hoc votum distinctum a prioribus, sed idem repetitum, seu renovatum, ut licet Religiosus post professionem iterum promittat Deo servare castitatem, vel servare professionem, quoad hanc partem non addit novam voti obligationem, & si dispensatio in ipsa professione petenda esset, non oportet illam quasi reflexam promissionem explicare, & idem est, si post professionem addat votum non nubendi, vel quid simile; ergo idem est in præsentem, quia hoc votum non transeundi, non videtur esse aliud, quam repetitio & explicatio voti obedientiæ facti in tali religione; nam ratione illius tenetur quis ibi perpetuo manere, sicut votum non apostatandi non videtur distinctum ab ipsa professione, nec circumstantia necessaria in confessione aperienda. Respondetur hoc non esse improbabile, sed eo non obstante, multi putant illud votum addere novam obligationem, & esse circumstantiam, vel aperiendam in confessione, si tale votum violetur, vel explicandam in obtinenda dispensatione, quia indiget etiā propria relaxatione. Sed hoc non credimus convenienter, nec consequenter dici, ut supra tractando de voto in communi disputavimus.

Quæstio-
cula de
voto non
transeun-
di ad aliā
religionē.

Resolutio
qua do-
votum fa-
ctum est
ante pro-
fessionem
in priore
religione.

Item quæ-
do factum
est post
professio-
nem, de nō
transeun-
do ad æ-
qualem, &
vel laxiō-
rem.

9 Respondetur ergo aliter, votum illud revera esse specie, & forma, ac materia distinctum a tribus votis substantialibus professionis, quod est manifestum quoad castitatem, & paupertatem. De obedientia autem probatur, quia formaliter hoc non est votum obediendi, sed permanendi tantum in tali statu, vel non transeundi ad alium incompensabilem, nec satis est, quod una materia ad aliam ordinetur, ut vota confundantur: nam licet quis habens votum castitatis, voveat non ingredi in talem domum, in qua periclitatur castitas, nihilominus votum illud distinctum est, & addit specialem circumstantiam, & obligationem: ita ergo in presenti censo. Hoc enim votum immediate & directe non respicit ipsam obedientiam, sed quid veluti prævium ad illam, imo nec pro motivo proprio habere videtur obedientiæ bonum, sed firmam semper habere traditionem huic religioni factam, quæ est materia distincta a materia trium votorum, & illi addi potest obligatio voti, quia obligatio ipsius traditionis, ut sic, revera non est voti, sed quasi iustitiæ, ut in superioribus visum est.

10 At vero non potest tale votum obligare ad non transeundum ad perfectiorem religionem, sive in speciali de hoc fiat, sive in generali de non transeundo, quia priori modo est imprudens & nullum, posteriori autem modo non potest intelligi, neque esse efficax cum tanta extensione. Ratio est, quia tale votum de se est impeditivum majoris boni, & ideo est nullum. Dices, hunc transitum non esse regulariter consulendum, quia moraliter non expedit; ergo hoc satis est, ut non efficere illum sit materia voti. Respondetur, ascensum ad perfectiorem statum secundum se cadere sub consilio, & hoc satis esse, ut possit esse materia voti, & consequenter, ut oppositum ejus de se non sit materia voti, quamvis ex circumstantiis possit interdum non expedire, ut statim declarabimus, quod non satis est, ut possit absolute fieri votum non transeundi ad perfectiorem religionem, sed cum addito, non transeundi scilicet sine debito modo, vel consilio.

C A P U T IX.

An liceat ex natura rei transitus propria auctoritate factus ad religionem laxiorem, vel æqualem?

HAc in re dicendum est, transitum ad religionem laxiorem, vel æqualem propria auctoritate, seu absque dispensatione esse illicitum. Probatur prior pars de laxiori, quia commutare votum de re meliori in minus bonam, non licet sine iusta dispensatione: ergo. Quia vero hæc ratio non ita urget in transitu ad æqualem, addenda est alia, quæ comprehendat utramque partem, scilicet, quia huiusmodi transitus est contra jus acquisitum tali religioni. Nam conditio supradicta inclusa in tali contractu, solum est de meliori fruge, quia solum est propter maiorem cultum Dei, vel majus animæ bonum. Nam sine hoc respectu irrationabilis est libertas ad relinquendam propriam religionem. Effetque magna inæqualitas, si ipsa obligaretur absolute ad retinendum perpetuo Religiosum, & ille posset eam relinquere pro alia æquali: quod nec religio expresse vult ut dicamus renuntiare juri suo, nec præsumi potest id velle, cum nemo contra seipsum contrahere præsumatur. Dices, eandem inæqualitatem intervenire in transitu ad meliorem religionem; nam plus obligatur religio, cum non possit dimittere ipsum Religiosum, ut meliorem recipiat. Respondet primo, non esse similem rationem, quia respectu perfectioris status est rationalis causa præsumendi, vel potius obligandi religionem ad contrahendum sub illa conditione; respectu vero alterius æqualis nulla est talis ratio. Secundo dicitur aliunde compensari hanc apparentem inæqualitatem; nam religio potest dimittere unum Religiosum propter defectum ejus, ut supra cap. 4. visum est; nulla ergo est inæqualitas, quod ipse possit dimittere religionem solum propter defectum minoris eius perfectionis. Religio autem non potest communi jure dimittere Religiosum professum quamdiu vita ejus moraliter tolerabilis est: iniquum er-

go esset si ipse posset eam dimittere, non solum tolerabilem, sed etiam æque perfectam.

Dubium 1. An transitus ex natura rei licitus expediat.

Superfunt vero nonnulla dubia circa hanc assertiorem. Primum: esto hic transitus per se licitus sit, an sit expediens, & moraliter vel regulariter consulendus. Tractat hoc D. Thom. 2. 2. qu. 189. art. 8. & respondet his verbis: *Transire de religione ad religionem nisi propter magnam necessitatem non est laudabile, tum quia ex hoc plerumque scandalizantur illi, qui relinquuntur, tum etiam, quia facilius proficit aliquis in religione quam consuevit, quam in illa quam non consuevit ceteris paribus.* Et deinde assert sententiam Nestori Abbatis, quam refert Cassianus collat. 14. cap. 5. *Unicuique (ait) utile, atque conveniens est, ut secundum propositum, quod elegit, sive gratiam, quam accepit, summo studio ac diligentia, ad operis arrepti perfectionem pervenire festinet, & aliorum quidem laudans admiransque virtutes, nequaquam a sua quam elegit professione discedat.* Et cap. 6. addit, ex hac mutatione sequi dispendium potius, quam profectum, quia dum quis varias inchoat vias, per nullam earum ad terminum tendit. Unde concludit: *Multis viis ad Deum tenditur, & ideo unusquisque illam, quam semel arripuit, irrevocabili cursu sui intentione conficiat, ut sit in qualibet professione perfectus.* Basiliius etiam in Constitutionibus monasticis, cap. 34. loquens etiam de Monasteriis ejusdem religionis monasticæ (in ea enim professio de se perpetua sit in uno monasterio) monet Prælatos eorum nec temere, vel inconsiderate desistentes invicem alter alterius fratres suscipiat; *Siquidem hoc facere (inquit) summa confusio est, dissolutio, atque perversio spiritualis edificii, quod late prosequitur, ac tandem concludit: Tunc autem tantummodo reprehensione vacare fratris segregatio debet, quandocumque ex Antistitis judicio, occulte alicujus, quam ipse sciat, utilitatis causa fiat.* Dicit etiam Bernardus in Epistola 1. ad Robertum tractans de transitu Roberti nepotis sui a suo Cisterciensi ordine ad Cluniacensem, graviter invehit in huiusmodi transitum, dicitque esse contra regulare decretum, & contra votum. Quod si quis dicat Bernardum ibi conqueri de transitu a religione austeriori ad laxiorem: obstat idem Bernardus in lib. de præcepto, & dispensatione, cap. 20. ubi ex professo tractat de stabilitate professionis in eodem loco, & an liceat mutare illam vel expediat: *Ad quod (inquit) interrim nunc securus responderim, a bono, quod semel quis voverit non licere discedere, & ad hoc mutare locum, quem sibi quisque delegavit. & cui se sua voluntate, ac voce firmaverit omnino non consulo.* Sed in his verbis plane loquitur de transitu, vel ad seculum, vel ad laxiorem ordinem; nam ille est proprie decessus, & ideo simpliciter dicit, *Non licere*. Inferius vero subdit: *Sane de Religiosis, ac bene ordinatis monasteriis nullus professorum meo consilio, ne ætioris quidem vita desiderio, sine licentia sui senioris egredietur; & inferius adhibet exemplum. Forte vult aliquis de Cluniacensibus institutis ad Cisterciensium sese tringere paupertatem eligens præ illis, nimirum consuetudinibus, magis regulam puritatem. Si me consulit non consulo; si non, sane id sui Abbatis usurpat assensu.* Et in Apologia ad Guillelmum Abbatem, testatur se multos religiosos ab illo transitu removisse, cum tamen in eadem Apologia illius ordinis relaxationem reprehendat.

3 Ex mente igitur istorum Patrum imprimis colligimus, huiusmodi transitum, etiam si fiat titulo majoris perfectionis, periculosum esse, & raro aut nunquam esse consulendum. Primum (ajunt Bernard. & D. Thom.) propter scandalum eorum, quos deserit. Secundo (prosequitur Bernard.) quia certa pro dubiis relinquere tutum non est, fortan enim hoc tenere potest, illud non poterit. Tertio ex D. Th. quia bona consueverit relinquere, & insolita inchoare, non solet ad proficiendum esse utile. Quarto (ait Bernard.) *in suspectam habeo levitatem, &c.* quæ prosequitur.

4 Secundo colligitur ex dictis Patribus hunc transitum non esse faciendum sine assensu, & iudicio Prælati, quod duplici ratione verum est, una, quia res adeo gravis & lubrica fieri non debet sine prudenti consilio; quod subdit a Prælato suo, quem Dei loco habet, accipere

Ordinarie non expedire, docent Patres.

Primum consuetudinem ex adductis Patribus.

Secundum consuetudinem.

Denique quando sit de non transeundo ad strictiorem.

cipere debet regulariter, ac per se loquendo: præfer-
tim, quia cum ille cognoscere solet vultum pecoris
sui, & naturam ac mores ejus, facilius poterit, & re-
ctum consilium illi dare, & si fortasse occasione aliqua
leviter moveatur, illi remedium adhibere. Altera vi-
detur hoc necessarium propter convenientem subordi-
nationem subditi ad Prælatus. Unde aliqui censent ex
natura rei esse grave peccatum egredi monasterio ea
intentione, sine licentia Prælati petita, & obtenta,
vel saltem injuste negata, quia Prælatus pro tempore
habet jus custodiendi, & regendi talem personam, er-
go non potest subditus infcio Prælati, licite egredi
etiam illo titulo; item quia illo tempore sollicitus erit
Prælatus de statu subditi, quod est magnum morale
incommodum, & præterea occasio scandali multum
inde augetur, & exponuntur alii periculo judicandi
eum esse Apostatam.

5 Quæ rationes judicio meo probant occultam fu-
gam, etiam hoc titulo factam, vix posse moraliter ex-
cusari a peccato mortali. Quia vero hæc malitia non
est in ipso opere, ut sic dicam, id est, in transitu, ideo
si semel fiat, & alia religio perfectior assumatur (lo-
quendo ex natura rei ut loquimur) non est iterum ad
priorem statum revertendum, ut ait Bernard. supra,
sed sufficit priorem Prælatus certiore reddere de
suo statu ne sollicitus sit. Adde præterea dependentiam
a proprio Prælati in hoc negotio non esse ita debitam
ex natura rei, ut sine assensu & consensu ejus nunquam
possit licite fieri. Ratio est, quia ex voto obedientiæ
Religiosus ad hoc non obligatur; ergo simpliciter non
tenetur. Patet consequentia, quia ex nullo alio capite
potest oriri obligatio per se, cum ex contractu, & tra-
ditione non oriatur, ut supra ostendi, & alia incom-
moda, quæ sequi possunt, accidentaria sunt, & aliis
modis præveniri possunt. Antecedens autem patet, quia
votum obedientiæ solum obligat secundum regulam,
non autem ad ea, quæ spectant ad superiorem regulam,
quale est, illam assumere vel relinquere. Et ideo dixi-
mus tract. superiore, Prælatus regularem non posse
irritare votum ascendendi ad perfectiorem ordinem,
etiam si possit irritare cætera. Unde, quod spectat ad
assensum, id est, judicium Prælati an transitus expe-
diat nec ne? optimum consilium est expectare illud, &
stare illi, non tamen video unde sit præceptum ex na-
tura rei, imo aliquando potest Prælatus in hoc esse su-
spectus, quia est veluti pars propter affectum ad suum
monasterium, & curam ejus, quam gerit. Interdum
etiam potest autoritate & numero aliorum contra-
rium consulentium vinci; cæteris autem paribus Præ-
lati judicium præferendum est. Unde a fortiori con-
stat, non esse præceptum expectare consensum ejus,
quia si assensus non est necessarius, multo minus erit
consensus, cum secundum rectam rationem voluntas
debeat sequi intellectum; & ratio a priori est supra
tracta, quia obedientia Prælati non obligat in illa ma-
teria; ergo ex vi voti, vel præcepti, non tenetur sub-
ditus sequi voluntatem Superioris. Et hoc etiam suppo-
nit jus Canonicum cap. sequ. citandum, quia non
disponit contra jus Superioris, sed potius in favo-
rem ejus.

6 Addunt vero Authores communiter limitatio-
nem, quæ si vera est, locum habet non tantum respec-
tu juris communis, sed etiam ex vi juris naturalis.
Est autem limitatio, ut ex transitu hujusmodi non gra-
viter lædatur, vel infametur prius monasterium: nam
tunc nec Prælatus tenetur dare licentiam, nec subditus
potest recedere sine illa obtenta, nec recedens erit se-
curus, licet alibi recipiatur, sed revocandus est, ar-
gum. cap. licet de regular. ibi: *In iacturam, vel inju-
riam sui ordinis, & ibi, Sicut majus bonum minori bo-
no preponitur, ita communis utilitas privata utilitati
præfertur.* Ita refert Panormitan. ibi, n. 12. & sequitur
Sylvest. verb. Religio, 4. q. 2. & quia Panormitan. dubi-
tat, addit non esse dubitandum, quando illa infamia,
vel iactura non provenit ex culpa monasterii sed ex re-
rum conditione, & idem sequitur referens Innocen-
tium Antonium 3. p. tit. 16. c. 4. quia non debet (in-
quit) esse causa scandali, nec gravis iactura, citatque
illud Ambrosii 2. de officiis, cap. 24. *Veritatis est regula
ut nihil facias commendandi tui causa, quo minor alius*

fiat, habetur in cap. Si quis vero 11. q. 3. ubi Glossa aliam
confirmationem adducit. In fine tamen addit aliquid,
quod dubitationem Panormitani confirmat. *Si tamen
(inquit) facies aliquid eo proposito, ut tibi prosit, liceat
alii noceat, non peccas.* Quod verum est, nisi nocu-
mentum alterius tam grave sit, ut charitas obliget ad ca-
rendum proprio commodo propter vitandum malum
proximi, & ita est limitanda illa doctrina communis.

7 Denique in hoc dubio animadverto occultam fu-
gam a monasterio etiam propter hunc finem per se lo-
quendo non videri licitam ex natura rei propter ratio-
nem insinuatam; quod Prælatus habet jus custodiendi
talem personam, & talem locum, contra quod jus si-
ne rationabili causa facere inordinatum est. Est etiam
de se scandalosum, & habens speciem mali, quia opus
ipsum ex se habet apparentem apostasiam, vel fractio-
nem clausuræ, intentio autem in occulto latet. Dixi
vero per se loquendo, quia si Religiosus injuste impediatur
a suo proposito, quod sanctum esse credit, vel pro-
babiliter timet per importunas preces fore impedi-
endum, & alioquin est tam integræ vitæ, ut non possit
generare scandalum, vel si adhibet aliud remedium suf-
ficiens ad præveniendum illud, poterit illa actio excu-
sari a culpa, sicut excusatur in antiquis Sanctis, quo-
rum exempla cap. præced. n. 3. retulimus; quia potest
quis uti jure suo, & consulere suæ perfectioni spiri-
tuali non servato jure Superioris, quando, vel ipse supe-
rior male illo utitur, vel subditus non potest sine gravi
suo incommodo illud custodire, quin potius secluso
gravi scandalo activo, non apparet in illo actu ex sola
rei natura malitia mortalis, quia illud jus Superioris
in hujusmodi materia magis videtur pertinere ad quan-
dam decentiam, & debitum ordinem, quam ad rigo-
rem justitiæ, nihilominus tamen perversio hujus ordi-
nis, & imprudens fuga est magnum indicium, insti-
tutum illum, vel motionem non esse ab Spiritu sancto;
nam quæ a Deo sunt, ordinata sunt. Et ideo hujusmo-
di transitus tali modo factus, id est, occulte, & sine
scientia saltem Superioris, ex se habet speciem mali, &
minime expedientis, & ideo nec consulendus, nec per-
mittendus est, etiam seclusa prohibitione positiva, nisi
ubi evidens apparuerit necessitas.

2. Dubium, Quenam judicanda sit religio perfe-
ctior ad hoc, ut transitus ad illam per se
sit licitus?

8 Secundo dubitari potest circa eandem assertio-
nem, quando una religio judicanda sit perfectior alia,
ad hunc finem, ut hujusmodi transitus per se sit licitus.
Ratio dubii est, quia religiones propriæ, & perfectæ
(de his enim loquimur) in substantialibus, id est, in tri-
bus votis conveniunt. In reliquis autem solent se habe-
re tanquam excedens, & excessum. Nam una excedit
in paupertate, alia in austeritate habitus, vel cibi; al-
ia in diuturna contemplatione, vel assistentia chori; al-
ia in amplitudine, & perfectione obedientiæ; alia in
excellentiore operibus charitatis. Quæ ergo regu-
la utendum erit? Præterea contingit unam religionem
esse quoad hoc securiorem alia, quod majorem solitu-
dinem & separationem a conversatione hominum pro-
fitetur, & ideo pauciores occasiones peccandi in ea ef-
se videntur, propter quod securior appellatur; & nihilo-
minus alia potest esse perfectior, quia revera in ea sunt
majora media ad consequendam excellentiam sanctita-
tis, quæ igitur illarum erit præferenda ad hujusmodi
transitum? nam utrumque est per se intentum in statu
religioso, scilicet, & major severitas, & major perfe-
ctio. Rursus contingit unam religionem ex vi suæ in-
stitutionis, & regulæ esse perfectiorem, & strictiorem al-
ia, & nihilominus de facto, melius, & facilius tendi ad
perfectionem in ea, quæ de se videtur inferior, quia in-
tegre servat suum institutum, & in altera remisse vi-
vitur, &c. quid ergo ad hunc transitum magis expe-
ctandum est? institutum, an actualis observantia?
Denique potest accidere religionem secundum se in o-
mnibus esse perfectiorem, & jure, & facto, & nihilo-
minus hujus personæ non sit accommodata ad cre-
scendum in perfectione; nam ut Gregorius alias dixit,
licet diuturna contemplatio secundum se melior sit
multis, non est melior propter naturam inquietam, &
improportionatam; idemque dici potest, de austeri-
tate

De occultam
fuga ad
strictiorem
regulam.

Interro-
gantur
quatuor
in hoc
dubio.

tate vitæ, & similibus proprietatibus. Eritne igitur hæc sufficiens ratio ad faciendum hunc transitum sine ulla dispensatione, si per diuturnam experientiam de illa inæqualitate constat?

Quorundam
responsio
ad primam
interrogationem.

9 Circa primam interrogationem aliqui existimant ad hunc effectum honestandi hunc transitum illam esse religionem præferendam, quæ arctior est; vocant autem arctiorem illam, quæ in exterioribus observantiis corporis asperior, & rigorosior est. Ita sentit Panormitanus Joannem Andreæ cap. sane, de regularibus in fine, & dicit esse opinionem Canonistarum. Sed ipsi non loquuntur ex natura rei, sed secundum jura, & solum dicunt, attendendum esse ubi vivitur strictius, in quo autem hæc stricta vita consistat non declarant; videntur tamen loqui de exteriori austeritate, quia de illa potest esse exterior certitudo, quam ipsi requirunt propter externum forum, & faver lex Hispaniæ partita 1. tit. 7. leg. 9. ubi etiam Gregorius Lopez glossa 3. ubi ita etiam interpretari videtur arctiorem religionem, distinguens illam contra sanctiorem, & fructuosiorem. Denique hanc opinionem sequutus est Emmanuel Rodriq. 3. tom. quæstionum regularium, q. 52. ar. 4. solumque fundatur, quia hic transitus debet ita fieri, ut in exteriori foro valeat. In exteriori autem foro, major perfectio consistit in majori austeritate, nam si ex uberius fructibus, & sanctitate esset pensanda, cum hoc pertineat magis ad factum quam ad jus, nihil certum statui posset.

10 Contrariam sententiam tenet D. Tho. dicto art. 8. qui vult attendendam esse excellentiam, & perfectionem religionis secundum veritatem; sic autem non attenditur secundum solam arctitudinem, sed principaliter secundum id, ad quod religio ordinatur, secundario vero secundum discretionem observantiarum, debito fini proportionatarum, & idem dixerat q. 188. art. 6. Sequitur Sylvest. verb. Religio, 4. quæst. 1. & 2. Nivar. Comment. 4. de regular. nu. 3. idemque sentiunt Palud. Antoninus, & alii infra citandi. Estque hæc opinio sine dubio vera, præsertim prout nunc loquimur ex natura rei, in qua magis attenditur veritas, quam præsumptio. Nam ratio, & fundamentum hujus transitus, ut sit licitus, est major Dei honor, & major spiritalis perfectio propria: si ergo vere, & in re ipsa religio in hoc præminet, in ea invenitur fundamentum hujus liciti transitus; ergo. Confirmatur, & declaratur. Nam si professus in religione perfectiori licet minus austera, transeat ad minus perfectam licet magis austera, re vera retrocedit, quia minus exacte tendit ad perfectionem, quam promiserat. Ergo e converso, qui ab arctiori ad perfectiorem transit, non retrocedit; ergo licite facit. Confirmatur secundo a simili de voto simplici; nam qui vovet opus perfectius, v.g. diuturnam orationem, non potest illud commutare in opus austrius, ut, v.g. jejunium, solum propter austeritatem, si omnibus pensatis prius opus semper judicetur gratus Deo. Ego similiter in præsentia. Unde intelligitur conditionem inclusam in voto tam solenni, quam simplici, non esse de austeriori vita aut opere, sed de meliori, seu gratiori Deo.

Ad fundamentum
humanis
elis in
eale nu-
meri 9.

11 Ad fundamentum prioris sententiæ primum dicimus, nos magis loqui in foro conscientiæ, & secundum veritatem, quam in foro exteriori, & apparentia. Deinde dico (quod statim cap. seq. latius tractabitur) jus Canonicum non discordare ab hac veritate. Nam in cap. licet, de regularibus, prius dicitur arctioris religionis observentia, postea vero dicitur, prætextu majoris religionis, & ne quis dicat textum arctiorem vocasse majorem, subdit tertio: Ad frugem melioris vitæ valeat transmigrare, & iterum subdit licite potest sanctioris vitæ propositum adimplere. Certum est autem illam esse vitam meliorem, & sanctiorem, quæ perfectior est in ordine ad finem charitatis. Si ergo semel concedatur dari posse perfectiorem religionem cum minori arctitudine quoad austeritates corporis, ut revera concedendum est, negari non potest, quin illa sit major religio, quia majorem Dei cultum proficitur, & consequenter, quod vitæ ejus ex vi status sit melior, & sanctior; ergo juxta illud jus est licitus transitus ad illam. Unde quoties jus loquitur de arctiore religione, vel intelligit ceteris paribus in aliis perfectioribus, vel certe (quod verum simile mihi est) loquitur

non de arctitudine tantum quoad corporis austeritates, sed absolute quoad totam regulam, totumque vivendi modum. Quod recte sensit Palud. in 4. d. 38. q. 3. n. 17. dicens: Arctior dicitur religio, non quæ majoris austeritatis, sed quæ est perfectioris, & majoris meriti. Sic enim existimo nullam esse religionem simpliciter perfectiorem alia, quæ non sit etiam simpliciter arctior, quoad totam regulam. Primo quidem ob generalem rationem virtutis, quæ versatur circa difficile, & ideo status, qui ex vi sua majorem perfectionem in exercitio virtutum requirit, difficilius est ex suo genere: ergo est etiam arctior ex vi regulæ. Secundo, quia ut religio simpliciter sit perfectior, necesse est, ut omnibus pensatis, observantiam trium votorum substantialium perfectius profiteatur, præsertim si in exteriori austeritate minus excellat, quia si in accidentalibus inferior est, oportet, ut in substantialibus excellat, alias cur erit simpliciter perfectior? At vero religio, quæ circa materiam trium votorum strictior est, non tantum perfectior, sed etiam arctior dicenda est, quia major rigor, & difficultas est in perfecta obedientia, v.g. quam in corporali poenitentia, & sic de cæteris, cum proportionem.

12 Quamobrem non recte existimatur comparatio religionum in perfectione pertinere ad factum, & non ad jus, falsum enim hoc est, quia etiam hæc comparatio fit secundum regulam considerato fine ad quem ordinatur religio, (ut dixit D. Thom.) & mediis illi proportionatis, quibus utitur, utique secundum regulam, quidquid sit de fructibus, seu effectibus, quos nunc non consideramus: Atque ita non video cur etiam in exteriori foro non possit constare ex vi regulæ, major perfectio unius religionis, & major etiam austeritas in rebus difficilius, sed magis substantialibus, etiam si in corporali austeritate inferior esse videatur. Non ergo inextricabiles quæstiones ex hujusmodi comparatione oriuntur etiam quoad externum forum. Nam ex fine, & regulis uniuscujusque religionis, per principia certa, & conformia sacris Scripturis & Canonibus, id discerni potest, ut videbimus infra in sequentibus tractatibus, agendo de varietate religionum, & in particulari de Societate. Quod si tandem res fuerit dubia, non est contentiose agendum, sed Superioris, hoc est Apostolicæ Sedis, judicium expectandum est, & interim subditus non potest mutare suam religionem in voto suo Prælato, tum quia in dubio, judicio Prælati standum est, tum etiam, quia in dubio melior est conditio possidentis, tum denique, quia durante dubio reputantur illæ religiones tanquam æquales, & ideo non est licitus transitus in voto Prælato.

13 Igitur, ut illi primæ interrogationi integre satisfaciamus, dicimus in hujusmodi transitu omnes conditiones utriusque extremi considerandas esse ad judicium ferendum. Nam si cætera sint paria, & una religio excedat in asperitate vitæ, sine dubio est licitus transitus ad illam, quantum est ex parte perfectionis ejus. Si autem in aliis non est æqualitas, consideranda sunt ea, in quibus invicem se excedunt, ut ea præferatur, quæ excedit in re altioris ordinis, & magis grata Deo. Et præcipue confertur solet excellentia fidei, quia in moralibus est præcipua circumstantia, & si res bene sit instituta, ut est quælibet religio approbata, habebit etiam media suo fini proportionata. Quamvis in hoc etiam possit esse inæqualitas, & ideo si religiones in fine conveniant, illa præferenda est, quæ plura, vel meliora observat media, magisque fini proportionata ex vi suæ regulæ. Sicut etiam licet duæ religiones videantur æquales in vitæ austeritate, non statim credendum est esse prohibitum transire ab una ad aliam, quia in alia perfectio-
ne potest una excedere, quod satis est, ut illa præferatur.

14 Tunc vero difficultatem ingerit, quod secundo loco interrogavi, si una excedat in perfectione, & alia in securitate, quid dicendum sit: casus enim profecto non repugnat, status enim Episcopi perfectior est, non tamen securior; & actus martyrii perfectissimus est, in eo autem plus periculi esse potest, propter majores occasiones, & difficultates, & solitaria vita per se spectata est perfectissima, sed periculosa quam Cœnobitica, ut cum Hieronymo sentit D. Th. 2. 2. q. 188. art. 8. & inter Cœnobiticas, seu communes vitas, contemplativa videtur securior, quam activa, vel mixta, & tamen non
semper.

Comple-
tur coad-
itio inter-
rogatio-
nis 1. in
8.

semper perfectior est. De hac ergo comparatione nihil speciale dictum invenio ab Authoribus, & mihi est res dubia, spectata (ut loquimur) sola ratione, & seculso jure humano. Tamen juxta mentem D. Thom. videtur dicendum semper esse licitum transire ad perfectiorem, etiam si non videatur ita secuta. Nam D. Thom. sine ulla limitatione illud prius affirmat, & ratio esse potest, quia major perfectio est per se primo intentia per professionem, & alioqui nulla est religio, quæ non habeat sufficientem moralem securitatem, si quis eam diligenter observare procuraret.

15 Et fortasse in hoc fundatum fuit, quod refert Sylvest. verb. *Religio* 4. q. 6. Parisensem Academiam decrevisse licitum esse transitum ab Ordine Carthusiensium, ad ordinem Prædicatorum, quod ipse etiam affirmat, cum Antonino 3. p. art. 16. cap. 4. §. 4. qui in hanc sententiam refert Joannem Andream, & Monaldum, & Zabarellam Cardinalem, & Joannem Dominicum, qui idem dicit de ordine Minorum; imo de Mendicantibus in universum idem sentiunt cum Paludano in 4. dist. 38. q. 2. n. 17. qui etiam addit inter Mendicantes licitum esse transitum ab aliis, ad Minores & Prædicores. Denique Navar. consil. 68. de regul. in prima impressione & 53. in 2. referens sententiam Sylvestri solum dicit se non vidisse textum, qui hoc in specie declarat, tamen si bono zelo fiat & sine scandalo, posse recte fieri in foro conscientie, quod plane intelligit sine licentia obenta a suo prælato, sicut intellexit Sylvest. Fundamentum enim hujus resolutionis est; quia licet religio Carthusianorum securior sit, religio tamen Prædicatorum ex vi suæ institutionis est perfectior, ut D. Tho. sentit. Quod enim illa prior sit securior, videtur sufficienter probari ex Extravagant. *Viam*, de Regularibus, ubi Martinus Papa declarat licitum esse transitum ex Ordinib. Mendicantium ad Carthusiensem, quod saltem fundari debuit in majori securitate. Verum est eundem Navarrum consil. 51. in 2. impressione & 10. in prima, affirmare Ordinem Carthusiensem esse arctiorem omnibus Ordinibus Mendicantibus, *Carthusiani* (inquit) *notabiliter omnes Mendicantes præcedunt vitæ austeritate*, quam maxime fundat in perpetuo silentio, & clausura, vix tamen poterit hoc dictum cum priore conciliare; nam si religio Carthusianorum est arctior, cum sit etiam securior, cur licet in conscientia transitus ab illa ad Minores, vel Prædicores; nisi dicamus esse arctiorem, quoad aliquas externas observantias; non vero quoad perfectionem simpliciter, quomodo nunc nos de arctiori loquimur.

16 Dices, si ex natura rei non licet transire a religione perfectiori, ad minus perfectam, etiam titulo majoris securitatis, cur Pontifex illud permittit? Respondeo, multa similia facta esse de jure positivo respiciendo ad bonum commune, quæ propria autoritate non licerent; & alia esse prohibita, quæ licerent, ut infra videbimus, potest enim in his Pontifex disponere vel dispensare, prout judicaverit expedire. Deinde ratio præsentis esse potuit. Quia excessus in perfectione status incertus & controversus esse solet, quia pendet ex multarum circumstantiarum comparatione; de majori autem securitate potest esse major certitudo. Item quia licet major perfectio sit melior, securitas tamen existimatur regulariter magis necessaria, leges autem considerant id, quod frequentius necessarium est, atque de hoc transitu iterum tract. sequenti lib. 2. ca. 4. a num. 7. dicimus.

17 In tertia interrogatione petitur, an hic excessus inter religiones, ut sit licitus transitus ab una ad aliam, spectandus sit, secundum jus, vel secundum factum, id est, secundum primariam regulæ institutionem, vel secundum actualem observantiam ejus. Ad quod respondet D. Th. dict. art. 8. observantiam potius quam institutionem spectandam, & affert exemplum Joannis Monachi ex Cassiano collatione 29 cap. 3. & sequentibus, quæ sententia est communiter recepta, non solum a Theologis, sed etiam a Canonistis, ut patet ex Innocentio, & Panormitan. in cap. *sane*, & in cap. *licet*, de regular. ad quod expendant verba textus in dict. cap. *sane*, *Si locus ubi nunc permanet, majoris religionis quam Ecclesia Aromatenensis existit*, &c. Ubi existentia non institutio, & similiter ponderant ver-

bum cap. *licet vitam duceret arctiorem*, quo significatur non sufficere dictam regulam, nisi vitæ & mores sint illi conformes, idem tenet Gregorius Lopez in leg. tit. 7. partita 1. Sylvest. verb. *Religio* 4. q. 2. Palud. & Antonius supra, & omnes. Ratio item est, quia hic transitus sit licitus ex intentione, & occasione majoris perfectionis, sed ad hoc parum refert institutio, si usus & mores non sint illi conformes; ergo. Et confirmatur, quia lex consuetudine abrogata, vel derogata, jam non est lex, vel non est tam rigorosa sicut antea, sed juxta moderationem, quam per consuetudinem accepit; ergo similiter judicandum est de religione, & ejus perfectione, secundum eum statum, ad quem per consuetudinem deducta est, & non juxta rigorem regulæ. Unde considerari potest, tribus modis posse religionem esse temperatam, seu remissam a prima institutione. Primo de licentia Pontificis, & quasi per novam institutionem, vel saltem consensionem totius religionis, & tunc est res clara, & sine limitatione.

18 Secundo potest contingere sola consuetudine a deo præscripta, ut revera obligationem remiserit, ideoque in tali statu licite vivatur, quamvis minus perfecte & tunc æque procedit eadem ratio, si consuetudo sit universalis. Contingit tamen reservari aliqua monasteria, in quibus rigor, & perfectio regulæ observatur, & tunc ait Joannes Andreas, & sequitur Sylvest. transitum debere fieri ad monasterium strictum ejusdem ordinis; idemque a fortiori dicent, si ex approbatione Pontificis quedam monasteria, vel Provincia rigorem regulæ; alia vero mitigationem observent. Verumtamen si Religiosus solum professus est secundum regulam sic mitigatam, licet velit transire ad perfectiorem modum vivendi, non credo teneri transitum facere ad monasteria, in quibus totus rigor primitivæ regulæ observatur; tum quia potest ille querere majorem perfectionem, & non tantam; dari enim potest medium inter illa duo extrema; tum maxime quia potest querere majorem perfectionem, & non majorem austeritatem. Unde cum alias non teneatur ad illum rigorem, quem non est professus, non est cur obligetur ad sumendam austeritatem suæ primæ regulæ, eo ipso, quod vult majorem perfectionem. Si autem velit transire ad aliam æque austeram, & perfectam, tunc verisimile est debere potius manere in religioso statu propriæ religionis, quam ad aliam transire, tum quia illud sit cum minori nota, vel infamia religionis, & cum minori periculo, ac mutatione antiquæ consuetudinis, tum etiam, quia ibi potest servare omne id ad perfectionem spectans, quod professus est, & aliquid addere, in alia vero religione, necesse est multa omittere, vel mutare; tum maxime, quia conditio melioris frugis in professione inclusa, potest servari manendo in eadem religione, & obediendo prælato ejus; ergo ex vi professionis adhuc tenetur ibi manere, quia solum est illi licita mutatio, quando est necessarium ad finem melioris frugis. Quæ ratio convincit maxime; quando tota religio est sub uno Generali; nam si militent sub capitibus omnino diversis, tere reputantur tanquam religiones distinctæ, & ideo magna ex parte cessat hæc ratio; alia vero non probant præcisam obligationem, probant tamen maxime expedire ita omnino consulendum esse, & faciendum, nisi aliunde magna causa intercedat.

19 Tertio modo contingit regulam non servari, solum ex abusu, & prava consuetudine, quæ non excusat a culpa, vel propria, vel regulari, & tunc non solum licite, sed etiam suo modo necessaria est illa mutatio, si quis expertus sit, se moraliter non posse vivere, nisi secundum illam consuetudinem, quia tunc non est professus secundum regulam sic violatam, sed secundum regulam observandam, & ideo, querere debet statum & vivendi modum, in quo moraliter id facere possit, tunc autem si in religione sint monasteria, ubi regula servatur, & in eis firmiter & stabiliter manere potest, nec sit periculum, quod aliquando cogatur redire ad monasteria relaxata, tunc in eis manere tenebitur, nec poterit totam religionem relinquere propter laxiorem, quia revera professus est secundum observantiam talis regulæ, quam tenere potest, & sic retenta est perfectio status; ergo non habet jus relinquendi illam. In hoc etiam tertio modo consuetudinis locum habet, quod Jo-

Religio remissior tripliciter
A remissa primo modo licet transitus.

A remissa secundo modo quoque, utque liceat, vel non liceat transitus.

Quid de remissa tertio modo.

nes Andreas addit, si quis habeat spem, quod permanendo in religione reformabitur, non potest illam dimittere propter laxiorem, quod est quidem verissimum supposita prædicta spe, quia tunc illa consuetudo non impedit perfectiorem vitam, imo præbet occasionem operis perfectæ charitatis, ut est reformatio propriæ religionis, tamen illa spes, in primo, & secundo modo relaxationis, nulla profecto est moraliter loquendo, & in postremo erit rara: unde ex hoc capite raro etiam privabitur quis dicta libertate. Ait denique D. Thom. supra citatus in num. 10. ad hanc mutationem in illo casu necessarium esse iudicium prælati, quid autem nomine *iudicii* intelligat, non declarat. Sed loquendo ex natura rei, ut nunc loquimur, existimo eodem modo esse intelligendum, quo in superiori puncto explicatum est, nam est eadem ratio, quamvis Cajet. ibi oppositum sentiat dicens, in hoc casu necessariam esse licentiam petitam, & obientiam. Et ratio, inquit, est, quia hic transitus non est ad melius absolute, sed in casu; regulare est autem, ut quod est agendum in casu, a Superioribus hauriendum sit, quæ ratio non cogit, quia ille transitus est ad melius simpliciter in individuo, licet non sit melius ex specie, vel genere; & hoc satis est, quando de excessu certo, & sine dubitatione constat; & ita sentiunt Authores citati æquiparantes in hoc prædictos casus.

20 In quarta interrogatione petitur, an hæc comparatio Religionum debeat absolute inter eas fieri, an respective ad personam religiosi, qui sperat magis proficere in religione laxiori, quam in arctiori, quam professus est. Ad quod responderetur intelligendam esse absolute, & non cum illo respectu, ideoque non licere tali religioso sua autoritate, hunc transitum facere. Hoc sentit D. Thom. communiter receptus dicto ar. 8. dum ait, in eo casu necessariam esse dispensationem. Et ratio est, quia illud votum religiosum simpliciter factum est de meliori bono, & absolute loquendo potest impleri: nam licet forte sit difficilis, & repugnans, natura cum divina gratia, & auxiliis religionis superari potest: ergo non potest propria autoritate in minus commutari. Unde confirmatur, & declaratur: nam quando quis per professionem se tradit religioni, non includitur ibi hæc conditio, *nisi experiar hunc statum esse repugnantem meæ naturæ, aut conditioni*, vel *nisi mihi sit arduum, ac difficile illum integre observare*: alioquin non esset firma, nec stabilis illa traditio, & quicumque vellet, facile posset illo prætextu retrocedere; imo non solum ad laxiorem Religionem, sed etiam ad sæculum, & ad nuptias illo prætextu liceret descendere, quia *melius est nubere, quam uri*; & quia non absolute, sed sub ea conditione se obligavit, quam multi dicent in toto statu religionis, quantum ad ipsos, non impleri; quod absurdissimum est; & in errores huius temporis contra cælibatum, inducit. Ergo professio religiosa talem conditionem non includit; ergo, & voto & iustitiæ repugnat recedere a professione facta illo solo titulo. Tandem confirmari hoc potest ex his quæ de votis simplicibus supra tr. 6. diximus nō licere in eis similem commutationem in minus bonum ob similes difficultates propria autoritate facere.

21 Nihilominus tamen certum est, quod D. Thom. ait, ex dispensatione licitum esse huiusmodi transitum. Constat enim dispensationem transeundi ad laxiorem religionem esse possibilem, quod nullus negat, quia tunc non dispensatur in voto solenni, sed in qualitate ejus, ut sic dicam. Deinde est certum posse esse justum, quia in hac materia, quod non est justum, nec validum est, quia est dispensatio in obligatione voti, quæ si non est ex iusta causa, non est valida. Inter causas autem maxime iustas ad hanc dispensationem una est, quæ in dicta objectione tangitur, de impedimentis specialibus talis personæ ad proficiendum in tali religione, sicut etiam dictum est de voto simplici: nam servata proportionem in omnibus quæ ad hanc commutationem, vel dispensationem pertinent, eadem est in præsentis ratio. Unde si quæretur apud quem sit potestas concedendi hanc dispensationem, respondendum est jure divino esse in Summo Pontifice; an vero de facto sit in illo solo, dicemus in sequentibus.

22 Quæret autem fortasse aliquis, utrum in eo casu

non solum liceat, verum etiam expediat aut necessariū sit, & sub præcepto talem dispensationem postulare. Non enim desunt, qui hoc ultimum affirmant, quando defectus commissi in tali religione de se meliori, sunt peccata mortalia, & occasio eorum nascitur in tali subiecto supposita ejus fragilitate ex modo vivendi talis religionis. Quia unusquisque tenetur vitare periculum peccandi; ergo si Religioso constet talem statum esse sibi periculum peccandi; etiam illud periculum non oriatur ex imperfectione status, sed ex improportione suarum virium ad perfectionem ejus, tenetur procurare illud periculum vitare; ergo, & dispensationem ad hoc necessariam petere. Sed difficile est huiusmodi obligationem imponere, cum status perfectior de se inducat ad majus bonum, & occasio, si quæ est, tota nascatur ab ipso homine, & ideo non debeat illam fugere fugiendo ab statu, cum secum deferat seipsum: non ergo ob eam causam teneri potest ad petendam facultatem mutandi statum, sed ad faciendam vim sibi ipsi servando regulas talis status. Confirmatur, quia alias obligandus est qui habet votum castitatis, & propter fragilitatem suam sæpius labitur, ad petendam dispensationem; quod sane non ita est, quia licet possit illam petere, non tamen tenetur, alias Clericus in sacris æque fragilis esset ad id obligandus, & cognita ejus necessitate, necessario esset illi dispensatio concedenda, quod est aperte falsum, quia potest pugnare, & cum divina gratia vincere. Ita ergo est in præsentis.

23 Quare censeo regulariter non esse talem obligationem, nisi fingatur casus in quo est in monasterio aliqua occasio proxima, & moralis peccandi, quæ non possit manendo in tali religione vitari, qui casus non est moralis. Facilius posset excogitari casus in quo ministeria, & occupationes religionis, quamvis alias sanctæ & perfectæ, afferant tali personæ occasiones cadendi, nec possit in tali religione permanere, qui paratus sit, & expositus ad tales actiones exercendas, quando illi injunctum fuerit, tunc enim non videtur improbabile, posse hanc obligationem intervenire; sicut enim nemo potest tuta conscientia exercere officium, quod scit certo sibi esse periculum peccandi. Ita videtur non posse retinere statum, in quo ad tale officium, seu ministerium cum tanto periculo cogendus est. Sed neque hoc etiam est morale; sunt enim alia remedia; alias frequentissime debent omnes petere dispensationes, ad relinquendos suos status. Aperiat ergo talis persona fragilitatem suam, & periculum prælati suis, ut huiusmodi occasionem removeant, quod moraliter semper facere possunt, & debent, quia non desunt in religione præsertim perfectæ, & bene instituta occupationes variæ in quibus possit religiosus sine periculo occupari, si ipse etiam ex parte sua, quam potest, & debet diligentiam adhibeat. Non est ergo absolute imponenda talis obligatio sub disjunctione tamen neganda non est in prædicto casu, id est, vel ad procurandum remedium, & adhibendam ex parte sua omnem diligentiam necessariam, ut religiose vivat juxta suam professionem, vel certe ad procurandam dispensationem transeundi ad alium statum ubi careat illo periculo, sive in reliquis observantiis laxior sit, si e æqualis, vel strictior.

C A P U T X.

Quoniam ex vi juris communis liceat transitus ad religionem perfectiorem.

I AD hanc quæstionem quæ initio capitis 8. secundo loco ponebatur, dice ex vi iuris posse Religiosum transire ad perfectiorem religionem, sine dispensatione, non tamen sine licentia prælati, saltem petita. Hæc assertio communis est Theologorum cum D. Th. dict. q. 189. art. 8. & Canonistarum in cap. *sane*, & cap. *licet*, de regul. ex quibus iuribus hoc sufficienter probatur. Est autem in hac assertione, & in illo iure, perfectior religio intelligenda modo explicato in præcedenti cap. nam ibi ostendimus illud esse consentaneum iuri communi, tam quoad hoc, ut excessus debeat esse simpliciter in statu perfectionis, & non necessario in austeritate exteriori, quam quoad hoc ut talis excessus attendi debeat, secundum actualem statum, & observantiam,

Sine aliquando procuranda talis dispensatio,

Obiectio
quod n
difficilis.

tiam, non juxta regulam secundum se. Habet autem locum posita assertio in omnibus religiosis tam clericis, quam laicis, etiam illis qui conversi dicuntur, quia si sunt professi, veri etiam religiosi sunt, & in eis procedunt rationes factæ, & probat optime *c. non est*, de regul. ibi: *Monachos vel conversos*, idemque est de Monialibus cum proportionem, ut habetur ex Concilio Triburienſe II. q. 4. cap. 1. Propter clausuram autem nunc indigeant licentia ad exeundum de monasterio. Solet autem dubitari de oblatis, vel conversis, qui professionem non emittunt, an habeant hanc licentiam transeundi ad arctiorem religionem; nam Gloss. in cap. ut lex 27. q. 1. negat illis hanc facultatem, quia sunt veluti servi monasterii, & eam sequitur Panorm. in dicto cap. *non est*. Sed mihi non probatur eorum sententia, quia hi oblati non efficiuntur servi monasterii, nec per oblationem aut contractum cum monasterio initum redduntur inhabiles ad proficiendam religionem. Proprie enim dici non possunt transire ab una religione ad aliam quia religiosi non sunt, sed ex non religiosis fieri religiosos, quod omnibus per se licet. Neque oblatio simplex priori monasterio facta excludit conditionem illam *melioris frugis*, alias non esset rationabilis oblatio, cum principaliter ad Dei obsequium, & animæ salutem ordinetur; non ergo debet majus bonum impedire, & ita sentit Archidiaconus in dicto *c. ut lex*, & Gregorius Lopez in leg. 9. tit. 7. partit. 1. Imo probabile existimo, ad emittendam veram professionem religiosam posse ad quamcumque religionem transire, quia ille est simpliciter status perfectionis, & ita fit transitus ad meliorem statum, & non invenio jus aliquid illud prohibens, aut irritans professionem a tali persona factam, neque etiam ex natura rei video cur male fiat, si revera ex intentione majoris perfectionis fiat. Videantur supra dicta de ingressu religionis.

2 Superest vero obiectio circa assertionem positam ex decreto Urbani Papæ in *c. mandamus* 19. q. 3. prohibentis, ne quis Canonicus regulariter professus Monachus fiat, cum tamen constet Monachorum professionem esse arctiorem, quam sit Canonicorum regularium, ut expresse dicitur in *ca. quod Dei timore*, de statu Monachorum. Hanc objectionem tangit D. Th. supra ad 2. Et primo dicit, decretum illud esse intelligendum de Monachis consideratis secundum statum, quem ex prima institutione habebant; nam erant laici, & non Clerici; & quia Canonici regulares directe ordinantur ad divina ministeria, & sunt religiosi Clerici ex vi sui instituti, ideo prohibentur transire ad Monachos etiam arctiores, quia licet ex hac parte viderentur ascendere ex alia nobiliori, descenderent a statu sacri ministerii ad laicorum statum. Secundo addit D. Thom. quod si Monachi essent laici, licitum esset transire ab statu Monachorum ad statum Canonicorum Regularium, juxta illud Hieronymi Epist. 4. ad Rusticum: *Sic vive in Monasterio, ut Clericus esse merearis*. Tertio denique dicit nunc licitum esse Canonico regulari ad Monachatum transire petita Superioris licentia, quia jam Monachi Sacerdotes sunt, & divinis ministeriis inserviunt, & alias in arctitudine superant.

3 Sed in his omnibus dictis D. Th. est nonnulla difficultas, & in primis circa textus expositionem difficile creditur est, ibi esse sermonem juxta antiquum ritum Monachorum, quando non ordinabantur, quia illud decretum est Urbani II. qui floruit post annum 1180. quando jam Monachi, tam Benedictini, quam Carthusiani, & alii frequenter ordinabantur, nam a tempore D. Gregorii videtur hæc consuetudo introducta, ut infra in tract. 9. lib. 1. c. 7. n. 2. dicam. Deinde, hoc etiam admissum videtur difficultas D. Th. sententia, quia propter ordinationem non videtur debuisse impediri, quominus Canonicus regularis Monachus fieri possit; alias nec Clericus secularis deberet permitti Monachus fieri, quod est falsum, & contra jura cap. *licet*, de regularib. cū similibus, ut supra tractatum est, & sequela pater, quia etiam clericus secularis non debet transire ad statum laicorum. Quod si respondeatur, illum non esse in statu perfectionis, & ideo posse ad illum transire non obstante clericatu. Instabimus etiam Canonicum regularem, non esse in statu majoris perfectionis, ac proinde non esse propter clericatum impediendum, quominus ad il-

lum transire possit. Eo vel maxime, quod licet Monachi non essent Clerici, ex vi instituti non omnino prohibebantur esse, unde status ille de se erat indifferens clericis, & laicis; ergo licet Canonicus regularis ad illum transiret, non propterea assumeret statum repugnantem clericatu, nec privaretur fructu quem ex ministerio sacro habere posset; cur ergo illi prohibitus est assensus ad majorem perfectionem.

4 Hinc etiam difficile est secundum dictum D. Tho. quod Monachi laici possent transire ad Canonicos regulares; sequitur enim inde Monachum laicum religionis arctioris, vere professum & obnoxium rigori regulæ, posse transire ad Canonicos regulares, vel ad laxiorem religionem, si recipiatur ad gradum clericorum, seu eorum, qui ad chorum deputantur. Consequens videtur plane absurdum, quia rationes factæ in præcedenti capite, & jura citata æque de omnibus religiosis tam clericis, quam laicis probant. Nam clericatus per se non pertinet ad perfectionem, neque illam confert, licet eam suo modo postulet; ergo non est licitum deferere statum majoris perfectionis sine sacerdotio propter statum minus perfectum cum sacerdotio. Responderi potest, supposito statu perfectionis etiam si in aliis observantiis minus strictus sit, eo ipso quod illi ex proprio instituto conjungitur sacrum altaris ministerium, constitui statum simpliciter perfectiorem, quam sit Monachus laicorum, quantumvis strictus sit. Sed hoc profecto incredibile est, præsertim quando uterque status ad eundem finem vitæ contemplativæ tendit, & in eo sistit, ut de Canonicis regularibus D. Th. supponit, & de primæva institutione Monachorum certum est. Nam licet ad hunc finem multum conferant sacra illa ministeria, quæ sunt propria Clericorum, tamen in ordine ad propriam perfectionem obtinendam, possunt multo plus conferre diurnæ vigiliæ, & contemplationes, & obedientiæ, humilitatis, & pœnitentiæ opera; ergo pensatis omnibus potest esse Monachus laicorum ex vi status perfectior quam religio Canonicorum. Neque oppositum suadent verba Hieronymi, quæ D. Tho. affert; nam in eis solum docet Hieronymus Monachum non debere affectare Clericatum, sed vitam, quæ clericatum mereatur. Unde non fit esse meliorem statum clericatus quam statum laici, quando alias non habet tot media ad perfectionem assequendam. Alias dicendum esset antiquos illos Sanctissimos Monachos Benedictum, Paulum, Antonium, Pachomium, & similes, ex vi status non fuisse professos majorem perfectionem quam Canonicos religiosos.

5 Circa primam difficultatem num. 3. propositam Sylvester *Religio* 4. n. 8. sentit illud decretum esse fundatum in communi jure, quod non licet transire a religione magis perfecta ad minus perfectam, etiam si hæc arctior sit, & ita inde sumit argumentum contra opinionem Canonistarum *c. præced.* a num. 17. tractatam. Sed difficile est credere religionem Clericorum ex eo solum quod Clericorum est, esse magis perfectam, quamcumque religionem Monachorum laicorum, etiam si arctissima, & tam in austeritate, quam in contemplatione & clausura, vel solitudine perfectissima sit, ut objectiones factæ declarant. Et ideo addi posset Canonicos regulares tempore Urbani II. non fuisse professos laxiorem vitam, quam Monachi tunc etiam servarent: unde enim potest contrarium constare? nam licet regula D. Augustini, quam Canonici regulares proficiuntur, per se non sit nimis austeræ, vel strictæ, capax tamen est cujuscumque rigoris, & austeritatis, quam unaquæque religio per suas constitutiones, & observantias addere potest, sic enim Prædicatorum religio, quamvis Augustini regulam profiteatur, satis arcta religio est, & in Lusitania Canonicorum regularium observantia, præsertim in hoc insigni Conimbricensi Cœnobio Sanctæ Crucis, satis arcta censetur propter rigorosam clausuram, & exercitium vitæ contemplativæ, præsertim in choro, & divinis officiis, sic igitur fieri potuit, ut tempore Urbani II. eorum professio non fuerit æstimata laxior, quam Monachorum; prout communiter tunc vivebant, nondum enim tunc Mendicantium Ordines, ut nunc sunt in Ecclesia Romana approbati, inceperant. Et quamvis Carthusienſium ordo paulo ante Urbanum II. sub Victore III. aut Gregorio VII. ince-

incepisse videatur, fortasse sub illo decreto comprehensa non est, quia sub generali clausula non videtur tam specialis casus comprehendi, qui semper solet a similibus legis a Pontificibus excipi. Vel fortasse ille ordo nondum natus erat, nam multi putant ab ipso met Urbano tam Carthusiensem, quam Cisterciensem ordinem fuisse confirmatum, Platina in ejus vita ita refertur.

6 Sed hæc sicut non facile expugnari possunt, ita plane incerta sunt, & nullo fere fundamento nituntur, & ideo D. Th. ne divinare videretur, aliquid in illis statibus Monachorum, & Canonicorum, consideravit per se illis conveniens, in quo illam prohibitionem fundaret, siue Monachorum vita arctior esse supponatur, siue non. Potest enim Pontifex, ut infra videbimus, propter commune bonum prohibere transitum unius religionis ad aliam, etiam arctiorem, vel perfectiorem, quia bonum commune præfertur privato, & quia per hoc in rigore non impeditur spiritualis profectus singularum personarum, quia licet status ipse non obliget ad maiorem perfectionem, nunquam tamen illam excludit, nec de se impedit, quominus unusquisque possit proficere quantum cum divina gratia velit, & præterea si in particulari casu aliud expedit, semper est locus recurrendi ad Pontificem, ut legitime fiat. Unde talis prohibitio (quod valde notandum est pro omni simili) non est nisi reservatio quædam facultatis necessariæ ad huiusmodi transitum. Nam, ut cap. præced. n. 4. dixi, ratio postulat, ut non fiat sine licentia prælati, cum ergo Pontifex sit supremus prælatus omnium religionum, potest hanc facultatem sibi reservare, quando expedite judicaverit, hoc autem facit per similem prohibitionem: nam licet absolute fiat, semper includit tacitam conditionem sine facultate mea.

7 Duo ergo consideranda sunt in statu Canonico-regularium, unum est, quod ex genere suo quatenus est religio Clericorum, perfectior est quam religio Monachorum, quod plane supponit D. Th. loco citato, & nos tractatu sequenti. c. 7. ex professo ostendemus, aliud est, quod ille status per se ac principaliter ordinatur ad ea quæ aguntur in divinis mysteriis; igitur propter honorem & dignitatem tanti muneris & ministerii supposita sufficienti perfectione illius status; & excellentia, quam ex suo genere habet, merito potuit Pontifex illum transitum prohibere. Neque obstant, quæ in contrarium obijciuntur, nam respiciunt tantum privatas, & particulares rationes, & ita facile solvuntur ex dictis.

8 Sunt autem, qui existimant non obstante illa prohibitione potuisse Canonicum regularem transire ad arctiorem religionem Monachorum, de licentia sui Prælati, quod est probabile, si intelligatur de licentia contenta, ut ibi Gratianus sentit, ubi etiam videri potest Glossa, & Archidiaconus, & Joannes Andreas in c. sane, de regul. Sed fortasse probabilius est ex vi illius textus, non potuisse fieri sine licentia Pontificis: tum quia prohibitio est valde absoluta, & per verba rigorosa, *Mandamus & universaliter interdiciamus*, &c. tum etiam, quia addit exceptionem, *nisi publice lapsus fuerit*: quæ firmat regulam in contrarium, maxime cum in eo etiam casu, non possit Canonicus fieri monachus, nisi ex voluntate sui Prælati, cui conceditur illa facultas, ut possit in penam publici lapsus illum transitum concedere; ergo extra illum casum non possit id concedere ex vi illius juris. Sed jam illud jus revocatum est, vel moderatum, ut mox explicabimus, & ideo non obstat conclusio posita in n. 1.

9 In dubio secundo petitur, an Monachus laicus arctioris professionis possit transire, ad Canonicos regulares, & intelligitur dubium si in gradu clericorum recipiatur; nam etiam in religione clericorum regularium sunt fratres laici professi, de quibus non potest esse controversia, quia certum est ad illorum statum, non esse licitum transitum, quia in laicali gradu est equalitas, & in arctitudine vitæ supponitur excessus in monachali religione. De transitu vero ad clericalem gradum D. Th. significat esse licitum, & idem affirmat Turrecremata dicto cap. nullus, n. 5. conclus. 3. quæ sic habet, *Monachi laici possunt transire ad ordinem Canonicorum propter altitudinem, & excellentiam actuum ad quos ordines sacri constituti sunt*. Idem tenet Navarrus

comment. 4. de Regul. n. 2. & 4. Qui Authores videntur loqui de Monachis laicis prout nunc sunt communiter in religionibus Monachorum, & ex sententia D. Th. videtur sequi a paritate rationis; idemque sequitur ex opinione Sylvestri n. 5. supra recitata, quod status clericorum simpliciter perfectior sit.

10 Posset tamen aliquis respondere non esse eandem rationem, de Monachis laicis prout nunc sunt, & prout olim erant, quia olim ipsi efficiebant principaliter totum corpus religionis, & ita tota perfectio illius status ex capacitate illorum mensurabatur; jam vero nunc religiones etiam Monachales præcipue constant ex clericis, & ad eorum ministeria destinantur, & ita jam habent totam perfectionem religionis clericalis, & juxta illam perfectionem judicandum est de illo statu, quoad omnes personas ejus, etiam si quædam, quæ sunt veluti membra minus principalia, ad ordines non destinantur: nam hoc accidentarium est, & ideo non est judicandum de illis secundum personalem conditionem. Quæ differentia est, utcumque probabilis, non tamen satisfacit, quia status perfectionis respectu uniuscujusque non est considerandus quasi per denominationem extrinsecam, ex concomitantia aliorum, sed ex modo intrinsecæ professionis, & obligationis; illa autem personæ ex vi sui status terminantur ad functiones laicorum, neque possunt jure ordinario ultra progredi. Imo hæc limitatio major in illis est, quam in antiquis Monachis: nam antiqui licet per se non tenderent ad ministeria ordinum, non tamen ex vi status ab ordinibus suscipiendis positive excluderentur, sed arbitrio Episcopi & Abbatis juxta personæ dignitatem, monasterii, vel Ecclesiæ necessitatem ordinari poterant, ad quod alludit Hieronymus dicens: *Sic vive in monasterio, ut Clericus esse merearis*. Nunc autem positive excluduntur Monachi laici ab omni spe, & cogitatione Ordinum; neque alicui conceduntur nisi rarissime, & ex privilegio extraordinario. Quapropter consequenter loquendo juxta illam sententiam censeo idem esse dicendum de his monachis laicis, quantum est ex vi juris communis, quod nunc consideramus.

11 Mihi tamen difficile est hoc admittere. Et in primis non video id sequi ex dicto c. mandamus, nam licet Pontifex prohibeat transitum ab una religione in aliam, non propterea sit consequens ut concedat contrarium transitum alterius in istam, ut licet esset prohibitus transitus a religione Prædicatorum ad Carthusianos, non sequeretur esse Carthusianis permissum transitum ad Prædicatores, & sic de aliis. Et ratio est, quia sæpe fit illa prohibitio propter aequalitatem, sæpe propter dubium, & frequenter ad tollendas contentiones, vel occasionem instabilitatis, etiam si religio ad quam transitus prohibetur, perfectior sit, quod ita in præsentem factum esse probabile est, ut supra declaravi, secluso autem hoc jure ex nullo alio probari potest hoc esse licitum, quia nullibi est positive concessum, quin potius in c. licet, de regular. absolute prohibentur Monachi transire ad laxiorem ordinem, neque ex parte Monachorum distinguitur inter laicos & Clericos, neque ex parte laxioris religionis fit distinctio inter religionem Canonicorum, & Monachorum, ubi autem lex non distinguit, nec non distinguere debemus, juxta doctrinam Bartoli in leg. unica Cod. quorum legatorum, & Jafonis in leg. triticum si de verborum obligationibus numer. 6. Præsertim quando ratio non cogit, nec faver ut est in præsentem, supposito illo principio, quod status Monachi laici non solum austerior, sed etiam arctior simpliciter, id est, perfectior esse potest, quam status religiosi per se Clerici, quod principium videtur satis probatum in objectionibus factis; propter quæ hanc partem censeo veriorum de jure communi, & per sese valde convenientem ad pacem & quietem laicorum Monachorum. Nam si hoc titulo liceret illis religionem clericorum appetere, & postulare sub titulo majoris perfectionis, magna occasio illis daretur ambiendi clericalem dignitatem, & fugiendi sui status austeritatem, & humilitatem. Majorem autem in suo statu stabiliuntur, si intelligantur in ordine ad veram perfectionem animæ etiam Deo obtinendam, quod statum excedere posse, etiam statum eorum, qui ad sacra ministeria per se ordinantur, quamvis illi superent in dignitate, & in aliquorum ope-

rum excellentia. Et hoc magis explicabimus infra tractando de juribus specialibus, quæ habent religiones quoad hanc partem.

An ad hunc transitum sufficiat petita licentia, & non obtenta: quam necessaria illa sit.

Agetur
de secun-
da parte
assertion-
is in iuris
capitis
positæ.

12 Circa tertiam D. Th. propositionem est tertia dubitatio, pertinet ad alteram partem nostræ assertionis, an sufficiat ad hunc transitum petita licentia & non obtenta. Et ratio dubitandi est, quia D. Th. solum dicit *petita licentia*, nihilque amplius declarat. Textus autem quem citat, videtur postulare licentiam obtentam. Nam verba c. *statuimus* 19. q. 3. sunt, *sine Patris & totius congregationis permissione recedere*, vel ut alia litera habet, *sine Patris totius congregationis permissione*: ergo requiritur consensus, vel Abbatis, & Capituli, vel saltem Abbatis. Alii in hoc distinguunt inter forum conscientie, & externum, & dicunt in foro conscientie necessariam esse licentiam obtentam a Prælato, quia fit illi injuria recedendo ab obedientia illi promissa, eo invito, & ita loquutum fuisse Urbanum II. In exteriori autem foro dicunt sufficere licentiam petitam & non obtentam, juxta determinationem Innocentii III. in c. *licet*, de reg.

13 Sed hæc sententia licet ab aliquibus referatur, a nullo auctore classico defenditur, neque est probabilis, neque ad mentem Urbani. Primum patet ex supra dictis, quia secluso jure positivo licitum est transire ad arctiorem religionem renuente Prælato, in quo illi non fit injuria, ut ibi explicatum est; ergo in foro conscientie, non est necessaria licentia obtenta. Innocentius autem III. expresse etiam id concedit in foro conscientie. *Postquam*, inquit, *a Prælato suo licentiam postulaverit, ex lege privata absolutus, libere potest sanctioris vite propositum adimplere, non obstante proterva indiscreti contradictione Prælati*. Non diceretur autem vere absolutus ex lege privata, si haberet legem conscientie ad id obligantem, nec esset liber ad transcendendum, si absque peccato id facere non posset, quia id possumus, quod jure possumus, maxime in loquutionibus juris.

14 Secundum patet, quia Urbanus, etiam in foro exteriori loquitur dum subdit; *Discedentem vero nullus Abbatum, vel Episcoporum, nullus Monachorum sine communi literarum cautione suscipiat*. Unde ex vi illius textus potius dici posset Urbanum in foro exteriori postulasse licentiam obtentam, etiam si in interiori non sit necessaria, quia quando hic transitus fit contra judicium, & voluntatem Prælati, non præsumitur fieri bono spiritu, sed ex animi levitate, & hanc expositionem insinuat Glossa ibi. Mihi tamen etiam non probatur, primum quia in ipso textu expresse distinguitur vel aliquis levitatis instinctu, vel districtioris religionis obtentu, nec verisimile est præsumpsisse Pontificem hujusmodi obtentu semper esse fictum, seu palliatum: hoc enim in universum non potest nisi temere judicari; scimus enim D. Antonium de Padua ex Canonico regulari factum esse Monachum, quod optimo fecisse spiritu sine dubio credimus. Stante ergo illa lege, quod secundum illam necessarium erat in uno foro, erat etiam sine dubio in altero, neque in re adeo pertinente ad sanctitatem animæ, convenienter possent illa duo sejungi.

15 Melius ergo alii distinguunt de duplici jure antiquo & novo, dicuntque ex illo jure Urbani, quod antiquius est, necessariam fuisse licentiam petitam & obtentam; postea vero jus illud temperatum esse ab Innocentio III. ut sufficiat petita, & non obtenta; atque ita successu temporis, hæc res multipliciter variata est. Nam Gregorius VII. cum Concilio Eductensi in c. 1. 19. q. 3. non simpliciter, sed cum quadam moderatione hunc transitum prohibuit, dicens: *Nullus revocare, & ad monasticum habitum trahendum suscipere audeat, ut Monachi fiant*, &c. Ubi verbum illud *revocare* & *trahere* energiam habet, & ideo Glossa ibi inquit, *Quidam Abbates, vel Monachi suis suggestionibus Canonicos regulares ad monasteria pertrahabant, & ideo statuit Gregorius*, &c. Ex vi ergo illius decreti non erat prohibitum Canonicum sponte ad Monachatum venientem suscipere, sed solum suggestionibus attrahere, & sic attractum suscipere; fortasse enim circa hoc abusus aliquis Monachorum percrebuerat. Postea vero Urbanus II. quia fortasse illud remedium non fuerat sufficiens, absolutam fecit prohibitionem, cum sola exceptione publi-

Suarez Tom. XV.

ci lapsus, ut explicatum est. Quia vero illa vibebatur nimia restrictio, idem Urbanus illam moderatus est, requirens tamen semper consensum Prælati; quia vero hoc privilegio abuti poterant Prælati, ideo Innocentius III. (ut in ratione sua ipse insinuat) abstulit necessitatem licentie obtentæ, & petitam sufficere voluit.

16 Atque hæc sententia verissima est quoad hanc partem, scilicet, quod nunc hoc jus vigeat, & servandum sit; ad concordiam autem jurium, intelligi potest Innocentium non derogasse, sed declarasse decretum Urbani. Nam quod Urbanus ait, *sine permissione* intelligi debuit, vel concessa, vel debita, nam si injuste negetur, non debet impedire jus subditi, nec spiritualem profectum ejus, quia fraus & injuria nulli patrocinari debet. Ita ergo lex Innocentii quoad hanc partem haberi potest, magis ut declarativa, quam ut constitutiva, quod ipse indicat dicens, hoc fuisse consuetum, ne quis ex temeritate, vel levitate transferatur, non vero, ut ei facultas denegetur, qui vere frugem melioris vite intendit & infra dicit Prælato indifferere negante facultatem, subditum manere liberum, non ex sua lege Canonica, sed ex privata lege Spiritus sancti, quod non diceret Innocentius, si intelligeret alicam inspirationem esse contra præceptum Pontificis Urbani; nam idemmet Innocentius in c. *nisi cum pridem*, de renuntiatione, legem privatam quæ est contra obedientiam Ecclesiæ, non esse credendam esse ab Spiritu sancto, nec dare homini libertatem sine licentia sui Prælati, quod secundum legem ordinariam, ut loquimur, certissimum est. Denique hoc confirmat c. *sane*, de regulari, quod est Alexandri III. qui Innocentium antecessit, & tamen in eo confirmat similem translationem sine consensu Prælati factam, quod est signum etiam ante Innocentium legem Urbani non obligasse cum tanto rigore; est ergo probabile licentiam obtentam etiam ex illo jure antiquo non fuisse necessariam, sed de illo cap. *sane* plura statim.

17 Quarto dubitari potest circa assertionem positam, quam necessaria sit facultas petita, in quo certum est esse necessariam ex præcepto obligante sub mortali culpa; in hoc conveniunt omnes doctores infra citandi, & probabile est esse hanc obligationem ex lege naturæ supposito hoc statu, tamen multo est certior ex lege Ecclesiastica in decretis citatis; nam Innocentius ait, *Sicut subditus a Prælato debet transire ad licentiam postulare, ne bonum obedientie contemnere videatur, ita Prælati debet illam indulgere*, &c. Ubi verbum *debet* licet non sit nimis rigorosum, tamen juxta contextum ex capacitate materie, satis indicat obligationem in conscientia, quam esse gravem, & ipsa etiam materia, & ratio subjuncta satis indicat, ne obedientiam contemnere videatur, hoc enim valde necessarium & gravissimum est in statu religioso. Denique id constat ex illa æquiparatione, quæ ibi fit inter subditum, & Prælatum per idem verbum *debet*, quod in Prælato significat gravem obligationem; nam sine dubio mortaliter peccat Prælati, si sibi constet licentiam, nec temere, nec de re incerta aut dubia peti; quia injuriam facit subdito denegando illi jus suum, & quantum in se est impediendo meliorem statum, & præbendo occasionem scandalii, vel infamie, si se invito, subditus discedat; ergo etiam in subdito indicat verbum illud gravem obligationem. Denique Urbanus usus est verbo *statuimus*, quod propriam legem significat, quam saltem in hac parte certum est non esse revocatam.

18 Difficultas vero est, an petitiio hujus licentie sit ita necessaria ut sit de substantia, & valore actus, videtur enim ita esse ex dictis decretis Urbani; nam in cap. *mandamus* 19. q. 3. præcipit, ut Canonicus regularis, si contra suam legem monachatum profectetur, ad ordinem Canonicorum redeat & cucullam memorialem deteat, *Non quia sit Monachus*, inquit ibi Glossa, *sed ratione prioris maleficii*. Si enim vere esset Monachus, non deturbaretur a suo monachatu, sed aliter puniretur propter illud crimen. In c. *autem statuimus*, licet mihi per prohibitionem transitus, concedendo illum cum debita facultate, tamen quoad transeuntes indebita non mitigat pœnam, neque irritationem. Ergo ex vi illarum legum est irritus hic transitus sine licentia factus. Ergo etiam nunc irritus est. Probatur consequentia, quia

Obligatio
petendi
licentiam
ad transi-
tum gra-
vis est.

Violatio-
nem dicit
obligatio-
nis in-
ritare tra-
ctum, ar-
guitur ex
textu.

N

Inno-

Innocentius III. quoad hoc non immutavit hanc legem; nam licet daremus moderatum fuisse illam quantum ad necessitatem consensus Prælati, si fortasse ex vi decreti Urbani esset necessarius, tamen quoad necessitatem licentiæ petitiæ integram illam reliquit; ergo sicut antea erat ita necessaria ut ommissio illius irritaret actum, ita etiam nunc. Confirmari hoc potest ex vulgari regula, quod quæ contra legem sunt, debent pro infectis haberi. Regul. 64. in 6. & leg. *non dubium*, Codic. de legibus. Quod maxime verum habet, quando peccatur in forma præscripta ad faciendum actum, sic enim forma præscripta in huiusmodi transitu est, ut fiat petita licentia.

19 Est igitur prima sententia simpliciter affirmans petitionem licentiæ esse de substantia huius actus. Ita tenet Panormit. in dicto c. *licet*, n. 10. & lib. 1. Consil. consil. 95. dicit esse communem opinionem Hostiensis, Joannis Andreæ, & Modernorum, citat Glossa in c. *intelleximus*, de ætate, & qualitate, quæ varias opiniones refert, & tandem in hanc partem inclinat, quod Monachus sic translatus revocandus est, indicans transitum fuisse nullum. Citat etiam Glossa in c. *cum singula*, §. *prohibemus*, verb. *Canonice*, de præbend. in 6. Sed illa solum dicit, ad hunc transitum sufficere licentiam Prælati requirere, etiam si non obtineatur. Denique citat Glossam in dicto c. *mandamus*, quæ expresse dicit regularem Canonicum sic translatum non esse Monachum; loquitur tamen juxta illud jus antiquum. Videtur tamen posse illud jus confirmari, ex dicto cap. *intelleximus*, de ætate, & qualitate, quod est Innocentii III. & tamen in eo allegatur jus illud tamquam obligans & habens effectum illo tempore; ergo etiam nunc eandem vim habet, nam post Innocentium revocatum non est. Addit rationem Panormi, quia necessitas petitiæ licentiæ impossibilis est, ne bonum obedientiæ contemni videatur; ergo si sine tali licentia discedit, præsumitur contemnere bonum obedientiæ; ergo non potest dici quod in statu Spiritus sancti transierit; ergo non est validus transitus.

20 Secunda sententia distinctione utitur. Nam in Canonicis regularibus censetur transitus ad monachatum nullus, si fiat sine licentia petita; non vero in quolibet alio transitu, vel Canonicorum regularium inter se, vel monachorum inter se, vel monachorum ad Canonicos regulares. Sunt enim etiam inter ipsos diversi modi religionum, vel familiarum militantium sub diversis Generalibus, & constitutionibus, quarum una est arctior alia, & similiter potest esse aliqua regularis Canonica strictior aliquo modo monachatu; ita ergo potest intelligi transitus, & monachi ad strictiorem monachatum, ut per se constat, & ad statum strictiorem Canonicis regularis, & Canonici etiam regularis ad Canonicatum strictiorem. Dicit ergo hæc opinio omnem huiusmodi transitum factum absque petita licentia validum esse, etiam si peccaminose fiat. Hæc opinio potest tribui Joanni Calderino, qui ut refert Panormit. distinctione usus est, sed revera erat alia ejus distinctio: nam omnem transitum huiusmodi a Monasterio privilegiato, quoad hanc partem, dicebat esse invalidum; si autem monasterium a quo fit transitus, non est privilegiatum, dixit esse validum; & fundamentum illius erat, quia privilegium aliquid debet operari. Quæ ratio, ut bene advertit Paludan. generarium sumpta non convincit, nam posset privilegium alium effectum operari. Considerandum ergo est tenor privilegii. Nam si illud non solum prohibeat, sed etiam irritet transitum, factum sine licentia petita, tunc illud operabitur, & revocari poterit sic translatus; si autem privilegium non fecerit huiusmodi, nihil confert ad hunc effectum, sed alium operabitur secundum tenorem suum; quod si fortasse Calderinus non est loquutus de privilegio privato, sed de inserto in corpore juris, sic coincidit ejus distinctio cum superiori, quia in jure non invenimus hoc privilegium concessum nisi Canonicis regularibus in prædictis decretis, licet Glossa in c. *licet*, de regular. indicet simile concessum esse Cisterciensibus in c. *non est*, de regular. quod ex illo non satis colligitur, ut infra videbimus. Esto vero sit aliquod tale privilegium, prout commemorat Innocentius in dicto c. *licet*, idem erit de illo iudicium.

21 Ratio ergo illius distinctionis est, quia transitus

Canonici regularis ad Monachatum sine licentia sui Prælati, erat nullus ex vi decreti Urbani II. sed Innocentius III. non revocavit, vel declaravit illud decretum, nisi quoad hoc, ut sufficiat licentia petita, & non obtenta: ergo quoad reliqua omnia manet prius decretum in sua vi; est ergo irritans, sicut antea erat, & eadem ratio procedit de quacumque religione, quæ simile privilegium habebat ante declarationem Innocentii III. nam ipse de omnibus expresse, & eodem modo loquitur, in aliis vero, in quibus facta non fuerat talis irritatio, cessat hæc ratio, quia Innocentius in dicto c. *licet*, solum prohibet, transitum sine licentia petita, non vero addit clausulam irritandi, neque post illam legem est alia edita in jure communi, quæ illam addat: ergo non est unde illa professio sit irrita, quæ ratio recte probat hanc posteriorem partem, sed prior non sufficienter probatur.

22 Unde est tertia sententia, quæ mihi magis probatur, negans generaliter petitionem licentiæ esse de substantia actus, ideoque professionem esse validam, si certum sit factam esse in religione perfectiore, etiam si transitus ad illam factus fuerit absque licentia petita. Ita tenet Glossa in c. *sanctæ* & in c. *licet*, de regularibus, & Abbas antiquus, Gofiedus, & Ancharanus, quos Panormit. refert. Sequitur Sylvester verb. *Religio* 4. n. 1. citans Archidiaconum, Veruetium, & Supplementum, idem Turrecremata in c. *nullus*, 19. q. 3. in sua q. 2. Ratio est, quia illa professio non est irrita ex natura rei, neque ex jure canonico; ergo nullo modo. Prima pars antecedentis constat ex dictis in c. præced. nam ille transitus in substantia non est contra professionem priorem, cum sit juxta conditionem in illa inclusam; ergo ex natura rei non habet unde sit invalidus, quia si quid peccatum fuit, solum fuit in modo, non tamen in justitia, & consequenter nec in substantia contractus. Secunda vero pars probatur, primo quia hæc irritatio non est facta, ex vi capituli *licet*, ut Panormitanus vult, quia in eo textu nullum est verbum irritans, sed solum præcipitur subdito, ut licentiam petat, &c. Verba autem illa, quæ expendit Panormit. *ne bonum obedientia contemnere videatur*, solum declarant rationem seu motivum talis præcepti, quod ad irritationem nihil refert. Item quia ex ratione Panormitani, solum sequitur peccare religiosum in modo illius transitus, inde tamen non sequitur, professionem postea factam in se non fuisse bonam, & ab Spiritu sancto intentam, sæpe enim Deus inspirat opus de se bonum, & homo in executione ejus miscet aliquam malitiam, quæ non obstat, quominus opus suum effectum, & valorem habeat. Quin potius (quod notandum est propter aliquos modos loquendi Canonistarum) licet ex parte religiosi transitus fieret ex levitate, vel passione aliqua, si tamen revera fiat ad religionem arctiorem validus est. Sicut est validum votum de materia licita, etiam si ex parte voventis fiat modo illicito, qui modus non obstat quominus effectus ipse possit esse intentus a Deo, qui, ut Augustinus dixit, novit permittendo mala exequi bona, quæ fieri decrevit. Nec denique Innocentius ponendo illud præceptum, dedit formam servandam in tali contractu, sed solum voluit illum ordinem servari propter reverentiam debitam Prælati, ut verba rationis ejus satis declarant; nullum ergo est fundamentum irritationis in illo decreto: nec etiam post illud facta est in jure communi, nullibi enim extat in corpore juris; Quid vero de privatis privilegiis postea concessis sentiendum sit, infra dicam.

23 De antiquioribus vero decretis, quæ solum de specialibus religionibus loquuntur: Primum dici potest si quod fuit tale privilegium concessum per illa decreta, non postulasse tantum licentiam petitam, sed etiam obtentam, atque ita voluisse, ut valor transitus, & receptionis ex illo sequeretur, penderet ex consensu prioris Prælati, & ideo Innocentium, auferendo necessitatem hujus consensus, abstulisse etiam talem dependentiam, & consequenter irritationem, quia ablato fundamento auferuntur reliqua, neque mens antiquorum Pontificum fuit, ut petitio licentiæ esset necessaria nisi propter concessionem; nunc autem non est necessaria propter illum finem, sed solum propter subordinationem obedientiæ, & ideo licet retenta sit quoad necessitatem

statem novi præcepti, non vero, quoad necessitatem valoris actus; nam hanc solum habebat ratione consensus, & quatenus erat via ad illum.

24 Deinde assero etiam in dictis decretis non inveniri hanc irrationem. Quod quidem de Canonicis regularibus videtur probari ex *c. sane*, de regular. ubi Alex. III. præcipit non revocari canonicum regularem, qui ad monachatum sine licentia transierat, & tamen tunc decretum Urbani non erat revocatum ab Innoc. III. Respondet Panormit. illam fuisse dispensationem, quod colligit ex illo verbo *remanere permittas*. Sed non est verisimile, tum quia illa declaratio habet vim legis semper servandæ in simili casu, tum etiam, quia solum fundatur in ratione majoris religionis, tum præterea, quia si fuisset dispensatio, neque ille religiosus antea fuisset ibi cum bona conscientia, ut in textu supponi videtur, nec simpliciter relinquendus esset sine confirmatione, vel iteratione professionis, si nulla fuerat. Verbum ergo *permittas*, neque semper, neque in rigore significat idem, quod dispenses, sed, non compellas ad contrarium; ita enim hæc duo verba in illo textu opponuntur. Deinde probatur ex ipsis decretis Urbani II. nam in *c. mandamus*, ubi absolute prohibuit hunc transitum, verisimile est irritasse etiam illum, quia revocationem transeuntis præcipit: at vero in *c. statui-mus*, in quo moderatur prohibitionem, & concedit posse transitum fieri ex permissione Prælati, irrationem etiam abstulisse videtur, quia non præcipit revocari eum, qui sine licentia transierit, sed solum addit; *Discedentem nullus Abbatum, vel Episcoporum sine communi literarum cautione suscipiat*. Si autem suscipiatur cum effectu, non irritat receptionem, vel professionem, nec receptum revocari præcipit; ergo indicium est abstulisse irrationem, quod fortasse indicium per se solum non convinceret, tamen junctum cum *c. sane*, magnam facit persuasionem.

25 De transitu præterea regularium Canonicorum, vel Clericorum inter se, ex laxiori ad strictiorem nulla est specialis dispositio in jure illum prohibens, nedum irritans. Nec denique de Monachis respectu strictioris religionis, sive aliorum monachorum, sive Clericorum, talem prohibitionem invenio in jure communi, quamvis eam referat Innocentius in dicto *c. licet*, ubi Glossa verbo *Monachis*, refert cap. *non est*, de regular. sed ibi solum præcipit Alexander III. Prælati Gallie, *Ne Monachos, vel conversos Cisterciensis Ordinis post professionem sine licentia Abbatum suorum per Episcopos suos recipi nullatenus permittant*. Quam prohibitionem cum irratione factam esse, ex fine textus, & ex ipso originali manifestum est. Tamen in citatis verbis nulla est mentio religionis arctioris, quare optime intelligantur secundum commune jus, de transitu ad laxiorem, vel æqualem, ut ibi Glossa sentit. Nam pro ratione reddit, quia non reperitur ordo arctior, quod non placet Hostiensis, quia Carthusia arctior est, & forsan inquit: *Etiā alii, quos non expedit nominare*. Unde ipse intelligit ibi esse datum privilegium Cisterciensibus, ut sine consensu Abbatis ad arctiorem transire non possint. Tamen ex Concilio Lateranensi sub Alexandro III. c. 6. colligimus priorem fuisse mentem Pontificis, sic enim dicitur: *Non est dubium, nec incertum, quomodo fratres Religiosi Cisterciensis ordinis ea religione prævineant, & virtute, quod ex institutione Patrum, & prædecessorum nostrorum, hi, qui in eorum monasteriis professionem faciunt, sine licentia sui Abbatis prohibentur de claustris discedere, & discentes in aliis monasteriis non recipi. Inde est, quod nos eandem institutionem, non solum amicam religioni, sed rationi consonam sollicitè conservare volentes, universitati vestre mandamus, &c.* Ex quibus verbis satis constat, Pontificem respexisse ad arctitudinem, & perfectionem illius religionis, in qua fortasse tunc adeo vigeat disciplina, & reformatio, ut Pontifex eo tempore nullam aliam existimaverit esse arctiorem. Quapropter mutatis jam rebus, non credo ex vi illius textus esse prohibitum Cisterciensibus transitum ad arctiorem sine consensu Prælati. Unde idem Hostiensis in *c. licet*, non adducit illum textum, sed allusisse putat Innocentium ad quamdam decretalem antiquam, *Si qualibet, de statu regularium*, quæ nunc non habetur in corpore

Suarez Tom. XV.

juris, sed habetur in secunda collectione Decretalium Anthonii Augustini, ejusque verba sunt, *Apostolica auctoritate interdici-mus ne quis vestros fratres clericos, sive laicos post factam in monasterio vestro professionem absque vestra licentia suscipere audeat, vel tenere*, quæ verba magis generalia sunt; tamen mihi non constat, an illud privilegium suam vim retineat, cum a corpore juris rejectum sit, vel fortasse ideo fuit omissum, quia idem reputatum est cum *c. sane*, & ideo juxta tenorem illius erit intelligendum.

26 Sic igitur concluditur petitam licentiam esse necessariam, ut actus recte fiat, non tamen, ut valide fiat ex vi juris communis; unde fit Religiosum sic transitum, & jam receptum in alio monasterio arctiori, non esse revocandum, quod est manifestum, si in alio monasterio professionem jam emisit, quia est valida, & consequenter obligat, & revocat priorem. Si autem tantum ad habitum receptus sit, posset esse major dubitatio, quia adhuc est sub obedientia alterius Prælati, & indebito modo ab illa recessit; ergo potest revocari. Nec satis esse videtur, inde petere licentiam, ut si negetur, jam compelli ad reditum non possit; nam ubi jus requirit licentiam, non satis est illam petere post factum, sed debet peti a principio, ut ait Panormit. in dicto *c. licet*, n. 11. & in c. ultimo de Ecclesiis edificandis n. 7. & 8. Sed licet hoc verum sit, ut actus recte fiat, ut in præfati clare disposuit dictum *c. licet*, si tamen transitus jam est factus, etiam quoad solam receptionem habitus, videtur sufficiens, illam petere ad ibi permanendum, quia quod prætermisum fuit accidentarium erat, & ideo satis esse videtur, ut suppleatur eo modo quo fieri possit, non retractando prius factum, cum id nullius videatur esse utilitatis, quandoquidem ille potest redire, statim post petitam licentiam, etiam si non concedatur. Quod maxime verum habet, quando licentia in principio fuit prætermissa, ex aliqua rationabili, & urgente causa, juxta doctrinam ejusdem Panormitani in dicto cap. ult.

27 Sed hæc omnia intelligenda sunt, ut dixi, quando omnino indubitatum fuerit transitum fieri, vel factum esse ad strictiorem religionem. Nam ubi res dubia fuerit, nullo modo erit validus transitus sine licentia factus, quia tunc vel non solum est necessaria licentia petita, sed etiam concessa; vel si Prælati noluerit eam concedere, non potest privari jure suo, priusquam res per Superiorem decidatur, juxta dictum capitulum *licet*, quia in dubio melior est conditio possidentis, quapropter, si existente dubio religiosus transeat sine licentia, revocandus est, etiam post professionem alibi factam, ut proprium monasterium ad suam possessionem restituatur, & postea de dubio, & controversia inter subditum & Prælatum agatur.

28 Solet autem quæri, ad quem pertineat illam licentiam definire, nam in textu solum dicitur *Superioris est judicium requirendum*. Sed quisnam est iste Superior? Quidam ajunt esse proximum Prælatum utriusque partis, ita dicit Sylvester *Religio* 4. n. 1. cum Panormitan. & Innocent. Sed si hoc intelligant de proximo Superiore ejusdem religionis, ut v. g. de Provinciali, si contentio erat cum Priore, vel de Generali, si dubium erat cum Provinciali, videretur sequi idem inconveniens, quod Prælati sit Judex in causa sua, propter quod vitandum committitur hoc judicium Superiiori, ut iidem Authores fatentur. Sequela patet, quia respectu omnium Prælatorum ejusdem religionis, illa causa est tamquam propria, quia nullus eorum contendit pro commodo suæ personæ, sed pro jure, & dignitate suæ religionis. Unde illud dubium non versatur in rigore inter Prælatum, & subditum, sed inter religiones, quæ scilicet illarum arctior sit, & ideo verisimilius cenfeo hoc judicium reservari Superiiori utriusque religionis, qui erit Pontifex, si religiones, vel altera earum sit exempta. Si vero essent monasteria eidem Episcopo subjecta, ad ipsum judicium pertinebit, vel si fuerint Monasteria diversarum diocesium, ut in monasteriis monialibus facile accidere potest, tunc per metropolitanum videtur lis dirimenda. Denique quoniam hoc ad forum externum spectat, ille Superior, ad quem pertinet alias causas judicare, inter illas duas religiones, vel Monasteria est judex in hoc dubio.

Concluditur valere transitum etiam in hec-ti- perat- que post dictum a priori monasterio.

Limitatur nisi sit dubium, an alterum monasterium sit strictius.

Ad quem spectet id dubium definire.

Resolutio
prioris
partis, u i
monaste-
rium uni-
tantum
prelato
subordi-
natur.

29 Quinto dubitatur, a quo sit hæc licentia postulanda, & quomodo. Respondetur ad priorem partem, ex vi juris communis satis esse postulare illam ab Abbate, seu Prælato proprii Monasterii; Probatur, tum quia jure communi tota potestas in his quæ ad talem domum pertinent, est apud illum Prælatum, ut supra videmus est; tum etiam, quia jura ciãta non amplius requirunt. Solum in dicto *c. statuimus*, videtur requiri licentia *Patris, & totius congregationis*, ex quibus verbis aliqui colligunt necessarium esse, ut licentia petatur ab Abbate cum conventu, ita colligit Turrecremata ibi, qui ad hoc etiam ponderat alia verba ejusdem textus *sine communi literarum cautione*, putat enim vocari communes literas, quia dari debent a toto conventu. Sed hoc posterius parum cogit, quia non literæ vocantur communes, sed cautio, quæ per literas datur, dicitur communis, id est, usitata: vel dicitur communis non ex parte dantium literas, sed eorum ad quos dantur. Priora autem verba non constat ita esse in originali, nam alia habent *Patris totius congregationis*. Nihilominus si juxta illud jus requirebatur licentia obtemperata, probabile est, eo modo fuisse tunc necessarium concursum conventus ad talem licentiam, quod ad receptionem Monachorum necessarium esse supra diximus, tamen juxta novum jus dicti *c. licet*, sine dubio sufficit a solo Prælato Monasterii licentiam postulare. Probatur ex verbis ejusdem capituli *licet. Subditus a Prælato debet licentiam postulare*, probatur etiam ex ratione ejus, scilicet, ut bonum obedientiæ non contemnatur: nam obedientia exhibenda est Prælato, & ordinarie non pertinet ad totum conventum.

Idem ru-
rant vi-
qui et am-
puncuti
honor
provin-
ciis, &
Genera-
les.

30 Difficultas vero est an nunc quando monasteria habent majores Prælatos universales, quibus graviora negotia reservantur, an teneatur subditus petere a Provinciali, vel a Generali licentiam, quando juxta morem religionis hæc causa illis reservata est. Videtur enim non posse ad hoc obligari, quia jus commune tantum imponit illi onus petendi licentiam a Prælato suo proximo; ergo si ille non dederit, vel distulerit responsum usque ad Provincialis, vel Generalis consultatorem, non tenetur expectare, quia jura particularia non possunt auferre libertatem jure communi concessam, nisi ad hoc speciali privilegio Pontificio munita sit religio; quæ ratio videtur non improbabili ter partem hanc suadere; & potest addi congruentia, quia cum hæc licentia non petatur propter consensum Prælati, sed propter reverentiam ei debitam, non videtur pendere ex universaliiori jurisdictione, Provincialium, aut Generalium; neque illam postulare. Nihilominus oppositam censéo securiorem, & omnino servandam. Itaque ab illo Prælato petenda est facultas ad quem similia negotia secundum mores, & statuta religionis pertinent. Ratio est, quia supposita tali institutione, & limitatione jurisdictionis, proximus Prælatus quoad hoc negotium non est Prælatus, & ideo petenda est licentia ab illo Prælato, qui in tali negotio jus Prælationis habet. Unde per hoc non derogatur juri communi, sed propter mutationem quæ fit veluti ex parte materiam ipsummet commune jus applicatur diversis Prælati, juxta varia instituta religionum, nam in dicto *c. licet*, non dicitur fas esse petere licentiam a Prælato conventuali, sed simpliciter *a Prælato*, quod est juxta materiam subjectam intelligendum, de Prælato ad quem licentia illa pertinet; & confirmatur ex ratione ejusdem textus, ne obedientia contemni videatur: Nam ad hoc necessarium est, ut unicuique Prælato religionis servetur obedientia, in his quæ ad illum pertinent, juxta institutum religionis. Denique licentia hæc non præcipitur postulari propter solam externam cæretoniam, sed etiam, ut intentio, & zelus religiosi, qui mutationem appetit, possit prudenter examinari, & per judicium Superioris dirigi quoad fieri possit. Eandem monet Sylvesterus supra, & recte, mea sententia, si post petitam licentiam Prælatus differat responsum, donec de re cogitet, & consulat, & a Deo etiam lumen petat, subditum teneri ad expectandum convenientem tempore; ergo quumvis consensus Prælati necessarius non sit, nihilominus merito potest reservari hæc licentia superiori Prælato, cujus judicium, & consilium pluris æstimari solet; neque illa

mora debet subito injuriosa, vel onerosa videri, quia pro tam gravi negotio non potest esse nimia, & ipse re-
netur, ut dixi, rēpūs sufficiens ad prudentem consultatione-
nem cōcedere, & in tali religione saltem per modū con-
sultationis ille recursus judicatur moraliter necessarius.

31. Atque ex his constar, quis modus servandus sit in hac facultate petenda, qui per hæc verba explicatur in dicto c. *licet*. *Debet cum humilitate, & puritate licentiam postulare*, id est, cum reverentia Superiori debita, & veram causam, ac motivum suæ deliberationis Prælato proponendo, nam primum pertinet ad humilitatem, secundum ad puritatem. Unde contra priorem conditionem, raro peccabitur graviter, si duæ conditiones servantur; una, ut licentia petatur ante omnem mutationem, seu egressum e monasterio; alia, ut ab eo Prælato, & modo quo juxta institutum & morem religionis peti debet, postuletur. Solum in hoc dubitari potest an sit necessarium semper licentiam postulare intra monasterium ad excusandam culpam gravem, ut v. g. Si Religiosus esset absens a Monasterio cum legitima facultate, & inde petat facultatem per scriptum, an satisfaciat suæ obligationi, ita ut si denegetur, possit tuta conscientia propositum suum exequi, videtur enim satisfecisse, quia etiam per literas potest humiliter, & cum puritate postulare, & jus non postulat, ut licentia petatur coram, seu in præsentia Prælati; Item quia si petenda sit a Provinciali, sufficit per literas postulare, & si neget, vel etiam si non respondeat, (sentit Sylvest. supra) non tenetur subditus amplius expectare. Item quia supra n. 26. dicebamus, qui jam receptus est in alio monasterio, licet non servato debito ordine, satisfacere petendo licentiam per nuntium, vel per literas ad profitendum; ergo quod illi licet præcedente culpa, licebit alteri per aliam occasionem, in qua culpa non præcessit. Nihilominus existimo, si Prælatus nolit esse conventus tali petitione licentiæ, de se non sufficeret, nec posse subditum sine culpa statim transire in viro Prælato, sed teneri redire ad proprium monasterium, & inde debito modo ac ordine egredi, vel negotium tractare. Ratio est, quia ille modus petendi facultatem est contra jus quod Prælatus habet, ut subditus ad suam obedienciam, seu potestatem redeat. Item quia petendo illo modo facultatem videtur decipi & contemni Prælatus, & ita non satisfieri illi præcepto. Hæc autem obligatio intelligitur per se loquendo, nam si grave aliquod periculum vel impedimentum timeretur, posset inde honestari, & sufficiens reputari petitio talis facultatis; & hæc ratio locum habet quotiescumque res non est integra, sed status mutatio inchoata est, per receptionem alterius habitus, tunc enim non potest reditus fieri sine magno incommodo, & ideo existimo tunc in conscientia excusari, etiam si culpa sua in eo statu se constituerit: sic ergo servanda est illa conditio, quoad fieri possit juxta occurrentes circumstantias.

32 Altera vero conditio, quæ puritatem requirit in postulanda licentia, maxime violabitur, si quis fingat se procurare transitum, ex affectu majoris perfectionis, cum revera ex alia humana causa moveatur, in qua deceptione non credo excusari culpam gravem, quia si Prælati totius causæ veram notitiam haberet, non teneretur petitam facultatem concedere; & ipso denegante iuste, non posset subditus licite transire, quia tunc solum hoc licet, quando Prælati iniuste negat, ut diximus. Sicut ergo in petitione cujuscunque gratiæ, vel dispensationis necessaria est vera narratio ne gratia fiat surreptitia, & nulla, ita in præsentī necesse est, ut hæc licentia cum puritate, id est, pura veritate petatur; alioquin talis licentia etiam ut petita, erit surreptitia, & ideo non sufficeret ad excusandam culpam, quamvis non irrititer actum postea subsequatur, quia talis licentia, non est de substantia ejus, ut diximus num. 22.

C A P U T . XI.

*An ex vi prædicti juris communis liceat transitus ad
religionem aequæ, vel minus strictæ.*

Ultimus vero inquirendum superest, de hoc tran-
situ ex vi juris communis, ut loquimur, an pos-
sit laxatus religionis ex jure communi, dare faculta-
tem transeundi ad religionem aequalem vel laxiorem.

Quod

Resolutio
posterioris partis
huius
quingentis
duobus de ser-
uanda
duobus mo-
dis in pe-
tenda li-
centia ad
transitū.

Quomodo
violatur
prior mo-
dus non
petendo
coram.

Quomodo
violatur
posterior
non pete-
do ex fa-
na inche-
nionc.

Responsio
ad primam
partem
vult, re-
quiri licen-
tiam ob-
tentam.

Quod ad primam partem attinet, certum est non posse transitum ad religionem æqualem fieri a Religioso sine facultate non solum petita, sed etiam obtenta, quia ex natura rei hoc necessarium est, ut supra c. 9. ostendi, & jus Canonicum non id concedit, quia solum de ætiori religione loquitur, quando vult licentiam petitam sufficere. Ex quo sequitur necessarium esse hanc licentiam postulare ab illo Prælato, qui possit illam concedere, quia alias nihil operaretur licentia ab alio ostensa. Præterea indubitatum est, posse Pontificem hanc licentiam dare, ut a fortiori constabit ex dicendis in sequenti dubio.

An possit
illam
dare præ-
latus infra
Papam.

2 Solum ergo superest difficultas de Prælati inferioribus, circa quod multi sentiunt posse Abbatem seu Prælatum religionis hanc licentiam dare. Ita sentit Glossa in c. *non est*, de regular. & in c. *cum singula*, de præbend. in 6. Sequitur Panormit. dict. c. *non est*, n. 6. Addit vero cautius esse habere dispensationem Episcopi, cum Innocent. in cap. finali de renunciatione. Sed videtur nihil referre considerato præfenti usu Ecclesiæ, quod de Episcopo, vel de Prælato religionis habente jurisdictionem quasi Episcopalem loquamur. Nam si religiosi sunt exempti, Episcopus non potest talem licentiam dare, cum nullam in eos potestatem habeat, in his quæ spectant ad ordinarium regimen eorum: si vero loquamur de monasteriis subjectis Episcopo, ipse ibi est quasi proprius Prælatus, & ideo eadem erit de illo ratio. Oportet tamen advertere in Monasteriis virorum subditis Episcopis, dari proprium Prælatum regularem, scilicet Abbatem, vel Priorem, ad quem comparatur Episcopus, sicut in religionibus exemptis comparatur Provincialis ad conventuales Prælatos. Omnes ergo tamquam manifestum supponunt Prælatum superiorem, id est, Episcopum, vel Provincialem posse hanc licentiam dare respective. Ratio autem est, quia in hoc transitu duo sunt, unum est commutatio votorum, quatenus ad Deum obligant, & hæc ordinaria potestate potest a quolibet fieri, ut nunc supponimus; aliud est alienatio, & quasi abscissio cujusdam membri ab hoc corpore religioso; ergo quoad hoc habent etiam potestatem hujusmodi Prælati, quia hoc pertinet ad ordinarium regimen religionis, & nullibi invenitur Papæ reservatum.

Resolutio
affirm. de
prælati
supra lo-
cales. j

3 Difficultas vero est, an solus Abbas sine Episcopo etiam si supponatur illi subjectus, vel nunc, sine Generali, aut Provinciali cui est subjectus, possit talem licentiam dare, & in hoc sensu videtur id negare Innocentius dicto c. ultimo de renunciatione n. 2. citans cap. *qui vere* 16. q. 1. ubi dicitur Monachos debere esse subjectos Episcopo permanentes in locis in quibus semel se Deo devoverunt. Panormitanus ergo non putat esse licentiam Episcopi necessariam, licet securius judicet illam postulare. Navarrus autem comment. 4. de regular. n. 10. simpliciter affirmat sufficere licentiam Prælati Minoris, per quem Abbatem, & quemlibet alium Prælatum intelligit, juxta quam opinionem consequenter dicendum est in religionibus exemptis non requiri licentiam Provincialis ex vi juris communis. Præcipuum fundamentum sumitur ex c. *statuimus* 19. q. 3. ibi, *sine Patris, & totius congregationis permissione*, &c. ex quo in primis solum sumitur argumentum a contrario, & præterea juxta illam lectionem Prælatus solus, sine conventu non potest illam licentiam dare. Potest vero eadem sententia probari ex dicto c. *non est*, de regularib. ibi, *sine licentia Abbatum suorum*, nam clare ibi supponitur cum licentia posse transire; ergo maxime ad æqualem. Verum tamen qui existimant ibi prohiberi transitum sine licentia ad quancumque ætiores, respondere possunt illud solum intelligi de transitu ad ætiores, ut scilicet cum licentia Abbatis fieri possit, ad aliam vero non ætiores nullo modo.

Dispositio
aut an
prælati
locales
possint di-
cam licen-
tiam dare.

4 Quare non videtur hæc sententia positive, ut sic dicam, satis ex jure convinci, quod etiam Navarrus sentit. Existimo tamen sufficiens fundamentum esse, quod non invenitur in jure prohibitum Abbati, quominus possit hanc licentiam dare; atque adeo eo ipso quod non reservatur esse concessam, quasi ordinatio munere. Assumptum patet, quia in dicto c. *qui vere*, neque agitur de transitu ad aliam religionem, sed ad ministeria Clericorum in Ecclesiis exercenda, quod

Suarez. Tom. XV.

tunc non permittebatur Monachis, nisi jussu Episcoporum, nec negatur Monachos esse subjectos Abbatibus, quoad ea quæ pertinent ad eorum jurisdictionem, licet affirmetur debere esse subjectos Episcopis. Ex quo ad summum sequitur, contradicente Episcopo non posse Abbatem licentiam hanc dare, sicut potest localis Prælatus exemptus, contradicente Provinciali, illam dare, quia est superior Prælatus. Quod autem sit per se necessarium petere & obtinere licentiam ab Episcopo, inde non probatur, quia ipse superior sit, nihilominus Abbas habet suam ordinariam jurisdictionem.

5 Altera vero pars, seu illatio, nimirum si hoc non est prohibitum esse concessum Abbati, probatur primo, quia supra ostensum est jure communi apud illum esse totam monasterii potestatem. Secundo declaratur in hunc modum, quia ad hanc licentiam non tam est necessaria potestas jurisdictionis, quam administrativa bonorum monasterii, & quasi dominativa in personas ejus. Hæc autem potestas est in Prælato, vel solo, regulariter loquendo, vel simul cum conventu in casibus in jure, vel in regula expressis, ut supra ostensum est; Ergo talis est potestas ad hanc facultatem concedendam. Major patet, quia ex vi commutationis votorum non est necessaria jurisdictionis, cum sit in æquale juxta receptam doctrinam, vel licet secundum quosdam necessaria sit, minima sufficit vel solius Confessoris. Ad reliquum autem sufficit ut religio cedat juri, quod habet in talem personam, quod potest facere Prælatus per potestatem administrativam, quam a religione habet, & eodem modo potest cedere obedientiæ sibi, & suis superioribus debite; ergo nihil aliud necessarium est. Unde existimo antiquos Abbates habuisse hanc potestatem etiam quando Clerici non erant, nec propriam jurisdictionem Ecclesiasticam habebant. Nunc vero erit in his Prælati hæc potestas si per propriam regulam, vel constitutiones non sit ablata, facile enim id fieri potest, cum jus commune positive non resistat, sed solum non assistat, seu non prohibeat; & eadem ratione existimo posse facile Episcopos in Monasteriis sibi subjectis hanc facultatem sibi reservare.

6 Explicandum solum superest an sit necessaria justa causa, ut talis facultas, vel valide, vel licite detur. In quo aliter de Summo Pontifice, aliter de inferioribus loquendum est, nam si Summus Pontifex talem facultatem concedat, etiam sine causa valida est, quia nullam involvit dispensationem in voto, sed meram commutationem in æquale, quæ sine causa facta valida est. Aliunde vero peculiatis obligatio personæ ad talem religionem, in particulari, est solum ex humana institutione, quæ pendet ex voluntate Pontificis; ergo si ipse illam auferat, vel licentiam det commutandi illam in aliam, factum tenebit etiam si absque causa fiat; nam dispensatio in jure humano data a supremo Principe, etiam sine causa valida est. Dices, illud non tantum esse dispensari in jure, quatenus jus legem significat, sed esse tollere alicui jus suum, prout jus dominium & actionem significat, quia religio habet jus acquisitum, & dominium in talem personam, quo privatur per translationem ejus. Quamvis autem hoc jus media institutione humana acquisitum sit, tamen postquam est acquisitum, non videtur posse a Pontifice auferri valide pro sua tantum voluntate sine justa causa, quia non est dominus omnium jurium religionis, sed fidelis dispensator, & prudens. Sicut non posset sine causa auferre ab una religione omnia temporalia bona, & conferre alteri, nec factum teneret, quia esset contra justitiam commutativam; ergo a fortiori idem dicendum est de persona, quia non minus habet religio dominium suarum personarum, quam aliorum bonorum, & magis videtur lædi, per privationem personarum, quam bonorum.

7 Respondeo, Pontificem esse supremum Prælatum cujuscumque religionis, & ratione hujus supremæ potestatis posse eximere quemcumque religiosum ab obedientia inferiorum Prælatorum, & sibi reservare, quod factum erit validum, etiam si absque ulla causa ob solam benevolentiam, vel gratiam talis personæ fiat, & ita potest privare religionem omni jure fruendi, vel utendi tali persona, in quo non facit illi injuriam, quia utitur jure suo. Eodem ergo jure utitur, quando

Ad valorem
dina
licentiæ
non eget
Papa ju-
sta causa.

dat facultatem transeundi ad aliam religionem, nam sicut sibi reservare potest, ita etiam potest concedere, ut mediis Prælati alterius religionis promissam obedientiam seruet. Denique, quamvis per professionem persona se tradat religioni, & religio acquirat dominium in persona; tamen illud non est, (ut ita dicam) principaliter dominium utile religioni, præsertim in temporalibus, sicut est dominium servi, sed est principaliter ordinatum ad spirituale bonum, & ideo illa traditio principaliter censetur fieri supremo Pastori, unde non est simile de aliis bonis temporalibus & dominio eorum.

8 Probat autem recte illa objectio, non posse etiam Pontificem licite dare hanc facultatem sine causa legitima, tum quia nec reservare sibi potest quemcumque religionis eximendo illum ab obedientia suorum Prælatorum sine rationabili causa, quia illud non esset in ædificationem, sed in destructionem, tum etiam, quia illa facultas nonnullum nocumentum est propriæ religioni; non debet autem favor uni fieri cum detrimento alterius habentis jus, & possessionem rei sine causa. Tum præterea, quia hæc mutationes ex suo genere sunt odiosæ, & parum utiles, ut supra visum est, c. 9. a n. 2. ergo non recte faceret Pontifex illas permittendo sine legitima causa; nam ad illam maxime spectat procurare ut omnia ordinate fiant. Quæ rationes multo magis probant inferiores Prælatos non posse hanc facultatem dare sine legitima causa, quæ autem illa sit, & an sit eadem respectu omnium, infra dicetur.

9 De aliis vero inferioribus Prælati dubium est, an si dent huiusmodi facultatem sine causa legitima valida sit, quod tractari potest, vel de Prælati exemptis, vel de Episcopis, quoad monasteria ipsis subiecta. De prioribus Prælati dicendum videtur valide posse dare hanc facultatem intra monasteria ejusdem ordinis sibi subiecta, non tamen ad extranea nisi ex legitima causa. Prior pars non habet proprie locum in religionibus in quibus non fit specialis professio pro uno particulari monasterio, sed absolute pro tota religione; nam in illis clarum est posse Prælatum superiorem mutare ab una domo in aliam prout judicaverit expedire, & licet aliquando forte excedat vel imprudenter faciat, constat subditum non solum posse, sed etiam debere obedire, quia illa non est mutatio professionis, sed loci tantum. Procedit ergo illa pars in religionibus ubi professio fit determinate ad certum monasterium, in quo dicitur filiatio acquiri, ut solent esse Monachales, & in eis interdum fit mutatio tantum localis, ut professus unius domus mittitur ad habitandum in altera, quod quidem, ut recte fiat, non debet sine legitima causa fieri, quia per id derogatur, vel juri religiosi, si absque causa inquit ad id cogatur, vel monasterii, si ipso invito mittatur. Nihilominus tamen si fiat, factum tenebit, quia illa facultas sufficit, ut ex parte subditi sine peccato id fiat, & similiter ex parte monasterii tam illius a quo recedit, quam alterius ad quod tendit, quia illa solum est mutatio etiam localis, quæ ad rem præseptam non satis est; aliquando ergo fit mutatio, quodammodo in statu, quia fit quoad determinationem professionis, relinquendo filiatiorem unius monasterii, & acquirendo in alio, & ad hoc dicimus validam esse licentiam Prælati superioris utrique monasterio, vel certe licentiam proprii Prælati conventualis, & voluntariam admissionem alterius; Ratio est, quia in ordine ad Deum supponitur æqualitas, & in ordine ad ipsam religionem non videtur hoc excedere potestatem administrativam Prælati, quantum ad substantiam ejus, ut sic dicam, licet in modo, seu prudentia utendi illa potestate committatur aliquis excessus, quod ita declaratur, quia hic non agimus de præcepto, seu de coactione, sic enim existimo non posse subditum professum in uno monasterio compelli profiteri in alio, quia professio debet esse voluntaria, & obedientiæ votum semper fit juxta regulam & primam professionem, & per se non obligat ad secundam. Intercedere ergo debet voluntas subditi petentis, vel saltem acceptantis facultatem; ergo Prælati voluntarie illam concedente id sufficit, ut incorporatio ex vi illius facta in alio monasterio valida sit, & hoc est illam facultatem esse validam. Probat consequentia quia Prælati sufficienter consentit nomine Monasterii

cum habeat potestatem administrandi jura eius, nec per hunc transitum censetur ita notabiliter lædi, ut ob eam causam actio irrita sit, quia tota religio est unum corpus, & ita illa non censetur substantialis mutatio, sed valde accidentalis, in qua totius corporis utilitas seu commodum conservatur.

10 Hoc autem intelligimur ex vi juris communis, quo tota potestas confertur Abbati, ac vero secundum jura specialia talium religionum (quæ consulenda sunt) sæpe non potest dari talis facultas, sine consensu totius monasterii quando non est transitus ad arctius monasterium. In quo etiam est observandum, quod licet una religio videatur unius observantiæ, & perfectionis, ex vi institutionis, nihilominus in Monasteriis, vel provinciis ejus potest esse magna inæqualitas, & ideo loquimur de transitu ad æquale monasterium, nam si manifeste sit majoris observantiæ, & arctitudinis, tunc res est evidenter; imo servata proportionem in eo habet locum doctrina in præcedenti c. tradita, sicut e contrario si sit laxius, applicanda erunt potius, quæ in sequenti dubio a n. 13. dicemus.

11 Altera vero pars est, quando transitus futurus est ad aliam religionem omnino distinctam, & tunc videtur sane non posse Prælatum sine causa legitima dare validam facultatem subdito ad huiusmodi transitum, quia ipse habet potestatem a tota religione, vel a conventu respective, nunquam autem religio habuit animi dandi talem potestatem, quia per illam intendit suam conservationem, & ædificationem, non destructionem, aut mutilationem, per illam autem facultatem privatur tota religio suo membro, & suo jure sine ulla utilitate, cum supponatur nullam intercedere legitimam causam. Item potestas Prælati regularis non est tanta ut possit alienare rem pretiosam sine utilitate monasterii, vel causa urgente, neque etiam, ut possit eximere subditum ab obedientia sua, vel suæ religionis in perpetuum, in quo multum differt a Pontifice, qui potest eximere religiosum ab obedientia totius religionis ejus, & per hoc, vel etiam dando illi facultatem transeundi ad aliam religionem, non eximit eum ab obedientia sua. Atque hæc pars videtur communiter recepta ab Innocentio, Panormitano, & aliis supra citatis, qui ad hanc facultatem seu dispensationem requirunt legitimam causam etiam in Episcopo, & quamvis in particulari non declarent, an sit necessaria ad honestatem, vel ad valorem actus, satis indicant hoc secundum, tum quia de Pontifice aliter loquuntur, tum etiam, quia loquuntur de potestate simpliciter, eamque censent non esse sine causa legitima.

12 Nonnulla tamen dubitatio potest circa hoc esse de Episcopo habente sibi subiecta plura monasteria monachialia, v.g. diversarum quidem professionum seu regularum, æqualis tamen perfectionis, an possit concedere facultatem transeundi ab uno ad aliud, sine speciali causa, sed solum ut complaceat tali personæ, vel esto non possit licite (ut re vera non potest nisi aliqua ratio divini obsequii intercedat) factum nihilominus teneat si id faciat, in eo enim videtur esse specialis ratio, ut factum teneat, quia est superior utrique monasterio, & ita potest sibi reservare totum jus, seu subjectionem talis personæ; ergo & illi concedere, ut in alio monasterio, sub sua obedientia militet, sicut in Pontifice argumentabamur; nam cum proportionem videtur procedere ratio. Nihilominus non videtur hoc Episcopo concedendum, quia videtur actus supremæ potestatis; talis enim mutatio, per se est contra jus commune, & ideo dispensatio quæ circa illam fit, a quocumque inferiore sine legitima causa est nulla; ergo quidquid virtute illius fit est invalidum. Confirmatur, quia alias pejoris conditionis esset monasterium subiectum Episcopo, quam Prælati regulari. Denique nulla est sufficiens ratio, cur concedamus Episcopo hanc potestatem, quæ ad ordinarium regimen monasterii necessaria non est, & nullibi invenitur concessa, nec consuetudine recepta. Nec satis est, quod ipse non se privet, nec suam sedem subjectione talis personæ, quia potestas non est illi data propter ipsum sed propter monasterium, & ideo non extenditur ad actum de se perniciosum monasterio, & sine causa legitima facta. Tandem vero inquiri hic posset, quæ sit censenda causa

Observationes
due pro
nunc resolu-
tibus.

Ad aliam
religionem
invalidam
dantur
idem præ-
lati licen-
tiam abs-
que justa
causa.

Resolvitur
idem
quoad
prælatos
non ex-
emptos, id
est, Epi-
scopos.

An saltem
monasterium
subditum
possit
Episcopus
mutare ad
aliam re-
gulam
æqualem.

Eget pa-
men non
sa justa,
ut licite
des licen-
tiam.

Prælati
regulares
infra Pa-
pam quo-
visque va-
lide, vel
licite con-
cedant
transitum
ad aliud
monaste-
rium ejus-
dem ordi-
nis.

la legitima, sed hoc explicabimus in sequenti puncto.

An & ex qua facultate liceat transitus ad religionem laxiorem.

Triæta
in hoc
puncto.

13 Jam ergo videndum est de transitu ad laxiorem religionem, de quo primum est certum, etiam jure communi Ecclesiastico non esse licitum, sine dispensatione legitima. Patet, quia de se est contra votum, & contra pactum cum religione initum, ut ex supradictis constat, & nullum est jus quod talem licentiam præbeat, ideoque, quantumvis rationabilis causa intercedere videatur, nunquam id licet propria autoritate, quia commutatio voti in minus præter causam requirit potestatem, ut supra tract. 6. de voto visum est, & ita hic sentit D. Th. dicta q. 189. quem omnes sequuntur. Secundo est certum ex legitima dispensatione hunc transitum esse licitum, quia jus commune illi non repugnat, nec potest, quia ipsamet dispensatio derogat juri communi, & prævalet contra illum si legitima sit, alias in ipsismet terminis involveretur repugnantia. Tertio est certum, hanc dispensationem a quocumque detur, requirere causam rationabilem, ut licite detur. Hoc a fortiori patet ex dictis de transitu ad æqualem, de quo hætenus, & patebit amplius ex dicendis.

Papæ li-
centia ad
laxiorem
relig.
absque
causa,
non valet.

14 Difficultas vero est primum, an hæc facultas data a Summo Pontifice, sine causa rationabili valida sit, Glossa enim in c. cum singula, de præbend. in 6. sentit de licentia Papæ posse hunc transitum fieri sine causa, quamvis secus sit in inferioribus Prælatibus, sed ut recte dixit Panorm. in dicto c. non est, de regul. hoc ad summum est verum quoad forum Ecclesiæ, non quoad Deum; quod significavit similis Glossa in cap. non est, verb. Adimplere de voto. Dico ergo facultatem Papæ sine causa datam non esse ita validam ut religiosus possit tuta conscientia in virtute illius transire ad laxiorem religionem; ita sentit Navar. dict. Comment. 4. n. 10. & probatur, quia illa est commutatio voti de meliori bono in minus bonum, sed talis commutatio sine causa legitima est iniqua contra jus divinum & naturale; ergo licentia ad talem commutationem faciendam non potest esse valida. Sed queri ulterius potest, an professio tunc facta in laxiori religione, etiam si male fiat, nihilominus valida sit; nam hæc duo simul esse non repugnant, quando nullum intercedit decretum irritans: in præsentem autem nullum esse videtur. Imo Pontifex ipse, qui est super omnia decreta, assistit illi professioni per talem dispensationem, & illam acceptat per monasterium, seu monasterium in virtute ejus, ergo cum ibi intercedat voluntaria traditio, & Ecclesiæ acceptatio, erit valida professio. Neque obstat potest jus prioris monasterii, quia Pontifex illi cessit, quod quantum ad hanc partem, valide facere potuit, juxta superius dicta.

Videri-
men vali-
dam pro-
fessionem,
si de facto
fiat.

Oppositum
verius
probat,
nam quod
ad vota
Deo facta.

15 Respondeo nihilominus probabilius videri illam professionem ipso facto irritam esse, non tam humano, quam divino jure naturali; Probat, quia si vota in professione emissa sunt invalida, & obligationem non inducunt, nec professio valida esse potest, quia substantia ejus principaliter in votis consistit, sed vota illa sunt invalida, & nulla, & non obligant; ergo etiam professio est nulla. Minor probatur, quia votum secundum, factum contra primum melius, est nullum; quia est de re iniqua; est autem hujusmodi posterius votum, si quis explicite voveat, non servare, quod Deo promissit, si voveat facere aliquid repugnans priori obligationi, ut si Monialis quæ vovit clausuram, voveat visitare externam Ecclesiam: talia autem sunt vota in laxiori professione facta, quod maxime cerni potest in voto paupertatis, & obedientiæ, nam in obligatione castitatis, quædam æqualitas est in omnibus. Materia autem paupertatis strictior est in una religione quam in alia, qui ergo voverit paupertatem laxiorem, vel intendit deobligari a priori stricta paupertate, & sic voverit contra perfectius votum; vel intendit servare nihilominus priorem paupertatem, & hoc repugnat secundæ professioni. Multo autem evidentiùs cernitur hæc repugnantia in voto obedientiæ. Tum quia ad illud reducitur tota observantia asperitatum regulæ, ad quam vel obligatur religiosus, vel saltem potest obligari per hujusmodi votum; tum etiam quia promittit obedientiam diversis Prælatibus, & nemo potest duobus domi-

Suarez Tom. XV,

nis servire. Prior autem obedientia erat perfectior, ut supponitur, unde licet in paupertate esset æqualitas, imo licet in materia ejus excederet secunda religio, illa repugnantia in voto obedientiæ sufficeret ad annullandam posteriorem professionem, quia supponimus priorem religionem, licet excedatur in paupertate, esse simpliciter perfectiorē, quod esse non potest, nisi propter excessum in materia voti obedientiæ, ut explicatum est. Præcipuum enim votum in professione religiosa est obedientiæ, & ideo si illud repugnat meliori bono, non potest professio esse valida. Eo vel maxime, quod propter connexionem, quam habent talia vota in tali professione, si unum eorum invalidum est ex natura rei, etiam reliqua. Et eadem ratione invalida est traditio quæ fit religioni, quia non fit nisi ut annexa & conjuncta hujusmodi votis, & in ordine ad eorum observationem, per quod responsum est ad rationem dubitandi in contrarium posita.

Tom quo-
ad tradi-
tione
faciam re-
ligioni
laxiori.

16 Ex quibus a fortiori concluditur, non posse Episcopum, vel quemlibet inferiorem Prælatum, licere ant valide hanc licentiam dare, sine legitima causa. Superest vero inquirendum, an saltem possit cum causa legitima, vel hæc facultas sit soli Papæ reservata, in qua re communis sententia esse videtur, Episcopum posse dispensare. Tene Innocentius in c. dilectus, de temp. ordin. n. 3. & in dicto c. ult. de renuntiatione, sequitur Panormitanus, in dicto c. non est, de regular. n. 6. Sylvester verb. religio q. 2. qui bene advertit hoc esse intelligendum respectu scilicet, de proprio Episcopo respectu religiosorum sibi subditorum, vel de Prælatibus habentibus jurisdictionem Episcopalem respectu exemptorum, & de illis respectu scilicet de unoquoque respectu suorum subditorum, & idem sequitur Navar. dicto Comment. 4. n. 11. Ad hoc autem probandum Innocentius præter c. qui vere 16. q. 1. (quod nihil probat, ut supra vidimus, quia solum in genere dicit monachos debere esse subiectos Episcopis) adducit cap. significatum, de regular. sed ibi solum scribit Pontifex ad quemdam Episcopum, eum ad aliam religionem transire compellas, ubi Glossa exponit ad aliam professionem ejusdem, vel majoris religionis. Panorm. autem ibi recte advertit, quoniam textus indistincte loquitur, indicare professionem, de qua ibi est sermo, scilicet tacite factam a puero oblato, vel recepto ab infanzia, per delationem habitus, usque ad aonon pubertatis; illam, inquam, solum obligasse ad religionem in genere, juxta cap. constitutionem, de regul. in 6. Et ita nihil probat. Ipse ergo Panorm. adducit alia duo jura, unum est in c. non cogantur d. 41. aliud est c. non mediocriter, de consecratione dist. 5. sed in eis solum continetur sententia quædam D. August. & D. Hieron. quibus docent tractationem corporis quoad austeritates, & vivendi modum accommodandam esse unuscuique fragilitati; hinc tamen solum colligitur ex hoc capite oriri posse justam causam hujus dispensationis, quod verum est, ut statim declarabimus. Ex hoc autem non satis probatur esse in Episcopis potestatem ad dandam hanc dispensationem, quod nunc inquiremus. Quocirca non videtur hoc posse probari positive ex jure, nam canon alius, quem Innocentius adducit supra a nobis explicatus est; fundanda ergo videtur illa sententia, solum in hoc, quod talis dispensatio nullibi legitur Papæ reservata, & ideo censenda est Episcopo commissa.

Facultatē
cum cau-
sa datam
a p. latis
infra Pa-
pam lice-
re, quod
pauca.

18 Contrariam sententiam tenuit expresse Glossa in c. cum singula, §. prohibemus, verb. Canonice, de præbend. in 6. ubi dicit solum Papam dispensare. Tene etiam Socinus consil. 270. quem refert & sequitur Rebuffus. Idem tenet Rebuffus in practica p. 1. tit. de transpositione monachorum num. 9. qui tamen addit in num. 10. si causa exigeret celeritatem, tunc sufficere dispensationem Episcopi, & ita interpretatur sententiam Innocentii in d. cap. finali. de renuntiat. & in c. dilectus, sed revera non juxta mentem ejus. Illam vero limitationem ex Antonino refert Panorm. in dicto cap. non est, de regular. Dixit enim Episcopum tantum posse hoc facere, quando est periculum in mora accedendi ad Pontificem, quæ exceptio generalis est, in aliis dispensationibus reservatis Papæ, quæ habent instantem, & evidentem necessitatem; ergo sentit ordinario jure hanc dispensationem esse reservatam Papæ. Te-

per etiam Antonin. 3. p. tit. 16. c. 4. qui etiam rigorosius loquitur dicens solum Papam posse dispensare in transitu etiam ad æqualem, sed de hoc jam dictum est.

18 Ratio pro hac sententia esse potest, quia Episcopus in hujusmodi dispensationibus non potest quidquid ei non prohibetur, sed solum quod ei conceditur. Hoc autem non est ei concessum in aliquo Canone, ut dictum est; ergo, Major in rom. de censuris, & tom. 2. tractando de dispensatione voti, & in materia de legibus fuisse tractata est, & eam admittit expresse Innocentius in dicto c. dilectus, & sumitur ex c. proposuit, de consensu pabendis, & ex Clement. ne Romani, de electione. Nunc autem declaratur exemplis ad rem præsentem pertinentibus, alias etiam possit Episcopus dispensare cum religioso, ut ad vitam clerici secularis transeat, quæ laxior est, tamen in ea possunt servari tria substantialia vota; quia hoc nullibi invenitur prohibitum, aut Papæ reservatum, consequens est contra communem consuetudinem Ecclesiæ: In eo etiam sequitur posse Episcopum dispensare cum religioso in aliis votis, relicta solum perpetua continentia, quia de solo voto castitatis constat factam esse prohibitionem Episcopo; ergo ex illa negatione prohibitionis, seu reservationis, non sumitur regula sufficiens; ergo oportet querere positivam concessionem; alias non potest cum fundamento attribui potestas Episcopo. Confirmatur, nam hæc dispensatio involvit aliqua contra jus commune: primum quod religiosus dimittat suum habitum, quod jus simpliciter prohibet. Deinde si sit monialis, quod exeat extra claustrum in casu a jure non concessio, & similia, sed Episcopus non potest dispensare in jure communi, nisi in rebus ordinariis, & quæ frequenter occurrunt, vel quæ specialiter conceduntur, aut consuetudine constant. Hic autem transitus ad laxiorem non potest dici res ordinaria, aut cujus necessitas frequens sit, imo est res valde gravis, cujus necessitas raro occurrat, & de qua merito videatur sedes Apostolica consulenda.

19 Præterea, licet olim quando immediata jurisdictio in religiosos tota erat in Episcopis, haberent forte ipsi hanc potestatem, nunc considerato præsentis status religionis vix videtur posse fieri hic transitus sine dispensatione Papæ. Primum sit verisimile, quia Episcopi tunc approbabant religiones, quod maximum esse videtur, nam consequenter poterant illas reformare, aut si necesse esset mutare, vel tollere; ergo multo facilius poterant religiosum ad laxiorem mutare. Denique tota gubernatio religionum apud ipsos erat, sub qua multa graviora comprehendebantur; ergo non est cur putemus hac potestate potius quam aliis caruisse. Altera pars declaratur, quia si nunc loquamur de religiosis exemptis, clarum est, non posse ordinarios Episcopos cum eis dispensare, quia non sunt ei subditi, unde neque in aliis votis, aut præceptis cum eis dispensare possunt. Prælati autem regulares, quamvis habeant jurisdictionem quasi Episcopalem, non videntur tantam habere jurisdictionem, ut possint saltem ex parte, in votis substantialibus religionis dispensare, quod sit per licentiam ad hujusmodi transitum. Antecedens patet, quia illa vota sunt quasi fundamentum, quod necessario supponitur ad potestatem talium Prælatorum; ergo non extenditur potestas ad immutandum illam. Confirmatur, nam ob hanc causam non potest Prælati religionis mutare votum subditi transeundi ad arctiorem religionem, quia ejus potestas non extenditur extra ea, quæ pertinent ad talem statum, ergo eadem ratione non potest concedere transitum ad laxiorem. Denique potestas, quæ olim erat in Episcopis circa religiosos, non est tota transiit ad Prælatos exemptos, cum quia ipsi non approbant religionem, vel aliqua simile, cum eis, quia hujusmodi religiones sunt specialiori modo sub potestate & gubernatione Papæ, quam olim essent sub potestate Episcoporum. Unde etiam si loquamur de religiosis, qui non sunt subditi Episcopis, non est eadem ratio, quia tunc Episcopo potest in ipsos, quæ antiquitus erat, tamen non in eas canonice, quæ nunc sunt, comprehenduntur. Ergo etiam subjectos Episcopis, & ideo etiam, quæ sunt contra Canones, non possunt eis concedi, nec de illis constitutum illis esse concessum; transire autem ad laxiorem religio-

nem, est specialiter per canones prohibitum, c. satis, de regular. cum similibus.

20 Inter has sententias hæc posterior videtur mihi verior ex vi juris communis, quamvis prior sit practice probabilis propter auctoritatem Innocentii, Hostiensis, Joannis Andreæ, & Panormitan. Et quia in dicto c. significatum, probabiliter fundatur, quia Pontifex indistincte ait, ad aliam religionem, & ubi jus non distinguit, nec nos distinguere debemus, & ibi interveniebat rationalis causa dispensandi, etiam ad laxiorem, propter religionis ingressum in tenera ætate, unde videtur sumi argumentum ad alios casus similes quando legitur a causa intervenient. Facile etiam possunt congruentiæ adduci ad hanc partem confirmandam, quia est favorabilis, & juxta hominum fragilitatem, & occasiones, non ita raro necessaria. Maxime autem fiet probabilis si consuetudo illi faveret, quia in his rebus plurimum potest, sed de illa mihi non constat, & vereor contrarium potius esse in usu.

21 Superest ut breviter explicemus, quæ sit causa hujus dispensationis; de qua dicendum est, non esse aliquo jure præscriptam, & ideo prudenti arbitrio dispensantis relinqui. Solum ergo adnotare possumus hanc causam posse respicere, vel commodum religiosi tantum, vel religionis a qua transfertur, vel ejus ad quam transiret, Et quidem si omnium utilitas concurrat, erit consummatissima causa, ut si religiosus sit utilis religioni ad quam tendit, & alteri a qua redit, potius sit onerosus, quia forte non est utilis ad ministeria ejus, & est aptus ad canendum in choro, quod alia religio magis proficetur, & ipsi etiam religioso speratur forte utilis in eo vitæ genere occupari, licet aliqui ex suo genere minus austerum, aut perfectum sit.

22 Quando autem hæc omnia simul concurrere non possunt, primum regulariter considerandum est spirituale commodum religiosi, quacumque enim ratione prudenter speretur futurum esse majus, sufficit ad justam causam dispensationis, quia per religiosam vitam est hoc per se primo, ac proxime intentum, & ideo D. Th. dist. q. 189. art. 8. hanc fere posuit ut unicam causam hujus dispensationis. Significat autem necessarium esse, ut procedat ex infirmitate vel debilitate persona. Intelligendum autem existimo de infirmitate, & debilitate, non tantum corporis, sed etiam animi, quia providentia Prælati utrique debet providere, & ad majus Dei obsequium attendere. Ita etiam interdu expediret quando experientia docuit non solum ex pura malitia, vel pravo habitu, sed veluti ex innata conditione habere aliquem quamdam ineptitudinem ad talem statum, vel ingentem difficultatem in portandis oneribus ejus, quam ante professionem satis prospectam non habuit. Ad quod etiam juvare potest emississe professionem in tenera ætate, quia solet multum postea natura mutari, vel certe dignosci. Addi etiam potest, si sufficiat dispensatio Prælati circa onera religionis, non esse facile procedendum ad dispensandum in transitu, nisi vel illemet modus vivendi cum dispensationibus, aliis odiosus sit, vel ipsimet religioso nimis molestus, nam hoc ipsum multum impedire solet spirituales profectum; qui semper præ oculis habendus est. Unde quando intercedit hæc ratio majoris boni spiritualis ipsius religiosi, non obstat etiam si aliquod onus, vel incommodum monasterii intercedat; nam si loquamur de monasterio ad quod fit transitus, nihil hujusmodi in eo consideratur, quia voluntarie est admissum talem personam; hæc enim conditionem omnia jura, & indulta inprimis possunt, & ideo ipsa religio debet sibi consulere, & de utilitate, vel onere personæ judicare, quantumque enim illa sit, volenti non fit injuria; & ideo ex hac parte non potest dispensatio esse injusta. Nisi per illam cogetur alia religio talem personam suscipere, quod solus Pontifex de plenitudine potestatis facere potest; ordinarie autem non facit, neque expedit fieri, sine gravissima causa. Respectu autem religionis a qua receditur non consideratur incommodum ejus, quia illud ad summum esse potest in re temporali, vel externa; tenetur autem ipsa religio magis procurare spirituale bonum religiosi, quam hujusmodi commodum suum. Præterquam quod, si-

Quæ sit causa iusta transseundi ad laxiorem, ut dispensatio concedi possit?

An sufficiat solus transseundi utilitas?

placiter loquendo, vix potest esse commodum religioni habere intra se religiosum, qui juxta statum, & perfectionem ejus non possit perfecte vivere.

Quid nudi-
do inter-
venit solū
ad modum
religionis
unde si
transitus,

23 Aliquando vero contingit transitum non esse in majorem utilitatem spiritualem religiosi, cedere tamen in utilitatem religionis a qua fit transitus, & tunc vix potest causa esse rationabilis; aliquando tamen esse poterit si multa concurrant. Primum est, ut ipsa persona religiosa saltem, non exponatur periculo morali detrimenti spiritualis, quia hoc repugnat professioni, & obligationi ejus, & ordini charitatis; oportet ergo, ut licet major profectus non speretur, saltem non timeatur defectus alicujus momenti, quod facile sperari poterit, si persona sit adeo religiosa, ut plus soleat operari, quam ex obligatione regulæ teneatur. Deinde necessarium est moraliter loquendo, ut religio a qua recedendum est, cedat juri suo, quod habet maximum, quando transitus non est necessarius propter ipsum religiosum; nam si ipsimet religioni commodum est, tale religiosum dimittere, quia licet sit probus, non tamen est sibi utilis, vel ad suum finem accommodatus, oportet, ut ipsamet religio hujusmodi utilitatem cognoscat, & velit, quia non fit beneficium invito, maxime cum diminutione suorum bonorum.

Quid quā-
do est cō-
modum
tantum
religionis
ad quam
transitur,

24 Si autem utilitas est tantum alterius monasterii ad quem fit transitus, multo magis est necessarius consensus proprii monasterii, quia non potest unus dirari ex bonis alterius illo invito. Atque hoc procedit non solum in transitu ad laxiorem, sed etiam ad aequalem religionem, nam procedit eadem ratio. Imo existimo in hujusmodi casibus, quando causa non ex parte religiosi, sed ex parte alterius religionis consideratur, solum Pontificem posse dare hujusmodi dispensationem, præsertim si transitus sit ad laxiorem, & illa causa est valde extrinseca ad obligationem voti, pertinetque ad Prælatum habentem Superiorem providentiam, & gubernationem utriusque religionis. Unde tunc etiam magis urgent omnes rationes in Superioribus factæ. Præter has causas possunt aliæ excogitari extrinsecæ, & accidentariæ, ut sunt necessitas subveniendi parentibus si possit, naturalis illa obligatio impleri in religione minus stricta quam sit propria. Item si quis patiatur injustissimam persecutionem, & similes, quas omitto, quia generales sunt, & tot modis variari possunt, ut interdum etiam liceat, in seculo ob similem causam remanere cum debita facultate.

C A P U T XII.

An spectato jure particulari, seu indultis religionum liceat transitus ad alteram religionem.

Proponi-
tur indul-
ta, ac pri-
mum ve-
tans reci-
pere alic-
nos reli-
giosos,

1 **U**ltimo pro tertio principali, quod initio cap. 8. proponebatur, dicendum est, in unaquaque religione, præter jus commune spectanda esse specialia privilegia, & indulta, & illa esse servanda. Declaratur, nam multa emanarunt Apostolica indulta in favorem religionum, quibus hic transitus prohibitus est, vel simpliciter, vel cum aliqua limitatione, & imprimis Pius V. sua constitutione 91. *Quæcumque*, videtur generaliter hunc transitum prohibere sine licentia a Superioribus obtenta; nam prohibet ne volentes transire recipiantur, etiam si laxiorem professi fuerint. Verum tamen in illa constitutione solum irritantur privilegia concessa religionibus, aut quibuscumque piis locis aut Prælatibus, &c. præter juris communis dispositionem emanata recipiendi hujusmodi religiosos, & consequenter irritat, quidquid virtute talium privilegiorum facultatum, aut dispensationum factum fuerit. Imo etiam, quod mirandum est, etiam præcipit Pontifex, ut qui antea fuerant translati, virtute talium facultatum, ad proprias religiones redeant. Quod dico esse mirandum, quia professiones antea factæ erant validæ, quia etiam facultates & privilegia valida fuerant, donec ab ipso Pro irritata fuere; quomodo ergo potuerunt illi religiosi revocari ad suas primitivas religiones. Dicendum vero est, Pontificem imprimis potuisse id facere, quia licet professio semel validam non possit interiri, seu quoad substantiam irritate, tamen prout ad hanc vel illam religionem de-

terminatur, potest eam irritare, seu mutare etiam invito religioso, vel religione, quia hoc totum pendet ex jure humano. In eo ergo casu credendum est interfuisse legitimam causam id faciendi, propter majus commune bonum, & quietem, seu pacem religiosorum; nam multi fortasse eo titulo religiosum statum indigne tractabant, ut in principio illius constitutionis significatur. Ex vi ergo illius indulti, nihil circa jus commune immutatum est, ut bene notavit Navar. cons. 88. de regularibus. Quocirca translati alio titulo, vel secundum commune jus, sive ante illam constitutionem sive post, non prohibentur retineri, aut recipi. Ubi etiam considerandum est, aliud esse loqui de privilegiis datis ad recipiendum alienos religiosos, & aliud de privilegiis datis, ne proprii religiosi ab aliis recipi possint, sine suorum Superiorum licentia. Priora enim privilegia sunt exorbitantia jure communi; suntque odiosa aliis religionibus; possunt enim inter eas scandala, & dissensiones generari, ac denique facile possunt in occasionem relaxationis, & inconstantiae perverti, & ideo merito revocata fuere. Alia vero privilegia favorabilia sunt, quia directe consulunt immunitati, & quieti ejus religionis cui conceduntur, & aliis non nocent, sed solum vetant, ne cum alterius detrimento velint proficere, quod est maxime consentaneum charitati, & ideo talia privilegia revocata non sunt, sed potius in variis religionibus multiplicata, quæ ab aliis observanda sunt, dummodo de illis constet.

2 Exemplum sit de privilegio Societati concessio, ut nullus in ea professus, vel per tria vota substantialia admissus, possit ad aliam religionem (Carthusiam excepta) transire, sub pœna excommunicationis ipso facto incurrenda, tam a transeuntibus, quam a recipientibus ipsos prætextu cujusvis indulti concessi, aut concedendi, etiam quæsiro colore ob frugem melioris vite, aut strictioris observantiæ, quodque secus facta non teneant. Habetur in literis Apostolicis ejusdem Societatis in Bulla ultima Pauli III. *Licet debitum*, §. *Ac inhibemus*, &c. & in Bulla prima Pii V. *Æquum reputamus*, in principio, ubi expendit, & confirmat Concessionem illam, quam Pius IV. jam fecerat. Idemque Pius V. vive vocis oraculo Carthusiæ limitationem ita limitavit, ut transitus ad illam semel tantum fieri possit, quod si in ea usque ad professionem non perseveret translatus, ad Societatem redeat, & amplius ad Carthusianos transire non possit invita Societate; quâ limitationem confirmavit, & sub eadem censura obligare declaravit Gregor. XIII. in speciali Bulla de hac re *Dilecte fili*, &c. Et aliæ circumstantiæ in illis privilegiis declarantur, quæ ad modum servandum in hoc transitu pertinent, quas in sequentibus, quantum ad generalem doctrinam pro hujus loci opportunitate utile fuerit, attingemus. Ex dictis vero constat in hac religione hoc jure standum esse, quantum ad transitum ab illa, nam ad illam nullus fieri potest juxta suas constitutiones ut suo loco tract. 10. lib. 2. c. 1. videbimus. Ad eundem ergo modum dicendum est de singulis religionibus respective, juxta sua privilegia, vel indulta.

Primum dubium circa prædicta indulta, an vetent transitum sine licentia obtenta, etiam ad religionem strictiorem.

3 Dubitari autem potest primum; an per similia indulta prohibeatur transitus ad perfectiorem religionem, sine consensu Prælati, & ratio dubitandi est primo, quia non videtur Pontifex posse tale privilegium concedere, quia non potest obligare aliquem, ut servet, quod non promissit, sed nullus, qui proficetur religionem promittit perseverantiam in illa respectu melioris, id est, non transire ad meliora; ergo non potest ad hoc cogi per tale privilegium. Minor parer, quia in professione includitur conditio, seu exceptio melioris frugis, ut diximus. Unde illa negatio transitus nullo modo dici potest comprehensa sub voto obedientiæ directe, vel indirecte, ut ea ratione ad illam possit quis cogi; nam est extra totam regulam, & quasi intrinseca limitatio omnis voti obedientiæ. Dices, ex vi talis indulti fieri, ut in illa religione professio, vel incorporatio non fiat sub ea conditione, sed renuntiando illi, vel potius sub conditione opposita. Quia promiss-

Proponi-
tur indul-
ta Socie-
tatis ve-
tans tra-
nsitum
ad quam-
cumque
aliam re-
ligionem,
præter
Carthusi-
am, ab-
que licen-
tia obte-
ta.

r. Argum.
pro parte
neg.

promissio, seu votum obedientiæ, sit juxta constitutiones, & literas Apostolicas; literæ autem Apostolicæ excludunt illam conditionem, & ponunt oppositam. Sed contra hoc insto, quia videtur contra rationem excludere; ut si Ecclesia ordinaret, quod a contractu matrimonii rati excluderetur conditio seu libertas transeundi ad meliorem frugem ante consummationem, non esset conveniens institutio, utpote impediens majus bonum; ergo similiter in præsentia ita ligare hominem inferiori religioni, ut privetur libertate ascendendi ad perfectiorem statum, videtur esse impedimentum majoris boni spiritualis; non est ergo licitum, imo nec videtur cadere sub Ecclesiæ potestate.

4 Secundo argumentor ex cap. *licet*, de regular. ubi Innocent. III. refert privilegia aliquibus religiosis concessa, *Ne postquam aliquis apud ipsos professus fuerit, ad alium locum possit ipsis invitis arctioris etiam religionis obtinere transire*, & tamen postea ita illa interpretatur, ut illis non obstantibus possit hic transitus fieri petita licentia & non obtenta; sed in privilegiis specialibus religionum non plus conceditur, quam quod ibi Innocentius refert, ut exempli gratia, videre licet in prædictis indultis Societatis; ergo illis non obstantibus eadem semper declaratio admittenda est: patet consequentia, quia privilegia, quantum fieri possit, secundum jus declaranda sunt. Maxime vero quia Innocentius indicat declarationem illam esse secundum jus divinum, & naturale, *quia ubi spiritus Domini, ibi libertas*, &c.; *qui Dei spiritu aguntur, non sunt sub lege*, quæ ad hoc propositum ibi adducit Innocentius, ut concludat tale privilegium non dari, ut licentia denegetur, sed ut prudenter res agatur. Unde talem indicat rationem, quia vel Prælatus confusus tali privilegio negat facultatem, cum rationabili causa, vel sine illa. In priori casu etiam jure communi, non habet subditus jus transeundi, quia non est certum religionem esse meliorem; in posteriori autem casu abutitur privilegio suo Prælatus, & ideo meretur illud amittere, ut ibidem ait Innocentius, & ex vi illius sui decreti ipso facto illud amittit quantum ad hunc effectum, & subditus habet jus transeundi ex vi illius decreti. Quod non est revocatum quoad hanc partem per dicta privilegia.

5 Nihilominus certissimum est, posse Pontificem eo sensu talia privilegia concedere, ut absolute non liceat ad aliam religionem transire sine licentia obtenta, etiam titulo majoris perfectionis, certumque est de facto ita esse concessum in dictis indultis Societatis, & idem erit de aliis, si per similia æquipollentia verba concessa fuerint. Probatur primo, ita esse factum, quia in Bulla Pii IV. & V. in particulari subjungitur non obstante dicto cap. *licet*, ad excludendum nimirum declarationem, vel limitationem in illo factam; nam quoad hoc derogatum est. Secundo probatur, quia expresse postulatur ibi *licentia obtenta*, in quod verbum non potest cadere illa declaratio. Nisi quis forte exponat obtenta de facto, vel de jure, id est, debite & non injuste negata. Sed præterquam hæc evasio excluditur per derogationem dicti cap. *licet*, etiam rejicitur sufficienter per illa verba *sine expressa licentia*, ut ait Paulus III. vel per illa *sine expressa, & ad id specialiter obtenta*, ut ait Pius. Tertio, exceptio, quæ de ordine Carthusiensium fit, hoc satis confirmat, quia etiam ad illum non licet transire sine licentia petita, & juxta tenorem cap. *licet*, ergo aliquid amplius prohibendum est, ex vi hujus indulti respectu aliarum religionum, scilicet, ut non fiat sine licentia re ipsa obtenta. Quarto ad idem faciunt illa verba Pauli III. *Nisi de expressa ipsius Præpositi, vel dictæ Sedis licentia transferri*, &c. Nam in eis indicatur, si Prælatus religionis negaverit facultatem, & subditus contendat injuste negari, non posse statim sua autoritate propositum suum exequi, sed debere ad Sedem Apostolicam recurrere, nam per tale indultum illa sibi hoc judicium reservavit.

6 Atque hinc recte colligitur potestas; impium enim esset dicere, talia indulta esse iniqua, aut sine sufficienti potestate concessa, quia in re adeo gravi, & ad salutem, & perfectionem animarum pertinente, non potest Pontifex errare, præsertim, cum non tantum unus vel alter, nec semel aut iterum, neque sub aliqua probabilitate, & cum formidine, sed plures, & san-

ctissimi, ac doctissimi Pontifices, & sæpius, multisque religionibus, similia indulta ex certa, & plenaria potestate concesserint; non potest ergo de tali potestate dubitari, cum de facto constet.

7 Modus autem explicandi justitiam, & rationem hujus facti, in superioribus insinuaturs est, & primo dici potest, quando Pontifex hoc indultum alicui religioni concedit, hoc ipso supponere, non esse inferiorem aliis, quas non excipit, scilicet quatenus est via ad perfectionem; nam licet in una vel alia conditione possit esse inferior absolute, ac simpliciter comparata potest judicari non minus apta ad perfectionem assequendam. Certum est enim posse Pontificem hoc judicium ferre, & ad illum maxime pertinere. Non oportet tamen adeo restringere hæc indulta; nam in majori amplitudine videntur concessa. Secundo ergo potest Pontifex hoc concedere, saltem supponendo rem esse dubiam, an religiones aliæ, vel omnes, vel aliquæ sint arctiores nec ne, & reservando sibi judicium in particulari quando licentia postulatur a tali religione, & ipsa non vult eam dare, nec cedere juri suo, & hoc insinuare videtur Paulus III. in verbis citatis, per se se constat esse justum, quando ex parte religionis, cui privilegium conceditur, est sufficiens fundamentum illius ambiguitatis, ut re vera est in exemplo adducto de Societate, cum quacumque alia religione conferatur, ut infra tract. 10. lib. 1. cap. 9. ostendemus. Nam & universaliter loquendo, in quacumque controversia Ecclesiastica potest Pontifex judicium sibi reservare, & maxime in his, quæ spectant ad approbandum, vel declarandum statum perfectionis, & hoc etiam a fortiori colligitur ex cap. *licet*, de regular. Tertio dicitur, etiam si constet aliam religionem esse perfectiorem, posse Pontificem jure prohibere transitum ad illam sine licentia obtenta; tum quia per hoc non impeditur simpliciter ascensus ad statum perfectiorem, sed prohibetur, ne fiat sine maturo consilio, & sine regula voluntatis Prælati, quantumvis enim alia religio sit perfectior, potest mutatio ad illam in individuo non esse conveniens, & ideo hujus rei judicium potest convenienter Prælati reservari, ita ut consensus ejus omnino necessarius sit, eo vel maxime, quod semper relinquatur recursus ad Pontificem, si resistentia Prælati injusta reputetur. Quod si ipse etiam Pontifex facultatem neget, temerarius erit, qui velit resistere, & non potius sentire sibi non expedire talem mutationem, etiam si alia religio perfectior videatur. Tum etiam, quia hæc difficultas transeundi potest esse valde conveniens ad commune bonum, & ad stabilitatem singulorum religionum, & ad pacem, & unionem religionum inter se, & ideo licet uni, vel alteri possit esse incommoda, illud in morali lege non æstimatur, quæ commune bonum respicit. Præsertim, quia licet transitus ad religionem perfectiorem impediatur, nemo simpliciter impeditur, quo minus semper possit esse perfectior: nam in quacumque religione est ad hunc profectum sufficiens occasio, si homo velit facere quod in se est, & voluntarie adungere, quod in tali statu sub obligatione non imponitur.

8 Unde ad primam rationem dubitandi, præter responsum ibi insinuatam dicitur, etiam stante professione, quam diximus fieri cum subintellecta conditione melioris frugis, posse Pontificem illud privilegium concedere, & prohibere transitum, quia, ut diximus, non tam simpliciter prohibet, quam præscribit modum ejus, scilicet, ut non fiat sine tali facultate, & ideo potest etiam irritare quidquid sine illa conditione, seu solemnitate fit. Neque hoc præceptum excodit jurisdictionem Pontificis, in qua magis quam in voto obedientiæ fundatur, quamvis prærequirit illud ut conditionem necessariam. Supposita enim obligatione, quam religiosus habet ad statum perfectionis, eo ipso habet jus Summus Pontifex, sub cujus speciali cura sunt omnes religiosi, ut possit modum præscribere circa perseverantiam, vel mutationem talis status; nam hoc sine dubio est necessarium ad conveniens regimen religionum, & singulorum religionum.

9 Ex quo intelligimus per hujusmodi privilegium non liberari Prælatum religionis ab obligatione dandi licentiam subdito petenti transitum ad aliam religionem.

Primus
modus
justificandi
indulta
n. 2. relata

Secundus
modus.

Tertius
modus.

Ad 1. arg.
in nu. 3.

Offendi-
tur pars
prior, de
jure.

Prædicta
indulta
non de-
obligant

ligionem, quando & judicaverit aliam religionem esse simpliciter perfectiorem, in quo, non debet raptum suo sensu, & affectione duci, quia posset facile errare, & esse injuriosus alteri, sed ex receptis sententiis, & doctrinis, vel ex sapientum consilio judicium ferre debet. Et præterea necesse est, ut judicet huic subdito suo expedire, seu magis utilem esse talem transitum; debet autem ita sentire, quorū rationes non occurrunt, quæ contrarium suadeant, præter solam mutationem, quia illius incommodum vincitur ex majori perfectione alterius religionis, quando aliud non obstat. His autem concurrentibus injuriam facit Prælati subdito negando facultatem, & cogendo illum adire Summum Pontificem; nam ipsemet Summus Pontifex suppositis eisdem conditionibus, non posset licite negare in individuo similem facultatem per se loquendo, quia non potest impedire viam majoris perfectionis. Semper tamen excipitur necessitas boni communis. Unde si Prælati religionis negaret talem facultatem, quia revera credit esse valde nocivam suæ religioni, & ob eam causam illam remitteret Summo Pontifici, nihil, ut existimo, peccaret, imo hunc esse puto unum ex potissimis effectibus talis privilegii.

10 Unde constat non esse necessariam responsionem positam supra nu. 3. in argumento, quia Pontifex non solum potest concedere, & de facto concedit hoc privilegium pro his, qui postea professionem emittunt, sed etiam pro jam professis, ut constat manifeste ex indultis citatis; Pontifex autem non immutat professionem Deo factam, sed illa non obstante, vel conditione in illa inclusa, præcipit observari certum modum in ejus assequutione, & aliter fieri prohibet. Cur enim non prohibebit Pontifex aliquid, quod aliā ex vi professionis non est prohibitum, quando ratio boni communis id postulat? Adde vero, etiam modum ibi insinuat non esse impossibilem, nec contrarium rationi, quia, ut dixi, per hanc prohibitionem non tollitur omnino facultas ascendendi ad altiores religionem, sed cum hoc addito, *nisi de consensu Prælati, vel Pontificis*. In eodem ergo sensu recte potest quis obligari, ut in ipsa professione renuntiet libertati transeundi, nisi sub hac conditione, sic intellecta, nam ille quasi contractus inter religionem, & religionem liber est ex parte religionis, sicut ex parte religiosi; ergo potest religio professionem non acceptare, nisi religiosus se obliget sub tali conditione, quam ostensum est esse honestam. Neque est simile de matrimonio, cum quia status matrimonii est longe inferioris ordinis, & absolute excludens statum perfectionis, simpliciter, de quo nunc loquimur, religiones autem conveniunt substantialiter in ratione talis status, & differunt secundum magis, & minus; tum etiam, quia in matrimonio jus utriusque partis est privatum, in professione autem religiosa ex parte religionis intercedit jus pertinet ad bonum commune, quod majoribus privilegiis gaudet, tum denique, quia in matrimonio mutabilitas illa, quæ est in transitu ad religionem ante copulam, non solum est honesta, sed etiam nullam habet speciem indecentiæ, aut inconstantæ, neque infert scandalum, & non solum in genere, sed in individuo, & regulariter consulendum, ideoque non esset justa lex, vel conditio contractus, quæ ad illum transitum imponeret gravamen, expectandi consensum, vel alterius conjugis, vel Principis, aut Pontificis, quia esset ponere obstaculum statui perfectionis simpliciter sine justa causa; mutabilitas autem in statu religioso etiam in ordine ad meliorem, regulariter non consulitur, indigetque multis circumstantiis, ut convenienter, & sine scandalo fiat; ideoque justa est lex, & conditio, quæ simile gravamen imponit.

11 Dices, ergo seclusa prohibitione Pontificis posset religio hanc conditionem ponere profitentibus, ut se obligent ad non transeundum etiam ad perfectiorem, sine suo consensu, vel Pontificis, quia conditio est de se justa, & religio potest pacisci, ut voluerit intra latitudinem iustitiæ. Respondeo de facto hoc non posse sine approbatione Pontificis, quia est contra jus commune tale gravamen apponere. Tamen secluso jure communi, & sola rei natura spectata, non videretur improbabile id admittere propter rationem factam,

tamen quia id nunquam factum legimus in religionibus, sine Pontificio privilegio, ideo simpliciter negatur sequela, & ratio reddi potest, quia licet illa conditio non sit iniqua, est tamen satis exorbitans a communi regula, & ideo non potest imponi privata auctoritate, aliquod enim gravamen potest esse iustum auctoritate publica impositum, quod in ordine ad auctoritatem privatam esset iniquum. Præsertim, quia in religionis statu est magna latitudo, & varietas, possetque illa conditio in uno esse justa, & non in alio, & ideo ad Pontificis auctoritatem hoc judicium pertinet. Unde quodammodo spectat ad specialem talis religionis approbationem, & stabilitatem, quam Pontifex dare potest, nulla autem religio debet auctoritate sua illam usurpare.

12 Ad secundam rationem dubitandi negatur non plus concedi per huiusmodi privilegia, quam per antiquiora jura fuerat concessum, saltem prout declarata fuerat ab Innoc. III. nam per hæc posteriora privilegia, declaratio illa Innocentii expresse revocatur. Quamvis autem Innocentius afferat verba Scripturæ ibi citata, ad ostendendum illam declarationem esse consentaneam rationi, & divinis literis, & ideo potuisse tunc convenienter dari, non tamen ostendunt ita esse necessariam illam limitationem, ut privilegium cum majori amplitudine concessum, divino juri, aut Scripturæ contrarium esse appareat; nam eadem Scriptura, quæ dicit, *qui spiritu Dei aguntur, hi sunt filii Dei*, dicit, *probate spiritus an ex Deo sint*, & quæ dicit, *ubi spiritus Domini, ibi libertas*, consulit, ut unusquisque in ea vocatione, in qua vocatus est, permaneat. Cum ergo privilegium non ordinetur ad impediendam libertatem, & efficaciam illius vocationis, quæ vere est a divino spiritu, sed ad probandam vocationem, ut ea, quæ est a Spiritu sancto, constanter retineatur, nulla est repugnantia inter hoc privilegium, & privatam legem, quam Spiritus sanctus per suam inspirationem imponere solet, ut in simili sensu idem Innocentius in cap. *nisi cum pridem*, de renuntiatione.

13 Unde ad rationem ibi factam respondemus in utroque membro dilemmatis inveniri differentiam, inter jus commune & hoc privilegium: nam in priori posset contingere, ut Prælati prudenter negaret licentiam transeundi, non propter dubium de majori perfectione alterius religionis, sed propter circumstantias personarum, quia vel non putat esse aptam ad illud institutum, vel tunc non moveri bono spiritu, sed turbatione aliqua, vel quid simile, & nihilominus ex vi juris communis posset tunc subditus transire licentia petita, & non obtenta, quia si constat religionem, ad quam tendit, esse perfectiorem, hoc satis erat ex vi dicti cap. *licet*, ubi solum requiritur judicium Superioris, quando de arctitudine majori alterius religionis dubitatur, nunc autem in simili casu nullo modo licebit transitus invito Superiore, hoc operante dicto privilegio. In posteriori etiam casu est differentia, quia Superior indebite negans licentiam, ipso jure dicti cap. *licet*, privatur privilegio quoad hoc, ut non possit obligare subditum ad non transeundum, imo ut possit subditus sua auctoritate, & renuente Prælato transire. Posito autem hoc privilegio, etiam si singamus prælatum indebite negare licentiam, quia nullum grave damnum suæ religionis rationabiliter timet, & certo scit aliam esse perfectiorem, & nihil habet cur judicet hanc personam non bono spiritu moveri, & nihilominus non vult permittere transitum ejus: subditus in hoc casu non potest sua auctoritate transire, sed indiget Pontificia, nec prælati ipso facto amittit potestatem obligandi, & retinendi illum donec per pontificem privetur.

14 Posset autem hic non immerito dubitari, si religio, cui hoc privilegium concessum est, multum a sua observantia declinet, censenda sit admittere tale privilegium ipso facto; videtur enim id valde verisimile; tum quia non minus meretur privilegium amittere, qui sit illo indignus, quam qui illo male utitur; tum maxime, quia tollitur fundamentum talis privilegii necessarium ad justificationem ejus; hoc enim esse debet talis ac tanta religionis observantia, ut in favorem ejus possit merito ille transitus interdici. Atque ad

Ad a. arg. in nu. 4.

Ad 1. mēbrum dilemmatis ibid. positi.

Ad 2. mēbrum.

An religio ob relaxationē amittat privilegium.

eam partem suadendam possent hic adduci multa generalia principia de legibus; & de privilegiis, præsertim, de cessatione eorum, cessante causa, & sine adæquato. Et quidem in conscientia, si evidenter constaret de tanta religionis mutatione, sine dubio cessaret obligatio talis prohibitionis. Ad quod etiam confirmandum valeret communis opinio in cap. 9. a nu. 17. adducta, dicens maiorem perfectionem non esse attendendam secundum primævam institutionem, sed secundum actua-lem observantiam. Nihilominus, quia evidenter constare vix potest de tanta mutatione, quæ ad hoc sufficit; ideo non est privanda religio tali privilegio, præsertim in exteriori foro, donec in eo declaratur, aut privetur.

Primum dubium, An transiens absque facultate Superioris sit apostata?

An sint apostatæ, qui mutant religionem sine facultate.

15 Interrogabit vero ulterius aliquis, an religiosi transientes sine facultate Superiorum juxta illud privilegium necessaria, sint apostatæ, & incurrant censuras non solum speciales illius indulti, sed etiam jure communi impositas contra apostatas, vel dimittentes habitum suæ religionis. Ratio dubii est, quia communiter Doctores asserunt non esse aliquem apostaram transiendo ad aliam religionem etiam indebitè. Unde in definitione hujus apostasiæ ponunt, quod sit desertio hujus religionis, sine transitu ad aliam, ut videre licet in Sylvest. verb. *Apostasia*, q. 4. cum Glossa in cap. finali de apostatis, & cap. ex parte, de temporibus ordinationum, ubi Innoc. Panorm. & alii idem sentiunt. Idem Innocent. in cap. ult. de renuntiatione, & in cap. *intelleximus*, de ætat. & qualif. Cajetan. 2. 2. q. 1. 2. art. 1. Navar. consil. unico de apostatis, & Summistæ ac moderni communiter, quorum fundamentum est, quia apostasia est retrocessio ab statu religioso: in eo autem casu non retrocedit quis a religioso statu, sed solum a tali statu religioso, quæ licet sit illicita mutatio, non tamen apostasia. Quæ quidem sententia esset mihi indubitata secundum antiquum jus, in eo casu, in quo quis transiret ad religionem strictiorem absque ulla licentia saltem petita, quia licet peccaret, non tamen in substantia mutationis, sed in modo, neque illa potest dici retrocessio, tum quia non est recessus a promissione facta, tum etiam, quia potius est progressus, & tendentia ad maiorem perfectionem. Unde magis ibi peccatur per excessum temerarie tendendi, quam per defectum retrocedendi.

16 Extra hunc vero casum, difficilem semper judicavi illam sententiam quamvis communem, quia considerata rei natura illa videtur formalis apostasia, & antiquum commune jus nullam quoad hoc faciebat mutationem: hæc posterior pars in confesso est. Prior vero probatur primo, quia apostasia a religione dicit retrocessionem ab statu religioso, & a pacto cum Deo & cum religione inito: sed, qui relinquit suam religionem propter aliam non meliorem, retrocedit a pacto inito, & ab statu quem retinere tenebatur; ergo. Quod si dicatur non recedere a religione in communi, sed a tali. Contra hoc est in primis D. Thom. dict. q. 1. 2. art. 1. ubi dicit; *Contingit aliquem apostatari a Deo, retrocedendo a religione, quam professus est*, nec posuit limitationem sine transitu ad aliam: qui autem exit animo transeundi præsertim ad laxiorem, revera retrocedit a religione, quam professus est, quando enim tendit ad meliorem, licet relinquat illam, quam professus est, non retrocedit, sed ulterius pergit; quando vero tendit ad æqualem, licet retrocedere non videatur in ordine ad perfectionem, ut sic, in eo tamen retrocedit, quod infidelis est promissioni factæ. Secundo argumentor in hunc modum, nam professio facta in alia religione sive æquali, sive laxiore est ipso jure nulla, quando fit sine dispensatione, & sine licentia propriæ religionis, ut supra probavi; ergo transitus ad talem professionem non est transitus ad statum religiosum verum, sed apparentem, & fictum: ergo simpliciter est retrocessio a vero statu religionis.

17 Potest controversia hæc, ut dixi in simili aliquanto superius, esse de modo loquendi, tamen si loquantur de specie malitiæ, quam peccatum illud in se ipsa habet, profecto est ejusdem speciei; nam ejus intrinseca malitia non consideratur ex termino ad quem tendit, licet inde possit minui, vel augeri juxta inten-

tionem operantis, sed sumitur ex termino a quo recedit, id est, ab injuria, quam propriæ religioni facit, quæ ejusdem rationis est, quocumque indebitè tendat, & ita si unum peccatum est apostasiæ, etiam & aliud. Nisi quis contendat vocem apostasiæ, non utrumque significare peccatum habens illam malitiam, sed connotando, quod fiat animo relinquendi omnem religionem, seu simpliciter statum religiosum, quod pertinebit ad quæstionem de modo loquendi, oportebit tamen ostendere vocem illam, aut ex primæva significatione habere illam vim, aut ex usu juris, neutrum autem, ut opinor, potest satis ostendi.

18 Primum quidem, quia apostatari in Latino rigore tantum significat deficere, & impugnare, quod antea probabatur. Unde dicitur apostata a fide qui ab illa deficit, & impugnat cum antea probaret, & ibi quidem non potest esse transitus ad aliam veram fidem vel Ecclesiam, quia hæc est una tantum. Tamen quacumque ratione excogitentur duæ, transitus ab una ad aliam contra fidelitatem, vel professionem ejus esset apostasia, sitque inter hæreticos censetur apostata, qui ab una secta ad aliam transit. Magisque accommodatum exemplum est, si tempore legis veteris aliquis circumcissus vellet adducere præputium, & transire ad solam legem naturæ etiam sub vera fide, & cultu unius Dei, esset enim nihilominus apostata, ut satis significat Paulus 1. ad Corinth. 7. ergo ex vi vocis non potest illa significatio colligi. Neque ex vi juris, quia nullibi in jure id explicatur, & potius jura in universum vocant apostatas, omnes iniquos desertores suorum institutorum, quod statim ex indultis Pontificum ostendimus. Nec etiam ad effectus juris erat necessaria significatio, quia nulli sunt effectus, quos jus operetur in apostatas, quos non etiam operetur in hos desertores suæ religionis, propter aliam non meliorem. Quia ut supra vidimus, propter apostasiam, ut sic, nulla excommunicatio est ipso jure lata, & infamia, quæ inde contrahi potest, etiam in hoc casu contrahitur durante delicto, nam ingressus indebitus, & invalidus in aliam religionem nihil excusat, secundum veram rationem juris, etiam si in hominum opinione nonnihil diminuat. Excommunicatio autem, quam apostata incurrit, dimittendo suæ religionis habitum, non evitatur propter transitum ad aliam, ut probavi in 5. tom. 3. part. disp. 23. sect. 4. nu. 26. ergo nullius utilitatis est negare hoc delictum esse veram apostasiam, quoad nomen, cum tota res in illo invenitur.

19 Ex quo infero nunc, omnes transientes a sua religione ad quamcumque aliam quocumque titulo majoris perfectionis, in casibus per nova jura vel indulta Pontificia prohibitis, & sine licentia in eisdem indultis requisita, esse veros apostatas. Exempla sunt primum in extravagante *Viam*, de regularibus, ubi prohibet Papa sub excommunicatione latæ sententiæ, & sibi reservata, ne aliquis ex ordinibus mendicantibus ad monachales transeat, Carthusia excepta, sine Sedis Apostolicæ facultate; religiosus enim mendicans transiens contra illam legem apostata censendus est, propter rationes factas. Idem dicendum est, de quolibet religioso Societatis, si ad quamcumque religionem sive monachalem (Carthusia pro semel tantum excepta) sive mendicantem sive quamcumque aliam, sine facultate Summi Pontificis, vel sui Generalis transeat, erit enim apostata, atque ita illum appellant Pontifices. Paulus III. in sua Bulla ultima, ubi post privilegium concessum, & factam prohibitionem aliter egrediendi subdit, *Illos sic egressos ac alios quoscumque dictæ Societatis apostatas, ut etiam alios quovis insolentes, & qui id mereri videbuntur, in quocumque habitu apostatas prædictos contigerit inveniri, excommunicare, capere, & incarcerare licite valeant*, ex quo verborum contextu constat illos sic egressos vocari apostatas, tum ibi & alios apostatas, tum maxime, quia in quocumque habitu inveniantur sic egressi, ut apostata excommunicari & capi permittuntur. Pius vero V. expressius dicit; *Si quis absque Superioris licentia exiret, & in seculo vel alio etiam regulari loco degere presumeret, liceat dicto Generali, aliisque dictæ Societatis Præpositis, & Superioribus eisdem transgressores, & transientes tanquam apostatas, ad suam societatem revocare*. Nec dici potest

Confessarium ex nunc traditis.

potest illam particulam *tamquam* esse diminutivam, quia æque cadit in egredientes ad manendum in seculo, vel transeundum ad aliam religionem. Denique Greg. XIII. in citata Bolla *Dilecte fili*, expresse dicit; *Qui secus fecerit in excommunicationem, & alias apostatarum penas & censuras eo ipso incurrat*. Quid ergo illi deest, ut sit verus apostata? Loquitur autem etiam de transeunte secunda vice ad ordinem Carthusiensem. Unde constat nihil referre, quod transitus fiat titulo majoris perfectionis, vel securitatis, nam hic titulus maxime colorari poterat in ordine ad Carthusiam.

20 Dices, qui sic transit, non potest dici retrocedere ab statu religionis, cum majorem perfectionem intendat. Respondendo, hoc argumeto probaretur, si quis illo titulo in Eremum tenderet, ut duriorum & perfectiorem vitam ageret sub aliquo habitu religioso, vel quantumcumque austero, non retrocedere, quia semper intendit majorem perfectionem, & consequenter non esse apostatam, quod falsum esse constat. Non sufficit ergo intentio, nisi medium proportionatum sit, ad quod necessarium est, ut in vero statu religionis perseveret. Hoc autem non fit in illo transitu; nam ille status, qui videtur assumi, non assumitur re vera, & ita duplici titulo fit retrocessio, etiam in eo casu, quia & non permanet in statu religioso, & violatur pactum religionis prius assumptæ. Ampliari hoc potest, etiam si religiosus prius fugitivus fuerit, sine animo apostatandi: nam ille etiam non potest suo arbitrio, vel ad vitandum supplicium suæ religionis, aliam ingredi non arctiorem: nam de arctiori tolerari posset, supposito priori malo; de alijs vero minime, quia illud per se malum est, & non fit licitum ex priori malo, id est, ex præcedenti fuga, quia nemo debet ex iniquitate sua commodum reportare. Ad id vero lex quædam Hispaniæ part. 1. tit. 7. lib. 10. Si religiosus fugitivus in ea regione, in qua versatur, cum ad meliorem mentem convertitur, non inveniat monasteria sui ordinis, nec arctioris, vel æqualis, posse ad laxiorem transire, quia si nullum inveniat, etiam potest inter honestos seculares vivere. Ubi Gregorius Lopez advertit legem illam non esse sumptam ex aliquo canone, sed ex dictis Raimundi, quem refert, & sequitur Summa Angelica verb. *Religiosus*, nu. 34. Et intelligendum est quando reditus ad propriam provinciam esset moraliter impossibilis.

Secundum dubium, Si tunc etiam apostata, qui obtemperat quidem licentia, alias indultorum prædictorum condiciones violat.

21 Sed quæret ulterius aliquis, an necesse sit servare in hujusmodi transitu ultra licentiam etiam modum, vel alias condiciones in prædictis indultis, seu privilegiis positas; ita ut etiam per earum violationem apostasiæ crimen incurratur. Ad hoc generatim loquendo solum respondere possumus, considerata esse verba privilegii, & juxta tenorem ejus esse judicandum; nam modus, & circumstantiæ omnes, quæ præcepta fuerint servandæ sunt, & siquidem fuerint tales, ut earum omisso irriter ingressum, vel professionem in alia religione, vel illa impediatur, incurreretur per illam transgressionem crimen apostasiæ, si tamen modus non est tantæ necessitatis, ejus omisso ad tantum crimen non sufficeret. Ratio prioris partis est, quia eo ipso, quod alia professio non est valida, & vel non tempore debito, & in eo statu permanetur, existit religiosus extra statum & obedientiam suæ religionis, cum animo ita perdurandi, sine debita facultate, quod est apostasiæ crimen. Ratio autem posterioris partis e converso est, quia tunc non receditur a statu religioso, etiam si in modo commutandi illum aliquis defectus committatur, & ideo substantialiter, ut sic dicam, non receditur a pacto professionis, quia transitus fit cum licentia sufficiente saltem ad valorem actus.

22 Intelligitur hoc melius descendendo ad aliquod particulare, ad cujus instar poterunt facile reliqua declarari. Perstitemus autem in eodem exemplo nu. 19. allato, de indulto Societatis, in quo in primis pro transitu ad ordinem Carthusiensem designantur tres menses, intra quos teneatur illum ordinem ingredi, qui eo titulo e Societate egreditur est. Pro alijs vero religionibus, quando transitus ex licentia Superioris fit, eisdem Superiori committitur, ut tempus præfigat. Si ergo sic egres-

sus intra tres menses, vel designatum tempus, religionem aliam ingressus non fuerit, & ad Societatem statim non revertatur, poenam excommunicationis ipso facto in primis incurrer, juxta Constitutionem Pii V. dicentis, *Absque ulla mora ad dictam Societatem regredi teneantur sub poena excommunicationis præfata*, quam incurrerit si voluntarie non ingrediantur, siue quia non recipiuntur, ut ibidem explicatur.

23 Oportet tamen, ut ipsa mora non redeundi voluntaria sit, alioquin non erit peccaminosa, si propter impotentiam, vel naturalem, vel moralem reditus aliquantulum differatur, non incurreretur censura, quia excusatur culpa, idemque erit, si mora sit adeo brevis, ut prudenti arbitrio non censeatur sufficiens materia peccati mortalis. In quo tamen scrupulose cavenda est mala fides, quia ubi lex præfixit certum terminum ad solvendum debitum, eo ipso, quod totum tempus elabi permittitur, tota substantia præcepti violatur, ut patet in præcepto confessionis annuæ, vel recitandi horas quotidie; non enim licet transferre actum ab uno die in alium, nec differre confessionem in primum diem alterius anni Ecclesiastici, nec propter brevitatem moræ fieri illa culpa venialis. Sic ergo posset quis in præsentibus argumentari. Non tamen est omnino simile, quia ex vi illius legis non cogitur quis intra terminum trium mensium ad Societatem redire, sed ingredi aliam religionem; si autem intra illum terminum non ingrediantur, finito illo termino tenetur sine mora redire, & ita tempus redeundi non habet indivisibilem terminum præfixum, sed tantum hunc, ut fiat, scilicet sine mora, in quo necessario debet intervenire prudens arbitrium, & bona fides, ideoque licet aliqua parva negligentia aliquantulum detineat, non erit statim peccatum mortale.

24 Et hoc quidem verum est, quoad illud tempus a jure designatum pro Carthusia: nam in eo quod Prælati pro alijs religionibus limitare potest, & debet, potest ipse præfixum terminum eundem, vel diversum ad utrumque effectum designare, v. g. ut intra mensem teneatur redire, vel ingredi; aut, quod si intra mensem non recipiatur, intra alios quindecim dies redire teneatur, & tunc videtur procedere ratio facta, quod si intra præfixum terminum præceptum non impleatur, substantialiter violatur, & ideo gravis erit culpa, etiam si post elapsum terminum mora sit brevissima, nisi alia excusatio impotentiae intervenerit. Posset etiam sufficere ad excusationem probabilis præsumptio voluntatis Prælati, quod non fuerit mens ejus cum tanto rigore terminum illum præfinire, sed cum ea amolitudine, qua in moralibus parum pro nihilo reputatur. Et juxta hoc privilegium cessat sollicitudo Doctorum ad monentium ne Prælati religionis det licentiam Monacho abeundi, donec ei constet, & aliam religionem esse paratam ad suum subditum recipiendum, & ipsum esse expeditum ad immediate transeundum; quia alias daretur ei occasio vagandi. Ita Innocent. & alii in cap. ult. de renunciatione, & notat Rebuffus in practica tit. de translatione Monachorum, num. 8. Et latius referens plures Gregor. Lop. in l. 7. tit. 7. part. 1. verb. *Aotra*. Hoc vero consilium non in aliquo jure, sed in prudenti consideratione authorum fundatum est, sæpe autem non potest moraliter ad praxim reduci, sed necessarium est dare licentiam subdito, ut eat ad quærendum locum ubi recipiatur. Unde id fieri posse Innocentius fatetur, retento tamen habitu, ut ego intelligo, & præfixo termino, ut vitetur illud incommodum vagandi, & ad hunc finem, & ad tollendam omnem dubitationem, & augendam potestatem, privilegium illud concessum est.

25 Sed quæres, an peccet religiosus manens toto illo tempore, v. g. per tres menses extra monasterium si multo antea vel mutavit propositum ingrediendi alium ordinem, vel certe intellexit non fore in illam recipiendum, videtur enim non peccare, nam Pontifex absolute concedit, ut *infra tres menses*, &c. ergo potest libere uti tota illa concessione, etiam si jam de effectu desperet, quia licet data sit licentia propter illum finem, non cessat ipso facto cessante fine, ut patet de quacumque alia facultate data ad existendum extra monasterium per annum v. g. ad aliquod negotium peragendum, nam licet antea perficiatur, non cessat licentia ipso facto, quia ille terminus

Temperatur dicta conditio de trimensuri.

Quando potest si-mile evadere.

Assignatur tempus ad transitum, an licite infirmatur sine animo transeundi.

De conditione in speciali, ut intra trimensem fiat transitus.

minus videtur positus, ut ultra illum reditus, vel ingressus non differatur, non vero sub conditione, ut si antea finitum negotium fuerit, expiret facultas, nisi talis conditio in ipsamet facultate exprimitur.

Primus
casus in
hac qua-
estione
resolvitur

26 Hæc interrogatio non habet unam simplicem responseionem, quia multis modis possunt circumstantiæ variari. Primo ergo si quis a principio non habeat animum transiendi ad aliam religionem, sed eo colore petat facultatem, ut habeat occasionem eo tempore libere vagandi, non est tutus in conscientia, nam, & exundo graviter peccat, & permanendo, eadem intentione extra claustrum, & extra actualem obedientiam alicujus religionis. Probat, quia illa facultas est subreptitia; prima enim conditio requisita in tali indulto est, *ne ad alium ordinem transire velint*; ergo si re vera nolunt, sed solum fingunt velle, nec possunt uti facultate juris, quia de illis jus non loquitur, nec in eis completur conditio quam jus postulat, neque etiam uti possunt facultate Prælati quem decipiunt. Est ergo ille exitus sine legitima facultate; ergo peccaminosus, & quidem non sine culpa gravi, juxta dicta in superioribus de obligatione ad clausuram, quamvis enim illa dici non possit apostasia, quia & retinetur habitus, ut suppono, & intentio redeundi intra illud breve tempus, neque in exteriori foro appareat fuga; tamen coram Deo revera est quedam fuga, quia est exitus invito Prælato, deceptio enim reddit illum involuntarium, est etiam illa deceptio ex mendacio perniciofa, & contra Prælatum, quia decipit illum in re gravi, & privat illum subjectione, & obedientia ipsi debita, & contra religionem, cui potest magnum detrimentum ex similibus fictionibus provenire.

Secundi
casus re-
solutio.

27 Deinde licet exitus sit factus bona fide, si postea mutet animum, & statuit non ingredi alium ordinem, tenetur statim ad proprium redire, nec potest licite abuti tempore a lege concessio, vel a Superiore designato. Probat, primo ex natura rei, quia jam non habet legitimam causam permanendi extra claustrum, loquimur enim per se, & ex vi talis exitus, cujus totum fundamentum sublatum est. Unde etiam colligitur licentiam sive juris, sive hominis, ipso facto cessasse, quia non potest intelligi data nisi ex causa legitima, & juxta exigentiam ejus; illa ergo conditio in ipso indulto posita, *si alium ordinem ingredi vellet*, intelligitur supponi pro toto tempore, pro quo datur facultas, quia est fundamentum ejus, & veluti causa motiva adæquata, qua cessante, facultas, non tantum inutilis, sed etiam perniciofa efficitur; cessat ergo cessante illa. Unde addo ulterius, si religiosus infra illud tempus desperet se posse ingredi illam religionem, pro qua habuit facultatem, vel quia intellexit se habere inhabilitatem aliquam, vel impedimentum propter quod in nullo illius loco recipietur, eo ipso teneri statim redire ad suam religionem; probatur, quia tunc etiam cessat ipso facto facultas manendi extra claustrum; tum quia rationes factæ non minus probant, quando deest potestas, quam ubi deest voluntas; tum etiam, quia si desperatur ingressus; necesse est etiam deficere ab intentione procurandi illum. In his autem duobus casibus, non facile damnabo peccati mortalis, quamcumque moram, quæ non excedit terminum a lege vel a Prælato transactum, neque est cum scandalo, vel extrinseca intentione mortali, quia non videtur materia nimis gravis, & a principio non intervenit dolus, ut supponimus.

Nota.

Ultimus
casus ex-
peditur.

28 Unde e converso si hujusmodi religiosus possit statim, vel infra tempus brevius intrare alium ordinem, nolit tamen usque ad finem temporis sibi designati, ut toto illo libertate fruatur, non videtur, per se loquendo, peccare mortaliter, quamvis minus religiose faciat. Probat prior pars, quia ex vi legis solum ei imponitur onus ingrediendi infra illud tempus, & semper habet propositum hoc implendi, ut supponimus; ergo ex hac parte, servat jus; ergo facultas sibi concessa semper etiam durat, quia semper durat fundamentum ejus, quod est esse quasi in via ad alium ordinem; ergo in rigore, non est ibi gravis transgressio alicujus præcepti, quia non obligatur quis summa celeritate, ut sic dicam, illam viam peragere, sed potius facultas illa concedere videtur totum illud tempus ad transitum illum consummandum. Quia vero directa intentio illius concessionis est terminum illum ponere, ut ultra illum non diffe-

ratur ingressus, non vero, ut per totum illum retardetur, sed quoad hoc permissio tantum esse videatur, ideo si talis detentio sine rationabili causa fiat, non potest aliqua culpa excusari, quia est contra debitum clausuræ religiosæ, & abusus quidam permissionis, sub facultate sibi concessa.

29 Additur præterea in illo indulto, quod explicamus, si hujusmodi translatus, & in alio ordine jam receptus in illo nolit, vel non possit perseverare, vel profiteri, teneri postquam ab illo egreditur ad societatem, seu religionem suam, sine mora reverti; cujus ratio manifesta est, quia ille semper manet religiosus Societatis, seu prioris religionis, & solum concessum est ei esse extra obedientiam ejus, ut posset aliam religionem probare; ergo eo ipso quod ab alia deficit, tenetur ex vi suorum votorum ad propriam religionem redire. Ad hunc autem reditum nullum certum tempus conceditur, sed præcipitur fieri absque mora, & additur eadem excommunicatio, nisi ita fiat, quod intelligendum est juxta supra dicta, quando mora culpabilis est, & ita notabilis, ut prudenti arbitrio ad culpam mortalem sufficiat.

30 Dubitari autem hic solet, an teneatur prior religio sic redeuntem admittere, quod tractat Sylvest. verb. *Religio*, 4. q. 5. & affirmative responderet, estque res manifestata, quia nemo potest a religione expelli sine causa sufficiente: ille autem qui ex legitima facultate voluit ad aliam religionem transire non dedit causam ut expellatur postea, quia in alia receptus non est, vel in ea non perseveravit; ergo debet recipi; quin potius addo esse cogendus, & ad hoc teneri Prælatum religionis, quia nec religio, nec ipse religiosus possunt in hoc cedere juri suo, quia esset contra bonos mores, & contra obligationem professionis, quatenus Deo principaliter sit. Idque confirmat cap. *Abbat*, 18. q. 2. Et idem satis indicant Pius IV. & Pius V. in dicto indulto, quatenus dicunt hos religiosos teneri ad reditum, & excommunicat tam ipsos in mora existentes, quam illos recipientes, vel eis auxilium, consilium, vel favorem præstantes. Nam hæc omnia supponunt ex parte etiam religionis esse obligationem illos suscipiendi. Et licet ibidem statim tantum subjungatur, ut Prælati liceat eos per coactionem si necessaria sit, revocare, illud verbum, *liceat*, non excludit obligationem, quam ipsi Prælati ex officio habeant reducendi, seu colligendi hujusmodi vagantes, sed explicat specialem potestatem ibi concessam d. Prælati, ut expeditius, & efficacius hoc præstare valeant.

31 Tertio hic addere possumus concessionem aliam ad modum, seu conditionem hujus transitus pertinentem, quæ facta Minoribus est, ut in eorum compendio refertur, & in compendio Societatis verb. *Apostata*, §. 10. ratione ergo illius sic translatus ex legitima facultate suæ religionis, non solum si in alia non profiteatur, sed etiam, si post professionem in ea factam illā deferat, ut in sæculo maneat, vel etiam, ut ad laxiorem transeat, subjacet jurisdictioni Societatis, vel religioni Minorum a qua translatus est. Nam ex vi dictæ concessionis possunt Prælati talis religionis contra illum translatus, tanquam contra apostatam procedere. Quæ quidem est satis nova potestas, nam ille profitendo in alia religione liberatus est ab obedientia prioris; ergo & a potestate coactiva ejus. Unde etiam si sit proprietarius, vel subornator, non potest a Prælati religionis puniri, quia jam non est illi subditus; ergo nec propter apostasiam cogi, aut puniri potest. Responderetur tamen, ideo necessariam fuisse specialem Pontificis concessionem, quem constat potuisse hanc jurisdictionem Prælati prioris religionis communicare, seu delegare. Congruentia autem fuisse videtur, tum quia talis apostasia etiam cedit in injuriam prioris religionis, tum etiam ad vitandam fraudem, ne quis illū transitum procuraret spe liberius postea vagandi, deficiendo ab altera religione, in qua fortasse circa hoc non tanta diligentia adhibetur, licet fortasse in aliis observantiis strictior sit.

32 Advertendum est autem, hoc solum concedi in duobus casibus. Primo, quando ille translatus iterum ad sæculum. Secundo, quando ad religionem laxiorem se transfert. Unde si ad æqualem secundo transeat, etiam si in eo peccet, non habet Societas, seu prima ejus religio jus in illum, quia ibi non conceditur, & aliunde non habet, ut probatum est; nec potest fieri extensio per-

De altera
conditio-
ne redeun-
di ad
prioriorem
religionem,
si in po-
steriore
non per-
severetur.

De tertia
conditio-
ne, si
transla-
tus defe-
rat illicita
se secun-
dam reli-
gionem,
subiaceat
jurisdic-
tioni
primæ.

Dicta ta-
men con-
ditio ad
duos evē-
tus limi-
tatur.

simi.

similitudinem rationis, tum quia in privilegiis hoc locum non habet, tum etiam, quia nec similitudo rationis ibi reperitur, nam potius congruentia adducta ibi cessant, quia ubi est æqualitas religionis, nec timeri potest fraus, nec propria iniuria, sed hæc sit tantum illi religioni a qua proxime receditur, ad quam spectabit illam propulsare. Dubitari autem potest, an secundus casus de transitu ad religionem laxiorem intelligendus sit quando sit sine debita dispensatione, vel etiam si fiat cum illa, si non intercessit consensus Societatis, seu primæ religionis. Posset enim hic consensus postulari, & tunc dispensatio esset subrepticia, ac proinde nulla, si absque illius mentione impetraretur. Verius tamen existimo intelligendum esse casum illum, quando transitus ad laxiorem sit sine legitima dispensatione, quia si fiat cum legitima dispensatione, nullum crimen committitur, & ideo non potest sic translatus ut apostata tractari. Nec verisimile est talem dispensationem pendere ex licentia vel consensu Prælati prioris religionis, quia neque ad illum cura illius personæ jam pertinet, per se loquendo, neque concessio illa ad hoc extenditur quantum ex remore ejus intelligi potest.

Tertium dubium principale, An prælatus religionis gaudens prædictis indultis, possit dare facultatem ad transitum.

33 Ultimo circa hæc indulta inquiri potest an possit Prælatus societatis, v.g. (& idem de aliis intelligi potest cum proportionem juxta uniuscujusque privilegia) an possit, inquam, dare suis subditis licentiam transeundi ad aliam religionem, & an circa hoc jus commune aliquo modo immutatum sit, nam cum subditi prohibeantur transire ad aliam religionem sine licentia sui Prælati, consequenter permitti videtur, ut cum illa transire possint; ergo & Prælato datur potestas illam concedendi. Rursus cum indultum indifferenter loquatur de quacumque religione, imo maxime prohibeat transitum ad laxiorem, videtur etiam transitum ad illam concedere de licentia Prælati, & a fortiori, ad æqualem. Confirmatur, quia in illis indultis sub disjunctione dicitur, nisi de licentia Generalis, vel Summi Pontificis; ergo significatur licentiam Generalis sufficere ad quemcumque transitum, sicut sufficit Pontificis Summi. In contrarium autem est, quia privilegium non extenditur ad aliquid contra jus commune, quantum ad id quod neque in ipso exprimitur, neque ad effectum directe intentum in privilegio necessarium est: talis vero est licentia; ergo.

34 Circa hoc in primis certum est posse hos Prælatos dare licentiam transeundi ad aliam religionem arctiorem, seu perfectiorem; probatur quia hoc jure communi est concessum, vel potius naturali, & divino, & per indulta non est prohibitum, ut per se constat, quia neque in eis invenitur talis prohibitio, neque finis eorum est tollere, sed augere potius jus & potestatem Prælatorum. Quin potius, ut supra dixi, tenebitur Prælatus dare hanc facultatem, si condiciones superius etiam posita concurrant. De Prælati autem Societatis existimo nunquam obligari per se loquendo, id est, ex vi perfectionis alterius religionis, quia merito judicare possunt institutum suum ab aliis non superari in absoluta perfectione, licet in aliquibus austeritatibus corporalius superetur, ut constabit ex infra dicendis in tract. 10. de hoc instituto.

35 Solum posset quis dubitare de Ordine Carthusiense, quando secundo postulat licentiam transeundi ad illum, qui jam semel ad illum transiit, & in illo non perseveravit, sed ad Societatem rediit; nam cum Pontifices in his privilegiis excipiant Ordinem Carthusiensem, etiam si exceptionem limitaverint ad unam vicem, propter vitandam inconstantiam, tamen per hoc satis videtur declarasse, illum ordinem esse arctiorem; ergo quamvis prohibeant secundum transitum ad illum sine licentia, cum non prohibeant hanc licentiam concedere, videtur statim sequi obligatio naturalis dandi illam, quæ etiam est juxta cap. licet, de regul. quod suam vim retinet in eo, in quo revocatum non est. Respondeo in primis non teneri in particulari, quando judicant, vel personæ ipsi non expedire, vel religioni esse nocivum, nam, hoc ad minimum, vel concedit, vel supponit privilegium, aliàs esset inutile, & præter rationem. Deinde

asserere etiam per se, & ex parte religionis non teneri ad hanc facultatem secunda vice dandam, quia non coguntur credere illum statum esse perfectiorem, nec Pontifices fecisse illam exceptionem, sed ob majorem securitatem, ut supra dicebam. Non dubito tamen, quin in hoc casu possint illam concedere, quia possunt renuntiare privilegiis suis, quando hæc renuntiatio non vergit in damnum suæ religionis, ut supponimus in tali casu etiam in individuo.

36 Secundo dicendum est, quotiescumque Prælatus Societatis judicaverit, vel ad bonum suæ religionis, vel ad majus bonum ipsius religiosi non professi, sed tantum per vota simplicia in Societate emissæ expedire, dare illi licentiam, ut ad aliam religionem transeat, etiam laxiorem, potest id facere, & subditus securus transire. Hoc non assero ex vi indultorum, quæ nunc explicamus; nam ut statim de professis dicam, ex illis non satis probatur, sed fundatur hoc in speciali potestate, quam habet Societas ad dimittendos hujusmodi religiosos, etiam a votis suis liberos, ex justis causis, juxta suas constitutiones; nam inde evidenter fit, posse eis dare licentiam ad hujusmodi transitum, per quem tollitur religiosus status, licet fortasse minuatur. Unde fit ex minori causa posse Prælatum hanc licentiam dare, quam dimittere religiosum, ut ad seculum transeat, quia minor immutatio fit in statu religioso. Verum est tamen, non posse religiosum Societatis cogi ad admittendam illam conditionem, quia nemo potest compelli ad profitendam religionem, quam non promissit, si tamen ipse acceptare vellet, Prælatus optime potest sub illa conditione eum dimittere, & ipse tenebitur eam implere, vel ad societatem redire.

37 Sed quid, si solutis votis dimittatur, cum eo tamen onere ab ipso acceptato? Respondeo consultius videri, ut in eo casu vota non irriterentur, sed relinquuntur, donec per professionem in alia religione extinguantur, quia nulla apparet necessitas anticipandi solutionem votorum, & aliunde securius id erit, ut impleatur conditio, quam si subditus statim liber dimittatur; si tamen postea nolit implere conditionem, vix poterit efficaciter compelli: nam licet possit, vel capi, vel puniri, in rigore non est apostata, quia jam non est Religiosus, quem statum sine apostasia reliquit, postea ergo ad summum peccat, quia non implet promissum ingrediendi religionem, pro qua infidelitate poterit aliquandiu puniri, vel affligi juxta retentam jurisdictionem in talem personam ex vi prioris pacti, & privilegiorum; si tamen sit pertinax in suo proposito, non est perpetuo excommunicandus, aut incarcerandus ob eam rem, sed tandem erit suæ conscientie relinquendus.

38 Dico tertio, Prælatos Societatis non posse ex vi superioris indulti dare licentiam professis Societatis transeundi ad strictiorem religionem, nisi aliud habeant. Prima pars probatur, quia in primis non potest dari hæc licentia ad transeundum ad religiones omnes monachales, excepta Carthusiense, quia in extravag. Viæ, de Regular. hoc prohibuitur est omnibus mendicantibus etiam de licentia suorum superiorum: Societas autem una est ex mendicantibus, quæ licet nondum existeret, quando illa constitutio edita est, nihilominus ad illam extenditur, tum quia generaliter loquitur Constitutio, & extenditur etiam ad futura, tum etiam, quia Pius V. declarans Societatem esse veram religionem mendicantem, concessit illi frui omnibus privilegiis mendicantium; unum autem est, quod in illa Extravag. conceditur; nam in favorem totius religionis facta est illa prohibitio, ut constat etiam ex illis verbis, *Volentes etiam conservationi ordinum mendicantium providere*; ergo hoc etiam privilegio fruitur Societas, ut religio Minorum, & quælibet alia vera religio Mendicans, quamvis novior sit. Hoc autem decretum renovatum non est per prædict. privilegium, ut statim ostendemus.

39 Respectu vero religionum mendicantium, non invenitur universalis prohibitio, transeundi ab una ad aliam. Referuntur autem speciales prohibitiones transeundi de licentia Superiorum, vel a Minoribus ad Minimos, vel e converso, quo indulto, quatenus favor est religionis, a qua transitus prohibetur, uti potest Societas per communicationem privilegiorum. Respectu vero aliarum religionum mendicantium utendum est genera-

2 Pronun.

3 Pronun. biparatus.

Deinde quoad mendicantes.

2 Pronun. in hoc dubio non solum posse dare, sed interdum debere.

generalibus principiis supra positis in cap. 11. de potestate, quam habent Prælati religionum, concedendi licentiam subditis transeundi ad religionem æqualem, vel laxiorem. In quo nos probabilius credimus non posse dispensare saltem in ordine ad laxiorem, ut videtur etiam satis probare Concil. Trident. ibi, *Cujuscumque facultatis vigore*; nam plane comprehendit etiam facultates propriorum Prælatorum. Quod quidem jus non derogatur per dictum privilegium, quia nec expresse ac formaliter id fit, nec etiam virtute, cum talis derogatio necessaria non sit ad propriam finem, & effectum ipsius privilegii. Et hæc est ratio, ob quam existimo ibi non esse datam talem potestatem, nam directe solum conceditur, ut subditus non possit exire sine licentia Prælati; inde autem non sequitur, quod cum illa simpliciter possit; nam aliud est licentiam esse necessariam, aliud esse sufficientem, multoque magis ad hoc posterius requiritur quam ad primum; ibi ergo solum statuitur, ut necessaria sit, ergo inde inferri non potest sufficere, neque ad hoc dari potestatem in Prælato, si aliunde non habebat. Quapropter, nisi Prælatus Societatis judicet aliam religionem mendicantem esse simpliciter perfectiorem, (quod nec faciet, nec facere debet in ordine ad suum regimen) non potest ex vi illius privilegii, nec etiam ex vi juris communis, ut existimo, talem facultatem concedere.

2. Pars declaratur, 40 Sciendum est autem (ut aliam pronuntiare partem declarem) Gregor. XIII. in quadam Bulla *Cum alias* anni 1582. concessisse Præposito Generali Societatis, ut possit professos e Societate emittere, & eis licentiam conferre ut possint ad quamlibet aliam religionem etiam laxiorem transire. In quo indulto considerandum occurrit non concedi absolute potestatem dandi hanc licentiam, professis quibuscumque volentibus transire ad alias religiones, sive Monachales, sive mendicantes, sive pares, sive laxiores, solum per modum cujusdam dispensationis, quia magis appetunt aliud vitæ genus, vel sperant se majorem consolationem ibi habituros, vel quid simile. Sed solum concedit cum limitatione ad illas personas, in quibus tales causæ inveniuntur, ut licet professi sint, eos expediat e Societate ejicere, quod esse non potest nisi propter graves culpas; alix enim causæ quæcumque illæ sint, non sufficiunt ad professum emittendum, ut infra tract. 10. lib. 11. ostendam.

Suadetur declaratio.

41 Quod autem hæc fuerit mens Gregorii, constabit expendendo tenorem privilegii; nam in primis in petitione seu dubitatione solum proponitur, an Præpositus pro tempore existens, valeat etiam professos ex causis id exigentibus ab ipsa Societate emittere, & ipsis sic emissis liberum sit de ejus licentia, se ad quemvis alium Mendicantium, vel non Mendicantium ordinem transferre, non ergo de omnibus professis, sed de illis, in quibus tales causæ inveniuntur, quæstio mota est; nec potestas dandi talem licentiam pro aliis, quam pro sic emissis desiderabatur. Et juxta tenorem hujus propositionis respondet Pontifex, *Nos Societatis puritati atque incremento, emissorumque pro tempore sibi consuleri volentes statuimus, ut in perpetuum liceat dicto Præposito, quos judicaverit ab ipsa Societate emittere, eosque de ipsius Præpositi licentia, non tantum ad Carthusiensem, sed ad quemvis alium, &c.* In quibus verbis primo expendo verba illa, *Volentes consuleri puritati Societatis*; nam ex eis colligo causam hujus cum illius solum esse posse peccata, & prava mores; nam hæc tantum sunt, quæ puritati religionis repugnant; hujusmodi ergo causa supponi debet, priusquam illa licentia locum habeat. Deinde, ex cæteris verbis satis constat, solum professis sic emissis talem licentiam dari posse; nam hoc satis expresse in eis continetur; Quod etiam indicatum est in illa particula *& incremento*, quam Pontifex in sua ratione posuit; nam dare hanc licentiam probis, & bonis professis per se, non conferret ad incrementum Societatis. Atque hinc per argumentum ab speciali confirmatur prior pars assertionis, quia manifeste supponitur extra hunc casum, & modum non habere Præpositum hanc potestatem. Imo ulterius militiam probat jure communi, non habere Prælatos religionum potestatem concedendi suis subditis finem facultatem, maxime extra illum

casum: præsertim, quia ibidem prohibentur, ne illa gratia per viam communicationis uti possint, etiam si aliàs amplissimam communicationem habeant.

42 Sed occurrit obiectio, quia hoc modo nihil novi per illud privilegium conceditur; nam jure communi possunt Prælati religionis cujuscumque ejicere professos, qui talem poenam merentur, ut supra probatum est. Item absolute ejectos sine alia licentia, potest quæcumque religionem intrare; cum possit in seculo manere. Respondetur ad priorem partem, primum privilegium sæpe concedi ad dubium tollendum, & privilegium illud ad hunc finem directe postulatam esse, ut ex ejus initio constat, & ideo licet aliud non concederet, quoad hanc partem satis foret. Adde vero ex vi hujus privilegii concedi Præposito, ut non solum juxta rigorem juris communis, sed etiam ex minoribus causis possit professum emittere, si causæ illum gradum attingant, ut ad puritatem, & incrementum Societatis expediat talem personam emittere, ut latius infra tract. 10. lib. 11. in proprio loco dicemus. Unde ad alteram partem respondetur eisdem modis, scilicet id, quod assumitur, non esse tam certum, quin ad tollendam dubitationem privilegium expediri potuerit. Deinde dicitur videri concessum specialiter Societati, ut possit professum dimittere cum onere transeundi, ad quæcumque religionem, quam Prælatus voluerit assignare. Verum est tamen non posse subditum absolute cogi ad exeundum cum illa obligatione, sed necessarium esse ut voluntarie illam acceptet, ut supra generatim vidimus. Nihilominus tamen juste compelli potest proponendo illi optionem, aut sustinendi in Societate, condignam suis delictis poenam, aut transeundi ad aliam religionem, quia religio habet jus puniendi illum; & liberum eum ad seculum dimittere, cum aliàs vetus religiosus Societatis semper maneat, non judicet expedire ad puritatem & bonum nomen Societatis, & ideo justa est illa compulsio. Ut tamen sit suavior, & facilius conditio a subdito acceptetur, data est ampla facultas Præposito, ut ad quæcumque religionem illi magis accommodatam, licet aliàs laxiorem possit transitum concedere. Atque hæc tenus de privilegiis.

Obiectio bimbris.

C A P U T XIII.

An religiosus legitime transiens ad aliam religionem possit transferre secum aliquod peculium.

1 Superest explicandum quid religiosum transeuntem consequatur; vel potius, quid transeat cum ipso, vel quid amittat transeundo, quod per tria sequentia capita expediemus. Et primo, ac præcipue dubitari solet, an possit secum deferre mobilia, seu peculium aliquod, quod prius habebat de licentia Prælati, vel aliquam partem ejus, vel saltem ea bona, quæ ad monasterium attulit. Procedit autem dubium, quando transitus legitime factus est; id est, ex debita facultate, vel iusta dispensatione: nam aliàs transitus est nullus, & ideo si seipsum transferre non valet, multo minus bona sua secum deferre poterit. Unde licet postea contingat religiosum sic male translatum, manere in alio monasterio, per mittente priori religione, & obtemperando dispensatione; nihilominus non tenebitur prior religio aliquid de bonis, quæ occasione talis personæ habuit, reddere secundo monasterio, quia ipsa invita, translatus est, & altera religio voluntarie illum suscepit, cum suo onere, & sine talibus bonis; ergo, licet postea prior religio consentiat in transitum, intelligitur id facere sine suo præjudicio, & consentiendo receptioni solus personæ prout jam facta fuerat, quod ex dicendis a fortiori constabit.

Questio de transseun- te debeat, negative resolvenda est.

2 Adde igitur etiam si transitus sit validus, & legitimus, non posse religiosum secum deferre aliquid ex bonis, quæ in priori religione quovis titulo comparaverat, vel donatione, vel industria, vel alio simili modo. Ita docet Navar. Comment. 4. de regular. num. 20. vel. Undecimo, & conf. 55. de regular. ubi refert Abbatem, Cardinalem, & alios. Ratio ejus est, quam modo attingimus, quia beneficium per legem concessum intelligitur sine præjudicio tertii; ergo cum jus conceditur tantum personæ, intelligi debet sine præjudicio prioris

Imo & de transseun- te etiam legitime.

Ratio.

prioris religionis, quoad cetera omnia. Hæc vero ratio supponit aliam fundamentalem, scilicet, quod religiosus nihil sibi acquirit, sed religioni, vel monasterio; ergo licet postea discedat, non potest privare monasterium dominio talium rerum sua auctoritate, neque aliud monasterium potest illa accipere invito domino; utrumque enim contra iustitiam est. Necessè est ergo, ut vel prius monasterium velit illa donare, quod nõ præsumitur regulariter, nisi suum consensum satis exprimat, vel Superior, dispensando in transitu, in hoc etiam dispense, quod etiam non præsumitur, nisi id declaret propter rationem a Navar. inductam.

Dispositio
ratio valet
pro quovis
transitu.

3 Atque hic discursus ostendit, hanc regulam indistincte procedere in quacumque mutatione religiosa, sive sit ad monasterium arctius, sive ad alia, & sive sit ad petitionem ejus per modum dispensationis, sive ex alia causa necessaria, vel per modum coactionis propter culpas, vel etiam propter utilitatem, & exonerationem ipsius monasterii cum consensu religiosi, & dispensatione, seu privilegio Superioris. In omnibus enim his casibus, si transitus absolute concedatur, sine apposita conditione quasi per modum mutui contractus, de aliquibus bonis secum deferendis, nulla prorsus transferre potest; ratio est, quia dominium acquisitum monasterio in talia bona fuit omnino absolutum, & independens a futura conditione, vel mutatione personæ: ita ut licet in professione includatur conditio, ut persona possit transire ad meliorem frugem, non tamen illa extenditur ad bona, quæ religiosus acquirit post professionem in tali religione.

4 Ratio autem hujus est, primo, quia status religiosus non postulat, nec per se requirit hujusmodi bona, sed potius abnegationem eorum, & ideo licet quoad personam includatur conditio melioris frugis, non oportet, ut illam comitentur bona. In quo est magna differentia inter vinculum matrimonii rati, quando dissolvitur per professionem: tunc enim unicuique parti reddenda sunt bona, quæ ad illam pertinent, quia & illorum habebat dominium, & quodammodo per se sunt necessaria in tali statu, quod secus est, ut dixi, in statu religioso. Secundo, quia quamvis in professione includatur dicta conditio, quamdiu illa non impletur, religiosus est sub absoluto dominio religionis, quia dum conditio non impletur status est absolutus; omnes ergo actiones ejus, & quidquid ex eis resultat, transeunt in absolutum dominium religionis. Ut si Petrus sit servus Pauli pro certo tempore, vel non, ut talis conditio impleatur, quidquid eo tempore servus acquirit, sit domini, ita ut licet postea impleatur tempus, vel conditio, & persona servi fiat libera, bona prius acquisita maneat apud dominum: imo nulla est servitus tam perpetua, quæ non includat saltem hanc conditionem, nisi dominus voluntarie manumittat, nemo autem dixerit servum manumissum secum posse deferre bona in servitute acquisita; ita ergo de religioso censendum est, qui in his maxime rebus, quæ ad dominium bonorum spectant, fere æquiparatur servo, ut in superioribus dictum est.

5 Dices: esto hæc vera sint de his bonis quoad dominium eorum, non vero quoad usum. Nam hic usus debebatur tali religioso, & hoc jus non amisit propter transitum ad aliam religionem; ergo potest ea bona deferre, non ut dominus illorum, sed tantum ad utendum illis, atque adeo sub hac conditione, ut si post mortem ejus duraverint, ad prius monasterium redeant. Et confirmatur primo, quia qui sentit onus, debet & sentire commodum; sed monasterium secundum recipit onus sustentandi & alendi talem personam; ergo debet etiam bona recipere, saltem, ut ipsa eis utatur. Confirmatur secundo, quia aliàs neque vestimenta propria, quibus induitur, nec instrumenta artis, si aliquam fortasse exercet, nec propria scripta etiam proprio ingenio & manu elaborata, nec etiam libros, ubi in particulare peculium conceduntur, poterit talis religiosus secum ferre, quod videtur durissimum. Probat autem sequela, quia in his omnibus procedit ratio facta, nam omnium illorum dominium religioni fuit acquisitum, & apud eam semper retentum.

6 Respondetur ad rationem, regulam positam tam de usu, quam de dominio esse intelligendam, quia sicut

religiosus non habet dominium, ita nec jus utendi, sed tantum usum facti, & ideo in ipsa persona ex se nihil transit, vel potius nihil in ipsa est, ratione cujus possit secum deferre hujusmodi bona ad usum eorum, nec prior religio tenebatur in rigore concedere illi usum talium bonorum in particulari, sed tantum absolute ad alendum illum; hoc autem debitum extinctum fuit per translationem, sicut in exemplo de servo, etiam dominus tenetur illum alere, quamdiu servus est, si autem illum manumittat, cessat obligatio, nec potest secum deferre bona, quibus utitur. Sic ergo religio non tenetur dare religioso obligatione iustitiæ, nisi quamdiu religiosus ejus est, nam hæc obligatio nascitur vel ex naturali debito, quo totum obligatur alere partem, vel ex mutua æqualitate, & iusto contractu inter religionem, & religiosum; sicut enim religiosus non tenetur servire religioni, nisi quamdiu religiosus ejus est, ita nec religio obligatur ad illum alendum, nisi pro eodem tempore, vel sub eadem conditione. Ex quo a fortiori constat, si bona acquisita religioni industria religiosi sint immobilia, non transire cum religioso, etiam quoad usum fructum quamdiu ille vivit, quia etiam dominium talium bonorum fuit absolutum, nec religiosus acquisivit jus fruendi, nec fingi potest alius titulus, nisi forte sustentationis; ad hanc autem non tenetur prior religio, ut declaratum est.

7 Neque obstat prima confirmatio, haberet enim locum principium, quod assumit, si prior religio alteri invitæ imponeret onus alendi suum religiosum; non tamen ita est, quia posterior religio voluntarie recipit talem personam, & ideo si non possit sustinere illud onus sine tali subsidio, oportet, ut in ipsa receptione conditionem illam explicet, & quod prior religio consentiat, vel quod aliquis Prælati utriusque superior rem componat, alioquin sibi imputet, quod onus suscepit sine illo commodo. Et deinde jam non alit religiosum alienum, sed suum; ideoque non deest sufficiens æqualitas, cum actiones etiam, & futuræ utilitates talis personæ illius jam sint. Eo vel maxime, quod hic modus recipiendi onus sustentandi religiosum sine speciali subsidio temporali, per se est conveniens tali statui, ut in superioribus declaratum est.

8 Ad aliam confirmationem respondetur, ex vi iustitiæ concedendam esse sequelam, ut probat ratio, tamen ex præsumpta voluntate rationabili, & ex recepta consuetudine aliquam posse admitti exceptionem. Quod vero spectat ad vestes, si tantum sit sermo de his, quæ ad actuale usum, ut sic dicam, & decenem exi-
De vestibus.
bus.
tum & monasterio necessariae sunt, clarum est posse illas secum deferre, tum quia nec debet nudus incedere, nec mutare habitum suæ religionis, donec alterius induatur etiam, quia cum ille sit adhuc religiosus talis religionis, licite potest habere usum pro tunc necessarium, saltem rerum, quibus tegatur. Quæ ratio probat etiam, tunc posse alii de bonis, nec compellendus est mendicare, nisi religio ipsa hoc profiteatur. Si autem de duplicatis vestibus, aut aliis ornamentis sit sermo, sine dubio nihil horum potest secum deferre, nisi ex consensu Prælati, quem relinquit; nam de illis omnibus procedit optime discursus factus, quia illarum rerum usus est pro alio tempore futuro, non pro præsentis, quidquid enim pro eo tempore necessarium est, non duplicatum, sed simplex vestimentum appellamus, etiam si ex variis partibus constet. Quin potius de hoc simplici vestimento dubitari potest, an teneatur secunda religio illud priori restituere, postquam religiosus professus est; videtur enim in rigore teneri non minus, quam si ibi esset naturaliter mortuus; vel sicut, si vestem aliquam mutuo acceptam a tertia persona tulisset, teneretur religio illam restituere vero domino, sic enim quilibet religiosus etiam proprium vestimentum non habet nisi quasi mutuatam a sua religione. Esto tamen hoc ita sit, quoad hanc partem censemus temperare rigorem hunc ex quadam urbanitate, & interpretativo consensu omnium religionum, quem satis declarat consuetudo, neque enim decebat in re tam minima, vel amaritudinem animi erga transeuntem, vel nimiam affectionem ad temporalia bona ostendere. Unde etiam consuetudo hæc in diversis religionibus pro majori, vel minori

paupertate eorum, habet majorem etiam, vel minorem amplitudinem, quæ sine scrupulo servari poterit.

De pecu-
lio libro-
rum.

9 De libris autem, sicut non est eadem ratio, ita non est etiam eadem consuetudo; nam libri ex suo genere computantur inter mobilia pretiosa, vel saltem multæ æstimationis, & alioquin non habent usum simpliciter necessarium, sed voluntarium, & præterea potest per alios similes in futurum supplere, & ideo nulla ratio postulat, quod prior religio cogatur librorum peculium concedere, etiam quoad usum pro futuro tempore, seu pro vita talis personæ in alia religione. Neque etiam est illa ratio ad præsumendum talem consensum, ubi non fuerit satis expressus, vel ubi non fuerit materia tam parva, ut quasi pro nihilo reputetur. Nec refert, quod juxta morem religionis libri quasi in peculium stabile, vel ad vitam concedantur, quia nunquam potest ista concessio ita fieri, quin semper pendeat ex voluntate Prælati, qui ad nutum potest illam licentiam revocare, & libros ad usum aliorum religiosorum applicare, ut supra ostensum est; eo autem ipso, quod subdici mutatur religio, nec Prælati persistit in priori voluntate, neque ipse potest ejus facultate uti. Imo licet talis concessio fiat ex vi regulæ, semper habet conditionem adjunctam perseverantiæ in tali statu; nam omnis lex ad eos tantum, qui sub ea sunt, loquitur.

De manu-
scriptis ad
proprium
usum.

10 De scriptis autem est mihi nonnullum dubium, licet nonnulli absolute idem de illis affirmant, quia illa etiam sunt bona quædam temporalia, & interdum non parvo pretio æstimabilia, quorum dominium etiam acquiritur monasterio; ergo procedit in eis ratio facta. Neque est ibi ratio præsumendi tacitum consensum, quando occulte, & inscio Superiore scripta deferuntur. Hæc ergo sententia sine dubio tutior est. Nihilominus dico esse dubiam, quia scripta videntur esse quasi pars scientiæ, & doctrinæ, quam aliquis in religione comparavit; sunt enim in administrum memorie, a qua maxime scientia pendet. Potest autem religiosus suam scientiam, & doctrinam secum deferre; ergo & talia scripta, quibus, ut videtur, injuste privaretur, quia non esset sine magno scientiæ, & doctrinæ suæ novero, & dominium religionis non videtur esse adeo absolutum, ut possit cum tanta jactura talis personæ illa retinere. Et declarari potest, quia accessorium sequitur principale, scripta autem sunt veluti quid accessorium respectu scientiæ; ergo possunt, & debent comitari personam, ad cujus propriam scientiam pertinent. Nihilominus Navar. dicto consilio, nu. 10. eadem certitudine, qua de aliis bonis, affirmat religiosum translatum solum posse deferre scripta, quæ inutilia essent suæ religioni prior, & quæ probabiliter crederet Prælatum donaturum; addere vero possumus, vel quæ juxta morem religionis Prælati non potest juste negare, vel auferre nisi in pœnam alicujus gravis culpæ. Addo etiam, ob rationem factam, si quis deferat scripta sibi unica, & singularia, quorum copiam invenire non poterit, majorem aliquam excusationem habere, ita ut non audeam illum condemnare, præcipue si solum ad propriam utilitatem illa deferat, animo restituendi illa cumprimis, vel transumptum eorum habere potuerit, vel saltem in fine vitæ, si prius absque magno incommodo non potuerit.

De instru-
mentis ar-
tis, quam
forte no-
vit trans-
latus.

11 Tandem a fortiori constat, instrumenta artis multo magis comprehendere sub bonis, quæ deferri non possunt, quia & sunt æstimabilia pretio, & facile etiam possunt pretio comparari, & ab eis non pendet ars ipsa, sed tantum usus ejus. Unde cum talis usus in utilitatem alterius religionis transferatur, ad illam spectabit instrumenta artis præbere. Solent autem esse etiam inter religiosos aliqui insignes artifices, habentes exquisita aliqua instrumenta, quibus similia, vel non inventita, vel non sine magno labore, & difficultate, & in his posset habere aliquam vim illa ratio, quod privari tali instrumento esset magnum incommodum; quæ ratio suadet quidem debere Prælatum tunc se facilem exhibere, saltem ad mutuandum simile instrumentum, ad usum ejus, vel pro toto tempore vitæ, vel donec aliud simile habeat, vel certe ad vendendum illud, si alius posset illud pretio redimere.

C A P U T XIV.

An cum religioso transeunte transeant etiam im-
mobilia, vel pretiosa mobilia, quæ forte ratione
illius pertinebant ad priorem religionem.

1 Superest vero dicendum de bonis præsertim im-
mobilibus, vel mobilibus pretiosis, quæ in pro-
pria specie extant, vel quibus monasterium dirius fa-
ctum est, sub quibus maxime pecuniæ comprehendun-
tur; de his ergo omnibus, quæ secum attulit religio-
sus, quando primam religionem ingressus est, non
immerito dubitatur, an possit illa secum deferre, cum
ad aliam transit, etiam reluctante Prælati; nam in
his videtur esse dissimilis ratio, quia licet per profes-
sionem transeant in dominium religionis, tamen ibi
intervenit pactum, quod habet implicitam conditio-
nem, donandi scilicet, illa monasterio, pro tempore,
quo personam ipsam secum habuerit, nam illa bona
comitantur personam, cujus hæc videtur esse justa,
& rationabilis intentio.

2 Circa hoc aliqui Jurisperiti, ut videri potest in
Decio in Authent. *Generalis*, C. de Sacrosanct. Eccles.
nu. 4. & Anchar. conf. 69. num. 8. distinguunt de illo, qui
ante legitimam ætatem professus est, vel debito tempore;
& de priori ajunt, bona, quæ attulit transire cum
illo ad alium monasterium; de posteriori autem negant.
Sed distinctio non est necessaria; quia si professio ita
est facta ante legitimam ætatem, ut fuerit invalida,
& nunquam fuit ratificata, clarum est personam illam
quocumque transeat, posse deferre secum sua bona,
neque oportebat specialiter loqui de defectu ætatis; sed
generaliter de quocumque annullante professionem.
Ratio enim generalis est, scilicet, quia semper retinuit
dominium illorum, nam votum paupertatis validum
numquam fecit; ergo neque a se bona sua abdicavit,
item seipsum non tradidit valide monasterio; ergo nec
bona; nam quoad hoc saltem, certissimum est illud
principium, quod in hoc negotio bona sequuntur per-
sonam, quod est commune Bartolij, & Doctorum in
Authent. *Si qua mulier*, & Authent. *Ingressi*, & Au-
thent. *Generalis*, de Sacrosanctis Ecclesiis, quia saltem
hoc necessarium est in principio traditionis. De hoc
ergo casu nulla est quæstio, saltem juxta antiquam jus-
tam ex quodam jure novo Concil. Trident. potest habe-
re aliquam difficultatem, quam in cap. sequenti attingam.
Si autem professio invalide facta ante ætatem,
postea valide ratificata est, sive expresse, sive tacite,
parum refert, quod professio nulla antecesserit. Ita-
que generaliter loquimur de quocumque religioso vere
professo, & de transitu etiam valido, ac legitimo, ut
in cap. præced. nu. 1. etiam monui.

3 Alii ergo censent hujusmodi bona transire cum re-
ligioso etiam quoad dominium, & proprietatem, pro
qua citantur Calderinus conf. 29. de regular. colum. 2.
Socinus senior lib. 4. Confil. conf. 92. nu. 14. & sequent.
Et Menochius lib. 2. de arbitrariis, cap. 436. nu. 11. qui
fundantur in ratione dubitandi propolita. Et potest
confirmari ex cap. *Quod a te*, de Clericis conjugatis,
ubi de clericis apostatantibus a suis Ordinibus dicitur.
*Sane Ecclesiis quibus intitulati fuerunt si de possessionibus,
aut aliis bonis, aliqua contulisse noscuntur, cum
ab earundem Ecclesiarum ministerio fuerint, & benefi-
cio sequestrati, ad ipsos debent recta via sine contra-
dictione remitti;* ergo a fortiori in præsentis casu de-
bent transire cum ipsa persona bona, quæ monasterio
donaverat.

4 Alii distinguendum putant, si religiosus transit
cum legitima licentia, vel sine illa, item de bonis quo-
ad proprietatem, vel quoad usumfructum; nam in
priori casu, quando transitus illicite fit, negant posse
ullo modo secum deferre bona; quando autem iuste
fit, affirmant posse, & debere, saltem quoad usum-
fructum, ne fiat difficilior hujusmodi transitus ad per-
fectiorem religionem: nam si cogatur relinquere talia
bona in monasterio, non erit ita liber, & expeditus;
ut transire possit ad perfectiorem statum, quod esset
impedimentum ponere ascensui ad perfectiorem sta-
tum, quod esset inconveniens.

5 Mihi placet sententia Navarri absolute negantis
talibus bonis transire cum persona, quam etiam tenet
Covar. referens multos in cap. 1. de testamentis nu. 20.

& 21. juxta quam sententiam dicendum est, nec transeuntem posse tuta conscientia per vim, vel fraudem illa secum deferre sine consensu monasterii, nec monasterium teneri de iustitia ea donare, quoad proprietatem, usumfructum, aut usum; quod intelligo per se, & seclusa exceptione, quæ propter accidentales circumstantias fieri potest. Quia vero hoc non est æque certum in omnibus bonis, neque in omni transitu, ideo oportet hæc distinguere, & singillatim probare. Duobus ergo modis potest religiosus conferre monasterio, quæ prius habebat, vel jus ad illa, quæ habere poterat, primo necessaria consequutione, & ex vi juris communis, eo ipso, quod vult ibi religionem profiteri. Secundo liberali voluntate, & donatione distincta a traditione suæ personæ, quia nimirum poterat ante professionem illa bona aliis donare, & voluit potius dare monasterio, quod maxime procedit, quando non solum ex negatione donationis, vel legati, aut testamenti facti in favorem alterius, sequitur necessaria successio monasterii facta professione (hunc enim casum in priori modo includimus) sed, quia necessaria est positiva actio donandi, & hanc etiam voluntarie habuit.

Ostenditur data resolutio, quando bona obveniunt priori religioni ex vi professionis in ea facta.

6 Quando ergo bona transierunt in monasterium priori modo, in nullo casu potest illis privari, saltem quoad proprietatem, propter transitum personæ, quia jure quasi hæreditario acquisivit absolutum dominium eorum, sine dependentia ab actuali existentia, seu perseverantia talis personæ, in tali religione, vel monasterio. Quis enim talem dependentiam, vel conditionem apposuit, an religiosus ipse? at ille non potuit, quia licet voluntas ejus fuerit necessaria ad profitendum, tamen supposita voluntate hac, jam non ex ipsius arbitrio, sed ex necessitate juris transeunt illa bona in monasterium. At jus illam conditionem non ponit, sed absolute vult bona illa transire in monasterium, quia supponit personam illam quasi mortuam, & statum illum perpetuum, & propter accidentales, & raros casus non adhibuit dependentiam, vel conditionem, quæ posset magis obesse, quam prodesse stabilitati illius status.

7 Dices, ille poterat testari, vel illa bona aliis donare; ergo etiam potuit hanc conditionem, vel hoc onus monasterio ponere. Respondeo primo, probabile esse illam conditionem esse repugnantem professioni, de quo statim dicam. Deinde quando nullum condit testamentum, sed permittit religionem quasi ab intestato succedere, licet voluntarie, & liberaliter hoc faciat, tamen per hoc nullum apponit conditionem, sed relinquit, ut religio succedat juxta dispositionem jurium, sicut qui non instituit hæredem solum hac intentione, ut nepos ab intestato succedat, gratiam quidem illi facit, non tamen propter hoc aliquam illi conditionem apponit, si autem religiosus condat testamentum, & monasterium instituat hæredem, & dictam conditionem expressam non apponat, absoluta est etiam successio, quia illa conditio, nec ex natura rei subintelligitur, nec præsumi debet, præsertim præsumptione juris, cum illa reputetur mors quædam civilis; qui autem ante mortem naturalem instituit hæredem, non habet subintellectam hanc conditionem, ut si contingat ad vitam redire ei etiam restituantur bona. Si autem fingatur casus, in quo illa conditio in testamento expresse ponatur, primum non existimo esse moralem, quia illa conditio indicat animum non satis constantem, & firmum in statu quem assumit, & ideo nemo illam adhibebit, nec religio deberet illam vel personam acceptare; an vero in rigore addi possit, statim dicam a nu. 16.

8 Atque hinc infero idem judicium esse de quibuscumque bonis, quæ post professionem talis religiosi adveniunt monasterio per necessariam successionem, quatenus induit, seu repræsentat personam ejus; Probatur, quia illorum omnium dominium absolute acquirit non ex nova voluntate religiosi, sed ex vi ac necessitate juris communis, supposita solum priori voluntaria professione. Nec potest religiosus jam professus illam conditionem, vel onus aliquod super talia bona religioni apponere, quia jam mortuus est, neque ullum jus habet circa talia bona. Neque etiam ex vi prioris pacti, vel professionis intelligitur talis conditio magis appositæ

pro bonis adventitiis in futurum, quam pro illis, quæ statim cum ipsa persona proveniunt. Imo licet aliqua bona postea adveniant religioni, jus ad illa vel ad successionem illorum, translatum fuit in religionem in puncto professionis, quod jus inter bona incorporalia statim acquisita religioni computari potest; ergo sicut alia bona, tunc absolute acquiruntur, & sine ulla conditione, ita & jus illud; ergo eodem modo acquiruntur postea religioni omnia bona, in quæ necessario succedit propter illud jus.

9 Sequitur etiam resolutionem positam procedere de transitu talium bonorum, non solum, quoad proprietatem, sed etiam quoad usumfructum, vel usum; Probatur, quia in primis, nullum est jus positivum, quod in præsentia materia aliud disponat de usufructu, quam de proprietate: secluso autem jure positivo, usufructus ex natura rei, est domini cujus est proprietas, nisi etiam ex aliquo pacto humano hæc separentur, quod hic etiam nullum est; ergo sicut prior religio jure retinet proprietatem talium bonorum, ita etiam professionem tam civilem, quam naturalem, & usumfructum eorum. Solum superest declaranda ultima particula antecedentis; nam cætera omnia, & illatio per se nota videntur; probatur autem ex dictis; nam, præter professionem, nullum pactum intervenit super talia bona inter religiosum & religionem, ratione cujus pacti usufructus talium bonorum reservetur religioni posteriori, si ad illam transire contingat; ostendimus enim religionem succedere non ex speciali voluntate religiosi, sed ex vi juris communis; cum ergo jus commune illam reservationem non faciat, nec religiosus potest sua voluntate illam superaddere. Deinde esto posset, de facto nihil tale declarat, nullam enim omnino conditionem adhibet, nec etiam est, cur ex natura rei subesse intelligatur, ut explicuimus, & magis ex dicendis constabit.

Ostenditur deinde eadem resolutio quando bona obveniunt ex mera liberalitate religiosi.

10 Superest, ut dicamus de aliis bonis, quæ religiosus suo mero arbitrio extra legis dispositionem religioni donat in ipsa professione, vel ante ipsam; nam post ipsam non habet locum hic modus donationis, cum religiosus, neque aliquid sibi retinere possit, ut de illo postea cum voluerit donationem faciat, nec potest aliquid de novo acquirere, quod non ipso facto statim in religionem transeat. De hujusmodi ergo bonis idem in primis dicendum est, quando donatio in principio simpliciter facta est, nulla in ea adjecta conditione, vel limitatione, quia etiam tunc monasterium obtinet absolutum dominium talium bonorum; ergo quidquid postea eveniat, non posset jure sine suo consensu illis privari; pater consequentia, quia hic etiam nullum est jus naturale, vel positivum, quod illam obligationem imponat, nec etiam est ulla ratio subintelligendi hanc tacitam conditionem in illa donatione; nam licet fiat occasione professionis, non tamen fit sub conditione aliqua pendente in futurum, imo ipsa professio est actus ita legitimus, & intrinsece perpetuus, ut non pendeat in futurum, & ideo ad summum potest intelligi illa donatio dependenter a professione, ut de præsentia sit, ita, ut si contingeret professionem esse nullam, donatio etiam nulla redderetur, tamen facta professione valida, nulla conditio de futuro intelligitur nisi exprimitur.

11 Et hæc ratio maxime urget, quando non stat per religionem, quominus religiosum semper retineat, quia quantum est ex se, parata est ad illum alendum, & ad implendam conditionem, etiam si fingamus fuisse in donatione inclusam; ergo injustum esset illam cogere ad bona alteri tradenda. Imo idem certum existimo, etiam si ex justa causa religiosum emittat: quia donatio monasterio facta, neque ipsi religioso debet dare licentiam ad liberius peccandum, nec religioni debet adimere libertatem ad expellendum illum, si suis peccatis id mereatur; utrumque autem sequeretur, si cogeretur religio bona reddere quando illum expellit. In hoc autem casu si religiosus sic punitus transferatur in aliud monasterium, ut ibi in penam detrudatur, alendus quidem erit sumptibus monasterii, quod illum ejecit. Id tamen non est propter bona, quæ in monasterium contulit, eodem enim onere tenebitur monasterium, etiam si

Probatio quando liberalis donatio facta est absque ulla conditione.

Hæc probatio non solum valet quando religio vult retinere religiosum, sed etiam quando expellit.

nulla temporalia bona ab illo habuisse, sed ratio est, quia non debet gravari aliud monasterium, nisi omnino sponte velit ipsum sine alimentis recipere, de qua re in simili materia optime loquitur Gregor. lib. 1. Epist. 42. ubi latius tractat non solum de monachis, sed etiam de clericis secularibus habentibus propria bona, qui propter lapsus detruduntur in monasteria. Si autem contingeret injuste expelli, etiam tunc non debet pati religio grave nocumentum propter unius Prælati injuriam, vel imprudentiam, sed cogendus est Prælati, vel illum iterum admittente, vel alere, aut alio modo utiliter tractare satisfacere. Et quando justum esset monasterium privare bonis propter tale delictum, id non esset ex intrinseca obligatione orta ex priori donatione, quod nunc agimus, sed esset quædam pœna per Superiorem imponenda.

12. Atque hic discursus non minus probat de usufructu bonorum, quam de proprietate, quia hic etiam habet locum ratio supra facta in num. 9. cum monasterium sit verus dominus, esse etiam usufructuarium, quia nullum est jus, vel pactum humanum, ratione cujus impediatur verus dominus frui, & uti res sua. Neque etiam talis obligatio provenit ex alia obligatione, quam habebat hæc religio ad alendam talem personam, tum quia hinc ad summum sequeretur obligatio ad tribuendum ei sufficientia alimenta in alio monasterio, non vero ad dandum totum usumfructum, aut totum dominium utile, si fortasse pluri æstimeretur. Tum etiam, quia nec alimenta tenetur dare, quia parata est, ad alendum illum in suo gremio permanente, & ad hoc solum a principio se obligavit.

13. Dices, hoc ad summum procedere, quando religiosus transit ad laxiorem, vel æqualem sine culpa religionis, & solum permittente, vel dispensante ad illius postulationem, ex opinione probabili cap. 11. a nu. 16. tractata; tunc enim nisi in ipsa permissione, seu licentia, ipsamet religio se voluntarie obliget ad aliqua alimenta præstanda, profecto non potest ex conscientia, vel iustitia obligari, etiam si in præstando suo consensu hanc conditionem, seu libertatem a tali obligatione non expresserit; quod fortasse esset consilioris, non tamen necessarium, quia per se nullus est in re ipsa titulus talis obligationis, sed alia religio, quæ illum recipit, sibi consulat, & videat quale onus assumat. At vero quando transit ad perfectiorem religionem, utitur religiosus jure suo; ergo non debet privari actione quam habet ad usumfructum talium bonorum, vel saltem ad alimenta. Et hic etiam habet locum congruentia alterius opinionis, scilicet, ne difficilius fiat transitus ad meliorem frugem, unde sicut in ipsa professione includitur conditio, nisi velit transire ad altiorem religionem, ita in donatione bonorum intelligi potest inclusa proportionata conditio. Quæ ratio si quid probat, in omnibus bonis, etiam per necessariam successionem comparatis locum habet, & licet in usufructu vel alimentis majorem quandam speciem congruitatis habere videatur, tamen in rigore etiam procedit de proprietate, quia si semel admittatur illa conditio subintellecta, etiam in ipsa donatione proprietatis dicitur includi.

14. Dico ergo, quantumque bona religiosus donaverit monasterio, non habere post professionem majorem actionem ad usumfructum eorum, quam si nihil contulisset, vel quam habeat quilibet alius religiosus professus ejusdem monasterii. Item e converso, religionem ipsam non teneri majori obligatione iustitiæ ad alendum talem religiosum quam alios, qui nihil contulerunt. Quæ doctrina invenitur passim in sanctis Patribus, Basilio, Augustino, Benedicto, & aliis, qui de monasticis institutis scribunt. Et est evidens, tum quia æque pauper dicitur, qui dives erat, ac qui nihil habebat; tum etiam, quia religio non obligatur ad alendum religiosum, proprie, & per se, propter temporalia bona, quæ ab illo habuit, sed propter professionem religiosam: illa autem bona censentur per modum elemosinæ liberaliter donatæ, petinde ac si inter alios pauperes fuissent distributa. Hinc ergo ad illam difficultatem respondet, etiam si quis ad altiorem religionem transeat, non posse deferre secum talia bona, vel usumfructum eorum, quia nullum jus ad illa habet, ut probatum est, atque ita nulla actione privatur, quia religio non tene-

tur illum alere, nisi in eadem permanentem, nec etiam tenetur parare illi viam, ut sic dicam, per temporalia commoda, ut se relinquit & ad aliam perfectiorem etiam transeat; satis enim est, quod non resistat, neque impediatur. Nec dici potest impedire, eo quod bona non restituant, quia carentia temporalium bonorum per se non impedit, imo est optima dispositio ad ingressum religionis, præsertim arctioris, quæ in hoc debet majorem puritatem observare, sine temporali subsidio, vel spe religiosos admittendo, quod si contingat, aut nolle, aut non posse, accidentarium est obstaculum, quod alia religio non tenetur tollere, sua bona erogando.

15. Optimum exemplum est in Monialibus, quæ non recipiuntur ordinarie sine dotibus, & tamen cum de licentia sedis Apostolicæ de uno ad alium monasterium transferuntur, earum dotes monasteriis, quæ relinquunt, remanent, ut constat ex usu. Et habetur in quadam declaratione Cardinalium ad Concilium Tridentinum sess. 25. cap. 5. de regularibus, qui absolute loquuntur de transitu, sive sit ad arctiorem, sive non, & sive sit ejusdem, sive alterius religionis. In Monialibus autem maxime potest impedire hic transitus ob dotem non restitutam, quia in alio nulla recipitur regulariter sine dote, & aliam quærere non est facile, sed hoc impedimentum non imputatur huic monasterio, quia non tenetur dotare monacham suam, ut in alio recipiatur. Est etiam optimum argumentum a simili, si religiosus tempore suæ professionis copiosam donationem suorum bonorum fecisset hospitali, & postea velit transire ad arctiorem religionem, nunquid teneretur hospitale reddere bona, vel usumfructum eorum, ne transitus fiat difficilior? Cur ergo obligabitur religio, cui non minus absoluta donatio facta est, & cujus bona non minus, imo magis Ecclesiastica sunt, & ob eam causam difficilius etiam alienari possunt; unde ad hoc confirmandum, non parum juvant, quæ de non alienandis Ecclesiasticis bonis sacri canones statuunt.

16. Superest, ut explicemus quid dicendum sit, si a principio in ipsamet donatione expresse addita fuerit hæc conditio, ut quacumque ratione contingat religiosum mutare suum statum, religio teneatur vel bona reddere, vel saltem dotem competentem pro alio monasterio, vel saltem alimenta, aut quid simile. In quo in primis dubitari potest, an talis conditio sit iniusta, & invalida, videtur enim non esse, quia nulli est injuriosa, suppono enim donationem esse liberalem, de bonis scilicet, quæ possit novitius, aut novicia non donare monasterio; potest ergo ea donare, prout voluerit; ergo, & sub illa conditione. In contrarium autem est, quia illa conditio videtur esse contraria votum paupertatis, ac proinde contra substantiam professionis. Probatur assumptum, quia per illam conditionem retinet illa persona jus aliquod ad illa bona; habere autem tale jus, repugnat voto paupertatis, nam est retinere aliquod genus dominii, quia jus illud æstimabile pretio est, & est quoddam bonum temporale quamvis incorporeum.

17. Quæ ratio procedit quidem optime, si conditio in eo sensu apponatur, ut persona retineat jus aliquod ad talia bona, possit tamen in alio sensu poni, in quo non video intrinsecam malitiam, scilicet, ut religio maneat in conscientia obligata ad subveniendum religioso in tali occasione, etiam si ipse nec jus, nec actionem aliquam contra religionem habeat; hæc enim duo, & inter se non repugnant, & optime compatiuntur cum integro voto paupertatis, ut supra visum est. Imo addit etiam possit in tali conditione, ut si religiosus transierit ad aliam religionem, eo ipso altera religio acquirat jus ad talia bona, quia hoc etiam nihil derogat paupertati ipsius personæ, & aliunde nec iustitiæ repugnat, ut ratio supra facta probat; ergo talis conditio sic intellecta non est intrinsece mala. Non potest tamen negari, quin male sonet, quia ut num. 7. in fine dicebam, indicat animum non satis constantem in statu, quem assumit. In aliquo tamen casu raro possent occurrere circumstantiæ, quæ conditionem illam postulare etiam secundum prudens consilium videantur, ut si tertia religionis habitum assumens in aliquo monasterio, timeret probabilem necessitatem transeundi postea ad aliud, vel ejusdem ordinis, vel

Disputatur resolutio de liberali donatione an possit fieri sub conditione.

Deciditur affirmative, tamen ordinarie male sonare talis conditio.

In quo eventu factis honesta esset.

Valeat etiam de usufructu, sicut de proprietate.

Obijciunt saltem non videri valere quando transitur ad religionem laxiorem vel æqualem.

alterius ex gravi causa, & legitima facultate; si ergo priori monasterio copiosam donationem bonorum faceret, nulla inconstantia, neque indicium ejus est sub conditione ponere, ut occurrente tali casu, vel cogente tali necessitate teneatur monasterium primum dare secundo competentem dotem, aut usumfructum dotis, vel alimenta, aut aliquid simile: supposito ergo tali casu, seu modo donationis, dicendum plane est teneri monasterium implere conditionem, eo modo, quo in contractu posita fuerit, quia est iusta, & paupertati non repugnat, ut declaravimus, & nulla est lex canonica quæ resistat, nam illa non esset alienatio bonorum Ecclesiasticorum, quia illa bona nunquam fuerunt simpliciter donata tali monasterio, sed sub tali modo, vel usque ad complementum talis conditionis.

18 Ex dictis sequitur, si religiosus, vel religiosa ex dispensatione Pontificis quantumvis iusta revertatur ad sæculum sine ullo vinculo professionis, & votorum, non posse deferre secum bona, quæ religioni donaverat absolute, sine consensu religionis, nisi hoc ipsum Pontifex in sua dispensatione specialiter concedat. Probat, nam idem fundamentum absoluti dominii habet locum in tali casu. Imo in eo magis urget, quia licet persona Deo consecrata revertatur ad sæculum, non propterea debent bona Deo consecrata profanari, seu alienari, vel, ut ita dicam, ad sæculum redire: neque in dispensatione personæ continetur dispensatio in alienatione bonorum, nisi in specie concedatur; neque etiam causa, quæ ad primum sufficiat, erit semper sufficiens ad utrumque, quin potius, ut dispensatio in persona tolerabilis sit, erit regulariter conveniens, ut pro bonis non concedatur, sed quod relinquuntur religioni: videantur, quæ in simili tractat Rebuffus in proœmio ad regias constitutiones gloss. 5. n. 23. ubi ex multorum sententia dicit religiosum factum sæcularem non succedere in hereditate paterna, quod difficilius.

19 Dices, in eo casu tollitur fundamentum talis donationis, vel cujusvis tituli: quo mediante bona illa pervenerunt ad monasterium vel per testamentum, vel per successionem necessariam, &c. ergo eo ipso redibunt bona ad priorem dominum, quia ablato fundamento, evertitur quicquid in illo nitebatur. Antecedens patet, quia tota ratio translationis talium bonorum in monasterium est, vel incapacitas personæ ad dominium talium bonorum, vel voluntas donandi illa fundata in tali professione; per illam autem dispensationem, & professio tollitur, & persona fit habilis ad dominium talium bonorum. Confirmatur, quia si Papa dispenset in matrimonio rato, eo ipso revertitur ad sponsum quicquid sponsæ donaverat, & e contrario, quia destruitur fundamentum, ergo similiter in præsentī.

20 Responderetur, nec professionem, nec incapacitatem dominii esse fundamentum, ut sic dicam, a quo pendeat in conservari dominium absolute datum monasterio de talibus bonis, sed solum fuit veluti occasio, aut motivum, ut talis donatio monasterio fieret, sicut si donatio illa facta esset pauperibus, vel consanguineis, quia, ut diximus, donatio æque absoluta est. Imo in præsentī casu multo minus potest pendere a tali conditione, quia religiosum professum per religionem fieri non religiosum rarissimum est, & moraliter non consideratur in tali contractu, seu donatione. Ad simile, quod affertur de matrimonio, respondeo, unum esse casum, in quo, via, & jure ordinario potest matrimonium ratum dissolvi, per professionem religionis, in quo casu jure etiam communi statutum est, quid de bonis invicem donatis ab sponso faciendum sit, ut in superiori tractatu visum est. Dissolutio autem matrimonii per dispensationem extraordinaria est, & de his quæ raro eveniunt; & ideo pro illo casu nihil jura disposuerunt, & ideo si quæ donatio intercessit, tenor illius considerandus est; nam si donatio fuit omnino absoluta, & non expresse ad supplementum dotis, vel ratione matrimonii sustentandi, certe non revocabitur donatio propter dispensationem illam, maxime si præbendo consensum ad dispensationem, nullam conditionem de donatione revocanda sponso exigit; & ita ex hac parte potius confirmatur doctrina data. Si autem fuit conditio posita saltem generalis, ut si matrimonium, quacumque ex causa non pervenerit ad effectum, do-

natio rescindatur, servanda est, quod nihil etiam obstat his quæ diximus.

An saltem religiosi Societatis, qui vota tantum simplicia emiserunt, possint deferre secum bona, quæ ipsi Societati donarunt, si ab ea dimittuntur.

21 Ultimo occurrit speciale dubium in hoc puncto circa religiosos Societatis, qui professionem non emisserunt, sed per vota simplicia incorporati sunt, & aliquid de bonis suis Societati donarunt, an si postea emittantur, possint deferre secum talia bona, & consequenter teneatur Societas ea reddere, & donationem rescindere. Est enim hoc proprium Societati, ut non necessario succedat in bonis suorum religiosorum secundum commune jus, sed ipsi religiosi possunt, & debent juxta suas constitutiones de suis bonis disponere, & ita non habent hic locum omnia, quæ de priori genere bonorum diximus. Possunt autem si velint, sicut aliis pauperibus, ita etiam Societati bona sua, vel eorum partem donare, prout in tract. 10. lib. 4. cap. 6. exponitur: de hac ergo donatione dubium est, an idem sit judicium, quod de religiosis professis. Videtur enim hic esse dispar ratio, quia licet ex parte religiosi obligatio, & obligatio sit perpetua, ex parte religionis non sit absoluta obligatio retinendi perpetuo hujusmodi religiosos, sed sub conditione *nisi ipsi hoc demeruerint*, vel alia simili; ergo ratio postulat, ut donatio, quæ fit religioni, habeat etiam hanc conditionem, si religiosum non expellat, vel similem. In contrarium autem est, quia forma donationis absolute sit; ergo etiam confert absolutum, & irrevocabile dominium: patet consequentia, tum quia talis persona potest hoc modo donationem facere, & voluntas ejus ex verbis colligenda est; tum etiam, quia si eodem modo faciat donationem consanguineis, vel pauperibus, non rescindetur donatio, etiam si postea e Societate emittatur. Accedit præterea, quod alias sequerentur incommoda supra tacta in aliis religiosis. Primum ac præcipuum est, quod tales religiosi non perfecte renunciarent temporalibus bonis, nam semper haberent spem recuperandi illa, si ad sæculum redirent, quod vel repugnat omnino, vel derogat multum religiose paupertati. Secundum, quia hinc sequeretur occasio licentiose vivendi, quia vel sperarent non esse dimittendos a religione, ne cogantur etiam bona dimittere, vel certe minus timebunt dimitti, quia jam habent unde vivant. Tertium ex parte etiam religionis minueretur libertas ad dimittendum religiosum dyscolum, ne cogatur bona illi reddere, quæ fortasse sustentando alios jam consumpsit, quod ad commune bonum ejus esset magnum incommodum.

22 In hac re nihil ultimo posse ex communi jure definiri, quia pendet ex modo contractus, seu donationis, quæ est res facti potius quam juris. Nam loquendo de possibili, certum est potuisse hujusmodi religiosum absolute talem donationem facere, sine ulla conditione, quæ in futurum pendeat, quod probat evidenter ratio facta pro parte affirmante, quia voluntarie facit, & est absolutus dominus, & quia ita potest alienare, vel donare aliis, cur erit in hoc religio peioris conditionis, aut magis incapax talis donationis? Secundo censeo certum, facta in hunc modum donatione, non teneri religionem in rigore justitiæ, talia bona reddere tali personæ, si eam juste a se dimittat. Probat, primo ex ratione facta; nā in eam fuit absolute translatus dominium. Item, quia tertia persona cui facta esset similis donatio, non teneretur ea restituere in eodem eventu. Dices, nō esse eandem rationem, quia alia persona non est causa talis mutationis in hujusmodi religioso; at religio est causa illius, & constituit illum in novo statu, in quo indiget talibus bonis. Sed hoc parum refert; nam vel religio injuste hoc facit, vel juste. Si injuste; est contra conditionem positam in pronuntiato; est quille casus distinctus, in quo merito obligatur & cogenda est religio, ut reddat bona ei quem injuste dimisit, illa vero obligatio nō est ob defectum prioris donationis, sed propter specialem injuriam respectu talis personæ sic donantis. Si vero juste est dimissio, ut in casu supponimus, nō debet propterea religio obligari ad relinquenda bona, quæ juste possidet, cum nec ratione rei acceptæ, nec ratione alicujus injuriæ teneatur. Neque in eo casu imputari potest religioni infelix

Decisio
per tri-
plex pro-
nuntiatu.

lij eventus talis religiosi, sed ipsi imputandus est: nam propter hanc etiam causam, nulla facta est in principio injuria tali religioso, obligando illum ad relinquenda bona sua, exponendo se illi periculo: nam in primis non obligatur unquam relinquere talia bona religioni, sed liber ad hoc relinquitur. Deinde sicut non cogitur talem religionem ingredi, ita nec bona alienare: si autem voluntarie utrumque facit, nulla ei fit injuria. Denique non potest dici exponi periculo, quantum est ex parte religionis, cum nunquam dimitti possit, si ipse velit vivere juxta regulam status, quem assumit, ut latius tractat. 10. suo loco dicemus. Unde addo tertio, hujusmodi renuntiationem, etiam si fiat in favorem religionis, fieri in hoc sensu absoluto, & immutabili, seu independente a mutatione, quæ potest accidere circa statum personæ. Probatur rationibus factis, quæ mihi certe probant alium modum donationis esse valde perniciosum religioni; non tam in temporalibus, quam in spiritualibus, & ideo nec acceptat, nec acceptare debet donationem in alio sensu factam, nec permittere, ut renuntiatio aliter fieret in cujuscumque favorem fiat.

23. Quamvis autem religio ex justitia non teneatur hæc bona reddere in hujusmodi casibus, ex quadam æquitate, & ad tollendam omnem occasionem offensionis, potest licite, vel omnia, vel aliquam eorum partem priori domino reddere, vel pretium eorum, quia hæc non censetur alienatio simpliciter bonorum religionis, sed quædam justa dispensatio, necessaria ad conservandam libertatem, quam talis religio proficitur, ad dimittendas personas quæ sibi non congruunt; imo ex praxi & consuetudine instituta consentanea, videntur hæc bona a principio acceptari a religione, cum hac potestare, & libertate, dimittendi etiam illa simul cum persona, si sunt expedites ad finem societatis, & ad communem ædificationem. In hac tamen æquitate facienda, observare etiam necesse est, ne nimium graveur religio, quæ per multos annos alit personam, quæ postea literis, & aliis donis instructa dimittitur, & nihilominus integra vult recipere bona quæ donaverat, quod non potest non esse grave onus religionis. Cavendum etiam est, ne facilitas in hac parte generet in subditis certam spem, recuperandi bona in simili eventu; nam posset hæc esse occasio licenter vivendi, ut supra dicebamus. Denique præcavendum est etiam, ne hoc sit tam frequens, & tali modo fiat, ut inducatur consuetudo obligationem inducens.

C A P U T X V.

An cum religioso translato transferantur etiam prerogative quibus in priori religione fruebatur?

1. **P**ER prerogativas hoc loco intelligimus quæcumque facultatem activam, ut eligendi, ferendi suffragium, &c. vel capacitatem passivam, ut eligatur, v.g. ad tale officium, ministerium, vel beneficium, item jus sedendi in tali loco, & similia, item immunitates vel exemptiones, a tali onere, vel labore, &c. Circa quod advertendum est, sermonem esse posse, vel de his omnibus, quatenus fundantur in professione facta in religione a qua fit transitus, & in ejus regula, vel quatenus fundati possunt in professione, & regula alterius religionis. Nam quatenus ex natura rei consequuntur quæcumque personam in religioso statu existentem, nisi ab extrinseco illis privetur, constat, transitum nihil obesse talibus prerogativis. Duas ergo generales regulas constituo. Prima est, omnis prerogativa præcise fundata in professione primæ religionis, & in regula ejus, non transit cum persona, sed admittitur transitu consummato; exempla sunt, primum de antiquitate religionis; nam illa fundatur in professione facta in tali religione, & ideo quamdiu in illa permanetur, computatur per se loquendo a die quo ibi professio facta est. Talis autem professio non valet pro alia religione, quia per illam non est effectus membrum ejus, nec obligatus obedientiæ ejus. Hac enim ratione, qui transfertur, & aliam religionem per annum probare, & in ea professionem emittere debet, ut recte Navar. consil. 60. & 67. de regular. in 2. impressione. Hinc ergo fit, ut translatus amittat antiquitatem, quam habebat in monasterio priori, & consequenter fit, ut amittat locum, & quodcumque privilegium sibi debitum ratione antiquitatis.

Fit etiam, ut translatus ad monasterium alterius ordinis, non sit capax prælationis in illo ordine, nisi in eo professionem emitat, quia capacitas ad prælationem alicujus ordinis, secundum ordinarium jus fundatur in professione, facta in eodem ordine, ut in superioribus late tractatum est, & habetur etiam ex Trident. sess. 15. cap. 21. de regular. & sess. 14. cap. 10. de reformat. Unde etiam si quis ad hunc finem ex uno ad alium ordinem transferatur, ut ibi prælationem exerceat, non debet sine speciali dispensatione ad prælationem admitti, nisi prius ibi professionem emitat. Unde cum professio perpetua sit, quamvis ille postea prælationem dimittat, vel quacumque de causa illa privetur, in eodem ordine ad quem fuit translatus, manere debet, ut recte dixit Navar. consil. 61. de regular. & sequitur Emmanuel Rod. tom. 3. quæst. 52. art. 16. ubi fusiùs hoc disputat, sed mihi videtur res extra omnem controversiam.

2. Secunda regula est, postquam translatus ad alium ordinem ibi professus est, consequenter habet quæcumque prerogativam, facultatem, aut capacitatem, quam alii religiosi ejusdem ordinis habent ex vi suæ professionis, & regulæ, nisi specialiter in aliquo prohibeatur per jus. Probatur prior pars, quia ille translatus post professionem est verus religiosus talis ordinis; nam professio ibi facta vera professio est, ejusdem speciei, ut sic dicam, cum professionibus aliorum ibi solum profitentium, & ratione prioris professionis, non est talis persona incapax, nec per se demeretur omnia privilegia, & commoda talis religionis. Prior enim professio optima fuit, unde habuisse illam non nocet, in presenti autem jam non existit, neque obligat, quatenus repugnare poterat posteriori, quia quoad hoc per illam irritata est. Mutatio autem ab una in aliam, vel fuit consilii, ut si translatus fuit in religionem perfectiorem. Si autem fuit ad laxiorem, supponitur autem facta ex legitima dispensatione, & consequenter honeste; ergo translatio, ex nullo capite impedit quominus translatus fruatur omnibus effectibus, & commodis professionis illius religionis ad quam translatus est, & quam denuo est professus. Confirmatur primo, nam per professionem posterioris religionis amittit omnia jura specialia prioris professionis, argumento capituli, *si quis jam translatus*, 21. quæst. 2. & cap. *ne pro*, 16. quæst. ergo debet gaudere omnibus juribus secundæ professionis. Confirmatur secundo; nam ille per secundam professionem, tenetur sustinere onera omnia talis religionis, quia eodem voto obedientiæ, & paupertatis attingitur, ad quod faciunt, quæ tractat Navar. Comment. 4. de regular. nu. 26. & 27. ergo debet etiam gaudere omnibus commodis talis professionis, nam qui sentit onus, debet etiam & commodum sentire. Atque hinc fit, ut hujusmodi translatus jam professus habere debeat locum, & suffragium juxta morem & regulam talis religionis; sequitur etiam posse eligi in Prælatum ejusdem religionis quantum est ex hoc capite, & similiter posse habere beneficia regularia talis religionis, & sic de aliis privilegiis, &c. de quibus multa apud Navar. in dicto Comment. 4. & in citatis consiliis de regularibus.

3. Exceptio autem seu posterior pars regulæ, addita est primo propter Clementinam primam de regularibus, in qua statuitur, ut mendicantes omnes, qui ad religionem non mendicantes transierint, vocem, aut locum in Capitulo habere non possint, etiam si ab aliis concedatur, & ut assumi non possint ad Prioratus, administrationes, officia, curam animarum, vel regimen, vel etiam ad hæc loco aliorum exercenda. Et ita sunt ad hæc omnia incapaces, ut quidquid in contrarium factum fuerit sit irritum, & inane. Quæ constitutio suam vim retinet, & omnino servanda est, ratioque illius fuisse videtur, ut religiosi mendicantes in sua paupertatis professione stabilius, & quietius perseverent. Gaudent autem illo privilegio, non tantum quatuor antiquiores ordines mendicantes, sed etiam recentiores, ut religio Minimorum, & religio Societatis, ut supra cap. 12. num. 38. in simili dictum est, quia tam veræ mendicantes sunt hæc posteriores, sicut & priores, ut per Pontifices declaratum est, & infra tractatu 9. ostendemus, & ita comprehenduntur sub lege universali, quæ disponens in ea specie, comprehendit etiam futuras religiones mendicantes,

Modera-
men præ-
dictorum
pronun-
tiationum.
Vide p. 2.
Constit.
c. 3. lit. B.
& decre-
tum S.
congr. 5.

De præro-
gativa
prælatu-
ræ

Secunda
regula hi-
parit de præro-
gativa
religionis
ad quam
transitur,

Prima re-
gula circa
præroga-
tiva reli-
gionis a
qua fit
transitus.
De præro-
gativa an-
tiquitatis,
& eam co-
sequenti.

Di. & Cle-
mentina
ad omnes
modica-
nes exten-
ditur.

antes, sicut decreta quæ generaliter disponunt de regularibus, comprehendunt quamcumque religionem de novo approbatam.

Huic exceptioni ob stare videtur Navar.

4 Potest autem contra hoc citari Navar. conf. 57. de regularibus in prima impressione, & 66. in secunda, ubi ait religiosum sanctæ Mariæ de Mercede, translatum ad ordinem non Mendicantem, non incurrere dictas inhabilitates, quia religio Mercedis, non est ex quatuor Mendicantibus de quibus Clementina loquitur; sentit ergo solum dictos quatuor ordines comprehendendi in illa Clementina, idem etiam suadet ejus ratio, quia illa dispositio est pœnalis, & ideo non debet extendi. Sine dubio tamen non fuit hæc mens Navarri, sed ratio ejus in illa responsione fuit, quia dicta religio sanctæ Mariæ, omnino non est ex Mendicantibus, ut ipse sentit in conf. 63. ejusdem impressionis, vel 65. alterius. Ubi etiam addit, quod si illa religio ex primæva institutione, vel ex nova reformatione a Papa confirmata, profiteretur paupertatem in communi, in ea haberet locum dispositio dictæ Clementinæ; ergo sentit non limitari ad quatuor ordines prædictos, & ita confirmat declarationem datam.

Ad locum citatum in n. præc.

5 In priori ergo consilio illa dictio quatuor casu addita videtur; & ita in fine ejusdem consilii melius dixit Clementinam loqui de mendicante transeunte, & ideo non extendi ad non mendicantem, & hoc ad summum concludit congruentia. Quamvis autem lex illa, licet respectu translatis videatur pœnalis, vel potius odiosa, simpliciter est favorabilis & privilegiativa, quia respectu totius religionis, cujus bonum majus est, continet privilegium, & favorem. Hinc vero non sequitur, etiam ad non mendicantes extendendam esse, quia etiam privilegia maxime debent propriis terminis contineri. Sicut e converso, quamvis lex illa esset pœnalis, extenderetur ad omnes vere mendicantes; etiam denuo approbato, quia lex etiam pœnalis non est ita limitanda, quin proprietas terminorum servetur.

Extenditur deinde ad omnes non mendicantes, præter Carthus.

6 Sicut autem ex parte mendicantium universalis est constitutio, ita etiam ex parte religionum ad quas fit transitus, est prorsus universalis, & comprehendit omnes non mendicantes etiam si Apostolica autoritate ad eas transitus fiat, ut in textu expresse dicitur. Invenio autem quamdam limitationem adhibitam a Congregatione Cardinalium circa Concil. Trident. sess. 14. cap. 11. his verbis; *Omnes cujuscumque religionis legitime translatis ad Carthusianos possunt in eadem Carthusiensis religione in claustris Prioris, & extra claustrum Procuratores esse.* Quæ exceptio firmat regulam in contrarium quoad omnes alias religiones, & ipsa videtur fundata in principio juris, sub generali regula non includi casum specialem rationem habentem; qualis in præsentem est Ordo Carthusiensium, juxta frequentem juris consuetudinem.

Extenditur denique ad omnem administrationem.

7 Quæri autem ulterius potest, quid comprehendatur sub officiis, & muneribus, quæ his religiosis translatis prohibentur. Sed de hoc videri potest glossa ibi, & Panorm. qui sentiunt sine distinctione omnia officia illis interdici, non solum quæ jurisdictionem habent, de quibus est res indubitata, sed etiam, quæ solum habent administrationem, ut officium Oeconomi, Syndici, & Castaldi, ut loquitur illa Glossa, quam vocem alia Gloss. in §. pœna, Institut. de injuriis, significare dicit actorem servum. Quæ ampliatio ex verbis textus satis colligitur: nam prohibet assumi ad omnes administrationes, & officia non solum tanquam principales ministros, sed etiam ut tenentes locum aliorum. Quod vero Gloss. & Panorm. habet de ministerio prædicandi, nimium mihi videtur: tum quia in verbis textus in rigore non comprehenditur, nam in prioribus verbis, *Ad prioratus quoque, administrationes, &c.* sermo tantum est de muneribus pertinentibus ad administrationem rerum temporalium; postea vero de spiritualibus solum dicitur, *Quodque animarum curam, & regimen, nec pro se possint, nec pro aliis exercere,* prædicare autem non est exercere curam, aut regimen animarum, neque obstat, quod prædicare sit officium Curæ; non est enim officium, prout dicit potestatem, sed prout dicit actum: ibi autem non prohibetur his translatis omnis actus curandi, sed ipsa cura, & regimen. Nam etiam ministrare sacramentum confessionis, seu Eucharistiæ, est officium

Nontamē recte extenditur ad officium prædicandi, & docendi.

Curæ, & tamen dicendum non est hos esse factos inhabiles ad hæc sacramenta ministranda. Tum etiam, quia in hac actione, non est eadem ratio, quæ in aliis ministeriis, quia non est verisimile aliquem transire a mendicantibus, ad non mendicantes, ex nimio affectu concionandi, nam ad hoc munus ex se aptiores sunt mendicantes ordines, quod secus est de ministeriis temporalibus, vel de aliquo beneficio, &c. Pontifex autem voluit hujusmodi occasionem præcidere. Et ideo non credo prohibuisse hoc munus prædicandi, præcipue cum ad commune bonum spirituale ordinetur, sicut nec prohibuit munus legendi, seu docendi, quæ oneris esse, & non honoris exposuit Sixtus V. in declaratione sui motus proprii delegitimis, quæ hanc etiam interpretationem confirmat.

8 Secundo posita est illa exceptio propter quoddam decretum Concil. Trident. sess. 14. cap. 11. de reformatione, quod sic habet, *Quia regulares de uno ad alium ordinem translatis, facile a suis Superioribus licentiam standi extra monasterium obtinere solent, ex quo vagandi, & apostatandi occasio tribuitur: nemo cujuscumque ordinis Prælati, vel Superior vigore cujusvis facultatis aliquem ad habitum, & professionem admittere possit, nisi, ut in ordine ipso ad quem transfertur, sub sui Superioris obedientia in claustris perpetuo maneat, ac taliter translatus etiam si canonicorum regularium fuerit, ad beneficia secularia, etiam curata omnino incapax existit.* In quo decreto duæ prohibitiones continentur: una pertinet ad observantiam clausuræ in hujusmodi translatis, & directe ibi solum præcipitur ne hujusmodi recipi possint, nisi, ut in ordine ad quem transferuntur, in claustris sub Prælati obedientia perpetuo maneant. Ponderanda est enim illa particula *ut*, per quam significatur mentem Concilii fuisse prohibere, ne translatio, vel receptio translatis fiat ad hunc finem, ut ea occasione translatus maneat extra claustrum de licentia Prælati illius ordinis ad quem fit translatio. Unde, si expresse, vel tacite eo fine translatio fiat, sine dubio graviter peccabit, & transiens & recipiens illum.

2. Fund. ejusdem posterioris partis sumitur ex 1. rid. decreto.

1. Prohibito hujus deventi, & ne fiat transitus nisi ad manendum in claustris.

9 Quæri autem potest an receptio in eo casu sit irrita; nam Concilium solum dicit *admittere non possit nisi*, &c. Tamen quia non addit verba irritantia, non videtur ex vi illius prohibitionis receptio, vel professio irrita; quando enim Concilium hoc intendit, id exprimit, & verbum *non possit* solum prohibitionem significare frequenter solet. Ex alio tamen capite posset illa translatio esse irrita, si quis procurans transitum revera illa intentione, dispensationem peteret sub alio titulo, vel colore, tacita illa circumstantia; talem enim dispensationem subreptitiam judico, utpote obtentam ex falsa vel diminuta narratione contra Pontificis mentem, quæ sine dubio, in hac parte Concilio conformis est. Hac ergo ratione omnia subsequenta in vi talis dispensationis erunt irrita, sicut essent si absque ulla dispensatione fierent. Et præterea etiam post factam hujusmodi translationem prædicta intentione, non potest Prælati dare licentiam sic translato ad manendum extra claustrum juxta expressam, vel tacitam conventionem præcedentem: quia hoc manifeste est contra intentionem Concilii. Unde nihil aliud est, quam consummare delictum contra prohibitionem Concilii. Propter hujusmodi autem delictum nulla pœna imponitur a Concilio: non tamen propterea causa gravis non est; nam materia est gravissima, & verba Concilii satis etiam rigorosa sunt.

Transitus absque illa fine manendi in claustris licet illicitus, non est irritus. Nisi dispensatio ad transitum sit surreptitia alium de.

10 Addit vero Navar. Comment. 4. de regular. n. 12. Concilium in hac parte non videri novum jus inducere, sed antiquum declarare; antiquum autem vocare videtur ipsum jus naturale, & divinum, quod hujusmodi transitum ea intentione factum videtur reprobare, quia nullum jus scriptum invenitur prius circa hunc casum conditum. Unde, quia ille modus transeundi, non est per se ita intrinsece malus, quin possit ex aliqua magna necessitate honestari: concludit Navar. si nunc occurrat casus, in quo ex natura rei licite posset fieri talis receptio propter illam finem, etiam nunc posse fieri, non obstante Concilio, quia non est verisimile, voluisse Concilium prohibere receptionem aliâ justam in eo casu, in quo potest esse ad remedium alicujus religiosi necessaria.

11 Hæc interpretatio Navar. pia est, non possumus tamen adherere illi, quia magis pium est præcepta servare, & lex Concilii non est tantum declarativa juris naturalis, sed etiam dispositiva, & constitutiva novi juris, ut constat ex verbo illo *possit*; si enim tantum declarare intenderat, diceret *nemo potest*, &c. Quia vero novam prohibitionem imponit, dicit *nemo possit*. Cujus etiam signum est, quia si ex natura rei tantum loquatur, sepius illud fieri posset sine peccato, saltem mortali, quando existentia extra claustrum futura esset ad determinatum locum, & opus religioso dignum, & ex parte personæ sine morali periculo, &c. Non potest autem dici in omnibus illis casibus nunc etiam hoc licere, non obstante Concilio, quia est contra tenorem verborum ejus, & contra disciplinam religiosam, quam reformare intendit, unde nec Navar. id admittit, nisi in raro casu. Neque est verum illam legem latam esse ex præsumptione, & ideo non obligare ubi cessat præsumptio; nam aliud est momentum legis, aliud præsumptio. Concilium autem morum est ad eam legem ferendam, ex eo quod ex facilitate dandi licentiam ad permanendum extra claustrum sumi soler occasio vagandi, ut in principio dicit; hæc autem non est præsumptio, sed certum judicium, ratione cujus fertur generalis, & absoluta prohibitio, quæ omnes casus, etiam de se non malos, comprehendit, quia indistincte fertur, & hæc est vis positiva prohibitionis. Non ergo prohibet omnia, quia præsumat omnia, & singula futura fuisse mala, etiam si non prohiberentur, sed quia illa materia moraliter est nociva, & periculosa, id satis est, ut absoluta prohibitio fiat, quia leges morales considerant, quod frequentius accidit, ut dicitur in leg. 4. §. 6. ff. de legibus. Quocirca licet in aliquo casu particulari cesset finis hujus legis non ideo cessat obligatio ejus, ut constet ex doctrina de legibus, nisi fingatur casus, in quo esset contra charitatem non admittere volentem transferri, eo fine, & modo. Sed in primis licet casus admittatur, solum sequitur per episcopalem cessare obligationem prohibitionis, non vero illam non esse veram legem de novo aliquid prohibentem. Et deinde casus ille vix potest evenire, & multo minus potest esse tam urgens, quin concedat locum & tempus ad petendam dispensationem.

12 Altera prohibitio illius decreti est, ut religiosus translatus non possit habere secularia beneficia etiam curata, imo, ut sit incapax illorum, unde sit etiam si illi dentur, collatio non teneat. Sed advertendum, verba Concilii poni cum illo addito, *taliter translatus*, & in eis oritur dubium, an referantur ad verba posita in principio capituli, *de uno ad alium ordinem translatus*: an vero ad eos qui translati fuerint, ut extra claustrum maneat. Quod est querere, an hæc sit pœna eorum, qui in posterum translati fuerint contra illam dispositionem Concilii; an vero sit conditio apposita pro omnibus translatis ab uno ordine in alium, quantumcumque licite ac recte facta sit translatio, ita ut illa non sit pœna, sed quasi irregularitas pœnæ adjuncta a Concilio, ad præcidendas occasiones translatis manendi extra claustrum. In qua re dubius ego sum, & ob hoc ipsum dubium videbatur prior sensus præferendus, quia sumus in materia odiosa, quæ restringenda est, & quia si Concilium de omnibus translatis loqui voluisset, non dixisset *taliter translatus*, sed absolute *translatus*.

13 Nihilominus juxta sincerum contextum posterior sensus videtur præferendus; præcipit enim Concilium, ut religiosus unius ordinis non admittatur in alio, nisi ut in ordine ipso ad quem transfertur, sub sui Superioris obedientia in claustris perpetuo maneat: statim vero subdit, *ac taliter translatus*, &c. ubi manifeste constat, illud *taliter* referri ad modum recipiendi, & transseundi proxime præscriptum; loquitur ergo de translato etiam legitimo modo. Nec propterea superflue addita est particula *aliter*, quia posita est ad augendam, & exaggerandam curam, & providentiam, quam Concilium adhibuit in hac lege, per quam voluit, ut etiam legitime translatus, nullo modo possent occasione beneficiorum secularium extra claustra manere. Et ideo etiam interposuit illam particulam augmentativam; *etiamsi Canonice regularium fuerit*, quia illi maxime videntur capaces horum beneficiorum, ut inde etiam constet nullam in hac prohibitionem admittendam esse

exceptionem, etiam positam in præcedenti puncto de Ordine Carthusiensi, cujus institutum magis abhorret ab hujusmodi curis, & secularibus beneficiis. Voluit ergo Concilium in hac parte, non solum auferre translatis intentionem manendi extra claustra, sed etiam impedire qualemcumque spem, quam concipere possent de hujusmodi libertate obtinenda, mediis hujusmodi beneficiis, quamvis transitus non esset ad eum finem ordinatus.

14 Attente autem ponderanda sunt illa verba, *De uno ad alium ordinem translatus*. Nam ex eis plane constat, non habere locum in transitu intra eundem ordinem etiam si sit, mutando filiationem ab uno monasterio in aliud; vel ab una provincia in aliam, ubi hujusmodi filiationes sunt in usu; quia illa non est translatio ab uno ordine in alium, sed ab uno monasterio ad aliud, vel ab una provincia in aliam, & ideo tunc non est necessaria nova professio, sed quædam incorporatio; & transitus fit cum tota antiquitate professionis, & cum aliis prærogativis communibus toti religioni. Unde obiter confirmatur quod supra nu. 1. dixi, legem hanc Concilii, non tantum esse declarativam juris naturalis, sed specialem addere prohibitionem, nam si solam rationem spectemus, tam alienum est a vera religione, mutare monasterium ejusdem ordinis, propter finem obtinendi facilius licentiam vivendi extra claustrum, ac mutare ordinem; & nihilominus Concilium hoc specialiter prohibuit inter diversos ordines, & de eodem nihil loquutum est, sed hoc reliquit arbitrio & prudentiæ Prælatorum ejusdem ordinis; nam interdum fortasse potest hoc expedire religioni, cui necessarium est habere religiosum extra claustrum, & non habet in tali monasterio personam accommodatam; tunc ergo alium transferre ex altero monasterio, propter hunc finem, ut maneat extra claustrum, non est malum.

15 Solum potest dubitari an habeat locum hoc decretum Concilii a transitu a familia unius ordinis ad aliam familiam ejusdem ordinis, quando sunt ita divise, ut unum caput, seu Generalem communem non habeant, quales sunt familiæ S. Benedicti, aut S. Bernardi in Lusitania, Castella, & Italia, & in ordine Carmelitarum Mitigati, & Discalceati, & in ordine S. Francisci, Conventuales, Observantes, & Capucini Hispaniæ. In his enim, & similibus est specialis ratio dubitandi, quia licet propter convenientiam in regula & primo fundatore, censeantur una religio, tamen simpliciter videntur distincte, quia unitas religionis est unitas corporis politici, quæ sine uno capite non videtur esse posse. Sed de hac unitate, vel distinctione talium religionum dicturi sumus tractatu sequenti; nunc quod ad præsens attinet; videtur hæc unitas sufficiens, ut hic transitus non censeatur esse ab uno ordine in alium. Quod præcipue videtur clarum, quando pluralitas illa familiarum solum est propter diversitatem nationum aut regnorum; nam hæc diversitas valde materialis est, cum alioquin in fine, & substantialibus mediis, cæremoniis, regula, clausura, & habitu sit conformitas. Convenientia autem in uno capite etiam erat ex vi institutionis inter has familias, & semper remanet aliquod ejus vestigium; quod autem Summus Pontifex exemptionem majorem, aut minorem huic vel illi familiæ, & Prælati Provincialibus, vel Nationalibus eorum tribuat, non tollit prædictam unitatem; imo licet singulas cum suis Prælati immediate sibi in omnibus subiceret, sufficienter in illo unirentur, tanquam in uno supremo Prælato talis religionis, præsertim in ordine ad transitum de quo agimus, in quo magis consideratur unitas, vel distinctio in modo vivendi, & tendendi ad perfectionem, ex vi talis professionis. Et ideo ubi distinctio harum familiarum est, etiam in rigore vitæ, & observantia regulæ, & aliquo modo in habitu; magis dubia est dicta resolutio. Nihilominus tamen etiam pro his religionibus censeo esse retinendam, tum quia substantialis convenientia semper manet; tum maxime, quia verba legum intelligenda sunt juxta communem usum; communiter autem, quælibet ex his religionibus, una reputatur, ut tota religio S. Francisci numeratur una ex mendicantibus, & alia religio Carmelitarum; & ideo communiter etiam, qui mutatur ab una familia in aliam, non censetur mutare religionem.

Decretum loquitur de translatu ad aliud distinctum ordinem.

An si distinctus ordo eo ipso quo habet distinctum Generalem.

2. Prohibitio decreti alia, nu. 8.

Quid dicitur de asportatione bonorum in hoc transitu.

16 Est autem advertendum in hoc transitu intra eandem religionem posse habere locum quæ c. præced. diximus de bonis temporalibus secum deferendis vel relinquendis; nam quantum attinet ad religiosum ipsum, idem est fundamentum paupertatis; ut nihil secum deferre possit, nisi, quæ ad necessarium usum conceduntur. Quod vero spectat ad ipsa monasteria, potest quidem intra eandem religionem esse major quædam bonorum communicatio, in qua in primis servanda est regula, deinde honesta consuetudo; postea decens ac prudens liberalitas Prælati, quæ paupertatis & discretæ administrationis limites non excedit. Quando vero tanta est distinctio provinciarum, seu familiarum ejusdem religionis, ut nec convenientiam in uno Generali habeant, nec communes congregationes, seu capitula, tanta solet esse distinctio in temporalibus bonis, quanta inter diversas religiones, & ideo omnia superius dicta in rigore servanda sunt, nisi ubi aliud habuit consuetudo.

An jam legitime translatus possit licentiam ad vivendum extra claustrum.

17 Ultimo dubitari potest, an post translationem factam ab una religione ad aliam legitime, & juxta intentionem Concilii, possit postea Prælati æquali libertate, seu facultate, seu ex simili ratione dare licentiam translato ad vivendum extra claustrum, sicut cæteris subditis suis. Ratio dubii est, quia si hoc admittimus, nullius utilitatis est providentia Concilii, quod in legibus interpretandis cavendum est. Antecedens patet, quia Concilium cavere voluit, ne hi translati facile obtineant licentiam manendi extra claustrum; & ideo prohibet ne ad hoc recipiantur: si autem eadem facilitate possent hanc licentiam obtinere, quæ cæteri, non obstante hac prohibitione Concilii, non consequeretur Concilium, quod intendit: Respondetur nihilominus, posse Prælatus eodem modo mittere, vel licentiam dare his translatis, ac cæteris, solum facta exceptione, ne illa facultas detur titulo beneficii secularis. Ratio est, quia Concilium hoc non prohibet, sed clausa autem prohibitione nihil est, cur hi sint pejoris conditionis, aut cur religio minorem potestatem in eos habeat, si fortasse illis extra claustrum indigeat. Antecedens patet, quia Concilium nullam de hac re mentionem fecit, sed solum ne transitus, seu recessio fieret ad hunc finem manendi extra claustrum. Item, quia postea Concilium addidit specialem prohibitionem, & incapacitatem beneficiorum secularium; solum ergo prohibere voluit, ne hoc titulo possent extra claustra manere; ergo, quoad reliqua commune, & antiquum jus integrum reliquit.

18 Nec propter hoc fit inutilis prior Concilii prohibitio, quia per illam solum voluit cavere, ne a principio in ipso transitu, fieret quasi implicitum pactum inter religiosum transeuntem, & religionem ad quam fit transitus, non recipiendi illum ad eum alendum, sed solum quasi ad acquirendum jus in illum, & remittendum, seu licentiandum illum, ut extra claustrum vivat, & quærat unde alii possit; nam hinc magna religionum perversio, & infamia creari posset. Quæ incommoda non sequuntur ex eo, quod religiosus legitime translatus æque in hoc subistat potestati Prælatorum ac cæteri religiosi. Atque ita sentit etiam Navarrus dicto Comment. 4. de regular. n. 21. & 15. ubi alias rationes adducit, quæ in eo videri possunt. Unum vero addit, quod mihi dubium est, scilicet hunc translatum posse esse vicarium Episcopi, nisi obstat Clementina I. de regularibus, id est, nisi sit translatus a religione mendicante, ad non mendicantem. Censet itaque quoad hoc Concilium nihil obstat, & in hoc dico esse dubium, ex ea parte qua Concilium prohibet hunc translatum habere beneficia secularia, etiâ curata; nam licet Vicaria Episcopi, in rigore beneficium non sit, tamen videtur esse quid majus, quam ordinarium beneficium curatum, & ratio, quæ Concilium movere potuit, in illa etiam viget. Nihilominus tamen, quia in lege rigorosa proprietati verborum standum est, veram existimo illam Navarræ assertionem, de qua plura inferius in c. 19.

C A P U T XVI.

Ad quid teneatur religiosus Episcopus factus, quantum ad votum castitatis, & paupertatis.

Assumid Episcopus sum con-

Non inquit an hic transitus licitus sit, quia id certum, & indubitatum est. Cum enim status

Episcoporum perfectior sit, quam status religiosorum, sine dubio licitum est ab hoc ad illum ascendere, dummodo debitus modus servetur. Est autem debitus modus, quod & rite electus sit, seu provisorius, & quod de licentia sui Prælati, & non alias Episcopatum accipiat, juxta juris dispositionem in c. si religiosus, & in c. quorundam, de Electione in 6. quam supra tom. præced. explicando materiam voti religiosæ obedientiæ, declaravimus, & in tract. 10. aliquid addimus; si ergo in reliquis debitus modus servetur, nihil est in persona religiosa, ex vi status, cur non possit ad Episcopatum assumi. Quia nec jure aliquo positivo id prohibetur, nec ex natura rei sequitur prohibitio, aut impedimentum ex vi professionis religiosæ, quin potius cum status religionis sit via ad perfectionem, & status Episcopalis, sit quasi terminus, seu existentia in statu perfectionis, videtur, quantum est ex hoc capite, valde proportionatus ascensus a religione ad Episcopatum.

venientes potest religio.

2 An vero liceat religioso desiderare, vel procurare hunc ascensum ad Episcopatum, dicemus alibi in 6. tom. 3. p. si Deus dederit, interim videri possunt quos late refert Henriquez lib. 10. cap. 3. n. 3. in Commen. Salmeron, & expositores in illud 1. Tim. 3. qui Episcopatum desiderat, &c. Nam illa questio non est propria de religiosi, ut existimo; nec enim placet, quod quidam dicunt, habere hoc desiderium specialem malitiam in persona religiosa, propter stabilitatem, quam in suo statu habere debet, quod insinuat S. Bonaventura in expositione regulæ c. 2. post medium, tractans specialiter de suis religiosi, sed ascensus ad Episcopatum non est contra stabilitatem religionis, tum quia ille status secundum se perfectior est, tum etiam, quia Episcopatus non destruit statum religiosum, ut statim dicemus. Nec S. Bonavent. ex illo capite damnat hoc desiderium, sed quatenus ex ambitione, & ex affectu fugiendi religiosam humilitatem, & austeritatem oritur, quomodo etiam in non religioso erit damnabile, si ex illis, vel similibus motivis oriatur. Ex objecto igitur, & per se non habet illud desiderium majorem malitiam in religioso, quam in cæteris; quamvis fortasse intra latitudinem perfectionis, majorem quædam obligatione teneatur religiosus cavere hoc desiderium, quam secularis. An vero liceat etiam voto se obligare ad non accipiendum Episcopatum, dicemus infra tractando de Societate, in lib. 6. cap. 7. & 8.

An ei liceat id appetere.

3 Difficultas ergo est, an religiosus factus Episcopus definat esse religiosus, quod si non definit, quas religiosi obligationes, & quomodo implere teneatur. Videtur enim non manere religiosus, quia non potest esse religiosus, nisi alienius religionis, sed ille nullius religionis religiosus manet; ergo religiosus non est. Probatur minor, quia si alicujus esset, maxime illius cujus antea erat; sed non illius; ergo nullius. Probatur minor. Primo, quia omnino disjungitur a tali religione, ita ut non maneat membrum ejus, nec teneatur legibus ejus, nec comprehendatur (ut sic dicam) appellatione ejus, item non tenetur obedire Prælati ejus, item si aliquid acquirit, jam non illa acquirit; ergo non habet moralem unionem cum illa; ergo, &c.

Arguitur religiosum factum Episcopum non manere religiosum.

4 Nihilominus certum est religiosum, cum sit Episcopus, non amittere substantialem statum religiosi. Ita docet D. Th. 2. 2. quæst. 185. art. 8. & est communis omnium sententia quos statim referemus, & sumitur ex glossa in c. 3. 16. q. 1. & in c. unico 18. q. 1. Citat D. Th. decretum Innocentii I. in Epistola 2. c. 10. quod refertur 16. q. 1. c. 3. de Monachis, qui diu morantes in monasteriis, si postea ad Clericatus ordinem pervenerint, non debere eos a priore proposito deviare. Nam sub Clericatus ordine Episcopatum etiam comprehendit, & D. Th. ibi supponit, & omnes pro comperto habent, & ex ratione, quæ in ipsa Epistola subjungitur, optime colligitur, scilicet, Quia sicut in monasterio fuit, & quod diu servavit, id in meliori gradu positus amittere non debet. Et huc etiam tendit ratio D. Th. quia status religiosus comparatur ad Episcopatum, sicut dispositio ad perfectionem, vel sicut disciplina ad magisterium. Dispositio autem non tollitur adveniente perfectione, quoad id in quo illi non repugnat, sed potius congruit, imo simul manet, & magis confirmatur; ergo nec status religiosus tollitur adveniente Episcopatu.

r. Assertio generis talis.

20. Probatur consequentia, quia religiosus status, quoad substantiam suam non repugnat cum statu Episcopali. Et quia in hoc ultimo consistit tota vis hujus rationis, & intelligentia assertionis, ac sequentium capitulum resolutio, ideo sigillatim discurrendo per tria vota religionis, & consequenter per alia onera eis annexa, videndum est, quæ possint manere, & maneat simul cum statu Episcopali, quæ vero repugnent vel tollantur.

Castitatis
votum
magis
qualifica-
tum fit in
Episcopo
regulari.

5 Et quidem circa votum castitatis immorari non est necesse; nam constat esse conjunctum cum statu Episcopali; etiam per se spectato, & separato a regulari, quod votum idem est, & eandem inducit obligationem, & idem impedimentum ad matrimonium contrahendum. Quin potius in regulari Sacerdote erat jam illud votum duplici titulo, per consecrationem ergo Episcopalem non aufertur, sed magis quodammodo consecratur. Unde fit ut ejus obligatio aliquantulum augeatur; gravius enim peccabit religiosus jam factus Episcopus violando castitatem, quam simplex religiosus, imo & quam Sacerdos & religiosus, propter majorem consecrationem, & obligationem. Quamquam hoc argumentum non videatur tam grave, ut sit circumstantia necessaria in confessione explicanda, nisi adjunctum fuerit scandalum; vel alia specialis circumstantia, quia illa sola nec speciem malitiæ addit, nec judicium confessoris graviter immutat, ut disp. 22. de pœnit. sect. 4. n. 1. diximus.

2. Assertio
quod tri-
menbris.

6 Secundo dicendum est, paupertatis votum non repugnare cum statu Episcopali, & ideo manere in religioso facto Episcopo, quantum ad vinculum, & substantialem effectum ejus, licet in usu paupertatis major licentia Episcopo religioso detur. Prima pars per se est evidens, quia divitiæ præsertim quoad earum dominium, & proprietatem, non sunt per se necessariae ad Episcopale ministerium; ergo nec votum paupertatis repugnat tali statui. Antecedens patet, quia licet habere usum & dispensationem talium bonorum, moraliter necessarium sit in eo statu, non tamen habere proprietatem, seu dominium; paupertati autem non repugnat usus, nisi sit rei tamquam propriæ. Unde multi putant Episcopum etiam sæcularem non habere dominium reddituum sui Episcopatus, & nihilominus habere administrationem sufficientem ad essentiam, & finem illius status. Paupertas ergo quamvis non sit necessaria ad statum Episcopalem, nec per se cum illo conjuncta, ut probat D. Th. dicta q. 185. art. 6. & alibi dicendum est latius, non tamen repugnat illi statui, sed potius esse potest decor & ornamentum ejus, quale fuit in Apostolis, qui Episcopi fuerunt, simulque paupertatis votum habuerunt, ut supra ostensum est. Imo non solum regularis Episcopus, sed etiam sæcularis, qui ante Episcopatum non haberet paupertatis votum, posset illud simplex emittere; quamvis enim non possit sine dispensatione renunciare Episcopatu, ut religiosus fiat, potest tamen in suo statu manens paupertatem vovere, quia hoc nulli juri repugnat, & est major perfectio.

7 Altera vero pars, quæ ex hac priori inferitur, probatur ex illo principio, quod status religiosus manet simul cum Episcopali, in omnibus quæ cum illo non repugnant, vel ex natura rei, vel ex canonico jure; neutro autem modo Episcopatu repugnat promissa paupertas. Unde ratio a priori est, quia religiosus quando promittit paupertatem, in perpetuum, seu pro toto tempore vitæ suæ illam promittit: ergo illud vinculum semper manet, quia nihil est a quo expellatur. Dices, religiosum non vovere simpliciter paupertatem, sed in tali statu; ergo non aliter promittit perpetuitatem paupertatis, nisi quatenus promittit perpetuitatem talis status; sed status ille non est perpetuus simpliciter, sed sub conditione, nisi in meliorem mutetur, ut de facto mutatur per ascensum ad Episcopatum; ergo tunc cessat obligatio prioris voti paupertatis, quæ non obligabat nisi in tali statu, & quasi sub hac conditione, quoad in hoc statu fuerit. Confirmatur, ac declaratur, quia non omnes religiosi eandem voverunt paupertatem, sed unusquisque secundum talem regulam; ergo signum est solum vovere paupertatem pro eo statu, in quo unusquisque subiectus est regulæ, qui est status religiosi non Episcopi.

8 Respondeo, votum solenne paupertatis, de quo agimus, absolute, & simpliciter perpetuum esse; nam

hæc est intentio institutoris religionis, & Ecclesiæ approbantis illam, & consequenter ipsorum voverentium, qui ita promittunt sicut institutio religiosa postulat. Imo ex vi talis voti obligatur religiosus non accipere statum repugnantem religiosæ paupertati, & quia status Episcopalis illi non repugnat ideo, neque acceptare illum est contra obligationem paupertatis, neque etiam ipse status excludit talem obligationem. Cum vero dicitur, quod prior status non durat; æquivocum est; nam si per statum intelligatur actualis vivendi modus in tali communitate, sub tali obedientia, &c. sic verum est relinquere illum statum per ascensum ad Episcopatum. In hoc autem sensu falsum est dicere, paupertatem non esse promissam nisi pro illo genere status quamdiu duraverit, quia illæ sunt quædam conditiones accidentales status religiosi, a quibus substantia ejus non pender, & ideo talis conditio, nec ponitur, nec subintelligitur in substantiali voto religionis. Si autem nomine status religiosi intelligatur pactum illud cum Deo initum in professione religiosa, seu dispositio vel præparatio ex obligatione manans in persona sic Deo consecrata, tunc verum est votum paupertatis tamdiu durare, quamdiu durat hic status; imo potius verum est ipsum votum formaliter concurrere ad constituendum hunc statum. Sic autem falsum est hunc statum amitti per ascensum ad Episcopatum; sed potius dicendus est perfici.

9 Unde ad confirmationem respondetur primo, Episcopum regularem non omnino esse extra regulam, ut paulo post dicemus; & ideo licet votum paupertatis fuerit secundum regulam, posse obligare in statu Episcopali. Deinde dicitur (quod notandum est) quamvis promittatur paupertas secundum regulam, postea non obligare præcipue ex regula, sed ex voto. Nam regula solum se habuit ut conditio vel mensura præsticiens certos terminos in materia talis voti; promissio autem fit de materia ipsa sic definita ac declarata. Quamvis ergo daremus Episcopum jam non obligari regulæ, nihilominus obligari potest voto paupertatis facto secundum regulam, quia ibi regula non concurrat imponendo obligationem, sed designando materiam voti. Ex quo infero (quod etiam attente considerandum est) votum paupertatis in statu Episcopali plus, vel alio modo obligare unum Episcopum regularem, quam alium, juxta diversitatem regulæ, secundum quam paupertatem professus est, ut v.g. religiosus S. Francisci si fiat Episcopus, obligabitur fortasse ad strictiorem observantiam paupertatis quam alii, & professus Societatis factus Episcopus, retinere poterit aliquas speciales obligationes paupertatis, quas infra tract. 10. lib. 6. videbimus. Verum est tamen hujusmodi circumstantias, vel speciales obligationes paupertatis includere conditionem non habendi, vel non faciendi hoc, aut illud, nisi ex legitima facultate, & ex hac parte posse cessare in Episcopo, quia ipso jure censetur habere talem facultatem. Sed hoc ipsum non habet locum nisi quatenus ad decentiam, vel convenientem modum talis status, necessarium est, & ideo intra illam latitudinem adhuc habet locum ut unusquisque regularis Episcopus servet paupertatem juxta modum suæ religioni accommodatum, ut v.g. si ponamus in religione Minorum esse materiam voti vilibus indui vestibus, licet hoc non debeat ita servari ab Episcopo, sicut a puro religioso; poterit nihilominus ad id servandum cum proportionem ad suum statum obligari. Similiter in Societate, si est materia voti non accipere stipendium pro ministerio spirituali, non poterit religiosus Societatis factus Episcopus obligari, ut non alatur de redditibus sui Episcopatus: cur autem non poterit obligari, ut alia stipendia pro muneribus, seu ministeriis spiritualibus non accipiat?

10 Ex his etiam constat tertia pars de effectu hujus voti in persona Episcopi regularis; nam in primis habet in illo naturalem (ut sic dicam) effectum voti, qui est obligare ad non habendum proprium, vel non utendum aliqua re, ut propria; habet etiam effectum quasi legalem, qui in voto solemniter est reddere personam inhabilem perpetuo ad dominium & proprietatem temporalium bonorum, ut supra explicatum est. Uterque ergo effectus manet in Episcopo; nam prior est inseparabilis a voto manente ipso, quia est quasi effectus formalis ejus: votum autem manet, ut ostendimus; ergo.

Poste;

Posterior autem esset quidem separabilis per Ecclesiam, manente etiam substantia ipsius voti, quia ille effectus magis est a lege quam ab ipso; non tamen legimus hanc separationem esse factam respectu Episcoporum, seu talem dispensationem ei concessam; neque id posset quispiam nisi temere affirmare; ergo etiam hunc effectum habet in illo paupertatis votum, & hac ratione dixit D. Th. ibi ad 3. Episcopum regularem nullo modo posse habere proprium, & q. 88. art. 11. ad 4. addidit, *nihil debet habere tamquam proprium, sed sicut dispensator communium bonorum Ecclesie*. Immeritoque Sor. lib. 10. de iustitia q. 5. art. 7. ab hac recedit sententia, propter frivolam rationem, scilicet, quia eodem modo adjudicatur sua portio Episcopo regulari ac seculari; ergo æque acquirit dominium. Negatur enim consequentia, quia non est æque capax, sed habet impedimentum irritans. Ex parte ergo dantiur applicatur eodem modo, ex parte vero recipientis non eodem modo accipitur. Potest autem uterque ex his effectibus considerari, vel in actu primo tantum, ut sic dicam, & sic sunt faciles, quia unus impedit acquisitionem domini cum effectu, alius consistit in obligatione servandi illud genus paupertatis, & quidquid ad illam consequitur. Unde ulterius considerari possum in ordine ad actum secundum, qui est non usus domini, vel usus paupertatis, & quoad hoc est difficultas, quomodo paupertas in Episcopo servari possit quantum ad usum.

II Propter hoc posita est ultima pars assertionis, *Episcopo regulari ampliorem usum temporalium bonorum licitum esse, quam antea fuisset*. Quam partem probat optime ratio superior facta, & cum proportionem applicata, quia religiosus status non manet cum Episcopatu, quantum ad ea quæ Episcopatu repugnant; sed in his cedit illi tamquam meliori. Repugnat autem statui Episcopatu habere usum paupertatis tam restrictum & limitatum, sicut habet purus religiosus; ergo votum paupertatis non ita obligat Episcopum, quin liceat illi amplior usus, vel alterius rationis, quam antea liceret. Ut autem hoc explicemus, & simul declarem obligationem omnem, quæ in huiusmodi Episcopo manet ex vi talis voti, advertendum est in tribus posse hanc maiorem facultatem Episcopi spectari, primo in quantitate bonorum; secundo in vario usu illorum; tertio in modo utendi illis independentem ab alterius voluntate.

Quantum extendatur in Episcopo regulari facultas possidendi, & adquirendi bona temporalia.

12 Quoad primum clara est differentia talis Episcopi a simplici religioso; quia licitum est Episcopo habere usum omnium bonorum ad suum Episcopatum pertinentium; potest etiam habere usum & possidere suo modo, bona secularia, quocumque legitimo titulo ad eum perveniant, sive per donationem, sive per emptionem, sive etiam per hereditariam successionem, ut mox videbimus a n. 13. Posset vero hic queri, an sit etiam capax aliorum bonorum, seu reddituum Ecclesiasticorum, præter suum Episcopatum. Sed quia hoc alterius considerationis est, dico breviter ex dispensatione Pontificis posse, ut per se constat, sine dispensatione autem Pontificis non posse. Nec solum necessaria illi est communis dispensatio ad obtinenda plura beneficia, sed etiam specialis, ex eo quod religiosus est, quia in persona religiosi, quodlibet beneficium est incompatibile cum alio; adeo ut si utrumque velit retinere, ab utroque penitus repelli debeat, & eo ipso fiat ineligibilis, ut dicitur in c. cum singula, de præbendis in 6. Unde recte infert Rebuffus consil. 14. q. 2. religiosum Episcopum obtinentem a Papa secundum beneficium, ut illud simul cum Episcopatu habeat, nulla facta narratione status religiosi, sed tantum quod sit Episcopus, non esse tutum in conscientia, quia gratia, & narratio subrepticia est; oporteret enim narrare illam circumstantiam, quæ speciali indigebat dispensatione, & multum reddebat negotium difficile. Nec enim satis est dicere, Pontificem jam scivisse illam personam esse religiosam, quia non oportet eum recordari omnium, quæ fecit, neque id in iure præsumitur, c. ex parte 1. de offic. deleg. cum similibus.

13 Quoad secundum de usu multiplici distinguenda sunt illa tria, quæ supra tractando de paupertate distinguimus, scilicet, acquirere, retinere, & expendere.

Quantum ad acquirendum, hoc necessario manet in Episcopo regulari, ut nihil possit tamquam verus dominus & proprietarius acquirere; hoc autem secuso, quantum ad actualem receptionem & retentionem, potest acquirere omnibus modis, quibus potest secularis Episcopus, per donationem, per licitum, & honestum contractum, & per testamentum; imo etiam per necessariam & legitimam successionem, ut notavit D. Th. dicto art. 8. ad 3. ex c. statutum 18. q. 1. ubi ex Concilio apud Altheum, (quod non extat) dicitur, *Monachus factus Episcopus, velut legitimus heres paternam sibi hereditatem postea iure vendicandi potestatem habeat*, de quo textu plura statim. Quod si inquiratur cui acquirat huiusmodi Episcopus quoad dominium, & proprietatem, cum sibi non acquirat, dicendum est non acquirere monasterio, in quo differt a puro religioso, sed acquirere suæ Ecclesiæ; quod etiam docet D. Th. supra, & sumitur ex eodem c. statutum, ubi dicitur: *Postquam Episcopus ordinatur ad altare, ad quod sanctificatur & titulatur secundum sacros Canones, quidquid acquirere poterit restituat*: Idem colligitur ex cap. cum olim 2. de privilegiis, ubi id Glossa notat, & alii Doctores. Ratio autem est, quia religiosus factus Episcopus definit esse membrum sui monasterii, & incipit esse sponsus suæ Ecclesiæ, & ideo jam non acquirit monasterio, sed Ecclesiæ (quando vero eam non habet, ut titularis, c. seq. n. 5. intelligitur.) Deinde sicut ab Ecclesia alitur, ita omnem suam operam, & industriam suæ Ecclesiæ debet, & ideo merito statutum est, ut illa lucretur, quidquid ad ipsum quacumque via pervenerit.

14 Solum poterat hic supersedeere difficultas circa successionem necessariam, ut in hereditate paterna, & alia simili in qua religiosus ab intestato succederet, quomodo possit hæc transire ad Ecclesiam; & ratio dubii est, quia jus succedendi in talibus bonis translatum est in monasterium ex vi professionis; ergo non potest postea monasterium iure acquisito privari, propter translationem personæ ad Episcopatum. Hanc difficultatem tangit Glossa in dicto c. statutum, & in summa respondit per solam professionem ante mortem religiosi non acquiri monasterio jus succedendi, sed solam spem, quæ evanescit per transitum religiosi ad Episcopatum. Sed objici potest, quia jus succedendi non manet in persona ipsius religiosi, quia est incapax ratione voti paupertatis; ergo transit in monasterium; nam in aliquo esse necesse est. Et ita sentit Innocentius in c. in presentia, de probat. n. 4. ex c. si qua mulier, 19. q. 3. Dicendum ergo est, illud jus translatum quidem esse in monasterium eo tantum modo, quo iura Canonica disponunt, & non firmiter: nam hic effectus mere legalis est, & ideo non excedit juris dispositionem. Dispositio autem juris est, ut hoc jus licet sit in monasterio pendeat a persona religiosi quantum ad hoc, ut si talis persona translata fuerit ad Ecclesiam Cathedralis, ad illam transeat jus succedendi. Secus autem est si ante transitum ad Episcopatum mortuus esset pater, & hereditas jam esset translata ad monasterium, quia tunc jam haberet jus acquisitum in re absolutum & independentem a personali statu talis religiosi, juxta dicta in simili & in c. 14. n. 8. Quod ampliandum est, ut procedat, etiam si casu aliquo hereditas jaceret, nec monasterium illam adiiceret juxta dicenda in puncto sequenti.

15 Sed quid, si talis religiosus professus fuerat in aliqua ex religionibus, quæ non succedunt loco religionum, ut in religione Minorum, vel Societatis; videtur enim tunc succedendi jus non transire ad Ecclesiam; quia ipsa religio nullum jus acquisivit, neque etiam in persona religiosi mansit; ergo omnino amissum fuit, transivitque ad alios fratres, vel cognatos, ac si talis persona fuisset mortua; ergo nullum est jus quod postea in Ecclesiam transferri possit. Confirmatur, quia hæc translatio solum fit virtute juris; sed nullum est decretum quod in eo casu disponat hoc jus transire ad Ecclesiam; ergo. Probat minor, quia in dicto c. statutum, sermo est de monachis S. Benedicti, ut ex fine ejusdem textus constat, in qua religione monasterium jus habet succedendi; præter illum autem textum nullus est, unde hoc colligi possit. Nihilominus contraria sententia communis est, quam tenet Bartolus in tractatu Minoritarum in fine lib. 4. quem sequitur

De acquisitione.

Hæc acquisitio quoad dominium cedit Ecclesiæ.

Videntur tamen exceptio bona hereditaria.

Resolutio quoad priorem partem tituli.

Limitatio de aliis redditibus Ecclesiasticis.

3. Exceptio assertur. Et pro ea arguitur.

Confirm.

ent Rebuffus consil. 14. q. 1. & id manifeste supponunt Fredericus de Senis consil. 26. & Romanus consil. 296. quos refert, & sequitur Tiraquellus, de utroque tractatu, tractat. 1. §. 1. glossa. 9. n. 105. Ajunt enim, si pater, vel testator moriatur, priusquam talis religiosus transeat ad statum Episcopatus, vel alium in quo sit habilis, tunc hæreditatem non pertinere ad Ecclesiam, sed ad alium hæredem, qui succedat in gradu, etiam si contingat hæreditatem aliquo tempore jacere, & interim religiosum illum ad Episcopatum transire, quia jus, & ordo succedendi attenditur juxta capacitatem & statum personarum, tempore quo decedit pater, seu testator. Supponunt ergo, quod si translatio fuisset facta ante mortem patris, succederet religiosus, vel Ecclesia, juxta exigentiam status quem tunc habebat. Fundamentum autem est idem, scilicet, quia jus succedendi spectandum est secundum statum, quem quis habet eo tempore, quo pater decedit, & non secundum eum quæ tempore præcedente habuit. Unde ait Bartolus, per illam translationem seu beneficium talem personam restitui in integrum, & ita recuperare jus succedendi juxta legem 2. Cod. de sententiam passis; quæ certe parum probat; nam potius in ea dicitur, per remissionem unius pænæ non restitui bona, vel jus ad illa, nisi speciale beneficium super hoc fuerit impetratum, & fere similia verba habentur in leg. 1. vers. filio qui mortis, ff. ad Tertullianum, quam etiam adducit. Oportet ergo in præsentii ostendere speciale beneficium Principis de tali restitutione.

16 Quare difficulter potest hæc sententia efficaciter probari; tamen quia pietati faver, cujus favor ampliandus est, & quia communiter recipitur a Jurisperitis, quorum judicium in hujusmodi causis proprium est, sustinenda est, & approbanda. Potest autem in hunc modum exponi: Nam quamdiu talis religiosus est in religione incapax hæreditatis; ideo non succedit religio, quia ipsa cedit juri suo, non quia quantum est ex parte talis personæ, non posset habere jus succedendi, & ideo statim ac illa persona unitur alteri Ecclesiæ, quæ est capax successionis, & non cedit juri suo, transfert in illam jus succedendi. Unde intelligitur per professionem in tali religione non fuisse extinctum omnino jus succedendi, neque absolute fuisse translatum ad alios fratres, vel possibiles hæredes, sed vel mansisse quasi suspensum, ut secundum præsentem statum in nullo actu sit tale jus, sed sit quasi spectans rerum eventum; vel certe, si ad alios fuit translatum, fuerit etiam non absolute, sed dependenter a futuro eventu; vel denique dici potest, hoc jus radicaliter semper manere in persona religiosi, neque hoc repugnare paupertati, quia non est, ut ipse succedat, vel sibi acquirat, sed ut loco & nomine ejus Christus (ut sic dicam) vel aliquis pius locus succedat. Unde etiam considero, per professionem acquiri Christo, vel Ecclesiæ jus succedendi in bonis, in quibus religiosus succedere deberet; hoc tamen jus applicari illi religioni, vel monasterio, cujus filius, vel membrum est talis religiosus, & ideo quamdiu ipsa religio renuntiat, seu non vult tale jus, amittitur hæreditas, si eo tempore succedat, & ita transit jus succedendi ad fratres, &c. Si autem ante tempus successionis, id est, ante mortem parentis, translatio fiat ad Episcopatum, applicatur jus illud tali Ecclesiæ, quia illa applicatio est quasi deambulatoria, quamdiu vivit ille cui succedendum est; neque intelligitur Christus, aut Ecclesia aliter eam fecisse, aut omnino renuntiasse ex vi primæ professionis. Hæc autem omnia non aliter probantur, nisi, quia sine dubio potuit Ecclesia hoc modo disponere circa successionem religiosi, estque talis modus valde consentaneus pietati, & rationi, & nihil repugnat tali statui religioso; nam illi satisficit per hoc, quod ejus communitas non succedat, neque etiam religiosus ipse (eo modo posset) quamdiu est membrum ejus. Neque etiam hic modus est injuriosus aliis, qui cupiunt esse hæredes, quia non debetur illis jus succedendi, cui religiosus voluntarie renuntiat, & ideo potest renuntiare sub quacumque conditione, vel modo ab Ecclesia instituto. Denique jus dicti c. statum, non fundatur in hoc, quod prius monasterium fuerat Ordinis S. Benedicti, & capax hæreditatis, sed in hoc solum, quod consecratio Episcopalis absolvit monachum a prioris lege, & facit capacem patris hæreditatis;

ergo non est a nobis restringendum sed extendendum.

17 Quin potius relati authores non solum de translatione ad Episcopatum hanc legem intelligunt, sed etiam illam ampliant, ad omnem legitimam translationem ad alium statum. Ita ut si monachus S. Francisci vivente suo patre transeat ad alium ordinem capacem hæreditatis, & ibi secundo proficiatur, postea mortuo patre secundum monasterium succedit in hæreditate paterna, quia cum persona transfertur hoc jus, & secundum monasterium illi non cedit, neque illi præjudicat, quod prius monasterium illud non acceperit, quia non fuit propterea omnino extinctum, neque absolute translatum ad alios sæculares, ut explicuimus. Et eadem ratione hoc ampliant, etiam si primum monasterium fuerit capax hæreditatis, quia si de facto non successit, eo quod pater semper vixit, & eo vivente filius transfertur ad aliud monasterium capax etiam hæreditatis, & ibi legitime proficitur; postea moriente patre non prius, sed posterius monasterium succedit propter eandem rationem, quia prius monasterium nunquam habuit jus firmum, vel certe tantum habuit spem, & utriusque fundamentum per transitum sublatum est, & in aliud monasterium translatum. Unde consequenter etiam dicendum est, si secundum monasterium sit incapax hæreditatis, nihilominus prius amittere jus, vel spem succedendi, licet posterius illam non acquirat. Nam amissio per se fit ex vi translationis, & ablationis fundamenti, quod autem altera religio nolit tale jus succedendi, accidentarium est; unde in eo casu transibit hæreditas ad alios legitimos hæredes. Quæ omnia minus mihi certa sunt, quia non sunt in aliquo expresse jure fundata; tamen, quia probabiles rationes sunt deductæ ex supradicto jure, & quia communiter doctores cum Bartolo ita sentiunt, probanda sunt, nisi alicujus regni expressum jus obliteret, ut Rebuffus dict. consil. 14. significavit.

18 Unum autem inconveniens ex dictis sequi videtur, scilicet, si hujusmodi religiosus vivente patre ad sæculum redeat, tunc etiam monasterium privari successione, si contingat eo tempore, quo religiosus a tali religione absolutus in sæculo manet, testatorem, vel parentem mori; quod videtur contra superius dicta, & contra rationem, quia per solenne votum paupertatis acquisitum fuit Christo, aut Ecclesiæ speciale jus ad illam hæreditatem, & ideo licet ab una religione possit transferri in aliam, vel in aliquam Ecclesiam, ad quam legitime transfertur persona; tamen semper respectu Dei conservatur illud justamquam sacrum quid, solumque in applicatione ad locum sacrum, sit mutatio. In mutatione vero ad sæculum si religio amittat successionem jus illud, (ut sic dicam) omnino amittitur Christo, & quod sacrum effectum fuerat, iterum profanum efficitur, quod videtur inconveniens. Circa hoc Bartolus dicto lib. 4. Minoritatum c. 3. generaliter affirmat, quoties religiosus absolvitur ab ordine suo sine translatione ad aliquam Ecclesiam, seu dignitatem, non recuperare jus succedendi, etiam si absolutio licito modo fiat.

19 Verum tamen hanc doctrinam intelligendam censeo, quando absolutio solum est ab actuali obedientia, vel clausura religionis, & non ab ipsomet vinculo professionis, ita enim intelligendum est exemplum Bartoli ibidem; aut certe, nec verum est, nec consequenter positum. Ait enim religiosum propter sua merita ejectum a religione, & translatum ad aliam de licentia Prioris, non transferre in aliam jus succedendi, quia illa absolutio magis est ad pœnam, quam ad præmium. Hoc autem erit verum si translatio ad aliud monasterium, solum sit, quasi per coactionem, & detractionem in illud in pœnam; nam tunc quoad proprietatem semper illa bona pertinent ad prius monasterium, quamvis secundum possit eis frui, quamdiu talis religiosus in eo vixerit. Si autem sit vera translatio per novam professionem in altera religione, plane transfertur in illam jus succedendi, juxta superius dicta. Neque enim obstat, quod abjectio fuerit pœna, quia illa non potest impedire jus alterius religionis, quod necessario consequitur ex professione, & admissione talis personæ, & prior religio eo ipso, quod permisit talem personam aliam profiteri, permisit etiam amittere spem,

Quomodo
fundanda
sit dicta
communis
sententia.

Cui sequi-
rat pro-
fessus res-
diens le-
gitime ad
sæculum.

spem, quam de illius successione habere poterat. Sic ergo dicendum cenſeo de tranſitu ad ſæculum; nam ſi ſolum fiat quoad ſeparationem a conſortio religionis, manente vinculo, tunc certum eſt religioſum nunquam recuperare jus ſuccedendi in propria perſona, quia ſemper eſt incapax; unde ſi ſiſteret Minorita, nullo modo ſuccedere poſſet, ſi autem ſit alterius religionis capax hæreditatis, ſemper illi acquireret ſuccedendo, niſi ita ſit omnino ſeparatus, ut alteri Eccleſiæ, vel Episcopatu ad dictus ſit, ſive interceſſerit ejectione juxta ſuperius dicta de illa; ſive fuerit pura, & legitima tranſlatio; tunc enim ſuccedet acquirendo Eccleſiæ, vel Episcopatu, ut dictum eſt.

20 At vero ſi tranſitus ad ſæculum fiat per ablationem vinculi profeſſionis, media legitima diſpenſatione (ſupponimus enim interdum eſſe poſſibilem) tunc recuperabit illa perſona jus ſuccedendi & acquirendi ſibi, quia facta eſt capax ante mortem parentis, & quia prior religio amittendo perſonam amiſit ſpem ad ſucceſſionem ejus, ut conſtat ex præcedentibus punctis. Unde qui legitime diſpenſavit cum perſona ſacra, ut deſinere eſſe ſacra, conſequenter diſpenſavit, ne jus illud, vel ſpes, quæ videbatur aliquo modo conſecrata Deo, amplius permaneret. Neque hoc repugnat dictis in c. 14. nam ibi loquuti ſumus de bonis non tantum in ſpe, ſed in re ipſa acquiſitis monaſterio, de quib. longe alia ratio eſt. Et in hac ſententiam inclinat Gregor. Lopez in gloſſa 1. ad legem 22. tit. 3. partit. 6. & videri etiam poſſet noſter Molina tomo 1. de juſtitia diſp. 140.

Quantum in Episcopo regulari extendatur facultas retinendi bona temporalia.

De quibus acquiſitis ſi hæc ſententia. 21 Haecenus de acquiſitione, ſequitur dicendum de retentione, ſeu poſſeſſione bonorum acquiſitorum, quæ ſecundo loco in n. 13. proponebatur, nam in hoc etiam multum differt inter religioſum factum Episcopum & alios, quia quidquid acquirat in Episcopatu, ſive ex bonis ſui Episcopatus, ſive quolibet alio titulo, etiam hæreditario, juſte & licite poſſidet, ſeu tenet apud ſe. Ita docent omnes, & colligitur ex dicto c. ſtatutum, in quo in primis expendo illam particulam *sibi hæreditatem vendicandi poteſtatem habeat*; nam illa particula ſibi demonſtrat, quoad commoditatem, atque adeo, quod poſſeſſionem, ſeu retentionem, ſibi acquirere, quamquam Gloſſa ibi exponat ſibi, id eſt, Eccleſiæ ſuæ, quod ad textum non eſt neceſſarium; nam infra ſatis explicat quomodo acquirat ſibi. Si autem admittatur expoſitio, intelligendum eſt quoad proprietatem, quod in textu ſignificatur, cum infra dicitur *ad altare reſtituat*, intelligiturque poſtquam deceſſerit, vel Episcopatum dereliquit, juxta ſtatim dicenda.

De quibus non liceat

22 Loquuntur autem de acquiſitis in Episcopatu; nam quæ prius in religione, ſeu monaſterio acquiſerat, vel peculium quod de licentia Prælati habebat, amplius retinere non poſſet; ita enim habetur in eodem c. ſtatutum, cujus verba ſunt, *Sed quidquid acquiſerat, vel habere viſus fuerat, monaſterio relinquat & Abbatis arbitrio*. Quæ verba nonnulli limitant ad bona acquiſita per induſtriam religioſi; nam patrimonialia tranſferri putant, quod tenuit Panorm. cum Cardinali in c. quod ad te, de Clericis conjugatis n. 8. ubi additio ejus idem ſequitur, & alia refert. Sed oppoſitum cenſeo verius, quod tenuit Petrus de Peruſio ibi, & Anton. de Butrio conſil. 76. & ſatis probant verba illius textus, *Quidquid acquiſerat vel habere viſus fuerat*, quæ diſjunctio excludit omnem aliam diſtinctionem, & præterea id ſatis confirmat ſupradicta circa tranſlatos de una religione ad aliam. Conſtat ulterius ex illis verbis, ſtatim eſſe talia bona relinquenda; nec poſſe retineri, etiam quoad uſum, vel uſumfructum, ut poſtea reſtituantur monaſterio tempore mortis; nam textus manifeſte in hoc etiam diſtinguit inter bona prius & poſterius acquiſita. Quod ſimiliter confirmant ſupradicta de religioſo tranſeunte ab una religione ad aliam. Unde D. Anton. in tractatu de ſuſpenſione c. 4. num. 20. refert privilegium conſeſſum a Clemente IV. ordini Prædicatorum, ut qui aſſumitur ad Episcopatum, priuſquam conſecretur, reſignet ordini libros, & alia quæ habebat, & alioqui ſit ab executione Pontificalis miniſterii ſuſpenſus; idemque præcepit Minoribus Alexander V. ut reſert in libro *Monumenta Minorum* tract. 1. non longe a principio.

23 Quæri autem hic poſſet, an idem judicium cum proportionem ſit de bonis acquiſitis in Episcopatu; nimirum ſi talis Episcopus regularis ab uno Episcopatu ad alium tranſferatur, an poſſit ſecum deferre bona in illo acquiſita, ut eis utatur & fruatur quamdiu vixerit, quamvis poſtea tempore mortis reſtituenda ſint priori Eccleſiæ; an vero teneatur ſtatim illa relinquere. In dicto enim c. ſtatutum, ſolum dicitur eſſe reſtituenda Eccleſiæ, vel Episcopatu bona in illo acquiſita, non tamen declaratur, quando ſunt reſtituenda: videtur autem proportio ſervanda inter hunc tranſitum ab uno Episcopatu ad alium, & priorem a religione ad Episcopatum: nam ſicut Episcopos acquirat ſuæ Eccleſiæ, ita religioſus ſuo monaſterio; ſed propter huiusmodi acquiſitionem tenetur religioſus cum ſit Episcopus, ſtatim relinquere omnia bona monaſterio: ergo eadem ratione tranſiens ad alium Episcopatum, tenetur ſtatim relinquere priori Eccleſiæ, quidquid in illa acquiſerat. Confirmatur, primo, quia proprietatis illorum bonorum eſt apud talem Eccleſiam, ergo eo ipſo quod diſſolvitur ſpirituale matrimonium inter Episcopum & ſuam Eccleſiam, naſcitur obligatio relinquendi illi bona ſua, quia nullum juſtum titulum habet ad retinendum illa bona, & uſum, vel uſumfructum eorum in viro domino. Et confirmatur ſecundo, quia quoad utilitatem, & ſervitium ſuæ Eccleſiæ, perinde eſt mutare Episcopatum, ac mori: ergo perinde tenetur in utroque caſu relinquere huiusmodi bona tali Eccleſiæ. In contrarium autem eſt, quia in dicto cap. ſtatutum: dicitur monachum factum Episcopum, vendicare ſibi hæreditatem paternam: ergo ſimpliciter ſibi comparat talium bonorum commoditatem, illam ergo retinere poſſet, quamdiu vivit, ſatisfaceretque ultimæ parti illius canonis, ſi ea reſtituat monaſterio tempore mortis, & confirmatur, quia cum in jure non ſit major obligatio expreſſe impoſita Episcopos, non eſt cur nos illam augeamus.

24 In hac re ego non invenio expreſſam juris deciſionem, imo nec in authoribus adhuc reperi hanc dubitationem expreſſe tractatam. Videtur autem probabiliter poſſe diſtingui inter bona acquiſita ex redditibus Episcopatus, vel aliunde comparatis, ſive fuerint jure hæreditario obſenta, ſive quocumque alio ſæculari titulo. De prioribus enim probabilius videtur debere ſtatim relinquere illi Eccleſiæ, in qua acquiſita fuere, qui omnino ſunt ejus, quaſi ex intrinſeco titulo, eorumque uſus, & adminiſtratio ſolum concedebatur huic perſonæ ratione Episcopatus talis Eccleſiæ; ergo quacumque ratione dimittat Episcopatum, non poſſet amplius illa bona apud ſe retinere, neque eis frui: item quia alias etiam ſi eſſet magna quantitas pecuniæ, vel aliarum rerum, quæ uſu conſumuntur, poſſet omnia ſecum deferre, & illa in ſua vita conſumere, quod eſſet in magnum præjudicium talis Eccleſiæ, idque ſine ſufficienti titulo, & ratione, cum ille jam tali Eccleſiæ non inſerviat, & aliam habeat unde ſuſtentari poſſit.

25 De aliis autem bonis proprio & pecuniari titulo acquiſitis videtur ſatis veriſimile, quod tranſeant cum perſona, argumento ex c. ex tranſmiſſa, de renuntiatione, & c. quod a te, de Clericis conjugatis, ubi Panormit. notat bona patrimonialia ſequi perſonam; citans etiam leg. primam. ff. de Collegiis illicitis, & ratio differentię eſſe poſſet, quia bona patrimonialia, ſeu extranea per ſe non pertinebant ad Eccleſiam, ſed ſolum per accidens ratione conditionis talis perſonæ. Unde alii Episcopos per ſe directe illa ſibi acquirunt, & poſſunt de illis teſtari, etiam ſi de bonis intuitu Eccleſiæ acquiſitis non poſſint, ut notant Panormit. & omnes in c. 1. de Teſtamentis; ergo veriſimile eſt tranſlata perſona ad alium Episcopatum, tranſferri cum ea hæc bona patrimonialia, ſeu ſæcularia.

Dices, ſi illa jura & hic diſcurſus aliquid probaret, etiam ſuaderet talia bona tranſire ad ſecundum Episcopatum quoad dominium, & proprietatem, quia dicta c. ex tranſmiſſa, & quod a te, ita loquuntur, & Panormitanus & alii Doctores in eodem ſenſu ajunt, bona donata Eccleſiæ a clerico habente in ea beneficium, tranſlata in de perſona ſecum deferre bona, quæ antea erant illius propria. Nihilominus in præſenti non cenſeo tantam extensionem admittendam; nam in dicto c. ſtatim.

An tranſlatus ad alterum Episcopatum poſſit retinere acquiſita in priore.

Reſponſio quoad acquiſita ex ſuſtibus prioris Episcopatus.

Reſponſio veriſimilis quoad acquiſita alio titulo.

statutum dicitur illa bona esse restituenda ad altare, ad quod sanctificatur, & titulatur; item quia dominium illorum bonorum semel acquisitum fuit primæ Ecclesiæ, ergo non debet illo privari, quamvis privetur persona, tum quia beneficium principis semper intelligitur fieri sine præjudicio tertii; tum etiam, quia afflictis non est augenda afflictio; sic ergo Ecclesia orbata suo pastore, non est simul bonis ejus privanda. Neque alia jura loquuntur in simili specie, sed de clerico seculari capace proprii domini, de quo est longe diversa ratio, & eodem modo loquuntur citati auctores, qui variis modis explicant, & limitant illam doctrinam etiam in eo casu, & summa omnium est, in illo reddi bona tali clerico, vel ex benignitate potius quam ex iustitia, vel quia in donatione talis conditio inclusa subintelligitur, ex dispositione juris. In præsentem autem casu nullum habemus simile jus, quare illud extendendum non est in Ecclesiæ præjudicium.

Quin potius propter has rationes est mihi res valde dubia, an liceat Episcopo in eo casu deferre secum talia bona, etiam quoad usum, vel usum fructum, nisi in eo casu, in quo ipse Episcopus illis indigeret ad suam sustentationem, ut si renunciasset Episcopatu, sine transiuationem, vel sine aliqua pensione, aut beneficio Ecclesiastico ad suam sustentationem sufficientem. Tunc enim ipsa ratio postulat, ut de bonis quæ ad ipsum pertinebant, alatur. Extra hos vero casus non video sufficiens fundamentum ad limitandum dictum jus, etiam quoad possessionem & usum fructum talium bonorum, cum ille non sit dominus eorum, & desinat esse administrator, quia hoc munus solum ratione prælationis illi conveniebat, ut bene notavit Panormit. in cap. 1. de Testamen. in fine.

Quantum in Episcopo regulari extendatur facultas expendendi bona temporalia.

28 Ultima actio est usus, seu dispensatio bonorum, quæ tertio loco in n. 13. posita est. In qua etiam manifestum est habere Episcopum ampliorem facultatem, quantum religiosus status postulat, vel etiam permittat, quæ multo plura in statu Episcopali necessaria sunt. Quærit autem solet, an in hoc usu habeat Episcopus regularis tam liberam facultatem sicut secularis; Nam quod illam habeat, videtur esse communis sententia, quam tenet Navarrus, q. 1. & 2. de redditibus Ecclesiasticis & Sor. lib. 10. de iustitia art. ult. idem sentit, tamen ex diversis principiis; Navarrus enim putat Episcopos etiam seculares non esse veros dominos, imo nec perfecte usufructuarios reddituum Ecclesiasticorum, sed tantum administratores, cum plena facultate utendi, & disponendi de illis bonis in pios usus. Hanc autem facultatem sine dubio habet æqualem regularis Episcopus, quia non minus fideliter hoc munus præstare potest, quam secularis, & quia illa facultas convenit ex vi tituli Episcopalis, qui titulus ejusdem rationis est in utroque, & hanc sententiam tenuit Cardinalis, in Clementina 2. §. sed & talis, de vita, & honestate Clericorum, & videtur favere Concil. Tridentin. c. 1. de reformatione dicens de Episcopis. *Omnino vero eis interdicit, ne ex redditibus Ecclesiæ consanguineos familiares vel suos augere studeant, cum & Apostolorum canones prohibeant, ne res Ecclesiasticas, quæ Dei sunt, consanguineis donent, sed si pauperes sint, iis ut pauperibus distribuunt &c.* & infra subdit hoc habere locum non solum in Episcopis, sed etiam in quibuscumque tam seculari, quam regulari beneficia obtinentibus; ergo idem etiam sentit Concilium de Episcopo regulari, neque ampliorem facultatem seculari concedit. At vero Soto longe diverso nititur fundamento; ipse enim q. 4. ejusdem lib. ex professo probat Episcopos esse veros dominos suorum reddituum, & consequenter, tamquam veros dominos habere liberam dispensationem, cum onere tamen fideliter implendi onera Episcopalia, postea vero in alio art. ult. facit æquales Episcopos regulares, etiam in ipso dominio, ut supra retulimus: ex quo manifeste concludit, Monachos Episcopos perinde possidere Ecclesiastica bona ac reliquos seculares. Itaque Navarrus, dum seculares Episcopos re ipsa pauperes facit, æqualitatem inter eos, & regulares constituit, Soto vero, ut eandem faciat æqualitatem, regulares Episcopos divites facit.

29 Inter has sententias Navarrus opinio minus improbabilis est; nam fundamentum Soti, quoad hanc partem de dominio regularium Episcoporum, revera est improbabile. Absolute vero etiam opinio Navarrus non placet; probabilius enim censo Episcopos seculares esse dominos fructuum suorum Episcopatum, ut plane sentit D. Th. dicta q. 185. art. 7. ubi prius dicit Episcopos habere propriorum bonorum dominium; postea vero subdit, eandem esse rationem de his redditibus Ecclesiasticis, qui specialiter sunt Episcopatu deputati, de qua re alibi in opere de Ordine tractari solet. Ex hac ergo inæqualitate, quam regularis, & secularis Episcopus habet in dominio talium bonorum, infero non esse æquales in facultate dispensandi illa; Probatur primo ratione generali, quia major est potestas domini, quam dispensatoris ex genere suo; ergo etiam in præsentem est major, quia nullo jure speciali impeditur illa inæqualitas. Secundo declaratur; nam aliqua dispensatio seu usus talium bonorum esse potest licita Episcopo seculari, quæ non sit regulari, ut v. g. si ille pauperum necessitatibus, & aliis pios operibus sui Episcopatus sufficienter providit, & adhuc habeat superflua de suis redditibus, nihil profecto peccabit, si aliquid donet ois solam cognationem, vel liberalitatem, quidquid Navarrus dicat in citata q. 1. monito 40. n. 12. neque id repugnat Concil. Trident. quia fieri potest, sine dissipatione Ecclesiasticorum bonorum, ut alibi dicemus. Episcopo autem regulari hoc non licet, nisi cum magna moderatione. Præterea in multis casibus licet uterque peccet abundantius donando quam possit, est tamen diverso modo; nam secularis non peccabit contra iustitiam, sed contra religionem; abutendo bonis aliquo modo sacris, vel contra misericordiam omitendo pauperes propter consanguineos, vel contra obedientiam Canonum Ecclesiasticorum, præsertim dicti Concil. Trident. Regularis vero præter hos modos peccabit etiam contra iustitiam, cum ea donet quorum non est dominus, & ultra facultatem dispensandi quam habet. Dices, cui facit iniustitiam, non enim suæ religioni, quia illa nullum jus habet ad talia bona: nec suæ Ecclesiæ, quia illa potius tenetur ex iustitia, portionem suam dare Episcopo. Respondetur, iniustitiam fieri propriæ Ecclesiæ, in qua manet dominium talium bonorum, propter incapacitatem talis personæ; & ideo licet ex iustitia teneatur alere Episcopum; eique administrationem illorum bonorum committere; nihilominus ipse etiam tenetur ex iustitia jus Ecclesiæ illæsum servare.

30 Præter hæc Episcopo seculari per se loquendo licitum est habere diutorem suppellectilem, & ampliorem familiam quam regulari: nam licet uterque possit, & debeat Episcopalem dignitatem, cum omni decencia & honore tractare, tamen secularis, etiam si in hoc aliquantulum excedat, vel nihil, vel saltem non graviter peccabit, si aliunde sufficientem pauperum curam habeat; regularis vero mea sententia facile poterit in hoc graviter peccare, quia debet servare paupertatem religiosam in his, quæ dignitati Episcopali non repugnant. Et simili modo dicam, facilius posse graviter peccare religiosum Episcopum norabilem pecuniæ quantitatem per ludum, aut alium modum similem expendendo, quam secularem, ex eodem fundamento. Denique quamvis neuter ex his Episcopos possit testari de bonis intuitu Ecclesiæ acquisitis, nihil tamen repugnet consuetudine alicubi introduci, ut Episcopi testari possint de illis bonis, & nihilominus ex vi talis consuetudinis non possent testari Episcopus regularis propter incapacitatem personæ; imo fortasse, quoad hoc nunquam posset consuetudo prævalere, quia voto contraria videretur. Et ob eandem causam licet Pontifex possit utrique Episcopo facultatem testandi concedere, longe tamen facilius, & ex leviori causa Episcopo seculari quam regulari, imo facultas data seculari, sine ulla causa valida esset, licet illicite daretur; data autem regulari videretur invalida; nam prior est tantum contra jus humanum, posterior vero includit dispensationem in voto, quæ sine causa data nulla est. Denique patrimonialia bona potest secularis Episcopus libere expendere, & de eis testari, quod non potest regularis Episcopus. Ex his ergo ut existimo manifeste convincitur, non habere tam amplam facultatem dispensandi, & ex.

Non equi-
parari di-
ctos Epi-
scopos ve-
luti sen-
tentiæ.

Sententia
multorum
comparat
in hoc usu
Episcopos
regula-
res & se-
culares.

4. Ratio
ex multis
discrimi-
nibus.

& expendendi bona temporalia religiosum Episcopum, quam sæcularem, quamquam authores non tam accurate, & in particulari hanc comparationem expendunt. Fortasse tamen Cardinalis & alii, cum hos Episcopos faciunt æquales in libera dispensatione bonorum, non loquuntur de æqualitate in actibus, & radice hujus dispensationis, prout a nobis explicata sunt, sed solum in libertate quoad modum dispensandi, ut in proximo sequenti puncto declarabimus.

31 Ultimo enim ex his constat, quod ultimo etiam loco supra in fine n. 11. proposuimus, quare scilicet dicatur religiosus factus Episcopus habere aliquam rem rerum quoad modum, & quamdam independentiam ab alterius voluntate. Diximus n. 10. mo præced. in hoc maxime consistere uti re aliqua, non ut propria, quia solum sit ad arbitrium Prælati, & dependenter a voluntate ejus; religiosus ergo factus Episcopus jam non habet hanc dependentiam, sed ipso jure, ut sic dicam, & ex vi tituli Episcopatus, potest libere dispensare talia bona in omnem usum alias sibi non prohibitum; in hoc ergo recte æquiparatur Episcopus regularis sæculari, & id solum probant fundamenta Soti, Navar. & aliorum, quia scilicet titulus Episcopalis ejusdem rationis est in regulari, & in sæculari Episcopo. Nihilominus tamen, multa sunt prohibita in hoc genere dispensationis Episcopo regulari, quæ non prohibentur sæculari. Quod quidem non oportet intelligi, de prohibitione speciali juris positivi; sufficit enim naturalis prohibitio, quæ sequitur ex vi voti paupertatis, & status religiosi, ut declaratum est.

32 Dices, illammet independentiam a facultate alterius, etiam quoad usus licitos, videtur esse contraria voto paupertatis. Respondetur in primis non esse contrariam, quia est quasi intrinseca tali statui, & ideo Superior qui illum statum concessit, consequenter fecit facultatem utendi bonis ejus quantum ejus conditio postulat. Unde licet hæc dicatur independentia a facultate per hominem (ut sic dicam) concedenda, includit nihilominus facultatem Prælati per jus ipsum datam, quod satis est ad substantiam paupertatis. Quod inde maxime declaratur, quia ipsemet Superior, hoc est, Summus Pontifex, posset in hoc modum ponere Episcopo regulari, limitando modum disponendi de hujusmodi bonis, quia est illi specialiter subiectus per obedientiam votum, ut statim videbimus, & votum etiam paupertatis retinet, ut hæcenus demonstravimus: de essentia autem voti paupertatis est, ut dispositio talium bonorum, ex Superioris arbitrio semper pendeat. Sicut ergo in superioribus diximus, non posse Prælatum religionis ita concedere peculium religioso, & facultatem disponendi de illo, quin semper possit a Prælato revocari, vel determinatus modus præscribi, ita regularis Episcopus non potest in hoc esse omnino independentis a Pontifice, sed ejus arbitrio in usu talium bonorum semper debet subesse, & ita satis constat quomodo substantiam paupertatis retineat.

C A P U T XVII.

Ad quid teneatur idem Episcopus quantum ad votum obedientiæ erga Prælatum suæ religionis, aut etiam regulas.

1 Superest dicendum de obedientia, quæ dupliciter a religiosis exercetur. Primo circa præcepta Prælatorum religionis, quæ ab homine, ut sic dicam, imponuntur; secundo circa observationem regulæ religionis, & observantialis, quæ ratione illius unicuique regulari competunt. Quantum ergo spectat ad priorem partem tituli, dicendum est, quamvis Episcopus regularis substantiale votum obedientiæ retineat, nihilominus ratione illius non teneri ad obediendum Prælati suæ religionis, sed soli Pontifici Summo subesse. Prima pars constat ex dictis, quia hoc votum est maxime de substantia religionis, item quia non repugnat statui Episcopali, ut per se constat. Secunda pars declaratur primo, quia votum obedientiæ, etiam factum in tali religione, non postulat essentialiter actualem subjectionem ad aliquem Prælatum talis religionis; nam Generalis religionis, etiam si perpetuus sit, votum obedientiæ retinet, & tamen nulli Prælato re-

gulari subest; item quia Summus Pontifex, est summus Prælatum cujusque religionis, & substantia voti obedientiæ sufficienter salvatur respectu cujusque Prælati religionis, cujusque gradus vel conditionis sit. Sic ergo sufficienter probatur hoc non repugnare substantiæ hujus voti; quod autem ex vi dignitatis Episcopalis illa exemptio sequatur, probatur primo ex usu Ecclesiæ; secundo ex dicto c. *statutum*, 18. q. 1. ibi, *Monachus, quem canonica electio a jugo regule monastice professionis absolvit, & sacra ordinatio de monacho Episcopum facit*; nam hoc maxime de jure obedientiæ ad Prælatos religionis verum est, & dicitur esse a regula, quia obedientia esse debet secundum regulam, ut statim amplius exponemus. Tertio, quia hæc vota non manent in his quæ repugnant statui Episcopi, ut sæpe dictum est; repugnat autem Episcopum, qui suæ Ecclesiæ curam genere debet, & omnes actiones suas in illius utilitatem consecrare, subesse obedientiæ suæ religionis. Quæ ratio probat optime respectu Episcopi habentis propriam Ecclesiam, & Episcopatum, in quo hæc exemptio ex natura rei consequitur, propter incompatibilitatem inter Episcopalis munus & obedientiam regularem.

2 In Ecclesia autem observatur, ut religiosus, eo ipso quod consecratur Episcopus, licet revera non habeat proprium Episcopatum, sit liber ab obedientia omnium Prælatorum suæ religionis; de illis ergo alia est ratio, scilicet, quia non decet dignitatem Episcopalis consecrationis, ut talis persona maneat subdita inferioribus Prælati regularibus, quo sensu talis exemptio fundanda est in Ecclesiæ institutione, quæ ex traditione satis nobis constat; sola enim ratio decentiæ congruentiam ostendit, non tamen per se sufficit obligationem promissæ obedientiæ tollere. Accedit tandem, quod nullus consecratur Episcopus, nisi sub titulo alicujus Ecclesiæ, ratione cujus habet jus illam regendi, quod per se satis est, ut ex vi talis status liberari debeat a privata obligatione religionis; nam quod actu non possideat suam Ecclesiam, accidentarium est. Unde ex vi etiam talis consecrationis definit religiosus esse actuale membrum in sua religione, quia per se, & ex vi suæ dignitatis factus est caput alicujus Ecclesiæ; ergo eadem ratione liberatur a jugo obedientiæ religionis.

3 Hinc vero facile concluditur ultima pars assertio- nis; in qua primo probanda est pars negativa, scilicet, quod hujusmodi Episcopus alteri quam Romano Pontifici, ex vi hujus voti, non subest. Contingere enim potest, ut hujusmodi Episcopus subordinationem aliquam habeat saltem in aliquibus rebus ad Archiepiscopum, vel ad Patriarcham, aut Prælatum; nulli autem eorum subesse potest, eo quod regularis est, seu ratione voti obedientiæ. Ratio est, quia ipse non promittit obedientiam nisi Prælati suæ religionis, inter quos non computantur ullo modo Archiepiscopus, vel alii Superiores extra Summum Pontificem; ergo ex vi illius voti non obligatur obedire illius, etiam in his quæ ipsi possunt præcipere per Ecclesiasticam jurisdictionem, sed obligabitur tantum ratione illius, eo modo quo alii Episcopi sæculares obligantur. Item hac ratione non tenetur Episcopus regularis obedire ex voto Concilio Provinciali præcipienti, sicut nec servare alia jura, vel leges Ecclesiasticas, quia hoc specialiter non promittit, licet aliunde ratione officii, vel aliis titulis ea servare teneatur.

4 Hinc ergo recte concluditur teneri ex speciali vinculo religionis obedire Summo Pontifici, tum a sufficienti partium enumeratione, tum etiam, quia Pontifex est vere Prælatum religionis, & semper manet illi Superior, & obedientia ad illum non repugnat, imo maxime congruit cum statu Episcopali. Adverti autem potest, quod sicut votum obedientiæ religionis non est illimitatum, sed secundum regulam, ita Episcopus regularis non tenetur ex vi sui voti obedire in omnibus Summo Pontifici, sed in his tantum quæ directe, vel indirecte ad suam regulam pertinent; quia votum obedientiæ mutatum non est in se, sed tantum usus ejus quoad respectum ad hunc, vel illum Prælatum. Fieri tamen potest, ut supposito statu Episcopali, aliquid indirecte pertineat ad observantiam regulæ in tali persona, quod in aliis non pertinet, sicut intra eandem religionem.

Episcopi etiam titulares hæc assertio non obprehe-
duntur.

In qua independentia æquiparentur Episcopus regul. & sæcul.

1. Assertio tripartita pro priorre parte tituli.

ligionem in eo, qui habet munus Prælati; Procuratoris, vel aliud simile, aliquid pertinere potest ad observantiam regulæ, quod in aliis non habentibus tale munus non pertinet. Et hac ratione existimo quidquid in tali persona potest esse moraliter necessarium, supposito tali statu, vel ad spirituale animæ salutem, vel ad perfectionem secundum regulam, esse materiam hujus obligationis, si ex vi illius voti præcipiatur, quia indirecte, & reductivè sub illo continetur.

5 Occurrit vero hoc loco circa exclusivam positam incidens dubium de Episcopo titulari, & regulari, qui intra diocesim alterius Episcopi habitat, cujus jurisdictioni ordinariæ videtur subiectus, an teneatur ex vi voti obedientiæ eidem obedire, nam videtur tunc perinde se habere ac religiosus a sua religione separatur omnino, quoad habitationem & subjectionem, de quo diximus supra cap. 6. manere subiectum obedientiæ Episcopi. Dicendum vero est, etiam hunc Episcopum regularem soli Pontifici debere obedientiam religiosam. Et in primis si talis Episcopus antea erat professus in religione exempta, evidens est non manere subiectum Episcopo loci, quia ante consecrationem erat exemptus ab ejus obedientia, & per consecrationem neque exemptionem amisit, nec denuo factus est illi subiectus. Quin potius licet ponamus antea non fuisse de religione exempta, ex vi consecrationis eximeretur a iugo Episcopi, sub ea ratione, qua Prælati sunt talis religionis, cui ex voto alii regulares fortasse obedire tenentur. Nam sicut quilibet religiosus exemptus per Episcopatum eximitur ab obedientia omnium Prælatorum religionis præter Pontificem; ita etiam non exemptus, quia eadem est utriusque ratio; ergo licet Episcopus loci sit unus ex Prælati talis religionis, ab illius etiam obedientia eximitur. Quin potius existimo hujusmodi Episcopos titulares jure ordinario esse immediate subiectos Summo Pontifici quoad Ecclesiasticam jurisdictionem, de qua re alibi dicendum est. Hinc etiam obiter intelligitur, cui acquirit regularis Episcopus titularis, quia non habet Ecclesiam, cui acquirit, & certum est non acquirere religioni, a qua separatus est. Dicendum est enim per se, & ex vi juris acquirere illi Ecclesiæ, cujus titulum habet; quia vero non possunt illi cum effectu applicari talia bona, in pia opera dispensanda sunt, quæ dispensatio ipsi Episcopo est commissa, dependenter autem a Summo Pontifice, modo explicato in superiori puncto.

An Episcopus regularis teneatur ad observantiam regulæ, vel constitutionum suæ religionis.

6 Ad secundam partem Tituli dicendum est, Episcopum regularem per se, & directe non teneri ad observantiam regulæ, vel constitutionum religionis, nisi quoad ea, quæ sunt materia alicujus voti, vel quæ per aliquam Ecclesiasticam legem scripta sunt. Contrarium hujus assertionis sentiunt multi Summi, ut Angelus, verb. Monachus. n. 7. Armil. n. 8. Tabiena §. 5. Sylvest. Religio. 6. q. 10. & Religio. 7. q. 1. qui dicunt teneri ad observandas eas observantias regulæ, quæ non impediunt Episcopale munus; cui sententiæ multum certe favet D. Th. dict. art. 8. Sed assertio posita communior est, ut statim referemus, & sine illa limitatione habetur in dicto c. statutum, in illis verbis, *Quam Canonica electio a iugo regulæ monasticæ professionis absolvit* ubi Glossa id avertit. Ratione declaratur, distinguendo omnes leges religionis in illa duo membra, constitutiones, & regulas, quæ supra lib. 1. c. 1. declarata sunt. Primo ergo quoad constitutiones ratio est clara, quia illæ non obligant, nisi ut præcepta Prælatorum, vel Capitulorum religionis; sed talis Episcopus non tenetur obedire Prælati; ergo nec hujusmodi legibus; par enim est ratio præcepti scripti, seu legis permanentis, & præcepti ab homine impositi, si ex equali jurisdictione procedunt; imo præcepta ab homine rigorosius obligare solent, quia ut Juristæ dicunt, mitius agitur cum lege, quam cum homine. De regula vero potest esse nonnullum majus dubium, quia sicut esse solet a primis fundamentis tradita, ita substantialis professio videtur directe respicere observantiam ejus. Nihilominus idem de illa censetur per se loquendo, ex vi regulæ ita colligitur ex dicto c. statutum: 18. q. 1. ubi, *Quem Canonica electio a iugo regulæ monasticæ professione ab-*

solvit, ubi Glossa id est, a jeuniis, vigiliis, &c. idem habet Glossa in dicto c. 3. 16. q. 1. citans c. 2. ejusdem questionis, ubi Gregorius ait: *Nemo potest & Ecclesiasticis obsequiis deservire, & in monarchica regula ordinate persistere, ut ipse monasterii distractionem teneat, qui quotidie in ministerio Ecclesiastico cogitur permanere.* Ex quibus verbis congruentia hujus exemptionis colligitur. Idem sentit Glossa in c. carnem, de consecrat. d. 5. Et idem plane tenent Sor. & Cajet. infra citandi. Ratio autem est, quia illa regula solum obligat, tamquam quædam lex huic communitati imposita; ergo solum obligat personas hujus communitatis, quamdiu sunt membra illius, quia omnis lex pro communitate per se primo fertur, & ita ad eos tantum loquitur, qui sunt partes illius communitatis: sed religiosus eo ipso quod sit Episcopus, desinit esse membrum talis communitatis, quia nec est subditus, nec Prælati ejus: ergo non obligatur legibus ejus; ergo, nec regula ejus. Confirmatur; nam ob hanc causam non tenetur hujusmodi Episcopus servare consuetudines proprias suæ religionis; nam consuetudo est quædam lex non scripta, quæ servanda est, quamdiu vivitur inter eos, qui talem consuetudinem servant, ut Augustinus dixit; ergo eadem est ratio de omnibus aliis legibus positivis propriis talis communitatis, inter quas regula connumeratur.

7 Sed contra, quia multa esse possunt in regula, quæ servari optime possunt in statu Episcopali; ergo ad illa servanda tenebitur talis Episcopus; patet consequentia, quia juxta doctrinam D. Th. quam supra etiam secutus sumus, licet observantiæ religiosæ, quæ impediunt Episcopale munus, cessent in eo statu, non tamen illæ, quæ cum illo statu optime conveniunt. Cur enim cessabit prior obligatio, cum nullum ei ponatur impedimentum? Respondetur, doctrinam illam procedere de his observantiis, quæ sunt de substantia status religiosi, vel directe, aut indirecte, seu implicite sub votum cadunt, & ideo hanc exceptionem primo loco in assertione posuimus. Ratio autem differentiarum est, primo, quia status religiosus quoad substantiam est immutabilis, quoad accidentalia vero mutari potest: per transitum autem ad Episcopatum fit in eo maxima mutatio accidentalitatis. Secundo, quia obligatio voti est personalis, & ideo sequitur personam quocumque tendat; obligatio autem legis est communitatis per se primo, & ideo cessat per separationem a communitate.

8 Unde fit, exceptionem illam extendendam esse ad vota specialia, quæ in aliqua religione fiunt, præter tria substantialia, si talia sint, quæ statui Episcopali non repugnent. Ut v. g. si religiosus ex ordine Minimorum Episcopus fiat, tenebitur ad observantiam non comedendi carnes, quia illa non est tantum ex regula, sed proprio, & speciali voto; cessabit autem illa obligatio, quando speciali conditione personæ illa abstinencia impedimentum fuit ad Pontificalia munera. Similiter in Societate, si professus fiat Episcopus, tenebitur servare votum speciale, quod pro tali statu emittit, de quo nullum potest esse dubium, ut infra videbimus tract. 10. lib. 6. c. 19. & idem censetur de cæteris votis simplicibus, quatenus materia eorum in tali statu occurrere potest, quia omnia illa perpetua sunt, & supposita occasione, seu materia, executio, & observatio ejus nihil repugnat cum statu Episcopali. De voto autem solenni obediendi Pontifici circa missiones potest esse specialis ratio excusationis, quia videtur repugnare cum obligatione interveniendi proprio Episcopatu. Dico tamen, obligationem de se manere, quia votum immutabile est. Unde in primis, si quis esset tantum Episcopus consecratus, & Titularis, ex vi illius voti posset obligari ad quaecumque missionem æque ac cæteri religiosi. Deinde licet habebat Episcopatum, posset ex vi illius voti obligari ad relinquendum illum, ut in Indiam v. g. mitti possit, vel ad alium Episcopatum illuc transferri. Denique cum impedimentum illud subit dispositio ejusdem Pontificis, cui ipsius votum fit, non posset censeri impedimentum ad non obediendum Pontifici, juxta obligationem illius voti præipienti; nam ipse poterit impedimentum hujusmodi auferre; solum ergo necessarium est de re tota illum certius facere, & postea obedire.

9 Sed objicitur secundo, nam sequitur non teneri Episcopum regularem ad deferendum habitum suæ reli-

Probatur secundo quoad immunitatem a regula.

Confirm.

Prima obiectio contra hanc allet.

Hæc obiectio concludit de observantiis substantialibus, non de accidentalibus.

Inter observantias sui statusiales censentur vota, si quæ sunt ultra tria ordinaria. Exemplum de voto Minimorum. Item de votis aliis professorum Societatis.

Quid de quarto voto solenni.

Dubium an Titularis teneatur obedientiæ voto respectu Ordinarii ubi commoratur.

Secunda assertio præsentis capitis.

Probatur tamè primo quoad immunitatem a constitutionibus.

Obiectio
contra eā.
de aſſer.

Episcopus
regularis
tenetur
ad habitū
religionis

religionis, conſequens eſt falſum; ergo. Probatur ſequela, quia deferre habitum non eſt materia voti, ſed tantum eſt una ex conſtitutionibus religionis, nec etiam eſt canon aliquis Eccleſiaſticus, qui Episcopum regularem obliget ad habitum ſue religionis deferendum. Circa hoc communis ſententia eſt, teneri huiusmodi Episcopum ad deferendum habitum ſue religionis; ita aſſerit D. Th. diſt. ar. 8. quem ibi alii ſequuntur, Sylveſt. verb. *Religio* 7. q. 1. Covar. c. 1. de teſta. n. 8. ubi alios Authores refert. Et colligitur ex cap. *clerici*, 2. de vita, & honeſt. cleric. ubi dicitur. *Pontifices autem in publico, & in Eccleſia, ſuperindumentis lineis omnes utantur, niſi monachi fuerint, quos oportet ferre habitum monachalem.* Unde conſtat hanc obligationem non tantum ex regula, ſed ex jure communi deſumptam eſſe, & ideo addimus aliam limitationem in conſolutione; nam ſi de aliqua obſervantia religioſa per jus canonicum declaratum ſit ab Episcopis eſſe obſervandam, tunc reſpectu illorum, non oritur obligatio immediate ex regula, ſed ex tali jure. Imo ſignificat D. Th. hanc obligationem ſequi ex ſubſtantiali ſtatu religioſo; cum enim dixiſſet, Episcopum manere ad hæc ſubſtantialia obligatum, ſubdit, & per conſequens ad portandum habitum ſue religionis, qui eſt obligationis ſignum, indicans profeſſionem tum perpetuo obligare ad ſignum ejus deferendum, ſicut ad præſtandum actus ad quos obligat. Unde licet verbum oportet, poſitum in dicto c. cleric. non ſit adeo rigorofum, ut gravem obligationem ſub mortali ſoleat ſignificare, tamen juxta ſubjectam materiam ita interpretandum eſt, & intelligitur ab authoribus, ut patet ex Panorm. ibi n. 6. Et hoc tandem confirmat generalis Eccleſiæ conſuetudo; nam quod Soto ſupra dixit in Italia hoc non ſervari, quia Itali non dignantur Episcopos in habitu monachali videre, non video, quo fundamento dictum ſit.

Imo pu-
tant alii
qui teneri
ad excom-
municat-
ionem.

10 Imo addit Sylveſter ſupra, hanc obligationem tantam eſſe, ut Episcopum, ſi habitum ſue religionis omittat, incurrat excommunicationem latam in cap. 2. *ne clerici vel monachi* in 6. Covar. autem de hac excommunicatione dubitat. *Non enim eſt* (inquit) *in aliquo canone excommunicatio indiſta monacho, qui prætextu Episcopalis dignitatis non dimiſſo habitu monachorum aſſumit albam illam, vel candidam veſtem, quæ ab Episcopis exterius deferuntur, tamen male faciet monachus Episcopus ea uti.* Verumtamen Covar. non contradicit formaliter Sylveſtro, ſed aliquid addit, & utrumque indiget conſideratione. Duo ergo hic diſtinguenda ſunt, ſcilicet dimittere habitum; vel illo retento, ſuperinduere rochetum. Propter hoc ergo ſecundum ait Covar. non inveniri in jure poſitam excommunicationem, quod ego verum cenſeo, quamvis inter Doctores dubium ſit, an occultare habitum religioſum ſufficiat ad excommunicationem dicti cap. 2. incurrendam; in eo autem caſu occultaretur habitus religioſus.

Id tamen
non eſt
verum, ſi
occultat
habitum
ſub to-
cheto.

11 Nihilominus quicquid ſit de alia occultatione, in hoc caſu non cenſeo eſſe ſufficientem cauſam illius excommunicationis, quia eſt nimia extenſio legis penalis ultra verborum proprietatem. Eo vel maxime, quod non obſtante indumento albo, poſſet retineri aliquod ſignum habitus religioſi, ſive habitum longiorem deferendo, vel in colore, & forma caputii, aut manicarum. Sylveſter autem loquitur in priori caſu, in quo etiam non videtur res adeo certa, tum quia illud cap. 2. aperte loquitur de religioſis in ſuo puro ſtatu, & clauſura manentibus; quod patet ex principio textus: *Ut periculosa religioſis evagandi materia ſubtrahatur, &c.* quæ non poſſunt ad Episcopum accommodari; tum etiam, quia illa non videtur temeraria dimiſſio habitus, cum ſit commutatio in alium habitum proprium Episcopalis ſtatus. Sed cum Eccleſia non conceſſerit regularibus Episcopis habitum illum, nec monachalis habitus deſertionem, certe non poſſet illa commutatio a temeritate excuſari; aliunde vero, quamvis ratio textus non videatur tam proprie habere locum in Episcopo, verba tamen in rigore illum comprehendunt, & ideo timendam eſſe cenſeo talem excommunicationem, præſertim, quia monachalis habitus etiam in Episcopo deſervire poſſeſt ad ſubtrahendum ſaltem evagandi nimium exceſſum.

Quando
habitum
mutat,
licet.

12 Diceſſit in c. *Deus qui*, de vita & honeſt. cleric. cōceditur religioſis, ut poſſint habitum mutare propter u-

Suarez Tom. XV.

niformitatem unius converſationis, quando in unam eccleſiam conveniunt, quia unusquisque ſe debet conformare illis, cum quibus vivit. ca. *quiſque*, diſt. 41. cap. *in nona*, 16. q. 7. Ergo, cum monachus ſit Episcopus, permitti deberet monachalem habitum in clericalem mutare, cum inter clericos vivere debeat. Reſponderetur, id ſolum permitti, quando ex diſpari habitu ſcandalum generatur; jam vero nullum generatur ſcandalum eo, quod Monachus Episcopus ſuum habitum retineat, quoniam potius oppoſitum ſubditis ſcandalum inferret.

13 Tercio obijci poteſt, quia ſequitur Episcopum regularem nihil peccare omitendo jejunia, & ſimilia opera præcepta in ſua regula, etiam ſub mortali, quamvis poſſit facile, & commode in ſuo ſtatu illa ſervare; conſequens eſt falſum, ergo. Sequela patet, quia ſi ille non eſt ſubjectus legi, nihil peccat non ſervando illam. Minor autem probatur ex D. Th. dicente, poſſe Episcopum uti diſpenſatione in huiusmodi obſervantiis regularibus, quæ non repugnant Episcopatu. Qui autem indiget diſpenſatione, peccat, ſi abſque illa tranſgrediatur legem, imo oportet diſpenſationem eſſe rationabilem, & ideo addit D. Th. *Secundum quod requirit neceſſitas perſone, vel offici, vel conditio hominum cum quibus vivit*; loquitur ergo de propria diſpenſatione, quæ veram obligationem ſupponit. Confirmari hoc poteſt ex cap. 3. 16. q. 1. ubi dicitur: *De monachis, qui diu morantes in monaſteriis, ſi poſtea ad clericatus ordine pervenerint, ſtatim non debere eos a priori propoſito diſcedere, ſeu deviare*; ſatis autem diſcedit a priori propoſito, qui regulam non obſervat, quando in illo ſtatu commode poſſet.

Tercia ob-
jectio cō-
tra eandē
aſſerentiā
in aum. 6.

14 Propter hæc Cajet. in Comment. diſt. art. 8. & to. 1. opusculorum tractat. 25. q. 2. & Sot. lib. 10. de juſtitia q. 5. art. ult. & alii Thomiſtæ communiter concedunt, teneri huiusmodi Episcopum in conſcientia ad ſervandas regulas, vel conſtitutiones ſui ordinis obligantes ad culpam. Addunt vero, non obligari debito legali, ſed morali, id eſt, non ex directa obligatione talis legis, (verum enim eſſe putat, quod hætenus diximus, eos non manere ſubjectos hiſ legibus,) ſed ex reſtitutione quadam rationis naturalis, quia ex aſcenſu ad perfectionem ſtatum non debet religioſus deficere a fructu prioris vitæ; deficeret autem, ſi ea, quæ per ſe conferunt ad perfectionem, & Episcopale munus non impediunt, deſereret. Unde ulterius addunt iidem Authores, hanc obligationem in Episcopo in ſuo genere non eſſe mortalem. Itaque, licet lex religionis de jejunio v.g. obliget religioſos ſub mortali, eum, qui factus eſt Episcopus, non ita obligabit, ſed tantum ſub veniali; ratio eorum eſt, quia illa obligatio in Episcopo non eſt ex virtute illius legis, ſed ex illa morali decentia, qua teneretur non deſiſtere ab operibus perfectionis, qui perfectionis ſtatum conſcendit; hæc autem decentia ſolum leviem obligationem inducit. De legibus autem ſeu conſtitutionibus religionis, quæ tantum pœnales ſunt, indicant dicti Authores nullo modo obligare Episcopum, cum ad pœnam religionis ipſe non teneatur.

Reſponſio
quorundā
ad hæc ob-
jectio-
nem.

15 Hæc ſententia mihi non probatur; ſcluſa enim obligatione regulæ, in vi regulæ, aut legis nullam inventionem naturalem rationem, quæ ſufficienter obliget ad eodem actus regulæ ſub aliqua culpa. Primo, quia illa ratio Cajetani ad ſummum probat, debere Episcopum exerceri in actibus perfectionis, & hoc pertinere ad decentiam ſui ſtatus. Quod autem illi actus iidem futuri ſint, qui per regulam ſue religionis perſcribuntur ſub obligatione ad aliquam culpam, non poteſt inferri ex illo generali principio; nam exiſtens in ſtatu perfectionis non poteſt omnes actus perfectionis exercere; determinatio ergo ad hos, vel illos voluntaria eſt, ſcluſa lege obligante: ergo cum Episcopus non teneatur legibus ſue religionis, eſſe debeat ex decentia occupari in operibus perfectionis, nihilominus non obligatur determinate ad perſcripta per talem regulam. Secundo, ſtatuſ ipſe Episcopalis ſecum aſſert proprios actus perfectionis, quos ex intrinſeca obligatione poſtulat, ut ſunt, docere & illuminare alios, ſpiritualiter regere, & omnes eorum miſerias, quoad fieri poſſit, ſublevare, ad quos actus alii neceſſarii ſunt, qui conſequenter ſub eandem obligationem cadunt, quantum ad alios fuerint neceſſarii; ſcilicet orare, legere, vigilare, &c. ergo ſi Episcopus etiam religioſus ſuo

P mu-

muneris, quoad omnes istos actus satisfaciatur, sufficienter implet illam rationem decentiæ exercendi opera perfectionis suo statui consentanea. Ergo si aliqui paupertatem etiam, castitatem, & obedientiam perfecte observet, & omnia, quæ cum illis connexa sunt, vel ex absoluta necessitate, vel ex decentia, per hoc satisfaciatur etiam decentiæ religiosæ, etiam si alias particulares observantias non observet, quia non pertinet ad decentiam superioris status, ut oneremus illum, & propriis obligationibus, & aliis pertinentibus ad inferiorem statum, non tantum substantialiter, & per se, sed etiam accidentaliter. Et hoc tendunt verba sup. cit. in num. 6. ex c. 2. 96. q. 1. quod est Gregorii l. 4. Epistolæ, quamvis ipse ibi non tractet de religioso translato ad Ecclesiam sæcularem, sed potius de clerico sæculari, qui vult regimen monasterii assumere. Tamen per similitudinem rationis verba illa nostro proposito accommodantur.

16 Respondeo ergo ad objectionem, concedendo non teneri Episcopum in conscientia etiam sub veniali culpa, per se loquendo, ad observantias suarum regulæ. Hoc mihi probant sufficienter omnia adducta, nam Canones, & Glossæ illorum, ac Interpretes simpliciter absolunt Episcopum regularem a iugo regulæ, & nulla sufficiens ratio naturalis est, quæ illum obliget, ut declaratum est. Solum ergo ad hoc tenetur, ut juxta integrum statum suum, scilicet religiosi Episcopi, decenter vivat, & consentaneè operetur; quod autem hujusmodi opera sint hæc vel illa, nisi lege aliqua Ecclesiastica vel divina sint præscripta, vel ex voto vel ex officio sint debita, libere optioni, & determinationi operantis relinquitur. Quapropter si Episcopus Dominicanus sit, non magis tenetur in conscientia ad abstinentiam a carnibus, quam Franciscanus, vel e converso, Franciscanus non magis tenetur ad suas peculiares observantias, quam Dominicanus. Neuter etiam tenetur ad habendum socium sui ordinis, & similia. De quibus etiam Cajet. & Soto inter se non conveniunt. Et ob eandem causam nihil quoad hoc distinguendum puto, inter opera dissona, vel consona statui Episcopali, sed in omnibus censeo prudenti arbitrio relinquendum, an talia opera expediant, vel deceant, aut magis conveniant in tali statu, & post tale iudicium libera etiam est electio eorum, & non sub obligatione ad aliquam culpam, nisi aliquod indecens opus, vel inutile otium, loco talium operum admittatur. Non nego tamen esse aliquam congruitatem, ut cæteris paribus unusquisque potius eligat opera suæ religioni, & regulæ conformia quam alia, cæteris paribus: non credo autem illam esse tantam, ut per se inducat obligationem in conscientia, quia nullum est principium ex quo sufficienter colligatur, seclusa directa obligatione ipsarum constitutionum positivarum.

17 Dices, teneri saltem ex illo principio, quod turpis est pars, quæ non concordat toti. Respondeo, primum etiam ex hoc principio non teneri omnes partes ad servandas omnes leges communitatis, sed unamquamque teneri ad illas, quæ ad ipsam spectant, unde si leges aliunde habeant, non obligare in conscientia, sed tantum ad poenam, ex illo principio non erit culpa illas non servare; sic ergo non obligatur Episcopus ad servanda statuta religionis propter illud principium, quia non cadunt in illum, neque eorum observantia postulat tantam uniformitatem in membris adeo disparibus, & statum diversorum. Unde secundo dicitur Episcopum in rigore jam non esse membrum illius communitatis, & ideo ex hoc titulo conformitatis cum illa non obligari ad observantias ejus. Nec propterea licet inde colligere, illum non manere religiosum talis religionis in specie potius quam alterius, quia in substantialibus, & in habitu semper manet religiosus in tali specie, & quoad vinculum præcipue obedientiæ, semper manet ita ligatus habitualiter, ut si a Pontifice privetur munere, & exemptione Episcopali, manebit subiectus suæ religioni, & non alteri. Hoc ergo satis est, ut statutum religiosum ejusdem rationis retineat, quamvis subiectus actu non sit, nec Prælati, nec legibus talis religionis.

18 A quo ex his infero, hujusmodi Episcopum non indigere propria dispensatione ad comedendum carnes prohibitas, v.g. per præceptum regulæ, & idem est de

similibus, quia dispensatio solum est ad tollendam obligationem; ubi ergo non est obligatio, nec dispensatio necessaria est. Cum ergo D. Thom. nu. 13. citatus ait posse secum dispensare, vel indicat se sequi priorem sententiam, quæ probabilis est, licet quam defendimus, in rigore juris videatur vera; vel certe in lata quadam significatione illo verbo usus est, ut indicaret melius esse, magisque consulendum cuilibet Episcopo religioso, ut regulam suæ religionis quoad hanc partem observet. Et ideo nolo licentiam præbere ad oppositum faciendum nisi per modum dispensationis, quia vir religiosus, & perfectus, ea quæ meliora, & suo statui convenientiora sunt, etiam si sub obligationem non cadant, absque iusta causa prætermittere non debet, & ideo quando sub hac tantum consideratione sibi indulget, aliquid hujusmodi secum dispensare dicitur. Nec ex cap. de monachis, seu 3. 16. quæst. 5. aliud colligitur, quia in eo non est sermo de Episcopis, nec etiam necesse est textum illum intelligere de monachis translatis ad Ecclesiam sæcularem, sed de quocumque monacho clerico ordinato; olim enim monachi ex vi status non ordinabantur, quamvis ergo interdum ex indulgentiâ ordinarentur, non propterea liberabantur a regulari obedientia, & observantia. Vel denique licet extendamus textum illum ad monachum translatum ad Episcopatum, responderetur cum Glossa ibi, non posse deficere a suo proposito, quoad substantialia sui status, & quamvis alias regulas non observet, non potest dici proprie deviare a proposito, quia ubi cessat obligatio, non habet locum deviatio a proposito.

19 Solum superest specialis difficultas, an hoc generale corollarium habeat locum in speciali casu cap. ultimi de observatione juniorum; de die natiuitatis, quando incidit in sextam feriam, an possit religiosus Episcopus, sine dispensatione comedere carnes illa die, quando ex regula suæ religionis erat prohibitum. Cajet. enim in hoc puncto contraria docuit, nam in 2. 2. dict. art. 8. dicit non posse hoc facere sine peccato mortali, quia non gaudet beneficio, seu indulgentia concessa omnibus fidelibus; nam in illo capite, excluduntur ab illa omnes religiosi, quorum instituta obligant ad abstinentiam a carnibus, seu ad jejunandum sextæ feriæ, & ideo præceptum Ecclesiæ abstinendi a carnibus sextæ feriæ, rigoroſe obligat hujusmodi Episcopum. Idem vero Cajet. in citato opuscul. negat illud esse peccatum mortale, & ait Sor. Caietanum ibi cordatius mutasse sententiam, quod ipsemet Caiet. significavit in ultimis verbis illius opusculi dicens: *Tulector memento scripta nostra, de hujus questionis materia in commentariis super 2. 2. ad hac referre subtilius discussa.* Itaque dicendum est, ubi abstinentia a carnibus, vel ieiunium, solum est ex regula, vel præcepto eius, & non ex speciali voto, Episcopum posse licite eo die carnes comedere, quia iam ipse regulari observantia non est astrictus, & textus solum excipit eos qui aut voto, aut regulari observantia sunt astricti, unde Carthusianus si fiat Episcopus, licite poterit carnes comedere eo die; religiosus autem de ordine Minorum etiam factus Episcopus, non poterit, quia specialiori voto obligatur, quod semper durat.

CAPUT XVIII.

An Episcopus regularis gaudeat gratiis suæ religionis, Et quæ obligationes maneant in religioso factus Cardinali.

1 DUO in titulo posita super sunt breviter inquirenda circa hanc materiam. Primum est, an religiosus factus Episcopus gaudeat privilegiis, & indulgentiis, concessis suæ religioni. Ex dictis enim videtur sequi pars negativa, quia Episcopus jam non tenetur oneribus religionis; ergo nec privilegiis & commodis gaudere debet; item hæc privilegia conceduntur intuitu religionis, sed Episcopus iam non est membrum illius religionis; ergo nec communicat cum ipsa in privilegiis, & gratiis. Propter hæc quidam absolute, & sine ulla limitatione excludunt Episcopum regularem a participatione omnium gratiarum suæ religionis; nam cessante causa fundamentali privilegii, cessat privilegium,

Ad objectionem in n. 13. vera responsio.

Quid de observantia sextæ feriæ in quam incidit Natalitium Christi.

Ex ample retractat veritas.

Replica diluit & dupliciter.

illa non ex dictis per quod sa-

Pro prior parte arguitur negative.

gium, ut in materia de legibus tractavimus, & notat Glossa in cap. *Ita nos*, 25. q. 2. verbo *Cessaverint*. Decius in cap. *cum accessissent*, de constitutionibus, n. 15. Sed ex eodem fundamento potest contrarium suaderi, quia privilegia conceduntur in favorem status religiosi, qui non tantum est in toto corpore mystico religionis, sed etiam in singulis personis ejus; sed hic status vere manet in Episcopo, non solum in genere, sed etiam in tali specie, ut ostensum est ca. præced. ergo in illo non cessavit causa & fundamentum privilegii, aut indulgentiæ; ergo nec gratia ipsa cessavit, quia non est specialiter revocata, ut supponimus, nec sublatum est fundamentum ut per se ipsa cesser.

2 Quapropter distinctione mihi utendum videtur, nam aut gratiæ & privilegia concernunt corpus religionis, ut sic, & favorem ejus, quoad jurisdictionem, administrationem temporalium bonorum, & alia hujusmodi, aut respiciunt singulas personas. De prioribus non videtur dubium; quin Episcopus illis gaudere non possit, ut convincit prior ratio facta; talia enim privilegia non fundantur in toto statu religioso personali, sed in vinculo, & conjunctione ad hoc corpus, cui per se primo conceduntur, & ad illius usum, & commodum ordinantur. De posterioribus autem iterum distinguendum est, quia vel usus talium gratiarum aut privilegiorum ab Episcopo usurpatus, esset onerosus ipsi religioni, vel non. Quando privilegium concedit gratiam, qua persona religiosa gaudere potest in commodum suæ animæ, vel corporis, sine onere, vel gravamine suæ religionis, profecto non cessat propter statum Episcopalem. Sicut enim diximus obligationes, & vincula substantialia religionis, quæ non repugnant muneris Episcopali in ipso, seu cum ipso durare, ita etiam ratio postulat, ut gratiæ, & indulgentiæ status religiosi, quibus potest Episcopus frui sine incommodo suæ religionis, in ipso etiam perseverent, & ita omnes rationes pro utraque parte propositæ, hanc assertionem persuadent, quia verisimile est solum religiosum statum quoad substantiam ejus esse sufficiens fundamentum, & causam talium gratiarum, & quoad eas retorqueretur optime illa ratio, quod qui retinet religionis onus, debet etiam retinere favores ejus.

3 At vero, si usus talium gratiarum redundet in onus religionis, aut monasterii, admittendus non est, quia semper censetur hujusmodi favor principaliter concessus in favorem religionis. Et quoad hoc procedit quedam declaratio Sixti IV. quæ refertur in monumentis Minorum fol. apud me 149. concess. 365. quæ sic habet; *Ne ex habilitationibus ad beneficia, cum facultate, quod etiam post illa obtenta, in domibus dicti ordinis residere, cameras habere in illis, & in generalibus capitulis fratrum eorundem Predicatorum, & Minorum ordinum vocem activam, & passivam habere, ac privilegiis, favoribus, gratiis, & indulgentiis concessis ipsorum ordinum professoribus gaudere possint, præfatis ordinibus, & illorum professoribus gravamen inferatur: eisdem motu, & autoritate decernimus, hujusmodi habilitationis literas intelligi, & interpretari debere, ut fratres ipsi quibus concessæ sunt, vel concedentur in posterum per Sedem Apostolicam, postquam aliquod beneficium adepti fuerint pacifice, aut pro Capellanis in aliis quibus Ecclesiis ceperint deservire, concessionibus prædictis, prout vocem activam & passivam, residentiam in domibus dictorum ordinum, ac retentionem dictarum domorum, cameraarum, & alia, quæ ordinum prælatorum sunt concernentia, de eorum ordinum prælatorum consensu, dumtaxat gaudere possint, & non alias, neque alio modo. Idem statuentes de promotis ad cathedrales, etiam titulares appellatas Ecclesias, & alias dignitates Ecclesiasticas. In quo indulto expendo Pontificem non absolute excludere hos Episcopos a participatione gratiarum, sed cum duplici limitatione, una est, si illa sit cum onere religionis, quæ significatur in illis verbis; prout vocem activam, &c. usque ad illa, quæ ordinum prælatorum sunt concernentia. Alia est, ut illa non sit sine consensu Prælatorum; unde colligitur, de consensu Prælatorum etiam posse frui his gratis concernentibus aliquo modo religionem ipsam, & consequenter ad fruendum aliis gratis, quæ corpori religionis nihil obstant, Prælatorum consensum necessarium non esse.*

Suarez. Tom. XV.

4 Aliud dubium est, an omnia, quæ diximus de Episcopis, eodem modo locum habeant, in Cardinalibus religiosi, etiam Episcopi non sint. Ad quod breviter dicitur, eodem modo omnia accommodanda esse, quia religiosus Cardinalis vere religiosus minet, eadem enim est de illo ratio, vel certe major, quia ex vi illius dignitatis non ita constituitur in statu perfectionis, sicut Episcopus. Quare vinculum paupertatis retinet, & incapax est proprii domini, & ideo sine dispensatione testari non potest, ut recte dixit Baldus, in Authentica *licentiam*, de Episcopis, & Clericis. Vide Martinum Laudensem in tract. de Cardinalibus, q. 58. & 59. & Andream Barbariam de præstantia Cardinalium l. p. q. 3. & Hieronymum Mascellum de Cardinalibus, q. 133. Unde quidquid acquirit post talem dignitatem, Ecclesiæ suæ videtur acquirere, semper enim habet *alicujus particularis Ecclesiæ* titulum, & regiminem: Alias acquirit Ecclesiæ Romanæ seu Apostolicæ sedi. Quod vero ad obedientiam attinet, clarum est soli Pontifici immediate subesse, retinet tamen idem obedientiæ vinculum. De obligatione vero ad alias observantias regulæ eadem ratio exemptionis est, quia juxta institutionem Ecclesiæ per illam dignitatem æque separatur quis a corpore religionis atque Episcopus. Habitum tamen deferre debet, ita enim observat Ecclesiæ usum, & favent jura supra citata. Solus religiosus factus Summus Pontifex hac obligatione liberatur. Quamvis substantiam status religiosi non amittat, ut in superioribus tractando de obedientiæ voto tactum est.

C A P U T XIX.

Utrum Religiosus professus possit ad beneficium, vel dignitatem inferiorem Episcopali transire, & quo jure tunc obligetur?

1 Suppono in primis religiosum ex vi professionis suæ non esse incapacem Ecclesiastici beneficii, etiam curam animarum annexam habentis. Sunt quidem multa antiqua decreta prohibentia, ne monachi clericorum officia populis celebrare, aut ministrare præsumant, quæ congerit Gratianus l. 6. q. 1. verum tamen illa decreta loquuntur primo secundum antiquam consuetudinem monachorum qui laici erant, & ex vi suæ professionis clerici non erant, neque ad hunc finem instituebantur. Deinde non omnino excludunt monachos ab hoc ministerio, tamquam inhabiles, vel ad ordines, vel ad beneficia, aut ministeria Ecclesiastica, sed prohibentur, ne suo arbitrio & usurpato jure his ministeriis se ingerant, nec sine debita superiorum facultate ad illa assumantur. Nunc autem solum asserimus professionem religiosam per se, & vi sua non reddere personam incapacem Ecclesiastici beneficii, quod declaratur, in hunc modum; nam duo sunt in beneficio Ecclesiastico distinguenda, primum est spirituale jus ad tale ministerium, quod jus interdum etiam includit jurisdictionem Ecclesiasticam, vel in administratione verbi Dei, & Sacramentorum, vel etiam fori contentiosi. Secundum est temporale commodum, quod ratione officii habet beneficium. Quantum ad primum, constat religiosum non esse incapacem illius juris, quia non repugnat cum aliquo voto substantiali religionis. De castitate constat; de paupertate probatur ex dictis supra de materia illius voti, quia per illud non excluduntur, nisi jura & bona temporalia quoad proprietatem, & proprietarium usum: ministeria autem, & officia præsertim spiritualia, non excluduntur per illud votum, etiam quoad proprietatem, & possessionem eorum, ut ibi declaravimus; hujusmodi autem sunt beneficia Ecclesiastica quoad hanc partem. Quoad alteram vero de temporalibus bonis, non est de ratione beneficii, ut eorum proprietatem acquiratur habenti beneficium, sed satis est, quod ad illum pertineat administratio, usus & dispensatio talium bonorum, imo multi existimant beneficiarios sæculares non plus habere; ergo ex vi paupertatis religiosus non est incapax beneficii. Neque etiam ex vi voti obedientiæ, quia in obtinendo beneficio servari potest obedientia, ut statim declarabimus. Denique quoad hoc eadem fere est ratio de Episcopali

Resolvitur
secunda
pars tituli
quoad
paupertatem.

Quoad obedientiam.
Quod alias observantias regulæ.

Quoad habitum.

Excipitur assumptus ad Papatum.

Primum
suppositio,
pro-
fessionem
religiosam
ex se non
cognare
beneficium
Ecclesiasticum.

Id probatur
quantum
ad jus
spirituale
ministerium

Item quoad
commodum
fructuum
bonorum

beneficio. & de quacumque Superiori dignitate.

Secunda
suppositio
nec juri
canonico
id r. pu-
gnare.

Beneficio-
rum ge-
nera va-
ria.

Quæ be-
neficia re-
gularia
huc non
spectant

2 Secundo supponendum est, etiam ex jure Canonico non esse religiosum incapax Ecclesiastici beneficii inferioris Episcopatu, etiam habentis annexam animarum curam; ut hoc ostendamus supponenda est vulgaris distinctio beneficii, quoddam est seculare, aliud regulare, quæ sumitur ex cap. cum singula; & cap. cum de beneficio, de præbend. in 6. & ex Doctoribus communiter eisdem locis. Seclulare dicitur, quod clericis seclularibus dari solet, ex debito, seu institutione, aut legitima consuetudine. Regulare autem vocatur, quod alicui religioni, vel monasterio additum est, vel ex institutione, vel ex præscripta consuetudine quadraginta annorum, juxta citata jura. Et utrumque beneficium multiplex est, ut videre licet in Rebuffo in practica p. 1. a principio, & de seclularibus beneficiis Deo dante alibi dicturi sumus; hic enim necessaria non est distinctio, quia generatim de omnibus agimus. Circa regularia autem beneficia advertendum est, sub illis interdum numerari prælationes ipsiusmet religionis, ut Abbatia conventualis, vel Prioratus, & in universum omnia munera eorum regularium, qui aliis religiosis præficiuntur. Imo ipsemet monachatus, vel simplex munus Canonici regularis, solet interdum beneficium simplex appellari, ut videre licet in Rebuffo supra. Quidquid vero sit de hoc modo loquendi, hic non agimus de beneficiis in hoc sensu, quia manifestum est in hoc sensu omnes veros religiosos habere jus ex se perpetuum, ut a sua religione alantur, cui ipsi etiam inservire & obedire tenentur: certum est etiam religiosum ex vi suæ professionis esse capax prælationis præfecturæ, vel administrationis ejusdem religionis, seu personarum, & bonorum ejus, quod satis constat ex dictis supra lib. 2. a ca. 7. de Prælati, & eorum electionibus. Loquimur ergo de beneficiis regularibus in alio sensu, videlicet de his, quæ sunt propria beneficia ejusdem rationis quoad substantiam cum seclularibus; solumque dicuntur regularia, quia pleno jure ad monachos, seu regulares pertinent, & per eos administrantur.

Ostendi-
tur jam
prædicta
a supposi-
tio.

3. Ex his ergo constat, religiosum non esse incapax beneficii etiam secundum jus Canonicum, quia quantum ad beneficia regularia ipsum jus illa permittit vel concedit; ergo supponit per regulares administrari, posse, & debere, nam commune axioma juris est, beneficia regularia regularibus conferenda esse; seclularia vero seclularibus. De seclulari autem beneficio probatur, quia licet jura prohibeant monachum non assumi ad tale beneficium, sine debita facultate, & legitimo titulo, seu provisione illius qui potestatem habeat, non tamen absolute prohibent, nec reddunt regulares personas inhabiles ad talia beneficia. Primo ergo videndum est de beneficiis regularibus, & de omnibus quæ ad illa pertinent, & deinde de seclularibus.

assertio
posse re-
gulæ es-
habere
ben. nec
regulæ
aut ordinis

4 Primo ergo dicendum est, regularem posse habere beneficium regulare sui ordinis, vel monasterii, non vero alterius, nisi ex speciali dispensatione. Utraque pars est certa, & communis, ut videre licet in Rebuffo in pract. cap. 1. tit. ultimo, qui est de translatione monachorum, & p. 2. titulo de dispensatione cum regularibus facta, & ex Navar. Comment. 4. de regularibus, num. 22. Sylvest. verb. Religio 6. & Panormitan. in cap. Deus qui, de vita & honestate cleric. & cap. quod Dei timorem, de statu monachorum, & sumitur ex cap. cum singula, §. prohibemus, de præbend. in 6. In quo prior pars supponitur potius, quam asseratur; nam officia, & beneficia consueta administrari per monachos alicujus monasterii, illis non solum possunt, sed etiam debent conferri. Unde si talia beneficia pleno jure sint tali monasterio subiecta, per solam voluntatem Prælati regularis, potest religiosus ad tale beneficium transferri, ut Panormitan. & Sylvest. notant, & colligi potest, ex cap. doctus, & cap. si monachus, cum sequentibus 16. quæst. 1. & ratio est, quia tunc provisio beneficii omnino pertinet ad Prælatum monasterii; hac enim ratione dicitur pleno jure ad monasterium pertinere, sub prælato autem capitulum monasterii comprehendimus, si juxta monasterii statutum, vel consuetudinem ad illud pertineat provisio. Persona etiam est plene subiecta Prælato monasterii: ergo non ab Episcopo, sed ab

Hæc be-
neficia co-
feruntur
solum a
prælati
regul.

illius voluntate pender, quoad provisionem, seu receptionem talis beneficii.

5 Unde addit Navar. supra non solum posse, sed etiam teneri ad acceptandum tale beneficium, si prælatus præcipiat, quia illud præceptum justum est, & non excedit latitudinem obedientiæ religiosæ, quia gubernatio beneficiorum monasterii valde pertinet ad utilitatem, & regimen ejusdem monasterii, argumento ea, quorundam, de electione in 6. libi, extra administrationes proprii ordinis solum prælaturæ conscendere motum; ergo comprehenditur illa administratio, vel susceptio beneficii, sub materia obedientiæ illius monasterii. Quapropter merito etiam hoc extendit Navar. ad beneficium tenue, & paucos redditus habens, quia obedientia religiosa, non fundatur in propria auctoritate, aut commodo temporali, sed in obsequio religionis. At tamen Navarrus, si beneficium sit tam tenue, ut religiosus non possit ex illo sustentari, non posse obligari, ad relinquendum monasterium, ut in tali beneficio resideat, non obstante Clementina 1. §. Ceterum, de electione, quia nemo potest cogi ministrare sine sufficientibus saltem alimentis; debet ergo tunc monasterium alere religiosum in alia Ecclesia residentem, ut ad hoc possit eum obligare. Quod videtur etiam intelligendum nisi religiosus mendicantem professus sit, & juxta suum institutum ad mendicandum possit obligari.

Quid si
non suffi-
ceret ad
alendum
religiosus.

6 De hujusmodi autem religioso in tali beneficio provisione, dubitari potest, an teneatur ad omnem observantiam regularem. Nam, quod vere maneat religiosus, & teneatur substantialia vincula religionis servare, & habitum deferre, non est dubium; & a fortiori patet ex dictis cap. 17. de Episcopo regulari. Hic vero addendum est, hunc religiosum manere obnoxium regulæ, quantum extra monasterium, & in privata domo servari potest, ut a fortiori patet ex dictis supra cap. 7. de religioso vivente extra claustrum cum licentia, vel dispensatione legitima. Ratio vero est, quia talis religiosus vere manet sub obedientia sui prælati, & adhuc est membrum suæ religionis; ergo obligatur regulæ religionis eodem modo quo antea, sedumque excusabitur ab his observantiis, quæ vel in tali habitatione, a communitate separata, impleri non possunt, vel tale munus impediunt.

Ad quas
observan-
tias tene-
atur.

Quinam acquirat beneficiarius regularis habens beneficium suæ religioni pleno jure subiectum.

7 Duæ vero super sunt difficultates, una est circa paupertatem cui scilicet acquirat talis religiosus; an scilicet Religioni, vel suæ Ecclesiæ; nam cum aliis nulla potest fieri rationabilis comparatio, nec cum ipsomet religioso; nam certum est sibi non acquirere quoad proprietatem. Ratio ergo dubii est, quia in aliis beneficiis religiosus acquirat Ecclesiæ suæ, ut statim dicemus; ergo etiam in his quæ subsunt suæ religioni seu monasterio. Probatur consequentia, quia jura generaliter loquuntur, & quia ratio est eadem, quia omnis beneficiarius efficitur sponsus Ecclesiæ suæ; illi ergo acquirat. In contrarium vero est, quia talis religiosus manet sub obedientia sui Prælati, & eodem modo totus est monasterii sicut antea erat; ergo & acquirat monasterio sicut antea, ut in usu paupertatis omnino subordinatur voluntati Prælati, & consequenter illi acquirat, cui ipse vult, ergo acquirat monasterio. Quæ ratio minime procedit, quando beneficium pleno jure subiectum est monasterio, & præsertim si sit ad nutum auferibile. Et confirmari potest, quia quando Ecclesiæ, & beneficiis sunt ita subiecta pleno jure monasterio, ut beneficium sit auferibile ad nutum prælati, tota utilitas, totusve ususfructus beneficii directe pertinet ad bona monasterii: ergo beneficiarius solum potest sibi retinere, quæ, vel sibi consignata fuerint, vel ad Ecclesiæ obsequium debitum necessaria fuerint; ergo quidquid ultra hoc acquirat religiosus ex beneficio, ad monasterium pertinet. Quod si aliunde quam ex beneficio acquirat, manet in eo integra ratio acquirendi monasterio, neque sub ea ratione spectatur tamquam minister seu sponsus talis Ecclesiæ, unde si paupertatis votum non haberet, clarum est non acquirere talia bona Ecclesiæ, sed sibi. Votum autem paupertatis non confert jus aliquod propriæ Ecclesiæ, quamdiu

Arguitur
beneficia-
r. in regu-
larem ac-
quirere
fructus
ipsi Ec-
clesiæ.
Arguitur
acquirere
potius
monaste-
rio.

Confirm.

in,

integra manet unio in propria religione, & subordinatio ad obedientiam ejus.

8 Hæ rationes videntur aliquam probabilitatem effigere, & fortasse propterea, quando Authores dicunt monachum translatum ad aliam Ecclesiam, non acquirere monasterio, sed Ecclesie, loqui solent cum hac limitatione, si Ecclesia non sit pleno jure monasterio subjecta, ut infra videbimus. Nihilominus distinguendum videtur, de bonis acquisitis a tali religioso intuitu ipsius Ecclesie, vel aliunde. De prioribus dicendum est acquirere Ecclesie, & non monasterio, ita sentit Bartolus in leg. *si servus communis*, 37. ff. de stipulatione servorum, num. 6. ubi item sequitur additio ad illum, idem tenet Navar. comment. 2. de regularibus, num. 6. vers. *Octavo*, & probatur ratione priori loco facta. Et quia eadem est proportio beneficii perpetui respectu totius temporis, & beneficii temporalis respectu temporis pro quo durat, semper enim beneficium & fructus ejus debent in commodum Ecclesie redundare. Quod optime confirmat Navar. ex Clement. unica, de supplenda negligentia Prælatorum, ubi prohibentur Prælati regulares, ne hujusmodi beneficia applicant mensis suis, pensionesve novas imponant, aut veteres augeant, & infra declarat hoc habere locum in beneficiis, quæ speciales Priores, administratores, seu Rectores consueverunt habere, licet Priores, seu administratores hujusmodi libere possint ad claustrum cum oportuerit revocari. Et infra statuit, ut hujusmodi Prælati bonorum beneficiorum vacantium occupare non possint. In quibus omnibus plane supponit Pontifex quæ sita ex fructibus beneficii non pertinere ad monasterium, alias cur non posset Prælati pensionem imponere, imo & reservare sibi aut suo monasterio omnia, quæ ipsi beneficiarius in suo munere necessaria non essent. Dicit aliquis, ibi non prohiberi pensionem imponi pro monasteriis, sed pro mensibus Prælatorum. Respondetur, pro eodem reputari Prælatum, & monasterium, tamquam caput, & corpus; unusque enim jus unum, & indivisum est, ex vi status religiosi, nam Prælati monasterii non habet veluti proprium jus ad fructus, vel redditus monasterii, sed solum ratione communitatis. Unde intelligitur, quod supra in quadam confirmatione nu. 7. sumebatur, hujusmodi beneficiis fructus eorum directe pertinere ad monasterium: non esse in universum verum.

9 Possunt quidem aliquando beneficia esse sic unita monasteriis ex speciali gratia Pontificum, & tunc non habet in eis locum decisio illius Clementinæ; nam in ea expresse declaratur illam intelligi de beneficiis, quæ non sunt de mensa Prælatorum ipsorum. Quod idem est de beneficiis, quæ non sunt ipsorum monasteriorum. Unde illa nec censentur vacare propter mortem beneficiarii, juxta capitul. unicum, vers. *quidam etiam*, de excessibus Prælati, in 6. semper enim monasterium vivit, cujus sunt tales fructus. Et ideo mirum non est, quod beneficiarius tunc acquirat monasterio; non enim ipse propterea acquirat, sed dar monasterio, quod suum est, ex speciali unione, vel applicatione alias ei facta. Possunt autem esse alia beneficia etiam manualia, seu quod idem est, ad nutum auferibilia, & pleno jure ad monasterium seu Prælatum ejus pertinentia, quorum redditus non sint applicati monasterio, nec mensæ Abbatiali, ut manifeste supponitur in dicta Clementina, & de his tractatur præsens quæstio, an ratione personæ religiosæ, & subditæ tali monasterio, acquiratur aliquid eidem monasterio, de fructibus seu bonis, quæ intuitu beneficii, & talis Ecclesie acquirat beneficiarius. In his ergo beneficiis non procedit dicta ratio, & ideo dicimus non acquirere monasterio, sed Ecclesie. Neque quoad hoc obstat, quod talis persona subdit obedientiæ monasterii, quia hæc obedientia debetur secundum regulam, & secundum jura monasterii: dicere autem monasterium ex bonis Ecclesie, non pertinet ad obedientiam, secundum regulam, neque ad jus monasterii, & ideo non sequitur ex dicta subjectione. Unde sicut religiosus pro tempore quo residet in tali Ecclesia, tenetur ei inservire, nec potest obligari ad aliquid impossibile illi ministerio, nisi a beneficio revocetur, ita pro eodem tempore, non potest obligari, ut ex

bonis, vel fructibus Ecclesie acquirat monasterio.

10 Sed quæres, an saltem possit licite ipse beneficiarius de fructibus sui beneficii partem aliquam voluntarie monasterio tribuere. Respondetur, ipsum non esse dominum sed dispensatorem, habere tamen liberam administrationem illorum bonorum, id est, in seipso tenentem a voluntate sui prælati regularis, quia quoad hanc partem, non est illi subjectus, ut declaratum est. Nihilominus tamen ex natura rei, & ex vi sui muneris, tenetur debitum ordinem servare in dispensandis bonis suo usui non necessariis, nam providere in primis debet Ecclesie suæ, deinde se pauperibus sibi subjectis, sed ejusdem Ecclesie. Siquid vero postea superfluerit, juste & religiose potest, dum vivit, suo monasterio ea donare, quia est opus religionis, & misericordiæ, nulloque jure invenitur prohibitum. Testari autem in morte religioso non permittitur, ut supra dictum est, nisi ex speciali privilegio. Unde si talis religiosus peculium habeat ex hujusmodi bonis usque ad mortem, (pro ut habere potest, nisi speciali regula prohibeatur) in eis succedet Ecclesia, & non monasterium.

11 Sed quid, si talis religiosus revocetur ad monasterium, & amoveatur a beneficio, poteritne secum deferre suum peculium, & omnia bona mobilia, & se moventia, quæ in illo habebat. Respondeo, posse quidem illa si velit Ecclesie relinquere, vel successori, vel in pauperes distribuere, quia, donec recedat, liberam administrationem illorum habet. Quod eandem vero rationem censo etiam posse illa secum deferre; tum quia administratio secundum se ad hoc extenditur; tum etiam quia talia bona jam erant ejus usibus applicata. Existimo tamen eo ipso, quod persona iterum redit ad monasterium cum talibus bonis, incorporari bona illa bonis monasterii, quia in primis talis religiosus jam non potest habere liberam administrationem talium bonorum, quia hoc repugnat religiose vitæ, cum jam illa persona sit omnino actu subiecta prælato religionis; ad illum ergo jam spectat talium bonorum administratio. Unde eo ipso, quod religiosus secum deferat talia bona ad monasterium, quantum est ex se, illa applicat, & Prælati illa permittendo consequenter acceptat, & ideo ex tunc incipit dominium talium bonorum esse apud monasterium.

12 De bonis vero aliunde acquisitis a tali beneficiario, quocumque modo, est major difficultas, quia Bartholus supra dicit, quoad talia bona non acquirere Ecclesie suæ, sed monasterio, cujus opinionem videntur multum suadere rationes prius factæ in num. 7. & in num. 8. præsertim cum nullum sit jus, quod talia bona applicet monasterio. Nam capitul. statutum, 18. quæst. 1. & loquitur de Episcopo, & licet extendatur ad inferiora beneficia, merito requiri potest, ut cum Episcopatu conveniant in perpetuitate, & consequenter in vi eximendi religiosum a jugo regulæ, quia alias non est similitudo rationis; & ideo neque extensio locum habet. Declaratur assumptum, nam quando religiosus liberatur a jugo regulæ totaliter (ut sic dicam) disjungitur a corpore suæ religionis, & unitur suæ Ecclesie, & ideo merito illi tantum acquirat. Quando autem non liberatur a jugo obedientiæ, & regulæ, adhuc manet coniunctus suæ religioni, & actu subiectus illi, in omnibus, quæ non repugnant ministerio Ecclesie; ergo etiam in his bonis, quæ non comparat intuitu Ecclesie, sed aliunde, non acquirat Ecclesie, sed monasterio cuius est membrum. Est enim illa persona quasi divisa; nam partim est monasterii, partim Ecclesie, ita tamen, ut quoad omnia quæ per se non pertinent ad ius Ecclesie, sit monasterii; quoad acquisitionem autem talium bonorum per se non pertinet ad Ecclesiam, cuius signum optimum est supra tactum cap. 16. num. 25 quia si illa persona esset sui iuris, nullo modo talia bona pertinerent ad Ecclesiam; ergo cum sit iuris monasterii, ut sic dicam, illi potius acquirat talia bona, quam Ecclesie. Unde confirmatur tandem, quia antea monasterium habebat hoc ius ratione talis personæ, & non amisit illud propter tale beneficium, quia per illud non fuit persona translata simpliciter, sed tantum secundum

An possit datus beneficium dare aliquid monasterio suo.

An testari.

Quid sit de peculio, si vivens revocet ad monasterium.

Quid sentiat Bartholus circa eandem priorem partem, ubi quoad fructus aliunde quam ex Ecclesia, quæ sitos.

Approbat prior pars dubii quoad fructus acquisitos intuitu Ecclesie.

Exceptio aliis quoad beneficium, de quibus non procedit dicta prior pars dubii.

De quibus procedat.

Satisfit argumentum pro prior parte dubii in a. 7.

dum quid, ut declaratum est. Neque etiam potest aliud colligi ex dicta Clementina, quidquid Navar. dicat, quia illa solum disponit de beneficio, & de immunitate ejus, (ut ita dicam) non vero de persona, nec de omnibus bonis, quæ quacumque via possunt ad illam pervenire.

13 Nihilominus Navarrus supra dicto Comment. 2. de regularibus num. 6. tenet, hujusmodi religiosum beneficiarium acquirere suæ Ecclesiæ, quocumque titulo vel ratione aliquid acquirat, qui videtur maxime fundari in dicta Clementina: nam ad Bartolum postea respondet, vel non vidisse illam Clementinam, vel non satis eam ponderasse. Sed, ut dixi, nullum argumentum efficax ab illa sumi potest; quæ enim consequutio est a fructibus beneficii ad bona, quæ, vel jure hæreditario, vel libera donatione, aut alio simili modo acquiruntur? Citat deinde Panormitanum in cap. *monachi*, de statu regular. & in cap. ultimo, de capellis monachorum, sed in neutro loco aliquid dicit ad hanc quæstionem pertinens; sed potius ait religiosum promotorum ad beneficium perpetuum, non habere amplius communionem cum primo monasterio; cum vero, qui tantum habet beneficium naturale, non esse separatam a monasterio, neque extra obedientiam Prælati: de acquisitione vero bonorum nihil dicit. Deinde argumentatur Navarrus ex quadam doctrina Frederici Senens. conf. 35. num. 74. dicentis, occiso beneficiario manuali, poenam homicidæ applicandam esse Ecclesiæ, & non priori monasterio, quia pro tunc est verus beneficiarius talis Ecclesiæ, & secundum illum statum judicandus est, ut ibi latius prosequitur, adjectis variis conjecturis, ex quibus sit quidem probabile illud assumptum, non tamen certum, nec sufficiens ad confirmandam rem multo magis dubiam. Præsertim, quia est longe diversa ratio: illa enim poena applicatur ratione injuriæ, & nocuenti; in eo autem casu proxime & principaliter nocuentum, & injuria sit Ecclesiæ, quæ, ut sic dicam, actu possidet talem personam, & ideo ad illam maxime pertinet jus acquirendi illam poenam, quamvis fortasse prudenti arbitrio judicis etiam esset pars aliqua monasterio applicanda. At vero quando acquisitio non sit ratione injuriæ, neque titulo ipsius Ecclesiæ, nullum apparet fundamentum sufficiens, ob quod Ecclesia habeat jus ad bona talis personæ aliunde acquisita.

24 Additamen Navarrus rationem aliam, quam censet efficacem, quia bona acquisita ex fructibus beneficii manualis, & ex opera ipsius monachi, non debentur monasterio; ergo nec bona aliunde acquisita; probat consequentiam; nam si religiosus acquireret monasterio, multo magis acquireret ex re ipsius monasterii, quam ex re aliena; sed fructus & opera monachi, sunt quodammodo ipsius monasterii, cujus est monachus; ergo, si per illa non acquirit monasterio, multo minus aliunde. Verum tamen neque hæc ratio videtur efficax. In antecedente autem duo involvuntur, unum est de fructibus, & quoad illam partem admittitur facile, & negatur consequentia; nam quoad eam partem falsum est, quod in probatione ejus sumitur, scilicet, Monachum acquirendo ex illis fructibus acquirere ex re monasterii; nam illi fructus nullo modo sunt monasterii, neque immediate, ut per se constat, nec mediate ratione personæ, quia ostensum est eum non acquirere monasterio talia bona, sed Ecclesiæ. Unde tales fructus non possunt dici bona monachi, sed Ecclesiæ, quamvis administratio, & usus illorum commissa sint beneficiario monacho.

15 Altera vero pars antecedentis erat de acquisitis per opera monachi, & quod hoc dubito de veritate illius antecedentis universaliter sumpti; nam licet illud sit verum, de operibus pertinentibus ad ministerium Ecclesiæ, aut beneficii, quando ratione illorum aliquid per modum stipendii, vel elemosynæ datur: hæc enim omnia, lato quodam modo possunt in fructibus beneficii computari: de aliis vero operibus mere personalibus, seu temporalibus, quæ omnino sunt extra obligationem, vel titulum beneficii, non videtur illud antecedens adeo certum, quia monachus non exerceat illa opera, ut beneficiarius talis Ecclesiæ, sed

ut homo, vel ut monachus; ergo non est, cui per talia opera acquirat Ecclesiæ, & non potius monasterio, cum secluso respectu beneficiarii, semper illa persona, & consequenter actiones ejus sint monasterii. Nihilominus Bartolus in leg. *sed & fi. 30. §. interdum*. ff. de usufructu, sentit hujusmodi monachum per opera sua acquirere Ecclesiæ: nam si emat (inquit) rem aliquam, & solvat illam pecunia acquisita de opera sua, res illa Ecclesiæ acquiritur; & rationem reddit, quia illa Ecclesia cui est præpositus, debet habere usufructum personæ suæ. Verum est illum non loqui in particulari, quando beneficium est manuale; loquitur tamen indifferenter de monacho alicui Ecclesiæ deputato. Et ratio quam reddit, generalis videtur. Unde quoad hanc partem probabile est, quidquid talis monachus acquirat per opera sua, acquirere suæ Ecclesiæ, quia pro tunc, quoad usum, seu ministerium deputatus est illi Ecclesiæ, & consequenter omnes actiones ejus illi sunt consecratæ: ergo & fructus earum.

16 Sed licet hoc admittamus, non sequitur idem esse dicendum de quocumque alio modo acquirendi, ratione suæ personæ præcise per hæreditariam successionem, vel per aliam donationem, ac denique recipiendo potius, quam agendo, quia persona illa non est omnino translata, ut sic dicam, in dominium talis Ecclesiæ, etiam pro illo tempore, sed solum quoad ministerium, & quasi usufructum actionum, non vero quoad reliqua omnia, quæ ad talem personam pertinere possunt, cum illa semper maneat actu subjecta, & unita monasterio. Neque tunc verum est quod Navarrus supponit, monachum acquirendo Ecclesiæ per sua opera, acquirere illi ex re aliena, seu ex re monasterii, non enim ita est; nam illa opera jam non sunt monasterii, sed Ecclesiæ, quæ licet persona quoad proprietatem sit monasterii, quoad possessionem, & usum, seu usufructum protunc est Ecclesiæ. Sic enim si servus alicuius alteri ad usum & servitium tantum pro aliquo tempore donetur, acquireret usufructu per operas suas, pro illo tempore illæ operæ non sunt proprietarii domini, sed proximi professoris, seu usufructuarii. Et simili modo non censet verum, monachum illum acquirendo monasterio per hæreditariam successionem, vel similem modum, acquirere ex alieno: nam licet acquirat id quod erat alienum, non tamen ex alieno, sed ex re maxime propria, qualis est propria persona, vel nativitas, aut origo, ratione cujus habet jus succedendi, vel alia personalis conditio, ratione cuius sine intuitu actionum, vel Ecclesiæ, aliquid ei donatur. Unde non recte applicatur illud axioma, *quis potest alteri acquirere ex re aliena; magis posset ex re sua*. Possumus ergo retorquere rationem Navarræ, quia multo maior ratio est acquirendi monasterio ea bona, quæ præcise intuitu personæ acquiruntur, quam alia, quæ respiciunt opera, vel fructus Ecclesiæ: nam persona secundum se manet semper sub potestate, & quasi sub dominio monasterii, licet quoad opera sit protunc applicata Ecclesiæ.

17 Ex his ergo videtur sententia Bartoli fieri satis probabilis. Et sane cum ex vi professionis, & actualis subiectionis ad Prælatum monasterii, per se constet de iure religionis ad bona pertinentia ad religiosum, quamdiu non constet certa aliqua ratione, aut lege monasterium esse privatum illo iure, seu ius illud translatum esse in Ecclesiam, non est facile proferenda sententia contra monasterium, præsertim, cum in dubiis melior sit conditio possidentis. Accedit etiam, quod beneficia manualia non simpliciter, sed secundum quid beneficia censentur, quia beneficium debet esse perpetuum, ut notat gloss. in cap. unico de capellis monachorum in 6. verb. *perpetui*, ex text. ibi, & ex ca. *præcepta*, d. 55. & in cap. *Sanctorum*, d. 70. & ideo licet inter regulares propter eorum peculiarem statum hæc manualia beneficia admittantur, non oportet in eis habere locum omnia, quæ ex perpetuis beneficiis consequuntur, cum in eis non fiat absolutus & integra personæ translatio. Atque ex hac sententia consequenter dicendum videtur, non posse religiosum beneficiarium ad nutum amovibilem retinere hæc bona aliunde, quam ex suis operibus, vel fructibus acquisita, vel quoad naturalem possessionem, vel quoad usum, & usufructum.

usum fructum, vel administrationem, nisi quantum ei fuerit a suo Prælati permittum; nam illa bona statim acquiruntur monasterio: ergo ratione beneficii non acquirunt monachus speciale jus administrandi illa, quia cum non sint bona sue Ecclesiæ, beneficium non confert administrationem illorum: ergo pertinet ad Prælatum monasterii; cui etiam ipse monachus subditus est: ergo sine licentia illius non potest detinere aut contrahere talia bona. Quod secus dicendum esset consequenter loquendo juxta opinionem Navatri, ut ex superioribus constat.

An beneficiarius regularis habens beneficium sue religionis pleno jure subiectum, Prælati suis obedire teneatur, ut alii simplices religiosi.

Religiosus beneficiarius subditur regulæ in iis quæ compatiuntur cura beneficii.

18 Secunda difficultas est circa obedientiam hujus religiosi, an se extendat ad omnia, in quibus alii simplices religiosi obedire tenentur. Sed hoc expeditum fere est ex dictis; cum proportionem enim applicanda est regula supra posita in dubio præceden. de paupertate. Nam in his quæ pertinent ad statum religiosum, & ad observationem propriæ regulæ, & cum munere, & occupatione beneficii non repugnant, tenetur hic religiosus favere Prælati suo, quia non est disjunctus omnino a corpore monasterii, ut ostensum est, & ideo manet sub obedientia Prælati; ergo maxime in his rebus, quæ non repugnant beneficio, & in illis omnibus, quia non est major ratio de quibusdam, quam de aliis. Specialiter vero circa hoc disponitur in jure, ut talis religiosus habeat secum socium sui ordinis, ut constat ex cap. *monachi*, & cap. *quod Dei timorem*, de statu monachorum, & Clem. 1. § *Ad hæc*, de statu monach. quibus in locis Doctores notant, hoc maxime intelligi de Monachis beneficiariis, qui ad nutum Prælati moveri possunt, ut notat Joannes Andreas in glossa Clementinæ in agro, §. *Ad hæc*, de statu regularium, verb. *de claustrum*, & Panormit. in d. c. *quod Dei timorem*, de quo plura in sequentibus dicemus. In his vero, quæ fuerint contraria seu repugnantia obligationi beneficii, aut utilitati Ecclesiæ suæ, non tenebitur talis religiosus parere suo Prælati, quia *nemo potest duobus dominis servire*, maxime si repugnantia jubeatur: item quia ille ex iustitia tenetur implere munus suum; ergo non potest Prælatum contrariam obligationem imponere, esset enim de re iniqua.

Non vero in illis, quæ sunt curæ repugnant.

Subditur quoque prælati in iis quæ præceperit ad bonum beneficii ex cap.

19 Dubitari autem posset, an habeat Prælati jus præcipiendi in his quæ spectant ad administrationem beneficii, & non sunt contra utilitatem, vel finem ejus, sed potius illi consentanea arbitrio Prælati. Respondetur, si talis Ecclesiæ sit exempta omnino a jurisdictione Episcopi, & subiecta Prælati regulari, ea ratione tenebitur beneficiarius monachus illi parere sicut teneretur parere Episcopo, si ordinario jure illi esset Ecclesiæ subiecta, ut per se manifestum est. Si autem Ecclesiæ sit subiecta Episcopo, non tenetur monachus parere Prælati, in his rebus, quæ pertinent ad regimen, vel administrationem Ecclesiæ, cujus est beneficiarius. Probatum primo, quia in his rebus tenetur parere Episcopo, ergo non proprio prælati regulari, quia in eadem materia non potest habere duos superiores inter se non subordinatos. Secundo, quia illa non est materia obedientiæ, quia non pertinet ad regulam, neque ad observantiam religiosam, & ob hanc posteriorem rationem, etiam si Prælati religionis simul sit quasi Episcopus illius Ecclesiæ, non tenebitur monachus beneficiarius illi parere in tali materia, ex vi voti obedientiæ, sed solum ratione jurisdictionis, sicut teneretur obedire Episcopo.

Non tamē si beneficium sit subiectum ordinario.

Dubium bimestre de subiectione quoad revocationem religiosi a beneficio.

20 Tandem dubitari potest, an hic monachus teneatur semper obedire Prælati revocanti eum ad monasterium; in quo duo possunt inquiri; Unum est, an beneficium regulare ex genere suo, & quasi ordinario jure tale sit, ut ad arbitrium prælati auferri possit. Aliud est, supposito beneficio quod constat esse ad nutum auferibile, quod manuale dicitur, an possit auferri sine ulla causa, solum ad voluntatem prælati, ita ut subditus teneatur statim parere. De utroque dubio possunt videri Joannes Andreas in cap. *cum singula*, de præbend. in 6. Panormitan. alique Doctores in c. *monachi*, & in cap. *quod Dei*, de statu monachorum. Ex quibus breviter dicendum est ad priorem partem, quando Ecclesiæ est pleno jure subiecta monasterio, regulariter loquendo, beneficium regulare illius esse manuale: ita sumitur ex

Panormit. dicto cap. *monachi*, in fine, & ex Rebuff. tract. de pacificis possess. num. 279. ubi refert alios. Et probatur, quia monachus per tale beneficium non eximitur ab obedientia sui Abbatis; ergo tenetur illi parere; nam cum non habeat velle nec nolle, non potest revocationi ejus resistere; ergo tale beneficium manuale est. Dices, in hac ratione peti principium, quia hoc est quod inquirimus, an tale beneficium sit manuale. Respondetur non peti, sed ex ipsa conditione status religiosi ostendi, quando Ecclesiæ est pleno jure subiecta monasterio, etiam monachum beneficiarium ejus debere esse plene subiectum prælati monasterii. Et confirmatur, quia beneficia regularia ex suo genere, & ratione talis status, non sunt ita firma, & perpetua, sicut beneficia secularia, argumento cap. *per tuas*, in fine de Simonia; ergo si alioquin accederet subiectio Ecclesiæ pleno jure, merito censetur tale beneficium esse manuale. Intelligendum autem hoc est, nisi contrarium aliunde constet, vel ex institutione beneficii, vel ex recepta consuetudine, vel ex privilegio concessum ipsi Ecclesiæ, vel beneficio; nam si sit tantum concessum personæ, non mutat naturam beneficii, sed impedit effectum in tali persona, ut statim explicabimus. In illis autem casibus beneficium ipsum erit perpetuum, ut notavit Navarr. Comment. 2. de regular. numer. 6. quia non repugnat habere hanc conditionem, etiam si regulare sit, & in Ecclesiæ pleno jure subiecta; ergo potest illa conditio, vel consuetudine acquiri; vel a principio poni, vel a Pontifice concedi; neque enim illa conditio iniqua est, oportet tamen, ut de aliquo ex prædictis titulis sufficienter constet. Quod ergo dicimus, solum est, quamdiu oppositum non constat, seu sufficienter probatur, tale beneficium præsumi manuale. Quid autem dicendum sit, quando Ecclesiæ non est pleno jure subiecta, paulo post videbimus.

21 Hinc ad alteram partem respondetur facile, teneri monachum obedire Prælati revocanti illum, quia prælati utitur iure suo, & alter est illi subiectus. Et quidem si prælati id faciat ex causa, non solum valide, sed etiam licite id fuit ex omnium sententia, quia tunc rationabiliter utitur sua potestate. Causam autem rationabilem esse intelligo, non tantum culpam aliquam beneficiarii, sed quamcumque utilitatem, vel commoditatem sufficientem religionis, aut Ecclesiæ, quia hæc mutatio, seu revocatio non est pœna, neque actus iustitiæ vindicative, sed prudentis gubernationis, & jurisdictionis, quam prælati habet in subditum. Si autem prælati revocet huiusmodi subditum sine causa, quidam dicunt illicite agere & posse subditum coram maiore Superiore conqueri, ita significat Innocentius in cap. *insinuantes*, qui clerici, vel voventes, num. 2. Si Superior (inquat) *vellet ex malitia removere illum a loco posset supplicare Superiorem, & Superior eum audire deberet ad similitudinem servi*. Expressius Rebuffus refert alios tractatu de pacificis possessionibus, numer. 275. ubi plura de his beneficiis tradit. Ex eisdem tamen Authoribus colligitur, non posse huiusmodi religiosum sua autoritate resistere Superiori revocanti illum; neque ex solo defectu causæ posse veluti ex iustitia postulare coram superiore Prælati, ut non revocetur, sed solum proponere, aut supplicare, ut ait Innocentius. Præterea existimo maiorem prælatum non teneri, etiam ex prudenti regimine revocationem impedire, nisi ei constiterit ex malitia fieri, quia seclusa extrinseca deformitate, renovatio religiosi ad claustrum est valde utilis, & vicissitudo illa est moraliter necessaria, ad bonum religionis, ne per longam consuetudinem existendi extra claustrum amittat religiosus consuetudinem etiam obediendi, & alios religiosos mores, quapropter nisi aliunde constet malitiam intervenire, vel scandalum generari, aut infamiam, revocatio illa potius sustinenda est a superiore prælati, quam cassanda. Denique consulendam etiam in hoc censo consuetudinem, nam si usu receptum sit, ut revocatio saltem intra aliquod tempus non fiat sine causa, & aliter facta cedat in infamiam religiosi, tunc inique ageret Superior, revocando subditum cum eius infamia, nec Superior Prælati id permittere debet. Vide Navarr. Comment. 2. de regularib. num. 65. versicul. *Ad ostendendum*.

Quid dicendum de beneficiariis regularibus habentibus beneficia regularia, non tamen sua religioni pleno jure subiecta.

Ad collationem horum beneficiorum si duorum voluntas concurrat.

22 Ex his facile intelligitur quid dicendum sit de beneficiis regularibus, quæ non subunt pleno jure potestati prælati, vel monasterii; nam quatenus hæc beneficia regularia sunt, possunt conferri religioso, sine dispensatione speciali, quia jam sunt ex propria conditione pro religiosis deputata, ut dixi. Quatenus vero talia beneficia non subunt pleno jure religioni, dari non possunt religiosis per solam voluntatem prælati regularis, quia si voluntas ejus sufficeret, haberet plenum jus in collatione talis beneficii; si ergo jus plenum non habet, ideo est, quia pendet ab Episcopo, vel alio simili Prælato quoad institutionem, ut notavit Navar. Duplex ergo voluntas ibi concurrere debet, scilicet Prælati regularis, sine cujus consensu nullus religiosus potest ad aliquod beneficium transire, ut est frequens in jure 16. q. 1. & 18. q. 2. & tunc præcedenti tractando de obedientia dictum est; & præterea voluntas Episcopi, cui talis Ecclesia subiecta est. In quo etiam observandum est, religiosum tantum posse transire ad beneficium regulare sui ordinis, juxta cap. cum singula, de præbendis in 6. quia neque proprius prælatus potest dare subdito licentiam transiendi ad beneficium alterius ordinis, cum non possit monachus locum habere in diversis monasteriis, nec etiam Episcopus potest beneficia pro tali ordine seu monasterio deputata aliis tradere. Denique licet monachus possit ad hujusmodi beneficium transire, specialiter tamen & maxime illi prohibetur, ne plura possit habere, ut in dicto cap. cum singula.

Sola voluntas prælati non potest religiosum avertere a tali beneficio.

23 Igitur de monacho sic translato longe aliter judicandum est, quam de habente beneficium tantum manuale, quia quando Ecclesia non est pleno jure subiecta religioni, beneficium ejus licet regulare sit, non est manuale sed perpetuum, quia religiosus in illo semel constitutus non potest ad nutum sui prælati amoveri, sicut enim non potuit per solam voluntatem prælati provideri, ut dictum est, ita nec privari potest. Dices, semper religiosus pendet a voluntate Prælati; unde potest argumentum retorqueri, quia in principio solus dissensus Prælati impediret receptionem beneficii; ergo etiam postea sufficit ad impediendam retentionem: nam licet plures causæ simul requirantur ad aliquem effectum, cujuscumque tamen defectus sufficit ad illius destructionem. Respondetur, consensum Prælati postulari in principio ad receptionem talis beneficii, non ut causam per se illius, sed ut conditionem necessariam, & ideo non immutare naturam talis beneficii, sed potius illi accommodari. Est autem natura beneficii ut sit perpetuum, quæ conditio ex speciali ratione mutatur, seu deficit in beneficiis regularibus pleno jure subiectis religioni, quia illa per se debent tantum ex voluntate Prælati regulari, & aliunde obedientia religiosa postulat illum modum subordinationis. Quando ergo beneficium non ita pendet a Prælato regulari, ex se perpetuum manet, & prælatus ipse, quando præbet consensum, ut suis subditis de illo provideatur, consequenter consentit, ut perpetuo tali Ecclesie adscribatur, quia concessio rei facta censetur juxta illius qualitatem, ut notatur in Clement. unica de supplenda negligentia Prælatorum, cum Glossa ibi verbo *monasteriorum*. Cedit ergo prælatus tunc juri suo, & ideo non potest postea sua voluntate revocare religiosum, neque ille tenebitur parere, donec juri dicitur beneficio privetur ex legitima causa ab habente potestatem.

Nec subditio eadem est, a regulari monachis.

24 Atque hinc inferitur cum Navarro dicto Comment. 2. de regular. numer. 6. religiosum translatum ad tale beneficium, durante eo statu manere liberum ab obedientia Prælati, & consequenter etiam a jugo regulari, argumento cap. unicus 18. q. 2. & omnium, quæ supra dicta sunt de regulari translato ad Episcopatum, & quæ statim dicemus de translato ad beneficium secularare, nam quoad hoc æquiparantur, quia in hoc conveniunt, quod omnino separant religiosum a corpore religionis, & perpetuo illum dedicant, & uniunt Ecclesie cujus est beneficium. Præterea, ille incipit esse subiectus Episcopo seu ordinario talis Ecclesie, & debet perpetuo sustinere onera talis Ecclesie, & illi inservire, & ideo merito

manet exceptus ab actuali subiectione suæ religionis, & consequenter etiam accidentalibus observantiis ejus.

25 Unde etiam fit, ut in his etiam, quæ ad paupertatem pertinent, differat ab habente beneficium manuale, & conveniat potius cum Episcopo. Nam undecumque acquirat per successionem hæreditariam, vel alio modo, non monasterio sed Ecclesie suæ acquirat, ideo que administrationem eorum retinet & usum, cum subordinatione tamen ad suum Episcopum, in quo solum differt ab Episcopo regulari. Idemque Navar. censet, de regulari cui Papa concedit ad vitam suam beneficium regulare, etiam si illud alias esset ad nutum auferibile, quia licet per talem concessionem natura beneficii non mutetur, tamen in tali persona accipit perpetuitatem, estque communis sententia Canonistarum ut intelligi potest ex Felino in c. in nostra, de rescriptis in fine. Joanne Andrea, Dominico, & aliis, in cap. cum singula, de præbendis in 6. Panorm. in c. porrecta, de confirmatione utili, vel inutili, & in c. nisi essent, de præbendis n. 12. Quia per confirmationem Papæ censetur religiosus fieri obedientarius Papæ, & beneficium censetur plene illi concedi, de qua re plura videri possunt in Rebuffo dicto tractatu de pacificis possessoribus, n. 279. & sequentibus. Et hæc tamen de beneficiis regularibus.

Quoad paupertatem conventum cum dictis de Episcopo.

Quid denique dicendum de beneficiariis regularibus habentibus beneficia secularia.

26 De secularibus beneficiis brevius potest res expediri, suppositis his quæ diximus: nam in primis ordinario jure, non potest regularis transire ad beneficium secularare sine dispensatione Pontificis, etiam de licentia sui Abbatis, quia juxta generalem regulam juris, beneficia regularia regularibus, secularia secularibus danda sunt, argumento cap. cum singula, & cap. cum de beneficio, de præbendis in 6. & cap. nullus, de electione in 6. quibus locis Doctores id notant, & ex natura, seu institutione talium beneficiorum, est per se manifestum. Sumitur denique ex cap. monachi, de statu regularium; nam licet ibi directe solum prohibeantur monachi, ne singuli per villas vel oppida in Ecclesiis constituatur, tamen consequenter prohibentur habere beneficia secularia: quia, si illa habeant, consequenter possunt soli, & sine sociis habitare, ut ibi omnes notant, & ideo illam prohibitionem intelligunt de beneficiis manualibus; unde in regularibus etiam perpetuis constitui possunt sine dispensatione; in secularibus autem minime, ut ex Cardinali & aliis notat Rebuffus in practica tit. de dispensatione cum regularibus n. 5. & 6. & 7. Ratio etiam ex parte ipsorum beneficiorum est, quia beneficia illis debent conferri, quibus vel jure, vel consuetudine sunt destinata. Ex parte vero personarum est optima congruentia, quia religiosus status per se non ordinatur ad hujusmodi ministeria clericorum secularium propria, & ideo nisi beneficia speciali ratione ad religionem pertineant, non debent monachi se illis immiscere; unde in cap. super eo, de regul. dicitur, neque amplius in Ecclesiis secularibus debent assumi, ne contra votum quod Domino fecerunt, venire prohibentur.

Regularis abique dispensatione Papæ non transferatur ad beneficia secularia.


27 Multi vero Doctores excipiunt ab hac generali regula beneficia parochialia, vel quæ curam animarum habent annexam, & consequenter regulam solum procedere in beneficiis simplicibus, præbendis, Canonatibus, dignitatibus, &c. ita sentit Panorm. in cap. quod Dei timorem, de statu regular. numer. 5. & sequentibus, cum glossa ibi, & glossa in Clement. 1. de electione verbo *seculari*, idem tenet Hostiensis in dicto cap. quod Dei timorem, n. 8. & sequenti, & in summa tit. de statu regular. § *Utrum*. Fundamentum est, quia religiosus potest sine dispensatione transire ad Episcopatum propter curam animarum. Contrariam vero sententiam tenet Calder. & multi alii, ut supra refert Panorm. Quibus non parum faver par argumentum ab speciali Clem. 1. de electione, ibi: *Per hoc autem, quin religiosus in Episcopum secularis, vel cujuslibet regularis Ecclesie licite possit eligi, non intendimus prohibere*; ergo significat superiorem prohibitionem extendi ad omnem Ecclesiam seculari, sola Episcopali excepta. In quo etiam est specialis ratio, propter perfectionem status Episcopalis, unde Episcopatus quasi abstulit a beneficio seculari, & regulari, ideoque non comprehenditur sub regula data.

At

At beneficium curatum communiter est sæculare, & tale esse præsumitur, nisi oppositum probetur, ideoque generalis regula in eo servanda est, ut regulari dari non possit, sine dispensatione. Quare hæc posterior opinio videtur magis usu recepta, ut intelligitur ex Rebuff. supra n. 7. & ex Quintiliano Mandoſio de ſignatura gratiæ, tit. *dispensatio pro obtinendis beneficiis*, & in ea servanda sunt privilegia, & leges singularum religionum.

28. Supposita autem translatione legitima religiosi ad beneficium sæculare, quoad paupertatem, idem iudicium de illo est, quod de translato ad Episcopatum, servata proportione; nam acquiritur suæ Ecclesiæ, quocumque titulo acquirat, habet tamen dum vivit, administrationem talium bonorum. Deinde quoad obedientiam liber est a Prælati religionis, nec potest ad eam revocari, nec tenetur in suo regimine eis parere, sed Episcopo, nec etiam tenetur habere socium religionis, ut docent glossa, Panorm. & alii Doctores supra citati in cap. *monachi*, & in cap. *quod Dei timorem*, de statu regular. Denique in rigore præcepti & legis, non

tenetur servare particulares observantias suæ religionis, licet ex consilio illas servare debeat, ut significatur in cap. *quod Dei timorem*, de statu monach. juncto cap. *recolentes*, eodem titulo, & quæ supra de Episcopo regul. diximus. Nam quoad hoc procedit eadem ratio separationis perpetuæ talis personæ a corpore religionis, ex qua nascitur exemptio ab actuali obedientia, & legibus ejus. Hæc autem, quæ diximus, locum habent in propriis beneficiis, nam de pensione longe diversa ratio est, nam ex vi illius etiam si per dispensationem Apostolicam habeatur, non liberatur quis ab obedientia religionis suæ, nisi tantum quoad administrationem talis pensionis, quoad reliqua ergo religionis obligationibus subjectus manet, & suo monasterio acquirit, ut bene notavit Navar. Comment. 4. de regular. n. 68. & seq. ubi plures differentias respectu religiosi constituit inter pensionem, & beneficium, quas extendit etiam ad pensiones perpetuas, quæ præstimonium appellantur, quæ in eo videri possunt: censeo enim principia a nobis posita sufficere, & juxta ea de illis omnibus esse judicandum.



TRACTATUS NONUS

DE VARIETATE RELIGIONUM

TAM IN GENERE, QUAM IN SPECIE,

COMPLECTENS LIBROS DUOS.

LIBER PRIMUS.

De varietate Religionum in genere.

Ordo & particio
hujus tractatus.



ostquam ea omnia explicuimus, quæ de statu religioso absolute spectato consideranda occurrunt, quoniam propositum nostrum est ea omnia in religione Societatis spectanter contemplari, & pro viribus explicare: ut completa doctrina sit, necesse est de distinctione, & varietate religionum aliqua præmittere. Posunt autem religiones distinguere vel per quædam generalia capita, seu conditiones, & fines earum, ut religio contemplativa, vel activa, &c. vel per species proprias earum, ut Prædicatorum, Minorum, &c. hoc ergo lib. priorem divisionem, in sequenti vero, posteriorem explicabimus.

CAPUT I.

Utrum potuerit, vel debuerit esse in Ecclesia religionum varietas.

1. **H**æretici, qui summo odio hunc statum prosequuntur, multitudinem, ac varietatem religionum maxime damnant, ac perinde putant esse dicere, hos religiosos esse sancti Dominici, illos sancti Francisci, ac dicere, *Ego sum Pauli, ego autem Apollo*. Quod reprehendit Pauli. Corint. 1. & 3. quia hoc est schismata, & divisiones in Ecclesiam introducere, unde videntur contendere, salva unitate fidei, & charitatis, non posse hanc multiplicationem admitti. Nam sicut fides, & charitas una est, & ideo esse potest una religio Christiana, ita etiam perfectio charitatis una est: ergo non possunt in ordine ad illam religionem multiplicari, maxime, quia nos docemus viam consiliorum esse viam ad hanc perfectionem, & consilia eadem sunt respectu omnium, ergo & religio debet esse eadem. Tandem concluditur, saltem non expedire hanc varietatem propter divisionem, & incommoda, quæ ex ea nascuntur. Quod videtur experimento posse comprobari: nam occasione hujus diversitatis multæ contentiones inter varias religiones oræ sunt, dum aliæ alias præcedere contendunt, vel honore & loco, vel fama, & extinctionione apud homines, vel literis, & aliis hujusmodi bonis. Ex quo etiam fit, ut sæpe proximorum fructus propter religiosorum contentiones inter se impediatur: quæ omnia cessarent, si omnes idem corpus reli-

gionis conficerent. His accedit Divi Basilii auctoritas, ille enim similem fere quæstionem pertractat in regulis suis. disp. qu. 35. ubi quærit, an expediat in eodem pago plures esse religiosorum conventus, responderi non expedire, tum quia difficile est unum invenire condignum prælatum, ne dum plures; tum quia inter eos qui sunt ejusdem artis, facile oriuntur contentiones, & emulationes, quod (inquit) idem fere in hac vita solet accidere, *Initio enim contentiones a rebus honestis auspicantes, cum inter se certant alii alios studeant superare, dum progressus majores faciunt, postremo in similitudines contentiosas delabuntur*. Loquitur autem Basilius de monasteriis ejusdem rationis, & religionis, multo autem gravius sequuntur illa incommoda in diversitate religionum. Accedit tandem, quod si semel hæc varietas admittatur, in infinitum crescere, & multiplicari potest, ut etiam experientia nos docet, quia homines semper amant nova, & inventiones proprias; at hæc nimia multitudo non potest non parere confusionem, ut dicitur in c. ult. de Regular. & cap. unic. eodem tit. in 6. ergo &c.

2. Nihilominus veritas Catholica est, varietatem religionum ad decorem, & utilitatem Ecclesiæ, majusque Dei obsequium pertinere. Hæc veritas de fide certa est, ad quam confirmandam sufficiunt nobis Sanctorum exempla, qui varias religiones instituerunt, & communis Ecclesiæ consensus, Pontificumque auctoritas, quæ illas approbarunt, & optima verba Gregorii XIII. in quadam Const. *Ascendente Domino*, in Societatis confirmationem, ubi sic inquit, *Cum divina providentia, pro temporum necessitate, varia, & salutaria ordinum instituta, in Ecclesia sua prouiderit, novisque in ea subinde nascentibus morbis nova remedia, novisque emergentibus hostium impugnationibus, nova regularium ordinum auxilia excitavit. & cuique illorum, juxta cujuslibet peculiaris gratiæ vocationem, peculiare quasdam notas, peculiaris insignia, & opportuna ad finem, quem intendunt media, suggererit, &c.* Constat ergo varietatem religionum divina providentia introductam esse, esseque Ecclesiæ opportunam, & auxiliarem. Ut autem hanc veritatem magis explicemus, & confirmemus, tria puncta declaranda sunt; Primum, qualis

Impugnatio altera
ab i. com.
modis.

Puncta 3.
tractanda
proponū-
tur.

lis distinctio, & varietas inter religiones intelligi pos-
sit: Secundum, quæ sit sufficiens ratio ejus: Tertium, si
quæ incommoda ex illa nasci possint, quomodo caveā-
tur; per quod allatis in n. r. impugnationibus satisfiet.

*Qualis distinctio & varietas inter religiones
intelligi possit.*

Hæc va-
rietas aut
ex fine pe-
culiari,
aut ex me-
diis per-
tinentia.

3 Circa primum statuendum in primis est, omnes
religiones necessario convenire in substantiali ritu sta-
tus religiosi, qui consistit in duobus, scilicet in intendenda
perfectiōe charitatis erga Deum; & consequenter et-
iam circa proximum, & in renunciatione seculi per
tria vota substantialia, & traditionem illam talibus vo-
tis firmatam, per quam homo se totum consecrat divi-
no obsequio. Hæc duo satis constant ex omnibus hacten-
us dictis de statu religionis, cum hæc enim sint sub-
stantialia illi statui, non possunt non convenire omni
veræ religioni, siue illa sit substantia generica, siue spe-
cifica, de quo statim. Hinc D. Th. 2. 2. q. 188. art. 1. con-
cludit, duobus tantum modis posse distinctionem inter
religiones inveniri, scilicet vel in fine proprio, vel in exer-
citiis, & mediis, quibus ad eundem finem tendit. Cum
enim religio sit status tendens in finem perfectiōis,
necesse est ut per certa, ac determinata media tendat:
ergo non potest alia distinctio inter religiones cogita-
ri, nisi ex fine proprio, vel mediis.

Obiectio
contra
varietatē
ex fine.

4 Dices, imo non videntur religiones distinguere in
finibus, sed solum in mediis; omnia enim, quæ inten-
dunt, vel operantur, sunt media in finem charitatis per-
fectæ: ergo solum possunt distinguere in mediis, quibus
utuntur ad hunc finem charitatis perfectæ. Respondeo,
verum quidem esse, omnes fines particulares religionū
singularum, esse media, si cum generali perfectiōe
charitatis comparentur: sunt tamen nihilominus fines
proprii, quia sunt bona per se honesta, quæ propter se
proxime expetuntur, & propter ipsa reliqua omnia
exercitia talium religionum instituta sunt, vel assumū-
tur. Dicitur etiam possunt illi fines, quia sunt quasi forma-
les quædam actiones ipsius charitatis, quæ ut in se tales
sunt, intenduntur ut fines, ut vero per eas comparatur
perfectiō charitatis absolute, & secundum se spectatæ,
media dici possunt. Itaque si charitas secundum se con-
sideretur, plura habet officia, in quibus exercetur, & eis-
dem proxime augetur: sunt autem illa adeo diversa, ut
non possint omnia, & singula per se primo ab omni re-
ligione intendi, quia quædam in contemplatione Dei,
aliæ in operatione circa proximum versantur, & inter
actiones erga proximum magna est varietas, quæ non
potest sub eodem vitæ instituto principaliter intendi, ut
redemptio captivorum, infirmorum curatio, &c. Hinc
ergo factum est, ut quædam religio dicatur instituta ad
hunc finem proprium, id est, ad hoc officium charita-
tis, alia ad aliud, & hac ratione distinguuntur aliquæ
religiones ex finibus, ut religio contemplativa ab acti-
va, & sic de aliis. Ad hunc autem finem proprium con-
sequendum, & religiose exercendum, utitur unaquæque
religio propriis modis, & observantiis, ut orationibus,
jejuniiis, operibus manuum, & similibus, & hæc vocan-
tur propria media, quia immediate referuntur ad illum
proprium finem, & illo mediante ad generalem finem
perfectiōis charitatis. Contingit autem aliquando
duas religiones ad eundem finem proximum scopum esse in-
stitutas, ut ad militiam v. gr. uti tamen diversis obser-
vantiis, ad illum finem religiose exercendum, & tunc
dicuntur religiones distinguere in mediis, & non in fine;
sicut motus interdum distinguuntur, quia ad diversos
terminos tendunt, aliquando vero quia ad eundem te-
dunt diversa figura, vel per diversa spatia: quæ poste-
rior distinctio solet a Philosophis revocari ad distin-
ctionem terminorum formalium, cum prior distinctio
sit per terminos reales, & formales: sicque in proprio
dici possunt religiones omnes distinguere ex fine, quia li-
cet aliquæ in proximo fine realiter convenire videan-
tur, tamen quatenus illum intendunt per diversa me-
dia, & exercitia, etiam in ipso formaliter distinguere vi-
dentur, quia sub alia ratione, aut modo, aut perfectione
illam intendunt. Modus autem loquendi D. Th. sicut
magis realis est, ita etiam est magis perspicuus, & clarus.

Quid
quando
duæ reli-
giones
habent
eundem
finem pro-
ximum.

Distinctio
religionū
ex finibus
major.

5 Ex quo recte semel inferimus, g. distinguere religio-
nes, quæ ex fine, quam quæ ex solis mediis, siue exerci-
tiis in ordine ad eundem finem distinguuntur. Quod

est per se satis clarum, quia distinctio in rebus mor-
alibus maxime est ex finibus; religio autem moralis
res est: tum etiam, quia religiones, quæ in finibus distin-
guuntur, regulariter etiam in mediis, & exercitiis di-
versitatem habent, quia ad fines diversos regulariter
media diversa requiruntur, etiam si in aliquibus eorum
possit esse convenientia: tum denique, quia quo major
est convenientia inter aliqua duo, eo illa minus distin-
guuntur, religiones autem, quæ in fine conveniunt,
magnam inter se habent convenientiam, quam aliæ
non habent: ergo. Quapropter adeo verum hoc est, ut
religiones, quæ in fine distinguuntur, possint quodam-
modo dici specie diversa, aliæ vero tantum accidenta-
liter. Pater proportionali ratione, nam finis est, qui in
moralibus dat speciem; ergo religiones, quæ distin-
guuntur in fine, dici possunt specie diversa. Item artes,
quæ tendunt ad diversos fines, specie distinguuntur, sed
religiones sunt veluti quædam spirituales disciplinæ,
seu artes: ergo. Hæc autem distinctio in finibus tanto
erit major, quanto inter ipsos fines secundum se spe-
ctatos major fuerit. Aliquando enim fines ipsi erunt
quasi substantialiter diversi, ut hospitalitas, & prædica-
tio verbi Dei; aliquando vero solum secundum magis,
& minus, ut contemplatio perpetua, seu diuturna, vel
solum definitis horis: item prædicatio Evangelii inter
fideles, vel in universo orbe, & inter infideles, & sic de
aliis. Clatum est ergo majorem esse diversitatem reli-
gionum, quando fines sunt substantialiter diversi, tunc-
que magis dici posse religiones ipsas substantia diver-
sas: quamvis in hoc oportet magnam vim in verbis
constituere, quia hic re vera non potest esse diversitas
in substantia quia physica, ut sic dicam, quia traditio, &
tria substantialia vota, quæ in omnibus religionibus
sunt, ejusdem speciei, & essentialis sunt: igitur religio-
num diversitas non potest esse in substantia status. Mor-
aliter autem dici possunt quodammodo substantialiter
differre, quæ in primario fine differunt, comparatione
earum, quæ in ordine ad eundem finem solum in
mediis, seu exercitiis distinguuntur.

6 Rursusque inter has tanto erit major diversitas,
quanto media, & exercitia fuerint magis diversa: ali-
quando enim tam parva est differentia, ut solum in ha-
bitu, & insigniis, & paucis ceremoniis distinguantur,
ut religio S. Benedicti, & S. Bernardi inter monacha-
les; & inter militares, Alcantaræ, aut Calatravæ, & si-
miles, quæ videntur solum numero distinguere, quamvis
in ea latitudine magis distinguantur, quam duo mo-
nasteria ejusdem habitus, sicut in naturalibus homo al-
bus, & niger, solum numero differunt, quamvis magis
in ea latitudine, quam duo homines albi distinguere vi-
deantur. At vero mendicantes religiones ut Minorum,
& Prædicatorum, non videntur distinguere in fine, sed in
modo, & mediis, & est differentia longe major, ita ut ad
specificam differentiam magis accedere videatur.

Ex mediis
quæque
ad tales fi-
nes varii
gradus di-
stinctionis
inveniuntur.

7 Maxime vero distinguuntur religiones, si in utro-
que fine, scilicet, & exercitiis distinctionem habeant.
Et præsertim si in votis ipsis, & in observantiis eorum
diversitatem habuerint, quia cum in votis consistat
substantia religionis, diversitas in illis maxime ad sub-
stantialia accedit. Sicut dicimus, beatos distinguere in es-
sentiali beatitudine, quia in re illa in qua est substantia
beatitudinis, habent aliquam varietatem, licet in rigore
diversitas illa specifica, aut essentialis non sit. Tandem
aliquando intra eandem religionem videtur esse
tanta varietas, ut plures religiones esse appareant, ut in-
ter Minores, quod maxime verum est, quando sub di-
versis Prælati generalibus versantur, quia tunc sunt
veluti diversi exercitus, habentes diversos duces, & in-
signia distincta, & interdum etiam arma diversa,
quamvis in fine, & aliis multum convenient. His
ergo modis potest distinctio, & varietas in religioni-
bus reperiri.

Distinctio
ex finibus
simul ac
mediis
diversitas
est, maxi-
ma.

Distinctio
ex diver-
sis præla-
tis.

8 Ex quibus intelligere licet, ad unitatem religio-
nis requiri convenientiam in fine, & in mediis, quæ
quanto major fuerit, tanto erit major unitas: nam bo-
num ut ajunt ex integra causa; unitas autem habet ra-
tionem boni, pluralitas vero, quæ talis, a perfectiōe
declinat: nam ut dixit Augustinus, term. 27 de verbis Do-
mini, *proponitur unum multis, non enim a multis unum,
sed multa ab uno.* Item res morales maxime recipiunt
unitatem.

Unitas
religionis
est contra-
rio, ab
unitate fi-
nis peten-
da.

unitatem vel distinctionem ex fine: unitas autem religionis, ut nu. 5. dicebam, moralis est; maxime ergo requirit unitatem & convenientiam in fine proprio, qui est veluti scopus religionis.

Item ab unitate modorum.

9 Deinde necessaria est etiam convenientia in mediis, tum quia, ut n. 4. attrigi, nunquam finis est omnino & formaliter idem, si per diversa media, & vias omnino distinctis quaeritur. Tum etiam quia religio est quasi via quaedam, & tendentia in finem; via autem, ut sit eadem, non satis est quod ad eundem terminum tendat, sed per eadem media. Tum denique quia si media sunt diversa, mores etiam, & vitae consuetudinem diversa esse oportet, cum qua diversitate non fiat vera unitas moralis. Hoc autem intelligendum est de praecipuis & substantialibus mediis, quia nonnulla diversitas in rebus minoribus, & accidentalibus, non obstat. Intelligendum etiam est de mediis non subordinatis, aut connexis inter se, si quidem intra eandem religionem possunt esse plura media, & consequenter plures gradus personarum, quae ad diversa munera destinantur; quae varietas non impedit unitatem, quia sunt velut membra eterogenea eiusdem corporis.

Unitas capitis conducit, sed non requiritur.

10 Praeter illa autem duo, finis scilicet ac mediorum convenientiam, requiri potest ad unitatem, convenientiam in uno capite, vel supremo praelato proprio eiusdem religionis, sed si considerentur ea, quae tractatu praecedente lib. 2. cap. 2. de praelatis religionum diximus, haec conditio non videtur ita necessaria, si alias sit convenientia in regula, & origine religionis; maxime secundum modum loquendi, non solum vulgi, sed etiam juris: sic enim moniales omnes regulam sanctae Clarae, v. gr. profitentes, eiusdem religionis esse perhibentur, quamvis aliqua earum monasteria Episcopo subdantur, aliqua vero praelato regulari, qui inter se minime subordinantur; & eadem praelatorum diversitas in aliis, tam feminarum, quam virorum conventibus facile deprehendi potest, quamquam negari non debet maiorem fuisse futuram unitatem, si non solum regulam, sed etiam praelatum eundem haberent, quia politicum corpus, qualis est religio, ex unitate capitis recipit etiam unitatem, sive id caput una sit persona, sive aggregatum ex pluribus.

Similiter & unitas omnimoda in habitu.

11 Ad praeterea potest, requiri ad religionis unitatem convenientiam in exteriori habitu: quia licet hic non sit de substantia religionis, est tamen signum talis, vel talis professionis. Haec etiam conditio non est adeo necessaria, quin intra eandem religionem nonnulla diversitas in exteriori habitu permittatur, ut sentiunt Glossa, & Doctores ex textu in Clem. 1. de electione; & usu ipso constat. Et ratio est, quia interdum ipsam regulam postulat positive (ut sic dicam) hanc diversitatem, iustas ob causas, ut videmus in religionis laicis & clericis eiusdem religionis. Aliquando vero illam diversitatem permittit, quatenus directe non prohibet, & id quod de habitu statuit, servari potest cum aliqua diversitate in aliis conditionibus, ut si statuatur de figura, & materia; non vero de colore habitus, tunc licet aliqua varietas in colore in diversis monasteriis aut provinciis permittatur, non erit contra unitatem religionis. Haec autem varietas in habitu nunquam potest tanta esse, quin aliqua unitas seu convenientia conservetur, quae unitatem talis religionis indicet, ut videre est in religione S. Francisci Observantiae & Conventualium ac Capuccinorum, & in religione SS. Trinitatis, ac multo magis in religione canonico-rum regularium. Omitto Societatem Jesu, quae peculiarem habitum non assumpsit, & ita admittit illam varietatem, quam habitus clericorum in diversis regionibus habuerit: servando tamen illam unitatem, nimirum ut ubique eo habitu honesto, & ad statum religiosum decet uratur. In aliis vero religionibus semper servatur aliqua unitas vel in figura, vel in colore, vel in utroque signo, vel in aliquo alio signo speciali, quod iuxta uniuscuiusque religionis regulam observandum est, ut unitas religionis quoad habitum retineri censeatur. Et haec de primo puncto.

Approbatum ac defenditur dicta religionum varietas.

12 Secundo dicendum est varietatem religionum non sine magna divinae providentiae dispositione, & Spiritus Sancti directione inventam esse; & in Ec-

clesia introductam, tanquam illi valde utilem. Ratio penetrabilis est, quia status religionum proponitur hominibus tanquam via utilissima ad perfectionem acquirendam, fieri autem non poterat, moraliter loquendo, ut una religio unusque vivendi modus omnibus accommodaretur propter varias hominum complexiones ac propensiones; ut notavit Gregor. 6. Moral. c. 26. alias 27. *Nonnulli namque hominum (aut) ita otiosa mentis sunt, ut si eos labor occupationis accipiat, in ipsa operis occupatione succumbant, & nonnulli ita inquieti sunt, ut si vacationem laboris habuerint, gravius laborent, quia tanto deteriores tumultus tolerant, quanto eis licentius ad cogitationem vacat. Unde necesse est, ut nec quieti mens ad exercitationem se immoderati operis dilatat, nec inquieti ad studium contemplationis angustent.* Ob hanc ergo causam utilissimum fuit quaedam esse religiones ad quietem, & otium contemplationis ordinatas, alias ad actiones, alias ex utroque mixtas, ut omnes haberent, unde, quod sibi magis expediret, eligere possent. Et eadem est ratio de aliis differentiis, hi enim his actionibus, & exercitiis potius quam aliis delectantur, quidam ad solitariam, alii ad socialem vitam propensi sunt, quidam corporibus fortiores ad labores, & rigores corporis sunt apti, alii ad studia, & spiritualia exercitia: sic ergo per varietatem religionum omnibus subventum est. Alia ratio etiam valde generalis est, quia religiones ex intentione Spiritus Sancti non solum institutae sunt ad bonum eorum qui in eis congregantur, sed etiam ut per eos alii, atque adeo universa Ecclesia juvetur: quia ergo variae sunt actiones, & ministeria, in quibus possunt religiones Ecclesiae intervenire; & non sufficit una pro omnibus actionibus, ideo ex earum varietate confurgit plenitudo ministrorum, qui possint omnibus modis, & in omni actionum genere Ecclesiam juvare. Et hoc est etiam quod Gregor. XIII. citato loco dixit, *Pro temporum etiam varietate providisse Deum varias religiones, prout occasiones, vel necessitates temporum postulabant.* Addit etiam Bernard. in Apolog. Guillel. Abb. ad pulchritudinem Ecclesiae pertinere hanc varietatem iuxta in Psal. 44. *Astitit regina a dextris tuis in vestitu deaurato, circumdata varietate. Nec mirum (inquit) si in hoc exilio, peregrinante Ecclesia sit huiusmodi pluralis unitas, & una pluralitas, cum in illa quoque patria quando & ipsa regnabit, futura sit aliqua dispar aequalitas, cum scriptum sit, in domo patris mei mansiones multae sunt.*

13 Ex his ergo constat, quam longe sit haec religio-num distinctio ab omni Ecclesiae divisione, & schismate, sicut enim in eadem domo diversitas mansionum, & cubiculorum, non destruit, sed pulcherrime construit unitatem domus, & in republica, vel civitate pluralitas artium, & officiorum, non est contra unitatem, sed potius est maxime necessaria, ut civitas sit consummata, & perfecta; ita in Ecclesia varietas religionum ejus unitatem non dividit, sed illustrat. Neque obstat quod charitatis perfectio una sit: quia viae ad illam possunt esse plures, non quidem quoad substantiam omnino diversae, sed quoad actionem, vel quoad modum, & (ut ita dicam) quoad missionem, & participationem actionum. Omnes enim religiones in substantia easdem fere actiones exercent, tamen quaedam in quibusdam excedunt, aliae in aliis, quaedam hoc modo, aliae alio illas participant, omnes tamen sunt sanctae, & ad supra dictos fines necessariae. Incommoda autem, quae ex hac varietate sequi obijciuntur, minoris momenti sunt, neque cum utilitatibus numeratis possunt comparari. Res enim humanae huiusmodi sunt, ut nunquam omnibus incommodis careant, & ideo quando haec sequuntur, non ex re ipsa, vel actione, sed ex infirmitate, vel malitia hominum, non sunt propter illa omit-tenda bona majora, sed adhibenda remedia, ne illa mala sequantur; potissimum autem est charitas. Unde eleganter Bernard. in dicta Apologia. *Requiratur (inquit) a me, cur, cum omnes ordines laudem, omnes non teneam, laudo enim omnes, & diligo, ubicumque iuste, & pie vivitur in ecclesia, unum opere teneo, ceteros charitate: faciet autem charitas (fidenter loquor) ut ne illorum quidem fructu frauder, quorum instituta non sequor.*

14 Divus autem Basilius citato loco non loquitur pro-

Quae unitas in habitu servanda in Societate.

proprie de diversitate religionum, sed de multiplicatione domorum, seu monasteriorum ejusdem religionis in eodem oppido, tractatque prudentialem quaestionem, an expediat talia monasteria multiplicari in eodem oppido: & ipse fert probabile iudicium expedire magis, ut in uno domicilio, & sub uno praelato omnes aggregentur. Hæc autem quaestio longe diversa est ab ea, quam nunc tractamus, estque in ea satis verisimile Basilii iudicium, & fortasse regulariter ita est; & maxime eo tempore, in quo, ut supponere videtur Basilii, religiosæ domus erant ita distinctæ, ut non unirentur sub uno capite, quarum multiplicatio vicina poterat facile discordiam parere, & non erat necessaria, quia regula erat uniformis omnino in modo vivendi separato, & remoto ab actionibus externis. Ait etiam Basilii fuisse tunc penuriam hominum, qui huiusmodi domos regere utiliter possent, quia monachi regulariter sacerdotes non erant, neque docti. Quæ rationes hoc tempore cessant, nam in eadem religione sunt varix actiones, vel ad studia, vel ad conciones, & alia ministeria; est etiam unio earum inter se, & sub uno superiori praelato, nec defunt homines docti, & prudentes, per quos possint gubernari, & ideo etiam hoc modo possunt utiliter sæpe monasteria in eadem civitate multiplicari. Quia vero in utraque multiplicatione poterat esse excessus, ideo multiplicatio religionum Summo Pontifici merito reservata est, ut patet ex Concil. Later. in c. ult. de Religios. dom. & Conc. Lugdun. in c. unic. eod. tit. in 6. In Conc. autem Trident. sess. 25. c. 3. de Regul. ad alia incommoda vitanda statuitur, ut sine licentia Episcopi monasteria non erigantur.

CAPUT II.

Utrum religiosa vita in solitariam, & cœnobiticam recte distinguatur: & utra perfectior sit.

SUpponendum est, sermonem esse de proprio statu religioso, late enim potest religiosa vita appellari omnis illa, quæ ad divinum cultum instituitur, etiam si non habeat omnia requisita ad religiosum statum, ut ex superius dictis satis notum est. Videtur autem hoc modo non posse habere locum distinctio proposita: quia repugnat vitam esse vere religiosam, & esse solitariam. Primo, quia vota religiosa esse debent sub speciali obedientia alicujus praelati; qui autem solitariam vitam agit, nullius obedientiæ specialiter subiectus est, ut patet de Joanne Baptista, de Paulo primo eremita, & similibus: ergo. Secundo, quia vita religiosa debet esse regularis, debet enim statui, & firmari per professionem sub aliqua certa regula: unde & in iure religiosi regulares appellantur, & pro eodem reputantur: sed qui vitam solitariam agit nullam regulam profertur, ut per se constat: ergo. Tertium, quia status religiosus requirit Ecclesiæ approbationem, & acceptationem; in vita autem solitaria nihil horum reperitur. In contrarium est, quia antiqui, & perfectissimi monachi hanc vitam professi sunt: imo hac ratione Joannes Baptista eorum princeps, & dux in lege gratiæ appellari solet, & ante illum in lege veteri Elias censetur huic statui principium dedisse: cujus exemplum etiam Christus dare voluit, quando in desertum per quadraginta dies secessit, ut jejunio, & contemplationi vacaret. Atque ita est apud Patres vulgaris distinctio monachorum in anachoretas, & cœnobitas, ut videre licet apud Hieronymum epist. 22. ad Eustochium de Custod. virgin. Cassianum coliar. 18. c. 4. Isidorum lib. 2. de Offic. Eccles. c. 15. de Monachis, & lib. 7. etymolog. c. 13. ubi anachoretas, & eremitas in duos ordines distinguit, nam eremitas vocat qui semper a principio solitariam vitam profitentur, anachoretas qui post acquisitam perfectionem in vita cœnobitica, in solitudinem separantur. Sufficiens tamen est bimebris divisio: nam quicumque solitariam vitam agunt, utroque nomine appellari solent, & cum illa duo membra quasi per contradictorias differentias distinguantur, adæquate distinguuntur divisum. Solent etiam Patres addere alia membra illi divisioni, ut patet ex proxime citatis, & ex S. Benedicto in principio suæ Regulæ. Verumtamen illa alia membra non pertinent ad veros, & religiosos monachos de quibus agimus, sed dantur de

quibusdam fictis, & reprobis monachis, qui illis temporibus vigeant.

2 Tota ergo difficultas hujus divisionis, ut argumenta ostendunt, versatur in altero membro, scilicet vitæ solitariæ: nam de vitæ cœnobitica non est dubium. Dicitur enim cœnobitica vita, quæ agitur in religiosa congregatione, cujuscumque ordinis illa sit, quæ dici etiam potest vita communis, & socialis. Sed quia hæc voces generaliores sunt, ideo religiosæ vitæ, quæ in conventu fratrum sit, vox illa accommodata est. Quod ergo hæc vitæ communis ratio accommodatissima sit statui religioso, per se notum est, tum ex usu Ecclesiæ, in qua hic modus vitæ religiosæ prævaluit, ac fere solus conservatur: tum etiam, quia ad omnia vota religioso statui substantialia, & ad praxim omnium consiliorum, & virtutum est valde opportuna, ut statim magis patebit. Unde de hac interpretatur Augustinus illud Psalm. 132. *Quam bonum, & quam jucundum habitare fratres in unum*: quia in huiusmodi religiosis cœnobiis ita sunt multi, ut tamen sit cor unum, & anima una, cujus initium, & quasi exemplar ait fuisse in cœnaculo, ubi post Christi Domini ascensionem erant Apostoli cum fidelibus congregati in unum, orationibus instantes, & expectantes Spiritus Sancti adventum. Et ideo in hos etiam cœnobitas interpretatur, optime convenire monachi nomē, quia licet ab unitate sumptum sit, *monos enim est unus*, unde monachus, quasi unus, & solitarius dictus est; tamen etiam cœnobitæ monachi recte dicuntur, *Nam qui sic vivunt in unum* (ait Augustinus) *ut unum hominem faciant, ut sit illis verum, sicut scriptum est, cor unum, & anima una, multa corpora, sed unum cor, & una anima, recte dicitur monos, id est, unus solus*. Igitur modis omnibus, & res, & vox religiosi status in huiusmodi congregationes, earumque religiosos convenit: de alio ergo membro videndum superest.

3 Est ergo ulterius advertendum, generaliter dici posse solitariam vitam omnem illam, quæ communis non est, neque in Societate multorum idem genus vitæ profitentium, sive agatur in solitudine ab omni commercio hominum separata, quæ proprie dicitur vita eremitica; sive agatur in pagis, villis, & civitatibus, in propriis tamen ac privatis domibus: licet enim hæc non possit dici vita solitaria, quantum ad conversationem, & convictum cum aliis hominibus: potest tamen dici solitaria, si aliqui religiosa sit quoad societatem, & unitatem in eodem genere vitæ. Fuit autem uterque modus vivendi cultus in Ecclesia ab his hominibus, qui viam consiliorum, & perfectionis amplexi sunt. Nam de vita eremitica extant clarissima antiquitatis exempla. Tamen, ne sit ambiguitas in nomine, oportet advertere, interdum dici eremitas eos, qui in cœnobiis degunt, quando talia monasteria solum in desertis locis, ac eremis construebant, & ex sua vivendi ratione talē separationem a populis hominum postulabant. Hoc modo fuerunt eremite religiosi S. Basilii, ut ex eo accipi potest in regul. 6. ex fuf. disp. in hac etiam amplitudine videtur mihi de solitaria vita loqui Hieron. cum illam mire laudat in epist. ad Heliodorum. Augustini monachi eremitæ dicuntur, ad quos sunt sermones ejus ad Fratres in eremo, de quorum autore licet aliqui recētiore dubitaverint, tamen plerique doctiores, eos Augustinianos vere esse recognoscunt, & ita inveniuntur passim citati a gravibus authoribus, præsertim a Nicolao V. in tractat. de laudib. Augustini, & a S. Antonio de Paulo, Vincentio Ferr. & Bernard. Senen. sæpe in suis concionibus, & Conc. Aquifgran. citat sermon. de communi vita clericorum, qui ejusdem ordinis, & rationis esse cēsentur. Et fortasse non pauci inter illos inferti erunt, qui non sint Augustini, de quo iterum libro sequenti c. 8. n. 8. tamen quod aliquos inscripserit eo titulo, verisimillimum est ob tantam antiquitatem. Sic etiam Carthusiani eremitæ appellari solent, & in sua professione promittunt conversionem, & emendationem morum in illa eremo; constat autem illorum vitæ cœnobiticam esse, licet multum participet de vita solitaria. Alio vero modo dicuntur eremitæ, qui vitam solitariam profitentur extra omnem hominum congregationem, & conversationem, qualem egit sæpius Elias in monte Carmelo, & Joannes Baptista in deserto, & Paulus primus Eremita, ut in Kalend. Rom. appellatur.

Vita solitaria late, & præse dicitur.

Vita eremitica late, & præse dicitur.

Sermones ad Fratres in eremo, cum sint Augustini.

Vita eremitica præse, quæ.

Hæc vita
la dabi-
lis est,

Fuit eti-
a status re-
ligiosus
quando a
cœnobio
ad illa
transitus
erat.

4 Hanc ergo vitam eremiticam in hoc rigore sumptam sanctam, & Deo gratam esse ostendit Iare Bellarm. contra hujus temporis hæreticos lib. 2. de Monachis, cap. 39. ubi plurima, & optima congerit Patrum testimonia, quæ ibi videri possunt, nam res satis clara est, tam ex se, quam ex usu, & approbatione totius Ecclesiæ, propter quod in Concil. Chalcedon. cap. 4. dictum est, *Qui vere, pureque solitariam eligunt vitam, digni sunt convenienti honore*: habetur 16. quæst. 1. cap. *Qui vere*. Supposita vero illius vitæ sanctitate, ostendere oportet, fuisse vere statum religiosum. Circa quod sciendum est, vitam illam solitariam dupliciter assumi posse: primo, statim a principio conversionis ab illa inchoando: secundo, ad illam a cœnobitica vita transeundo. Hoc posteriori modo consulunt Patres vitam illam esse assumendam, postquam, scilicet, aliquis in cœnobio per multos annos se exercuerit, & magnos progressus in perfectione fecerit, ut monet Hieronymus in epist. 22. de Custod. virgin. ad Eusth. in fin. & epist. 4. ad Rusticum, *De ludo monasteriorum hujusmodi volumus regredi milites, quos eremi dura rudimenta non terreant*. Idem sensit Augustinus lib. 1. de Morib. Eccles. cap. 3. Cassian. collat. 10. cap. 3. Benedictus cap. 1. sue regulæ, Bern. serm. 3. de Circumcis. & Isidor. lib. 2. de offi. cap. 15. sub titulo *De tertio genere monachorum*, refert morem antiquum fuisse, ut per viginti annos, alias 30. prius probarentur in cœnobiis, & postea non nisi per electionem obedientiæ, ad solitariam vitam transirent, in Canone autem 41. Trullano saltem quatuor anni requiruntur, & Episcopi approbatio. Hinc ergo vitam solitariam manifestum est, & supponere, & includere religiosum statum, quia ex illo, quem in monasterio quispiam professus est, ad eremum transit; per hunc autem transitum non aufertur religiosus status, qui in tali persona supponitur, cum talis status immutabilis ex se sit, sed usus ejus accidentaliter mutatur. Unde quod spectat ad castitatem, & paupertatem, manifestum est in illa solitaria vita perfectissime posse servari, & eandem obligationem manere: quoad obedientiam vero existimo, hujusmodi transitum semper debuisse fieri servata obedientiæ lege, & obligatione: imo etiam in ipso eremo semper conservari debuisse subordinationem aliquam ad prælatum secundum aliquam regulam: quia obedientiæ votum in se manebat etiam integrum, & ideo aliquem usum ejus fuisse necesse est, juxta regulam tamen, & consuetudinem voventium. Et eadem ratione illa separatio a cœnobio non repugnat traditioni, quam de se fecerat quispiam monasterium per professionem suam, quia illa traditio etiam intelligitur juxta mensuram regulæ, & obedientiæ, & tota ordinatur ad majus bonum, & perfectionem proficentis, quæ omnia in illo transitu servabantur.

Quando
vero im-
mediate a
seculo ad
illam tran-
situs erat,
nō videri
statum re-
ligiosum.

5 Quando vero status ille eremiticus immediate inchoabatur, sine ullo transitu per cœnobium, nec per professionem in illo factam, ut fuit in S. Paulo per totam vitam, & Antonio multis annis, & plerisque aliis, difficile est definire, an & quo modo in eis fuerit vera professio religiosi status. Quia licet quoad observantiam, summam paupertatem, & perfectissimam castitatem coluerint; non constat nobis, an talia vota emitterent. Deinde licet demus ea emisisse, ex illo affectu, quem habebant se totos consecrandi cultui divino, & perfectioni quærendæ; & quo vitam illam assumebant firmo proposito in illa perpetuo manendi, & ideo credibile sit perpetuam illam perseverantiam Deo promississe: maxime quia non ignorabant, hoc esse melius, & gratius Deo, hoc tamen totum ad verum religiosum statum non sufficit. Et, quod caput est, illi nullam obedientiam alicui homini proficebantur, nec secundum certam regulam, vel voluntatem alienam vivere stantebant, aut promittebant: quomodo ergo poterat in eis esse status religiosus perfectus? De hac vero difficultate inferius dicam in nu. 12.

Modus
quida vi-
tæ solita-
ræ mem-
oratur, &
repeitur.

6 Venio ad alium modum vitæ religiosæ privatum quidem, non tamen omnino solitarium. Ubi primum rejiciendus est quidam monachorum gradus, cujus mentionem fecit Hieron. in epist. 22. de custod. virgin. in fin. eoque *Remoth* appellat, quod nomen Egyptianum est, qui non omnino soli, sed bini, vel terni habitabant, suo tamen arbitrato, & sine obedientia

vivebant, & licet aliqua opera paupertatis, & penitentiae facerent, perfectionem tamen vitæ non proficebantur. Eorundem videtur facere sermonem Benedictus in sua Regula, cap. 1. ubi duo genera horum hominum distinguit. Sed eos missos faciamus, nihil enim ad præsentem causam pertinent, non enim erant veri religiosi, sed ficti, & perditii homines, & ut tales, dicti Patres eos reprehendunt.

7 Illius ergo status, ac modi vivendi vestigia præcipue in feminis, & sacris virginibus inveniuntur, quamvis enim olim etiam in monasteriis vivere soleant, ut ex Ambrosio ad Virg. laps. cap. 7. Hieron. epist. 8. ad Demetriad. & 48. ad Sabinian. & alius constat: sæpe etiam in propriis domibus vivebant, postquam eam Episcopo virginitatem professæ fuerant, & ab eo velum acceperant. Unde Augustinus serm. 1. de commun. vit. cleric. *Virgo (ut) etsi nunquam fuerit in monasterio, si virgo sacrata est, illi nubere non licet, quamvis esse in monasterio non compellatur*. Hinc Concil. Toletan. IV. cap. 8. & est apud Burch. lib. 8. decret. cap. 48. & Gratian. 27. q. 1. cap. 7. *De viduis (ut) & puellis, quæ habitum religionis in domibus propriis, tam a parentibus, quam per se mutaverunt, si postea contra instituta Patrum, vel præcepta canonum conjugia putaverint copulanda, tamdiu a communione habeantur suspensæ, quamdiu quod illicite perpetrarunt emendaverint*. Quibus verbis significatur illas fuisse veras religiosas, & incapaces matrimonii, quamvis in domibus propriis professæ fuissent: imo significatur professionem tacitam per solam gestationem habitus fuisse sufficientem. Idem sumi potest ex Conc. Carthag. IV. c. 54. & ex aliis, quæ referuntur a Gratiano. 27. q. 1. Clarius ex Conc. Carthag. III. c. 33. colligimus virgines sacras, quæ parentes habebant, sub eorum custodia in propriis domibus vivere potuisse: ac mortuis parentibus dicitur ibi, in monasteriis sub providentia Episcopi esse custodiendas. Quod etiam ex Conc. Afric. c. 11. refert Burch. lib. 7. c. 75. qui etiam cap. 54. refert decretum Eugenii Papæ, dicentis, *Mulieribus sub obtentu religionis velatæ, aut in monasterio regulariter vivant, aut domibus suis susceptum habitum caste observent*. Hinc etiam in Concil. Eliber. c. 27. permittitur Episcopo, & presbytero apud se habere filiam virginem Deo dicatam. Denique in c. *ex parte*, 2. de conver. conjug. clare supponitur, in propria domo posse religiosam professionem fieri, & idem clarius habetur in c. *insinuante*, qui cler. vel voven.

8 Constat igitur etiam hoc modo recte distingui posse statum religiosum in cœnobiticum, seu regularem, & solitarium, seu vitæ privatæ, quia in hoc etiam interveniunt omnia, quæ sunt de essentia talis status: non enim est de essentia ejus quod fiat sub certa regula, ut supra ostensum est: potestque habere Ecclesiæ approbationem sufficientem, si talis professio cum vera traditione, & votis substantialibus religionis, auctoritate Ecclesiæ recipiatur, & approbetur. Quamvis autem hoc ita sit, & olim fuerit in usu, nunc jam non est in Ecclesia talis consuetudo, quia nulla professio ab Ecclesia recipitur, quæ non fiat secundum aliquam regulam ab eadem Ecclesia approbatam, juxta cap. ult. de religios. domib. & cap. unic. eod. tit. in 6. ergo qui nunquam religiosi fuerunt, nec sub obedientia alicujus prælati, & approbatæ regulæ vivunt, sine dubio non sunt veri religiosi, etiam si forte castitatem voveant.

9 Quapropter distinctio hæc jam non habet fore locum in Ecclesia, nam licet sint aliqui, qui solitariam vitam agunt, & Eremitæ dicuntur, illi aut professi sunt sub obedientia alicujus regulæ approbatæ, sub qua etiam vivunt, licet a consortio communis congregationis separati: aut tales professionem nunquam emisissent. Priores, ut bene notavit Sylvest. verb. *Eremita*, non sunt præfice Eremitæ, sed sunt religiosi ducentes vitam eremiticam, qui in præparatione animi etiam ducunt vitam cœnobicam, si ad illam per obedientiam revocentur. Cujus vitæ antiqua vestigia, & exempla in Hispania conservant Patres S. Benedicti in celeberrimo, & religiosissimo conventu S. Mariæ de monte Serrato. Quocirca licet in his distinguipossit vita solitaria a cœnobitica, quantum ad actualem vivendi modum, ut sic dicam, non tamen quantum ad statum religiosum: quia est unus & idem varias actiones sub eadem regula, & obedientia exercens.

Alter mo-
dus a se-
cundis
pres. tim
vitalis
& statum
religionis
includens

Juxta hæc
modum
statu veri-
ficandi
verum sta-
tum possi-
ta.

Hodie di-
cta divi-
sio simpli-
citer locū
nō habet.

Eremitæ
qui non
profite-
ntur alicui
voti, non sunt
religiosi.

10. Posteriores autem non sunt veri religiosi, ut cõmuniter authores sentiunt, adeo ut multi negent eos gaudere privilegio clericali. Nam primo illi non vovent, nec se tradunt in manibus alicujus, nec profitentur secundum aliquam regulam approbatam. Secundo, vel castitatem non vovent, vel si vovent, id est mere privatim, & simpliciter, unde nec inhabiles sunt ad matrimonium: nec publice, & coram Ecclesia vovent, per se loquendo. Tertio, non obligantur ad paupertatem, ut ait Glossa in c. *qui vere*. 16. q. 1. quam omnes Doctores sequuntur. Unde etiam possunt condere testamentum, ut supponit Gratian. 19. q. 3. §. *e contra*, ubi etiam ait Paulum primum eremitam testamentum condidisse, sed in facto deceptus est, ut constat ex Hieronymo in vita Pauli, quidquid sit de jure an illud condere potuerit. Quarto, nec obedientiam vovent, ut ait S. Th. in 4. d. 27. in expositione literæ ad finem circa illa verba, *Eremita solitudinem elegit*. Sed solum tenetur obedire Episcopo, sicut alii fideles, ut idẽ ait 2. 2. q. 186. a. 5. ad 3.

An saltem
gaudeant
privilegio
clericali.

11. Hinc a multis Doctoribus hi eremite non reputantur personæ Ecclesiasticæ, nec gaudere privilegio clericali. Quod sentit Joannes de Lignano in Clem. per literas de præben. Abb. in c. *nullus*. de foro comper. Angel. ver. *Eremita*. n. 3. qui tamen inconstanter ait hunc eremitam esse personam Ecclesiasticam, & de foro Ecclesiastico, per c. *nulla ratione*, d. 93. & c. *si autem*, t. 1. q. 3. qui textus nihil omnino de hac re loquuntur, nec ad illam faciunt, & hoc repugnat cum eo, quod proxime dixerat hic author, hos eremitas esse laicos, & manere sub jurisdictione Imperatoris, quia nihil habent, quod illos eximat. Item sine causa negaretur eis privilegium clericale, si personæ essent Ecclesiasticæ; unde Glossa in d. c. *qui vere*, dicit, eos gaudere privilegio clericali, quia ibi in textu dicitur, *Qui vere, pureque solitariam eligunt vitam, dignos esse competenti honore*. Sed hoc longe divorsum est, nimisque generale. Unde Archid. quem sequitur Sylvest. ait, gaudere, si subint religioni, vel personæ religiosæ, gaudenti illo privilegio. Sed licet hoc demus, id non erit, quia sunt religiosi, sed quia tunc sunt veluti conversi, aut obligati religioni: de qua re dixi plura in tom. 5. in 3. part. disp. 22. sect. 1. n. 1. exponendo canonem, *Si quis suadente*, ubi partem negativam sequutus sum.

Disputatur
dubium
in no. 5.
propositum.

12. An vero idem sentiendum sit de antiquis sanctis eremitis, Paulo, & similibus, quod scilicet veri religiosi non fuerint, iudicium aliis relinquo. Nam D. Th. 2. 2. q. 186. art. 5. ad 3. videtur eos inter religiosos computare, & ideo conatur declarare, quomodo habeant sufficientem obedientiam ad illam statum, quia scilicet subint Episcopis. Quod quidem esset verum, si constaret eos vovisse speciale obedientiam Episcopis, sed hoc nobis non constat. Idem vero D. Th. qu. 188. art. 8. ad 3. significat hos sanctos habuisse obedientiam in præparatione animi, id est, satis illis fuisse, quia actu obedire (ait) non est necessarium perfectis. Sed licet hoc sit verum respectu perfectionis personalis, tamen respectu status necessarium videtur actuale votum obedientiæ, in quo illa aptitudinalis obedientia funderetur, & non tantum in generali obligatione præceptorum: de hoc autem voto nobis dubium est, an illi sancti eremite, qui solitariam omnino vitam a principio vixerunt, illud emisissent. Et probabilius, ac fere certum videtur, non emisisse illud, nec alia vota in manu alicujus, qui vice Dei, ejusque autoritate illa reciperet, & acceptaret, atque adeo nec veram professionem ad statum religiosum necessariam fecisse. In hac ergo re nihil certi habeo, quod respondeam, & ideo malle aliorum iudicio hoc relinquere, quam quicquam definire. Aut enim dicendum est, hos sanctos Patres priusquam in eremum secederent, religiosam professionem in manibus Episcoporum fecisse, quod est divinare, nam in historiis, seu vitis eorum hoc non legitur: aut dicendum est, eos non fuisse proprie, ac formaliter religiosos quoad statum publicum, & approbatum jure ordinario in Ecclesia, sed fuisse religiosos apud Deum altiori ratione, specialiter approbata peculiari Spiritus sancti instinctu. Quod videtur significasse D. Th. qu. 188. art. 8. cum ait, in illis sanctis vitis Spiritum sanctum sua gratia supplevisse, quod in aliis per exercitationem acquiritur: unde dicere possumus in eis fuisse statum religiosum quasi eminenter, per

abundantiam gratiæ confirmantis illos quasi immobiliter in tali vivendi modo, & suppletis directionem obedientiæ, quæ in aliis per homines fieri solet, & in illis sanctis erat perfecta in animi præparatione respectu prælatorum Ecclesiæ. Quod paulo inferius amplius declarabitur.

13. Neque etiam habet locum prædicta distinctio, etiam si vita solitaria non sumatur in illo rigore, sed ut distinguitur a vita cenobitica, seu in communitate aliqua. Nunc enim jam non possunt fieri vota religionis, nec professio valida in statu omnino privato, sed debent fieri in religione approbata per Romanam sedem, juxta cæ. ult. de religiof. dom. & cap. unic. eod. tit. in 6. Talis autem religio non est nisi communitas aliqua sub obedientia alicujus prælati, & sub aliqua regula vivens; cujus membrum effici necesse est, quæ se tradere, qui secundum illam statum religiosum assumit, ac proficitur. Quocirca omnes sive viri, sive feminae virgines privatam vitam agentes, quantumvis se Deo dedicerint, & vovent castitatem, vel etiam paupertatem, & obedientiam, etiam in manibus Episcopi, religiosi non sunt, quia illa non est vera professio, nec traditio, cum non sit acceptata ab habente potestatem, nec modo ab Ecclesia præscripto, ut satis ex superioribus patet.

Utra sit vita perfectior, cenobitica, an solitaria,

14. Ultimo constat ex dictis, quid dicendum sit de comparatione inter hos duos status, solitariam, & cenobiticam. Nam D. T. d. q. 188. art. 8. videtur simpliciter solitariam vitam præferre, quando debito ordine, ac modo assumitur: quia comparatur ad aliam, sicut terminus ad viam; terminus autem ex suo genere perfectior est via. Et in præfenti cenobia ad hoc sunt, ut homines tendant ad perfectionem, vita autem solitaria supponit perfectionem acquisitam, unde solum est ad exercendam perfectionem. Sed in præfatis D. Th. loquitur de vita solitaria, quando ad illam per vitam religiosam in cenobio, seu conventu transitur. Quomodo vita hæc solitaria jam supponit verum statum religiosum, & ita non præfertur status statui, sed in eodem statu præfertur gradus perfectiorum, gradui proficientium. Unde etiam supponitur diligens exercitatio in vita communi religiosa, ita ut perfectio jam comparata sit, & ad illam exercendam solitudo eligatur, non proprio iudicio, sed superioris arbitrio, nam talis solitaria vita non caret obedientiæ subordinatione, cum non destruat religiosum statum, sed perficiat.

Resolutio
D. Th. so-
lum pro-
cedit de
veraque
vita intra
eum dem
statum.

15. Quapropter in viro jam religioso solitaria vita aliter assumpta, non solum perfecta non esset, verum nec laudabilis, quia obedientiæ, & obligationis prioris professionis repugnaret. Neque quoad hoc credendum esset cuicumque spiritui moventi ad vitam solitariam, contra superioris voluntatem assumendam: nam quæ a Deo sunt, ordinata sunt. Ubi applicari possunt verba Innocentii III. in cap. *nisi cum pridem*, de electione, ubi ad quemdam Episcopum, qui cedere Episcopatu volebat sine alia legitima causa, vel auctoritate, solum ut contemplationi vacaret, sic inquit, *Sed dices, Spiritus ubi vult spirat, & nescis unde veniat, aut quo vadat: & ideo non est, qui possit vias illius spiritus perscrutari, qui vero spiritu Dei aguntur, non sunt sub lege, quia ubi spiritus Dei, ibi libertas, quare si cedendi* (quod nos in præfenti dicere possumus, si recedendi) *potestas data ab homine non fuerit, nihilominus tamen cedes*. (seu recedes) a Deo certe (respondit Pontifex) *desipis, si sic sapias, nam quomodo spiritu Dei agitur, qui contra Spiritum Dei agit si enim vera sunt quæ præmissimus* (scilicet de obligatione Episcopi, & idem est in præfenti de obligatione professionis) *(imo quia indubitanter sunt vera) procul dubio contra spiritum Dei agit, qui aliquid contra veritatem attentat, quoniam ipse est spiritus veritatis*.

Solitaria
vita ex
cenobiti-
ca ut sit
perfectior,
supponit
licentiam
prælati.

Dices, nonne licet religioso ad arctiorem religionem transire sine obtenta licentia sui prælati? Respondeo primo, illum transitum esse ab Ecclesia illo modo approbatum. Deinde ibi mutatur status in perfectiorem, quæ exceptio fuit in prioris professione virtute inclusa, & ita non agitur contra illam: hic vero non mutatur status, sed in eodem assumitur certus vitæ modus, quem non licet propria voluntate assumere, quia licet ille modus

modus vitæ videatur secundum se perfectior, tamen ei, qui in tali statu existit, melius est obedire, & contra obedientiam nullus vivendi modus potest esse in tali statu perfectior.

16 At vero quando hic status vitæ solitariæ non supponit statum religiosum, licet possit fortasse dici modus vivendi perfectior, quoad actionem, vel quoad usum, non potest dici status perfectior, quia status non est: & ex ea parte imperfectus modus vitæ est, quia potest propria voluntate mutari. Quomodo dixit Glossa in dict. c. qui vere, Eremitam transeundo ad monachum transire ad vitam arctiorem, quia jam non potest habere proprium: adde, & quia jam est sub obedientia, quod est omnium optimum, quantum ad statum spectat. Quin potius licet supponatur religiosus status, si non supponitur exercitatio religiosa in congregatione fratrum, & magna virtus, ac perfectio acquisita: illud vitæ genus regulariter loquendo eligibile non est, quia non est via secunda ad perfectionem, sed periculis plena: *Nisi divina gratia* (ait D. Thom.) *suppleat quod in aliis per exercitationem acquiritur, ut in S. Benedicto, & aliis.* Quamobrem absolute, ac humano modo loquendo, ille vivendi modus omnino solitarius, illo modo assumptus, non cadit sub humanum consilium, nec potest dici simpliciter melior, sed solum cum hoc addito, nisi specialis Spiritus sancti instinctus interveniat, ita ut homo interius ab Spiritu sancto certitudinem accipiat quod sub protectione, & directione sua illum suscipiat. Quin etiam addo, regulariter item loquendo, etiam religiosus viris, & in vitæ sanctitate exercitatis, salubrius esse in fratrum congregatione, quam in solitudine versari, ut docuit Basiliius serm. 1. de Institutis monachorum, ubi ad minimum in conventu denarium numerum requirit, ex professo vero id disputat regula 7. ex fusioribus, comparatione facta inter vitam solitariam, & cœnobiticam, & hanc multis rationibus præfert.

17 Quæ a fortiori probant, statum religiosum in vita communitatis esse longe utiliore, & securiore, quam in vita privata domestica, & non omnino solitaria, quia in tali modo vivendi & defunt utilitates vitæ communis, quales sunt, major, & quasi continuus obedientie influxus, adiutorium aliorum fratrum per exemplum, per correptionem, & per alia charitatis opera, plures item occasiones exercendi omnes virtutes, humilitatis præcipue, ac charitatis, major custodia, & vigilantia ad proficiendum, & vitandos omnes defectus; atque aliz similes. Deest etiam in illo vivendi modo illa specialis commoditas, vacandi semper Deo, propter quam vita solitaria in veneratione, & admiratione habetur. Unde factum est, ut uterque modus vitæ religiosæ privæ, seu solitariæ, fere ab usu Ecclesiæ sublatus fuerit. Domesticus quidem & urbanus (ut sic dicam) ut parum utilis, & occasionibus expositus: eremiticus vero, & omnino solitarius ut periculosus, & ordinarie etiam minus utilis, nisi sub actuali obedientia aliqujus religionis retineatur.

18 Addo præterea, etiam illo modo, quo vita eremitica præfertur a D. Th. cœnobiticæ; intelligendum id esse præcise stando intra latitudinem vitæ contemplativæ, ideo enim solitaria vita præfertur, quia ad actualement contemplationem aptior est. Nihilominus tamen si vita illa omnino solitaria & otiosa illo sancto otio, quod diligit charitas veritatis, ut Augustinus ait; si illa (inquam) comparatur cum vita actiuosa, actione illa, quæ ex contemplatione manat, & aliquam conversationem inter homines requirit; perfectior simpliciter est hæc vita, quam illa omnino solitaria, ut manifeste probat discursus ejusdem D. Th. d. q. 188. art. 6. & ideo in art. 8. ab illa comparatione vitæ socialis, & solitariæ, separantur religiones, quæ ad actiones aliquo modo ordinantur, de quibus jam dixerat, eas, quæ ad docendum, & prædicandum ordinantur, ex suo genere præferre his quæ tantum contemplationi vacant, quia altius est perficere quam perfici, & ex abundantia perfectionis provenit, contemplata aliis tradere. Unde Basil. dict. regula 7. vitam socialem maxime præfert propter exercitium operum charitatis, inter quæ potissima sunt quæ proxime ex ipsa contemplatione nascuntur. Hoc etiam videtur confirmari exemplo Joannis Baptistæ, qui post vitam solitariam ad prædicandum accessit. Item ad hoc

propositum utitur Innoc. III. in d. c. *niscum pridem*, de renun. exemplo Jeremiæ, dicens ad quemdam Episcopum, qui propter otium contemplationis Episcopi munus recusabat; *Scire debes non esse te sanctificato in utero sanctiorem, & ideo non oportet te predicationis jam susceptæ respicere ministerium*, &c. Et in fine illius capitis plura dicit in confirmationem hujus sententiæ, quæ inferius cap. 8. cum iterum hæc comparatio occurreret afferemus.

19 Ultimo possunt hi duo status comparari in antiquitate, uter scilicet antiquior fuerit. Quidam enim censent eremiticum fuisse antiquiorem: nam auctorem cœnobiolorum dicunt fuisse Antonium, quem præcessit Paulus, qui eremitarum pater post Christum appellatur, quamvis ante ipsum Christum illius vitæ exempla præcesserint in Elia, Eliseo, & Joanne Baptista teste Hieronymo epist. 22. Sed nihil certum existimo posse in hoc statui: & si quid affirmandum est, verisimilius videtur, cœnobia fuisse antiquiora. Nam a tempore Apostolorum, & D. Marci inceperunt, sive clericorum, sive monachorum, ut in superioribus tactum est, & infra tract. 10. tib. 1. etiam dicitur. Et tempore etiam Elisei & Prophetarum fuisse societatem aliquam inter solitariam vitam agentes, ex antiquis authoribus colligitur. Verisimile autem est nunquam defuisse aliquos, qui desiderio cœmplationis majoris solitariam vitam amaverint, ut ait Cassianus collat. 18. c. 6. & ideo hi duo status quoad hoc dici possunt æquales, quamvis ordine magis congruo cœnobiticus debeat præcedere, ut dixi n. 16. licet interdum ex divina inspiratione ordo mutetur, sicut Paulus ad solitudinem statim vocatus est, occasione quidem vitandi persecutionem, ut supra ait Cassianus & Nicephorus lib. 8. Hist. c. 39. & 40. ex speciali tamen Dei providentia ad singulare illius vitæ exemplum Antonius & Benedictus solitariam vitam prius coluerunt, & postea ad multorum perfectionem cœnobiticam instituerunt.

Utra vita sit antiquior.

C A P U T III.

Utrum religio recte dividipossit in militarem, & non militarem.

O Misso statu religionis solitatio, quia vel in usu jam non est, vel si aliquo modo est, pars est cœnobitici, & de illo jam satis diximus: agendum sequitur de varietate quadam adhuc generica ordinum religiosorum nempe militarium. Nam militares ordines multum ab aliis differre videntur, & in controversia est, an sint religiones simpliciter, vel secundum quid, ideo hoc in primis discutiendum est. De aliis enim non militaribus liquet & dari in Ecclesia, & in ea esse non solum statum religiosum simpliciter, sed etiam maxime perfectum, & pro nunc satis distingui a militaribus per negationem finis illarum, quia videlicet ad corporalem militiam ordinatus non est.

1 De militaribus ergo ordinibus duplex quaestio tractari potest. Una est de possibili, an possit religio militaris institui, id est, per se primo ad militandum, quam præsentem c. expediemus. Alia de facto, an ordines militares, qui nunc sunt instituti, sint vere, proprie, ac simpliciter religiones, quam in caput sequens reservamus. Præsentem ergo quaestionem tractat D. Th. 2. 2. q. 188. art. 3. & respondet affirmando: & rationem reddit, quia militare debito modo, potest esse opus insignis charitatis, & religionis; religiones autem activæ ad hujusmodi actus instituuntur. Ut autem certa ab incertis discernamus, supponendum est, actum militandi debitis circumstantiis factum, esse opus bonum, & justum, quod latius ostenditur in materia de Bello 2. 2. q. 40. contra aliquos hæreticos, qui dixerunt, bellum esse intrinsece malum, vel saltem lege Evangelica prohibitum, quod est evidenter falsum, ut positive constat ex tota Scriptura veteri; ex nova autem, saltem negative, quia nullus talis prohibitio in ea continetur, nec ex traditione habetur, sed potius oppositum constat ex consuetudine Ecclesiæ: nam Christianissimi Principes sæpe bella gesserunt iustissima propter Ecclesiæ defensionem, approbantibus, imo excitantibus Summis Pontificibus, imo & Deo ipso miraculose ea confirmante. Denique ratio est

Militia potest opus esse honestum.

est evidens, quia ad pacem, & defensionem Ecclesiæ id sæpe necessarium est: & in Principibus supremis est jus, & potestas ad tuendam, imo & ad vindicandam suam Rempublicam.

Militia
honestas
uno modo.

Altero
modo.

2 Est autem ulterius considerandum, duplex posse esse bellum justum: unum, quod ad temporalem finem tantum proxime ordinatur, ut sunt v. gr. bella, quæ ordinarie geruntur inter Principes Christianos, nam licet ex altera saltem parte sint iusta, non tamen per ea intendunt, nisi aliquod temporale dominium, quo privati sunt, aut iustam vindictam alicujus publicæ injuriæ, vel aliquid simile. Aliud vero est bellum non solum justum, sed etiam pium ac religiosum, quia proxime a militantibus ordinatur ad defendendam religionem, fidem, vel Dei populum ab injuriis infidelium, paganorum, vel hereticorum. Tale fuit bellum Machabæorum, quorū exemplo D. Thomas maxime uritur; & in Ecclesiā tale habitum semper fuit bellum contra Turcas pro defensione, vel restauratione terræ sanctæ. Et ideo antiquissimum fuit, voto se Deo consecrare ad hujusmodi bellum, vel ad præstandum favorem, vel auxilium in eo militantibus, & in signe crucis assumere in signum talis voti, & obligationis, ut colligitur ex c. *ex multa*, & c. *postulastis*, cum multis aliis de voto, & ex supra dictis de votis simplicibus reservatis, inter quæ tale votum cōputatur. Hujusmodi etiam fuit bellum Caroli V. Imperatoris contra hæreticos Lutheranos, & similia.

Honestas
modi non
sufficit ad
statum re-
ligiosum.

3 Religio ergo ad militandum non pro quocunq; bello iusto institui potest, ut bene adnotavit Cajet. dicto art. 3. & significavit D. Th. cum dixit, militiam religiosam non ordinari ad bonum temporale, seu finem mundanum; hic enim finis non excludit, quin bellum sit justum, nam servata æquitate potest quis velle sua temporalia bona propter temporale commodum, vel propter ipsum principatum terrenum. At vero militia inter hos limites contenta, quantumvis iusta, non potest esse finis religiosi status, quia est actio mere terrena, & temporalis, non minus quam mercatura, vel alia similis negotiatio. Item, quia status religiosus debet primario respicere cultum Dei, & pietatem, ac perfectionem animæ, militia autem illo modo spectata, licet habeat quandam bonitatem moralem, quatenus iusta est, non tamen continet divinum cultum, nec est opus pietatis, nec per se confert ad animi perfectionem: quin potius ex se multis est periculis exposita, quæ nisi compensentur ex aliquo perfecto fine religionis, & boni cōmunis, non sunt eligibilia ei, qui velit perfectionem consequi.

Sufficit ta-
men honestas
ad statum re-
ligiosum.

4 At vero si sumatur militia religiosa (ut sic dicam) id est, quæ pro defensione Christianæ religionis, & Ecclesiæ, ac innocentium assumitur, sic quidem potest esse finis aptus, ut propter illum instituat religionem, & hoc modo dicendum est, possibilem esse religionem militarem, id est, ad religiose militandum, tanquam ad proprium scopum, & finem institutam. Hæc est mens D. Thomæ supra, cujus sententia sine controversia fere cōmuniter recepta est, & usque Ecclesiæ satis confirmata; nam militares ordines sub nomine, & approbatione religionum, jam diu in Ecclesiā fuerunt, & initium sumperunt ab Urbano II. ante 570. annos, ut ex historiis illorum temporum constat, & attingit Thomas Bosius tom. 2. de signis Ecclesiæ lib. 19. c. 1. nu. 22. ubi originem, & progressum harum religionum breviter recenset. Probatum autem ratione, quia finis ille optimus est, & valde perfectus, & ad Dei gloriam, & cultum multum pertinens; sed ad illum finem possunt esse aptissima media illa eadem, quæ substantialiter constituunt religiosum statum; ergo si accedat debita potestas, seu auctoritas Summi Pontificis, ut facile potest, nihil deerit ad verum statum religiosum. Consequens evidens est ex hæcenus dictis. Major etiam declarata jam est. Minor explicatur, & probatur. Nam in primis votum castitatis aptissimum est ad illum finem, quia obligatio conjugis, & onera matrimonii multum impediunt libertatem necessariam ad militandum, & ad exponendum vitam suam bellorum periculis, nulla habita cura uxoris, aut filiorum. Supposito autem celibatu, consecratio castitatis per votum per se est gratissima Deo, eritque utilis ad obtinendum ab ipso auxilium in eo munere maxime necessarium. Est autem valde utilis ad conservandam animæ puritatem, adeo necessariam

his, qui vitam suam tot periculis expositam gerunt: Denique ad sanitatem, & robur corporis conservandum, ad illud munus adeo necessarium, plurimum conferre potest. Atque eadem, vel similes utilitates in voto paupertatis inveniri possunt, quia ut aliquis vere, & ex corde Dei militiæ se consecreret, & lucrum temporale in ea non quærat, nulla potest esse melior dispositio, quam rebus omnibus temporalibus omnino renunciassent, totumque illius affectum deposuissent; aliàs multum semper esset periculi bellandi potius propter rem familiarem augendam, quam propter Deum, ex qua intentione sæpius oriuntur bella iniusta, furta, ac prædationes, & similia. Deinde status militiæ requirit animum liberum omni cura & sollicitudine vel augendi, vel conservandi temporalia bona. Item requirit animum adeo despicientem res hujus mundi, ut etiam vitam suam contemnat, propter divinum obsequium, eamque quotidie periculis exponat, ad quæ omnia optima dispositio est abrenunciatio temporalium bonorum.

5 At vero obedientia, etiam seclusa religione, per se maxime necessaria est in bello, quia sine illa nec debitus ordo, nec executio opportuna occurrentium actionum, & mediorum, nec debita sollicitudo, ac provida rerum omnium distributio, servari potest: cum tamen ex his circumstantiis felix belli successus maxime pendeat. Ergo si militia sit religiosa, & solum propter Deum, ad perfectionem ejus maxime pertinebit, ut illa obedientia voto sit consecrata Deo; sic enim & superiores majori cum potestate, & fiducia præcipient, & inferiores majori cum reverentia, & promptitudine obediunt. Accedit, quod in negotio tam arduo nihil potest esse felicius, quam divino nutu per Vicarium, cui Dei nomine se tradidit, gubernari, sic enim & ipsa opera erunt majoris meriti, & majori ratione poterit in eis divinum auxilium sperari. Tandem, qui hoc Dei bellum militat, debet esse expositus, ut huc, vel illuc, ubi fuerit necessarium, vel ad actionem communi bono magis opportunam, mittatur; hanc autem animi præparationem confert obedientia: est ergo hoc votum tali statui maxime accommodatum.

6 Unde etiam concluditur, traditionem illam, quæ in professione religiosa fit, huic statui maxime congruere, quia illa nihil aliud esse videtur, quam præparatio quædam ad perfectam obedientiam, & simul ad paupertatem, & rerum omnium nudationem. Nam qui se tradit, se abnegat, & se quodammodo derelinquit; ideoque optime dispositus est ad obediendum, &c. Quin potius qui militiam proficitur, non solum actionem, sed etiam animam & vitam ponit in manibus prælati, perfecte ergo se tradit: nihil igitur in tali vivendi modo ad verum statum religionis deerit, si ita institutus sit.

7 Contra hanc veritatem visus est tenere Sarmiento in suo defensione. p. nam monit. 57. ita objicit: officium, quod tendit ad irregularitatem, opponitur religioni; sed officium militandi tendit ad irregularitatem homicidii, ut per se patet; ergo non est vera religio, quæ ad hunc finem instituitur. Quo argumento ipse quidem solum intendit probare, religiones militares, quæ nunc sunt, non esse veras religiones; tamen, si ratio est alicujus momenti, etiam probat, non esse possibilem talem religionem veram; an vero ipse hoc senserit, vel calore disputationis exceßerit, & consequutionem non viderit, haud satis scio. Respondeo tamen facile, distinguendo majorem, officium tendens ad irregularitatem; opponitur religioni clericorum, transeat; religioni laicorum, nego assumptum. Quia cum talis status non ordinatur ad sacerdotium, nihil ei officii irregularitas, cum illa nec peccatum sit, nec ex peccato trahatur, nec sit per se intenta, sed per accidens consequatur. Illa ergo consecratio irregularitatis valde accidentaria est ad statum perfectionis.

8 Gravius objici potest, quia status religionis debet esse schola perfectionis acquirendæ; at vero status militiæ non potest esse status perfectionis acquirendæ: ergo. Probatum minor, tum quia perfectio duo requirit, & carentiam, vel diminutionem culpæ, quoad fieri possit, & profectum in omnibus virtutibus, præsertim in charitate, & cognitione Dei. Ad utrumque autem est ille status valde improporcionatus. De primo patet, quia

CAPUT IV.

An religiones militares, quæ nunc sunt de facto, comprehendatur proprie sub genere status religiosi.

quia munus illud est infinitis periculis peccandi expositum, tum propter nimiam exteriorem communicationem cum aliis hominibus, qui nec religionem profitentur, nec ordinarie honeste vivunt; quæ conversatio, & familiaritas vix potest moraliter excusari, tum propter ordinarium orium, quod in hoc vitæ genere esse solet, quamdiu actuale bellum non agitur; tum propter alias innumeras occasiones, quarum effectus satis ipsa experientia ostendit. De secundo patet, tum quia ob easdem occasiones, & causas non potest esse in his hominibus frequens virtutis exercitium; tum etiam, quia nulla, vel parva est, aut moraliter esse potest in tali statu institutio spiritualium magistrorum, minorque vigilantia, & custodia prælatorum: quomodo ergo potest esse talis status, status perfectionis?

9 Respondeo, statum perfectionis esse omnem illum, in quo præter præceptorum observantiam, consiliorum via custodienda est ex vi talis vivendi modi, & præsertim ubi servanda sunt tria illa magna consilia, quæ ostendimus in tali statu posse reperiri. Certum est autem in illo statu posse servari præcepta, & illa etiam, & ad hunc finem posse provideri sufficientia media. Item status perfectionis est ille, qui destinatur ad aliquid agendum propter Deum, quod perfectionem charitatis & requirit, & ostendit, & affert; tale autem opus est animam suam ponere pro amicis suis, ut Christus dixit, quod plane faciunt, qui huic sacræ militiæ se consecrant; ergo talis status ex ratione sua sine dubio perfectionis est.

10 Considerandum autem est, in rebus creatis nullā substantiam esse perfectam, nisi debitæ sit accidentibus ornata, & similiter in rebus moralibus, & præsertim in statu vitæ, non satis esse quod habeat substantiam (ut sic dicam) talis status, sed necessarium esse, ut debitæ sit circumstantiis, & particularibus mediis communitus. Solum ergo concludit ratio facta, in huiusmodi statu moraliter necessarium esse, ut priusquam milites actuali militiæ committantur, in virtute aliquo tempore instruantur, & exerceantur, quod libenter concedimus. Tum quia digne, & cum debita intentione religiosa militare, est potius opus perfectionis acquiræ, quam acquitendæ; religio autem, licet possit esse ad exercendam perfectionem, per se requirit, ut sit schola acquirendæ perfectionis, & debitus ordo postulat, ut prius quis perfectionem acquirat, quam illam exerceat. Tum etiā, quia nisi huiusmodi milites prius sint in virtute radicati, & fundati, non poterunt, moraliter loquendo, effugere pericula peccandi, quæ in eo statu occurrunt, ut objectiones factæ ostendunt. Ex quo etiam ulterius colligi potest, convenientissimum esse, & moraliter necessarium, ut in talibus ordinibus militaribus sint conventus religiosi, in quibus fratres milites aliquamdiu versentur, & in virtute, ac perfectionis via instruantur, prius quam militiæ se dedant; & ad illos aliquoties recurrant tempore pacis, seu quando ab usu militiæ commode vacare possunt, ut in virtute instaurantur, & si pro humana fragilitate lapsi fuerint, vel de virtute aliquid remiserint, reparentur, & reficiantur.

11 Denique ex eodem principio colligitur, valde etiam opportunum, ac expediens esse, ut hæc religiones non sint pure militares, sed conjunctionem aliquam, seu mixturem habeant cum religione spirituali, & societatem cum religiosis, qui non militiæ, sed spiritualibus exercitiis, & cultui divino incumbant, ut nimirum possint milites a clericis religiosi in rebus spiritualibus instrui, & juvari. Unde in historiis de origine ordinis militaris S. Jacobi refertur, apud Didacum de la Mota lib. 1. de fundatione illius ordinis c. 2. §. 2. & c. 3. cum prius ille ordo in solis militibus per modum cujusdam fraternitatis incepisset, & in vitæ honestate, ac virtutis profectu perseverare non potuisset, milites ad se reverbos intellexisse, se non posse Domino militare, nec institutum suum secundum debitum finem perficere, sine religiosi sacerdotibus, & spiritualibus, a quibus spiritualia recipere, ideoque cum religiosi quibusdam canonicis regulis in unum religionis corpus convenisse. Atque hunc morem aliæ religiones militares in universum servant, ut constat. Atque ita sufficienter ostensum est, & religionem militarem esse possibilem, & obiter tactum est, quomodo debeat exerceri munus illud, ut statui perfectionis accommodetur.

Suarez, Tom. XV.

1 Superest dicendum de altera questione, quæ difficilior est, an religiones militares, prout nunc sunt in Ecclesia, quoad milites, sint veræ religiones simpliciter, & absolute. Dico autem, quoad milites, quia quoad clericos, vel monachos, cum quibus habent supradictam in proximo cap. n. 11. unionem, non est dubium, quin illi veri religiosi sint, veram enim professionem faciunt, & se Deo dedicant immutabiliter, & tria vora substantialia plene observant ex vi suæ professionis. Difficultas ergo est de militibus, & constitui maxime solet in hoc, quod illi non emittunt votum castitatis simpliciter, sed conjugalis tantum; hæc autem castitas non videtur sufficiens ad constituendum statum simpliciter religiosum; ergo. Probatur minor, primo, quia de ratione status religiosi est votum castitatis, adeo ut hoc non possit Summus Pontifex immutare, ut dicitur in c. cum ad monasterium, de statu Monachorum; sed illud non est votum castitatis simpliciter, sed tantum secundum quid; ergo non potest constituere statum religiosum simpliciter, sed tantum secundum quid. Secundo, quia status religiosus postulat professionem observandi consilia, præsertim castitatis; illud autem votum non est de consilio castitatis servando, sed solum de servanda ea castitate, quæ ex natura rei est necessaria, & in præcepto; ergo non satis est ad statum religiosum constituendum, quia modus ille servandi eandem castitatem aliàs necessariam, majori obligatione non promovet homines ad opera consilii, & perfectionis faciendæ, sed solum ad servanda strictius præcepta, vel ad summum ad majorem perfectionem ejusdem operis præcepti, quod satis non est ad opus perfectionis. Tertio, si attente consideretur ratio, ob quam est necessaria observatio continentie ad perfectionem, plane constabit, castitatem conjugalem ad hunc finem satis non esse. Quia quod maxime impedit profectum perfectionis, est ipse usus matrimonii, cum omnibus oneribus, & curis, quas secum affert. Unde Paul. 1. Cor. 7. quando consilium castitatis dat, præcipue consulit abstinere a matrimonio, & virginatatem servare: & rationem subdit dicens: *Volo autem vos sine sollicitudine esse. Qui sine uxore est, sollicitus est, quæ Domini sunt, quomodo placeat Deo. Qui autem cum uxore est, sollicitus est, quæ sunt mundi, quomodo placeat uxori, & divisus est.* & infra: *Porro hoc ad utilitatem vestram dico, non ut laqueos vobis injiciam, sed ad id, quod honestum est. & quod facultatem præbeat sine impedimento Dominum obsecrandi.* Sentit ergo matrimonium, & ulum ejus, hoc impedimentum afferre, & non solum illicitam venierem, sed etiam conjugii honestatem dividere cor, & afferre curas, & sollicitudines, quæ perfectionem impediunt; ergo ad statum perfectionis simpliciter non potest sola castitas conjugalis sufficere. Unde Basil. regula 5. ex fusius disputatis, locum hunc tractans, ait; Paulam occupationes, quæ ex matrimonio nascuntur, cum his, quæ propter Deum sumuntur, opposuisse: *Perinde quasi hæc cum illis coherere non possint.*

2 Quarto accedunt similes rationes ex aliis duobus votis desumptæ; nam talis paupertas ab his militibus, votetur, ut non liberet eos a sollicitudinibus huius sæculi, nec reprimat affectum conquirendi divitias, imo, quod pejus est, ad hoc talem pauperiæm votere videntur, ut ditiores fiant; denique, cum parentes filiorum sint, illis thesaurizare debent: quomodo ergo perfectam, & religiosam pauperiæm profiteri possunt? De obedientia formati argumentum posset simile, quia qui obligatus est uxori, & curæ filiorum, ac familiæ, non potest perfectam obedientiam profiteri: tamen quidquid sit de usu, quoad hanc partem non est difficile rationem religiosi status salvare, si cætera non desint.

3 Propter has, & similes difficultates nonnulli moderni authores docuerunt, hos militares ordines, prout jam instituti sunt, & usu servantur, non continere verum religiosum statum quoad milites, sed tantum secundum

dum quid. Primus hujus assertionis author videtur fuisse Soto lib. 7. de Justitia, art. 3. & in 4. d. 27. qu. 1. art. 4. ubi vehementius invehitur in mores, & vitam hominum equitum, quam fortasse par esset. Ejus tamen opinionem secutus est Sarmiento in suo Defensorio initio, & p. 1. monit. 6. & lib. de Redit. Eccles. p. 4. c. 1. qui etiam addidit, hos milites non esse personas Ecclesiasticas, neque gaudere privilegio canonis, vel fori: & monit. 16. negat hos emittere vota substantialia religionis. Idem tenet postea Azevedo libro 5. Novæ recopil. lib. 3. tit. 5. lib. 14. nu. 3. Ludovicus Lopez in Instrucl. conf. 2. p. c. 48. & nonnulli alii, qui in suum favorem afferunt D. Thom. 2. 2. qu. 185. art. 4. ad 3. ubi sic ait: *illi modi vivendi, in quibus homines matrimonio utuntur, non sunt simpliciter, & absolute loquendo religiones, sed secundum quid, in quantum scilicet in aliquo participant quedam, quæ ad statum religionis pertinent.* Imo significat ulterius Soto, milites hos, cum quibus dispensatum est, ut possint uxores ducere, non solum post hanc dispensationem, verum etiam antea illam, quando inhabiles erant ad matrimonium, non fuisse vere religiosos; arguens enim, quia si ante hoc privilegium matrimonium contrahere tentarent, nihil facerent, quod non aliunde emanare videretur, nisi a ratione religionis, respondet, non inde provenire, quod sit vera religio, sed ex Pontificis statuto. Unde etiam concludit, non solum modo, verum etiam antea, per professionem hujus militiæ non dissolvi matrimonium præcedens ratum, & non consummatum: quod etiam de militibus S. Joannis affirmat in 4. ubi supra. Quamvis fateatur, quod certum est, eos nunc esse inhabiles ad matrimonium: sentiens etiam illos non esse inhabiles ex vi voti, seu veritatis religionis, sed ex statuto Papæ; & ideo subjungit ibidem, posse Pontificem cum his dispensare, ut ducant uxores, salva eorum religionem, licet non esset (inquit) ita honestum & concedens: quæ omnia fere sequitur Sarmiento supra.

4 In quo non loquitur Sotus consequenter; nam in priori loco lib. 7. de Instrucl. concedit hos milites Sancti Joannis esse proprie religiosos, quia *pro suo instituto (ait) conventum habent, obedientiæ specimen, neque matrimonium contrahunt.* At in altero loco 4. ait, non contrahere matrimonium solum ex statuto Papæ, non ex proprietate religionis; & in aliis religionibus militibus censet id non fuisse antea sufficiens, ut essent veri religiosi, cum tamen in reliquis pares essent; nam etiam habent obedientiæ specimen, & antea majus habebant, ex sua etiam institutione conventum habent, quamvis hoc ad veritatem religiosi status necessarium non sit. Aliam etiam repugnantiam in dictis ejus invenio: nam aperte sentit, hæc vota omnium horum militum, etiam S. Joannis, per se esse simplicia, & solum habere, vel habuisse illum effectum inhabilitandi ad matrimonium ex statuto Pontificis, sicut votum ordinis sacri: aliis vero locis ipse contendit ad veritatem religionis necessarium esse votum naturæ esse sua solenne, id est, vi sua, absque constitutione Ecclesiæ impediens, ac dirimens matrimonium, quomodo ergo cum his stat, ut milites Sancti Joannis sint veri religiosi? Denique in eo etiam non sibi constat, quod ait, non esse ita honestum, & concedens cum his, sicut cum aliis militibus, dispensare, ut matrimonium possint contrahere; nam si votum eorum est ejusdem rationis, & in aliis fuit decens, & expediens, ut in lib. de Justitia ipse docet, cur non erit in his? tamen est observari difficultis castitas ab his, sicut ab aliis, & in eisdem periculis versantur, & eodem modo laute vivunt. Est ergo de omnibus eadem ratio, si Papa velit sua potestate uti, de factis vero fortasse non est inventa tanta necessitas in militibus Sancti Joannis: & præsertim, quia impensius suæ professioni, & militiæ vacant, & majorem quandam rationem ordinis, & obedientiæ retinent.

5 De militibus ergo Sancti Joannis pro constanti supponimus, esse veros religiosos ex vi institutionis suæ. Ita sentiunt omnes Doctores citandi, & Soto non negat. Et probatur, quia possibilis est religio vera, & militaris, ut supra ostensum est; sed in hoc instituto invenitur, quidquid ad veritatem talis religionis considerari potest, ergo. Patet minor, quia in pri-

mis habent integrum votum castitatis, ut supponitur: vota autem paupertatis, & obedientiæ non habent certam mensuram necessariam ad veritatem status religiosi, sed satis est, quod sint secundum aliquam regulam approbatam, qualis est ista religio. Præsertim, quia quoad paupertatem re vera sunt incapaces dominii, & omnis usus, seu dispositionis ejus, sine superiorum facultate; quod autem in hac majorem aliquam latitudinem habeant, spectare potest ad minorem rigorem, non ad tollendam substantiam religionis. Eademque ratio est de obedientia, præsertim cum ex vi instituti teneantur ad obediendum in re satis ardua, & difficili, qualis est aggredi quæcumque pericula belli propter fidei defensionem.

6 Quod autem Soto ait, impedimentum contrahendi matrimonium in his religionibus esse tantum ex statuto Ecclesiæ, & non ex vi religionis: primum nihil obstat veritati status religiosi; nam hoc commune est omnibus religionibus professis, ut ex sententia Bonifacii, & Gregorii Pontificum, & ratione tomo præced. ostendi. Deinde, voluntarie videtur hoc dictum, in hoc genere professionis, seu religionis, magis quam in aliis; nec ab ipso Soto differentia hæc aliqua ratione probatur, aut declaratur. Cur enim in aliis religionibus inhabilitas hæc intrinsece oritur ex natura talis professionis, & in hac non, nisi ex statuto Ecclesiæ? Aut enim ex sola ratione generali, quia militaris religio est, vel ex aliqua speciali: primum dici non potest, aliàs nulla militaris religio posset esse vera religio, quia ipse Soto putat, illam solum esse veram religionem, quæ vi sua hanc asserti inhabilitatem; consequens autem falsum esse ostensum est cap. præced. Secundum etiam excogitari non potest; quæ enim specialis ratio fingi potest necessaria ad hunc effectum, quæ in religione militari inveniri possit, & in hac non invenitur? Denique ipse ait, hunc effectum sequi ex traditione, per quam efficitur religiosus, quasi servus religionis; sed hæc traditio invenitur in his religionibus, alioqui religiosi non sunt, quod ipse Soto alibi dicere non audeat. Igitur si in aliis religionibus illa inhabilitas sequitur ex natura votorum, & professionis, etiam in hac: vel quod verius est, sicut in aliis, ita etiam in hac solennitas illa est ex constitutione Ecclesiæ, quod ad veritatem, & proprietatem religionis nihil refert. Quare falsum est etiam, quod Soto ait, per professionem in hac religione non dirimi matrimonium ratum, non consummatum, oppositum enim in citato tomo ostendimus. Denique non video, qua consequentia, aut ratione Soto admittat Pontificem posse in hac professione dispensare, cum de cæteris religionibus non militatibus id neget, de quo etiam infra dicendum est. Quæ fere omnia attingit, & confirmat Navarrus consil. 2. de conversione conjugat. quod incipit, *Quidam nobilis,*

7 Hinc concluditur, omnes religiones militares, quæ a primâ sua institutione cum integro voto castitatis, ac reliquis institutis fuerunt, quamdiu in illo statu, & integritate permanferunt, veras ac proprias religiones fuisse; nam rationes factæ de religione sancti Joannis, prout nunc est, idem de cæteris probant, quoad illum statum, & tempus, pro quo duravit.

An etiam ordines militares, qui castitatem tantum conjugalem vovent, sint proprie religiones.

8 Difficultas vero superest de his, quæ vel a principio solum castitatem conjugalem pro militibus professæ sunt, prout de militibus sancti Jacobi refertur, vel per relaxationem a Pontifice concessam ad eum statum defecerunt; nam jam perinde se habent, ac si a principio ita essent institutæ; quia jam re vera nihil amplius vovent, aut profitentur, & ita remissio illa non est tantum in usu, sed in ipso statu, & ideo videtur transiisse a statu religioso ad non religiosum, seu solum secundum quid religiosum.

9 Nihilominus communis opinio est, hos milites etiam nunc esse veros religiosos, simpliciter, & absolute: ita tenet Navar. consil. 11. de regul. quod incipit: *Quidam eruditissimus*, ubi ad hoc confirmandum asserti communem sententiam asserentem contra D. Thomam, Pontificem posse dispensare cum religioso, ut uxorem ducat:

1. Assertio pro nobis.

Non video ri veros religiosos

Opinio Navarr. asser. eos esse vere religiosos.

duent: sed illa sententia, ut ego opinor, nihil ad rem præsentem facit; nam illa non asserit posse fieri per dispensationem, ut religiosus manens religiosus ducat uxorem, licet, & valide, sed ut desinat esse religiosus, & ita possit id facere. Nec recte dici mihi videtur, statum hunc esse religiosum, cum perpetua (ut sic dicam) dispensatione, sed cum li institutione, quæ jam non requiratur dispensationem, & ideo dixi num. præced. perinde esse hanc rem considerandam, ac si a principio religio ita esset instituta. Afferit etiam ibi Navarrus ad hoc declarandū, solennitatem voti jure Ecclesiæ, & non divino esse adjunctam professioni religiosæ. Sed hoc etiam non existimo ad rem facere; nam licet inhabilitas ad matrimonium sit ab Ecclesia addita, tamen votum integrum castitatis, & obligatio ad non nubendum a Christo tradita sunt, & sub consilio posita cum statu religionis: punctum ergo difficultatis est, an tale votum, integre saltem obligans, sit de essentia status religiosi absolute dicti. Nam quod Navarrus ibidem subjungit, sicut solennitas voti fuit ex institutione Ecclesiæ, ita etiam ex ejusdem voluntate, & institutione pendere, quod ad religiosum statum requiratur votum integrum castitatis, vel pariale sufficit, non est quæ certum, nec ejusdem rationis. Nam solennitas illa, quæ consistit in inhabilitate ad matrimonium, intrinsece non est necessaria ad perfectionem, licet deserviat ad occasiones tentationum magis tollendas: & non est res consistens in voluntate hominis, sed in extrinseca lege; at quod votum castitatis sit integrum, vel conjugale tantum, multum videtur ad perfectionem pertinere intrinsece, & natura sua: & ideo non videtur simile, quod possit Ecclesia statum perfectionis approbare sine solennitate voti, vel etiam sine integritate.

10 Eandem nihilominus sententiam docuit idem Navarrus statim consil. 12. & latius in tit. de Reditibus Ecclesiæ. q. 1. monit. 55. & 56. & q. 3. monit. 27. & sequentibus. quibus locis late contra Sarmiento rem hanc disputat. Eandem sententiam comprobant Martinus Avala in Compendio, & declaratione ordinis sancti Jacobi, cap. 1. & 2. Brevius eam attingit Covarr. in Epit. 4. p. 2. c. 3. § 1. n. 18. ubi allegat Fortunium Garciam in quodam consilio pro ordine sancti Jacobi. late Michael Medina lib. 4. de Sacr. hominum continen. controver. 7. cap. 39. Pro eadem sententia refert alios, & præsertim varios Doct. Hispaniæ, qui ei subscripserunt, Didacus Motta in speciali opere de hac re l. 2. c. 1. & 2.

11 Fundamentum hujus sententiæ partim auctoritate nititur, partim ratione. Primo ergo ad hoc afferuntur Bullæ Pontificiæ, a quibus hæ militiæ approbatae sunt, ut ordines regulares, ac religiones: & ita in eis sæpius nominantur. Has late, & erudite adducit Didacus Motta in l. lib. illius operis, & in lib. 2. earum verba docte expendit, & ideo pauca hic attingam. Solum ad verro in eis numquam expresse, directe, & quasi ex instituto tractari, an talis sit vera religio, nec ne; sed solum sub nomine religionis sæpius significari, & de illa tanquam de Ecclesiastico quodam gradu tractari, ac denique eisdem formulis loquendi, religiosam professionem, habitum, fraternitatem, obedientiam, & cætera similia, huic statui, ac aliis religionibus attribui. Sic Alexander III. in principio suæ Bullæ: *In Ecclesiasticis gradibus* (ait) *generationes justorum per tempora sibi succedunt*: judicans statum illum ad gradus Ecclesiasticos pertinere: & infra: *In habitu, & conversatione religionis. sub unius magistri statuerunt obedientia commorari*: & infra: *A Sede Apostolica requisitis*, ut vos tanquam peculiare filios in defensionem vestram, & locum, in quo caput ordinis factum fuerit, in jus, & proprietatem sanctæ Romanæ Ecclesiæ suscipere debemus: & infra: *Ordinem vestrum auctoritate Apostolica confirmantes*, &c. & infra: *Inter ea, quæ in professionis vestrae ordine statutum est observari, primus est*, ut sub unius magistri obedientia, in communi humilitate absq; discordia, sine proprio vivere debeatis. Et statim adducit exemplum primitivæ Ecclesiæ, quod, ut sancti docent, omnes religiones imitatae sunt, & statim adjungit votum continentie conjugalis. Et infra prohibet post factam professionem redire ad seculum, vel ad alium ordinem transire sine magistri licentia: & infra. Declarat, has personas frui privilegio canonis. Similia verba re-

Suarez Tom. XV.

periuntur multa in aliis bullis, quarum fragmenta prædictus auctor refert, quæ omitto, quia ejusdem rationis sunt.

12 Ex fragmento autem regulæ hæc adnotanda celsi. Primum refertur ibid. n. 17. & 18. longam disceptationem Archiepiscoporum, & Episcoporum circa illud ordinem factam fuisse. *Qui* (dicitur ibi) *cum magno gaudio, & celebritate, ordinem sanctum, & confirmatione dignum acceptarunt*, atq; ita summum Pontificem illum confirmasse. Numero autem 21. ponuntur tria vota, quæ ab his militibus emittuntur, & subditur statim n. 22. *Prædicta autem tria, ut veræ, & perfectæ charitatis complementum sunt instituta*. Quibus verbis aperte significatur, hunc esse statum perfectionis: ne autem quis dicat sermonem esse de substantiali tantum perfectione charitatis, subditur statim: *Cum enim perfectæ charitas foras omnem abjiciat timorem, & prædicti fratres, pro exaltatione Christianæ fidei, & fratrum defensione personas, & res universas diversis periculis, & martyriis indifferenter exponant, Deum tota mente, & totis viribus, & proximum sicut se ipsos diligere comprobantur*. Constat enim hanc charitatis perfectionem, quæ foras mittit timorem, & quæ ita omnia contemnit propter Deum, non esse communem, sed excellentem, ac religiosam. Deniq; in discursu illius regulæ multa traduntur, quæ, si servantur, magnam quidem perfectionem afferet, & sine profectu in perfectione servari non possunt; ergo signum est professionem illius regulæ esse statum perfectionis, quia & modus vivendi stabilis est, & a Pontifice probatur, ac votis firmatus, & ad perfectionem ducit; cum ergo non sit status Episcopalis, erit religiosus, quia non est alius status perfectionis.

13 Atq; hinc tandem manifesta relinquitur fundamentalis ratio pro hac sententia; nam hic ordo est verus status perfectionis; ergo est verus status religionis; ergo ejus membra sunt veri religiosi. Prima cōsequētia probata jam est, & secunda est per se nota, quia verus status religionis non est nisi in singulis personis. Antecedens autem probatum est ex verbis regulæ: & declaratur amplius, quia hic status non est vitæ ordinariæ, & communis observandorum præceptorum; sed etiam sublevarur ad observanda consilia, non utcunque, sed cum vera traditione totius hominis, totiusque vitæ ejus ad obsequium Dei, & in actu satis difficili, qualis est vitam pro defensione honoris, & Ecclesiæ ejus tot periculis, ac laboribus exponere. Ac denique cum obligatione perpetua ad illa tria magna consilia, Paupertatis, Castitatis, & Obedientiæ, quatenus ad illum finem accommodata sunt, & sufficiunt; ergo est status perfectionis.

14 Quia vero in his votis, & præsertim castitatis opposita opinio n. 8. maxime hæret, amplius in hoc puncto explicanda est dicta ratio. Ponderanda ergo sunt illa ultima verba in fine præcedentis n. posita, quatenus ad talem finem accommodata sunt, & sufficiunt. Quia, ut recte Navarr. Covarr. & alii advertunt, non est de ratione status religiosi in communi sumpti, ut summam paupertatem, vel obedientiam profiteatur, alioqui vix ulla esset vera religio: & saltem hæ religiones, de quibus agimus, etiam quoad illam partem, quæ ex clericis constant, non essent veræ religiones, quod nullus audebit concedere: sequela autem patet, quia etiam illi non profitentur summam paupertatem, vel obedientiam, sed juxta suam regulam. Ergo unaquæque religio determinat sibi certum modum, & mensuram circa materiam horum votorum: hæc autem non potest melius aliunde sumi, quam ex fine religionis: quia omnes res morales ex fine sortiuntur mediâ, & speciem, modum, & formam; hæc autem vota sunt mediâ ad perfectionem, unde sicut perfectio in tali religione, quæritur determinate in tali actione, quæ est scopus proprius illius religionis, ita etiam vota & eorū materiæ debent illi accommodari. Cum ergo hæ religiones, etiam quoad milites, hæc vota usurpent, cū debita mensura, ac modo respectu sui finis, & finis aliâ sit sufficiens ad perfectionem, ut in c. 3. probatum est, nihil illis deesse potest ad veritatem religionis.

15 At enim dicit aliquis rationem hanc optime satisfacere pro voto paupertatis, & obedientiæ, de quibus profecto nulla potest esse ratio dubitandi, si de institutione, non de usu loquantur, ut loquimur. Pro voto autem castitatis non videri satisfacere; nam inter hoc

Item ex regula ipsa.

Concluditur ratio fundamentalis ipsius opinionis affirmativæ.

Differitur hæc ratio discutienda per singula tria vota subdantialia.

Prædicta rationem non videri conclusivam quoad votum castitatis.

vorum, & reliqua est notanda differentia, quod materia castitatis non videtur recipere moderationem, seu divisionem, nam tota materia ejus, quæ est contra matrimonium, non est consilii, sed præcepti, solum continentia a matrimonio, & usque est in consilio tantum: & ideo, si quis vover castitatem, quæ est in consilio, necessario vover totam castitatem, vel saltem tenetur servare totam castitatem, quia ex tali voto tenetur non consummare matrimonium, & consequenter vel ex eodem voto, vel saltem ex naturali jure tenetur omnino castus esse: si autem non vover castitatem quoad ab continentiam a matrimonii copula, non amplectitur consilium castitatis, nam castitas conjugalis non est in consilio, sed in præcepto. Cum ergo ad statum perfectionis necessarium sit vovere castitatem, quæ est in consilio, non potest dividi hoc votum ex parte materie, ita ut ad perfectionem sufficiat. Quod non est in aliis duobus, quia potest quis vovere paupertatem, & obedientiam quatenus in consilio sunt, & tamen non vovere omnia, quæ in ea materia sunt in consilio, quia non est necessarium ad perfectionem sequi omnia consilia.

16 Explicanda ergo sunt tria: primum quomodo castitas conjugalis accommodata sit huic instituto. Secundum, quomodo sufficiens ad statum religiosum. Tertium, quomodo tale votum sit de materia consilii. Primum in regula, & bullis citatis insinuat, & ex ipso fine, & actionibus ad illum necessariis non obscure intelligitur. Dum enim finis illius instituti sit, agere justum bellum pro fidei defensione, non potest natura sua non esse multis periculis humanis expositus, considerata hominis fragilitate. Quia necesse est, ut inter frequentes occasiones milites versentur; item necessarium est ad conservandas corporis vires, pro laboribus belli sustinendis, illud abundantius reficere, & robustius reddere, quod vix potest fieri, quin simul aculei carnis, & sensualitatis augeantur. Deinde pro ratione status, & muneris, hæ personæ non possunt in claustris vivere, nec ordinarie, & ex regula asperioribus vestibus uti, nec denique applicare alia media ad castitatem servandam moraliter necessaria. Quia ergo status religiosus ita debet ad opera perfectionis in ordine ad aliquem finem obligare, ut non implicet homines periculis peccandi, ideo considerata ratione illius finis, & status, castitas conjugalis videtur accommodatissima.

17 Deinde erit talis castitas sufficiens, si fini illius religionis, seu instituti per eam satisfiat. Quod ergo satisfiat, sic patet, quia finis illius instituti non est contemplati, nec contemplata aliis tradere, nec spiritualibus ac internis exercitiis impensus vacare, ad quos fines necessaria est perfecta custodia castitatis. Et de his loquebatur Paulus, cum dicebat: *qui sine uxore est, sollicitus est quæ Domini sunt, qui autem cum uxore est, sollicitus est quæ sunt mundi*: quia illa sollicitudo re vera impedit predictos fines spirituales, & consequenter perfectionem status, qui ad illos ordinatur. At horum militum status ordinatur ad serviendum Deo in actibus externis, & re militari, ad quem finem non est absolute necessaria castitas, quæ excludat conjugium; nam licet quis uxorem habeat, potest cum tota perfectione necessaria debitis temporibus militiæ vacare: ergo ad tale statum sufficiens esse potest votum castitatis conjugalis.

18 Quod denique hoc votum aliquo modo sufficiat, ut consilium castitatis in tali statu aliquo modo servari dicatur, explicari potest. Primo, quia offerre Deo, & voto consecrare castitatem aliquam necessariam, consilium est; sed hoc non videtur satis, quia illud non est profiteri castitatem, quæ sit in consilio, sed solum est facere opus consilii in vovendo. Secundo ergo explicatur, quia ex vi voti castitatis tenetur hic religiosus abstinere ab uxore, quæ est materia consilii castitatis, quia, secluso voto, abstinere a tali usu non esset præceptum. Assumptum patet, quia hi milites tenentur multis temporibus separari ab uxoribus, ut militiæ intersint: & uxores etiam hoc patienter ferre, de quo debent a principio admoneri ante matrimonium, si veri jam religiosi sunt, vel postea quando consentiunt, ut religiosi fiant. Quæ explicatio non displiceret, si sufficeret probaretur hanc obligationem nasci in his militibus ex voto castitatis: at hoc facile negabitur, sed nasci dicitur ex voto obedientiæ, vel ex regula. Et potest hoc

suaderi, quia licet hi milites aliquando forte peccent non eundo ad bellum contra obedientiam, aut contra justitiam, si tenentur ratione stipendii, vel commende adire: non tamen peccabunt contra votum castitatis, etiam si illo tempore suis uxoribus utantur; ergo si-gnum est non obligari ad eundem in bellum ex voto castitatis. Antecedens patet ex bullis, & instituto ipsorum: quia solum vovent castitatem conjugalem; sed ille actus non est contra castitatem conjugalem, ut per se patet: ergo non est contra votum. Imo licet militiam debito tempore omittant ob amorem uxoris, vel ob nimiam libidinem, aut affectum rei uxoris, licet peccent contra justitiam, vel obedientiam, ratione actus præcepti, a quo impediuntur, non tamen videntur peccare contra castitatem conjugalem, & consequenter nec contra votum.

19 Sed nihilominus probabile mihi est, eos peccare contra castitatis votum, saltem quando debitam militiam omittunt ex affectu ad rem uxoris, quia jam tunc ille affectus in tali persona non solum est contra justitiam, vel obedientiam, sed est contra castitatem, quia est intemperatus affectus libidinis, quia licet de se malus non sit, ex indebito modo potest affectus ejus esse malus; & quamvis videatur illa malitia consistere in hoc, quod est causa alterius mali, seu omissionis: tamen non solum est malus ille affectus, quia causa est, sed etiam quia in se inordinatus est: non enim ideo est inordinatus, quia est causa, sed quia est inordinatus, ideo est causa: effectus ergo non confert, sed indicat malitiam: quæ in illo affectu non est alia nisi intemperantiæ contra castitatem: ergo actus libidinis ex illo affectu procedens, etiam si sit cum propria uxore, contra castitatem est, quia in illa delectatione ultimus finis constituitur: ergo eadem ratione est contra votum castitatis talis personæ, quia votum castitatis conjugalis, licet non prohibeat usum castum propriæ uxoris, impedit nihilominus omnem usum intemperatum illius; sic enim omnis usus uxoris propriæ, vel contra debitum ordinem, aut modum, aut propter solam voluptatem, est contra votum castitatis conjugalis, licet sit magis, vel minus grave peccatum pro ratione materie. Quo circa licet votum castitatis conjugalis in aliis personis non habentibus talem statum non inducat talem obligationem, quia in eis talis affectus non esset malus, nec nimius, in persona nihilominus, quæ illum statum per tale votum simul cum aliis proficitur, usus ille est castitati contrarius; atque ita necesse est, ut votum solius castitatis conjugalis in tali statu factum aliquam continentiam comprehendat, quæ simpliciter sit in consilio, & non in præcepto.

20 Potest etiam hoc alio exemplo, seu actu declarari; quia verisimillimum est, obligari hos milites ex vi suæ professionis ad ita moderandam rem uxoris, ut per illam non extenuentur viribus, sibi ad militiam necessariis. Nam cum ad eum finem primario proficiantur, & hæc media ab eis assumantur, & promittantur, ut necessaria moraliter ad illum finem consequendum, videntur profecto, sicut ex voto obedientiæ obligantur ad obedientiam illi fini necessariam, & cum proportionem ad paupertatem, ita etiam obligari ad castitatem conjugalem, quæ continentiam illi fini necessariam præscribat. Igitur ex hoc etiam capere nimius uxoris usus poterit in tali persona esse malus, & voto contrarius, qui aliàs in persona omnino libera non esset peccatum. Unde in eadem regula Sancti Jacobi c. 9. aliàs 25, dicitur, milites non debere uti abstinentiis, & afflictionibus corporis, quæ vires ad militiam necessarias debilitent: ideoque in his rebus obediendum esse Magistro; ergo multo magis in alia materia requirit moderationem. Et sicut ibi obedientiam, ita hic vult regulam esse castitatis observationem. Neque nunc contendo, an tale peccatum mortale sit, vel veniale: nam licet sit contra votum, poterit interdum esse veniale, quia inordinatio illa in ordine ad castitatem videri potest materia levis: id quod parum refert, satis enim est ad statum perfectionis, quod ille obligetur ad servandam continentiam, quantum materia est capax in tali actu, vel opportunitate. Unde licet hæ personæ voveant simpliciter castitatem conjugalem, ta-

Tria ex-
plicanda
pro ob-
jectione
proxima

Primus
modus ex-
plicandi
parum suf-
ficiens.

Secundus
modus ex-
plicandi

men prudenter intelligitur de castitate conjugali proportionata tali personæ, ac statui: quæ castitas non solum includit abstinentiam ab omni vago concubitu, & ab omni turpi delectatione ad illum pertinente: sed etiam debitam moderationem in usu propriæ uxoris, convenienter ad finem talis status. Denique huc etiam spectare videtur, quod in dicta regula c. 13. aliàs 32. prohibentur hi milites ad uxores accedere, cum jejunaverint, & in solennitatibus Sanctæ Mariæ, Sancti Joannis Baptistæ, Apostolorum, & in aliis majorib. festiuitatibus, & vigiliis earum. Et in Bulla Alexandri III. de confirmatione illius ordinis, ante medium, significatur, non debere hos milites suscipere uxores sine licentia Magistri; maxime si ad secundas nuptias, mortuis priorib. uxoribus, transire voluerint. Hæc autem omnia indicant in hoc statu servandam esse, saltem secundum regulam, aliquam castitatem, quæ non est in præcepto, sed in consilio: quam totam verisimile est sub voto comprehendi; quia vovent servare etiam vota juxta talem regulam.

21 Atque hæc quidem omnia probabiliter declarant materiam talis voti; tamen ne scrupulos, aut laqueos injiciam, non existimo certum, nec necessarium, has circumstantias castitatis, quas explicui, licet pertineant ad perfectionem, & ad regulam, & convenientem modum illius religionis, cadere sub proprio voto castitatis, ita ut in eis peccare sit proprie sacrilegium, aut majus peccatum, quam sit illud, ad quod obligat talis regula; quia conjecturæ adductæ, licet sint congruentes, tamen non cogunt, ut asseramus illam esse materiam talis voti, sicut multa servantur ex regula in aliqua religione, quæ ad perfectionem paupertatis pertinent, & tamen non statim sunt materia voti paupertatis, ut vilioribus pannis uti, vel quid simile; ita ergo in illis omnibus dici potest. Quamvis autem hoc admittatur, nihilominus ad statum religiosum censetur sufficiens, castitatem necessariam ad salutem ex voto servare, majorem vero aliquam ex regula, & generali obligatione tendendi ad statum perfectionis, quem quis professus est, etiam si illa obligatio non sit ex voto, nec etiam fortasse sub culpa mortali.

22 Ex his, quæ de castitate diximus, facile erit de paupertate cum proportionem ratiocinari. Constat enim statum illum, qui secum admittit conjugium, non posse exactum, vel magnum usum paupertatis secum compatiri. Quia necesse est, ut uxoratus suam habeat familiam, cui provideat; morale etiam est, ut filios habeat, quibus thesaurizare debeat; ergo necesse est, ut professio paupertatis tali statui accommodata hæc non prohibeat: non ergo potest esse nimium stricta. Item non potest esse tanta, quæ excludat omnem sollicitudinem, & curam acquirendi temporalia bona, quia aliqualis cura hujusmodi intrinseca est statui matrimonii, moraliter loquendo. Quocirca licet in regulis horum ordinum dicatur non habere proprium, & hoc vovete: nihilominus illud lato modo illi statui accommodato intelligendum est. Quia nimirum non habent dominium omnino liberum quoad omnem usum, sed dependentem a voluntate, & licentia suæ religionis: habent tamen usum illarum rerum ita firmum, ut non possit jure etiam ab ipsa religione auferri, nisi in casibus certis, ac definitis in ea, nec etiam possint filii talium militum hæreditate paterna privari, & alia hujusmodi, quæ vel sufficiunt ad dominium, licet impeditum aliquo modo, sicut est dominium majoratum, vel certe moraliter illi æquivalent.

23. Quod autem hujusmodi paupertas sufficere possit ad aliquem verum statum religiosum, eodem discursu ostendi potest, quo de castitate factum est. Quod hic facilius est, ut Covarr. supra notavit, quia paupertas majorem habet latitudinem, & adhuc in perfectioribus religionibus non est æqualis. Ergo ex se non est definitus certus modus paupertatis ad verum statum religiosum; ergo ex fine definiendus est. Nam in omni religione dicantur homines Deo, ad ejus speciale obsequium, secundum aliquem finem, qui ad perfectionem sufficiat: unde paupertas illa, quæ sufficiat ad talem finem exactè consequendum, erit etiam sufficiens ad verum statum religiosum in tali specie, & modo perfectionis. In hoc autem statu ad finem ejus hic modus paupertatis

sufficiens est, quia licet aliquam sollicitudinem temporalium bonorum habeat adjunctam, non tamen tantam, quæ impediatur debitum modum tendendi in talem finem. In aliis autem religionibus, quarum finis est spiritualibus exercitiis, vel divinæ contemplationi impensius vacare, necessaria est major paupertas, quæ omnem sollicitudinem temporalium bonorum auferat, quantum humana infirmitas, ac necessitas patitur, & in superioribus declaratum est; at vero in hoc ordine religionum, quæ ad externa opera vitæ activæ, & præsertim ad militiam ordinantur, non est, cur requiratur tam stricta paupertas. Sufficit ergo illa, quæ juxta conditionem, & modum talis status excludat superflua, & tollat curam, & sollicitudinem tali fini repugnantem, qualis est illa, quæ descripta est.

24 Tandem hinc multo facilius concluditur, in hoc statu non deesse verum obedientiæ votum ad statum perfectionis sufficiens: imo si attente bullæ, & regulæ horum ordinum legantur, inveniuntur non parum perfectionis in hac parte profiteri, quantum est ex vi instituti, quidquid sit de usu, vel dispensationibus, quibus ab actuali exercitio obedientiæ eximunt: hoc enim non minuit veritatem, & proprietatem status religiosi, licet perfectionem personarum possit minuire. Et ad eundem modum de aliis observantiis, & regulis discurrendum est. Ergo consideratis omnibus, nihil deesse videtur huic statui, quominus proprie, & vere religiosus censendus sit.

25 Non desunt tamen, qui has sententias in concordiam redigere volentes, distinctione utantur, dicentes, statum religiosum posse & late, & strictè sumi, ut est communis distinctio Juristarum in Rubrica de Regularib. & Summistarum, verb. *Religio*. Atque priori modo, hos milites esse religiosos, eorumque statum vere religiosum: posteriori autem modo non esse religiosos, nisi secundum quid, & hoc putant significasse D. Thomam in loco superius citato in n. 3. Ne autem per hanc distinctionem tota quæstio revocetur ad usum terminorum, necesse est interrogare ab his Doctoribus, quid per religiosum late sumptum intelligant? Nam si sub ea voce omnes personas comprehendant, quæ speciali modo divino obsequio obligate sunt, & non solum præceptorum, sed etiam consiliorum viam profitentur (sic enim sæpe vox illa *religiosus*, etiam in jure accipi solet), parum profecto his personis tribuunt, idque nec Soro, nec Sarmiento, vel alii negarent: sed id satis non videtur ad ea omnia, quæ Pontifices in suis bullis significant, cum proprietate intelligenda. Si vero aliquid amplius his personis, quod ad proprietatem status religiosi pertineat, attribuunt, quid est, cur eos lato modo religiosos, & non stricto, sicut alios appellant? Deinde interrogo, an in illo lato modo includatur analogia, & tanta diminutio, ut non simpliciter, sed tantum cum addito, & secundum quid, hi dicendi sint religiosi, nam contra videntur procedere omnia adducta: si vero univoce, & simpliciter tales sunt, non oportet ambiguitatem media illa distinctione introducere.

26 Igitur absolute asserendum censemus, hos milites quoad statum esse proprie religiosos, quamvis quoad usum, & observantiam revera non vivant simpliciter religiose, sed valde secundum quid: hoc enim negare non possumus, nisi adultores videri velimus. Ut autem distinctius constet, quid per verba illa *esse scilicet religiosos proprie quoad statum, non ita tamen quoad usum*, significetur, addimus. In primis ex illo principio (quod scilicet habeant statum simpliciter religiosum) haberi, has personas esse Ecclesiasticas, simpliciter loquendo, & gaudere privilegio canonis, & fori, ita enim in prædictis bullis expresse dicitur. Et patet, quia specialiter sunt assumptæ sub Summi Pontificis protectione, tanquam personæ specialiter divino cultui dicatæ. Deinde religiosorum appellatione in jure veniunt, simpliciter loquendo, præsertim quoad favores, & gratias: tum quia in suis Pontificiis bullis ita simpliciter appellantur: tum etiam, quia censentur habere in Ecclesia proprium, & specialem statum Ecclesiasticum, & non secularem, nec clericalem, ergo religiosum.

27 Dices, ergo talis status venit in jure sub nomine regulæ, aut religionis approbatæ; consequens videtur falsum, aliàs ejus personæ comprehenderetur sub c. unico,

Distinguitur denique de obedientia.

Conciliatio utriusque opinionis rejicitur.

Vera distinctio non contrahitur.

Obijciunt a triplici absurdo.

Distinguitur jam ratio posita num. 14. quoad paupertatem.

De sufficiencia dictæ paupertatis ad statum relig.

de voto in 6. dicente, votum castitatis solennizari per professionem factam in religione approbata. Item comprehenderentur sub decreto Concilii Tridentini sess. 25. c. 15. de Regularib. quod annum decimum sextum ætatis completum, & integrum annum probationis requirit ad valorem professionis. Respondeo, concedendo primam, & principalem illationem, hoc enim probant testimonia Pontificum, quæ de approbatione horum ordinum adducta sunt. Confirmari etiam potest ex c. ult. de Relig. dom. & c. 1. eodem tit. in 6. ubi prohibetur omnis professio facta in religione non approbata per Sedem Apostolicam; sed professio in his ordinibus valida est, & consentanea illis decretis; ergo re vera hi ordines comprehenduntur ibi sub religionibus approbatis. Unde e contratio non dubito, quin, si aliqui intenterent novam religionem militarem introducere sub specie religionis, & professionis, sine approbatione Papæ, graviter peccarent, & inciderent in pœnam excommunicationis latam in d. c. 1. de Religiosis dom. in 6. etiam si non perfectiora vota emitterent, quam in his ordinibus modo emittantur; quia & verba, & ratio, & consequenter intentio Pontificum in illis textibus ad has religiones proprie, & merito extenditur. Cum enim agitur de multitudine, & varietate religionum, quæ est in Ecclesia, militares plane comprehenduntur; cum ergo ait Pontifex se velle ponere modum, & terminum huic multiplicationi religionum, has etiam comprehendit, nam simpliciter, & generatim loquitur; item non minor confusio, & perturbatio sequi potest in Ecclesia ex multiplicatione voluntaria religionum militarium, si absq; Apostolicæ Sedis approbatione fiat, quam ex aliis: imo eo possent sequi majora pericula, quo talis religionis modus, minus austeritatis, & plus habet libertatis; ergo hæc religiones comprehenduntur sub illo decreto: atque adeo in jure sunt simpliciter religiones approbatæ.

28 Prima vero illatio, quæ ex ipsa principali consequentia subsisterebat, non sequitur, nam licet votum castitatis horum militum sit emissum in religione approbata, non tamen est votum integræ castitatis, dictum autem c. unicum de voto in 6. loquitur de voto integro castitatis, & ideo non sequitur votum horum militum esse solenne: itaque ex parte status, & approbationis nihil illi deesse ad solennitatem, de qua est sermo in illo textu, si alioqui ex parte intentionis materię esset sufficiens. Repugnat autem directe, votum esse de sola castitate conjugali, & esse solenne, quoad inducendum impedimentum irritans subsequens matrimonium. Et eadem ratione certum est, tale votum non esse solenne, quoad irritandum matrimonium antea contractum non consummatum; impossibile enim est matrimonii vinculum dissolvi per votum, quod si mul stare potest cum matrimonio postea subsequuto, ut infra in discursu de votis Societatis iterum dicam tract. 10. lib. 4. c. 1. & 2. Et in præsentia esset valde absurdum, vinculum matrimonii dissolvi per assumptionem status, quo perseverante, & durante in tota sua perfectione, posset contrahi matrimonium cum alia.

29 Adverto tamen, licet hoc votum non habeat solennitatem quoad prædictos effectus, nihilominus participare aliquid de voti solennitate quoad perpetuitatem absolutam, propter conjunctionem, quam habet cum vera traditione religiosa, propter quod solent a Navarro, & aliis authoribus supra nu. 10. citatis, vota horum religioforum solennia appellari. Unde etiam habent, ut difficilius multo dispensari possint, quam vota mere simplicia: quia traditio ipsa ex suo genere, ac natura difficiliorem habet dispensationem, quam votum mere simplex, ut in superiori tomo tactum est. Hæc autem vota vel omnino, vel certe difficillime possunt separari a tali traditione, & statu, argumento cap. cum ad monasterium, in fin. de Regularibus, & ideo multo difficilius dispensari possunt, quam vota pure simplicia, quæ extra statum religiosum sunt. Imo addo ex parte causæ difficilius posse dispensari, quam votum perfecte solenne, quia in hoc potest occurrere necessitas, & causa justæ dispensationis, supposita potestate; in illo vero, etiam si potestas ex parte Pontificis non desit, vix potest causa sufficiens cogitari, quia cum hoc votum non impediat matrimonium tam licitum, quam vali-

dum, nulla communis, vel publica necessitas potest dare causam tali dispensationi, nam illi sufficienter per matrimonium succurritur; aliæ vero causæ privatæ, & occultæ, quæ excogitari possunt, ex fragilitate hominis, vel quid simile, nihil referre possunt, cum lex ipsa naturalis obliget ad superandam illam difficultatem, & alia remedia inquirenda. Unde potius quando necessitas occurrerit dispensandi in proprio solenni voto integræ continentię, optimum consilium erit non omnino illum religiosum in non religiosum statum transferre, sed in alicujus militaris religionis statum cum castitate conjugali commutare, si aliquid speciale non occurrat, quod talem personam ad hunc statum inhabilem, aut minus idoneam reddat.

30 Ultima denique illatio, quæ fiebat ex Concilio Tridentino a Navarro variis in locis, admittitur, scilicet, ad professionem faciendam in his religionibus militaribus esse necessarium integrum probationis annum, & ætatem sexdecim annorum: ita indicat in consil. 10. de Regularibus, quod incipit, cum Vincentius, n. 10. ad 3. agens enim de militibus Sancti Stephani, ait, in Rota declaratum esse, eos posse sua vota emittere infra annum probationis; ex quo aliqui inferebant, eos non esse vere religiosos; ipse autem responderet, illud esse in eis speciale, licet veri religiosi sint ex dispensatione Pontificum, qui post Concilium Tridentinum tale illius religionis statutum confirmarunt. Unde aperte intelligit, in nulla religione militari, quam ipse veram religionem esse ubique defendit, posse professionem aliter fieri, quam servatis conditionibus Concilii Tridentini, nisi specialem dispensationem a Pontifice habeat. Et in consilio 12. quod incipit: Per dilationem, ait, hos religiosos milites, qui in monasterio habitum suscipiunt, & postea de licentia Magistri, vel altioris legitimi Prælati, extra claustrum illum deferunt per annum, in illo probationem sufficienter implere, quia dum versantur sub obedientia prælati, cum habitu, moraliter censentur in claustro versari: quod ad probationem satis est: supponit ergo annum probationis esse his religiosis ad professionem necessarium. Præterea hoc expresse videtur affirmare in Consil. 9. de iis, quæ vi, incipit, N. nobilis, ubi licet expressius loquatur de defectu ætatis, tamen & satis clare loquitur de utroque, & plane est eadem ratio, quam ipse ibi expendit, quia nimirum Concilium aequè de utraque conditione loquitur, & generalia valde habet verba, scilicet: In quacumque religione virorum, aut mulierum, & ita generaliter intelligendum est, etiam si non militet in omnibus eadem omnino ratio, & maxime addita distributione, quacumque, quæ magnam habet vim, ut ibi late expendit, adductis Doctoribus.

31 Quamvis hæc probabilem efficiant hanc partem, nihilominus inter responsa Congregationis Cardinalium invenio circa illa eadem verba: In quacumque religione, ita declaratum esse: Hoc decreto, & decimono, infra, Quicumque regularis, non comprehenduntur ordines regulares militares, sic etiam Rota decidit, ubi non ex privilegio, & dispensatione Papæ, sed ex vi ipsorum decretorum, significat Congregatio, non comprehendendi prædictam religionem. Hoc autem supposito, respondendum est, non ideo excipi ab illo decreto, quia religiones non sunt, nam oppositum in ipsa declaratione supponitur; sed quia decreta illa nec necessaria, nec accommodata sunt illis religionibus: & Concilium loquutum esse de religionibus, quibus propter observantiam, & rigorem talia decreta sunt necessaria; loquutum est autem generaliter, quia, juxta frequentem modum loquendi, cum est sermo de religionibus, intelligitur esse sermo de his, maxime si subjecta materia id expostulat.

32 Et per hæc satisfactum existimo difficultatibus etiam in principio positis: probant enim religiones has, vel secundum præsentem statum & usum, parum habere (regulariter loquimur quoad milites) de exercitio perfectionis ac religionis, vel etiam secundum se, minorem quandam perfectionem religionis participare; non tamen probant secundum suam institutionem, & substantiam non esse veras religiones.

Ad tertium absurdum quid dicit Navarro probabiliter.

Certior responso ad absurdum.

Primum absurdum nullum esse.

Ordo militaris institutus absq; Sede Apostolica.

Secundum absurdum non sequitur.

Votum hoc castitatis quid parit per defectum solennitatis.

CAPUT V.

Utrum convenienter, & sufficienter dividatur religio in contemplativam, & activam.

Divisio hæc aliam supponit, quæ eadem habet membra, diversum tamen divisum, scilicet vitam, quæ in activam, & contemplativam dividi solet: ex cuius divisionis intelligentia pender illa, quam nunc tractamus, & ideo pauca de illa præmittenda sunt; plura enim legi poterunt apud D. Thom. 2. 2. a quæst. 179. usque ad 182. inclusive.

Explicatur divisio vite in activam, & contemplativam.

1. Primo ergo statuendum est, vitam hominis Christiani partim contemplativam esse, partim activam, & ita convenienter in illa duo membra dividi posse. Quæ partitionem irrident Lutherani, qui omnia confundunt, voluntque Christianos omnes ejusdem ordinis, status, & occupationis esse; sed contra eos sufficienter dicta de statibus in genere, tom. præced. Veritas ergo hæc, quantum ad rem ipsam spectat, de fide certa est; quam aliqui colligere volunt ex illis verbis Pauli 2. ad Timoth. 2. *Nemo militans Deo implicat se negotiis secularibus, ut ei placeat, cui se probavit.* Et illud Matth. 6. *Nemo potest duobus dominis servire; & infra: Non potestis Deo servire, & Mammonæ.* Sed hæc loca magis conferunt ad probandum distinctionem status religionis a seculari, quam ad distinctionem duplicis vitæ, activæ, & contemplativæ, quæ & in secularibus invenitur, & maxime in ipsismet hominibus Deo specialiter dicatis, quibus omnibus, sive contemplationi, sive actioni vacent, commune esse debet, ut non serviant Mammonæ, neque implicent se negotiis secularibus. Nam si hæc verba intelligantur de servitio, & implicatione illicita, per ea verba distinguuntur iusti ab iniustis hominibus: non contemplativi ab activis; si vero intelligantur de amore temporalium, & negotiatione in eorum lucris procurandis, licitis quidem, secularibus tamen ac temporalibus, sic distinguuntur homines sequentes perfectionem, vel obsequiis divinis specialiter dicati, a communi Christianorum vita: nam qui divitias immoderatas quærunt, & se ingerunt negotiationibus humanis propter divitias, vel honores, vel propter potentiam humanam acquirendam, non sunt apti ad perfectionem sectandam, non solum per vitam contemplativam, verum etiam nec per activam: inde ergo non recte probatur illa distinctio.

2. Neque erit facile in Scriptura invenire loca, in quibus ad litteram hæc distinctio tradatur; inveniemus tamen multa, in quibus utraque pars, seu membrum illius vitæ commenderetur, tanquam ab alio distinctum: quod satis est ad illam divisionem confirmandam. Ut autem hoc ostendamus, oportet supponere primo, nomine vitæ hic significari actum vitæ, seu illam rationem vivendi, quæ ad talem actum exercendum destinetur, ac tendat. Quod explicuit optime D. Thom. dict. q. 179. art. 1. ex generali viventium ratione, quæ in hoc consistit, quod habeant principium sese movendi, seu operandi in seipsis, nam inde actualis vita in ipsa operatione censetur consistere, & illa operatio, ad quam unumquodque maxime tendit, dicitur vita ejus. Secundo supponenda est distinctio illa vulgaris non solum Theologica, sed etiam metaphysica, contemplationis, seu speculationis, & praxis, seu actionis practicæ: hæc enim distinctio in præsentia accommodatur ad modos vivendi hominum, morales, studiosos, & rectos. Contemplatio enim in præsentia non sumitur pro cuiuscunque speculatione veritatis, sed illius, quæ ad Deum, ejusque cognitionem spectat: nec sumitur pro speculatione arida, & sterili, quæ nullum habet fructum circa voluntatem, & rectitudinem ejus, sed pro illa, quæ ita sublevar mentem in Dei cognitionem, ut ei totam animam uniat. Actio vero sumitur proprie pro exteriori opera, & occupatione, non tamen pro quacunque seculari negotiatione; sed pro actione virtutis, præcipue misericordiæ, quæ sublevandis proximorum miseriis, vel corporalibus, vel spiritualibus intendit.

3. Sic ergo explicatis nominibus, solet præcipue colligere Suarez Tom. XV.

ligi hæc divisio ex celebri loco Lucæ 10. ubi Christus Magdalenam defendit dicens: *Optimam partem elegit.* Vacabat enim Maria contemplationi verborum Christi, ejusque dulcedine, & amore fruebatur, quod institutum Christus maxime commendavit. Dum vero eam approbat ut *optimam partem*, aliam insignuat esse partem non malam, licet non æque bonam, illam scilicet cui Martha intendebat, Christo ministrando, eique necessaria præparando. Ita intellexerunt locum illum Patres Ecclesiæ, qui proinde dixerunt, in illis duabus fororibus has duas vitas esse significatas. Augustinus lib. 1. de consens. Evangel. c. 5. & lib. 22. contra Faustum, cap. 52. & sequentibus, & serm. 27. de verb. Dom. & tract. 127. in Joan. Greg. lib. 5. in libros Regum, c. 4. & homil. 14. in Ezech. circa medium, & lib. 6. Moral. c. 26. & 28. alias 17. & 18. Hieronymus in c. 3. Threnor. circa verba illa, *Bonum est viro, cum portaverit jugum ab adolescentia sua, sedebit solitarius, & tacebit,* &c. Per quæ etiam verba dicit, laudari vitam contemplativam, & condistingui ab activa; quamvis ad activam pertinere dicat, omnem aliam vivendi rationem, præter monasticam & eremiticam; de quo postea videbimus. Idem Hieron. epist. 22. ad Eustoch. de Virginie. post medium, ubi vitam contemplativam virginibus sacris præcipue commendat, illamque optime describit. Idem Basil. in constitut. monast. c. 2. late & optime, & aliqua addit c. 5. Est denique distinctio hæc apud alios Patres satis communis, quos in sequentibus referemus. Et ad confirmandam adduci possunt omnia loca Scripturæ, in quibus vel divina contemplatio, vel proximorum beneficentia, & misericordia commendantur, nam priora contemplativam vitam, posteriora activam commendant. De priori dicitur Psal. 47. *Vacate, & videte, quia ego sum Dominus.* Ad Col. 1. *Sine intermissione orate.* 1. Cor. 13. *Videmus nunc per speculum in enigmate; & Christus dixit Matth. 5. Beati mundo corde, quoniam ipsi Deum videbunt:* quod etiam in hac vita suo modo impleri Sancti interpretantur; sicut etiam dixit Joan. 14. *Hæc est vita æterna, ut cognoscamus te solum Deum verum,* &c. De posteriori dicitur Matth. 25. *Quod uni ex minimis istis fecistis, mihi fecistis,* & c. 5. *Beati misericordes,* &c. cum similibus. Ex his ergo locis recte colligimus, esse in nobis duplex genus operationum gratiæ, & sanctitatis, quæ vita supernaturalis est: unum ad internam considerationem, aliud ad externam operationem pertinens: cum ergo utraque hæc operatio sit quædam vita, recte secundum illam duplex vita distinguitur, quarum altera contemplativa, altera activa merito nominatur, juxta communem usum illarum vocum, etiam apud Philosophos, ut supponimus.

4. Sed dicit aliquis, hæc duo genera actuum humanorum, & supernaturalium, non esse separabilia ab aliquo modo vivendi hujus vitæ mentalis recte instituto, & ideo non recte distingui vitam activam & contemplativam tanquam duas vivendi rationes, sed ad summum tanquam duas operationes, quæ in omni statu recte instituto copulandæ sunt. Antecedens expresse est Augustini 19. de Civitate, c. 19. & ostendi potest ex eisdem locis supra adductis, nam omnibus hominibus recte viventibus dicitur, *Vacate, & videte, & estote misericordes;* & (quod Basilus etiam tanquam mirabile advertit) Paulus eisdem hominibus ait: *Sine intermissione orate, & Nolite ac die laborantes.* Et idem Basilus in Regulis suis disputatis, regula 38. ex professo ostendit, neminem esse excusandum ab operatione, & labore, prætextu contemplationis, sed statis horis utrumque esse exercendum. Et Christus ipse, quando Magdalenam defendit, non negavit actionem esse necessariam, sed excessum & nimietatem ejus reprehendit; concludit autem, unum esse necessarium scilicet, quod ad sustentationem vitæ, vel propriæ, vel proximi fuerit necessarium, ut idem Basilus notavit in Breviorib. regul. in 20. Et ratio est, tum quia in vita mortali non potest homo semper esse continue intentus contemplationi, & ideo oportet, ut in aliarum virtutum actibus exerceatur: tum etiam quia unusquisque indiget propria mortificatione, & societas hominum sine mundi obsequiis conservari non potest, & ideo aliqua actio omnibus est necessaria. Martha etiam licet ministerio incumberet, non omnino privabatur con-

Probatur jam divisio in reipsa de fide.

Obiectio contra nunc eloluta.

contemplatione, ut ponderavit Greg. lib. 5. in Regum, c. 4. circa finem, circa illa verba Lucæ 10. *Quæ stetit, & ait. Quo exemplo (inquit) instruiamur, ut, qui fratribus ministeria exhibemus, si per moram sedere ad redemptoris pedes non possumus, per aliquantulam moram redemptori assistere debeamus.* Considerat autem Gregorius, Mattham dum sedulo ministrabat, aliquando per transitum vidisse, & audisse Christum, aliquando vero stetit, unde concludit: *Sed bene assistimus, si transeundo, & serviendo videamus. Quid est autem transeundo Dominum cernere, nisi in omni nostro bono opere ad ipsum dirigere cordis intentionem: transimus enim, cum hoc, illud discurrendo in membris suis Domino ministramus, sed transeundo Dominum cernimus, si per omne, quod agimus præsentem nobis ipsum, cui placere cupimus, contemplamur.* Vult ergo actionem non debere esse sine contemplatione; & merito, tum quia sine oratione nihil possumus rectum & pium ex nobis facere, tum etiam, quia nisi interna consideratione homo innumeris periculis exponitur, etiam si in bonis operibus versari videatur, juxta illud Hierem. 12. *Desolatione desolata est omnis terra, quia nullus est, qui recogitet corde,*

5 Hæc objectio postulat, ut sensum & sufficientiam divisionis explicemus. Et in primis responderi potest, ad vitam activam proprie non pertinere quamcunque externam actionem, sed illam tantum, quæ ad alium dirigatur, ut sunt misericordiarum opera. Hoc autem modo recte posse vitam contemplativam ab activa separari, quia potest esse vita, quæ nullis misericordiarum operibus incumbat. Et e contrario contemplationem solum dici considerationem veritatis ratione sui, & ita etiam posse inveniri actionem sine contemplatione, sed hoc simpliciter verum non est, nam licet contemplationis præcipuum objectum sit Deus, non tamen adæquatum, sed est omnis veritas, quæ ad Deum ordinatur. Item, licet speculatio Philosophica sistat in cognitione: hæc vero contemplatio affectiva eminenter est practica, & non excludit ordinem ad effectum. Ac denique, licet vita activa præcipue versetur in actionibus ad alterum, ut in optimo agibili; adæquate vero comprehendit omne agibile, & virtutes omnes morales, ut tradit D. Th. 2. 2. q. 180. art. 1. & q. 181. art. 1. & 3. d. 35. q. 1. art. 2. & 3. quæstioncula 1. & sæpe alia, & ex dicendis amplius constabit. Concedendum ergo est, nullum esse posse vitæ studium recte institutum ad perfectionem obtinendam, quod non aliquid de actione, & de contemplatione participet, ut discursus factus probat. Unde distinctio illa non est in eo sensu intelligenda, ut vita activa omnem excludat contemplationem, aut vita contemplativa omnem actionem, sed ita denominantur ex eo, quod principaliter intenditur in unaquaque: sicut enim medium, quod ex contrariis compositum est, ab eo denominatur simpliciter, quod prædominatur, & excedit: ita hominis vita, quæ ex actione, & contemplatione, non tanquam ex contrariis, sed diversis muneribus coalescit, ab ea denominatur, quæ in vitæ instituto præminet. Dicitur autem præminere in presenti (quod notandum est) non illa, quæ majori tempore vitæ, vel diu exercetur: sed illa, quæ habet rationem finis, propter quam omnia illa intenduntur: nam finis in moralibus est, qui dat speciem, & præcipuam denominationem. Sicut Aristot. dixit, qui furatur propter machinam, magis est machinarius quam fur, quod verum est etiam plus temporis furando quam machinando consumat. Sic ergo quoddam est vitæ institutum, quod per se primo, & ac principaliter respicit tanquam proprium finem, & scopum, opera misericordiarum, hospitalitatem, redemptionem captivorum, &c. tamen adjungit aliquam orationem, & considerationem, ut opus illud sancte exercere valeat, & propter generalem rationem cultus divini, &c. hæc vita dicitur activa a suo fine. E contrario vero quando principaliter queritur contemplationis perfectio, & actio, ac mortificatio corporis in eum finem ordinatur, ut contemplationi interserviant, illa est proprie vita contemplativa, & ita cessat objectio facta. Estque differentia hæc consentanea D. Th. d. qu. 179. art. 1. dicenti: *In hominibus vita uniuscujusque videtur esse id, in quo maxime delectatur, & cui maxime intendit. Quia ergo quidam homines præcipue intendunt contemplationi veritatis, quidam vero intendunt prin-*

cipaliter exterioribus actionibus, inde est, quod vita hominis convenienter dividitur per contemplativam & activam.

Bonam esse divisionem religionis in activam & contemplativam, non tamen adæquatam.

6 Atque hinc etiam concluditur cum eadem proportionem, recte statum religiosum dividi in contemplativum, & activum, nam religio supra communem virg rationem solum addit conditionem status tendendi ad perfectionem; certum est autem illud secundum genus vitæ, aptum esse perfectioni querendæ, nam utrumque perficit charitatem, & quantum est ex se excludit omnia peccata, in quibus duabus rebus substantia perfectionis consistit. Unde optime Nazianzen. orat. 10. in laudem Cæsarii, §. *Age nunc: Philosophari,* (inquit, eo verbo indicans contemplativam vitam) *ut maximum, ita & difficillimum est, nec id aggrediendi multorum est, nec aliorum, quam quos divine afficit mentis magnitudo quæ bonæ hominum voluntati manum porrigere solet. Non parum autem hoc quoque æstimandum est, si quis secundum vitæ genus complexus probitati studeat. Utrumque ergo vitæ genus propriæ sanctificationi, & perfectioni principaliter studet.* Ergo utrumque aptum est, ut per modum status tendendi ad perfectiorem assumatur, & votis religiosus consecratur.

7 Quod etiam ita factum esse usus ipse Ecclesiæ catholice satis ostendit: nam quædam sunt religiones monasticæ, quæ ad contemplationem solum principaliter ordinantur, cujusmodi sunt omnes illæ, quæ per se, & ex institutione sua circa proximos non versantur, & in laude Dei præcipue occupantur, & si quid habent actionis, ad propriam tantum perfectionem referunt, vel accidentarium est tali statui. Aliæ vero sunt religiones, quæ ad actiones misericordiarum exercendas erga proximum præcipue institutæ sunt, & in ordine ad illas expeditæ, & perfecte exercendas, & cælibatus eligitur, & curæ omnes divitiarum tolluntur, & obedientia promittitur, ut patet in religionibus Mendicantibus, & aliis, quæ vel infirmis curandis, vel redimendis captivis, aut aliis similibus operibus incumbunt. Recte ergo dividitur religio in contemplativam, & activam; quia religio una distinguitur ab alia ex proprio fine, seu scopo, & propriis mediis, ut supra dictum est cum D. Th. qu. 188. art. 1. & 6. At hæc religiones habent diversos fines proprios; quamvis enim convenient in generali fine querendi propriam perfectionem, & divinum obsequium, tamen proximos fines habent diversos, scilicet perfectionem contemplationis, vel actionis, ut declaratum est.

8 Unde consequenter necessarium est, ut in propriis mediis principalioribus differant, nam licet aliqua generalia habeant communia, ut sunt tria vota substantia, aliqua corporis castigatio, oratio aliqua & similia: necessarium nihilominus est, ut in aliquibus omnino propriis differant, quia necesse est, ut ad proprium, & singularem finem propria etiam media accommodentur, qualia sunt v. g. confabulatio cum proximo, vel ab illo separatio; peregrinari extra domum, aut in claustris semper manere, exercitium chori, aut studii, & similia. Ergo merito religionis status in hæc membra dividitur, ut differat: nam in his rebus non metaphysica, aut physica distinctio querenda est, sed moralis, quæ cum illa physica quandam proportionem observet.

9 Major difficultas est circa sufficientiam hujus divisionis. Aliqui enim censent, addendum esse tertium membrum religionis mixtæ ex contemplatione, & actione; nec sine magno fundamento, quia non repugnat dari religionem, quæ simul contemplationi, & actioni principaliter intendat. Primo, quia hæc duo non sunt inter se ita repugnantia, quin simul possint cum magna perfectione simul principaliter intendi. Secundo, quia Christus Dominus hoc vitæ genus professus est, ideo enim & pernoctabat in oratione Dei, & prædicabat, ac discurrerebat benefaciendo & sanando. Unde idem vitæ genus Apostolos docuit, nam & cum ipso in montem ascendebant, & in hortum Gethsemani frequenter cum ipso ad orandum conveniebant: & cum eo similiter incedebant ad prædicandum, & ab eo mittebantur bim ad prædicandum, & curandum infirmos: denique hæc ratio ipsi dicebant Actor. 5. *Nos au-*

Declaratur, & probatur.

Vera responsio.

Quorumdam pars neg. probatur.

tem orationi, & verbo instantes erimus. Tertio sumi potest argumentum ex verbis Christi, Lucæ 10. *Maria optimam partem elegit*, prout expenduntur a Cajetano 2.2.6.182. art. 1. Maria enim puræ vacabat contemplationi, & ideo Christus illam appellavit partem, eam præferens alteri parti, quæ in sola actione consistit. Significans esse aliud vitæ genus totale (ut sic dicam) & ex utraque parte mixtum, & compositum. Atque ita Cajetanus ibi hanc videtur sequi sententiam.

10. Contrariam vero partem suadere videtur in primis autoritas D. Thomæ dicta q. 179. art. 2. ubi divisionem illam bimembrem sufficientem esse docet, & videtur esse communis sententia Patrum, quos supra n. 3. retulimus, duas enim tantum vitas ubique distinguunt, & ideo per duas sorores Martham, & Mariam significari dicunt, & similiter per Rachel, & Liam, ut late August. 22. contra Faustum, cap. 52. & seq. Greg. lib. 6. Moral. cap. ult. Ratio est, quam D. Thom. ibi ad 2. insinuat, quia nullum est vitæ sanctæ genus, quod contemplationem, & actionem non amplectatur, ut supra explicatum est, ac denominatur contemplativum, vel activum ab eo, quod excellit, semper autem aliquod horum prædominatur; ergo necesse est, ut vel contemplativum, vel activum dicatur, & ita divisio erit sufficiens. Dicit forte aliquis, posse dari genus vitæ cum tanta æqualitate utramque partem complectens, ut nulla prædominetur, & consequenter a neutra denominari, & ita esse addendum tertium membrum. At profecto id morale non est, nec ostenditur tale genus vitæ in Ecclesiis; quod autem non est, nec fortasse unquam fuit, non est in moralibus recensendum. Accedit, quod illo etiam posito, denominaretur saltem a nobiliori, & ita esset vitæ illa contemplativa,

11. Tertio tamen argumentor aliter, quia non potest unus & idem status habere duos fines proximos, quos propter se intendat: quæcumque ergo religio contemplationem, & actionem complectitur, vel intendit actionem propter contemplationem, vel e contrario contemplationem propter actionem, non autem utramque propter ipsam; status autem denominatur ex fine: ergo semper est vel contemplativus, si actionem solum propter contemplationem querat, vel activus, si querat contemplationem propter actionem. Et ita D. Thom. 2.2. q. 188. art. 6. religiones illas, quæ ad spiritualia ministeria circa proximos ordinantur; vitam activam profiteri dicit, licet magna ex parte divinis laudibus, & contemplationi vacent, quia contemplationem ad actionem ordinant, scilicet, ut contemplata alijs tradant. Et ita Societas, quæ una ex his religionibus est, contemplationem sumit ut unum ex præcipuis mediis ad auxilia spiritualia convenienter proximis præstanda, ut constat ex ejus constitutionibus p. 10. §. 2. Sic ergo erit sufficiens divisio, nec oportebit tertium membrum adiungere.

12. Controversia hæc magna ex parte potest esse de nomine, & ideo non multum refert alterutro modo loqui, nam uterque loquendi modus in Patribus invenitur. Dico tamen satis apte dividi statum religiosum in illa tria membra, majoris claritatis gratia, & quia D. Augustinus 19. de Civitate cap. 19. tertium vitæ genus adjungit, ex actuoso, & otioso compositum. Potestque hæc sententia confirmari ex doctrina Prosperii in discursu librorum de Vita contemplativa. Nam in lib. 1. postquam vitam contemplativam declaravit, a cap. 13. ostendit, pontifices Ecclesiæ, & prædicatores vitam contemplativam debere profiteri, quibus nihilominus tam in illo, quam in sequentibus libris magna officia tribuit vitæ activæ. Idem licet colligere ex doctrina Abbatis Nestorii apud Cassianum collat. 14. c. 4. ubi sic ait: *Quidam summam intentionis suæ erga eremi secreta, & cordis constituunt puritatem, ut in præteritis Eliam, & Eliseum, nostrisque temporibus B. Antonium, aliosque ejusdem propositi sectatores familiarissime Deo per solitudinis silentium cohasisse cognoscimus. Quidam erga institutionem fratrum, & pervigilem cœnobiorum curam, omnem studii sui sollicitudinem dederunt, ut nuper Abbatem Joannem, qui in vicinia civitatis, cui nomen est Thummi, grandi cœnobio præfuit, ac nonnullos ejusdem meriti viros Apostolicis etiam signis meminimus claruisse. Quosdam Xenodochii, & susceptionis pium delectat ob-*

sequium, per quod etiam in præteritis Abraham Patriarcham, & Loth Dominum placuisse scimus, ut nuper B. Macarium singularis mansuetudinis ac patientiæ virum qui Xenodochio in aapud Alexandriam præfuit, ut nulli eorum, qui solitudinis sunt secreta, sectari inferior sit credendus. Quidam eligentes ægotantium curam, alii intercessionem, quæ pro miseris acque oppressis impenditur exequentes, aut doctrinæ instantes, aut eleemosynas pauperibus largientes, inter magnos ac summos viros pro affectu suo ac pietate vixerunt.

14. Hæc autem partitio magis est enumeratio quædam singulorum statuum, qui sub activo, & contemplativo inveniri possunt, quam methodica, & immediata divisio status religiosi. Si enim omnia verba attente considerentur, supponunt divisionem supra datam de contemplativa, & activa vitæ, & utramque subdividunt. Nam in duabus primis clausulis videtur dividi vitam contemplativam in solitariam, & cœnobiticam; de qua divisione nos supra cap. 2. sub generaliiori ratione diximus: significatur autem in verbis prædictis solitariam vitam tenere apicem puræ vitæ contemplativæ; cœnobiticam autem aliquid de activa participare, præcipue in illis, qui aliorum institutionem & pervigilem curam ac sollicitudinem suscipiunt: & ita quoad hanc partem indicatur ibi trimembris divisio. In aliis vero duabus ultimis clausulis dividitur vitæ activa in varias species, juxta varietatem finium & actionum. Potuisset autem aptius distingui in vitam activam, quæ corporalius misericordiæ operibus occupatur, qualia sunt plura eorum, quæ ibi numerantur: & quæ incumbit spiritualibus actionibus, quæ in solo illo verbo ibi insinuantur, *aut doctrinæ instantes*, sub quo verbo (ut adæquata sit partitio) comprehendendi debent omnia ministeria, quibus animæ proximorum juvantur, sive sit concio, sive confessio, sive privatum colloquium, & similia. Et hoc posterius genus vitæ activæ non solum non excludit contemplativam, verum potius illam requirit ut germanam sororem, vel potius eam quodammodo intrinsece includit, quia magnam internam considerationem in operante exigit; ergo ex illo etiam tertium membrum vitæ mixtæ recte colligitur.

15. Nam concio v. g. tota est contemplatio quædam externis actibus expressa, quæ non solum ipsos concionantes, sed etiam alios, quantum in se est, in Deum elevat; supponit autem, ut recte fiat, diuturnam orationem eorum, quæ dicenda sunt; & hæc præcedere debet lectio, quæ pars etiam est vitæ contemplativæ, ut D. Thomas docet 2.2. q. 188. art. 6. Et per se constat, quia est veluti primum initium elevationis mentis in Deum: lectione enim discimus, & accipimus, quæ per meditationem conservamus, & digerimus; & ita paulatim inflammatur anima in Deum. Hinc sunt illi quatuor gradus, quos posuit, & exposuit Bernard. lib. de Scala claustrali, lectio, meditatio, oratio, & contemplatio. Quamvis enim ultimus tanquam perfectissimus, contemplationis nomen per autonomasiam sibi usurperet; tamen, generaliter loquendo, vitæ contemplativa omnes complectitur: *Quia lectio inquit, meditatio invenit, oratio postulat, contemplatio degustat*, ut ibidem ait Bernardus, qui postea recte subjungit; *Ex his possumus colligere, quod lectio sine meditatione arida est, meditatio sine lectione erronea, oratio sine meditatione est tepida, meditatio sine oratione infructuosa, oratio cum devotione contemplationis acquisitiva, contemplationis adeptio sine oratione aut rara, aut miraculosa.* Sicut ergo inter se connexa sunt, ita contemplativus status, ut talis est, illa omnia complectitur, tanquam initium, medium, & finem. Sic enim dixit Isidorus, & confirmari potest ex illo Bonav. in Pharetra, lib. 4. cap. 26. *Omnis profectus ex lectione, & meditatione procedit, quæ enim nescimus, ex lectione discimus, meditationibus conservamus.* Et Sanctus Vincentius tract. de vita spirit. 6. de somno & vigilia; *Lectio (inquit) & oratio sese vicissim excipiunt, mutuoque juvant.* Docent præterea Augustinus, & Patres omnes, Magdalenam, cum ad Christi pedes sedebat, audiens verbum ejus, actum contemplativæ vitæ exercuisse, & occasione illius idem dicit Augustinus serm. 27. de verb. Domini, de his, qui cujuscunque prædicatoris Evangelici concionem audiunt, quia per illum loquitur Deus; ac etiam loquitur per librum, dum

Idem institutum concitatur consideratis actibus concionandi, &c.

Pro parte affirm. arguitur prius ex Patribus.

Item ratio.

Ratio altera pro eadem parte.

Arridet magis pars negativæ.

dum simili intentione legimus; nam, ut ait Richardus de Sancto Victore lib. 4. de contemplatione cap. 14. *Sicut per orationem nos ad Deum loquimur, ita per lectionem ipse loquitur nobis.*

Item consideratis
actibus
docendi.

16 Addo etiam sub verbo illo instanti doctrinæ, non solum doctrinam illam comprehendere debere, quæ per conciones datur, & ad inflammandos affectus præcipue ordinatur, sed etiam illam doctrinam, quæ ad eruditionem, & illustrationem proximorum ordinatur. Nam, ut infra agentes specialiter de Societate tractatu 10. lib. 5. cap. 4. ostendemus, institui potest religio, quæ ad hoc etiam actionis genus ordinetur, saltem secundum aliquem gradum ministeriorum, seu mediorum, quibus ad bonum proximorum utitur. Quod etiam D. Tho. docuit opuscul. 19. c. 2. & sequentibus, & 2. 2. quæst. 188. artic. 5. & 6. Ex quo etiam licet intelligere, tale docendi institutum, licet ex parte activum sit, quatenus actus docendi exterior est, & ad alios ordinatur: nihilominus intrinsece ac necessario includere contemplationem, quando doctrina est de veritate per se intentata, ut expresse docet etiam D. Thomas 2. 2. quæst. 181. artic. 3. q. 1. de verit. artic. 4. citans Augustinum dicto serm. 27. de verb. Domini. ubi absolute de doctrina loquitur, cum ait: *Vacent verbo, inbient doctrinæ dulcedini*: tum quia hæc doctrina potissimum est sacra, includens meditationem, & considerationem veritatis divinæ, ac supernaturalis, quæ ex se multum juvat ad contemplationem divinæ sapientiæ, & ad inflammandum affectum. Tum etiam, quia licet interdum hæc studia versentur circa creaturas, tamen ordinantur ad Dei cognitionem, & amorem, ut principalem scopum, & jam dictum est quidquid ad contemplationem ordinatur, ad vitam contemplativam pertinere; præsertim quia creaturarum cognitio, debita intentione assumpta, ducit in cognitionem Dei, & ut sic contemplationem participat. Unde D. Thom. 2. 2. q. 180. art. 4. ait, omnem considerationem veritatis creaturæ, quæ ad divinam conducit, pertinere ad vitam contemplativam; & quæst. 179. art. 2. ad 4. ait, omnia humana studia, quæ conducunt ad cognitionem talis veritatis, pertinere ad vitam contemplativam. Igitur talis etiam vita simul contemplativa, & activa esse videtur.

Satisfit
probationibus
adductis
num. 11.

17 Videtur ergo satis fundata illa trimembris divisio, adjungendo præsertim ea, quæ in principio divisionis num. 10. posuimus. Nec in re ipsa, ut dicebam, potest in hoc esse dissensio: nam per hanc trimembrem divisionem solum declarare intendimus esse quoddam genus vitæ, quod utrumque munus exacte colit, & exequitur: quidquid sit de denominatione illi tribuenda. Et hoc solum D. Thomas relatus in num. 11. voluit in prædicta divisione, ut satis in solutione ad 3. declaravit: nec aliud intendunt Patres ibi citati. Et prima ratio solum insitit in denominatione, de qua plura statim.

An religio
complectens
contemplationem,
& actionem,
necessario
una ad alteram
ordinetur.

18 In ultimo vero argumento num. 12. posito quippiam tangitur, quod ad quæstionem de re pertinere potest, scilicet, an illa religio, quæ utrumque munus amplectitur, unum ad alterum necessario ordinet, vel utrumque per se intendat tanquam finem. Quidam enim putant primum necessario esse dicendum, & ideo religionem semper denominari ab eo munere, quod pro fine habet, sique non esse necessarium tertium membrum. Mihi autem verius videtur, utrumque munus intendi ut finem, in his præcipue religionibus, quæ ad eam partem vitæ activæ ordinantur, quæ in spiritualibus actionibus circa proximum consistit. Nec tamen assero, utrumque munus intendi tantum per modum finis; negari enim non potest, quin actus vitæ contemplativæ in tali religione ad actionem ordinentur, nam studium, lectio, meditatio frequentius ad serviendum proximis referuntur: imo etiam ipsa oratio, & unio cum Deo, propter illum finem potest rectissime desiderari, & procurari, quia eo quis est aptius instrumentum Dei in auxilio animarum, quo ipse fuerit Deo junctior, ut recte dicitur in loco supra citato n. 12. ex constitutionibus Societatis. Nihilominus tamen etiam debet per se ac præcipue intendi contemplatio, etiam in tali religione, primo, quia contemplatio non est pure medium, sed propter se maxime appetibilis. Secundo, quia in tali religione magis per se

intenditur propria perfectio; quam proximorum; at perfectio propria in contemplatione maxime sistit, & in ea comparatur: ergo. Tercio, quia talis religiosus non solum ea contemplatione utitur, quæ ad auxilium proximorum sibi necessaria est, sed etiam illa fruitur, quæ sibi proficua, & in Deo delectabilis est. Unde ut recte suo munere fungatur, quoties circa proximum occupari necesse non est, contemplationi, vel alicui actui vitæ contemplativæ se statim applicat; non propter actionem, sed quia *otium sanctum diligit charitas veritatis*, & ita statim ad illud redit, qui vere amat, quoties *negotium justum non imponit necessitas charitatis*: unde subdit Augustinus 19. de Civitate c. 19. *Quam sarcinam si nullus imponit, percipiendæ, atque intendendæ vacandum est veritati*. Igitur talis religio per se contemplativa est, & non tantum propter actionem, sed propter se contemplationem amplectitur, quod satis significavit idem Augustinus supra dicens: *Si autem imponitur, suscipienda est propter charitatis necessitatem. Sed nec sic omnimoda veritatis delectatio deferenda est, ne subtrahatur illa suavitas, & opprimat ista necessitas*.

19 Solet autem talis religio magis activa, quam contemplativa nominari (quamvis proprio nomine possit dici mista) vel quia nomen contemplativæ vitæ est quasi exclusivum, ita ut significet vitam illam, quæ ita per se tendit ad contemplationem, ut actionem nullo modo per se, quæ ad proximos ordinatur, intendat, sed solum illam exerceat, quam vel charitas ipsa exigit, vel quæ conducere potest ad contemplationem. Omnis vero alia religio, quæ ad actionem circa proximos versatur, dici potest activa, quæ si in actione corporalis misericordiæ occupatur; proprie, & quasi omnino vel præcipue talis est; si autem in actione, & auxilio spirituali proximorum versatur, dicitur activa, quia non in sola contemplatione sistit, non quia illam non per se, ac principaliter amplectatur, vel saltem amplecti possit, si ratio sui institui hoc patitur. Potest etiam ita denominari, quia contemplationem potest aliquo modo ordinate ad actionem, actionem vero non ita proprie ad contemplationem.

Religio
cur activa
vel contem-
plativa
vocetur.

20 Dices: potius solet inferius ad superius ordinari, quam e contrario; contemplatio autem actione superior est; ergo magis potest actio ad contemplationem, quam contemplatio ad actionem ordinari. Unde & Gregor. 6. Moral. sæpe repetit, præsertim c. 17. actionem debere præcedere, tanquam parans viam ad contemplationem. Respondeo, quando ordo est causalitatis, & auxilii, optime ordinari superius ad inferius, ita vero ordinatur contemplatio ad actionem, ut det illi efficaciam, & ut illam moderetur, ne spiritum extinguat. Actio vero non potest hoc modo ordinari ad contemplationem: alio vero modo potest aliqua actio referri ad contemplationem tanquam dispositio præparans subjectum, de qua maxime loquitur Gregorius supra, & D. Th. 2. 2. q. 180. art. 2. tamen illa non solet esse actio circa proximum per se, & ex intrinsecis loquendo, sed est illa actio, quæ versatur circa propriam mortificationem, penitentiam &c. Aliquo tamen modo magis extrinsecus potest actio erga proximum ad contemplationem ordinari, per modum meriti, vel impetrationis apud Deum, nam qui erga proximum recta intentione, & vitæ puritate ministerium suum implet, a Deo obtinebit facilius donum contemplationis, quod ex ipsius gratia, magis quam ex ulla humana industria pendet.

Obiectio
contra
nunc dicta

Dilutio

C A P U T VI.

Que religio sit perfectior, activa ne, an contemplativa, an ex utraque mista.

1 Superest dicendum circa divisionem hæcenus tractatam, quæ religio perfectior sit activa, vel contemplativa, aut mista. Et de pure activa nulla est difficultas. Quamvis quidam Juristæ, ut suos labores exaggerent, suam vitam activam contemplativæ præferant, & illi etiam actioni, quæ in spiritualibus ministeriis circa proximos versatur: quod videtur sentire Hostiensis in principio Summæ, nam comparans hujusmodi vitam reliquis, ait, *quæ si recte duceretur, magis esset fructifera*.

De pure
activa
certum
cedere a-
liis, quid-
quid non-
nulli ten-
tiant.

Ad:

Addit Alber. l. per diversas. C. Mandati, fore etiam magis meritoriam: sequitur Jas. l. i. ff. de Justitia, & jure, Lucas de Penna l. 2. C. de pignoribus lib. 1. 2. Licet hi (inquam) auctores ita loquantur, tamen vel per exaggerationem loquuti sunt, vel non comparando status seu rationes vivendi, sed personales labores, & merita. Comparando ergo vitam ipsam secundum se, certissimum est, hanc pure activam in infimo gradu esse constituendam, ut comparatione aliarum minus perfecta sit; nam id satis colligitur ex verbis Christi Luca 20. *Optimam partem elegit sibi Maria*, quem locum ita exponunt sancti communiter, ut cap. superiore ex Augustino, & Gregor. & aliis relatum est, & videri etiam potest Gregor. hom. 13. & 14. in Ezech. & lib. 6. Moral. c. 28. Bernard. serm. 5. Assumptionis, & 41. in Cant. Ruper. lib. 7. in Genes. c. 8. Richardus de Sancto Victore lib. 1. de vita contemplativa, c. 1. Cassian. collat. 1. cap. 8. Innocent. III. l. 1. de myster. Missæ c. 63. & in serm. de Assumpt. Bonavent. de septem itiner. æternit. d. 5. Anton. 4. p. tit. 10. c. 4. §. 4. Et ita ut certum supponunt omnes Doctores citandi, & probabitur clare ex omnibus rationibus statim afferendis, præsequentibus opinionibus.

2 Igitur quod ex duabus aliis pure contemplativa præferenda sit, tenet Henric. quodlib. 12. q. 14. & 18. Et primo favent huic opinioni auctores, qui comparando absolute vitam contemplativam cum activa, tamquam duo membra adæquate dividenda vitam hominis, absolute præferunt contemplativam, nam juxta illud dividendi modum, vita mixta sub activa comprehenditur, ut paulo antea c. præced. n. 19. dicebamus, & sentiunt omnes, qui vitam activam dividunt in eam, quæ circa actiones corporales, vel in actionibus spiritualibus doctrinæ, & similibus versatur, ut D. Th. 2. 2. q. 188. art. 6. Bonav. in medit. vitæ Christi, c. 45. Carthus. opusc. de contemplat. lib. 1. art. 14. & Greg. hom. 14. in Ezech. circa medium: *Activa vita est panem esurienti tribuere, verbo insipientem docere*. Constat ergo in ea divisione bimembri mixtam vitam sub activa comprehendendi: si ergo in eadem divisione vita contemplativa simpliciter præferatur activæ, etiam mixtæ antefertur. Ita vero sentit D. Th. 2. 2. q. 182. art. 1. & Cajet. ibi, Bonavent. loco proxime citato, c. 57. & omnibus aliis supra allatis. Multum etiam favet huic sententiæ D. Th. 2. 2. q. 188. artic. 8. quatenus ait, vitam solitariam ex se, & ex suo genere esse perfectissimam, & ita religionem solitariam comparati ad omnes reliquas sicut perfectum imperfecto: quod non est nisi propter puriorem usum contemplationis, ad quam status ille omnino ordinatur: ergo contemplativa religio, ut sic, est perfectior, nam supremum in aliquo genere est mensura cæterorum.

3 Ratione item suaderi potest hæc opinio, quia vita pure contemplativa est aptior ad meritum, & ad divini amoris augmentum; ergo est de se perfectior ex vi status: consequentia per se patet, nam hæc comparatio ex vi status facienda est, ut a principio diximus. Ut autem antecedens probemus, advertendum est, non debere fieri comparationem inter vitam pure contemplativam, & mixtam, in eo sensu, ut simul pro eodem tempore actus solius contemplationis cum actu utriusque vitæ simul sumpto conferamus: sic enim non erit æqua comparatio, sed totius ad partem. Ut si quis nunc exerceatur in solo amore Dei, alter vero simul æqualem Dei amorem exercendo actu prædicet: sine dubio hic posterior pro hoc tempore magis merebitur cæteris paribus, quia habet totum meritum amoris, & ultra prædicationis. Quo sensu etiam vita mixta ex actione exteriori erit perfectior, ut si in dicto exemplo simul amet æqualiter Deum, & peregrini pedes lavet. Debet ergo mixtio intelligi pro diversis temporibus, prout humano modo fieri potest, nunc orando, postea legendo, prædicando, & comparari cum vita si uplici, quæ pro omnibus temporibus in actibus vitæ contemplativæ licet variis versetur. Sic ergo intellectum antecedens probatur, quia formalis actus charitatis, & amoris Dei, ex se sunt magis meritorii, magisque perficiunt charitatē: ergo status, qui ex se aptior est ad hos actus frequentius, & ardentius exercendos, aptior est ad perfectionem charitatis, & consequenter perfectior: hujusmodi autem est status vitæ pure contemplativæ, tum quia fre-

quentius in ea vacatur hujusmodi actibus, tum quia in meditatione magis ardet divinus amor.

4 Secundo, perfectio hujus vitæ in duobus præcipue consistit, in majori peccatorum diminutione, & in frequentiori Dei memoria, ac dilectione, ut in superioribus cum D. Thom. tradidimus; at illa duo facilius, securius, & uberius comparantur per vitam pure contemplativam, quam per mixtam: ergo. Probatur minor, nam vita contemplativa minorem habet occasionem peccandi, sive graviter, sive leviter: deinde nihil fere habet, quod avertat animum ab actuali Dei memoria, & consideratione. In actionibus vero circa proximum multa similia impedimenta, & occasiones occurrunt, ut per se notum est. Unde in hoc statu vitæ mixtæ servari minime possunt mixtæ circumstantiæ exteriores, quas sancti Patres ut necessarias ad perfectionem acquirendam commendaverunt, ut habere habitationem sejunctam ab his, qui communem vitam agunt, ut ait Basil. in regula 6. & 7. ex fusius disputatis: item custodia claustrii, tum ne religiosi illud egrediantur, tum ne ad confabulandum seculares admittant, ut late Basil. in Proœm. regul. fus. disput. & duobus sermonibus asceticis, proxime præcedentibus: item, ut omni careant solitudine, & externa cura, quæ illorum mentem possit distrahere, ex eodem Basilio regula 5. ex fus. disput. circa principium; hæc autem omnia, & similia in vita mixta nec servantur, nec servari possunt. Unde Bernard. epist. ad Suggerium Abbatem, ad hos religiosos, qui cum proximis multum conversantur, alludens ait: *Claustrum frequenter stipari militibus, urgeri negotiis, iurgiis personare, patere interdum & faminis, quid inter hæc cælesse, quid divinum, quid spirituale poterit cogitari? jube quippe silentium, & ab omni strepitu secularium perpetua quies cogit cælestia meditari*; & epist. 42. in fine: *labor, & latebra, & voluntaria paupertas, hæc sunt monachorum insignia, hæc vitam solent nobilitare monasticam*.

5 Tercio argumentor, quia quo homo in hac vita magis abstrahitur a corpore in actionibus suis, & Deo, Angelis, ac beatis similior efficitur, eo sine dubio perfectiorem vitam proficitur; at vita contemplativa quo purior, eo similior vitæ Dei & Angelorum, quia spiritualior, & vitæ beatorum, quia intentior est Dei cognitioni & amoris: & quia in vita beata cessant hæc ministeria.

6 Quarto denique, quia omnes rationes, quæ probare possunt vitam activam, quæ in actionibus corporalis misericordiæ versatur, esse minus perfectam contemplativam, probant cum proportionem de alia vita mixta. Probatur antecedens, nam in primis illa vita activa non est sumenda sine ulla contemplatione, sic enim etiam hæc vita actionum spiritualium esset valde imperfecta, & periculosa: sumenda ergo est cum proportionem ex parte contemplationis: sic enim dixit D. Thomas 2. 2. quæst. 188. art. 2. agens de hac vita: *Dum religiosi operibus vitæ activæ insistant intuitu Dei, consequens est, ut in eis actio ex contemplatione derivetur*. Quæro ergo, cur hæc vita in hoc gradu sumpta sit minus perfecta, quam pure contemplativa? Certe non alia ratione, nisi quia illæ actiones erga proximum minoris meriti, & perfectionis sunt, quam actus contemplationis, qui circa Deum versatur. Vel (quod in idem redit) quia tales actiones ad summum procedunt ex charitate proximi, contemplatio autem habet adjunctam dilectionem Dei, quæ excellentior est.

7 Hæ autem rationes eodem modo procedunt de illo gradu vitæ activæ, quæ in spiritualibus actionibus circa proximum versatur: nam licet hæ actiones perfectiores sint corporalibus, & majoris meriti, non excedunt gradum charitatis proximi, unde non attingunt gradum charitatis Dei. Quod si dicas, eam posse fieri ex imperio charitatis Dei: idem dicetur de actionibus corporalibus: ergo si hoc non obstat, quominus hæc vita absolute maneat minus perfecta, quia totum hoc mixtum (ut sic dicam) non adæquat simplicem dilectionem Dei, in sua puritate, & summa perfectione existentem, ad quem gradum de se tendit, vel etiam accedit vita contemplativa: idem plane de alio statu mixto dicendum erit.

8 Contrariam sententiam, nimirum religionem, quæ simul contemplativam vitam ex sua institutione profertur, & ad spiritualia opera circa proximos descendit, præferendam esse, quoad perfectionem, & dignitatem, tenet.

Contraria sententia præferens religionem mixtam.

Quod etiam mixta cedat pure contemplativæ arguitur auctoritate quorundam.

Arguitur etiam ratione.

tenet aperte D. Thom. 2. 2. quæst. 188. art. 6. & opus. 19. cap. 1. & 3. d. 35. quæst. 1. art. 4. quæstioncula 2. & quæstione 2. art. 3. ubi etiam Durand. quæst. 2. Cajet. 2. 2. dicta quæstione 188. art. 6. & quæst. 182. art. 1. Palud. 4. d. 38. quæst. 3. art. 1. in fin. & q. 5. art. 2. Anton. 3. p. tit. 16. c. 1. §. 2. Sylv. in Summa ver. Religio, 1. q. 4. Tabien. q. 5. & magis videtur in hanc partem inclinare Henr. quodl. 12. quæst. 25. Hanc etiam sententiam sequuntur Canonistæ in cap. quod Dei timorem, de statu monachor. & in cap. nisi cum pridem, de renunc. Archi. in cap. si quis, 36. d. Et probatur primo ex Innocent. III. in d. ca. nisi cum pridem de renunc. circa fin. ubi prius ait, licet vita Mariæ sit securior ac suavior, vitam tamen Marthæ utiliore, magisque fructiferam esse. Deinde vero subdit. Quamvis simul in unum & contemplativus esse vā eas, & activus, exemplo Domini: asserturque in exemplum Moysen, qui nunc ascendebat in montem, ut ibi gloriam Dei videret, nunc descendebat ad castra, ut cum majori utilitate necessitatibus populi provideret. Et ideo (inquit) facilius indulget, ut monachus ascendat ad presulatum, quam ut presul ad monachatum descendat. Quod expressius declaravit idem Pontifex in ca. Licet §. Si vero, de Regularib. Illa (inquit) regulat observata, ut nullus sine licentia Rom. Pont. presumat occasione quacumque deservere presulatum, quoniam sicut majus bonum minori bono preponitur, ita communis utilitas speciali utilitati preferitur, & in hoc casu recte preponitur doctrina silentio, sollicitudo contemplationi, & labor quieti.

9 Dices, Pontificem ibi loqui de statu Episcoporum, quem esse perfectiorem certum est, & a nobis supra tract. præced. est probatum; non vero licet inde argumentari ad statum religiosum: quia in prælo non ideo est illa actio perfectior, quia secundum se magis conferat ad perfectionem propriam, sed quia supponit majorem perfectionem, a qua proficiscitur, ut argumentatur Durand. 3. d. 35. quæst. 2. art. 8. & ideo est accommodata statui Episcoporum, qui est status jam perfectiorum: at religio est status acquirendæ perfectionis; & ideo respectu illius non videtur esse hæc major perfectio; quia ad propriam perfectionem acquirendam magis confert quies contemplationis. Et ob hanc etiam causam non sunt argumenta efficacia, quæ ex vitæ Christi D. & Apostolici muneris exemplis desumuntur, quia illi etiam fuerunt in statu perfecto, & consummato perfectionis.

10 Sed hæc differentia nihil obstat. Primo, quia abstrahendo ab hoc, vel illo statu, inquiri, an vita habens actionem spiritualem erga proximum admittam contemplationi, sit perfectior coram Deo, magisque illi grata, quam simplex contemplatio, vel minus: si primum assertatur, profecto in quocumque statu illa vita assumatur, si pro dignitate exerceatur, erit etiam secundum se melior, & gratior Deo: si autem dicatur secundum, etiam in statu jam perfecto non erit vita illa præferenda, tum quia in hac vita nullus est status ita perfectus, quin in illo proficiendum semper sit: & ideo illud vitæ genus est in illo statu præferendum, quod secundum se melius est, magisque confert ad crescendo amplius in perfectionem: tum etiam, quia id repugnat exemplo Apostolorum, qui sine dubio magis merebantur, & proficiebant prædicando, & laborando pro salute animarum, quam solum contemplando, idque non solum per accidens ex fervore affectus, sed etiam per se ex vi actionum: impossibile enim videtur, quod altissimum munus & perfectissimum obliget ad opera minoris meriti, vel quæ secundum se majus meritum impediunt.

11 Secundo, quia licet illa differentia ostendat, in omni statu bene instituto ad salutem proximorum necessarium esse, ut propria perfectio supponatur, & ideo in omni religione ad eum finem instituta, ante usum rationum actionum præcedere debeat sufficiens contemplatio & actio ad propriam perfectionem acquirendam: non tamen licet inde colligere, esse improporcionatum illud genus vitæ statui religioso, quia in illo non solum potest perfectio acquiri, sed etiam exerceri: ergo religio, quæ utrumque amplectitur, ex se perfectior erit. Si enim monachus jam bene institutus, convenienter ascendit ad presulatum, & consentanee ad perfectionem, ut Innocentius supra sentit: cur etiam religiosus jam bene in perfectione institutus, non assumatur ad o-

pera perfectionis ex charitate circa proximos exercenda? Hinc Bernard. ad fratres de monte Dei, colum. 3. monachos suos soli contemplationi vacantes, ad humilitatem hac consideratione exhortatur. *Longe* (inquit) *supra vos virtutem eorum suspicientes, & admirantes gloriam, qui ambidextri fortissimi (sicut Aho ille fortissimus iudex Israel, qui utraque manu utebatur pro dextera) & quamdiu licet, devotissime intus vacare amant charitati contemplanda veritatis, & cum necessitas vocat, vel officium trahit, promptissime se foras mittunt pro veritate adimplenda charitatis.* Et sermon. 57. in Cantegregie ad hanc rem exponit idem Bernardus verba illa Cantic. 2. *Surge, propera amica mea, ubi primum ait, animæ contemplanti dari interdum latitudinem mentis insolitam, & infusionem luminis illuminantis, vel ad scientiam scripturarum, vel ad ministeriorum notitiam, quorum alterum (ait) propter nos oblectandos, alterum propter edificandos proximos reor dari;* & infra: *Post hunc tanta dignationis, ac miserationis respectum, sequitur vox blande, & leniter divinam insinuans voluntatē, quæ non est aliud, quam ipse amor, qui otiosus esse non potest, de his, quæ Dei sunt, sollicitans, & suadens. Hoc si quidem vera, & casta contemplatio habet, ut mentem, quam divino igne vehementer succenderit, tanto inter dum repleat zelo, & desiderio acquirendi Deo, qui cum similiter diligant, ut otium contemplationis pro studio prædicationis libentissime intermittat, & rursum posita votis aliquantulum in hac parte, tanto ardentius redeat in id ipsum, quanto fructuosius intermisisse meminerit, & iterum sumpto contemplationis gustu valentius ad conquirenda lucra solita alacritate recurrat.* Ex quibus verbis multa poterit unusquisque argumenta fumere ad hanc partem confirmandam,

12 Alia pleraque suppeditabit Basil. in regula 7. ex fusius disputatis, ubi non agit quidem de hac comparatione vitæ solitariae cum cenobitica: tamen dum hanc præfert, & argumentum sumit ex occasionibus exercendi charitatis opera, plane sentit tanto fore perfectiorem hanc missionem, quo illa opera charitatis fuerint excellentiora, & fructuosiora, ut sunt ministeria circa salutem animarum. Unde in regula 37. ex eisdem, & sæpe aliis, ex professo probat contemplationi oportere adungere aliquem laborem, & actionem, cum non ad corporis castigationem modo utilis nobis huiusmodi vita sit, sed ad charitatem etiam erga proximum, scilicet, ad eleemosynas faciendas ex comparatis per laborem manuum. Multo ergo magis idem censeret idem Sanctus de charitate erga proximum per opera spiritualia misericordiarum. Quod expressius sumi potest ex eodem Basilio in constitutionibus monasticis cap. 2. & 5. nam in priori distinguit vitam activam, & contemplativam, & hanc illi præfert, afferens doctrinam Christi in duobus fororibus Maria, & Martha. Subdit autem hæc verba. *Quod si utramque simul potes imitari, utrumque omnino salutis fructum reportabis. Caterum præcipuum spiritualis doctrina locum tenet, reliqua vero omnia in secundis consistunt.* Expendendum est autem semper, ibi loqui de activæ vitæ, quoad actiones vitæ corporalis, nam aliam videtur sub contemplatione includere, & ita spiritualem doctrinam non solum ex parte audientis, sed multo magis ex parte docentis, inter ea ponit, quæ præcipuum locum tenent. In cap. vero 5. ex professo probat, perfectiorem vitæ rationem esse, quando contemplationi aliquis labor, vel actiosa charitatis negotiatio adiungitur. Posteaque in exemplum adducit Christi ad Domini vitam, quam dicit semper habuisse admixtam actionem aliquam prius quidem in pueritia in laboribus, & ministeriis domesticis parentes juvando, vel etiam eis serviendo: postea vero in prædicatione Evangelii, & conversione animarum. Et postea subdit. *Quid Apostoli, nonne ipsi quoque Dominum suum imitati, nonne assidue in laboribus erant? Animadverte Paulum indivulso laborantem, contentemque itinera facientem, navigantem, pericula advenientem.* Et infra concludit. *Quamobrem præclare is facere existimandus est, qui cum Domini, & discipulorum, atque adeo Apostolorum ipsius, & animi virtutem, & corporis exercitationem sibi smitandam proposuerit, haudquaquam otio marcere corpus finit, sed in optimis assidue officiis illud continet.* Et infra de Domino, Moysē, & Eliā inquit, *Auxiliaria opera corporis animæ virtutem illustriorem* red.

Quid ad-
versarii
responde-
ant ad c.
sata jura.

Refelluntur.

reddiderunt, dum omnibus suis partibus absolvendæ spirituali suæ conversationi operatoriam ejusmodi, & activam vitam, seu sigillum ac clausulam adjecerunt. Et postea addit exemplum Joannis Baptistæ: Qui cum aliquando ex arcano quodam Dei consilio se in solitudine illa tenuisset, in loca culta postea egressus est ibique predicando, & baptizando, quæ munera ipsam etiam rerum actionem attingunt, illa sua demum apud Herodem intrepida sui animi libertate certaminis sui finem invenit.

13 Hinc Gregorius Nazianzenus orat. 20. in magna ejusdem Basilide ponit, quod actionem cum contemplatione perfectissime conjunxit. Et primum ait, præclare reconciliasse ac permiscuisse inter se solitariam ac socialem vitam, quæ inter se dissidere videbantur; Non (inquit) velut muro quopiam interjecto ea distinguens, atque se invicem separans, verum proprie conjungens ac dirimens, ut nec contemplatio communicationis experta esset, nec actio contemplatione careret: sed quemadmodum terra, & mare: ita etiam hæc due vitæ commoda sua inter se communicantes, ad unicam Dei gloriam concurrerent. Hinc idem Gregorius Nazianz. orat. 23. in laudibus Neronis philosophi, & martyris ponit, quod esset virtute dexter, tam quæ in contemplatione, quam quæ in actione versatur. Et infra de eodem refert, cum de genere vitæ deliberasset, eam elegisse, quæ ad multorum utilitatem se diffundit, atque ad divinam dispensationem prope accedit. Quod (dixerat superius) perfectissimi animi, ac sapientissimi esse indicaret, privata utilitatis cum publicis commodis conjunctam habere rationem: neque enim quemquam nostrum sibi soli natum esse, sed omnibus, qui ejusdem naturæ participes sunt. Quæ fuit Platonis sententia, cujus meminit etiam Cicero i. de Officiis. Multaque ad eandem rem sumi possunt ex eodem Nazianzeno orat. 1. ubi ex hujus muneris, & missionis excellentia, exaggetat, quam sit arduum Episcopale munus.

14 Hanc etiam utriusque vitæ permissionem satis commendat Augustinus lib. 19. de Civit. cap. 19. dum ait, perfectam charitatem, & otium amare, & negotium justum suscipere, cum necessitas ita postulat. Neque sic (inquit) quisquam debet esse otiosus, ut in eodem otio utilitatem non cogitet proximi, nec sic actuosus, ut contemplationem non requirat Dei; & lib. 22. contra Faustum, cap. 54. de eisdem vitis agens, ait: Una amatur, & altera toleratur: sed quæ toleratur, ipsa prius, & uberius fecundatur, ut si non propter se ipsam, certe propter filios diligatur. Labor enim justorum maximum fructum habet in eis, quos regno Dei generant, inter multas tentationes, & tribulationes predicando Evangelium. Hic ergo vitæ genus plane anteponit Augustinus.

15 Egregia vero est sententia Isidori li. Differentiarum, in 29. Quibusdam (ait) sola contemplatio proficit, aliis vero sola activa est consolatio: his mediâ utriusque composita utilior est; nam quod Salvator per diem signis, & miraculis in villis coruscabat, activam nobis commendabat vitam, quod vero in nocte per orationes tamdiu pernoctabat, vitam contemplationis significabat; idcirco Dei servus, juxta imitationem Christi, nec actualem vitam omittit, & contemplativam agit. Aliter enim incedens offendit, sicut enim per contemplationem amandus est Deus, per actualem vitam amandus est proximus, ac per hoc sic non possum sine utraque esse vita, sicut sine utraque dilectione. Hæc vero postiora verba intelligenda sunt pro articulo necessitatis proximi: sicut autem ex necessitate Isidorus colligit obligationem; ita ex magna utilitate, quæ respectu totius communitatis est quædam necessitas, infert majorem perfectionem.

16 Eandem omnino doctrinam late commendat & exaggerat Chrysostomus, homil. 34. ad Popul. Hanc (inquit) vitam teneamus, hæc enim est, quæ maxime reducit ad Deum, quæ Christi facit imitatores, & quoad fieri potest, Deo similes reddit: & infra: Sint igitur due optime vivendi viæ, & earum quæ in una bonum facit obivitem, altera vero & proximum Videamus, utra probabilior, & ad virtutis culmen nos magis perducit. Postea vero ita respondet, ut priore comparatione posterioris reprehendere videatur. Igitur (ait) ille, qui sua dumtaxat querit, a Paulo mille accusationes accipiet (cum autem Paulum dixerit, Christum significaverit) hic autem laudes, & coronas: infra vero hoc magis explicans ait: Jejunare quidem, & humi cubare, & exercere virginitatem, &

temperantiam colere, solis hæc obeunibus utilitatem afferunt; quæ vero proximis a nobis exhibentur, ut elemosyna, doctrina, & charitas, hæc & nobis ipsis, & proximis ad quos a nobis transeunt, profunt. Unde infra concludit, qui propter proximi adificationem occasionem martyrii vel differt, vel etiam omittit, magis probari apud Deum. Multa similia habet homil. 36. & 79. & alii Patres frequenter, præsertim Gregor. hom. 5. & in Ezech. & hom. 14. versus finem, & lib. 5. in 1. Regum, c. 4. & lib. 1. Regist. epistol. 5.

17 Possumus præterea veritatem hanc exemplis persuadere. Nam in primis etiam in veteri Testamento, Elias, & Eliseus, qui videntur fuisse vel primi, vel ex præcipuis professoribus vitæ contemplativæ, ita illam professi sunt, ut zelum Dei, & salutis animarum maximum haberent, & ab instruendis populis, & corrigendis vitiis non desisterent, ut patet ex lib. 3. Regum, c. 17. & sequentibus. Postea Joannes Baptista, qui etiam contemplationis arcem ascendit, tempore opportuno ad docendum & prædicandum descendit. Potissimum vero hujus vitæ mixtæ exemplar in Christo Domino conspiciamus, ut sancti allegari sæpe attingunt, & in Evangeliiis compertum est, & in 2. tomo 3. p. disput. 28. late declarabimus. De Apostolis etiam res est manifesta, in illis occupatio erga proximos potissimum videtur habuisse locum, nam ad hoc vocati sunt, ut fierent piscatores hominum, & Christi nomen portarent coram gentibus, & regibus, ac filiis Israel: & in hac vocatione, & munere explendo vitam suam consumperunt. Nihilominus tamen dubitari non potest, quin simul vitam contemplativam summam cum perfectione intenderint: nam in omni perfectione primitias Spiritus habuerunt, & quamdiu cum Christo conversati sunt, in eo genere vitæ ab ipso sine dubio fuerunt instructi; nam cum ipso in horto ad prandium sæpe conveniebant, cum eo in montes secedebant, cum eo pernoctabant in oratione Dei, vel saltem exemplo, & doctrina ad hoc paulatim inducebantur: postea vero ascendente Christo in cælum jussi sunt sedere, & orare, donec induerentur Spiritu sancto: rursus post adventum Spiritus sancti ipsi dixerunt, nos orationi, & verbo instantes erimus, & utrumque suis temporibus exercuisse, sæpe in Actibus Apostolorum legimus. Et Petrus orationi ante prandium vacabat, quando circa vocationem gentium illuminatus est. Paulus etiam de sua excellentissima contemplatione multa narrat in epist. 2. ad Corint. 12. & sæpe aliàs.

18 De aliis item vitis Apostolicis, & sectatoribus Apostolorum res etiam est clara, ut de Basilio, & Nazianzeno terigimus, idemque est de Athanasio, Augustino, & similibus. Quia vero hi omnes Episcopi fuerunt, libet hic commemorare historiam, quam de Eulogio, & Protogene referunt Theodor. lib. 4. Histor. cap. 16. & Nicephor. lib. 1. cap. 23. Illi enim, cum Valentinus Arianum jussu relegati essent in Thebaidem, & plures gentiles, paucos vero fideles ibi esse comperissent, ita proximis subvenire procurarunt, ut Eulogius in cella conclusus dies noctesque totas Deum oraret: Protogenes vero cum esset admirabilis vir, & in literis educatus, cepit docere, & signis, ac doctrina homines ad Christi gratiam perducere. Additque Theodorus, cum tantæ humilitatis fuisset, ut si quem ad recipiendam Spiritus Sancti gratiam induxisset, eum ad Eulogium deduceret, pulsaretque ostium, & oraret: Tum (inquit) ut aperiat, tum ut sigillum dominicum ei, quem verbo Dei ad fidem traxisset, imponat. At cum Eulogius agere ferret, velut precibus interruptis, tum Protogenes: Est, inquit, errantium salus magis necessaria. Additque cepisse omnes mirari Protogenem: Cum enim miracula edere, & tam multis lucem divine cognitionis impartiri cernerent, primas Eulogio concessisse, & eos, quos verbo Dei ceperat, ad illum deduxisse. Merito igitur multo majorem, præstantioremque virtutem in eo esse suspicari sunt. Denique Antonius, & Benedictus duo præclarissima vitæ contemplativæ exempla, quando in illa fuerunt perfectiores, tunc circa salutem proximorum intentius laborarunt. Nam de Antonio refert Athanasius, descendisse aliquando in Alexandriam ad resistendum hæreticis, & nunquam se denegasse multitudini hominum ad se concurrentium, ut omnes doceret, omnibusque beneficeret. Unde esse.

Suffragi-
tur exem-
pla varia
ex sacris
literis.

Item ex
sanctis pa-
tribus.

effectum est (ait), ut post ejus doctrinam omnes diaboli paterent insidias. Quid plura? totius orbis homines ad illum confluxerunt: nullus, se frustra illuc venire conquestus est, omnibus delectabile, atque jucundum laboris commercium fuit. De Sancto autem Benedicto refert Gregor. lib. 2. Dialog. cap. 8. sanctus vir, non solum plura monasteria edificasse, & instituisse, ac docuisse, (quod sine magna actione non fit) sed etiam postea in monte Cassino idolorum templum evernisse, & oppidanos, ac incolas, Christianis præceptis imbuisse. Est ergo hoc genus vitæ ex se perfectius, quod a pluribus, ac majoribus sanctis cultum est.

19 Superest, ut ratione etiam veritatem hanc declaremus. Potest autem ita formari ratio: quia hæc vita mista includit totam perfectionem vitæ contemplativæ, & in nullo eam diminuit, sed potius addit aliquid: ergo est absolute perfectior. Consequentia clara est. Major item est certa, si intelligatur de substantiali perfectione vitæ contemplativæ, quia supponimus illam per se intendi, exerceri, doceri, ac procurari in tali statu, alioqui non erit vita, seu religio mista, de qua disputamus: si vero major illa intelligatur de perfectione quoad gradum, sic pendet ex probatione minoris, in qua est tota difficultas. Probatur ergo minor primo, quia si in aliquo diminuit, maxime quia eo tempore, quo actioni proximorum vacatur, distrabit, & occupat animum, ne actu possit Deum in se diligere; sed hoc in primis non ita est ex vi talis actionis, regulariter, ac per se loquendo: quia illa actio per se includit cogitationem de Deo, & rebus divinis; & saltem secum admittit frequentem ascensionem cordis in Deum; imo, ut recte fiat, illam postulat. Tum ratione debita intentionis, per quam omnis hæc actio ad Dei gloriam ordinatur, & propter ejus purum amorem fieri debeat; ita ut licet proxime sit propter charitatem proximis, hæc eadem charitas proximis sit virtualis quædam dilectio Dei, qui est tota ratio sic diligendi proximum. Tum etiam propter excellentiam ministeriorum, quæ ex divino auxilio maxime pendunt: & ideo ad hoc impetrandum necessarius est frequens ascensus cordis in Deum.

20 Secundo probatur eadem minor, quia esto concedamus hujusmodi actionem pro aliquibus temporibus ita occupare mentem, ut vel actu non feratur in Deum, vel non ita intense: nihilominus inde non fit, ut aliquis detrimentum aliquod patiatur in tota illa perfectione, quam in vita pure contemplativa obtinere posset, ob duas præcipue causas. Una est, quia, moraliter loquendo, imo humano modo, & seclusis specialibus privilegiis, fieri non potest, ut animus hominis continue temporibus omnibus, sine intermissione actu diligat Deum in se ipso, vel quod sit in actuali consideratione ejus, & ideo in omni statu necessarium est aliquod genus actionis, ut omnes Sancti, & Doctores mystici, & in vita contemplativa exercitissimi, docent, ut ex allegatis constare potest. Si autem actualis contemplatio Dei aliquando interrumpenda est, nullo meliori ac fructuoso modo interpolari potest, quam actionibus charitatis erga proximum, & maxime in spiritualibus ministeriis, quæ sunt longe majoris meriti, quam omnes alii actus extra formalem dilectionem Dei, ut ex dicendis a fortiori constabit. Unde licet fortasse contingat occasione horum ministeriorum interruptionem hanc, & temporis occupationem esse aliquantulum majorem, quam esset in alio genere privata actionis, per excellentiam actionum, & ministeriorum erga proximum compensatur, ut ex verbis D. Thom. statim citandis colligi etiam potest.

21 Alia causa est, quia ipsamet privatio dulcedinis contemplationis propter Deum suscepta, seu permixta, est magni meriti coram Deo, adeo ut ipsamet contemplationi illam præferat D. Thomas 3. d. 35. qu. 1. art. 4. quest. 2. dicens: *Quantum ad intensiorem meritum, videtur vita contemplativa majoris meriti illa parte activa, quæ circa sui moderationem studet: minoris autem quantum ad illam partem, quæ profectui aliorum invigilat, quia hoc ipsum videtur esse fortioris charitatis secundum genus, quod homo prætermittit consolatione, qua in Dei contemplatione reficitur, gloriam Dei in aliorum conversione querat: quia etiam in humana amicitia verus amicus querit magis bonum amici, quam de ejus præsen-*

tia delectari. Hinc plurimum commendatur charitas Pauli, qui ad Rom. 9. cupiebat, *anathema esse a Christo pro fratribus suis*: id est (juxta probabilem expositionem) ad tempus privari ejus consortio, & visione, ut fratribus proficeret. Unde clarius ad Philip. 1. dicebat: *Coartor e duobus desideriis habens dissolvi, & esse cum Christo, multo melius: permanere autem in carcere, necessarium propter vos.* Et hoc confidens scio, quia manebo, & permanebo omnibus vobis ad profectum vestrum. In quo ejus excellentia charitatis commendatur, quia bonum proximorum præferebat ei, quod sibi erat melius. Quod notavit Innocent. III. d. cap. *nisi cum pridem*, commendans similiter charitatem S. Martini, qui exemplum Pauli imitatus dicebat: *Domine, si adhuc populo tuo sum necessarius, non recuso laborem.* Est autem considerandum, hos sanctos non solum accepisse carere dulcedine contemplationis hujus vitæ, sed etiam visione patriæ, in quo videtur eorum charitas excellere: nihilominus optimum inde argumentum sumitur, ad participationem illius beatitudinis, quæ in hac vita esse potest. Et ex alio capite videtur argumentum esse efficax a fortiori: quia privari ad tempus æterna beatitudine, licet sit quædam dilatio boni magni, tamen non est carentia alicujus meriti, quin potius inde augetur meritum: & ob dilationem temporalem beatitudinis comparatur æternum augmentum intensivum ejusdem beatitudinis, quod lucrum incomparabiliter majus est. At vero dum homo in hac vita se privat actuali contemplatione Dei propter eundem Deum in proximo glorificandum, non solum patitur dilationem alicujus boni, sed privationem cujusdam magni meriti, ex quo pendet æterna quædam perfectio major beatitudinis, qua perpetuo carebit, nisi meritum illud alia via compensetur: non est autem verisimile privari hominem tanto præmio a Deo ipso propter opus bonum factum in obsequium ejus: ergo ita augetur ex hac circumstantia, & ex tali affectu hujusmodi actus, ut compenset, & superabundanter reficiat jacturam illius boni, quantum spectat ad meritum, & sanctificationem apud Deum.

22 Hinc tertio satis probabiliter possumus eandem minorem alio sumpto principio ostendere, nimirum, opera illa, & ministeria spiritualia circa salutem proximis, suis debitis, & opportunis temporibus, & debito modo exhibita, esse majoris meriti apud Deum, quam esset actualis contemplatio pro eodem tempore suscepta. Hoc autem probatur, quia illud opus est magis meritorium, & ad perfectionem aptius, quod est divinius, & gratius Deo; hujusmodi autem est actio spiritualis erga salutem proximorum ex suo genere: ergo. Probatur minor primo ex Dionys. cap. 3. de cœlesti Hierarch. dicente, *perfectionem esse ad Dei imitationem totis conatibus eniti: quod est præstantius, atque omnibus diviniis, Dei cooperatores fieri, & ostendere divinam in se ipso actionem, secundum quod possibile est.* Intelligit autem de cooperatione Dei circa salutem animarum, ut ibi omnes expositores intelligunt, juxta illud 1. Corinth. 3. *Dei adjutores sumus*: nam hæc propriissime dicitur divina actio. Unde paulo superius dixerat de viris perfectis, *fieri a Deo per lucida specula, & omni labe pura, dignaque, quibus principalis illius ac divina lucis suavissimus radius infuset*: & subdit: *qua ubi indultum si sacratissimum jubar affatim hauerint, hoc ipso postmodum absque invidia sequentibus fundunt, atque in hoc ipso divinis obtemperant legibus*; & cap. 5. de Ecclesiast. Hierar. late ostendit, actiones hierarchicas, quæ in illuminandis ac perficiendis aliis consistunt, esse omnium perfectissimas. Et hac ratione diximus supra cum D. Thoma, ac reliquis Theologis, Episcopalem statum esse omnium perfectissimum: ergo ex suo genere sunt hæ actiones gratiores Deo, ac magis meritorie: ergo ex participatione illarum non potest religiosus status in perfectione minui, sed potius augeri. Hoc etiam confirmat Gregor. homil. 12. in Ezech. circa finem dicens: *Nullum sacrificium esse Deo magis acceptum, quam sit zelus animarum.* Unde lib. 6. epist. 5. aliàs cap. 169. *Si unigenitus (inquit) Patris pro explenda utilitate omnium de secreto Patris egressus est ad publicum nostrum, nos quid dicturi sumus, si secretum nostrum præponimus utilitati proximorum?* Atque hoc ipsum ad perfectionem charitatis Dei pertinere ostendit ex interrogatio-

Suadetur
tandem
ratione.

Causa una
est actio
non impe-
diat perfec-
tionem
contem-
plationis.

nibus Christi ad Petrum, *Amas me, Pasce oves meas*. Nam qui renuit pascere cum possit, indicat se non perfecte amare. Similia habet 1. p. Pastor. cap. 5. Et Chrysost. lib. 2. de Sacerdot. eandem Christi interrogationem ita expendit. *Atqui illi quidem licebat verbis huiusmodi Petrum affari. Si me amas Petre, jejunia exerce, super nudam humum dormi, vigila continenter, injuriam passis patrocinare, orphanis patrem te exhibere, vidue item te maritorum loco habere*. Quod postea late declarans ait, in hoc demonstrari excellentiam, & perfectionem actionum, quibus salus animarum procuratur, quod illæ maxime sunt conjunctæ charitati Dei: quod licet ab ipso dictum sit de pastoralis muneris & actione ejus, cum proportionem habet locum in statu religioso participantem onera illius muneris ex vi institutionis suæ.

23 Ratione possumus hoc ipsum declarare ex D. Thomæ in 3. d. 30. quæst. unica, art. 4. ad 2. ubi sic inquit: *Dilectio Dei & proximi, quantum ad actum interiorem, ad vitam contemplativam pertinet, unde Grego. homil. 14. in Ezechiel. dicit, quod contemplativa vita insit dilectioni Dei & proximi: sed quantum ad actum externum, utraque ad vitam activam pertinet, quævis huiusmodi actus in proximis expendantur, quia Deus operum nostrorum non eget*. Hinc ergo argumentum conficitur, quia hæc ipsa ministeria, quæ in salutem proximorum sunt, sunt actus externi non tantum dilectionis proximi, sed etiam Dei: ergo ex suo genere sunt magis meritorii, quam pura interna contemplatio. Antecedens pater ex citatis verbis D. Thomæ. Et ratione, quia per illos actus directe quaeritur gloria & honor Dei: & ideo tales actus non tantum imperative, & remote possunt esse a dilectione Dei, sicut actus elemosinæ corporalis, vel alii similes; sed proxime & quasi elicitive sunt nati fieri ex dilectione Dei, quia velle, & procurare quodlibet bonum Dei, siue internum, siue externum, opus formale est amicitiae erga Deum: gloria autem & honor Dei est quoddam bonum externum ejus: ergo hæc procurare est officium proprium dilectionis Dei; sed hæc gloria, & honor Dei existit in honorantibus, & glorificantibus ipsum: ergo non potest aliter quaeri, quam illuminando, & convertendo homines ad ipsum: ergo actiones, per quas hoc fit, per se, ac directe sunt opera externa amicitiae in Deum: sunt ergo proprii actus externi dilectionis Dei, licet simul esse possint actus dilectionis proximi, si bonum illud consideretur ut intrinsecum ipsi proximo. Prima vero consequentia probatur primo, quia, moraliter loquendo, amor Dei quo est efficacior, eo est melior, & magis meritorius: amor autem, qui non sistit tantum in interiori affectu, sed prodiit in exteriores effectus adeo perfectos, est magis efficax: ergo.

24 Dices, actum externum nihil addere interiori. Respondeo primo, quando exterior actus requirit novum interiorem actum, multum addere; ita vero est in præsentia: nam amor, qui sistit in pura contemplatione, non parit voluntatem efficiendi talia opera, quibus glorificetur in hominibus Deus; amor autem, qui progreditur ad hanc actionem, parit hanc voluntatem, quam ipsamet charitas Dei elicit. Quod si dicas, etiam pure contemplativum posse habere illam voluntatem per desiderium internum, & complacentiam in illum actum tanquam in objectum quoddam pertinens ad Dei amorem. Respondeo, longe diversum esse vel se illud objectum ut per me exercendum, & efficiendum, quod est longe difficilius, & majus officium amicitiae. Unde non est dubium, quin talis voluntas longe sit magis meritoria. Quod si contemplativus extendat suum desiderium ad illud objectum etiam sub tali ratione, aut desiderium est inefficax, & sic non est comparabile cum alia voluntate efficaci; vel est efficax, & sic desinet esse pure contemplativus, & transiet ad actionem, quantum sibi possibile est: ergo per se vita includens illam actionem melior est, magisque perficit, & exequitur amorem amicitiae erga Deum. Nec potest poni inæqualitas in intentione, & ardore affectus, nam hæc est per accidens, & de se potest esse major in amore operativo: sicut erat in Paulo, cum dicebat: *Quis nos separabit a charitate Christi?* Imo

quoad hoc, moraliter loquendo, multum solet addere actus exterior interiori, quia & requirit majorem & efficaciorum affectum: & solet esse occasio, ut magis ac magis accendatur, utque in eo diutius perseveretur.

25 Aliunde vero amor etiam in proximum est major, adjuncta actione huiusmodi, quam in pura contemplatione, ut facile potest eodem discursu ostendi: quia talis actio est actus externus amoris proximi, qui adjunctus interno amoris augeat perfectionem, & meritum, quod in amore proximi ut sic esse potest. Unde etiam concluditur, hoc genus vitæ absolute & simpliciter magis perficere charitatem secundum integram rationem amicitiae, quam includit in ordine ad Deum, & proximum, quia unite (ut sic dicam) & internum amorem, & externum beneficium seu obsequium amplectitur, simulque eisdem actionibus utriusque bonum, vel honorem, aut gloriam, vel commodum ac salutem procurat; & qui eam proficitur, ob hanc causam laboribus, & periculis se exponit, propriaque consolatione, ac suavitate quietioris contemplationis se privat. Cum ergo perfectio vitæ Christianæ in perfectione charitatis consistat, erit sine dubio hoc genus vitæ perfectius ex genere suo. Accedit præterea, quod ipsemet amor Dei, ex hac extensione ad proximum perficitur, sicut dixit D. Thomas 2. 2. q. 27. art. 8. dilectionem proximi propter Deum, perfectiorem esse dilectione solius Dei, quia illa includit ipsius Dei dilectionem, & addit dilectionem Dei in obsequium ipsius Dei, & implementum voluntatis ejus. Et in 2. 2. quæstione 184. art. 7. ad 2. addit egregie idem D. Thomas, *hoc esse majoris dilectionis signum, ut homo propter amicum etiam aliis serviat, quam si soli amico velit servire*. Eandem sententiam habet opuscul. 18. c. 18. per quam ipse declarat statum prælatorum esse perfectiorem: idem autem est, ut sæpe diximus, de religione participante illum statum, quoad ministeria, & actiones, quæ circa proximi salutem versantur.

26 Dicit fortasse aliquis, cum, qui contemplativam vitam pure proficitur, non carere benevolentia, & beneficiis proximorum, sed efficaciori, & securiori modo illis prodesse. Hoc intelligere licet ex Richardo de S. Victore super Cant. par. 2. cap. 8. ubi agens de excellentia vitæ contemplativæ, ait excellentius extendi ad proximos, quam per actionem: *Ad hos* (id est, ab beatis sanctos,) *inquit, contemplatione transfusa sponfa, & apud hos proximorum curam secum transfudit, cum his ante Deum eorum causam intus agit*: & infra; *Bona quidem sollicitudo, & turbatio carnalis*, (scilicet per actionem,) *sed melior & sublimior circa plures occupatio, & cura spiritualis* (scilicet per orationem) *ut pote tam Deo, quam cælestibus civibus, familiaris, & permanens, ac secunda magis*: & infra. *Hujus messis partem occupat activus exteriori ministerio, sed contemplativus totam messem occupat orationis auxilio*. Hanc etiam Dionys. Charrthuf. de vita solitaria art. 22. monet, ut vitæ contemplativæ dediti quotidie pro proximis orant, *ne a tanta perfectione sint alieni*. Hoc ergo modo excellentiori compensatur ille excessus, & alioqui eminet in multis contemplativa vita. Accedit præterea, quod, regulariter loquendo, non solent homines ex plenitudine contemplationis descendere ad actionem: sed potius ex tædio internæ quietis, vel saltem ne tædio afficiantur: & ita non assumuntur actio ex illa contemplatione perfectissimæ charitatis, sed potius in remedium humanæ fragilitatis.

27 Ad priorem partem responderetur in primis, non parum commendari perfectionem vitæ mixtæ, cum illius participatio aliqua contemplativo necessaria sit, ne tanta perfectione omnino careat. Ubi etiam intelligeretur, cum mens contemplantis descendit ad compassionem proximi, & ad orandum pro illo, non cadere ab optima via exercendi, vel perficiendi charitatem, quia in eo non recedit a perfecta charitate Dei, sed illam quodammodo amplificat, & extendit; ita ergo qui ad actionem ex eodem motivo descendit, nihil per se impeditur a perfectione charitatis, sed potius in ea promovetur. Unde secundo dicitur, optimum esse auxilium orationis, sed non sufficiens; necessarium est enim orationi opus adjungere: quia Deus decrevit non per se solum tantum, sed per homines salutem hominum operari, & ideo necesse est non solum

Progreditur eadem diversæ ratio.

Vita mixta perficitur charitatem etiam in ratione amicitiae.

Obi citur contra prædicta, ex Richardo, & Charrthufano.

Item ex defectu humane fragilitatis.

Infractis removere.

sum oratores, sed etiam cooperatores Dei fieri in salute animarum, & hoc (ceteris paribus) perfectius est, quia Deo similis, & quia priorem modum auxiliandi per orationem non excludit. Unde Carthus. supra monet solitarios non solum, ut orent pro aliis, sed etiam ut ad se venientes prudenter, & fervide ad Dei obsequium exhortentur. Et Richard. ibidem subdit, modum illum juvandi proximos per solas orationes esse imperfectum, *quos exterior occupatio cito immutat, & desinit*; significans, a perfectioribus viris majus auxilium postulari.

Ad defectum humanæ fragilitatis respondetur.

28 Ad alteram partem primum dicitur cum D. Thoma opuscul. 19. cap. 27. hic non considerari personarum imperfectionem, sed naturam, & perfectionem status, cui particularium personarum imperfectio nocere non potest. Deinde dicitur, si hæc non speculative, sed practice ac moraliter considerentur, necessarium esse homini internum otium externa aliqua actione interrumpere, & ideo optimum esse vitæ genus, in quo utrique parti optimum otii, & negotii, seu actionis genus consignat: primo quidem ac per se propter majorem charitatis perfectionem procurans; secundo vero etiam in illa varietate infirmitati hominum prospiciens. Si ergo particulares personæ cum hac moderatione utrumque intendant, nihil a perfectione deficiunt: si autem plus nimio actioni se tribuant obædium contemplationis, imperfectioni eorum, non ipsius status tribuendum id est.

29 Hæc sunt, quæ in comparatione hac præsentis capitis in favorem utriusque partis afferri posse videntur: in quibus sine dubio graviora, & majoris ponderis sunt, quæ hanc posteriorem partem a n. 8. hucusque persuadent. Ut autem quod suum est unicuique parti tribuam: assero in primis, ex suo genere securiorem esse contemplativam religionem, ab externis actionibus erga proximos, & ab eorum consortio, & conversatione separatam, Hoc probant rationes in favorem prioris sententiæ a num. 2. adductæ. Faveretiam usus Pontificum permittentium transitum ab aliis religionibus etiam mistis, & in eo gradu, quantumcumque perfectis, ad ordinem Carthusiensem, qui pure contemplativus est; fundati enim videntur saltem in majori securitate illius status, quamvis multi existiment etiam esse fundatos in majori perfectione, vel arctitudine, quos infra lib. 2. c. 4. referemus, tractando de illo ordine in particulari, nunc enim necessarium non est. Tandem explicatur, quia in eo statu ex vi ipsius, minores sunt occasiones peccandi, quæ magna ex parte oriuntur ex communicatione cum hominibus. Unde ex hoc capite etiam est aptior ad crescendo in charitate, & perfectione, quia magis separata est ab exterioribus curis, majusque habet otium ad vacandum Deo, unde minores habet etiam occasiones distractionis per sermonem, per sensus, & alia phantasmata.

30 Nihilominus assero secundo, religionem mistam, quæ cum contemplatione intendit actionem circa spirituales salutem proximorum, ex suo genere meliorem, & perfectiorem esse. Hoc probant efficaciter fundamenta secundæ sententiæ a num. 8. posita, & declaratur in hunc modum: quia in hoc statu sunt plures occasiones exercendi simul cum charitate plures, & excellentiores virtutes: est etiam commoditas consequendi majorem Dei cognitionem, & exercendi altiori modo charitatem ejus: sunt etiam plures occasiones sustinendi labores, vel patiendi mala propter ipsum. Unde excessus, qui consideratur in priori statu, est solum (ut ita dicam) in causalitate per accidens, removendo scilicet magis impedimenta; excessus autem hujus status est in causalitate per se, præbendo scilicet materiam, & opera majoris meriti, & media sufficientia ad illa perfecte præstanda. Nec vero deest in hoc statu providentia sufficiens ad cavenda pericula; nam in primis licet non tollat omnes remotas, & humanas occasiones, fugit tamen morales, & quæ prudenti providentia præveniri possunt, & media etiam providet, quibus ordinariæ etiam occasiones levium culpatum, vel distractionum, quæ ex conversatione cum hominibus etiam religiosa frequenter oriuntur, vel superentur, & vincantur, vel certe aliquo majori fructu compensantur.

31 Ultimo assero hanc comparationem solum fieri ex genere, quantum est ex parte finis utriusque status: nam in particulari fieri potest, ut religio pure contemplativa superet mixtam, si hæc vel in fine ipso minus participet de contemplatione, quam ad exactam perfectionem necessarium est, vel media non habeat perfectio fini accommodata. Hoc facile intelligi potest, primo ex vulgari comparatione virtutum, seu actuum humanorum, in qua constat aliquid ex genere suo perfectius, posse in individuo, vel in specie esse minus perfectum propter materiæ, vel differentiæ contrahentis conditionem. Secundo ex rationibus factis a numero 2. pro priori sententia: nam contemplatio per se finis est perfectior, quam actio; & hæc ratione religio pure contemplativa præfertur puræ activæ; ergo quamvis actioni misceatur contemplatio, potest mixtio tam imperfecta esse, ut etiam ex parte finis status ille mixtus minus perfectus sit: potest autem id contingere dupliciter, scilicet, vel quia actio ad opera tantum corporalis misericordiæ pertinet, quæ minus perfecta sunt, & magis animum ab interna contemplatione avocant; vel, quia de usu & institutione vitæ contemplativæ modicum quid participat, de actione autem multum, unde facile fieri potest, ut interior devotio, & fervor spiritus impediatur. Tertio licet finis religionis perfectus sit, potest totus status deficere ab excellentia perfectionis in proportionem mediorum; nam ut recte dicit D. Thom. 2. 2. quæstione 188. artic. 6. & opuscul. 19. contra impugnantes religionem cap. 1. excellentia religionis non consistit tantum in fine, sed etiam in mediis, quod etiam est per se manifestum ex generali ratione moralis prudentiæ, quia inordinatum est finem intendere per media non proportionata. Quod si media sint proportionata ad assequendum aliquo modo finem, non tamen ad consequendum perfecte, & exacte, tunc licet finis in se valde perfectus sit, nihilominus in tali statu, & per talia media non intenditur totaliter (ut sic dicam), & ideo non significat illum statum adæquate quantum ipse finis est, seu potest, sed quantum attingitur per talia media, & ideo ex improprietate mediorum potest esse minus perfecta religio, quæ finem habet in se perfectiorem. Quod tamen est verum comparando potius religionem mixtam ad contemplativam, quam comparando mixtas inter se, vel contemplativas etiam inter se; & ideo licet in genere possint hæc comparationes fieri sine periculo, & offensione, in particulari cavendæ sunt tum propter vitandam offensionem, tum etiam, quia difficile est singula media uniuscujusque religionis expendere, & cum aliis conferre.

32 Unum tamen possumus hic generatim advertere, scilicet in mediis duplicem bonitatem posse spectari; Observatio pro melianda perfectione religionis ex majori proportionem mediorum ad eundem finem.

unam, quam habent ex propriis objectis, & quatenus sunt actus talium virtutum, temperantiæ, pœnitentiæ, &c. aliam, quam habent in ordine ad finem consequendum, quæ solet *utilitas* appellari. Supposita ergo majori perfectione finis major etiam perfectio mediorum magis spectanda est sub hac posteriori consideratione, quam sub priori, quia perfectio rei consistit in consequutione finis; si ergo finis est perfectior, illa media, quæ juvant ad perfectiorem illum consequendum, magis ad perfectionem simpliciter juvant, etiam si ex propriis objectis tantam perfectionem non habeant, nam per illa perfectius attingitur talis finis. Unde si fuerint illi adæquata, & quasi totaliter illum attingentia, erunt perfectissima, quidquid sit de alia bonitate, quam ex objecto habere possunt. Hinc paupertas est aptissimum medium ad perfectionem, etiam si ex objecto specialem honestatem forte non habeat, & intra latitudinem paupertatis major paupertas potest esse melior ad unum finem, & minor ad alium; quod si finis fuerit perfectior, & minor paupertas ad illum fuerit utilior, illa magis conferet simpliciter ad majorem perfectionem. Idem prorsus est de austeritate vitæ: est enim optimum medium ad perfectionem tam propter honestatem intrinsecam, quam propter utilitatem ad extrinsecos fines, & interdum potest major austeritas esse utilior ad unum finem, & minor ad alium; si tamen finis sit perfectior, illa austeritas erit simpliciter melior, quæ ad illum finem perfectius consequetur.

sequendum aptior fuerit, etiam si in se, & circa suam materiam minor sit, propter rationem factam. In universum tamen loquendo, si cetera sint paria in fine, & in proportionem, ac utilitate mediorum ad finem, illa religio perfectior erit, quæ majorem etiam vitæ austeritatem observaverit, vel quæ habuerit media ad finem æque utilia, & ex objecto meliora, quia nunc in aliquo superat, & in nullo superatur.

CAPUT VII.

Utrum convenienter dividatur religio in Monachorum, & Clericorum.

Partis quæ-
gantis
arg.
Ratio dubitandi est, quia vel illa duo membra distinguuntur in solo habitu, vel in vitæ instituto. Primum non satis est, quia habitus non facit religiosum. Secundum non videtur habere locum, quia vel nomen *clerici* generaliter sumitur, prout commune est personis Ecclesiasticis, etiam si substantialia vota religionis non habeant, & hoc modo licet status clericorum possit dici religiosus, lata quadam significatione, non tamen propria, ut nunc loquimur. Vel nomen *clerici* sumitur pro illo, qui simul cum statu religioso clericalem ordinem habet, & sic omnis religio monachorum est religio clericorum, quia in ea sunt plures religiosi Clerici, imo illa est præcipua pars cuiuscumque religionis, & ad illum statum fere omnes religiosi tendunt; ergo non recte distinguitur religio monachorum a religione clericorum.

Asertio
affirm.
2 Nihilominus dicendum est primo, recte distingui religiosum statum in clericalem, & monachalem; nam in primis constat ex jure, & Patribus, plerisqueque religiosos propriissime monachos esse & appellari: hoc constat tum ex etymologia vocis, *Monachus*, quæ solitudinem, atque adeo statum perfectionis indicat, c. de presentium 16. q. 1. ubi per totam illam questionem varia jura, & Patrum testimonia afferuntur, ex quibus constat monachorum statum, & vere religiosum esse, & distinctum non solum a communi cœtu fidelium, sed etiam a statu clericorum, adeo ut olim monachi ad clericorum munera, & ordinationes regulariter non admitterentur, sed solum ex speciali causa, aut necessitate, c. si quis, & c. si quem, c. cum pro utilitate, & c. nec pro 16. q. 1. Et idem constat ex Siricio Papa epistol. 1. c. 9. & 13. & ex Hieronymo epistol. 4. ad Rusticum, & in epistol. ad Joannem Hierosolymitanum, quæ est Epiphani, & ex Palladio in historia Lausiaca c. 20. & 59. imo etiam ex Dionysio c. ultimo de Ecclesiastica hierarchia. Est etiam de hac re optimus Ambrosii locus lib. 3. epistola 25. ad Vercellen. Ecclesiam postmodum qui pro comparatione horum membrorum valde notandus est, & infra verba referam in fine capitis. Qui status duravit fere usque ad tempora Gregorii, qui lib. 4. epistol. 44. monachos promoveri ad ordines post præfixa a sacris Canonibus tempora statuit, & postea in Clementina 1. de statu monach. §. *Ad ampliationem* specialiter statutum est, ut ad ampliationem divini cultus monachi ad admonitionem Abbatis se faciant ad omnes ordines sacros promoveri. Hoc vero quasi superadditum, vel immutatum fuit in statu monachali; unde in vita Pachomii c. 25. apud Surium 14. die Maii refertur, non fuisse solitum sustinere inter suos aliquem, qui ordinationem fuisset consequutus, ad tollendam ambitionem, & consequenter lites ac dissensiones; *Quomodo enim* (inquit) *minima ignis scintilla, si in aream inciderit, nisi cito extinguatur, saepe perdit fructus totius anni, ita etiam principatus ambitio, vel clericatus cogitatio, si inciderit in monachos, nec cito extinguatur, facile corrumpit universum laboris exercitationis.*

A quo te-
pore cœ-
perint
monachi
commu-
niter fieri
clerici.
3 Constat deinde fuisse semper in Ecclesia statum aliquem religiosum per se ac ex proprio instituto clericorum, id est, sub tribus consiliis ac votis perfectionis, destinatum ad propria clericorum ministeria, vel in divino cultu, vel etiam in salute animarum procuranda. Hunc enim fuisse Apostolorum statum, ex discursu hujus materiæ constat; ostendimus enim tom. superiore illos tria substantialia vota religionis emisisse, non quidem ad monasticam, vel Eremiticam vitam agendam, sed Apostolicam, & clericalem, ad quam profectam a Christo vocabantur, quod latius infra expli-

Suarez Tom. XV.

catum sumus tractando de religione Societatis lib. 1. c. 5. Unde merito dicere possumus primam religionem clericorum ab ipso Christo fuisse & institutam, & congregatam ac probatam. Satisque verisimile est, religionem illam non perisse cum Apostolis, sed continua successione fuisse in eorum successoribus ac discipulis conservatam. Quod significavit Urbanus Papa in cap. *scimus* 12. q. 1. ubi ait, vitam communem inter Christianos usque ad sua tempora viguisse, præsertim inter eos, qui in sortem Domini sunt electi, id est, clericos; & idem colligitur ex c. *duo sunt*, c. *quia*, c. *dilectissimis*, cum aliis, eadem causa, & questione; ubi inter alia Clemens 1. epistola 5. sic inquit: *Communis vita omnibus necessaria est, & maxime his, qui Deo irreprehensibiliter militare cupiunt, & vitam Apostolorum, eorumque discipulorum imitari volunt.* Unde in vita Augustini refert Possidonius c. 5. factum presbyterum intra Ecclesiam mox instituisse monasterium, & cum Dei servis vivere cœpisse secundum modum, & regulam sub sanctis Apostolis constitutam. Atque ita multi sentiunt clericorum, seu canonicorum regularium ordinem non fuisse primum ab Augustino institutum, sed vel reformatum, vel in Africam deductum, & peculiari regula instructum, ut in sequenti libro c. 8. iterum attingemus, & latius prosequitur Joannes Trullus lib. 1. de ordine canonicorum regularium c. 2. & 3. & attingit Navar. in Commentario 4. de regular. n. 3. & sequentibus, ubi ex Pio IV. probat religionem clericorum ab Apostolis fuisse institutam, quod etiam confirmat Benedictus XII. in præfatione ad constitutiones canonicorum regularium. De hac igitur re dubitari non potest, neque etiam est dubium de conservatione hujus status a temporibus Augustini usque nunc, quamvis sub magna varietate, ut postea citato c. 8. & 9. attingemus.

4 De tempore vero, & successione continua hujus status religionis a temporibus Apostolorum usque ad Augustinum, non invenio seriem historiarum omnino certam, ut id affirmare possim; quamvis ex decretis Pontificiis, quæ retuli, verisimillimum sit, nunquam hoc vitæ genus in Ecclesia, & ejus clero defuisse. Ut enim bene notavit Soto lib. 10. de iustitia q. 4. art. 3. quamvis in initio Ecclesiæ omnes clerici profiterentur vitam communem & religiosam; postea crescente clericorum numero, non omnes illum statum amabant, ad quem non ex necessitate tenebantur, sed consilio invitari debebant, ut tandem sensit Augustinus. sermon. 2. de communi vita clericorum, & habetur in c. *certe* 12. q. 1. Semper tamen observatum videtur, non solum usque ad Augustinum, sed etiam usque ad Gregorium, ut a singulis Episcopis collegia aliqua clericorum instituerentur, qui communem, & religiosam vitam observarent, ut patet ex responsionibus ad Augustinum c. 1. & 2.

5 Ex his ergo satis constat esse, ac fuisse semper in Ecclesia dictos duos ordines Religiosorum clericalem scilicet, & monachalem. Necessarium autem est, ut propriam inter eos differentiam explicemus, ad quod necesse est ea, quibus conveniunt, supponere. Sunt enim in primis ea omnia, quæ ad substantiam religiosi status pertinent, alioqui veri religiosi non essent, quod est manifeste factum, ut constat non solum ex eorum institutis, sed etiam ex communi jure, ut patet ex c. *quod Dei timorem*, de statu monachorum; ubi Innocent. III. inquit, regulares Canonicos a monachorum sanctorum consortio non reputari se junctos; quod eandem rationem, & veritatem habet in omnibus Clericis regularibus; & idem habet Nicolaus Papa c. *præfatus* 20. q. 3. & res ipsa, seu convenientia in votis constat ex cap. *cum in Ecclesiis*, de majoritate, & obedientia, & ex c. *super*, & c. *cum ad monasterium*, de statu monachorum. Conveniunt deinde in multis accidentalibus conditionibus religionis, ut v. g. in vita communi, & in ordinaria institutione, & observantia vitæ religiosæ, juxta modum unicuique statui accommodatum; & sic dixit D. Thom. opuscul. 19. cap. 2. canonicos regulares, & monachos ad paria censeri in his, quæ sunt communia omni religioni, ut sunt vivere sine proprio, abstinere a negotiationibus, & officiis secularibus. Præterea si in communi loquamur, possumus tam monachi, quam clerici religiosi convenire in aliquo fine, & scopo talis status; nam utrique

Ab Apo-
stolis cœ-
pit cleri-
corum re-
ligio.

Vide Aug-
ustinum
Licinen-
sem pro-
pugnacu-
lo Cano-
nici ordi-
nis, p. 4.
6. 4.

An usque
ad tempo-
ra Augu-
stini con-
tinue du-
raverit.

Prima c. 6.
venientia
inter mo-
nachale,
& clericale
item relig.

2. Conve-
nientia.

R

possunt

possunt intendere vitam pure contemplativam, ut notavit D. Thom. 2. 2. q. 189. art. 7. ad secundum, & consequenter possunt etiam in multis mediis convenire, ut in exercitio orationis, ac psalmodiæ; & hoc modo sunt nunc in Ecclesia religiones contemplativæ, non tantum monachorum, sed etiam clericorum.

6 Prima ergo differentia inter hos duos status esse videtur, quod religio clericorum per se ordinatur ad ea, quæ aguntur in divinis ministeriis, non autem religio monachorum; quam insinuat D. Thom. in dicta solutione ad 2. & rationem reddit, quia prior est per se religio clericorum, ad quos spectant ea, quæ pertinent ad divina ministeria; ad religionem autem monachorum per se non competit, ut sint clerici, ut habetur in decretis 16. q. 1. Quæ differentia assignatur a D. Thom. inter has religiones, etiam ut profitentur vitam pure contemplativam: extendi tamen potest ad eandem, si participant vitam activam; nam religio per se ordinari potest ad ministeria spiritualia, quæ circa proximos exercentur, & sunt etiam clericorum propria; & ideo talis religio dici potest per se, & ex vi sui finis esse clericorum; non autem monachorum, cum per se clerici non sint, quod significavit idem D. Thom. opusc. 19. part. 2. cap. 2. dicens, dato, quod monacho docere non liceat (scilicet per se & doctrina prædicationis) non sequitur, quod Canonicis regularibus non licet docere, cum canonici regulares inter clericos computentur, juxta August. in sermone de communi vita clericorum. Non repugnat autem, quod religio monachorum ad hos fines extendatur, ut eisdem locis docet D. Thom. & ex dicendis seq. constabit, sed differentia quasi formaliter constituitur tam ex parte finis primario intenti, quam ex parte conditionis per se requisitæ in ipsis personis, scilicet, status religiosi.

7 Et ex hac differentia in fine sequitur secunda differentia in mediis, quæ semper esse debet fini accommodata; nam monachorum status, sicut per se non requirit clericatum, & proprias actiones ejus, ita neque illa studia, quæ ad tales actiones clericales probe exercendas necessaria sunt, quibus tamen maxime indigent clerici regulares, non minus quam seculares, proportionem servata ad suum finem. Nam religio clericorum, quæ per se solum vacat contemplationi, & divino cultui in in sacris mysteriis, minus sunt necessaria studia per se loquendo, quam religioni clericorum, quæ ad spirituales actiones circa proximos per se ordinatur.

8 Hinc etiam differunt tertio in habitu; nam religiosi, qui clericale munus per se profitentur, clericalem etiam habitum aliquo modo retinere debent, ut habitus cum statu & vita concordet; monachi vero peculiarem habitum, seu cuculam, (hæc enim omnibus communis est) sortiuntur, & ita in canonicis regularibus servatum semper fuisse colligitur ex cap. mandamus 19. quæst. 3. ubi cucula distinguitur ab habitu canonici regularis, & ita observari videmus in Hispania præsertim; nam in Italia, aliqui eorum dicuntur clericalem habitum in monachalem transformasse, ut videri potest in Trullo lib. 1. cap. 29. nu. 10. Idem vero observant alie religiones clericorum, ut Societas Jesu, & ordo clericorum, qui Theatini vocantur, & alii, de quibus infra fiet mentio.

9 Et hinc oritur quartum discrimen, nimirum, ut vita monachorum regulariter, seu ex suo genere austrior sit, quam regularium clericorum in his, quæ pertinent ad corporis tractationem, ut sunt victus, vestitus, lectus, & similia. Hoc etiam constat ex praxi, & comparando Canonicos regulares cum proficientibus regulam S. Benedicti id affirmat Bernard. de pist. 3. Et generalis ratio esse potest, quia hoc genus vite debet esse proportionatum, & exteriori habitui, & aliis personis clericalem statum, qui per se etiam sanctus, & religiosus est, proficientibus. Unde D. Thom. in dicto opusc. 14. tanquam differentiam certam inter canonicos regulares & monachos supponit, quod Canonici non tenentur abstinere a lineis indumentis, a quibus monachi abstinere tenentur. Similiter usus carnum prohibetur monachis, in cap. ad monasterium, qui non prohibetur clericis regularibus aliquo jure, nec per August. regulam, nec per eorum constitutiones communiter loquendo de ordinibus clericorum, quantum nobis cõ-

stare potuit. Et ob hanc rem putant aliqui dictum esse ab Innoc. III. in d. cap. quod Dei timorem, regulares canonicos sub laxiori regula militare, scilicet quantum ad jejunia, indumenta, & alias corporis austeritates, non vero quoad spirituales actiones, & opera perfectionis. Addo vero non oportere dictum illud Innoc. extendere ad omnes religiones clericorum; nam Innocen. tantum loquutus est de regula, & modo vivendi Canonicorum regularium, quæ suo tempore vigeat; status autem clericorum regularium, ut sic, non postulat necessario laxam, vel laxiorem regulam etiam in austeritatibus corporis, quantum ad finem suum expediens fuerit.

10 Tandem ex his differentiis, quæ ad rem aliquo modo spectant, orta est in nominibus diversitas. Nam nomen *Monachorum* juxta frequentiore usum non tribuitur clericis regularibus, & consequenter nec nomen *Fratrum*, quod vulgo monachis accommodatum est, quia secundum primævum jus, & institutionem, monachi a clericis condistinguebantur, 16. q. 1. per multa capita, & ideo ubi jura, præsertim odiosa, comprehendere volunt omnes religiosos, vel non loquuntur de monachis, aut clericis, vel Canonicis regularibus, sed simpliciter de regularibus, ut Conc. Trid. sess. 25. cap. 1. de regular. & seqq. quæ vox universalis est; vel utrosque in specie nominant, ut in Clement. 1. de statu Monach. ibi: *Monachos vel canonicos regulares*; & cap. cum singula, de præbend. in 6. ibi: *Ne aliqui Monachi, vel religiosi alii*, &c. Dixi autem præsertim in odiosis; quia in favorabilibus, vel in his, quæ per se solum respiciunt substantiam, vel decentiam status religiosi, ampliari solet nomen *monachorum*, ut comprehendat etiam clericos regulares, ut constat ex cap. ex parte, de postulando, & indicatur in cap. post translationem, de renunciat. & notantur Glos. Panorm. & alii super hæc jura, & Navar. Comment. 3. de regular. nu. 4. & 41. August. Ticinensis in propugnaculo Canonici ordinis 4. part. cap. 12. & Joan. Trullo in ordine Canonicorum regularium lib. 1. cap. 29.

11 Atque ex his satis constat, quæ sit differentia inter illa duo membra, tam in re, quam in nomine. Constat etiam divisionis sufficientia; necesse est enim omnem religionem per se ordinari aut ad ministeria clericorum, aut contentam esse operibus, & modo vivendi laicis accommodato, neque inter hæc duo potest inveniri medium; ergo cum illa membra per hos fines distinguantur, sufficienter exhauriunt divisionem. Posset autem aliquis tertium membrum excogitare religionis mixtæ, & participantis utrumque finem, seu utraque opera; sed non oportet nobis uti nominibus præter communem usum; nam omnes religiones, quæ cogitari possunt mixtæ, illo modo appellatione *monachorum* veniunt, ut ex seq. capite constabit.

12 Superest, ut de comparatione horum membrorum pauca dicamus; possunt autem in antiquitate, vel in perfectione comparari. De priori comparatione jam dictum est, verisimile videri esse æqualem quoad originem: nam initio Ecclesiæ utriusque sufficientiæ indicia, & vestigia inveniantur. Quod si in hoc aliqua earum præferenda, plane illa est religio clericorum, quia certius est collegium Apostolicum fuisse religiosam quandam communitatem, quam quod viventibus Apostolis monachatus inceperit; nam primum ex Evangelio, & ex Patrum traditione constat; secundum autem licet ex Dionysio, Philone, Eusebio, & aliis antiquis historicis fiat sufficienter fide dignum, non tamen æque certum. Est autem eodem modo certissimum, collegium illud Apostolicum constituisse religionem clericorum, non monachorum, quia fuit ille status per se primo ordinatus ad clericorum ministeria, ut supra tactum est, & tractando de Societate magis explicabitur.

13 Quod si quis dicat totam Ecclesiam in suo initio fuisse veluti quandam monachalem religionem, quando scilicet omnes fideles habebant omnia communia; ita enim de illo statu Sancti loquuntur, ut patet ex Chrysostom. lib. 3. contra vituperatores vitæ monasticæ, & Ilidoro lib. 2. de officiis Ecclesiasticis cap. 15. & aliis supra citatis, propter quod dixisse videretur Bernard. Apologia ad Guillelmum Abbatem, versus finem, suum ordinem, id est, monasticum, primum in Eccle-

3. Differ.
inter eas-
dem reli-
giones ex
finibus.

5. Differ.
ex nom-
inibus.

2. Differ.
ex mediis.

Conclu-
ditur in-
stitutum
de disti-
ctione, &
sufficien-
tia mem-
brorum
datæ divi-
sionis.

3. Differ.
ex habitu.

Compara-
tio utrius-
que mem-
bri quoad
antiqui-
tatem.

4. Differ.
ab auste-
ritatibus
corporis.

Obiectio
pro anti-
quitate
monacha-
tus.

Ecclesia fuisse, imo, a quo coepit Ecclesia. Respondendum est, Ecclesiam primitivam, ut distinctam ab Apostolis, seu a clero, & ut constantem ex fidelibus laicis, licet habuerit quandam formam monachalem, vel secundum se totam, vel pro magna parte, nihilominus illam ortam fuisse a religione clericorum, scilicet Apostolorum. Si vero consideremus illam Ecclesiam, ut unum corpus constans ex Apostolis, & aliis fidelibus, sic fuit veluti una perfecta religio, eminenter, ac formaliter complectens clericos, & laicos; semper tamen prima, ac præcipua pars ejus fuit religio clericorum. Quod si in ipsismet Apostolis considerare quis velit, prius fuisse religiosos professos quam clericos, nam verisimilius est tria vota emisisse vivente Christo, & in manibus ejus ante passionem, ut ex Augustino, Thoma, & aliis Patribus in principio hujus materie tomo præced. tractavimus, & moderni authores graves frequentius sequuntur; clerici autem facti non sunt, usque ad noctem Cænæ, quantum ex Evangelio colligitur, & ex Concilio Tridentino sess. 22. canon. 2. Nihilominus respondemus a principio religiosum illum statum fuisse clericalem; nam fuit institutus, & ordinatus ad finem prædicandi Evangelium, & exercendi alias actiones hierarchicas, & sacerdotales, sicut modo professio clericorum regularium, etiam si multis fiat ante susceptum aliquem ordinem, semper est clericalis professio potius quam monachalis. Unde cum Bernardus dicit suum ordinem fuisse primum, vel in quo coepit Ecclesia, intelligi debet de suo ordine, non ut monachali, & condistincto a clericali, sed secundum communem rationem status perfectionis; nam de monastico ordine in specifica proprietate sumpto potius dicitur in Concilio Meldensi c. 9. fuisse ab Apostolis fundatum, seu a nominatissimis, ac sanctissimis Patribus ex cultum; & in Concilio Colonienfi sub Hermano. tit. de vita monastica c. 1. dicitur, vitam monasticam, non multo post Apostolica tempora coepisse, quod pie interpretandum est, id est, non multo post initium prædicationis Apostolorum.

14 An vero uterque status, ex quo incepit in Apostolis, vel per Apostolos, continua successione, sine interruptione duraverit, non ita certum est, quamvis de utroque id sit longe probabilius; nam de monachatu clarum est, a temporibus Antonii, usque ad Basilium, & a Basilio usque ad Augustinum, & ab Augustino, usque ad Benedictum, & a Benedicto usque ad nostra tempora in Ecclesia non defuisse. Paulo autem superius ostendi in c. 2. etiam ante Antonium fuisse monachos, & Dionysium Areopagitam monachorum quoque mentionem fecisse, inter Dionysium autem & Antonium vix fluxerunt anni ducenti quinquaginta, & fere in medio temporum illorum invenimus Dionysium I. hujus nominis Pontificem fuisse monachum; ergo verisimilimum est, in illis paucis annis non fuisse interruptum monachatum.

15 De religione autem clericorum in primis est constans, ab ætate D. August. nunquam in Ecclesia defuisse, saltem in religione clericorum regularium, ut ex perpetua traditione & antiquis historiis constat. Nam quod Augustinus clericorum religionem vel instituerit, vel restauraverit, receptissimum est ex Possidio in vita Augustini, & ex eodem August. in sermon. de communi vita clericorum, & ex aliis, quæ infra lib. 2. c. 8. referemus, & ab eo tempore nunquam religionem illam fuisse omnino extinctam, constat, quia sicut nunc durat, ita in toto superiori tempore invenitur ejus memoria, neque alicubi legitur aliud ejus initium post Augustinum.

16 De tempore vero intermedio ab Apostolis usque ad Augustinum, omnes etiam pro comperto habent, clericorum ordinem Apostolorum tempore fuisse in clero dilatatum, & a Clemente Romæ, a Jacobo Hierosolymis, & a Marco Alexandria, & sic ab aliis viris Apostolicis fuisse observatum & auctum. Unde Soto lib. 20. de justitia q. 4. art. 5. *Nascens, inquit, clericorum Ecclesia coepit in communi vivere, in quo vita instituta nonnihil temporis adolevit.* Addit vero statim: *At vero exhausto paulo plus Clericorum numero, vix illa communis vita tolerari potuit, &c.* An vero hæc relaxatio clericalis status coeperit multo, vel brevi tempore post vitam Apostolorum, non certo constat; nam etiam D. Augustinus suo tempore decrevit, non admittere ad ordinem, nisi regulares clericos; postea vero mutavit consilium, ut constat ex c. certe 12. q. 1. Certum autem videtur non totum clerum cecidisse ab illo statu intra illud tempus, sed ad summum in illo initio successu temporis factam esse clericorum divisionem quibusdam retinentibus vitam regularem, & aliis amplectentibus laxiorem, & secularem, ut attigit August. Ficinensis in propugnaculo p. 1. cap. 16. Et sufficientem ejus rei fidem facit Urbanus Papa epistola 1. dicens: *Scimus vos non ignorare, quia hactenus vita communis inter bonos Christianos viguit, & adhuc gratia Dei viget, & maxime inter eos, qui in sortem Domini sunt electi, id est, Clericos, &c.* Fuit autem Urbanus ducentesimo vigesimo quarto anno a nativitate Domini, id est, fere ducentis annis ante Augustinum: cum ergo ille status regularium clericorum usque ad Urbanum integer perseveraverit, verisimile non est in reliquo brevi tempore usque ad Augustinum fuisse extinctum, licet fortasse magna ex parte relaxatus, ac imminutus fuerit atque ita sentiant de hoc statu, & ejus origine, ac continuatione, qui de religione Canonicorum regularium accuratius scripserunt, quos partim retulimus, partim indicabimus inferius c. 9. tractando de his religionibus clericorum magis in particulari.

17 De altera comparatione in perfectione nonnulla diximus tractatu præced. agendo de transitu ab una religione ad aliam. Breviter ergo dicendum est, in hac generalitate non posse fieri absolutum judicium, quia bi status se habent ad invicem, tamquam excedens, & excessum; & ideo in particulari comparatio pendet ex multis circumstantiis. Nihilominus tamen dicere possumus religionem clericorum ex genere suo esse perfectiorem; primo, quia ex vi sui ordinis ad altiores, & diviniorem finem ordinatur: nempe divinum cultum in supremis mysteriis, & ad salutem animarum, quantum est ex vi talis generis. Unde explicatur secundo, quia in moralibus illud dicitur esse perfectius ex genere, quod sumptum in supremo gradu illius generis excedit supremum alterius. Ita vero est in præsentibus, nam suprema religio clericorum perfectior fuit omni religione monachorum; talis enim fuit status religiosus, quem professi sunt Apostoli, ut ostendimus; constat autem Apostolos non solum in personali gratia, & perfectione, nec solum in statu Episcopali, sed etiam in religioso statu perfectionis habuisse primitias Spiritus & perfectionis. Denique ostendimus supra vitam mixtam ex contemplativa & activa esse perfectiorem quacumque simplici ex genere suo; ostendimus etiam mixtionem illam tanto esse perfectiorem, quanto ex utroque illo genere vitæ id quod perfectius est participat: hoc autem totum invenitur in hoc statu ex vi sui generis; ergo. Dices etiam posse inveniri in religione monachorum, quæ sit mixta; sicut etiam e contrario potest esse religio clericorum, quæ non sit mixta, sed simplex. Respondeo ex superius dictis, monachatu ut sic non convenire perfectionem illam, in eo gradu; quod si aliquando participat aliquid de illo, est tantum secundum quid & secundario, ut explicabimus capite sequenti; & hoc satis est, ut status clericorum regularium ex suo genere perfectior dicatur. Confirmant egregie resolutionem hanc verba Ambrosii lib. 3. epist. 25. ad Vercellenses §. *Hos sequuntur Eusebius. Hæc duo, inquit, in attentiore Christianorum devotione præstantiora esse quis ambigat? Clericorum officia, & Monachorum instituta. Ista ad comitatem, & moralitatem discipline, illa ad abstinentiam assuefacta, atque patientiam. Hæc velut in quodam theatro, illa in secreto: spectatur ista, illa absconditur; ideo bonus athleta ait, spectaculum facti sumus mundo, & Angelis, dignus sane qui spectaretur ab Angelis, dum luctaretur, ut ad Christi bravium perveniret cum certaret, ut in terris vitam Angelorum institueret, in cælo nequitiam Angelorum reselleret, colluctabatur enim nequitiiis spiritualibus. Merito mundus eum spectabat, ut mundus imitaretur. Hæc ergo vita in stadio, illa in spelunca; hæc adversus confessionem sæculi, illa adversus carnis appetentiam. Hæc subiciens, illa reficiens corporis voluptates. Hæc gratior, illa tutior. Hæc*

Religio cleric. ex genere suo perfectior est monachatu.

R 2 seipsam

seipsam regens; illa semetipsam coercens. Utraque tamen se abnegans, ut fiat Christi, quia perfectis dictum est. Qui vult venire post me, abneget semetipsum. Et infra. Hac ergo dimicat, illa vero se remouet. Hac illecebras vincit, illa refugit. Huic mundus triumphatur, illi exultat; huic mundus crucifigitur, vel ipsa mundo, illi ignoratur; huic plura tentamenta, & ideo major victoria, illi infrequentes lapsus, facilius custodia.

CAPUT VIII.

Utrum monachorum religio recte, & sufficienter dividatur in mendicantem, & pure monachalem.

Exponitur quæstio.

I Constat ex usu Ecclesiæ *Monachi* nomen dupliciter accipi; pro genere scilicet, & pro specie, seu membro contento sub latiori significatu. Priori modo comprehendit omnes religiosos fratres, quatenus eos a clericis regularibus distinguimus cap. præced. quos non possumus generatim melius describere, quam per professionem religiosam sub habitu monachali. Strictè vero dicuntur monachi, quos vulgo *Monjes* appellamus, & sic distingui solent monachi simpliciter dicti, a monachis mendicantibus. Sic ergo rectè dividitur monachorum status in pure monachalem, & mendicantem, quorum statuum differentia explicanda a nobis est. Ut autem in hoc certum aliquid dicere possimus, magis est usus, & status Ecclesiæ considerandus, quam sola rei natura, vel possibilis institutio. Nam loquendo hoc modo de possibili, nulla fere proprietas considerari potest in uno istorum statuum, quæ non sit possibilis in alio, quamvis de facto in eis distinguantur, & præsertim in modo paupertatis, a quo *Mendicantium* nomen sumptum est.

Diff. 1. inter mendicantes, & monachos præstet, ex hoc.

2 Primo ergo, ac præcipue videntur distinguendi duo status ex fine; nam status monachalis strictè sumptus (sic enim de illo nunc semper loquemur) contemplativus est, & simplex de se in illo ordine, quod patet inductione in præcipuis ordinibus monachorum, Carthusiensibus, Benedictinis, Cisterciensibus, Camaldulensibus, &c. Hoc enim fuit primum monachorum institutum, ut supra dictum est, & sumitur ex 16. q. 1. per totam, & ex c. nunquam, de consecrat. d. 5. ideoque monachi, qui hoc institutum simplex, & purum conservant, monachorum nomen, quasi per antonomasiam retinuerunt. At vero monachi mendicantes per se possident statum vitæ mixtæ ex contemplatione, & spirituali actione, præsertim circa proximum; quod patet etiam inductione; nam ordines Prædicatorum, Minorum, Eremitarum S. August. & Carmelitarum, quibus hoc nomen primum tributum est, hoc genus vitæ proficiuntur; nam in choro, & divinis officiiis contemplationi vacant, quatenus vero prædicationi, doctrinæ, aut ministerio sacramentorum insistant, actionem participant. Unde Panormit. in c. causam, de iudiciis n. 2. *Monachi* (inquit) *proprie & strictè dicuntur illi, qui virtute regule stant solitarii in monasterio, nec immiscet se prædicationibus*, argumento multorum c. 16. q. 1. Unde subiungit: *Omnes monachi possunt dici fratres, non vero omnes fratres dicuntur monachi; nam mendicantes in rigore non accipiunt illam denominationem strictè sumptam.* Rectè ergo distinguuntur Monachi & mendicantes ex fine, nam priores sistant in vita contemplativa; posteriores ad spirituales actionem circa proximum extenduntur.

a. Differentia ex paupertatis professione.

3 Et hinc sequitur secunda differentia magis propria, respectu mendicantium; nam monachi proficiuntur paupertatem in particulari, in communi tamen habent bona stabilia; mendicantes vero ex vi sui instituti paupertatem etiam in communi amplectuntur, & utrumque est accommodatum finibus proxime declaratis. Nam monachi cum solitariam & separatam vitam, & maiorem clausuram profiteantur, non possunt commode iuxta suum institutum e mendicato vivere; imo cum proximis non ministrent, non habent tam manifestam causam, & titulum postulandi ab eis sustentationem, & ideo merito non proficiuntur paupertatem in communi, ut supra cum D. Th. diximus. Et hac ra-

tione monachi, quando laici erant, & possessiones non habebant, unde sustentarentur, potius labore manuum, quam elemosynis alebantur, non quia eis mendicare non liceret, sed quia eorum statui non erat ita consentaneum. Mendicantes vero cum proximis interserviant, merito ex eorum elemosynis vivere possunt, & quia inter ipsos proximos vivunt, & cum eis quantum expedit conversantur, ideo satis consentaneum eorum fini est, ut mendicare valeant; & quia hoc de se Evangelicam paupertatem magis commendat, & ad perfectam humilitatem utile esse potest, ideo merito huiusmodi religiones talem institutionem habuerunt, a qua *Mendicantium* nomen habuisse videntur.

4 Dixi autem mendicantes ex vi sui instituti amplecti paupertatem in communi, quia de facto non omnes mendicantes hoc observant, sed nonnulla habent bona stabilia, ut constat ex usu, & ex constitutione Pii V. *Dum aduberes*; quæ est 14. & aperte ex Concil. Trident. sess. 25. cap. 3. de regular. Tamen ad propriam rationem religionis *Mendicantis* videtur necessarium, ut saltem in sua prima institutione hoc paupertatis genus amplexa fuerit; ut colligitur ex c. 1. §. *Confirmatos*, de religiosis domibus in 6. ibi: *Quibus ad congruam sustentationem redditus, aut possessiones habere professio, sive regula qualibet interdicit, sed per questum publicum tribuere victum solet incerta mendicantis.* Ubi etiam significatur, *Mendicantium* nomen inde acceptum esse. Unde Pius V. in Bulla, qua declarat Societatem esse religionem mendicantium, rationem reddit, quippe quæ ex eius instituto, & constitutionibus Apostolica auctoritate confirmatis, bona stabilia possidere nequit, sed incertis elemosynis, fideliumque largitionibus, & subventionibus vivit. Indicat ergo hanc esse propriam, & necessariam conditionem ad religionem mendicantem, & ideo etiam secundum commune jus, religiones mendicantes dicuntur esse incapaces stabilium bonorum ex testamento, vel alio simili modo, ut in superioribus visum est. Quædam etiam religiones dicuntur esse mendicantes ex vi suæ regulæ, ut religio Minorum; alii non ex vi regulæ, sed ex constitutione, ut de Prædicatoribus loquuntur Panormitan. Decius, & alii in c. ad nostram, de appellationibus, & ad comprehendendum utrumque membrum non sumus loquuti de regula, sed de instituto, quod omnia comprehendit. Quod etiam additum est, ut excludamus factum, seu actuale observantiam; nam licet aliqua religio, ex privilegio Apostolico de facto non mendicet, nec seruet hoc paupertatis genus; nihilominus si ex foundatione sua illam profitebatur, sub eodem gradu, & ordine religionum comprehenditur. Unde in c. 1. de statu regularium in 6. §. *Sane*, supponitur posse etiam monasteria ordinum mendicantium habere propria bona, & proventus, quod notavit Lopus allegatione 4. Felinus in c. in presentia, de probation. n. 53. Calderinus consilio 17. tit. de regularibus. Baldus in dicto c. ad nostram, de appellationibus. Francus, & Geminianus in dicto §. *confirmatos*. Quintilianus Mandosius in regulis Cancellariæ, regul. 23. q. 3. & 4. Julius Clarus lib. 3. §. *Testamentum*, num. 29.

5 Ex his vero intelligi potest neutram ex his differentiarum esse omnino propriam monachorum, neque inter se esse necessario conjunctas. Primum patet, quia in religione clericorum potest etiam mendicantis reperiri, ut de Societate Jesu diximus, ex declaratione, & approbatione dedis Apostolicæ, & in eadem invenitur altera proprietas vitæ mixtæ, quam non omisit Pius V. subiungens: *Tum quia non minus quam ceteri mendicantes in excolenda vinea domini assidue laborant, fructusque ingentes, & salutariter producant, ac propterea eisdem privilegiis, indulgentiis, & gratiis fratribus mendicantibus hæcenus concessis, uti, frui, potiri, & gaudere merito possint ac debeant.* Quod autem etiam possit religio clericorum non profiteri mendicantem, neque actionem ex vi sui instituti, in canonicis regularibus manifestum est. Ut ergo illæ duæ proprietates constituent religionem monachorum, supponendum est genus ipsum cum differentiarum, quæ ex vi illius proveniunt. Et ita præsens divisio etiam de religione clericorum dari potest; non enim inconveniens est, præsertim in his rebus moralibus, ut genera non subalternata inter

Expositio dictæ differentiarum.

Observatio bipartita circa duas gradus differentias.

inter se per easdem differentias dividi possint, quamvis semper prout diverso generi accommodantur, habeant etiam inter se aliquam diversitatem, ut de hismet differentiis, seu proprietatibus constabit inferius lib. 2. de singulis religionibus in specie tractando.

6 Atque eadem ratione constat, paupertatem in communi, & mendicitatem non esse de se, ac necessario conjunctam cum actione seu vita ista; nihil enim repugnat religionem pure contemplativam profiteri paupertatem in communi, imo & mendicitatem; nam ex sola natura rei non est repugnantia, neque jure aliquo est prohibitum; imo aliqui ex Carmelitarum ordine, ut infra lib. 2. n. 10. dicam, contendunt institutum suum esse pure contemplativum, licet illa sit una ex antiquioribus religionibus mendicantibus. Quamquam verius sit religionem illam, quo tempore contemplationem tantum professam est, non fuisse mendicantem, & ex quo mendicantibus annumerata est, mutasse etiam aliquo modo suum institutum, & finem, & contemplationis actionem adjunxisse. Unde licet de possibili verum sit, illa duo non repugnare simul conjungi, tam ex consuetudine Ecclesiae, ut supra dicebam n. 2. religiones mixtae sunt, & in vinea Domini laborant, ut dixit Pius V. in Bulla Societatis supra citata, & congruentia supra n. 3. data est, quia religioni solitariae, & separatae, non ita est proportionata mendicantia. Facilius autem posset e converso dari religio mixta, & inserviens proximis, & non mendicans, ut inter Fratres videntur esse ordo S. Mariae a Mercede, & ordo Sanctissimae Trinitatis, & similes, de quibus infra lib. sequent. nam licet hujusmodi religiones interdum mendicent ob necessitatem, vel humilitatem, mendicantes non sunt, quia ex vi proprii instituti non coguntur mendicare, aut stabilia bona non habere.

7 Hinc vero nascitur dubium de sufficientia dictae divisionis; nam ex dictis sequitur dari in Ecclesia aliquas religiones *Fratum*, seu *monachorum* generali appellatione, quae nec mendicantes sunt, nec Monachales speciali appellatione. Respondeo verum esse, divisionem in rigore non esse adaequatam, non solum spectando varietatem possibilem religionum, sed etiam praxim, & usum; data est ergo illa divisio de praecipuis generibus religionum, & quae in universali Ecclesia magis vigent. Sunt ergo alii ordines Fratrum, qui ex proprio instituto non proficiuntur paupertatem in communi, & ex hoc capite mendicantes non sunt, neque etiam ad finem contemplationis sunt instituti, sed ad aliquam actionem, & ex hac parte deficiunt a propria, & specifica ratione Monachorum. Et ordinarie & frequentius videntur instituti ad actiones misericordiae corporales, ut sunt captivorum redemptio, peregrinorum susceptio, &c. quamvis etiam possint ad actiones spirituales institui, & non esse mendicantes, ut dixi.

8 Alia difficultas ex dicta divisione oritur, nam sequitur unam, & eandem religionem non posse successu temporis prius esse monasticam, & postea mendicantem, vele converso, quod videtur falsum. Sequela patet, quia si de ratione religionis mendicantis est, ut ex vi sui instituti non possit habere redditus; ergo non potest eadem religio nunc esse mendicans, & postea non esse, vele converso, quia si mutat institutum, non est eadem religio. Si autem idem institutum retinet, non potest ex vi illius illas veluti contradictorias proprietates diversis temporibus admittere. Minor autem patet in religionibus S. Augustini, & Carmeli, de quibus infra lib. 2. ostendemus prius fuisse pure monachales, postea transisse in mendicantes. Imo etiam religio Praedicatorum, ut in eorum gestis refertur, in sui initio bona immobilia possedit, ac proinde mendicans non fuit, non multo vero post, vivente S. Dominico, in primo capitulo generali Bononiae coacto constitutionem fecerunt, de servanda in communi paupertate, & immobilibus bonis, quae tunc habebant, renuntiaverunt.

9 Unde alia interrogatio insurgit, cur facta tali constitutione coepit esse religio mendicans, quae non erat, & tamen revocata illa constitutione prout in alio capitulo generali, de facto revocata fuit, & privilegio Sixti IV. confirmata, ut praedicti Authores referunt; cur, inquam, per priorem professionem ex non mendicante facta sit mendicans, & per posteriorem non de-

sierit esse mendicans? quod est rationem petere illius communis sententiae, quam supra n. 4. posuimus, ad religionem mendicantem sufficere, habuisse ex constitutione illam paupertatem, quamvis jam non habeat.

10 Ad priorem partem respondeo, in his rebus moralibus, ut continue durare censeantur, non esse querendam tantam unitatem & immutabilitatem, quam in naturalibus rebus invenitur. Una enim, & eadem Ecclesia (ut Patres loquuntur) censetur fuisse a principio mundi usque nunc, quamvis in modo unionis, & gubernationis magnam diversis temporibus admiserit varietatem: ergo similiter esse poterit una & eadem religio, quamvis illas mutationes successu temporum accipiat. Ratio vero est, quia in his rebus ad unitatem potissime consideratur continua successio personarum aliquo vinculo substantiali, pro ratione talis status inter se unitarum, in ordine ad hunc finem, ut in Ecclesia est unio verae fidei in ordine ad eandem beatitudinem acquirendam, & in unaquaque religione est unio per talia vota, tali modo, seu secundum talem regulam, vel constitutiones emissas in ordine ad talem finem. Quod ergo in una vel altera constitutione fiat aliqua mutatio etiam in materia paupertatis non tollit identitatem religionis, sed mutatio illa accidentaliter censetur. Recte autem inde colligitur, divisionem illam religionis in mendicantem, & non mendicantem, non esse per differentias quasi substantiales in tali genere, nam possunt eidem religioni pro diversis temporibus & statibus convenire; adjunctis autem aliis circumstantiis faciunt diversitatem in religionibus, maxime secundum praesentem Ecclesiae usum.

11 Ad alteram partem responderetur religioni Praedicatorum, v. g. priusquam proficeretur paupertatem in communi, nihil aliud defuisse ad rationem religionis mendicantis; & ideo addita per constitutiones illa proprietate, proprie, ac perfecte coepit esse una ex mendicantibus. Cur autem postquam illam constitutionem mutavit, non desit esse mendicans, ratio reddi solet, quia privilegium auferens unum non aufert aliud necessario, juxta leg. si domus ff. de servitutibus urbanorum praediorum, & c. ex tuarum ff. de auctoritate & usu pallii, & c. pastoralis, de privilegiis; ita responderi Lapus allegat. 4. Est tamen difficultas responsio, quia religionem aliquam esse vel non esse mendicantem, non consistit in privilegiis, sed in substantia, ut sic dicam, vel professione, ac legibus talis religionis; privilegia enim, quae dantur mendicantibus, non faciunt illas mendicantes, sed supponunt; ergo si auferatur intrinseca conditio necessaria ad religionem mendicantem, etiam si alia privilegia non auferantur, non erit mendicans, vel certe solo nomine, & privilegiorum consortio talis poterit appellari; vel dicemus fieri quamdam ampliationem (ut ita dicam) illius vocis, scilicet, ut religio, quae semel fuit mendicans, talis semper appelletur in ordine ad usum privilegiorum, etiam si non talis sit, ita ut mendicans nominetur, quae est, vel fuit mendicans; quod tamen non videtur satisfacere; nam hoc nihil aliud videtur esse, quam concedere de facto talem religionem non esse mendicantem secundum praesentem statum.

12 Et ideo addendum videtur, semper talem religionem existimari secundum suam primariam institutionem, nam aliud solum est permixtum per modum cujusdam dispensationis, non propter relaxationem religionis, nec mutationem in statum minus perfectum; sed quia propter iniquitatem, vel incommoditatem temporum id judicatum est expedire hoc tempore ad majorem perfectionem in tali instituto conservandam. Unde quamvis ex dispensatione hoc liceat, numquam est alienum, sed potius magis consentaneum tali instituto paupertatem in communi servare, ubi commode fieri possit, & similiter est consonum tali statui mendicantem exercere quoties oportuerit, & hoc satis est, ut secundum praesentem statum talis religio vere, ac proprie mendicans sit.

13 Atque ex his expeditur aliud dubium, quoniam scilicet religiones sub mendicantibus comprehendantur, & consequenter quot illae sint, unde etiam constabit, quot sint religiones Monachales. Possimus autem in communi distinguere religionem mendicantem in eam, quae nulum dominium bonorum, tam immobilium, quam

Subdivi-
sio reli-
gionis
mendi-
cantia.

Obiectio,
non vide-
ri adaequa-
tam divi-
sionem
praesentis
capitis.

mobiliū, vel se moventium, vel in communi, vel in particulari admittit, & eam, quæ licet bona immobilia, vel redditus non admittat, bona tamen mobilia in communi habere potest. Priorem paupertatis, seu mendicitatis gradum proficitur sacra Minorum religio, quæ quoad conditionem hanc potest dici primarium habere inter mendicantes, quia maximam & altissimam paupertatem quoad bonorum dominium proficitur, juxta c. *Exiit*, de verbor. signific. in 6. & Clement. *Exiit*, eod. tit. Aliæ vero religiones mendicantes proficitur alium gradum paupertatis, & inde quoad usum ejus aliæ differentiæ oriuntur, quæ in superioribus tom. præced. tractando de paupertate tractæ sunt, & inferius tract. 10. dicendo de Societate aliquid addemus. In particulari vero, quatuor numerantur principales, seu antiquiores ordines mendicantes, Prædicatorum, Minorum, Eremitarum D. Augusti, & Carmelitarum, c. unico, § *Sane*, de religiosis domibus in 6, & in constitutionibus Pii V. statim citandis, de quibus lib. 2. in particulari dicturi sumus. Postea vero alij additi sunt monachorum mendicantium, scil. ordo eorum, qui *Servite* dicuntur, seu servi S. Mariæ, & ordo Minimorum S. Francisci a Paula, & ordo S. Hieronymi Jesuatorum. Hos enim omnes mendicantes esse Pius V. declaravit sua constitutione 35. *Romanus Pontifex*, ubi solum dicit, se velle ordinem Servorum Beatæ Mariæ quatuor mendicantibus annumerari, & in constitutione 48. *Apostolica sedis*, & 49. *Romanus Pontifex*, annumerat alios duos ordines. Ex ordinib. autem clericorum postea declaravit Societatem Jesu esse mendicantem, in bulla ejusdem Societatis, *Dum indiffesse*. Potest autem notari differentia in ratione, quam reddit; nam de alijs solum dicit dari honestam rationem, cur mendicantibus annumerentur, quia actu mendicant, & quia fruuntur privilegiis mendicantium. De Societate autem rationem reddit; *Tum quia bona stabilia possidere nequit, sed incertis elemosynis, fideliumque largitionibus, & subventionibus vivit: tum quia non minus quam ceteri mendicantes in excolenda vinea Domini assidue laborant, fructusque ingentes & salutiferos producant, ac propterea eisdem privilegiis, indultis, &c.*

Societas Jesu proprie est mendicans,

14. Unde quod dubitari solet, an minores ordines mendicantes tam vere ac proprie mendicantes sint, sicut antiquiores, in Societate nullam quæstionem habet; nam ut infra tract. seq. videbimus, non solum ex constitutionibus, sed etiam ex primæva regula Pontifici Paulo III. in principio præsentata, & ab eodem approbata, hoc genus paupertatis proficitur, & solenni voto promittitur, & quod in ea singulare est, alio speciali voto confirmat, quod sui professores faciunt nunquam consentiendo quantum in ipsis est, ut hæc paupertas minuat. Quocirca Societas non tunc cæpit esse mendicans, quando a Pio V. favorem illum accepit, sed cum primum in suo instituto approbata fuit. Ut enim religio aliqua sit mendicans in sua substantia (ut sic dicam), solum requiritur, ut in ejus instituto approbato paupertas, & mendicitas includatur, ut in Societate invenitur; subsequens vero approbatio, quæ in specie fit, magis est quædam solennis & expressa declaratio illius proprietatis, & quasi specificæ differentiæ talis religionis. Unde quoad suum esse non ideo Societas est una ex mendicantibus religionibus, quia Pius V. ita declaravit, sed quia ipsa talis erat, ideo Pius V. talem esse declaravit, simulque dignam esse, ut omnia mendicantium privilegia ei concederentur, quod magna ex parte factum jam erat, & ipse complevit.

25. De alijs vero novis ordinibus fratrum mendicantium plenum judicium ferre non possum, quia de earum institutis, de modo profitendi paupertatem mihi non satis constat. Et ad veram religionem mendicantem, non satis est actu mendicare, nisi ex vi institutionis Apostolicæ approbati talis paupertas observetur, vel talem observanda sit secluso aliquo dispensationis genere, ut diximus a n. 11. De illis autem religionibus solum dicitur in prædictis bullis, quod mendicant; an vero hoc sit ex vi instituti, vel saltem ita sit consuetudine approbata, & confirmata præscriptum, quæ pro regula habeatur, ibi non dicitur. Neque etiam ad veram religionem mendicantem in rigore sufficit gaudere omnibus privilegiis mendicantium, sicut non

sufficit ad veritatem religionis gaudere privilegiis religionum, nisi res ipsa & substantia supponatur. Quia vero Pius V. in dictis bullis, non tantum dat privilegia & nomen, sed etiam addit; *Ipsos* (videlicet ordines) *vere mendicantes esse, & sub mendicantium ordinibus esse, & comprehendere debere*; ideo credendum est eos, vel ex vi suarum institutionum habuisse hanc paupertatem, vel certe ex tunc approbatos, & confirmatos fuisse ad illam mendicitatem profitendam.

16. Reliqui ergo ordines, extra prædictos, mendicantes non sunt; inter eos vero, ut dixi, quidam sunt proprii monachi, secundum specialem appellationem. Alii vero nec mendicantes sunt, nec proprii monachi, sed activi, vel Crucigeri possunt appellari. Monachorum subinde varii sunt ordines, seu religiones, ex quibus antiquior est D. Basilii, sub qua omnes monachos comprehendimus; in occidente vero primum locum tenet religio S. Benedicti. Nam licet fortasse prius D. Augustinus religionem Monachorum instituerit, illa tamen nunc saltem in monachi statu non subsistit, & ideo illam prætermittimus, & sub mendicantium Augustiniana familia eam collocamus. Nonnullæ vero religiones monachales, quæ sub regula Augustini militant, ut Præmonstratensis, & S. Hieronymi in Hispania, recentiores, ut infra videbimus, quam religio S. Benedicti, imo & quam aliæ plures religiones Monachorum, quæ ex ejusdem Benedicti instituto exortæ sunt, præsertim Camaldulensium, Cisterciensium, & Cluniacensium, de quibus in sequenti libro dicemus. Præter hos vero exstat in Ecclesia insignis ordo monachorum Carthusiensium, qui antiquorum Anachoretarum vitam & rigorem imitatur, non tamen sub aliqua ex antiquis regulis, sed sub proprio vivendi modo ab ejus fundatore invento, de quo pauca etiam in sequenti lib. cap. 4. attingam. Similiter etiam aliorum ordinum fratrum, qui nec mendicantes, nec tantum monachi sunt, variae sunt religiones, quæ minus universales, minusque propagatæ in Ecclesia inveniuntur. Inter eos vero duæ sunt in nostra Hispania celebriores, scilicet religio Sanctissimæ Trinitatis, & religio S. Mariæ a Mercede, de quibus etiam in particulari dicemus.

Varietate ordinum non mendicantium.

C A P U T IX.

Quot sint ordines clericorum regularium,

I. Primum dividere possumus statum Clericorum regularium in eum, qui simpliciter religiosus est, vel tantum secundum quid. Non desunt enim, qui existimant, clericos illos, qui in principio Ecclesiæ etiam usque ad tempora Augustini vitam communem agebant cum Episcopis in Ecclesiis cathedralibus, solum paupertatem observasse: alia tamen vota non omisisse, & ideo non simpliciter, sed secundum quid religiosos fuisse; nam D. August. in duobus sermonibus de vita communi Clericorum, & Concil. Aquilegranense sub Ludovico, c. 112. & 113. ubi iidem sermones referuntur, tantum hanc conditionem vitæ communis quoad paupertatem Clericis cum August. in monasterio viventibus servandam proponit. Deinde nihil aliud a suis clericis Augustinus exigit, nisi quod imitentur vitam, quam fideles, Apostolorum tempore observabant, ut Act. 4. & 5. refertur. Constat autem non omnes, qui in communi tunc vivebant, fuisse religiosos, nam etiam conjugati, vel omnes, vel plures, vitam illam communem profitebantur, ut ex generali narratione, & ex speciali facto Ananæ & Saphiræ colligimus.

Divisio in regulares simpliciter, & secundum quid.

Clericos etiam tempore Augustini videri religiosos secundum quid.

2. Verumtamen licet non repugnet hoc genus vitæ in congregatione tam laicorum, quam clericorum servari, tamen quod aliquando fuerit, & præsertim sub Augustini institutione, nec constat, nec verisimile est. Quod patet ex doctrina D. Th. & juribus c. 7. adductis, & ex c. *præter*, 32. dist. ubi clerici communiter viventes religiosi clerici appellantur, & c. *præsens*, 20. q. 3. in fine ibi. *Non putamus Canonicos religiosos* (id est regulares, ut Gloss. exponit) *a Sanctorum monachorum vita, & consortio se junctos* id est, alienos a vero religionis statu. Præterea, quia licet in dictis sermonibus Augustini statum paupertatem commendat, & proprietatem reprehendat, non tamen alia vota excludit. Quin potius

Quid de alijs novis ordinibus dicatur etiam mendicantibus.

corum

eorum integram observantiam supponere videtur, & quia in paupertate gravis lapsus contigerat, pro ea pugnat: ibi enim non tradit regulam aut institutionem integram, sed concionatur, & solam materiam paupertatis commendandam, & proprietatem propulsandam, veluti in argumentum illorum sermonum assumptum. In eisdem tamen domum suam *Monasterium clericorum* vocat, eosque suæ regulæ observandæ obligatos fuisse supponit. Quare verisimile non est, eos clericos non multo magis continentiam ex voto observasse, quam ipse Augustinus tanta circumspectione servavit, ut nec sororem secum habere permitteret, dicebat enim; *Quæ enim cum sorore mea sunt, sorores meæ non sunt*, ut Possidonius c. 26. in ejus vita refert, unde in c. 11. ait in monasterio Augustini servos Dei servasse *propositum continentia cum paupertate profunda*. Ex quibus Beatus Augustinus ab aliis Ecclesiis rogatus, decem venerabiles viros continentes, & doctissimos dedit. Unde etiam constat, illius obedientiæ specialiter subiectos fuisse, quod etiam supposita communi, & continenti vitæ in eadem congregatione, per se evidens est, quia sine obedientia subsistere non possit. Et ob hanc rationem existimo hoc genus vitæ semiregularis (ut sic dicam) non posse habere locum in congregatione clericorum, si paupertatem observet, nam multo magis in eis postulat castitas, vel eo ipso quod clerici sunt; obedientia vero saltem ex eo, quod in congregatione, seu in communitate vivere supponuntur; unde facilius posset cogitari hic imperfectus status ex defectu paupertatis, si congregatio aliqua clericorum castitatem, & obedientiam servaret, proprium vero non omnino abjiceret; nullam tamen nobis constat hujusmodi esse, vel aliquando fuisse.

Duplex
alter mo-
dus cleri-
corum se-
cundum
quid reli-
gioforum.

1. Modus.

2. Modus.

3. Ex alio vero capite contingere potest, ut congregatio aliqua clericorum regulariter viventium propria religio non sit, scilicet ea defectu votorum, quia nimirum, vel non emittuntur, sed solum ex quadam societate, vel conventionione humana, aut statuta ab ea provenientibus servantur ea, quæ a religiosi ex voto servari solent; vel si sunt vota, non includunt obligationem ad permanendum in tali statu, sed supponunt potius libertatem relinquendi illum, solumque obligant sub conditione, quamdiu ibi perseverare libuerit. Prioris modi dicuntur esse nonnullæ congregationes in Italia, præsertim Romæ, quæ religiosos habent vivendi modos, & perfectos atque illustres viros ex se producant, ad præsentem autem tractatum non spectant, quia propriæ religiones non sunt.

4. Posterioris modi censetur esse congregatio sancti Georgii in Alga, quæ initium Venetiis habuit, & ab Eugenio IV. instituta dicitur, sed ab eo potius illustrata fuit, jam enim a Gregorio XII. fuerat confirmatus ille vivendi modus, quem Laurentius Justinianus eo jam tempore vitæ, & doctrina multum commendaverat. Pius autem V. suo motu proprio 75. *Lubricum vitæ* genus, hujusmodi congregationibus, & nominatim huic Sancti Georgii præcepit, aut solennia vota sub aliqua regula approbata emitte, aut talem vivendi modum dimittere. Adhuc tamen extat in Lusitania congregatio religiosa sub appellatione S. Joannis Evangelistæ, quæ eundem vitæ modum absque votis solennibus retinet. Hujusmodi autem clerici in rigore regulares non sunt, & ita in ipsi bullis Pontificalibus, in quibus varia privilegia eis conceduntur, *Canonici seculares* appellantur. Magis autem ad religionem accedunt, quam qui nulla vota emittunt; nam quamdiu in tali congregatione perseverant, suntque membra ejus, obedientiam, paupertatem, &c. ex voto servare tenentur. Unde pro tunc, quoad eorum obligationes de illis judicandum est, eadem proportionem, quæ de cæteris religiosi. An vero hic modus libertatis in hujusmodi communitatibus, seu congregationibus expediat, ad nos judicare non pertinet; certum tamen est, id ex se malum non esse, esto non sit maxime perfectum ex parte personarum, se offerentium Deo, (negare enim non possumus, quin vinculum perpetuum saltem ex parte votantis perfectius sit, tum ad constituendum statum, tum ad consecrandam personam Deo.) Nihilominus ille etiam modus vivendi & vivendi, non solum honestus est, sed etiam ad perfectionem asse-

Sharez. Tom. XV.

quendam potest esse valde utilis, & sua peculiaria commoda liberius serviendi Deo, & majori voluntate sustinendi, & superandi difficultates, quæ in perseverantia vitæ religiosæ occurrunt, habere potest. Denique ad Ecclesiæ splendorem, & pulchritudinem ac perfectionem pertinet tota hæc varietas, non solum in religionibus, sed etiam in modis vivendi religiosi, qui ad perfectionem juvant; non est enim minor, sed multo major varietas in hominum ingeniis, seu propensionibus, & ad suavitatem divinæ providentiæ pertinet omnes congruenter vocare, quos vult ad perfectionem aliquo modo perducere.

5. Præterea clericorum religio vera ac propria, tribusque substantialibus votis de se perpetuis firmata, dividi potest in religionem Canonicorum, & Presbyterorum simplicium, ut sic dicam. Hæc divisio constat ex usu Ecclesiæ. Est enim celebris, & antiquissima religio Canonicorum regularium, de qua an sit una, vel multiplex, postea videbimus: certum est autem esse religionem clericorum & Presbyterorum, tamen dum specialiter Canonici appellantur, aliquo modo dignitatis, vel excellentiæ nomen participare videntur, & in eo distingui a clericis regularibus, qui Canonici regulares nec sunt, nec appellantur. Nam quod sint plures hujusmodi, constat sufficienter exemplo Societatis Jesu, quæ est religio clericorum & presbyterorum, ut loquuntur Pontifices, & Concil. Trident. infraque offendimus in tract. sequenti; & tamen Canonici regulares dici non possunt, talis enim appellatio neque in jure, neque in usu habet fundamentum, & ideo credendum est, neque in re ipsa, vel in conditionibus talis religionis illud habere. Itaque est de aliis (quas infra commemorabimus) religionibus clericorum, quos nunc simplices appellamus, ut a Canonicis regularibus eos distinguamus.

2. Divisio
in Cano-
nicos re-
gulares,
& Presby-
teros sim-
plices.

6. Non est autem facile diversitatem hanc declarare; nam si primam originem & usum hujus vocis *Canonicus* spectemus, nihil aliud in principio significasse videtur, quam clericum sub regula viventem, & communem vitam, Apostolorum more, cum aliis in Ecclesiastico collegio observantem, ut notavit Covarr. in Clement. *Si furiosus* p. 1. in principio, & Navar. Comment. 3. de regul. n. 2. & 3. Nam *canon* & *regulam* significat, unde *Canonicus* dictus est clericus regularem vitam sequens. Cum enim in principio Ecclesiæ, vel omnes fideles, vel saltem omnes clerici communem vitam profiterentur, successu temporis multi etiam clericorum relicta vita communi cœperunt privatim vivere, & proprium habere, qui autem priorem statum retinuerunt, ut a communi clericorum turba distinguerentur, Canonici dicti sunt. Ac verisimile est illos fuisse ab Episcopis proxime apud se retentos, & ad principalia ministeria, & consilia Ecclesiastica fuisse assumptos, ac subinde in communibus clericorum confectibus digniora loca habuisse. Postea vero ipsi etiam Canonici vitam illam communem relinquere cœperunt, & proprias canonicas, & præbendas inter se dividere, *Canonicorum* nihilominus retento nomine; & ideo illi Canonici, qui in religiosa, & communi vita permanserunt, canonici regulares dicti sunt, non propter ambitionem, vel ignorantiam, ut calumniatus est Ludovicus Vives, sed propter necessitatem determinandi ambiguitatem vocis *Canonicus*, in qua non unde imposita sit, sed ad quid tandem significandum sit translata, oportet expendere; jam enim absolute sumpta non significat regularem, aut religiosum, sed quemcumque habentem canonicatum seu canonicam. Est autem *canonica* spirituale jus, ratio-cujus aliquis habet stallum in choro alicujus Ecclesiæ, & locum in Capitulo, ut colligitur ex cap. *dilecto*, de præbendis, & notant Innocentius & Doctores in cap. *Cum M.* de constitutionibus. Ut ergo determinetur significatio ad Canonicos vitam religiosam retinentes, merito cum additione appellantur regulares.

Quid no-
mine Ca-
nonici vo-
cat.

Canonici
regulares
sunt pro-
prie Ca-
nonici.

7. Hinc autem intelligitur Canonicum etiam si regularis sit, officium & spirituale jus Canonici retinere, hoc enim cum substantiali statu religionis non repugnat. Distinguitur ergo a clerico regulari, quia qui simplex clericus regularis est, canonicam non habet, etiam si religionem habeat. Sicut enim inter seculares dantur clerici, qui non sunt Canonici, ita inter regulares

R 4

possunt.

Opponi-
tur non
videri di-
stingui ab
alio memo-
bro cleri-
corum re-
gularium.

possunt Canonici distinguere a simplicibus clericis religiosis. Dices: esto hoc locum habeat in Canonicis collatis cum clericis secularibus, non tamen cum regularibus, nam hi ex vi professionis suæ habent statum in choro, & votum in Capitulo, si alia conditiones ætatis, antiquitatis, & similes concurrant, & eodem titulo habent jus ad congruam portionem, seu sustentationem ex bonis monasterii, seu Ecclesiæ; ergo eo ipso habent canoniam, quatenus in tali statu esse potest; quid enim aliud esse potest canoniam in statu regulari?

Diluitur
sopimis
facta cõ-
paratione
cum cleri-
cis Socie-
tatis.

8 Respondeo inprimis objectionem hanc nullum habere locum respectu clericorum regularium Societatis Jesu; nam illi nec statum in choro habent, quia illud munus chori ex vi sui instituti non proficiunt, neque etiam habent proprie locum in Capitulo, quia ordinariæ non per Capitula, sed per Prælatos suos gubernantur, nec electiones Prælatorum habent præter unius Generalis, nec conventualia Capitula celebrant, nec in communibus sessionibus certa habent antiquitatis, vel honoris loca, unde nec vestigium, neque umbram canonicatus, seu canonice participant. Quod etiam alio modo ex fine utriusque instituti declarari potest: nam Canonici regulares ad divinum cultum in divinis mysteriis & officiis præcipue destinantur, & hæc creditur fuisse prima eorum institutio, ut supra diximus, ideoque eorum instituto optime congruit, ut & statum habeant in choro, & vocem in Capitulo, per quod solent eorum Ecclesia, vel monasterium gubernari. Religiosi autem Societatis ad Ecclesiastica ministeria, in ordine ad salutem animarum destinantur, & ideo licet per se & ex vi instituti clerici sint, non tamen ad munus Canonicorum per se ordinantur, ideoque nec statum in choro habent, nec Canonici regulares dicuntur, sed tantum clerici.

Diluitur
item ex
alio prin-
cipio.

9 Alii vero religiosi clerici, qui vitæ tantum contemplativæ vacant, & ad sacra ministeria divini cultus primario instituuntur, fortasse possunt nomine Canonicorum regularium comprehendere, propter objectionem factam, nam regulariter omnes habent & certas sedes in choro juxta suum gradum & dignitatem, & vocem in suo Capitulo. Unde in jure clerici regulares dici solent Canonici regulares, & e converso, ut colligitur ex c. unico 15. q. 2. addita expositione Gratiani ibidem in §. hoc autem, nam ubi in textu dicitur, ne quis sacerdotum, vel clericorum, more secularium judicari, o impensis patrociniis munera audeat accipere, ipse exponit intelligendum esse de clericis, qui canonicam vitam professi regulariter se victuros proposuerunt. Idem colligitur ex c. decimas 16. q. 1. ibi. A monachis sive clericis communiter viventibus nulla ratio sit, ut milites, aut Episcopi, aut persona qualibet decimas de laboribus, seu nutrimentis suis propriis extorquere debeant. Ubi clerici communiter viventes dicuntur Canonici regulares; non enim constat tempore Paschalis II. cujus fuit illud decretum, id est, anno 1100. alium clericorum ordinem fuisse, unde in c. in omnibus, de consecrat. distinct. 5. Canonici clerici dicuntur, id est, regulares clerici, (ita enim legendum & exponendum existimo) quibus injungitur, ut canonicè, id est, regulariter vivant, in quibus locis sermo est de clericis communiter, & religiose viventibus, & ad servitium alicujus Ecclesiæ deputatis; omnes ergo illi sine inconvenienti possunt nomine Canonicorum regularium comprehendere.

Alii etiam
clerici re-
gulares præ-
terquam So-
cietatis, &
canonicis
regul. dis-
tinguuntur.

10 Quia vero, ut infra videbimus, præter Societatem sunt nunc in Ecclesia aliquæ religiones clericorum, quæ hoc nomen *Canonicorum regularium* non usurpant, possumus differentiam aliquam inter has religiones assignare. Canonici enim regulares dicuntur illi tantum, qui alicui Ecclesiæ cathedrali, vel collegiatæ deputati sunt. Alii vero, quorum Ecclesia non habet hanc dignitatem, sed est aut Parochialis, aut omnino simplex, non sunt proprie Canonici regulares, sed simpliciter clerici religiosi. Sicut enim in Ecclesiis secularibus est illa distinctio juxta varios gradus dignitatis, ita in regularibus invenitur. Ecclesia enim cathedralis dicitur, quæ sedem habet Episcopalem; constat autem plures hujusmodi Ecclesias canonicos regulares habere, etiam nostris temporibus. Collegialis autem Ecclesia dicitur, quæ dignitatem Ecclesiæ cathedralis aliquo modo participat, cujus Superior vere Prælatas est participans

jurisdictionem Episcopalem; cujusmodi sunt etiam multæ Ecclesiæ regulares. Canonicatus autem proprie solum inveniuntur in Ecclesiis cathedralibus vel collegiatis, ut constat ex usu, & modo loquendi tam juris, quam vulgari; ergo convenienter dicimus omnes illos, & solos regulares clericos, qui hujusmodi Ecclesiis deputantur, dici Canonicos regulares.

11 Objicies, omnes Ecclesias regulares esse collegiatas, ac proinde potius hinc sequi, omnes clericos regulares ministerio Ecclesiæ deputatos esse etiam Canonicos regulares. Antecedens patet ex Panormitano in c. nobis, de jure patronat. n. 8. & insinuat in c. ne pro, de electione, & in c. 1. de statu monach. quæ ipse refert, & idem sumitur ex his, quæ tractant Innocent. in c. postulasti, de jure patronat. & Felin. in c. accidentes, de præscriptionibus. Responderetur, aliter sumi nomen *Ecclesiæ collegiatæ* ab his Authoribus, quam in præfenti sumatur, ibi etiam *Ecclesiam collegiatam* vocant omnem illam, quæ instituta est, ut in ea sit clericorum, vel etiam monachorum collegium, seu conventus, a quo gubernetur, vel servietur, & vocatur etiam *conventualis* (quamvis hæc vox ex usu monachis accommodata sit) atque hoc modo omnis Ecclesia cathedralis est collegialis, licet non convertatur; & sic etiam dantur Ecclesiæ collegiales secularium clericorum, in quibus nec canonicatus, nec dignitates, sed inferiora beneficia esse censentur. Alio vero modo vocatur *collegialis Ecclesia*, quasi per autonomiam, illa, quæ licet cathedralis non sit, habet specialem dignitatem & honorem, in quo superat inferiores Ecclesias etiam conventuales, & de his videtur loqui Glossa, in c. statutum, de scriptis, verb. *Cathedralium*, ubi has vocat *Ecclesias collegiatis honorabiles*. Videtur autem earum dignitas per hoc recte explicari, quod aliquam jurisdictionem habent superioris rationis, & Abbas, vel Prior, aut quocumque alio nomine vocetur earum caput, dignitatem habet, & jurisdictionem quasi Episcopalem. Hoc igitur modo non omnis Ecclesia regularis est propriæ collegialis, & ideo necesse non est, ut omnes regulares clerici sint Canonici regulares. Porrit etiam hoc nomen sumi ex origine, & ideo non accommodari illis clericis regularibus, qui eandem originem non habent, ut in sequenti puncto explicabimus.

Id impu-
gnatur.

Occurrit
distin-
guendo
duos mo-
dos Eccle-
siæ colle-
giatæ.
1. Modus.

2. Modus.

12 Possunt ergo ulterius Canonici regulares distinguere in Canonicos Ecclesiarum cathedralium, & non cathedralium; hos enim duos ordines illorum reperiri, & usu ipso, & jure, ac historiis constat; nam in Hispania habemus Ecclesias Cæsaraugustanam, Tarracensem, & Pampilonensem, & Oesomensem, quarum Canonici sunt regulares; & extra Hispaniam per totum orbem sunt plures hujusmodi Ecclesiæ, ut late refert Trullus lib. 1. ordinis canonicorum c. 30. ubi late ostendit hujusmodi Canonicos cathedralium Ecclesiarum esse vere religiosos, & ejusdem ordinis cum aliis Canonicis regularibus, qui in monasteriis, seu Ecclesiis collegiatis degunt, quia eandem professionem sub eadem Augustini regula faciunt, & eundem substantialem habitum religionis portant, solumque in accidentalibus rebus, majorique aut minori observantia differunt. Imo si originem & antiquitatem spectemus, præcipue videtur incepisse ille ordo in Ecclesiis cathedralibus, & ibi *Canonicorum* nomen accepisse, quod ad omnes postea derivatum est, etiam si extra Ecclesiam cathedrali in privata Ecclesia, vel monasterio proficiantur.

Subdistingui-
tio Cano-
nicorum
regula-
rium.

13 Reliqui ergo clerici regulares, qui illud institutum non proficiunt, sed propriam & peculiarem habent institutionem, quæ per se non postulat vel cathedrali Ecclesiam, vel aliquam aliam specialem dignitatem habentem, in rigore non comprehenduntur sub illo nomine, neque habent, unde illud participant, ut satis declaratum est. Potestque hoc deservire ad intelligenda jura, quæ de Canonicis regularibus loquuntur; nam ex vi verborum, & in rigore, non pertinet ad alios clericos regulares, nisi disponant de re, quæ solum fundatur in religioso statu clericali, quatenus talis est, vel contineant favorem religionis ut sic. Si autem contineant licentiam vitæ laxioris, non sunt extendenda nec applicanda ad omnes clericos regulares, nisi quatenus uniuscujusque instituto accommodata fuerint.

Reliqui
clerici re-
gulares a
Canonicis
coddistingui-
guuntur.

Quomodo
etiam hi
subdivi-
dantur.

14 Tandem potest clericorum religio dividi in mendicantem, & non mendicantem. Item in pure contemplativam, & mixtam ex contemplativa & activa. Societas enim, quæ sub hoc genere continetur, mendicans est, & mixta: aliæ vero religiones clericorum non prosistentur mendicitatem, aut proximorum ministeriis ex instituto vacant, ut ex his, quæ in particulari tract. seq. lib. I. cap. 5. dicemus, constabit.

C A P U T X.

Utrum religiones Monialium a religionibus virorum, vel etiam inter se distinctæ sint?

Propos-
itio tra-
ctandorū
in reliquo
libro.

1 Ultima generalis divisio religionum esse potest in religionem virorum & fœminarum; utramque enim possessionem in Ecclesia esse constat, & habere inter se distinctionem aliquam. Quoniam ergo de religionibus virorum in communi satis distinximus, de Monialibus nonnulla dicere necesse est. Et quoniam fere omnia, quæ ad statum religionis pertinent, in eis cum proportionem locum habent, & in particulari religiones fœminarum tamquam accessorium quid ad religiones virorum reducuntur, ideo usque ad finem libri percurramus breviter omnia, quæ ad statum religiosum pertinent, illa monialibus accommodando, & proportionem, quam servant ad virorum religiones, explicando, simulque totam illarum varietatē, & distinctionem insinabimus, ita ut nihil amplius de illis dicere necesse sit.

Fœminas
Deo con-
secratas,
& juocim
habitantes
olim
fuisse o-
stenditur.

2 Primo igitur certum est a principio nascentis Ecclesiæ fuisse consuetudinem consecrandi Deo fœminas, tam virgines, quam viduas per votum continentiae, ut late in superiori tomo ostendimus, tractando de voto castitatis. Deinde certum est, antiquissimum esse morem congregandi in separatis domibus, seu monasteriis fœminas Deo consecratas, & viam perfectionis sectantes. De temporibus enim Apostolorum fertur Iphigeniam ab Apostolo Matthæo ad Deum conversam, & sacro velamine consecratam monasterium Virginum habuisse; sed est res incertæ autoritatis, sicut liber Abdiæ de Apostolicis institutis, unde sumpta est. Probabilior est historia, quam de B. Virgine Martha refert Ecclesia, quod Massiliæ in loco a viris remotissimo cum aliquot honestissimis fœminis in perpetua virginitate, summa cum laude usque ad mortem vixerit. Philo etiam in lib. de vita contemplativa, non solum viros, sed etiam fœminas indicat fuisse vitam illam contemplativam sequutas, quam per totum illum librum describit. Post illa vero tempora legimus S. Pachomium virginum monasterium, juxta suum habuisse & gubernasse, a sorore ejus erectum, ut refert Baronius ex antiquis historiis, & ex regulis ejusdem Pachomii colligitur, & Chrysostom. homil. 8. in Matthæum cum de Monachis Ægypti sermonem habuisset, subdit: *Atque hæc non in viri solum, verum etiam in fœminis splendore conspicias; & infra: Communis enim illis, ac viris adversus diabolum pugna est contra hujus mundi potestates, nec uspiam teneritudo sexus his congressibus impares facit, non enim natura corporis, sed voluntate animi exercentur ista praelia, propterea sæpe in hujusmodi acie fortius viris fœmina decertarunt, ac trophæis insignibus claruerunt. Non ita variis astrorum choris cælum refulget, ut Ægypti eremus innumeris monachorum, ac virginum distinguitur atque illustratur habitaculis.* Similia commemorat D. Hier. in ep. 48. ad Sabinianū, dicens: *Moris est in Ægypti & Syriæ monasteriis, ut tam virgo, quam viduas, quæ se Deo voverint, & seculo renuntiantes, omnes divitias seculi conculcarint, crinem monasteriorum matribus offerant desecandum: non in recto postea contra Apostoli voluntatem inessura capite, sed ligato pariter, ac velato.* Idemque Hieron. epist. 16. ad Principiam, refert eandem consuetudinem incepisse Romæ tempore Athanasii, unde Augustinus de moribus Ecclesiæ cap. 31. *Hæc est (inquit) etiam vita fœminarum Deo sollicitè casteque servientium, quæ habitaculo segregata, ac remota a viris quam longissime decet, pia tantum illis charitate junguntur, &c.* & in Hispania, & eodem tempore fuisse jam usum religiosarum virginum, constat ex Concilio Elibertino tempore Sylvestri celebrato, canon. 13. quamvis non constet eo tempore in propriis & separa-

tis monasteriis vixisse, nam in parentum domibus, saltem illis viventibus habitare permittiebantur, ut ex eodem Concilio colligitur canon. 27. & ex Concil. Carthaginensi 3. canon. 33.

3 Qualis autem vitæ institutio, & professio, a principio fuerit in hujusmodi fœminis Deo dicatis, incertum est, an scilicet fuerit per proprium religionis statum cum omnibus votis, quæ sunt de substantia ejus, an vero fuerit per solum votum castitatis, sicut nunc a multis fit. Item, an semper sumperint hunc statum in propriis monasteriis, & conventibus, an in privatis domibus. Eademque incertitudo est de habitu, ac vivendi modo; verisimilius tamen est varios fuisse modos illius status, non solum in diversis temporibus, aut locis, sed etiam in eisdem, sicut nunc sunt in Ecclesia. Nam quod aliquæ essent simplex tantum votum castitatis emittentes, ex 1. ad Timoth. 5. intelligimus, & multi putant hujusmodi fuisse quatuor illas virgines filias Philippi, de quibus Actorum 21. mentio fit; nam eas semper virgines perseverasse indicat Eusebius lib. 3. historiæ, cap. 25. ubi de una specialiter refert ex Polycrate, Spiritus sancti afflatu pie sanctæque viram instituisse, & Ephesi mortem obisse; ex quibus verbis colligi potest instituisse vitam integre ac perfecte religiosam. Quod etiam consecratio illa solennis aliquando fuerit, ut inhabilem redderet personam ad matrimonium in superioribus cap. 2. dictum est, aut ignorari, hujus consuetudinis initium, aut certe esse valde antiquum.

Quidam
profiterē-
tur olim
predictæ
fœminæ.

4 Præterea, quoad modum habitationis, ostendimus etiam in eodem cap. 2. nu. 7. interdum fuisse in privata domo, interdum in monasterio, & conventu communi, & ita utriusque modi vivendi fecit mentionem Hieronymus, nam epistol. 22. de virginibus loqui videtur, quæ in propriis domibus habitabant, in epist. autem 27. refert monasteria sororum, seu monialium a S. Paula ædificata. Indicat vero non fuisse monasteria omnino clausa: *Nam in die (inquit) dominico ad Ecclesiam procedebant, ex cujus habitabant latere, & unumquodque agmen matrem propriam sequebatur.* Augustinus vero lib. 1. de moribus Ecclesiæ cap. 31. etiam exactam clausuram servatam esse indicat, dicens: *Ad quas juvenum nullus accessus est, neque ipsorum, quamvis gravissimorum & probatissimorum senum nisi usque ad vestibulum necessaria præbendi quibus indigent gratia.* Et saltem has fœminas, quæ in Monasterio includebantur, integre ac rigoroſe statum religiosum habuisse, non solum castitatem, sed etiam pappertatem, & obedientiam vovendo, ex eisdem Patribus manifestum est; & Innocent. II. in Concilio Romano tandem statuit, ut Sanctimonialia, non nisi in Cœnobiis, seu communibus monasteriis vivant, ut habetur in cap. *perniciosa*, 18. q. 2. Olim enim quando Ecclesiæ non concedebatur tanta pax, & securitas propter persecutiones, aut tyrannidem Principum infidelium, non poterant commode tot monasteria fœminarum ædificari. Cum primum vero facultas, & occasio data est, hic mos tamquam longe ætior ad virginitatem servandam ita prævaluit, ut solus ille retentus sit, & per Pontifices, & Concilia approbatus, ut patet cap. *definimus*, & in cap. *in nullo*, cap. *monasteria*, cap. *in decima*, 18. quæst. 2. & aliis, de religiosis domibus, & de statu monachorum usque ad Concil. Trident. sess. 25.

De ipsarū
habitu
modo.

5 Ex his ergo satis constat in generali origo, & necessitas hujus status quoad fœminas; ut autem de illius varietate, & de peculiaribus conditionibus monialium dicamus, advertendum est monasteria monialium ordinarie, & fere ab initio fuisse annexa, & subordinata monasteriis monachorum, ut indicat exemplum supra allatum de monasterio virginum sancti Pachomii, & significat Augustinus supra, dicens de monialibus: *Lañificio corpus exercent, atque sustentant, vestesque ipsas fratribus tradunt, ab iis invicem, quod victui opus est, resumentes;* & in Concil. Hispalensi II. cap. 11. statutum est, ut *monasteria virginum monachorum administratione ac præsidio gubernentur*, habetur in cap. *in decima*, 18. quæst. 2. & notavit Panorm. part. 1. consiliorum cons. 8. Ex illo tamen capite constat illam gubernationem ita fuisse monachis commissam, ut præcipue, & maxime ab Episcopo penderet; nam is monachus, qui ab Abbate monasterio monialium præponebatur, iudicio sui Episco-

Notatio
subordi-
nationis
monia-
lium, pro
divisione
religionū
ipsarum.

Episcopi comprobatus erat, ut ibidem dicitur, & ita etiam in monasteriis monialium locum habebat, quod ex Concil. Arelatenſi reſert Gratian. in cap. *monasteria*, 18. q. 2. ſcilicet, ut monasteria & monachorum diſciplina ad eum pertineant Episcopum, in cujus territorio ſunt conſtituta. Nam hoc etiam de monasteriis monialium verum erat; regulariter autem videtur fuiſſe cum ſubordinatione, quatenus monialium monasteria erant proxime ſubjecta monasteriis monachorum, omnia vero tandem erant ſub cura, & poſtate Episcoporum; tum quia ex generali regula, omnes Eccleſiæ, & loca ſacra in unaquaque dioceſi conſtituta, ſunt Episcopo talis dioceſis ſubjecta, niſi probentur exempta, cap. *contra morem*, d. 100. cap. *omnes Baſilicæ*, 16. q. 7. cap. *cum venerabilis*, & cap. *de xenodochiis*, de religioſis domibus: tum etiam, quia per multa decreta, ita in ſpecie cantum eſt, 18. q. 2. fere per totam.

6 Hinc ergo colligimus primo, quod ſicut acceſſorium ſequitur naturam principalis, ita religiones monialium ſequuntur religiones virorum, & juxta illarum diſtinctionem ſuo modo diſſerunt, ſeu variantur, ideoque non oportet de illis ſpecialem tractationem inſtituere, niſi quoad ea tantum, quæ, vel ratione ſexus eis propria ſunt, vel ſpecialiter ſunt in jure de illis ſtatuta. Cætera vero, quæ, vel de religioſis in communi, vel de aliqua religione particulari dicuntur, ad religioſas in communi, vel in particulari applicanda ſunt. Solum ergo ſunt nonnulla obſervanda. Primum eſt quoad finem religionis, majorem diverſitatem inveniri in religionibus virorum, quam ſcæminarum.

7 Nam in primis in ſcæminis non habet locum diſtinctio religionis in religionem laicorum & clericorum, quia hoc poſterius membrum non habet locum in ſcæminis, & ideo omnes religiones ſcæminarum imitantur potius religiones laicorum. Unde etiam eſt, ut religio mixta, ex contemplatione, & actione ſpirituali, quæ verſatur in miniſteriis erga proximos, non habeat locum in religionibus ſcæminarum, quia ſcæminæ non ſolum incapaces ſunt ordinum, ſed etiam docendi munus ad eas per ſe non pertinet, juxta doctrinam Apoſtoli 1. Corinth. 14. Regulariter ergo monialium religiones vitam proſequentur contemplativam, & monaſticam, & ita in proprio gradu monachorum, fere omnes monachæ continentur; nam ſi quid actionis participant, ordinarie ſolum eſt quoad laborem manuum, quæ operatio etiam propriis monachis viris, & maxime contemplativis, communis fuit, eſtque moraliter neceſſaria hominibus aliqua exercitatio corporis indigentibus. Aliud vero actionis genus, quod conſiſtit in uſu operum corporalis miſericordiæ, non eſt ita accommodatum religioni ſcæminarum, ut ſcilicet tamquam proprius finis, & ſcopus ejus aſſumatur, quia licet hujusmodi opera commodiſſime poſſint per ſcæminas exerceri, juxta illud Pauli 1. ad Corinth. 5. *Vidua eligatur in operibus bonis, teſtimonium habens*; & infra: *ſi hoſpitio recepit, ſi ſanctorum pedes lavit, ſi tribulationem patientibus ſubmiſtravit*, &c. licet hoc, inquam, ita ſit, tamen quia hæc opera nō poſſunt circa proximos exercere ſine exitu extra claſtrum, qui regulariter non expedit ſcæminis religioſis, ideo non eſt ille finis accommodatus tali religioni; ac propterea licet religioſæ ſcæminæ inter ſe debeant hæc opera perfectiſſime exercere, non tamen proprie illum habent pro fine religionis ſuæ, ſed eſt veluti conditio neceſſario concomitans omnem religioſam communiatem.

8 Hoc tamen non obſtat, quominus in monialium inſtitutis ſit varietas cum aliqua proportionem ad religiones virorum. Nam in primis inter proprias monachales, quædam proſequentur regulam S. Benedicti, ſub proprio ejus nomine & accommodato habitu; aliæ Citeſticienſi ordini obedientiam præſtant ſub nomine & inſignis D. Bernardi. Sunt etiam, præſertim in Hiſpania, nonnulla monasteria Sanctimonialium monachis D. Hieronymi ſubjecta, & conſequenter eorum inſtitutum imitantia. Ordo autem Carthuſienſium non habet ſoteres ſibi ſubjectas, vel quia modus vivendi, & clauſura, ac ſolitudo illius religionis non patitur curam ſcæminarum, vel quia modus ille vivendi non poteſt convenienter ſcæminis accommodari. Non ſolum autem monachorum ordines, ſed etiam quatuor antiquio-

res ordines mendicantes, ſua habent propria monaſteria monialium, quæ nomine *mendicantium* comprehenduntur, ut in terminis tractat, & definit Lopus allegat. 4. & colligitur ex cap. unic. §. *ſane*, de ſtatu regular. in 6. ubi quædam monasteria monialium dicuntur eſſe ordinum non mendicantium; ſupponitur ergo alia eſſe mendicantium ordinum. Et idem ſentit Gloſſ. in Clement. unica de regular. verb. *quoslibet*, & ibi Bonifacius nu. 56. Cardinalis q. 7. Qui conſequenter ajunt, diſpoſitiones juris circa mendicantes comprehendere hujusmodi moniales ſervata proportionem. Nec reſert, quod in profeſſione vitæ mixtæ ex miniſteriis ſpiritualibus non poſſint ſcæminæ viris aſſimilari, quia ſatis eſt, quod in aliis conditionibus unaquæque religio monialium illam mendicantem imitetur cui adjungitur, & primo quidem ac præcipue proſequentem regulam ejus, & obedientiam; deinde habitum ejus, & mores, ſeu conſtitutiones imitantur, & præcipue paupertatem, a qua *mendicantium* nomen ſumptum eſt. Præterea dicuntur eſſe aliqua monasteria monialium ſubjecta Canonicis regularibus, quas neceſſe eſt regulam S. Auguſtini proſequenti, & fortaſſe peculiari modo imitantur aſſistentiam in choro, & curam circa obſequium, & miniſteria divina. Sicut etiam nonnulla monasteria monialium inveniuntur ſub ordinibus militaribus, & cum inſignibus, & habitu earum, quamvis finis ordinis militaris ſexui ſcæmineo omnino repugnare videatur, quia vero omnes religiones militares partim ex clericis vel monachis conſtant, quoad eam partem poſſunt moniales illud vitæ genus ſuo modo participare, idque ſatis eſt, ut ſub abſoluta appellatione talis religionis comprehendatur.

9 Denique in hoc puncto advertendum eſt, plura monasteria monialium eſſe nunc immediate ſubjecta Episcopis; poſtquam enim monachi exempti fuerunt a juriſdictione Episcoporum monasteria monialium, quæ permaſerunt ſubjecta monachis, conſequenter etiam fuerunt a juriſdictione Episcoporum exempta; multa vero manſerunt immediate ſubjecta Episcopis, vel, quia a principio ita fundata fuerunt, vel quia privilegio, aut alio juſto titulo id conſequuta ſunt, hoc tamen non obſtat, quominus talia monasteria regulam aliquam approbatam proſequenti debeant. Quod enim ſtatutum eſt in cap. ultimo, de religioſis domibus, & cap. unico, eodem titulo in 6. ut nulla religio inſtituatur, niſi ſub regula a Sede Apoſtolica approbata, etiam in monasteriis monialium omnino ſervandum eſt, & prius ſtatutum fuerat ab Innocent. II. in cap. *perniciosa*, 18. q. 2. ubi decernit abolendam eſſe deteſtabilem conſuetudinem quarundam mulierum, quæ licet approbatam regulam nō proſequerentur, Sanctimoniales appellari volunt. Unde in cap. *indemnitate* §. *ſupradicta*, de electione in 6. in hoc ſenſu ſupponi videtur, moniales, quæ vere tales ſunt, id eſt, veræ religioſæ, debere vivere ſub aliqua de religionibus approbatis. Non eſt enim neceſſe, ut ſub obedientia Prælatorum regularium vivant: nam ut dixi, multæ ſunt ordinariis, & ſæcularibus Prælatiſ immedie ſubjectæ. Neceſſarium vero eſt, ut aliquam monachorum regulam proſequantur, quia nulla eſt regula a Sede Apoſtolica pro ſolis monialibus, vel pro illis principaliter approbata; & ideo neceſſe eſt, ut ſecundum aliquam ex approbatis regulis religioſorum proſequantur, ſive ſint ſubjectæ iſtis monachis, ſive Episcopis. Sicut enim olim monachi erant ſubjecti Episcopis, non obſtante profeſſione ſuæ regulæ, ita etiam nunc eſſe poſſunt monasteria monialium.

10 Quapropter ſi quispiam velit erigere monaſterium monialium, & non ſub aliqua regula approbata, neceſſarium erit, ut ratio, & modus vivendi in tali congregatione per Summum Pontificem ſpecialiter approbetur, alioquin eſſe poterit honeſta quædam mulierum congregatio, non tamen vera religio, ſeu religioſa profeſſio, juxta dictum cap. unicum, de religioſis domibus in 6. cum notatis ibi per Jo. Andream, & per Panormit. 1. part. Conſiliorum conf. 55. Non ergo ſufficiet tunc approbatio Episcopis; hæc enim neceſſaria quidem eſt, ut monaſterium de novo in dioceſi erigatur, juxta cap. *de monachis*, cum ſequentibus, 18. q. 1. Et olim ſufficiebat ad novum etiam vivendi modum inſtituendum; nunc autem neceſſe eſt, ut ſi modus ipſe vivendi vel ſit juxta aliquam regulam approbatam a ſede Apoſtolica,

Obſectio
contra
moniales
mendicantes
removetur.

Quædam
ad canon.
regul. imo
& ad reli-
giones
militares.

Moniales
etiam Episcopis
ſubjectas
debere
aliquam
regulam
approbatam
proſequenti.

ſcæminæ
collegia-
liter vi-
ventes ab-
ſque dicta
regula re-
ligioſæ
non ſunt.

Quæ divi-
ſiones a
c. s. uſque
ad g. addu-
cta locum
non habent,
vel
habeant
in ſcæmi-
nis.

Diviſio,
ſeu varie-
tas mo-
nialium
pro varie-
tate viro-
rum regu-
larium.

vel specialiter ab eadem sede approbatus sit.

Illatum
nomen de
origine &
antiquita-
te monia-
lium.

II. Atque ex his inferuntur duo. Unum, idem esse iudicium de origine, & antiquitate religionum monialium, tam in generali, quam in particulari, quod de religionibus virorum, proportionem servata. Nam ut ex dictis in nu. 2. constat, monialium religio simul cum religione virorum exorta est, & cum singulis fere monachorum authoribus, virginum etiam conventus in ceperunt, sicut de Pachomio, & aliis diximus, & S. Basilii inter suas regulas habet animadversiones ad Canonicos, & ad Canonicas, id est, regulares, & S. Augustinus fertur fundasse primum sceminarum monasterium in Africa in Civitate Thegastæ. De S. Dominico adhuc vivente legimus monasterium sceminarum Romæ instituisse. De etiam Franciscus simul cum regula fratrum suorum, regulam sororum S. Claræ instituit, quam Gregor. IX. approbavit, posteaque Urbanus V. moderatus est, & ad meliorem ordinem, & sceminis magis accommodatum reduxit. De aliis vero religionibus tam monachorum, quam mendicantium, non ita certo constat, quando cœperint habere monasteria sceminarum sibi subiecta, vel suam regulam professentia. Verisimile tamen est, idem esse in cæteris observatum, simulque incepisse, quamvis sub eadem religione virorum, varia etiam instituta monialium esse contingat; ut religio Minorum præter religionem S. Claræ, habet etiam sibi subiectam religionem Conceptionis, quæ diversam regulam proficitur, & sic de aliis, de quibus sigillatim dicere operosum esset, & nobis non necessarium. Alterum illatum longiorem petit explicationem sequenti cap. tradendam.

C A P U T X I.

De receptione, ac novitiatu monialium, earumque professione cum ceremonia veli.

I. PRÆter consecratum præced. cap. nu. 1. positum, sequitur etiam ex dictis in eodem capite, omnia quæ in discursu huius operis de statu religioso dicta sunt, cum proportionem esse ad moniales applicanda. Nam in primis consideranda est earum receptio, in qua observandum in primis est, quod iura statuunt, ut non fiat, nisi intra numerum præscriptum monialium, qui ex redditibus, vel ex consuetis elemosynis commode sustentari possunt, juxta cap. unicum §. sane, de statu regular. in 6. & decretum Concil. Trident. sess. 25. cap. 3. de regular. ac tandem constitut. Pa. V. circa pastoralis, &c. quod intelligendum est, nisi monialis seculum afferat dotem, ex qua possit commode sustentari; nam illa dos potest inter elemosynas, vel postmodum etiam intra redditus monasterii computari. Hinc vero nascitur dubium, quod hic præcipue controversi solet, & spectat ad simoniam vitium, an scilicet committatur in tali receptione, eo quod non fiat sine dote in pactum deducta, nec sine aliis certis expensis; sed hoc punctum late & in particulari tomo præced. tractatum est. Tractari etiam hic potest de auctoritate recipiendi aliquam in monialem, apud quem sit, de quo etiam videnda sunt eodem tomo dicta de receptione novitiorum, & cum proportionem in præsentem applicanda. Communis vero usus juri & rationi consentaneus est, ut hæc potestas sit in ipso conventu monialium, simul tamen requiratur Prælati licentia seu consensus. Nam quatenus illa receptio est ad communem vitam, & societatem cum monialibus, ratio postulat, ut ipsæ voluntarie illam admittant; quatenus vero illa receptio est aliquo modo actus jurisdictionis, oportet, ut Prælati, apud quem est propria jurisdictio, concurrat, de quo videri possunt Abbas in cap. nescitur, de his quæ sunt a majori parte Capituli. Felinus in cap. quoniam, de simonia. Lapsus allegat. 3. r.

De numero, & dote
moniali
recipien-
darum.

De pote-
state reci-
piendi.

De condi-
tionibus
personali-
bus soci-
etatis an
requira-
tur virgi-
nitas,

2. Interrogari præterea potest, quæ conditiones ex parte personæ recipiendæ, spectandæ, vel postulandæ sint: in quo primum necessaria sunt omnia, quæ in communi de statu religioso diximus tomo præcedente. Deinde hic addendum est, non solum virgines, sed etiam viduas in eisdem monialium conventum recipi posse. Hoc constat ex ipsa Ecclesiæ, quem esse antiquissimum constat, nam in monasterio illo virginum, quod in Africa Augustinus instituit, sororem

viduam illi præfecit, & Beata Brigida cum esset vidua, monialium ordinem instituit, quatum fuit Abbatisa, licet ipsæ virgines essent. Præterea in cap. vidua, 20. q. 1. de vidua dicitur, si velit religionem proficere, admitti posse, & debere, recepto habitu religioni conveniente; idem constat ex cap. viduas, 1. & 3. & cap. vidua, cum sequentibus 27. q. 1. Sunt vero nonnulla antiqua decreta, quæ huic assertioni repugnare videntur, de quibus statim agemus. Dices: ergo etiam scemina illicite corrupta post poenitentiam admitti poterit, ut inter virgines monialis sit, quia culpa præcedens non videtur obstat, si virginitatis integritas necessaria non sit. Respondent aliqui, huiusmodi sceminas hac macula, vel nota laborantes, non esse admittendas in conventu virginum, de quo videri potest Francus in cap. unico de religio. domibus in 6. Sed hoc intelligendum est secundum decentiam, & convenientem honestatem, non secundum incapacitatem, aut absolutam prohibitionem, nulla enim in jure communis invenitur, nisi in propriis monasterii constitutionibus habeatur. Quocirca, si lapsus fuerit publicus & infamis, talis scemina, quamvis postea convertatur, in consortium virginum admittenda non est, ideoque pro huiusmodi sceminis inventa est specialis religio, quæ dicitur *Mulierum poenitentia*, aut Sanctæ Mariæ Magdalene, cujus plura sunt in Hispania monasteria, quæ regulam S. Augustini proficere dicuntur, & sub cura, & obedientia Prædicatorum vivunt. Si autem lapsus sit occultus, & non generaverit infamiam, nihil impedit per se moraliter loquendo; imo aliquando licet esset publicus, si semel tantum ex quadam fragilitate accidisset, posset tor aliis circumstantiis personæ, generis, & emendationis honestati, aut compensari, ut sine inconvenienti talis persona admitti posset. Itaque hoc in huiusmodi casibus maxime pendet ex prudenti arbitrio. Idemque dicendum est de aliis conditionibus ex parte talis personæ requisitis, ut quod & corpore, & animo sit apta ad religiosam, & communem vitam, juxta monasterii, & ordinis regulam, ut dicitur in Conc. Trid. sess. 25. de regular. c. 17.

3. Post receptionem necessaria est integri anni probatio, ita in monialibus sicut in monachis, & cum iisdem circumstantiis, nec in hoc occurrit aliquid speciale. Pari etiam modo post expletam probationem aut danda est professio, aut dimittenda novitia, juxta legem positam a Tridentino supra cap. 16. quæ utrique sexui communis est, ut constat ex discursu totius tituli de regularibus, & specialiter ex principio cap. 15. Neque obstat particula *novitius* masculini generis; nam regulate est, ut sub masculino sceminum comprehendatur, quando materia communis est.

4. Circa professionem autem ea omnia servanda sunt, quæ tractat. 7. sunt explicata, & substantialia, ac generalia sunt. Ubi etiam diximus specialiter attendendum esse in professione monialium, ut plena voluntate, & omnino spontanea fiat, quod antiquis canonibus cautum est, cap. puella, 20. q. 1. Maxime vero hoc innovavit Concil. Trident. supra cap. 16. 17. & 18. nam ob eam causam in 16. statuit, ut ante professionem ex bonis novitiæ monasterio nihil tribuatur præter victum, & vestitum pro anno probationis: *Ne hac occasione discedere queat*. Unde a Congregatione Cardinalium declaratum est, etiam dotem non esse monasterio tribuendam ante professionem, sed in deposito reponendam. Quod per se intelligendum existimo; nam si necessitas, vel aliqua major commoditas ipsiusmet novitiæ intercederet, & iudicium, ac licentia Episcopi interveniret, posset, ut opinor, dos recipi a monasterio, data certa cautione, & securitate illam integre, & sine difficultate restituendi, si novitia velit abire; ita enim satisfit intentioni Concilii. Quod ulterius in cap. illo 17. circa hoc disponit, ut Episcopus ante professionem, virginis voluntatem exploret, ut pia, & omnino spontanea sit. Ac tandem in 18. cap. censuram addit contra eos, qui sceminas ad statum religiosum assumendum cogunt, vel assumere volentes impediunt, juxta cap. ult. 3. q. 2. quæ tom. de censuris, & tract. 7. lib. 6. supra est a nobis explicata. Sicut autem ex parte novitiæ voluntas requiritur, ita etiam ex parte monasterii, simul cum Abbatisa, sicut de receptione dictum

De secun-
da parte
tituli, seu
Novitia-
tu.

De tertia
parte, ac
primum
ut profes-
sio fiat
spontanea,
acc.

Item dos
novitiæ
tempore
professio-
nis ordi-
narie tra-
denda.

Item pro-
fessio in
manibus
Prælati
facienda.

dictum est; nam est eadem, vel major ratio, ut ex dictis satis constat. Ex parte autem Prælati non solum consensus necessarius est, sed etiam in manibus ejus debet professio fieri, & ab eo acceptari, quia solum apud ipsum est propria jurisdictio, ex cap. *statuimus*, 20. quæst. 2.

De cere-
monia ve-
li. Velum
receptio-
nis, seu
novitia-
rum. Ve-
lum pro-
fessionis.

5 Est autem hoc solenne, & observatum in fœminis, ut cum proficiantur, velum recipiant, & olim etiam solebant virgines consecrari. Unde multiplex distingui solet velum monialium; quoddam dici potest velum receptionis, quod novitiis a principio datur, & solet esse album. Aliud dicitur velum professionis, quod nigrum est (quamvis olim aliqua varietas in hoc fuisse videatur), & hoc datur solennem professionem emittentibus cujuscumque ætatis, vel conditionis sint. Meminit illius Hieronym. epist. 8. ad Demetriadem de servanda virginitate, dicens: *Scio, quod ad imprecationem Pontificis flammeum virginale sanctum operuerit caput*. Ubi Marius Victorinus dicit flammeum appellari velum rubrum, quo nuper nuptæ uti solebant: & in Epitaphio Paulæ, aliæ epist. 27. de Paula dicit Hieronymus; *Christi flammeo reservatur*, scholium vero addit, *flammeum vocari indumentum flammei coloris, quo mulieres præsertim virgines caput tegebant*. Sed quidquid sit de antiqua, aut prima vocis expositione, constat & ex subjecta materia, & ex adjuncto adjectivo virginali Hieronymum loqui de velo monialium, propter quod etiam dicit solitum esse imponi ad Episcopi imprecationem. Unde videtur Hieronymus ad spirituales nuptias, & novas Christi sponsas vocabulum illud transulisse: nec propterea dicere oportet monialium velum tempore Hieronymi rubrum fuisse, quia non est attendendum ad originem, vel etymologiam vocis, sed ad rem, ad quam significandam translata est. Unde idem Hieronymus epist. 12. ad Gaudentium. *Solent (inquit) cum futuram virginem sponderint, pulchra tunicam induere, & furo opere pallio, id est, fulco, seu nigro*. Epistola vero 48. ad Sabinianum faciens mentionem idem Hieronymus ejusdem consuetudinis ait: *Moris est in Ægypti, & Syria monasteriis, ut tam virgo, quam vidua, quæ se Deo voverint, & seculo renuntiantes omnes delicias seculi conculcant, crinem monasteriorum matribus offerant desecandum, non intecto postea contra Apostoli voluntatem incessuræ capite, sed ligato pariter ac velato; & infra de moniali loquens ait; Christi flammeo consecrata est, & se in monasterio victuram sponderat, &c.* Unde constat aperte loqui de velo professionis, & docere viduis, & virginibus fuisse commune.

1. Præro-
gativa
hujus veli
consecra-
tionis,
quod vir-
ginibus
solum co-
petit.

6 Est autem aliud velum, quod dicitur consecrationis. Solent enim Sanctimoniales solenniter consecrari nonnullis benedictionibus, & caeremoniis, quæ habentur in Pontificali Romano, & explicatur a D. Thom. in 4. d. 38. q. 1. art. 5. Palud. ibi. q. 5. art. 2. & late ab Antonino 3. part. tit. 2. cap. 2. Velum ergo, quod speciali benedictione tunc imponitur, dicitur velum consecrationis, quod plures habet prærogativas: una est quod solis virginibus dari potest, ut dicti authores docent, & habetur expresse in cap. *devotis*, 20. quæst. 1. ubi Gelasius Papa inquit, *viduas velare Pontificum nullus attentet*, quod etiam habet Concil. Triburiense cap. 25. & Concil. Rothomagense canon. 9. apud Joannem part. 7. decreti cap. 52. Hæc enim decreta non sunt ita intelligenda, ut nullum velum viduis imponi possit, ac si illæ essent incapaces professionis religiosæ; hoc enim aliis decretis repugnat, ut patet ex dictis, & ex cap. ult. 20. q. 1. & ex multis aliis 27. q. 1. Sunt ergo illa decreta intelligenda de velo consecrationis.

Corrupta
etiam pe-
rim hoc
velum non
datur.

7 Unde D. Thom. supra: *Viduis (inquit) datur aliud velum, non tamen cum illa solennitate, cum qua datur virginibus*. Idem fere ibi Soto art. 1. & Sylvest. verb. *Consecratio virginum*. Unde a fortiori constat fœminas extra matrimonium corruptas nulla ratione posse hoc velum recipere. Quod adeo verum est, ut etiam si per violentiam, & sine propria culpa corrupta sit virgo, consecrationis velo ornari non possit, juxta decretum Leonis Papæ ep. 87. ad Episcopos Mauritaniæ cap. 2. statuentis cum his fœminis eam esse servandam moderationem: *Ut neque in viduarum deiciantur gradum, neque in sacrarum, & perseveran-*

tiam virginum numero censeantur. Quod non ita est intelligendum, ut pro illis speciale velum instituendum sit, sed quod in aliis prærogativis & honoribus præferri possent viduis & virginibus æquiparari, non tamen in consecratione. Cujus rationem insinuat infra cap. 5. & habetur 32. q. 5. cap. *illa*, dicens: *illa autem famula Dei, quæ integritatem pudoris oppressione barbarica perdiderunt, laudabiliores erunt humilitate, & verecundia, si se incontaminatis non audeant comparare virginibus, quamvis enim omne peccatum ex voluntate nascatur, & potuerit corruptio carnis mens invita non pollui, minus tamen hoc illis oberit, si quod potuerit, animo non amittere doleant se, vel corpora perdidisse*. Quod exponens D. Thom. citato loco ad 4. dicit, quamvis illæ, quæ per violentiam corrumpuntur, si nullo modo consentiant, virginitatis gloriam non perdant; quia tamen valde difficile est, quod in tali delectatione aliquis complacentior motus non insurgat, ideo Ecclesiæ, quæ de interioribus non judicat, hujusmodi sic corruptas inter virgines non velat. Est etiam illa quasi quædam irregularitas, quæ licet sine peccato contrahatur, impedit talem consecrationem. Unde D. August. lib. de bono conjugali cap. 18. *Etiamsi violenta corruptio virginis baptismum antecedit (ait) non posse etiam post baptismum inter Dei virgines consecrari*. Verum est Augustinum simpliciter loqui de fœmina, quæ catechumena fuit vitata, & non addere expresse, etiam si violenter vitata sit; loquitur tamen generaliter de catechumena vitata, etiam sine culpa. Ratio vero est, quia in consecratione virginum non spectatur, an culpa præcesserit, sed an virginitas etiam corporalis, seu materialis subsistat, quia per consecrationem ipsam significatur, & speciali honore afficitur, & per illam representatur integritas Ecclesiæ triumphantis, ut dixit Glossa in cap. *acutus*, 16. distin.

8 Sed quæri hic solet, si fœmina sit in publica fama, & possessione virginitatis, occulte autem sit corrupta, possit consecrationis velum accipere: nam D. Thom. supra ad 5. absolute negat, *quia propter vitandum (inquit) scandalum non debent Ecclesiæ sacramenta, vel sacramentalia variari*. Dicit tamen quærendum esse remedium ad vitandum scandalum, & infamiam, quale est, ut accidentalibus, & publicis solennitatibus contentis, quæ sunt de substantia consecrationis, mutetur, quam mutationem censet sufficienter fieri mutato nomine *virginitatis* in nomen *castitatis*. Cujus ratio esse videtur, quia aliàs forma talis consecrationis contineret mendacium. Idem sequitur Angelus verb. *consecratio virginum*, nu. 3. & Sylvest. ibi. nu. 2. Hoc vero non placet Palud. in 4. d. 38. q. 5. art. 3. conclus. 7. quem sequitur Anton. 3. part. tit. 2. cap. 2. in principio quia illa fictio continet mendacium in ipso facto, quod non minus clarum est, quam in verbo; sed hoc non admodum urget, quia illud non est mendacium formale, sed materialis dissimulatio, vel occultatio; nam id, quod fit, habet suum proprium usum licitum, & bonum, & potest habere significationem veram, scilicet sanctificationis, & oblationis illius personæ, quæ ad divinum cultum, & ad perpetuam continentiam ex tunc Deo dicatur; alia vero falsa significatione, quæ ab aliis concipi potest, non est intenta, & ideo non intervenit mendacium.

9 Quare non dubito, quin ille modus a D. Thom. relatus sit licitus; & potius dubito, an sit sufficiens remedium, vel necessarium; sufficiens, inquam: nam eo ipso, quod *virginitatis* nomen in nomen *castitatis* mutetur, generabit suspicionem, & scandalum apud audientes, præsertim mediocriter intelligentes, qui licet regulariter pauciores sint, infamia tamen apud ipsos est majoris momenti. Necessarium autem non videtur esse mendacium, quia verba possunt legitimum sensum habere. Unusquisque enim censetur loqui in eo foro, in quo operatur, sic enim reus sine mendacio negat delictum occultum, quod vere commisit, & Judex per sententiam vere declarat innocentem eum, quem occulte scit nocentem, si in judicio non probatur. Imo Scriptura divina Luc. 2. & alibi ita loquitur, ut *Patrem* vocet eum, qui communiter talis reputatur, licet non sit; ergo similiter licet mendacio potest appellari *virgo*, quæ talis est in communi estimatione,

An corrupta reputata virgo possit velum hoc accipere.

non obstante contraria scientia occulta, quia omnes intelligunt humanum sermonem esse ex humana scientia, & existimatione, & non semper ex re ipsa.

10 Quocirca probabile existimo, in casu omnino occulto posse hujusmodi feminam accipere velum consecrationis. Quod ita declaro; nam duplex obligatio ex hoc defectu occulto oriri potest, vel in Episcopo ad non consecrandam feminam, vel in ipsa femina, ut non se ingerat consecrationi. Quoad priorem, si Episcopus solum habeat notitiam lapsus, per confessionem sacramentalem, certum est, nec debere, nec posse negare consecrationem feminæ petenti, quia violaret sigillum. Si autem sciat extra sacramentum per secretam revelationem ipsius feminæ, non censeo teneri ad expellendam illam, seu negandam consecrationem, quod tenent Summa Confessorum, & Sylvest. Ipsi tamen dicunt posse Episcopum dispensare, unde recte sequitur non teneri ad actum oppositum. Verumtamen, si ipsi supponunt juris prohibitionem, cum illud jus commune sit, oportet, ut ostendant, ubi data sit Episcopo facultas dispensandi in hac veluti irregularitate; fortasse dicerent potestatem ejus ordinariam satis esse ob necessitatem vitandi scandalum. Mihi tamen videtur tunc non esse necessariam dispensationem, sed jus ipsum commune non obligare Episcopum ad judicandum de re occulta, vel ad operandum ex scientia adeo privata, & occulta, præsertim cum periculo scandalum. Item quia in illo actu nullum est mendacium, ut declaratum est, & alioquin non sit aliqua irreverentia tali consecrationi, seu benedictioni, quia talis persona non obstante præcedenti lapsu, potest esse capax illius in ordinem ad perpetuam continentiam futuram; nec etiam obest sanctitati illius status, aut conversationi aliarum virginum, quia bona fama, & communis existimatio impedit omne incommodum; ergo non est, cur credamus hanc prohibitionem positam esse cum tanto rigore. Nihilominus tamen non videtur teneri Episcopus ad consecrandam hujusmodi feminam, quia potest se excusare ab illo munere, vel alio colore illam non admittente ad professionem. Quod quidem est verum per se loquendo, & ex lege iustitiae, nihilominus in individuo cavere debet, ne infamet proximum sine causa, vel ne averrat hujusmodi feminam ab statu perfectionis, maxime quando ipsa confidenter ei aperuit conscientiam suam in remedium, non in obstaculum. Quando autem Episcopus alia vis haberet similem notitiam moraliter certam, jam non esset res adeo occulta, & ideo merito posset non admittere talem personam ad velum virginum; semper tamen debet id facere consulendo famæ illius quantum potuerit.

11 At vero loquendo ex parte ipsius feminæ, censent multi teneri ad non petendum talem statum, etiam si ipsa sola norit delictum, sicut tenetur irregularis non petere ordines, etiam si solus sciat irregularitatem; imo addunt Sylvest. & Raymundus, quod licet virgo consecrata sit, si postea occultissime labatur, tenetur abstinere ab his actibus, qui secundum consuetudinem monasterii solent per solas virgines consecratas exerceri. Sed est onus intolerabile, ac proinde incredibile, præsertim cum nec possit satis ostendi expressum præceptum, nec sit res tam necessaria, aut tanti momenti, ut propter eam vitandam obliganda fuerit femina ad se infamandum. Imo etiam quamvis occultus lapsus hanc professionem præcedat, non censeo obligandam feminam ad se privandum illo statu, non solum quando sine infamia id vitare non potest, quod censeo certum, sed etiam si absque infamia possit alium statum, aut modum vivendi accipere. Probat prior pars, quia etiam censuram occultam non tenetur homo servare, quando non potest id facere sine gravi infamia. Secunda autem pars sit in primis verisimilis, quia non tenetur quis se privare tanto bono spirituali, quantum est status perfectionis propter crimen occultum. Ratio vero a priori omnium est, quia jura non imponunt hoc impedimentum tamquam penam, vel irregularitatem ipso jure incurrendam, sed præcipiunt Prælati, ne consecrent feminam corruptam; igitur, quando res occulta est, non tenetur ipsa femina se abstinere, sed potest in exteriori foro ita se gerere, sicut in communi opinione habetur. Et hoc plane supponunt

D. Thom. & alii authores, qui dicunt posse consecrari mutato nomine *virginitatis in castitatis*.

12 Hæc ergo est prima & præcipua prerogativa hujus veli consecrationis, quod ex vi suæ institutionis est (ut sic dicam) vorum virgineum, modo a nobis explicato, cui consequenter est alia adjuncta, quod tale velum a solis Episcopis dari potest, juxta cap. *Devotis*, 20. q. 1. quod communiter ad hoc allegatur, ut patet ex Palud. Sylvest. & aliis, ibi vero non dicitur expresse, sed indefinite, seu passive dicitur, ut virgines non velentur nisi intra certa quædam tempora, de quibus infra. Adduntur vero postea hæc verba; *Viduas autem velare Pontificum nullus attentet*, quæ intelliguntur de velo consecrationis; ergo supponit illa prohibitio adæquatum ministrum hujus velationis esse Episcopum. In aliis etiam decretis, ubicumque fit mentio ministrum hujus consecrationis, solus nominatur Episcopus. Et in Pontificali Romano in ritu illius consecrationis idem supponitur. Ac denique est communis sententia, cujus rationem assignat D. Thom. loco supra citato, quia hæc consecratio est spiritualis quædam desponsatio cum Christo, per quam repræsentatur desponsatio ipsius Christi cum Ecclesia, quoad illius incorruptionem, & ideo *solus Episcopus* (inquit) *cui cura Ecclesie committitur, virgines desponsat velando, non sibi, sed Christo, quasi sponsas anymphas*. Potest autem hæc consecratio committi presbytero per Summum Pontificem, non tamen censetur commissa per solam jurisdictionem Episcopalem, quia est actus ordinis, & non tantum jurisdictionis, unde neque Episcopus electus, & confirmatus, & nondum consecratus potest illum exercere, & a fortiori non possunt Provinciales religionum, vel alii similes inferiores Prælati, habentes jurisdictionem Episcopalem, nisi speciali privilegio Pontificio hoc eis concessum sit, sicut nonnullis Abbatibus datum est. Episcopus autem non habet potestatem committendi hoc munus Presbytero, qui non potest ei committere actus ordinis Pontificalis, juxta cap. *aqua*, de consecratione Ecclesiarum.

13 Præterea non potest hoc velum dari, nisi definitis temporibus & ætate a jure statutis. Prior pars habetur in dicto cap. *devotis*, & cap. *virginis*, 20. q. 1. ubi prohibentur virgines consecrari, nisi in die Epiphaniæ, aut in albis paschalis, id est, intra hebdomadam Paschæ, ut Gloss. exponit, quamvis alia litera habeat in sabbato Paschæ. Vel etiam in natalitiis Apostolorum, vel etiam, nisi periculum mortis immineat, quia tunc, quocumque die velari possunt, ut ibidem dicitur. In Concilio autem Lateranen. sub Alexand. III. prout habetur in cap. 1. de tempor. ordin. concessum est, ut omnibus Dominicis diebus liceat virgines consecrare, & consuetudo hoc extendit ad alias solennes festivitates, ut advertit Turrecrem. in dicto cap. *devotis*, q. 4. & ita in hoc consulenda est, & servanda consuetudo. Altera pars de ætate virginis consecrandæ magnam habuit in Ecclesia varietatem; nam in Concilio Romano sub Sylvest. cap. 10. significatur non esse sacrandam virginem usque ad ætatem septuaginta duorum annorum, in quibus suam castitatem probaverit. Gregorius autem lib. 3. epistol. 11. sexagenariam voluit esse virginem consecrandam; Concil. vero Agathense cap. 19. ante annum 40. prohibet velari. In Concilio Carthagin. III. cap. 4. solum postulatur ætas 25. annorum habetur in cap. *juvenculas*, cum seq. 2. q. 1. In Concilio autem Milevitano cap. 26. & Concilio Africano cap. 93. additum est, propter urgentem necessitatem licitum esse in minori ætate virginem velare. Circa quæ decreta observandum est aliud esse loqui de velo professionis, & aliud de velo consecrationis. Nam prius semper dari potuit in minori ætate, ut constat ex antiquis exemplis, & historiis, ac Patribus supra citatis, & ex Concilio Triburiensi apud Burchard. lib. 8. cap. 10. & 98. & Concilio Carthagin. IV. cap. 104. Et quia verisimile non est, ad professionem virginitatis postulasse aliquando Pontifices decreta, aut senilem ætatem, qualis est septuagenaria, vel sexagenaria; loquuntur ergo illa antiqua decreta de velo consecrationis, & fortasse aliqua ex illis loquuntur de his feminis, quæ benedicebantur, ut essent Aobatissæ, vel ut haberent in Ecclesia aliquod ministerium, de quo statim num. sequenti dicitur. Ad profes.

Secunda prerogativa hujus veli, quod a solis Episcopis consecratur, aut a presbyteris ex commissione Papæ dari potest.

Tertia prerogativa de tempore, quod dandum est velum.

Quarta de ætate cui dantur, varia decreta.

De quo velo hæc decreta procedat.

Probabilior responsio declaratur per duas partes.

Prima pars, quod possit prælati illi admittere ad velum.

Non tenetur tamen admittere seculo scindalo seu infamia.

Secunda pars quod ipsa corrupta occulta possit velum petere.

professionem autem, & velum ejus admitti poterant in minori ætate 12. vel 14. annorum, & nunc anno 16. ætatis, ut tom. præced. dictum est ex decreto Concilii Trident. quod circa consecrationem virginum nihil innovavit, & ideo ubi post professionem consecratio fuerit in usu, circa illam antiqua jura servanda sunt.

An consecra-
ras gratiã
vel remis-
sionem
venialiss
hæc conse-
cratio.

14 Addunt denique nonnulli Doctores, quamvis consecratio virginum sacramentum non sit, conferre tamen gratiam, & remittere venialia peccata ad modum sacramentalium. Sed quod de gratia dicitur, non est intelligendum ex opere operato, ut per se notum est, alioquin esset sacramentum, neque etiam ex speciali privilegio, quia nullum habet fundamentum; ex merito autem operantis poterit per illud opus augeri gratia, sicut per alia bona opera, nihil tamen in hoc habet speciale; & ita est intelligendus D. Thom. loc. citat. ad 2. Quod vero spectat ad remissionem venialium peccatorum, videri possunt dicta in 4. tom. 3. part. disputat. 12. sect. 2. ubi etiam negavimus fieri hunc effectum ex opere operato. Quod majori ratione de hac consecratione negari potest, quia communiter non solet hæc consecratio numerari inter ea sacramentalia, quibus effectus ille tribuitur. Est autem advertendum, velum hoc consecrationis dari posse vel in ipsa professione religionis, vel post illam; nam sine illa clarum est dari non posse, cum non intercedat, nec supponatur spiritualis desponsatio cum Christo. Quando ergo simul concurrat hæc solennitas cum professione ratione professionis, quæ est nobilissimus actus, participabit aliquam majorem vim obtinendi gratiam, vel remissionem peccatorum juxta dicta in superiori tomo. Quando vero sola consecratio separatim datur virgini jam profectæ, non est tanta ratio, vel fundamentum alicujus extraordinarii effectus, quia in illo actu non est tanta excellentia perfectionis, & sola significatio non sufficit, cum non sit sacramentum.

Velum
consecra-
tionis du-
plex.

15 Ultimo est circa hoc observandum, hoc velum consecrationis posse distinguui in velum commune, de quo hætenus diximus, & velum prælationis, quod Abbatissis cum speciali benedictione dabatur, quamvis jam hoc non sit in usu; nam licet Abbatissæ benedicantur, non datur eis speciale velum, ut notant Anton. dict. cap. 2. & Turrecr. supra nu. 11. ac denique velum, quod vocant ordinationis. Aliquando enim Concilia ita loquuntur de ordinatione scæminarum, ut patet ex cap. *Sanctimoniales*, 20. q. 1. addita Glossa, quæ textum illum explicat de velo ordinationis juxta capit. *Diaconissam*, 27. q. 1. quod sic habet; *Diaconissam non debere ante annos quadraginta ordinari*, ubi tamen Glossa exponit *Diaconissam*, id est, *Abbatissam*, & ita tacite exponit de velo prælationis. Probabile autem est nonnullas ex virginibus sacris solitas fuisse deputari ad legendum Evangelium in choro, & alia similia ministeria, & illas fuisse vocatas *Diaconissas*, & earum benedictionem lato modo fuisse vocatam ordinationem: jam vero hoc non est in usu, sed in ipsa consecratione virginum datur hæc facultas, nec aliud velum expectatur.

C A P U T XII.

De observantia monialium tam quoad substantialia vota, quam quoad subjectionem erga Prælatos, & regulam.

1 Post professionem, & velationem, sequitur religiosa observantia, & obligatio, in qua monialis suo modo æquiparatur monachis in substantialibus votis religionis; habent tamen hanc obligationem suo statui, & sexui accommodatam. Unde vel in materia talium votorum, vel in his, quæ conducunt ad eorum observationem, nonnulla habent sibi propria, quæ partim ad aliquam relaxationem, partim ad majorem rigorem & observantiam pertinent. Et primo circa paupertatem duo observari possunt; primum est, licet aliquibus religionibus vitiorum consultius sit paupertas, non tantum privans dominio bonorum in particulari, sed etiam in communi, monialibus autem id non expedire, quia non potest earum honestas, & clausura tam integre & perfecte servari, nisi ab ipso monasterio habeant vitæ necessaria. Unde cum religio S. Clare in principio instituta fuerit sub observantia illius paupertatis, paulo post Innoc. III. in ea

dispensavit permittendo potius, quam præcipiendo, ut non servaretur; postea vero Urbanus V. omnino servari voluit regulam absque tali paupertate, & Pius V. suo motu proprio 8. *circa pastoralis*, & Gregor. XIII. motu 13. *Deo sacris*, omnibus modis providere studuerunt, ut monasteria monialium habeant, unde sustententur, ita ut si elemosynis indigeant, potius Prælatorum providentia, quam earum sollicitudine & postulatione habeantur: & quoniam experientia ostendit hoc esse difficillimum, & quemcumque alium mendicitatis modum esse periculofum, ideo simpliciter consultius est monasteriis monialium habere communes redditus, quam paupertatem in communi profiteri. Aliqui excipiunt moniales Cupuccinas, quas ajunt non posse habere bona stabilia, ut videri potest in Isidoro Mosconio in libr. 1. de Ecclesia militante part. 4. cap. 4. Verum tamen non habet fundamentum in Conc. Trid. sess. 25. de regul. cap. 2. non solum excipit domos fratrum Capuccinorum & Observantiae, unde quantum est vi Concilii, sine dubio possunt habere bona stabilia; & si fortasse illi privilegio renunciare volunt, indigent, ut existimo, Summi Pontificis approbatione, quia post moderationem Urbani non invenitur illud genus paupertatis approbatum pro scæminis a Sede Apostolica.

2 Unde etiam sequitur aliud, quod observandum esse dicimus, pertinetque ad usum paupertatis in particulari. Obtinuit enim consuetudo etiam inter moniales satis reformatas, ut liceat singulis recipere singulis annis aliquos moderatos redditus, quibus ad res sibi necessarias uti possint. Hoc enim inde introductum videtur, quod monasteria regulariter non habent redditus sufficientes, quibus omnia necessaria ad victum, & vestitum tempore salutaris, & ægritudinis omnibus provideant, neque etiam monialibus datur tempus, ut suo labore manuum possint hujusmodi defectum supplere, & ideo ad vitanda majora incommoda, vel pericula, hujusmodi facultas eis permittitur. Tenentur nihilominus ea uti servando necessarias regulas paupertatis, ita ut ille usus proprietarius non sit, sed dependens a Superiore, & ejus arbitrio, observando etiam, quæ circa hoc disponuntur a Conc. Trid. sess. 25. cap. 2. de regular. quæ in superioribus suffus explicata sunt.

Altera
observa-
tio.

3 Secundo circa castitatem solum occurrit notandum, ratione illius præceptam esse strictiorem clausuram monialibus, quam monachis, de qua copiose supra tract. præced. lib. 2. cap. 8. disputatum est. Deinde cum decentia ornatus omnibus religiosis commendetur, maxime necessaria est scæminis, & præsertim Deo consecratis, ut late prosequitur Hieron. ad Demetriadem, & ad Eustochium epistol. 8. & 22. & sæpe aliàs Basilius, & Ambrosius in libris de virginibus. Non invenio autem specialia præcepta circa hanc materiam eis imposita jure communi, præter ea, quæ vel ex natura rei consequuntur ex tali statu; vel ea, quæ de religiosis, aut personis Ecclesiasticis loquuntur, quæ majori ratione eas obligant, quia inter personas Ecclesiasticas computantur, & sub nomine regularium, vel religiosorum comprehenduntur, maxime in his, quæ ad substantiam, vel decentiam religionis pertinent. Priori modo, hoc est, spectata natura rei, dictum est a Conc. Carthagin. IV. cap. 11. & habetur d. 34. cap. 24. *Sanctimonialis virgo cum ad consecrationem suo Episcopo offertur, in talibus vestibus applicetur, qualibus semper usura est professioni, & sanctimonialia aptis*. Posteriori autem, hoc est, spectatis juribus circa personas religiosas, in Clemen. attendentes, de statu monach. prohibentur, uti vestibus sericis, & virgatis, & ubi Glossa advertit, prohiberi monialibus cum sua proportionem, quæ clericis prohibita sunt Clement. *quoniam*, de vita & honest. clericorum, & cap. 1. & ult. 21. q. 4.

Circa ca-
stitem
notatio de
clausura,
& vestitu.

4 Dubitat autem specialiter illa Glossa, an liceat monialibus nutrire comam, quia in illo textu solum dicitur, ut non utantur comatis, & cornutis, id est, tortis crinibus, ut loquitur Paulus 1. ad Timor. 2. Un- de videtur solum eis prohiberi illa copulativa, seu illa fucata compositio crinium; non vero simpliciter habere comam, si honeste & occulte deferatur, atque ita senserunt aliqui Jurisperiti. Dicta tamen Glossa oppositum sentit, & dicit esse consuetudine receptum, ut Moniales tondeantur, & deformato capite Deo vi-
vant

Comam
nutrire
posse mo-
niales alie-
qui cen-
sent.

Circa
paupertatem
monialium
una obser-
vantia.

want potius quam crines poliendo humani generis homini deferviant, quod magis ibi probat Panorm. num. 11. argumento cap. duo sunt, 12. q. 1. Idem Abbas in cap. si quis, de vita & honestate clericorum.

5 Objici vero potest cap. uxoratus, de conversione conjugatorum; ubi dicitur: *Nullus vestrum mulierem aliquam consurare presumat; & cap. quæcumque*, d. 30. anathema dicit in mulierem, quæ religionis obtentu comam sibi amputaverit, & in Græco ad literam est: *Obnam, quæ existimatur pietatis exercitatio*; quæ verba proprie videntur convenire fœminis religiosis. Sed hæc obiectio si valida esset, probaret illicitum esse monialibus se tondere, quod incredibile est, cum sit res per se honestissima, supposita relatione, quæ in monialibus futura est, imo etiam sit optimum signum, vel medium ad ostendendum contemptum seculi, & proprii ornatus, ac pulchritudinis; & ita legimus Beatissimam Claram, cum initio conversionis suæ ad S. Mariam de Portiuncula festinasset, ut mundo nuntium remitteret, ibi crines capitis deposuisse simul cum ornatu seculari. Idemque tanquam opus maxime laudabile usu receptum est. Jura ergo citata intelligenda videntur de fœminis conjugatis, quæ religionis obtentu tondentur, præsertim contra virorum voluntatem, quod significatur in illis verbis *tanquam resolvens jus subjectionis*; nam comam dicitur data mulieri in signum subjectionis, & ita exponunt ibi Glossa, & Panorm. Quamvis autem hoc liceat, non tamen invenitur esse præceptum in jure, & ideo consuetudo vel regula, ubi fuerit, servanda est, ubi autem non fuerit, non erit contra religionem comam capitis retinere; erit tamen illi contrarium eis abuti, vel capillos contorquendo, vel etiam ad vanam ostentationem absque veli operimento eos deferendo.

6 Terrio circa obedientiam monialium, tres obligationes præcipue norandæ sunt; prima est ad suos Prælatos, sive sit Episcopus, sive alius regularis juxta uniuscujusque monasterii professionem; nullum enim esse potest, quod alicui Prælato non subdit, quia fœminæ non sunt capaces jurisdictionis Ecclesiasticæ, & hæc obligatio non fundatur tantum in voto obedientiæ, sed etiam in propria jurisdictione spirituali, & ita in ea cum proportionem locum habent omnia, quæ de obedientia religiosorum in communi diximus. Non repugnat autem aliquod monasterium monialium esse exemptum, & immediate subjectum Summo Pontifici, quia hoc ex ipsius voluntate, & privilegiis pender. Rarum tamen hoc est, quia raro expedit, & tunc necessarium est, ut Pontifex alicui vices suas committat, qui in rebus necessariis jurisdictionem exerceat circa moniales, præsertim in foro interiori, quia magis necessarius est. Fertur etiam moniales, quæ dicuntur S. Brigidæ, quamvis habeant religiosos, qui in earum Ecclesiis divina officia & sacramenta administrant, nihilominus non habere Prælatum sibi superiorem, sed potius Abbatissam habere in omnibus prælationem; verumtamen de illo instituto mihi non satis constat: necessarium tamen existimo, vel ut Summus Pontifex illi specialiter provideat, saltem per privilegia, vel certe, quod verisimilius est, talia monasteria subjecta Ordinatio esse debent, ut ab illo gubernentur in his, quæ a jurisdictione pendunt, quamvis in ordinaria administratione externarum rerum Abbatissa habeat superioritatem etiam in religiosos, qui solum esse videntur tanquam Capellani monialium, & incertum mihi est, an religiosi ipsi, qui sacerdotes sunt, Abbatissæ obedientiam promittant.

7 Altera obligatio monialium est ad obediendum Abbatissæ; hæc enim obligatio necessaria est in regimen, & bonum ordinem monasterii, Dubium autem solet, quanta sit hæc obligatio, & e converso quanta sit potestas Abbatissæ, ad præcipiendum monialibus; quidam enim existimant non posse eas in conscientia obligare præsertim sub mortali, quod indicat Soto in 4. d. 20. q. 1. art. 4. quia fœmina non est capax potestatis spiritualis, sine qua non videtur posse tale præceptum imponi. Alii vero tribuunt illi hanc potestatem etiam cum proprietate, & vigore jurisdictionis, quia Abbatissa est capax ejus, saltem per delegationem juxta cap. dilecta, de majoritate, & obedientia. Prælati autem religionum, vel Episcopus, aut Pontifex, videntur hanc ju-

isdictionem commississe Abbatissæ, tanquam necessariam ad regimen monasterii.

8 Vera tamen resolutio est, distinguendam esse potestatem dominativam, & jurisdictionis, de quibus supra non semel dictum est. Abbatissa ergo non habet propriam jurisdictionem spirituales, ut est communis sententia Theologorum D. Thom. in 4. d. 19. q. 1. art. 1. quæstionum 3. & 4. & distin. 25. q. 2. art. 1. q. 1. ad 2. Palud. d. 19. q. 2. art. 1. Sot. supra, Sylvest. & aliorum Summistarum verb. *Abbatissa*, a quibus non dissentit Canonistæ, in dicto cap. dilecta, & consentiunt alii, quos retuli in 5. tom. 3. part. disput. 3. lect. 2. ubi varia etiam jura retuli, & explicui dictum cap. dilecta. Unde fit non posse Abbatissam, nec totum monialium conveniunt propriam legem condere, vel præceptum ferre, per quod constituatur actus in propria specie virtutis specialis, nam hoc est proprium potestatis jurisdictionis. Fit etiam, ut monialis transgrediens præceptum Abbatissæ in materia temperantiæ, v. g. non peccet specialiter contra virtutem temperantiæ, si opus de se alioquin non sit illi virtuti contrarium. Et idem est in reliquis actibus, & virtutibus, quia talis est transgressio, qualis est obligatio; obligatio autem, quæ non provenit ex potestate jurisdictionis, non constituitur in particulari specie virtutis, ut ex materia de legibus suppono, & in superioribus tactum est.

9 Secundo vero dicendum est, habere Abbatissam potestatem dominativam, hoc est, potestatem administrandi, ac regendi monasterium, ac personas & bona ejus, ut iidem authores docent. Ratione ergo hujus potestatis potest præcipere monialibus, & illæ tenentur in conscientia obedire ex vi voti obedientiæ, quod Soto non negat, neque alii authores. Moniales enim promittunt obedientiam Abbatissæ, seu Priorissæ, ut constat ex formulis prostendi; ergo si Abbatissa ita præcipiat, ut fidem datam exigat, obligabit in conscientia, vel, si modus loquendi magis placet, votum ipsum obedientiæ obligabit posita tali jussione, quæ est quasi applicatio materiæ voti, in quo eadem est ratio potestatis, & obligationis in fœmina, quæ in viro, & quoad hoc procedunt omnia supra dicta de subjectione religiosorum.

10 Ad hanc autem actualem obligationem necessariam imprimis est ex parte rei præcepta materia honesta, & capax talis obligationis, & quod sit secundum regulam juxta superius dicta. Deinde necessarium est ex parte Abbatissæ, ut sit in suo munere convenienter electa, & confirmata, juxta superius dicta de electione Prælati tract. præced. libr. 2. quæ in Abbatissa cum proportionem locum habent. Non est tamen necesse, ut sit benedicta, nisi ubi juxta regulam, vel consuetudinem necessarium fuerit, juxta Clemen. attendentes, de statu monach. de qua re videri possunt ibi Glossa & Doctores, & Summistæ verb. *Abbatissa*. Denique necessarium est, ut hæc facultas juxta religionis usum, & moderationem ad operandum, seu obligandum applicetur, quod constat ex principiis supra positis.

11 Ultima obligatio monialium est ad servandam suam regulam & constitutiones; nam hæc omnia ad obedientiam revocantur. Qualis autem, & quanta sit hæc obligatio, juxta uniuscujusque monasterii, seu religionis morem, & constitutiones, & juxta principia superius posita judicandum est. Omnes autem observare debent, ut saltem mensibus singulis confiteantur, & factosanctam Eucharistiam suscipiant juxta Concil. Trident. sess. 25. cap. 10. de regul. Non tamen ponit præceptum, nec jubet imponi, sed solum Episcopos, & Superiores admonet, ut in constitutionibus monialium eas admoncant de hac sacramentorum frequentia; & idem intelligendum est de observantia audiendi quotidie Missam, nam per se maxime decet religiosum statum, ut in particulari notavit Anton. 3. part. tit. 16. cap. 7. §. 2. Idemque de aliis religiosis observantiis judicium est. Et quamvis fortasse statuta non obligent ad culpam, per Prælatos compelli possunt moniales ad eorum observantiam, cujus ipsi peculiarem curam habere debent in visitationibus suis, quæ ab Episcopis faciendæ sunt in monasteriis sibi subjectis; in exemptis vero, a propriis, seu regularibus Prælatibus exceptis his, quæ ad clausuram pertinent, nam juxta Concil. Trident. sess. 25. cap. 5. de regul. hoc in universum est Episcopis commissum.

1. Pronuntium o moniales non subdit jurisdictionem Abbatissæ.

2. Pronuntium subdit tamen dominativam.

Quid requiritur ut per hanc potestatem Abbatissa obligetur in conscientia.

Notatio ultima circa obligationem observantiam regulam, seu statutorum.

Circa obedientiam, Notatio 1. de subjectione ad prælatum virum.

Notatio 2. de subjectione ad Abbatissam quæ conveniat monialibus.

LIBER SECUNDUS

DE VARIETATE RELIGIONUM IN SPECIE.



IRIA principalia genera religiosorum ex præcedenti libro sumimus, monachorum, clericorum, & fratrum mendicantium: quamvis enim hi vulgari modo loquendi sub nomine *monachorum* venire soleant, proprie tamen diversum gradum constituunt, quasi medium inter duos prædictos, ut satis explicatum est, & communi etiam usu monachales ordines stricte sumpti solent a mendicantibus distingui. Sub unoquoque ergo horum generum sunt variae species, de quibus omnibus exacte dicere infinitum esset opus, & a meo instituto alienum: non possumus autem omnino eas prætermittere, ut distincta hujus status cognitio habeatur. Dicam ergo de præcipuis speciebus singulorum generum, & in singulis quatuor puncta præcipua attingam. Primo institutionem & originem seu auctorem & approbationem religionis. Secundo finem ejus proprium, & ab aliis religionibus distinctum. Terrio media, & observantias proprias, quibus & ad suum finem consequendum utitur, & ab aliis religionibus distinguitur. Quarto de effectibus, & de illustrioribus personis nonnihil attingam, vel potius quia hoc magis historicum est, quam doctrinale, auctores, apud quos inveniri poterunt, indicabo. Quia vero de religione Societatis Jesu, propter quam maxime tractandam totum opus de religione aggressus fui, aliquanto fufius scripsi; ideo in sequentem tractatum eam doctrinam seposui.

C A P U T I.

Quæ fuerit professio monachorum Orientis, eorum præcipue, qui sub regula Basilii militarunt.

INter religiones monachorum prima omnium esse censetur religio S. Basilii, de qua pauca dicemus, qui jam fere non extant illius religionis professores in occidentali Ecclesia; & licet in orientali multi esse dicantur, qui regulam illam adhuc observant, nobis non constat, an illa religio, prout nunc est, sit approbata. Nam licet regula S. Basilii approbata in jure sit, juxta cap. *perniciosum*, 17. q. 2. nobis tamen incertum est, quæ mutatio in illo vitæ genere facta sit in Oriente: nam in Ecclesia occidentali Carmelitarum religio censetur illam regulam profiteri, licet non omnes illius religionis professores id fateantur; esto tamen ita sit, tanta est facta mutatio in religione Carmelitarum, prout nunc est, ab illa, quam Basilii instituit, ut alia merito censeri debeat, ut cap. 10. dicemus, de illa specialiter disputando, nunc enim nolumus sub religione S. Basilii illam comprehendere. Et ob eandem rationem nihil hoc loco dicemus de monachis antiquioribus Basilii, qui dicuntur fuisse imitatores Eliæ, ejusque in professione religiosa successores, nam de illis & res est valde incerta, & commodius de illa dicemus eodem cap. 10.

2 Certum nihilominus est, ante Basilium fuisse in Oriente institutam monasticam professionem: nam de monachis Alexandrinis mentionem facit Euseb. lib. 2. cap. 16. & ut supra retuli, multi censent Essenos, de quibus Philo scripsit in lib. de vita contemplativa, fuisse Christianos monachos. Quod sensit etiam Hieronym. lib. de Scriptorib. Ecclesiast. in Marco, & in Philone, dicens, habitacula eorum appellasse monasteria, quod etiam sensit Epiphanius hæresi 29. & eadem ratione dixit Cassian. lib. 2. de Instit. cap. 5. Ægyptios monachos a S. Marco esse institutos. Quam sententiam late & erudite confirmat Cardinalis Baronius 1. tom. anno 64. fere per totum.

3 Quæ autem fuerit vivendi ratio in illis antiquis monachis ante Basilii tempora, nobis in particulari non constat, sed id solum, quod generale est vitæ monasticæ, tum quoad substantialia vincula religioni status, tum etiam quoad finem vitæ contemplativæ, & consequenter quoad habitationem illi accommodatam & a communi hominum consortio sejunctam, sub

monachali habitu & professione, quæ omnia in superioribus visa sunt. An vero illi monachi vitam omnino solitariam, vel communem, seu cœnobiticam agerent, non potest universaliter definiri. Certum autem est, utrumque vitæ genus ante Basilium, & fortasse a principio nascentis Ecclesiæ observatum fuisse: nam de solitaria vita habemus exemplum Pauli, qui per centum annos ante Basilium illam coluit. De cœnobitica autem constat etiam ex Athanasio, Antonium plura condidisse monasteria, in quibus plures discipulos congregavit, & monasticam vitam exercere docuit. Et ante illa tempora Dionysius ex monacho factus est Pontifex, ut Damasus, & Platina referunt, & Baronius tom. 2. ann. 261. dicit vocari monachum, quia solitariam vitam aliquando egit. Cassianus etiam collat. 18. cap. 5. & 6. existimat monasticam professionem paulo post tempora Apostolorum inchoatam, usque ad Paulum & Antonium continue durasse, & ex cœnobitis anachoretas ortos fuisse: unde infert, hoc vitæ genus non casu, vel necessitate vitandi persecutionem ortum fuisse, ut jam eo tempore quidam dicebant, & nunc etiam hæretici calumniantur, sed studio perfectionis. Quamvis enim Paulus (ut ipse ibidem fateatur, & Hieronymus in ejus vita) ea occasione in Eremum secesserit; tamen quod ob eam tot annis in ea permanferit, & tam severe observaverit, fingi, & cogitari non potest, & de Antonio refert Athanasius, solum studio perfectionis vitam illam aggressum fuisse. Refert tamen modum conversionis ejus dicens: *Nec dum tam crebra monasteria in Ægypto, neque omnino quispiam aviam solitudinem noverat* (Pauli enim secessum tunc ignorasse videtur;) *sed quicumque in Christi servitute sibi met ipsi prodesse cupiebat, non longe a sua villula separatus instituebatur. Erat igitur in agello vicino senex quidam, vitam solitariam a prima sectans aetate. Hunc Antonius cum vidisset, emulatus est ad bonum. Et primo quidem incipiens ipse in locis paululum a villa remotioribus manebat: exinde autem, si quem in hoc studio vigilantem compererat, procedens querebat, ut apud prudentissimam, nec ad habitaculum suum ante remeabat, nisi ejus, quem cupiebat, frueretur aspectibus.*

4 Ex qua narratione intelligimus, vitam solitariam, & cœnobiticam aliquo modo ante Paulum, & Antonium fuisse, & aliquo modo ab eis incepisse. Præcessit enim solitaria vita in locis parum ab oppidis remotis, ut constat de illo sene, quem imitatus est Antonius; incepit autem in Paulo quoad internam & longe separatam eremi solitudinem: & in hoc sensu dixit Hieron. epist. 22. ad Eustochium Paulum fuisse primum Eremitam. Sic etiam non est inconveniens admittere, illam tam singularem separationem incepisse occasione fugiendi persecutionem, quamvis institutum ipsum per se electum & intentum fuerit, & non sine speciali providentia Dei evenisse credendum sit, ut illud esset quasi singulare exemplum illius vitæ, quod postea alii sine necessitate persecutionis imitati sunt. Nec tamen affirmare possumus nullos similes eremitas antea fuisse, sed solum nullam esse de illis antiquiorem historiam, vel narrationem. Quod autem vita etiam cœnobitica præcesserit Antonium, indicatur ab Athanasio, dum ait, non tam crebra fuisse monasteria; non enim dicit, omnino fuisse nulla, sicut loquitur de incolentibus aviam solitudinem: sentit ergo fuisse aliqua cœnobitica religiosorum. Nisi per monasteria intelligamus singulas religiosorum cellulas, etiam si unaquæque esset quasi domus ab aliis separata, unum tantum habens habitatorem; solet enim verbum monasterii in hoc sensu sumi, ut patet ex Philone lib. de vita contemp. & Nicephoro lib. 8. Histor. cap. 39. nam in rigore nihil aliud significat, quam habitationem monachi; unde, sicut *monachus* ita appellatus est ex solitaria vita, ita *monasterium* solitarii habitaculum seu solitudinem significare potest, ut etiam Ambrosius Calepinus interpretatur. Unde etiam olim græce dicebantur *asceteria*, id est, *asceta*.

Id ostenditur ex pto Pauli, & Antonii, & antiquiorum etiam.

Bellarmin. lib. 2. de monach. cap. 5.

Quo sensu solitaria vita præcessit, aut non præcessit Paulum.

Quomodo cœnobitica præcessit Antonium.

ascetarum habitacula: dicebantur autem *ascetæ*, qui in solitudinibus ad perfectionem exercebantur, & eorum mentio fit in actis sanctorum martyrum, ut videre licet in Baronio tom. 2. anno 361. §. *Reddemus*. Verumtamen, etiam si admittamus, plura monasteria in hoc sensu appellari plura habitacula singulorum monachorum inter se loco se junctas; nihilominus verisimilius est ordinatum, & magis usitatum modum vivendi talium monachorum fuisse, ut omnes, qui prope aliquod oppidum habitabant, aliquam inter se unionem haberent, & unum Prælaturum recognoscerent, & *Archimandrita* olim dicebatur. Unde in leg. *Nos reddentes*, Cod. de Summ. Trinitat. vocantur *Archimandrita sanctorum monasteriorum*: nam singuli Prælati censebantur sub se habere plura monasteria in declarata significatione: *mandra* enim græce *speluncam* significat, & monachi tunc, licet in desertis separati tanquam in speluncis habitarent, unum habebant quasi Principem & Prælaturum, & ita simul solitariam & cœnobiticam vitam agebant, cujus vestigium nunc in ordine Carthusiano conspiciamus, & expressius in celebri conventu B. Virginis Montis Serrati, ordinis S. Benedicti, & aliis similibus.

5 Hunc ergo statum videtur habuisse in Oriente institutionem monasticam usque ad tempora Antonii. Post Antonium vero mirabile incrementum accepit, ut ex Athanasio intelligimus in vita Antonii, qui etiam monachos secum habuisse commemorat, lib. de Fuga sua circa finem. Item ex Hieronymo epist. 7. ad Lætiam dicente: *De India, Persia, Æthiopia monachorum turbam quotidie suscipimus*; & ex Nicephoro lib. 11. historiarum cap. 34. ubi incipiens tractare de monachis illius ætatis, & regionis, quos *Ecclesiasticos Philosophos* appellat, inquit: *Magnus enim tunc, & haud scio, an alio itidem tempore unquam eorum provenit fuit*. Et significat ab Antonio originem duxisse, ut idem latius profequitur lib. 8. cap. 40. ubi de Antonio inquit: *Habuit discipulos multos probatos admodum, & qui magistrum vite institutione, sapientia studio, & virtute reliqua satis feliciter retulerunt, qui partim in Ægypto, & Libya, partim in Palestina, Syria, & Arabia sunt philosophati*. Et idem late ostendit, & profequitur Baron. tom. 3. ann. Domini 328. Unde concludit, merito posse Antonium magnum Patriarcham omnium monachorum appellari: post quem sequuti sunt Macharii, Joannes Climacus, Hilarion, Pachomius, & similes: de quibus multa leguntur in antiquis historiis, & præsertim apud Palladium in historia Lausiaca, ubi de innumerabili multitudine monachorum illius ætatis cap. 7. 9. 52. & 96. multa recenset. Videri etiam potest Hieronymum epist. 16. qui refert Athanasium advenisse in urbem novam Pachomii, monasteriorumque ab illo institutorum disciplinam, quem etiam, Angelo dictante, regulam monachorum excepisse refert Gennadius de Viris illustribus cap. 7. habetur in fine primi Tomi operum Hieronymi, & ipsa regula nunc habetur in fine operum Cassiani. De regula autem, aut instituto vivendi, quod Antonius suis monachis tradidit, nihil speciale scriptum reperio præter generalia documenta, quæ in ejus vita leguntur: nec præter regulam Pachomii invenio aliam antiquiorem Basilio. Nec etiam mihi constat, quæ esset distinctio, aut varietas illo tempore inter monachos Orientis, vel in vitæ instituto & moribus, vel in habitu, habitatione, regimine, &c. præter ea, quæ de triplici monachorum genere attingit Hieronymus epist. 22. ad Eustochium, quorum etiam meminit Cassianus collat. 18. cap. 17. & S. Benedictus in principio suæ Regulæ. Sed (ut in lib. præced. cap. 2. num. 6. attingi) tertius ordo illorum monachorum potius videtur fuisse deficientium a veritate & perfectione religionis, quam verorum monachorum. Alii vero duo ordines erant cœnobitarum, & Anachoretarum, de quibus jam differimus. In utroque tamen istorum generalium statuum fuit sine dubio multiplex vivendi modus, ut ex Cassiano, Climaco, & historiis Ecclesiasticis in variis exemplis intelligimus, quamvis distincte non habeamus proprias singulorum regulas, vel vivendi rationem.

6 Igitur non multo post Antonium, id est, fere quadraginta annis, post illum successit Basilii priorum monachorum virtutes emulatus (ut ipsemet refert epist. 79.) quorum tamen vivendi rationem ipse ad meliorem

rem formam redegit, magisque religioni congruentem, ut de ipso Ecclesia legit: quod latius retulit Gregorius Nazianzenus oratione de laudibus Basilii: & inter ejusdem Basilii opera extant constitutiones, & regulæ, & præclara instituta vitæ monasticæ, quæ Hieronymus de script. Ecclesiast. in Basilio Ascetica vocavit. Non defuere tamen, qui ea in dubium revocarunt, & cuidam Eustacio attribuire voluerunt, quam esse summam stultitiam affirmat Baron. tom. 1. anno 361. & optime confirmatum ex testimonio Gregorii Nazianzeni, tum etiam ex epist. 63. & 79. ejusdem Basilii, in quibus ipsemet proficitur habere apud se viros, qui mundo renunciarunt, & universis seculi curis, & se doctore hoc pietatis studium proficebantur. Arque ita usque ad nostra etiam tempora sub Basilii nomine monacharum profitentur multi religiosi per Orientem, ubi licet dicantur esse aliqui monachi ab Antonio, vel Paulo nomen accipientes, omnes tamen Basilii regulam profiteri referuntur; & de illis videtur loqui Chrysost. homil. 8. in Matth. cum de illis dicit, innumerabiles Angelorum cœtus in corporibus fulgere mortalibus, de quorum vita multa prædicat homil. 56. 57. 58. & 59. ad populum, & in tribus libris adversus vituperatores vitæ monasticæ. Omnia etiam, quæ Cassianus de vita monachorum Orientis refert in lib. de institutis renunciantium, & quæ scribit Palladius, quæque posteriores historiæ referunt, ad monachos sub regula Basilii militantes præcipue referenda videntur. Denique ex regula Basilii omnes alias religionum regulas originem duxisse tanquam rivos ex uberrimo fonte, pie sensit Cardinalis Baronius tom. 4. anno Domini 363. non longe a fine. Specialiter vero solet illi attribui regula, quam ordo Carmelitarum proficitur, quod infra cap. 10. expendemus: nunc potius suppono ex regula Basilii nos nihil amplius habere, quam ea, quæ in ejus operibus continentur, sub titulis regularum fufius disputatarum, ac breviorum, & constitutionum monasticarum, præter quosdam sermones & epistolias, in quibus de eadem institutione monachorum differit. Ex quibus etiam circumfertur quoddam veluti compendium regularum Basilii a Rufino compositum, seu in Latinum translatum.

7 Igitur quantum ex illis regulis colligi potest, institutum illud Basilii ex parte finis monachatus propriè fuit: nam finis illius fuit divinæ contemplationi vacare: & ideo separatam habitationem habere ab omnibus hominibus, qui communem viam mandatorum sequuntur, ut patet ex reg. 6. ex fufius disputatis. Et quamvis in regul. 7. comparat solitariam vitam cum cœnobitica, & hanc posteriorem præferat, utramque tamen supponit debere ad contemplationem principaliter ordinari. Et quamvis actionem aliquam in monacho requirat, semper tamen orationem, & contemplationem, tanquam finem principalem ponit, ut patet in c. 2. constit. monast. laborem autem manuum ad corporis exercitationem, & congruentem hominis occupationem requirit, ut patet ex c. 5. earundem constitutionum.

8 Media autem, quæ ad illum finem proponit, in primis ea sunt, quæ ad substantiam status religiosi pertinent, ut sunt paupertas, obedientia, castitas sub uno Prælatu, de quibus in prædictis regulis late disputat, exhortationes potius, & generalia documenta, quam peculiare aliquid & proprium illius instituti tradens, unde quoad paupertatem non invenio esse illis prohibitum aliquid in communi habere, sed solum in particulari: hanc vero exactissimam requirit, adeo ut nec minimam elemosynam religiosi sine licentia facere permittat de communibus bonis, & cum licentia, non sine magna circumspectione, ut patet regul. 87. 91. 100. & 101. & 302. ex brevioribus. In castitate etiam & obedientia maximam observantiam postulat: & hæc vota pactum, & promissionem appellat, quæ violari, aut rescindi non potest in constit. monast. cap. 22. & 34.

9 Quoad alia vero specialia media requirit inprimis peculiarem, pauperem, & simplicem habitum, ut patet in regul. 22. ex fufioribus; non tamen declarat, cuius coloris, aut figuræ ab ipso fuerit institutus. Quoad habitationem, præter separationem conventus, ordinariam clausuram requirit, & fere nullam cum secularibus hominibus conversationem permittit, ut patet ex cap. 6. 7. & 8. constitutionum. Non invenio tamen de

Refelluntur negantes illius esse instituta & regulas monasticas.

De fine hujus religionis.

De mediis ac primis de paupertate, castitate, & obed.

De mediis aliis ac cœnobitarum.

Post Antonium vita monastica mire cepit propagari.

Non tamen de regula aut varietate talium monachorum satis constat.

Religio S. Basilii paulo post Antonium.

modo servandi silentium aliquid speciale ab eo statutum, præter ea, quæ sæpe docet de moderatione circa loquutionem servanda, ut cap. 12. & 13. constit. Similiter de ratione victus non invenio in regulis Basilii usum carniui fuisse prohibitum, sed tantum commendari, ut simplex, commune, & moderatum alimentum sit, & uniuscujusque necessitati accommodatum, ut patet ex regul. 19. & 20. ex fusioribus: unde etiam nulla certa jejunia præcipi; sed fere hoc totum Antistitis arbitrio relinquit. De thoro etiam vel cantu non invenio ab eo esse factam mentionem, vel horarum distributionem, sed tantum orationem tum mentalem, tum etiam vocalem sæpius ab ipso esse commendatam simul cum divinis laudibus & præsentia Dei, ut patet ex cap. 2. & 3. constit. & ex regul. 5. 37. & aliis tam ex fusioribus, quam ex brevioribus, præsertim 218. & 306. Denique idem dicendum est de aliis austeritatibus corporis seu actionibus pœnitentiæ: quamvis enim satis eam commenderet & exaggeret, non tamen ad particularia præscribenda descendit. Simili etiam modo loquitur de corporali labore seu exercitatione: specialiter vero prohibet monachos, ne clericatum appetant, in c. 10. constit. & supponere videtur monachos a se institutos ordinarie & ex vi professionis suæ non fuisse clericos, quamvis ad illum statum ascendere non repugnaret. Atque hæc sunt, quæ de origine, & modo, ac perfectione illius status in particulari dicere possumus: quam vero fuerit utilis Ecclesiæ Dei, & quot sancti, ac perfecti viri inde manaverint, ex his, quæ ex Chrysostomo, & Cassiano superius attulimus, intelligi potest. Quibus addi possunt, quæ de SS. Ephrem, Hefychio, & aliis fere ejusdem temporis leguntur apud Evagrium, Rufinum, & alios: nam post illa tempora nullam fere lucem de orientis monachis habemus.

CAPUT II.

Quæ fuerit religionis S. Benedicti institutio, & progressus.

DE vita monastica, quando primum cœperit in Occidente, non omnino certum est; significat autem Ambrosius ab Eusebio Vercell. Episcopo primum fuisse monachatum ex Oriente in Occidentem adductum. Indicat tamen non fuisse ab illo institutam aliquam religionem monasticam, de qua nunc loquimur: sed statum religiosum clericatui adjunctum. Sic enim ait ferm. 15. qui est de laudibus ejus: *Ut cætera taceam, illud quæ admirabile est, quod in hac sancta Ecclesia eosdem monachos instituit esse, quos clericos, atque iisdem penetrantibus sacerdotalia officia contineri, quibus & singularis castimonia conservatur, ut esset in ipsis viris contemptus rerum, & accuratio Levitarum, ut si videres monasterii lectulos, instar Orientalis propositi judicares: si devotiones cleri perspiceres, angelici ordinis observatione negauderes; & lib. 5. epist. 25. Quid si in aliis Ecclesiis (inquit) tanta suppetit ordinandi sacerdotis consideratio, quanta cura expetitur in Vercellensi Ecclesia, ubi duo pariter videntur exigi ab Episcopo monasterii continentia, & disciplina Ecclesiæ. Hæc enim primus in Occidentis paribus diversa inter se Eusebius sanctæ memorie conjunxit, ut & in civitate positus instituta monachorum teneret, & Ecclesiam regeret jejuniis sobrietate.*

Hic locus Ambrosii non convincit, ut varia exempla ostendant.

2. Quæ verba, ut dixi, intelligi possunt, quia & ipsemet Eusebius in persona sua austeritatem monachorum observare cœpit, & clericos suos juxta eam instituerat. Et fortasse non denuo adjunctum religiosum statum clericatui ostendimus enim ab initio Ecclesiæ ab Apostolis, & ejus discipulis fuisse observatum: & verisimile est etiam in partibus Occidentis, & maxime in Ecclesia Romana eum morem fuisse antea introductum, ut ex epist. 5. Clementis, & ex aliis colligitur. Austeritatem ergo monachalem illi statui adjungere potuit: vel certe propria monachorum monasteria instituit, ex quibus postea clericos crearet: & ideo dicitur monachatum clericatui conjunxisse. Nam de D. Martino fere illi æquali refert Sulpitius dialog. 1. cap. 7. factum Episcopum extra civitatem duobus fere millibus monasteriis sibi statuisse. Quod sic describit: *Ipse ex lignis contextâ cellulas habebat, multique ex fratribus in eundem modum plerique saxo superjecti montis cavato, receptacula sibi fecerant. Discipuli vero octoginta erant, qui ad ex-*

plum beati magistri instituebantur: nemo ibi quicquam proprium habebat, omnia in medium conferebantur, non emere, aut vendere (ut plerisque monachis moris est) cuiquam licebat. Ars ibi exceptis scriptoribus nulla habebatur: cui tamen operi minor ætas deputabatur: majores orationi vacabant; & subdit inferius: Plures ex his postea Episcopos vidimus: quæ enim esset civitas, aut Ecclesia, quæ non sibi de monasterio Martini cuperet successorem? Videtur ergo illud fuisse proprium monachorum institutum in fine quidem contemplationis, & in modo habitationis, & vitæ austere Orientalibus simile, in genere autem actionum, & labore manuum aliquantum diversum. Cujus ratio fortasse fuit, quia ad creatandos inde clericos, & Episcopos a Martino ordinabantur. Sed & ante Episcopatum legimus Martinum Mediolani monasterium monachorum erexisse apud Sulpitium supra cap. 4. & cap. 5. refert condidisse aliud juxta oppidum: quod non explicat, quale fuerit, videtur autem loqui de civitate Pictaviensi, ubi Hilarius Episcopus erat, quem ipse prosequutus fuerat. Augustin. etiam 8. lib. Confessionum cap. 6. refert suo tempore fuisse monasterium Mediolani plenum bonis fratribus extra urbem moenia sub Ambrosio nutritore. Et lib. 1. de moribus Ecclesiæ cap. 31. loquens de multitudine monachorum, tam in vita solitaria, quam in cœnobitica degentium, dicit, per totum orbem in die magis magisque diffundi, & in Oriente maxime, atque Ægypto: significans jam tum fuisse in Occidente diffusam, quamvis fortasse non æqualiter. Et cap. 33. Vidi (inquit) diversoriam sanctarum Mediolani, non paucorum hominum, quibus unus Presbyter præerat, vir optimus, & doctissimus, & addit, Plura etiam Romæ cognovi, &c. Quod autem illa Romana monasteria non multo ante incēpissent, sed tempore Athanasii, & occasione adventus ejus in Urbem, ex Hieronymo colligitur epist. 16. ad Principiam, dicente: Nulla eo tempore nobilium faminarum noverat Romæ propositum monachorum, neque audebat propter rei novitatem ignominiosum, ut tunc putabatur, & vile in populis nomen assumere. Hæc ab Alexandrinis prius sacerdotibus, Papæque Athanasio, & postea Petro, qui persecutionem Arianæ hæreseos declinantes, quasi ad tutissimum communionis sue portum Romam confugerant, vitam B. Antonii adhuc tunc viventis, monasteriorumque in Thebaide, Pachomii, & virginum, ac viduarum didicit disciplinam.

3. Unde constat, eodem fere tempore, quo in Oriente per Antonium monachorum vita in ordinem redigi cœpit, in Occidente per Athanasium inductam esse, & ab urbe tanquam a capite facile ad alias Occidentis regiones dimanasse: quamvis non defuerint hæretici, qui monachorum nomen statim infectari cœperint, ut Augustinus commemorat in Psalmum 132. Postea vero ipsemet Augustinus monachatum in Africam invexit, de quo dicemus cap. 8. commodius, tractando de eremitis mendicantibus: De illa ergo ætate usque ad D. Benedictum nihil certius, vel specialius de monachalibus religionibus, seu institutis in Occidente dicere possumus.

4. Post hæc vero tempora D. Benedictus anno Domini 500. vel circiter, suam religionem sub propria regula instituit; prius enim ipse sanctæ conversationis habitum, ut Gregorius ait, id est, monachalem, a Romano monacho accepit, qui Romanus sub Theodato Patriis regula debebat, referente eodem Gregorio lib. 2. Dialog. cap. 1. Benedictus autem non videtur in eo monasterio, vel sub ea regula aliquando vixisse, quia neque a Theodato receptum esset, neque illi fuit cognitus, sed statim in Sublacum secessit, ubi in spelunca diu delituit, solo Romano sciente, & cibum occulte ministrante. Post paucos vero annos congregare discipulos cœpit, & in monte Cassinate principale sui ordinis cœnobium fundavit, & plura monasteria in Italia construxit, propriamque regulam edidit, quæ inter approbatas ab Ecclesia refertur in cap. perniciosum, 17. quæst. 2. Et eam laudat Gregorius Papa lib. 2. Dialogorum in fine, & a monumentis ejusdem ordinis refertur specialis approbatio ejusdem Gregorii Papæ, & Zachariæ I. & quando illa decissent, generali traditione, & acceptione tot Pontificum, & totius Ecclesiæ satis approbata esset.

Quo tempore verisimiliter cœperit monachatus in Occidente.

Quo tempore cœperit religio S. Benedicti.

Quod in-
stitutum
seu pro-
fessio hu-
jus reli-
gionis.

5 Constat igitur in primis religionem a Benedicto institutam, proprie & perfecte monachalem esse, nam finis illius solum est propria perfectio ad divinam contemplationem, & laudem ordinata, & comparanda per media vitæ monasticæ propria, ut ex discursu ejusdem regulæ constat. In qua illa, quæ pertinent ad divinum & canonicum officium, & Psalmodiam, expressius & distinctius tradita inveniuntur, quam in aliis regulis religionum ab Ecclesia approbatis: simul tamen in eadem regula artificia, seu opera, & labores monachorum commendantur, nam in ea supponitur, statum illum non fuisse per se institutum ad clericorum ministeria, sed ad vitam pure monasticam, prout ante Benedictum in usu erat. Quocirca quantum ad finem & substantiam religionis spectat, non videtur fuisse diversum Benedicti institutum ab antiquis institutis monachorum, quamvis fortasse in habitu fuerit diversum, & ad certam regulam redactum. Antea enim non videntur monasteria omnia, præsertim in Occidente, aliquam unam regulam observasse, sed unumquodque vel juxta receptas consuetudines, vel juxta Abbatis, & Episcopi arbitrium gubernabatur. Post Benedictum vero monasteria omnia vel ab ipso vivente ædificata (quæ multa fuerunt, ut ex Gregorio colligitur lib. 2. Dialog. nam prius quam Sublacum relinqueret, duodecim monasteria instruxit, & postea Cassinense monasterium fundavit) vel ab ipsius discipulis Mauro, Placido, & aliis, in Sicilia, Gallia, & aliis provinciis erecta eandem regulam, & religionis unitatem servavit.

Circa tē-
pora S.
Benedicti
alia mo-
nasteria
ab aliis
fundato-
ribus sua
instituta.

6 Hic vero interrogare potest aliquis; an post Benedicti institutionem non solum monasteria omnia, quæ ab ipso duxerunt originem, sed etiam reliqua omnia monachorum domicilia, quæ ab aliis monachorum parentibus vel ante Benedictum, vel eodem tempore in Occidente, & præsertim in Italia ædificata erant, Benedicti institutionem susceperint, & ad ejus regulam sese accommodaverint. Quod enim & alia monasteria, & alii fundatores eorum tunc fuerint, præter ea, quæ in principio capituli diximus, constat ex Gregorio libr. 1. Dialogorum: nam in cap. 1. refert, Honoratum virum sanctissimum in Samnii partibus, in loco, qui Fundis dicitur, monasterium construxisse, & ferme ducentorum monachorum partem exituisse; de quo etiam Honorato refert nullius fuisse discipulum, sed a Spiritu sancto edoctum. Et c. 2. commemorat Libertinum ejusdem Honorati discipulum tempore Totilæ Regis Gothorum, ejusdem Fundensis monasterii præpositum, unde colligitur Honoratum vel æqualem Benedicto, vel paulo ante tempora Benedicti fuisse: nam ex lib. 2. cap. 14. Dialogorum constat, Benedictum tempore Totilæ vixisse, eique mortem prædixisse. Simile est, quod de S. Equitio refert idem Gregor. d. lib. 1. cap. 4. multorum monasteriorum patrem in provincia Valeria exituisse: quem tamen vel æqualem, vel seniore Benedicto fuisse, ex sine ejusdem capituli constat, ubi de ejus vita inquit: *Hanc Albinus Reatina antistes Ecclesia cognovit, & adhuc supersunt multi, qui scire potuerunt.* Et inferius ait; quo tempore Longabardi provinciam Valeriæ vexare cœperunt, Equitium jam defunctum fuisse.

7 Hoc igitur posito, inquirimus, an post Benedicti institutionem manserit inter monachos veluti religionum distinctio, vel omnes cœperunt sub Benedicti regula militare. In quo in antiquis historiis nihil certum invenio: tamen apud Anton. in 2. p. Historiali tit. 15. c. 14. sic scriptum reperio, *post Benedictum omnes monachi Occidentis militavit sub regula B. Benedicti, & ipsum habebant in patrem, exceptis Carthusiensibus.* Similia fere habet in 3. p. Theologi tit. 16. c. 1. §. 7. Unde verisimile mihi fit, vel statim, vel paulo post institutam & divulgatam regulam Benedicti, omnes Occidentis monachos ad illam se conformasse, quia nullum aliud initium invenitur hujus conformitatis; ergo sicut de antiquitate traditionum, quarum principium ignoratur, arguerari solemus, revocandas esse usque ad initium Ecclesiæ: ita hic cum proportionem colligimus, universalem tunc ritum monachorum statim ab initio religionis S. Benedicti incepisse. Quod etiam possumus aliis conjecturis confirmare. Prima, quia monachi antea non videntur habuisse certam aliquam regulam in Europa (ut omittā regulam Basilii in Oriente, & Augustini in Africa), nec

Suarez Tom. XV.

fere unitatem religionis inter diversa monasteria, sed unumquodque juxta suas consuetudines, & propria statuta, vel forte juxta prudentiam sui Abbatis gubernabantur. Benedictus autem & propriam regulam instituit, & varia monasteria in Italia, & extra illam per se, & per suos discipulos Placidum, & Maurum sub unius religionis cōcordia fundavit: ergo facile fieri potuit, ut alia monasteria eandem regulam reciperent, cum nullam haberent. Secundum indicium est, quia omnia jura, quæ post illa, & prope illa tempora, qualia fuerunt circa ætatem D. Gregorii, de solis monachis S. Benedicti, vel qui ab eo duxerunt originem, loquuntur. Tercio (quod præcipue me movet) invenio antiquam approbationem D. Gregorii dicentis, se confirmasse regulam S. Benedicti in sancto Concilio, & subdit: *Et observari præcepi ab omnibus, qui seculo renunciare, & ad Deum converti voluerint, in omnibus regionibus seu provinciis Ecclesiæ Latine.* Quarto nullum vestigium alterius monachatus in Europa inchoati (ut Augustinianam, & Carmelitanā familiam nunc omittam) ad nos pervenit, præter religionem S. Benedicti, vel alterius, quæ ab illa originem ducat, aut certe propriam & notam aliam originem multo post tempore habuerit, ut de Carthusianis infra cap. 4. dicemus: ergo verisimile fit, omnia alia cœnobium monachorum, quæ per Italiam, & alias Europæ partes erant ante Benedictum, ejus regulam, & professionem assumpsisse, nam si postea durarent, in ea professione invenirentur. Quod si sub regula Augustini aliqui permanserunt, vel erant Canonici regulares, vel potius sub nomine eremitarum, quam monachorum vivebant, & magis in Africa, quam in Europa multo tempore durarunt. Sicut Carmelitarum ordo si tunc jam sub monachali professione extabat, in Oriente potius, quam in Occidente vigeat, ut postea videbimus in cap. 10.

8 Atque hinc possumus obiter expedire dubium, quod circa receptam opinionem & historiam de monachatu S. Gregorii, erudire excitavit Cesar Baron. in tom. 7. anno 581. circa finem. Communis enim opinio fuit, Gregorium Magnum ordinis S. Benedicti professorem fuisse. Hoc autem difficile creditur videri, quia Gregorius post functionem Urbani præfecturæ, & post ædificata sex monasteria in Sicilia, monasterium quoddam S. Andreæ Romæ fundavit, & in eo monasticum habitum assumpsit: non videtur autem constituisse illud monasterium sub instituto S. Benedicti: ergo neque ipse illam professus est. Major ex historiis, & vita Gregorii, & ex eodem Gregor. lib. 1. epist. 1. & in præfatione Moralium, & ex aliis locis, ut certa supponitur. Minor videtur colligi ex eod. Gregor. lib. 1. Dialog. c. 4. juncto c. 20. lib. 4. ubi sic inquit: *Vita venerabilis Valentinus, qui post in hac Romana urbe mihi, sicut nosti, meoque monasterio præfuit, prius in Valeria provincia suum monasterium rexit.* Ex quibus verbis intelligimus, Gregorium hunc Valentinum vocasse, eique monasterium suum & seipsum subjecisse: ergo quam regulam & religionem Valentinus professus fuit, eandem Gregorius professus est. At Valentinus non videtur fuisse discipulus S. Benedicti, sed S. Equitii, de quo supra ex eodem Gregorio commemoravimus fuisse institutorem monasteriorum in provincia Valeria, vel antiquiorem Benedicto, vel certe non juniorem, neque ab ejus institutione descendente: ergo nec Gregorius fuit instituti Benedicti professor. Neque enim primum institutum mutavit, imo neque aliū Abbatem unquam habuisse creditur, præter illum primū, in cujus manibus professus est: nam vix biennium in monachum expleverat, cum Diaconus Cardinalis factus est. Porro Valentinum non Benedicti, sed Equitii professorem fuisse, patet in primis ex illis verbis: *prius in Valeria provincia suum monasterium rexit.* Dicit autem Gregorius in priori loco de eodem Equitio: *In Valeria provincia partibus magnæ admirationis habebatur: & infra: Qui nimirum Equitius pro sue magnitudine sanctitatis multorum in eadem provincia monasteriorum pater extitit; & infra circa finem cap. Silere (inquit) non debeo, quod de hoc viro (id est, de Equitio) Abbate quondam meo reverendissimo Valentino narrante, agnovi, &c.* Unde satis constat eundem esse Valentinum, vel Valentinum Abbatem suum, de quo utrobique loquitur, eumque fuisse ex illis monachis, qui in Valeria instituebantur, & fuisse discipulum Equitii, cujus jam defuncti miracula

Num S.
Gregor.
Magnus
fuerit mo-
nachus
Benedi-
ctinus.

Gregorio narrabat, & successorem ejus in aliquo ex illis monasteriis Valeriæ, quorum pater Equitius fuerat. Potestque hæc dubitatio conjecturis confirmari, quia D. Gregorius, quamvis toto lib. 2. Dialog. & sæpe aliàs de Benedicto sermonem habeat, nunquam indicat se fuisse suæ religionis alumnum, neque patrem suum illum vocat, sicut de Valentino loquitur. Similiter agens de doctrina ejus lib. 2. Dialog. cap. 36. solum dicit: *Doctrina quoque verbo non mediocriter fulsit: nam scripsit monachorum regulam, discretione præcipuam, sermone luculentam*; quod vero illam ipse professus fuerit, non indicat. Imo etiam in approbatione superius citata solum dicit, se legisse regulam illam, laudasse, & confirmasse, non vero servasse, aut professum esse.

9 Nihilominus tamen juxta superiorem resolutionem n. 7. positam facile explicare possumus communem seu receptam opinionem. Fateor enim ex historiis Ecclesiasticis non satis colligi Gregorium fuisse S. Benedicti monachum, nec Joannem Diaconum in vita ejus, nec Gregorium Turonensem lib. 10. de Historia Francorum, cap. 1. nec Platinam aliud affirmare, quam Gregorium ædificasse monasterium, & in eo monachum fuisse. Verisimile etiam est Abbatem, quem primum præfecit suo monasterio, fuisse ex provincia Valeriæ: quia ex discursu facto valde probabiliter colligitur illum primum Abbatem fuisse Valentinum. Unde etiam verisimile est illum Valentinum ab Equitio, & non a Benedicto institutionem habuisse. Multa vero alia, ex quibus hæc conjectura pendet, incerta remanent. Primum quam regulam servaret Valentinus in suo monasterio Valeriæ. Fieri enim potuit, ut licet Equitii discipulus fuisset, & ei in monasterio successisset, crescente fama Benedicti, (qui sine dubio fuit vel æqualis, vel fere ejusdem temporis cum Equitio) illiusque regula divulgata, eam in suo monasterio receperit, juxta conjecturam superius factam. Deinde incertum est, an Gregorius advocaverit primos monachos ex provincia Valeriæ, vel ex domiciliis S. Benedicti, hoc enim posterius sit verisimile tum ex propinquitate locorum, tum ex majori notitia, & conversatione, quæ esse poterat cum monachis illius religionis. Nec huic obstat, quod Prælati ex remota provincia Valeriæ adducti fuerint, quia fieri potuit, ut sanctitate, & munere regendi fuisset cæteris illustrior, & per notitiam & famam cognitus: nam alibi legimus apud eundem Gregorium jam Pontificem, aliquando præcepisse homini seculari Probo, ut sui monasterii Abbas fieret lib. 9. epist. 22. Terrio est incertum, sub qua regula voluerit Gregorius a principio fundationis sui monasterii, ejus monachos vivere: estque verisimile ipsum Benedicti regulam elegisse, quia semper maxime approbavit, & laudavit illam, ut constat ex citata bulla, & citato loco Dialogorum. Quod si quis dicat, Gregorium non approbasse illam regulam, nec præcepisse, ut ab omnibus monachis Ecclesiæ Latinæ reciperetur, nisi postquam fuit Summus Pontifex, respondemus hoc esse verum de approbatione authentica; tamen cum Gregorius ante monachatum suum vir esset & doctus, & prudentissimus, ignorare non potuit regulam D. Benedicti, quæ illo jam tempore erat celeberrima, præsertim in Italiæ partibus. Itemque cum magno consilio & desiderio perfectionis tam de suo monasterio erigendo, quam de sua conversione deliberaret, ut ex ipso met Gregorio constat in præfatione Moralium, per se sit statim credibile regulam Benedicti pro se, & pro suo monasterio elegisse. Hoc ergo modo nihil repugnat Valentinum Abbatem S. Gregorii fuisse discipulum & successorem S. Equitii, & nihilominus Gregorium fuisse in professione & regula discipulum S. Benedicti, Cujus etiam magnum argumentum est, quod multa decreta sunt ab ipso edita in favorem monachorum, quæ habentur, 16. q. 1. & seqq. præsertim, 18. q. 2. quanquam in eis nulla fiat specifica mentio religionis S. Benedicti.

10 Secundo juxta eandem conjecturam n. 7. intelligenda existimo, quæ Trithemius lib. 1. cap. 2. de novis virorum illustrium ordinis Benedictini narrat, nimirum fuisse in illo ordine 18. Summos Pontifices, quorum primum ponit Gregorium Magnum: Cardinales pluresque ducentos, &c. quæ breviter etiam repetit lib. de Scriptis Ecclesiæ Benedicti. Hæc enim omnia in hoc fundari existimo, quod omnia, quæ in historiis referuntur de

sanctitate, dignitate, aut qualibet alia singulari excellentia alicujus monachi, qui post Benedictum vixit in Occidente usque ad ea tempora, in quibus constat religionem monachorum fuisse multiplicatas: omnia (inquam) attribuuntur religioni S. Benedicti, etiam si historiographi non semper in speciali referant illam religionem, sed monachatum. Quod merito fit juxta conjecturam a nobis factam, & fortasse sine illa difficile erit illa omnia fundare, aut vera invenire. Imo quia, ut statim dicemus, Cisterciensium religio, & aliæ Benedicti habent parentem, ideo illustres personæ illarum religionum solent etiam Benedictinæ attribui. Et hinc oritur varietas, nam interdum legimus fuisse 18. Pontifices Benedictini ordinis, interdum 24. & aliæ similes, quæ in concordiam rediguntur dicta animadversione. Nam interdum est sermo de religione S. Benedicti præcise, ut a suis filiabus distinguitur, interdum ut illas complectitur. In hoc vero fortasse per inconsiderationem excessit Trithemius, quod suæ religioni attribuit Episcopos, Abbates, vel sanctos aliquos, aut Benedicto antiquiores, aut non ad Occidentales, sed ad Orientales monachos pertinentes, ut notavit Baron. 6. tom. anno Domini 494. sub finem.

11 Terrio ex dicto principio in n. illo 7. ortum est, ut decreta antiqua, quæ de monachis aliquas leges statuunt, præcipue ad Benedictinos monachos dirigantur, ut patet ex cap. cum ad monasterium, & cap. in singulis, & cap. ea quæ, de statu monach. & Clem. Ne in agro, eod. titul. quæ de monachis nigris specialem mentionem faciunt, quæ appellatio solis Benedictinis convenit. Circa quæ jura duæ morales quæstiones oriuntur. Prima est, an illa omnia, quæ in illis juribus specialiter statuuntur, obligent in conscientia, & ad peccatum mortale pro materiæ qualitate. Quod dubium in particulari in præcepto confitendi, & communicandi singulis mensibus tractavi in 4. tom. 3. part. disput. 36. sect. 5. & in summa dixi non addere ad majorem obligationem, quam regula ipsa religiosa, juxta suam institutionem afferat, quia verba canonum non plus indicant. Quod idem consequenter censeo esse dicendum de præcepto abstinendi a carnibus, servandi silentium, & aliis similibus, quæ de se erant a monachis observanda ratione regulæ, & in quibus nec gravior poena, nec aliquid specialius in jure additur, quo major obligatio significetur. Quod in particulari de prohibitione abstinendi a carnibus docuit Sylvest. verb. Religio, 7. q. 14. & sumitur ex doctrina D. Thom. 2. 2. q. 185. art. 8. & 186. art. 9. & quodlib. 1. art. 20. cum tamen transgressor hujus præcepti gravis imponatur poena in cap. carnem, de consecr. d. 5. Sex mensium spatium (dicitur) retruioni, & poenitentia subiacebit. Explicat autem D. Thomas, illud intelligendum esse, quando contra expressum præceptum Superioris cum inobedientia, vel contempnu monachus carnes comedit. Itaque quando statuta regulæ in decreto aliquo juris quasi revocata inveniuntur, si non addatur nova censura, grave peccatum supponens, vel aliquod aliud signum seu verbum novam obligationem indicans, nõ videtur denuo addi, sed solum instaurari, & ad suum pristinum statum restitui, quia fortasse per non usum, vel per abusum prætermissa erant. Aliquando vero imponuntur monachis in jure specialia præcepta sub gravi obligatione, quæ juxta generales regulas de legibus dignoscenda est: & de illis nonnulla attingimus tract. præcedendo de habitu, & de clausura, & de regula religioso-rum, præter alia, quæ diximus alibi tractando de censuris.

12 Secundum dubium est, an ea, quæ statuuntur in jure de monachis S. Benedicti, ad cæteros monachos extendenda sint. Quod in specie tractari solet de præcepto confitendi singulis mensibus, recipiendi Eucharistiam prima Dominica mensis. Quidam enim existimant hujusmodi leges extendendas esse propter similitudinem rationis, quod sentit Glossa in d. Clem. quam Abbas ibi, & alii sequuntur. Oppositum vero docuit Stephanus, quem Glossa refert: & in materia de excommunicatione idem ego censui, quoad censuras latas in d. Clem. Ne in agro. Unde duobus modis potest dici lex aliqua Ecclesiastica lata pro solis monachis S. Benedicti. Primo, quia verba legis expresse & in particulari ad monachos illius religionis limitantur, ut in dicta Clement. Et tunc censeo legem ex vi dispositionis suæ

Jura, quæ continent aliquam observantiam monachorum S. Benedicti, non semper novâ aut majorem obligationem inducunt.

Quando dicta jura extendantur, vel nõ extendantur ad alios monachos.

suæ non obligare alios monachos: quia non extenditur ultra verba sua. Dico autem, *ex vi dispositionis suæ:* nam aliunde ex parte materiæ poterit extendi, ut si ex lege ipsa constet non considerasse veluti specificam differentiam illius religionis, sed generalem rationem, & necessitatem monachalis status; tunc enim materiale esse videtur, quod tales monachos proprio nomine appeller. Alio vero modo potest dici lex lata pro solis monachis S.Benedicti, quia eo tempore lata est, quo non erat alia religio monachorum, vel in quo omnia illorum monasteria sub regula S.Benedicti militabant, quamvis verba canonis indifferentia sint, solumque de monachis mentionem faciant. Et tunc, ex vi dispositionis legis obligatio extenditur ad omnes monachos, etiam si postea aliqui exorti sint: quia hæc est natura perpetuæ legis, ut ad omnes extendatur, qui postea nascuntur, si sub verbis & renore legis comprehenduntur, ut supra etiam diximus de legibus, quæ de religiosis sub hac voce, vel sub nomine regularium aliquid statuunt. Nihilominus vero tunc e converso considerandum est, an ex materia, vel ex aliis circumstantiis intelligatur dispositio legis magis esse restricta, ut si fundetur in speciali regula, vel professione S.Benedicti, aut quid simile: tunc enim indifferentia vocis, *monachi*, ex circumstantiis determinanda est. Et hæc sufficit attingere in particulari de hac religione, pro ratione instituti a nobis propositi.

C A P U T I I I.

Quæ religiones monachorum ex Benedictina ortæ sint, & an sint ab illa distinctæ?

Post institutionem religionis S.Benedicti multo tempore sine nova institutione monastici ordinis, & consequenter, ut credimus, totus occidentalis monachismus Benedictini ordinis erat. Postea vero post annum Domini 900. quia fortasse observantia illius religionis relaxata fuerat, occasione reformandi illam cœpit illa religio multiplicari, vel alias ex se producere.

1 Quarum prima esse censetur ordo Cluniacensium, quæ circa annum Domini 913. cœpisse dicitur, institutore Odone Cluniacensi Abbate, quamvis alii hoc tribuant Bernoni ut primo Abbati, & fundatori illius monasterii, juxta Sigisbertum in Chronico. Et alii præterea addunt opera Eutychii, seu Eutychii ejusdem monasterii monachi valde religiosi, & in Patrum regulis, & institutionibus valde eruditi, ex quibus (ut Antoninus refert) diversas consuetudines sumpsit, & uno volumine colligavit: & ideo fuisse dicitur institutor consuetudinum, quæ in monasteriis servabantur; & specialiter de illo monasterio a Bernone constructo ait Antoninus: *In eo servantur instituta Patris Eutychii*, 2.p.Historialit. 15. cap. 16. ubi propterea Scholasticus advertit, Odonem fuisse potius propagatorem Cluniacensis ordinis, quam institutorem: sicut de Bernardo dici solet circa ordinem Cisterciensem, ut infra nu. 3. notabimus. Idem tamen Bernardus in Apologia ad Hugonem Abbatem, enumerans primos parentes, de quibus Cluniacenses gloriantur, primo loco ponit Odonem, nulla facta mentione Bernonis, neque Eutychii. Quocirca existimo, Bernonem quidem fundasse Cluniacæ illud speciale monasterium sub regula & ordinaria institutione S. Benedicti: discursu vero temporis opera & consilio Eutychii addidisse observantias aliquas, & reformationem, quæ suo tempore duravit sub eadem religione S. Benedicti. Postea vero Odo, qui immediate successit in Abbacia Bernoni, reformationem ampliavit, & tantam mutationem fecit, ut distincta religio inchoata fuerit, ut communiter ab authoribus judicatur.

2 Quæ autem fuerit hæc distinctio, & in quibus rebus, non satis invenio ab authoribus, vel historicis explicatum. Nam in primis non fuit in fine proprio talis instituti: nam semper retentus fuit purus monachatus, & vita contemplativa. Deinde non fuit mutatio in regula, neque in substantiali professione votorum: nam Benedicti regula integra retenta est, idemque modus profitendi conversionem morum secundum illam. In habitu dicunt quidam fuisse factam mutationem quoad figuram, & colorem. Sed quoad colorem Anton. dict. tit. 15. cap. 23. nu. 2. refert Cluniacenses semper retinuisse nigrum habitum, & de eis intelligit jura, quæ de monachis nigris loquuntur, & eisdem ait fuisse reformatos anno 1400. per Eugen. III. in congregatione, quæ

Suarez Tom. XV.

dicitur S. Justina, quia initium habuit in Abbacia S. Justina Paduæ, & postea per plura monasteria propagata est. Illa autem congregatio nunc eadem religio esse videtur cum ordine S. Benedicti, & nonnulla monasteria Hispaniæ, quæ Cluniacensis ordinis fuisse dicuntur, præsertim S. Facundi, & S. Vincentii Salmanticæ, ejusdem ordinis nunc sunt cum aliis S. Benedicti. Non videntur ergo a principio habuisse distinctionem in colore habitus; in figura vero fortasse fuit aliqua, & nonnulla etiam in constitutionibus, & observantiis, propter quæ ut religio distincta, vel saltè ut familia diversa a religione S. Benedicti habita est: ad eum modum quo sunt in religione Minorum variegatæ familiæ, cum non modica distinctione in figura, & asperitate habitus, & aliarum observantiarum, & tamen non censentur plures religiones, sed una, in diversis membris suis magis vel minus reformata.

3 Secunda religio, non quidem tempore, sed amplitudine, & dignitate, quæ ex D. Benedicto ortum habuit, fuit Cisterciensis. Cujus institutor vulgo censetur S. Bernardus, quia inter religiosos omnes illius familiæ fuit illustris, & eam maxime propagavit, & auxit: nam dum viveret, centum sexaginta monasteria suæ reformationis in variis Europæ religionibus fundasse dicitur. Re tamen vera 15. annis antequam Bernardus esset monachus, Cisterciensium reformatio inceperat, ut constat ex historiis apud Vicentium lib. 25. cap. 64. Antonin. 2. part. tit. 15. cap. 8. Sigisbertum in Chronico anno 1098. quo anno religio illa inchoata est sub Roberto primo Abbate Cisterciensi, ut in vita ejus refert Surius tom. 2. die 29. Aprilis. Duxit autem originem a cœnobio Molismensi, quod in provincia Burgundiæ in Episcopatu Lingonensi situm erat. Cœnobium autem illud Molismense Benedictini ordinis erat: an vero in eo servaretur professio communi, & antiquo more, vel juxta novam Cluniacensem institutionem, in historiis explicatum non reperio, illud tamen prius videri probabilius. Nam Bernardus licet Cluniacensem mentionem faciat, nunquam ab eis originem vel aliquid habere recognoscit, ut patet ex Apologia ad Guillelmum Abbatem, & epist. 1. ad Robertum nepotem, ubi S. Benedictum suum, & Cluniacensem legislatorem appellat, suumque institutum longe ætius esse ostendit. Cœnobium itaque Molismense professionis erat S. Benedicti, observantia tamen religiosa in eo fuerat relaxata. Quatuor autem monachi illius, Stephanus, Albericus, & alii duo majorem perfectionem, & rigorem desiderantes, solitudinem petierunt, ac tandem in sylva Cistercium dicta quasi eremiticam vitam inchoarunt: postea vero eos sequutus est Robertus Molismensis Abbas cum aliis viginti duobus, qui primum cœnobium Cisterciense sub eodem Roberto primo Abbate incoluerunt. Post paulum vero temporis redeunte Roberto jussu Pontificis ad Abbatiæ Molismensis cœnobium, ei successit Albericus, quo intra biennium defuncto, successit Stephanus, qui constitutiones illius ordinis in formam redegit, & consummavit: ideoque fundator illius ordinis appellari etiam solet. Ille vero recepit Bernardum, qui maxime ordinem nobilitavit, & ideo nomen ejus tandem retinuit.

4 Habet ergo hic ordo, quoad institutum, regulam eandem, & eundem finem cum ordine S. Benedicti: majorem tamen ab illo distinctionem, quam ordo Cluniacensis, a principio habuisse, & nunc etiam habere videtur. Nam quoad habitum, magnam distinctionem habet in colore albo, ut constat, & in figura nonnihil differt, quamvis modicum. Et præterea differt in multis constitutionibus, & specialiter ab Ecclesia approbatus est, & multis privilegiis ornatus: & ita ut religio distincta inter monachales numeratur, & in jure interdum fit specialis mentio illius & satis honorifica, ut patet in cap. non est, de Regularib. ubi prohibetur transitus a Cisterciensi ordine ad alios, ubi glossa rationem reddit, quia nullus ordo ætior tunc inveniebatur. De qua re in superioribus dictum est tract. præced. lib. 3. & in cap. licet, cod. tit. approbatur transitus ad Cisterciensem ordinem tanquam ad ætiores. Et in cap. in singulis, de statu monach. supponitur, morem celebrandi Capitula antiquiorem esse in ordine Cisterciensi, quam in ordine S. Benedicti. Et ideo statuitur, ut similia Capitula in ordine S. Benedicti fiant, & ut pro illis primordiis duo

S 3 Abba.

Tractatur etiam prior pars tituli quoad ordinem Cisterciensem.

Tractatur pars posterior.

Tractatur prior pars tituli quoad ordinem Cluniacensem.

Tractatur prior pars posterior.

Abbatibus Cisterciensibus in Capitulo cum aliis Abbatibus Benedictinis praesiderent. Quod satis demonstrat, quantae auctoritatis & aestimationis hic ordo fuerit tempore Innocent. III. Quamquam ante Innocentium Alexander III. in cap. *recolentes*, de statu monach. conqueratur, quod a prima perfectione nonnihil defecissent: *Dolentes* (inquit) *dicimus*, quod *etsi non ab omnibus, neque in omnibus, a plerisque tamen, & in pluribus ab illa sancta institutione dicitur declinatum in tantum, ut aliqui ex vobis primae institutionis obliti, contra ordinis vestri regulam, villas, Ecclesias, & altaria possident, fidelitates, & hominia benigne suscipiunt, iustitias, & tributarias tenent, &c.*

Quale fuerit, aut nunc sit Cisterciensium professio,

5 Ex quibus verbis & ex historiis supra citatis intelligi potest, religionem hanc a principio fuisse fundatam in speciali professione paupertatis: nam etiam mendicantes referuntur tempore Stephani Abbatis. Retamen vera nunquam sunt professi mendicitatem, aut paupertatem in communi, sed solum ex regula statuebant abstinere ab aliquibus modis seu generibus immobilium bonorum, vel Ecclesiasticorum reddituum, quibus possent vel temporalibus curis distrahi, vel ministeriis a sua professione alienis occupari. Unde Vincentius, & Antoninus referunt fecisse declarationem seu constitutionem auctoritate Apostolica confirmatam, abdicandi *Ecclesias, altaria, oblationes, & decimas, & sepulchras aliorum hominum, & furnos, & molendina, & villas, & rusticos*. Tantum ergo huiusmodi bonorum genera abdicarunt; imo inferius reddendo rationem, ob quam a decimarum perceptione abstinabant, dicitur, decimas a sanctis Patribus in quatuor partes esse distributas, unam Episcopo, aliam clero, tertiam pauperibus, quartam fabricae, & ideo usurpare decimas detrectabant, quia in nullo illorum membrorum comprehendi monachum existimabant: quia monachus (dicitur ibi) *terras suas possidet, unde & per se, & per pecora sua laborando vivat*. Nonne autem monachi ibi monasterium intelligo: singuli enim monachi per se nihil possidere poterant: monasterium autem habere poterat possessiones, & pecora, atque adeo bona immobilia, & se moventia, ex quibus monachi alerentur. Igitur maiorem quidem paupertatem professus est ordo Cisterciensis in principio, quam reliqui sectatores S. Benedicti, atque etiam Cluniacenses servarent, non tamen omnino erat incapax possessionum seu immobilium bonorum. Et ideo Alexand. III. in d. cap. *dolentes*, cum limitatione dixit: *Relictis possessionibus, vel etiam commutatis, quas institutio vestra non recipit*. In illo vero genere possessionum eam moderationem observasse videtur, ut monachi ipsi suis manibus laborarent, & terram colerent: quod dictis verbis satis significatur, & expressis a Bernardo in dict. epist. I. ibi: *Jejunia, vigiliis, silentium, manuumque laborem vocat infaniam*: & infra: *Qualis vero religio est fodere terram, sylvam excidere, stercora comportare*. In his ergo laboribus exercebantur tunc monachi Cistercienses, etiam si contemplativam vitam maxime profiterentur, & illo modo paupertatem simul, humilitatem & austeritatem conjungebant, etiam si bona & possessiones suo statui accommodata non recusarent. Atque in huiusmodi observantiis & constitutionibus simul cum exteriori habitu distincta fuit haec religio ab aliis familiis S. Benedicti. Erant etiam proprium habuit regimen, proprios Praelatos, & Congregationes seu Capitula, & totius religionis supremum regularem Praelatum. Pro distinctione enim harum religionum seu familiarum maxime oportet advertere, cum D. Benedictus quasi sedem suam in monte Cassino colloca-verit, quamdiu ejus religio omnino una & unita permanisset, singula monasteria ita fuisse suis Abbatibus subiecta, ut aliquo modo reliqui Abbates videantur fuisse subordinati Abbati Cassinensi: quamquam si hoc intelligatur de subordinatione quoad aliquam jurisdictionem, neque in iure, neque in historiis satis expressum invenitur. Intertum tamen scriptum reperio, Odonem fundatorem Cluniacensem se suamque familiam ab obedientia Cassinensis Abbatis exemisse, ideoque quasi novum ordinem erexisse. Sic ergo Cisterciense monasterium ab aliis separatum fuit, & quasi nova summa Abbatia in eo includebatur, sub qua reliqua monasteria illius ordinis erigebantur, & juxta suas consti-

tutiones, & privilegia gubernabantur, & usque hodie gubernantur, quamvis in hoc magna mutatio in diversis regnis & provinciis facta fuerit, quam nunc explicare ad nos non pertinet.

6 Hinc vero obiter conjector, D. Bernardum non solum non fuisse institutorem illius ordinis, verum etiam neque unquam fuisse supremum Praelatum illius: nunquam enim fuit Cisterciensis Abbas, sed tantum Claravallensis, cujus monasterii & fundator, & primus ac perpetuus Abbas, quamdiu vixit, fuit: monasterium autem Claravallense a Cisterciensi ortum habuit. Nam illius Abbas Stephanus triennio postquam Bernardum in monachum receperat, illum cum aliis monachis ad fundandum monasterium misit, quod postea Clara valis vocatum est, eique in Abbatem Bernardum praefecit, qui semper ibi perseveravit: constat autem Abbatem Claravallensem ex vi suae dignitatis nunquam fuisse aliis superiorem: nunquam ergo Bernardus universalem praelationem in suo ordine habuit, neque enim alibi legimus per specialem electionem aut concessionem ei fuisse aliquando datam. Neque hoc minuit Bernardi auctoritatem, sed auget potius, tantae enim fuit inter suos aestimationis, ut cum ratione jurisdictionis universalis Praelatus non esset, nihilominus ut communis parens ab omnibus habitus sit, propter eximiam ejus sanctitatem, & religiosam, ac spiritualem doctrinam: & quia re vera fuit fundator plurium, ac fere omnium monasteriorum illius ordinis. De quo haec dixisse sufficiat: nam reliqua, quae scholastica sunt, & propria nostri instituti, non requirunt specialem doctrinam, sed applicationem ejus, quae generatim data est.

7 Et ob eandem causam nihil fere dicam de multis aliis religionibus monachalibus regulam S. Benedicti profitentibus, & quae ab illa per nonnullas accidentales mutationes dimanarunt: in omnibus enim est idem viue institutum, & earum diversitas in paucis ritibus seu constitutionibus consistit, quae ab uniuscujusque professoribus sciri debent, si talis professio durat, non nullae enim jam extinctae sunt, & aliae rara habent monasteria. Itaque in hoc ordine ponimus congregationem Camaldulensem, quae in Italia paucos quidem habet conventus, magnae tamen religionis, & aestimationis, coepitque anno 967. auctore S. Romualdo, quamvis ipso vivente a reliqua familia S. Benedicti quoad obedientiam & unionem separata non fuerit, sed solum quoad habitationis modum, & quoad silentium, jejunia, & alias asperitates, ob quas tandem auctoritate Alexand. II. familia Camaldulensis approbata est, & separata a reliquo ordine S. Benedicti: quia tanta diversitas non poterat commode in eodem corpore, & sub eodem regimine conservari. Nam Camaldulenses non utuntur communi habitatione ad dormiendum, vel ordinatae comedendum, sed singuli cellas habent quasi domos separatas, & solum dominicis, ac festis diebus ad divina officia conveniunt, & duodecies tantum in anno simul cibum sumunt; reliquo autem tempore solitariam vitam, & silentium servant, & orationi, ac letitiae, vel labori manuum dant operam. Itaque Carthusiani simillimi sunt, & colore etiam albo utuntur, & a carnibus abstinent, quamvis non tempore morbi, ut Carthusiani.

8 Alius ordo post Camaldulensem ortus fuit, qui Vallis umbrosae dicitur. Ejusque auctor fuit S. Joannes Gualbertus, qui prius fuit monachus Cluniacensis ordinis in conventu S. Miniatis; postea vero ad Camaldulenses pervenit, non tamen eorum institutum professus est, quia caenobiticam vitam potius, quam eremiticam affectabat, ut historiae referunt; ideoque postquam per aliquot dies Camaldulensium mores, & vitam contemplantus, inde discessit, & cum aliquibus sociis in loco commodo, *Vallis umbrosa* nominato, monasterium S. Benedicti erexit, propriis quibusdam austerioris vitae observantiis & constitutionibus ad perfectiorem regulae custodiam adjunctis. Praecipue vero in clausura observatione religio haec in principio excelluit; habitus vero illius idem fere est, qui S. Benedicti, in colore tamen aliquantulum diversus, quamvis non sit albus, sed medi coloris. Atque hunc etiam ordinem approbavit Alexand. II. anno 1070. quamvis in hoc antiquorum numerus nonnulla sit in auctoribus diversitas,

9 Atque

Quis, & quantus D. Bernardus in ordine Cisterciensi.

De Camaldulensi ordine, qui etiam a Benedictino derivatur, nonnihil distinguuntur.

De alio ordine Vallis umbrosae, etiam derivato ex Benedictino.

Anton. 2. p. tit. 15. c. 15. Sicut som. 4.

De quibusdam aliis similibus dicitur.

9 Atque eodem fere tempore post quinque aut sex annos instituta est alia familia ejusdem ordinis & regulæ S. Benedicti, opera quorundam virorum nobilium Mediolanensium, qui dictus est ordo Humiliatorum, & ab Innoc. III. tandem confirmatus est, postea vero a Pio V. omnino fuit sublatus, & ideo de illo plura dicere necesse non est. Sunt etiam, qui in hoc ordine ponant ordinem Grandimontensem: sed non invenio hujus rei sufficiens fundamentum, ut sequenti cap. dicam. Præterea ordo Coelestinorum, Guilielmitarum, qui alio nomine Montis Virginis appellatur, & ordo montis Oliveti, ac denique ordo Sylvestrinorum, qui omnes in Italia vigent, & sub distinctis Generalibus seu primariis Abbatibus militant, Benedictinæ regulæ sunt, & fere ejusdem religionis; & sicut de aliis dictum est, solum in aliquibus observantiis, & aliquantulum in habitu differunt. Circa eorum autem originem, & progressum nihil peculiare ad nostrum institutum pertinens occurrit; & ideo legi possunt historiæ, quæ de illis fufius tractant.

CAPUT IV.

An ordo Carthusiensis sit perfecta monachorum religio: Deque ejus origine, & observantia.

Origo Carthusiensis ordinis.

1 DE tribus, vel quatuor aliis monachorum ordinibus possumus hoc loco brevem mentionem facere. Primus est Carthusiensis ordo, qui inter monachales omnes ætior reputatur, tum ex institutione, tum ex perseverantia in illa, quia de suo primo rigore minus remisit. Cæpit autem hic ordo anno Domini 1084. juxta Sigisbertum in Chronico, ubi sic inquit: Bruno natione Theutonicus ex urbe Colonia literis ap- prime eruditus, Rhemensis Ecclesiæ canonicus, & schola- rum magister, relicto seculo, eremum Carthusiæ fundat, propositumque monasticæ conversationis satis arduum instituit. Idem referunt Anton. 2. part. 15. c. 22. & late Surius tom. 5. die 6. Octobris, Dionysius Carthuf. opu- sculo de laudibus ordinis Carthusiani. Apud quos legi- tur tremendum exemplum, quod Brunum, & sectatores ejus excitavit ad illud vitæ genus assumendum, quod omitto, quia satis vulgatum est. Non fuit autem hic ordo institutus sub aliqua ex antiquioribus regulis: nec re- ferunt dicti authores quænam statuta, vel constitutio- nes ab ipso B. Bruno a principio habuerit, sed solum edi- ficasse in illa solitudine Carthusiæ Ecclesiâ, & non procul ab illa cellulas inter se aliquantulum separatas, ne alter alterius quietem & solitudinem perturbaret.

Quod ejus institutum.

2 Unde constat institutum illud ab initio fuisse ma- xime contemplativum, & proxime accedens ad solita- riam, seu eremiticam vitam, quamvis de cœnobitica multum semper participaverit. Subjungit autem Surius hæc verba: Atque in iis singulis cellulis bini fratres de- gebant, & quemadmodum præci illi Aegyptii monachi si- lentio, orationi, lectioni, cordis puritati, & rerum divi- narum contemplationi vacabant, certis etiam horis ope- ri manuum, præsertim conscribendis libris incumbentes, eum ut sua inopia consulerent, tum etiam, ut ne quam da- rent occasionem illis, qui quarunt occasionem sanctum eorum institutum calumniandi, quod nullam Ecclesiæ Dei navarent operam, sed suis dumtaxat rebus stude- rent. Et inferius subdit, quod licet precibus, & vite pu- ritate, ac innocentia multum possent Ecclesiâ Dei ju- vare, tamen sanctissimi patres nostri (inquit), qui Car- thusianæ vitæ primæ jecere fundamenta, nihil tale sibi tribuentes libris scribendis etiam operam dare stude- rant, & ut sui successores id facerent, hortati sunt, ut saltem manibus verbum Dei predicarent, quando ore non possunt; sic enim (ait) loquuntur statuta Patrum an- tiquorum. Unde constat illud institutum quoad substan- tiam, & finem ejus, idem esse cum instituto antiquo- rum monachorum, principaliter quidem contemplati- vum cum ea missione alicujus externi laboris, vel ope- ris manuum, quæ ad levandum fastidium, & vitandum otium sufficiat. Nam quod hæc opera externa cedant in spiritualem utilitatem proximorum, accidentarium est ad finem illius instituti: in quo etiam per se non est stu- dium literarum: quando vero contigerit aliquem do- ctum & eruditum proficere illam religionem, tunc ma- xime locum habet, quod Surius ait, non repugnare, imo

esse consentaneum perfectioni illius instituti, actio- nem aliquam seu descriptionem proximo utilem efficere eo tempore, quo aliâs operi manuum vacandum esset: nam quo actio illa fuerit perfectior, & ex majori cha- ritate, eo erit magis consentanea tali instituto, non tam ex speciali ratione sui, quam ex generali facien- di, quod melius est.

3 Differt autem hæc religio a cæteris institutis mo- nachorum in propriis constitutionibus & observantiis, quæ, ut verisimile est, ab ipso S. Bruno inchoatæ fue- runt, & postea disculsi temporis, per Prælatos, & ge- neralia capitula perfectæ & consummatæ sunt. Inter quas nonnullæ sunt graviores, & specialiter adnotan- dæ, quia vel nonnullam difficultatem habent, vel sin- gularem rigorem & observantiam ostendunt. Prima est de abstinentia a carnibus, quæ tanta integritate ob- servatur, ut propter nullam causam vel necessitatem, etiam extremam mortis vitandæ hanc legem transgre- dian- tur: quod licite facere possint, a Theologis du- bitatum est. Quia est contra obligationem naturalem, quam homo habet conservandi vitam, contra quam nulla lex positiva, præsertim humana obligare potest, imo nec votum jejunandi, vel abstinenti cum tali cir- cumstantia videtur posse obligare, imo nec servari, quia est indifferens, & in detrimentum vitæ, quæ non est hominis, sed Dei.

Distinctio ejus ab aliis monachalibus, præsertim ab abstinentia a car- nibus.

4 Circa hoc ergo duo casus distinguendi sunt. Unus est, quando extrema necessitas oritur ex defectu alte- rius cibi, ita ut sit certum periculum moriendi fame, ni- si carnes comedantur: alius est, quando tantum est or- dinarium periculum ægritudinis, & medicus judicat esse moraliter necessarium esum carnis ad resistendum ægritudini. In priori casu cenfeo non esse licitum ser- vare tale statutum propter rationes factas; & quia in eo casualis abstinentia nullam habet rationem virtu- tis: quia neque ad proprium personale bonum talis ab- stinentia ad aliquid utilis est, neque ad aliquod bonum commune. Quod enim emolumentum proveniet reli- gioni ex eo, quod religiosus moriatur, ne carnes come- dat? Dices: ipsamet inviolabilis observatio legis est magnum bonum commune: sicut Machabæi dederunt vitam, ne comedendo carnem suillam, legem viola- rent. Respondetur, si lex humana præciperet expresse non comedere carnes etiam in eo casu, iniqua esset, & irrationabilis, quia esset legi naturæ, & charitati con- traria, & sine necessitate præciperet prodigere vitam. Unde quando constitutio simpliciter fertur, non com- prehendit casum illum, ideoque tunc abstineri a carni- bus non esset servare legem, sed agere contra animam ejus, quæ est charitas. Exemplum autem Machabæo- rum non est ad rem: quia in illo non erat necessitas na- turalis (ut sic dicam) & intrinseca, sed erat violentia in contemptum religionis illius temporis: in quo casu prodigenda est vita, non per se propter abstinentiam, sed propter confessionem fidei, & honorem religionis. Sicut nunc etiam in extrema necessitate ob defectum aliorum ciborum potest, & debet Christianus comedere carnes feria sexta: si tamen a tyranno cogeretur in contemptum religionis, & Ecclesiastici præcepti, nec deberet, nec posset, quia consentiret errori ejus.

1. Casus, in quo non licet Carthusiano monacho abstinere a carni- bus.

5 In posteriori autem casu licitum esse existimo ob- servare inviolabiliter illam abstinentiam, non obstante ægritudinis periculo, aut necessitate. Ratio est, quia talis abstinentia potest pertinere ad magnum commu- ne bonum illius religionis, ne illa occasione aperiatue via relaxandi sanctam illam observantiam in tali reli- gione. Nam ordinatæ ac regulariter loquendo, esus carni- um non est adeo necessarius ægrotantibus, etiam cum periculo mortis, ut si omittatur, physice, aut mo- raliter fiat inevitabilis mors: quia ordinatæ sunt alii cibi, & alia media, quibus possit vita, etiam in illo statu conservari sine læsione, quantum est ex parte cibi. Quamvis ergo in aliquo casu possit necessitas esse ma- jor, & vita periclitari abstinendo a carnibus, nihilomi- nus si ea occasione permittatur, necessarium erit arbi- trario medicorum talem dispensationem relinquere, at- que ita facile fieret extensio ad plures alios casus non adeo necessarios: hoc ergo ne irrepat, potest esse suffi- ciens & rationabile motivum, absolute, & indifferen- ter abstinenti a carnibus, etiam in simili periculo, non

2. Casus, in quo licet etiam cum periculo vitæ.

obstante medicorum judicio, nisi contingat cum hoc secundo casu conjungi priorem. Ut si ægrotus nullo modo valeat aliis cibis uti, sive ob penuriam, sive ob conditionem ægitudinis: nam tunc fame potius, quam ægitudine mori sineretur. Atque ita huic quæstioni respondet Gerson proprio tractatu de hac re, alphab. 39. lit. E. Major in 4. d. 38. q. 24. Martinus de Magistris, q. de Abstinencia, & melius Victoria in Relección de Temperantia, nu. 8. & seqq. qui licet in principio sit dubius, & in utramque partem proponat argumenta, tandem in hanc resolutionem inclinat.

De observantia clausuræ eorumdem Carthusienſium.

6 Alia ex præcipuis observantiis Carthusianorum est perpetua clausura, de qua inquit Navar. Comment. 4. de Regular. nu. 30. in hunc modum: *Hanc legem clausuræ jure communi statutam, aut confirmatam Carthusiani partim statutis, partim consuetudine inviolabiliter observata adeo auxerunt, ut eorum clausura videatur quidam carcer perpetuus.* Et ibidem refert particulares constitutiones ejusdem ordinis circa hujusmodi clausuram, quæ in summa continentur primo, quod Prior Carthusiæ, scilicet Generalis, nunquam terminos sui eremi egreditur: alii vero exire possunt cum licentia Prioris Generalis, & non aliter: quamvis ex quo incipiunt esse Priores, usque ad Capitulum generale, possint septies exire pro utilitate domus, & in Curias etiam Prælatorum, aut Principum ad necessaria negotia tractanda. Alii vero privati monachi nunquam egrediuntur, nisi de licentia Prioris Generalis, & necessitate urgente, vel nisi mittantur ad suscipiendos ordines, vel ad habitandum in alio monasterio sui ordinis, vel nisi eligantur in Superiores, Visitatores, vel ut eant ad Capitulum generale: vel nisi necessitas belli, aut alia similis eos cogat: ac denique mitti etiam possunt ad grangias, seu villas seu conventus, ex 3. part. statutorum antiquorum §. 1. Postest etiam in hac clausura considerari, quod fere majori parte temporis debent juxta constitutiones suas intra cellam manere: possunt tamen intra suam clausuram statutis temporibus exire: extra clausuram autem, & intra terminos sui eremi egrediuntur semel, aut bis in hebdomada, non tamen privatim, sed communiter cum conventu, animi relaxandi gratia, cum mensura tamen, & religioso modo in suis constitutionibus præfixo. Unde constat ordinem hunc perfectam satis, & rigorosam clausuram servare. Existimoque ratione illius obtinuisse religionem hanc inter alias prærogativam, ut ab omnibus aliis transitus ad illam liceat jure communi, in Extravag. *Viam ambitiosa*, de Regular. & fere juxta omnia privilegia religionum, nam hoc factum videtur propter majorem securitatem, quæ moraliter loquendo, & quantum humano modo judicari potest, major est, ubi tanta clausura, & separatio a conversatione secularium servatur: præsertim cum conjuncta sit cum tanta vitæ austeritate, & jugi divinarum rerum contemplatione. Quæ omnia sunt etiam aptissima media ad magnam perfectionem consequendam.

Privilegium tamen tunc ad Carthusiam observatum clausuræ maxime.

Qui putent ex vi juris communis licere etiam transitum a Carthusia ad aliam religionem.

7 Aliqui vero contendunt licitum esse, quantum est ex vi juris communis, transitum a Carthusiensi ad aliquem alium ordinem, ut jam in præced. tractatu lib. 3. c. 9. a nu. 14. attigi. Ita censent religiosi Prædicatores in suis constitutionibus, dist. 1. c. 13. §. 4. cum declaratione; & Sylvest. verb. *religio*, 4. q. 6. refert fuisse Parisiis declaratum, & Navar. conf. 68. de Regularib. juxta primam impressionem, quæstionem movens de transitu Carthusiani ad Minores, dicit, in foro conscientie posse fieri, si bona intentione, sine scandalo, cum debitis circumstantiis fiat. Quia, licet jus concedat transitum a mendicantibus ad Carthusianos, non tamen prohibet e converso transitum Carthusiani ad mendicantes; & alioquin dictæ religiones mendicantes reputantur a suis professoribus, & strictiores, & perfectiores aliis, etiam Carthusiæ, ut de sua expresse dicunt Prædicatores in citato loco suarum Constitutionum, & de sua sentit S. Bonaven. in quæstionibus circa suam regulam, q. 13. & late Corduba super regulam S. Francisci cap. 2. q. 17. & fenserunt aliqui Canonistæ, ut intelligi potest ex Jo. Andrea, & Panorm. in cap. *non est*, de Regular.

Authoris judicium.

8 Sed ego in hoc opere decrevi religionis inter se non comparare, sed omnes venerari, & singulis tribuere, quod jure illis concessum est. Ordini ergo Carthusiæ hoc concessum invenio, ut ad ipsam liceat transire a

mendicantibus. Quod autem ab ipsa ad mendicantes liceat transitus, scriptum non invenio in jure, neque in aliquo privilegio specialiter concessio. Dare autem hanc licentiam per illam generalem regulam juris, quod *transitus ad arctiorem religionem est licitus*, non videtur mihi tutum, tum quia jus concedens transitum ad Carthusiam, videtur supponere illam esse arctiorem, vel saltem æqualem in arctitudine, & securiorem: tum etiam quia si transire ad Carthusiam non est retro respicere, ut etiam supponit illud jus: ergo transire a Carthusia ad alias, vel est retrocedere, vel certe non est ulterius progredi: ergo non licet sine speciali concessione. Tum etiam, quia videtur nimis ausus hanc licentiam dare propter solum privatum judicium de excellentia alterius religionis, præsertim in causa propria. Unde Navar. dist. Comment. 3. de Regular. num. 32. concludit, a Carthusia ad nullam aliam religionem transiri, & Major in 4. d. 38. q. 13. dixit, nullam inter religiones omnes Carthusiam in bonitate, & securitate excedere; quam assertionem prosequitur, & declarat late, & cum non positive, sed negative comparationem faciat, tolerari potest. Navar. vero conf. 10. de Regular. in prima impressione, absolute ait, Carthusianos notabiliter esse austeriores mendicantibus, etiam Minimis, quos cæteris in austeritate præfert. Quæ comparationes verum habent quoad aliquas austeritates exteriores, simpliciter autem privatum judicium dare difficile est.

9 Ultimo ex dictis constat, satis multumque esse religionem hanc ab Ecclesia approbatam, quando vero hæc approbatio cæperit, interrogari potest. Refert enim Gerson part. 2. alphab. 39. lit. D. quosdam objecisse ordini Carthusienſium, quod confirmatus non esset: ad quam ipse respondet, primum fuisse approbatam more antiquarum religionum: quia per centum triginta annos antecessit religiones mendicantium, & consequenter etiam præcessit illi juri canonico, quod specialem approbationem scriptam requirit; quare ipso usu, & sanctitatis exemplo, & generali Ecclesiæ acceptatione approbata est. Advertit autem Surius in vita S. Brunonis, Apostolicam Sedem statim ab initio eam complexam fuisse, Brunonemque cum primum monasterium Carthusiæ fundasset, vocatum fuisse ab Urbano II. Pont. Max. & cum illum apud se retinere voluisset Pontifex, scripsisse eundem Pontificem in favorem monachorum Carthusiæ, ut eis eremus illa concederetur, ut in ea secum vitæ institutum prosequerentur. *Et hæc* (inquit) *fuere prima literæ Romani Pontificis de Carthusiano instituto, quæ magno sunt documento, ab ipsis Carthusianæ religionis initiis eam a Sede Apostolica approbatam esse.* Deinde vero multis aliis privilegiis, ac denique in citato decreto sæpius confirmata est. Referunt denique Gerson, & Major, non defuisse, qui perfectionem hujus ordinis diminuere voluerint, eo quod nec plures habeat sanctos canonizatos, nec multis miraculis fulgeant: quibus ipsi late respondent, hæc signa non esse necessaria ad perfectionem, & optimum ac sufficiens esse exemplum perfectæ sanctitatis, præsertim cum perseverantia tot annorum, in quibus rigor primus illius religionis fere in nullo diminutus est.

De approbatione hujus religionis.

Quid de vitiis in hac religione insignibus.

C A P U T V.

An regula S. Hieronymi, aut alia monachalis, sub regula Augustini militet?

1 PRÆter religiones monachales, de quibus hæcenus diximus, sunt aliquæ nunc in Ecclesia, quæ licet prohibeantur regulam Augustini, quæ antiquior est quàm regula Benedicti, nihilominus recentiores sunt: nunc enim non agimus de religione Eremitarum S. Augustini, quam non inter monachales, sed inter mendicantes ponimus. Antiqui autem monachi seu eremiti S. Augustini non retinent nunc eundem statum, & vivendi modum, quem primitus habuerunt, sed vel ad mendicantium statum, qui longe post Augustinum institutus est in Ecclesia, translati fuere, de quo postea in c. 9. videbimus, vel adjunctis propriis observantiis, & constitutionibus, in novos monachales ordines transierunt.

2 In his ergo in primis numerari potest ordo appellatus *Grandimontensium*, qui circa annum Domini 1080. a quodam Stephano Albanensi viro religioso inchoa-

De Eremitis una ex religionibus mendicantibus hic agitur.

Grandimontensis ordinis fundator inchoa-

inchoatus est. Et quidam referunt, eum inchoasse sub regula S. Benedicti: alii dicunt militare sub regula S. Augustini. Mibi de eorum instituto non satis constat, neutrum enim ex dictis declarant antiquiores historiographi, ut videre licet in Vincenzio lib. 25. c. 46. & Antonino 2. p. tit. 15. c. 21. qui ajunt, Stephanum peragratis multis eremis, & de Canonicorum, & monachorum, & Eremitarum vita, quæ imitanda sunt, memoriam commendans, in Aquitania prope Lemovicæ ad montem nemorosum, qui Muretum dicitur, primum monasterium sui ordinis ædificasse. Unde potius significat nullam specialem regulam assumpsisse, sed ex omnibus, quæ viderat, & expertus fuerat, suum peculiarem vivendi modum instituisse. Unum vero referunt in illo viro specialiter notandum, scilicet, cum Muretum solus pervenisset in locum solitarium, & contemplationi aptissimum, ibi se Deo servitutum omni tempore spondidisse, & cum quodam annulo (ait Antoninus), quem de omni substantia mundi tantum habebat, semetipsum castissimum virginem desponsavit dicens: *Ego Stephanus diabolo abrenuncio, & omnibus pompis ejus, & offero me, ac reddo Deo Patri, Filio, & Spiritui sancto, scribensque professionem suam, posuit super caput suum, fundens orationem ad Jesum Dominum, & matrem ejus Virginem.* Qui professionis modus novus est, & singulari Spiritus sancti instinctui attribui potest: tamen in rigore illa professio nec fuit, qualis nunc est per vota solennia, neque constiterat verum religiosum, cum vota paupertatis, & obedientiæ non haberet.

3 Postea vero cum divulgata ejus fama multi discipuli ad illum congregati fuissent, religiosum monasterium fundatum est, ac tandem annuente etiam Summo Pontifice tacite, vel expresse, propria & perfecta religio ejus cepit. Accidit autem, ut post mortem Stephani fratres S. Augustini litem moverent monachis S. Stephani, contententes locum illum Mureti ad jus suum pertinere. Illi autem remedium a Deo postulantes, & in Missa humiliter Deo supplicantes, vocem hanc audierunt, *In Grandi monte, in Grandi monte:* & ita in locum illum, & monasterium totum, & corpus fundatoris transulerunt.

4 Ex qua historia, quæ communis est, duo colliguntur; unum est, unde sit hic ordo Grandimontensis vocatus; aliud est, non esse admodum verisimile, Stephanum fuisse monachum S. Augustini in aliquo conventu, qui antea fundatus esset in loco illo Mureti, quia nulla mentio talis conventus est in historiis, sed solum de lite mota a fratribus Augustinianis, qui fortasse in aliquo vicino monasterio vivebant, & jus aliquod in solum illud, quamvis sylvestre, & desertum prætendebant, præterquam quod id repugnat modo professionis superius relatæ. Unde etiam non est verisimile sub regula S. Augustini hunc ordinem fuisse fundatum, alioqui in illo principio potius habitus fuisset ut reformatio ejusdem ordinis, quam ut ordo diversus, neque esset tanta occasio contentionis, præsertim si reformatio ex eisdem fratribus facta fuisset, ut Fr. Hieronymus Romanus vult.

5 Neque etiam invenio fundamentum ad asserendum, institutum esse sub regula S. Benedicti, vel sub aliqua alia antiquiori; sed verisimile est, sicut religio Carthusianorum cum propriis statutis absque alia regula eodem fere tempore fundata est, ita & hunc ordinem invenisse proprium vivendi modum. Qualis autem hic fuerit, in particulari nobis non constat, sed solum esse ordinem monasticum, contemplationi, & psalmodiæ deditum, cum magna solitudine & austeritate corporali, cum magnis jejuniis etiam in pane & aqua. Et de fundatore specialiter refertur, quod incedebat indutus lorica ferrea contra carnis tentamenta; quem morem in totum ordinem introductum fuisse quidam ajunt. Refert item Platina in Joanne XXIII. alias XXII. Pontificem illum, ordinem hunc aliquantulum jam labefactum instaurasse, & additis quibusdam institutionibus in meliorem formam rede gisse. Hujus vero ordinis nulla habemus in Hispania monasteria: an vero in Gallia doret, vel in alias provincias propagatus fuerit, incertum habeo.

6 Secundo loco possumus in hoc ordine ponere or-

dinem Præmonstratensem, nam illum monachalem vitam nunc profiteri, & habitum portare manifestum est, & regulam S. Augustini profiteri. Cæpit autem hic ordo anno 1120. quamvis in hoc nonnulla sit differentia inter authores, ex quibus quidam ajunt fuisse approbatum a Paschali II. alii a Gelasio II. alii vero ab Innocentio II. Primum autem hujus religionis fundatorem omnes referunt fuisse Norbertum virum nobilem Lotharingia oriundum, qui factus Presbyter, & habitu paupertatis assumpto, ac nudis pedibus incedens, prædicare cepit verbum Dei, & a Gelasio Papa II. licentiam & auctoritatem illud munus præstandi obtinuit. Postea vero Calixtus Papa cum Lugdunensi Archiepiscopo commendavit, ejus auctoritate in quodam loco *Præmonstratum* dicto vitam solitariam agere cepit, & postea tredecim socios congregavit, & cum eis secundum canonicæ institutionis normam, & regulam S. Augustini religiosam congregationem inchoavit: postea vero quadraginta clericos cum multis laicis secum jam habens, professionem omnes fecerunt juxta institutionem Apostolicam, & regulam B. Augustini, & ad voluntariam paupertatem, ceterasque religionis observantias eos instituit: & adeo sancte vixit, ut intra breve tempus in longinquas regiones Angliæ, Hispaniæ, Burgundiæ propagata fuerit ejus religio. Quæ omnia sumpta sunt ex his, quæ refertur S. Serius die 6. Junii, & Antonini 3. p. tit. 15. cap. 19. & tit. 17. c. 1. §. 3. Vincentius, & alii. Ex quibus videtur colligi ordinem hunc in principio fuisse Canonicorum regularium reformatorem, quamvis non constet, an in principio usi fuerint bi-religiosi communi habitu Canonicorum regularium, vel aliquo proprio habitu monachali. Nunc vero hujusmodi habitus deserunt, præsertim in Hispania: in aliis vero Provinciis Canonicorum rochetum, seu lineam vestem albam deferre dicuntur: quia juxta sua statuta possunt in hoc consuetudini uniuscujusque regionis sese accommodare. In reliquis nihil habet speciale hæc religio: nam ex instituto contemplativa est; nullam vero specialem austeritatem proficitur, sed constitutiones habere dicitur ordini Canonicorum regularium accommodatas, seu similes.

7 Tercio ac præcipue summus hoc loco numerare ordinem Eremitarum S. Hieronymi, sub quo patrono tam in Hispania, quam in Italia ordo monachalis invenitur, non tamen constituunt unum corpus religionis, neque secundum eandem regulam proficiunt, qualis ex eadem radice prodire videatur. Cæpit ergo hæc religio in Hispania in eo loco, in quo nunc situm est monasterium S. Bartholomæi, quod ab oppido vicino de Lupiana dicitur. Circa annum enim Domini 1370. nonnulli viri eremiticam & austeram vitam agentes ibi congregari cæperunt, cumque & numero, & vitæ sanctitate augerentur, tandem religionem fundare decreverunt, ad quod obtinendum, præcipuum quemdam ex sua Societate virum, fratrem Petrum Fernandez appellatum, Romam miserunt, qui a Gregorio XI. confirmationem obtinuit, & simul cum socio in manibus Pontificis professionem emisit, & in Hispaniam rediens aliorum fratrum professionem recepit, & propterea nonnulli hunc Petrum Ferdinandum hujus ordinis fundatorem vocant. Nam, licet *D. Hieronymi* appelletur, certum est non fuisse ab illo fundatum, quia fere per mille annos Hieronymus præcessit, quibus omnibus non legimus fuisse in Ecclesia aliquem ordinem S. Hieronymi nuncupatum.

8 Cur autem hic ordo Hieronymum patronum habeat, & non potius Augustinum, interrogari potest, quia ab Augustino habeat regulam, quam a Gregorio XI. accepit, ut secundum eam religiosi profiterentur, ab Hieronymo autem nihil peculiare habere videtur. Dicunt aliqui, Hieronymum hunc ordinem, vel omnino similem Bethleem fundasse, & aliquo tempore conservatum esse, postea vero interiisse, & ab his religiosis excitatum esse, & ideo Hieronymum tamquam fundatorem recognoscere. Verumtamen, quamvis ex ipso Hieronymo nobis constet & monachum fuisse, & monasterium ædificasse prope Bethleem, ut ipse refert in ep. 26. ad Pammachium, circa finem, *Nos (inquit) in ista provincia ex ædificato monasterio tantis de toto orbe confluentibus obruimur multitudine monachorum, ut nec capiamus*

De ordi-
ne
Præmon-
stratens-
is
ex Regu-
la S. Au-
gustini de-
scendens.

Ordo ob-
cupatus S.
Hierony-
mi ab Au-
gustini re-
gula deri-
vatus.

Cur S.
Hierony-
mi voce-
tur, quo-
rundam
ratio.

Refert illu-
tur.

Azor. 20.
1. lib. 12. c.
31. Hiero-
nym. Ro-
man. p. 1.
lib. 6. de
Repub.
Christia-
na. c. 9.

Quando
cæperit
hic ordo
esse pro-
prie reli-
gio.

Non vide-
tur insti-
tutus sub
regula S.
Augustini.

Nec sub
regula S.
Benedicti,
sed de novo
institus
Carthu-
siæ. Vide
Vol's terr.
lib. 21 &
Polydor
Virgil. li.
7. c. 2. Vi-
de Cassi-
neum in
catalog.
glor.
mund.

cœptum opus deferere, nec supra vires ferre valeamus. Et in ep. 27. quæ est epitaphium Paulæ, mentionem facit monasterii virorum, quod ibi ejus sumptibus sustentabatur, præter tria monasteria virginum. De cellula etiam, in qua manebat in Bethleem, mentionem facit epist. 61. & in lib. de nominib. Hebraicis, & multis aliis in locis ostendit semper monasticam, & eremiticam vitam affectasse, præsertim ep. 4. Quod vero peculiare institutum religiosum instituerit, aut quod regulam aliquam religiosam, vel peculiarem habitum ordinaverit, vel quod post mortem suam pro aliquo tempore habuerit proprios aliquos sui instituti imitatores sub ejus titulo seu ducatu, affirmari non potest, quia nullum habet in antiquitate fundamentum.

9 Alii vero dixerunt, D. Hieronymum apparuisse primis eremitis hujus ordinis in eo habitu, quem nunc ipsi gestant, & inde & nomen, & habitum accepisse. Sed in nulla historia fide digna hanc revelationem invenio, ut factam esse affirmare possim, quamvis non negem accidere potuisse. Probabilius ergo est, illos primos fundatores ex peculiari affectu & devotione ad D. Hieronymum, illum in patronum accepisse, & quia maxime studuerunt imitari monachalem & solitariam vitam, quam ipse exemplo, & scriptis plurimum commendavit.

10 Hinc factum est, ut aliquo tempore post institutionem hujus ordinis in Hispania nonnulla mutatio circa ejus regulam intentata fuerit. Nam tempore Martini V. religiosus quidam ejusdem ordinis, quem aliqui Petrum de Olmedo vocant, regulam monachorum composuit, vel potius ex scriptis Hieronymi concinnavit, ut qui ejus ferebant nomen, illam profiterentur. Quæ regula in 9. tomo operum Hieronymi habetur: auctorem autem ejus Lupum de Oliveto nominat ibi Marianus Victor, & ibidem refertur approbatio Martini V. Congregatio autem hujus ordinis in Hispania noluit eam mutationem admittere, seu primam institutionem ac regulam retinuit. Ea vero occasione ortus est in Italia similis ordo. D. Hieronymi industria & auctoritate prædicti Petri, seu Lupi, aut fortasse Petri Lupi, qui sub regula a se collecta, & a Martino V. approbata monasteria cœpit ædificare in Italia, quæ postea multiplicata fuerunt. Et licet aliquando intentatum fuerit congregationem Hispaniæ, & Italiæ in unam cogere sub uno Generali, nunquam tamen obtentum est, & ita relicta sunt tamquam religiones distinctæ: ambæ vero monachales sunt, multumque similes in instituto, & in habitu nonnihil tamen differunt; sed præsertim in regula. Secus vero accidit in Castella, & Lusitania: hæc enim religio eodem tempore, quo in Castella orta est, cœpit etiam in Lusitania habere monasteria, opera cuiusdam religiosi, quem virum sanctum fuisse, & Fr. Vasculum fuisse appellatum, historia refertur. An vero ille fuerit socius, aut discipulus Petri Fernandez, & aliorum eremitarum S. Bartholomæi, nec ne: item an in principio monasteria Lusitaniæ, & Castellæ habuerint inter se unionem, & subordinationem, mihi non constat. Solum est certum eandem regulam Augustini, eundemque finem, ac vitæ modum, & sub eodem inter se habitu professam semper fuisse. Et ita, licet antea diversas congregationes sub distinctis Generalibus constituerent, facile potuisse postea in eandem coalescere, & unum communem Generalem eligere, ut nunc faciunt.

11 De toto ergo hoc ordine certum est, unum esse ex præcipuis monachalibus, qui contemplativam vitam principaliter proficetur; maximeque excellit in cura divini cultus, & cæremoniæ Ecclesiasticarum, & in choro, & Psalmodia, cum magna quiete, ac devotione, ac temporis diuturnitate. Est etiam valde observans in clausura, & silentio, & in victu, & vestitu sufficientem observat non solum religiosam modestiam ac mediocritatem, sed etiam austeritatem. De quibus rebus omnibus præter Augustini regulam, habet proprias constitutiones suo instituto optimas, & accommodatissimas, in quarum observatione peculiarem curam, & rigorem profitentur. Et hinc fit, ut hæc religio in sua prima institutione, & observantia fere semper duraverit, habueritque multos viros religionis insignes. Gaudet etiam multis privilegiis Pontificiis vel propriis, vel per aliorum communicationem.

Circa quæ omnia nihil occurrit peculiarem habens dubitationem, aut declarationem postulans.

12 Solum superest annorandum, præter hunc ordinem S. Hieronymi, quem suo modo per Italiam diffusum esse diximus, esse alios in eadem Italia, qui ejusdem nominis S. Hieronymi nuncupantur. Unus dicitur *Jesuatorum S. Hieronymi*, a Joanne Columbino Senense fundatus, & ab Urbano V. Pontif. Max. anno 1467. approbatus fuit. In multis autem differunt hi religiosi a nostris Hieronymianis. Primo in regula, nam licet in principio receperint regulam Augustini, postea dicuntur accepisse propriam a quodam suo religioso Episcopo electo, cum approbatione Pontificis. Secundo in habitu, nam utuntur caputio quadrato a cervice ad humeros dejecto, & pallio canusino: tertio maxime distant in vitæ instituto, quia sacris non initiantur: unde nec chorum, nec alia sacra ministeria profitentur, sed aliis precibus more laicorum, orationem Dominicam, & Angelicam recitando occupantur, & more antiquorum monachorum, manibus laborant, & inde sustentantur. Unde constat hujusmodi religionem proprie monachalem esse, & in ea vestigia quædam antiquitatis conservari, quod Ecclesiæ Christi valde utile est. Pius autem V. ut supra lib. 1. c. 8. dixi, inter mendicantes etiam numerari voluit, quia non repugnat monachalem ordinem esse mendicantem quoad paupertatem, & privilegia. Aliæ vero duæ congregationes, quæ sub nomine Hieronymi in Italia militant, ad hunc locum non spectant. Nam una earum, quæ dicitur Petri Pisani, ex institutione sua non est vera religio: quia nec vota substantialia in ea fiebant, nec regula aliqua approbata servabatur. Aliqui tamen referunt Pium V. fecisse, ut sub regula Augustini omnes hujus instituti professores tria vota emitterent. Alii dicunt Pium V. hoc intentasse, sed morte præventum non potuisse perficere. Altera vero familia, quæ vocatur S. Hieronymi in Felulanis, licet dicatur esse religio approbata a Gregorio XII. magis tamen accedit ad religiones mendicantes, quam monachales, ut intelligi potest ex Paulo Morigia in sua historia religionum.

CAPUT VI.

Utrum religio Predicatorum una sit ex mendicantibus; quamque originem, & institutionem habuerit?

1 **P**ost religiones monachales, dicendum sequitur de mendicantibus, quæ post illas inceperunt; & licet in multis cum illis conveniant, ab eis differunt, ut diximus, tam in fine, quam (quod consequens est) in multis observantiis, & conversatione vitæ: multumque participant de clericorum statu, ac ministeriis; & ideo veluti mixtæ, & mediæ inter monachales, & clericales religiones censeri possunt. Incipimus autem a religione Predicatorum; non quia institutam dignitate, vel antiquitate eam aliis præferre (has enim comparationes omnino in hoc opere vitamus, quia non sumus inter eas iudices constituti,) sed quia in jure hoc ordine ponuntur: *Predicatorum, Minorum, Augustini, & Carmelitarum*, c. unico, §. *sane*, de relig. domib. in 6. Et in motu proprio Pii V. edito anno 1567. qui incipit, *Romanus Pontifex tam universalis, &c.* Et rursum altero incipiente: *Apostolica Sedis benignitas*. Hunc ergo juris ordinem sequemur; quia hoc etiam juri magis consentaneum est; ut notavit Glossa in c. *cum dilecta*, verb. *Transponentes*, de rescriptis. Felin. in rubric. de majorit. & obed. n. 5. & 6. Cur autem jura hunc ordinem servaverint in his religionibus numerandis, statim in n. 3. attingemus.

2 Hæc igitur sacra religio auctorem habuit magnum Ecclesiæ propugnatorem S. Dominicum; cujus vita, & sanctitas notissima est, & a gravissimis viris late conscripta. Inter alia vero videri possunt præclaræ hujus viri sanctissimi prærogativæ in ejus ordinis constitutionibus, d. 1. c. 15. lit. E. in declarationibus. Initium autem ejus fuit tempore Innocentii III. & Concilii Lateran. sub illo celebrati, anno Domini 1215. ad quod B. Dominicus cum Episcopo Tolosano accessit, ut cum Summo Pontifice sui instituti rationem communicaret, ejusque approbationem, & confirmationem ab eo obtineret. Pontifex autem, quamvis de Dominico summam opinionem haberet, ejusque cogitationes,

Qui sunt alii ordines ejusdem nominis S. Hieronymi, sed tamen divergi.

Aliorum placitum etiam rejicitur, & verissimilius judicatur.

De ejus in ceptione variis in provinciis.

Azor. Hb. 3. cap. 18. Hier. Rem. lib. 6. de Repub. Christiana, c. 23.

Ordo fere vaudus circa religionis mendicantes.

De ejusdē instituto, & observantia.

De fundatore religionis Predicatorum.

tionem, ac desideria valde probarer; quia tamen res nova videbatur, & difficilis, maturius de illa deliberandum censuit; remisitque S. Dominicum, ut cum sociis suis aliquam ex regulis approbatis eligerent, ad quam suum institutum, & vitæ rationem accommodaret; atque ita benedictionem suam & approbationem postea obtineret. Quod vir sanctus intra breve tempus perfecit; & regulam D. Augustini elegit cum consensu sociorum: quibus etiam (ut historiarum referunt) tunc placuit adungere constitutiones aliquas ex Præmonstratensi ordine desumptas, quæ maxime ad tignem vitæ, & observantiam religiosam pertinebant. Qua deliberatione, ac institutione facta, Dominicus Romam rediit de promissione Pontificis certus, ut confirmationem ejus obtineret. Invenit autem Innocentium jam defunctum, & Honorium III. in Sede constitutum, apud quem non minorem gratiam invenit, statimque sui desiderii complementum accepit.

3 Atque ita ejus ordo approbatus fuit ab Honorio, in initio Pontificatus sui, anno Domini 1216. solenni ritu, & literis expeditis in hæc verba: *Honorius Episcopus, &c. Nos attendentes fratres Ordinis tui futuros pugiles fidei, & vera mundi lumina, confirmamus ordinem tuum cum omnibus castris, & possessionibus habitis, & habendis, & ipsum ordinem, ejusque possessiones, & jura sub nostra gubernatione, & protectione suscipimus.* Unde hoc videtur esse unum ex propriis privilegiis hujus religionis, quod prima fuerit inter religiones omnes, quæ similem approbationem solennem, & authenticè scriptam statim in ortu suo obtinuerit. Ut affirmat Pius V. suo motu proprio 69. *Divina disponente*, dicens, sacrum ordinem Prædicatorum inter mendicantes ordines primo fuisse ab Ecclesia approbatum, & confirmatum. Ante Concilium enim Lateran. non erat adeo usitatum in Ecclesia similem approbationem expectare, ut in superioribus vidimus: sed necessitas ejus ab eodem tempore Innocentii III. & in eodem Concil. Lateran. indicta est, & præceptum latum, ne quis deinceps novam religionem inveniret, c. ult. de religios. domib. scilicet absque speciali, & expressa summi Pontificis approbatione. Et quamvis ante illud Concilium B. Dominicus, & Franciscus de suis religionibus instituendis tractarent; tamen eodem spiritu moti, & quia fortasse jam tunc religiones non ita approbatæ minus bene audiebant, uterque ad Innocentium III. pro hujusmodi confirmatione obtinenda accessit: sed antecessit Franciscus, quia licet esset religione, & ætate junior, patria erat propinquior, ut Antoninus notavit 3. p. tit. 23. c. 1. Prius ergo approbationem obtinuit, sed solo vive vocis oraculo: nam approbationem solennem habuit multo post ab Honorio III. anno 8. sui Pontificatus, & 1223. Incarnationis Dominicæ. Ob hanc ergo causam dicitur ordo Prædicatorum primo approbatus, & confirmatus; tali scilicet modo, & ritu solenni. Atque ratione hujus solennis approbationis verificantur, quæ de prioritare temporis ordinis Prædicatorum afferuntur in ejus constitutionibus, d. 1. c. 15. lit. I. in declarationibus.

4 Unde constat primo hunc ordinem esse veram, & perfectam religionem, nihil enim ex omnibus, quæ diximus necessaria esse ad hunc statum, in eo desiderari potest. Dico autem esse perfectam, non solum quoad ea, quæ sunt de substantia talis status, quod est per se notum, sed etiam quoad gradum, seu excellentiam insituri; quod, ut sæpe diximus, ex finis nobilitate, & mediorum ad illum assequendum aptitudine dignoscitur. Et quidem finis is est, quo excellentior religioso statui præfigi non potuit (propria scilicet, cujusque religiosi spiritualis perfectio, & proximorum æterna salus), ut facile intelligitur ex iis, quæ superiori lib. c. 6. a n. 8. cum D. Th. & aliis plerisque ostendimus. Et tractatu sequenti lib. 1. c. 7. a n. 3. ex eodem fundamento, seu excellentia finis, iterum circa Societatem docebitur.

5 Est autem hoc salutis animarum propositum adeo ingenuum huic sacro Ordini, ut videri posset in hunc solum finem institutus. Primo, quia B. Dominicus hinc plane sumpsit occasionem illius instituendi, quod videret Christi Ecclesiam a defensoribus hæreticis magna in dies pati detrimenta. Secundo, quia Pontifices dictum ordinem vel primum approbantes, vel deinde approbatum confirmantes, nomen *Prædicatorum* (quod

munus proximi bonum respicit) appropriate donarunt; ut in prologo ipsarum constitutionum, & latius in earum declarationibus dist. 1. c. 15. lit. I. refertur. Eundem quoque ordinem variis privilegiis munierunt Pontifices, hoc affectu motivo, quod ad prædicandi officium fratres destinarentur. Unde hujus finis, tanquam unici, mentio fit in bulla confirmat. & in dicto prologo constitutionum, n. 3. his verbis: *Ordo noster specialiter ob prædicationem, & animarum salutem ab initio noster institutus, & studium nostrum hoc debet principaliter intendere, ut proximorum animabus possimus utiles esse.*

6 Sed revera magna esset perveritas, propria neglecta, alienæ salutis finem intendere, utpote contra debitum charitatis ordinem, ut ex propria materia constare potest. Item, quia amor proximi ex Dei amore, in quo propria consistit perfectio, quodammodo resultat. Qua ergo ratione salus proximi promoveretur, absque amoris Dei intentione? Ad hæc, omnis vera, approbataque religio, qualis est hæc, de qua loquimur, primario ordinatur ad perficiendos subditos, sive ad alios etiam perficiendos extendatur, sive non. Præterea multa in hac religione exercitia, media sunt ad perficiendos ipsosmet religiosos ordinata: ut oratio, jejunia, austeritatesque aliæ, de quibus statim non ergo aliorum salutem, prætermissa propria perfectione, tanquam finem unicum sibi proposuit. Denique hoc ipsum aperte satis dicitur in ipsarum constitutionum declarationibus, dist. 1. c. 15. lit. C. ad illa verba: *Promitto, &c. Ubi exprimitur finis religionis (utique quoad suos) esse charitatis perfectionem.*

7 Quæ autem in contrarium allata sunt, id tantum probant, salutem proximorum esse finem principaliter intentum in hac religione, ab eaque impense procurari, non tamen qui excludit finem etiam principalem perfectionis propriæ, ita ut ambo unum totalem conflent: quod etiam de nostra Societate in sequenti tractatu lib. 1. c. 2. differemus; ubi simul declarabimus, quid in hoc sine peculiariter vindicet, ad sui distinctionem ab aliis religionibus, quæ illum quoque totaliter sibi præfixerunt. Similiter, quod ad *Prædicatorum* nomen attinet, novum non est, appellationem accipi aliquando ab una tantum parte, ac magis particulari finis, quam sit propria perfectio, quæ (ut diximus) communis est omni religioso statui. Et in materia propria exemplum suppedit. Nostra enim religio ideo ab Apostolica Sede *Societatis Jesu* nomine fuit donata, quoniam ipsi Christo in salute animarum multis modis cooperatur. Unde nuncupatio hæc voce quidem diversa est, re autem ipsa, prædicandi munus, quod pro hæreticis reducendis a S. Dominico opportunum, ac sufficiens judicatum est, complectitur, & ad minora alia, sed non minus fructuosa, rudiorum instruendi ministeria extenditur. Cum tamen S. Ignatius partem alteram finis, propriæ, nimirum, perfectionis cujusque nostrum explicite proposuerit in constitutionibus. Non ergo nomen *Prædicatoris*, aut *Societatis Jesu*, aut simile aliud proximorum salutem respiciens, propriæ salutis, ac perfectionis finem excludit.

8 Jam, quod ad media prædicto fini idonea spectat, si consideretur pars illa finis, quæ est propria perfectio, constat in hac sacra Prædicatorum religione non desiderari. In primis enim de tribus substantialibus votis ordinariis, manifestum est perfectæ satis in ea nuncupari. Non enim partialem castitatem, ut militares aliquot religiones, sed omnem omnino materiam complectentem prædicatores profitentur. Sed quia id etiam vulgare est alicui religioni militari, nedum reliquis non militaribus, in cura certe prædicti voti observandi non vulgaria media adhibent. Hic enim ordo est in primis de B. Virgine, quæ plane omnigenæ castitati studiosissime patrociniatur, singulariter bene meritis; quippe cujus fundator S. Dominicus receptissimam in Ecclesia devotionem, Rosarium Virginis introduxerit; atque etiam ut n. 12. referam vettis formam ab eadem B. Virgine accepit, quæ candore suo puritatem; nigrore autem poenitentiam, quæ puritatem fovet, significabat. Abstinentiam quoque perpetuam a carnibus, atque etiam a cæna non minore parte anni, statuto præscripsit. Cura denique honestatis, & decentiæ in cubando, ac diligens communis dormitioni clausura de nocte, in eisdem statutis prætermissa non est; ut patet in d. 1. c. 9. & 10. Satis igitur perfecte pro hujus voti observatione, media pro-

Castillo
lib. 1. c. 17.

Ejus approbatio
inter pri-
mas so-
lennæ.

Versa res
solutio.

Dilutio
eorum,
quæ n. 5.
sunt allata.

Dispositio
Prædicatorum
religio est
perfecta,
etiam quoad
formam
vitæ, ex
activa, &
contem-
plativa
mixta.

Salus pro-
ximorum
videri
unicum
ordinis
Prædicatorum
finem.

De casti-
tatis cus-
todienda
cura.

providit Dominicatum institutum. Adde religionem hanc sacræ doctrinæ tam Scholasticæ, quam positivæ studiis esse deditissimam, quæ quantopere a lapsibus contra castitatem avocent, ex D. Hieronymo, & ex ipso experimento didicimus, quemadmodum scite considerata est in dictis declarationibus, d. 2. c. 14. n. 1. lit. A.

9 Quod attinet ad pauperatē, si adeos stimulos attendamus, quos ad illius rigorem sensit ejusdem Ordinis fundator Dominicus, nihilo minores apparebunt, quam rigoris illius, quem S. Franciscus unice coluit. Nam licet a principio S. Dominicus, ac tota familia, more Canonicorum regularium, quoad habitum, ac bonorum dominium in communi viverent, ut lib. 1. c. 8. n. 8. attigimus, non multo post S. Francisci exemplo (ut ejus annales tradunt) in primo generali capitulo, cui præfuit, omni prorsus dominio, etiam in communi renuntiatum est, ac bona eo usque possessa, qua donatoribus, qua sui Ordinis, qua Cisterciensibus quoque monialibus relicta fuere. Quin etiam in eodem generali capitulo institutum est, ut soli calices ad sacrificandum admitterentur ex argento; ut non nisi ex vili, sed mundo panno, sacræ vestes conficerentur. Lecti præterea, ac vestitus ratio satis parca describitur in citato c. 9. & 10. Denique circa habitationum pauperatē, in d. 2. c. 1. n. 3. ita decernitur. *Mediocris domos, & humiles fratres nostri habeant, nec permittantur curiositates, superfluitates, &c. qua pauperatē nostram deformant.*

10 At enim quod ad communes redditus attinet, quoniam experientia monstravit varia ordinis detrimenta, præsertim in studiis literarum, ad finem illum prædicationis, ac salutaris doctrinæ adeo necessariis, judicatum est conducere omnino, ut rigor ille ex ea parte remitteretur. Quare etsi neque ad mitiorem regularium Canonicorum habitum, (in eum, quem B. Virgo designarat, jam antea commutatum) neque ad amplas admodum possessiones sit factus regressus, attamen anno 1475, a Sixto IV. est obtenta dispensatio, quam postea Concilium Tridentinum omnibus, præter Minores, religionibus indulgit, ut redditus in perpetuum habere liceret in communi. Nimirum intellexerunt illius Capituli Patres, ut videtur in declaratione citati n. 3. lit. H. pauperatē non esse ipsam religiosam perfectionem, sed ejus instrumentum, sive medium; ideoque pro exigentia finis a religione intenti esse attemperandum; quemadmodum etiam S. Thomas 2. 2. q. 188. art. 7. copiose disseruit; de quo iterum in sequenti tractatu lib. 1. c. 9. & lib. 4. c. 4. circa Societatis nostræ pauperatē, rigoremque alios, sermo redibit. Hic vero declarandum esset pro mendicitate hujus religionis, cum ex non mendicante a principio facta sit mendicans obrenuntiationem reddituum in communi, post regressum tamen ad redditus non amiserit rationem religionis mendicantis. Sed hæc dubitatio tractando divisionem religionis in monachalem & mendicantem expedita manet lib. superiore in c. 8. a. n. 8.

11 Denique obedientiæ votum satis arduum est in hoc sacro Prædicatorum ordine; de quo declaratio c. 15. lit. K. in dist. 1. ita habet: *Declaramus, quod religiosus non teneatur obedire Prælati in iis, quæ sunt contra præcepta Dei, & Ecclesiæ, &c. In dubiis autem teneatur omnes obedire.* Unde a contrario palam intelligitur extendi ejus voti materiam (saltem post dictam declarationem) ad id omne, quod culpam non devolvit, quod tamen juxta propriam regulam & institutum limitandum est, ut infra in seq. tractatu agendo de obedientia Societatis latius explicabimus. Ut autem omittam, satis arduum est institui hunc Ordinem peculiariter ad reducendos hæreticos; quia ea de causa ad convertendum inter illos, non sine vitæ discrimine, utpote fidei Catholicæ hostes, est expositus. Sed & subjectionis non minimæ judicium illud est, non posse quemlibet religiosum a correctione, quantumvis rigida, si regularis sit, appellare ad Superiorem, etiam intra religionem; prout in constitutionibus, d. 2. c. 8. n. 5. disponitur: & in declarationibus ejus loci latius habetur. Atque hæc de mediis, quæ ad substantialem perfectionem ordinantur, sint satis.

12 De mediis accidentariis, regula scilicet, & observantiis aliis, sunt, qui ex Cathusienfium ordine sumptas fuisse credant, fortasse quod in externo habitu ali-

quam præferant convenientiam; & a carnibus tota vitæ, ut diximus, ex statuto abstinere. Id tamen minus probabile apparet, ex declaratione ad c. 15. n. 1. lit. E. in dist. 2. constitutionum, ex historia Fr. Ferdinandi de Castillo lib. 1. cap. 33. ubi a B. Virgine designatum fuisse Prædicatoribus habitum refert. Itaque delegit sibi B. Dominicus in primis probatissimam sancti Augustini regulam, ut patet in forma ipsa professionis proposita in d. 1. c. 15. initio, additis ad finem quasi specificum novi Ordinis, constitutionibus accommodatis, de oratione, de abstinentia, aliisque corporis austeritatibus, quas jam diximus, & amplificat etiam Castillo lib. 1. c. 60. De studiis denique sacræ doctrinæ, ac prophæ quæ ad illam capeffendam requisitæ, quorum quidem studiorum curam, & providentiam quantam habuerit S. Dominicus, satis describitur in dist. 2. c. 14. per totum, juncta declaratione. Satis etiam probavit eventus, cum ex eo Ordine, tamquam ex Trojano equo, vel potius arce instructissima, ad destructionē munitiorum, ut Paulus loquitur, ab Ecclesiæ hostibus oppositū, prodiderint strenui propugnatores fidei, quam vel editis libris illustrem fecerant. Inter quos S. Thomas, tamquam inter reliqua minora lumina fulgentissimum astrum, longe, lateque coruscat. Vel ab ea decerrantes revocaverint: vel certe in pertinaces, a Sede Apostolica Inquisitores delegati animadverterunt; quam denique nobili martyrio fuerunt testati. Sed piget omnium catalogum texere, cum facile constare possint ex ipsius ordinis munimentis: imo & constare quot, & quales prodiderint Ecclesiæ Prælati, Sacri, ut vocant, Palatii magistri, Monarcharum Hispaniæ Confessarii, quot in celeberrimis Academiis professores primarii, ut facile credas, omnia hæc jure pene hæreditario huic illustri Ordini obvenisse: adeo ut per annos non paucos rari fuerint in Republica literaria alicujus nominis viri in doctrina sacra conspicui, qui Dominicanæ familiæ non essent alumni.

13 Præter hanc regulam, sub qua ipse B. Dominicus sanctissime vixit, & obiit, instituit duos alios religionis vitæ ordines; unum pro fororibus, quem sanctimonia æque, ac generis claritate non paucæ feminæ decorarunt, ut videre licet in ejusdem religionis annalibus. Alterum pro fratribus & fororibus, primo quidem de militia Christi nuncupatis, eo quod ad bona Ecclesiæ, ab injustis per id tempus infaustis tuenda instituerentur. Postea vero tanta contra Ecclesiam cessante injuria, nuncupatis de Penitentia, seu de Tertia Regula. Quod vitæ genus, licet ad essentiam religiosi status non pertingat, ut ex ipsa regula intelligitur, atque etiam ex similibus S. Francisci, & S. Augustini Tertiariis constat; attamen a Sede Apostolica variis privilegiis fuit communitum: & tandem ipsius ejus professoribus supplicantibus ab Innocentio VII. & Eugenio IV. tamquam pium, & laudabile confirmatum. Vide, si placet, tractatum de initio, seu fundatione hujusce confraternitatis, qui cum ipsis Prædicatorum constitutionibus circumfertur, & citatum Ferdinand. de Castillo lib. 1. c. 49.

14 Non potest igitur prædictum ordinis Prædicatorum institutum non esse perfectissimum, ac in supremo gradu statum religiosorum numerari, cum talem finem, taliaque media amplectatur; totque, actam ingentes fructus in Ecclesia Dei produxerit. Et (quod in minimis laudibus ponendum non est) cum acerbis odiis sit impugnatum ab externis, a domesticis, discolorumque religiosi turbatum; & nonnumquam ab ipsa Sede Apostolica privilegiis exauferatur, inconculsum nihilominus buculque perseveravit.

15 In ipsis porro constitutionibus observandum primo, eas ex vi sua ad nullam culpam obligare, ut passim in eisdem exprimitur, & declaratur. Exceptio vero de contemptu, quæ in eis sit, late discutitur in superiori tract. lib. 1. c. 4. Secundo, declarationis illius, quæ in dist. 1. c. 15. n. 1. lit. J. Præterea, habetur, ordinem Prædicatorum præstare inter alios *ratione majoris arctitudinis, & asperitatis, quod sit arctior omnibus religionibus mendicantibus ob parvitatem cibi, & longiora jejunia.* Hujus, inquam, declarationis sensum esse, hanc unam esse ex arctioribus religionibus secundum quid, non universum; cum probatio illa de parvitate cibi,

De pauperatē
rigore.

Is rigor
dispensatur
ad communes
reditur.

De obedientiæ
amplius
dine.

De accidentariis
mediis ad
sumptus.

Quot &
quales in
de prodie-
runt reli-
giosi.

Castillo,
fol. 205.
col. 1.

Castillo;
fol. 67.
col. 2.

Ex hoc
ordine
duo alii
fluxerunt.

Concludi-
tur insti-
tuti Præ-
dicatorū
perfectio.
Castillo,
fol. 298. &
301. p. 2.

Spolia et

Observa-
tio prima
circa idē
institutū.
Secunda.

cibi, & longis jejuniis non amplius conficiat. Aliæ enim sunt austeritates apud mendicantes etiam religiones, quibus (ut pure monachalem Carthusiam, de qua citata declaratio id non inficiatur, & aliis fortasse concedet) astringuntur, & commendantur, pedum scilicet nuditas, vestitus simplicitas, & asperitas, numerus præceptorum gravium non exiguus, & similes, quæ in ordine Minorum vigent. Præterquam quod religiois arctitudo ex aliis observantiis eo difficilioribus, quo interioribus, maxime est metienda; ut tractatus sequenti lib. 1. c. 9. uberius ostendemus.

Tertio. 16 Tertio observandum declarationem alteram indefinite prolatam, cod. c. 15. lit. A. nimirum *professionem solennem facere religiosum, esseque obligationem absolute factam*, ut vera sit, necessario intelligendam esse de obligatione absoluta ex parte voventis; ut sumi potest ex iis, quæ sequenti tract. lib. 3. per tria priora capitula prosequemur. Quod autem sensus hic sit, sufficienter colligitur ex similitudine Homagii ibidem allata; hoc enim acceptantem non obligat, sed dantem. Similiter, quod in lit. K. subjungitur, professionem religiosam ab omni voto simplici liberare, non procedit de iis simplicibus, quæ Societatis scholares post biennium Novitiatu emittunt. Constat siquidem, ut sequenti tract. dicemus, donec talia vota ab ipsa Societate, aut a Pontifice relaxentur, validam ubivis, præter Carthusiam, professionem ab eis emitti non posse. In hoc enim, sicut in plerisque aliis prærogativis, ea vota fuerunt a Pontificibus solenni professioni æquiparata. Non procedit rursus ea declaratio de simplici voto, etiam in seculo nuncupato, si tertiæ personæ juri quævis præjudicaretur; velut si quis divini honoris intuitu voveret, largiturum se alicui pio loco bona sua, tunc enim, licet alibi profiteretur, voti tamen simplicis reus esset. Atque hæc de hoc toto capite dicta sufficiant. Reliqua ad hunc ordinem spectantia, sc. de creatione Prælatorum, deque eorum officiis, & obligationibus, sive regulis, de forma Capitulum, ac judiciali correctione, minutius persequi nostrum non est; ac læpius citato lib. Constitutionum traduntur accurate.

C A P U T VII.

Utrum religio Minorum una sit ex mendicantibus; & quam originem, & institutionem habuerit?

S Acta Minorum religio Dominicanæ germana foror est, eodemque fere tempore nata, & vinculo charitatis jam olim tam in suis parentibus, quam in filiis conjunctissima. Authorem habuit Seraphicum Patrem Franciscum Assisiatem, qui post conversionem suam singularis sanctitatis prodigium fuit, & novum humilitatis, ac mundi contemptus exemplar. Hic ergo gloriosissimus Patriarcha (omissis iis, quæ ad initia conversionis, & vocationis ejus pertinent) de nova religione instituenda deliberavit ac decrevit anno Domini 1209. qui annus (quod mirabile est) vigesimus septimus ætatis illius, & quintus sua conversione, quia natus dicitur anno 1182. & anno 22. ætatis suæ fuit conversus ad Dominum, hoc est anno 1204. Post quinque igitur annos socios habuit, & de religione instituenda tractavit, ac regulam scripsit, tandemque ad Innocentium III. cum duodecim sociis decessit sui ordinis confirmationem supplicaturus. Et licet in principio repulsus fuisset, tandem divina revelatione Pontifex commotus, illam concessit anno Domini 1212. non quidem solennem, nec literis consignatam, sed vivæ vovis oraculo. Et D. Anton. 3. tit. 23. c. 1. dicit solum fuisse veluti permissionem illius status protunc; tamen revera ex tunc fuit constitutus verus status religiosus. Et Franciscus cum sociis in manibus Pontificis solennem professionem fecit, fuitque a Pontifice Generalis constitutus.

2 Hinc vero factum est, ut licet ordo Prædicatorum approbatus non fuerit usque ad primum annum Honorii, nihilominus antiquitate præcellere censeatur, semperque in jure prius nominetur, ubicumque simul nominantur, c. in iis, de privileg. c. nimis, de excessibus Prælat. c. cum ex eo, eodem in 6. c. quorundam, de elect. in 6. c. constitutionem, de regul. in 6. Clement. dudum, de sepultur. Nam ordo Minorum absolutam approbationem & literis consignatam non habuit usque ad octavum annum Pontificis Honorii, hoc est, anno Do-

mini 1223. octo item annis post similem Prædicatorum confirmationem, atque ita hic ordo fuit secundus, qui hoc confirmationis genus in Ecclesia obtinuit. De fine autem hujus sacri instituti invenio in ejus regula scriptum. *Regula, & vita Minorum fratrum hæc est, scilicet, Domini nostri Jesu Christi sanctum Evangelium observare, vivendo in obedientia sine proprio*. Quæ verba valde generalia videri possunt, quia omnes religiones perfectæ profitentur vivere secundum Evangelicam perfectionem cum illis tribus votis. Existimo tamen sanctum Franciscum fuisse loquutum de perfectione illa Evangelica, quæ complectitur etiam ejusdem Evangelii prædicationem juxta illud Luc. 9. *Sequere me*, prout infra ab ipso Christo Domino exponitur: *Tu autem vade, & annuntia regnum Dei*. Est ergo hujus religionis finis præcipuus perfectionem Evangelicam servare, simulque illam prædicare. Et hoc supponit Franciscus in regula, dum c. 9. instruit fratres, non solum verbo, quomodo prædicare debeant (nam & hoc unum est ex opusculis, quæ scripta reliquit, ut in tomo 13. Bibliothecæ magnæ p. 348. videre licet) sed etiam exemplo sæpe ostendit: nam cum primum de religione instituenda cogitavit, prædicare cœpit exhortando homines ad penitentiam, verbis quidem simplicibus, tamen ignitis, & efficacissimis, quibus homines plurimum commovebat; statim etiam ac sectatores sui instituti habere cœpit, illos ad prædicandum misit, prius etiam quam confirmationem primam ab Innocentio obtinuit, ut in Chronicis ejus legitur. Visio etiam illa, qua divinitus fuit admonitus, ut labantem Ecclesiam sustineret, plane indicabat non solum vitæ perfectione, sed etiam prædicatione verbi Dei, & doctrina futuram religionem illam utilissimam Ecclesiæ, ac proinde ob eundem finem fuisse instituendam.

3 Præsertim vero ac singulari modo proficitur hæc religio perfectionem Evangelicam quoad paupertatem, & nuditatem Evangelicam, quia nihil proprium non solum in particulari, verum etiam neque in communi admittit ex vi regulæ. Sic enim intelligunt c. 6. suæ regulæ, quod sic habet. *Fratres nihil sibi appropriate, nec domum, nec locum, nec aliquam rem*. Constat enim hoc non tantum de singulis dici, quid enim necesse fuisset monere fratres, ne domos, aut loca singuli sibi appropriarent? Intelligitur ergo de universis, & de tota communitate, & ideo subditur. *Sed tamquam peregrini, & advena in hoc seculo in paupertate, & humilitate Domino servientes, vadant pro elemosynis confiderent*. Et in c. 4. hanc paupertatem restringendo, prohibentur fratres elemosynas petentes, ne pecuniam recipiant, sed res alias victui, aut vestitui necessarias. Atque in hac excellentia paupertatis multum eminet hæc sacra religio inter alias. Fuit enim prima omnium, quæ hoc genus paupertatis in communi professæ est: nam religiones, quæ præcesserunt ante mendicantes, illam non servabant, sicut nec nunc servant. Religio autem S. Dominici ex vi primæ institutionis, & approbationis illam non coluit, uti supra lib. 1. c. 8. a. 8. ostendi: neque ulla ex religionibus, quæ sub regula S. Augustini militat, ex vi regulæ illam servat. Religio autem Carmelitarum licet ex aliquorum sententia id habuerit ex primitiva regula, tamen neque id certum est, neque quoad res omnes, ut infra cap. 10. ostendemus. Est ergo hæc singularis prærogativa S. Francisci, & ideo fortasse Concil. Trid. sess. 25. c. 3. de regularibus, cum omnibus religiosis faciat facultatem habendi bona in communi, Minores excipit, ut præcipuam illam regulam, & institutionem illibatam servaret.

4 Atque ex his constat religionem hanc esse unam ex præcipuis mendicantibus, & quadam ratione cum maxima proprietate, & singularitate hoc nomen sibi usurpare. Probat, quia ex duabus conditionibus, quas diximus de facto postulari in religionibus mendicantibus, scilicet, ut vitam mistam profiteantur, & paupertatem in communi, utraque in hac sacra religione satis perfecte reperitur, ut ex dictis patet. Et declarari potest per comparisonem ad religionem Prædicatorum: habent enim he sicut excedens, & excessum in aliis duabus conditionibus. Religio enim Prædicatorum ex parte finis excedit, quia principalis, & magis ex se videtur prædicationem intendere. Item

in hoc

De fine, seu instituto hujus ordinis.

De potestate ejus medio, quod est maxima paupertas.

Hic ordo est maxime proprius unus ex mendicantibus.

Declaratur ex collatione cum ordine Prædicatorum.

De ordinis Minorum fundatore & origine.

Ejus confirmatio enunciat recentior, quæ Prædicatorum.

in hoc, quod præcipue videtur contra hæreticos, & ad fidei defensionem instituta: Religio vero S. Francisci magis ad commovendum Christianum populum ad pœnitentiam agendam, & ad mundi contemptum: quæ differentia in ipsis etiam fundatoribus cernitur: nam prædicatio S. Dominici maxime fuit contra hæreticos, & inde sumpsit occasionem fundandi religionem suam: prædicatio vero sancti Francisci simpliciter fuit ad curandos, & purgandos Catholicos; & licet ex fervore spiritus voluerit etiam, & procuraverit inter infideles prædicare, tamen ex divina revelatione statim ad suos rediit, quia revera illa erat propria ejus vocatio, & a Deo intentata, unde etiam circa literarum studium diversos habuerunt spiritus illi sancti Patriarchæ. Nam Dominicus literarum studium præcipue suis alumniis commendavit. Franciscus vero in c. 10. suæ regulæ præmonuit, ut qui literas nescirent, illas non discant: uterque autem prudenter agebat eligens medium suo fini accommodatum. At vero in mendicitate, & paupertate excedit Minorum religio, tum quia, ut dixi, ex regula proficitur paupertatem in communi, quod alia sic non habet; tum etiam, quia in ipsamet paupertate in cōmuni, singularem, magisque rigorosum modum in multis observat; tum etiam, quia in exteriori habitu majorem quandam paupertatem præ se fert.

De aliis
mediis,
seu obser-
vantis,
huius or-
dinis.

5 Præter hæc, quæ sunt veluti substantiales proprietates hujus religionis, habet etiam plures observantias, ad vitæ rigorosæ perfectionem pertinentes, quas etiam magna ex parte ex vi regulæ servare tenetur. Nam quod ad corpus attinet, præter habitus asperitatem, & tenuitatem, calceamentis solum ob necessitatem utuntur, juxta c. 1. suæ regulæ, & pedes incedunt juxta cap. 3. nisi necessitas, vel infirmitas cogat. A festo omnium Sanctorum usque ad nativitatem Christi Domini jejunit, & ad jejunandam aliam quadragesimam a die Epiphaniæ numerandam cum benedictione invitantur, licet non præcipiantur; quæ jejuniorum observantia aliam Prædicatorum de abstinentia a carnibus in communi refectorio satis compensant. Et juxta hæc servant eandem austeritatem in lecto, & in aliis corporis afflictionibus. Et ad nonnullas alias, per constitutiones, & consuetudines obligantur. Unde concluditur religionem hanc non solum ex fine, & mediis esse valde perfectam, sed etiam esse satis arctam, & austeram. Nec desunt multi ex professoribus ejus, qui cæteris omnibus perfectionem, & austeriorem appetunt; sed hæc comparationes semper sunt odiosæ, parumque utiles ipsismet religiosi, ac professoribus cujuscunque religionis. Nam ut ipsi non solum contenti sint vocatione sua, sed etiam ad illam sint impense affecti, satis est, ut digne, ac perfecte de sua religione sentiant, etiam si aliis eam non præferant. Quamvis ergo hæc religio ex fine suo valde perfecta sit, & media habeat illi consentanea, & austeram satis vitam proficitur, & in multis rebus alias excedat, non est tamen dubium, quin superetur in aliis, quæ omnia exacte ponderare, & ferre absolutum de comparatione judicium, difficillimum esse existimo.

Varia Mi-
noritarū
familia
unde orig.

6 Quoniam vero religio hæc in illa celsitudine paupertatis, quam a suo auctore accepit, principaliter fundata est; (nam per illam promissa est professoribus ejus virtutum sublimitas, & hæreditas regni cælorum in c. 6. suæ regulæ) hinc factum est, ut in zelo, vel tædio hujus paupertatis religio sit in plures quodammodo divisa, dum quidam tam arctam paupertatem male ferunt, alii pro illa æmulantur. Paulo enim post Divi Francisci mortem ab Innocentio IV. circa rigidam illam paupertatem dispensationem obtinuit, & annuos redditus ac immobilia bona in communi habere cepit, & per plures annos tota fere religio in eo statu duravit. Nunquam tamen defuerunt primitivæ regulæ, ac paupertatis zelatores, & observatores, qui se a reliquis segregarunt. Nam quidam frater Casarius cum paucis sectatoribus loca separata, & solitaria petiverunt; ibique successionem continua per sexaginta, & eo amplius annos a reliqua Franciscana familia separati vixerunt. Non constat autem mihi omnino certo, an sub obedientia ejusdem Generalis, vel Provincialis viverent, vel omnino per se congregationem distinctam constituerent; illud autem prius probabilius videtur,

quantum ex monumentis ejusdem Ordinis diligentia Reverendissimi Patris Fr. Francisci Gonzagæ colligere possum. Postea eodem spiritu separati sunt alii, qui Clarenii dicti sunt, & de licentia Summi Pontificis Celestini V. omnino ab obedientia religionis exempti eremiticam vitam sub regula sancti Francisci vixerunt; qui tandem postea ad obedientiam, & unionem totius religionis rediere, licet in vitæ austeritate, & paupertatis puritate perseveraverint, & separatam provinciam per se constituerint, licet sub eodem Generali. Postea vero tempore Clementis VI. nova reformatio in hoc ordine inchoata est, & per Italiam, Galliam, Hispaniam paulatim crevit, & in duas principales familias totus Ordo divisus est, quarum altera proprietatem in communi retinuit, & *Conventualium* dicta est, altera repudiavit, & vocata est *de Observantia*, ad quam omnes aliæ variis nominibus nuncupatæ reductæ sunt. Et in principio quidem utraque familia uni Prælaro generalissimo parebat, qui ex Conventualibus usque ad Leonem X. eligebatur, sub Leone autem X. translatus est sigillum ad Observantiam, ex qua Generalis totius ordinis eligi cepit, quoniam nomen *Ministri Generalis* retinuit. Ex Conventualibus autem cepit eligi proprius Generalis, qui *magister* appellatus est, supremam etiam jurisdictionem habens, similemque confirmationem suæ electionis a Ministro generali recipiens, ex præscripto Leonis X. qui familias has in hanc concordiam redegit, sub certis conditionibus, quas peculiari bulla expedita declaravit; atque in eo statu usque in hodiernum diem duæ illæ familie permanent; quibus postea tercia adjuncta est, quæ *Capuccinorum* dicitur, & ex Observantia prodixit, suumque quoad nonnullas provincias proprium Generalem habet, & in communi paupertate, actota regula sancti Francisci de Observantia convenit, solumque differt, quia simpliciter, & sine declarationibus eam observat, & asperiori aliquo modo, habitu, & forma capucii aliquantulum diversa utitur.

Conven-
tualium
familia.

Familia
de Obser-
van.

Familia
Capucci-
norum.

7 Sed hæc diversitas non tollit religionis unitatem saltem specificam, ut sic dicam; nam numericam, & moralem aliquo modo auferre videtur, quia saltem unitas capitis, seu Generalis non retinetur. Non tamen hoc indicat imperfectionem instituti, sed potius arduitatem, & difficultatem, quam mirum non est, in tanta hominum multitudine non ab omnibus æque servari, & adamari; sed illud potius magna laude dignum est, quod tot sint, nunquamque desint illius perfectionis zelatores; quamquam fieri potest, ut qui dispensatione illa circa paupertatem in communi uti voluerunt, non remissione animi, sed bona intentione, & probabili opinione moverentur, ad majorem spiritus quietem, ac securitatem id conferre existimantes, sicut aliæ multæ religiones mendicantes sibi expedire judicant, nec ob id creduntur a perfectione defecisse, quia paupertas per se non est regula perfectionis, sed quanta, & qualis ad perfectionem magis deservire potest. Verum est tamen peculiari ratione in hoc instituto Divi Francisci zelum, & custodiam paupertatis in communi valde esse conformem spiritui, & vocationi talis religionis, ac proinde præferendum esse cæteris paribus, ideoque non sine speciali providentia Spiritus sancti Concil. Trident. sess. 25. c. 3. de regular. cum omnibus religionibus concedat facultatem habendi bona immobilia in communi, non obstante quacunque regula, exceptis Minores, Capuccinos, & de Observantia, tamquam specialiter ad hanc paupertatem vocatos.

Hæc va-
rietas ar-
duitate
in institu-
to Francis-
cano at-
git.

8 Hic vero occurrebant variæ difficultates, quæ circa hanc paupertatem Minorum oritur, & inter Summos etiam Pontifices disceptatæ, ut patet in variis decretis de verborum significatione in 6. in Clementina & extrav. Joann. XXII. Sunt autem hæc difficultates in triplici differentia; quædam spectant ad paupertatem in communi, prout per se convenit omnibus religionibus mendicantibus, & hæc tractatæ sunt a nobis sufficienter superiori tom. agendo de voto paupertatis. Aliæ versantur circa paupertatem, quæ excludit dominium rerum omnium etiam mobilium, quæ usu consumuntur, quæque videtur esse propria Franciscanorum; & difficultates huc spectantes magis videntur specu-

Duo ge-
nera dif-
ficultatū
circa pau-
pertatem
alibi tra-
ctata.

Speculativa, quam morales, ut apud quem sit talium rerum dominium; & quomodo in rebus, quæ usu consumuntur, separentur usus, & dominium, ita ut non habeat dominium, qui habet usum pro sua voluntate. Quibus quæstiones etiam illæ adjunguntur, An Christus, & Apostoli aliquid proprium in hac vita habuerint, & an illa parentia omnis domini ad majorem perfectionem pertineat. Quas omnes in supradictolo loco pro opportunitate sufficienter attigimus, & in tom. 2. 3. p. de Christi Domini paupertate differuimus. Et novissime eas quæstiones erudite tractat Joan. Azor. in 1. tom. suarum institutionum lib. 1. c. ult. Tertium cap. dubitationum esse potest, & adhuc magis proprium hujus religionis, quod versatur circa usum facti, & habet fundamentum in propria regula S. Francisci.

9 Unum autem ex præcipuis dubiis est circa cap. 4. ubi sanctus Franciscus firmiter præcipit, ne sui monachi pecuniam recipiant per se, vel per interpositam personam, an hoc sit præceptum, & hæc sit materia voti paupertatis specialis hujus religionis; nam verba regulæ hoc videntur sonare, & ita etiam sunt a Pontificibus explicata; usus autem videtur aliud indicare, & pro humanis necessitatibus videtur moraliter necessarium. Sed hic articulus latissime declaratus est a Nicolao IV. in cap. exiit, §. ceterum, & a Clemente V. in Clement. exiit, §. porro. Summa est illud quidem esse præceptum, & materiam voti paupertatis, ita tamen esse intelligendum, ut liceat per tertias personas eleemosynam in pecunia recipere, & habere cum nonnullis limitationibus; & præcipua sunt. Prima, ut pecunia intelligatur manere semper sub dominio dantis eleemosynam, quamdiu est in manu tertie personæ, ita ut possit ab alio libere repeti, quamdiu in alios usus consumpta non est. Secunda, ut possit a fratribus peti, nec administrari tamquam propria. Item non possint rationem ejus exigere, sed fidei, ac conscientie depositarii rem totam committere, non peccabunt tamen (ut opinor) si fecerint, ut Dominus pecunie rationem a Commissario petat pecunie sibi creditæ, quando viderint expedire, quamvis regulariter cavendum hoc etiam sit, præsertim si dans eleemosynam tale jus sibi a principio non reservavit respectu commissarii. Tertia est, ut solum pro necessariis usibus reponatur, & expendatur, non ipsorum fratrum nomine, quorum pecunie non sunt, sed ejus, qui eleemosynam contulit, ita ut si necesse sit contractum facere, non fratres dicantur emere, & dare pecuniam, sed alius emat pro fratrumsibus. Quarta, prohibetur ibi mutuo accipere pecuniam etiam per procuratorem, quia per mutuum transfertur dominium in accipientem, & manet obligatio solvendi apud eundem: utrumque autem repugnare constat huic regulæ; si tamen necessitas urgeat, & desint eleemosynæ, conceditur eis, ut possint pecuniam per procuratorem recipere offerendo curam, & diligentiam procurandi eleemosynas, quibus illi satisfiat, sine obligatione propria; hoc enim in rigore non est mutuum, sed quædam eleemosyna, quamvis cum aliquo onere paupertati minime contraria.

10 Quæri vero obiter potest, an res alias, quæ pecunia non sunt, possint mutuo recipere cum obligatione ex justitia ad solvendum; quamvis enim ex parte materie non ita sit eis prohibendum alias res accipere sicut pecuniam, tamen ex parte obligationis videtur æque repugnare paupertati in utroque genere rerum. Et simile dubium est, an possint credita pecunia emere hujusmodi res, sive mobiles usu consumptibiles, aut permanentes vel se moventes, sive etiam immobiles, ut terram, sive pavementum ad fundandam domum vel Ecclesiam, aut horum, &c. Respondeo nunquam posse ita emere aliquid credita pecunia, ut ipsi etiam in communi obligentur ad solvendum illud ex justitia in pecunia, quia hoc plane repugnat eorum instituto, quia non possunt illam obligationem implere, nisi accipiendo pecuniam, & suo nomine solvendo. Quod si alius pro illis solviturus est, non possunt illi obligari de justitia ad factum alterius; solum ergo possunt promittere diligentias procurandi eleemosynas, quibus talis res solvatur. Quando vero res mutuo accipitur solvenda in eadem specie, vel etiam si in alia specie, quæ non sit pecunia, solvenda sit, alia commutatione in-

terveniente, tunc directe non sit contra hanc regulam de non accipienda pecunia, in qua nunc versamur; tamen aliunde videtur repugnare illa obligatio statui paupertatis in communi; sicut enim privatus religiosus obligari non potest, quia nihil habet proprium privatum, ita communitas, quæ nihil habet proprium in communi, obligari non potest ad quæcumque bona temporalia reddenda: & revera ita est, si obligatio sit pure personalis; quia nemo potest obligari ad dandum, quod non habet, nec quod sperat habere solum ex elemosynis. Possunt tamen obligari altero e duobus modis. Primo si is, qui cui obligator intelligit involvi conditionem: Si per eleemosynas obtinere possint ea bona, quæ reddituri sunt. Tunc enim non obligatur ad impossibile, & aliter non decipitur. Secundo si obligatio non sit pure personalis, sed realis, saltem implicite, id est, si jam habeant res alias ejusdem valoris, & pretii, per quas possint in omni eventu satisfacere: nam licet non sint earum Domini, habent tamen absolutam administrationem earum; unde possunt illas obligare, sicut possunt etiam in casu necessitatis calicem vel rem aliam pretiosam in pignus dare, & similia.

9 Cætera quæ hic dubitari poterant, in citatis decretis satis attinguntur & declarantur, & in superiori tomo agendo de paupertate a nobis allata sunt. Solum hic advertito illas declarationes Pontificum circa hanc Minorum paupertatem, solum fratribus de Observantia esse usui, nam conventuales majoribus dispensationibus utuntur, eum propria bona in communi habeant: Capuccini vero profitentur se nudam observare regulam, & illis declarationibus renunciant. Nam in hoc maxime dicuntur ab Observantibus distinguere. Videant ergo ipsi, quid voveant, & quo sensu, illudque observent, mihi enim de eorum more, aut usu non satis constat. Non possunt tamen declarationem aliquam non admittere, quia votum & lex debet esse de re certa & clara. Solum ergo possunt non admittere declarationes illas, quatenus aliquid de jure humano & arbitrium involvunt, quod minorem forte rigorem indicare videtur: in quo poverunt ipsi majorem rigorem eligere; necessarium vero est, ut in hoc aliquid certum, & stabile declaratum habeant, ne conscientie facile ligentur; quod in tanta communitate, & in rebus, quæ quotidie præmanibus habentur, & necessariæ sunt, facile potest contingere.

C A P U T VIII.

De origine ordinis eremitarum S. Augustini.

1 H Actenus de proprio ordine monachorum a D. August. instituto nihil diximus, sed reservavimus, quia non est adeo manifestum D. Augustinum instituisse hujusmodi ordinem, quin aliqua inquisitione, & disputatione indigeat. Et licet fuerit institutus, nunc tamen velidem manet, vel non sub pura, seu speciali ratione monachatus, id est, sub instituto vitæ solum contemplativæ, & Eremiticæ, sed mixtæ, & sub nomine ac ratione mendicantis religionis, qualis nunc est sacra religio, quæ Eremitarum sancti Augustini appellatur. De antiquitate ergo, & origine hujus ordinis multa sunt ab scriptoribus præsertim ejusdem ordinis scripta, & disputata in defensionem suæ antiquitatis, quibus nos nihil addere possumus, nec litem cum aliis intendere volumus, sed ea tantum, quæ probabiliora videntur, proponere, ac institutionem, auctoritatem, & perfectionem hujus ordinis, quæ sine dubio magna est, breviter declarare.

2 Primo ergo probabilis existimo Beatum Augustinum statim a principio conversionis suæ religiosam vitam professum fuisse. Id enim non obscure colligitur ex verbis ejusdem in lib. 8. & 9. Confessionum; nam in lib. 8. cap. 6. & sequentibus commemorat internum bellum, quod adhuc Catechumenus patiebatur, deliberans de statu, quem post baptismum accepturus erat, matrimonium scilicet, vel cœlibatus; nam ad rem uxoriæ & secularia negotia propensus erat, aliunde autem exemplis, & verbis Sanctorum ad perfectionem sectandam excitabatur. Tandem vero in c. 12. divinam inspirationem, & mirabilem vocationem refert, qua tractus,

Unus modus quo possint obligari ad reddendum mutuum. Alter modus.

Pontificias paupertatis declarationes, quomodo alii, atque alii Minoris accipiant.

Nota.

De quo S. Augustini ordine disputatio instituitur.

1. Assertio, B. Augustinum post baptismum religiosum vivendi modum inivisse.

Regula non accipiendi pecuniam exponitur.

Prima ratio dicitur ut possit accipere. Secunda.

Tertia.

Quarta.

An possint Minores contractum mutui celebrare.

tractus, & adjutus jam non solum Christianam, sed etiam perfectam vitam sequi firmiter elegit. Quam cum matri narrasset, loquens cum Deo: *Exultat* (inquit) & *benedicit tibi, qui potens est ultra quam petimus, aut intelligimus facere, quia tanto amplius sibi a te concessum de me videbar, quam petere solebat miserabilibus ejus flebilibusque gemitibus. Convertisti enim ita me ad te, ut neque uxorem quaererem, nec aliquam spem seculi hujus, stans in ea regula fidei, in qua me ante tot annos ei revelaveras.* Hoc ergo est, quod Deus Monica concessit ultra id, quod petebat; illa enim conversionem Augustini ad fidem solum postulabat, Deus autem etiam conversionem ejus ad sequendam perfectionem concessit. Et hoc est, quod subdit: *Convertisti luctum ejus in gaudium multo uberius quam voluerat, & multo elarius, atque castius, quam de nepotibus carnis mee requirebat.* Et lib. 9. c. 1. magis explicans hoc propositum adeo perfectum, & firmum, ut jam veluti opere consummatum, ait: *Jam liber erat animus meus a curis mordacibus ambiendi, & acquirendi, & volutandi, atque scalpendi scabiem libidinum:* quibus verbis perfectissimam renuntiationem seculi expressit quoad illa tria, quæ per tria religionis vora abnegamus, scilicet propriam voluntatem, seu dominandi libidinem, divitias, & corporis voluptates. In c. autem 2. hujus libri magis declarat contemplativam & monasticam, seu solitariam vitam elegisse, & ideo inquit decrevisse munus docendi rhetoricam relinquere. *Sagittaveras* (inquit) *tu cor nostrum charitate tua, & gestabamus verba tua transfixa visceribus, & exempla servorum tuorum.* Et infra. *Plena voluntas vacandi, & vivendi, quoniam tu es Dominus, oborta mihi est, atque firmata, nosti Deus meus.*

Nec multum id distulisse conjecturis etiam quadatur.

3 Ex his ergo intelligi potest D. Augustinum, vel in ipso baptismo, vel non multo post religiosam vitam professum esse. Probat, quia firmo proposito, & magna Dei vocatione, jam illam conceperat, ut declaratum est: ergo non est verisimile, post baptismum executionem multum distulisse. Probat, quia consequentia. Primo, quia talis dilatio vel non fuisset sine aliqua culpa, vel non sine magna remissione animi, & imperfectione, quam certe si Augustinus commisset, in confessionibus suis recognovisset & indicasset. Nam lib. 9. c. 2. cum haberet a Deo inspirationem omittendi publicum legendi munus, ut Deo vacaret, & per aliquot dies distulisset executionem, ob causam satis apparentem, & rationabilem, illam dilationem tamquam alio modo culpabilem recognoscit, & a Deo veniam petit: quid ergo facturus fuisset, si post baptismum viam perfectionis ingredi distulisset? Secundo ad hujusmodi statum jam ante baptismum se præparavit, tum relinquendo munus officii publici, quod per se cum baptismo non repugnabat: tum colligendo se cum sociis in villam, ubi Deo, & considerationi rerum divinarum vacaret, ut ipse refert lib. 9. Confessionum c. 4. nullumque impedimentum habuit, vel a sociis, vel a matre; nam omnes mirum in modum illo genere vitæ letabantur, & ipse divino amore flagrabat, quæ omnia ipsemet refert; quæ igitur causa dilationis excogitari potest? Tertio expendo, quod eodem lib. c. 3. de Nebridio refert cum Deo loquens, & dicens: *Quem non multo post conversionem nostram, & regenerationem per baptismum tuum, ipsum etiam fidelem Catholicum castitate perfecta atque continentia tibi servientem in Africam apud suos, cum tota domus ejus per eum Christiana facta esset, carne solvisti: ubi expendo verba illa, castitate, & continentia perfecta tibi servientem;* nam clare significant statum firum vitæ continentis, & consecratæ ad perfecte serviendum Deo. Pondero etiam illam conjunctionem. *ipsum etiam,* supponit enim, se & socios suos, quos Nebridius imitabatur, eadem castitate perfecta, & continentia, servisse Deo post suam regenerationem.

An ita videndum: id est, si verum sit, quod dicitur, quod Augustinus ante baptismum per hanc religionem professus sit.

Quod ad eam statum vel statum.

4 Hæc igitur conjectura satis, ut opinor, suadet, Augustinum simul cum baptismo viam perfectionis, & statum continentiae amplexum esse. Nec vero continuo, & sine majore probatione affirmaverim, illum statum fuisse proprie religiosum per tria vota præsertim solennia, prout nunc fit. Credibile quidem mihi est, statum continentie firmo, ac deliberato animo deliberasse, & fortasse etiam Deo promississe; nam hoc mihi indicant illa verba, quæ supra ponderavi, *castita-*

te, & continentia perfecta. Imo verisimile censeo votum hoc continentiae etiam ante susceptum baptismum adhuc Catechumenum emisisse; nam hoc satis ipse indicat in ultimis fere verbis lib. 8. Confessionum. De voto autem paupertatis, vel obedientiae nihil affirmare possumus, saltem de eo tempore quo Augustinus fuit in Italia, priusquam in Africam rediret, quia nec Possidius in vita Augustini, neque Augustinus ipse in Confessionibus, neque in aliis libris quicquam de hoc significat; imo Antoninus ait, Augustinum reversum in patriam, ex patrimonio suo domum in eremo ædificasse pro se & sociis suis, & reliqua in pauperes distribuisse: ipse vero Augustinus sermon. 1. de communi vita clericorum scribit, tenuem suam substantiam vendidisse, & pauperibus erogasse: unde constat superiori tempore nondum se expoliasse omnibus bonis, vel dominio illorum, quamvis habere potuerit propositum, & votum dimittendi omnia, quamprimum commode posset, & in usus pios & paupertati consentaneos; an vero ita fecerit, scriptum ab aliquo antiquo, vel satis fide digno authore non invenio. Magis autem incertum mihi est obedientiae votum, quia neque in monasterio aliquo ex his, quæ ante ipsum erant, neque in manibus alicujus illud emisisse, vel Mediolani, vel Romæ, vel in alio Italiae loco legimus, nec in congregatione, seu familia sua videtur eo tempore talem vivendi modum habuisse; oportuit enim approbante aliquo Episcopo talem vitæ modum inchoari, & in manibus ejus votum obedientiae emittere, quod sine dubio non fecit. Quod etiam ex modo, quo idem Augustinus in citatis libris confessionum de se, & de suis amicis, & de suo reditu in Africam loquitur, non obscure intelligitur, unde Possidius in vita Augustini c. 3. sic inquit. *Ac placuit ei percepta baptismi gratia cum aliis civibus, & amicis suis Deo pariter servientibus ad Africam, & propriam domum agrosque remeare.* Quæ verba indicant totam illam familiam fuisse laicam, & liberam ab obedientia jugo, Deo tamen servientem, & inter se amicitia, & charitate conjunctam.

De paupertate incertum.

Multoque magis de obedientia.

5 Neque aliud significasse existimo, quod Monica sanctissima jam morti vicina filio dixit, ut ipse refert lib. 9. confess. cap. 10. *Unum erat, propter quod in hac vita aliquantum immorari cupiebam, ut te Christianum Catholicum viderem, prius quam morerer: cumlatius hoc mihi Deus meus præstet, ut te etiam contempta felicitate terrena servum ejus videam.* Quo ultimo verbo indicare videtur illum jam fuisse religiosum, sed, licet non sit verum late loquendo, quia jam profitebatur viam perfectionis, & continentiae, & decreverat seculares curas relinquere, ut explicuimus, tamen quod monasticam vitam proprie sumptam jam tunc profiteretur, non satis inde colligitur. Quamvis credibile sit Augustinum jam concepissem propositum illius vitæ, tamen, cum esset, quasi in via, & in reditu ad patriam, non videbatur tempus aptum, & commodum exequendi omnino, & quasi consummandi illud propositum, præsertim vivente matre; & ideo verisimilius etiam est illam executionem distulisse usque ad reditum in Africam.

Tacite obiectio: non in coenotario occurritur.

6 Non desunt vero, qui putent D. Augustinum simul cum baptismo accepisse de manu Ambrosii monachi habitum: nam in quodam sermone 92. inter sermones Ambrosii, sic Ambrosius loquitur de Augustino. *Novum Christianum novis vestimentis cuculla nigra induimus, cingulo ex corio nos ipsi præcinximus, quod Simplicianus noster ingenti latitudo donavit.* In quam sententiam ob auctoritatem Ambrosii descendit Antoninus 3. p. historiali titul. 24. cap. 14. §. 2. unde facile potest quispiam addere, tunc etiam Augustinum religiosorum vota in manu Ambrosii emisisse. Verum tamen sermo ille expunctus est ab operibus Ambrosii Romæ impressis, & magna diligentia emendatis, omnibus supposititiis peribis reiectis. Et Cæsar Baronius tomo 4. anno 388. graviter reprehendit imperitum (ut ipse loquitur) illius sermonis fictorem, primum, quia inepte finxit, cum ejus stylus omnino sit alienus ab eloquentia, gravitate & sententiarum pondere Ambrosii. Secundo, quia facile potest mendacii redargui; duo enim aperte falsa dixit; unum est, quod Augustinum Carthaginensem vocat, cū constet fuisse Tagastensem; aliud

Obiectio altera, ex quodam sermone Ambrosii attributo.

Sermo ille spurius est duabus rationibus.

aliud est, quod illum dicit fuisse conversum a Gentilium cultu, cum tamen certum sit nunquam coluisse idola, licet in aliis erroribus versatus fuerit. Verumtamen hæc duo aliquo modo colorari possunt dicendo, Africanos omnes interdum fuisse vocatos Carthagenenses a Metropoli Civitate; vel Augustinum ita fuisse vocatum, quia Carthagini multo tempore vixerat, & docuerat, & unde immediate venerat, cum discessit ex Africa. De cultu autem Gentilium conversus dici potuit, non propter idololatriam, sed quia sine fide, & baptismo tanquam gentilis quidam philosophus, & Academicus de Deo opinabatur. Illud vero difficilius potest ad verum sensum trahi, quod ibi dicitur, sæpius Ambrosium tentasse Augustinum, & cum eo disputasse, & e converso August. disputationis suæ acrimonia, & vehementia Ambrosium vicisse, cum tamen Augustinus ipse li. 6. confessionum cap. 3. & 11. dicat sibi non fuisse datam copiam sciscitandi ab Ambrosio, quæ cupiebat, nisi cum magna brevitate, quia non vacabat Ambrosio.

7 Ex quibus plane incertum redditur, quod de cuculla nigra dicitur, saltem quod id fuerit ab Ambrosio scriptum, nam utrum in re ita fuerit, ignoratur. Et conjectura est non ita fuisse, quia erat universalis consuetudo baptizatos indui albis vestibus, ut idem Augustinus sæpe commemorat lib. de fide, & symbolo, & lib. de catechizandis rudibus, nullamque mutationem consuetudinis in suo baptismo factam alicubi indicat, quamvis baptismi lavacrum ministerio Ambrosii recepisse commemorat lib. 1. contra Julianum cap. 3. Ad hoc tamen responderi potest super cucullam nigram impositam fuisse Augustino candidam vestem baptizatorum. Sed licet hoc contingere potuerit, etiam est præter morem, quia ipsamet usualis vestis solet esse candida, ut nunc Romæ in neophytis conspicitur. Denique adverto Antoninum ex sermone Ambrosii longe aliter verba illa referre dicentem: *Hunc in Christo genui, & postquam baptizavimus, indui cucullam nigram, & ipse ad differentiam monachorum se cinxit zona pergens ad Simplicianum, &c.* Ex hoc ergo sermone nihil affirmare possumus eorum, quæ in illo referuntur.

8 Nec majorem fidem faciunt alia verba, quæ idem Antoninus refert ex eodem Augustino in quodam sermone ad fratres in eremo: *Duodecim fuimus fratres, qui induimus cucullam nigram, & calceamenta, & zonam nigram desuper cinctam ad differentiam monachorum.* Nam hi etiam sermones incertam habent autoritatē, & in Authorem eorum graviter invehitur Cæsar Baronius in tom. 4. ad annum Domini 382. & 385. & 387. & in Martyrologio 5. Januarii, & multi alii authores sermones illos, ut Augustinianos non recipiunt, quamvis interdum ab aliis sub nomine Augustini citentur. Et licet fortasse aliqui illorum sint Augustini, sicut olim inter eos ponebantur duo sermones de communi vita clericorum, quos constat esse Augustini, & nunc ponuntur inter sermones de diversis, suntque quadragesimus novus, & quinquagesimus: licet, inquam, ita potuerint aliqui alii veri Augustini sermones ibi interferri, ut lib. præced. c. 2. nu. 3. attigi, nihilominus certum existimo quod plures eorum non esse Augustini, quia multa falsa, & Augustino indigna in eis continentur; unde fit, ut omnes sint incerti. Quapropter illud testimonium de cuculla nigra, & zona ex corio, nullam inde autoritatem accipit; est ergo res incerta, & de ipso, seu pro ipso tempore baptismi parum verisimilis; quid vero credi possit de reliquo tempore ante clericatum Augustini paulo post subjiciam.

9 Unde etiam incertum esse reperio, quod Antoninus supra refert, Augustinum, postquam Mediolano decessit rediturus in Africam, priusquam Italiam relinqueret, visitasse eremitas, qui erant in monte Pissano, & per aliquando tempus ibi moratum esse, & postea visitasse alios eremitas, qui erant in Centumcellis prope Romam. Adduntque alii Augustinum eo tempore, quo eremitas Pissani montis visitavit, dedisse illis quandam regulam monachorum ex tribus, quas composuit, & ex tunc proprium monachorum statum accepisse; postea vero visitando alios eremitas in Centumcellis secundam regulam eis tradidisse. Sed hæc a Possidio in vita Augustini non referuntur, neque ab Augustino in lib. Confessionum, aut alibi insinuantur; nec videntur posse cum Suarez. Tom. XV.

Chronographia de ætate Augustini convenire; nam constat Augustinum expleto 33. ætatis anno, & 34. inchoato, baptizatum esse; ipse enim lib. 1. Soliloquiorum cap. 10. hanc ætatem se habuisse dicit, cum illud opus scriberet, scripsit autem illud ante baptismum, ut ipsemet refert 1. retractationum cap. 4. Post baptismum autem statim Romam se contulit, ubi saltem per annum commoratus est, tempus aptum navigationi expectans, nam ibi multa conscripsit, quæ ipse commemorat lib. 1. retractat. cap. 7. 8. & 9. Et inter alia scripsit libros de moribus Ecclesiæ Catholicæ, in quorum primo cap. 33. commemorat monasterium, quod prius Mediolani, & plura alia, quæ Romæ postea cognovit, de monte autem Pissano, aut Centumcellis nihil memorat. At præterea idem Augustinus 9. Confess. cap. 11. sanctam Monicam matrem suam mortuam esse anno 33. ætatis ejusdem Augustini, ubi potius legendum videtur anno 35. ut constat ex alio loco Soliloquiorum; ergo non potuit Augustinus, postquam Mediolano discessit, per duos annos commorari cum eremitis Pissani montis, & Centumcellarum ante mortem sanctæ Monicæ. Neque etiam verisimile est post mortem matris retro rediisse, & tam longas moras fecisse; tum quia ipsemet Augustin. lib. 9. Confessionum cap. 10. de se, & matre inquit: *Apud ostia Tyberina post longi itineris laborem instaurabamus nos navigationem;* ergo cum hac intentione illuc pervenissent, licet mors matris post paucos dies acciderit, non est per se credibile, neque ulla ratio probabilis apparet, ob quam Augustinus mutaverit consilium, & tam diuturnas moras fecerit: tum etiam, quia in sermone primo de communi vita clericorum, dicit juvenem fuisse, cum in Africam rediit; ergo verisimile est non excessisse 35. annum ætatis, cum illuc pervenit. Igitur hæc omnia tanquam incerta, & ad hujus religionis veram originem, seu antiquitatem explicandam tanquam inefficacia relinquo, nec desinere assero Augustinum ante reditum in Africam non fuisse monachum, aut regulam monachorum non scripsisse, sed assero hoc non constare satis fide digna historia, vel autoritate.

10 Nihilominus dico secundo Augustinum reversum in Africam, priusquam Presbyter fieret, monachum fuisse, & in proprio monasterio monachos congregasse, & instituisse. Hæc assertio non satis colligitur ex Possidio in vita Augustini; nam in c. 3. solum ait: *Placuit ei percepta baptismi gratia cum aliis civibus, & amicis suis Deo pariter servientibus ad Africam remeare, ubi constitutus ferme triennio, & a se jam alienatis curis secularibus, cum iis, qui eidem adherebant, Deo vivebat jejuniis, orationibus, bonisque operibus in lege Domini meditans die ac nocte.* Quæ verba indicant quidem vitam satis religiosam, & perfectam, nondum tamen satis explicant proprium statum religiosum & monachalem; nā illa omnia dici possent de illo genere vitæ quod Augustinus Mediolani etiam ante baptismum in separata villa inchoaverat. Unde Baronius in 4. tom. ann. 389. de hac retractans, solum dicit rediens (scilicet Augustinus) *una cum sociis Alypio, & Evodio in patriam, quem condixerant, vitæ statum, cum adhuc in Italia essent, exercere coeperunt.* Deinde vero refert verba Possidii, & in prædictis verbis suis alludit ad relationem Augustini 9. confess. c. 7. & 8. Ex quibus solum licet colligere cœpisse in Italia amare cum sociis solitariam, & contemplativam vitam, in castitate perfectam, & quævisse locum ad hunc finem aptum, & hac intentione in patriam remeasse, & statim ac illuc pervenit, prout potuit, opere complevisse; an vero id fuerit cum monachali professione, non satis a dictis authorib. explicatur.

11 Nihilominus ipsemet Augustinus serm. 1. de communi vita clericorum, qui non dubitatur esse ipse, nam citatur a Beata 2. ad Corinth. 8. & a Concilio Aquilegrænsi sub Ludovico Imperat. anno 1016. c. 112. ipse, inquam, Augustinus satis ibi declarat statim ac pervenit in Africam, monasterium construxisse, in quo cum suis fratribus vitam communem, & Apostolicam ageret. *Juvenis* (inquit) *veni ad istam civitatem, ut multi vestri noverunt, querebam ubi constituerem monasterium, & viverem cum fratribus meis, spem quippe omnem seculi reliqueram, &c.* Dicit aliquis Augustinum non dicere construxisse se illo tempore monasterium, sed quæ-

2. Assertio Augustini ante Presbyteratum monachum fuisse & religionem instituit.

1. Probatio.

Satisfit objectioni dicte.

Num sermones ad fratres in eremo, unde prædicta obiectio potest corroborari, sint Augustini.

Relicuit alia incerta conjectura de religioso statu Augustini, ante ejus reditum in Africam. Volaterranus lib. 21. Hier. Rom. libr. 6. Reip. Christianæ cap. 6.

quæſiſſe locum, ubi illud conſtrueret. Sed licet expreſſe non aſſerat, nec etiam negat; & per ſe verſimile eſt non caruiſſe illo tanto tempore. Verumtamen in ſequentibus verbis id plane ſupponit; ait enim; *Veni ad iſtam civitatem propter videndum amicum, quem putabam me lucrari poſſe Deo, ut nobiſcum eſſet in monaſterio*; habebat ergo jam monaſterium, in quo cum fratribus religioſam vitam agebat, ad quam amicum adducere cupiebat, & hoc vocat lucrari illum Deo. Deinde refert ea occasione aſſumptum eſſe ad ſtatum preſbyteri, in quo jam conſtitutus ſubjungit: *Non attuli aliquid, non veni ad hanc Eccleſiam niſi cum indumentis, quibus illo tempore veſtiebar. Et quia hic diſponebam eſſe in monaſterio cum fratribus, cognito inſtituto, & voluntate mea, beata memoria ſenex Valerius dedit mihi hortum illum, in quo nunc eſt monaſterium*. Ex quibus omnibus ſatis conſtat Auguſtinum adhuc laicum, monaſterium unum conſtruxiſſe, & alterum poſtea jam factum preſbyterum; ſed prius in eremo, ſeu loco ab oppidis ſperato, poſterius in loco civitati vicino; nam illud prius colligitur ex illis verbis; *Veni ad iſtam civitatem propter videndum amicum*, quia ſcilicet in loco ſeparato habitabat. Poſterius autem indicat, cum ſubdit: *hic* (id eſt, in hac civitate Hipponenſi, ad quam loquitur) *diſponebam eſſe in monaſterio cum fratribus*. Quod poſtea dicit de novo ædificaffe, cum jam prius eſſet antiquius. Et (quamvis hoc non explicet) verſimile eſt, non deſtruxiſſe priorem domum, aut vacuum reliquiſſe transferendo fratres omnes ad novum monaſterium; ſed cū paucis fratribus primi monaſterii ſecundum inchoaſſe, aliis fratribus in alio relictis, prout in aliarum religionum initiis factum eſſe conſpicimus, quod etiā ipſe non obſcure indicat; nā de ſecundo monaſterio ſubdit: *Cæpi boni propoſiti fratres colligere compares meos nihil habentes, ſicut nihil habebam, ſed imitantes mei, ut quomodo ego tenuem paupertatulam meam vendidi, & pauperibus erogavi, ſic facerent & illi, qui mecum eſſe voluiſſent, ut de communi viveremus*. Ait autem Poſſidius in vita Auguſtini c. 5. Auguſtinum factum Preſbyterum, monaſterium intra Eccleſiam mox inſtituiſſe, & cum Dei ſervis vivere cœpiſſe ſecundum regulam ſub Apoſtoloſ conſtitutam. At vero Auguſtinus ipſe in dicto ſermone non dicit ædificaffe monaſterium intra Eccleſiam, ſed in horto ſibi a Valerio donato, in quo monaſterium durabat, etiam poſtquam ipſe erat Epicoſopus; & infra ſubjungit: *pervenit ad Epicoſopatum, vidi neceſſe habere Epicoſopum exhibere humanitatem aſſiduam quibuſcumque venientibus, ſive tranſeuntibus, quod ſi non feciſſem, Epicoſopus inhumanus diceret. Si autem conſuetudo iſta in monaſterio permiſſa eſſet, indecens eſſet, & ideo volui habere in iſta domo Epicoſopi monaſterium clericorum*. Non ergo ædificavit Auguſtinus intra Eccleſiam monaſterium, niſi jam factus Epicoſopus, & tunc non ſine cauſa explicat feciſſe monaſterium clericorum, indicans prius fuiſſe monaſterium monachorum, ſeu laicorum. Significat etiam diverſa fuiſſe illorum inſtituta; nam de primo ait non decuiſſe admittere in eo conſuetudinem habendi frequenter hoſpites. De ſecundo vero ſupponit, non habuiſſe talem indecentiam, nam ad hunc finem illud conſtruxit; erat ergo primum rigidioris vitæ ſolitariae, & contemplativæ, ejuſdem nimirum inſtituti cum alio prius conſtructo in loco a civitate remoto. Aliud vero licet religioſum eſſet, erat tamen vitæ (ut ſic dicā) humanioris ad hoſpitalitatē accommodatæ, & ad miniſteria Epicoſoporum, & proximorum.

12 Præterea colligo ex ſuperioribus verbis habuiſſe Auguſtinum adhuc laicum in eo ſtatu peculiarem habitum, qui nec preſbyterorum proprius erat, nec vulgariſ laicorum, ſed tam honeſtus, ut a preſbytero etiam retineri poſſit, nam hæc omnia mihi ſignificant illa verba; *non veni niſi cum illis indumentis, quibus eo tempore veſtiebar*; quando enim illa verba dixit Auguſtinus, jam erat Epicoſopus; in quo ſtatu indumenta mutaverat, (ut indicat,) antea vero eadem retinebat etiam in monaſterio civitatis; quæ ſi non fuiſſent ſpecialia, & ab indumentis laicorum ſecularium diſtincta, non de illis tanquam de ſingularibus, & propriis loqueretur. Qualia autem illa fuerint, aut cujuſ figuræ, vel coloris, ipſe nobis non explicuit, & ideo nihil certum in ſpeciali dicere poſſumus, quamvis in genere non dubitē, quin fuerint monachalia, propter ea, quæ jam ſubjiciam.

13 Colligo etiam ulterius ex eodem loco adjuñctis aliis, Auguſtinum in illo primo monaſterio propriam, ac perfectam monaſticam vitam inſtituiſſe, quod probō primo ex voce *Monasterium*, quæ proprie dicitur, & tunc maxime dicebatur, de habitatione monachorum. Secundo, quia ibidem ait profeſſum fuiſſe cum fratribus voluntariam paupertatem, & profeſſum eſſe vitam communem ad imitationem Apoſtolorum. Tertiō, quia idem Auguſtinus libro 3. contra Petilianum cap. 40. de illo hæretico ſic inquit. *Perrexit pre maledico in vituperationem monaſteriorum, & monachorum, arguens etiam me, quod hoc genus vitæ a me fuerit inſtitutum, quod genus vitæ omnino quale ſit neſcit, vel potius toto orbe notiſſimum neſcire ſe finxit*. Ubi Auguſtinus tacite conſentit, & fateatur, ſe illud genus vitæ inſtituiſſe; quod intelligi poteſt, vel quia illud inſtitutum amplexus, & profeſſus eſt, vel quia in illo genere vitæ proprium, & peculiarem modum inſtituit; non enim totius generis, ut ſic dicam, ſeu totius vitæ monaſticæ inventor cogitari poteſt, niſi per magnam ignorantiam, vel malitiam illorum hæreticorum, cum ante Auguſtinum eſſet & monachorum nomen, & genus vitæ in orbe diſfuſum, ut ipſe commemorat tum hic, tum etiam aliis multis in locis, præſertim in libris de moribus Eccleſiæ, & de opere monachorum, & in Pſal. 75. & 99. & optime in 132. ubi & nomen monachi declarat, & vitam laudat, & modum etiam ſalutandi Deo gratias agendo commemorat, & in epiſtola 89. quæſt. 4. diſputando contra hæreticos, qui divites omnes damari dicebant, ne amore divitiarum id facere calumniaretur, inquit. *Ego, qui hæc ſcribo, perfectiorem, de qua Dominus loquutus eſt, quando ait diviti adolescenti: Vade, vende omnia, quæ habes, & da pauperibus, & habebis theſaurum in cælo, & veni, & ſequere me: vehementer adamavi, & non meis viribus, ſed gratia ipſius adjuvante ſic feci*. Subjungitque deinceps, & ad hoc propoſitum, quantis poſſum viribus alios exhortor, & in nomine Domini habeo conſortes, quibus hoc per meum miniſterium perſuaſum eſt. Scripſit autem Auguſtinus hæc verba jam Epicoſopus; poſſuntque tam ad monachos, quam ad canonicos regulares applicari. Certum tamen eſt ex dictis, ante Epicoſopatum, & ante preſbyterium ipſum adamaviſſe, & amplexum eſſe illum ſtatum, & ad illum alios traxiſſe, & cum illis monaſterium non clericorum, ſed laicorum monachorum conſtruxiſſe. Hac ergo ratione dictus eſt monachorum inſtitutor, & quia fortaiſe illud vitæ inſtitutum primus in Africam inexit; ac denique, quia in Latina Eccleſia primus etiam monachis vivendi regulam dedit, quam Apoſtolica Eccleſia poſtea probavit, ut jam oſtendam.

14 Dico ergo tertio Auguſtinum pro ſuis monachis regulam illam, quam Eccleſia ſub nomine illius recepit, & probavit, edidiſſe. Solent quidem Divo Auguſtino 3. regulæ attribui; duæ breviores, & tertia integra, & magis completa; prima incipit; *Communi definitione decrevimus, &c.* Secunda poſt illa verba præambula; *Ante omnia fratres chariſſimi diligatur Deus, deinde proximus*, incipit, *Qualiter autem nos oporteat orare, &c.* Sed hæ duæ regulæ incerti authoris ſunt, & probabilius creduntur non eſſe Auguſtini, & ita in 1. tom. operum ejus ſeparatim, & quaſi in angulum rejectæ ſunt, ſimul cum alia regula ſeminarum; itaque de his nulla ratio nem habemus, præterquam quod nihil ſpeciale continent, quod in certa Auguſtini regula non contineatur, præter ea, quæ in regula ſecunda habentur de ordine pſallendi, & recitandi divinum officium, quæ ſtatui fortaiſe potuerunt ab Auguſtino, ſed propter illa non oportet regulas multiplicare; ſatis eſt enim id, quod in ſua regula Auguſtinus poſuit: *Orationi inſtate horis, & temporibus conſtitutis; & infra: pſalmis, & hymnis cum oratis Deum, hoc verſetur in corde, quod profertur in ore, & nolite cantare niſi quod legiſtis eſſe cantandum, quod autem non ita ſcriptum eſt, ut cantetur, non cantetur*. Ex quibus verbis intelligitur habuiſſe monachos inſtructionem aliquam ſcriptam circa tempora, & modum pſallendi, & cantandi, illam vero non fuiſſe poſitam in regula, quia fortaiſe juxta locorum, aut conſuetudinum diverſitatem variari poterat. Itaque una fuit ab Auguſtino religionis regula compoſita.

15 De hac vero regula dubium eſt, an Auguſtinus pro

Probatio
principa-
lis.

3 Aſſertio
regulam
unam tri-
pliſſe Au-
guſtinum
pro ſuis
religioſis.

Hanc regulam scripsisse pro feminis inceptit Erasmus.

Qui putant scripsisse primo pro clericis regulam.

Verius scripsisse pro monachis eremitis laicis.

Conjectura.

Conjectura.

Conjectura.

pro regularibus canonicis, vel pro eremitis illam scripsit? omitto enim censuram Erasmi ab omnibus piis, & doctis viris merito damnatam, qui negavit Augustinum scripsisse illam regulam pro viris religiosis, sed tantum illam, quæ virtute habetur in epistola 109. Augustini, quæ est ad monachas, quæ revera eadem est, sed sine dubio fuit pro viris scripta, & facile potuit ab eodem autore ad feminas accommodari, & in hoc sensu communiter recepta est, & citatur a D. Bernardo in lib. de præcepto, & dispensatione, & exposita ab Hugone de Sancto Victore, ut notant Doct. Lovanienses in fine primi tomii Augustini tacite contempta censura Erasmi, quam Parisiensis Academia jam damnaverat.

16 Supposito ergo Augustin. pro religiosis viris illam scripsisse, dicunt aliqui primo ac præcipue regularibus canonicis, & clericis eam tradidisse, quod sensisse videtur Gratianus in titulo capituli non dicatis. 12. qu. 1. quod constat sumptum esse ex hac regula. Gratianus vero citat sermon. 3. de communi vita clericorum; & in decreto Gregoriano in quodam scholio eodem modo dicitur caput illud sumptum ex sermon. 3. de communi vita clericorum, in quo regula D. Augustini continetur. Verumtamen inter opera, quæ Augustini esse creduntur, non invenio tertium sermonem de communi vita clericorum, sed primum tantum, & secundum; fieri tamen potuit, ut illa regula per modum concionis aliquando imprimeretur, & ita adnotatur in quodam libro antiquo de quatuor regulis ab Ecclesia approbatis, ubi in principio sic dicitur: *regula tertia Augustini in qua latius tradidit ea, quæ ad communem vitam clericorum pertinent, quæ a nonnullis inter sermones de communi vita clericorum enumerantur*: quæ omnia supponunt hanc regulam pro clericis fuisse scriptam, & idem affirmat Vincentius in speculo historiali li. 29. c. 44. ubi ait, Augustini scripsisse regulam, & institutionem pro clericis regularibus, qui etiam dicuntur canonici regulares. Idem habet Antoninus 2. p. historiæ tit. 9. c. 8. §. 2. & 3. & Volaterranus li. 21. Anthropologie; hoc autem non aliter probatur, nisi quia ab hac regula maxime videntur vocari canonici regulares, qui veri religiosi sub Augustini disciplina fuerunt, ut supra dictum est, & optime confirmat Trullus lib. 1. de Antiquitate sui ordinis c. 2. & 3. qui etiam adducit testimonium Possidii, de quo statim.

17 Nihilominus persuasum mihi est Augustin. illam regulam primo scripsisse pro suis eremitis, & monachis, qui eo tempore ex vi professionis suæ laici erant, & ab Augustino adhuc laico instituti sunt, & normam vivendi acceperunt. Hoc pro certo habent omnes defensores antiquitatis eremitarum S. Augustini. Quorum probationibus omisissis solum afferam conjecturas, quæ me maxime movent. Prima est, quam in secunda assertionem insinuavi; ostendimus enim Augustin., antequam esset presbyter, monachorum monasterium instituisse; ergo per se credibile est virum jam valde doctum, & perfectum, statim eis dedisse regulam, & normam vivendi, non legimus autem aliam ab ipso conscriptam.

18 Secundo Possidius c. 5. sic de Augustino inquit: *Factus Presbyter monasterium intra Ecclesiam mox instituit, & cum Dei servis vivere cepit secundum modum, & regulam sub sanctis Apostolis constitutam, maxime, ut nemo quidquam proprium in illa Societate haberet*. Ex quibus verbis colligitur aliqui Augustinum dedisse regulam suis clericis, quos in monasterio congregavit; ad quod tamen verba non cogunt, quia ibi non est sermo de nova regula ab Augustino facta, sed sub Apostolis constituta, quæ solum illa est, quæ continet substantialia vota religionis. Tamen, ut dicebam, hinc satis verisimiliter colligitur Augustinum providentissimum Prælatum adjunxisse suam regulam. Verumtamen consideranda sunt verba, quæ statim adjungit Possidius, scilicet, *quod jam ipse prior fuerat, dum de transmarinis ad sua remeasset*. Quæ verba sunt notanda, confirmant enim, quod supra nu. 9. diximus, Augustin. non fuisse vere professum regulam religiosam, donec ad sua rediit. Deinde probant optime, ante presbyterium, cum Dei servis vivere cepisset secundum regulam ab Apostolis approbatam, & consequenter, quam regulam postea suis clericis dedit, prius suis monachis tradidisse.

19 Tertio idem probat ex ipsamet regula, in qua sic

dicit: *Præposito tanquam Patri obediatur, multo magis Presbytero, qui omnium vestrum curam gerit*: & iterum infra: *Si quid servatum minus fuerit, non negligenter prætereatur, sed ut emendandum corrigendum que curetur, ad Præpositum præcipue pertinebit, ut ad Presbyterum, cujus est apud vos major autoritas, referat, quod modum vel vires ejus excedit*. Ex quibus verbis colligo, religiosos illos, ad quos primo Augustinus illam regulam direxit, fuisse monachos, similes illis, quoad statum, & professionem, ac modum regiminis, qui tunc erant in oriente, & per Italiam, qui ordinarie, & per se, ac ratione statum non erant clerici, sed laici monachi, & similiter eorum præfectus, seu Abbas non erat Presbyter regulariter loquendo, ut in superioribus ostensum est, & sumitur ex c. a subdiacono d. 23. & ex aliis multis 16. q. 1. & ex Hieronymo in epist. ad Nepotianum. Semper vero Italia monasteria fuerunt subiecta Episcopis, & verisimile est ab eis semper habuisse singula monasteria Presbyterum aliquem, ad quem præcipua cura monasterii, saltem quoad correctionem morum, & in rebus gravioribus pertineret, pro qua re vide, si placet, Calsianum collat. 18. c. 15. & Epiphanium epist. ad Joannem Hierosolymitanum. Et quidquid sit de aliis monasteriis, de monasterio Augustini id clare colligitur ex citatis verbis. Nam singulare nomen Presbyteri aperte indicat, unum tantum fuisse in illa congregatione, & consequenter illam non fuisse congregationem clericorum. Item colligitur Præpositum non fuisse Presbyterum, quamvis haberet ordinarium regimen, & administrationem monasterii, ut ex aliis locis ejusdem regulæ satis constat. Denique colligitur reliquos omnes regulariter, ac per se loquendo fuisse monachos laicos. Unde in epistol. 109. eodem modo loquitur Augustinus ad monachas, ut scilicet Præpositæ obediant, multo autem magis Presbytero, & c. Ad canonicos autem regulares difficile possunt illa verba applicari, quia illis præpositus semper, ac per se, Presbyter est, neque est verisimile fuisse unquam aliam consuetudinem. Nihilominus tamen verum est: primo, postquam Augustinus Presbyter, vel Episcopus, clericos, seu canonicos religiosos sibi adjunxit, eandem regulam illis servandam tradidisse, ut notavit Anton. 3. p. tit. 24. c. 14 §. 2. quia, ut recte ait, regula ipsa de se indifferens est, & communis ad utrumque statum religionum. Unde factum est, ut plures religiones, tum monachorum, tum etiam clericorum sub illa militent; sic ergo potuit August. prius illam dare fratribus, & postea sub eadem religiosos clericos congregare; neque necessarium fuit illa pauca verba Præfecti, & Presbyteri mutare, quia facile poterant cum proportionem intelligi, & servari, licet præfectus etiam Presbyter sit, & siue coniungat unum tantum esse Presbyterum, & præfectum, siue duas personas subordinatas, ut sunt nunc inter canonicos regulares, Prior, & Vicar., qui ambo Presbyteri sunt.

20 Dico quarto religionem illam monachorum ita fundatam, & optima regula instructam, & Episcopali auctoritate probatam vivente August., in Africa propagatam fuisse. Hanc assertionem colligo in primis ex Possidio in vita Augustini c. ultimo, ubi de August. iam defuncto sic inquit: *Clerum sufficientissimum, & monasteria virorum ac feminarum continentium cum suis Præpositis plena Ecclesia reliquit*. Nam sine dubio credibile est illa monasteria virorum fuisse magna ex parte horum eremitarum D. Augustini, quia non erant tunc in Africa alia monasteria religionum virorum, de quibus videtur loqui Possidius. Nam prius ponit clerum sufficientissimum, qui vel totus, vel præcipuus erat religiosus, & illa verba *virorum ac feminarum continentium* valde proprie indicant personas laicas. Quod etiam colligitur ex eodem August. epist. 76. ad Aurelium, ubi dicit ad militiam clericatus, non desertores monasteriorum eligendos esse, sed ex iis, qui in monasterio permanent, non nisi probatiores, atque meliores in clerum assumendos esse. Cum aliquando (inquit) *bonus etiam monachus vix bonum clericum faciat, si adsit ei sufficiens continentia, & tamen desit instructio necessaria, aut personæ regularis integritas*. Et ex eadem epistola constat quantam curam, & providentiam suorum monachorum haberet August. etiam post adeptum episcopatum. Denique per se est valde credibile August. suæ religionis propagationem, non minus in fratribus, quam in

Quid pro conjectura ex his verbis evincatur.

4 Assertio dictam religionem laicorum vivente August. non diffusam per Africam.

canonicis procurasse, nam utramque videbat esse necessariam populo suo ad utriusque status perfectionem. Et generalem charitatem, ac zelum animarum habebat; quod ex omnibus ejus operibus satis constat; specialiter vero colligitur ex epist. 64. ad Aurelium Carthaginensem Episcopum, in qua eum exhortatur, ut diligentiam adhibeat extirpandi quædam vitia per universam Africam, & in fine gratias agit de agro, provisione, & libertate ipsius fratribus donato. In quo indicat jam tunc fuisse monasterium suorum fratrum Carthagine. Clarius vero lib. 2. retractationum cap. 21. ait, cum apud Carthaginem monasteria esse cœpissent, ea occasione scripsisse librum de opere monachorum. Quæ duo conjungendo, illa monasteria monachorum fuisse intelligimus: cumque, ut supra vidimus, ipse Augustinus primus in Africam monachorum institutum invexerit, plane concluditur monasteria Carthaginensia ab Augustinianis fluxisse, & licet fortasse aliqua ab Augustini disciplina desciverint, plura illius institutum retinuisse. Quod satis etiam ipse Augustinus indicat lib. de opere monachorum c. 30. ubi ait scripsisse illum librum, id maxime curans (inquit), ne boni fratres Apostolicis præceptis obediunt, a pigris, & inobedientibus prævaricatores dicerentur: & infra. Sciant ceteri fratres & filii nostri, qui hanc per ignorantiam defendere consueverunt, &c. Per quæ omnia judicantur illa monasteria, quæ sana erant, ex filiis Augustini fluxisse, & in doctrina ejus fundata.

21 Hinc vero multi pro certo habent, omnia monasteria, & omnes monachos, qui post Augustinum fuerunt in Africa, S. Augustini eremitas fuisse, ut Beatum Fulgentium, & alios similes, qui post Augustinum floruerunt; quibus ego non contradico, quia convincere non possum id falsum esse. Dico tamen rem esse incertam, quia licet forte ante Augustinum monachi in Africa introducti non fuerint, ut in superioribus diximus, & attingit etiam Cæsar Baronius 4. tom. ann. 391. Nihilominus postea facile potuerunt alii Episcopi, ad imitationem quidem ejus, monasteria in suis diocæsisbus ædificare, non tamen sub regula ejus, sed juxta propriam institutionem, sicut jam noverant fieri in Italia. Sic legimus in vita Sancti Fulgentii cap. 3. Felicem quemdam Episcopum ædificasse sibi monasterium, in quo Sanctus Fulgentius monachus factus est, ut refertur c. 4. & inde transit ad aliud monasterium alterius Felicis Abbatis, ut dicitur c. 6. quod Abbatis nomen videtur alienum a regula & professione eremitarum D. Augustini. Unde quod de Fulgentio dicitur, incertum etiam sit, quia ille etiam dicitur fuisse Abbas, & Pater multorum monasteriorum. Sed de hoc paulo post redibit sermo. Atque hæc sunt quæ de prima origine illius religionis Augustinianæ conjectare possumus.

C A P U T IX.

An Augustiani eremita, qui nunc existunt, sint iidem, qui olim tempore Augustini in Africa: an diversi, & mendicantes.

1 Nunc vero explicandum superest, an religio, quæ sub eodem modo nomine *Eremitarum S. Augustini* nunc est in Ecclesia, eadem cum illa superiori capite tractata sit re ipsa, vel tantum nomine. Ad hoc autem definiendum unum aliud tanquam certum supponendum est, scilicet hanc religionem, prout nunc est, tempore Innocentii IV. & Alexandri IV. fuisse in eam formam redactam, quam nunc habet, & solenni ritu approbatam, & confirmatam, quod quomodo factum fuerit, paulo post videbimus. Hoc ergo posito tria puncta inquirenda sunt. Primum, an ille ordo, qui ab Augustino fuit institutus usque ad tempora Innocentii IV. duraverit in Europa. Secundum, an omnes eremite, qui jussu & opere Innocentii in hac familia congregati sunt, fuerint illius professionis vel religionis Sancti Augustini. Tertio, esto omnes vel plures illorum Augustiniani fuerint, nihilominus nova fuerit religio ex omnibus facta, vel eadem instaurata, & aliquantulum immutata.

2 Circa primum multi ex historiographis, & modernis affirmant in persecutione Vandalorum, quæ vivente adhuc Augustino in Africa cœpit, omnia eremitarum

monasteria destructa fuisse, & monachos ipsos partim necatos, partim dissipatos fuisse, non tamen omnino extinctos. Unde D. Antoninus d. c. 14. §. 3. existimat aliquos illorum in Italiam transivisse; vel quia inde cum Augustino venerant; vel quia audiverant ibi esse monachos simile vitæ statutum servantes, ipsi vero, ut inquit, vel solitarie vivebant eremiticam vitam agentes; vel monasteria ædificaverunt, & congregaverunt, in quibus religio illa usque ad Innocentium IV. servata est; & simili modo potuerunt alii transire in Hispaniam, Galliam, & alias provincias, & in eisdem se conservare. Quamquam enim de tota hac re historiam authenticam non habemus, ut fateatur D. Antoninus supra, ex quadam vero traditione & ex nonnullis vestigiis, quæ sub nomine Augustiniano semper manserunt, videtur hoc fieri verisimile. Præcipue vero apud nos faciunt nonnulla Pontificia decreta, quæ hoc confirmant; unum est capitulum *Insinuare*, qui clerici, vel voventes, ubi Innocentius III. refert, & approbat professionem cujusdam femine, emissam in manibus cujusdam de patribus S. Augustini, cum habitu ejusdem religionis, ubi Glossa advertit feminam illam solennizasse votum suum tradendo se ordini S. Augustini. Erat ergo ille ordo ante Innocentium III. constat enim non fuisse illo tempore inchoatum. Contigit autem factum illud in Lusitania; nam Innocentius ad Episcopos Olymponensem, & Conimbricensem scribit; ergo erat jam hic ordo in Hispania. Quo tamen etiam in Anglia esset, colligitur ex c. dilecti filii, de appellat. ubi refertur causa, quæ agebatur inter Priorem S. Augustini, & Archiepiscopum Cantuariensem, quam Innocentius definit in favorem Prioris, & Monachorum. Refert etiam Antoninus supra Innocentium III. dedisse fratribus S. Augustini privilegium scriptum, confirmando in favorem illorum locum quendam S. Antonii in provincia Senensi. Unde constat, jam tunc etiam fuisse in Italia hunc ordinem. Præterea in cap. unico de religiosis domibus in 6. §. sane, dicitur institutio ordinis S. Augustini præcessisse ante Concilium Lateranense sub Innocentio III. Illa autem institutio antiquior nulla alia esse potest, nisi quæ ab Augustino facta est, quia nulla alia meruit hoc nomen eremitarum S. Augustini, præsertim ante Innocentium III. ergo necesse est, ut ipse ordo duraverit: parum enim ad rem fecisset institutionem fuisse antiquam, si extincta fuisset. Ex his videtur satis colligi, hunc ordinem nullo tempore omnino defecisse post Augustinum, quia nullum aliud initium illius ordinis invenitur ante Innocentium III. Addunt præterea aliqui Innocentium I. specialiter approbasse regulam S. Augustini, & præcepisse, ut eremite, qui in variis locis Italiæ vivebant, sub ea militarent, & Zozimum Papam plura privilegia huic ordini concessisse, & Leonem I. nomen eremitarum S. Augustini eis indidisse.

3 Verumtamen hæc omnia aliis non satisfaciunt, ideoque nihil certi de duratione monachatus, seu vitæ eremiticæ ab Augustino institutæ pro toto illo tempore affirmari posse. Nam in primis, quæ de Pontificibus Innocentio I. Zozimo, & Leone I. dicuntur, incerta sunt, quia in communibus historiis non referuntur, neque in actibus illorum Pontificum. Illa vero jura decretorum non satis rem probant; tum quia potuerunt esse multæ Ecclesiæ, vel Cœnobii monachorum S. Augustini nuncupata, quia ad illius imitationem informabantur, quavis ab eo institutionem non haberent, sicut de monachis S. Hieronymi supra diximus, vel etiam potuerunt sic appellari, quia sub regula S. Augustini militabant. Imo etiâ si admittamus, nunquam defuisse hujus regulæ, ex quo ab Augustino facta est, aliquos professores, & observatores, non tantum clericos, sed etiam monachos, & eremitas, hoc tamen non satis est, ut dicamus omnes illos esse successores eremitarum S. Augustini, aliâ etiam eremitarum S. Hieronymi & plures alii possent dici successores illorum: oportet ergo ostendere & idem genus vitæ, & eundem aut similem habitum, ac denique continuam successionem, & unionem, sub continua etiam Prælatorum successionem tenuisse, quod difficillime ostendi potest. Et sane res est satis obscura, & incerta. Nihilominus tamen prior sententia cum moderatione explicata suâ habet probabilitatem, quam in sequenti puncto melius declarabimus.

4 Circa secundum ergo punctum propositum nunc,

Item ex decretis Pontificum

Arguitur negative.

Una suppositio pro decisione.

Puncta tria uci decida.

Agnitur affirmative ex his.

Pars affirm. cum quibusdam moderationibus adhibendis arguitur.

meto 1. quidam contendunt omnes eremitas quos Innocent. IV. in hunc ordinem redegit, fuisse ex his, qui a primo Augustini monasterio deicenderunt. At profecto hoc nec probari potest, nec facile credi; nam ante Augustinum multi eremite fuerunt, prius quidem in Oriente, & postea in Occidente, præsertim in Italia, ut ipsemet Augustinus commemorat. In præsentem enim non sumuntur eremite strictè, prout distinguuntur a Cenobitis, quia vitam omnino solitariam agunt, sed pro quibuscunque, qui religiosam vitam contemplativam in locis ab oppidis, & consortio hominum separatim observant, etiam in communi monasterio vivant, sicut revera vixit Augustinus cum suis fratribus, & vivebant monachi, quos ipse Mediolani sub disciplina vidit, & alii quos fuisse diximus in Gallia in monasterio S. Martini. Et Antoninus, & alii referunt ante Augustinum fuisse similes eremitas in monte Pissano, & in Centumcellis, & foras erant in aliis locis; ergo non est, cur credamus omnes eremitas, qui in Italia, Gallia, Hispania, & aliis locis durarunt usque ad Innocentium IV. natos fuisse ex dispersione eremitarum Africanorum; cur enim illi magis durarunt, quam alii, vel cur post illos non potuerunt alii insurgere sub diverso habitu, nomine, & regula, seu vivendi modo? Accedit, quod ante Augustinum dicuntur fuisse in Italia similes eremite, in monte Pissano, & Centumcellis, & foras in aliis locis; ergo vellea, vel plura alia, potuerunt esse postea monasteria eremitarum, quæ non duxerunt ex Augustino originem, sed aliunde; ergo per successione potuerunt etiam durare, vel etiam multiplicari usque ad tempora Innocentii, & Alexandri IV.

5 Dicendum ergo est, unionem illam factam esse non solum ex eremitis Augustinianis, sed etiam ex aliis cuiuscunque regulæ, vel nominis essent: hoc constat ex bulla Alexandri IV. de prædicta unionem. Præcipue vero dicuntur eo tempore fuisse eremite, qui appellabantur *Guillelmitæ*, alias *Villelmitæ*, a Guillelmo duce Aquitanie, qui eremita factus non solum sanctam vitam egit, sed etiam author multorum eremitarum fuit, præsertim per Galliam, Germaniam & Flandriam, qui ex nomine authoris *Guillelmitæ* nominati sunt. Ita referunt historiographi nonnulli moderni, qui addunt hunc Guillelmum professum fuisse regulam S. Augustini, atque ita ex eremitis S. Augustini fuisse, & consequenter ejus congregationem ejusdem ordinis fuisse, Guillelmumque tantum fuisse reformatorem, & instauratorem eremitarum S. Augustini, quamvis in illis Provinciis Gallie, & Germanie ab illo Guillelmitæ nominentur.

6 Sed ut verum fatear, in ejus vita, quam ex Theobaldo Episcopo refert Surius die decimo Februarii, nihil invenitur, quod Augustini regulam, vel aliquam peculiarem professionem redoleat, sed solum vivendi modum eremiticum, solitariam, & nimis austeram. Nec ibi legitur ipsum suscepisse habitum S. Augustini, sed solum postquam ad meliorem mentem a S. Bernardo conversus est, consuluisse virum eremitam, sanctam, & solitariam vitam agentem, (de quo etiam non legitur cujus professionis esset vel regulæ), & ab eo fuisse indutum lorica ferrea, quam semper portavit, & missum fuisse, ut renuntiaret omnibus suis bonis, & pedes peregrinando conspectui Pontificis se præstaret, quod ipse perfecit, & postea Hierusalem transiit, & tum ibi, tum postea in locis aliis per multos annos solitariam & rigidissimam vitam dicitur egisse. Nec etiam ibi legitur fecisse Cenobium aliquod, aut reformationem in eremitis S. Augustini. Solum in c. 18. refertur, eum post reditum ab Hierusalem in Tusciam in speluncam horribilem se recepisse brevi tempore, aliquem numerum sociorum religiosorum ei fuisse copulatum, cum quibus aliquandiu vixit, & hospitale in eo loco construxit. Sed quia socii ab instituto brevi defecerunt, ab eis discessit, & hospitale cuidam eorum Petro vocato commendavit, transivitque ad alium montem, ut eandem vitam rigidam, & solitariam ageret, ubi etiam alii socii ei adjuncti sunt, qui tamen eum non sunt imitati, & ideo cum eis non perseveravit, ut ex c. 21. constat. Unde (ut c. 22. subjungitur) solus recessit in terram desertam vocatam itabulum Rhodis, quæ est in territorio Senensi, ut recte probat Cæsar Baronius in annotationibus ad Martyrologium decima die Februarii: ibi ergo usque ad finem vite solitariam vitam egit, unum tantum socium, & ministrum habens. Neque quidpiam aliud de Cenobiis ab eo constructis, nec de reformatione ab eo facta, in ordine eremitarum Sancti Augustini, nec de habitu particulari ejus, aut regula a Theobaldo refertur.

7 Imo quod magis notandum est, ex tota narratione ejus non colligitur hunc sanctum virum aliquando fecisse professionem, seu vota substantialia religionis, & præsertim non constat, alicui obedientiam promississe; sæpius enim, & mutavit eremum, & aliqua ex parte vivendi modum sine dependentia ab alterius voluntate, quapropter status vite ejus proprie videtur fuisse eremiticus, qualis olim fuit in Paulo, Hilarione, & aliis Anachoretis, quos supra diximus non esse integre religiosos ex defectu subjectionis, & obedientie.

8 Fieri tamen potuit, ut exemplo hujus sancti viri eremite, qui tunc erant, fuerint reformati; itaque licet per se ipsum Cenobia non edificaverint, neque habuerint, nisi unum, vel duos veros discipulos, per illos postea potuit plures procreare. Quod indicatur in vita ejus cap. 22. ubi de Alberto ejus discipulo dicitur: *nec fraudatus est a suo desiderio vir desideriorum* (id est, Guillelmus) *proficiente in hoc ejus discipulo* (id est, Alberto) *ut postmodum multorum Pater fieret filiorum*; ubi significatur Albertum illum eremitas illos propagasse. Ibidem etiam fit mentio alterius discipuli *Venerabilis Petri prioris Montis de Pruno*, qui videtur esse ille, cui hospitale commendavit, ut supra diximus; per hunc ergo potuit etiam congregatio seu vita eremitarum reformari, & a primo autore Guillelmitæ vocari. Quomodo autem hi omnes pertineant ad progeniem Augustini, aut ad ordinem ejus, non video, nisi aliunde constet, aut discipulos Guillelmi regulam Augustini, & habitum ejus recepisse, & rigorem aliquem juxta exemplar & consilia sui magistri addidisse.

9 Idem censeo de alio genere eremitarum, qui ad hanc congregationem reducti sunt ab Alexandro IV. quorum author fuisse dicitur Joannes Bonus, qui fuit tempore Innocentii III. & fuit vir eremita egregie sanctitatis, & magnæ austeritatis, ut refert Antoninus 3. p. tit. 24. c. 13. Ex quo loco constat ad eum, in suo eremitorio permanentem, plures accessisse, qui imitatores vite illius facti sunt; illi ergo usque ad Alexandrum IV. propagati fratres *Joannis Boni* vocati sunt, & iidem esse censentur, qui eo tempore *Frates penitentia Jesu Christi* vocabantur. In gestis autem ab hoc Joanne Bono nihil ferri reperio de habitu, aut regula, aut ordine S. Augustini, sed tantum de vita eremitica, & austeritate generali. Unde sectatores ejus sicut ab Augustino nomen non acceperunt, ita nec in speciali modo vivendi, seu in specifica ratione status, ut sic dicam, sed solum in genere eremitarum cum successoribus Augustini, si qui fortasse tunc erant, convenisse videntur. Atque ad eundem modum fuerunt forte eo tempore per Italiam, & alias provincias alii eremite, vel anachoretici, vel cenobitici vitam agentes, variis tum habitibus, tum etiam consuetudinibus, vel constitutionibus utentes, de quibus nobis nihil certo constat in particulari, sed solum in hac generalitate, & confusione, hanc enim varietatem historie indicant, & Bulla Alexandri IV. supponit. In hac autem multitudine eremitarum verisimilius est multos fuisse sub hoc nomine eremitarum S. Augustini; nam conjecture supra factæ id ostendunt, & in multis provinciis, & regnis reperiuntur antiqua monasteria illius appellationis, & nominis, & Scripturæ etiam antiquæ, quæ talium monasteriorum mentionem faciunt. An vero plura, vel pauciora horum monasteriorum, vel eremitarum fuerint hujus, vel alterius religionis, mihi non constat.

10 Non omitam autem hic advertere, satis esse obsecrum, & incertum in historiis, an *monachi*, & *eremite*, sive solitarii, sive cenobitici, qui in occidente fuerunt a morte Augustini usque ad D. Benedictum, fuerint ejusdem professionis, ita ut illa nomina tanquam synonyma accipienda sint, vel in te ipsa aliqua sit inter eos constituta differentia: nam hinc pender alia quæstio: an scilicet tempore Alexandri IV. soli illi, qui eremite nuncupabantur, & a monachis in aliquo sibi proprio distinguebantur, ad hanc religionem ordinis eremitarum reducti fuerint, vel utrum aliqui etiam ex monachis

Imo nec fuisse professionem statum religionis.

Vide Alvarum. Pilegium lib. 2. de planctu Ecclesie c. 51. & 43

Quomodo potuerit dici reformatorem, atque in de Guillelmitæ vocari reformatorem.

Neque i. temere. mite S. Augustini videntur fuisse, quos instituit Joannes Bonus. Vide Sabellum. Enead. 9. Fascicul. temporum. Pontacum in chroni faciunt enim hunc Joannem fundatorem eremitarum.

An post Augustini. que ad Benedictum omnes monachi fuerint, eremite Augustiniani.

Authoris conclusio.

Eremitas S. Augustini a Guillelmo fuisse reformatos quidam putant.

Vide O. euphrum in chroni. eo anno 1160.

Offendi. aut tamen non fuisse eorum reformatos.

in hac reductione fuerint comprehensi. Nam in hoc etiam invenitur diversitas in chronicis hujus religionis, & ex illis terminis pendent multa, quæ de hac antiquitate dicuntur. Interdum enim dicunt eremitarum Augustini institutum fuisse distinctum a monachali, interdum vero hujus professionis faciunt fere omnes antiquos sanctos, qui post Augustinum monachi fuerunt ante Benedictum, vel extra regulam ejus, ut Fulgentium, Columbanum, & similes: sed quod ad primum attinet, difficile est differentiam illam explicare, quia licet nomen *Eremitæ* pro *solitario*, seu *anachoreta* sumi soleat, ut præcedenti libro notavimus cum Isidoro lib. 7. Originum ca. 13. & lib. 2. de officiis Ecclesiasticis c. 15. tamen hic ad cenobitas extenditur, qui in eremis degunt; constat enim eremitas S. Augustini cenobitas fuisse: *Monachi* autem proprie, & specificè sumpti in hoc sensu etiam agunt solitariam vitam ex vi sue professionis, ut constat de S. Benedicto, Bernardo, Bruno, & aliis, & ante hos de Antonio, Basilio, & aliis orientalibus: quæ igitur differentia assignari potest inter eremitas, & monachos eorum temporum?

9 Dicunt aliqui, non tam in instituto vitæ, quam in aliquo signo externo distinctos fuisse. Duo autem signa ponuntur, unum est, quia eremitæ incedebant præcincti cingulo ex corio; nam Antoninus supra refert Augustinum præcinxisse se hujusmodi cingulo ad differentiam monachorum. Sed ut supra dixi, illud non habet auctoritatem, & præterea differentia illa parum momenti esse videtur. Nam Cassianus lib. 1. suarum institutionum cap. 2. cingulum monachi ponit inter vestimenta ejus, quod cingulum dicit fuisse pelliceum ad imitationem Eliæ, qui incedebat zona pellicea accinctus renibus 4. Regum 2. quod etiam dicitur de Joanne Baptista Matthæi 3. idem habet Basil. in reg. fus. disp. c. 23. & Joann. Hierosolym. lib. de instit. prim. monach. ca. 37. qui omnes tamquam in signe monachi ponunt zonam pelliceam. Alii pro differentia assignant, quod eremitæ incedebant baculos in manibus portantes, ex quodam brevi Alexandri IV. ubi indicat hanc fuisse differentiam inter habitum eremitarum S. Augustini, & habitum monachorum, quod eremitæ baculos in manibus ferebant; sed hæc etiam differentia & parvi momenti est, & incerta, quia non constat vel eremitas hoc habuisse ex institutione, aut ex generali consuetudine, neque etiam e converso constat monachos nunquam incesisse portantes baculos in manibus. Quin potius Joan. Hierosolym. de institut. antiq. monach. c. 41. hoc ponit tanquam ex more antiquorum monachorum, quod ab Eliseo ducit, quem baculum habuisse constat ex 4. Reg. 4. Apud Augustinum quoque inter eremitam cenobiticam vitam agentem, & monachum nullum discrimen invenitur, ut constat ex locis adductis, præsertim ex psalmis; & ex sermonibus ad fratres in eremo, cujuscumque tandem auctoris sint, idem constat, ut videre licet sermone 14. 22. & seqq. Imo nomen eremitæ raro, vel nunquam apud Augustinum invenitur, sed tantum nomen monachi, aut solitarii.

12 Existimo ergo discrimen hoc inter *monachum* & *eremitam* non esse antiquum, nisi hæ voces in illa significatione sumantur, ut eremita significet anachoretam, & monachus cenobitam contemplationi deditum, & a communi hominum habitatione separatam, quorum vitam distinctam descripsit Augustinus lib. 1. de moribus Ecclesiæ cap. 31. licet propria nomina eis non imposuerit. Unde sicut omnes monachi, qui fuerunt post Augustinum, professores sui instituti fuerunt, ita neque omnes eremitæ, quod est manifestum, præsertim extra Africam: nam in Africa aliqui volunt religiosos omnes, qui post Augustinum fuerunt, sive clericos, sive laicos, quocumque nomine *monachorum*, vel *eremitarum* appellentur, fuisse progenitos ex aliquo monasterio Augustini, quod non repugnat ita contigisse, ut per se patet, tamen non satis ostenditur ita fuisse. Quia in illo tempore non erant monasteria religiosorum excepta, neque ita inter se unita sub uno prælato communi, seu generali, sicut nunc sunt, sed in unaquaque Diocesi monachi erant subditi Episcopo illius loci, & ab illo approbabantur ritus vivendi illorum. Unde sicut Augustinus in sua Diocesi monasteria condidit, vel antequam esset Episcopus approbante Valerio, vel jam Epi-

scopus, sua auctoritate, ita potuerunt postea alii Episcopi in Africa condere propria monasteria vel secundum regulam Augustini, vel secundum aliam propriam; & ita in vita Fulgentii cap. 4. legimus Faustum Episcopum sibi monasterium construxisse, in quo Fulgentius factus fuit monachus; & in cap. 8. fit mentio alterius monasterii Felicis Abbatis, ubi postea Fulgentius Abbas fuit; & cap. 12. fit mentio B. Eulalii, Episcopi Syracusani, & cap. 14. commemoratur aliud monasterium Vivicense, ad quod tenavit Fulgentius divertere, quia in eo rigidi propositi antiqua disciplina servabatur. Et ipsemet Fulgentius jam factus Episcopus in suo Episcopatu proprium monasterium ædificavit cap. 19. & postea aliud, cum esset a Tyranno relegatus, in quibus omnibus nulla fit mentio regulæ S. Augustini. Imo *Abbatem* nominat, quod nomen in religione S. Augustini videtur inusitatum. Item commemorat *perpetuam abstinentiam a carnibus*, de qua non est usus inter eremitas S. Augustini. Quæ conjecturæ non convincunt illos monachos non fuisse eremitas S. Augustini; potuerunt enim in his accidentalibus esse varii mores, licet religio esset eadem, & eandem haberet originem, faciunt tamen rem dubiam. Unde etiam incertum est, an omnes monachi, qui Africa prodierunt, fugientes aut Vandalorum persecutionem, aut postea Maurorum, Augustiniani fuerint, quia si in Africa discursu temporis multiplicata fuerunt instituta, ex omnibus illis exire potuerunt.

13 Multo autem certius est non omnes eremitas, qui extra Africam fuerunt, post tempora Augustini fuisse illius successores; nam ut diximus, etiam ante Augustinum erant eremitæ in Italia. Item quia diximus eremitas, & monachos cum proportionem sumptos, eosdem fuisse illo tempore, id est, vel cenobiticis inter se comparatos, vel anachoretas inter se. At constat non omnes monachos Italiæ Augustinianos fuisse ullo tempore. Denique D. Gregorius in Dialogis plures commemorat monachos ante tempora S. Benedicti, ut in lib. 1. de Equitio, Anastasio, Martino, & lib. 2. de Romano monacho, qui Benedicto habitum religiosum tradidit, ac ministravit, quem nullus hactenus dixit esse eremitam Augustinianum, nec de reliquis cum fundamento affirmari potest. Illi autem monachi erant revera eremitæ, vel ex solitariis, vel socialibus.

14 Probabile autem est post tempora D. Benedicti aliquam fuisse observatam distinctionem inter monachos, & eremitas, præsertim in Europa, seu in Italia; nam religiosi S. Benedicti nunquam vocari fuerunt eremitæ, ut constat ex modo loquendi, tam jurum, quam historicarum; imo videtur nomen *monachorum*, quasi per antonomasiam fuisse accommodatum, ad professores illius instituti, & aliorum, qui ab eo manarunt, vel qui Benedicti regulam susceperunt, ut supra conjectavimus. *Eremitarum* autem nomen retentum est ab aliis, qui in eremis religiosam vitam agebant, vel sine speciali regulâ Augustini; imo multi erant, qui veram religionem non profitebantur, ut notat Archidiaconus in cap. cum ex eo §. ultimo de excessibus Prælatorum in 6. & eremitæ illi, qui ab Alexandro IV. in hanc religionem redacti sunt, religiosi omnes erant, ut videtur verisimilius, distincti vero a monachis in sensu explicato, id est ab his, qui monastica instituta, quæ nunc sunt in Ecclesia, profitebantur. Inter se vero non unius rationis erant, sicut nec unius nominis, habitus, aut regulæ: verisimilius autem est quamplures eorum, seu aliquam familiam ex eis præcipuam ex successoribus Augustini fuisse, nonnullos etiam, quamvis proprios habuerint fundatores, regulam Augustini suscepisse.

An ex eremitis, quos Alexander IV. in unam religionem coegit, nova religio fuerit instituta, an tantum Augustiniana reformata.

15 Superest, ut de tertio puncto n. 1. proposito breviter dicamus, nam ex eo maxime pendet resolutio dubitationis, circa originem, & antiquitatem hujus religionis; nam si in unione facta ab Alexandro IV. ex multis familiis una religio ab illis distincta orta est, erit hæc nova religio, cujus initium ab eo tempore computandum erit; si vero aliter facta est illa unio, aliter etiam de origine hujus religionis censendum erit. Videtur autem nova religio tunc inchoata. Primum, quia sicut

Unum signum distinctionis inter monachum & eremitam Augustinianum rejicitur.

Religitur alter magnum.

Neque apud Augustinum legitur distinctio aulla inter suam eremiticam, & monachicam.

Autoris sententia, quod nomen eremitæ pro Augustiniano non sit admodum antiquum.

Neque intra Africam omnes post Augustinum religiosi, ejus eremitas fuisse censentur.

De religiosis extra Africam res est certa.

Post Benedictum monachi ab eremitis quibusdamque videtur fuisse distincti.

Quales eremitæ sint ab Alexandro IV. in Augustinianam familiam redacti.

1. Argu. parvis affir. novam religionem fuisse institutam.

in naturalibus, quando ex simplicibus inter se mixtis aliquid unum generatur, illud distinctum est ab ipsis simplicibus, novamque originem, & distinctam ab illis habet, ita in moralibus, atque adeo in presenti mixtione, & quasi transmutatione censendum videtur.

16 Ad hoc tamen optime responderi potest, non esse comparandam illam unionem substantiali mixtioni, quæ sit ex conversione plurium in unum tertium a singulis miscibilibus distinctum: sed mixtioni, vel unioni, quæ sit ex pluribus, quorum unum cætera in se substantialiter convertit, quamvis inde fortasse maneat affectum aliquibus qualitatibus aliarum rerum, quas in se convertit, sicut ex aqua, & vino fit unum lymphatum, quod totum substantialiter vinum est, quia vinum aquam in suam substantiam convertit, licet qualitatibus aquæ affectum maneat. Sic enim in presenti non ita fuerunt ex multis familiis una effecta, ut omnes reliquerint institutum suum, & unum novum acceperint, quasi novam omnino formam, sed retento Augustini instituto in ea familia, quæ sub illo militabat, reliquæ omnes illi se subdiderunt, & relicta sua origine, ad Augustini familiam transierunt, ideoque eadem religio Augustiniana in tota illa congregatione permansit, & aucta est, non substantialiter mutata, quamvis quoad aliquam accidentaliam novam formam acceperit. Quod autem res ita acciderit, conjectura fit: Primo, quia in Bulla Alexandri IV. non dicitur, ut omnes eremita ad novam religionem transeant, sed ut ad eremitas S. Augustini reliqui omnes aggregentur, sub eisdem constitutionibus, & regimine. Et Antonin. loco infra citando his verbis refert hanc unionem. *Erant tum temporis in diversis mundi regionibus diversi eremita sub diversis titulis diversimode viventes, quos omnes Innocentius eremitas S. Augustini conjunxit, reducens eos ad unum ovile sub uno pastore: & infra. Muniens eos pluribus privilegiis & gratiis, quorum omnium exemplaria, & nonnulla originalia sub bulla ego vidi.* Secundo ex nomine, regula, & habitu, quæ maxime indicant originem & institutum: hæc enim unio facta est sub regula S. Augustini, & sub appellatione eremitarum S. Augustini, & sub habitu, quem Augustinus induisse creditur, vel in baptismo, si sermo ille Ambrosii recipitur, vel certe post baptismum, antequam fieret presbyter. Nam ex vita Fulgentii c. 18. colligitur, similem habitum portasse in monachismo, & ita illum amasse, ut in Episcopatu illum non reliquerit, quod est magnum signum Augustinum illum monachalem habitum in Africam invexisse. Tertio, quia aliàs dicendum esset, Innocentium IV. vel Alexandrum IV. fuisse hujus religionis fundatorem, & ab illo primam duxisse originem, quod est plane falsum, & contra mentem istorum Pontificum, & aliorum, quos statim refemus.

17 Sed licet hæc responsio videatur magna ex parte satisfacere, adhuc superest difficultas, quia in ea unionione ipsamet Augustiniana professio ita videtur mutata, ut nihil ex ea retentum fuerit præter regulam & titulum S. Augustini, quæ duo non sufficiunt, ut hæc censeatur eadem religio, quæ fuit ab Augustino instituta, & consequenter, neque ut ab illo sumat antiquitatem, & originem. Major declaratur, quia in primis quod ad habitum spectat, jam diximus incertum esse, an Augustinus tempore baptismi monachalem habitum receperit. Deinde esto vel tunc, vel saltem in Africa ante presbyterium illum habitum suscepit, ut probabilius credimus, nihil tamen singulare, vel speciale de illo habitu affirmari potest, præter id, quod tunc reliquis monachis commune erat. Duo enim signa ejusdem habitus præcipua esse creduntur, scilicet corrigia ex corio, & cuculla nigra, hæc enim duo in eo sermone Ambrosii commemorantur, & in vita Fulgentii insinuantur; neutrum autem ex his fuit peculiare ornamentum eremitarum S. Augustini. Nam corrigia ex corio, & zona pellicea idem sunt; ostendimus autem supra nu. 11. zonam pelliceam communem fuisse omnibus monachis, tam Orientis ex Basilio, Joan. Hierosolym. & Cassiano, quam Occidentis & Africæ ex vita Fulgentii, de quo dicitur: *pelliceo cingulo tamquam monachus cingebatur*. Ex quo verbo constat, quam sit difficile intellectu, quod apud Antoninum legitur ex serm. Ambrosii Augustinum assumpsisse cingulum ex corio ad differentiationem monachorum, cum monachis commune sit, nec fingi potest differentia in-

ter cingulum Augustini & zonam monachorum. In quo enim posita fuit? aut unde constare potest? Nam de figura, aut latitudine illius zone, vel de colore ejus albo, aut nigro, vel fortasse naturali, & nulla arte elaborato, nihil certum affirmari potest. Quod vero spectat ad nigrum colorem habitus, vel cucullæ, refert etiam Joannes Hierosolymitanus lib. de institutione monachorum cap. 38. tunicam lanæ, quam gestabant monachi subius scapulare, *atramentario seu nigro fuisse infectam*. Et in vita Fulgentii solum dicitur *subtus casulam nigello, vel lactineo pallio circumdatus incessit*; ubi obscurum est, quid nomine casule, & quid nomine pallii significetur; manifestum autem est ex contextu nomine casule externam, seu superiorem vestem, & togam, vel ut clarius dicam, capam significari: Pallium autem, licet aliàs proprie significet externum vestimentum, ibi significat internum; nam subtus casulam fuisse dicitur, & de hoc solum asseritur fuisse nigelli, aut lactinei coloris, id est, album aut nigrum, probabileque est non fuisse artificiosi coloris, sed illius, qui erat lanæ connaturalis. Ergo ex habitu, quem nunc gestat hæc religio, nihil peculiare colligi potest de institutione Augustini.

18 Sed hæc non multum obstant, nam *habitus non facit monachum*, ut jura dicunt, & sepe religio mutationem aliquam in habitu admittit, & non propterea variatur religio. Unde multo minus obstat, quod habitus niger, & zona pellicea fuerint aliis monachis communia, sicut nunc etiam sunt: nam verisimile est fuisse ab Augustino usurpata cum aliquo peculiari modo, quo sui monachi discernerentur a reliquis, quod etiam nunc eremita Augustiniani observant cum proportionem quadam, non cum identitate, aut integra similitudine, quis enim hoc posset cum fundamento affirmare? aut quæ est necessitas, cum potuerit optime esse successio in religione cum nulla mutatione in habitu quoad figuram, vel quoad qualitatem materie, & similes conditiones, juxta temporum varietatem & opportunitatem. Videatur Antoninus 3. p. tit. ultimo cap. ultimo, §. 5. ubi ait Alexandrum Pontificem determinasse hunc habitum exteriorem, quem hi religiosi nunc portant, vel respiciendo ad primam institutionem, vel declarando in sua prima institutione nullum determinatum habitum habuisse a D. Augustino, & ideo hunc ipsum Pontificem definivisse tamquam presentibus temporibus & regionibus convenientem, satique religiosum; interiorem vero habitum ipsi religiosi determinandum reliquit, prout in secunda parte constitutionum hujus ordinis c. 5. factum est.

19 Sed quamvis sola varietas in habitu non sufficiat, si tamen cum illa jungatur diversitas in fine, & mediis, seu observantiis religiosis, videtur plane concludi nullam relinqui convenientiam inter hæc religionem, & ab Augustino institutam, præter nomen & communem regulam. Constat autem totam hanc mutationem esse in hac religione factam. Quod patet primo ex fine. Nam Augustinus instituit eremitas ad finem vitæ pure contemplativæ, qualis erat vita omnium monachorum, & in ea ætate: & ideo elegit habitationem eorum in eremo, & ex laicis adhuc ipse laicus monasterium congregavit; ac denique solum orationi, & psalmodiæ cum aliquo labore manuum eos vacare voluit, quod est proprium institutum monasticum, & pure contemplativum. Nunc vero finis hujus religionis est mixtus, quia non solum contemplationi, sed etiam actioni circa proximos vacat, ex peculiari, & nova institutione. Ut enim refert Antoninus 3. p. historiali tit. 24. cap. 14. §. 3. & habetur etiam in Annalibus Augustiniani ordinis. *Innocentius IV. anno Domini 1240. considerans ordines Predicatorum, & Minorum, fructus salubres in Ecclesia Dei proferre, Eremitas vero S. Augustini sibi solis per bonam vitam prodesse, cepit velle agere, quatenus & ipsi sicut Predicatores & Minores fructum salutarem in Ecclesia Dei producere possent*; ergo mutavit Pontifex illum ordinem quoad finem suum.

20 Inde vero facile concluditur mutatio etiam quoad medias nam prius per se, & ex vi instituti, in locis a communi hominum habitatione remotis habitabant, postea in civitatibus & oppidis vivere necesse fuit. Prius per se, & ex vi instituti, erat religio laicorum, quia non postulabat ministeria clericorum; postea vero præcipuam

Hæc instantia ex habitu sumpta per se sola non multum cogit.

Si hæc tamen reddetur si accedat etiam diversitas institui.

Arguetur diversitas institui quoad finem, & est 3. arg. partis asser.

Item ex diversis mediis, & est 4. arg.

cipuam religionis partem, ad ordines assumi necessarium fuit, quia ad concionandum, & sacramenta ministrandum destinabantur. Item prioribus eremitis necessarium non erat literis vacare, quod tamen facta prædicta mutatione omnino fuit necessarium. Unde tandem factum est, ut illa religio ex monachali, in mendicantem transierit; antea enim, quamvis fortasse reditus non haberet, ex manualibus operibus sustentari poterat; postea vero, cum propter studia, & actiones erga proximum manibus laborare non possent, mendicitatem profiteri necessarium fuit, & ita tam ex fine, quam ex modo vivendi, cepit esse religio mendicans, ergo ab eo tempore debet censeri instituta, in quo mendicans esse cepit.

21 Quod autem non sufficiat regulam, aut nomen Augustini retinuisse, ut ab illo instituta censeatur, pater, quia etiam religio Prædicatorum retinuit regulam S. Augustini, quam Beatus Dominicus in religione Canonicorum regularium prius profitebatur, & nihilominus novam ipsam religionem instituit, quia sub illa regula novum finem, & nova media illi attribuit, atque eadem fuisse, licet sub Augustini patrocinio, & nomine religionem suam specialiter dicasset; nam hoc ad substantiam religionis valde extrinsecum, & accidentarium esse videtur. Sicut e converso ordo sancti Hieronymi, licet patrocinium, imitationem, & nomen Hieronymi acceperit, non propterea ab eo institutus censetur, quamvis fortasse in instituto quoad finem, & modum vivendi similior sit illi monasterio, quod Hieronymus cum suis monachis construxit, & coluit, quam hæc religio cum Augustiniano eremitico.

22 Confirmatur tandem ac declaratur; nam eo tempore, quo Alexander IV. eremitas omnes in hanc religionem conjunxit, necessarium fuit omnes illos de novo profiteri in tali religione, quia propter novum obedientie genus ad multa obligabantur, vel obligari poterant, ex vi novæ obedientie, ad que non extendebatur prior obedientia eremitica, ut per se constat; & e converso multa cessant in hoc vivendi modo, quæ in priori ex obedientia injungi poterant. Paupertas etiam multum immutata est, ut ex dictis constat; ergo necessaria fuit nova professio: ergo signum est fuisse conditam novam religionem, ad quam professores ejus ex priori vivendi modo translati sunt. Et ideo licet multi ex illis fortasse fuerint ex veris successoribus Augustini, non potest dici in illa conservata prior religio, quia ad aliam religionem translati fuerunt, ut discursus factus convincere videtur.

23 Nihilominus dicendum est, eandem religionem Augustini, quæ antea erat, permansisse post reformationem Alexandri IV. quamvis in multis rebus immutata fuerit. Hanc posteriorem partem satis probant omnia hæcenus adducta. Priorem autem probat primo Concilium Lugdunense sub Gregor. X. in cap. unico §. *Sane*, de religiosis domibus in 6. ubi de hoc ordine Sancti Augustini dicitur, institutum fuisse ante Concilium Generale, scilicet Luteranense sub Innocentio III. quod habetur in cap. *ne nimia*, extra, de religiosis domibus, quo tempore nondum hic ordo erat reductus in eam religionis formam, quam nunc habet. Nam eam formam recepit ab Innocentio IV. & Alexandro IV. anno Domini 1246. triginta annis post Concilium Luteranense, & totidem fere annis ante Gregorium X. ergo ex sententia Concilii Lugdunensis Alexander, vel Innocentius IV. non fecit institutionem hujus ordinis, aliàs non esset verum, quod institutio ejus præcessit Innocentium IV. ne dum III. & Concilium sub illo celebratum. Ergo post reformationem Alexandri mansit nihilominus eadem religio, quæ antea erat, nam retinuit eandem institutionem, quæ præcesserat ante Concilium generale; sed ante illa religio erat descendens hæreditario jure ex institutione Augustini, ut ostensum est, quia nulla alia institutio potest illi attribui: ergo eadem potest mansisse.

24 Secundo idem probatur ex bulla, & intentione Alexandri IV. nam ut diximus, non eremitas æque commutavit, sed reliquos variis nominibus nuncupatos ordini eremitarum S. Augustini, cum personis, & locis (ut Antoninus supra) *effectualiter incorporavit, ac univit*; ergo necessarium fuit ordinem eremitarum eundem conservatum esse, alioquin non magis alii ef-

fent illi uniti, quam ipse cæteris, imo nulla fuisset unio sed confusio omnium in unam.

25 Tertio, alii summi Pontifices privilegia, & gratias huic ordini concedentes declarant professores ejus esse veros filios, & Augustini successores. Sic Joannes XXII. concessit eremitis Sancti Augustini præcipuam curam corporis S. Augustini, ædificato Paviæ monasterio juxta Ecclesiam, in qua erat sepulchrum ejus. Quamvis enim etiam ibi esset monasterium canonicorum regularium, voluit ædificari aliud eremitarum, & Ecclesiam esse communem dicens (ut Antoninus supra §. 4. refert) decens esse, & rationi consonum, ut tamquam membra capiti, discipuli magistro, filii Patri suo uniti debeant. Martinus etiam V. Romæ transferri fecit corpus S. Monicæ in Ecclesiam eremitarum, & in Bulla rationem reddit, quia sunt filii, & successores Beati Augustini. Eisdemque verbis, & ratione utitur Clemens VIII. in quadam Bulla, in qua indulgentias quasdam concessit Lusitanæ Provinciæ pro capitulis Generalibus: *senferunt ergo dicti Pontifices institutionem Augustini de eremitis in hoc ordine conservari, alioquin non magis essent hi religiosi Augustini successores, & hæredes, quam alii, qui ejus regulam profitentur.*

26 Denique in hac religione invenitur quiddam ad moralem unitatem cum ea, quam Augustinus instituit, sufficit. Nam (quod caput est) conservata est continuata successio. Etenim usque ad Alexandrum IV. familia eremitarum S. Augustini pura, ut sic dicam, perseverabat, sicut ostendimus fuisse, usque ad Innocentium IV. per mixtionem autem (ut ita loquamur) factam ab Alexandro non est interrupta successio, sed numerus filiorum crevit per translationem aliorum ad ipsos: unde Antoninus supra §. 3. cum dixisset Pontificem incorporasse alios eremitas ordini S. Augustini, subdit: *Dispensans cum eis super diversarum professionum, & observantiarum ligamine, quibus antea in prædictis, vel aliis ordinibus astricti quomodolibet tenebantur.*

27 Ex quo obiter solvitur facile objectio superius numer. 22. facta, de iterata, seu renovata professione; nam in aliquibus fuit tunc necessaria nova professio, fortasse solum fuit in aliis eremitis, qui non erant Augustiniani ordinis, nec ejus regulam profitebantur. In Augustiniani vero vel non fuit necessaria nova professio, sed solum acceptatio novi regiminis, & alicujus reformationis quoad aliquas constitutiones, vel quamvis fuerit necessaria aliquo modo nova professio, non tamen substantialiter diversa, sed solum quoad aliquam additionem, quoad obedientiam præstandam uni Prælato communi, & Generali totius ordinis, quem antea non habebant. Hæc autem mutatio plane accidentaria est. Præterea in regula, & vivendi modo, servat hæc religio unitatem cum Augustino, quantum moraliter potest, in cujus rei significationem in suam professionem promittunt obedientiam Deo, & Beato Patri Augustino, & suis Superioribus, juxta regulam ejusdem Patris Augustini. In quo adverto differentiam inter modum profitendi secundum regulam Augustini in hac religione, & in aliis, eandem regulam profitentibus, nam in religione v.g. S. Dominici promittitur obedientia Beato Dominico, secundum regulam Beati Augustini, & institutiones Fratrum Prædicatorum, & sic de aliis. Hic vero promissio fit Beato Augustino tanquam proprio Patri, & institutori, & simpliciter fit secundum regulam ejus, neque fit mentio aliarum constitutionum, quali non ita per se pertineant ad hoc institutum, sed solum ad perfectiorem regulæ observantiam.

28 Nec denique obstat objectio de mutatione finis, aut mediorum (quæ enim nu. 15. & 17. objectæ sunt, responsione jam non egent) primo, quia, ut supra dixi, in rebus moralibus, quæ solum per successionem habent unitatem, quando hæc mutatio sensum fit, non censetur tollere unitatem corporis politici, maxime si quoad substantiale vinculum conservatur: nam etiam corpus physicum in vita hominis idem censetur, licet paulatim multipliciter mutetur, adeo ut complexionem etiam mutare solet. Deinde hæc mutatio etiam est solum per quandam additionem, nam retento fine propriæ perfectionis, & contemplativæ vite, extensa est hæc religio ad procurandum etiam commune bonum, ut ex supra dictis, & constitutionibus hujus religionis constat.

Nomen & regula Augustini non obstat, ubi finis & media sunt distincta.

5. Arguitur immutata materia in voce obedientie, & paupertatis.

Prima assertio habet bis particulas.

Ad 5. arg. in num. 22

Nota

Ad 3. arg. in num. 19.

Ad 4.
n. 20.

29 Addo insuper hoc non fuisse omnino novum in hac religione; nam D. Antoninus dicto c. ult. §. 6. sic inquit: *Ut fratres hujus religionis sit congregati, & uniti in Ecclesia Dei ad instar patrum Prædicatorum, & Minorum, fructum facere possent, sicut & ipsi olim ante suam dispersionem tempore Beati Augustini fecerunt in Africa, ordinavit Pontifex Alexander IV. quatenus ipsi fratres ad civitates deberent se transferre, &c.* Cæsar Baronius tom. 5. anno Domini 398. post medium advertit in Ecclesia Africana ab Augustini præsertim ætate monachismum, & clerum fuisse valde conjunctum, ita ut & clerici religionem profiterentur, & monachi ad clerum, & ministeria clericorum assumerentur; & in sermone 14. ad fratres in eremo inquit Augustin. (si fortasse author est ejus) *se tria monasteria ædificasse; unum in deserto, aliud in horto prope civitatem, & aliud clericorum in Ecclesia, subdit; statim: Ad fratres nostros & clericos, qui in urbe habitant, quibus expedit etiam prædicare verbum Dei, pertinet, non solum diligere justitiam quoad se ipsos, sed etiam judicare, reprehendere, obsecrare, increpare, in omni patientia, & doctrina populum electum Dei, &c.* Quod sane per se verisimile est seculæ authoritate illius sermonis, (quæ cōtremenda non est) nam supra ostendimus Augustinum revera illa tria monasteria ædificasse; constat etiam ex aliis locis ejusdem Augustini multos ex fratribus suis eremitis divinarum Scripturarum lectioni, & studiis vacasse, & in vita Augustini refert Possidius ex illo monasterio multos fuisse ad Episcopatum assumptos, vita, & doctrina illustres; cum ergo in loco habitarent commodo ad proficiendum aliis, verisimile est huic etiam officio perfectionis operam dedisse, nam cum vita monastica nō repugnat, licet vita illa per se ad hoc non ordinetur. Ex his ergo satis constat origo & emanatio hujus religionis ab Augustini institutione.

Obje-
ctio
contra
probatam
assertionem
disquirēs
confirma-
tionem
instituti
Eremitarum.

30 Dicere vero quispiam tandem poterit, ordinem ab Augustino institutum non fuisse ab Ecclesia Romana approbatum ante Concilium Lateranense sub Innocentio III. & consequenter tunc non meruisse nomen religionis, quia nunquam potuit esse religio simpliciter sine Ecclesiæ approbatione. Antecedens patet tum ex motu proprio Pii V. supra citato sub initium capitis 6. ubi declarat primum ordinem ab Ecclesia approbatum fuisse ordinem Prædicatorum: tum etiam, quia non constat de tali approbatione. Unde in dicto §. Sane. de religiosis domibus in 6. non dicitur hic ordo approbatus, vel confirmatus, sed solum institutus ante Concilium Lateran. Occurrerit forte aliquis, legitimam institutionem semper includere approbationem sufficientem; nam sermo est de institutione, quæ licite potest observari, & exerceri, hoc autem nunquam sine approbatione licuit, ut supra ostensum est. Olim autem Episcoporum approbatio sufficiebat, & hanc potuit habere ordo Augustini, vel a Valerio antecessore Augustini, si consideretur hic ordo, prout inchoatus ab Augustino ante presbyterium; vel ab ipso etiam Augustino jam Episcopo. Et quamvis hæc approbatio in principio fuerit tantum pro una Diocesi, postea paulatim acceptata est a cæteris Episcopis, usque ad Romanam sedem; & ita tandem pervenisse ad absolutam, & universalem approbationem totius Ecclesiæ, saltem tacitam, quæ æquivalere expressæ.

31 Sed adhuc contra hoc instari potest, nam licet hoc sit verum de approbatione quasi permissiva, quæ sufficit ad honestum & pium vivendi modum, non tamen de approbatione canonizante (ut sic dicam) talem statum, & habentem eam auctoritatem infallibilem, quam habet confirmatio religionis auctoritate Pontificia solenniter facta. Antecedens patet, quia omnes alii eremitarum ordines, qui erant ante Alexandrum II. & per eum sunt ad hanc religionem reducti, permittentur a Pontificibus Romanis, ipsis videntibus, ac tacentibus, vel etiam privilegia eis concedentibus, & tamen non propterea erant religiones approbatæ illo singulari, ac perfecto modo; ergo idem dici potest de eremitis S. Augustini.

32 Respondeo in primis, interdum tacitam approbationem posse esse tantam, ut expressæ æquivalcat, & æqualem cum illa habeat auctoritatem, sicut de canonizatione sanctorum dici solet, & constat de antiquis

sanctis, sola universali traditione totius Ecclesiæ canonizatis; patet enim est ratio de authentica approbatione religionis, ut videre etiam licet in antiquis religionibus S. Benedicti, & Basilii, & in eodem gradu ponenda est religio eremitarum S. Augustini; nam in c. *perniciosam* 18. q. 2. regula Augustini, & consequenter ordo ejus, æque censetur sufficere ad religionem approbatam, ac regula Basilii, vel Benedicti; est autem illud decretum Concilii Romani sub Innocentio II. quod constat esse multo antiquius; potest igitur duplex approbatio tacita distingui. Una, quæ solum permittitur aliquis modus vivendi, non sub certo, & firmo judicio de illius perfectione vel congruitate ad perfectionem assequendam, sed quasi negative se habendo, & non improbando talem vivendi modum, quia de illius malitia non constat. Alia vero est approbatio, quæ licet consuetudine introducat, & ideo tacita vocetur, ad eam tamen gradum pervenit, ut recepta, & firma opinione totius Ecclesiæ, & judicio summorum Pontificum, factis ipsis privilegiis sufficienter declarato, sit sufficiens, ut per eam proponatur aliquis status, tanquam vera perfectionis via, & hanc approbationem dicimus æquivalere expressæ. Hoc igitur secundo modo dicimus ordinem D. Augustini fuisse ab Ecclesia approbatum longe ante Concilium Lateranense; nam hoc indicatur in d. c. *perniciosam*, juncto c. *ne nimiam*. de religiosis domibus, ibi: *Sed quis unque ad religionem converti valuerit, unam de approbatis assumat, & qui voluerit religiosam domum de novo fundare, regulam, & institutionem accipiat de approbatis.* Nam certum est ibi esse sermonem de approbatione perfecta; certum item est sub illis religionibus approbatis comprehensam tunc fuisse religionem eremitarum Sancti Augustini, quidquid fuerit de aliis eremitis; nam hoc probat dictum c. *perniciosam*, & c. *instructante*. Qui clerici, vel voventes, quod est ejusdem Innoc. III. & de simili institutione existimo loqui §. *Sane*.

33 Denique explicatur in hunc modum; nam D. Augustin. circa statum monachorum, quem in Ecclesia invenit, & Mediolani ac Romæ vidit, duo tantum fecisse videtur: unum est, quod illum inexit in Africam, ubi nōdum erat in usu; aliud est, quod peculiarem regulam illi addidit; in cæteris nihil immutasse, aut statuisse videtur, nec de habitu, ut ex his, quæ supra expendimus, satis constare videtur, & plane sensit Anton. supra, & Baronius 6. tom. circa annum Domini 54. nec de aliis ritibus, aut ceremoniis præter ea, quæ in dicta regula continentur, quia neque ex scriptis ejus, neque ex ulla historia, vel traditione aliud quippiam habemus. Status autem monasticus, seu eremiticus, qui, ut a n. 10. diximus, idem erat, satis fuit approbatus, & confirmatus etiam ante Augustinum per traditionem Apostolicam, ut supra lib. præced. late probatum est: regula item Augustini multo ante Innocentium II. Ecclesiæ universalis approbationem meruit, & obtinuit, & aliqui affirmant Innocentium I. tam expresse approbasse, & præcepisse eremitis omnibus per Italiam, ut secundum eam viverent, de qua approbatione aut præcepto nihil in Conciliis invenio, neque inter opera Innocentii III. Tamen inter privilegia & chronica ordinis eremitarum contineri dicitur a Hieronymo Romano lib. 6. Reipub. c. 5. 6. Quidam etiam referunt approbationem Eugenii II. in concilio Remensi; sed nec Remense Concilium, neque aliquod aliud invenio sub hoc Pontifice celebratum. In Remensi autem Concilio celebrato sub Leone III. solum fit mentio regulæ S. Benedicti in canone 9. Eadem vero approbatio satis supponitur ab Innocentio II. in d. c. *perniciosam*. Igitur ex eo saltem tempore, ex quo cœpit regula Augustini habere hanc approbationem, cœpit ordo ab ipso institutus esse approbatus, eo modo quo ordo S. Benedicti suo tempore approbatus fuit.

34 Nihilominus addendum est, hunc ordinem eremitarum habuisse novam, & solemnem approbationem ab Alexandro IV. quia revera illa indiguit; quamvis enim non fuerit religio de novo instituta, talem formam, & mutationem accepit, ut sine speciali approbatione Pontificis firmitatem habere non poterit. Primum enim omnia monasteria, quæ antea erant divisa, in unum corpus redacta sunt sub uno Generali Prælato, quem antea etiam non habebant. Secundo, quoad

a: Assertio
quodam-
modo re-
stringens
primam.

quoad multa novū vivendi modum accepit hæc religio, quæ in superioribus tacta sunt, suntque ex rebus præcipuis ad religiosum statum pertinentibus præter substantialia vota, & regulam. Tertio hinc factum est, ut hæc religio ab eo tempore inter mendicantes numerari cœperit, nam antea, & imperfectam unitatem religionis habebat, & monachalis potius, seu eremitica reputabatur, quia sibi soli, & non proximis incumbere, & quia ex propriis redditibus, & his deficientibus, ex labore manuum, non emendicato vivebat, & quod caput est, a nullo Pontifice inter mendicantes recepta fuerat. Quarto ex tunc cœpit esse exempta, & sub speciali sedis Apostolicæ protectione recepta. *** Hæc sunt, quæ de hac sacra eremitarum S. Augustini religione in Authographo manuscripto invenire potuimus.

CAPUT X.

Utrum sacer ordo Carmelitarum unus ex mendicantibus sit; quamque originem, & institutionem habuerit?

Vera traditio fecit ex Elia.

Carmelitarum religio, quo antiquiorem creditur habere institutionem, eo minus certam, & exploratam habet originem, ac perpetuam successionem; est autem valde recepta, & satis antiqua traditio, religionem hanc a temporibus prophetarum, & signatim ab Eliæ institutione suam ducere originem, & quasi hereditariam successionem in monte Carmelo, a quo nomen etiam accepit: quam traditionem, ut veram suscipimus; præcipue quia septem summi Pontifices Sixtus IV. Joannes XXII. Julius III. Pius V. Gregorius XIII. Sixtus V. & Clemens VIII. in bullis huic ordini concessis, de professoribus hujus sacri instituti ita loquuntur: *tamquam religionis speculum, & exemplari charitate fulgentes, sanctorumque prophetarum Elia & Elisei, & aliorum Patrum, qui montem sanctum Carmeli, juxta Eliæ fontem habitaverunt, successionem hereditariam tenentes, &c.* Unde Sixtus V. huic religioni concessit, ut Eliam & Eliseum, tamquam suæ institutionis patronos coleret, dies festos in eorum honorem celebrando, propriaque officia in eorum memoriam recitando: quod ipsa religio studiose servat, & in ipso officio nomen & solennitatem Patroni Eliæ tribuunt. Quale autem sit, & in quo fundetur hoc (ut ita dicam) jus patronatus, quæ sit etiam hæc origo & successio, licet a multis multa dicantur, non facile explicatur; breviter autem dicā, quid mihi certum, quid probabilius, quid verosimile, quid obscurum, & ambiguum, vel etiam minus verum videatur.

2. Primo ergo certum est, Eliam vitam eremiticam coluisse, ubi cum magna corporis austeritate, diuturnam animi contemplationem conjunxit, quamvis interdum divino jussu & propter Dei honorem, & proximorum salutem, ad prædicandum, & docendum descenderet. Totum hoc colligitur ex Scriptura a capite 17. libri 3. Regum usque ad c. 2. libri 4. Cum enim ante hæc loca nulla facta fuisset mentio Eliæ, nec superioris vitæ ejus, neque ortus, aut parentum illius, quasi ex abrupto introducit Elias magna libertate prophetizans coram Achab, & statim subjungitur vocatio Dei illum vocantis ad solitariam, & eremiticam vitam. *Recede hinc, & vade contra orientem, & abscondere in torrente Carith, qui est contra Jordanem, & ibi de torrente bibes, corvisque præcepi, ut pascant te.* Quem locum luculenter ad hoc propositum expendit Joannes Hierosol. lib. de institutione primorum monachorum a c. 3. usque ad 9. tom. 9. biblioth. Patrum.

Objeccio contra pronuntiatum.

3. Dicit vero non immerito aliquis, ex hoc loco minime colligi vocationem aliquam Eliæ ad vitam eremiticam, vel religiosam. Omisso enim allegorico sensu, quem ille author late prosequitur, a quo non sumitur efficax argumentum, si literalem spectemus, Deus non præcepit Eliæ, ut absconderetur in torrente Carith, ut ibi solitariam vitam, aut eremiticam ageret, sed solum ne ab Achab inveniretur in principio illius sterilitatis, & siccitatis, quam Deus in pœnam peccatorum ejus mitterebat. Prædixerat enim Elias Achab, fore ut non plueret, donec ipse Elias id diceret, & ideo absconditus est, ne cogeretur aliquid dicere, vel ea occasione aliquid mali pateretur; unde c. 18. dixit Abdias Eliæ, Achab quæsis-

Confirm.

se illum per omnem locum, nec invenire potuisse. Item, quod non alia ratione, nec propter vitam eremiticam jussus fuerit Elias in torrente Carith abscondi, signum est, quia postea siccatore torrente jussit Deus Eliam abire in Sarepta Sidoniæ, & ibi nutrirī, vel morari, in domo viduæ, ubi per plures dies mansit. Et postea non legitur Elias habuisse unquam firmam habitationem in deserto, sed interdum in civitatibus, interdum in desertis fuisse, prout iniqua temporum conditio permittebat: interdum enim quærebatur ad necem, & in speluncis montium latitabat, interdum vero jussu Dei revertebatur ad civitates, & alia loca. Non ergo constare potest ex sacra Scriptura illum vitam eremiticam instituisse, sicut S. Athanasius fugiendo persecutionem interdum latitabat in sepulchro, interdum in aliis locis, vel forte in deserto, &c.

4. Nihilominus Patres sæpe indicant Eliam vitam eremiticam fuisse professum: ad hoc enim alludens Hieronymus epist. 13. ad Paulinum dixit: *Noster princeps Elias, noster Eliseus, &c.* Significat autem id colligi ex Scripturis cum præmittit, & ut ad Scripturarum auctoritatem redeam, &c. ubi Marian. Victor. Eliam (inquit) & Eliseum deserta ac montes solitarios incoluisse est notissima. In eodem sensu dixit de Basilio N. zianzenus in quadam orat. *Solitudinem cum Elia, & Joanne, qui admodum philosophi fuerunt, mire amplectebatur.* Et ipse Basilius orat. in Gordium Martyrem, de Elia inquit: *cum Sidoniorum conspiceret impietatem quotidie invalescentem, in montis Oreb speluncam secessit, ac sese ab omni humana conversatione, ut Deū quæreretur, ac videret, abdicavit, vidit tandem quantum fas est homini mortali.* Idem habet Isidor. li. 2. de offic. c. 15. ubi eadem fere Hieronymi verba usurpat. Significat etiam Cassianus lib. 1. de institut. renunc. c. 2. ubi aperte ponit Eliam ut exemplar monachorum; nam ad exemplum ejus dicit solitos esse cingi zona pellicea: quod etiam habent Basilius, & Joannes Hierosolymitanus, ut supra retuli.

5. An vero ceperit Elias sequi hoc vitæ institutum, antequam primo mitteretur ad Achab, vel juberetur abscondi in torrente Carith, certo affirmare non possumus. Non est autem improbabile antea incepisse. Nam Jacobus in sua canonica cap. ultimo indicat ante illud tempus fuisse singulariter justum dicens: *Elias homo erat similis nobis passibilis, & oratione aravit, ut non plueret super terram, & non pluit annos tres & menses sex.* Unde constat (quamvis in libris Regum non refertur) siccitatem illam, quam Elias prædixit, oratione ipsius fuisse antea a Deo impetratam. Erat ergo antea vir justus & potens apud Deum, & zelo divino jam vehementer urgebatur; non enim ex inordinata aliqua affectione afflictiones illas suo populo perculabat, sed ut percussus a Deo suum errorem agnosceret: ergo verosimile est jam fuisse a Deo vocatum ad aliud genus vitæ, in quo tantam sanctitatem consequutus erat; ita ut sicut Joannes Baptista in eremo fuit a Deo evectus ad eum sanctitatis gradum, in quo posset libere veritatem prædicare, & regibus resistere, eosque reprehendere, ita etiam Elias, quamvis non tam cito, sicut Joannes, convenienti tamē tempore, fuerit ad novum, ac mirabile vivendi genus evectus, ut coram Rege, & populo magna cum auctoritate, & libertate posset pro divino honore pugnare. Simili argumento Hieron. lib. 1. contra Julianum, illum, quia Eliam in catalogo conjugatorum posuerat, impugnatur. *Quia si Joannes Baptista (inquit) venit in spiritum, & virginitate Eliæ, & Joannes virgo est, utique non solum in spiritu ejus venit, sed etiam in corporis castitate.* Ambrosius etiam in epistola 25. ad Vercellenses in hoc comparat Eliam, & Joannem, quod uterque in deserto constantiam prius exercuit, ut fortior prodiret ad increpandum Regem, & mundum. Et lib. 1. de Virginib. in principio Eliam dicit *nullis corporeis coitus permixtum cupiditatibus inveniri.* Et ideo inter virgines communiter numeratur, quia cum justus semper fuerit, extra matrimonium pollutus non est; & licet Scriptura positive nō declarat eum uxorem non duxisse, tamen quia nec uxoris, nec filiorum ejus mentionem facit, colligitur Sancti nunquam matrimonium contraxisse: quod etiam ejus muneri & prædicationi magis accommodatum fuit: inde etiam sit conjectura, vitam a consortio hominum separatam a principio elegisse saltem tempore maturæ ætatis,

Suffine-
tur tamē,
& robo-
ratur am-
plius pro-
nuntia-
tum quo
ad vitam
contemp-
tationis
Eliæ.

Verosimi-
le est Eliæ
solitariā
vitam ce-
pisse etiā
antequā
mitteretur
ad Achab.

tatis, in quo posset statum vivendi eligere, quia illo tempore valde inusitatum erat homines, præsertim laicos, ut erat Elias, si communem, & cum cæteris vitam ageret, a matrimonio abstinere.

4 Verum quidquid sit de illo anteriori tempore, certe ex quo ad prophetizandum vocatus est, & missus, plane videtur a Deo separatus ab urbium habitatione, & ad vitam solitariam agendam traductus; nam ex discursu vitæ ejus a prædicta Dei vocatione, usque ad translationem ejus, constat semper in desertis habitasse, solum, que transitorie ad negotium aliquod jussu Dei peragendum, ad communes hominum habitationes rediisse; quod ex discursu sequenti clarius patebit; neque huic obstat, quod jussus fuerit ire ad torrentem Carith, se occultandi gratia, utrumque enim simul consistere potest; novit enim Deus similibus uti occasionibus, ut suos electos vocet ad perfectiorem vitam; imo hoc exemplo monstratum, & præfiguratum fortasse est, quod Deus in lege gratiæ fecit cum Paulo eremita, & aliis sanctis, ut occasione persecutionum eos duceret ad vitam solitariam, & perfectissimam agendam; unde hæretici calumniantur hoc vitæ genus, casu & necessitate quadam inchoatum esse; non advertentes divinæ providentiæ sapientiæ, cui nihil casu accidit, eadem in malitia hominum, exordia fumere perficiendi opera sua; hoc indicare voluit Deus etiam Eliæ, & ideo licet proxima intentione, & ad literam, ut sic dicam, missus fuerit ad se occultandum hominibus; ex altiori quoque providentia missus est, ut separatus ab hominibus jugiter, & perfecte Deo vacaret, & mirabilem vivendi rationem inter homines inchoaret; quod autem satis fuerit illa vocatio, dicti Patres sentiunt, & indicant Ambrosius dictæ epistola ad Vercellenses prope initium dicens: *Elias, quem Dominus ad virtutis erudiebat perfectionem*; atque etiam effectus monstravit, nec enim postea unquam legimus Eliam in civitatibus commoratum. Quod namque ad tempus missus fuerit ad Sareptam Sidoniæ, ut ibi in secreto pasceretur a vidua, non impedit, quominus ibi vitam solitariam, in suo cenaculo, & pure contemplativam duceret. Cum autem ibi potius, quam in alio deserto, ubi esset aqua, servatus a Deo fuerit, vel sicut cibum per corvos accipiebat, non etiam aquam acceperit; in divinæ sapientiæ thesauro absconditum est: forte voluit Deus ea occasione, illi viduæ magna beneficia conferre, ut effectus ostendit, & significavit Christus Dominus Lucæ 4. forte etiam illud factum mysticam habuit significationem, quam egregie prosequitur Ambrosius in comment. ad cap. 6. Apocalyp. versus finem. Postea vero quā se manifestavit Achab, in montem Carmelum ascendit, ubi prophetas Baal interfecit, indeque in desertum abiit, & inde ad montem Dei Oreb, ex quo jussu Dei descendit ad ungendo reges, & Eliseum. Atque ita fere semper in deserto invenitur, nisi cum divino jussu, seu inspiratione alio mittitur.

7 Ex his ergo, pro materiæ capacitate, satis patet tota assertio: quæ vero addidimus de austeritate vitæ, & jugi contemplatione, sumuntur ex 3. & 4. Regum libris, & ex comparatione inter Eliam & Joannem Baptistam apud Sanctos Patres frequentissima, & fundata in illo Marci 4. *Joannes ipse est Elias*. Et Lucæ 1. *Præcedet in spiritu & virtute Elias*.

8 Dico secundo, probabile est Eliam permanentem suam habitationem vitæ eremiticæ præcipue habuisse in monte Carmelo. Noravit hoc Abulen. 3. Reg. 21. quando Elias jussus est descendere, ut occurreret Achab, eumque de gravissimo peccato reprehenderet, eademque & uxori debitam mortis poenā prædiceret; expendit ergo Abulensis verbum *descendit*, dicens: *Ex eo tempore, quo Deus fecit miraculum mittendi ignem super sacrificium suum in monte illo, habuit devotionem Elias manendi in illo, & semper mansit, usque ad tempus, quo raptus est in curro igneo*. Unde lib. 4. Regum cap. 1. circa illa verba: *Surge, & ascende in occursum nuntiorum Regis Samariæ*, notat idem Abulens. dici, *ascende, non quia Elias maneret in aliquo loco infimo, manebat enim in monte Carmelo, sed quia ipse descensurus erat de monte, & postea ascensurus per viam, per quam veniebat nuntius Ochozæ*. In his autem verbis Abulensis unum videtur tacite supponi, & aliud aperte assertur; indicatur enim Eliam ante illud insigne factum non habitasse in mon-

te Carmelo, sed tunc concepisse devotionem & propositum manendi ibi; quæ pars negativa ex Scriptura probari non potest, nec mihi de illa constat; nam si verum est Eliam, priusquam prophetare inciperet, vitam egisse solitariam, fortasse illuc ascendit ad convincendos, & puniendos prophetas Baal: quod etiam ejus verba indicant ad Achab. *Mitte, & congrega ad me universum Israel in monte Carmeli* 3. Reg. 18. *quasi diceret, ibi enim ero, sicut soleo, prius enim, quia se occultabat, aliis in locis versabatur, juxta divinam revelationem*. Sed, ut dixi, hoc totum incertum est, quantum ad illud tempus spectat.

9 Secunda ergo pars, de reliquo tempore vitæ Eliæ, postquam occidit prophetas Baal, majus aliquod fundamentum habet in Scriptura, ut statim n. seq. deducam. Estque multum recepta opinio, & locutionibus Patrum conformis: ad illam enim alludens Basilus in epist. ad Chilonem discipulum dixit: *Hic mons celebris Carmelus, in quo Elias demoratus perplacuit Deo*. Sic etiam ait Nazianz. orat. 16. de pauperum amore initio. *pulchra res solitudo, & quies; idque met docet Elias Carmelus*. Ubi Nicetas exponit, id est, *Elias in Carmelo degens, quem admodum 3. Regum liber narrat*, eandem late profequitur Joan. Hierosolym. dicto libro de institut. monach. cap. 17. ad 21. ubi ait post sedatam persecutionem contra Eliam mortua Jezabel, fixisse Eliam domicilium suum in monte Carmelo, tum quia erat aptissimus ad vitam monasticam: tum etiam propter insignia miracula, quæ Deus ibi ostendit. Additque fecisse ibi oratorium, & per sexdecim annos ibi mansisse usque ad suam translationem.

10 Et quidem hoc postorius de mansionem Eliæ usque ad suam translationem insinuat in martyrologio Romano; dum 20. die Julii dicitur, *in monte Carmelo sancti Eliæ Prophete*. Quod si objicias, quod Elias non ex monte illo, sed ex ripa Jordanis raptus est, responderi potest, non quidem permanisse in illo monte usque ad articulum translationis sue, sed ibi habuisse domicilium usque ad illum diem, quo Dei monitu inde discessit levandus in cælum. Sed adhuc obstat, quod 4. Reg. 2. dicitur: *Cum levare vellet Dominus Eliam per turbinem in cælum, ibant Elias & Eliseus de Galgalis*, & non dicitur de monte Carmelo. Occurritur vero dicendo, non ita habuisse Eliam fixam habitationem in illo monte, quin interdum ad alia loca divergeret, cum divinum obsequium, vel ratio sui muneris id postularer. Ita ergo tunc per occasionem aliquam descenderat in Galgalā, sive jam præmonitus a Deo de suo transitu, sive quod magis Scriptura significat quia occasione alia illuc iverat, de qua non nihil infra dicemus, & ibi postea acceperit oraculum de sua translatione: & ideo ab illo termino discessus ejus incipit narrari citato loco. Convincit autem hæc objectio, non satis probari ex divina Scriptura domicilium hoc & habitationem Eliæ in monte Carmelo usque ad transitum suum, quamvis verum sit Scripturam non repugnare huic historiæ, quæ magis videtur in traditione fundata; licet ex uno quodam Scripturæ loco probabiliter colligatur, ut statim dicam numeri sequenti.

11 Alterum vero, quod de oratorio ædificato ab Elia dicitur a Joanne Hierosolymitano, conjectura fortasse, vel traditione assertum est; nam apud alios auctores nihil de ea re invenio satis expressum. Referunt autem communiter historiographi & cosmographi, fuisse in illo monte speluncam, & forsan Eliæ, ut ex Brocardo, & aliis, refert author theatri terræ sanctæ, in tribu Issachar, unde etiam est verisimile, fuisse ibi aliquem locum cultui Dei dicatum. Præterea Cedrenus in compendio historiæ in Basilio refert, templum Eliæ per Basilium Imperatorem fuisse restitutum, ut meminit Baronius in scholiis ad martyrologium Romanum 20. die Julii, ubi etiam ait extare epigramma D. Gregorii Nazian. de æde Eliæ *Dominicum* nuncupata; quæ possunt intelligi de templo Eliæ, id est, ædificato ab Elia, & sic confirmant dictam sententiam. Vel de templo Eliæ, id est, dicato Deo in honorem Eliæ; & in hoc sensu non ita directe faciunt ad rem præsentem, sed alludunt ad ædem sacram, quam dicitur Helena mater Constantini ædificasse in monte Eliæ Thesbitæ, ut significat Niceph. li. 8. c. 3. ubi licet non expresse ponat montem Carmelum, videtur tamen de illo loqui, cum ait, in acclivitate montis

Abulensis dictum partim negat, vñ, partim affirmat, de habitatione Eliæ in Carmelo. Pars negativa incerta.

Pars affirmativa magis certa

Vide Nazianz. orat. 16. Maxim. & Guill. in Tyrian. in continuatione bel. li sacri li. 5. c. 3.

An manserit Elias semper in Carmelo usque ad suam translationem

An ibi ædificaverit oratorium.

Auct. theatri terræ S.

Ad tamen certius est post dictam vocationem.

Ad object. in num. 3.

Ad Conclus. in lib. 1.

Concluditur pro nota prima assertione.

2. Assertio de commoratione Eliæ in monte Carmelo.

vis ædificasse Helenam pulcherrimam ædem Elię Prophetę. Non autem etiam est magnum indicium, montem illum fuisse speciale habitaculum Elię, & habuisse in eo locum aliquem divino cultui singulariter dicatū.

Confr.
pars eadē
de habi-
tatione
ordinaria
Elię in
Carmelo.

12 Unum denique invenio Scripturę locum, qui primam hanc sententiam mihi valde probabilem facit: nā lib. 4. Regum ca. 4. mulier illa Sunamitis, quę per Elisei intercessionem filium a Deo prius obtinuerat, & postea ex gravi morbo mortuū habebat, dixit ad virum suum: *Mitte quaso mecum unum de pueris, & excurram usque ad virum Dei in montem Carmeli;* ubi significatur montem illum fuisse locum proprium, ubi Eliseus domiciliū habebat; constat autem ex narratione Scripturę 4. Reg. 2. & 3. & ex omnibus exppositoribus ac Patribus, Eliseum successisse Elię, sicut in spiritu, ita & in munere, & in habitatione, seu sede propria, quam ad Deum melius colēdum sibi elegerat. Hoc autem magis declarant verba interrogationis viri ad uxorem suam. *Quam ob causam vadis ad eum hodie, non sunt kalendę, neque sabbata.* Nā in his verbis duo insinuantur; unum est, habuisse illam scēminam consuetudinem adeundi illis diebus in montem Carmeli ad conveniendum Prophetam illic habitantem. Aliud est, solitam esse illuc ire causa religionis ad verbum Dei cum aliis audiendum a Propheta, vel orandum, & canendū divinas laudes, sicut mos erat Judęis eundi ad synagogas, & orationis loca, in diebus sabbatorum, & Kalendarum, & festivis aliis, ut indicavit ibi Lyranus, & latius Abulensis qu. 30. Erat igitur mons ille habitatio istorum Prophetarum, & in eo habebant locū aliquem operibus religionis & divini cultus destinatū.

Eliseus
successor
Elię.

13 Unde obiter constat, quod de Elia diximus, cum proportionem habere locum de Eliseo, hac tantum differentia conservata, quod Elia fuit præceptor, Eliseus di-


scipulus: ille pater, hic filius, sicut ipse clamabat: *Pater mi, Pater mi* ille quasi author, & institutor illius vię generis, hic sectator, & hæres. In reliquis vero fuit convenientia: nam ex quo Eliseus jussu Dei vocatus est ab Elia, & illum sequi cępit, ei perpetuo ministravit 3. Regum 19. usque ad 4. Regum 3. Post raptum vero Elię, eundem Carmelum incoluit, ut ex cirato loco colligitur & communiter authores docent, atque Elię in spiritu & ministerio successit. Unde 4. Reg. 3. in hujus rei signum filii Prophetarum venerunt in occursum ejus, eumque adoraverunt, & tanquam caput & principalem Prophetam, Elięque successorem agnoverunt.

14 Objici autem potest, quia Eliseus vix semel aut iterum legitur in monte Carmelo, aut in alio deserto loco resedisse; sapius vero in civitatibus, & inter reges versatus fuisse, & præcipue in Samaria, quę curia regni erat. Unde 4. Reg. 5. dixit puella Hebręa, quę erat captiva in Syria; *Utinam fuisset Dominus meus ad Prophetam, qui est in Samaria;* & postea Naaman veniens in Samariam ibi convenit Eliseum; & ea contigerunt, quę illo loco Regum narrat Scriptura, & ex c. 6. & 7. constat illic permanenter habitasse Eliseum, ac tandem in ca. 13. ibidem occubuisse. Respondeo rationem vivendi Elię & Elisei non ita fuisse solitariam & contemplationibus abstractam, ut non etiam ad conservandum cum populo, in ejus beneficium, per quędam, ut ita dicam, intervalla descenderent; namq; & donum prophetię, quod habebant, in eum maxime finem illis a Deo cōmunicabatur. * * *

Obijciat
quod suc-
cessorem
ex Carme-
li habita-
tione.

Respon-
deo.

Hec tantum de sacro Carmelitarum ordine in manuscriptis authoris Soarii invenire potuimus quem nisi mors bonis omnibus invidens præoccupasset, tam de hoc ipso ordine, quam de reliquis plura scripturum fuisset non dubitamus.



TRACTATUS DECIMUS DE RELIGIONE SOCIETATIS JESU IN PARTICULARI. LIBER PRIMUS.

De religione Societatis JESU, quo ad Institutionem, & institutum ejus in generali.



HÆC est pōstrema pars totius operis de statu religionis, quę sicut pluribus titulis, ac nominibus a me debita est, ita præcipue, ac primario est intenta. Cum enim ante quadraginta annos, ex quo hæc scribo, scribo autem anno 1595. magno divinę gratię beneficio ad

hanc religionem vocatus sim, & toto hoc tempore in ea educatus, nutritus, & conversatus, ejus vivendi rationem, ac institutum admiratus semper fuerim, & in ea singularem morum probitatem, & erga divinam majestatem, religionem, ac reverentiam, erga proximos vero eximiam charitatem, & animarum zelum in variis, ac distantissimis provinciis Italię, Gallię, totius fere Hispanię, ac tandem Lusitanię fuerim expertus: videamque nihilominus religionem hanc, non solum ab hæreticis hominibus, (quę illius magna laus est) odio haberi, verum etiam, specie religionis, ab hominibus sanam doctrinam, & religionem Catholicam profitentibus oppugnari, variisque modis, tum in privatis colloquiis, tum etiam in publicis lectionibus, & concionibus, vel iniquis detractionibus, vel sophisticis argumentationibus exagitari: diu, multumque desideravi, ejus, quę in nobis est, religionis rationem utrique reddere, & objectionibus universis, quę hætenus contra Societatem excogitatę sunt, satisfacere. Non quia veritas ipsa, quę luce clarior est,

aut religio, quam Apostolica Sedes toties probavit, & divina gratia suis operibus illustriorem reddidit, nostra defensione, aut illustratione indigeat, sed ut signum aliquod grati animi, & Deo, qui me vocavit in Societatem filii sui, & ipsi Societati, cui totum, quod sum, vel habeo, debitum recognosco, exhiberem. Quamobrem sanctissimorum Patrum Thomę, & Bonaventurę exempla sequutus, opus hoc divina gratia confusus aggressus sum. Quia vero Societas hæc quędam habet cum ceteris religionibus communia, quędam autem propria; propter priora, nonnullis minus necessaria in Ecclesia, vel potius supervacanea visa est; eo quod novissimis temporibus, quando Ecclesia multis, & gravissimis religionibus abundabat, inventa videatur; propter posteriora vero, res nova, ac propterea vel hoc solo nomine suspecta multis existimata est, ab aliis autem minoris habita, quod parum rigorosum, & austerum vivendi modum amplectam esse calumniantur. Ad satisfaciendum igitur omnibus necessarium existimavimus ea prius, quę religioso statui communia sunt, diligenter, & exacte tractare; quod hætenus præstitimus. Deinde vero (quod nunc aggredimur) Societatis institutum distincte, ac dilucide explicare. Ita enim speramus fore, ut ad majorem Dei gloriam, & animarum fructum, religionis hujus dignitas, & utilitas omnibus innotescat, & oblatantium ora, aut obticeant, aut confundantur. In hoc ergo primo libro generatim Societatis institu-

In superiori
ri tomo, &
tractatu
hujus.

flurum, ordinem, harmoniam, seu hierarchiam proponemus, ac declarabimus. In sequentibus vero de singulis ejus partibus, votis, ac precipuis constitutionib. (hæc enim omnia instituti nomine comprehenduntur) disseremus.

CAPUT I.

Sine Societas JESU vera religio, & cur hoc nomine insignita sit?

I Supponimus esse in Ecclesia catholica congregationem quamdam clericorum, specialem regulam sub obedientia propriorum Prælatorum profitentium, quam hoc nomine *Societatis JESU* appellamus. Hoc ex facto ipso per se evidens est, & ideo non indiget alia probatione, præterquam quod hujus congregationis, sub eo nomine, honorificam mentionem fecit Conc. Trid. sess. 25. c. 16. de reformat. regul. & ante, ac post illud multi Pontifices in bullis suis, quorum sententias postea referemus.

2 Dicimus ergo primo Congregationem hanc esse veram, & propriam religionem: quod de toto hoc corpore Societatis nullus catholicus negavit unquam, quem ego sciam, nec negare potest; est enim (ut existimo) certum de fide; nam si hæc non est vera religio, nulla profecto est in Ecclesia religio vera, quod dicere hæreticum esset. Sequela autem patet, quia esse religionis non antiquitate, & quasi præscriptione acquiritur, sed professione status ad perfectionem tendentis, & ab Ecclesia approbati. Hæc autem omnia in religione hac manifeste inveniuntur. Nam finis ejus est non solum ad perfectionem tendere, sed etiam alios, quoad fieri possit, ad eam ducere. Ad hunc autem finem adsequendum sit in ea seculi abrenunciatio, & ad divinum cultum specialis consecratio per tria vota substantialia religionis, cum vera etiam professione solenni, quæ in aliquibus membris hujus corporis sit; ergo de toto hoc corpore dubitari non potest, quin sit vera, & propria religio. Quomodo autem in singulis ejus membris hic status inveniatur, in discursu Operis dicetur.

3 Secundo dicimus, hanc religionem esse distinctam a reliquis specifica distinctione morali, eo modo, quo in religionibus hæc distinctio inveniri potest, ut vidimus in tract. præcedent. ca. 1. Hoc etiam per se notum est ex modo procedendi ejus. Nam post Summum Pontificem sub diverso capite, seu Generali, constituit suam propriam monarchiam, & sub propriis, ac distinctis constitutionibus, ac regulis vivit; & quamvis cum aliis religionibus conveniat in generali fine inquirendi perfectionem, hoc tamen speciale habet, quod in suo fine non tantum acquirere perfectionem, sed etiam illam in aliis exercere, seu ad alios derivare intendit, & ideo in modo illam acquirendi sese accommodat aliorum etiam utilitati, & saluti; acque ita incumbit suorum membrorum perfectioni, ut ad aliorum utilitatem ea informet, unde etiam fit, ut ad hunc finem propriis, vel (ut sic dicam) appropriatis mediis utatur. Ac denique ex eodem capite etiam nascitur, ut corpus hoc pluribus magisque variis membris constet, quam cætera aliarum religionum, sitque (ut ita dicam) magis heterogenea; quia ille finis, ad quem ordinatur, plura requirit munera, atque etiam plura organa necessaria sunt. Est ergo hæc particularis religio distincta a reliquis, quæ post alias nata est, propriumque fundatorem habuit; propriaque approbatione indiguit: quæ omnia sigillatim probanda, & tractanda sunt. Nunc tanquam certa supponuntur magis, quam probantur, quia sub hac generalitate nullam habent dubitationem.

Societatem proprium nomen sibi vendicare oportuisse.

4 Tertio pro secunda parte tituli, ex dictis concluditur, moraliter necessarium fuisse religionem hanc proprium aliquod, & speciale nomen habere, eique imponi. Quia omnes res particulares indigent propriis nominibus impositis, aliqui impossibile esset humano modo, de eis sermonem habere: cum ergo hæc religio particularis sit, & post alias instituta, particulari etiam nomine indiguit, ac novo, & a nominibus aliarum religionum diverso. Hoc autem nomen licet ab aliis, per erro-

rem, aut vulgarem usum, varium, ac multiplex fuerit, verum certe, ac proprium nomen tantum est, *Societas JESU*. Religiosi enim Societatis in variis regionibus a multis sunt vocati *Theatini*, ab aliis *Inniguitæ*, a nonnullis *Jesuitæ*, seu *Jesuitæ*, alicubi etiam præsertim in Lusitania, & India Orientali, *Apostoli* dicti sunt: omnia autem hæc nomina, aut sine veritatis fundamento, aut sine auctoritate, in oculis hominibus sunt attributa. Ordo enim Theatinorum, qui in aliquibus Italiae partibus florere, peculiaris quædam religio est, sed a Societate longe diversa: distinctum enim fundatorem habuit, (in quo Chemnitius malitiose erravit, ut Jacobus Payva n. 5. citandus notavit) nempe Cardinalem Petrum Carrapha Episcopum Theatinum, qui postea fuit Paulus IV. Pontifex, & institutum habet, ac rationem vivendi longe diversam: habet tamen nonnullam similitudinem cum religione Societatis in exteriori specie habitus clericali: utraque enim religio clericorum est: & propter hanc similitudinem, & quia prope eadem tempora utraque religio exorta est, ideo vulgus nesciens discernere inter homines utriusque religionis, *Theatinorum* nomen, quod paulo erat antiquius, ad religiosos Societatis accommodavit. Nomen autem *Inniguitæ*, quatenus a nomine *Ignatii* (Hispane *Inigo*) derivatum est, non caret fundamento veritatis, quantum ad etymologiam, recte enim potest, & solet, religio a nomine sui fundatoris nominari: caret tamen fundamento auctoritatis, sine qua nullum est verum nomen alicujus rei: oportet enim, ut sufficienti auctoritate sit impositum: hoc autem nomen, non solum a nemine habente auctoritatem Societati impositum est, verum repugnat potius intentioni fundatoris ejus, qui humilitatis causa noluit suam religionem a suo nomine appellationem accipere.

5 Idem servata proportionem dici posset de nomine *Jesuitarum*, quo quidem nomine abutuntur hæretici, ut homines Societatis proscindant. Nam Chemnitius in quodam libello, quem contra Societatem scripsit, sic dicit appellari hos religiosos *Jesuitas*; non quia vere sint Christo conjuncti, sed quia sunt manifesti hostes Jesu; sicut olim (inquit) Imperatores Aſiatici, vel Aſiatici appellabantur, quia illas provincias debellaverant: aliquando vero malitiose depravant, ac distorquent per ludibrium, ut refert Payva statim citandus, & Surius in commentario de gestis Orbis anno 1536. Libellum autem illum cum aliis ejusdem hæretici, damnavit Pius IV. per Epistolas missas ad Maximilianum Imperatorem, & ad Albertum Bavarie Ducem, & ad Episcopos Germanie, quas in unum collegit O. ho Cardin. Albanensis, & Augustanus Episcopus. Contra eundem etiam hæreticum pro Societate, ejusque nomine gloriose pugnavit Jacobus Payva Lusitanus lib. 1. Itaque si nomen illud pie, ac sincere interpretari velimus, accommodatum satis est ad religiosos Societatis voce simplici nominandos, præsertim supposita ipsius religionis appellatione dicta: si enim tota religio *Societas Jesu* dicitur, quia Jesus est quasi vinculum, & centrum, in quo hujus religionis socii copulantur, & ob alias causas, quas statim in num. 13. attingemus: cur non poterunt membra ejus *Jesuitæ* vocari? Sic enim, (ut Epiphanius refert hæresi 29. longe a principio) fideles in principio Ecclesie, ut a Christo ceperunt Antiochie appellari *Christiani*, Actor. 11. ita aliis locis a Jesu sunt vocati *Jesæi*, quod ferè perinde est, & eandem habuit derivationem; nam totam etiam Ecclesiam aliquando vocavit Paul. *Societatem filii Dei*. 1. ad Corinth. 1. Potest etiam hæc religio *Societas Jesu* appellari, quia nomen JESUS a salute dictum est, & salvatorem, ac medicum animarum ex propria etymologia significat: quia ergo hæc *Societas* in hunc finem peculiariter congregata est, ut saluti animarum Christo cooperetur, ideo sub eadem etymologia ejus religiosi *Jesuitæ* dici possunt, quasi animarum curatores, ac medici: simile enim nomen in principio nascentis Ecclesie religiosis esse impositum, auctor est Eusebius lib. 2. histor. cap. 16. ubi ex Philone lib. de supplicibus, seu de vita contemplativa ait, illum vocasse monachos curatores, eo quod tanquam medici curatione adhibita, eorum mentes, qui ipsos adirent, a vitii, & turpitudinis morbo ereptas ad integram valetudinem restituerent. Et subiungit Eusebius. Sive igitur Philo ipse, dum propriam, & appositam hominum moribus appellationem attri-

Societatis religiosi vocati sunt per errorem.

Cur Societatis religiosi Theatini vocati.

Quare Inniguitæ appellati?

Quomodo Jesuitæ dicitur?

De hac S. Epiphanius de vario. ne plures alii apud Eusebium lib. 12. c. 5. n. 4. sic A. in C. m.

Assertio 1. Societatem esse veram religionem. Probat de fide. Essentia religionis quæ.

Secunda assertio, Societatem esse religionem a reliquis specificè distinctam. Ostenditur.

Societas cur præ aliis religionibus membris varia.

Tertia assertio & ejus prædictio.

attribuere volebat suo ipsius arbitratu, & iudicio, illis i-
stud nomen imposuerit, siue re vera ab initio auctores ejus
religionis, cum adhuc Christianorum appellatio nusquam
pene locorum divulgata esset, eos ita nominarint, longa
ratione disquirere non est opus. Verum tamen eadem ap-
pellatio esse videtur, quæ apud Dionysium ca. de Ecclef.
Hierarch. p. 1. ubi religiosos vocat *δεσποτάς*: ipse ve-
ro interpretatur cultores: quam interpretationem Euse-
bius non omittit, quia vox illa derivatur a verbo Græco
δεσποτέω, quod & *famulari*, & *curare* significat, unde
Luc 4. ubi de Jesu dicitur, *curabat eos*, Græce dicitur,
ἐδεσπότει αὐτούς. Vide Bellarm. lib. de monachis cap. 1.

6 In hoc ergo nomine recte interpretato nihil est a
veritate, aut pietate alienum. Nihilominus tamen ipsa
Societas non solet hoc nomine suos appellare, vel quia
in bullis Pontificiis, aut constitutionibus ejus, non in-
venitur, & ideo apud illam non habet sufficientem au-
thoritatem, etiam si vulgo a multis usurpatum sit, vel
certe ad vitandam ambiguitatem, seu æquivocationem.
Fuit enim multo ante S. Ignatium congregatio priorum
hominum, qui *Jesuati* appellati sunt, cujus meminit Sa-
bellicus Aenead. 11. libro 9. & Polydorus de Inventori-
bus rerum, cap. 4. Volaterran. lib. 2. r. ca. de ordine eremi-
tarum. Biron. in Martyrol. 31. Julii. Ejusque initium
fuisse dicitur Senis Italæ urbe anno 1360. auctoribus
Joanne Columbino, & Francisco Vincentio, quorum
institutum longe diversum est ab instituto Societatis.
Nam illi private tantum vitæ, seu perfectioni incum-
bunt, & communiter non ordinantur. Multi etiam gra-
ves auctores dicunt, illam non esse propriam religionem,
licet sit satis pius vivendi modus, ut Panormitan. in ru-
br. de regul. num. 2. & latius in cap. nullus, de foro com-
pet. n. 11. & in consil. 53. quod ibi citat. Et Felin. ca. *San-
ctæ Mariæ*, de constit. in principio, & Cardin. consil. 136.
Cur autem illo nomine appellati sunt, variæ rationes
redduntur, quæ videri possunt in historiis (nostra enim
non refert) apud Boerium lib. de vita & statu eremita-
rum n. 13. & Paulum Morigia in historia de ordinibus
c. 33. & Hieronymum Romanum lib. 6. de Republica
Christiana c. 22. Oauphrium in suo chronico an. 1367.

7 Quartum *Apostolorum* nomen certum est a So-
cietate non usurpari, nec valde commune esse; nam ex-
tra Lusitaniam, Indiasque Orientis, non est usa. Ibi autem
non sine pia, & probabili analogia nostris imposuitur
est. Nam quia in initio, ante approbationem etiam Societa-
tem socii duo B. Ignatii, B. Franciscus Xavier, & Simon
Rodericus, Joanne Rege flagitante, & Summo Ponti-
fice imperante, in Lusitaniam profecturi, inde in Orien-
talem Indiam navigaturi ad prædicandum Evangelium
feliciter missi sunt, tantoque fructu, ac vitæ exemplo, u-
terque Oryphone; Franciscus vero in Oriente etiam per-
se, ac per suos socios, ministerium suum perfecere, ut A-
postolos ad vivum imitari viderentur; ideoque tam ex
nominis eymologia, quam ex vitæ perfectione *Aposto-
li* vocati sunt. Atque ita hoc nomen secundum quan-
dam analogiam, & participationem intellectum, nec
falsitatem, nec magnam invidiam habere videtur. Ta-
men etiam caret sufficienti auctoritate, & impositione,
& non nihil arrogantiae habere videretur, si propria vo-
luntate esset acceptum, verum, ut dixi, nostri religiosi il-
lus non usurpant, sed potius quantum in ipsis est, cohi-
bere, & emendare student.

8 Ut autem proprium nomen hujus religio-
nis est *Societas JESU* Hoc primum S. Ignatius invenit,
crediditque habuisse originem a re vera ratione illa, quam
propi- Udem habuit, in qua Æternus Pater Unigeni-
tum suum in Crucem humilis gestantem ostendit, eique
Ignatium, & ejus socios benevolentissime commenda-
vit, quos eodem amore sub protectione sui Jesu suscep-
pit, & apertis verbis Ignatio significavit. Hinc ergo or-
tum est sancti Ignatii desiderium, quod reliqui socii re-
ligiosissime amplexi sunt, & in prima supplicatione,
quam de approbanda sibi Societate Pontifici fecerunt,
his verbis significarunt. *Quicumque qui in Societate no-
stra, quam JESU nomine insigniri cupimus, &c.* Postea
vero subjungit Pontifex generalis approbationem, di-
cens: *Premissa omnia & singula, &c. Apostolica autori-
tate approbamus.* A qua etiam petunt, & approbatio in
alios Pontificis bullis sepe reperitur, præsertim in bulla
1. Julii III. ubi Patres repetunt illa verba. *Quicumque*,

qui in Societate nostra, quam JESU nomine insigniri cu-
pimus. Et postea Pontifex subjungit. *Quapropter conside-
rantes, nihil quod sanctum, piusque non sit, in dicta So-
cietate, ejusque laudabilibus institutis, ac exemplari I-
gnatii & aliorum sociorum prædictorum vitæ, & moribus
reperiri, &c.* In quibus bullis considerandum est, quod
licet directe, & expresse rem, & non nomen approbare
videantur, tamen dupliciter illud satis commendant,
primo quia omnia ab illis Patribus proposita, & gesta
laudant: nihil ergo reprehensione dignum in desiderio
appellationis illius invenerunt. Deinde ac maxime, quia
statim illa voce utuntur, & deinceps perpetuo hoc no-
mine religionem ipsam, religiosos vero ipsos *socios* ap-
pellant; quod omnes sequentes Pontifices observarunt,
& præsertim Greg. XIII. in sua constitutione: *Ascen-
dente Domino*, ac tandem Conc. Trid. sess. 23. c. 16. de re-
form. regul. Atque ita Pontificum mentem S. Ignatius
intellexerat, quando initio suarum constitutionum dix-
it. *Hec minima congregatio, que a Sede Apostolica in
prima sui institutione Societas JESU nominata est, &c.*
Constat igitur non hoc magna auctoritate imposi-
tum, & confirmatum existere.

Aliquorum calumnia circa nomen Societatis JESU refellitur.

9 Nihilominus non defuerunt viri catholici & do-
cti, qui cum in nostris primis patribus, eorumque reli-
gione aliquid quærerent, quod reprehenderent, in hoc
etiam nomen impegunt, arrogantiae illis tribuentes,
quod nomen universæ catholicæ religionis proprium
sibi usurparent. Cum enim Paul. 1. ad Cor. 1. dixit; *Fide-
lis Deus per quem vocati estis in societatem filii ejus Jesu
Christi*, per illam societatem universam plane Ecclesiam
intellexit. Et hic dicitur fuisse primus articulus censuræ,
quam contra Societatem Universitas Parisiensis edi-
dit. Hoc etiam videtur significare voluisse Cano lib. 4. de
locis, c. 2. in principio, ubi tractans prædicta verba Pau-
li, inquit: *Que sine dubio Societas, cum Christi Ecclesia
sit, qui titulum sibi arrogant, hi videant, an hereticorum
more penes se Ecclesiam existere mentiantur.* Quibus
nos uno verbo respondere possemus; nos illud nomen
non usurpasse, sed consensu Summorum Pontificum
habuisse, magisque timendum esse, ne invidiæ, vel arro-
gantiae genus sit, ibi reprehensione dignum aliquid quæ-
rere, ubi tot Pontifices, tantumque Concilium nihil in-
venit, vel potius, dum nos calumniantur, ipsos quoque
facite reprehendere. Sed & novissime Gregor. XIV. in
sua confirmatione instituti Societatis, quæ incipit, *Ec-
clesiæ Catholice, &c.* data 4. Kal. Jul. anni 1591. omnem
hac de re questionem extinxit in hunc modum. *Quo ve-
ro ad reliqua, que in controversiam vocata erant, sic sta-
tuimus nomen Societatis JESU, quo laudabilis hic ordo
nasces, a Sede Apostolica nominatus est, & hæcenus in-
signitus, perpetuis futuris temporibus in ea retinendum esse, &c.*

10 Verum tamen, ut objectioni eorum plenius satisfi-
ciamus, duas dictiones, quibus nomen illud constat,
distincte consideremus, *Societas Jesu*. Et quid in priori
nihil est, quod arrogantiam redoleat, sed potius humili-
tatem, & charitatem. Noluere enim nostri Patres,
Pontificis approbationem antevertendo, congregationem
suam *religionem* nominare, & ideo usi sunt voce,
quæ communissima est, & vix poterant invenire aliam,
quæ majorem temperantiam, & moderationem animi
indicaret. Deinde summo charitatis vinculo conjuncti
erant inter se; hæc enim sola, ex tam diversis nationibus,
summo animorum consensu, & perpetuo nexu eos copula-
verat, & hunc spiritum in sua congregatione relinque-
re maxime cupiebant, quod nullo alio nomine magis
significare potuerunt. Et hoc indicant illa verba in 2.
bulla Pauli III. *Ad perficiendam, & conservandam eo-
rum Societatis in Christo unionem, quandam vivendi
formulam tradiderunt, &c.* Solet enim Societatis no-
men & ad militiam, & ad negotiationem, seu mercatu-
ram specialiter applicari. Ex utroque titulo videtur hæc
vox a B. Ignatio usurpata. Nam ad priorem spectat, quod
in 1. bulla Julii III. dicitur. *Postquam Domino inspirante
huic Jesu Christi militia nomen ediderint, die, nocteque
succincti lumbos, & ad eam grandis debiti solutionem
prompti esse debent.* Et inferius. *Idonei reperi ad eun-
dem finem Societatis admittantur ad hanc Jesu Christi
militiam.* Et in 1. bulla Pauli III. *Quicumque in Societa-*

Ribadan.
de vita B.
Ignatii li.
4. c. 11. in
editione
Latina.

Supra po-
sita casu-
sita dilui-
tur.
De nomi-
ne Socie-
tatis.

Nomen
Jesu
funda-
mentum
non ha-
bet in in-
stit. co
Societa-
tis

Cur in
Lusitania
Societatis
religiosi
Apostoli
vulgo di-
cantur.

Vide Lu-
ce nam
in vita
Xaverii
li. 1. c. 9.

Proprium
hujus re-
ligionis
nomen ef-
fe Socie-
tatem JESU.
Vide Ri-
tia in vi-
ta Ignatii
& 1. Jan-
diti 2.
hist. oc.
nu. 30. Lu-
cen supr

Hæc etiam
in Bulla
Pauli III.

te nostra, quam JESU nomine insigniri cupimus, vult sub Crucis vexillo Deo militare. Est ergo hæc quorundam militum societas. Ad posteriorem autem pertinere videtur, quod prius in eadem bulla dicitur: *Exemplaris, ac religiosa vite socii effecti, &c.* Quid enim est religiosa vita, nisi quedam spiritualis negotiatio, & mercatura? Cum ergo D. Thomas teste 1. p. q. 13. art. 2. ad 2. unaqueque res ab operatione sua magis propria, magisque nota, optime nominetur, & finis, ac munus Societatis sit, præter unionem, & charitatem propriam, perpetuo militare pro animarum salute, seu pro illis Christo lucrandis negotiari, maxima cum proprietate religio hæc Societas appellata est.

De nomi. ne JESU.

Cur B. Ignatius de suo nomine Societate nuncupari noluerit.

Ab arrogancia nominis Societas interpretatur.

11 Non potuit autem nomen hoc Societas absolute, & sine ulla determinatione huic religioni imponi; tum quia talis impositionis modus etiam in propriis nominibus absque alia cognominis determinatione usitatus non est, nedum in communibus, & generalibus. Tum etiam quia vel nomen esset nimis vagum, & incertum; vel si per antonomasiam pro hac religione accipiendum putaretur, majoris fortasse arrogantiae argueremur. Quæ igitur determinatio, aut magis pia, & religiosa, aut instituto talis religionis magis accommodata, aut membris ejus dulcior, aut fructuosior, vel ad fidelium ædificationem aptior addi poterat, quam adjuncto nomine JESU? Præter hanc enim, duæ tantum alia accommodatæ determinationes poterant cogitari, Ignatii nimirum, vel primorum sociorum ejus, S. Xaverii, nimirum, Salmeronii, &c. Et quidem non immerito nec sine sufficienti ratione potuisset hæc societas Societas B. Ignatii appellari; illum enim ut ducem, & proximum exemplar a Deo datum agnoscebat, & secundum Christum venerat. At hunc ipsum honorem fugere, & nomen suum occultare voluit Beatus Ignatius: tantum ergo ab arrogantia absuit, quantum humilitas a superbia distat. Quanquam ergo nostri muneris esse debeat, nomen Ignatii perpetua memoria, & affectu retinere, ejusque virtutes imitari: ipse tamen JESU nomen voluit esse infixum in cordibus nostris, & ideo non suo, sed illo voluit Societatem insigniri. Altera vero sociorum omnium Ignatii determinatio, seu appellatio, quamvis ab eorum meritis aliena non esset, multistamen rationibus fuisse incongrua, non solum quoad moralem rationem, quia non omnes pares fuerunt, sed etiam quoad ipsius nominis usum: oportuisset enim, aut omnium propria nomina Societas vocari distincte adjungere, quod prolixum esset, & inusitatum: aut sub confusa sociorum voce eos comprehendere, quod ambiguitatem, & communiter vocis non tolleretur, nisi saltem Ignatii nomen præponeretur, dicendo, Societas B. Ignatii, & sociorum: & ita neque Ignatius ipse, quod humiliter exoptabat, oblineret, neque alii in eodem modestiæ, ac humilitatis officio eum perfecte imitari viderentur. Prudenter ergo, & sancte additum est nomen JESU, in quo principaliter ipsi sociati erant, & ceteros imitatores eorum conjungi cupiebant.

12 Sed instant, arrogantiae esse, universalis Ecclesiæ nomen sibi usurpare. Respondeo in primis arrogantiam tunc proprie esse, cum quis aliquid boni, vel virtutis sibi attribuit, quod vere non habet, aut a se habere, quod a Deo habet, juxta D. Thom. 2. 2. q. 11. art. 1. ad 2. Neutrum autem horum fecit S. Ignatius, aut facit Societas per hujus nominis appropriationem. Nam in primis hoc nomine proficitur, quod vere est Societas JESU, tum quia in illo unitur perfecta unione, qua membra capiti copulantur, & inter se ratione illius: tum etiam, quia sub illo, tanquam sub primario duce militat; tum denique quia pro illo legatione ad homines fungitur, ut Deo reconciliantur, illique ad salutem animarum, quantum potest, cooperatur. Nam & Paulus Apostolus ad Philip. 2. Epaphroditum fratrem cooperatorem, & commilitonem suum appellat, eo quod in prædicatione Evangelii illi esset socius. Sic autem hujus religionis ministri, si non tempore, & loco, certe spiritu, & munere illi sociantur. Tum denique, quia quidquid lucri in negotiatione sua hæc Societas intendit, totum ad JESUM pertinet, non enim quæ sua sunt, sed quæ Jesu Christi quærere debet, ac conatur. Deinde hoc ipsum quod vere Societas est, non a se, sed a Christo habere, illo eodem nomine proficitur. Propterea enim non al-

terius hominis, sed JESU appellata est, ut ab illo intelligat se habere originem, & profectum.

13 At urgere tandem possunt, ad arrogantiam etiam & superbiam pertinere ea, quæ communia sunt, & excellentiam præ se ferunt, tanquam propria usurpare. Respondeo primo, vulgaram esse doctrinam etiam inter Dialecticos, genericam vocem aliquando attribui abjectiori speciei, ut denotetur potius, nihil habere extendens, præter id quod commune est: nomen autem Societatis JESU, licet excellentiam magnam præ se ferat, tamen ex se non aliam significat præter illam, quæ toti Ecclesiæ, & omnibus membris ejus communis est, & ideo attribui potuit alicui parti ejus, non tamquam excellentiori, sed tanquam minimæ, & quasi nihil proprium habenti, unde gloriatur. Deinde addo, etiam esse vulgarem Theologorum doctrinam, nomina communia, quantumvis excellentia, recte appropriari alicui, quando & penuria nominum cogit, & sufficiens ratio ad talem approbationem invenitur. Sic nomen Spiritus sancti, quod aliàs commune est, tertiæ personæ tamquam proprium imponitur, ut omittam multa essentialia, & communia nomina personis appropriari, ut potentiam Patri, sapientiam Filio, & similia: sic etiam hæc vox religiosus communis est omnibus verum Deum sana fide colentibus, & nihilominus speciali ratione iis, qui peculiari modo se divino cultui dedicant, appropriata est: & ideo quamvis nonnulli hæretici etiam hoc in monachis reprehendere voluerint, quod religiosorum nomen sibi vendicaverint: nihilominus tamen esse veram calumniam omnes catholici intellexerunt. Ita igitur commune hoc nomen sine arrogantia potuit huic religioni appropriari, quia multa habet propria, in quibus merito hæc impositio, seu accommodatio fundari potuit. Primum, quia ut dictum est, Christo specialiter conjungitur, ut ei circa efficaciam redemptionis, & salutem hominum, quam nomen JESUS præ se fert, specialiter cooperetur. Secundo, quia Christi vitam proprio, & particulari modo imitatur, ut in sequentibus latius ostendemus. Et nunc breviter declaratur, quia in hoc præcipue suos inquit, ut summa unionem charitatis inter se vivant, more discipulorum Christi, & ut Christo conformentur, præcipue in obedientia ad Patrem, & in affectu ad animarum salutem: quos omnes effectus nomen illud præ se fert juxta illud 1. Joan. 1. Quod vidimus & audivimus, annuntiamus vobis, ut & vos societatem habeatis nobiscum, & societas nostra sit cum Patre, & cum Filio ejus Jesu Christo. Tercio est huic religioni proprium, peculiarem obedientiam Vicario Christi promittere, quod inter alias causas, speciali Dei providentia credimus factum, in destructionem hæreticorum, qui eodem tempore exorti sunt, & speciali odio Apostolicam sedem, atque adeo catholicam Ecclesiam prosequuntur. Non ergo nomen Societatis hæc religio assumpsit, ut universalem Ecclesiam sibi arrogaret, sed potius, ut se illius filiam, & peculiari modo illi obedientem profiteretur. Quis autem filiam reprehendat, quod ex peculiari affectu ad matrem nomine ejus insigniri gaudeat? Denique nullus reprehendit religiones aliquas, congregationes, aut particulares personas, quæ vel a Trinitate, vel ab Spiritu sancto, vel a conceptione, vel ab ipso nomine JESU, cognomina accipiunt, vel ob peculiarem institutionem, vel ob singularem devotionem, vel propter aliquem alium respectum ad talia mysteria: cum ergo hæc omnes causæ, & plures alie, quæ insinuatæ sunt, vel cogitari etiam possunt, in Societate inveniantur, merito a nomine JESU cognomen accepit. Ultimo vero circa nomen hoc præ oculis habenda est multiplex ejus significatio, quæ in constitutionibus ejusdem Societatis declaratur, p. 5. cap. 1. tit. A. Quia enim Societas congregatio quædam est, quæ pluribus membris constat, & novitiis etiam, qui propria membra non sunt, ideo interdum illo nomine significatur tota Societas, ut novitios etiam complectitur; nonnunquam excluduntur soli novitii, & Societas appellatur totum reliquum corpus ex membris suis constans. Inter hæc autem membra quedam sunt, quæ nondum ad terminum pervenerunt, sed adhuc probantur aliquo modo, & sunt in via, ut scholastici, & ideo vocari solet aliquando illo nomine hæc congregatio, ut constans ex professis, & coadjutoribus for-

Replica.

Disputatio prima.

Vide D. Thom. 4. d. 7. q. 1. art. 1. q. 2. ad 3.

Diluitur secundo.

Vide Bellarmin. lib. de monachis.

Rationes cur nomen societas approprietur huic religio.

Nomen Societatis varie in constitutionibus usurpatur.

formatis, qui jam sunt in termino sui status. Quia vero inter eos professi sunt præcipui, & apud eos est principaliter regimen Societatis, & ministerium ejus, ideo specialiter solet eis hoc nomen attribui. Quæ distinctio ad intelligenda ea, quæ dicemus, præ oculis habenda est.

C A P U T II.

Quis sit finis hujus religionis.

A fine nō solum quælibet actio, sed totus vitæ status regulatur. **S**icut in actionibus humanis earum bonitas, & perfectio ex fine pender, ut est commune Philosophorum dogma; Propter quod dixit Seneca epist. 46. Finem summi boni, ad quem factum nostrum, dictumque respiciunt, proponendum nobis esse, ne vita in incertum vageretur. Imo etiam Christus Dominus Matth. 6. Luc. 11. dixit, ex oculo cordis, & simplicitate intentionis totius corporis lucem pendere. Sicut (inquam) hoc in singulis actionibus verum est, ita etiam in quolibet vitæ statu; nam finis ejus est quasi basis, & fundamentum illius, ut recte dixit Greg. li. 28. moral. cap. 13. explicans verba illa Job. 38. *Super bases illius solidate sunt, vita* (inquit) *nostra in intima finis intentione subsistit.* Est etiam quasi generale principium, ex quo conditiones, seu proprietates, vel obligationes uniuscujusque status colligendæ sunt, juxta illud Arist. 2. Phys. c. 8. *Sicut principium in speculabilibus, ita finis in moralibus.* Inter moralia autem status hominum primarium sine dubio lo-

Est item principium in moralibus.

cum obtinent. Est denique finis uniuscujusque status, seu religionis, si proprius sit, veluti propria forma, a qua veluti propria differentia constituens talem religionem eamque ab aliis distinguens sumitur, ut ex D. Thomæ doctrina 2. 2. q. 184. intelligere licet. Ob has ergo causas ad intelligendum Societatis institutum, ejusque rationes, ac proprietates explicandas, finis illius primum omnium contemplandus est. Atque ita primitiam nostri Patres, quoties a Summis Pontificibus approbationem hujus religionis petierunt, a fine illius suæ supplicationis initium sumperunt. Ab illis ergo, atque adeo a Pontificibus, & responsis eorum finem hujus religionis addiscamus. *Finem hujus religionis esse non solum propriam, sed alienam perfectionem querere.*

2 In prima ergo Bulla Pauli III. in formula instituti ei proposita Societas ad hoc potissimum instituta dicitur, *ut ad profectum animarum in vita, & doctrina Christiana, ad fidei propagationem, &c. præcipue intendat.* Et inferius ad unumquodque Societatis membrum dicitur. *Curet primo Deum, deinde hujus sui instituti rationem, quæ via quedam est ad illum, semper ante oculos habere, & finem hunc sibi a Deo propositum totis viribus assequi.* Eadem verba fere inveniuntur in simili formula oblata Julio III. ut habetur in prima ejus bulla. Idem repetunt alii Pontifices, præsertim Greg. XIII. in constitutione, *Quanto fructuosius, ubi sic ait. Sicut finis dictæ Societatis fidei propagatio, & defensio, animarumque in vita & doctrina Christiana progressus, ita etiam gratia ejus vocationis proprium est, diversa loca de Romani Pontificis, ac Præpositi Generalis ejusdem Societatis directione peragere, &c.* Et in altera constitutione, *Ascendente Domino.* Cujus (scilicet Societatis) inquit, præcipuus finis est catholica religionis defensio, & propagatio, animarumque in Christiana vita & doctrina profectus. Deinde in suis constitutionibus sæpe hunc finem nobis proposuit B. Ignatius, magisque explicavit. Nam in examine (quod omnibus Societatem ingredi volentibus statim in principio proponitur) c. 1. n. 2. sic inquit. *Finis hujus Societatis est non solum salutis, & perfectionis propriarum animarum cum divina gratia vacare, sed cum eadem impense in salutem, & perfectionem proximorum incumbere.* Et in p. 1. Constitutionum cap. 2. num. 8. ait: *Institutum Societatis esse recta tendere ad juvandas, & disponendas animas ad sui ultimi finis consequentiam.* Et p. 3. c. p. 1. §. 9. de Societate loquitur. *Quæ tota ad majorem Dei gloriam & universale bonum, & utilitatem animarum instituta est; & p. 4. statim in initio. Cum scopus, ad quem Societas recta tendit, sit suas, ac proximorum animas ad finem ultimum consequendum, ad quem creatae fuerunt, juvare, &c.* ubi in declaratione id distinctius explicatur. At denique ex hoc fine fere om-

Probat ut testis Pontificum.

Ex constitutionibus Societatis idem ostenditur.

nia colligit, quæ in omnibus partibus constitutionum disponit, ut in discursu operis videbimus. Hic vero specialiter notanda sunt illa verba, quæ in 7. p. c. 1. §. 1. scripta reliquit de eodem fine, scilicet: *Qui finis nostri instituti valde proprius est.*

3 Satis ergo, & ex testimonio auctoris instituentis, & ex assensu Pontificum approbantium, constat hunc esse finem Societatis. Neque hic alia ratio postulanda est: quia finis intentio, seu designatio libera est operanti, vel artifici: ille ergo est finis rei institutæ, quem ipse institutor sibi proposuerit, quemque intendere tenentur omnes, qui talem vivendi rationem proficiuntur. Deinde (a posteriori argumentando); ille est finis alicujus status, ad quem præcipue operationes ejusdem status, & media, quæ ad illas ordinantur, diriguntur; nam operatio est finis proximus, seu formalis, seu finis quo (ut Theologi loquuntur); id autem, quod per talem operationem comparatur, est finis, qui intenditur, seu cuius gratia res instituta est; sed omne fere opus, ac negotium Societatis ad hoc tendit, ut animarum salutem, & perfectionem, quantum divinæ gratiæ cooperando potest, promoveat: & tota ratio instituendi, distribuendi, ac perficiendi membra sua in hunc finem respicit, ut ea faciat apta instrumenta ad animarum salutem procurandam, vel ad hoc opus aliquo modo juvandum, unumquodque pro ratione sui gradus; ergo signum est hunc fuisse finem Societatis Major, ut nota, supponitur ex 1. 2. q. 1. & 3. & ex Metaphysica. Minor, & ex bullis, ac constitutionibus citatis, & ex praxi, & usu manifesta etiam est, & in sequentibus erit sæpius repetenda: nam magis a priori procedendo ex prædicto fine colligemus, quam recte sint hæc omnia in Societate instituta.

4 Ut autem finem hunc, & ejus perfectionem amplius declaremus, duo circa illum inquirere possumus. Primum, quomodo possit hic esse finis alicujus religiosi status. Secundum, si est, quo sensu dici possit Societatis proprius. Ratio dubitandi in utroque puncto est, quia finis ille duas partes includit; una est propria perfectio ipsorum religiosorum; altera est sanctificatio, aut perfectio aliorum proximorum. Ex quibus prior est quidem accommodatus & proprius finis religiosi status. Posterior vero non videtur pertinere posse ad finem illius; non quidem, quia infra illum statum sit, sed potius, quia multum illum excedere videatur. Ait enim Dionysius de cœlesti hierarchia cap. 9. Omnium divinisimum esse, Dei cooperatorem fieri circa animarum salutem juxta illud 1. ad Corinth. 3. *Dei adjutores sumus.* Est ergo ille finis supremus omnium, qui esse potest in aliquo statu Ecclesiæ. Pertinet ergo ad supremum statum, qui est Episcoporum, non ad religiosum, qui inferior est. Docuit hoc eleganter Nazianz. oratio. 1. non solum attribuendo Episcopis tamquam proprie debitam perfectionem propriam, illis verbis: *Antistitis vitium est non quam optimum esse, ac novas subinde virtutum accessiones facere, siquidem virtutis suæ præstantia multitudinem ad mediocritatem tracturus sit: sed etiam de fine perficiendi alios ita discevit. Huic scopus est animæ penas dare, ac mundo eam eripere, Deoque dare, divinamque imaginem, aut manentem conservare, aut periclitantem fulcire, aut dilapsam in pristinum statum revocare.* Quem finem dici deinceps esse scopum totius divinæ providentiæ Dei erga homines, & Incarnationis Christi ac tandem concludit. *Ac nos hujus medicæ scientiæ ministri, & adjutores sumus, quicumque aliis præsidemus. Quibus cum magnum, atque amplum sit propria vitia, morbosque percipere, iisque mederi, multo tamen majus, ac præclarior est, aliorum morbos curare, ac scite repugnare posse, atque ut utrisque utile sit: nempe, & his, qui curatione indigent, & his, qui medendi scientiam profitentur.* Videtur ergo arrogantiæ cuiusdam esse in inferiori statu, hunc finem sibi attribuere, sive usurpare. Et confirmatur; ac declaratur ex dictis superiori tomo circa differentiam status religiosi ab Episcopali: nam Episcopalis est status perfectionis exercendæ, seu communicandæ; religiosus vero est status perfectionis acquirendæ, ut docuit etiam D. Thom. 2. 2. q. 186. art. 5. Propter quod etiam in cap. Hoc nequaquam, 7. q. 1. ex Concilio Constantinopolitano dicitur. *Monachorum vita subjectionis habet verbum, & disciplinatus.* Et ob eandem cau-

Idem ratio suadet a posteriori.

Puncta duo discutienda ac ratio diffinitiva.

causam Dionysius cap. 6. de Ecclesiastica hierarchia religiosum statum ponit in ordine initiandorum, seu perficiendorum, & non in ordine ministrantium, seu perficientium. At vero incumbere aliorum saluti pertinet ad statum perficientium; ergo non potest esse finis accommodatus religioso statui: ergo status, qui habet hunc finem, hoc ipso deficit a ratione perfectæ religionis: tum quia non minus monstruosum est, & perfectioni contrarium, altiora se querere, quam a debita perfectione deficere, cum quoddam arrogantia genus illud esse videatur. Tum etiam, quia eo ipso quod in aliquo statu exceduntur limites operandi ultra mensuram accommodatam tali statui, non solum perfectio non acquiritur, verum potius illi, qui talem statum profitentur, exponuntur etiam innumeris periculis amittendi etiam spirituales vitam. Quod præcipue contingere potest in hoc fine querendi salutem animarum, qui multa pericula habet annexa, præsertim superbix, ambitionis, & vanæ gloriæ, & inferiorum lapsuum fragilitatis humanæ. Quod si forte dicatur hinc solum probari, hunc non posse esse finem directum, & primum alicujus religiosi status; non tamen inde concludi, per quandam redundantiam, & quasi extensionem non posse religiosum statum ad hunc finem ordinari. Si hoc (inquam) dicatur, primo repugnat omnibus testimoniis adductis, & destruuntur omnia, quæ de fine hujus religionis hæcenus dicta sunt. Deinde nulla erit differentia in hoc inter illam, & alias religiones, præsertim mendicantes, quæ hoc saltem modo ad salutem proximorum ordinantur, veluti religio *Prædicatorum*, ut nomen ipsum præ se fert.

Evasio
concludi-
tur.

Querere
animarum
salutem
posse esse
finem
principalem
alicujus reli-
gionis.

5 Circa questionem hanc primum omnium statuendum est, finem hunc querendi proximorum salutem, & perfectionem, esse finem non accidentarium, nec secundarium hujus religionis, sed principalem, & maxime proprium, ut verba instituti, & Pontificia scripta manifeste testantur; ita vero sumendus est hic finis, ut ab alio, scilicet, perfectionis propriæ acquirendæ non separetur, sed sit quasi determinatio ejus, vel potius mutuo sese determinet, & ita ex eis conficitur unus adæquatus, & perfectissimus finis talis religionis. Ut autem hoc explicemus, & confirmemus, primum probandum est posse hunc finem salutis animarum esse primum scopum alicujus religiosi status, quod sumi potest ex D. Thom. 2. 2. q. 188. art. 4. & Cajet. ibi. Idque sic ostendo; nam licet religiones omnes pro scopo habeant perfectionem charitatis, singulæ tamen illam inquirunt peculiari modo, seu in proprio aliquo opere, seu ministerio, quod est veluti proprius uniuscujusque scopus, ut indicavit Moyses Abbas apud Cassianum collat. 1. fere tota, & D. Bonav. in speculo disciplinæ cap. 6. tom. 2. opuscul. & in superiori tom. id declaratum est, circa statum religiosum in communi, & iterum hoc ipso tomo in tract. 9. circa varietatem religionum dicitur. Sic enim quædam religiones ordinantur ad solam contemplationem, vel laudem Dei, quædam ad hanc, vel illam actionem in defensionem Ecclesiæ, redemptionem captivorum, curationem infirmorum, &c. Hinc igitur sic colligo; nam religio institui potest, quæ pro suo peculiari fine principaliter habeat aliquod ex prædictis misericordiæ operibus, ut ex usu Ecclesiæ constat: ergo multo magis institui potest, quæ pro fine habeat maximum charitatis opus erga proximos, quale est eorum æternam salutem procurare, nullumque laborem propter hunc finem assequendum recusare.

Suadet
Scripturæ
testimo-
nium.

4 Quin potius, si recte verba Christi in Evangelio expendamus, hic videtur esse præcipuus finis status religiosi a Christo Domino instituti, vel significati. Nam Luc. 9. cum quendam ad perfectionem vocasset, dicens: *Sequere me*, & ille respondisset: *Domine, per mitte mihi primum ire, & sepelire patrem meum*: respondit Dominus: *Sine ut mortui sepeliant mortuos suos, tu autem vade, & annuncia regnum Dei*, indicans, propter hoc munus principaliter illum vocasse ad statum perfectionis, ut scilicet annuntiaret regnum Dei. Et Marci 10. dixit: *Nemo est, qui reliquerit domum, aut fratres, &c. propter me, & propter Evangelium, qui non accipiat centes tantum, &c.* quam ultimam particulam solus Marcus addidit. Et Euthym.

Suarez Tom. XV.

cap. suo 41. in Matth. Barrad. tom. 3. concord. lib. 5. cap. 10. & alii post Hieronymum Matr. 19. illam ita interpretantur, *propter Evangelium annuncianum*. Sic etiam Apostolos, quos in religioso statu prius instituit, ad hoc principaliter vocavit, ut essent piscatores hominum. Est ergo hic non solum aptus, sed etiam maxime perfectus finis status religiosi. Ratione denique declaratur; nam finis, qui magnam perfectionem requirit, & cujus operatio, seu inquisitio, & per se spectata opus perfectionis est, & multum ad perfectionem juvat, finis est status religiosi, cum ipse essentialiter sit status comparandæ perfectionis: sed hujusmodi est ille finis, ut per se manifestum est, & in prædictis bullis Societatis sæpius declaratur. Nam in prima formula instituti Pauli III. proposita dicitur, rationem hujus instituti *viam quandam esse ad Deum*. Et Pontifex testatur, omnia, & singula (scilicet sibi proposita) ad spirituales profectum eorundem sociorum, & reliqui Christiani gregis esse opportuna. Quæ iterum in bulla 1. Julii III. repetuntur. Et multa adduntur, quæ perfectionem, & excellentiam hujus finis satis declarant. Præcipue vero notanda videntur verba illa, quæ ex parte Societatis proponuntur. *Qui ad nos accessuri sunt, antequam huic oneri humeros supponant, diu multumque meditentur, an tantum pecunia spiritualis in bonis habeant, ut turrim hanc juxta consilium Dominicum possint consummare*: hoc est, *an Spiritus sanctus, qui illos impellet, tantum illis gratia polliceatur, ut hujus vocationis pondus se laturos sperent: & postquam Domino inspirante huic Jesu Christi militie nomen dederint, die nocteque succincti lumbos, & ad tam grandis debiti solutionem prompti esse debebunt*. Et inferius sunt alia verba multum notanda, & præ oculis semper habenda. *Revera hoc institutum omnino humiles, & prudentes in Christo, & in Christiana vitæ puritate, ac literis conspicuos exigit*. Non est ergo hic finis, tamen si in se perfectissimus, statui religioso improporcionatus, si ordinato modo, & per consentanea media intendatur.

Ratione
item ostē-
ditur.

7 Quocirca quamvis de essentia status religiosi sit via esse, & scholam propriæ perfectionis acquirendæ, ita ut a tali statu hoc separari non possit; non tamen illi repugnat, quod sit simul status perfectionis exercendæ, & communicandæ, ut etiam in tom. superiori circa statum religiosum in communi annotatum est. Et patet facile, tum quia, licet religiosi dicantur esse in via perfectionis, non tamen propterea excluditur, quin in religione esse possint, ac frequenter sint multi jam perfecti. Nam licet in præsentī vitæ, non ita perveniatur ad terminum, quin ulterius semper procedi valeat, ut lib. 9. de gratia c. 6. ostendi, perveniri nihilominus potest ad eum gradum, & perfectionem virtutis, in qua possit aliquis dici simpliciter perfectus, pro capta hujus vitæ. Ergo hic gradus perfecti non excluditur, sed potius intenditur in statu perfectionis religiosæ. Ergo eadem ratione possunt principaliter, & quasi ultimatè intendi ea opera, quæ virum perfectum requirunt, cum omnis perfectio hujus vitæ vel in operatione sit, vel propter operationem: hujusmodi autem opera post sinceram Dei dilectionem sunt illa, quæ circa salutem animarum exercentur; ergo exercere, & communicare hoc modo perfectionem non est repugnans huic statui. Eo vel maxime quod ipsamet operatio perficiendi alios, potest ita perfici, ut multum perficiat ipsum perfectorem, seu cooperatorem alienæ perfectionis; ergo recte potest comprehendi in primario fine status religiosi, etiam si sit status perfectionis acquirendæ, quod insinuatum est in illis verbis B. Ignatii: *Curet primo Deum, deinde hujus sui instituti rationem, quæ via quedam est ad illum quoad vixerit ante oculos habere*.

Non cen-
gnare re-
ligioso
statui si-
mul ac-
quirere, &
commu-
nicare
perfectio-
nem tam-
quàm duas
fines prin-
cipales.

Id prædi-
ctis bul-
lis.

8 Ex quibus potest multiplex differentia assignari inter statum Episcopi, quatenus est status perficiendi alios, & statum religiosum, quatenus hujusmodi actione participat. Nam in primis Episcopis convenit hoc munus per se, & ex officio, ideoque quasi principaliter: religiosi autem solum convenire potest quasi ministerialiter, & in subsidium Episcoporum, ut sensit D. Th. d. q. 188. art. 4. & ibidem magis Cajet. explicavit. Unde omnis potestas ad hos actus necessaria est jure ordinario in ipsis Episcopis, in religiosis vero quatenus tales sunt, solum esse potest per delegationem vel ab ipsis Episcopis, vel ab universalis Ecclesiæ Episcopo. Unde etiam sit,

Primum
d. scilicet
inter Epi-
scopos &
religiosos
quatenus
utriusque
profectu
animarum
procurant.

V

ut po-

ut potestas perficiendi alios plenarie (ut sic dicam) sit in Episcopis, quoad potestatem quidem ordinis, absolute, & simpliciter; quoad potestatem autem jurisdictionis, quantum satis est ad ordinariam gubernationem, licet cum dependentia a capite, a quo potest illa jurisdictio limitari, quia ad ipsam gubernationem ita expedit. In religiosis vero solum est participatio aliquae hujus potestatis, quæ regulariter non extenditur ad omnes actus perficiendi alios, neque enim possunt vel per sacramentum confirmationis fideles perficere, nec per ordinationem sacerdotes consecrare. Unde potest alia differentia tandem considerari; nam in eo, qui perfecturus est alios, duo requiruntur: potestas, & probitas, seu sanctitas, aut perfectio personæ: status ergo Episcopalis constituit hominem in statu perficiendi alios, dando potestatem, non vero dando probitatem, sed hanc aliunde supponendo. Status vero religiosus, quatenus tendit ad perficiendos alios, eo præcipue tendit, ut conferat personæ probitatem, & perfectionem necessariam ad tam perfectam operationem expectandam potestatem ab eo, qui illam conferre potest, voluntati ejus tam concessionem potestatis, quam usum ejus committendo. Et ad hoc significandum, tam in dictis bullis, quam in constitutionibus Societatis, ubicumque de ejus fine agitur, conjungitur hæc dependentia, & subordinatio ad Summum Pontificem, ac si nos docere voluerit B. Ignatius, finem hujus instituti, non tamen esse prædicare, vel docere, &c. quam facere homines idoneos, expeditos, & expositos ex vi sui instituti, ad sancte prædicandum, docendum, &c. si a Summo Pontifice, vel a Prælo Societatis ejus vicem habente, ad hoc fuerint destinati. Sic in 1. bulla Pauli III. incipit formula instituti. *Quicumque in Societate nostra, quam Jesu nomine insigniri cupimus, vel sub Crucis vexillo Deo militare, & soli Domino & Summo Pontifici ejus in terra Vicario servire.* Et tam in illa, quam in prima bulla Julii III. monentur omnes socii, ut sciant, & quotidie animo volvant, *Societatem hanc universam & singulam sub S. D. N. Papa, & aliorum Romanorum Summorum Pontificum successorum ejus fidei obedientiam militare.* Et hinc ortum dicitur speciale votum obediendi Summo Pontifici circa missiones, quod professi Societatis faciunt; & circa hoc ipsum monentur socii, nihil debere per se, vel alios circa hæc missiones procurare, sed totam hanc curam Summo Pontifici, & Præposito generali vices ejus tenenti, esse dimittendam. Ex quibus omnibus recte intelligitur finem intrinsecum (ut sic dicam) hujus Societatis esse creare, & instituere ministros ita perfectos, ut ad ministerium salutis animarum ad nuntium voluntatis prælatorum digne assumi possint, qui finis non est extraliquiditatem illius status religiosi, qui est ad perfectionem acquirendam, licet illum elevet, & extendat etiam ad finem perfectionis communicandæ, & exercendæ, modo proportionato religioso statui. Unde adjungi etiam potest tertia differentia; nam status Episcopi per se primo ad aliorum utilitatem ordinatur, & in ea sistit, quantum est ex vi status, & non ad propriam utilitatem etiam spirituales: quamvis n. persona Episcopi in exercendo suo munere illam possit, & debeat intendere, tamen munus ipsum per se, & natura sua solum est ad utilitatem aliorum. At vero status religiosus ita ordinatur ad animarum salutem, ut illam negotiationem respiciat, ut magnam perfectionem ipsius operantis, a cujus intentione nunquam separat utilitatem aliorum, & ideo hanc ipsam utilitatem eo pondere, & mensura procurat, quæ propriam perfectionem non impediatur, sed potius ad eam juvet. Hoc ergo modo finem hunc sibi Societas proposuit.

Quo pacto perfectio propria & proximorum possit esse finis Societatis proprius.

9. Secundo principaliter colligitur ex dictis responsio ad secundum punctum in num. 4. propositum; quomodo scilicet finis supra declaratus sit proprius Societatis, quantum ad eam partem, in qua dicitur ordinari ad propriam perfectionem sociorum. Quæ difficultas fere omnibus religionibus proponi potest, & maxime illis, quæ ad proximos non ordinantur, quia omnes hunc solum finem intendere videntur. Est igitur advertendum, (quod tam in dicto præced. lib. I. c. 1. n. 4. notavimus) licet hic finis secundum se, & quantum ad rem

illam, in qua talis finis consistit, idem sit; nihilominus propter diversum modum, quo a diversis religionibus intenditur, diversas rationes finis formaliter (ut ajunt) induere, licet materialiter id sit. Sicut enim Philosophi dicunt, eundem locum diversis viis circulari, aut recta intentum, induere diversas rationes termini, aut finis; ita in præsentia eadem charitatis perfectio intenta per talem regulam, aut vivendi modum, aut per peculiarem usum talis virtutis, induit diversas rationes finis, atque hoc modo intenditur in diversis statibus religionis. Nam a quibusdam quaeritur per peculiarem usum contemplationis; ab aliis per pium usum in aliquo opere charitatis, aut misericordiæ; ab aliis per singularem observantiam paupertatis, &c. Et quamvis verum sit, fere hæc omnia in omnibus, vel in pluribus religionibus observari; tamen ab eo, in quo unaquæque excedit, & cui cætera omnia quodammodo accommodantur, accipit propriam rationem, & denominationem suam. Sic ergo habet Societas proprium quemdam modum in propria suorum membrorum perfectione procuranda, ratione cujus finem illum, ut proprium & peculiarem sibi usurpat.

10. Videtur autem mihi modus hic in duobus præcipue consistere. Primo, quia partem hanc sui finis alteri parti accommodat, quæ ad perficiendos proximos pertinet; ita enim quaerit suorum sociorum perfectionem, ut totam illam, mediaque, quibus comparatur, &c. velit deservire perfectioni proximorum. Ut v. g. cum meditatio, & contemplatio sit unum ex potissimis mediis ad perfectionem acquirendam, Societas ita in ratione meditandi, & orandi suos instruit, ut per illam ipsam aptiores reddantur ad actionem circa animarum salutem intentam. Similiter moderatio in victu, & vestitu, usus poenitentiae, rigor, & asperitas corporis, media sunt valde utilia, & necessaria ad propriam perfectionem. Ex omnibus autem illis illud accipit Societas, quod ad propriam perfectionem sufficiat, & labores circa animarum salutem procurandam non impediatur, sed potius, quoad fieri possit, ad illos juvet. Pro certo enim habet, ac supponit, ex hujusmodi respectu, & accommodatione non esse propriam perfectionem suorum, vel minimum, minuendum; quia vera charitas non est charitati contraria, neque ex fine salutis animarum, qui perfectissimus est, potest fructus aut perfectio aliorum operum religionis minui. Quin potius licet de substantia, seu materiali usu (ut sic dicam) aliorum operum aliquid interdum remitti videatur, ex conjunctione tamen ad illum finem, & ex mirabili concentu, & proportionem, quæ ex omnibus illis operibus tali fini commensuratis confurgit, non solum suppletur, verum etiam mirum in modum augetur.

11. Secundo videtur consistere hic modus Societatis proprius in peculiari cultu, & singulari observantia obedientiæ. De quo B. Ignatius in singulari epistola, quam de hac virtute nobis scriptam reliquit, ita n. 3. loquitur. *Ab aliis religiosis ordinibus facilius patiamur superari nos jejunii, & vigiliis, & cætera victus, cultusque asperitate, quam suo quisque ritu, ac disciplina sancte suscipiunt: vera quidem ac perfecta obedientia, abdicatio neque voluntatis, atque judicii maxime velim, fratres charissimi, esse conspicuos, quicumque in hac Societate Domino Deo nostro deserviant, ejusdemque Societatis veram germanamque sobolem, quasi nota distinguat, &c.* Et in constitutionibus sæpe id commendat, & exaggerat, præsertim p. 6. c. 1. Tum (inquit) omnes plurimum observare, & in ea excellere studeant, nec solum in rebus obligatoriis, sed etiam in aliis, licet nihil aliud quam signum voluntatis superioris, sine ullo expresso præcepto videretur. Et infra. *Exactissime omnes nervos virtutum nostrarum ad hanc virtutem obedientiæ, in primis Summo Pontifici, deinde superioribus Societatis exhibendam intendamus, ita ut omnibus in rebus, ad quas potest cum charitate obedientia se extendere, ad ejus vocem perinde ac si a Christo Domino egrederetur (quandoquidem ipsius loco, ac proprius amore, & reverentia obedientiam præstamus) quam promptissimi simus.* Et infra requirit a suis obedientiam, tum in executione, tum in voluntate, tum in intellectu; de qua virtute prout in Societate docetur, & exercetur, specialiter a nobis, infra in lib. 4. a c. 12. differendum est, quoc obiter solum hoc tactum est, ut intelligatur, sicut aliæ religio-

Diversos modos edocendi in finem perfectionis, diversas rationes finis formaliter efficere.

Primum in quo edocendi perfectio in Societate.

Secundum in quo modus quaerendi perfectionem in Societate consistit.

Secundum discrimine.

Religionem non tam intendere alios perficere, quam personas ad hoc munus idoneas creare.

Tertium discrimine.

In quibus
excellen-
tia obe-
dientiæ
Societatis
consistat.

religiones eminent vel in paupertate, vel in rigore penitentiæ, vel in choro, &c. ita speciale studium Societatis esse in excellentia obedientiæ, & per eam specialiter promovere suos subditos ad perfectionem propriam. Hæc autem excellentia attendi inprimis potest ex parte materiæ: aliæ enim religiones profitentur obedientiam secundum certam regulæ mensuram, ut etiam D. Th. 2. 2. q. 186. notavit. Hic autem nulla adhibetur mensura, præter supra indicatam, scilicet, ut opus injectum cum charitate conjunctum esse possit, ut declaratio addidit: *Hujusmodi sunt illa omnia, in quibus nullum manifestum est peccatum*. Deinde etiam quoad modum summa perfectio postulatur, scilicet, quod sit ex tota anima, ex tota mente, & ex totis viribus, his enim fere æquivalent verba ex B. Ignatio relata. Consonat autem optime hic peculiaris modus inquirendi propriam perfectionem cum alio membro contento sub fine hujus religionis, de quærenda perfectione proximorum, & cum priori etiam modo quærendi propriam perfectionem, accommodatæ ad procurandam etiam perfectionem proximorum. Quia ad hanc spiritualem militiam contra mundum, & contra dæmonem strenue peragendam, nulla virtus magis necessaria est, quam obedientia, tum quia per illam specialiter moventur homines a Deo, tamquam instrumenta ejus, quod in hoc negotio maxime necessarium est, juxta illud: *Quomodo prædicabunt, nisi mittantur*. Et illud: *Neque qui plantat est aliquid, neque qui rigat, sed qui incrementum dat Deus*. Tum etiam, quia in hoc opere necessarium est multa, & difficilia ministeria exercere, & variis generibus, & regnis, vel prædicare, vel aliis modis spiritualiter juvare: & ideo nisi ministri Societatis essent in hac virtute promptissimi, & valde exercitari, re vera non possent tantum opus pro dignitate sustinere.

Non solum
hunc finem
esse proprium
Societatis,
quia illi
per se convenit,
sed etiam quia
nulli alii
convenit.

12 Ultimo ex dictis difficile non est alteram ejusdem secundi puncti partem expedire, & explicare, quomodo propositus finis, quantum spectat ad salutem proximorum procurandam, sit proprius hujus religionis. Potest autem proprius vocari, vel quia ipsi per se, ac principaliter convenit: & hoc sensu nullam habet dubitationem; quia & verbis satis expressis id asseruit noster Pater B. Ignatius, & ex omnibus dictis satis evidens est. Vel aliter dici potest proprius, quia ita illi convenit, ut nulli alteri religioni conveniat: & in hoc etiam sensu, si recte explicetur, verum quidem est: ostenditur autem breviter collatione facta cum aliis religionibus. Ex quibus, ut supra distinximus, quædam clericorum sunt, aliæ monachorum. Et quidem religiones clericorum, quantum est ex statu, seu conditione personarum, aptæ sunt ad hunc finem, quia ad clericos per se spectant actiones, quibus animarum salus procuratur: tamen nulla alia religio clericorum est, quæ per se tendat, vel obligetur ad hujusmodi actiones: ergo nulla per se intendit hunc finem. Consequentia evidens est, quia religio maxime tendit, & obligat ad eas actiones, quibus finis ab ea principaliter intentus comparandus est, alioqui non essent media fini proportionata. Minor autem constabit facile discurrendo per hujusmodi religiones, ex quibus antiquissima est religio canonicorum regularium: novissima autem præter Societatem esse videtur religio Theatinorum, aut alia, quæ S. Pauli, vel etiam S. Barnabæ nominatur in Italia. Præter quas sunt aliæ minus notæ, quarum brevis memoria videri potest in Hieronymo Romano lib. 6. Nulla autem ex his ex speciali instituto & obligatione ordinatur ad actiones clericorum, quæ specialiter circa proximos versantur, sed peculiariter ad eas, quæ ad cultum divinum pertinent, ut ex usu ipso constat: & legentibus earum institutiones, & regulas, seu vivendi modos, certius constabit.

Nulli religioni
clericorum
hunc finem
convenit.

A monachatu
hunc finem
per se esse
alienum.

13 Monachatus autem juxta suam primævam, & puram institutionem ad solam contemplationem institutus fuit, & ad hunc finem cætera omnia etiam exercitationes & labores corporis assumebat, quod manifestum erit legenti antiquos monachorum Patres, præsertim Basilium in variis libris, seu sermonibus & institutionibus monachorum, & in Constitutionibus monasticis, ac regulis monachorum: & ex Cassiani libris de institutionibus monachorum, & collat. 9. a principio. Unde initio monachi regulariter clerici non erant,

Suarez, Tom. XV.

neque hoc per se pertinebat ad eorum institutum, ut sumitur ex c. nemo, & ex c. alia causa, 19. q. 1. & ex Dionysio c. 6. de Ecclesiast. hierarch. & D. Th. 2. 2. q. 189. art. 8. ad 2. Vide etiam q. 186. art. 7. ad 2. & q. 188. art. 1. ad 2. Quocirca religiones monachales secundum suam primævam institutionem, ad salutem proximorum procurandam per se non ordinantur, sed tantum ad perfectionem eorum, qui illas profitentur. Quod magna ex parte nunc etiam observari videmus in his religionibus, quæ veluti per antonomasiam nomen monachalium retinuerunt, ut sunt religio S. Benedicti, S. Bernardi, S. Hieronymi, Carthusiensium, Præmonstratensium, &c. Præter has vero instituti postea sunt ordines mendicantium, præsertim D. Dominici, & D. Francisci, ordines siquidem Carmelitarum, & eremitarum S. Augustini, quoad primam institutionem antiquiores sunt, licet postea ad formam, & numerum religionum mendicantium sint accommodati. Hi igitur mendicantium ordines monachorum etiam sunt, & ex hac parte non habent pro fine actiones aliquas circa proximum, tamen ex peculiari institutione addidisse videntur statui monachatus respectum aliquem ad salutem proximorum procurandam: quod specialiter de religione S. Dominici affirmat tacite D. Th. 2. 2. q. 182. art. 4. & opusc. 19. c. 5. ubi occasione defendendi religionem suam ostendit posse religionem aliquam institui ad prædicandum, ad audiendas confessiones, &c. Et Cæter. dict. art. 4. declarat esse proprium actum illius religionis prædicare non ex officio, sed ministerialiter subveniendo Episcopis in eo munere. Et hoc ipsum nomen illius religionis declarat, propterea enim *Prædicatorum* appellata est: nam nomen illud (D. Th. indicat) vacuum non est: indicat ergo proprium illius religionis munus, ad quod necesse est ordinari tamquam ad finem suum. De religione etiam Minorum dixit Gregor. IX. ut referatur in compendio Minorum, verbo, *Prædicatores*, §. 2. ministerium prædicandi ex professione sua illi convenire. Idemque de cæteris mendicantibus sentiendum est, quia quoad hoc fere æquales censentur; licet nonnulla inter eas sit diversitas. Nam ordo Carmelitarum, & eremitarum ex prima institutione sine dubio non fuerunt propter hunc finem, sed postea ipso usu, ac tandem approbatione Pontificum ad hujusmodi opus assumptæ, vel extenæ sunt: aliæ vero duæ religiones mendicantium monachorum ex prima intentione suorum fundatorum hunc finem participant, præcipue vero ordo Prædicatorum: qui propterea in sacrarum literarum studiis semper floruit, quia ad prædictum finem hoc medium est inprimis necessarium.

Ordines mendicantium non esse per se omnino alienos ab hoc instituto.

14 Nihilominus tamen in hujus finis intentione aliquid proprium habet Societas Jesu, ratione cujus merito potest finem illum sibi accommodare, & ab illo propriam rationem, & modum sui instituti recipere. Quod inprimis in forma servata in prima institutione hujus religionis, & ex verbis Pontificum quibus illam approbavit, quæ jam supra retulimus, satis conjectari potest: in nulla enim aliarum religionum institutione, vel approbatione invenitur ita propositus, & toties repetitus hic finis, tamquam primarius illius religionis: quod credibile non est sine speciali, ac vera causa factum esse, & a Pontificibus receptum. Deinde res ipsa ita declaratur. Nam inprimis nulla alia religio speciali voto se huic muneri consecrat: Societas autem hoc facit per illud speciale votum, quo ejus professi se obligant ad obediendum Pontifici in missionibus ad salutem proximorum, & fidei defensionem, aut dilatione ordinatis: quod infra lib. 4. declarabimus. Nec refert, quod non omnes religiosi Societatis, sed illi tantum, qui specialem professionem faciunt, hoc votum emittant; tum quia illa est præcipua Societatis pars, per quam hunc finem principaliter intendit; tum etiam quia reliqui omnes ad illam ordinantur, vel ut ad illum gradum perveniant, vel ut illum in suo munere adjuvent, atque ita omnes ad eum finem tendunt. Hinc potest secunda proprietas intelligi; nam aliæ religiones, etiam mendicantes, ita respiciunt hunc finem, ut totum religionis pondus non illum principaliter respiciat, sed valde secundario, & quasi ex abundanti, ut sic dicam. Et ideo nec particulares religiosi, nec prælati tenentur ita res suas, aut suæ religionis disponente, aut

Aliquid habere proprium Societatis, propter quod finis hic per antonomasiam illi convenit.

procurare, ut proximorum utilitati, & perfectioni deserviant, sed post interna, & domestica officia sufficienter expleta. si commode possint aliquid proximis erogare, tunc ex perfectione charitatis, & ex ratione sui instituti debent, ut poterint, proximis in spiritualibus deservire: at vero in Societate totum religionis pondus ad hunc finem ordinatur; nec satisfaciunt prælati ejus suo muneri, nisi hunc finem præ oculis semper habeant, & ita omnia, quæ ad religionem pertinent, moderentur, ut omnes, quoad fieri possit, huic muneri incumbant: singuli autem religiosi eundem finem respicere debent, & ita se disponere, ut ad illum procurandum apti sint, & parati: neque aliter suæ vocationi satisfaciunt, etiam si in his, quæ ad propriam perfectionem pertinent, strenui sint, quod de cæteris religionis non procedit. Denique ob hanc causam Societas per se & ex primaria institutione est religio clericorum, seu presbyterorum, ut a Conc. Trid. sess. 25. c. 16. & a Pio V. & Greg. XIII. nominata est, & in c. 5. explicabitur; quia nimirum actiones sacræ, quibus salus proximorum procuranda est, propriæ sunt clericorum: religiones autem monachorum, etiam mendicantium, per se non postulant clericatum, ut n. præce. notavimus, licet illum admittant; signum ergo est, non ita per se intendere finem salutis animarum, sicut a Societate intenditur.

C A P U T III.

Quibus mediis utatur Societas Jesu ad finem sibi præstitutum.

Cur hoc
a. de me-
dis ad fi-
nem ex-
plicatum
agatur.

QUAMVIS tota ratio hujus instituti, in his fere mediis posita sit, & ideo in discursu totius tractatus hujusmodi, & ex professo sint exponenda, nihilominus operæpretium visum est illa hic summam colligere, quia neque utilitas, neque perfectio hujus religionis, neque aliæ proprietates, quas de illa ostendere intendimus, intelligi poterunt, non habita prius aliqua saltem generali notitia talium mediorum. Ut enim religio aliqua perfecta sit, non satis est, quod perfectissimum finem habeat, nisi etiam mediis utatur ad perfectam illius finis consequutionem accommodatis; sicut neque e converso ad perfectionem religionis satis est in optimis se exercere operibus, nisi illa sint proprio finis religionis accommodata. Denique finis & media adeo sunt inter se connexa, ut licet in generali constet ex dictis in præcedenti capite, quem finem intendat Societas, non tamen satis explicari valeat, quam perfecte, & exacte finem illum intendat, nisi media, quibus ad illum consequendum utitur, considerentur.

Duplex
genus me-
dio um
Soc etia
his.

2 Quoniam ergo finis Societatis duas principales partes includit, quæ sunt perfectio propria, & proximorum; duplici etiam genere mediorum utitur. Unum est eorum, quæ ad perfectionem propriam suorum subditorum ordinantur; aliud ea continet, quæ proximorum commodis inserviunt. Quia vero præced. c. a. n. 5. diximus ita Societatem intendere suorum sociorum perfectionem, ut totam illam quoad fieri possit perfectioni proximorum velit inservire. Nam ut dixit Bonifacius Papa in c. sunt nonnulli, 16. q. 1. *quanto quisque est celsior, scilicet in virtute, & perfectione, tanto est in his potentior*: in his videlicet actionibus, quibus salus proximorum procuratur, ideo possunt non immerito omnia media, quibus Societas utitur, dici esse ordinata ad proximorum salutem. Tamen in hoc est diversitas, quæ in idem fere redit; nam quædam ordinantur immediate ad propriam sociorum perfectionem, licet mediate etiam referantur ad alios; alia vero proxime & immediate versantur circa proximos ipsos, quamquam illa etiam in bonum ipsorum ministrorum redundent, ut superiori cap. etiam tactum est, num. 7. & 10.

Quibus mediis Societas immediate propriam sociorum perfectionem procuret?

Media
pro con-
servanda
gratia.

3 In priori ordine numerari in primis possunt ea, quæ sunt simpliciter necessaria ad perfectionem essentiali charitatis, sed hæc communia esse debent Christianis omnibus, continenturque sub observatione præceptorum omnium, & sub illo usu virtutum tam moralium, quam theologialium, sine quo charitas observari non potest, de quibus mediis nihil hic in speciali dicere necesse est. Deinde numerari etiam hic possunt illa media, quæ ad perfectionem charitatis obtinendam omni-

Item pro
quædâ
& perfici-
enda.

bus religionibus communia sunt, qualia sunt præcipue actus pertinentes ad tria vota essentialia: & ad internum Dei cultum, per orationes, meditationes, lectiones, & alia religionis opera. Item actus pertinentes ad corporis castigationem, & ad perfectam sui abnegationem, & mundi renunciationem. Omnis enim religio, ut perfecta sit, aliquid peculiare in his omnibus observare debet, ex vi sui instituti, præter id, quod ex vi præceptorum necessarium est. Hæc autem omnia Societatem perfectam quadam ratione procurare circa suos subditos manifestum est, nam in primis tria substantialia vota religionis emittit. Et licet in modo vocendi in aliquibus membris suis aliquid singulare habeat, quatenus illa vota solennia non sunt, tamen infra lib. 3. ostendemus, hoc nihil eorum perfectioni obesse, quin potius multum prodesse posse, quia quantum est ex parte ipsorum votantium, sunt omnino perpetua, & æqualiter eos obligant: illa vero dependentia, quam semper a Societate habent, eos potius reddere potest, & debet in ipsorum votorum perfecta observatione sollicitos.

4 Aliunde vero ex parte materiæ exactam perfectionem in hujusmodi votis Societas proficitur. Licet enim verum sit, votum castitatis ex parte materiæ non admittere diversos gradus, ut S. Bonavent. in expositione regulæ cap. 1. circa finem dixit. Propter quod etiam Pater noster B. Ignatius 6. p. constit. c. 1. §. 1. ait. *Quæ ad votum castitatis pertinent, interpretatione non indigent, cum constet, quam sit perfecte observanda, nempe nitendo Angelicam puritatem imitari, & corporis, & mentis nostræ munditiæ*. In quibus verbis imitatus est sanctos Patres, qui virginitatem profitentes cum Angelis conferre solent, quos superiori modo retulimus tractando de voto simplici castitatis. Licet (inquam) hoc verum sit, nihilominus in æquo, & perfectione observandi castitatem, gradus aliqui distingui possunt, ut videri potest apud Cassian. collat. 12. cap. 7. Quos omnes, sine dubio, perfectio nostri instituti amplectitur, ut ex verbis Beati Ignatii patet manifeste. Possunt etiam (quod ad perfectionem magis necessarium est) distingui varia media, quibus & castitas custodiatur, & perfectio ejus acquiratur. Et in his mirum in modum abundat, & excellit hoc institutum. Nam hæc spectat summa superiorum vigilantia, & inferiorum charitas, ita ut ipsas etiam cogitationes statim manifestare, & communicare moneantur, ut lib. 10. c. 6. magis exponitur. Item hæc maxime refertur custodia sensuum, vitare otium, cavere colloquia sæcularium nisi cum magna circumspectione, necessitate, vel utilitate, sacramentorum pœnitentiæ, & Eucharistiæ frequens usus, ac denique moderatio victus, ac vestitus, cum aliis, quæ ad asperitatem corporis pertinent, juxta uniuscujusque proportionatam mensuram, ut inferius cap. 9. fufius exponemus: ibique satisfaciemus nonnullis objectionibus, quæ in hac parte nobis fieri solent. Solum adverto inter hæc media, quædam esse multum interna, & spiritualia, alia magis externa, & corporalia. Unde argui solet a suis detractoribus Societas, quod in prioribus rigorosior, quam par sit, in posterioribus lenior esse videatur. Debuissent autem advertere, finem Societatis utrumque postulare, & non esse nimium, quod & fini perfecte consequendo moraliter necessarium est, & in se aliunde non habet excessum alicui virtuti repugnantem. Hæc autem in præsentia ita esse, & per se, credendum est, non solum propter autoritatem Pontificum, sed etiam propter diuturnam experientiam & usum plurimum virorum, qui & in vita, & in doctrina irreprehensibiles fuerunt, & in particulari melius ratione ostendimus.

5 In votis paupertatis, & obedientiæ possunt ex parte materiæ esse gradus, in quibus non omnes religiones pares sunt, Societati vero nihil perfectionis in hac parte deest. Primum enim circa materiam paupertatis consideratur abrenunciatio proprietatis, & incapacitatis dominii in particulari, quem gradum paupertatis amplectitur Societas in omnibus membris suis, sibi (ut sic dicam) ultimate unitis. Quod autem hoc ad tempus differat in Scholasticis, non minuit totius religionis perfectionem, ut per se notum est: neque etiam perfectionem ipsorum Scholarum, ut ex

De perfe-
ctione cas-
titatis in
Societate
observa-
ta.

Notatio
contra ac-
cufantes
Societatem
nimis ri-
goris in
quibusdâ,
& minimè
in aliis.

De perfe-
ctione
paupertatis
in Socie-
tate.

dicens.

Domino vivere debere, & hanc abnegationem, & continuam in rebus omnibus mortificationem quoad fieri possit, esse ab eis quaerendam. Et 3. p. Constit. c. 1. magnopere conferre dicitur, ut ea munera obeant, *in quibus maxime humilitas, & charitas exerceatur*. Item ut diligentissime curent porcas suorum sensuum custodire. Maxime vero curat Societas, & honorum, ac dignitatum ambitioni viam praecludere; & ideo professi Societatis peculiati voto obligantur extra Societatem eas non accipere, nisi in conscientia ab eo, qui potest, obligentur; intra Societatem vero nec directe, nec indirecte eas procurare, ut lib. 6. a c. 7. tractabitur. Et obeamdem causam ad tollendam omnem occasionem, superiorum electiones, praeterquam solius Generalis (haec enim vitari non potuit) sublatae sunt, sed eorum distributio ipsi Generali est commissa, de quo in lib. 10. agendum. Denique ex hac renuntiatione, & propria abnegatione mira sequitur pax, & animorum unio, ac fraterna charitas, quam totis viribus inter suos procurat Societas, & in ea magnam partem suae perfectionis ponit; unde P. N. Ignatius in proemio Constitutionum in hac constituit totam vim, & efficaciam suarum legum, seu constitutionum, & ideo 3. p. c. 1. §. 21. illa duo simul coniungit dicens. *De his crebro tractantes, quae ad sui abnegationem, & in virtutibus profectum, & omnimodam perfectionem attinent, ad ea se invitem exhortando, & praecipue unitatem, & charitatem fraternam*. Et statim §. 22. humilitatem, & charitatem iterum coniungit; & ibidem, & aliis locis varia media ad hanc animorum pacem, & unionem tradit, quae Societas diligenter observat, quae ex discursu huius operis latius constabunt, nunc enim ad compendiosam instituti propositionem, quam hic intendimus, haec quoad hanc partem sufficiunt.

Quibus mediis Societas salutem proximorum procuret,

De mediis
positivis,
ac forma-
tibus spi-
ritualibus.

10 Superest dicendum de alio ordine mediorum, quae circa proximum directe versantur, vel ad illum proxime referuntur, quae varia sunt, & multiplicia. Partim enim in actione consistunt, partim in privatione, partim vero in ipsomet modo, seu dispositione totius Societatis, & rationis vivendi illius. Nam in primis ex illo sine juvandi proximis ortum est, ut haec religio, & habitus, & munus clericorum instituta sit, ut in c. 5. declarabimus. Unde hoc potest constitui tamquam primum medium, scilicet, assumptio status clericalis, quo possint proximis inservire, & consequenter omnis dispositio, quae ad talem statum digne assumendum necessaria est, maxime in his hominibus, qui perfectionis viam proficuntur. Secundo inter haec media numeranda sunt omnia ministeria sacra, quae ad purgandos, illuminandos, & perficiendos alios utilia sunt, inter quae primum locum tenet sacramentorum administratio, praesertim confessionis, & Eucharistiae, quae huius instituti maxime propria est, ut ex bullis Pauli III. & Julii III. & Greg. XIII. & ex forma instituti, quae in eis refertur, & ex omnibus constitutionibus satis notum est. Et huc etiam spectat sacrificiis suis Ecclesiam juvare pro conversione infidelium, & correctione haereticorum, & fructu, ac profectu ipsorum fidelium ea frequenter offerendo. Tertio principaliter etiam ad hoc genus mediorum spectat quodcumque ministerium verbi Dei, quod variis modis, & magna ex parte propriis, in hac religione exercetur. Primo per publicas conciones, vel lectiones sacras ad populum: secundo rudimenta fidei pueris & rudioribus hominibus tradendo, qua occasione ad communis vulgi utilitatem divinum verbum non tantum in Ecclesiis, sed etiam in vicis, & plateis publice disseminant. Tertio privatis colloquiis & sanctis conversationibus proximis juvando, nunc eorum vitia fraterne corrigendo, nunc ad virtutum opera, & sacramentorum frequentiam eos exhortando, nunc vero etiam in operibus perfectionis eos instruendo, vel excitando. Quarto his adiungitur spiritualium exercitiorum communicatio, & usus, quo homines & vitam in melius mutare, & se ipsos cognoscere incipiunt, & de rebus aeternis serio cogitare, ac negotium propriae salutis cum Deo tractare, & ab ipso postulare, addiscunt. Quinto annumerari possunt congregationes cuiuscumque status virorum sub regimine Societatis creatae, ac Pontificum indultis munitae, ubi plerisque mo-

dis familiarius ad aeternam salutem promoventur. Sexto, huc etiam spectat tempore mortis juvare proximos ad pie, sancteque moriendum. Atque haec fere media sunt, quae circa fideles ipsos exercentur, quaeque lib. 9. sigillatim tradentur. Septimo hic adjungi possunt omnia illa, quae ad conversionem infidelium quorumcumque in Societate assumuntur, sive inter Gentiles, sive inter haereticos. Quo praecipue spectat quantum solenne votum obediendi Summo Pontifici in missionibus, etiam difficillimis, & ad quascumque orbis partes, etiam remotissimas, & inter barbaras nationes, etiam sine viatico peregrinando ex eleemosynis, si necesse sit, nullum aliud emolumentum, nisi salutem animarum inde expectando.

11 Post haec media, quae propinquissima sunt, & maxime spiritualia, adiunguntur illa, quae praeparant socios ad huiusmodi actiones erga proximos. Et quoniam haec praeparatio in duobus consistit, in vita scilicet, & doctrina, juxta illud Pauli 1. ad Timot. 4. *Attende tibi, & doctrinae*; & illa, quae ad vitam pertinent, eadem sunt cum his, quae ad propriam perfectionem ordinantur, solum hic supersunt ea, quae ad studia literarum, & doctrinam comparandam, vel tradendam assumuntur. Nam cum studia literarum per se non videantur quicquam referre ad spirituales animae, & charitatis perfectionem; nam potius *scientia inflat, charitas autem aedificat*, ut ait Paul. 1. ad Corinth. 8. ideo aliquibus visum est statui religioso non convenire, cum hic status ad perfectionem charitatis ordinetur. Contra quos scripsit D. Th. art. 5. q. 188. 2. 2. Ubi inquit, an sit instituenda aliqua religio ad studendum. Et respondet studium literarum omnibus religionibus etiam puram contemplationem proficientibus esse utile; religioni vero, quae ad salutem proximorum procurandam ordinatur, esse necessarium, juxta illud ad Titum 1. *Amplectentem eum, qui secundum doctrinam est, fidelem sermonem, ut potens sit exhortari in doctrina sana, & eos, qui contradicunt, arguere*. Cum ergo ostensum sit, Societatem principaliter ordinari ad proximos juvandos, recte concluditur studia literarum esse illi maxime necessaria. Quod etiam docet P. N. B. Ignatius in 4. p. Constit. a principio, & per totam illam mirabili providentia, & prudentia omnia disponit, quae ad haec media literarum pertinent. Ex quibus quaedam pertinent ad disciplinam literariam, ut sic dicam; alia vero ad doctrinam. Nam prius necessarium est, eos, qui futuri sunt Societatis operarii, literis addiscendis vacare; & quia rari, vel nulli sunt, qui sufficienter instructi, & docti a principio recipiantur, necesse est ergo, ut in ipsa religione iis vacent; per quod non impeditur perfectionis propriae progressus, cum actio illa ex se valde honesta sit, & ex obedientia sumpta, & desiderio juvandi proximo, opus sit insignis charitatis: scientiam autem, quae hoc modo acquiritur, non inflat, sed cum charitate aedificat, & concordiam parit, ut recte D. Th. dixit dicto art. 5. ad 2. & latius declaravit opusc. 19. c. 11. Quae vero studia religiosos deceant, non est hoc loco ex professo declarandum, sed sufficit dicere, per se quidem ac directe studia sacrarum literarum ad eos pertinere, ut docuit D. Hieronym. epist. 4. ad Rusticum, sub illis tamen comprehendit universam theologiam doctrinam, & Sanctorum Patrum, Pontificum, ac Conciliorum decreta, ac sententias; nam in his tota sacra doctrina vel explicatur, vel continetur. Secundario vero, seu ministerialiter etiam philosophica doctrina, & humaniores literae religiosi necessariae sunt, his praesertim, qui cum haereticis sunt dimicaturi, & parati, ac dispositi esse debent ad doctrinam hanc disseminandam per universum orbem. Quam vero exacte, sapienter, & moderate haec omnia in Societate ordinata sint, postea toto lib. 5. in particulari videbimus. Post disciplinam recte subsequitur doctrina, cum hic sit finis ejus; unde in hoc etiam genere actionis nihil Societas omittit, quod quoquo modo juvare proximum possit. Nam (ut omittamus praedicationem verbi Dei, quae magis ad affectum, quam ad intellectum ordinatur, & ideo superius num. praeced. de illa dictum est) occupatur Societas in docendis proximis, primo in Scholis legendo publice Scripturam sacram, & theologiam Scholasticam; quod munus merito a reli-

De mediis
per relationem
extrinsecam
spiritualibus,
quorum
unum est
litterarum
studium.

Vide in
tom. de
Censur.
dist. 23.
sect. 3. a
n. 19.

religiosis usurpari, late defendit D.Th. opusc. 29. c. 2. Deinde casus etiam conscientiae docendo, & ubi necesse est, controversias etiam fidei agitando. Hinc ulterius ad liberales quoque artes docendas descendit, neque in his tantum sistit, sed linguarum etiam peritiam, imo & ipsius Latinae linguae prima rudimenta tradit; nam per haec initia ad majora perveniendum existimat, nec parva reputat, sine quibus magna non constant. Denique, tam per privata consilia, quam per generalem doctrinam, qua verbo, qualibris editis traditam, omnes omnibus modis juvare studet; nihil aliud (in hoc enim harum actionum perfectio posita est) quam eorum qui docentur bonum intendendo, & majorem Dei gloriam inde sperando, ut in suis Constitutionibus B.P.N. Ignatius frequenter repetivit.

12 Ex his vero sequitur diversitas graduum, & personarum, quae in toto corpore Societatis cernitur, & inter media ordinata ad salutem merito numerari potest, nam ex hoc fine, & ex actionibus, ac ministeriis proxime numeratis orta est. Ut enim novitios omitamus, qui omnibus religionibus communes sunt, quamvis in Societate aliquid speciale habeant infra lib. 2. c. 5. explicandum; post sufficientem probationem, & moralem, ac spiritualem instructionem admittuntur novitii ad primum Societatis gradum, qui *scholarium approbatorum* appellatur, in quo membra Societatis vere efficiuntur, eique per tria substantialia vota religionis incorporantur. Quia vero tunc regulariter, ac per se loquendo, nec ad statum clericalem, nec ad sacra ministeria erga proximos exercenda sufficientiam habent, aut praeparati sunt, proxime in hunc finem admittuntur, ut ad eum statum, & ad alias actiones per studia literarum, & virtutum progressum disponantur, & ideo nec per vota propria clericorum, neque etiam per solennia, & omnino absoluta ex parte Societatis, admittuntur. Nam quo finis, & actiones propriae Societatis perfectiores sunt, eo magis probati, & perfecti esse debent, qui ad eas simpliciter, ac solenniter admittuntur. Ita ergo primus gradus membrorum Societatis, in quo Scholastici approbati existunt, constituitur. Postquam vero hujusmodi Scholastici, & sufficientem probationem, & in literis instructi sunt, & per sufficientem experientiam apti, & idonei inveniuntur ad exercenda ministeria circa proximos supra declarata, & praesertim ad eas missiones, ad quas pro salute animarum a Pontifice mitti possunt: jam tunc presbyteri ordinati in ultimum gradum per veram professionem ad quatuor vota solennia, quibus alia simplicia adjuncta sunt, ut lib. 6. a. c. 6. videbimus, a Societate admittuntur. Quoniam vero praedicta Societatis ministeria multa dona & naturae, & gratiae requirunt, quae non in omnibus, sed fortasse in paucis inveniuntur; ideo necesse fuit aliquos etiam sacerdotes post studia literarum, & sufficiens de illis experimentum in Societate intimius, quam scholares ipsos admitti, ut juxta suum caput in spiritualibus ministeriis profectos juvare possint, qui propterea *Coadjutores spirituales* appellantur, qui quatuor votum obediendi Pontifici in missionibus non emittunt, quia non supponuntur habere sufficientiam ad omnia ministeria, quae ex vi illius voti comprehenduntur. Neque etiam regulariter faciunt solennem professionem, ut debitus ordo, & subordinatio melius conservetur, & propter alias graves causas in lib. 7. c. 1. tractandas. Dixi autem *regulariter*, quia interdum admittuntur aliqui ad professionem cum tribus tantum votis solennibus, & substantialibus religioso statui; quod tamen non fit, ut dicemus ibidem, nisi per modum dispensationis, propter speciales rationes, & graves causas occurrentes. Tandem, quia ut in simili dicitur Actor. 6. *aquum non est derelinquere verbum Dei, & ministrare mensis*, ita etiam spirituales operarii Societatis, vel qui studiis vacaturi erant, non poterant simul sine magno impedimento, corporalia ministeria sustinere, ideo necessarium fuit gradum alium in ea instituere, ad quem illi, qui *coadjutores temporales* vocantur, admitterentur, quos oportuit esse veros religiosos, & per substantialia vota Societati conjunctos, ut cum majori decentia, religione, & charitate talia ministeria fiant. Horum autem religiosorum statui, ac muneri, non erat proportionatum quatuor

illud votum obediendi Pontifici; quia ministeria, ad quae ordinantur illae missiones, ad tales personas non pertinent: admittuntur ergo ad tria vota non solennia, sed simplicia, sicut de coadjutoribus spiritualibus, & scholasticis approbatis dictum est. De quibus omnibus gradibus inferius sigillatim est dicendum a lib. 3. usque ad 6. Nunc enim solum propositi sunt, ut generalis quaedam notitia totius Societatis habeatur; & quia tota haec structura, & fabrica ad praedictum finem ordinata est, illique valde proportionata existit, ac propterea a Summis Pontificibus, praesertim a Gregor. XIII. in constitutione *Ascendente Domino* probata, & laudata est.

13 Ultimo quoniam in n. 10. diximus, haec media non tantum positiva, sed etiam privativa esse, & priora insinuata sunt, oportet posteriora breviter recensere. In hoc igitur ordine in primis pono, non habere usum chori; quamquam enim haec actio valde religiosa sit, & ideo ab aliis religionibus observata, tamen quia nimium religiosos Societatis impediret vel ab studiis, dum eis vacant, vel ab actionibus, & ministeriis circa proximum, ad quae post studia destinandi sunt, & praesertim, quia parati esse debent ad varias missiones, & ad discurrendum per universum orbem; ideo Pater noster Ignatius Societatem voluit esse hac occupatione liberam. Et quamvis id multi in Societate notaverint, ac reprehenderint, in c. 8. ostendimus illos nulla ratione sufficienti motos esse, sed hoc potius fuisse & Patrum sententiam, & rationi etiam valde consentaneum. Et ad hoc medium revocantur omnes similes actiones, a quibus Societas etiam ex Pontificum autoritate eximitur, ut sunt processiones publicae, & similes, quae cum cantu, & choro conjunctae sunt. Aliud medium privativum numerari potest, abstinere a suscipienda cura monialium, ut lib. 9. c. 8. n. 15. iterum dicemus; quamvis enim hujus rei plures aliae rationes reddi possint, hanc tamen existimo esse praecipuam, quia judicatum est a B. Ignatio in p. 6. Constit. c. 3. §. 5. ita expedire, ut locis expeditiores essent ad finem illum, quem praecipue intendunt. Potest etiam inter haec media poni, non accepisse singularem habitum, sed communem clericorum honeste viventium, juxta morem regionis, in qua loci versantur; nam hoc etiam ad hunc finem ordinatum est, ut facilius pateret aditus ad omnes proximos, sive haereticos, sive fideles, &c. Et eadem ratione posset hic numerari communis, & vulgaris victus, & moderatio a nimia vitae austeritate in his, quae ad corpus pertinent, quorum ratio in progressu hujus libri copiosius expendenda est, & ideo de his mediis haec delibasse sufficiat.

CAPUT IV.

Utrum Societatis religio convenienter instituta, & approbata fuerit.

1 HActenus fere nomen solum Societatis, & quid eo nomine significetur, a nobis explicatum est, ostendimusque *Societatis Jesu* nomine significari quandam religionum hominum congregationem, ad finem salutis animarum, cum talibus mediis, talique vivendi ratione institutam: nunc ex eodem fine, & mediis distinctius declarandum est, quid, & qualis sit haec religio. Quoniam vero quaestio quid est, supponit quaestionem, an est, prius de hac quaestione aliquid dicere oporteret, nisi religionem hanc dari in Ecclesia satis jam per se esset notum: solum ergo superest, ut de origine & institutione ejus, atque adeo de illius approbatione dicamus, atque ita fiet, ut post causam finalem efficientes causas hujus religionis declaremus. Tres autem causae in ea fundanda considerari possunt, scilicet, prima, & principalis, quae est Deus; proxima, & ministerialis, quae fuit privatus homo, quem Deus ad hoc mirabile opus excogitandum illuminavit, & exequendum impulit, & animavit. Tertia est Apostolica sedes, quae Dei nomine, ut vicem Christi gerens in terris, religionem hanc sua autoritate suscepit, & confirmavit, & de singulis pauca dicenda sunt.

De institutore Societatis, ejusque institutionis convenientia.

2 Ut ergo a notioribus nobis incipiamus, perspicuum est omnibus, religionem hanc institutam esse ab

De mediis privativis ad eandem salutem proximum.

Post causam finalem Societatis agendum de triplici efficiente.

Alterum est diversitas graduum, & personarum quae in Societate reperitur.

Primus gradus scholarium approbatorum.

Professorum gradus.

Gradus coadjutorum spiritualium.

Coadjutorum temporalium gradus.

Ignatio Loyola, de cujus sanctitate, doctrina, & nobilitate hic non dicam, quia ea magis ad historiam, quàm ad disputationem Scholasticam pertinent, satisque erudite, ac copiose descripta sunt a familiari ejus filio, gravique Patre nostro Petro de Ribadeneira, & postea a Petro Maphæo, ac novissime a Patre Nicolao Orlandino i. p. historiar Societatis, ut in ore duorum vel trium sit

Pontifici
testimo-
nia de
Ignatii &
sociorum
ejus san-
ctitate, &
doctrina.

omne verbum. Nobis ergo sufficiant nunc testimonia, quæ Pontifices Summi, non solum de Ignatii, sed etiam de sociorum ejus pietate, & doctrina, & de irreprehensibili vita, nobis reliquerunt. Nam Paulus III. in prima bulla confirmationis instituti de Ignatio, & sociis ita loquitur: *In theologicis studiis per plures annos exercitati, Spiritu sancto (ut creditur) pie afflati, jamdudum & diversis mundi regionibus discedentes in unum conveniunt, & socii effecti abdicatis hujus seculi illecebris, eorum vitam perpetuo D. N. Jesu Christi, atque nostro, & aliorum successorum nostrorum Romanorum Pontificum servitio dedicant, & jam quam pluribus annis laudabiliter in via Domini se exercuerunt, &c.* Quæ iterum repetit in initio bullæ secundæ ampliationis prædictæ confirmationis; & inferius subeît. *Nos igitur ad eorum Ignatii Præpositi, & sociorum piam vitam, & honorum operum exemplum attendentes, eorum piis desiderijs annuentes, &c.* Et in bulla 3. in qua varias facultates concedit: *Attendentes (inquit) ad fructus uberes, quos in domo Domini hætenus produxistis, & producere non desinitis, vestra religione, integritate, scientia, doctrina, moribus, & experientia, plurimum in Domino confidentes, vobis &c.* Similia leguntur in bulla Julii III. de confirmatione ejusdem instituti, & in fine ejus specialiter addit Pontifex. *Considerantes, nihil, quod pium, sanctumque non sit, in sancta Societate, ejusque laudabilibus institutis, ac exemplari Ignatii, & aliorum sociorum vita, & moribus reperiri, &c.* Ubi expendo idem testimonium ferre Pontificem de sanctitate vitæ Ignatii, & sociorum, ac de ipso instituto, quod sua autoritate approbavit. Quæ testimonia sequentes Pontifices etiam post felicem B. Ignatii mortem sæpius comprobant, ut ex cæteris bullis constat, & specialiter Greg. XIII. in bulla: *Quanto fructuosius bona memoria Ignatii Loyolam Societatis institutorem appellavit.* Ac novissime Paulus V. universæ Societati publico Confessoris non Pontificis cultu, ritumque venerandum proposuit. Itaque de sanctitate fundatoris hujus religionis impie nunc dubitaretur, & speramus fore, ut per expressam Pontificis canonizationem universæ Ecclesiæ proponatur,

Spē hanc
explevit
Greg. XV.
12. Maij
anni 1512.
& sup. nu-
tritus.

Religio-
nem hanc
cō- en-
sumo
temoor
fuisse n-
stitutam.

3 Ut vero rationem hujus institutionis divinam potius, quam humanam aperiamus, operæ pretium erit annotare tempus, in quo hæc religio orta est. Natus est enim Ignatius anno Domini 1491. & post aliquot annos ætatis, a corporalis militiæ exercitatione ad spirituales mirabiliter vocatus est, in qua diu, ac diligenter se exercuit, & alios exemplo suo, & familiari sermone ad idem vitæ genus sibi adjunxit, & post multos labores pro animarum salute susceptos tandem anno 1538. Romæ cum sociis suis de fundanda Societate deliberavit, & sequenti anno 1539. confirmationem religionis suæ a Paulo III. Pontifice Summo postulavit, & post unius anni accuratam examinationem, nimirum 1540. approbationem obtinuit; ac proinde dicere possumus religionem hanc illo anno incepisse; quamquam tunc non simpliciter, & tamquam perpetuo duratura approbata videatur, quia solum est data Societati facultas recipiendi usque ad sexaginta socios; post tres vero annos idem Pontifex Paulus III. absolute, & sine ulla restrictione illam confirmavit. Est autem merito a multis sapientibus, ac prudentibus viris observatum, hoc eodem tempore natum fuisse in Germania Martinum Lutherum anno scilicet 1483. octo nimirum annis ante Ignatium; & anno 1521. publicum bellum contra Romanam Ecclesiam excitasse, innumeras hæreses disseminando, & præsertim eas, quæ libertatem carnis concedere, & subjectionem, ac obedientiam Summi Pontificis destruere posse viderentur, quibus mediis innumeros habuit suæ blasphemæ, & iniquitatis sectatores, & ministros. Hoc autem ipso tempore, quo videbatur fides in tot provinciis catholicis, & Ecclesiæ subiectis labefactari, ac deficere, non sine ma-

gna Dei providentia cœpit aperiri ostium, ac via, quæ posset eadem vera fides, & Christi nomen ad innumeras gentium nationes deferri, in quibus antea auditum non fuerat. In India, scilicet, Orientali, & Occidentali, & in multis regnis, & insulis, quæ paulo ante prædicta tempora pietate, diligentia, & industria Catholicorum Regum Hispaniæ, ac Lusitanæ explorata sunt. Hoc ergo eodem tempore excitavit Deus Ignatius, qui Societatem ad profectum animarum in vita, & doctrina Christiana, & ad fidei propagationem, ac defensionem (ut dicitur in bullis Pontificiis, præsertim Gregor. XIII. *Quanto fructuosius*) erigeret. Defensio enim fidei contra hæreticos fit, propagatio inter Gentiles, & Paganos, profectus autem vite inter ipsos fideles, & catholicos. Convenientissime ergo instituta est ad hunc finem hæc religio eo tempore, quo & defensio fidei erat Ecclesiæ maxime necessaria, & propagatio valde opportuna, & instauratio, ac perfectio morum utilissima.

Spiritum sanctum fuisse principalem auctorem hujus religionis.

4 Atque hinc (ut ad primam, & principalem causam hujus religionis ascendamus) colligere licet, non fuisse hoc humanum inventum, nec B. Ignatium solo suo humano ingenio, aut virtute, tantum nequm inchoasse, sed Spiritum sanctum fuisse principalem hujus religionis auctorem. Ita proficitur idem Ignatius in principio suarum constitutionum dicens; *Summam sapientiam, ac bonitatem Dei Creatoris nostri esse, quæ conservatura est, gubernatura, atque promotura in suo sancto servitio hanc minimam Societatem Jesu, ut eam dignata est inchoare.* Quod sane non aliter fecit divina sapientia, quam Ignatium speciali instinctu suo illuminando, & ad tantum opus excitando, & movendo. Quod plane fenserunt Pontifices Summi: Paulus namque III. in bullis suis de Ignatio, & sociis semper dicit: *Spiritu sancto (ut creditur) afflati.* Julius autem III. simpliciter dixit: *Spiritu sancto afflati*, omiſſa particula *ut creditur*, quæ non existimo casu excidisse, sed quod dubitationem, vel formidinem indicaret, consulto ablatam fuisse; nam diuturna experientia, & uberes fructus simul cum approbatione prædecessoris sui, omnem formidandi rationem, si qua erat, auferre poterat. Atque eadem fortasse ratione Gregor. XIII. in bulla, *Quanto fructuosius*, absolute dixit: *Ad quem finem Spiritus sanctus, qui bonæ memoriæ Ignatium Loyolam ipsius Societatis institutorem, ejusque socios excitavit, media etiam præclara, maximeque opportuna hujus sedis ministerio tribuit, atque confirmavit.* Et paulo inferius. *Quapropter Societatis corpus idem Ignatius divino instituto ita duxit disponendum, &c.*

Suadetur
testimo-
nio Igna-
tii.

Probat
authori-
tate Pon-
tificum.

5 Sunt præterea conjecturæ, & rationes multæ, quæ veritatem hanc moraliter certam possunt efficere. Prima est illa, quæ proxime insinuatæ est ex fine Societatis, & mediis, quæ ad illam consequendum proficitur, adjuncta opportunitate temporis, in qua orta est. Pertinet enim ad specialem Dei providentiam, quæ suam Ecclesiam regit, & protegit, & insurgentibus contra illam novis hostibus, novos etiam milites præparare, qui eam defendant, & ministros etiam Evangelii providere; quorum opera illud tandem varicinium impleatur; *Fiet unum ovile, & unus pastor*, Joan. 10. Sicque experientia compertum est; insurgente enim contra Ecclesiam Ario, Deus contra illum Athanasium excitavit; contra Nestorium Cyrillum; contra Pelagium Augustinum. Et qui historiam Ordinis Prædicatorum scribunt, advertunt eo tempore Deum facram illam religionem per S. Dominicum instituisse, quando Albigenſes, & alii hæretici Ecclesiæ pacem perturbare incipiebant. Videmus autem religionem hanc eo tempore fuisse exortam, quo Lutherus bellum contra Ecclesiam excitavit, & directe, ac singulari quodam modo esse illi contrariam: Lutherus enim non solum apostata fuit, sed etiam religiosos omnes, ut apostarent, & fideles omnes viam perfectionis, ut contemnerent, persuadere conatus est; Ignatius autem non solum ipse religiosissimus fuit, sed socios etiam ad proprium, & valde religiosum institutum sibi adjunxit, & per eos, ac successores eorum, non solum catholicam modo, sed sacras etiam religiones provinciarum defendere; easque quantum in se esset propa-

Rationi-
bus & cō-
jecturis
idem sua-
detur.

Prima ex
temporis
opportu-
nitate.

S. Igna-
tius Lu-
thero op-
ponitur.

gare, & augere omnes fideles ad viam perfectionis excitando, conatus est. Lutheri lapsus inde primum incepit, quod contra Romanam Sedem immortale odium concepit; unde & ab illius obedientia discessit, & quos potuit, avertit. Ignatii vero cogitationes omnes in hoc præcipue positæ fuerunt, ut se totum omnesque suos Sedis Apostolicæ servitio consecraret, & novo vinculo voti solennis obedientiæ conjungeret, ac submitteret. Denique effectus ipse comprobavit, nullos Ecclesiæ ministros hæcenus restitisse magis Lutheranorum, & omnium novatorum conatibus, quam Ignatii filios, quos propterea ipsi heretici summo odio prosequuntur. Idemque discursus potest facile ad temporis opportunitatem circa promulgationem Evangelii inter Gentiles cum proportionem accommodari. Cum ergo hæc ita sint, quis dubitare audeat, ipsum Spiritum sanctum religionem hanc contra tot Ecclesiæ hostes, ad tot præclaros fines, & effectus excitasse?

6 Secunda ratio, illaque efficacissima ex effectibus, & fructibus hujus religionis formari potest, juxta Christi testimonium. *Ex fructibus eorum cognoscetis eos*. Unde etiam D. Thom. d. opusc. 19. contra impugnantes religionem, ex fructibus religionis dicit, colligi posse, & debere, an convenienter instituta, & approbata fuerit. Atque eadem ratione usus est Gregor. X. cum Concil. Lugdunens. in cap. unic. §. sane, de religiosis domibus in 6. cum loquens de Prædicatorum, & Minorum ordinibus dixit. *Quos evidens ex eis utilitas Ecclesiæ universali proveniens perhibet approbatos*. Quanti autem, & quales universali Ecclesiæ proveniant fructus ex hujus religionis institutione, & operibus, a nobis nec narrari necesse est, cum res per se sit evidentissima; nec decens apparet, quatenus ad laudem nostram pertinere videantur, quamquam re vera nostra non est, sed ipsius Spiritus sancti, quem volumus ex his effectibus hujus operis agnoscere auctorem. Quia vero Spiritus sanctus per Christi Vicarios Ecclesiæ suam docet, quid ipsi de his fructibus senserint tacere non possumus: nullos enim in hac rem testes majori fide dignos asserere possumus. Paulus ergo III. etiam ante natam Societatem, postquam de vita Ignatii, & Sociorum testimonium supra relatam dedit, subdit. *Et jam quæ pluribus annis laudabiliter in vinea Domini se exercuerunt*. Quæ postquam in speciali numeravit, concludit. *Et demum omnia charitatis officia, & quæ ad animarum consolationem faciunt, ubique terrarum, ubi peregrinati sunt, multa cum laude obeundo*. In bulla autem III. in qua varias facultates Societati jam institutæ, & confirmatæ concedit, inquit: *Attendentes igitur ad fructus uberes, quos in domo Domini hæcenus produxistis, & producere non desinitis*. Et in bulla IV. *Licet debitum* (inquit) *pastoralis officii omnibus regularem vitam ducentibus, ut in suis disciplinis, & laudabilibus institutis conserventur, & augeantur, nos reddat favorabiles, & benignos; ad Societatem vero Jesu per nos institutam, & approbatam, cujus specimen veluti ager fertilis in Domino, multiplices, atque uberes fructus animarum ad summi regis laudem, & fidei incrementum attulit, & offert quotidie verbo, & exemplo in populo Christiano, dirigentes præcipue velut pius pater oculos mentis nostræ, dignum censemus, ut ipsam Societatem, ejusque in odorem suavitatis Altissimo deservientes personas, specialibus favoribus prosequamur*. Hæc fere testimonia Pauli III. refert Julius III. in sua bulla confirmationis his brevibus, sed notandis verbis. *Cumque postmodum progressu temporis Spiritu sancto cooperante, ex Societate prædicta spirituales animarum fructum crescere intellexisset idem prædecessor, &c.* Si enim Spiritu sancto cooperante fructus proveniunt, multo magis Societatem ipsam, tanquam proprium instrumentum suum, idem Spiritus sanctus præparavit. Quod verbis gravissimis repetit idem Pontifex in II. bulla, in qua Societati privilegia concessit. Quibus similia, & valde notanda sunt, quæ habet Pius V. in principio suæ primæ bullæ. *Et si ex debito pastoralis officii singulos religiosos, &c. paterna dilectione prosequamur, ad illos tamen, qui sicut nomen Sociorum Jesu assumpserunt, ita opere, doctrina, & exemplis Dominum nostrum Jesum Christum imitari, & ejus vestigia sequi nituntur, majoribus favoribus, & gratiis prose-*

quendum invitamur. Uberius autem quam priores Pontifices hoc testatus est Pius V. in secunda bulla, quæ confirmat quasdam Societatis constitutiones, quæ sic incipit: *Innumerabiles fructus, quos, benedicente Domino, Christiano orbi Societas Jesu viros literarum præcipue sacrarum scientia, religione, vita exemplari, & orumque sanctimonia perspicuos, multorum religiosissimos præceptores, ac verbi divini etiam apud longinquas, ac barbaras illas nationes, quæ Deum penitus non noverant, optimos prædicatores, & interpretes producendo, felicissime hæcenus attulit, & adhuc sollicitis studiis asserere non desistit, animo sæpius revolventes nostro, libenter, non solum ea, quæ aliis in ipsius Societatis favore a Romanis Pontificibus prædecessoribus nostris, nobisque, & aliis emanata sunt, ut firmiter subsistant, cum a nobis petitur; verum etiam Societatem ipsam, quantum a nobis ex alto conceditur, specialibus favoribus, & gratiis munimus*. Simile, vel certe copiosius encomium habet idem Pontifex in altera bulla, in qua Societatem inter religiones mendicantes numerari voluit. Gregor. etiam XIII. sæpe in suis bullis simile testimonium præbet, specialiter vero in priori de confirmatione instituti sic incipit. *Quanto fructuosius in colenda Domini vinea se exercet veneranda Jesu Societas, dignisque æterna mercede operariis abundare conatur, tanto propensius contendimus eam, religiosamque subinde, quam instituit, prolem, unde tota respublica Christiana ubique sublevari, prosequi, & conservare*. Et in altera constitutione, *Ascendente Domino*, cum proposuisset operam, & laborem, quem in gubernanda Petri navi sustinebat, de operariis Evangelicis subjungit. *Cumque tanti laboris socios, & validos remiges divina nobis providentia preparaverit, eorum opera in superandis sævienti pelagi tempestatibus, nos maxime sublevari, qui pro communi fluctuantium animarum salute, propria commoda nihil pendunt, seque ad omnia discrimina exponunt. In quo cum aliarum religionum studia, tum Societatis Jesu assiduus pro Christo labor, nec non usque ad finem perseverantia, promptam se ostendit, cumque prolem catholice religioni valde proficuum, & ad omnia pericula pro universali Ecclesiæ subeunda paratam procreavit, aliam, atque aliam a prima non degenerem præstante gratia Dei quotidie substituit, ut nobis eorum alumni per multiplices probationis gradus altius proveci semper præsto sint, quos in rebus arduis suscipiendis fructuosos operarios asiscamus*. Ex his ergo testimoniis satis constat efficacia rationis factæ: nam adducti Pontifices non solum agnoscunt, & consentunt prædictos effectus, sed etiam illos pronuntiant esse Spiritus sancti opera, & a fortiori colligunt tale institutum ab Spiritu sancto specialiter manasse.

7 Ut vero hoc evidentius constet, indicemus in particulari hujusmodi effectus. Primus est sanctitas, & vitæ innocentia, quam Deus contulit primis hujus vitæ inventoribus, medio usu, & observatione ipsius instituti. Quamvis enim videri possit hoc magis ad causam, quam ad effectum hujus religionis pertinere, (quod non minuit rationis efficaciam; nam idcirco Deus talem sanctitatis gradum, & modum B. Ignatio contulit, quia ad tantum opus illo, ut ministro, uti volebat) tamen vera inter effectus merito numeratur; nam per opera, & exercitia, quæ in Societate retenta, & approbata sunt, voluit prius Deus Ignatium ac socios ejus sanctificare, ac perficere, & ita usu ipsi, & effectui approbavit institutum postea ab Ecclesiâ suscipiendum, & approbandum. Qualis autem, & quantus fuerit hic effectus, satis supra num. 2. verbis ipsorum Pontificum indicavimus, & de illa re pleni sunt libri, qui in manibus omnium versantur. Secundus effectus est hæc eadem virtus, & vitæ puritas, quæ in successoribus eorum, mediante eodem instituto, conservatur; hoc enim sine arrogantia dicere possumus, cum non de aliqua particulari persona, sed de tota religione tractemus. Præcipue vero hæc religio semper enituit, omnibusque in admiratione fuit, in unione, & charitate fraterna; ut merito dicere possimus, satis in ea ostendi signum illud a Christo datum, Joan. 13. *In hoc cognoscent omnes, quia discipuli mei estis, si dilectionem habueritis ad invicem*.

Concluditur ratio ex recensitis effectibus.

Huiusmodi effectus in particulari indicantur.

8 Tertius effectus numerari potest firmitas, & stabilitas hujus religionis, non obstantibus innumeris persecutionibus, quas & ante suam institutionem in personis Ignatii, & sociorum, & post suam institutionem, & approbationem sustinuit. Cum enim illa sit omnium minima, & novissima, & tam grande opus, ac bellum contra hæreticos, & alios Christi hostes assumpserit, variis modis, ac rationibus, non ab eis solum, sed etiam a Catholicis nonnullis impugnata, nullum inde detrimentum passa est, sed semper fortior, ac purior per tribulationes cedita, ut experimento omnibus est compertum. Unde merito illi accommodari potest dictum Gamalielis Actor. 5. *Si est ex hominibus consilium hoc, aut opus, dissolvetur; si vero ex Deo est, non poteritis dissolvere illud.* Quarto adjungi potest propagatio, & incredibilis extensio hujus religionis, quæ per totum orbem brevi tempore facta est: nam statim fere sine mora per totam Europam dilatata est; & ut Pius V. de illius alumnis dixit: *Non contenti terrarum finibus, usque ad Orientales, & Occidentales Indias penetrarunt.* De qua re in vita B. P. N. Ignatii, & in epistolis Indicis, & in vita S. P. Francisci Xavier multa habentur. Specialiter autem animadverti potest ex 4. lib. vitæ B. Ignatii cap. 16. apud Ribaden. tempore mortis suæ reliquisse fundata centrum Societatis domicilia, per duodecim provincias distributa, ut in hoc etiam videatur in ipso impleta illa promissio: *Qui reliqueris domum, aut fratres, &c. centuplum accipiet.* Quinto addere possumus, religionem hanc non solum successione, & approbatione temporum, sed etiam sanguine multorum martyrum fuisse stabilitam, & firmatam. Nam hoc etiam Pius V. loco proxime citato in approbatione hujus religionis numerandum putavit, dicens: *Ac eorum aliquos ita Domini amor perstrinxerit, ut etiam proprii sanguinis prodigi, ut verbum Dei inibi efficacius plantarent, martyrio voluntario sese supponerint.* Et tamen, post tantum Pontificis testimonium, illustres alii in Anglia in medio ipso Oceano, aliisque pro Romana, id est, catholica Ecclesia expeditionibus martyres occubuerunt. Sexto, hinc sequuti sunt exteriores fructus circa proximos & universam Ecclesiam, de quibus Pontifices supra citati potissimum loquuti sunt; maxime vero Pius V. dum in hoc postremo loco adjungit: *Per quæ eorum spiritualia exercitia, etiam regna ipsa fidem Christi agnoverint, ac tam inibi, quam ubique terrarum charitatis, & misericordie opera exercere studeant.* Vide de hoc plura in Payva de origine Societatis.

9 Tandem ad hujus discursus confirmationem addere possumus, his fere motivis, & rationibus solere Patres, & Theologos uti ad persuadendum, esse evidenter credibile, ut ajunt, authorem fidei, & religionis Christianæ esse ipsum Deum, quemadmodum nos etiam prosequuti sumus disp. 4. de fide sect. 3. Nam argumento sumpto ab insigni sanctitate eorum, qui hanc fidem proficiuntur, utitur Euseb. lib. 2. de præparatione Evangelica cap. 5. & August. lib. 2. contra Julian. Argumento vero sumpto ex sanguine martyrum utitur Justinus in Apologia pro Christianis. Ratione autem sumpta ex constantia, & incremento in persecutionibus, utitur Leo Papa in ferm. 1. de SS. Petro, & Paulo his verbis: *Non minuitur persecutionibus Ecclesia, sed augetur, & semper Dominicus ager segete ditior vestitur, dum grana, quæ singula cadunt, multiplicata nascuntur.* Et idem fari potest ex eodem August. in 10. Psalmi 57. *Ad nihilum devenient tanquam aqua decurrens.* Denique illud argumentum vltimum est efficacissimum omnibus Patribus, præsertim Augustino, quod ex amplitudine Ecclesiæ sumitur, & quod duodecim homines potuerunt universum mundum subjugare, non vi armorum, sed vitæ, & doctrinæ: ergo proportionem servata, eadem signa manifeste ostendunt religionem hanc peculiari providentia a Deo ipso fuisse institutam: quibus addere possumus, unam ex præcipuis notis ad cognoscendam veram Ecclesiam, quam Patres tradunt, esse unionem membrorum inter se, & cum capite, Romano scilicet Pontifice, ut ex Leone Papa, Irenæo, Cypriano, & aliis late tradit B. Iam. lib. 1. de Ecclesi. cap. 10. Sic ergo ex perfecta unione charitatis membrorum hujus religionis inter se, & unionis perfectæ, &

singularis obedientiæ totius religionis ad Summum Pontificem, evidens conjectura sit, eundem spiritum fuisse hujus religionis principalem authorem, qui fuit ipse Ecclesiæ.

10 Sed quæret aliquis, quomodo intelligendum sit hanc institutionem esse specialiter Spiritui sancto tribuendam. Aut enim est sensus, non potuisse Ignatium, & socios sine speciali Spiritus sancti gratia, & inspiratione, tantum opus inchoare, & perficere; aut sensus est ex singulari aliqua revelatione, aut extraordinaria motione, aut directione infallibili, qualis dati solet Prophetis, aut sacris Scripturibus, hanc institutionem originem duxisse. Si prior tantum sensus intentus est, res est certissima, & fere evidens ex principiis fidei, quibus docemur, nullum pietatis opus inchoari, aut fieri posse a nobis, sine Spiritus sancti præcisa inspiratione, & subsequente adjutorio. Quis autem dubitare audeat conatus Ignatii, & sociorum in hac religione fundanda fuisse pietate plenos, cum sine magna fide, ac religione, & ferventi charitate, ac obedientia tantum opus aggredi non potuerint. Itaque in hoc sensu dubitari non potest, quin ab Spiritu sancto fuerint moti, & adjuti. Hæc autem parva, & communis valde laus est, cum ille modus originis ab Spiritu sancto omnibus pietatis operibus communis sit. Ex quo solum concluditur, bonum, & meritum fuisse huic operi incumbere: inde tamen inferri non potest, aut opus ipsum habere aliquam singularem excellentiam, aut fuisse utiliter, aut convenienter inventum: potuit enim esse ex zelo, & non secundum scientiam; potuit etiam voluntas ejus esse ab Spiritu sancto, in ipsa vero fabrica, vel institutione nihil esse nisi mere humanum, atque adeo expositum mille erroribus, ac defectibus. Si vero alter sensus est intentus, ille quidem magnam laudem continet, verendum tamen, ne sit nimia, & non sufficienter probata: nam inde sequeretur omnia, quæ in hoc instituto continentur, omnino esse certa & infallibilia, quod dicendum non est.

Religionem hanc convenientissime ab Apostolica Sede approbatam, & confirmatam.

11 Antequam ad hanc interrogationem respondeam de tertia causa hujus instituti proposita in num. 1. dicendum breviter est, quamquam in hæcenus dictis jam fere contineatur. Dico ergo religionem Societatis convenientissime fuisse ab Apostolica Sede approbatam, & confirmatam. De approbatione ex Apostolicis bullis sæpe citatis satis constat. Nam Paul. III. in prima bulla sic inquit. *Premissa omnia, & singula, tanquam ad spirituales profectum doctorum sociorum, & reliqui Christiani gregis opportuna, Apostolica auctoritate tenore præsentium ex certa scientia probamus, confirmamus, & benedicimus, ac perpetuæ firmitatis munimine roboramus, ipsosque socios sub nostra, hujusque sanctæ Sedis Apostolicæ protectione suscipimus.* Et deinde facultatem concedit condendi constitutiones, quæ ad finem Societatis, Christi gloriam, & proximi utilitatem conformes sint, quas eo ipso, quod legitime sint conditæ, eadem Apostolica auctoritate vult esse confirmatas, ut latius in bulla II. declarat. In bulla autem V. Societatem commemorans idem Pontifex. *Per nos (ait) institutam, & approbatam.* Non enim confirmator tantum, sed etiam instituentis nomen usurpare voluit Pontifex, vel, ut majorem benevolentiam in Societatem ostenderet, eamque majori honore afficeret; vel, ut indicaret se fuisse primum Societatis confirmatorem; vel denique, quia propter specialem subordinationem, quam hæc religio habet ad Apostolicam Sedem, & quia ejus institutum in hoc peculiariter consistit, quod tota Societas proxime sit dicata servitio Summi Pontificis, & ab ejus nutu, & servitio pendeat, ideo ejus institutum non solum pendeat a Pontifice, quoad generalem approbationem religionis, sed etiam quoad acceptationem talis voti, ac traditionis. Hinc fortasse ortum habuit, quod de Societate dixit Kemnitius hæreticus, ut refert Payva lib. de origine Societatis, a Romano, scilicet, Pontifice fuisse excogitatum, ut labentem Ecclesiam fulcire aliquo modo posset, quod ab hæretico in opprobrium Societatis dictum est; ignorans autem quid diceret summam de illa laudem protulit. Deinde Julius III. in bulla confirmationis eandem appro-

Quam efficaciam haec ratio ab his effectibus desumpta.

approbationem confirmat illis verbis. *Auctoritate Apostolica tenore presentium erectionem, & institutionem Societatis, &c. perpetuo approbamus, & confirmamus.* Pius autem IV. in prima sua bulla, eandem confirmationem commemorat, & multis verbis, ac benevolentiae signis confirmat. Idem Pius V. in omnibus fere bullis, & praesertim in ultima, in qua non solum Societatem confirmat, sed etiam in mendicantium numerum illam recipit. Idem latissime Gregor. XIII. praesertim in illis duabus constitutionibus, *Quanto fructuosius, &c. Ascendente Domino.* Ac tandem Conc. Trident. sess. 25. c. 16. de regular. eandem approbationem ita commemorat, ut ipsum denuo institutum laudet, ac approbet, & in omnibus minime mutatum velit, dicens: *Per hac tamen Sancta Synodus non intendit aliquid innovare, aut prohibere, quin religio clericorum Societatis Jesu juxta pium eorum institutum a sancta Sede Apostolica approbatum, Domino, & ejus Ecclesiae inservire possit.*

12 In hac autem approbatione nonnulla consideranda sunt. Primum est in ejusmodi instituto prius approbati pietatem, & sanctitatem, vel (ut clarius Julius III. dixit) *nihil, quod pium, sanctumque non sit, in dicta Societate ejusque laudabilibus institutis reperiri.* Et quoad hoc approbatio habet vim cujusdam authenticæ definitionis, vel declarationis, cui falsum subesse non potest, ut supra tractando de religione in genere ostensum est, & ideo non est necesse, ut denuo probemus approbationem quoad hanc partem fuisse convenientem: nam eo ipso, quod facta est, certissimum est convenientem esse, & veritati approbanti conformem. Deinde considerandum est, approbationem, quoad hanc rationem, cecidisse proprie in ea, quæ distincte fuere Pontifici proposita, quia non poterat prudenti modo aliter fieri approbatio, quæ dictam infallibilitatem contineret, & ideo non sine causa specialiter dictum est a Paulo III. *premissa omnia, & singula approbata fuerunt.* Reliqua vero, quæ virtute ibi continentur, vel per generalia verba proponuntur, solum intelliguntur approbata, vel si omnino necessaria fuerint ad veritatem eorum, quæ distincte approbantur, vel solum secundum quandam moralem fidem, ac credulitatem, si solum morali etiam probabilitate cum eis fuerint conjuncta. Hinc tertio expendo, cum Paulus III. in bulla secunda explicat, se ita concedere Societati facultatem condendi constitutiones, ut eo ipso quod fiant, velit esse sua auctoritate munitas, non uti verbo *approbandi*, sed tantum *confirmandi*; inter quæ duo verba hanc differentiam considero, quod *approbare* refertur magis ad intellectum, pertinetque ad clavem scientiæ: *confirmare* autem magis spectat ad clavem jurisdictionis, referturque ad vim obligandi. Voluit ergo Pontifex dare robur & valorem constitutionibus, eo ipso quod fiant, non tamen propterea eas ita approbet, ut declaret esse convenientes, aut opportunas, supponit autem eas esse debere honestas, & utiles ad Societatis finem, Christi gloriam, & proximorum utilitatem, ut ibidem præmittit. Quarto adverto, Pontifices non fuisse contentos, approbando hoc institutum, ut sanctum, & pium, sed etiam ut Ecclesie valde opportunum, & moraliter necessarium ad finem intentum, quod non sine providentia divina factum est, propter eos, qui calumniari possent hoc institutum, licet bonum sit, non tamen fuisse Ecclesie necessarium, vel eo tempore convenientem. Neque enim defuerunt, qui cum in aliis censerent quoad hoc Pontificem posse errare, senserint etiam in hoc facto errasse, quod profecto impudentissimum est, maxime cum expresse tot Pontifices, etiam quoad hanc circumstantiam distincte institutum probaverint. Quod patet expresse ex illis verbis Paulii III. *Præmissa omnia, & singula, tanquam ad spirituale profectum, eorumdem sociorum, & reliqui Christiani gregis opportuna, Apostolica auctoritate, &c.* Et in altera bulla inquit: *Ipsum, & cunctorum Christi fidelium animarum salutem zelantes, &c.* Et Julius III. *Considerantes, &c.* Eaque omnia, ad suorum, & omnium Christi fidelium, & fidei exaltationem tendere. Et clarius Gregor. XIII. in constitutione. *Quanto fructuosius. Ad quem finem* (inquit) *Spiritus sanctus, qui bonæ memoriæ Ignatium Loyolam ipsius Societatis institutorem, ejusque socios excitavit, media etiam præclara, maximeque opportuna hujus sedis ministerio eis tribuit, atque confir-*

mavit. Et in altera bulla, *Ascendente Domino.* Ipsius (inquit) *instituta, tanquam fundamenta ejus præsidii, quod catholica religioni impendunt, immota, atque inconcussa aliorum etiam Romanorum Pontificum exemplo debemus Apostolica auctoritate tueri; & infra. Cum divina providentia pro temporum necessitate varia, & salutaria ordinum instituta in Ecclesia sua produxerit, novisque subinde in ea nascentibus morbis, nova remedia, novisque emergentibus hostium impugnationibus, nova regularium ordinum auxilia excitavit, juxta cujuslibet peculiaris gratiæ vocationem, peculiares quasdam notas, propria insignia, ac opportuna ad finem, quem intendunt, media suggererit, & nunc maxime. &c. & infra. Nos universalis Ecclesiae utilitati, quam ex inviolato, & inconcusso Societatis instituto, & religiose sobolis educatione sentimus, & majorem in dies speramus, prospicientes de Apostolica potestatis plenitudine, &c.* Duplitter ergo quoad hanc partem approbatur Societatis institutum. Primo, ut utile, ac necessarium (ad melius esse loquimur) ad finem, quem intendit. Secundo, quia religio intendens talem finem, per talia media, valde opportuna fuit Ecclesie, & in eodem sensu necessaria. Quomodo idem Gregor. XIII. in bulla concessa anno 1576. quæ incipit: *Salvatoris.* Propter ipsius Societatis (inquit) *tam utiles, tamque necessarias functiones; & infra. Tam salubribus dictæ Societatis ministeriis, quæ pro eorum dignitate, & majori fidelium fructu in locis aptis, ubi major seges, & frequentior populi consue-*

do viget, exerceri, & ministrari debent. Quam vero tota hæc approbatio veritati ipsius rei conformis sit, satis ex dictis de fine, & mediis Societatis, & de effectibus, ac fructibus ejus constare existimo.

13 Ex his ergo ad interrogationem num. 10. factam respondeo, institutum hoc specialiter tribui Spiritui sancto, non solum eo modo, quo universa pietatis opera ab ipso manant, sed etiam, quia ab illa speciali providentia, qua Spiritus sanctus universalem Ecclesiam regit, & protegit, duxit originem. Unde fit, ut quantum attinet ad substantiam instituti, quæ consistit in intentione talis finis per talia media primaria, ac principalia, non solum credendum sit habuisse B. Ignatium quomodocumque Spiritus sancti excitationem, & inspirationem, sed etiam specialissimam directionem, ut ab eo, quod Ecclesie opportunum erat, non aberraret, imo etiam, ut tam prudens, & immensum opus posset concipere, & architectare. Quod si quis pie credat directionem hanc per expressam revelationem sæpe factam esse, nihil fortasse a veritate deviarer, ut ex historiae vitæ ejus intelligi potest. Quidquid vero sit de expressa revelatione, saltem specialis instinctus Spiritus sancti per specialia dona superiora ordinariis virtutibus, & auxiliis earum negari non potest. Atque hoc modo verum censo, in his, quæ pertinent ad substantiam instituti (sub quibus ea omnia comprehendo, quæ a Sede Apostolica expresse in specie recognita, & approbata sunt) ita fuisse Ignatium motum, & directum ab Spiritu sancto, ut neque erraret, neque ab eo, quod Ecclesie utile, & opportunum futurum est, deviarer, non quod putemus singula verba ejus ab Spiritu sancto fuisse dictata, sicut in tom. de fide disput. 5. sect. 3. a nu. 4. diximus de scriptore Canonico; sed quod res ipsæ, in quibus substantia instituti consistit, fuerint prædicto modo suggestæ ex speciali providentia Spiritus sancti; & hoc videretur mihi sufficienter probatum, tum ex dicta approbatione, tum ex fructibus, & effectibus hujus operis, tum etiam ex re ipsa, considerato fine, & mediis hujus instituti, & circumstantiis omnibus erectionis ejus.

CAPUT V.

Utrum Societas sit per se religio clericorum, non solum habitu, sed etiam re ipsa, & quas proprietates inde consequatur.

1 Hactenus explicui causas veluti extrinsecas hujus instituti; nunc intrinsecas declarare intendo, ut ita specifica ejus ratio, & perfectio magis constet. Ratio utrinque dubitandi. Causæ autem alicujus rei intrinsecæ sunt, materialis, & formalis. In statu vero religioso nihil aliud potest habere rationem materialis causæ, nisi personæ ipsæ, ex quibus

quibus talis congregatio coalescit, & hoc est, quod in presenti exponere intendimus. Videmus enim a Conc. Trident. sess. 25. cap. 16. de Regular. Societatem esse vocatam *religionem clericorum Societatis Jesu*: illa enim particula *clericorum* non sine causa addita est. Significatum est ergo, religionem hanc ex clericis constare debere; hæc ergo est quasi materia, ex qua hæc religio conficitur. In contrarium autem est, quia vel dominatio hæc sumpta est ex solo habitu, & hoc parvi momenti est; nam habitus non facit religiosum cap. *perrectum*, de Regular. sed est signum ejus. Vel ex re ipsa; & in hac vel æquatur, vel certe superatur a religionibus, quæ monachorum esse dicuntur; nam plures in qualibet illarum (servata proportionem in numero personarum) sunt sacerdotes & clerici, quam in Societate inveniuntur. Quid est ergo, cur Societas dicatur clericorum religio?

2. Nihilominus dicendum est primo Societatem vere ac proprie dici, & esse clericorum, ac presbyterorum religionem. Hoc sufficienter probat prædictum testimonium Conc. Trident. colligiturque ex variis loquendi formulis, quæ in bullis Pontificiis habentur. Nam in prima & secunda bulla Pauli III. in quibus forma instituti proponitur, ejusque confirmatio, & extensio conceditur, solum exprimitur Ignatius, & socios esse presbyteros, qui ad munera presbyterorum se consecraverant, & ut habere possent socios, qui hunc finem, & munus perpetuo intenderent, talem religionem instituisse, quæ sub ea ratione approbata est. Et ideo in bulla IV. specialiter concessit idem Paul. III. facultatem, & licentiam recipiendi in societatem seculares, seu laicos in temporale adiutorium, quod est indicium, primam approbationem, & facultatem Societatis per se ad hoc fuisse, ut ex clericis, seu presbyteris constaret. Unde in altera bulla confirmationis Julii III. expressius in ipsamet forma instituti dicitur: *Socii autem omnes cum presbyteri esse debeant*, &c. Et ita postea confirmatur. Hinc etiam Pius V. in bulla anni 1571. quæ incipit, *Dum in defuncta*, Socios vocat *presbyteros Societatis Jesu*. Et Gregor. XIII. in bulla anni 1576. *Quacumque sacrarum: licet* (inquit) *sicut accepimus dilecti filii prepositi generalis, & alii presbyteri Societatis Jesu*. Et eodem modo loquitur in bulla alia ejusdem anni, quæ incipit, *Salvatoris Domini*. *Licet dilecti filii presbyteri venerabilis Societatis Jesu*. Idem in bulla anni 1578. *Quantum in vinea*, &c. clarius in bulla anni 1573. *Ex Sedis Apostolicæ*, &c. *Cum instituto clericorum regularium Societatis Jesu*, &c. Sufficiens ergo ex tam multiplici appellatione constat, non casu, & sine causa ita appellari; sed quia in superioribus diximus tract. præced. lib. 1. cap. 7. religionem recte distingui in religionem monachorum, & clericorum, significatum est, Societatem sub hoc posteriori genere contineri. Ratio autem hujus explicanda superest.

3. Dico ergo secundo, non solum ratione habitus, sed etiam ratione proprii instituti, & functionum ejus Societas est, & vocatur religio clericorum ac presbyterorum. Hoc dixerim imprimis, ut distinguatur hæc religio ab aliquibus, quæ *clericorum* dicuntur, solum quia habitum clericorum retinuerunt, quamvis ex speciali intentione sua non intendant aliquem finem, vel functionem, propter quam sit per se necessarius clericalis ordo; unde eorum earum institutum æque bene servari posset, etiam si personæ earum vel clerici non essent, ac propterea tales religiones, si quæ sunt, valde materialiter, & accidentaliter dicuntur esse *clericorum*, solum quia in habitu cum clericis conveniunt. Proprie autem (ut supra diximus ex D. Thom. 2. 2. q. 189. art. 8. ad 2.) illa est religio clericorum, quæ per se instituitur ad eas functiones, ad quas clericalis ordo per se necessarius est: aliæ vero, quæ ex vi sui finis non requirunt tales functiones, cum per se non requirant clericalem ordinem, non sunt proprie religiones clericorum, etiam si per accidens ob alias occasionem plures sacerdotes habeant. Constat autem ex superius dictis, religionem hanc ex primario fine suo postulare actiones maxime proprias clericorum, quales sunt illæ, quæ ad perficiendos, & illuminandos specialiter homines ordinantur, ergo non solum ratione habitus, sed multo magis ob rem ipsam, & ob finem, & munera talis religionis, *clericorum*, seu *presbyterorum* appellatur.

Deducuntur aliquot Corollaria præcedentis doctrine.

4. Imo hinc sequitur primo, non ideo Societatem esse religionem clericorum, quia habitum clericorum portat, sed potius e contrario, ideo religionem hanc retinuisse clericorum insignia, quia ipsa per se maxime est clericorum religio, ac per se primo tendit ad perficiendos homines suos in statu clericali, & ut proprias clericorum functiones honestius, sanctius, ac fructuosius perficiant. Ex quo obiter responsum est ad multorum interrogationem, cur Societas, si vera religio est, proprium aliquem religionis habitum non assumpserit? quæ solet etiam esse una ex objectionibus, quæ contra Societatem fiunt, quoniam videtur, aut novitatem affectare, aut tacite usum peculiaris habitus reprehendere, aut illius dedignari. Item quia secundum personarum varietatem & gradum habitus distinguendi sunt, teste Augustin. epist. 199. & refertur 33. q. 5. cap. *Quod Deo*. Et ideo Concil. Trident. sess. 14. cap. 6. de reform. dicit, licet habitus non faciat monachum, oportere clericos suo statui decentem habitum deferre, ut etiam habitu professionem suam probent, ut dixit Conc. Carthag. IV. cap. 45. cap. *clericos*, d. 41. Et in Concil. Aquigran. dicitur habitus singulorum ordinum ad hoc esse institutos, ut liquido constet, in qua professione unusquisque Domino militet. Ex dictis, inquam, optima ratio, & responsio datur ad prædictam interrogationem; ideo enim sacerdotum habitum hæc religio retinuit, quia ipsa religio sacerdotum est, & habitus debet esse accommodatus muneri, & officio, quod persona exercet. Item sicut hoc institutum per se ordinatum est ad perficiendos homines in statu clericali, ita decuit eorum habitum nihil aliud significare, quam clericos religiose & sancte viventes ex vi suæ professionis. Ubi merito accommodari potest, quod in Conc. Aquigran. sub Ludovico cap. 129. reprehenduntur canonici regulares habitu monachorum utentes, cum eorum habitum usurpare non debeant, a quorum proposito quodammodo distant. Maxime vero contra quosdamque detractores accommodari potest, servata proportionem, can. 12. Conc. Gangien. qui refertur 30. d. *Si quis putaverit sancto proposito* (id est, continentia) *convenire, ut pallio utatur, tanquam ex eo justitiam habiturus, & reprehendat, vel judicet alios, qui cum reverentia birris utuntur, & alia veste communi, quæ in usu est, anathema sit*. Erat autem birrus vestimenti genus, quo clerici, & canonici regulares utebantur, ut colligitur ex serm. 2. ad clericos communem vitam agentes, aliis 53. ad fratres in Eremito inter opera Augustini, quoque monachi uti non poterant, sed pallio, quo colla, & humeri tegebantur, ut est apud Castilian. lib. 1. de instit. renun. c. 7. Sicut ergo monachi utentes pallio, aut habitu suo, clericorum habitum etiam in religiosis reprehendere non debent: ita etiam Societas retinens sacerdotum usum, non propterea contemnit, aut improbat usum religionum monachalium, seu monachorum; nam sicut nulla earum censetur reprehendere, aut contemnere alias, eo quod distinctum habitum a cæteris assumat, quia unaquæque habet sanctas, & proprias rationes, & Spiritus sanctus est multiplex, & unus; ita nec Societas alia sancta instituta reprehendit, ex eo quod communi habitu clericorum contenta fuerit. Quid autem referret hoc esse novum, etiam si id concederemus? non enim omne novum reprehensibile est, si nova occasione & convenienti ratione fiat, sine ullo antiquitatis præjudicio. Sic enim etiam fuit novus unusquisque religionis habitus, quando primum illa instituta est. Nego tamen id fuisse novum; statim enim ostendam religiones clericorum fuisse antiquissimas, & in principio non est verisimile, vel saltem non constet usas fuisse habitu distincto a communi clericorum habitu, sed solum in illo magnam decentiam, & honestatem servasse.

5. Adde denique, quamvis inter religiones clericorum aliquæ sint, quæ aliquo proprio, & peculiari insigni in exteriori habitu utantur, ut patet in canonicis regularibus, hoc ipsum (non sine magna, & prudenti ratione, considerata temporum opportunitate, & principali Societatis intentione) prætermissum esse, & pro signo quoad habitum accepisse Societatem solam decentiam, & honestatem ejus cum omni modestia, ac verborum, actionum, sensuumque omnium moderatione conjuncta. Cum enim talia essent tempora, ut hæretici monachos

Cur Societas peculiaris habitum religionis non assumpserit?

1. Assert. Probatur auctoritate Conc. Trident.

2. Assert. De iuramento inuadetur.

Societatis habitum qualem delegerit S. Ignatius.

hos maximo odio prosequerentur, & ideo illorum habitum, & quemcumque haberent cum illo similitudinem, vel affinitatem, inivsum, & odiosum haberent, & Societas cuperet etiam ipsos hereticos lucrari Christo, noluit nova alicujus habitus specie eos offendere, sed hoc, quod de se indifferens erat, vitare, ut ita faciliorem haberet ad eos aditum: nam hac ipsa de causa monachi etiam, non nisi mutato externo habitu ad hereticos penetrant. Quæ ratio non solum ad hereticos, sed etiam ad omnes alios servata proportionem applicari potest: nam etiam hæc religio fideles, & catholicos, imo illos maxime (juxta Apostoli consilium 1. Corinth. 9. ad Galat. 6.) lucrari cupit, & ideo etiam in exteriori habitu voluit, quantum honeste potuit, communem modum servare, ut apud omnes minus alieni, & extranei esse viderentur. Ad prædicandum etiam inter Gentiles, hic habitus visus est magis accommodatus, quia filii magis accommodantur ad eos, quos etiam in exteriori habitu similiores patenibus recognoscunt. Ut ergo hi, qui denuo convertuntur ad fidem, pastoribus, & presbyteris, per quos communiter gubernari debent, magis afficiantur, conveniens fuit, ut ministri, per quos erant convertendi, & regenerandi, communi clericorum habitu uterentur. Atque hæc est porissima ratio, ob quam hæc religio in his, quæ ad exteriorem speciem pertinent, communem quandam vivendi rationem tenuit, ut subtilia, (quæ aliàs per se perfectioni propriæ non derogant) facilius posset omnes lucrificare; imitata in hoc Christum Dominum, qui ut peccatores lucrificaret, cum peccatoribus manducavit, & bibit; de qua re in sequentibus redibit sermo. Ut autem in hoc communi habitu debita perfectio servaretur, tria monuit B. Ignatium 6. part. Constit. cap. 2. §. 15. *Primum, ut honestus ille sit. Alterum, ut ad usum loci, in quo vivitur, sit accommodatus. Tertium, ut professioni paupertatis non repugnet.* Ex quibus primum, & tertium, omnibus religionibus communia sunt, ut supra dixi, quia id in generali ratione perfectæ virtutis fundatur. Secundum magis est Societati proprium, sequiturque juxta rectam prudentiam ex ipsa ratione communis habitus, & sine ejus, Cui consonat illud August. lib. 3. de Civitate Christianæ, cap. 12. *Quisquis rebus prætereuntibus restrictius utitur, quam sese habent mores eorum, cum quibus vivitur, aut temporalis, aut superstitiosus est: quisquis vero sic eis utitur, ut metas consuetudinis honorum, inter quos versatur, excedat, aut aliquid significat, aut flagitiosus est. In omnibus enim talibus non usus rerum, sed libido utentis in culpa est.* Eandemque sententiam habet Gratian. §. ult. d. 41. & affert verba Augustini paululum immutata, melius illa retulit cap. 1. ejusdem distincti. Atque in eandem sententiam videri possunt, quæ notant Gloss. in c. si quis virorum, 30. d. & in princ. 21. q. 4. & in cap. Clerici, 2. verb. de avaritiis, de vit. & honest. cler. ubi bene Panorm. nu. 17. & optime omnium D. Thom. 2. 2. q. 169. art. 1. & alia congerit Tirac. de legib. connub. lib. 3. nu. 17.

Tria observanda in habitu clericali Societatis

3. Corol.

Declaratur hæc corollarium.

6. Secundo sequitur ex dictis, quamvis religio hæc quoad suam peculiarem regulam, & institutionem nova esse videatur, quoad substantiam vero etiam specificam, esse antiquissimam, & esse veluti quandam institutionem ejus, quæ omnium prima fuit. Hæc possumus breviter declarare ex aliquibus principiis in tract. præcedente lib. 1. cap. 7. demonstratis; ostendimus enim clericorum religionem in genere loquendo, antiquiorem esse religione monachorum; nam illa prior & in Apostolis incepit, & per eos derivata, & quasi continua traditione conservata est. Religionem autem monachorum postea incepit. Nam licet vulgare sit monachos ab Helix tempore incepisse, & Jo: Baptistam monachatum professum fuisse; tamen, ut supra dixi, id magis intelligendum est de usu operum pertinentium ad illum statum, ut sunt solitudo, vitæ asperitas, contemplatio, quam de proprio statu quoad integram formam substantialem ejus, secundum quam proprius est evangelicæ legis, & Christum habuit institutorem. Quæ omnia citato loco ostensa sunt, simulque probatum Christum, non solum fuisse institutorem status religiosi, ut sic, sed etiam factorem cujusdam particularis religionis, quæ in Apostolorum collegio primum creata fuit, & postea in alius discipulis fuit propagata. Illam ergo dicimus fuisse primam religionem clericorum, quia non solum

ex sacerdotibus a sui initio congregata est, sed etiam per se primo fuit a Christo instituta ad actiones hierarchicas purgandi, illuminandi, & perficiendi homines, quæ sunt propriæ actiones clericalis status. Quod intelligi potest ex vocatione Christi Matth. 4. *Veni post me, & faciam vos fieri piscatores hominum.* Quod & illi Apostoli cognoscebant, cum dicebant Act. 6. *Non est æquum nos relinquere verbum Dei, & ministrare mensis.* Huc etiam spectat ille modus vocatus in Christi Matth. 8. & Luc. 9. *Sequere me, & statim, Sine ut mortui sepe liant mortuos suos; tu autem vade, & annuntia regnum Dei.* Fuit ergo illa religio ex proprio, ac peculiari tunc religio clericorum.

7. Verumtamen, quamvis status religiosus continue postea in clericis conservatus sit etiam per se quoad religionem clericorum; non tamen mihi constat fuisse conservatum in ordine ad illum particularem finem, seu quoad actiones, quæ versantur circa corpus Christi mysticum; seu quoad illas, quæ versantur circa corpus Christi verum, quomodo dixit D. Thom. 2. 2. q. 189. art. 8. ad 2. religionem clericorum regularium per se esse religionem clericorum, quia directe ordinatur ad eas actiones, quæ in divinis mysteriis perficiuntur: de qua religione licet communiter censetur a D. Augustino incepisse, multi tamen existimant Augustinum potius fuisse restauratorem, & reformatorem illius, quæ jam antea erat ab Apostolis derivata. Quod sensit Vincencius in speculo historiali lib. 26. cap. 51. Naucletus in chronographia volum. 2. gener. 42. qui dicunt canonicos regulares ex Apostolorum institutis originem trahere, & sumitur ex Benedicto XI. in præmio ad constitutiones canonicorum regularium. Quinimo illum ordinem jam inde ab Apostolis incepisse dixit Navar. tract. 4. de regularibus, cap. statum, 29. q. 3. nu. 8. qui id colligit ex sententia Pri IV. quam ibi refert, lata in favorem canonicorum regularium contra monachos S. Benedicti, in lite de jure prædicandi; & quamvis in priori sententia solum dicatur: *Decernimus, & declaramus canonicos regulares uti clericos, &c.* ubi non titulo antiquitatis, sed titulo clericatus eos præferi; tamen habet illa sententia fundamentum in eo, quod supra diximus, religionem clericorum in Apostolis fuisse institutam. Vide Rosetum de religione Ecclesiastica tract. 34. cap. 3. Joannem de Nigra Valle in Epilogo chroniconum lib. 13. cap. 8. Robertum tract. de tuendo cœlibatu tom. 2. tit. de ordinum primordiis, Volater. in tropologia lib. 2. tit. in princ. Antonin. 2. part. histor. tit. 15. cap. 16. §. 7. Non tamen satis certo constat religionem clericorum perpetua traditione, & absque interruptione ulla fuisse continuatam usque ad Augustini tempora. Et alii qui revocant in dubium, an a tempore Augustini usque nunc hic ordo regularium canonicorum continue duraverit. Alii distinguendum putant inter canonicos cathedrales, & regulares, ut de varietate religionum dictum est tractatu præcedenti. Quidquid vero circa hoc sentiat, hic ordo dicitur cepisse in Apostolis, quatenus ordo clericorum per se in illis incepit, & ex parte retineat finem illius Apostolicæ religionis, scilicet, quoad actiones, quæ pertinent ad divina mysteria, divinamque contemplationem. Ad eundem ergo modum non incepte dicere possumus S. Ignatium non tam novam religionem instituisse, quam eam, quæ in Apostolis fuit, etiam quoad proprium finem ejus, scilicet, Evangelii prædicationem, ac fidei propagationem, & defensionem, instituisse. Nam licet verum sit, illum religionis modum, cum illo particulari fine, & mediis illi proportionatis, non fuisse continua successione conservatum in Ecclesia (quia certum est tempore, quo vixit B. Ignatius, nullam talem religionem clericorum fuisse in Ecclesia: quanto autem tempore post Apostolorum tempora duraverit, incertum etiam est) nihilominus videtur plane B. Ignatium excitasse religionem illi simillimam in his, quæ substantialia sunt; scilicet in fine, & mediis, atque adeo in modo vivendi, & imitandi Christum in ordine ad salutem animarum. Nam sicut Apostoli professi sunt, se relinquere omnia propter Evangelium prædicandum, ita etiam hujus religionis alumni: & sicut illi ad hunc finem peculiariter se Christo consecrarunt, ut quocumque vellent, eos mitteret ad salutem animarum procurandam, & post Christi mortem in eadem obedientia.

De antiquitate canonicorum regularium varietas.

Reditur ad initium corol.

obedientia sub Petro permanserunt: ita etiam hi ad eundem finem se Vicario Christi devotent. Ac denique sicut illi ob hanc causam Christum in exteriori vitæ genere communi, & in peregrinationibus continuis pro salute animarum imitati sunt; ita de his dixit Pius IV. in 1. bulla sua. *Sicut nomen Jesu assumpserunt, ita opere, doctrina, & exemplis Dominum nostrum Jesum Christum imitari, & ejus vestigia sequi nituntur.* Ex quo principio ratio multarum rerum reddi potest, quæ in Societate aliquibus nova videntur, re tamen vera, nova non sunt, sed renovata, aut ex illa prima antiquitate repetita, ut tali fini, & tali modo religionis accommodata.

3. Corol.
Ratio dubitandi
in nu. 2.
solvitur.

7 Tercio, ex his facile solvitur ratio dubitandi in principio tacta; & quomodo non obstat dictæ resolutioni, plures esse in Societate non clericos. Nam in hujusmodi statu considerandum est id, quod est per se, non vero quod per accidens, ut D. Thom. dixit. Adde etiam considerandum esse id, quod est ratione sui, & quod est ratione alterius; nam ab eo, quod est per se, seu gratia sui, sumitur denominatio, & quasi species religionis, quæ clericorum esse dicitur. In Societate ergo status clericorum per se est, & gratia sui, ut explicatum est, & ideo ad solennem professionem non nisi sacerdotes in ea admittuntur, ut dicitur etiam in examine cap. 1. §. 8. ut lib. 6. cap. 1. nu. 4. afferemus. Illi vero, qui clerici non sunt, duobus modis in Societate recipiuntur, primo ut in ea disponantur ad sacerdotium, & ad illum gradum Societatis, qui sacerdotium requirit, iuxta illud Hieron. epist. 4. ad Rusticum: *Ita age in monasterio, ut clericus esse merearis, ut adolescentiam tuam nulla sorde commacules,* &c. Et ideo manifestum est non esse præter institutum religionis clericorum, hac intentione recipere plures, qui clerici non sunt, aliàs conservari non posset, nec sacerdotes habere, qui pro dignitate sacerdotale munus exercerent, prout religiosos decet. Secundo modo recipiuntur laici in corporale, seu temporale sacerdotum adiutorium, quia vel non expedit, aut decet omnia hæc munera per sacerdotes exerceri, vel non expedit sacerdotes impediri a verbo Dei, & ministrare mensis: ut dicitur Actor 6. tractabiturque inferius in lib. 7. cap. 3. n. 2. Unde opposita ratione contingit in religionibus clericorum, & monachorum; nam in illis juxta antiquam, & primævam institutionem, per se erant laici, clerici vero vel assumebantur, vel fiebant, quantum necesse erat ad spirituale regimen, vel adiutorium aliorum, ut in tract. superiori visum est. In hac autem religione clerici sunt per se, ac ex primævâ institutione; laici vero assumuntur, quantum necesse est ad temporale adiutorium vel sacerdotum, vel reliquorum etiam, qui ad sacerdotium tendunt; nam hi etiam propter studiorum laborem temporalibus ministeriis ex professo vacare non possunt. Quarto, & ultimo possumus ex dictis conjecturam facere perfectionis hujus instituti; sed de hoc paulo inferius in cap. 7. dicitur commodius.

4. Corol.

C A P U T V I.

Utrum Societas contemplativam, vel activam vitam amplectatur.

1 Distingnimus in superiori tractatu cum D. Thom. 2. 2. q. 188. tres ordines, seu species religionis; cum enim omnes tendant ad perfectionem charitatis, quædam illam quærunt per viam tantum contemplationis, quæ per se perficit amorem erga Deum. Aliæ illam inquirunt per actiones amoris, & misericordiæ erga proximos; nam cum illæ etiam sint propter Deum, etiam charitas erga Deum illo modo perficitur. Aliæ denique utramque viam complectuntur, quorum vita mixta dicitur ex contemplatione, & actione. Est autem advertendum, ut supra tetigi, nullam esse posse in mortalibus hominibus congregationem adeo contemplativam, quin actioni etiam aliqua ex parte vacet, & corporalibus exercitationibus, ut constat ex Basilio in regulis fufius disputatis regul. 35. cum tamen ejus religio maxime contemplativa fuerit. Etc converso nulla etiam esse potest religio adeo activa, quin aliquid de contemplatione participet, quia sine oratione, & laude Dei nulla potest esse perfecta religio. Quapropter videri po-

Quid sit
activa,
contem-
plativa,
ac mixta
religio.

test omnis religio esse mixta: non tamen ita est. Nam aliquando religio per se solum intendit contemplationem: de actione vero solum id accipit, quod necessarium vel ad disponendum hominem ad contemplationem, vel ad levandum tedium, vel ad sustentandum, vel sublevandum ipsum mortale corpus, & hæc dicitur tantum contemplativa. Alia vero religio e contrario per se solum intendit actionem; de contemplatione vero tantum suscipit, quod vel ad actionem ipsam perfecte agendam necessarium est, vel certe ad reddendum Deo debitum, ac religiosum cultum, & hæc dicitur pure activa, quia unaquæque denominatur ab eo, quod est sibi proprium, & peculiare per se intentum. Mixta ergo diceretur, quando utrumque per se intendit proprio, & speciali modo. Cum enim utraque vita per se honesta sit, & amabilis, & alioquin inter se non pugnent, possunt simul propter se intendi; imo intendi debent, quantum & charitas veritatis, & necessitas charitatis postulaverint, ut verbis utar Augustini lib. 19. de civitate cap. 19. Et hoc genus vitæ dixit pertinere ad Prælatos Gregor. in pastor. part. 2. cap. 1. dicens; *Sit rector in actione præcipuus præcunctis in contemplatione suspensus.* Quæ verba referens D. Thom. 2. 2. q. 182. art. 1. ad 1. ait; *Ad prælatos non solum pertinet vita activa, sed etiam debent esse excellentes in vita contemplativa.*

Societatem ex vi sui instituti mixtam religionem esse.

2 Dico ergo, Societatem ex vi sui instituti utrumque vitæ genus per se, ac principaliter intendere, cum omni perfectione, quantum moraliter fieri potest. Quæ quidem assertio quoad eam partem, quæ pertinet ad vitam activam multa probatione non indiget. Nam cum ad vitam activam pertineant omnes actiones, quæ versantur circa proximum, & ex supradictis satis in cap. 2. constat, principale munus hujus religionis esse spirituale: salutem, & perfectionem proximorum procurare, & ad illum omnibus congruentibus mediis uti, manifestum est, per se amplecti activam vitam, & cum magna perfectione illam proficere. Et quoniam de spiritualibus actionibus, seu mediis satis supra in cap. 3. dictum est, hic solum addimus, religionem hanc non solum opera misericordiæ spiritualia, sed etiam corporalia ex vi sui instituti exercere, qualia sunt infirmos in xenodochiis visitare, consolari, & eis inservire, si necesse sit, adjuvare eos, qui in carceribus detinentur, & similia, quæ distincte enumerantur in 7. part. Constit. cap. 4 §. 9. ubi dicitur: *His corporalibus pietatis operibus, quantum spiritualia, quæ majoris sunt momenti, permittent, quantumque vires patientur, incumbent.* In quibus verbis magna perfectio hujus instituti quoad hanc partem considerari potest. Cum enim ea pars vitæ activæ, quæ ad spirituales profectum ordinatur, multo excellentior sit, illa est primario, ac per se in hac religione intenta. Quia vero alia pars, quæ pertinet ad subveniendum corpori, & per se honesta est, ac necessaria, & multum etiam juvat ad spirituale lucrum animarum, ideo secundario, & quasi propter aliud hanc etiam partem amplectitur Societas, cum hac tamen moderatione, ut talia opera spiritualibus inserviant, vel saltem illa non impediunt, & præter hanc nulla adhibetur limitatio, sed potius adiungitur illa extensio, *quantum vires patientur.*

Probatur
assertio
quoad eam
partem,
quæ ad
actionem
pertinet.

3 Ex his autem non solum videtur probari hæc pars, sed etiam difficilis redditur altera. Qui enim fieri potest ut cum tali genere vitæ activæ simul esse possit perfectio vitæ contemplativæ per se intenta? Quamvis enim hæc vitæ ex ea parte, qua honestæ sunt, & sanctæ, non sint contrariæ, sed sorores; ex ea tamen parte, qua una requirit orium, alia negotium, non videntur simul esse posse in gradu intenso, ut sic dicam, id est, in magna, ac per se intenta perfectione. Quia ut argueratur D. Thom. 2. 2. q. 182. art. 3. cum humana capacitas sit valde limitata, non potest simul intendere contemplationi summæ veritatis, & amoris, ac dulcedini ejus, quod est orium vitæ contemplativæ, & operibus misericordiæ erga proximos, quod est negotium vitæ activæ. Qui ergo fieri potest, ut Societas cum tanto negotio, & occupatione circa proximos, vitam contemplativam, non utrumque, sed per se, ac perfecte conjungere valeat?

Alterius
partis dif-
ficultas
proponi-
tur.

4 Nihilominus partem illam verissimam esse ex verbis ipsius instituti, & ex usu, ac rebus ipsis, & ratione etiam

Offendi-
tur tamen
prædicta

pars Societatem perfecti vitam contemplativam amplecti, primo ex ipsius instituti verbis.

etiam convincere possumus. Primum enim hoc mihi videntur significare verba illa B. Ignatii in Examine c. 1. §. 2. *Finis hujus Societatis est non solum salutis, ac perfectioni propriarum animarum cum divina gratia vacare, sed cum eadem*, &c. Nam huic perfectioni potissimum vacatur per orium vitæ contemplativæ, quod verbum ipsum *vacandi* indicat. Hoc etiam supponit in 3. part.

Constit. cap. 1. §. 10. cum inquit: *Doceantur, quomodo ab illusionibus demonis in suis spiritualibus exercitationibus caveant; & infra. Ad veras, solidasque virtutes insistant, siue plures adsint visitationes spirituales, siue pauciores.* Ubi præsertim agit de modo spiritualiter educandi eos, qui in probatione manent, quem constat majori ex parte per exercitia vitæ contemplativæ fieri in Societate. Nam statim in principio, in rebus spiritualibus instituuntur, & diu exercentur, in his præsertim, quæ ad viam purgativam pertinent, & ideo primum experimentum novitiorum est: *In spiritualibus exercitiis mensem unum, plus minusve, versari, id est, tum in examinanda conscientia, & antea à vita recogitanda, & confessione generali facienda, ac peccatorum suorum meditatione, tum in contemplatione rerum, ac mysteriorum vite, mortis, resurrectionis, & ascensionis Christi redemptoris nostri, tum etiam in oratione mentali, & vocali juxta cujusque captum, prout in Domino edocti fuerint, se exercere, ut dicitur in Examine cap. 4. §. 10.* Postea vero in discursu probationis, in his maxime spiritualibus exercitiis instruuntur, ad quæ pertinet frequens & debitus usus sacramentorum confessionis, & communionis, devotè etiam quotidie audire Missam, vel in ea ministrare; modus etiam legendi, meditandi, & orandi cum fructu; & ideo in 3. p. Constit. c. 1. §. 20. providetur, ut de his omnibus frequens sit sermo, & eruditio, ac cura, ut non solum addiscantur, & memoria teneantur, sed ut etiam exercentur; & adjunguntur illa notanda verba. *Omnes suum tempus rebus spiritualibus impendant, & devotioni quærendæ pro mensura divine gratiæ sibi communicandæ insistant.* Deinde hæc spiritualia exercitia, etiam studiorum tempore continuanda sunt juxta easdem constitutiones. Quamvis enim propter studiorum laborem, & occupationem aliquid de temporis diuturnitate, & de actionum spiritualium frequentia detrahatur, tamen illud onus, quod sufficiens ad majorem Dei gloriam videtur, imponitur: quod si perfecte fervetur, ut in eisdem constitutionibus ordinatur, re vera continet magnam perfectionem vitæ contemplativæ, ut sunt quotidiana lectio spiritualis, quæ merito ad Th. inter opera vitæ contemplativæ numeratur 2. 2. q. 188. art. 6. quotidiana etiam oratio, & meditatio mentalis, saltem per integram horam; bis in die per quadrantem conscientiam examinare; sacrificio Missæ interesse, Rosarium Virginis, & alias proprias, & peculiare devotiones juxta confessoris, vel superioris judicium, exple; quæ omnia in prædictis locis constitutionum continentur, & in congregationibus generalibus postea aucta, & confirmata sunt, & si necesse fuerit, augeri posse dicuntur a Præposito Generali, & in aliis etiam regulis sæpe commendantur. Post studia vero cū hæc omnia a perfectis, & formatis coadjutoribus servanda sint, nullā tamen limitatio eis adhibetur; quia ut de illis in 3. p. Constit. cap. 3. *Tanquam certum ducitur eos viros spirituales futuros, & qui sic in via Christi Domini nostri profecerint, ut per eam currere possint, quantum corporis valetudo, & externæ occupationes charitatis, & obedientia permittent;* & ideo subditur ibidem. *Non videtur in his, quæ ad orationem, meditationem, & studium pertinent, &c. ulla regula eis præscribenda.* Additur vero ibidem in declaratione, nihilominus superioris curæ semper esse cavere, ne hujusmodi etiam personæ in spiritualibus exercitiis deficiant, vel excedant. Itaque ex modo, & providentia instituti satis constat ea, quæ pertinent ad vitam contemplativam, primum, ac præcipuum locum in eo tenere.

Secundo possumus hoc ex ipso usu, & effectibus ostendere. Constat enim experientia generali, eos generaliter loquimur qui hoc institutum proficiuntur, & observant, esse spirituales viros, multum in spiritualibus rebus instructos, & orationi, atque contemplationi deo; multosque cognovimus in hoc genere eximios, quia perfecte illud observare studuerunt; ergo signum

est ipsum institutum ex primaria intentione sua in hunc finem tendere; nam in his rebus, quæ solum per occasionem, vel ratione alterius assumuntur, non solet vel tanta diligentia adhiberi, vel tam copiosus fructus universaliter, vel ut plurimum colligi. Nec solum hinc elicitur intendere Societatem principaliter hunc finem, sed etiam habere media efficacissima & accommodatissima ad illum assequendum: nam (ut Christus Dominus dixit Matt. 7.) *ex fructibus arbor cognoscitur.* Possumus etiam addere aliam conjecturam, ex effectibus quoque sumptam, quia experientia etiam compertum est, fideles Societatis operarios, ac prædicatores, alios etiam seculares inducere ad exercitium orandi, & contemplandi; eosque egregie ad illud recte agendum instruere, & per Dei gratiam habere hoc peculiare donum illuminandi, & dirigendi homines in hac vita spirituali, quæ principaliter contemplativa est. Ergo signum manifestum est, alumnos hujus religionis ex vi sui instituti contemplativos esse debere, & non quomodocumque, sed ita ut viros contemplativos possint efficere. Etenim si in aliqua disciplina illud 1. Metaph. cap. 1. verum est; *Signum sapientis esse posse docere.* Et si de aliqua etiam causa recte dicitur, perfectiorem esse cæteris paribus, quæ potest aliis se communicare, utrumque maxime verum habet in hoc genere causæ, & doctrinæ. Nam hæc via contemplativa adeo est spiritualis, & interna, ut nemo possit de ea sapienter loqui, vel utiliter, ac sine magno periculo alios in ea instruere, nisi prius ipse illam didicerit, multumque expertus sit. Nam licet theologica scientia necessaria sit, multumque juvare possit ad hoc spirituale, & mysticum magisterium, tamen sine proprio usu, & experientia non sufficit; quia actiones, & motiones vitæ contemplativæ specialiter pendunt ex inspiratione, & instinctu Spiritus sancti, cujus peculiare modus, & effectus, nemo scit, nisi qui accipit. Apocal. 2. Neque etiam refert, quod in hoc genere doctrinæ homo non est principaliter doctor, sed minister Spiritus sancti, qui principaliter docere debet; non enim instrumentum mortuum, sed vivum, quod plantare & rigare debet consulendo, judicando, & monendo, & ideo ut sit aptum instrumentum, oportet, ut ad hujusmodi actiones, & scientiam, & experientiam habeat accommodatam. Spiritus sanctus autem licet pro sua potestate quocumque valeat instrumento uti, regulariter tamen, & secundum legem ordinariam, utitur ministris accommodatis, & optime dispositis ad tale ministerium. Et ita experientia compertum est, tum prædicatorem habere vim ad sanctificandas animas suo ministerio, quando ipse sanctus est, & sic de aliis; cum ergo eadem experientia nos doceat per hanc religionem Deum promovere in Ecclesia spiritum orandi & contemplandi, signum profecto est in ea parare sibi ministros aptos, & accommodatos, recteque dispositos ad hoc ministerium.

6 Tercio ex hoc ipso effectū, illum ut finem considerando, colligere possumus rationem a priori hujus veritatis. Nam Societas, ut sæpe diximus, principaliter ordinatur ad propriam, & proximorum perfectionem, in quo fine tria considerat. Primum est perfectio propria, quæ principaliter consistit in unione ad Deum, & ex hac parte maxime requirit contemplationem. Secundum est perfectio proximorum. Est enim attente considerandum in bullis, & constitutionibus Societatis, non sine mysterio sæpius dici, ac repeti, finem ejus non solum esse incumbere correctioni, aut salutis, sed etiam perfectioni proximorum; unde ad finem hujus instituti pertinet proximum juvare & instruere in his omnibus, quæ ad hunc finem necessaria sunt; inter quæ potissimum locum tenet contemplatio; unde etiam ex hoc capite necesse est, ut hoc institutum eo prius tendat, ut suos professores faciat contemplativos. Tertium, quod hoc maxime declarat, est debitus ordo inter illa duo, si ne quo ordine neutra perfectio, propria, vel aliena comparari poterit. Est autem hic ordo, ut prius perficiatur minister, per quem alii perficiendi sunt, propter ea, quæ in proxima ratione dicta sunt. Unde Dionys. cap. 3. Eccles. hierarch. *Decentissimus* (inquit) *divinarum rerum ordo est, ut prius communicet, atque impleatur sanctus presul his, quæ per illum distribuenda sunt cæteris, divinis donis; & sic aliis tradat.* Verum est ibi loqui Dionysium de participatione Eucharistiæ, quam prius de-

Tercio idem ratione ostenditur. Tria in fine Societatis consideranda.

3. p. Constit. c. 1. & 4. p. c. 4. & in 4. congregatione generalis c. 6. & 7. de c. 25. n. 2.

Secundo ex usu, & effectibus ostenditur.

bet sacerdos sumere, quam aliis tribuat: tamen in illo ordine hunc, de quo agimus, esse significatum Dionysius intellexit. Unde subdit: *Quocirca & hi, qui divinis magisteriis (priusquam digna illis conversationes capaces effecti sunt) abutuntur audacter, impuri, atque sacra lege extranei omnino consentur. Ut enim in solis radiis tenuiores, limpidioresque substantia, prima insuente luce replentur, sicque exuberantem lucem in subsequentes solis vice transfundunt: ita non sine periculo divinis in rebus quibusque aliis se ducem prestare presumet, qui non per omnia evaserit similis Deo.* Jam vero Bernardus multus est in suadendo iis, qui alios lucrari conantur, se prius exhibeant *conchas, quam canales*, &c. Videri potest serm. 1. in Cant. & lib. 2. de consider. cap. 3. Atque hic ordo videtur a Christo etiam significari Luc. ult. cum suis discipulis dixit: *Manete in civitate, donec induamini virtute ex alto.* Ergo ratione talis ordinis necesse est, ut primarius finis hujus religionis sit contemplatio; tunc enim uterque ille finis comparari poterit; quando (ut Gregor. dixit homil. 5. super Ezechiel.) *predicatores fuerint viri perfecti, qui bona cœlestia, quæ contemplari potuerunt, fratribus denuntiant, eorumque animas in amorem intimæ charitatis accendunt: loquentes autem verbis suis corda audientium feriunt, & incendunt.* Cum ergo finis hujus instituti sit, & perfectos viros, & perfectos ministros, aliosque perficientes generare, fieri non potest, quin finis ejus etiam sit eos contemplativos efficere; ergo necesse est, ut ad hunc finem media etiam habeat accommodata; alias non esset recte præstitum, nec tanta approbatione institutum ipsum fuisset dignum.

7 Hec autem ratio optime confirmatur ex illis actionibus, per quas Societas principaliter exercet vitam activam, quatenus ad suum institutum pertinet, quæ sunt spirituales actiones & ad animarum profectum proxime, ac per se ordinantur; alia enim opera misericordiæ corporalis, sicut secundaria sunt, ita etiam rariora, & ideo, & parum extrahere possunt ab operationibus vitæ contemplativæ, & aliunde potius juvare humanam infirmitatem, quæ non valet semper surgere ad contemplanda cœlestia; & ideo necesse est, ut aliquando ad activam redeat, & quæ potest bona agere, non recuset, ut dixit Gregor. d. homil. 5. in Ezechiel. Aliæ ergo spirituales actiones tales sunt, ut licet, quatenus ad proximos referuntur, formaliter pertineant ad vitam activam, nihilominus ratione materiæ, in qua versantur, intime, ac eminenter includant, ac supponant vitam contemplativam, præsertim si modo perfecto exercendæ sint. Ergo institutum Societatis, quod ad has actiones perfecte exercendas ordinatur, necessario prius, & principaliter ordinari debet ad vitam contemplativam, tanquam ad primum fontem, & principium talium actionum. Assumptum declaro in doctrinæ actione, quæ fere in omnibus his actionibus spiritualibus intimè includitur. De doctrina igitur agens D. Thom. 2. 2. q. 181. art. 3. quaerit, utrum docere sit actus vitæ contemplativæ, vel activæ; & respondet, licet respectu discipulorum sit actus virtutis activæ, ex parte objecti, & materiæ, si doctrina sit perfecta, & de rebus divinis, potius esse actum vitæ contemplativæ, quia est conceptus alicujus virtutis intelligibilis, in cuius consideratione, & amore homo delectatur. Affertque August. serm. 27. de verbis Domini, dicentem: *Eligant sibi partem meliorem, quæ non auferetur ab eis, vacent verbo, inhient virtutis dulcedini, occupentur circa scientiam salutarem:* in quibus verbis, & doctrinam, & verbum Dei inter actus vitæ contemplativæ numerat. Dicit fortasse aliquis, Augustinum non loqui de doctrina ex parte docentis, sed ex parte discipuli; & cum dicit *vacare verbo*, non intelligere proferendo, sed audiendo, sicut vacabit Maria, quando *sedens secus pedes Domini audiebat verbum illius.* Et sicut inferius dicit idem Augustin. *Nam & modo inde aliquid agimus remoti a negotiis, si positus familiaribus curis, convenitis, statis, auditis.* At enim si audire verbum Dei est actus vitæ contemplativæ, cur non magis docere? Etenim, si disciplinam consideremus per ordinem tantum ad discipulum, non est proprie actus vitæ contemplativæ, imo neque est tam actio, quam receptio. Pertinet ergo

ad vitam contemplativam ratione termini, seu effectus; & in ordine ad objectum ipsius disciplinæ, quatenus est aliqua veritas, ad quam cum delectatione considerandam auditores per disciplinam eleventur; multo ergo magis doctrina ratione suæ causæ, & principii, est actus vitæ contemplativæ. Cum ergo spirituales actiones intime habeant adjunctam doctrinam de rebus divinis (hæc enim non solum per publicas lectiones, & conciones, sed etiam in secreta confessione, & in secreto colloquio, ac instructione traditur,) non potest talis activa vita a contemplativa separari, imo esse debet legitimus partus ejus: nam tunc doctrina recte, & efficaciter traditur, quando ex divina, & interna contemplatione procedit, juxta illud Psal. 44. *Memoriam abundantie suavitatis tue eruclabunt, & in justitia tua exultabunt.* Atque hoc præcipue explicare possumus in quodam speciali medio, quo Societas utitur ad spirituale bonum proximorum, quod est tradere illis spiritualia exercitia (de quibus infra a cap. 1. lib. 9. ex professo erit sermo.) Nam hæc actio, si in ordine ad proximum consideretur, sine dubio est opus vitæ activæ, & nihilominus, secundum se intime spectatum opus est vitæ contemplativæ respectu materiæ seu objecti, in quo versatur; ergo usus talis medi, seu actionis intrinsece includit contemplationem. Quocirca, sicut D. Thom. aliàs objicere solet, divinam, seu theologicam scientiam esse eminenter practicam, & speculativam, principaliter vero speculativam esse; ita nos dicere possumus, actiones has esse eminenter activæ, & contemplativæ vitæ, principaliter autem contemplativæ, illa enim est quasi vita, & animatum actionum. Nec refert, quod actiones illæ aliquando fieri possint a viris, nihil, aut parum in contemplatione exercitatis: quia hic non consideramus has actiones prout ab illis, vel illis sunt, sed prout fieri debent ex vi instituti: sic enim fieri debent, ut fructus contemplationis, & ut formæ interiori spiritui, quia tunc erunt perfectæ, & efficaces ad finem instituti; aliter vero factæ erunt inefficaces, & quasi mortuæ, magisque in sola specie exteriori materialiter apparentes, quam veræ, quantum est ex parte ministrorum, ut excludamus, & efficaciam sacramentorum ex opere operato, & quam Spiritus sanctus ex suamet liberalitate adjungere potest.

8 Ultimo confirmari potest hic discursus ex resolutione superioris capitis, in quo diximus Societatem per se esse religionem sacerdotum: religio enim sacerdotum ad opera vitæ contemplativæ ordinatur, ut ex D. Thom. colligo 2. 2. q. 189. art. 8. ad 2. ubi affirmat de religione canonicorum regularium. Est autem eadem ratio in quacunque religione, quæ per se sit presbyterorum religio. Duplicia enim sunt opera per se pertinentia ad sacerdotalem ordinem. Priora, & præcipua sunt illa, quæ aguntur in divinis mysteriis, & versantur circa corpus Christi. Verum alia sunt ea, quæ versantur circa corpus mysticum, ut sunt actiones illæ spirituales, quæ ad salutem proximorum ordinantur, de quibus proxime antea loquebamur. Sicut ergo hæc posteriores actiones supponunt priores, ita religio, quæ per se ordinatur ad perficiendos sacerdotes, ut sacerdotes sunt (hoc est enim esse per se religionem sacerdotum), primario tendere debet ad perficiendos illos in ordine ad priores actiones, quæ spectant ad divina mysteria, alioquin ineptissime esset instituta religio. Unde, quia prius (ut ajunt) separatur a posteriori, bene potest aliqua religio clericorum esse instituta ad perficiendos sacerdotes in his actionibus, quæ in divinis mysteriis peragendis consistunt, quamvis ulterius non extendatur ad actiones erga proximos; eritque talis religio contemplativa, talisque est religio canonicorum regularium ex D. Thomæ sententia loco proxime citato. At vero e converso, posterius non separatur a priori; neque accessorium a principali, & ideo non potest esse bene instituta religio, quæ sacerdotes perficiat in actionibus erga proximum, & non multo magis eos perficere intendat in actionibus circa Deum, & quæ in divinis mysteriis aguntur. Societas ergo, quæ optime & Spiritus sancti instinctu instituta, & probata est, ad perficiendum sacerdotes, quatenus sacerdotes sunt, & se extendit ad perficiendos illos in actio-

Inductio-
ne eadem
ratio con-
firmatur.

Confir-
matur ul-
timo idem
discursus.

actionibus sacerdotalibus erga proximos, multo magis intréit eos perficere in his omnibus, quæ in divinis mysteriis aguntur. Quod etiam quantum ex signis exterioribus ostendi potest, effectus ipse manifestat. Quamvis enim hæc religio (propter alias rationes divini obsequii, quas infra c. 8. videbimus) cantu, & aliis solennitatibus externis in his mysteriis non utatur; quod ad decentiam, & reverentiam eorum spectat, nullibi cum majori decore tractantur. Nullaque major cura huic religioni esse solet, quam ut ea, quæ pertinent ad divinum cultum, & ad venerationem Sacrosancti sacrificii, & ad dignum usum sacramentorum exactissime peragantur. Cum ergo ostensum sit religionem hanc, etiam ex ea parte, qua perficit sacerdotes in ordine ad actiones spirituales circa proximos, intime includere vitam contemplativam, multo magis illam includere, quatenus eosdem perficit in sacerdotalibus actionibus divinorum mysteriorum; nam in his potissima pars vitæ contemplativæ constituit.

Quomodo Societas tam multe actioni simul cum contemplatione possit satisfacere?

Ad alteram partem difficultatis in n. 3.

Deum unicuique religioni gratiam suo instituto accommodatam communis esse.

9 Atque ex his difficile non est tollere admirationem, quæ in n. 3. obiciebatur: Scilicet, qui fieri possit, ut tam multa actio, quam Societas proficitur, cum perfecta contemplatione conjungatur? Respondemus enim in primis hoc non esse impossibile cum divina gratia; & quamvis id difficile videatur, perfectam tamen virtutem circa difficile versari; atque ita difficultatem illam, per religionis providentiam, & perfectam institutionem, cum vocationis gratia posse superari. Dico autem cum vocationis gratia, tum quia nemo pro ratione sui status potest pie vivere, nedum perfecte, sine speciali gratia Dei; tum etiam, quia pie credendum est, vel potius est moraliter certum, Deum unicuique religioni dare specialem gratiam, quam communicat omnibus, qui ab Spiritu sancto ad illam vocantur, si per illos non steterit, ut finem illius instituti consequi valeant. Sic enim dixit D. Thom. in 4. d. 2. q. 1. art. 2. ad 9. ad quamlibet eminentiam status dari aliquam sanctitatem, cum sibi necessarium speciale auxilium gratiæ. Et d. 38. q. 1. art. 5. ad 2. dixit, in consecratione virginum, & aliis huiusmodi benedictionibus dari gratiam, nisi sit impedimentum ex parte suscipientis. Cujus locutionis sensus non est, per hos actus dari aliquam gratiam ex opere operato, cum non sint sacramenta, nec de hoc possit assignari certa aliqua lex; imo neque speciale privilegium eis esse concessum cum sufficienti fundamento dici potest. Sensus ergo est de speciali gratia auxiliante, excitante, & adjuvante, quam Deus, quantum in ipso est, majorem, & specialem tribuit his, quos in speciali statu, ac munere constituit, ad cujus convenientem usum illa indigent. Quo principio usus est etiam idem D. Tho. 3. p. qu. 27. art. 5. ad 1. & a nobis confirmatum est in 2. tom. 3. p. disp. 1. sect. 2. ad finem, & disp. 3. sect. 5. ration. 3. ubi ex Scriptura, & Patribus illud confirmavimus. Quibus addi potest illud Pauli ad Ephes. 3. *Ejus factus sum ego minister secundum donum gratiæ Dei, quæ data est mihi secundum virtutem operationis ejus: mihi enim sanctorum minimo data est gratia evangelizare ininvestigabiles divitias Christi, &c.* Atque hoc voluit Deus significare Moyse, quando se excusanti a divino ministerio, eo quod ad illud impari se agnosceret, respondit; *Ego te cum: hoc enim verbo non tantum speciale privilegium, sed suavis etiam dispositio providentiæ divini significata est, dantis unicuique gratiam muneri vel statui ab ipso Deo instituto accommodatam.* Cum ergo omnes religiones approbatæ merito censeantur speciali Dei providentia institutæ, dubitandum non est, quin singulæ habeant paratum speciale Dei auxilium suæ vocationi proportionatum, ac proinde eo majus, quo institutum fuerit altius, ac difficilius, & ad majus Dei obsequium, majoremque Ecclesiæ utilitatem ordinatum. Ostendimus autem in Societatis instituto hæc omnia excellenti quodam modo inveniri: scilicet, approbationem, institutionem ex Spiritu sancti instinctu, intentionem divini cultus & gloriæ cum gravissimo munere, & onere procurandi salutem animarum; ergo dubitari non potest, quin habeat a Deo paratam specialem vocationis gratiam, qua prædictum finem comparare valeat. Atque hujus gratiæ vocationis videtur nobis præbuisse testimonium Gregor. XIII. constitutione: *Quanto fructuosus, & in alia bulla: Ascensare.* Tom. XV.

dente Domino, cum dixit: *Sicut Societatis finis est propagatio, & defensio fidei, animarumque in vita, & doctrina Christiana progressus: ita etiam gratiæ ejus vocationis proprium esse, diversa loca ex Romani Pontificis vel Præpositi generalis directione peragere.* Nam quia ille actus & difficilior, & periculosior alius esse potest, ideo gratiæ vocationis specialiter illum attribuit. Sic ergo nos dicimus, si quæ est difficultas in conjungenda perfectione vitæ activæ cum perfectione vitæ contemplativæ, per gratiam vocationis non difficile superari posse. 10 Ad id vero ulterius, si attente consideremus ea, quæ diximus, non esse in eo negotio nimis magnam difficultatem: quia principales actiones, in quibus vita activa Societatis versatur, ita sunt conjunctæ cum vita contemplativa, ut veluti ex corpore, & animo una quid ex illis efficiatur: quamvis autem plura, ut plura, intendere difficile sit, quæ de causa Ecclesiastici 1. dicitur, *fili, ne in multis sint actus tui*; & Luc. 10. Mathæa declaratur unum esse necessarium, quod August. & alii Patres unico vitæ contemplativæ negotio, seu orio exponunt. Plura tamen per modum unius intendere non est difficile. Exemplo ab speculatione, & doctrina aliarum scientiarum sumpto, rem declaro. Longe enim diversum videtur docere, & speculari, scribere, aut meditari; tamen hæc duo munia non se impediunt: neque unum ratione alterius difficilius redditur, quia unum ex alio oritur: & tunc recte doctrina traditur, quando interior veritatis speculatio perfecta est. Ita vero se habet contemplatio ad prædictas Societatis actiones, & ideo illam per se non impediunt. Eo vel maxime, quod tales actiones, ut perfecte fiant, duas circumstantias ad contemplativam partem maxime pertinentes per se requirunt. Una est, ut fiant intuitu majoris gloriæ, & obsequii divini, & quod semper, aut frequenter, quoad fieri possit, illuc referantur, de quo frequenter filii Societatis in suis constitutionibus admonentur, ut vide licet in 3. p. Constituta. 1. §. 26. & p. 7 c. 1. §. 1. & c. 2. per totum, & p. 8. cap. 1. & ideo in p. 10 §. 2. dicitur. *Ad conservationem, & incrementum spiritus Societatis, atque ad assequutionem finis, quem sibi præfigit, auxilii animarum ad ultimum, & supernaturalem suum finem consequendum, media illa, quæ cum Deo instrumentum conjungunt ac disponunt, ut a divina manu recte gubernetur, efficaciora sunt, quam quæ illud disponunt erga homines. Hujusmodi est probitas, & virtus, ac præcipue charitas, & pura intentio divini servitii, & familiaritas cum Deo in spiritualibus devotionis exercitiis.* Qui modus operandi perfectissimus est, & qui assiduam Dei memoriam maxime conservat, ut late explicat Basiliius reg. 5. ex fusius disputatis, & attingit in brevioribus regul. 195. & 196. Alia circumstantia, quæ ex dictis facile colligitur, est, ut talia opera fiant cum actuali oratione, ac petitione divini auxilii. Qui cum in illis omnibus homo semper operari debeat ut Dei instrumentum, a quo debet efficaciam illorum expectare, tunc perfecte fiunt, quando prædicta oratio cum eis adiungitur. Igitur si debito modo tales actiones fiant, ex se non impediunt perfectionem vitæ contemplativæ, sed potius ex se juvant. Et quamvis contingat aliquando impedire actualem quandam interiorem suavitatem & dulcedinem, illud non est substantiale detrimentum, multoque magis perfectionem augere opus charitatis erga proximos propter Deum factum. Propter quod dixit Greg. 1. p. Pastoralis c. 5. ad finem. *Sunt nonnulli, qui magnis muneribus dicati, dum solius contemplationis studiis inardescunt, parere utilitati proximorum prædicatione refugiunt, secretum quietis diligunt, secessum speculationis petunt: de quo si districte judicentur, ex tantis proculdubio rei sunt, quantis venientes ad publicum prodesse poterunt: quia enim mente is, qui proximis profuturus enitesceret, utilitati ceterorum secretum preponit suum, quando ipse summi Patris unigenitus, ut multis prodesset, de sinu Patris egressus est ad publicum nostrum?*

Alio modo eodem dubitatio, si satisfiat.

Prima circumstantia a Societatis actiones requirita.

Secunda.

CAPUT VIII.

In quo gradu perfectionis Societatis religio constituta sit.

1 Quamvis omnis religio sit actus perfectionis, tamen non omnes in perfectione querenda æquales sunt, quia non omnes omnia consiliorum opera exercent, & ideo quædam in altioribus versantur, quam

quam alia, juxta varios fines proximos, in quos tendunt, ut in superioribus visum est. Et ideo ad perfectam notitiam Societatis tradendam necesse est, quantum sine invidia, & arrogantia fieri possit, quem gradum in hoc ordine perfectionis attingat, explicare. Quod quidem in his, quæ hæcenus diximus, tam clare continetur, ut nova expositione non indigeat. Tamen ut aliquorum objectionibus satisfaceret, hoc omittere non potuimus. Alioqui enim Societatem magnæ imperfectionis arguunt, tam in munere vitæ activæ, quam contemplativæ; unde concludere conantur, illius institutum valde imperfectum esse. Priorem partem ad vitam contemplativam pertinentem ex eo colligunt, quod Societas præcipuum hujus vitæ munus, quod in psalmodia & divinis laudibus, decantandis consistit, non fungatur. Et ideo omnes antiquiores religionum institutores hanc præcipue in suis regulis commendaverunt; ut constat ex Basilio frequentiter in suis regulis, tam suis, quam breviter disputatis, & Benedicto in sua regula a cap. 9. per plura sequentia, & ex Augustino etiam in sua regula, quos omnes posteriores religiones imitaturæ sunt, præsertim mendicantes, quæ ex vi sui instituti eleemosynis fidelium aluntur, & hac ratione videntur speciali titulo obligari ad divina officia publice decantanda. Propter quod Sor. de Just. lib. 10. q. 5. art. 3, circa finem, cum dixisset religiones approbatas teneri officium divinum in communi celebrare, quia illud est præcipuum contemplationis munus, subdit: *Loquor de regularibus antiquis: nam si alius religionis modus circa hujusmodi obligationem admittatur, certe vix nomen religionis meretur, quippe quæ maximo splendore religionis caret.* Quem imitatus est Trullo li. 2. Ordin. Canonice. c. 12.

2. Altera pars pertinet ad vitam activam ex alio capite sumitur, scilicet, quia magna portio hujus vitæ consistit in actibus pertinentibus ad penitentiam, afflictionem, & austeritatem corporis; & in universum loquendo, hujusmodi penitentiarum, & austeritatis exercitia maxime necessaria sunt ad perfectionem assequendam. Propter quod omnes etiam antiquæ religiones in hac vitæ austeritate magna ex parte fundatæ sunt, sicut de antiquis monachis per Ægyptum late refert Euseb. lib. 2. historiarum, ca. 17. & ex Athanasio in vita Antonii, & ex aliis historiis antiquorum Patrum constat. Et D. Basilius esum carniū suis monachis prohibuit. Et author serm. 1. de communi vita clericorum, aliis serm. 5. ad fratres in premo, de illis eremitis ait, *Postquam eremum intraverunt, nunquam carnes sumpserunt, ovino colore, nigerrimo, asperissimoque induti sunt.* Et libro 1. de moribus Ecclesiæ cap. 31. mirum in modum Augustinus exaggerat, & laudat severissimam antiquorum cœnobarum, & eremitarum vitam. De qua multa etiam apud Hieronymum in epist. 22. ad Eusebium de custodia virginis, præter alia, quæ epistol. 4. 13. & aliis de hoc genere vitæ commendat. Sanctus etiam Martinus (ut in ejus vita refert Sulpitius) usum vini in suo monasterio suis monachis interdixit. Benedictus etiam in sua regula ca. 39. a carnibus voluit abstinere monachos præter debiles, & infirmos. Quod servari præcipitur in cap. Cum ad monasterium, de statu monachorum. ubi etiam lineæ camisæ prohibentur monachis. Unde in cap. carnem (inquit Fructuosus Episcopus) *cuiquam monacho, nec sumendi, nec gustandi est concessa licentia, non quod creaturam Dei judicemus indignam, sed quod carnis abstinentia utilis & apta monachis estimetur.* Divus Gregor. in epistola ad Augustinum Anglorum Episcopum, ut refertur in cap. denique, d. 4. *Sacerdotes (inquit) & Diaconi, & reliqui omnes, quos dignitas Ecclesiastici gradus exornat, a quinquagesima propositum jejuniandi suscipiant.* Et subdit rationem ad rem præsentem multum pertinentem; *Quo & aliquid ad penam sanctæ institutionis adjiciunt, & eorum, qui in laicali ordine consistunt, observantiam, sicut loco, ita religione præcellant.* Ad vero Societas non solum antiquam religionem austeritatem non imitatur, verum etiam in hoc genere fere nihil peculiare proficitur, præter ea, quæ ex communi usu, vel præcepto Ecclesiæ omnes observare tenentur. Est ergo in hac parte valde imperfecta, Christianique, & Apostolorum vestigia non sequitur, ut modernus quidam in illam tacite objecit, præter alia, quæ in lib. 9. ca. 7. agendo de usu exercitiorum afferemus.

Societatem ex vi sui instituti perfectissimam religionem esse.

3. Nihilominus dicendum est, religionem hanc ex vi sui instituti perfectissimam esse, ita ut in supremo ordine statuum religionum constituta sit, & in eo non infimum gradum teneat. Ut sensum conclusionis explicem, suppono, quod in tractatu 3. lib. 1. c. 6. cum D. Thom. ostensum est, religiones, quæ puram vitam contemplativam proficiunt, ex suo genere perfectiores esse illis, quæ ex vi sui instituti utramque vitam apprehendunt, utriusque perfectiores esse. Ex quo D. Thom. q. 188. art. 6. concludit. *Summum gradum in religionibus tenent, qui ordinantur ad docendum, & prædicandum.* In hoc ergo sensu dicimus religionem Societatis in supremo ordine perfectionis religiosæ constitutam esse. Quod supposito dicto principio evidenter concluditur ex his, quæ de fine hujus religionis diximus in cap. 1. ostensum est enim religionem hanc esse institutam per se, & directe, tam ad opera vitæ contemplativæ, quam activæ, & ad docendum, & prædicandum, & ad alia spiritualia opera circa proximos exercenda cum maxima perfectione, & propensione.

4. Secundo, potest hoc explicari ex alio principio posito, quod Societas per se est religio presbyterorum. Nam loquendo ex genere religionum clericorum perfectior est, quam religio monachorum, quod sumi potest ex cap. 1. & 2. 19. q. 3. ubi prohibentur canonici regulares ad monachatum transire, quamvis illud possit exponi factum esse propter dignitatem sacerdotalem, ut indicat D. Th. 2. 2. q. 189. art. 8. ad 2. & supra in tract. 8. lib. 3. cap. 10. expensum est. Inde tamen possumus ulterius argumentari; nam ordo sacerdotalis per se est dignissimus, & statum perfectionis aliquo modo attingens, ut in superioribus significatum est, & sumitur ex Dionysio, 1. 1. lib. de Ecclesiæ hierar. & Chrysost. hom. 38. in Matth. ubi ait sacerdotes esse quasi cor, & stomachum Ecclesiæ, quoniam ab eis recipit Christianus populus vitæ influxum, & spirituale alimentum. Ergo religio, quæ per se primo ordinatur ad perficiendos sacerdotes, ut sic, id est, in ipsis muneribus sacerdotalibus, perfectior sine dubio est ex suo genere, quam professio, quæ per se se laicorum, qualis est monachalis, & ideo hæc religio iniciandorum vocatur a Dionysio c. 6. de Ecclesiast. hierarch. & propterea ex monachis ad sacerdotium assumebantur de licentia Abbatis, quando digni inveniebantur, ut sumitur ex Gregor. lib. 5. epist. cap. 127. aliis epist. 27. unde est etiam illud Hieronymi epist. 4. ad Rusticum: *Sic vive in monasterio, ut clericus esse merearis.* Quia vero hæc comparationes semper intelliguntur cæteris paribus, vel quantum est ex tali capite, ideo fieri potest, ut duæ religiones mutuo se excedant, quatenus una magis attendit ad munus proprium sacerdotum, quam ad concionatorum. Altera vero e contra magis ad hoc, quam ad illud munus incumbit. Postea vero ad faciendam illam comparationem simpliciter oporteret illa capita, seu munera inter se comparare, quod ad nos non spectat. Societas enim in utroque illo genere existit, & simul utrumque caput amplectitur, ut cap. præcedenti ostensum est: unde ex hoc capite perfectior etiam est ex genere suo, quam quælibet alia, quæ unum tantum genus illorum participat: maxime cum in singulis generibus illorum magnam quandam perfectionem intensivam (ut sic dicam) & extensivam habeat; nam est religio sacerdotum, tam quoad munera divinorum mysteriorum, quam quoad cætera ministeria, quæ ad perficiendum corpus Christi mysticum diriguntur, & ordinatur ad prædicandum, & docendum, quocumque per Christi vicarium mittantur, & cum omni perfectione, in superioribus satis explicata.

5. Hinc denique addi potest tertia ratio, sumpta ex D. Thoma d. ar. 6. nam *supremum in unoquoque genere est mensura cæterorum*: in statu autem perfectionis supremum locum tenent Episcopi: ergo religio, quæ ad illum statum propinquius accedat, erit ex suo genere in altiori statu perfectionis, quam reliquæ: sed Societas propinquissime videtur accedere ad statum Episcopalem, quantum ad id unde habet, quod sit status perfectionis; ergo. Probatur minor, quia Episcopi dicuntur præcipue esse in statu perfectionis, quia sunt in statu perfe-

Prima ob-
jectio
quorundā
in Socie-
tatem,
quod cho-
rum non
habeat.

Secunda
ob-
jectio
in eandem
Societate,
quod au-
steram vi-
tam non
agat.

Audior
sermonem
ad f. art.

Avenda-
nh. r. act.
11 in Psal.
Beati im-
maculati.
V. 2. 16

Notatio
ad proban-
tionem.

Suadet
prima
pars pri-
mo.

Suadet
secunda.

Suadet
tercio.

perfectionis communicandæ, & quia ad hoc obligantur ex officio, etiam si oporteat pro ovibus dare animam suam, & quia in illo munere firmitatem habent ex obligatione sui status; sed hæc omnia participat excellenti modo Societas; nam ex vi sui finis ordinatur non modo ad perfectionem acquirendam, sed etiam exercendam, & communicandam, & ex vi suorum votorum (quod illi proprium est) ad hoc obligatur, non obstante quacumque difficultate, peregrinando per universum orbem, etiam mendicando, si opus sit, & pericula quæque subeundo, usque ad sanguinis effusionem: in quo munere habet etiam firmitatem ratione obligationis voti: ergo etiam ex hoc capite proxime accedit ad statum perfectionis Episcopalis. Differt autem (ut cap. 2. n. 8. dixi) quia non principaliter, sed ministerialiter hoc munus sustinet. Item quia non se extendit ad conferenda illa sacramenta, per quæ aut fideles in perfectio quodam statu Christianitatis constituantur, ut est Sacramentum confirmationis, aut creantur ministri perfectionis aliorum, ut est Sacramentum ordinis. Sed in his omnes religiones inferiores sunt Episcopis, quorum sunt adiutores. In hoc vero potest speciale aliquid in Societate notari; nam videtur specialiter instituta in ministerium Apostolicæ Sedis, ut ex bullis Pontificiis sæpe adductis manifeste constat. Unde etiam Clemens VIII. benigne alloquens Patres, qui ex universa Societate Romæ congregati fuerant anno 1600. Societatem *brachium dextrum sedis Apostolicæ* appellare dignatus est. Ex quo etiam factum est, ut ab eadem Sede Apostolica plurimæ gratiæ, & facultates in Societatem manaverint, in ordine ad ministeria exercenda circa salutem animarum, & communicando potestatem suam ad perficiendos alios, ut ex eisdem Pontificiis bullis manifestum est, & in l. 9. exponemus.

6 Ex his non erit difficile alteram partem conclusionis probare; scilicet, non haberi Societatem in illo ordine infimum gradum, quam per hanc negationem, potius quam per positivam comparationem proposui, ut omnem invidiam virarem. Duo enim solum ostendere intendo; unum est haberi in illo ordine satis magnam perfectionem: aliud est, ex illis duobus capitibus, quæ nobis obijciuntur, non posse colligi huic religioni deesse aliquid perfectionis debiti, & convenientis sibi juxta finem suum, & consequenter nec sibi simpliciter melioris: neque etiam ob has causas posse jaste postponi aliis, qui pie, ac religiose sanctas illas actiones exercent. Quæ vero in particulari pensatis omnibus perfectior sit, non est meum judicare, ut sæpe in hac materia dixi.

7 Illud ergo prius (posterius enim c. 8. & 9. præstabimus) multis profecto, & manifestis modis ostendi potest ex his, quæ hæcenus de hoc instituto diximus. Primo ex fine, qui sine dubio est altissimus omnium confessionum: nam est idem cum fine Apostolici instituti; maximeque accedit ad finem adventus Christi in mundum: & quamvis multæ religiones eundem finem possint intendere aliquo modo, tamen Societas profecto quodam modo se ostendit in illum propensa: nam per actiones in suo ordine perfectissimas, & per omnes, quæ moraliter desiderari possunt, illum inquirat. Docet autem D. Th. 2. 2. q. 188. art. 6. inter religiones recipientes eundem finem illam esse perfectiorem, quæ per actionem perfectiorem illum attingit, & cæteris paribus, illam, quæ per plures actiones. Quod etiam ex communi sententia doctorum c. 3. ostendimus.

8 Secundo idem suaderi potest ex perfectione trium votorum, in quibus substantia religionis consistit; jam enim in citato loco a n. 4. indicavimus, quanta sit, tam intensiva, quam extensiva perfectio Societatis in materia, & observantia horum votorum, & præsertim quantum emineat in obedientia, quæ aliis est excellentior. Tertio probari potest ex aliis mediis, quibus ad finem suum hæc religio utitur; nam & in se sunt plura, & valde perfecta, & ad finem intentum maxime proportionata, ut ex illo eodem capite satis constat: supposita autem perfectione finis, nulla major perfectio in aliqua religione desiderari potest. Nam ut recte dixit S. Antonius Abbas, & refert Moyse Abbas apud Cassianum col. 2. c. 2. *Optima ratio inquirenda perfectionis non in his, vel illis actionibus, aut multitudine earum, sed in discretionem* Suarez. Tom. XV.

posita est: nulla autem est major discretio majorve prudentiæ perfectio, quam ut proposito optimo fine, convenientissima etiam media, & ad illud maxime proportionata eligantur.

9 Quarto id ostendi potest ex perfectione charitatis erga proximum, quam hæc religio proficitur, ut toto l. 9. constabit latius. Illa ergo cerni potest primo in unione religionis, & membrorum ejus inter se, de qua supra dictum est, & dicitur latius l. 8. c. 8. Deinde in benevolentia erga proximos, quæ ut D. Th. docuit opusc. 18. c. 4. tunc perfecta ostenditur, quando ad omnes amicos, & inimicos, fideles, & infideles extenditur, & quando pro eorum commodis præsertim spiritualibus propria incommoda temporalia & corporalia etiam usque ad mortem, si opus sit, contemnuntur. Quæ omnia manifeste cernuntur in modo diligendi proximos, quem hæc religio proficitur. Testimonium enim hujus benevolentie est beneficentia; nam *testificatio amoris exhibitio est operis*, ut dicit Greg. hom. 17. in Ezechiel. & in illud 1. Reg. 3. *Non erat visio manifesta*, & iterum hom. 30. in Evangel. At Societas hoc beneficentiae genus plane proficitur, ut evidentissimum est ex ejus instituto, & peculiari, ac propria obligatione, qua tenetur, non solum pro communibus Ecclesiæ hostibus, ne dum catholicis universis, sed pro suis etiã privatis inimicis, & multisq; gratiose orare, quod ad beneficentiam spectare docuit D. Th. 2. 2. q. 3. l. a. 2. ad 1. Offerre item (quod specialius est) sacrificia pro iisdem; ac denique ex paupertatis voto nullum ab eis acceptare stipendium, aut compensationem, quos tam sedulo, tamque laboriose literis imbuunt, aut consilio in rebus dubiis instituit, salutarique doctrina pro concionibus impertit. Atque hinc constat quinta ratio, quæ sumi potest ex perfectione charitatis ad Deum. Unum enim ex maximis signis dilectionis ad Deum est dilectio proximi, propter quod scriptum est Rom. 13. *Qui diligit proximum, legem implevit*; ergo etiam perfectio charitatis erga proximum magnum indicium esse debet perfectionis charitatis erga Deum: præsertim cum ex vi sui instituti, ut dixi, teneatur Societas in animarum salute procuranda nullum temporale commodum querere, neque honores, aut humanas dignitates: quid ergo ei superest, nisi divinam gloriam propter se ipsam querere, prout in suis constitutionibus sæpe admonetur. Hoc autem proprium est amoris Dei propter seipsum; ergo.

10 Hinc sexto ad hanc perfectionem spectare potest singularis illa gratia *vocationis*, quam cap. præced. n. 9. ostendi ab Spiritu S. dari. Quævis enim hæc distributio accommodata unicuique religioni tribuatur: verisimile tamen est, ei dari copiosior, & majorem, quæ ad altiores effectus divine gratiæ assumitur; nam ut ibidem quoque ostendi confert Deus gratiam juxta mensuram obligationis, & muneris, quæ gratia etiam crescere solet ex dispositione hominis, ad quam pertinet affectus ille, quo persona vel majorem difficultatem propter Deum amplectitur, vel magis se ipsam abnegat. In utroque autem videtur hæc religio habere singularem excellentiam: nam ex parte Spiritus S. instituta est ad excellentiores effectus divine gratiæ, quales sunt Ecclesiæ propagatio, fidei defensio, animarum conversio, & perfectio. Ex parte vero eorum, qui ad hanc religionem vocantur; quia eximia quædam abnegatio ab eis postulat, ita ut nec locum, nec officium, nec quidquam aliud certum, aut securum habere possint, sed ad omnem mutationem, omnemque difficultatem superandam expositi semper esse debeant; & sine dubio credendum est propriam gratiam hujus *vocationis* singulari modo esse perfectam, & paratam, quantum est ex parte Dei. Denique posset hic etiam considerari singularis providentia hujus religionis ex vi sui instituti, tam in promovendo ad bonum subditos suos, medio usu sacramentorum & aliarum spiritualium rerum; quam in præcavendis malis, seu obstaculis, & impedimentis spiritualis profectus. Sed hæc & in superioribus tacta sunt, & toto li. 8. recurrent, & expenduntur etiam statim punctum alterum n. 6. propositum prosequendo.

CAPUT VIII.

Convenienter in Societate cantus, & chori ordinarii usum non esse.

1 Superest, ut objectionibus factis respondeamus: si inde etiam facile colligetur, quod in cap. præced.

Quare ex perfectione charitatis erga proximum.

Pro. Con. stit. B. & in Glossa. P. 1. c. 3. n. 7. & 9. P. 4. c. 15. §. 4. P. 6. c. 2. §. 7. & alibi sæpe. Quinto ex perfectione charitatis erga Deum.

Sexto ex sua vocationis gratia.

Denique ex peculiari ratione in subditos vigilandi.

Quid in secunda parte conclusionis intendatur.

Probatur jam primo hæc conclusio pars ex fine Societatis.

Secundo ex perfectione votorum ad talem finem faciente.

Tertio ex aliis mediis.

n.6. secundo loco propositum est, scilicet, non posse religionem hanc aut imperfectionis argui, aut aliis religionibus postponi, eo quod vel cantu, & choro non utatur ordinarie (in casu enim aliquo usum admitti patet ex congregatione generali 1. can. 25. & congreg. 2. can. 24. & congreg. 3. can. 9. & ex iis, quæ l. 8. c. 2. n. 4. in fine attingimus) vel quia in exteriori victu, & vestitu specialem austeritatem non proficitur. Ad quod in primis suppono, non pertinere ad perfectionem alicujus religionis, ut omnia consilia collectivè (ut sic dicam) & in particulari amplectatur, & proficitur. Quod significavit D. Thom. 2. 2. q. 186. a. 2. & late a nobis explicatum est tractando in genere de statu religionis tractat. 8. Et ratio evidens est, quia impossibile est multitudinem omnium consiliorum simul exequi, & observare; imo quædam eorum possunt esse impossibilia, ut simul fiant, ut inservire infirmis, & concionari, aut eodem tempore, aut continuo officio: sæpe enim ipsa rerum multitudine obruitur humana natura, & aut vires corporis deficiunt, aut fervor spiritus extinguitur, & ita propter indiscretum onus sæpe in virtute non perseveratur, ut dixit S. Antonius apud Cassian. dicta collat. 2. cap. 2. Et colligitur optime ex verbis illis Apostolorum Actor. 6. *Non est æquum nos derelinquere verbum Dei, & ministrare mensis.* Opus enim illud ministrandi optimum erat, & sub consilio, non tamen statui Apostolorum accommodatum, quia non poterat simul cum munere prædicationis conjungi.

2. Quapropter quando fit comparatio inter religiosos status, & uni videtur deesse aliqua observantia religiosa, & exercitium alicujus operis sub consilio cadentis, quod in aliis religionibus invenitur, non statim potest talis religio aut imperfecta, aut inferior aliis simpliciter judicari. Sed ut de utraque illa re judicium feratur, duo cum partitione accommodanda sunt. Unum est, an tale opus sit accommodatum fini talis religionis, vel potius an considerato illo fine expediens fuerit tale exercitium in tali religione non admittitur: nam si prudenter hoc ita judicatum fuerit, carentia illius observantiae non poterit justè existimari imperfectio privata (ut philosophico more loquar) talis religionis, cum non sit carentia perfectionis illi debitæ vel convenientis juxta finem suum: imo nec imperfectio negativa simpliciter reputanda est, si finis ille, propter quem talis observantia omittitur, perfectior est illa, sicut ex Divo Anselmo Theologi, & Philosophi dicunt; non pertinere ad perfectionem simpliciter habere formaliter perfectionem illam, quæ majorem excluderet. Unde statim sequitur aliud considerandum, an scilicet carentia illius boni exercitii alio meliori compensetur, quod simul cum alio moraliter esse non potest, atque ita recte fiet judicium illud comparativum. Si enim aliqua religio tali bono careat, idque non propter aliud majus, vel æquale, quo carentia illius boni compensetur, sine dubio ea religio, quæ cæteris paribus in tali bono excesserit, perfectior erit. Si autem ille defectus aliunde compensatur, non potest altera religio simpliciter judicari excellentior, sed ad summum secundum quid. Quam totam doctrinam tradidit D. Thom. & bene explicuit Cajet. 2. 2. q. 188. a. 7. ad 1.

3. Deveniendū ergo in particulari ad religiosum usum chori, & cantus Ecclesiastici, ac psalmodiæ, ut in cap. præcedenti. num. 1. opponebatur, ostendo primo, prudenter in Societate institutum esse, ut in ea non sit hujusmodi usus, quia licet secundum se optimus sit, ad finem Societatis non juvat, neque esset medium proportionatum. Quod his verbis tradidit Beatus Ignatius 6. p. Constit. c. 3 §. 4. *Quoniam occupationes, quæ ad animarum auxilium assumuntur, magni momenti sunt, ac nostri instituti propria, & valde frequentes, cumque alioqui nostra habitatio tam sit in hoc vel in illo loco incerta, non utentur nostri choro ad horas canonicas, & Missas, & alia officia decantanda, quandoquidem illis, quos ad ea audienda devotio moverit, abunde suppetet ubi sibi ipsis satisfaciunt. Per nostros autem ea tractari convenit, quæ nostræ vocationis ad Dei gloriam magis sunt propria.* Quam constitutionem in particulari motu proprio, & ex certa scientia, confirmavit Greg. XIII. in bulla edita anno 1573. quæ incipit: *Ex sedis Apostolicæ,*

atque duas, vel tres rationes reddiunt a priori (ut sic dicam) illis verbis. *Quo acrius studiis, lectionibus, & prædicationibus intendere possint.* Aliam a posteriori, ibi. *Nos considerantes religionem prædictam uberrimos fructus ad Dei laudem, & sanctæ Catholice fidei propagationem per universum orbem dedisse, meritoque in suis piis studiis fovendam esse, &c.* Addit etiam argumentum ab auctoritate: *quia hoc modo fuit hoc institutum a Paulo III & Julio III. approbatum, eique per sanctum Concilium Tridentinum derogatum minime existit.*

4. In verbis autem Beati Ignatii considerare oportet omnes rationes, quibus motus fuit ad non imponendum Societati chori onus (quamvis in hoc prius non fuerit, ut nu. 6. ostendimus) sumptas esse ex illo fine querendi majorem gloriam Dei in hoc effectu salutis animarum, per ea media, quæ ad illum magis conferre possent. Duo autem ad hoc consideravit. Unum est, chorum, vel cantum Societatis, non fuisse nunc Ecclesiæ necessarium ad hunc finem. Optime enim intellexit, hoc sanctum opus laudandi Deum publice in divinis officiis per cantum, non solum per se esse honestum propter laudem Dei, & sanctam contemplationem eorum, qui illum exercent, sed etiam esse utile proximis, ad excitandam eorum devotionem, & præbendam eis occasionem, ut in audiendis divinis laudibus eo tempore occupentur. Consideravit autem subinde esse in Ecclesia sufficientem copiam & abundantiam hujus mediæ ad excitandos fideles, & ideo propter hunc finem non fuisse in Societate necessarium. Et hinc additum est in declaratione illius constitutionis (quæ eandem habet cum illa auctoritatem) prudentiæ Societatis relictum esse, quoties ad majorem animarum fructum expedire censerit, partem aliquam hujus sancti exercitii assumere, ut ea occasione v. g. fideles ad conciones audiendas, & confessiones faciendas frequentius conveniant, merito id facere posse ea prudentia, & moderatione, quæ prædicto fini inserviat, & majora bona non impediat.

5. Alterum a nostro Patre consideratum est, actiones, quibus Societas incumbit in salutem proximorum, tot esse, & tam graves, ut sine magna earum jactura non possit hæc religio in officio divino decantando occupari. Quod quidem tam est per se notum, ut nulla fere explicatione indigeat. Facilius autem id intelligit, qui per singula membra Societatis, aut omnes status, seu congregationes eorum cogitatione discurrerit. Domus enim probationum ad hujusmodi usum per se accommodatæ non sunt, tum quia si officia hæc per antiquiores, & graviores non exercentur, non possunt pro dignitate, & cum debito splendore fieri; tum etiam, quia in unaquaque religione in illis actibus, & ministeriis oportet novitios instrui, & exerceri, quæ postea perpetuo debent in eadem religione retineri, ac propterea tota probatio novitiorum Societatis, ut postea lib. 2. cap. 5. videbimus, adeo est intentia eorum instructioni spirituali, & usui quotidianæ meditationis ac contemplationis, nec non etiam aliis actionibus & operibus exercendis, in quibus humilitas, & abjectio propria, & charitas erga proximum, exercetur, ut ad hæc publica officia convenienter distrahi non possint. Adde bonam novitiorum partem in peregrinando, in ministrando, in xenodochiis, ac similibus exercitii extra domos, longeque proinde a choro expleri. Jam vero de collegiis studiorum res est per se evidenter; nam etiam religiones, quæ hoc maxime ministerium chori proficiunt, in collegiis specialiter ad studia deputatis ab ea occupatione suos tam magistros, quam Scholasticos simpliciter abstinere jubent. Nam re vera studia præsertim tam gravia, & multiplicia, qualia sunt illa, quæ Societas proficetur, si serio, & cum insigni fructu, prout in Societate etiam postulat, tractanda sunt, totum tempus, totumque hominem requirunt; & alioqui chori etiam occupatio, si convenienti modo fieri debet, non parum laboriosa est, magnamque temporis partem requirit. Denique discursus hic ad domos etiam professorum facile potest applicari. Sunt enim actiones circa proximos, quæ ab illis exercendæ sunt, gravissima, & alioqui considerate oportet, eas hujusmodi esse, ut ab studiis & lectione Patrum, vel aliorum docto-

Quæ rationes B. Ignatii moverint ad hanc constitutionem concludendam.

Secunda ratio. Domus probationis non esse chori ministerio accommodatas.

De profectis domibus id ostenditur

rum

Non pertinere ad perfectionem religionis omnia consilia collectivè & in particulari amplecti, & proficere.

Duo consideranda sunt in comparatione inter duas religiones.

Alterum.

Prudenter statuitur esse in Societate, ne in ea sit usus chori.

rum, qui de rebus divinis, & ad conscientiam pertinentibus differunt, nunquam omnino cessare permittant. Addo insuper, quod lib. 8. cap. 1. num. 4. afferemus, huiusmodi operariis necessarium esse aliquibus temporibus, & diuturnis, & frequentibus, quantum occupationes per miseriam, privatæ considerationi, meditationi, & contemplationi vacare, quæ ad propria munera cum fructu animarum peragenda, & augmentum propriæ perfectionis, & ad pericula & incommoda vitanda, quæ in his muneribus intermisceri possunt, multo utilior est, quam chori, & cantus Ecclesiastici occupatio. Cum ergo non possent hæc omnia simul conjungi, quia hominem frangerent, & obruerent, & singula imperfecte fierent, juxta commune proverbium: *Pluribus intentus minor est ad singula sensus*: merito Ignatius Societatem hoc onere liberandam putavit.

Non fuisse 6 Nec vero primus fuit Beatus Ignatius, cui Spiritus sanctus eam mentem induxit; multo enim antea eandem doctrinam per antiquos Patres Ecclesiam docuerat; Gregor. enim Papa coram sanctissimo B. Petri corpore cum Episcopis omnibus, ac Romanæ Ecclesiæ presbyteris residentibus, assistantibus Diaconis, & cuncto clero sic dixit. *In sancta Romana Ecclesia, cui divina dispensatio præesse me voluit, dudum consuetudo est, valde reprehensibilis exorta, ut quidam ad sacri altaris ministerium cantores eligantur, & in diaconatus ordine constituti, modulationi vocis inserviant, quos ad prædicationis officium, elemosynarumque studium vacare congruebat.* Et postea statuit, ut talia officia per subdiaconos, vel minores clericos persolvantur, aut cantentur. Ita habetur lib. 4. registri cap. 88. aliâs epist. 44. & in quodam Concilio, quod post 12. lib. registri refertur, & in cap. in sancta, d. 92. Quod decretum tractans D. Th. 2. 2. q. 91. art. 2. ad 3. verba habet ad nostrum institutum valde notanda. *Ad 3. (inquit) dicendum, quod nobilior modus est provocandi homines ad devotionem per doctrinam, & prædicationem, quam per cantum, & ideo Diaconi, & Prælati, quibus competit per prædicationem & doctrinam animos hominum provocare in Deum, non debent cantibus insistere, ne per hoc a majoribus retrahantur.* in quibus verbis ratio potius attendenda est, quam particulares personæ, quæ in eis nominantur. Quod enim sint Prælati, aut Diaconi, materiale quid est (ut sic dicam) formale autem, quod eis ex proprio munere competat officium prædicationis exercende, sub quo omnia ministeria comprehenduntur, quibus proximorum salus directe procuratur. Illud etiam ex his testimoniis constat, præferendum esse munus doctrinæ, & prædicationis, psalmodiæ, seu cantui Ecclesiastico, quando utrumque non potest simul perfecte, & stabiliter exerceri. Denique hinc etiam observari potest differentia inter cantum, & prædicationem, quod prædicationis est propria actio Sacerdotum, vel diaconorum: cantus vero per quoslibet inferiores clericos exerceri potest, adde etiam per laicos, si necesse sit, & maxime si sint divino servitio mancipati. Et hinc factum est, ut religiones monachorum, quia per se non sunt religiones Sacerdotum, sed laicorum, chori ministerium profiteantur, quia optime per illos exerceri potest, & est fini eorum accommodatum, scilicet, ad contemplationem; non tamen idem est de omnibus religionibus Sacerdotum; quia Sacerdotis officium non est solum divinis officiis, sed maxime saluti hominum procurandæ insistere, ut Gregor. dixit in 3. p. Pastoralis, cap. 4. & Concil. Aquisgran. cap. 8. & sumitur ex multis decretis apud Gratianum 16. quæst. 1. cap. placuit, cum similibus. Et ideo licet religio clericorum, quæ solum quoad priorem partem eorum ministerium usurpat, merito etiam in divinis officiis publice & cum cantu versetur; religio tamen Sacerdotum, quæ totum eorum ministerium, & præcipue illud, quod ad salutem, & profectum animarum pertinet, proficitur, non poterat convenienter in choro & cantibus occupari.

Prima observatio in citatis testimoniis.

Secunda.

Tertia.

Corollarium primum in quo Societatis reprehenditur.

7 Ex his ergo satis constat, pessime dixisse Sorum præcedenti capite num. 1. citatum, religionem sine obligatione dicendi officium divinum in communi institutam, vix nomen religionis mereri. Nam præterquam quod illud est præter Pontificum approbationem, nullo fundamento nititur; quia vel recitatio officii canonici

Suarez Tom. XV.

in communi non est de substantia religionis, ut est per se norum; neque etiam est medium necessarium ad illam sustinendam, vel ad perfectionem assequendam, quia charitas multis aliis modis perfici potest. Et potest aliqua religio habere finem accommodatum perfectioni charitatis, ad quem medium illud non sit proportionatum. Quomodo D. Thom. dicta q. 188. dixit, posse institui religionem ad opera vitæ activæ in operibus misericordiæ corporalis, vel ad temporalem militiam, ad quos fines medium illud accommodatum non est. Nec Soto affert aliam rationem, nisi quia talis religio maximo splendore religionis careret; quasi vero substantia, & perfectio religionis ex hoc splendore metienda sit; vel non possit etiam salvis operibus virtutum, & præcipue ex spiritualibus effectibus & beneficiis circa proximos sufficientem, ne dicam majorem splendorem habere.

8 Secundo sequitur ex dictis, non posse Societatem argui, quod imperfecto, aut indebito modo instituta sit, eo quod hoc splendore, seu munere careat, quia (ut recte dixit D. Th. dict. q. 188. a. 7. ad 1.) quando aliquod opus est instrumentum ad perfectionem, non consistit perfectio religionis in tali instrumento, aut in quantitate, vel modo ejus absolute spectatis, sed cum debita proportionem ad finem talis religionis. Chorus autem non est ipsa perfectio, sed instrumentum ad perfectionem, & ideo absolute non fuit Societati necessarius, & alioqui non erat proportionatum instrumentum ad finem Societatis, & ideo ad perfectam institutionem ejus non fuit necessarium, neque convenientis tale medium. Dices. Esto non sit medium proportionatum speciali fini Societatis, esse fere necessarium ad generalem finem religionis contemplativæ, quam non debet excludere finis particularis Societatis, si ipsa perfecta religio est. Unde eo ipso quod Societas talem habeat finem proprium, qui medium illud convenienter non admittit, convincitur esse imperfecta religio, etiam si intra suos limites cum perfectione instituta sit. Respondeo ad priorem partem negando assumptum; quia sunt multa alia media, quibus finis vitæ contemplativæ comparari, & exerceri potest, alioqui monachi, & eremitæ, qui solitariam vitam profitebantur, non fuissent professi perfectam vitam contemplativam, quod plane falsum est: quamvis enim desit publicus, & corporalis cantus, potest laudari Deus, ut instruitur Ephes. 5. in Hymnis & cantibus spiritualibus, & privatis. Accedit, quod cantus publicus magis usurpatur, quia est utilis Ecclesiæ, ad excitandos homines ad devotionem, & laudem Dei, quam quia sit necessarius vel simpliciter, vel moraliter ad propriam & internam perfectionem vitæ contemplativæ earum personarum, quæ in huiusmodi exercitio occupantur. Unde ad alteram partem, negatur etiam assumptum, quia licet finis proprius Societatis hoc medium non requirat, neque cum illo habeat convenientem proportionem, nihilominus in se perfectissimus est, & secum admittit, imo requirit magnam perfectionem vitæ contemplativæ, ut in cap. superius demonstratum est. Denique ostensum est, finem hunc esse omnium perfectissimum, & ideo quicquid cum illo non habuerit convenientem proportionem, perfectio necessarium non est ad religionem simpliciter perfectam, ut ex sequenti illatione magis patebit.

9 Tercio ex dictis infero, ex hoc capite, quod Societas chorum non habeat, inferri non posse esse minus perfectam aliis illam habentibus. Sicut D. Thom. paulo ante citatus dixit, religionem, quæ majorem paupertatem proficitur, non debere statim gloriari, quod aliis simpliciter perfectior sit, sed ad summum secundum quid, quia potest ab alia excedi in his, quæ pertinent ad obedientiam, vel continentiam, quæ majora sunt, & quod in melioribus excedit, est simpliciter melius. Sed quid habet Societas propriam, quo possit bonum illud æquari, ne dum superari? Respondeo ex doctrina ejusdem D. Thomæ, & Gregor. num. 6. citati, functiones illas, quibus directe salus animarum procuratur, non solum æquare, sed longe excedere bonum illud; ostendimus autem in his functionibus, & in perfectione, & obligatione earum non pauca habere Societatem sibi propria, & nulli alteri religioni

Corol. 2. non posse imperfectionem arguere quod chorus careat.

Instantia bipartita a

Solvitur prior pars

Solvitur posterior

Corol. 2. Societas etiam si chorus careat, non esse imperfectior reli- gionibus illam habentibus.

Interrogatio quorundam sitis sit, ex D. Th. & Greg.

ex vi sui instituti convenientia; ergo ex hoc capite potius excedit in eo, quod simpliciter melius est. In quo etiam considero hunc excessum non solum esse in his, quæ ad vitam activam pertinent, etiam si functiones illæ hujus vitæ actus esse videantur. Nam zelus animarum, a quo illæ functiones debent procedere, ad actus vitæ contemplativæ pertinet, & est maxima pars perfectionis ejus, cum ad perfectionem charitatis proximi formaliter pertineat, & in perfecta charitate Dei radicatus esse debeat. Est autem hic zelus suo modo proprius, & peculiaris hujus instituti, quatenus cum speciali perfectione illum postulat, & intendit. Nam in 1. p. Constit. cap. 3. dicitur: *Hanc Societatem exercendam esse in charitate, & zelo animarum, quo omnia hominum genera complectatur, ut eorum serviat spirituali utilitati.* Et 10. p. §. 2. potissima media Societatis ad suum finem esse dicuntur, *probitas, & virtus, ac præcipue charitas, & pura intentio divini servitii, & familiaritas cum Deo in spiritualibus devotionis exercitiis, & zelus sincerus animarum ad gloriam ejus, qui eas creavit, & redemit, quovis aliq. emolumento posthabito.* Hæc ergo sunt, quæ Societatis vitam etiam quoad partem contemplativam maxime perficere possunt, & chori iacturam non solum supplere, sed etiam superare.

CAPUT IX.

Utrum Societas arctam simpliciter, an laxam regulam profiteatur.

Ratio du-
biandi.

UT secundæ objectioni relicte in c. 7. n. 2. radicitus & plene respondeam, præsentem questionem tractare visum est. Quia enim Societas vitam minus austeram in his, quæ ad externam corporis tractationem pertinent, scilicet, in victu, & vestitu assumpsisse videtur, ideo calumniatores aliqui in eam obijciunt, quod laxiorem regulam observet; quibus ex hæcenus dictis non satis responsum videtur, quia fieri optime potest, ut religio aliqua ex fine suo, & aliquibus ministeriis majorem quandam dignitatem habeat, & nihilominus sub laxiori regula vivat. Sic ergo religio canonicorum regularium, eo quod sit religio Sacerdotum, & ad officia, quæ in divinis mysteriis peraguntur, ordinetur, specialem, ac propriam habet dignitatem. Et nihilominus in cap. quod Dei timore, de statu monachorum, de illis dicit Innocent. III. quod *regula inferiori laxiori.* Hoc autem non videtur alia ratione dictum, nisi quia licet in cæteris religiose vivant, in his, quæ ad corpus pertinent, nullam specialem observant asperitatem, sed commodum, licet temperatum, vivendi modum habent. Ergo eadem ratione dicenda est laxiori regule Societas infervire. Arque hoc aliqui ita exaggerant, ut inde velint persuadere hominibus religionem hanc imperfectissimam esse, eo quod ejus professores delicate (ut ipsi ajunt) vivant, nihilque a secularibus discerni videantur.

Domini-
cus Bar-
nes re-
flectit de
charitate

Discrimen
inter cau-
sticitatem,
penitenti-
am, &
arctam re-
gulam.

In qua au-
sticitas vi-
ta consti-
tat.

Quid pe-
nitentia?

2 Ut ergo calumniam hanc excludamus, & quid rei veritas habeat, apertius, tria hic distinguenda sunt, scilicet, penitentia, austeritas, & arcta regula; sunt enim hæc valde distincta. Quia austeritas vitæ, prout in præsentia, & juxta communem modum loquendi sumitur, significat specialem asperitatem in externa ac ordinaria, & communi corporis tractatione, ad quam præcipue pertinet, quoad victum, abstinentia a carnibus, & erit major, si sit etiam a lactu- ciniis, & gravior, quo etiam in quantitate ciborum, & in juniorum frequentia fuerit durior. In vestitu ordinaria austeritas est, non uti lincis internis; erit autem major, quo indumentum fuerit asperius, vel etiam simplicius; atque hæc etiam spectat non uti calceis, sed nudis pedibus ambulare. Denique etiam in lecto cernitur hæc asperitas in non utendo panno lineo, sed lanco, vel in alio duriori usulecto, usque ad humi- cationem. Penitentia vero latius patet, nam præter hæc, quæ numeravimus, quæ certe ad penitentiam pertinent, potest aliis modis fieri non tantum animo, sed etiam corpore (ita enim nunc loquimur) per actiones aut res, quæ secretae, & occulte sunt, licet in exteriori habitu non appareant. Hujusmodi sunt

secretae, & privatae flagellationes, cilicia, extraordinariae vigiliae, graviores labores ex pia causa assumpti, & similia. Rigor autem, seu arctitudo regulæ, non solum in his rebus, imo nec principaliter in eis consistit, sed subtilius, ac spiritualius (ut existimo) pensanda est. Nam, licet arcta regula sufficientem austeritatem, vel penitentiam non omittat, principaliter autem consistit in rigorosa trium votorum observatione, & in omnibus observantiis, quæ ad illa per se reducuntur, tanquam media ex se necessaria ad perfectam illorum custodiam, vel tanquam dignifrons illius. Ut v.g. in observatione castitatis regula arcta est, quæ non solum omnem actum, aut motum turpem comprimit, sed etiam omnium sensuum mortificationi invigilat, & omnia verba, non solum lasciva, verum etiam quomodocumque varia, & quæ vel remore possunt puritatem offendere, omnino vetat, prohibet, ac coercet; & sic de aliis. In paupertate multa numerari possunt, quæ cap. 3. num. 5. & 6. tacta sunt, quorum summa est, ut unica ratio utendi temporalibus bonis sit necessitas, & hæc sit omnibus communis; usus vero sit in omnibus dependens a superioris arbitrio. Maximus vero rigor, & regulæ arctitudo esse potest in obedientiæ observantia; nam sicut illa est cæteris excellentior, ita etiam est difficilior, & majorem abnegationem propria, maioremque omnium affectuum abjuramentum postulat. Et hic merito dici potest maximus rigor religiose regulæ; nam, ut Gregorius dixit. *Minus univnicuique est abnegare, quod non habet, valde autem multum est abnegare, quod est,*

A. Alendo
regula
qua dicitur.

Pro questionis resolutione prima
Conclusio.

Societatem non profiteri definitam austeritatem, aut penitentiam modum pro omnibus sociis communem.

3 Fatemur igitur ingenuè non profiteri quoad regularem, & omnibus propositam observantiam definitum aliquem austeritatis, aut penitentiae modum: ita enim in ejus constitutionibus expresse cautum est. Nam in Examine capite 1. §. 6. sic dicitur. *Ratio vivendi in exterioribus, iustas ob causas, majus Dei obsequium semper intinendo, communis est, neque ullas ordinarias penitentias vel corporis afflictiones ex obligatione subeundas habet.* Idemque in aliis constitutionibus declaratur, quas postea referemus, & in bulla, in qua Julius III. cum majiori declaratione institutum confirmavit, hæc sunt ultima verba in narratione, seu declaratione instituti Pontifici proposita. *In his, quæ ad victum & vestitum, & cætera exteriora pertinent, honestorum sacerdotum communem & approbatum usum sequuntur: ut quod inde pro cuiusque necessitate, vel spiritualis profectus desiderio subtrahendum fuerit, ex devotione, & non ex obligatione, rationabile obsequium corporis Deo, prout expediat, offeratur.* Et nihilominus statim subdit Pontifex. *Nihil, quod pium sanctumque non sit, in dicta Societate, ejusque laudabilibus institutis reperiri, eaque omnia ad suorum, & aliorum Christi fidelium animarum salutem, & fidei exaltationem tendere:* ergo ex sententia Pontificis etiam quoad hanc partem hoc institutum pium est, & sanctum, & ad prædictum finem egregie accommodatum, quod nobis superest explicandum.

Secunda Conclusio.

Societatem uti debere penitentiam, & afflictionem corporis, modo in constitutionibus præscripto.

4 Dico ergo secundo, Societatem ex vi suæ regulæ uti debere penitentiam, & afflictionibus corporis, modum tamen utendi illis prudenti & sapientissima ratione in ejus regula esse præscriptum. Utraque pars ex eisdem constitutionibus probatur. Nam in dict. cap. 1. Exami. §. 6. post verba superius citata subditur. *Sed illas (scilicet penitentias, & corporis afflictiones) assumere quisvis poterit, quæ sibi videbuntur (cum approbatione superioris) ad majorem sui spiritus profectum con-*

Probat
Conclusio
ex variis
locis con-
stat.

convenire, & quas propter eundem finem, superiores eis poterunt imponere. Circa quæ verba solum expendo verbum illud, poterit, aut poterunt. Potuisset enim Beatus Ignatius uri verbo debet; ne tamen videretur obligationem aliquam in conscientia inducere, ab illo verbo abstinuit, in universum enim noluit regulam hanc specialem obligationem in conscientia importare. Si tamen verbum debendi non dicat obligationem sub culpa aliqua, sed solum directionem regulæ ad id, quod perfectius est, & per ipsam regulam consulitur; sic vere possumus dicere, debere Societatis alumnos ex vi hujus regulæ, ut afflictionibus corporis, duobus illis modis in ipsa præscriptis. Debent enim quantum est ex se has penitentias desiderare, & petere, & juxta arbitrium sui superioris illas fideliter exequi. Quod si quispiam in hoc negligens fuerit, debet superior pro ratione sui muneris, quo tenetur subditos ad majorem profectum spirituales juvare, & non defectus punire solummodo, sed tales penitentias injungere, tunc vero manifestius est debere subditos illas assumere, cum ad perfectionem tendere ex vi sui status teneantur; atque in hoc sensu intellecta est hæc regula ab universa Societate, prout ratio ipsa majoris perfectionis postulabat, & perpetua etiam consuetudine, quæ est optima legum interpret, eandem intelligentiam consummavit. Unde in 6. p. Constitut. cap. 3. §. 1. de professis Societatis agens Beatus Ignatius, cum dixisset in corporali exercitatione jejuniorum, vigiliarum, aut aliarum rerum ad austeritatem, vel corporis castigationem spectantium, nullam regulam eis præscribendam esse, nisi quam discretæ charitas unicuique dictaverit, dummodo consulatur confessor, vel superior: subdit; Hoc tamen dicitur in universum esse quidem animadvertendum, ne nimis hujusmodi rerum usus tantopere vires corporis debilitet, ut deinde spirituali proximorum auxilio juxta nostri instituti rationem non sufficiant: nec contra, tanta in illis sit relaxatio, ut fervore spiritus refrigescere humani, ac inferiores affectus incallescant. Et 3. p. cap. 1. §. 12. admonentur omnes, ut penitentias omnes, vel mortificationes, & devotiones confessoris, vel superiori aperiant, nolentes suo proprio sensu duci, voluntate pura optantes ab illis dirigi, sic ubi a rectitudine deflecterent: a rectitudine (inquam) religiosa, id est, (ita enim interpretor) ab eo quod melius, & gratius Deo est. Hæc enim debet esse regula etiam in penitentiis agendis. Unde in capite 2. ejusdem 3. part. Constitut. §. 5. dicitur. Corporis castigatio immoderata esse non debet, nec indiscreta in vigiliis, & abstinentiis, & aliis penitentiis internis ac laboribus, quæ ei nocuentiam afferre, & majora bona impedire solent. Ideo suo confessorio detegi ab unoquoque convenit quidquid in hac parte faciat, qui si indicat excedi mensuram, aut certe dubitat de excessu, illum ad superiorem remittat. In quibus, & similibus regulis considero fuisse majorem curam Beato Ignatio adhibendi remedia, ne in hac parte excedatur, quam ne deficiatur: supponit enim hanc posteriorem curam, & in subditis, utpote viris spiritualibus, & orationi deditis, non defuturam, & in superioribus debere esse maximam, & ideo cum excessum vetat, semper significat religiosam curam se exercendi in operibus penitentiarum, & afflictionibus corporis, quantum cum aliis laboribus Societatis conjungi possint, ex vi hujus instituti debitam esse in sensu paulo superius declarato. Et præterea in 6. p. cap. 2. §. 15. de vestitu in particulari admonet, ut honestus sit, & ad usum loci accommodatus, & professioni paupertatis non repugnans, & humilitatis, ac submissionis indicia præbens. In §. autem 16. In iis (ait) quæ ad rationem victus, somni, ac usus reliquarum rerum vite necessariorum, vel convenientium spectant, quamvis communis illa sit, minimeque diversa ab eo, quod medicus illius loci, in quo vivitur, judicabit, ita ut quod quisque sibi inde subtraxerit, ex devotione, non ex obligatione subtrahat: habenda tamen semper erit ratio humilitatis, paupertatis, ac spiritualis edificationis, quæ semper nobis in Domino ob oculos versari debet.

5 Ex his ergo omnibus satis constat, Societatem ex vi suæ regulæ debere operibus penitentiarum, & austeritati corporis insistere, magnamque illarum rationem habere, alioqui magnum profectum religionis, Suarez Tom. XV.

ac perfectionis instrumentum Societati deesset; quamvis enim in his afflictionibus corporis sanctitas non consistat, tamen negligendæ nullo modo sunt, quia & ad cordis puritatem purgando priora delicta, præcavendoque sequentia; & ad humilitatem, ad Christi imitationem, ac plures alios spirituales fructus necessariae sunt. Consilium autem Beati Ignatii fuit, non eandem regulam, aut modum pro omnibus præscribere: quia in tanta varietate personarum, ac habitudinum (ut ipse aliàs dixit) certa regula præscribi nequibat, ideoque prudenti judicio superioris mensuram unicuique proportionatam remittit. Quam vero fuerit hoc consilium prudentiæ, ac sanctitatis plenum, facile ex antiquis Patribus, & ratione intelligi potest. Bisitius enim interrogatione 19. ex fusioribus, quæ erat, qui modus servari in continentia debeat: respondet. In vitiis quidem animi unus continentia modus est: summa earum rerum, quæ ad pestiferam voluptatem ferunt, a nobis alienatio; in cibis autem, quemadmodum aliis alii necessarii sunt, pro ætate scilicet cujusque, ac studiis, hique apposite ad corporis cuiusque habitudinem distincti, ita quoque diversa sunt usus illorum, modus, ratioque: quo fit, ut nequaquam omnes uni, & eidem regulæ subijci possint. Et ideo hanc justam distributionem, seu convenientem accommodationem Præfato committit, qui providere debet, ut nulli defuit, quod necessitas perit, neque aliquid immoderatum alicui tribuatur, asserens illud Actor. 4. Dividebantur omnia singulis, prout unicuique opus erat. Eandem regulam fere præscribit August. Nam capite 2. regulæ sic inquit; Distribuat unicuique vestrum a Præposito vestro victus, & tegumentum: non tamen omnibus equaliter, quia non equaliter prævalent omnes, sed potius unicuique, sicut cuique opus fuerit. Sic enim legitis in Actibus Apostolorum, &c. Et capite 11. Carnem vestram domate (inquit) jejuniis, & abstinentiæ escæ, & potus, quantum valetudo permittit. Hic author sermone 25. ad fratres in eremo, fratres introducit interrogantes. Numquid in via nostra semper jejunare debemus? Responder: O fratres mei, legem recepistis, & audistis frequententer inter cetera, quod carnem vestram dometis abstinentia escæ, & potus, quantum valetudo permittit, nolo enim me ipsum ligare: nolui onera vestra portare, sed hoc solum super vos ponere, ut jejunetis, & abstineatis, quantum Deo favente potestis. Denique ejusdem regulæ interpretes, & ejusdem familiæ alumni intellexerunt Augustinum summa discretionem polentem, non præcepisse in regula determinata jejunia, sed prudenti arbitrio, juxta uniuscujusque vires, designanda reliquisse. Unde idem Augustinus multa, quæ ad similem prudentiam pertinent circa ciborum usum, in eadem regula prosequitur usque ad regulam 18. In qua de vestitu sic inquit. Non sit notabilis habitus vester, nec affectetis vestibus placere, sed moribus. Benedictus etiam in capite 40. regulæ. Unusquisque (inquit) proprium donum habet ex Deo, unus sic, alius vero sic: & ideo cum aliqua scrupulositate a nobis mensura victus, & vestitus aliorum statuitur: Quæ verba accommodata ad nostrum propositum exposuit Turcremar. tract. 105. in expositione regulæ. Eodem modo Cassianus libro 5. de institutis renuntiantium capite 5. Super jejuniis (inquit) modo haud potest facile uniformis regula custodiri, quia nec robur unum cunctis corporibus inest, nec sicut ceteræ virtutes solius rigore parantur: quod late prosequitur. Pallad. etiam capite 38. suæ historiæ refert regulam ab Angelo Beato Pachomio revelatam, cujus unum caput erat. Concede unicuique, ut comedat, & bibat pro ratione virium, & pro viribus comedentium: eis quoque manda opera, quæ proportionem convenient, ac respondeant, & nec jejunare prohibe, neque comedere, siquidem fortibus fortia opera, imbecilla autem & levia his, qui imbecilliores sunt, conveniunt. Denique Eusebius lib. 9. de præparat. Evangel. capite 1. de Essenis loquens (quos tractatu 8. diximus, cum Hieronymo, Epiphano, & aliis in Ecclesia fuisse ex primis religiosis, qui sub Marco Alexandria floruerunt) inter alias regulas instituti eorum in præsentia materia, hanc ait servasse: Cibus, & potus vitæ necessitate mensuratur. Non omitam etiam

3. p. Cōst. c. 1. lit. E & sepe alibi. Prædictum consilium testimo. mo Pat. u. suadetur.

Author scilicet August. dicitur opera D. August.

Ex eremitis A. br. Coriolani, in Comm. 21. Ex 1. Car. ni. reg. 1. ult. lo. 11. 4. in eand. regul. cap. 7.

Quo consilio B. Ignatius ceteras penitentias non præscripsit toti Societati.

hoc loco verba, quibus sancti cujusdam juvenis vivendi rationem Sanctus Chrysostomus refert libro 3. contra vituperatores monast. vitæ post medium: nam Beati Ignatii consilium ad unguem exprimere videntur. *Et quod est (ait) mirabilius, exteriori quidem cultu, nihil a ceteris differre videbatur, non enim agrestibus, vel incomptis erat moribus, non come negligentia, non amictus vilitate nobilis, sed erat communis habitus, voce, aspectu, & ceteris omnibus. Quibus ex rebus factum est, ut facilius plurimos contubernaliū intra retia sua includeret, cum haberet intrinsecus incredibilem latentem sapientiam. Denique si quis illum domi vidisset, unum ex eis esse putavisset, qui montes, & desertum incolunt: domus enim ita illi disposita, & parata erat, ut in nullo monasterii diligentiam desideraret, nihilque necessariū amplius habebat. Talem Beatus Ignatius totam Societatem formati optabat.*

Ratione
idem ostenditur.

4. Ratio autem generalis est, quæ ex medio temperantiæ, & similium virtutum moralium sumitur. Non est enim, (ut ajunt) medium rei, sed rationis, & ideo non est unum respectu omnium, sed in unoquoque consideratur per proportionem ad intentum finem, considerata personæ, seu subiecti qualitate, & aliis circumstantiis. Unde recte dixit Gregorius libro 2. registri capite 31. *Cum non plus quam necesse est servitur corpori, sed sola ejus infirmitas reficitur, ut ad usum exercenda virtutis habeatur, tunc veraciter ex charitate convivium prodeunt. Hæc si vos in vestris conviviiis agitis, abstinentium fateor magistri estis.* Multa similia late prosequitur Basilii sermo, de vera virginitate, ubi pro regula circa abstinentiam servandam ponit, ut tanta sit, quanta ad virtutis acquisitionem confert, & subdit. *Integram se in hac parte, atque inviolabilem, sancta Virgo caute servabit, corpusque, ut servare queat animæ, in his, quæ sunt necessaria victui, moderabitur prudenter, ac reget; neque enim expedit, dum nimis observat, ne gustus voluptate rapiatur, manantesque ex ventre voluptates per ciborum abstinentiam frenare pergit, contra ita corpus atterere, ut invalidum jam, inutileque reddatur.* Quo late prosequitur, & post multa subjungit. *Sicut in gula intemperantiam declinare grave, ac periculosum est: ita per nimiam abstinentiam corpus atterere omni profecto ratione caret: neque enim abstinere a voluptatibus gula per se expectandum est, sed quia ad virtutis acquisitionem confert. Quod si illud, cujus gratia ciborum abstinentiam eligimus, per immoderatam negligentiam in ediam, contra ac instituimus, agimus: nam fracto, contritoque instrumento, nec Deo inhaerere per lectionis, & orationis studium possumus, neque ad fratrum beneficentiam humanitatis officium obire. Igitur & corporis cura necessario habenda est, non ipsius gratia, sed ut servitio illius ad Philosophiæ studia uti possimus.* Quibus verbis nulla possunt esse aptiora ad mentem, & spiritum Beati Ignatii explicandum. Multaque similia habet idem Basilii in Constitut. monast. capite 5. ubi inter alia hæc regulam constituit. *Continens ventris moderatio ea præstantissima judicanda est, quam vires corporis cujusque definiunt, quod late prosequitur. Alia ad idem continuandum sumi possunt ex Cassiano collat. 2. capite 2. & ex aliis locis, quæ infra referemus. Non omitam etiam advertere, quod Cajet. 2. 2. quæstione 147. artic. 1. ex mente D. Thomæ observavit: regulam temperantiæ esse necessitatem vitæ præsentis, quoad duo, scilicet convenientem sustentationem naturæ quantum ad esse, & quantum ad potestatem exercendi debita virtutis opera. Unde si quis (inquit) tenetur ad aliquod opus, vel liberale, puta ad legendum, prædicandum, cantandum, vel mechanicum, puta ad edificandum, fodiendum, &c. abstinentia impediens potentiam ad hæc non est actus virtutis. Quæ sententia ad omnes afflictiones corporis applicari potest. Cum ergo medium non sit unum, & idem, in hac materia pro omnibus personis, merito Societas noluit unam, & eandem regulam pro omnibus suis subditis æqualiter statuere, sed vitæ regulæ, quæ est superior, id commisit. Nec vero propterea improbavit Sanctus Ignatius consuetudinem aliarum religionum, in quibus hujusmodi austeritates per generales regulas statutæ sunt; nam in eis sancte, & prudenter id fieri potuit: quia licet non ab omnibus æqualiter possint observari, possunt tamen a pluribus; ac*

regulariter possunt hæc dispensationes esse in paucioribus. In Societate autem non ita esse poterat, sed potius oportuisset, generalem regulam, si statuenda esset, nimium esse moderatam, propter specialem rationem in ea inventam, quæ a nobis supra in num. 4. est explicata.

7. Ratio ergo specialis, quæ Beatum Ignatium movit, ut hunc vitæ modum communem cum prædicta regula in pœnitentiis, & afflictionibus corporis assumendis in Societate reliquerit, ex fine ejusdem instituti, qui est animarum salus, desumitur; jam enim in superiori capite 2. diximus, hunc finem ita esse ab hac religione intentum, ut totum religionis pondus, quoad fieri possit, in illum feratur, ac proinde tota ratio vivendi, & de etiam modus inquirendi perfectionem propriam unice fini accommodetur. Propter hunc ergo finem primum factum est, ut ratio vivendi Societatis in exterioribus communis sit. In quo voluit Ignatius socios imitari ducem suum Christum, de quo recte docuit D. Thomas 3. p. quæst. 40. art. 1. cum hominibus familiariter conversatum esse, & in his exterioribus, præsertim quæ ad cibum, & potum pertinent, vitam cum aliis egisse communem, ut finem, propter quem principaliter mortalem carnem assumpserat, consequeretur, id est, ut omnes ad se attraheret, ac lucrificaret; & in hoc sensu concludit idem D. Thom. ibi a 2. non fuisse convenientem, ut Christus in hoc mundo vitam duceret austeram, scilicet, quoad modum cibi, & potus. *Nam convenientissimum est (inquit), ut qui communiter cum aliquibus conversatur, se eis in conversatione conformet juxta illud 1. Corint. 9. Omnibus omnia factus sum, ut omnes lucrificem.* Quam doctrinam ibi nos disputat, 28. lect. 1. & 3. testimoniis divinæ Scripturæ, & sanctorum Patrum, ac ratione confirmavimus. Quamquam postea non defuerint, qui eam impugnare studuerint, quia videbant fortasse magnum esse fundamentum ejus rei, de qua nunc agimus; sed profecto minime prævalere poterunt contra veritatem, quæ in Evangelio manifesta est, & quidquid dicant, proferre non possunt Patres, qui aliter de Christi vita sentiant.

Rationem
hujusmodi
vitæ ex
Societatis
fine sum-
ptam esse.

Societas
in hoc
modo vi-
tæ com-
munis in
exteriori-
bus imita-
ri Christū
Dominum

Sed in hac re cavenda est magna quædam æquivocatio, in qua forte aliqui versantur. Nam dum agimus de communitate vitæ, quantum ad conversandum cum hominibus, ad utendum communi cibo, & potu, tantum faciunt ad vitam laboriosam, ærumnosam, pauperissimam, injuriis, doloribus, maximisque passionibus, usque ad mortem, subjectam; & ita concludunt Christum austeram vitam professum esse, & putant se nobis contradicere. Quis autem catholicus, etiam rudis, ignorat Christum Dominum a principio nativitate usque ad mortem vitam pauperissimam amplexum esse, adeo, ut ne cum primum nasceretur, locum haberet, ubi in diversorio poneretur, præter vile præsepium, & postea dum regnum cælorum prædicaret, non haberet, ubi inclinaret caput suum, ac tandem nudus in cruce finiret vitam? Quis etiam nesciat Christum recenter natum coactum fuisse peregrinari, quod sine magnis laboribus, & incommodis fieri non potuit; & postea, præsertim ex quo tempore prædicare cepit, multum pro salute hominum laborasse, peditem quoque per varias partes discurrendo, famem, sitim, & æstum sæpius sustinuisse, cujus indicium nobis præbuit, quando Joan. 4. *fatigatus ex itinere sedebat sic supra fontem*, jejunos unius animæ, & per illam altatum multarum conversionem expectando. Denique omnes norunt Christum Dominum magnos dolores, & afflictiones corporis propter hunc finem exantillasse; aliquando ab inclementia aeris, & cæli, sæpius autem per hominum injuriam, quæ omnia tam in citata disput. 28. quam in multis sequentibus abunde locupletavi. Non ergo de hoc agimus, cum de vitæ communi, vel austera disserimus, sed solum ut vitæ communis opponitur solitaria, & non austera dicitur, quoad exteriorem usum cibi, ac potus, ac vestitus. Potest enim vita esse pauperissima inter homines degendo, & communibus eorum cibis elemosyna acceptis utendo. Et similiter potest esse talis vita laboriosa nimis, & injuriis, & laboribus exposita, ut per se notum est. Dico autem passionibus expositam, quia aliud est agere, aliud pati; illud prius est.

Quæ ratio-
ne in-
telligendum
sit
Christum
Dominum
commune
vitam egisse.

est in potestate hominis, hoc autem posterius minime, sed ad Dei providentiam, vel permissionem spectat; præsertim quando tales passiones, vel injuriæ ab aliis hominibus sustinendæ sunt. Unde non est in potestate hominis imitari Christum, in actuali (ut sic dicam) exercitio talium passionum, vel injuriarum, sed in hoc solum, ut cum oportuerit, se illis Deo auxiliante exponat, & propter illa non formidet in aliis operibus ministrare Christo, & consequenter quando Deus illa permiserit, patienter sustinere. Sic ergo manifestum est, ablata verborum ambiguitate, qualem vitæ rationem Christus servaverit.

In quibus
dicitur Socie-
tas comu-
nis vitæ
modum, a
Christo
servatum
imitatur.

9 Cum ergo Societatis finis proximus sit, & similis fini incarnationis Christi, scilicet, animarum salus, & (ut ita dicam) efficacia redemptionis circa illas; merito etiam Christum imitata est in hoc modo exteriori vitæ communis. Primo quidem quoad hoc, ut inter homines vivat, & conversetur, quia non posset alio modo eos lucrari. Unde etiam religiones n. quæ præsertim a temporibus Sanctorum Dominici, & Francisci, aliqua ex parte officium assumpserunt adjuvandi Episcopos in ministerio animarum (ut Cajet. aliis dixit) rigorem etiam antiquorum monachorum, qui omnimodam separationem quoad habitationem observabant, ut est apud Basilium regul. 6. ex fustioribus, temperant, in civitatibus monasteria construunt, & cum hominibus conversantes. Quo ergo Societas propensius huic muneri incumbit, eo amplius cum hominibus conversatur, quia non solum in civitatibus habitat, & ad se venientes benevole excipit, sed etiam per vicos, & plateas, eos quærit, & per universum mundum peregrinatur, ut omnes Christo lucratur, in quo & Christum, & Apostolos imitatur. Studet etiam eorum spiritu rectam intentionem, & prudentiam imitari, ut cum aliorum fructu, & sine proprio detrimento tantum opus perficiat. Secundo, ad hoc consequens est, ut etiam Christum imitetur in exteriori ratione vitæ communis, quoad ea, quæ ad cibum, potum, & vestitum pertinent, ex eodem fundamento a D. Thom. constituta, quoniam convenientissimum est, ut is, qui cum aliis conversatur, ut eos lucrificat, se cum eis in conversatione conformet; quia sine dubio hoc multum confert ad conciliandos sibi eorum animos, quæ magna est dispositio, ut conversatio cum illis fructuosa sit, & effectum habeat, si in illo genere vitæ omnis decencia, ut supponitur, temperantia, & honestas observetur. Accedit etiam, quod ad prædictum finem necessarium erat per varias mundi partes discurre, sæpiusque peregrinari, imo hæc est gratia hujus vocationis, ut Gregor. XIII. sæpe citatus dixit, & ideo oportuit homines Societatis, ex vi suæ regulæ, non esse huic, vel illi ciborum generi addictos, sed illam Evangelii regulam Luc. 10. servare: *Manducate, quæ apponuntur vobis*. Neque enim expediebat, aut frequenti dispensatione uti, aut alium domi, alium foris vivendi ritum tenere, aut onerosos esse aliis, inter quos frequenter versari, & ab eis ali deberent.

Non solum
incommu-
nis vitæ
modo, sed
etiam in
vitæ austeritate
Societas
Christum
imitatur.

10 Atque hinc etiam fit, ut sicut Societas in hoc genere vitæ communis Christum imitatur, ita etiam in ea vitæ austeritate, quam ipse amplexus est (ut adversariorum verbis utar) ab ejusdem vestigio non recedat. Atque in primis cum hoc genere vitæ perfectam paupertatem conjungit; nam, ut supra capite 3. n. 5. tetigi, & infra libro 4. cap. 7. latius dicam, in domibus professorum paupertatem in particulari, & in communi observat; in Collegiis autem studiorum eam retinet, quæ illi tempori, & occupationi maxime est accommodata: & quod caput est, in usu paupertatis, quoad singulas personas maximum rigorem observat. In missionibus autem, & peregrinationibus pro animarum salute, quoad fieri possit, emedicato vivere debet. Deinde in laboribus pro animarum salute suscipiendis plurimum Christum imitatur; nulli enim labori parcere debet, ut illum finem assequatur. Unde in 4. p. Constit. in declaratione præmii ea ratio redditur, propter quam expedit juvenes in Societate admittere, qui & vita & moribus ab ea bene instituantur, & convenienter educantur. Tum (dicitur ibi) propter magnos labores, quos ejus institutum exigit, tum propter magnam sui ipsarum abnegationem. Atque hinc tandem fit, ut etiam in sustinendis injuriis, doloribus, aut passionibus Christum etiam imi-

tari debeat, ut luculenter in Examine cap. 4. §. 44. & in 11. regula Summatii proponitur. Nam (ut in fine num. 8. dixi) actualis occasio hæc patiendi non est posita in patientis voluntate; tamen præparatio, & animus ea sustinendi necessarius omnino est eis, qui vitam suam huic ministerio, & labori consecraverunt, quia moraliter fieri non potest, quin quamplures occasiones se offerant talia patiendi eis, qui pro dignitate Evangelium prædicant, non solum inter fideles, sed etiam inter paganos, Gentiles, & hæreticos, ut non solum in Christo, & Apostolis, & in aliis prædicatoribus Evangelicis, sed etiam in ipsa Societate experientia tum præterita, tum præsentis compertum est. Ac propterea in ejus constitutionibus sæpe commendatur sui ipsorum abnegatio, & omnium rerum temporalium contemptus, & desiderium patiendi cum Christo, quoniam nihil magis necessarium est ad liberam, & efficacem Evangelii prædicationem, quæ de causa dictum existimo in bulla 1. Julii III. *Non esse aliquos in hac Societate admittendos, nisi post diuturnas, & diligentissimas probationes, quiare vera hoc institutum omnino humiles, & prudentes in Christo, & in Christianæ vitæ puritate, ac literis conspicuos exigit*.

11 At vero, dicit aliquis, esto expediens fuerit, Societatem in externo habitu, & in frequenti usu ciborum mediocritatem, & communitatem quandam tenere, hoc tamen non impedire, quin in interiori habitu, aut lectis, majorem aliquam asperitatem, & in jejuniis aliquam peculiarem observantiam ex vi regulæ habuerit præscriptam. Nam & Christus Dominus licet ordinarie dictum vitæ modum observaverit, aliquando quadraginta diebus jejunavit, ut ejus rei nobis exemplum præberet; & similiter in suo habitu asperitatem aliquam servasse credendus est, cum de Joanne loquens dixerit Matth. 11. *Quem existis videre, hominem mollibus vestitum? Ecce qui mollibus vestiuntur, in domibus regum sunt*. Unde multi credunt tunicam inconsutilem, super quam milites fortiti sunt, non lineam, sed laneam fuisse; & alii opinantur Christum Dominum nudis pedibus ambulasse.

Objeccio.

12 Possemus ex ratione factæ eam cum proportionem applicando huic objectioni satisfacere. Ut tamen res evidentior fiat addamus secundam, quam existimamus multum movisse Beatum Ignatium, ut prædictam vendi regulam suis reliquerit, & Summi Pontifices illam approbarent. Illa autem est, quia considerato fine hujus religionis, necessarium erat socios omnes in maximis laboribus tam mentis, quam corporis perpetuo versari, ideoque ad eundem finem consequendum necessarium futurum esse afflictiones corporis ita moderari, ut laboribus illis sustinendis possint sufficere, ne Societas suo fine frustraretur, & curandis ægris, potius quam proximis juvandis instituta videretur. Quod præstans, ac timentis Beatus Ignatius, non solum in afflictionibus corporis, sed etiam in ipsismet laboribus moderationem sæpius commendat: intellexit ergo, si juniorum, aut aliarum austeritatem generalem aliquam regulam statuere vellet, necessario futuram fuisse moderatissimam, quia generalis rigor in rebus corporalibus, cum tanta varietate actionum, & laborum, primum in studiis, & postea in ministeriis etiam erga proximos, non poterat ab omnibus sustineri sine magno periculo, ac dispendio salutis, & consequenter cum impedimento majorum bonorum, quæ ad Dei gloriam, & animarum profectum magis conferunt. Melius autem judicavit pro regula relinquere & uniuscujusque affectum, & facultatem, & superioris providentiam, ac prudentiam, quam generalem regulam multum moderatam proponere. Nam hac semel constituta omnes contenti essent illam implendo, etiam si fortasse & viribus corporis potentiores essent, & majori penitentiae exercitio ad suum profectum indigerent. E converso vero alii, qui forte etiam ad illam moderationem sufficientes vires non haberent, vel eandem servare regulam, vel ex dispensatione vivere cogentur. Quorum prius detrimentum, posterius vero tristitiam, & anxietatem animi asferre solet.

Pro ob-
jectione
ad hanc
audiat
secunda
ratio præ-
dictæ co-
stitutionis,
nisi.

13 Plures ergo utilitates speravit Beatus Ignatius futuræ in Societate ex hujusmodi regula, quas successores ejus per Dei gratiam experti sunt. Prima est, quod penitentia Societatis non tantum poenitentia est, sed etiam obedi-

Utilita-
tes, quæ
ex hujus-
modi con-
stitutione
sequuntur.

obedientia & humilitas, nam hæc duæ virtutes maxime exercentur, dum aliquis Superiorem suo aperit, quicquid in hoc genere & facit, & desiderat, & ejus arbitrio se conformat, vel moderando, vel augendo poenitentiae opera, juxta superioris voluntatem. Quod fuit consilium omnium antiquorum Patrum spiritualium, ut viderelict in Basilio in Constit. monast. capite 20. & regul. 45. ex fusius disputatis. Cassian. collat. 4. cap. 20. Benedict. in capite 49. suæ regulæ, ubi habet illa verba notanda. *Quod unusquisque offerre voluerit* (scilicet voluntarie abstinentiae, &c.) *abbati manifestet, & cum ejus benedictione, & voluntate faciat, nam quod sine licentia Patris spiritualis sit, presumptioni, & vanæ gloriæ tribuitur, non mercedi.* Et de eadem re videri potest Bernard. sermon. 7. in Cant. Secunda utilitas est, quia hoc modo uniuscujusque utilitati corporali, & spiritali melius provideri potest. Nam constitutio scripta completi non potest, quæ unumquemque sigillatim attingunt, ut dixit Basilius supra, & in constit. monast. cap. 5. ubi materiam hanc late, & eleganter prosequitur; & ideo licet ex aliis circumstantiis præstet legibus scriptis, quæ iudiciis hominum gubernari homines, ut communiter traditur cum D. Thom. 1. 2. qu. 95. art. 1. attamen ex suo genere melior est animata regula, quam inanimata, ut dicitur in Authent. de Consulibus §. *Omibus*, ad finem, & indicat Aristot. 3. polit. cap. 11. & melius §. *Ethic.* capite 4. præfæctum ubi animata regula facile conveniri potest, & ubi magnum periculum imminet, si pro omnibus una regula signetur, & majus, si uniuscujusque arbitrio negotium relinquantur. Unde Abbas Plato (ut apud Palladium in historia Sanctorum refert Sin. Theodorus in ejus vita) sic agebat. *Corporis afflictiones, humi cubationes, vigilia, & hujusmodi, per se laudabilia esse concedit aliquis, sed nihil tamen expedit, imo vero, & ruine causam illam esse affirmamus, qui suo arbitrio in his faciendis utitur, nisi ejus, qui præest, ductu, & regula dirigatur.*

14 Tercio hinc factum credimus, ut cum effectu majus sit in Societate poenitentiae exercitium, quam si certa aliqua regula fuisset præscripta, quæ fini ejus, & tantæ personarum varietati esset proportionata. Nam tunc, ut num. 12. dicebam, omnes essent illa regula contenti, quæ necessario deberet esse moderata, ut ostendi; nunc autem omnes appetunt (regulariter loquor) facere quantum possunt, & plures etiam plusquam possunt, superior autem, vel confessor singulorum desideria moderatur. Unde etiam fit, ut apud Deum longe major sit poenitentia, quam exterius appareat, quod non parum etiam ad nostram humilitatem juvat, ut infra iterum attingam. Possem autem utilitatem hanc ex effectu ipso ostendere, recensendo variaz poenitentiae opera, quæ prædicto modo generali quidem consuetudine, justo verbo, accommodave distributione in Societate fit, qualia sunt cilicia, non crebræ solum flagellationes secretæ, sed publicæ etiam multorum simul, in refectorio, præcipuis quibusque festis Christi Domini, B. Virginis, Apostolorum, ac eorum, quos alii, atque alii præcipua veneratione colunt, patronosque deligunt; item vigiliæ, jejunia & similia. Verum tamen hæc omitto, quia hominibus bene affectis vel nota sunt, vel per se credibilia, male autem affectis difficile credentur, maxime cum sint secreta. Duo solum adverto; unum est, quia inter prædicta opera, jejunia sunt magis publica, & quæ non possunt nisi in conspectu communitatis fieri, ideo specialiter cautum esse in prima congregatione generali, ut præpositi, & Rectores curam habeant admonendi alios ad singularitatem non pertinere, si quis jejundet aliis non jejunantibus. In quo supponitur jejunia particularia & privata debere esse in usu pro uniuscujusque devotione, habita ratione virium, & laboris iudicio Superioris, ut re ipsa sunt, his maxime diebus, quibus per hebdomadam ex præcepto Ecclesiæ a carnibus abstinetur circa jejunium. Aliud est in partem non modicam poenitentiae computari, imprimis quoad cibum, & potum, non solum contentos esse communi quantitate, & qualitate ciborum pro omnibus designata, quæ juxta consuetudinem religionis vix credi ab aliis potest, quam sit moderata; verum etiam illa uti cum magna temperantia, & sobrietate, & præferri nihil privatum possidere, aut in propriis cellis habere, quo possint aliquando,

vel necessitati occurrenti subvenire, vel insurgenti desiderio consentire, quam tanquam regulam perfectæ abstinentiæ posuerunt antiqui Patres; & specialiter videri potest Cassian. lib. 5. de institutis jejunantium cap. 8. & 9. & Basil. in Constit. monast. cap. 5. & optime in 26. Et eadem proportionem de vestitu, & usu aliarum rerum iudicium ferendum est. Tandem pro maxima utilitate reputatur, quod religiosi ordinarie vivere possint, & suis laboriosis muneribus inservire, sine frequenti dispensatione, quæ sine dubio occasio esse solet & obmurmurationis, & relaxationis. Propter quod etiam in Concilio Tridentino cautum est, ut frequentes legum dispensationes vitentur, quoad fieri possit; maxime vero id vitandum venit, si pro tota vita, a totius communitatis rigore sint aliqui eximendi ob rationem (ut ajunt) status magisterii, jubilationis, concionatoris ordinis, &c. Propter has ergo, & alias causas non una poenitentiae regula pro omnibus posita est, sed illa solum, quæ ad temperantiam, honestatem, decenciam, & paupertatem, sufficient: has enim conditiones sæpe in constitutionibus suis observat D. Ignatius, ut patet 3. p. cap. 2. & 6. p. cap. 2. §. 15. *Pœnitenti.*

15 Ad exemplum autem illud, quod in eadem objectionem n. 11. de jejunio Christi Domini afferebatur, respondet Basil. dict. cap. 5. Constit. monast. in fine, ubi cum fere totam doctrinam a nobis positam late tradidisset, eodem modo sibi objicit, dicens. *At, & diuturnâ Dominus in ediam pertulit, dixeris; idem fecit Moyses, idem Elias propheta.* Respondet. *At enim illud tu quoque animadvertito, Dominum, itemque Moysen, & Eliam, hoc semel tantum fecisse; reliquo autem toto vitæ tempore, quod in regendo corpore eam, quam par erat, perpetuo discipline moderationem adhibuerint. idque otio languere nunquam siverint, sed usque in laboribus, assiduisque exercitationibus continuerint, sicque auxiliari opera corporis, animi virtutes illustiores reddiderunt, dum omnibus suis partibus absolvendæ spiritali suæ conversationi operariam ejusmodi, & activam vitam, cœu sigillum ac clausulam adjecerunt.* Ubi Scholasticæ in margine adnotavit, Basilium loqui de activa vita, quæ ex plenitudine contemplationis derivatur, ut est spiritalis doctrina, quam dicit esse consummationem perfectionis, & ad hanc pertinere ita moderari corpus, ut illi possit inservire. Atque hujus rei exemplum dedisse Christum in ordinario cursu vitæ suæ, licet semel extraordinarium etiam jejunium servaverit. Unde D. Thom. 3. p. q. 40. ar. 2. ad 1. *Utraque (inquit) vita est licita, & laudabilis, ut scilicet aliquis a communi hominum consortio segregatus abstinentiam servet, & ut in Societate aliorum positus communi vita utatur, & ideo Dominus voluit utriusque vitæ exemplum dare hominibus.* Fortasse etiam voluit illo exemplo docere, prædicatores, & ministros Evangelii oportere aliquoties a communi vita segregari, & per aliqua temporis spatia serius & frequentius contemplationi vacare, & corpus majoribus jejniis, vigiliis, & aliis modis affligere. In quo etiam Societas ipsam maxime imitatur per usum spiritualium exercitiorum, quæ vel semel, vel sæpius in anno fere ab omnibus per hebdomadam, vel plures dies fieri solent, cum frequentiori usu jejuniorum, & aliarum corporalium afflictionum, quæ ad majorem devotionem, ac longiorem solito divinarum rerum meditationem, & contemplationem possint deservire. Quam tandem consuetudinem 6. generalis congregatio suo decreto stabilivit, ut lib. 8. c. 1. in fine afferemus.

16 Ad aliam vero partem in eodem n. 11. respondetur verba illa Christi Domini, *Qui mollibus vestiuntur*, &c. in eos dicta esse, qui delicias in vestibus quærunt, non vero ad eos transferri possunt, qui (juxta consilium Apostoli 1. Tim. 6.) habentes alimenta, & quibus tegantur, his contenti sint. Neque enim amplius habere censendi sunt, qui licet habitu nimirum austeriore non utantur, nihil tamen aliud in eo, quam decenciam, honestatem, & commoditatem suo statui, hoc est, religioso clericali necessariam quærunt. Hanc autem regulam servari voluit B. Ignatius in vestitu Societatis, ut supra in cap. 5. notatum est. Unde licet ex priori ratione, quæ sumpta est ex communi vita, & conversatione cum proximis, prout supra differimus, conversatorem concludi utilem fuisse communem habitum clericorum, quam.

Vide R. Pam. dicta Constit. q. ultima.

Uterque utilitas de exercitio poenitentiae majori, quam si pro omnibus moderata aliquid præscribere.

Quarta utilitas.

Exemplum in objectionem adducto de Christi jejunio satis.

Respondetur ad verba Christi, qui mollibus, &c.

Vide Bal-
dun in
rubric.
extra de
vita, &
honest.
clerie.

quantum ad ea, quæ exterius apparent; tamen ex ratio-
ne 2. n. 12. addita, quæ respicit necessitatem virium, &
salutis corporis ad sustinendos labores Societatis, idem
a fortiori concluditur de usu internarum vestium. Eo
vel maxime, quod nullæ fere adeo interiores lateant,
quin exterius appareant; & inter eas etiam est servanda
proportio, & decetia, ad quam multum pertinet mun-
dicia, maxime in his personis, quæ cum aliis familiari-
ter conversaturæ sunt. Unde de omnibus clericis dixit
Hieron. epistol. 2. ad Nepotianum: *Ornatus, & sordes
pari modo fugiendæ sunt: quia alterum delicias, alterum
gloriam redolet. Quibus etiam ait, non ornentur veste,
sed moribus;* & similia habet epistol. 22. ad Eustochium.
Cujus autoritate hoc ipsum confirmat Concil. Seno-
nens. 2. p. de moribus, c. 24. & Concil. Colonienf. p. 5. c.
26. Et idem habet Concil. Mediolan. sub Cardinali Bor-
romeo p. 2. c. de clericorum vestitu. Et de B. August. re-
fert Possidon. in vita ejus. c. 22. vestimenta illius, nec
nitida nimium, neque abjecta plurimum, sed ex mode-
rato, & competenti habitu fuisse. De qua etiam re non-
nulla in superioribus diximus in c. 5. Propter hanc ergo
exteriorem decetiam, & munditiam (quam certe soli-
tariis super vacaneam censuit Hilarion, nisi forte de cu-
riosa, ac mundum redolente locutus est) necessarium etia-
m fuit Societatem hoc genere vestimenti uti, cum il-
lud propriam perfectionem non impediatur, & utile sit,
ut faciliorem, magisque gratum possit habere aditum ad
omnes homines cujuscunque ordinis sint, lucrandos, &
familiariter tractandos, quantum eorum saluti expediat.
Porro autem dictis in tota hac 2. assertionem minime ad-
versatur observari in Societate juxta regulam 5. ex com-
munibus, abstinentiam sextæ ferie per annum, statu-
tumque fuisse in 7. congregatione can. 2. ut in pervigi-
lio S. Patris nostri Ignatii jejunium servetur. Hec enim
magis ad cultum ac memoriam passionis Christi Domini,
& fundatoris nostri referuntur, quam ad statum,
communemque toti religioni penitentiam indicendam.
Quod etiam de illa abstinencia ab omni recreatione,
quam eadem Congregatio in can. 8. pro triduo passio-
nis Christi pie introduxit, accipiendum est.

Tertia Conclusio.

Societatis regulam valde strictam esse.

Suadetur
ex dictis,

17 Tercio dicendum est, religionem Societatis sub
regula valde stricta, & rigorosa Deo inservire. Hoc fa-
cile demonstrabitur ex dictis, si declaratio terminorum
supra n. 2. posita præ oculis habeatur. Nam regula non
dicitur arcta, vel laxa, propter corporales afflictiones
majores, aut minores (quamvis hoc etiam adjuvet), sed
præcipue propter majorem rigorem, & observantiam in
omnibus operibus virtutum, & consiliorum, & tanto
erit major arctitudo, quanto fuerit major observantia
in his, quæ majoris momenti, & perfectionis sunt. Con-
stat autem evidenter, regulam Societatis circa consilium
obedientiæ, quod est omnium maximum, esse arctissi-
mum, quia descendit usque ad minima, cum maxima
dependentia, & subordinatione ad Superiorem; & se ex-
tendit usque ad maxima cum summa promptitudine, &
totius hominis abnegatione; quæ de re late in lib. 4. c. 12.
& 13. & qui hujusmodi obedientiam non observat, re-
vera huic regulæ plene non satisfacit; ergo. In usu etiam
paupertatis maximam quandam perfectionem requirit,
ut in superioribus satis tactum est, & citato lib. 4. c. 8. &
9. tractabitur. In castitate vero rigor consistit in summa
vigilantia vitandi omnia, quæ vel minimum possunt eâ
lædere. Quam vero sit exacta hæc cura, tam in regulis,
quam in usu Societatis, notissimum est; nam aliquibus
potius videtur nimia, considerato autem fine, & mini-
steriis Societatis, nimia quidem non est, non tamen po-
test non esse maxima, & valde rigorosa, si Societas de-
bet in sua puritate conservari, ut per divinam gratiam
hactenus conservatur; qui effectus satis probat regulam
ejus in hac parte esse arctissimam. His accedit, quod ex
vi regulæ Societatis, tam in Constitutionibus, quam in
regulis communibus, & particularibus contentæ, neces-
se est, ut qui perfecte ad illam se conformare voluerit,
strenue vigilet in custodia omnium sensuum, & circû-
spectione verborum, & in abnegatione propriæ volun-
tatis, & mortificatione omnium affectuum, præsertim
ambitionis, & elationis; quæ omnia non solum corpus,
sed etiam spiritum valde constringunt, & non parum

interdum affligunt, præsertim, qui hæc cura, licet sin-
gulis voluntaria esse debeat, eisque præcipue manda-
ta sit, non tamen illis solis, sed etiam superioribus ex
vi suarum regularum, ut si qui in toto hoc negotio pro-
pria mortificationis negligentes, ac remissi sint, eos
excitent, & exerceant. Si igitur hæc omnia attente
considerentur, & multa alia, quæ ex ordinariis labo-
ribus, & exercitiis Societatis tam internis, quam ex-
ternis adjunguntur; nemo, qui ea satis percipiat, dubi-
tabit, quin hujus religionis institutum satis arctum,
& rigorosum sit.

18 Atque hinc servata proportionem inferre possumus
illa duo, quæ in cap. superiori num. 8. & 9. intulimus.
Unum est, institutum hoc non posse in se judicari im-
perfectum, aut minus prudenter ordinatum, eo quod
ex regula certam corporis austeritatem, aut afflictionem
non proficiatur, sed vitam quandam in exteriori-
bus communem, severam tamen, moderatam, ac ho-
nestam. Probatur eodem discursu, quem supra fecimus;
nam hæc corporis afflictiones non sunt ita per se bonæ,
ut in eis consistat perfectio, sed ut sint instrumenta
perfectionis acquirendæ, ut D. Th. docuit qu. 188. ar.
6. ad 3. & est doctrina omnium Patrum Augustini, quem
D. Thom. citat. 2. q. Evang. q. 11. & Gratian. in c. quod
dicit. 41. d. Basilii citatis locis, præsertim in constit. mo-
nast. c. 5. & serm. de servanda virginitate. Cassian. & Pa-
trum, quos refert collat. 1. c. 7. collat. 2. c. 2. & collat. 21. c.
13. 14. & 15. Et idem sumitur ex lib. de institutis c. 11.
& toto lib. 5. Igitur si considerato fine (eoque perfectis-
simo) religionis, major asperitas ex vi regulæ non est non
solum necessaria, verum nec conveniens, non potest reli-
gio in se imperfecta, aut minus bene instituta judicari,
eo quod illo medio non utatur nisi cum moderatione, &
discretionem suo illi fini accommodato. Demonstratū autē
est considerato fine Societatis & laboribus ejus, illud
medium non fuisse illi conveniens in alio gradu, aut
modo; ergo ex eo capite non habet imperfectionem pri-
vativam, ut superiori c. n. 2. loquebamur. Quod si ulte-
rius addamus finem, & labores hujus religionis adeo
perfectos esse ex suo genere, ut austeritati corporis præ-
ferendi sint, quatenus hi cum illa conjungi non possunt,
juxta illud Pauli. ad Timoth. 4. *Exercitatio corporalis
ad modicum utilis est, pietas autem ad omnia.* Quem
locum ab hoc propositum adjunctis multis Patrum te-
stimoniiis tractavi in tom. 2. 3. p. disput. 28. sect. 3. Si
hoc (inquam) addamus, ulterius etiam concludemus,
nec negativam imperfectionem illam dici posse in tali
religione, quia illa non est perfectio simpliciter simplex
in hoc genere, ita ut formaliter sit necessaria ad perfe-
ctionem religionis ut sic; potest siquidem eminenter
contineri in aliis laboribus, & afflictionibus majoris
momenti, & suppleri per desiderium exterioris peniten-
tiæ gravioris, ex magno affectu interioris peniten-
tiæ, præsertimque per voluntatis abnegationem, in qua
religiosi perfectio consistit, ut dixit Joannes Climacus
in gradu primo perfectionis, & Bonav. in speculo disci-
plinæ p. 1. cap. 4. Advertant autem religiosi Societatis,
nos hic loqui de instituto ipso, non de singulis personis;
nam singuli imperfecti erunt, si quantum in ipsis est, af-
flictionibus corporis sibi proportionatis non utantur;
neque erit eis sufficiens excusatio, quod in aliis labo-
ribus studiorum, aut aliorum operum pietatis versentur,
vel quod aliæ abnegationes, & internæ mortificationes
ab ipsis exerceantur; & custodiæ sensuum cura, vigilia-
que occupentur; nam hæc omnia non excusant ab usu
penitentiæ exterioris, cum omni austeritate, quæ arbi-
trio Superioris possit prudenter cum illo alio graviore
onere conjungi; hoc enim non solum ipsa ratio per se
majoris perfectionis, majorisque cum Christo, & San-
ctis conformitatis, verum etiam propria regula Socie-
tatis illa a nobis sigillatim requirit, ut explicatum est,
declararique amplius potest exemplo paupertatis, quam
collegia Societatis in communi non habent, cum ta-
men singuli scholares habeant: sic ergo in communi-
tate Societatis regula definitæ penitentiæ non datur;
quisque autem ex regula tenetur sibi convenientem
cum superioris nutu, aut jussu assumere, contra quam
etiam regulam faciet Superior, qui subdito ea in se
non prospexit.

19 Aliud corollarium huic simile est, propter hoc
genus

3. p. C68.
a. 1. §. 4.
& aliis lo-
cis supra
indicatis.

genus vitæ, non posse religionem hanc judicari minus perfectam quacunq̃ue alia, a qua in exteriori vitæ austeritate, ex vi regulæ excedatur: sicut D. Thom. dixit de excessu in paupertate, & nos ostendimus de excessu in usu chori, in citato num. 5. superioris cap. Eadem enim ratio hic omnino applicari potest, quia ille excessus non est in re simpliciter necessaria ad perfectionem, neque in re omnium optima. Oportet ergo pensare, an religio illa, quæ in austeritate excedit, in aliquo alio bono excedatur, ut in perfectione obedientiæ, contemptu honorum, & dignitatum, laboribus circa salutem proximi, & exercitatione, ac professione perfectarum, solidarumque virtutum, vel alia simili; & deinde oportebit expendere, quod illorum bonorum magis ponderet, & tunc legitime fiet comparatio, quam tamen facere, ut sæpe dixi, meum non est.

20 Ultimo ex dictis facilis est responsio ad secundam objectionem cap. 7. num. 2. relictam, & ad rationem dubitandi in principio hujus c. propositam. Nam in primis distinguimus austeritatem corporalem a rigore, vel arctitudine religionis, quæ non immerito dici potest spiritualis austeritas, & quamvis prior in Societate non emineat, posteriorem ostendimus esse magnam, eamque per se ad perfectionem religionis pertinere. Deinde fatemur antiquas religiones in majori austeritate corporali fuisse fundatas, quantum ad ea, quæ pro toto corpore religionis per generales regulas designabantur, id vero ortum est ex diversitate finis, studiorum, actionum ac laborum; & ideo hæc diversitas non est contrarietas, sed potius conformitas proportionata. Quoad usum autem, & exercitium earun-

dem, vel æquivalentium austeritatum, & afflictionum corporis ortum etiam ex vi regulæ, licet diverso modo propositæ, fortasse non est magna diversitas; & si qua est, aliis muneribus compensatur, ut satis explicatum est. Denique addere possumus primam, & antiquissimam religionum fuisse religionem Apostolorum, quæ quia non fuit instituta ad vitam quietam, vel solitariam, aut otiosam, ut Augustinus loquitur, nec ut membra ejus in uno loco consisterent, sed per universum mundum discurrent, adeo non legitur fuisse fundata in certa, aut uniformi austeritatis regula, præter tria substantialia religionis vota, cum maxima eorum perfectione in ordine ad illum finem, qui Act. 6. illis verbis exprimitur: *Nos vero orationi, & ministerio verbi instantes erimus.* Unde licet certum sit Apostolos castigasse corpora sua, & in servitutem redegebisse, modus tamen non est certus, nec unus & idem pro omnibus fuit definitus, sed unusquisque, quod prudenti arbitrio suo muneri juxta proportionem virium, & actionum expedire judicabat, egisse creditur. Nam de Jacobo fratre Domini refert Eusebius lib. 2. histor. c. 24. ex Hegesippo, nunquam induisse lanceam vestem, sed sola syndone lineam usum, alii vero hoc non observarunt, & ita est de aliis rebus ad usum corporis accommodatis. Illud ergo institutum suo modo imitatur Societas, ejusque alumni conari debent, ut, quoad possint, Apostolos imitentur. Hoc, inter alia, observato discrimine, quod Apostoli in hujusmodi rebus ab Spiritu sancto proxime, & specialissime regebantur: nobis autem Superioris judicium, & voluntas pro regula proposita est.

LIBER SECUNDUS

De ingressu in Societatem, & probatione, tum quæ illum antecedit, & quæ subsequitur.

Explicato Societatis instituto, ut rationem omnium, quæ in ipso sunt, distinctius tradamus, necesse est ex illa generalitate ad particularia descendere, quod faciemus servato illo ordine, quem in superioribus disputando de statu religioso in genere tenuimus; quamvis quia in Societate plures sunt personarum differentię, & gradus, quam in aliis religionibus, ut notatum est lib. 1. cap. 1. n. 3. & latius cap. 3. nu. 12. ideo per illos omnes discutere necessarium erit. Incipimus ergo a primo ingressu, de quo ante omnia supponenda sunt, quæ in communi de ingressu religionis in tom. superiori sunt dicta: nam in illis fere convenit Societas cum aliis religionibus, præter quædam specialia, quæ ex proprio instituto illi conveniunt, ex quibus quædam dici possunt substantialia, id est, necessaria ad valorem ingressus, quædam vero accidentaria, quia nimirum servari debent, ut receptio recte fiat, quamvis si omittantur, valida sit, & utraque sunt a nobis explicanda.

CAPUT I.

Utrum recte instituta sint aliqua impedimenta, quæ substantialiter impediunt Societatis ingressum, & quæ illa sint.

In instituto Societatis haberi impedimenta ad ingressum.

Inter Societatis ordinationes, seu regulas, primum locum tenent illæ, quæ ad dirigendum modum recipiendi eos, qui ad Societatem aggregandi sunt, traduntur; & continentur præcipue in opusculo, seu tractatu, quod *Generale examen* vocatur, quia juxta illud examinantur, qui in Societatem sunt recipiendi, & illis etiam est ante omnia proponendum, ut ipsi quoque de suo ingressu majori cum luce deliberent. Aliqua etiam adduntur in 1. p. Constit. c. 2. & 3. & p. 10. §. 7. in quibus locis quædam traduntur documenta generalia, quæ quia non ita videntur de substantia actus, nisi forte, prout in aliquibus conditionibus particularibus includuntur, ideo in c. 3. melius attinguntur, nunc enim solum de impedimentis necessarius dicendum est. Hæc igitur quinque proponuntur in c. 2. Examinis. Primum est, *reces-*

fisse a gremio Ecclesiæ fidem abnegando, vel sic in errores contra ipsam incurrando, ut damnatus ob aliquam propositionem hereticam quispiam fuerit, vel ut suspectus de heresi, per sententiam publicam declaratus, vel si infamis, ob excommunicationem tanquam schismaticus, sprete autoritate sanctæ Matris Ecclesiæ extiterit. Secundum impedimentum est, *homicidium perpetrasse vel publice infamem propter enormia peccata fuisse.* Tertium est, *habitu suscepisse alicujus religionis fratrum vel clericorum, vitam aliquandiu in obedientia cum eis agendo, sive emissam, sive non emissam professionem, vel eremitam cum vestibus monachalibus fuisse.* Quartum est, *vinculo matrimonii consummati, vel servitutis legitime ligatum esse.* Quintum est, *infirmum pati, unde obscurari, vel parum sanum judicium ei reddi soleat, vel dispositionem notabilem ad hujusmodi infirmitatem habere.* Circa quæ non desunt objectiones, & difficultates, quas melius expediemus discurrendo per singula, eorum sensum, & rationem reddendo; postea vero quantum & quomodo impediunt explicabimus; ac tandem quid in hac parte a Societate adjectum sit, indicabimus sequenti capite.

De primo impedimento,

2 Circa primum ergo, quantum ad sensum ejus attinet, unum est certum, scilicet, quando delicta ibi numerata publica sunt, modo in eadem constitutione declarata, tunc omnino impedire, ac merito propter gravissimam infamiam, quæ & in Societatem redundaret, & talem personam ineptam, & inefficacem redderet ad Societatis ministeria. Cum vero dupliciter contingat esse publicum delictum, scilicet, vel notitia facti vel juris, in prædicta constitutione requiritur videtur notitia publica juridica, qualis per sententiam condemnatoriam, seu declaratoriam criminis confertur. Et ideo dubitari potest, an hujusmodi delictum, si ad eum statum non pervenit, non impediat, etiam si aliàs factum ipsum publicum sit, & multo minus si sit occultum.

3 Ad hoc autem explicandum quatuor delicta, seu gradus delictorum in ea clausula attinguntur; scilicet, apostasia a fide; error circa aliquam propositionem hæreticam; suspicio hæresis, & schisma, sprete autoritate, ac providentia Ecclesiæ. In secundo gradu manifeste postu-

Delicta primi impedimenti, si sine publica notitia juris omnino inhabilitant.

Quæ notitia requiritur, ut error circa propositionem

hereticā
ingressū
impedi.

postulatur, ut sententia intercedat, qua damnetur persona propter talem errorem. Unde quantumvis aliquis in similem casum inciderit, & idem multis notus sit, videri posset, ex vi illius non reddi inhabilem personam ad Societatem, quia in hac lege hoc non exprimitur, & non est amplianda, cum in hac parte odiosa sit. Sed hoc dubium sublatum est in l. p. Constit. c. 3. lit. A. ubi dicitur sufficere errorem esse publicum, & quod timeretur in iudicio posse conveniri, cujus rei iudicium Præposito Generali relinquatur. Ibi vero non dicitur in eo casu recipi non posse, sed non debere, & ideo sola notitia publica sine sententia non videtur facere impedimentum irritans, sed tantum impediens. Advertendum est enim ulterius in hoc secundo genere delicti non requiri, ut quis sit hæreticus & vere contumax, sed satis est, quod errores contra catholicam doctrinam protulerit, & ideo merito postulari, ut per sententiam quispiam damnatus sit de errore ob aliquam propositionem hæreticam, quia donec ita damnetur, cum de hæresi illius non constet, nec infamiam adeo gravem regulariter contraxisse videtur, ut propterea omnino excludendus videatur. Prudenter ergo iudicio supremi Prælati id commissum est. Idemque iudicium est de tertio casu, in quo nec certa hæresis, nec prolatio erroris clara supponitur, sed sola suspicio hæresis, & ideo expresse requiritur, ut sit per sententiam publicam suspensus de hæresi declaratus. Quod eodem modo intelligendum dicitur in declaratione citata ex l. part. Constit. additur vero in declaratione Examinis, cum, qui suspectus est de opinione aliqua erronea in re ad fidem pertinente, quamdiu suspicio manet, non esse admittendum; ubi hæc differentia insinuat inter eum, qui per sententiam suspectus declaratus est, & eum, qui alio modo est suspectus; quod in priori impedimento illud est perpetuum, & incurabile (ut sic dicam) quantumvis talis persona emendata sit, & suspicio in præsentem ablata; at vero in posteriori casu licet suspicio impediatur, quamdiu opinio illius durat, ut ibi dicitur; tamen si auferatur, impedimentum etiam auferretur; non enim sine causa illa limitatio addita fuit.

Primus
modus
abolendi
prædictā
suspicio-
nem.

Secundus.

4 Duobus autem modis potest intelligi, suspensionē auferri: primo, quia jam constitit publice, ac sufficienter talem suspensionem falsam fuisse, quia re vera talis persona nunquam habuit opinionem erroneam in doctrina fidei; & hic est optimus modus auferendi suspensionem, & sine dubio in illo casu sufficiens. Alius vero esse potest, si in præsentem nulla sit suspicio, quod talis persona habeat nunc talem opinionem erroneam, semper tamen suspicio maneat, an præterito tempore habuerit. Et hic modus videtur minus sufficiens, quia non omnino purgat personam ab infamia, quæ manet ex præcedente defectu, etiam si emendatus sit. Nihilominus tamen etiam in eo casu censeo auferri impedimentum, quamvis multa prudentia expendere oporteat, an in eo casu expediat recipere personam, ut per se constat. Ratio vero prioris partis est, quia declaratio dicitur: *Quando suspicio manet*. Quæ verba non significant in rigore, quod solum duret suspicio de præterito actu, sed etiam quod duret secundum præsentem statum. Imo ex vi illorum verborum, sola hæc suspicio, quando sententia non intervenit, non videtur esse impedimentum inhabilitans personam, & annullans receptionem, si fiat, sed solum impediens, ne recte, & convenienter fiat. Verba enim declarationis sunt: *Qui suspectus esset, &c. constat, quamdiu suspicio manet non esse admittendum*. Quæ verba videntur magis directiva, & declarativa circumspeditionis, & obligationis superioris, ad quem spectat receptio, quam constituentia novum impedimentum irritans, quamvis definitiva esse non appareat improbabile. Unde in rigore loquendo de tali impedimento necessaria est sententia declarativa, ut per solam suspensionem hæresis inducatur.

Quæ in-
famia ex-
communi-
catis
tanquam
schisma-
ticæ requi-
ratur.

5 In quarto gradu, seu modo huius impedimenti, infamia necessaria est, ut in eo expresse dicitur. Non declaratur autem ibi, oportere hanc infamiam esse iuris, id est, in publica, & iudiciali sententia fundatam, sed solum postulat, ut quis extiterit infamis ob excommunicationem tanquam schismaticus, spera auctoritate, & providentia sanctæ Matris Ecclesiæ. Potest autem aliquis incurrere hanc excommunicatio-

nem ipso facto, & esse infamis ob talem excommunicationem, etiam si per sententiam declaratus non sit: nam potest delictum esse publicum, & consequenter etiam censura, quod sufficit ad prædictam infamiam. Atque ex his facile redditur ratio huius impedimenti quoad hæc tria membra; propria enim, ac præcisa ratio fundatur in infamia. Quamvis enim illa delicta, vel suspensiones eorum, merito possent reddere cautionem Societatem in receptione talium personarum, nihilominus non sunt posita, ut absoluta impedimenta, nisi quando prædicta infamia intercedit, quia alia incommoda possent esse ablata, & per prudentiam id posset iudicari. Infamia vero talium delictorum est magnum impedimentum in hoc instituto, & vitæ genere, tum propterea, quæ generalia sunt, & statim attinguntur in secundo impedimento; tum etiam quia cum hæc religio (inter alia) per se instituta sit ad defensionem fidei, & specialem obedientiam ad Sedem Apostolicam profiteatur, merito censetur ineptus ad illam proficiendam, qui de erroribus contra fidem, vel de suspensione hæresis damnatus est, vel qui de publico schismate est infamis. Sicut Inquisitores, quia de erroribus contra fidem iudicant, ab omni errorum suspensione immunes esse debent, juxta illud Ambrosii, *serm. 20. in Psalm. 118. Judicet ille de alterius errore, qui non habet quod in se ipso condemnet*, & habetur in c. *judicet*. 3. qu. 7. Atque hinc etiam constat idem dicendum esse in primo gradu huius impedimenti, scilicet apostasiæ a fide, si in eo similis infamia interveniat; an vero necessaria sit, dicam melius in puncto sequenti n. 11. & 14.

De secundo impedimento.

6 Secundum impedimentum duas habet partes. De primo me nbro, id est, homicidio dub. 1. An quod-
libet mu-
pediat.
Prima est de homicidio, circa quod, priusquam ejus rationem reddamus, querendum est, de quo homicidio intelligendum sit. Et in primis an universaliter intelligatur de omni homicidio, sive illicito, sive licito, quale est, quod fit a milite in iusto bello, a iudice per iustam sententiam, & ab ejus executore. Quod enim sub hac generalitate verbum illud accipiendum sit, suadet primum absoluta vocis significatio. Secundo, quia illud homicidium videtur hic intelligendum, quod sufficit ad irregularitatem contrahendam; sed ad hoc etiam sufficit homicidium etiam licitum, ut supponimus; ergo. Major patet, quia cum religio Societatis sit religio clericorum, merito delictum, quod facit hominem irregularem, & ineptum ad clericales functiones, reddit etiam illum inhabilem ad ingressum talis religionis, argumento cap. ult. de cleric. excommun. ministr. ubi irritanda dicitur electio excommunicati minori excommunicatione, quia *ad susceptionem eorum eligitur, a quorum perceptione a sanctis Patribus est privatus*. Quem textum in disp. 24. de Censuris sect. 2. versavimus. Sic ergo dicere in præsentem possumus, receptionem talis personæ in Societate invalidam esse, ne quis recipiatur ad ea ministeria, a quibus est per Ecclesiam remotus. Juxta quem discursum solum erit excipienda occisio hominis in propriam defensionem: per illam enim irregularitas non incurritur. De qua exceptione res videtur indubitata: cur enim naturalis defensio existimanda est religiosum statum impedire, cum sit per se honesta, & nullam speciem mali habeat, aut defectum lenitatis, propter quam causam nullum sacrum ministerium impedit. Accedit, quod illud non meretur nomen *homicidii* moraliter loquendo, sed *defensionis propriæ*, tunc enim ille, qui alterum aggreditur, magis seipsum interficit, quam ab altero occiditur.

Vide Bo-
navent.
in c. 2
expositio-
nis suæ re-
gulæ De
apostasiā
a fide.

De primo
me nbro,
id est, ho-
micidio
dub. 1.
An quod-
libet mu-
pediat.

Homici-
dium in
proprium
defensio-
nem non
impedire.

Solum
peccami-
nosum
homici-
dium hæc
ingressum
impedire.

7 Adde vero ulterius probabilius mihi videri, impedimentum hoc esse restringendum ad homicidium peccaminosum. Primo quidem, quia vox *homicidii* moraliter significat actum intrinsece malum, qualis prohibitus est per quintum præceptum Decalogi, ut tradit D. Thom. 1. 2. q. 100. art. 8. ad 3. & sumitur ex August. 1. de liber. arbit. c. 4. Et hic est communis usus huius vocis in legibus, & præceptis, & maxime in materia odiosa ita intelligenda est juxta vulgaram regulam. Secundo, quia statim in 2. cap. ejusdem examinis §. 6. pro ratione huius impedimenti redditur, quia, qui hanc *notam* habuerit, minus aptum instru-

mentum

mentum erit ad Societatis munera, propter consuetam multis, & communem infirmitatem. Quæ verba plane supponunt, in hoc impedimento aliquam culpam, vel notam, seu infamiam ex illa fuisse contractam. Tercio, quia discursus in contrarium factus efficax non est, alioqui probaret omnem irregularitatem debere esse in Societate impedimentum inhabilitans ad ingressum in illam, quod est plane falsum; quia defectus natalium facit hominem irregularem, & in præfenti non est homini impedimentum. Sic ergo defectus lenitatis licet inducat irregularitatem, non propterea comprehendendus est sub homicidio, quod multo magis odiosum est, & ejus irregularitas longe diversa. Unde potest optima differentia assignari: nam in irregularitate contracta ex defectu lenitatis potest ipsa Societas dispensare, ut nunc suppono ex privilegiis ejus, verbo *Dispensatio*, & infra lib. 9. c. 2. a n. 41. dicitur. In irregularitate autem ex homicidio, præsertim voluntario, & commisso ante ingressum Societatis, non potest ipsa dispensare; & ideo mirum non est, quod prior defectus non impediat ingressum, licet posterior impediat.

Dubium secundum.
An solum voluntarium homicidium hunc ingressum impediat.

8 Hinc vero nascitur secundum dubium, an scilicet, hoc impedimentum intelligendum sit de omni homicidio peccaminoso, vel solum de illo, quod in jure dicitur voluntarium, & a casuali distinguitur. Suppono autem non esse sermonem de casuali omnino, quod omne voluntarium, etiam indirectum excludit, quia illud non est peccaminosum, ut per multa capita traditur 23. q. 5. Et ideo certum est hic non comprehenditur; tum ex dictis, tum etiam quia non est actus humanus, qualem significat homicidium absolute dictum. Neque oportet hic distinguere, vel questionem movere, de dante operam rei licitæ, vel illicitæ: nam totum hoc materiale est, solumque est inspiciendum quod ad præsens attinet, an in ratione homicidii actus sufficienter voluntarius sit, & culpabilis. Sumitur ergo hic casuale homicidium, ut distinguitur a voluntario directe, etiam si indirecte voluntarium sit. Videtur ergo impedimentum hoc restringendum ad homicidium voluntarium: primum ex responsione proxime data; nam sola irregularitas homicidii voluntarii ita reservata est ut potestas in ea dispensandi non sit Societati concessa, in alia vero, quæ est ex homicidio casuali, dispensare potest; ergo sicut defectus lenitatis non impedit ob hanc causam, ita nec homicidium casuale. Secundo ex generali regula, quod *odia restringenda sunt*, & ex quodam principio recepto, quod in hujusmodi legibus ponentibus censuras, aut inhabilitates propter delicta, verba, quibus talia delicta significantur, restringenda sunt ad delicta omnino perfecta, & consummata in sua specie; hujusmodi autem in præfenti est homicidium voluntarium; nam casuale imperfectum est, & ideo ejus irregularitas multo facilius tollitur.

Non solum voluntarium, sed etiam casuale homicidium peccaminosum hunc ingressum impedire.

9 Nihilominus verum censo sub hoc homicidio comprehendendum etiam casuale peccaminosum; probatur primo ex usu, qui est optimus legum interpret. In hoc autem sensu videtur usu receptum, & observatum hoc impedimentum in Societate. Secundo ex absoluta appellatione homicidii, quandocumque enim jura specialiter volunt reservare, aut aliquid statuere de homicidio directo, ita ut casuale non comprehendatur, addere solent illam particulam voluntarium, ut specialiter videre licet in Concil. Trid. sess. 24. c. 6. de reformat. Et merito, quia homicidium absolute prolatum significat omnem occisionem hominis intrinsece malam, sub qua comprehenditur etiam illa, quæ ex negligentia fit; qualis est in homicidio casuali. Et in universum leges prohibentes delicta, absolute, vel propter illa ferentes censuram, non solum illa comprehendunt directe voluntate facta, sed etiam indirecta; & ideo quando lex ferens censuram, solum vult comprehendere culpam directe voluntariam, semper addit particulam scienter, vel verbum qui præsumpsit, aut aliud simile, ut proprio loco diximus, disp. 4. de censur. sect. 9. & alios late citat Sanchez lib. 2. de matr. disp. 40. n. 4. Hæc autem constitutio nullum addit verbum limitans homicidium ad solum voluntarium; ergo non potest a nobis cum aliquo fundamento limitari. Et quamvis verum sit requiri actum consummatum us-

que ad effectum mortis, non tamen est de ratione peccati consummati in sua specie, quod sit directe voluntarium, sed solum quod sit actus simpliciter humanus, ac moralis, ita ut ex parte voluntarii ad peccatum mortale sufficiat. Denique non refert, quod Societas possit dispensare in irregularitate contracta ex homicidio casuali, quia in superiori puncto solum diximus, hanc potestatem juvare, ut aliquis defectus minus impediat. Inde tamen non fit consequens, ut omnis defectus, in quo aliàs potest Societas dispensare, eo ipso non impediat ingressum, quia fieri potest, ut ad hunc effectum non expediat uti tali dispensatione, licet propter alios potestas habeatur. Neque etiam valet argumentum ab homicidio licito ad casuale, tum quia in his rebus positivis argumenta a simili debilia sunt, & standum est rigori verborum legis; tum etiam quia homicidium licitum non inducit notam in personam; unde quoad ordines non impedit, nisi propter significationem; homicidium autem peccaminosum, licet casuale sit, sæpe inducit notam, & graviter turbat pacem, & scandalum generat.

10 Hinc vero succedit tertia dubitatio, an hoc impedimentum intelligendum sit de quocumque homicidio externo, etiam si occultum sit, an solum de publico. Nam quod de publico tantum intelligendum sit, videtur suadere ratio, quæ in eodem c. 2. §. 6. datur de hoc impedimento, scilicet quia minus apta instrumenta erunt, qui hanc notam habuerint; nam per hanc notam infamia significari videtur, ut verba sequentia declarant, propter consuetam multis, & communem infirmitatem; hæc enim infirmitas communis non videtur esse alia, nisi illa, de qua dixit Bernard. serm. 2. de resurrect. Legimus, & quotidianis experimentis didicimus, ut cujus vita de spiciatur, etiam prædictio contemnatur. Propter quod Homifda Papa epistol. 3. ad Episcopos Hispaniæ c. 1. cum statuisset irregularitatem in eos, qui publicam penitentiam egissent, rationem subdit: Nam qua conscientia absolvit reum, qui se peccata sua populo scit esse confessum? Quis, quem paulo antea vidit jacentem, videretur antistitem? habetur in c. non negamus. 61. dist. Hæc autem ratio sic intellecta supponit delictum esse publicum, aliàs nec notam, nec infamiam induceret. Accedit, quod ex aliquorum Doctorum sententia homicidium omnino occultum non inducit irregularitatem; ergo multo minus inducet in Societate hoc impedimentum.

Dubium tertium.
An omne homicidium peccaminosum, vel solum publicum impediat.

11 Atque hæc rationes dubitandi locum habent etiam in primo impedimento, quoad peccatum apostasiæ a fide; & ideo supra in fine n. 5. simul huc tractandam remisimus. Illa enim ratio de nota, & communi infirmitate, simul traditur in dicto loco de primo, & de secundo impedimento; ergo sicut ex illa colligimus, hic non comprehenditur homicidium occultum; ita idem colligendum est de apostasiæ a fide. Loquor autem non solum de apostasiæ, quæ dicitur per se occulta, qualis est mere interna, de qua nullum videtur esse dubium, quia illa non subijciatur humano iudicio, neque humanæ legi; sed etiam de externa apostasiæ, quæ per accidens occulta dicitur, quando contingit ab aliis non sciri, cum de se sciri possit. Nam si hæc requirit statum infamiæ, ut ratio facta probare videtur, non tantum requirit, quod cognosci possit, sed etiam quod nota sit. Et confirmatur etiam, quia sola hæresis publica videtur inducere in jure irregularitatem, in c. ad abolendam. de hæreticis, & in c. saluberrimum 1. q. 7. Confirmatur tandem, quia videtur res valde ardua, ut omnes juvenes, qui nunc in provinciis hæreticorum educantur, & consequenter ab Ecclesia recedunt, sint inhabiles ad ingressum in Societatem post perfectam conversionem, & reditum ad Ecclesiam.

Num sola publica apostasiæ a fide inhabilitet.

12 Nihilominus quod ad homicidium attinet, verius censo hoc impedimentum etiam contrahi per homicidium occultum. Ratio prima est illa generalis, quod ubi lex non limitat, neque evidens ratio cogit nos non possumus prudenter limitationem adhibere. Unde etiam in jure canonico mihi certum est, propter homicidium quantumvis occultum irregularitatem incurri, & satis significatur in Trid. sess. 24. c. licet. de reformat. Cum ergo hæc lex absolute, & indistincte loquatur, non potest a nobis ad homicidium publicum restringi; eo vel maxime, quod ex contextu verborum potest

Etiam homicidium occultum hunc ingressum impedire.

potest hoc etiam convinci. Sic enim habent: *Secundus est, homicidium aliquo tempore perpetrasse, vel publice infamem propter enormia peccata fuisse.* In quo contextu duo considero: unum est, eo ipso quod adverbium *publice* additur in posteriori membro, & non in priori, tacite a priori excludi. Aliud est, in aliis criminibus impedimentum poni ratione infamiae; in homicidio vero non, sed ratione solius delicti; ergo absque infamia impedit; ergo etiam si occultum sit: nam si oporteret esse publicum, maxime propter infamiam. Atque ita opinor in praxi, & consuetudine obtineri; nam si is, qui examinatur, fateatur se homicidium perpetrasse, nihil amplius de fama, vel infamia, publico, vel occulto interrogatur, sed inhabilis judicatur.

13 Quocirca, si ratio hujus impedimenti in sensu supra n. 7. & 10. explicato accipienda sit, dicendum est, in ea consideratum esse id, quod frequentius, & ut plurimum accidit, scilicet, quod tale delictum magnam notam inurat: quod vero in particulari casu, quando delictum est occultum, hæc ratio cesset, accidentarium est, & non sufficit, ut decisio legis cesset: maxime quia licet delictum nunc sit occultum, semper subest illi periculo gravem notam inferendi. Potest autem illa ratio habere alium sensum, scilicet, ut illa infirmitas consuetæ, & multis communis, non referatur ad opinionem aliorum, sed ad ipsummet homicidam, vel apostatam. Est enim communis infirmitas, ut qui semel cecidit, iterum facile cadere possit, vel saltem quando lapsus est adeo gravis, & enormis, ostendit naturam, aut nimis iracundam, seu ferocem, ut in homicidio, aut nimis inconstantem, ut in apostasia; recte ergo intelligi potest, hanc esse communem infirmitatem, ob cujus notam talia impedimenta ponuntur, juxta quem sensum ad illam rationem non est necessaria infamia per publicam notitiam; nam ipsum delictum satis notat personam. Tamen juxta hunc etiam sensum data proxime doctrina necessaria est, scilicet, quod licet in aliquo particulari homicidio cesset hæc nota, eo quod casu, vel ex passione acciderit, & aliàs constet hominem esse moderatæ naturæ, nihilominus impedimentum habeat suam vim, quia lex non considerat particulares casus, sed generaliter fertur, suamque efficaciam habet. Omne ergo homicidium peccaminosum hic comprehenditur, etiam si non propria manu, sed per alium jubendo perpetratum sit, ut declaratur 1. p. Constit. c. 3. liter. C. ubi in casibus dubiis judicium Generali remittitur, qui admonetur, ne se facilem in hujusmodi dubiis exhibeat; quo verbo significatur, in tali dubio inclinandum esse in favorem religionis, etiam si respectu particularis personæ rigorosum videatur.

Etiam homicidium aliena manu factum impedit.

Apostasia a fide occultam sufficere ad hoc impedimentum.

14 Unde consequenter idem censeo dicendum in primo impedimento, de eo, qui recessit a gremio sanctæ Ecclesiæ, fidem abnegando; nam omnes rationes factæ hic applicari possunt, & argumentum sumptum ex ratione impedimenti hic eodem modo cessat; ibi ergo verba etiam præcisa, & absoluta sunt. Et præterea ex quatuor membris, quæ in primo impedimento ponuntur, in secundo requiritur damnatio; in tertio, sententia publica; in quarto infamia; in primo vero nihil horum ponitur, sed tantum *delictum*; ergo signum est, nullam ex illis conditionibus requiri; aliàs, quæ ratione quis diceret esse necessariam infamiam, vel notitiam publicam, posset etiam dicere esse necessariam condemnationem per sententiam publicam. Hoc autem manifeste falsum est, & improbabile; ergo, & prius; nam sequela tener a paritate rationis, quantum spectat ad verba legis. Quia vero in Constit. 1. p. c. 3. aliquid additur, quo potest hoc impedimentum restringi, id prætermittendum non est, & aliqua differentia constituenda inter hoc delictum, & homicidium, quia homicidium, nec publicum esse oportet, nec probabile; hoc vero licet non oporteat esse publicum, videtur saltem esse necessarium, ut sit probabile, propter id, quod statim adjiciam. Nam in primis necessarium est abnegationem esse exteriorem, sola enim mentalis hæresis non sufficit, ut supra nu. 11. dicebam. Quod etiam ipsum verbum *abnegandi* satis indicat, & explicatur clarius in 1. p. Constit. c. 3. dum additur: *abnegando inter infideles.* Quo verbo non solum significatur crimen debere esse externum; sed etiam aliquo modo publicum, & inter infideles

commisum. Potest tamen esse hoc modo publicum, id est probabile, quamvis non sit publicum, id est, notorium, qualis nunc esse solet in Lusitania v. g. apostasia a fide Neophytorum, quos *novos Christianos* vocant, etiam si occulte, & inter se ipsos, illam exerceant: talis enim apostasia est sufficiens impedimentum, etiam si contingeret cadere in eam personam, quæ aliàs inhabilis non esset ratione originis. Ulterius vero necessarium est, ut interior simul cum exteriori concurret: nam licet quis exterius abnegaverit propter timorem, vel amorem humanum, sola exteriori fictione, interius autem retinendo fidem non incurrit hoc impedimentum, sicut nec pœnas juris contra hæreticos latas, ut disp. 14. de fide sect. 6. dixi, & disp. 43. sect. 1. de censur. quia ille simpliciter non abnegavit fidem, sed finxit abnegare: verba autem harum legum stricte, & in rigore accipienda sunt. Deinde existimo oportere, ut talis persona post adultam ætatem fuerit aliquando fidelis, & in catholica Ecclesia sufficienter instructa: nam si quis ab infantia fuit educatus inter hæreticos, etiam si baptizatus fuerit, & perveniens ad adultam ætatem eorum errores imbiberit, non videtur proprie, & in rigore dici posse a gremio Sanctæ Ecclesiæ recessisse abnegando fidem. Quod erit certius, quando probabiliter creditur ipsum habuisse ignorantiam invincibilem. Idem tamen mihi est probabile, etiam si postquam cœpit dubitare, negligenter, aut pertinaciter in prioribus erroribus permanserit, quia ille nondum incidit in formalem, ac perfectam apostasiam, qualem prædicta verba in proprietate significant. Et juxta hanc expositionem facile expeditur difficultas suprascripta in fine num. 11. (cetera enim ibidem opposita ex dictis sunt expedita) de juvenibus hæreticorum filiis, & inter hæreticos educatis: nam si illi, postquam ad Ecclesiæ gremium conversi sunt, nunquam iterum ab illa recesserunt, nec fidem abnegarunt, non videntur esse inhabiles ad Societatem ex vi hujus impedimenti, quia (ut dixi) non possunt judicari perfecte Apostatæ. Imo in his etiam, si prior ille status fuerit publicus, non videtur ob stare, nisi perveniat ad sententiam in talem personam publice latam; nam tunc ex alio capite, seu gradu secundo loco posito in illo primo casu, impediret; si vero notitia, vel sententia publica solum est generaliter de tali provincia, vel natione, sicut nunc Græci habentur schismatici, tunc infamia magis est nationis, quam personæ, ideoque illa non impediret. Et hæc declaratio habetur expresse 1. p. Constit. c. 3. liter. B.

Procedensq; ab interiori.

Requiri-
tur ut
persona
in adulta
æstate ali-
quando
fuerit fi-
delis.

Expedi-
tur diffi-
cultas de
juvenibus
hæretico-
rum
educatis.

15 Ex quo facile declaratur secundum membrum casus, seu impedimenti servandi, scilicet, *infamia publica propter enormia peccata*, circa quod statim occurrebat explicandum, quæ nam sint hujusmodi enormia peccata. Sed hoc labore nos liberavit declaratio in d. cap. 3. Constit. ubi Generali committit, an peccata sint judicanda enormia, nec ne, ad quod judicium ferendum primum expendendum est jus commune, in quo illa peccata merito censentur enormia, quæ per se inducunt juris infamiam, c. in aliquo. 51. d. cum aliis, quæ de infamia inducente irregularitatem disp. 48. de censur. adduximus. Deinde dubitari poterat, si hæc infamia non sit in eodem loco, in quo homo est recipiendus, sed in alio multum distante, & sine morali periculo, quod illud diffundi possit, an tunc impediat? Verum hoc etiam dubium sublatum est in declarationibus, tam examinis, quam constitutionum, ubi dicitur infamiam solum impedire, ubi est, non vero in remotissimis regionibus, si persona est sufficienter emendata. Atque ita facile constat hoc impedimentum esse valde consentaneum rationi, & necessarium ad finem Societatis, & valde conforme juri, quo cavetur infamibus non debere concedi aditus ad dignitates. c. inter dilectos. de excessib. Prelat. & regul. 86. de regulis juris in 6. Quamvis enim recipi in Societate non sit admitti ad dignitatem, tamen ex ea parte, quæ hic status ordinatur ad sacerdotalia munia, & conversionem animarum, potest quoad hoc dignitatibus comparari.

De secundo membro
bro ejus
secundum
impedimentum, id est, infamia ob enormia peccata.

De tertio impedimento.

16 Tertium impedimentum duas etiam habet partes. Prima est, *assumpsisse religionis habitum*, ut dicitur in citato c. 3. Constit. Declaratur autem ibidem, intelligendum hoc esse, non solum de assumptione habitus

De primo membro
assumpti
habitus
religiosi.

per

per professionem, sed de gestatione habitus religionis, etiam per unum diem, dummodo id factum sit animo assumendi religionem, saltem quoad probationem, seu novitiatum. In examine autem magis limitatur, ac declaratur particula illa *religiosus*, his verbis, *assumpsisse habitum alicujus religionis fratrum, vel clericorum*: quæ videntur addita, ut non comprehendantur assumentes habitum religionum militarium, quoad milites, nam quoad clericos expresse excluduntur per illam particulam *clericorum*: per fratres autem monachi omnes intelliguntur: proprie ergo isti milites dici non possunt habere habitum fratrum, vel clericorum, non ergo hic comprehenduntur. Et ita declaratum est in Congregatione I. generali Societatis can. 5. & in praxi etiam receptum est; præterquam quod multi existimant hos non esse proprie, & simpliciter religiosos. Quæ de re late in præced. tract. lib. 1. c. 3. & 4. agendo de varietate religionum in genere. Juxta quam sententiam possent etiam excludi ex absoluta appellatione *religiosorum*, sub qua illi non videntur comprehendi, saltem secundum ordinarium, & communem modum loquendi; & denique, quidquid sit de statu, tamen quoad usum, & vivendi modum, constat de facto hos milites parum differre a secularibus.

Redditur
ratio con-
stitutionis
quoad
professio-
nalia
religionum.

17 Sic igitur explicata hac parte, quod attinet ad religiosos professos, non est difficile rationem illius reddere. Primo, quia ut D. Thom. docuit 2. 2. qu. 189. art. 9. transitus ab una religione ad aliam non est per se laudabilis, nisi ob magnam necessitatem, vel specialem utilitatem, ut supra in tract. 8. lib. 3. a c. 8. disputatum fuit, quod quia rarum est, & extraordinarium, non oportuit in hac lege considerari, & ideo absolute lex posita est; quia si in aliquo particulari casu, & Societati, & desideranti ejus ingressum, judicaretur expediens eum admittere, non obstanti tali impedimento, per dispensationem a Summo Pontifice impetratam poterat tali casui subveniri, & aliquando subventum accepi. Et confirmari hoc potest ex Cassiano collat. 14. c. 5. ubi Abbas Nestor. sic inquit. *Unicuique utile, & conveniens est, ut secundum propositum, quod elegit, sive gratiam, quam accepit, summo studio, ac diligentia ad operis arripit perfectionem pervenire festinet, & aliorum quidem laudans, admiransque virtutes, nequaquam a sua, quam elegit semel, professione discedat.* Unde idem Cassian. lib. 4. de institut. renunc. cap. 6. significat olim observatum esse ab antiquis monachis, ut neminem reciperent, qui a prima sui vocatione defecisset. *Nec quemquam* (inquit) *patiuntur illis adire indui* (id est, vestibus religionis) *quem semel ab institutionis sue regula tepuisse viderint.* Sic etiam Athanas. Constantinopolit. epist. 5. ad finem decernit, qui monasterium semel deseruit, non esse in alio recipiendum. Ac denique Imperator Justinianus in Authent. de Monachis collat. 5. inquit: *Si quis relinquens monasterium, in quo conversationem habuerit, ad aliud transeat monasterium, competens est reverendissimis Abbatibus, eum non suscipere; erronea namque est talis vita monastica, nullatenus tolerantia proxima, neque constantis, & persistentis animi.* Hoc ergo impedimentum quantum ad professos in aliis religionibus (de quibus videntur dicta testimonia loqui) satis consentaneum est antiquitati, & rationes ejus, quæ in constitutione ipsa assignantur, quasque statim explicabimus, facile illi accommodantur.

Cur assu-
ptio ha-
bitus no-
vitii non
a tercio
religiosis
ingressum
Societatis
impediat?
Ratio do-
bitanda.

De secun-
do mem-
bro ejus-
dem tertii
impedi-
menti.

18 At vero quod solus habitus novitiorum per quodlibet breve tempus assumptus impediatur, novum videri potest, & difficile: tum quia in nulla religione observatur, quod ego sciam; tum etiam quia tempus novitiatum ad probationem concessum est, & ideo non per se veritas usque ad professionem non indicat inconstantiam, aut animi levitatem. Cur ergo ob eam causam debet aliquis inhabilis censeri ad Societatem? Fieri enim potest, ut per probationem alterius religionis aliquis prudenter judicet, se non esse aptum ad illam, & quod a Deo vocetur ad Societatem, cur ergo debet excludi? Et augeat difficultatem quoad alteram partem illius impedimenti, quæ est de eremiis sub certo habitu monachali; nam ille non est status, sed privatus quidam vivendi modus, cur ergo impedire debet magis, quam alii vivendi modi?

19 Nihilominus duplex ratio illius impedimenti

redditur in eodem c. 2. Examinis, & utraque sufficiens sine dubio est, ut hæc constitutio honesta, & rationabilis censeatur, maxime cum liberum sit Societati eos tantum admittere, qui absque ulla suspitione contraria ad fidem sui instituti apti judicantur. Prior ergo ratio est: *Quod nobis in Domino videatur* (ait B. Ignatius) *eum, qui bonus Christianus sit, debere esse firmum in sua prima vocatione, præsertim cum illa tam sit sancta, in qua scilicet quis, universo seculo relicto, se totum dedicat majori servitio, & glorie sui Creatoris, & Domini.* Itaque licet mutare religionem ante professionem minor inconstantia videatur; tamen, quia ut plurimum signum est animi inconstantis, & mutabilis, in Societate non recipitur. Cui consonat consilium Basilii in regula 10. ex fusioribus, ubi ait, ab his, qui volunt religionem ingredi, diligenter exquirendum esse, *qui ipsorum mores sint, ut intelligatur, an sint consilio instabili, & ad constituendum quidvis in utrumvis partem precipiti.* Cujus rei signum esse solet hujusmodi facilis mutatio religionum, etiam quoad probationem. Et subdit Basilii: *Si quidem in iis, qui istiusmodi sunt, magnopere suspecta inconstantia esse debet, qui, præter id, quod nullam ipsi utilitatem inveniunt, ceteris etiam sunt detrimento, quod institutum vivendi nostrum, falsis probis, & nequissimis maledictis magnopere infamant.* Verum quidem est statim adjungere Basilium hos non esse statim a principio desperandos, sed prius extra religionem ipsam exercitandos, & probandos, ut si sufficiens indicium emendationis, & constantiæ dederint, admittantur. At illud fortasse tunc conveniens fuit, quia exiguus erat religionum numerus; nunc autem plures sunt religiones, in quibus hi recipi possunt, & ideo non est judicatum necessarium in his probandis immorari: maxime cum Societas ratione sui instituti multa alia habeat, in quibus suos religiosos probare, & experiri ex instituto teneatur.

Prima es-
titutio-
nis ratio.

20 Secunda ergo ratio est: *Postremo sic nobis persuademur* (præterquam quod major sit futura edificatio proximorum) *eo melius in Domino, ipsius gratia aspirante, conservari posse omnes professos, coadiutores, atque scholasticos, quo magis liberi fuerint ab hujusmodi impedimentis, ac veluti uni us coloris, & similitudinis omnes.* In quibus verbis una ratio principaliter dari videtur, & altera obiter attingi. Ratio ergo principalis est, ut cum omnes, qui in Societate fuerint, experti non sint, imo nec dalibaverint aliud institutum, omnino contenti sint eo, quod profitentur, & in illo summam uniformitatem, & similitudinem habeant, quod ad unionem eorum, & amorem inter se, & ad maiorem quietem, & pacem multum confert; est enim similitudo causa amoris, ut dixit D. Th. 1. 2. q. 27. ar. 3. & Aristot. 8. Ethic. c. 6. dixit æqualitatem esse amicitiae fundamentum, & in c. nov. a. 16. q. 7. dicitur: *In uno eodemque officio non debet dispar esse professio, nam coherere, & conjungi non possunt, quibus studia, & vota diversa sunt.* Et quævis is, qui alteram religionem probavit, & deseruit, jam illam non profiteatur, tamen quia possunt in eo manere aliqua vestigia illius professionis, vel aliqui conceptus, seu apprehensiones diversæ, & discrepantes ab instituto Societatis, & ideo semper timetur aliqua deformitas, quæ possit pacem turbare: maxime cum Societas propriam vivendi rationem ab aliis in multis diversam profiteri videatur. Et hanc existimo esse potissimam rationem hujus impedimenti: & ob eam rem si quis semel in Societate ingressus ab ea deficiat, iterumque ingredi velit, non est inhabilis quominus recipi possit; quia licet prior ratio inconstantia in eo locum habeat, hæc posterior cessat. Quod autem hoc ita sit, patet ex verbis ipsius Constitutionis: nam cum dicitur *habitum alicujus religionis*, plane loquitur de aliis religionibus a Societate distinctis.

Secunda
constitu-
tionis ra-
tio.

21 Altera vero ratio ibi obiter, ut dixi, tacta est, quia scilicet creditur hoc futurum in maiorem animarum ædificationem, quod duplici ex causa, seu respectu dici potest. Primo respectu aliarum religionum, quibus gratum esse debet, quod ab eis deficientes in Societate non recipiantur. Deinde respectu aliorum fidelium, apud quos nonnulla nota semper est, defecisse a religione semel accepta, etiam quoad novitiatum tantum: & quia Societas tota est ad lucrandos fideles, & salutem animarum procurandam, ideo omni ratione evitare

Tertia
ratio.

evitare studet, quidquid potest operariorem existimationem aut benevolentiam apud alios minuire. Unde fortasse etiam in hoc considerandum est, quod is, qui non se ostendit constantem, & idoneum ad perseverandum in religione ad solam perfectionem propriam principaliter instituta, non videtur aptus illi religioni, quæ non solum propriæ, sed etiam alienæ perfectioni incumbit. Dices. Interdum Monachus, qui ex vi sui instituti tantum suæ salutari attendit, assumitur ad Episcopatum, qui ad perficiendos alios præcipue ordinatur. Respondeo, aliud est assumi, aliud relinquere proprium statum per inconstantiam: illud enim prius nullam notam inducit, neque est indicium alicujus defectus, sicut hoc posterius. Præsertim quia monachus, si jam erat professus, licet ad Episcopatum assumatur, monachus manet, atque non ita mutat statum, ut spoliatur priori (ut ita dicam) specie monachatus, imo nec in individuo, sicut facit, qui ex una religione transit in aliam, maxime Societatem, quam veluti specie diversam intelligimus, ut ex dictis lib. 1. cap. 2. & ex graduum varietate constare potest. Si autem contingat (ut fieri potest) ex novitiatu assumi ad Episcopatum, tunc non manet quidem in priori statu inchoato, sed immediate transit ad perfectiorem, non tamen ex animi inconstantia, sed ex obedientia Superioris; & ideo in jure id prohibitum non est: in Societate vero speciali jure id est prohibitum, ratione jam dicta.

De quarto impedimento.

22 Quartum impedimentum duas partes habet. Una est de conjugatis; alia de servis. Et prior quidem fundata est in ipsa ratione naturali, quia maritus post consummatum matrimonium non est dominus sui corporis, & ideo non potest illud alteri, etiam religioni libere donare. Et ideo impedimentum hoc, quoad hanc partem in jure communi fundatum est, ut statim dicam, & in aliis religionibus servatur, ut patet ex regula Minorum c. 2. & ex Constitutionibus Prædicatorum 1. p. d. 1. c. 13. Imo D. Basil. in regulis suis disputat c. 12. ejusdem impedimenti meminit. Intelligitur autem hoc impedimentum, quoad hanc partem, eo modo quo in jure communi explicatur, scilicet, sine facultate conjugis: Nam si facultas a conjugate concederetur (dicitur in declaratione 1. p. c. 3. lit. F.) servatis aliis circumstantiis, quæ juxta sanam doctrinam & usum sanctæ Ecclesiæ solent observari, impedimentum esse desinat. Illæ autem sunt, ut conjux vel monasterium ingreditur, si juvenis sit, vel votum continentię emitat, juxta cap. cum sis, & cap. ad Apostolicam, de convers. conjugat. quo in rom. super. declaratum est. Addenda vero sunt duo. Unum est, ex jure communi, si maritus ingreditur de consensu uxoris, non servatis autem aliis circumstantiis, ingressum, seu professionem esse validam quoad substantiam, & proprietatem, ut sic dicam, quamvis quoad usum impediri possit, si uxor repetat maritum, juxta cap. ex parte, de convers. conjug. At vero in Societate ex vi hujus impedimenti receptio erit nulla, etiam si fiat de consensu uxoris, si aliæ juris circumstantiæ non serventur: quia in constitut. absolute ponitur matrimonium consummatum tanquam essentiale impedimentum. Et in declaratione, (quæ eandem vim legis habet) non ponitur alia exceptio, nec dicitur cessare hoc impedimentum, nisi vel per mortem naturalem, vel conjuge facultatem concedente, observatis juris circumstantiis: ergo illis non servatis, integrum manet impedimentum, etiam si nudus consensus præstetur. Aliud notandum est, quamvis consensu præstito cum debitis circumstantiis, cesset impedimentum essentiale, nihilominus semper esse impedimentum, ut talis persona recipi non debeat sine Generalis facultate; ita ut nec Provincialis possit in hoc dispensare, ut in illius regula 36. cautum est.

23 Ultimo circa hanc partem dubitari potest de matrimonio rato, & non consummato, an impediatur Societatis ingressum, siue consentiente, siue repugnanter conjuge. Sed in hoc certum est, ex vi hujus legis id non esse impedimentum, quia licet in d. cap. 3. Constit. simpliciter nominetur matrimonium, tamen in cap. 2. Examinis expresse additur consummatum, & in declaratione id etiam supponitur, & juxta commune jus ita esset intelligendum, quomodo aliud non exprimeretur. Quapropter absolute cerseo non esse inhabilem ad Societatem

talem personam, & receptionem ejus non esse ex se irritam, quia neque ex vi juris communis irrita est, neque invenio jus speciale, quod illam irritet. Quod ergo queri potest, solum est, si hujusmodi novitius expleto anno, vel saltem biennio probationis, non admittatur ad professionem solennem, an possit ab uxore repeti, & ipse, ac Societas teneatur illum ei restituere? Item an possit iuste tria vota simplicia, & substantialia in Societate emitte sine expresso consensu uxoris, cum aliis circumstantiis de jure requisitis in matrimonio consummato? Quæ dubitationes supponunt aliam, scilicet, an per vota simplicia approbata, & recepta in Societate dissolvatur matrimonium ratum, non consummatum, quoad ipsum vinculum matrimonii præcedentis talia vota: nam si dissolveretur, omnis quæstio cessaret, nullum enim esset impedimentum vel irritans, vel prohibens, nullusque consensus conjugis esset requisitus, cum ipsa omni vinculo, & obligatione liberanda esset. Solum videtur gravari in dilatione biennii: at illud parvi momenti est, & interdum accidere potest in aliis religionibus: nam si quis post matrimonium ratum probavit in aliqua religione per decem menses, potest illam relinquere, & ingredi aliam, & integrum novitiatum in ea facere, ut per congregationem etiam Cardinalium declaratum est, circa cap. 15. de regular. sess. 25. Concil. Trident. Illa ergo dilatio temporis probationis non infert difficultatem, quam non posset conjux facile tolerare. Ego vero suppono nulla vota simplicia facta in Societate dissolvere matrimonium ratum præcedens: quod infra lib. 4. cap. 2. ostendam ubi in nu. 13. de prædicta dilatione redibit sermo.

26 Hoc autem supposito, videtur mihi consequenter dicendum primo, neminem debere recipi in Societate post matrimonium ratum sine consensu & debita conversione uxoris, nisi forte ex dispensatione Præpositi Generalis, cum intentione admittendi illum post biennium ad professionem solennem, si recte probaverit, vel statim dimittendi illum, si non fuerit probatus. Deinde consequenter assero, si aliter recipiatur ad novitiatum, non posse ulterius admitti ad simplicia vota, quæ post biennium ab scholaribus, vel postea a coadjutoribus formati sunt, sine eodem consensu, & conversione uxoris. Ratio utriusque est, quia nullus ligatus vinculo matrimonii potest licite assumere statum repugnantem usui matrimonii, & non dissolventem vinculum ejus; status autem Societatis per sola vota simplicia non dissolvit vinculum matrimonii, ut dixi, & repugnat usui ejus, cum sit status religiosus: ergo non potest licite talis status assumi, invita uxore: ergo nec potest quis licite recipi in Societate in ordine ad illum statum; vel licet sit admittus ad novitiatum, non potest postea admitti ad talia vota, sine prædicta conditione ex parte uxoris. Major patet primo ex ratione naturali, quia talis receptio est in magnam injuriam uxoris: nam coereretur, vel innupta perpetuo manere, si focius nunquam esset professionem solennem in Societate emissurus, sed in statu coadjutorum perseveraret, vel saltem per plures annos etiam ultra decennium, quæ duratio perpetua, seu vitalis in jure reputatur. Secundo probatur ex jure; nam ob similem causam statutum est, ne post matrimonium ratum ordinetur quis in sacris, invita uxore; nam per sacram ordinationem interdicatur usus, & non dissolvitur matrimonium ratum, ut definit, ac statuit Joannes XXII. in Extravag. unica de voto; ergo cum eadem ratio urgeat in nostro casu, idem dicendum est. Addo vero ultimo nihilominus, si talia vota de facto admittantur in Societate, valida esse: quia nullum est jus, per quod irritentur, & tamen hoc non obstante, si sponsa suum jus petat, negari non debere, nec posse, ne fiat illi injustitia: debet ergo illi maritus reddi ad cohabitationem, & usum matrimonii: & Societas etiam suo jure ordinario utens posset (& certe in eo casu deberet) illa vota remittere, & personam omnino liberam relinquere: si tamen id non faceret, posset illa persona reddere debitum, non tamen exigere, propter votum castitatis, & mortua uxore non posset valide aliam ducere, quia votum illud in Societate factum hanc vim habet. Et ob eandem causam compellendus esset ad Societatem redire, quia se semel tradidit, & traditio rescissa non est, ut supponitur.

An per vota simplicia emissam in Societate matrimonium ratum dissolvatur.

Evasio præcluditur.

De prima parte, id est, conjugio.

Num matrimonium ratum non consummatum hoc impedimentum inducat?

De secunda
da parte
ejusdem
quarta im-
pedimen-
ti, id est,
servitutis.

25 Altera pars hujus impedimenti est servitus, quæ est sumpta ex jure communi, & illius etiam meminit Basil. regul. 10. ex fusioribus. Unde præter supra tractata præced. tom. in genere de professione religionis, nihil hic addendum occurrit, nisi, quod licet jure communi servitus non irritet professionem, seclufa vi, & ignorantia, sed inducat obligationem satisfaciendi domino modo jure præscripto, vel restituendi servum, qui nihilominus religiosus manet: attamen in Societate ex vi hujus impedimenti censetur receptionem, & consequenter omnem admissionem in illa fundatam, esse nullam, juxta generalem doctrinam, quam statim tradam. Ratio autem est, quia servitus absolute, & sine ulla restrictione hic ponitur, ut impedimentum substantiale. Ulterius autem intelligendum hoc existimo durante servitute; quia non fuisse servum, sed esse; sicut non fuisse uxorem, sed esse, ponitur impedimentum, quod aperte verba ipsa significant, *vel servitutis legitime vinculo ligatum esse*. Unde si quis servus manumittatur a Domino, vel ipse quacumque alia ratione se vere redimat a servitute, eo ipso tale impedimentum aufertur: pertinebit autem ad prudentiam Prælatorum perspicere, an expediat talem personam recipere propter infamiam aliquam, vel vilem reputationem, quæ de tali persona semper manet, & considerato fine Societatis, posset illam minus idoneam reddere ad ejus munera: quamquam si solum admitteretur ad ministeria temporalia, minus haberet incommodi. Præterquam, quod licet hoc sit verum ex hoc capite, ex alio, scilicet, *ex origine*, talis persona semper erit inhabilis juxta ea, quæ inferius addemus.

De ultimo
impedi-
mento in-
firmis.

26 De ultimo impedimento in fine numeri primi nihil specialiter occurrit notandum; nam & sensus ejus clarus est, & ratio manifesta, quæ in ipsamet constitutione attingitur: nam recipere talem personam esset non mediocriter damnum ipsius Societatis, cum ad illius ministeria inepta sit. Quod etiam est valde consentaneum juri communi; nam ob eandem causam simile impedimentum irregularitatem inducit.

Num supraposita impedimenta talia sint, ut ingressus, & quacumque incorporatio cum aliquo illorum in Societate facta, nulla sit?

27 Non additur autem in prædictis locis verbum, quo expresse declaretur, hæc impedimenta talia esse, ut personam reddant omnino inhabilem ad hunc ingressum, ita ut tam professio, quam omnis incorporatio in Societate inde subsequuta nulla sit: & ideo dubitari potest, an hæc impedimenta talia judicanda sint. Posset enim quispiam aliquod ex eis tacere, & ita recipi in Societate. Et quamvis concedamus in eo graviter peccare, ut insinuat in declaratione cap. 2. Exam. lit. A. cum dicitur: *Confessarium debere moneri, ut si quis vere non respondisset, ea de re ejus conscientiam extimulet*. Et merito, quia tale mendacium perniciosum est Societati, & in re valde gravi, de qua ipsa jus habet interrogandi, & obligandi ad dicendam veritatem, quia potest in grave suum detrimentum redundare. Nihilominus, si hæc impedimenta non inhabilitant personam, receptio facta, & quidquid ex vi illius subsequutum fuerit, tenebit. Nec obligabitur talis persona ad manifestandum postea suum defectum, & delictum; tum quia nemo tenetur se prodere, neque hoc est delictum, quod videatur ad restitutionem obligare: suppono enim in particulari cessare nocuum Societatis, quia impedimentum est occultum, & in reliquis persona est idonea, & sufficienter inservit Societati: tum etiam, quia non videtur obligandus quis cum tanto damno suo ad refarciendum illud quaecumque damnum Societatis, quod in sola transgressione illius constitutionis positum est. Quapropter in tali casu non erit sufficiens remedium, quod confessor extimulet conscientiam penitentis: nam licet ille confiteatur suum delictum, ut tenetur, erit absolvendus, si de peccato doleat, etiam si nolit factum emendare, aut religionem deserre, quia si factum tenuit, ad hoc non tenetur, vel saltem potest probabiliter huic sententiæ conformari: non ergo poterit confessor juste negare illi absolutionem, neque aliquid ei nocere ex vi illius scientiæ per confessionem comparatæ. Multum ergo refert scire, in quo

De ultimo
impedi-
mento in-
firmis.

gradu hi defectus impediunt hunc ingressum. Et videtur quidem potest non esse asserendum, hæc impedimenta reddere personam omnino incapacem, cum in ipsa lege id non sit expressum, nam in his rebus odiosis mitior pars sequenda est, ubi rigor non est expressus; imo ubi favor non repugnat formalibus verbis legis: hic autem non solum non repugnat verum etiam est consentaneus generali principio, quod lex prohibens actum non irritat illum, nisi hoc sufficienter exprimat, ut lib. 5. de leg. cap. 25. ostendi.

28 Nihilominus dicendum cenfeo primum, quodlibet ex his impedimentis reddere personam inhabilem: deinde tam primam receptionem, quam omnem aliam intimiorem admissionem nullam esse, nullamque obligationem inducere. Probo singula, atque prima pars ex verbis institutionum sufficienter colligi potest. Nam in cap. 2. Exam. §. 6. post numeratos illos casus subiungitur: *Prædicti casus impedimenta sunt, cum quorum aliquo nemo in Societatem admitti potest*: non enim dixit, *debet*, sed, *potest*, ut intelligatur tam recipienti adimmi potestatem, quam recipiendo capacitatem: & ideo ibidem in declaratione litera A. dicuntur hæc impedimenta talia esse, quæ a Societate excludunt. Et in 1. p. Constit. cap. 3. additur, *omnino excludunt*; quæ verba plane significant *excludere* quantum Societas potuit; potuit autem personas inhabilitare, ut per se constat, & ibidem in declaratione adjungitur: nec Præpositum Generalem, nec totam Societatem, sed solum Summum Pontificem posse in aliquo ex his impedimentis dispensare. Ac denique in 4. p. c. 3. §. 2. dicitur, cum aliquo ex his quinque impedimentis nullum in Collegiis Societatis inter Scholasticos collocari posse. Fuit ergo sine dubio mens B. Ignatii omnem in hoc negotio auferre potestatem Societati, & consequenter alterum inhabilem reddere; nam hæc duo correlativa sunt. Quocirca, quando in declaratione cap. 2. 2. part. Constit. lit. B. dicitur: *Quoties aliquis deprehensus fuerit aliquod ex quinque impedimentis in Examine dissimulasse, non esse æquum, ut in Societate maneat*; ideo cum hac moderatione dictum videtur, quia regulariter loquendo, etiam non est æquum procurare Pontificis dispensationem, ut maneat; nam sine illa non solum æquum non est, verum nec possibile, si ita manere debet, ut membrum Societatis.

Dubium
solutio
tripartita.

29 Atque ex his clare sequitur secunda pars, scilicet, actum esse nullum ex impotentia agentis, & incapacitate passi. Eadem vero pars certior fieri potest ex aliquo principio, quod sine acceptione voluntaria religionis, omnis receptio redditur nulla, ut in superiori tom. generatim tractatum est; quia contractus est mutuus, & ideo debet esse ex utraque parte voluntarius. Sed in eo casu, quo aliquis occultat huiusmodi impedimentum, acceptatio, seu receptio ex parte Societatis non est voluntaria, utpote, dolo, & fraude, per ignorantiam facta in re magni momenti juxta suam regulam; ergo contractus ille validus non est. Declaratur, quia receptio ex parte Societatis in eo casu habet implicitam conditionem: *Si ita est, quod nullum subest substantiale impedimentum*: ergo non subsistente conditione consensus perinde se habet, ac si non esset positus. Differt autem inter hanc rationem, & præcedentem, quia si hæc nullitas receptionis solum proveniret ex occultatione impedimenti, eo quod ignorantia causaret involuntarium in recipiente; seclufa illa ignorantia, si Generalis v. g. aliquem reciperet cum illo impedimento, esto ille male faceret, receptio valida esset, quia jam consensus non esset involuntarius; ac vero juxta priorem rationem, etiam si ipse Prælatum velit, receptio nunquam erit valida; quia ablata est illi potestas dispensandi, & alioquin impedimentum ipsum irritans est. Et ideo prior ratio est magis per se, & propria; posterior vero moraliter est sufficiens, & efficax, quia receptio cum tali impedimento moraliter nunquam contingit, nisi per putationem, & ignorantiam. Quæ doctrina in simili sumitur ex Navar. consil. 26. de regularibus.

30 Tandem ultima pars manifesta est ex dictis, tum quia si fundamentum, id est, prima receptio, est nullum, quidquid in eo fundatur, nullum est; imo receptio ad novitatum non potest alia ratione esse nulla, nisi per ordinem ad professionem, quia reliqua omnia, quæ

in ca

in ea receptione considerari possunt, sunt facti potius, quam juris, ut in tom. super. dixi. Tum etiam, quia hoc impedimentum maxime ponitur propter professionem, vel quamcumque incorporationem per vota: ergo ad illam maxime fit inhabilis persona, & in illa maxime est involuntaria Societas, quando per ignorantiam illam concedit cum huiusmodi impedimento. Dicere vero potest aliquis, esto professio, vel incorporatio in Societate nulla sit ex parte Societatis, nihilominus ex parte voventis vota esse valida, ideoque obligare illum ad ea servanda, vel ad permanendum in Societate, si Societas illum retinere velit, quamvis Societas illum retinere non cogatur. Respondeo (etiam si fortasse alii aliter sentiant) ex tali professione, vel votorum emissionem non oriri obligationem etiam ex parte voventis vel ad servanda vota, si a Societate expellatur, vel ad permanendum in Societate, & admittendam dispensationem in impedimento, etiam si Societas velit eum retinere, & dispensationem impetrare. Hæc latius probanda sunt ex supradictis in præcedenti tom. de professione invalida. Nunc breviter ratio prioris partis est, quia ille non emisit illa tria vota simpliciter, & absolute, sed ut annexa statui religioso Societatis, & traditioni, quam de seipso fecit: ergo si status ipse fuit nullus, vota non possunt obligare, quia accessorium sequitur principale; & quia voti obligatio non excedit intentionem voventis, ille autem non intendit se obligare ad servandam castitatem, vel paupertatem, nisi in tali statu, in quo ab ipsa religione custodiretur & aleretur; neque intendit se obligare ad obediendum, nisi prælatis Societatis, qui etiam essent prælati sui; si autem ipse a Societate ejiciatur, jam non habet prælatum aliquem Societatis, qui suus prælatus sit; ergo obligatio talium votorum nulla fuit, quia conditio tacite inclusa ex parte materiæ non subsistit. Ratio vero alterius partis est, quia in contractu mutuo equa debet esse utriusque partis conditio; ergo si una non manet obligata ad perseverandum in contractu, neque alia.

31 Dices, non esse in præsentem parem conditionem utriusque partis, quia religio bona fide, & per ignorantiam acceptat; alter vero defraudat religionem. At hoc per accidens est, quid enim si receptus bona fide etiam processit? nam tunc etiam actus est invalidus; ergo tunc saltem erit æqua conditio, & libertas ex utraque parte. Quid etiam si deceptio fuit ex parte Prælati religionis, qui novit impedimentum, & dissimulavit, cum alius vel juris, vel facti invincibilem ignorantiam haberet; nunquid tenebitur religio eum postea retinere, si ipse velit, & dispensationem impetret? minime, quia unius Prælati delictum non potest religionem obligare, & præsertim, quia nulla ibi intervenit actio, quæ talem potuerit obligationem inducere. Ergo idem dicendum est ex parte religiosi, quia ipse nullam aliam fecit obligationem actionem præter traditionem: illa autem non fuit acceptata: ergo non est, unde maneat obligatio ad perseverandum in ea voluntate ex parte sua, quæ revera potius esset ad iterum se donandum, facta sua ipsius persona habili per dispensationem; nunquam autem ex donatione non acceptata similis permanet obligatio per se loquendo: neque ex matrimonio nullo manet per se obligatio ad iterum faciendum illud, ablato impedimento. Idem ergo est in præsentem. Ex fraude autem, vel dolo, si intercessit, poterit oriri obligatio ad restituendum religioni sumptus, vel nocumenta, si fortasse ob eam rem aliquid simile passa est, non tamen ad religionem profitendam. Et hæc sufficiunt de prædictis quinque impedimentis, de quibus, postquam hæc omnia scripseramus, ita Congreg. VII. generalis can. 26. sanxit; *Impedimenta quinque, quæ essentialia quinta Congregatio vocat, irritantia sunt vota simplicia, & quamcumque sequentem aliam professionem; quo fit, ut qui illis tenentur, inhabiles, & incapaces ipso facto ad Societatis ingressum, & admissionem sint, &c.* Videri etiam hac de re potest decretum 41. & 43. ejusdem VII. Congreg.

CAPUT II.

De impedimento ex defectu originis, quousque vigeat in Societate.

1 Superest vero adnotandum, quod in quinta Congregatione generali Can. 3. additum est, nimirum defectum originis, qui est descensus per lineam ali-

Suarez Tom. XV.

quam ex genere Judæorum, aut Saracenorum, quod impedimentum tamen si primum, seu (ut vocant) essentialiale non sit instar præcedentium, unde ad caput sequens absolute rejici posset, quia tamen dicta Congregatio ejus rationem summopere habendam voluit in admittendo, præsertim ad professionem, operæ pretium existimavi tria circa ipsum explicare. Primum est, an licitum fuerit tale impedimentum poni; sed hæc quæstio generalior est; nam plura sunt huiusmodi statuta, tum in Ecclesiis cathedralibus, tum in collegiis, tum etiam in aliis religionibus, de quibus omnibus idem queri potest, quod proprie spectat ad materiam de acceptione personarum, & de beneficiis Ecclesiasticis; nam pro certo supponimus, tale statutum ex genere suo licitum esse, quia non in odium nationis, neque in solo respectu nobilitatis, aut ignobilitatis humanæ, sed in ratione aliqua ad commune bonum Ecclesiæ, & fidei conservationem pertinente fundatur. Sufficiensque fundamentum est talia statuta per tot viros doctores, & sanctitate illustres esse facta. Et, quod caput est, esse per plures Summos Pontifices approbata. In speciali vero hoc confirmat Cajetan. tom. 1. opusc. in ultim. respons. 6. quia receptio ad religionem, prout terminatur ad has, vel illas personas, non est debita, sed voluntaria religioni, & ideo libere potest statuere, ut cum tali conditione non admittantur.

2 Secundum dubium esse potest, an fuerit expediens in tali religione, & tali tempore addere hoc impedimentum, quod ab ipsis fundatoribus positum non fuerat. Sed hæc quæstio prudentialis est; unde nec ad nos pertinet eam tractare, nec commode fieri posset, nisi in medium afferendo omnes particulares circumstantias, quæ ad hoc impedimentum addendum Societatem movere potuerunt, quod nimis esset prolixum, & a nostro instituto multis rationibus alienum. Certum ergo est, decursu temporum potuisse experimento cognosci, aliqua pericula vel incommoda religioni imminere ex consortio, & convictu talium personarum; vel etiam ad bonum nomen totius religionis, ut posset apud seculares omnes habere existimationem convenientem, ac necessariam ad sua ministeria, ut dicta Congregatio attigit, cum fructu exercenda, necessarium esse non admittere eos, qui hanc notam habent, ac proinde potuisse esse expediens hoc impedimentum addere, licet in principio positum non fuerit, quia res humanæ non statim perfectæ oriuntur, neque omnia incommoda statim cognoscuntur.

Num Congregatio generalis Societatis potuerit tale statutum condere?

3 Tertium dubium est, an potuerit Congregatio generalis Societatis tale impedimentum ponere? Quod in quæstionem non vertissem, nisi quæstionem similem a Doctore Navarro tractatam invenissem in conf. 26. de regular. quod incipit: *Orta sunt gravia dubia*, ubi refert capitulum generale Minorum simile institutum fecisse, & inquit, an potuerit id facere; ac responder, non potuisse: nec dubitat dicere errasse circa illud statutum, quamvis sine peccato, vel omnes, vel majorem partem eorum Patrum, qui illi capitulo affuerunt, etiam si fuerint sanctissimi, & eruditissimi, ut ipse dicit. Navarum sequitur Sanchez referens alios libr. 7. de matrim. disput. 37. num. 30. Fundamentum est, quia tale statutum est contra jus canonicum; & nullus inferior Papa potest condere statutum contra canonicum jus, juxta ea, quæ notantur in cap. *Quod super his*, de major. & obedient. Major probatur, quia jure communi omnes Christiani, non habentes impedimentum canonicum, sunt apti, ut recipi possint in religione approbata; sed hic defectus originis non est impedimentum canonicum, quia nec jure divino, nec Ecclesiastico positum est, ut late ibi prosequitur; ergo, &c. Secundo argumentatur idem Navar. quia circa ea, quæ pertinent ad tria vota solemnia religionis, dispositio pertinet ad solum Papam, argumento cap. *cum ad monasterium*, de statu monachorum; ergo nullus inferior Papa potest disponere, ut professio hoc vel illo modo facta valeat, vel etiam non liceat. Hanc vero opinionem Emmanuel Rodericus tom. 1. regul. quæst. quæst. 10. art. 3. ita temperat, & sequitur, ut religio non possit quidem facere hoc statutum irritans professionem, vel receptionem

Y 2

talem:

Num licet
cuerit ta-
le impe-
dimentum
posui.

An expediens fue-
rit addi-
novum impe-
dimentum in religio-
ne, quod non fue-
rat a funda-
tore pos-
itum.

Sententia
negans.

talem: possit tamen prohibere illam bona intentione, & iustus de causis, quia impedimentum inhabilitans aliquos ad id, ad quod secundum jus canonicum habiles erant, summa autoritate Pontificis effici debet.

Sententia
affirmans.

4. Nihilominus contrariam sententiam certam existimo: & in nostro particulari casu indubitanter affirmo, potuisse Societatem talem constitutionem efficere, & impedimentum illud, ut substantiale, & irritans apponere. Et primo sumo argumentum ab autoritate eorum Patrum, qui in illa congregatione interfuerunt, qui sine dubio erant & multi, & doctissimi, & religiosissimi, quos neque contra propriam conscientiam egisse verisimile est, neque etiam contra debitam scientiam errasse: nam licet ut homines ignorantiam, & errorem habere potuerint, ut Navarrus dicit, per se tamen credibile est, tot, ac tales homines illam non habuisse, præsertim in re pertinente ad proprium jus, propriamque actionem, & potestatem, de quo saltem dubitare, & interrogare debuissent. Accedit, quod in conspectu Urbis, & Orbis, vidente, & tacente ipso Pontifice Summo, tale statutum conditum est, & executioni mandatum, & deinde inviolabiliter observatum. Secundo, id probor ex generali potestate concessa a Summis Pontificibus Societati, ad condendas particulares constitutiones libere ac licite, quas ad ejusdem Societatis finem, & Christi Domini gloriam, & proximi utilitatem, conformes esse judicaverit: *Et tam hactenus factas, quam in posterum faciendas, juxta locorum, & temporum, ac rerum qualitatem mutare, alterare, seu in totum cassare possit, & valeat, quæ postquam mutata, alterata, aut de novo condita fuerint, eo ipso Apostolica autoritate confirmata censeantur.* Hæc enim sunt verba Pauli III. in 1. bulla Confirmationis: & latius in 2. quæ successores ejus, præsertim Julius III. & Gregor. XIII. amplissime confirmarunt. Fortasse vero aliquis ex Navarro supra in quadam solutione ad quartum respondeat, Constitutiones intelligi confirmatas a Papa, quatenus sunt licitæ, & honestæ, & non sunt contra jus commune, nec contra sacros Canones: hoc autem statutum esse hujusmodi; quia licet per se, & ex objecto non sit illicitum, illud condere sine debita potestate est illicitum. Sed hoc est petere principium, nam hoc est, quod inquirimus, an scilicet hoc factum sit sine sufficienti potestate: ex dictis autem bullis colligimus non defuisse potestatem. Quia vero Navar. in hoc vim facit, quod illa potestas non se extendit ad faciendam regulam sacris canonibus contrariam, qualem putat esse hanc constitutionem, ideo accurate hoc distinguendum est.

Lex inferioris dupliciter potest esse contraria juri superioris.

5. Unde argumentor tertio, quia hoc statutum non ita est juri communi adversum, ut propterea censendum sit reservatum Pontifici potestati; ergo nulla ratio est, cur non potuerit a Generali Congregatione fieri. Consequentia evidens est ex argumento proxime facto, & ex fundamento Navarri, & quia non potest alius coloratus titulus hujus impotentiae excogitari. Antecedens vero declaratur ex quadam doctrina communi in materia de jure naturali, quam attingimus in lib. 2. de legib. cap. 14. Dicunt enim doctores dupliciter posse legem inferioris esse contra jus superioris: uno modo positive; alio modo negative tantum; seu uno modo contra jus prohibens, alio modo contra jus concedens, seu non auferens aliquid, ut v. g. stando in jure naturæ, dicuntur omnia bona externa esse communia, quia auctor naturæ ita illa concessit, nec divisiones fecit; non tamen fieri prohibuit per hominum voluntates, & ideo proprietates rerum, seu dominiorum, licet dici possint negative contra jus naturæ, quia per illud introducta non est, non tamen dici positive contrariam, quia per illud non est prohibita. At vero propria autoritate hominem in captivitatem redigere est contra jus positivum, quia libertas unicuique data est, ut proprium bonum, quod violentier auferre ipsum jus naturæ prohibet. In præsentia ergo statutum hoc dici potest contra jus commune negative, non tamen contrarie: quia jus commune, & canonicum, non facit inhabiles ad religionem hujusmodi habentes defectum originis. Nullum est tamen jus canonicum, quod præcipiat eos esse habiles ad omnem religionem, seu quod prohibeat eos excludi ab aliqua religione: nullum enim tale jus Navar. affert, neque opinor afferri posse. Statutum ergo posi-

tive contrarium juri communi non potest fieri per inferiorem Summo Pontifici, ut bene probat Navar. Probabile etiam est generalem clausulam, per quam datur potestas a Summo Pontifice ad condenda statuta, non extendi ad statuta positive contraria juri communi, quia juri communi non derogatur per generalia verba, nisi id simpliciter necessarium sit, ut habeant convenientem effectum: est enim illa potestas quoad hoc odiosa, & ideo restringenda. At vero statutum, quod solum negative est contrarium juri communi, fieri potest per potestatem inferiorem Summo Pontifici; magis enim repugnat statuto valere contra jus naturale, quam contra humanum superioris prælati; ergo si statutum solum negative contrarium juri naturali potest esse contrarium, multo magis negative contrarium juri canonico. Ratio vero a priori est, quia tale statutum non est contrarium voluntati Pontificis, nec legi ejus: ergo ex illa contrarietate non est invalidum. Unde in rigore illa non est contradictio, seu oppositio, sed additio, vel effectio alicujus moralis effectus, quem Pontifex lege sua facere nolit, non prohibet autem fieri ab habentibus potestatem. Ex quo a fortiori sequitur, sub generali potestate data a Papa ad condenda statuta, includi illa, quæ cum alijs honesta sint, non sunt positive contraria juri communi, etiam si negative dicantur contraria, quatenus aliquid auferunt, vel irritant, quod jus commune non aufert, vel irritat, quia per hoc nihil derogatur juri communi, nec talis potestas odiosa est, & ideo non est restringenda, sed potius amplianda, tamquam Principis beneficium.

6. Primum ergo fundamentum Navar. in num. 3. ex dictis manifeste solum est. Secundum autem parvi est momenti; nam licet solemnitas voti quoad illos effectus legales, in quibus ipsa consistit, sit de iure Pontificis, & non de particulari alicujus religionis, nihilominus particulares conditiones necessariæ ad tale votum emittendum possunt ab unaquaque religione, juxta modum sibi convenientem, sanciri, & in his aliquid addere, quod jure communi requisitum non sit; & nihilominus in tali religione sit necessarium ad professionis, vel receptionis valorem. Quod probor ad hominem, evidenti exemplo; nam jure communi solum est necessaria ætas 16. annorum ad faciendam validam professionem, & nihilominus potest aliqua religio statuere, ut in ea non fiat, usque ad 18. vel 22. annum, & antea facta valida non sit, ut est communis sententia, quam præcedenti tom. tractando de professione in genere probavi, quamque ipse Navar. manifeste ut veram supponit, consil. 24. de regul. quod incipit, *Quinque questiones* in quæst. 2. ratio vero reddi potest, quia licet status religiosus in genere non postulet hanc, vel illam conditionem in his, qui ad illum recipiendi sunt, ut convenientem ad communem finem illius status: fieri tamen potest, ut ad finem illius status determinari ad tale institutum conditi illa moraliter expediat: ergo oportet, ut talis conditio per aliquod jus statui possit; non potest autem hoc pertinere ad jus commune, quia illud (ut ipsum nomen præ se fert) commune est omnibus religionibus; ergo necesse est, ut in religione sit potestas ad tale jus proprium, & speciale condendum. Nec oportuit semper hanc potestatem in particulari a Pontifice postulari: nam si alia, quæ ad religionis regimen spectant, per generalem concessionem commissa sunt, cur non etiam hæc potestas? Accedit etiam alia ratio, quod nimirum potestas recipiendi in tali religione, & acceptandi professiones, & vora, per se primo est in tota hac religione; & ipsa potest ampliare, vel limitare potestatem suorum prælatorum circa hujusmodi actum: ergo potest limitare hanc facultatem ad personas habentes, tales, vel tales condiciones, quas rationabiliter judicat sibi convenientes, ita ut illa potestas ad alias personas non extendatur, sicut declaravimus posita esse in Societate quinque prima impedimenta jam explicata. Unde etiam intelligi potest quædam notanda differentia inter admissionem ad talem religionem, & ad beneficium Ecclesiasticum, ut canonicatum, &c. a quibus etiam videtur Navar. sumere argumentum, quia Episcopi, vel Ecclesiæ particulares non possunt circa hoc simile impedimentum sine approbatione vel confirmatione Pontificis ponere. Est

Disarimen.
inter admissionem
ad religionem,
& ad beneficium
Ecclesiasticum.

autem

autem ratio diversa, tum quia religio habet quasi antecedentem concessionem & confirmationem Apostolicam per generalem clausulam supra n. 3. allatam, quam alii fortasse non habent, & qua citatus Saneius contentus esse videtur: tum maxime quia beneficia Ecclesiastica sunt veluti communia bona Ecclesiæ, quæ ex vi suæ institutionis communi quodam jure distribuenda sunt, & ita nemo potest excludi ab eorum participatione, nisi auctoritate universalis dispensatoris talium bonorum; in admissione autem ad religionem ipsa distribuit, seu communicat (ut sic dicam) quoddam bonum, sibi quodammodo proprium, scilicet, Societatem suam, seu unionem secum, & ideo talis boni communicatio ad ipsam specialiter pertinet; potest ergo illud communicare quibus sibi expediens judicaverit, & non aliis. Denique si hæc receptio consideretur, ut contractus quidam inter religionem, & conversum, etiam ex hoc capite liberum est religioni contrahere cum his conditionibus, & sine illis nolle, ut contractus validus sit. Unde nihil etiam obstat, quod de impedimento canonico inhabilitante dicebatur, tum quia hæc personæ non sunt positive habiles jure canonico, sed tantum negative, id est, per illud non factæ inhabiles, & hoc modo ad addendum impedimentum præter jus canonicum non semper est specialis potestas Pontificia necessaria, sed generalis concessio sufficit: tum maxime quia hoc impedimentum non necesse est intelligi ex parte personæ recipiendæ, irritando illius consensum, ad quod forte necessaria est major potestas: sed hic sufficienter intelligitur ex parte religionis, quia ipsa non vult præbere consensum suum, sine quo talis contractus validus esse non potest.

C A P U T I I I.

Quæ probatio antecedere debeat, quæve conditiones servandæ sint, ut aliquis convenienter in Societatem recipiatur?

Generalis
resolutio
huius ca-
pituli ex
instituto
Societatis

Potest hoc inquiri tam ex parte ingressuri, quam ex parte habentis potestatem admittendi illum; & quoad utramque partem sufficienter provisum est in constitutionibus Societatis, in prædicto Examine c. 3. & 4. & in 1. p. Const. c. 3. & 4. unde unico verbo respondere possemus, si ea omnia servantur, quæ ibi præscribuntur, satisfactum iri interrogationi propositæ quoad utramque personam. Ut tamen breviter ostendamus, quam sint illa, & antiquitati Ecclesiæ, & rationi consentanea, ea breviter perstringemus, & primo declarabimus obligationem ex parte Societatis, & inde facile constabit, quid de ipso petente admitti dicendum sit.

Prima Conclusio.

1 Primum ergo, ut hæc receptio debite fiat, diligenter curandum est, ut intelligatur, an persona habeat dotes naturæ, & gratiæ convenientes huic instituto, juxta aliquem gradum ejus tali personæ accommodatum, & consequenter an habeat plures, aut aliquos defectus, ex his, quæ in prædictis constitutionibus numerantur, & prædictas dotes excludunt, vel notabiliter minuunt. Totæ hæc assertio per se est consentanea rationi, quia nihil magis est debitum religioni, nec magis necessarium ad conservationem ejus, quam ut hi, qui recipiuntur, apti, & idonei sint ad finem talis religionis, ut omnes antiqui Patres religionum docent; & præsertim Basil. regul. 10. ex fusius disputatis, & regul. 94. & seqq. & regul. 107. & 112. ex brevioribus, & optime Bonaven. in 4. p. opusculorum in expositione suæ regulæ q. 10. per totam, ubi ostendit, neque ipsi religioni, neque Ecclesiæ Dei expedire, ut omnes admittantur. *Omnes* (inquit) *passim recipere non expedit nobis, neque Ecclesiæ Christi: nobis non, quia variæ sunt conditiones hominum, qualitates, & mores.* Hinc etiam Nicol. III. in c. *Exiit, qui seminat*, §. *Verum quia*, vers. *sed quoniam*, de verb. signif. in 6. graviter commendat prælati Minorum, ne indifferenter omnes admittant ad ordinem, sed eos tantum, qui *suffragantibus eis literatura, idoneitate, vel aliis circumstantiis, possint utiles esse ordini, sibi que per vitæ meritum, aliis que proficere per exemplum.* Similia habet Martinus V. in suis constitutionibus cap. 2. Sic igitur B. Ignatius 1. p. Const. c. 1. §. 3. *Plurimum referre (ait) ad divinum servitium convenientem haberi delectum eorum, qui admis-*

Confir-
matur Pa-
trum te-
stimoniis.

suntur, & diligentiam adhiberi, ut intelligatur, quæ eorum sint dotes, & vocatio. Ubi in declaratione sit. Copiose dicit, *ut par est sollicite cooperari vocationi, & motioni divine, curando, ut augeatur in Societate numerus operantium vineæ Christi Domini nostri, ita diligenter considerare oportet, ne quis admittatur, nisi qui donis illis Dei præditus sit, quæ hoc institutum ad ipsius gloriam exigit.* Et in c. 2. & 3. magis in particulari dotes, conditiones necessarias, & utiles describit, de quibus statim pauca dicemus. Et c. 4. iterum subjungit. *Nobis in Domino valde persuademus ad hoc, ut divina, & summa majestas ministerio hujus minime Societatis uti dignetur, multum referre, ut qui ad eam admittuntur, non solum diu probentur, antequam in ejus corpus coaptentur, verum etiam, ut valde noti sint, antequam ad eam probationem admittantur.* Ac eadem p. 10. §. 7. *Ut perpetuo* (inquit) *totius hujus corporis bonus status conservetur, conferre plurimum, quod in 1. 2. & 5. p. dictum est de turba, & hominibus ad nostrum institutum ineptis, ut ne ad probationem quidem admittantur.* In quibus verbis docere voluit B. Ignatius, non esse homines in Societate recipiendos, solum propter illam augendam, seu propagandam, quia bonum ejus, non in personarum multitudine, sed probitate, & aptitudine ad ministeria consistit. Quod de religionibus omnibus Mendicantibus prudenter admonuit Cajet. 2. 2. q. 188. art. 7. ad 1. Imo in simili id docuit Innoc. III. c. *cum sit*, de ætat. & qualitat. dicens. *Sane minus est paucos bonos, quam multos malos habere ministros, quia si cæcus cæco ducatum præstet, ambo in foveam dilabuntur.* Loquitur autem de sacerdotibus, ad quos pertinet regimen animarum, quæ est (inquit) *ars artium.* Unde cum omnibus religionibus hæc animadvertio conveniat, maxime est in Societate necessaria, eo quod religio clericorum sit, & ad animarum ministerium instituta. Quare optime etiam illi accommodatur, quod dixit Clemens Papa in epist. 2. *Melius est enim Domini sacerdotum paucos habere ministros, quam multos inutiles, qui onus grave ordinatori adducant.* Habetur in cap. *Tales*, d. 23. ut omittam eo hujusmodi ministros in majori æstimatione ab hominibus haberi, quo rariores sunt, juxta illud Hieronymi; *Quod rarum est, plus appetitur, diaconos paucitas honorabiles, presbyteros turba contemptibiles facit*, c. *Legimus*, d. 43. ex epist. 85. ad Evagrium. Sic etiam referunt solitum esse B. Fraciscum dicere; *Utinam fratres mei essent adeo parvi, ut quando homines viderent illos, mirarentur.* Denique hoc etiam illud confirmat, quod multitudo sine delectu congregata, quod B. Ignatius turbam vocavit, non potest convenienter, & cum fructu totius corporis gubernari. Nam etiam Aristoteles dixit 3. Polit. cap. 11. plurimorum politiam difficile bonam esse, quia plures ad virtutem ducere arduum est; quanto ergo erit difficilius, ad perfectionem virtutis eam perducere, maxime si absque delectu personarum congregata est. Propter quod tandem dixit Bonavent. q. 19. inter causas, propter quas aliqua religio a suo primo fervore discedit, præcipuam esse multitudinem intrantium, si non cum magna prudentia recipiantur.

Circa
re-
gulam in
introduc-
tione q. 3.
refert.

3 Atque hinc tandem nota est assertionis ratio; quando enim persona, quæ Societatem ingredi cupit (in quo eadem proportio est de qualibet alia religione), sufficienter cognoscitur quoad omnes conditiones, & qualitates suas, tunc cessat necessitas alterius diligentie, solumque oportet rectitudinem observare, ut non privato affectu, sed intuitu majoris boni, primum religionis, deinde religiosi, receptio vel fiat, vel denegetur; in quo gravis culpa committi poterit vel contra justitiam fortasse respectu religionis, vel contra charitatem respectu conversi, si ex pravo affectu, vel notabili negligentia, aut idoneus repellatur, aut admittatur indignus. Si autem conditio, & capacitas personæ cognita non est, imprudentissimum profecto erit, talē personam statim admittere sine sufficienti inquisitione, & examinatione. Nam vel admittitur, ut, qualiscunque sit, retineatur; & hoc est in magnum religionis præjudicium, ut ex omnibus dictis constat: quod maxime verum est in Societate, propter finem, & gravissimas actiones, quibus incumbit, quia sic facile fieret, ut ad suum finem consequendum inutilis redderetur, quod etiam in maximum Ecclesiæ detrimentum redundaret. Vel recipitur, ut si

postea minus idoneus reperitur, statim repellatur; & hoc etiam, & ipsi personæ injuriosum est, quia turpius postea ejiceretur, quam antea non admitteretur. Religionem etiam hoc esset onerosum, tum propter inutiles labores, & sumptus in hujusmodi personis positos; tum etiam, quia non sine nota, & scandalo aliorum fieret tam temeraria receptio, & frequens dimissio.

Secunda Conclusio.

4 Secundo ergo principaliter colligo, & assero convenientissime in Societate prescriptas esse duas diligentias ante hanc receptionem præmittendas. Una est examinatio ingredi volentis. Altera est probatio ejus, quæ vocatur prima in hac religione, quia cæteras antecedere debet, & post illam aliæ sequuntur ante professionem: vel etiam dicitur prima, quia est ad primum ingressum. Circa examinationem recolendum est, quod supra initio hujus 2. libri dixi, hic non esse sermonem de his, quæ necessaria sunt juri communi, sed speciali Societatis. Hic ergo non agimus de examinatione, aut inquisitione ex vi Constitutionis Sixti V. agenda, quæ novior est, quam Societatis Constitutiones, & servanda in Societate, sicut in aliis religionibus, nisi specialem alicui declarationem, seu concessionem circa illam habeat a Sede Apostolica, cujusmodi est illa Gregor. XIV. quæ incipit, *Exponi nobis*. Vel nisi uti velit quicumque moderatione in hac parte alteri religioni concessa; nam id etiam facere poterit per viam communicationis, ratione suorum privilegiorum, nisi in ipsa concessione talis communicatio specialiter prohibita sit. Denique inquisitio illa Sixti V. ab aliis personis de ipso converso præcipue petenda est. Hæc autem examinatio, quæ in Societate præscribitur, cum ipso immediate peragitur; ipse enim est, qui interrogari debet, & qui se ipsum manifestare, per varias interrogationes cogitur, quæ in dicto cap. 3. Examini fusc proponuntur, & omnes eo tendunt, ut personæ capacitas, naturalis, & habitus dispositio, & actualis vocatio, seu conversio probe cognoscatur: ex his enim tribus capitibus maxime pendet dignitas, seu idoneitas personæ ad tale institutum. Neque oportet de his interrogationibus plura in particulari dicere, quia res est clara, & tantum prudentialis; aliquid vero statim attingemus, declarando impedimenta, quæ huic ingressui aliquo modo obstat possunt, quamvis non irritent.

5 Dicitur vero aliquis hujusmodi examinationem parvi esse fructus, si nulla exigitur probatio, præter proprium testimonium conversi de se ipso, qui facile poterit, (quod humanum est) exaggerare bona, & defectus vel occultare, vel minuire. Respondeo, imo rem esse magni momenti. Primo, quia ipse conversus in conscientia tenetur sincere, ac pure veritatem aperire. Nam eo ipso quod vult, quasi pactum cum Societate inire, & ideo examini voluntarie se subijcit, iuste interrogatur, & consequenter veritatem aperire tenetur: neque etiam quasi bellum iustum ex utraque parte esse potest. Declaratur: nam si quis cum alio convenire velit in emptione equi, vel alterius rei similis, & ejus conditiones inquirat, quæ ad rem faciunt, & ad suam utilitatem, vel commoditatem spectant, tenetur sine dubio veritatem respondere: multo ergo magis in præsentia, quia negotium gravius est, & receptio magis liberalis, & voluntaria. Quis porius tantam esse censo hanc obligationem, ut si quis nimium in hac falsitate excederet, & deciperet religionem in rebus gravius momenti, & quæ redderent personam prorsus inutilem ad talem religionem, fieret receptio nulla: non quia in tali persona sint impedimenta inhabilitantia personam; sed quia religio decepta in re substantiali non videtur consentire receptioni, quia talis ignorantia involuntarium causat juxta superiori tomo dicta de professione ex ignorantia facta: quando autem deest consensus legitimus recipientis, receptio invalida est, argumento cap. ultim. cum Glossa de regular. in 6. Hoc tamen certum non est. Navarrem in consil. 48. de regular. quod incipit, *Primo queritur*, tractans, an professio facta tacito morbo G.uto, vel contagioso nulla sit? Responder, si religio habet statutum confirmatum a Papa annullans talem professionem, illam esse nullam; si autem non habet tale statutum, attento jure communi, non esse nullam. Non reddit autem aliam rationem, nisi

quia ægritudo etiam mortifera non annullat professionem. Supposito autem, quod impedimentum non inhabilitet personam, nullum videtur posse esse majus, nec reddere religionem magis involuntariam, quam similis ægritudo, vel deceptio circa illam; sed hoc in particulari pendet ex judicio prudentiali; nam in generali dubium non est, quin dolus possit esse tantus, ut omnino tollat consensum ad inducendam obligationem, ut in simili dixit idem Navar. consil. 46. de regular. quod incipit, *Hæc*, nu. 4. cum Panorm. in cap. cum dilectus de his, quæ vi. Et ideo dixi debere esse deceptionem in substantialibus, quia illa plane tollit consensum, ut in quolibet alio contractu constat. Bene autem addit Navar. in priori loco, si talis deceptio sit in re gravi, etiam si non annullat actum, peccatum esse mortale, propter quod potest prælatus expellere talem personam a religione, & privare habitu.

6 Deinde responderetur ad interrogationem factam, examinationem hanc, aliis etiam rationibus esse valde utilem, tum quia in illa multum cognoscitur persona, & judicium ejus in modo respondendi, & in multis aliis, quæ occasione talium interrogationum occurrere solent: tum etiam quia examinatio non semper est simpliciter interrogatione contentus, sed quantum potest, insistere debet, & aliquando etiam experiri, an ita sit, quod ab alio responderetur. Denique, quia licet interrogationes primo fiant ipsi converso, non prohibetur, quin ubi oportuerit, major inquisitio, & veritatis examinatio fiat, cujus rei occasio ex responsionibus ipsius petentis sæpius sumi potest.

7 Secunda diligentia, est prima probatio ejus, qui recipiendus est, quæ in Societate fieri debet, antequam ad communem convictum quis admittatur. Nam licet ex prædicto examine nihil resulet, quod receptionem quoquo modo impedire valeat, sed persona appareat idonea juxta ea, quæ institutum exigit; non est contenta Societas, sed probare etiam vult, quoad commodum potest, an hoc ita sit, & præsertim quoad vocationem, & constantiam ejus: & quoad capacitatem ad spiritualia exercitia, & ad literarum profectum, vel ad corporales labores, si in eis exercendus sit. Propter hanc ergo causam in Examine cap. 1. § 13. statuitur, ut recipiendi hospitum more, ad duodecim, vel quindecim dies in loco aliquo separato commorentur, ut ibi probentur, priusquam recipiantur. Quod genus probationis satis consentaneum est tam juri, quam antiquæ consuetudini religionum. Primum patet ex cap. Si quis incognitus, 17. q. 2. ubi probandi dicuntur, qui religionem ingredi volunt, antequam ad habitum recipiantur. Idem sumitur ex cap. Monasterii, 19. q. 3. Secundum patet ex Casiano lib. 4. de institutis renuntiantium cap. 3. ubi refert mirabilem probationem, quæ inter antiquos illos Patres in usu erat. Nam conversus diebus decem, vel eo amplius detinebatur pro foribus excubans, indicium perseverantiæ, ac desiderii sui, pariterque humilitatis, ac penitentiae demonstrans, & genibus omnium fratrum provolutus, opprobriis, & injuriis ab omnibus tolerantia ejus probabatur. Et ad idem alludit cap. 32. ubi Pynuphius Abbas sic ad quendam, quem recipiebat, alloquitur: *Nosti, quot diebus pro foribus excubans, hodie sis receptus*. Benedictus etiam in regula cap. 58. ait non esse facile concedendum ingressum petenti, sed consilium Evangelistæ Joannis ex epistol. 1. cap. 4. servandum est: *Probate spiritus, an ex Deo sint*; ad quem finem ait, prius extra monasterium detinendus esse per aliquot dies, & patientiam ejus, tum dilatione, tum etiam aliquibus injuriis probandam: postmodum vero intra monasterium in hospitio esse detinendum per aliquot dies, priusquam ad novitiatum admittatur. Quæ non sunt a mente Basilii aliena, ut ex regula 10. ex fusioribus, & ex aliis supra citatis, intelligi potest, & idem colligitur ex regula Pachomii c. 26. & ex Joanne Climaco gradu 4.

8 Primum autem probationis genus in hoc tempore, quo prima probatio durat, est videre, & considerare diplomata Apostolica instituti Societatis, & constitutiones, ac regulas, quas unusquisque in ea est observaturus, ut in prædicto loco Examini dicitur. In quo duo aguntur. Unum est, ut qui ingreditur, majorem cognitionem, & lucem habeat utatus, quem assumit; aliud est, ut Societas magis, ac magis probeat constantiam ejus, dum

De prima diligentia ex parte Societatis faciendæ, quæ est recipiendi examinatio.

Secunda solutio.

De secunda diligentia, quæ est ipsius recipiendi probatio prima.

Genus hoc probationis juri, & consuetudini antiquarum religionum esse consentaneum.

Obiectio.

Solvitur primo.

Gravis deceptio invalidat receptionem ad novitiatum.

Primum hujus probationis genus, & a B. Ignatio commentum.

dum considerata perfectione, & difficultate instituti in ejus amore, ac desiderio perseverat. Illud enim B. Ignatius maxime commendatum reliquit, nimirum, ut dispositio, & constantia, ac stabilitas ejus, qui ingredi vult, diligentissime inspicatur, & examinetur, ut patet ex cap. 2. Examinis §. 13. & 14. Et 1. p. Constit. cap. 3. §. 10. & 11. Fuitque consilium B. Basilii loco proxime citato, & in Const. Monast. cap. 20. & S. Bonaventuræ in expositione suæ regulæ cap. 2. Quoniam autem Societas religio (ut diximus) clericorum est, in hoc modo probationis constantiam imitari voluit Ignatius & antiquos Canones, & priscarum religionum mores. Sic enim in 6. Synodo cap. 2. a promovendo in Episcopum canones, & regulæ, quas in eo munere observaturus erat, legendæ, & considerandæ dicuntur, & non prius consecrandum esse Episcopum, quam ea se posse, & velle servare, profiteatur: quod latius etiam habetur in athenica, *Quomodo oportet Episcopos, §. Si detur*. De Episcopis autem, ac cæteris clericis, sic dicitur in Conc. Carthagin. III. cap. 3. & habetur in cap. 7. d. 38. *Placuit, ut ordinandis Episcopis, vel clericis prius ab ordinantibus suis decreta Conciliorum auribus eorum inculcentur, ne se aliquid contra statuta Concilii fecisse pœniteat*. Et in Conc. Tol. IV. c. 25. & habetur in c. 2. ead. d. 38. *Quando presbyteri (ait) in parochiis ordinantur, libellum officialem a suo sacerdote accipiant, ut ad Ecclesias sibi deputatas instructi accedant*. Ubi liber officialis dici videtur, qui obligationes proprii muneris, & officii, seu status assumendi, continet, ut Archidiaconus notavit. Quod vero ad religiosos spectat, D. Benedictus d. c. 58. suæ regulæ generatim dicit, ut cupienti ingredi res asperge, & difficiles, quas observaturus est, proponantur. Ubi Smaragdus in expositione illius regulæ idem ex Augusti. & Ildoro refert. Et sine dubio est per se valde conveniens, ut majori cum luce procedatur, ne genus aliquod ignorantie, aut deceptionis possit postea novitius alle-

ex sua generali ratione necessaria sunt. Quia vero amplectitur magna ex parte, & cum magna perfectione vitam contemplativam, postulat, quoad fieri possit, naturam, & mentem huic exercitio accommodatam; non enim omnes apti sunt ad otium, & quietem contemplationis, ut supra tract. superiori cap. 1. n. 2. ex Gregorio referebamus. Quia vero principaliter hæc religio ordinatur ad perfectissimas actiones, quæ ultra divinam gratiam multa naturæ dona, magnamque prudentiam, & eruditionem requirunt: ideo in his omnibus, quoad fieri potest, magna perfectio, vel dispositio ad illam in iis, qui admittuntur, desideratur. Denique quia difficile est hæc omnia in unum conjungere, & non nihil potest esse periculi in externis actionibus, & præsertim in peregrinationibus, & missionibus, ad quas maxime Societas, ex vi sui instituti, dicata est, ideo quædam naturæ, & passionum moderatio in admissio postulat, quæ sine nimia difficultate per virtutis exercitium perfici possit. Si ergo juxta hujus rationis vim expendantur omnia, quæ circa hoc ordinantur in cap. 2. 1. part. Constitutionum, manifeste constabit veritas assertionis propositæ. Nam in coadjutoribus temporalibus, inter alia, quæ omnibus communia esse debent, specialiter postulatur, ut sint forte Marthæ in Societate contenti, ætate, & viribus, ad labores corporis, qui in Societate se offerunt, sufferendos præditi, & ut homines difficili admodum ingenio non sint. In cæteris vero, qui ad spiritualia ministeria admittuntur, capacitas ingenii, indoles boni judicii, & sufficiens memoriæ tenacitas postulatur; quoad voluntatem vero, ut universæ virtutis, & perfectionis spiritualis studiosi sint, quieti, constantes, & strenui in his, quæ ad divinum servitium aggrediuntur. Et (quod Societatis proprium est) ut zelum habeant salutis animarum, & de ea causa ad hoc institutum sint affecti. Deinde in his, quæ ad corpus spectant, imprimis conveniens ætas, quæ ad hunc primum ingressum, de quo agimus, designatur, saltem 14. annum excedat. Deinde petitur bona valetudo, vires sufficientes ad sustinendos instituti labores, & species exterior honestas, & apta ad ædificationem proximorum, & exoptanda dicitur sermonis gratia, ad agendum cum proximis per necessaria. De aliis vero externis fortunæ bonis, ut sunt nobilitas, & similia, optime adjungitur, nec per se sufficere, nec necessaria esse, non tamen esse parvipendenda, si aliis adjungantur.

De impedimentis personam minus idoneam ad Societatem reddentibus.

12 Et juxta hæc (quo secundæ parti tituli hujus capituli satisfaciamus) statim in cap. 3. ejusdem primæ partis Constitutionum impedimenta ponuntur, quæ secundaria appellantur, quia non omnino excludunt, sed personam minus idoneam reddunt, & tot possunt multiplicari, ut nullo modo expediat talem personam admittere. Quædam ergo ex illis ad intellectum pertinent, ut tarditas ingenii, aut defectus memoriæ, aut judicii, quæ intelligenda existimo, quando notabilia sunt, ita ut mediocritatem etiam non attingant. Circa judicium autem prudenter, & merito adnotatur, multum posse impedire *obdurationem in proprio sensu*, quia in omni congregatione magnum solet facessere negotium.

Quoad voluntatem vero imprimis ponitur *natura difficilis ad virtutem* propter vehementes affectus, qui voluntatis domari vix posse videantur: deinde *peccatorum habitus* tanta consuetudine obfirmati, ut de illis non magna emendatio speretur. Et huc etiam pertinere existimo, quod ibi subiungitur, de *indiscretis devotionibus*, quæ solent esse causa illusionum, & errorum: tunc enim hoc habet locum, quando hæc abierunt in consuetudinem inveteratam, a qua difficile quis dimoveretur. Tandem additur, *defectus actualis dispositionis debite*, qualis est intentio non satis recta, vel non satis firma, & constans circa status mutationem, & circa affectum ad talem religionem; non enim satis est habere firmum propositum, vel ferventem affectum circa religionem in genere, si circa Societatem in particulari animus sit remissus, vel parum firmus, quia illa non est dispositio satis accommodata ad talem formam: neque ex illa magna utilitas talis personæ in Societate sperari potest. Quoad corpus vero ponuntur defectus contrarii perfectionibus supra numeratis, ut sunt, *debilitas corporis*.

Contentum etiam est sacris Canonibus.

Conditiones in coadjutoribus temporalibus requiruntur.

Conditiones ad spiritualia ministeria receptorum.

Vide Barts. in leg. ult. §. de decr. ab ord. faciend. &c.

Secundum ejusdem probationis genus.

Tertium probationis genus.

Ratio generalis pro conclusione.

gare. Propter quod dixit Præpositus in d. cap. placuit, non posse novitium allegare ignorantiam, quando constitutiones, & regulæ illi fuerunt specificè declaratæ.

9 Secundum genus probationis, ac simul præparationis, est, ut ingrediens his diebus in actionibus spiritualibus meditationis, ac pœnitentiæ exerceatur, & confessionem generalem faciat, ac tandem sacramentum Eucharistiæ accipiat; ita habetur in c. 4. Examinis §. 41. & 1. p. cap. 4. §. 6. Quæ omnia sancte instituta esse, per se manifestum est: & duos etiam habet fines. Unus est, quia hoc modo probatur capacitas, & propensio ad exercitia spiritualia, & corporis asperitatem. Alius est, quia hoc modo simul disponitur ad majorem Dei gratiam, & auxilium recipiendum, ut majori fervore, & animi puritate perfectionis statum aggrediatur. Unde similis regula de confessione generali præmittenda Cisterciensis cap. 35. num. 155. Idem etiam consultit Bonaventura in speculo disciplinæ cap. Turrecr. tract. 128. in regulam S. Benedicti. Et videri potest Alen. 4. p. q. 77. memb. 5. art. 3. Hoc etiam confirmat favor Summorum Pontificum varias indulgentias, & gratias concedentium his, qui religionem ingrediuntur, ut sic melius sint dispositi ad auxilium divinum obtinendum, atque ita in Societate conceditur per communicationem ex privilegiis Minorum, indulgentia plenaria, & omnium peccatorum remissio, ut ex compendio privilegiorum constat, verb. *Indulgentia*, §. 4.

10 Tertio solet etiam, qui recipitur, si ad gradum scholasticum est dirigendus, probari in his, quæ ad doctrinam, & ingenii specimen pertinent, ut constat ex 1. part. Constit. c. 4. §. 5. Si vero ad ministeria temporalia recipiatur, in his actionibus, quæ ad vires corporis pertinent, diutius probari solet judicio superioris juxta varietatem personarum, decenti modo, & unicuique accommodato. Quæ omnia per se sunt adeo rationi cōsentanea, ut nulla alia ratione, vel declaratione indigeant.

Tertia Conclusio.

11 Dicendum tertio est, convenienter postulari, & designari in Constitutionibus Societatis doctores, seu conditiones requisitas in his, qui ad illam admittendi sunt, & impedimenta, quæ aut prohibere, aut difficilem reddere possunt ingressum. Ratio generalis sumenda est ex fine Societatis: nam cum sit status religionis valde perfectus, requirit imprimis ea omnia, quæ ad hunc statum

Suarez, Tom. XV.

De impedimentis intellectus.

De impedimentis voluntatis.

De impedimentis corporis.

*morbus, notabilis deformitas, & defectus integritatis corporis, vel legitime ætatis, sive per defectum, si sit valde tenera, sive per excessum, si sit nimium provecta, qualis censetur in regulis provincialis cap. 4. n. 36. quoad defectum annus infra 15. & quoad excessum supra 50. In quo, cum sit certum, excessum ætatis nunquam esse impedimentum irritans, si iudicium integrum sit, de aliquo extremo per defectum dubitari potest. In qua re certum est ex hac constitutione, non habere Societatem in hoc speciale impedimentum ex suo proprio jure. An vero juxta commune Conc. Trident. in ea locum habeat, dicemus melius infra lib. 3. cap. 6. a. n. 2. Nam quod attinet ad primum ingressum, certum est nullam definitam ætatem esse substantialem (ut sic dicā), nisi quatenus ad secundum ingressum, id est, ad incorporationem per tria vota substantialem proportionata ætas potest esse necessaria. Tandem quoad externa bona pro impedimento ponitur *ut alienum, & civiles obligationes*, in quo nihil speciale adjungitur, & ideo, quæ tom. superiori in communi circa hoc diximus, de ingressu religionis ad Societatem prudenter applicanda sunt. De defectu autem originis nihil illo loco dicitur. In cap. vero 3. Examinis inter alia interroganda unum est; *an aliquis ex ejus progenitoribus notatus fuerit, vel declaratus ob aliquem errorem contra nostram Christianam religionem, & quomodo id sit.* Quamvis ergo ex hoc capite non esset tunc positum absolutum impedimentum, semper tamen in consideratione habendum fuit, ut juxta temporum, & locorum opportunitatem id fieret, quod cum religionis securitate ad majorem edificationem judicaretur expedire: quid autem in hoc additum sit, jam explicuimus in cap. 2.*

13 Ex his ergo concluditur, ut receptio in Societate, ex parte recipientis, legitime fiat, supposita potestate, quæ primario in Generali, & per illum in Provincialibus existit, non posse aliam regulam assignari nisi prudentiam. Quia non omnia, quæ explicata sunt, in singulis admittendis simul sunt semper postulanda; neque singuli etiam ex dictis defectibus impediunt semper, quominus receptio licite fiat; alioquin difficile esset aliquem legitime admittere, quia rarum est invenire homines, qui simul omnibus prædictis donis naturæ, & gratiæ præditi sint, & nullum ex dictis defectibus habeant. Et hoc significavit B. Ignatius in fine cap. 2. Constit. dicens: *Que tamen mensura omnibus in rebus teneri debeat, unctio sancta divine sapientiæ eos docebit, qui id cura ad ejus obsequium, ac laudem uberiorem susceperunt.* Et in fine cap. 3. solum dicitur, quo plures ex dictis defectibus, seu impedimentis secundariis, qui habuerit, eo minus idoneum esse, ut in Societatem recipiatur. In quo clare significatur, non obstante uno, vel alio impedimento, ex supradictis posse esse aliquem idoneum, ut non solum valide, sed etiam merito recipiatur. Ac propterea admonetur ibi, qui admittendi facultatem habet, *ne privato affectu ducisse sinat*, quia nimirum perturbare solet prudentiæ iudicium: ergo supponit dari locum in hoc negotio prudenti arbitrio. In utroque autem loco optima quidem regula in declaratione significatur, scilicet, quando aliquod ex prædictis impedimentis intervenit, vel defectus aliquis in aliquo ex prædictis donis animæ, & corporis, attendendum esse, an in aliis donis tantus sit excessus, ut secundum rectam rationem talis defectus compensari videatur: sic enim pensatis omnibus, poterit esse persona idonea, & digna, non obstante aliquo simili defectu. Quæ compensatio maxime locum habebit, quando defectus non est in vocatione, quoad intentionem, & firmitatem ejus; neque in aptitudine, & docilitate ad virtutem: nam hi defectus de se impensabiles plane videntur, nisi prius per divinam gratiam, & liberi arbitrii cooperationem, per nonnullam consuetudinem, seu perseverantiam, corrigantur. Occurrebat autem hic questio, an hæc potestas admittendi ad Societatem merito committatur solis Prælati, cum solo consilio suorum consultorum, vel assensuum, vel potius committi debuerit communitati ad plura suffragia, vel alicui congregationi, seu electioni plurium personarum? Ab aliquibus enim in dubium hoc revocatum est propter consuetudinem aliquam religionum, & propter quendam motum Sixti V.

de illegitimis. Sed hæc questio attingit aliam universaliorem de regimine monarchico Societatis, quod in hoc actu eandem rationem habet, quam in aliis non minus gravibus, & ideo infra in sua generalitate tractabitur. Nunc solum dicimus, ipsummet Sixtum V. suammet constitutionem quoad Societatem moderatum fuisse, & post illum Gregor. XIV. in propria Bulla de Confirmatione instituti Societatis, hoc punctum inter alia expresse probasse, & confirmasse, dicens. *Novitio etiam tam in prima eorum admissione ad Societatem, quam ad scholasticorum vota post biennium novitatus, juxta Societatis morem, per superiores admittendos esse.*

14 Ultimo colligitur ex dictis, quid ex parte admittendi necessarium sit, ut debito modo ingrediatur. Nam præter ea, quæ ex communi ratione assumendi statum religionis necessaria sunt, & in superiori tomo sunt notata, nihil fere hic addendum est, nisi ut illa omnia cum proportionem ad talem religionem applicentur; maxime vero, ut sincere in examine procedatur veritatem in omnibus aperiendo; solum enim in fictione aliqua huic veritati contraria potest gravis culpa in hoc negotio committi ex parte ingressuri; nam cætera omnia magis spectant ad consilium, ut res adeo gravis meliori modo fiat.

C A P U T I V.

An recte, & sub qua necessitate integrum biennium assignatum sit pro novitiatu in Societate.

1 PRO hac secunda probatione supponenda sunt ea, quæ superiori tomo de novitiatu religionis generaliter diximus: solumque explicanda sunt hic ea, quæ in hac parte Societati sunt propria: nam cætera illa, quibus per speciale institutum Societatis non derogatur, servanda in ea sunt, cum ad statum religiosum ut sic pertinere videantur. Supponenda vero est in hac secunda probatione, seu novitiatu, Societatis Constitutio, quæ sic habet in Examin. cap. 1. §. 12. *Antequam quis admittatur ad professionem, vel simplicia vota, biennium integrum ad probationem habebit.* Quod in cap. 4. §. 16. reperitur. Quod tempus in eisdem capitulis in 1. §. 12. in 4. §. 43. prorogari posse dicitur, si nondum plene Societati satisfecerit, ita ut integrum iudicium de illius dimissione, vel admissione facere possit. Hoc ergo est unum ex capitibus, quod Societati obijci solet, eo quod & novum hoc sit, cum antiquissimæ religiones uno anno novitiatus contentæ fuerint, ut ex regula Benedicti, & aliis constat. Et sic etiam singulare: nam unus annus novitiatus communi omnium religionum consensu receptus est, & jure antiquo c. 1. 17. q. 2. & novissimo Conc. Trident. approbatus. Non ergo debuit Societas in hoc esse singularis. Quæ obiectio multo magis augeri solet, eo quod hæc tam diuturna probatio non censetur in Societate sufficiens ad professiones, sed nova alia postulat. Verum de hac posteriori parte melius infra in lib. 6. c. 1. & 2. dicemus, disputando de professione; nunc vero de priori solum dicendum est. Duo autem in hoc capite explicabimus: primum, quæ fuerit ratio hujus peculiaris institutionis: secundum, quam sit necessarium totum hoc tempus, ut secundus ingressus, seu incorporatio in Societate, valida sit, & simul, quomodo hoc tempus sit computandum.

Prima pars capitis expeditur.

2 Primo ergo dicendum est, hoc temporis augmentum non esse novum, sed renovatum, & ex antiquitate sumptum. Nam in primis olim a D. Basilio nullum certum probationis tempus præscriptum fuit, sed indefinitum, tanto tempore dixit probandum novitium, quanto ad illius experimentum, & dispositionem sufficere videretur, ut videre licet in regulis fustius disputatis regula 10. & 15. Et similia sumuntur ex Cassian. lib. 4. de institutis cap. 6. 7. & sequentibus; de quo plura infra in citato lib. 6. tractantes de dilatione professionis; nam ad illud punctum magis hæc antiqua consuetudo spectat. Deinde Euseb. Cæsar. inter alia, quæ in Porphyrio refert, de Euseb. lib. 9. de præpar. Evang. cap. 1. sic ait: *Qui in eam sectam veniunt, non statim sed posteaquam foris anno integro, eisdem moribus vixerint,*

Quid ex parte recipientis recipi?

De impedimentis externorum bonorum.

De impedimento originis.

Quid ex parte recipientis recipi?

Ratio difficultatis.

Præsentis capitis partitio.

tunc suscipiuntur, non tamen omnino, sed propinquius quidem accedunt. Una vero cum illis vivere non licet, nisi duobus aliis annis patientie signa dederint. Et similia refert Iosephus lib. 18. antiquitatum c. 2. & lib. 2. de bello Judaico cap. 7. Hinc ab antiquis etiam monachis Aegypti servatum legimus, ut per tres annos novitii probarentur, in durioribus operibus exercendi, & ex regul. Pachomii refert Nicephorus lib. 19. historiae c. 14. Et sumitur ex Palladio c. 38. historiae; unde etiam Justinianus Imperator in authentica de Monachis in Novellis tit. 10. biennii tempus ad professionem postulavit. Quod docuit etiam Ivo Carnotensis. l. p. sui decreti c. 153. Et quoad moniales idem sumitur ex Conc. Aurelian. V. c. 13.

Obiectio. 3 Dicit fortasse aliquis. Quaedam ex his, quae antiquiora videntur, fuisse forte tunc necessaria propter nimium rigorem religionum, vel monachorum illius temporis. Postquam vero rigor ille temperatus est, etiam probationis tempus fuisse ad brevioris mensuram reductum; vel certe illam temporis mensuram non fuisse generalem, sed pro aliquibus casibus, vel personis in quibus specialis ratio occurrebat, ut de personis incognitis legitur speciale decretum in c. si quis incognitus, 17. q. 2. postulans triennalem probationem, etiam ad receptionem ad habitum, quod tribuit Bonifacio Papae Gratianus. Idem tamen tribuunt Concil. Toletan. Ivo p. 7. sui decreti c. 41. & Burcard. lib. 4. cap. 20. Et revera est idem cum authentica Justiniani paulo antea citata, sed ubi in novellis legitur; *Sive servus, sive liber*, legendum est, *sive servus, sive libertus*. Et emendatum est in decreto Gregoriano; & ita constat constitutionem illam non esse universalem, sicut etiam Gregorius, ut superiori tomo vidimus, pro militibus triennalem probationem requisivit, etiam ante receptionem ad habitum monasticum, ut habetur in c. ult. d. 53. ex lib. 7. Registr. c. 11. quod amplius restrinxit lib. 8. epist. 23. ubi prohibet sine suo consensu milites recipi, ibi autem biennium probationis praescribit pro omnibus monasteriis, ut habetur in c. monasteriis, 19. q. 3.

Solutio. 4 Respondetur in primis ex hoc ultimo decreto Gregorii multum confirmari Societatis institutionem; nam illud generale fuisse videtur, quamvis Alexand. Papa II. in cap. 1. 17. q. 2. referat Gregorium approbasse regulam Benedicti quoad annum probationis, & ideo videatur, aut pro diversis locis, aut in diversis temporibus, haec statuisse; vel fortasse (quod mihi magis placeat, ut citato tomo tetigi) in uno loco requirit biennii probationem ante habitum, in alio vero integrum annum novitatus, post susceptum habitum. Utrumvis autem sit, si in his omnibus non materialis (ut sic dicam) institutio, aut varietas, sed ratio ejus, & finis inspicitur, ex his omnibus manifeste colligitur, institutionem Societatis, nec novitatus, nec singularitatis notari posse, quia ex illis recte colligitur, ubi specialis causa intervenit, probationem ultra annum in aliquo instituto exigi posse. In Societate vero considerato sine ejus, & ministeriis, ratio occurrit specialis, & multo major necessitas longioris probationis, quam in aliis religionibus: ergo. Major satis constat ex dictis n. 2. Minor multipliciter declarari potest. Primo quia Societas ut lib. 1. c. 7. dictum est, & vitam contemplativam, & activam in perfecto gradu proficitur, & amplectitur, & ideo necesse habet in utraque parte novitios suos sufficienter instruere, fundare, ac experiri, & ideo longius tempus requirit quam unius anni, & ad minimum ad singulas illarum partium singulos annos requirit: merito ergo ad duplicatum officium vitae, duplicatum etiam tempus probationis postulat. Quae ratio amplificari posset, in particulari considerando actiones omnes, & ministeria, quibus Societas probat novitios suos; nam inde facile posset intelligi, minus quam biennii tempus, ad hanc probationem non sufficere; sed de hac re dicturi sumus c. sequen.

Prima. In Societate esse speciales causas ad postulandum plus temporis probationis, quam in aliis religionibus.

Secunda. ad fieri possit, assueti, & experti sint, alioqui, quae

in eo tempore leviter inchoantur, facile postea remittentur, vel amittentur; illud autem sine dubio fieri non potest unius anni tempore, in quo vix incipiunt spiritualia exercitia degustari; merito ergo alter annus additus est, in quo iacta principia robustiora fiant. Quod adeo necessarium esse experientia compertum est, ut ob hanc causam postea in congregatione 6. can. 5. fuerit prudenter ordinatum, ut post exactum biennium probationis, & post vota scholasticum emissa, per alios duos saltem annos sub majori custodia, & disciplina juniores contineantur, prout planius fuit subinde praescriptum in ordinationibus contractis c. 13. Tertia rationem sumere possumus ex alia objectione, quae contra Societatem fiebat lib. 1. c. 7. & 9. nimirum, quod non austeram, sed moderatam vitam in exterioribus proficere: quamquam enim hoc non minuat perfectionem ejus, supposito ipsius sine, ut ibi ostensum est: tanto vero erit major ejus perfectio, ceteris paribus, quanto carentia hujus exterioris austeritatis alio austeritatis genere magis compensata fuerit. Hoc autem fit per multiplicem probationem Societatis, quae inter alias est (ut sic dicam) propria austeritas ejus, & magna ex parte exercetur in hac diuturnitate temporis novitiatus destinati. Fuitque maxime proportionata tam respectu propriae religionis, quam respectu adificationis proximorum: quia cum austeritas corporis ordinetur inter alia ad continendum hominem in officio virtutis, & ad frangendos sensibiles affectus, ad propriam perfectionem, & conservationem in virtute, necessarium fuit diutius probari, & fundari in solidis virtutibus (ut B. Ignatius frequenter loquitur), & in interna, & externa mortificatione affectuum, & sensuum omnium, ut postea sine tanto periculo possent in Societate vivere, non obstante illa mediocritate in exterioribus. Et similiter respectu proximorum, quibus in admiratione esse solet exterior austeritas habitus, &c. oportebat, ut quod in hac parte deerat Societati, suppleretur ex alio habitu, qui quatenus ad corpus spectat, & visibilis est, exterior dici potest; est autem magis interior, tum quia magis ex interna virtute pendet, tum quia intimius (ut sic dicam) ipsum corpus afficit, sc. debita modestia, & compositio in omnibus sensibus, verbis, ac moribus; hic autem habitus non poterat brevi tempore comparari.

5 Tandem addere possumus in hujus rei confirmationem, Ecclesiae auctoritatem, quae specialiter hunc ritum quoad tempus hujus probationis in Societate stabilivit, tum per bullas Pauli IV. & Julii III. tum maxime per Concil. Trid. Nam specialiter tractans de anno probationis, & generaliter ordinans, ut illo anno expleto, novitii vel admittantur ad professionem, vel expellantur, specialiter excipit Societatem sess. 25. c. 16. de regular. Quam exceptionem non reprehensibilem singularitatem, sed piam, & sanctam specialitatem esse judicavit. Hoc enim significavit, cum dixit: *Per haec autem non intendit sancta Synodus aliquid innovare, aut prohibere, quin religio clericorum Societatis Jesus, juxta pium eorum institutum a sancta Sede Apostolica approbatum Domino, & ejus Ecclesiae inservire possit*: insinuans, sicut ipsum institutum pium est, licet sit proprium, & speciale, ac distinctum ab aliis, ita etiam pie posse habere hanc proprietatem specialem. Quam etiam significat ex eo necessariam fuisse, quod hoc institutum, non tantum ad serviendum Deo, sed etiam ad serviendum Ecclesiae speciali modo ordinatum est. Hinc denique Greg. XIII. in constitutione, *Quanto fructuosius*, de B. Ignatio ait: *Divino instinctu ita duxit disponendum, ut biennio novitiatus absoluto, omnes, qui in Societate perseverare voluerint, tria vota substantialia emittant, ac novitii esse desinant*. Et in constitutione, *Ascendente Domino*, rationes fere omnes a nobis posuit insinuat. Nam proposito fine, & mediis Societatis subdit: *Ad quae sufficienter, & pro dignitate praestanda, difficultates superandas, periculaque adeunda, quibus dictae Societatis religiosi in ejusmodi disquisitionibus, & ministeriis exponuntur, necesse est, ut ipsi talia obituri, magno devotionis, ac virtutis praesidio muniantur, quod illis gratia in primis omnipotentis Dei, simulque educatio ipsa, longa item in Societate probatio, nec non regularium observantia praestare*

Tertia.

Authoritate Ecclesiae confirmatur haec benedictus novitatus constitutio.

prestare noscuntur. Quibus constitutionibus, ut tanta ponant rudimenta virtutis, ad quam aluntur, statutum est, ut novitii in Societate biennio probentur. Quod institutum inviolatum, & inconcussum esse vult, ut inferius late dicit, & confirmat.

Expediatur secunda pars.

6 Per hoc ergo, & ratio hujus institutionis sufficienter reddita est, & objectionibus (ut opinor) in contrarium satisfactum. Circa hoc vero biennii tempus interrogari possunt fere omnia illa, quæ de anno probationis generatim toto superiori tractata sunt, scilicet, quando incipiat, quomodo continuandum sit, quam sit essentialis, seu necessarium ad valorem professionis, vel incorporationis subsequutæ, & tandem an hæc incorporatio debeat post prædictam probationem immediate subsequi. Hæc tamen omnia breviter hic possunt expediri proportionem servata. Nam quod ad initium attingit, cessat hic quæstio illo loco tractata de susceptione habitus; nam cum Societas nullum particularem habitum profiteatur, nulla susceptio, vel mutatio habitus necessaria est, sed solum ut is, qui habet potestatem admittendi, voluntatem habeat hic & nunc recipiendi hanc personam ad Societatis probationem, & ut quocumque verbo, vel signo externo illam voluntatem sufficienter declaret, consentiente, & exterius etiam acceptante eo, qui recipitur, ita ut ex tunc vivere incipiat sub obedientia, & regimine Societatis, & ita tandem statutum fuit in decreto 90. aliàs 93. Congregat. 7. Unde hic etiam cessat illa quæstio, an de necessitate probationis sit habitus religionis;

nam in Examine c. 1. §. 13. expresse dicitur: *In hoc medio tempore duorum annorum habitus ullus certus Societatis non sumitur.* Et ibi in declaratione: *Judicio Superioris relinquatur, an cum eisdem vestibus, quas ex seculo tulerunt, vel cum aliis probandi sint.* Et 3. p. Constitut. cap. 2. in declaratione lit. C. additur: *Convenit, ut qui probantur, vestitus ratione ad mortificationem & abnegationem sui, & ad mundum, ejusque vanitatem sub pedibus conculcandam juventur, & id quidem quantum considerata natura, consuetudo, officium, & alie personarum circumstantia patientur.* Quod si hoc etiam alicui videatur vel novum, vel singulare, quamvis id concederemus, non propterea reprehensibile esset. Nam sicut in toto corpore Societatis reprehensibile non est, quod communi habitu utatur, ut lib. 1. cap. 9. ostendimus, neque ad id refert, quod hoc videri possit novum, aut singulare, si ad finem talis religionis sit expediens; ita prorsus de habitu novitiorum dicendum est. Eo vel maxime, quod cum Societas non habeat peculiarem in habitu austeritatem, in nullo diminuitur probatio ejus, ex eo quod sub habitu speciali non fiat. Quæ ratio eo maxime Doctores movet, qui dixerunt, regularem habitum esse de essentia probationis. Et aliunde ad majorem humilitatem, & propriam mortificationem interdum conferre potest, in proprio habitu vilia ministeria religionis facere, ut ab aliis possit potius famulus, quam religiosus putari, & ut ornatus seculi in religione conculcari videatur. Et forte propter has rationes hoc fuit olim ab antiquis monachis observatum, ut in superiori toto tractatum est, atque etiam ut novitii liberius possent, si vellent, religionem dimittere, cujus habitum nondum induissent.

7 Circa alias interrogationes, in primis cenfeo, tam necessarium esse in Societate annum integrum probationis ad professionem validam faciendam, sicut in aliis religionibus. Loquor autem de professione in omni proprietate, & rigore, per vota solennia. Probo autem ex Concil. Trid. sess. 25. c. 15. ubi ille annus assignatur tamquam omnino necessarius ad valorem professionis. Incipit autem illud c. *In quacumque religione.* Et postea nullam facit exceptionem: ergo comprehendit etiam Societatem. Nec satis est, quod c. 16. illam excipiat illis verbis: *Per hæc autem sancta Synodus*, nam illa verba non sunt referenda ad omnia capita præcedentia, sed solum ad id, quod proxime in eodem capite præcessit: quod est manifestum, & ex communi interpretatione jurium, imo ex ipso rigore Latini sermonis, & ex proprietate illius pronominis *hæc*; designat enim ea, quæ proxime, & quæ præsentia sunt. Unde potius inde sumo argumentum in contrarium. Nam cum

in c. 16. statim ac Concilium dixit, ut professio ultra annum non differatur, Societatem exceperit. In c. autem 15. statuens, ut intra annum non fiat, illam non exceperit, satis indicavit in hoc secundo illam comprehendere voluisse. Et sane merito, quia nulla est ratio, cur illam exciperet, cum majorem probationem requiratur, ut n. 4. & 5. ostensum est. Ex quo infero, quoad annum saltem necessarium esse, ut talis probatio continuata sit: nam supra in præcedenti tom. ostendimus hunc annum debere esse continuum, quoad alias religiones; ergo quod Societatem, cum in eadem regula comprehendatur. Infero etiam hunc annum non solum debere esse continuum, sed etiam cum professione sine morali interruptione; nam hoc etiam diximus supra esse necessarium in genere, sub quo jam dixi Societatem quoad hoc comprehendere.

8 Solum est advertendum, quod licet in Societate inter primum annum probationis, & professionem multi anni interponantur, non interruptitur probatio, quia totum illud tempus ad majorem confirmacionem, & certitudinem ipsius probationis ordinatum est: imo neque in aliis religionibus interrupteretur probatio per dilationem professionis post annum, si novitius in eadem religione permaneret: quamvis in aliis (per se loquendo) hoc non liceat, in Societate autem liceat, & in aliis non interponantur alia vota inter novitium, & professionem, sicut in Societate: quod non impedit illam continuitatem: maxime cum totum hoc sit exceptum, & approbatum a Concilio in prædictis verbis. Interruptio autem esset, si quis per unum, vel plures annos in Societate prius existeret, & postea extra illam ejiceretur, ac deinceps iterum ad illam admitteretur: tunc enim non existimo totam priorem probationem esse sufficientem ad professionem statim emittendam, sed necessarium esse, ut saltem per annum in Societate existat, & sit novitius: suppono enim omnino fuisse dimissum votis solutis, si illa habebat, tunc enim tota probatio præcedens, quasi extincta fuit per dimissionem, & ideo nova necessaria est, sicut de probatione in genere citato tom. probavimus: nam quoad hæc omnia est hic eadem ratio, eademque generalis regula, ut dixi. An vero tota hæc doctrina locum habeat in aliis incorporationibus Societatis, quæ sunt per simplicia vota, pendet ex alia quæstione, an nomine *professionis* in similibus juribus, & decretis veniat hæc traditio, vel receptio in Societate, per vota simplicia: quam quæstionem commodius tractabimus libro seq. ubi tam hoc punctum, quam alia, quæ ex illo pendunt, resolvemus.

9 De integro autem biennio probationis non invenio in jure sufficienti fundamentum, ut asseram illud totum esse absolute necessarium ad valorem professionis, vel cujuscumque incorporationis postea subsequutæ. Constat enim ex vi juris communis, hoc non esse necessarium, cum ex vi illius nec biennium requiratur. Neque etiam in speciali Societatis jure invenio verba aliqua, quæ tantam necessitatem indicent. Nam in c. 1. Examinis §. 2. simpliciter dicitur: *biennium integrum ad probationem habebit.* Quæ lex solum disponit, ut ita fiat, quem loquendi tenorem servavit etiam postea Greg. XIII. in bulla, *Ascendente Domino* pag. 228. editionis anni 606. c. vero 4. n. 16. habentur verba, quæ majorem indicant necessitatem, scilicet: *Illud tamen omnino observabitur, ut antequam, &c. duo anni experimentorum, & probationum expleantur.* Sed neque hæc verba aliud indicant, quam quod hæc regula omnino servetur, nec dispensationes in ea admittantur. Et eodem modo loquuntur multe aliæ constitutiones, quibus concinit can. 10. Congregationis, 5. generalis, dum enim prohibet omnino exercitium facultatis contrahendi biennium pro votis scholasticorum approbatorum emittendis, pro emittenda vero professione, in raro aliquo casu permittit, non obscure agnoscit ipsam facultatem, atque adeo valorem, si forte (quamvis illicite) exerceatur, de quo canone iterum lib. 6. c. 1. n. 11. Nec vero eo quod Societas alterum annum probationis addiderit anno jure communi requisito, statim censenda est, sub eadem lege, & necessitate illud addidisse, sub qua unus annus jure communi statutus erat: quia nulla est ratio hujus consequutionis, quando in novo jure id

In Societate non interruptur probationem plurium annorum inter novitium, & professionem.

Biennium probationis absolute necessarium, ad valorem professionis non videri.

Quando incipiat hujus novitatus tempus.

Num de necessitate hujus probationis sit habitus religiosus?

Vide Linderbaum in fine suorum operum.

Integrum probationis novitii esse de essentia in Societate ad validam professionem emittendam.

non explicatur. Præsertim quia hoc jus Societatis antiquius est jure Concil. Trident. ante quod neque unus annus probationis erat adeo necessarius, quin ex consensu partium posset renunciari. exceptis ordinibus mendicantium, inter quas Societas tunc non numerabatur. Igitur non dubito, quin si Prælati habens potestatem in Societate admitteret novitium post integrum probationis annum, & ante expletum biennium ad aliquem gradum ejus, admissio, & vota essent valida, etiam si fortasse Prælati in eo male ageret, quia nulla est lex irritans factum, ut dixi. Certum est etiam Præpositum Generalem ex justa causa posse in hoc dispensare, quia nullibi hoc ei est prohibitum, & res non est adeo essentialis, vel de se immutabilis, quin occurrere possit justa causa, & occasio dispensandi.

10 Imo ita videtur hoc expresse declaratum part. 5. constit. 1. lit. C. ubi cum in constitutione indefinite dicitur, tempus ad admittendum ultra biennium esse oportere; in declaratione additur hoc temporis spatium, sicut prorogari, ita & contrahi posse quibusdam in casibus, ex causis non levis momenti, judicio Præpositi Generalis, cujus erit dispensandi jus, licet raro id fieri debeat, prout in citato canon. 10. fuit postea declaratum. Inferiores autem Prælati, etiam Provinciales, non possunt, quia nullibi legitur illis concessa talis potestas. Hæc enim est differentia inter Generalem, & alios, quod in Generali, tamquam in supremo capite interno (ut sic dicam) est tota potestas, quæ in Societate esse potest, exceptis solum his, quæ expresse prohibentur; alii vero habent potestatem participatam a Generali, & ideo non possunt quidquid non prohibetur, sed solum quod positive conceditur, vel in generali, vel in speciali, juxta rerum qualiter: hæc autem, de qua agimus, ejusmodi est, ut specialem concessionem postulare videatur. Rara enim est in Societate talis dispensatio, nec memini vidisse me, aut audivisse etiam ab ipso Generali. Dispensatur quidem aliquando, ut ante expletum biennium, novitium literis vacare incipiat, maxime post expletum primum annum; id enim fieri posse ex 4. p. constit. colligitur c. 3. §. 4. & habetur in can. 1. 2. Congreg. generalis, ubi hæc potestas dicitur committi Provincialibus ex concessione Generalis. Et habetur etiam in regu. 38. ejusdem Provincialis. Nihilominus tamen non dispensatur cum his novitiis, in tempore probationis, quia eorum vota non admittuntur. Imo nec omnino ab exercitiis novitiorum eximuntur, nam separatam habent habitationem, & sub proprio magistro peculiariter instruuntur, & exercentur: & quod caput est, semper intelligunt se esse liberos, ut possint discedere, si velint. Dices, nonne interdum ipsi tria vota sua devotione emittunt ante biennium expletum? Responderetur, quidquid ipsi privatim faciant, illa non esse vota Societatis, quæ verum religiosum constituunt, quia nec per se publice fiunt, neque ab ipsa Societate admittuntur, & ideo nihil illam obligant, sed tam libere potest dimittere novitium, ac si nihil vovisset, quo casu talia vota cessabunt, nisi alia fuisset expressa intentio voventis, ut esse posset; præsertim, quoad castitatem. In quo quia juvenes facile possunt ex fervore indifferere talia vota emittere, non solum a Societate non admittuntur, aut consulantur, verum etiam nec fieri permittuntur, nisi cum magna consideratione, & consultatione, ac servata debita forma & subordinatione ad superiorem, ut constat ex declaratione c. 1. Examin. lit. C. & 3. p. constit. c. 1. lit. T. & 4. p. constit. §. 6. & in dicto canone 1. 2. Congregat.

11 Atque ex his facile colligi potest, quid dicendum sit de alia interrogatione, necessaria scilicet continuatione hujus temporis biennii: constat enim simpliciter non esse necessariam ad valorem subsequenter incorporationis, dummodo in uno saltem anno debita continuitas observetur. Nam si alter annus simpliciter non est necessarius, ut dixi, multo minus necessarium erit, ut in se sit continuum, vel cum altero anno. Quocirca si contingat aliquem prius esse per aliquot menses, vel annos in Societate, & postea ab ea deficere, & omnino exire: & iterum ad illam redire, poterit, si superiori habenti potestatem visum fuerit, aliquid ex priori tempore in partem hujus biennii computare, ita ut hoc saltem non sit contra substantiam, seu valorem admissio-

nis, seu professionis, dummodo annus integer novitatus intra Societatem proxime ante professionem præcedat, juxta superius dicta n. 7. & 8. An vero hoc facere liceat, judicandum est ex potestate admittentis, & ex causa propter quam fieri enim attendamus juridicas rationes, ob quas in tom. superiori diximus, annum probationis religiose debere esse continuum, probant in præfati biennium jure proprio Societatis ad probationem postulato, eo modo, & in eo gradu, in quo postulatur, debere esse continuum: ideoque quoties ex interruptis temporibus computatum fuerit, non sine dispensatione aliqua fieri posse: erit ergo & potestas, & causa necessaria, ut licite fiat. Per quæ etiam penultima interrogationi, quæ restabat, responsum est.

CAPUT V.

De observatione, experimentis, ac loco, quibus novitii Societatis tempore novitatus exerceri debent.

1 IN præcedente capite de tempore & habitu sufficienter dictum est, nunc de cæteris circumstantiis, & actionibus, seu experimentis breviter explicandum, an sint aliquæ de substantia hujus probationis, vel solum de perfectione, ac debito, saltem ex regula. Vocamus autem de substantia id, quod est simpliciter necessarium ad valorem professionis, seu incorporationis subsequenter, & ut impleantur illa verba Concil. Trident. sess. 25. c. 15. *per annum in probatione steterit*: reliqua vero omnia, quæ hujusmodi non sunt, dicimus pertinere ad perfectionem, vel observantiam regule; melius autem respondebimus ad hanc quæstionem discurrendo per singula, quæ in hac parte instituta sunt, & servantur, eorumque rationem, vel necessitatem explicando. Est autem generatim advertendum hoc tempus probationis ad duos fines ordinari: unus est ad experimentum, vel cognitionem sumendam; alter est ad tradenda rudimenta, seu jacienda fundamenta virtutis, in hoc instituto necessaria. Et prior finis duas habet partes; scilicet, ut Societas naturam, & ingenium personæ sufficienter cognoscat, & novitius majorem notitiam habeat instituti, ut majori cum deliberatione perseverantiam eligat.

De observantiis quibus novitii jurantur, ut cum majore notitia & libertate de perseverantia in Societate deliberent.

2 Primum ergo, ut ab hoc ultimo probationis scopo incipiamus; una ex præcipuis observantiis hujus novitatus est, ut novitius, sexto quoque mense biennii, legat eam partem instituti, quæ necessariam, & sufficientem notitiam ei præbere possit, nempe diplomata Pontificia, regulas scilicet generales, & communes, & constitutiones, vel saltem compendium eorum. Ita statuitur in c. 1. Exam. §. 13. & subditur ratio dicendo: *Quod ideo fit, ut utrinque majori cum claritate, & cognitione in Domino nostro procedatur; & ut quanto fuerit magis probata singulorum constantia, tanto stabilitiores, ac firmiores sint in divino servitio, ac vocatione prima, ad gloriam, & honorem divine majestatis.* In quibus verbis significatur, licet hæc recognitio instituti per se primo sit ob majorem cognitionem & lucem ipsius novitii, etiam redundare in cognitionem, & experientiam ipsius Societatis: nam quo novitius majori cum cognitione perseverat, eo magis specimen sue constantie Societati præbet. Non est autem tota hæc diligentia, & cum omnibus his circumstantiis de substantia novitatus, quia nullum est in constitutionibus verbum, quod hoc indicet: neque erat expediens, ut valor future probationis, vel admissionis, ex tot circumstantiis penderet. Nihilominus tamen diligentia hæc omnino observanda est, tamquam valde conveniens, & consuetudini antiquorum Patrum consentanea. Similia enim tradidit Benedictus in sua regula c. 58. nam prius dixit proponenda esse novitia, priusquam admittatur, ea, quæ in religione aspera, & difficilia sunt: deinde addit, ut post duos menses religionis regula illi legatur, & iterum post sex menses, iterumque post quatuor, id est, in fine anni novitatus, illum admonendo, ut consideret illam esse legem, quam tunc potest libere dimittere, postea vero quam per professionem illi se subjecerit, tali se potestate privare. Et antea Basilii in regulis superioribus in 15. similem morem instruerat, quamvis verbis generalibus, scilicet, ut novitiis tempus sufficiens concedatur, in quo majori animadversione, & consi-

Exponitur sensus quæstionis.

Differentia inter Generalem, & alios inferiores Prælatos.

Provincialis potest dispensare cum novitiis Societatis, ut literis vacent.

Quid de tribus votis religionis, quæ interdum ex devotione a novitiis emittuntur.

Quam sit necessaria biennii continuatio in novitiis ad valorem Professionis.

Diligentia hæc licet non sit de essentia, observanda tamen ut ratio, & Patribus consentanea.

Regula Benedicti.

consideratione intelligant quid sibi expediat; neque aliquid (ait) affute, aut per raptum a nobis fieri videatur.

Obiectio.

3 Forasse vero quis objiciat, nimiam esse deliberationem hanc, nimisque iteratam instituti relectionem, seu recognitionem, cum D. Th. 2. 2. q. ult. art. 10. de religionis ingressu censcat, non multum esse deliberandum, quia de re certa non est necessaria deliberatio: religionis autem professio ex se habet sufficientem certitudinem, quod homini expediat, quando non intervenit speciale impedimentum, de quo facile constare potest sine tanta mora. Responderetur in primis hanc considerationem, & recognitionem instituti non ordinari tantum ad deliberandum de perseverantia, sed etiam ad se disponendum, & præparandum ad illam, & ad prævidendas prius distincte, & clare, quoad fieri possit, difficultates & onera, quæ postea offerri contingeret; sic enim postea leviora fient, & homo efficacius postulabit a Deo gratiam, ad ea in præsentia majori affectu amplectenda, & postea majori etiam virtute superanda. Deinde idem D. Th. qui dixit de ingressu religionis, secundum se, seu ratione generis (ut sic dicam) non esse multum deliberandum, nec cum aliis consultandum; non negat, quin de ingressu religionis, ratione speciei, & circumstantiarum prudenter deliberandum sit; imo id expresse docet; estque consilium antiquorum Patrum, qui ad hoc accommodant exemplum Christi, Lucæ 14. de eo, qui vult turrim ædificare, qui prius secum cogitat, an habeat sumptus, quibus possit eam perficere. De quo videri potest August. epist. 38. & lib. 2. quæst. Evangel. c. 31. & S. Bernard. serm. 24. art. 1. in principio, & facit illud Ecclesiast. 8. *Nespondeas supra virtutem tuam*. Unde B. Ignatius non semel requirit, ut qui in Societatem admitti optant, prius sentiant hujusmodi institutum sibi convenire, ad illudque vires suppetere, ut videre est in Examin. c. 3. §. 15. & c. 4. §. 41. & c. 5. §. 4. Neque obstat, quod hæc virtus a Deo danda est (ut D. Th. ait), qui paratus est omnibus dare; quia hoc non tollit, (ut Cajet. advertit) quin homo considerare debeat, an ex parte sua sit dispositus ad obtinendum, vel non impediendum hoc divinum auxilium. Et ideo necesse est in particulari considerare, an in tali religione, vel tali vivendi modo, possint occurrere impedimenta, quæ possint esse occasio, ut homo deferat vocationem Dei, vel ejus peculiarem favorem ex parte sua impediatur. Et ad hunc finem ordinatur annuus probationis in aliis religionibus. In Societate vero propter speciales ejus difficultates, tota illa diligentia non nimia, sed prudens judicata est etiam a Summis Pontificibus, ut patet ex bullis Pauli III. & Julii III. & Greg. XIII.

4 Secundo eodem biennio, & singulis etiam semestribus, iterum, atque iterum examinandus est a Magistro novitius, ut in regulis ejus præscribitur 63. & sequentibus. Quod examen eo tendit, ut Societas plenior, & certior notitiam novitii habeat, & præsertim, ut cognoscat, an aliqua mutatio consideratione digna in eo acciderit; & quo fructu usque ad illud tempus novitiorum exercitia, & experimenta sustinuerit, & quo proposito paratus sit ad progrediendum, & perpetuo in Societate perseverandum. Finis autem hoc examine, singulis etiam semestribus confessionem generalem ab ulima præcedente, cum Sacerdote a Superiore designato, facere debet, integramque rationem suæ conscientię reddere, ut ita in omnibus melius instrui, ac dirigi possit. Quæ omnia ex cap. 1. Examin. §. 13. c. 3. §. 13. c. 4. §. 38. & 41. & 1. p. const. c. 1. lit. D. colliguntur. Et ita accipienda sunt, sicut in præd. puncto, n. 2. de aliis diximus. Non enim omnia, & singula sunt de substantia probationis; fuisset enim id nimis molestum, & grave. Quod si non omnia simul sunt de substantia, neque aliud eorum in particulari; quia non est major ratio de uno, quam de alio, neque aliis verbis, aut sub majori necessitate unum, quàm aliud disponitur; sunt ergo omnia illa requisita, ut debitus ordo, & modus in hac probatione fervetur. Sicque manifestum est totam illam diligentiam esse convenientissimam ad finem intentum; nihilque in eis esse, quod non sit rationi, & doctrinæ Patrum consentaneum.

De experimentis pro novitiorum probatione deputatis.

5 Tertio præter hæc, alia exercitia pro novitiis deputata sunt, quibus & paulatim ad virtutem & ad mi-

nisteria spiritualia Societati necessaria, pro capto suo; instruuntur, ac disponuntur, & simul majus de illis in dies experimentum sumitur. Reducuntur autem hæc experimenta ad sex capita, quæ numerantur in Examine c. 4. §. 9. & sequentibus, & breviter percurruntur in regula Magistri novit. c. 3. Primum est in spiritualibus exercitiis mensem unum, plus, minusve, versari, id est, in propriorum peccatorum recognitione, ac dolore, & in meditatione, & contemplatione mysteriorum vitæ Christi D. N. & in universum in oratione mentali, vel vocali, de quo experimento aliquid in lib. superiori c. 6. dictum est, cum de vita contemplativa Societatis tractaremus; estque per sese maxime necessarium tum ad expurgandam præteriti temporis vitam: tum etiam ad bene inchoandam alteram spiritualem, quod est primum, ac præcipuum in religione, ut dixit Basil. in constit. monast. c. 2. ubi ait spiritualem doctrinam, & orationis exercitium debere præcipuum locum in religione tenere. Unde etiam Cassian. lib. 2. & 3. de institut. renuntiant, postquam in primo libro tractavit de habitu monachorum, statim in duobus illis libris de modo orandi antiquorum monachorum tractat, quem ipsi habebant suo fini, & institutioni accommodatum. Et Abbas Isaac apud eundem Cassianum collat. 9. c. 2. *Omnis monachi finis* (inquit) *cordisque perfectio ad jugem atque indurptam orationis perseverantiam tendit*. Merito ergo in oratione incipit exerceri novitius: nam ut ibidem subjungitur. *Sicut ad orationis perfectionem omnium tendit structura virtutum, ita nisi hujus culmine hac omnia fuerint colligata, nullo modo poterunt firma perdurare*. Quamvis autem orationis exercitium sit, multum tamen juvat integros aliquot dies ab omni alia actione vacuos, & a consortio hominum separatos, huic exercitio deputari, ut & mens tota melius colligi possit, & ut major facilitas, & aliqualis habitus in hoc difficili exercitio possit comparari. Quod etiam multum juvat ad novitii constantiam, & patientiam probandam, & ad naturam ejus, & aptitudinem ad spiritualia munia cognoscendam.

6 Alterum experimentum est, servire in uno, vel pluribus xenodochiis, per mensem alium, prout unicuique fuerit injunctum. Et ratio additur, *ut magis se demittant, & humilient, ac eo, veluti argumento, demonstrent, se prorsus ab hoc seculo, ejusque pompis, ac vanitate recessere*. Ubi considerari potest, quamvis opus hoc per se ad misericordiam, seu charitatem erga proximum pertineat, hic tamen præcipue accipi, quatenus est humilitatis, ac propriæ abjectionis indicium. Sic enim refert Cassian. lib. 4. c. 7. observatum esse ab illis antiquis monachis, ut novitius haberet curam peregrinorum, & hospitum, eisque omnem diligentiam susceptionis, ac humanitatis impenderet. *Cumque ibidem* (inquit) *integro anno deserviens absque ulla querela suum exhibuerit famulatum erga peregrinos, imbutus per hæc prima institutione humilitatis, & patientia, atque in calonga exercitatione præcognitus traditur seniori, &c.*

7 Atque ad eundem finem tendit tertium experimentum, quod est peregrinari mensem alium sine pecunia, ostiatim mendicando pro Christi amore, *ut possint* (ait B. Ignatius) *ad incommoditatem comedendi, & dormiendi assuefieri, atque adeo, ut omni spe illa abjecta, quæ in pecuniis, & rebus aliis creatis possent consistere, integre vera cum fide, & ardenti amore eam in suo creatore constituant*. Hoc vero tertium experimentum videri potest alicui minus accommodatum pro novitiis religionum, qui quo minus habent radicatam virtutem, eo majori custodiam, & clausuram videntur requirere: cujus etiam signum esse potest, quia in nulla alia religione videtur usuratus hic probandi modus, quia in his peregrinationibus multa occurrunt spiritualia pericula. Unde Hierony. in epist. 13. ad Paulinum, de institutione monachi, hac ratione, & exemplis antiquorum monachorum probat, non esse necessarium monacho loca sancta invisere peregrinando. Responderetur tamen ex eodem Hierony. ibidem, aliud esse institutum clericis, aliud monachi, quod loquor (inquit) *non de Episcopis, non de presbyteris, non de clericis loquor, quorum aliud officium est, sed de monacho*. Quia ergo religio Societatis est religio clericorum, qui ad hunc finem destinantur, ut pro salute animarum,

Primum in spiritualibus exercitiis versari.

Secundum in xenodochiis servire per mensem.

Tertium peregrinari per mensem.

Obiectio adversus hoc experimentum.

Solvitur.

Vide Tur-
rec in re-
gula. 8. c.
ned. 1.
tractat.
115. Cor-
de bin ex-
positione
regule S.
Francisc.
c. 2. q. 8. Et
Jacobus
Latomum
in 2. quod-
lib. quæ
est in hæc
suorum
overum
concl. 3.

quamque peregrinationem ex obedientia suscipiant, ideo novitiorum experimenta huic fini prudenter accommodata sunt. Nec Hieron. supra dicit peregrinationem esse indecentem viro religioso, sed non esse necessariam ad sanctitatem, nec multum esse expetendam ab his, qui vitam monasticam, & solitariam proficiuntur. Ceterum est autem per se esse opus valde religiosum, ut Conc. Trid. definit sess. 25. ideoque a sanctis Patribus fuisse usitatum, ut late Bellarm. ostendit lib. 4. de cultu Sanctior. c. 8. Nec censeri debet improprium ad statum novitiorum, quia ad prudentiam superioris spectat uniuscujusque conditionem, virtutem & ætatem considerare, talesque socios ad peregrinandum conjungere, ut sine periculo, & cum fructu spirituali a Societate intento talis peregrinatio fiat.

Quartum in officiis humilibus, & abiectionis exerceri,

8 Quartum experimentum est in variis officiis abiectionis, & humilibus exerceri, ut culinæ, & refectorii, ægrotorum cura, ac domesticis aliis ejus generis, cui certe nullum definitum tempus præfigitur, quia per totum biennium hoc humilitatis, & charitatis exemplum præstandum est cum omni diligentia, & sollicitudine. Illud tamen peculiariter observatur, ut vacando ab aliis exercitiis (quod in reg. 33. magistri novitiorum dicitur) integrum mensem novitii in aliquo humili officio impendant. Quod genus experimenti, sicut maxime necessarium est, ita antiquissimum in religionibus fuit, & fere in omnibus observatur. Unde Basil. in regul. 10. ex fusioribus. *Communis* (inquit) *illa est ratio unumquemque pertentandi, ut illud animadvertatur, nunquid is, de cujus sententia periculum fiat, paratus sit libenter ad omne genus humilitatis descendere, missa omni verecundia, ita videlicet, ut sordidissima queque officia suscipere non recuset, quandoque illorum exercitationem utilem esse ratio consueat.* Et infra subdit: *Maxime autem ei, qui ab splendido aliquo vita genere ad imitandum modestissimam humilitatis D. N. Jesu Christi exemplum festinat, munera quedam præscribi debent de numero eorum, quæ illi sordida existimant, qui in civili vita versantur: observandumque, num in iis cum omni animi alacritate non erubescant, & inconfusibilem se Deo operarium exhibeat.* Et multa similia legi possunt in Cassiano supra, & in Joanne Climaco gradu 4. de obedientia, & in Bonaventura tract. de informatione novitiorum c. 10. & in Smaragdo in expositione regulæ S. Benedicti c. 58. ubi ex B. Fructuoso Abbate, post aliqua humilitatis opera, in quibus novitium probandum censebat, refert hæc verba. *Ita in omni penuria subactus, expleto anno, probatus moribus, & laboribus elimatus fratrum Societati donetur.* Addere etiam possumus, hoc probationis genus speciali ratione esse in Societate necessarium propter finem ejus, vel quia ad ministeria spiritualia, & ad studia literarum, quæ post novitium magna diligentia suscipienda sunt, necessarium est magnum humilitatis fundamentum; propter quod in bulla Julii III. dicitur institutum hoc viros omnino humiles exigere; vel certe, quia non solum spiritualia ministeria, sed etiam corporalia misericordiae opera, cum proximis exercenda sunt. Imo, ut illis spiritualiter prodesse possimus, necessarium sæpe est, etiam corporaliter illis inservire, & in hoc exemplum charitatis, & humilitatis præbere: oportet ergo, ut statim a principio in his humilioribus ministeriis novitii Societatis multum exerceantur.

Quintum exerceri in doctrina Christiana rudioribus docenda. Sextum in ministerio prædicandi, & confessiones audiendi, quod tamen non tam pro novitiis, quam per tertiam probationem agentibus intelligitur.

9 Quintum experimentum est, ut in doctrina Christiana pueris, & rudioribus hominibus docenda, pro singulorum captu, temporum, ac locorum opportunitate exerceantur. Quod in sexto experimento ostenditur ad ministeria prædicandi, vel confessiones audiendi. *Postquam in probationibus bonæ edificationis specimen præbuerit.* Unde constat hoc ultimum magis pertinere ad tertiam probationem, quæ finitis studiis ante professionem sit, de qua infra lib. 6. cap. 2. dicturi sumus, quam ad hanc secundam; quia hoc tempore non solent esse novitii (regulariter loquendo) in eo statu, in quo possint in his ministeriis prædicandi, & confessiones audiendi exerceri: nec pro eo tempore intra Societatem ad eos ordines promovendi sunt, qui ad illa ministeria sunt necessarii: cum nec tempore studiorum, usque ad finem eorum, regulariter promoveri debeant, ut constat ex 4. p. constit. c. 6. lit. C. Nihilominus si contingat

novitios jam ordinatos recipi, & cum sufficientibus dotibus ad ea munera exercenda, illo etiam sexto experimento probandi sunt, cum speciali approbatione Superioris, ut dicitur in Examine c. 5. §. ult. Quintum autem ab omnibus fere potest aliqua ex parte exerceri, sive ipsi per se doctrinam Christianam doceant, sive aliorum socii sint, eosque, ut possunt, juvent. In quo etiam sæpe occurrit occasio aliquod opus propriæ humilitatis, & abiectionis exercendi.

Sextum in novitiis al quando habere locum potest.

10 Videntur autem hæc duo experimenta, sicut de tertio diximus, valde propria Societatis: nam in aliis religionibus non permittuntur novitii soli inter se egredi septa monasterii, nedum in actionibus circa proximum occupari, quod non solum monachales ordines, sed etiam mendicantes, quæ magis de actione circa proximum participant, observant, ut videre licet in constitutionibus Prædicatorum. d. 1. c. 13. lect. 6. & in constitutionibus Minorum c. 3. Nihilominus experimenta hæc in Societate approbata sunt, sicut aliæ constitutiones, & cum fructu servantur, suntque consentanea fini ejus, tam ut talentum novitii ad juvandos, & edificandos proximos innotescere incipiat, quantum illa ætas & status patitur: tum etiam, ut usu & experientia discere incipiat novitius, in quibus operibus per totam vitam occupandus est, & eo magis ad illa afficiatur, quo a tenera religionis ætate in eis fuerit educatus: sic enim consueverunt parentes, quando filios ad usum militiæ destinant, eos a pueritia in actionibus bellicis exercere: & duces non statim tyrones milites pugna committunt, sed prius illos paulatim exercent, ac pertentant. Utrumque ergo observat Societas cum his, quos ad spirituales militiam enutrit. Cujus rei etiam exemplum a Christo Domino habemus: quamdiu enim in hac vita vixit cum discipulis suis, eos tamquam novitios sub sua cura, & magisterio habuit, ut ex Joanne Dominico Cardinali dixit Antoninus 3. p. tit. 16. c. 7. §. 4. & tamen quia illos educabat, ut per totum orbem Evangelium suum prædicarent, non semper in illo quasi novitiatu, eos apud se veluti intra claustra retinuit, sed interdum ad prædicandū misit intra Judæam solum, ut inde paulatim ad majora proficerent. Quod significavit Chrys. homil. 33. in Matth. dicens. *Ideo primo ad Judæos mittit, ut quasi in quadam palestra in Judæa exercitati, ad agones orbis terrarum intrarent, & velut quosdam pullos debiles ad volandum eos induceret.*

Quintum, & sextum experimentum Societati propria.

Vide Vaggetium de re militari lib. 1. per totū.

11 Hæc sunt præcipua Societatis de novitiis experimenta, quorum utilitatem, quia B. Ignatius, ac primi ejus socii initio fere suæ conversionis, maximam percepserant, nobis posteris obeunda reliquerunt. Quæ tamen nec sola sunt, nec omnino necessaria: utrumque enim ex eodem c. 4. Examine colligitur: Nam in § 9. expresse dicitur, *hæc sex experimenta esse præcipua præter alia multa, quæ per totum illud caput narrantur.* Et 9. p. Constit. c. 3. lit. E. dicitur, *penes Generalem erit, ut omnia experimenta, & plura etiam, quam illa lex, de quibus in Examine dicitur, fiant.* Quoad alteram vero partem dicitur in eodem c. 4. Examine, posse illa experimenta anteponi, & postponi, & moderari, & aliquo in casu auctoritate Superioris, habita ratione personarum, temporum, & locorum, tum cæterorum, quæ occurrerint, in alia permurari. Non sunt ergo simpliciter necessaria, sed juxta observantiam regularem, cum subordinatione ad debitam superioris providentiam, ac directionem.

Supraposita experimenta novitiorum nec sola, nec necessaria esse.

De loco probationis novitiorum.

12 Quarta, & ultima circumstantia hujus probationis esse potest locus, ubi facienda est. In quo aliquid etiam proprium, ac peculiare observat Societas, videlicet, ut proprias, & separatas habeat domos, ad hoc solum officium probandi, & instruendi novitios destinatas, ut constat ex c. 1. Examine, & ex 1. p. Constit. c. 4. Quod etiam a Summis Pontificibus approbatum est, ut videre licet in bullis sæpe citatis de confirmatione Societatis, & ex bulla Pii IV. anni 1561. quæ incipit, *Exponi nobis*, ubi has domos probationis eximit ab obligatione solvendi decimas. Ratio autem hujus institutionis primo reddi potest ex generali principio a Patribus observato, multum expedit ad bonam novitiorum educationem, ut separatam ab aliis religiosis habitationem habeant, ut optime probat Basil. regul. 15. ex fusioribus, & statuit D. Benedict. c. 58. suæ regulæ, & fuisse observatum ab antiquis

Cur novitii in domo separata educantur?

quis Patribus, sumitur ex Cassian. lib. 4. c. 7. & sequentibus: & nunc etiam in omnibus religionibus observatur, in unaquaque juxta modum aliquem sibi accommodatum. Ergo quod hæc separatio sit non solum in aliqua parte ejusdem domus, sed etiam in domo distincta, ex se valde consentaneum est rationi: nam si considerentur omnes rationes, quæ fundatores religionum moverunt ad aliquam separationem faciendam, omnes ostendunt, quo major fuerit hæc separatio intra latitudinem religiosæ unitatis, tanto fore meliorem, si cætera paria sint.

13 Rationes, quas Basilius insinuat hæc sunt. Prima, ut raritate congressus novitii majorem reverentiam erga antiquos retineant. Secunda, ne occasionem alicujus elationis accipiant, si statim cum aliis ad communem vitam admittantur. Tertia, ne forte si aliqui ex antiquioribus, in officiis suis, aut religionis observantia minus diligentes, vel re vera sint, vel apparere possint, proclivitas ad eos imitandum in animis illorum nascatur: hoc enim scandali genus facilius in his, tamquam in infirmioribus, & pusillioribus nascitur: & sæpe propter novitatem, & inexperiencem ibi defectum, aut negligentiam judicant, ubi revera non est. Unde addit quarto Basilius cavendam etiam esse, ne de se elatius sentire incipiant, cum in quibus ipsi recte se gerunt, in his grandiores labi animadvertant. Quinto per hoc etiam providetur, ne novitii ante tempus indecore appetant ea, quæ cum aliis propter ætatem, vel alias rationes, religiose, & cum decore servantur. Sexto addit Basilius aliud commodum, scilicet, ut in præceptorum commendatione adolescentulis necessaria, strepitui illo, qui illam solet comitari, reliqui religiosi non offendantur. Denique concludit ad servandum rectum ordinem in disciplina religiosa hanc separationem esse necessariam, quæ omnia commodius perfecto servabuntur, si separatio in distinctis domiciliis fiat, si commodè id fieri possit quamvis etiam in cohabitatione ejusdem domus possint aliæ utilitates inveniri: *Nam & parvi (ait Basilius) ex grandiorum emulatione ad compunctionem assuescunt, & qui pietate antecedunt, in oratione a pueris non mediocriter adjuvantur.* Hæc vero utilitates, & similes non amittuntur propter domorum separationem, quia hæc nunquam potest esse tanta, quin cum novitiis aliqui antiquiores habeant, a quibus vitæ exemplum accipere possint, quod eo melius fiet, quo ipsi magis fuerint selecti & probati: & e converso, inter antiquiores semper juniores aliqui habitant, qui licet novitii non sint, novitiorum fervorem, & institutionem retinent, quorum vel officio, vel exemplo alii sufficienter juvari possunt.

14 Præter has vero generales rationes, considerata est in Societate specialis utilitas, vel etiam necessitas ex peculiari fine, & actionibus Societatis proveniens. Nam omnis novitii, duo sunt in Societate conveniunt, seu domiciliorum genera, pro aliis, qui jam sunt Societatis membra: quædam pro studiis & scholaribus principaliter deputata, quæ Collegia appellantur; alia ad actiones, & ministeria erga proximos omnino dicata, quæ sunt domus professorum: in neutro autem locorum istorum poterant satis convenirent domus novitiorum Societatis fundari: merito ergo tertius, ac separatus locus ad hunc finem inventus est. Minor quoad domos professoras facile ostendi potest. Primo quia illæ domus redditus habere non possunt, sed ex elemosynis vivere debent; domos autem, in quibus novitii probantur, habere convenientes redditus oportet, ut in eisdem constitutionibus Societatis institutum est, tum propter majorem tranquillitatem, & quietem novitiorum, & superiorum, a quibus gubernantur, ut deposita sollicitudine rerum temporalium solis spiritualibus intendant; tum etiam ut omnis occasio distractionis aufertur. Secundo, quia longissime inter se distant ministeria domus professoræ, & occupationes, ac instituta novitiorum, propter quod necesse est in professoribus domibus esse multam frequentiam secularium personarum, multamque cum illis communicationem, a qua novitii separati esse debent. Denique domus probationum non sunt (ut ita dicam) proxima, & immediata seminata domorum professorum, sed hæc sunt Collegia, quæ a domibus novitiorum continuo refici, & conservari debent, & ideo cum Collegia debeant esse

separata a domibus professoris, ut infra dicemus, multo magis novitiorum domus; quod si hæc cum aliquo illorum membrorum conjungi deberent, potius id futurum esset cum Collegiis, quam cum professorum domibus. Unde in declaratione cap. 1. Examin. lit. B. domus probationis velut membra Collegiorum esse dicuntur, ubi & admitti, & probari ad tempus solent, qui postmodum in Collegiis sunt constituendi. Atque ita ubi commodè probationis domus omnino separari non potest, cum aliquo collegio interdum conjuncta est, ita ut in illo habeat omnem separationem, quam habere possit. Nihilominus tamen regulariter, ubi id fieri potest, multo commodius existimatur, ut domus probationis a collegiis etiam distincta sit, quia etiam studentium exercitia valde diversa sunt ab exercitiis novitiorum, nec possunt intra eandem domum adeo separari, quin aliqua inquietudo & perturbatio in aliquibus saltem inde oriatur. Item quia cum domus probationis ad educationem spiritualem novitiorum solummodo, atque omnino instituta sit, res omnes illius, totumque regimen, ordo, actiones, atque ipsa etiam habitatio ad illum finem diriguntur, & accommodantur, & superioris cura magis unita est, totaque circa educationem novitiorum versatur, & ad hunc finem omnia alia disponit; unde non est dubium, quin ad meliorem novitiorum educationem hæc ratio vivendi utilior sit.

15 Quamvis autem hoc ita sit, nihilominus hæc etiam circumstantia non est de absoluta necessitate probationis, ut in eisdem constitutionibus satis declaratum est. Nam p. 3. c. 1. §. 27. & p. 4. c. 2. lit. D. significatur, etiam in domibus professoris posse aliquando novitios probari, quod etiam consuetudine receptum est, maxime quando ad servitium, vel auxilium domus eorum opera necessaria est, & eadem ratione possunt aliquando ad Collegia admitti, ut in 4. p. cap. 6. lit. C. dicitur, & tunc non interrumpitur eorum probatio, quia illa loci circumstantia essentialis non est. Unde tandem concluditur, de substantia hujus probationis tantum esse id, quod est de substantia novitiatus, in quacumque alia religione, illud cum proportionem ad hanc accommodando. Hic etiam non est necessarius specialis habitus regularis, sed totum ad hoc reducitur, quod est vivere sub obedientia Societatis, tanquam membrum nondum illi unitum per aliqua vota cum proposito illam intrandi, & in illa vivendi, ac moriendi, ut dicitur in 5. p. Const. c. 1. lit. A; subintelligendum autem cenfeo, si post probationem ita sibi expedire judicaverit: non enim tenetur novitius, habere absolutum propositum profitendi, seu moriendi in religione (quamvis optimum consilium sit), quia cum eo tempore revera ibi sit ad probandum, satis est in rigore, quod habeat illud propositum cum ordine ad probationem, seu (quod idem est) sub illa conditione: quamvis (ut dicebam) melius sit illam supponere, & propositum firmum habere: sic enim magis excitatur homo ad constantiam, & ad perferendos labores, quos in religione experitur. Videtur autem necessarium habere dictum propositum. Unde si quis ficto animo, cum deliberatione non vivendi perpetuo in Societate, sed solum proficiendi, vel studendi per aliquot annos in ea existat, & exterius probate se sinat, præterquam quod gravissime peccaret decipiendo religionem in re gravi, & postea egrediens teneretur ad restituendas omnes expensas, vel si quæ alia damna ob eam causam religio passa esset, ille non posset vere dici novitius Societatis; nam ut in prædicta declaratione dicitur, ut aliquis vere dicatur de Societate, etiam novitius, necesse est, ut cum prædicto proposito vivendi, & moriendi in Societate, sub obedientia ejus in probatione versetur, ut in aliquem ejus gradum admittatur. Unde satis probabile est, etiam si postea fictum propositum mutet, & velit in Societate permanere, non posse in conscientia in tempus probationis computare tempus illud, in quo animum fictum habuit, quia revera tunc non erat in probatione, licet exterius appareret. Quod cum proportionem ad alias religiones applicari potest.

16 Quia vero hoc videri potest duriusculum, & in praxi potest habere aliqua incommoda, & graves difficultates, præsertim quoad tempus probationis, simpliciter necessarium ad valorem professionis, & quia etiam nullo

7. Ratio-
nes qui-
bus Basi-
lius sua-
det novi-
tios sepa-
ratim a
professis
esse edu-
candos.

Item in
Collegiis
minus co-
venienter
educari.

Hanc se-
parationem
non esse
de substan-
tia noviti-
atus.

Quid sit
de hujus
novitia-
tus substan-
tia.

Octava
ratio ex
Societatis
instituto
sumpta.

Probatur
in p. imis
novitios
in domi-
bus pro-
fessis edu-
cari non
posse.

Qui cum
ficto ani-
mo Socie-
tatem in-
greditur
vere novi-
tius dici
nonquit.

Probatio
tamen op-
positum.

nullo jure communi satis fundari potest, ideo probabiliter dici potest, quod licet illa probatio eo tempore, quo sic fit, ficta sit potius, quam vera, quia deficit intentio, a qua omnis humana actio pendet; nihilominus mutata postea intentione retrahi (ut sic dicam) & ratificari præcedentem probationem: quia experimentum esse assumptum, non omnino transit, sed permanet, & illud est principaliter intentum per talem probationem. Aliud etiam incommodum cavendum est ex illo animo ficto, quia veri novitii Societatis fruuntur spiritualibus gratiis Societati concessis, ut dicitur in eodem c. 1. 5. p. Constit. lit. A. illis autem non fruatur, qui talem fictum animum habuerit, quia pro tunc verus novitius non est; & in prædicto loco ad fruendum his gratiis hoc propositum requiri videtur: & quoniam inter has gratias continentur absoluciones a censuris reservatis, commuta-

tiones, aut suspensiones votorum, & similes, cavendus est talis status, ne hæc omnia invalide fiant. Atque hæc videntur sufficere de hac prima parte Societatis. Nam de potestate admittendi ad hanc probationem jam supra in c. 1. sufficienter tactum est, & in eodem c. 1. 5. p. Constitutionum dicitur, totam illam esse apud Præpositum Generalem, & merito, quia, præter alias rationes, in Societate non recipitur aliquis pro uno, aut alio loco, sed pro tota Societate. Quia vero non potest per se semper illam exercere, quasi ordinario jure Provincialibus illam communicat. Idemque dicendum est de potestate dimittendi novitium, quando religioni non satisfacit, ut constat ex 2. p. Constit. c. 1. ubi in declaratione fufius explicatur modus legitime utendi hac facultate; neque hic aliquid addendum occurrit præter ea, quæ de religione in genere dicta sunt tom. superiori.

Totam potestatem admittendi, & dimittendi novitios est apud Generalem, & verisimiliter in Provincialibus.

Fictus animus non servatur gratiis spiritualibus Societatis.

LIBER TERTIUS.

De admissione scholarium in Societatem per vota simplicia, eorumque dimissione.



ROPRIUM, ac peculiare est Societatis inter omnes religiones, ut inter receptionem ad habitum, & ad professionem solennem, habeat medium quendam admittendi modum, per quem is, qui admittitur extra gradum novitiorum constituitur, & religioni unitur, tamquam verum membrum ejus, verusque religiosus; & nihilominus non constituitur in ultimo termino perfectæ unionis, quam cum corpore Societatis habere potest, sed adhuc in ordine ad illum aliquo modo in probatione manet. Qui modus admissionis propter scholasticos præcipue inventus est; extenditur tamen etiam ad coadjutores temporales, qui ad scholares ipsos juvandos recipiuntur; & quamvis in ministeriis differant, in substantia, & modo hujus receptionis, & votorum, quæ in illa fiunt, ejusdem omnino rationis sunt, & ita subtilis comprehenduntur, tamquam accessorium sub principali. Hic igitur receptionis modus multis modis impugnatus est, & tamquam novus, & tamquam injustus, & insufficientis ad religiosum constituendum. Ut ergo plene omnibus satisfaciamus, convenientiam hujus institutionis, & essentiam, & quasi quidditatem hujus receptionis, & vim votorum ejus, causas denique, effectus, & proprietates ejus explicabimus.

C A P U T I.

Proponuntur rationes dubitandi circa admissionem scholarium in Societatem.

Prima dubitandi ratio.

I N hac admissione novitiorum ad gradum scholarium per vota simplicia, prima ratio dubitandi est, quia vel in hac admissione persona se tradit Societati, eique se devot, & ab ea admittitur, vel non, sed solum simpliciter talia vota emittit. Si primum dicatur, nihil deest ad perfectam professionem religiosam, quia de substantia hujus professionis duo tantum sunt, scilicet traditio acceptata cum tribus votis substantialibus, ut supra ostensum est. Si vero dicatur secundum, illa non est unio cum religione, quia ubi non est contractus mutuus dandi, & acceptandi, non potest esse vera unio moralis, quæ constituat unum corpus politicum, & efficiat verum, & stabile membrum: non videtur ergo possibilis talis modus unionis, medius inter novitiatum, & professionem. Dicitur fortasse, dari quidem traditionem, & acceptionem, sed non reciprocam, quia obligat simpliciter eum, qui se tradit, non tamen religionem, sed solum quamdiu illum retinere voluerit. Contra hoc vero suboritur secunda ratio dubitandi; quia hinc sequitur talem modum receptionis esse illicitum, atque injustum. Probatur sequela, quia iustitia contractus postulat æqualitatem ex utraque parte: hic autem invenitur maxima inæqualitas, quia receptus in Societate manet obligatus ex se ad perpetuo vivendum, & moriendum in illa, eique serviendum: ipsa vero Societas non se obligat ad perpetuo re-

tinendum illum; est ergo injustitia in tali contractu, & ideo Doctores communiter in c. *porrectum*, de regul. Navar. & alii, quos superiori tom. retuli, agentes de professione religiosa, in hac conveniunt, quod professio religiosa, ut debito modo fiat, debet continere contractum, & obligationem reciprocam inter religiosum, & religionem. Tertio etiam si talis receptio esset licita, non videtur expediens, nec religioni accommodata. Primo quidem, quia talis vivendi modus non potest esse stabilis, ac perpetuus, quod maxime necessarium est ad vitam religiosam. Deinde quia ex illo sequi possunt multa inconvenientia, & quæ scandalum generare possunt, quale est, quod personæ semel Deo dicatæ ad seculum facile revertantur, & negotiis secularibus etiam in statu conjugii omnino tradantur contra regulam 51. *Semel Deo dicatum non est ad usus humanos ulterius transferendum*, de regul. jur. in 6. Item ex parte personarum ingredientium possunt esse multæ fraudes, ut si post vota liberius vivant, ut liberi dimittantur; vel quod gravius est, si a principio eo animo ingrediantur, & sicte voveant, solum ut bonis, & commodis religionis quoad studia, vel alia hujusmodi aliquibus annis frui possint, & postea sic vivere, vel occasionem querere, ut liberi dimittantur. Ex parte etiam religionis possunt injustitiæ intervenire, ex odio, vel alio humano respectu, aliquos dimittendo, vel certe ex nimio affectu ad commodum religionis, innocentem dimittendo, quia forte in ægritudine incidit. Quæ omnia pericula attente considerata avertere possunt homines ab affectu ingrediendi hanc religionem; ergo omnibus consideratis, nec simpliciter, nec religioni talis modus admissionis expediens est.

Tertia ex multiplici incommodo.

Necessarium esse admitti in Societate juvenes, qui bonis literis imbuantur, antequam ad Societatis ministeria applicantur.

2 Ut veritatem exponamus, suppono inprimis id, quod per se notum est, & infra lib. 5. tractabitur, necessarium fuisse in hac religione ad utilitatem, & conservationem ejus recipi juvenes, qui ad ministeria Societatis optimis literis in ea prius imbuantur, quam ad ejus ministeria applicantur. Cujus rei ratio optime traditur in initio 4. p. constit. lit. A. & ideo solum oportebit verba illa referre. Atque inprimis ex fine Societatis colligitur, & necessarium, & rationi consentaneum esse, ut qui in eam sunt ingressuri, (scilicet in Societatem professam, seu ad ejus ministeria, quasi ex officio, & propria obligatione peragenda) viri sint vitæ probitate, & literarum eruditione ad id officium idonei. Deinde vero optime subiungitur; *Et quia boni simul, & eruditi pauci inveniuntur, si cum aliis comparentur, & ex paucis major pars jam a susceptis laboribus velit conquiescere, perdifficile fore comprehendimus, hujusmodi hominibus, qui boni simul, ac literati essent, hanc Societatem augeri posse, tum propter magnos labores, quos ejus institutum exigit; tum propter magnam sui ipsorum abnegationem, ideo nobis omnibus, qui conser-*

Prima suppositio pro resolutione difficultatum adductarum.

Ratione suadetur ex 4. p. constit. in principio.

Secunda.

vatio.

vationem, & incrementum ejus ad maiorem laudem, & obsequium Dei, ac D. Nostri cupiebamus, alia via tenenda esse visa est: admittendi nimirum juvenes, qui bonorum morum, & ingeniorum indole spem facerent, quod in probos simul, ac doctos viros, ad colendam Christi Domini vineam essent evasuri, admittendi etiam in collegia, cum iis conditionibus, quæ in literis Apostolicis continentur, sive in universitatibus, sive extra illas fuerint; & quidem si in universitatibus, sive illa Societatis curæ commissa sint, sive non. Hac enim ratione nobis in Domino persuademus ad majus divina majestatis obsequium fore, si & numero augeantur, & in literis, ac virtutibus progressum faciant ii, qui eidem obsequio se totos impendunt.

3 Nec solum ratio, & evidens necessitas, sed etiam antiqua Ecclesiæ consuetudo Ignatium, & Societatem docuit hoc modo educare, & instituere juventutem, quæ ad spiritualia ministeria proximorum salutis necessaria, idonea postea existeret. Diximus enim sæpe Societatem esse religionem Clericorum, aut presbyterorum: fuit autem olim juxta primitivam Ecclesiam observatum, ut in Diocesis, seu locis Episcoporum, domus aliquæ essent specialiter deputatæ ad juvenes in virtute, & literis educandos, ex quibus postea possent boni Clerici, & Ecclesiæ utiles ordinari, ut intelligi potest ex Concil. Tolet. II. c. 1. & habetur d. 28. c. 5. ubi sic dicitur. *De his quos voluntas parentum a primis infantia annis clericatus officio mancipavit, statuimus observandum, ut mox de tonsa, vel ministerio doctorum traditi, in domo Ecclesiæ sub Episcopali presentia, a præposito sibi debeant erudiri.* Idem habetur ex Concil. Tolet. IV. c. 23. quod est apud Gratianum cap. 1. l. 2. q. 1. *Omnis (inquit) ætas ab adolescentia ad malum prona est, nihil enim incertius, quam vita adolescentium: ob hoc constituere oportuit, ut si qui in Clero impuberes, aut adolescentes existunt, omnes in uno conclavi atriæ maneant, ut lubricæ ætatis annos non in luxuria, sed in disciplinis Ecclesiasticis agant, deputati devotissimo seniori, &c.* Idem fere habetur in Concil. Aquilegran. c. 135. Quem n. orem juvare studuit Concil. Later. sub Alex. ind. III. p. 1. c. 18. Et aliud Lateran. sub Innocent. III. c. 11. Et aliud sub Leone X. c. 9. de reformatione Curie. Et tandem Concil. Trid. sess. 23. cap. 18. Ad hujus ergo sanctæ consuetudinis imitationem Societas scholarum gradum introduxit, tanquam necessarium seminarium ad eos ministros instituendos, qui pro dignitate Societati ad finem suum inservire possint. Quo enim presbyteri Societatis, ex vi sui instituti, & vi professionis ad perfectionem sacerdotalem (ut sic dicam) magis obligantur, eo perfectiori etiam indigent educatione, & institutione ad juventutem suam.

Conveniens, ac necessarium fuisse hujusmodi scholares Societati per tria vota esse substantialiter conjunctos.

4 Secundo supponendum est, convenientissimum, ac moraliter necessarium fuisse, ut hi scholares substantialiter essent Societati conjuncti per veram unionem moralem cum illa; & per tria substantialia vota religionis, ut cum pollicita ione sese amplius conjungendi cum illa, vel eam profirendi, quando, & quomodo juberentur. Hoc constat ex Constitutionibus, & bullis Pontificiis, hunc gradum tanquam Societati intrinsicum, eique maxime necessarium approbantibus, ut c. 3. videbimus; quod etiam ratione, & exemplo facile ostendi potest. Ratio quidem, quia & ad spirituale bonum ipsorum religiosorum, & ad finem, & conservationem Societatis, hoc erat necessarium. Primum patet, quia ad perfectionem talium personarum necessarium erat, ut a principio Deo dicarentur, & ad perfectionem sequendam obligarentur; alioqui si usque ad finem studiorum hoc differretur, & ipsi magis commodis spiritualibus, & gratiis privarentur, & periculo facilitatis mutabilitatis exponerentur. Ex parte item Societatis erat evidens necessitas, quia nisi ex parte studentium esset obligatio manendi in illa, suo fine, & laboribus fere frustraretur: nam complures post studia discederent, si hoc esset possum in libera eorum voluntate: *Inique autem* (ait Greg. XIII. in Constitutione: *Ascendente Domino*) *cum Societate ageretur, si viris multo labore ad ardua ministeria eruditis, cum religio-*

nis catholica, & hujus sedis detrimento privaretur. Et e converso pauci essent, verum desiderium religiosi status habentes, qui tanto tempore sine illo statu permanere vellent. Deinde vix possent convenienter gubernari, nisi votum obedientiæ, & paupertatis haberent, & innumera incommoda, & magna confusio sequi posset; quantum autem votum castitatis expediat, per se notum est. Denique cum hujusmodi scholares approbati intimam debeant habere communicationem cum reliquis membris Societatis in victu, familiaritate, rotiusque vitæ communione, monstrum esset, & indecens, si omnia hæc membra non haberent inter se substantialem unionem religiosi status. Quapropter, cum in Constitutionibus Societatis, p. 3. c. 3. lit. B. declaratum sit, non repugnare instituto nostro, ex licentia Præpositi Generalis, & ad tempus aliquos pauperes scholasticos in Collegiis Societatis admittere, quamvis intra Societatem vere non recipiantur, neque ipsi promittant ipsam ingredi, statim adjungitur, & vestitus rationem in eis futuram esse diversam, & habitationem separatam, ita ut qui institutum Societatis sequuntur, seorsim, & non committi aliis externis maneant. Dices, cur non poterant hoc modo educari omnes scholares Societatis? Respondeo propter rationes factas, non potuit hæc esse generalis regula, neque educatio illa esset cum tanto affectu, & unionem charitatis, tam ipsorum ad religionem, quam religionis ad ipsos: ex quadam vero, veluti dispensatione, id in casu aliquo permittitur, quando ex parte ipsorum non esset voluntas ingrediendi Societatem, & ob alias causas judicaretur ad majus Dei obsequium expedire aliquos ingenuos adolescentes ita educare. Sicut autem illa permissio specialis est & per se non expediens; ita ejus usus rarissimus est, aut certe nullus; & experientia ipsa docuit, quando similis necessitas occurrit, melius in separata domo, & peculiari collegio id fieri, quamvis sub cura Societatis existat, ut videmus Romæ auctoritate Summorum Pontificum, & aliis locis fieri.

5 Tandem non deest hujus institutionis proportionale exemplum ex antiquitate desumptum. Nam in dicto Concil. Tolet. II. c. 1. *De his 28. d. de iis minoribus clericis, qui in seminario Episcopali educabantur, dicitur, cum ad 18. ætatis annum perveniebant interrogandos fuisse, an vellent celibatum servare, quod si permanere volebant, promittebant castitatem, ut illo vinculo quasi obligati ad clericatum manerent.* Sic etiam in Concil. Carthag. III. c. 19. dicitur: *Letiores cum ad annos pubertatis pervenerint, cogantur aut uxores ducere, aut continentiam profiteri.* Hac etiam ratione in Concil. illo Tolet. II. c. 2. statutum est, ne clerici ab uno Episcopo in suo collegio, seu seminario nutriti, ab alio Episcopo in sua Ecclesia recipiantur: *Quia durum est (inquit Concil.) ut eum, quem alius sensu, & squalore infantia exivit, alius suscipere, ac vendicare presumat.* Volebant ergo antiqua decreta, ac merito, hujusmodi clericos esse addictos illi Ecclesiæ, in qua, & pro qua educabantur. Ad hunc ergo modum se habet Societas circa scholares suos, & eodem consilio ordinarunt Pontifices, ut scholares approbati in Societate ad nullam aliam religionem transire possint, excepto Carthusiensium ordine, quod commune est etiam professis; de quo infra lib. I. c. 2. dicendum est. Potest etiam in hujus rei exemplum adduci id, quod nunc videmus a Pontificibus observari in his seminariis, quæ ad educandos presbyteros doctores, & catholicos diversarum nationum ad expugnandas hæreses in eis exortas, erexerunt: non enim aliter (quod sciam) eos admittunt, nisi prius voto, vel juramento præstito suscipiendi sacros ordines, & in suis regnis, vel Provinciis pro fide catholica, & animarum conversione laborandi, & ministeria sacerdotalia exercendi, quia aliàs fere nullus fructus ex eo labore, & expensis probabili certitudine sperari posset. Ita ergo servata proportionem necessaria fuit in Societate obligatio ex parte scholasticorum, eam vero oportuit fieri modo religioni accommodato, atque adeo per substantialia vota, & intimam religiosam unionem cum Societate ipsa.

Obligationem per prædicta vota non esse mutuum.

6 Tertio supponendum est, hæc vota ita fieri in Societate, ut ex parte voventis sint ex intentione se obligandi in perpetuum, ad vivendum, & moriendum in hac

Hanc consuetudinem juvenes educandi antiquissimam esse monstratur.

Secunda suppositio.

Ratione probatur convenientiam, tunc ex parte ipsorum scholarum.

Tunc ex parte Societatis.

Exemplum idem suadet.

Aliud exemplum.

Tertia suppositio bipartita.

Ostenditur prior pars.

hac religione sub obedientia ejus; ex parte vero religionis solum admittantur acceptando traditionem, & obligationem ipsius voventis, non tamen se obligando ad semper retinendum ipsum voventem, aut vota ejus; sed solum quantum *Præpositus Generalis eos in Societate retinendos censuerit*. Utrumque est manifestum, ac sæpius repetitum in Constitutionibus, ac bullis Societatis. Nam quod ad primum attinet; nihil magis ab scholasticis approbatis, vel a novitiis expleto biennio, ut in illum gradum admittantur, postulari, quam ut firmum propositum habeant vivendi, & moriendi in Societate. Unde in c. 3. Exam. §. 13. primum interrogatur novitius, *an omnino decreverit seculum relinquere, & consilia Domini nostri Jesu Christi sequi*. Et statim §. 14. *Num deliberatum habeat animi propositum vivendi, & moriendi in Domino, cum hac, & in hac Societate Jesu Christi Creatoris, ac Domini nostri*. Et rursus §. 7. §. 5. *An statuerit omnino apud se studiis absolutis, ac probationibus peractis Societatem ad vivendum in ea, & moriendum ingredi*. Et infra n. 7. & 8. hæc stabilitas sæpius examinanda dicitur. Deinde idem constat ex ipsa forma vovendi tria vota substantialia; atque ingressum in Societatem, *ut vitam in ea perpetuo degant*, jam formati, aut professi, ut constat ex p. 5. Const. c. 4. §. 4. quæ vota ad majus meritum, & stabilitatem emitti dicuntur in Exam. c. 7. in principio. Denique nihil frequentius in Constitutionibus repetitur, & rationes, quibus paulo ante in 2. suppositione probatum est, necessarium fuisse scholares approbari, & admitti in Societate sub obligatione, probant etiam talem obligationem debuisse esse perpetuam, alioqui non vitarentur incommoda, quæ ibi dicta sunt.

Ostenditur posterior.

7 Altera item pars, quod Societas ex parte sua non absolute obligetur, expresse habetur in Examine c. 7. & 5. p. cap. 4. lit. D. & his verbis ponitur in Constitutione, *Ascendente Domino*. Greg. XIII. ubi cum sermo sit de scholaribus, dicitur: *Quantum est ex parte ipsorum, perpetuo: ex parte vero Societatis juxta Apostolicam indulta, & constitutiones prædictas tamdiu obligati sunt, quamdiu Præpositus Generalis eos in Societate retinendos esse judicaverit*. Et ideo 5. p. Const. c. 4. de his scholaribus dicitur: *Qui peracta sua priori probatione, & experimentis, per biennium in scholasticos approbatos admittuntur, coram aliquibus domesticis, quamvis non in manibus cujusquam vota sua emittant, &c.* Ubi in declaratione ita explicantur illa verba; *Non in manibus cujusquam: ut hoc votum soli Deo offertur & non homini, ita nemo id admittit, propterea in nullius manibus fieri dicitur*. Quæ verba obscuriora sunt, & egent expositione, quæ iterum in c. 5. ad finem recolenda erit. Nam certum est hæc vota fieri aliquo modo in manibus Prælati Societatis, multumque in hoc differre a votis, quæ novitius suo arbitrio facere potest, & sæpe facit, & reperit etiam publice, & in præsentia multorum, juxta easdem Constitutiones Societatis in Examine c. 1. & 3. p. Const. c. 1. lit. F. ubi etiam declaratur, talia vota non fieri in manibus cujusquam, neque admitti, quod longe aliter, quam de votis scholasticorum approbatorum necesse est intelligi. Quia negari etiam non potest, quin hæc vota scholasticorum, aliquo modo, a Societate admittantur, alioqui non vere cum illa unirentur. Et ideo in 5. p. Const. cap. 1. dicitur: *Quia scholastici approbati etiam modo quodam interiori, quam admissi ad probationem, in corpus Societatis cooptantur, de eorum quoque admissione in hac 5. p. dicitur*. Inscrubitur autem illa pars: *De iis, quæ ad admittendum in corpus Societatis pertinent*. Ubi corpus Societatis sumitur, ut constat, ex suis veris membris, excludendo novitios, de quorum admissione in 1. p. dictum fuerat. Ergo necesse est, ut scholastici ab ipsa Societate admittantur in vera membra ejus, quod non fit nisi per hæc vota. Unde si talia vota etiam post biennium fiant coram aliquo, qui potestatem non habeat admittendi illa, non habent vim incorporandi in Societate, neque efficiunt scholarem approbatum, nec denique efficiunt vota Societatis. Necessaria ergo est aliqua admissio, alioqui ad quid esset necessaria potestas in admittente? In hoc ergo sensu non tantum sunt coram ipso, sed etiam in manibus ejus, ut ipse possit ea acceptare. Sic enim dixit Gregor. XIII. in prædicta Constitutione, *Ascen-*

Exponitur conclusio.

dente Domino, scholares per hæc vota se Societati dedicare, atque actu tradere; quod impossibile est fieri, nisi in manibus alicujus illa emittant. In prædicta igitur constitutione dicuntur hæc vota non fieri in manibus alicujus, qui ita illa acceptet, vel recipiat, ut Societatem obliget ad ea semper in suo valore retinenda, & conservanda. Et eodem sensu dicitur in declaratione neminem talia vota admittere; scilicet, ut absolute perpetua sint, sed solum sub conditione subintellecta, si Societas hujusmodi personas retinere velit, ut ibidem dicitur. Quam conditionem latius cap. sequent. a n. 3. explicaturi sumus.

C A P U T III.

Concluditur licitum ac sanctum esse receptionis modum, quo scholastici in Societatem admittuntur: ac rationibus dubitandi in contrarium satisfi.

1 EX his ergo colligimus inprimis possibilem fuisse in Societate modum aliquem admittendi hujusmodi scholares in corpus suum, quo vere illi uniantur, tamquam vera membra ejus, medium statum habentia inter novitiatum, & gradum professorum. Quia hæc vota, quæ explicuimus, seu receptio, quæ per illam fit, extrahit personas a gradu novitiorum; nam hi nondum sunt membra corpori religionis vere unita: scholares autem per hanc admissionem vere efficiuntur membra, cum tamen constet ex eodem modo, quo admittuntur, illos non esse professos, neque ultimate (ut sic dicam) conjunctos, & unitos Societati, pro ut illi conjungi possunt. Arque in hoc fatemur esse differentiam inter Societatem, & alias religiones. Id enim expresse dixit Gregor. XIII. in dicta Constitutione, *Ascendente Domino*. *Quoniam Societas (ait) non solis novitiis, & professis, ut relique regulares, constat*. Atque ita responsum est ad primam rationem dubitandi. Concedimus enim in hoc genere unionis personam, quantum est ex se, perfecte se tradere, admitti vero, non simpliciter, sed cum illis addito, & conditione subintellecta, si Societas ejusmodi personam retinendam judicaverit.

Prima conclusio.

2 Secundo vero addimus, hoc genus receptionis licitum, & sanctum esse, tam ex parte religiosi, quam ex parte religionis. Ad hujus veritatis probationem, sufficiebat hoc genus receptionis esse approbatum a multis Summis Pontificibus, non solum generatim, & quasi confuse, quatenus approbantur constitutiones, sed distincte, & in particulari declaratum inter ea, quæ ad substantiam instituti multum pertinent, ut videre licet in bulla Confirmationis Julii III. ubi de votis scholarium dicitur, *Quibus teneantur, quamdiu Præpositus Generalis in Societate retinendos esse censuerit*. Latius vero id habetur in dicta Constitutione Gregorii, *Ascendente Domino*, cujus verba ex parte retulimus c. præced. n. 7. & plura statim referemus. Nihilominus tamen necessarium est, ratione hoc ostendere, & objectioni secundæ in c. præced. satisfacere. Primum ergo, quod ex parte ipsius religiosi talis contractus, seu obligatio licita sit, manifestum est, neque ex hac parte aliquid contra illam objicitur; quia religiosus nulli facit injuriam, neque in aliquem alium contra charitatem, aut aliam virtutem operatur, neque etiam in se ipsum, tum quia est sui juris, & potest de sua libertate disponere, ut voluerit, cum alioqui propter bonum finem, & in officium de se sanctum, & in cultum Dei se offerat. Tum etiam, quia licet quandam sui traditionem, & obligationem nimis liberalem facere videatur, totam illam facit in obsequium Dei, respectu cujus nulla liberalitas potest esse nimia. Unde tantum abest, ut ex hac parte hæc obligatio sit illicita ei, qui se offert, ut potius ex eodem capite videatur excedere aliam professionem, quæ reciproca est: nam in illa quodammodo minus est liberalis obligatio, cum ex alia parte quædam recompensatio respondere videatur; non tamen propterea hanc unionem solenni professioni præferimus, quia cætera non sunt paria, sed solum advertimus, ex hac parte habere excellentiam quandam singularem.

Secunda conclusio b. membris probatur ex Pontificibus.

3 Ex parte vero religionis etiam hoc esse licitum, his verbis breviter probatur in dicta constitutione, *Ascendente Domino*. *Quod ad Societatis conservationem*

Ostenditur deinde posterius maxime

membrum
ex Pone
ntis.

*maxime est necessarium, idque ab illius exordio provi-
sum, & post experimento comprobatum est, idque initio in-
gressus, illis explicite manifestatur, atque ipsi conditio-
nem hanc amplectuntur, quæ eis (si quos dimittere oporteat)
multo est commodior, ut liberi potius, quam votis
obligari dimittantur, aliisque iustis, & rationabilibus
de causis. In quibus verbis plures rationes insinuantur,
quas omnes ad unam sub hac forma reducere possumus:
si hoc esset illicitum Societati, aut esset contra iusti-
tiam commutativam respectu religiosi, aut contra
charitatem, aut contra commune bonum, quod re-
spiceretiam charitas, vel iustitia legalis; nihil horum
dici potest, vel cum minima probabilitate; ergo.
Major continet sufficientem partitionem, nec video
aliud membrum, quod excogitari possit.*

Prima
pars hu-
jus ratio-
nis.

4 Minor quoad primam partem de iustitia probatur in prædictis verbis, quia scienti, & volenti non fit injuria: in præsentem autem religiosus sciens, & videns vult item contrahere, & se donare, & ad hunc finem tanto tempore examinatur, & ei distincte proponitur ad quid, & quomodo obligandus sit, & tam multiplex consideratio, & repetita lectio institui, & diplomatum illi imperatur; quæ igitur injuria ex parte Societatis intervenire potest? Et confirmatur; nam in rebus humanis, ac temporalibus possunt fieri similes contractus cum magna æquitate iustitiæ, cur ergo non in spiritualibus? Antecedens patet, nam secluso jure prohibente potest se aliquis donare alicui in servum, qua donatione facta non potest ipse retrocedere, aut se eximere a servitute: alius vero potest illum manumittere: unde quamdiu illum apud se retinet, & in suum commodum illo utitur, illum alere tenetur, vel ex pacto implicito, vel ex ipso jure naturali: si autem illum semel manumittat, sicut unus liberatur obligatione serviendi, ita & alter alendi, in quo contractu evidens est, non esse injustitiam. Quia in ea parte, in qua videtur esse inæqualitas, scilicet, quod unus obligatur ad non subterfugendum, & alter non obligatur ad retinendum; in hac (inquam) parte contractus non est per modum commutationis, sed per modum simplicis donationis ex altera parte: quia (ut supponitur) ille voluntarie se donat in servum. Adde insuper, etiam si servitus contrahatur per modum commutationis, posse esse, & concurrere tales circumstantias, ut etiam in ea, quæ videtur inæqualitas, summa æqualitas rei ad rem servetur. Nam si servitus ipsa in majus commodum servi cedat, quam Domini, majoremque utilitatem illi afferat, cur non poterit ille excessus compensari majori quadam obligatione ex parte servi? Sic enim in contractu emptionis, & venditionis, aliquando obligatur emptor ad iterum vendendum, si alius velit. Sic vero non obligatur ad emendum, etiam si alius velit vendere; & tamen non est inæqualitas, si tantumdem de pretio rei minuat, quanti obligatio illa major æstimabilis est. Ita ergo facile intelligi nostrum intentum potest in illo exemplo servituti. Hæc enim omnia simul in hoc quasi contractu Societatis concurrunt. Nam in primis contractus est utrimque voluntarius, & cum perfecta scientia; deinde ex parte religiosi est magis liberalis quædam traditio sui, quam commutatio; & ipsa Societas satis expresse declarat se nolle acceptare personam talem, sibi donatam, nisi sub ea conditione, ut possit eam dimittere, cum expedierit. Denique hæc ipsa acceptatio hoc modo facta est non solum æquale, sed etiam majus bonum respectu religiosi, quam sit commoda ejus traditio ipsi religioni. Nulla ergo ratio injustitiæ hic excogitari potest; præsertim, quia licet Societas non obligetur speciali, & absoluta obligatione ad scholarum approbationem perpetuo retinendum, obligatur nihilominus ad non dimittendum illum sine legitima causa, sive hæc obligatio oriatur ex natura rei ex ipso contractu, sive ex ipso instituto, de quo infra cap. ult. dicam, & causa illa moraliter loquendo semper pendet ex voluntate ipsiusmet religiosi. Adde insuper, plures contractus humanos auctoritate legum ita claudicare, ut unus contrahentium simpliciter obligent, & non alium, ut late tractant Gloss. ultima, & Doctores ex textu ibi in cap. De illis 1. de despo. impuber. & in cap. de eo qui duxit in matrimon. quam pollu. per adult. & in leg. Julianus, §. Si quis a pupillo, ff. de action. empti.

& in §. 1. Instit. de auctorit. tutor. videri etiam possunt tom. super. dicta de professione tacita, ubi aliquod exemplum simile attigimus. Propter quæ omnia, merito in compendio privilegiorum Societatis verbo *Votum* §. 2. in dictis votis, nec contractum claudicantem, nec ullam injustitiam reperiri dicitur.

5 Altera pars de obligatione ex charitate probatur dupliciter ex verbis citatis. Primo ex parte ipsius religionis, quia ad conservationem ejus necessarium est, ut hoc modo, & non aliter, scholasticos approbatos recipiat: charitatis autem ordo est, ut servata æqualitate iustitiæ unusquisque consulat bono proprio magis, quam alieno, & præsertim in spiritualibus, multoque magis si tale bonum commune sit. Hæc autem omnia in præsentem concurrunt: nam in primis probatur æquitas iustitiæ, ut ostensum est. Deinde bonum, quod in Societate conservari intenditur per hoc medium, spirituale est, scilicet, religiosa perfectio, & puritas: item major aptitudo, & efficacia, ad spiritualia ministeria in utilitatem animarum peragenda. Unde etiam constat hoc bonum non esse privatum, sed commune, non solum quia Societas ipsa communitas quædam est, cujus bonum vel hoc solo titulo præferendum est cuicumque privato, sed etiam quia hoc redundat in bonum universale animarum, ad quod non parum spectat, quod operarii Societatis idonei, & fideles ministri sint Evangelii. Solum restabat probandum hoc medium esse moraliter necessarium, aut valde utile ad hoc bonum Societatis; sed hoc luce clarius est, quam ut probatione indigeat, & in citatis verbis diuturna experientia in probationem adducitur, quæ in re morali sufficiens argumentum est. Item adducitur in argumentum, quod a principio fuit hoc a B. Ignatio & sociis ejus prævisum, & provisum; quod etiam argumentum in re morali non parum efficax est propter tantorum virorum sanctitatem, & prudentiam. Deinde hæc libertas Societatis eo tantum tendit, ut solum ejus membris constet, quoad fieri possit, quæ ad finem Societatis apta, & idonea sint, & expurgata sit omni membro inutili, vel ad tale corpus parum apto: nihil autem est magis necessarium ad cujuscumque corporis conservationem & augmentum, & ad omnes suas actiones cum fructu perficiendas; ergo. Denique omnes rationes quibus infra l. 6. c. 1. ostendimus propriam Societatis professionem merito per plures annos differri, & non habere certum terminum præter sufficientem probationem personæ per diuturna experimenta, probant consequenter pertinere maxime ad bonum Societatis conservare in se hanc libertatem, & non constringi ad retinendos eos, quos nondum habet satis probatos, non solum per biennium, sed etiam per illa diuturna experimenta, quæ ad professionem necessaria sunt. Supra etiam ostendimus in tom. præced. alias etiam religiones habere potestatem ejiciendi interdum suos professos, quia ad suam conservationem, & perfectionem erat moraliter necessarium, quia *parum fermenti totam massam corrumpit*. Quid ergo mirum, quod ad conservationem Societatis dicamus hoc medium esse moraliter convenientissimum?

6 Dices, etiam si absolute acceptarentur, possent dimitti, quando expediret, non tamen liberi, sed suis votis ligati, sicut dimittuntur in aliis religionibus professi. Quod quidem esset onus ipsorum, qui dimittuntur, non Societatis. Ad hoc tacite responderetur in eisdem bullis citatis, adjungendo secundam rationem. Nimirum in hac restitutione prospectum etiam esse commodum ipsorum votivorum: nam si quos dimittere oporteat, præterquam quod & licetis fere imbuti sunt, & pietatem gustant, multo eis commodius est, ut liberi potius, quam obligari dimittantur; esset enim grave onus, retinere principale onus obligationis, & carere commodis Societatis. Accedit etiam, quod quando obligatio votorum, seu obligationis manet, multo est minor facultas dimittendi, & gravissimam causam requirit: in Societate autem oportebat hanc facultatem esse majorem ad assequendum finem per hanc institutionem intentum: sæpe enim expedit aliquem dimittere, non solum propter vitia incorrigibilia, quæ fere sola potest esse ratio dimittendi professum, sed etiam propter difficilem naturam, vel non satis aptam, aut fidam, ut ei ministeria Societatis committantur, & alia similes cau-

Secunda
pars eius-
dem ratio-
nis
multiplici-
ter ostenditur.

Instantie
sunt
undique.

fas. Unde etiam hæc impedimenta interdum sunt perpetua, quæ aut nullo modo, aut vix possunt auferri per voluntatem ejus, qui dimittitur, & ideo inutile esset eum dimittere ligatum, cum non sit iterum recipiendus, etiam si probus existeret: obligare autem illum ad aliam religionem petendam per se loquendo, non erat expediens, quia nemo debet obligari ad id, quod non promissit: ergo in hoc etiam juxta charitatis legem prospectum est ipsorum voventium commodum.

Tertia
pars.

7 Ultima denique pars satis probata est cum præcedenti; ostensum est enim ad bonum commune Societatis, & consequenter etiam Ecclesiæ, seu animarum spectare, ut Societas hanc liberam retineat facultatem; ergo non potest esse contra justitiam legalem, vel commune bonum. Quapropter licet ex uno, vel alio capite aliquod incommodum sequi videatur, ut quod aliqui titulo paupertatis ordinati, postea non sint pauperes obligatione, & statu, & tamen ipsa indigeant, contra decentiam ordinis, vel etiam, quod multi, qui divitias contempserunt spe religionis, postea sine divitiis & sine religione inveniantur. Ex his (inquam,) vel similibus incommodis non est ferendum absolutum iudicium de inconvenientia rei in ordine ad commune bonum; quia nulla est fere humana institutio, ex qua non possint aliqua incommoda sequi; unde illud de ordinatione in Congregatione S. Joannis Evangelistæ levius reputatur, cum tamen ibi utriusque detur facultas ab eo quasi pacto recedendi. Pensanda ergo sunt homini, & ab eo quod majus, & excellentius est, prudenter est judicandum. In præsentem autem universale bonum spirituale unius religionis, quod redundat in spirituale, & generale etiam commodum totius Ecclesiæ, majoris momenti est, quam particularia incommoda, quæ in contrarium possunt allegari, vel excogitari. Item bonum illud moraliter est certum, & per se intentum: alia vero incommoda, si qua dantur, rara sunt, & incerta, & per accidens evenientia; atque adeo solum permixta, quando evitari non possunt. Denique bonum religionis tale est, ut moraliter alio modo subsistere non possit in Societate, propter pericula, & difficultates graves, quibus exponuntur operarii ejus, ut sæpe dicitur in bullis Pontificiis, & præsertim in dicta Constitutione, *Ascendente Domino*: at vero si qua incommoda sequi possunt, aut præveniri, & impediri, fere semper valent, aut certe majoribus commodis etiam particularium personarum compensantur, ut jam explicabo.

Unde sol-
vatur se-
cunda ra-
tio dubi-
tandi ca-
pituli præ-
cedentis.

8 Per hæc igitur secundæ objectioni satisfactum est; & tertia etiam fere jam est expedita: nam quæ in confirmationem secundæ assertionis dicta sunt, probant non solum hoc esse licitum, sed etiam melius, magisque expediens in hac religione. Nam quod est moraliter necessarium ad commune bonum spirituale alicujus religionis, & Ecclesiæ, simpliciter est melius, & magis expediens tali religioni, & ipsi etiam Ecclesiæ, quatenus ex tali parte constat, & quatenus ejus laboribus, & operibus ad suum commodum utitur: sed talis est institutio, de qua agimus, ut declaratum est; ergo. Deinde id ostenditur discurrendo per singula incommoda, quæ proponuntur. Quod ergo in primis dicitur, talem modum vivendi non posse esse stabilem, & perpetuum, nullius momenti est. Etenim si sensus sit, non habere moralem firmitatem sufficientem ad statum humanum, falsum est: nam ut in tom. super. dixi, ad religiosum statum non est necessarium, ut causæ ejus omnino sint invariables, sed satis est, ut talem habeat stabilitatem, ut sine gravi causa, & per potestatem publicam, seu in virtute ejus mutari non possit: ita vero est in præsentem, ut per se constat, & in seq. cap. magis explicabitur. Si vero sensus illius incommodi est, quod hic status non sit absolute perpetuus, & independens (ut ita dicam) ab humana voluntate, sic petitur principium: nam pro inconvenienti inferitur illud ipsum, de quo disputatur. Negamus igitur illud esse inconveniens; jam enim ostensum est, quibus rationibus expeditur.

Ad primū
incommo-
dum alle-
gatum in
tertia ra-
tione du-
bitandi
ejusdem
capituli.

Ad secun-
dum inco-
modum.

9 Ad aliud concedimus ex hac institutione sequi, ut aliquæ personæ aliquando Deo dicatæ, & ad ejus obsequium admittæ ad seculum revertantur, & negotiis secularibus implicentur, non tamen in eodem statu manentes, sed murato statu, & quasi ablata forma, per quam erant res Deo consecratæ: sic autem non est in-

SHARPE, Tom. XV.

conveniens rem semel Deo dicatam ad profanos usus media tali mutatione converti, ut præced. tom. declaravimus, tractando de immutabilitate professionis, & quomodo religiosus per professionem solennem possit aliquando fieri non religiosus, & deinceps seculariter vivere. Neque vero hæc mutatio facile fit, cum gravem causam requirat, & non fiat sine Apostolica auctoritate, & cum matura deliberatione: certe R. P. Claudius Aquaviva, qui ultra 30. annos Præpositum Generalem agit, uniuscujusque dimissionem semel, & iterum in consultationem adducebat. Et quamvis hoc non raro accidere videatur, considerata tamen hominum fragilitate, & respectu tantæ multitudinis raro accidere dici potest. Nec denique est, quod timeatur scandalum; tum quia intellecta causa, & ratione, nullum est, præsertim apud eos, qui non sunt male affecti, ut experientia nos docuit; de quorundam enim ejectione Societati gratulantur, providentiamque de sui ipsius hac ex parte conservatione commendant: tum etiam, quia & majus, & verius scandalum fuisset, si Societas aut viris se indignis abundaret, aut operarios Evangelii haberet parum exemplares, ac religiosos: & tunc etiam multo gravius eidem Societati malum fuisset, si religiosi, manentes religiosi non satis religiose viverent, quàm si aliqui religiosi esse desinant, & seculariter vivant; nam illud prius præter incommoda numerata vix esse potest sine magnis sacrilegiis, & Dei offensionibus: hoc autem posterius licet minus bonum sit, evitat majora mala.

Ad certū
incommo-
dum.

10 Aliud vero inconveniens de fictionibus, quæ esse possunt ex parte eorum, qui parum constantes sunt in sua vocatione, vel qui a principio non rectam intentionem habent. Hoc (inquam) licet admittatur, nullius momenti est ad improbandam institutionem, quia hi sunt quidam hominum abusus, qui in rebus etiam sanctissimis admiscuntur. Aliàs improbantur religiones militares, quia multi sunt, qui non propter Dei obsequium, vel propriam perfectionem, sed propter humanum honorem, & divitias, eas affectant. Improbantur etiam ordines Monachales, quia multi non studio perfectionis, sed ob humanam commoditatem illum statum eligere solent. Idem de Episcopis, & multis aliis dicere possemus. Addo etiam ulterius, experientia notum esse illud inconveniens raro accidere, vel fortasse nunquam, ita ut de eo satis constare possit, de interioribus autem intentionibus homines non judicant. Et timor Dei potest hunc fictum animum impedire, quia, ut infra dicemus, & circa finem libri præcedentis attigimus, qui ita se gerit, & tunc graviter peccat, & postea non est in conscientia tutus; neque desunt etiam moralia remedia, quibus malum hoc per disciplinam, & correctionem religiosam possit præveniri.

Ad quar-
tum.

11 Aliud præterea incommodum, quod ex parte religionis, seu Prælatorum ejus ponebatur, humanum etiam est, quia homines facile abutuntur potestate accepta: sed nunquid ob eam causam non est hominibus committenda potestas ad regendam rempublicam necessaria? Aliàs nec debuisset Christus Vicarium in terris relinquere cum tanta potestate. Addo vero hæcenus per divinam gratiam hoc incommodum non esse sequutum, saltem regulariter, nec fortasse in aliquo casu, de quo certo constare possit, injuriam aliquam factam cum malo animo, vel sinistra intentione aliquem fuisse ejectum; quod si fortasse aliquando ex nimio zelo aliquis excessus commissus est, neque id est mirandum; neque est magna reprehensione dignum, cum recta intentio non desit, & providentia humana non possit aliquando non falli, qui error raro erit practicus, sed speculativus tantum, cum in casu dubio in favorem religionis inclinandum sit. Et sperandum profecto est, hanc rectitudinem semper esse servandam, tum quia non nisi cum magna consideratione, & multorum consilio, hoc fitum etiam quia ipsemet affectus ad propriam religionem, præter affectum charitatis ad proximum, inclinat ad conservanda ejus membra, nec permittit aliquid ex illis abscindere, nisi ubi ad salutem totius corporis necessarii est, sicut in naturali corpore accidere videmus.

12 Nec denique timendum est (quod ultimo loco inferebatur) ne ob hanc causam pauci sint, qui hoc institutum profiteri velint, eo quod se exponant periculo, vel infamiae, vel paupertatis, si postea dimittantur. Nam

Ad quin-
tum.

in primis diuturna etiam experientia docuit, nihil hoc impedivisse, quominus hæc religio iurum in modum aucta fuerit; & præter divinam gratiam, præcipuam rationem existimo fuisse, quia plus attrahit, & invitat vitæ exemplum, & præsertim mutæ charitatis unio, & totū religiosæ vitæ specimen, quam terreat timor ejectionis. Deinde, quia cum unusquisque sibi persuadeat non fore ejiciendum, nisi ipse sua voluntate causam dederit, vel aliquo modo ejectioni consenserit, sicut tunc per divinam gratiam concipiunt desiderium, & propositum vivendi, & moriendi in Societate, quantum in se est, ita ex eadem gratia concipiunt spem non deficiendi, nec dandi causam ejectionis; & ita non difficile deponunt timorem, qui eos ab ingressu deterreat, conservant autem eum, qui illos in officio contineat, & vigilare faciat, ne unquam desint gratiæ Dei. Adde præterea, si quid periculi alicujus infamiae, vel temporalis incommodi illos retardet, efficacem Dei vocationem præbere animum aggrediendi illud propter obtinendum bonum, quod in tali religione esse judicant, cum spe (ut dixi) superandi tale periculum; sicut enim multi ob Dei honorem majoribus periculis se exponunt, non solum infamiae, sed etiam mortis, ita minime timendum, ne desint, qui hanc etiam viam aggredi velint. Certe si consideratio illa efficax esset, novitiatus etiam cujuscumque religionis esset sufficiens occasio deterrendi homines ab ingressu; nam post illud inchoatum nemo ejicitur, aut retrocedit sine ulla infamia, aut nota, & quilibet timere potest, ne hoc illi contingat. Quod vero ad pauperatatem attinet, nihil fere est, quod ex hac parte timeatur, tum quia si aliqua bona Societati donata sunt, ea quidem juxta c. 4. Examinis lit. B. & c. 3. 2. partis lit. B. ac praxim a S. congreg. decreto 8. Præposito Gener. commissam, restitui solent ei, qui ejicitur, tum quia non nisi qui in vocatione stabiles judicantur, bonorum suorum, si qua habent, renuntiationem facere permittuntur; si vero aliter de eis dispositum est, ita ut recuperari non possint, sibi imputet, qui post hujusmodi renuntiationem indignum se fecit, ut in Societate retineretur; & præterea ipsa educatio in Societate, quamvis temporalis, & semina virtutum, ac doctrinæ, quæ in eo tempore comparari solent, majora bona sunt, majorisque æstimationis, quam temporalia illa incommoda, quæ timeri posse dicuntur.

C A P U T III.

Utrum hæc scholasticorum admissio in Societatem verum religiosum constituat?

Patio du-
pendi.

Ratio dubitandi est, quia ex hæcenus dictis, videtur manifeste colligi, hanc non esse veram professionem religionis: quia de ratione professionis est, ut sit votis solennibus omnino absolutis, & immutabilibus firmata, ut plane sentit D. Th. 2. 2. q. 88. art. 7. & 11, qui hac ratione concludit votum solenne esse indispensabile, & fieri non posse, ut semel religiosus desinat esse religiosus. Similiter q. 184. a. 4. addit, de ratione status perfectionis esse, ut solenni voto firmatus sit. Diximus autem hanc receptionem non firmari votis absolutis, & immutabilibus; non est ergo vera professio. Verus autem status religiosus solum per veram professionem constituitur, ut tom. præced. late ostendimus; & constat ex multis locutionibus juris, quæ in summa continent, *habitu non facere monachum, sed professionem* cap. porre-ctum, de regulariis. unde in c. religioso, de sententia excom. in 6. dicitur; *Is, qui religionem ingreditur, religiosus censeri cum effectu non potest, donec sit tacite, vel expressè professus*. Et Sixtus V. in declaratione sui motus proprii, de illegitimis; *Quia tunc (ait) vere, & proprie religiosi esse dicuntur, cum professionem emittunt*. Si ergo scholastici Societatis eam non emittunt, veri religiosi non sunt. Et confirmatur ex forma, quam in vivendo servant, quæ habetur 5. p. Const. c. 4. in qua ipe primis nulla fit mentio professionis, traditionis, aut promissionis, quæ homini fiat, & simpliciter dicitur; *Voveo coram sacratissima Virgine Maria, & curia tua celesti universa divina majestati tuæ pauperatatem, castitatem, & obedientiam perpetuam in Societate Jesu*. Deinde vero additur; *Et promitto eandem Societatem me ingressurum*. Ergo illi votorum emissio non est ingreditus in Societatem; nam quod postea faciendum promittitur, tunc non fit; non est ergo illa vera professio religiosa. Præsertim, quia statim additur; *Omnia intelligendo*

Confirm.

Confirm.
2.

juxta ipsius Societatis constitutiones. At vero in eisdem Constitutionibus declaraturum est, illa vota non emitti in manibus alicujus, sed soli Deo fieri, ut patet in eodem c. 4. 3. cum declaratione in lit. D. in qua additur, neminem illa vota admittere; ergo non potest illa esse vera professio religiosa; nam hæc consistere non potest, nisi in manibus alicujus hominis fiat. Circa hoc punctum nonnulli moderni Theologi, totis viribus conati sunt suadere, per hæc vota non constitui religiosum statum, Quorum fundamentum sufficienter tactum est in ratione dubitandi. Maxime enim niritur in communi usu aliarum religionum, quem putant fuisse unicum, ac perpetuum in Ecclesia: ex quo volunt deducere non posse fieri, etiam per potestatem Summi Pontificis, ut aliquis sit verus religiosus cum hujusmodi tantum votis.

2 Nihilominus dicendum est per hanc receptionem, & votorum emissionem, personam constitui in vero, ac proprio religioso statu. Quam assertionem ita certam existimo, ut sine magna temeritate, & errore negari non possit. Nam ex professo definita, declarata, & probata est a Greg. XIII. prius in bulla anni 1582. quæ incipit, *Quanto fructuosius*. Et postea uberius contra aliquos falsos interpretes, vel potius impugnatores Pontificis doctrinæ, in Constitutione, *Ascendente Domino*, ann. 1584. In quibus sæpius docet, eos, qui in Societate Jesu substantia vota emiserunt, vere, ac proprie religiosos esse, etiam si illa vota simplicia sint, & non solennia. Ubi ante omnia expendenda est illa particula, *vere, ac proprie*, nam ex illa in primis colligitur esse in hujusmodi personis, quidquid ad substantiam, & essentiam religiosi status pertinet: nulla enim res dici potest, vere, & proprie talis, v. g. homo, aut equus, nisi habeat veram substantiam & essentiam hominis, vel equi; & e converso eo ipso, quod de fide credimus Christum fuisse vere, ac proprie hominem, eadem certitudine credimus habere totum id, quod est de essentia hominis.

3 Deinde ex vi eorundem verborum excluduntur plures falsæ interpretationes, quæ Pontificis sensum potius errant, quam exponunt. Prima est, hoc fuisse speciale privilegium Pontificis, atque ita hujusmodi personas posse vocari religiosas ex privilegio, vel dispensatione, non quia in se habeant essentiale vinculum, in quo substantia status religiosi consistat. Hæc autem foga in primis repugnat proprietati, & veritati illarum particularum, *vere ac proprie*, præsertim cum ad majorem declarationem, & ad tollendam omnem tergiversationem, in utraque constitutione addat Pontifex, hos scholares sic approbatos in Societate, *esse vere ac proprie religiosos, non secus atque ipsos, tum Societatis, tum quorumvis aliorum regularium ordinum professos*, quod verum esse non posset, nisi essentia status religiosi æque in illis esset, licet fortasse in aliqua accidentali perfectione inferiores sint. Deinde repugnantiam involvit illa expositio contra sinceram veritatem: quia vel per illud privilegium vere conceditur tali personæ, ut ad proprium, & substantialem statum religiosum admittatur, vel non: si hoc non tribuitur, quomodo potest vere, ac proprie religiosi nomen illi concedi? aut quod privilegium potest efficere, ut salva veritate, & proprietate, persona habeat titulum sine re, & maxime cum illa comparatione, *non secus atque ipsos*, &c. Si autem illud prius concedatur, parum nostra refert, quod aliquis utatur illo nomine privilegii, si ita appellatur, solum quia beneficio, & institutione Romani Pontificis talis modus religiosi status firmatus, & approbatus est. Quia vero calumniatores illa voce privilegii utuntur ad diminuendam rei veritatem, & proprietatem, & significandum hos non esse religiosos simpliciter, sed secundum quid, ideo talem loquendi modum rejiciendum, & omnino vitandum censemus. Si enim priori sensu loquerentur, dicere possent omnes professos esse religiosos ex privilegio, quia sine beneficio Pontificis, id est, sine ejus institutione, & approbatione, in nulla religione esset verus, ac proprius religiosus status. At vero hæc approbatio omnino improprie privilegium appellabitur, cum per se non sit aliquid contra legem, aut commune jus.

4 Dicere vero potest aliquis, religiosum statum, qui per veram, & solennem professionem assumitur, esse proprium & verum ex divino jure: hunc autem, qui per hæc vota Societatis assumitur, esse quidem verum, & pro-

F. Dida-
cus Pere-
do Theo-
logie pro-
fessor in
suo con-
ventu
Abulen-
sian. 1584.
& alii
eiusdem
famil. 2.
quos ex
2.
inapugn-
Sanchez
lib. 7. de
matr. d. 1.
25. n. 15.

Conclusio
certissima.
Probat
primo ex
verbis
Pontif.

Prima ad-
versario-
rum inter-
pretatio
ad dicta
verba ex-
cluditur
primo.

Excludi-
tur secun-
do.

Secunda
interpre-
tatio.

& proprium, tamen solum ex jure positivo; & hoc sensu esse ex privilegio Pontificis, quia ab ipso non tantum approbatus, sed etiam inventus, & institutus est. In quo differt a priori, qui solum declarationem approbativam requirit. Et hoc modo non repugnat esse statum aliquem vere religiosum, & positivo jure introductum, quamvis sit alius status religiosus jure divino institutus, sicut in materia de simonia dicitur esse quædam simonia jure divino prohibita, alia jure humano; vel sicut aliqui putarunt, quædam sacramenta esse ab Ecclesia instituta, alia a Christo, quod licet de facto sit prorsus falsum, de possibili non repugnat.

5 Ad hanc autem evasionem respondemus in primis, si hic status religiosus tam verus & proprius esse conceditur, sicut quilibet alius, quantum attinet ad substantiam, & essentiam talis status, sic parum referre ad rem, de qua agimus, illi tribuere institutionem divinam, aut humanam, quia hic non agimus de origine hujus status, sed de veritate ejus. Si autem propter illam humanam institutionem censetur in aliquo deficere a veritate, & proprietate religiosi status, sic distinctio illa repugnat verbis Pontificis, & impugnanda est quoad hanc partem, eodem modo quo præcedens. Deinde vero addo, distinctionem illam falso nisi fundamento, & gratis esse constitutam, atque ex alia parte repugnantem doctrinæ ejusdem Pontificis, ut patet ex illis verbis prædictæ constitutionis: *Ascendente Domino. Non considerantes voti solennitatem, sola Ecclesie institutione inventam esse, triaque hujusmodi Societatis vota tametsi simplicia, ut substantialia religionis vota, ab hac sede fuisse admissa.* Ubi in virtute sic Pontifex argumentatur: Ecclesia induxit solennitatem in votis religiosorum; ergo etiam potest sine tali solennitate statum religiosum approbare, seu instituire; ergo ex sententia Pontificis hic status utroque modo factus est ex Ecclesie constitutione; nulla ergo est illa differentia. Et declaratur amplius in hunc modum. Quia vel est sermo de statu religioso præcise, ac secundum se, prout a Christo Domino fuit traditus: & sic tam vere, ac proprie salvatur hic status in hoc gradu Societatis, sicut in quibuslibet aliis personis religiosis; hoc est enim, quod aperte supponit Pontifex in citatis verbis; ergo quoad hoc nulla est differentia, sed quilibet ex his statibus est ex divino jure. Vel loquimur de statu religioso determinato ad hunc, vel illum modum votorum; & sic uterque status est ex Ecclesie determinatione, & institutione, ut idem Pontifex docet in verbis proxime citatis, & in tom. superiori late a nobis ostensum est ex antiqua Ecclesie historia, adjuncta etiam ratione, & autoritate Bonifacii in c. unico, de voto in 6.

6 His vero non obstantibus, aliqui, quos etiam refert Enriq. ut in l. 6. initio c. 3. citabimus, tergiversantur dicentes, religionem Societatis non esse veram religionem, ac propriam, nisi quatenus in ea sit vera professio per vota solennia, & consequenter admissionem hanc scholasticum approbatorum per se non sufficere ad constituendum statum religiosum verum, ac proprium; quamvis prout in Societate sit, sufficiat ad denominandum hominem vere, ac proprie religiosum, quia sit in ordine ad consummandum talem statum in tali religione; & quia aliquo modo unit personam Societati, quæ absolute, & simpliciter vera religio est, ratione gradus professorum, qui sit in ea deesse, nulla alia ejus vota, vel receptio (juxta horum sententiam) sufficeret ad verum statum religiosum constituendum. Verum tamen non minus facile ostendi potest hanc etiam fugam esse contrariam intentioni, & verbis Pontificis. Primo ex vicarum particularum *vere ac proprie*, quæ stare non possunt, si veritas, ac proprietates status religiosi in toto corpore Societatis solum esset ratione gradus professorum: sic enim reliqui non haberent in se, & intrinsece substantialem formam (ut sic dicam) constituentem verum, ac proprium religiosum; ergo solum dicerentur religiosi per denominationem extrinsecam, & analogiam, quatenus conjuncti sunt cum veris religiosis, & eos imitantur, vel ad eorum statum tendunt; quod satis esse non potest, ut dicantur vere, ac proprie religiosi. Quod secundo maxime confirmat comparatio illa; *non secus atque ipsos professos, &c.* Nam per illam uterque gradus per se spectatus cum alio

conferitur, & æque vere ac proprie dicitur esse talis; ergo gradus scholasticum non dicitur religiosus vere, ac proprie, propter conjunctionem, & tendentiam ad gradum professorum; sed per se propter unionem, quam habet per vota sic in religione admissa. Eo vel maxime, quod coadjutores formati Societatis non ultra tendunt ad gradum professorum, sed ibi sistant, tamquam in ultimo termino suo; ergo non possunt dici religiosi, cum non tendant ad gradum professorum. Neque etiam solum quia in eadem congregatione cum illis versantur; hoc enim satis esse non potest ad verum religiosum constituendum, nisi illa unio, qua cum illis conjuncti sunt, eos in vero statu perfectionis constituat; nam si non sunt in vero statu quærendæ perfectionis, quomodo erunt in statu religionis? quod si non sunt in statu religionis, quomodo sunt vere, ac proprie religiosi? Oportet ergo, ut talis receptio, & unio per se sufficiat ad talem statum. Ergo eadem ratione dicendum idem est de unione scholasticum; nam quoad substantiam, & modum votorum ejusdem rationis est.

7 Unde etiam addo, licet in Societate nulla fieret professio solennis, sed instituta solum esset cum cæteris gradibus, quod autoritate Pontificis fieri potuisset, & illam futuram fuisse veram religionem, & ejus vota emittentes æque futuros fuisse vere, ac proprie religiosos, ac nunc sunt approbati scholares, vel formati coadjutores. Quia vota, & receptio essent ejusdem rationis; & quoad hoc alter gradus professorum solum se habet concomitanter. Atque hoc totum aperte confirmant verba, quibus Pontifex, & rationem suæ definitionis, & occasionem contrarii erroris declarat. Nam quoad primum inquit, emittentes hæc vota in statu religionis vere constitui, quippe qui per ea ipsa se Societati dedicant, atque actu tradunt, sequæ divino servitio in ea mancipant. Ubi non sumit rationem ex concomitantia alterius gradus, vel tendentiæ ad illum, sed ex intrinseco vinculo, & quasi forma personarum, sic voventium. Quam rationem paulo inferius a nob. largius explicabimus. Quoad secundum vero, cum temerariam audaciam contradicentium recte reprehendisset, subdit: *Omnia ex aliorum regularium ordinum communibus rationibus, formis, & statutis metientes, Societatis institutum, peculiare constitutiones, ac vim votorum simplicium illius, in eadem Societatis religione probatam admissorum penitus ignorantes, ac nonnulla jure antiquo, quæ post illud, successu temporis, hujus sedis autoritate, approbatione, & confirmatione, ac peculiaribus privilegiis sancita, & roborata esse cognoscunt, perperam interpretantes, convellere nituntur.* Non est ergo dubium, quin Pontifex docere, ac declarare voluerit, per hanc receptionem & approbationem talium votorum intrinsece, ac proprie constitui personam in statu religioso, & ideo sæpe vocat illa vota *vere substantialia religionis*; dicitque per Sedem Apostolicam admitti in Societate, tamquam in religione per eam approbata. Ac tandem concludit. *Decernimus non solum eos, qui in coadjutorum formatum gradus admittuntur, sed etiam omnes, qui in ipsa Societate admissi tria vota prædicta, tametsi simplicia emiserint, vere ac proprie religiosos fuisse, & esse.* Et infra addit præceptum sub pœna excommunicationis late sententiæ, ne quis prædictam definitionem falsis, aut violentis interpretationibus, aut quovis quæsito colore impugnare audeat.

8 Atque ita intellexit hæc Pontificis mentem Doctor Navar. conf. 49. de regular. quod incipit, *An sit vere*, ubi cum definivisset quendam, qui se monasterio S. Benedicti obtrulerat, sine animo proficendi non esse verum religiosum, subdit. *Longe tamen alia ratio est eorum, qui in Societate Jesu post biennalem probationem tria simplicia vota Paupertatis, Castitatis, & Obedientiæ emittunt. Hi namque cum vota vovent, vero, certoque proposito, ut religiosi fiant, cumque eadem mente, & ratione ab ejusdem Societatis superioribus admittantur, & cum vere se obligent ad observantiam regularem constitutionum ipsius Societatis, ejusque instituti ab Apostolica Sede sapienter approbati, verè, proprieque religiosi sunt, ut sapientissime declaravit Gregorius XIII.* Idem habet in commentario de regular. num. 19. ubi in hoc distinguit vota privarim emissa a novitio

Secunda conclusio non minus certa ex eadem Pontificis definitione.

Sæpe definitionis est omem apponit Pontifex.

Apponit item contrarium la-pius occasionem.

Navarrus subscrit, b. t.

Tertia interpretatio.

Expugnatur primo.

Secundo.

ante expletam biennii probationem ab eis votis, quæ juxta proprium Societatis jus, post expletam probationem in ea emittuntur; nam priora non faciunt religiosum; posteriora vero ita proprium, & verum religiosum constituunt, ut sine vitio apostasie, & pœnis ejus, nullus possit ex parte sua exire, aut relinquere Societatis ordinem, quamvis ex rationabili causa possit dimitti, quod dicit esse *quiddam novissimum, & admirabile concessum præfata Societati, & clare declaratum, & confirmatum a S.D.N.*

9 Ratione ita potest hæc veritas demonstrari. Nam in hac probatione, seu receptione scholarium est vera traditio ex parte ipsorum scholarium in magnum, & totale, ac perpetuum Dei obsequium tribus substantialibus votis stabilita, & facta in religione approbata, & juxta formam ab Ecclesia confirmatam; ergo est in tali actu quicquid necessarium est ad constituendum statum vere religiosum, & quoad hoc substantialiter, & essentialiter convenit cum vera professione religiosa. Antecedens ex facto ipso supponendum esset potius quam probandum; quia dum hi religiosi perpetuam obedientiam cum aliis votis in Societate promittunt, satis ostendunt, se ipsos Societati tradere: neque enim oportet, ut verbo tradendi, aut alio simili formaliter utantur; nam etiam in aliis religionibus antiquis professio solum fit per verbum promittendi, ut constat ex variis formis, quas tunc superiores recipimus disputantes de professione religiosa. Sensus ergo verborum ex intentione operantium, & ex usu sumendus est; ac propterea Gregor. XIII. declaravit expresse, hos religiosos, per hæc vota se Societati *dedicare, atque actu tradere, seque divino servitio mancipare*. Deinde ab effectu, & ex constitutionibus ejusdem Societatis idem ostenditur; nam in 5. p. Constitut. c. 1. de scholasticis approbatis dicitur, modo quodam interiori in corpus Societatis coaptari, & ut membrum unius, ac ejusdem corporis Societatis admitti. Et idem repetitur in c. 4. §. 5. Non possunt autem fieri actu membra hujus corporis, & ut talia admitti, nisi ipse scholaris se tradat, quia hæc conjunctio debet esse utrinque voluntaria. Item per hanc unionem acquirit Societas peculiare jus in talem personam, qualem habet corpus in membrum suum; non potest autem illud acquirere, nisi alio etiam tradente, & consentiente. Atque hoc idem argumentum sumitur ex omnibus locis constitutionum, in quibus significatur hos scholares esse vera membra Societatis, ut in 2. p. Constitut. c. 3. ubi dicuntur in corpus Societatis coaptari. Et in 4. p. cap. 3. §. 3. dicuntur admitti ad vitam in Societate perpetuo ducendam, ad gloriam Dei. Et 5. p. cap. 1. lit. A. dicitur Societatem in sua proprietate includere professos, coadjutores, & scholasticos approbatos. Ex his enim tribus partibus, aut membris Societatis corpus constare. Patet ergo ex parte horum religiosorum esse sufficientem traditionem, ab ipsa religione satis etiam acceptatam, ut ex hac parte nihil revera desit ad verum religiosum statum.

10 Dicit vero aliquis, acceptationem ex parte Societatis non esse omnino absolutam, nec cum obligatione reciproca retinendi perpetuo in Societate personas sic approbatas, & ideo talem traditionem & acceptationem non sufficere ad religiosum statum constituendum. Sed hoc præterquam quod est contra mentem Gregorii XIII. facile potest ratione impugnari demonstrando illum modum acceptationis sufficere ad religiosum statum. Quod primo ostendi potest ex generali ratione status servitutis; nam ad illum constituendum sufficit similis traditio ex parte servi, & acceptatio ex parte Domini, quamvis Dominus non se obliget ad perpetuo retinendum servum sub dominio suo: cur ergo similis traditio & acceptatio non sufficiat, servata proportionem ad statum religiosum constituendum, qui est status servitutis? Præterea in superiori tomo ostensum est, non esse de ratione status, vel in genere, vel perfectionis, ut sit omnino immutabilis, sed sufficere, quod habeat moralem firmitatem, & perpetuam, quantum est ex parte assumens statum, ita ut non sua privata, sed ad summum publica potestate, & ex rationali causa statum mutet; sed ille modus traditionis sic admittæ a religione est sufficiens ad hujusmodi firmitatem; ergo ex hac parte est etiam sufficiens ad statum

religionis. Et simili discursu ibidem ostendimus non esse necessarium ad statum religiosum, votum solenne, sed sufficere simplicia in eo gradu acceptata ab Ecclesia, tamquam substantialia religionis vota.

11 Atque hinc probata manet consequentia principalis rationis superius factæ. Quid enim afferri potest necessarium ad religiosum statum, quod his religionibus desit, cum essentialis professio illa duo tantum requirat, traditionem scilicet, & tria vota, & alioqui ostensum sit, non esse de essentia, quod talia vota sint solennia, solennitate legali; nec quod acceptatio traditionis sit prorsus irrevocabilis, aut ita absoluta, ut nullam conditionem includat? Sed adhuc absolute respondetur, ex parte votorum aliquid deesse necessarium ad statum religionis simpliciter, quale est in voto castitatis, virtus ad irritandum matrimonium prius contractum, & non consummatum: & in voto paupertatis, vis ad reddendam personam inhabilem aut incapacem dominii, seu proprietatis, vel (quod gravius ac difficilior est) tale esse votum, ut non obliget ad relinquendum statim omne dominium, quod videtur pugnare cum illis verbis Christi Matth. 19. *Si vis esse perfectus, vade, & vende omnia, quæ habes, & da pauperibus, & sequere me*. Videtur etiam esse contra Innocentium III. in cap. cum ad monasterium, de statu Monach. ubi sic inquit. *Nec estimet Abbas, quod super habenda proprietate possit cum aliquo monacho dispensare, quia abdicatio proprietatis, sicut & custodia castitatis adeo est annexa regulæ Monachali, ut contra eam nec Summus Pontifex possit licentiam indulgere*. Nam ex his verbis constat proprietatem, & dominium omnino pugnare cum religioso statu.

12 Sed de his votis particularibus, & perfectione eorum ex parte materiæ, dicturi sumus lib. sequenti. Nunc ergo ad priorem partem de voto castitatis respondetur, aut illam vim dirimendi matrimonium ratum præcedens non esse de intrinseca ratione status religiosi, aut huic voto inesse: quid autem horum verius sit, eodem lib. c. 2. dicemus. Quod vero attinet ad votum paupertatis, multo certius est, non esse necessarium, quod reddat personam incapacem dominii, ut possit esse votum substantiale religionis, quia hoc non ad substantiam, vel ad materiam, sed ad solennitatem illius voti pertinet. Quod vero ad alteram partem spectat, respondetur, paupertatem non consistere in indivisibili, ut sic dicam; sicut nec obedientiam; ideoque non esse æqualem in omnibus religionibus, sed in unaquaque promitti, & servari juxta propriam regulam ab Ecclesia approbatam. Unde certum esse debet illam paupertatem, quam Ecclesia approbavit, ut sufficientem ad religiosum statum, sufficere secundum generalem rationem ejus, atque adeo secundum aliquam speciem illius status: talis autem est paupertas, quæ per hoc votum promittitur; nam est vera abdicatio rerum omnium temporalium, quoad liberum usum earum, solumque illum concedit dependenter ab alterius arbitrio. Et eodem modo, licet non statim necessario auferat dominium, tollit nihilominus liberam facultatem retinendi illud, eoque utendi absque superioris arbitrio; & ideo dominium illud, quasi materialiter ibi manet, seu de facto, & non de jure, ac vi ipsius voti, nihilque proinde statui perfectionis obstat. Sicut vinculum matrimonii, quod manet in conjugato, qui ex legitimo consensu conjugis post consummatum matrimonium professus est, nihil obstat statui perfectionis; quia veluti materialiter tantum, & non ex vi assumpti ibi manet, neque aliquem usum postulat, qui perfectionis statum impediatur. Neque verba Innocentii obstant, quia non loquitur de statu religionis in communi; sed in particulari, de monachatu, de cujus speciali ratione est ille modus paupertatis, imo etiam est de ratione voti solennis paupertatis; non tamen propterea necessarium est, ut sit de ratione status religiosi in genere, vel cujuscumque speciei ejus; possunt enim varii status religiosi, quasi specificè differre in propriis conditionibus aliquo modo essentialibus, ut aperte supponit Concil. Trident. sess. 25. cap. 1. de regul. cum omnibus regularibus præcipit, ut fideliter observent, quæ ad suam professionis perfectionem, ut obedientiam, paupertatis, & castitatis, ac si

Respondetur
jam con-
sequens
principa-
lis ratio-
nis n. 9.

Adversa-
riorum
replica.

Remove-
tur.

Probatur
eadem co-
clusio ex
ratione.

Hujus ra-
tionis an-
tecedens
sua dicitur
multiplex
dicitur.

Effugium
præcludi-
tur.

quæ

quæ alia sunt alicujus regulæ, & ordinis peculiaris vota, & præcepta, ad eorum respectivè essentiam, necnon ad communem victum, & vestitum pertinentia. Sed de hac paupertate, & difficultate iterum lib. sequenti a cap. 4. quæstionem propriam instituemus.

C A P U T IV.

Deducuntur aliquot corollaria ex præcedente doctrina.

Primum corollarium.

I EX dictis in superiori capite, antequam ejus rationi dubitandi satisficiamus, (quod capite sequenti præstabimus) inferitur, assertiones ibi positas, quibus statuimus scholasticos Societatis per vota tantum simplicia in ea incorporatos, esse vere ac proprie religiosos, non solum cõpisse habere veritatem a tempore dictarum constitutionum Greg. XIII. sed antea, scilicet ab initio approbationis Societatis, ex quo talia vota cõeperunt in ea fieri, tanquam in religione approbata, & admitti Apostolica autoritate. Probatur, quia decreta illa Gregorii quoad hanc partem non sunt factiva (ut sic dicam) seu constitutiva, sed declarativa; quæ autem hujusmodi sunt, non tantum in præsens, vel futurum tempus, sed etiam in præteritum extenduntur, juxta communem sententiam, quam referunt & sequuntur Felin. in cap. ult. de constit. Sylv. verb. *Lex* q. 23. & Navar. comment. 4. de regular. n. 43. Antecedens probatur primo, quia Gregorius in suis constitutionibus nihil adjunxit huic statui, quod ad statum religionis simpliciter necessarium esset. Nam licet in posteriori constitutione: *Ascendente Domino*, specialiter addiderit, ut emittentes hæc vota illis durantibus inhabiles sint ad matrimonium contrahendum, & quoad hanc partem constitutio fuerit dispositiva, & non declarativa, quæ præteritum tempus non comprehendit juxta c. 2. de Constit. Nihilominus jam antea idem Pontifex in bulla, *Quanto fructuosius*, declaraverat per illa tria vota constitui statum vere religiosum, & consequenter supposuerat illam inhabilitatem, quæ tunc non erat, non esse de substantia status religiosi, licet postea ob quandam majorem decentiam, & ad occurrendum incommodis, quæ experientia docere potuit, adjuncta fuit.

Probatur primo ex Greg. XIII.

2 Secundo idem probatur ex verbis ejusdem Pontificis. Nam in priori bulla, *Quanto fructuosius*, post approbationem instituti motu proprio, & ex certa scientia, & a plenitudine potestatis factam, subdit. *Ad hæc dictam Societatem firmo nostra declarationis subsidio communire volentes, statuimus, atque etiam decernimus, non modo eos, qui in coadjutorum formarum, sive spiritualium, sive temporalium gradus, & ministeria admittuntur, sed etiam alios omnes quoscumque, qui in ipsa Societate admissi biennio probationis peracto tria prædicta vota, tametsi simplicia emisissent, emittentque in futurum, vere, & proprie religiosos fuisse, & esse, &c.* Ubi ponderanda sunt illa verba: *Firmo nostra declarationis subsidio*, quæ satis ostendunt illam constitutionem magis esse declarativam, quam constitutivam. Unde quod postea dicitur, *statuimus, & decernimus*, magis de statuto confirmante, quam de novo aliquo constituyente, intelligendum est, seu de statuto præcipiente, ut talis declaratio tamquam vera, & certa teneatur, ut ibi statim præcipitur. Denique illa verba *esse & fuisse* satis convincunt illam legem esse declaratoriam, alioquin non potuisset in præteritum ferri. Unde alia constitutione, *Ascendente Domino*, referens Gregorius illam priorem, vocat illam declarationem, decretum, præceptum, & interdictum suum. Et inferius similiter subdit. *Statuimus, atque decernimus tria vota hujusmodi etsi simplicia ex hujus sedis institutione, ac nostra etiam declaratione, & confirmatione, esse vere substantialia religionis vota, ac in dicta Societate tamquam in religione approbata per sedem eandem fuisse admissa, & esse.* Ubi attente considerandum est, institutionem sedi, declarationem autem sibi Gregorium tribuere, quia ipse re vera non instituit, neque primum probavit hunc modum religiosi status, sed prædecessores ejus rem ipsam instituerunt. Ipse autem expresse declaravit, quod in re illa jam constituta continebatur.

Probatur secundo ex eodem Pontifice.

3 Quod tertio ostendi potest ex bullis & confirmationibus priorum Pontificum. Nam Paul. III. in secunda bulla confirmationis autoritate Apostolica concedit, ut per hujusmodi vota possint scholares in Societatem admitti, & Societati aggregari. Et in bulla 4. prohibet hujusmodi scholares transire ad aliam religionem excepto Carthusiensium ordine; imo eos inhabiles ad quamcumque aliam professionem faciunt Pius IV. & Pius V. in bulla anni 1565. quæ incipit: *Æquum reputamus*, quæ a priori edita, & a posteriori publicata, & confirmata fuit. Numquam autem Pontifices prohiberent his personis transitum ad religiosum statum, nisi eos veros, ac perfectos religiosos esse supponerent: & ita in prædicta bulla sæpe eos religiosos appellant. Et e contrario apostatas vocant, & tamquam desertores status religiosi puniunt eos, qui post hæc vota sine licentia superiorum hunc statum relinquunt: ergo supponunt eos esse in vero statu religioso. Et confirmatur, quia Pius V. in bulla 3. anni 1571. quæ incipit, *Dum indeffesse*, declaravit Societatem, (etiam si Collegia habeat, quæ ex propriis redditibus sustentantur) *Prepositum, ac singulas personas ejus vere, & non fide mendicantes fuisse, esse, & fore: & inter aliorum fratrum, & religiosorum mendicantium ordines, aliosque fratres, & religiosos mendicantes. prout illos nos connumeramus, & connumerari debere, ac omnes, & singulas tam juris, quam hominum dispositiones in favorem religiosorum, seu fratrum mendicantium, nunc & pro tempore emanatas, etiam in Societate, illiusque domibus, Collegiis, Preposito, & aliis religiosis locum habere.* Quibus verbis non minus expresse quam Gregorius declarat, has personas, & religiosas esse, & sub mendicantibus comprehendere, idque sub his juribus, & dispositionibus, quæ in favorem religiosorum, seu mendicantium facta fuerint. Et si attente inspicatur contextus Pontificis, facile intelligitur illam constitutionem quoad hanc partem potius esse declarationem ad tollendam omnem ambiguitatem, ut ibidem dicitur, quam novam dispositionem. Potest etiam hoc confirmari ex Conc. Trid. sess. 25. cap. 16. de regul. in illis verbis. *Per hæc autem sancta synodus non intendit aliquid innovare, aut prohibere, quin religio clericorum Societates Jesu, &c.* Ubi nomine religionis sine dubio totam Societatem comprehendit, quatenus suis omnibus membris constat, & ibi tacite approbat hoc institutum, quatenus in eo præter novitios varii sunt religiosorum gradus, quia omnes vere religiosi sunt, etiam si non omnes solenniter professi sint, ut clarius Greg. XIII. postea declaravit.

Tertio enim aliorum prædecessorum de cretis.

4 Ultimo probatur ratione, quia ipsemet Gregor. XIII. suam declarationem confirmat; nimirum quia hujusmodi persona per hæc tria vota, ut substantialia religionis se tradunt Societati, & in ea, tamquam in religione ab Ecclesia approbata, se totos divino servitio in perpetuum consecrant; ex quo inferit illos esse vere, & proprie religiosos. Illud autem assumptum verum fuit a principio, ex quo post approbatam Societatem talia vota in ea fieri cõeperunt, ut per se notum est: ergo & consequens illud semper verum fuit, nam in illo antecedenti continetur sufficiens, & adæquata causa consequentis seu status vere religiosi. Confirmatur, ac declaratur; nam cum Gregorius illam declarationem fecit, non minus certum fuit eos, qui jam erant in Societate, esse vere ac proprie religiosos, quam eos, qui fuerint deinceps in ea admissi, ut constat ex verbis ejusdem constitutionis, & ex communi omnium sensu; & quia non aliter vota emittunt, vel in Societatem admittuntur posteriores, quam priores. Non poterant autem illi, qui jam erant in Societate, si jam non fuissent veri religiosi, incipere esse tales, propter solam extrinsecam constitutionem Pontificis: quia non potest Pontifex facere de non religioso religiosum sine voluntate ejus, maxime cum non addiderit religioni novam approbationem, neque novam potestatem admittendi concesserit, nec novum modum traditionis, aut acceptionis ejus instituerit: ergo necessario dicendum est, omnes hujusmodi personas, semper, & a principio extitisse vere ac proprie religiosas. Tandem confirmatur a posteriori, nam votum religionis impletur in Societate, etiam in hoc gradu, etiam

Probatur quarto ex ratione.

iam sine spe transeundi ad professorum gradum, sed tantum coadjutorum formatorum. Imo etiam si votum religionis factum sit de quacunque alia religione determinata, potest in hæc vota commutari, ut constat ex summa privilegiorum Societatis §. 2. & 3. quod multo ante constitutionem Gregor. XIII. verum habuit. Ergo signum est per hæc vota semper fuisse constitutos vere religiosos, alioqui per illa non impleteretur religionis votum.

Corollarium secundum.

5 Secundo inferitur ex dictis, quam sit certa hæc veritas a Pontifice declarata. Existimo enim esse omnino infallibilem, ita ut sine errore in fide negari non possit. Ratio est, quia sententia Pontificis in his, quæ ad doctrinam pertinent, infallibilem continet certitudinem ex Christi institutione, & promissione. *Ego rogavi pro te, ut non deficiat fides tua, & tu aliquando conversus confirma fratres tuos.* Luc. 22. & Matth. 16. *Tu es Petrus, & super hanc petram ædificabo Ecclesiam meam, & porte inferi non prævalent adversus eam.* Et concessio facta est Joan. 21. *Pasce oves meas.* Quæ testimonia ita sunt ab Ecclesia intellecta, & perpetua traditione, ac Patrum, Conciliorum, & ipsorum Pontificum definitione firmata, ac declarata, ut suppono ex propria materia: & videri possunt, quæ Gratianus congerit d. 12. sui decreti, & 24. q. 1. per plura capita & late Bellarmin. lib. 4. de Summo Pontifice, a principio per aliquot capita, & Turrec. in Summa lib. 2. c. 10. & ob hanc rem observatum semper in Ecclesia fuit, ut graviores fidei quæstiones, & causæ ad Romanam sedem, tamquam ad fidei cathedram, & magistram referrentur, ut dicitur in c. *Majores*, de baptismo, & sumitur ex c. *Damnatus*, de Summa Trinitate, & fide catho. & c. *Fideli*, eodem tit. in 6. c. *Ad abolendam*, de Hæreticis, c. *Præceptis*, & c. *Non decet*, d. 12. & c. *Nullifas*, d. 19. Ac tandem ex Concil. Florentin. in decreto unionis, & ex Tridentin. sess. 7. can. 3. de Baptismo, & sess. 25. circa finem decreto de delectu ciborum, & plura referunt citati auctores. Simanc. de catholic. institutionibus c. 45. Valde autem diminuta fuisset Christi D. providentia circa suam Ecclesiam, si in decidendis talibus quæstionibus ex cathedra Vicarium suum labi permitteret. Neque ipse juste posset sub anathematis vinculo subditos compellere ad standum his declarationibus, seu definitionibus, si in doctrina tradenda errare posset. Cum ergo ostensum sit, prædictam constitutionem continere declarationem ejusdem veritatis valde necessariæ ad mores Ecclesiæ, & ad quietem, & pacem animarum, plane talis declaratio infallibilem continet certitudinem.

6 Et hoc confirmari potest ex doctrina Theologorum, & catholicorum omnium, qui pro certo habent, Summum Pontificem non posse errare in doctrina morum Ecclesiæ tradenda: de qua re videri possunt authores paulo antea citati: nam hæc doctrina multum pertinet ad bonos mores, & ex opposito multa inferri possunt absurda, & scandalosa in Ecclesia, quæ paulo inferius in 3. corollario numerabimus, ut hæc veritas notior fiat. Et e converso si hæc declaratio Pontificis falsa esse posset, ex illa multa absurda, & contra bonos mores sequerentur, ut quod status religiosus commutaretur in non religiosum, & quod votum religionis impleteretur sine statu religioso, & similia.

7 Nec sufficit dicere doctrinam hanc non pertinere ad universalem Ecclesiam, sed ad quamdam particularem religionem, vel potius ad quamdam partem ejus, & ideo non necessario habere illam infallibilitatem, quam in proponenda universali Ecclesiæ doctrina moralis Pontifex habet. Hoc (inquam) dici non potest: primo quia non solum pertinent ad universalem Ecclesiam ea, quæ ad omnes Ecclesiæ status, vel ordines pertinent, sed etiam ea, quæ licet in uno statu particulari versari videantur, ad universalem Ecclesiam quovis modo pertinent. Hujusmodi autem est bonum unius religionis, quod in præsentia declaratur primo, quia hæc religio per totam Ecclesiam diffusa est, & ex tota Ecclesia possunt ad illam homines recipi, & vocari. Secundo, quia hæc veritas omnibus fidelibus proponitur, & secundum illam jubentur omnes & sentiri, & judicare, & operari, ut in eadem constitutione

exprimitur. Tercio, quia sicut Societas in totius Ecclesiæ utilitatem instituta est, ita certitudo, & firmitas circa statum ejus, & veram doctrinam ad eam pertinentem, ad ejusdem Ecclesiæ utilitatem spectat. Quod videtur idem Pontifex Gregorius insinuassee, cum dixit: *Nos universalis Ecclesiæ utilitati, quam ex inviolato, & inconcusso dictæ Societatis instituto, & religiosa sobolis educatione sentimus, & majorem in dies speramus, prospicientes, & præterea ejusdem Societatis indemnitati, paci, quieti, & incremento consulere volentes, motu simili, & ex certa scientia, &c.* Et confirmatur. Nam ob hanc causam certum est, & supra ostensum, Summum Pontificem non posse errare in approbatione alicujus religionis in particulari, tum quia, licet una religio particularis videatur, tamen universali Ecclesiæ proponitur, & in omnes redundare potest; tum etiam, quia si in una errare posset, in qualibet posset, & ita omnia essent incerta, & periculis exposita: ergo idem in præsentia dicendum est, quia non minus grave est in Ecclesia approbare, seu declarare aliquem statum, ut vere, ac proprie religiosum, ac perfectionis, quam approbare religionem, imo unum in altero includi videtur. Et confirmatur, quia Pontifex in declarando aliquo jure, an divinum sit, vel humanum, infallibilem habet auctoritatem: quis enim dubitet Concilium Tridentinum, cum definit sacramenta omnia esse de jure divino instituta, aut confessionem ex præcepto divino præmittendam esse ante communionem, quando intercedit conscientia peccati mortalis, infallibilem doctrinam tradere? Aut quis neget Summum Pontificem habere in hujusmodi doctrina tractanda æqualem, vel majorem potestatem? Hæc autem declaratio nihil aliud est, quam explicatio juris divini, vel humani, quod circa statum religiosum, & institutionem ejus per vota simplicia, vel solennia intervenit: ergo cum facta sit Pontificia auctoritate, infallibilem habet certitudinem. Denique alia decreta, quæ Pontifices ediderunt, declarando particularia instituta aliarum religionum, tanquam certa, & firma a catholicis omnibus recipiuntur, ut constat ex cap. *cum ad monasterium*, & cap. ultim. de statu Monachorum, quæ tractant de religione Sancti Benedicti, & ex c. *exiit*, de verbis, significat, in 6. & in Clement. *Exiit*, eodem titulo, quæ pertinent ad religionem Minorum. Non est autem minoris auctoritatis hæc declaratio Pontificia; quia nec materia minus gravis est, nec potestas minor, nec verba minus clara, & evidenter, ut jam dicam.

8 Recognovit enim hanc Pontificiam auctoritatem, & potestatem quidam prædictæ veritatis, & declarationis impugnator, ejus mentionem fecit idem Pontifex Gregorius in constitutione, *Ascendente Domino*. Et propterea, ut ibidem dicitur, aulicem rario perverse interpretari mentem Pontificis aggressus est, imo sententiam ejus rejicere, dicens, privato sensu loquutum fuisse, & ut privatum Doctorem errare potuisse, & ex falsa informatione errasse. Quamvis autem in hac censura turpiter, & manifeste ipse erraverit, ut statim ostendam a n. 12. illud tamen, quod tacite supponit, libenter accipimus, nimirum non potuisse Pontificem in ea doctrina errare, si non ut privatus Docteur, sed ut Pontifex locutus fuit; non enim sine causa impugnator ille ad privatum sensum Gregorii divertere conatus est, ne Pontificiam auctoritatem, & cum illa catholicæ doctrinæ certitudinem impugnare, & quantum in ipso esset, labefactare videretur.

9 Illud autem subterfugium, vel ex nimio affectu impugnandi Societatem, vel ex ignoratione verborum Pontificis videtur profectum. Ignorant enim sunt verba in illis decretis, quæ his falsis interpretationibus omnem viam præcludunt, scilicet, *motu proprio, ex certa scientia, ex plenitudine potestatis*. Primum scilicet, *motu proprio* (ut Doctores dicunt) excludit subreptionem a licitis Apostolicis, id est, facit, ut contra Breve Pontificium allegari non possit surreptio. Argumento c. *Si motu proprio*, de præbendis in 6. ubi dicitur concessionem beneficii, quam Pontifex alicui facit habenti aliud, quod Pontifex ignorabat, nec illi propositum fuit, esse validam, si gratia motu proprio facta est: subreptionem vero, si ad petitionem parus: & ratio optimate adiungitur, quia prior gratia ex mera liberalitate facta est.

Alterum
effugium
turpiter
erroneum.

Disi
erroris
fontes,
& im
pugnatio
ex verbis
Pontificis.
Quid op
eretur di
ctio, Motu
proprio.

Probatur
ex fide.

Vide in
tom. de
Fide disp.
5. sect. 8.

Confir
matur ex
omnium
catholi
corum
sensu
Vide etiã
in tom. de
Fide disp.
5. sect. 8.
n. 7.

Unum ef
fugium
a iurista
tum.

est. Declaratur autem nunquam ita fieri, nisi quando expresse explicatur per illa verba, *Motu proprio*. Super quem textum plures effectus hujus clausule referuntur, quos late sequitur, & refert Rebuffus in concordatis tit. de forma mandati Apostolici verb. *Motu proprio*. Ex quibus ad rem præsentem maxime facit, quod quando est clausula, *Motu proprio*, non admittitur pars ad probandum contrarium; quia esset arguere Summum Pontificem de mendacio: de quo videri potest Bertran. conf. 35. & 202. in fine tom. I. Staphil. de literis gratiæ, & justitiæ, & Covar. in cap. *Alma Mater*, t. p. §. 7. n. 2.

10 Quia vero licet hæc particula excludat subreptionem ex taciturnitate, non tamen excludit omnem deceptionem, nec purgat omnem falsitatem, ut iidem auctores advertunt, ac late Sanch. lib. 8. de matrim. disp. 4. & 21. a nu. 47. ideo præter illam particulam additur; *Ex certa scientia*. Per quæ verba Pontifex indicat, se non deceptione aliqua, sed ex vera, & perfecta informatione concedere, ut Staphileus supra dicit, n. 10. Et ideo sicut non admittitur aliquis ad probandum contra particulam, *Motu proprio*, Pontificem solum ad instantiam partis processisse, quia esset illum mendacii arguere, ita quando Pontifex profitemur se procedere ex certa scientia, nemo prudens potest respondere, ex ignoracione, aut falsa informatione id egisse, quia hoc est mendacii arguere ipsum Pontificem: quod maxime in præfati verum habet. Nam cum in priori bulla Papa in declaratione dixisset, se id facere ex certa scientia, in posteriori non obstante alterius interpretatione, & objectione, hoc ipsum confirmat.

11 Additur vero particula, *De plenitudine potestatis*. Quamquam enim, quoties Papa motu proprio operatur, præsumatur uti plenitudine potestatis, ut tractant Glossa, & Doctores in cap. *Ad hac*, de re scriptis, & Felin. in cap. *causam* 2. de testibus colum. 4. Quod etiam affirmat de atera clausula, *Ex certa scientia* in cap. *cum inter*, de except. nu. 5. & seqq. Panorm. in cap. *ea qua*, de sententia, & re judic. num. 8. Tamen ad tollendam omnem ambiguitatem expresse additur illa particula; quia non poterat clarius exprimi Pontificem operari, ut Pontificem, & non ut privatam personam, quam dicendo, se hoc declarare *ex plenitudine potestatis*, hanc enim non habet, nisi quatenus Pontifex est. Et quia potestas debet esse accommodata actui, certum est hic non esse tantum sermonem de potestate jurisdictionis, sed maxime de potestate, quæ *clavis scientiæ* appellatur: nam hæc erat per se necessaria ad hanc declarationem faciendam. *Potestatis* autem *plenitudo* in hoc genere nihil aliud est, quam quod potestas sit ad docendum cum assistentia Spiritus sancti, ac certitudine infallibili; ergo repugnat expressis verbis Pontificis dicere, illum esse locutum privato sensu, & ut particularem Doctorem. Et hoc significavit idem Pontifex, quando veluti perstringens dictos impugnatores dixit; *Quin etiam nos supradicta motu simili, & ex certa scientia, & de Apostolica potestatis plenitudine decernentes, ac præcipientes, privato sensu loquutos fuisse: ac tanquam privatos Doctores errare potuisse*. Ac si diceret, quo nil poterat absurdius cogitari, magisque nostris verbis & intentioni repugnans.

Corollarium tertium.

Damnans erroris adversariorum sententiam.

12 Tertio igitur ex dictis infertur, sententiam illam, quam ille impugnator defendit, & omnia, quæ ex illa intulit, & eo tempore valde temeraria fuisse, quod narravit Henric. lib. 12. Summæ cap. 5. nu. 6. & nunc jam non posse ab errore excusari. Nunc de doctrina agimus, non de persona, ob aliquam enim ignorantiam, vel inadvertentiam, possumus aliquando excusare personas, quarum iudicium ad nos non spectat, sed solum gradum certitudinis doctrinæ explicare. Quia ergo Summus Pontifex in Constitutione, *Ascendente Domino*, illos errores insinuavit, & damnavit, totam sententiam commemorare, & refellere necesse est. Afferuit ergo ille, scholares approbatos, & incorporatos Societati per tria vota simplicia, non esse vere, ac proprie religiosos. Deceptus autem fuit ex opinione satis communi inter antiquos Doctores dicentes, verum religiosum non constitui, nisi per professionem, & tria vota solennia, qui tamen juxta antiquum jus, sui que temporis usum

loquuntur, de facto potius (ut sic dicam) quam de possibili; id est, declarant sic fieri, non negant autem, aliter fieri posse. Et quamvis aliqui, vel multi ex autoribus privatis in eo sensu id docuissent (de quo in tom. super. disputatum est circa statum religiosum in communi) interposita jam autoritate sedis Apostolicæ, nullius ponderis est cujuscunque auctoris opinio. Quia ergo Gregorius jam in priori motu hoc declaraverat, ideo non possumus opinionem illam a temeritate excusare. Eo vel maxime, quod si impugnator ille antiquitatem, veramque rationem consulisset, invenisset plane, nullo probabili fundamento negari vota simplicia cum traditione in religione ab Ecclesiâ approbata sufficere ad verum, & proprium statum religiosum constituentem. Quia vero eo tempore declaratio Pontificis fortasse non erat satis promulgata, & proposita toti Ecclesiæ, poterat tunc assertio illa ab errore excusari: nunc autem profecto non potest. Nam sufficientissime promulgata est declaratio Pontificis, & illa sententia publice damnata ejusdem auctoritate in multis Academicis: & Constitutiones illæ jam in omnium manibus versantur. Neque etiam excusare poterunt quemquam tergiversationes, aut evasiones, quas cap. præced. a n. 3. refutavimus, vel aliæ similes, quas desiderium impugnandi hanc religionem forte poterit comminisci; quia de intentione Pontificis satis evidenter constat, neque illæ sunt probabiles aut verisimiles interpretationes, sed elusiones quedam vel potius contradictiones. Præsertim cum idem Pontifex in priori rescripto hæc verba gravissima adjiciat: *Præcipimusque, & interdiciamus, ne quisquam scrupulum de hoc cuiquam injicere, neve illud in controversiam, dubium, vel suspicionem ponere audeat quoquo modo*. In alio vero rescripto addit pœnam excommunicationis latæ sententiæ, Summo Pontifici reservatæ, cum aliis pœnis in eos, qui quovis colore, directe, vel indirecte impugnare, vel ei contradicere ausi fuerint.

13 Atque idem sentiendum est de omnibus propositionibus, quas adversarii ex dicto principio inferebant, & in prædicta constitutione: *Ascendente Domino* indicantur. Prima erat *Societatis scholares approbatos mere seculares esse, ac jurisdictioni Ordinariorum subditos existere. Quia non sunt de corpore Societatis, nec Societas aut illius superiores jus aliquod in illos habent, aut ex vi votorum, aut a Summo Pontifice, quia ipse etiam tale jus non habet*. Sed hæc omnia satis ostendunt, quam falsum sit principium, ex quo inferuntur, cum in tot absurditates inducat; quamquam etiam illationes solidæ non sint, & imprimis adversarii nomine *Ordinariorum* videntur intellexisse, non tantum Episcopos, sed etiam seculares iudices, respectu eorum, qui nondum ordinati sunt: nam si non sunt veri religiosi, neque etiam sunt clerici, erunt laici seculares, & consequenter ordinariis iudicibus temporalibus subiecti: quo nihil poterat cogitari absurdius, magisque repugnans communi sensui, & consuetudini totius Ecclesiæ ab initio hujus religionis. Erravit autem hujusmodi impugnator, non solum in principio falso, scilicet, *quod hi non sint veri religiosi*, sed etiam in illatione. Novissimi enim religionum non sunt veri religiosi, & tamen gaudent privilegio fori, & exemptione totius religionis, quamdiu sub illius obedientia vivunt, & in probatione versantur: ergo multo magis scholares Societatis in ea approbati, cum sub ejus obedientia vivant, & in ordine ad solennem professionem adhuc in probatione existant, gaudent privilegio fori, & exemptione totius religionis.

14 Deinde falsum omnino est, Societatem non acquirere jus in hujusmodi scholares, & erroris fundamentum fuisse videtur, quia hoc jus solum potest dari, vel acquiri, per votum solenne, eo quod non soli Deo, sed homini etiam sit; non autem per vota simplicia, qualia hæc sunt, quæ soli Deo sunt. Ac propterea Pontifex respiciens ad radicem hujus deceptionis duo respondet. Primum est, solennitatem voti sola Ecclesiæ constitutione esse inventam, quasi tacite diceret, non esse de substantia status religiosi, tum quia hæc substantia de jure divino est: tum etiam, quia sicut Ecclesiâ adjoinxit illam solennitatem, ita etiam potest sine illa statum religiosum approbare, in quo fiant, & servantur omnia,

Quid dictio, Ex certa scientia.

Quid de plenitudine potestatis.

Nunc ab errore excusari non potest.

Prohibetur lxx. excommunicatione reservata.

Primum illatum ex principali assertu erroris, nem multis falsa conclusio.

Falsum est scholares Societatis temporali iudici subditi.

Principale assertu conceptu in hac erroris sententia peti-ne a fundabatur in antiquis Doctoribus.

Falsum nem Societatem non habere jus in illos, ostenditur ex duplici dicto Pontificis.

omnia, quæ Christus instituit cum alia determinatione, seu circumstantiis. De qua re copiose in tom. superiori dictum est, cum de voto simplici, & solenni, & de essentia status religiosi, in communi ageremus. Secundum est, qui hæc vota in Societate emittunt, se tradere, & divino servitio mancipare in religione a sede Apostolica approbata: ac si diceret, falsum esse per vota simplicia, non posse simul fieri traditionem, quæ per illa confirmetur: & consequenter, quamvis votum simplex non necessario fiat homini, non tamen hoc illi repugnare, eo scilicet modo, quo votum fieri potest homini, scilicet, materialiter tantum: nam promissio ipsa Deo fit, materia autem esse potest obedientia homini præstanda propter Deum. Quo etiam modo, & non aliter potest solenne votum fieri homini, si præsupponat promissionem factam homini, siue non: utroque enim modo fieri potest tam solenne votum, quam simplex, ut citato loco dictum est.

15 Ad doctus doctrinam illam omnino falsam esse, non solum in tam manifestis, & evidentiis religionis statu, ubi traditio intervenit, & perpetua vota, quamvis simplicia: verum etiam in aliis vivendi modis, qui sunt in Ecclesia, & in votis simplicibus, quæ vel sunt, vel fieri possunt pure, & sine traditione. Nam in primis votum simplex fit Deo, & consequenter concessit Deo aliquo modo materiam, de qua fit, & ideo eo ipso subjicit illam aliquo modo potestati Summi Pontificis, qui est Dei Vicarius, & ideo ad eum spectat procurare, & efficere, ut quidquid Deo debetur, ei solvatur. Ut v. g. in Hispania fuerunt multa vota simplicia de certa aliqua portione, vel elemosyna Ecclesiæ Compustellanæ tribuenda, per quæ acquisitum est aliquod jus Prælati Ecclesiæ, & maxime Summi Pontifici ad cogendum, ut illa vota compleantur. Hinc etiam multa statuta sunt a Romanis Pontificibus de voto Hierosolymitano, seu Cruce signatorum in ordine ad observationem ejus, ut constat totum titulo de voto, cum tamen votum illud simplex tantum sit. Et eadem ratione, si quis publice voveret hospitali perpetuo servire, posset Pontifex, suo jure utens, illum compellere ad tale votum servandum; ergo per vota simplicia potest persona specialiter constitui sub jure Pontificis, qui etiam poterit jus illud in aliam personam, vel congregationem transferre. Præterea nonnullæ sunt congregationes in Ecclesia, quæ non attingunt statum vere ac proprie religiosum, vel quia non faciunt, vel quia in illis non sunt vota perpetua, etiam ex parte voventium, vel propter alias causas: & nihilominus approbatæ sunt a Pontificibus, ut utiles, & honesti vivendi modi, & eximuntur per eosdem Pontifices a potestate judicium ordinariorum, ut sunt in Lusitania Clerici congregationis Sancti Joannis Evangelistæ, vulgo a Sancto Loyo nuncupati, & alii sunt multi similes. In eos ergo habet Pontifex peculiare jus, ratione cujus eos sibi reservat, & congregatio unaquæque habet jus in personas, quando in illa sunt, tanquam in membra sua, quæ gubernare potest, & corripere, & ad vota servanda cogere: ergo etiam extra statum religiosum est falsa illa doctrina, & contra Ecclesiæ consuetudinem.

16 Ratio autem a priori est, quia etiam per hos vivendi modos, & per talia vota dicantur personæ cultui divino, pro illo tempore, seu quando in eo vivendi modo perseverant, & ad illum cultum specialiter obligantur. Atque hoc satis est, ut sub Pontificio jure specialiter constituentur, & consequenter ut sub ejus peculiari protectione, ac regimine recipi possint, ac subinde eximi a jurisdictione ordinariorum, non tantum spiritualium, sed etiam temporalium, etiam quoad personas non habentes ordinem clericalem. Quia quicumque titulus divinus, (ut sic dicam) seu spiritualis, sufficit, ut Pontifex possit eximere a potestate temporali personas laicas: nam sub ea ratione Ecclesiasticæ reputantur. Sic enim exemptio clericorum jure pontificio facta est juxta probabiliorem sententiam, quam lib. 4. de fœderis fidei ostendimus, & videri potest Covar. in practica. quæst. cap. 31. Et eodem jure facta est exemptio religionum, etiam quoad novitios, siue a jurisdictione seculari, siue (quod facilius est) a jurisdictione Episcoporum: cur ergo non potuit hoc facere Pontifex etiam in his membris Societatis. Potuit ergo, & multo ante fecit

Paulus III. dicens. *Societatem, & universos illius socios, & personas illorum ab omni superioritate, jurisdictione, & correctione quorumcumque Ordinariorum eximimus, & liberamus.* Et tamen hic advertendum, duplicem potestatem habere Prælatus religionis in subditos, scilicet, jurisdictionis, & dominativam. Priorem habet hodie a Pontifice, vel olim ab Episcopis. Posteriorem habet ex vi ipsiusmet professionis ab ipso proficiente. De hac ergo posteriori procedunt, quæ diximus: nam quoad illam tam efficax est traditio, quæ per dicta vota in Societate fit, quam quælibet professio. De priori vero res est manifesta ex bullis Pontificiis; sed de illa jurisdictione, & actibus ejus infra ex professo disputandum est in lib. 10. a cap. 4.

17 Alia illatio illius auctoris erat, non obstantibus his votis Societatis, posse scholares approbatos ad quicumque regularem ordinem libere transire, invitis suis Prælati. Et altera huic annexa erat. Etiam si omnino a religione deficiant, & ad seculum transeant, posse a quocumque confessorio per bullam Cruciatæ absolvi, & ab Episcopis jure ordinario dispensari, ut in seculo maneant, vel uxorem ducant: nec per hæc omnia fieri aliquam injuriam Societati, etiam per apostasiam ab illa. Sed hæc omnia, quatenus ex prædicto fundamento procedunt, eandem fere censuram merentur, & ita ab eodem Pontifice eodem modo reprobantur, & ab aliis antiquioribus Pontificibus sunt vel expresse, vel virtute damnata. Nam in primis Paulus III. in 5. sua bulla anni 1549. specialiter prohibet: *ne quis post emissam vota secundum constitutiones prædictas, siue professus, siue scholaris, siue coadjutor Societatis sit, ad quemvis ordinem etiam per sedem prædictam approbatum, Carthusiensem dumtaxat excepto, nisi de expressa ipsius Præpositi, aut dictæ sedis licentia transire valeat.* Aut ergo hoc potuit Pontifex statuere, aut non potuit. Hoc posterius dicere sine dubio esset erroneum contra Pontificis potestatem, & sententiam, sine ullo fundamento: si autem potuit: ergo post illud decretum omnino falsa erit illa doctrina, imo & erronea, si sensus erat, non obstante illo decreto, licitum esse transire illum. Quod si oppugnato ille responderet, se ignorasse decretum illud, excusari quidem posset ab errore, non tamen a temeritate, quod de re adeo gravi, & animarum salutis adeo nociva, dependenteque a speciali jure particularis religionis, judicium protulerit sine sufficienti notitia instituti approbationis, & privilegiorum talis religionis, quod quilibet prudens Theologus maxime cavere debet. Confirmari hoc potest ex bulla Pii V. *Dum indefessa*, in qua declarat Societatem, & singulas ejus personas vere & non fide mendicantes esse, & frui omnibus & singulis dispositionibus, favoribus, & gratiis, tam a jure, quam ab homine religiosi mendicantibus concessis. Unum autem ex his favoribus & gratiis est, ut mendicantibus non liceat transitus ad alias religiones non mendicantes, sub pœna excommunicationis latæ sententiæ juxta constitutionem Martini V. in Concilio Constantensi, quam refert Anton. 3. tit. 24. cap. 71. Et similem Benedicti XII. refert Tabien. verb. *religiosus*, §. 23. Ergo etiam ante Gregorii constitutionem ex vi illius bullæ Pii V. erat falsum prædictum illatum.

18 Dicere fortasse, illationem illam intelligendam esse ex vi votorum, & jure ordinario, non tamen propterea excludi, quia ex peculiari privilegio Pontificis prohiberi possit. Sed hoc in primis declarandum fuisset: quantum enim ex declaratione Gregorii colligitur (proprium enim opus harum impugnationum ad manus non venit) simpliciter videtur ille Theologus asseruisse, eo tempore id fuisse licitum. Deinde interrogo, quo sensu dicatur ex vi talium votorum licitum esse transitum, exclusâ speciali prohibitione. Nam etiam in quacumque alia religione licet transitus, non tamen indistincte, sed ad strictiorem, non vero ad laxiorem, quia votum majoris boni non potest commutari in minus, propria auctoritate: neque etiam ad æqualem, vel quia commutatio in æquale fortasse requirit etiam auctoritatem superioris: vel certe propter jus acquisitum priori religioni, quo privari non debet, nisi ubi majus bonum ipsius religiosi intercedit. Videtur ergo sensus illius assertionis fuisse in hoc gradu Societatis licitum esse transitum indistincte ad quancumque aliam religionem, in qua

Secundum illatum. Tercium illatum.

Contra secundum illatum arguitur ex bulla Pontif. atque tanquam error impugnetur.

Confirmatur impugnatio ex altera bulla.

Altera evasio reprehenditur primo

Deinde ejus sensus examinatur.

Eadem falsitas variis exemplis generaliter ostenditur.

Eiusdem ratio a priori.

Et falsitas
ais con-
vincitur
tripliciter

qua vota solennia emittuntur, quantumvis laxa, & remissa sit. Et hoc etiam omnino falsum est ex vi ipsorum votorum, & seclusa speciali prohibitione Pontificis. Primo, quia ut ostensum est, etiam per hæc vota est jus acquisitum religioni. Secundo, quia probatum est, etiam per hæc vota constitui verum, ac proprium religiosum, qui comparatus ad alium statum constitutum per vota solennia, potest esse multo strictior & perfectior illo: nam licet excedatur in solennitate voti, & in modo obligationis ex parte religionis, excedere tamen potest in perfectione finis, & mediorum, & in materia votorum substantialium, & in rigore observantiæ ac disciplinæ religiosæ, qui excessus major sine dubio est, magisque pertinet ad perfectionem animæ, & ad cultum Dei: nam solennitas voti extrinsecum quid est, pendens magis ex constitutione extrinseca, quam ex voluntate propria. Obligatio autem ex parte religionis, vel carentia ejus, non minuit voluntatem, & oblationem ex parte religionis se tradentis, imo reddit illam quodammodo magis liberalem, ut cap. 2. nu. 2. dicebam. Ergo hic status religiosus Societatis cum quacumque religione alia in hoc convenit, quod seclusa speciali concessione, aut prohibitione Pontificis, quod ab illo ad strictiorem statum licitus esset transitus, non vero ad laxiorem, vel æqualem, etiam si vota ejus sint solennia: nam hæc sola circumstantia non reddit statum strictiorem. Quod quidem satis confirmant Pontificia indulta: nam si generatim, & ex vitalium votorum status, in quo sunt vota solennia, esset strictior, & gravior Deo, injustum plane fuisset hunc transitum universaliter prohibere: ergo signum est illam circumstantiam ex mente Pontificis non multum referre, nisi ubi cætera paria essent. Tandem juvare potest, quod hi scholares approbati non solum tria vota substantialia in suo gradu emittunt, sed etiam promittunt professionem facere in Societate, quando jussi fuerint: non ergo possunt promissionem illam implere in quacumque alia religione laxiore.

Quæstio-
nula inci-
dens res
solutio
de facto

19 Solum posset hic aliquam dubitationem habere, An professio facta in alia religione, non obstantibus prioribus votis Societatis, sit valida, esto sit illicita? quod etiam non habet dubitationem de facto. Quia si recte ponderetur omnia verba Pauli III. irritam significat esse illam professionem, idque expresse declaravit Pius IV. & Pius V. in bulla anni 1565. quæ incipit, *Æquum reputamus*, & videri potest compendium privilegiorum Societatis verb. *Apostata*, §. 5. & 9. Sed dubitari potest ex natura rei, & ex vitalium votorum. Est enim communis doctrina D. Thom. & a nobis tom. præced. tractata, cum, qui habet simplex votum religionis strictioris, proficendo in laxiori, male facere, factum tamen nihilominus tenere, ita ut obligatio prioris voti omnino extincta maneat. Posset ergo quis cogitare, ita fore in Societate, secluso speciali jure pontificio: & potest ita suaderi. Nam qui uni rem aliquam promissit, & eam postea alteri tradit, licet male faciat, donatio tamen tenet, sicut tenet matrimonium cum una, post sponsalia de futuro cum alia, vel post votum simplex castitatis. Ita vero comparatur professio ad vota simplicia; ergo ex natura rei valida esset professio post vota simplicia castitatis, si per Ecclesiam irrita facta non esset. Nihilominus probabilius censeo, sicut secunda professio facta in religione, non magis stricta vel perfecta, invita alia religione, in qua prior professio præcesserat, irrita est ex natura rei, ut ex citato tomo suppono, ita professionem factam ab scholari approbato Societatis in quacumque religione laxiori, seu minus perfecta esse ex natura sua irritam. Ratio est, quia professio secunda in priori casu non est invalida propter propriam solennitatem votorum in priori professione, sed propter traditionem, ratione cujus sit, ut secunda professio sit donatio rei alienæ, & in perpetuum jam traditæ ad usum ejusdem generis, nulla subintellecta conditione, vel exceptione, nisi de religione seu statu perfectiori. Sed quoad hanc traditionem ex parte religiosi se donantis, & quoad jus acquisitum ipsi religioni, æqualis est hæc admissio scholarium cuilibet professioni: nam vere se tradunt Societati in perpetuum, & ipsa eos acceperat, ut ex forma vivendi patet, & ex declaratione Pontificum Pauli III. Jul. III. Gregor. XIII. Ergo, &c.

20 Atque hinc tandem constat, quam falsa sint om-

nia, quæ in altera illatione subjiunguntur. Nam ut ab ultimo puncto incipiamus, cum ostensum sit Societatem acquirere speciale jus dominativum in scholares Societatis, mediis eorum votis, evidens est, non posse hujusmodi scholares invita Societate illam deferere, sine magna ejus injuria, quia privant illam suo jure, sicut qui se alteri donavit in servum, non potest fugere sine injuria Domini, & qui rem suam alteri donavit, non potest eo invito illam surripere sine injuria ejus ac vero furto.

21 Deinde evidenter falsum est ab hoc peccato apostasie posse hujusmodi transfugas libere absolvi a quocumque confessorio, tum quia illi manent veri religiosi, & ideo subiecti in foro etiam poenitentiae Prælati suæ religionis, sine quorum facultate non possunt aliis confiteri, nisi a Pontifice illam habeant. Per bullam autem Cruciatæ illa non habetur, ut ex tract. 8. lib. 2. nunc suppono, idque maxime respectu apostatarum, & in tantum detrimentum religionis: videri etiam potest compendium privilegiorum Societatis verb. *Absolutio* §. 11. Tum etiam, quia in bullis Pontificiis declaratum est, illud esse verum peccatum apostasie a religione, quæ jure communi habet excommunicationem annexam, a qua non potest ullus confessor absolvere: quam contra hos apostatas specialiter tulerunt, & sibi reservavit Pius IV. & Pius V. in bulla, *Æquum reputamus*, & habetur in citato compendio verb. *Apostata* §. 1. & 2. cum aliis. Tum denique, quia illi, quandiu in eo statu permanent, in statu damnationis sunt, ut recte dixit Cajetan. in communi de apostatis loquens verb. *Apostasia*, & ideo in eo statu permanentes a nemine possunt absolvi, ne dum a quolibet confessore. Si autem ad mentem redeant, ad suos superiores recurrere debent, ut ab eis absolvantur. Nisi fortasse ob necessitatem aliquam urgentem juxta commune jus absolvendi essent: nam tunc non virtute bullæ Cruciatæ simpliciter absolvendi sunt, sed sub obligatione comparendi.

22 Denique falsum convincitur, posse Episcopos cum his apostatis, vel religiosi dispensare. Quis enim unquam dixit, posse Episcopum jure ordinatio facere ex religioso non religiosum per dispensationem, aut ex mendicante non mendicantem? Si autem sunt vere ac proprie religiosi, ut ostensum est toto cap. præced. ergo. Deinde, licet Episcopus possit dispensare in voto simplici, non tamen in traditione & donatione Deo facta, & religioni propter ipsum: & ideo in aliis religionibus non potest dispensare cum oblati, seu conversis, qui se vere ac proprie religioni donantur, etiam si proprie religiosi non sint ex defectu votorum: sed hi religiosi Societatis vere se tradunt & perfectiori modo & cum votis sufficientibus ad statum religiosum constitutendum; ergo. Præterea, Episcopus non potest jure ordinario dispensare in votis religionis, & totalis castitatis perpetuæ: sed hi religiosi emittunt in primis votum totalis castitatis, & præterea promittunt ingredi Societatem professam, quæ promissio re vera est votum religionis, ut etiam declaratum fuit in 3. Congregatione Can. 2. diciturque latius lib. 4. cap. 16. & 17. ergo non potest Episcopus in eis dispensare. Neque obstat, si quis respondeat hæc vota includere conditionem, ac proinde non esse reservata, quia tom. superiori diximus, votum castitatis non esse reservatum, nisi sit absolutum: respondetur enim in primis promissionem illam ingrediendi Societatem professam solum includere conditionem hanc, si ipsa Societas voluerit illum admittere: hanc autem conditionem plane includit omne votum religionis: est ergo illud tam absolutum votum religionis, quam esse potest. De voto autem castitatis fatemur, non absolute fieri, sed ut annexum tali statui, & ideo includere tacitam determinationem, dum ille status duraverit. Hic autem status est omnino extra potestatem Episcopi: ergo & votum, quo constituitur, seu quod illi annexum est. Tandem hæc personæ sunt omnino extra jurisdictionem Episcoporum, ut est notissimum, quomodo ergo possunt Episcopi eorum statum mutare, aut in eorum votis dispensare?

23 Ultima illatio dicti oppugnationis erat, non posse vota in seculo facta in hæc tria vota scholarium Societatis, seu statum illorum commutari. Hæc vero propositio duplicem potest habere sensum. Unus est, etiam per modum commutationis, non posse ex intentione ipsius-

Contra
secundu
illatum
illo n. 17.
positum
ostenditur,
scholares
desertores
injuriæ So-
cietatis.

Item a ne-
mine pos-
se absolvi,
quam ab
ipsa Socie-
tate vel
Papa.

Item non
posse Epi-
scopos eis
eorum vo-
tis dispensare,
ostenditur
quæ
dupliciter.

De jure
etiam re-
solutio
eadem pro-
babilior.

Tertium
illatum
negans
commuta-
ri posse
vota in se-

culo facta
in vita
scholarum
Societatis
duobus
seculum
habet.
Primo.
Secundo.
Prior leg-
sus ueritas
propria
commuta-
tionem im-
pugnatur.

ipsummet uoventis, vel ex ordinaria potestate confesso-
rum, aut Prælatorum Societatis præcedentia vota in
hæc commutari. Alius est, hunc ingressum, seu in-
corporationem in Societate non habere vim extinguen-
di omnia præcedentia vota, quam habet professio cum
votis solennibus. Prior sensus, simpliciter loquendo,
falsus est, & ita reprobatur a Gregor. XIII. dicente; *In-
super asserunt non posse vota aliqua in seculo emissa in
tria hæc substantialia Societatis commutari, cum ta-
men hæc vota sint status, ut præfertur, religiosi adeo
utilis, & perfecti, ut illa in hæc possint: hæc vero in
aliorum ordinum etiam solennia vota commutari sit ab
hac sede iustus de causis interdictum.* In quibus verbis
duæ rationes indicantur. Prima est, verus status reli-
gionis, & præsertim tam perfectus, melior est, &
gratior Deo, quam observantia cuiuslibet voti in seculo
emissi: sed hæc vota constituunt talem statum; ergo
in illa possunt quilibet vota seculi commutari. Alia
ratio est a posteriori, seu fundata in iudicio sedis Apo-
stolicæ; nam vota seculi possunt commutari in vota
solennia religionis: sed hæc vota Societatis iudicata
sunt a sede Apostolica adeo perfecta, ut veruerit illa in
solennia alterius religionis, præter Cartusiam, com-
mutari: & consequenter illa ut paria ad minimum esti-
maverit: ergo etiam illa iudicavit talia, ut in illa pos-
sint vota seculi commutari.

24. Hæc autem ipsa commutatio duobus modis in-
telligi potest. Primo, ut ipso jure fiat, ex intrinseca
scilicet vi talium votorum, vel certe ex aliquo privi-
legio juris. Secundo, ut fiat ex intentione ipsius vo-
ventis, qui præcedentia vota vult in hæc tria commu-
tare. Deinde potest intelligi hæc commutatio vel sim-
pliciter, vel secundum quid. Simpliciter appello,
quando priora vota omnino extinguuntur: secundum
quid, quando tantum suspenduntur. Deinde
suppono, quædam esse vota præcedentia hunc statum,
quorum observantia repugnat tali statui, & observa-
tioni ejus, atque de his nulla est difficultas, quin sal-
tem suspendantur ex vi talis status, & horum votorum
quævis simplicium: & quod hæc vota licite & sancte
fiant, & consulenda sint fieri non obstantibus aliis vo-
tis præcedentibus: nam quoad hoc hæc vota æquipa-
rantur professioni, quia & constituunt statum de se
perpetuum, & valde perfectum, cujus observantia
longe majus bonum est, quam sit executio aliorum vo-
torum. Item quia talia vota suspenduntur ipso jure per
primum ingressum religionis, etiam per novitium,
ut in tom. super. ostendimus; ergo multo magis suspen-
dentur per statum religiosum illis tribus votis firmatū.
An vero omnino etiam auferantur, statim dicetur in
num. 26. Alia autem sunt vota, quæ possunt optime in
religione impleri, & nihil impediunt religiosam obser-
vationem, seu disciplinam, sed illi aliquid addunt. Et
de his etiam est certum posse, ex voluntate alicujus,
qui potestatem habet commutandi pro eo tempore,
quo talia vota duraverint, suspendi per quandam com-
mutationem secundum quid, seu pro eo tempore. Pro-
batur, quia talis commutatio evidenter est in melius;
ille enim status, quam diu durat, multo melior est, quam
particularia vota, quæ in seculo fieri possunt. Dices:
melius est utrumque simul servare, cum fieri possit. Res-
ponderetur, non teneri quempiam ad omne id, quod me-
lius est, & sepe non expedire obligationes accumulare.
Atque hinc fit, ut talis commutatio fieri possit propria
autoritate ipsius voventis, quia commutatio in me-
lius ita fieri potest, ut supra dixi, & ex professo in lib. 6.
de voto cap. 18. Oportet tamen, ut ipse vovens intendat
talem commutationem facere, quando hæc tria vota
emittit: nam postquam aliquis plura vota fecit sine
commutatione, non potest postea sua voluntate unum
in aliud commutare, quia jam utroque oneratus est.
Deinde potest hæc commutatio fieri per prælatos So-
cietatis, quia cum possint dispensare, ut suppono,
multo facilius poterunt commutare: sed oportet etiam
advertere, si talis commutatio fiat in aliqua opera reli-
gionis, illi omni sub obligatione voti, cum tamen
aliis solum fortasse essent sub directione regulæ, & ideo
melius est, ut simpliciter dispensentur pro eo tempore:
vel a principio commutentur in ipsam tunc substan-
tialia vota, & religiosum statum, nullam illis adden-

do obligationem voti, ad specialia opera, quod sine
dubio fieri potest. Imo etiam ipso jure Societatis factum
videtur. Nam in prima congregatione generali Can.
22. de omnibus votis in seculo factis præterquam reli-
gionis determinatæ dicitur, *in Societate suspensa esse,
etiam si per professionem non tollantur. & ita obligatio-
nem eorum cessare, dum persona in Societate manet.*
Quod merito ita factum est: nam omnes rationes,
quibus D. Thom. probat præcedentia vota per profes-
sionem tolli, probant expedire, ut saltem per hæc vo-
ta suspendantur, ut facile constabit legenti ea, quæ in
tom. super. de illo puncto tractavimus.

25. Difficultas vero est, an etiam commutatio sim-
pliciter hic locum habeat, ita ut licet contingat scho-
larem approbatum ejici a Societate, non reviviscat ob-
ligatio priorum votorum. Ad quam breviter respon-
deo, ex intentione voventis posse fieri talem com-
mutationem, non tamen fieri ipso facto, aut jure,
nisi intendatur. Ratio prioris partis est, quia hic sta-
tus cum his tribus votis, eo modo quo sunt perpetua ex
parte voventis, licet ex parte religionis aliquando au-
ferri possint, sunt bonum melius, & perfectius, quam
omnia vota in seculo facta, etiam si haberent materiam
duraturam per totam vitam: quia per illam oblatio-
nem persona multo magis consecratur Deo, & fere
moraliter contingit, ut opera facta in tali statu in-
tra unum annum sint meliora, & gratiora Deo, quam
essent futura omnia opera aliorum votorum, etiam si
obligatio eorum per totam vitam esset duratura: ergo
licita, & valida est talis commutatio, non solum si
autoritate superiorum fiat, quod est manifestum,
sed etiam propria voluntate. Ratio vero alterius par-
tis est, quia licet is, qui habet votum inferioris boni,
faciat votum de alio bono meliori, non impossibili
priori, si non intendit specialiter commutari unum
in aliud, non commutat ex vitalis facti, sed multi-
plicat vota: sed ita est in præsentis: ergo ex vi talium
votorum non fit commutatio, & consequenter nec ju-
re naturali fit: quia hoc nullum est aliud, nisi quod
natura talium votorum postulat: neque etiam jure po-
sitivo divino, vel humano, quia nullum tale est. Quin
potius in dicto Can. 22. significatur talia vota in seculo
facta non omnino auferri, nisi per professionem, quod
intelligo ipso jure, seu ex sola intrinseca vi talium vo-
torum: non vero quod non possint auferri ex absoluta
commutatione intenta a vovente.

26. Et quantum ad hoc posset aliqua differentia con-
stitui inter hæc vota scholarium, & professionem sim-
pliciter dictam. Nam per professionem probabile est
extingui omnia priora vota ipso facto & jure, absque
alia commutatione a proficiente intenta. Si autem hoc
convenit professioni (res enim non certa) id non pro-
venit ex solo jure naturæ, neque ex aliquo jure scri-
pto, quod sufficienter id declararet, sed adjuncta com-
muni consuetudine, & traditione Ecclesiæ, quæ om-
nia in tom. super. late probavi, & declaravi. Quia ergo
hæc admissio scholarium in Societate non est abso-
luta professio, & secundum præsentem statum Eccle-
siæ est novo jure introducta, ideo non videtur ad il-
lam extendendus hic effectus, qui maxime in consue-
tudine fundatur, cum illa consuetudo solum in pro-
priis professionibus locum habeat. Maxime cum inter
statuta Societatis in prædicto Canon. 22. fiat in hoc dif-
ferentia inter hæc vota simplicia & professionem, quæ
non potest in alia re constitui, quod ad præsens atti-
net, nisi quod professio extinguit ipso facto priora
vota seculi: status autem scholarium solum ea suspendit,
nisi alia via per dispensationem, vel commuta-
tionem ab homine, ut ita dicam, auferatur. Si igitur
oppugnator ille solum hanc differentiam constitue-
re voluisset, non cum illo contenderemus. Quia ve-
ro absolute dixit, non posse vota in seculo emissa, in
tria hæc substantialia Societatis commutari, ideo hæc
asseritio non minus quam alia reprobatur. Maxime
cum eo semper tendat, ut hunc statum eleve, & adeo
diminuat, ut sentiat sufficientem non esse, ut in illum
vota seculi commutari valeant.

Posterior
sensus
bipartitus
resolutio.

Notatio-
nes pro
cautione
da dicta
commuta-
tione.

Vota in
seculo in-
composi-
bilia vo-
tis scholarium
Societatis
per hæc
ipso jure
suspenduntur.

Quid de
votis co-
mpositis.

Juxta di-
ctum po-
steriorem
sensem
admitti-
tur differe-
ntia aliis
vota inter
vota scho-
larium So-
cietatis,
ac profes-
sionem.

Concludi-
tur contra
auctores
tertiæ com-
rollarii.

C A P U T V.

An prædicta scholasticorum approbatorum admissio in Societatem dicenda sit professio?

SUperest explicemus, an hæc admissio, & incorporatio scholarium approbatorum in Societate, nõ solum constituat illos in vero statu religioso, ut hætenus probatum est, sed etiam (ut rationi dubitandi initio capitis tertii posita omni ex parte satisfaciamus) dicenda sit vera professio, & ita possit simpliciter appellari. Quæ licet videatur quæstio de usu vocis, tamen ad intelligentiam jurium potest esse necessaria: nam quod ad rem spectat, facile poterat distinctione expediri. Primo enim si nomine *professionis religiosæ* intelligatur traditio omnino absoluta, & votis solennibus firmata, atque adeo indissolubilis per potestatem intrinsecam religionis, sic dicendum est hanc admissionem non esse professionem, quia re vera illi non convenit prædicta descriptio, ut hætenus probatum est. Atque in hoc sensu, in eodem Societatis instituto, ac bullis, & constitutionibus ejus distinguitur gradus scholarium a gradu professorum, & admissio illorum ab horum admissione: & una vocatur professio, non tamen alia, ut constat ex 5. part. Constit. cap. 1. per totum, & sæpe in sequentibus: unde in forma ipsa vivendi, qui profitemur, expresse dicit, *Ego professionem facio*: alii vero minime. Et juxta hanc significationem vocis ad difficultatem tactam respondendum est, negando statum religionis solum constitui per professionem in hoc rigore sumptam: potest enim per aliud genus admissionis, a nobis explicatum vere, ac proprie constitui. Quia vero jura canonica, & interpretes eorum, ac ceteri Doctores loquuti sunt de statu religioso ante Societatis approbationem, quo tempore per solam professionem in eo rigore sumptam religiosi constituebantur, ideo absolute dicunt per professionem constitui verum religiosum. Dicunt etiam professionem esse necessariam secundum illum statum Ecclesiæ, in quo alius modus non erat in usu, neque approbatus; & eodem sensu cum ajunt ante professionem non esse verum religiosum, solum intendunt dicere suspensionem habitus, seu primum ingressum, vel novitiatum non sufficere ad constituendum verum religiosum, donec fiat professio, per quam incorporaretur quis religioni: tunc enim non erat alius incorporandi modus. Secundo, quia novissime in Can. 26. Congregat. 7. *Professionis* vox latius aliquando sumitur, dum sub eo nomine distinguuntur vota formatorum coadjutorum a prædicta approbatorum scholasticorum admissione. Sic plane etiam admissio hæc non dicitur *professio*. Unde similiter ad præsentem difficultatem negabitur consequentia, religiosum scilicet statum constitui per professionem solum eo etiam latiori modo sumpta professione.

2 Potest vero tertio accipi vox illa *professio religiosa* generalius pro quocumque firma, ac stabili unione cum religione approbata, per traditionem, & vota substantialia religionis per legitimam potestatem Ecclesiasticam publice admissam. Et hoc modo dicendum est, hanc scholarium admissionem in Societatem esse veram professionem, ut ex dictis constat. Sic etiam generaliter pro quocumque tempore, & tam de facto, quam de possibili verum est, per omnem professionem hujusmodi, & per solam illam, verum, ac proprium statum religiosum constitui. Quod etiam ex hætenus dictis notum est. Nec vero hæc significatio illius vocis aliena est ab ejus proprietate, & communi usu, & ab usu multorum Doctorum: nam juxta Latinam proprietatem *profiteri* generaliter significat, vel palam ac publice promittere, vel munus aliquod publicum cum aliqua solennitate suscipere, quomodo dicitur quis profiteri militiam, aut magisterium Theologiæ scholasticæ, vel sacerdotum literarum, aut Juris prudentiæ, &c. Sic etiam D. Thomas 2. 2. q. 184. art. 5. ait, Episcopum cum assumit Episcopatum, solennem professionem facere, ubi constat non loqui de solenni professione, prout a religiosi fit; sic etiam Concil. Toletan. II. cap. 1. de subdiacono dixit, admitti posse vigesimo anno ætatis, habita probatione suæ professionis. Præterea Innocen. in cap. *porrectum*, de regular. professionem validam vocavit illam,

quæ sit extra claustrum, & in manibus alicujus, qui non habet potestatem incorporandi religioni, quamvis solum habeat vim voti simplicis, & ibi Antoninus, a quo non multum dissentit Abbas nu. 12. ita etiam loquitur de professione facta in manu Episcopi, cum tamen fateantur illam non constituere verum religiosum, sed solum esse votum quoddam simplex, & cum solennitate quadam accidentali emissum. Et Palud. in 4. d. 38. q. 3. in fine non dubitat professionem tacitam vocare *professionem*, quamvis dubitet, an talis professio reddat inhabilem ad matrimonium. Cum ergo hæc incorporatio scholarium in Societate, publica sit non solum promissio, sed etiam traditio, atque assumptio religiosi status, & jam nunc reddat personam inhabilem ad matrimonium, merito posset appellari *professio*. Ubi de sensu constaret, quod scilicet in hac generali significatione, & non in alia rigorosa, & quasi specifica sumitur.

3 An vero jura, quæ loquuntur de professione religionis, comprehendant hanc admissionem scholarium Societatis, nec parum refert, nec facile defini potest. Primum constat; quia ex illo pendent quæstiones plures, ut an omnia, quæ jura requirunt ad professionem, requirantur ad hanc admissionem, ut talis ætas, tantum probationis tempus, &c. Item an metus reddat nullum hunc ingressum, sicut reddit nullum illum ingressum, & sic de aliis. Denique inde etiam pendere videtur, an hi scholares in jure comprehendendi sint sub nomine regularium, seu religiosorum: nam hæc duo, professus, & regularis, seu religiosus videntur esse in jure æqualia, seu ad convergentiam dici. Secundum declaratur, quia omne jus antiquius approbatione Societatis, per professionem sine dubio solum intelligit illam, quæ tunc erat in usu: jura autem posteriora non mutant significationem vocis: sed in eodem sensu loquuta sunt: ergo nullam comprehendunt sub illa voce, nisi professionem illam, quæ per solennia vota fit. In contrarium autem est, quia multa sunt in jure attributa religiosæ professioni, quæ in hanc etiam scholarium admissionem conveniunt, & alia communi voce non significantur. Item quia nomen *religiosi* commune est his personis: ergo & nomen professionis, juxta usum juris, debet esse commune.

4 Distinctione utendum censeo: aut enim jura loquuntur de gratiis, & favoribus concessis religiosi professi: aut de rebus odiosis, seu quæ rigorem continent. Si sermo sit de prioribus, extendenda censeo ad vota scholarium Societatis, atque adeo sub nomine *professionis* comprehendendi etiam hanc scholarium incorporationem. Hoc imprimis colligo ex generali regula Innocentii, Panormitani, & aliorum in Rubric. de regul. qui dicunt sub nomine *religiosi* quoad favorabilia plures comprehendendi, qui variis modis divino cultui omnino dicati sunt, quamvis non sint solenniter professi: ergo multo magis sunt extendenda similia jura ad hos religiosos Societatis, qui non utcumque sunt divino servitio mancipati, sed tanquam veri, & proprii religiosi: ergo eadem ratione favores, & gratiæ, quæ conceduntur jure communi, vel *regularibus* sub hoc nomine, vel *religiosis*, vel etiam *professis* sub his hominibus extendi debent ad prædictos scholares: erga eadem proportionem loquendum est de professione, & de incorporatione horum scholarium, quoad favores, & gratias. Secundo & principaliter id colligo ex more proprio Pii V. qui incipit, *Dum indefesse*, ubi cum dixisset, omnes, & singulas personas Societatis intra religiosos mendicantes, vere, & non fecte numerari debere, subdit: *A quo omnes, & singulas tam juris, quam hominum dispositiones in favorem religiosorum, seu fratrum mendicantium, nunc & pro tempore, emanatas, etiam in Societate, illiusque domibus, Collegiis, Præposito, & aliis religiosi locum habere*. Quam concessionem statim extendit ad omnia privilegia, etiam specialissima, immunitates, exemptiones, &c. Et semper loquitur de omnibus, & singulis personis Societatis, sub quibus sine dubio scholares approbati comprehendit; nam ideo domibus Collegia semper adjungit, ut de omnibus personis, quæ sunt illorum membra, se loqui significet. Et hanc declarationem amplius explicuit, & confirmavit Gregor. XIII. in bullis sæpe citatis.

5 Si autem loquamur de his, quæ professioni, vel religioso

Utrum professio-
nis signi-
ficatum.

Juxta hoc signifi-
catum pro-
cedit ra-
tio dubi-
tandi ini-
tio cap. 3.
posita.

Alterum signifi-
catum juxta
quod etiam
satisfit
prædictæ
rationi
dubitandi

An in iure
nomen
professio-
rum veni-
re etiam
debeat
scholares
Societatis,
atque
adeo no-
mine regu-
larium,
& religio-
forum.

Afferantur
dum in fa-
vorem illib.

In non fa-
vorabili-
bus distin-
guendum.

ligioso professio, de rigore juris tribuuntur, vel ad ea, quæ odiosa sunt, spectant, ut v.g. cum excommunicantur religiosi, qui hoc, vel illud fecerint, vel qui professionem hoc, vel illo modo faciunt, & similia: tunc ulterius considerandum est, an res illa, de qua jus loquitur, peculiari modo respiciat, vel fundetur in solennitate professionis, vel solum respiciat statum religiosum, ut sic, & professionem quatenus illum constituit. Nam in iuribus, quorum materia est prioris generis, *sub professione* non potest comprehendi hæc incorporatio scholarium approbatorum Societatis: quia in tali incorporatione deest fundamentum talium iurium, quod est solennitas professionis. In iuribus autem, quorum materia est posterioris generis, tunc sub nomine *professionis*, hæc enim incorporatio comprehendenda videtur. Exemplum prioris partis est in cap. unico de voto in 6. ubi dicitur votum solennizari, quantum ad impedendum matrimonium, per professionem expressam, vel tacitam factam in aliqua religione approbata: ibi enim *sub professione* nomine in rigore non comprehendebatur hæc incorporatio scholarium Societatis: nam ante specialem constitutionem Gregorii per votum castitatis in ea factum non reddebatur persona inhabilis ad matrimonium, quidquid aliqui senserint: & licet nunc votum illud habeat hunc effectum, non est ex vi illius juris communis, sed ex speciali jure Gregor. XIII. quo non obstante illud votum solenne non est, ex declaratione ejusdem Gregorii juxta intentionem voventium, & admittentium illud: ergo non comprehenditur sub dicto cap. unic. ergo nec incorporatio hæc comprehenditur *sub professione*, de qua ibi sermo est. Sumitur ergo ibi *professio* stricte pro illo vinculo omnino absoluto, & indissolubili, quo secundum commune jus religiosi ligantur, & traduntur. Aliud exemplum de eadem re existimo sumi posse ex Extravag. unica Joan. XXII. de voto, ubi qui post matrimonium ratum non consummatum sacrum ordinem suscipit, suspenditur, nisi professionem in aliqua religione approbata faciat: nam tunc per Diocesana conceditur ei dispensatio, a quo ad talem professionem admonendus dicitur. Ibi enim *sub professione* non intelligo comprehendi hanc incorporationem nostrorum scholarium, nec per illam illi juri satisfieri. Ratio est, quia intentum Pontificis ibi est, ut matrimonium ratum, quod per votum sacri ordinis solum non fuerat, per aliud vinculum professionis solvatur, ut sic solutus ab obligatione uxoris decenter possit in suscepto ordine ministrare. At vero per vota hæc scholarium Societatis non fit ille effectus, ut infra lib. 4. cap. 2. dicam, sed est proprius votorum solennium; ergo per illa non satisficit intentioni Pontificis in dict. text. sumitur ergo ibi *professio* stricte, ut solennitatem includit.

6 Alterius autem membri exemplum sumere possumus ex motu proprio Sixti V. in prædicta ratione dubitandi, initio cap. 3. citato, dum ait: *Tunc vere, & proprie religiosi esse dicuntur, cum professionem emittunt*: ibi enim solum sumit *professionem*, ut a susceptione habitus id est, a primo ingressu seu novitiatu distinguitur: solumque illam considerat, quatenus est vinculum inter religiosum, & religionem, sufficiens ad verum statum religiosum constituendum: & ideo non dubito, quæ sub ea voce scholares Societatis comprehenderit, & ita, quæ ibi circa professionem disponit, licet odiosa, & rigorosa videantur, ad hanc etiam incorporationem pertinent, ut consuetudo etiam declaravit, & mox dicemus. Atque ita etiam intelligendum puto cap. *religioso*, de sentent. excom. in 6. §. *Quamvis*, ubi significatur privilegium Canonis *Si quis suadente*, in rigore juris, solum convenire religiosi professis: ibi autem speciale concessione extendi ad novitios: nam sine dubio extensio illa necessaria non erat pro scholaribus Societatis, sed in rigore comprehendebantur sub Canone, quia veri religiosi sunt, unde in verbis illius §. *Quamvis autem is, qui religionem ingreditur, religiosus censeri cum effectu non possit, donec sit tacite, vel expresse professus*, *sub professione* comprehendenda est hæc incorporatio, quia ibi non consideratur professio, ratione specialis solennitatis, sed solum quatenus constituit verum religiosum, illumque a novitio distinguit. Nec refert, quod illud jus, & similia, fuerint condita ante institutum Societatis, quia

licet verum sit, tunc non cecidisse Societatem sub expressam intentionem sic loquentium, tamen confuse comprehensa fuit, quatenus generatim intendebant loqui de vinculo constituyente verum religiosum, quod nomine *professionis* significabant, ut dixi, quia tunc non erat alius modus incorporandi in religione: illud autem materiale est, & ideo non obstat, quominus sub formali decisione talis juris hic status comprehendatur, siue illa pertineat ad favorem, siue ad rigorem.

7 Contra hanc vero partem posset quis objicere multa, quæ Navar. assert. conf. 6. de statu monach. ubi contendit sub nomine *professionis monialium* non debere comprehendi quasdam oblatas sub quadam dispositione rigorosa: & illa occasione significat in simili dispositione *professionis* nomen nunquam debere extendi ad ea, quæ proprie, & in rigore professio non est. Verum tamē si attente legatur, loquitur de professione, ut distinguitur ab omni oblatione, seu donatione personæ, quæ non constituit illam vere, & proprie religiosam, qualis erat in illis oblatis, & tunc recte procedunt omnia, quæ adducit. Nihil autem nobis obstat, qui loquimur de vinculo constituyente verum, ac proprium religiosum, & ideo non putamus comprehendi sub talibus decisionibus iurium per argumentum a simili, vel a paritate rationis, sed per proprietatem religiosi status, & vinculi, quo constituitur, de quo talia jura loqui intendunt, & sub illa ratione illum significant per talia verba. Quæ resolutio multis aliis particularibus exemplis declarabitur capite sequenti, & in discursu materiæ.

8 Ultima confirmatio, & objectio, contra prædictam veritatem, facta in eodem cap. 3. initio, sumebatur ex forma ipsa voventi, & ex ipsiusmet verbis constitutionum Societatis, ad quam jam ex parte responsum est, omitti in illa forma verbum *profutendi*, quia juxta communem usum significare solet traditionem cum voti solennitate, & solum usurpari verba *voventi*, & *promittendi*, ut indicetur talia vota esse simplicia, non tamen propterea excludi veram traditionem personæ, quæ per eadem vota fit Societati, ut Gregor. XIII. declaravit. Et in ipsis constitutionibus erat aliàs sufficienter expressum, cum dicant, per hæc vota scholares admitti, & incorporari in Societate, & membra ejus fieri, ut etiam in 1. cap. hujus libri n. 4. inculcavimus. Quod autem in ea forma voventi non exprimitur distincte promissio, Prælati Societatis facta, sicut exprimitur in forma admittendi coadiutores formatos: non ideo est, quia in re ipsa scholares etiam non se obligent Societati, eique tradant jus in se ipsos, ut jam in cap. 1. hujus lib. nu. 7. attigimus, sed solum factum videtur ad distinguendum gradum scholarium a gradu coadiutorum formatorum: nam hi licet solennia vota non emittant, constituuntur jam in termino: neque ultra progredi debent in statu, seu gradu Societatis, ac propterea majori quodam vinculo morali cum ipsa Societate conjunguntur, & extra omne genus probationis constituuntur, & ipsa Societas arctius obligatur ad eos retinendos perpetuo, nisi denuo per crimina, & contumaciam in illis reddantur indigni. Ad hoc ergo significandum illi expresse vota emittunt in manibus Prælati, cui se expresse obligant, & ipse eos admittit. Scholares vero licet incorporentur Societati, non tamen ut in eo gradu semper maneant, sed ut sic incorporati adhuc amplius probentur. Et ideo licet Societas debeat eos retinere, quandiu rationalis causa dimittendi non subest, tamen ad hoc judicandum liberior est, & minor causa sufficit, & ad eam explorandam probatio ordinatur: ad hanc ergo libertatem Societatis significandam dicuntur vota illa non fieri in manibus Prælati, sed soli Deo, scilicet, quantum ad expressam formam promittendi, quamvis implicite, & in actu exercito (ut sic dicam) talis obligatio ex ipsa traditione, & incorporatione contrahatur. Et ob eandem causam fit ibi promissio ingrediendi Societatem, scilicet, quoad aliquem ultimum gradum & terminum ejus, sic enim *Societatis* nomen eo loco sumitur; quod non obstat, quin alio modo eadem personæ, vere, ac proprie ex tunc incorporentur Societati, prout comprehendit omnia membra sua, juxta ea, quæ de significatione hujus vocis in lib. 1. cap. 1. num. 13. adnotavimus.

Objectio-
nes ex do-
ctrina Na-
varre con-
tra hanc
posterior-
em partē
indican-
tur, & ex-
cluduntur

Ad secun-
dam con-
firmationem ad-
versario-
rum in 6.
3. nu. 1.

Pars pos-
terior
exemplo
etiam de-
claratur.

Exemplū
aliud ex co-
religioso.

CAPUT VI.

Quæ conditiones necessariae sint ex parte voventis, ut hæc vota scholarium valide fiant.

I AD questionem hanc applicari possunt fere omnia, quæ in toto libro de professione religiosa in genere late diximus superiori tomo. Quamvis enim hæc incorporatio scholarium non sit vera professio in rigore præcedenti cap. declarato: tamen quia cum illa convenit in traditione, & in substantia votorum, atque adeo in contractu, ex quo oritur vinculum inter religiosum, & religionem, solumque differt in modo obligationis ex parte religionis, & consequenter in absolute perpetuitate, & indissolubilitate talis vinculi ex utraque parte: ideo multæ, & fere omnes conditiones requisitæ ad valorem professionis, requiruntur etiam ad præsentem incorporationem: propter differentiam vero dictam explicandum a nobis est, an exceptio aliqua, vel limitatio, aut declaratio hic adhibenda sit, quod faciemus breviter per singulas discurrendo. Prius tamen in genere duo animadverto. Unum est, quasdam ex dictis conditionibus esse ex natura rei necessarias propter morale vinculum, quod per professionem contrahitur, ut sunt usus rationis, liber consensus, &c. Et de his indubitatum est, etiam in hac incorporatione esse necessaria, quia etiam hic contrahitur morale vinculum. Aliæ vero sunt conditiones requisitæ de jure positivo, & de his potest esse res magis incerta. Ad iudicium autem ferendum applicanda erunt principia in superioribus tom. videlicet præcedent, & in lib. 2. cap. 3. posita. Alterum est, conditiones quasdam requiri ex parte religiosi, alias ex parte religionis. De prioribus ergo in præsentī cap. dicemus, de posterioribus in seqq.

Notatio-
nes duæ
pro tra-
standis.

An duæ
primæ ad-
ditiones
ad profes-
sionem re-
quirantur
etiam ad
vota scho-
larium So-
cietatis.

2 Prima conditio est, ut ante secundum ingressum præcedat integer annus novitiatus. Et secunda huic similis est, ut professio non fiat ante expletum 16. annum ætatis. Quæ duæ conditiones, licet in antiquo jure fundamentum habeant, nunc maxime vigent, & necessariae sunt ad valorem professionis ex decreto Concilii Trident. sess. 25. cap. 15. de regular. Dubitari autem potest, an decretum illud hæc etiam vota, & incorporationem scholarium in Societate comprehendat. Ratio autem dubitandi est, quia ibi solum loquitur de professione, & ad illam postulat illas duas conditiones, unde subdit: *Professio autem antea facta, sit nulla*: hæc autem non est professio in toto rigore juris: ergo cum illa lex rigorosa sit, restringenda est, ut hoc vinculum non comprehendat. Confirmatur, quia illud decretum irritans ideo præcipue factum videtur, quia professio semel valida est absolute indissolubilis, & ideo difficile habet remedium, si semel valide fiat, quantumvis temere, & inconsiderate fiat. At vero hoc vinculum scholarium Societatis non est ita indissolubile simpliciter: neque habet remedium adeo difficile: ergo non est cur sub illa lege comprehendatur. Nam hæc ratio declarat, decretum illud cadere in professionem solennem, quatenus talis est, & ideo non comprehendere incorporationem hanc juxta regulam cap. præced. nu. 5. positam. Vel saltem quamvis hoc non sit certum, sufficit rem esse dubiam, vel lex illa quoad hanc partem coarctanda sit potius, quam extendenda. Propter quæ hæc pars aliquando probabilis mihi visa est, quia vota simplicia non solent ab Ecclesia irritari hoc genere irritationis antecedentis, ut superiori tomo in proprio loco explicavi: tota autem obligatio, quæ in hoc vinculo cum Societate nascitur, aut est votorum simplicium, aut non transcendit ordinem, & modum ejus.

3 Re tamen attentius considerata, verum existimo illas duas conditiones requiri ad valorem hujus incorporationis, eamque sub nomine professionis fuisse ibi a Concilio comprehensam. Primo, quia decretum illud non pertinet ad voti solemnitatem, sed ad modum assumendi, & constituendi statum vere religiosum, ut satis significant illa verba: *In quacunque religione tam virorum, quam mulierum professio non fiat*. Quod perinde fuit, ac si diceretur: Nemo ad religionem assumatur, vel religioni incorporetur: verba enim illa in omni proprietate hunc sensum admittunt. Intentio autem

Concilii fuit in hoc modum ponere, & generalem regulam statuere pro omnibus religionibus: nec verisimile est, cum jam esset instituta, & approbata Societas, omnino illam prætermisisse, & liberam reliquisse, ut in quacunque ætate pubertatis, & sine probatione posset ad hunc gradum religiosus admitti: maxime cum hic status religiosus etiam quoad hunc gradum valde difficilis sit, & ex parte objecti, seu materiæ, ac modi vivendi cum quocunque alio comparabilis, ut lib. 1. cap. 3. a num. 4. & cap. 7. nu. 6. ostendi: ex parte autem vinculi, licet videatur aliquantulum minus indissolubile, tamen illud totum est ex parte religionis, & in ejus commoditatem: Concilium autem in hoc decreto consulere magis voluit commodis, & imperfectæ deliberationi ipsius religiosi, quæ non minus univocis necessaria est in assumptione hujus status, cum ex parte sua omnino se tradat, & obliget, ac perpetuo ligatus maneat: nam si quod remedium adhiberi postea potest, illud solum est ex parte religionis, quando ipsa judicaverit sibi convenire: nam ex parte religiosi, solum illi superest remedium dispensationis, quod longe difficilius est in toto hoc statu, quam in quibuslibet votis simplicibus extra statum religiosum factis, ut in c. 8. ostendamus.

4 Accedit, quod si Concilium voluisset Societatem ab hac regula excipere, id profecto aliquo modo insinuasset, sicut in cap. sequenti fecit excipiens Societatem a generali regula, quam tradiderat, ut expleto anno probationis, novitii vel ejciantur, vel ad professionem admittantur. Existimo enim illam exceptionem non solum, vel potius non tam fuisse positam a Concilio propter professionem solennem, quæ post multos annos in Societate fit, quam propter hanc incorporationem scholarium, quæ non post annum, sed post biennium fit. Nam solennis professio ex ipsis verbis legis intelligi poterat excepta: quia lex illa solum loquitur de professione, quæ immediate post probationem a novitiis fit, & per illam præcipue voluit Concilium commendare, ut novitii aliarum religionum non diutius, quam per annum in novitiatu detineantur: in Societate autem nec solet fieri professio solennis immediate post novitiatum, nec propter delationem ejus detinentur novitii diutius in probatione, sed jam religiosi in quodam inferiori gradu, & ideo ex ipsa forma talis legis videri poterat non comprehensa Societas quoad professionem solennem. Præcipue ergo videtur Concilium per illam exceptionem concedere, ut novitii Societatis ultra annum possint in probatione detineri, priusquam in quemcumque gradum hujus religionis incorporentur: ergo nomine *professionis* intellexerat non tantum professionem solennem, sed quamcumque receptionem ad verum statum religiosum: ergo etiam in superiori capite eodem modo de professione loquutus fuerat.

5 Denique quamvis hæc lex videatur rigorem continere, tamen re vera potius continet favoris gratiam: amplianda ergo est ad totum statum religiosum. Antecedens declaratur, quia quod professio fieri non possit intra annum novitiatus, favor est religiosi, quod autem non fiat ante certam ætatem, publicam utilitatem religionis respicit, ut dixit Navar. conf. 25. de regular. quod incipit: *In ordine Minorum*. Vel certe (ut ego existimo) utrumque redundat in utriusque utilitatem. Nam etiam est magnum commodum religiosi, ut non ligetur ante certam ætatem, in qua perfectius deliberare possit, sicut est commodum ejus non posse ligari ante sufficiens unius anni experimentum. Et e converso etiam hæc pars de integro anno novitiatus publica utilitas est religionis, quia non minus in ejus favorem, quam religiosi introductus est novitiatus annus, juxta cap. ad Apostolicam, de regular.

5 Tertia conditio ad professionem necessaria est, ut non fiat ex metu cadente in constantem virum, de qua conditione eadem dubitatio, quæ de præcedentibus tractari potest, quia, ut diximus tom. super. hæc conditio non est necessaria jure naturæ ad valorem professionis, sed tantum jure canonico. Et ideo dubitari potest, an hic modus professionis, seu incorporationis nostrorum scholarium sub illo jure antiquiori comprehendatur. Eodem tamen modo affirmandum censeo. Primo, quia jus irritans religionis professio-

Tertia quoque ad professionem conditio probatur procedere etiam de prædictis votis scholarium.

nem ex metu factam, fundatur in difficultate & proprietate status religiosi, quæ in hoc statu invenitur; quantum est ex parte obligationis, & mutationis vite ipsius religiosi. Secundo, quia cap. unic. de his, quæ vi, in quo maxime illa conditio fundatur, licet in particulari loquatur de muliere, quæ monachalem habitum in vita susceperat, metu mortis monasterium ingrediens, nihilominus definitionem continet generalem, & in ea non consideratur, nisi an timore mortis religionem intraverit, ut in fine textus dicitur. Quæ verba generalia sunt, & cum omni proprietate in hunc ingressum scholarium conveniunt. Unde obiter infero hos scholares approbatos etiam comprehendere sub illo decreto Conc. Trident. sess. 25. cap. 19. de regular. *Quicumque regularis præterdat, se per vim & metum ingressum esse religionem, aut etiam dicat ante ætatem debitam professionem fecisse, &c. non audiatur, nisi intra quinquennium, &c.* Nam idem quinquennii tempus existimo servandum esse ad similem, seu proportionatum effectum, respectu votorum, seu incorporationis horum scholarium: atque adeo nomine *professionis* ibi comprehendere, quia illa etiam constitutio non respicit principaliter solennitatem voti, sed stabilitatem religiosi status, & quietem personarum regularium. Unde (quod notandum est) idem significare videntur in illo cap. *ingressus religionis, & professio*, quia clarum est non esse ibi sermonem de ingressu ad novitatum, sed ad ipsum religiosum statum, hunc enim oportet libere fieri, & sine metu: constat autem sub nomine *ingressus religionis* comprehendere hunc ingressum scholarium: ergo etiam nomine *professionis*.

7 Atque hinc etiam infero, eodem modo in hoc ingressu, sicut in quacumque alia professione, requiri conditionem quartam, nimirum, ut consensus præstitus ad talem actum non sit per dolum, vel ignorantiam, vel deceptionem in re gravi extortus; imo in hoc res certior est, quia hæc conditio non jure positivo, sed naturali necessaria est, eo quod talis ignorantia non solum faciat involuntarium secundum quid, sicut metus, sed simpliciter causat non voluntarium, ut in superioribus declaratum est: consensus autem voluntatis tam necessarius est in hac incorporatione, sicut in quacumque alia.

8 De quinta vero conditione, quæ est libertas a legitima servitute, nihil hic addere necesse est, quia jam supra lib. 2. cap. 5. n. 25. vidimus, licet servitus jure communi impediat, & non dirimat professionem subsequantem, ex speciali tamen jure Societatis esse impedimentum inhabilitans personam, quandiu servitus durat.

9 De matrimonii etiam vinculo, cujus carentia posset ut sexta conditio postulari, etiam ibidem a n. 22. diximus, quomodo in Societate necessaria sit, etiam ex proprio, & speciali jure illius, & ideo licet hic etiam habere possit locum quaestio, an jura, quæ irritant professionem factam ab uno conjugum sine licentia alterius post consummatum matrimonium locum habeant in scholaribus Societatis, tamen hic minus est necessaria, quia ex speciali jure Societatis constat hoc esse impedimentum irritans ingressum, atque adeo inhabilitans personam ad quemcumque gradum Societatis.

10 Imo licet jure communi interdum valeat professio unius conjugis, sine legitima conversione alterius, qui licentiam dedit, cum moderationibus in jure expressis, & superiori tomo declaratis: nihilominus in Societate mihi probabilissimum est, nec professionem, neque hanc scholarium validam esse, nisi plene, ac perfecte tollatur illud impedimentum, quoad omnem obligationem reddendi unquam ad consortium uxoris, vel reddendi debitum, etiam si ipsa petat, quomodo non tollitur plene hoc impedimentum, nisi cum facultate uxoris simul concurrat legitima conversio ejus. Hoc autem colligo ex ipso jure Societatis a Pontificibus confirmato. Nam in cap. 2. Examini absolute ponitur, ut impedimentum irritans matrimonium consummatum. In cap. vero 3. lit. C. additur declaratio: *Nisi adsint conditiones illæ, quæ exigi solent, ut conjugatus religionem ingredi possit.* Et in 1. part. Constit. cap. 3. lit. F. apertius declaratur, tunc hoc desinere esse impedimentum, quando a conjugum facultas concederetur, *servatis aliis circumstantiis, quæ juxta sanam doctrinam, & usum sanctæ Ecclesiæ solent observari.* Non ergo tolli-

tur impedimentum per solam facultatem conjugis, nisi concurrant aliæ circumstantiæ, quæ omnino liberant, & expeditam relinquunt personam, ad sumendum statum religiosum, & permanendum in illo sine ulla injuria conjugis, etiam si ipsa postea velit maritum revocare.

11 Septimo loco diximus eodem tomo, ac has conditiones pertinere, ut persona professionem emittens in dignitate Episcopali constituta non sit. Circa quam nihil speciale est in Societate institutum, aut declaratum. Certum tamen existimo illud commune jus a fortiori habere locum in hoc ingressu Societatis, quia etiam in professione ejus citra omne dubium locum habet: non enim potest Episcopus sine licentia Pontificis professus in Societate fieri: multo ergo minus poterit in quolibet inferiori ejus gradu constitui, nec de hoc oportet plura dicere: quia non solum res clara est, verum etiam casus, in quo aliud contingat, vel intenteretur, videtur moraliter impossibilis: quacumque autem ratione cogitur, applicari ad illum potest tota doctrina circa professionem illo loco data.

12 Octava conditio assignari potest, ut persona non sit ligata professione alterius religionis. Quæ quidem conditio ex jure communi solum procedit de speciali, quæ strictior sit: in Societate autem ex jure speciali extenditur ad quamcumque religionem, etiam laxiorem; imo non solum ad professionem in illa, sed etiam ad primum ingressum, seu habitus receptionem: nam hoc est unum ex impedimentis irritantibus ingressum Societatis, & quamcumque incorporationem cum illa, ut in superioribus visum est lib. 2. cap. 1. a nu. 16.

13 Non impedire multum solet ingressum religionis, saltem ne liceat, obligatio ad parentes graviter indigentes, & ideo immunitas ab hac obligatione solet etiam inter conditiones ad professionem necessarias numerari. De qua nihil speciale in præsentī dicendum occurrit: nam commune jus, & generalis doctrina tomo. super. data ad hanc etiam scholarium nostrorum admissionem applicanda est. Unde quoad hanc partem non est dubium, quin sub *professionis* nomine comprehendatur. Ratio est, quia quantum est ex parte sua, ita se tradit, & obligat religioni, & muneribus ejus ad divina obsequia sic religiosus Societatis, sicut quilibet alius professus, quæ traditio, & obligatio ita est injuriosa parenti, sicut quælibet professio, quia ex se ita impedit obsequium ejus. Tamen sicut professio facta contra hujusmodi debitum, & obligationem, non est ipso jure nulla, licet illicite fiat: ita etiam in præsentī admissio, & vota scholaris indebite facta contra eandem obligationem, non sunt irrita ipso facto, quia nullum est positivum jus commune, aut proprium Societatis, quo irritentur. Neque etiam ex sola natura rei sequitur talis irritatio, quia vinculum ipsum religiosum non repugnat formaliter, cum illo debito ad parentes, sicut de professione dictum est: est enim in præsentī eadem, vel major ratio cum hoc vinculum scholarium Societatis aliqua ex parte minus rigorosum sit. Quapropter ex peculiari instituto Societatis poterit ipsa in simili casu jure, ac merito irritare tale vinculum, quod aliæ religiones non possunt facta professione: quia neque ex intentione sua, neque ex approbatione Pontificum sibi reservant talem facultatem in ipso contractu professionis, sicut reservat Societas in hac scholarium admissione. Cum autem facultatem habeat, & illa causa sit valde justa, præferri quando debitum ad parentes antecessit ipsam incorporationem, non est dubium, quin licite possit illam irritare, & scholarem liberum dimittere, ut parentibus inserviat.

14 Quin potius quæri potest, an ad hoc etiam teneatur Societatis Prælati? Sed in hoc eandem cenfeo rationem esse de Societate, & de quacumque alia religione, quantum ad obligationem dandi facultatem suis religiosi, jam incorporatis in quocumque gradu, ut parentibus indigentibus subveniant. Nam jus illud, quod sibi Societas reservat ad dimittendum scholarem approbatum ex justa causa, non inducit specialem obligationem dimittendi illum propter commodum parentum, quia jus illud non ad bonum aliorum, sed ad bonum ipsius (met religionis ordinatur. Deinde quia vel talis est casus, in quo teneatur Societas facultatem concedere

Trid. decretum de quinquennio ad reclamandum eisdem votis ac commo-
datur.

Ingressus religionis interdum sumitur pro votorum emissionis finis pro novitatu.

Procedit hic quarta conditio.

Procedit hic quinta magis, quam in professione solenni.

Similiter & sexta.

In Societate ne professio, neque vota scholarium valent a conjugum emissionis nisi omnino libere ab uxore.

Item & septima.

Atque etiam octava.

Quid de nova conditione, ne gravior egeant professores sui.

Societas licet possit dimittere scholarem pro subveniēdo gravi-
ter egenti.

Non tamen tenetur dimittere vi talis indigentia.

dere religioso, ut subveniat parentibus, necne? Si ad hoc non tenetur, multo minus tenebitur dimittere illum, ut per se constat: si autem ad illud tenetur, considerandum ulterius erit, an retinendo statum religiosum, possit quis illi obligationi satisfacere, alia media, & industriam adhibendo religione retenta. Et tunc clarum est non tene-ri Societatem ad dimittendam omnino personam (quicquid sit an possit) quia obligatio illa solum cogit ad ne-cessaria. Loquor autem de obligatione illa ex vi sua, seu ex vi juris talis parentis. Nam ex parte ipsius Societatis poterit sæpe ad bonam ejus conservationem expedire, potius liberum dimittere scholarem, quam permittere, ut retento habitu, & nomine Societatis, ministeriis, & actionibus vacet, quæ subventioni parentum poterunt esse necessaria, & tunc obligati poterit prælatus Socie-tatis ad dimittendum subditum, non tam ex jure ipsius subditi, seu parentum ejus, quam ex vi sui muneris in ordine ad debitum regimen Societatis, vel certe ex con-junctione utriusque: quia non potest alio modo utrique satisfacere, scil. parenti, & Societati. Discernere au-tem, an hoc vel illud expediat, aut moraliter necessa-rium sit, negotium est prudentiale, & ideo judicio viri prudentis relinquendum est; qui si recta intentione, & facta mediocri diligentia morali procedat, prædicte coram Deo non errabit.

Teneri
tamen
aliquido
poterit ex
vi sui de-
biti regi-
minis.

In obliga-
tione or-
ta ex di-
cta indi-
gentia
æquipa-
rantur
professis
quibusvis
scholares
Societa-
tis.

Distinctio
de indige-
ntia paren-
tum ante
vel solum
post pro-
fessionem
filii.

Decima
conditio
ad profes-
sionem
quousque
loquum ha-
beat in
dictis
scholari-
bus.

15 Quando vero in hujusmodi eventu teneatur So- cietas facultatem concedere subdito, ut parenti subve- niat, & ipse etiam teneatur illam procurare, eo quod pa- renti subvenire obligatus sit, cenfeo etiam ex generali doctrina superiori tomo data de religiosi professis ef- se definiendam. Judico enim quoad hanc partem & scholares in Societate approbatos esse æquales quibus- cunque religiosi professis, & obligationem Societatis in eadem parte non esse majorem, quam sit in quacun- que religione, propter fundamentum n. 13. & 14. infir- nuatum, scil. quia & hi religiosi Societatis æque se tra- dunt, & moriuntur mundo ex parte sua, ac quilibet alii professi, & jus illud dimittere, quod sibi Societas re- servat, non est propter alios, sed propter se ipsam, suum, que commune bonum. Quapropter multum hic refer- re existimo distinctionem citato tomo datam: conside- randum nimirum esse, an necessitas parentis, & actua- lis obligatio filii antecesserit religiosum statum sus- ceptum, vel postea necessitas exorta sit. Nam in hoc po- steriori casu multo minor est obligatio tam religiosi, quam religionis, & ideo in illo religiosus Societatis sa- tis erit securus in conscientia explicando religioni ne- cessitatem parentis, & postea obediendo religioni, & sequendo judicium ejus, quia in eo casu majus sine du- bio est jus religionis, & religiosus non potest ipsa invi- ta, & cum aliquo ejus præjudicio, parenti subvenire: ne- que ipsa etiam ad hoc tenetur concedere facultatem cum aliquo præjudicio suo, sed solum poterit obligari ex charitate, quando magnum religionis incommo- dum non intercedit. At vero in priori casu, quando ne- cessitas præcessit, & durat, multo major est obligatio tam religiosi, quam religionis. Ad utrumque potest applicari doctrina sæpius relata: nihil enim hic spe- ciale occurrit, præter id quod annotavimus de facul- tate peculiari, quam habet Societas ad liberum dimit- tendum religiosum in eo eventu.

16 Decimo inter has conditiones ponitur, ut reli- gionem professurus non sit aliis debitis, aut reddendis rationibus obligatus. Hanc ergo observari etiam neces- se est in admittendis scholaribus Societatis: nam quoad hoc etiam eorum vinculum cuicumque professioni æquiparatur, ut in proximo puncto explicatum est: procedit enim hic eadem ratio. Quia vero per hæc vo- ta scholarium Societatis non statim amittitur omnium bonorum proprietas, licet ita ligetur, ut jam non liceat uti illis, ut propriis: ideo ex hac parte sæpius fieri potest, ut debita minus impediatur hoc vinculum cum Societa- te, quam professionem. Similiter, quia hæc vota non fa- ciunt incapaces hæreditatis propter certam spem il- lius, posset aliquando esse licitum hoc vinculum, non obstantibus debitis, quando non est licita professio: præsertim si manendo in seculo non aliunde speraretur facultas solvendi debitum, quam ex tali hæreditate, quia tunc non fieret impotentior ad solvendum per hu- jusmodi vota. Atque eadem ratione, si quis habens de-

Suarez. Tom. XV.

bita propter impotentiam solvendi admittatur ad hæc vota, & postea casu eveniat, ut in aliqua hæreditate suc- cedat, tenebitur priora debita solvere: nec Societas po- terit illum impedire, quia obligatio non fuit extincta, sed impotentia solum excusabat: quod in Societate multo facilius est, cum ipsa nullum acquirat jus, nec succedat in bonis religiosorum, nisi ei voluntarie do- nentur. Solutio autem debitorum præferri debet do- nationi voluntariæ, etiam pignori. Atque hæc de condi- tionibus ex parte voventis,

C A P U T VII.

Quæ conditiones requirantur ex parte religionis, ut vota scholarium valide fiant.

1 Q UOD attinet ad conditiones requisitas ex parte religionis, quas jam tomo superiori assigna- vimus, ex omnes in hac etiam receptione necessariae sunt, retenta solum differentia in modo acceptandi traditionem religiosi, & obligandi religionem ipsam. Jam enim supra c. 1. a n. 6. explicavimus Societatem in hac receptione scholarium non simpliciter obligati, sed retinere, ac reservare sibi potestatem eos dimitteendi li- beros simpliciter, etiam quoad vinculum, si id expedire censuerit. Nihilominus commune est his votis, & in- corporationi scholarium cum quacumque alia profes- sione, ut non possit fieri ab ipso vovente solitarie, aut omnino secrete: talia enim vota non sunt vota Socie- tatis, neque habebunt vim incorporandi in illa: & conse- quenter nec religiosum statum constituent. Oportet ergo, ut fiant coram aliquo, qui potestatem habeat in- corporandi in Societate in tali gradu, & consequenter ad hunc effectum illa acceptet, & ipsam religionem obliget modo debito, & proportionato, quem magis in 9. c. declarabimus. Sicut ergo acceptatio religionis necessaria in presenti est, ita ex parte religionis ne- cessariae sunt conditiones, quæ in aliis religionibus ad professionem necessariae esse solent.

Scholarium
receptio
ex parte
Societatis
fundamē-
tum est
harum con-
ditionum

2 Prima conditio religionis est, ut sit approbata per Apostolicam Sedem juxta c. ult. de relig. domib. & uni- cum eodem tit. in 6. Hanc vero conditionem in Socie- tate inveniri satis in superioribus probatum est. Fuisse autem necessariam, ut talia vota licite, & valide fieri possint, in ipsismet bullis Pontificiis pro certo supponi- tur, estque manifestum ex dictis juribus, ubi omnis no- va religio prohibetur, nisi specialiter fuerit a Sede Apo- stolica approbata: & præcipitur, ut omnis, qui in reli- gione converti voluerit, unam ex approbatis assumat. Certum est autem, per hæc vota, & receptionem in So- cietatem, ita aliquem converti ad verum statum reli- giosum: ergo non potuissent habere hanc vim, nisi talis religio fuisset ab Ecclesia approbata. Et ob hanc rem quamvis a principio ita fuerit approbata, ut potestas recipiendi esset ad certum numerum limitata, id satis ju- dicatum non fuit, ut plures recipi possent non solum licite, verum etiam nec valide quoad religiosum statum, & ideo ab eadem Sede Apostolica approbatio facta est, & potestas collocata absque ulla numeri determinatione.

Prima cō-
ditio Socie-
tatem
approba-
tam esse
oportere,
ut vota
scholari
in eos con-
stituant
religio-
sus.

3 Secunda conditio necessaria est, ut hæc vota fiant coram illo, qui potestatem habeat admittendi in cor- pus Societatis, juxta ejusdem Societatis constitutiones. Patet primo ex generali ratione, quia admittere ali- quem in membrum alicujus communitalis est actus potestatis superioris, siue illa potestas in tota commu- nitate, siue in capite resideat. Secundo id patet ex con- stitutionibus Societatis: nam propterea statim in 1. p. cap. 1. agitur de potestate admittendi ad probationem, apud quem resideat, & in 5. p. in qua agitur de incorpo- randis in Societate, statim in c. 1. agitur de eo, qui talem potestatem habet, & potestas illa dicitur esse penes Præpositum generalem, qui aliis eam communicare potest, prout oportuerit. Et in declaratione liter. B. ad- vertitur ordinarie communicari Provincialibus, ali- quando vero communicari posse Rectoribus, vel Præ- positis, vel aliis personis Societatis, vel alicui etiam ex- tra Societatem, ut Episcopo, vel personæ in dignitate Ec- clesiastica constitutæ, si alicubi persona Societatis des- set. In hoc tamen advertendum est, aliud esse loqui de po- testate ferendi ultimum judicium, quasi definitivum,

Secunda
conditio,
debere
hæc vota
emittere
tam ha-
bente ad
id pote-
statem.

Notatio.

A a an ali-

an aliquis sit recipiendus in hunc gradum Societatis, necne? aliud vero de potestate exequendi ipsam receptionem actualiter assistendo emissioni votorum cum potestate admittendi illa. Quamvis ergo utraq; potestas ordinarie sit in Provincialibus, tamen regulariter exercent illam quoad primum actum per seipso; posteriorem autem superioribus localibus committunt.

4 Non desunt tamen, qui in hac parte etiam contra Societatem obmurmurent dicentes, potestatem incorporandi religioni, quæ gravissima est, non debere esse in una sola persona, sed in toto conventu Provinciali, vel saltem locali, prout in aliis religionibus observatur, in quibus licet professio fiat in manibus alicujus Prælati, tamen admissio ad professionem fit a Capitulo, vel saltem de consensu aut consilio ipsius Capituli. In aliquibus enim religionibus admissio fit ad plura suffragia decisiva, in aliis vero, vel etiam jure communi (ut Jurista volunt) fit ab Abbate præmissio consilio Capituli, ita ut sine illo professio non valeat. In Societate vero neutro modo necessarium est communis consilium, vel judicium, sed totum negotium in unius hominis potestate constituitur: quod incongruum judicatur, tum quia cum religiosus ad vitam communem cum omnibus agendam recipiatur, ab omnibus recipi debet; tum etiam quia facilius contingere potest, ut unus odio vel amore moveatur, quam plures, aut ut erret recipiendo indignum, vel dignum repellendo. Et ideo Basiliius regula 112. ex brevioribus hanc questionem proponens, convenientius judicat, receptionem cum fratribus communicari.

5 Hæc vero objectio generalis est de toto regimine Societatis, quod monarchicum est, de quo inferius lib. 10. disputabitur. Nunc breviter respondetur, constans esse apud Philosophos, & Theologos hunc modum regiminis ex suo genere meliorem esse, paucioribusque incommodis expositum, ut Christus Dominus exemplo suo in suæ Ecclesiæ institutione confirmavit. Cum ergo totius religionis regimen monarchicum sit, necessarium fuit in potestate admittendi eandem formam servari, quæ re vera, moraliter loquendo, nullis fere est periculis exposita, & si quæ sunt, & rara, & particularia sunt, quæ in legibus ferendis non considerantur; cui enim totius Societatis, vel alicujus provincie ejus cura committitur, de ejus prudentia, ac religione præsumi debet, ut etiam facultas admittendi, seu approbandi scholares, ei possit demandari, præsertim cum præmissio gravium, & prudentium virorum consilio id semper faciat, ac facere debeat, atque hoc modo vitantur magna incommoda, & dissensiones, quæ ex varietate judiciorum, & affectuum in hujusmodi capitulis oriri solet. Basiliius autem in dicta regula solum indicat conveniens esse communicari cum fratribus hujusmodi receptionem, ut & oratio aliorum pro aliis vicissim communis sit, & commune inter ipsos sit gaudium, sicut Dominus dixit, in eo, qui penitentiam agit, convocandos esse vicinos, & amicos: itaque non dicit convocandos esse ad suffragium, sed ad congaudendum de novo fratre, quod maxime in Societate observatur. Et quamvis Basiliius de suffragiis loqueretur, nihil nobis obstaret, quia modum alium recipiendi ad professionem non improbamus, qui fortasse in aliqua religione poterit esse commodior juxta modum sui instituti, sed solum asserimus Societatem merito prædictum modum elegisse supposito modo obedientiæ, & regiminis, quem proficitur; & ideo inter alia instituta Societatis, hoc etiam Sedes Apostolica approbavit. Et quamvis Sixtus V. specialem formam recipiendi omnibus religionibus generalem postea instituerit, statim etiam ante declarationem suam, Societatem ab illo onere recipiendi per suffragia Capituli liberavit, quoad hoc etiam tacite hoc institutum approbans; si quid vero aliud ex forma ab ipso aliàs præscripta in Societate retineri voluit, a Greg. XIV. revocatum est, qui antiquum morem Societatis circa hoc approbavit, & retineri voluit, cuius verba supra retuli lib. 2. c. 3. n. 13. in fine.

6 Tertia, & ultima conditio ex parte admittentis ad professionem erat, ut Prælati nomine religionis liberum consensum adhibeat. Hanc ergo etiam in hac receptione necessariam existimo, quia nulla traditio consummata est, nisi ab altero acceptetur; acceptatio

autem non consistit in solis verbis, sed requirit intentionem consensum. Dicunt vero aliqui, eo ipso, quod talia vota a Sede Apostolica approbata sunt, per approbationem talis religionis, si publice fiant coram superiore religionis ejusdem, ab ipsa Ecclesia acceptari, vel ab ipso Deo, cui talia vota fiunt. Respondetur falsum hoc esse, quia aliàs, etiam si Superior per vim cogeretur talia vota audire, ipse vero non præberet consensum, neque haberet intentionem admittendi talem personam, nihilominus receptio esset valida, quod aperte falsum est, & incredibile, quia illa præsentia valde materialis est, & seclusa intentione, non habet concursum moralem, neque utitur potestate admittendi sibi concessa, quia illa potestas etiam est moralis, & ideo non applicatur ad opus, nisi ex intentione operantis. Quare falsum est Ecclesiam in eo casu admittere illam personam, vel ejus vota: quia Ecclesia, vel Pontifex non admittit immediate per se ipsum, sed per Societatem: neque hæc admissio fit ipso jure, sed postulat actionem hominis, quæ actio non est sine voluntate, & consensu, sicut servatur in omnibus contractibus, & actionibus moralibus. Neque enim solus Deus immediate acceptat talia vota, sed per Societatem, cui proxime fit traditio talis personæ; & ideo etiam Deus illam non acceptat nisi per Societatem, vota autem sunt veluti annexa huic traditioni, & ideo cum illa acceptantur, & non aliàs. Quoad hanc ergo partem æquiparatur hæc incorporatio professioni, & quæ de hac diximus, hic applicanda sunt.

7 Præter hæc, quæ ex parte religiosi, & religionis sunt necessaria, in forma ipsa profitendi, oportet etiam debitum modum observare, quod etiam in præfati servata proportionem necessarium est, & quæ de professione diximus, etiam in hoc puncto locum habent. Omnia vero sufficienter explebuntur, si forma ad admittendos scholares approbata præscripta in constitutionibus Societatis p. 5. cap. 4. observetur, nam in illa tria vota, & promissio Societatis expresse profertur, traditio vero, & acceptatio ipso actu vovendi tali modo, & cum talibus circumstantiis sufficienter significatur, maxime cum in forma vovendi addatur: *Omni intelligendo juxta ejusdem Societatis constitutiones*, in quibus satis declaratum est, per hanc actionem incorporari talem personam huic religioni in tali gradu, quod non fit sine traditione ex parte unius, & admissione ex parte alterius. Quod si quis interroget, an omnia, quæ in illa forma continentur, sint de substantia, & valore hujus incorporationis. Respondendum est ad tollendum omne dubium optimum consilium esse formam illam integre servare; in rigore tamen loquendo, non tota forma verbalis, quæ ibi proponitur, neque omnes circumstantiæ ibidem adhibitæ, videntur esse de substantia, sed solum ea verba, quæ ad exprimenda vota, & promissionem pertinent, sufficienter explicando illa fieri in Societate; nam ad explicandam traditionem, & omnem obligationem hæc sufficiunt. Oportet etiam, ut hoc publice fiat, ita ut præter eam, qui potestatem admittendi habet, aliqui adsint, quorum testimonio de hujusmodi receptione, & incorporatione constare possit; quod quidem in citato capite 4. litter. D. expresse postulatur. Et est re vera valde necessarium, & omnino servandum. Non dico autem esse simpliciter de substantia, & de valore actus in foro conscientiæ, quia id neque ex natura rei necessarium est, neque ex communi jure sufficienter colligitur, neque in illo jure speciali Societatis declaratur.

C A P U T VIII.

Utrum in scholaribus Societatis tacita professio seu incorporatio locum habeat?

1 **H**ic vero questio suboritur, an in hac incorporatione scholarium Societatis, quam tractamus, locum habeat professio, seu incorporatio tacita? Nam illa, quæ juxta prædictam formam fit, expressa est: in aliis autem religionibus, quamvis forma expresse proficiendi præscripta sit, nihilominus locum habet tacita professio, ergo idem erit in hac incorporatione scholarium, cum ratione substantialis vinculi cum religione conveniat

Partis affirmativa ratio.

cum

eu in professione; & differentia in solemnitate non videtur ad præsens referre; imo quo vinculum hoc minus solenne est, eo videtur melius posse tacite fieri. Nihilominus Navar. Comment. 4. de regularib. nu. 76. circa finem, generaliter dicit, in Societate non fieri professionem tacitam & licet in his verbis de professione solenni loquatur, in ratione tamen, quam subdit, supponit scholares non posse admitti, & approbari, nisi per formam expressam, sic enim inquit: *In illustrissimo Societatis JESU ordine non videtur fieri professio tacita, per solam gestationem habitus, per unum vel plures annos, quia oportet biennio gestare illum in eo, & biennio expleto, emittere saltem simpliciter tria vota religionis substantialia.* Quæ verba intelligenda videntur de emissionem votorum expressa, aliàs ratio nullius momenti esset, quia si priora vota possent tacite emitti, cur non sequeretur professio? Non probat Navar. assertionem suam aliqua ratione. Potest autem ex peculiari instituto Societatis ita suaderi, quia professio tacita non fit, nisi gestando habitum professorum, vel etiam eorum proprios actus exercendo, c. vidua. c. ex parte. c. statuimus, de regular. & c. i. eodem in 6. quod superiori tomo explicatum est. In Societate autem neque est peculiaris habitus, nec fere sunt peculiare actus scholarium approbatorum, & ideo non videtur habere locum in hac religione tacita approbatio, seu incorporatio. Aliquando enim novitii eundem habitum communem cum scholaribus gestantes, studiis vacare permittuntur, & cum iisdem communem vitam agere, & ideo nullum intercedit signum tacite incorporationis.

2 Sed hæc ratio non videtur concludere; nam secundum jura citata, etiam ubi habitus professorum non est distinctus ab habitu novitorum, gestatio habitus religionis, post integrum annum novitatus, inducit tacitam professionem; ergo etiam in Societate perseverantia in eodem habitu post biennium novitatus, inducit tacitam emissionem votorum, etiam si habitus scholarium per se non sit distinctus ab habitu novitorum. Neque enim refert, quod habitus tertius religionis est communis cum habitu honestorum clericorum; tum quia hoc nihil facit ad distinguendum scholarem a novitio in tali religione, & ideo satis est gestare illum habitum tanto tempore in tali religione, quatenus illius est; tum etiam, quia licet ille habitus sit communis, semper est aliquo modo appropriatus ad specialem honestatem, & normam religionis, & hoc modo supponitur gestari ultra biennium. Accedit, quod licet in Societate non sint peculiare actiones propriæ eorum, qui vota emisissent, ut sunt adesse Capitulo, ferre suffragium, & hujusmodi, semper est aliquo modo diversus modus vivendi novitorum, & aliorum, qui jam sunt membra Societatis; aliterque dispartite sunt novitorum, atque scholarium occupationes; ergo si contingat, aliquem post biennium perseverare in eodem habitu, & admitti ad vitam communem omnino cum scholaribus, censendus erit tacite admitti ad membrum Societatis, & vota ejus emisisse.

3 Quocirca, si solum jus commune consulamus, non video, cur hoc genus professionis, vel incorporationis tacite, juxta juris præsumptionem locum habere in Societate non possit, ut ratio proxime facta suadet. Tamen si considerentur, tum jus proprium Societatis, & institutum diversum ab aliis religionibus, tum usus etiam, ac modus procedendi ejus, recte existimo dictum esse a Navar. in hac religione non esse tacitam professionem; id vero in universum accipiendum esse de tacita incorporatione, & regulariter, ac per se intelligendum puto; nam ex accidenti non repugnat aliquando inveniri. Declaro, & probo singula; nam in primis in Societate tempus novitatus non ita est ad biennium limitatum, ut illo finito statim ex lege præscripta incorporandus sit novitius, sed superioris judicio committitur, an illud tempus prorogandum sit, ut habetur in Examine c. i. n. 12. & c. 4. n. 43. & p. 5. c. i. in fine, & ideo perseverantia ultra biennium in quocunque genere actionis non est per se sufficiens signum incorporationis. Secundo, potestas admittendi non est in particulari conventu, seu Collegio, sed regulariter est commissa Provinciali, & ideo donec ipse expresse consentiat, saltem si absit ab eo loco Provincialis, cum dici tunc non

possit, eo sciente, & consentiente, fieri tacitam admissionem, non censetur quis incorporatus, etiam si diutius permaneat. Tercio in Societate sunt varii gradus post novitatum, & ideo oportet determinari, ad quem illorum admittatur novitius, quod per solam tacitam admissionem non recte fit. Nam licet ordinarie admittatur prius novitius ad gradum scholarium, tamen ille ordo non est per se necessarius, sed aliquando potest statim ad alium gradum admitti, ut ex citatis Constitutionibus constat, & ideo per se necessaria est expressa admittentis determinatio.

4 Jam vero in Societate consuetudo est, ut scholares approbati, sexto quoque mense, vota sua expresse renovent eadem forma, qua in principio illa emisissent, ad quem actum cum eis efficiendum nullus admittitur, qui prius expresse incorporatus non fuerit, juxta cap. 4. p. 4. Const. §. 5. licet aliàs possint novitii privatim vota emittere, & renovare si velint, juxta cap. 4. p. 5. Const. Ergo quoad novitium non admittitur ad vota cum scholaribus renovanda publice, & coram superiore, vel alio, qui vicem ejus teneat, non censetur nec tacite, nec expresse admittitur in corpus Societatis. Si autem ad illud actum admittatur, cum prius vota expresse non emisisset, ex tunc censetur incorporatus, non tacite, sed expresse, & respectu illius illa non erit renovatio, sed nova emissio, & admissio; si tamen ad illius valorem conditiones necessariz lib. 2. c. 1. positæ concurrant, alioqui nihil fiat. Tandem ob has forte causas, hæc est Societatis consuetudo, quæ plurimum valet, maxime in his, quæ consistunt in præsumptione, & interioris animi significatione per facta: nam si juxta consuetudinem tale factum non habet talem significationem, cessat præsumptio; ita vero est in Societate: nam licet quis, ultra biennium, per plures dies, vel menses, in Societate vivat, nunquam censetur in corpus admittitur, donec expresse juxta formam consuetam voteat; ergo signum est non esse in Societate tacitam incorporationem.

5 Dixi autem per se ac regulariter, quia interdum ex accidente videtur hoc posse contingere, præsertim quando præcessit expressa admissio, quæ ex defectu aliquos conditionis fuit nulla, ut si quis v. g. ante expletum 16. annum ætatis vota scholarium emittat; tunc enim nulla est incorporatio juxta decretum Concilii Tridentini, prout supra in c. 5. a. n. 3. a nobis explicatum est. In hujusmodi ergo eventu censeo defectum illum posse suppleri per tacitam incorporationem eo modo, quo in tom. super. diximus, suppleri in aliis religionibus similem defectum per tacitam professionem, dummodo ex parte profitentis sufficiens scientia, & voluntas concurrat, quod etiam in præsentem necessarium est ob eandem causam. Ratio autem est, quia in eo casu jam præcessit sufficiens admissio, seu professio exterior, & ex parte religionis, intercessit consensus de se sufficiens, & satis explicatus, qui licet tunc non habuerit effectum propter impedimentum subiecti, de se semper permanet, quamdiu non retractatur, & ideo statim ac impedimentum tollitur, per complementum ætatis, incipit habere effectum, si religiosus ipse semel consentiat. Hujus autem consensus sufficiens signum præbet in eodem statu vite perseverando post completam ætatem; & tunc dico fieri tacitam incorporationem, quamvis non sit omnino pura, aliquid enim participat ab expressa, quæ præcessit. Acque hoc quidem maxime locum habet in foro conscientie, quando revera talis persona rata habuit superiora vota; nam si re vera non consensit, exterior præsumptio nihil refert ad conscientie forum.

6 Quoad externum autem forum censeo habere in eo casu locum legem statutam a Concilio Tridentino, ut intra quinquennium, & non ultra, audiatur religiosus, qui pretendere voluerit professionem suam fuisse nullam; nam sub professione ibi hanc incorporationem comprehendit citato tom. ostendimus; & ideo dubium non est, quin ante quinquennium tractatum audiendus sit quilibet de Societate, qui hanc nullitatem velit pretendere, quia nulla est ratio, cur repellatur, maxime quia quoad hanc partem Concilium non dat novum jus, sed solum non aufert antiquum. At vero in altera parte, quod post quinquennium non audiatur, dubitari posset, si in Societate nunquam haberet socium incorporatio tacita. Ego tamen sine dubio existimo

Declaratur secundum partem de usu ac modo procedendi ipsius.

Confirm.

Declaratur per partem, quod ex accidenti potest tacite approbatio in Societate.

Ejus ratio quantum ad forum conscientie.

Quid quoad forum externum, seu de quinquennio præscripto a Tridentino, ad reclamandum?

Negant partem gradus Navar.

Argumentum pro Navar.

Impugnatur hoc argumentum.

Confirmatur impugnatio.

Authoris resolutio utriusque partis.

Declaratur prima pars de proprio instituto Societatis.

hanc partem servandam esse in Societate; quia nec Concil. Trid. neque aliud jus commune, exclusit a Societate hanc revalidationem; neque etiam excluditur per aliquod jus expressum ipsius Societatis; & conjectura in priori puncto adducta, licet vim habeant quoad primam emissionem, cessant tamen in ratificatione ejus emissionis, quæ præcessit, ut facile consideranti constabit; & ideo non dubito, quin in foro exteriori supponendus sit potius, quam judicandus verus religiosus, qui tanto tempore in Societate, & in tali ejus gradu, perseveraverit, nisi aliunde vel ignorantia prioris defectus, vel impotentia petendi antea jus suum, sufficienter proberur, sicut de aliis religionibus diximus eodem tomo. In hoc enim nullam constituo differentiam, neque arbitror Navar. contrarium sensisse, quia non de ratificatione, sed absolute de professione, & emissionem votorum locutus est.

Quandoque scholarium Societatis admissione invalida sit, & quomodo revalidetur.

7 Atque hinc tandem obiter intelligi potest, an hæc vota scholarium, aliquando possint esse nulla, & quomodo revalidari possint; nam in hoc idem sentiendum est de hoc vinculo, quod de professione, ut in allegato tomo declaravimus. Considerandæ enim sunt conditiones necessariæ ad valorem hujus actus, quæ jam explicatæ sunt; nam ex defectu cujuscumque illarum erit nullus talis actus; quia sicut ad valorem requiruntur omnes simul conditiones, ita ad nullitatem sufficit cujuscumque defectus. Deinde addendum est, quoties actus ipse incorporandi nullus est, etiam omnia vota esse nulla, *per se* loquendo, quia solum sunt annexa tali actui, & ut in tali religione servanda. Dico autem *per se*, quia interdum ex jure positivo, relinqui potest obligatio servandi aliquod votum, v.g. castitatis, ut de conjugate sine licentia alterius conjugis professio, jura statuant, quæ in his etiam religionis Societatis locum habere opinor; quia jura generatim de assumptione status religiosi loquuntur, ut patet ex c. *placet*, cum similibus de conjugate. Hæc ergo omnia, & similia, servata proportionem, in hoc statu Societatis locum habent. Et eadem ratione in revalidando actu, si nullus fuerit, eadem servanda sunt, quæ in professione nulla revalidanda juxta dicta in præcedenti tomo, ac etiam proximo superiori puncto.

C A P U T IX.

Quibus modis possint dissolvi vota scholarium Societatis.

DE causis concurrentibus, ac necessariis ad hoc vinculum perficiendum sufficienter in superioriibus capitibus dictum est; de effectibus etiam ejus non est visa necessaria specialis questio, quia a capite tertio per necessariam occasionem omnes explicati sunt, & sub hac generali regula comprehendendi possunt, habere scilicet hoc vinculum omnes effectus, quos habet religiosa professio, his exceptis, quæ specialiter ex solennitate ipsa votorum oriuntur, de quibus etiam quatenus ad singula vota pertinere possunt, in libro sequenti dicemus. Solum igitur superest, ut de indissolubilitate hujus vinculi, & modis, quibus auferri potest, dicamus. Duobus autem vel tribus modis, potest tale vinculum, sicut & obligatio voti auferri, commutatione, dispensatione, & irritatione.

De Commutatione.

De statu scholarium Societatis fit commutatio valida ad quancunque aliam religionem absque Papæ licentia.

I De hoc primo modo nulla est difficultas, quia si commutatio fiat in melius, vel æquale, non tollitur vinculum status religiosi; sed unum mutatur in aliud, quod certum est etiam in professione solenni non repugnare; solum oportet illud observare, quod jure Pontificio circa hoc statutum, & declaratum est, scilicet nec licite, nec valide posse fieri talem commutationem ab hoc statu, & gradu Societatis propria autoritate, sed necessariam esse Pontificis dispensationem, ut c. 4. satis dictum est. Unde a fortiori constat, magis esse necessariam, ut commutatio fiat in laxiorem statum, etiam si ille religiosus sit. Si autem fiat in quemcunque statum non religiosum, ut v. gr. in statum clerici, vel continentis secularis, illa potius reputabitur dispensatio simpliciter, vel eadem erit de illa ratio; & ideo de commutatione nihil amplius dicere necesse est.

De Dispensatione.

2 Venio ad dispensationem, de qua omnes moderni, qui post bullas præsertim Gregor. XIII. de his votis verbo, aut manu scriptis, potius quam libris disputarunt, pro certo supponere videntur, hoc vinculum, & vota posse auferri per dispensationem, quod sentiunt etiam illi, qui putant votum professionis esse indispensabile: quia cum videant hoc vinculum sæpe auferri, inde inferunt posse etiam dispensari. Quin potius modernus ille, cujus meminimus in c. 3. & contra quem Greg. XIII. definit, dixit hæc vota, atque adeo totum hoc vinculum per Episcopum dispensari posse. Verumtamen illatio illa formalis, & efficax non est; nam sæpe votum potest ab aliquo irritari, a quo non potest dispensari, ut per se constat in parente, marito, &c. ergo eadem ratione non repugnat aliquod votum esse irritabile, & non esse dispensabile. Ratio autem a priori est, quia votum est irritabile ex aliqua intrinseca conditione, quam includit, ratione cujus pendet a voluntate alterius; & ideo non est necessaria specialis potestas jurisdictionis ad irritandum illud, sed solum quod conditio inclusa pendeat ex alterius voluntate: dispensabile autem est votum per potestatem extrinsecam dispensantis, quam oportet esse divinam, seu a divina participatam. Potest ergo votum esse irritabile propter conditionem inclusam; & nihilominus stante conditione non esse dispensabile per hominem, si non constet, habere a Deo talem potestatem participatam. Posset ergo aliquis ita sentire de his votis, quamdiu scilicet non irritantur, indispensabilia esse: sicut multi asseruerunt, votum simplex castitatis non esse dispensabile, posse tamen irritari a Papa, quia includit hanc conditionem, nisi Pontifex aliud jusserit, vel judicaverit. Quæ sententia licet quoad factum falsa sit, non tamen impossibilis. Cum ergo in his votis Societatis constet de conditione inclusa, erunt irritabilia: unde vero constet per potestatem superioris Societatis esse dispensabilia, hoc inquirimus: nam quod dispensabilia sint a Sede Apostolica, negare non possumus; id enim expresse asserit Gregor. XIII. in Constitut. *Ascendentes Domino*, ubi non sine mysterio distinguit inter verbum *dispensari*, & verbum *causari*. Et dicit talia vota per solam Apostolicam Sedem dispensari posse; causari autem posse per solam dimissionem a Societate. Ratio ergo, cur dispensari possint, querenda est.

Resolutio aeterna, dispensari posse scholarium Societatis vota.

3 Profecto, qui sentiunt professionem esse indispensabilem, nullam efficacem rationem ad hoc afferre possunt; nam si quod est probabile fundamentum illius sententiæ, maxime illud est, quod licet Deus dederit Pontifici potestatem ad dispensandum in promissionibus sibi factis, non tamen in traditionibus. At hæc ratio etiam in hoc vinculo locum habet, quia per veram etiam traditionem contrahitur, ut Greg. Pontifex declaravit. Dices esse differentiam inter has traditiones; nam in professione est omnino absoluta, cum reciproca obligatione simpliciter ex parte religionis: in hoc autem vinculo traditio includit conditionem, & libertatem ex parte religionis. Sed contra, nam esto hoc ita sit, nihilominus utraque traditio extra ordinem promissionum constituitur, & sub genere traditionis collocatur; ergo si Christus solum dedit potestatem ad dispensandum in promissionibus Deo factis, nulla ex illis traditionibus dispensari potest. Quod si non dedit tantum ad promissionem, sed etiam ad aliquam traditionem, quo fundamento dici potest jure divino factam esse quoad hoc distinctionem inter illa duo genera traditionum; aut ubi tale jus divinum ostendi potest; ergo si una traditio indispensabilis dicitur, satis probabiliter, & consequenti ratione, idem dicitur de altera. Eo vel maxime, quia donatio alicui facta sub hac tantum conditione, ut *duret quamdiu ipse voluerit*, profecto satis firma est & absoluta, ut stante voluntate retinendi talem rem, non possit illa privari sine injustitia; ergo si ob hæc causam traditio absolute facta in religione dicitur indispensabilis, eadem ratione traditio hæc, *quamdiu religio voluerit retinere religiosum*, erit indispensabilis. Quod etiam illud confirmat, quod conditionalis posita conditione transit in absolutum; ergo similiter traditio includens conditionem non minus firma est, & indispensabilis, quam traditio absoluta. Tandem quia sicut in traditio quæ tum ad communem rationem religiosi status, est de jure divino, ita & alia; & sicut una quoad modum determini-

Aliorum ratio sumpta, ex differentia solennium votorum a non solennibus impugnat.

terminata est, & approbata per Ecclesiam, ita & altera: & utraque etiam constituit hominem vere, ac proprie religiosum, & dicatum Deo. Est ergo utriusque vel eadē ratio, vel adeo similis seu propinqua, ut cum fundamento non possit de una affirmari, quod de altera negatur.

4. Utergo cum solido fundamento asseramus, (ut revera asserendum est,) hoc vinculum posse per dispensationem auferri, ab ipsa professione solēni sumendum est argumentum; nam Pontifex potest in illo dispensare, ut tom. super. ostendi; ergo & in hoc vinculo. Item fundanda est assertio in illo principio, quod universalis potestas Pontifici data ad solvendum non solum includit potestatem dispensandi in promissionibus Deo factis, sed etiam in traditionibus, seu in personis Deo traditis, eo modo quo in homine locum Dei tenente, vel religione, potest fieri traditio. Quod etiam principium satis eo loco ostensum est: nec video, ex quo alio principio magis proprio, & speciali, hoc probari possit, si cum fundamento loquendum sit. Quæ omnia adnotaverim, ut intelligatur, quoad potestatem dispensandi eandem omnino esse rationem de hoc vinculo, & de quacumque professione religiosa.

5. Ex quo infero primo rationem a priori, cur Episcopus, vel quicumque Prælati inferior Pontifice, non possit in hoc vinculo dispensare. Hoc enim verum est non solum, quia includit vota reservata castitatis, & religionis, sed etiam illa per se aliàs reservata non essent, quia includit veram traditionem religiosam, in qua nullus alius præter Pontificem dispensare potest.

Infero secundo, etiam Societatem, vel Prælatus ejus non posse hoc vinculum auferre per modum dispensationis, licet possint per viam irritationis: nam hæc duæ potestates, ut num. 2. dixi, non convertuntur, & potestas dispensandi deberet extrinsecus concedi: nullibi autem concessa legitur hæc potestas Societatis: quia nec per clausulam specialem, nulla enim talis in bullis Pontificiis invenitur: nec per generalem, quæ Prælato religionis datur, ut possit in votis religiosorum dispensare; quia hæc nunquam extenditur ad dispensandum in ipso statu religioso; nam potius, ideo datur ad cætera vota, quia supponitur subjectio per religiosam statum. Unde nec ad transeundum ad religionem laxiorem possunt Prælati religionis jure ordinario dispensare: Generali autem Societatis peculiari indulto Gregor. XIII. anno 1582. in bulla, quæ incipit: *Cum alias felicis recordationis*, absque ulla restrictione concessit, ut cuicumque; subito suo etiam professio possit licentiam dare transeundi ad quamcunque aliam religionem, etiam laxiorem, de quo iterum lib. 1. c. 2. quod intelligendum est, ex legitima causa ad bonum Societatis, vel ipsius subditi pertinente, ut in eadem bulla significatur, & materia ipsa exigit. Nam cum hæc licentia contineat quandam dispositionem in materia voti, rationabilem causam requirit, aliàs valida non erit, quamvis minor causa sufficiat, quam ad dispensationem simpliciter.

Tertio infero ex dictis, etiam respectu Summi Pontificis, graviorem causam esse necessariam ad dispensandum in his votis Societatis, quam in voto simplici castitatis: quia hic dispensatur in vero ac proprio statu religioso, quod non unum, sed plura perpetua vota includit: nec sola vota, seu promissiones, sed etiam traditionem, in qua difficilius dispensatur, ut ex superius dictis constat. Non est autem regulariter loquendo necessaria tam gravis causa, ut Pontifex dispenset in hoc vinculo, sicut ad dispensandum in professione solennitatis: quia cum Pontifex habeat circa hoc vinculum non solum potestatem dispensandi, sed etiam irritandi, tanquam supremus Prælatus religionis, quamvis causa non sit adæquata respectu dispensationis, regulariter aliquid confert ad irritationem, & ideo conjungendo, & quasi miscendo actum utriusque potestatis, facilius potest hoc vinculum dissolvere. Imo eo ipso, quod hoc vinculum non est tam absolutum, sicut professio, videtur esse dispensabile ex minori causa.

De irritatione.

6. Tertio loco dicendum superest de irritatione, de qua duo sunt certa. Primum est, potestatem irritandi hoc vinculum apud neminem esse extra Societatem, quod per se notum est, supponendo dictionem exclusivam in hac materia non excludere Summum Pontificem.

Suarez. Tom. XV.

Secundum est, Societatem habere hanc potestatem. Hoc constat ex bullis Pontificiis, in quibus declaratur, hæc vota scholarium, (& idem est de Coadiutoribus etiam formatis) fieri sub ea conditione, ut eis non obstantibus personæ possint libere dimitti, quam dimissionem, irritationem nunc appellamus: quia per eam tollitur vinculum, & votum, quasi per subtractionem materiæ, quia definit esse conditio, sub qua tantum obligabat. Et de hac potestate dimittendi sermo est in 2. p. Constit. Societatis, c. 1. & dicitur primario esse in tota Societate, quando in congregatione generali coacta fuerit, alioqui jure ordinario esse in Præposito Generali; in aliis vero inferioribus Præpositis prout ab ipso communicata fuerit. Est tamen advertendum, in Societate non solum esse potestatem dimittendi inferiora membra, sed etiam solenniter professos, & in aliquo raro casu, etiam ipsum Præpositum Generalem, ut in 9. p. Constit. dicitur c. 4. §. 7. Et declaratur in 2. c. 1. lit. A. & C. & in c. 13. lit. A. Est tamen differentia, quod professi non possunt liberi dimitti, & ideo ea dimissio non continet irritationem vinculi, sed solum separationem a cœtu, & convictu Societatis, sicut etiam possunt dimitti professi aliarum religionum, ut supra tract. 8. dictum est. Alii vero in inferioribus gradibus constituti, præsertimque scholares approbati, liberi, & absque vinculo religioso dimitti possunt, & hanc vocamus potestatem irritandi talia vota.

7. His ergo positis, difficultas præcipua hujus puncti est: An talis irritatio requirat causam justam, & proportionatam, ut valide fiat. Quidam enim sentiunt, quamvis Societas non debeat, nec licite possit, ratione suarum constitutionum, quemquam sic dimittere liberum sine causa justa in eisdem constitutionibus assignata. p. 2. c. 2. Nihilominus si id faciat, factum tenere, ac personam illam omnino liberam, & voto solum dimitti. Fundamentum est primo, quia omne votum factum cum dependentia a voluntate alterius, vel sub conditione, si alius voluerit, sit irritum, seu tollitur eo ipso, quod alter non vult, etiam si ille pro solo arbitrio sine alia causa nolit. Exempla sunt, si quis vovit ingredi religionem, si pater voluerit, nam patre nolente ex quacunque ratione cessat votum, quia conditio non existit. Vel si absolute vovit ingredi religionem, & Prælatus eum non velit recipere, si licite, si illicite, alter manet liber. Sed omnia vota non solennia Societatis sunt sub simili conditione, scilicet si Societas eos tenere volet, ut explicatur in Examine c. 7. §. 1. & 2. & clarius 5. p. Constit. c. 4. lit. B. & D. ubi etiam additur, licet volentes, quod in ipsis est, se obligent in perpetuum, liberum tamen esse Societati eos dimittere; ergo eo ipso quod Societas, seu Prælatus habens in ea potestatem, aliquem retinere non vult, desinunt obligare vota ejus etiam si absque justa causa Prælatus nolit. Quod enim alterius voluntati relinquitur, nullam causam requirit.

8. Et confirmatur, quia ob hanc rationem, ut irritatio voti valeat, nulla causa necessaria est, ut supra vidimus, quia nimirum in voto subditi involvitur conditio, si Prælatus consenserit. Diximus autem hanc esse quandam irritationem votorum; ergo nullam requirit causam, ut valida sit. Confirmatur secundo, quia ex his votis, seu traditione scholaris approbati in Societate, nulla obligatio redundat in Societatem ipsam, sed tota se tenet ex parte religiosi, ipsa vero religio tam libera manet sicut antea, quantum est ex vi contractus; ergo si sua libera potestate utatur, ex quacunque causa validus erit actus, etiam si aliàs illicitus sit; sicut si absque causa Prælatus recipiat indignum, & in eo peccet male utendo suo munere, nihilominus tamen receptio valida est; vel sicut dominus manumittens servum, qui se voluntarie ei se tradiderat, & obligaverat, valide manumittit, etiam si absque causa faciat, & in ea re peccet, vel ex odio, aut ingratitude, & c. quia contra iustitiam non agit; hoc autem exemplo hunc contractum Societatis supra declaravimus c. 3. n. 10. Tandem confirmatur, quia si ad valorem hujus dimissionis esset necessaria causa, res esset multis scrupulis, & dubitationibus exposita, imo ex illa nasci possent lites, & contentiones externæ inter religiosum dimissum, & Societatem. Ob hanc ergo causam quamvis in usu hujus facultatis

re vota scholarium. Alia ratio supponitur, quod Societas potest.

Dubium, an talis irritatio valeat sine causa.

Discretio resolutionis vera probatio a simili. Item a priori.

Coroll. Prælatus præter Papam dispensare in dictis votis.

Coroll. Neque ipsum Generalem nisi ad transeundum ad aliam religionem.

Coroll. Imo & ipsam Papam dispensationem gravem causam postulare, quam pro simplici castitatis voto in seculo.

Minus tamen gravem, quam pro dispensando in professione solenni.

Una suppositio: extra Societatem nemo potest irritare.

ex rectitudine, & honestate religionis causa, & hæc quidem magna, semper expectanda sit, nihilominus ad tollenda dubia, oportuit Societatem plenam libertatem retinere, ut de valore facti nulla posset esse controversia.

9 Alii vero hanc sententiam distinctione quadam moderandam existimant, ut scilicet procedat, quando dimissus voluntarie acceptat dimissionem, & libertatem, non vero si invitatus & sine causa expellatur. Ratio prioris partis præter fundamenta superioris sententiæ est, quia tunc cessat omnis injuria personæ dimissæ, quia volenti, & consentienti non fit injuria, & ideo cessat omnis causa nullitatis, quæ in eo actu esse posset, Unde facile intelligitur ratio posterioris partis; nam qui invitatus sine causa repellitur, magnam patitur injuriam, ut statim offendemus.

10 Mihi vero simpliciter, & absque distinctione dicendum videtur, admissionem hujusmodi sine causa factam esse nullam, censeoque conditionem illam, si Societas eum tenere volet, non esse intelligendam de mera, ac pura voluntate, suo absoluto dominio, & arbitratu volente, sed de voluntate, quæ prudenti arbitrio, & ex justa causa vult, aut non vult. Hoc primum probo ex verbis constitutionum; nam in Examine c. 7. §. 1. sic dicitur: *Libera tamen manebit Societas, nec tenebitur ad eos admittendos ad professionem, nec in Coadiutores formatos, si studiorum tempore male se gerent, adeo ut Superior Societatis existimaret, Deo gratum non fore, si in eam admitterentur: & tunc ipsi etiam suis votis soluti erunt.* In quibus verbis expendo in prioribus illam conditionalem, si studiorum tempore, &c. Et inde colligo illam esse necessariam, ut Societas non teneatur hos religiosos retinere; ergo non subsistente tali causa, tenetur. Dicitur fortasse teneri ex vi suarum constitutionum, non ex vi contractus. Sed hoc non placet, ut infra nu. 18. latius dicam; tum quia obligatio constitutionis, cum non sit ad culpam, minima est pro re tam gravi; tum etiam quia verbum *tenebitur* indicat præcisam obligationem fundatam in natura ipsius rei, & non in sola constitutione; maxime cum nulla ibi mentio fiat constitutionum, & examen illud eas antecedit. Deinde expendo verba illa: *Et tunc ipsi etiam suis votis soluti erunt*, habent enim vim exclusivæ, ac si dicerent, tunc, & non aliis soluti erunt. Nam si vere solvi possunt, quomodo cumque dimittantur, non oportuisset addere illam particulam restrictivam *tunc*, quia vel sic, vel aliter dimissi & tunc, & semper soluti essent.

11 Dices: hoc argumento probaretur illam causam ibi assignatam esse unicam, & necessariam, sine qua dimissio non teneret, nec solveret ligatum; quia pondere rationis factæ, si solidæ sunt, hanc vim habent. Consequens autem repugnat eidem capiti statim in §. 2. & c. 2. 2. partis Constit. ubi aliæ causæ assignantur. Respondeo primum concedendo sequelam, & considerando causam illam formaliter (ut sic dicam) potius quam materialiter & præcise sistendo in modo dimittendi, de quo ibi sermo est. Ad quod explicandum adverto, aliquem dimitti posse ex Societate, vel propter causas antecedentes receptionem ejus, vel propter subsequentes, seu intra Societatem datas, aut contractas. In eo igitur capite non agitur de prioribus, sed de his tantum posterioribus, ut patet ex illis verbis: *Si studiorum tempore male se gesserint*, & in §. 2. *Si quando studiorum tempore*, &c. Supponitur enim ibi, alias causas, vel defectus, qui ante receptionem existere possunt, per alias interrogationes in prioribus capitulis ejusdem examinis positas, fuisse deregendas. Et ideo illi defectus nunquam possunt reddere causam justam expellendi aliquem, nisi in ipso examine fuerint occultati, vel quacumque ratione non satis cogniti, & postea per experientiam probationum reprehendantur. Et de his causis sermo est in 2. p. Constit. c. 2. §. 3. ibi: *Tale quid esset, si in probationum decursu, aliqua impedimenta, vel insignes defectus, quos antea in examine tacuisset, detegerentur.* Et in §. 5. in illis verbis: *Si detegerentur vinculum matrimonii, vel servitutis legitima, aut ex alienum magni momenti, quibus in rebus, dum initio examinaretur, varietatem subtraheret.* Additur vero ibi in declaratione liter. B. aliquando non obitante defectu declarato in examine recipi aliquem sub conditione, ut periculum fiat, an decursu temporis ille defectus tollatur, vel illum non impedire, vel redde-

re personam inutilem ad ministeria Societatis: & tunc clarum est, si defectus dureret, & experimento constet reddere personam inutilem, illam esse justam causam dimissionis, quia in prædicta conditione tale pactum virtute includitur, & tunc causa non sumitur ex defectu, ut præcessit, vel ut antea cognitus fuit, sed ut durat, & ejus gravitas magis innotescit. Ulterius vero in eadem declaratione apponitur, licet aliquis absolvetur & sine ulla conditione recipiatur cum infirma valetudine ab ipso declarata, simpliciter quidem dimitti posse, quamvis magis considerandum sit, an dimitti debeat, necne. Sed hoc ideo dicitur, & verum est, quia ut ibidem subjungitur, semper talis receptio fit sub spe, quod talis persona aliunde compensabit corporis debilitatem, eo quod ad res majoris momenti utilis sit futura: & ideo si per probationes experimento cognoscatur illam spem fuisse vanam, consurgit justa causa dimissionis, quæ semper requirit novam cognitionem alicujus defectus præexistentis, qui si in principio bene cognosceretur, receptionem impediret. Et nihilominus ex suavi quadam providentiâ additur, in eo casu magis considerandum esse, an talis persona dimittenda sit; quia cum illa in principio recte, & fideliter se gesserit, si postea defectus involuntarie dureret, seu per eam non fieret, quominus tollatur, quacumque ratione utilis esse possit, sine aliquo communi detrimento, retinenda potius est, quam dimittenda; absolute autem dimitti potest, si judicetur expediens. Quod ut majori cum justificatione fiat, interrogatur unusquisque ante ingressum, an in tali eventu hoc patienter laturus sit, ut intelligat, qua lege recipiatur, & si oportuerit, juri suo renūciat, & hoc agitur in c. 7. Ex. §. 2.

12 Ratio autem seu causa orta post ingressum in Societatem esse potest, vel pertinet ad defectum animæ, vel ad defectum corporis, atque adeo voluntarie, vel involuntarie. De priori agitur in c. 7. Ex. §. 1. hoc enim significant illa verba: *Si studiorum tempore male se gesserint*, &c. Quæ causa est iustissima, & comprehendit plures particulares, quæ in c. 2. 2. partis Constit. ponuntur, ut si judicaretur quis damnum allaturus malo vitæ exemplo, si inquietum se ostendat, si verbis, aut actibus offendiculum aliis præbeat, si non possit se componere ad vitam ducendam sub obedientia juxta modum procedendi Societatis, eo quod nequeat iudicium suum refringere, si denique in affectibus, & vitiis, quæ divinam offendunt majestatem, corrigi non possit, etiam si publica non sint. In quibus omnibus, & quibuscumque similibus; regula in priori loco designata in n. 10. servanda est; scil. defectum hunc talem esse debere, ut eo spectato, Superior prudenter judicet Deo gratum non esse talem personam in Societate admittere aut retinere; atque ita hæc causa quoad hanc partem tanquam simpliciter necessaria proponitur. Quia vero præter defectum animi potest quis corporis infirmitatem in ipsa Societate contrahere, propter quam nec in literis proficere, neque in Societatis ministeriis utiliter queat inservire; ideo dubitari non immerito potest, an hinc sumi possit justa causa ejectionis? Tamen in 2. p. Constit. c. 2. lit. B. declaratur, in eo casu, si ipsemet religiosus contentus non esset, justum non fore hac sola causa a Societate dimitti. Ex quo significatur, ex consensu partis posse etiam inde causam justam insurgere, quod pertinet etiâ ad declarationem d. c. 7. Ex. §. 2.

13 Ex quibus omnibus constat in Constitutionibus Societatis semper requiri causam justam ad hanc dimissionem, & non alio modo, nec majori libertate reservare sibi Societatem hanc facultatem, & ita explicatur hæc potestas in declaratione 6. c. Examinis, ubi sic dicitur: *Nec est injustum, ut patet in literis Apostolicis, (si Societas libertatem ad eos dimittendos, quando non faciunt, quod debent, retineat) ubi notetur illa restrictio quando, quia solum pro simili occasione libertas retinetur.* Unde in fine additur, quorum (scil. Societatis, & Præpositi Generalis) tantum erit posse dimittere, nequid sine causis iustissimis fieri debebit. Merito etiam hoc declaratum esse dicitur in indultis Apostolicis. Nam Gregor. XIII. in bulla: *Quanto fructuosius*, de his scholaribus ait, non posse ipsos sine vitio apostoliæ Societatem dimittere, *quavis rationabili ex causa juxta Constitutiones easdem ab ipso Præposito Generali dimitti, & votis hujusmodi liberari possint.* Atque hoc etiam modo

Item quæ subsequenter admittuntur.

Inflatur contra probationem ex loco examinationis factam.

Diluitur explicando causas dimissionis antecedentes.

Probatum secundum ex Pontificum indultu.

decla-

declarat idem Pontifex conditionem illam in Constitutionibus positam, *quandiu Societas illos retinere velit*: quam sub his verbis proponit idem Gregor. in Constitutione: *Ascendente Domino. Quandiu Prepositus Generalis eos in Societate retinendos esse consuevit*. Quæ conditio eodem modo habetur in bulla Julii III. de confirmatione instituti, ibi: *Pro eo tempore, quo Prepositus Generalis Societatis prædictæ eis in ministerio spirituali, vel temporalis utendum iudicaret, astringerentur*. Et in bulla 4. Pauli III. quæ incipit: *Exponi nobis*, eadem conditio per verbum *iudicandi* explicatur. Est autem regula ad explicandum ius communiter recepta conditionem aliquam relictam ad arbitrium, vel iudicium alicujus præsertim gubernatoris, seu Prælati, intelligendam esse de arbitrio ex prudenti iudicio, & consequenter ex causa rationabili. Quam regulam tradit, variisque juribus confirmat Bartol. in gloss. in Extrav. *Ad reprimendum*, quæ habetur circa finem voluminis verbo *videbitur*, & ex eo Panorm. c. 1. de Constit. n. 13. & latius in c. 1. de sequest. possess. n. 18. & attingit etiã c. 1. de iudiciis nu. 12. Estque talis interpretatio per se se valde consentanea rationi. Quia quando aliquid committitur iudicio Prælati, vel iudicis, non tantum voluntati, sed etiam potestati ejus committitur; potestas autem ejus non est ad agendum pro sola voluntate, sed secundum ius, & rationem; tamen quia res in particulari solet esse dubia, ideo ejus prudens iudicium postulatur, ei que committitur. Denique favent verba Greg. XIII. in dicta Constitutione: *Ascendente Domino*, ubi de his votis scholarium sic inquit: *Nec ea ullo alio modo, quam per legitimam dimissionem a Societate cessare possunt*. Ubi expendo particulam illam *legitimam*. Non enim potest legitima dimissio appellari, quæ pro mera voluntate sit, sed solum illa, quæ sit ex causa legitima, seu secundum ius; id enim legitimum dicitur, quod secundum legem sit: ait autem Gregor. non alio modo quam per legitimam dimissionem posse hæc vota cessare: ergo si dimissio non sit talis, facta non tenet.

Confirmatur ex alio loco Gregor. XIII.

Probatur ratio ratione.

14 Tandem hæc sententia est valde consentanea rationi naturali, & principiis superius positis de hoc statu. Quod pater, quia hic status, & traditio ex parte religiosi, & ex intentione religionis, & Sedis Apostolicæ approbantis ejus institutum ad hoc ordinatur, ut habeat omnem stabilitatem, & perpetuitatem, quam sine incommodo religionis potest habere; ergo nulla debet relinqui potestas in religione, vel in aliqua persona ad dirimendum tale vinculum pro sola voluntate. Pater consequentia, tum quia talis potestas repugnat illi firmitati status; parva enim stabilitas est, quæ pro solo arbitrio alterius averti potest: tum etiam quia potestas repugnat prædictæ intentioni, quia illa non confert ad bonum religionis, vel religiosi. Confirmatur, ac declaratur: nam, licet in rigore justitiæ stando possit aliquis se ipsum obligare, vel donare sine ulla omnino obligatione ex altera parte, sed relinquendo alium omnino liberum, ut pro sola voluntate sua possit obligationem remittere: tamen in præsentī materia, & considerato fine, ac circumstantiis talis status, non videtur hæc esse intentio personarum se tradendum Societati. Quamvis enim sciant posse dimitti, si male se gerant, & quoad hoc consentiant in libertatem, seu potestatem Societatis, tamen persuasum simul habent, quando se tradunt, se non posse dimitti, si recte se gerant, & per eos non stet, & quasi sub hac conditione, quam & ex communi ratione status religiosi, & ex propriis Constitutionibus, & bullis Societatis colligere possumus, se tradunt: neque in maiorem potestatem Societatis consentiunt; ergo talis dimissio sine causa facta est contra vim, & firmitatem talis vinculi, & ultra potestatem Societati reservatam, non est ergo valida. Tandem confirmatur, quia hæc potestas non est in Prælato Societatis, ut in absoluto Domino, sed ut in dispensatore, & gubernatore; ergo non est commissa puræ voluntati illius, sed dispensanti, & gubernanti ex iusta causa. Dices; licet hoc sit verum de particulari Prælato, tamen in Societate est, tanquam in absoluto Domino. Respondeo in primis hoc parum referre, quia non tota Societas per se ipsam immediate exercet hunc actum, sed per Prælaturam, cui non dominium, sed gubernationem commisit, etiam si supremus in Societate ille sit. Deinde falsum est totam etiam Societatem habere

Suarez. Tom. XV.

absolutum dominium, sed potestatem accommodatam tali statui, & approbationi Pontificum. Eo vel maxime, quod hæc traditio non illi principaliter, sed Deo in ipsa facta est, & ab ipsa nomine ejus acceptata, & ideo etiã ipsa se gerit, non ut domina, sed ut dispensatrix respectu Dei. Quapropter nulla ratio patitur, ut pro sola sua voluntate possit rescindere traditionem Deo factam: nec conditio in ea inclusa taliter intellecta rationabilis fuisset.

Concluditur intentum.

15 Atque ex his constat, prædictam resolutionem non solum procedere, quando quis ita dimittitur invitatus, verum etiam si ipse consentiat, *per se loquendo*. Ratio est, quia solus consensus religiosi non præbet iustam causam ejectioni. Nam in hoc negotio non attenditur solum ius ipsius religiosi, cui ipse potest cedere: sed etiam bonum ipsius religionis, & præcipue obligatio facta Deo; & ideo nisi in ordine ad hæc omnia intercedat causa sufficiens, non erit legitimæ ejectio. Contingere autem potest, ut ex parte religionis intercedat sufficiens causa, & utilitas ad abscondendum tale membrum, quæ tamen causa non sit sufficiens ex parte religiosi, ut invitatus rejiciatur; & tunc consensus religiosi conducere potest ad hoc, ut ejectio valeat, & sit iusta, quæ absque tali consensu non esset, non quia pigrebat simpliciter iustam causam, sed quia complet illam, vel potius quasi removere impedimentum, ut causa, quæ inerat, possit esse sufficiens. Exemplo declaratur; nam si scholaris laboribus studiorum, vel serviendo Societati in aliis ministeriis, salutem corporis ita perdat, ut postea oneri potius, quàm utilitati futurus sit religioni, non est hæc causa sufficiens, ut ille invitatus ejiciatur; erit autem sufficiens, si ille consentiat; utrumque enim in Constitutionibus ac tandem in Decreto 50. Congregat. 5. n. 3. editionis anni 1616. declaratum vidimus, & merito: nam causa illa respectu habito ad religionem sufficiens est; respectu vero religiosi involuntarii non sufficit: nam cum ille habeat ius acquisitum in religionem, & per illum non steterit, & serviendo religioni vires amiserit, non potest ob eam causam invitatus suo jure privari. Si autem ipse consentiendo cesserit juri suo, jam cessat ejus iniuria, & ita poterit in iure religionis iusta dimissio fieri ex tali causa. Dices; quomodo potest religiosus licite consentire suæ ejectioni, cum se tradiderit, & ex parte sua perpetuo se obligaverit Deo, nec tunc cogitur exire? Respondeo fortasse talem consensum regulariter non esse laudabilem, nisi aliqua magna causa intercedat. Absolute tamen consensus ille non est per se malus, nec contrarius prioribus votis, quia facta fuere juxta Constitutiones Societatis, & in eis declaratum est, quod in tali eventu possit consensus præstari: unde fit conditio in his votis inclusam ita esse intelligendam, ut Societas valeat ex iusta causa dimittere scholarem, *vel invitum, vel saltem consentientem juxta exigentiam, & proportionem causæ*: quæ proportio, & causa partim ex recta ratione, & prudenti arbitrio, partim ex Constitutionibus ejusdem religionis sumenda est.

Causa ad validam dimissionem adeo requiritur, ut sine illa, nec consensus dimittendi per se sufficiat. Per accedens tamen sufficit.

16 Atque hinc patet responsio ad fundamentum primæ sententiæ in n. 7. Nam conditio illa, quæ aliquando poni solet per verbum *volendi*, intelligenda est juxta subjectam materiã, & juxta alia loca, in quibus per verbum *iudicandi*, seu *consensendi* eadē conditio explicatur. Et ideo non sunt similia exempla, quæ ibi afferuntur, nam in voto simpliciter religionis, quod secūdo loco habetur, nulla acceptatio, aut obligatio ex parte religionis intervenit, & ideo æque libera manet ad recipiendum, vel non recipiendum hominē, ac si Deo nihil vovisset. Est etiã aliud discrimen, quia aliud est non admittere, aliud ejicere jam admissum, nam illud prius consistit in sola negatione, & ideo eo ipso, quod actus nō fiat necessario, ipsa privatio facta tenet, ut sic dicā: quod non ita est in effectu positivo ejiciendi, & dissolvendi, quod ligatū est. Unde fit, ut licet demus religionē se obligasse ad recipiendum eum, qui simpliciter voverat ejus ingressum, & postea injuste nolle illum admittere, nihilominus nō admissio tenet, & consequenter alius excusatur a transgressione voti, & si jam fecit, quod erat ex parte sua, fieri etiam poterit, ut votum omnino cessaverit: ejectio autem, si sit injusta, & ultra limites potestatis, non erit valida, & ideo nec vinculum nec vota dissolvit. Aliud vero exemplū priori loco positum de voto facti *si parens voluerit* iudicandum est secundum intentionem voventis: tamen regulariter

Ad fundamentum in n. 7.

loquendo illa conditio referri solet ad nudam voluntatem, & ideo exemplum non est simile.

Ad primam
confir. in
nu. 2.

17 Ad primam confirmationem ex eo principio sumptam, quod irritatio non requirat causam, respondetur duplicem esse irrationem, unam omnino propriam, quæ nascitur ex inefficacia inferioris voluntatis ad se obligandum, nisi cum dependentia a superioris voluntate, & talis irritatio in universum non requirit causam, ut valeat. Alia vero est irritatio minus propria ex parte materiæ habentis conditionem imbitam dependentem ex alterius voluntate, & de hac irritatione non potest in universum negari, quod requirat causam, neque etiam affirmari, sed pro ratione conditionis. Præsens autem irritatio ad hunc posteriorem modum spectat: & ostensum est in num. 13. conditionem implicitam non dicere habitudinem ad nudam voluntatem, sed iusta ac recta ratione regulatam, & ideo talis irritatio causam requirit.

Ad secundam
confir. ibidem
quorumdam
ref. posio.


18 Ad secundam confirmationem multi contendunt in hac incorporatione scholarium Societatis nullum esse contractum, sed solum promissionem, & obligationem Deo factam, e qua nulla oritur obligatio ex parte religionis, quia ipsa licet acceptet obligationem, non tamen recipit personam, ut eam perpetuo retineat, sed ut probet, sicut aliæ religiones recipiunt novitios, ut eos probent: & ideo licet ipsi durante novitiatu votis se obligent ad permanendum, non tamen propterea obligatur religio ad eos retinendos. Sed hæc sententia mihi nunquam satis probari potuit, tum quia multum derogat veritati, & proprietati status religiosi horum scholarium, dum omnino quoad hoc comparantur novitii, qui intra annum probationis tria vota privata emiserunt. Licet enim aliquo modo conveniant, quod scholares semper sunt in probatione respectu ulterioris gradus, multum tamen differunt in statu, & in votis. Nam novitius licet voveat, non se tradit, nec confert jus religioni; scholaris autem se tradit, & confert jus religioni, quæ specialis auctoritate a Sede Apostolica data, seu approbata, traditionem, & vota acceptat. Tum etiam quia nimis liberam facultatem attribuit Societati ad dimittendos scholares approbatos: novitius enim quicquid ipse voverit, si expellatur, etiam sine causa, vere expulsus manet, & ipse etiam relinquitur liber, seu excusatus, quod de scholaribus dici non potest, ut ostendimus, & ideo non recte æquiparantur. Dico ergo in hac incorporatione intervenire aliquem quasi contractum, ex quo nonnulla obligatio in Societatem redundat, quam non habebat ad eandem personam toto tempore novitiatus, etiam si fortasse particularia vota in illo emisisset. Hæc autem obligatio non est ad retinendum perpetuo, absolute, & simpliciter, sed ad non dimittendum sine iusta causa. Quæ obligatio est valde rationabilis sup-

posita traditione, quam ipsa Societas acceptat, quæ naturæ suæ postulat hanc saltem immutabilitatem, ut ex neutra parte possit pro sola voluntate dissolvi. Et aliunde nihil derogat libertati necessariæ Societati ad suam conservationem, quia non obstante illa obligatione retinet potestatem dimittendi liberos, & sine vinculo scholares semel approbatos, quando sibi expedire censuerit; non est ergo, cur timeamus hanc obligationem recognoscere, cum perfectionem instituti non impediat, sed augeat, & in bullis Pontificiis, ac Constitutionibus magnum revera habeat fundamentum, ut num. 11. & 13. ostendimus.

19 Ad ultimam confirmationem respondetur, simili argumento probari posse, in dispensatione votorum non esse causam requirendam ad valorem ejus, ut tollantur scrupuli, & dubia. Non est ergo hic conveniens modus tollendi scrupulos, sed optimus modus est aufere ignorantiam, & malitiam; nam scrupuli sæpe ex ignorantia oriuntur; dubitationes autem post factum aliquod oriri solent, quia non satis bona fide factum est. Igitur quamvis causa iusta sit necessaria ad valorem hujus actus, si tamen prælatus Societatis bona fide procedat, & facta morali diligentia, ac debita consultatione judicet expedire talem personam liberam dimittere, & in tali casu recte uti posse potestate sibi a Pontificibus concessa, non est dubitandum de valore actus, & ita cessant facile omnes scrupuli, & dubitationes. Imo addo (posset enim in hoc esse nonnulla dubitandi ratio) quod licet post dimissionem intelligatur causam non fuisse tam gravem, quanta existimata fuerat, & aliquam deceptionem intervenisse, si tamen bona fide res acta est, & non temere, sed prudenti modo, & ut ita dicam, secundum allegata, & probata, id satis esse, ut dimissio teneat, nec postea esse scrupulum ex alterutra parte admittendum, quicquid denuo innosceat. Quia & id sufficit, ut illa dimissio dicatur legitima, & secundum judicium prudentis viri, quod solum in bullis Pontificiis postulat. Et quia esset magnum morale incommodum, valorem talis actus esse dependentem a nova cognitione, seu notitia, quæ postea quocumque tempore haberi potest. At vero si a principio mala fide, vel tempore, ac sine sufficienti probatione seu examine procedatur, nullum inconveniens est, quod ex tali facto possint scrupuli, & dubitationes oriri. Una vero gravis statim offertur; nam sequitur dimissionem hanc non debuisse committi solis Prælati, nec sine judiciali forma, & examine faciendam esse. Sed hæc obiectio attingit aliam generalem circa regimen Societatis, de quo in fine lib. 10. ex professo disputabimus. Nunc satis sit modum illum præter generales confirmationes instituti in particulari denuo confirmatum esse a Greg. XIII. in bulla confirmationis instituti.

Non satisf.

Vera ref. posio.



LIBER QUARTUS.

De votis simplicibus castitatis, paupertatis, &c. quæ in Societate JESU emittuntur.

Prima
suppositio
pro
parte
tituli.



Explicata qualitate vinculi scholarium in Societate approbatorum ad exactam hujus status declarationem necesse est, de singulis votis, prout in eadem Societate nuncupantur, aliquid sigillatim dicere; postea vero in sequentibus libris de studiis, aliisque actionibus tractabimus.

CAPUT I.

Votum castitatis scholarium Societatis JESU quale sit, & an dirimat subsequens matrimonium.

1 **Q**Uamvis inter vota minus perfectum sit votum paupertatis; tamen, quia votum castitatis brevius expediri potest, ab illo incipimus. Quod ergo attinet ad primam tituli partem, suppono primo hoc votum esse omnino integrum, & perfectum,

tam in extensione materiæ, quam in obligatione, quam inducit: comprehendit enim totam materiam castitatis sine ulla restrictione, & ad totam illam servandam obligat cum omni rigore, cum quo potest obligare castitatis votum. Et ideo nihil circa hæc addendum nunc occurrit iis, quæ generatim de voto castitatis disputavimus superiori tomo. Suppono secundo hoc votum esse per se annexum statui religioso, & traditioni seu dedicationi ad cultum Dei, quam de se facit talis persona in tali religione approbata. In quo, suo modo convenit hoc votum cum solenni voto castitatis religionis, quoad perpetuitatem, & separabilitatem a tali statu. Et ideo quæ hic possent tractari de dispensatione hujus voti per se, ac separatim a vinculo traditionis, seu incorporationis cū Societate, eandem rationem habet cū illis, quæ de voto solenni castitatis ibidem in simili puncto dicta sunt. Simpliciter enim inseparabile est a tali statu illo durante, neq; in hoc cadit unquā dispensatio, nec fortasse cadere potest, & certum est præter

Secunda
suppositio.

præter summum Pontificem neminem habere hanc potestatem. Unde licet Societas possit hoc votum tollere irritando hoc vinculum modo in cap. ult. superioris libri declarato; non tamen potest retento vinculo alicui facultatem dare ducendi uxorem, veluti sub ea conditione, & lege, ut si moriatur uxor, idem vinculum cum Societate maneat idem, & quasi reviviscat, quoad usum, quia nullibi data est illi hæc potestas; & quia ibidem generaliter dictum est non habere potestatem dispensandi in his votis, hæc autem quædam dispensatio esset, & adeo specialis, ut nec a Pontifice unquam concedatur, & dubium sit, an concedi possit in quo (ut dixi) idem sentiendum est, quod de voto solenni, quia æque per se annexum est statui religioso. Ab illo ergo solum differt conditione, quam includit traditio, cui annexum est. Et ideo omnia, quæ diximus de illo voto solenni, huic communia sunt, his exceptis, quæ ex illa conditione, vel carentia ejus, pendent, ut est irritabilitas, de qua jam dictum est, & vis dicendi matrimonium vel subsequens vel antecedens, de quibus hic solum in præfenti c. & sequenti dicendum superest. In tertio vero ad majorem explicationem, & commendationem nostri instituti aliqua de hujus voti observantia adducemus.

2. Quod attinet ad 2. partem tituli, quæstio solum intelligi potest, quamdiu hic status durat; nam si quis eiiciatur a Societate votis solutus, & ex religioso factus non religiosus, clarum est non impediri hoc voto, quominus matrimonium licite, & valide contrahere possit, quia illud jam non est, & quod non est, nullum effectum habet. Potest autem quæstio tractari aut de hoc voto secundum se solum, quatenus per se est annexum tali statui, vel ratione juris positivi specialiter lata a Gregor. XIII. in Constitutione, *ascendente Domino*.

3. Primo ergo certum est hoc votum ante illud decretum Gregorii impedivisse quidem, non tamen irritasse matrimonium postea subsequutum. Hec assertio certa est, primo ex Greg. XIII. in dicta Constitutione, ubi illud jus condit tanquam novum, & ideo in priori bulla, ubi idem institutum confirmaverat, & hos scholares veros religiosos esse declaraverat, nullam hujus rei mentionem fecit; & nobis, qui eo tempore Theologiam Romæ proficibamur, constat, magna diligentia, & studio, & ab ipso Pontifice, qui doctissimus erat, & ab aliis doctoribus Theologis & Jurisperitis laboratum esse inquirendo, an posset Pontifex, & an expediret tale impedimentum ad jere, omnesque pro certo supponebant usque ad illud tempus hoc votum non habuisse illum effectum. Quod etiam in tota Societate, & in omnibus, qui illud emittebant, pro indubitato semper habitum est, quod est signum neque a voventibus fieri, neque a Societate solum fuisse acceptari sub illa intentione irritandi. Denique si aliquando contrigit tale matrimonium sacrilege contrahi, dissolutum postea non est, sed ratum permanfit, extra omnem controversiam, de quo etiam nobis evidenter constat, quod est signum hoc sensu fuisse receptum tale votum in universa Ecclesia. Ratio vero a priori est, quia hoc impedimentum non est annexum voto castitatis, nisi ex constitutione Ecclesiæ, ut in eadem constitutione idem Pontifex sensit, & significaverat prius Bonifacius VIII. in cap. unico de voto in 6.

4. Dux vero contra hoc occurrunt objectiones. Prior est, quia ex multorum sententia votum castitatis eo ipso, quod est per se annexum traditioni religiose, irritat matrimonium contrahendum, ex vi traditionis, abque alio statuto Ecclesiæ: ergo juxta illam sententiam idem dicendum erit de hoc voto; nam in Societate semper fuit per se annexum traditioni, & vero statui religioso, neque quoad hoc, ut supra lib. præced. a cap. 2. visum est, Gregorius XIII. edidit jus novum, sed magis declaravit antiquum, cum quo, vel ex quo ipsa Societas nata est. Nec quoad hoc videtur referre, quod hæc traditio non sit ita absoluta & perpetua ex parte Societatis, sicut est in aliis religionibus; nam hinc solum colligi potest proportionalis differentia; scilicet, hoc impedimentum in hoc gradu Societatis non esse ita perpetuum intrinsece, & ex omni parte immutabile, sicut est in religionis professis. Illud autem nihil ob stare videtur, quominus cum proportionem dictum impedimentum ita nascatur ex hoc voto, quamdiu durat, sicut ex alio. Nam ratio, ob quam dicitur sequi ex voto

solenni, ratione traditionis est, quia talis persona jam non habet dominium sui corporis, ut illud tradat alteri. At hæc ratio etiam in hoc voto, quamdiu durat, locum habet: quia etiam est annexum traditioni, per quam omnino idem jus translatum est in religionem; & persona, durante illo vinculo, æque non est sui juris, neque habet potestatem in corpus suum; ergo durante illo statu, traditio erit nulla, facta alteri per matrimonium.

5. Profecto illatio objectionis apud me est valde probabilis, & efficaciter probata ex proportionalitate rationis, quæ potest hoc exemplo declarari. Nam si Joannes v. g. se traderet in servitutem Petro sub reciproca obligatione, ut nec Joannes se a servitute eximere, nec Petrus illum manumittere posset, Franciscus autem se traderet in perpetuam servitutem sine obligatione ex parte Domini, sed cum potestate manumittendi illum, si vellet; nihilominus Franciscus, & Joannes æque impotentes manent durante illo statu, ut se alteri tradant in servos: quia utraque donatio fuit æque valida, & utrumque æque privavit jure in se ipsum: solumque relinquuntur illa differentia, quod Joannes nunquam potest iterum fieri liber, & ideo impotentia ejus est omnino perpetua. Franciscus autem potest manumitti, & tunc si fiat liber, poterit alteri se tradere in servum, si voluerit. Ita ergo est in Societate; nam ex parte se tradentium est æqualis donatio, & consequenter æqualis privatio juris in se ipsos. Differentia autem solum est in obligatione ex parte religionis, quæ ad prædictum effectum nihil refert, ut ex dicto exemplo constat. Et ratio etiam est evidens, quia illa impotentia, si vera est, non fundatur in obligatione alterius, sed in privatione juris in se ipsum, quia translatum est in alium. Respondeo ergo ad objectionem, hoc discursus mihi probari, & confirmari, illam multorum sententiam esse falsam, de qua re tom. præced. lib. 2. a c. 7. dictum est. Sed confirmationem hanc habet inde remissi, quia prius non poterat sufficienter intelligi, itaque in forma negandum est objectionis antecedens.

6. Alia objectio est, quia a principio institutionis Societatis optime potuit hoc votum comprehendere sub declaratione Bonifacii in cap. unico de voto in 6. Ergo virtute illius decreti habuit semper hoc votum vim irritandi matrimonium subsequens. Consequentia est clara, & antecedens probatur. Nam ibi in universum dicitur votum solennizari quoad hunc effectum per professionem factam in religione approbata a sede Apostolica. Dictum est autem supra lib. præcedenti cap. 5. hanc incorporationem scholarium in Societate recte posse professionem appellari, & sub ea voce sæpe in jure comprehendere, præsertim in favorabilibus, inter quæ merito computari potest hoc decretum; nam favor religionis, & ipsius voti est, quod tantam habeat efficaciam. Dicitur fortasse, in ipsis constitutionibus Societatis declaratum esse, tam ex intentione voventis, quam Societatis, hoc votum non fieri, ut solenne, sed ut simplex, & ideo non potuisse sub illo decreto comprehendere. Sed hoc non videtur satisfacere; nam intentio voventis nihil refert ad illam solennitatem, quæ in hoc impedimento consistit: nam hoc impedimentum non provenit a voluntate voventis, vel acceptantis, sed ab statuto Ecclesiæ; unde si de facto fiat illud votum, cui Ecclesia adjunxit hoc impedimentum, quidquid voventis intendat, contrahet illud; ut si quis recipiens ordinem sacrum intendat simplex votum emitte, & non solenne, nihilominus votum ejus solenne erit, quia facto ipso ordinationis sacre solennizatur, virtute Ecclesiastici decreti, & independenter ab ejus intentione. Sic ergo cum illa intentio non impediat proprium vinculum religiosum in religione approbata, quod generatim per veram professionem contrahitur, non poterit impedire quominus votum inde solennizetur quoad hunc effectum impediendi matrimonium, quamvis maneat simplex quoad carentiam absolutæ perpetuitatis, & quoad irritabilitatem ex parte religionis, nam cum hoc pendeat ex mutua obligatione, pendet etiam ex intentione operantis. Maxime, quia a principio in ipsis bullis approbantibus Societatem, declaratum est, hoc votum ita acceptari, & ideo esse simplex, & non solenne, quoad carentiam perpetuitatis

Robora-
tur exem-
plo.

Secunda
virtute
vim irrit.

Evasio.

Non vi-
detur sa-
tis facere.

Exponi-
tur sensus
2. partis
tituli.

Assertio
certa.
Probatur
primo ex
mente P6.
titulis.

Accedit
unum si-
gnum a
posteriori.

Alterum
signum.

Ratio a
priori.

Obiectio
prima co-
tra asser-
tionem.

tis absolutæ, nunquam tamen declaratum est, non comprehendit sub solenni quantum ad illum effectum.

Prohibi-
tis ad ob-
jectionem
responsio
tripliciter
fundatur.

7 Respondeo nihilominus, verius esse hoc votum non fuisse comprehensum sub illa declaratione Bonifacii VIII. non quia Societas tunc instituta non esset; nam hoc non obstante, vota professorum Societatis, & cujuscunque religionis post illud decretum approbatæ, sub eo plane comprehenduntur; sed quia nomine *professionis* ibi non includitur hæc traditio, & acceptatio seu incorporatio scholarium in Societate. Hoc autem ostendit in primis usus ipse, & communis sensus omnium sapientum, qui sunt præcipui legum interpretes. Secundo, quia Bonifacius re vera intendit loqui de professione simpliciter, quæ omnem perfectionem vinculi religiosi, etiam cum absoluta perpetuitate includit: nam ponit hoc impedimentum tanquam perpetuo immutabile; tunc enim nondum erat in Ecclesia visum, aut interdictum impedimentum irritans matrimonium ex vi voti, quod auferri postea posset, & mutationem, seu ejectionem personæ a statu religioso. Tercio, quia ex primæ institutione Societatis hoc votum, ut simplex omnino institutum est, & eodem modo fuit a Pontificibus approbatum, & receptum, non solum propter conditionem, quam includit ex parte traditionis, sed etiam, quia non est illi addita vis inhabilitandi personam ad matrimonium: imo ex priori conditione sequebatur hæc posterior, jure ordinario, quia Ecclesia nunquam addiderat tale impedimentum nisi voto omnino absoluto. Quod ordinarium jus in principio Societatis conditæ augmentum non fuit; & ideo tam ex intentione emittentis, quam Societatis acceptantis, & sedis Apostolicæ approbantis fiebat hoc votum, tanquam omnino simplex, nullumque habens annexum impedimentum irritans subsequens matrimonium.

Affertio
omnino
certa ex
decreto
Pont.
Grego.
XIII.

Id de re si
potuisset
eundi pro-
batur tri-
plicitur.

Exegi im-
age audire

8 Secundum certum est post constitutionem Gregorii, *Ascendente Domino*, hoc votum, quamdiu durat, reddere personam inhabilem ad matrimonium contrahendum. Pater, quia ita expresse in illo definitum est, cum enim dixisset, neminem posse tollere hoc votum, nisi vel summum Pontificem, vel Societatem dimittendo personam, subdit. *Neque autem hujusmodi dimissionem matrimonium contrahere, quinimo eos omnes ad contrahendum inhabiles, ac contractus hujusmodi nullos & irritos facimus, & annullamus.* Duo autem a nobis probanda sunt, scilicet, & Pontificem potuisse hoc facere, & expediens fuisse. Primum satis ex facto ipso probatur: valde enim erraret in sana doctrina, qui supposito facto auderet potestatem negare, nam esset intolerabilis error in Ecclesia. Deinde probatur, quia Ecclesia potest matrimonii impedimenta irritantia augere, vel minuire, ut definit Concil. Trident. sess. 24. capit. 3. loquens in particulari de gradibus consanguinitatis: eadem autem ratio est de reliquis. Unde cap. 2. & 3. coarctat impedimenta irritantia, quæ ex affinitate carnali, publica honestate, & cognatione spirituali oriuntur: & a contrario in cap. 1. inducit novum impedimentum matrimonii clandestini. Præterea certum est, hoc impedimentum adjunctum esse voto Clericorum ex constitutione Ecclesiæ; ergo addi etiam potuit huic voto Societatis. Quin etiam Sor. in 4. d. 27. qu. 1. art. 4. de militibus S. Joannis affirmat illorum votum non irritare matrimonium natura sua (cum de aliis religiosis oppositum censet), sed ex Pontificum constitutione; supponit ergo posse hoc impedimentum addi per Ecclesiam alicui statui religioso; ergo eadem ratione potuit Gregor. huic statui & voto hoc impedimentum adungere. Dices, esse diversitatem, quia hoc votum non est ita absolutum. At hoc quid intercedit? Nam quamdiu durat, tam verum votum est, tamque verum statum religiosum constituit, sicut quodlibet aliud. Quod autem in casu aliquo auferri possit, non obstat, quominus ei possit adungi impedimentum, quod, illo ablato, auferatur. Sicut carentia Parochi & retitum supposita personæ sunt inhabiles ad contrahendum; illa autem conditio ablata, aufertur inhabilitas. Item minor ætas, quamdiu durat, facit inhabilem, ea vero transacta tollitur inhabilitas. Itaque nulla ratio affectu potest, cui hoc hæc non potuerit, & alioqui potestas Pontificis est suprema, & universalis

ad constituenda impedimenta, quæ matrimonium dirimant, si expedire censuerit.

9 Cur autem hoc expedierit dubitari potest. Nam si hoc erat expediens, cur a principio factum non est. Cur ita in re adeo gravi, & quodammodo substantiali, tam cito mutatio facta est? Neque enim tam brevi tempore res adeo mutari potuerunt, ut dicamus cepisse esse expediens, quod antea non fuerat. Verum absque ulla dubitatione fuit expediens, & opportunum remedium ad subveniendum Societati adversus fraudes & injurias, quæ in illo negotio vel illi fiebant, vel facile fieri poterant, contra divinum honorem, commune bonum, reverentiam religiosi status, ac denique in perniciem ipsorummet voverunt, seu religiosorum. Prius enim ad succurrendum his damnis obligationi votorum additæ sunt Ecclesiasticæ pænæ excommunicationis, & aliæ, quæ apostatis imponuntur. Postea vero experientia compertum est, in tanta malitia hominum, hæc remedia non esse satis efficacia, quia semel contracto matrimonio, veller, noller, cogebatur Societas personam dimittere, & privari operariis, quos multis laboribus, & expensis habiles ministros creatos ad serviendum Ecclesiæ. Cum autem persone essent habiles ad matrimonium valide contrahendum, & a cognatis vel amicis poterant interdum ad hoc vehementius induci; & ipsi etiam possent procliviores, & faciliores inveniri circa hujusmodi lapsum, imo aliquando possent Societatem decipere mala fide in ea, fictoque animo multo tempore perseverando, solum ad literarum profectum, ut inde commodius possent alium statum assumere, cum id facere possent, etiam invita Societate. Ad subveniendum hisce incommodis conveniens fuit personas inhabiles reddere, ne facile possent a suscepto statu cum detrimento religionis, ipsa invita, recedere.

10 Est commodum hujus rei exemplum in cap. cum exco. de Electionibus in 6. ubi Bonifacius VIII. cum generaliter dispenseret cum personis habentibus beneficium Parochiale, ut studiorum gratia non teneantur intra annum Sacerdotes ordinari, licet id statutum esset in Concil. Lugdunensi, ut habetur in cap. licet, eod. tit. adjungit nihilominus, ut infra annum teneantur saltem ordinem subdiaconatus suscipere: & causam, seu rationem reddit. *Ne sicut a multis de Christi patrimonio sublimatis olim factum esse dignoscitur, astatu retrocedere valeant clericali.* Ubi glossa advertit prudenter ex præteritis circa futura caveri: ad vitanda ergo impedimenta, quæ per experientiam cognita fuerant, voluit Bonifacius hujusmodi Parochos statim fieri inhabiles ad matrimonium, subdiaconatu suscepto. Eandem ergo providentiam habuit Gregor. XIII. in Societatem, & ideo illa non fuit reprehensibilis mutatio, sed utilis additio, quia hæc est humana conditio, ut non statim valeat comprehendere, quid in omnibus, & singulis rebus magis expediat: unde est illud Proverb. 4. *Iustorum semita quasi lux splendens procedit, & crescit usque ad perfectum diem.* Similiter in Societate a principio, qui in ea vota emittebant, non fiebant inhabiles, saltem ex statuto Ecclesiæ, ad professionem emittendam in quacunque religione; postea vero experimento compertum est, expedire hanc inhabilitatem addere, aut declarare, præterquam respectu Carthusiæ, ut sic indemnitati, tranquillitati, & conservationi Societatis consulere, ut Pius IV. & Pius V. in sua bulla statuerunt. Ita ergo, vel certe majori ratione expediens fuit hanc inhabilitatem ad matrimonium addere, quia magis indecens est, a statu religioso ad matrimonium transire, & majus scandalum generat, & facilius potest religiosorum animos perturbare. Denique cum vinculum hoc status religiosi sit quoddam matrimonium spirituale cum Christo, merito, dum in eo statu perseverat quis, ad matrimonium inferius inhabilis redditur.

11 Hoc vero inquit aliquis, an per illud Gregorii decretum, facti sint ipso jure inhabiles ad matrimonium scholares, qui jam vota in Societate emisserant. Nam cum ipsi hoc non voverint, neque intenderint, quando approbati fuerunt, nisi de novo consentirent

Dubium
an condi-
expedierit
tale decre-
tum.

Affirman-
dum esse
ostenditur
ex contra-
riis inc6-
modis.

Apposito
exemplo
id decla-
ratur.

Exemplum
aliud ex
Societate
sumptum.

Confirmat
tunc tandem
& simili.

Dubium
alterum an
prædictum de-
cretum

compre-
henderit
personas
jam tunc
existentes
in Socie-
tate.

Resolvi-
tur pars
affirmati-
va, potue-
rit Ponti-
fex eas
compre-
hendere.

& vota sua in eo gradu rata haberent, non viderentur potuisse virtute solius extrinsecæ legis inhabiles reddi; præsertim, quia leges non respiciunt præterita, sed futura, Cap. 2. de constit. unde (quidquid sit de potestate) de facto non videtur hoc decretum illas personas reddidisse inhabiles. Quod etiam confirmatur, quia lex irritans habet vim legis pœnalis, juxta glossam in cap. decet, de immunit. Eccles. in 6. verbo *Processus*, de quo multa congerit Panormit. in cap. 2. de constit. numer. 5. & ibi additio ejus, verb. *retractatio actus*. Viderique possunt alii apud Saneium lib. 3. de matrim. disput. 4. a num. 8. & in opere nostro de legib. lib. 5. cap. 19. Dicendum nihilominus est, illud decretum statim habuisse effectum in omnibus personis Societatis, quod est certum, & ita ab omnibus intellectum. Et in primis, quod ita fieri potuerit a Pontifice, patet, quia per illam legem non inhabilitatur persona ad aliquid præteritum (hoc enim sensu verum est statutum non respicere præterita), sed ad matrimonium in futurum contrahendum; ergo ex hac parte optime potuit hoc decretum comprehendere non solum personas futuras in Societate, sed etiam existentes jam: nam constitutio in aliqua, vel pro aliqua communitate facta, non solum obligat, vel comprehendit personas futuras in tali communitate, sed etiam jam existentes in illa. Imo per se primo obligat præsentem, quatenus constituunt actu hoc corpus: atque hoc modo lex respectu personarum non solum respicit futuras, sed etiam præteritas, vel potius præsentem, licet per actum præteritum tali communitati unitæ fuerint. Deinde nec ratione materiæ repugnat hoc decretum habuisse suam efficaciam circa personas, quæ jam voverat in Societate castitatem: quia Pontifex non solum potest adungere hoc impedimentum voto in futurum emittendo, sed etiam jam emissio, quatenus in præsens moraliter durat, & fit. Quia non est major ratio unius, quam alterius. Neque ad hunc effectum necessarius fuit consensus talium personarum: sed Pontifex ipse per efficaciam suæ legis potuit talem inhabilitatem inducere, & subsequentes contractus irritare, quia per hoc decretum nullam obligationem novam ad aliquod opus consilii talibus personis imposuit, neque ad aliquem statum eos obligavit: jam enim ratione voti tenebantur non contrahere matrimonium, & in statu perfectionis perseverare; sed solum per eam legem cautum est, ne illi statui talis injuria fieret, & medium prudens adhibuit, quod illa obligatio melius impleveretur; nihil ergo est in ea lege, quod excedat Pontificis potestatem, aut propter quod inferiorum consensum requirat.

Instantia
contra
proximam
resolucio-
nem di-
junctur.

12 Dices, qui, priusquam Ecclesia inhabilitaret Sacerdotes ad matrimonium, erant in sacris ordinati, non potuerunt per legem posteriorem latam inhabilitari, ut in superiori tomo letigimus: ergo neque in præfenti. Respondeo ad antecedens dupliciter id potuisse contingere; primo quod illi sacerdotes nullum haberent votum simplex integræ castitatis; & sic dato antecedente, negatur consequentia: est enim ratio valde diversa: nam illi non poterant cogi ad vovendam castitatem *absolute & simpliciter*: ergo nec poterat eis matrimonium prohiberi ipsis nolentibus, quia hoc est opus consilii, secluso voto: ergo multo minus poterant ad matrimonium inhabilitari, quia hoc plus est, quam prohiberi: in nostro autem casu supponitur jam votum & obligatio in personis. Dixi autem *absolute, & simpliciter*, quia si ad Ecclesiæ bonum expediret, potuisset in eo casu Ecclesia illis clericis præcipere, ut vel ab usu Ordinum abstinerent, vel castitatem promitterent, & ita eo ipso, quod ordine sacro uterentur, eos inhabiles ad matrimonium reddere: de quo citato tomo dictum est. Alio modo poterat id contingere, scilicet, ut sacerdotes illi haberent votum simplex castitatis, quia Ecclesia nondum impedimentum hoc adjunxisset, & tunc negatur antecedens: sic enim in eo etiam casu procedunt omnes rationes factæ.

Resolvi-
tur ulte-
rius quod
de facto
compre-
henderit
ex ipsius
pontificis
verbis.

13 De potestate igitur nulla potest esse dubitandi ratio. Quod autem etiam de facto hoc sensu lata fuerit illa lex, patet primo ex serie, & contextu illius constitutionis. Nam prius expresse loquitur tam de his, qui hæc vota in Societate emiserunt, quam qui in futurum emittent, & de utrisque expresse declarat *vere & pro-*

prie religiasos fuisse, esse, & fore: & de illis consequenter exemptos, ac sedit Apostolicæ immediate subiectos, gaudereque privilegiis Societatis, & fore apostatas, & excommunicatos a Societate fugiendo: ac tandem de illis ait, *eos omnes ad contrahendum inhabiles facimus*. Ergo evidenter loquitur etiam de his, qui jam erant in hoc gradu religiosorum Societatis constituti. Potestque hoc confirmari a simili: quia quoties Ecclesia similia impedimenta de novo imponit, omnes personas jam existentes, & capaces talis impedimenti comprehendit: ut lex Concil. Tridentin. de inhabilitate ad contrahendum clandestine, omnes homines jam existentes, & antea habiles comprehendit. Et si Ecclesia nunc adderet quintum gradum consanguinitatis inter impedimenta irritantia, non solum futuros homines, sed etiam jam existentes, & in eo gradu constitutos inhabiles redderet: sicut etiam e contrario, quando restrinxit gradus affinitatis, etiam jam natos, & in aliquo gradu existentes eo impedimento liberavit. Et per hæc satisfactum est ad rationes dubitandi in contrarium.

Confir-
matur a
simili.

C A P U T II.

*Utrum vota simplicia in Societate emissa
dirimant præcedens matrimonium
ratum.*

x DE hoc articulo nihil expresse declaratum invenitur in toto speciali Jure Societatis, neque in constitutionibus, neque in bullis Apostolicis hujus religionis, & ideo res hæc aliquibus dubia visa est. Neque defuerunt graves Doctores, tam ejusdem Societatis, quam externi, quibus visum fuerit hæc vota dirimere matrimonium ratum, eo ipso quod constituant hominem vere religiosum; nam habent traditionem adjunctam per se, & natura sua repugnantem traditioni, quæ in matrimonio fit: vere enim ac proprie constituunt hominem in statu perfectionis non minus quam vota, & professio facta in quacunque alia religione approbata: ergo habent eandem vim ad dissolvendum matrimonium ratum, prius contractum. Patet consequentia, quia vel matrimonium illud includit conditionem libertatis transeundi ad statum perfectionis religiosæ, & sic illa conditio impletur per hæc vota: vel supponit declarationem Ecclesiæ per traditionem, vel legem universalem dantem hanc facultatem his conjugatis, & sic etiam sub hac generali regula comprehenderetur hic status, cum sit vere religiosus, & perfectionis, & decreta, quæ de hoc loquuntur, non aliud requirunt, nec professionem nominant, sed ingressum religionis, ut patet cap. ex publico, cap. ex parte 2. de conversion. conjugat.

Sententia
quorundam
affirmans

Eorum
primum
funda-
mentum.

2 Secundo videtur saltem hæc sententia nunc probanda, quando hæc vota reddunt personam inhabilem ad subsequens matrimonium ex constitutione Gregor. XIII. *Ascendente Domino*. Nam hinc fieri videtur, ut habeant etiam ad dissolvendum præcedens matrimonium ratum, tum quia non est major ratio de uno, quam de alio, cum hæc inhabilitas requirat traditionem, & statum repugnantem matrimonio: tum etiam, quia jam in tali voto reperitur omnis solennitas, quæ in voto religionis desiderari potest, ut dissolvat matrimonium ratum juxta doctrinam Concil. Tridentin. sess. 24. can. 6. & antiquorum decretorum. Patet antecedens, quia in his votis & est solennitas accidentalis per publicam emissionem, acceptionem, & traditionem, & est solennitas substantialis, quæ (ut rom. super diximus) consistit in virtute morali, seu legali ad reddendam personam inhabilem ad matrimonium. Confirmatur primo, quia vota religionum militarium, cum quibus dispensatum non est, quoad matrimonium contrahendum, ut vota militum S. Joannis, eo ipso dirimunt matrimonium præcedens ratum juxta veriorum, & magis receptam sententiam, ut eodem tomo visum est: ergo similiter, &c. Confirmatur secundo, quia nihil est in instituto Societatis, quod huic effectui repugnet. Quia constitutiones non prohibent, quominus recipi possit, qui matrimonium contraxit, dummodo illud non consummaverit, ut per argumentum a contrario colligitur ex cap. 2. Examin. § 4. Juxta quod intelligendum est quod 1. part. constit. cap. 3. § 6. absolute dicitur, ma-
tri-

Secundum
fundam.

Confir-
matio
primo.

Secundo.

erimonii vinculum esse impedimentum, &c. Nam ibi etiam declaratio advertit, si accedat consensus conjugis, & alia, quæ Ecclesia requirit, desinere esse impedimentum: at in matrimonio non consummato, Ecclesia non requirit consensum conjugis: ergo ligatus vinculo matrimonii rati potest in Societatem recipi: ergo vinculum illud potest dissolvi per vota acceptata in hac religione. Alioqui maneret aliquis vete religiosus, & adhuc ligatus vinculo matrimonii rati, invita conjugē: quod & repugnat statui religionis, & alteri conjugi esset onerosum, vel posset suum jus exigere, essetque illi reddendum. Tertio confirmatur ex Bulla 3. Pii V. anno 1571. ubi concedit omnibus religiosis Societatis, etiam scholaribus, ut omnes dispositiones in favorem aliorum regularium factæ in eis locum habeant. Sed quod votum castitatis dirimat matrimonium prius contractum, & tantum ratum, est quædam dispositio juris maxime favorabilis religioni, ut ab illa non arceantur, qui solo matrimonio rato ligati sunt: & ipsis religiosis, ut ad altiorum statum ascendere possint: ergo.

3 Contraria sententia frequentius a viris doctis recipitur, mihi que semper verior, ac securior visa est. Ut autem eam confirmemus, distinguamus duos statum, seu duo tempora, quæ hujusmodi vota habuerunt. Unum est, quando non reddebant votentem inhabilem ad subsequens matrimonium, quod durat usque ad annum 1584. in quo Gregor XIII. prædictam constitutionem edidit. Aliud est tempus, in quo jam hæc vota habent hanc vim a tempore prædictæ constitutionis. In utroque autem statu, ac tempore constituunt hominem vere ac proprie religiosum, seu in statu religionis: quia non solum de hoc præsentis statu id declaravit prædictus Pontifex illa constitutione, sed de priori id etiam declaraverat anno 82. in Bulla, quæ incipit: *Quanto fructuosius*. In qua non concessit hoc privilegium his votis, ut quidam falso calumniantur, quos jam lib. præcedent. cap. 3. n. 3. refellimus, sed declaravit Pontificia autoritate illa vota sic emissæ, receptæ, & approbata, ut antea erant a summis Pontificibus, ex se habere vim ad constituendum verum religionis statum, ac personam vere, ac proprie religiosam, ut latius eo loco declaratum est: in altera ergo constitutione posteriori, solum addidit Gregorius prædictum effectum, quem non esse de substantia status religiosi, ibidem etiam ostensum.

4 Quod ergo ad primum tempus attinet, facile ex superius dictis ostendi potest, tunc hæc vota non habuisse vim ad præstandum hunc effectum. Primo, quia com. superiore ostensum est nunquam in Ecclesia visum esse, ut votum castitatis adjunctum alicui vivendi modo, aut statui, dirimat matrimonium factum, & non impediat, ac irritet contrahendum: & ibi etiam probatum est, licet de absoluta potestate Pontificia fortasse hoc fieri possit, non expedire ullo modo id fieri; sed illo tempore hæc vota non irritabant matrimonium contrahendum: ergo multo minus poterant solvere jam contractum. Secundo quia hic effectus non sequitur ex sola rei natura ex voto aliquo, vel ex subsequente promissione, aut quovis humano contractu privata autoritate facto. Nec etiam jure divino positivo adjunctus est hic effectus alicui voto, aut statui religioso, sed necessaria est Ecclesiæ autoritas, per quam virtus ad hunc effectum tribuatur, ut ibidem etiam probavi; sed illo tempore non fuerunt hæc vota ab Ecclesia recepta, & approbata ad hunc effectum; ergo. Probatur minor; quia vel approbatio fuisset specialis per aliquod jus proprium ipsius Societatis a Pontifice probatum, & hoc non, quia nec in prioribus Bullis Pontificiis, nec in constitutionibus Societatis ulla est mentio talis effectus. Vel esset generalis approbatio per decreta juris communis, & hoc etiam dici non potest, quia jus commune solum votis solennibus emissis in professione religionis concedit hunc effectum, ut patet ex Conc. Trident. sess. 24. can. 6. ubi de solenni professione hoc definiens tacite ita explicat jura antiqua, & significat non aliter solvi. Item ex c. *verum*, c. *ex publico*, & cap. *ex parte*, de convers. conjugat. & Extravag. unica de voto Joan. XXII. In ipsis autem Bullis, & constitutionibus declaratum est, hæc vota non esse solennia, neque actum illum, in quo emittuntur, & recipiuntur, esse professionem religionis, de qua jura

communia loquuntur. Nam Greg. etiam XIII. supra declarat sine tali professione fieri aliquæ verum religiosum per talia vota: ergo eo ipso declaratum erat, ex vi juris communis non habere prædicta vota illū effectum.

5 Et confirmatur, quia hanc solam ob causam factum declaratum censebatur illa vota non irritate matrimonium subsequens, quia declarabantur illa vota esse simplicia, & in jure votum, quod dirimit subsequens matrimonium, solenne dicitur; cap. unico de voto, in 6. Et quod attinet ad votum religionis, solum illud tale censetur, quod in professione fit; ergo eadem ratione declaratum fuisse censendum est, illa vota Societatis non dirimisse matrimonium prius factum. Quod enim quidam dicunt, hunc effectum non esse concessum professioni proprie sumptæ, aut voto solenni, sed statui religionis, & voto cuicumque sufficienti ad constituendum talem statum, nullo sufficienti fundamento magis ostendi potest de præterito, quam de futuro matrimonio. Tertio tandem probatur, quia consuetudo est optima legum interpretes; in illo vero tempore nunquam illa vota recepta sunt, ut sufficientia ad dirimendum matrimonium: neque communi consuetudine, aut estimatione aliud factum est unquam, aut declaratum, ut constaret ex communi praxi hujus religionis; ergo signum est talia vota non habuisse hunc effectum.

6 Ex his facile est gradum facere ad posterius, seu præsens tempus, & de illo idem ostendere hoc enthymemate, quia per constitutionem prædictam Gregor. XIII. nihil circa hoc punctum innovatum est: ergo in eodem statu permanet, in quo antea erat. Antecedens patet ex verbis ejusdem constitutionis: *Nec ante hujusmodi dissolutionem, & a Societate dimissionem, matrimonium contrahere, quin imo eos omnes ad contrahendum inhabiles, ac contractus hujusmodi nullos, & irritos esse, prout irritos facimus, & annullamus*. Ex quibus verbis constat, Pontificem solum addidisse his votis novum impedimentum irritans matrimonium postea subsequutum, de præcedenti vero nullam fecisse mentionem. Quod vero unum sub altero non comprehendatur, nec ex illo consequatur, ostenditur probando simul consequentiam facti enthymematis. Illa vero probatur primo ex dicta Extravag. de voto Joan. XXII. ubi simili argumento probat, votum sacri Ordinis non dirimere matrimonium ratum prius contractum, quia Ecclesiasticum jus solum disponit, ut dirimat contrahendum, & de contracto nihil loquitur. Recte ergo nos in præsentis colligimus; est enim eadem forma argumentandi, & omnino eadem ratio, videlicet, plus esse dirimere factum, quam impedire faciendum; nulloque modo in hoc posteriori illud prius contineri. Neque obstat, si quis objiciat, quia optime inferitur: dirimit contractum: ergo impedit contrahendum: ita etiam e contrario sequetur, dirimit contrahendum; ergo & contractum. Negatur enim consequutio, quia prior illatio est a majori ad minus; quia difficilius est solvere ligatum, quam impedire ne ligetur, turpiusque ejicitur, quam non admittitur hospes. Alia vero illatio non est formalis, solumque in terminis convertibilibus locum habet. Adde etiam, priorem illationem non esse per locum intussecum, licet de facto credamus esse bonam secundum Ecclesiæ morem rationi consentaneam; ut posterior neutro modo valida est.

7 Unde argumentor secundo, quia multa alia sunt impedimenta irritantia matrimonium contrahendum, quæ non dirimunt contractum: ergo licet hoc novum impedimentum in Societate positum fuerit respectu futuri temporis, seu matrimonii, non sequitur dirimere præteritum. Antecedens patet, quia aliquando hoc impedimentum ponitur in favorem prioris matrimonii, vel in pœnam delicti uxoricidii, vel machinationis alterius conjugii: interdum ponitur ob decentiam, ut impedimentum consanguinitatis, vel affinitatis; interdum ob alias causas, quæ non possunt accommodari, vel non ita accommodantur præterito actui sicut futuro. Consequentia vero probatur, quia ab his, quæ non solum distimilia sunt, sed etiam separabilia, non recte fit illatio. Maxime cum posset intercedere ratio longe diversa, sicut in voto continentie sacri ordinis videlicet. In eo enim positum est impedimentum diri-

Confer-
matur
hoc fecit-
dum argu-
mentum.

Tertio.

Deinde
de tempore
posteriori
probatur
eandem sen-
sentia
primo.

Instantia
remove-
tur.

probatur
secundo.

Tergio

Sententia
auctoris
negans &
verior,
quam tra-
dunt etiam
Viz. ues
12 d. 165.
cap. 10.
Sanchez
12 de ma-
trimonio
disp. 18.
num. 6.
Notatio
ad proba-
tionem de
duplici
tempore
Societatis
ante, &
post Greg.
& III.

Probatur
jam pri-
mo sen-
tentia de
tempore
priori.

Secundo:

meos subsequens matrimonium, ut muniat, & conservet vovum illud, & decenti in illius status; quod propterea non oportuit extendi ad præcedens matrimonium; quia cum non supponatur, aut ordo collatus, aut votum factum, satis viratur indecentia prohibendo, ne post matrimonium ratum, etiam non consummatum aliquis ordinari possit, sine consensu uxoris, & illa simul vovente, juxta Ecclesiasticas leges; nam quod aliquando possit quis contra hanc legem Ecclesiasticam indebite ordinari, & in matrimonio manere ordinatus, & obnoxius debito conjugali reddendo, est ratum & accidentarium incommodum, propter quod vitandum non fuit necessarium vel universalem facultatem dare sic recipiendi ordines, vel permittere, ut per illam susceptionem, etiam indebitam, matrimonium factum solveretur. Nam aliiis modis potuit Ecclesia illi malo providere, sicut & providit. Sic ergo in præsentem loco impedimentum positum est, quasi in monumentum, & custodiam votorum Societatis, & ut ille status semel assumptus non posset facile labefactari, aut violari: at citra matrimonium prius factum hæc ratio non habet locum: nec nova aliqua, quæ moverit Pontificem ad prius jus immutandum, sicut multæ graves moverunt ad immutandum pro matrimonio futuro, ut capite præcedenti n. 9. vidimus.

8 Unde argumentor tertio, quia per novum jus ab antiquo non discedimus, nisi quatenus in novo exprelsum est, ut sumitur ex leg. *præcipimus* Cod. de appellat. præsertim in materia odiosa, qualis de se est omnis lex irritans, vel annullans contractum, alioqui natura sua validum; & tunc maxime quando in ampliacione, seu extensione similitudo rationis non est omnino eadem; sed hæc omnia in præsentem concurrunt. Nam quod vota simplicia dissolvant matrimonium, vel dirimant contrahendum, novum jus est, corrigens quoad hanc partem jura antiqua, ut ex superiori tom. de voto simplicii castitatis satis constat, estque hæc materia de se odiosa; nam licet videatur favorabilis alicui statui religioso, tamen est de se in præjudicium tertii, scilicet uxoris, quæ per matrimonium jus acquisivit, & aliquo modo derogat ipsi matrimonio. Et propterea favor religionis per tale jus intentus sufficienter obtinetur per impedimentum futuri matrimonii, ut in argumentorum solutione explicabimus; ergo cum novum jus aliud non exprimat, extendendum non est.

9 Ad primum ergo fundamentum contrariæ opinionis negatur consequentia, quia status perfectionis, ut sic, non dissolvit matrimonium ratum: Episcopi enim status perfectior est, & non dissolvit, quia nullo jure id cautum est, ut in prædicta Extravag. dicitur, & in tomo super. est disputatum. Unde ad probationem negatur utraque pars assumpta; quia revera in contractu matrimonii nulla talis includitur conditio; nec etiam est ulla lex Ecclesiastica, quæ virtutem hanc tribuat quibuscunque votis, quæ sint substantia religiosi status, sed votis tantum solennibus ex vera, & propria professione religionis, ut declaratum est. Neque obstat, quod in citatis juribus non sit expressa mentio *professionis*, aut *voti solennis*, sub his vocibus, sed sub nomine *ingressus religionis*; nam jure communi hæc æquipollebant, & ita pro eodem sumuntur in jure, ut omnes interpretes docent, & sumitur ex aliis juribus dicentibus, religiosum fieri professione, quæ supra retulimus, & Concil. Trident. satis significavit; & colligi etiam potest ex Extravag. Joan. XXII. de voto, ibi: *Et ejus regulam expresse, vel cause profiteri*. Et infra: *Ad ingressum hujusmodi &c.* Denique si argumentum illud esset alicujus momenti, probaret etiam, hæc vota ex vi juris communis sine constitutione Gregorii impedire futurum matrimonium, irritando illud, quod asserendum non est, ut ex cap. præcedent. patet. Et sequela valet: nam idem omnino argumentum de illo fieri potest, quod ibidem præced. cap. fecimus, & similiter solvimus.

10 Ad secundum fundamentum negatur, aliquid esse circa hoc innovatum per constitutionem Gregor. XIII. negatur etiam esse eandem rationem de impedimento futuri, & dissolutione facti matrimonii. Denique negatur hæc vota nunc habere solennitatem in jure requisitam, quia in illamet constitutione semper caveatur hæc vota manere simplicia, & in eorum emissionem,

& receptionem non fieri veram professionem. Quid autem his votis desit ad absolutam solennitatem, jam supra declaratum est; neque enim deest extrinseca, seu accidentaliter solennitas, nec vis impediendi subsequens matrimonium, sed deest absoluta perpetuitas, quæ ex utraque parte religionis, scilicet, & religiosi nascitur. Et hoc confert multum ad præsentem effectum, quia, ut supra dicebam, absurdum esset, ut liberaretur quis a vinculo matrimonii per transitum ad religionem, a qua posset superioris auctoritate propter frequentes, & ordinarias causas, liber dimitti. Et propter hanc rationem non esse simile, quod in prima confirmatione affectur de religiosi militibus S. Joannis; illi enim vere profitentur, votumque solenne emittunt, a quo liberari non possunt, nisi in casu raro, auctoritate, aut dispensatione Summi Pontificis.

11 Ad secundam etiam confirmationem ex eodem principio respondendum est, multa esse in Societatis instituto, quæ huic effectui repugnant. Primum, quod in illo sæpius declaratur, hæc vota esse simplicia. Deinde quod nulla sit ejus mentio in Bullis Pontificiis, aut constitutionibus. Denique quod vota non habent eam absolutam perpetuitatem in utroque capite, quæ ad hunc effectum secundum morem Ecclesiæ necessaria est. An vero vinculum matrimonii rati sit impedimentum essentialiter impediens receptionem alicujus in hac religione invita conjugis, in dubium verti potest propter ea, quæ in illa confirmatione tanguntur. Mihi tamen probabilius videtur absolute non esse impedimentum: oportere autem, ut Societas in aliquo jure suo dispensare velit. Declaratur utraque pars ex ratione facta: non enim potest ille, qui matrimonii rati vinculo ligatus est, assumere statum postulantem cœlibatum, nisi talis sit ille status, qui dirimat matrimonium ratum, ut offensum est; ergo nemo potest in Societate recipi ad illum statum proficendum, dicto vinculo matrimonii ligatus, non obtemperans prius consensu uxoris, & servatis aliis circumstantiis circa illam, quas iura requirunt. Unde cum ordinario iure Societatis nemo recipiatur ad probationem ejus, nisi in ordine ad hunc statum prius proficendum, multo tempore permanendum, prius quam ad solennem professionem perveniat, sit, ut servato eodem iure, nemo possit recipi cum prædicto impedimento. Maior (reliqua enim sunt clara) pater, tum exemplo: ob hanc enim causam non potest quis, cum eo impedimento sacrum ordinem recipere; & si de facto ordinetur, licet ordo teneat propter efficaciam sacramenti, suspensus tamen, & irregularis manet, & ad consummandum matrimonium compellitur, si uxor nolit cedere iuri suo, neque ipse religionem ingredi. Tum etiam ratione, quia gravis iniuria fieret mulieri: compelleretur enim multo tempore cœlibem manere, non sine periculo, aut ingredi religionem, vel alio modo castitatem profiteri.

12 Altera vero pars, seu limitatio declaratur; quia liberum est Societati immediate post probationem novitatus aliquem ad solennem professionem admittere; ergo, si velit aliquem recipere, quasi sub pacto, & obligatione vel recipiendi illum ad professionem solennem statim post probationem, si in ea recte se gesserit, vel dimittendi statim liberum, nihil impedit, quominus possit illum recipere, licet matrimonii rati vinculo ligatus sit. Quia tunc cessat ratio facta, & nulla ex parte fit iniuria uxori, nec religioni, cum ad hunc modum recipiendi sit in ea potestas, & propter alias graves causas fieri soleat. Et fortasse hoc significatum est in illis duobus locis in ipsa 2. confirmatione citatis, quæ hoc modo videntur concilianda; nam absolute loquendo solum matrimonium consummatum est impedimentum, cum quo nemo recipi possit invita conjugis ullo modo, nec interveniente dispensatione ipsius Societatis. Et ideo priori loco examinis, consummati matrimonii mentio facta est. Quia vero matrimonium ratum aliquo modo impedit servato iure ordinario, ideo forte ad hoc insinuandum in 2. p. constituitur absolute matrimonium positum est.

13 Adde vero insuper, ut hoc posterius magis constet; quia singulare est in Societate, ut tempus novitatus per biennium duret, ideo non solum videri in hoc negotio necessariam dispensationem recipiendi aliquem

Ad primam confirmationem.

Ad secundam confirmationem.

Dubii incidentis solutio bipartita.

Declaratur prior pars.

Declaratur posterior.

Duo loca ex jure Societatis in eadem 2. confirmatione allata connotantur.

Uxoratus ingrediens Societatem uno tantum anno probare debet.

Probatur secundo.

Ad 1. fundamentum in 9. 1.

Ad 2. fundamentum in 10. 2. 2.

quem ad professionem solennem, immediate post biennium (licet non tam dispensatio, quam rarus usus ordinarii juris appellari possit) sed etiam immediate post primum probationis annum completum. Nam ut amplius expectetur, ne uxori petenti jus suum statim reddatur, necessarius est consensus ejus, nec potest invita cogi per integrum annum expectare. Ratio est, quia communi Ecclesiastico jure, ac consuetudine, uxor non potest compelli ad expectandum nisi per annum post receptionem habitus, quæ etiam non potest ultra duos menses differri; ergo propter specialem Societatis modum circa probationem novitiorum, non potest uxor invita cogi ad expectandum: necesse est ergo, ut vel ipsa consentiat, vel Societas in eo tempore dispenseret, quod ex iusta etiâ causa facere potest. Quæ omnia usu etiam ipso confirmantur, quo jura recte interpretamur, nam propter hæc incommoda vitanda, & quia dispensatio in tempore biennii ante professionem solennem rarissime in hac religione est, & vix semel, aut iterum concessa, ideo usu semper servatum est, ut nemo ligatus vinculo matrimonii rati in Societatem recipiatur; intellectum enim, ut credo, est, vinculum illud non posse dissolvi absque professione, & aliqui cautum est, ne professio ante tempus scriptum detur, nisi ex gravissimis causis, quæ ad hujusmodi receptionem raro aut nunquam occurrunt.

14. Ad tertiam confirmationem, si illatio bona esset, etiam probaret a tempore Pii V. hæc vota reddidisse inhabiles personas ad matrimonium, atque irritasse subsequutum, quia hæc etiam est dispositio juris communis favorabilis religioni, & ipsis religiosi, ut in suo statu magis quieti sint. Constat autem hoc non esse verum, nec sequi ergo nec primum. Negatur ergo consequentia, tum quia Pius V. non loquitur de conditionibus annexis ipsis votis, sed de privilegiis, & gratiis concessis ipsis personis; tum etiam, quia non agit de dispositionibus juris communis, quæ alienæ sunt vel repugnantes speciali juri, & institutioni approbatæ in Societate, sed de illis, quæ religioso statui communes sunt.

C A P U T III.

Quibus mediis juvet Societas subditos ad votum castitatis servandum.

NEc de obligatione agimus, nec de usu. Nam de priori jam in lib. I. cap. 3. dictum est, esse maximam quam esse potest, tam intensive, quam extensive; & ideo quoad hanc partem nullam declarationem requirit, ut dixit B. P. Ignat. 6. p. Constitut. cap. 1. §. 1. statim citando. Posterior autem non ad jus, sed ad factum pertinet, quod hic referre nec nostri instituti est, neque ad doctrinam tradendam est necessarium, sed invigilandum semper, ne religionis splendor hac in parte obnubiletur. Solum ergo explicanda est providentia, & perfectio Societatis quoad hanc partem. Duo autem in hoc spectari possunt, scilicet finis, & media. De fine sufficiunt verba ejusdem B. P. Ignatii loco citato, *Quæ ad votum castitatis pertinent, interpretatione non indigent, cum constet, quam sit perfecte observanda, nempe evitendo angelicam puritatem imitari, & corporis, & mentis nostre munditia.* Quæ verba jam dicto in lib. cap. 3. nu. 4. attigimus, & ostendimus, quam sint conformia doctrinæ, & exemplis antiquorum Patrum. Intenditur ergo, (quod ad finem attinet) maxima perfectio, quantum in hac parte desiderari, & ordinaria lege comparari potest. De mediis etiam aliquid, citato cap. 3. attigimus: tamen ad majus doctrinæ complementum, & ut observationes nonnullas Societatis obiter explicemus, aliqua in particulari addemus.

1. Primum ergo, ac præcipuum medium est frequens oratio, & spiritualium rerum meditatio; nam illa maxime necessaria est ad divinam gratiam obtinendam, sine qua votum hoc servari non potest, iuxta illud Sapient. 8. *Scitis, quoniam aliter non possem esse continens, nisi Deus det. & hoc ipsum erat sapientia scire, cujus esset hoc donum.* Hæc vero valde utilis est ad Dei timorem, & amorem in animo generandam, quorum præsidio maxime servatur castitas, & vitia illi contraria vincuntur. Quantum autem & quale sit spirituale hoc exercitium in Societate, in superioribus visum est, lib. I. c. 3. a nu. 8.

cum de perfectione instituti ageremus, & lib. 9. c. 7. aliquid attingemus, ac videri potest Basilii, de Constit. monast. c. 2. de efficacia orationis ad hunc effectum.

2. Secundum medium est, ut inferiores a suis superioribus iuventur ad superandas difficultates omnes, & pericula, quæ circa huius voti observationem occurrere solent. Nam post divinum adiutorium, nullum utilius, & efficacius inveniri potest. Imo, quia Deus vult homines hominibus subijci propter eum, ideo sæpe per hoc medium suum præbet peculiare auxilium, quod fortasse non concederet, si hoc contemneretur. Duobus autem modis potest Prælatus in hoc opere subditum juvare. Primo sua vigilantia, ac providentia, quam ratione sui officii adhibere tenetur. Vix autem potest efficaciter, & suaviter hoc præstare, nisi uniuscujusque indigentiam & difficultates, seu tentationes perfectas habeat. Quam cognitionem vix, aut nullo modo assequi poterit, nisi ab ipso met subdito sincere, ac pure aperiantur; ideo monentur religiosi Societatis, ut superioribus suis nihil in hoc genere occultent, sed tentationes omnes, ac pericula manifestent, ut ab eis possint juvari, ut pater in Exam. c. 4. §. 24. & 3. p. c. 1. §. 12. ubi declaratur satis esse; si hæc notitia derur, vel superiori, vel confessorio, vel alteri, cui specialis cura circa spirituales profectum religiosorum demandata sit.

4. Hoc autem remedium ab antiquis Patribus nimis commendatum, & laudatum est, ut videre licet apud Cassianum collat. 2. cap. 10. & sequentibus. & in S. Dorotheo de renunciatione doctrina 5. quæ est: *Non debere quemquam suæ prudentiæ confidere.* Ubi inter alia ait, nihil ita demone abominari ac fugere, sicut pandi. & aperiri malitiam suam, ubi hoc late ostendit, & exemplis confirmat. Quod etiam optime declaravit Beatus Ignatius in suis exercitiis spiritualibus, in regulis ad motus animæ discernendos. Ubi in 13. sic inquit: *Inimicus noster morem insequitur iniquissimi cujuspiam amatoris, qui puellam honestorum parentum filiam volens seducere, summo opere procurat, ut verba, & consilia sua occulta sint, nilque reformidat magis, ac agre fert, quam si puella patri suo illa patefaciat, cum sciat, hoc pacto de votis & conatibus suis actum esse.* Ad eum modum obnoxie satagit diabolus, ut animam, quam circumvenire cupit, ac perdere, fraudulentas suas cogitationes teneat secretas: indignatur vero maxime, & gravissime cruciatur, si cui vel confessionem audienti, vel spirituali homini molimina sua detegantur, a quibus se ita excidere funditus intelligit. Cujus rei ratio multiplex reddi potest. Prima, & maxime propria, quia hoc modo superior congruentia adhibere potest remedia. Secunda, quia suis orationibus potest etiam & debet magis subditum juvare. Tertia, quia Deus majus etiam confert auxilium propter humilitatis opus, & obedientiæ subjectionem. Jam modus alter subditum juvandi est, ut uniusquisque, etiam de his rebus, quæ ad alios pertinent, possit huiusmodi notitiam superioribus præstare, propter illorum, & totius religionis majus bonum. Sed de hoc puncto infra dicendum est laus lib. 10. c. 6. cum eam regulam explicabimus, quæ ad correctionem fraternam pertinet.

5. Tertium medium, & inter externa maxime accommodatum, est corporis maceratio, ut notavit D. Thom. 2. 2. qu. 188. art. 6. ad 3. ubi inquit: *Ad continentiam efficacius ordinatur maceratio carnis tam per abstinentiam cibi & potus, quæ pertinent ad famem & sitim, quam per subtractionem vestium, quæ pertinent ad frigus, & ad nuditatem, & quam per corporalem laborem.* Ex quibus verbis colligo in primis, abstinentiam ciborum, quatenus est medium servandæ castitatis, magis in moderatione, seu diminutione quantitatis, quam in ciborum qualitate consistere; non enim sine causa addit D. Thom. per abstinentiam cibi, & potus, quæ pertinent ad famem, & sitim; hi enim effectus, ex defectu quantitatis maxime proveniunt, & radicem corporalem seu materiale pravorum motuum maxime moderantur, & ideo diminutio quantitatis cibi, & potus maxime juvat ad castitatis observantiam, quam vis etiam ciborum delectus, seu qualitas juvare multum possit. Propter quod dixit Basil. serm. 1. de institutione Monach. Castitatem perfectam includere omnem temperantiam, & modestiam. Quanta vero moderatio in hoc genere in Societate servetur, considerata ratione instituti, & laboribus

Secundum manifestatio conscientia, &c.

Unus modus utendi hoc medio.

Modus hic confirmatur S. Patribus.

Habetur 10. 3. Bibli. sanctior.

Alter modus.

Tertium medium ex D. Thoma, corporis maceratio per abstinentiam.

Huius assertio.

Confirmatur.

Ad 3. confirmatur in eod. nu. 2.

Quam perfectam castitatem Societatis institutum præstat.

Primum medium ad hoc intentum orationis & meditationis usus.

ejus, satis in superioribus lib. i. indicatum est.

Tum etiā
per laborē
seu con-
valescenti-
e occupa-
tionem.

6 Quamvis autem inter tria media corporalia, quæ D. Thom. attingit, corporis laborem ultimo loco posuerit; tamen & ad præferendum debitum modum, ac convenientem gradum in primo medio de abstinencia cibi & potus, ejus consideratio multum necessaria est; & per se etiam multum confert ad castitatis hostes superandos, non solum quia corpus extenuat, & affligit: sed etiam quia otium excludit, quod maxime solet perfectioni castitatis adversari. Propter quod dixisse videtur Innocent. III. *Otiositas, & voluptas arma sunt hostis antiqui ad miseris animas captivandas. Ubi glossa adducit illud Ovidii,*

Otiā si tollas, periere Cupidinis arcus.

Seri ad
frat. in
Eremo.

Quod variis exemplis confirmat auctor sem. 17. ad fratres in eremo, ubi inter alia inquit. *Quid ergo dicis, o frater, quid otiose facere potes, nisi opera carnis.* Hinc etiam est illud Hieronymi celebre consilium in epistol. 4. ad Rusticum, quod etiam refertur in cap. nunquam de consecrat. d. 5. *Facito aliquid operis, ut semper te diabolus inveniat occupatum.* Hoc ergo consilium summa cum diligentia servari voluit B. P. N. Ignatius, dicens in 3. p. Constit. c. 1. §. 6. *Omnes quamdiu corpore bene valent in spiritualibus, vel exterioribus rebus, habeant, in quo occupentur: & qui officium, vel ministerium certum habent, ut de auxilio providendum est eis, si est necessarium, ita cum vacant, in aliis rebus occupari debent, ne otium malorum omnium origo, quoad ejus fieri possit, domi nostræ locum habeat.* Quod etiam repetit p. 4. cap. 10. §. 6. Et videntur illa verba fere desumpta ex regula S. Benedicti cap. 48. Et similia leguntur in regula S. Francisci cap. 5. Quamvis autem consilium hoc ad vincenda omnia vitia necessarium sit, ut per se constat, & dicti Patres significat, & prosequitur Cassian. l. 10. de institutis renuntiantium, per totum. Et Basilii homil. 7. hexæmer. Specialiter tamen ad castitatem servandam confert, ut late prosequitur Bonaventura li. de reformatione mentis c. 13. & li. de septem itineribus æternitatis, itinere 7. d. 2.

Vide Ili-
dorum li.
3. de sum-
mo bono
c. 20.

Huc acce-
dit mode-
stia in sen-
sibus ex-
ternis ex
Basil.

7 Ad hoc etiam remedium spectat, quod Basilii supra attingit de modestia, quæ in sensuum observantia, & custodia maxime cernitur, qua nihil magis necessarium esse potest ad castitatis puritatem servandam, juxta illud Job. 31. *Pepigi fœdus cum oculis meis, ut ne cogitarem quidem de virgine: servandi ergo sunt sensus ne cogitatio, quæ radix malorum omnium est, insurgat, ut late ibi prosequitur Gregor. lib. 21. moral. c. 1. vide Efasiam Abbatem Orat. 27. ad fratres c. 15. Attende (inquit) tibi diligenter, ut quemadmodum a libidine temperas, sic etiam oculorum, & aurium cohibeas cupiditatem.* Et similia videri possunt in Isidoro lib. 2. de summo bono c. 39. *Sicut quidam (inquit) sapiens ait, prima fornicationis tela sint oculorum, secunda verborum: sed qui non capitur oculis, potest verbis resistere.* Vide plures August. & alios apud Gratianum 32. q. 5. & tursus August. in sua regula cap. 21. & in Psal. 143. *Benedictus Dominus Deus meus, qui docet manus meas ad prælium, &c.* Quia hanc ergo causam hoc etiam medium maxime in Societate commendatur & observatur. Unde in 3. p. Const. cap. 1. §. 4. *Omnes diligentissime curent (dicitur) partas sensuum suorum, oculorum præcipue, aurium, & linguæ ab omni inordinatione custodire, &c.* Et in particulari ad modestiam servandam speciales regulas de modestia B. P. Ignatius reliquit. Quo etiam spectat regula 12. ex communibus, quæ decentem in cubando modum præscribit.

Quantum
medium
vitare
colloquia
etiam
scripto cū
sociis.

8 Quartum medium est vitare confortia, sive colloquia fœminarum, tam in præsentia per colloquia, quam in absentia per literas. De quo medio sic scripsit Basilii in Const. monast. cap. 4. *Fugienda in primis sunt nobis cum mulieribus congressiones, & colloquutiones, &c.* Quem imitatus B. Ignatius in regulis superiorum admonet, ut mulieres invisere, aut ad eas scribere, nisi in necessitate, aut cum spe magni fructus, & nisi viris valde probatis, aut prudentibus, non permittant. Et in regulis sacerdotum gravissime admonentur, cum necesse fuerit fœminarum confessiones audire, aut ob aliud necessarium pietatis opus fœminas invisere, quoad fieri possit, in loco omnibus patente, ubi ab aliis videri possint, & saltem proprium socium præsentem habeant, quamvis ea, quæ secreta esse oportet, audire non debeat, & negotium breviter expediant. Quæ regula ut exacte

custodiatur, provisum est in ordinationibus contractis cap. 1. n. 9. & in instructione pro confessoribus cap. 2. & per se prudentissima statim apparet, & antiquis Patribus, & Conciliis est consentanea, ut videre licet apud Gratian. 81. d. c. volumus, cum sequentibus. Et ex Concil. III. Carthag. c. 25. Concil. Africano c. 5. & Concil. M. tilcon. l. cap. 3. & ex Clemente I. Epist. 1. ubi præcipit, ut nullus clericus, vel monachus solus ad fœminas accedat, vel cum eis loquatur. Cujus egregium Augustini exem- plum sumitur ex Possidonio in vita ejus cap. 6. Ejusque ex parte meminit Gregor. lib. 7. epist. 39. & refertur in cap. legitur, 81. d. Denique D. Hieron. in regula Monachorum ad Eustochium (quam aliqui illius esse non negant, & omnes ex illius sententiis collectam esse fatentur) c. 4. *Mutrem (inquit) ita vide, ne per illam alias videbere cogaris.* Et infra: *Volo ego te propter has causas non habitare cum matre: & alia, quæ optime prosequitur, specialiter vero addit inferius: Crebra mansuetudo, & dulces literulas sanctus amor non habet.* Quod sumptum videtur ex epistola 2. ad Nepotianum. Quod etiam prospiciens B. P. N. Ignatius, statuit, ut literæ fœminarum, quoad fieri possit, caveantur, & in universum ne literæ sine facultate superioris mittantur, aut recipiantur, de qua regula inferius circa votum paupertatis dicemus. Denique huc etiam spectat, quod fœminæ Collegia, aut domus Societatis ingredi permitti non debent, ut statuitur 3. p. Constit. cap. 14. & in propriis superiorum regulis, quod quam sit consentaneum antiquis & novis Ecclesiæ decretis, ex tractatis in tom. superiori de religione in communi satis constat.

Vide Co-
rioli num-
io regula
5 August.
Commen-
29. & Jo-
annem
Trotto li.
4. cap. 11

Ad hoc
medium
spectat ne
fœminæ
domum
Societatis
intrent.

9 Quinto, ad hæc media pertinet, ut omnis nimia familiaritas, & singularis, ac humana amicitia, inter juvenes præsertim caveatur. Quod in Societate summa diligentia observatur, sicut in omni communitate religiosa observandum esse docuit Basilii in Asceticis serm. 1. de abdicatione rerum, post medium *Juvenis (inquit) sive ætate, sive animo fueris, equalium tuorum consuetudinem de fugito, ab illisque te non secus, atque ab ardentissimi flamma contine, quod optime, & descendens ad omnia particularia prosequitur, ac tandem concludit. Crede mihi, quoniam fraterne tibi, & ex intimo recessu loquor.* Et serm. 1. de Institut. Monachorum circa finem. Porro (inquit) in hujusmodi contubernio, neutiquam patitur charitatis lex aliquas coiri seorsum aut amicitias, aut sodalitates. Quod serm. 2. iterum repetit, & in regul. 34. ex fusioribus, amorem hunc vitiosum vocat, & vitium maxime infame. Ac denique in Const. Monach. c. 30. *Charitatem (inquit) habere inter se mutuam fratres debent, non ita tamen, ut duo, tresve, a ceteris inter se sodalitatem coeant: quandoquidem hoc non charitas est, sed seditio, & divisio, & eorum, qui sic coeunt, improbitatis indicium.* Ad hujusce ergo humanas familiaritates vitandas, præter actualem superiorum vigilantiam sunt in Societate regule, quæ continue, ac veluti habitualiter illas impediunt; cujusmodi est regula 33. inter communes de aperta cubiculi janua, dum unus in alterius cubiculum ad colloquendum etiam de licentia superioris intrat, & 34. de non se tangendo, etiam per jocum.

Quintum
medium
cautela
familia-
ritatis,
humana-
que ami-
citie inter
religiosos
Societatis
maxime
juvenes.

10 Ultimo inter omnia media, quæ spectant ad opus, ut sic dicam, operantis, efficacissima etiam sunt, quæ virtutem habent ex opere operato; qualia maxime sunt Sacramentum confessionis, & Eucharistia, quæ licet ad omnem gratiam, & virtutem conferant, specialiter tamen ad castitatis observantiam conferre cœsunt: confessio quidem, præter Sacramentalem, & internam gratiam, propter consilium, & auxilium Confessoris, qui si suo munere bene utatur, & penitens non obstitat, credendum est, Deum speciali auxilio dirigere, & illuminare, ut penitentem in difficultatibus circa observationem castitatis occurrentibus superandis adjuvet. Eucharistia vero, quia proprium ejus est propter mundissimam Christi carnem, & sanguinem virgines germinare, ut dicitur Zachar. 9. & exponit ibi Hieronymus, & Patchasius lib. de corpore & sanguine Domini cap. 21. Et Laurent. Justinian. lib. de disciplina Monast. cap. 19. huic Sacramento specialiter tribuit fomitis mitigationem. Et plures alios retuli in 3. tom. 3. p. disput. 63. sect. 10. disp. 64. sect. 1. Propter quod dixit Bernard. serm. de cœna Domini. *Quis poterit tam efferos motus frangere: quis pruritibus ulceris hujus ferre queat.* Confidite, quia in hoc gratia

Ultimum
medium
res-
quens u-
sus con-
fess. & e-
ucharistia.

gratia subvenit, & ut securi sitis, sacri Domini Corporis & sanguinis pretiosi investituram habetis. Duo enim illud Sacramentum operatur in nobis, ut videlicet minuat sensum in minimis, & in gravioribus tollat omnino consensum. His igitur remediis etiam utitur Societas per frequentem usum horum Sacramentorum, ut constat ex 3.p.Constit.ca.1.§.3.& in superiorib.lib.1.cap.3.nu. 4.tactum est,& explicatum quanta diligentia adhibeatur, ut hæc frequentia non minuat, sed augeat potius reverentiam, & fructum horum Sacramentorum. Atque ita quidem existimo tantam animorum puritatem, & castimoniam, quantam per Dei gratiam in scholaribus, & operariis Societatis manifestissimis indiciis cognosci potest, huic potissimum Sacramento ascribendam esse, quamvis alia etiam remedia, & multum juvent, & necessaria sint.

CAPUT VI.

Utrum votum paupertatis religiosa scholarium Societatis eos reddat incapaces dominii.

QUAMVIS hoc loco tractemus de gradu scholarium, dicemus nihilominus consequenter omnia, quæ circa hoc votum toti Societati communia sunt: nam secluso uno effectu peculiari, quem votum hoc in scholaribus approbatis non habet in materia paupertatis, & in obligatione, idem paupertatis votum commune est omnibus. Et quamvis in quibusdam sit solenne, & in aliis simplex, hoc solum provenit ex differentia in conditione inclusa, vel absoluta traditione, quæ in superioribus toto fere lib.3. satis explicata est, neque hic habet specialem difficultatem. Non agimus autem nunc de speciali voto, quasi reflexo, quod professi faciunt de conservando, & tuendo instituto, quoad rigorem paupertatis, nam de hoc infra lib.6.c.6. dicemus, simul cum aliis votis professorum: agimus ergo hic solum de directo paupertatis voto, de quo primo videbimus, quos effectus habeat in personis Societatis: deinde de materia ejus, & quantum in singulis seu præcipuis partibus ejus obliget. Porro autem materia tota, & obligatio voti paupertatis reducitur ad duo capita, scilicet, dominium, sub quo comprehenditur omne jus proprium, & usum; & ideo dicemus prius de priori capite, quod nomine etiam proprietatis significari solet; postea de usu. Circa dominium autem nihil est, quod dicamus de gradu professorum, quia illi omnino sunt incapaces dominii, idemque est de coadiutoribus formatis, qui quoad hoc æquiparantur professis, & utrique eisdem obligationibus tenentur in hac parte, & per eadem jura regulandi sunt, quibus alii religiosi professi aliarum religionum, exceptis his, quæ infra dicemus capite 6.& 7.de usu, & de domibus professis. Solum ergo de scholaribus, sub quibus comprehendimus omnes, qui post biennium solum vota simplicia emisissent, superest proposita quaestio. Cujus difficultas tota est in posteriore parte tituli: nam quæ in priore involvitur, cum pendeat ex jure positivo, & ex intentione voventium, difficultatem non habet, ut jam videbimus.

2 Primo ergo certum est hujusmodi personas non fieri inhabiles ad dominium, & proprietatem bonorum temporalium vel retinendam, vel de novo acquirendam. Probatur, quia nullo jure positivo redduntur inhabiles: ostensum autem in tom. super. est, hujusmodi impedimenta irritantia, seu inhabilitates sine adminiculo juris non contrahi; quin potius hoc ipsum declaravit Gregor. XIII. expresse in Constitutione, *Ascendente Domino*, dicens: *Licet qui quoad gradus professorum, & coadiutorum formatorum nondum pervenerunt, bonorum suorum jus, atque dominium, tum alias ob justas causas, tum etiam, ut majorem Societas habeat libertatem, illos, si opus fuerit cum minori offensione dimittendi, ad tempus Generalis Præpositi judicio præscribendum valeant retinere, &c.* Per quæ verba non condidit Gregorius novum jus, sed declaravit antiquum. Nam licet in prioribus Bullis hoc non fuisset tam expresse declaratum, tamen eo ipso, quod hæc vota scholarium solum admittentur, ut simplicia, eisque in nulla Pontificum Bulla talis effectus adjungitur, illis non convenit; quia jure

communi solum votum solenne paupertatis habet ad junctum hunc effectum. Unde in eadem constitutione, cum de Coadiutoribus formatis, quorum vota etiam simplicia sunt, dicitur, esse omnis hæreditariæ successio incapaces, nihilque omnino proprii habere posse, additur: *Juxta easdem constitutiones, scilicet, Societatis*; quia scilicet ex jure communi votum eorum non poterat hunc effectum habere, cum solenne non sit. Igitur juxta peculiare jus Societatis in constitutionibus a sede Apostolica approbatis contentum, de hujusmodi effectu judicandum est. In 4. autem p. Constit. c. 4. litera E, sic declaratur. *Hæc consuetudo facit, ut quamvis paupertatis votum emissum, bona tamen temporalia haberi possint ad certum usque tempus, quod superiori intra probationis spatium videbitur.* Ubi probationis nomine intelligitur totum tempus, donec scholares approbati ad ultimum gradum professorum, vel Coadiutorum formatorum dimittantur: proxime enim dictum fuerat scholares, cum approbantur, simul admitti, & ad suum gradum, & ad probationem ad ulteriorem gradum. Et ita tacite exponitur tempus probationis, de quo sermo est in Examin. cap. 4. §. 2. & 5. ubi dicitur, omnes professos, & Coadiutores formatos Societatis debere actu relinquere omnia, priusquam ad illos gradus admittantur, reliquos vero omnes, qui in probatione versantur, cum primum superiori visum fuerit, quod etiam in 3.p.c.1.§.7. & p. 6. cap. 2. §. 1. liter. H.

3 Hinc secundo certum est, hoc votum paupertatis nihil obstat, quominus proprietatem, & dominium talium bonorum, licite aliquo tempore retineatur, scilicet, quamdiu per superiorem renunciari non jubetur. Hoc manifeste probatur ex dictis constitutionibus & approbationibus Pontificum. Ratio etiam est clara; quia votum non obligat ultra intentionem voventis; sed qui paupertatem vovent in hoc gradu Societatis, non intendunt se obligare ad carentiam paupertatis alio modo, quia vovent paupertatem juxta constitutiones, & in constitutionibus ita est declarata eorum paupertas; ergo. Item hoc votum, quamvis non sit solenne, in hoc tamen cum solenni convenit, quod pender in suo valore, & obligatione ab acceptatione Summi Pontificis, per religionem approbatam; ergo non amplius obligat, quam sit intentio religionis acceptantis, & Pontificis approbantis illam. Neque propterea dicendum est hoc votum non esse de abdicanda proprietate, & dominio rerum omnium: nam re vera illud etiam complectitur illud votum. Solum in hac parte differt ab aliis, quod non obligat ad statim, neque independentem ab omni alio, sed cum subordinatione ad voluntatem superioris; tamen cum ordine ad illam re vera est votum relinquendi cum effectu omnem proprietatem, & dominium. Unde fit, quotiescumque superior præscripserit, ac designaverit, tempus ad relinquendum dominium, & possessionem omnium bonorum, statim obligari scholarium Societatis ad abdicanda omnia, non solum ex vi constitutionis, (quæ per se non obligat ad culpam) sed ex vi voti, quod, per se obligat sub culpa mortali. Unde ad hanc obligationem necessariam non est, ut superior proprium præceptum sub virtute obedientiæ imponat, quia hæc obligatio per se non est ex voto obedientiæ, (licet illa possit per accidens adjungi) sed est ex vi voti paupertatis, quia tunc impletur conditio, seu tempus, pro quo talis actus, seu abdicatio Deo promissa fuerat. Sicut si quis promittat religionem ingredi infra tempus ab alio præscribendum, statim ac alius designat tempus, obligatur voto non ex præcepto, vel obedientia alterius, sed solum quia conditio seu tempus ad obligationem voti expletum est.

4 Ex quo obiter inferri, ac notari oportebit, quamvis hoc votum paupertatis non faciat incapacem dominii, tam acquirendi, quam retinendi, neque omnino prohibere, ut utrumque licite fieri possit, intercedere nihilominus differentiam inter retentionem, & acquisitionem dominii, quod retentio dominii illarum rerum, quæ ante emissum tale votum possidebantur, est licita, eo ipso quod non prohibetur, seu eo ipso quod non præcipitur abdicatio, ut ex supradictis patet: quia votum sub eo modo fit, & non aliter. Ut autem acquisitio novi dominii licita sit, non semper sufficit acquisitio hujusmodi, seu non prohibitio, sed oportebit, ut autoritate, & vo-

Probatio in Societate non semper valet novum vinculum.

Secunda assertio.

Probatur auctoritate & ratione prima.

Secunda.

Tacite objectioni occurratur.

Obligatio scholarium ad disponendum est ex voto paupertatis.

Quid & quo ordine de paupertate hic tractandum.

Prima assertio.

Probatur primo per modum negativum.

Secundo auctoritate positiva.

In hoc voto inter retinendum antiquum dominium, & novum acquirendum.

& voluntate superioris acquiratur. Ratio est, quia licet votum non obliget absolute ad habendum proprium, obligat nihilominus ad non utendum aliqua re, ut propria, ut constat ex Exam. c. 4. & 3. p. c. 1. §. 7. *Doceantur omnes, quod nulla re tanquam propria uti debeant*, &c. At vero propria auctoritate, & voluntate, & inscio superiore novum dominium alicujus rei acceptare est magna proprietas, & usus rei, ut propria; ergo est tali voto contraria. Et ita clare cernitur differentia inter retentionem, & acquisitionem domini; nam ad retinendum dominium, acquisitum ante votum, non est necessarius positivus actus, vel usus rei, sed sufficit carentia actus alienandi, seu donandi, & ideo sufficit etiam, quod talis actus non jubeatur. Ad acquirendum autem novum dominium requiritur novus actus per se contrarius paupertati, nisi fiat cum dependentia a superiore, quæ non servatur per solam negationem specialis prohibitionis, & ideo requiritur, ut positive ab ipso concedatur. Atque ita intelligendum etiam est, quod in 6. p. Const. c. 2. §. 11. dicitur: *Ut nihil proprium domini teneri, ita nec foris apud alios potest*. Quod in declaratione absolute intelligendum dicitur de professis, & Coadiutoribus formatis: nam de aliis solum intelligitur quoad illas res, quæ in presenti subsunt eorum dispositioni: *nihil enim horum habere debent, nisi inscio & approbante superiore*. Et hinc etiam fit, ut si aliquas res apud se retineant ex his, quarum ante ingressum dominium habebant, illarum etiam usum, vel possessionem occulte, aut propria auctoritate retinere non possint, quia jam uterentur illis rebus ut propriis; & hoc etiam in prædicta declaratione significatur; quæ Societatis jura, quia circa materiam voti sunt, graviter obligant, quamvis de se aliàs graviter non obligarent.

Obje-
ctio
bipar-
tita
contra
doctrinam
præceden-
tem

5 Sed objici potest, quia dupliciter potest acquiri de novo alicujus rei dominium. Primo quasi ab intrinseco, ex vi prioris domini, seu juris, quod ante votum possidebatur, & retentum postea fuit; sic acquiruntur fructus provenientes ex propria re fructifera, vel beneficio, &c. Item sic acquiruntur bona paterna ratione juris hereditarii, quod ex vi hujus voti non statim amittitur, donec renuntietur jubente superiore: & idem est de aliis juribus. Et declaratur 3. p. Const. c. 1. lit. F. Alio modo acquiri potest proprium per extrinsecam adventitiam donationem pecuniæ, vel alterius rei similis. Ad priorem autem modum acquirendi dominium non videtur requiri positiva facultas superioris; nam veluti naturali consequentia acquiruntur. Ad posteriorem tamen sufficiens non videtur, imo nec dari posse ab ipso superiore, quia harum rerum, quæ subsunt actuali dispositioni, & usui religiosorum, nullus debet habere proprium, ut dicitur in præd. c. 2. 6. p. Const.

Diluitur
pars prior

6 Respondeo ad priorem partem, aliquando quidem acquiri novum dominium rerum, seu fructuum sine nova acceptatione ipsius domini, per solam novam rei existentiam, & tunc clarum est non esse necessariam positivam facultatem a Superiore concessam, quia jure ipso data est. Cum enim jus Societatis concedat, seu permittat scholaribus dominium antiquorum bonorum, consequenter conceditur, ut si illa immobilia sint, & fructifera, successu temporis dominium illud crescat, & extendatur ad fructus, & alias res similes, quamvis illas, ut proprias habere nunquam liceat. Aliquando vero tale est dominium, ut licet ex vi alicujus antiqui juris acquiratur, nihilominus necessaria sit nova voluntas, & acceptatio, sicut est paternæ hereditatis aditio, seu successio, & tunc cenfeo, necessariam esse superioris scientiam, & facultatem, ut actus recte, & secundum votum paupertatis fiat propter rationem in num. 4. factam. Imo licet talis actus aliter factus validus sit, quia nullo jure irritatur, non tamen erit ita firmus, quin a superiore irritari possit propter generalem dependentiam voluntatis religiosi a suo superiore. Ad alteram partem negatur facultatem illam aut sufficientem non esse, aut a superiore dari non posse: nihil enim obstat, cum hoc non repugnet capacitati, aut voto talis personæ; neque etiam obstat illa constitutio, cum intelligi debeat cum distributione accommodata, de quibusdam scilicet absolute, de aliis cum illo addito, *sine voluntate superioris*. Itaque licet hæc facultas ordina-

Suarez. Tom. XV,

rie dari non debeat, tamen intercedente rationabili causa, licite, & valide concedi potest, præsertim quando ordinatur ad aliquam peculiarem, & personalem commoditatem, extra communem usum earum rerum, quæ in religione concedantur, cujusmodi esset sacra aliqua imago, vel reliquiarium, ut vocant, aut interior vestis corpori necessaria, &c. quarum proprietas nulla ratione permittenda est, nec etiam curiositas, ut in instructione ad renovationem spiritus late inculcatur, & in ordinationibus contractis cap. 4. num. 14. Neque prædicta facultas repugnat prædicto voto paupertatis, tum quia licet sit ad acquirendam proprietatem illius rei, non tamen ad utendum illa ut propria; tum etiam, quia illud dominium semper est pendens a voluntate superioris, a quo potest semper revocari: argumento eorum, quæ tradit Nivar. consil. 14. de statu monachorum, quod incipit, Generalis Ordinis Eremitarum n. 7. & sequentibus. Videri etiam potest Basilii de Ponce p. 1. variarum in quæst. 9.

7 Ex his igitur oritur difficultas ultimo loco posita in titulo quæstionis, quomodo scilicet hæc limitatio voti paupertatis non repugnet statui religionis. Potest autem hæc difficultas oriri vel ex sola capacitate domini, vel ex non absoluta prohibitione. Et quoad priorem partem ratio dubitandi esse potest, quia incapacitas domini est de intrinseca ratione illius status; quia religiosus est civiliter mortuus: ergo repugnat illi posse habere actionem aliquam civilem; ergo & esse capax domini, unde de Abbate Arsenio refertur in vita ejus cap. 9. apud Surium tom. 4. ex Simeone Metaphrasæ Arcadium Imperatorem dono ad eum misisse omnia vectigalia Egypti, ut per eum pauperibus & sacris monasteriis distribuerebantur, ipsum autem respondisse: *Pecunia distributio nequaquam ad me pertinet, qui jam sum mundo mortuus: mortui vero nulla est actio*. Et c. 25. refertur, Senatorem quendam illum instituisse heredem copiosæ hereditatis; ipsum autem respondisse: *Ego prius mortuus sum, quam ille, cur ergo me heredem instituit?* & ita remisisse eum, qui testamentum adduxerat, nihil accipiens. Accedit, quod religiosus in eo comparatur servo, quod non est capax domini, ut ex Innocentio & communi sententia annotavit Nivar. Commentar. 2. de regul. n. 4. & consil. 14. de statu Monach. n. 8.

Difficul-
tas hinc
obris.

la priori
membro
ratio du-
bitandi.

conferm.

8 Hoc vero membrum facile expeditur; jam enim in tom. super. ostensum est, hujusmodi incapacitatem non esse de substantia religiosi status. Primo quidem, quia votum solenne non est de essentia status religiosi: votum autem simplex non affert secum necessario illam incapacitatem. Secundo, quia tota paupertas necessaria ad perfectionem est in potestate voluntatis ejus, qui eam paupertatem amplecti vult. Reddere autem se incapax domini non semper est in hominis potestate quantumcumque velit, quia hoc pendet ex lege, ut supra eodem tom. visum est; ergo non est per se necessaria illa incapacitas ad statum perfectionis. Tertio est ratio a priori, quia illa capacitas nihil obstat perfectioni, si nusquam reducatur in actum cum libera facultate, ut a fortiori patebit ex puncto sequenti.

Vera rei
solutio.

9 Neque obstat, quod religiosus dicatur mortuus mundo; nam id, si loquamur in jure interno, ut ita dicam, & in ordine ad perfectionem, magis consistit in affectu, & in renuntiatione ejus cum effectu, quod principaliter fit per votum obedientiæ concurrentibus aliis, quam in carentia facultatis, seu capacitatis legalis ad bona externa, vel alios actus similes, quamvis in ordine ad forum externum frequenter dicatur religiosus civiliter mortuus propter dictos effectus legales. Arsenius autem in historia citata in priori sensu videtur loquutus, quia eo tempore, hoc est, ante quadringentesimum Christi annum, fortasse nondum erant institutæ leges Ecclesiasticæ circa statum religiosorum, vel saltem id nullo sufficienti signo constat, ut in tom. super. tractatum est. Quod etiam ex facto ipso conciliare possumus; nam acceptare vectigalia, ut inter pauperes, & monasteria distribuerebantur, non erat actus domini, & quantumcumque esset incapax illius, poruisset illud munus accipere, sicut nunc multi religiosi interdum illud exercent sancte & pie acceptando dispensationem alienorum bonorum. Arsenius autem noluit illud munus accipere, quia non erat consentaneum suo statui,

Ad ratio-
nem dubi-
tandi in
D. 7.

Bb

& quo

Diluitur
posterior.

& quo ad omnia, quæ ad illud spectabant, se mortuum reputabat, vel etiam quia non erat sui juris, sed aliter: sic enim dixit, mortui non esse actionem: non enim loquebatur de actione civili, quæ ibi necessaria non erat, sed vel de quacunque actione exteriori dissona suo statui, vel fortasse melius de actione, qua quis dicitur se agere, seu movere, quia religiosus semper ab alio moveri debet. Idem manifestius est in alio exemplo: tum quia verissimum est senatorem virum non ignorasse, an monachus esset inhabilis, ut hæres institueretur, & ita factum illud indicat eo tempore jus illud nondum fuisse institutum. Tum etiam, quia potius si Arsenius fuisset incapax, non debuisset repudiare hereditatem, quia non ad ipsum, sed ad monasterium pertinuisse, si tunc contingeret, juxta Authent. *ingressi*. C. de sacrosanct. Eccles. ergo illo facto magis ostenditur voluntas repudiandi omnia, vel ad summum obligatio, quam incapacitas, atque ita propter affectum, vel obligationem vocasse se mortuum, non propter incapacitatem. Sic autem omnes de Societate, etiam scholares, vere debent esse mundo mortui. Unde in Examine ca. 4. §. 7. de unoquoque religioso Societatis dicitur, debere omnia relinquere, ut qui mundo & proprio amori mortuus soli Christo Domino nostro vivit. Et in 6. p. Constit. c. 1. dicitur: *Sibi quisque persuadeat, quod qui sub obedientia vivunt, se ferri ac regi a divina providentia, per superiores suos finire debent, perinde ac si cadaver essent, quod quoque versus ferri, & quacumque ratione tractari se finit*. Et eadem ratione non obstat, quod religiosus iure comparatur: tum quia illa comparatio maxime fit ratione voti obedientiæ, & non fit propter similitudinem ejusdem rationis, sed propter quandam proportionem, ut supra citato tom. dixi, & ideo non oportet similitudinem tenere in omnib. Tum propterea, quia servus etiam de licentia domini potest habere aliquid proprium, quod multo minus repugnat, si illud permittatur habere dependens semper quasi in conservari, seu in usu a voluntate Domini.

10 Major ergo difficultas est in alio membro; nam licet retinere quasi in actu primo capacitatem domini non sit contra substantiam religiosi status, tamen maxime videtur huic repugnare, quod liceat hanc potestatem in actu secundum reducere, retinendo, vel acquirendo dominium. Primo, quia licet capacitas non pendeat ex voluntate, tamen actus nihil habendi in voluntate positus est, non enim sumus actu Domini, nisi volendo: ad perfectionem autem necessaria est talis voluntas, quæ habeat effectum, juxta illud Luc. 14. *Nisi quis renuntiet omnibus, quæ possidet, non potest meus esse discipulus*. Et ratio est, quia paupertas in tantum confert ad perfectionem, in quantum tollit externam curam, & sollicitudinem temporalium rerum, & occasionem distractionum, & negotiorum secularium, quas solent habere conjunctas. Hæc autem omnia sequuntur ex proprietate & dominio, quidquid sit de capacitate; ergo saltem necessarium est ad hunc statum ita omnia relinquere, ut non liceat aliquid proprium retinere, aut acquirere. Denique hoc maxime confirmare videntur illa verba Innocentii III. in cap. *cum ad monasterium*, de statu monach. *Abdicatio proprietatis sicut & custodia castitatis adeo est annexa regule monachali, ut contra eam nec Summus Pontifex possit licentiam indulgere*. Unde nihil frequentius est in iure, & interpretibus ejus, quam proprietatem repugnare statui religioso, ut patet ex cap. *monachi*, & cap. *super quodam* de statu monach. & multa de eadem re diximus in tom. super.

11 Nihilominus certissimum est, hoc votum paupertatis scholarium Societatis, quale a nobis declaratum est, esse sufficientissimum ad verum statum religiosum constituendum, imo & acquirendæ perfectioni nihil ob stare in tali statu. Quod quidem auctoritate sufficienter confirmatur, definitione Gregorii XIII. qui utrumque de illo voto declaravit: scilicet & non obligare ad relinquendum statim omne dominium, & nihilominus esse sufficiens, ut cum aliis votis verum, ac proprium religiosum constituat. Imo quod majus est, Pius V. antea declaraverat esse sufficiens ad constituendum, non solum verum pauperem Evangelicum, sed etiam mendicantem. Nam in Bulla, *Dum in defesse*,

de tota Societate, & de singulis ejus personis declaravit, *Vere, & non fuisse* religiosos mendicantes fuisse, esse, & fore. Explicaverat autem paulo antea se loqui de Societate, ut domos & Collegia complectitur: unde non est dubium, quin sub illis verbis scholares approbatos comprehendat. Oportet autem, ut ratione, similitudine, & exemplis veritatem hanc comprobemus. Et ratio quidem applicari hic potest illa, quæ sepe in superioribus usi sumus; quia scilicet paupertas non habet certam, & definitam mensuram pro omnibus religionibus, seu religiosis statibus, sed unicuique applicatur juxta proportionem finis sibi proposti, ut annotavit Divus Thom. opuscul. 17. cap. 15. & 16. & sumi potest ex eodem, observatque ibi Conrad. 1. 2. questione 108. articul. 4. & ex 2. 2. questione 186. articul. 6. & 7. & Covarr. in 4. Decret. part. 2. cap. 3. §. 1. num. 18. ubi inter alia ait, non esse contra substantiam religionis vovere paupertatem limitatam, licet possit esse contra substantiam voti, attentâ qualitate religionis, quam quis proficitur. Cum enim paupertas solum sit instrumentum perfectionis, illa in unaquaque religione sufficit ad substantiam religiosi status, quæ fuerit necessaria, & sufficiens ad perfectum finem in tali religione intentum. Quamvis enim in omnibus religionibus detur essentia religionis; nihilominus aliquid potest pertinere ad essentiam unius, quod non pertineat ad essentiam alterius. Quod significavit Conc. Trid. sess. 25. cap. 1. de regulat. in illis verbis: *Quæ ad suam professionis perfectionem, ut obedientia, paupertatis, & castitatis, &c. ad eorum respectu essentiam, &c. pertinentia fideliter observent*. Ergo quavis abdicatio omnis proprietatis statim, & sine ulla conditione pertinet, ac ad substantiam alicujus status religiosi, non propterea necesse est, ut sit de substantia omnis hujusmodi status. In Societate autem nostra auctoritate Summorum Pontificum declaratum est ad finem ejus sufficere pro gradu scholarium illud genus paupertatis; & illa constituta est, ut substantialis, in tali gradu religiosi status, & re vera est sufficiens ad perfectionem acquirendam; ergo votum ejus erit etiam sufficiens ad constituendum religiosum statum.

12 Dicere vero potest aliquis. Hoc discursu probari hunc statum esse quidem religiosum, sed tamen valde imperfectum, solum ex hoc capite; sicut in superiori tomo dicebamus militares religiosos, qui solum vovebant castitatem conjugalem, esse veros religiosos, nemo tamen negabit statum illum quoad eam partem esse valde imperfectum. Ad hanc ergo objectionem respondendam probandum ulterius est illud votum esse sufficientissimum ad omnem perfectionem, quæ in religioso statu, quatenus est schola perfectionis acquirendæ, desiderari potest. Diximus enim in lib. 1. cap. 2. quod semper præ oculis habendum est, integrum Societatis institutum eminenti quadam ratione contingere & statum perfectionis acquisitæ & communicandæ. Fautur ergo ad hunc posteriorem gradum, seu statum necessarium, vel valde convenientem esse intra latitudinem status religiosi carere omni dominio, & proprietate; unde consequenter admittimus scholares Societatis nondum pervenisse ad illum gradum: nihilominus tamen dicimus dominium, vel proprietatem bonorum, si usus rei non sit tanquam propriæ, sed, (quod perinde est) si illud dominium non sit liberum quoad durationem, sed quoad hæc omnia pendeat ex voluntate Prælati, nihil omnino ob stare acquirendæ perfectioni, & ideo nihil etiam minuire statum perfectionis requirendæ; sed hoc non obstante posse esse perfectissimam, si ex fine, & aliis mediis nihil illi desit. Probatur, quia paupertas in tantum confert acquirendæ perfectioni, in quantum tollit curam, & sollicitudinem rerum humanarum, & vitat occasiones & pericula, quæ ex hac cura oriri solent: ac denique quia confert, ut minuat affectus rerum temporalium, & transferatur ad spirituales: sed hæc omnia efficit perfecte dictum votum paupertatis, & e contrario nihil eis obstat illa retentio domini, quia tale votum permittit: ergo talis paupertas non solum sufficit ad statum religiosum, quatenus est schola perfectionis acquirendæ, sed etiam ad omnem excellentiā, & perfectionem ejus. Major certissima est ex doctrina D. Th. citata q. 186. a. 3. quæ in

Probatur
item
ratione.

Ad con-
firmationem
in eo
q. m. n. 7.

Contra
posterius
membrum
ratio du-
bitandi.

Confir-
matur ex
cap. cum
ad mona-
sterium.

Certe re-
solutio.

Probatur
a thori-
ta e non
us. Greg.
XIII.

Obiectio
contra
proximam
rationem.
Dissolvitur
suadetur
do posse
torem
partem
posita re-
solutio

Suadetur

eo super declarata est. Minor parer, quia administratio talium bonorum, & usus eorum ut proprium non manet in voluntate talis religiosi, sed sui superioris? ergo per se nullam sollicitudinem, neque occasionem, aut periculum asferre possunt subdito, si vorum suum, sicut tenetur, observet: ergo illud dominium nihil potest perfectioni acquirendæ obstat. Confirmatur primo, quia hac ratione dominium, quod est in communitate aliqua religiosa, non minuit perfectionem singulorum, quia non generat in eis sollicitudinem, aut curam particularem, eo quod neque administratio ad eos pertinet, neque etiam usus, nisi quatenus a superiore conceditur, ut docuit D. Thom. 2. 2. quæst. 188. art. 7. Sed prædictum dominium particulare omnino dependens a voluntate Superioris, similiter non impedit, ut declaratum est: neque ex se inducit inordinatum amorem temporalem, cum ratione voti supponat hominem paratum ad relinquendum illud, quod superior præscripserit: ergo eadem ratione non impedit, neque minuit perfectionem. Confirmatur secundo; quia illud dominium est veluti materialiter, ut sic dicam, in tali persona, seu ita ligatum per votum, ut non habeat vim aliquid agendi: quod adeo verum est, ut in regulis Provincialis Societatis cap. 10. in fine dicatur. *Etiamsi quibusdam ad tempus proprietas bonorum temporalium permittatur, usum tamen eorum ad propriam utilitatem nulli esse concedendum.* Cur ergo talis proprietas perfectionem impedit? Omne enim impedimentum ex actione aliqua, ut est usus, administratio, &c. provenit. Quocirca optime hic approbatur potest illud Apostoli 1. ad Corinth. 7. *Reliquum est, ut qui habent, tanquam non habentes sint, & qui emunt, tanquam non possidentes, & qui utuntur hoc mundo, tanquam non utantur.* Hoc enim consilium non solum in affectu, sed etiam in effectu implent, qui ita aliquid habent, ut ratione voti illo uti non valeant, nec frui, nec retinere, nisi quatenus ab alio conceditur.

13 Quod ulterius declaratur exemplo uxoris, de qua in particulari loquebatur Paulus in citatis verbis, dicens: *Qui habent uxores, tanquam non habentes sint.* Quod dictum licet ad omnes conjugatos respiciat magis affectum, quam effectum, proprie omnino, & in effectu verificatur in conjugato, qui post consummatum matrimonium vivente uxore de legitima licentia ejus religionem proficitur; in illo enim vinculum matrimonii integrum transeat, & ita quoad proprietatem, & radicale dominium uxorem habet (unde & si contra votum ad illam accederet, non tamen accederet ad non suam, nec proinde sextum præceptum violaret), tamen ita habet, ac si non habear, quia illa licite uti non potest, ideoque nihil perfectioni obstat talis modus proprietatis, quia est ibi quasi materialiter tantum, seu ligata per professionem; cur ergo in dominio temporalium bonorum illo modo ligato non poterit idem cum proportionem intelligi. Unde recte dixit Theodoricus quidam Colonienfis Can. cellarius, tractatu de peculio religiosorum c. 7. quem refert Carthusianus tom. 2. oper. minorum opuscul. de reformat. claustralium art. 16. *Magis nocere religioso usum peculii sine proprietate, quam proprii etatem sine usu.*

14 Ultimo asserere possumus ex antiquitate exempla, quibus ostendamus veros, & perfectos religiosos habuisse aliquid proprium. Nam Hieron. in vita Malchi de illo refert rediisse in patriam, ut bona sua a matre defuncta relicta distribueret, & addit partem monasterio, partem pauperibus dedisse, partem vero sibi reservasse. Et in epist. 26. ad Pammachium in fine, ubi refert, cum in Bethleem monasterium ædificasset, & tot ad eum confluerent monachi, ut vires sufficerent ad opus sustinendum, *Compulsum fuisse fratrem Paulinianum ad patriam mittere, ut semirutas villulas, qua barbarorum effugerant manus, & parentum communium census venderet, &c.* Ex quibus verbis intelligimus Hieronymum illo tempore nondum reliquisse suorum bonorum proprietatem & usum, cum tamen ipse jam esset perfectissime pauper, ut ex toto discursu illius epistolæ intelligi potest. Et similia exempla sumi possunt ex his, quæ de antiquis monachis referuntur in vitis Patrum, & aliqua indicavimus tom. præcedent. tractando de paupertate religiosa in genere, & infra in cap. sequent. numero 4. locum Basilii ad hoc confirmandum expendemus. Quod si quis forte dicat Sanctos illos pro illo tempore,

vel statu habuisse paupertatem in affectu, non vero in actu, quod sufficit quidem ad perfectionem acquirendam; imo hoc tantum pertinere directe ad perfectionem, docuisse D. Thom. 2. 2. quæst. 184. art. 3. ad 1. non tamen sufficere ad statum perfectionis, præsertim acquirendæ. Contra hoc est, quia hinc sequitur Hieronymum, (& idem est de similibus) eo tempore non fuisse in statu perfectionis, quod non video, quæ probabilitate, aut verisimili conjectura dici possit. Deinde D. Thom. in eodem loco docet, in Episcopis satis esse ad statum perfectionis paupertatem in præparatione animi, quæ divitias ita contemnant, ut parati sint illas expendere vel amittere propter gloriam Dei, & utilitatem proximorum; ergo etiam illi Sancti potuerunt esse in statu perfectionis acquirendæ, & postea etiam acquisitæ, etiamsi actu nondum proprietatem suorum bonorum omnium reliquissent, quia jam, & affectu, & (ut credendum est) voto, & obligatione cum effectu illa reliquerant; quamvis fortasse expectarent commodum tempus illam obligationem exequendi. Ita ergo in his religiosi Societatis contingit, in quibus opportunitas exequendi votum, & obligationem actu relinquendi omnia, non est alia, nisi voluntas Prælati locum Dei tenentis, quæ nulla potest esse magis consentanea perfectioni.

15 Ex his ergo satis responsum est rationi dubitandi in principio positæ. Non enim deest hujusmodi religiosi affectus relinquendi omnia, imo neque obligatio exequendi talem effectum: sed modus, & tempus habent certam determinationem omnino non pendentem ab eorum voluntate, sed suorum superiorum; quod nihil perfectionem impedit, aut minuit, quia, ut ostensum est, proprietatem, vel dominium sic retentum ad tempus propter finem pertinentem ad bonum commune talis religionis, ut indicavit Greg. XIII. in prædicta constitutione, & cum prædicta dependentia, nihil impedit perfectionem conquiendam. Ad caput autem cum ad monasterium variæ dantur expositiones. Communis autem recepta est, Pontificem loqui in sensu composito, id est, non posse Pontificem dispensare cum monacho manente monacho, ut proprium habeat, vel ut violet castitatem, quia non potest facere, ut aliquis habeat votum, & agat contra illud, ut tom. super. visum est. Sed quia in hoc sensu videtur maxime procedere obiectio, ideo adverteo primo Pontificem non loqui de religioso statu absolute, sed de monacho, ac monachatu; verba enim sunt: *Adeo est annexa regula monachali: & prius: Nec estimet Abbas, quod super habenda proprietate possit cum aliquo monachorum dispensare.* Facile autem dabimus abdicationem omnis proprietatis esse essentialiter annexam statui monachali, nam ex visæ regulæ tale votum postulat. Et in hoc sensu admitti etiam potest, quod dixit Richard. in 4. d. 38. art. 9. quæst. 1. ad 4. & ex illo Angles in 2. p. quæst. de dominio, art. 1. difficult. 3. Si Papa alicui monacho concedat, ut habeat dominium, illum jam non futurum monachum, quia licet Papa possit facere de monacho non monachum, non tamen potest facere, ut habeat proprium, quia proprietatis abdicatione est de essentiali monachi. Quod magis declaravit Navar. Commun. 2. de regul. nu. 15. ad 3. non posse Papam facere, ut regularis fiat verus dominus alicujus rei pecuniariæ stante voto paupertatis solenni. Ubi expendenda est illa adjectio ultimo (solenni), quia de ratione talis voti est, quod omnino obliget ad non habendum proprium, ideo ut reddat incapacem ad illud, ideoque repugnantiam involvit, ut durante hoc voto liceat agere contra illud: & ideo fortasse usus est Pontifex in illo textu illis verbis: *Ut contra eam nec Summus Pontifex possit licentiam indulgere.*

16 Secundo addo Pontificem formaliter potiusquam materialiter (ut sic dicam) loqui ibi de proprietate, quæ præter dominium includit etiam usum rei, ut propriæ, imo revera magis loquitur de hoc usu, quam de radicali dominio; loquitur enim contra Prælatum, qui putat se posse concedere subdito bonorum proprietatem, & fortasse illam concedebat, clarum est enim non potuisse verum dominium concedere, cujus monachus non est capax. Neque ad religiosos quidquam interest hoc habere dominium, dummodo res possent uti propria. De

Ad rationem dubitandiam n. 10.

Ad confirmationem ex cap. cum ad monasterium prima responsio.

Secunda responsio.

Confirmatur

Confirmatur

Illustratur ult. rior data resolutio optima similitudine.

Illustratur tandem exemplis antiquis.

Obiectio

Quod si quis forte dicat Sanctos illos pro illo tempore,

Suarez Tom. XV.

hoc ergo negat Pontifex posse a Prælatu concedi, vel etiam a seipso, quod facile admittere possumus, non solum respectu monachi, sed etiam respectu cujuscunque veri religiosi, quamdiu in eo statu durat, quia non potest cum eo dispensari, ut habeat usum alicujus rei, omnino independentem a superioris voluntate, saltem ipsius Summi Pontificis, ita ut possit illam alienare, consumere, expendere, &c. omnino libere, nec possit arbitrari superioris tali usu, vel administratione privari. Quomodo dixit Divus Thomas 2.2. quæstione 185. art. 8. religiosum factum Episcopum teneri voto paupertatis. Et ad 3. ait, non posse habere proprium, nec condere testamentum: quod si ex concessione Papæ id faciat (inquit), non ex proprio intelligendus est facere, sed autoritate Papæ, administrando bona, etiam quoad dispensationem illorum post mortem suam. Et quæst. 186. artic. 8. ad 3. simili proportionem ait non posse Papam dispensare cum religioso in voto obedientie, quia non potest illum a sua obedientia eximere. Ratio autem ex dictis, est facilis, quia non solum votum solenne, sed etiam votum simplex paupertatis, si sit integrum & perfectum, ex parte materie privat usu rei, ut propriæ. Hoc autem votum est de necessitate status religiosi, ut probant objectiones prius factæ, & a contrario sensu patet etiam ex his, quibus ostendimus, solum votum non utendi aliqua re ut propria non sufficere ad verum statum religiosum; nam illa probant saltem hoc esse necessarium, & Pontificem non posse hanc obligationem separare a perfecto statu religioso; quod si obligationem non separar, profecto nec licentiam potest dare agendi contra illam, cum sit obligatio naturalis, & divini juris. Præterquam quod nulla causa rationabilis esse potest ad talem dispensationem concedendam, quia quæcumque fingatur, illi satisfieri poterit per usum vel administrationem dependentem a voluntate Superioris, saltem Pontificis; ergo usus rei, ut propriæ, nunquam potest honestari respectu religiosi habentis contrarium votum. Quod si talis dispensatio honesta esse non potest, neque etiam valida esse poterit: quia illa est dispensatio in voto, quæ, si sit injusta, est etiam invalida, ut supra de voto in genere dictum est. Et ita etiam intellexerunt textum illum Innocentii Panor. mit. & alii Canonistæ, ut rom. superiori visum est tractando de dispensatione in voto solenni castitatis.

17 Ultimo ex abundanti concedo non posse esse statum religiosum satis perfectum sine voto abdicandi omnia, etiam sine proprietate, & dominio, nec posse dispensari cum religioso, quod agat contra hoc votum; quæ duo ad summum colligi possunt ex dicto textu: neutrum autem eorum repugnat huic statui scholarius Societatis. Primum horum constat, quia, etiam si scholares, vovent omnem rerum proprietatem, ac dominium a se abdicare. In quo est animadvertendum, eos, qui in Societate recipiuntur etiam ad novitium (necum ad vota post biennium), non solum debere se exuere omnino bonorum, si quæ habent, administratione, ut novitium statutum fuit in 7. Congreg. Canon. 17. num. 1. sed etiam promittere relicturos se omnia bona post unum ab ingressu absolutum annum, quandocumque eis injunctum fuerit in reliquo temporis probationis, ut statuitur in Examine cap. 4. §. 2. 3. & 5. & 3. p. Constit. cap. 1. & sæpe alias, quæ promissio licet non sit proprium votum, non est etiam solum propositum, sed simplex promissio subintellecta conditione: *Si perseveraverint, & superior injunxerit*, ut dicitur in 3. Congregat. generali Societ. can. 1. Et ita esse declarandum novitio ordinatur in regulis Magistri novitiorum ca. 2. num. 19.

18 Quod si quis dicat, inutilem & inefficacem esse talem promissionem, cum semper sit liberum non perseverare. Respondeo, imo habere graves effectus, qui requirunt animum satis paratum ad perfectionem, factique liberalem erga Deum. Declaratur, quia sine tali promissione, etiam si quis perseverare vellet, non posset obligari ad relinquenda omnia, donec biennio impleto admitteretur ad vota Societatis: nunc autem si perseverare vult, obligari potest ex vi illius promissionis: satis autem gravis effectus est posse constitui in hoc discrimine, vel relinquendi religionem, vel abdicandi omnia sub culpa mortali. Deinde non est improbabile, licet possit quis alias ante vota emissâ libere relinquere

Societatem, non tamen posse licite, ac fideliter id agere, solo hoc titulo, ne cogatur illam promissionem implere: nam hoc plane est contra finem, & intentionem talis promissionis. Nec conditio illa in sensu includitur in tali promissione, ne illi repugnare videatur, sed solum quatenus illa promissio non obligat absolute ad perseverandum, neque ad relinquenda omnia, si perseveraverit. Cum autem ex vi illius promissionis possit quis obligari ad relinquenda omnia per annum integrum, priusquam in Societatem recipiatur, non parvam fiduciam in Deum, nec exiguum amorem ad mundi abnegationem requirit.

19 Maxime si verum est, quod noster Molina tom. 1. de Justitia tract. 2. disp. 139. adnotavit, hanc dispositionem, & renuntiationem bonorum debere esse omnino absolutam absque ulla tacita, vel expressa conditione, quod si a Societate defecerint, illa recuperent, aut quavis alia. Quod quidem verum esse colligi potest, tum ex eo quod prædictæ constitutiones dictis locis statuunt, distribuenda esse talia bona in pauperes, & pia, & sancta opera, quæ alienatio prorsus irrevocabilis est. Tum etiam, quia in dicto c. 4. Exam. §. 1. dicitur faciendam esse submovendo a se omnem fiduciam, eadem ullo tempore recuperandi, ut firmius, & stabilius in sua vocatione perseverent, ut in fine 2. §. additur. Neque hoc nimium videri debet: nam Christus Dominus Matth. 19. hoc modo consilium paupertatis dedit. *Vade, & vende omnia, quæ habes, & da pauperibus, & deinde adjunxit Et veni, & sequere me.* Significavit ergo renuntiationem debere præcedere ut dispositionem ad sequendum illum: quod per statum religiosum fit. Item illa renuntiatio per se bona est, & valde meritoria: ideo enim Christus interposuit illa verba. *Et habebis thesaurum in celo.* Utilis enim est ad perseverantiam obtinendam, tum removendo occasiones, tum impetrando illam a Deo, & ideo prudenter fieri potest propter bonum religionis. Unde etiam fit (ut hoc obiter notetur ex Molina ibid. in §. Novitii, ad finem) hujusmodi renuntiationem quoad ætatem, & alia requisita ex parte renuntiantis non esse regulandum per leges mere civiles, sed per Ecclesiasticas, quia fit a persona exempta, ut est novitius Societatis, & intuitu religionis, ac perfectionis; & ideo satis est, quod fiat juxta Pontificia diplomata, & constitutiones Societatis in eis approbatas. Denique propter incommoda, quæ inde sequi possunt, admoveatur Provincialis in suis regulis ca. 10. *Ut non permittat nostros abdicare possessione bonorum suorum, nisi quos constantes, & stabiles in sua vocatione cognoverit, & ut in eare maturo semper consilio procedat.* Item in 7. Congreg. general. canon. 17. mitigata quodammodo est hæc nostrorum obligatio, ibi enim scholarius debet dominium bonorum suorum, & quodlibet jus ad illa, per quadriennium ab ingressu in Societatem permittitur, ita tamen, ut id spatium non nisi a P. Generali, & gravissimis de causis, prorogari queat, si forte eo finito, jam per ætatem religiosi, ac patrias leges disponere licebit. Tunc enim vult Societas, ut cum quadriennio, promissio illa finiatur.

20 At vero in secundo ingressu, qui fit per vota scholarius approbatorum non tantum ex vi illius prioris promissionis, quæ semper durat, quandiu impleta non est, sed etiam ex vi voti tenentur scholares omnia simpliciter, & absolute relinquere, cum primum jussi fuerint, tum quia promittunt ingredi Societatem quoad gradum professorum, vel coadiutorum formatorum, tum maxime ratione voti paupertatis, in cuius materia, prout in constitutionibus Societatis designata est, hoc etiam continetur, & ideo ex vi voti tenentur esse in præparatione animi ad relinquendum omne dominium, quando ipsi injunctum fuerit; ergo in tali statu religioso non deest abdicatio proprietatis, neque obligatio ejus ex voto, sed solum potest aliquando esse suspensa executio juxta exigentiam, seu promissionem voti, quod non repugnat religioso statui, neque id colligi potest ex prædictis verbis Innocentii. Unde etiam fit, ut in tali statu nulla fiat dispensatio, nec detur licentia retinendi aliquid dominium contra regulam, aut contra votum; nam ipsummet votum sub ea conditione, & forma factum est secundum regulam talis status ab Ecclesia approbati. Ille ergo textus nihil obstat, quominus tale votum paupertatis ad verum & perfectum statum religiosum ex parte sua constituendum sufficiat.

Ref. litur
amplius
ex doctrina
quædam
Molina.

Tertia re-
sponso.

Expedi-
tur primum
membrum
de a'di-
catione
etiâ pro-
prietatis
tum in
primo in-
gressu.

Instantia
contra
p. omne
dicta re-
f. litur.

Tum etiam
a fortiori
in secun-
do ingre-
ssu.

Expedi-
tur secundum
membrum
de indis-
pensabili-
tate in di-
cta pro-
prietate
bonorum.

C A P U T V.

An, & qui ex vi regulæ bona sua distribuere possint aut debeant scholastici Societatis.

Diferim duplex io. ter Socie- tatem & alias reli- giones circa di- stributio- nem hanc

DUO breviter declaranda sequuntur. Primum, quid in hoc agendum sit juxta regulam, quod præsen- ti capite præstabitur. Secundum, quid cadat proprie sub obligationem voti, quod præstabitur in sequenti. Circa primum peculiare est Societati, ut religiosus jam vere il- li unitus possit bona sua distribuere jure ordinario. In a- liis enim religionibus hoc non licet, nisi in casu raro, ut in tom. super. visum est. Ratio autem reddi potest, tam ex parte religiosi, quam ex parte religionis: nam in aliis re- ligionibus non sunt vere religiosi, nisi professi: in Societa- te vero sunt multi vere religiosi non professi, & ideo ca- paces domini, ut cap. præced. vidimus, cujus actus est distributio bonorum. Item in aliis religionibus, eo ipso quod religiosus ante professionem non distribuit bona sua, jus totum circa illa transit in religionem, si capax sit bonorum saltem in communi. In Societate vero etiam si scholares ante vota emissam non distribuunt bona sua, nullum jus illorum in Societatem transfertur, neque in aliquod collegium, vel domum probationis ejus, etiam si aliis capaces sint bonorum in communi, ut postea in c. 1. n. 9. videbimus. Manet ergo jus distribuendi hæc bo- na apud eundem, in quo antea erat. Dices, esto bona ipsa non transeat in Societatem, nec jus ad usurpandum dominium illorum; nihilominus jus distribuendi illa videtur transferri in religionem, quia jure communi om- nia jura religiosi transeunt in religionem: ergo in Societate solum excipitur ab hoc jure id, quod in jure speciali constitutionum ejusdem Societatis exceptum est: ibi autem non excipitur jus hoc distribuendi, sed solum alia, & e converso scholari videnti in Societate solum dominium permittitur: ergo omne aliud jus re- nunciatur, & transit in Societatem. Respondeo imo ex ipsius constitutionibus satis constare jus hoc distribuendi substantialiter (ut sic dicam) manere apud ipsum reli- giosum, & non transire in Societatem: quia & vix po- terat illud jura dominio separari, & ita expediebat ad majorem puritatem, & paupertatem ipsius religionis. Manet autem illud jus aliquo modo pendens a religio- ne, ut jam declarabitur.

Primum pronun- ciatum in di- stributio- nem con- sangui- neis,

2 Quamvis enim hæc potestas in religioso existat, voto tamen paupertatis manet aliquo modo ligata: & per statum etiam religiosum quodammodo determina- ta ad religiosum usum ejus, ideoque in constitutionibus Societatis merito circa hanc distributionem bonorum, modus & ordo præscriptus est. Et in primis in eis statu- tur non esse talia bona donanda consanguineis, vel affi- nibus, quatenus tales sunt; ita habetur in c. 4. Exam. & 3 part. Const. c. 1. & aliis locis citatis. Et prima ratio redditur in dicto §. 4. c. 2. quia consilium Evangelicum non dicit, *Da consanguineis*, sed, *Da pauperibus*, Luc. 18. ubi Theophyl. legit: *Distribue pauperibus: & habet* (in- quit) *distribuendi verbum emphasim quandam, ut cum di- judicatione, & non fortuito dispergantur bona*. Et addit. *Distribue non divitibus cognatis, sed pauperibus*. Ubi nō sine causa addidit illam particulam; *Non divitibus*, per quam explicatur idem, quod nos diximus, *non cognatis quatenus tales sunt*. Nam quatenus pauperes interdum sunt, recte possunt eis talia bona dari; non enim exclu- duntur a numero pauperum, imo præferuntur aliis jux- ta ordinem charitatis, si cætera sint paria. Quando au- tem sunt divites, solum superest ratio sanguinis, ut inter eos distributio fiat, quod licet malum non sit, alienum tamen est a Christi consilio. Unde Hieron. epist. 8. ad Demetriadem. *Pauperibus* (inquit), *non divitibus, non propinquis, non ad luxum, sed ad necessitatem, sive ipse sacerdos sit, sive cognatus, nihil in illo aliud consideres, quam paupertatem*. Quod latius persequitur epist. 50. ad Hedibiam. q. 1. modum etiam, & ordinem hujus distri- butionis declarans. Porro omnis ratio, in qua (præter Christi Domini auctoritatem) fundari potest hoc consi- lium, fundat etiam prædictam constitutionem. Ratio autem per se illius consilii est, quia illud ex suo genere melius est, magisque meritorium, & gratius Deo: consi- lia autem dantur de meliori bono. Assumptum patet;

Sharez Tom. XV.

quia ex suo genere est actus altioris virtutis, nempe mi- sericordiæ & charitatis. Et signum a posteriori esse pot- est, quia illa est materia voti: donare autem cognatis ut sic non est materia voti.

3 Alia vero ratio est propter majorem utilitatem ad perfectionem acquirendam, saltem magis removendo impedimenta. Hoc insinuat in verbis dicti cap. 4. Ex- amin. §. 2. *Ut melius exemplum omnibus adhibeat, inor- dinatum affectum erga parentes exuendi, & incommoda inordinate distributionis, que a dicto amore procedit, de- clinandi. & ut ad parentes, & consanguineos recurrendi, & ad inutilem ipsorum memoriam aditu præcluso, fir- mius, & stabilius in sua vocatione perseverent*. Ubi tria incommoda insinuantur, propter quæ vitanda expedit non distribuere bona consanguineis. Primum est, ne i- nordinatus amor ad parentes crescat, sed potius minu- atur; quamvis enim dicatur fieri hoc propter exemplum aliorum, supponitur sine dubio prius esse talem fructum in ipsomet religioso spectandum. Multam autem con- fert ad minuendum hunc affectum ab hujusmodi dona- tionibus abstinere. Nam eo ipso amor cognatorum erga nos reinititur. Unde etiam e contra donando con- naturaliter fit, ut nostra etiam naturalis affectio crescat. Morale etiam est, ut amor non tantum recipiendo, sed etiam donando augeatur, adeo ut dubitet D. Thom. 2. 2. quest. 26. art. 2. cum Aristot. lib. 9. Ethic. cap. 7. quis magis diligendus sit, benefactor, an cui beneficium con- fertur: & ex resolutione ejus intelligitur, licet superiori, & rationali amore magis diligatur benefactor, inferio- rem tamen, & naturalem amorem magis ferri ad bene- ficiatum. Denique ille met actus, quo quis se vincit, & abnegat donando bona sua alienis, potius quam pro- pinquis, remittit multum, seu in officio continet amo- rem naturalem. Quantum autem inter sit ad perfectio- nem hunc amorem inordinatum cohibere, seu minue- re, satis significavit Christus, tum Matth. 29. ubi ita con- sultit relinquere fratres, sorores, patrem, matrem, & fi- lios, aut domos, aut agros; tum Luc. 14. ubi hanc dimi- nutionem naturalis affectus odium appellavit, dicens: *Si quis venit ad me, & non odit patrem suum, & matrem, & uxorem, & fratres, & sorores, adhuc autem & ani- mam suam, non potest meus esse discipulus*. Et ideo patres omnes valde commendant ad perfectionem assequen- dam, ut hic affectus minuat. Quod mirum in mo- dum exaggerat Basil. in Constit. monast. ca. 21. & in re- gulis fufius disputatis regul. 32. Bernard. serm. Domini- cæ 2. post Octavam Epiph. & Ansel. lib. de similitudinibus cap. 76. Secundum incommodum quod per hoc evi- tatur est, ne inordinata fiat distributio. Vocatur autem *inordinata*, non solum illa, quæ est contra justitiam, vel charitatem, sed etiam illa, in qua charitatis ordo non solum simpliciter necessarius ex præcepto, sed etiam melior, & gratior Deo non servatur. Quem ordinem si- ne dubio servare non potest, qui ex affectu carnis, & non ex puro amore Dei bona distribuit. Ultimum ve- ro incommodum, quod vitatur, magni momenti est, scilicet, ut omni fiducia, quæ in parentum opibus, vel temporalibus auxiliis collocari posset, auferatur, & consequenter in Deum transferatur. Unde etiam fit, ut ipsa paupertas sit major, & purior. Nam qui parentibus, vel fratribus confert bona, sibi ipsi quodammodo con- ferre videtur, quia veluti unum sunt propter conjunctio- nem carnis, & aliquantulum ea retinet, quasi in spe. Ex quo tandem intelligitur, quod de cognatis dicitur, etiam in a- micitia humana conjunctis locum habere; ac denique in omnibus, in quibus non necessitas, & indigentia, sed quælibet alia humana ratio, ut Hieron. dixit, spectatur, veluti si religiosus sororis dotem auget, ut ditiori, aut nobilitiori nuberet, quia & Christi Domini verba, & al- iæ rationes adductæ æque in his omnibus locū habent.

4 Quamvis autem hoc consilium non relinquendi bona consanguineis regulariter servandum sit, non est tamen dubium, quin interdum aliud expediat, quod du- plici ex capite potest provenire. Primo quasi per se, quia indigent ipsi, ut dictum est, & optime declarat Ambros. 1. offic. c. 30. Secundo magis per accidens ad vitandum scandalum, ut rixas, vel inimicitias, quæ inde oriri solent, ut egregie Basil. regul. 9. ex fufioribus post medium. Propter quos casus, & similes additur in dict. c. 4. Exam. §. 3. in eis non proprio, sed unius aut plurium

Alia ratio vi- tandi tri- plex in- commo- dum.

Tempe- ratur di- ctum pro- nunciatū duplici funda- mento.

arbitrio, qui vita, & doctrina commendentur, & ab ipso religioso cum approbatione superioris eligantur, negotium hoc esse transigendum, ad declinandum (ut ibi dicitur) errandi in huiusmodi iudicio periculum, quod ab effectu sanguinis solet proficisci. Idem reperitur ibi §. 5. & in 3. p. cap. 1, in declaratione lit. G. recte dicitur. *Ante ingressum quivis de bonis suis temporalibus pro suo arbitrio iustatuere potest, sed postquam ingressus est, tam de Ecclesiasticis, quam de secularibus disponat oportet, ita ut de cet. vita spiritualis sectatorem.* Et propter hanc causam statutum esse dicitur, ut in eo casu res alieno arbitrio committatur. Potestque his regulis optime accommodari sententia Basilii in regula 9. ex superioribus, ubi tradens verba Christi: *Unde quæ habes, & da pauperibus*, &c. sic inquit: *Equidem ex hoc colligo, qui hac mente a suis discedat, hunc huiusmodi curam de parte patrimonii sui nullo modo oportere negligere, contraque illud accurrere, & cum eam omnem diligentissime secum abstulerit, eam veluti jam rem Domino consecratam summa cum religione distribuatur, vel ipse per se, si huiusmodi munere scienter administrando esse ipse par possit, vel per alios, quos ante maxima adhibita diligentia delegerit, quique certissima dederint documenta posse se illa fideliter, ac prudenter distribuere, cum illud per suum sit, non vacare periculo, siue propinquis suis illa relinquat, siue in ea distribuenda, cuiusvis, nulla adhibita delectatione, operam sit.*

5 In quibus verbis in primis ad verito, videri loqui Basilium de distributione bonorum, quæ post votum paupertatis tunc etiam fiebat, quando fortasse pars patrimonii prius obtineri non poterat, vel aliæ iustæ causæ intercedebant. Hoc mihi indicant illa verba, *veluti rem jam Domino consecratam*; non enim proprie consecratur, priusquam donetur, nisi per votum: quod multum confirmant sequentia verba non vacare periculo, quod enim esset periculum, nisi votum præcessisset? Quod magis declarat inferius, dicens: *Quam grave tandem censere debemus iudicium illis imminere, qui in rebus Dei nominis jam consecratis vindicandis lente, ac negligenter se gesserint.* Ex quo sensu colligimus, religiosum per votum paupertatis tunc non fuisse solitum statim fieri inhabilem ad patrimonium suum distribuendum, sed ex voto fuisse obligatum ad id recte faciendum, quod est multum consentaneum Societatis instituto. Deinde etiam in modo, seu consilio recte distribuendi est conformitas: nam quod Basilius ait aliquando posse religiosum per se distribuere, maxime locum habet, quando bona alienis, & indigentibus eroganda sunt, quamvis tunc etiam optimum sit aliorum iudicium: quod vero ait, ut interdum fiat *per alios*, maxime necessarium est, ubi de consanguineorum causa, & indigentia est agendum, ut in nostra constitutione declaratur. Denique, quod Basilius admonet, *ut elegantur viri prudentes, &c.* nostra constitutio Superioris iudicio id remittit: nam vix religiosus illud magis suspicere debet. Cui ex parte consonat, quod de Essenis refert Josephus lib. 2. de bello Judaico c. 7. dicens de illis: *Subveniri dignis, cum opus est, suo arbitrio cuique licet; & indigentibus alimenta porrigere, sane cognatis dare aliquid sine curatoribus interdictum.* Curatores autem vocat superiores, qui eos gubernant.

6 Ultimo quoad hanc partem addendum est, quoad hæc bona non sunt distribuenda consanguineis, nullam aliam regulam præscribi, nisi ut juxta propriam devotionem in pia, & sancta opera dispenſentur. Hæc enim omnia sine dubio comprehenduntur in consilio Christi. *Vende omnia, quæ habes, & da pauperibus.* Supponitur autem (quamvis per se satis notum erat) si quæ fuerint debita, vel obligationes iustitiæ prius esse solvenda. Imo additur hoc quam citissime fieri possit esse providendum, quoniam in observatione præceptorum major cura, & diligentia adhibenda est, quam consiliorum. Imo illa bona, quæ hoc modo debita sunt, moraliter non debent inter bona propria computari, ut habetur in leg. 3. 1. *subsignatum*, de verbor. significat. & ideo non comprehenduntur sub illo consilio: *Vende omnia quæ habes.* Non cadit autem sub hac obligatione dare aliquid Societati, quoniam, ut dixi in num. 1. ipsa nullum jus in bona, vel ad bona religiosi acquirit. Non tamen excluditur Societas, quin possit religiosus aliquid ei donare, si velit. Utrumque supponitur in illis verbis: *Qui*

in ingressu ipso, vel post ingressum ad obedientiam, motus sua devotione vellet bona sua, vel eorum partem in Societatis subsidium disponere, &c. 3. p. Constit. cap. 1. §. 9. Utrumque enim legitur in regula D. Bened. cap. 58. ubi de religioso emittente professionem, statim post illam emissam inquit: *Si quid in bonis habeat, pauperibus distribuatur, vel facta solenni donatione, monasterio donet, nihil sibi reservando;* ubi significat, & monasterio nullum jus acquiri in illo tempore professionis, & donationem non ex obligatione, sed ex propria voluntate religioni fieri potuisse. Et similiter S. Franciscus, cum ejus religio incapax sit hæreditatis, liberum reliquit volentibus eam profiteri, ut ad usum fratrum aliquod ex bonis suis relinqueret possent, ita tamen, ut ab ipsis fratribus ad hoc non inducantur, ut explicavit Clemens V. in Clementina: *Exiit a paradiso*, de verborum significat. & ceterum Quod videtur etiam nobis significasse B. Ignatius in verbo illo, *motus sua devotione*, quasi non debeat a nobis moveri, sed a Deo, & devotione sua.

7 Nihilominus tamen, si Societas vere indigeat, non erit huic constitutioni contrarium, eam necessitatem proponere volenti sua bona distribuere; nam si hoc licet, & expedit facere cum externis hominibus, cur non cum propriis? Præsertim cum, cæteris paribus, hoc etiam sit magis consentaneum ordini charitatis. Nam unusquisque debet magis diligere sibi conjunctos spiritualiter, quam extraneos, ut cum D. Thom. 2. 2. qu. 26, art. 7. tradi solet. Inter religiosum autem, & religionem est magna & peculiaris conjunctio spiritualis; ergo si religio æque indigeat per se loquendo, ordo charitatis postulat, ut religiosus in distribuendis bonis suis eam præferat: ergo ut ipse valeat hunc ordinem servare, merito potest religio necessitatem suam declarare, imo & rationem peculiarem, quæ in eo militat, aperire; hoc per se bonum est, & non excludit, quin post intellectam optimè distributionis rationem, executio ex propria devotione fiat. Quanta autem moderatio in hac ipsa servetur, intelligitur optime ex quadam ejus regula, quæ in officio Provincialis habetur cap. 10. quæ sic habet. *Si aliqua bona applicabuntur Societati cum facultate Generalis, magnopere curet Provincialis, ut cum edificatione, & charitate, & non cum rigore exigantur, potiusque per procuratores externos, quam per nostros; expedit quoque, ut ex his elemosynæ aliquæ in pauperes ejus oppidi, ubi sunt bona, distribuatur.* Et aliis in locis sæpe commendatur, & inferioribus, ut cum magna subordinatione ad superiores, & superioribus, ut cum magna prudentia, & proximorum edificatione circa hanc distributionem se gerant, ut videre licet in citatis, & in Can. 3. 2. Congregationis generalis, & Canon. 3. & 4. Congregat. 3. Unde & a paucissimis, atque parcissime dicta distributio fieri solet, quicquid mundus dicat.

CAPUT VI.

Qua ratione distributio bonorum juxta votum paupertatis a scholaribus Societatis facienda sit.

1 Superest, ut quod secundo loco initio præcedentis capitis proposuimus, breviter expediamus, scilicet, an omnia, aut aliquid saltem ex illis, quæ ibi circa distributionem bonorum ex regula assignavimus, quatenus voluntatem, vel consensum ipsius religiosi postulant, cadant sub votum paupertatis. Quod dubium non habet locum in novitio, qui ante benedictionem expletur hanc facit distributionem, quia ille per se loquendo non facit illam ex voto paupertatis, sed ex libera voluntate. Et quanvis præcesserit promissio simplex, (ut supra cap. 4. numer. 17. dictum est) relinquendi omnia, cum primum superior post elapsam primum annum probationis injunxerit, tamen illa non obligat ad modum, sed solum ad substantiam actus (ut sic dicam.) Quod si fortasse novitius privatum votum emisisset, juxta illius intentionem judicanda erit obligatio; regulariter tamen fieri solet tale votum ad imitationem illius, quod completo biennio in Societate emittitur, ac recipitur, & ideo quoad materiam idem erit de utroque iudicium. Ratio ergo dubitandi in his, qui hoc votum habent,

Potest tamen Societas indigentia propriam distribuere.

Ubi ea distributio obvenit, quæ moderatio adhibenda sit.

Dubium non procedit de novitio nullum omnino votum habente.

p. filii verba in tribus concipiunt cum instituto Societatis in præsentia materia.

3 Pronuntiatum. Quando locus non est distributioni consanguineis, in opera pia distributio faciendâ est. Præferuntur tamen ex debito justitiæ creditores, si qui sūt.

Societas in bonis his distribuendis sibi nullum jus habet.

habent, esse potest, quia vovent simpliciter paupertatem juxta constitutiones; sed in ipsis constitutionibus designatur hoc genus paupertatis quoad distributionem bonorum; ergo eo ipso insurgit obligatio voti, ita ut licet constitutiones per se non obligent ad culpam, ratione tamen materię, quam designant, oriatur obligatio ex voto. Et declaratur. Nam hoc votum obligat ad non utendum aliqua re ut propria: sed distributio talium bonorum est quidam, & maximus usus eorum; ergo debet usurpari ut proprius; ergo debet ex vi voti solus ille usurpari, qui per dictas constitutiones, vel juxta formam earum conceditur, quia omnis alius erit omnino proprius, siue rei ut propriae. In contrarium autem est, quia in prædictis constitutionibus non ponuntur verba, quæ indicent obligationem, seu necessitatem. Nam licet in 3. c. Examin. §. 2. dicitur: *Pauperibus dispensare debent, statim additur: Ut consilium Evangelicum sequantur.* Et ita verbum *debent*, non præcepti, sed consilii debitum, seu necessitatem ad melius esse, ut ibidem indicatur, significat. Et in eodem sensu dicitur in §. 3. *Conventi esse debent*, &c. Et §. 5. in simili, ratio redditur, quod id magis expediat, & ad majus Dei obsequium sit futurum. Et 3. p. c. 1. §. 7. solum dicitur: *Qui se exiit bonis suis, sequatur Christi consilia, pro sua tamen devotione, ad hoc potiusquam ad illud opus dispensare bona sua, vel partem illorum poterit.* Et expressius §. 9. dicitur. *Haud dubie opus faciet majoris perfectionis*, &c. & sic in aliis.

1. Assertio probatur auctoritate.

2 Dicendum ergo censeo primo in genere, cadere sub obligationem præcepti, & voti non usurpare in his rebus proprietarium usum, id est, omnino propria auctoritate, & voluntate, & non secundum regulam, vel voluntatem superioris. Probatum primo ex Gregor. XIII in Constit. *Ascendente Domino*. Ubi postquam dixit scholares retinere dominium bonorum suorum, subdit: *Interim tamen quantum ad illorum usum religiosam paupertatem servant, neque ullare tanquam propria sine superioris facultate uti possunt.* In quibus verbis plane significat hoc pertinere ad materiam, atque ita cadere sub obligationem voti. Nam religiosa paupertas illa proprie dicitur, quæ est materia voti, & ideo dicuntur non posse, quia agerent contra religiosam paupertatem. Unde de iisdem scholaribus dixit ibidem paulo superius idem Pontifex, emissis votis debere in communi vivere, quia solum ex communibus bonis, vel tanquam communibus uti debent; ergo quamvis retineant proprietatem aliquarum rerum, necesse est, ut non habeant proprium usum ex vi voti paupertatis, aliàs possent ex illis bonis in particulari vivere, sicut possunt novitii; neque esset, cur Pontifex post emissam votam specialem obligationem in hac parte eis tribueret. Ratio etiam hoc postulat necessario, quia votum paupertatis religiosæ saltem, & maxime requirit paupertatem in usu, ut ex dictis in c. 4. patet; non ergo haberent hi scholares votum paupertatis sufficiens ad statum religiosum, nisi bonorum omnium proprietarium usum a se abdicarent ex voto, & ideo in constitutionibus Societatis, sicut declaratur eos retinere dominium, ita etiam declaratur nulla re, tanquam propria, uti posse p. 3. c. 1. §. 7. Est ergo hæc materia talis voti, ideoque ex genere suo sub gravi obligatione.

2. Assertio probatur ex 5. Congregatione.

3 Secundo dicendum est. Qui post emissam tria vota substantialia res suas distribuit, vel illis se abdicat sine superioris facultate, facit contra votum paupertatis. Sic ad verbum fuit decretum in 5. Congreg. generali canon. 7. Intellexit nimirum Congregatio eum esse modum, seu formam distribuendi prædicta bona, quem constitutiones, c. præcedent. num. 2. allatæ præscripserant, atque ea ratione, id est, supposita approbatione & facultate superioris, ad materiam voti paupertatis pertinere; aut certe (quod plane pro sua auctoritate poterat, ut etiam in simili notabimus infra lib. 6. cap. 10. n. 2.) denuo gravissimas ob causas, intra talem materiam id collocavit. Itaque forma illa disponendi addita superioris voluntate, tanquam necessaria conditione, materia evadit hujus voti, sic decernente, ut dixi, aut forte suo decreto declarante Congregatione jam inde a principio ita se habuisse hac in parte paupertatis votum in Societate; violarique graviter, aut venialiter, pro materie quantitate, si superioris voluntas dispositioni non assistat.

De potestate declarandi vide infra lib. 10 c. 4.

4. Specialiter vero de dispositione in opera non pia

Shwartz, Tom. XV.

probatum assertio. Nam talis modus alienationis non est commissus arbitrio ipsius religiosi; ergo usurpando propria auctoritate illi usum, utitur illa re, ut propria, quod est contra votum. Item quoad hanc partem non solum fit votum cum adjectione quasi affirmativa, scilicet dandi consanguineis, v. g. si superiori visum fuerit, sed etiam sub limitatione negativa, scilicet, distribuendi pauperibus, nisi ex facultate superioris, vel ex judicio eorum, quos ipse probaverit, aliud facere expediat; ergo qui temere sine tali facultate, vel examine suo arbitrio bona expendit in usus non pios, delinquit in materia voti paupertatis; est ergo ex genere suo grave peccatum, licet ex levitate materie possit esse veniale. Quæ autem in hoc negotio sit materia gravis, vel levis, ex dictis in tom. præced. disputando de voto paupertatis patet simpliciter, petendum est. Solum hic considerare oportebit, quia res, quæ expenditur, non est religionis, sed propria, & quia non derelinquitur usurpando, & retinendo, quod magis repugnat paupertati, quam abdicatio, ideo majorem quantitatem requiri, ut appropriatio talis usus (ut ita dicam) grave peccatum censeatur. In particulari vero prudens viri arbitrium necessarium erit.

Probatum deinde quoad distributionem in prophetia

5 Notanter autem dixi in num. 4. *Addita superioris voluntate*, quia non satis est, quod superior suum judicium interponat judicando talem, vel talem distributionem esse meliorem, ut eo ipso materia describatur tanquam necessaria, neque ut alius usus censeatur ut rei proprię; quia non obstante illo judicio, potest concedi facultas eligendi, quod minus bonum est, quæ facultas respectu religiosi est veluti quædã permissio; & ideo tunc aliter distribuendo, quã superior judicat, licet imperfecte fiat, non tamen necessario cum culpa, vel si aliqua admisceatur ratione status perfectionis procurandæ, vel voti, ad summum est venialis. At vero quando superior non tantum judicat, sed etiam vult id fieri, quod melius est in tali materia, jam urget necessitas voti, cum usus bonorum prohibitus usurpetur. Idem censeo, si interveniente dubio, an bona sint consanguineis distribuenda, superior omnino statueret, ut id fieret juxta formam constitutionum, designando duos, aut tres viros prudentes, quorum judicium religiosi sequantur; pari enim modo religiosus tenebitur ex vi voti paupertatis, illum modum distributionis observare, ob eandem rationes.

Non iudicium, sed voluntas superioris reponit distributionem in materia voti.

6 Inferes; ergo quando religiosus distribuerit in pauperes, vel alia pia opera, non requisita peculiari superioris directione, minime peccabit contra votum paupertatis, quicquid sit, an imperfecte, vel peccata minora etiam faciat contra debitam subordinationem. Probatum illatio, quia jam pro tali bonorum dispositione certam habet Societatis voluntatem, si quidem & ea distributio de se studiosa est, & in constitutionibus non invenitur præscriptum esse aliquid circa modum observandum inter ipsos pauperes, aut eligendi hos potius quam illos, neque in hoc negotium aliquid esse commissum superiori, sed potius invenitur totum esse relictum devotioni donantis; & ideo licet superior iudicet aliquid esse melius, vel itaque fieri, non pertinebit id facere ad materiam paupertatis, quia illud nullo modo fuit contentum in voto; neque subditus aliter distribuendo, quam velit superior, censebitur uti suis bonis, ut propriis, quia de illis disponit juxta voluntatem, ut sic dicam, ipsius religionis, hoc est, juxta modum in constitutionibus præscriptum. Unde nunquam poterit particularis superior designare subdito certum pietatis opus (ut, v. g. dare talia bona Societati) tanquam materiam necessariam ad observationem voti paupertatis; quia nullibi ei concessum est; & alioquin ex natura voti paupertatis hoc etiam sequi non videtur. An vero ex vi voti obedientię possit id præcipere, alia questio est, in qua etiam probabile videtur regulariter loquendo non posse: quia non est juxta constitutiones, neque est materia per se conferens ad finem instituti. Imo ad majorem ejus puritatem, & paupertatem videtur pertinere, ut non possit superior hanc necessitatē imponere subdito, præsertim in ordine ad donandum aliquid Societati; & ideo in Constit. nu. 1. citata expresse dictum legimus; *Qui motus sua devotione.* Et in eodem sensu dictum esse apparet, quod in Canon. 3. 2. Congreg. gener. dicitur, ea, quæ

Distributio in pia opera non requirit directionem superioris, videri in oblatione voto paupertatis.

Imo nec ex voto obedientie videtur eam distributionem impediri posse.

Vide in articulo P. Claudii pro distributione faciendâ.

continentur in 4. c. Exam. de dispositione bonorum (saltem quantum ad pauperes) sumenda esse tanquam generalem quandam instructionem, & legem, qua nostri debent bona sua illis distribuere, *pro devotione tamen sua*. Concluditur ergo distributionem inter pauperes semper relinqui liberam, etiam si Societas inter pauperes ipsos comprehendatur.

Quid servandum, ut Societati aliquid distribuatur licite.

7 Supposita autem voluntate dandi aliquid Societati, dicitur nihilominus in 3. p. Constit. cap. 1. §. 9. ut applicatio potius ad hanc partem, quam ad illam Societatis, vel ad hunc, aut illum usum Generali committatur. Ex vi tamen illius constitutionis non videtur etiam pertinere hoc ad materiam paupertatis, neque posse tanquam quid necessarium præscribi, quia solum declarat illud esse opus majoris perfectionis: & quoad hoc non additur, ut in tali applicatione voluntati superioris stetur. Additur vero in prædicto canone 3. 2. Congregat. generalis limitatio quædam quoad hanc partem, & in canon. 3. Congreg. 3. scilicet talia bona distribuenda esse intra eam Societatis provinciam, in qua bona continentur. Quod si religiosus ipse, ad quem talia bona pertinent, consentire nolit, sed alteri provincie illa dare velit, additur ibi, talia bona non esse acceptanda a Societate, *sed ea (inquit) teneatur ipse in veris Christi pauperes extra Societatem dispensare*. Ubi ponderandum est verbum *teneatur*, quod sine dubio obligationem significat, quia jam tunc illa distributio relinquitur, ut necessaria ex vi voti paupertatis, ita ut non possit in commodum consanguineorum commutari. Ea autem limitatio regulam (ut ajunt) firmare videtur pro dispositionibus piis extra casum donandi alteri provincie. Denique additur ibidem, si religiosus velit applicare sua bona intra eandem provinciam alicui tamen certo loco, esse in potestate Generalis illam improbare, quod satis clarum est, quia potest illam non acceptare. Quid autem tunc agere teneatur religiosus distribuens, ibi non declaratur. Et ideo dicendum consequenter videtur, eodem modo teneri ad distributionem faciendam, quo antea, & eandem libertatem retinere ad distribuendum inter alia loca Societatis intra eandem provinciam, donec aliqua tandem ejus applicatio approbetur; alioquin potest etiam si velit inter alios pauperes distribuere; melius autem semper faciet, si superioris judicio prædictam applicationem committat.

Extensio illationis facta in n. 6.

8 Ex his vero in tota hac illatione, seu objectione contra secundam assertionem dictis, colligi ulterius poterit, distributionem factam a religioso, si in veros pauperes, aliave pia opera fiat, in scio etiam, aut invito superiore, licet minus ordinate fiat, & ideo magna sit imperfectio, & regulariter aliqua sit venialis culpa: nihilominus tamen non videri directe contra paupertatem. Probatur ex dictis, quia talis distributio commissa est devotioni ipsius religiosi: non pendet ergo a scientia, vel voluntate particularis superioris etiam Generalis: ergo non cernitur ibi usurpatio alicujus usus rei, ut propriæ, sed est juxta intentionem voti, cum emittatur juxta Societatis constitutiones, & juxta modum a regula concessum.

Evasio non occurrit.

9 Dices, licet distributio in pauperes, quantum ad formam seu specificationem, ut sic dicam, non pendeat a voluntate superioris, quantum ad exercitium pendere; nam ad superiorem pertinet designare tempus, in quo abdicatio horum bonorum facienda est, sub hac enim lege fit promissio, seu paupertatis votum. Responderi in primis potest conditionem illam positam esse ad terminandam dilationem, non vero ad eam exigendam, ita ut ante illud tempus non possit fieri bonorum abdicatio. Unde qui in Societatem ingreditur, licet non teneatur ex regula ante expletum annum renuntiare omnibus bonis, non tamen prohibetur id facere, imo consulitur per se loquendo. Item post annum expletum licet promittat renuntiare, cum primum jussus fuerit, non tamen promittit non renuntiare, nisi jubeatur: & ideo licet proprio nutu id faciat ante expletum biennium, non agat contra promissionem, nec contra paupertatem, ut per se constat. Sic ergo licet expleto biennio teneatur ex voto paupertatis relinquere omnia, cum primum jussus fuerit, non tamen ex vi illius voti prohibetur anticipare tempus, & statim relinquere bona non expectata jussione; ergo licet id faciat,

ea ex parte non peccabit contra votum paupertatis. Unde si alioquin de pauperibus (quod sibi concessum est) ex nullo capite violabit paupertatem; quamquam quia votum etiam habet obedientiam, inordinate, & imperfecte faciet de suis bonis disponendo etiam in pauperes sine licentia superioris, ac si illud esset prohibitum in virtute obedientie, esset ex hoc capite peccatum grave juxta materiam qualitatem. Nam aliquando potest multum expedire ad ædificationem proximorum, & ad bonum religionis, & ipsius religiosi, ut id non fiat, donec superiori videatur, & ideo sine dubio habet superior aliquando jus id præcipiendi cum omni rigore; tamen quia ordinarie hoc non est ita prohibitum, vel a lege, vel a Prælato, ideo per se loquendo, id est, scilicet scandalo, contemptu, & conscientia erronea, hoc non est peccatum grave.

10 Hanc totam illationem, sive objectionem contra secundam assertionem a numero 6. persecutus sum consulto, quia fortasse ante citatum pro ipsa assertionem canonem videri poterat probabilis. Nunc autem, ut illo num. 3. dicebamus, sive citatus canon Congregat. 5. novum in Societatem jus hac in parte introducat, sive authoritative declaret antiquum (ad eum fere modum, quo Ecclesia veritates aliquas denuo proponit credendas de fide) simpliciter, atque sine ulla distinctione operum piorum, aut prophorum accipiendum est, atque dicendum, illicitam contra paupertatis votum esse distributionem in quolibet opera, si absque directione superioris, *saltem præsumpta*, fiat; eo quod talis directio, sive consensus prælati, conditio sit, ut dixi, necessaria, ne talis distributio sacrilega sit contra dictum votum. Neque verba illa constitutionis, *devotione sua* (quod fere totum robur est objectionis) dicto decreto Congregationis repugnant. Nam devotio subditi non excludit præviam licentiam superioris ad disponendum generaliter, sed excludit necessitatem licentiæ peculiaris ad pie disponendum, vel ad disponendum in hac vel illa pia opera: unde citatum decretum explicuit, quod constitutio supponebat. Et declaratur aliter; nam devotio quantumlibet voluntaria, & meritoria, non necessario excludit licentiam superioris; sic enim dicemus inferiori cap. 9. num. 9. in simili, ex charitate etiam moveri posse, qui suam obligationem implet. Et in primis si devotio distribuendi absolute, & indistincte in pia opera, ante ipsam licentiam a superiore petitam concipiatur, per petitionem subsequendam, non modo non minuitur, aut evanescit, sed potius crescere poterit; petitionem videlicet imperando. Si vero licentia petita devotionem antecedit (quod facile contingere potest, si indistincte, seu in universum de facultate exuendi se bonis suis, ut constitutio loquitur, cum superiore agatur) sicut post obtentam licentiam concipi potest voluntas donandi consanguineis, ita & voluntas, sive devotio donandi piis operibus; nulla ergo est repugnantia aut in illis juribus, aut si quid aliud in objiciendo perstringimus, quia in quacumque forma, vel instructione Societatis ad disponendum de bonis absque ullo incommodo, vel repugnantia imbibitur superioris directio, seu voluntas saltem præsumpta; atque adeo sive a principio Societatis, sive post quintam Congregat. posita assertio habere potuit veritatem. Cur autem dixerim *saltem præsumpta*, in fine capitis intelligitur. Unde expedita simul tenentur manent, quæ in 2. p. dubitandi in numero 1. ex cap. 4. Exam. & ex 3. p. Constit. cap. 1. afferebantur: neque enim repugnantiam ullam continent, sed potius maxime coherent, debere religiosum sua ex voto disponere, etiam in pia opera, & votum ipsum emisisse, ut consilium Evangelii, seu Christi sequeretur, ut majus Deo obsequium præstaret, ut opus majoris perfectionis ederet.

Illatio n. 6 facta non procedit saltem post Congregationem 5.

11 Hic vero interrogabit aliquis ulterius, an licet alienatio facta absque directione superioris illicita sit, & sacrilega, valida nihilominus evadat. Cum enim ejus modi religiosi, de quibus loquimur, domini sint, & propria voluntate sua bona tribuant, ut supponimus, spectato jure naturæ valida est talis donatio. Nullum autem est jus positivum, quod illam irritet: nam jura, quæ dicunt donationes, vel alienationes a religioso factas, non esse validas, loquuntur juxta antiquum, & commune jus de religiosis, qui capaces non sunt dominii.

Questio suborta an valeat directio, quæ contra directionem superioris erat illicita.

Sic autem loquimur de religiosis habentibus aliqua bona, de quibus possint disponere, & ideo non juxta commune jus, sed juxta aliquod speciale de illis judicandum est: nullum autem invenitur jus speciale Societatis, quod talis alienatio irritetur; ergo retinet valorem, quem habet jure naturæ. In contrarium autem est, quia religiosus non est sui juris, neque habet velle, neque nolle; hi autem sunt vere religiosi, & quoad hanc partem tam perfecte subiecti, & alieni juris, per votum obedientiæ, ac quilibet alii religiosi; ergo licet dominium habeant, non habent voluntatem sufficientem ad transferendum illud. Propter quam rationem partem hanc amplexus est Ludovicus Molina tom. 7. de Justitia tract. 2. disput. 139. vers. *Illi qui tempore*. Ubi etiam nullam distinctionem facit inter alienationem ad pia opera, & ad alios usus, quia re vera quantum ad hoc caput, quod religiosus non est sui juris, utraque est eque prohibita, vel eque infirma. Inde vero consequenter significat, etiam si alienatio fiat in pauperes, vel opera pia, esse grave peccatum contra paupertatem, quia est usurpatio juris, quod quis non habet, scilicet transferendi dominium in alterum. Adde etiam, quia donare sine potestate transferendi dominium, vel decipiendo alium, vel invitando illum, ut accipiat, quod accipere, vel retinere non potest, omnibus modis continet gravem inordinationem. Hinc etiam colligit testamentum factum ab hujusmodi religioso sine licentia sui superioris nullum esse: nam cum illa, sicut possunt hi religiosi de suis bonis disponere inter vivos, ita etiam est certum posse per viam testamenti confirmandi per mortem naturalem, aut per professionem, vel etiam per vota coadiutorum formatorum Societatis, quæque ad hoc æquivalent, ut ex cap. 4. constar. Atque eadem proportionem, si alia dispositio sine licentia inter vivos facta, illicita, & nulla est, erit etiam nulla per viam testamenti; est enim eadem vel major ratio. Imo addit idem author, non solum in his religiosis, sed etiam in novitiis Societatis, post primum annum expletum peccatum esse condere testamentum de suis bonis, in seio superiore, quamvis de illo testamento doceat esse validum, & si morte naturali confirmetur, habere effectum, quia factum fuit ab homine sui juris: illicite autem factum esse censetur, quia est contra promissionem, quam talis novitius fecit disponendo de bonis suis cum primum superior injunxerit post expletum primum probationis annum, ut in illo c. 4. nu. 17. factum est. Hanc Molinæ sententiam postea sequitur Lessius lib. 2. de Just. cap. 4. dubit. 5. n. 28.

12 Nihilominus ego ex ultimo hujusmodi alienationes, vel dispositiones ab his religiosis factas de propriis bonis sine licentia superioris non esse nullas ipso facto, sed validas, infirmas tamen, & irritabiles per voluntatem superioris. Priorem partem mihi probat discursus superius factus priori loco pro parte affirmativa. Posterioriorem autem probat, & non amplius ratio in contrarium objecta, quæ est fundamentum Molinæ. Utramque declaro exemplo voti facti a religioso sine licentia Prælati, quod non est ipso jure nullum, sed validum, licet infirmum, & irritabile a superiore, ut tom. super. cum Div. Thom. & communi doctrina tradidimus.

Declaratur utraque simul pars exemplo voti, promissionis, ac donationis.

Quod eadem ratione verum est de quicumque promissione humana, quando non est de re illicita, aut de materia ita aliena, ut non possit impleri promissio sine injuria alterius. Ex quo colligimus idem dicendum esse de donatione, quæ aliàs ex parte materiæ donatæ injusta non est, sed solum ex defectu consensus superioris: nam eadem est ratio de tali donatione, quæ de voto. Quia sicut valor donationis pendet ex voluntate, ita etiam voti, ac promissionis. Atque eadem exempla ostendunt religiosum non ita esse alieni juris, nec in eo sensu dici non habere velle, aut nolle, ut nihil validum possit sua voluntate exercere, sed quia nihil firmum potest efficere sine consensu superioris, vel quia nihil potest licite velle contra sui superioris voluntatem, ut in tom. super. ostensum est; ergo ex hoc capite non est hæc donatio irrita, sed irritabilis. Inter hæc autem duo multum interest: nam si sit irrita, non potest, qui talia bona accepit, illa retinere tuta conscientia, quia retineret rem alienam. Dices, non retinet in vio Domino, & ideo non injuste retinet. Sed contra, quia juxta illam sententiam voluntas Domini non est efficax ad concedendum do-

minium; ergo nec possessionem, vel usum: nam religiosus æque non est sui juris quoad hæc omnia; ergo quæ ratione non sit dominus, eadem non potest retinere rem acceptam: quia quoad hæc omnia magis est consideranda voluntas superioris, qui est veluti principalis administrator, quam subditi, qui est proprius dominus. At vero si donatio tenet, licet irritari valeat, potest, qui aliquid accepit, tuta conscientia illud retinere, donec a superiore revocetur donatio. Dices inter dum poterit esse talis distributio, ut revocari non possit, ut si facta est in pauperes. Item aliquando occulte fiet donatio, & superior propter ignorantiam irritare non poterit. Respondeo hæc esse per accidens, nam in eis intervenit impotentia facti, quæ non mutat jus, & quamvis fortasse ex parte recipientium interveniat aliqua malitia cooperando, vel inducendo ad actum inordinatum intra obligationem obedientiæ, aut religionis; tamen quia non intervenit injustitia, nec substantialis defectus impediens translationem dominii, non video, unde sit in recipiente obligatio non retinendi, quod accepit, etiam si de facto nunquam possit revocari donatio a superiore propter ignorantiam.

irritabilem donationem. Instantia contra primam partem distulitur.

Contra alteram partem discriminis instantia altera removetur.

13 Ex quo infero primo etiam testamentum conditum ab hujusmodi religioso sine facultate superioris non esse ipso jure nullum, licet sit irritabile a superiore. Probat consequenter ex fundamento positum: quia dispositio religiosi in his, quæ ex parte materiæ non continent injustitiam, vel nullitatem, non est irrita ipso facto ex eo solum, quod sit propria voluntate etiam aliàs peccaminosa sine intervenitu voluntatis superioris, sed est tantum infirma, & irritabilis; ergo idem dicendum est de dispositione per testamentum. Probat consequentia, quia ex natura rei non requiritur efficacior voluntas ad testamentum, quam ad alias donationes, & ex jure positivo nullum est speciale irritans magis hanc dispositionem, quam alias in tali persona. Sed quæres, an condere hoc modo testamentum occulte, & sine facultate superioris, sit grave peccatum contra paupertatem, vel obedientiam. Respondeo, quod ad paupertatem attinet nullum videri peccatum, aut saltem non videri grave, si eo animo fiat, ut tempore mortis subjiciatur superiori, quia tunc tale testamentum est veluti quædam manifestatio voluntatis propriæ, non autem juris proprii indebita usurpatio. Secus vero dicendum esset, si is testator intendat, ut suum testamentum ad executionem perveniat ex propria tantum voluntate, juxta superius dicta in secunda assertione. Dices, cum ex voto teneatur hujusmodi religiosus abdicare omnia bona, cum primum jussus fuerit a superiore, huic obligationi repugnat etiam cum animo manifestandi id facere per viam testamenti, quod non habet effectum, nec est efficax, donec per mortem naturalem, vel civilem confirmetur. Responderetur tale testamentum non impedire alteram obligationem, & observationem ejus, quia non obstante illo testamento potest superior injungere, ut statim sine mora reuuntatio omnium bonorum fiat: & tunc subditus tenetur id exequi, & prius testamentum fiet irritum, ac nullius momenti; ex nullo ergo capite videtur hæc actio contraria voto paupertatis in dicto casu. Et aliquando posset bona fide fieri, ut si subditus iter agendo, aut navigando incidat in periculum mortis, & non habeat superiorem, a quo possit petere facultatem, certe non peccabit condendo testamentum, præsertim in opera pia, ne ab intestato succedant, qui fortasse non indigent. Ut autem religioso modo id faciat, debet expresse in ipso testamento voluntati superioris illud subordinare, & oprime etiam faciet, si ei committat, ut ea mutet, quæ magis expedire videbuntur.

Primum corollarium quod statim est firmum ab exemplo testamenti quantum ad scholaria res.

Testamentum occulte factum est ad pia opera quæ non sunt peccatum contra paupertatem.

14 Unde etiam ulterius addo, in tali casu necessitatis non esse grave peccatum condere testamentum, confanguineos, vel alios similes constituendo hæredes, solum ad hunc finem, ut non necessario sibi succedatur ab intestato, & ut superiori innotescat voluntas defuncti, dummodo ei semper committatur, ut commutare possit etiam in opera pia, si servata forma constitutionum id expedire judicatum fuerit: ad hoc enim semper obligat paupertatis votum in Societate factum, ut numero secundo, & tertio diximus. Quapropter

Item ad non pia.

Distinuitur inter irritam, & ir-

propter qui absolute conderet testamentum, relinquendo consanguineos hæredes, vel alia legata absque titulo pieratis, graviter profecto peccaret; multoque gravius, si id faceret extra prædictum articulum necessitatis, quia tunc usurpat usum bonorum sibi non concessum, & ita utitur illis bonis ut propriis, quod graviter repugnat paupertati. Accedit etiam talem actionem ferre esse inutilem; quia etiam si quis moriatur tali testamento condito (quod Deus avertat) potest superior illud irritare eadem ratione, qua alias donationes, ut diximus. Tunc autem (quod notandum est) non esset liberum superiori, nisi in ipso testamento hoc ei expresse concederetur, commutare institutionem in alium hæredem, vel alia opera etiam pia, sed solum posset rumpere testamentum, quo sublato necessario succederetis, cui ab intestato deberetur hæreditas. Ratio est, quia superior non habet jus proprium distribuendi illa bona, sed solum habebat jus designandi materiam, modum, & tempus, & dandi facultatem, ut subditus posset talia bona distribuere firmiter, & juxta suam obligationem alienare. Unde si hoc jure usus non est vivente subdito, post mortem ejus nullum habet jus immediatum (ut sic dicam) in ipsis bonis, aut ad illa, aut distributionem eorum, sed solum ex alio capite subjectionis, & obedientiæ habet potestatem irritandi, vel ratum habendi actum, quem subditus etiam in morte ratum efficere non potuit sola sua voluntate; & ideo potest irritare testamentum, postea vero nihil amplius efficere poterit, sed necessario succedetur ab intestato.

15 Jam quod attinet ad inobedientiam, quæ in hoc facto intervenit, non est dubium, quin materia sit gravis confessio testamenti sine licentia, & ex hac parte sufficiens ad peccatum mortale; non invenio tamen expressam prohibitionem, quæ in vi præcepti circa hoc imposita sit: & ideo non videtur esse ex hoc capite per se peccatum mortale, quia votum obedientiæ non ita obligat etiam in materia gravi, nisi proprium præceptum interveniat. Regulariter tamen loquendo per accidens, & ratione scandalii, vix poterit talis actus excusari a culpa mortali, tum propter exemplum, & commune nocumentum religionis, tum etiam, quia habet quandam speciem, seu apparentiam proprietatis, seu usus appropriati in materia gravi. Hoc autem maxime intelligo, quando dispositio testamenti esset in utilitatem consanguineorum, vel in alia opera profana, seu non pia; nam si esset in pia opera, facile præsumi posset rati habitio superioris, quamvis semper timentum sit.

16 Ultimo ex dictis colligo, quid dicendum sit de novitiis, si ante emissâ vota, in secundo novitiatus anno, infcio superiore testamentum condant. Negari enim non potest, quin inordinate factum sit, quia etiam novitius debet, quamdiu in eo statu permanet, servare debitam subordinationem ad superiorem, præsertim in re tam gravi. Hæc autem obligatio incipit in ipso novitiatu, ut c. 4. n. 17. visum est. Et ideo ex hoc capite non minus verum est de novitio Societatis agente primum, quam de agente secundum probationis annum. Non est autem illa obligatio voti, tum quia neque ex parte novitii supponitur votum, per se loquendo, & licet illud supponatur, non intervenit ex parte superioris proprium præceptum in hac parte impositum. Solum ergo est illa obligatio veluti ex quadam obedientia paterna, & tacita conventionione inter novitium, & religionem, quæ fieri intelligitur, quando novitius ad communem vitam religiosorum admittitur, & ideo hæc inordinatio ex hoc capite non est peccatum mortale, a veniali autem vix poterit excusari. Non videtur autem ex vi hujus actus agere novitius contra promissionem, quam facit disponendo de suis bonis, cum primum superior injunxerit; quia testamentum non impedit implere promissionem factam, cum semper infirmum sit vivente testatore, nec necesse est, ut novitius intentione non implendi eam promissionem illud faciat, sed solum, ut si interrim, dum superior non præcipit alienationem bonorum, aliquid humanum ei accidat, de sua possit consistare voluntate, quod per se nec reprehensibile esset, si debito modo fieret.

Ad quem usum sive exercitium paupertatis singuli religiosi Societatis Jesu ex vi regulæ teneantur.

Duplex distingui potest paupertatis usus in singulis religiosis (de paupertate enim in communi postea dicitur); unus dici potest positivus, alius negativus, qui potius est non usus; & uterque esse potest suo modo materia voti. Nam carentia alicujus usus directe, & substantialiter (ut ita dicam) potest cadere sub obligationem voti paupertatis, quia cum paupertas consistat in carentia, major erit, si se extendat ad carentiam aliquorum usuum, ideoque directe potest cadere sub votum. Usus autem positivus ut sit, seu quoad substantiam suam, non videtur pertinere ad paupertatem, sed ad alias virtutes, quibus homo obligatur uti rebus temporalibus ad vitam conservandam, vel ad alios fines; paupertatis autem est ponere modum in hoc usu, & quoad hoc potest directe cadere sub tale votum. Aliqui etiam sunt actus, qui moraliter sunt necessario conjuncti cum aliqua paupertate, ut mendicare, si nihil habeatur in particulari, neque in communi. De his ergo omnibus usibus, sive actibus (sicut in præcedentibus de dominio seu proprietate fecimus) tractandum erit, explicando in præsentia capite de singulis, quid ad perfectionem regulæ spectet, & in sequenti, quid ad obligationem sub culpa pertineat.

2 Utergo incipiamus ab usu negativo, qui perfectior est, & magis explicat perfectionem voti. Primo spectat ad paupertatem Societatis, ut religiosi nihil privatum possidere possint ex his rebus, quæ ad sustentationem corporis pertinent, quæ sub cibo, & potu includuntur. Etenim non habere proprium, & privatum dominium harum rerum commune est omnibus religiosis: non posse autem habere privatam possessionem harum rerum, vel in magna, vel in parva quantitate, cum generali facultate utendi illis, non est commune omnibus: multis enim licet vel per regulam, vel per consuetudinem non prohibente regulâ, privatim hæc possidere, id est, in propriis cellis, sub propria custodia illas tenere, & suo arbitrio illis uti, non ex dominio, sed ex generali licentia. Alii vero ex sua regulâ, & consuetudine carentiam hujus usus, & possessionis profitentur: & non est dubium, quin intra latitudinem paupertatis hoc sit ex suo genere melius, cæteris paribus: tum quia magis distat a sufficientia divitiarum, & in rebus maxime necessariis, cujusmodi sunt hæc, de quibus loquimur; tum etiam propter difficultates multas, quæ superandæ sunt, si vel necessitati, vel appetitui corporis ex solis rebus communibus, quæ sub possessione, & custodia religionis sunt, subveniendum sit, idque semper judicio, & arbitrio superioris, & non propria voluntate, & petita semper facultate, quod eo est magis onerosum, quo materia est contemptibilior, magisque humana, atque adeo religiose persone pudibunda. Tum denique quia hæc paupertas plures aufert occasiones vel intemperantiæ, vel superflue delectationis, vel inutilis, aut otiosæ conversationis. Et ob has causas hoc genus paupertatis consulit Basil. in regul. 304. ubi inter alia ait. Et eo quod in communi loco, id est, in monasterio, privatas escas, vel poriones aliqui habeant, illud consequi, quod est ab Apostolo reprehensum: *Confunditis eos, qui non habent*. Idem tradidit Pachom. in sua regul. 43. *Nullus in cella sua reponat aliquid vefcendum*. Hoc ergo genus paupertatis Societas amplexa est, & observat, ut ex consuetudine constat, & ex regulis infra citandis, nec sine urgente necessitate, & magna moderatione in hoc dispensari debet, si materia alicujus ponderis, seu considerationis sit.

3 Secundo ex hac sequitur alia observantia paupertatis, ut si quidpiam hujusmodi alicui religioso in particulari mittatur, admittendum non sit in ejus pecuniariam possessionem, vel usum. Est quidem commune fere omnibus religiosis regulis, ut nihil, etiam si ad cibum, & potum pertineat, possit ab aliquo religioso recipi absque licentia, seu benedictione, (ut ajunt) prælati; hoc enim plurimum spectat ad usum paupertatis. Imo Basiliius supra consulit, quæ hujusmodi sunt, non recipi, tamen si occupanda sunt, inquit: *Antisitis facultas*

Quid possit superior in tali testamento post mortem subditi,

Quomodo item esse possit contra obedientiam ad testamentum,

Secundum corollarium, quo fatiunt eadem consistit in novitio 9. quantum ad novitios.

Usus paupertatis duplex.

Prima observantia usus negativus paupertatis in Societate non habere in cella, sive privatim esculenta vel pocula.

Secunda observantia, si quid tale ad quem mittatur convertendum in ulum commensum.

tas detur, ut statuas ipse, a quibus sumi, & que sumpta sunt, quomodo distribui conveniat. Pachomius etiam regul. 30. idem ait, & August. in regula: Prius, ait, Priori insinuetur, & sic suscipiatur, si ipse mandaverit, de quo tamen nihil fiat aliud, nisi quod Priori placuerit. Et S. Benedict. in sua reg. c. 34. prohibet, ne religiosus habeat facultatem recipiendi hæc munera, etiam a proprio parente, sine licentia, & consensu Abbatis, qui si eam dederit, poterit, (inquit) postea pro suo arbitrio de tali re disponere, significans non oportere licentiam dare, ut religiosus huiusmodi donum sibi in particulari usurpet. Quod confirmavit Innoc. III. in c. cum ad monasterium, de statu Monach. dicens: Si quidquam alicui fuerit specialiter destinatum, non presumat illud accipere, sed Abbati, vel Priori, vel Cellarario assignetur. Et S. Pachom. in sua regula 30. Si quis (inquit) ante ostium steterit monasterii, dicens se velle videre fratrem, & forte aliquid attulerit ciborum, quibus in monasterio vesci licitum est, suscipere ipse non poterit, sed cuncta ad locum agrotantium deferentur. Hanc ergo conditionem, & perfectionem paupertatis Societas amplexa est, & ideo in regula 60. Rectoris sic habetur: Si cui particulari quidpiam ab externo aliquo mittatur, id in communem usum accipiat, ac dispensetur. Et in hoc sensu dicitur 6. p. Constit. c. 2. §. 11. Quisque iis, quæ de communi data fuerint ad usum suum necessarium, aut convenientem, refectis superfluis sit contentus.

Tertia observantia non habere in cella aliquid ad vestitum permanenti

4 Tertio, quia post victum, vestitus videtur esse proxime necessarius ad vitæ sustentationem, ideo circa hoc etiam similis observantia paupertatis servanda est, ut præter ea, quæ ad actuale corporis usum necessaria sunt, nihil aliud quisque apud se habeat, sed omnia in communi reposita sint, sicut habetur in regula 5. custodis vestium, & in instruct. l. ex impressis anno 606. n. 5. & in ordinat. contractis c. 1. n. 15. & c. 4. ut inde singulorum necessitatibus subveniat. Quod fuit consilium B. Basilii serm. 1. de institutis Monach. circa finem Apophtheca (inquit) communis omnium sit, neque proprium aliquis quidquam nominetur, non vestimentum, non calceamentum, non denique aliud quidpiam eorum, quæ ad necessarium corporis usum spectant. Hinc etiam in c. 4. Examinis §. 26. admonentur statim, qui Societatem ingressuri sunt, in his, quæ ad victum, & vestitum, & lecti rationem pertinent, magnam paupertatem esse servaturos, ita ut unusquisque sibi persuadeat, vilissima eorum, quæ domi sunt, ei esse tribuenda, & eis debere esse contentum, propter majorem sui abnegationem, & spirituales profectus.

Quarta observantia. Non habere librorum peculium alio exportandum.

5 Quarto, quamvis propter necessitatem studiorum concedatur religioso Societatis permanentis usus, (ut sic dicam) eorum librorum, quibus indiget, ita ut eos privatum apud se habere possit, quamvis alicubi commoratur, non tamen conceditur, ut habere possit librorum peculium, quod secum deferat, eoque perpetuo utatur, dum vivit, quæ est altera observantia paupertatis non parum difficilis, quia est circa rem maxime necessariam iis, qui studiis, ac literis tanta diligentia incumbunt, & ad quam solent homines studiis de diti maxime affici. Imo alicui videri potest hoc paupertatis genus, multum posse literarum profectum impedire; propter quam fortasse causam multæ religiones alioqui tam in paupertate, quam in cæteris rebus valde perfectæ hoc non observant. Societas vero utilitatem, quæ ex eorumdem librorum perpetuo usu provenire potest, vel aliis diligentis compendendam, vel certe huic perfectioni paupertatis postponendam putavit. Et ideo cum in 4. p. Constit. c. 6. §. 7. dicatur præter bibliothecam communem, quæ in singulis Collegiis futura est, posse unumquemque habere libros ad suum usum necessarios, statim additur in declaratione, neminem posse, aut debere aliquid in eis scribere; quod in regulis communibus reg. 8. sic dicitur. Libros nemo habeat sine facultate: in his vero, quibus ut licet, nec scribat aliquid, nec notam ullam imprimat: quia nimirum eos secum deferre non debet, & facile auferri possunt, & alteri in usum dari. Denique regul. 25. ex communibus in universum dicitur: Nemo cum ex uno loco in alium proficiscitur, quidquam secum asportet sine facultate superioris; quæ facultas juxta receptam consuetudinem, quæ est optima legum interpret, non nisi in rebus minimis, & magna ex causa conceditur. Ejusmodi sunt libri, qui in 1. institutione ad reno-

vationem spiritus in fine assignantur: Constitutiones scilicet Societatis, vel earum summarium, Joannes Gerson, vel similis aliquis pius libellus; aliquibus etiam Biblia, & summa aliqua casuum. Et fere eandem regulam habet Pachomius, quæ est apud illas 46. Si quis (ait) transferretur ab una domo in alteram domum, exceptis iis, quæ usui quotidiano ad habitum necessaria sunt, secum transferre nihil poterit. De hac regula Pach. ab Angelis data vide Metaphr. apud Surium 3. tom. 14. die Martii c. 1. 2. 22. & 28. Palladium in Historia Sanctor. c. 38. Genadium de viris illustribus in Pachomio, & Szymonem lib. 3. Historiæ c. 13.

6 Utilitates autem hæc observantia partim communes habet omnibus religiosis, partim in Societate peculiare, vel potius necessitatem. Priores sunt, quia hoc modo tollitur sollicitudo congregandi libros, qui interdum ob curiositatem potius, vel aliquando ad splendorem, & ostentationem, quam ob necessitatem congeruntur. Item excusantur infiniti sumptus, qui in transportanda librorum suppellectile fieri solent. De qua re multa scribit Alvarus Pelagius lib. 2. de planctu Ecclesiæ c. 64. Item per hoc tollitur materia inordinati amoris, & affectus, qui ad huiusmodi res, quando ita possidentur, generari solet. Propter quas causas eadem fere regula habetur in Constitutionibus Dominicanorum dist. 2. c. 14. lect. 4. Nulli certus usus librorum concedatur, neque dedignetur, a quocunque auferantur, vel in cuiuscunque custodiam dimittantur. Idem observasse S. Fraciscum refertur in speculo Minorum 3. p. & refert author Conformitatum lib. 2. Idem consiliu B. Vincentius Ferrar. tractatu de vita spirituali c. 1. ubi ait satis esse libros communes, qui in singulis monasteriis accommodati inveniuntur. Peculiatis vero necessitas huius observationis in Societate ex fine, & peculiari professione ejus orta est. Omnes enim ejus religiosi parati esse debent ad quasque missiones, & peregrinationes obsequandas, sine excusatione, etiam non petito viatico, quotiescumque iussi fuerint, ut dicitur in Examine c. 1. §. 5. & 6. p. Constit. c. 2. §. 3. & sæpe alias. Hæc autem obligatio cum ad omnes pertineat, maxime ad literatos, & Doctores, & ideo oportet esse expeditos & liberos ab omnibus vinculis, & impedimentis, quoad fieri possit. At vero librorum sarcina non posset non multum impedire, si asportanda esset; & si ad perpetuum usum haberentur, cum magna difficultate relinquerentur, & ideo ad hoc institutum fere necessario consequens fuit, ut in eo talis usus non admitteretur.

7 Quinto, huic pauperi suppellectili religiosi cubiculi consentaneum est, ut nihil in ea sit clavi observatum: quod sine dubio est magnum signum nihil possideri, ut proprium, totumque esse liberæ dispositioni Prælati relictum. Propter hanc ergo & alias causas in regulis communibus Societatis in 1. ita cautum est: Nullus ita cubiculum suum claudat, quin aperiri extrinsecus possit, aut arcam, aut quicquam aliud habeat observatum absque superioris facultate. Quam perfectionem paupertatis antiquos etiam Monachos observasse intelligi potest ex Cassiano lib. 4. de Institutis tenentianum c. 14. & 15. Nam in priori laudat Monachos, qui proprio sudore & opere exuberantes redditus conferebant monasterio, nihil sibi proprium præsumentes: Cumque (inquit) totam enthecæ cænobiæ, suam credat esse substantiam, ad retinendam nihilominus arrepta nuditatis virtutem, quam studet ad finem usque perfecte, atque inviolabiliter custodire, ita semetipsum a cunctis extraneis, & ex omnibus judicat alienum, ut tanquam peregrinum se gerat, & incolam istius mundi; alumnusque potius monasterii se reputet, ac ministrum, quam Dominum rei cuiusque præsumat. Statim vero reprehendens alios subdit in sequente capite: Ad hæc nos miserrabiles quid dicemus, qui in cænobiis commorantes, ac sub Abbatis cura, & sollicitudine constituti, peculiare circumferimus claves, omni que professionis nostre verecundia, & confusione calcata etiam annulos, quibus recandita præsignemus, in digitis palam gestare præsumimus, &c. De eadem re multa leguntur nomine Hieronymi, in regula Monachorum c. 2. & 3. & specialiter in 4. ait: Sic sic Apostolica fœmina projicite peras, & sacculos, ut neque marjula ex latere pendeant, neque apus sit clavibus, ut jam ex ipsis monstretur exteriorum indicia, quod nihil habetur

Utilitas huius observantia.

Ejus item necessitas in Societate.

Quinta observantia. Nihil haberi a privatis clavi observatum.

Ex Joanne de Capistrano Generali Minorum in Constit. c. 6. & lib. cuius tit.

enlus est,
Serena
conscien-
tia q. 28.
& Alvar.
Pelag. lib.
2. c. 6. 7.
circa 6.
nem.

Sexta ob-
servantia.
Nullum
stipendiū
posse ac-
cipere pro
ministe-
riis.

betur intrinsecum, præter Jesum: quod nihil est clarum, quod est deditum usibus omnium. Idem constitutum esse in ordine Minorum refert Corduba in expositione regulæ cap. 6. q. 9. Et idem habet Ordo Cist. in Hispania in suis definitionibus c. 36. n. 141.

8 Sexto, cum per votum paupertatis prohibeatur religioso, quidquam sine superioris facultate accipere, quod generale omnibus est, specialiter prohibitum est in Societate aliquid accipere in stipendium alicujus ministerii spiritualis, ita ut hoc nullo modo liceat, neque ad id dari facultas possit. Quod quidem ad votum paupertatis in Societate pertinere, constat ex Examine c. 1. ubi votum paupertatis ita exponitur: *Sic paupertatem accipiendo, ut nec velit, nec possit reddere ullos ad suam sustentationem, neque ad quidvis aliud habere.* Et infra. *Neque etiam (quamvis aliis sit licitum) pro Missarum sacrificiis, vel prædicationibus, vel lectionibus, vel ullius sacramenti administratione, vel quovis alio pio officio ex eis, quæ juxta suum institutum Societas potest exercere, stipendium ullum, vel eleemosynam, quæ ad compensationem hujusmodi ministeriorum dari solent, ab alio quam a Deo, ob cujus obsequium omnia a pure facere debent, possunt admittere.* Ex quo contextu constat primo, id, quod in hoc genere aliis licitum est, eo quod nec iniustitiam, nec simoniam continet, religiosis Societatis non licere ratione paupertatis. Id quod denuo specialiter cavetur in can. 7. Congreg. 6. omnibus confessoribus etiam principum, concionatoribus, &c. *Nullum in Societatis ministeriis paupertatis nostra puritas detrimentum patiatur.* Et idem inculcatur in Ordin. contractis c. 4. n. 8. & 9. Constat secundo hanc obligationem non esse ex simplici directione regulæ, sed ex vi voti paupertatis oriri: nam eodem contextu hoc ponitur sub materia paupertatis, ac non habere redditus ullos. Arque hoc ipsum sæpius & cum magna exaggeratione, & declaratione in constitutionibus inculcatur, præsertim in 4. p. cap. 7. §. 3. cap. 15. in fine 6. p. cap. 2. §. 7. cum declaratione in liter. G. & 10. p. §. 5.

Varie ra-
tiones hu-
jus obli-
gationis.

9 Quibus etiam locis varie rationes hujus institutionis insinuantur. Illa vero sufficiens esse posset, quod licet aliud non sit malum, hoc sine dubio est melius; quia & tollit omnem avaritiæ speciem, & temporalis lucri cupiditatem dimittit, ac denique, quia ex hoc capite augetur aliquo modo paupertas. Maxime vero fuit hoc fere necessarium in Societate, considerato ejus fine, & muneribus, tum ex parte proximorum, ad quorum profectum, & lucrum spirituale tota Societas ordinatur: quo enim gratius, & liberalius ministeria omnia in proximorum commodum facta fuerint, eo sine dubio libentius ab eis suscipiuntur, & cum majori ædificatione, & cæteris paribus cum majori fructu fiet: tum etiam ex parte religiosorum; cum enim majori ex parte in his ministeriis occupari debeant, si ex eis possent temporale commodum reportare, periculum profecto esset, ut eorum vivendi ratio quæstus potius esset, quam pietas. Ut ergo juxta consilium Apostoli 1. ad Timoth. 6. solam pietatem magnum quæstum existimarent, præcisa ab illis est omnis spes temporalis commodi; estque hoc institutum satis consentaneum antiquis canonibus, qui referuntur 1. qu. 2. c. *Pastor.* & cap. *si quis.* & cap. *sacerdos,* quæ sunt assumpta ex Prospero, & ex cap. *Clericus,* ead. caus. & q. ex Hieronymo ad Damasum, & refertur etiam 16. q. 1. in ultimis verbis. Quibus locis solum ad propriam sustentationem dicitur posse ministros altaris aliquid a fidelibus accipere: reprehenduntur autem illi sacerdotes, qui cum habeant aliàs unde sustententur, a fidelibus etiam necessaria ad sustentationem accipiunt. Unde etiam est inter scholasticos controversia, de qua in tom. 3. de sacramentis, disp. 86. sect. 3. an id liceat, necne? quæ nunc prætermissa certum apud omnes est, perfectius acturum, qui nec sustentationem acceperit, si illa indiget. Quapropter dubium etiam non est, quin major adhuc perfectio sit, hoc ipsum ex voto facere: nam si illud perfectius est; ergo est materia voti; ergo illi perfectioni votum adjungere melius est. Atque antiquos Ecclesiæ clericos, & ministros hanc consuetudinem sæpius observasse verisimile sit ex citatis iuribus, & ex verbis Hieronymi in regula Monachorum c. de paupertate. *Clerici* (inquit), *qui de bonis parentum sustentari possunt, si quid pauperum acci-*

piunt, sacrilegium profecto committunt. Non enim alia ratione sacrilegium ibi intervenire poterat, nisi quia erat contra votum: nec Hieronymus de omnibus loqui videtur, sed de illis, qui paupertatem profitebantur; ergo verisimile est, specialiter profectos fuisse hoc paupertatis genus: quamvis non negem verba illa posse habere alias interpretationes, de quibus alibi. Nunc ergo satis nobis sit esse opus perfectionis, & voto dignum nolle recipere stipendium, vel eleemosynam, etiam in sustentationem pro spiritualibus ministeriis.

Citato
loco de
sacram.

10 Dices hoc habere locum in his ministris Evangelii, qui aliàs habent unde sustententur, ut ex verbis citatis ex Hieronymo constat: at vero in his, qui aliàs perfectam paupertatem profitentur, non videtur esse illud perfectionis opus, imo nec rationi consentaneum: qui altari servit, ex altari vivere debet; alioqui necessarium illi erit interdum altare relinquere, id est, spirituale ministerium omittere, ut quærat unde sustentetur. Nec satis est, si quis respondeat religiosum satis habere unde sustentetur, ex ipsa, scilicet, religione: nam tunc ad corpus ipsum religionis revocabitur difficultas, quia non solum singuli religiosi Societatis non possunt sibi accipere stipendia, vel eleemosynas, verum etiam nec alicui domui, aut Collegio, neque etiam domus ipsæ, vel Collegia possunt hoc titulo aliquid a fidelibus accipere. Cum ergo ipsa Collegia, vel domus non habeant aliunde, unde sustententur, nisi ex bonis fidelium, non videtur ad perfectionem pertinere non recipere ab eis hujusmodi stipendia, vel eleemosynas propter Missas, aut alia ministeria: alioquin necesse est, ut prælati nimiam solitudinem ad domos sustentandas sustinere debeant, vel certe, ut alios difficilius, minusque decentes modos in quærendis necessariis tenere cogantur.

Obiectio
contra
proxime
dicta.

11 Respondetur, si perfectionis est in eo, qui habet sustentationem ex propriis, vel paternis bonis, non potest illam a fidelibus, etiam si illis inserviat, multo majoris perfectionis esse, non exigere hanc sustentationem, quasi in compensationem talium operum, etiam si aliunde non habeatur, sed mendicando quærenda sit, quod per se videtur adeo evidens, ut probatione non indigeat: nam sine dubio illud est majoris paupertatis, & nuditatis genus. Deinde auget fiduciam in Deum, qui non deficit in necessariis suis ministris, si fideliter & mereliberally Deo, & proximis inserviant, præter alias utilitates, & honestates, quas supra nu. 9. numeravi. Quocirca licet verum sit, totum corpus Societatis ex donationibus vel eleemosynis fidelium sustentandum esse, sive in domibus, sive in Collegiis, sive in peregrinationibus, & missionibus servata in singulis instituti ratione infra c. 9. explicanda, nihilominus consilium sibi observandum existimavit, non recipere has eleemosynas propter Missas, vel in compensationem aliorum ministeriorum, sed eas vel sponte oblatas accipere, si solum in eleemosynam, & non in compensationem dentur, vel si indigerit, eas a fidelibus postulare, qui eodem liberali modo eas tribuant. Et quamvis fortasse hoc onerosius, & laboriosius sit, hunc tamen laborem non recusat, ut finem a se intentum, id est, animarum profectum melius assequi possit, omni videlicet proximorum ipso onere semoto.

Solutio.

Concinit
Henri-
quez, cum
citatis ab
eo, lib. 9.
c. 22. n. 3.

12 Habemus de hac re illustre D. Pauli exemplum, qui 1. ad Corinth. 9. in primis probat petiisse se ex substantiis fidelium alii, & sustentari. Et ad hoc confirmandum affert aliorum Apostolorum exemplum, & legem Deut. 25. *Non alligabis os bovi trituranti.* Et illud: *Si nos vobis spiritualia seminavimus, magnum est, si nos carnalia vestra petamus?* Deinde vero subjungit: *Sed non usi sumus hac potestate, sed omnia sustinemus, ne quod offendiculum demus Evangelio Christi.* Et infra: *Ego autem nullo horum usus sum.* Concinitque in 1. ad Thess. 2. ubi & avara lucra, & pauperes alios suæ prædicationis fines excludit. Observavit ergo Paulus hoc consilium, non ut aliorum Apostolorum consuetudinem reprehenderet, neque ut se meliorem aut perfectiorem ostentaret: sed quia prudenter existimavit illud sibi magis expeditum ad munus suum melius exequendum, quod erat prædicare Evangelium gentibus: hoc est enim, quod ait: *Ne quod offendiculum demus Evangelio Christi.* Alii enim Apostoli præcipue prædicabant Judæis, & ideo sine ulla offensione ab iisdem necessaria

Exemplo
Pauli il-
lustratur.

cessaria ad sustentationem accipiebant; nam, ut commemorat Hieron. lib. 1. contra Iovinianum, circa medium. *Sancit mulieres juxta morem Judaicum magistris de sua substantia ministrabant*; inter gentes vero non erat talis consuetudo, & quia rudiores erant in divinis rebus, facilius poterant perturbari, si aliquid ab eis exigeretur; & ideo (ut notavit D. Thom. 3. p. q. 40. art. 3. ad 2.) quia hoc scandalum facere poterat in nationibus, *Paulus se abjecisse commemorat*. Aliter, quamvis æque ad rem, de qua agitur, exposuit hanc occasionem Augustinus lib. 2. de sermone Domini in monte cap. 16. dicens: *Perhibet Apostolus licere sibi, & permittum esse a Domino, ut qui Evangelium annuntiant, de Evangelio vivant, id est, de Evangelio habeant ea, quæ huic vitæ sunt necessaria, sed tamen se non esse usum de hac potestate; erant enim multi, qui occasionem habere cupiebant acquirendi & vendendi Evangelium, quibus eam voluit Apostolus amputare, juxta id, quod alibi scripsit, ut amputem occasionem eorum, qui volunt occasionem, 2. ad Corinth. 11. & lib. de mendacio, cap. 15. tractans illud: Dignus est operarius mercede sua. Permissum dicit hoc esse, non justum, ne forte qui hoc faceret, ut in opere predicationis verbi aliquid ab eis, quibus predicaret, in usum vitæ hujus sumeret, illicitum aliquid se facere arbitraretur: posse tamen laudabilius non fieri, in Apostolo Paulo satis demonstratum est. Quæ res tantæ estimationis fuit apud Paulum, ut gloriam suam illam appelleret, & vitæ suæ illam præferat: ait enim citato loco: Non autem scripsi hæc, ut ita fiant in me, bonum est enim mihi magis mori, quam ut gloriam meam quis evacuet. Gloriam meam (inquit Anselm.) quam pro hac abstinentia habere volo in Christo apud Deum, compatiens infirmis; dum nihil ab eis sumo. Aliter Chrys. hom. 22. Ne quis dicat, eum quidem hoc facere, sed non letum, verum mentem & mentem, volens summam ostendere letitiam, & animi alacritatem rem appellat gloriationem, tantum abest, ut sit mœstus, ut etiam gloriatur, & malit mori, quam amittere hanc gloriationem: ita quod fiebat, erat ei vitæ dulcius.*

Id exemplum sibi proponit Societas.

13 Sicut ergo Societas Paulum in ministerium conatur imitari, ita etiam in hoc genere perfectionis illum imitari elegit, ne quod offendiculum Christi Evangelio ponatur, id est, (ut Chrysost. loquitur homil. 21. in 1. ad Corinth.) ne quamlibet protelationem, & dilationem afferamus cursui Evangelii. Hoc enim offendiculum etiam hodie timeri posset, vel prædicando gentibus, vel hæreticis repugnando, vel certe fideles Catholicos instruendo, & excitando, si ob temporale aliquod commodum hæc fieri viderent, ac de stipendio tractari. Fortasse etiam ipsimet ministri Evangelii minorem haberent libertatem ad reprehendendo vitia, minoremque ad persuadendum efficaciam, si aliquam recompensationem ab his, quibus inserviunt, acciperent; ut ergo cursus Evangelii in nullo impediri posset, peculiariter hanc observantiam inter alias religiones Societas tenet: neque omnino singularis in hoc est; nam fratres minores Recollecti etiam hoc observant, ut pro Missis elemosynas, seu pias (ut vocant) non accipiant, ut refert Corduba q. 15. ad c. 4. suæ regulæ: quamquam ipsi, solum intuitu majoris puritatis in paupertate servanda, id faciant; nam ut ibidem refert ex lib. plagarum tit. 10. plagæ 1. maxima Ordinis, & puritatis regulæ iactura, sub prætextu Missarum, & elemosynarum diabolo procurante, & hominum fragilitate, cupiditate, & ignorantia introducta est.

Septima observantia. Nihil quamvis minimi dare etiam mutuato inter domesticos, quæ exteros.

14 Septimo ad hanc paupertatem spectat, nihil posse dare sine facultate superioris, quod omni perfecto voto paupertatis commune est; in Societate vero cum hac exaggeratione ponitur, ut etiam ad res minimas ex præse extendatur: nec solum ad donationem, sed etiam ad mutuacionem tam dando, quam accipiendo extenditur. 3. p. Constitut. c. 1. §. 8. *Intelligant & jam (dicitur) quod mutuo dare, vel accipere, vel dispensare quidquam de his, quæ domi sunt, minime possunt, nisi superior consensum præstiterit*. Quæ verba cum generalia sint, non solum respectu externorum, sed etiam ipsorum religiosorum inter se intelliguntur; non enim dicitur: *Non licet mutuo dare externis, vel ab eis accipere*, sed simpliciter *dare, vel accipere*; ergo neque inter se possunt ex vi illius regulæ, quidquam dare, vel

accipere, etiam mutuo. Quod & servatur, & est valde consentaneum voto paupertatis, nam religioso merus usus facti conceditur; usufructus autem licet uri possit ipse, non tamen usum rei propria autoritate alteri concedere. Per mutuum autem saltem usus rei alteri conceditur, & ideo merito non licet sine facultate superioris. Atque hoc ipsum refertur statuisse Pachomius sua regula 95.

15 Jam quod ad usum positivum spectat, variaz sunt constitutiones Societatis, in quibus speciales circumstantiæ, & aliqui actus pertinentes ad hujusmodi usus perfectionem, commendantur. Nam in Examin. c. 4. §. 26. victus, potus, vestitus, & lecti ratio futura dicitur, ut pauperibus accommodata, & unumquemque sibi persuasum habiturum, quæ vilissima erunt ex iis, quæ domi sunt, ei esse tribuenda, ut ita parati sint ad hujusmodi pauperem usum talium rerum propter suam majorem abnegationem, & spirituales profectum; deinde p. 3. c. 1. §. 25. *Diligant (dicitur) omnes paupertatem, ut matrem, & juxta mensuram sanctæ discretionis, suis temporalibus suos affectus aliquos experiantur*. Et 6. p. cap. 2. §. 11. solum permittitur necessarius, aut conveniens usus rerum communium, ita ut regula sit, superflua semper esse rescanda, necessaria admittenda, convenientia vero seu commoda, licet ordinatim abjicienda non sint, quia tunc etiam necessitati ipsius subvenitur; aliquando tamen ita esse moderanda, & minuenda, ut paupertatis effectus aliqui sentiantur. Et hoc sensu dicitur 3. p. Const. cap. 2. §. 3. *Que ad corpori necessaria pertinent, curetur cum divino auxilio, ut quamvis sit, in quo probetur virtus, & sui ipsius abnegatio, non tamen desit, quod sustentetur natura, & ad divinum obsequium, laudemque conservetur*. Sic enim dixit Concil. Trid. sess. 25. c. 2. de regularibus: *supellectilem religiosam talem esse debere, ut nihil superflui in ea sit, nihilque, quod sit necessarium, desit*. Nam per hoc non tollitur, quin exercendæ virtutis causa aliquid incommodi interdum sustinere expediat. Cui consonat illud Augustini, dicentis Dominum in Evangelio ostendere, nec in abstinendo, neque in manducando esse iustitiam, sed in æquanimiter tolerandi inopiam. Et infra: *Non quid vel quantum pro congruentia hominum, atque persona suæ, & pro suæ valetudinis necessitate quis capiat; sed quanta facilitate & serenitate animi careat, cum his vel oportet, vel necesse est carere, implens illud Apostoli, scio & abundare, & penuriam pati, ad Philip. 4.* Præter hæc ad hunc usum paupertatis pertinet actus mendicandi, qui variis modis, & occasionibus in Societate exercendus est. Nam in primis professi ex vi suæ professionis parati esse debent ad mendicandum in missionibus, cum ex vi votorum suorum teneantur illas admittere, non expectato viatico, & in propriis regulis eorum, qui in missionibus versantur, plene, & perfecte de hac re instruuntur in 5. & 6. ut infra lib. 6. c. 4. n. 9. videbimus. In domibus etiam professi, cum nec in particulari, nec in communi habeant propria bona, unde sustententur, necessarius sæpe est hic actus mendicandi; imo & aliquando in Collegiis, si necessitas id exigat, exercendus est, ut dicitur p. 4. Const. c. 2. in fine. Cumque id sit ultimus seu supremus gradus Societatis, ut a principio ad illum dispendantur, exercentur novitii in peregrinationibus, in quibus mendicare debeant, ut in superioribus lib. 2. c. 5. n. 7. visum est; unde in 4. c. Examin. §. 12. dicitur, debere peregrinari per mensem, sine pecunia, imo suis temporibus ostiatim pro Christi amore mendicare, ut possint ad incommoditatem comedendi, & dormiendi assuescere. Deinde antequam ad professionem, vel ad alia vota admittantur, triduo mendicare debent, ut dicitur in eodem c. §. 27. ad sui abjectionem; & ut hoc præludio intelligant, quæ sit ratio suæ professionis, & ad illam præparari ipso usu, & exercitio incipiant. Ac denique 6. p. Const. c. 2. §. 10. *Parati sint (dicitur) ad mendicandum ostiatim, quando vel obedientia, vel necessitas id exigat*. In qua promptitudine animi magna ex parte consistit paupertatis perfectio, ut sumitur ex D. Th. 2. 2. q. 184. ar. 7. ad 1. Denique ob hæc causam declaravit Pius V. in suo motu proprio, *Dum indefessa, omnes religiosos Societatis, in quocumque ejus gradu existant, vere, ac proprie mendicantes esse*.

Ufus positivus pauperum in Societate variis actibus, impleti videtur, de necessitate expedit, mendicare, &c.

D. Aug. lib. 2. quæst. Evang. c. 11. & refertur in c. dicit. d. 4. 10.

CAPUT VIII.

Ad quem usum paupertatis iidem religiosi obligentur ex vi voti,

Omnis rei vel usus vel ejus proprietatis voto paupertatis generaliter vetatur.

Hæc sunt, quæ circa usum paupertatis ex vi regulæ servanda sunt. Quid autem in eis attingat rationem præcepti, & quando in illius transgressionem culpa, vel gravis, vel levis committatur, ex illo generali principio præcipue accipiendum est, quod per hoc votum omnis usus rei, ut propria, prohibetur, & omnis etiam proprietatis, vel dominium, illo excepto, quod scholaribus specialiter permittitur. Quamvis ergo aliqua ex dictis cap. præc. non sine imperfectione præmittantur, si illa non attingant hunc gradum, ut contineant usum cum aliqua proprietate, seu appropriatione, regulariter, ac per se loquendo non continent culpam contra paupertatem, quamvis moraliter nunquam fiant sine aliqua culpa, vel contra obedientiam, vel contra temperantiam, aut aliam virtutem; quia regulariter procedunt ex aliquo inordinato affectu, nisi intercedat aliqua ignorantia, vel inconsideratio; nam tunc accedente bona intentione, facile potest dari excusatio ab omni culpa. Quando vero possessio, vel usus rei sit proprietarius, seu per modum proprii, regula generalis est, quando id fit sine scientia, & consensu prælati licito, vel expresso; hanc tom. sup. tradidimus cum communi Doctorum tractando de voto paupertatis omnino simplici, & de voto solenni paupertatis religiosæ; neque hic habet aliquid speciale, nam quoad hanc obligationem ejusdem rationis est hoc votum Societatis. Rursus quando hæc proprietatis ex parte materiæ sit peccatum mortale, vel veniale, eisdem locis explicatum est; neque hic etiam occurrit speciale quid.

Quando talis proprietatis dicitur.

Nonnulla de materia levi, vel gravi hujus voti.

2 Solum occurrit advertendum, quando res ipsa non accipitur, ut per modum propriæ semper retineatur, sed solum ad brevem aliquem usum, quo talis res non consumitur, tunc licet res ipsa pretiosa sit, nihilominus culpam regulariter esse levem; quia materia culpæ ibi non est res ipsa, sed usus ejus, & is quid leve est regulariter loquendo, parumque videtur lædere paupertatem; & hac ratione mutuo dare, vel accipere librum, vel manu scripta, & similia, regulariter non videtur materia peccati mortalis ex vi paupertatis, nisi ex tali usu aliquod notabile detrimentum bona religionis acceptura sint. In quo etiam adverte regulariter majoris culpæ esse talia bona mutuo dare extra religionem, quam accipere etiam ab externis, quia ex prioris actione sequi potest detrimentum in bonis religionis, ipsa invita; ex exceptione vero licet sequatur simile detrimentum in re mutuo accepta, non est invito domino; nam qui mutuatur, voluntarie se exponit huic periculo, & alter excusatur, si absque ejus culpa eveniat; sed in hoc exemplo, & multis similibus prudentis viri arbitrium necessarium est, multumque considerare oportet, quid juxta communem æstimationem religionis, grave, aut leve existimetur, ut latius citato tomo dixi. Religiosi autem Societatis cavere omnino debent, ne hujusmodi arbitriis sese exponant, quod optime facient omnem proprietarium usum virando, etiam in rebus minimis, vel si aliquid ex humana consuetudine excedatur, non sit ultra materiam minimam & vulgarem.

Resolutio hujus capituli quo ad priores 4. observantias paupertatis in præcedenti adductas.

3 Ex prædictis ergo observantiis, quæ superiori c. numeravimus, quatuor primæ respectu subditorum, hoc est, omnium, qui superiorem habent in Societate, solum quoad hoc pertinent ad rigorosam obligationem voti paupertatis, ut sine superiorum facultate taceant, vel expressa nihil eorum accipiantur, vel occulte possideantur, aut de uno loco in alium deferantur; si autem de licentia superioris aliquid hujusmodi fiat, non erit proprie contra obligationem paupertatis, etiam si fortasse aliquando minor perfectio sit talem postulare facultatem, aut illa uti. Dico autem aliquando, quia interdum potest nihil de perfectione minuere juxta muneris, vel valoris necessitatem, vel alias rationabiles causas. Oportet vero in hujusmodi licentia obtinenda omnem subreptionem vitare, alioquin non manebit quis tutus in conscientia, quia talis facultas

invalida est, cum re vera non sit ex voluntate superioris, hanc enim impediunt fraus, & dolus, quæ sunt causæ subreptionis. Et idem censeo, quando intercedit moralis quædam violentia, quæ involuntarium etiam causat, ut si subditus expresse, vel tacite comminetur se excitaturum turbas, aliquid scandalum daturum, aut gravem inimiciriam, vel odium concepturum, nisi hoc ei permittatur, tunc enim illa potius est pura superioris permissio ad excusandum majus malum, quam facultas, & ideo non redditur in conscientia etiam in ordine ad violationem paupertatis. At vero si superiori nihil occultetur, nec falsum dicatur, nec vis inferatur, quamvis fortasse sine sufficienti ratione importunis precibus, vel ob privatam benevolentiam licentia obtineatur, sufficiens erit, ut contra paupertatem culpa, aut proprietatis non committatur. Etiam si aliud genus imperfectionis, vel culpæ ibi interveniat, vel ex parte subditi, vel magis ex parte superioris, qui facile potest in hoc graviter delinquere, seu ratione sui muneris, cui non satisfacit, seu ratione scandali. Quia vero hæc culpa non sufficit, ut licentia illa invalida sit, adeo ea interveniente, non peccatur contra paupertatem.

4 Circa quintam observantiam de usu clavis eadem regula servanda est, quod sine facultate non licet, cum illa vero licet. Dubitari autem potest, an hujusmodi usus sine licentia ex se sufficiat ad peccatum mortale, si aliàs de facto sub clavi nihil retinetur sine licentia superioris; neque etiam in affectu id sit, ut aliquid superiori occultetur; neque ut illi liberum non sit quidquam ex his, quæ religiosus habet, auferre, sed solum ob timorem humanum, ne aliquid vel furripiatur, vel ab aliis videatur. Et ratio dubitandi esse potest, quia auctores rigore de hac materia loquuntur, dicentes clavam esse signum proprietatis, ut sumitur ex Corduba in c. 6. regulæ q. q. & Alvaro Pelagii lib. 2. c. 67. versus finem. Unde & in iure clavis traditio est signum possessionis, leg. *clavibus* ff. de contrahenda emptio. Item quia auctores afferunt proprietatem esse celare aliquid Prælati, ut patet ex Panormit. in c. *cum ad monasterium*, de statu Monach. num. 8. & aliis ibi communiter, & Antonino supra citato; sed quod ipso invito sub clavi teneretur, satis ei occultatur, cum non possit suo arbitrio scire, quid ibi claudatur. Et quamvis possit clavam petere, hoc ipsum onerosum est, & ita difficilius ei sit usus, & dispositio illarum rerum, quæ sub clavi tenentur. Habet enim jus illas auferendi infcio subdito, quod non potest facere, si sub clavi claudantur. Denique clavis ipsa, & usus ejus sine superioris facultate habentur in eo casu, & quamvis materialiter videatur res levis, tamen quatenus est instrumentum talis actionis, quæ multum potest nocere paupertati, videtur esse materia gravis, sicut in materia iustitiæ, furari acum, vel calamum, potest esse materia gravis.

5 Fatcor tamen esse rem scrupulosam, & omnino vitandam; nihilominus, recluso scandalo, non audeo dicere esse peccatum mortale ex se, nisi aliquibus circumstantiis specialiter aggraveretur. Moveor in primis, quia vel hoc esset peccatum mortale ob signum proprietatis, vel ob realem proprietatem. Primum dici non potest, tum quia auctores ponentes signa proprietatis hoc non posuerunt, ut patet ex Abbate, & Antonino supra, & Nav. Commento 2. de regularibus, & Gregor. Lopez in leg. 14. tit. 7. part. 1. Solus Pelagius supra loquens de Minoribus, inter alia peccata contra paupertatem posuit claves cellarum, tardando per dies extra locum, Prælati non assignare; *claves*, inquit, *cellarum, vel quorumcumque repositiorum, ubi fratres habent libros, utensilia, & suppellectiles, per spatium dierum, cundo extra locum, ne fratres utantur illis rebus, Prælati resignare, &c.* Hoc autem ut verum sit, oportet, ut & sine voluntate Prælati, & mala fide fiat, scilicet neque ipse Prælati possit in absentia subditi de his rebus disponere, vel interim eas ad alium usum applicare: hæc enim est circumstantia valde aggravans, & indicans proprietarium affectum: & tunc clavis non solum est signum, sed etiam causa suo modo efficax ad impediendum talem usum proprium Prælati, & consequenter est instrumentum usurpandi illum. Recluso autem hujusmodi

Licentia per fraudem, aut violentiam exorta est nulla.

Vid. An. 3. p. tit. 16. c. 1. §. 11.

Non sic per importunitatem obtinetur, vel per nimiam favorem. Oppositum Sanchez lib. 4. de matr. disp. 10. n. 9.

An quintæ observantiæ violatio per solum usum clavis voti paupertatis lædat.

Partis affirmativæ argumenta.

Secundo.

Tertio.

Auctoris iudicium suadet dilemma te impugnando 1. & 2. argumentum pariter affirmativæ.

iusmodi affectu sola ratio signi non sufficit. Tum maxime, quia signum, si sit falsum, & non verum, potest quidem efficere presumptionem culpæ, non tamen veram culpam, nisi fortasse ratione scandali; ergo secluso scandalo (ut loquimur) non potest ex solo hoc capite insurgere gravis ratio culpæ. Altera vero pars probatur, quia circa res sub clave contentas, si servantur circumstantiæ initio præcedentis numeri positæ, non apparet realis proprietas propter solum illum modum occultandi: quia supponimus haberi cum facultate, & cum præparatione animi ad dimittendas illas ad arbitrium superioris; ergo non retinentur ut propriæ, quia non proprio nomine tenentur, sed alterius, & cum dependentia ab illo. Confirmatur, quia aliàs occultare rem, ubi nec a superiore inveniri posset, vel aliquo artificio occulto uti, ut arca extrinsecus aperiri non possit, quamvis clavem non habeat, esset proprietas, & consequenter in rebus alicujus valoris esset peccatum mortale; hoc autem perquam durum est, & præter multorum usum aliqui timoratorum, ergo. Nec vero ipsius clavis possessio potest esse materia gravis culpæ, quia ipsa in re minimi valoris est, & usus ejus per se non continet gravem inordinationem, ut declaratum est. Eo vel maxime, quia sæpe potest clavis cum licentia haberi, quamvis ad claudendum sub illa aliquid non sit ordinaria licentia, & tunc quamvis uti illa quoad actum claudendi sine licentia aliqui sit contra regulam, vel obedientiam, tamen per se non videtur materia paupertatis, servatis aliis circumstantiis, quæ dictæ sunt. Nec vero satis est, quod ea de causa aliquantulum reddatur superiori difficilius dispositio de talibus rebus: quia illa difficultas parvi momenti est, cum facile possit per subditum auferri. Augeretur autem multum hæc circumstantia, quando in absentia plurium dierum, vel per distantiam notabilem aliquis secum defert clavem in scio superiore, nulla alia domini relicta: nam tunc difficultas illa impossibilitas quodammodo efficitur, & ideo jam videtur redundare in magnam appropriationem: quæ propter nisi per inadvertentiam excusetur, vel fiat præsumpta voluntate Prælati, valde reprehensibilis est.

Ad 3. arg.
ejusdem
affirm.
paris.

An sextæ
observan-
tiæ viola-
tio, acci-
piendo
stipendium,
sit contra
votum.

6 Circa sextam observantiam occurrit similis difficultas, an recipere aliquid pro ministeriis præfise hoc capite sit contra votum paupertatis, & consequenter in materia gravi sit peccatum mortale. Ut autem dubium intelligatur, supponamus in omnibus aliis observari circumstantias necessarias ad debitum usum paupertatis: ut v.g. dum quis iter agit, potest licite elemosynam, vel aliud donum sibi oblatum, & juxta communem usum accommodatum accipere, vel ad statim consumendum illud, vel si habeat permanentem usum animo possidendi illud obtemperare licentia a superiore, cum primum conveniri ille possit. Fingamus ergo aliquem accipere brevium cum onere dicendi aliquas Massas, & postea retinere illum de consensu superioris, tacendo tamen titulum, quo fuit comparatum: difficultas est, an ibi interveniat culpa mortalis contra paupertatem. Idem casus cogitari potest in subdito existente in Collegio, si petita licentia, & non explicando causam, propter quam res datur, quippiam simile ob proprium usum accipiat. In ipsis etiam prælatis multo magis habet hoc dubium, si aliquid accipiant etiam in usum Collegii, vel domus datum illo titulo: nam ipsi absolute non peccant accipiendo, cum sint constituti dispensatores, & debeant alere subditos: quidquid ergo ibi est culpæ, est ratione modi, seu tituli. Idemque erit, si superior det licentiam subdito, ut illo modo aliquid accipiat.

Ratio pro
parte ne-
gat.

7 Ratio enim dubitandi in his omnibus est, quia ubi non est proprietas, non est violatio paupertatis; sed in illis casibus non intervenit proprietas, quia nunquam res, vel usus ejus retinetur nomine proprio, in quo sola proprietas consistit. Antecedens patet, quia res semper supponitur accipi ab eo, qui licentiam habet, idque vel ad communem usum, vel ad proprium dependentem etiam a superiore, & a facultate ejus; ergo ille alius defectus, seu respectus erit contra regulam, vel contra obedientiam, non tamen contra paupertatem. Unde fit, ut licet committatur in materia gravi, non sit peccatum mortale, quia ex vi solius regulæ non est culpa. Neque ex voto obedientiæ est peccatum saltem mortale, quia supponimus nullum esse speciale præceptum in virtute

obedientiæ quæ hoc relatum; ergo si paupertas non urget, & scandalum, quod est per accidens, non intervenit, nulla apparet ratio sufficiens peccati mortalis. Confirmatur exemplis: primum est de lucro per negotiationem comparato, quod religioso prohibitum est. Ponamus ergo religiosum aliquem de licentia saltem generali superioris posse recipere usque ad tantam quantitatem: postea vero, quia non invenit gratis datam per negotiationem aliquam sibi prohibitam, & indecentem illam comparare, ille profecto non videtur peccare contra paupertatem, etiam si forte in negotiatione mortaliter peccet juxta modum prohibitionis. Aliud exemplum est, si religioso detur licentia ad recipiendum aliquid sponte oblatum, non tamen ad petendum illud, imo hoc ei expresse prohibeatur: nam licet tunc aliquid petat, & accipiat, non peccabit contra paupertatem, sed contra aliam legem: quia petere non est actus dominii, aut paupertatis, imo est actus mendicitatis: accipere autem jam non sit nomine proprio, sed ex facultate superioris; ita ergo videtur probabilis fieri hæc pars.

8 Ad contrariam autem partem persuadendam magnam vim habere videtur constitutio Societatis, ut c. præced. a n. 8. ponderabam. Nam licet constitutio per se non inducat obligationem ad culpam, designat tamen materiam voti, quæ materia tota Deo promittitur, cum paupertas secundum constitutiones voveretur. Constitutio autem, cum de hac materia loquitur, plane ut obiectum hujus voti illam assignare videtur. Nam in c. 1. Exam. §. 3. sic dicitur: *Tria vota in ea, (id est in Societate) obedientia, paupertatis, & castitatis emittuntur: ex quibus sola paupertatis materia ibi declaratur, dum additur: Si paupertatem accipiendo, ut nec velit, nec possit redditus illos ad suam sustentationem, nec ad quidvis aliud habere.* Et infra eodem contextu: *Neque etiam pro Missarum sacrificiis, vel predicationibus, &c. stipendium ullum, vel elemosynam, quæ ad compensationem hujusmodi ministeriorum dari solent, &c. possunt accipere.* Videtur ergo ita explicari votum paupertatis per hanc constitutionem, ut totum hoc sit materia ejus, atque adeo rigorosam hujus voti obligationem ad hunc actum extendi. Simile argumentum sumi potest ex 10. p. Const. §. ubi ad observantiam paupertatis hæc duo æque pertinere dicuntur, scilicet non admittere stipendia pro spiritualibus ministeriis, & redditus Collegiorum ad suam utilitatem non applicare: constat autem hoc secundum esse de rigorosa obligatione paupertatis; ergo & primum. Potest etiam ratione ita declarari, quia ad paupertatem religionis non solum spectat præfiteri, quid accipere liceat, vel non liceat, sed etiam modum acquirendi; ergo quando aliquod genus acquisitionis prohibetur, ut pertinens ad specialem paupertatem talis religionis, ille per se cadit sub tale votum paupertatis: ita vero se habet votum paupertatis in Societate quoad modum acquirendi, ut ex dictis constat.

Pars af-
firm. sua-
ditur ex
constitu-
tionibus.

Item ra-
tione.

9 Punctum hoc diligenter discussum fuit fere ante quadraginta annos in secunda Congregatione generali Societatis, ubi Patres magna ex parte in hanc posteriorem partem inclinarunt, tractatumque est, ut totius Congregationis decreto authentice statueretur, ac declararetur. Postea vero iustis de causis id prætermisum est: quod est signum non satis constituisse apud ipsos, sensum prædictarum constitutionum fuisse constituere actionem illam speciali ratione sub materia voti paupertatis. Et ideo ne novam obligationem ad peccatum mortale addere viderentur (quod in Societate propter periculum vitandum maxime cavetur), ab illa declaratione abstinuerunt. Et tandem can. 1. §. 5. Congregationis solum fuit stabilitum ad puritatem nostræ paupertatis necessarium esse observare gravissimam constitutionem de non accipiendo stipendio, &c. Hanc ergo partem, ut mitiorem sequendo, dicere possumus, in illis constitutionibus specialiter fuisse expressum hunc actum ad exaggerandum, quanta perfectione, & diligentia hoc in Societate observandum sit, & quia est proxime, & maxime conjunctum cum ejus paupertate, non quia per se, & directe hæc observantia per votum paupertatis promittatur. Unde in 6. p. Const. c. 2. §. 7. ut simplex quadam constitutio hæc proponitur, nulla facta mentione paupertatis, sed solum sub illis verbis: *Meminerint se gratis dare debere, quæ gratis acceperunt, ut sis*

Neutram
partem vo-
luit defini-
re se-
cunda
Co. ogre-
gatio ge-
ne alis.
Vide hoc
in decre-
to 29. §.
Congre-
gat.

majori cum libertate possint, & proximorum adificatione in divino servitio procedere. Multum etiam juvat, quod in prima formula instituti oblata Paul. III. in prima ejus Bulla exacte explicatur votum paupertatis, & materia ejus: & tamen nulla hujus actionis mentio fit. Verba sunt: *Voveant singuli, & universi perpetuam paupertatem, declarantes, quod non solum privatim, sed neque etiam communiter (loquitur de professis) possint pro Societatis sustentatione, aut usu, ad bona aliqua stabilia, aut ad proventus, seu introitus aliquos, jus aliquod civile acquirere, &c.* Late enim illam declarationem prosequitur, nulla hujus rei mentione facta, cum tamen ibi esset optima occasio, & fere necessaria. Denique videtur hæc sententia satis consentanea intentioni Societatis, & fundatoris ejus, cujus mens fuit ita dirigere ad perfectionem, ut vitaretur pericula peccandi mortaliter quoad fieri posset. Ex obligatione autem in præfenti materia non parva oriri posset, cum tamen non appareat sufficiens necessitas illam imponendi in tali materia, potiusquam in aliis: unde etiam fit, ut hoc titulo pars hæc securior dici possit.

10 Nihilominus negare non possumus, quin contraria tutior sit, si observetur; imo etiam in rigore juris loquendo, ceaseo illam esse magis consentaneam verbis constitutionum, & consequenter formulæ vovendi in Societate, in qua post emissâ tria vota additur, *omnia intelligendo juxta Societatis constitutiones*. Accedit, quod in alia formula instituti proposita Julio III. inter substantialia instituti hoc additum est, quod in priori fuerat prætermisum, his verbis: *Gratis omnino, & nullo pro suo in prædictis omnibus labore stipendio accepto*. Nec videtur referre, ut postea in explicando voto paupertatis hoc non addatur, sicut neque in priori illa Bulla Pauli III. additum fuerat; quia ibi non omnia exponuntur, quæ ad substantiam hujus voti pertinent, sed solum ea, quæ ad explicandos varios gradus personarum, & domorum, aut Collegiorum Societatis necessaria erant. Neque etiam hæc circumstantia, seu actio per se potest existimari extra latitudinem paupertatis; quia (ut dicebam) modus acquirendi multum refert ad paupertatem, vel divitias; & ideo ex vi voti paupertatis optime potest limitari, abdicando, & renunciando huic, vel illi titulo, ex quo possit temporale emolumentum provenire.

11 Hæc igitur controversia mihi dubia est, & disputationis gratia facile potest pro utraque parte defendi. Ego vero non audeam peccati mortalis damnare eum, qui præcise in hoc delinqueret absque conscientia erronea, nisi aliunde ageret contra votum. Adverto autem circa casus in n.6. propositos, etiam si hic titulus non sufficiat ad culpam mortalem, magnum esse periculum fere semper committendi illam alio titulo. Nam si religiosus Societatis accipiat hæc stipendia sine ulla licentia, clarum est incurrere in vitium proprietatis; si autem accipiat illa licentia dolose (ut ita dicam) obrepta, quia nimirum petita est ad rem accipiendam, non vero ad stipendium accipiendum: tunc etiam probabilissimum judico non effugi vitium proprietatis, quia illa licentia subreptitia, & involuntaria est superiori, quia ille modus dandi, vel accipiendi, qui taceretur, est valde substantialis, & moraliter loquendo infallibiliter mutaret voluntatem ejus, si ei proponeretur: ergo quod ex tali licentia accipitur, sine licentia accipitur; committitur ergo proprietatis vitium. Atque hoc non solum habet locum in eo, qui expresse cum dicta fraude licentiam petit, sed etiam in illo, qui in itinere aliquod stipendium accipit, qui non habet a quo licentiam petat; nam ille etiam in tantum potest aliquid accipere, in quantum vel generalem, vel tacitam licentiam a superiore habere censetur, quia semper accipit nomine alterius, seu ipsius religionis; nunquam autem generalis, aut tacita licentia extenditur ad talem acceptance, ut constet ex intentione prælatorum omnium, & ex consensu, & usu totius religionis.

12 Quæ ratio procedit etiam in omnibus Prælatibus inferioribus & sub Generali constitutis; nam ipsi etiam indigent generali, vel tacita licentia sui superioris, ut in proprium usum aliquid accipiant. Unde cum ipsi pro aliis subditis nullam talem licentiam habeant, nec pro seipsis plane habent. Accederet etiam in eis peculiaris obligatio ratione muneris, quo specialiter obligantur

procurare regulæ observationem, præsertim in gravioribus rebus, qualis in Societate est hæc, de qua agimus. Unde etiam existimo juxta communem sensum, & consuetudinem Societatis, nullum ex his prælatibus inferioribus posse in hac constitutione valide dispensare, quia talis potestas neque ad communem, & ordinariam gubernationem necessaria est, neque invenitur eis specialiter commissa, neque etiam de actibus ejus est ulla consuetudo, nec vestigium ejus.

13 In Præposito autem Generali (si supponamus hanc non esse materiam voti, sed solam constitutionis obligationem) non videtur deesse potestas, cum in eo sit suprema. Quod sine dubio procederet, si non esset in hac parte ab eadem Societate restricta. Videtur autem restricta in Congregatione s. decreto 1. ubi renovatur, & commendatur hanc constitutionem: *Nepromissionibus Societatis stipendium, vel elemosyna ulla in compensationem admitti possit, ac omnino prohibet, ne ullus superior, ac ne ipse quidem Præpositus Generalis in ea dispense*. Circa quæ ultima verba dubitari posset, an tollat omnino potestatem, vel prohibeat solum usum ejus. Sed hanc disputationem omitto, nam illa duo moraliter æquivalent in præfenti. Si enim dispensatio daretur sine causa legitima, non solum peccaretur graviter, sed etiam dispensatio esset nulla, quia esset dispensare sine causa in jure superioris, qui defectus semper inducit nullitatem. Antecedens autem patet; quia Congregatio generalis est superior ipso Generali; & ideo secus erit, si aliqua Congregatio dispense: erit enim valida dispensatio, etiam si contingat non recte fieri. Si autem fingamus casum, in quo intervenit legitima causa dispensandi, tunc probabile est fore validam dispensationem. Et ideo fortasse in decreto illo non est positum verbum, quod in rigore significet ablationem potestatis. Quia tamen casus ille moraliter accidere non potest, ideo absolute posita est illa prohibitio. Et quando contingeret illa necessitas, recurrendum esset ad summum Pontificem potius, quam propria auctoritate dispensare. Unde etiam fit, ut necesse cum ipse possit Præpositus dispensare, præsertim, quia ratione exempli, & scandali magis vitanda erit talis dispensatio. Denique etiam ante hoc decretum existimo non potuisse sine gravi culpa in hac materia dispensare, moraliter, seu regulariter loquendo, quia oporteret causam esse valde gravem, quæ vix potest in tali materia occurrere. Nec novum videri debet, quod superior possit peccare mortaliter inique dispensando in constitutione, quæ per se non obligat ad peccatum mortale, quia dispensatio illa est maxime contra bonum commune religionis, præsertim in re tam gravi. Est etiam contra obligationem fidelitatis, & justitiæ, ad quam superior tenetur ex officio suo.

14 Circa septimam observantiam nihil occurrit addendum circa obligationem in conscientia præter generales regulas supra datas de voto paupertatis religiosæ. Quæ vero tandem circa usum positivum adduntur, ordinariæ ad perfectionem magis pertinent, quam ad rigorosam obligationem. Solum circa religiosam suppellectilem adverto, licet interdum contingat in aliquo esse superfluum, considerata ratione instituti, atque etiam consuetudine, tamen per se loquendo non inducere culpam gravem contra paupertatem, dummodo tota ex legitima facultate superioris, & cum debita resignatione animi habeatur, quia nulla certa medicritas, seu quantitas suppellectilis cadit sub voto paupertatis, ut materia ejus; ergo si alioqui evitetur proprietas, & proprietarius usus, non erit in ea materia per se loquendo gravis culpa contra paupertatem. Per accidens vero poterit interdum hæc esse culpa, & non parva, ratione scandali, maxime si detur occasio aliis relaxandi perfectionem paupertatis. Circa aliam vero partem de usu, vel exercitio mendicandi, clarum est paupertatem Societatis ex vi proprii voti, nunquam obligari personam aliquam in particulari ad exercendum illum actum, sed obligabit aut obedientia, aut charitas propria, vel proximi, si tanta sit, ut ad subveniendum illi necessarium sit mendicare.

Problematicè defendit, propendere tamen videtur in partem negantem. Juxta partem negantem quomodo accipienda casus in n.6. alibi quoad ad subli. 403.

Quomodo item quoad ordinariæ superioris.

Quomodo denique quoad Generalem.

CAPUT IX.

De paupertate domorum professorum propria.

Diximus hactenus de his, quæ ad paupertatem singularum personarum pertinent, dicendum superest de paupertate, quæ in communitatibus Societatis servanda est. Sunt autem in Societate tria genera domorum, scilicet professorum, Collegiorum, & Novitiatuum, ut in superioribus lib. 2. c. 5. n. 14. visum est; & in eis pro ratione finis & muneris uniuscujusque diversus modus paupertatis servatur, qui sigillatim explicandus est; in hoc quidem & sequenti capit. quoad domos professorum, in 11. quoad Collegia, & Novitiatum.

1 Primo ergo Societas professæ, in communitatem, capax non est domini aliorum bonorum immobilium: ita habetur in 1. Bulla Pauli III. *Declarantes, quod non solum privatim, sed neque etiam communiter possint pro Societatis sustentatione, aut usu ad bona aliqua stabilia, aut ad proventus seu introitus aliquos jus aliquod civile acquirere.* Idem in Bulla 1. Julii III. ubi declaratio additur partim ampliationem, partim limitationem continens; cum enim dicitur, neque professos, neque eorum domos, aut Ecclesiam posse habere proventus, redditus, possessiones, aut bona stabilia, ampliatio quædam est, vel saltem major explicatio. Cum vero additur: *Præter ea, quæ opportuna erunt ad usum proprium & habitationem*, limitatio quædam est. Alia etiam est diversitas notanda: nam in priori Bulla subiciebantur hæc verba: *Sed sint contenti usum tantum rerum sibi donatarum ad necessaria sibi comparanda recipere.* Quæ verba statim excitabant illam questionem, an domini talium rerum apud Societatem sit. Ad hanc ergo questionem tollendam aliter in posteriori Bulla illa posita sunt, scilicet, *rebus sibi ex charitate donatis ad necessarium vitam usum contenti.* Itaque in Societate non habet locum illa questio, quæ de religione Minorum controversari solet. Nam re vera domus professæ est capax aliqujus domini in communi, nimirum earum rerum mobilium, quæ ad actuale usum habet. Et ita expresse declaratum est in d. c. 2. 6. p. Constit. §. 5. lit. E. Idemque censendum est de dominio illius rei immobilis, quæ solum ad habitationem, vel alium hujusmodi usum, scilicet, ad aliquam recreationem religiosam necessariam, inserviat, non vero ad redditus, & proventus, ex quibus religiosi sustententur: Quamvis autem horum bonorum dominium habeant professæ domus, plenam autem administrationem non habent, sed in Preposito Generali precipue residet propter perfectam subordinationem, & monarchicum regimen, quod Societas proficitur, & ideo contractus, quæ de his rebus in domibus professis, non a Conventu, nec nomine ejus, sed a superiore nomine Generalis fiunt. 3. p. Constit. cap. 3. §. 5. Aliorum autem reddituum, vel bonorum immobilium præter ea, quæ dicta sunt, incapax est professæ Societas: quod etiam Pius V. & Gregor. XIII. in suis Bullis confirmant. Idem habetur 6. p. Constit. c. 2. §. 2. ubi amplius his verbis declaratur: *In domibus, vel Ecclesiis, qui a Societate ad auxilium animarum admittentur, redditus nulli, nec sacrificiæ quidem, aut fabricæ applicati, haberi possint, sed neque ulla alia ratione, ita ut penes Societatem sit ulla eorum dispensatio.* Et §. 5. additur: *Non solum redditus, sed nec possessiones ullas habeant in particulari, neque in communi, domus, vel Ecclesia Societatis, præterquam quod ad habitationem vel usum necessarium eis conveniens fuerit, &c.* In Examin. etiam c. 1. §. 3. declaratur, paupertatem Societatis talem esse, *ut nec velit, nec possit redditus ullos ad suam sustentationem, neque ad quidvis aliud habere.*

2 Ubi particula illa, *nec quidvis aliud*, posita est ad explicandum, etiam ad servitium, vel expensas sacrificiæ, vel sacrificii divini, ut pro ornamentis ad sumptus olei, ceræ, tritici, aut vini consumendi in altari, non posse Societatem professam habere redditus, ad quos habeat proprium jus. Et hoc ipsum significatum est in 6. p. Constit. in verbis illis: *Nec sacrificiæ quidem, aut fabricæ applicati.* Additur præterea in 4. p. Constit. c. 2. §. 4. in domibus, & Ecclesiis Societatis professæ non posse admitti obligationes ad curam animarum, vel ad alias Missas dicendas: per quod excluduntur etiam omnes redditus, qui ex anniversariis, seu capellaniis provenire solent. Verum hoc commune est toti Societati, etiam in Collegiis. Provenit enim ex illa generali conditione paupertatis So-

cietatis, quod pro Missis, vel aliis ministeriis spiritualibus non potest stipendium, vel elemosynam accipere. Quamquam non hæc sola ratio ibi interveniat, sed etiam, ut operarii Societatis professæ magis expediti sint ad sua ministeria, & ad missiones obeundas, quando juncta fuerint. Et ideo additur ibi in declaratione, quod licet Collegia possint interdum aliquas obligationes accipere, quæ neque animarum curam contineant, nec distractionem afferant, nec multam occupationem repugnantem Societati: *in domibus autem professorum (dicitur ibi) quando nec illæ redditus ullos habent, nec ipsi stabilem habitationem, hujusmodi obligationes non tolerantur.*

3 Ex quibus omnibus constat oculos omnino esse viam Societati professæ habendi redditus certos, & stabiles ad quasvis expensas sibi necessarias, sive ad fabricam Ecclesiæ, aut domus, sive ad expensas Ecclesiæ, seu sacrificiæ, sive ad sustentationem tam professorum, quam omnium eorum, qui eos adjuvant, vel in temporalibus, vel in spiritualibus, in quocumque gradu Societatis illi sint, vel etiam novitii, imo etiam si sint famuli; nam omnes hi comprehenduntur in sustentatione domus. Neque etiam pro hospitibus, nec pro itinere agendis, multoque minus, ut ipsi professi in missionibus ex eis sustentari possint, quia verba sunt generalia, & omnem titulum, vel occasionem excludunt.

4 Deinde constat in hoc genere paupertatis, quoad multa convenire paupertatem Societatis cum paupertate Minorum, quatenus nihil proprium in communi habere possunt: in aliquibus vero differre ex parte minuendo, & ex parte augendo illam paupertatem. Nam quoad dominium proprium rerum mobilium, quæ actu possidentur, & tenentur ad usum, & quoad Ecclesiam, & domum habitationis, non refugit Societas illud admittere, quia non existimat impedire aliquo modo finem suum. Minores vero profitentur hoc etiam dominium non admittere, sed purum usum: quod sanctum etiam est, & ex eo capite paupertatem auget, & commendat ejus affectum. Aliunde vero excedit hæc paupertas Societatis, quatenus excludit omnes redditus pro sacrificiis, & sumptibus ejus, & omnes proventus ex capellaniis, anniversariis, &c. quæ cum paupertate Minorum non repugnant, ut in tomo superiori tractando de religionibus mendicantibus visum est. Atque hinc tandem fit, ut ad declarandam hanc paupertatem Societatis professæ nihil hic adducere necessarium sit: nam quæ illi communia sunt cum religionibus mendicantibus, illo in loco declarata sunt. Quæ vero sunt propria Societatis, aperte fere in ipsis constitutionibus continentur. Ut tamen distinctius ea, quæ sunt propria, intelligantur, operæ pretium erit nonnulla ex verbis Pontificum paulo ante allatis magis exponere, & dubia incidentia expedire.

Dubium primum.

Quid verba illa Bullæ Pauli III. (*jus aliquod civile*) importent.

5 Primum ergo inquiri potest, quid significet in Bulla Pauli III. verbum illud, *jus aliquod civile*. Videtur enim in rigore significare actionem ad petendum coram judice redditus, vel proventus aliquos, atque ita non repugnare, quin domus professæ habeat jus, quod vocant naturale ad hujusmodi redditus, vel bona stabilia: recte enim unum jus ab alio separatur; ut in sententia multorum per testamentum minus solenne, quando certo constat continere voluntatem testatoris, jus naturale acquiritur, id est, in conscientia & vera justitia, quamvis non acquiratur jus civile, id est, actio ad petendam juridice hereditatem. Similiter qui deceptus est, in venditione citra dimidium, jus naturale habet ad id, in quo deceptus est, non tamen jus civile, quia ei non datur actio. Cum ergo in dicta Bulla solum declaratur, Societatem professam non posse acquirere aliquod jus civile, non videtur excludi, quin habere possit verum jus justitiæ ad aliquos redditus, quamvis illos juridice petere non possit; ut, v. g. si aliquis testamento relinqueret suam hereditatem alicui cum onere dandi singulis annis pensionem centum aut eorum domui professæ Societatis, conferendo etiam ipsi Societati jus naturale justitiæ, absque actione civili.

Ad quas etiam personas domorum ipsarum se extendat.

Dicitur paupertas exceditur, & excedit paupertatem Minorum.

Ratio dubii.

Confirmatur exemplo

Bipartito
resolvitur
dubium.

Ostendi-
tur prior
pars.

Ostendi-
tur poste-
rior.

6. Respondeo certum esse Societatem esse incapacem omnis dominii harum rerum, tam corporaliū, quam incorporaliū, atque adeo nec census ullos habere posse, nec verum aut proprium jus ad ullos redditus. Prima pars constat ex multis aliis verbis supra citatis, præsertim, quia proxime post illa verba in Bulla Pauli III. additur: *Sed sint contenti usum tantum rerum sibi donatarū, ad necessaria sibi comparanda, recipere.* Ubi etiam rerum mobiliū solus usus videbatur permitti. Apertissime vero id declaratum est in Constit. ubi nulla facta mentione juris civilis, absolute dicitur Societatem professam, neque in cōmuni, neque in particulari posse habere hæc bona: & ad majorem explicationem additur, *sed neque ulla alia ratione, ita ut penes Societatem sit ulla eorum dispensatio.* Quod vero sub hac generali prohibitione comprehendantur non tantum res corporales, sed etiā illæ, quæ incorporales vocantur, ex ipsis verbis manifestum est; quia census annui sunt ex his bonis incorporalibus: at illi etiam exclusi sunt per illa verba, *nulli redditus*, nam ex censu aliqui redditus debentur. Imo juxta veram sententiam, hoc commune est omni religioni, quæ paupertatem in cōmuni præsterit, nam eo ipso repugnat illi habere jus aliquod propriū ad certos redditus: & ideo Bonifacius VIII. in c. 1. §. 1. de religiof. dom. in 6. dixit, hujusmodi religionem incerta mendicitate sustentandam esse, quia nihil debet habere certum, unde alatur: sed ex elemosynis vivere debere, ut ibi glossa, & omnes notant. Ergo omnes certi redditus, siue proveniant ex re corporali, siue ex incorporali jure, repugnant huic paupertati. Non ergo excluditur solū jus seu actio civilis, sed etiam jus ipsum substantiale, ut sic dicam; quod inter bona temporalia, & immobilia per se computatur, & est estimabile pretio, etiam seclusa actione civili, & de se sufficere potest ad certam vitæ sustentationem, etiam si ex alterius injustitia negari possint redditus debiti ex tali jure: quæ sententia manifeste sumitur ex declaratione Pontificis in Clem. *Exivi. vers. cumque annui redditus*, de verb. signific. Cum ergo in Bullis ponitur particula illa, *jus civile*, non intelligitur sola actio civilis, sed omne jus, seu dominium humanum, quod jus civile appellari potuit, vel quia inter cives versari solet, vel quia fundamentum est juris civilis, & per se confert illud, quamvis aliquando ex accidenti negetur.

Ad con-
firmat. ab
exemplo
legato in
tulo n. 5.

7. Ad exemplum autem ibi positum, manifestum est in eo casu legatum illud repugnare paupertati Societatis, atque adeo esse nullum, ita ut non solum non acquirat Societas jus ad tales redditus, verum etiam non possit illos recipere, quia esset virtute consentire, & acceptare jus, aut saltem velle habere certos redditus ad suā sustentationem (nisi forte hæredes expresse declararent, se ultro dare velle). Imo, etiam si testator hoc onus imponeret hæredi nullo jure dato Societati, sed solum gravando conscientiam hæredis, juxta communem sententiam, como præcedenti tractatam de mendicantibus, non esset validum tale legatum, quia repugnat strictæ paupertati, quæ omnes redditus certos excludit, ut notat Panormit. in c. *nimis prava*, 2. de excess. Prælat. n. 2. & in c. *in presentia*, de probationibus; & ideo in 7. tandem Congregat. generali. decreto 50. editionis ann. 1616. stabilitum est, repugnare Societatis instituto, & puritati paupertatis ejus, si Collegia acceptent redditus cum onere dandi aliquam partem domui professæ. Et quamvis Sylvest. *Legatum*, 2. q. 2. particula 2. & 3. cum Paludano, & aliis Doctoribus, hoc limitet, quoad alias religiones mendicantes, videlicet, *nisi per modum elemosynæ id recipere* & non exigendo judicialiter, de quo citato tomo visum est, nihilominus in Societate ipsa non existimo habere locum generaliter de quibuscunque legatis illam limitationem; sed solum in casu in ejus constitutionibus expresse. Nam in 6. p. Constit. c. 2. §. 2. cum dictum esset, domus, & Ecclesias Societatis non posse habere redditus, additur in Declaratione lit. B. *Si aliquis ex fundatoribus domorum, vel Ecclesiarum vellet redditus aliquos ad fabricæ usum relinquere; dummodo, nec dispositio eorum ad Societatem pertineat, nec sit, unde ei competat actio in illos, (quamvis id illi curæ esset, ut is, cui tale munus commissum est, suum officium faceret) & sic in rebus similibus, non esset id a Societatis paupertate alienum.* Ex qua declaratione constat in casu ibi expresse tale legatum, seu onus validum esse, quia Societati licet

Societas
potest
legata
quodam
modo ac-
ceptare
potest.

gaudere illo, modo sibi permisso, scilicet accipiendo redditus illos, si dentur, & admonendo etiam sui officii hæredem, qui supponatur in conscientia obligatus, aliàs nulla esset admonitio. Qualis vero esse possit illa obligatio hæredis, in tomo superiori explicatum est.

8. Cum autem exceptio sitmet regulam in contrarium, & hæc videatur in præsentem esse exceptio singularis, consequenter videtur extra hunc casum non licere Societati acceptare hujusmodi redditus jam certos, saltem ex obligatione alterius, ut, v. g. si illi redditus non ad fabricam Ecclesiæ, aut domus, sed ad sustentationem religiosorum relinquerentur; quia hoc magis repugnat paupertati personali, ut sic dicam. Quod si hæc expositio vera est, etiam non licebit (attento jure cōmuni) similes redditus acceptare ad ornamenta Ecclesiæ, & alia onera sacristiæ; quia nomine *fabricæ* hæc non comprehenduntur, argum. c. de his, de testamentis, ubi hæc ponuntur tamquam diversa, quod ibi notat Panormit. n. 2. & infert redditus depuratos ad fabricam non posse converti in ornamenta Ecclesiæ. Hic ergo in præsentem dicendum videtur permissionem expressam tantum circa fabricam non extendi ad ornamenta, & alios sumptus pro luminaribus, sacristiis, &c. Deinde etiam ponderari potest, hoc solum permitti fundatoribus. Quod etiam videtur speciale propter gratitudinem eis debitam, & quia sunt veluti domini, id est, patroni, ad quos maxime pertinet, & veluti in eorum commodum redundat, quod talia ædificia conserventur perpetuo, & ita ab alio extraneo non esset hoc admittendum; non enim sine causa nomen *fundatoris* positum est. Quæ expositio tota eo potest religiosi Societatis magis placere, quod paupertatem domorum magis restringit, & quia singula verba B. P. Ignatii magis expendit, qui non sine speciali motivo, & ratione casum illum in particulari expressit.

9. Nihilominus talem expositionem non propono ut certam; primum, quia argumentum a contrario, vel ab speciali, ubi prohibitio generalis lata non erat, non est firmiter ad concludendam generalem prohibitionem in aliis casibus; in præsentem autem non est prohibitum ex vi voti paupertatis, neque ex aliis regulis Societatis recipere hujusmodi redditus, si ab alio conferantur ex obligatione sibi relicta, sine jure vel cura Societatis; nam seclusa hac speciali declaratione nihil peculiare habet Societas plusquam aliæ religiones, quibus prohibitum est habere redditus in cōmuni, quibus non propterea censetur prohibitum acceptare hanc elemosynam, quantumvis obligationem ex parte dantis: ergo quamvis in prædicta declaratione n. 7. allata ille casus specialis expressus sit, non licet inde inferre generalem prohibitionem in omnibus aliis: nam ad recedendum a jure cōmuni, & ad inducendam specialem voti obligationem, seu materiam, major declaratio necessaria erit: potuit enim ille casus exprimi non ut explicaretur tantum in eo specialiter licere, sed ut insinuaretur in hoc casu esse specialem rationem, non ut liceat, sed ut etiam congruum sit, talem piam operam acceptare, modo nostræ paupertati accommodato, etiam si fortasse in aliis casibus, vel melius si illa non acceptare, vel regulariter possit esse aliquid incongruum, vel periculum alicujus fraudis, vel diminutionis paupertatis per hujusmodi legata. Deinde moveor propter illa verba, *& sic in rebus similibus*; per quæ significari videtur non esse speciale in illo casu, sed extendi etiam ad alios similes, nullum enim alium congruum sensum illorum verborum invenio. Nam illæ res similes non possunt referri ad res in testamento relictas; quia omnes, quæ relinqui possunt, comprehensæ jam erant nomine *reddituum*, nam si non sint redditus, sed res semel donandæ, & consumendæ, illæ etiam cum perfecto jure, & actione civili acceptari possunt. Igitur referri necessario debent ad alios casus, in quibus aliqui redditus sub eodem onere, & modo relinquuntur ad alios usus Ecclesiarum, vel domorum Societatis. Accedit etiam, quod in originali Hispano verba, quibus illa declaratio concluditur, sunt *No seria inconveniente*, quæ non tam significant hoc esse licitum, quam non esse contra perfectionem, vel convenientem gubernationem, quando ratio aliqua gratitudinis, vel pietatis id postulat, ita enim

Non tamē
quacum-
que lega-
ta.

Non igitur
fabricæ
non ve-
niunt or-
namenta.

Neque
sumptus
pro sacri-
ficiis, &
luminari-
bus.

Probabile
tamen est
posse ac-
ceptare
quæcum-
que eo
modo re-
licta.

enim interpretor illa verba, *Et sic in rebus similibus*. Denique hoc videtur sufficienter colligi ex d.c. 2.6.p. Constit. 5.6. in quo tria ordinantur. Primum est, ut nullus Societatis excuset aliquem ad relinquendas perpetuas eleemosynas alicui domui, vel Ecclesie Societatis; quod per se non pertinet ad votum paupertatis, neque ad materiam ejus, sed ad quandam perfectionem, & ad regulæ observationem, magnamque ædificationem. Secundum est, ut si quis sponte sua eas relinquat, nullum jus civile ad eas in judicio petendas acquiratur Societati; & hoc pertinet ad materiam voti paupertatis. Tertium est, tales eleemosynas recipi posse, si alii, cum ad id charitas propter Deum eos moverit, eas largiantur; hæc enim verba manifeste supponunt tunc etiam posse a Societate recipi. Quæri autem circa illas potest, an oporteat alium ex sola charitate, id est, ex spontanea voluntate absque obligatione illas donare, hoc enim videntur significare in rigore illa verba. Non tamen ita censeo, nam etiam ex charitate moveri potest, qui suam obligationem, quæcumque illa sit, implet. Solum ergo ibi significatur respectu Societatis non posse esse obligationem iustitiæ, quidquid sit de quacumque alia obligatione, quam hæres potest habere respectu testatoris.

Dubium secundum.

Quid importent verba illa Bullæ, (redditus, & possessiones.)

10 Dubitari vero ulterius potest, an nomine reddituum comprehendantur temporales pensiones, si ad quinque vel sex annos tantum relinquuntur; sed de hoc idem censendum est, quod de mendicantibus religionibus toto superiore dixi contra Cordubam, & alios, si talis sit pensio, ut ad eam religio ipsa jus acquirat, etiam si temporalis sit, repugnare paupertati Societatis professæ: quia etiam huiusmodi pensio impedit saltem pro illo tempore incertam mendicitatem; ergo repugnat dictæ paupertati. Et ideo Clemens in d. Clem. Exivi, absolute & sine distinctione dixit, huiusmodi redditus retinere, pauperati, & mendicanti repugnare. Et ibidem etiam asserit hos annuos redditus inter immobilia bona computari, quia jus ad illos est quasi res fructifera, de se permanens, & vendibilis, quod non solum verum est de perpetuo, sed etiam de temporali censu, ut communiter Doctores docent, & videri potest Covarr. 3. Variarum c. 7. Præterea ob hanc rationem docent omnes Doctores, ut tom. superiori vidimus, usum fructum ejus, qui professionem facit in religione, quæ non potest proprium in communi habere, non cedere in commodum religionis, sed per professionem extingui; cum tamen redditus usufructuarii temporales sint, maxime respectu religionis, quia ad summum durare possent pro tempore vitæ ipsius usufructuarii: signum ergo est etiam temporales redditus cum jure ad illos huic paupertati repugnare. Denique in constitutionibus Societatis illa distributio additur, nulli redditus, & illa, sed neque ulla alia ratione, & illa, siue redditibus ullis. An vero tale legatum relictum Societati professæ, ut possit converti in utilitatem ejus, aliquo modo non repugnare paupertati ipsius, & sub ea ratione validum esse possit, dicam statim.

11 Circa aliam particulam, qua prohibetur Societas habere possessiones præter necessarias ad usum, inquiri potest, quid nomine possessionum intelligatur, & quæ sint permixtæ, quæ vero prohibita, & an prohibeatur illarum tantum proprietates, vel etiam usus. Primum horum per se facile est; possessiones enim appellantur omnia bona immobilia corporalia, ut sunt domus, & quæcumque ædificia, vineæ, horti, & in universum agri, siue fructiferi sint, siue infructiferi; hæc enim omnia tam in jure, quàm in communi modo loquendi nomine possessionum significatur. Oportet autem hic notare Concil. Trident. sess. 15. c. 3. de Regularibus concessisse omnibus regulis, Minoribus de Observantia & Capuccinis exceptis, ut monasteria, & domus eorum habere possent bona immobilia, etiam si in constitutionibus suis eis id sit prohibitum: sub quo decreto videbatur Societas etiam comprehensa. Quia vero Concilium non præcipit, sed concedit, ideo postea Societas in secunda Congregatione generali Can. 21. cessit cuicumque juri, quod ei posset ex hac concessione Concilii provenire, & ideo obligatio nunc integra perseverat, & post illud decretum Concilii confirmata est hæc paupertas Societatis a Pio V. & Gre-

Snarez Tom. XV.

gorio XIII. ille enim in Bulla, *Dum indefesse*, declarat, Societatem mendicantem existere, quippe quæ (ait) ex ejus instituto, & constitutionibus Apostolica auctoritate confirmatis bona stabilia possidere nequit, si incertis eleemosynis, fideliumque largitionibus, & subventionibus vivit. Gregorius vero in constitutione, *Ascendente Domino*, & hanc prædecessoris sui declarationem citat, & probat, & deinceps totum institutum, ac expresse etiam quoad hanc partem confirmat.

12 De secundo autem puncto dicendum est, duas tantum, vel tres possessiones posse habere cõventum unum Societatis professæ, scilicet domum ordinariam, in qua habitent religiosi; Ecclesiã, in qua sacra ministeria exercent, quæ regulariter non reputatur possessio distincta, sed unum corpus efficit cum ipsa domo, & cum eadem domo computatur: hortus aliquis ad quotidianum usum necessarium religiosorum: nam hoc totum nomine monasterii, aut domus comprehendi solet. Præter hæc vero habere potest separatam aliquam possessionem; ubi etiã domum cum agro, vel cum horto habeat ad extraordinarium, necessarium tamen usum religiosorum, ad corporis, vel spiritus levamen aliquod, aut refrigerium: hæc enim omnia sunt in prædictis constitutionibus contenta. Quia vero quod ad Ecclesiã, vel domum pertinet,

declaratione non eger, ideo solum de possessione alia explicatur in 6.p. Constit. c. 2. §. 5. talem esse debere, ut nec aliis locetur, nec fructus, qui redditui loco esse possint, habeat; scilicet (additur ibi in Declaratione lu. F.) si vim, vel olei, vel tritici proventum dictæ possessiones ferrent, vel si fructus, & olera ex hortis venderentur, quorum nihil licebit; quæ verba desumpta videntur ex dict. Clement. Exivi §. Licet. Non repugnabit autem paupertati convertere in usum domus fructus aliquos, vel olera, ex hujusmodi locis provenientia. Omnis autem alia utilitas ex illis prohibita est, ut eodem loco satis declaratur. Præter has autem possessiones, nullas alias habere licet: quia in hoc genere quidquid concessum non est, censetur prohibitum, ut argumentatur Pontifex in d. Clement. Exivi, vers. Cumque annui; & optime, nam hic prohibitio generalis est ratione talis voti, & ideo solum id est licitum, quod est concessum, seu exceptum. Non ergo licebit Societati professæ habere domum aliquam, vel vineam, vel quippiam simile, quod ad prædictos usus moraliter necessarium non sit, etiam si ex illis possessionibus non sustentetur, sed fructus earum in eleemosynam aliquam convertat, & sic de aliis. Vide Cordubam in c. 6. suæ regulæ q. 10. punct. 2. & Serenam Conscientiam q. 10.

13 Quoad 3. vero punctum manifestum est inprimis maxime prohibitum esse dominium harum possessionum, deinde certum est prohiberi usum fructum, etiam absque dominio: quia non minus hoc repugnat paupertati, imo quodammodo magis, quia indigentia magis subvenitur usufructu, quam proprietate. Item quia expresse in dictis constitutionibus prohibentur proventus; quæ vox proprie significat fructus, seu commoditatem usufructus. Item prohibentur quicumque redditus, vel emolumenta quatumcumque possessionum; ergo multo magis usufructus. Denique dicendum est, etiam usum talium possessionum (præter supra dictas) esse prohibitum, quod sumo ex dict. Clem. Exivi, ubi de Minoribus sic dicitur, *Possessiones, vel earum etiam usum (cum eis non reperiantur concessus) recipere, vel habere (conditione considerata ipsorum) non licet*. Quæ verba, & ratio eorum in Societate professæ locum habent. Intelligo autem per usum, jus utendi; nam solus usus facti per se non repugnat voto paupertatis; & ideo, si dominus concederet Societati usum alicujus possessionis ex mera liberalitate, nullum jus illi tribuendo, sed cum potestate libera respectu Societatis negandi illum usum, cum velit habere talem usum non esset contra pauperatatem, quia ibi nulla est proprietas, nec jus proprium, & perinde est accipere usum domus, ac recipere usum equi, aut alterius rei cuiuscumque. Poterit ergo esse in hoc aliquis excessus, si talis usus non esset adeo decens religiosi, præsertim prosternentibus solennem pauperatatem, tamen in rigore non esset contra tale votum. Atque eodem modo accipiendum est, quod de usufructu diximus; nam usufructus proprie significat jus ad percipiendos fructus. Si autem dominus possessionis liberaliter tribueret fructus unius anni, acceptari possent, sicut aliæ eleemosynæ

Alterum punctum quæ possessiones professæ permissæ sunt.

Quæ possessionem non sibi tantum possit habere domus professæ.

Tertium punctum, An prohibeatur tota proprietas, an etiam usus fructus.

Usus unus non prohibetur.

Redditus etiam certi temporis prohibentur professæ domui.

Circa verbum (possessiones) puncta tria declarantur.

Unus punctum quid sint possessiones.

Societas concessio- ni Trident. re-mittit.

imo & plures annos posset id facere, nullum jus conferendo Societati. Addo etiam, quod licet ille voto ad id se obligaret, votum esset validum, & Societas posset fructus recipere, dummodo votum intelligatur soli Deo factum, & ipsi nullum esse acquisitum jus, sicut supra n. 9. dicebamus de obligatione hæredis ex testamento. Denique adverto, cavendum esse, ne in Societate admittatur administratio, seu dispositio talium fructuum, vel reddituum; nam hoc repugnat ejus paupertati: ut constat ex cap. 2. 6. p. Const. §. 3. & 6. & lit. B.

14 Sed quid si domui professæ possessio aliqua ad usum suum non necessaria donetur, aut testamento relinquatur? Respondeo, dupliciter posse id contingere. Primo ut legatum habeat adjunctam aliquam conditionem repugnantem paupertati, prout declarata est: ut, v.g. quod talis possessio sub dominio vel usufructu Societatis semper conservetur, vel alia similis, & tunc clarum est, non posse legatum cum tali conditione acceptari. Dubitant autem Doctores, an in illo casu legatum illud valeat, necne? Quidam enim censent esse validum, & conditionem utpote iniquam debere haberi pro non adjecta; ita tenet Antonin. 3. p. tit. 16. c. 1. §. 1. 2. notat. 7. argumento *c. tua nobis*, de testamentis, & regul. 37. juris in 6. quod *utile per inutile non vitiatur*. Nihilominus hujusmodi legatum nullum simpliciter esse tenet glossa in dict. Clem. *Exivi*, verb. *Proinde*, circa finem, & ibi Cardinal. n. 1. 1. Bartolus l. 2. Minoritarum dict. 2. c. 1. & 2. quia ita expresse est declaratum a Nicolao III. in c. *Exiit*, de verborum signif. in 6. Notat autem Bartolus hoc esse speciale, ex declaratione summi Pontificis, in odium talis legati seu legantis, & in favorem paupertatis Minorum. Unde infert, si conditio adjecta legato ex alia ratione esset turpis, vel impossibilis, non quia specialiter repugnet paupertati Minorum, sed religioni in genere, &c. tunc rejecta conditione, retineri posse legatum; quia tunc non procedit illud jus speciale, & ita regulandum esse legatum per generale jus, quod habet, ut a legato subducatur omnis impossibilitas, l. *obtinuit*, ff. de conditionibus & demonstrationibus, & l. *legatum*, ff. de usufructu legato, & l. *reprehensa*, de institutionibus & substitutionibus.

15 Ego vero hinc ulterius colligo, casum hunc, de quo agimus, non videri decidendum respectu Societatis ex illo jure speciali pro fratribus Minoribus declarato: quia licet Societas professæ in aliquo cum eis conveniat in communi paupertate, non tamen in omnibus; non est ergo necesse ad illam extendere illud jus speciale, seu declarationem illam, quæ per se non spectat ad substantiam paupertatis. Unde quantum ad Societatem probabilem censeo opinionem Antonini. Quia vero Societas non acquirit jus civile, non potest petere tale legatum: si autem hæres voluerit dare æstimationem ejus, vel ipsum liberum & rejecta conditione tradere, licite acceptari potest, quia nec voto, nec alicui juri Societatis repugnat. An vero hæres teneatur in conscientia hoc modo dare legatum Societati, existimo in rigore non teneri, quia illi constat non fuisse talem voluntatem defuncti, & alioqui jura civilia, quæ de hujusmodi legatis disponent, ibi non obligant, quia non acquiritur jus civile.

16 Secundo potest hoc legatum relinqui, vel sub expressa conditione, ut convertatur in utilitatem Societatis, eo modo quo licite potuerit, vel simpliciter legando talem rem, & nihil declarando, & hi duo modi æquiparantur in jure; quia quoties contrarium non explicatur, intelligitur testator legare eo modo, quo melius potest, ut in specie declaratur in dict. c. *exiit*, §. *ad hac*. In utroque ergo casu validum est legatum, & a Societate acceptari potest, ad usum suæ paupertati convenientem, ut declaratur in 6. p. Constit. c. 2. lit. E. ubi in genere dicitur: *Quidquid stabile illi datum fuerit, teneatur, eo quamprimum poterit se exuere ac vendere, ut pauperibus Societatis, vel externis, sua in penuria subveniantur*; quod ex natura rei est necessarium, supposito tali voto, & tali genere paupertatis. Et ita commune hoc esse omnibus mendicantibus, qui paupertatem in communi observant, dixit Antoninus dict. not. 7. & Nav. in Comment. 2. de Regul. n. 1. Ad tollendos vero scrupulos additur in prædicta declaratione lit. E. posse expectari temporis opportunitatem, ne forte ne-

cessarium sit, vilius rem divendere, quam oporteat: facit etiam ad hoc, quod in decreto 51. Congreg. 7. fuit declaratum.

C A P U T X.

An explicata superiori capite paupertas conveniens sit Societati professæ.

1 Jam quæri hic potest, cur Societas professæ hunc modum paupertatis, quam hætenus in proximo c. exposuimus, amplectatur: ut enim nunc omittamus generales difficultates, quæ de hac paupertate in communi motæ sunt in Ecclesia, & in tomo superiori sunt tractatæ; specialiter videri potest hæc paupertas minus accommodata huic instituto. Primo, quia cum modus vivendi in his, quæ ad vestitum, & cibum pertinent, nec sit nimis austerus, nec nimis abjectus, ac vilis, talis paupertatis modus non recte cum illo consonat: tum quia in externa specie non videntur hi religiosi tantam paupertatem præ se ferre, oportet autem, ut exteriores actiones cum exteriori habitu concordent. Tum etiam, quia erunt nimis onerosi ab illis fidelibus, quia pluribus indigent ad suam sustentationem, quam alii pauperes religiosi. Secundo, quia considerato sine harum domorum, non videtur illi proportionata hæc paupertas; cum tamen tota perfectio paupertatis religiosæ consistat in proportionem ad finem religionis juxta doctrinam D. Thomæ in citato tomo adductam.

2 Antecedens sive assumptum hujus 2. argumenti patet, quia finis Societatis professæ est Evangelica prædicatio, & fructus ejus cum ministeriis illi annexis; ad hunc autem finem commodius videretur habere moderatam sustentationem ex propriis bonis in communi, tum quia minorem afferret sollicitudinem; omnino enim omittere curam temporalium possibile non est, perfectionis vero est eligere minimam, quæ sufficiat: minus autem videntur sollicitate temporalia, quando cum moderatione, & in communi habentur, quam si omnino non habeantur, & oporteat assidue illa quærere & procurare. Maxime, quia hoc etiam cum majori periculo fit, quam si moderata bona administrantur. Item, quia hoc per paucos fieri potest, & ita alii expediri erunt ad contemplationem, studium, & spirituales actiones, quæ sunt propria opera hujus religionis, & requirunt hominem valde liberum a temporalibus, & corporalibus curis.

3 Denique etiam ex parte eorum, quibus prædicandum est, videtur commodius non pendere ab illis in sustentatione corporali: quia majori cum libertate, atque adeo cum majori fructu eis prædicabitur. Nam propter hanc rationem inter alias supra in c. 7. n. 14. dicebamus, Societatem non accipere stipendia, seu elemosinas pro ministeriis spiritualibus. Atque hinc oritur specialis difficultas in Societate, nam alie religiones, etiam quæ servant paupertatem in communi, possunt stipendia Missarum, & anniversaria perpetua, & similes subventiones recipere, quæ non parum levare possunt sollicitudinem temporalium rerum: Societas autem, cum illo subsidio spirituali careat, si etiam omnibus redditibus priveretur, cum magna difficultate, & consequenter non sine magna sollicitudine sustentari poterit.

4 Et confirmatur ab inconvenienti duplici, quod experientia ipsa docuisse videtur. Unum est paucas esse in to. a Societate domos professas, quod ex hoc capite ortum videtur: nam vix in unaquaque provincia, una domus sustentari potest; majus autem Dei obsequium, & Ecclesiæ servitium esse videtur, si essent plures, etiam si haberent moderatos redditus unde alerentur. Aliud incommodum est, ut Collegia multiplicentur, quæ re ipsa, seu quoad ministeria, & quoad præcipuas personas, domus potius professæ sint: & solum Collegiorum retineant nomen, ut proprios redditus habere possint. Atque ita sit, ut domus professæ, quæ juxta suam paupertatem, & constitutiones non possunt in suos usus convertere bona Collegiorum, revera id faciant, cum ipsi professi ex illis bonis maxima ex parte sustententur.

5 Nihilominus huic paupertatis professioni in Societate omnino coheret ea doctrina D. Th. 2. 2. p. 188. art. 7. ubi quærit, quid sit perfectius, religionem habere bona in communi, scilicet stabilia, & immobilia (de his enim præcipue est questio), vel illis carere, ex paupertatis professione. Et in summo respondet, tripli-

Admini-
strare
fructus;
vel reddi-
tus alieni-
jus, pau-
perati re-
pugnat.

Dubium
si domui
professæ
possessio
non neces-
saria le-
getur.

Quando
paupertas
si temper
repugnet
legatum.
Opinio
Antonini.

Opinio
aliarum.

Authoris
aditum
iuxta opi-
nionem
Antonini.

Quando
legatum
p. uperta-
ti non re-
pugnet
certa re-
solutio.

Probatio
nova pro-
xima ar-
gumendi.

Probatio
altera.

Confir-
matur hæc
probatio
a duplici
incommo-
do.

triplicem esse religionem: una est instituta ad actiones, militiæ, vel corporalis misericordiæ, & huic ait melius esse habere bona in communi, etiam abundanter, quia indiget illis ad suum finem. Alia religio est instituta ad contemplandum tantum, & huic etiam dicit bonum esse habere bona in communi cum moderatione, quæ sufficiat ad tollendam sollicitudinem contemplationi contrariam. Tertia religio est, quæ & ad contemplandum, & ad contemplata aliis tradendum instituta est: & de hac inquit D. Thom. perfectius esse, ut paupertatem etiam in communi profiteatur: quia proficitur maximam sollicitudinem in spiritualibus, & consequenter assumere debet eum vitæ modum, in quo sit minima sollicitudo in temporalibus. *Manifestum est autem* (inquit D. Thom.) *quod minimam sollicitudinem ingerit servare res usui hominum necessarias, tempore congruo procuratas.* In quibus verbis duo tacite concludit; unum est in administratione rerum immobilium, quæ necessaria est ad earum conservationem, & defensionem, & ad fructificationem eorum, ac fructuum perceptionem, commutationem, aut venditionem, si necessaria fuerit, & similia, majorem esse sollicitudinem, quam sit in procuratore, seu collectione eleemosynarum sufficientium, & ideo hunc modum vivendi esse convenientiorem tali religioni. Aliud est non pertinere ad perfectionem talis status in diem vivere, ut sic dicam, & nihil reservare, aut conservare pro futuro, juxta prudentem providentiam, quia hoc non minueret sollicitudinem, sed auget, regulariter loquendo. Et ideo inquit ex genere suo perfectius esse congruo tempore communitati necessaria procurare, quoad res usu ipso consumendas, & pro suis temporibus in moderata quantitate, & pauperibus accommodata conservare: & hoc confirmat exemplo Christi, qui loculos habebat. Quo exemplo etiam utitur ad hoc idem confirmandum Augustinus lib. de operibus monach. c. 23. & sequentibus: & ita etiam exponit verba Christi Mat. 6. in lib. 2. de sermone Domini in monte c. 16. Atque hæc doctrina D. Th. communiter recepta est ab auctoribus, præsertim religiosis Dominicanis & Franciscanis, ut videre licet in eodem S. Thoma latius opusc. 17. c. 15. & sequentibus, & D. Bonavent. in regulam D. Francisci c. 6. Antonino 3. p. tit. 16. c. 1. §. 3. Paludano in 3. d. 36. q. 3. Sylvest. Religio 1. q. 5. & late Corduba c. 7. 12.

Resolutio
ejusque
probatio

6 Ex qua doctrina constat ad institutum Societatis professæ maxime pertinere dictum modum paupertatis, nam est idem cum illo, quem D. Thomas explicat, & Societas (ut supra l. 1. ostensum est) maxime intendit, tum contemplando, tum etiam contemplata aliis tradendo. Unde quo per se, & ex vi sui instituti, magis his spiritualibus muneribus incumbit, eo ad majorem ejus perfectionem pertinet hanc paupertatem eligere. Præterea Christus D. hunc modum paupertatis assumpsit, ut tom. de vita Christi disp. 28. sect. 2. probatum est, & Apostoli etiam, quos ad prædicandum elegit, hoc etiam vitæ genus professi sunt; nihil enim stabile in particulari habuerunt, ut tomo superiore est ostensum, neque in communi habere poterant, scilicet in speciali communitate Collegii Apostolici; imo etiam eo tempore, omnia erant in Ecclesia communia, non conservabantur bona stabilia, & immobilia, sed qui habebant agros, aut domos, vendentes afferebant pretia eorum, & ponebant ad pedes Apostolorum, ut dicitur Act. 4. Quod si aliqua bona stabilia fuerunt tunc in congregatione fidelium, nunquam tamen legitur aliquid peculiare pertinuisse ad Collegium Apostolicum; neque id verisimile est, non enim erat accommodatum eorum ministerio, cum nec simul vivere, nec locum certum aut firmum habere deberent; sed dispersos per universum mundum peregrinari, ac prædicare, quod latius prosequitur Alvar. Pelagius l. 2. de planctu Ecclesiæ c. 55. Hoc autem vitæ genus, quantum potest, imitatur Societas professæ, ut satis in superioribus explicatum est; fuit ergo expediens, ut quantum posset, illam paupertatem imitaretur. Quæ omnia satis ostendunt per se loquendo, hoc ita esse: quod autem etiam id sit expediens, non obstantibus extrinsecis impedimentis, constabit respondendo ad rationes dubitandi.

Ad 1. arg.
in num. 1.

7 Ad primum respondetur clericalem habitum nihil

Suarez Tom. XV.

impedire, quominus religiosi Societatis, & re ipsa, & in exteriori specie pauperes clerici sint, & appareant: unde nec paupertas, nec mendicitas dissonat ab hujusmodi habitu, quando voluntaria est, & religioso modo exercetur. Neque etiam communis vita, quoad hæc exteriora cibi, & potus obstat huic paupertati, aut onerosam illam reddit aliis fidelibus, cum esse debeat multum moderata, ita ut & pauperibus, & religiosi sit accommodata. Sic enim Christus D. & Apostoli, licet ex eleemosynis viverent, ordinarie utebantur communibus cibis, prout illis apponebantur, ut ex variis locis Evangelii intelligi potest, quæ alibi tom. 2. in 3. p. disp. 20. tractata sunt: & generaliter ad prædicatores Evangelicos dixit Christus Luc. 10. *Manducate, quæ apponuntur vobis; & in eadem domo manete, edentes & bibentes, quæ apud illos sunt.*

Ad 2. lib. 3.

8 Ad secundum negatur assumptum, nam potius paupertas omni ex parte perfecta est dispositio valde consentanea in Evangelico prædicatore; hoc enim primo Christus D. exemplo suo confirmavit: deinde hoc ipsum Apostolus docuit, & supra lib. 1. c. 2. n. 6. ostendimus, quando Christus D. consulebat relinquere omnia propter Evangelium Marc. 10. specialiter intellexisse propter Evangelium prædicandum, juxta illud Lucæ 9. *Sine, ut morini sepeliant mortuos suos: tu autem vade, & annuncia regnum Dei.* Cui doctrinæ consonat, quod Eusebius refert lib. 3. Historiæ cap. 31. dicens: *etenim plerique omnes discipuli, qui eo tempore vixerunt, ardentiore cælestis sapientiæ studio incensi, & præ quodam divini verbi desiderio animis percussi præceptum servatoris antea traditum exquisitè exequuti sunt, & his, qui opis indigebant, facultates suas libenter impertiverunt, deinde a domibus suis peregrine profecti, munus obierunt Evangelistarum: atque iis, qui ne adhuc quidem omnino verbum fidei audivissent, Christum prædicare, & Scripturas sanctorum Evangeliorum tradere omni cura, & cogitatione studuerunt.* Cum ergo Societas professæ hoc idem vitæ institutum primario amplectatur, merito paupertatem exquisitè, id est, exactè, & cum omni perfectione colit, nam per se illi etiam convenit relictis propriis domiciliis per totum mundum peregrinari ad disseminandum Evangelium: habere autem domos, in quibus socii etiam habeant permanentem habitationem pro aliquo tempore, est quasi accidentarium, quia non poterat aliter convenienter gubernari: & ideo convenientissimum fuit, ut quam paupertatem in missionibus, & peregrinationibus observare debent professi, cum eas etiam sine viatico adire promittant 6. p. Const. c. 2. §. 13. eandem domus professæ observent, ut eorum vita uniformis sit, & quia semper, & in omni loco eidem muneri evangelizandi incumbere deberent.

Ad priorem
probationem
in num. 2.

9 Ad priorem probationem hujus secundi argumenti, de majori sollicitudine, negatur assumptum, si rem consideremus ex genere suo, si ve in particulari, prout in Societate observatur. Primum satis declaratum est in discursu D. Th. qui in 3. p. q. 40. a. 3. eadem ratione probat oportere prædicatores verbi Dei pauperes esse, quia ut vacent verbo, necesse est liberos esse a rerum secularium cura, quod facere non possunt, qui divitias possident. Quod etiam habet Bonav. in Apologia pauperum art. 2. Si autem in particulari, prout in Societate hoc exercetur, fiat comparatio, res est manifesta: quia in primis observatur, quod D. Thomas monuit, ut res, quæ præcipue necessariæ sunt ad victum, & sustentationem, non quaerantur quotidiana mendicatione, sed congruis temporibus simul petantur, quoad fieri possit, & conserventur. Deinde quoad ea, quæ frequentius petenda sunt, pauci destinantur, iique sunt illis, qui spiritualibus ministeriis inservire non possunt, quique probatæ virtutis sint, & simul ac sociatim incedunt; atque ita omnibus incommodis sine magna difficultate occurrunt: quæ omnia in regulis Societatis commendata sunt, ut constat ex dicta c. 2. 6. part. 1. Const. §. 10. & ex regulis Prepositi toto c. 6. & 8. n. 84.

Ad posteriorem
in num. 3.

10 Ad alteram vero objectionem, quæ ex parte ipsius muneris prædicandi sumebatur, quia scilicet non cum tanta efficacia & libertate fiet, respondeo eandem objectionem fieri posse contra Christi consilium, qui suos prædicatores pauperes esse voluit, imo eis permisit ex

Evangelio vivere Luc. 10. & 1. Corinth. 9. Dominus enim (ait Paulus) *ordinavit his, qui Evangelium annunciant, ut de Evangelio vivant*, id est, eis licentiâ concessit, ut Augustinus exposuit: quia futuri erant pauperes, ut ad illud munus essent expeditiores, ut ibi ait glossa: ergo paupertas non impedit libertatem, aut efficaciam prædicatoris; quia si vere sit pauper, solis necessariis erit contentus, nihilque aliud ab hominibus sperabit. Qui autem ita est dispositus, non multum movebitur humano amore, vel timore, ut propterea ejus prædicatio minus efficax, minusve libera sit, quam oporteat. Dices: his, & similibus rationibus dicebamus supra, Societatem motam esse, ut stipendia pro Missis, & spiritualibus ministeriis non admitrat. Respondeo longe aliud esse, quasi per modum commutationis unum pro alio recipere; aliud vero ex incertis eleemosynis & omnino spontaneis vivere: nam illud prius quandam habet speciem lucris, & reputari potest tamquam fructus certus, vel species quædam reddituum; determinatur etiam ad certas personas, cum quibus modus quidam, seu species pacti intervenit; quæ omnia cessant in incertis, & omnino spontaneis eleemosynis, & ideo non est de utrisque similis ratio. Neque est, quod timeatur arduum nimis, aut difficile futurum sustentari ex his solis eleemosynis, seclusis hujusmodi stipendiis, quia, ut diximus, ad pauperem vitam sustentandam pauca sufficiunt, & *sperandum est a divina bonitate* (ut dicitur in dict. c. 5. regularum Præpositi) *subsidia temporalia non defutura, si & nostri ad querendum Dei regnum sibi & proximis serio incumbant, & ratione indigentie instituti nostri integritatem violari nunquam sinant.*

Ad primū incommo- dum in n. 4. & declaratur, cur ha- tienus sint pauca domus professæ.

II Ad incommoda, quæ inferebantur, in primo eorum petitur, cur in Societate pauca domus professæ sint, & quomodo hoc non repugnet perfectioni paupertatis respectu totius Societatis simpliciter, cum res judicanda videatur ex his, quæ in pluribus inveniuntur. Respondemus primo mirandum non esse hæc domos professarum in parvo numero multiplicatas fuisse, quia necessarium fuit incrementum Societatis paulatim progredi a novitiis ad scholares, & a scholaribus ad professos. Necessarium item fuit, ut scholares sint in multo majore numero, quam novitii, & professi, quia tempus novitatus breve est, comparatione temporis studiorum: & ideo multi in Collegiis simul congregantur, qui in probatione successive exiunt. Ex multis etiam scholaribus, pauci respectu ad hos sunt professi: fuit ergo moraliter necessarium prius Collegia multiplicari. Non potuerunt autem simul omnia fieri: mirandum ergo non est, quod eodem tempore, quo tot Collegia multiplicata sunt, & domus etiam probationis ad illa fovenda, & conservanda erectæ etiam sunt, professæ domus in magna multitudine multiplicatæ non fuerint. Imo potius admiratio dignum est, quod tam brevi tempore in tanta personarum, ac domiciliorum varietate tot progressus, & in unoquoque gradu cum proportionato incremento facti fuerint. Accedit etiam, quod populi & civitates potius volunt habere scholas & Magistros ad filiorum in literis & moribus institutionem, quod fit in Collegiis, non vero in domibus professis.

Altera responsio.

12 Deinde dicitur per se loquendo, & spectato instituto hujus religionis, necessarium esse, ut domus professæ non solum sint in minori numero, quam Collegia, sed etiam absolute loquendo in parvo sint numero. Primo quidem, quia numerus professorum non potest esse magnus, considerata perfectione, quæ in literis & in spiritu in eis desideratur. Deinde, quia ex ipsis professis, ut respondeant vocationi suæ, multi necessario debent in missionibus versari, & inter infideles præcipue peregrinari, & domus solum esse debent veluti caltra quædam, in quibus professi quidem se recipiant, quamdiu in his missionibus non versantur, frequenter vero ad fructificandum ex illis mittantur. Præterea etiam necessarium est, ut magna professorum pars Collegiis inserviat, ac proinde in eis commorentur. Nam regulariter illi sunt doctrina & eruditione illustriores, unde etiam consequenter necessarium est, esse satis antiquos, & probatos, & ideo neque ipsi privari debent professione, quia sunt apti ad docendum, nec Collegia debent eorum utilitate privari, quod per fessi sint: quod si in Collegiis vivant, & serviant, dignum placeat, & justum, imo & necessarium

Vide eam nonem 6. cong. eg. 6. vel de- script. 12.

est, ut eorum bonis sustententur, quo ex fundamento omnis scrupulus iis professis, ac formatis coadjutoribus, qui in Collegiis utiliter vivunt, eximitur in Congreg. 6. can. 6. Ita ergo minuitur numerus personarum, quæ in domibus professis congregandæ sunt. Rursus non negamus ex prædicto genere paupertatis difficultiorem reddi multiplicationem domorum, præsertim cum sit expediens ad bonum earum regimen, & necessarium ordinem conservandum, ut copiosæ aliquantulum sint, & non in parvo numero personarum, & ita non possunt moraliter loquendo nisi in gravioribus, & deterioribus populis sustentari. Neque vero esset minus difficile eas cum propriis redditibus, ac bonis stabilibus erigere: multo enim facilius est fundare templum, & domum, quæ postea elemosynis fidelium sustentetur, quam si ei prædia & sufficientes redditus donandi essent. Ut vero concedamus dictam paupertatem fuisse hæcenus, vel timendum semper futuram esse occasionem minoris multiplicationis professarum domorum, non propterea prætermitti debuit in toto hoc statu Societatis perfectus hic gradus paupertatis, quia illud incommodum accidentarium est, & perfectio, quæ inde resultat in toto corpore, & in primariis personis ejus, per se est, & principalius intenta.

13 Nec vero inde resultat potest detrimentum aliqujus momenti circa ministeria, quæ Societas exercere potest & debet circa profectum animarum, quia in gravioribus populis decursu temporum professæ domus ædificari & sustentari poterunt, mediocres vero ordinarie indigent auxilio Collegiorum: aliis autem minuioribus oppidis per missiones inserviendum est. Atque ita obiter etiam responsum est ad aliud incommodum, quod inferebatur de multiplicatione Collegiorum, in quibus multi professi sustentantur. Fateamur enim Societatem professam non posse nisi bonis Collegiorum, aut domorum probationis, nisi in casibus in Bullis Pontificiis & constitutionibus expressis, ut constat ex c. 1. Examinis §. 4. & 4. p. Const. c. 2. §. 5. & 6. p. Const. c. 2. §. 3. Casus autem excepti tres sunt; primo nisi in rebus minimis, nam hæc pro nihilo ducuntur, & ideo ad eximendos scrupulos eximuntur, ut dicitur in Declaratione dict. §. 3. lit. D. ubi exempla etiam ponuntur, quæ pro regula deservire possunt ad similes casus judicandos. Secundo excipiuntur professi, qui seculo confecti, aut infirmitate gravati in vinea Domini laborare non possunt: hi enim ex concessione Julii III. sua Bulla 2. possunt cum facultate Præpositi Generalis, vel alterius, cui ipse suas vices communicaverit, in Collegiis habitare, & redditibus eorum ali. Tertia exceptio est, si ipsis Collegiis necessarii sunt ad officia literarum, vel eorum gubernationem; & quia hæc ultima necessitas, cujus varia exempla ponuntur in citato §. 5. in declarat. lit. E. moraliter deesse non potest, ut explicuimus n. præcedenti, ideo mirandum non est, quod nunc de facto plures in Collegiis vivant, non enim propter se, nec propter penuriam domorum professarum, sed propter ipsa Collegia, & eorum ministeria. De quibus considerandum est, quamvis per se instituta sint (ut c. sequenti n. 3. videbimus) ad conservationem, & augmentum ipsius Societatis: tamen etiam ex speciali intentione esse ordinata ad beneficium reipublicæ, præsertim circa studia & exercitia literarum, quæ in domibus professis fieri nullo modo poterant. Cum hoc autem munere necessario debent esse conjuncta alia spiritualia ministeria, ut juvenus non solum in literis, sed principaliter in virtute educetur; hæc enim de causa in forma acceptandi Collegia dicitur, partem unam Collegii debere esse ministeria templi, qualia sunt sacramenta ministrare, concionari, &c. Unde ulterius veluti consequentia quadam fit, ut hæc eadem spiritualia ministeria ad omnes proximis ejusdem oppidi, seu civitatis, in qua Collegium existit, imo etiam ad vicinos populos extendantur, quia charitas & institutum nostrum hoc exigit; & ita fit communiter, ut in collegiis exercentur ministeria, quæ professarum domorum videntur propria, quia non sunt ita propria, quin possint & debeant esse communia ipsis Collegiis, quando charitas & necessitas id postulet; atque etiam plerumque ea est ipsorum fundatorum intentio manifesta.

Satisfit. 3. incom- modo in codē n. 4.

Primus casus quo professus juvenis potest de redditibus Collegii. Secundus.

Terminus.

Collegia eriguntur etiam proximè in bonum proximi.

Hæc formatio tunc approbat. c. 6. §. 1. can. 8.

CAPUT XI.

Ad quam paupertatem in communi Collegia Societatis, & domus probationis obligentur.

Quamvis ex Collegiis, & utrisque domibus probationis, & professis unum corpus Societatis coalescat, nihilominus non eodem modo paupertatem in communi observant: sunt enim quasi membra heterogenea unius corporis organici: hæc ergo diversitas, quoad hanc partem, & ratio ejus explicanda superest. Et quia Collegia, & domus probationis, quoad hoc eundem modum servant, ideo in Collegiis illum declarabimus: & si quid fuerit speciale in domibus probationis, id etiam obiter annotabimus.

1. Affectio.

1. Principio igitur supponendum est Collegia Societatis non profiteri paupertatem in communi, nec quoad bona mobilia, nec quoad redditus, & bona stabilia, sed esse illorum capacia, imo sine illis admitti, aut fundari non debere, quantum sufficiant ad moderatam sustentationem religiosorum in eo numero, qui pro qualitate, & ministeriis, ac religiosa disciplina uniuscujusque Collegii sint, juxta intentionem Concil. Trident. sess. 25. de Regularib. c. 3. constat autem hæc institutio Societatis quoad hanc partem ex constitutionibus ejus, & Bullis Pontificiis: in Examine enim sic habetur c. 1. §. 4. *Habebit Societas Collegia, & domus probationis redditibus dotatas.* Et 4. p. c. 2. §. 5. & 6. p. c. 2. lit. A. & in Bullis Pauli III. & Julii III. de confirmatione instituti: *Possint (dicitur) habere in universitatibus Collegium, seu Collegia habentia census, redditus, seu possessiones usibus, & necessitatibus studentium applicandas.* Idem confirmat Gregorius XIII. in constitutione, *Ascendente Domino.*

2. Ratio autem hujus diversitatis facile reddi potest, applicando discursum ex D. Th. additum in præcedenti c. n. 5. Nam cum tria sint genera religionum, activum scilicet quoad externa, & corporalia opera misericordie sumptus aliquos requirentia, ut sunt hospitalitas, vel militia; & contemplativum tantum, & contemplativum secundum, ut sic dicam, id est, communicativum perfectionis erga proximos; Societas omisso primo genere, duo alia complectitur, in domibus quidem professis tertium, & ideo in eis habet paupertatem illi generi vitæ accommodatam: in Collegiis autem, & domibus probationis aliquanto magis secundum religionis genus participat. Docuit autem D. Th. in religionibus, quæ contemplationi tantum vacant, accommodatam paupertatem esse, quæ in communi bona stabilia, & redditus admittat: ergo hanc debuit Societas in his domibus & Collegiis observare. Quod autem in domibus probationis vitæ contemplativæ præcipue vocetur, per se manifestum est, quia omnino sunt ad spirituales nostrorum institutionem, & exercitationem ordinatæ, & ideo in eis præcipuum studium est orationis, & contemplationis, & lectionis spiritualis, & communicationis verbi Dei, quæ ad ipsos religiosos excitandos, & instruendos conferat, non prætermittenda exteriori actione, quæ ad eorundem profectum conferat. Circa proximos vero per se non occupantur, nam si aliquid concomitanter sit & quasi per redundantiam, id moraliter non consideratur.

Applicatur hæc D. Th. do. circa novitias.

Applicatur & Collegiis.

Vide Ugon. l. 3. didascal. c. 15. & lequensib.

3. De Collegiis vero posset aliquis dubitare, quia multum actionis circa proximos habere videntur, ut ad calcem præcedentis capitis arguimus. Re tamen vera, principale eorum institutum in contemplatione versatur, quia omnis veritatis cognitio, aut inquisitio, quæ ad illuminationem circa veritatem ipsam ordinatur, sub contemplatione comprehenditur, hæc autem Collegia ad hoc præcipue ordinantur, ut scholares circa veritatis cognitionem proficiant. Deinde est genus hoc contemplationis diversum sit ab alia contemplatione mere spirituali, quæ non solum cognitione, sed etiam affectu erga Deum exercetur, tamen quantum ad præsens actum, ejusdem rationis est, & eadem de causa illud genus paupertatis postulat. Nam in utroque maxime necessaria est animi quies, & carentia sollicitudinis, & curæ temporalium rerum: ergo etiam in Collegiis paupertas servanda est vitæ contemplativæ accommodata. Et confirmatur; nam, ut experientia docet, nimia inopia solet impedire literarum studium, quemadmodum eleganter proposuit Alcibiades Emblemate 120. & exposuit ibidem Claudius. Unde in c. ex-

Suarez Tom. XV.

irpanda de præbend. dicitur, ubi sacerdotes nimiam temporalium rerum inopiam patiuntur, paucos esse literis eruditos; quemadmodum etiam indicavit Arist. 1. Metaph. c. 1. dum e contra scientiæ inventionem attribuit Aegypti sacerdotibus, quia tempus non ponebant in quaerendis alimoniis. Et ob eam rationem in jure dispensatur cum clericis habentibus beneficium, ut pro tempore sufficiente eorum redditus in studiis perciperent c. ult. de Magistris, ubi etiam statuitur, ut *Prælati, & capitula Ecclesiarum aliquos ad studia destinent, quibus si proprii proventus Ecclesiastici non sufficiant, ipsi necessaria subministrant; & in c. 1. & c. quia nonnullis* eodem ut. remedia adhibentur, quomodo subveniatur pauperibus, ne ob indigentiam ab studiis distrahantur, seu impediuntur; & ob eandem causam in Conciliis magna providentia procuratur est, ut in Ecclesiis cathedralibus sint seminaria sufficientibus dotata redditibus, in quibus juvenes, qui postea Ecclesiæ possint inservire, in pietate, & literis educantur, quod maxime commendavit Concilium Tridentinum. Sic ergo Collegia in Societate instituta sunt, ut essent quædam seminaria Societatis professæ quoad studia literaria simul cum pietate: & ideo merito provisum est, ut sufficientes redditus ad vitæ necessaria habere possent, ne earum rerum sollicitudo quietem ad studium necessariam impediret. Nam, ut recte dixit Hugo de S. Victor lib. 5. *Eruditionis didascalice c. 5. Tria sunt, quæ studiis obesse solent, negligentia, imprudentia, fortuna, & de prima (inquit) admonendus unusquisque est, de secunda instruendus, de tertia autem (ad quam paupertatem pertinere dicit) adjuvandus.* Demum ipse B. P. Ignatius experimento didici, dum Lutetia Parisiorum, aliusque per Hispaniam locis vacaret literis, non minus sibi detrimentum in studiis creati ex mendicitate.

4. Dicit fortasse aliquis, hanc studentium necessitati etiam potuisse sufficienter provideri elemosynis fidelium, non majori, sed minori sollicitudine: ergo in Collegiis etiam fuisse hic modus, tamquam melior, & magis proportionatus præferendus. Consequentia clara est ex dictis, quia præcipua ratio eligendi hanc vel illam paupertatem, est major animi quies, minorque temporalium sollicitudo. Minor autem probatur eadem ratione supra adducta ex D. Th. in c. præcedenti n. 5. nam omnis sollicitudo vitari non potest; quia vel debet adhiberi in congregandis elemosynis, vel in administrandis propriis bonis: comparando autem has duas sollicitudines, dicebamus in domibus professis majorem futuram esse illam, quæ in administrandis propriis bonis poneretur: ergo idem dicendum est etiam in Collegiis: nam ratio sollicitudinis eadem est in utroque loco. Accedit quod cura divitiarum impedit potius studia, quam juvat, ut exemplo Cratis Thebani docuit Hieron. ep. 13. ad Paulinum. Idemque tradit Seneca ep. 17. & 73. quem cum aliis ad hoc propositum adducit Rebuffus in tract. de Privilegiis p. 2. requisito 9.

5. Respondetur eandem objectionem fieri posse de quocumque monasterio vitam pure contemplativam proficiente, atque adeo contra doctrinam D. Th. Quapropter in genere responderetur in his rebus moralibus, non unam vel aliam tantum congruentiam, seu rationem spectandam esse, sed omnia simul, quæ concurrunt. Unde ad majorem in objectionem sumptam respondetur, quamvis absolute possent Collegia ex elemosynis vivere, non tamen fuisse conveniens tantum onus fidelibus imponere, alendi scilicet omnes scholares prius quam illis inserviendis occupentur. Et fortasse hac ratione monachales ordines, qui per se ad ministeria erga proximos non ordinantur, paupertatem in communi non proficiunt, ne videlicet proximis, quibus externis saltem actionibus non inserviunt, onerosi esse videantur. Accedit etiam (ut ad majorem respondeamus) ob hanc eandem causam, majorem curam, & sollicitudinem necessariam futuram fuisse ad sustentandos scholares, vel novitios ex elemosynis, quam professas domos: quia, cum professi circa proximos omnino occupentur, faciles, & benevolos eos inveniunt ad suas necessitates sublevandas, quod reguli ter difficile fortasse esset Collegis, & domibus probationis per se spectatis, quatenus ad propriam educationem, perfectionem, & eruditionem ipsorum religio-

Vide Conc. Tolet. 4. c. 23. & Aquil. gran. 16. pore Ludovic. tit. c. 135.

Vide Boet. tium de discip. schol. 4. Carthus. de doctrina schol. art. 5. Maheus l. de vita S. Ignat. c. 19. Obiectio c. 11. a proxima dicta.

Confi m.

Obiectio posita in primis rebus quæstionibus.

Deinde respondeatur ad maiorem præp.

Item ad minor.

forum ordinantur. Denique quamvis comparando sollicitudinem in congerendis eleemosynis, vel administrandis propriis bonis, possit esse prudentiale arbitrium, quæ illarum major sit; tamen considerata etiam est proportio ad status, & munera personarum; nam actiones, seu distractiones, quæ oriri solent ex possessione bonorum stabilium, magis improprietate sunt domibus professorum, quia ex se tales actiones, quales solent esse lites, locationes, &c. minus possunt proximos ædificare, magisque vitari debent ab Evangelicis prædicatoribus. E contrario vero, scholares non possunt, neque etiam debent ex vi sui status, aut muneris ita esse parati ad mendicandum, sicut professi: & ideo pensatis omnibus rationibus, magna prudentia, & proportionem facta est partitio horum statuum quoad hoc genus paupertatis.

Ad confirmationem occurrit.

6 Ad confirmationem autem duo breviter dicemus. Primum est, in Collegiis Societatis non postulari superfluas divitias, sed moderatas, quæ ad scholarium sustentationem sufficiant; nec enim superflua divitiarum censenda sunt, etiam si redditus magnos esse contingat: quia in hac re quantitas, non absolute, sed respectively pensanda est, & ubi plures sunt redditus, non ideo habentur, ut religiosi commodius vivant, quam religiosa moderatio postulat, sed ut plures ad divinum obsequium alantur. Aliud est, divitias, quæ studia literarum impedire solent, esse privatas, ac personales, nam tunc cura earum, in eandem personam cadere solet, eique adjungitur amor privatus, & sæpe etiam desiderium augendi illas: quæ omnia sine dubio impediunt otium, & quietem ad literarum profectum necessariam. Hoc autem impedimentum omnino sublatum est ab scholaribus Societatis per paupertatis votum superius explicatum. Habere autem necessarios redditus in communi nullum impedimentum afferre potest, sed levamen, cum eorum administratio, & cura apud alios resideat.

2. Assertio explicans primum in quo Collegium paupertas consistit.

7 Secundo principaliter dicendum est, Collegia Societatis teneri ad servandum specialem modum paupertatis in administratione bonorum suorum. Hoc est certum ex Bullis Pontificiis, & constitutionibus Societatis. Et declaratur proponendo ea, in quibus hic peculiaris modus paupertatis consistit. Primum est, quia administratio horum bonorum non est primo ac principaliter in ipsis Collegiis, sed in Societate professæ per se, vel per Generalem suam: ita decernitur in Bullis Pontificiis Pauli III. & Julii III. ibi: *Retenta penes Præpositum & Societatem omnimoda gubernatione, seu superintendencia super dicta Collegia*; & infra: *ut neque studentes dictis bonis abuti, neque Societas in proprios usus convertere possit, sed studentium necessitati subvenire*. Idem habetur in Constitutionibus 4. p. c. 2. §. 5. cum declaratione lit. C. & c. 10. & p. 10. §. 3. Ratio autem hujus institutionis, præter eam, quæ tangitur in Bullis Pontificiis, est, ut perfecta subordinatio in tota Societate observetur; cum enim tota Societas vere sit unum corpus, cujus non tantum domus professæ, sed etiam Collegia, & domus probationis membra sunt, necessarium est, ut omnia sint plene subiecta capiti, tam in spiritualibus, quam in temporalibus, cum hæc solum propter spiritualia teneantur & gubernentur: Generalis autem est caput totius Societatis: ergo apud illum esse debet integra administratio Collegiorum, & bonorum omnium, quæ ad illa pertinent. Deinde hoc merito factum est, quia illa pars Societatis, quæ est in Collegiis, adhuc censetur esse, quasi in via, & in fieri; ideoque sub cura Societatis professæ existit tamquam filius sub patre, vel potius tamquam pupillus sub tutore, qui licet dominium rerum suarum habeat, administratio est penes tutorem. Hinc enim factum etiam est, ut tota potestas gubernandi Societatem, quatenus in ipso corpore existit, tantum sit in Societate professæ, ita ut quoad eam partem, quam habet de gubernatione, quæ sit per congregationem multorum, aristocratiam, & non democratiâ participet. Denique consultum etiam in hoc est studentium quieti & otio, ut occasione temporalium nullo modo ab studiis distrahanter. Propter quod etiam contractus, scripturæ publicæ, & similia, quæ circa hæc temporalia fieri solent in Societate, non fiunt ab ipsis Collegialibus solenni ritu in unum congregatis, quia non fiunt nomine Collegii, sed nomine Præpositi Genera-

lis, apud quem est hæc potestas, prout declaratur in 9. p. Const. c. 3. §. 5. & 6. & specialiter confirmatum est a Gregorio XIII. in Bulla 13. quæ incipit, *Ex debito*.

8 Dicit vero aliquis hoc non recte consentire cum his, quæ de ratione paupertatis in communi, quam Societas proficitur, supra diximus. Ideo enim professæ Societas non admittit bona immobilia etiam in communi, quia eorum administratio sollicitudinem, & distractionem affert. Sed non minorem sollicitudinem affert administrare aliena bona, quam propria, imo quodammodo majorem: tutor enim, si convenienter administrat bona pupilli, non minus sollicitus circa illa esse debet, quam si essent propria; quamvis ergo hæc administratio non sit contra dictam paupertatem, videtur tamen esse contra finem paupertatis, & ideo perfectioni paupertatis professæ repugnare. Respondetur in primis, si domus professæ haberent bona immobilia, fore, ut in eis administrandis necessario occuparentur ex hisdem professis ibidem commorantibus, ac propria ministeria exercentibus, sicque fieret, ut simpli vacarent spiritualibus, ac temporalibus, quod non posset non eorum estimationem, & auctoritatem minueret in Collegiis procuratores solum vacant temporalibus. Secundo respondetur dictum jam esse, non esse possibile omnem curam, & sollicitudinem temporalium bonorum vitare, & ideo in hoc genere illam religionem esse optime institutam, quæ, considerato suo fine & modo vivendi ad illum necessario, vitari bonis temporalibus, quatenus minimam sollicitudinem afferant, possibilem scilicet moraliter in illo statu, non impediendo alia, quæ majoris momenti sunt. Societas autem ad finem suum indiget hac varietate membrorum, cum debita constitutione eorum in seipsis, & subordinatione eorum inter se. Ad hoc autem consequens necessario fuit, ut aliqua cura, & sollicitudo Collegiorum in Societate professam redundaret, & ideo vitari non debuit; alia vero sollicitudo, quæ in domibus professis fuisset, si haberent propria bona, sine ullo incommodo, imo servata meliori proportionem, vitari potuit, & ideo non fit recte argumentum ab una ad aliam, maxime quod magis impediret duplex administratio, quam altera tantum. Deinde dicitur, administrationem hanc non esse tantæ sollicitudinis, ut Societatem professam impedire, aut a suis ministeriis retrahere possit: nam per Rectores idoneos Collegia debent administrari, quibus tota cura proxime administrandi res temporales Collegiorum demandanda est, cujus ipsi debeant Generali, vel cui ipse injunxerit, rationem reddere, ut in eodem loco constitutionis dicitur; hoc autem sine magna sollicitudine, vel distractione fieri potest. Denique cum hæc administratio nullo modo convertatur in proprium, ac privatum commodum, sed ex charitate fiat propter bonum commune, & propter finem perfectionis, si religiose, ut debet, suscipiatur, non multum impedit etiam illos, per quos proxime exercetur.

9 Tercio dicendum est Collegia Societatis privari aliquibus modis acquirendi temporales redditus, vel lucra, quod etiam ad quandam modum paupertatis spectat. Possunt autem hæc ad duo capita revocari, in quibus cum domibus professis conveniunt. Primum est, quod incapacia sunt hæreditatis saltem quoad hoc, ut ipso jure succedant religiosis in eis proficentibus, seu vota Societatis emittentibus, prout alia religiones, quæ bona habent in communi, succedere solent, ut dictum est. Hoc constat ex superius dictis in c. 5. modo, quo novitii, vel scholares possunt bona, quæ prius habebant, distribuere, & ex Bulla Gregorii XIII. *Ascendente Domino*, ubi etiam ratio hujus institutionis declarata est; precipue enim fuisse videtur, ut in recipiendis religiosis ad Societatem nulla divitiarum ratio, sed aptitudinis, & capacitatis personæ ad finem, & ministeria Societatis haberetur. Item, ut proximorum perturbatio, quoad fieri posset, tolleretur; ac denique ne religio minus libera redderetur respectu religiosis, si opus esset puniendi, aut dimittendi.

10 Secundum caput est, quod intuitu, vel occasione, seu speciali obligatione ad spiritualia opera redditus, aut eleemosynas, non admittant. Huc spectat, quod nec curam animarum, nec obligationes ad Missas

Oppositio.

3. Assertio explicans secundum in quo eadem paupertas consistit. Primum in quo assertio verificatur.

Secundum in quo verificatur multitudine.

C A P U T X I I

Utrum ex voto obedientie obligari possint religiosi Societatis, in quacumque honesta materia.

I De voto obedientie, quantum spectat ad modum ipsius voti simplicis, vel solennis, nihil speciale hic dicendum occurrit, nam quæ dicta sunt in aliis votis, hic applicanda sunt. Solum ergo superest, ut si ex parte materie huius voti, aliquid habeat Societas speciale præter illud, quod de statu religioso superiori tomo in genere dictum est, a nobis explicetur. Adverto autem, hic non esse sermonem de speciali voto obedientie ad missiones, quod professi emittunt: de hoc enim infra lib. 6. cap. 4. dicemus: sed solum de generali voto obedientie, in quo æquales sunt omnes religiosi Societatis, in quocumque gradu ejus existant: & ideo licet de votis scholasticorum hic specialiter differamus, de omnibus consequenter dicendum est, sicut de paupertate fecimus. Duo autem hic considerata occurrunt, scilicet, quid in rigore possit cadere sub præceptum in hac materia, & quid sub consilio. Quæ duo licet omnibus religionibus generalia videantur, solum a nobis explicanda sunt, quatenus in Societate habent specialem determinationem aut usum. Primum quidem in præsentī cap. Secundum vero in sequentibus usque ad 15.

2 Quoniam vero obligatio non potest ex præcepto oriri, nisi sit potestas in præcipiente: ideo in hac materia supponendum est primo, in prælatis Societatis esse veram ac legitimam potestatem præcipiendi subditis. Hoc satis constat ex tractatis in superioribus lib. 1. c. 1. ubi ostensum est, hanc esse veram religionem a Summis Pontificibus approbatam; vera enim religio sine hac potestate consistere non potest, ut etiam tomo præcedenti tractatum est. Diximus etiam in prælato religionis duplicem esse potestatem, juxta præsentem Ecclesiæ institutionem. Una est dominativa, quam acquirit prælatus ex vi professionis religiosæ, quatenus traditionem voto obedientie confirmatam includit. Nam licet dominium illud immediate pertineat ad totum corpus religionis, administratio autem, & usus ejus Superiori commissa sunt per electionem ipsius religionis, per quemcumque alium legitimum modum constituendi aliquem in Superiorem in tali religione ordinatum, & per Sedem Apostolicam confirmatum. Alia potestas est jurisdictionis, quam habent Prælati religionis a Sede Apostolica, & per se est spiritualis virtute continens etiam temporalem, quatenus includit potestatem judicariam & coercivam.

3 Has ergo duas potestates habet etiam Societatis prælatus. De prima aliquid in superioribus diximus lib. 3. cap. 4. nu. 14. cum ostendimus Societatem acquirere verum, ac proprium jus in scholares, qui ei se tradunt per tria vota substantialia religionis: unde a fortiori sequitur idem esse de professis, & de coadjutoribus. Deinde hæc potestas nascitur radicaliter ex ipsis subditis: requirit autem acceptionem auctoritate Apostolica factam. Utrumque autem in Societate intervenit: est ergo in ipsa Societate hoc dominium, quod ipsa per electionem transfert, quoad administrationem, in Præpositum Generalem, a quo ad alios superiores potestas emanat. Nam cum hic modus communicationis in constitutionibus Societatis a Sede Apostolica approbatus contineatur, etiam modus ille communicandi hanc potestatem confirmatus est, & consequenter est efficax, ut habeat effectum. De altera potestate jurisdictionis constat ex Bullis Pontificiis, per quas hæc religio a jurisdictione omnium ordinatiorum exempta est, & consequenter potestatem accepit ab ipso Summo Pontifice ad se gubernandum; ergo & competentem jurisdictionem immediatam, sine qua non posset convenienter gubernari. Est autem hæc potestas primo & per se in ipso Generali, eo ipso, quod rite electus est, propter eandem rationem, quæ supra facta est: nam eo ipso, quod eligitur modo ab ipso Pontifice approbato, datur ei plena jurisdictio, ex voluntate ejusdem Pontificis, quamvis mediante ipsa religione conferatur. Quæ omnia eadem proportionem in Societate locum habent, quæ in aliis religionibus, quatenus in communi ratione religionis

Quæque hic agenda de obedientia.

Suppositio quod in Societate datur cui sit obedientia.

Ubi ostenditur de potestate dominativa.

Item de jurisdictione.

celebrandas, neque alia hujusmodi admittere possunt, ut dicitur 4. p. Constit. cap. 2. §. 4. & ratio additur. Quia hæc a studiis distrahere admodum, & ea, quæ in illis ad divinum obsequium quaeruntur, impedire solent. Ad-
ditur tamen in declaratione lit. B. limitatio de exiguis obligationibus, quæ nec curam animarum petunt, & per exiguam distractionem, vel occupationem afferunt: nam hæc in Collegiis suscipi possunt, quamvis in domibus professis non possint; quia illæ non sunt capaces reddituum, sicut sunt Collegia, quæ proinde alia onera lectionum suscipere possunt; & ideo si hæc exigua onera alioquin ex parte distractionis, vel occupationis non impediant, nec finis, nec paupertati eorum repugnabunt. Propter eadem autem impedimenta vitanda in Ecclesiis Societatis, nec funera, seu funeralia stipendia, nec capellanæ, anniversaria, & similia haberi possunt. Unde Greg. XIII. in sua Bulla 10. quæ incipit, *Salvatoris*, hinc rationem sumpsit cōcedendi privilegium ædificandi intra Cannas, quia ex hoc multum fere præjudicium in alios religiosos redundat: eo quod propter diversam functionem & institutionem Societas nec chori usum habet, nec ad funerales associationes accedit, nec defunctorum funera, nisi rara: nulla item Missarum vel sepulchralia stipendia, nullas sepulchrorum, vel capellaniarum fundationes, nullam denique prorsus eleemosynam, quæ ad quodvis ipsius Societatis ministerium, vel opus dirigi intelligatur, admittit. In his ergo omnibus conveniunt Collegia cum Societate professi. Et eorum ratio ex dictis in cap. 7. petenda est: & ultra ibi dicta, omnia eo tendunt, ut scholares quietius possint suis literis, & profectui vacare. Ex eo item principio, quod Societas pro ministeriis spiritualibus stipendia non recipit, fit, ut non solum in Ecclesiis domorum, verum etiam Collegiorum, esse non possint arcæ publice expositæ ad colligendas eleemosynas, ut statuitur in 6. p. Constit. cap. 2. §. 8. ubi licet videatur esse sermo de domibus professis, nam de illis in eo capite præcipue agitur: tamen & praxis & totius Societatis sensus est, ut de omnibus intelligatur. Et ideo in canon. 2. 3. 2. Congregationis absolute dicitur: *Non sit arcula in nostris Ecclesiis pro eleemosynis accipiendis*. Et additur, *non solum pro nobis*, quod omnino necessarium est: sed neque etiam pro aliis esse permittendam, propter omnem speciem avaritiæ vitandam, sicut etiam in Congregatione prima canon. 10. dictum fuerat non expedire in nostris Ecclesiis admitti capellanas, etiam pro clericis secularibus, quos nostri eligant, scilicet propter tollendam omnem occasionem, & speciem ambitionis, aut locri. Et eadem ratione amputantur etiam a Collegiis omnes modi acquirendi aliquid intuitu spiritualium rerum, vel oblationum, quæ in Ecclesiis fieri solent, osculando reliquias, vel crucem, &c. de quibus videri potest in simili Corduba in expositione suæ regulæ cap. 4. q. 12.

11 Tandem prohibentur Collegia etiam eleemosynas quasque accipere, quando sufficientes habent redditus ad duodecim scholasticos alendos, præter præceptores, sub quibus illi etiam intelligi debent, qui ad regimen Collegii, & scholarum, & ad temporalia ministeria necessarii sunt: ut habetur 4. patr. Constitut. cap. 2. §. ult. Quia vero interdum potest expedire ad majus Dei obsequium, vel plures studentes alere, vel numerum præceptorum augere, vel aliquos etiam operarios pro spiritualibus ministeriis adjungere, ad excipiendas præsertim scholasticorum externorum confessiones, &c. ideo sæpe circa hoc esse potest extensio aliqua, vel declaratio necessaria, quæ Generali commissa est in 3. Congregatione can. 7. Et præterea existimo obligationem illius constitutionis non excedere debitum perfectionis, nec per se esse ad culpam, quia non continet propriam materiam paupertatis, si receptio, vel petitio eleemosynæ ab ipso superiore, vel ex facultate ejus fiat. Ipse autem, si debitum ordinem in hoc excedat, agit quidem imperfecte contra regulam, non tamen contra votum. Et idem censeo de aliis consiliis, seu regulis, quæ in hac materia in Societate dantur, ut de modo petendi eleemosynas, vel illas impetrandi habetur p. 6. Constit. cap. 2. §. 10. & 2. Congregatione generali canon. 22. illa enim omnia ad majorem ædificationem spectant, non proprie ad paupertatis materiam, quamvis ad illam perfectius conservandam conferre possint.

vide Cōgregat. 1. canon. 8. & 10.

4. Affert. explicans primum.

gionis conveniunt, & circa illam explicata suo loco sunt. Solum in gradu, seu quantitate jurisdictionis, vel in modo obtinendi, seu applicandi illam, potest esse diversitas, quæ ex propriis constitutionibus, & privilegiis attendenda est, & infra in lib. 10. tractando de Superioribus Societatis, quid illi in hoc genere proprium sit, explicabimus.

4 Ex his ergo principiis colligitur, duplici titulo posse Prælatos Societatis sicut & aliarum religionum præcipere subditis sub culpa etiam gravi pro materiæ qualitate; scilicet ex vi voti per potestatem dominativam, & ratione jurisdictionis quasi Episcopalis, quam in subditos habent: ex qua duplici ratione oritur obligatio duplicis etiam rationis. Ex priori enim oritur obligatio religionis; ex posteriori autem oritur obligatio obedientiæ, vel alicujus virtutis specialis, in qua actus præceptus ponitur ratione materiæ. An vero distinguenda sit tertia ratio obligationis pertinet ad justitiam ratione traditionis, & dominii acquisiti ipsi religioni: item, an ex illa duplici ratione oriatur duplex culpa, seu inabilitas in transgressione religiosi nolentis obedire Prælati, præcedenti tomo de religione in communi tractatum est; & resolutio est, si Prælati tota sua potestate utatur, & materia sit capax utriusque obligationis, transgressionem ejus revera duas malitias habere conjunctas, diversis virtutibus contrarias, non oportere autem tres distinguere, quia illa obligatio, quæ oritur ex professione, ac voto obedientiæ, per modum unius reputatur, eo quod tam votum, quam traditio principaliter Deo fiat.

5 Secundo intelligitur ex dictis, ad præsentem disputationem non pertinere potestatem jurisdictionis, neque actum, aut obligationem ab illa procedentem, quia hic solum agimus de voto obedientiæ, & consequenter de potestate ad illius obligationem requisita: jurisdictio autem tota esse posset sine voto; & votum cum sua obligatione esse posset sine jurisdictione; sicut in Abbate seculari exempto est jurisdictio quasi Episcopalis, ratione cujus subditi tenentur obedire præceptis ejus, quamvis votum non habeant; & e converso congregatio vere religiosa posset esse sine jurisdictione, cum sola potestate dominativa orta ex voto, & traditione, ut in superiori tomo dictum est; solum possunt illa duo, quando sunt conjuncta, sese mutuo juvare, vel augendo vinculum, vel quia una interdum addit, quod altera non potest. Possunt etiam sibi adinvicem materiam tribuere, ut si votum obedientiæ obliget ad servandum præceptum ex jurisdictione positum, vel jurisdictio puniat transgressionem voti obedientiæ, vel per excommunicationem compellat ad illius executionem. Et hac ratione poterit hæc jurisdictio in Prælato Societatis ad plura extendi adjuncta tali statui, & tali voto obedientiæ, quam in alio Prælato vel seculari, vel alterius religionis, quamvis formaliter, & secundum se ejusdem rationis sit in utroque superiore, id est, sufficiens ad omnia, quæ ad bonum spirituale subditi necessaria sunt, vel moraliter convenientia, quæ materialiter in diversis subditis variantur, juxta exigentiam status, vel regulæ, aut aliarum obligationum. Igitur obedientia debita ratione hujus jurisdictionis formaliter loquendo ejusdem rationis est ad Ecclesiasticos Prælatos, & ideo de illa nihil amplius dicendum hic est.

6 De propria ergo obedientia, quæ ad votum pertinet, dubium præcipuum est, quantum extendi in Societate possit, quoad rigorosam præcepti obligationem: id est, an in omni materia, & in quibuscumque actionibus, locum habeat? In quo non inquiritur de actionibus habentibus malitiam, vel rationem peccati adjunctam, nam per se constat, & supra in 2. tom. ostensum est, has non posse cadere sub promissionem voti, cum Deo displiceant, ac proinde nec sub votum obedientiæ. Item quia mandatum inferioris, id est, hominis, non potest obligare contra mandatum Superioris, nempe Dei. Non inquit miseriam, quando hæc obligatio possit esse sub culpa mortali, aut veniali; hoc enim generale est, & ex eisdem principiis in hac religione, ex quibus in aliis definiendum, ut tomo superiori tractatum est: sed inquirimus, an ex parte materiæ sit hæc obedientia generalis omnino, vel aliquam recipiat limitationem.

7 In aliis enim religionibus recepta, & constans est doctrina D. Bernardi lib. de præcepto, & dispensatione, versus finem; & D. Thom. 2. 2. quæst. 104. art. 5. ad 3. & quodlib. 10. artic. 10. & in 2. d. 44. art. ult. & ibi aliorum Theologorum, votum obedientiæ esse limitatum secundum regulam, secundum quam religiosus obedire promittit, & si aliquid supra illam, vel omnino extra illam, id est, ad illam non conducens, ei præcipiatur, non tenetur obedire. In Societate autem non videtur habere locum hæc limitatio, vel si cum proportionem in Societate sumatur, eo ipso excluditur omnis limitatio: quia in ipsamet regula Societatis talis proponitur materia voti obedientiæ, quod in eo fit, ut non solum ad generalem vitæ dispositionem (ut verbis D. Thom. utar) sed etiam ad quoscumque actus particulares ipsius religiosi se extendat, qua nulla esse potest universaliter materiæ amplitudo. Assumptum autem patet ex Constitutionibus, nam 3. part. cap. 1. §. 3. dicitur obediendum esse superiori, licet difficilia & secundum sensualitatem repugnantia jubeat. Et infra dicitur, in omnibus rebus, ubi peccatum non cerneretur. Quæ exceptio declarat, omnem actionem honestam sub materia hujus voti comprehendi: & ita ibi concluditur, voluntatem Superioris pro regula propriæ voluntatis habendam esse: ergo hæc obedientia non limitatur per aliquam regulam scriptam, sed per regulam vivam, quæ est voluntas Superioris intra latitudinem materiæ honestæ. Idem sumitur ex 6. part. Constitutionum cap. 1. §. 1. ibi. Itaut omnibus in rebus, ad quas potest cum charitate se obedientia extendere, id est, in quibus nullum est manifestum peccatum, (ut ibi in declaratione explicatur) ad ejus (id est, Superioris) vocem, perinde ac si a Christo domino egrederetur, quandoquidem ipse loco, ac pro ipsius amore, & reverentia obedientiam præstamus, quam promississimi sumus. Tandem ex uno actu particulari declaratur, qui videtur ex difficillimis, qualis est missio ad Indos, vel ad quascumque mundi partes: ad hunc enim obligantur omnes, qui sunt de Societate ex vi generalis voti obedientiæ: ergo a fortiori obligati poterunt ad quemcumque alium. Consequentia patet, quia qui potest præcipere, quod majus est, poterit etiam minora. Antecedens vero sumitur ex 9. part. Constitutionum cap. 3. §. 9. ubi de Generali dicitur: Mittere poterit omnes sibi subditos, sive professionem emiserint, sive non emiserint, quos mittendos judicaverit, ad quaslibet mundi partes, id est, (ut in declaratione exponitur) inter fideles in Indicis, & inter infideles, ubi sunt aliqui incolæ Christiani, & etiam si nulli sint. Ad id præterea in Constitut. Ad quodvis tempus, vel definitum, vel indefinitum ad quamvis actionem, &c. & alia multa in illo capite subjunguntur, quæ indicant materiam hujus voti esse amplissimam.

8 In contrarium autem esse videtur; quia ex hac declaratione materiæ hujus voti sequitur, posse religiosum Societatis sub rigore præcepti obligari ad quoscumque actus virtutis, etiam heroicis & extraordinarios, ut ad exponendam vitam manifesto periculo propter salutem alicujus proximi, vel ad jejunandum aliquoties in pane, & aqua; vel sapienti in hebdomada per totam vitam, vel ad nunquam utendum lineis vestibus, & similia, quæ in instituto nullo modo continentur. His enim, & similibus exemplis utuntur auctores, ut in aliis religionibus declarent, qualiter non possint extra regulam obligari, ut videre licet in Alvaro Pelagio lib. 2. de planctu Ecclesiæ cap. 68. & Corduba lib. 3. de conscientia, q. 6. Si ergo votum obedientiæ in Societate in hoc differt ab aliis, quod ex parte materiæ non habet limitationem, comprehendit ex se prædicta omnia, & quæcumque alia majora. Consequens autem videtur esse incredibile, tum quia est valde alienum hoc ab intentione votentium, solum enim promittunt obedientiam juxta hunc certum vivendi modum: tum etiam, quia votum ipsum expresse sit secundum regulam, ut de voto paupertatis diximus: tum præterea, quia judicio omnium prudentum inique ageret Superior, qui hæc extraordinaria præciperet, quantumvis honesta, solum ad arbitrium suum, sine speciali causa legitima, ratione cujus illa pertineant ad finem, seu institutum Societatis.

9 Secundo est apud nos peculiaris difficultas, in exemplo adducto de missionibus; nam si hoc votum obligat

Ratio dubitandi pro parte affirmativa ex variis constitutionibus.

Pro parte negativa ratio 1.

Ratio 2.

Coroll. 1. Hanc potestatem valere ad obligandum sub culpa etiam duplici.

Coroll. 2. Potestatem dominativam huc solum spectare.

Non queritur an possit materialiter præcipi.

Nec item an possit bonum præcipi sub culpa, sed an possit præcipi quodvis.

obligat omnes ad obediendum in quibuscumque missionibus, nullius momenti esse videtur speciale votum obedientie ad Pontificem, quod professi Societatis emittunt: nam ex vi generalis voti obedientie jam ad id tenebantur. Secundum ergo votum nullam obligationem addit, neque extensivam ex parte materie, quia materia prioris voti dicitur esse amplissima, neque extensivam ex parte personarum, quibus obediendum est, quia si ex vi voti obedientie in genere patendum est Præposito Generali hoc præcipienti: ergo & omnibus inferioribus prælatis, quibus ipse vices suas communicaverit; nam utuntur eadem potestate, quia in hoc sensu sit obedientie votum: ergo a fortiori obligabit ad obediendum Pontifici idem præcipienti, quia est supremus prælatus omnium, non solum quoad potestatem jurisdictionis, sed etiam quoad potestatem dominativam, & peculiarem circa religiosos: nulla ergo extensio major intelligi potest in voto professorum. Neque etiam illud votum intensive magis obligat, quia utraque est obligatio voti, in qua, si cetera sint paria ex parte materie, non potest intelligi magis & minus per se loquendo: nec repetitio ejusdem voti auget obligationem, ut in superioribus visum est.

Vera resolutio propositæ questionis.

10 In hac re dicendum censeo, materiam quidem hujus voti in Societate esse amplissimam: nihilominus tamen in rigore præcepti aliquam admittere regulam & limitationem, quamvis ex consilio sola illa spectanda sit, ut quod præcipitur non sit malum. Primam partem assertionis declarant priores rationes dubitandi, & magis explicabitur simul cum secunda. Illam vero declarandam censeo ex verbis B.P.N. Ignatii 9.p. Constitut. cap.3. §.20. ubi sic ait: *Generatim loquendo in rebus omnibus, quæ ad propositum Societatis finem perfectionis, & auxilium proximorum ad gloriam Dei faciunt, omnibus præcipere in obedientia virtute possit*, scilicet Præpositus Generalis. Potestas ergo præcipiendi limitatur ex fine, quem Societas sibi proposuit, & ad quem tendere profitentur omnes ejus alumni. Meritoque hic finis pro regula assignatur: nam in omnibus moralibus rebus seu institutis finis est veluti primum principium, ex quo reliqua deducenda sunt: ergo, quæ ad hunc finem necessaria vel convenientia fuerint, recte infra materiam hujus voti comprehenduntur, ut præcipi possint, quando expediens fuerit. Quæ vero sunt vel contraria huic fini, vel certe impertinentia ad illum, non est, cur sub materia illius voti comprehendantur, licet alias bona sint: quia religiosi Societatis non profitentur facere quodlibet bonum, nec servare quodlibet consilium, sed juxta finem sibi præstitutum. Alia ergo præcipi non possunt, ut in prædicta constitutione significatur: ergo licet præcipiantur, non tenentur religiosi ex voto obedientie in eis obedire.

11 Dices: nullus est actus honestus, qui ad prædictum finem perfectionis, & ad bonum proximorum conferre non possit: ergo hæc limitatio nulla est, sed potius ex illa sequitur, quod supra inferebamus, quoscumque actus excellentis virtutis penitentiae, austeritatis, &c. posse ex vi hujus voti præcipi, quia omnes possunt ad finem perfectionis conducere. Respondeo negando assumptum. Et in primis quod attinet ad auxilium proximorum, clarum est, non omnes actiones virtutum esse ad hunc finem accommodatas, quia hic non agitur de auxilio interiori, ut sic dicam, quod per orationem, vel suffragium dari potest; nec de auxilio veluti indirecto, quale dici potest, quod datur per vitæ exemplum; sed de auxilio exteriori per se ac directe intento, quod non datur nisi per actiones exteriores, quæ circa ipsum proximum directe versantur. Non ergo omnes actus perfectionis sunt apti ad hunc finem, ut hoc titulo præcipi possint. Imo neque omnes actiones, quæ circa proximum versantur, sunt per se ordinatæ ad illud auxilium præstandum. Nam redemptio captivorum, v.g. optimus actus est circa proximum: per se autem non ordinatur ad spirituale auxilium ejus, sed ad libertatem personæ recuperandam; & alia similia exempla facile excogitari possunt de operibus, quæ ordinantur vel ad externam pacem, vel ad commodum Reipublicæ, non vero per se ad spirituale bonum: unde in prædicto c.3. 9.p. Constitut. §.9. ubi declaratur potestas Generalis ad

mittendas quascumque personas ad quælibet loca, solum circa actiones ponitur limitatio, scilicet, *ad quamvis actionem ex iis, quibus uti ad proximorum auxilium Societas solet, exercendam*: ergo ex vi illius constitutionis non poterit quis multi sub obligatione præcepti intra Turcas, v.g. ad peregrinandum solum, ut visitet loca Terræ sanctæ, vel ad tractandum negotia, seu ferendam legationem pertinentem ad alia commoda Reipublicæ, & non ad spirituale profectum vel conversionem animarum: quia illæ actiones non sunt ex illis, quibus Societas uti solet, & debet ad auxilium animarum. Loquor autem de rigore præcepti, quia de consilio non est dubium, quin melius sit in his omnibus sine discrimine obedire. Observandum etiam est, quamvis aliquæ ex his actionibus proxime non videantur pertinere ad auxilium animarum, remota tamen & per occasionem sæpe posse conferre, & fortasse hanc esse intentionem præcipientis, pro qua in dubio præsumendum est, quando oppositum non constiterit, & ideo non facile admittendam esse excusationem in Societate quoad hujusmodi missiones, maxime si sub rigoroſa obligatione præcipiantur, quod raro vel nunquam fit.

12 Quod vero spectat ad actiones pertinentes ad propriam perfectionem, dicendum est etiam hunc finem propriæ perfectionis intendi a Societate per media suo adequato fini proportionata, atque adeo aliquo modo contenta sub suo instituto, & regula: ideoque non omnes actiones, quæ absolute possunt charitatem, seu perfectionem augere, esse materiam proportionatam illius voti obedientie, quod in Societate sit, ita ut virtute ejus absolute præcipi possint. Hoc probant exempla superius adducta in n. 8. & colligi potest ex 6. part. Constit. cap.1. §.1. ubi primo sic dicitur: *omni constanti animo incumbamus, ut nihil perfectionis, quod divina gratia consequi possimus in absoluta omnium constitutionum observatione, nostrique instituti peculiari ratione adimplenda, prætermittamus*. Quibus verbis significatur rationem inquirendi propriam perfectionem esse debere huic instituto accommodatam: juxta hanc ergo mensuram (quod ad præceptum attinet) sumendum est, quod ibi proxime subjungitur. *Et exactissime omnes nervos virium nostrarum ad hanc virtutis obedientie imprimis Summo Pontifici, deinde Superioribus Societatis præstandam intendamus*.

13 Et confirmatur hoc, quia major potestas præcipiendi sub obligatione hujus voti nec Societati est necessaria ad finem suum, neque utilis; imo posset esse nociva propter periculum, & perturbationem, quæ ex usu ejus oriri possunt: non est ergo verisimile dari Superioribus talem potestatem, vel ex intentione voventium, vel ex intentione instituentium & approbantium institutum. Quod recte potest declarari ex c.5. p.6. earumdem constitutionum, in quo B.P. Ignatius sapienter providit & periculis, & perfectioni suorum filiorum; & ideo duo dicitur, unum est, exoptare se, *universas suas constitutiones, declarationes, & vivendi ordinem omnino juxta nostrum institutum, nihil ulla in re declinando observari*. Aliud est, visum sibi nihilominus esse expedire, ut seclusis votorum obligationibus nulla fir in Societatis constitutionibus, aut quibuscumque ordinationibus obligatio ad culpam mortalem, vel venialem, ut laquei, & pericula evitentur: addit vero exceptionem: *Nisi superior in nomine Domini nostri Jesu Christi, vel in virtute obedientie juberet*, & declarat hoc ipsum non sine magna causa faciendum esse, dicens: *quod in rebus vel personis illis, in quibus judicabitur, quod ad particulare uniuscujusque, vel ad universale bonum multum conveniet, fieri poterit*. Ubi si contextus recte attendatur, potestas hæc cadit supra *observantiam, constitutionem, declarationem, ac vivendi ordinem, omnino juxta nostrum institutum*. Et circa hæc ipsa adjungitur illa circumscriptio, & restrictio in usu debito talis potestatis: ergo si quid est, quod sub illis capitibus nullo modo comprehendatur, revera non est materia hujus potestatis, vel rigorosi præcepti, quod ab illa manare possit.

14 Neque contra hanc resolutionem obstant, quæ in principio dubitationis adductæ sunt. Nam in primis, locutiones illæ universales intelligi possunt juxta subjectam materiam, & juxta illam limitari; scilicet hanc obedientiam extendi ad omnia, quæ ad finem hujus obedientie

Nota.

Satisfit alteri membro.

Confirmatio proxime dictorum.

B. Ignatius & exactam in suo ordine observantiam & obligationem ad culpam, extra vota nullam inducit.

Ad rationem partem ather. in n.7.

Unde suadeatur pars prior

Posterior suadeatur

Objectionibus, ut roboretur amplius ex solutione assertio.

Satisfit uni membro.

Voluntas
superioris
pro regula
habenda,
quis
sensus.

stituti & observationem ejus conducere possunt. Juxta quam interpretationem, etiam habet locum illa ampliatio, scilicet voluntatem superioris pro regula habendam, scilicet illius Superioris, qui vere, ut Superior Societatis, id est, in ordine ad finem, & institutum ejus, regere vult; cujus voluntas non limitatur quidem per regulam scriptam, quia multa potest extra illam præscribere, prout ad finem suæ potestatis judicaverit expedire, nunquam tamen omnino præcipit extra regulam, quia hoc ipsum in ipsis constitutionibus de illius potestate declaratur: & supposito fine, ac modo instituti erat moraliter necessarium. Atque hoc etiam satis est, ut subditus Societatis dicatur habere pro regula voluntatem sui Superioris, quia finis, & institutum Societatis adeo universalia sunt, ut omnes actiones hominis, quæ moraliter loquendo in usum venire possunt, comprehendant. Denique hoc modo etiam habet locum illa exceptio actionis peccaminosæ: nam etiam in ordine ad finem, vel commodum Societatis posset intelligi excessus in præcipiendo actionem aliâ justam. Aliter etiam dici potest, illas universales locutiones, si absque ulla restrictione sumantur, comprehendere non tantum ea, quæ possunt rigore præcipi, sed etiam ea, quæ ad probationem obedientiæ, & majus quoddam exercitium possunt injungi, quæ ordinariè pertinent ad consilium, non ad præceptum.

Alterare
spatio.

Ad primam
rationem
partis ne-
gantis in
nu. 8.

15 Et ita etiam responsum est ad generalem objectionem in contrarium factam; nam illa solum probat posse hic adhiberi limitationem aliquam ex fine, & instituto Societatis; tamen quia hi termini totam ordinariam vitam hominis circumscribunt, non possunt ob eam causam excipi, nisi quædam præcepta valde extraordinaria, & aliena ab instituto Societatis, quæ magis possunt cogitatione fingi, quam in usum venire, & hujusmodi sunt aliqua ex his exemplis, quæ ibi afferuntur. Non vero sunt omnia sine distinctione admittenda. Cum enim infertur, posse superiorem præcipere actionem, in qua vita manifesto periculo exponatur propter salutem alicujus proximi, profecto id nullum inconveniens est, sed in multis occasionibus potest esse verum, præsertim in obedientia Societatis; nam materia illius obedientiæ non est aliena, sed valde consentanea fini Societatis: & ideo etiam ubi charitas aliâ per se non obligaret, potest præceptum obedientiæ obligare, quando est vera necessitas in proximo, & aliunde non est clara inordinatio contra charitatem. Alia vero exempla facilius possunt admitti, quamvis in eis observandum sit, an ratio justæ pænæ propter culpas commissas, vel ratio medicinæ moraliter convenientis ad eas cavendas, interveniat: nam tunc Superior jus habet præcipiendi, & non excedit fines regulæ, aut instituti.

Pro ratio-
ne in n. 9.
adducta,
dubium
de obliga-
tione ad
indos eg-
di, &c.
Quid de
aliis reli-
giosis.

16 Petitur autem in secunda objectione pro eadem negante parte posita in n. 9. An religiosi Societatis, qui quantum votum professorum non emisserunt, possint ex rigore præcepti obedientiæ obligari ad missiones difficiles, quales sunt inter Judæos, vel alios infideles. Quidam enim auctores, qui de aliis religiosis hoc negant, idem, ut videtur, in religiosis Societatis sentirent. Præsertim vero hoc indicant Ludov. Lopez in Instructorio conscientiæ p. 1. c. 56. & Emanuel Rodrig. to. 1. quæst. regul. q. 19. art. 7. ubi cum de suis quisque religiosis hoc docuisset, confirmationem sumit ex modo vivendi religiosorum nostræ Societatis. *Qui has (inquit) longinquas peregrinationes, valde quæ difficiles, sibi injungendas a Prælati, subituros profitentur, nec eas repudiaveros; quos satis insinuat, si eas non specialiter vovissent, tanquam nimis difficiles refutare potuisse. Quod argumentum etiam procedit de omnibus religiosis Societatis, qui illud peculiare votum non emittunt.*

Quid de
religiosis
Societatis
pronun-
tandum.

17 Quidquid vero sit de aliis religiosis (de quibus supra in tom. præced. in genere satis dictum est, & unusquisque poterit juxta rationem sui instituti principia ibi posita ad se applicare) de nostris certum reputamus, omnes veros religiosos Societatis posse in virtute sanctæ obedientiæ ad has missiones obligari, per se loquendo, & seclusis accidentalibus circumstantiis, quæ in particularibus casibus possunt excusare, quæ in præsentem considerationem non veniunt. Ratio præcipua est, quia hoc est satis expressum in constitutionibus Societatis, ut patet ex 2. p. c. 3 §. 9. Dices, ibi solum dici, *mittere po-*

terit, &c. non vero dici, *præcipere poterit*. Sed hoc nihil obstat, tum quia non potest efficaciter mittere, nisi possit etiam præcipere: tum etiam, quia eodem modo dicitur posse mittere, sicut posse missos revocare, vel officia distribuere. Constat autem posse ita distribuere officia, ut ex præcepto cogat unumquemque, si necessarium fuerit, ad acceptandum officium sibi commissum. Item manifestum est posse præcipiendo revocare quoscumque, & ubicumque existant: ita ergo potest mittere. Deinde est manifesta ratio, quia hæc missiones sunt valde necessariæ, & consentaneæ ad finem Societatis, non solum quatenus a professis, sed etiam quatenus ab aliis sociis fieri possunt; imo interdum sunt adeo necessariæ, ut sine illis non possit Societas aut suum finem assequi, aut convenienter gubernari: ergo sunt materia præcepti respectu omnium, qui obedientiam religiosam in Societate voverunt. Antecedens per se notum est ex dictis supra in lib. 1. de instituto, & fine Societatis, & ex usu ipso, & praxi. Consequentia etiam est manifesta ex proxime dictis circa expositionem hujus voti, & ex d. c. 3. 9. p. Constit. §. 20. ubi generatim dicitur, *in rebus omnibus, quæ ad propositum Societatis finem perfectionis, & auxilii proximorum ad gloriam Dei faciunt, omnibus præcipere in obedientiæ virtute possit*, ubi duplex distributio notanda est, una rerum, altera personarum; nam sub priori hæc materia; sub posteriori vero hæc personæ manifeste comprehenduntur.

18 Neque hinc licet sumere argumentum ad omnes alias actiones, & peregrinationes, & licet fortasse minus difficiles sint, quia regula hujus materiæ non est facilitas, vel difficultas, sed proportio (ut sic dicam) ad finem, & institutum Societatis, ratione cujus multa sub illo comprehenduntur, quæ difficillima sunt, non vero alia, licet sint faciliora. Quid vero ultra hanc generalem obligationem addat proprium votum professorum Societatis, infra suo loco videbimus lib. 6. c. 4. nu. 16.

C A P U T XIII.

De consilio obedientiæ in Societate quantum ad perfectiones executionis.

1 PRæter ea, quæ in observatione obedientiæ sunt de necessitate præcepti, possunt in illius usu aliqua observari, quæ solum pertinent ad consilium, etiam supposito obedientiæ voto. Quæ quidem spectari possunt vel ex parte materiæ, vel ex parte modi. Prius membrum explicatum fere est cap. præced. nam declarando materiam necessariam, attingere oportuit etiam illam, quæ tantum est sub consilio, seu pertinet ad melius esse. Regulæ etiam omnes, quæ sub reatu alicujus culpæ non obligant, ad hoc membrum reduci possunt, de quarum observantia & aliquali obligatione nihil speciale addendum occurrit his, quæ in genere de regularum observatione dicta sunt tract. 8. lib. 1. & explicando etiam consilium hoc circa modum obediendi, amplius declarabuntur omnia, quæ ad eam materiam spectant.

Non om-
nis exe-
cutio o-
bedientiæ
est de præ-
cepto.

2 Ad explicandum autem optimum obediendi modum notandum est, in observatione cujuscumque legis, seu præcepti, tria concurrere posse, ac debere, scilicet, executio ejus, quod iustum est, voluntas exequendi, seu observandi rem præceptam, & judicium intellectus imperantis talem executionem & voluntatem. Quæ sumuntur ex D. Thom. 1. 2. q. 100. art. 9. quatenus ait, ad observationem legis necessariam esse & operationem virtutis ex suo genere, & modum illum virtutis, qui in hoc consistit, quod aliquis volens, & sciens operetur, juxta Aristot. 2. Ethic. c. 4. Hæc ergo tria in quacumque obedientia, & in modo obediendi concurrunt, & aliquid potest in eis considerari pertinens ad substantiam, vel ut ita dicam, ad necessarium modum obediendi, alia vero solum ad modum meliorem; & hæc proprie dicuntur in præsentem cadere sub consilio obedientiæ.

Notatur
tria pro
titulo ca-
pituli tra-
ctanda.

3 Et in primis de executione ejus, quæ præcipitur, Executio manifestum est in ea consistere substantiam, ut sic dicâ, actualis obedientiæ: per illud enim substantialiter observatur præceptum, quod est propria ejus materia, ad quam directe obligat: hujusmodi autem est ipsa executio operis, seu actionis junctæ, sub qua comprehendimus omissionem, quando de illa est prohibitio. Præter ipsam vero executionem quoad substantiam ejus possunt in ea considerari aliqua pertinentia ad modum illius, quæ ex variis locis nostrarum constitutionum desumuntur.

Executio
quoad
substanti-
am obedi-
entiæ est.

Prima perfectio executionis de obsequio.

desumuntur. Primum est, ut hæc executio non solum exhibeatur in rebus obligatoriis, sed etiam in aliis. Et ad idem spectat, ut nullo expectato præcepto, sed quocumque signo voluntatis Superioris præcepto, statim executio subsequatur 6. p. Constit. c. 1. §. 1. & consonat D. Thom. 2. 2. q. 10. artic. 5. ad 3. ubi de religiosis inquit, teneri ex voto ad obedientiam regularem, id est, in his, quæ ad regularem conversationem pertinent: pertinere autem ad cumulum perfectionis, etiam in aliis honestis obedire; & ita distinguit duplicem obedientiam, aliam sufficientem, & aliam perfectam scilicet ex parte rerum, in quibus obediendum censetur: illa enim perfecta est, quæ universalis est, nihilque excipit, nisi quod displicet Deo; & hæc obedientiam sæpius commendat Basilus, præsertim regul. 114. ex brevioribus, & 137. 138. & in 120. sic ait de persona religiosa, *In universum, quod quis sui juris esse velit, culpabile est*; multa etiam similia habet in Constit. monast. c. 20. & 23. & sæpe aliàs: in art. autem 2. ita dixerat idem D. Thom. *Tanto videtur obedientia promptior, quanto expressum præceptum obediendo prævenit, voluntate tamen superioris intellecta*; sentit ergo hunc modum pertinere ad consilium perfectionis obedientie. Idem docuit Bonav. de Processu religionis c. 28. ubi inter alia inquit: *Bonus obediens aliud non spectat, ubi de Superioris sibi constitit voluntate*.

Secunda perfectio.

4. Alia conditio hujus executionis, ut optime fiat, est celeritas & promptitudo: & hæc eodem §. 1. postulat, cum illa exaggeratione, ut literæ inchoatæ relinquatur; quam ad literam observatam esse ab antiquis religiosis, refert Cassian. lib. 4. de Instit. renunt. cap. 12. dicens: *Itaque confidentes intra cubilia sua, & operi ac meditationi pariter intendentes, cum sonitu pulsantis ostium, aut diversorum cellulas percutientis audierit, ad orationem eos scilicet, seu ad opus aliquod invitantis, certatim e cubilibus suis unusquisque prorumpit, ita ut qui opus scriptoris exercet, quam repertus fuerit inchoatæ literæ, finire non audeat, sed in eodem puncto quoad aures ejus sonitus pulsantis advenerit, summa velocitate profiliens ne tantum quidem more interponat, quantum cepti apicis consummet effigiem, sed imperfectam lineam literæ relinquens, non tam operis compendia, lucrare sectetur, quam obedientie virtutem exequi toto studio, atque emulatione festinet*. Huic consonat, quod Basilus respondit in regula 166. ex brevioribus, ubi cum quaestum esset, qua promptitudine obediendum sit quoad mandati executionem, respondet, *nihilominus, quam quanta parvulus vehementer efuriens vocanti se ad nutritionem nutritici auscultat; & quilibet, cui chara vita sit, ei, qui sibi, quæ ad vivendum necessaria sunt, largiatur*. &c. & in constit. monast. c. 18. *Potestatem (ait) sui ipsius ne ad puniendum quidem temporis habere monachus debet*. Et deinde comparat illum instrumento artificis, quod deficiente impetu artificis amplius non moveretur. Et regul. 28. ex superioribus, multa dicit idem Basilus in eum, qui ad exequendam obedientiam *cunctæ abundas accedit, & lenteſcens*: de hac etiam perfectione obedientie videri potest Bonaventura in speculo disciplinæ 1. p. cap. 4. ubi inter alia ait: *Perfecta obedientia sua imperfecta relinquit*.

Tertia perfectio.

5. Alia conditio ad hanc perfectionem necessaria est, ut nulla ante executionem adhibeatur excusatio, quæ expresse habetur 3. p. Constit. c. 1. ubi inter alia dicitur, *sine excusationibus & obmurmurationibus obediant, licet difficilia & secundum sensualitatem repugnantia jubeant*. Et in 7. p. c. 1. specialiter de voto ad Pontificem dicitur: *Sine ulla excusatione se Societas astrinxit*. Circa hanc autem conditionem distinguendum de excusatione est; nam interdum potest esse contra substantiam ipsius voti, quando adhibetur præceptum & excusatio, vel est contra id, quod promissum est, vel non est vera, sed ficta, aut colorata: ut si quis cum jubetur missionem obire, excusetur solum, quia non datur viaticum, quod repugnat promissioni factæ: & ideo si id faciat animo non eundi, nisi derur, graviter contra obedientiam delinquet: si autem solum ad extorquendum aliquid id faciat, circa modum imperfectus erit. Qui autem falsam causam excusationis allegat, licet de facto a Superiore excusatur ab excusatione obedientie, coram Deo non excusatur a transgressionem culpabili: quia ex quo illi præceptum fuit impositum, contra illud delinquit, si sine vera & iusta causa excusatur. At vero

Excusatio ab obedientia quando gravis culpa, quando non.

ubi nondum præceptum interpositum fuit, sed simplex obedientia, seu significatio voluntatis Superioris, in tali excusatione poterit esse culpa mendacii; contra obedientiam vero solum est magna imperfectio, & retardatio reprehensione digna circa votum obedientie. Atque idem est, quoties excusatio non ex ratione, sed ex affectu aliqua inordinata procedit: nam si vera ratio impediens interveniat, vel saltem talis existimetur, aut probabiliter de ea dubitetur, nulla erit imperfectio, quod ea Superiori proponatur, ut in speciali epistola de hac materia, in n. 19. B. P. N. Ignatius latius explicavit, & utrumque docuit D. Basilus in regula 119. ex brevioribus, ubi primo exaggerat, quantum ab obedientia deficiat, qui quod sibi assignatum est, recusat, & aliud ab eo diversum exquirat. In fine vero subiungit: *Verum enim si causam te habere aliquam putas, quamobrem opus recuses, hanc Magistris indicato, eamque illis disceptandam relinquo*. Quam causam veram esse oportet, ne ei dicatur, *Qui fingit laborem in præcepto*, ut idem Basilus dixit regul. 152. ex eisdem brevioribus. Denique ad hunc etiam perfectum modum spectat, quod obedientia sit integra, fortis, id est, constans, & cum debita perseverantia, ut in eisdem locis constitutionum dicitur; imo hæc quodammodo seu ex parte pertinent ad substantiam executionis, ne pars aliqua illi desit, & mutila sit. Et ita sub hac conditione plures aliæ continentur, quas luculenter describit Bonavent. loco statim citando.

Perfectio obedientie hinc teritur: autem.

CAPUT XIV.

De perfectionibus consilii obedientie ex parte voluntatis.

1. Circa secundum propositum in 2. de voluntate B. P. Ignatius in sua epistola de obedientia, ita exaggerat hujus conditionis necessitatem, ut dicat in nu. 5. *infirmam & valde imperfectam esse primam illam obedientie formam, quæ mandata dumtaxat opere exequitur, nec virtutis nomine dignam, nisi ad alterum gradum ascendat, qui voluntatem Superioris suam faciat, & cum ea ita concordet, ut non solum in effectu executio appareat, verum etiam in affectu consensio, sicque idem velit uterque, idem nolit*. V. etiam Bonav. in Opusc. 8. collationum collat. 3. quædam refert Augustini verba, quibus hæc conditio, simul cum præcedenti, optime declaratur: *Ut obedientia, inquit, religiosi Deo sit acceptabilis debet esse prompta sine dilatione, devota sine dedignatione, voluntaria sine contradictione, simplex sine discussione, perseverans sine cessatione, ordinata sine deviatione; jucunda sine turbatione; strenua sine pusillanimitate; universalis sine exceptione*. In quibus verbis tres dictæ conditiones cap. præced. n. 2. positæ continentur: nam quod obedientia sit sine discussione ad iudicium spectat; quod autem sit devota, voluntaria, jucunda ad voluntatem pertinet; reliqua perfectam executionem continent, quamvis non possint a voluntate separari.

Memento hujus conditionis S. Ignatius & Bonav.

2. Est igitur advertendum primo voluntatem aliquam necessariam esse ad substantiam obedientie, aliquam vero ad perfectionem. Cum enim obedientia dicat moralem actum, & humanum, ac de se studiosum, repugnat esse sine voluntate, a qua omnis actus hominis proxime habet, quod moralis, & humanus sit. Imo cum duo possint in actu obedientie distingui, scilicet, & substantia ipsius actus, ut v. g. quod sit oratio, vel jejunium, & ordo ad voluntatem superioris, scilicet, quod præceptum sit ad substantiam obedientie, non satis est, quod talis actus a voluntate procedat quoad substantiam suam, sed etiam quatenus substat Superioris voluntati. Si quis enim voluntarie oret, aut jejundet ignorans, vel omnino non attendens illud esse a Superiore injunctum, non potest dici proprie obedire, licet materialiter faciat, quod injunctum est. Sicut qui voluntarie audit Missam ex sua devotione, ignorans esse diem festum, proprie non implet præceptum Ecclesiæ, licet illud non violet. Ratio autem est, quia non ex propria intentione, & voluntate paret præcepto, sed casu contingit, ut voluntas ejus cum præcepto concurrat, & ita faciat, quod aliàs præceptum erat: nam quantum erat ex dispositione operantis, non magis sequebatur ad observationem præcepti, quam ad non observationem; necesse est ergo, ut voluntas ali-

1. Pronun. Aliqua voluntas est e substantia obedientie.

tas aliquo modo feratur in actum, quatenus cadit sub voluntatem Superioris, aliàs dici non poterit obedientia preste ac proprie etiam quoad executionem.

Notatio duplicis actus voluntatis pro 2. pronunt.

3 Est autem ulterius observandum, duobus modis posse voluntatem ferri in actum, quatenus a Superiore injunctum. Primo, ut in objectum materiale tantum, ita ut illud quatenus solum designet rem, in quam fertur voluntas secundum propriam rationem ejus, quæ solet appellari a Philosophis *ratio formalis quæ*. Secundo ut in proprium motivum, seu objectum formale, propter quod voluntas fertur in talem actum, ita ut illud quatenus reduplicet rationem formalem sub qua objecti talis actus. Alter ergo ex his modis necessarius est ad moralem obedientiam, ut probat ratio paulo ante facta, & ex illis prior sufficit ad satisfaciendum precepto obedientiæ, ita ut contra illud non peccatur. Posterior autem necessarius erit ad exercendum proprium, & specificum actum virtutis obedientiæ. Ita pronuntiat D. Thom. 2. 2. q. 104. art. 2. ad 1. ibi: *Si obedientia proprie accipitur, secundum quod respicit per intentionem formalem rationem precepti, erit specialis virtus, & inobedientia peccatum speciale: secundum hoc enim ad obedientiam requiritur, quod impleat aliquis actum iustitiae, vel alterius virtutis, intendens implere preceptum, & ad inobedientiam requiritur, quod actualiter contemnat speciale preceptum. Si vero obedientia large accipitur pro executione cujuscumque, quod potest cadere sub precepto, & inobedientia pro omissione ejusdem ex quacumque intentione, sic obedientia erit generalis virtus, & inobedientia generale peccatum.* Ratio autem prioris partis est, quia cum lex, vel Superior aliquid præcipit, non injungit, ut id fiat formaliter, quia præceptum est, ita ut totum hoc sit materia præcepti, sed solum injungit talem actum; ergo ad præceptum implendum sufficit voluntati illud facere, quamvis non fiat ex illo motivo.

2. Pronunt. Prior actus sufficiens vice letor obedientia; posterior requiritur ad ejus speciem.

Ratio vero posterioris partis est, quia in omni virtute, ad eliciendum proprium, & internum actum specificum ejus, necessarium est operari ex proprio motivo ejus, & ob ejus honestatem, juxta doctrinam Aristot. 2. Ethic. cap. 4. ubi ait tunc aliquem operari juste, quando operatur sciens, & eligens propter ipsa; ergo ut quis operetur actum proprium & specificum obedientiæ, necesse est, ut velit ob ipsam, id est, propter formale motivum obedientiæ; sed hoc motivum est facere aliquid, quia præceptum est; ergo, &c.

Obiectio contra 1. partem hujus præcepti.

4 Sed obijciunt contra priorem partem pronuntiatam, quia ut religiosus committat specialem malitiam contra obedientiam, non est necesse, ut ex speciali contemptu præcepti actum omittat, sed satis est, quod voluntarie omittat ex quocumque motivo: ergo e contrario, ut impleat obedientiæ præceptum, necesse est, ut formaliter velit Superiori obedire ex motivo obedientiæ. Antecedens declaratur ex differentia inter obligationem legis, & imperii Prælati religionis: nam lex obligat, constituendo actum in aliqua specie virtutis, juxta exigentiam materiæ, v.g. jejunii, aut misericordiae; & ideo transgressor talis legis non committit formalem inobedientiam, sed solum contra obedientiam, seu intemperantiam, vel quid simile. Præceptum autem prælati religionis non ponit actum in peculiari specie virtutis (loquor enim de præcepto, quod non ex propria jurisdictione, sed ex potestate dominativa provenit,) & ideo violatio ejus per se non continet malitiam contra aliam virtutem, sed solum contra obedientiam ex quocumque motivo hiant. Et de his posset verificari, quod in dicta solutione ad 1. D. Thom. ait: *Quadam sub obedientia, seu sub præcepto cadere, quæ ad nullam aliam virtutem pertinent*; circa quæ verba laborat ibi Cajetanus. Et hinc probari potest prima consequentia; quia quovis præceptum ita ponit actum in specie alicujus virtutis, ut contra illam peccetur, quacumque ratione omittatur, non impletur illud præceptum, nisi per proprium, & formalem actum illius virtutis, ut præceptum jejunii per actum temperantiæ, &c. quia sicut malum ex quocumque defectu, ita bonum ex integra causa; ergo licet aliæ leges impleantur per actus virtutum, in quibus actus præceptos reponunt, præceptum obedientiæ religiosæ non impletur, nisi per formalem obedientiam, quia solum intra hanc virtutem constituit actum præceptum. E contra, si vero obijci potest contra posteriorem ejusdem pro-

Principales conclusiones quæ obijciuntur hujusmodi.

Obiectio contra 2. partem.

nunciati partem, nam si illa vera esset, sequeretur religiosum nunquam posse exercere proprium, & formalem actum obedientiæ, nisi ubi intervenit proprium præceptum superioris: consequens est falsum: & contra communem usum religionum, in quibus ordinarie inferiores ex obedientia moventur ad operandum, quamvis superiores propria præcepta non imponant, sed simplicem voluntatem indicent.

5 Ad priorem objectionem, dato antecedente, negatur consequentia: oportet tamen antecedens convenienter explicari: nam cum religiosus transgreditur præceptum obedientiæ (considerando illud, ut dixi, quatenus est præcise a potestate dominativa seclusa jurisdictione) non peccat quidem per se loquendo contra specialem virtutem, ad quam ex parte materiæ pertinet talis actus; ut v.g. contra temperantiam, si frangat jejunium, & quoad hoc est simpliciter verum illud antecedens, & differentia assignata ob rationem ibidem indicatam: quia constituere actum in speciali materia virtutis est proprium potestatis jurisdictionis. Nihilominus tamen illa transgressio non est proprie contra specialem virtutem obedientiæ, sed est contra votum obedientiæ, in quo sensu concedimus illud antecedens, proprie autem, & specificè est contra virtutem religionis, ita ut, secluso actuali contemptu præcepti, non sit formalis inobedientia, sed sacrilegium quoddam. Sic enim habere proprium dicitur esse contra paupertatem, non quia sit contra aliquam specialem virtutem paupertatis, quia nulla est: sed quia est contra votum paupertatis, & ita peccatum illud proxime est contra religionem. Similis ergo est in præfenti ratio, quia superior, cum præcipit, nihil aliud facit, quam exigere a subdito debitum suæ promissionis, quam Deo fecit per obedientiæ votum, & ideo tunc non obedire, proxime est peccatum non implendi votum; est ergo sacrilegium secundum propriam speciem, materialiter autem est inobedientia, tum ratione generali, quia omne peccatum est quædam inobedientia, ut D. Thomas dixit, tum ratione speciali, quia ejus materia est quædam inobedientia.

Quid dicendum ad antecedens prioris objectionis.

6 Ex quo facile constat, quomodo consequentia valida non sit, si consequens intelligatur de proprio motivo obedientiæ, nam satis est velle obedire ad implendum promissum. Iam addo præterea ad satisfaciendum obligationi voti obedientiæ non esse necessarium formaliter obedire ex motivo religionis, seu voti implendi. Nam licet quis faciat, quod promissit ex motivo extrinseco timoris, vel amoris, aut spe præmii, vel ex affectu ad propriam virtutem, ad quam secundum se pertinet actus præceptus, scilicet temperantiæ, &c. id satis est ad implendum votum obedientiæ; quia per illud non promittimus obedire sub hoc vel illo motivo, sed simpliciter obedire: quod, servata proportionem, idem est in quocumque voto. Adde denique, propositionem ibi assumptam, *quando transgressio præcepti est contra aliquam virtutem, observationem talis præcepti non fieri per actum illius virtutis*, non esse veram de actu formali, & proprio, elicio a tali virtute, sed solum de actu materiali, & externo, qui ex genere suo pertineat ad talem virtutem. Ita enim præceptum jejunii impletur per abstinentiam, quæ ex genere suo pertinet ad temperantiam, etiam si ab operante non fiat ex affectu ad temperantiam: imo neque cum honestate temperantiæ, potest enim lex humana impleri per actum ex se bonum, non bene factum: & idem in præfenti dicendum censo de observatione voti obedientiæ, quantum spectat ad rigorem præcepti, & ut non committatur culpa contra hoc votum; sufficit enim voluntas implendi, quod jubetur, etiam si alioquin voluntas illa sit ex quocumque imperfecto motivo, vel etiam peccaminoso, quia res promissa solvitur, & id satis est ad votum, ut ex proprio tractatu de voto in communi constat.

Quid ad consequentiam respondendum.

7 Ad posteriorem objectionem distingui potest consequens ibi allatum, scilicet, *non fieri a religioso formalem actum obedientiæ, nisi ubi intervenit proprium præceptum superioris*: nam potest hoc intelligi de actu obedientiæ, id est, voti obedientiæ, vel de actu obedientiæ, id est, specialis virtutis obedientiæ. In priori sensu facile concedi potest sequela, quia ubi non intervenit obligatio voti, non potest actus habere illam peculiarem honestatem, quæ est in observatione voti. Quia hæc duo

Ad obiectum contra posteriorem partem pronuntiatam in nu. 4.

Duo correlativa sunt, & non potest unum sine alio poni. Dices, qui vovet ingredi religionem intra annum, si statim ingrediatur, facit actum voti, & implet illud, quamvis nondum obligaretur. Respondeo implere quidem votum quoad substantiam actus, quia quoad illam immediate obligabatur per tale votum; licet nondum obligaretur, quoad circumstantiam temporis, quod homo in eo casu voluntarie anticipat. At vero in presenti votum obedientiæ per se, & immediate ad nullum actum obligat, etiam quoad substantiam ejus, sed solum mediante præcepto superioris, quia solum obligat ad obediendum illi; & ideo donec ponatur tale præceptum, non habet locum usus talis voti. Neque hic habet locum anticipatio, per quam dici potest religiosus prævenire præceptum, contentus sola voluntate superioris, quia hæc anticipatio non solum excludit temporis circumstantiam, ut in exemplo adducto, sed etiam excludit substantialem materiam voti, & ideo non admittit proprium actum voti in exercitio, seu effectu, ut sic dicam; quamvis in affectu, & præparatione animi in eo actu ostendatur voluntas promptissima ad observationem voti, si ejus materia poneretur.

8 Dices: cur non potest intelligi sub materia hujus voti non solum præceptum, sed quamcumque voluntatem superioris comprehendere, ita ut promissio non tantum sit de observando præcepto, sed etiam de exequenda voluntate superioris, quocumque modo innotescat? Respondeo primo, id constare ex communi usu, & institutione religionum, cui accommodatur intentio votantis. Secundo, quia illud involvit repugnantiam: nam contra præceptum distinguimus illam voluntatem superioris, quæ non inducit rigorosam obligationem: si autem executio hujus voluntatis etiam esset sub voto comprehensa, necessario induceret obligationem, quia applicaret sufficientem materiam voti; involvitur ergo repugnantia. Ratio autem a priori est, quia licet obligatio ad obediendum fieret in voluntate votantis: illi tamen secundum se est solum conditionata, scilicet si superior voluerit; & ideo quod talis obligatio transeat in absolutam, seu actu exerceatur, pendet ex voluntate superioris: quamdiu ergo ipse non vult obligare, votum non potest obligare: quamdiu autem non præcipit, non vult obligare; ergo repugnat, ut ex illa voluntate superioris, quæ præceptum excludit, oriatur obligatio voti, quia non impletur ejus conditio: nec potuit subditus velle se obligare etiam cum sola illa voluntate; alioquin vellet obligari etiam, quando superior non vult eum obligare, quod repugnat ipsi voto obedientiæ. Quocirca si ponamus (hoc enim non repugnat) aliquem promittere Deo facere hoc, vel illud, si alius voluerit, quamvis voluntas ejus non sit præcipiens, sed tantum consentiens, aut desiderans, illud, non esse votum obedientiæ, sed esset votum talis materiæ, sub tali conditione; votum ergo obedientiæ habet pro materia præceptum alterius: & ideo quamdiu illud non imponitur, proprie exerceri non potest, nisi tantum in affectu, & præparatione animi, ut explicavi.

9 Quod si quis tandem objiciat, si hoc ita est, utilius esse religiosis, cum per proprium præceptum imperantur, quia tunc operabuntur ex voto, quod est magis meritotum. Respondetur primum id non expedire propter periculum lapsus. Deinde illud meritum suppleri posse per voluntatem obedientis, tum propter magis liberam, & spontaneam voluntatem, quæ ostenditur præveniando præceptum, tum propter intentionem, & præparationem animi ad idem libentius exequendum, si adjungeretur præceptum; tum denique, quia etiam hoc genus obedientiæ potest fieri ex religione in cultum Dei: imo etiam ex intentione operantis referri potest ad observationem voti, atque ita ejus honestatem participare; quatenus in his etiam non præceptis obedire vult, ut longissime distet a transgressione voti, & ad ejus perfectissimam observantiam aduefcatur.

10 At vero si sermo sit de actu formali, & proprio virtutis specialis obedientiæ, difficultas non parva est, an ad illum requiratur ex parte objecti proprium præceptum superioris; vel sufficiat simplex voluntas significans subdito quocumque modo. In qua Cajetan. 2. 2. q. 104. art. 2. pro certo supponit, objectum obedientiæ includere præceptum aliquod, & inquit, an sit neces-

sarium præceptum obligans ad mortale, vel sufficiat generatim: & resolvit sufficere quodcumque præceptum inducens obligationem sub quacumque culpa, etiam veniali. Quod recte probat, quia etiam materia minima est capax obedientiæ, & inobedientiæ; quia est capax præcepti generatim sumpti, etiam si præceptum illius per se non obliget ad mortale. Quod autem aliquod præceptum necessarium sit, solum probat Cajetanus, quia obedientiæ actus proprius est facere vel omittere aliquid, ut superioris voluntatem sibi notam impleat; quasi supponens notificationem voluntatis superioris semper habere vim præcepti obligantis saltem sub veniali. Quod videtur etiam indicare D. Thom. ibi in corpora, dum ait: *obedientia est specialis virtus, & ejus objectum est præceptum tacitum, vel expressum: voluntas enim superioris quocumque modo innotescat, est quoddam tacitum præceptum*. Et in solut. ad 2. idem repetit, scilicet objectum obedientiæ esse præceptum superioris expressum, vel interpretativum: quid autem per interpretativum intelligat, declarat, dicens, *scilicet simplex verbum prelati ejus indicans voluntatem, cui obedit promptus obediens, secundum illud ad Titum 3. Disto obedire*. Et potest confirmari hæc sententia primo ex eodem Cajetano; quia ubicumque potest versari obedientia formalis ex intentione operantis, potest intercedere inobedientia, vel formalis ex contemptu, vel materialis ex quacumque voluntaria commissione, vel omissione; quia opposita versantur circa idem; sed inobedientia non habet locum, nisi ubi intervenit præceptum; tum quia inobedientia dicitur vitium, seu peccatum, quod sine præcepto intelligi non potest; tum etiam, quia si superior nullum grave, aut leve imponat, licet subditus non faciat ejus voluntatem, non peccabit venialiter per se loquendo, & licet illam contempnat, non peccabit mortaliter; non est ergo inobediens. Confirmatur secundo ex dictis, nam secluso præcepto, non datur actus voti obedientiæ, id est, contentus sub illa promissione: ergo nec dari potest actus formalis virtutis obedientiæ. Pater consequentia, quia votum obedientiæ, ut nomen ejus præ se fert, habet pro materia virtutem obedientiæ: ergo servant eandem proportionem respectu præcepti superioris.

11 Contra hanc vero sententiam obstat primo, quia voluntas superioris indicata inferiori est sufficiens objectum formalis actus obedientiæ, & illa non semper habet vim præcepti, sive taciti, sive expressi, nec per se obligantis ad mortale, aut ad veniale; ergo. Explicatur minor, quia in ea videtur consistere difficultas. Nam ad præceptum nec necessarium est, nec sufficit, ut superior velit aliquid fieri a subdito; non est quidem necessarium, quia Deus præcipit sine hac voluntate; neque etiam sufficit, quia multa vult Deus fieri ab homine, quæ non præcipit; & inter homines id videtur manifestum: nam interdum superior desiderat, & petit a subdito, ut aliquid faciat, non solum sine ullo præcepto, sed etiam directe explicando se nolle obligationem imponere: voluntas ergo necessaria ad præceptum, sive expressum, sive tacitum, est voluntas obligandi subditum, præter quam intelligi potest in superiore voluntas ordinans, seu movens subditum ad hoc, vel illud faciendum, nulla imposita obligatione: significatio ergo hujus voluntatis non est præceptum expressum, vel tacitum, nec quod inducit obligationem sub mortali, aut veniali peccato, quod erat in minori subsumptum. Quod autem hæc voluntas superioris sit sufficiens objectum formalis actus obedientiæ, patet, quia voluntas faciendi, quod superior ita vult fieri, præcise ex hoc motivo subjiciendi propriam voluntatem voluntati illius, etiam si non intercedat obligatio præcepti, est honesta, habetque aliquam specialem rationem virtutis ex illo speciali motivo, & non aliam nisi obedientiæ: ergo.

12 Et confirmatur ex communi praxi religionum, in quibus regulæ, & statuta sæpe non obligant ad ullam culpam mortalem, aut venialem, ut in Societate declaratum est p. 6. Constit. c. 5. Et similiter simplex jussio superioris non censetur obligationem ad culpam includere, nisi addat, *in virtute obedientiæ*, vel quid simile: & nihilominus in observatione talium regularum, constitutionum, aut jussionum, censetur exerceri obedientia, vel materialiter, si res ipsæ simpliciter fiat, vel etiam forma-

Circa alterum sententiam indicatum in n. 7. an requiratur præceptum vel sufficiat simplex voluntas ad obedientiam.

formaliter, si ex prædicta intentione fiant, & transgressores illarum censentur inobedientes, saltem quoad carentiam perfectionis obedientie, quam secundum suum statum profiteri debent: ergo signum est, obiectum illud esse sufficiens, non tantum ad formalem actum, sed etiam ad perfectum actum obedientie. Denique declaratur, quia si mihi revelaretur Deum efficaciter velle me aliquid facere, etiam si nolit obligationem imponere, optimus actus obedientie in me esset, velle id, quod Deus vult a me fieri, solum quia ipse vult, quia respicit ejus voluntatem mihi superiorem, & tanquam regulam meæ voluntatis, quod formalissime spectat ad obedientiam: ergo idem cum proportionem erit respectu voluntatis prælati; quia etiam illam respicio ut mihi superiorem, & ut regulam meæ voluntatis tenentem locum divinæ voluntatis. Atque hic posterior dicendi modus confirmari potest ex Chrysost.hom.59.& 74. in Joann. quatenus dicit, obedientiam Christi non fuisse ad proprium præceptum, sed ad simplicem voluntatem Patris, quam nomine mandati late sumpti intelligit significari, ut latius tractavi in 1.tom.3.p.disp.43. sect.1. & 3.

13 Possumus ergo hos duos dicendi modos ita conciliare, ut dicamus obedientiam in omni rigore, & proprietate sumptam habere etiam pro obiecto præceptum rigorose etiam acceptum: obedientiam autem latius sumptam non tantum præceptum, sed etiam simplicem voluntatem superioris respicere; sed hæc vocis distinctio rem non declarat, quid enim comprehendit obedientia in illa latitudine sumpta, actus ne diversarum virtutum, an unius, quæ specialis obedientia appellatur? Si primum dicatur, oportet explicare, cujusnam virtutis actus sit voluntas exequendi simplicem voluntatem superioris propter conformitatem ad illam: & in explicando hoc actu est tota hujus rei difficultas: nam si est actus elicitus a propria virtute obedientie, propria obedientia erit; si ab alia, solo nomine dicetur obedientia, cum nec formaliter sit obedientia, ut supponitur; nec materialiter, cum non sit executio alicujus præcepti, & præterea explicandum superest, quænam illa virtus sit.

14 Dico ergo D.Thom. sententiam absolute veram esse: nimirum veram, ac formalem obedientiam habere pro obiecto proprium præceptum, sub proprio præcepto includendo illud etiam, quod ad veniale tantum obligat. Ratio est, quia obedientia respicit superiorem, ut superior est, non ut est amicus, vel ut prudens ad consulendum, vel sub alia ratione simili: constituitur autem superior in ratione superioris per potestatem dominativam aut jurisdictionis; nam illa seclusa homines æquales sunt: ergo obedientia respicit superiorem, ut utentem sua potestate, vel jurisdictione; si enim illa non oritur, non se gerit ut superior, & ita non habet locum erga illum actualis obedientia. Dico *actualis*, quia respectu superioris considerati quasi in actu primo poterit dari actus obedientie aptitudinalis, id est, propositum obediendi; qui actus etiam suo modo respicit præceptum, quia respicit superiorem, ut potentem præcipere. Quando autem superior non utitur propria potestate, per quam in esse superioris constituitur, non se gerit, ut superior, & ideo nondum se habet respectu obedientie in actu secundo: ergo e contrario neque obedientia potest erga illum exercere proprium obedientie actum, sed solam prædictam animi præparationem per propositum obediendi, quando materia occurrit. Si autem superior movet inferiorem utendo propria potestate superioris, hoc ipso necessario illi imponit aliquam obligationem, & consequenter præceptum.

15 Quapropter cum Prælati vult aliquid a subdito fieri nolens illum obligare ullo modo ad culpam (ita ut ex consuetudine, vel ex statuto, hoc satis declaratum sit) tunc revera non vult, neque movet ut Prælati, neque ut dominum, vel jurisdictionem habens, sed solum ut causa moralis, simul consulens, & impellens moraliter ad aliquid agendum, non per præceptum, sed per iudicium, & simplicem voluntatem; ergo tunc subditus volens exequi opus, ex illo præciso motivo, quod superior vult illud, non facit proprium actum specialis virtutis obedientie, sed potius charitatis, vel humilitatis: charitatis quidem, si id faciat solum propter unionem cum suo capite: & ita dicitur illa obedientia late, quia est morio ad alterius voluntatem; non erit tamen obedi-

tia, quæ est specialis virtus, sed dici poterit obedientia charitatis: de qua posset intelligi illud 1.Petr.1. *Animas vestras castificantes in obedientia charitatis*. Unde in exemplo supra adducto in 11. 12. confirmatione secunda, si quis agnosceret voluntatem Dei esse, ut aliquid faciat, quamvis nolit illud præcipere, velle tunc conformari divinæ voluntati non esset actus obedientie specialis virtutis, sed actus charitatis erga Deum, sicut nunc velle opera consiliorum, ex hoc præcise titulo, quod Deo magis placent, charitatis opus est, non obedientie. Atque hoc modo explicat obedientiam Christi Chrysost.homil.1.in epist.ad Philip. dum ait: *Quandoquidem nos etiam amicis obedimus, neque id tamen nos minores facit*. Humilitatis etiam potest esse ille actus, si fiat intuitu subjectionis: nam, ut D.Thom. dixit 2. 2. q.161.artic.5. humilitas facit hominem bene subiectum ordinationi, quantum ad omnia. Et hunc etiam modum tribuit obedientie Christi Chrysostomus supra, dicens: *Nemo Deum ita honoravit: quantum habuit celsitatis, tantumdem humilitatis subiit*.

16 Quamvis autem hoc ita sit, nihilominus duplici modo potest adjungi illi actui specifica, & formalis ratio obedientie. Primo si fiat intuitu cujusdam perfectæ dispositionis, & præparationis ad obediendum præceptis, quando necesse fuerit, & tollendi omne periculum resistendi, vel contradicendi formali obedientie, si occurreret. Neque hæc intentio est solum excoitata, aut extraordinaria, sed potius videtur communis in statu religioso. Ideo enim subditi parent ad nutum superioris, non expectando proprium præceptum, quia ibi respiciunt quandam inchoationem, ut sic dicam, vel umbram præcepti, & ideo ob majorem sui voti observationem, etiam per præventionem ita obediunt. Quod autem hoc sufficiat, ut illa voluntas procedat aliquo modo ex speciali virtute obedientie, probatur, quia omnis actus, qui fit intuitu honestatis alicujus virtutis, pertinet ad illam, vel elicitive, si illud sit motivum proximum, vel imperative, si sit finis remotus; hic autem actus, eo ipso quod fit in ordine ad majorem perfectionem obedientie in observatione præceptorum, saltem in proxima præparatione, aut dispositione, fit intuitu honestatis propriæ specialis obedientie: ergo sicut qui vult laborare, & laborando aliquid lucrari, ut esset aptus ad faciendam eleemosynam, interius exerceret verum & formalem actum misericordie, & ille labor, si a tali voluntate immediate imperaretur, vere dici posset misericordie actus: ita ergo dici potest in præfati proportionem servata.

16 Deinde etiam considerari potest, quamvis superior, dum aliquid simpliciter mandat, ut nolit sua propria potestate jurisdictionis, vel etiam dominativa, quatenus voto confirmata est, uti, (sic enim hæcenus locuti sumus) nihilominus non posse se exere auctoritate superioris, & capitis, sicut Deus, quando vult aliquid a me fieri, non utendo potestate præcipiendi, non potest suam dignitatem, & maiestatem ab illa voluntate separare, quæ veluti ex natura rei obligat hominem alio titulo, ut velit suam voluntatem divinæ sibi efficaciter propositæ conformare. Ita ergo voluntas superioris, qui vicem Dei gerit, & caput est hujus corporis, scilicet religionis, necessario habet adjunctam peculiarem quandam dignitatem, & excellentiam ex circumstantia talis personæ, ratione cujus habet etiam specialem vim movendi moraliter, majorem, & alterius rationis, quam habeat voluntas alterius amici: quod cerni etiam potest in voluntate parentis erga filium, & in voluntate Domini erga servum, etiam sine intentione rigorose præcipiendi, & obligandi in conscientia. Ex hoc autem videtur ulterius sequi in religioso obligatio quædam naturalis conformandi voluntatem suam cum voluntate sui capitis & superioris, quia naturalis ratio postulat, ut inter has voluntates sit conformitas, & subordinatio. Exemplum accommodatum videri potest in regulis religionis; quæ licet ex intentione legislatoris non ponantur, ut præcepta obligantia etiam ad veniale, nihilominus eo ipso, quod in hoc corpore politico ponuntur, ut regula operationum, ex natura rei obligant aliquo modo saltem sub veniali, ad sui observationem, quia *turpis est pars, quæ sine causa discedat a toto*. Similis ergo obligatio nascitur ex quacumque simplici ordinatione

Vel humilitatem.

Modus unus adjungendi ibi rationem obedientie specialis.

Judicium Auctorit.

Implens voluntatem simplicem superioris non exercet obedientiam specialem.

Sed charitatis.

Modus alter.

natione superioris. Atque hæc obligatio sufficit, ut ibi inveniatur objectum proprium obedientiæ, ut est specialis virtus: quia jam ibi vel tacite, vel expresse, vel directe, vel indirecte intervenit aliqua ratio præcepti. Quia vero illud præceptum magis est naturale, quam hominis, etiam si supponat aliquam voluntatem hominis, ideo, licet ille actus, seu voluntas parendi possit esse ex propria virtute obedientiæ, non tamen ex voto obedientiæ, latius enim patet materia virtutis, quam voti: non enim vovet homo servare omnia præcepta naturalia, vel positiva, divina, vel humana, sed solum obedire præceptis talium prælatorum, & ideo plures actus, præsertim internos, potest elicere propria virtus obedientiæ, quam sint per votum promissi. Et per hæc ut existimo rationibus utrinque factis satisfactum est.

18 Ex his autem intelligi potest ulterius, quæ & qualis voluntas ad perfectionem obedientiæ pertinere dicatur. Cum enim ad obedientiæ substantiam sufficiat voluntas exequendi id, quod præcipitur; omnis affectus, qui ultra hanc voluntatem adhibetur, & cõfert, ut opus ipsum, vel studiosius vel promptius, ac libentius fiat, ad hanc perfectionem obedientiæ pertinet. Primo ergo, & præcipue huc spectat illa pura & formalis intentio obedientiæ propter præcepti observationem, & propter voluntatem superioris implendam, vel alius propter voluntatem Dei, quæ in illa, & per illam applicatur. Hoc satis patet ex dictis, quia hoc modo exercetur obedientia ex influxu aliorum virtutum, tum etiam, quia sic est obedientia universalior ex vi sui motivi, & ita melius disponit hominem ad obediendum in omnibus, ubi similis ratio obediendi intervenit. Et hanc perfectionem docuit Christus, cum orans ad Patrem dixit: *Non mea voluntas, sed tua fiat*; & Joann. 4. dicens, *meus cibus est, ut faciam voluntatem ejus, qui misit me*. Eandem perfectionem insinuare voluit Augustinus supra n. 1. cum dixit obedientiam debere esse *devotam sine dedignatione*; & B. Ignatius cum in sua epistola dixit, *imperfectam esse obedientiam, quæ ad eum gradum non ascendit, qui voluntatem superioris suam efficit, & cum ea ita concordat, ut, non solum in effectu executio appareat, verum etiam in affectu consensio*. Denique D. Thom. 2. 2. qu. 104. art. 3. propter hoc maxime præfert obedientiam aliis virtutibus moralibus, quod voluntatem propriam divinæ subijcit, & immolat, juxta sententiam Gregorii 35. Moral. c. 10. alias 12.

19 Secundo ad hanc perfectionem spectat, ut voluntas sit non solum *absoluta*, sed etiam *integra*. *Absolutam* voco, quæ est efficax ad operandum, & hæc non solum de perfectione est, sed etiam de necessitate obedientiæ, quia sine illa non est executio. *Integram* autem appello, quæ nullam habeat voluntatem repugnantem, seu contradicentem, ad quam perfectionem spectat; quod Augustinus citato loco dixit, *voluntaria sine contradictione*, & quod dixit Basiliius in constit. monastic. c. 20. *Libentissime & diligentissime obtemperet*; non enim libentissime fit, quod non plena voluntate fit. Sic etiam B. Ignatius 3. p. Constit. c. i. §. 23. integram obedientiam requirit non solum quoad executionem, sed etiam quoad voluntatem, & omnimodam conformitatem, quæ revera non est, ubi adhuc perseverat contrarius affectus, seu desiderium. Dices: Christus ipse obediendo habebat aliquam repugnantiam voluntatum, & Gregorius 35. Moralium c. 10. aliàs 13. dicit eo perfectiorem esse obedientiam, quo minus habet de suo, id est, de proprio desiderio, & affectu, sed potius contrarium affectum, & repugnantiam vincit. Responderetur varium esse posse affectum contrarium, vel repugnantem aliquo modo ordinationi obedientiæ. Unus esse potest metus naturalis, id est, naturæ etiam bene institutæ, & moderatæ consentaneus; & hic effectus per se non affert imperfectionem, unde si non retardet, nec minuat efficacem affectum obediendi, nihil etiam minuit de perfectione obedientiæ; & ita se gessit Christus D. in obedientia mortis sue, nam affectus naturalis fugiendi mortem, quem in se admisit, honestissimus erat, nihilque illum a prompta obediendi voluntate retardabat. Eeodem modo potest intelligi Gregorius, quamvis etiam in alio modo repugnantia sententia ejus locum habeat; alio enim modo potest quis habere affectum contrarium rei præceptæ ex aliqua inordinatione vel naturæ, vel consuetudinis, ut

quando quis ex impulsu vehementi appetitus sensitivi aliud concupiscit, vel ex nimio amore, quo affectus est ad rem aliquam; & tunc si non obstante illo contrario impulsu, & affectu, homo prompte & efficaciter obedit, quamvis illa obedientia imperfectionem aliquam supponat, vel concomitantem habeat in alio genere virtutis, vel affectus, in se nihilominus perfecta erit, imo interdum quasi per antiparastasi, erit perfectior: tamen quia regulariter, ac moraliter loquendo, fieri non potest, quin hæc repugnantia aliquo modo retardet voluntatem obediendi, ideo simpliciter dici potest obedientia imperfecta, quæ hos habet affectus immoderatos repugnantes, tantoque erit major imperfectio, quanto illi affectus magis voluntarii fuerint.

20 Hinc etiam ad perfectionem obedientiæ spectare potest, ut homo ad rem ipsam, quæ præcipitur, afficiatur, quoad fieri possit. Nam, ut dixit Leo Papa sermone 4. de Jejunio: *non ibi dura necessitate servetur, ubi diligitur, quod jubetur*. Et ratio est clara, quia tunc operatio est magis voluntaria, quod spectat ad perfectionem virtutis. In hoc autem notanda est doctrina Gregorii loco proxime citato, quam explicavit D. Thom. 2. 2. qu. 104. art. 2. ad 3. distinguit enim ille duplicem materiam obedientiæ; quandam consentaneam inclinationi hominis, ut cum præcipitur actio honorifica, vel delectabilis, &c. aliam eidem inclinationi contrariam, ut cum præcipitur vile ministerium, vel laboriosum, aut doloriferum. Ait ergo Gregorius, in priori materia si obedientiæ opus fiat, ex priori affectu ad rem ipsam obedientiam esse imperfectam, & ideo de obedientia in hujusmodi rebus ait non debere aliquid de suo habere, quod secus esse dicit in posteriori materia, nam ad illam debet homo affici, ut perfecte obediat, & ita adjungere aliquid de suo,

21 Sed ut recte intelligatur, considerare ulterius oportet, aliud esse operari cum affectu ad rem, quæ præcipitur, aliud ex affectu. Primum enim dicit tantum concomitantiam, & ideo per se neque auget, neque minuit perfectionem obedientiæ, nam affectus, qui non est causa actus, per se non dat, vel tollit ab illo bonitatem. Ex accidenti vero talis affectus potest moraliter conferre ad perfectionem obedientiæ in omni materia: quia quantum est ex se tollit omnia impedimenta, & auget voluntarium in obediendo, saltem removendo prohibens: quia vero, quando hic affectus est mere humanus, & inferioris ordinis, potest facile inclinare voluntatem, ut propter humanum motivum, potius quam propter perfectionem obedientiæ operetur, ideo dixit Gregorius in hujusmodi rebus optimam esse obedientiam, quæ nihil aut parum habet de suo. Sic enim dixit D. Thomas in epistola ad Philipp. c. 2. lect. 2. in fine, tunc esse obedientiam magnam, quando sequitur imperium alterius contra motum proprium, præsertim circa vitam, vel honorem. Nihilominus idem D. Thomas priori loco addit, posse contingere, ut in Dei judicio, etiam si talis obedientia habeat aliquid de suo, id est, sit de rebus, ad quas homo aliàs est ex se propensus, nihilominus sit omnino perfecta, quia voluntas cum divina gratia potest pro sua libertate ex puro motivo obedientiæ operari, non obstante illo concomitante affectu. Minus autem est periculi, quando materia ipsa obedientiæ est de se repugnans sensui, & inferiori portioni hominis, nam tunc, etiam si contingat hominem aliàs esse propensum ad rem, quæ præcipitur, nihilominus regulariter non minuetur perfectio obedientiæ, nam ille alius affectus etiam erit ex aliqua virtute, quæ per se disponat ad virtutem obedientiæ, magisque est connexa cum illa. Et quamvis contingat actum ex obedientia injunctum fieri tantum ex motivo alterius virtutis, & non ex formali motivo obedientiæ, ac proinde in eo casu non sit formalis actus obedientiæ, ut est specialis virtus; nihilominus actus ille non carebit apud Deum aliquo merito obedientiæ, quia saltem generali ratione illam circumstantiam includit. Quod secus est, quando actus ab obedientia injunctus solum fit ob motivum mere humanum, ac temporale. Quod ergo actus ab obedientia injunctus, aliàs, seu per se spectatus voluntarius sit, per se non impedit, sed juvat ad perfectionem obedientiæ.

Hic tamē
modus nō
ad votū,
sed ad na-
turale
præceptū
spectat.

Prima
perfectio
de consi-
lio in o-
bediēdo.

Tertia
perfectio.

Concilia-
tur Greg.
doctrina.

Secunda
perfectio.

Quarta
perfectio
veluti ex
primis

22 Unde etiam fit, ut amor erga ipsum prælatum præcipientem multum etiam juvet; ideo enim aiebat Christus D. *Si quis diligit me, mandata mea servabit*, Joann. 14. unde in epistola 4. ad Rusticum consulit Hieronymus: *Præpositum monasterii timeas ut Dominum, diligas ut patrem*. Idemque est, quod B. Ignatius in 3. p. Constit. c. 1. *Interna reverentia & amore* (cum, id est, superiorem) *prosequentes*. Et in 6. p. c. 1. magis hoc explicuit, dicens: *ut in spiritu amoris, & non cum perturbatione timoris procedatur, curandum est*. Quamquam enim vera obedientia non oriatur ex amicitia ad hominem, etiam si talis amicitia sancta, & supernaturalis sit; multum vero ab illa, tamquam ab optima dispositione juvatur. Et in univ. sum, quælibet ratio, vel dispositio voluntatis, quæ illam inclinât ad amorem, vel gratitudinem erga superiorem, si sit honesta, prætermittenda non est, quia per se juvat, & aliâs non excludit verum obedientiæ motivum. Et ideo D. Paulus ad Hebræos 13. cum dixisset, *obedite Præpositis vestris: rationem gratitudinis erga eos allegat; ipsi enim pervigilant tamquam rationem de animabus vestris reddituri*; & statim addit aliam spectantem ad charitatem erga illos, *ut cum gaudio faciant, & non gementes*; vel etiam pertinentem ad proprium commodum, nam subdit; *hoc enim non expedit vobis*. Quod potest intelligi, non expedit vobis esse molestos eis, quibus deberetis esse grati; vel potius non expedit, id est, non est utile vobis, quia quando subditus est inobediens, vel Prælati non audent præcipere, quæ illi forent utilia, vel si præcipiat, cedit in majus damnum, & periculum inobediendi. Itaque non solum amor Prælati, sed etiam debitus, & ordinatus amor propriæ salutis ad perfectionem obedientiæ juvare potest; non quidem intrinsece, & formaliter, sed dispositive saltem. Atque ex his omnibus consurgunt aliæ perfectiones voluntatis, quæ maxime in obedientia postulantur, ut quod sit cum hilaritate, & spirituali gaudio, & quod fiat constanti, ac perseveranti animo, & cum humilitate; de quibus videri possunt, quæ scribit Laurentius Justinianus in opusculo *Lignum vite*, p. 8. de obedientia c. 6. & quæ in citatis locis Constitucionum, & in epistola de obedientia proponuntur.

CAPUT XV.

De perfectionibus consilii obedientiæ ex parte intellectus.

IN hac perfectione explicanda major est difficultas, quam in cæteris: quia in modo obediendi duo in Societate postulantur, quæ & inter se contraria, & alterum supra virtutis debitum, alterum vero contra rationem virtutis, & periculis expositum esse videtur. Primo ergo postulatur, ut subditus non respiciat superiorem, ut hominem, sed ut Deum, ut ita præceptum ejus, non ut humanum, sed ut divinum recipiat: sic 3. p. Constit. c. 1. §. 23. *Valde necessarium est, ut omnes perfectæ obedientiæ se dedant, superiorem, quicumque ille sit, loco Christi D. N. agnoscunt*. Et 6. p. c. 1. *Ad ejus vocem, perinde ac si a Christo D. egrederetur, quam promptissimi simus*. Et in examine c. 4. §. 30. *Qui obedit, considerare, ac perpendere debet vocem a superiore egresam, ut si a Christo D. N. egrederetur, ut omnino placere divine Majestati possit*. Et in epistola de obedientia §. 16. *Non intueamini in personam superioris hominem obnoxium erroribus atque miseriis, sed Christum ipsum, qui est sapientia summa, bonitas immensa, & charitas infinita, qui nec decipi potest, nec vos vult ipse decipere*. Unde potest concludi: Itaque superioris vocem ac jussa non secus, ac Christi vocem excipite. Nec solum in constitutionibus, sed etiam in Bullis Pauli III. & Julii III. sic dicitur: *Subditi tum propter ingentes ordinis utilitates, tum propter nunquam satis laudatum humilitatis assiduum exercitium Præposito in omnibus ad institutum pertinentibus parere semper teneantur, & in illo Christum veluti presentem agnoscant, & quantum decet, venerentur*. Altera vero conditio, quæ in hac obedientia postulatur, est ut sit cæca, ut ex eisdem locis constat. Nam in d. 6. p. c. 1. dicitur obediendum esse, *omnia jussa esse nobis persuadendo, omnem sententiam ac judicium nostrum contrarium cæca quadam obedientia abnegando*. Et infra explicatur hic obediendi modus exemplo cadaveris, vel baculi, quæ sine judicii discretionis moveri se sinunt; & quod difficilius est, in epistola obedientiæ additur com-

Prima
perfectio
obedien-
tiæ ex
parte in-
tellectus

Secunda
perfectio

paratio cum subjectione intellectus in credendo, ut ad credenda, quæ catholica fides proponit, toto conatu, assensuque vestro statim incumbitis, sic ad facienda ea, quæcumque superior dixerit, cæco quodam impetu voluntatis parendi cupida, sine ulla prorsus disquisitione feramini.

2 Hæc ergo duo videntur quodammodo inter se repugnantia: nam ad intuendum in homine Deum, magna perspicacia, & ratiocinatio necessaria est: quomodo ergo potest esse obedientia cæca, si tam elevatos, & acutos requirit oculos mentis? Deinde nimium videtur, & supra rationem virtutis talem apprehensionem, vel judicium in obediencie postulare, quia perfectio virtutis non requirit apprehensionem, vel judicium falsum; est autem falsum apprehendere, ac judicare præceptum hominis tamquam Dei, quia neque re ipsa, & secundum veritatem est præceptum divinum, sed humanum; neque etiam æquivalenter, seu apprehensione tantum æstimari debet, cum non sit æque conjunctum Deo. Præterea si verba citata, & comparatio adducta attente inspiciantur, significatur in eis, ita esse apprehendendum præceptum superioris, ut nobis persuadeamus, illum nec decipi, nec velle nos decipere: hoc autem aut est valde falsum, aut humano modo impossibile. Nam si illa persuasio supponat aliam, scilicet superiorem non posse decipi, nec voluntarie decipere, valde erronea est, ut per se constat: si autem hæc non supponatur, impossibile est semper indifferenter, & sine ulla discretionem, & ponderationem circumstantiarum, tam personæ, quam rerum, judicare superiorem nec decipi, nec velle decipere. Atque hinc etiam constat, quam sit difficilis creditu altera conditio; nam si illa cæcitas obedientiæ in hoc ponitur, ut obediens hoc judicet sine examine, & sine sufficienti motivo, perinde esse videretur, ac postulare ab aliquo, ut videat sine lumine: quia sicut hoc fieri non potest, ita etiam in his, quæ fide humana judicanda sunt, impossibile est judicium ferre sine sufficienti discursu, & conjecturis. Eademque, vel major difficultas est, si hæc cæcitas ponatur in judicando esse rectum, & convenientem, imo & melius id, quod præcipitur, sine ullo discursu, vel examinatione: est etiam hoc impossibile, nisi supponendo superiorem non posse errare, quod est erroneum. Et augetur difficultas, nam hinc nascitur periculum obediendi homini in eo, quod Deo fortasse contrarium existit.

3 Priusquam rem explicemus, & difficultatibus satisficiamus, operæ pretium erit ostendere utramque partem propositam quoad loquendi modum, & quoad rem per illas intentam, esse usurpatam a sanctis Patribus, & in Scriptura sacra habere fundamentum. Nam quoad priorem partem, Christus ipse dixit: *Qui vos audit, me audit: & qui vos spernit, me spernit*: loquitur enim ad Apostolos, qui loco ipsius pastorem curam habituri erant, & ita in eis ad omnes pastores animarum loquitur, & specialiter ad superiores religionum illa applicant Basilius in Constit. monast. c. 23. & Bernard. de Præcepto, & dispensat. c. 12. Antiochus Abb. hom. 28. de obedientia tom. 2. Bibl. sanct. & Sanctus Vincentius in tractat. de vita spirit. c. de obedientia, & alii infra referendi. Præterea Paulus ad Coloss. 3. ad servos sic loquitur: *Quodcumque faciatis, ex animo operamini, sicut Domino, & non hominibus, scientes, quod a Domino accipientis retributionem hereditatis, Domino Christo servite*. Et ad Ephes. 6. bis repetit, *sicut Christo, sicut Domino*. Præterea Basilius d. c. 23. *Antistes* (ait) *personam Christi sustinet, & sequester est inter Deum, & hominem*. Et in regulis brevioribus, reg. 38. *Quidquid continentia, inquit, siue inobedientiæ subditus adhibet, non adversus hominem, sed adversus Dominum adhibet, qui dixit: Qui vos audit, &c.* Fufius Bernardus dict. cap. 12. *Ipsum, quem pro Deo habemus, tamquam Deum in his, quæ aperte non sunt contra Deum, audire debemus*. Et iterum: *siue Deus, siue homo vicarius Dei, mandatum quodcumque tradiderit, pari respectu obsequendum est cura, pari reverentia deferendum*. Et in term. de virtute obedientiæ, & ejus gradibus: *Quidquid obedientia Prælati exhibetur, ei exhibetur, qui dicit: Qui vos audit*. Apud Joannem Climacum in lib. de scala paradisi gradu 4. de obedientia, multa habentur, quæ hoc confirmant; notationem vero dignum

Obje-
ctio
generalis

Prima ob-
je-ctio
contra
priorem
perfectio-
nem.

Tertia
contra 2.
perfectio-
nem.

Augetur
difficul-
tas.

Probatur
tamen 1.
perfectio
auctori-
tate.

dignum est responsum cuiusdam sancti monachi, cuius obedientia ab Abbate tentata fuerat, quo tam speciali modo, quem ibi refert: & ait Climacus: *Non omisi ego, quin senem illum tentarem. Itaque cum eum postea interrogarem, quid astans cogitasset: Christi, inquit, imaginem Pastori imposui, neque ab illo hoc penitus praeceptum exisse, sed a Deo existimavi: quare o Pater Joannes non coram mensa hominum sed coram altari divino me putans astare orabam, nullamque penitus malignam cogitationem adversus pastorem admittebam pro syncrea in illum fide mea & charitate. Alia sumi possunt ex gradu 31. qui est de discretionem, ex quibus aliqua infra referemus. Hinc etiam Cassianus de antiquis monachis refert, solitos fuisse sic universa complere, quaecunque fuerint a Praeposito praecepta, tamquam a Deo sint caelitus edita. Et eandem tamquam obedientiae regulam suis religiosus proposuit B. Benedictus in c. 5. suae regulae, & Bonav. 2. tom. Opusc. in speculo disciplinae p. 1. c. 4. Quidquid vice Dei praecipit homo, quod non sit tamen certum displicere Deo, sic accipiendum est, quasi praecipiat Deus. Et in collationib. collat. 2. c. 3. Ut melius (inquit) valeas esse obediens, cogita semper, quando vox praecipientis sonat in auribus tuis, quod vocem istam, non tamquam ab homine audias, sed tamquam ab ipso Deo. S. etiam Laurentius Justinianus in Opuscul. 1. Lignum vitae: 8. p. de virtute obedientiae, c. 6. Quodcumque (inquit) fecerit obediens, operetur simpliciter, & ex animo, sicut Deo, & non hominibus. Denique eodem modo loquuntur reliqui Doctores mystici, qui de rebus spiritualibus scripserunt, & de S. Niceta apud Metaphrastem, & Surium 3. Aprilis, ita loquitur Theostictus in oratione funebri: Omnia (inquit) morum simplicitate, & sine hesitatione aliqua, corde sincero faciebat: quae vero a Praefide ipso dicebantur, tamquam a Deo ipso dicta excipiens, omnem quidem curiositatem, & hesitationem abjiciens, fidem autem, ac certam persuasionem habens omnia exequabatur.*

4 De altera etiam loquendi modo innumeratae sunt Patrum sententiae adeo conformes cum verbis B. P. Ignatii, ut manifestum sit, vel ab eis ita sumptis, vel certe eodem spiritu, quo illi, fuisse loquutum. Et in primis asserere possumus Chrysostomum hom. 8. in Matt. qui mirum in modum laudat obedientiam S. Iosephi, qui Angelo praecipienti fugam in Aegyptum nihil opposuit, nec curiose aliquid interrogavit: Sed libenter obedivit, & credidit, omnes tribulationes cum gaudio sustinendo. Et eodem modo exaggeratur in Scriptura obedientia Abrahami Genes. 12. & 22. ut idem Chrysostomus prosequitur hom. 31. & 47. in Genesim. Sed ne quis dicat Abraham, & Ioseph obedivisse Deo immediate per Angelum praecipienti, consideret, quae in praecedenti puncto adducta sunt, & audiat Basilium in Constit. monast. c. 23. dicentem. Imitanda est maxime Sanctorum obedientia, quam erga Deum illi adhibuerunt, si tamen proposito nobis eorum exemplo, eam fortasse recte potuerimus explere. Respondens vero illi tacitae objectioni subiungit: Neque vero existimet quisquam, me causa formanda erga antistites obedientia, elatiora quadam exempla proferre, eique, quod Deo debetur, officio arroganter obedientiam adversus homines audere conferre: neque enim ad hanc similitudinem inducenda mea sponte, sed divinis literis inductus accessit: animadverto enim, quid in Evangeliiis Dominus dicat, cum de obedientia adversus servos suos adhibenda legimus asserere: Qui vos audit, me audit, qui vos spernit, me spernit. Quod Apostolis dixit, intelligendus est in commune legem sanxisse in posteros, qui aliorum futuri erant moderatores: id ex multis eisdemque certissimis divinarum literarum testimoniis, manifestissimisque argumentis probari potest. Et statim adjungit exemplum de Abrahamo, & postea similitudinem ovium, dicens: Quemadmodum pastori suo oves obtemperant, & viam, quamcumque ille vult, ingrediuntur: sic qui ex Deo cultores pietatis sunt, moderatores suos sequi debent, nihil omnino ipsorum iussa curiosius perscrutantes, quando libera sunt a peccato. Et tandem adjungit exemplum de instrumentis artificis, quod sine ulla discussione, simpliciter se moveri sinit. Et sermone 2. de Instit. monach. circa finem, comparisonem adhibet de obedientia fidei, & praepetorum Dei. Et in regulis fusius disputatis c. 28. De iudicii (inquit) periculo prorsus illum esse sollicitum finito,

Suarez. Tom. XV.

qui imperat. Et in eodem sensu dicit in Constit. monast. c. 20. Neque ab eo (scil. Praelato) eorum, quae sibi imperantur, ratione deponat, nisi quid erit huiusmodi, quod ad salutem pertinere ignoretur: tunc enim id ea, quae par est, modestia, ac reverentia adhibitis, interrogare, & doceri licebit.

5 Praeterea Cassianus d. lib. 4. c. 10. Sine ulla (inquit) discussione festinant, ut nonnumquam etiam impossibilia sibi imperata, ea fide ac devotione suscipiant, ut tota virtute, ac sine ulla cordis hesitatione ea perficere, & cum summare nitantur, & nec impossibilitatem quidem praecipi pro senioris reverentia metiantur. Et c. 24. inducit exemplum Joannis, qui iussu superioris lignum aridum multo tempore irrigavit. Et subdit infra: Cumque ejus sedulitatem tacitus senex singulis diebus exploraret, & videret eum simplici cordis affectu, mandatum suum, velut emissum divinitus, sine ulla permutatione vultus, vel rationis discussione servare, synceram humilitatis ejus obedientiam comprobavit: imo etiam refert Deum miraculo illam confirmasse. Et deinde alia exempla prosequitur usque ad c. 29. Ac denique multa in eandem sententiam habet infra c. 41. & de Institutis renunc. lib. 12. c. 32. ubi post commendatam perfectionem obedientiae, inquit: Quod non aliter observari poterit, nisi quis non solum se mortuum huic mundo, verum etiam insipientem judicavit, & stultum, universa, quae sibi fuerint a senioribus imperata, sine ulla discussione perficiens, sacrosancta ea credens, ac divinitus promulgata. Item collat. 2. c. 11. non tantum de superiorum obedientia, sed etiam de sequendis vestigiis seniorum hoc dicit esse observandum, ut neque agere quidquam novi, neque discernere nostro iudicio praesumamus, sed quemadmodum nos vel traditio illorum, vel vitae probitas informavit, in omnibus gradiamur. Et infra subiungit sententiam illam, quam B. Ignatius in sua epistola proferit: nullo alio vitio tam praecipitem diabolus monachum pertrahit, ac perducit ad mortem, quam cum eum neglectis consiliis seniorum suo iudicio persuaserit, definitionique confidere, quam pluribus verbis repetit collat. 18. c. 3.

6 Praeterea D. August. satis hunc modum obedientiae insinuat in loco sub initium superioris capituli n. 1. citato, apud Bonav. in collationib. collat. 3. c. 2. dum postulat, ut obedientia sit simplex, sine discussione. Et S. Hieronymus de epist. 4. ad Rusticum, dicens: Credas salutare, quidquid ille (id est, Praepositus) praeeperit, nec de majorum sententia iudices, cuius officium est obedire, & implere, quae iussa sunt, dicente Moyses: Audi Israel, & tace. Et ex S. Benedicto d. c. 5. suae regulae, ubi ait, religiosus non suo arbitrio ambulare, sed alieno iudicio & imperio. Quibus duobus verbis obedientiam voluntatis, & iudicii indicare videtur, ut Smaragdus ibi notavit, quia etiam verbum illud S. Benedicti, sine mora, sine murmuratione, exponit, id est, sine discussione. Quod apertius exposuit idem S. Benedictus in c. 68. Regulae, ubi non solum in rebus gravibus, sed etiam in impossibilibus, cum humilitate, & mansuetudine dicit suscipiendum esse praecipitum; permittit autem causas, cur impossibile appareat, superiori aperire. Si autem superior in sua sententia perstiterit, subditus (inquit) pro certo habeat illud sibi conveniens & cum charitate & spe divini auxilii obediat. Atque ita veram obedientiam, quam a Benedicto dixerat S. Greg. lib. 14. in 1. Regum c. 40. ante modum: Vera (inquit) obedientia nec Praepositorum intentionem discutit, nec praeccepta discernit, quia qui omne vitae suae iudicium maiori subdidit, in hoc solo gaudet, si quod sibi praecipitur, operatur: nescit enim iudicare, quisquis perfecte didicerit obedire: quia hoc tantum bonum putat, si praecceptis obediat.

7 Eodem modo de hac obedientia sensit Bernardus lib. de Praecepto, & dispensat. c. 13. Perfecta (inquit) obedientia legem nescit, usque ad illud: Ad omne, quod injungitur, spontaneo vigore liberalis, alacrisque animi modum non considerans, in infinitam libertatem extenditur. Et infra: Imperfecti cordis, & infirma prorsus voluntatis indicium est statuta seniorum studiosius discutere, hesitare ad singula, quae injunguntur, exigere de quibusque rationem, & male suspicari de omni praeccepto, cuius causa latuerit, neque unquam libenter obedire, nisi cum audire contigerit, quod forte libuerit: aut cum non aliter licere aut expedire monstraverit, vel aperta ratio, vel indubitata autoritas. Et serm. 1. de conversio-

Cassian.
luffragat
sar.

It in Aug.
c. 1. & c.

It Bern.

ne S. Pauli de imperfectis obedientibus ait: *Discernunt, & judicant eligentes, in quibus obediant imperanti, imo in quibus præceptorem suum ipsorum necesse est obedire voluntati.* Et infra circa illa verba: *Apertis oculis nihil videbat. Voluntaria* (inquit) *simplicitas, & Christiana commendatur mansuetudo, felix cæcitas, qua male quidam illuminati in prævaricatione, tandem in conversione salubriter illuminantur.* Et in epist. seu lib. de vita solitaria ad fratres de Monte Dei. *Perfecta* (inquit) *obedientia maxime in incipiente indiscreta: hoc est, non discernere, quid, vel quale præcipiatur, sed ad hoc tantum niti, ut fideliter, & humiliter fiat, quod a maiori præcipitur.* Et infra: *Sultus fiat, ut sit sapiens, & hæc sit omnis ejus discretio, ut in hoc nulla sit ei discretio; hæc omnis sapientia ejus sit, ut in hac parte nulla ejus sit.* Et ibidem comparat novitium cæco, qui ducem sequitur, a quo manu trahitur. Et in tractat. de Ordine vite graviter reprehendit religiosos, qui seniorum jussa dijudicant, & non potius venerando exaltant. Et serm. 2. in festo S. Andrea, si discutimus, si dijudicamus, & in hoc quidem præcepto non obedimus. Et infra: *vis audire perfecta obedientia formam: venite post me. At illi nihil omnino dijudicantes, aut hesitantes, non solliciti, unde viverent, non considerantes, quomodo rudes homines, & sine literis, prædicatores fieri possent, nihil denique interrogantes, sine mora relictis retibus, & navi sequuti sunt eum.*

8 Præterea S. Joannes Climacus loco supra citato in n. 3. sic obedientiam definit. *Obedientia est inexam-natus, atque indiscussus motus, spontanea mors, vita curiositate carens, tuta navigatio, securum periculum, confectum dormiendo iter.* Obedientia est sepulchrum voluntatis, nihil discernit, nihil resistit. Item ibidem: *Obedientia est discretionis depositio inter divitias discretionis.* Et infra: *Cum pietatis, & obedientie studium fuerimus ingressi, minime jam institutorem nostrum in aliquo penitus judicare licet.* Et inferius: *Dominus, inquit, illuminat cæcos* (Psal. 145.) *obedientium oculis ad continentias Magistrum virtutes, idemque eos excæcat, ne defectus videant.* Et in epistola, quam illi operi præmittit, sic inquit idem Climacus: *Patres nostri, veracisque scientia magistri obedientiam definiunt in his rebus, quæ supra vires sunt, nihil discernendo, obtemperare præcipientibus.* Et gradu 31. de Discretione in 2. p. illius. *Quicumque, inquit, voluntatem Christi addiscere volunt, suam prius voluntatem studiose mortificare debent, deinde vero fide atque innocua simplicitate orantes, Patrumque sive fratrum animas summa cordis humilitate, ac sine cogitationum hesitatione interrogantes, quæ illi consulunt, tamquam ex Dei ore suscipiant.* Et infra: *Næque enim est injustus Deus, ut animas decipiat, quæ super fidem & innocentiam proximi consilio, atque iudicio humiliter submiserint.* Et si enim irrationabiles, ac muti illi fuerint, a quibus petimus, is tamen, qui loquitur, immaterialis est, atque invisibilis, ingenti humilitate plenus sunt, qui dictam regulam nihil hesitantes sequuntur.

9 Eandem doctrinam habet S. Nilus in lib. Ascetico col. 20. in 10. 6. Bibliothecæ, ubi veros, ac perfectos obedientes comparat inanimatis corporibus, & materiæ, quæ artificii ad operandum proponitur: quia in corpore inanimati facit homo, quidquid vult, illo nihil repugnan- te, & artifex in materia propriam artem ostendit, & nihil ab ea impeditur. Ita (inquit) *magister spiritualis in discipulis suis virtutis scientiam exprimit, obedientibus illis & nihil prorsus adversantibus, qui enim curiosus est in explorandis consiliis præceptoris, qui que sedulus examinat, & expendit ea, quæ ab ipso præcipiuntur, is sibi ipse, quominus progrediatur, atque proficiat, est impedimen- tum: quod enim conveniens, & consentaneum ab imperi- to judicatur, non vere conveniens & consentaneum est apud artificem, horum enim iudicia sunt contraria, arti- fex utitur scientia: artis ignarus conjectura: porro con- jectura raro assequitur veritatem.* Quod declarat exem- plo navigatorum, qui gubernatori navis obtemperant, quamvis conjecturæ aliud suadere videantur; & con- cludit: *Sic igitur qui salutem animæ suæ aliis credide- runt, omisissis propriis opinionibus, & conjecturis, periti rectoris arti cedant, & scientiam illius cogitationibus suis anteponant.* Similiter S. Dorotheus tractat. de vita recte, & pie instruenda doctrina, seu serm. 2. in fine 10. 2. Bibliothecæ, hujus obedientiæ meminit, quam indif-

cretam appellat, dicens: *Vos autem omnino fratres ad- huc expertes video hujusmodi obedientiæ indiscretæ, nec nosse quanta ejus sit requies.* Et infra: *Assuescat se ipsum post Deum Patri dedere, atque ab eo nulla in re postmo- dum dissentire, sed omnia ipsius arbitrio faciat ea fide ac certitudine, ac si Deo in cunctis, non homini pareret;* & alia habet in serm. 5. Item Casarius Arelaten. tom. 2. Bibliothecæ in hom. 8. ad monachos: *Quidquid tibi, inquit, a senioribus fuerit imperatum, accipe tamquam de cælo, sicut de ore Dei prolatum: nihil reprehendas, nihil discutias, in nullo penitus murmurare præsumas, totum justum, totum sanctum, & utile judica, quidquid tibi a Prelato videris imperari.* Sic etiam in eodem 2. 10. di- xit Antiochus Abbas hom. 39. *Sana obedientia est, qua quis persuadetur, & obedit citra ullam dubitationem.* Obedientia & renuntiatio propriæ voluntatis, nulla non sui parte perfecta, quæ solo moderatoris sui nutu, ad quid- vis operandum nihil turbulente movetur. Laurentius etiam Justinianus in citato lib. de obedientia cap. 6. post primum gradum obedientiæ, qui est libenter obedire, ad- dit secundum, qui est obedire simpliciter, id est, (ut de- clarat) nullas movendo questiones, unde hoc veniret, quis hoc dederit consilium, &c. Et huc spectat, quod Sancti annotantur interrogationem illam: *Cur præcepit vobis Deus?* a demone primum factam esse; & Evam repre- hendunt, quod non statim illam averfata fuerit. Chry- sost. homil. 16. in Genesim, Bern. serm. de S. Andrea.

10 Præterea S. Bonavent. in suis Opusculis sæpe hoc genus obedientiæ docuit: nam to. 2. p. 1. 4. *Illum, inquit, optimum dixerim obedientiæ gradum, cum eo animo opus injunctum recipitur, quo & præcipitur, cum ex jubentis pendet intentio exequentis: numquam de majorum sen- tentia judicent, quorum officii est obedire.* Et in 2. p. prin- cipali c. 3. *Obedientia se toti subjiciant.* Et infra: *Credant salutare quidquid ille præceperit. Perfecta obedientia est (in incipiente maxime) indiscreta, id est, non dis- cernere, quid vel quale præcipiatur, sed tantum ad hoc niti, ut fideliter, & humiliter fiat, quod a maiori præci- pitur: secure per omnia obeditur, ubi contra Deum nihil præcipitur.* Et in Regula Novitiorum c. 13. hæc verba refert ex Gregorio: *Non licet subditis discernere, sed statim simpliciter obedire; & in Stimulo divini amoris, p. 2. c. 11. agens de perfecta obedientia priorum religiosorum, subdit: Non enim sicut moderni nunc, ipsi tunc li- brabant hoc melius esse illo, hoc securius, hoc laudabilius, hoc facilius, sed cuncta, quæ cernebant esse prælatorum suorum beneplacita voluntati, dummodo non essent con- tra Deum, quantumcumque ardua, ac vilia forent, avidi- tate maxima adimplebant.* Et statim adducit exempla Mauri, qui iussu Sancti Benedicti super aquas discurrit, ex Gregorio 2. Dialogo c. 7. & alterius, qui iussus a su- periore, leonem cepit, & traxit. Item adducit exemplum Joannis, quod supra ex Cassiano retulimus, & in vita S. Francisci c. 6. refert S. Franciscum verum obedientem, similitudine corporis mortui explicasse. *Nam tolle, inquit, corpus exanime, & ut placuerit pone, videbis non re- pugnanare motum, non murmurare scitum, non reclamare dimissum.* Quod si statuatur in cathedra, non alta, sed ima respiciet: si collocetur in purpura, pallescit. Sic autem verus obediens est, qui cur dimoveatur, non dijudicat ubi locetur, non curat ut transmutetur, non instat effectus ad officium: solitam tenet humilitatem plus honoratus, plus reputat se indignum. Multa etiam habet idem Bonav. 1. tom. Opuscul. in Pharetra lib. 2. c. 43. & 44.

11 Denique veritatem hanc non prætermisit S. Thom. sed breviter ac dilucide explicavit in 1. 2. qu. 13. art. 5. ubi tractat, an electio possit esse de re impossibili, & in 3. ar- gum. objicit, quia S. Benedictus in regula statuit, ut licet superior aliquid impossibile præcipiat, subditus teneat illud implere. Et responder, hoc ideo dicit, quia an ali- quid sit possibile, subditus non debet suo iudicio discernere, sed in unoquoque iudicio superioris stare. Quibus ver- bis tacite exponit, quomodo accipienda sint consilia Sanctorum, quando dicunt, etiam in rebus impossibili- bus obediendum esse, scilicet, vel ubi impossibilitas non est evidens, vel certe ut homo incipiat, & faciat, quod in ipso est, donec ulterius progredi non possit, nam in- terdum Deus aperit viam, ut perficiatur, quod in prin- cipio impossibile videbatur, ut in sequentibus latius explicabimus. Huc accedit, quod Sanctus Antoninus

Item Cli- macus.

Item Bon.

Item Nilus Dorothæus, &c.

Refertur in vitis Patrum 2. p. lib. de obediencia.

Denique D. 1. hom. Ant. &c.

4. p. tit. 5. c. 11. §. 2. secundum gradum obedientiæ ponit, *sine discussione obedire*. Et id prosequitur eodem fere modo, quo Bonav. & Laurentius Justinianus pra. Multa etiam de hac perfectione scripsit Humbertus S. Generalis ordinis Prædicatorum in epist. ad Fratres suos cap. 5. 6. & 9. ubi ab eis requirit obedientiam simplicem, sine discussione, & alia multa habet, quæ hoc ipsum declarant. Sic denique dixit Abulensis in c. 17. Genesii in fine: *Verus obediens moras nescit, nec de agendo deliberat cum mandatum fuerit, sicut verus moralis nihil in agendo moratur, postquam consiliatus fuerit, ut ait Arist. 6. Et hic, c. de Eubulia. Eundem locum habent obedientia, & Eubulia, quia sicut post consilium perfectum nihil manet, nisi operare, ita proposito præcepto obediendi, solum operatio sequitur. Ubi particula solum non excludit voluntatem, ut per se notum est; excludit ergo novum consilium, novumque examen de rei convenientia, ut ex ipsa proportionem, quam adducit, manifeste constat, estque optima ad explicandum, quomodo consilium, & iudicium superioris debet reputari a subdito, ut sibi sufficiens, in quo consistit punctum illius obedientiæ, quæ cæca appellatur.*

Qua ratione voluntas pendeat ab intellectu ad actus studiosos exercendos.

12 Ex his ergo satis constat, doctrinam, quam de perfectione obedientiæ ex parte intellectus Societas profertur, non esse novam, sed antiquissimam, nec singularem, sed communissimam, maximaque auctoritate fundatam. Superest, ut verum sensum, & usum ejus declarem. Supponimus autem obedientiam formaliter perficere voluntatem, est enim virtus moralis, & pars iustitiæ, ut ait D. Thom. 2. 2. qu. 104. art. 2. virtus autem moralis, & præsertim iustitiæ, perfectio voluntatis est. Unde est illud Gregorii 35. moral. cap. 12. quod *per obedientiam propria voluntas mactatur*. Est enim voluntas potentia movens reliquas omnes facultates ad exercitium liberum suarum actionum, & ideo libertas proxime, ac formaliter est in actibus elicitis ab ipsa voluntate; in actionibus vero aliarum facultatum, solum per denominationem ab illis. Propria autem obedientia solum invenitur in actibus liberis, & ideo formaliter ac proxime est perfectio voluntatis, ut movens alias potentias ad exequenda opera præcepta. Hinc vero fit, eodem modo quo pendet voluntas ab intellectu in suis actionibus, ita etiam pendere perfectionem obedientiæ a perfectione intellectus. Pendet autem voluntas ab intellectu, tanquam a dirigente, & illuminante, seu proponente objectum. Unde quo intellectus hoc munus exercuerit circa bonum aliquod honestum, eo per se loquendo voluntatis actio erit etiam perfectior, saltem quantum est ex parte intellectus. Ita ergo cum proportionem in obedientia contingit.

13 Est autem ulterius observandum, perfectam motionem, & directionem intellectus, duo requirere, scilicet perfectam attentionem, seu considerationem boni prosequendi, & remotionem omnis cogitationis, quæ possit voluntatem remove, aut impedire ab affectu, seu prosecutione illius boni. Quæ duo adeo necessaria sunt ad liberam, ac perfectam motionem voluntatis, ut efficaciam divinæ gratiæ excitantis soleant maxime Theologi explicare per hæc duo, scilicet immittere sanctam, & supernaturalem cogitationem accommodatam, & impedire, ne cogitationes insurgant, quæ cogitationem priorem, aut efficaciam ejus, possint minuire, aut omnino evertere. Et ratio sumi potest quare ex imperfecta capacitate intellectus nostri, ob quam pluribus distractis cogitationibus, minus intentus, vel constans est in singulis, partim ex imperfectione voluntatis, quæ etiam retardatur, vel ex imperfecta consideratione intellectus, vel ex diversis affectibus simplicibus, qui in ea insurgunt, quando intellectus variis discursibus agitur. Unde sicut actio peccaminosa voluntatis partim confurgit ex consideratione pravi objecti, partim ex boni inconsideratione; ita servata proportionem, recta motio voluntatis per se requirit convenientem iudicium boni prosequendi, per accidens vero remotionem omnium cogitationum, quæ possunt affectum illum impedire. Et ex utroque capite potest esse major, & minor perfectio. Ex parte

Suarez. Tom. XV.

quidem iudicii, tum in majori attentione, seu intentione actus: tum maxime in altiori consideratione objecti proponendo illud sub excellentiori motivo, & honestate; ex parte autem privationis, seu carentiæ iudicii, vel cogitationis impediens, tanto erit major perfectio, quanto privatio illa major fuerit. Hæc ergo, quæ in generali declarata sunt, ad obedientiam cum proportionem sunt applicanda, & in illis duabus locutionibus, quas proposuimus, sunt intenta.

Qua ratione ad perfectionem obedientiæ pertineat in superiore præcipiente Deum considerare, eique ut Deo obedire.

14 Primo ergo merito postulat ad perfectam obedientiam consideratio Dei in superiore, & apprehensio præcepti ejus, ac si a Deo egrederetur; per hæc enim non postulat a religioso falsa apprehensio, vel existimatio erga superiorem, vel mandatum ejus, sed solum elevatio mentis ad considerandam supremam rationem, ac motivum, propter quod obediendum est, quod est divina voluntas, & auctoritas. Quod satis declaravit B. P. Ignatius in citata epistola, cum dixit obedientiam esse holocaustum, quo totus homo sine ulla prorsus immolatione, conditori suo, ac Domino per manus ministrorum in charitatis igne immolatur. Item cum ibidem dixit: *Christum Dominum in superiore quolibet agnoscere studentis, in eoque divina Majestati obedientiam, ac reverentiam summa cum religione præstare*. Item quod ait: *Numquam intueatur personam ipsam, cui obediunt, sed in ea Christum Dominum, cujus causa obediunt*; & similia habet in cæteris locis citatis. Nihil ergo præter vel contra rationem virtutis per hanc admonitionem consulitur, nam qui sic obedit, non iudicat superiorem esse Deum, sed representare Deum, quatenus vicem ejus gerit: quod verissimum est; nam de omnibus magistratibus dixit Paulus esse Dei ministros, & ab illo habere potestatem, ad Roman. 10. ergo a fortiori id verum habet in prælato religionis. Neque etiam iudicat præceptum superioris esse divinum, id est, a Deo ipso immediate latum, cum evidens illi sit hominem esse, qui præest: sed iudicat rationem obediendi esse divinam, scilicet voluntatem ipsam Dei, quæ impletur, cum impletur superioris voluntas, & esse debet prima ratio obediendi. Item in religioso est alia peculiaris ratio divini cultus, quam in sua obedientia intueri debet: quia per speciale votum illam Deo consecravit: ob hanc ergo causam æquiparatur quodammodo præceptum Prælati, ac si esset latum immediate ab ipso Deo; nam licet hoc propter propinquiorem habitudinem ad Deum, majori quadam sit reverentia dignum, & respectu hominum sit etiam immutabilius: nihilominus, quantum ad formalem rationem obediendi, si perfecto modo fiat, quandam habet æqualitatem. Quo sensu dixit Bernard. in citato Opusculo de Præcepto, & dispensatione, quem imitatur Bonaventura in speculo discipl. p. 1. c. 4. *Quidquid vice Dei præcipit homo, quod non sit tamen certum displicere Deo, haud secus accipiendum est, quam si præcipiat Deus*. Et ibidem exaggerans Bernardus obedientiam, & reverentiam Prælati debitam: *Quos sibi Deus (inquit) æquare quodammodo, in utraque parte dignatus, sibi met imputat illorum & reverentiam, & contemptum*. Potest hoc declarari exemplo latriæ, quæ eadem in Christum, & imaginem ejus fertur: quia Christus in imagine adoratur, & ob eandem Christi excellentiam, imago Christi coadoratur.

15 Neque etiam qui sic obedit, iudicat, aut existimat, non posse decipi, aut errare superiorem, vel ex ignorantia, vel ex malitia, nihil enim horum ad prædictam considerationem intellectus necessarium est, neque a citatis auctoribus, neque a B. Ignatio aliquo in loco insinuatum est. Non enim sine causa sæpius expresse addidit illam conditionem; *ubi peccatum non cerneretur*, ut dicit 3. p. c. 1. §. 23. vel *ubi desiniri non possit, aliquod peccati genus intercedere*, ut dicit 6. p. c. 1. §. 1. & in epistola inquit, hanc rationem obedientiæ tenendam esse omnibus in rebus, quæ cum peccato manifeste connexa non sunt. Hæc enim adjectio manifeste supponit superiorem posse errare, aliquid illicitum præcipiendo. Si enim hoc non esset possibile, impertinens

Ad auctoritates significantes superiorem ut Deum suscipiendum.

Exemplum.

Ad auctoritates significantes superiorem non esse cogitandum ut errori obnoxium.

esset illa exceptio, cum in legibus divinis addi non possit, quia fieri nequit, ut Deus mali aliquid præcipiat. Quod si supponitur superiorem posse præcipere aliquid malum, eadem ratione supponitur posse id facere non tantum ex ignorantia invincibili, sed etiam ex culpabili negligentia, vel etiam ex pravo affectu. Quia sicut non habet privilegium speciale, ut errare non possit; ita neque ut non possit esse negligens, aut habere pravam affectum: neque aliud potuit venire in mentem alicujus cordati hominis. Unde B. Ignatius in dicta epistola faretur: *Superiorem esse obnoxium erroribus, atque miseriis, non tamen ita esse inspiciendum, sed ut Christi ministrum, a quo sperandum est ipsum illum naturum, & adiuturum, ut recte nos ducat, & gubernet.* Qui ergo in suo superiore Christum considerat, non statim absolute supponit ipsum non posse errare, sed solum facta illa hypothese, quod malum non præcipiat, nec tale aliquid in ipso præcepto appareat, pro certo habet, & judicat, sibi non errare: quod in citatis verbis expresse dixit Bernardus: *Quidquid vice Dei præcipit homo, quod non sit tamen certum displicere Deo, haud secus accipiendum est, quam si præcipiat Deus.* Hoc autem obedientis iudicium temerarium non est, sed sufficienti autoritate, & ratione fundatum.

16 Quod ut amplius explicetur, vulgaris distinctio certitudinis præ oculis habenda est. Alia est enim certitudo speculativa, alia practica. Prima sumitur ex conformitate ad rem; alia ex conformitate ad affectum operantis, & ad principia, per quæ moveri debet. Prior ergo certitudo non est necessaria ad obedientiam quantumvis perfectam, non solum circa utilitatem rei præceptæ ad finem a superiore intentum, verum etiam neque ad honestatem. Duo enim possunt venire in dubium, quando superior aliquid præcipit. Primum, an sit utile, vel conveniens, quod præcipitur secundum artem vel humanam prudentiam juxta materiam præcepti: ut, v. gr. an esset utile vel inutile rigare lignum aridum: an expediat studere, aut aliud agere, & similia. Atque in his dubiis clarum inprimis est, non oportere ad honestatem obedientiæ illa discernere, vel judicare, nisi quando contingerit, ex resolutione talis dubii pendere honestatem actionis. Deinde etiam ad perfectionem obedientiæ necesse non est, pro certo judicare, quod non est certum; id est, medium, quod præcipitur, esse utile ad finem, qui intenditur: nam cum prudentia superioris in hoc falli possit, & res aliàs non sit subito evidens, ferre tale iudicium firmum, vel est impossibile, vel certe imprudens. Perfectio ergo, quæ in hoc postulat, solum est, ut quando non est evidens, rem esse inutilem, vel incommodam fini intento, subditus se sinat autoritate superioris duci, etiam quoad iudicium se superiori conformando ex fide quadam humana, quæ tamen aliquo modo fundetur in spe divinæ providentiæ erga superiorem. Quia vero hoc non obstante occurrere possunt rationes, quæ in contrarium urgeant, ideo non excludit perfectio obedientiæ, quin hæc proponantur superiori, puta intentione procedendo, non ex affectu se excusandi ab onere præcepti, sed ex desiderio, ut quod magis expedit ad finem intentum a superiore fiat. Quod si tandem, non obstantibus rationibus, etiam si subito evidentes appareant, superior in suo præcepto persistat, cum non sit contra honestatem, faciendum est. Quod ut perfecte fiat, non oportet tunc judicare rem esse utilem, sed solum subito esse utile illam aggredi, & facere quantum possit. Et hæc est certitudo practica, quæ non repugnat cum priori dubio speculativo, ut per se notum est. Ut autem hæc certitudo practica constanter sit, & consequenter obedientia promptior, est optimum consilium non discutere convenientiam rei in se, sed suspendere iudicium, quoad fieri possit, circa talem discussionem, & judicare quod præcipitur melius esse.

17 Secundo potest venire in dubium, an sit licitum, necne, id quod præcipitur. De quo multa dicunt Doctores in materia de conscientia, præsertim Corduba lib. 3. Quæstionarii q. 7. & sequentibus, & Attingunt Adrianus quodlib. 2. Soro Opusc. de legendis secretis memb. 3. q. 2. Sylv. & Summistæ verb. *Obedientia*, & verb. *bellum*, & nonnulli ex scholasticis in 2. d. 39. & posin tom. de Legib. & tract. de Charitate disp. 13.

de bello sect. 6. a num. 8. & in materia de conscientia, & late Sanchez lib. 1. Decal. cap. 10. Breviter tamen adverto, duobus modis posse dubitare de honestate rei præceptæ. Priori modo antecedenter (ut sic dicam) dubitando de re ipsa, quæ præcipitur secundum se, & separata a præcepto superioris. Posteriori modo etiam consequenter, seu facta compositione præcepti, dubitando, an non obstante præcepto liceat id facere, seu (quod perinde est) an liceat obedire in tali materia. Hoc posterius dubium est practicum, & ideo illo durante certum est non licere tale opus facere: quia operari cum conscientia practice dubia, numquam licet propter periculum, cui homo se exponit ita operando. Ut ergo obedire liceat, necesse est tale dubium practicum deponere, & firmiter judicare, non obstante priori dubio antecedente, seu de opere ipso secundum se, licitum esse obedire, illud exequendo; sic enim prius dubium manet pure speculativum, quia non est proxima regula operationis, sed deponitur ex aliis principiis, & formatur certa conscientia.

18 Quod autem in præsentii explicare oportet, est, an supposito priori dubio antecedente autoritas prælati præcipientis sit sufficiens, possitque pro regula generali assignari ad deponendum illud dubium, & formandam conscientiam, quod *obediendum sit*; partem enim affirmativam videntur docere Patres. Nam Bernardus in lib. de Præcepto, & dispensatione, sic inquit: *Quidquid vice Dei præcipit homo, quod non sit certum displicere Deo, haud secus accipiendum est, ac si præcipiat Deus.* Ubi exponendo negationem illam, *non sit certum*, non requirit, ut positive sit certum: unde licet sit dubium, juxta dictam regulam, obediendum erit, quia tunc non est certum displicere Deo. Et eandem regulam eisdem verbis usurpavit Bonaventura in speculo disciplinæ p. 1. cap. 4. Et Humbertus S. Generalis familiæ Dominicanæ lib. 5. de Eruditione religiosorum p. 1. cap. 1. *Obedientia* (inquit) *hominum de Dei placito certificatur: nisi enim aperte sit malum, quod a superiore præcipitur, sic accipiendum est, ac si a Deo præciperetur.* Ubi illud verbum, *aperte*, ponderandum est. Sumitur etiam ex Augustino lib. 22. contra Faustum cap. 74. & 75. & refertur in cap. *quid culpatur* 23. qu. 1. ubi ait milites recte obedire Principi bellum præcipienti, quando de injustitia belli eis non constat. Denique hæc etiam regula videtur usus B. P. N. Ignatius 3. p. Constitut. cap. 1. §. 23. dicens: *In omnibus rebus, ubi peccatum non cerneretur*, quod explicans 5. p. c. 1. dicit: *In omnibus rebus, ad quas potest obedientia cum charitate se extendere.* Ubi in declaratione lit. B. dicitur: *Hujusmodi sunt illæ omnes, in quibus nullum manifestum est peccatum.* Et simili modo loquitur in epistola de obedientia.

19 Contra hanc vero doctrinam facere videtur, quia nulla sufficienti ratione fundata est, & alioqui nullum est præceptum divinum, quod obliget ad præferendam autoritatem superioris omnibus rationibus, quæ dubium movere, seu fundare possunt; neque id videtur consentaneum rationi. Nam cum superior ipse quantum ad iudicium circa materiam sui præcepti an aliàs sit licita, necne, non divinam, sed humanam tantum autoritatem habeat, vinci potest vel majori autoritate doctiorum, & fortasse sanctorum, vel per efficaciam rationis, vel textus aut legis superioris prælati: ergo non potest indistincte illa regula prudenter acceptari.

20 Dicendum vero est, prædictos Sanctos moraliter esse loquutos, & ideo tradidisse illam regulam, quæ recte explicata, vel generalis est; vel tam raram, & extraordinariam patitur exceptionem, ut moraliter absolute statui possit. Explicatur, quia vel dubium est negativum, scilicet, quia subditus nec positivam habet rationem, ut judicet malum esse, quod præcipitur, neque etiam ut credat esse bonum, & honestum, secluso præcepto: vel potest esse dubium positivum, id est, ortum ex positiva autoritate, vel ratione in contrarium. In priori dubio generatim & sine ulla exceptione, verum est præceptum superioris sufficere, ut subditus illi innixus certo judicet, sibi licere, quod præcipitur, quia in illo casu etiam præceptum obligat, cum superior exigat jus suum,

Si prædictum sit dubium prius deponendum, quæ obligatur.

Sufficiens ne iulio superioris ad deponendum quodlibet dubium speculativum de honestate rei præceptæ.

Quo pacto se geret subditus in dubio de utilitate præcepti.

Quo item pacto in dubio de honestate.

Arguitur pro parte negativæ.

Autoris resolutio.

Explicatur quando dubium est negativum.

Juxta hanc
partem du-
bii negat
satisfit
Patribus
in n. 18.
citatis .

suum, & in dubio, *melior sit conditio possidentis*. Item quia aliàs esset moraliter impossibilis obedientia, si unicuique subdito in particulari prius persuadendum esset justum esse, quod precipitur. Et hoc maxime videtur intendere Augustinus in dict. cap. *quid culpatur*, ubi, *si quod jubetur vel non esse contra Dei preceptum certum est, vel utrum sit, certum non est*. Atque hic modus obedientiae maxime locum habet in religiosis quoad actiones, vel omissiones, quae per se malae non sunt; dubitari autem potest, an religiosis sint honestae, & sapienter, an conferant ad illorum perfectionem: nam in his standum semper est iudicio, & praecepto superioris, quando evidenter non constat ipsum errare, vel ex falsa presumptione procedere: & hoc sensu dicunt Patres citati, praesertim Basilii in epistola ad Canonicam, & Cassianus collat. 4. c. 20. non minus esse obediendum praelato praecipienti refectionem, quam praecipienti jejunium, & praecipienti otium, aut somnum, quam praecipienti laborem, aut vigiliam: quia licet priora iusta ex se non ita honesta, vel utilia appareant, sicut posteriora, obedientiae subiectio confert illis sufficientem honestatem. In hoc etiam sensu dicunt interdum Patres: Quidquid voluntate sua religiosus agit, etiam si bonum esse illud iudicet, illi bonum non esse, neque utile, *immo esse furtum, & sacrilegium*, ait Basiliius in sermone de Abdicatione rerum, & serm. 2. de Institutione monachorum circa finem, & regul. 60. ex brevioribus. *Nec ea* (inquit) *quae ex sua gente bona sunt, ex proprio arbitrio geri conveniunt*. Ubi etiam in religioso hoc sine culpa non fieri significat, dicens; *culpam suam agnoscere debet, qui huiusmodi est, quod sua sponte constituere aliquid ausus fuerit, cuiuscumque omnino generis illud sit*. Hec enim, & similia intelligenda sunt, quando illud, quod aliàs bonum apparet, contra voluntatem superioris sit, vel quia ab ipso specialiter prohibetur, vel quia ex regula non permittitur fieri sine consensu ejus, nam praeferre iudicium suum vel regulam, vel voluntati superioris, propter bonitatem, quae in objecto, vel actione apparet, in religioso reprehensibile est. Quod autem in hoc sensu loquatur Basiliius, patet, nam statim subdit, rescindendum esse, quidquid praeter praeceptum superioris statutum sit: afferitque exemplum de Petro, qui resistebat Christo volenti lavare pedes ejus. Ratio etiam id ostendit, quia ubi opus aliàs bonum regulae, aut obedientiae non opponitur contrarie, quamvis careat morione ejus, non ideo malum est, quia non est illa circumstantia necessaria ad omnem actum virtutis, etiam in viro religioso, quamvis ad, ceteris paribus, talis actio minus perfecta sit. Quoties ergo in materia obedientiae positive non apparet malitia, nec certo, nec probabiliter, quamvis nec de honestate constet, obediendum est etiam omittendo, quod aliàs constat bonum esse, quando non constat omissionem ipsam malam esse.

Explicit-
tur eadem
resolutio
quando
dubium
est positi-
vum .

21 Quando vero dubium est positivum, necessarium est expedire rationes, vel auctoritates, quae dubitare cogunt, an id, quod superior praecipit, honestum sit, sive tale dubium oriatur circa factum, ut, v. gr. an revelatio talis peccati sit formalis detractio, & infamatio proximi, necne; vel an tale factum fuerit homicidium, necne, & consequenter, an ex illo contracta fuerit excommunicatio; sive oriatur dubium ex jure, ut an liceat nunc comedere, quando praeceptum jejunii obligare videtur; vel hoc facere, quando aliàs obligat praeceptum audiendi sacrum, &c. Hoc enim convincit objectio facta. Quando autem rationes, aut moriva talia sunt, ut rem faciant dubiam, & non certam, necesse est, ut sint tantum probabilia, & non evidentia. Considerare ergo oportebit, an secluso praecepto res sit utraque ex parte probabilis; & tunc generaliter verum erit adjuncto praecepto obediendum esse, quia cum utraque pars supponatur esse probabilis, adjuncta ratione obedientiae, pars illa eligibilior fiet. Nec distinguendum existimo de majori, vel minori probabilitate: quia juxta communem doctrinam per se licet practice sequi opinionem probabilem circa honestatem actus, relicta probabiliori. Ergo multo magis hoc licebit adjuncta obedientiae ratione: nam moraliter loquendo non potest ille excessus probabilitatis tantus esse, quin merito praetermittatur propter vic-

Suarez, Tom. XV.

tutem obedientiae, praesertim quia ipsa auctoritas superioris probabilitatem alterius partis multum auget. Si autem contingat, secluso praecepto, ita esse probabile actum, de quo agitur, esse malum, ut oppositum nec probabile sit; tunc non potest res vocari dubia, esto non sit omnino evidens, sed humano modo certa; quia vix possunt homines consequi certiores rerum cognitionem, praesertim in rebus practicis, & moralibus. Et ita existimo Patres superius citatos huiusmodi cognitionem comprehendere, quoties dicunt obediendum esse in omnibus quae non constat, aut certum non est displicere Deo: nam in eo casu satis constat, falsum esse certum est; & ideo licet verum sit, stante illo iudicio non debere subditum obedire, nihilominus regula illa recte intellecta generaliter, & sine exceptione vera est.

22 Ad id vero, etiam in eo casu considerandum est, an materia illius obedientiae iudicetur illo modo intrinsece mala, vel solum ex jure aliquo positivo. Nam in priori casu generaliter verum est obediendum non esse, in posteriori autem ulterius considerandum est, an superior praecipiens possit in tali jure dispensare; nam si hanc potestatem habeat, & non ex ignorantia praecepti ecclesiastici, verb. gr. contrarium praecipiat, praesumendus est dispensare: nec facile judicandum est, sine causa, & invalide id facere, nisi evidenter id constet; quod frequenter, ac moraliter loquendo, vix potest accidere. A dextero etiam, aliquando talem posse esse actum, ut seclusa obedientia injungente alium actum, sit necessarius ad honestatem morum, non solum ex positivo jure, sed etiam ex naturali, & nihilominus quod ejus necessitas cesset interveniente obedientia, & praecepto hominis, ut ex charitate, vel ex voto posset religiosus non impeditus obligari ministrare infirmo indigenti, & nihilominus superiore alio praecipiente, licite illud omittere, & ita videtur non obstat iudicium de malitia illius omissionis, quo minus obedientia servetur; sed hoc ideo est, quia mutatur circumstantia, ex quibus illa obligatio, seu necessitas oriebatur: nam qui non est dominus suarum actionum, potest ad aliquam obligari, quando non exigitur a superiore, seu domino, non vero si ab illo praecuratur. Et ideo cum dicimus iudicium moraliter certum de intrinseca malitia actus, vel omissionis secundum se impedire, ne quis obedire teneatur, intelligendum est de iudicio omnino absoluto, quod non pendet ex his circumstantiis, quodque moraliter non mutetur ex parte objecti, seu materiae propter superveniens praeceptum superioris exigentis jus suum.

23 Praeterea considerandum est, aliquando talem posse esse personam superioris, ut ejus auctoritas possit probabilem efficere partem illam, quae antea talis non apparebat, nec judicabatur, ut si non solum religiosus, & pius, sed etiam doctus satis, & prudens habeatur: tunc enim ponderari poterit auctoritas ejus, & ratione illius obedire, non obstante priori iudicio. Si quis autem recte consideret, in eo casu non obediatur contra iudicium moraliter certum, neque consideratur praelatus formaliter tantum, ut praelatus est, quod ad obedientiam spectat, sed consideratur, ut homo doctus, & prudens est: & ut sic, prius praebet auctoritatem rei praecipitae, tollitque consequenter moralem certitudinem prioris iudicii, & tunc locum habet obedientiae efficacitas. Quocirca, cum Patres docent perfectum obedientem non debere considerare personam superioris ut doctam, vel sanctam, sed ut ministrum Dei, intelligendum id esse per se, & quoad rationem obediendi: ex accidenti vero aliquando potest id esse necessarium ex parte materiae obedientiae ad justificandam illam, & regulariter etiam est utile ad facilius conformandum proprium iudicium cum iudicio Superioris.

24 Ultimo animadverto, aliud esse tractare, an subditus possit licite obedire in omnibus, ubi peccatum non cernitur manifeste modo explicato; aliud vero, an teneatur: haecenus enim solum diximus illud prius, quia non agimus hic de obedientia simpliciter necessaria, sed de meliori, & perfecta; reliquum vero, quod ad necessitatem spectat, generale est de observantia omnium praeceptorum, & tunc praecedenti tractando de

Juxta hanc
partem du-
bii positi-
vi satisfit
eisdem Pa-
tribus in
n. 18.

Explicatur
amplius
quod nunc
dicitur est
de dubio
positivo .

Qualitate
praelati
si aliquando
doctus

Etiam esse
sante obli-
gatione ob
dubium
positivum,
perfectius
obediendum
si non cesset
contrarie.

obedientia religiosa in genere sufficienter tactum est. Solum ergo (quod ad præsens statutum spectat) generaliter assero, quotiescumque in prædictis casibus licitum est obedire, melius ac perfectius esse obedire, etiam si præcepti obligatio aliquo titulo excusari possit. Quod maxime verum habet, quando obligatio non deest ex defectu potestatis, sed ex defectu voluntatis, scilicet quia Superior non intendit obligare, licet possit. Tunc enim locum habet, quod ait Bonaventura tom. 1. Opuscul. tractat. de Gradibus virtutum: *Alius gradus obedientie est implere verbum Prælati propter Deum, aliorum implere nutum, alii simus implere voluntatem.* Quod etiam significat D. Thom. 2. 2. q. 104. art. 2. ad 2. Ratio autem est, quia ubi materia præcepti talis est, ut omnibus ejus circumstantiis, & speculativis dubiis consideratis, posset Superior eam præcipere, si vellet, quacumque ratione eam injungat, vel suam voluntatem circa illum ostendat, erit non solum licitum, sed etiam perfectius illi obedire, est enim eadem proportio. Et confirmatur, nam illa materia, simpliciter loquendo, est licita in ordine ad obedientiam; ergo pertinet ad obedientiam perfectam. Distinguit enim D. Thom. d. q. 104. art. 5. ad 3. triplicem obedientiam. Una (inquit) est sufficiens ad salutem, quæ scilicet obedit in his, ad quæ obligatur; alia perfecta, quæ obedit in omnibus licitis; alia indiffereta, quæ etiam in illicitis obedit.

25 Posset autem hæc regula limitari ex Soro dict. memb. 3. q. 2. & Corduba d. lib. 3. q. 6. nisi id, quod præcipitur, vergere possit in notabile præjudicium proprium, vel tertiæ personæ. Sed moraliter loquendo hæc limitatio locum non habet in casu, de quo agimus, quia si materia talis esse supponitur, ut certum sit posse a Superiore præcipi hic, & nunc pensatis omnibus circumstantiis, jam non poterit esse talis, ut ex illa possit moraliter timeri tale nocuum, alioqui ratione hujus periculi, dubitari posset, an Superior in rigore valeat circa illam obligationem præcepti imponere. In hoc autem casu loquuntur dicti auctores. Dicunt enim, quando subditus dubitat, an Superior possit præcipere, necne, tunc si timeat grave nocuum proprium, aut præjudicium tertiæ, non obligari ad obediendum, etiam si aliàs sit certus id, quod præcipitur, licitum esse. Sed hoc, ut ipsi met indicant, solum habet locum, quando dubitatur de jurisdictione, aut de potestate Superioris circa talem materiam, propter difficultatem ejus: ut si religiosus dubitet, an ire ad Indos sit materia sui voti obedientiæ, tunc enim volunt isti authores non teneri ad obediendum stante æquali dubio, quia non teneretur cum tam gravi incommodo tueri jus dubium prælati. Est autem hoc verum si de rigurosa obligatione, regulariter existimo esse perfectius obedire; Si alioqui certum semper est, rem esse licitam: quia virtus obedientiæ excellentissima est, & in eo casu non tam jus hominis, quam jus Dei, licet dubium proprio commodo præfertur. Dico autem regulariter, quia in his rebus moralibus, quæ ex circumstantiis plurimum variantur, non potest tam infallibilis regula assignari, quin possit excogitari casus, in quo periculum nocuum, aut propriæ vitæ tantum momenti sit, ut majus Dei obsequium judicetur illud vitare, quam in eo dubio obedire. Dixi etiam: Si semper sit certum rem esse licitam, nam sæpe contingit, ut ex periculo nocuum, præsertim alieni, oriatum dubium non solum de obligatione præcepti, sed etiam de honestate rei præceptæ, & consequenter an liceat obedire; tunc autem servandæ erunt regulæ superius traditæ.

In quo consistat perfectio obedientiæ cæcæ.

26 Ex his omnibus facile potest ulterius intelligi, quo sensu a sanctis Patribus dictum fuerit, a religiosis perfectis exhibendam esse suis prælati cæcam obedientiam. Cum enim cæcitas in privatione visus consistat, & per metaphoram ad spiritualia translata sit, certum est non in eo sensu transferri, ut significet privationem omnis cognitionis, & judicii: quod est adeo per se notum, ut non indigeat explicatione. Quis enim dubitare potest, quin homo non est brutum, vel stolidus obedire debeat, sed ut homo, qui recta ratione utatur? Quod etiam convincit prima objectio generalis in nu. 2. facta. Nam iidem Patres a perfecto obediente requirunt lynceos oculos, quibus Deum in Superiore certat: non ergo absolutam privationem cognitionis, &

judicii perfecti in cæca obedientia requirunt. Neque hoc magis potest imponi B. P. N. Ignatio, quam cæcis Sanctis, cum ab eisdem, & sententiam, & verba usurpaverit, & juxta subiectam materiam, in sensu omnibus noto, metaphoram illam usum sit. Imo si recte expendantur verba ejus, particulam aliquam semper addidit, quæ omnem invidiam tolleret, & proprium sensum metaphoræ explicaret. Nam in Examine c. 4. §. 29. addit illam particulam, *Sane intelligendo.* In 3. p. c. 1. §. 3. dixit, *Ubi peccatum non cerneretur.* Supponit ergo obedientem oculos habere debere, quibus hoc discernat. Et 6. p. c. 1. §. 1. *Omnem (inquit) sententiam, ac judicium nostrum contrarium cæcæ quadam obedientia abnegando.* Ubi illa particula quadam restrictiva est: quia nimirum non simpliciter, sed secundum quandam rationem obedientia debet esse cæca. Hoc autem ibidem explicatur per oppositionem ad sententiam, & proprium judicium contrarium; & in aliis locis additur, cæcitatem hanc debere excludere humanas rationes, quibus moveamur potius ad parendum Superiori, quia doctus est, aut prudens, vel quia placencia jubet, quam propter solam Dei voluntatē. Itē additur excludere humanos discursus, quibus subditus examinare velit, cur prælati hoc præcipiat, vel cur potius sibi, quam alteri, & similia.

27 Itaque ut uno verbo dicamus, cæcitas hæc excludit prudentiam carnis, non vero prudentiam spiritua- Excludit tamen prudentiam carnis. Vide D. Thom. 2. 2. q. 50. ac 1. & ad Titum 1. lect. 4. & Bernard. epist. 7.

lem & supernaturalem. Cum enim obedientia sit perfectissima virtus, non minus requirit ad suum perfectum actum ducem prudentiam, quam aliæ virtutes morales; sed hoc est ei proprium, quod judicium prudentiale dirigens illam fundatur magis in extrinseco principio, & judicio Superioris, quam in proprio, & ideo quatenus excludit proprium, dicitur obedientia cæca; excludit autem proprium, quatenus vitiosum aut imperfectum est, non quatenus dicit omnem usum proprii intellectus. Sicut dixit etiam Bernardus: *Tolle propriam voluntatem, & infernus non erit,* non ut excluderet omnem usum propriæ voluntatis, & libertatis, nam si hoc tollatur, etiam præmium cœlestis non erit; sed ut excluderet vitiosam voluntatem, quæ per accommodationem, & communem usum virorum spiritualium propria solet appellari. Ita ergo in præsentia materia ex simili usu, & accommodatione illa obedientia, quæ non niritur propriæ prudentiæ, nec curiose inquirat rationes, & causas præcepti, cæca appellata est a sanctis viris, quibus tanquam in propria arte loquentibus licuit propriis nominibus uti ad hanc perfectionem obedientiæ significandam, & ad exaggerandum quantum oporteat judicio Superioris magis, quam proprio gubernari. Sicut enim cæcus ab alio ducitur, & quasi alienis oculis videt; ita suo modo subditus ad Superiorem comparari debet.

28 Eodem sensu vocatur hæc obedientia aliquando a Patribus *indiscreta*, aut *inspiciens*. Itaque loquitur Bernardus, scribens ad fratres de Monte Dei, & ex illo Bonaventura in speculo disciplinæ p. 2. c. 3. & Humbertus de eruditione religiosorum lib. 2. p. 2. c. 16. cum tamen D. Thom. 2. 2. q. 104. art. 5. ad tertium, indiscretam obedientiam damnet. Est tamen diversitas in usu vocis, non in re. Nam D. Thomas *indiscretam* appellat, quæ non discernit, an sit licitum, vel illicitum, quod imperatur. Bernardus autem *indiscretam* vocat, quæ non fundatur in propria discretionem, & judicio. Quomodo etiam dixit Gregorius verum obedientem non discutere, nec discernere obedientiam; & iterum; *Nescit judicare, qui perfecte didicerit obedire.* Et alia multa similia supra a nu. 4. relata sunt. Eodemque sensu vocatur hæc obedientia simplex sine discussione, ut ex Augustino refert Bonaventura in libro octavo collationum capite 3.

29 Sic ergo explicata vocis significatione per se satis evidens est hujusmodi obedientiam sanctam & perfectam esse. Primum patet, quia in modo illo obediendi nihil est mali, aut periculi, ut satis declaratum est, quia semper supponitur materia honesta cum sufficienti certitudine, quæ omne periculum mali moralis excludit, siue illa certitudo ex re ipsa oriatur, siue ex adjuncto præcepto practice resultet: ergo cum aliunde ibi interveniat motivum, & ratio obedientiæ, illa sufficit, ut hujusmodi obedientia sancta sit. Secundum autem, scilicet esse perfectam, optimis rationibus a B. Igna-

Neque id S. Ignatio imponi potest.

Discreta limitatio regulariter non procedit.

Cæca obedientia non privatur subditum omnino.

Cur dicatur etiam obedientia indiscreta & inspiciens?

Afferio bipartita pro obedientia cæca.

tio in dicta epistola demonstratur. Summa est, quia in primis est necessaria ad convenientem gubernationem, ut videre licet in obedientia politica, economica, militari, & quacunque alia. Nam si servus, aut miles semper deberet intelligere, & percipere rationes, & causas, quae movent ducem, aut dominum ad imperandum, difficile, ac moraliter impossibile redderetur omne regimen. Accedit, quod Praefectus saepe movetur ad praecipendum rationibus altioribus & universalioribus, quas subditus vel percipere non posset, vel non expedit ipsum eas scire. Sicut etiam in aedificiis, vel artefactis construendis, inferiores ministri ab architecto moventur & diriguntur, eisque obedire necesse est, quamvis causam, & rationem, qua movetur, non intelligant: alioqui vix posset humano modo procedere opus. Deinde, quia per se notum est concordiam, quoad fieri possit, inter inferiorem & praelatum in judiciis, & voluntatibus meliorem esse; quia & per se amabilis est, & ad omne opus utilis: ergo procuranda est per conformitatem subditi ad superiorem, potius quam e converso: haec enim subordinatio est per se magis consentanea rationi, tum ratione potestatis, & juris, quod habet Praelatus in subditum, ratione cuius ei debetur obedientia, ubi suam potestatem excedere non constiterit, praecipiendo, quod malum est. Tunc etiam ratione majoris auctoritatis, quam habet, eo quod ira compareretur superior ad subditum, sicut Magister ad discipulum, & sicut caput ad membrum. Denique est etiam haec obedientiae ratio melior, & perfectior, quia & necessaria est ad omnes alias perfectiones obedientiae, quales sunt promptitudo, alacritas, perseverantia, & similis, quae cum dissensione iudicii vix haberi possunt, & exercitium plurimum aliarum virtutum in se complectitur, scilicet humilitatis, se totum etiam quoad mentem altiori submittendo, reverentiae, & fiducia in Deum, propter quem ejus minister, de sua providentia confidendi, ita obeditur. Unde etiam fit, ut per hunc modum ceciratis tollantur cogitationes, vel discursus, qui possent perfectionem obedientiae impedire. Merito ergo hic modus obedientiae consilium tanquam perfectus.

30 Atque ex his tandem satisfactum est objectionibus, quae ultimo loco contra hanc partem fiebant. Jam enim dictum est, non tolli per hanc obedientiam simplicitatem, sufficientem discursum, ac discretionem ad non patendum in rebus illicitis: tamen quia illa sollicitudo moraliter vix est necessaria; nam regulariter non imponuntur illa praecipua, & si id contingat, facile, & per se statim patere solet, ideo absolute solent dicere sancti, simpliciter, & sine discussione obediendum esse. De qua re est optima doctrina Bernardi in epistol. 7. ubi graviter reprehendit quandam monachum, qui (ut ex superioribus epistolis constat) rem per se illicitam, & contrariam voto cum scandalo fratrum commiserat, se autem excusabat, eo quod in ea cuidam Abbati obedierat; & ea occasione distinguit Bernardus, quaedam esse pure bona, quae constat esse facienda, maxime si praecipiantur; quaedam pure mala, quae facienda non sunt, a quocumque praecipiantur; quaedam media, quae pro modo, loco, tempore, & persona, & mala possunt esse, & bona; & in his (inquit) *lex posita est obedientiae*, de quibus postea concludit, nihil esse inter ea dijudicandum, sed etiam tantum prudentiam adhibendam, quae ad pure mala discernenda sufficiat, ad quam exhibendam, ut diximus, parva discussio necessaria est; nam quae sunt pure mala, per se statim patent.

31 Unde etiam constat, quo sensu accipiendum sit exemplum fidei, quo circa hanc obedientiam iidem Patres utuntur, scilicet, sicut captivatur intellectus in obsequium fidei, ita esse quasi excoecandum in gratiam obedientiae. Est enim hoc per quandam imitationem, & similitudinem intelligendum, non secundum aequalitatem; quia haec subjectio mentis, quae fit per obedientiam, non fundatur in infallibili auctoritate, vel veritate rei, sicut captivitas fidei; sed solum in potestate praecipendi, & certitudine practica, quae ex illa oriri potest, supposita non repugnantia ex parte materiae. Et juxta hanc etiam doctrinam exponendus est Bernardus in lib. de Praecepto, & dispensat, cum ait in rebus dubiis debere subditum superiorem consulere, & rationes dubitantes illi aperire, & iudicium ejus sequi, *quia ex scripturis*

(inquit) *habemus, quod labia Sacerdotis custodiunt scientiam, & legem ex ore ejus requirunt, quia Angelus Domini exercituum est.* Quae doctrina ad omnes pastores Ecclesiae accommodari potest, non tamen de omnibus eodem modo intelligenda est. Nam respectu Summi Pontificis decisio dubii, si authentice fiat, in re ipsa infallibilis erit, respectu vero aliorum inferiorum non ira, sed poterit efficere practica certitudinem juxta regulas superius dictas; & tunc licet contingat iudicium Superioris re ipsa falsum esse, subditus per ignorantiam invincibilem excusabitur, & per virtutem obedientiae merebitur.

32 Una vero objectio adhuc superest dissolvenda; quia B. Ignatius in dict. epist. imitatus Bonaventuram in stimulo divini amoris p. 2. cap. 11. in tom. 2. opusc. & alios Sanctos, exempla quaedam nobis proponit hujus obedientiae, quae nos imitari vult, cum tamen res seu opera in eis praecipua, si per se & ex objecto spectentur, mala sunt, & contra rationem. Hujusmodi est super aquas ingredi, ut de Mauro refert Gregorius lib. 2. Dialogor. c. 7. leenam capere, & ad superiorem deferre, ex vitis paritum. Haec enim, & similia, si ex objecto spectentur, mala sunt, & contra quintum praecipuum Decalogi, quia in eis vita manifesto periculo exponitur; quod si spe miraculi fiant, praesumptio quaedam erit, sive Dei tentatio, cujusmodi etiam fuisse videtur factam illud, quod de S. Theodora refert Simeon Metaphrastes apud Surium 1. die Septembris tom. 5. Illa enim, cum sub viri specie inter monachos vitam ageret, a prelo missa est ad deferendam aquam ex lacu cum evidenti vitae periculo propter crocodilum in eo lacu degentem, & omnes eo accedentes dilaniantem. Nec est admodum dissimile, quod de monacho Elstano idem Surius narrat 1. die Augusti tom. 4. Ille enim iussus ab Abbate manum misit in bullientem aquam, ut ex imo cacabi aliquid extraheret. In quibus omnibus exemplis constat, actiones illas per se spectatas temerarias esse, atque adeo per se illicitas, ac pure malas, ut Bernardus loquitur. Si ergo haec nobis proponuntur tanquam exempla imitanda, obediendum nobis erit, etiam in rebus aperte illicitis. Nec minus difficile est, quod S. Benedictus supra citatus ait obediendum esse, etiam quando constat rem praecipiam esse impossibilem, quia tentare rem impossibilem, vel temerarium est, vel certe vanum & inutile, ac proinde illicitum. Qua ratione etiam inutilis apparet obedientia illa irrigandi per multum tempus lignum aridum, quam de Joanne monacho supra reculimus ex Cassiano lib. 4. ca. 24. Cujus etiam Sancti meminit Augustinus lib. de cura pro mortuis agenda cap. 17. Et aliud simile exemplum refert Severus Sulpitius in Dialogo de Orientalibus monachis. Denique ejusdem difficultatis est, quod in vita S. Joannis Damasceni refert Joannes Patriarcha Hierosolymitanus apud Surium 6. die Martii tom. 3. illum videlicet missum fuisse a suo magistro, ad vendendas sportas duplo majori pretio, quam par erat. Cui imperio (dicitur ibi) *minime adversatus est: nec imperantis sermonem sibi discutiendum, & explorandum putavit ille ad mortem usque obediens.* At constat praecipuum illud fuisse de re clare injusta.

33 Respondemus, in his & similibus exemplis duo esse distinguenda; unum est finis ab Spiritu sancto intentus; aliud est actio ipsa, seu materia, quae praecipitur. Quando ergo haec exempla nobis proponuntur, solum est, ut per ea intelligamus, quantum Deo placeat obedientiae virtus, & simplicitas. Hic enim fuit finis ab Spiritu Sancto intentus, & ob eam causam fere in omnibus adductis exemplis, id miraculo confirmavit. Nihilominus tamen non haec nobis proponuntur ut imitanda quo ad omnes particulares circumstantias eorum, sed solum quo ad perfectionem, & simplicitatem, juxta communes, & ordinarias leges obedientiae debitas. Constat enim aliquando Spiritum sanctum movere homines justos, ut supra communem, & ordinarium cursum virtutum, mirabiliter operentur. Qui modus operandi in exemplum etiam nobis proponitur, non ut illum eundem modum operandi imitemur, sed ut illius admiratione moti saltem perfectionem virtutis assequi contendamus. Sic Samson, v. g. aut Apollonia proponitur, ut exemplum fortitudinis, qui ex peculiari instinctu Spiritus sancti sibi mortem intulerunt, non ut hoc

Obiectio contra exempla S. Ignatii pro obedientia.

Exempla alia ex Surio.

Item alia ex Bened. Cassiano, &c.

Satisfit superius positum exemplum.

Satisfit auctoribus contra hanc secundam perfectionem possumus in n. 1.

Ad exemplum fidei ibidem adducimus

hoc totum imitemur, sed ut his exemplis mortem contemneret discamus. Ita ergo in prædictis obedientiæ exemplis quædam sunt, quæ ex peculiari instinctu Spiritus sancti facta esse credendum est, tam ex parte prælatorum jubentium, quam subditorum obedientium, quæ sub ea ratione non imitanda proponuntur, sed admiranda: imitanda vero quoad perfectionem virtutis, quam talia facta indicant, aut supponunt. Hujusmodi autem sunt omnia illa, in quibus evidens vitæ periculum, aut aliud grave nocumentum imminere videbatur. Unde quod Benedictus ait obediendum esse etiam in re impossibili, intelligendum est (loquendo de ordinario modo studiose obediendi) quantum ad aggrediendam, & inchoandam actionem, in quo fuerit ipsa possibilis, neque antea desistendum, quam re ipsa præbetur, non esse possibile ultra progredi, sine gravi nocumento, aut sine temeritate. Maxime autem hoc habet locum, quando ipsa actio, quæ præcipitur, possibilis est, & non mala; finis autem, vel utilitas ejus, est impossibilis: tunc enim sine culpa, imo cum magna perfectione obediri potest, quia tunc illa actio non est otiosa, quia deservit ad exercitium humilitatis, & obedientiæ, etiam si ad proprium finem veluti materiale, ut sic dicam, inutilis sit, & hujusmodi esse posset irrigatio ligni aridi, etiam sine miraculi interventu. Denique fere eodem modo intelligi potest factum illud Joannis Damasceni, & magistri ejus; clarum enim non fuisse ibi intentum iniquam venditionem, sed insignem Damasceni abjectionem, & mortificationem, quæ moraliter constabat fore sine alia injuria, quia res erat adeo manifesta, ut nullus ex deceptione, aut ignorantia rem esset tanto pretio empturus; vel si quispiam illud offerret, spontanea voluntate, & in gratiam tanti viri illud fuisse oblatum, prout revera accidit. Et hæc de voto obedientiæ.

C A P U T XVI.

An promissio ingrediendi Societatem, quam scholastici approbati simul cum tribus votis substantia libus faciunt, sit verum votum eorum statui conveniens.

Membris
duo præ-
sentis ca-
pituli.

SUPPONENDA est forma, quæ in hac Scholarium approbatorum incorporatione servatur. Nam postquam religiosus tria vota in Societate emittit, subdit: *Et promitto eandem Societatem me ingressurum, ut vitam in ea perpetuo degam, omnia intelligendo juxta ipsius Societatis constitutiones.* Ut ergo totam substantiam, & obligationem illius actionis explicemus, necessarium est in præsentis cap. declarare, quænam sit, quamque necessaria hæc promissio, & in sequenti, quem effectum, seu obligationem inducat. Ratio ergo dubitandi quoad priorem partem sumi potest ex ipsa serie, ac forma vovendi, ac promittendi. Prius enim religiosus dixit: *Voveo paupertatem &c. & deinde subjungit; Et promitto eandem Societatem me ingressurum.* Ergo ipsa varietas verborum ostendit hanc ultimam promissionem non esse verum votum, sed ad summum, simplicem promissionem, quæ religioni fit. Quæ differentia in aliis locis constitutionum observari potest. Nam in examine c. 1. §. 10. dicitur: *Post experimenta & probationes eadem tria vota simplicia, paupertatis, castitatis, obedientiæ, cum promissione ingrediendi Societatem, emittant.* Idem fere tenor verborum servatur in cap. 7. ejusdem examinis §. 1. & 4. p. c. 3. §. 3. *Ac votis cum promissione de Societatis ingressu emissis.* Ac denique nullum in constitutionibus locum invenies, in quo hæc promissio votum appelleretur. Et confirmatur, nam alioqui status hic religiosus, quatuor votis simplicibus constitueretur, si cui status professorum constituitur quatuor votis solennibus, quod novum est, & præter doctrinam Gregorii X. II. in suis constitutionibus: *Quanto fructuosius, & Ascendente Domino*, in quibus sæpe reperit, hos scholares tria substantia religiosa vota emittere, & per hæc veros religiosos fieri; nullamque unquam alterius quarti voti mentionem facit. Ex quo inferri videtur circa secundam partem questionis, tale votum necessarium non esse primo nec simplicem promissionem, & consequenter neque esse conveniens, quia superfluum est addere vin-

culam, ubi necessaria non sunt. Antecedens patet ex verbis Gregorii in dicta constitutione; *Ascendente Domino. Quicumque absoluto probationis biennio prædicta tria substantia vota, etiam simplicia emisserint, si absque expressa licentia Societatis discedant, &c. apostasia & excommunicationis, ex Apostolica Sedis decreto, pœnas incurrunt, &c.* Ergo ex vi illorum trium votorum est talis religiosus sufficienter obligatus, & traditus Societati: ergo impertinens est alia promissio.

2 Nihilominus dicendum est breviter, promissionem illam esse verum ac proprium votum a tribus primis distinctum. Hoc declaratum fuit in Congregatione 5. generali canone 2. his verbis. *Promissio illa ingrediendi Societatem, quæ in formula votorum simplicium scholasticorum habetur, votum est peculiare a tribus aliis distinctum.* Quam declarationem veram esse ex ipsa formula vovendi, si contextus ipse attente consideretur, facile colligi potest. Sic enim habet: *Ego voveo coram sacratissima Virgine Maria, & Curia cœlesti universa, divinæ Majestati paupertatem, castitatem, & obedientiam in Societate Jesu: & promitto me in eam ingressurum, ut vitam in ea perpetuo degam.* In quibus adverto tam verbum *voveo*, quam verbum *promitto*, cum illo termino *divinæ Majestati* copulatum: in omni enim promissione, quæ prudenter, & convenienter fit, indicatur persona, cui fit, alioqui incerta, & vaga, & consequenter ex ea parte nulla esset promissio; ibi autem nulla alia persona explicatur, cui hæc promissio fiat, nisi divina Majestas: ergo sine dubio verbum *promitto* ad eandem refertur. Quod etiam in omni rigore copulativa illa, *voveo divinæ Majestati, & promitto*, requirit. Hoc ergo supposito, evidenter concluditur, illam promissionem esse verum votum, quia votum nihil aliud est, quam promissio Deo facta; sed illa promissio fit divinæ Majestati: ergo est verum votum.

3 Quod autem sit distinctum a tribus primis, ex materia ipsa constat; res enim diversa est, quæ per ipsum promittitur, ut per se satis constat. Intelligiturque melius advertendo ex superius dictis nomen *Societatis* in eadem forma vovendi bis repetitum, non omnino idem significare; nam licet eadem Societas sit (ut ibidem etiam dicitur) in qua paupertas, castitas, & obedientia, voventur, & ejus ingressus promittitur, non tamen *secundum idem*, quia illa vota sunt in toto corpore Societatis absolute sumpto: promittitur autem ingressus in eandem, secundum ulteriorem partem seu gradum ejus, ut si quis existens intra domum, in primis receptaculis ejus promitteret, & ibi manere, & interius ingredi: essent enim ille promissiones diversæ. Ita ergo suo modo in præsentibus per tria vota quis obligatur ad ea servanda intra Societatem, possetque in ea obligatione persistere, ac perseverare sine obligatione ulterius progrediendi: est ergo votum plane distinctum, quo ad ingrediendam Societatem obligat ut ergo est hoc votum distinctum, & separabile ab aliis.

4 Hinc secundo dicitur votum hoc, & per se conveniens esse, & utile, atque in hoc sensu necessarium, quod vocatur ad melius esse. Probatur, nam in primis illud votum probatum est ab Ecclesia cum cæteris per Bullas Pontificias, & specialiter in Bulla 2. Pauli III. Est igitur tale votum per se honestum, ac conveniens; & ratione patet, quia est de meliori bono, quod ostenditur, quia aliàs verum votum non esset, tum etiam, quia, ut dicitur in declaratione §. p. cap. 4. §. 4. lit. F. promissio ingrediendi Societatem est de votis professorum solennibus, aut coadiutorum formatorum. Votum autem simplex de voto solenni faciendo, aut de alio voto quacumque ratione perfectiori, aut tridiori per se conveniens est & de meliori bono; ergo.

5 Unde obiter colligo primo, quamvis gradus scholarium in Societate verum religiosum constituent, nihilominus quemcumque ulteriorem gradum esse simpliciter meliorem & perfectiorem, alioqui non recte fieret votum transeundi ab uno ad cæteros. Et de gradu quidem professorum id per se clarum est: quia & includit plura vota, & graviora, inducitque multo plures, & graves obligationes. De gradu autem coadiutorum formatorum id etiam patet, quia excepto voto speciali obedientiæ ad Pontificem circa missiones reliqua omnia vota in illo sunt, & effectus paupertatis sunt in eo gradu

Primum as-
sertio bi-
partita pro-
prio me-
mbris.

Secunda
assertio
pro secun-
do mem-
bro hujus
capituli.
Suadet
authori-
tate Pon-
tificum.
Item ra-
tione.

1. Coroll.
ex proxima asser-
tione.

CAPUT XVII.

Quos effectus habeat dicta promissio ingrediendi Societatem.

Responsio ad præsentem quæstionem ex præcedentis decisione videtur manifesta: explicatum enim a nobis est, quid sit ingredi Societatem, respectu illius, qui intra illam, & in aliquo gradu ejus, tanquam verus & proprius religiosus jam existit: omne autem votum ad id obligat, de quo fit: ergo hoc etiam obligabit ad prædictum ingressum, & talis obligatio prædicti voti effectus est. Declarare vero necesse est ejus materiam, seu quid facere teneatur, qui tale votum emisit, ut illud exequatur, & sue obligationi satisfaciat. Nam qui emisit votum religionis, potissimum solet obligari ad petendum & procurandum illum statum, & si aliquis religiosus vovit transire ad arctiorem religionem, similiter subit obligationem procurandi habitum ejus. At in præsentem scholares Societatis, tantum abest, ut obligentur ad procurandum ulteriorem gradum in Societate, ut potius illis vitio derur, vel imperfecti, si de re quicquam loquantur, vel desiderium ad aliquem ulteriorem gradum ostendant. Nam in constitutionibus ipsius Societatis hoc ipsum prohiberi videtur, in Examine cap. 6. §. & 6 & cap. 8. in principio, & 5. p. c. 4. §. 5. ubi sic dicitur: *Postquam aliquis in corpus Societatis cooptatus fuerit in aliquo gradu, ad alium progredi curare non debet, sed in suo perfici, & obsequio Dei, & gloria, sese impendere, ac Superiori, qui scilicet Christi Domini nostri vices gerit, curam aliorum omnium relinquere.* Deinde oportet exponere, quando hoc votum obliget, & cur in eo aliqua determinatio temporis addita non sit, ne incerta, & lubrica sit ejus obligatio.

2 Prior pars declarata est in prædicta Congregatione 5. decreto 5. & canone 2. editionis anni 1616. ubi post verba superius citata subiungitur, *quo (scilicet voto) quis se obligat ad acceptandum gradum professorum, vel coadjutorum formatorum, prout Præposito ad majus Dei obsequium fore videbitur.* Quæ declaratio sumpta est ex cap. 7. Examinis §. 1. ubi sic dicitur. *Sic autem intelligendus est hujusmodi ingressus, ut professionem, vel vota coadjutorum formatorum, si Societas eos admittere volet, emittant; & idem fere habetur p. 5. Constitutionum cap. 4. lit. E.* Atque ex hac declaratione constat hoc votum non obligare ad procurandum ullo modo hujusmodi ingressum, nec ad diligentiam aliquam in hunc finem adhibendam: quia in ipsamet forma emittendi tale votum statim additur: *Omnia intelligendo juxta ipsius Societatis constitutiones.* Sed in constitutionibus Societatis nulla alia obligatio declaratur, nisi acceptandi hunc ingressum, quando inunctus fuerit: ergo non amplius votum obligat; quia actus agentium non operatur ultra intentionem eorum, & intentio voventis in præsentem non extenditur ultra constitutiones. Ratio etiam facile reddi potest, quia supposito statu & instituto talis religionis ipsamet vivendi ratio, & quasi jus ipsum postulat, ut debito tempore invitentur hi religiosi ad ulteriorem gradum sibi proportionatum; & hoc ipsum ex officio pertinet ad Prælatos, qui curam gerunt communis boni totius religionis, & ideo neque oportuit, nec fuit conveniens per votum obligari ad procurandum, sed solum ad acceptandum.

3 Et in hoc cernitur clara differentia inter hoc votum, & alia ad religionem pertinentia. Nam qui absolute vovet religionem, virtute vovet petere, & procurare illum statum, quia moraliter nullus est alius modus obtinendi illum; esset enim vanum expectare, ut a religione ipsa inviteretur. Idemque omnino est in religioso laxioris ordinis, qui vovet transire ad arctiorem: quia sunt corpora omnino distincta, & sub diversis regulis, & capitibus, seu Prælatibus, quorum curæ, & providentiæ ille transitus non subest, nec secundum aliquam regulam postulat, sed solum ex voto privato, quod non est secundum regulam, licet non sit contra illam, sed ultra illam. In præsentem autem una est religio, unum caput, una regula, secundum quam votum fit, & ideo ad illius observationem nihil aliud a vovente postulat, nisi ut accipiat, quod inunctum fuerit: nec major obligatio fuit.

du majores, quam in gradu scholarium, licet in aliis duobus votis sit æqualitas. Est etiam in eo statu major quædam unio cum religione, ratione cujus & status, absolute loquendo, est firmior, & stabilior, & religiosus ipse, quasi ex officio magis obligatur ad onera religionis sustinenda. Recte ergo si illa promissio de illo ingressu, tanquam de meliori bono, & ex hac parte etiam habet veram rationem voti. Unde etiam patet, quod licet illud non sit proprie votum religionis, quia jam supponit religiosum statum, est tamen quasi votum majoris perfectionis in eodem statu religionis, sicut auctores communiter dicunt votum a religioso factum transiendi ad arctiorem religionem non esse proprie votum religionis in genere, sed tantum quoad speciem, & modum religionis. Sic ergo proportionem servata hoc votum in præsentem intelligendum est.

6 Atque ex his facile patet necessitas, seu utilitas hujus voti. Est enim considerandum scholares Societatis ita constitui in statu religionis per tria vota substantialia, ut tamen non omnino constituantur extra viam, seu in termino religiosi status, ut sic dicam: & ideo quamvis ultra ordinem novitiorum sit, non tamen sunt omnino extra probationem, & experimentum. Hæc enim duo respectu diversorum non sunt repugnantia. Ob hanc ergo causam, quamvis per tria vota substantialia fiant hi scholares vere ac proprie religiosi, & constituantur in statu; nihilominus necessarium est, ut vocentur transitum ad ulteriorem gradum, quia ad illum tendunt, & in illo sunt maxime necessarij religioni, cui non satis esset consilium, si illi permanere volentes in assumpto statu, nolent ulterius progredi, prout in rigore sine peccato facere possent, nisi hoc specialiter promitterent. Et quavis præceptum obedientiæ potuisset sufficere, si aliàs declaratum esset, hanc esse materiam obedientiæ, tamen suaviori, & meliori modo hæc obligatio inducitur per propriam promissionem Deo factam voluntarie in ipsamet assumptione talis status, prout in Societate nunc fit.

7 Tandem hinc facile satisficit primæ rationi dubitandi in principio: & redditur optima ratio, ob quam Gregorius XIII. in confirmatione allegatus, cum tractat de vero, ac proprio statu religioso horum scholarum, solum commemorat tria vota substantialia: quia revera illa tantum sunt, quæ talem statum constituunt, & de facto constituerunt, etiam si aliud votum, seu promissio eis non adjungeretur, quia hæc duo, scilicet esse in tali gradu, & ad ulteriorem tendere, distincta sunt & separabilia, & illud prius est, quod constituit proprium statum religiosum: nam hoc posterius potius respicit futurum, quam statum præsentem. Est ergo hoc quartum votum annexum & adjunctum illi statui ex peculiari Societatis constitutione, non vero formaliter constitutivum illius status; & ideo non oportuit de illo fieri mentionem, ubi de sola substantia illius status, & de votis, ac traditione actuali, quibus illa constat, sermo est. Sicut etiam cum de gradu professorum in eisdem constitutionibus Gregorius agitur, solum fit mentio quatuor votorum solennium, quia per illa in tali statu formaliter constituuntur, quamvis præter illa emittant vota suæ professioni quasi annexa. Fortasse etiam ob hanc causam (ut aliis locis ex constitut. & examine in eodem 1. argumento adductis respondeamus) in formula vovendi, & in constitutionibus distincto verbo *promittendi* hoc votum proponitur, & declaratur, ut indicetur, non pertinere intrinsece ad præsentem traditionem, & statum, qui per illam constituitur, sed esse meram promissionem de futuro, Deo tamen factam, ac proinde non exclusam a ratione voti, quamvis ea voce non nominetur. Denique ad alteram partem, jam declarata est hujus voti utilitas, cui nihil obstat, quod ex vi trium votorum apostata sit, qui talem religionem deserit, quia aliud est perseverare in statu assumpto, aliud ad ulteriorem gradum transire; ad illud prius sufficienter obligant tria vota, & illi obligationi contrarium est apostata vitium: ad hoc autem posterius non obligant illa vota per se spectata, neque esse apostata, qui perseverans in statu & gradu assumpto nollit ulteriorem assumere; merito ergo additur novum vinculum, quo hæc inducatur obligatio.

Tra data superius capite p omisso veram obligationem causat.

Dubium de materialis obligationis.

Dubium de tempore ipsius.

Dicta promissio non obligat ad procurandum in-plem.

Id constat ex forma vovendi.

Item ex ratione.

Diferentia hujus promissionis ab aliis.

a. Coroll.

Declaratur amplius veritas necessitatis.

Ad 1. argumentum. ex ique confirm. in eodem.

Ad argumentum contra posterius membrum in eodem n.

fuiſſet conveniens, aut voto accommodata. Quia votum eſſe debet de meliori bono; in tali autem religione ſuppoſita inſtitutione, ac providentia ejus, melius eſt hanc curam & ſolicitudinem Superioribus relinquere, & paratum eſſe ad exequendum, quod injunxerit, quam de ſuo gradu, & ſtatu ſolicitum eſſe, & illum petere, vel procurare. Et hanc ob cauſam in citatis conſtitutionibus hoc conſulitur tanquam aprius ad humilitatem, obedientiam, & internam pacem conſervandam, quæ bona magna ex parte impediri poſſent, ſi licentia illa concederetur, & multo magis, ſi titulo obligationis voti veſtiretur.

4 Aſſuetudinem tamen eſt, quamvis nemo teneatur ex voto hunc ingreſſum ad ulteriorem gradum procurare, non tamen ſimpliciter prohiberi, quia nec per ſe malum eſt, & aliquando poteſt eſſe conveniens, ſi debito modo fiat; quod etiam obſervatum eſt in Declarationibus prædictarum conſtitutionum. Nam in cap. 8. Examinis lit. A. additur: *Cum tamen aliquid conſtanter ſe ſe eis offerret, quod ad majorem Dei gloriam fore judicaret, poſt orationem ſimpliciter Superiori proponere poterunt, ipſius judicio omnino rem committentes.* Itaque religioſe, ac debito modo, quæ ad executionem hujus voti pertinent, proponere, ſeu in memoriam reducere, præſertim ubi ex accidenti, vel aliquo caſu probabiliter præſumi poteſt oblivionem, vel incogitantiam aliquam interceſſiſſe, non vetatur, etiam ſi obligationum non ſit. Ut autem hoc optimo modo, & ſine ulla ſuſpicionem alicujus humani affectus fiat, in eo caſu non eſt determinatus gradus poſtulandus, ſed ſolum generatim & indefinite particularem determinationem arbitrio Superioris relinquendo. Unde ſit hoc ſolum habere locum in his, qui nondum in aliquo ex ultimis gradibus eſt conſtitutus; nam in eo tantum habet locum prædictum votum, & ſolum etiam in eo dicta indifferentia, & animi præparatio poſtulatur; nam qui jam eſt in aliquo termino, nullo modo cogitare debet de tranſitu ad alium, neque unquam aliquid de ea re proponere, quamvis ſi Superior interdum id præcipiat, acceptandum ſit, ut ſtatim dicā.

5 Dubitari enim poteſt circa prædictam declarationem, an qui hoc votum emiſit, teneatur acceptare determinatum gradum a Superiore præfixum, vel ſolum quem ipſe elegerit: ita ut ſi ad ipſum non admittatur, aliquid acceptare non obligetur. Quod dubium non habet locum in coadiutoribus temporalibus, qui etiam hoc votum ingrediendi Societatem emittunt; tamen in eis obligatio determinata eſt ad gradum coadiutorum formatorum, quia juxta inſtitutum ad alium non admittuntur, & ideo certum eſt eos ex hoc voto obligari ad illud acceptandum, & ita procedit decretum 39. Congregationis 7. At vero in ſcholasticis eſt difficultas, quia ipſi ſolum vovunt ingredi Societatem; poſſunt autem ingredi vel ad gradus profeſſorum, vel coadiutorum formatorum: ergo non obligantur ad unum illorum graduum determinare; ergo ſatisfaciunt ſuæ obligationi, admittendo unum gradum, & non alium. Nihilominus dicendum eſt ex vi hujus voti obligari ad acceptandum gradum a Superiore præſcriptum, & ita declaratum eſt in can. 15. 7. Congregationis generalis, & videri poteſt decretum 32. ejusdem Congregationis. Ratio a priori ſumitur ex ipſa forma vovendi, juxta conſtitutiones. Cum enim in ipſis conſtitutionibus ſtatuatur electionem hujus gradus, ſeu ſtatus non debere eſſe ipſius privati religioni, ſed religioni, manifeſtum eſt, eum, qui vovet ingredi Societatem, obligare ſe ad acceptandum gradum, non quem ipſe elegerit, ſed ad quem fuerit aſſumptus. Confirmatur e ſimili; nam qui vovet ingredi religionem abſolute, & indefinite, ſi in una non recipiatur, tenetur ingredi aliam, ſi admittatur; nec ſatisfacit obligationi talis voti eligendo unam determinatam religionem, & nolendo ingredi aliam, ſi in illam recipiatur; quia in obſectio illius voti indefinite plus includitur, quam una determinata religio, ſcilicet plures diſtinctiones, in quarum unaquaque poteſt votum ſufficienter impleri; ſed ita eſt in præſenti, nam promiſſio indefinite ſit ingrediendi Societatem: ergo ubi ingreſſus ille indefinite eſt, & habet varios modos poſſibiles ſecundum regulam, qui in uno admittitur, tenetur alium acceptare, ſi offeratur.

6 Sed dicere poteſt quis, licet verba videantur indif-

ferentia, ſe tamen non intendiſſe vovere niſi determinatum ingreſſum ad gradum profeſſorum, & ideo non obligari ad acceptandum alium; ut in exemplo adducto, licet quis exterius promittat ingredi religionem abſolute, ſi interius ſolum intendat ſe obligare tali religioni, non amplius obligatur. Reſponderetur, moraliter loquendo falſum eſſe, quod aſſumitur, & nihil prodeſſe. Nam qui vovet aliquid ſecundum regulam, tenetur ſe conformare regule, & ad illam ſuam intentionem referre: ergo diverſa intentio, quæ poſtea fingitur, nec præſumitur, nec credenda eſt: & quamvis admittatur, non excuſat. Nam vel habuit aliquis talem intentionem, bona fide putans illam eſſe intentionem regulæ, & ſic error eſt privatus, qui non excludit intentionem ſe obligandi ſecundum regulam: vel intentionem illam habuit mala fide, nolens ſe obligare juxta vim ſuorum verborum, nec juxta intentionem religionis, ſed ſuo arbitrio; & in hoc facit religioni injuriam, teneturque poſtea intentionem mutare, & parere religioni. Sic etiam (ut hoc obiter adnotemus) ſæcularis, qui vovet ingredi Societatem, tenetur ad hunc ingreſſum abſolute & ſimpliciter, juxta modum, & inſtitutum talis religionis: nec ſatisfaceret ſuo voto, ſi nollet ingredi niſi ſub determinata conditione, quod ad talem gradum, vel ad profeſſionem tali tempore admittetur: quia votum illud generalius, & indifferentius eſt, & fieri cenſetur in eo ſenſu, in quo moraliter impleri poteſt, juxta inſtitutum talis religionis. Nihilominus tamen ſi expreſſa intentio vovendi fuiſſet, non ſe obligare ad ingreſſum, niſi ſub ea conditione, revera non contraheret majorem obligationem; ſi quidem omnino libere, & ſine ullo pacto cum religione promiſit, & non ſecundum regulam, ſed prout voluit: in præſenti autem determinatur ad certum modum vovendi, & promittendi ſecundum regulam.

7 Dices; ergo ſcholaris in Societate approbatus, ſi poſtea ſolum admittatur ad gradum coadiutorum temporalium, tenebitur illum acceptare, ut in eo formetur, & ibi ſemper maneat. Conſequens durum videtur, quia nullus, qui in ſcholarem approbatus admittitur, videtur habere animum ſe ad hoc obligandi, neque in conſtitutionibus invenitur explicata talis obligatio, nec ſufficienter indicata. Unde in prædicto decreto 2. quintæ Congregationis ſolum dicitur teneri ſcholares ad acceptandum gradum profeſſorum, vel coadiutorum formatorum: ubi juxta ſubjectam materiam, ſolum coadiutores ſpirituales intelligi videntur. Et idem clariùs colligitur ex Examine c. 7. ubi explicatur, abſolutis ſtudiis profeſſionem, aut vota coadiutorum, prout Societas voluerit, emittendam eſſe: conſtat autem abſolutis ſtudiis non eſſe emittenda vota coadiutorum temporalium.

8 In hoc loqui poſſumus vel de abſoluta obligatione ex vi voti, vel de majori perfectione ex vi etiam regulæ. Loquendo poſteriori modo, certum exiſtimo teneri unumquemque ad acceptandum hunc gradum. Primo quidem, quia in Examine c. 1. §. 11. dicitur: *Omnes, qui recipiuntur in Societate, debere quantum eſt ex parte ſua ingredi indifferentes, ut in quocumque gradu ejus arbitrio ſuperioris conſtituantur.* Hæc autem indifferentia non ficta, ſeu verbis tantum, ſed vere, & ex animo poſtulatur, ut latius in c. 8. explicatur. Et in c. 5. §. 8. ſpecialiter explicatur, indifferentiam hanc etiam ad prædictam mutationem, ut ſic dicam, extendendam eſſe: ac proinde includi videtur in ipſa aſſumptione gradus ſcholaris, vel coadiutoris approbati reſpectu cujuſcumque ulterioris gradus, cujus fuerit ſecundum conſtitutiones capax: ergo ex vi regulæ & inſtituti tenetur quis ſemper eſſe in ea præparatione animi. Eo vel maxime, quod illa non eſt mutatio in ipſo ſtatu, ſeu gradu religionis, quantum ad vinculum, ſed ſolum quantum ad miniſterium, ſeu occupationem: nam quoad vinculum idem omnino eſt ſcholaris approbati, & coadiutoris temporalis etiam approbati, & nondum formati: & ſimiliter idem omnino eſt vinculum coadiutorum, tam ſpiritualium quam temporalium: ſolum ergo in actionibus eſt diſcrimen. At vero quantum ad actiones, & regulam, & perfectio obedientiæ poſtulat, ut acceptet aliquis inferius miniſterium, etiam relicto alio altiori, vel honorabiliori: ergo cum in caſu propoſito nihil aliud

Aliquando poteſt impletio procurari.

Quæſtione prima quæ declaratur, quoniam datur in n. 3. Non procedit ad coadiutoribus temporibus, ſed ſcholaribus.

Sæcularis vovens ingredi Societatem, tenetur poſtea acceptare gradum aſſignat.

Illatio contra præcedentem reſolutionem.

Reſponſio ad illam intentionem loquendo ex vi regulæ.

illud fiat, tenetur quis saltem ex vi regulæ perfectionis illum acceptare.

Responsio
in lo-
quendo ex
vi voti.

9 In alio vero puncto de præcisa obligatione voti magis dubia mihi res est, velimque potius declarari ab his, qui potestatem habent, quam meum iudicium proferre; magis tamen in eam partem propensus sum per se loquendo, & exclusis accidentariis excusationibus, votum hoc totam hanc materiam, & obligationem comprehendere. Quia rationes numeri præced. hoc videntur concludere, cum hoc votum ita fiat, ut secundum constitutiones intelligendum sit. Et explicatur in hunc modum; quia si superior Societatis velit scholarem ab studiis amovere, & temporalibus ministeriis applicare, ut in eo statu perpetuo maneat, in rigore videtur habere potestatem; & causa subesse potest, si iudicet ita expedire vel ad spirituale salutem vel personæ, vel ad commune bonum religionis, vel fortasse etiam aliquando in iustam poenam; ergo si id rigoroſe præcipiat, tenetur subditus obedire; nec potest tota conscientia retrocedere ob eam causam, aut ita se gerere resistendo, ut tandem dimittatur; ergo eadem ratione si præcipiatur ingredi Societatem in gradu temporalium coadiutorum, obligabitur. Illationes videntur clare. Antecedens autem probatur, quia a principio recipiuntur omnes sub illa indifferentia, ut dictum est in numer. præcedenti, & postea vovent simpliciter obedientiam secundum constitutiones: ergo præceptum illud non excedit materiam talium votorum. Dices; ergo similiter ex vi siue regulæ, siue voti tenebitur admissus in coadiutorem temporalem acceptare gradum scholasticum, si ei assignetur; quod est contra superius dicta in n. 5. est tamen major ratio, quia admissio temporalium esse solet ad determinatum gradum, non sic scholasticorum.

Tempe-
ratur res-
ponſio.

10 Quamvis autem hoc in rigore speculativo verum videatur, vix potest moraliter venire in usum, nisi quando fortasse res a principio est dubia, & persona sub illa expressa, & specifica conditione recipitur, & sub eadem studiis applicatur, ut experimento constare possit quid expediat: tunc enim res est manifesta. Extra hunc vero casum moraliter non potest ea necessitas accidere; & ita non est in usu, quia revera est res humano modo difficilis, & potest semper alio suaviori modo componi; & ideo quidquid sit de absoluta potestate, ex vi voti iuxta primævam institutionem constitutionum, usus, & consuetudo moderata esse videtur hanc obligationem, ut solum intelligatur esse intra gradus ejusdem ordinis, quando a principio aliud in particulari non declaratur.

Questi-
cula 2.
circa can-
dem de-
claratio-
nem in n. 2.

9 Hinc vero facile expeditur illa dubitatio: an hæc obligatio extendatur non solum ad transitum a gradu scholarium ad alium ulteriorem, verum etiam ad mutationem inter ipsos ultimos gradus; responderetur enim a gradu professorum non posse fieri mutationem ad gradum coadiutorum, quia hoc non esset ulterius ingredi, sed retrocedere. Et quidem quatuor vora solennia semel emissa, nec minui possunt, nec fieri simplicia. Manifestum ergo est hanc mutationem non cadere sub tale votum: at vero e contrario coadiutor spiritualis potest ad professionem solennem admitti: quamvis enim raro fiat, sit tamen, & nullo jure Societatis prohibetur est, imo aliquando posse expedire, insinuat p. 3. Constit. c. 4. lit. F. Et merito, quia successu temporis potest vel ipse homo magis proficere in literis, & spiritu, vel talentum, & capacitas ejus experimento magis cognosci, & judicari utilis Societati in illo ulteriori gradu; ergo convenienter potest id fieri: consequenter igitur probabile censeo habere tunc locum obligationem huius voti, ita ut teneatur quis acceptare gradum professorum.

Obiectio.

12 Dices: jam ille implevit priorem promissionem ingrediendi Societatem; nempe quando vora coadiutorum emisit, jam ergo illa obligatio extincta fuit; per vora autem coadiutorum spiritualium non obligatur ad ulteriorem ingressum, nec de hoc sit ulla promissio, aut mentio: ergo nullo titulo durat talis obligatio. Respondetur primam promissionem ita fuisse impletam, ut tamen non videatur extincta, quamvis moraliter quasi extincta habeatur, quia regulariter hic transitus non conceditur, multoque minus rigoroſe exigitur, aut præcipitur: nihilominus tamen semper videtur manere

hoc jus apud superiorem, quia subditus absolute promissit ingredi Societatem in quocunque gradu superior vellet; ergo sicut a principio tenetur emittere professionem solennem, si ad illam immediate fuisset admissus, ita etiam postea: nam alius gradus interpositus non abstulit jus superioris, neque adæquate (ut sic dicam) explevit obligationem, sed solum quamdiu aliquid majus non exigitur: & ideo quando promissio illa ingrediendi Societatem exponitur de acceptando gradu, quem superior designaverit, non ita intelligitur, ut designato uno, non possit superior ulteriorem, si expedierit, designare, & exigere: hæc enim limitatio nec rationalis apparet, neque in illa declaratione insinuat: quæ melius intelligitur absolute de ingressu ad quemcunque gradum. Est ergo hæc resolutio probabilis, ac potestati religionis favorabilior, quamvis opposita non difficile defendi queat, performaturam in Societate extingui omnem obligationem transeundi ad professionem: aut a professione trium votorum ad professionem quatuor.

13 Tandem dubitari potest, quid necessarium sit, ut quis teneatur in conscientia acceptare, & quomodo in hoc possit graviter peccare; interrogari enim potest, an ad hoc necessarium sit, ut superior id præcipiat in virtute obedientiæ, & quidem videri posset hoc ita esse, quia regula generalis est, ordinationem superioris non inducere rigorosam obligationem in conscientia, præsertim gravem, nisi sub illa forma, vel alia æquivalente proponatur. Usus etiam videtur hoc confirmare, quia multi aliàs timorati, sine scrupulo peccati (quidquid sit de imperfectione) resistunt hujusmodi ordinationi. Nihilominus censeo in primis non esse necessarium proprium obedientiæ præceptum. Probatur, quia hoc votum distinctum est a voto obedientiæ: ergo potest per se obligare sine interventu obligationis voti obedientiæ. Imo ad hoc maxime fieri videtur: nam illo secluso dubium fortasse esse posset, an emittere nova vota sit materia prioris voti obedientiæ: ergo seclusa hac questione, & præcepto illius voti, potest exigi alterius promissionis observantia. Ut autem illa promissio obligationem suam inducat, necesse est, ut superior non solum facultatem præbeat, sed etiam exigat a subdito, ut suam promissionem impleat.

Questi-
uncula 3.
circa ean-
dem de-
claratio-
nem.

Resolvi-
tur.

14 Dupliciter enim potest scholaris invitari ad ulteriorem gradum; uno modo per modum gratiæ, ut sic dicam, ex voluntate superioris non absoluta, sed conditionata; quia nimirum hoc ei conceditur, tanquam favor religionis, in quo moraliter loquendo est subintellecta conditio, si velit illum acceptare, quia gratia non confertur in invitum: & tunc in rigore non obligatur ex voto ad acceptandum. Et ita possunt excusari a culpa gravi, qui recusant aliquem gradum sibi oblatum. Alio vero modo potest alicui injungi, ut gradum aliquem acceptet, exigendo ab illo voti sui obligationem: quod tunc fit, quodcumque superior, ex definita voluntate, & quasi decreto illum injunxerit, etiam si obedientiæ præceptum non imponat. Hæc enim duo longe diversa sunt. Ut si quis voveat dare alicui elemosynam, quoties ille voluerit, ac petierit, si solum petat ostendendo simplicem quandam affectum, & quod libenter illam accipiet, nondum obligabit votum, quia nondum est factis impleta conditio. At vero si definite & ex efficaci voluntate petat volens impleri, quod Deo promissum est, jam tunc urgebit obligatio voti, non quia petens imponat præceptum, sed quia implet conditionem, qua posita votum obligat. Ita ergo est in proposito; nam acceptatio requirit obligationem, seu donationem ex parte alterius, & in rigore dicitur habitudinem ad oblationem perfectam, quæ ex absoluta voluntate procedit. Et ita expresse statutum est in 7. Congr. decret. 32. cujus hæc sunt verba. *Censuit Congregatio, omnes vi 4. voti in Congregatione 5. explicati, teneri superiori certum gradum imponenti obedire, ita tamen ut rationes provinciales, ac patri nostro, consuetudo Societatis more proponere possint, quas scripto censuit proponendas, veram superiori illis examinatis in sententia persistenti, & certum gradum absolute statuenti, licet non addat obedientiæ præceptum, teneri unumquemque obedire, imperatumque gradum suscipere, ut si non fuerit obsecutus, censendus sit in malo statu esse, atque a sacramentorum usu, & administratione excludendus.*

Quando
censatur
scholaris
teneri aut
non tene-
ri ad ac-
ceptandum
gradum.


Diluitur.

Satisfactio
remove-
tur.

das. Ita enim similes promissiones moraliter & juxta communem usum intelliguntur. Dices: qui absolute promittit ingredi, videtur obligari, quoties janua ei aperitur, & ingressus permittitur, etiam si non cogatur, neque ab alio efficaciter moveatur, nam satis ab ipsa promissione movetur. Respondetur non esse dubium, quin promissio ingrediendi possit in hoc sensu fieri, ut pater in voto ingrediendi religionem, vel ingrediendi Ecclesiam ad orandum; tamen in presenti hoc votum non est ita absolutum, tum quia fit cum ordine ad voluntatem superioris, ac proinde recte explicatur de voluntate absoluta, & perfecta: tum etiam quia fit secundum constitutiones, ex quibus solum habemus obligari ad acceptandum eo modo, quo dictum est.


15 Ultimò ex dictis satis responsum est ad alteram partem dubitationis in principio propositam, quando sc. obliget hoc votum, & cur in eo determinatio temporis addita non fuerit. Ideo enim addita non est, quia neque in Bullis Pontificiis, neque in constitutionibus hujus religionis certum temporis spatium definitum est ad hujusmodi ingressum. Cur autem hoc tempus definitum non fuerit, dicemus l. 6. a principio, agentes de gradibus professorum. Obligat ergo hoc votum, ut dictum

est, cum primum conditio in eo inclusa impletur, scilicet, quod superior, qui potestatem habet, hujusmodi ingressum postulet efficaci voluntate; vel etiam dici potest obligare, quando Societas exigit jus suum: nam licet hæc promissio sit votum Deo factum, tamen per illud aliud jus acquiritur ipsi Societati, ratione cujus, & ratione etiam jurisdictionis, quam habet in subditum, potest non solum obligare, sed etiam cogere ad hoc votum implendum in eo gradu, quem Societas designaverit. Hæc vero obligatio ita intelligenda est ut urgere pro tali tempore, seu statim ac voluntas superioris intimatur, ut tamen moraliter id intelligendū sit: nam semper datur locus semel, aut iterum recurrendi ad eundem superiorem, & proponendi, si quid occurrerit: nam hoc significatur in constitutionibus citatis, & expresse habetur in 7. Congr. sup. cit. Et hæc est etiam intentio Præpositi, ut suavis ratio providentiæ & consuetudo interpretata fuit. Tutus autem in conscientia non solum ille non est, qui absolute resistit (ut dicta Congreg. satis expressit), sed etiam ille, qui adeo resistit, ut moraliter cogat superiorem ad voluntatem vel mutandam, vel suspendendam, ne fortasse subditum majori periculo exponat.



LIBER QUINTUS.

De scholasticis ac studiis Societatis JESU, tam domesticis, quam externis.

Libri ar-
gumen-
tum.

Actenus solum explicuimus statum hunc religiosum, quantum ad substantiam ejus, & quoad vincula votorum, quibus constituitur, & obligatur. Nunc priusquam ad alios gradus transeamus, dicere oportet de muneribus, & exercitiis hujus status, quæ & literaria esse possunt, & spiritualia. Priora sunt propria, & ideo de illis præcipue dicemus: posteriora magis communia sunt toti religioni, & de illis aliquid tactum est in 1. lib. c. præsertim 3. addemus vero hic aliqua, quæ videbuntur magis propria, & necessaria ad religiosam professionem hujus status explicandam. Literaria autem exercitia, & passiva, & activa considerari possunt, id est, vel ut ordinantur ad discendum, vel ad docendum. Priori modo pertinent proprie, & per se ad scholares Societatis; posteriori autem modo etiam assumuntur a Societate, tum ob suorum profectum; tum etiam ob externos, & quoscunque fideles, qui sacra doctrina indigent; & quia hæc duo omnino conjuncta sunt, de illis suo ordine dicemus.

CAPUT I.

Utrum status aliquis religiosus ad literas perdiscendas in Societate merito destinetur?

Error hæc
est in hac
quæst.

1 **Q**UORUNDAM error fuit, studium literarum alienum esse ab statu religioso, ut refert D. Th. opusc. 18. cap. 26. & opusc. 19. c. 11. Videtur enim hic error circa ejus tempora, seu D. Dominici exortus. Præcesserat enim error Wiclephi, qui generaliter studia Christianorum damnabat, contra quem aliqua infra attingemus c. 4. Hi vero impugnatores religionis licet non negarent studia secularium esse convenientia, dicebant tamen in statu religioso, vel esse illicita, vel certe non esse proportionata. Utrumque enim illi asseruisse videntur, quantum ex D. Thom. colligitur. Fundari autem potuerunt primo in antiqua consuetudine monachorum, de quibus Cassiodorus l. 1. Tripartitæ c. 11. ex Sozomeno l. 1. c. 12. sic ait: *Multiplicem scientiarum cognitionem, & argutam disserendi subtilitatem, veluti rem superuacaneam, & otium, quod in præstantioribus studiis ponendum est, sibi surripientem, & ad vitam recte instituendam nihil afferentem adjumenti, penitus contem-*

nunt. Et c. 13. idem Sozomenus referens D. Antonii vitam, & virtutes, addit, *litteras neque novit, neque magni aestimavit; sed puram mentem, utpote literis antiquiorem, & earum in ventricem laudavit plurimum.* Et Gregorius 2. dialog. in proœmio de B. Benedicto sic inquit: *Rome liberalibus studiis traditus fuerat, sed cum in eis multos ire per abrupta vitiorum cerneret, eum, quem quasi in ingressu mundi posuerat, retraxit pedem, ne se quid de scientia ejus attingeret, ipse quoque in immane precipitium totus iret. Despectis itaque literarum studiis, relicta domo, rebusque patriis, soli Deo placere desiderans, sanctæ conversationis habitum quesivit. Reversus igitur, scienter nesciens, & sapienter ignorans.* Et D. Basil. in regula 235. ex brevioribus, fere ad hanc questionem respondens, ait, *his, qui præsumunt convenire, ut scientiam habeant, de cæteris vero subiungit: unusquisque vero (memor verborum illorum Apostoli, non plus sapere, quam oportet sapere, sed sapere ad sobrietatem, unicuique sicut Deus divisit mensuram) quæ officii sunt studiose discat, & persequatur, neque curiose ulterius quidquam inquiret.* Hinc denique videtur dixisse Hieronymus ad Tit. 1. & refertur in c. olim d. 95. *Antequam in istum diaboli studia in religione fieret.*

2 Rationes ad hunc errorem suadendum esse possunt, primo, quia studia & tempus occupant, & mentem distrahant a propriis religiosorum institutis. Secundo, quia perfectio religiosa (ut ait Sozomenus supra) in bonorum numero non ducit ea, quæ inter vitium, & virtutem media sunt, quia non satis putat non esse malum, nisi hominem reddat bonum, & meliorem: at literarum studia inter media bona computantur; ergo. Tertio, quia religio fugit gloriam illam, quæ ab hominibus colligi solet, neque virtutem ostentat, sed exercet: at scientia per se inflat, & ostentationi magis, quam virtuti intervit: ergo. Quæ rationes cum generaliter probare videantur, hoc genus studii non esse admittendum in religioso instituto, multo magis videntur convenire non posse esse finem religiosi status: quia hoc modo magis repugnat debito ordini; ergo non recte est institutus in Societate peculiaris gradus religiosorum ad hunc finem literas addiscendi. Unde novissime Kemnitius hæreticus reprehensionem hanc contra Societatem exaggeravit, ut refert Payva de origine Societatis: & ideo Antiejuitam illum vocat Spenceus lib. 1. de continencia c. 5.

3 Certum nihilominus in primis est, studia literarum saltem sacrarum religioso statui maxime congruere. Hanc veritatem censco esse dogma fidei, quod D. Tho.

Una ra-
tio pro
eodem
errore:
Altera.

Tertia.

s. ejus
fundamē-
tum ab
authori-
tate seu
exemplis.

con-

confirmat ex illo Psalmi 118. *Bonitatem, & disciplinam, & scientiam doce me*: nam inde constat, non solum bonitatem, sed etiam scientiam, esse convenientem ad animæ perfectionem. Unde Iſaie 5. dicitur: *Propterea capivus ductus est populus meus, quia non habuit scientiam*. Et Oſeæ 4. *Contemnit populus, eo quod non habuerit scientiam: quia tu scientiam repulisti, repellam te*. Quamquam enim hæc loca, & similia exponi possint de scientia practica præceptorū Dei: tamen ad literā optime intelligitur de scientia, quæ opponitur ignorantia divinarum literarū, quæ radix est multorum vitiorum, & ideo Iſaie 3. ob peccata populi comminatur Deus: *Auferam de Jerusale, & Jude consiliarium, & sapientem de architectis, & prudentem eloquij mystici*. Unde Bern. serm. 36. in Cantica: *Non ignoro (inquit) quantum Ecclesie profuerint, & profint literati, sive ad refellendos eos, qui ex adverso sunt, sive ad simplices instruendos: legi: qui docti fuerint, fulgebunt quasi splendor firmamenti, & qui ad iustitiam erudiunt multos, quasi stelle in perpetuas eternitates. Denique legi, quia tu repulisti scientiam, & ego repellam te, ut non fungaris mihi sacerdotio*. Unde etiam Innocentius III. in cap. nisi cum pridem, de renuntiatione hæc eadem verba adducit, ut ostendat, scientiam esse Episcopo necessariam. Et ad idem propositum afferuntur in VII. Synodo cap. 2. & refertur in cap. omnes, d. 38. scientia ergo hæc per se maxime utilis est religioni & perfectioni ejus. Quod si talis scientia est utilis, non est expectanda a Deo per infusionem, id enim superstitiosum esset; neque etiam solo ingenio proprio, & labore querenda, id enim & præsumptuosum, & periculosum existeret; ergo illius studio & disciplinæ vacare opportuno tempore convenientissimum est.

4 Secundo ad hoc confirmandum adducit D. Th. opuscul. 19. c. 11. sententiam Hieron. in ep. 4. ad Rusticum: *Elabeto cellulam pro paradiso, varia Scripturarum poma decerpe, his utere deliciis, harum fruiere complexu*. Et infra: *nunquam de manu, & oculis tuis recedat liber, discatur Psalterium ad verbum, & infra: Ama scientiam Scripturarum, & carnis vitia non amabis; & infra: Ne ad scribendum cito prosilias, & levi ducaris in sania: multo tempore discere, quod doceas*. Deinde affert eundem Hieronim. ep. 103. ad Paulinum presbyterum: *Sancta rusticitas solum sibi prodest, & quantum edificat ex vite merito Ecclesiam Christi, tantum nocet, si destruentibus non resistat*; refertur in c. Sancta 2. q. 7. Afferre etiam possumus eundem Hieron. ep. 13. ad Paulinum Episcopum dicentem: *semper in manu tua sacra sit lectio; & infra: Audi mi cōserve, amice, germane, auscultā paulisper, quo in Scripturis sanctis calle gradiaris; totum, quod legimus in divinis libris, nitet quidem, & fulget etiam in cortice, sed dulcius in medulla est: qui edere vult nucleum, frangat nucem; & in reliqua parte epistolæ illum excitat ad hoc studium: & concludit: nihil in te mediocre esse contentus, sis totum summum, totum perfectum desidera*. His addi possunt, quæ de hac scientia Scripturarum, quatenus religiosi & monachis necessaria est, tractat Cassianus collat. 14. c. 8. usque ad finem. Item quæ de antiquis monachis referunt historici, quod nimirum lectioni Scripturarum assidue vacabant, ut de religiosi in Ægypto, & de Essæis Christianis refert Eusebius li. 2. historiæ c. 16. ex Philone li. de vita contemplativa. Et de antiquis monachis S. Benedicti, idem refert Trithemius li. de viris illustribus illius ordinis c. 6.

5 Tercio possumus etiam ratione hoc convincere. Nam studium, præsertim sacrarum literarum, de se bonum est, & honestum, & ad perfectionem vitæ tam activæ, quam contemplativæ est necessarium: ergo maxime accommodatum est religioso statui. Major patet, quia scientia per se, est perfectio maxime consentanea naturæ hominis, & ideo etiam propter suam perfectionem appeti honeste potest: quia velle convenientem naturæ perfectionem, & quasi ornamentum, per se bonum est; id est, secluso pravo fine, vel alio accidentario periculo morali, vel impedimento necessarij boni: hæc enim extrinseca sunt, & in religionis statu facile vitari possunt. Quod si hæc vera sunt de scientia ex genere suo, inulto magis de scientia Dei, & earum rerum, quæ ad ipsum pertinent, cum felicitas hominis in hac cognitione consistat, vel ab illa maxime pendeat, juxta verbum Christi Joannis 17. dicentis: *Hæc est vita aterna, ut cognoscant*

te solum Deum verum, &c. Appetere autem propriam beatitudinem, & studere illi acquirendæ, pro hujus vitæ capacitate optimum est. Et hinc facile probatur minor. Nam in primis contemplatio in divinæ veritatis consideratione consistit, quæ sine prævia lectione, & studio vel haberi non potest naturaliter, vel non sine periculo erroris; & ideo Patres omnes de vita contemplativa tractantes ante omnia docent assiduum lectionem, & studium ad illam esse necessaria, & has ponunt inter partes vitæ contemplativæ, ut supra in lib. 1. c. 6. n. 7. hujus partis vidimus. Unde Hieronym. ep. 103. *Oro (inquit) te frater charissime, inter hæc vivere, ista meditari, nihil aliud nosse, nihilque aliud querere. Nonne videtur tibi jam hic in terris regni cœlestis habitaculum: ex quo (ait D. Th. dict. c. 11.) patet, quod cœlestis conversatio est in studio sacre Scripturæ commorari*. Nec minus necessaria est ad perfectionem hujus partis vitæ activæ, quæ circa spirituales actiones, & salutem proximorum versatur, ut per se satis patet, magisque constabit ex sequenti assertionem.

6 Dico secundo in statu religioso, cujus finis est non solum contemplari, sed etiam contemplata aliis tradere, necessaria est non vulgaris scientia, sed perfecta rerum omnium, quæ ad fidem, & mores pertinent, ac proinde necessarium etiam est, ut religiosi hujusmodi scientiæ perfecte acquirendæ in tali statu religioso incumbant. Prior pars adeo est evidens, ut non egeat probatione. Quia nemo potest alios docere, si ipse ignorans sit: quomodo enim poterit mentes illuminare, qui in tenebris versatur, aut hæreticis resistere, aut rationem ejus, quæ in nobis est, fidei reddere, aut morales difficultates occurrentes dissolvere, & omnibus satisfacere, nisi in utraque Theologica doctrina, positiva, & scholastica; speculativa, & morali satis instructus sit. Confirmat hoc D. Th. ex illo 1. ad Timotheum 4. *Dum venio, attende lectioni, exhortationi, & doctrinæ*; nam dictio illa, *lectioni*, passive (ut sic dicam) & non active intelligenda est, id est non ad fructum aliorum, hoc enim ad doctrinam pertinet, sed pascendo reipsum, ut recte ibi adjunxit Cajetanus, & Theophylactus ibi recte colligit. *Si Paulus Timotheum jubet incumbere lectioni Scripturarum, quid nos posthac facere decet? Et addit: Quin etiam ipse Paulus ad finem usque vite sue, legendis sacris incubuit, quia & alios ad illud studium cohortabatur*. Ac denique D. Thomas ex hoc patere concludit, quod exhortari, & docere volentibus necessarium est lectionis studium, & affert illud Gregorii in Pastoralis p. 2. c. ult. *Necesse est, ut qui ad officium predicationis excubant, a sacra lectionis studio non recedant*. Per lectionem autem in his, & similibus locis intelligi debet omne studium doctrinæ sacræ ad Ecclesiasticum, seu religiosum munus necessarium, vel accommodatum ad exhortandos, vel docendos proximos in rebus omnibus ad fidem, & mores eorum pertinentibus. Sic enim, & non aliàs explere poterit minister Evangelicus in omni materia præceptum Apostoli ad Titum 2. *tu loquere, quæ decent sanam doctrinam*.

7 Et hinc facile probatur altera pars, supponendo duo certa, & moraliter necessaria; unum est, non posse in hujusmodi religione recipi omnes viros proventus, & in divinis literis sufficienter instructos ad exhortandum & docendum alios: quod ipsa experientia satis constat, & in superioribus lib. 3. c. 1. n. 2. tactum est, & in constitutionibus Societatis, & Bullis Pontificiis in speciali est adnotatum, ut ibidem diximus. Aliud est, hujusmodi doctrinam, seu scientiam non esse a Deo miraculose petendam, & expectandam: non enim sunt hæc signa, aut extraordinaria opera nunc Ecclesiæ necessaria, sed labore & industria, cum divina gratia comparanda est, juxta illud Hieronymi epist. 4. ad Rusticum. *Hæc dico, ut etiam si clericatus te titillat desiderium, discas, quod possis docere, & rationabilem hostiam offeres Christo, ne miles antequam tyro, nec prius Magister sis, quam discipulus*. Et infra: *Multo tempore discere, quod doceas*. Sic etiam dixit Innocentius I. in epistola 12. & habetur d. 6 r. cap. 4. *Miserum est eum magistrum fieri, qui nunquam discipulus fuit*. Quod etiam habet Boetius in lib. de disciplina scholasticum c. 2. & ad hoc propositum expendit Theophylactus verbum illud Pauli ad Timotheum: *Dum venio, attende lectioni*, dicens: *Addit ei animum per hoc, quod dicit: Dum venero, spem faciens ei venturum præceptorem*. Verisimile enim erat, eum, qui præceptore or-

2. Assertio bipartita.

Prior pars ostenditur.

Pro posse, prior ostendenda supponitur duo.

batus esset,Paulum requirere. Cujus autem rei gratia dixit; Dum venio: par erat cum ipse juvenis esset multa ignorare, egereque eum presentia Pauli, ut hoc disceret. At itaque: Interea dum venero, lege Scripturas, & inde habebis, ut fieri potest, legilationes, & praecepta: postquam autem videro, ego tibi suggeram reliqua. Quam ponderationem videtur Theophylactus sumpsisse ex Chrysostomo, qui hom. 13. brevius eam insinuavit, dicens, circa idem verbum: Dum venero; providentissime profecto id posuit, solaturque discipulum: fieri enim necessario debuit, ut desertum se ac parente destitutum putaret, nisi ille suum polliceretur adventum. Quibus adjungere possumus, quæ paulo inferius idem Chrysostomus addit: *Ista profecto Timotheo dum loquitur, omnes salubriter admonet, quod si hic, qui mortuos excitabat, hæc monita edidit, quid nos jam miseri disciturus sumus?* Si ergo Timotheus indigebat doctore, & disciplina, quid mirum est, quod religiosi, præsertim illi, qui futuri sunt ministri Evangelii, doctore, studio, ac disciplina indigeant?

Concluditur jam posterior pars assertio- nis.

8 Ex his ergo duobus principiis evidenter concluditur, optimum esse religiosam juventutem studiis literarum sacrarum incumbere: quia ad omnem finem ipsius religionis necessarium est; & aliunde nulla ex parte repugnat perfectioni talis status, ut jam tactum est, & respondendo ad objectiones confirmabitur. Additque D. Thomas hujusmodi juventutem esse aptissimam ad profectum in hujusmodi literis, eo quod a carnalibus affectibus, & secularibus curis maxime sit separata juxta illud Isai. 28. *Quem docebit scientiam, & quem intelligere faciet auditum: ablatus a lacte, & avulsos ab uberibus.* Propter quod Bernardus ep. 108. reprehendit quendam, qui religionis ingressum differebat, ut in seculo studiis vacaret. *Falleris (inquit) si te putas invenire inter mundi magistros, quam (scilicet scientiam) soli Christi discipuli, id est, mundi contemptores Dei munere assequuntur.* Et adducit illud Osee 10. *Seminate vobis ad justitiam, metite spem vitam, illuminate vobis lumen scientiae.* Et subdit: *vides, quia non recte proceditur ad lumen scientiae, nisi germen justitiæ præcedat ad animam, ex quo formetur granum vite, & non palea gloria.* Quid ergo: nondum tibi ad justitiam seminasti, nondum spei manipulos metuisti, & veram te presumis sectari scientiam? nisi forte pro vera supponatur illa, quæ inflat. Ubi licet de scientia spirituali, & practica præcipue loqui videatur, non tamen excludit quæcumque scientiam, præsertim rerum divinarum. Locus autem Osee, quem adducit, in vulgata nostra non habet illa verba: *Illuminate vobis lumen scientiae*; sed relata sunt juxta LXX. in vulgata vero loco illorum sunt hæc: *Innovate vobis novale.* Hieronymus autem ibi in eandem sententiam a Bernardo intentam utramque lectionem accommodat: novale enim agrum significat denuo ad culturam accommodatum, ut exposuit Pontifex in c. *quid per novale*, de verb. signif. Metaphorice ergo significat animam, a qua spinæ, & radices peccatorum, ac vitiorum eradicatæ sunt, quæ apta est ad spirituale culturam, & similiter ad scientiæ profectum, ut exposuit etiam idem Bernardus sermone 37. in Cantica, & Orogenes tract. 12. in Matth.

3. Affer-
t o.
Proba-ur
ex Pont-
ficib.

9 Dico tertio, convenientissime in Societate institutum esse primum religiosorum gradum, ut in eo studiis vacetur. Hoc in primis satis constat ex approbatione Pontificum, & ex tota ratione instituti in 1 lib. a nobis declarati. Ita enim sunt duo hi gradus scholarium, & professorum in hac religione instituti, ut prior ad posteriorem ordinetur: ergo finis proximus, & intrinsecus, ut sic dicam, illius prioris status est disponere personas, easque capaces reddere, & aptas ad posteriorem statum. Hæc autem dispositio in duobus maxime consistit, in virtute scilicet, & doctrina, juxta illud Pauli 1. ad Timoth. 4. *Attende tibi, & doctrina.* Ex quibus institutio, & exercitium virtutis statim a principio religionis, & novitatus, incipit, & ad illius studium, & disciplinam specialiter tempus secundæ probationis ordinatur, nam exercitium, & profectus ejus, toto vitæ tempore durare debet, & tempore etiam studiorum peculiaris ejus rei cura conservatur, & in ultima probatione renovatur, ut in sequenti lib. c. 1. & 2. videbimus. Merito ergo literarum studium primum est tanquam proprium munus atque id, ut tanquam proximus finis hujus prioris gradus: unaquæque enim res esse dicitur propter suam

operationem. Quin potius D. Thom. dict. artic. 5. quæstione 188. 2. de tota aliqua religione (& videtur tacite de sua loqui) dicit recte institui ad studia literarum: multo ergo facilius hic nos dicere possumus de inferiori quodam gradu totius religionis: est tamen proportionalis diversitas: nam tota religio non ordinatur ad studia literarum, tanquam ad suam actionem, vel ad æquatam, vel præcipuam; sed tanquam ad actionem secundariam, quæ sit medium ad alias præcipue intentas; quidam autem gradus religiosorum proficientium in eo statu, qui solum constituit quandam partem unius religionis, recte ad illam actionem, tanquam sibi ad æquatam, vel præcipuam (scilicet post generalem curam propriæ perfectionis spiritualis) ordinatur. Hoc enim genus actionis, licet ordine intentionis posterius sit respectu totius religionis, ordine executionis necessario debet esse prius: optime ergo primus religionis gradus circa illud occupatur. Quomodo autem nihil alienum a perfectionis instituto hic ordo contineatur, ex solutionibus argumentorum constabit.

10 Ad fundamentum ergo contrarii erroris, primum negatur assumptum universaliter intellectum: ostendimus enim antiquissimos etiam religiosos studium literarum plurimum coluisse: fateamur autem hoc studium non esse singulis necessarium ad propriam perfectionem: sunt enim diversæ viæ ad perficiendas animas, quibus Spiritus sanctus utitur, nam ob eam causam inter alias Ecclesia dicitur, *circumdatur varietate*; & ideo quod Benedictus, vel Antonius, vel alii innumeri sancti monachi studiis non vacaverint, non ideo est, quia religionis hoc studium noceat (hoc enim est ex puris particularibus argumentari,) sed quia aliud vitæ genus professi sunt, ad quod tam accuratum studium necessarium non erat, sed illud quod ad rectos mores proprios instituendos & ad divinam contemplationem sine errore exercendam sufficeret: quod illis non defuisse omnino credendum est: oportet ergo quoad hoc multum distinguere inter monachale institutum, & mendicantium, (ut generatim loquar) nam in hoc posteriori, studia sunt multo magis necessaria, eo quod ad iuvandos proximos ordinetur, ut dictum est. Unde quo mendicans religio perfectius hunc finem participaverit, eo pluribus literis & studiis indigebit.

11 Ita ergo facile responsum est ad priora exempla. Testimonium autem Basilii potius nostram intentionem confirmat, tum quia dicit unumquemque religiosum debere studiose discere, quæ sui officii sunt: religiosus ergo, qui tendit ad officium ministri Evangelici debet accurate discere, quæ ad illud officium spectant, quod sine magno literarum studio fieri non potest. Tum etiam, quia hoc ipsum confirmat Basilius, dicens: *cui aliorum rectio commissa sit, cum, quæ apud omnes scripta sint, scientia comprehensa habere, ac dicere debere*: quod nos plane dicere possumus de quocumque sacerdote Societatis: nam licet munus Rectoris non habeat quoad jurisdictionem, participat illud quoad doctrinam, & instructionem aliorum: propter quam scientia est necessaria, cum doceat (sicut Basilius subjungit) *cunctos, multiplicem Dei voluntatem singulis præmonstrando officio suo.* Testimonium autem Hieronymi similiter refertur: nam ibi per studia non intelligit Hieronymus studia literarum, sed affectiones varias, ut D. Thomas recte exposuit, & ex contextu patet, qui sic habet: *Antequam diaboli instinctu studia in religione fierent, & diceretur in populo: ego sum Pauli, ego Apollo, ego autem Cepha, &c.* sic Virgilius.

Scinditur incertum studia in contraria vulgus.

12 Ad primam rationem duo in ea dicuntur, scilicet studia occupare tempus, & mentem distrabere. Prius fateamur non de toto, sed de magna parte temporis: cum ea enim moderatione in religione assumitur, ut suum proprium ac sufficiens tempus altioribus religionis operibus reservetur. omnia enim tempus suum habent, & religionis status ita omnia disponit, & ordinat (ideo enim ordo vocatur) ut tempora non confundantur. Unde 1. regula Societatis ex communibus, quæ desumpta est ex p. 4. constit. c. 3. sic habetur: *singuli præfinitum sibi tempus suæ conscientie bis in die examinande, orationi, meditationi, lectionique spirituali impendant*; & cetera, quæ sequuntur: atque hoc modo, illa temporis occupatio nihil officii religionis perfectioni. Nec præterea tempus illud, quod

Ad fundamentum hæres. in D. 1.

Ad locum Basilii in eodem a. 1.

Ad primam rationem in nom. 2. quoad 1. de occupatione temporis 2.

quod studiis impenditur, sine spiritali profectu consumitur, cum totum illud studium magnum Dei obsequium sit, tum ratione finis, ad quem ordinatur, tum ratione charitatis, & obedientie, a quibus proficiscitur, ut expresse habetur in 1. & 2. regul. scholasticum Societatis, sumptis ex constit. p. 4. cap. 6. Alteram partem de distractione simpliciter negamus, quia animæ distractio in deteriore partem sumitur; studia autem, quantum est ex se (quidquid sit vitio, aut fragilitate personæ) non distrahunt mentem, quominus de Deo, vel de re aliqua honesta propter Deum cogitet: ergo non distrahunt, sed potius colligunt mentem, & solent esse medium ad pravas cogitationes impediendas, & consequenter impediunt carnis concupiscentias, & alia infima desideria, ut D. Thom. dict. art. 5. declarat.

13 Dices impedire saltem actualem cogitationem, vel contemplationem de Deo. Respondeo; si hoc incommodum afferant pro illo eodem tempore, pro quo Deo vacandū est, non id oriri ex ipsis studiis, sed vel ex nostro inordinato affectu, aut negligentia, vel aliquando ex naturali conditione, & fragilitate: non ergo ob eam causam studia relinquenda, aut reprehendenda sunt, sed moderanda affectio, & circa spiritalia adhibenda diligentia, & cum divina gratia difficultas illa superanda, quæ multo magis oriri solet ex aliis curis, & phantasiis, & cogitationibus aliarum rerum. Si autem dicatur studium hoc impedimentum afferre pro eo tempore, quo studendum est, absolute loquendo, nullum id est inconveniens, tum quia non est mortalis conditionis semper actu cogitare de Deo, & post ipsum nihil melius cogitari potest, quam quæ ad sacram doctrinam pertinent; tum etiam quia, ut dicebam, cogitare de rebus aliis propter Deum virtute est cogitare de ipso, sicut dixit D. Thom. 1. p. q. 64. art. 1. ad 3. cognitionem rerum in propria natura, quando refertur ad laudem creatoris, habere aliquid de luce divina, & posse dici cognitionem vespertinam, quam boni Angeli habent. Tum denique, quia mens religiosa nunquam ita literarum studiis absorbetur, etiam illis temporibus, in quibus eis vacat, quin ad Deum sæpe recurrat, nunc intentionem in illum renovando, nunc auxilium, & lumen petendo, nunc vero de veritatis intelligentia gratias agendo.

14 Ad secundam respondetur, literarum studia per se spectata, vel per se tantum assumpta, inter mediocria bona computari, & ideo sic sumpta non magni æstimationis religiosa; at vero sumpta, ut instrumenta virtutis, & actionum omnium, quæ ad salutem animarum ordinantur, non esse inter mediocria, sed inter magna bona computanda: participant enim bonitatem finis, ad quem ordinantur. Accedit, quod studium rerum sacrarum, de quo præcipue agimus, non ita est ex mediocribus bonis, ut aliquid ex objecto indifferens reputandum sit: nam revera est ex objecto honestum, quia cognitio, quæ per illud inquiritur, est perfectio per se maxime consentanea supremæ hominis inclinationi, vel etiam naturali inclinationi gratiæ: nam cognitio, de qua agimus, ex principiis supernaturalibus procedit, & ad perfectionem fidei spectat, quæ non potest dici ex mediocribus, sed ex maximis bonis.

15 Unde facile respondetur ad tertium: negamus enim scientiam per se repugnare humilitati religiosæ. Ut enim dixit D. Thom. 2. 2. q. 167. art. 1. *Ipsa veritatis cognitio per se loquendo bona est: potest autem per accidens esse mala ratione alicujus consequentis: vel in quantum aliquis de cognitione veritatis superbit, vel in quantum homo utitur cognitione veritatis ad peccandum.* Cōstat autem ex dictis studium non sumi a viris religiosi gratia ostentationis, aut vanæ æstimationis; & ideo nihil repugnare modestiæ religiosæ: quod si qui motus contrarii insurgant, accidentarii sunt, & divina gratia vinci possunt. Adde non semper esse reprehensibile in religioso aliquid interdum facere ad eruditionis & profectus in literis ostentationem: quæ tamen non in sola ostensione ad aliorum tantum opinionem aucupandam sistat, hæc enim vana ostentatio esset, sed ad eundem finem salutis animarum referatur; nam, ut August. dixit lib. de Bono viduitatis c. 22. *Nobis necessaria vita nostra; aliis fama nostra.* Et serm. 49. ex divitis, qui est primus de communi vita clericorum, *conscientia tibi, fama proximo tuo.* Ad conciliandam ergo auctoritatem ne-

Suarez Tom. XV.

cessariam doctrinam ostentare a religioso statu alienū non est: Nam etiam ad Timoth. ajebat Paulus 1. e. 1. c. 4. *hec meditare, in his esto, ut profectus tuus manifestus sit omnibus.* Ubi Chrysost. videtur (inquit) ut in hoc quoque illum magnum fieri velit, atque mirabilem; ex quo scilicet Ecclesiæ commoda provenire sciebat; & ideo vult profectum manifestari omnibus non modo in vita rectitudine, ac sanctimonia, verum in sinceritate atque ubertate doctrinæ. Atque hinc etiam constat, quomodo ad hujusmodi studia gradus aliquis religiosus ordinari convenienter poterit.

CAPUT II.

Utrum literarum humaniorum, linguarum, ac liberalium artium, studium, & peritia religiosi Societatis conveniens sit.

1 Impugnatores religionis tempore D. Thom. multo magis hoc studium inferiorum artium in religiosis damnabant: dicebantque (ut D. Thom. significat) magis pertinere ad prædicatores Antichristi, quam Christi, quos describit Apostolus 2. ad Timoth. 3. de quibus inter alia, ait: *semper discites, & nunquam ad scientiam veritatis pervenientes.* Ubi tacite reprehendit eos, qui profanas artes discunt, per quas nunquam ad veritatem doctrinæ facere cognoscendam perveniunt. Et ideo subiungit: *Tu autem assequutus es meam doctrinam;* & infra: *Tu vero permane in his, quæ didicisti, & credita sunt tibi, sciens a quo didiceris, & quia ab infantia sacras literas nosti, quæ te possunt instruere ad salutem.* Quasi dicat, hæc doctrina tibi sufficit; aliæ vero literæ, quæ ad salutem hominem non instruunt, superflue sunt: propter quod idem Paulus 1. ad Corinth. 1. sapientiam hujus mundi vocat stultitiam, & ad Coloss. 2. Philosophiam inanem, atque fallacem appellat. Unde etiam Julianus Apostata apud Cyrillum lib. 7. contra illum, sic argumētabatur contra Christianos his scientiis vacantes. *Quare vos disciplinarum, quæ apud Græcos sunt, conviva estis; siquidem vobis vestrarum Scripturarum lectio sufficit, cum melius sit ab illis homines arcere, quam ab idolohytorum cibis.* Adde etiam in jure Canonico prohiberi clericis discere non solum leges, sed etiam physicas disciplinas c. 2. ne clerici vel monachi in 6. cap. non magis, extra eod. tit. & in Conc. Carthag. IV. c. 16. prohibentur Episcopi Gentilium libros legere, & habetur 37. J. c. 1. ubi per multa sequentia capita referuntur testimonia Patrum reprehendentium hujusmodi studia in Ecclesiasticis viris, præsertim cap. 5. ex Hieron. supra ad Epist. 6. arguuntur Episcopi, qui filios suos in secularibus disciplinis erudiunt. Et in c. omnem dicitur hæreticos præcipue studere Dialecticæ, & subiungitur: *sed non in Dialectica complacuit Deo salvum facere populum suum.*

2 Dicendum vero est linguarum, & liberalium artium eruditionem maxime necessariam esse operariis Evangelii; nec religioso statui repugnare; & ideo merito scholares Societatis diligenter in his doctrinis oportet erudiri, priusquam doctrinæ sacræ in Theologia scholastica, vel Scripturæ divinæ interpretationi, aut intelligentiæ incumbant. Res est satis clara, & certa. Quæ probari potest primo, ex antiqua Patrum traditione. In primis Clemens. 1. epist. 5. de communi vita ad discipulos, quæ habetur in c. relatum, d. 37. ad præsens institutum accommodatissima est; dirigitur enim ad religiosos, quos peculiariter vocat discipulos, seu condiscipulos; hosque primum ad paupertatem, & obedientiam hortatur; deinde ad Scripturarum intelligentiam, quam non proprio sensu, sed secundum traditionem Patrum & consonantiam locorum ejusdem Scripturæ interpretandam esse dicit. Tandem vero subiungit: *cum enim ex divinis Scripturis integram quis, & firmam regulam veritatis susceperit, absurdum non erit, si aliquid etiam ex eruditione communi, ac liberalibus studiis, quæ forte in pueritia attigit, ad assertionem veri dogmatis conferat, ita tamen, ut ubi vera didicit, falsa & simulata declinet.* Hinc etiam Eugenius Papa in cap. de quibusdam, d. 37. ordinavit, ut in omnibus Episcopatibus constituerentur Magistri & Doctores, qui studia literarum, liberaliumque artium dogmata assidue doceant. Et subiungit rationem notandam: *quia in his maxime divina manifestantur, atque declarantur mandata.*

3 Atque ita observasse omnes antiquos Ecclesiæ Doctores

Pars negans suadet ex Paulo.

Secunda arguit Julianum Apostatam.

Tertia arguitur ex jure.

Adversio affirmativa triparsita.

Prima pars probatur primo ex Patribus.

Quoad 2. de distractione.

Instantia removeatur.

Ad 3. rationem in eodem nu. 3.

Ad 3. ibid.

Actores ex historiis, & ex ipsismet facile intelligitur. Nā etiam Paulus non dedignatur aliquid de prophanis auditoribus, suis dictis, vel scriptis inserere, ut pater Act. 17. 1. ad Cor. 15. ad Titum 1. quæ loca ad hoc propositum observavit Hieronym. ubi etiam intelligit illud Prov. 1. *Animadvertite parabolam, & interpretationem, verba sapientum, & ænigmata eorum.* Et addit Hieronym. *quæ proprie Dialecticorum, & Philosophorum sunt.* Et inferius ad hanc rem accommodat ritum accipiendi mulierem captivam in uxorem; Deut. 21. tradendo caput, supercilia, pilos, & ungues corporis amputando. Et subiungit: *Quod ergo mirum, si & ego sapientiam secularem propter eloquiū venustatem & membrorum pulchritudinem, de ancilla, atque captiva Israelitidem facere cupio?* Et infra: *labor meus in familiam Christi proficit.* Quod deinde confirmat exemplo Origenis, Methodii, Quadrati, Aristidis, & aliorum multorum, tam Græcorum, quam Latinorum. Et concludit: *Qui omnes in tantum Philosophorum doctrinis, atque sententiis suos referunt libros, ut nescias, quid in illis primum admirari debeas, eruditionem seculi, an scientiam Scripturarum.* D. etiam August. in libris de doctrina Christiana ex professo ostendit, quam sint necessariae huiusmodi artes ad sacram Scripturam intelligendam, præsertim lib. 2. Et in summa tria dicit esse necessaria; signorum intelligentiam, rerum cognitionem & dubiorum ac difficultatum expeditionē. Ad primum confert linguarum notitiā; ad secundum juvant Philosophia, & Mathematicæ, in tertio modum, & magnum lumen præbet Dialectica: supposuerat autem lib. 1. cap. 1. duo esse necessaria in omni tractatione; scilicet modū inveniendi, quæ intelligenda sunt, & modum proferendi, quæ intellecta sunt, & ideo præter illa tria, quæ ad intelligentiam necessaria sunt, ad proponendi modum in lib. 4. requirit eloquentiam, non ut simpliciter necessariam, sed ut valde utilem, & ut cum debita moderatione usurpetur; quod de Dialectica, & de cæteris artibus intelligendum, ut ipse late prosequitur lib. 2. cap. 35. & seqq. Quomodo etiam dixit optime Clemens Alexand. lib. 6. Stromat. nu. 2. versus finem: *vitandus est multus, & plane inutilis abusus, qui consumitur in iis, in quibus non oportet, eo, qui est cognitione præditus, utente disciplinis tanquam præexercitationibus, quæ adiuvantium causarum instar habeant, & ad accuratam veritatis traditionem, quatenus id potest assequi, nec ab eo potest divelli, & ad propulsandas artificiosas rationes, quæ improbe moluntur excindere veritatem, non relinquit erga ea, quæ promovent ad eas, quæ sunt in orbe disciplinas, & Græcam Philosophiam, sed non principali ratione, sed ea, quæ est necessaria & secunda, & derivatur a circumstantiis.* Et paulo superius optime concluderat: *Per consequentiam ergo his quoque attendit, quæ exercent ad cognitionem, sumens ex unaquaque disciplina id, quod confert ad veritatem.* Et postea late prosequitur per singulas liberales artes discurrendo, earumque utilitatem attingendo: adducitque exemplum Abrahæ, qui in Astrologia, & Astronomia peritus fuit, eisque ad veritatis cognitionem optime est usus; sicut etiam de Moyse dicitur Act. 7. quod eruditur erat omnia sapientia Ægyptiorum, quod non sine peculiari Dei providentia factum est, ut eos confunderet, a quibus eruditus est, ut Theophylactus ibi indicavit. Hinc denique Nazianz. orat. 20. quæ est funebis in Basilium: *Illud (inquit) inter sanæ mentis homines constare arbitror, eruditionem inter humana bona principem locum tenere, non de hac nostra solum, ac nobiliori loquor, quæ contempto omnis sermonis lepore atque ornatu salutis, atque earum rerum, quæ ratione, atque animo intelliguntur, pulchritudini ætissime hæret; sed etiam de externa, quam plerique Christiani pravo quodam iudicio, ut insidiosam, & periculosam aspernantur.* Quod late prosequitur & variis exemplis declarat.

4. Ex his ergo sufficienter convincitur, totam hanc eruditionem humanā, debita intentione, ac moderatione sumptam Doctore Evangelico esse valde utilem, ac moraliter necessariam, quæ erat prima pars assertionis. Quod autem religioso itatui non repugnet, quæ erat secunda, eisdem exemplis, & rationibus convinci potest. Hieronymus enim, & Augustinus religiosi fuerunt, qui ubique summam eruditionem in his literis ostendunt. Idem dicere possumus de Athanasio, Basilio,

Nazianzeno, & similibus. Ratio etiam id convincit: quia finis, propter quem hæ scientiæ quærentur, optimus est, & in perfectissimo statu religioso necessarius, ut sepe est ostensum. Medium etiam hoc & per se bonum est, quia est perfectio intellectus, & veritatum naturalium cognitio; & quatenus medium quoad multa valde utile, quoad aliqua vero, etiam necessarium est ad dictum finem. Est enim necessaria saltem Latine linguæ sufficiens cognitio, & Dialecticæ & Philosophiæ mediocris eruditio: sine his enim nullus nisi temere, & imperite ad Theologiam accedere potest. Ad eam vero exacte comparandam linguarum cognitio, & peritia omnium artium, præsertim vero Dialecticæ, Philosophiæ, & Metaphysicæ exacta comprehensio utilissima est. Hinc Clemens V. in Clem. 1. de statu Monach. §. penult. inter alia, quæ ad ampliationem cultus divini statuit, unum est; *Ut in singulis monasteriis, quibus ad hoc suppetunt facultates, idoneus teneatur Magister, qui eos (id est, Monachos) in primitivis scientiis instruat diligenter.* Per primitivas autem scientias sine dubio intelligit eas, quæ ad divinam Theologiam præambule sunt; ideoque rationem adiungit *ut monachis proficiendi in scientia via opportuna non desit;* cui consonant c. quia nonnullis, de Magistris, ubi Grammatica etiam doceri præcipitur, *ne opportunitas proficiendi subtrahatur.* Unde etiam Trithemius dicto lib. de viris illustribus S. Benedicti cap. 6. refert antiquissimam consuetudinem illius sacri ordinis fuisse juniores fratres disciplinis scholasticis instituere, ut Rhetorica, Dialectica, Arithmetica, Philosophia, & alijs, quibus sufficienter instructi ad sacram Scripturam introducerentur. Quod si in religionibus monasticis hæc consuetudo probata fuit, multo magis in illis, quæ ad spiritualia ministeria proximorum instituta sunt, ut recte concludit D. Thomas dict. Opusc. 20. cap. 11.

5. Ex quibus nos a fortiori concludimus tertiam assertionis partem *religioni Societatis necessariam fuisse omnino hanc institutionem:* id vero constat ex dictis lib. 1. cap. 2. de fine huius religionis: nam inter omnes, quæ ordinantur ad salutem proximorum, sine dubio excellit in modo, & præcipua intentione quærendi salutem animarum, ad quem finem tria principalia munia assumit, scilicet propagare Ecclesiam inter infideles, & quascumque remotissimas nationes, defendere illam ab hæreticis, & impugnatoribus pro eorum simul reductione laborando: exhortari, & docere ipsos Catholicos ad eorum sanctificationem, & omnem perfectionem quod fieri possit cooperando. Unde fit, ut hæc religio peritia linguarum, & totius Philosophiæ ac Metaphysicæ indigeat, non solum propter Theologiæ, & sacræ Scripturæ intelligentiam, sed etiam ut alijs modis ea peritia utatur in fidei obsequium.

6. Nam peritia linguarum hoc tempore maxime necessaria est ad resistendum hæreticis, & eorum perulantiæ retundendam: aliquarum etiam linguarum cognitio ad seminandam fidem inter Paganos, & Gentiles maxime necessaria est. Unde sicut Spiritus sanctus ob hanc præcipuam causam primis Evangelii prædicatoribus tribuit linguarum donum, ita quando illa signa cesserunt, religio, quæ illud munus participat, debita diligentia & industria lingue instrumenta præparare, & quoad fieri possit, universale efficere debet: quod sine peritia linguarum non fit. Hoc ratione utitur Pontifex in Clem. 1. de Magis, dicens: *Illius, cujus vicem interris gerimus, imitantes exemplum, qui ituros per universum mundum ad evangelizandum Apostolos in omni linguarum genere fore voluit eruditos, viris Catholicis peritia linguarum habentibus, quibus utuntur infideles; præcipue abundare sanctam affectum Ecclesiam, qui infideles ipsos sciunt, & valeant sacris institutis instruere.* De qua re videri potest Ludov. Gomez. super regulas Cancellariæ, reg. De idiomate, q. 1. ubi hoc ipsum argumentum recte prosequitur dicens, quam sit necessaria ad fidei propagationem linguarum notitia, illarum præcipue quæ apud infideles frequentiores sunt. Philosophiæ etiam necessaria est huic religioni, non solum ad Theologiam sibi acquirendam, sed etiam ut per eam præpararet viam ad tractandam cum Gentilibus fidem, convincendo eorum errores, & naturales veritates de Deo evidenter demonstrando: hunc enim morē antiqui

Tertia pars assertio suadet ex fine Societatis

Quibus de causis peritia linguarum Societatis necessaria

Quibus item philosophia

patres, & Ecclesiæ rectores observarunt, ut constat ex Augustino in libris de Civitat. Dei, Eusebio in libris de Præparatione, & demonstratione Evangelica, Justino in oratione Parænetica ad Gentes, & utraque Apologia pro Christianis, Cyrillo libris contra Julianum, Tertulliano, Arnobio, & aliis. Fieri autem non potest, secluso miraculo, aut extraordinaria providentia Dei, ut aliquis sufficiat vi & efficacia rationum errores naturali lumini contrarios convincere, nisi in Philosophicis disciplinis accurate instructus, & eruditus sit.

7 Quod optime confirmat exemplum Danielis, pro ut illud expendit Glossa ordinaria, circa illud verbum Danielis: *Proposuit autem Daniel in corde suo, ne pollueretur de mensa Regis, &c.* Dixerat enim prius iussisse Regem Præpositio suo, ut introduceret de filiis Israel pueros eruditos omni sapientia, cautos scientia, & doctos disciplina, & qui possint stare in palatio Regis, ut doceret eos literas, & linguam Chaldaeorum. Et adjungit, constituisse eis annenam per singulos dies de cibis suis, & de vino, unde bibebat ipse: postea vero solum dicit proposuisse Daniele, ne pollueretur de mensa, tacite significans a doctrina & peritiis linguarum, non abstinuisse: qui enim duobus propositis unum excludit, aliud tacite admittit, ut argumentatur Gregor. hom. 18. in Evangelia, & pro jure positum est in cap. nonne, de præsumptionibus. Quo argumento supposito, recte dicit prædicta Glossa ex Hieronymo ibi: *Qui de mensa Regis non vult comedere, ne polluat, si sapientiam, atque doctrinam Aegyptiorum sciret, esse peccatum, nunquam didicisset: dicit autem, non ut sequatur, sed ut judicet, atque convincat. Si enim quis imperitus hujus artis adversus Mathematicos scribat, aut expertus Philosophia contra Philosophos agat, irridendus est. Hac ergo intentione (concludit) discunt pueri Chaldaicam doctrinam, qua & Moyses omnem sapientiam Aegyptiorum didicerat.* Et in fine capituli indicat Daniel Deum specialiter cooperatum fuisse huic intentioni, & studio eorum: *Pueris (inquit) his dedit Deus scientiam, & disciplinam in omni libro, & sapientia; & infra: Et omne verbum sapientia, & intellectus, quod siscitatus est ab eis Rex, invenit in eis decuplum super cunctos Ariolos, & Magos, qui erant in universo regno ejus.* Quod plane intelligitur de propria doctrina & Philosophia ipsorum Chaldaeorum, ut Hieronymus & Theodoretus adnotarunt. His ergo propriis & specialibus rationibus necessaria est Societati harum rerum summa eruditio.

8 In quo etiam considero, aliud esse loqui de toto corpore, seu confuse de operariis Societatis, aliud vero de singulis personis ejus. Nam priori modo loquendo absolute dicere possumus necessariam esse Societati maximam perfectionem omnium dictarum disciplinarum & linguarum: quia licet difficile, vel moraliter impossibile sit, omnes illas simul cum theologica doctrina in singulis personis perfecte conjungi: tamen in ipso corpore Societatis esse potest, & procuranda est excellentia, & eminentia in omnibus illis. Quod & facile comparari poterit, si in unaquaque disciplina aliquis, vel aliqui sint, qui peculiari studio, & diuturniori tempore, ac diligentius illi incumbat, & ad varia Ecclesiæ obsequia, quæ pro temporum, & occasionum diversitate occurrunt, utilissimum est, ut diculus factus ostendit, & ipsa experientia satis hætenus comprobavit. Atque ob eam rem, quamvis hæc studia in Societate principaliter ad Theologiam referantur, ad quam, & ad sacræ Scripturæ intelligentiam ejus religiosi frequentius, & principaliter tendunt. Nihilominus interdum aliqui diutius in his inferioribus artibus occupantur, ut in eis singulariter ad prædictos fines excellent.

9 Ad objectiones in principio positas responderetur primum, Paulum ad Timoth. eos reprehendere, qui ita discunt, ut ad veritatis cognitionem pervenire non possint. Hi autem præcipue sunt, qui ea discunt, quæ a verâ fide ipsos avertunt, & in errorem inducunt; de quibus statim ait: *Homines corrupti mente, reprobi circa fidem; & ad distinctionem illorum subdit: Tu autem assequutus es meam doctrinam, &c.* Potest autem illa reprehensio etiam extendi ad eos, qui in externis disciplinis ita versantur, & immorantur, ut per eas non ascendant ad altioris veritatis cognitionem. Quam autem ad Corinth. vocat Paulus *sapientiam hujus mundi*, non neces-

se est intelligi esse veram Philosophiam, secundum se spectatam; sed vel sapientiam hujus mundi vocat mundanam prudentiam, quæ crucem Christi stultitiam repurabat; & ideo subdit statim: *Prædicamus Christum, & hunc crucifixum, Judæis quidem scandalum, Gentibus autem stultitiam;* vel certe per *sapientiam hujus mundi* intelligit totam Philosophiam, & eruditionem Gentilium, quæ *stulta* dicitur, vel quia multis erroribus admixta erat, vel quia per illam mundus Deum non cognovit, ut ibidem dicitur, sed potius ea abusus est ad veritatem fidei oppugnandam. Atque Philosophiam in hoc sensu sumptam vocavit Apostolus inanem fallaciam. Nihilominus tamen secundum se sumpta optima est, & ab ipso Deo data, ut ipsemet Paulus significavit ad Rom. 1. dicens: *quod notum est Dei, manifestum est in illis: Deus enim illis manifestavit, &c.* statim vero subdit, ipsemet Philosophos factos esse insipientes, quia commutaverunt veritatem Dei in mendacium; ablato ergo errore, & pravo usu, veritas, quæ in Philosophis invenitur, formidanda non est, sed potius ab eis, ut ab injustis possessoribus in usum nostrum vindicanda, ut dixit August. 2. de doctrina Christiana cap. 4.

10 Ad argumentum Juliani respondet Cyrillus, lectionem sapientum Græcorum utilem esse Ecclesiasticis tractatoribus, tum ad erucendam veritatem, quæ in ipsis est, tum ad confundendos eorum errores, & ex utroque veritatem fidei illustrandam. Neque est simile, quod de idolothytis afferebat Julianus, nam hæc a Christianis vitantur, non materialiter (ut sic dicam) quatenus caro, vel panes sunt; sed formaliter, quatenus idolis dicata sunt, ne impiis sacrificiis consentire, aut participare videantur: in studio autem Philosophiæ, aut lectione librorum Gentilium nihil est vanum præter abusum, excessum, aut pravam intentionem: quæ omnia a nostris religiosis vitantur, ut cap. seq. dicam.

11 Ad jura canonica responderetur in c. non magno pe- re, & c. 2. ibi citatis, per *Physicas disciplinas* solum intelligi medicinam, ut manifeste constat ex præcedentibus verbis, quibus reprehenduntur, qui de claustris suis exeunt ad confessiones physicas ponderandas, & occasione scientiæ, rursus actionibus mundanis implicantur. Ad Concil. Carthaginense responderetur, merito prohibuisse non omnibus, sed Episcopo lectionem librorum Gentilium, tum quia ratione sui muneris, si ei satisfacere velit, vix poterit hujusmodi lectioni sibi non necessariæ vacare. Et ideo illi permittitur lectio librorum hæreticorum pro necessitate, aut tempore, ut ibi dicitur, quia ad munus Episcopi pertinet hæreticis resistere, ac respondere: cum Gentilibus autem disputare jam non pertinet ad munus ejus: potuit autem magis pertinere in initio Ecclesiæ, quando Ecclesia in genibus fundabatur. Tum etiam, quia Episcopus ratione sui status præsumitur in doctrina sacra perfectus, & consequenter non indigere lectione Philosophorum ad eam comparandam, & consequenter non esse illi necessariam. Cui expositioni consonat illud Hieronymi ad Damasum epistol. 145. *At nunc etiam sacerdotes Dei, omisso Evangelio & Prophetis, videmus Comœdias legere, amatoria Bucolicorum versus verba canere, tenere Virgilium, & id, quod in pueris necessitatis est, crimine se facere voluptatis.* Ad id insuper prohibitionem illius Concilii videri potius admonitionem quandam, quam præceptum, & intelligendam esse de lectione nimia, in qua principale studium, & hominis applicatio collocatur. Alicujus autem honestæ recreationis causa, vel accidentariæ cujusdam venustatis, seu ornatus, nunquam fuit prohibitum etiam Episcopo legere Gentilium libros. Quomodo dixit Cyril. lib. 7. contra Julianum ubi supra: *Sufficit quidem divina Scriptura ad faciendum eos, qui in illa educati sunt, sapientes, & probatissimos, & sufficientissimam habentes intelligentiam, indigemusque ad hoc nihil prorsus externis magistris. Quoniam autem dulce est omnia scire, & idcirco hac ratione, & valde prudenter etiam Græcorum sententias diligenter discutimus, quas de unaquaque re habuerint, & ante alia de Deo, & inde ridendi occasionem accipimus, quod volunt innumeros Deos & immundorum demoniorum multitudinem honorare.* Alia ergo decreta illius distin. 37. manifeste loquuntur de nimio excessu in studio talium literarum, & de pravo usu illius, vel in moralibus vitiis,

Ad eibid.

Ad eibid

Firmatur
necessitas
veriusque
peritæ
exemplo.Didā pr-
stia quo-
modo So-
cietati
necessa-
ria;Ad 1. ar-
gumentū
10. 1.

ita hunc finem proposuit nobis B. P. Ignatius initio 4. p. constit. & c. 5. in principio. *Cum doctrina* (inquit), *quæ in hac Societate addiscitur, hic scopus sit, suis, & proximorum animis Dei favore aspirante prodesse.* Et ex hoc fine colligit cap. 12. in principio, potissimum incumbendum esse Theologicæ doctrinæ, quia illa est medium magis proprium ad dictum finem, ut circa verba Bernardi adnotavimus.

5 Quamvis autem hic sit generalis finis in his studiis habendus: nihilominus in unaquaque facultate, seu disciplina proximus, & peculiaris finis adhibendus est, ut juxta illum mensura, & modus ejus adhibeatur. Optimum exemplum est positum a B. Ignatio 4. p. Constitut. c. 6. §. 5. ubi sic inquit: *Si linguarum studio nostri vacant, inter cetera, ad quæ discentium intentio feratur, illud sit, ut versionem ab Ecclesia probatam defendant.* Potest etiam infidelium conversio esse proximus finis addiscendi linguas, juxta superius dicta. Propter quod. 2. p. Constit. c. 12. §. 2. prius dicitur, propter Theologiam, & ejus usum addiscendas esse, Latinam, Græcam, & Hebraicam linguas, postea vero subditur. *Aliarum præterea linguarum, qualis est Chaldaica, Arabica, & Indica, ubi necessaria, vel utiles ad dictum finem videntur, habita regionum diversarum, & causarum, quæ ad eas docendum movent, ratione, possent præceptores constitui.* Ubi in declaratione lit. B. dicitur: *Cum in aliquo Collegio eo spectaretur, ut homines ad Saracenos, vel Turcos juvandos prepararentur, Arabica lingua, vel Chaldaica conveniret: cum ad Indos, Indica, & sic de aliis dicendum, &c.* Cujus constitutionis, & declarationis vestigiis egregie insitit S. Congregatio canon. 54. eodem modo de Philosophia, & Artibus liberalibus judicandum est: nam, ut superius diximus, hæc & Theologiæ inserviunt, & per se etiam juvare possunt ad finem circa proximos intentum. Quod his etiam verbis significatum est 4. p. Constit. c. 12. §. 3. *Artes, & scientiæ naturales, ingenia disponent ad Theologiam, & ad perfectam cognitionem, & usum inserviunt, & per se ipsas ad eundem finem juvant.* Oportet ergo, ut qui in Societate illis incumbit, finem proximum intueatur, propter quem illud studium assumunt: nam longe aliter Philosophiæ studere debet, qui illa usus est tanquam proximo instrumento ad infideles convincendos, quam is, qui solum illam assumit, ut dispositionem ad Theologiam: & sic de aliis. Et ideo in declaratione ejusdem cap. lit. C. generatim dicitur: *Trabitur Logica, Physica, Metaphysica, moralis scientia, & Mathematica, quatenus ad finem nobis propositum conveniunt.*

6 Atque eadem ratio finis propinqui circa lectionem librorum maxime necessaria est: ut scilicet, illi ab unoquoque legantur, qui proprio muneri, seu fini sibi peculiariter præfixo utiles, & accommodati sint, alioquin lectio ad curiositatem potius erit, quam ad religionem pertinebit. Et ideo quibusdam Gentilium, seu infidelium librorum lectio necessaria est, ut possint eorum errores confutare, & argumenta dissolvere: aliis vero inutilis, vel nociva erit talis lectio. Similiter in aliquo religiosum erit Astrologiæ, v. g. operam dare, si fini sibi præstituto inserviat; in alio erit inutile, & otiosum. Sicut quodlib. 4. art. 16. dixit D. Thom. studere magicæ arti ad reprobendam, & confutandam illam bonum est; tamen si sit talis persona, ad quam non pertinet hoc scire, inordinatum esse appetitum.

7 Atque hinc colligo ex illis tribus finibus quærendi scientiam, quos D. Bernardus non probavit, primum non esse quidem per se malum, respectu tamen religiosi esse inordinatum ratione status, & conditionis talis personæ, ut a simili colligo ex D. Thom. in dict. quodlib. Cum enim scientia naturaliter appetatur, ex suprema hominis inclinatione per se bona est, & honesta, quia si per se spectat ad animi ornamentum, & perfectionem, illam propter se appetere, non est per se malum, etiam si per eam nihil aliud intendatur, nisi cognitio naturalis veritatis. At in viro religioso duplici ratione id est reprehensibile. Primo, quia ratione sui status tenetur in his præcipue versari, quæ ad perfectionem conferant: scientia autem per se spectata, nihil confert. Secundo, quia qui hac solum intentione in studiis versatur, regulariter non querit ea, quæ utiliora sunt, sed quæ delectabiliora. Merito ergo tale studium in viro religioso, dici

potest turpis curiositas; licet enim in particulari fortasse non semper sit propria culpa, ac peccatum, semper tamen est valde imperfectum, & expositum multis periculis sæpius in eo peccandi, propter rationes dictas.

8 Secundus autem finis per se & intrinsece malus est: & quamvis ex objecto non habeat malitiam mortalem, potest tamen facile esse occasio multorum gravium peccatorum, sicut de ambitione, & de inani gloria docuit D. Thom. 2. 2. q. 131. art. 1. & q. 132. art. 3. & 4. Maxime autem solet ex hoc fine oriri appetitus ostentandi singularem scientiam, & consequenter dicendi nova, quod maxime in Theologica doctrina cavendum est, præsertim quando novitas est antiquitatis contraria, nam si sit ad illius confirmationem, majorem illustrationem, & amplificationem, non semper est reprehendenda. Hoc enim est, quod dixit Vincentius Lirinensis lib. adversus profanas novitates cap. 26. & 27. tractans illud Pauli 1. ad Timor. 6. *O Timothee depositum custodi, devitans profanas vocum novitates. O Timothee* (inquit) *o sacerdos, o tractator, o Doctor, si te divinum munus idoneum fecerit, ingenio, exercitatione, doctrina, esto spiritualis tabernaculi Beseleel: preiosas divi dogmatis gemmas exsculpe, fideliter coapta, adorna sapienter, adjice splendorem, gratiam, venustatem, intelligatur te exponente illustrius, quod antea obscurius credebatur, per te posteritas intellectum gratuletur, quod antea vetustas non intellectum venerabatur: eadem tamen, quæ didicisti, ita doce, ut cum dicas nove, non dicas nova.* Quod latius deinde prosequitur. Sic etiam dixit Bernardus epist. 17. ad Canonicos Lugdunenses: *Novitas contra Ecclesiæ ritum præsumpta, mater est temeritatis, soror superstitionis, & filia levitatis.* Atque eodem modo omnia jura reprobant novitates antiquis consuetudinibus contrarias, quæ plerumque discordiam pariunt, ut ait Honorius III. in cap. cum consuetudines, de consuetudine, & Benedict. XI. Extra. inter cunctas, de privilegio de quare plura legi possunt d. 11. & 12. Quod non solum verum est de novitate morum, sed etiam de novitate doctrinæ, quando talis est, ut antiquæ repugnet, turbat enim pacem, & occasio est erroris, ut enim dixit Baldus consil. 12. lib. 2. *Raro bene loquitur, qui contra omnes loquitur.* Et propter hanc causam sæpe in nostris constitutionibus admonemur novas opiniones vitare, 3. p. constit. cap. 1. lit. O. & p. 8. cap. 1. lit. K. additur communiorum doctrinam esse sequendam, & part. 4. cap. 5. §. ult. magis approbatam, & securam, & similia multa, quæ prædictæ novitati contraria sunt. Ad hoc ergo incommodum vitandum maxime necessarium est turpem illam vanitatem a principio vitare, ne quis scientiam addiscat, ut sciatur, id est, non eo statim procedat hæc vanitas, ut non solum sciens, sed etiam auctor & inventor suæ scientiæ, quis videri velit.

9 Tertius finis a Bernardo improbatum maxime alienus esse debet ab scholasticis Societatis. Nam licet quærendi scientiam ob quæstum vel pecuniæ, vel honoris, ex se non sit intrinsece malum, si in illo fine non sistatur, sed ad alium honestum referatur: nihilominus in Societate inordinatum est, utpote contrarium regulæ, & instituto ejus. Primo enim (ut supra lib. 4. cap. 7. a nu. 18. ostendimus) nullum stipendium, aut temporale commodum pro suis ministeriis accipere potest: ergo repugnat huic instituto scientiæ incumbere propter quæstum pecuniæ: nam qui hanc intentionem habet, virtute habet propositum recipiendi postea pecuniam propter usum suæ scientiæ; quod vix potest excusari a peccato gravi. Posset autem aliquis intendere hujusmodi quæstum, vel commodum temporale, non per modum stipendii, sed solum per modum emolumenti, quod consequi sperat, si doctus evadat, eo modo, quo licite potest, & solet consequi: juxta quem modum excusabitur a peccato gravi, non tamen a magna imperfectione, & vix ab aliqua culpa, quia finis ille imperfectissimus est, & per se spectatus voluptuosus potius, quam honestus. Idem fere dicendum est de quæstu honoris, quantum enim humano modo fieri potest, per institutum Societatis præclusa est via obtingendi honores, vel dignitates per literarum excellentiam, nam ob hanc causam part. 10. §. 6. profesti vovent non ambituros dignitatem, vel prælaturam, & ideo etiam locorum ordo inter nostros non habetur.

Quomodo improbandus secundus.

Quæ novitas in theologia reprehendenda, quæ laudanda.

Vide Novitatum in sylva nupt. regula quomodo sit judicandum.

Quomodo tertius improbandus.

Piner alii peculiares pro studiis nostris assignantur

In voluendis his vel illis libris finis etiam proximus attendendus.

Quomodo improbandus primus finis ex tribus damnis a Bernard.

berur, etiam in scholis part. 4. cap. 6. §. 17. & cap. 15. §. 4. 10. Dices: eisdem locis permittitur gradus literarios accipere, quibus notæ, & signa honoris conjuncta sunt. Responderetur hos gradus tantum admitti, quatenus propter alios necessarii sunt ad majorem Dei gloriam, & fructum animarum; est enim circa hanc partem, & circa dicta in nu. 7. de primo sine pravo, advertendum, testimonium scientiæ apud alios, & honorem, qui ex illo sequitur, interdum esse necessarium, ut scientia ipsa aliis utilis esse possit; quia, ut dicitur Ecclesiast. 20. & 41. *Sapientia abscondita & thesaurus invisus* (id est, occultus) *que utilis in utrisque?* Et ideo licet quisquam non debeat discere, ut sapiens habeatur, nihilominus per se non est malum comparatam doctrinam aliis manifestare, & bonam apud illos opinionem de doctrina habere velle, non in fama, vel honore sistendo, hoc enim vanum esset, sed ut aliis utilis esse possit. Quomodo dixit R. banus circa parabolam de talentis Matth. 21. reprehensione dignos esse, qui ex quadam immoderata humilitate doctrinam abscondunt, neque illa in utilitatem proximorum uruntur. In hunc ergo finem perfectionem doctrinæ publicis actionibus ostendere, & ejus insignia vel honores admittere, malum non est, nec prædicto ordini seu intentioni contrarium. Unde D. Thom. 2. 2. q. 132. art. 1. ad 1. ait, laudabiliter posse hominem, ad aliorum utilitatem gloriam suam appetere, juxta illud Matth. 5. *Sic luceat lux vestra coram hominibus, ut videant opera vestra bona.* Et aucto opusc. 19. cap. 3. ex professo probat religiosos licite admittere hos gradus, etiam in universitate seculari. Et in cap. 2. ejusdem opusc. explicat late illa verba Matth. 23. *Vos autem nolite vocari Rabbi,* ne hæc veritati contraria videantur, & ex professo probat ibi non dari a Christo præceptum vel consilium non exercendi munus Doctoris, vel Magistri, cum hoc repugnet officio, quod Christus ipse & Apostoli exercuerunt, cumque huic officio specialis corona in cælo promittatur, & ideo Christus D. dixerit; *Qui fecerit, & docuerit, magnus vocabitur in regno cælorum.* Deinde probat ibi non vetari nomen, aut aliâ insignia Magistris, vel Doctoris; quia si officium malum non est, nec nomen erit malum, neque ea insignia, quæ non ad elationem, sed ad auctoritatem officii ordinantur. Unde Paulus 1. ad Timoth. 2. & 2. ad Timoth. 1. se & Doctorem, & magistrum appellat; concludit ergo ibi prohiberi a Christo ambitionem, & elationem, quæ est in desiderio hujus gradus, vel nominis, solum propter proprium honorem, & æstimationem. Quem sensum præcedentia Christi verba satis indicant: *Amant primos recubitus in cœnis, & primas cathedras in synagogis, & salutationes in foro, & vocari ab hominibus Rabbi.* Ubi Gloss. interlinealis: *Magistros* (inquit) *primos sedere non vetat; sed eos arguit, qui hæc habita, vel non habita indebite appetunt,* quæ verba fere habentur in homil. 43. impet. 1. et.

Quibus mediis rem literariam Societas in suis scholasticis promoveat.

11. Ultimo non erit ex his difficile ostendere media etiam proficiendi in doctrina apte & convenienter esse in Societate instituta. Varia enim media ad hunc finem assequendum necessaria sunt; quædam corporalia, alia spiritualia, & inter hæc quedam pertinentia ad voluntatem, alia ad intellectum, quædam divina, alia humana, quædam denique positiva, quædam vero privativa, remota scilicet ea, quæ hujusmodi profectum impedire possunt. De his ergo omnibus ita provisum est in hominibus Societatis, ut nihil amplius desiderari posse videatur. Inter corporalia enim media nila dici possunt esse positiva, quæ ad scholasticum sustentationem necessaria sunt, & ideo in jure Canonico, qui student, ut Ecclesiæ inserviant, multis gaudent privilegiis, ut constat ex cap. *super specula*, de Magistris, & cap. *relatum*, de Clerico non relicto. & cap. 2. de privilegiis in 6. & ex Concil. Trid. sess. 5. cap. 1. de Reformatione, & aliis, de quibus videri potest Panormitanus super dicta jura, & Rebuffus tract. de Privilegiis scholasticorum priv. 29. & sequentibus. Ob hanc ergo causam provisum est in Societate, ut scholares in suis Collegiis habeant, unde convenienter sustentari possint, tum quo ad victum & vestitum, tum etiam quoad ipsum stu-

dium necessaria, ita ut omni harum rerum cura, & sollicitudine liberi sint, religiosa moderatione contenti. De quo breviter statuitur 4. p. Constitut. cap. 4. in principio; latius part. 3. cap. 2. ubi lit. C. specialiter advertitur in his, quæ ad vestitum attinent, majorem quandam rationem habendam esse cum scholasticis exterioris decentiæ, & commoditatis propter studiorum laborem. Et quoad instrumenta pro studiis necessaria statuitur in 4. p. cap. 6. §. 7. ut in Collegiis sit bibliotheca communis, & præterea, ut quisque libros, qui necessarii fuerint, habeat. De aliis vero rebus minutoribus, cujusmodi sunt mensa, lucerna, papyrus, atramentum, calami, & similia, res erat per se clara, de qua non oportuit aliquid specialiter statui, quia sub generali regula paupertatis, & communis usus rerum necessariarum continetur 3. p. c. 1. §. 7. & 8. & 6. p. cap. 2. §. 11. In hoc autem eodem genere media privativa dici possunt, quæ corporalia impedimenta studiorum auferunt, seu præveniunt. Hujusmodi est illud, quod habetur 4. p. constit. c. 4. §. 1. *Peculiari cura animadvertendum erit, ut temporibus valetudini corporis incommodis scholastici non studeant, ut somno quantum temporis satis sit, tribuant, & in laboribus mentis modum servant: sic enim fiet, ut diutius in illis perseverare, tam in literis addiscendis, quam in eisdem exercendis ad Dei gloriam possint.* Huc etiam spectat, quod in c. 3. ejusdem partis §. 3. providetur, ut scholasticis tollantur impedimenta exteriorum occupationum, & laborum, tam in domesticis officiis, quam in aliis ministeriis, ut diuturnius studiis vacare liceat. Et ad hunc finem constituuntur in Collegiis coadjutores temporales, ut scholastici ab his muneribus subleventur, ut ibidem in declaratione dicitur lit. B. & C.

12. Inter media spiritualia alia præcipua, & magis divina sunt, quæ animi puritatem, & pacem conservant, & auxilium ac lumen a Deo impetrant: nam scientia, quæ per hæc studia præcipue intenditur, supernaturalis est, & ex divina gratia maxime pendet. Ob hanc ergo causam hæc media sepe in nostris constitutionibus proponuntur. Nam c. 6. 4. p. sic dicitur, *ut scholastici plurimum in his facultatibus proficiant, in primis anime puritatem custodire, ac rectam studiorum intentionem habere contentur, nihil aliud in literis, quam divinam gloriam & animarum fructum querentes, & in suis orationibus gratiam, ut in doctrina proficiant, ad hunc finem crebro petant.* Sic Athanasius lib. de Incarnatione verbi, circa finem. *Ad scripturarum* (inquit) *indagationem verumque intellectum opus est vita proba, animo puro, & virtute, quæ secundum Christum est, ut mens per ejus tramitem decurrens ea, quæ expedit, adipisci possit, quatenus fas est humanam naturam divina intelligere.* Nam sine pura mente, & sanctorum imitatione nemo comprehendit sanctorum verba, Et D. August. lib. 22. contra Faustum c. 53. *In his* (inquit), *qui flagrant ingenti amore per speciem veritatis, non est improbandum studium, sed ad ordinem revocandum, ut a fide incipiat, & bonis moribus nitatur pervenire, quo tendit.* Affert illud Ecclesi. 1. *Fili concupiscens sapientiam, conserva justitiam, & Deus præbebit illam tibi.* Et hoc significatum esse ait in Jacobo, cui prius data est Lia, quam Rachel. Nam prior (inquit) est in recta hominis eruditione labor operandi, quæ iusta sunt, quam voluptas intelligendi, quæ vera sunt. De eadem re videri potest idem August. lib. 2. de Doctrina Christiana cap. 4. 1. & lib. de Spiritu & litera cap. 12. & lib. de Agone Christiano c. 13. *Fides* (inquit) *est, quæ subjugat primum animam Deo, deinde præcepta vivendi, quibus custoditis spes nostra firmatur, & nutritur charitas, & lucere incipit, quod antea tantummodo credebatur: errat autem quisquis putat veritatem se posse cognoscere, cum adhuc nequit vivat.* Et Bernardus sermon. 1. in Cantica; *Ante carnem disciplina studiis edomitam, emancipatam spiritui, ante spectatam, & objectam seculi pompam & sarcinam, indigne ab impuris lectio sancta præsumitur;* & similia multa passim in Sanctis Patribus invenientur. Quia vero in hoc etiam pietatis exercitio potest aliquando esse excessus, qui profectum literarum impedit, ideo etiam, quoad hanc partem, B. N. Ignatius sufficientia remedia providit, tum linguis moderationem debitam consulendo, tum etiam superioribus magnam circa hoc curam & vigilantiam injungendo. Atque ita in

De privativis.

De mediis spiritualibus generalibus.

Instantia diluitur.

Varia media ad proficiendum in doctrina indicantur.

De mediis corporaliibus positivis.

cap.4. sæpe citato §.2. *Cum studiis* (inquit) *vacant, ut est cavendum, ne fervore studiorum intepescat solidarum virtutum ac religioſe vite amor: ita mortificationibus, orationibus, ac meditationibus prolixis eo tempore non adeo multum loci tribuetur. Quod statim in declaratione A. discretioni Rectoris committitur; & cap.6. §.3. Impedimenta* (inquit) *studiis removeantur, quæ a studiis animum avocant, tam devotionum, ac mortificationum, quæ vel nimie, vel sine debito ordine suscipiuntur, quam curarum, &c. Ubi statim eadem declaratio adhibetur.*

De mediis propriis seu literariis. Ex parte discipuli. Ex parte doctus. 13 Jam vero his suppositis mediis, quæ licet altiora, tamen remotiora sunt, ipsa propria, & literaria media (ut sic dicam) copiose, & valde ordinate traduntur in eadem 4.p.constit. toto cap.6. ubi præcipue ea docentur, quæ ex parte ipsorum studentium adhibenda sunt. Quale est illud in §.2. *Serio, & constanter animum studiis applicare deliberent;* & illud §.8. *scholastici in audiendis lectionibus sint assidui, &c.* & quod de continuis disputationibus statuitur §.10. & sequentibus; & de privato studio §.14. & de repetitione, seu lectione auctorum post absoluta studia §.16. Adduntur vero alia, quæ ex parte præceptorum necessaria sunt, nimirum ut sint idonei, & eruditi, & in eo numero, qui doctrinæ tradendæ, & auditoribus accommodatus, & sufficiens sit, quique diligenter munus suum exequantur, & scholasticorum profectum speciatim procurent, ut in eadem 4.p.constit. cap.12. & 13. usque ad 15. ubi etiam de ordine & modo servando in doctrina tradenda, & de auctoribus in qualibet facultate perlegendis, & de tempore in unaquaque consumendo, omnia, quæ necessaria sunt, satis accurate traduntur. Ac denique superioribus, & Rectoribus præcipue committitur, & commendatur delectus personarum, qui ad doctrinam addiscendas maxime necessarius est, ut unusquisque ad illam applicetur, qui naturam, & ingenium ad illam satis accommodatum habere prudenter existimetur, ut videre est in eadem 4.p.cap.5. §.2. & cap.13. §.4. cum declarat. lit.E. & quia interdum aliquibus durum, & difficile videri posset ad hanc vel illam scientiam contra propriam fortasse inclinationem, aut voluntatem accommodare; ideo, qui in Societate scholares approbati futuri sunt, statim in ipso examine, quod ante ingressum fit cap.7. §.3. interrogantur, an velint se finire duci circa ea, quibus studere debent, ac studiorum modum, & tempus, juxta quod superioribus videbitur.

Ex parte superiorum gubernantium utroque. 14 Denique ipsismet superioribus injungitur sollicitudo, vigilantia, ac cura, ut tam præceptorem, quam scholasticum omni diligentia sua munera exequantur, nihilque eis desit, quod ad hunc finem necessarium sit. Quamobrem sperari non immerito potest scholares Societatis evasuros in literis conspicuos, si iis mediis utantur, quæ ratione sui instituti eis licent, ac Deo sine dubio gratissima sunt; propter quod etiam addo, non parva obligatione teneri eos ad strenue laborandum in hujusmodi studiis, tum quia eam ob causam de Ecclesiasticis bonis aluntur: tum etiam, quia pro eo tempore illud est speciale munus, & proprium obsequium divinum, ad quod ab ipso Deo per suos pastores deputati sunt. Tum denique quia sicut Aristoteles dixit l.1. de celo cap.5. *Parvus error in principio, maximus est in fine:* & ita qui in studiis negligens est, postea inutile instrumentum erit circa conversionem, vel curationem animarum: & quod gravius est, periculo sæpius fortasse errandi se exponit. Propter quod merito in 4.p.constit. c.6. §.15. prius Rector Collegii animadvertitur, ut moneat, incitet, & animet ad studia eos, quibus id necessarium fuerit. Deinde vero additur. Quod si animadverteret aliquem in studiis tempus inutiliter terere, quod nolit, aut certe non possit progressum in literis facere, expedit illum ab eis remove, ut alius loco illius substituat.

CAPUT IV.

Utrum conveniens fuerit religiosos Societatis publica studia, & universitates habere, & in eis docere.

Postquam dictum est de proprio munere, ad quod proxime ordinantur scholares Societatis, consequens est, ut dicamus de ministerio docendi. Quamvis Suarez Tom. XV.

enim munus docendi professis etiam commune esse possit, tamen quia cum literarum studiis junctum est, (disciplina enim, & doctrina quodammodo correlativa sunt;) & quia munus hoc majori ex parte in scholis, præsertim inferioribus, per scholares approbatos exercetur, ideo ejus consideratio in hunc locum optime cadit. Circa quam in præsentī capite rationem reddemus, cur Societas hanc curam assumpserit. Deinde quo consilio, modo, & ratione illam administret, declarabimus in duobus sequentibus.

1 Igitur publica studia vocamus ea, quæ non solum sunt ad proprios religiosos instruendos, sed pro omnibus, sive laicis & secularibus, sive religiosis cujuscumque ordinis exponuntur, quæ tunc universitates appellantur, quando privilegiis Pontificiis, ac regis munentur, ut in eis usque ad literarios gradus progressus fieri possit. Possemus autem hoc loco contra illos hæreticos disputare, qui hæc studia, & universitates improbare ausi sunt, quorum princeps referri potest Licinius Imperator, qui adeo literis infestus fuit, ut virus, ac pestem publicam eas nominaret, ut in ejus vita scribit Joannes Baptista Egnatius, refertque etiam Præteolus lib.10. hæref.3. & melius ex Victore in vita Constantini Baronius tom.3. ann.316 Christi Domini §. Porro animo. Postea vero Julian. Apostata Christianis specialiter prohibuit literarum studia, quamquam ille non in eo erravit, quod sentiret literarum studia mala esse, aut inutilia ad fidei defensionem, & propagationem, sed potius, quia eorum utilitatem, & efficaciam agnoscebat, ut Christianam religionem, a qua turpiter ad paganismum defecerat, & ejus erat acerrimus hostis, funditus everteret, illa diabolica malitia usus est: & ideo sancti Patres acerbiorē censent fuisse illam Juliani persecutionem, quam Tyrannorum, qui per vim, & tormenta, ad negandam fidem cgebant, ut constat ex Augustino lib.18. de civitate cap.32. & Nazianzeno oratione prima contra Julianum, Theodoro cap.7. ubi sunt illa verba notanda, pro his, quæ in cap.1. hujus lib. initio diximus: *vetuit, ne Galilai (sic enim fidei Servatoris nostri consecratos vocabat) Poeticam, Rhetoricam, aut Philosophiam discerent: nam nostris ipsorum* (inquit) *pennis, (ut est in proverbio) percellimur, siquidem nostrorum scriptorum subsidiis muniti, contra nos bellum suscipiunt.* Similem persecutionem de Habbalo Mahometano, & Syriæ Tyranno refert Paulus Diaconus lib.22. nam etiam ille literarum studium prohibuit omnibus Christianis, sub potestate sua degentibus. Ex ad hos videtur alluisse Glossa ordinaria ex Rabano 1.Reg.13. ad hoc propositum accommodans verba illa: *Faber ferrarius non inveniebatur in omni terra Israel; caverant enim Philistiim, ne forte Hebræi facerent gladium, aut lanceam: Diabolus* (inquit) *per Paganos, per hæreticos, & per falsos Christianos studet prohibere, ne sint doctores in Ecclesia, qui spiritualia arma faciant, & nobis ad pugnandum tribuant.* Hoc igitur eodem spiritu motus Wicleph dixit, universitates, studia, Collegia, graduationes, & Magisteria a Papa, & Episcopis esse vana gentilitate introducta, & non plus Ecclesie prodesse, quam diabolus, ut refertur in Concilio Constantien. sess.8. & 29. Quem errorem Lutherus postea sequutus est, adeo impudenter, ut dixerit (referente Adriano Papa in Bulla contra ipsum circa medium, quæ habetur in tom.5. Conciliorum) scholas Christianas esse Sodomas, & Gomorrhæas, & malorum omnium sentinas. Quod refert etiam Clithovæus lib.2. de Mistræ sacrificio cap.29.

2 Verumtamen hic error non solum est contra fidem, & universalem consensum, & traditionem Ecclesiæ, ut late ostendit Waldensis lib.1. Doctrinalis fidei cap.68. & 69. verum etiam est contra omnem rationem naturalem, & contra evidentem experientiam, ideoque in eo confutando non immorabimur; sufficere enim nobis possunt, quæ de necessitate doctrinæ, tam sacræ, quam liberalium artium, quatenus illi deserviunt, supra cap.1.a nobis dicta sunt: nam hic etiam de studiis sub hac potissimum ratione consideramus. Generalius autem loquendo, studia, & universitates honestarum artium, non solum propter Ecclesiasticam, sed etiam propter civilem communitatem, & utilitatem, necessaria sunt, & ita in omnibus regnis, E e 4 & pro-

Publica studia quomodo evadant universitates.

Error dā. naos heu studia.

Juliani persecutio volens studia major quæ tyrannorum max Christianos nos.

Predicatus error cōfusatur ex supra dictis.

Duarenus l.1. de Eccl. ministeriis c.15.

Item ex-
plis va-
riis.

Studia
Romæ.
Parisiis.

In Anglia

In Lusita-
nia.

Vide Caf-
sanum
in catal.
gloriæ
mundi, p.
10. confid.
32.

Mido er-
gore ar-
guitur
pro parte
neg. tituli
& ex autho-
ritate.

Arguitur
etiam ex
ratione.

1. Adver-
te quia
ponit au-
thoritatem
pro. arti-

Supposi-
tio pro
eade sua-
denda ex
traditio-
ne & ra-
tione.

& provinciis recte institutis, hujusmodi generalia stu-
dia floruerunt. Unde in lib. 1. 1. Codicis extat titulus, *De
studiis liberalibus urbis Romæ*, quos tempore Agapiti
Papæ cœpisse, significat Cassiodorus in lib. divinorum
institutionum in Prologo. Parisiis etiam Carolus Ma-
gnus celeberrimam universitatem fundavit, ut Anton.
refert 2. part. historiali tit. 14. cap. 4. §. 12. & sumitur ex
Concilio Parisiensi sub Ludovico I. lib. 1. cap. 12. ejus
verba pro hac materia notanda sunt: *Obnixè ac suppli-
citer vestra celsitudini suggerimus, ut morem paternum
sequentes* (fuit autem Ludovicus filius Caroli Magni) *saltem in tribus congruentissimis imperii vestri locis
schola publica ex vestra autoritate fiant, ut labor pa-
tris vestri, & vester, per injuriam (quod absit) labefa-
ctando, non depereat: quoniam ex hoc facto & magna
utilitas, & honor sanctæ Dei Ecclesiæ, & vobis magnum
mercedis emolumentum, & memoria sempiterna accre-
scent.* In Anglia Oxoniense studium antiquissimum fuit,
& celeberrimum, in Hispania Salmantinum, de quo
mentionem fecit Clemens V. in Clement. 1. de Magi-
stris: in Lusitania Conimbricense hoc ter maximus Joan-
nis III. regali plane munificentia fundatum; quamvis
enim tempore, superioribus recentius sit, non tamen
doctrina, & universalis Ecclesiæ utilitate, ac fructu, præ-
fertim circa fidei propagationem, inferius existit. De
studiorum ergo universalium utilitate nulla nobis que-
stio est: nam etiam Aristot. lib. 7. Politic. cap. ult. & l. 8.
cap. 1. illud dicit a legislatore maxime observandum ef-
se, quod ad disciplinam juventutis pertinet: *nam id (in-
quit) neglectum in civitatibus affert Reipub. detrimen-
tum;* & infra subdit hanc disciplinam debere esse publi-
cam, & communem, Lacedæmonios laudans; quod
suam rempublicam ita instituerit: de quo plura in se-
quentibus afferemus.

3 Quod ergo in præsentem inquiri potest, solum est,
an expediat religiosos viros in his publicis studiis doce-
re, vel (quod difficilius est, & ad rem nostram propius
accedit) harum universitatum curam accipere. Ratio
dubitandi esse potest, quia religiosi officium non est do-
cere alios. Sic enim dixit Hieronymus ad Riparium,
& habetur c. 6. q. 1. c. 4. *Monachus non docentis, sed plan-
gentis habet officium.* Et in c. hoc nequaquam, §. præcipit,
7. q. 1. ex V. Synodo similia verba referuntur. *Monacho-
rum subjectionis habet verbum, & discipulatus, non do-
cendi, vel præsedendi, vel pascendi alios.* Est ergo valde
alienum a religioso instituto munus docendi extra suos
saltem religiosos assumere. Unde sicut in Concilio Ni-
cæno statutum fuit, ut monachus nulli tribuat pœni-
tentiam nisi monachis, nec sepeliat nisi monachos, c. 1.
16. q. 1. ita dicere possumus, religiosum non debere nisi
religiosos suos docere. Et ex eodem principio, quod of-
ficium monachi non est docere, sed lugere, colligit Ber-
nardus serm. 64. in Cantica, certum esse, quod publice
prædicare monacho non convenit: multo ergo minus
convenit in publicis scholis docere, & adhuc minus
generales universitates gubernare. Ratio denique adjun-
gi potest, quia quidquid repugnat perfectionis profe-
ctui, est etiam alienum a religioso instituto: sed hoc mu-
nus publice legendi, præsertim externis & secularibus
hominibus, necessario impedit profectum religionis, regu-
lariter loquendo, propter nimiam distractionem, &
temporis occupationem, & occasiones contendendi, ac
multum loquendi, quod vix fieri sine peccato potest:
ergo, &c.

4 Nihilominus certum est totum hoc munus esse
posse valde accommodatum statui religioso; & in præ-
sentem tempore legitime, & in magnam Ecclesiæ utilita-
tem fuisse a Societate assumptum. Ad hoc confirman-
dum sufficere nobis possent, quæ circa approbationem
Collegiorum, & universitatum Societatis varii Ponti-
fices tradiderunt, præsertim Paulus III. Julius III. Pius
V. & Gregor. XIII. ut autem & ecclesiastica traditione,
& ratione hoc declaremus, supponamus sermonem esse
de studiis illarum disciplinarum, quæ religiosos viros
docere possunt, a quo numero jure communi Pontificio,
tantum juris civilis prudentia, & scientia medicinæ ex-
clusæ sunt in cap. super specula, ne Clerici, vel monachi,
quod idem statutum est in 4. p. confit. c. 12. §. 4. his ver-
bis, *Medicina & legum studium, ut a nostro instituto ma-
gis remotum in universitatibus Societatis, vel non tra-*

*etabitur, vel saltem ipsa Societas per se id oneris non su-
scipiet.* Jus autem canonicum docere non est religiosi
jute communi prohibitum, sicut neque illi studere, aut
ejus gradum suscipere, ut communiter tradunt Docto-
res in d. c. super specula, & in c. 1. ne clerici, vel monachi
in 6. & ob hanc causam in prædicta constitutione Socie-
tatis non ponitur cum absoluta prohibitione. In §. au-
tem 1. ejusdem c. comprehendi videtur sub Theologica
doctrina positiva, quam Societatis professores petra-
ctare possunt, quantum ad finem præfixum salutis ani-
marum juvat, & ideo hæc verba ibi interponuntur, *non
attingendo tamen eam partem canonum, quæ foro contem-
ptio in servit.* Quamvis enim hæc pars illius doctrinæ
aliis clericis secularibus non prohibeatur, quia revera
non est profana, sed Ecclesiastica, & ad gubernationem
ecclesiasticam necessaria; nihilominus aliena est a statu
religioso, qui ab omnibus forensibus causis, etiam eccle-
siasticis, debet esse alienus. Ut enim in simili dixit Pela-
gius Papa: *Amarissimum est de isto proposito ad illud of-
ficium homines deduci, in quo nullo modo, quæ a monachis
Deo promissa sunt, valeant adimplere: omnimoda enim
est illius officii, & istius habitus diversitas; illic enim
quies, oratio, labor manuum: at hic causarum cognitio,
conventiones, actus, publica litigia, & quæcumque vel ec-
clesiastica instituta, vel supplicantium necessitas poscit,*
c. de presentium, 16. q. 1. His ergo remotis disciplinis, cæ-
teræ, quæ vel sacræ sunt, vel ex se ita communes, ut ad
sacras possint esse utiles, & negotiis secularibus non im-
plicentur, minime sunt extra religiosum institutum, et-
iam si omnibus docendæ sint. Quia vero certius hoc est
de tota Theologica doctrina, quatenus & scholasticam,
& positivam, & scripturæ interpretationem complecti-
tur; ideo in hanc potissimum Societatis universitates in-
cumbunt, quia ad salutem animarum medium magis pro-
prium est, ut in citato §. 1. dicitur. Et ob eandem causam
de hac potissimum conclusionem positam confirmabi-
mus: nam de cæteris in sequentibus specialiter dicemus.

5 Si ergo antiquos Ecclesiæ mores consulamus, in-
veniemus doctrinam hanc frequentius per viros reli-
giosos publice fuisse traditam. Refert enim Euseb. l. 5.
Historiæ c. 4. & 10. & ex illo Hieron. de scriptoribus Ec-
clesiæ Pantænum, virum religiosum, publice in Eccle-
sia Alexandrina sacræ doctrinæ professorem fuisse. Et
quamvis non asserant illum fuisse monachum, aut pro-
prie religiosum, insinuat tamen Eusebius fuisse ex secta
toribus Apostolorum, qui eorum vitam, & officium, at-
que adeo statum imitati sunt: *erant (inquit) ad id tempo-
ris plures verbi prædicatores, qui divino Apostolorum
imitandorum studio inflammati, magna adjumenta, cum
ad verbum Dei in animis hominum exadificandum, tum
ad id augendum afferebant, quorum e numero erat Pan-
tænus ille, &c.* De quo etiam addit (ut in hoc etiam ex-
emplum nobis esse possit) ad Indorum usque regiones se
contulisse, ut gentibus, quæ Orientem incolebant, præ-
co esset Evangelii. Et concludit: *Iste Pantænus propter
multa recte facta, & virtutes eximias, tandem schola il-
li Alexandrina præficitur, qui tum sermone coram, tum
scriptis divinarum institutorum, & religionis tanquam
thesauros hominibus proposuit.* De cujus eruditione
multa scripsit discipulus ejus Clemens Alexandrinus l. 1.
Stromatum. Advertit autem Hieronymus scholam illâ
Alexandrinam a Marco Evangelistâ incepisse, & in ea
successione continua semper Ecclesiasticos fuisse Do-
ctores, qui illi præfuerant, quos verisimile est fuisse sem-
per viros Apostolicos & religiosos, quales in Alexan-
dria sub Marco præcipue fuisse in tomo superiori osten-
sum est, quamquam eos, qui scholam illam regebant, ex
clericis, ac presbyteris fuisse certum sit: nam de Pantæno
ibidem dicitur fuisse ordinatum, & ei successit Clemens
presbyter Alexandrinus, & huic Origenes, &c. Jam ve-
ro in eodem tomo ostendimus clericos eo tempore fuisse
religiosos a monachis distinctos: nam monachi tunc
nondum doctrinæ, aut Ecclesiæ ministeriis vacabant.

6 Præterea eadem ratio est de doctrina, vel scriptis, ^{Suffragatur indu-}
vel voce tradenda: constat autem præcipua Theologo-
rum scripta, tam a sanctis Patribus, quam ab schola-
sticis doctoribus edita status religiosi fructus, & labo-
res extitisse. Nam Athanasius, Nazianzenus, Basilus
& multi alii Græci, religiosi, & monachi fuerunt: &
ex Latinis Augustinus, Hieronymus, & alii: ex schola-
sticis

Probatur
jam asser-
tio tradi-
tione.

sticis vero Thomas, Bonaventura, & ceteri fere omnes, quos etiam constat publicos professores fuisse, & Hieronymus epist. 4. ad Rust. & 16. q. 1. agnoscit Nazianzenum præceptorem suum; similem inductionem fecit D. Th. dict. opusc. 19. c. 2. ubi adducit etiam Damascenum, Chrysostomum, cum aliis, quos dicit fuisse religiosos & præcipuos Ecclesiæ Doctores. Afferit etiam verba illa, quæ l. 1. c. 5. n. 8. ex Hieronymo adduximus: *Sic vive in monasterio, ut clericus esse merearis*. Et infra, *multo tempore disce, quod doceas*. Plures etiam universitates studio, & eruditione virorum religiosorum fundatæ sunt; sufficitque nobis exemplum Parisiensis Academiae, quæ per monachos fundata est. Sic enim ait Anton. 2. p. historiali tit. 14. c. 4. §. 12. *Fuerunt Parisiis fundatores hujus studii quatuor monachi Bedæ discipuli, scilicet Rabanus, & Alcuinus, & Joannes Scotus* (Benedictinus scilicet, non Minorita, ut Genebrardus in sua Chronologia l. 3. paulo ante finem notavit, & erat per se notissimum.) Refert præterea ibidem Antoninus ex Chronicis metropolis Arclatensis, historiam nostro instituto valde accommodatam, quam ideo breviter perstringendam duxi. Cum in occiduis (inquit) partibus solus (scilicet Carolus Magnus) regnare cœpisset, & studia literarum jam essent ubique in oblivione, ideoque (causalem nota) vere divinitatis cultura teperet; contigit duos Scotos monachos de Hibernia, cum mercatoribus Britannia applicare, viros & in secularibus literis, & in sacris Scripturis incomparabiliter eruditos, qui ad convenientes turbas clamabant: *Si quis sapientiæ cupidus est, veniat ad nos, & accipiet eam, nam apud nos venalis est; quod cum ad aures Caroli pervenisset, eos vocatos interrogat, si veram sapientiam venalem haberent. Cui illi, sapientiam, inquit, & habemus, & in nomine Domini eam querentibus dare parati sumus. Querenti autem Regi, quid pro ea peterent? responderunt loca tantum opportuna, & animas ingeniosas, & sine quibus peregrinatio ista transiri non potest, alimenta. Quibus auditis, ingenti gaudio repletus Carolus, alterum in Gallia Parisiis residere fecit, & pueros nobilissimos ei commendavit, & victuaria dari præcepit; alterum vero in Italiam direxit, cui monasterium S. Augustini juxta Ticinensem urbem (vulgo Pavia) delegavit, ut illic, qui voluissent, ad discendum congregari possent. Postea vero (ut ibidem refertur) adveniens Alcuinus, & Imperatorem ipsum, & totam Galliam doctrina illustravit. Fuit ergo semper ministerium hoc religiosorum virorum valde proprium, eorumque statui maxime accommodatum.*

7 Ex quo ulterius recte concludimus, posse optime institui religionem, quæ ad hunc finem docendi publice in Ecclesia quascunque doctrinas religioso statui accommodatas, inter alias actiones suas, ordinetur. Hoc intendit D. Th. 2. 2. q. 188. art. 4. & 5. nam licet in priori solum agat de ministerio prædicandi, & audiendi confessiones, & in posteriori generatim de ministerio studendi, tamen ex discursu utriusque simul evidenter concluditur idem esse de ministerio docendi, ut constat etiam ex eodem opusculo 19. cap. 23. & 4. & 12. Quidquid enim in hoc ministerio invenitur, per se loquendo sanctum est, & aptum ad propriam, & proximorum charitatem nutriendam. Nam in primis actum docendi requirit ex parte ipsius Doctoris sacram lectionem, & assiduam meditationem rerum divinarum, vel aliarum rerum, quæ ad divinarum intelligentiam conducant: qui actus non solum honesti sunt, sed etiam ad vitam contemplativam per se spectant, ut in superioribus lib. 1. c. 6. probatum est, & ideo maxime sunt proportionari statui religioso, ad quem illud vitæ genus principaliter pertinet. Deinde actus ipse docendi, præcipue religiosa intentione factus, plures habet honestates, & utilitates: est enim in primis utilis proximo, qui docetur, & illuminatur, principaliter quidem in ordine ad bonos mores, & vitam æternam, consequenter vero in ordine ad omnia alia commoda, quæ ex eruditione proveniunt: est ergo ex suo genere actus misericordiæ spiritualis; & consequenter etiam charitatis proximi, cui beneficium fit, & Dei, propter quem fieri debet; erit etiam actus religionis saltem imperatus, quia propter Dei obsequium, & propter zelum animarum fieri debet, quo sacrificio nullum est

Deo gratius, ut ex Gregorio hom. 12. in Ezechielem afferit D. Thom. dict. q. 188. art. 4. ergo hoc etiam genus actionis de se maxime consentaneum est statui religioso: præsertim quia ipsemet actus docendi, quamvis ad activam vitam pertinere videatur, intrinsece includit contemplationem, non solum quia illam supponit, ut diximus; sed etiam quia magnam requirit internam considerationem, & facile potest in Deum referri, & ut sic ad illam vitam pertinet, juxta doctrinam D. Th. 2. 2. q. 179. art. 2. ad 3. & q. 180. art. 4. Accedit præterea, quod status religiosus aptissimus est ad illud munus, ut D. Thomas late in dict. opusc. declarat, tum quia religiosi sunt vacui curis, & solitudinibus seculi, & ideo sunt melius dispositi ad lectionem, & studium, & consequenter ad doctrinam: tum etiam, quia tunc doctrina est fructuosior discipulis, quando bonis moribus conjuncta est: religiosus autem, ex vi sui status, proficitur non tantum bonos, sed etiam perfectos mores, observando non tantum præcepta, sed etiam consilia. Et plures alias rationes ibi accumulatas, quæ legi possunt; est enim res per se satis clara.

8 Solum superest, ut addamus etiam posse convenienter institui in religione aliqua, v. g. in Societate, ut habeat proprias universitates sub sua propria cura, & regimine, ac doctrina, quod ex eisdem principiis facile ostenditur, supponendo hoc debere fieri debito ordine ac modo, & non propria autoritate, sed Pontificia. Sic enim totum illud officium est pietatis, & beneficentiæ publicæ, & nihil habet in se indecens, aut alienum a statu religioso: nam incommoda, quæ obijci possunt, sunt accidentaria, & ad hoc maxime inservit religiosus status, ut vitentur: quod si aliquid per fragilitatem humanam irrepperit, abundantia fructus compensatur, & ideo Ecclesiastici 24. dicitur, *qui elucidant me* (id est, veram sapientiam) *vitam æternam habebunt*; & Daniel. 12. absolute promittitur, *qui docti fuerint, fulgebunt quasi splendor firmamenti, & qui ad justitiam erudiunt multos, fulgebunt quasi stella in perpetuas æternitates*. Quibus verbis quanti sit meriti, & æstimationis apud Deum, docere alios in ordine ad salutem, declaratur, ut ibidem explicat Hieronymus, & in epistol. 103. ad Paulinum. Possumus autem specialiter applicare illa verba ad fructum harum universitarum: nam in illis proprie erudiuntur multi, vel potius omnes, quantum est ex institutione earum. Ac deinde quo magis fuerint conjunctæ religioni bene institutæ, eo illarum eruditio magis erit ad salutem. Est ergo institutio illa Deo gratissima, & magnam habens remunerationem, si recte fiat. Deinde utor argumento, quo D. Thomas. Ad defendendam Ecclesiam per corporalem militiam institui potest religio: ergo multo magis ad defendendam illam per propria arma ejus, quæ magis spiritualia sunt, quam corporalia, 2. Corinth. 10. & magna ex parte in doctrina consistit. Cui argumento nos addimus ad religionem militarem non tantum pertinere, quod sui religiosi privarim militent, sed etiam quod exercitum ducant, congregent, ac dirigant in eo genere militiæ. Sic ergo cum proportionem hoc spectat ad religionem spiritualiter militarem (ut sic dicam;) ad hunc autem finem instituuntur hujusmodi universitates, in quibus & per ipsam generalem doctrinam publicum fit bellum contra dæmonem, & plures etiam instituuntur milites, & duces, qui aliis locis, & variis modis contra ipsum militare possint. Simile argumentum est, quod religio institui potest ad curandos infirmos, non tantum per privatam actionem singulorum, ut sic dicam, sed erigendo etiam publicum Xenodochium, & totam curam, ac sollicitudinem illius assumendo. Idemque cum proportionem dici potest de aliis operibus misericordiæ: cur ergo non multo magis hoc idem dicendum est de hoc genere misericordiæ spiritualis?

9 Est autem hoc loco advertendum, quamvis Societas proprias possit habere universitates, & Collegia, in quibus doctrinam hanc tam suos, quam externos discipulos publice doceat, non tamen prohiberi ex vi sui instituti, quo minus in generalibus universitatibus idem ministerium possit admittere, si servata paupertate, quam profiretur, & ablatiis occasionibus ambitionis, & secularis negotiationis ei offeratur. Quod

Confirmat.

Tertia assertio.

Probatur primo.

Probatur secundo a simili ex D. Thom.

Societas etiam in alienis universitatibus docere potest sine stipendio, oppositione, præcedentia, in sedendo.

his

Secunda assertio.

Probatur ex traditione D. Th.

his verbis declaratum est in congregatione 1. generali can. 15. *Cathedra publica in universitatibus, aut alibi cum ea disceptatione suffragiorum, & oppositione, que solet fieri, non sunt admittende: si tamen sponte offerantur ab universitatibus, aut Rectoribus earum, & gratis prelegantur, nec quisquam se opponat, cum quo sit disceptandum, admitti possent consulto Generali.* Et eadem ratione consentaneum est instituto Societatis, ut ad gradus Doctoratus, vel Magisterii interdum alii promoveantur: imo id expresse disponitur in 4. p. constitut. c. 6. §. 17. servari tamen circumstantiis, quibus semper cavetur, ne paupertas, vel humilitas ledantur. Una est, ut nostri Doctores in sedendo non servant certum antiquitatis ordinem, & simul omnes extra numerum se constituant, & pro ratione additur, ut ab omni ambitionis specie, atque ab aliis affectibus parum temperatis recedant: quæ conditio servari facile potest in propriis universitatibus ipsius Societatis, in quibus sunt alii Doctores externi, qui juxta suam antiquitatem vel prærogativam certa loca accipiunt.

Limitatur
proxime
dictum de
non præ-
cedentia
in sedendo.

10 Possunt tamen interdum in aliis universitatibus nostri professores gradum accipere: quia neque hoc est alienum a statu religioso, ut late docet D. Th. Opuscul. 19. contra impugnantes religionem cap. 2. & 3. quem imitatur D. Antonin. 3. p. tit. 5. c. 2. §. 8. & Alvarus Pelagius l. 2. de Planctu Ecclesiæ c. 24. circa finem; neque etiam est alienum a Societate, cum interdum ad ministerium suum cum utilitate exercendum necessarium sit. In illis ergo universitatibus necessarium est quoad hanc locorum dispositionem, earum ordinem, & consuetudinem, vel institutionem sequi; tum quia non erit in potestate nostra illum immutare, cum nostræ jurisdictioni non subint: tum etiam, quia in re alioquin indifferente, & quæ sine incommodo religionis fieri potest, decet membrum consuetudini totius corporis conformari: tunc autem Doctor Societatis sit membrum talis universitatis; sequatur ergo consuetudinem ejus servata sui instituti humilitate, ut nullius loci dignitatem ambiat, sed aliis facile cedat, & illo contentus sit, qui ibi fuerit designatus.

Observa-
tiones
aliæ circa
gradus li-
brarios.

11 Altera conditio est, ne sumptus, qui pauperes non deceant, in gradibus hujusmodi faciant, ad quos (dicitur citato loco) *sine humilitatis detrimento non ob aliud, quam ut possit proximis ad Dei gloriam esse utiles, promoveri debent.* Et in hac condicione includitur, vel certe ex proprio modo nostræ paupertatis supponitur, non debere Doctorem Societatis ex suo gradu temporale emolumentum, aut stipendium, quod ex aliorum actibus, aut gradibus aliis provenire solet, sperare, aut accipere. Supponitur etiam in ultimis verbis, non posse religiosum Societatis hujusmodi gradum procurare, aut ambire, idem sine magno detrimento humilitatis non permitteretur. Adde etiam merito in Societate observari propter eandem humilitatem conservandam, ut hi gradus non conferantur propter honorem, seu quasi in præmium personarum, sed tantum pro ministeriorum necessitate, neque amplius multiplicentur, quam ad munera, seu onera Societatis sustinenda necessarium sit. Quamvis enim Cajet. 2. 2. q. 186. art. 7. reprehendat Prælatos religionis instituta ad prædicandum, qui subditos prohibent ab hujusmodi gradibus remuneratoriis, quando aliàs personæ dignæ sunt: nihilominus si hac intentione fiat, ut ambitioni locus non detur, dummodo religioni sufficienter provideatur, & inserviat, laudabile & optimum consilium est.

Ad locum
Hieronymi
in n. 3.

12 Ad verba ergo Hieronymi respondet D. Thomas supra, Hieronymum ibi explicasse id, quod per se, & quasi ex officio, & statu convenit monacho, ut monachus est; nam ejus non est perficere, sed perfici, nec docere, sed penitentiam agere; non tamen negat Hieronymus, quin persona monachi, si alioqui habeat necessaria ad docendum, possit munus illud suscipere, si ab eo, qui potestatem habeat, imponatur; & eundem sensum habent verba V. Synodi superius citata. Est autem advertendum nomen *monachi*, proprie sumptum significare cum, qui vitam solitariam, vel pure contemplativam proficetur, ut aperte explicat Dionysius c. 6. de Eccles. Hierarch. & Piamont. Abbas apud Cassianum Collat. 18. c. 5. & propterea juxta anti-

quum morem Ecclesiæ, ad monachos ordinariæ, & ex vi sui instituti non pertinebant ministeria Ecclesiastica ad doctrinam, vel sacramenta pertinentia; & ideo graviter reprehenditur, quando præsumptus de proprio statu, propria auctoritate illa usurpabant: & ita intelliguntur multa decreta 16. q. 1. per viginti priora capita: in multis autem eorum expresse declaratur, etiam eo tempore non fuisse prohibitum monachis, auctoritate Episcopi, & Ecclesiastico ordine servato, talia munera exercere. Et hac ratione intelligitur optime, quod ex Concilio Nicæno objiciebatur: nam monachi, etiam secundum suam primam institutionem, poterant hæc officia inter se exercere ex vi suæ institutionis, & quasi intrinsecæ potestatis, quia hoc ad conservationem, & perfectionem sui status per se erat necessarium: at vero circa fidelem populum nihil poterant nisi extrinsecus ab Episcopis vocati; & eodem modo loquitur Bernardus de monacho, quatenus monachus est.

13 At vero post illa tempora, præsertim a temporibus Dominici, & Francisci, instituta sunt religiones, quæ cum vita contemplativa activam circa proximos conjungunt sub habitu etiam monachali, a quo monachorum nomen participant; quamvis secundum etymologiam vocis, & primævam institutionem monachi non sint. Sic enim etiam nunc monachales ordines a mendicantibus distinguimus. His ergo monachis, ex vi suæ institutionis, & status sic approbati per sedem Apostolicam, non tantum legendi, sed etiam legendi, seu docendi officium competit; non quidem potestate ordinaria, sed delegata. Quia vero hæc delegatio non est personalis, ut sic dicam, sed totius religionis, nec est tantum a privato Episcopo, sed ab universali Pontifice, & est quasi a jure per approbationem, & privilegia talium religionum; ideo dicimus jam illis convenire ex vi talis status, & instituti. Antea enim aliquæ concessiones similes factæ fuerunt monachis per Innocentium, Gregorium, Bonifacium, & alios Pontifices, ut patet ex c. *si monachus*, c. *moderamine*, c. *sunt nonnulli*, & c. *si quem*, 16. questione 1. illæ vero semper magis respiciebant clericatum, quam monachatum, & particularem personam, quam religionem. Jam vero nunc potest instituta mendicantium plures etiam monachales religiones hanc potestatem, seu delegationem participant.

Mendicantes ordines etiam instituti ad docendum.

Imo olim id datum monachis a Pontifice.

14 Addendum etiam est, quod & D. Th. citato loco adnotavit, hæc, quæ de monachis olim dicebantur, non habuisse locum in religiosis clericis, qui semper in Ecclesia fuerunt, nec de illis intelligi debere: quia nec ita nominabantur, neque in omnibus cum illis æquiparandi sunt, sed in his tantum, quæ ad statum religiosum, ut sic, pertinent, juxta cap. *quod Dei timor*, de statu monachorum, & c. *ex parte*, de postulando. Unde concludit D. Th. quod *sicut clerici regulares non tenentur abstinere a lineis indumentis, quamvis monachi teneantur: ita multo fortius licet illis religiosis docere, quorum religio est ad hoc statuta, etiam si monachis non liceret.* Constat autem ex superius dictis in l. 1. c. 5. Societatem pertinere ad hunc ordinem religiosorum clericorum, & ex propria institutione esse ordinatam ad juvandos proximos, præsertim in doctrina & moribus, & ad hunc finem esse ab Ecclesia approbatam, & a Sede Apostolica accepisse omnem potestatem ad hoc munus necessariam: ergo omnibus titulis & licet, & proportionatum est hoc munus tali religioni. Neque est verum, ministerium hoc per se impedire perfectionis profectum, ut ex dictis de illius honestate constare potest, & a fortiori patebit ex sequenti capite.

Statue religiosus nunquam impedivit clericos docere sicut olim monachos.

Conclusio totius capituli.

C A P U T V.

Utrum Societas convenienter susceperit puerorum institutionem.

1 **N**on agimus de eruditione puerorum, quæ solum pertinet ad eorum instructionem in bonis moribus, vel rudimentis in doctrina Christiana: nam hoc ministerium non est proprium collegiorum, aut universitatum, sed toti universitati commune est (imo professorum est magis proprium, ut infra lib. 6. c. 3. videbimus), quia non ad scientiam, de qua nunc agimus, sed

De qua eruditione hic tractatur.

sed ad iusticiam, & salutem ordinatur: agimus ergo de tota eruditione puerorum, quæ ad intellectum illustrandum pertinet. In tres autem ordines possumus distinguere totam doctrinam harum universitatum, infimum, medium, & supremum. In hoc ultimo ponimus sacram doctrinam, & quæ ad illam intrinsece pertinet, ut sunt casus conscientiarum, de quo maxime procedunt dicta in c. precedenti, neque in præsentis titulo comprehenditur, quia hæc doctrina puerorum non est, sed viros jam bene adultos requirit, ut etiam Aristoteles lib. 1. Ethicorum c. 3. de civili scientia sensit. In medio ordine ponimus Artium curriculum, quod & Mathematicas, & aliqua ex parte ethicam doctrinam complectitur: licet vero in minori ætate addisci possit, non tamen est proprie puerorum eruditio: nam revera postulat facultatem ingenii satis expeditam, atque adeo rationis usum omni ex parte perfectum. Habet etiam hæc doctrina magnam affinitatem cum Theologia, & ideo propter illam non oporteret peculiarem movere questionem: nam quæ diximus capite superiori, magna ex parte possunt ad illam applicari, cum ostenderitis ibi in numero septimo considerationem veritatis philosophiæ in Deum relata, quandam esse religiosam contemplationem. Accedit, quod ea, quæ de infimo ordine dicenda sunt, a fortiori de his medijs facultatibus procedent. Igitur puerorum eruditio comprehendit totam linguarum peritiam incipiendo a primis Grammaticæ fundamentis usque ad perfectam eloquentiam cum aliis linguarum, præsertim Græcæ præditiis, & ornamentis, una excepta Hebræa, quæ magis adultos decet.

bent in suo munere præstando, ac etiam magis integri, & independentes, si ab ipsis, quos erudiant, stipendium non accipiant: unde tandem, quia ex charitate illud faciunt, & omnibus, & singulis, pro capiti uniuscujusque, prodesse curabunt. Præterquam quod propter vitam aliis curis, & sollicitudinibus liberam, magis in eo munere laborare possunt: addo etiam ratione ejusdem status facilius posse melioribus consiliis uti, etiam in ipsamet ratione docendi, cum majori fructu discipulorum: ad quod etiam facilius possunt & sibi, & discipulis divinum auxilium impetrare.

4 Majoris autem momenti est profectus in moribus, qui facillime in ea ætate imprimuntur. Et ad hunc profectum quamplurimum refert vita, & religiosum institutum præceptoris, ut late tractat Ribaden. lib. 3. de B. Ignatio cap. ultimo. Primo ratione exempli, quod maxime movere solet; & ideo qualis magister est, tales educantur discipuli, præsertim in ea ætate, quæ vix potest inter bonum, & malum discernere; & ideo actio magistris, si mala sit, est discipulo quædam licentia tacita, vel potius excitatio ad eum imitandum. Præter quod dixit Boetius in tractatu scholiarum: *nullares est magis perniciofa discipulo, quam vita magistri contumeliosa*. Secundo ratione intentionis, & industriæ, quæ ex ea nascitur: nam religiosus præceptor magis intendit bonam educationem pueri in moribus, quam in doctrina, & ideo quidquid potest pravorum mores docere, vel in ipsismet libris legendis, vel in quacumque prava societate, aut aliis hujusmodi rebus diligenter avertit: quidquid vero ad eorum bonam instructionem commode juvare potest, non prætermittit. Hinc Chrysostomus homil. 60. in Matth. parentes docet, ut si ad colendum filiorum ingenium prædagogus recipiendus sit, non quemcumque sibi oblatum statim admittant, sed considerent *ullam artem hoc artificis sublimiorem non inveniri. Quid enim (inquit) majus, quam animis moderari, quam adolescentulorum fingere mores: omni certe pictore, omni certe statuario, ceterisque hujusmodi omnibus excellentiorem hunc duco, qui juvenum animos fingere non ignoret*.

5 Hinc etiam sacri canones, qui frequenter præcipiunt, ut sit in unaquaque Ecclesia præceptor, qui pueros in his inferioribus disciplinis, etiam in Grammatica, instruat, simul admonent, ut magna cura eis eligatur, qui vita, & moribus eis prodesse possit, ut videre licet in Concilio Lateranensi sub Alexandro III. p. 1. c. 18. ubi specialiter admonetur, ut talis præceptor & gratis doceat, & docendi licentiam gratis accipiat, ac beneficium competerens, quo ali possit. Quod ex parte statutum fuerat in quadam antiqua Synodo sub Eugenio II. & habetur in c. de quibusdam distin. 37. in Concilio autem Lateranensi sub Innocentio III. c. 11. distincte explicatur, ut gratis in Grammaticæ facultate, ac aliis instruat, & quod Magister idoneus constituatur a Prælato, cum Capitulo, seu majori ac saniori parte Capituli eligendus. Et in Concilio Tridentino sess. 5. c. 1. de Reformatione idem statuitur, & eligendus Magister dicitur ab Episcopo cum consensu Capituli, & omnibus modis curandum esse, *ne pia hæc, utilis, atque fructuosa provisio quovis quæsito colore negligatur*. Et sess. 23. c. 18. de Reformatione, gravissime statuit, ut erigantur seminaria, in quibus pueri a teneris annis ad pietatem & religionem simul cum literis instituantur. Et in Concilio Moguntino sub Sebastiano cap. 65. gravissime idem statuitur tamquam res maxime necessaria ad fidem & religionem, vel instaurandam, vel conservandam. Et peculiariter animadvertitur, ut præceptores idonei sint, & catholicæ veritatis amantes, ac de hæresi non suspecti. In Concilio autem Mediolanensi I. sub Carolo Borromæo part. 1. dicitur Magistros esse eligendos *non minus fidei & vitæ, quam doctrinæ & scientiæ laude commendatos*; quibus etiam præcipit, ut bonis moribus, & salutaribus præceptis eos erudiant. Nec solum canones, sed etiam leges civiles hanc curam habuerunt. Nam in l. *Magistros*, C. de professoribus lib. 10. *Magistros* (inquit) *studiorum, doctoresque excellere oportet moribus primum, deinde facundia*. Et deinde subiungitur, ut magno judicio, & optimorum conspirante consensu eligantur; & lib. 2. statuitur, ut si semel electus postea inve-

Deinde
quoniam
profectus
in mori-
bus.

Accedit
authoritas
utriusque
juris.

Varia de
institutio-
ne puerorum
apud
Alex. ab
Alex. &
Tiraq. lib.
2. genial.
c. 25.

Affert. 1.
præambula
eruditionem
per se bonam
esse.

Probat
authoritas
c. 23.

Vide Si-
man. lib. 9.
de repub.
c. 23.

Probat
quod
profectus
in ipsa do-
ctrina.

2 Deinde notandum est, ministerium hoc considerari posse, vel absolute, & secundum se, vel comparatione facta ad religiosos, a quibus usurpatur: nam de illo secundum se nemo, nisi sit insipiens, dubitare potest, quin sit optimum, & ipsi sunt utiilissimum, imo & Reipublicæ maxime necessarium. Quod non solum in Ecclesia verum est, ut statim ostendemus, sed idem etiam agnoverunt Philosophi, & legum latores, pro externa politia, seu civili Republica, ut videre licet apud Aristotelem 7. Politicorum c. ultimo, & lib. 8. c. 1. Quamvis enim in generali loquatur de institutione puerorum quoad mores, tamen ipse maxime intelligit de his actionibus, quæ ad bonum regimen, & conservationem Reipublicæ necessariae sunt; inter quas constat merito numerari hujusmodi eruditionem. Sic etiam dixit Cicero oratione secunda in Verrem: *Nullum munus Reipublicæ afferre majus, meliusve possumus, quam si docemus atque erudimus juventutem*; & Diogenes Laërtius dixit, adolescentium educationem totius Reipublicæ esse fundamentum. Nihilominus tamen comparatione facta ad religiosos dubitari potest, an expediat hoc munus per illos ministrari, & exerceri.

3 In quo rursus subdistinguo illud ipsum verbum, *expediat*: potest enim inquiri, an expediat ipsis pueris, qui docendi sunt; vel an expediat ipsis religiosis, qui docendi sunt. Et in primo quidem sensu res etiam certissima est, illud esse valde expediens secundum se, & ex suo genere spectatum. Ad quod demonstrandum animadvertendum est, duo posse in hac disciplina, & puerorum educatione considerari: unum est profectus in ipsa doctrina: aliud est vita, seu boni mores, qui simul cum ipsa doctrina addiscuntur. Et utrumque multum pendet ex Magistris qualitatibus, seu dotibus. Sed primum magis pendet ex doctrina, & eruditione Magistris: ex quo capite parum refert illum esse religiosum, aut secularem, probum, vel iniquum: quia potest secularis, & iniquus excedere in eruditione, & doctrina, ut per se patet. Nihilominus tamen, quia profectus discipuli non pendet tantum ex scientia magistris secundum se, sed ut applicata ad docendum ipsum, id est, ex cura & sollicitudine integre, & perfecte implendi munus suum non ad quæstum, vel ostentationem, sed ad utilitatem discipuli: ideo ex hac parte multum refert vita, & bona conscientia præceptoris etiam ad profectum literarium discipuli: ergo ob eandem causam religiosus status præceptoris ex se potest multum conferre ad meliorem instructionem puerorum, etiam quoad utilitatem, & profectum literarum: nam ratione status diligentiores & fideliores esse de-

inve-

invenitur inofficiens; reprobetur. Et similiter in I. unica C. de professoribus, qui in urbe, lib. 12. dicitur: *si laudabilem in se bonis moribus vitam esse probaverint*. Et postea additur: *Si docendi pueritiam*, &c. Ex hoc ergo capite etiam est manifestum Ecclesię, & Reipublicę multum expedire, ut hæc puerorum eruditio per religiosos fiat. Quia per se loquendo, & ex vi sui status perfectiores in bonis moribus esse debent, & diligentiores in discipulis instituendis in bonis moribus simul cum doctrina.

6 Reliquum est, ut videamus, an ipsis quoque religiosis hoc expediat; non enim defuerunt, qui in hoc etiam nostram Societatem reprehenderint, quod ad huiusmodi Ministerium se dimittat. Primum quod vile, ac infimum, religiosusque viros munus dedecens videatur. Nam cum D. Gregogio relatum esset, Desiderium Grammaticam quibusdam exponere, ad eum ita scribit lib. 9. epistol. 48. *Quam rem moleste ita cepimus, ac sumus vehementius aspernati, ut ea* (scilicet bona quædam) *quæ prius dicta fuerant, ingemitum & tristitiam verteremus*. Refertur in c. cum multa, d. 86. Secundo, quia non solum indecens, sed etiam noxium potest hoc ministerium esse religiosis viris, tum propter nimiam distractionem, & inquietudinem, quam puerorum multitudo necessario allatura est: tum propter nimium laborem & occupationem, quæ non solum proprium spiritualem profectum, sed etiam ministeria majoris momenti, & quæ majores Ecclesię fructus parere possent, impediunt; tum denique propter multa pericula, quæ cum hoc ministerio adjuncta esse possunt. Tertio ex aliarum religionum exemplo: nullę enim sunt, quæ in hoc ministerio circa seculares occupentur, a quarum vestigiis discedere, & novum aliquid in re tam gravi introducere laudabile non est.

7 Nihilominus consensimus, & hoc non esse novum, neque alienum a religioso statu; & pro tempore, & opportunitate Societatis finis & institutioni fuisse maxime consentaneum. Probo singula, & imprimis ex antiquis historiis & ex Patribus constat puerorum eruditionem a viris religiosis tamquam piam, & Ecclesię valde utilem fuisse susceptam. Nam quod Eusebius lib. 5. historię c. 11. & 12. & lib. 6. c. 12. refert de schola Ecclesię Alexandrinę, non solum videtur intelligendum de ipsa doctrina sacra, seu Theologia, sed etiam de aliis disciplinis, & de eloquentia, & aliis fundamentis eo tempore ad sacram doctrinam necessariis. Et ideo de Pantano ait, fuisse omni humaniori literatura præstantissimum, & de Origene paritum fuisse curam docendi cum Heracla viro sacrarum literarum studio, & in aliis disciplinis discretissimo, ac Philosophię non ignaro, eique illos erudiendos commisisse, qui ipsis fidei elementis essent imbuendi. Et Theodoretus lib. 4. historię c. 16. refert Protogenem in Thebaidam a Valente relegatum, statim ac locum reperit idoneum, ludum aperuisse, & pueris docendis operam dedisse, quos non modo exercuit ad celeri manu scribendum, verum etiam sacra Dei eloquia docuit. *Nam hymnos* (inquit) *Davidis tamquam dictata illis proposuit, & eas Apostolica doctrina sententias, quas eorum ingeniis accommodatas putabat, ediscendas tradidit*. In quo exemplo, (ut ex illo cetera, quæ afferemus, intelligantur) animadverto non oportere, ut de eadem eruditione in Grammatica, vel Latina lingua, hæc antiqua testimonia loquantur, sed cum proportionem accipiendam esse de eruditione puerorum in quibuscumque inferioribus disciplinis, quæ sint quasi principia, vel fundamenta perfectioris doctrinæ: sic enim nunc etiam Grammatica ad hæc fundamenta pertinet, ut notavit Isidorus lib. 1. Etymologiarum c. 4. Qui propterea dixit lib. 3. de summo bono c. 13. Grammaticorum doctrinam etiam posse proficere ad vitam, dum fuerit in meliores usus assumpta, quod ex Hieronymo refertur in cap. si quis autem, d. 37. Imo etiam artem scribendi inter hæc fundamenta reputavit prædictus Protogenes, qui fuit vir sanctus, & miraculis clarus, ut ibi Theodoretus refert. Et de S. Cassiano Martyre, qui munus habuit docendi pueros parvulos, a quibus postea martyrium passus est, ut ex Prudentio, & Beda refert Surius tom. 4. die 13. Augusti; de hoc (inquam) ferunt, ut videre est apud Baronium in martyrologio, die 13. Augusti,

fuisse prius Episcopum in Germania, & a sua sede dejectum, venisse in Italiam, & Immoles confedisse, ibique ludum literarum aperuisse. Item de S. Patroclo refert Gregorius Turonensis in vita ejus, & ex eo Surius tom. 6. die 19. Novembris, fuisse prius clericum, seu canonicum regularem, & relicta urbe ad vicum quendam discessisse, ibique edificato oratorio D. Martini reliquiis consecrato, pueros erudire cepisse in studiis literarum.

8 Refert etiam Chrysostomus lib. 3. adversus vituperatores vitę monasticę, post medium, quandam venerabilem monachum, qui solitariam vitam proficiebatur, ad Constantinopolitanam civitatem descendisse, ut cujusdam adolescentis curam haberet, ipsiusque formaret animum, dum ipse Latinę, & Græcę linguę studeret, ut tandem sui instituti, & propositi socium illum haberet, cujus & institutum, & opus mirum in modum laudat Chrysostomus. *Ita enim* (inquit) *puerum illum brevi egregius ille pedagogus exercuit, tantamque in eo flammam desiderii cœlestis accendit, ut cuncta simul repente abjiceret, atque ad solitudinem conzoleret, alioque rursus indigeret freno, quod illum ab intempestiva illa, ac vehementi exercitatione ad moderationem posset commodioremque convertere*. Et infra: *condiscipulorum plurimi tantum ex illius contubernio familiari profecerunt, ut illius instituti fierent amuli; habebat quippe ille domi, qui se perpetuo moderaretur, ac veluti statua iugiter sub artificis manu constituta ornatior in dies evadebat, ingentemque animo decorem assidue adiciebat*. Et inferius concludit Chrysostomus: *Itaque, si quis mihi nunc quoque ejusmodi animum, ac pedagogum daret, aliaque similiter polliceretur, curaturum, incredibile est, quam id fieri optarem: sic enim profecto copiosiori ex fructu magis gauderemus*. Nec mirandum est religiosum illum virum unius pueri curam, & magisterium tanta cura suscepisse, cum sanctus Hieronymus scribens ad Latam de institutione Paulę filię circa illius educationem, late illam instruat; & cum inter alia postulet, ut eam Bethleem mitteret, ut cum virgine Eustochio religiose educaretur, his verbis epistolam concludit. *Ipse si Paulam miseris, & magistrum me, & nutricium spondeo; gestabo humeris, balbutientia senex verba formabo, multo gloriosior mundi Philosopho, qui non Regem Macedonum Babylonio periturum veneno, sed ancillam, & sponsam Christi erudiam, regnis cœlestibus offerendam*.

9 Præterea inter decreta, quæ VI. Synodus Constantinopolitana tribuuntur, & referuntur in tom. 3. Conciliorum post Concil. Toletan. III. in c. 5. statuitur, ut presbyteri per vicos & villas scholas habeant: *Et si quis fidelium* (inquit) *suos parvulos ad discendas literas eis commendare vult, cum summa charitate eos doceant, neque aliquid pretii ab eis accipiant*. Et in c. 4. supponitur etiam religiosos cœnobitas hoc tunc exercuisse; sic enim ait; *Si quis presbyteris voluerit nepotem suum, aut aliquem consanguineum ad scholas mittere in Ecclesiis sanctorum, aut in cœnobis, que nobis ad regendum commissa sunt, licentiam ad id faciendum concedimus*. In Concilio etiam Aquisgranen. sub Ludovico I. cap. 135. habetur, Canonicos etiam regulares assumpsisse curam instruendi, & docendi pueros, & adolescentes, saltem eos, qui ad Ecclesię ministeria educabantur. Idem gravissime commendatur in Concilio Parisiensi sub eodem Ludovico lib. 1. cap. 30. Quod etiam tempore D. Basilii hoc observatum fuerit, colligi potest ex eodem in regulis brevioribus 2. q. 2. ubi sub his terminis quæstio movetur. *Nunquid conveniat, ut inter fratres magister sit puerorum secularium?* Est autem responsio notanda. Cum Apostolus dixerit: *Patres nolite ad iracundiam provocare filios vestros, sed educate illos in disciplina, & correctione Domini; si qui eos adducunt, hac mente adducunt, & qui suscipiunt, tales sunt, qui planissime confidunt posse se, qui sibi adducantur, in disciplina, & correctione Domini educare: servetur, quod præceptum est a Domino, qui dixit: finite parvulos venire ad me, talium est enim regnum cœlorum; remoto autem huiusmodi proposito ac spe, hoc neque Deo gratum, neque ex decore, aut ex utilitate nostra esse existimo*. Hinc etiam D. Benedictus nobilium Romanorum atque aliorum Italię magnarum filios, in suo monasterio erudiendos accipiebat, ut ex Gregorio intelligitur 2. Dialogorum

Arguitur
primo ex
Gregorio.

Exemplo
eandem
arguitur.

Suadeant
primum
asserio-
nis mem-
brum.

cap. 3. in fine, dicente: *Cœpere etiam tunc ad eum Romanae urbis nobiles, & religiosi concurrere, suosque ei filios omnipotenti Deo nutriendos dare*, quanquam in his verbis loqui videtur de donatione filii ad statum religiosum, quæ tunc erat in usu, & de qua loquitur Benedictus in sua regula c. 39. In historia etiam religionis Prædicatorum refertur, in quodam suo capitulo generali statutum esse, ut in singulis monasteriis aliqui fratres deputarentur, qui circa doctrinam, & mores puerorum, qui in scholis versantur, curam haberent. Non est ergo hoc novum, licet fortasse, quia majori ex parte antiquatum erat, per Societatem fuerit instauratum, & fortasse etiam augmentum, & ad meliorem formam redactum.

10 Et ex eadem traditione, & exemplis constat ministerium hoc non esse indecorum, sed maxime decens religiosos viros. Quod enim a gravissimis & sanctissimis viris susceptum, & approbatum est, cur indecens reputabitur? an quia humile potius, quam honorificum ministerium esse videtur? At profecto hoc genus operum maxime decet religiosum statum: alioqui non deberent religiosi curare infirmos, pedes hospitum lavare, ac denique per charitatem invicem servire, ut Paulus monet. Quod si ad alia opera charitatis, etiam abjecta, & laboriosa merito ordinatur religio, cur non etiam ad hoc opus docendi pueros, quod licet valde laboriosum, & minus honorificum sit, tamen sine dubio est utilissimum Ecclesiæ, ut ostensum est in c. 2. Si ergo servetur conditio a Basilio posita, nihil est indecentiæ in hoc munere; potestque ex verbis illius argumendum a contrario sumi; tunc enim hoc ministerium non erit *ex decore* (ut ipse loquitur), quando per illud temporale commodum queritur, aut spiritualis fructus proximorum non speratur; ergo a contrario, cum a religiosi viris nihil præter communem Ecclesiæ utilitatem per hoc ministerium queratur, cumque hæc utilitas propter rationes omnes adductas, & manifestum experimentum, magna sperari possit, dubium non est, quin huiusmodi opus dignissimum sit, ut a religiosi viris assumatur.

11 Neque contra hoc quidem facit reprehensio Gregorii in d. epist. seu in d. c. cum multa. Primo quidem, quia aliud est loqui de Episcopo, aliud de religioso: multa enim religiosum decet, quæ Episcopum dedecent, in quibus numerare possumus Grammaticam docere, sicut etiam Gregorius Nazianzenus epist. 97. in Gregorio Nysseno reprehendit, quod prætermissa lectioe Scripturarum nimium Rhetoricæ libris vacaret, eumque exhortatur, ut illis libris omissis propria Episcopi munera, qua solebat diligentia resumeret. Deinde & Glossa ibi & Gratianus in §. cur ergo, post c. turbat. d. 37. & alii exponunt, Episcopum illum reprehendi a Gregorio, eo quod in concionibus ad populum loco sacræ lectionis, & eruditionis, Gentilium fabulas, & Poetarum carmina exponebat. Quem sensum indicat Gregorius, cum ait, nefandum esse Episcopis canere, quod nec laico religioso conveniebat: loqui enim necesse est de cantu profano, non de ecclesiastico: legitimus quippe de eodem Gregorio apud Joannem Diaconum lib. 2. vitæ ejus cap. 6. interdum eum Ecclesiasticis pueris fuisse modulatum, habentem in manu flagellum, quo pueris minabatur, si in Ecclesiastico cantu errarent. Qui ergo Summus Pontifex dedignatus non est, propter cleri reformationem in cantu Ecclesiastico pueros instruere, vel sua auctoritate ad majorem diligentiam adhibendam eos compellere: multo magis judicaret opportunum, ac decens, religiosos aliquos occupari circa puerorum eruditionem in inferioribus literis, quatenus ad majores necessariae sunt.

12 Præterea quod ministerium hoc non sit omittendum propter impedimenta, vel pericula, quæ secum affert, declaratur breviter. Quia in primis hoc ministerium per sese est adeo utile, ac necessarium Ecclesiæ, ut prætermittendum non sit, etiam si majora aliqua ex parte impedire videatur. Nam licet formaliter (ut sic dicam) minimum appareat, virtute tamen magnum est, cum ex illo & Ecclesiæ mores, & altiores disciplinae magna ex parte pendeant, ita ut ad illud merito accommodari possit parabola de grano sinapis, quod minimum est quantitate, virtute autem magnum.

Accedit, quod altiores scientiæ plures habent Magistros, tam religiosos, quam sæculares: ad hanc autem puerorum eruditionem pauci, quales n. 3. & 4. proponebamus, inveniuntur, aut inclinantur, & ex hac parte majori Ecclesiæ necessitati in eo subvenitur, & ideo licet apud homines videatur minoris dignitatis, apud Deum fortasse est majoris meriti. Præterea quamvis opus hoc ad eas personas comparatum ab altioribus ministeriis eas impediatur: tamen non ibi sistendum est, sed cum toto religionis corpore est conferendum: nam ut de Ecclesia dixit Paulus 1. Corinth. 12. *Corpus non est unum membrum, sed multa, & quæ videntur membra corporis infirmiora esse, necessaria sunt*, & ex illorum ministerio non impeditur corpus, quominus perfectiores actiones per altiores facultates possit efficere. Ita ergo contingit in corpore religionis: nam si hæc inferiora ministeria cum debita mensura, & moderatione sumantur, non impediunt altiora: sed potius ad illa juvant, tum præparando materiam, ut sic dicam, ex parte audientium, ut idonei sint ad perfectiores disciplinas capessendas, tum ex parte ministrorum, ut paulatim ab inferioribus ad perfectiora progrediantur, & ita in omnibus magis proficiant; nam omnia tempus habent, & quædam ministeria quandam ætatem, & conditiones requirunt, quædam vero alias, & tota hæc varietas in corpore religionis inveniri potest, si cum dextérité, & providentia gubernetur: quod quidem non negamus esse difficile, ac laboriosum, inde tamen speramus meritum augeri. Unde per se loquendo, hic labor, & sollicitudo non potest impedire substantialis perfectionis augmentum; tum quia est opus insignis charitatis, & ex obedientia susceptum ipsam charitatem multum auget, ac perficit; tum etiam, quia sperandum est ratione talis status, & totius religionis ad hoc munus, inter alia instituta, non sine speciali Dei providentia, & approbatione; sperandum inquam est non defuturum peculiare auxilium Dei ad illud munus, cum aliorum fructu, & sine proprio nocumento, imo cum magno etiam profectu efficiendum. Quapropter si quid est periculi, eadem divina gratia, & superiorum vigilantia, & aliis operibus religionis, & iis præsertim, quæ ad vitam contemplativam pertinent, superari non difficile poterit generatim loquendo. Præsertim cum tale periculum non sit per se conjunctum huic ministerio, sed sit valde accidentarium, & extrinsecum; vixque possint cogitari actiones humanæ, in quibus similia, vel majora pericula inveniri non possint.

13 Tandem quod hoc tempore, & in hac religione medium hoc (quidquid sit de religionibus aliis temporibus) fuerit valde opportunum Ecclesiæ, & non sine peculiari Dei providentia inventum, intelliget facile, qui animadvertat, quæ lib. 1. diximus, de institutione Societatis: namque rationes omnes & circumstantiæ, quas ibi observavimus circa institutionem Societatis ad ministeria proximorum, ad hoc peculiare ministerium applicari possunt, & experientia, quam diximus, institutum ipsum comprobasse, non minus approbat, & confirmat hoc ministerium. Re enim vera incredibilis est fructus, qui ex illo redundavit; in Provinciis siquidem Catholicorum, ubi fides illa servatur, non solum puerorum, sed etiam omnium statuum mores per hoc medium reformati sunt, nam ex his pueris, & plures religiosi, & boni clerici, & iusti gubernatores Republicæ prodierunt. Cum enim a tenera ætate Dei timorem concipiant, & divinis rebus, ac sermonibus assuefiant, semper odorem illum retinent, generatim loquendo, juxta sententiam Sapientis Proverb. 22. *Adolescens juxta viam suam etiam cum senuerit, non recedet ab ea*. In regionibus autem hæresis labe infectis per hanc puerorum educationem non solum filii, sed etiam parentes sæpe ab hæresi præservati sunt, & ab illa interdum ad fidem revocati. Sicut enim legitimus Principes, & alios hæresum patronos ad eas disseminandas, & propagandas, procurasse, ut pueri statim ab initio cum ipsis literarum principiis errores biberent, ut de Maxentio refert Eusebius lib. 9. historiæ, c. 5. & Theodorus presbyter in Ilagoge, seu expositione unionis duarum naturarum in Christo, statim initio de sectatoribus Eutychis, & Dioscori refert tanta pertinacia Ecclesiam oppugnasse, ut quos haberent puerulos nec-

Fructus
eruditionis
puerorum
inter catho-
licos.

Item inter
hæreticos.

Theodorus
in co-
Biblioth.
Patrum.

Castillo
l. 2. c. 70.

Probatio
ab exem-
plo.

Satisfe
primo ar-
gum. in
sum. 6.

Satisfe
secundo
ib. d. quod
ad omnia
ejus capi-
ta.

necdum compotes plani eloquii exaceruerent, atque persuaderent inducendo, quo possint, & audire & discere, quæ pro suo dogmate tuendo afferebant, quos nostram etiam ætate Lutheranos imitari audivimus: scribunt enim carmina, & elegantes orationes contra Pontificem, & Ecclesiam catholicam, ut pueri eas legentes eorum spiritum hauriant, & summam diligentiam adhibent, ut Magistri puerorum suis erroribus infecti, & adeos affecti sint. Et in Concilio Colonienfi sub Adolpho p. r. c. 1. refertur sectarios magisteriis inihiare scholarum, & operam suam instituendæ inventuri passim venditare, ut venena sua teneræ juventuti instillant; de Divo etiam Petro martyre ex S. Dominici familia scribitur Patrem Patrumque hæreticos conrendisse (sed tamen frustra) ut ab schola removeretur, ubi cum cæteris pueris fidei nostræ rudimenta didicerat; esset ergo absurdum, & insolens (ut ait Theodorus supra), si hæretici pro tuendo mendacio puerorum animos præoccupare studerent, & Ecclesia pro veritate & animarum salute defendenda in eo negotio negligens inveniretur; propter hanc ergo præcipue causam existimo tali tempore Deum excitasse Ignatium, eique hanc mentem, & consilium absque aliarum religionum urgente exemplo dedisse, illudque sui vicarii auctoritate, & multis effectibus, ac suæ gratiæ ostensionibus comprobasse. Quibus tandem accedit gravissimum Cardinalium testimonium; nam in congregatione, in qua ad dubia circa Concilium Trid. respondent, in quadam responsione 231. circa decretum Concilii Trid. sess. 23. c. 18. de reformatione, addiderunt, querendos esse magistros Grammaticæ & Musicæ eruditos, qui in seminariis pueros instruant, *quorum* (ait Congregatio) *si reperiuntur Jesuitæ, cæteris anteposendi sunt.* Atque ita satisfactum est tribus rationibus dubitandi in num. 6. positis.

14. Addam in fine hujus capituli usque adeo cordi fuisse D. P. N. Ignatio hanc educationem puerorum, ut non putaverit indignum, vel alienum a nostro instituto, etiam illorum curam suscipere, qui sub aliquo Magistro legere addiscunt, aut scribere, cum debito tamen moderamine. Unde in 4. p. Constit. c. 12. in fine ultimæ declarationis sic dicitur; *In legendo & scribendo alios instituere, opus etiam charitatis esset, si is personarum numerus Societati suppetere, ut omnibus vacare posset, propter earum tamen penuriam, hoc ordinarie docere non consuevimus.* Itaque opus quidem ipsum ex se charitatis est, & susceptum propter prædictum finem, scilicet ut pueri cum ipsis primis literis, nihil aliud quam honestatem, & religionem addiscant, esset revera magnum, & religiosum obsequium Dei, non tamen nisi raro suscipitur, & propter gravem aliquam causam, & communem necessitatem, ne tot muneribus nimium religio oneretur. Potestque moralis ratio adjungi, nam utilitas, quæ ex illo magisterio resultat, magis remota est a literariis disciplinis, minusque ab illa pendent altiores scientiæ, quam a Grammatica, vel aliis artibus liberalibus, & ex hac parte minus conjuncta est cum Collegiorum instituto, facileque inter seculares inveniuntur, qui exacte artem illam doceant, quæ magis etiam ad mechanicas accedit, quam ad liberales, & ideo frequentius per laicos, quam per clericos tradi solet, & alioquin ætas puerorum pro illo statu, regulariter loquendo, nimis tenera & imbecilla esse solet ad morum instructionem accipiendam, & ideo minus necessarium illis est nostrum ministerium: nam quod in hoc ministerio iis puerulis fuerit opportunum, suppleri potest externas eorum scholas interdum adeundo, & in doctrina Christiana, & bonis moribus pro illorum capacitate pueros instruendo, quam curam tamquam sibi propriam, ubi commode fieri potest, Societas non prætermittit.

C A P U T VI.

Utrum ad externorum scholarum institutionem convenientibus mediis Societas utatur.

IUo in hac institutione intenduntur: profectus videlicet in doctrina, & in moribus, quæ ita comparantur, ut licet doctrina sit quasi materia propria hujus ministerii, & effectus proximus Collegiorum, finis tamen præcipuus sit honestas morum. Quæ duo observare licet in Concilio Tridentino sess. 23. cap.

18. quod est de seminariis puerorum, & eorum institutione, ubi media ad utrumque effectum consequenda præscribit: merito ergo in constitutionibus Societatis idem circa has scholas secularium provisum est, & integro libro auctoritate ejusdem Societatis postea edito, & inscripto: *Ratio institutioque studiorum*, disertissime inculcarum.

Prima assertio de mediis ad virtutem promovendam.

2. Primo ergo dicendum est, sufficienter ac convenienter in his Collegiis esse provisum de mediis, quibus juvenus in virtute conservetur, ac promoveatur. Hoc facile patebit breviter hæc media enumerando. Primum, quoniam conscientia pura sedes est sapientiæ, statuitur, ut frequens confessio peccatorum fiat, saltem singulis mensibus 4. p. Constit. c. 7. §. 2. *Curetur*, (dicitur ibi) *quoad ejus fieri poterit, ut singulis mensibus ad sacramentum confessionis accedant.* Et c. 16. *Diligenter curetur, ut qui literas discendi gratia ad universitates Societatis se conferunt, simul cum illis bonos, ac Christianis dignos mores addiscant, ad quod multum juverit, si omnes singulis saltem mensibus semel ad confessionis sacramentum accedant.* Hoc medium probavit Concilium Tridentinum d. c. 18. ubi de his, qui educantur in seminariis, dixit, *saltem singulis mensibus confiteantur peccata.* Et in utroque loco ponderanda est particula *saltem*, per illam enim insinuat, melius esse, frequentius confiteri, & ita esse consulendum, quamvis non exigendum, aut pro regula statuendum, præsertim pro junioribus secularibus. Et ob eandem fortasse causam, nihil de usu Eucharistiæ pro his scholaribus externis, sicut pro nostris scholaribus statuitur; tacite vero intelligitur id, quod Concilium expressius declaravit, dicens, & juxta confessoris judicium sumant corpus Domini nostri Jesu Christi: quod facilius in seminariis servari potest, eo quod in eis sub severiori disciplina Ecclesiastica juvenes contineantur.

3. Secundo post usum sacramentorum præcipitur quotidianus Dei cultus; & quia hic maximus est in sacrificio Missæ, ideo in eisdem locis constitutionum dicitur, ut Scholastici quotidie Missam audiant: quod etiam de seminariis expressit Concil. Trident. citato loco. In Concilio autem Lateran. sub Leone X. sess. 9. sub titulo, de reformatione Curiæ, non solum dicitur, ut ad Missas, sed etiam ut ad Vesperas, divinaque officia audienda impellantur. Sed id intelligendum est cum distributione accommodata; non enim inducendi sunt, ut quotidie his officiis assistant, id enim quamvis aliàs sanctum, & bonum, illi ætati esset nimis onerosum, & studiorum opus impediret; & ideo Concilium Tridentinum de his, qui educantur in seminariis, solum dixit in diebus festis debere in Ecclesia cathedrali pro opportunitate loci inservire: ita ergo intelligendum est Concilium Lateran. de diebus festis: nam de illis specialiter loquitur, si contextus attente inspicatur. In illis autem ad Missas audiendas omnino cogendi sunt, si oportuerit; ad alia vero divina officia tantum invitandi, & suaviter inducendi; præsertim vero ad prædicationes, & sermones audiendos, ut dicitur in prædicto Concilio Lateran. Inde in dicto c. 16. 4. p. constit. dicitur; *Concionem singulis diebus festis, cum ea fiet, audiant, & præceptoribus injungitur, ut unusquisque a suis discipulis hoc servari procuret.*

4. Tertiò, quia generales conationes, quæ pro toto populo fiunt, minus accommodatæ puerorum captui, atque adeo minus utiles esse possunt: ideo præceptoribus Societatis cura instruendi, & exhortandi ad virtutem suos discipulos variis modis commendatur. Quod est sacris canonibus valde consentaneum. Nam in dicto Concilio Lateran. inter alia sic dicitur; *Magistri scholarum, & præceptores pueros suos, sive adolescentes, non solum in Grammatica, & Rhetorica, ac cæteris hujusmodi instituere debeant, verum etiam docere teneantur ea, quæ ad religionem pertinent: ut sunt præcepta divina, articuli fidei, sacri hymni & Psalmi, & Sanctorum vitæ, &c.* Sic ergo in prædict. c. 7. 4. p. constit. §. 2. generatim dicitur, curandum esse, ut scholastici in his, quæ ad doctrinam Christianam pertinent, bene instituantur: & in c. 16. §. 2. in particulari ordinatur, ut semel in hebdomada prælegatur pueris Chri-

1. medium confessio mensitua.

Vide 16. dorum juniorem tract. de variis collegiis ad utilitatem publicam constitutis.

2. Medium divinus cultus præsertim in Missa quotidie audienda.

3. Medium institutio doctrinæ Christianæ ac exhortationes privatae &c.

Quid Societas habeat de eruditione elementari puerorum.

Emplex finis a Societate in scholis internis.

Christiana doctrina, & ut ipsi eam addiscant ac recitent: & in §. 3. additur, ut singulis etiam hebdomadis aliqua declamatio fiat, per quam omnes ad augmentum virtutis excitentur. Et §. 4. commendatur præceptoribus, ut inter legendum, cum se occasio obtulerit, ad obsequium, & amorem Dei, ac virtutum discipulos moveant: quod etiam in privatis Collegiis opportune facere debent.

4. Medium oratio in scholæ initio.

5 Quarto optima est consuetudo in initio scholarum, seu lectionum publice orationem præmittere; sicut de Thoma Aquinate legimus, nunquam se lectioni, vel descriptioni dedisse, nisi præmissa oratione. Hanc ergo consuetudinem in nostris scholis, quantum fieri possit, servandam esse in dicto §. 4. præcipitur. Docendi autem sunt pueri, ut in ea brevi oratione duo efficiant, unum est, ut omnia sua studia, & in particulari tempus illud, & actionem in Deum referant. Quod documentum insinuat Basilius, quantum ad rectitudinem intentionis in reg. 292. ex brevioribus, & Boetius lib. de disciplina scholarium c. 6. Iarius Dionysius Carthus. lib. de doctrina scholarium art. 20. Aliud est, ut affuecant a Deo postulare gratiam ad proficiendum in studiis. Quod ad omnes alias vitæ actiones illis valde utile esse poterit.

5. Medium de prælegantur libri bonis moribus noxii, quod sua detur auth. Concil.

6 Quinto specialiter cavetur in constit. 4. p. c. 14. §. 2. ut præceptores abstineant ab eis libris juventuti prælegendis, in quibus sit aliquid, quod bonis moribus nocere queat. Quod fere eisdem verbis dixit Concl. Lateran. supra; *Nihil (ait) contra bonos mores, aut quod ad impietatem inducat, eos docere possint*. Alia etiam Concilia, quæ de hac pæctorum eruditione aliquid statuerunt, ab his libris, qui obscenas fabulas, & comædias continent, abstinere jubent, ut videlicet in Concil. Colonienſi sub Adolpho 1. p. c. 3. *Interest (inquit) inter alia) ut tantum casti, pii, & religioni orthodoxa consentientes auctores prælegantur*. Quod iudicium non vult esse penes omnes, & ideo statuit, ut nullus liber prælegatur juventuti, nisi ad hoc examinatus sit, & admissus a Decano artium Catholice universitatis. Idem præcepit Concil. Mediolanense 1. sub Carolo Borromæo p. 1. c. de ludimagistris; *Non solum (inquit) libros indice S. D. N. Pii IV. auctoritate edito nominatim vetitos pueris non interpretentur, aut ab illis legi patiantur; sed neque etiam alios, quibus obscena & turpia continentur*: quod etiam in regula 7. Catalogi Rom. cautum est; similia videri possunt in Synodo Augustensi cap. 26. & in Synodo Moguntina sub Sebastianus c. 36. refertur etiam Synodus Valentina sub Martino Ayala sess. 1. quæ non habetur in tomis Conciliorum.

Item ratione ex patribus.

7 Ratio clara est, quia sub specie eloquentiæ & dulcedine Latine linguæ, & per oblectamenta fabularum pravas cogitationes immittunt, & mores inhonestos docent; imo mentem excitant ad incentiva libidinum, ut Ildorus dixit lib. 3. de summo bono c. 13. & refertur in c. ideo prohibetur, 37. d. Unde recte Origenes hom. 2. in Hierem. huiusmodi libros comparat calici auro, in quo venenum propinatur. *Unusquisque (inquit) Poetarum, qui putantur apud vos (scilicet ethnicos) disertissimi, calicem aureum temperavit (scilicet per eloquentiæ ornatum, & styli eloquentiam) & in calicem aureum, venenum injectit idolatriæ, & venenum turpiloquii, venenum eorum, quæ animam interimunt, dogmatum, venenum falsi nominis scientiæ*. Et in eadem sententia multa scribit Augustinus lib. 1. confessionum, c. 13. & sequentibus, & specialiter c. 16. de Terentio loquens, ait; *Non omino per hanc turpitudinem verba ista commodius discurrunt, sed per hæc verba, turpitudine ista confidentius perpetratur. Non accuso verba, quasi vasa electa, atque pretiosa, sed vinum erroris, quod in eis propinabatur ab ebriis Doctoribus*. Item Hieronymus in Ionam c. 3. circa finem, ad hoc ipsum accommodat dicta verba Hierem. 51. *Calix aureus Babylon, inebrians omnem terram, dicens; Quem non inebriavit sapientia secularis, cuius non animos compositione verborum, & disertitudinis sua fulgore perstringet?* Denique ex Basilio ad nepotes suos refert Castro lib. 3. de iusta hæretic. punir. c. 9. (in quo simul cum præcedenti de hoc argumento, & de delectu in lectione librorum pie, & erudire disserit) refert (inquam) Gentilium libros ea discretionem legendos esse, quæ apes naturaliter utuntur.

Venenum in aure, surpitudo in eloquentia.

Vide eundem Castro 1. contra hæreticos c. 12.

Apes enim (inquit) non omnibus floribus insident, neque ex iis, ad quos accedunt, omnia auferre conantur, sed quantum ipsis opportunum fuerit, reliquum dimitunt: sic nos, ut sobrii sapientesque simus, quantum nobis congruum ac veritati propinquum ex ipsis fuerit persequemur, reliqua prætereamus. Et sicut in legendis rosis sentes vitamus, sic in talibus sermonibus, quidquid est inutile capientes, noxium vitamus: similia sumi possunt ex Damasceno lib. 4. de Fide c. 18. Hunc autem delectum non possunt habere pueri: & ideo tales libri vel illis omnino legendi non sunt, vel non nisi prius a rebus, & verbis inhonestis purgati sint, ut in prædicta constitutione dixit B. Ignatius: quod si purgari non potuerint, abiciantur, ne rerum qualitas animorum puritatem offendant, ut ibidem in Declarat. dicitur. Sunt etiam optima ad hanc veritatem confirmandam verba Basili reg. 15. ex fusiioribus, quamvis enim ille de pueris, qui in religione educantur ad proficendum in illa, loquitur: tamen ad rem, de qua agimus, optime accommodantur. *Illud quoque (inquit) considerandum est, ut literarum commentatio instituto nostro conveniens sit, ut & magistri scilicet vocabulis in sacris literis usitatis apud ipsos utantur: & loco fabularum historias rerum mirabiliter a Deo gestarum ipsis denarrent itemque sumptis ex proverbiis sententiis ad virtutem erudiant*.

8 Nec solum sanctis Patribus, ac decretis, sed etiam humanis legislatoribus hæc cura fuit, servata proportionem. Nam Ulpianus in l. cetera 4. ff. Familæ eriscundæ, quoad hoc comparat mala medicamenta, venena, & libros, quos vocat *improbe lectionis*: quæ omnia protinus dicit esse corrumpenda officio boni, & innocentis iudicis. Plato etiam lib. 7. de legibus Poetarum libros, qui de Diis suis irreligiose loqui videbantur, exterminandos a Republica censuit. Unde recte dixit Simancas de Catholicis instit. tit. 38. non solum veræ religionis cultores, sed etiam eos, qui perversam, atque impiam religionem suscipiunt, libros noxios damnare solere: quod multiplex eruditione late confirmat, & latius lib. 3. de Republica c. 26.

Secunda assertio de mediis ad literas promovendas.

9 Secundo dicendum est, non minori prudentia definita esse ac statuta in Societate necessaria media, quæ ad scholasticorum, & puerorum eruditionem opportuna esse possunt, ut in praxi servantur. Hoc posterius experientia constare potest, cum enim ad factum pertineat, aliam probationem certam non admittit, nisi fides scribenti adhibeatur. Possumus vero addere moralem persuasionem; nam hæc media, quæ respectu scholarium solum respiciunt doctrinæ fructum, respectu præceptorum pertinent ad bonos, & religiosos mores eorum. Nam statuta illa, in quibus hæc media continentur, pars quædam sunt illius regulæ, quæ a talibus personis ad perfectionem acquirendam observanda est: & ideo tam accurate servantur, quam quæcumque alia perfectionis regula, quia divinum beneplacitum, & consilium æque per illa proponitur. Prior autem pars ex eisdem constitutionibus accipienda est.

10 Primum igitur ac præcipuum medium huius negotii est ipsorum magistrorum sufficientia, ac diligentia, ut in c. superior. n. 3. tactum est, & per se est satis notum, & observatum ab omnibus Conciliis ibidem in n. 5. & 10. citatis, quæ de hoc ministerio tractarunt. In 4. ergo parte Constit. c. 6. §. 6. sic dicitur: *Professores sive de Societate illi sint, sive externi, optandum est, ut docti, diligentes, & assidui, & profectus studentium, tam in lectionibus, quam in aliis literarum exercitationibus studiosi sint*. In quibus verbis omnia, quæ ex parte præceptorum desiderari possunt, attinguntur. In declaratione vero, ut major cautio in hoc habeatur, additur, ut sine approbatione, & facultate Provincialis, nullus publice legat, nisi vel ad tempus, necessitatis gratia, & in classibus inferioribus. Rursus in c. 12. §. 1. de Theologia dicitur: *In hanc potissimum Societatis universitates incumbant, ac diligenter per idoneos admodum præceptores*. De inferioribus vero doctrinis additur: *Hærum etiam idonei professores, & quidem iusto numero constituantur*. De mediis vero scientiis seu artibus dicitur §. 3. *qua diligentia par est, & per eruditos præceptores tradantur*. Denique c. 12. §. *Magistri (dicitur) diversi pro captu, & numero audientium constituantur, quod quid.*

Item ex humanis legibus.

Posterior pars unde possit constare.

Prior tribus mediis ostenditur. 1. Medium sufficientia & diligentia magistrorum.

quidem profectum uniuscujusque ex suis scholasticis spectatim procurent. Et ibi in Declaratione de præceptorum numero ac divisione classium diligenter statuitur, & consonant ea, quæ in re simili statuuntur in Concilio Trid. sess. 23. c. 18. de Reformat. ibi, *hos pueros Episcopus in tot classes, quot ei videbitur, divisos, juxta eorum numerum*, &c. atque ita in hac parte nulli labori vel oneri parcat Societas.

2. Medium methodus & ordo in docendo.

11 Secundum medium maxime necessarium ad erudendum cum fructu discipulos est ordo, ac methodus, tum in doctrina tradenda, tum etiam in disputationibus & omnibus literariis exercitiis, & prælectionum recognitione circa ea, quæ a præceptoribus tradita sunt, & in adhibenda diligentia, ut scholastici privatim studeant, vel aliquid componendo, vel repetendo, aut conferendo ea, quæ audierunt, quæ omnia in prædicto c. 13. quod est de modo & ordine prædictas facultates tractandi accuratissime disponuntur, & ad illud lectorem remitto, ne oporteat integrum hic transcribere. In c. autem 14. de libris, qui prælegendi sunt, statuitur, ut non solum vitentur illi, qui aliquid periculi ad fidem, vel mores afferre possunt, sed etiam illi eligantur, qui ad studium utilitatem magis fuerint accommodati: nam hinc etiam eorum fructus magna ex parte pendet.

Vide lib. de rat. studiorum au horitate Societatis editum.

3. Medium pueri, ac præmio donare merentes. De pœna.

12 Tertium medium est illud generale, & in omni Republ. ad mores, & artes promovendas, & vitia compescenda maxime necessarium, præmium, scilicet, & pœna, quæ in unaquaque actione vel personarum genere debet esse illis proportionata. Utrumque ergo magna dexteritate, prudentia, & religione in scholis Societatis observatur. Et quidem quoad pœnam statutum est, ut correctio sufficiens non desit pro qualitate, & capacitate scholarium; si tamen corporaliter adhibenda sit, propter religiosam decentiam, ac molestiam, non per ipsos præceptores, sed per ministrum aliquem, seu correctorem ad id muneris deputatum executioni mandanda est: ita habetur p. 4. Constit. c. 7. §. 2. & c. 16. §. 5. ubi etiam additur, si hæc correctio non sufficiat, & periculum sit, ut scholaris aliis noceat, cum ipse parum proficiat, expellendum esse ab studio eum, qui incorrigibilis est. Et in Declaratione additur, si ad exemplum, & timorem aliorum, propter scandalum præstitum major aliqua pœna necessaria fuerit, Rectoris prudentia procurandam esse: *quamvis* (dicitur ibi) *quoad ejus fieri potuerit, in spiritu lenitatis, pace, & charitate cum omnibus conservata sit agendum*. Atque hoc genus institutionis videtur insinuassee Basilii in reg. 292. ex brevioribus supra jam citata, dum ait, pueros ea conditione esse admittendos, ut a religiosis instituuntur, ut qui eos adducunt, intelligant eos esse erudien-

Pro clausura etiam facta in i. congreg. de 33.

dos in disciplina, & correctione Domini. Ex quo sumptis videtur Carthus. opusc. citato de eruditione puerorum, art. 24. ad finem, in scholis edictum proponendum esse, ut nullus ad eas frequentandas admittatur, nisi prius consentiat magistrorum disciplinæ ac correctioni acquiescere; imo & in præcipuis scholis statutum est, ut non nisi data prius fide de obediendo Rectori in Scholasticorum album quispiam describatur.

13 De præmio nihil invenio expresse in constitutio-
nibus decretum: quod ideo fortasse accidit, quia de correctione oportuit expresse prohibere, ne executio per nostris fieret, & consequenter peculiare officium nostris universitatibus instituire ad eum finem. At vero de præmio nihil hujusmodi statuere necessarium erat: nam, ut dixit Philo Judæus lib. de Abraham: *Sic viro Principi agendum est, ut si quis eget coactione, hunc aliis puniendum tradat. Caterum cum præmia reddenda sunt, id per se ipsum faciat*. Igitur de præmiis nihil statuere necessarium fuit, sed ex generali ratione providentiæ illa supponere, modum autem & usum eorum prudentiæ gubernatorum relinquere. Nihilominus in 1. Congregatione generali can. 119. hoc amplius declaratum est his verbis: *Proponi & dari possunt munuscula quedam, quæ præmia vocantur, Scholasticis externis, ut ea ratione inflammentur ad studia literarum*. Et additur, *ut in eis servetur modus honestus & religiosus*: quod de-
nique medium in lib. de Ratione studiorum sæpius commendatur. Quin etiam Basilii de re simili agens, reg. 15. ex ferioribus: *profuerit, inquit, illis, si proponantur præmia memorie, cum rerum, tum etiam verborum: siquidem fiet hac ratione, ut quæ volumus, ea facilius & jucundius sint percepturi*. Atque in hunc finem Scholasticis iis, qui in hoc nostro Conimbricensi, & insigni Collegio erudiuntur, tum etiam universis seorsum, qui de Latina lingua, Græca, Hebræaque soluta ac ligata oratione decertare volunt, in singulos annos centum aureorum libri apprimè concinnati, superioris Academiæ expensis, in præmia proponuntur. Quia vero honos alit artes, maximeque solet studentes movere, & quia alia præmia temporalia non semper possunt ad manum haberi, ideo hoc genere præmii pro captu actionum, & personarum, uti solent præceptores nostri, consignatis aliquibus locis, aut signis honoris, quibus pueri ad quandam æmulationem, & majorem diligentiam excitentur. Et ob eandem causam pro majoribus viris, & gravioribus studiis, non desunt in nostris universitatibus honorifici gradus literarii, juxta c. 15. 4. p. constit. His ergo modis studium profectus in virtute, & literis in universitatibus & collegiis Societatis quoad fieri potest procuratur, & cum divino adjutorio, ut effectus ipsi satis ostendunt, comparatur.

De præmio.

Vide Xenophonem in Hierone.

Conclusio capituli.

LIBER SEXTUS.

De professione, quæ in Societate fit, ac de iis, quæ illam antecedunt, & consequuntur.



DIXIMUS hæc de gradu scholarium Societatis: reliquum est, ut ad gradum professorum transitum faciamus. Prius autem quam de professione ipsa, per quam gradus ille constituitur, consideremus, primo loco per duo sequentia capita nonnulla præmittenda sunt de tempore, & probatione præviis ad illam juxta peculiarem Societatis institutionem; quæ in hoc ab aliis differt, quod religiosos suos ad professionem solennem, non nisi post diuturnum tempus, admittit; & in hoc etiam, quod non contenta priori biennio probationis, tertium annum ab scholaribus suis post finita studia exigit; & quia utrumque singulare videtur, utrumque in ea reprehensum est; & ideo utriusque rationem reddere est necessarium. Secundo loco dicendum erit in cap. 3. 4. & 5. de ipsa solenni professione. Tertio tandem a cap. 6. usque ad finem libri, de quibusdam votis simplicibus, quæ consequenter ad illam emittuntur.

CAPUT I.

Utrum professio in Societate convenienter per multum tempus differatur?

IN hac parte ab aliquibus reprehensa, ab aliis in dubium revocata sunt. Primum est nimia dilatio admittendi ad professionem eo quod singularis, & nova videatur, & quod gravius est, nonnullam injustitiam contineat. Sed de hoc puncto satis dictum est lib. 3. a principio, ostendendo, cur post biennium ad vota simplicia, & non solennia scholares admittantur, non solum absque injustitia, verum etiam sine ullo vero incommodo illorum, & cum magna ratione, & spe boni communis. Secundum est, quod hoc tempus non solum sit diuturnum, sed etiam indeterminatum, quod est longe diversum, & potest habere majorem incommoda, & minorem causam, vel necessitatem. Quod primum declaratur ex usu Ecclesiæ circa promissionem clericorum usque ad sacerdotium, quem Ecclesiasticum usum antiquiorem diximus ibidem c. 1. n. 3. imitari Societatem in hoc genere probationis. Quamvis enim olim diuturna probatio clericorum fieret, semper tamen habuit per canones definitum

Prima reprehensio in Societatem alibi jam expedita.

Pro altera arguitur primo auctoritate.

nitum tempus. Id constat ex epist. Zosimi I. ad Hefychium. Nam in primo c. generatim ait, neminem admittendum esse ad sacerdotium nisi post longam probationem; postea vero c. 3. designat temporis dilationem, scilicet, quinquennium ad minimum in gradu lectoris, & quatuor deinde annos in gradu subdiaconatus; quinque etiam alios in diaconatu, & ita tandem admitti poterat ad presbyterium. Quæ paucis mutatis præscriperat Siricius Papa epist. 1. ad Himerium c. 8. & 9. ubi etiam a presbyterio ad Episcopatum tempus decennii designat; quod Zozimus postea omisit, & ad illum ascensum nullum definitum tempus requisivit. Hormisdas autem Papa in epist. ad Episcopos Hispaniæ, c. 1. quamvis indefinite requirat longam probationem, addit tamen, eam esse debere juxta præscripta, ac definita per sacros canones alludens ad citata decreta, & ita in idem redit. Et idem fere habet Leo Papa epist. 85. aliàs 87. ad Episcopos Africæ, & eundem sensum habet canon. 13. Concilii Sardicenis, quæ omnia cum aliis refert Gratianus d. 61. 76. & 78. Ivo Carnoten. in suo decreto p. 6. c. 29. & sequentibus.

2 Præterea, esto expediat diuturna probatio, non carer incommodis illa temporis indereterminatio: nam inde sequitur, ut hominis arbitrio faciendâ sit, quia non potest aliud medium inveniri. Contra hoc autem militat in primis, quod in omni humana communitate convenientius est, ut ea, quæ sunt graviora, & quasi fundamenta talis status, sint certa lege definita, & non sint arbitraria; hæc enim est potissima causa, ob quam necessariæ sunt leges humanæ; sed professio solennis est unum ex potissimis fundamentis religionis; ergo tēpus ejus non debet arbitrio hominis relinqui, sed per legē statui.

3 Deinde ex hoc arbitrio sequi facile possunt acceptiones personarum, ex parte Superiorum nimirum, vel propter humanum affectum, admittendo minus dignos, & digniores interdum prætermittendo, aut nimium differendo; vel ex ignorantia facti, quæ sæpe intervenire potest, præsertim in tanta multitudine personarum, & in tanta locorum distantia: ubi necesse est per aliorum relationem, seu informationem, notitiam comparare eorum, qui professione digni sunt, & ita facile est vel ignorantiam, seu etiam inadvertentiam, vel errorem admisceri. Tandem hinc sequi possunt querelæ, & perturbationes eorum, quibus professio magis differtur, quam aliis, vel quam ipsi cupiant. Est enim humanum quid, hunc gradum appetere, vel quia omnis, qui est in via, naturaliter experit terminum; vel quia religiosus non videtur irreligiose facere appetendo maximum vinculum, & obligationem magis indissolubilem cum Deo; vel certe, quia illud est quoddam testimonium publicum probitatis, & sufficientiæ ad omnia munera, seu ministeria sue religionis. Aliunde vero diffillimum est, ut non contrister nimia dilatio desiderii non compleri, præsertim si sub specie justitiae, & honesti desiderii concipiatur, & maxime quando aliis nec antiquioribus, nec doctioribus gradus ille conferatur. Hæc autem omnia incommoda cessarent, si tempus esset certa lege definitum; tunc enim nemo, quantumvis doctus, vel religiosus, conqueri posset, si toto tempore lege præscripto differretur ejus professio. Et aliunde posset tempus præscribi sufficiens ad diuturnam probationem intentam: quæ enim experientia, vel probatio fieri non potest sufficiens per decem vel duodecim annos, vel aliud simile tempus, quod prudenti arbitrio regulariter judicetur sufficiens? hoc enim satis est ad humanam legem, etiam si interdum possit in particulari superfluum, vel diminutum inveniri.

4 Nihilominus dicendum est iustissimis de causis tempus solennis professionis non esse certa lege in Societatis instituto definitum: quamvis enim ut definitur, tum in 4. congreg. can. 7. tum in 5. can. 29. propositum fuerit, definiendum tamen non esse, in decreto 13. ipsius 4. congreg. & can. 1. quintæ statutum est. Ut hoc probemus, proponenda primum sunt verba constitutionum, quæ de hoc loquuntur, & quæ certas conditiones ad professionem emittendam requirunt. Primum ergo jure ordinario non admittuntur in Societate ad professionem emittendam, nisi Sacerdotes, ut habetur in examine c. 1. §. 8. ubi sermo est de professis, quatuor votorum, in quibus circa hoc nulla sit dispensatio:

Swarez Tom. XV.

quia si interdum ex causa urgente necesse sit aliquem ad professionem admittere ante sacerdotium, illi satis erit solennis professio etiam votorum, quia ad nullum finem potest esse alia necessaria, & hanc etiam admittit, licet raro, Societatis constitutio p. 5. c. 2. §. 3. Quamquam regulariter etiam illa non sit concedenda, nisi Sacerdotibus, ut ex prædicto §. 2. & declaratione ejus non obscure colligitur, & consuetudo satis interpretatur; & ideo dixi, jure ordinario, ut utramque professionem comprehenderem, & indicarem exceptionem, quæ in professione trium votorum fieri solet, præcipue ob causam primogenituræ, seu majoratus, juxta can. 4. quintæ congregationis generalis, qui ita habet; nemo deinceps jure majoratus gaudens in Hispania, nisi habita facultate R. P. Præpositi Generalis in Societatem recipiatur, & is sit iis donis ornatus, ut magnam præbeat spem, se post biennium probationis fore talem, qualem nostræ constitutiones requirunt, ut ad professionem trium votorum admittatur; ad professionem autem intelligatur admittendus, nisi qualitas majoratus ejusmodi fuerit, ut promotio ad sacrum ordinem firmitati illius abdicacionis satis sit; tunc enim non professio, sed ordinatio procuranda erit. Ratio vero hujus conditionis presbyterii est, quia Societas est religio presbyterorum, ut supra lib. 1. c. 5. ostensum est, & quia gradus professorum est supremus in Societate, ad eosque pertinet principale regimen ejus, & graviora ministeria, quæ sacerdotium requirunt.

5 Hinc consequenter postulatur ad professionem emittendam ætas ad minimum 25. annorum, p. 1. const. c. 2. §. 12. ubi 25. annus expletus designatur, dicitur enim debere excedere 25. annum. Unde quoad hoc major ætas ad professionem, quam ad sacerdotium requiritur, cum ad sacerdotium 25. inchoatus jure ordinario sufficiat: & ita posset regulariter intelligi, quod in eadem p. 1. constit. in Declarat. c. 3. lit. K. dicitur, posse Generalem dispensare, ut cum minore ætate professio fiat: maxime enim videtur habere locum hæc dispensatio quoad complementum 25. annorum; nam si major futura esset diminutio, oporteret vel simul dispensare in priori conditione, scilicet, ut sine sacerdotio fieret professio, vel uti privilegio recipiendi ordines ante legitimam ætatē.

6 Rursus postulatur eruditio non mediocris in literis, ut infra in c. 5. n. 7. attingemus; & in vita & moribus conspicuis magna probatio, ut in eisdem locis citatis declaratur, & p. 10. §. 7. ac sæpe aliàs, & in Bullis Pontificiis hoc sæpe repetitur; præsertim in his, in quibus declaratur, & confirmatur constitutum, ut sunt præcipue prima Bulla Pauli III. & Julii III. & duæ constitutiones Gregorii XIII. in quibus consequenter asseritur, regulariter loquendo, necessarium esse diuturnum tempus, quia sufficiens in literis eruditio non brevi tempore comparatur: & raro comparata supponitur in his, qui ad religionem veniunt. Solida autem virtus, ejusque probatio, religiosam disciplinam plurium annorum in omnibus moraliter loquendo requirit. Est ergo simpliciter diuturnum tempus necessarium.

7 Hoc autem tempus dicitur, ad minimum, debere esse ultra biennium, in examine c. 1. §. 12. & cap. 4. §. 16. ubi additur posse hoc tempus prorogari; circa quod tempus advertendum est, dupliciter posse aliquem in Societate admitti ad solennem professionem: primo mediante gradu scholarem: secundo immediate post novitiatum: quamvis enim hoc rarius fiat, quia raro inveniuntur personæ, quæ immediate sint capaces illius gradus, vel causæ, quæ ad illum immediate concedendum obligent; attamen per se non repugnat, nec est alienum ab hoc instituto. Illius ergo temporis determinatio non erat necessaria quoad priorem modum, nec quoad illum posita est; quia ad ipsum gradum scholarem necessarium est illud biennii tempus: ergo multo magis ad professionem, quæ post illum danda est. Imo tunc non potest biennium sufficere ad professionem; ut quia tempus aliquod, neque illud quidem exiguum, in literis, & gradu scholarem consumendum est; tum etiam, quia ibidem additur, in scholariis necessariam esse tertium probationis annum, priusquam ad professionem admittantur. Posita ergo est illa determinatio pro his, qui immediate ad professionem solennem sunt admittendi, estque determinatio (ut sic dicam) quoad minimum, non quoad maximum, quia scilicet in:

Ff fra

Ratio hujus prima conditionis.

2. Condicio.

3. Condicio.

Duplex prædictæ dilationis determinatio.

Arguitur 2. ratione quasi offensiva.

Item ab incommodis.

Resolutio capituli.

1. Condicio ad professionem unde ejus dilatio ostenditur.

fra biennium danda non est professio; non tamen necesse est, ut completo biennio statim detur, sed tempus illud prorogari potest, ut in eodem p. 12. dicitur: & quoad hoc extremum nulla est determinatio in tali tempore.

8 Utrumque vero habet nonnullam difficultatem in constitutionibus ipsius. Nam in primis p. 5. c. 2. §. 3. ad professionem solennem trium votorum requiruntur ad minimum septem anni religionis Societatis, in quibus persona nota fiat, & non mediocrem sui talenti, ac virtutum satisfactionem in ea præbeat; ergo multo magis requiritur idem septennium ad professionem quatuor votorum: ergo non recte assignatur biennium pro minimo tempore. Aliunde autem videtur nec biennium esse minimum; nam illud diminui potest, ut dicitur in declaratione c. 1. §. p. constit. lit. C. Denique ex alio capere videtur in eo casu, in quo hic terminus pro minimo assignatur, debere esse maximum; quia quando persona talis est, ut immediate post novitiatum possit esse digna professionis quatuor votorum, jam non est capax status scholarium, supponitur enim in literis satis instructa; nec debet ultra biennium in novitiatu detineri: ergo debet statim post biennium ad professionem admitti.

9 Prima pars dubitationis expedienda est ex distinctione data in n. 7. de transitu a novitiatu ad professionem, mediato, vel immediato. Videtur enim mihi in illo loco §. p. Constit. supponi, neminem, secundum ordinariam legem, admittendum esse ad professionem trium votorum immediate post novitiatum, sed post diuturnam probationem in gradu scholarium; & ita facile conciliatur ille locus cum alio, qui ad minimum requirit tantum biennium; nam in uno est sermo, de transitu mediato, in alio vero de immediato, & consequenter in uno est sermo expressus de professione trium votorum, in alio vero, licet non exprimitur, tamen unum locum per alium declarando, sermo est de professione quatuor votorum.

10 Et ratio differentiarum reddi potest sufficiens: nam quando aliquis ob personæ conditionem, & peculiaria dona admittendus est post novitiatum immediate ad professionem, talis esse debet, ut ad professionem quatuor votorum digne possit admitti: & ideo licet professio quatuor votorum dignior sit, nihilominus facilius fit transitus ad illam immediate post novitiatum, quam ad professionem trium votorum. Hac ergo ratione designatur septennium, ut minimum tempus necessarium ad professionem trium votorum, quia supponitur nunquam fieri immediate post novitiatum. Dixi autem, secundum ordinariam legem, quia ob accidentariam causam extrinsecam, qualis est, (ut supra n. 4. dicebam) successio in majoratu, contingit interdum aliquem immediate post novitiatum admitti ad professionem trium votorum, & tunc clarum est, non esse expectandum septennium, quia hoc repugnatet urgenti necessitati, propter quam maturatur illa professio.

11 Ad secundam partem dubitationis responderetur facile, biennium assignari, ut minimum tempus necessarium ad professionem ex vi regulæ, cui non repugnat quod per dispensationem Præpositi Generalis possit tempus illud coarctari; & hoc est, quod in prædicta declaratione dicitur. Est autem animadversio dignum, quod lib. 2. c. 4. num. 9. attigimus, in Congregatione generali, canon. 10. statutum esse, ut nullo casu exercere liceat facultatem dispensandi in contrahendo biennii spatium quoad effectum admittendi aliquem ad statum religiosum per vota simplicia scholarum: unde videbatur consequenter prohibita dispensatio circa idem tempus in ordine ad professionem solennem. Quod tamen non ita est: nam potius in eodem can. 10. advertitur, per illum non derogari superiori declarationi constitutionum, quia satis est, ut illa facultas dispensandi in biennio in ordine ad professionem exerceri possit. Itaque iudicavit Congregatio posse minus expedire contrahi biennii tempus ad vota scholarium, quam ad professionem solennem: quod sane difficile apparet, cum professio sit vinculum indissolubile, & proxime ordinatum ad altiorum finem, & ideo ex se majorem probationem requirat. Nihilominus non sine rationabili causa id iudicatum, & sancitum est, quia regulariter, ac fere semper sunt vota scholarium immediate post novitiatum; & illud biennium per se, ac primario postulatum est pro-

pter scholares, id est, propter juvenilem ætatem, in qua recipiuntur, & propter munus, ad quod proxime admittuntur, & ideo fuit expediens in huiusmodi personis omnino claudi januam dispensationis incorporandi illos eo modo, quo incorporari possunt ante biennii probationis expletum, tum ne sumeretur occasio sæpius dispensandi in re, quæ ordinarie fieri debet, tum quia respectu talium personarum, talisque status, vix potest cogitari causa, quæ ad hoc cogat. At vero admissio ad professionem immediate post biennium rarissime fit, ac fieri potest: & tunc necesse est, ut vel causa extrinseca cogat propter absolutam vinculi indissolubilitatem, (quæ causa vix potest unquam ad biennium minucendum obligare), vel ut persona adeo sit matura, & digna, ut ad omnem satisfactionem brevius tempus sufficere possit, & ideo pro hoc raro casu, & oportuit dispensationem prohiberi, ne fortasse etiam hac occasione ingressus in Societatem huiusmodi personis gravioribus difficilius reddi videretur.

12 Quamvis autem biennii tempus per hanc facultatem minui possit, non tamen integer probationis annus, qui non est speciali jure religionis, sed communis Concilii Tridentini necessarius est etiam in Societate ad valorem professionis: & ideo non potest in eo religio ipsa dispensare, ut supra lib. 2. c. 4. num. 7. tetigi, tractando de novitiatu. Ubi etiam a n. 9. tetigi questionem, an professio facta in Societate post annum probationis, & ante expletum biennium, sine legitima dispensatione, valida sit, esto male fiat. In qua censeo validam esse, quia constitutiones Societatis, quæ ad hanc professionem requirunt tempus ultra biennium, nunquam declarant hanc esse substantialem conditionem necessariam ad valorem actus, ut ibi latius expendi.

13 Ad tertium membrum respondeo, hoc biennii tempus non esse præfixum ex parte termini magnitudinis, seu ita ut jure ordinario habendum sit tanquam sufficiens; ut si aliqui immediate admittantur ad professionem, quia licet possint multe personæ recipi ad novitiatum, quæ non indigeant disciplina scholarium quoad doctrinam, frequenter nihilominus contingere potest, ut eadem personæ indigeant majori tempore ad disciplinam religiosam, & ad majorem, magisque exactam probationem morum, & talenti in ministeriis exercendis circa proximos. Item indigere possunt majori instructione in ipso usu exercitiorum, & actionum Societatis. Ac denique in huiusmodi viris jam consummatis in ætate quoad doctrinam, imo etiam quoad mores, major probatio sæpe desiderari potest (haberi enim in eis specialem difficultatem) ut sese accommodent modo procedendi religionis, præsertim in humili obedientia, & subiectione, & in reponendo proprio iudicio, illud Superiorum, & religionis dictamini confirmando. Propter has ergo, & similes causas, sæpe necessarium est, ut in his etiam personis biennii tempus differatur, & ideo licet tempus illud præfixum sit ut minimum, non est positum ut maximum. Tunc autem (ut difficultati satisfaciamus) admitti possunt tales personæ post biennium ad gradum scholarium: quia hic gradus, licet præcipue videatur institutus propter litteras addiscendas, & ideo inde nomen acceperit, non tamen propter solas illas, sed etiam propter alios fines proxime insinuat, scilicet propter majorem disciplinam religiosam, magisque probatam, multique experimentis radicatam, & cognitam, & propter aliquem etiam usum ministeriorum, & probationem talenti respectu illorum, ut intelligi potest ex 4. p. constit. cap. 8.

14 Igitur de hoc tempore præter biennium, ut minimum necessarium, nihil in regula Societatis definitum est, sed tantum indefinite declaratum, oportere admittentes ad professionem esse in vita & moribus diu probatos, in exam. c. 1. §. 8. & p. 5. c. 2. §. 3. ac sæpe alias. Quæ institutio ita approbatur in Bulla prima Julii III. ubi ex parte S. Ignatii, & sociorum hæc verba proponuntur: *Opportunum iudicavimus, etiam statuere, ne quis ad professionem in hac Societate emittendam, nisi diuturnis, & diligentissimis probationibus, prout in constitutionibus declarabitur, ejus vita & doctrina explorata fuerit, recipiatur, quia revera hoc institutum omnino humiles, & prudentes in Christo, & in Christianæ vite puritate, ac literis*

Annus no.
vitæ actus e-
tiam in
Societate
servandus

Expedi-
tur 3. pars

Ostendi-
tur iam ex
instituto
Societatis
resolutio
data in n.

Dubium
tripartitum
contra
nunc di-
cta.

Expedi-
tur prima
pars du-
bitationis

Cur pro-
fessio 4.
votorum
fieri lice-
at post
biennium,
non vero
trium

Expedi-
tur 2. pars

Ratio ca-
utionis 10.
ad 5. con-
greg. editi

conspicuos exigit. Quæ institutio statim a Pontifice confirmatur. Similiter in Bulla 1. Pauli III. de scholasticis solum dicitur: *Post cognitum in spiritu, & literis eorum profectum, & post sufficientem probationem in Societatem nostram admitti possint*: & eodem modo approbarunt hanc institutionem reliqui Pontifices, nullo certo assignato termino, quo finito necessario fieri debeat. Imo etiam Concilium Tridentinum sess. 25. cap. 16. de regularibus, hoc ipsum confirmavit illis verbis, quæ sæpe citavimus. *Per hæc tamen sancta synodus nihil intendit innovare, aut prohibere, quin religio clericorum Societatis JESU juxta primum eorum institutum a sancta sede Apostolica approbatum, Domino, & ejus Ecclesie inservire possint*. Hæc enim verba specialiter dicta sunt a Concilio propter professionis dilationem, ut ex contextu constat. Nam proxime ante præceperat, ut in aliis religionibus, peracto probationis tempore, personæ ad professionem admittantur: & ab hac regula excipit Societatem, cujus institutum nullum alium terminum ponit, nisi *cum Societati, vel ejus præposito Generali plene sit in Domino satisfactum* 5. p. concil. c. 3. Hunc ergo terminum, tam Pontifices, quam Concilium approbaverunt.

Accedit ratio seu dilemma.

25 Rationes etiam ad idem confirmandum multæ afferri possunt. Prima est, quia considerato instituto Societatis, & varietate personarum, quæ in ea recipi possunt, nullus talis terminus commode assignari poterat. Aut enim talis terminus fuisset brevis, v. g. septem, aut novem annorum: aut prolixior viginti annorum, v. g. aut amplius. Primum non fuisset regulariter expediens, quia ostensum est institutum hoc postulare diuturnas, ac multiplices probationes: unde ad minimum ordinari requirit post biennium novitatus totum studiorum tempus, quod solet esse novem, aut decem, vel plurium annorum. Post novitatum enim duo, vel tres anni in literis humanioribus, & perfectione linguarum consumi solent, quibus adduntur tres, vel quatuor (juxta regionum consuetudinem) pro Philosophiæ cursu. Sequuntur deinde quatuor anni scholasticæ Theologiæ, & interdum solet profectionibus unus, vel duo anni concedi ad recognoscenda, quæ audierunt, & ad aliquam lectionem Patrum comparandam, & simul in publicis actibus, & disputationibus specimen aliquod comparatæ doctrinæ tribuendum. Contingit item frequenter, ut hic sit udiorum cursus docendis externis inferiores disciplinas interrumpatur, id enim ad sustinenda onera religionis, & publicis muneribus satisfaciendum, sæpe necessarium est. Atque ita fit non raro, ut in hujusmodi studiis, quindecim, vel plures anni consumantur; post quos sequi debet tertius probationis annus, de quo statim dicemus in cap. sequenti. Cum ergo leges morales ferri debeant juxta ea, quæ frequentius accidunt, & respicere debeant totum corpus Societatis, & non unius, vel alterius provincie commodum, vel consuetudinem, non poterat terminus professionis, si designandus fuisset, longe ante vigesimum annum præscribi. Tam prolixum autem terminum præfigere his temporibus, & in hac religione, non erat expediens. Quamvis enim nonnulli ex antiquis monachis, etiam usque ad XXX. annum renunciantes probare solerent, ut legimus apud Joannem Climacum in 4. gradu de obedientia, parum a principio, id tamen presentis temporis mores non ferunt; præsertim si pro termino præfixo, ac necessario, tantum tempus assignetur. Item quia in tanta varietate personarum, quæ in Societate recipiuntur, diversarum ætatum, ac conditionum, tanta dilatio sæpe esset incongrua, & ipsis personis onerosa, sine legitima causa, & religioni inutilis, vel etiam nociva. Non ergo potuit talis terminus convenienter limitari, sed prudenti arbitrio debuit relinquere.

16 Unde addi potest secunda ratio, quæ magis explicat præcedentem; nam vel hic terminus futurus erat ita certus, ut nec contrahi posset, nec prorogari, nec etiam regulariter dispensari, nisi ex gravissima, & extraordinaria causa; & hoc modo propositus fuisset sine dubio incommodissimus, ut ratio facta declarat; vel ita esset designandus, ut tamen facile posset Societas, vel ejus Præpositus Generalis in eo, dispensare, coartando illum, vel etiam prorogare. Hoc autem mo-

Suarez Tom. XV.

do non vitarentur incommoda, quæ in principio num. 3. proponebantur, sed potius augerentur: quia eo ipso, quod tempus illud pro quibusdam ex dispensatione minueretur, aliorum querele timeri possent, de acceptione personarum superiorem ipsum arguendo, & sic de aliis. In prorogatione autem, si aliquando esset necessaria, fuisset major nota, seu infamia; ergo pensatis omnibus convenientius fuit in hac parte nullam statuere legem præter prudens ac justum judicium Prælati.

17 Tertia & fundamentalis ratio est, quia causæ omnes, quæ moverunt Societatem ad expectandam diuturnam probationem, consequenter impulerunt ad expectandum satisfactionem ipsius Societatis ex tali probatione resultantem, nam ad hunc finem ordinatur probatio, quæ inutilis esset, si illo fine nondum consequuto, professio nihilominus danda esset. Hæc autem satisfactio non potest esse certa in quolibet certo, ac determinato tempore, quia non consistit in sola temporis perseverantia, sed in vita, & moribus, & affectuum moderatione, quæ ab aliquibus brevi tempore, ab aliis vero (quod frequentius accidit) per diuturnum etiam tempus non comparatur: ergo spectato fine probationis diuturnæ, non fuit expediens aliter illi terminum professionis assignari.

3. Ratio.

18 Accedunt præterea alia commoda ex hujusmodi incertitudine, seu indeterminatione provenientia; si enim tempus ad professionem esset certum, ac determinatum per legem, posset humana fragilitas inde occasionem sumere ad remissius, vel negligentius agendum, tam in virtutis, quam in literarum profectu, & in applicatione etiam ad ministeria Societatis, & sustinendos labores professorum proprios: quæ occasio tollitur ex temporis incertitudine: imo cum omnes intelligant professionis meritum non esse positum in temporis antiquitate, sed in illis donis, & conditionibus, quæ ad eum gradum in Societate postulatur, de quibus illi prius satisfacere necesse est; inde fit, moraliter, ac regulariter loquendo, ut excitentur ad majorem curam, tam in observatione instituti, quam in studiis & aliis Societatis exercitiis ac ministeriis. Denique cum hæc utilitates ex hac institutione sperari possint, nullumque verum incommodum ex illa possit timeri, & aliæ rationes, & causæ pro materia morali sint etiam urgentes, nulla relinquitur in hoc negotio dubitandi ratio. Solum superest, ut probemus, hic non sequi incommodum: hoc autem partim probatum est in superioribus lib. 3. cap. 2. cum ostendimus scholaribus Societatis nec injuriam, nec, per se loquendo, aliquod incommodum fieri, eo quod non statim ad solennem professionem admittantur. Quæ similiter probant idem de quocumque tempore, in quo ex rationabili causa in eo statu detinentur; magis vere constabit ex responsionibus ad argumenta.

Accedunt commoda sine inc. modis.

19 Ad primam ergo dubitandi rationem, parum profecto refert, rem hanc esse novam, si ad convenientem gubernationem novæ religionis proprio, & peculiari modo ad specialem finem instituta sit conveniens, & Apostolica approbatione digna. Ad id vero non esse novam, præsertim quoad spiritum, & finem per eam intentum; videlicet, ut gravissima ministeria Ecclesiastica & animarum sollicitudo non committatur, nisi personis valde dignis, de quibus sperari possit, quod cum earum securitate, & aliarum fructu, & religionis integritate, ac decentia illa valeant exercere. Et in primis jam supra n. 15. ex Climaco ostendimus, quam diuturna fuerit olim probatio aliquorum monachorum, quæ, si definite erat XXX. annorum, ut ibidem dicitur, profecto durior erat illa temporis determinatio, quam hæc nostra indefinita probatio. Si vero numerus ille per exaggerationem positus est, positus profecto est pro diuturna probatione. Et ita Cassianus lib. 4. de Institutis renunc. cap. 3. 7. & 8. indicat probationem juniorum ad monachatum per multa experimenta solitam fieri fuisse, nulla temporis determinatione adhibita. Præterea cum olim monachi generatim non essent clerici, & ad eum statum assumi possent, nullum ad hoc tempus determinabatur, sed merita attendebantur. Et ideo dixit Hieronymus in epist. 4. ad Rusticum; *Sic vive in monasterio, ut clericus esse merearis*. Et Gelasius Papa in cap. *Si quis monachas,*

Ad 1. arg. in nu. 1.

Dilatio professionis facta dicitur nove inventa.

16. quæst. 1. duas condiciones ad illum ascensum requirit; unam, quod *monachus venerabilis vitæ merito sacerdotio dignus videatur*; alteram, ut *Abbas, sub cuius imperio Regi Christo militat, illum fieri presbyterum petierit*. Cum ergo Societas sit religio sacerdotum, & non quorumcumque, sed quibus animarum ministeria committuntur, quid mirum est, quod regula professionis ejus non sit certum tempus, sed certum meritum: unde tam ad sacerdotium, quam ad professionem, tempus est in Societate indefinitum, & iudicio superioris determinandum (licet enim ad sacerdotium solum 4. annus Theologiæ nunc expectetur ordinari; attamen is ipse incertus est, ob interruptum sæpius studiorum cursum, ut n. 15. dicebamus); & nihilominus longius tempus ad professionem requiritur, quam ad simplex sacerdotium; nam professio sacerdotium supponit, ut dictum est nu. 4. & addit maiorem obligationem, & requirit maiorem capacitatem ad omnia munia Societatis, & principale regimen ejus, quod juxta constitutiones p. 4. c. 10. & part. 10. §. 4. & alibi professus committi debet.

Decreta
in eodem
1. arg. ci-
tata ex-
penditur
pro nobis
1.

20 Unde etiam ad hoc expendo in ipsismet decretis in argumento citatis, licet designentur certa tempora ad ordines singulos suscipiendos, ad Episcopatum certe non definiti tempus: nam Siricius nihil de hoc dixit, sed solum, *si eum cleri, ac plebis, vocaverit electio*; Zosimus vero dixit, *si eum exactio ad bonos mores vitæ perduxerit*, Sacerdotium enim non tam necessarium habet annexum munus pastoris, sicut Episcopatus, & ideo licet vitam innocentem requirat, multo magis perfecta virtus in Episcopo postulat, qui propterea in statu perfectiorum esse dicitur. Et ideo ejus assumptio non tempore, sed merito mensuranda venit. Professus autem Societatis, licet non attingant illum gradum, tamen eum participant quantum ad prædicationem Evangelii, & salutem animarum procurandam: & ideo mirum non est, quod in eis etiam doctrina potius, & vita, quam certa temporis provectio requiratur.

Expen-
duntur 2.
& retor-
quentur.

21 Ultimo est valde considerandum in illis decretis non assignari illa tempora pro terminis magnitudinis, sed parvitaris; statuunt enim, ut nemo assumatur ad clerum, aut hunc, vel illum ordinem, nisi post tantum vel tantum tempus; non tamen statuunt, ut transacto illo tempore statim assumantur; sed hoc semper relinquit arbitrio Episcoporum, sub ea conditione, quam non omittunt dicti Pontifices, *si per hæc tempora dignus iudicatus fuerit*. Unde Leo Papa epist. 85. aliis 87. cap. 1. & habetur cap. *miramur*, 61. d. tractans verba Pauli; *Manus cito nemini imposueris*; interrogat: *Quid est cito manus imponere, nisi ante maturitatem ætatis, ante tempus examinis, ante meritum laboris, ante experientiam disciplinæ: sacerdotalem honorem tribuere non probatis?* Et Gregorius lib. 4. epist. 44. agens de monacho assumendo ad quodlibet Ecclesiasticum officium, præter tempora a sacris canonibus præfixa, requirit, *ut in monachali habitu secundum Patrum regulas, irreprehensibiliter conversatus fuerit*. Neque in hac aliam temporis limitationem præfigit: ergo sic ponderata illa decreta potius possent retorqueri contra B. Ignatium, eo quod brevissimum biennii tempus pro termino parvitaris ad professionem posuerit; sed hujus rei ratio facile ex dictis in n. 7. intelligitur; nam illud biennium ad minimum postulatur, ultra maturam ætatem, & ultra sacerdotium, & ultra sufficientem eruditionem, & alia dona: ita ut quando biennium solum fuerit, magis sit ad personam, & omnia dona ejus religioni accommodanda, quam hæc de novo acquirenda.

Ad 2. arg.
in n. 2

23 Ad rationes respondetur. Ad primam dicimus verum esse assumptum, nimirum per leges determinati oportere ea, quæ sunt in unaquaque communitate graviora; id est, ut leges præscribant modum, & formam in hujusmodi rebus servandam. Et ita in præsentis sufficienter factum est in Societate. Non enim oportet, ut determinatio legis semper sit quoad omnes circumstantias loci, & temporis, sed pro qualitate negotiorum, ac rerum; nam quæ talia sunt, ut vel frequentem mutationem patiantur, vel ex variis circumstantiis pendent, non possunt semper, quoad has circumstantias, per legem determinari: sed committenda necessario sunt animarum legi: qualis est supremus gubernator. Ita ergo in præsentis factum est, nam modus professio-

nis, & condiciones ad illam requisitæ, & aliquod tempus, quod regulariter potest quoad minimum esse necessarium, per leges Societatis determinata sunt: at vero circumstantia temporis quoad maximum terminum omnino præfixum, quia pendet ex variis circumstantiis, nec debuit, nec commode potuit determinari.

23 Ad aliud vero ex incommodis desumptum, in primis jam ostensum est, ea, si quæ sunt, non evitari possunt lege determinante tempus maximum, nisi talis esset lex, quæ multa majora haberet incommoda, & nullam haberet dispensationem. Neque in rebus humanis petendum est, ut nulla habeant incommoda, sed ut vel hæc minora sint, vel ut propter majora, & certiora commoda tolerentur. Deinde dicitur, si homines sint veri, ac solidi religiosi, non multum esse, quod illa incommoda timeantur; quia non appetent professionem tanquam honoris titulum, vel habilitatem ad altiora munera intra, vel extra suam religionem, id enim ambitiosum esset; propter majus autem cum Deo vinculum, non est quod sint solliciti, cum jam sint veri religiosi, ejusque cultui omnino traditi, ut lib. 3. cap. 3. tractatum est: & aliæ ex parte sua parati sunt ad illud vinculum magis constringendum, quoties iussi fuerint, ut etiam lib. 4. cap. 17. vidi-mus. Quod autem spectat ad differentiam personarum, unusquisque ex parte sua, si vere religiosus sit, debet se ad illum gradum ceteris indigniorem reputare: Societas vero ex sua parte curare debet, ut omnis æquitas, ac debita distributio in hoc negotio servetur: quod sane ita fieri credendum est, tum quia per eos fit, quibus totius religionis gubernatio committitur; tum etiam, quia non fit sine diligenti examine & multorum consilio, qui & viri prudentes sunt, & religiosi, & timorati, ut in instructione promovendorum ad gradum late præscribitur. Quod si interdum vel per errorem, vel per humanum affectum inæqualitas aliqua fieri contingat, illud privatum est incommodum, quod vix unquam acciderit, atque non tanti momenti est, ut propter illud publica utilitas, quæ ex prædicta institutione provenit, prætermittenda sit.

Ad 3. du-
ctum ex
incommo-
dis in n. 3.

C A P U T II.

*Quaratione ab scholasticis Societatis tertius probatio-
nis annus ante professionem exigatur.*

1 **R**atio dubitandi esse potest, quoniam, qui semel sufficienter probatus est, & approbatus, non debet iterum in examen vocari: capit. *licet*, de off. legati: sed scholares Societatis jam per biennium integrum fuerunt probati, & tandem approbati: ergo non debent iterum cogi ad integrum probationis annum transigendum. Quod si dicas respectu altioris gradus posse novam exigere probationem, contra hoc est, quia etiam hoc dato videretur sufficiens probatio, quæ fit per discursum plurium annorum, vivendo in Societate post voca scholarium emissam: finis enim probationis solum est, ut & religiosus sufficienter cognoscatur a religione, & ipsam experiatur, in tot autem annorum discursu, cum tanta vitæ familiaritate & communitate, satis profecto potest talis persona cognosci a religione, tam in moribus, quam in omnibus naturæ dotibus, aut defectibus; & ipse similiter poterit sufficienter experiri religionem; ergo cessat adæquata causa probationis: ergo non est imponendum tantum onus sine causa. Eo vel maxime, quod ex parte religiosi non habet locum talis probatio; jam enim se privavit libertate, relinquendi hanc religionem, & ad ingressum ejus per professionem, si præcipiatur, se obligavit, & ideo quantumcumque asperitatem, vel rigorem postea experiatur, non potest voluntate sua retrocedere, qui solet esse proprius finis probationis ex parte religiosi: ergo religiosus scholaris Societatis jam est incapax probationis ex parte sua: ergo nec religio probare illum debet, alioquin non est æqualitas, & est nimia severitas, præsertim post tam longam experientiam. Tandem si talis probatio adhibetur, concedatur saltem professio proxime post illam: nam qui sentit onus probationis, debet etiam sen-

Ratio du-
bitandi.

sentire commodum approbationis, si in probatione recte se gesserit: hoc non fit in Societate, sed dicta probatio juxta constitutiones statim post studia fit, professio vero postea per plures annos differtur: ergo superflua est talis probatio: aut alia profecto adhibenda esset, quæ proxime professionem antecederet: nam tunc debet ultimum judicium de persona fieri; quod si tunc necessaria non est, profecto neque antea fuerat.

Quid habeat institutum Societatis circa hunc annum.

2 Proponamus in primis, quid circa hoc habeat institutum Societatis, ejusque in hac parte confirmatio- nem, & inde facile constabit vera ratio hujus institutionis, & difficultates solventur. Igitur in examine c. 1. §. 1. 2. solum dicitur, ut *admittantur scholastici ad gradum professorum, vel coadiutorum formatorum, unum ad hunc annum, post absoluta sua studia expectabunt.* In cap. autem 4. §. 16. declaratur illum annum exigi, ut in variis probationibus ad majorem Dei gloriam exercentur. In 3. vero par. constitut. cap. 1. vocatur simpliciter hic *annus probationis*, & postulat ut integer, ut *adhuc perspetus sit, antequam quis professionem emitat*, & in omnibus his locis dicitur, posse hoc tempus prorogari, si superiori visum fuerit. De potestate autem coarctandi hoc tempus, vel omittendi hanc tertiam probationem, nihil dicitur, quamvis neque negetur. Atque hanc institutionem specialiter approbavit Gregorius XIII. in Bulla: *Ascendente Domino*, in qua sic dicitur; *scholares studiis in Societate absolutis, antequam professi vel coadiutores spirituales formati fiant, non solum tertium ad hunc probationis ultioris annum in devotionis & humilitatis exercitiis impendunt, ut si qua fortasse in re harum virtutum fervor, per literarum occupationem intempuerit, per earundem virtutum frequentiore exercitatione, ardentiorque divini auxilii vocationem recalescant, sed etiam, &c.* Et postea subjungitur, totius instituti, & specialiter eorum, quæ narrata fuerant, confirmatio.

Coroll. 3. ex dictis;

3 Ex quibus intelligere licet, hunc annum tertium probationis, non postulari tanquam de substantia, vel tanquam omnino necessarium ad valorem professionis: tum quia nec in constitutionibus, nec in prædicta Bulla ponitur aliquod verbum, quod tantam necessitatem indicet: tum etiam, quia cap. præcedent. numer. 1. 2. dictum est, neque integrum biennium esse de substantia professionis, sed solum integrum annum ex vi Concilii Trident. requisitum. Reliqua ergo, quæ ex peculiari instituto Societatis adduntur, ad necessitatem regulæ pertinent, & ut res debito modo fiat, non tamen, ut facta teneat. Unde certum est posse Præpositum Generalem in hoc anno dispensare, & iustis de causis aliquando id facere, quamvis constitutiones sua taciturnitate circa talem dispensationem satis indicant non debere facile concedi. Unde etiam intelligi potest, quod licet hic annus in rigore juris debeat esse continuus, juxta superius dicta lib. 2. cap. 4. num. 1. 1. de communi anno novitiatus, & ideo frequenter, ac regulariter ita servari debeat: nihilominus in hoc facilius possit esse dispensatio: quod hæc probatio substantialis non est, & utilitas ejus potest utroque modo comparari. Denique ex verbis præsertim dictæ constitutionis intelligi potest tertiam hanc probationem præcipue consistere in vacatione ab studiis, & actionibus erga proximos, ut Deo ac propriæ perfectioni intentius eo tempore vacetur. Duo enim in prædicta constitutione Gregorii XIII. dicuntur. Unum est, ut tertium probationis annum in exercitiis devotionis, & humilitatis consumant, qui ad professionem sunt admittendi. Aliud est, ut in Societatis ministeriis tamdiu probentur, quamdiu Præposito Generali ad suam & Societatis integram satisfactionem videbitur. Supponitur ergo in tertio probationis anno per se loquendo ab his ministeriis vacandum esse, non propter inutile otium, sed propter otium sanctum, quod diligit *charitas veritatis*, & propter propriam mortificationem & sanctificationem.

Quomodo hic 3. annus sit transigendus.

4 Hinc vero ratio transigendi dictum annum, in variis instructionibus a Præposito Generali emanatis, ad illos, *Deo vacandi, & spirituali profectui incumbendi* fines accurate descripta est, tam pro iis, qui ob exiguum numerum in domo eadem novitiorum probantur, quam pro iis, qui annum peragent in domo separata, amicorum, & consanguineorum consuetudine semota, sive coram, sive etiam per literas. In quam

Suarez. Tom. XV.

certe domum decem, ut minimum, convenient sub instructore uno, qui & autoritate per se valeat, & alias etiam gubernaritibus vero illos omnes in spiritu formandos curabit, universamque instituti Societatis rationem explanabit per statos aliquos cujusque hebdomade dies, ac modos exponet juvandi proximos salutariter. Injungere præterea poterit poenitentias, ac mortificationes, inter ipsos tamen privatim, quas ad eorum profectum conducere judicabit, atque a reservatis (si opus erit) absolvet. Quidquid tamen ad externam disciplinam spectat, non nisi consulto Rectore, aut Ministro Collegii imponer, si forte separata ipsorum habitatio, pars aliqua Collegii fuerit. Quod si eorum quisquam minus in probando satisfecerit, educendus erit, atque in tempus aliud differendus. Anno autem peracto, tam instructor, quam Provincialis de singulis Generalem, recte ne an secus illum obierint, plane informabunt. Hæc est summa earum obligationum, quæ pro tertio probationis anno professionem in Societate nuncupaturis injunguntur; & in ultima instructione data anno 1601. latius habentur; vide etiam ordinationes contractus autoritate 7. congregat. toto cap. 3.

5 Quibus omnibus tam in præcedenti, quam in 3. numero attente consideratis, mihi colligo, propriam rationem hujus institutionis non tam consistere in formali ratione (ut sic dicam) probationis, quam in spirituali exercitatione, & veluti dispositione ad professionem necessaria. Quam rationem & primariam esse existimo, & per se sufficientem, etiam si nulla alia interveniret, quamvis altera ratio de experimento, & probatione omittenda non sit. Declaratur hæc ratio. Supponendo quod sæpe diximus, præsertim li. 1. cap. 6. Societatem esse religionem perfecte mistam, quæ ita intendit actioni circa proximos, ut etiam principaliter vacet contemplationi, quantum necesse est, ut nihil de propria perfectione remittatur, & ministeria erga proximos cum majori fructu fiant; ob quam rationem, quamvis ordinarie hæc vita Societatis mista sit, nihilominus aliqua tempora specialiter deputata sunt ad exercendam puram vitam contemplativam: hoc enim convenientissimum esse in hujusmodi mista religione D. Thom. aperte docuit 2. 2. q. 188. art. 8. cum dixit solitudinem non congruere religionibus, quæ sunt ordinatæ ad opera vitæ activæ, nisi ad tempus, exemplo Christi, qui, ut dicitur Luc. 6. *Exiit in montem solus orare, & erat pernoctans in oratione Dei*. Inter alia vero, duo præcipue tempora ad hoc genus vitæ exercendum determinata sunt in Societate; unum est biennium novitiatus, de quo in superioribus lib. 2. cap. 4. diximus. Aliud est hic tertius annus probationis, qui & opportunissimo tempore collocatus est, & nec debuit, nec potuit amplius coarctari, ut effectus, qui in illo desideratur, ordinarie possit comparari. Primum enim tempus novitiatus majus esse oportet, quia in illo spiritus fundamenta jaciuntur, & incipiunt in rebus divinis se exercere, qui nullum usum, & fere nullam illarum notitiam prius comparaverant; postea vero promoventur viri jam instructi, & exercitati in rebus spiritualibus: quarum etiam ampliorem cognitionem & faciliorem usum per doctrinam, & scientiam scripturarum habere possunt, & ideo unius anni tempus pro illis sufficiens fuit: illud autem necessarium fuit, quia in novitiatu, regulariter loquendo, nunquam potest hæc mystica, & spiritualis scientia perfecte addisci, neque gradus interioris meditationis, orationis, & contemplationis attingi, quantum viris perfectis, vel multum proficientibus necessarium est. Quod autem tunc defuit, raro potest studiorum tempore comparari; imo timendum potius est, ne aliqua ex parte diminuat, quod acquisitum fuerat, vel saltem intepescat, ut in prædict. constitutione dicitur; quo etiam sine noxiæ remissioni seu tepiditati obviandi, sexta generalis congregatio canon. 11. patet Ignatii vestigiis inhærens juniorum fratrum seorsim a reliquis habitandi, & conversandi morem, jam tunc alicubi introductum, probavit, & in universum deinceps suscipiendum indixit, ut spiritus fervorem in novitiatu conceptum sub peculiari spiritualis præfecti cura fratres vi conservarent, atque in dies au-

Ratio ita transigendi in actionibus scilicet virtutem contemplativam respectu temporis præteritis.

Ff 3

gerent,

gerent, atque etiam Generali Præposito instructionem dicto fini convenientem, ut ederet, commendavit. Itaque opportunissime cadit hic, de quo loquimur, tertius probationis annus post studia, ut non solum reparetur, si quid fuerat diminutum, sed etiam ut altiori, & perfectiori modo actus vitæ contemplativæ exercean- tur, ut qui antea sapiebat, cogitabat, orabat, & loque- batur ut parvulus, postquam factus est vir suo modo e- vacuet, quæ erant parvuli, & incipiat novo modo adhe- rere Deo, mundum despiciere, & seipsum, ac omnia tem- poralia contemnere. Unde etiam fiet, ut si scientia, pro ut solet, aliquid elationis, vel ambitionis induxit, alti- ori cognitione, & consideratione divinarum rerum expellamus.

6 Et hæc quidem est talis anni ratio, seu necessitas, comparatione facta ad tempus præteritum; non inveni- tur autem minor, si oculos ad tempus futuræ vitæ con- vertamus. Inquiri enim solet, an in hac vita mixta, actio debeat præcedere contemplationem, vel contemplatio actionem. Sancti enim Patres interdum docere viden- tur actionem præmittendam esse. Sic Gregorius 6. Mo- ral. cap. 27. & 28. alias 17. & 18. *qui contemplationis (ait) arcem tenere desiderant, prius se in campo operis per exer- citium probent; & infra: ut videlicet mens prius desudet in opere, & postmodum refici debeat per contemplationem.* Et ad hoc accommodat figuram Rachel, & Lie, quarum prior vitam contemplativam, posterior activam, figura- vit: Et ideo Lia prius nupta est, sicut prius etiam nata fuerat: & sic mystice interpretatur verba illa Genes. 29. *Non est consuetudinis in terra nostra, ut minores prius ad nuptias tradamus, quam maiores.* Eandem doctrinam habet D. August. 22. contra Faustum, cap. 52. & sequen- tibus: sed oportet advertere ex superius tractatis lib. 1. cap. 6. de hac duplici vita, interdum Patres sub actione comprehendere omnem exteriorem operationem, sive ordinetur ad proprium affectum mortificationem, sive ad proximum beneficentiam corporalem aut spiritualement: aliquando vero vitam activam in majori proprietate sumptam significare institutum vitæ ad ac- tionem erga proximum ordinatum. Et simili modo contemplatio interdum sumitur late pro quocumque interno exercitio, orationis, meditationis, aut cujuscun- que veritatis divinæ considerationis: interdum vero magis proprie, pro perfecta elevatione mentis in Deum, per unionem charitatis, & sapientie, & internam quandam quietem in Deo.

7 Si ergo tam actio, quam contemplatio in latiori significatione sumantur, vix possumus inter illas ordi- nem assignare, sed requirunt inter se individuum socie- tatem, & vicissitudinem, ut ab actione ad contemplatio- nem, & e converso, frequens transitus fiat; quia neque in hac vita mortali possumus semper Deo, & contem- plationi ejus jugiter inhærere: neque sine propria mor- tificatione poterit esse mens disposita, ut eleveur in Deum, sicut egregie tractat Moyses Abbas apud Cassianum Collat. 1. a cap. 8. usque ad 13. statim ergo a principio necesse est utriusque vitæ jacere fundamenta. Quod si velimus usque ad prima initia descendere, plane viden- tur sumenda a vita contemplativa: quia omnis sancta cogitatio ad illam spectat: totius autem salutes initia a sancta cogitatione sumitur, ut est communis Augustini doctrina lib. 2. contra duas epistolas Pelagian. cap. 8. & de Bono perseverantiæ cap. 8. de Gratia & libero arbit. cap. 7. lib. 2. de Peccat. merit. & remission. cap. 17. & nos late discussimus lib. 1. de gratia, per varia capita. Sic ergo initium, vel fundamentum cujuscumque honestæ vitæ, vel reformationis ejus ab interna cogitatione, & consideratione sumenda est. Hac ergo ratione dicimus, vitam etiam hanc mixtam per actus vitæ contemplati- væ esse inchoandam, ita tamen ut illis statim adjun- gantur actiones illæ præcipuæ, quæ ad affectum mode- rationem, & purgationem cordis ordinantur, per quas homo redditur habilior ad actus perfectionis contem- plativæ vitæ, per quos rursus vires assumit ad actiones virtutum perfectius exercendas, & ita paulatim profici- cit in utroque genere vitæ. In hoc autem progressu in- differenter admiscuntur actiones erga proximum, præ- sertim illæ, quæ propriam mortificationem & humili- tatem habent adjunctam, & magnam perfectionem con- templationis non requirunt.

8 At vero si loquamur de contemplatione perfecta, & illam comparemus ad actionem, quæ ad moderatio- nem propriorum affectuum ordinatur, sic debet actio sine dubio præcedere contemplationem, quia compa- rantur, sicut morus, & terminus, seu quies, vel tanquam dispositio, & forma. Nam in hac etiam vita vera est illa Christi sententia: *Beati mundo corde, quoniam ipsi Deum videbunt*; utique per contemplationem, quam mihi cor mundum obtinere non potest, ut Augustinus exposuit. Ergo actio necessaria ad mundandum cor omnino an- tecedere debet: & hoc sensu locuti sunt Augustinus, & Gregorius locis citatis, quamvis Augustinus aliquid amplius addat, ut statim dicam. Si vero comparemus hanc eandem perfectam contemplationem ad perfectam actionem, ad illam scilicet, quæ spiritualis est, & circa it- linationem, & sanctificationem animarum versatur, sic profecto contemplatio hujus vitæ antecedere debet actionem, Quod plane sentit D. Thom. 2. 2. quæst. 188, art. 6. cum de hoc genere activæ vitæ dicit: *unum opus vi- tæ activæ est, quod ex plenitudine contemplationis deri- vatur, sicut doctrina, & prædicatio.* Unde & Gregorius di- cit in 5. hom. super Ezech. quod de perfectis viris post con- templationem suam redeuntibus dicitur Psalm. 144. *Me- moriam suavitatis tue eructabunt.* Et in hoc ponit D. Thom. perfectionem talis actionis, quia per eam con- templata aliis traduntur. Et fortasse in hoc sensu dixit Augustinus supra, cum ad hunc statum perventum est, non solum habere in hoc sæculo speciosam intelligen- tiam, sed etiam laboriosam justitiam. Quam laborio- sam justitiam inferius explicat, dicens: *labor enim iusto- rum maximum fructum habet in eis, quos regno Dei gen- rat, inter multas tentationes, & tribulationes, prædicando Evangelium, &c.* Atque hunc ordinem exemplo vi- tæ suæ nos docuit Christus, non solum quia ab initio suæ conceptionis summam contemplationem per unio- nem Dei habuit: sed etiam quia ante prædicationem suam per quadraginta dies in deserto secessit, ut soli Deo vacaret. Et eundem ordinem voluit ab Apostolis servari, non solum quia, priusquam eos ad prædican- dum vivos mitteret, orare docuit, & cum eis sapius ad orandum recessit, ut ex Matth. 5. & 6. & ex aliis Evan- geliorum locis colligere licet; sed etiam, quia disces- surus ex hac vita iussit eos sedere in civitate, quoad us- que induerentur virtute ex alto, Lucæ 24. Quod ipsi ita intellexerunt, ut ingressi in cœnaculum essent per- severantes unanimiter in oratione, Act. 1. Nec brevi- tas temporis spectanda est, sed exemplum. Joannes enim Baptista triginta annis prius in contemplatione se exercuit, & postea ad prædicandum exivit: sunt enim varia Spiritus Sancti dona, quæ singulis distribuit pro ut vult.

9 Ratio etiam hoc convincit, tum quia necesse est, ut prius aliquis in se ardeat, quam aliis luceat, ut aliis in Baptista ponderavit Bernardus in sermone festivitatis ejus, quia de illo dixit Christus, *erat lucerna ardens, & lucens*; ardet autem quis per contemplationem, lu- cet autem per doctrinam; tum etiam, quia valde inordi- natum est, ut aliquis doceat, prius quam discat, ut sæpe jura canonica loquuntur, quæ præcedente cap. retuli. Et egregie ac modestissime Nazianzen. orat. 1. *Hæc (inquit) cum nobiscum ipsi non possumus, fortasse consi- liariis, benevolis quidem certe, collocutis, præstabilius esse duximus, cum qua dicenda & facienda essent nesciremus, ea addiscere, quam velientes docere.* Præclare enim cum eo agitur, cui vel in profundam senectutem canus sermo veniat, eamque vim habens, ut recenti adhuc in pietate anima adjumento esse possit. Nam certe alios do- cere aggredi, priusquam ipsi edocti simus, valde stultorum, ac temerariorum hominum esse videtur. Unde inferius concludit: *ecquis cum Domini voluptatem nondum, ut videre dignum est, viderit, &c. Ecquis cum nondum & opere, & contemplatione, per omnes Christi appel- lationes, & virtutes pervenerit, &c. Ecquis cum non- dum vacaverit ad Dei sapientiam in monasterio ab- sconditam, nec loqui didicerit, sed parvulus sit, & adhuc lacte alatur, adhuc ex iis sit, qui inter Israeli- tas non numerantur, nec in Dei castris recensentur, nondum denique tanquam vir Christi crucem ferre queat, lato tamen alacrique animo se Christiano cœni ca- pui constitui patitur?* Quamvis enim Nazianzenus hæc

Altera decisio est iam b. m. b. b. m. p. a. con- templa- tioe p. r. o. f. e. c. t. a.

Deinde spectu temporis futuri. Actione, an contem- platio prior in via mixta.

Plus de- cisio bi- n. embri- sumpta a- ctione & contem- platione facit.

hæc de munere Episcopali scripserit; tamen per proportionem recte accommodatur muneri, & actioni professorum Societatis, quatenus quædam participatio illius est, & in illuminando, & docendo alios consistit, & ideo ad illum assumi non debet, nisi qui didicerit per contemplationem, quæ postea docet per actionem. Denique si contemplatio non antecedit, vix aut nullo modo, poterit postea tempore ipsius actionis comparari: & ita multo minus poterit ipsam comitari, ac perpetua vicissitudine cum ea misceri; sed relinquet solam Mattham ministrare; quod sine magno illius incommodo non erit, quia subtrahetur ei suavitas, & opprimer eam actionis necessitas, ut aliàs Augustinus dixit sermone 26. de verbis Dom.

10 Ex hoc ergo discursu concluditur ratio, & ostenditur mirabilis S. Ignatii sapientia in instituendis, & instruendis alumniis suis. Prius enim voluit utriusque vitæ actibus in primo novitiatu sufficienter exerceri tali ordine, ut a fundamentis vitæ contemplativæ per exercitia spiritualia initium sumereot, & ex vita activa illam partem tunc maxime exercerent, quæ ad propriam mortificationem, & virtutum acquisitionem confert: & ideo diximus in superioribus num. 5. tempus illud, vel omnino, vel fere tantum esse vitæ contemplativæ. Quod genus vitæ per totum tempus studiorum perseverat, nam (ut etiam declaravimus) totum negotium disciplinæ, & doctrinæ acquirendæ, ad otium contemplationis magis spectat. Quia vero ille contemplationis modus non spectat ad perfectum, & summum gradum ejus, quamvis ad illum possit disponere, ideo constituit, ut prius quam hujusmodi scholares ad operandum in vinea domini exirent, ad scholam vitæ contemplativæ redirent, ut in ea, & consequenter in virtutibus, sine quibus illa esse non potest, quoad fieri posset, perficerentur. Ad hunc ergo finem tertium probationis annum designavit, qui licet pro tanti operis dignitate brevissimum tempus videatur, pro fragilitate tamen hominum, & brevitate vitæ judicandum est sufficiens. Non enim hoc tempus eo fine designatur, ut in eorum hujus exercitii perfectio comparanda sit, sed ut majora quædam, & sufficientia fundamenta jacentur, & ut in amorem, & studium ejus animus incalcescat, ut dixit Gregorius XIII. hæc enim destinatio, & hæc intentio maxime necessaria est perfectioni hujus vitæ. Denique ut si quæ sunt orta impedimenta, quæ ab hoc studio animum avertere possint, eo tempore tollantur. Hæc ergo videtur esse propria ratio & finis per se, ac primario intentus in designando hoc tertio probationis anno.

11 Hinc vero consequenter fit (quæ est altera principalis ratio hujus institutionis), ut hic annus multum deserviat, & moraliter sit necessarius ad perfectam probationem, & experimentum eorum, quibus professorum munus, quasi ex officio, & speciali obligatione, in Societate committendum est. Ad hunc enim finem ordinatur (ut cap. præced. diximus) totum illud tempus, in quo differtur professio: ergo etiam hic tertius probationis annus ad eundem finem ordinatur, & specialiori quadam ratione, tum propter nonnullam majorem difficultatē; tum etiam propter majorem virtutis offensionem, quæ illo tempore desideratur, præsertim humilitatis, ac devotionis, ut in dicta constitutione Gregorii XIII. dicitur.

12 Neque contra hoc obstat ratio dubitandi in principio posita. Respondetur enim approbatum ad unum munus, seu rem unius ordinis, probari iterum posse ad negotiū, vel munus altioris ordinis; quia non sufficient, vel requiruntur ad omnia munera eadem qualitates, ut notavit Panorm. in c. accepimus, de ætat. & qualitat. nu. 6. Quamvis ergo novitius, dum admittitur ad priora vota, approbetur in scholæ, probari iterum, atque iterum potest in ordine ad statum, & munus professorum, quod longe gravius est. Deinde etiam in ordine ad eundem terminum potest quis iterum examinari, & probari, quando multum temporis intercessit; & præsertim, si occasio aliqua notabilis mutationis, ac diminutionis timeri probabiliter possit, & de re agitur, in qua nondum est jus acquisitum, ut sentit Panormitanus supra: quæ omnia in presenti concurrunt. Nam præterquam, quod per priora vota scholarium non approbatur quis simpliciter ad professionem, postea intercedit multum temporis, in quo potest timeri fervoris, & de-

votionis diminutio, & ideo sic superest ratio sufficiens probationis in ordine ad professionē, cum in illā, vel ad illam nūquam sit proprium jus acquisitum, nisi ad summum sub tali conditione in constitutionibus expressa.

13 Ad replicam autem, quod in toto tempore studio, cum sit hæc probatio, responderetur verum quidem id esse, non tamen sufficere tempus illud; tum quia duplex studium ad professionem Societatis supponi debet, literarum scilicet, & spiritus. Hæc autem secundam nec tempore novitiatus potuit esse perfectum, nec inter studendum literis potuit consummari; & ideo necessarium fuit proprium adjungere tempus, in quo consummaretur. Tum etiam, quia ipsammet studiorum tempus vel occasionem præbet novæ reformationis propter distractionem, & remissionem animi circa spiritualia exercitia, quam nimia sollicitudo literarum afferre solet, præsertim incipientium; vel occasionem præbet novæ probationis, quia per discursum illius temporis solet magis uniuscujusque natura, & capacitas, vel inordinata aliqua inclinatio cognosci, quam magis probare, vel moderari necesse est.

14 Ad alteram vero replicam, quæ postulat, quæ ex parte fiat hæc probatio, responderetur concedendo eo tempore, si proprie loquamur, probari religiosum a religione, non religionem a religioso, ut ratio ibi facta ostendit, quæ non solum de hoc tertio anno probationis, sed etiam de toto tempore studiorum verum habet. Ad objectionē autē de inequalitate, seu injustitia, respondetur in superioribus est li. 3. c. 2. a nu. 3. ubi ostendimus, non esse injustum contractum, in quo scholaris approbatus obligatur absolute, & ex parte sua perpetuo Societati, & Societas non ita se illi obligat: nam in hoc ipso contractu intrinsece includitur, ut Societas possit amplius probare religiosum, etiam ad dimittendum illum, si sibi non satisfecerit, quia nondum illum simpliciter, & ad omnia approbavit; & e contrario ibi etiam continetur, ut religiosus jam non possit amplius religionem probare, qui quando priora vota emisit, illam simpliciter approbavit, ut vitam in ea perpetuo degeret: & ideo scholaris, qui hac mente in Societate viveret, vel tertium annum probationis ageret, ut religionem amplius experiretur, & si duriores inveniret, relinqueret, non esse tuta conscientia, quia jam non habet jus probandi, ut quantum in ipso est, in Societate retineatur, vel etiam intimius admittatur.

15 Denique ad ultimam tacite respondetur in dict. constit. Gregorii XIII. dum dicitur scholares finitis studiis in Societate, non solum in tertio probationis anno, sed etiam in verbi Dei, sacramentorum & scholasticarum lectionum, penitentiarumque & Eucharistia Sacramentorum ministeriis Societati tamdiu probantur, quamdiu Preposito Generali videtur. Itaque finis studiis non præscribitur tertius annus probationis, eo quod ille sufficiens reputandus sit ex vi regulæ, ut statim illo finito professio concedatur. Nam qua ratione c. præced. ostensum est, non esse tempus definitum ad professionem faciendam, eadem non est in hoc sensu ille annus præscriptus, sed vel positus est tantum pro termino parvitaris, ita ut ad minimum hic annus requiratur, quia per se ac moraliter necessarius, non tantum ad experimentum personæ, sed magis ad præparationem, seu dispositionem convenientem tali statui; vel certe per determinationem hujus anni indicatum est, ex toto illo tempore, quod inter finem studiorum & professionem intercedere potest, unum saltem annum concedendum esse, ut in eo propriæ perfectioni, & vitæ (ut dicebam) fere omnino contemplativæ vacetur sub speciali cura, & spirituali disciplina religionis, ut n. 4. retulimus, & hic vocatur quasi per antonomasiam tertius annus probationis, quamvis suo modo, totum reliquum tempus usque ad professionem probationis etiam sit.

C A P U T III.

Utrum specialis forma profitendi in Societate specialem obligationem inducat circa eruditionem puerorum.

1 Sequitur agendum de secunda parte hujus libri, quam ipsius initio proposuimus. Ac pro hoc ca-

Ad 1. replicam in eodem n. 1.

Ad 2. replicam ibidem.

Tertius annus fit ut religio probetur, non vero ut probetur.

Ad 3. replicam ibidem.

Concluditur a. n. 5. huiusque relictæ pro tertio probationis anno.

Altera ratio ref. piciens etiam est, quæ futurum.

Ad rationem dubitandi in a. 1.

Suppositio 1. pro resolutione huius capituli.

Suppono in primis fieri in Societate veram professionem per vota solennia, quod ex constitutionibus, & Bullis Pontificiis, & ex usu manifestum est, & ex dictis constabit. Nec desunt, qui existiment fuisse hoc simpliciter necessarium, ut tota hæc congregatio sit absolute, & simpliciter vera religio, ut etiam refert Henriquez lib. 12. cap. 5. num. 4. lit. T. in commento. Sed hoc in rigore non est verum, ut jam lib. 3. cap. 3. a numero 6. vidimus; tum quia, sicut potest esse verus, & proprius religiosus simpliciter sine votis solennibus, ita potest esse corpus mysticum veræ religionis constans ex solis huiusmodi personis religiosis, quia religio, ut dicitur de toto corpore, solum significat corpus constans ex personis vere religiosis ut sic; tum quia satis probabile est, antiquiores fuisse veras religiones, quam vota solennia, ut tomo præced. ostensum est; fuit ergo hoc convenientissimum secundum præsentem Ecclesiæ institutionem ad maiorem perfectionem, decorem, dignitatem huius corporis.

Suppositio 2.

Secundo suppono hanc professionem Societatis includere omnia, quæ sunt de substantia professionis religiosæ in communi, & regulariter addere aliquid; includit enim traditionem religiosam, quam significant in forma proficendi præscripta 5. p. constit. cap. 3. verba illa: *Ego N. professionem facio: & tria substantialia vota paupertatis, castitatis, & obedientiæ, quæ in eadem forma statim expresse promittuntur.* Addit vero duo. Primum est specialis quædam determinatio voti obedientiæ circa puerorum eruditionem, de quo in præsentis capite dicendum est. Secundum est speciale votum obedientiæ Summo Pontifici circa missiones, de quo in sequenti. Quod vero attinet ad ea, quæ communia sunt statui religioso, satis explicatum est in citato tomo, quia substantialis solennitas illorum trium votorum eadem est in professis Societatis, & aliarum religionum; & ita in illa generali doctrina explicata est: substantia vero, aut obligatio eorundem votorum, prout specialiter in Societate sunt, declarata a nobis est supra in lib. 4. tractando de votis scholarium; solum ergo superest nobis explicandum id, quod specialiter addit hæc professio.

Suppositio 3. de duobus modis proficendi.

Unus modus.

3. Tertio præmittendum est duos modos solenniter proficendi inveniri in Societate. Unus & ordinarius est emittendo professionem quatuor votorum, ut constat ex prima forma proficendi, quæ habetur in dict. cap. 3. constitutionum; imo hæc professio est primario, ac per se in Societate intenta, & ab illa quasi per antonomasiam denominatur Societas professæ, ut constat ex examine cap. 1. §. 5. & 6. p. c. 1. §. 1. & ex declaratione instituti, quæ habetur in Bullis Pontificiis 1. Pauli III. & 1. Julii III. & in constitutionibus Gregorii XIII. Et similiter nomine *professionis* absolute dictæ, solet hæc professio in Societate intelligi, ut sumitur ex 5. p. constit. cap. 2. simul cum 3. quia ab illa quasi per antonomasiam iure ordinario ad Societatem spectat; & qui sic professi sunt, principalia membra huius corporis existunt; & ideo congregatio generalis, quæ universam Societatem repræsentat, ex illis per se coalescit, & ad illos regulariter pertinet suffragium activum, & passivum in electione Generalis. Regimen etiam Societatis quoad Provincias præcipue, & domos professas, in eis solis ordinarie esse potest, ut constat ex constitutionibus 8. p. cap. 3. cum declaratione lit. A. & cap. 6. §. 4. cum declaratione, & ex aliis regulis Societatis.

Alter modus.

4. Nihilominus præter hunc modum est alius solenniter proficendi, emittendo tantum tria vota substantialia religionis solennia, omisso voto obedientiæ ad Summum Pontificem, ut constat ex constitutionibus 5. p. cap. 2. §. 3. & ex Bullis Pontificiis, præsertim ex constitutione: *Ascendente Domino*. De hoc ergo posteriori modo professionis, vel de his oneribus, aut muneribus, quæ ad huiusmodi professos pertinent, nihil speciale hic dicendum occurrit. Quia in modo vivendi obedientiam, quoad declarationem muneris docendi Christianam doctrinam, conveniunt cum professis quatuor votorum, & ita de utrisque simul explicabitur: quoad carentiam vero quarti voti, & rerum omnium, quæ inde consequuntur, conveniunt cum coadiutoribus spiritualibus formatis; sicut etiam cum illis fere conveniunt in ministeriis, ad quæ assumuntur, & in

donis, seu qualitatibus, quæ in eis requiruntur: & ideo de utrisque simul infra lib. sequenti dicetur. Nam hi professi trium votorum in Societate, coadiutores sunt spirituales, quos tamen speciali quadam prerogativa dignos judicat Societas, ut ibi exponemus: loquimur autem de hac professione trium votorum, quæ conceditur, tanquam ultimus terminus, & status aliquarum personarum. Aliquando enim fit per extrinsecam occasionem, quæ requirit, ut persona sit ligata votis solennibus; ut in casu primogenituræ, de quo in cap. 1. num. 4. meminimus, & olim tempore Pii V. cum quispiam esset ad sacros ordines promovendus; & de tali professione nulla fit consideratio, quia est veluti per accidens, & non affert maiorem obligationem, quam sit in gradu scholarium, excepta solennitate. Neque etiam fit, ut in ea sistatur; nam comparata doctrina, & majori perfectione virtutis, potest transitus fieri ad professionem quatuor votorum. De hac ergo tantum videndum est, an revera addat aliquid tribus substantialibus votis religionis, & quam immutabilis sit.

Utrum conveniens fuerit Societati professæ peculiarem curam & obligationem puerorum in doctrina Christiana erudiendi suscipere.

5. In primis igitur circa puerorum eruditionem, ad quam votum obedientiæ specialiter in professione determinatur, notandum est duas esse eruditiones puerorum (sub quibus semper quascumque rudes & ignorantes personas comprehendimus.) Unam in literis, alteram in fide, seu doctrina Christiana; utramque vero amplectitur religio Societatis; sed prior, quia non est tam propria professorum, & quia ad Collegia Societatis pertinet, superius in lib. 5. cap. 5. & 6. a nobis declarata est. Hæc altera est explicanda; nam de illa in particulari sermo est in prædicta forma proficendi, unde licet hoc ministerium commune sit omnibus membris Societatis, quia tamen peculiari modo videtur annexum, & expressum in ipsa forma professionis Societatis, ideo hic breviter explicandum est.

Eruditio puerorum duplex.

6. Quod ergo ad ipsum ministerium spectat, constat esse Ecclesiæ valde necessarium, quia est veluti fundamentum totius Christianismi, ut dicitur in Catechismo Pii V. Quia vero tale ministerium facile videtur, & minus grave; ideo minus necessarium videri potest, ut inter præcipua officia huius religionis, quæ aliis gravissimis rebus occupata est, poneretur, & cum tanta exaggeratione, ut solum illud in obedientiæ voto exprimeretur. Etenim Christiani parentes filios suos Christianam doctrinam docere possunt, & debent, quia unum ex præcipuis muneribus parentum est filium in religione instruere. Unde Ignatius Martyr epist. 9. ad Philadelphenses: *Patres (inquit) educate filios vestros in disciplina, & admonitione Domini, & docete eos sacras literas, & artes, ut non dedant se otio, & inertia. Hæc ille (inquit) educans justus pater liberos, in filio sapiente latibitur cor ejus*: alludens ad illud Proverbiorum 10. *Filius sapiens latificat Patrem*. Deinde hoc etiam spectat ad paternos, qui eos de sacro fonte levarunt, ut in 3. tom. 3. p. quæst. 67. art. 8. cum D. Thom. declaravi. Unde in Concilio Arelat. III. sub Leone, tempore Caroli Magni canon. 19. statuitur, *ut parentes filios suos, & patrini eos, quos de fonte lavacri suscipiunt, erudire summopere studeant: illi, quia eos genuerunt, & eis a Domino sunt; isti, quia pro eis fidei iussores existunt*: & in Concilio Maguntico sub eodem Carolo c. 47. præcipitur: *Ut unusquisque compater, vel proximi, spirituales filios suos catholice instruant*. Deinde spectat etiam hæc cura per se, & ex officio ad parochos, ut sumitur ex Concilio Trident. sess. 1. c. 2. & sess. 24. c. 4. ubi præcipitur parochis, ut singulis diebus dominicis oves suas, & in particulari pueros, in rudimentis Christianæ doctrinæ erudiant. Videbatur ergo quoad hanc partem sufficienter provisum Christianæ reipublicæ; non ergo oportebat Societatem tam sedulo ministerium hoc proficere; atque si aliqua erat ejus necessitas, sufficienter poterat opus hoc per scholares Societatis expleri, neque oportebat professos ad illud peculiariter obligari; deinde non apparet, quæ sit hæc specialis obligatio ad hoc ministerium, potius quam ad alia. Neque etiam videtur professos Societatis regulariter loquendo huic ministerio magis in-

Rationes dubitandi

cumbere, quam reliquis. Quid ergo necesse fuit in voto obedientiae illud exprimere?

Prima assertio. Sunders auctoritate Societatis.

7 Dicendum vero in primis est, ministerium hoc merito a Societate susceptum esse, tamquam unum ex praecipuis, & majori cura, ac perfectione exercendis. Quod in primis satis persuaderi potest auctoritate ipsarum constitutionum, quam nemo potest facile praeterire, tum propter sanctitatem, & prudentiam auctoris, tum propter usum, & consensum totius religionis, in qua tot viri religiosi & sapientes & prudentes fuerunt. Tum maxime propter approbationem Pontificiam, non solum in generali, sed etiam in particulari. Nam in prima Bulla Pauli III. sic dicitur: *Et nominatim commendatam habeant institutionem puerorum, ac rudium in Christiana doctrina decem praceptorum, atque aliorum rudimentorum, quaecumque secundum circumstantias personarum, locorum, ac temporum illis congrua videbuntur. Est enim maxime necessarium circa providentiam huius rei, diligenter Praepositum & Consilium invigilare, cum & in proximis edificium fidei sine fundamentis non possit consurgere, & in nostris periculum sit, ne ut quisque erit Doctor, ita provinciam hanc, tamquam primo aspectu minus speciosam, forsitan detrectare conetur, cum tamen revera nulla sit fructuosior, vel proximis ad edificationem, vel nostris ad charitatis, & humilitatis simul officia exercenda.*

Item Pontificium.

8 In quibus Pontificis verbis omnes rationes, & sane gravissimae attinguntur, quibus assertio posita suaderi potest. Primo enim licet ministerium hoc in se non videatur nimis excelsum, in semine tamen, & virtute est maximum: quia ex eo magna ex parte pendet honesta, & sancta vita fidelium, tum quia fides est fundamentum omnis iustitiae; tum etiam, quia non solum docentur pueri, qui credere debeant, sed etiam quid debeant operari, & in quem finem debeant vitam instituere: quod maxime in principio necessarium est. Nec solum circa haec illuminantur, sed etiam excitantur, & variis mediis illi aetati accommodatis alliciuntur, & ad opera pietatis incitantur. Deinde occasione puerorum fit, ut etiam homines grandioris aetatis, vel interdum senes, numquam in rebus fidei antea satis instructi doceantur: alii vero, qui eas oblivioni tradiderant, denuo adfiscant. Multi etiam, qui gravioribus concionibus interesse non solent, vel eas non satis percipiunt, hoc medio doctrinae Christianae solent magis ad penitentiam agenda, & virtutem sectandam commoveri. Unde cum major pars hominum rudis sit, & indocta, sperari profecto potest per hoc medium, si convenienter exerceatur, plures proficere posse in fide, & virtute, quam per alia excellentiora, & altiora ministeria. Et ideo cum tanta asseveratione in illa Bulla dictum est, *revera nullam esse fructuosioram erga proximos occupationem*, quia haec prodesse potest omnibus, quibus aliter, non vero e converso.

Accedunt rationes auct.

9 Accedit praeterea hoc medium esse efficacissimum ad obviandum erroribus, & falsis doctrinis: & ob hanc causam existimo tam graviter fuisse B. P. N. Ignatio commendatum: quia religionem hanc praecipue contra insurgentes hac tempestate haereticos Deus per eundem Ignatium praeparavit. Tandem possemus hoc confirmare exemplis antiquitatis, & sacrorum canonum; sed haec sufficienter adducta superius sunt lib. 5. c. 5. tractando generatim de eruditione puerorum: nam multa ex illis loquuntur, praecipue de institutione eorum in fide, & rudimentis ejus, ut ibi notavimus. Et plane Eusebius lib. 6. Historiae c. 12. cum de Origene, & Heracla loquitur, dicit eos assumpsisse munus erudiendi juventutem in rudimentis fidei. Omnes etiam utilitates, quas ibi ostendimus habere hanc puerorum eruditionem, ex hoc potissimum sperari, ac sequi, manifestum est, & ideo in Concilio Moguntico sub Carolo c. 45. sic dicitur: *Symbolum, quod est signaculum fidei, & orationem Dominicam dicere, semper admoneant sacerdotes populum Christianum.* Cum ergo Societas sit religio sacerdotum, merito assumpsit provinciam non solum admonendi, ut haec discant, sed etiam faciendi, ea nimirum docendo in omnibus locis & occasionibus, quibus possunt, scilicet in templis, in puerorum scholis, ac per vias, & plateas. Unde in eodem canone subditur: *Propterea dignum est, ut filios suos darent ad scholam, sive ad monasteria, sive*

foras presbyteris, ut fidem catholicam recte discant, & orationem Dominicam, ut domi alios edocere valeant. Ubi specialiter expendo verbum illud, *sive ad monasteria*; illo enim significatur, etiam religiosos illius temporis non fuisse designatos hoc ministerium instituendi pueros in Christiana doctrina. Expendo etiam illud verbum, *ut domi alios edocere valeant*, nam per illud insinuat alius modus, quo haec puerorum institutio ad alios grandiores derivatur, dum coram his domi repetunt pueri, quae in publico didicerunt.

10 Secundo dicendum est, merito in forma profutendi in Societate explicatum esse hoc ministerium in voto obedientiae, quamquam id factum sit, non tam propter novam obligationem imponendam, quam propter ministerium commendandum. Sumitur haec assertio ex declaratione ejusdem constitut. p. 5. c. 3. lit. B. quae sic habet: *promissio docendorum puerorum, ac rudium hominum, juxta literas Apostolicas, & constitutiones, non inducit aliam obligationem, quam reliqua spiritualia exercitia, quae ad auxilium proximorum adhibentur, cuiusmodi sunt confessiones, predicationes &c. in quibus quisque se debet occupare juxta rationem obedientiae suorum superiorum.* Quod autem de pueris docendis in voto sit mentio, ea de causa fit, ut sancta haec exercitatio peculiari modo sit commendata, & ut devotius curetur propter singulare obsequium, quod Deo per eam in animarum auxilio exhibetur, & quia facilius oblivioni tradidi poterat, & in dissuetudinem abire, quam alia magis speciosa. Quibus verbis utraque pars assertionis, ejusque ratio explicata est.

Seconda assertio.

12 Est autem circa priorem partem de obligatione speciali advertendum, in prima congregatione generali ejusdem Societatis decreto 134. post electionem, commendari specialiter hoc ministerium professis, & subiungi haec verba; *Pater quidem noster Ignatius injunxit singulis professis, ut semel per quadraginta dies id facerent.* Significat autem congregatio hoc fuisse injunctum a B. Ignatio, ut perpetuo in Societate observandum. Quia vero id non satis erat ibi explicatum, additum est in secunda congregatione decreto 48. post electionem. *Quivis professus post editam suam professionem intra annum, per quadraginta dies continuos, vel interpolatos doctrinam Christianam pueros & rudes personas docere teneatur.*

Notatio ulterior circa 1. partem ejusdem assertionis.

22 Ubi obscurum est, quam vim habeat illud verbum, *teneatur*. Nam licet alias verum sit ordinationes, & regulas huius religionis non obligare ad culpam, ibi tamen videtur determinari materia propria voti obedientiae professorum, quantum ad hanc expressam ordinationem, & ideo videtur verbum illud inducere obligationem in conscientia. Nihilominus certum est, illam ordinationem esse solum directionem quandam ad melius exequendum, vel inchoandum id, quod in praedicta professione exprimitur, non tamen esse legem sub peccato obligantem, imo neque esse inter alias regulas in tali religione, & ita sunt similia verba in ejus constitutionibus explicata; neque etiam esse determinationem materiae voti, quia in illo decreto, quoad hanc partem, nulla fit mentio voti; unde licet finis illius decreti fuerit reducere ad praxim aliquo modo votum illud, non tamen mens ejus hanc ponere, ut materiam praeccepti. Eo vel maxime quia professus non vovet docere doctrinam Christianam: sed obedientiam, & secundum eam peculiarem curam, &c. & ideo impossibile est in tali voto determinari hanc, ut materiam necessariam voti, nisi imponendo praecceptum obligans in virtute obedientiae: at hoc non ponitur ibi: ergo. Quocirca, neque ex consilio tenentur professi absolute ad hoc ministerium exercendum per quadraginta dies, nisi illis per superiorem injungatur, vel saltem licentia praestetur, quia non est intentio illius decreti, eximere subditos ab obedientia suorum superiorum, ut per se constat; sed paratos eos reddere ad hoc ministerium praestandum, vel etiam procurandum a suis superioribus, & superiores ipsos monere, ut non solum permittant, sed etiam curent ita observari a professis: & ideo si superiores, vel expresse, vel tacite excusent ab hoc ministerio eos, qui proficiunt, eo quod aliis legitime impediti sunt, nihil peccant.

Professos obligari videri ad docendam doctrinam Chr. per 40. dies.

Oppositum ostenditur quoad obligationem rigorem.

13 Circa alteram vero partem de commendatione mini-

Notatio
altera cir-
ca partem
secundam.

ministerii, notanda etiam sunt citata decreta 1. & 2. congreg. generalis: nam in priori, hoc tam piæ exercitium admodum inculcatur ipsis professis: in posteriori vero ipsi Præposito Generali valde commendatur: *ne ullo unquam tempore illius oblitio in nostros animos irrepat, cum illud in votorum nostrorum formula complectamur*. E quibus ultimis verbis intelligitur fructus illius explicationis in formula vivendi; inde enim factum est, ut cura hujus ministerii in professorum animis magis infederit, & in majori etiam æstimatione habeatur. Et ad hunc etiam finem B. Ignatius similem curam imposuit Rectoribus Collegiorum 4. p. constituit. c. 10. §. 10. *Rector ipse legere aut docere Christianam doctrinam quadraginta dies debet*. Ubi in declaratione additur, si impedimentum intercedat, cum Provinciali esse communicandum, ut per alium fieri possit: idque debere Rectores implere intra primum annum sui muneris, declaratur in 2. congreg. generali c. 15. ut ergo omnes de Societate ad hoc ministerium magis, ac magis afficiantur, tot modis, & signis ejus utilitas, & necessitas commendatur.

Ad ratio-
nes dubi-
tandi in
h. q.

14 Nihil igitur obstant rationes dubitandi in nu. 4. posita: nam licet in externa specie ministerium minus speciosum appareat, revera est Catholicæ Ecclesiæ valde necessarium, & quo majoris humilitatis officium, eo majori religionis commendatione indiget. Nec refert, quod parentes, patrini, & parochi, ex officio ad hoc ministerium teneantur: quia generatim loquendo hujus religionis officium est juvare in omnibus ministeriis ad salutem animarum pertinentibus eos, quibus ex officio incumbunt, vel qui non omnes suis muneribus satisfaciunt, ut debent, vel quia pluribus existentibus ministris, & coadiutoribus, melius poterunt animæ juvari, & illuminari. Accedit, quod hoc ministerium docendi Christianam doctrinam habet latitudinem, tum ex parte personarum, quia non solum pueri, sed etiam multi ex adultis hac eruditione indigent: tum ex parte modi docendi, & explicandi rudimenta fidei, ad quod sepe non mediocri scientia necessaria est, & in dogmatibus exponendis, & maxime moralibus rebus, quæ certe scientia scholares Societatis nondum satis instructi supponuntur: ideoque multum potest in hoc ministerio industria, & sollicitudo, ac doctrina nostrorum religiosorum, maxime provectorum, Ecclesiæ prodesse, prout hæcenus per divinam gratiam experientia demonstravit. Merito ergo in professione Societatis hujus operis specialis, & expressa mentio fit, ut non solum scholaribus, sed omnibus operariis ejus sit commendatum, ipsique professi intelligant peculiari ratione ad suum statum, & officium pertinere, ut declaravimus.

C A P U T IV.

Utrum votum obedientiæ ad Summum Pontificem, quod professi Societatis emittunt, sit solenne votum, ab aliis tribus distinctum.

Hujus
cap. du-
plex pun-
ctum.
Arguitur
dilectum
re po-
pulo
priori.

1 Duo puncta apparent in hoc voto difficilia. Primum est, quomodo ab aliis tribus, & specialiter a generali voto obedientiæ distinguatur. Secundum est, quomodo solenne sit. Ratio dubitandi circa priorem partem est, quia vel hoc votum est distinctum, quod inducat novam obligationem circa eandem materiam: vel quod obliget ad novam materiam. Neutrum dici potest: ergo nullo modo distinguitur, nec enim fingi potest alius distinctionis modus. Minor quoad priorem partem probatur: quia materia semel consecrata Deo per votum obedientiæ non est capax novæ obligationis per aliud obedientiæ votum: licet enim materia, alias debita, ex præcepto sit capax novæ obligationis voti, tamen, quæ jam per votum promissa est, non est capax novæ obligationis: unde si quis iterum, atque iterum castitatem voveat, non multiplicat obligationem votorum: sed repetit idem votum, ut in tomo 2. visum est: sed per votum obedientiæ religiosæ obligatur quis obedire Summo Pontifici, non solum ratione jurisdictionis, quam a Christo habet, sed etiam ratione specialis promotionis Deo factæ, & Prælati religionis, quorum supremus est Pontifex, ut in tomo superiori ostend-

sum est: ergo non potest per novum votum nova obligatio obedientiæ circa eandem materiam superaddi. Neque enim ad hoc sufficit, quod per unum votum distinctius, & expressius promittatur obedientia circa talem actionem, vel ad talem personam, quia implicitum, vel explicitum non variant, neque addunt obligationem voti, ut patet ex his, quæ in præcedenti cap. nu. 11. dicta sunt de illa expressione docendi Christianam doctrinam, quod non ideo addit speciale votum, vel obligationem. Item patet in religionibus, quæ solum implicite voveant castitatem, & paupertatem, quia non minori obligatione tenentur. Altera item pars minoris probatur, quia per votum obedientiæ omnia sunt promissa: ergo non relinquitur nova materia, quæ denuo per hoc speciale votum promittatur. Dices, votum generale obedientiæ per se non obligare ad has missiones. Sed contra, quia esto fortasse hoc verum sit respectu voti obedientiæ facti secundum regulas aliarum religionum, non tamen respectu facti secundum regulam Societatis: unde in ea etiam scholares approbati tenentur in his missionibus obedire, si præcipiantur: ergo ultra votum obedientiæ generale in Societate factum, ad nullam actionem, vel rem novam potest obligare hoc speciale votum factum summo Pontifici.

2 Tandem circa secundum punctum propositum obsecrum est, cur hoc votum inter solennia ponatur, aut in quo ejus solennitas consistat. Et est ratio dubii, quia solennitas voti addit aliquem effectum, scilicet inhabilitatem, vel incapacitatem aliquam, ex vi juris positivi, præter omnem illum effectum, vel obligationem, quam hominis promissio secum affert, ut superiori tomo dictum est; hoc autem votum non affert secum talem effectum, neque aliquid includit præter promissionem. Nec satis est dicere esse solenne, quia conjunctim, & simul cum professione fit: nam hæc est sola concomitantia, non formalitas; aliæ etiam vota reliqua, quæ professi emittunt, ut a c. 6. videbimus, erunt solennia, quia cum professione fiunt. Quod enim non statim, sed paulo post fiant, parum profecto videtur referre, ut hoc solenne, alia simplicia dicantur, cum moraliter rem considerando quod parum distat, nihil distare videtur. Et præterea reddenda est ratio, cur magis hoc votum statim fiat, ut dicatur solenne, quam reliqua.

3 Propter hanc difficultatem aliqui moderni scriptores dixerunt, licet hoc votum professorum Societatis laudabile sit, quia abundans cautela non nocere tamen vera, ex vi illius voti, non amplius obligari ad obediendum summo Pontifici secundum regulam suam, quam alii religiosi ex vi suæ professionis teneantur. Quin potius asserunt, omnes religiosos inter se esse æquales in hac obligatione obediendi summo Pontifici in suis observantiis regularibus: quia omnes illum habent tamquam supremum Prælatum uniuscujusque religionis, a quo pender omnis observantia regularis: ita scripsit Emanuel Rodriguez de regularibus tom. 9. q. 22. a 6. potestque hæc sententia juvari ex ratione, quam nostrimet Patres in Bullis Pontificiis ad hoc votum emittendum his verbis tradunt. *Quamvis Evangelio doceamur, & fide orthodoxa cognoscamus, ac firmiter profiteamur, omnes Christi fideles Romano Pontifici tanquam capiti ac Christi Vicario subesse: ad majorem tamen nostræ Societatis humilitatem, ac perfectam uniuscujusque mortificationem, & voluntatum nostrarum abnegationem summo opere conducere judicavimus, singulos nostros ultra illud commune vinculum speciali voto astringi, &c.* Ex his enim verbis colligitur, per hoc votum solum addi vinculum religionis, ultra vinculum subjectionis, quod commune est omnibus fidelibus: at hoc vinculum religionis omnes religiosi superaddunt ex vi suæ professionis; ergo re ipsa hoc votum nihil addit novum comparatione facta ad alios religiosos. Sed ad summum addi potest huic sententiæ, hoc votum addere majorem quandam certitudinem hujus obligationis obediendi Pontifici. Quod enim omnes religiosi ex vi professionis promittant obedientiam specialem summo Pontifici, non est ita certum, quin aliqui Theologi hoc negaverint, ut significat Durandus 2. d. 44. qu. 5. & quamvis oppositum doceat communis sententia, ut Carthusianus eadem d. 44. qu. 5. notat, & in superiori tomo visum est, id vero sub opinione versatur: igitur hoc

Arguitur
pro pun-
cto pos-
sibile.

hoc votum addit saltem certitudinem obligationis, non tamen obligationem, juxta hanc opinionem. Nihilominus hæc opinio vera non est, nec consentanea Bullis Pontificiis, quibus hoc votum approbatum est, ut speciale, & omnino distinctum a reliquis. Ut ergo id ostendamus, comparabimus prius hoc votum ad professionem aliarum religionum, deinde ad alia vota seu vincula ejusdem Societatis, in quo fortasse major difficultas versatur.

Quid addat hoc votum tribus aliarum religionum votis.

s. Affer-
bipartita.

Exprimi-
tur hujus
voti insti-
tuto So-
cietatis.

Ad hanc
materiam
spectat
ita ex jus-
su Pontifi-
cis.

Speciat
item ma-
teriam ubi
jussit.

4 Dico ergo primo: professi Societatis emittentes quartum votum obediendi summo Pontifici, & sancte faciunt, & ad aliquid ex vi illius voti obligantur, ad quod non obligantur reliqui religiosi ex vi professionis suæ: ut conclusionem probemus materia hujus voti præ oculis ponenda est, quæ satis expresse proponitur in dictis Bullis Pontificiis, & in Examine c. 1. §. 5. *Professa Societas* (dicitur) *præter tria vota, votum facit expresse summo Pontifici, ut vicario qui nunc est, vel pro tempore fuerit, Christi Domini nostri, nimirum ad proficiscendum, sine excusatione, non petito viatico, quocumque gentium ejus sanctitas jusserit, inter fideles, vel infideles, ad res, quoad divinum cultum, & religionis Christianæ bonum spectat.* In quibus verbis in primis observe, materiam hujus voti non esse totam illam, quæ potest esse materia obedientiæ religiose, etiam secundum regulam Societatis, sed solam materiam missionum, ut patet ex illis verbis: *nimirum ad proficiscendum*, quæ sunt declarativa, & limitativa voti, & materie ejus, & ita in ipsa forma profitendi expresse dicitur. *Insuper promitto specialem obedientiam summo Pontifici circa missiones.* Ubi in declaratione dicitur, *tota intentio quarti hujus voti obediendi summo Pontifici fuit, & est circa missiones.* Et additur, hoc modo esse intelligendus litteras Apostolicas, quæ interdum verba generaliora habere videntur, & in sequentibus magis declarabuntur.

5 Addo præterea in materia hujus voti, sub verbo, *proficiscendi*, etiam verbum permanendi, in quacumque mundi parte, vel provincia, & sub nomine missionis perseverantiam etiam, juxta intentionem præcipientis, comprehendi. Accommodatum exemplum ad hoc explicandum habemus in c. *si postquam*, de electione in 6. ubi Bonifacius Pontifex interpretans constitutionem Nicolai Papæ, quæ exigit, ut electi ad quædam beneficia Romam proficiscantur pro confirmatione electionis, inquit: *Non solum ut quis veniat, sed etiam ex sua mente exigit, quod usque ad finem negotii persequatur*: sic ergo in præsentī dicimus, votum patendi in proficiscendo, exigit ex sui mente obedientiam in permanendo usque ad finem negotii, utique juxta intentionem mittentis huic rei accommodatam, ut statim explicabimus. Ratio etiam hoc convincit, quia via est propter terminum; inutilis enim esset missio, nisi in termino finiretur, quantum ad finem, & effectum missionis necessarium est. Unde hic terminus, & quies necessaria in illo, non est quasi finis extrinsecus, qui solet distingui a materia legis, vel promissionis, sed est intrinsecus terminus, a quo pendet tota ratio, & utilitas talis materie, & ideo intrinsece pertinet ad materiam talis voti. Et ita explicari videtur in citatis verbis examinis, ibi, *ad res, quæ ad divinum cultum, &c.* nam una ex his rebus, maxime necessaria esse potest permanentia in tali loco, Clare etiam supponitur in 6. p. constit. c. 1. §. 2. ibi, *residere, vel mitti.*

Speciat
præterea
obire a-
ctiones
intentas a
Pontifice
non vero
solum iter
aut per-
manencia.

6 Hinc tertio addo, non solum teneri professos ex vi hujus voti missiones peragere, sed etiam actiones illas, vel functiones, ad quas, seu propter quas mittuntur, fideliter, seu strenue, quod in ipsis moraliter est, peragere, hoc eodem discursu facile persuaderi potest, quia nomine missionum juxta verum sensum, & communem usum loquentium, non intelliguntur solum itinera, vel residentiæ in aliquibus locis, sed actiones etiam, & ministeria, ad quæ hujusmodi itinera ordinantur. Obedientiæ ergo circa missiones, quæ per hoc votum promittitur, hæc omnia comprehendit. Et hic est sensus illorum verborum in Bullis Pontificum, speciali ad hoc voto astringi, ut quidquid modernus & alii Romani Pontifices pro tempore existentes jusserint, ad profectum animarum, & fidei propagationem, & quascumque pro-

vincias nos mittere voluerunt, &c. Vovent ergo non solum ire, quo missi fuerint, sed etiam ibi exequi quidquid facere jussi fuerint: utrumque ergo est materia hujus voti, quantum est ex vi obligationis ejus. Quod ideo addo, quia in usu talis erit obligatio, quale fuerit præceptum, quod actu imponetur. Sæpe enim potest præcipi alicui ire in Indiam, non tamen præcipi actionem ibi exercendam, sed relinqui secundum institutum. Et tunc si quis obediatur eundo, licet postea sit negligens, vel aliàs peccet male utendo suo munere, non peccabit specialiter contra hoc votum, quia præceptum non fuit circa totam materiam illius impositum.

7 Quarto consideranda sunt verba illa, *ad profectum animarum*, & fidei propagationem pertinentia, nam substantialiter limitant materiam hujus voti; non enim obligamur peregrinari quocumque, ad alios fines, sed solum ad salutem animarum, & fidei propagationem. In examine autem cap. §. 5. videtur hoc ampliari, dum dicitur; *Ad res, quæ ad divinum cultum & religionis Christianæ bonum spectant.* Hic enim finis generaliter esse videtur. Nam ire ad visitanda, verb. g. loca sancta Hierusalem, ad divinum cultum pertinet, & non videtur conferre ad fidei propagationem, vel profectum animarum. Verum tamen hæc verba accommodanda videntur ad ea, quæ in Bullis Pontificiis continentur, quia sub illis institutum approbatur, & confirmatur, præcipue quia in 7. p. constit. cap. 1. §. 1. eodem modo declaratur tota intentio hujus voti, scilicet, ut sit: *Ad animarum auxilium*; de hoc ergo cultu Dei, & bono religionis Christianæ alia verba intelligenda sunt.

De fine
ejusdem
voti seu
materia
ejus.

8 Quamquam omnis alius cultus Dei possit ad hunc finem saltem indirecte, & remote ordinari, propriam tamen, & directe sub illo fine comprehenduntur omnes actiones misericordiæ spirituales circa proximum, ut sunt procurare pacem inter Principes dissidentes; subvenire laborantibus in quocumque animæ periculo; seminare fidem, & resistere hæreticis; juvare Catholicos quocumque spirituali ministerio doctrinæ, aut Sacramentorum. Actiones autem misericordiæ corporalis, ut sunt redimere captivos, vel similes, licet non videantur directe sub hoc voto comprehensæ, si tamen sint ex his, quæ clericos decet, non videntur excludi, quia omnes possunt ad spirituales profectum ordinari, sicut eas etiam Societatis institutum amplectitur. Actiones vero defendendi Ecclesiam, vel resistendi infidelibus per arma & bella, licet sint opera charitatis, non tamen pertinent ad sacerdotes, & ideo clarum est hic non comprehendi, quamvis ab his missionibus non excludantur illæ, quæ sunt, sive in terra, sive in mari adjuvando Christianos milites, & duces pro Ecclesia militantes: nam hæc immediate pertinent ad finem spirituales juvandi animas fidelium, & ultimate ordinantur ad pacem, & universale spirituale totius Ecclesiæ. Nec obstat, quod materialis gladius interveniat, cum ille non per religiosos ipsos, sed per milites tractandus sit.

Extensio
dicti finis.

9 Atque hinc in summa concludo, sub materia hujus voti comprehendi omnia spiritualia ministeria, quæ Societas circa proximos exercet; nam ad omnia illa potest nos Pontifex mittere, quocumque velit. Et quia sub *missione* (ut n. 4. diximus) comprehenditur existentia, seu residentia in aliquo loco, etiam si Pontifex eo non me miserit, potest mihi præcipere, ut ibi concioner, doceam, vel aliud simile ministerium peragam, quia si eo in loco non essem, posset me illo mittere in hunc finem: ergo licet adsum, potest præcipere, ut permaneam, & tale ministerium exerceam: & ita in rigore, & sine alia restrictione verum est, quod in Bullis dicitur hoc voto nos astringi, ut quidquid Romani Pontifices pro tempore existentes, jusserint ad profectum animarum, & fidei propagationem pertinentens, exequi teneamur. Quod si dubium inciderit, an tale ministeriū hoc loco, & tēpore pertineat ad profectum animarum, vel si solum ad temporalem, vel civilem utilitatem proximorum, ut docere hic Grammaticam, vel Philosophiam, ejus rei judicium penes summum Pontificem sine dubio futurum est; id enim ratio, quod in dubiis pro superiore standum sit, postulat: & verba ipsa, quibus materia hujus voti explicatur, idem satis indicant.

Collectio
dictorum
de materia
sive
hujus vo-
ti.

1. Circumstantia explicitæ materiæ non requirere viaticum.

10 Tandem ad materiam hujus voti spectant alique circumstantiæ gravissimæ, & non parum difficiles. Prima est, ut cum mittuntur professi, nullo expectato, aut petito viatico, ire teneantur. Hæc conditio inter eas, quæ ad votum paupertatis spectant, ponitur 6. p. constit. c. 2. §. 13. *Quando summus Pontifex (dicitur ibi) vel superior professos, vel coadiutores ad laborandum in vinea Domini mittet, nullum viaticum petere possint, sed liberaliter representent, ut mittantur, prout illis (id est, mittentibus) ad majorem Dei gloriam fore videbitur.* Et additur in declaratione: *id est pedites, vel equites: cum pecuniis, vel sine illis, &c.* Unde videtur hæc obligatio ex ea parte, qua respicit paupertatem, ad votum illius pertinere. Nihilominus tamen, ut pertinent ad circumstantias, & modum missionis, cadit etiam sub votum missionum: nec enim est inconveniens, ut eadem res sub diversis rationibus cadat sub diversa vota, sicut etiam sub diversa præcepta. Et ita in cap. 1. Exam. §. 5. de Societate professæ dicitur: *Facit votum expressum, &c. ad proficiscendum, &c. non petito viatico; & 7. p. constit. c. 1. ubi votum hoc copiose traditur in §. 3. hæc conditio tamquam illius propria declaratur.* Quocirca qui occasione viatici, vel ex timore indigentie, missionem detestaret, contra hoc votum directe delinqueret: quia vover obedientiam circa missiones, juxta constitutiones & Bullas, quæ ita materiam hujus voti declarant. Unde etiam fit, ut non solum ire, sed etiam residere ubique locorum debeant professi, non expectato viatico, nec subsidio a Pontifice, sed a Deo, & piorum elemosynis, quibus sustentari debent, juxta paupertatem, quam profitentur.

Secunda circumstantia est sine excusatione.

11 Secunda circumstantia ponitur his verbis in Pontificiis Bullis: *sine ulla tergiversatione, aut excusatione, illico quantum in nobis fuerit.* In examine dicitur, *sine excusatione, & aperte declaratur, hanc ipsam circumstantiam sub voto cadere.* Agens enim B. P. Ignatius de hoc voto ait: *Quo se obedientia summi Christi Vicarii, sine ulla excusatione, Societas obstrinxit.* Obedientia ergo sine excusatione sub hoc votum cadit. Hæc autem conditio intelligenda est & juxta alia loca eadem constitutionum, & secundum rationem rectam. In aliis enim constitutionum locis, & in epistola de obedientia sæpe monemur perfectionem obedientiæ non excludere, quin, si aliqua justa excusatio occurrerit, superiori debito modo, & reverentia proponi possit: si nilis ergo proposito, & justa excusatio per hanc conditionem non excluditur in præsentem, quia secundum se justa est, & recte rationi consentanea: neque in aliis obedientie operibus illicita, quia est per regulam permixta: sed ideo potius permixta est, quia recta ratio illam postulat. Imo aliquando illam tacere esset valde contrarium intentioni Pontificis præcipientis, & fini ejus. Igitur ut uno verbo dicam, excluditur per hoc votum excusatio voluntatis, non rationes; vel certe excluditur excusatio, quæ includat absolutum decretum non eundi, non vero illa, quæ in sola expositione rationabilis impedimenti consistit. Nam etiam cum excusatio videtur rationabilis, non licet absolute nolle parere, & hoc modo se excusare; quia si non obstante difficultate proposita Pontificis præceptum urgeat, illi omnino parendum est ex vi talis voti; nisi evidenter præceptum esset multum, quod non potest præsumi, aut timeri. Ecce converso quamvis homo ex fragilitate, sine dolo & fraude tergiversaretur, insinuans difficultatem suam, & rogans excusari per ablationem præcepti, cum præparatione autem parendi, si Superior non condescendat, tunc non est peccatum grave, licet esset imperfectio magna, & forte etiam peccatum veniale.

Tertia circumstantia est ire quovis modo.

12 Tertia circumstantia hujus materiæ est, ut sit universalis, & indifferens ad omnia loca, & ad omnes gentes cujuscunque religionis, seu opinionis, sive ad Turcas (dicitur in Bulla) sive ad quoscunque alios infideles, etiam in partibus, quas Indias vocant, sive ad quoscunque hæreticos schismaticos, seu etiam ad quovis fideles. Nec intellexit Societas (additur in Constitutione) particularem aliquem locum, sed ut per orbem in diversas regiones, & loca spargerentur. Ubi etiam scribitur, & in declaratione magis exponitur, ob hanc potissime causam Societatem totam decrevisse per hoc

votum, in potestate Pontificis specialiter se constituturæ; quoniam cum majus Dei, & totius Ecclesiæ obsequium in proximorum auxilio optaret, & ignoraret, ubi nam cum majori fructu versari posset, negotium hoc Christi Vicario committendum judicavit; tum quia illi, ut totius Ecclesiæ capiti, major cognitio rerum, ac necessitatum totius Ecclesiæ futura erat: tum etiam, quia sperandum merito putavit, distributionem ministrorum Societatis per Pontificem futuram esse optimam, & majori auxilio Spiritus Sancti factam.

13 Unde etiam fit, ut ex vi hujus voti teneantur professi Societatis, si Pontifici visum fuerit, nullum habere certum domicilium, sed huc illucque discurrere, ac si oportuerit, extra Societatis domos diuturno tempore habitare, eo quod ad bonum animarum expediat. Ita ut hic vivendi modus non sit omnino accidentarius, seu extra latitudinem instituti, sicut esset in aliis religionibus, sed sit per se comprehensus & electus ad finem Societatis: propter quod de professis dicitur in 4. p. Constit. c. 2. §. 4. lit. B. *non habere stabilem habitationem.* Et in Examine c. 4. debere esse paratos ad discurrendum per quascunque mundi partes, prout a Pontifice, vel superiore fuerit injunctum.

14 Quæri vero tandem potest, an sub hac materia missionum comprehendantur non solum actus eundi, sed etiam redeundi, seu recedendi ab aliquo loco, vel etiam negatio non eundi in aliquam regionem, ita ut ex vi hujus voti, possit hoc Pontifex præcipere, secluso alio titulo jurisdictionis. Hic enim videtur non comprehendi, quia in rigore hæc sunt res distinctæ, ita ut negatio, seu recessus non comprehendatur proprie sub nomine missionis; materia autem voti ad proprietatem verborum limitanda est. Aliunde autem, moraliter hæc considerando, videtur plane vel esse ejusdem rationis, vel ita connexa, ut non possit alterum sine alio promitti. Respondeo dupliciter posse præcipi recessum ab aliquo loco: primo propter privationem termini a quo, primario, ac per se. Secundo propter terminum ad quem, id est, propter accessum ad aliquem locum. Hoc posteriori modo non est dubium, quin recessus sub his missionibus comprehendatur, quia non potest præcipi accessus ad aliquem locum, quin præcipiatur recessus a quocunque loco alio.

15 De priori autem modo videtur res dubia, quia id non pertinet ad missiones. Nihilominus existimo, si sub eadem ratione recessus spectetur, scilicet, auxilii animarum, etiam comprehendi sub illa materia, ut si Pontifex revocet aliquem a loco, ubi non est utilis, & fortasse impedit alios, vel etiam nocet proximis, credo teneri ad obediendum ex vi hujus voti, etiam si alio determinate non mittatur. Ratio est, quia sub nomine missionum etiam termini earum comprehenduntur & permanentia in illis, ut diximus num. 5. ad hanc autem permanentiam spectat temporis limitatio, & consequenter non tantum accessus, sed etiam recessus: aliàs potestas esset diminuta, & valde imperfecta atque exposita multis incommodis. Item quia hoc necessarium admodum est ad salutem animarum, & in rigore comprehenditur sub materia missionum. Item quia intentio constitutionum est, ut hæc distributio professorum Societatis per orbem Pontifici Summo omnino subjecta sit, ut patet 7. p. c. 1. §. 1. in fine, & sæpe aliàs: hoc autem ita non esset, nisi tam in revocandis, quam in mittendis personis, haberet Pontifex plenam potestatem. Denique cum professi ex vi sui instituti alicubi esse debeant ad fructificandum, eo ipso quod ab aliquo uno loco revocantur, ad alium virtute mittuntur, sive hoc sit primario, sive secundario intentum; & sive ille locus determinatus sit a Pontifice, sive per superiores Societatis veniat determinandus, & sive in eo magis attendatur bonum ipsius religiosi, sive proximorum, hæc enim omnia accidentaria sunt: nam ad materiam hujus voti satis est, quod ibi non desit aliqua ratio missionis, ex qua possit majus aliquod auxilium proximorum, & bonum Ecclesiæ redundare.

16 Atque eodem modo dicendum videtur de non eundo in aliquem locum, vel regionem. Nam hæc etiam negatio dupliciter potest præcipi: primo propter permanentiam in termino a quo, & sic clarum est posse

Extenditur ad circumstantiam.

An recessus ab aliquo loco spectet ad materiam hujus voti.

Quid de non eundo ad certum locum.

posse præcipi, sicut de ipsa permanentia dictum est. Secundo potest per se præcipi ad impediendum accessum ad talem terminum: & sic videtur res magis aliena ab hoc voto; sed eodem modo credo ad illud revocari, si ratio prohibitionis sit utilitas animarum, quia semper hoc pertinet ad distributionem personarum, semperque reducitur talis negatio ad positivum oppositum, scilicet ut Societas in aliis locis occupetur, sive hoc per se primo, sive secundo sit intentum: satis enim est, quod materia de se talis sit, quodque per se sit annexa cum materia voti: sicuti ex vi præcepti affirmativi prohibentur ea, quæ sunt intrinsicè conjuncta; & qui potest actum præcipere, potest etiam præcipere necessaria, ac per se conjuncta actui, sive ipse principaliter intendat negationem, sive minus principaliter. Ita ergo in præsentī dicendum censeo. Et hæc de materia hujus voti.

17 Ex quibus infero, & probō in primis, hoc votum pium, & sanctum esse, quæ erat prior pars assertionis positæ numero quarto, quia fit de re optima, & propter optimum finem. Nam per illud nihil aliud intenditur, nisi commune bonum Ecclesiæ, salus proximorum, & fidei defensio, ac propagatio, ut in locis citatis constitutionum, & Bullarum, sæpius declaratur; illi autem optimi fines sunt. Quod vero quidam calumniantur, per hoc votum Societatem favorem specialem ab Apostolica sede ambire, cum re ipsa nihil noviroveat, solumque adulationis causa, & propter humanum respectum, hunc singularem profitendi modum invenisse. Hæc (inquam) calumnia non potuit esse prudentum hominum, sed eorum, qui temere, & juxta affectum, & animi dispositionem suam, de aliis judicant. Cum enim nec ex materia, nec ex fine ipsius voti secundum se, talis intentio, vel suspicio ejus appareat, cumque sæpius in constitutionibus recta illa intentio declaratur, & Summo Pontifici in Bullis proponatur, quis potest nisi temere aliam finistram intentionem suspicari? Præterquam quod illa ambitio si intentio in singulis personis non potest moraliter habere locum, ut per se constat, quia per tale votum, nec magis sunt notæ Pontifici, nec aliquid temporale ab illo sperant: intendere autem, ut tota religio sit specialiter sub summi Pontificis protectione, ut ad suum specialem finem ab ipso defendatur, & juvetur, hoc non esset ambitiosum, sed valde consentaneum rationi, & charitati. Sic enim divus Franciscus pro se, & religione sua peculiariter promissit obedientiam Honorio III. summo Pontifici, & successoribus ejus, ut statim in n. 27. dicitur. Et Bonavent. in Apolog. paupertatis respons. 4. part. 2. art. 1. ait ratione singularis paupertatis, religionem Minorum peculiari modo esse commissam curæ Pontificis tanquam filium familias parenti, quæ non est ambitio, sed sancta intentio; licet ergo Societas suo modo hoc intenderet, optime faceret; quamvis revera non sit hæc hujus voti intentio, sed potest esse fructus, vel effectus, qui ex illo consequatur.

18 Materiam autem esse in se optimam, & dicto fini accommodatam per se notum est: quia ministeria Societatis sunt per se, & natura sua ordinata ad salutem, & sanctificationem animarum, scilicet prædicatio verbi Dei, & alia, quæ illam comitantur: hæc autem non sunt legitime nisi ab his, qui mittuntur, juxta illud Roman. 10. *Quomodo prædicabunt, nisi mittantur?* A nullo autem potiori jure & majori Spiritus Sancti directione mitti possunt, quam a summo Pastore ovium Christi, ad quem ex officio spectat ovium salutis spirituali intrudere. Modus etiam optimus, quo mitti possunt, est ex obedientia, quæ est holocaustum Deo gratissimum, & maxime quando voto consecrata est: ergo ex omni capite est hæc materia optima, & optimo fini accommodata.

19 Dices aliunde videri talem promissionem inutilem, quia Pontifex non potest singulos professos Societatis cognoscere, ut eos mittat: nec potest his missionibus intendere, aliis gravissimis rebus occupatus. Respō. deo primo experientiam docuisse contrarium, nam frequenter hæc missiones sunt a summo Pontifice, vel in generali peritō personas, earumque determinationem Generali committendo; vel interdum etiam particulares personas, & aliquando etiam ipsum Generalem mittendo, non sine magno fructu, quem hic referre necesse non est. Deinde licet singulares personæ non sint cognitæ Pontifici, multum refert ipsum scire totam

hanc religionem esse huic muneri speciali voto consecratam, & suo nutui obedientem fore in omnibus, quæ ad bonum animarum jussit. Cum enim ipse sit generalissimus dux totius Ecclesiastici exercitus, utile illi esse potest habere ad manus auxiliares copias militum, quos libere possit distribuere, prout expedire censuerit. Et ob hanc causam Pater noster B. Ignatius in 7. p. constituit, c. 1. §. ult. sapientissime providit ad finem hujus professionis melius consequendum, ut *Præpositus Generalis, cum novus Christi Vicarius in Apostolica sede fuerit constitutus, per se, vel per alium intra annum ab ejus creatione, & coronatione teneatur ejus sanctitati declarare professionem ac promissionem expressam obedientiæ, quam ipsi Societas peculiari voto circa missiones ad Dei gloriam se astrinxit.* Denique licet Papa non possit omnes professos Societatis cognoscere, aliquos autem præcipuos, & quibus commodius ut instrumentis uti potest, facile potest cognoscere, vel ex fama, vel ex facie, quia Romam sæpe divertunt, vel multi etiam degunt, & ab his potest de aliis, prout voluerit, notitiam sufficientem sumere: hæc ergo satis superque sunt, ut hoc votum ex ea parte non inutile, sed potius valde utile reputetur.

20 Non tamen omitam advertere, quia Præpositus Generalis est principalis minister, quo summus Pontifex necessario ordinariæ usus est ad has missiones faciendas, teneri ipsum ex vi sui muneris, & (ut ego opinor) ex vi ejusdem voti, quod ipse emisit, fideliter exequi & ordinari quidquid sua sanctitas in hoc genere jussit, & juxta intentionem suam. Hoc etiam significatur in 7. p. constituit. c. 1. §. 4. ibi: *Superior, juxta ejus (id est, Pontificis) præceptum, eos, qui magis convenire, & aptiores ad id fore videbuntur, designabit.* Et §. 6. ibi: *Qui (scilicet Superior) sanctam intentionem Pontificis in Christi Domini nostri obsequium considerabit.*

21 Secundo principaliter inferitur, & probatur ex dictis votum hoc specialem inducere obligationem, quam generale votum obedientiæ aliarum religionum non includit, quæ erat secunda pars assertionis in nu. 4. Probatur facile ex dictis facta inductione; etenim religiosus monachalis non tenetur ex vi sui voti obedientiæ, esse paratus ire in Indiam, vel ad Turcos, quoties jussus a Pontifice fuerit: nam quoad hoc non magis tenetur illi obedire, quam secularis quispiam, quia illud non pertinet ad professionem suam. Suppono autem ex superiori tomo de votis religiosorum, votum obedientiæ non obligare religiosum ad obediendum in omnibus simpliciter, etiam si optima & perfectissima sint, sed tantum in his, quæ ad professionem suæ regulæ spectant directe, vel reductivè: illa autem non pertinent ad monachalem professionem, ut per se constat. Suppono etiam ex omnium sententia, votum obedientiæ, in quacumque religione, quantum ad materiam suam, non aliter obligare respectu Pontificis, quam respectu prælatorum religionis, quia idem est obedientiæ votum, & secundum eandem regulam fit, ad summumque gradationem quadam extenditur, & ascendit usque ad Summum Pontificem tanquam supremum prælatum uniuscujusque religionis, ut in fine materiæ de voto in communi dictum est. Constat autem prælatum Carthusiæ &c. non posse obligare subditum suum ex vi voti obedientiæ, ac per se loquendo, ut eat in Indiam, &c. ergo neque potest Pontifex hoc titulo id præcipere. Dico, hoc titulo, quia non agimus de jurisdictione Pontificis, hoc Pontifex est, ratione cujus poterit in aliquo casu id præcipere, sicut etiam potest præcipere clerico seculari; sed ille casus & rarior est, & non est ex voto obedientiæ, quod nunc consideramus.

22 De religionibus mendicantibus magis potest quis dubitare, quia ex institutione sua aliquo modo ordinatur ad actionem circa proximos: & ideo de illis verisimile est, posse mitti ad Indos ex præcepto obedientiæ, ut videtur supponere Soto lib. 7. de Justit. q. 2. art. 4. in fine corporis. Nihilominus tamen absolute, & simpliciter est magnum discrimen. Primo, quia religiosus alterius ordinis, etiam mendicantis, solum potest obligari ad migrandum in regiones longinquas, quatenus potest a suo Generali transferri ab una provincia in aliam propter majus bonum suum, vel religionis, ut late tractat Nivarr. Comment. 3. de Regular. n. 22. quia cum tota

Sic missi sunt Laynes in G. l. l. 2, Borja in Lusitaniam pro bono Ecclesiæ & alii ex primis Sancti Ignatii focus.

Ex vi dicti voti tenetur generalis ex quo dispositione Papæ circa missiones.

Probatur distingui Societatem a monachalibus puris per hoc votum.

Videri minus distinguendum ab aliis mendicantibus.

2. Probatio ex bonitate materiæ.

Item ex bonitate modi eam exerceantur.

Objectiones de hujus voti inutilitate diluuntur.

religio sit unum corpus, distantia locorum non obstat, quominus per supremum gubernatorem possit fieri translatio ab uno in alium, quando toti corpori expedit. Professus autem Societatis, ex vi hujus voti, mitti potest a Summo Pontifice, præcise ratione muneris prædicandi, vel alio modo ministrandi proximis in spiritualibus, etiamsi necesse sit eo tendere, ubi nulla Societatis domus, neque provincia, neque morales spes illius.

23 Unde etiam fit, ut ex vi voti mitti possit, ubi perpetuo extra domus, & collegia Societatis habitat per alienas domos, & hospitalia peregrinando: ad quod (ut opinor) alii religiosi ex vi voti cogi non possunt. Et forte in hoc sensu dixerunt aliqui moderni non posse religiosum, etiam mendicantem, præcepto obedientiæ obligari, ut eat ad Indos: nam id propter solam distantiam absolute verum non est, quoad hunc autem vivendi, & peregrinandi modum est probabile. Maxime vero excusari poterunt, si versari debeant inter ipsos infideles, cum sit probabile periculum mortis, seu martyrii in tali munere obeundo. Et ideo S. Franciscus in regula solum dixit, *qui voluerit ire inter Sarracenos, petat licentiam*, &c. indicans aliter mitti non posse, ut notavit Cordub. supra qu. 2. in expositione Regulæ S. Franc. c. 10. & Joannes de Capistrano in suis Constitutionibus c. 12. Professus autem Societatis, ratione sui voti, non potest hoc titulo tergiversari, & ita in pluribus casibus obligatur ratione hujus voti, in quibus alii religiosi ex voto obedientiæ non obligantur. Accedit etiam obligatio in modo eundi: quia viri Societatis tenentur ire (ut sic dicam) expensis suis, id est, sine viatico, & mendicando, si oportuerit: alii autem, cum hoc non profiteantur, non poterunt obligari cum tanto rigore. Denique professus Societatis quasi ex officio tenetur esse expositus ad hoc munus, ita ut sine speciali necessitate mitti possit, quia hunc modum videndi professus est: alii non item, sed ex accidenti, vel communi lege charitatis, justitiæ, aut obedientiæ Christianæ, vel ob aliquem peculiarem respectum, serviendi suæ religioni, ut de transitu ab uno loco in alium paulo ante dicebamus ex Navarro.

24 Hinc vero sumunt aliqui occasionem objiciendi contra hoc votum novitatem, & singularitatem, imo & temeritatem; nam videtur quædam præsumptio tot difficultatibus, & periculis, se objicere. Verum hæc objectio sæpe est in superioribus expedita, ut in lib. 2. c. 4. a n. 2. Si enim religio Societatis secundum suum proprium institutum & vivendi modum nova est, quid mirum, quod aliquid novi etiam profiteatur? Quando enim religio S. Francisci paupertatem in communi profiteri cœpit, novum fortasse fuit: profiteri etiam militiam, aut redemptionem captivorum, novum aliquando fuit in talibus religionibus. Non ergo omne novum reprehensibile est, sed quod est antiquitati contrarium, non vero quod pro temporum opportunitate in morem introducit, ad perficienda ea, quæ antiqua sunt. Eademque proportionem, de singularitate dicendum est: sicut Societas est peculiaris religio a cæteris distincta, ita etiam habere aliquod proprium & peculiare insigne, quo ab aliis discernitur: jam enim in superioribus lib. 1. c. 2. ostendimus, unamquamque religionem habere aliquem scopum, quo peculiariter collimat. In Societate ergo ministerium hoc circa animarum salutem, *sub speciali obedientia Summi Pontificis*, est specialis scopus ejus, ad quem a Deo vocata est, & ordinata. Quapropter singularitas hæc, non humana tantum ratione, sed speciali (ut credimus) Spiritus Sancti gratia inventa est ad diffeminandam fidem in tot remotissimis regionibus, & ad Ecclesiam a tot hæreticorum incursumus defendendam.

25 Quamvis autem hoc votum sit de re valde ardua, & difficili, & si ad fragilitatem hominum comparetur, periculis expositum (id enim non negamus) non tamen propterea imprudens est, aut temerarium. Primo quidem, quia non humanis viribus, sed Spiritus Sancti gratia inquitur creditur; qui enim cœpit, & inspiravit illud, ipse perficit, si per nos non steterit, nam (ut in superioribus lib. 1. c. 6. n. 9. & c. 7. n. 10. diximus) hæc est specialis gratia hujus vocationis, quæ potentior est omnibus periculis, & difficultatibus. Deinde per hoc votum non promittimus nos periculis exponere, nec has, vel illas

regiones adire, aut has, vel illas actiones exercere, sed obedire Christi Vicario, quo medio nullum potest esse certius ad non errandum in via Dei. Accedit tandem religionis providentia tum in disponendis & probandis personis, tum etiam in eis eligendis. Et præterea in Constitutionibus, & Bullis sæpe monemur, ut patet in 7. p. constit. c. 1. §. 2. & in Bulla 1. Pauli III. & Julii III. ne ullus in hanc, vel illam partem mitti procuraret, sed se moveri sinat, quamvis se paratum ostendere malum non sit. Ita expendit Greg. lib. 6. epist. 5. c. 169. illud Isai. 6. ubi cum Deus diceret: *Quem misit? aut quis ibit nobis?* ipse se obtulit dicens: *Eccce ego, mitte me.* Et illum confert cum Hieremia, qui c. 1. se excusabat, dicens: *A, a, Domine Deus nescio loqui*, atque utrumque spiritum laudat, quia ex bono affectu proficisci potest. Et quia nec Hieremias restitit, nec Isaias ire contendit prius, quam se per altaris calculum purgatum vidit; *Ne aut non purgatus* (inquit Gregorius) *adire quisquam sacra ministeria audeat: aut quem superna gratia eligit, sub humilitatis specie superbe contradicat.* Et hæc tenus de prima comparatione, quam in fine numeri tertii proposuimus.

Quid addat hoc votum, ultra generale votum obedientiæ Societatis.

26 Superest, ut de altera comparatione dicamus ad finem numeri tertii posita, in qua est major difficultas, ut in fine numeri tertii dicebamus, quia votum obedientiæ in Societate factum obligat secundum regulas, & constitutiones ejus, & ideo ad multa obligat, ad quæ alii religiosi ex vi suæ obedientiæ non obligantur, ut in superioribus a n. 4. visum est. Videtur ergo obligare per se ad has missiones acceptandas, atque adeo per professionem quatuor votorum, nihil addi in re ipsa ultra obligationem trium votorum substantialium hujus religionis. Assumptum patet ex 7. p. c. 2. & expressius 9. p. constit. c. 3. §. 9. ubi dicitur, Præpositum Generalem habere potestatem mittendi omnes sibi subditos, etiam non professos ad quaslibet mundi partes, & pro quocumque tempore, ac ministerio pro animarum auxilio. Et in 6. p. c. 2. §. 1. 3. æque de coadiutoribus, ac de professis dicitur: *cum ad laborandum in vinea Domini mittuntur, nullum viaticum petere possunt, sed se liberaliter* (dicitur ibi) *representent, ut mittantur, prout Pontifici aut superiori ad majorem Dei gloriam fore videbitur.* Ubi plene supponitur, esse æque obligatos, cum tamen coadiutores hoc votum non emittant. In contrarium autem est, quia hoc votum sit distinctum a reliquis: propterea enim in constitutionibus, & Bullis quartum votum appellatur, & professio hæc quatuor votorum dicitur: ergo oportet, ut distinctam obligationem inducat, aliàs quomodo distinctum est?

27 Ad hoc in primis dicitur, si hoc votum in voto obedientiæ Societatis implicite contineatur, si non, sancte, & utiliter fieri. Hoc in primis ostendo exemplo religionis sancti Francisci, qui in principio suæ regulæ speciale votum obedientiæ facit Papæ Honorio, & legitimis successoribus ejus. Quod exponens Bonavent. in expositione regulæ c. 1. in fine, ait: *Et si totus clerus, & religiosorum universitas teneatur firmiter Apostolico Domino obedire: tamen Sanctus huic debito votum obicit speciale, sciens voto sanctificationis sacri ordinis vinculum, & meritum geminari.* Quod votum (dicunt cōmuniter expositores ejusdem regulæ) factum esse a sancto Francisco, non pro se tantum, sed etiam pro omnibus suis fratribus, id est, ut ab omnibus etiam fieri intelligatur, nec enim potest votum per alium fieri, cum sit actio personalis, ut lib. 4. de voto tractavimus c. q. 1. sed quia vovent obedientiam secundum regulam, & in ea continetur illud votum expresse, ideo censentur omnes speciali quodam modo illud votum facere. At illud votum sancti Francisci expresse factum Honorio non ad plura obligavit illum, quam votum obedientiæ generalis suæ religionis, & nihilominus illud fieri specialiter, & expresse, valde laudabile fuit, & nunc est in tota illa religione, etiamsi non adeo expresse tale votum a singulis fiat: ergo etiam in glorioso Patre Ignatio, & sociis ejus, & in omnibus, qui illos imitantur, tale votum dignum laude est, si ad novos actus obliget, si non obliget. Deinde sunt optima ad hoc declarandum verba Concilii Tolerani XI. c. 10. quæ referuntur in caput

quam.

Obiectio
arripit
contra
hoc 4. vo-
tum.

Ad 1. cap.

Ad 2. cap.

Ad 3. cap.
pono
triplex.

Arguitur
nihil ad-
dere.

Arguitur
addere
novum
aliquid.

quamquam J. 23. ubi dicitur expedire, ut qui sacris initiatur, promittant, & voveant obedientiam, etiam si ex vi status sui canonicis regulis teneantur obstricti; & ratio subiungitur: *solet enim plus timeri quod singulariter pollicetur, quam quod generali sponsione concluditur.* Deinde est hoc votum non addat specialem obligationem, nihilominus est specialis reverentiæ, & humilitatis actus; ergo vel ex hoc capite laudabile est. Atque hæc ratio tangitur in prædictis Bullis, dum dicitur: *Al. majorem nostræ Societatis humilitatem, ac perfectam uniuscujusque mortificationem, & voluntatum nostrarum abnegationem, &c.* Denique addit novam & expressam voluntatem illius obligationis, qui est novus actus meritorius.

28 Hinc præterea probabile est, votum hoc circa eosdem actus addere majorem obligationem, quasi intensivam, etiam si non addat extensivam. Potest autem dici additio extensiva duplici modo, vel quia extenditur ad novos actus, vel quia eidem actui addit obligationem diversæ rationis, ac virtutis; si ergo supponamus ad has missiones, cum omnibus circumstantiis ejus a n. io. adductis, oriri obligationem ex vi voti obedientiæ Societatis, clarum est per hoc votum expressum non extendi obligationem priori modo, quia non ad novos actus; nec posteriori modo, quia non est in alia specie virtutis, nisi religionis, neque in ea est alterius rationis, quam voti, quia, ut supra n. i. argumentabamur, generale, vel speciale non mutant specificam rationem obligationis, licet intra eandem speciem possint aliquam diversitatem habere.

29 Jam ergo probatur assertio de majori obligatione intensiva, quia specialis promissio videtur intra suum genus majorem inducere obligationem, ut in citato Conc. Toletano significatur, & glossa sentit in dicto c. *quamquam*. Idem etiam significavit Bonaventura in verbis nuper citatis, dicens de illo voto sancti Francisci, quod addidit & firmitatem, & meritum, cum tamen non differret a voto obedientiæ suæ religionis, nisi sicut explicitum ab implicito, seu speciale a generali. Imo licet a reliquis fratribus illius ordinis tale votum non fiat ita explicitum, solum quia in regula ita continetur, ait Corduba d. q. 3. gravius peccare fratres minores cordatis Pontificis inobedientes, quam ceteros religiosos. Ita ergo professus Societatis Jesu gravius peccabit recusando missionem a Pontifice injunctam, quæ coaditor, aut scholaris approbatus, licet hi etiam peccet contra obedientiam illam detrectando. Aliqui etiam addunt solam multiplicationem voti circa eandem materiam augere obligationem, & consequenter culpam, si transgressio fiat. Unde Angles questione de voto art. 1. difficultat. 9. ait, qui in duabus religionibus professus est solenniter castitatem, gravius peccare, si incontinentervivat, quàm qui in una tantum; quod licet per se loquendo non ita esse videatur, quàm vota sunt omnino similia & ejusdem rationis: at in nostro casu est satis verisimile.

30 Nam adjunctis circumstantiis diversis, quæ in hoc voto Societatis juxtaferuntur, valde verisimilis probatio ex illis desumitur: sunt autem hæ circumstantiæ duæ potissimum. Una est specifica promissio talis materiæ, per quam persona ex officio dicatur ad illud munus, propria, ac peculiari voluntate; inde enim talis obligatio magis voluntaria, & expressiori pacto confirmata est, & ideo auget obligationem intra eandem speciem; cum enim de ratione obligationis sit, esse voluntariam, quo magis voluntaria fuerit, eo erit major, cæteris paribus. Item prohibitio, quo fuerit expressior, & specialior, eo magis obligat. Unde etiam probabile est, sacerdotem, qui proprio speciali voto confirmat expressam obligationem servandi castitatem, magis peccare illam violando, quia contra expressiorem promissionem magis que voluntariam. Sic etiam dixit D. Thom. 4. d. 3. 8. q. 1. art. 2. quest. 2. ad 2. votum improprium, quod fit in Baptismo, augere obligationem intra eandem speciem, propter majorem cognitionem, & voluntatem. Secunda circumstantia, quæ in hoc voto considerari potest, est persona, cui obedientia per tale votum promittitur, quæ est digna majori reverentiæ, & fidelitate; constat enim promissionem, cæteris paribus, eo inducere majorem obligationem, quo persona, cui promissio fit, dignior est: ob quam rationem promissio facta Deo

altiori modo obligat, quam facta homini. Et suo modo etiam, (licet non æquali proportionem,) promissio facta Regi magis obligat, quam facta private personæ. Igitur in præsentem ex eo, quod tale votum non est ex ore, & directe de obedientia præstanda Summo Pontifici, erit majoris obligationis.

31 Nec refert, quod tale votum directe sit Deo, nam etiam includit promissionem factam Pontifici, quæ est materia illius voti, & per se magis obligat in suo genere, & facit, ut votum sit gravius, & consequenter magis obligans. Nec etiam obstat, quod etiam votum obedientiæ in generali includat Summum Pontificem, quia solum includit sub communi ratione Prælati hujus religionis, ut nu. 21. dicebamus: hoc autem votum directe sit Pontifici secundum se, etiam si verum esset aliàs non esse Prælatum alicujus religionis. Quare in hoc voto considerari potest specialis proprietas, quod cum Præpositus Generalis aliquem professum mittit in virtute hujus voti, proprie gerit vices Pontificis, & per specialem potestatem ab ipso datam exigit promissionem Pontifici factam. At vero quando ipse mittit, vel præcipit aliquid ratione generalis voti obedientiæ, tunc utitur proprio jure, & quasi dominio sibi acquisito. Et hinc etiam fit, ut prius præceptum gravius sit, & magis obliget: sicut eadem lex humana posita a Papa, vel ab Episcopo, licet intra eandem speciem obliget, gravius obligat a majori Prælato posita; juris etiam natura, & humanæ leges circa eandem materiam possunt augere obligationem intra eandem speciem, propter respectum ad plures superiores, & digniores: ita ergo suo modo in præsentem,

32 Ultimo addo, probabiliter defendi posse, addere hoc votum obligationem aliquam etiam ex parte materiæ, ita ut ad aliquid, vel in aliquibus casibus possit hoc votum obligare professos, in quibus alii, ex vi generalis voti obedientiæ, in rigore non obligabuntur. Hoc ita declarato, quia in primis non invenio in constitutionibus expressum scholares approbatos teneri ad proficiendum in hujusmodi missionibus sine viatico, vel illo non petito, aut procurato: nec videntur obligandi per se, & absolute, quia illi non sunt hoc genus paupertatis professi, sed ad summum in casu necessitatis, quando aliter non potest fieri, & alioqui profectio, seu missio necessaria est. Coadjutores autem obligantur ratione voti paupertatis, quod illos magis obligat. Professitandem non solum ratione paupertatis, sed etiam ratione obedientiæ, & ita comparatione facta ad scholares, est in professis major hæc obligatio ex parte materiæ: comparatione autem coadjutorum est major in eadem materia, sed vinculo novi voti, seu promissionis obedientiæ.

33 Deinde nec de scholaribus, nec de coadjutoribus invenio expressum in speciali, quod in his missionibus sine excusatione obedire teneantur, & ideo videntur posse in aliquibus casibus excusari sine culpa gravi, in quibus professi non poterunt: ut si negotium esset nimis arduum, vel cum gravi periculo mortis, & adesset professus, qui æque bene, & sufficienter mitteri posset. Certe deberet Superior potius mittere professum, quàm alium, quia ille quasi ex officio tenetur esse expositus illi muneri in speciali: ergo in eo casu excusatio religiosi non professi, ob magnam rei difficultatem, cui ejus persona hic, & nunc non est necessaria, non videtur contraria voto, saltem in rigore præcepti: excusatio autem professi esset contraria, quia expresse voveret ire sine excusatione, & tunc ejus excusatio, nec rationalis, nec colorata esset. Hoc autem ea mente dixerim, ut professi suam magnam obligationem agnoscant, non ut alii suam extenuent, & occasionem excusationum assumant; nam præterquam quod illa numquam erit sine magna imperfectione, vix potest in particulari excusari, si instrictor rigor præcepti, quia non potest moraliter constare privato religioso de omnibus rationibus, quæ Pontificem, vel Generalem movent ad ipsum mittendum potius quam alium, vel de impedimentis, quæ circa alios occurrunt, &c. Eo vel maxime quod in propria causa sæpe quis fallitur, vel timendo, ubi non est timor, vel iudicando sibi injuriam fieri, se potius, quam alium mittendo. Nihilominus tamen verum censeo, in rigore præcepti majori obligatione, etiam extensiva, teneri professum.

sum ad abstinendum ab excusationibus, & ostendendum se paratum ad has missiones, quamvis difficiles, quia hoc totum expresse, & in specie vovet.

34. Accedit præterea, quod professus, ex vi professionis, pluribus negotiis, & missionibus exponitur, quam alii, quia cum professio dari non debeat nisi hominibus prudentia, literis, & religione conspicuis, eo ipso quod ad professionem admittitur, quasi judicantur idonei ad omnia ministeria, ad quæ dotes illæ sunt necessariae. Et similiter cum ipsi professionem acceptant, omnibus illis ministeriis se offerunt, prout superior judicaverit: quare vix jam in eis locum habet legitima excusatio. Alii autem, dum in inferioribus gradibus existunt, merito possunt se ab illis gravioribus missionibus, saltem ex parte ferre, vel negotiorum, ad quæ destinantur, excusari. Ita ergo intelligi potest omnibus modis major obligatio hujus voti, etiam respectu aliorum membrorum Societatis. Et consequenter satis constat non solum convenientem, sed etiam utilissimum, & juxta suum institutum necessarium fuisse tale votum nostræ Societati. Et ita satisfactum est primæ rationi dubitandi in principio positi.

35. Ex quibus etiam obiter explicatum est, cur hoc votum fiat summo Pontifici in particulari, & non simpliciter prælatis religionis, sicut solet fieri generalis obedientiæ votum. Ratio enim esse potuit juxta dicta in nu. 30. ut hoc votum ex omni parte gravius sit, majoremq. reverentiam conciliet. Item est alia ratio, quia cum finis hujus voti sit universalis Ecclesiæ obsequium, vel auxilium, distributio ministeriorum soli Pontifici universali ejus pastori debuit principaliter committi. Præterea factum videtur, ut ipse summus Pontifex intelligeret, se acquirere proprium, & speciale jus in totam hanc Societatem, sibi peculiari modo subjectam; nam licet sola Societas professæ hanc propriam habeat obligationem, cum omnes alii gradus Societatis ad illum supremum ordinentur, vel cooperando illi, vel ad illum homines disponendo, dum talis gradus specialiter devincitur summo Pontifici, tota religio illi subjecta specialiter evadit. Tandem speciali Dei providentia hoc consilium inventum, & initum credimus, ut quo tempore hæretici Apostolicam sedem speciali odio prosequuntur, una aliqua religiosa familia eam speciali reverentia prosequatur, & ideo se totam ejus obsequio devoteat, ejusque supremam potestatem specialiter recognoscat.

36. Sed quæret hic aliquis, quando teaeantur professi, qui mittuntur a summo Pontifice, vel a Præposito generali nomine illius, ex vi hujus voti obedire sub culpa gravi, & an debeant hanc obligationem expectare, ut obediant. Respondeo ad priorem partem, ex parte materiæ fere semper esse hanc obligationem gravem, quia materia gravis momenti est: unde quantum ad animi preparationem, semper tenentur esse parati, quia ex parte Pontificis semper est potestas præcipiendi. Quoad actualem vero obligationem ex parte modi præcipiendi, seu mittendi raro impositur proprium præceptum. Existimo enim, quod de generali voto obedientiæ cautum est 6. p. constit. c. ult. non imponi præceptum ejus, sed simplicem obedientiam, nisi superior in nomine Domini nostri Jesu Christi, vel in virtute obedientiæ jubeat, id etiam in hoc voto intelligendum esse. Quod quidem quoad missiones, quæ a Generali jubentur, certissimum est, & usque receptum, quia constitutio illa universalis est pro omnibus materiis. De missionibus autem ab ipso Pontifice immediate junctis potest quis dubitare, quia ipse non comprehenditur constitutionibus. Nihilominus tamen idem sentiendum est, quia dum his religiosis præcipit, intelligitur juxta modum suatum constitutionum illis præcipere, quamvis aliud non declarat. Item quia nunquam præsumitur imponi proprium præceptum, donec sufficientibus verbis exprimitur.

37. Ad alteram vero partem, quamvis Soto lib. 7. de Justit. q. 2. art. 4. indicet in hujusmodi rebus arduis & missionibus contumacem esse expectare proprium superioris præceptum: & fortasse in casu dubio (in quo ipse maxime loqui videtur) ita esse consulendum; simpliciter tamen, ac regulariter loquendo, id consulendum non est, sed potius, ut a nutum superioris obediat. Quia licet ratio præcepti videatur aliquod meritum

addere; tamen illud compensatur, exciditurque promptitudine voluntatis, & prius meritum non amittitur, quia voluntas parata est ad multo magis obediendum præcepto, si interponeretur; & per solam simplicem injunctionem satis constat subdito de divina voluntate, ut omnem fructum obedientiæ, & omnem divinam protectionem, & auxilium eam ob causam sperare possit.

Utrum hoc votum sit solenne, & in quo ejus solennitas consistat.

38. Ultimo loco explicandum superest, utrum hoc votum sit solenne, & in quo ejus solennitas consistere possit, quod erat secundum punctum in numero secundo propositum, cujus dubitandi rationem ibidem adduxi. Nihilominus negare non possumus, hoc votum esse solenne: nam in constitutione, *Ascendente Domino*, Gregorii XIII. primum hi appellantur professi quatuor votorum, quia omnia illa solennia sunt, aliis plurimum votorum appellari deberent, ut infra a cap. 6. videbimus. Postea vero expressius de eisdem professis dicitur tribus illis substantiatis votis solennibus, quatuor similiter solenne addunt speciale summo Pontifici obedientiæ circa missiones præstandæ ob certiorum Spiritus sancti in missionibus ipsis directionem, &c. Et ex constitutionibus in forma ipsa profitendi satis colligitur, quia eodem tenore in eadem solenni professione hoc votum cum aliis fit.

39. Ejus autem solennitas eodem modo videtur declaranda, qui in generali voto obedientiæ, proportionem servata: nam in hoc voto probabile est, totam ejus solennitatem consistere in traditione omnino irrevocabili ex utraque parte, promissioni adjuncta, quam de seipso facit persona proficiens, se vere tradens in dominium religionis; sicut enim professus Societatis specialiter se tradit in dominium, & potestatem Pontificis, quo ad hunc effectum missionum, ita ut quoad illum non maneat sui juris, nec propriæ religionis, sed tamquam servus Pontificis, quam servitutem tota ipsa religio participat per hanc professionem, quam fideliter per hoc votum servare promittit. Præterea sicut in solenni voto obedientiæ ita subditur voluntas religiosi voluntati Prælati, ut desinat esse sui juris; atque ob eam rem omnes contractus facti a tali religioso vel nulli sint, vel rescindi a superiore possint: ita cum proportionem, de hoc voto dicendum est: nam in ordine ad missiones, atque adeo in ordine ad habitandum in hoc vel illo loco ita est professus Societatis alieni juris, ut quidquid efficere vel contrahere velit, illi obligationi repugnans, validum esse non possit. Habet ergo hoc votum eandem solennitatem, quam generale votum obedientiæ servata proportionem, & ideo de illa nihil amplius dicendum superest.

C A P U T V.

Utrum professio convenienti modo in Societate fiat.

DUO in modo emittendi professionem considerari possunt. Unum est id, quod pertinet ad substantiam ejus: aliud ad exteriorem solennitatem, & ceremoniam spectans. Utrumque potest in præsentis brevissime explicari, quia substantialia hujus professionis jam fere declarata sunt, accidentalialia vero sunt paucissima.

De modo substantiali.

1. Ad substantiam ergo hujusmodi professionis ex parte emittentis illam, supposita legitima receptione, & sufficiente probatione, de quibus supra in lib. 2. c. 1. & hoc lib. 6. c. 2. dictum est, supposita etiam debita intentione proficiendi, solum sunt verba illa quæ habentur in 5. p. constit. c. 3. §. 3. *Ego N. professionem facio, & promitto omnipotenti Deo, coram ejus virgine matre, & universa cœlesti curia, ac omnibus circumstantibus, tibi reverendo Patri Generali Societatis Jesu locum Dei tenenti, & successoribus tuis perpetuam pauperatatem, castitatem, & obedientiam, & secundum eam, peculiarem curam circa puerorum eruditionem, juxta formam vivendi in literis Apostolicis Societatis Jesu, & in ejus constitutionibus contentam; insuper promitto specialem obedientiam*

Forma professionis substantialia ex parte proficientis.

Sum.

Summo Pontifici, &c. In quibus verbis considerare licet, distinctissime contineri omnia, quæ sunt de substantia status religiosi, ita ut nulla ratione professio magis expressa fieri posse videatur. Nam in ea in primis expresse fit traditio per verbum profitendi; deinde singula vota singillatim exprimuntur, declarantur, extenduntur, & limitantur: ac denique etiam insinuat totum hoc fieri in religione, per Sedem Apostolicam approbata, dum literarum ejus mentio fit,

2 Nihilominus tamen advertere necesse est, non omnia & singula illa verba esse de substantia & valore hujus professionis; multa enim ponuntur ad ornatum, vel majorem decentiam ac devotionem, ut quod fiat promissio *omnipotenti Deo*, quod *coram virgine matre*, &c. quodque fiat *Generali & successoribus*; in rigore enim satis est, profiteri, & quatuor vota expresse emittere: hoc enim videtur esse in hac religione necessarium, & substantiale, ex mente constitutionum ejus. Quapropter adverti etiam potest, omnia hæc verba, quantum ad dictam expressionem votorum, & professionem, sumi per modum unius continuatæ orationis, quæ non habet perfectum sensum, donec tota proferatur; ita ut si quis solum diceret; Ego profiteor in Societate Jesu, & promissionem expressam taceret, non fieret professus. Idem censeo de singulis votis substantialibus: quod in tribus primis est manifestum; quia sunt de substantia cujuscumque professionis, & in hac religione, nisi explicite fiant, non censentur fieri, unde qui unum emitteret, professionem non faceret, & ideo nec reliqua duo valida essent, quia non fiunt, nisi ut annexa professioni.

3 De quarto autem posset esse major dubitatio, si quis post prolata illam formam, usque ad illa verba, *juxta formam in constitutionibus contentam*, nollet ultra progredi, nec quantum votum emittere, an maneret vere professus trium votorum Societatis. In quo mihi breviter dicendum videtur ex parte sua manere professum, quia supponimus habere intentionem profitendi illo modo, qui per se sumptus sufficit ad quandam veram professionem faciendam: ex parte vero Societatis dependere hunc valorem ex intentione acceptantis: nam si ille legitime talem professionem acceptet, valida erit: aliàs vero minime, ut in sequenti puncto declarabitur.

4 Ex parte igitur Societatis de substantia hujus professionis est, ut in manibus alicujus fiat, qui illam possit acceptare, & acceptet: hoc enim est de substantia cujuscumque professionis, quia est veluti contractus reciprocos, ut tomo præced. tractatum in communi est. Est autem hoc singulare in Societate, ut jure ordinario potestas admittendi ad professionem in solo Præposito Generali sit, ita enim statuitur 5. p. constit. c. 1. §. 2. & p. q. c. 3. in principio. Quia vero in his locis generaliter est sermo de omni admissione, tam ad professionem, quam ad alios quoscumque gradus, etiam novitiorum, & de omnibus dicitur potestatem recipiendi esse apud Generalem, posse tamen per se, vel per alios illam exercere, ideo aliis in locis declaratum est, hanc commissionem admittendi ad professionem ordinarie non debere generatim fieri Provincialibus a Præposito Generali, sed in particulari ad has, vel illas personas ad professionem admittendas post diligentem inquisitionem, & bonam ac sufficientem informationem de eorum vita, & doctrina, ut patet ex declaratione dict. c. 3. p. 9. in lit. A. & ex c. 2. 5. p. constit. in princ. ubi in declaratione additur, in remotissimis Indiarum regionibus, posse facilius generalem commissionem fieri, in cæteris vero locis non facile. Ex quibus verbis intelligere licet posse aliquando fieri hanc commissionem confuse, & in communi pro arbitrio prudenti Generalis, & ideo hoc non pertinet ad substantiam, sed solum quod potestas sit Præpositi Generalis, vel a Generali commissa. Est autem notanda differentia inter professionem, quæ immediate ab ipso Generali acceptatur, vel per alium: nam ipse potest libere acceptare, ut voluerit, alii solum juxta potestatem sibi delegatam; quia in Generali est hæc potestas tota, quæ ipsa est, in aliis vero solum quanta datur.

5 Unde in causa supra posita de illo, qui ex intentione Generalis accedit ad emittendam professionem qua-

tuor votorum, & postea in ipso actu sistit, & non vult emittere quartum votum, dicendum est, si professio fiat coram ipso Generali, in voluntate ejus esse illam acceptare, necne; & si acceptat, validam esse, quia nihil aliud expectabatur; si vero nolit acceptare, posse id facere, & professionem manere nullam; quia supponimus Generalem accessisse animo acceptandi professionem quatuor votorum: non ergo censetur acceptare, donec tota professio finiatur, & ipsa, vel scriptum, in quo continetur, recipiatur, vel saltem taceat, & consentiat: ergo quamdiu quartum votum non emittatur, adhuc manet res suspensa, donec Generalis explicet mentem suam.

6 At vero si professio admittenda sit per alium, cui demandata solum est potestas admittendi talem personam ad professionem quatuor votorum, non potest talem professionem acceptare, quia non est illi potestas commissa acceptandi ad alium gradum, nisi ad professionem quatuor votorum: & ideo admittere non potest ad aliquem alium gradum, etiam inferiorem; quia hi gradus non distinguuntur sicut pars & totum, ut qui possit totum, possit & partem, sed distinguuntur, ut quædam tota, seu membra diversa, inter quæ non potest fieri illatio, ut qui possit unum, etiam majus generare, possit & aliud etiam inferius. Maxime, quia professio trium votorum ratio, & ex magna causa conceditur in Societate: & ideo non potest is, qui ad professionem quatuor votorum approbatus est a Generali, ad professionem trium votorum tantum admitti sine nova ejusdem Generalis concessione. Potest denique ad hoc confirmandum argumentum a simili sumi ex juribus asserentibus, cui mandatur provideri de integra præbenda, etiam si in Ecclesia sint tam integræ, quam dimidiæ præbendæ, & ipse velit dimidia esse contentus, non posse de illa provideri, & cui mandatur dari præbenda certæ quantitatis, non posse dari præbendam minoris valoris, seu ipso volente, c. cui de non sacerdotali, de præbend. in 6. & subjungitur ratio: *Non enim hujusmodi mandata (quorum fines diligenter servari oportet) debent ad casus alios, quam expressos extendi.* Hæc autem ratio, & decisio, cum eadem, vel majori proportionem in præsentem locum habet.

De modo accidentali.

7 Circa modum accidentalem, seu solennitatem hujus professionis, vel loqui possumus de ea, quæ antecedit ipsam professionem etiam remote, quæ magis proprie dici potest dispositio; vel de ea, quæ comitatur ipsum profitendi actum, & quidem pro antecedente solennitate, seu dispositione ad professionem hanc multa præscribuntur de jure ordinario Societatis. Nimirum longa probatio, sacerdotium, ætas 25. annum excedens, eruditio prout in c. 1. hujus libri tractatum est; proxime vero requiritur defensio thesorum Philosophiæ, ac Theologiæ, quatuor argumentantibus, ut habetur p. 5. constit. c. 2. §. 2. quod retinetur in 4. congregat. decreto 11. quantum vero profectus in iis scientiis postuletur: ita tandem in 7. congregat. decreto 28. n. 3. statutum fuit. *Nemo ad quatuor votorum professionem admittatur, nisi qui sub finem anni quarti præbentus fuerit tantum eruditionis habere, quantum necessum foret ad Philosophiam, ac Theologiam cum satisfactione docendum, nisi forsitan ad gubernandum, vel concionandum, illustria talenta haberet, &c.* ubi etiam rigorosa satis forma examinis præcipitur, quæ ibi videti potest: requiritur deinde a professuris, ut Societatis institutum, ac Pontificias Bullas attente evolvant in c. 4. examinis n. 41. & alibi item ut triduo ostium mendicent, ut denique per dies octo ante ipsam professionem exercitiis spiritualibus vacent, de quibus in lib. 9. a. c. 5. agendum erit.

8 Jam vero pro solennitate comitante ipsum professionis actum paucissimæ quidem cæremoniæ, sed gravissimæ, & antiquitati valde consentaneæ in citato loco Constit. 5. p. c. 3. præscribuntur, idque in Congreg. 1. decreto 36. habetur ratum, atque item in can. 20. ubi primo postulatur, ut hæc professio publice fiat coram domesticis, & externis, qui Missæ sacrificio interfuertint. Quæ circumstantia videri potest essentialis, ut professio non sit clandestina, utque de illa in foro Ecclesiæ constare possit, sed de hoc in tomo superiori diximus agentes de professione religiosa in

fiti in n. 3. quoad acceptationem generalis.

Deinde quoad acceptationem delegati.

Solennitatem seu dispositionem ante professionem requirunt.

solennitas comitans non irritans si desit.

genere, omnino servandam esse hanc circumstantiam propter rationem factam: hætenus vero nullum inveniri jus irritans professionem aliter factam: idem ergo in præsentī dicimus, quia nec in constitutionibus, nec in Bullis Societatis invenitur speciale jus irritans, vel majorem necessitatem imponens: & ideo non magis credimus hanc circumstantiam esse substantialem in præsentī, quam in professionibus aliarum religionum.

g. solenni-
tas etiam
non irri-
tans, si de-
fit.

9 Secundo postulatur, ut ante professionem præcedat Missæ sacrificium celebratum publice ab eo, qui professionem admittitur, finitoque sacrificio habens in manibus sanctissimum Eucharistiæ Sacramentum, ad eum se convertat, qui professionem emissurus est, & ita ejus professionem audiat. Quæ ceremonia sine dubio gravissima est, & magnam reverentiam conciliat: & licet peculiaris nostræ Societatis esse videatur, in aliis enim religionibus non solet fieri professio tempore Missæ, nec finito sacrificio: non est tamen nova: nam in primitiva Ecclesia ita fuisse usitatum ex Dionysio intelligimus c. 6. de Ecclesiæ hierarch. ubi sic inquit: *stat quidem sacerdos ante sacrum altare, monasticam imprecationem psallens, &c.* ubi licet non faciat expressam mentionem sacrificii, quod præcederet; verisimile tamen est ita fuisse usitatum, & hoc significare, cum ait, sacerdotem stantem ante altare (utique sacrificio peracto) mysticam invocationem super eum, qui professionem emissurus erat, solum fuisse inchoare, quod ex aliis, quæ ibi subjungit, magis intelligitur, ut statim in n. 10. exponemus. Denique Societas loco illius invocationis, solo sacrificio Missæ, & precibus, ac collectis ejus contenta est, & illum etiam morem quoad cantum, & psalmodiam non imitatur, quia chorum non profiteretur: & in omnibus actionibus suis uniformiter, ac simpliciter procedit, & ad debitam solennitatem sufficit Missa publice dicta, etiamsi absque cantu proferatur: magnamque reverentiam ac timorem conciliat præsentia Jesu Christi D. N. in manibus sacerdotis existentis, ut in manibus ipsiusmet Christi, potius quam Prælati professio fieri intelligatur.

g. solenni-
tas etiam
non de es-
sentiali.

10 Tertio ille, qui professionem emissurus est, dicta confessione generali, voce alta professionis formam supra n. 1. explicatam, ex scripto legit, ubi merito vox alta postulatur, ut ab assistentibus audiri possit, & intelligi: scriptum autem requiritur, tum ad majorem solennitatem, & certitudinem, ut infra in num. 11. iterum dicitur: tum etiam ut in singula verba formæ, quæ vel substantia, vel decentissima sunt, fidelius, & securius, proferantur. Sicutiam D. Benedictus in sua regula c. 5. 8. præcipit professionem in scriptis redigi. Additur autem in prædicta constitutione oportere, ut scripta illa forma vovendi per aliquot dies antea fuerit considerata cum diuturna meditatione, & singulari animi, & sensuum omnium collectione, ut in examine c. 4. §. 4. t. explicatur. Et ob hanc causam non sunt a sacerdote in hujusmodi actione interrogationes illæ, & exhortationes de sæculi renuntiatione, de perfectione vitæ, ac status talis religionis, & similibus, quæ loco supra citato Dionysius commemorat, quia supponuntur hæc, & per longa probationum tempora esse satis interrogata, & proposita, & per proximos præcedentes dies esse multum præmeditata.

4. solenni-
tas.

11 Quarto finita professio, qui eam emisit, sanctissimum Eucharistiæ sacramentum sumit de manibus ejus, qui professionem admittit. Hoc etiam olim servatum fuisse Dionys. supra testatur, qui 2. p. illius c. 6. ita concludit: *ubi vero, (id est, monachus) ista omnia intente promiserit, divinorum ministeriorum participem efficit; cujus rei causam in fine 3. partis ejusdem capituli addit. In fine vero omnium, sacerdos ad divinam ita instructum vocat communionem, aperte satis insinuans, eum, qui sic consummatus est, non modo contemplatorem fore sacrarum rerum, sive in morem mediæ ordinis ad communionem accessurum, sed augustinore scientia fretum alio, quam sanctus populus, modo ad communionis divine participationem admittendum.* Ac si diceret per hanc communionem moneri religiosum majore puritate, & consideratione, quam communem populum debere divinissimum hoc sacramentum tractare; quæ ratio maxime locum habet in professis Societatis, qui & sacerdotes esse debent, & officium

Expositio
ex Dionysio.

assumunt exhortandi, & disponendi homines ad ejusdem sacramenti convenientissimum usum. Unde etiam subjungit in clericorum ordinationibus sanctam communionem tradi, non solum quia sacramentum hoc est consummativum, & perfectivum omnium sacrarum rerum, quia est summa mysteriorum omnium; sed etiam, quia omnes ordines, suo modo, sunt participes singulari ratione hujus sacramenti, ut per illud sublevantur, & perficiantur: ob eandem ergo rationem & significationem in fine nostræ professionis nobis divinum hoc sacramentum traditur. Addimus etiam, per hanc communionem, divino quodam modo formari, & stabiliri pactum inter Deum ac Societatem, & professum initum. Nam sacerdos dans Eucharistiam, ostendit se acceptare professionem, & in suam communionem spirituales professum recipere: Deus autem, & Christus se ipsum principaliter dans, auxilium suum ad fidem ibi datam servandam tacite promittit, & pignus singularis præmii postea tribuendi, si ab ea non defuerit, tribuit. Professus autem Christum ipsum suscipiens eum quasi in fidei iussorem adducit, & Deo offert de fide, ac promissione a se præstita servanda.

Altera ratio ex eodem.

ex antiquo theore.

12 Quinto solet sacerdos scriptam professionem accipere de manibus ejus, qui professionem emisit; estque bona consuetudo, in signum acceptionis: quamvis necessaria non sit, nec de ea in constitutionibus fiat mentio: quia satis censetur acceptari professio publice, & cum illa solennitate illam audiendo, & consentiendo, & maxime (ut dicebam) sacram communionem statim impertiendo. Post hæc etiam sequi solet mutua cum amplexu salutatio, cujus etiam meminit Dionys. his verbis: *Cum sanctis aliis, qui astant viris, ipsum salutat. Per quam salutationem* (ait idem Dionys. 1. 5. p. 3.) *significatur aequalium spirituum sancta Societas, mutuaque & jucunda lætitia.* Et in 3. p. ejusdem cap. 6. ait: *quod si modo quoque, tam sacerdos, quam circumstantes reliqui viri sancti sic dicuntur consalutant, sacram intellige Dei præferentium speciem Societatem, qua sibi invicem cum lætitia, & charitate gratulantur.* Hoc ergo eodem spiritu hæc consalutatio in nostra Societate fit: hac observata differentia, quod Dionys. insinuat illam salutationem fuisse fieri solitam ante communionem, in Societate vero fit post finitam communionem, quia illa censetur veluti consummatio professionis. Alia vero, quæ de mutatione vestium, & tonsione, aliisque ceremoniis ibi Dionys. refert, & in aliis religionibus juxta uniuscujusque modum sancte servantur, in hac professione omittuntur, propter rationem supra in n. 8. insinuatam, & quia Societas, ut lib. 1. c. 5. diximus, quoad habitum, & externam speciem vitam proficitur communem. Additur vero in citato loco constit. postea describendam esse professionem, cum omnibus circumstantiis particularibus ejus, tam personarum emittentis, & admittentis illam, quam loci ac temporis in libro ad hoc peculiariter deputato, ut de toto semper constare possit ad Dei gloriam, similisque diligentia a sancto Benedicto in citato loco regulæ suæ præscribitur, in modo quidem aliquantulum diversa, quoad substantiam vero & spiritu eadem, in eundemque finem tendens.

g. solenni-
tas.

C A P U T VI.

De voto simplici non assentiendi relaxationi paupertatis, quod religiosi Societatis, simul cum aliis votis simplicibus, post solennem professionem emittunt.

1 Explicatis iis, quæ professionem Societatis antecedunt, & comitantur, restat dicendum de illis, quæ consequuntur. Supponendum igitur est, in Societate observari, ut peracta professione, & emissis quatuor votis solennibus, separatim, & non ita publice, neque in Ecclesia, sed in Sacristia, vel alio simili loco coram eodem superiore, vel alio sacerdote, qui professionem acceptaverat, & aliquibus domesticis, imo & externis nonnullis aliquando alia simplicia vota emittantur, quæ in Constit. præscripta sunt. Quorum mentio etiam fit in constitutione Gregorii: *Ascendente Domino*, ut hic mos, inter alia instituta Societatis, expresse & in particulari confirmaretur, ut revera confirmatus fuit. Illorum ergo vim & rationem in hoc & sequentibus capitulis explicare necesse est. Posset autem prius in

De prioritate tituli.

Obiectio
a con-
tra con-
veniens
horum
votum.

incommuni quæri, an oportuerit nova vincula addere ultra illa, quæ sunt essentialia professioni. Num hic etiam locum habet frequens obiectio de rei novitate, cum aliæ religiones simile quid non observent. Item quia videtur alienum a spiritu Societatis vincula multiplicare: ideo enim in eisdem constitutionibus 6. p. c. 5. declaratur exceptis quatuor votis, nullas constitutiones, aut ordinationes obligare ad culpam, ut videntur laquei incurrendi divinam offensionem: ergo eadem ratione videri potest, non debuisse multiplicari hæc vota; vel certe cum ibi non excipiantur, videri possunt non inducere gravem obligationem, quia exceptio firmat regulam in contrarium.

Eorum di-
lusio,

2 Nihilominus non oportet de hac re questionem movere, quia certum est, & indubitatum, hæc vota inducere gravem obligationem, quia habent materiam satis gravem, ut videbimus, & sunt vera, ac propriissima vota, ut ex facto ipso, & locis citatis evidens est: obligatio autem gravis per se loquendo, ac seclusa contraria declaratione, quæ nulla in præfenti intervenit, inseparabilis est ab huiusmodi voto. Quapropter in dict. c. 5. 6. p. non omnis alia obligatio votorum excluditur, sed constitutionum, declarationum, & ordinationum: & ideo necesse non fuit, illa vota expresse excipere. Quod vero de aliis quatuor facta sit mentio, & non de his, facile responderetur, quia hæc in illis virtute comprehensa sunt, tamquam annexum principali. Unde uno quasi actu moraliter loquendo emitti solent, hoc est, non multo post ipsa solennia. Parum autem refert, quod hic ritus votendi novus sit, si bonus est, & ad finem huius religionis necessarius, aut valde conveniens. Quæ autem fuerit ratio huius necessitatis, & convenientiæ, melius in particulari in singulis progressu explicabitur. In genere vero dicere possumus, per hæc vota non multiplicari onera, sed caveri quædam mala, vel incommoda, quæ iure timeri possent, si hisce votis non precluderentur; & ideo sine periculo fieri, & observari posse: atque ita nihil repugnare cum spiritu, ac intentione Societatis in altera constitutione 6. p. c. 5. insinuata.

Dubitandi
ratio in
hac pos-
teriori par-
te.

3 Quod vero attinet ad votum non admittendi relaxationem paupertatis, ratio dubitandi esse potest, quia materia huius voti, ita indeterminata sumpta, est incerta, & indifferens: ergo non est convenientis materia voti. Antecedens patet, quia in illo voto relaxatio intelligitur, quoad redditus, vel possessionem ullam in proprium usum, vel ad sacrificiam, vel ad fabricam, vel ad aliquem alium finem, præter id, quod ad Collegia, & domos probationis attinet, admittendum, ut in 6. Constitutionum c. 2. §. 1. lit. A. declaratur. De hac autem relaxatione magna controversia est, an expediat: nam multi putant melius esse ad perfectionem cuiuscumque religionis, habere convenientes, ac moderatos redditus in communi; & quod magis est, Concil. Trid. hoc videtur regulariter iudicasse, cum facultatem concessit omnibus religionibus, (Minoribus & Capucinis exceptis) admittendi huiusmodi redditus. Et quamvis nunc generaliter hoc non concedatur; tamen non videtur dubium, quin discursu temporis possit res ad eum statum devenire, in quo ad majus commune bonum vel religionis, vel Ecclesiæ expediat hunc modum vivendi in domibus professis Societatis mutare, maxime in aliquibus locis, in quibus religio, aut fides plurimum labefacta sit: non ergo fuit convenientis Societatem professam novo obligari voto ad huiusmodi mutationem non admittendam.

r. punctum
circa hoc
votum
quoad fi-
nem ejus.
Fundamē-
tum unum
pro tali
sine.

4 Tria breviter circa votum hoc sunt explicanda scilicet finis, materia, & obligatio huius voti, ex quibus facile patebit responso ad rationem dubitandi positam. Ad finem huius voti explicandum duo proponit fundamenta B. P. N. Ignarius in dicto c. 2. 6. partis constit. Primum est, paupertatem esse murum firmum religionis, & ideo in sua puritate esse conservandam, quantum divina gratia inspirante fieri poterit. In 10. autem p. §. 5. *propugnaculum religionum* eam appellat, quas in statu suo, & disciplina conservat, & a compluribus hostibus defendit. Quæ doctrina consentanea est illi, quam tradit D. Th. 2. 2. q. 186. art. 3. paupertatem esse primum fundamentum perfectionis acquirendæ. Quod etiam asseruit S. Bonavent. in Brevisiloquio

Suarez. Tom. XV.

p. 5. c. 6. dicens, ad integritatem perfectionis primo requiri recessum a malo superbie, quod fit per paupertatem spiritus; & idem significat opusculo de reformatione mentis p. 2. c. 16. 17. & 18. & late in Apologia pro Evangelica paupertate; cuius rei rationes, & causas late in tomo superiore tractavimus disputando de variis votis paupertatis.

5 Secundum fundamentum est, humanæ naturæ hostem ad hoc propugnaculum, ac refugium debilitandum maxime eniti solere, atque ea, quæ a primis fundamentis bene ordinata fuerant, immutare. Quod & experientia ipsa satis notum est, & ex priori fundamento sequitur: nam cum demon nitatur totam destruere religionem, maxime procurat ejus fundamentum convellere, & murum, ac propugnaculum ejus evertere, quia illo sublato facile poterit tota religio expugnari. Unde prudenter adnotavit Navarrus, licet votum paupertatis inter tria substantialia religionis infimum sit, ut docet D. Th. 2. 2. q. 188. art. 8. & ex obiecto ejus facile constat: & quamvis etiam sit observari facilius, quia facilius est nostra, quam nos ipsos quoad corpus vel animam relinquere, ut dixit Greg. hom. 33. in Evangelia: nihilominus violationem paupertatis majora nocumenta religionibus attulisse, vel quia frequentior est propter majorem ex parte demonis impugnationem, eo quod ejus malitia aut minor apparet, aut magis latet, faciliusque proinde dissimulatur, ac permittitur ex parte prelatorum (cum tamen pro castitate maxime pugnet probum, ac pudor; pro obedientia, superior, cuius interest, ut pareatur); vel etiam quia est maxime accommodata commoditatibus corporis, nam pecunia generale instrumentum est ad omnes illas; vel denique, quia rerum proprietas maxime contraria est ordini religioso, qui *hinc leditur penitus, & mutatur*, ut dixit Alexander III. in Concilio Lateran. p. 49. cap. 15.

6 Ex his ergo duobus fundamentis concludit S. Ignarius finem huius voti esse, *ut quod in nobis scitum fuerit, hac in parte Societati prospiciamus*; quod aliis verbis dictum est a Grego. XIII. in constitut. *Ascendente Domino; ad paupertatis, quæ regularis instituti murus est, & propugnaculum, perfectionem tuendam*. Ut enim sustentetur edificium, & urbs defendi possit, nihil magis curandum est, quam ut fundamentum firmum maneat, & murus integer, ac illæsus. Et ideo Alexander III. in dict. cap. 15. Cistercienses religiosos vehementer exhortatur: *ut domus illæ (ait) quæ a prima sui origine in ordine vestro sunt fundata, constitutis, & ordinatis terminis sint contenta*; loquitur autem de terminis paupertatis. Et eandem sollicitudinem adhibuerunt reliqui Pontifices gravissimas pœnas imponentes violatoribus paupertatis religiosæ, ut in superiori tomo vidimus. Et gloriosi Patres Dominicus, & Franciscus specialem maledictionem suis religiosis transgredientibus paupertatem a se institutam reliquerunt, ut Bonavent. in Opuscul. de Christi paupertate; de S. Dominico refert, & de S. Francisco legitur in Speculo Minorum.

7 Ut autem ad secundam partem (id est, materiam huius voti) explicandam accedamus, distinguenda est duplex mutatio paupertatis religiosæ, una quoad factum tantum, alia etiam quoad jus. Prior habet de se intrinsecam malitiam; nam consistit in transgressionem substantialis voti paupertatis religiosæ: posterior vero, per se spectata, non est intrinsece mala, aut prohibita, quia non fit per violationem juris, sed per mutationem illius, factam ab eo, qui potestatem habet, ut supponimus. Alii ergo fundatores, vel protectores religionum adjunctis pœnis, aut maledictionibus præceverant, ne fieret mutatio a religiosis circa paupertatem, quoad factum, id est, quoad custodiam, vel transgressionem paupertatis promissæ; non vero remedium aliquod providerunt, ne institutio ipsa talis, vel talis paupertatis mutaretur: & ita videmus plures religiones, forte sine culpa, quamvis non sine aliqua primi fervoris remissione, rigorem primæ institutionis suæ, quoad observantiam paupertatis, per indulta Apostolica temperasse; cui certe indulto, etiam sponte oblato, virginem Claram renunciasse legitur. Beatus autem Ignarius ad observationem paupertatis promissæ durante ejus obligatione, nullam pœnam, vel maledictionem adjungendam censuit, præter eas, quæ in iure com-

Fundamē-
tum alter-
um.

Conclud-
tur i. pon-
ctum, seu
finis d. c. i.
voti.

r. punctum
id est ma-
teria ejus-
dem voti.

Quid alii
fundato-
res pro
paupertate
provis-
derint.
Quid B.
Ignarius.

muni continentur, & alia media, quæ ad generalem regularum, & constitutionum observationem providit: ut lib. 4. a. c. 7. vidimus: præcavere autem studuit, ne in jure ipso paupertatis, quod pro Societate statuebat, relaxatio fieret, quod facere non potuit per comminationem, aut maledictionem, quia talis mutatio (ut dixi) non erat per se mala, & ideo id fecit adjungendo novam obligationem per hoc votum, cujus materia est, *nec procurare, nec consentire, ut relaxatio paupertatis in Societate fiat, etiam eo modo, quo alias sine culpa fieri posset.*

8 Est simile de voto, quod interdum fieri solet, de non petenda dispensatione circa observationem promissæ castitatis: nam iuratio in voto jam facta media dispensatione non est per se mala; tamen per se loquendo, melius est in voto facto perseverare, & non facile dispensationem petere; & ideo votum illud non petendi dispensationem, & per se bonum est, & distinctam habet materiam ab ipso voto castitatis. Aliud est enim non ducere uxorem; aliud non petere dispensationem ad ducendam illam. Et fieri potest, ut aliquis violet hoc posterius votum petendo dispensationem, & non violet votum castitatis: maxime si illa non utatur. Imo fieri etiam potest, ut neque utendo illa agat contra votum castitatis, quia licet dispensatio male fuerit petita, concessa tamen valida fuit, & ita abstulit votum castitatis. Et e contrario, posset quis violare votum castitatis, & non aliud votum non petendi dispensationem, ut si absque dispensatione duceret uxorem. Ita ergo in præsentī votum hoc & bonum est, & distinctum a voto paupertatis, quia distinctam habet materiam. Aliud est enim non habere proprium, nec redditus, vel capellanas, & cætera, quæ sunt materia voti paupertatis in Societate: aliud vero non admittere relaxationem in hoc instituto paupertatis, quod est optima materia hujus votum quia perseverantia in primo spiritu religionis per se melior est; tum etiam, quia relaxatio paupertatis solet esse occasio cadendi simul a tota observantia rigorosa religionis, ut docuit S. Bonavent. tomo 1. Opusc. in epist. de Reformationis fratribus, & Dionysius Carthus. in Opusc. de Reformatione claustr. art. 17. Distinctio autem inter hæc vota, & eorum materias, eodem signo percipi potest: nam si professus Societatis habeat proprium, &c. peccavit contra votum solenne paupertatis, non tamen propterea violabit hoc votum, quamdiu non assenserit, ut simile quid per modum juris, seu dispensationis in Societatem introducat; & e converso si præbeat hunc assensum, violabit hoc votum, quamvis nihil contra paupertatem peccet. Unde etiam obiter intelligitur ratio, ob quam soli professi hoc votum emittant: quia nimirum ad illos pertinet præcipue Societatis gubernatio, & illi soli habent suffragium in Congregatione generali, in quo solo posset hujusmodi alteratio fieri: & ideo professos obligando suis fit in hac parte Societati provisum.

9 Atque ex his facile erit tertium, quod proposuimus, explicare: qualis scilicet obligatio ex hoc voto nascatur: omne enim votum obligat ad executionem suæ materie: materia autem hujus voti est non admittere relaxationem circa paupertatem in Societate institutam; ergo ad hanc observationem obligat. Ut autem hæc obligatio ex actius declaretur, & dubitationes, quæ insurgere possunt, expediantur, ponderanda sunt verba, quibus materia hujus voti in Constitutionibus proponitur. Nam in 6. p. c. 2. §. 1. sic dicitur: *Promittant se ad innovationem constitutionum, in his, quæ ad paupertatem pertinent, nihil facturos, nisi magis restringendam judicarent.* Unum primum expendo hoc votum pure negativum esse, quia non obligat ad aliquid agendum, sed tantum ad non agendum, ut plane constat ex illis verbis: *Nihil facturos.* Non ergo peccabit contra hoc votum professus, qui viderit alios procurare hujusmodi relaxationem, & non restiterit, aut dissuasit, quamvis possit: quamvis enim in illa omissione possit peccare contra charitatem suæ religioni debitam, quomodo etiam posset in simili casu peccare non professus, qui hoc votum non emisit; non tamen transgredietur hoc votum, quia per illud non obligatur ad impediendum, vel resistendum, sed tantum ad non agendum. Quod si quis obijciat, quia non resistens cooperari cõsetur in moralibus, argumento cap. *quante*, de sentent. excommuni-

ibi, *eos delinquentibus favere interpretamur, qui cum possint, manifesto facinori desinunt obviare.* Respondetur in primis, id procedere in casibus in jure expressis, & ita declaratis, qualis est in illo textu. Deinde quoad culpam apud Deum solum habere hoc locum juxta mensuram obligationis, quam aliquis habet ad impediendum, vel resistendum. In præsentī autem hæc promissio, vel obligatio ejus non extenditur ad hujusmodi actionem, & ideo, qui illam omittit, non censetur moraliter cooperari.

10 Quid autem sub illa negatione *nihil facturos* comprehendatur, in declaratione sic exponitur: *quod numquam assentietur ad immutandum, quod ad paupertatem in constitutionibus pertinet, nec in conventu totius Societatis congregata, nec per seipsum ulla ratione id curando.* Ex quibus verbis colligo duas actiones in genere prohiberi ex vi hujus voti: prima, ac præcipua est, si contingat in Congregatione generali de hoc puncto tractari, numquam ferre suffragium, ut paupertas relaxetur, quod suffragium decisivum est, & ideo circa illud maxime urget obligatio: nam si ibi observetur, quidquid antea præcesserit, non multum nocebit Societati, quia nulla poterit fieri mutatio, regulariter loquendo. Propter periculum autem, quod imminere posset, additur, seu prohibetur secunda actio, quæ est, quacumque ratione procurare, ut talis relaxatio fiat, vel a Societate admittatur: & in Bulla *Ascendente Domino*, additur, *se numquam quacumque ratione acturos, vel consensuros:* quod tamen intelligo de consensu cooperativo, & dante auctoritatem, vel efficaciam aliquam hujusmodi mutationi: nam verba illa ex constitutionibus sumpta sunt, & juxta illas sunt interpretanda; itaque per illam negationem prohibetur omne consilium, seu suffragium, etiam consilium de tali relaxatione facienda, & a fortiori omnis positivus favor, aut procuratio, non autem sola permissio.

11 Statim vero oritur dubitatio, an sit contra hoc votum, judicare in aliquo eventu esse expediens talem relaxationem facere. Nam si licet interius ita sentire, licebit & verbis id proferre, & actionibus, procurare: nam per se bonum est, & melius id velle, & desiderare, quod religioni magis expediens judicatur; nec votum potest hoc impedire, quia impediret majus bonum. Quod autem illud judicium possit esse licitum probatur, quia potest esse verum, nam ut in n. 3. objiciebamus, tanta esse posset mutatio in rebus humanis, ut omnino expediat ad majus bonum religionis habere redditus in communem, vel aliquid simile. Respondetur posito illo casu cessare hujus voti obligationem; exemplum est in voto de non petenda dispensatione: posito enim, quod validum sit, ut lib. 2. de materia voti c. 1. n. 6. attingimus, & si alii, quos sequitur Sancius lib. 4. de voto c. 8. a. n. 20. non admittant, plane non obstante absolute ejus forma, si casus occurrat, in quo pensatis omnibus prudenter judicetur melius, & gratius Deo esse petere dispensationem, cessat obligatio illius voti juxta communem sententiam Doctorum Richard. in 4. d. 38. art. 9. q. 3. supplem. Gab. ibi q. 1. art. ult. Anon. 2. p. tit. 1. c. 2. §. 9. ad fin. Soto lib. 8. de Justit. q. 9. versus finem, Sylvest. votum 2. q. 14. Angel. votum, 3. n. 20. ita ergo in præsentī. Ratio autem generalis est, quia votum tantum esse potest de meliori bono, ut in citato lib. de voto c. 7. dictum est, & ideo non potest esse impediivum majoris boni: ergo etiam in præsentī non obligabit votum, quando ejus materia ita mutata est, ut servari non possit sine impedimento majoris boni. Neque oportuit hoc in ipso voto explicari, quia hæc conditio generalis est omni voto, ut scilicet ejus obligatio cesset, eo ipso quod materia ejus vel inutilis facta est, vel majus bonum impediens. Ut autem hoc sine scrupulo fiat, oportet, ut sit evidens, & certa mutatio illa facta ex parte materie: nam in dubio melior est conditio ipsius voti, cum de absoluta promissione certo constat.

12 Non videtur tamen fore contra tale votum, in casu talis dubii rem ipsam agitare, ac discutere, & rationes dubitandi in utramque partem proponere, & quid verisimilius, aut probabilius appareat, proferre: nam supposita prædicta dubitatione, hæc omnia non solum per se honesta sunt, sed etiam necessaria ad commune bonum, ut in simili dubio viretur periculum alicujus

Explicatur hæc Ignatii providentia exemplo.

Actiones duæ per unam negationem videntur.

Cur professi hoc votum duntaxat.

2. punctum id est obligatio hujus voti exponitur.

Est obligatio pura negativa, ut nihil faciendi contra paupertatem.

Obiectio diluitur.

Quæst. 1. an cessare possit hujus voti obligatio.

Quid in casu dubio.

jus majoris incommodi totius religionis. Unde etiam addo in simili eventu, quamvis rei veritas, & necessitas non possit certo, & evidenter cognosci, non fore contra votum totam dubitationem, & rationes ejus Summo Pontifici proponere, ut ipse statuat, quod toti religioni melius esse judicaverit: quod etiam securius fiet, si prius ab ipso facultas petatur, ut non obstante tali voto possit unusquisque, quod sentit, vel opinatur, libere proponere.

13 Occurrit vero statim dubitatio illa, scilicet, an obliget hoc votum non solum ad non petendam dictam relaxationem, sed etiam ad non admittendam illam motum proprio a Pontifice concessam. Dupliciter autem potest hoc a Summo Pontifice concedi, scilicet præcipiendo, vel indulgendo. De priori modo nulla est questio, quia obediendum omnino est præcipienti Pontifici. Dices: Pontifex ut Pontifex non habet jus præcipiendi in his materiis, quæ pertinent ad consilium; ut est autem supremus prælatus religionum, nihil potest præcipere contra regulam, maxime quæ voto firmata est: ergo in eo casu non tenebimur obedire tali præcepto. Respondetur materiam illam esse capacem præcepti Pontificis, ut Pontifex est; si supponamus hic & nunc prudenter judicari talem paupertatem esse nocivam, vel impedivam majoris boni talis religionis, in ordine ad finem sibi præstitutum; nam licet profiteri, aut non profiteri paupertatem, absolute loquendo, non sit materia præcepti, sed consilii, supposita tamen professione religionis servare in eo statu hunc, vel illum modum paupertatis potest esse materia præcepti Pontificis, quia potest esse medium moraliter necessarium ad commune bonum talis status a Pontifice in Ecclesia Catholica approbati; sicut posset Pontifex a principio approbare talem religionem cum hoc modo paupertatis, & non cum strictiori, vel laxiori, & a fortiori posset prohibere, ne quis talem statum profiteretur, nisi sub tali paupertate, ut per se constat. Ita ergo postquam semel approbavit religionem cum uno genere paupertatis, potest mutatis temporibus, illam approbationem revocare, vel mutare, prout expedire censuerit, & consequenter prohibere, ne deinceps quis talem statum profiteatur nisi sub tali paupertate. Tenebitur ergo religio parere hujusmodi præcepto, quod justum præsumitur, quamdiu oppositum evidens non est, manatque a Summo Pontifice, quatenus talis est, quia ad illum sub hac ratione spectat religionum instituta approbare, vel mutare, continetque in virtute illud præceptum, vel dispensationem voti, vel declarationem, quod cum talibus circumstantiis non obliget. Imo supposita hac declaratione, vel manifesto fundamento ejus, posset Summus Pontifex, etiam ut supremus prælatus religionum illam mutationem facere, & sub obedientiæ virtute præcipere, quia non esset contra votum, nec proprie contra regulam, sed esset rationabilis mutatio regulæ, ad meliorem totius regulæ observationem ordinata.

14 Dicunt etiam aliqui, posse Pontificem, ut supremum religionis prælatum, irritare hoc votum suo arbitrio, & consequenter præcipere relaxationem paupertatis, admittendo dominium, v. g. in domibus Societatis. Sed mihi valde probabile est non posse Pontificem hoc votum irritare, quia est votum quodammodo de substantia talis status, vel certe per se annexum illi: vota autem hujusmodi non possunt irritari a Prælati religionum. Item quia in potestate irritandi, quoad materiam, vel objectum, non videtur excedere, per se loquendo, Summus Pontifex Præpositum Generalem cujuscumque religionis respectu suorum subditorum; quia ex eadem traditione, & ex eodem voto obedientiæ, nascitur illa potestas: certum est autem non posse Præpositum Generalem irritare hoc votum: ergo nec Pontifex. Item quia aliis posset pro sua voluntate, sine alia iusta causa, hoc votum tollere, quod incredibile est, quia est contra intentionem voventium, & totius religionis, quæ nunquam voluit, quoad hanc partem, tribuere alteri potestatem dominativam. Sicut etiam non est verisimile posse Pontificem irritare suo arbitrio, & sine causa votum abstinendi a carnibus, & lacticiis, quod religiosi Minimi emittunt. Addo insuper etiam ablato hoc voto, non posse absque legitima causa præcipi Societati professæ, ut admittrat dominium, quia illud est contra votum solen-

ne paupertatis, cujus obligatio auferri non potest sine causa legitima: necesse est ergo, ut virtualis dispensatio, vel interpretatio intercedat, quæ non potest esse sine causa iusta, vel cogente; unde quia talis causa rara est, & difficilis ad æstimandum, ideo Pontifex raro, vel nunquam talia præcepta religionibus imponit.

15 Alio ergo modo potest hoc Pontifex concedere indulgendo, sicut Concilium Trid. sess. 25. cap. 3. de Regularibus concessit fere omnibus religionibus, ut possent habere bona immobilia etiam quibus antea non erat permissum. In eo autem casu dubitari potest, an si Pontifex nunc similem concessionem faciat Societati professæ, possent licite professi illam acceptare sine transgressione hujus voti; videntur enim non posse, quia promittunt se nunquam quacumque ratione acturos, aut consensuros in hujusmodi relaxatione: ergo cum tunc non cogantur acceptare, nec licite consentire possunt. Sicut qui vovit non petere, neque accipere dispensationem voti, non potest licite illam acceptare, etiam si Pontifex illam concedat.

16 Nihilominus probabilius censeo, hoc votum non obligare professos Societatis ad non acceptandam illam Pontificis concessionem. Quod in simili casu videntur sensisse Patres secundæ congregationis generalis, quando cesserunt illi concessioni Concil. Trid. nam id fecisse videntur, non ex necessitate, & obligatione prioris voti, sed quasi denuo illud confirmantes, ut significant illa verba canone 21. *Congregatio totius Societatis nomine cessit cuicumque juri provenienti ex concessione Concilii Trid.* Habebat ergo jus non cedendi, si vellent. Et infra: *ut juxta nostras constitutiones, & vota, quæ post professionem emittuntur, in professis, ac ipsorum domibus paupertatem retinere; quæ verba indiciant quasi novam voti confirmationem spontaneam, ac mere voluntariam: & ideo in actis ejusdem Congregationis, propositum refertur, an placeret decreto Concilii renunciare: & ab omnibus responsum esse, Placet, quæ verba indicant non ex obligatione hujus voti, sed ex amore perfectionis id fecisse. Præterea supra ostensum est, verba illa, nunquam acturos, vel consensuros, juxta mentem constitutionum interpretanda esse: in constitutionibus autem solum ponitur pro materia hujus voti, non procurare ullo modo, neque esse causam hujus mutationis: ergo acceptare illam, si a Pontifice fiat, non est contra hoc votum. Neque est contra verbum illud *non consensuros*, nam ibi est sermo de consensu cooperativo in actionem, seu negationem huic voto contrariam, cujusmodi esset suffragiū in Congregatione; acceptatio vero hæc neque est consensus cooperativus, sed receptivus, ut sic dicam: neque etiā est in actione voto contrariam, sed in eam ratum, quam summus Pontifex auctoritate sua efficere potest. Tandē id ostenditur retorquendo exemplum adductum: nam si quis voveat precise non petere dispensationem, aut non procurare licentiam ad aliquid faciendum; & superior suo nutu offerat dispensationem, vel licentiam, non est contra votum illam acceptare; quia minus est acceptare, quam petere, & obligatio voti non est extendenda ultra rigorem verborum, nisi aliud certo constet de intentione voventis. Ita ergo est in præsentī.*

17 Dices: ergo si Societas professæ nunc veli, uti concessione facta a Concilio Tridentino, posset id facere, sine læsione hujus voti. Respondetur negando sequelam, quia res non est integra, neque in eodem statu, postquam enim Societas cessit illi privilegio, virtute confirmavit votum solenne ejusdem paupertatis, non obstante illo; & in eodem sensu professi sunt eandem paupertatem successores omnes, & consequenter per hoc votum promittunt paupertatem illam, quam sic professi sunt, illam conservare, nihil ex parte sua innovando, quod ad relaxationem pertineat; revocare autem cessionem factam, præsentem postea a sede Apostolica cum reliquo instituto toties confirmatam, esset magna relaxatio; & ideo sine dubio esset contra hoc votum. Secus autem erit, si vel summus Pontifex, vel aliud Concilium generale in futuro tempore denuo similem facultatem faciant, nam tunc habebit Societas eandem libertatem renuntiandi, vel acceptandi illam, quam habuit secunda Congregatio generalis circa decretum Concilii Tridentini.

18 Posset præterea circa hoc votum dubitari, an ob-

2. sensus ejusdem quæstionis.

Arguitur in partem neg.

Paras affirmans primo a simili.

P obatur 2. diluendo argumentum num. procedentis.

Probatur 3. reorquando exemplū parvis negantis.

Instantia contra proxime dicta occurrat.

Quest. 2. An sociari queat dispensatio oblata in hoc voto. 1. Sensus ejus resolvitur.

Quid si attendatur ut est prælatus religionis.

Aliorum resolutio per viam irritationis.

Rejicitur.

Quæstion.
3. quorum
honorum
paupertas
non rela-
xanda.

liger solum circa pauperatē professorum, & domo-
rum professorum, vel etiam circa alia, quæ pertinent ad
pauperatē scholarium, Collegiorum, & domorum
probationis; & ratio dubitandi sumitur ex verbis illis
declarationis c. 2. 6. p. *Innovare quod ad pauperatē at-
tinet, est relaxari ad redditus, vel possessionem ullam in
propriū usum, &c.* Constat autem hæc solum pertinere
ad domos professorum. Imo hinc oritur dubium, an hoc vo-
tum solum obliget ad non procurandam relaxationem
quoad hæc bona immobilia, non vero circa omnia alia,
quæ in paupertatis usu Societas observat, ut lib. 4. a. c. 7.
vidimus. Respondeo breviter obligationem hujus voti
extendi ad totam materiam paupertatis, prout cadit sub
voto in Societate factum, in quocumque gradu seu
statu illius factum sit. Hoc satis explicatum est in dicta
constitutione Gregorii XIII. illis generalibus verbis:
*Numquam acturos, ut quæ in constitutionibus Societatis
circa pauperatē ordinata sunt, immutentur;* in Consti-
tutionibus autem tam sunt ordinata, quæ pertinent ad
Collegia, & domos probationis, quam cætera. Et ratio
reddi potest, quia professi non tantum hoc promittunt
propter seipsos, vel domos suas, sed pro tota Societate,
cujus cura, & præcipua gubernatio illis incumbit. Unde
quod in prædicta declaratione dicitur, ideo est, quia illa
est præcipua, & magis propria materia voti paupertatis
in Societate. In 10. autem p. constit. §. 5. additur, *non
accipere stipendia pro nostris ministeriis, & non appli-
care redditus Collegiorum ad utilitatem domorum:* qua-
tenus ergo hæc vel alia pertinent ad materiam voti
paupertatis in Societate, cætenus eorum immutabili-
tas sub hoc voto cadit. De quo inquiri etiam posset,
an sit solenne, vel simplex; sed ex materia, & modo,
quo fit, & ex intentione Constitutionum, & Bulla-
rum constat esse simplex.

C A P U T VII.

*De voto non ambiendi dignitates, quod professi
Societatis emittunt.*

Dictum
votum
simplex
est.

Vota sup-
positio.

FORMA, sub qua hoc votum a professis Societatis
emittitur, ita habet: *Præterea promitto numquam
me acturum, vel prætenfurum, ne indirecte quidem, ut in
aliquam prælationem, vel dignitatem in Societate eligar,
vel promovear. Promitto præterea numquam me curaturum,
prætenfurum, vel extra Societatem, prælationem ali-
quam, vel dignitatem: præscripta est hæc forma in 1. &
3. Congregatione generali, & sumpta est ex 10. c. constit.
§. 6. & eisdem fere verbis probatur in constitutione,
Ascendente Domino, sæpe citata: Neque prætenfuros (di-
citur ibi) ne indirecte quidem, ut in aliquam prælationem,
vel dignitatem intra vel extra Societatem eligan-
tur. De hoc igitur voto nulla est controversia, quin
licitum, & sanctum sit, ut expresse docuit D. Th. 2. 2.
q. 185. art. 2. ad 3. & ib. Cajet. & Sorol. lib. 10. de Justitia
q. 2. art. 2. ad 3. Antonin. 3. p. tit. 20. c. 2. §. 6. & ratio est;
quia tale votum evidenter est de meliori bono.*

Episco-
patus ap-
petere il-
licitum
esse pro-
bat aut
horitate.

2. Ut autem hoc explicetur, advertendum est, quæ-
stionem esse inter Theologos, an appetere Episcopatu-
m, vel procurare illum (& idem est cum proportionem
de qualibet alia prælatione) illicitum sit, quam citati
Doctores idem tractant, & plures refert Henric. in
sua summa lib. 10. c. 3. 2. n. 3. in commento; sentiuntque
id esse illicitum, ac pertinere ad ambitionem, vel præ-
sumptionem; quod etiam docent Card. in Clem. in ple-
risque, de elect. q. 7. Abb. in c. non est, de voto n. 9. idem-
que insinuat Augustinus 19. de Civitate, c. 19. dicens:
*locus superior, sine quo populus regi non potest, & si admi-
nistretur, ut decet, tamen indecenter appetitur;* & Chry-
sostomus lib. 3. de sacerdotio parum a principio, cum
multa commemorasset Episcopo necessaria, subdit:
*interque illud præcipuum, sacerdotis animum honoris il-
lius desiderio undique vacare;* & infra sibi objiciens illud
Pauli: *Si quis Episcopatum desiderat, &c.* respondet: *At
ego non operis ipsius, sed dominationis ac potentia desid-
erium pestilens esse dixi.* Quod eleganter prosequitur
ambitionis pericula exaggerans. Idem vero hom. 3. in
Acta, cum ita ipsiusmet Episcopatus periculum extulisset,
ut paucos ex eis salvari, & alia similia dixisset, sub-
dit: *Hæc loquor, non ut vobis pudorem incutiam, sed ne
vestram cohibeam cupiditatem: quem enim conscium adi-
bis, si procuraris vel per seipsum, vel per alium? quibus
oculis intueberis illum, qui tibi fuit auxilio? quid habebis*

quod excuses? & hom. 66. in Matth. tractans illa Christi
verba: *Principes Gentium dominantur eorum,* Matth. 20.
ait, illis ostendisse Christum, gentium mores esse prima
quæque appetere. *Tyrannica* (inquit) *hæc passio est, &
nonnunquam eximios etiam viros perturbat: quapropter
cum vehementiore castigatione indigeat, acrius etiam
ipse insurgit comparatione gentium tumentem ipsorum
animum retinens: nam qui primatum querunt, sibi ipsis
dedecori sunt, ignorantes hoc se pacto in infima detrude-
re.* Similia habentur in imperfecto hom. 35. inter alia:
*Quicumque desiderat primatum in terra, inveniet confu-
sionem in cælo, ut jam inter servos Christi non sit de pri-
matu certamen.* Et infra: *Volens Dominus duorum fra-
trum ambitionem extinguere, & decem discipulorum in-
vidiam, introduxit differentiam inter Principes mun-
diales, & ecclesiasticos, ostendens, quia primatus in
Christo neque ab aliquo appetendus est non habentis; ne-
que alteri invidendus est non habenti.* Hæc autem & si-
milia dicuntur a sanctis Patribus de appetitu prælato-
nis, quatenus in ea honor, excellencia, & superior
potestas spectatur, & concupiscitur: nam hoc modo ra-
lis appetitus, & omnis prætensio, quæ ex illo procedit,
malitiam habet ambitionis, & vanæ præsumptionis.

Quæ Epi-
scop. & g
appetitio-
nem da-
nent hi
Patres.

1. Assertio
b. patens.

3. Si ergo votum sumatur, quatenus coarctet hoc vi-
tium & inordinatum appetitum, manifestum est esse
optimum, & religioni valde expediens. Primum patet,
quia abstinere ab hujusmodi vitio, optimum est: ergo
promissio de cavendo hoc vitio etiam est optima. Nec
refert, quod per se, & ex divino, ac naturali jure te-
neamur vitium hoc fugere, tum quia ea etiam, quæ per
se bona, & necessaria sunt, laudabiliter Deo videntur;
ut tract. 6. est ostensum in lib. 2. de voto c. 3. tum etiam
ut augeatur obligatio; quia fortasse in hujusmodi nego-
tio inordinatio tantum esset venialis culpa, quæ inter-
veniente voto erit mortalis; tum denique, quia ad
aliquod amplius obligat hoc votum, quam ad vitan-
dum id, quod per se malum est, ut statim dicam.

4. Secundum autem probatur, quia nullum vitium
potest esse magis perniciosum communitati, præsertim
religiosa, & specialiter Societati. Ex hoc enim vitio in-
vidiæ, dissensiones, contentiones, calumniæ, quæ sunt
pestes cujuscumque communitatis, oriuntur, ut sumitur
ex Basilio in constitutionibus monast. c. 10. & ex Augu-
stino 5. de Civit. c. 12. & sequentibus; & ex Philosophis
Plutarcho in moralibus lib. de Auditoris officio, ante
medium. Et ideo Plato in Gorgia, quem laudat Eusebius
lib. 1. 2. de Præpar. Evangel. c. 4. dixit: *Nemo sponte ad gu-
bernandam Rempublicam accurrat.* Quod si hoc verum
est de seculari Republica, multo magis de Ecclesiastica,
cujus gubernatio ad spirituale bonum subditorum ordi-
natus; & ideo Leo Papa epist. 85. alias 83. c. 1. refertur c.
miramur, 61. d. non solum eos graviter reprehendit, qui
Episcopatum ambiunt, sed etiam qui ambientes eligunt:
*Non est hoc (inquit) consulere populis, sed nocere; nec
præstare regimen, sed augere discrimen: integritas animi
presidentium salus est subditorum. & ubi est incolumitas
obedientia, ibi est forma doctrina. Principatus autem, quæ
aut seditio extorsit, aut ambitus occupavit, etiam si mori-
bus, aut actibus non offendit, ipse tamen initii sui est per-
niciosus exemplo: & difficile est, ut bono peragantur exi-
tu, quæ malo sunt inchoata principio.* Quæ gravissima
sententia majori quadam ratione locum habet in Con-
gregatione religiosa, tum quia non solum salus, sed et-
iam perfectio singulorum, ex vita, & exemplo præside-
ntis magna ex parte pendet: tum etiam, quia totum reli-
gionis bonum ex obedientia pendet, & quæ ex ambitio-
ne maxime perturbatur. Nam, ut dixit Simachus Papa
in Synodo Romana c. 1. *quos amor dominationis inva-
dit, etiam jugum Ecclesiasticæ disciplina facit respuere:*
& ideo dixit idem Pontifex epist. 1. c. 5. *cum hic excessus
in laica conversatione culpatur quis dubitat, quin religio-
sis ac Deum timentibus incutiat opprobrium?* habetur in
c. nullus itaque 1. q. 1. Et rationem explicuit optime Bo-
nifacius 3. p. in c. quorundam, de electionibus in 6. Quia
religiosus ambiens dignitatem, suæ professionis obli-
tus, incipit retro respicere. Denique nihil perfectio-
nis, imo & virtutis viam ita impedit, sicut ambitio;
est enim, ut scripsit Bernardus ser. 6. in Psal. *Qui ha-
bitat, subtile malum, secretum verus, pestis occulta,
doli artifex, livoris parens, vitiorum origo, criminum
fomes,*

fomes, virtutum erugo, tinea sanctitatis, excœcatrix cordium, ex remediis morbos creans, generans ex medicina languorem. Qui etiam legi potest epist. 42. & 126.

Applica-
tio dicto-
rum ad
Societate.

5 Ob hanc ergo causam tanta sollicitudine prævenit B. Ignatius, ut huic vitio in Societate viam omnino præcluderet, mediante hoc voto speciali professorum, quod illis maxime conveniens fuit, quia & intra Societatem præcipua gubernatio ad eos pertinet, & extra Societatem illi esse possunt ad huiusmodi dignitates aptiores. Et propter hanc etiam causam potuit esse in hac religione votum hoc magis necessarium, quam in aliis, quia facilius poterat hoc vitium eam impetere, eo quod professi ejus futuri erant, quoad fieri posset, literis eruditi, & ad Ecclesiastica quæcumque ministeria idonei, & in eis plurimum exercitati; unde etiam facile consequi poterat, ut inter Principes, & Prælatos Ecclesiæ familiariter versarentur, illisque grati, ac benevoli existerent: quæ omnia, & multa alia, quæ ab unoquoque considerari possunt, facile poterant ambitionis motus excitare, vel etiam promovere, nisi quantum est ex parte instituti, hoc remedium esset adhibitum: quod non solum utile est post professionem, quando ipsum votum emittitur; sed etiam a principio his, qui in novitiatu instituuntur: quia statim hoc spiritu imbuuntur, ut concipiant nihil esse magis contrarium fini, ad quem in hac religione tendunt, quam inordinatum ambitionis affectum: ac proinde etiam factum est, ut nulla in re superiorum providentia magis invigilet, quam in hoc vitio a Societate exterminando, tum prælaturas intra religionem soli Generali committendo, ut lib. 10. c. 3. dicitur: tum etiam cum debita reverentia procurando, ne electio alicujus extra religionem a Pontifice intentata ad effectum veniat, ut non semel cum divina gratia perfectum est, & in historiis Societatis legitur; quoad ipsum vero Generalatum una inter alias perpetuitatis ejus causas redditur in g. p. c. 1. in declarat. lit. A. *quod longius recedet omnis cogitatio, & occasio ambitionis, quæ huiusmodi officiorum pestis est, si certis temporibus esset eligendus.*

Vide Ri-
badin. &
Orlandin.
citatos c.
seq. n. 226

2. Affer-
tio.

6 Addendum vero ulterius est, per hoc votum non solum prohiberi id, quod per se, & natura sua malum est, sed etiam aliquid de se indifferens, quodque iusto aliquo titulo honestari potest. Quamquam enim appetere prælationem propter excellentiam, & potestatem, malum sit; appetere illam propter fructum aliorum, & propter vigilias, & labores ejus non est ex se malum, imo potius habet speciem boni, dicente Paulo ad Timotheum 3. *Qui Episcopatum desiderat, bonum opus desiderat.* Ex quo fit, ut procurare Episcopatum, si fiat ex moderato affectu propter dictum honestum finem, & cum aliis circumstantiis debitis, non sit malum ex natura rei, & aliquando fortasse posset esse meritum, si Episcopatus vel prælatio multum haberet laboris, & parum honoris, aut temporalis utilitatis, & ideo pauci vel nulli essent digni, qui illum acceptare vellent. Per hocigitur votum non solum obligantur professi Societatis, non procurare prælationem extra vel intra Societatem ambiciose, vel turpi intentione, aut præensione, sed etiam si ea præensio aliquo titulo vel colore honestari videatur. Hoc constat ex ipsa forma vovendi, *numquam me acturum, curaturum, aut præensurum*; quæ verba indifferentia sunt ad præensionem aliâ licitam, vel illicitam: sicut qui absolute voverat castitatem, non solum promittit abstinere ab illicitis actibus venereis, sed etiam a licitis matrimonii. Neque obstat quod in §. 6. 10. p. constit. dicitur: *erit summi momenti, ut perpetuo felix status Societatis conservetur, diligentissime ambitionem malorum omnium in quavis republica, vel congregatione matrem, submovere, &c.* Dicimus enim, licet hic sit principalis finis huius voti, non tamen esse adæquatam materiam ejus, quia ad illum finem consequendum medium convenientissimum fuit, omnino præcludere aditum ad huiusmodi dignitates querendas, ut statim in eadem constitutione additur: non præcluderetur autem aditus, moraliter loquendo, nisi absolute omnis præensio, abstrahendo a licita, vel illicita prohiberetur: nam tunc omnibus aperta maneret janua, ut rationabiles causas suæ præensionis confingerent.

7 Atque ita patet ratio huius tam universalis mate-
Suarez Tom. XV.

riæ: & addi potest alia; quia quamvis interdum possit quis bona intentione, & ex rationabili causa, prælationem aliquam præendere, tamen id moraliter loquendo rarissimum est, & multis periculis expositum, ideoque simpliciter loquendo melius est ab omni tali præensione, sive licita, sive illicita in universum abstinere. Est ergo illa accommodata materia voti, & Societati valde necessaria. Consequentia satis patet ex dictis. Antecedens vero & per se notum moraliter videtur, & consentaneum est testimoniis Patrum, quæ n. 2. adduximus, & quæ statim afferemus. Solum fingi posset casus, in quo non solum esset licitum, sed etiam necessarium ex præcepto naturali, vel divino prælationem procurare propter spiritualem salutem proximorum: ut si ponamus illam maxime periclitari, & non esse aliam personam, quæ possit, aut velit ei subvenire. Hic tamen casus adeo extraordinarius est, ut cogitari potius valeat, quam timeri; quia ad pastores Ecclesiæ spectat his necessitatibus providere, per quam providentiam sufficienter potest subveniri necessitati populorum, absque præensione, & negotiatione alicujus personæ; quæ præensio regulariter potius impedit, quam juvat, quia reddit personam suspectam, & in foro Ecclesiæ minus dignam. Ut enim dixit Gregorius lib. 7. epist. 110. & habetur 1. q. 7. c. ult. *sicuti, qui invitatus venit, questus refugit, sacris est altaribus admoveendus, sic qui ultro ambit, vel importune se ingerit, est proculdubio repellendus: nam qui sic nititur ad altiora conscendere, quid agit, nisi ut crescendo decrescat, & ascendendo descendat?* Similiaque sumi possunt ex Clemente I. epist. 1. & ex Concilio Aurelian. II. tempore Vigilii c. 1. Quia ergo hoc regulariter est malum, vix admitti potest casus, in quo tale medium sit necessarium ex charitate ad subveniendum proximis.

8 Esto tamen contingere possit, propter illud non oportuit exceptionem in voto facere, sed hoc relinquere generali regulæ, & naturæ voti, cujus obligatio cessat, quando tanta sit mutatio in materia. Unde admissio tali casu, solum id faceret, quod ad subveniendum proximis ex parte sua sufficeret: quale esset dare notitiam Pontifici, vel ei, cui cura incumbit, de necessitate proximorum, sese ad labores offerendo, quantum ipse voluerit, vel expedire judicaverit; tunc enim locum habet, quod Gregorius ait 1. p. Pastoralis c. 7. prædicationis officium nonnunquam laudabiliter appeti, id confirmans exemplo Isaïæ c. 6. qui cupiens prodesse proximis Domino quærenti, quem mitteret, ultro se obtulit, dicens: Ecce ego, mitte me; & c. 8. subdit, tunc esse posse laudabile Episcopatum quærere, quando per eum ad supplicia graviora pervenire posse non dubitatur: & ideo ait, dixisse Paulum: *Qui Episcopatum desiderat, bonum opus desiderat*: quia illo tempore hoc dixit, quois, qui plebibus præerat, primus ad martyrii tormenta ducebatur.

9 Quæret vero aliquis, an desiderare, vel appetere prælationem sit contra hoc votum? ubi etiam exponendum erit, quid significetur illis verbis, *directe, vel indirecte*. Atque adeo quæ actiones censeantur prohiberi ex vi huius voti. Primum ergo dicimus, solo affectu, & appetitu interno desiderare prælationem, esto sit alioqui malum, & prohibitum, non esse huic voto contrarium. Probat, quia desiderare, quandiu in hoc consistit, non est *prætendere, procurare, aut agere* aliquid ad obtinendam dignitatem: nam per hæc omnia verba explicatur aliquis influxus, vel casualis circa effectum obtinendi dignitatem: per solum autem desiderium nihil causatur, neque applicatur aliquod medium, quando intra limites desiderii homo continetur: tota autem materia huius voti explicatur per illa verba, *agendi, procurandi, aut prætendendi*: ergo in illo non comprehenditur præcisus actus desiderandi: ergo per illum solum non violatur votum, per se loquendo. Quod ideo addo, ut excludam scandalum, quod sibi ipsi (ut ita loquar) quispiam inferre potest, exponendo se morali periculo frangendi votum: quia difficile est, post conceptum desiderium non efficere aliquid ad implementum ejus, præsertim oblata occasione, nam hac ratione posset jam tunc inchoari lesio voti: sed hoc rarum erit, nisi desiderium sit vehemens, & de morali periculo per aliquod experimentum jam constat.

Quæst. 1.
An hec
votum solo
affectu
violatur.
Approbat-
tur pars
neg.

Nec omnis ex-
terius actus
ex affectu
prælationis
id vo-
tum vio-
lat.

10 Deinde assero facere aliquid ex hoc desiderio, quod solum ordinatur ad maiorem capacitatem, vel dignitatem ipsius desiderantis, nondum videtur esse etiam indirecta prætentio, & ideo consequenter non videtur violatio huius voti, dummodo negotiationem aliquam circa alios non involvat. Ut v.g. studet quis diligenter, ut sit magis capax prælationis intra, vel extra Societatem, & ex ejus desiderio in eo munere laborat: non existimo certe peccare illum contra hoc votum, etiam si coram Deo ambitiosus sit, & ea ratione studium ad culpam ei imputetur apud Deum, quemadmodum qui ex interna hæresi inducitur ad studendum pro impugnanda fide, nondum censetur expressisse satis hæresim contra leges Ecclesiæ. Ratio vero est, quia licet interius, & apud Deum id sit prætereendere prælaturam, non tamen exterius, & apud homines: quando autem per hoc votum promittimus non prætereendere, &c. intelligitur de præensione humana, cum aliqua negotiatione, & inductione ejus, qui possit prælationem dare. Et explicatur in hunc modum: quia aliud est objective tantum posse alium movere ad sui electionem: aliud vero, per aliquam actionem moralem effective illum movere ad exercitium actus dandi prælationem (ut sic dicam.) Hoc posterius est in universum prohibitum ex vi huius voti, ut ex verbis adductis constat: non autem prius: quia illo modo excitare, seu movere alium ad meam electionem seu conferendam mihi prælationem, est quidem effectus necessario consequens ex ipsa scientia, aut virtute, ac similibus dotibus, & ideo illud per se non prohibetur voto. Quamvis autem intendere hunc effectum propter se, scientiam autem, & virtutem propter ipsum, malum sit, nihilominus per hoc votum illa prava intentio per se non prohibetur, quia hoc votum directe est de actionibus externis, ut ex verbis ejus declaratum est. Confirmatur tandem, quia aliter explicatur hoc votum moraliter esse valde periculosum, generaretque plures scrupulos, quia intentio hominis facile mutatur, & difficile cognosci potest: ideoque non fuisset expediens vovere, non habere hanc, vel illam intentionem, in actionibus de se bonis & necessariis religioni.

Quæst. 2.
An ostendere vir-
tutem cum
intentione
prælationis sit
contra
hoc votum.
Et arguitur pro
part. neg.

11 Magis dubitari potest, an sit contra hoc votum ostendere, aut fingere virtutem apud Generalem, aut alios, qui ad hanc promotionem juvare possint, solum ex affectu capiendi prælationem. Videtur enim ex dictis in 1. confirmatione numeri præcedentis, hoc non esse contra hoc votum, quia hoc non est moraliter agere: sed solum est objectum ipsum ornare, & aptum reddere ad excitandos alios, saltem per imaginem virtutis. In contrarium vero est, quia votum obligat ad non procurandum directe, nec indirecte: quid autem est indirecte procurare, si hoc non est? Item quia si hoc non esset contra votum, etiam procurare ex dicta intentione, ut alius me laudet apud superiorem, seu bonam informationem tribuat, etiam falsam, non esset contra hoc votum: quod plane est absurdum, quia illa est magna ambitio indirecta. Sequela autem patet, quia talis laudatio, vel informatio solum est objecti propositio: non est autem inductio, nisi in quantum ab ipso objecto fieri potest.

12 Respondeo ad dubitationem videri quidem ostentationem illam præensionem indirectam (quamquam res non careat dubitatione, quia ratio in dicta confirmatione facta non caret difficultate), & præter hunc possunt esse alii modi præensionis indirectæ, ut est, v.g. obsequiis, aut beneficiis benevolentiam apud alium procurare, ex intentione parandi viam ad obtinendam prælationem, quamvis hæc intentio omnino non declaretur, quia talis declaratio jam redderet præensionem directam, quæ non requiritur ad violationem voti. Deinde procurare apud Generalem vel alios bonam famam, seu æstimationem, per aliorum informationem, etiam est ambitio indirecta, quando ex dicta intentione fit: quia nullus est efficacior modus negotiationis in huiusmodi rebus. Et ideo sub nomine præensionis propriissime comprehenditur. Unde si talis intentio explicetur, est præentio maxime directa: quando autem latet, est indirecta (formalis enim præentio interior semper est in se directa, solumque dicitur indirecta, quando aut ipsa externa præentio, aut

ipse prætendens nobis illam non exprimit formaliter, ut ex 1. 2. suppono) quod censeo verum, non solum quando informatio falsa est, sed etiam quando est vera, quia eodem modo procedit ratio facta. Nec refert, quod procurare bonum nomen, aut famam apud alios, per se non sit malum, neque ambitio; nam satis est, quod sit de se indifferens, & quod relatum ad talem finem sit facile seu indirecte prætereendere prælationem. Et in hoc est differentia inter hæc duo, procurare virtutem, aut scientiam, vel procurare immediate existimationem virtutis, aut scientiæ apud alios: nam primum est per se bonum, & ideo per hoc votum non prohibetur, etiam si possit male fieri ex prava intentione operantis; secundum autem ex se ad summum est indifferens, & solitarie spectatum, seu absque positiva ordinatione ad bonum finem, statim contrahit speciem quandam ambitionis: & ideo continetur sub actionibus indirectis, quæ per hoc votum prohibentur fieri ex tali intentione; & ob eandem rationem id apparet probabilius de hypocrisis, seu fictione virtutis; quia talis etiam actio præ se fert speciem ambitionis, & non pertinet ad virtutis operationem, sed ad ostentationem ejus; ideoque facta ex prædicta intentione indirecta præentio est, & consequenter huic voto repugnat. Considerandum autem est, hæc non semper esse peccata mortalia in individuo, vel propter levitatem materiæ, vel quia intentio illa subrepat, & non est satis deliberata, vel certe quia non proprie imperat actum, sed solum illi adjungitur, & circa illum versatur, ut circa objectum tantum; & ita vel ejus malitia est mere interna, vel certe prout exterius prodit, levis est.

Interest
inter pro-
curare
virtutem
vel scientiam,
&
eorum
ostentationem.

Tempera-
tur data
resolutio.

13 Superest vero adhuc explicandum, quid nomine prælationis, & dignitatis in hoc voto intelligatur, & an hæc duo idem impertent. Cum enim tam in Constitutionibus, quam in Bulla Gregorii hæc duæ voces semper distinguantur, videntur profecto aliquid diversum significare: & quidem extra Societatem non est difficile hæc duo distinguere: nam prælationis nomine intelligi potest Episcopatus: dignitatis vero nomine Cardinalatus: nam cum per se non habeat ordinariam potestatem jurisdictionis, videtur magis proprie, ac frequentius dignitatis nomine, quam prælationis significari. Non existimo tamen limitari votum ad hæc duo, sed comprehendere in universum omnem prælationem, & dignitatem Ecclesiasticam, quæcumque illa sit, sive hæc nomina significant res distinctas, sive tantum ad maiorem explicationem posita sint; omnis enim prælatio videtur esse dignitas, licet fortasse non convertantur, quia dignitas jurisdictione carens non censetur prælatio. Non est autem ita facile in hoc sensu declarare, quid intra Societatem nomine dignitatis significetur, quod diversum a prælatione sit. Nam per prælationem omnes intelligunt significari munus superioris habens ratione sui jurisdictionem propriam, & spiritualem in subditos, sive ordinariam; ut sunt munus Generalis, Provincialis, Præpositi, & Rectoris Collegii aut domus probationis; sive delegatam, ut vicarii generalis, Commissarii, aut Visitationis, nam reliqua ministeria inferioris gubernationis sub Rectoribus, seu Præpositis localibus, ut est officium Magistri novitiorum, Ministri &c. non possunt proprie, & in rigore prælationes appellari, nec secundum jus commune, argumento c. *quamvis*, de verborum significatione. Nec etiam jure speciali Societatis, quia in Constitutionibus solum appellatur officialis Rectoris 4.p.c. 10. §. 7. unde ordinariam jurisdictionem non habet, sed quantum ei committitur a Rectore, ut expresse dicitur in examine c. 4. §. 3. 1. adjuncta declaratione. Idem patet a simili ex his, quæ de aliis religionibus mendicantibus tradunt Sylvest. verb. *Prælati*, q. 2. & Angelus eod. verb. in principio.

Quæst. 3.
Quid per
prælationem
& dignitatem
impertentur.

Quid præ-
latio in
Societate.

14 Ad explicandum autem nomen, dignitatis, intra Societatem, in primis uti possumus declaratione Sixti V. in motu proprio, quo similia verba in alio motu proprio de illegitimis declaravit, dicens, nomine dignitatis, in religionibus non comprehendendi ministeria concionandi, aut docendi, vel legendi, neque etiam gradus Magistrii, aut Doctoratus. Ita ergo in præsentis dicendum videtur, hæc omnia, & similia, quæ magis sunt oneris, quam honoris (ut ibidem dicit Pontifex)

Quæ mu-
nia non
reputan-
tur digni-
tatem in So-
cietate.

Sub hoc voto non comprehendit: nam licet verum sit declarationem illam Sixti, ex intentione ejus, datam esse solum pro materia subjecta illegitimarum, de quibus loquebatur; nihilominus ex illa sumitur validum argumentum a simili, & a paritate rationis. Quocirca probabile mihi est, intra Societatem illa duo verba eandem rem significare, neque inveniri propriam dignitatem, nisi praelationem ipsam, quia reliqua omnia sunt magis officia onerosa: atque ita post hæc scripta receptum est a 7. Congregatione decreto 44. ex mente P. Claudii, nimirum in Societate nec dignitatem a praelatura distinguere, neque assistentium munus esse dignitatem; quod si officia alia a praelatura habent honorem adjunctum, & non est tantus, qui sufficiat ad rationem dignitatis, & magis est obdotes, seu qualitates, quæ supponuntur, vel ostenduntur in personis, quam ex ipsis muneribus. A fortiori vero idem de Consultoribus Provincialis erit dicendum.

Quæ possit reputari.

15 Posset tamen esse contra hoc votum prætere in Societate dignitatem aliquam extraordinariam, ut, v. g. habere quasi jure proprio, & personali suffragium in Congregatione generali, extra omnem modum, & ritulum in constitutionibus præscriptum: aut procurare nomen aliquod, & modum dignitatis, ratione cuius habeat consortium aliquod in regimine cum aliquibus specialibus prærogativis, prout esse solent in aliquibus religionibus, juxta suam consuetudinem, vel observantiam magistræ ordinis, definitores, aut alii post aliqua officia graviora emeriti, ac privilegiati. Hinc etiam satis verisimile sit, acturum contra hoc votum, qui vacante generalatu, prætenderet in Congregatione provinciali, fieri se electorem Præpositi Generalis in generali Congregatione: nam licet illud non sit munus perpetuum, aut stabile, nihilominus juxta consuetudinem Societatis est res valde gravis, & participatio quedam jurisdictionis supremæ pro illo tempore in hac religione, & circa potissimum actum, qui in ea esse potest. De electione autem in Procuratorem non est eadem ratio, quamvis non careat scrupulo, propter suffragium decisivum, quod habet cum Præposito Generali in Congregatione procuratorum, ratione cuius, & quia in eo munere totam suam provinciam repræsentat, sufficiens dignitas censeri potest ex his, quæ intra Societatem esse possunt.

Quæst. 4. De pœna violentis hoc votum.

16 Ultimo inquiri potest, quam pœnam incurrat is, qui votum hoc in Societate violat. Ad quod ex eisdem constitutionibus respondendum est, in quarum 10. p. 6. pro his, qui extra Societatem dignitatem ambiunt, nulla pœna designatur fortasse, quia illud peccatum magis privatum est, & non ita nocet corpori religionis. Pro his autem, qui intra eandem Societatem, directe, vel indirecte praelationem procurant, ponitur pœna incapacitatis, & inhabilitatis ad quamvis praelationem: quod intelligo respectivo, id est, de praelatione intra eandem Societatem; usurpantur enim verba juxta subjectam materiam. Et pœna hæc non incurritur ipso facto, sed post sufficientem probationem, atque adeo post sententiam saltem declaratoriam criminis. Ita enim intelligo illa verba: *Incapaces, & inhabiles ad praelationem, quâvis habeantur ii, de quibus probari possit, quod eam ambiissent.* Non enim de sola potestate, seu possibilitate intelligendum hoc est, ita ut satis sit delictum esse probabile: sed de potestate recta ad actum, ita ut quis sit convictus de crimine, de quo oportet, ut per sententiam constet. Atque ita expressius declaratum est p. 8. constit. c. 6. §. 2. cum declaratione A. ubi specialiter sermo est de ambitione Generalatus: & augetur hæc pœna, quia non solum imponitur inhabilitas passiva, ut eligi possit, sed etiam activa, ut possit eligere; non solum pro ea vice, sed etiam perpetuo, ut declaret illa verba: *Nec in eam congregationem, nec in aliam unquam admitti possit.* Requiritur tamen ibi ad hujusmodi pœnam, ut prius aliquis de tali ambitione convictus sit: & in declaratione A. exponitur ad totam hanc pœnam incurrendam necessarium esse, ut probationes tales sint, ut rem ipsam, seu veritatem sufficienter ostendant: nam si solum efficiant probabilem suspensionem, illa non satis erit ad pœnam inhabilitatis, neque ut aliquis suffragii jure privetur, licet aliud remedium adhibendum sit, ne illa persona tunc eligatur, tanquam minus idonea, minusve digna.

Exponitur constitutio.

17 Quod genus pœnæ ac providentiæ satis est consentaneum, & rationi, tum ut in eo quis puniatur, in quo deliquit; tum etiam, quia per ipsam ambitionem fit quis indignus praelationis, ut recte dixit Panor. in c. per inquisitionem, de elect. n. 5. & præterea est pœna hæc satis consentanea sacris canonibus, ut videre licet 1. q. 6. c. ult. ubi Gregor. ait: *sicut is, qui invitatus renuit, questus refugit, sacris est altaribus admovendus: sic qui ultro ambit, vel importune se ingerit, est proculdubio repellendus.* Similem pœnam imponit Leo Papa epist. 8. 2. c. 8. Episcopo ambiendi altioris Episcopatum, nam propria sede illum privari jubet; habetur 7. q. 1. c. si quis Episcopus, & idem refertur ibi cap. si quis de ordine, ex Concil. Meldensi cap. 30. & alii plene similes videri possunt in Synodo Romana II. sub Symmacho c. 3. c. si quis Papa, d. 39. & in Concil. Romano sub Innocent. II. & c. Apostolica, 8. q. 1. & concordant etiam jura civilia, ut patet ex l. sancimus, C. ad legem Juliam repetundarum, quam refert etiam Gratianus 1. q. 7. cap. sancimus; & plura de hac materia videri possunt in Simanquas lib. 2. de Republica cap. 9. 10. & seq. Joannes Matienzo in Dialogo Relatoris 4. c. 4. Alexander ab Alexandro lib. 3. c. 17.

Dispositio pœnæ consentanea rationi & juri.

C A P U T VIII.

De alio voto non acceptandi dignitatem aliquam extra Societatem, nisi præcepto superioris ad id cogente, quod professi Societatis emittunt.

1 Tertium votum simplex, quod fit a Professis Societatis ultra ea, quæ diximus in præced. cap. de praelationibus extra Societatem, includit partem aliam, quæ sub his verbis profertur. *Nec consensurum in mei electionem, quantum in me fuerit, nisi coactus obedientia ejus, qui mihi præcipere potest, sub pœna peccati.* Per quæ verba amplificatur prius votum, & quasi novum votum emittitur, ejusque materia praelationem omnem, & dignitatem extra Societatem comprehendit; eam vero in tit. cap. nomine Episcopatus significavimus, quia in illo facilius cernitur difficultas hujus voti, ut videbimus; & inde facile potest doctrina ad reliquas dignitates applicari. Quoad praelationem vero intra Societatem non fuit conveniens facere hujusmodi ampliationem, quia intentio instituentis, seu fundatoris non fuit, ut praelationes intra Societatem non habeantur; hoc enim repugnaret gubernationi ipsius Societatis, & ideo non oportuit promittere illas non acceptare, sed solum non prætere. Fuit autem intentio ejusdem instituentis, ut extra Societatem omnino non habeantur quoad fieri possit, & ideo voluit, ut professi obligarentur, quârum possent, ad non acceptandas illas. Non potuerunt autem obligari simpliciter, & absolute, quia non possunt licite resistere præcepto superioris, & votum esse debet de re licita. Extra casum autem præcepti possunt libere non acceptare, & ideo potuerunt etiam obligari ad non acceptandum in omni casu non præcepto.

Explicatur tertium votum simplex.

2 Hinc vero oritur difficultas: quia votum non solum esse debet de re licita, seu non mala, sed oportet, ut sit de meliori bono; sed hoc votum est de re, quæ impedit majus bonum; non igitur est, validum, nec conveniens votum. Minor probatur primo, quia melius est obedire simplici verbo Prælati, quam expectare rigorosum præceptum ejus. Ita enim distinguit obedientiam perfectam a necessaria D. Bernar. lib. de Præcepto, & dispensat. c. 1. 2. & seq. & D. Thom. 2. 2. q. 104. art. 5. ad 3. & docuit etiam B. Ignatius 6. p. constit. cap. 1. §. 1. nosque in lib. 4. agendo de obedientia perstruximus. Ergo votum non obedire Prælato, nisi rigoroze præcipienti, est votum impeditivum majoris boni: essetque hoc votum reprehensibile in quolibet religioso, respectu sui Prælati. Simile autem videtur esse in præsentia; nam per hoc votum tollitur libertas obediendi Pontifici simpliciter mandanti accipere Episcopatum, donec cum rigore præcipiat. Quod pari ratione est contra perfectionem obedientiæ debitæ Pontifici.

Arguitur jam pro parte neg.

Argumentum minor probatur.

3 Secundo potest etiam alio modo hoc votum impedire majus bonum: quia interdum erit majus Dei obsequium acceptare Episcopatum, etiam si Pontifex non præcipiat: ergo si votum impedit tunc acceptionem, impedit majus bonum: ergo imprudenter fit cum illa gener.

Probatur eadem minor.

generalitate, sed limitatio esse debuisset non acceptandi, nisi ubi certum esset majus Dei obsequium. Antecedens patet, quia considerato objecto, & circumstantiis, quæ occurrere possunt, dubitari non potest, quin sæpe contingere possit casus, in quo majus sacrificium Deo sit acceptare, quam repudiare Episcopatum, ut etiam constat ex dictis in præced. cap. Non est autem necesse, ut in omnibus his casibus Pontifex adjungat præceptum, quia hoc pendet ex libera voluntate ejus, & variæ rationes occurrere possunt, ob quas nolit absolute præcipere, licet valeat, sed tantum offerre. Imo aliquando potest accidere, ut acceptare Episcopatum sit materia consilii, & non præcepti, quod proinde non possit etiam a Pontifice imponi. Quia status adeo perfectus non potest præcipi sine gravi necessitate: potest autem consuli propter majus Dei obsequium, majoremque perfectionem proximorum: ergo contra consilium, & majus bonum est ligari voto ad non acceptandum Episcopatum, nisi ex præcepto superioris.

4 Et confirmatur ex cap. 1. d. 85. ubi Gregorius Papa de quodam Archidiacono ad Episcopatum electo, ut cognosceret, an dignus esset, inter alia jubet inquiri, *si ita sitis sacrosanctis Evangeliiis, sicut nobis nuntiatum est, jurjurandum præbuerit, nunquam se ad Episcopatum accedere*. Ubi significatur tale juramentum fuisse illicitum: ideo enim de illo inquiri jubetur, ut glossa ibi notavit. Non est autem verisimile juramentum illud adeo fuisse temerarium, ut factum fuerit de non acceptando Episcopatu, etiamsi juste præciperetur ob necessitatem: ergo intellexit Gregorius non fuisse prudens, & licitum juramentum illud, etiamsi absolute fieret de non acceptando Episcopatu, etiam tunc quando licite potest non acceptari. Unde Glossa ibi sentit hoc juramentum, etiam in eo sensu intellectum, esse peccatum veniale. Quod in eo principio fundari videretur, quia tale juramentum (& idem est de voto) repugnare potest charitati, vel saltem perfectioni ejus: nam, ut dixit Gregorius cap. in Scripturis, 8. q. 1. *Si is, qui valet, omnipotentis Dei oves renuit pascere, ostendit se pastorem suum minime amare*. Ubi Glossa dicit mortaliter peccare, qui Episcopatum sibi oblatum non recipit, si se dignum credit; quod confirmat ex cap. proxime præcedenti, unde Augustin. lib. 32. contra Faustum cap. 10. dicit merito contemni ab Ecclesia, & in opprobrium haberi eum, *qui electus ab Ecclesia, ministerium evangelizandum renuit, & qui curam lucratorum refugit aliorum*. Et ideo dixit Augustinus 19. de civitate cap. 19. negotium justum suscipiendum esse ex charitate, si imponatur.

5 Denique confirmatur, quia intentio illa, in qua diximus fundari hoc votum, videtur esse contraria majori bono Ecclesiæ, & ideo non esse consentaneum ordini charitatis: ergo & votum, quod ab ea procedit, non potest esse charitatis conforme. Antecedens patet, quia majus bonum Ecclesiæ est, ut viri sanctiores, & doctiores ad Episcopatus assumantur, quam quod inferioribus ministeriis occupentur, juxta illud Innoc. III. in cap. Licet, de Regularibus, *sicut majus bonum minori bono preponitur, ita communis utilitas speciali utilitati præfertur*; sed hoc impeditur intendendo, & procurando, ut professi Societatis, etiam si religiosissimi, & doctissimi sint, ad Episcopatum non assumantur; ergo, &c.

6 Propter hæc, & similia argumenta non defuerunt moderni auctores, qui votum hoc improbare ausi fuerint. Citatur Gutier. de Juramento confirmatorio 1. p. 1. p. cap. 72. num. 5. & 8. & eodem modo referri possunt auctores dicentes, esse illicitum juramentum non accipiendi Episcopatum, quod tenet Navar. summa cap. 12. nu. 16. cum Angelo verbo *juramentum*, 5. nu. 3. & Sylvest. juramen. 2. q. 7. & Juramen. 4. q. 1. Anton. 2. part. tit. 10. cap. 6. §. 4. Soto lib. 8. de just. q. 1. art. 7. ad secundum, eam vero sententiam tenet expresse Palacios in 4. d. 38. disput. 1. ante medium versic. *Sed quid si aliquis ea lege votet* (scilicet non esse Episcopus); *ut eximat præcepti casum, nunquid culpabile tunc esset votum?* Respondet; *Itidem arbitror esse culpabile, quia casus præcepti rarus est in hac materia, satis est, quod poterit esse salubre gregi Christi, quod hic, vel ille sit Episcopus, ideo non licet salubritati gregis Christi impedimentum asferre*. Hæc ille. Favet etiam idem Sylvest. verb. *Episcopus*, q. 3. in fine, quatenus dicit esse peccatum mortale non acceptare

Episcopatum, non solum quando speciali præcepto Superioris quis cogitur, sed etiam absque præcepto, si probabiliter credat, quod per alium æque bene provideri non potest, quia est contra fraternam charitatem.

7 Nihilominus vera, & certa sententia est, votum hoc esse laudabile ex objecto suo. Nobis etiam indubitatum est Societati esse valde laudabile, & opportunum. Prior pars sumitur ex D. Thom. 2. 2. q. 185. art. 2. d. 3. ubi sic inquit: *Accipere Episcopatum non est de se necessarium ad salutem, sed sit necessarium ex superioris præcepto: his autem, quæ sic sunt necessaria ad salutem, potest aliquis impedimentum licite apponere, antequam fiat præceptum*. Loquitur autem de impedimento voti non acceptandi Episcopatum, de quo in argumento objecerat. Unde subjungit in solutione. *Qui autem votum emit de non suscipiendo Episcopatu, si per hoc intendit se obligare ad hoc, quod nec per obedientiam superioris prælati accipiat, illicite votet; si autem intendit ad hoc se obligare, ut quantum est de se, Episcopatum non querat, nec suscipiat, nisi imminente necessitate, licitum est votum, quia votet se facturum, quod hominem facere decet; & quodlib. 5. art. 22. in corpore, & ad 2. generaliter sentit melius esse non acceptare Episcopatum, quam acceptare, quamdiu necessitas ex parte præcipientis non agnoscitur*. Sequitur hanc sententiam Richardus quodlib. 3. quæst. 21. Sylvest. verb. *electio*, 1. quæst. 19. & 20. Idem sentiunt Antonin. Cajetan. & Soto citati superiori capite nu. 1. item Cordub. in Summa Hispana q. 154.

8 Fundamentum principale hujus sententiæ esse debet, quia propositum non acceptandi Episcopatum, quamdiu id fieri possit sine culpa, optimum est, & consequenter est aptum, ut voto confirmetur; vel aliter (& in idem redit) quia non acceptare Episcopatum ex suo genere melius est, quam acceptare, quamdiu utrumque licet, & ideo est apta materia voti. Consequentia per se clara est. Assumptum vero præter citata loca sumi potest ex D. Thom. in 4. d. 29. art. 4. ad 4. ubi reprobat opinionem dicentem Papam non posse præcipere alicui, ut accipiat Episcopatum: *quia hoc posito (inquit) periret Ecclesiasticus ordo. Nisi enim aliquis posset cogi ad suscipiendum regimen Ecclesiæ, Ecclesia conservari non posset, cum quandoque illi, qui sunt idonei, hoc nolint suscipere nisi coacti*. In quibus verbis supponit hoc esse laudabile. S. etiam Bonaventura super regulam c. 2. circa medium, loquens de religiosiis, qui ad Episcopale officium assumuntur, ait: *si coacti ab Ecclesia hujusmodi inevitabili necessitate suscipiant regimen animarum, non sunt reputandi ab ordine egressi, si quantum in ipsis est, semper appetant in sinu ordinis confoveri. Quod si non vocati ad Episcopalem gradum, nec coacti ad eundem aspirant, ut fugiant erumnas pauperum, & ordinis rigorem, credo eos in illius partem cesuros, qui dixit, sedebo in monte testamenti, in lateribus Aquilonis*. Ubi considerare possumus Bonaventuram duos tantum ordines posuisse, scilicet, vel eorum, qui coguntur, vel eorum, qui male affectant, & procurant Episcopatum; cum tamen possit addi tertius, eorum, qui vel non illicite, vel nullo modo Episcopatum querunt, tamen oblatum acceptant, etiam si non cogantur. Cum tamen eos solum defendat, qui coacti inevitabili necessitate regimen suscipiunt, plane sentit alios omnes a religionis affectu aliquo modo deviare; atque adeo simpliciter melius esse non accipere episcopatum, nisi prædicto modo.

9 Suaderi autem id præterea potest antiquiorum Patrum sententia. Augustinus enim 19. de Civit. cap. 19. necessitatem requirit, dicens: *Negotium justum suscipit necessitas charitatis, quam sarcinam si nullus suscipit, veritati contemplande vacandum est*. Quod maxime dicere potuit propter sarcinam Episcopalem, de qua idem August. epist. 148. ad Valerium, & habetur e. ante omnia, d. 40. dixit nihil esse in hac vita, & maxime hoc tempore difficilius, laboriosius, & periculosius Episcopali officio. Gregor. etiam 1. p. Pastoralis cap. 6. ejus humilitatem laudat, qui regimini culmen ex corde fugit, & cum sibi imperatur, invitus obedit. Multaque similia sumi possunt ex cap. 7. sequenti, & ex eodem lib. 6. epist. 5. & habetur in cap. in scripturis, 8. q. 1. sunt etiam ad hoc propositum gravissima Imperatorum verba in L. si quonquam, 39. C. de Episcopis, & clericis: *castus & humilis nostris temporibus eligatur Episcopus, ut quocumque locorum*

Vera assertio bipartita.

Fundamentum eorum præcipuum.

Accedunt pro eadē parte dicta sanctorum.

Qui eandem partem neg. tradere videntur.

locorum pervenerit, omnia vite integritate purificet. Tñ-
tum ad ambitum debet esse sepositus, ut queratur cogen-
dus, rogatus recedat, invitatus effugiat, sola illi suffra-
getur necessitas excusandi. Profecto enim indignus est
sacerdotio, nisi fuerit ordinatus invitatus; utroque quan-
tum in ipso est; nam absolutus consensus necessarius
est, saltem supposito præcepto.

Item Pa-
trum ex-
emplis admi-
randis,
sed non
imitandis.

10 Tertio asserere possumus ad hoc confirmandum
antiquorum Patrum exempla, qui quantum valuerunt,
dignitatem Episcopalem recusarunt, qui variis mediis
us sunt. Primum admirandum potius, quam imi-
tandum, hujusmodi est; quod de Marco Evangelista re-
fert Hieronymus in prologo ad Marcum, qui in Glossa
ordinaria circumfertur, amputasse sibi pollicem, ne E-
piscopus fieret; sed ille prologus & falso ascribitur Hier-
onymo, ut in emendationibus libris Hieronymi tom. 7.
ante commentaria in Marcum annotatur: & ibi etiam
narratio illius facti omittitur; & in lib. de scriptoribus
Eccles. in Marco nihil hujusmodi insinuat: imo ea, quæ
simpliciter narrat, videntur cum illa historia repugna-
re. Nicolaus autem de Lyra danſ fidem illi narrationi
dicit non amputasse sibi totum pollicem, sed partem ali-
quam, quæ non fuit sufficiens impedimentum, ut Epi-
scopus fieret. In quo non recte divinat, nam si amputa-
vit sibi pollicem, ne Episcopus fieret, potius credendum
est tantum abscidisse, quantum ad impediendum Epi-
scopatum sufficeret; præsertim, quia etiam partem ab-
scindere, de se malum esset: si autem aliqua ratione ex-
cusari potest, tam in toto, quam in parte excusari debet.
D. igitur Thom. 2. 2. q. 185. art. 2. ad 3. respondet Mar-
cum non peccasse nolendo Episcopatum, imo in hoc
exemplum ejus esse per se laudabile: medium vero illud
per se non fuisse licitum; credibile autem esse ex instin-
ctu Spiritus Sancti Marcum eo usum fuisse. Quod si
hoc verum est, optime, & veluti per quandam exaggera-
tionem docuit nos Spiritus S. quantum illi placeat in-
tentio & desiderium fugiendi Episcopatum.

11 Simile exemplum est, quod de Antonio Anacho-
reta refert Lyra supra ex lib. qui dicitur Paradisus, nam
cum quidam cives yellent eum rapere, & constituere
Episcopum, ferro secuit sibi aurem sinistram, dicens in
lege divina esse prohibitum, ne quispiam aure præcisâ
Episcopus fiat; sed mirum est tam insigne factum fuisse
ab Athanasio omissum in vita Antonii. Si autem verum
est, intentio probanda est; medium autem minime, sed
excusandum vel propter ignorantiam, vel per instin-
ctum Spiritus S. Fortasse autem Lyra loqui voluit de
Ammonio monacho, de quo factum hoc referunt Pal-
ladius in historia cap. 12. Socrates lib. 3. historię cap. 30.
qui addit, cum Ammonius non obest ante defectu auri-
cæ cogeretur Episcopatum accipere, jurejurando se ob-
strinxisse, si vim inferre sibi conarentur, linguam quo-
que excisurum. Socrates vero addit Evagrium Am-
monium perstrinxisse, quod auriculam præscindendo fa-
cinus fecisset, seque coram Deo reum ipse peregisset,
quam culpam non negavit Ammonius; sed cum idem
Evagrius illum aufugeret, eo quod ad Episcopatum ef-
fret electus, illi respondit Ammonius: *At tu Evagri
non putas te pœnas daturum, quod lingua propter nimium
tui amorem excisa, gratia, qua donata est tibi, minime
usus sis.* Hoc igitur modo sancti illi viri pro evitanda
dignitate Episcopali, & in alium rejicienda inter se cer-
tabant. Mirabilia etiam sunt illorum sanctorum exem-
pla, qui cum hominibus resistere non possent, quin Epi-
scopi fierent, a Deo mortem impetrarunt, prius quam
Episcopatum accipere cogerentur: ita referunt de S.
Nilamone Sozomenus lib. 8. historię cap. 19. & Ni-
cephorus lib. 13. cap. 17. & de S. Goate refert Wandel-
bertus lib. 1. vitæ ejus cap. 14. & 15. habetur apud Su-
rium tom. 4. die 6. Julii, & Vincentius in speculo histo-
riali lib. 22. cap. 13. & seqq.

Exempla
alia imi-
tanda re-
sistentium
Episcopa-
tui, sed
fustia.

12 Præter hæc vero sunt alia frequentia etiam San-
ctorum exempla, qui modo magis humano, quam præ-
cedentes, atque (ut sic dicam) morali & imitabili quan-
tum potuerunt, electioni suæ ad Episcopatum, vel fu-
giendo, vel se occultando, vel precibus obsecrando, vel
aliis modis resistunt. Ita refertur de Gregorio Na-
zianzeno, Basilio, Martino, ac Cypriano, Ambrosio,
& Augustino, Chrysostomo, Gregorio Magno, Anto-
nino, & Laurentio Justiniano, Malachia, & aliis, de

quibus videri potest Surius in historiis de vitis eorum;
& specialiter Ambrosius de seipso id refert in epist. ad
Vercellensem Ecclesiam; refert etiam Rufinus lib. 1. i-
storiæ cap. 11. & Socrates lib. 4. historię cap. 25. tripart.
lib. 7. historię cap. 8. & habetur in cap. Valentinianus, d.
63. Augustinus etiam de se idem significat epist. 148. ad
Valerium, & habetur in cap. ante omnia, d. 40. ac videri
etiam potest in serm. de communi vita clericorum, ubi
de se dicit: *Adeo timebam Episcopatum, ut, quoniam
cœperas jam esse alicujus momenti inter servos Dei fama
mea, in quo loco sciebam non esse Episcopum, non illo ac-
cederem. Cavebam hoc, & agebam quantum poteram, ut in
loco humili servarer, ne in alto periclitarer. Sed uti di-
xi: Domino servus contradicere non debet, indicans tunc
solum acceptasse, quando intellexit esse Dei volunta-
tem. Idem de D. Gregorio intelligi potest ex lib. 1. epi-
stolarum epistol. 3. 4. 7. 25. 26. 29. & 30. in quibus valde
dolet de Episcopatus onere sibi imposito, & de amicis
conqueritur, quod de illo tanquam de bono aliquo ei
gratulentur. In epist. autem 31. subdit: *Homo nec ad
appetendum locum procax insistere, neque ad repellend-
um contumax debet inveniri: unde indignus ego ad su-
scipienda Episcopatus onera jussioni omnipotentis Dei
vestraque me voluntati subdidi.* De Laurentio etiam Ju-
stiniano ad rem nostram considerare possumus, quod
quantum potuit, Episcopatum recusavit, donec resiste-
re non potuit Eugenio Papæ ter jubenti, ut refert Ber-
nardus Justinianus in vita ejus cap. 4. in fine. Denique
huc etiam spectat, quod de se refert Clemens I. epist. 1.
restitisse se Petro volenti se Episcopum creare, donec ab
eo audivit; *Si periculum peccati timens suscipere refu-
gis Ecclesie gubernacula, certus esto, quod amplius pec-
cas, qui populum Dei, velut in fluctibus positum & peri-
clitando, cum juvare possis, subterfugis, tui tantummodo
habens considerationem, & non quod in commune omni-
bus expedit, providens.**

13 Quibus etiam addi possunt eorum exempla, qui
non solum affectu conati sunt, sed etiam effectu obtri-
nuerunt, ne Episcopi fierent, quamvis a summis Ponti-
ficibus invitarentur. Quod de S. Bernardo, S. Thom.
de Aquino, & aliis, nostræ etiam religionis hominibus,
celebratum est, legique potest apud Hieronymum Pla-
tum lib. 1. de bono status relig. cap. 38. Alii denique se-
mel obtentam dignitatem postea repudiarunt. Cœle-
stinus V. Pontificatui renunciavit, ut colligitur ex cap.
1. de renunciat. in 6. Petrus Damianus Cardinalatum,
& Episcopatum reliquit, quamquam ob eam rem gra-
vis pœnitentia ei fuerit a Summo Pontifice imposita,
quam ipse acceptavit, tamen in defensionem facti sui
apologeticam epistolam ad Gregorium VII. scripsit,
quæ habetur in Bibliotheca sanct. tom. 3.

14 Ultimo probatur ratione assertio posita. Quia
licet Episcopatus sit status perfectissimus, supponit ta-
men, non confert perfectionem, per se loquendo; cum
tamen illa requiratur, ne illum accipiens se multis peri-
culis exponat; ergo loquendo ex objecto, quamdiu ho-
mo potest sine peccato Episcopatum recusare, melius
faciet illum recusando, quam acceptando, saltem mor-
aliter, & ut plurimum loquendo: ergo votum non ac-
ceptandi in tali casu ex suo genere optimum est; conse-
quentia est clara, quia votum de meliori bono laudabi-
le est. Antecedens patet, quia non acceptare in ordine
ad propriam salutem est securius, & quoad propriam
æstimationem suipius est humilior, & a propria præ-
sumptione maxime distans: ergo ex his capitibus hoc
melius est, magisque consensaneum perfectioni. Aliun-
de vero sufficienter prospicit quis utilitati aliorum, si
paratus est illud onus accipere, quando vel charitas, vel
obedientia obligaverit: ergo. Ut autem vim hujus ra-
tionis exponamus, declarare oportet insufficienter ma-
teriam hujus voti, quoad illam exceptionem, *nisi ex
obedientia ejus, qui præcipere possit*; in illa enim sola,
tota difficultas versatur.

15 Et in primis certum est, ibi non solum excipi præ-
ceptum positivum humanum: nam licet Papa non præ-
ciperet sub virtute obedientiæ, si alia via certo consta-
ret judicio prudentium, præceptum charitatis obligare
ad suscipiendum illud onus in bonum proximorum,
propter aliquam urgentem Ecclesiæ necessitatem, non
est dubium, quin casus ille non comprehendatur sub

Exempla
eorum qui
non fu-
stra resi-
terunt.

Accedit
tandem
ratio.

Hoc So-
cietatis
votum cõ-
prehendit
etiam præ-
ceptum
charita-
tis, &c.

hoc voto, nec recipi; quia votum non potest obligare contra charitatem, nec ex intentione votantis. Nam absolute excipitur obedientia ejus, qui præcipere potest sub pœna peccati, tunc autem intercedit obedientia Dei, qui sub reatu culpæ præcipere potest: ergo casus ille sub dicta exceptione comprehenditur. Et a fortiori comprehenderetur quilibet casus, in quo contingeret divinam voluntatem speciali signo, & miraculo manifestari, ut cum antiquis sanctis interdum factum est, nam illud vim quandam specialis præcepti divini habere videretur. Deinde si necessitas Ecclesiæ, aut proximorum non sit tanta, ut charitas ipsa per se obliget sub peccato acceptare Episcopatum, satis videtur cuicumque alteri necessitati, vel utilitati proximorum subvenire, obediendo superiori præcipienti acceptare Episcopatum: at hoc modo magis vitantur omnia incommoda, & pericula: ergo sufficienter fit illa exceptio. Major patet, quia magis pertinet ad curam superioris cura boni communis, quam inferioris: item magis nota potest illi esse utilitas communis, & necessitas talis personæ in ordine ad illam: facilius denique, & sine suspitione, vel periculo inordinati affectus potest idem superior in tali causa iudicium ferre: ergo per potestatem, quam ipse habet præcipiendi alteri, ut acceptet Episcopatum, sufficienter subvenitur communi bono. Minor declaratur, quia dum non intervenit præceptum divinum, vel humanum, homo simpliciter manet liber ad acceptandum vel respuendum onus Episcopatus: & ideo si illud acceptet, semper videtur propria voluntate, vel honorem accipere, vel periculis se exponere, quæ in Episcopatu maxima sunt, ut August. dixit epist. 148. & Gregorius 1. p. pastoralis cap. 8. & Chrysost. hom. 35. Imperfecti unusquisque etiam in propria causa non est rectus iudex, & ideo quamdiu quis a superiore non cogitur, vix potest prudenter iudicare, melius sibi esse, majusve Dei obsequium acceptare, quam renuere Episcopatum.

Angom-
prehen-
dat etiam
simplicem
iustitiam
superioris

16 Dices fieri posse, ut superior iudicet, & declarat melius esse, majusque Dei obsequium acceptare Episcopatum, nolit tamen rigore illud præcipere, sed solum simpliciter ordinare: ergo tunc non obligabit votum non acceptandi, quia non acceptare non esset tunc de meliori bono. Respondet aliquis concedendo totum, neque hoc esse contra formam emittendi illud votum, eo quod casus ille etiam videatur comprehensus sub illa exceptione, *nisi coactus obedientia ejus, qui potest præcipere, cum illa ordinatio sit simplex quædam obedientia, ab eo imposita, qui potest præcipere, quamvis actu nolit cum rigore præcipere, & talis obedientia possit etiam dici inducere coactionem quandam religiosam, sicut juxta ordinariam usum religionum, per simplices ordinationes, & obedientias suo modo coguntur religiosi parere, etiam si non interveniat obligatio sub pœna peccati. Sed huic responsioni obstat Declaratio 9. p. constit. cap. 4. lit. B. ubi de Præposito Generali dicitur: Si Pontifex ordinet eum sumere aliquam dignitatem, non tamen ita absolute imperando, ut ostendat se velle eum ad tale officium admittendum obligare, non posse illam admittere sine consensu Societatis, nec Societatem posse consensum præstare, nisi obedientia Sedis Apostolicæ per præceptum, quod ad peccatum obliget, illam compulerit. Et idem repetitur cap. 5. ejusdem partis in fine, & lit. E. Idem ergo est sensus prædicti voti, & exceptionis, quæ in illo fit.*

17 Respondendum ergo, quamvis regulariter non expediat proprium præceptum superioris expectare, sed melius sit simplici ejus ordinationi, & voluntati obedire: nihilominus in aliquibus rebus gravioribus, in quibus vel periculum anime, vel affectus proprii honoris, aut commodi timeri potest, consultius esse non moveri, nisi ex proprio præcepto superioris. Notavit hoc Soto lib. 7. de iustitia q. 2. artic. 4. ubi cum definiisset cum D. Thoma, & communi sententia, melius esse facere aliquid ex voto, quam sine illo: objicit sibi, quia sic melius esset religiosus expectare rigorosum præceptum superioris, quam prompte ad nutum ejus obedire. Respondet autem in communibus, & ordinariis rebus non ita esse; Quando autem res (inquit) ardua est, eademque dubia, ut ad Indos navigare, aut regiminis onus suscipere, aut quid simile, consilium est, ut monachus non injussus suo proprio iudicio tales subeat provincias, sed præfecti man-

datum præstetur. Quæ doctrina confirmari potest ex alia in lib. 4. cap. 14. nu. 19. tradita D. Gregor. lib. 35. Moralium c. 10. aliàs 13. ubi dicit, obedientiam, per quam aliquid prosperum, id est, humano affectui consentaneum præcipitur, debere nihil habere de suo, & ponit exemplum, *cum locus superior imperatur*. Habet autem de suo, significat idem esse, quod ex proprio desiderio illum suscipere, & non potius invitum ac nolentem illum acceptare. Et postea Moysis, & Pauli allatis exemplis, concludit: *Præeunte ergo utrorumque ducum infrastructa virtute instituimur, ut si obedientia patinam apprehendere veraciter nitimur, prosperis hujus sæculi ex sola iustione, adversis autem, etiam ex devotione, militemus*. Quæ fere verba transtulit auctor serm. 5. ad Fratres in Eremito, sub nomine D. Augustini, & habetur etiam in cap. sciendum, 8. q. 1. Optimeque præsentis instituto inservit: nam si quæ obedientia videtur habere aliquid de suo, maxime ascendere ad culmen Episcopatus, præsertim in persona religiosa, quæ non solum honorem, & potentiam acquirit, sed etiam subjectionis, & paupertatis usum effugere videtur.

18 Sed instabit aliquis ex D. Thom. 2. 2. q. 104. art. 2. ad 3. *nam licet hoc verum sit, secundum id, quod exterius apparet, secundum tamen Dei iudicium, qui corda rimatur, potest contingere, quod etiam in prosperis obedientia aliquid de suo habens, non propter hoc sit minus laudabilis*. Ergo etiam in præsentis, quamvis non interveniat proprium præceptum, sed per solam significationem simplicem voluntatis Pontificis moveatur quis ad acceptandum Episcopatum, & ideo dicatur talis obedientia habere aliquid de suo, non propterea erit coram Deo talis obedientia minus laudabilis, si revera non intendatur proprius honor, aut commodum, sed sola obedientia divinæ voluntatis. Quod maxime habebit locum, si præcedat prudens iudicium, quod hic & nunc melius sit, & gratius Deo, acceptare Episcopatum, ut contingere potest, etiam seclusa obedientia: ergo multo magis poterit id iudicare accedente simplici ordinatione obedientiæ, etiam si non sit proprium præceptum: ergo tunc non poterit obligare votum, cum non possit impedire majus bonum. Et confirmatur, nam si illa doctrina universaliter vera esset, etiam esset consultius intra religionem non acceptare prælationem, vel aliquod officium honoris, nisi ex rigoroso præcepto superioris, & si timor periculi spectetur, non esset acceptanda missio ad Indos, nisi rigorose præciperetur: quod est contra consuetudinem Societatis, in qua hæc censeretur magna imperfectio, & votum non aliter acceptandi huiusmodi officia, censeretur inutile, ac nullius momenti: ergo.

19 Respondeo argumentum convincere, doctrinam illam non esse ita generaliter intelligendam, ut in omni huiusmodi materia obedientiæ, in qua homo aliquid habet de suo, ratione honoris, aut commodi, vel etiam in qua periculum, aut difficultas inest, necessarium semper esse, aut melius superioris præceptum expectare, aut expediens esse, id vovere: nam revera non semper id verum est, quia ob alias circumstantias potest esse melius, magisque expedire maiorem promptitudinem in his obedientiis ostendere, in rebus enim moralibus non possunt ex consideratione unius tantum circumstantiæ, vel proprietatis, generale iudicium ferri, sed omnia expendere necesse est. Doctrina ergo illa Gregorii ad præsens applicata, ita intelligenda est, ut obedientia, quæ aliquid habet proprii commodi, ex genere suo, non sit expectanda, nec desideranda, imo neque admittenda sine præcepto, nisi in particulari ob speciales rationes aliud expediat. Quam doctrinam cum Soto nos etiam extendimus ad eam materiam obedientiæ, in qua multum est periculi proprii nocimenti spiritualis.

20 Sed in hoc est præterea considerandum, aliquando esse in materia obedientiæ hoc genus difficultatis, & periculi, sine admissione honoris, vel alterius temporalis commodi, ut est in missione ad Indos (quo exemplo utitur Soto) & talis obedientia facilius acceptari potest sine præcepto rigoroso; quia nihil habet de suo, & ideo verisimilius est, solum in ea expectari voluntatem superioris, quæ licet simpliciter tantum propoſita sit, est optima ratio obediendi, & per se loquendo, sufficit ad excludendum timorem difficultatis, aut periculi, spe divini auxilii, ob cuius amorem talis obedientia suscipi-

zur. Quod maxime verum habet in ea religione, quæ ex proprio instituto, & vocatione his ministeriis incumbit: nam sperandum est gratiam vocationis non de futuram ad ea pericula superandi, quando pura intentione, & ex voluntate superioris locum Dei tenentis, & de ipso subdito, & conditione ejus sufficientem notitiam habentis, suscipiuntur. Quin potius in tali religione non solum optimum consilium est promptitudinem ostendere, acceptando hujusmodi obedientiam, verum etiam quodammodo præveniendū illam, ostendendo animum propensum, vel saltem indifferentem, si superior expedire judicaverit. Quod tamen non est ita in his ministeriis, quæ de suo aliquid habent, ut est prælatio, seu locus regiminis: nam in his nunquam consultum est ostendere animum paratum, aut indifferentem, ne dum propensum, quia semper imminet periculum, ne homo seipsum potius, quam divinam voluntatē quærat. Et signum a posteriori esse potest, quod promptitudo in prioribus obediētiis alios ædificat, in posterioribus autem minime, sed potius ex se scandalum inferit.

21 Est autem ulterius consideranda differentia inter prælationem intra, vel extra religionem; quod extra multo plus habet de suo, quam intra, e contrario vero intra minus habet periculi, quam extra religionem. Et præterea generatim loquendū, necessarium est religioni, ut aliqui intra illam prælationem habeant: quod autem extra illam ad dignitates assumantur, nec necessarium est ad ejus gubernationem, ut per se constat: nec regulariter est illi commodum, quia per hoc privari potest melioribus, vel doctioribus religiosis ad sua ministeria, vel ad propriam gubernationem aprioribus, quod egregie ponderat Gregorius, & habetur in cap. *Hinc est*, 16. q. 1. *præcepit etiam* (scilicet Francorum Rex), *ut ejusdem monasterii Abbas nunquam ad Episcopatum eligeretur, ne forte occasione Episcopatus Abbatia aliquid detrimenti pateretur*; nimirum privando se bono pastore, ut glossa ibidem magis exponit. Ex his ergo differentiis nascitur, ut regulariter non sit expediens, neque opportunum religioni, quod ejus religiosi non acceptent intra illam prælationem, nisi rigoroso præcepto compellantur, quia hoc nimium difficile redderet ordinarium regimen religionis. Satis ergo est, quod se non faciles, sed potius difficiles ad illa ministeria ostendant, cum ea moderatione, quam prudens ratio, & intentio majoris obsequii divini dictaverit. At vero extra religionem regulariter, & ex genere loquendo, consultius, ac melius est non acceptare prælationem, nisi ex obligatione præcepti, quia ibi interveniunt omnia, quæ hanc obediēdi rationem postulare possunt, quia illa materia multum habet de suo, simulque habet conjunctum magnum periculum, & aliunde non pertinet ad proprium spiritum, vel ministerium religionis, nec ad ordinarium regimen ejus, nec per se continet verum ac spirituale religionis commodum, & ideo in ea acceptanda merito ostenditur tota difficultas, quæ licite ostendi potest; quod sit expectando proprium superioris præceptum.

22 Quod si hoc verum est de quacumque religione, speciali profecto ratione in Societate certissimum est. Primo quidem, quia ratione sui instituti ac ministerii maxime indiget doctis, & religiosis operariis, quibus privaretur, si invitati ad Episcopatus, vel dignitates, facile, & sine cogente præcepto illas acceptarent. Quæ ratio utitur B. Ignatius p. 10. §. 6. Secundo, quia in hac religione, quo plus esse potest periculi ambitionis, eo necessarium fuit omnes occasiones ejus omnino præcludere: & ideo convenienter decretum est, ut non solum dignitates non procurentur, sed etiam ut propria sponte, quoad fieri possit, non acceptentur, ut in eodem loco constitutum dicitur. Tertiò, quia moraliter, ac regulariter loquendo, professi Societatis docti, & religiosi utiliores erunt Ecclesiæ in suo humili statu permanendo, & ministerio Societatis fideliter exercendo, quam Episcopatus acceptando. Quæ ratio confirmari potest sententiis, ac testimoniis S. Dominici, & S. Francisci, de quibus refertur, cum simul essent ab Ugolino Cardinali invitati, eisque ille dixisset conveniens fore, si Episcopatus suis fratribus selectioribus conferrentur, ambo responderunt se nunquam in eam rem consensuros: addiditque S. Dominicus: *Fratres mei sublimem*

satis prædicatorum haberi statum, si illum valeant estimare. D. aurem Franciscus subiunxit: *Fratres mei ideo Minores vocantur, ut nunquam super terram fieri appetant majores, sed propriæ vocationis submissione contenti melius Ecclesiæ utilitati inservire valeant*. Et B. Ignatius his, & aliis similibus verbis, & rationibus Paulum III. induxit, ut Societatis institutum in hac parte illesum conservaret, ut in ejus vita legitur apud Ribad. lib. 3. cap. 14. in editione Latina; & idem tandem confirmavit Gregor. XIII. in constitutione, *Ascendente Domino*, viderique possunt, quæ pro hac re luculenter scribit Nicolaus Orlandinus lib. 6. *Annalium Societatis*.

23 Ex his ergo facilis est responsio ad rationes dubitandi in principio positas. Ad primam enim & principalem rationem respondetur, hoc votum nunquam impedire majus bonum, sed simpliciter loquendo esse de meliori bono. Ad primam autem probationem jam in nu. 17. responsum est, licet regulariter non sit expectandum rigorosum præceptum superioris ad obediendum, nihilominus in tali materia propter speciales ejus conditiones, & propter peculiare etiam rationes pertinentes ad majus commune bonum, melius esse non acceptare sine præcepto. Ad secundam autem probationem in primis dicitur, difficultissimum esse fingere casum, in quo secluso præcepto Pontificis charitas ex se non obliget ad acceptandum Episcopatum, & nihilominus sit melius & opus consilii illum acceptare. Cum enim ex solo objecto hoc non sit consultius, maxime comparatione facta ad statum religiosum, ut in superioribus probatum est, & sumitur ex cap. *per tuam* de voto, oportet, ut ob aliquam gravem Ecclesiæ necessitatem illud judicetur melius. Hanc vero necessitatem, seu gradum ejus, ita definire, seu distinguere, ut sufficiat ad efficiendum opus consilii, quod tale non erat, & non ad obligandum ex charitate, valde difficile apparet in præsentia materia, in qua, non acceptando Episcopatum, consultitur non proprio commodo temporali, aut corporali, sed spirituali, acceptando vero timeri potest & proprium periculum spirituale, & deceptio in judicio propter naturalem affectum honoris & excellentiæ. Unde cum aliàs tota hæc dubitatio auferri possit, si superior præcipiendo interponat auctoritatem suam, nunquam videtur superesse casus, in quo sit melius, & consultius acceptare, quam non acceptare, secluso præcepto.

14 Accedit specialiter, quod aliunde etiam intercedit communis ratio totius religionis, ad cujus spirituale commodum maxime necessarium fuit, ut circa hoc esset aliqua lex definita, juxta quam liceret Episcopatum acceptare, & non aliàs, quia aliàs unusquisque suo arbitrio fingeret necessitatem acceptandi; & facile unusquisque induceretur ad judicandum id esse melius, & majus Dei obsequium. Ad hoc ergo vitandum incommodum, nulla melior potuit præfigi regula, quam ut expectetur superioris præceptum: nam per hoc & commodum religionis consultitur, & cuicumque necessitati, quæ in Ecclesiâ esse possit, sufficienter subvenitur: ideoque quamdiu Pontifex non interponit præceptum suum, nec certa & evidens est obligatio charitatis, secure potest professus Societatis, judicare, sibi non esse melius Episcopatum acceptare; non solum quia semper timere potest propriæ salutis periculum, ut aliàs indicavit D. Thom. 2. 2. q. 185. artic. 2. & ibi Soto lib. 20. de Justitia q. 2. art. 2. sed etiam, quia ad majus bonum Societatis ita expedit: quod etiam est bonum commune, cui secundum ordinem charitatis magis tenetur prospicere membrum Societatis, quam commodis externorum fidelium, quorum cura magis pertinet ad Prælatos Ecclesiæ. Eo vel maxime, quod professi Societatis in suo statu permanentes possunt Episcopos juvare, & hoc modo satis subvenire necessitati fidelium, vel cuicumque utilitati, licet Episcopi non sint; ideo nunquam coguntur judicare esse majus Dei obsequium, Episcopatum acceptare, si præcepto non obligentur.

25 Ob hanc ergo causam, merito votum illud in prædicta forma emittunt, & post factum illud votum, jam non solum licite possunt, sed etiam tenentur judicare esse majus Dei obsequium non acceptare Episcopatum, quamdiu non præcipitur. Quod si in particulari occurrat casus, in quo res videatur dubia, supposito voto tollitur omne dubium; quia votum est certum, &

Ad principale argumentum in nu. 3.

Ad 1. probationem minoris ibid.

Ad 2. probationem.

Progreditur data responsio.

Societatis professi tenentur etiam judicare melius esse non acceptare Episcopatum.

Satisfactio confirmationi ad finem nu. 18.

Concluditur institutum hujus capituli.

In dubio jus illius præfertur. Imo etiam si talis videatur esse casus in particulari, in quo secluso voto videretur clarum, & certum esse melius acceptare Episcopatum, factum jam voto, acceptandus non est sine præcepto; tum quia votum generaliter factum est; tum etiam, quia nulla est necessitas aliter faciendi, cum facile sit Pontifici præceptum ponere, si omnino vult, ut acceptetur. Exemplum est in Patriarchatu Æthiopiæ, aut Episcopatu Japonensi, in quibus multum est oneris, & laboris, parumque honoris, & nihil fere temporalis commodi, propter quod videri poterat bonum, & optimum opus esse illud acceptare, juxta verba Pauli 1. ad Timoth. 3. sic intellecta a Gregorio 1. p. Pastoralis c. 8. & nihilominus etiâ hi Episcopatus acceptandi non sunt a professu Societatis sine præcepto, ut aperte supponitur 10. constit. lit. A. ibi: *Nec tamen in Patriarchatu & Episcopatibus Æthiopiæ admittendis resisti potuerit.* Ergo etiam in illis, quantum est ex parte Societatis, resistendum est.

Ad 1. con-
firm. in
qu. 4.

26 Ad confirmationem ex cap. 1. d. 85. respondetur, forte Archidiaconum illum absolutum juramentum sine ulla exceptione fecisse, & ideo temere jurasse; vel certe, quamvis ille non peccasset jurando, D. Gregorium voluisse, quod juratum fuerat, observare, quia nulla forte erat necessitas cogendi per præceptum Archidiaconum illum ad accipiendum Episcopatum; non cogente autem alia necessitate melius, & consultius erat juramentum servari. Quocirca sententia Glossæ ibi citata, asserentis esse peccatum mortale non acceptare Episcopatum, si is cui offertur, se dignum credit, non est vera, nisi quando sub præcepto imponitur, vel tam evidens est necessitas, ut charitas ipsa obliget. Et ita sunt intelligendi Gregorius, & Augustinus ibi citati, præsertim quod Augustinus in priori loco contra Faustum solum loquitur de ministerio evangelizandi: in alio vero loco de civit. requirit, ut cura, & negotium proximorum ex necessitate imponatur. Gregorius autem tum ibi, tum aliis locis sentit, neminem debere reputare se dignum, nisi ex iudicio, & præcepto superioris; ut videre licet lib. 1. epist. cap. 10. & l. 3. cap. 10. & l. 10. epist. 5. & idem sentiunt D. Thom. & alii auctores supra citati.

Ad 2. con-
firm. in
qu. 5.

27 Ex quo etiam patet responsio ad ultimam confirmationem; jam enim declaratum est, quomodo ex hoc voto non impediatur commune bonum Ecclesiæ, quia universalis ejus pastor semper retinet jus suum præcipiendi, quod ad illud commune bonum expedire judicaverit; & alioquin etiam per hoc votum procuratur spirituale bonum non solum particularis personæ votentis, sed etiam totius religionis, quod in majus totius Ecclesiæ bonum redundat. Alia, quæ circa hoc votum desiderari possunt, tractabuntur commodius circa finem capituli sequentis.

C A P U T IX.

De voto alio, quod professi Societatis emittunt, audiendi consilia Generalis, si in Episcopos elegantur.

1 **Q**uia non obstante voto superius explicato contingere potest, ut professus Societatis cogatur Episcopatum suscipere, pro hujusmodi eventu curam habuit B. P. Ignatius adhibendi aliquod remedium, quo & saluti professi sic electi, & majori unioni ejus cum Societate, majorique proximorum ædificationi, consuleret. Et ob hanc rem statuit, ut qui professionem in Societate emittunt, votum aliud sub hac forma addant. *Promitto, si quando acciderit, ut hac ratione in Præsidentem alicujus Ecclesiæ promovear, pro cura, quam de animæ meæ salute, ac recta muneris mihi impositi administratione gerere debeo, me eo loco, ac numero habiturum Præpositum Societatis Generalem, ut nunquam consilium audire detrectem, quod vel ipse per se, vel quivis alius de Societate, quem ad id ipse substituerit, dare mihi dignabitur. Consilium vero hujusmodi ita me pariturum semper esse promitto, si ea meliora esse, quam quæ mihi in mentem venerint, judicabo.*

Cur hoc
votum &
qua for-
ma con-
cipitur.

Puncta
vota circa
idem vo-
tum, ac
primum

2 Ad explicandum igitur hujus voti sensum, tum utilitatem, tum tertio obligationem, in primis supponendum est, religiosum professum ad Episcopatum assumptum eo ipso manere exemptum a propria obedi-

tia suæ religionis. Nam licet solenne obedientiæ votum non collatur, nec irritetur, aut proprie dispensetur: ejus enim obligatio manet solum in ordine ad summum Pontificem; eximitur nihilominus talis persona a subjectione omnium Prælatorum talis religionis juxta doctrinam D. Thom. 2. 2. q. 185. & 186. retrobique art. 8. ad 3. communiter receptam, & in tract. 8. lib. 3. explicatam, & sumitur ex cap. unico 17. q. 1. ubi dicitur, monachum factum Episcopum a iugo regulæ monasticæ absolvi, & consequenter ab obedientia Prælatorum suæ religionis. Et sane merito, quia constitutus est in altiori gradu, juxta c. *nisi cum pridem*, de renuntiatione. Hinc ergo fit, ut professus etiam Societatis factus Episcopus, non teneatur parere consiliis Generalis Præpositi Societatis, & ideo votum non in hoc sensu fit, ut ex vi illius teneatur talis Episcopus obedire consiliis Societatis, quod in 10. p. constit. §. 6. explicatur his verbis. *Non quod habeat, qui Prælatus est, aliquem de Societate superioris loco.* Et in ipsa forma votendi satis declaratur.

de intelli-
gentia
ejus.

3 Fortasse autem aliquis obiter inquireret, an in hoc sensu potuerit tale votum fieri, aut ordinari? Respondeo breviter, ex sola rei natura non videri per se, & intrinsece malum: nam ille, qui ratione jurisdictionis superior est, potest quoad proprias actiones voluntarie se subdere directioni, & voluntati alterius, & ad illi parendum se obligare Deo, scilicet per votum, etiam si non intercedat promissio humana; quamvis hæc etiam non videatur repugnare. Nec videtur deesse in tali voto, seu materia ejus, ratio melioris boni, saltem in ordine ad spirituale bonum votentis: quia ibi exercetur religio, & humilitas, & obedientia, sine alicujus incommodo, vel injuria. Nihilominus tamen jure Ecclesiastico non videtur hoc licitum sine licentia Papæ, cui soli reliqui inferiores Episcopi immediate subijciuntur: pertinetque hoc ad dignitatem Episcopalem: & ideo non possunt particulares personæ in hoc cedere juri suo, nec voluntarie promittere, aut retinere obedientiæ obligationem ad alium inferiorem hominem, a qua ipso jure, seu facto, ex vi talis status, & in honorem suæ dignitatis absoluntur. Atque hoc maxime procedit de obedientia in his actionibus, quæ pertinent ad regimen animatum: nam illarum cura ipsi Episcopo, & non alteri extraneo demandata est: & ideo non potest ipse ita se constituere sub alterius voluntate quoad ea, quæ ad hoc regimen spectant, ut ab illa omnino pendeant, quia hoc esset quodammodo immutare ordinem, & regimen a Pontifice præstitutum. Et ob hanc causam prudenter B. P. Ignatius non solum noluit per hoc votum obligari professum Societatis factum Episcopum ad obediendum Præposito Societatis, tanquam superiori: verum etiam neque ad sequendum iudicium, seu consilium ejus: quia hæc esset virtualis quedam obedientia, per quam Episcopale regimen ad Præpositum Societatis reduceretur, eique quodammodo subderetur: sed solum voluit, ut tunc teneretur tale consilium sequi, quando judicaret esse melius.

An Episcopus vo-
vere quod
ad obe-
dientiam
præterquam
Papæ.
Quid lo-
quendo
ex natura
rei.

Quid ex
jure Ec-
clesiastico

4 Hinc vero nascitur difficultas circa secundum, quod propositum est, scilicet, quænam sit utilitas hujus voti: videtur enim esse nulla: quia si quis nolit consilium Præpositi sequi, vel non sit affectus ad eam rem, quam ille consulit, facile sibi persuadebit, illud consilium non esse optimum, & regulariter loquendo semper inveniet, qui contrarium consulat: parvæ ergo, aut nullius utilitatis, videtur esse hoc votum, & aliunde potest esse occasio dubiorum, & scrupulorum in his, qui fuerint timorata conscientia: in aliis vero potest esse occasio dissensionum, & odiorum. Nihilominus duas magnas utilitates in hoc voto invenit B. Ignatius, quas his verbis explicavit. *Quod sponte in Dei conspectu vult ad id faciendum obligari, quod ad divinum obsequium melius esse intellexerit: quodque placeat esse aliquem, qui sibi cum charitate, ac libertate Christiana, ad gloriam Dei, & Domini nostri id proponat, 10. p. constit. §. 6.*

2. Puncta
de utilita-
te ejusdem
voti.

5 Ut autem a posteriori parte incipiamus, per se satis notum est, quantum indigeant hi, qui præsent, aliorum consiliis, & rectis admonitionibus: etenim Aristoteles scripsit 3. Pol. c. 3. prudentiam virtutem esse eorum propriam, qui imperium obtinent, quia illis & maxime necessaria est, & fere ad recte gubernandum sufficit, quia dixit Xenophon in Cyropædia lib. 1. *Homines*

Una utili-
tas ex ci-
tatis ver-
bis S.
Ignat. i.

impe.

imperare difficile non est, si quis prudenter id agat: prudentibus enim ultro paretur. Unde S. Chrylost. serm. 15. in epistolam ad Ephesios: Nihil ad rerum (inquit) administrationem ita necessarium est, atque prudentia. Rectum autem, ac sanum prudentiæ iudicium maxime pendet ex sapienti consilio; nullus est enim hominum, qui sibi sufficiat, & præsertim in tanta rerum varietate, ac difficultate, quanta in publica administratione occurrit. Quod exemplo Moysis accipientis consilium foci sui ostendit Deus Exod. 18. ut notavit Philo lib. de creatione Principis ante medium, dicens: Relatum est hoc in sacra volumina, ut haberent, quod imitentur posterorum Principes, ne aspernentur consiliarios, quasi possint ipsi dispicere omnia, cum ne Moses quidem aspernatus sit.

Dieta utilitas ex-petibilior in regimine animatum.

6 Quod si hoc verum est in quocumque regimine, multo magis in animarum gubernatione: quam esse artem artium, dixit Innocen. III. in cap. cum sit, de ætate, & qualitate. Et ideo Chrylost. lib. de Sacerdotio dixit: *Et si quis magnam perpetua vita religionem, pietatem que præstiterit, ne hunc quidem eligere statim audeam (scilicet ad Episcopatum), nisi magnam etiam animi prudentiam, religionem huiusmodi conjunctam habeat. Magna pars autem huius prudentiæ est, aliorum utri consiliis. Nam, ut recte dixit Bernard. epist. 82. cuncti sapientes solent in rebus dubiis plus alieno, quam proprio iudicio credere, & qui aliorum facile ambigua quæque elucidant, in suis consueverunt scrupulosius habere. Unde epist. 28. ad Ardutionem promotorum Episcopum: Paulum (inquit) imitari curato, in honorificando ministerium tuum; honorificabis autem gravitate morum, maturitate consiliorum, actuum honestate: hæc sunt, quæ officium Episcopale maxime nobilitant, & ornant. Omnia fac cum consilio, non tamen omnium, nec quorumcumque, sed tantum bonorum.* Et ideo Clemens Papa epist. 3. & refertur de 38. cap. ult. Episcopum monet, ut nec propter senectutem, nec propter generis nobilitatem, omittat accipere utilia, & salutaria consilia, etiam a parvulis, & minus eruditis. Quod se ita observasse testatur August. epist. 75. ad Auxiliu, dicens: *Si tibi, quam iuste fiat, Dominus revelavit, nequaquam juvenilem ætatem tuam, & honoris Ecclesiastici rudimenta contemno. En adsum senex a juvene coepiscopo, & Episcopus tot annorum a Collega nondum anniculo paratus sum discere.* Gregorius autem lib. 11. epistol. 29. & habet 84. d. inter alia graviter reprehendit Episcopum, quod consilia sapientum, & recta suadentium, nulla pateretur ratione suscipere. Rationem autem tetigit Aristot. 3. politic. cap. 12. quia facilius est multis videre oculis, quam duobus tantum. Accedit, quod non solum consilia rerum agendarum, sed etiam, quæ per modum admonitionum, de præteritis factis dantur, necessaria sunt his, qui gubernant; raro autem inveniuntur, vel Principes, qui admoneri pariantur, vel fideles amici, qui veritatem, omitta adulatione, sincere consulant. Hæc est ergo prima utilitas huius voti, per quod proponit, qui illud emittit, tam consilium, quam admonitionem admittere de rebus sibi maxime necessariis, & a persona, de qua moraliter certum est, cum charitate, & prudentia hoc officium esse obituram.

Vide Si-manicas lib. 9. de repub. cap.

Altera utilitas ex iisdem verbis.

Satisfit impugnatioibus in ou. 4.

7 Altera vero utilitas est, quia non solum obligatur talis persona ex vi huius voti ad non detrectandum audire huiusmodi consilium, sed etiam ad exequendum illud, si melius, & gratius Deo esse judicaverit. Quæ conditio prudentier, ut dixi, addita est, quia non debuit Episcopus, qui jam non est Prælati Societatis subditus, vel iudicium suum iudicio Præpositi submittere, vel agere contra iudicium suum, si aliud melius esse judicaverit, quam quod Præpositus consulit. Neque ob eam rem est parvi momenti votum illud; quia non ordinatur ad illum inandum intellectum (ut sic dicam), sed ad firmandam voluntatem circa id, quod melius est, satisque magna obligatio est, quæ homo adstringitur ad faciendum id, quod ad divinum obsequium melius esse intellexerit. Nec refert, quod iudicium facile flectatur in aliam partem, si voluntas in eam propensa sit, tum quia sæpe res adeo est clara, & manifesta, ut intellectus non possit tergiversari, ut si consilium detur de scandalo vitando, de cura, & vigilantia erga suam manus, & rebus similibus: tum etiam, quia ad hoc ipsum hoc votum deservit, ut quis timeat infideliter procedere, & proprio affectu ex-

cocari. Cumque hoc officium charitatis sit, & inter personas, quæ & religione, & doctrina, perspicue fore credende sunt, non est cur magna perturbatio, vel conscientia, vel animi ex eo timenda sit. Nam licet ex parte admonentis libertas necessaria sit, verbis placidis temperanda erit: & licet consulenda sint, quæ profint, ita tamen ut delectent, suadenda sunt.

8 Tandem ex his explicatur facile, quod tertio loco est propositum in nu. 2. de obligatione huius voti. Nam in genere ad duo obligat. Primum est, non detrectare audire consilium, quod vel Præpositus Societatis per se, vel alius ab ipso substitutus dare dignabitur. Dicitur autem detrectare, quando vel omnino nolit tale consilium audire, vel certe quando tam acerbe illud tulerit, ut sibi multum displicere significet: nam hæc est non solum virtualis, & indirecta, sed moraliter loquendo, satis etiam expressa detrectatio. Ut autem votum ad hoc obliget, necesse est, consilium esse de materia accomodata tali voto. Non enim promittit professus Societatis, si ad eum statum pervenerit, audire consilium Præpositi in rebus v.g. temporalibus, secundum se spectatis, ut sunt, v. g. quæ pertinent vel ad res familiares, vel ad temporalium bonorum administrationem, vel etiam ad studia literarum; sed in his tantum, quæ pertinent vel ad propriæ animæ salutem, vel ad debitam Episcopalis muneris administrationem. Hæc enim duo in ipsamet formula vovendi explicantur, & in persona Episcopi ita sunt conjuncta, ut inter se separari non possint: nam integritas præsentium salus est subditorum, ut dixit Leo Papa epist. 85. cap. 61. Et illa etiam duo ad divinum obsequium, quod per hoc votum intenditur, sufficiunt; reliqua enim omnia indifferentia sunt, nisi ad prædictos duos fines ordineantur, sub qua ratione ad materiam huius voti pertinere poterunt.

3. Punctus de prælati voti obligatione in parte 1a.

9 Similiter (quod ad alteram partem attinet) non promittit professus absolute facere in omnibus, quod melius est, sed in parendo huiusmodi consiliis, ita ut licet per se, nihilque a Societate admonitus, iudicet aliud esse melius ad divinum obsequium, non statim tenetur ex obligatione voti illud facere; esset enim onerosa valde, & periculis exposita obligatio: nec verba ipsius voti adeo generalia sunt, sed ad prædicta consilia limitata; quæ etiam sic moderata non est parva obligatio, & ideo in huiusmodi consiliis præstandis, & non multiplicandis magna prudentia, & consideratio necessaria est; raro enim fieri debet, nisi in his rebus, quæ ad divinum obsequium, vel magnum animarum fructum videbuntur necessariæ.

10 Quæri vero potest obiter, an sicut professus factus Episcopus, tenetur audire consilia Societatis, ita etiam teneatur Societas illum admonere, & hanc veluti curam animæ, & muneris illius suscipere. Respondeo non teneri speciali aliqua obligatione, præter eam, quæ pertinet ad legem charitatis, quæ majori quadam ratione, seu potiori ordine obligare potest circa talem personam, utpote magis Societati conjunctam. Quod autem nulla obligatio alterius rationis intercedat, probatur, quia non convenit Præposito Generali ratione sui officii, quia jam talis persona non est illi subdita: nec ratione alicujus voti, quia nullum emittit, & in forma vovendi supra posita in num. 1. solum professus promittit audire Præpositum, & de obligatione autem Præpositi nihil dicitur. Neque etiam tenetur ratione alicujus constitutionis Societatis, quia 10. part. constit. § 6. (ubi solum de hac re tractatur) nulla obligatio ei imponitur. Imo in declaratione lit. A. expresse dicitur: *Non tamen obligatur Societas ad hoc munus suscipiendum, quando cumque alicui ex ea Episcopatus esset admittendus; imo libera manet, ut id oneris & relinquere, & assumere possit, ubi multum referre ad Dei obsequium judicaret.* Fuit autem hæc declaratio facta occasione Patriarchatus Ethiopia, in quo casu, & similibus multum referebatur gradum huius obligationis ex parte Societatis: quia tunc admonitio fieri debet vel per ipsummet Præpositum Generalem, vel per alium de Societate ab ipso designatum: nam licet in prædicto loco constitutionum solum dicatur, consilium esse debere Præpositi Generalis, vel alicujus, quem ille sibi ad hoc substituerit; tamen in ipsa forma vovendi, quam retulimus, quæ ex prima, & tertia congregatione generali sumpta est, expressè

Dubium 1. An etiam e contra teneatur Societas Episcopum suum monere.

preste declaratur, hunc substitutum debere esse de Societate. Unde in Episcopatu Æthiopix, vel aliarum provinciarum multum distantium, cum hæc admonitio non possit immediate per Generalem fieri, oporteret aliquem de Societate cum Episcopo mitti, ut hoc munus loco Generalis præstaret; quod esset Præposito, & Societati grave onus, si ad hoc ex speciali obligatione teneretur, & ideo prudenter animadversum est, nullam esse in Societate de hac re obligationem.

11 Duo vero alia supersunt dubia circa hoc, & præcedens caput. Primum est, an obligatio horum votorum se extendat ad Summum Pontificatum; ita ut professus Societatis contra hoc votum agat, illum ambiendo, nec possit eum acceptare, nisi per præceptum cogatur, & eventus ad illud munus adhuc teneatur consilia Præpositi audire, & exequi, si meliora judicet. Et ratio dubitandi esse potest, quia forma vivendi absoluta est de quacunque prælatione extra Societatem. Duobus autem modis potest hic casus contingere. Unus est juxta ordinariam consuetudinem Ecclesiæ, si aliquis de Societate prius Cardinalis, postea eligatur ad Pontificatum. Alius erit extraordinarius, ut si religiosus Societatis nullam extra illam habens dignitatem immediate (sicut olim fiebat) in Pontificem eligatur.

12 In priori casu supponitur illa quæstio non prætermittenda; an scilicet professus Societatis semel jam factus Episcopus, vel Cardinalis, ad hoc obligetur superioribus votis ad non procurandam aliam majorem dignitatem, vel prælationem, vel non acceptandam illam, nisi præcipiatur. Ad quam respondendum videtur affirmative. Primo, quia religiosus factus Episcopus tenetur ad obligationem religiosi status, quæ Episcopali non repugnet, ut in tomo superiori visum est; sed est peculiaris obligatio religiosi professi Societatis non procurare dignitates, & non repugnare servari in illo statu Cardinalis; ergo. Secundo, quia hoc votum absolute fit, & est natura sua perpetuum, ut indicant illa verba formæ, *numquam me curaturum, præsumendum, aut consensurum*, &c. & non extinguitur per superiore dignitatem, quia neque ex natura rei hoc sequitur, neque jure aliquo est cautum; ergo durat obligatio ejus.

14 Nihilominus dicendum est, hanc obligationem cessasse per subtractionem materiæ, quia materia hujus voti non est ambitio vel procuratio dignitatis absolute sumpta, sed respectiva, id est, respectu ejus, qui adhuc permanet in puro statu religiosi Societatis, ita ut sensus hujus voti sit, non procurandi, vel acceptandi transitum a religione ad talem dignitatem; semel autem facto transitu, evacuata est materia voti, quia omnis alius transitus jam non est ejusdem rationis. Vel potest aliter explicari (& in idem redit) ex voto virginittis supra tract. 6. lib. 5. de voto cap. 6. num. 14. explicato; diximus enim quod si tantum fiat de non violando claustrum virginittis, obligationem terminari ad primam vicem, ideoque semel amissa virginittate, tale votum non obligare; tale enim videtur esse in presenti hoc votum de non mutando (ut sic dicam) tali modo statum religiosum, & ideo obligatio ejus ad primam vicem terminari videtur. Quod si ita est, facta semel mutatione, cessabit talis voti obligatio. Quod autem ita sit, suadent in primis verba illa constitutionis: *Promittant ad nullam extra Societatem prælationem, vel dignitatem obtinendam, se quidquam acturos, neque ad sui electionem*, &c. nam hæc verba in rigore indicant primam promotionem; nam postea, juxta modum loquendi juris, potius dicitur translatio, quam electio, maxime inter Episcopatus, extra Summum Pontificatum; sed hoc evidenter declarant verba sequentia: *sed unusquisque videat, quæ ratione animarum salutis, juxta nostræ professionis humilitatem, & submissionem inservire possit*. Hæc enim verba declarant, hanc obligationem solum respicere illos, qui in sua humili professione adhuc perseverant. Quod tandem confirmat ratio, quæ subjungitur: *Ne Societas his hominibus, qui ad propositum sibi finem sunt ei necessarii, privetur*; postquam ergo jam aliquo privata est, nihil quoad hanc partem de illius obligatione curat. Et quamvis ad hæc omnia responderi possit, hunc fuisse finem, vel rationem motivam illius voti; materiam autem universaliorem esse, quia sic indicant verba, quæ absolute, & perpetuo videntur obligare personam ideo-

que priorem partem esse retinendam, tanquam tutiorem, & virtuti, ac religioni magis faventem: nihilominus in rigore juris, posterior hæc sententia vera videtur, & satis persuaderi his, quæ diximus. Nam revera intentio instituti fuit, continere suos professos intra se, & in suo statu; de his vero, qui jam sunt extra, licet aliquando intra fuerint, non ita curat. Neque est tanta curandi necessitas. Denique licet prior sententia videatur quodammodo securior, hæc est benignior, & ideo in materia oherosa, & ad minimum speculative incerta, satis securior, & aliunde securior, quia pauciora vincula imponit, & evitat pericula, quæ faciliora sunt in eo, qui jam ad dignitatem conscendit.

14 Ex hæc ergo resolutione ad priorem quæstionem in nu. 11. respondetur in dicto casu Episcopum, vel Cardinalem Societatis, non peccare contra hæc vota, procurando aliam majorem dignitatem, vel acceptando illam absque obligatione præcepti: quia illa non est materia horum votorum, ut nu. 13. declaratum est. Et ita constat, Summum Pontificatum, prout ordinarie fit electio ad illum, non pertinere ad materiam illius voti, quia semper supponitur persona in eo statu, in quo jam non obligatur per tale votum. Unde obiter a fortiori colligo professum semel factum Episcopum non teneri ex vi hujus voti renunciare unquam Episcopatu, vel ad hoc petere facultatem, etiam si moraliter certus sit, fore concedendam; tum quia mutato statu cessavit obligatio hujus voti, ut dixi; tum etiam, quia ille non vovit non perseverare in Episcopatu spontanea, absque vi præcepti, sed solum non acceptare illum sine præcepto. Quocirca, non solum si intelligat esse melius, verum etiam si moraliter sibi persuadeat esse necessarium ad suam salutem dimittere talem dignitatem, non peccabit contra hoc votum, id non procurando, sed peccabit contra propriam charitatem. Tandem autem adverto, in his casibus posse aliquod remedium adhiberi mediante voto in hoc cap. explicato: nam in eis poterit talis prælatus admoneri a præposito Generali, ut aliam dignitatem non ambiat, vel etiam, ut se a periculis eripere procuret, relinquendo quam habet: cui consilio tenebitur ille parere ex vi hujus voti, si ad majus Dei obsequium, majoremque suæ animæ salutem pertinere judicaverit, juxta ea, quæ diximus nu. 8.

15 Jam vero superest quæstio de alio modo, quid scilicet dicendum sit, si contingat professum ab humili statu religionis immediate ad Pontificatum eligi, vel electionem procurare. Tunc enim videtur urgere ratio facta in nu. 11. quia persona est capax talis obligationis, & votum absolute fit de omni prælatione, & dignitate. Fitque hæc pars valde probabilis ex quadam communi opinione Canonistarum, quod religiosus non potest, sine consensu sui Prælati acceptare electionem sui, etiam ad Summum Pontificatum. Hæc vero opinio mihi in tomo superiori non placuit: & ideo consequenter ad ea, quæ in illo puncto dixi, probabilius hic existimo, materiam hujus voti non extendi ad summum Pontificatum; tum quia constitutio loquitur de prælatione intra, & extra Societatem: Summus autem Pontifex neque intra Societatem dici potest, ut per se constat, neque etiam extra, ut ibi ponderavi, quia est prælatio universalissima supra omnem religionem, & ipsam etiam Societatem. Unde intentio constitutionis solum videtur dirigi ad prælationes particulares, & distinctas a tota religione. Item quia si loquamur de sola acceptione, non est verisimile sub generali locutione comprehendi casum adeo specialem, qualis est electio simplicis religiosi ad Pontificatum. Neque etiam est credibile constitutionem Societatis voluisse limitare modum acceptandi electionem adeo singularem, & ad totius Ecclesiæ bonum pertinentem, & quæ eo tempore sit, in quo Ecclesia caret universali pastore, qui huic bono prospiciat, & ideo vix potest moraliter fieri, ut præceptum de illa electione acceptanda imponatur, etiam si maxima inter necessitas. Unde hic habet locum regula juris 81. in 6. sub locutione generali non comprehendi specialem casum, qui non creditur verisimiliter intentus. Denique hanc fuisse mentem B. Ignatii colligo ex verbis ejus ad Summum Pontificem, quæ refert fidelissimus testis Petrus Ribadeneira citatus cap. præced. nu. 22. ubi inter alias rationes, quibus

Dubium 2
An idem
votum in-
telligatur
etiam de
Kapath.

Quæstion.
Prævia ad
dubium
juxta
priorem
casum.

Resolvitur
jam
dubium
positum
in nu. 11.
juxta
priorem
casum.

Resolvitur
juxta
posterior-
em ca-
sum.

Ignatius Pontificem persuadere nixus est, ad Ecclesiæ bonum pertinere, ne operarii Societatis Episcopi fiant, una est, quod uberiores perceptura sit fructus Dei Ecclesiæ ex nostris non Episcopis, quam Episcopis. Hoc autem ut probet, subjungit: *Nam qui Episcopus est, et si majorem auctoritatem habet, ac potestatem, certis tamen locorum finibus continetur & suis est tantum ovibus pascentis addictus.* Quæ verba satis declarant, ipsum locutum esse de privatis Episcopis, non de Episcopatu universalis. Quocirca licet ambitio ejusdem dignitatis majori ratione possit sub hoc voto comprehendi; tamen quia in utraque parte talis voti de eadem dignitate extra Societatem sermo est, idem necessario est dicendum: nec sine causa, quia moraliter superfluum erat hoc promittere: cum enim (ut in tom. de fide disp. 10. sect. 4. in fine attingi) jure, vel consuetudine ordinaria, talis electio non fiat, nullus etiam est, qui dignitatem illam immediate ambiat, aut procuret, sed mediante Cardinalatu, & ideo huic modo satis provisum est, impediendo omnem prætensionem, vel spontaneam acceptationem Cardinalatus; de hac enim dignitate certissimum est sub hoc voto contineri, siue sub nomine *prælationis*, siue *dignitatis* comprehendatur, siue (quod ego verum puto) sub utroque,

Resolvitur etiam dubium.

16 Atque hinc facile expeditur alterum dubium, in eodem n. 1. si contingat professum Societatis fieri Papam, an teneatur hoc voto audiendi consilia Præpositi Societatis, & illis parendi, si meliora judicaverit. Existimo enim non teneri, quia pontificalis dignitas (ut dixi) non comprehenditur sub his votis: & in hoc casu, quodammodo est res clara: nam alii Prælati, licet non sint subditi Præposito generali, neque etiam sunt caput ejus, & propter priorem respectum, & subjectionem, quam habuerunt, decentius possunt a Præposito admoneri, atque ad parendum aliquo modo obligari: Summus autem Pontifex est caput totius Societatis, non solum, ut universalis Episcopus, sed etiam ut supremus Prælati religionis, & ideo non erat ita decens, aut conveniens, ut sub hac obligatione comprehenderetur. Ad quod etiam ponderari possunt verba ipsius formæ vovendi, *si in Præsidentem alienius Ecclesiæ promovear*: Pontifex enim non alicui Ecclesiæ tantum, sed universali Ecclesiæ præsidet: de illo ergo sermo non est. Quin potius occasione illius verbi dubitari potest, an sub hoc voto comprehendatur Cardinalis ut sic, id est, qui non sit Episcopus; nam ille ex vi talis dignitatis nulli Ecclesiæ præest. Nihilominus verius censeo comprehendendum; nam illud verbum explicandum est juxta constitutionem, ex qua forma illa vovendi sumpta est: constitutio autem p. 10. §. 6. sic habet: *Promittat etiam Deo, quod si quando dicto modo compulsus prælationem aliquam extra Societatem admittat*, &c. Non est autem mihi dubium, quin Cardinalatus in omni proprietate, & rigore sit prælatio extra Societatem: ergo etiam ille sub hac promissione comprehenditur. Unde vox alia, *Præses*, seu *Præsul alicujus Ecclesiæ*, ut æquipollens sumpta est: præsertim quia Cardinalis, licet Episcopus non sit, Titulum habet alicujus Ecclesiæ, in qua jurisdictionem habet Episcopalem, & ideo illi præsidere dicitur.

Cardinalis etiam comprehenditur in voto audiendi consilia Generalia.

Exiit sententia de non acceptatione dignitatis. Non intelligitur de Papatu.

17 Ultimo potest ex dictis obiter exponi constitutio, quæ habetur 3. p. c. 3. §. 13. sine facultate Generalis nullum posse dignitatem ullam extra Societatem admittere, nec Generalem posse illam dare, nisi sedis Apostolicæ obedientia illum compellat. Ibi enim in primis non comprehenditur dignitas Summi Pontificis. Quod patet, tum ex particula illa, *extra Societatem*, ut illam in n. 13. ponderavimus; tum quia ibidem supponitur sedem Apostolicam, id est, Pontificem, posse compellere Generalem ad dandam licentiam, quod repugnaret respectu ejusdem dignitatis, quia tunc Sedes Apostolica vacaret. Tum denique, quia non decebat provisionem sedis Apostolicæ quoad hoc quodammodo pendere a voluntate Generalis, ut in simili in n. præcedenti dixi. Deinde solum habet locum illa constitutio circa acceptationem primæ dignitatis. Nam religiosus Societatis semel translatus ad statum Episcopalem, si transferatur postea ad alium Episcopatum meliorem; vel si prius factus Cardinalis, postea fiat Episcopus, jam non indiget hac facultate Generalis; non solum quia jam non est sub obedientia ejus, sed etiam propter alia, quæ

Nec nisi de prima acceptatione dignitatis.

in num. 13. & 14. adduximus circa prædicta vota; est enim eadem ratio.

18 Adverto præterea hanc obligationem de jure communi convenire omnibus religiosis respectu suorum prælatorum ratione voti obedientiæ, ut in tom. superiori explicatum est; nonnulla tamen videntur in hoc esse specialia Societatis. Primum, quod facultas hæc reservatur Generali, quod in aliis religionibus regulariter non fit. Secundum, quod Generalis ipse non potest illam dare, nisi coactus obedientia Pontificis. Tertium, quod non solum inferiores religiosi, sed etiam ipsemet Generalis, si ei concedatur talis dignitas, non potest illam acceptare sine consensu Societatis, ut habetur 9. p. Constit. c. 4. §. 5. & c. 5. §. 6. & in declaratione utriusque loci. Ubi etiam additur, Societatem non debere præstare consensum, sed expectare præceptum Pontificis, quod sub peccato obliget. Quod in aliis religionibus non postulatur, sed sufficit, quod solus Pontifex consentiat, seu facultatem præbeat, argumento cap. cum venerabilis, de consuetudine, & c. si Abbatem de electione in 6.

Non acceptare absque licentia obvenit omni religioso, interest tamen inter nos & alios.

19 Rursus considero constitutionem illam, non de solis professis, aut coadiutoribus spiritualibus loqui, sed in universum de religiosis Societatis: nam simpliciter dicit: *Nullus possit, &c.* comprehendit ergo omnes, qui sub obedientia Generalis militant. Unde si contingeret (quod difficile non est) per amorem, vel favorem alicujus Principis, scholarem approbatum in Episcopum eligi, seu nominari, etiam ille non potest, ex vi hujus constitutionis, acceptare Episcopatum sine licentia Præpositi Generalis. Hæc autem obligatio ex vi hujus constitutionis non est ad peccatum, quia omnibus constitutionibus generale hoc est, & nihil speciale de hoc est declaratum: unde cum scholares de hac re nullum votum emittant, videntur ad hoc non obligari sub peccato, sed tantum sub regula perfectionis. Nihilominus tamen ex adminiculo juris communis existimo hanc esse gravem obligationem. Cum enim hi scholares sint veri religiosi, & quoad obligationem obedientiæ tam non habeant velle, aut nolle, quam quilibet alii, comprehenduntur sine dubio sub generali lege capituli, *si religiosus*, de Elect. in 6. quo declaratum est, in religioso gravem præsumptionem esse, acceptare electionem de se factam sine consensu Prælati sui. In Societate autem per hanc constitutionem declaratum est Generalem esse unicum Prælaturum, ad quem hoc pertineat. Ergo in Societate acceptare dignitatem sine licentia Generalis est acceptare sine licentia Prælati. Nam licet fingamus Provincialem, aut Rectorem consentire, nihil facient; neque in ea re sunt Prælati; ergo est illa gravis transgressio, non quidem ex vi solius constitutionis, sed illa supposita, ex vi juris communis.

Extenditur dicta constitutio ad non professos.

Ex adminiculo juris ducitur eis gravis obligatio.

20 Et eadem ratione censeo, acceptationem, vel electionem aliter factam esse irritam ex vi prædicti capituli; quod eodem modo induci potest. Et ad idem ponderari potest verbum illud nostræ Constitutionis, *nullus possit*, quod de se sufficit ad irritandum, ut vulgare est apud Doctores; & idem cum proportionem est de Generali, quia respectu illius Societas est Prælati ejus, & ideo de illo etiam dicitur in Constitutione: *Non debet, nec potest*. Præter hæc vero additur in professis omnibus obligatio voti, ratione cujus non possunt ipsi consentire, nisi præcipiantur ab habente potestatem, etiam si Generalis facultatem daret. Observo enim, constitutionem hanc, quæ prohibet Generali, ne hanc facultatem præbeat, nisi coactus obedientia Pontificis, non obligare Generalem ipsum tamquam proprium præceptum, sed per modum simplicis regulæ; neque hanc obligationem, seu constitutionem esse speciali voto confirmatam: & idem est de Societate respectu Generalis. Posset ergo contingere, ut Generalis, aut Societas indebite utendo potestate sua, vel ex aliqua Epicheja, talem facultatem daret sine præcepto Pontificis: illa ergo non obstante, obligabitur professus ad non acceptandam dignitatem (quamquam si acceptaret, valeret electio) donec præcipiatur: quæ obligatio in scholari approbato non invenitur, quia nascitur ex voto speciali, quod scholares non emittunt.

Talis obligatio non violatio annullat acceptationem.

CAPUT X.

De voto manifestandi procurantes dignitatem, quod inter alia a professis Societatis emittitur.

Videri
voti hoc
procede-
re solum de
dignitati-
bus intra
Societ.

UT ambitio dignitatum, & Prælationum, tam intra Societatem, quam extra illam, nullum in eadem, quoad fieri posset, locum haberet, non fuit contentus B. Ignatius professos specialij voto obligare ad eas non procurandas; sed etiam addidit verum, quo promitterent manifestare hoc Societati, quemcumque in hoc peccare intelligerent. Verba constitutionum p. 10. §. 6. hæc sunt: *Omnes professi se nihil unquam ad eam (id est, dignitatem obtinendam) acturos, & quos agere animadverterint, delaturos Deo, ac Domino nostro vovent.* Circa quem locum advertendum occurrit, ex vi illius solum videri præcipi, ut hoc votum fiat de dignitatibus, & prælationibus Societatis. Nam verba proxime præcedentia sic habent: *Erit summi momenti, ut perpetuo felix Societatis status conservetur, diligentissime ambitionem submovere, ac aditum ad dignitatem, vel prælationem nullam directe, vel indirecte, quarendam in Societate præcludere;* & proxime subduntur verba illa citata, *omnes professi, &c.* Ex quo contextu plane constat, illud relativum, *ad eam obtinendam*, referre solum dignitatem, & prælationem in Societate. Item, quia de aliis extra Societatem statim subditur: *Promittant etiam ad nullam extra Societatem prælationem, vel dignitatem se quidquam acturos.* De deferendis autem præfectoribus harum dignitatum nihil subiungitur. Nec dici potest, hæc posteriora verba intelligenda esse juxta priora, quia hoc nullum habet in contextu fundamentum, & materię sunt omnino diversę, sicut e converso in posteriori clausula ad litur promissio non acceptandi dignitatem extra Societatem, nisi præcepto cogantur, quod, quia in priori additum non fuit, ad dignitates intra Societatem non extenditur, ut supra c. 8. n. 2. vidimus; ergo similiter, &c.

Oppositum
resolvitur.

2 Nihilominus praxis Societatis habet, ut de utriusque dignitatibus hoc votum fiat. Nam post duo vota non procurandi prælationem, aut dignitatem intra, vel extra Societatem additur: *Tum si quem sciam aliquid prædictorum duorum curare, vel prætere, promitto illum remque totam me manifestaturum Societati, vel Præposito ejus.* Unde non est dubium, quin hoc votum obliget in utroque genere dignitatum, siue illud fiat ex vi prædictę constitutionis: siue (quod mihi propter argumentum n. præcedenti factum probabile est) illa fuerit extensio quædam a 3. generali congregatione facta, cujus auctoritate decreto 46. forma vivendi a 1. congregatione jam præscripta decreto 102. ita extensa est, nam ad hoc potestatem habet congregatio generalis; & fortasse cum illi 3. congregationi interfuerint multi ex Patribus, qui & intentionem B. P. Ignatii, & usum Societatis a principio cognoverunt, hæc ejus fuisse mentem declarant, licet illis verbis cõstitutionis satis explicata non fuerit. Hoc igitur voto supposito, tria sicut in præcedenti cap. circa illud declaranda occurrunt, utilitas, materia, & obligatio.

De utilitate hujus voti.

Non vide-
ri utile.

3 Circa utilitatem ratio dubitandi esse potest, quia vel hoc intelligitur de detegendo crimine alterius, quando ad commune bonum Societatis est necessarium, & potest cum fructu fieri; vel absolute, & sine limitatione, ut verba sonant. Priori modo votum est parum utile, quia tunc ipsa ratio charitatis obligat, & sufficit inter viros religiosos, neque oportet laqueos addere; posteriori autem modo votum esset iniquum, quia sine necessitate, & fructu boni communis non est proximus infamandus. Nihilominus dicendum est, votum hoc & sanctum, & utile esse Societati. Quod auctoritate sufficienter probatur ex approbatione summorum Pontificum, vel generali, ut a Paulo III. & Julio III. confirmantibus institutum, & approbantibus constitutiones, vel specialia, ut a Gregorio XII. in constitutione: *Ascendente Domino*, ex qua etiam colligitur, hoc votum cadere in utrasque dignitates; nam post vota non prærendendi dignitatem intra, aut extra Societatem subditur: *Item Societati, vel ejus Præposito manifestaturus, si quem sciant aliquid hujusmodi moliri.*

Puncti re-
solutio
hiparata.
Ponitur
utraq;
pars au-
thoritate.

4 Ratio autem quoad honestatem hujus voti clara est; quia deferre ad superiorem peccatum subditi, maxi-

me quando vergit in commune detrimentum, per se, & ex objecto bonum est, dummodo debito fine, & circumstantiis vestiatur. Sic Christus dixit Matth. 18. *Dic Ecclesię:* votum autem hoc, quamvis simpliciter, & absolute fiat, intelligendum est de revelatione iusta, & charitati consentanea, ut in simili dixit Sylvest. verb. *Denunciatio*, q. 5. quod explicare non fuit necesse, quia & ex materia ipsa, & ex ratione voti erat satis manifestum, nam certum est hoc genus delicti multum posse nocere Societati. Certum etiam est hoc nocumentum majus futurum, si tale delictum a scientibus occultetur: nam & timor penarum, & providentia superiorum multum juvare potest, ut illud non serpat, neque effectum habeat. Est ergo per se bonum, ac moraliter necessarium ad commune bonum Societatis, ut superioribus manifestetur: ergo hoc etiam votum honestum est.

Probatur
deinde
ratione
quoad
priorem
partem.

5 Quod vero etiam utile sit, declaratur, tum quia licet charitas possit per se ad hoc obligare; tamen peculiaris obligatio religionis ex voto & est magis clara, & expressa; & multum solet movere cõscientiam religiosum etiam, quia hoc votum non tantum obligat, supposita alia obligatione charitatis, sed absolute, quod id potest honeste fieri, etiam si aliis non esset præceptum. Sæpe enim accidere potest, ut revelare peccatum fratris superiori possit honeste fieri, non tamen sit sub præcepto, quia præcepta affirmativa non obligant pro semper, etiam supposita honestate actus, nisi intercedat sufficiens necessitas; hæc enim separabilis est ab honestate, etiam in præsentia materia. Nam ad honestatem sufficit aliqua utilitas, quæ tamē non semper satis est ad præcepti obligationem: si ergo quis obligetur ex voto ad subveniendum hoc remedio Societati, non solum quando necessitas charitatis cogit, sed etiam quando utilitas majoris boni suadet, & honestat actum, in magnâ profecto utilitatem religionis cedit tale votum. Ita ergo est in præsentia voto, ut amplius ex illius declaratione constabit.

Probatur
quoad po-
steriorem.

De materia ejusdem voti.

6 Circa materiam erga hujus voti distingui potest remota, & proxima. Remota est peccatum ambitionis in procuranda dignitate, intra, vel extra Societatem. Proxima est manifestatio illius peccati. Circa priorem inquiri potest primo, qualis, & quanta futura sit hæc ambitio, ut sit materia hujus voti; sed in hoc, regula delicti potest ex dictis supra in c. 7. usque ad n. 12. circa votum non ambiendi dignitates: ibi enim declaravimus, quid sufficiat ad violandam graviter illud votum, illa ergo ambitio, quæ fuerit peccatum mortale contra votum illud, est materia sufficiens in suo ordine ad hujus voti obligationem; nullo enim certiori modo potest hæc materia designari. Quod etiam ex verbis constitutionis satis colligitur, quæ sic habent: *Promittant se nihil unquam ad eam obtinendam acturos, & quos agere animadverterint, delaturos.* Eadem ergo actio, quæ cavenda promittitur, deferenda vivetur, si in alio animadvertatur.

Explica-
tur mate-
ria remo-
ta per 3.
questum.
Prima re-
solutio.

7 Quæri vero subinde potest, an oporteat tale peccatum in altero esse contra suum votum, ut sit materia hujus voti; quod est querere, an hoc votum obliget ad manifestandum judicialiter illud peccatum commissum a quocumque religioso Societatis (nam de fraterna manifestatione res videtur clara, ut lib. 10. c. 9. constabit), vel solum ab eo, qui ex voto speciali illud cavere tenetur. Potest enim etiam scholaris approbatus in hoc delinquere, ut ex dictis in c. præced. n. 19. intelligi potest, quamvis nullum votum de hac re fecerit: tenebiturne ergo professus Societatis, ex vi hujus voti, illum manifestare? Respondeo mea sententia non teneri. Nam licet in forma vivendi dicatur, *si quem sciatur;* & in constitutione, *& quos agere animadverterint;* tamen ex subjecta materia, & ex contextu constat, illa relativa eos tantum referre, qui ex voto ad delictum illud cavendum obligantur. Ratio vero esse potest, quia licet Societati maxime expediat, ut omnes, qui quocumque modo sunt membra ejus, omnem ambitionem evitent, nihilominus non omnes ad votum de hac re emittendum obligantur, sed sufficienter in hac parte provisum creditur Societati, si præcipua membra ejus, quæ jam sunt cum illa (ut sic dicam) ultimare conjuncta, hoc vinculo obligentur: cum in illis magis timeri posset hoc vitium, quia futuri sunt digniores, & ad hujusmo-

2. Qua-
ritio.

Resolvitur.

di munera aptiores, & propinquiore. Sic ergo sufficiens visum est, si votum manifestandi hoc delictum solum in ordine ad easdem personas fiat. Item sicut scholares approbati non tenentur ex speciali voto deferre professum, etiam si illum in hoc peccare animadvertant, sed solum ex communi regula, & lege charitatis; ita neque contrario professi tenentur ex suo voto ad manifestandum hoc delictum judicialiter, etiam si in scholari illud animadvertant, sed solum ex eadem regula, & lege charitatis. Tandem potest etiam circa hanc partem inquiri, an peccatum hoc debeat esse publicum, vel occultum sufficiat: item an certum, vel etiam dubium. Sed hæc tractabuntur commodius explicando obligationem hujus voti in 3. puncto.

Materia prima duplex. Et de quâ procedat votum.

8 Circa alteram partem materiæ, quam proximam appello, dubitari potest, de qua manifestatione, seu denunciatione, in ea sit sermo. Duplex enim esse potest denunciatio, quantum ad præsens spectat: una judicialis, quæ ordinatur ad punitionem delicti jam commissi, & consequenter ad vitanda similia, non solum in ipso, qui denunciatur, sed etiam in aliis. Alia paterna, seu fraterna appellatur, quæ ordinatur præcipue ad emendationem in futurum, vel propter spiritualem salutem ipsius delinquentis, vel præcipue propter bonum alicujus communitatis, cujus grave detrimentum ex tali delicto probabiliter timetur. Dubitari ergo potest, de qua istarum denunciationum intelligendum sit hoc votum, nam ipsum indifferenter sit; & tamen ad executionem ejus multum refert, an uno vel alio modo facienda sit denunciatio. Quia si votum solum obligat ad denunciationem paternam, non tenebitur quis judicialiter denunciare, & consequenter non poterit Prælati Societatis ad punitionem delicti procedere, cujus oppositum constitutio supponit, poenam inhabilitatis imponens propter hoc delictum, nec sine causa, quia aliàs non esset illud sufficiens remedium ad cohibendum hoc delictum. Item quia aliàs servandus esset in hac denunciatione ordo correctionis fraternæ, & admonendus esset prius delinquens, si esset spes emendandi, vel si esset emendatus, non esset facienda: quæ omnia videntur esse contra finem, & intentionem hujus voti, quæ fuit efficacius remedium adhibere, ut nemo auderet vitium hoc in Societate introducere. Quod si propter hæc dicamus, votum hoc intelligi de denunciatione judiciali, sequitur, neminem obligari ad exequendum hoc votum, nisi quando potuerit probare delictum, quia judicialis denunciatio non potest licite aliter fieri, nam esset finis improporcionata, & per illam infamaretur proximus sine fructu, & daretur occasio faciendi similes injurias proximo. Illud autem consequens videtur etiam nimium enervare vim hujus voti, & efficaciam hujus remedii. Posset enim hoc delictum serpere in Societate, & multum illi nocere, priusquam esset probabile in judicio.

Authoris resolutio

9 Ad hanc dubitationem breviter dicendum est, materiam hujus voti præcise, & indefinite, esse accipiendam prout verba sonant de manifestatione faciendâ Præposito, eo modo quo licite fieri potuerit. Cum enim votum indistincte fiat, non possumus nos illud limitare citra id, quod materia voti intrinsece postulat: hoc autem solum est, ut actio honeste, & utiliter fiat. Quocirca quando circumstantiæ non juvant, ut denunciatio judicialis fieri possit, paterna autem, seu fraterna, aut quocumq; alio nomine vocetur delatio alia ad superiorem, commodè, & utiliter fieri possit, illa erit sufficiens materia hujus voti, quia per illam satis expletur, quia solum, seu indistincte promissa est manifestatio superiori: unde non est dubium, quin ad illam faciendam tunc obliget hoc votum. Si autem judicialis denunciatio commodè fieri possit, etiam poterit fieri licite, constatque sufficientem esse ad hoc votum explendum. Existimo autem immediate non cadere sub obligationem ejus, quia plus involvit, quam promissum sit. Semper ergo satis fiet voto huic, simpliciter manifestando rem superiori, qui judicabit, an debeat procedi ad denunciationem judicialem, poteritq; obligare subditum, ut illam faciat, si expedire censuerit, si non in virtute hujus voti, saltem in virtute obedientiæ, quod satis est. Ad difficultates autem positas respondere nunc non est necesse, quia neutram partem admittimus tamquam definite necessariam, in quo sensu ille procedunt, & ideo non se-

Suarez. Tom. XV.

quuntur. Quid autem dicendum sit de nonnullis casibus, qui ibi tanguntur, in sequenti puncto attingemus.

Quando & quibus circumstantiis hoc votum obliget.

10 Circa obligationem ergo hujus voti, quia affirmativa est, explicare oportet, quando, & cum quibus circumstantiis obliget; est enim hæc obligatio quasi præcepti affirmativi, cujus natura est, ut non obliget pro semper, sed tempore opportuno, & cum debitis circumstantiis. Primo ergo dubitari potest, quæ, & quanta notitia de delicto alterius requiratur in habente hoc votum, ut obligetur ad manifestandum illud superiori. Videtur enim quolibet probabilis conjectura, vel suspicio sufficere, saltem ut in eodem gradu, & sine majori exaggeratione aperiatur superiori. Quia talis manifestatio tunc etiam est consentanea fini hujus voti, nam potest esse utilis ad impediendum majus malum, vel rollendam suspicionem, si fundamentum non habuerit. Videtur etiam consentanea verbis constitutionis: nam in 10. p. §. 6. dicitur, *quos animadvertent*, quod verbum generalem significationem habet, complectentem omnem illum modum cognitionum. Unde in 8. p. c. 6. §. 2. in declarat. A. hic casus distinguitur quoad modum punitionis, quando de illo satis constat, vel solum est suspicio probabilis, aut non satis probata. Unde videtur supponi in omnibus his casibus esse manifestandum.

Quæstio. Item quæ notitia delicti obliget hoc votum.

11 In hoc dubio tractari potest, quid sit in obligatione, vel quid liceat, aut expediat. Quoad priorem existimo, votum hoc non obligare, nisi supposita certitudine delicti. Probatur ex forma vovendi: *Si quem sciam, &c.* quod verbum retinetur etiam in constitutione: *Ascendente Domino*. Est autem sumendum in ea proprietate, in qua saltem communi modo loquendi usurpatur; nullus autem prudens dicit se scire, nisi quæ morali saltem certitudine novit; licet enim non oporteat interpretari illud verbum in dialectico rigore, saltem moralis, & juridica proprietate retinenda est: juridice autem nullus dicitur scire, nisi qui moralem certitudinem de re habet. Unde glossa in l. 2. §. 2. antepenult. ff. de aqua pluviali arcenda, dixit, *scire esse veritatem visu perceptam in mente retinere*: ubi per visum intelligit quamcumque experimentalem rei cognitionem. Sic enim Bartolus dixit, per visum intellexisse omnem finem in l. 1. ff. de interrogatoriis actionibus, quam refert Navarr. in cap. *si quis autem*, de pœnit. d. 7. num. 9. qui addit per visum etiam intelligi posse puram intellectualem cognitionem, sed non est necesse, quia agimus de scientia humana, & practica.

Resolvitur obligare solùm cum notitia certa.

12 Adde vero ad scientiam, de qua agimus, non oportere rem esse visam, aut proprio experimento cognitam, nam si certa humana fides, per testimonia fide digna, de illa habeatur, satis erit; nam hæc sufficit ad moralem certitudinem. Unde Innocentius in c. *cum in causa* de juramento calumniæ, juramentum de veritate dicenda, quam quis scivit, non solum esse posse de his, quæ quis vidit, sed etiam de his, quæ indubitanter credit, non solum fide divina, sed etiam humana. Consentit Felinus referens plures alios in cap. 1. de summa Trinit. & fid. cathol. ubi specialiter notandum est, quod cum Dominico, & aliis dicit, posse aliquem dicere pro certo scire, quod ab uno fide digno tamquam certum accepit. Quod etiam significat Navarr. in c. *inter verba*, concl. 6. Corol. 66. n. 389. qui etiam allegant glossam in l. *si quis extraneus*, §. *sciendum*, alias *si quis*, ff. de acquirenda hæreditate, & in l. *Titio fundus*, ff. de condit. & demonstrat. Sed illæ parum, aut nihil ad rem præsentem dicunt. Denique addit Navarrus hanc moralem certitudinem sufficere, ut subditus teneatur manifestare delictum Prælato interroganti, an illud sciat, sive per generalem, sive per particularem inquisitionem: sic ergo in præsentem sufficit similis certitudo, ut votum obliget ad manifestationem. Ratio autem est, quia tunc subest materia hujus voti in omni proprietate verborum, si moraliter accipiantur, ut re vera sumenda sunt: subest etiam ratio sufficiens boni communis, per medium ordinatum, quia per illam manifestationem potest facile præveniri ad exactam cognitionem delicti, maxime si revelentur personæ, a quibus talis notitia accepta est.

Quæ certitudo requiratur.

13 Quod autem minor notitia, aut quolibet alia suspicio non sufficiat, satis ostensum est ex ipsa forma vovendi, per quam declarandum est aliud verbum con-

Satisfit argumentum in 10.

Quid ad difficultates in n. p. acci.

stitutionum, si animadverterit. Quod etiam in rigore significat satis certam cognitionem. Alio vero in loco constitutionum, quamvis supponatur aliquando, posse negotium hoc de aliqua persona tractari, propter solam suspicionem, eamque non inveniri probabilem post exactam rei examinationem; non tamen asseritur, cum sola illa suspitione obligare votum ad huiusmodi manifestationem. Nec denique satis est, quod illa possit esse utilis, quia ad voti obligationem oportet inspicere materiam ejus; neque oportet voveri manifestationem pro omni eventu, in quo potest esse utilis, satis enim fuit providere casibus certis, & moraliter necessariis. Quocirca, licet in casu solius suspicionis, vel opinionis non satis certæ, obligatio hujus voti non cogat, nihilominus sæpe poterit manifestatio esse licita, si pure & simpliciter fiat in eo gradu, in quo voveretur, eo fine, ut superior ea cognitione instructus, attentius vigilet, & prudenter modo perspicat, an res illa majus habeat veritatis fundamentum, vel si nullum invenerit, ut etiam suspicionis occasio tollatur.

14 Secundo dubitari potest, an hoc votum obliget denunciare delictum, quod præteritum est, & in futurum omnino non pendet: ut v. g. si ulli constet aliquem professum aliquando ambuisse prælationem, jam vero omnino cessasse, ut non sit morale periculum reincidendi, an teneat nihilominus illius delictum Generali manifestare, si ille consequutus fuerit dignitatem, quam ambiebat, si non; hoc enim ad præsentem obligationem nihil referre videtur, cum effectus consequutus non augeat, nec minuat delictum. Pars ergo affirmans suaderi potest, quia hæc manifestatio non ordinatur præcipue ad emendationem privatæ personæ, sed ad commune bonum Societatis, ut illa omnino impediarur hoc ambitionis genus, ad quod valde necessarium esse potest, etiam in eo casu rem manifestare.

14 Nihilominus dicendum censeo in eo casu votum non obligare. Probatur: nam verba voti hæc sunt: *Si quem sciam aliquid prædictorum duorum curare, vel prætere, scilicet de præteritis; non vero dicit, curasse, aut prætere, quod longe diversum est: nec obligatio rigorosa est ultra verborum exigentiam extendenda. Aque idem probant verba constitutionum 10. p. § 6. & quos agere animadverterint delaturos, & verb. Gregorii XIII. Si quem sciant aliquid huiusmodi moliri. Declaratur præterea, nam ubi B. Ignatius voluit hanc obligationem ad præteritum actum extendere, id expressit; cum ergo id non expresserit, signum est noluisse. Antecedens patet ex 8. p. constit. c. 6. §. 2. ubi pro eo tempore, quo Societas congregata est ad eligendum Generalem, omnibus electoribus præceptum imponitur: *Unusquisque sub pœna excommunicationis lata sententia, teneatur Vicario manifestare, vel alicui ex antiquioribus professis, qui cum Vicario conferat, si sciat aliquem hoc munus affectasse, vel etiam tunc affectare directe, aut indirecte id procurando, vel signo aliquo id declarando.* Quod præceptum peculiare est, & distinctum ab obligatione voti, & non habens locum in aliis dignitatibus, vel prælationibus, sed solum in Generalatu, propter rei gravitatem, & idcirco specialiter extenditur ad præteritum tempus, quia ibi etiam consideratur dignitas eligendorum, & fidelitas eligentium, & utriusque estimatio valde minuitur ex tali delicto etiam si præteritum sit: ergo ab eo casu, ut ab speciali, optimum sumitur argumentum ad negandam extensionem illam in generali obligatione, in qua non exprimitur.*

16 Eo vel maxime quod etiam in illo præcepto, illud præteritum, *affectasse*, non est extendendum ad totum tempus vite præteritæ, sed ab obitu Generalis usque; nam electionis, ut videtur declaratum a quarta congregatione generali in formula generalis congregationis §. 21. ubi etiam declaratur, præceptum illud non tantum obligare respectu eorum, qui ad electionem congregati sunt, sed respectu omnium de Societate, quicumque, & ubicumque sint, qui ab obitu P. Generalis ad electionem usque, pro se, aut pro aliis ambierint, quia nimirum de omnibus præteritis electio, & omnes possunt electionem perturbare; præceptum autem manifestandi licet ibi non videatur imponi omnibus de Societate, sed solum ad electionem congregatis, nam ad illos tantum loquitur d. constitutio; tamen in formula congregationis generalis §. 82 extenditur præceptum sanctæ obediencie ad om-

nes, qui sciverint similem ambitionem, siue sint ex numero congregatorum, siue non; ibi vero non agitur quid de electione Generalis, sed assensum, tamen ob identitatem rationis potest inde sumi argumentum, vel interpretatio prioris præcepti, quamvis in materia odiosa. Prædicto autem modo merito fit illa extensio ad præteritum, quia quamvis forte ambitio cessaverit, effectus ejus moraliter durare censetur ob temporis brevitatē: imo vix potest moraliter præsumi emendatio; at vero in materia hujus voti nulla est limitatio, vel designatio præteriti temporis, & ideo in illa non fit hæc exceptio, alias quantumvis lapsus aliquis finitus jam esset, emendatus ac sopitus, excitandus esset propter obligationem hujus voti; quod nec charitati consentaneum est, nec Societati necessarium, aut utile.

17 Unde ad rationem in contrarium responderetur in primis, ut supra dixi in n. 13. ad obligationem voti non quamcumque utilitatem esse spectandam, sed materiā, & verba, quibus fit votum. Deinde licet ex tali manifestatione sperari possit illa generalis utilitas, quod debita non maneat impunita; tamen non est hæc, quæ præcipue per hoc votum intenditur, sed præcludere aditum ad quærendam, vel obtinendam dignitatem per ambitionem: ad hunc autem finem satis est ambitionem, quæ aliquo modo durat, impedire. Ut autem ambitio finita censetur, non satis est mutasse voluntatem, vel egisse penitentiam prioris delicti: nec cum effectu cessasse novā sollicitudinem, & negotiationem ad dignitatem obtinendam; sed necesse est præteritum factum ita retrahari, seu impediri, ut effectum non habeat, id est, ut ex vi negotiationis factæ, dignitas non obtineatur, alioqui, & finis primarius voti perseverat, & materia etiam durare virtualiter censetur. Et ad confirmandam totam hanc doctrinam facit, quod communiter Doct. tradunt circa præcepta Superiorum inquirentium delicta in generali ad ea emendanda, vel impedienda; excusant enim subditos ab onere talium præceptorum, quando delictum omnino cessavit, & nullum novum periculum omnino timetur, ut videre licet in Navarro, c. *Inter verba*, concl. 6. coroll. 66. Soto lib. 5. de Justit. p. 5. ar. 1. vers. *Et hic sumenda est regula*. Cordub. in sum. q. 64. qui alios refert.

18 Tertium dubium est, an hoc votum obliget, quando delictum alterius occultum est; & ratio dubitandi esse potest, quia hoc votum absolute fit. In contrarium autem est, quia manifestare occultum delictum fratris videtur intrinsece malum, quia Ecclesia non iudicat de occultis, denunciatio autem, quæ fit Ecclesie, vel pastoribus ejus, ordinatur ad aliquod eccl. sic iudicium: ergo si fiat de re occulta, est prorsus inutilis ad hunc finem: ergo si fiat, erit pura detractio, & consequenter intrinsece mala. Unde de inquisitionibus generalibus est communis resolutio, neminem teneri ad denunciandum, quod probare non potest. Angelus verb. *denunciatio*, n. 13. Sylvest. q. 4. n. 5. verb. *excommunicatio*, 2. dub. 8. n. 18. qui tamen hoc limitat ad denunciationem publicam cum Rosella eodem verb. n. 6. talis autem esse videtur manifestatio, de qua hic agimus: & idem sentiunt plures alii, quos refert & sequitur Corduba paulo ante citatus, & l. i. quæstionarii q. 43. & plura de hac materia infra videbimus lib. 20. per varia capita, explicando quandam regulam Societatis: & quia ex illa generali materia hæc specialis pender: ideo in præsentibus breviter hoc dubium expediemus.

19 Primo ergo vulgaris distinctio præmittenda est, de delicto publico, vel occulto, in utroque enim membro varii sunt gradus, ut tangitur in c. *vestra*, de cohabit. clericæ & mulier. & a Doctoribus ibi tamen ad rem præsentem explicandam distinctius possunt ita proponi: quoddam enim delictum est ita occultum, ut sub secreto confessionis sciatur: & hoc in quæstionem non venit, quia semper intelligitur exceptum, vel potius illud non reputatur scitum. Aliud est ita occultum, ut per solam secretam consultationem ordinatam ad bonum, & remedium anime delinquentis sciatur. Tertio est occultum, quod sub communi naturali secreto scitur per solam relationem, seu narrationem ipsiusmet delinquentis, vel alterius. Quarto est occultum, quod unus novit per certam scientiam, seu visionem, a nullo autem alio scitur. Quinto, quod unico tantum testimonio præter ipsum denunciabile probari potest. Sexto quod est sufficienter probabile per duos, vel tres testes, quamvis de illo

Licet ob minori potest denuntiari, si fiatere de.

Quæstio. 2. An dicitur votum obliget denunciare delictum præteritum.

Ad argument. pro pa. te. affirmat. in n. 14.

Quæstio. 3. circa idem 3. punctum an votum obliget denunciare occultum.

Præmittuntur varii gradus.

Explicit. præceptum de evellenda præsentia afectione generalis.

illo nulla sit infamia, vel major notitia, & hic gradus participare incipit aliquid de publico: quamvis absolute tale delictum, non censetur publicum a Theologis, nec Juristis, sed proprio nomine dicatur probabile, ut videre licet in Cajetano, & aliis 22. qu. 33. art. 7. Navarro in Summa c. 27. nu. 355. Adriano in 4. materia de correctione fraterna, & aliis citatis & citandis.

20 Publicum ergo dicitur, quod ab aliqua communitate, vicinia, aut familia scitur, vel saltem a majore parte ejus; oportet tamen, ut familia sit saltem decem personarum, juxta frequentius arbitrium Doctorum, quos citavimus: unde saltem necesse est, ut a sex, vel septem personis sciatur: & hoc credo in presenti sufficere, etiam si non sit ille numerus major pars communitatis. Quis enim dicat tantum esse publicum hoc delictum ambitionis, de quo agimus, quando scitur in majore parte totius Societatis, vel totius domus, in quo sunt centum, vel plures personae, vel totius congregationis generalis constantis etiam magno numero personarum? Satis ergo est, quod a pluribus certo sciatur, numerus autem definiri non potest, nisi prudenti arbitrio: sex autem, aut septem videtur sane numerus sufficiens, saltem ad minimum gradum publici facti. Nam aliud dicitur notorium, quod frequentiore requirit notitiam: aliud dici potest famosum, quod præter certam notitiam plurium, addit infamiam inde ortam. Præter hæc vero dici etiam potest famosum, vel etiam laborare infamia delictum, quod a multis scitur per relationem tantum, ab uno tamen oculari teste manantem. Denique aliquando est infamia de delicto, cujus origo ignoratur, solumque de publico rumore constat.

Gradus
varii pu-
blici deli-
cti.

1. pronun-
ciatum
quoad de-
nuncia-
tionem
judicialē.

2. pronun-
ciatum.

3. pronun-
ciatum.

Expedi-
tur ratio
utrinque
dubitandi
in n. 18.

4. pronun-
ciatum at-
tinentes ad
denuncia-
tionē pa-
ternam.
Sumitur
ex autho-
ritatibus.

21 Ad dubium ergo propositum respondeo in primis quocumque; ex dictis nuper modis delictum sit publicum, vel etiam sufficere probabile, votum hoc obligare ad ejus manifestationem. Quod est certum, quia tunc manifestatio licita est, sive fiat per denunciationem secretam, & paternam, sive judicalem, estque utilis ad finem voti, & comprehensa sub verbis ejus. Solum potest esse difficultas, an ultimus modus infamiae sufficiat ad denunciationem judicalem, de qua dicam statim. Addo ergo etiam, quando delictum est semiprobabile, i.e. ab uno fide digno teste sufficere notum (qui erat quintus modus in n. 19. positus) obligare votum, quia etiam tunc potest licite fieri, saltem per secretam, & paternam denunciationem, ut ex dicendis a fortiori patebit. Quin potius credo etiam tunc posse fieri judicalem denunciationem, ita ut denuncians non se obliget ad integram probationem, sed solum ad manifestandum, quod scit. Nam materia est pertinet ad commune bonum, cui præferendum non est privatum incommodum, & ille modus denunciationis potest esse valde utilis ad illum finem, quia deserviet, ut superior possit legitime interrogare testem, & ut post illius testimonium possit juramento, vel alio convenienti modo cogere reum ad veritatem dicendam: imo addit Navar. dicto c. *Inter verba*, nu. 381. (ubi hanc sententiam tenet) quod ipsemet denunciator potest esse testis simul cum alio ad probandum delictum via denunciationis, ad effectum injungendi penitentiam, & emendandi peccatum.

22 Extra hos vero casus, in omnibus aliis modis occultis delicti, non potest quis etiam occasione hujus voti procedere ad denunciationem judicalem; quia talis denuntiatio per se non est rationi consentanea, quod intendunt auctores in ratione dubitandi n. 18. allegati, & probat ratio ibidem facta. Atque eodem modo dicebamus supra n. 12. quoties laborat infamia delinquens, etiam si non constet, an ex aliqua scientia orta sit, posse deferri ad superiorem, ut in eo delicto judicialiter procedat, eo modo, quo licite potest, dummodo saltem ipsa infamia sufficienter probari possit: quia id satis est, ut possit superior postea juste inquirere, & convenientia remedia adhibere.

23 At vero de secreta, seu paterna denunciatione distinguendum est; nam licet delictum sit occultum quarto modo posito in nu. 19. id est, soli eidem personae per certam experientiam, seu visionem cognitum; nihilominus per se loquendo potest delictum secretum manifestari Præposito Generali. Ita sumitur ex Covarruvia lib. 1. variatum c. 11. nu. 6. & 7. Adriano quodlib. 11. liter. R. Soto select. de legato secreto memb. 2. qu. 4.

Suarez, Tom. XV.

concl. 2. Navarro in manuali, c. 18. n. 61. & cap. *Inter verba*, conclus. 6. & aliis Doctoribus, dicentibus hunc modum denunciationis esse licitum, quando ordinatur ad vitandum aliquod damnum grave, vel communitatis, vel alicujus tertiæ personæ. In presenti enim non agitur præcipue de vindicando ambitionis delicto, sed de impediendo communi nocumento religionis, quod esset maximum, si dignitates per ambitionem obtinerentur, vel si hoc vitium paulatim in hac religione introduceretur; quod facile timeri posset propter propensionem magnam hominum ad hujusmodi vitium, & plures occasiones ejus, quæ in hac religione esse possunt, cui tale vitium maximam perniciem afferret. Unde Soto dicta quæst. 4. de secreto dub. 1. post 3. conclus. inter peccata, quæ per se vergunt in perniciem publicam, ponit ambitionem, & subornationem suffragiorum in cathedris, & in aliis electionibus: quod non sine multorum scâdalo fieri experientia satis docet. Hinc ergo concluditur ratio assertionis, quæ generalis est, quia bonum commune præfertur privato, & converso nonnullum nocumentum privatæ personæ, & præsertim nocentis permittendum est, vel contemnendum propter vitandum majus damnum, vel communitatis, vel alicujus innocentis. In presenti autem damnum proveniens ambizioso ex manifestatione peccati ejus occulti parvi momenti est comparatione nocumenti, quod ex ejus vitio religioni potest provenire. Imo etiam respectu ejusdem religiosi, potest in majus bonum redundare: nam damnum solum est parva quædam infamia apud Superiorem, commodum autem est, ut vitetur spirituale ejus damnum, & periculum: ergo.

24 Dices: licet hic finis bonus sit, medium tamen non est proportionatum, quia si delictum est occultum, etiam si reveletur superiori, nullum potest medium adhibere: quia nec potest interrogare reum; nec si interroget, ille tenebitur confiteri delictum, quia non juridice interrogatur: quod si neget, illi potius est fides adhibenda, præsumitur enim innocens, qui non probatur nocens. Neque etiam potest de tali delicto inquirere in particulari, quia esset infamare talem personam. Denique datur aliis occasio facta denunciandi, si possunt occulta dicere, quæ probare non possunt. Respondeo ad priorem partem, quamvis illud medium non sit omnino efficax, non tamen esse inutile, & in ea opportunitate esse unicum, & maximum remedium, quod adhiberi potest, & ideo pro capacitate materiæ esse satis proportionatum, & in tanto periculo communis boni non esse omittendum. Nam in primis sæpe contingit, ut quod unus scit, putans rem esse occultam, & sibi soli notam, alius eodem modo idem sciat, vel eadem via, aut alia simili: & tunc si uterque recutrat ad superiorem, erunt duo testes, qui licet fortasse contestes non sint, & ad ordinariam penam non sufficiant, multum tamen conferre poterunt ad remedium adhibendum, præsertim in causa pertinet ad bonum commune, ut constat in heresi, prodicione, &c. Deinde etiam si unus solus secreto denunciaret, deserviet, ut superior attentius invigilet, & observet personam & actiones ejus, & omnia indicia, vel circumstantias, quæ veritatem indicare valeant. Potest etiam generalem aliquam inquisitionem facere nullam suspicionem de tali persona ostendendo, sed solum de ipso delicto, aut de possibilitate ejus, ex officio procedendo, ut ita intelligat, an aliquis rumor de tali persona sparsus sit; & ita juxta comparatam cognitionem prudenti arbitrio poterit remedium adhibere, etiam si non puniat peccatum. Quod in Societate facilius est Præposito Generali, quia ad ipsum pertinet distributio omnium dignitatum, seu prælationum ejus, & ipse etiam debet præbere consensum, ut extra illam acceptetur: quod si agatur de ambitione Generalatus, ad Vicarium Generalem pertinet hujusmodi cura, & providentia. Nam in eo casu tam occultis criminis satis esse videtur rem illi manifestare: nam per hoc satis impletur votum manifestandi *Societati, vel Præposito ejus*. Vicarius autem non communicabit cum aliis tribus antiquioribus professis in constitutionibus designatis, donec prudenter judicet, an res sit in eo statu, ut possit in judicium deduci, vel nisi eorum consilio, & industria indigeat ad remedium adhibendum.

Ratio ad
idem.

Obje-
ctio
bipartita.

25 Ad aliud autem inconueniens de periculo falsi testimonii, respondetur, in primis hoc non esse morale periculum, nec præsumendum in personis religiosis. Deinde exigi potest iuramentum, quando fuerit aliqua talis suspicio; obseruandæ etiam sunt aliæ circumstantiæ, & indicia, quæ moraliter non desunt, quando tam inordinatus est animus, & affectus denunciantis, ut falsum testimonium in re tam graui alteri imponat. Deniq; hæc manifestatio non ad hoc ordinatur, ut statim adhibeatur fides uni denuncianti, sine alio examine, vel consideratione. Sed ut inde sumi possit initium, & via intelligendi certius veritatem, & adhibendi aliquod remedium. Aliquando vero tanta posset esse autoritas unius loquentis propter vitæ integritatem, & prudentiæ existimationem, ut si rem assereret tamquam sibi certa experientia notam, fides illi esset adhibenda, non quidem ad puniendum delictum, sed ad ejus affectum & progreßum impediendum, argumento capit. *super eo*, secundo de testibus, juxta quem textum unus testis veridicus sat est ad malum impediendum, licet non ad puniendum.

Vide Sanchez lib. 1. de matr. disp. 71.

5. pronũtium ad eandem pacernam denubiationem agnens

26 Ex quibus inferitur idem esse dicendum in tercio casu in n. 19. posito, quando res non solum occulta est, sed etiam sub secreto naturali recepta: tunc enim non obligat naturale secretum ad seruandum illud, non obstante fide, seu promissione data: quia semper subintellegitur cõditio, nisi tale secretum in detrimentum communis boni cedat, nam tunc obligatio esset iniqua, & contra ipsum naturale jus: in præsentem autem materia tale secretum vergeret in magnum Societatis detrimentum, ut in nu. 11. & 12. ostensum est, & ideo non obstante tali secreto, licitum est ambitionem præposito manifestare: quod si est licitum, etiam cadit sub obligationem hujus voti, quia continetur sub verbis ejus, ut constat ex interpretatione superius in nu. 2. data; suppono enim cognitionem sub illo secreto acceptam esse sufficienter certam moraliter, modo superius in numero illo 19. explicato: nam illo posito nihil deest ad materiam & obligationem hujus voti.

Utrum professus Societatis ex vi voti teneatur denuntiare ambitionem, quam alter secreto, & gratia tantum salutaris consilii postulandi, illi manifestauit.

27 Solum superest difficultas circa secundum modum occulti, in quo adjungitur secretum consultationis ordinatæ ad remedium animæ. Quibusdam enim videtur, etiam in eo casu obligare hoc votum, quia peccatum occultum, quod vergit in corruptionem communitatis, revelandum est superiori secreto, & ut patri, non obstante quocumque secreto extra confessionem. Sub hac enim generalitate loquitur diuus Thomas 2. 2. qu. 70. art. 1. ad 2. & eodem modo loquitur Sorio libro quinto de Justitia quæst. 7. articulo primo ad primum, & de regendo secreto membr. 2. quæst. 7. proxime ante 4. conclus. Cajetanus etiam, cum aliis modernis expositoribus ibi. At vero præfens delictum, de quo agimus, vergit in commune detrimentum religionis, ut num. 23. ostensum est; ergo non obstante illo secreto licite revelatur, & consequenter obligat hoc votum. In contrarium vero est, quia multi graves auctores negant delictum esse revelandum, quod per solam consultationem secretam cognitum est. Navarr. in Summ. cap. 25. nu. 46. & late in dict. c. *inter verba*, coroll. 6. præfatum a num. 401. Cord. lib. 1. qu. 43. dub. 2. casu 3. Sed hi indifferentes loquuntur de consultatione, quæ fit ad remedium annonæ, vel corporis, vel rei familiaris, qualis fieri solet cum Advocato, Medico, & similibus, & ideo etiam Corduba, & Navarrus posteriori loco, adhibent exceptionem: *Nisi revelatio sit necessaria ad vitandum majus malum Reipublicæ, vel innocentis*, ut vulgite est de crimine hæresis, sicut tractavi disp. 20. de fide lect. 4. prodictione, & aliis.

28 Invenio unicum Dominicum Bannes qui 22. dist. q. 70. art. dub. 4. ad 6. in specie dixit Theologum, si consultatur in ordine ad Sacramentum Pœnitentiæ, in nullo casu posse revelare, & loquitur aperte de consultatione distincta a propria confessione sacramentali, quæ nullo modo est pars ejus, licet ad illam ut ad finem extrinsecum ordinetur, & ideo non inducit proprium

sigillum ejus, sed infra illud tam magnum secretum, ut propter nullam causam illud revelare liceat, quod tamen ab ipso nulla auctoritate, vel ratione probatur. Porro autem in hoc fundari, quod per illam extrinsecam relationem participat talis consultatio religionem Sacramenti; ergo etiam participat secretum ejus, ita ut sacrum & religiosum dici valeat; ergo nulla ratione violandum est. Et confirmatur, quia aliàs magna ex parte præcluderetur via ad confessionem libere faciendam, si non posset homo libere, & sine timore revelationis consultare, quod necessarium sibi esset ad confessionem faciendam. Sed hæ rationes non cogunt, nam illa relatio est mere extrinseca, solum ex intentione operantis, & ideo non addit actui externo obligationem aliquam, vel potius efficaciam, ad illam inducendam, quemadmodum etiam attrigi in como de pœnit. disp. 33. sect. 4. n. 6. Neque etiam impeditur libera confessio, quia intra illam potest fieri sufficiens consultatio cum confessore, vel si ille non sit sufficiens doctus, per illum sub eodem sigillo, poterit consuli doctior; & tunc verum est, Theologum, qui consultitur, in nullo casu posse revelare secretum, quia re vera participat sigillum confessionis, nam recipit notitiam illam cum onere suo. Quod si fortasse nolit sub tanto sigillo illam audire, male faciet, quia confessor non potest aliter eam communicare.

29 Quocirca loquendo de consultatione in ordine ad confessionem, quam facit homo omnino extra confessionem, ut se ad illam præparet, vel ut recte possit disponere de rebus suis, sic non censeo esse in illa majorem secreti obligationem, quam esset ex natura rei in simili consultatione facta in ordine ad contritionem, vel satisfactionem propriæ conscientiæ, etiam si non esset sacramentalis confessio instituta, prout contingere posset in statu legis naturæ, aut veteris: quia nec cum institutione hujus sacramenti additum est speciale præceptum positivum talis secreti, pro illa consultatione, ubi enim ostenditur; neque ex natura rei sequitur, ut responsio in nu. præcedenti data ostendit. Nihilominus tamen ex ipsa rei natura etiam secluso sacramento censeo illud secretum esse gravissimum, ita ut licet non obliget in omni prorsus casu, & sine ulla exceptione, sicut sigillum confessionis; rarissime tamen, & non nisi propter vitandum maximum commune malum violari possit. Ratio est, quia hoc remedium consultationis secretæ ex natura rei est maxime necessarium ad bonum animarum, quod bonum majoris momenti est, quam alia temporalia, & ideo ad maximum bonum humani generis spectat, ut hoc remedium conservetur, & non fiat vel inutile, vel nimium onerosum. Potestq; cum aliqua proportionem hic applicari ratio, quæ de sigillo confessionis fieri solet: necessarium enim fuit, ut confessio, quæ medium etiam est ad salutem necessarium, inutilis, aut onerosa non fieret: sic ergo ne consultatio ad remedium conscientiæ ordinata, quæ suo modo est hominibus necessaria ad bonum animæ, inutilis, aut onerosa fiat, magnam secreti obligationem secum asserere necesse est, quamvis non in eo gradu, ut sit cum sigillo confessionis comparanda, quia nec res ita sacra est, nec ita necessaria. Et ideo dixi paulo ante, licet hoc secretum non obliget semper & sine ulla exceptione, sicut sigillum confessionis, non tamen posse violari, nisi gravissima communis causa intercedat. Ut autem causa prudenter judicetur sufficiens, non solum ponderandum est incommo dum particulare, quod inde accidere potest illi personæ, cujus secretum revelatur; sed etiam hoc generale, quod illud consultationis remedium multum enervatur, & fit odiosum per talem revelationem.

30 Ex hac igitur doctrina, quam verissimam existimo, & bonis moribus necessariam, infero in præfenti quæstione: non obligare hoc votum, quando res tantum scitur sub hac consultatione secreta, quia non existimo esse tunc licentiam talem revelationem. Nam licet ambigatur sit ex peccatis, quæ vergunt in detrimentum communitatis, majus censeo esse nocuum, quod ipsi etiam religioni provenire potest ex facilitate revelandi tale secretum; vix enim ullus auderet suæ conscientiæ providere per talē consultationē, quod maximum bonū est, similem enim ob finem, ne scilicet religiosi nostri

Resolvitur prædictum modum occulti non posse conferri cum sigillo

Esse tam gravissimum secretum

Ejus gravitatis ratio

Confirmatio proportionalis

6. Pronũtium ob dictam gravitatem secreti illius esse revelare delictum contra hoc votum

noſtri terreantur a manifesta ſuperiorib. conſcien-
tia, ut lib. 10. c. 6. tractabitur, diſtincte præcipitur iſdem
ſuperioribus, ut ſecreti illius naturalis fidem omnino
ſerventur. Et, quod caput eſt, nuper in 6. Congreg. ge-
nerali can. 12. ſtatuitur, quod de manifestandis ſuperio-
riorum defectibus in regula habetur; *intelligi de il-
lis defectibus, quæ ab aliquo alienata, & obſervata
fuerint; non autem de iſis, quæ ipſi ſecreto, & conſilii
petendi gratia, ut dirigan- tur vel juventur, alteri com-
municaverint.* Unde quod ſic ſcitur, dici poteſt morali-
ter neſciri, & hoc etiam titulo non comprehendit ſub
materia huius voti. Accedit, quod ſi attente res conſi-
deretur, majus commodum inde provenire poteſt ad am-
bitionis etiam impediendas: quia ipſi quoque; ambicioſi
majori cum fiducia conſulent viros doctos, ac religio-
ſos, a quibus poterunt ſaltem conſilio juvari: ſi autem
ſciant eſſe revelandos non conſulent, & ita nec conſi-
lium, nec revelatio locum habebunt. Unum vero addo
conſideratione dignum, oportere, ut conſultatio vera
ſit, & non ficta, id eſt, quod fiat animo intelligendi ve-
ritatem ad cavendum peccatum, vel ob alium finem bo-
num; nam ſi quis ſpecie tantum conſultationis utatur
vel ad inducendum alium ad malum, vel ad explorandū
animum ejus, vel quid ſimile; proſecto talis conſultatio
nō eſt digna ſecreto, & ideo ea nō obſtante obligabit hoc
votum, eo modo quo de aliis caſibus occultis diximus.

*Utrum ante denunciationem dicta ambitionis prami-
tenda ſit ſecreta monitio?*

31 Ultimo inquiri hic poteſt, an in illis caſibus, in
quibus manifeſtari poteſt ſuperiori hæc crimen, etiam ſi
ſecretum ſit, poſſit, vel debeat ſecreta admonitio præce-
dere: quando enim delictum eſt publicum, certa res eſt,
non eſſe neceſſarium, quia poteſt ſtatim procedi ad de-
nunciationem judicalem juxta doctrinam commu-
nem 2. 2. qu. 33. art. 7. ubi Cajet. circa ad tertium, &
Soto lib. 5. de Juſticia, qu. 5. art. 1. In occultis autem vi-
detur ſemper præmittenda admonitio juxta ordinem
Evangelicum Matth. 18. & cap. *qualiter & quando*, de
accuſatione. Sed de hoc infra lib. 10. cap. 9. & 13. expli-
cando generales regulas latius dicemus. Nunc ſolum
adverto, duplicem hic eſſe poſſe quæſtionem: una eſt, an
habens hoc votum, poſſit hanc admonitionem præmit-
tere: alia eſt, an teneatur. Ad priorem dicen- dum eſt, id
per ſe non eſſe contra votum; quia votum non fuit de
manifeſtatione faciendâ, nulla admonitione præmiſſa.
Dices: admonitio eo tendit, ut manifeſtatio non fiat, ſi
delinquens emendetur, & ex hac parte eſſe contra vo-
tum, quia tendit ad impediendum actum ejus. Reſpon-
deo primo antecedens non eſſe neceſſarium, quia poteſt
illa admonitio fieri, ut ſciat delinquens ſuum delictum
eſſe manifeſtandum ſuperiori, & ita diſponatur ad emē-
dationem, & correctionem ſuperioris. Deinde dicitur
illam intentionem debito modo concepſam non eſſe
malam, nam vel per admonitionem obſtinetur effectus
intentus perfectæ emendationis, & impediſionis totius
ambitionis, omniſque effectus ejus, vel non: ſi non, pro-
cedendum eſt ad manifeſtationem, ſicque non impedi-
tur votum, & hoc retineri debuit in propoſito, cum ad-
monitio fiebat: ſi autem emendatio perfectæ obſtenta
eſt, ceſſare poterit admonitio, nec fiet contra votum,
quia ejus materia ceſſavit, eo quod illud delictum jam
ſit quaſi omnino præteritum, quod non cadit ſub hoc
votum, ut ſupra nu. 14. diximus. Neque eſt contra vo-
tum expectare aliquam mutationem materiæ, qua fa-
cta ceſſet obligatio ejus; quia & obligatio illa affirma-
tiva eſt, nec ita obligat pro ſtatim, quin aliquam com-
modam occaſionem expectare liceat, & ratio expe-
ctandi, vel etiam deſiderandi talem mutationem po-
teſt eſſe honeſta, & ad charitatem pertinens, ut in præ-
ſenti facile conſiderari poteſt.

32 Ad aliam quæſtionem reſponderetur, non eſſe obli-
gationem promittendi in hoc caſu admonitionem,
quod eſt manifeſtum quoad voti obligationem, quia
in voto nihil agitur de hoc ordine ſervando. Solum er-
go poteſt dubitari de lege correctionis fraternæ, ſeu
charitatis: hic autem non habet locum obligatio, ſeu
ordo correctionis fraternæ per ſe loquendo: quia hæc
manifeſtatio, licet ſit ſecreta, & non ordinetur per ſe
ad punitionem delicti, in quo conveniet cum corre-
ctione fraternâ; re tamen vera non eſt correctio fra-

terna, nec pertinet ad præceptum illius, quia non ordi-
natur per ſe ad privatum bonum fratris, qui eſt pro-
prius finis correctionis fraternæ, juxta illud: *ſi te audie-
ris, lucratus eris fratrem tuum*; ſed ordinatur ad com-
mune bonum, & impediendum commune detrimen-
tum religionis ex aſſumptione ſui ſubditi ad prælatu-
ram, etiam ſi ipſe aliâ in ea procuranda non peccaſ-
ſet, & ideo non regulatur per ſe talis manifeſtatio præ
generalem legem, ſeu regulam correctionis fraternæ;
unde communis ſententia Doctorum eſt in peccatis,
quæ per ſe vergunt in damnum communis, non eſ-
ſe neceſſarium, per ſe loquendo, hunc ordinem ſerva-
re, ut videt ſcilicet in Soto dict. relect. membr. 2. qu. 4.
concl. 7. & Corduba dict. q. 43. lib. 1. & qu. 64. Sum-
me, & aliis, quos infra lib. 10. in proprio loco refere-
mus. Vide etiam, ſi placeat 36. Morum proprium Pii
V. contra offendentes Cardinales, ubi delictum illud,
quantumvis occultum, ſtatim manifeſtari præcipit ſub
excommunicatione latæ ſententiæ.

33 Dices: eſto hoc non pertineat ad præceptum cor-
rectionis fraternæ, ſed ad præceptum ſubveniendi com-
munitati periclitanti, nihilominus charitas fratris ſe-
per obligat, ut hæc ſubventio fiat cum minimo damno
ipſius, quoad fieri poſſit: ergo ſi poteſt ſubveniri per
monitionem ſecretam, famam proximi ſervando, non
eſt delictum ejus ſtatim manifeſtandum: ergo charitas
obligat ad præmittendam huiusmodi monitionem.
Reſpondeo, ideo ſemper dixiſſe, *per ſe loquendo*, quia in
hiſ rebus moralibus vix poteſt dari regula generalis,
quæ non patiat exceptionem. Dicimus ergo, ubi per
ſe primo agitur de communi bono, & de ſermo, ac ſecu-
ro remedio illius, & ubi tantum periculum imminet,
quantum eſt in huiusmodi peccatis, monitionem pri-
vatam non eſſe remedium proportionatum, quia mora-
liter non poteſt reputari ſufficiens, ſed neceſſaria eſt
providentia ejus, ad quem ex officio pertinet, communi
bono proſpicere; & ideo per ſe, ac moraliter loquendo,
neceſſarium non eſt illud medium intentare; per hoc ta-
men non tollitur, quin in aliquo caſu raro tanta poſſit
eſſe ſpes fructus, & ſufficientis remedii per admonitio-
nem ſecretam, ut charitas obliget ad præmittendam il-
lam: ſed hoc in caſu ambitionis tam rarum eſſe exiſti-
mo ac difficile, ut non cenſeam eſſe caſum morale, &
ideo absolute dici poteſt, non eſſe talem obligationem.
Imo etiam addo non ſolum licere, ſed etiam melius eſſe
ſtatim adire ſuperiorem in huiusmodi eventu, quia
comparatione boni communis illud detrimentum fra-
tris quaſi nihil exiſtimatur. Porro quoſnam & quales
ſozios adhibere debeat ſuperior ad judicandum de
ambitu delati, ex 8. p. conſtit. c. 6. lit. A. & ex decreto
49. congreg. 4. intelligi poteſt.

C A P U T XI.

Cur hæc vota ſimplicia ſint, & non ſolennia.

1 S upponitur in hoc titulo vota hæc ſimplicia eſſe,
& non ſolennia, quod juxta inſtitutum Socie-
tatis certum eſt. Nam in conſtitutionibus ſolum
dicitur, ut proſſi hæc omnia Deo promittant 6. p. c. 2.
§. 1. & 10. p. §. 6. In congregationibus autem generali-
bus 1. & 3. ut ſupra in c. 9. nu. 10. citavi, vota hæc *ſim-
plicia* appellantur, ubi forma illa emittendi præſcribi-
tur. Ac denique ſub eadem voce illa approbavit Gre-
gorius XIII. in Conſtit. *Ascendente Domino*. Itaque
cum hoc certum ſit, rationem inquirimus, cur hæc
vota non ſint ſolennia, ſicut eſt quartum votum pro-
feſſorum. Et ratio dubitandi eſſe poteſt, quia ſunt ita
annexa tali profeſſioni, ſicut quartum votum, omnia
enim requiruntur ex peculiari inſtituto Societatis, &
nullum eorum ex ſola rei natura erat neceſſarium. Item
omnia ſunt æque perpetua, & immutabilia: omnia et-
iam conferunt ad perfectiorem renunciationem, vel
ſuæ voluntatis, vel honorum omnium, ac bonorum
temporalium. Denique ſunt etiam hæc vota publice
& in manibus prælati, & cum exteriori ſolennitate.

2 Sed hoc breviter expediri poteſt. Nam in primis
hæc vota, tam ex intentione voventium, quam Socie-
tatis, tamquam ſimplicia ſunt; & ideo non mutant natu-
ram votorum ſimplicium, etiam ſi coram prælato, & in
præſentia multorum ſiant, ut in ſimili de coadjutoribus

Hb 4 for.

Vide in-
ſtructionē
23. datā
an. 606.

Obſerva-
tio neceſ-
ſaria pro
ſupradi-
ctis.

Quæſtio.
4. circa
idem 3.
punctum.

Duplex
ſenſus, ac
reſolutio
prioris.

Posterioris
ſenſus
reſolutio.

Objeſtio.

Dilutio.

Esse hæc
vota ſim-
plicia cer-
to ſuppos-
nunt.

formatis dicitur 5. p. Constit. c. 4. declarat. 1. Quamvis enim sola intentio votantis non sufficiat ad voti solennitatem, necessaria tamen est formalis, vel virtualis; & ideo, si ex intentione votantis votum tantum fit, ut simplex, optimum argumentum est re ipsa solum esse simplex, maxime cum illa intentio ex nullo errore procedat. Deinde hæc vota omnino sunt de futuro, & non participant, ut sic dicam, traditionem de presenti, nec proxime, ac per se ordinantur ad confirmandam illam, sicut ordinantur in Societate non solum tria ordinaria vota, sed etiam quartum votum professorum, ut supra in c. 4. ad finem declaravimus. Assumptum patet ex ipsa forma votendi, & ex rebus ipsis, quæ promittuntur, quæ magis pertinent ad tollenda incommoda, vel impedimenta perfectionis in futurum, quam ad statum ipsum perfectionis in presenti stabilendum. Tercio longe aliter hæc vota connexa sunt professioni Societatis, quam quartum de obedientia præstanda Pontifici circa missiones: nam hoc est per se primo requisitum, ex vi finis primarii, ad quem ordinatur Societas. Unde sicut in statu religionis, ut sic, tria vota censentur esse de mediis essentialiter necessariis ad finem perfectionis; ita in Societate hoc quartum votum est de medio essentialiter necessario ad propriam perfectionem, & finem huius instituti. At vero hæc vota non sunt tamquam essentialiter necessaria, sed tamquam secundario conducentia ad conservationem instituti: unde materia illarum non continet media per se ordinata, ac simpliciter necessaria ad finem Societatis, sed ad removenda aliqua impedimenta. Quarto hoc declarat modus emittendi hæc vota: nam quartum votum in ipsamet professione emittitur, tamquam ad illam essentialiter pertinens: hæc autem vota post aliquod tempus, & interdum post aliquot dies emittuntur, &

quæ ea promittit, incipit dicere: *Ego N. professus Societatis promitto*, &c. significans, hæc non pertinere ad professionem, sed supponere illam, in aliis vero substantialibus votis dicit: *Ego professionem facio*, & promitto; & ideo in accidentalibus etiam solennitate est magna diversitas, nam hæc vota licet fiant coram prælato, & aliis propter rei gravitatem, & ut de illo Societati publice constet; non tamen fieri solent publice in Ecclesia, nec cum aliis solennitatibus, cum quibus professionem fieri supra in c. 5. vidimus. Denique hæc vota nullum moralem habent effectum, jure positivo communi, aut speciali Societatis additum, sed solam obligationem, quam vi sua inducunt; votum autem solenne semper habet aliquem huiusmodi effectum moralem, ut de tribus substantialibus in præcedenti tomo, & de quarto voto Societatis, in c. 4. n. 38. ostendimus. Unde etiam fit, ut professi, qui in Societate quartum illud votum emittunt, ratione illius censeantur habere in Societate primum locum, ut habetur in examine c. 1. §. 8. & p. 5. Constit. c. 1. & 2. & ideo illi soli sunt, qui ordinario jure Societatis vocem habent activam, & passivam in electione Generalis; professi autem, qui quartum votum solenne non emittunt, quamvis alia quinque vota faciant, ut constat ex Extravag. *Ascendente Domino*, atque ex quarta congreg. decreto 39. in illo gradu non constituuntur, nec prædictum suffragium habent, & ideo dicimus talia vota nullum effectum moralem, quasi positivum habere; sunt ergo omnino simplicia; & diversitas inter illa, & quartum votum professorum, ex dictis satis declarata est. Si quis vero quærat, an hæc vota sint dispensabilia per superiores, si quidem simplicia sunt, consulat ea de re tractatum 1. huius tomi lib. 2. c. 12. n. 10.

LIBER SEPTIMUS.

De Professis trium votorum, & Coadiutoribus formatis Societatis.

Introducitur ad sequentem lib. 7.



Onstat ex Bullis, & constitutionibus Societatis, quas infra c. 1. referemus, præter professos quatuor votorum, esse alios presbyteros religiosos, qui ad ipsos professos in spiritualibus ministeriis juvandos in Societate recipiuntur, eique alio genere professionis, vel unionis incorporantur, & in ultimo quodam gradu religioso constituuntur, quos *professos trium votorum*, aut *coadiutores spirituales formatos* appellamus. De his ergo nunc commode sermo incidit, quia cum professis in ministeriis, & in vitæ genere conveniunt, præter quam in modo votorum, quæ emittunt, & consequenter in conditionibus, quas requirunt: quam differentiam hic explicare ejusque rationem reddere necesse est, simulque quidquid his gradibus proprium ac speciale fuerit declarabimus.

CAPUT I.

Cur in Societate aliqui admittantur ad professionem trium tantum votorum, & ad quem finem destinantur.

Ratio dubitandi bipartita.

I Hæc graduum differentia difficilis multis visa est, quia potest esse occasio disensionum, & emulationum, in Religione, & alioqui nulla ejus sufficiens ratio apparet, quantum ad præsens attinet. Primum per se videtur clarum, quia illa differentia constituit inæqualitatem in gradibus, ac proinde rari esse possunt, qui inferiori gradu sint contenti, & inde oriuntur perturbationes animorum, judicia varia, ac sinistra de superioribus, quod potius affectione, aut falsa informatione, accipiant personas, quam juste eligant, ac distribuunt, & similia incommoda sequuntur. Secundum declaratur, quia hi omnes, qui ad professionem trium votorum admittuntur, reputantur jam sufficienter probati, & post diuturnas

experientias digni inventi, qui in Societate perpetuo retineantur, & in ejus ministeriis spiritualibus occupentur; cur ergo ad æqualem professionem cum aliis non admittuntur. Confirmatur, nam hi professi emittunt omnia alia vota solennia, & simplicia, quæ alii professi emittunt, ut in fine proximi libri attigimus, & cum omnibus conditionibus, ac solennitatibus, quæ in illis cogitari possunt: cur ergo ad quartum votum obedientiæ ad Pontificem circa missiones non admittuntur? Certe materia illius voti commodissime in illis locum habere potest, & ipsi satis capaces esse debent talis obligationis: nam si digni sunt, ut perpetuo, ac immutabiliter Societati incorporentur ad spiritualia ministeria obeunda, ubique terrarum poterunt illa exercere; ergo poterunt mitti a Pontifice ad illa exercenda; ergo sunt capaces obligationis voti specialis ad has missiones: cur ergo ad illud emittendum non admittuntur? Nec enim fingi potest corporalis debilitas: nam hæc accidentaria est, & in omnibus professis inveniri potest, & illa non obstat, quominus persona, quantum in se est, obligetur simpliciter, usus vero postea sit juxta uniuscujusque vires. Nec etiam spirituale impedimentum allegari potest: quia si nullum est in talibus personis, quod professionem solennem impediatur, certe neque ad hanc obligationem impediendam videtur posse reperiri.

2 Duobus modis in presenti potest accipi nomen *professionis trium votorum*; primo generatim pro unionem per tria vota sive simplicia, sive solennia: alio modo specialiter pro solenni professione, atque hoc posteriori modo hic sumitur, & de illo procedunt rationes dubitandi, nam de alio modo incorporationis per vota simplicia dicemus c. seq. & ita erit satisfactum generali quæstioni. Quamvis autem hoc ita sit, nihilominus ad respondendum utrique quæstioni in particulari necesse est generatim præmittere, juxta Societatis institutum

Notatio pro resolutione hujus capituli.

1. Afferri
incorpora-
tio in
soci. per
tria vota
expediens
fuit.

Quot gra-
dus homi-
nū in so-
cietate.

rum opportunum fuisse, & valde expediens aliquos sacerdotum per tria tantum vota Societati incorporari, ut in eo gradu, ac statu perpetuo manerent. Hoc in primis suadetur auctoritate Pontificum, qui hoc genus institutionis approbaverunt. Paulus III. in Bulla 4. anni 1546. *Exponi nobis*, quam ad hoc directe concessit, ut approbaret receptionem spiritualium coadiutorum in Societate, sub quibus nos nunc comprehendimus omnes sacerdotes, qui ad spiritualia ministeria destinantur, & solum per tria vota incorporantur: quæ acceptio non est aliena ab ipsis constitutionibus Societatis. Nam in Examine, c. 1. §. 8. q. 10. & 11. numerantur varii gradus societatis: *Professorum quatuor votorum, coadiutorum, formatum, Scholarium, & Novitiorum seu indifferentium*, ubi de professis trium votorum non fit mentio, sed sub coadiutoribus spiritualibus comprehenduntur. Idē institutum quoad hanc partem probatur Julius III. & Gregorius XIII. latius, ut infra cap. seq. videbimus. Secundo in eadem Bulla Pauli III. allegatur experientia sex annorum: nam cum anno salutis 1540. Societas approbata esset ab eodem Paulo, nulla mentio facta horum cooperatorum, per sex annos sequentes intellexerunt nostri patres, experientia eos docente, indigere societatem ope, & adiutorio illorum, & ideo novam approbationem hujus impetraverunt.

3 Tercio, declaratur ratio, quia juxta B. P. Ignatii mentem, & institutum, in professis quatuor votorum societatis multa dona possulantur, non solum gratiæ, virtutis, ac spiritus, sed etiam doctrinæ sacræ, ac philosophiæ, omnisque eruditionis necessariæ ad docendum, concionandum, explicandum res fidei, easque ab ejus hostibus defendendum, & ad res morales, casusque in eis occurrentes expediendum; hujusmodi autem dotes non possunt in omnibus, nec in multis reperiri, ideoque ad sustinenda omnia onera Societatis, etiam in spiritualibus ministeriis, non sufficiunt illi soli, qui his omnibus dotibus perfecti sunt, aut plusquam medioeriter instructi; ergo necessarii sunt Societati alii sacerdotes religiosi, & probi, qui licet in cæteris donis minus sint perspicui, ad juvandam Societatem in spiritualibus ministeriis, vel in aliquibus, etiam temporalibus, quæ per sacerdotes decentius fiant, sufficiant: scilicet, in domibus professis in audiendis confessionibus, vel externorum, vel etiam nostrorum, in visitandis infirmis, & incarceratis, & aliis operibus misericordiæ exercendis, vel etiam in officio ministri, Procuratoris, domus, Collegii, aut provinciæ: præterea in collegiis juvare possunt, vel in eorum gubernatione, munere etiam Rectoris fungendo, vel in literis humanioribus, aut liberalibus artibus edocendis, ac elaborandis, vel in audiendis confessionibus nostrorum scholarium, & cura gerenda spiritualis profectus illorum. Denique in domibus probationis fungi possunt officio Rectoris, aut magistri novitiorum, vel in aliis supra dictis ministeriis juvare; ergo recte institutum est, ut hujusmodi personæ in Societate reciperentur, & per tria vota incorporarentur. Confirmatur & declaratur hæc ratio: nam multi sunt apti ad aliqua Societatis ministeria, qui non sunt ita idonei, ut se ad missiones Pontificias absolute devoveant; nec ut ab ipsa Societate ad illas exponantur; ergo hi merito incorporantur siue illo quarto voto, atque adeo per tria vota; vel aliter multi sunt, qui licet mitti possint, non certe tanquam capita missionum (ut sic dicam), sed ut focii præcipuorum ministeriorum: ergo satis est, ut illi, qui per se sunt idonei, ut principaliter mittantur, speciali voto se consecrent ad illud munus; aliis vero satis est, ut generali voto obedientiæ, cum aliis substantialibus religionis adstringantur.

4 Hinc quarto possumus hoc institutionis genus antiquis exemplis confirmare, nam Christus Dominus missurus prædicatores in mundum paucos elegit, qui essent præcipua capita illius ministerii; deinde adiunxit plures alios, qui essent illorum cooperatores. Ita prius vocavit duodecim Apostolos: postea illis septuaginta discipulos adiunxit, ut notavit Anacletus Papa epist. ad omnes Episcopos cap. 18. seu, ut scribit Zephyrinus epist. 1. præcepit Apostolis, ut 72. discipulos in adjumentum eligerent; ex actibus etiam Apostolorum, Epistolis Pauli, & Ecclesiasticis historiis constat,

cum Apostolis semper incessisse aliquos, qui erant socii, & quasi coadiutores eorum. Sic de Timotheo ait Paulus ad Philipp. 2. *Spero in Domino Jesu Timotheum me cito mittere ad vos, ut & ego bono animo sim, cognitis, quæ circa vos sint.* Et infra: *Experimentum autem ejus cognoscitis: quia sicut patri filius, sic mihi servivit in Evangelio.* Et infra, Epaphroditum vocat fratrem, & cooperatorem, & commilitonem meum; & cap. 4. *Adjuva illas, quæ mecum laboraverunt in Evangelio cum Clemente, & cæteris adiutoribus meis, &c.* Sic etiam 2. Corinth. 8. de Luca ait: *Ordinatus est ab Ecclesiis comes peregrinationis nostræ, & idem ibi, & cap. 7. de Tito significat.* Marcus etiam ab Hieronymo comes, & coadiutor Petri, interdum appellatur. Et eodem modo, coadiutorem Petri Clementem vocant Joannes III. Pontifex in epist. ad Episcopos Germaniæ, & Leo II. in quadam epistola, & similia multa in historiis reperiuntur. Eratque hæc distinctio necessaria, quia nec Apostoli per sese poterant omnia perficere, nec invicem sociati poterant semper incedere, nec solos peregrinari decebat, aut expediebat: indigebant ergo suis adiutoribus & sociis, quos oportebat aliquo modo esse in illo ministerio inæquales, ac eis subordinatos, ut commodius possent omnia ordinate fieri. Ita ergo Societas, quoniam Apostolorum munus, quo ad discurrendum per orbem, ad prædicandum Evangelium, participat, quosdam habet, quibus ex vi suæ professionis hoc ministerium principaliter conveniunt, quos proinde speciali voto ad hoc obligare conveniens fuit; aliis vero indiget, qui solum sint veluti socii, & coadiutores aliorum, sive in missionibus ipsis, sive in domibus, vel collegiis, eis cooperando: quos nec necesse fuit illo speciali voto obligari: nec etiam expediens propter priores rationes num. 3. factas, & ut hæc ali. qualis differentia unumquemque sui muneris admoneat, & gradum suum tenere, obligationemque adimplere suaderet.

5 Hoc ergo generatim supposito, facile suaderi potest, merito institui potuisse, ut aliqui ex his sacerdotibus, qui quartum votum non emittunt, nihilominus ad solennem professionem trium votorum admittantur. Primo quidem, quia, ut cap. sequenti videbimus, potius difficile est rationem reddere, cur non omnes hi sacerdotes per solennem professionem incorporarentur, si illa digni inveniantur. Secundo, quia nonnulli esse possunt, quos vel necesse non est, vel non expedit quartum emitte- re votum, quia non habent omnes dotes ad illud ministerium necessarias, & tamen dignissimi sunt, qui ad solennem professionem recipiantur, vel propter singularem vitæ sanctitatem, vel quia propter insignia facta aut opera specialiter sunt de Societate bene meriti. Interdum etiam potest expedire aliquos recipi ad hoc genus professionis, ut sit in Societate modus dissolvendi matrimonium ratum, non emitendo professionem quatuor votorum, & ut vinculum hoc cum Societate sit utrinque absolute perpetuum, quod sæpe propter extrinsecas rationes necessarium est, ut intelligi potest ex cap. 1. præcedentis libri.

6 Unde intelligitur modum hunc professionis trium votorum non esse veluti per se, ac principaliter in Societate intentum, nec gradum hunc esse (ut sic dicam) diversum a gradu spiritualium coadiutorum; sed in eo esse quasi specialem exceptionem, ad subveniendum specialibus occasionibus, & causis, quæ occurrere possunt, ut proxime citavi ex libro præcedenti. Per se enim institutum Societatis postulat, ut omnes professi ejus votum obedientiæ speciale Pontifici offerant; tamen quia materia hujus voti non habet locum in omnibus operariis, quibus Societas indiget, ut n. 3. ostensum est, aliquos coadiutorum ad professionem recipit, per se quidem non ad professionem, sed ad alium gradum, de quo statim dicitur in cap. sequenti, tamen ob speciales causas occurrentes, ut tactum est, expedire potest, ut aliqui ex his solennem professionem emittant, & ideo quasi per dispensationem, vel exceptionem hoc admissum est, & probatum in Bullis Pauli III. & Julii III. & Gregorii XIII.

7 Unde etiam fit, ut ad hanc professionem multa in Societate requirantur. Postulatur enim, ut saltem per septennium aliquis in Societate vixerit, sicut in præcedenti libro cap. 1. num. 8. indicabamus, & post diuturnam

2. Afferre.
trium vo-
torum so-
lennitas
merito
instituta.

1. Coroll.
dicitur vota
non con-
stituunt
gradum
peculiare
in societ.

2. Coroll.
de requisi-
tis ad hæc
vota.

nam probationem sui talenti, & vitæ religiosæ non mediocrem satisfactionem Societati præbuerit, ac denique ut peculiares causæ non parvi momenti concurrant, ut habetur 1.p. constit. cap. 2. §. 3. ubi declaratio lit. C. postquam partes ad hanc professionem requisitas exposuit, ita concludit: *Et hi ut plurimum homines erunt, qui propterea, quod bene meriti sint, & valde devoti, quamvis minori doctrina, & concionandi aptitudine præditi, quam nostrum institutum in professis requirat, admittendi esse in Domino videbuntur.* Per hanc enim professionem in prius admittitur quis ad perpetuam Societatis conjunctionem, & ad ministeria spiritualia ejus. Deinde se obligat illi Societas speciali modo, & absolute, nullaque subintellecta conditione, illum acceptat. Atque ex priori capite requiruntur in tali persona ad minimum illa omnia dona, quæ in coadiutoribus formatis necessaria sunt; ex posteriori vero requiritur aliquis excessus vel in speciali ostensione sanctitatis, vel in obsequiis spiritualibus, Deo, Ecclesiæ, vel Societati exhibitis, vel in aliqua alia causa, quæ ex parte Societatis illud genus gratitudinis postulare videatur.

Ministeria horum professorum.

Non præficiuntur ordinariæ toti provincie, aut domui professæ.

8 Nihilominus tamen hi professi trium votorum ordinario jure non possunt esse in Societate Provinciales, nec præpositi domorum professorum, juxta constitutiones ejus part. 8. cap. 3. & lit. A. ut declaratur in 3. Congregatione generali can. 13. estque hoc consentaneum juri, & rationi. Nam prælatus religionis debet esse expresse professus in eadem religione, & consequenter cum debita proportionem ad eos, quibus præficitur: ergo esse debet intra eandem religionem, vel in superiori gradu, sed præpositus domus professæ per se præficitur professis quatuor votorum, & provincialis, tum illis, tum cæteris omnibus; ergo merito in eis postulatur perfectissimus gradus professionis, qui in hac religione esse potest. Et ob eandem rationem in Collegiis, & domibus probationis, possunt hi professi esse superiores, quia sunt in altiori gradu, quam subditi, quibus per se loquendo præfunt. Cum ergo in collegiis, & coadiutores formati, & scholares etiam approbati Sacerdotes, possint esse Rectores, quia habent professionem accommodatam statui talium conventuum, multo magis poterunt hi professi, qui sunt in superiori gradu. Nec oberit, quod in his collegiis possunt esse multi professi quatuor votorum, nam illud est accidentarium, & hoc modo non est inconveniens, ut professi subsint etiam non professis, sicut in dict. can. 13. Congregationis 3. declaratum est, sicut etiam subsunt Ministro domus professæ, etiam si professus non sit; quia non est proprius Prælatus, sed locum ejus quodammodo gerit.

Præficiuntur postulat collegis, & Novitiis.

Instantie occurrunt.

9 Præterea non possunt hi professi trium votorum habere suffragium activum, vel passivum in electione Præpositi generalis; ita habetur 8. part. constitutionum c. 3. & 6. lit. B. de passivo quidem a fortiori constat ex dictis; nam si Provinciales aut Præpositi esse non debent, multo minus Generales. De activo autem, inter alias, ratio esse potest; quia electio generalis in Societate est res maximi momenti, & ideo solis illis, qui in ea sunt præcipui, quia majora Dei dona habere supponuntur, commissæ est. Item quia electio hæc pertinet ad jus ordinarium Societatis professæ, & ideo ad eos tantum pertinet, qui propriam Societatis professionem, & jure ordinario emittunt: hujusmodi autem sunt soli professi quatuor votorum, nam alii & sunt quasi ex dispensatione, & quodammodo non emittunt propriam Societatis professionem: imo hinc etiam est, ut Assistentes generalis ordinariæ esse non debeant, ita enim intelligitur, quod dicitur 9. part. constit. capit. 5. lit. A. ut Assistentes professi sint *si commode fieri poterit*. Ita enim tacite exponitur in formula congregationis Generalis c. 8. ubi absolute ordinatur, ut Assistentes eligantur ex professis quatuor votorum. Denique neque ex vi suæ professionis ad congregationem Provinciale vocandi necessario sunt, nec in ea eligi debent, ut procuratores pro tota Provincia Romanæ ad triennale congregationem proficiantur; ut ex formula congregationis Provincialis ca. 3. colligitur, ubi solum professi quatuor votorum dicuntur necessario vocandi ad talem congrega-

Non habent vocem in elect. Generalis postulant, vel activam.

Non creantur in Assistentes Generales.

Nec vocantur ad congreg. Provinciale, aut eliguntur ibi procuratores.

gationem, ex vi professionis; nam ex vi muneris, etiam vocantur Rectores, Procurator Provincie, &c. Similiter in cap. 5. statuitur, ut eligendus in Procuratorem sit ex professis quatuor votorum; idemque habetur in formula congregationis Procuratorum §. 1. & in 2. congregatione Generali can. 29. Hæc enim omnia ad principale regimen totius Societatis pertinere judicantur, & ideo solis professis quatuor votorum committuntur.

C A P U T II.

De Coadiutoribus spiritualibus Societatis.

1 Superiori capite ostensum est, aliquos in nostra Societate recipi, ut professos in spiritualibus ministeriis adjuvent, quamvis in æquali gradu cum eis in Societate non constituantur; hi ergo *spirituales coadiutores* appellantur, qui proinde specialem in Societate gradum constituunt, ut constat ex examine c. 1. §. 9. & toto cap. 6. & 2. p. constit. c. lit. A. & 5. p. constit. c. lit. A. & c. 4. & in Bullis Apostolicis Pauli III. & Julii III. & Gregorii XIII. Ex quibus locis etiam constat, hos coadiutores incorporari ultimate Societati per tria tantum vota simplicia; ita enim expresse declaratur in ipso instituto locis citatis, & aliis, & expresse approbatur ab istis Pontificibus, præsertim a Gregorio XIII. Ratio autem, ob quam hi religiosi tria tantum vota emittunt, & non quartum, ex capite præcedenti num. 2. & 3. petenda est, nam eadem in illis est, quæ in professis trium votorum, ut ibidem diximus. Hic ergo solum superest, ut dicamus, cur hæc vota simplicia tantum sint; in quo duo peti possunt: primum est, quid desit his votis, quominus solennia sint? Secundum est, quæ ratio moveat B. Ignatium, ob quam voluerit in hoc gradu nunquam admitti ad vota solennia: quibus possumus addere tertium, scilicet, quid necesse fuerit hunc gradum distinguere a gradu scholarium, aut in quo distingui possit, cum omnium vota simplicia tantum sint.

Coadiutores spirituales gradum constituunt in Societate per 3 vota simplicia.

Partitio præsentia in puncta tria.

Dubium primum, quid desit votis coadiutorum spiritualium formatorum, quominus solennia sint.

2 De primo dubio multa essent a nobis tractanda, nisi ex dictis supra in tomo 3. de solennitate voti essent perspicua. Tota ergo ratio dubitandi est, quia hæc vota reddunt personas inhabiles ad matrimonium, & incapaces dominii omnium bonorum, tam retinendi, quam acquirendi, & plene subiciunt voluntatem propriam alienæ, cum totali sui traditione; quid ergo illis deest, quominus solennia sint? Dicere enim, quod ex intentione sunt, ut simplicia, & non ut solennia, non satisfacit, quia vel est repugnantia in illa intentione: quomodo enim potest quis velle emittere votum, quod habet omnes effectus voti solennis, & nolle emittere votum solenne? vel certe aliquid assignare oportet præter intentionem, quod hic desit ad voti solennitatem.

Dubitandi ratio in hoc puncto.

Evasio occluditur.

3 Dicendum vero nihilominus est, hæc vota tantum esse simplicia, quod satis probant testimonia Pontificum: quia, ut tomo præcedenti ostensum est, solennitas voti pendet ex approbatione, & institutione Ecclesiæ; Ecclesiæ autem non approbavit hæc vota ut solennia, sed tantum ut simplicia: ergo hæc ratio ostendit saltem ita esse, quamvis non delectet, cur ita sit, vel quomodo potuerit Ecclesiæ approbare vota, quo ad illos effectus in ratione dubitandi positos, & non facere illa solennia. Secundo idem probat replica facta de intentione, quia effectus agentium non excedit intentionem eorum; sed nec ex intentione voventium, nec ex intentione Societatis admittentis, hæc vota sunt solennia, sed tantum simplicia: ergo propria vero ratio est; quia hæc vota non sunt ut absolute perpetua, sed solum ex parte voventium; ex parte autem Societatis habent subintellectam illam conditionem, ut durent, quamdiu Societas hos religiosos retinendos judicaverit. Unde etiam fit, ut in traditione, quæ per hæc vota fit, non sit mutua obligatio ejusdem rationis in utroque extremo; nam ex parte religiosi est absoluta vivendi perpetuo in Societate, quantum in ipso est; ex parte

Resolutio puncti.

Dicta
conditio-
nes qua-
drant vo-
tis Socie-
tatis.

autem religionis non est ita absoluta, sed retinendo li-
bertatem ad dimittendam liberam personam in aliquo
raro casu, & ex gravissimis causis. Quod enim hæc vota
hoc modo, & sub his conditionibus fiant, satis expresse
declaratur in Instituto Societatis. Primum in examine
c. 1. §. 9. ubi hæc vota vocantur simplicia, cap. autem 6.
diserte declaratur, *ex parte ipsorum coadiutorum ligari
ad semper vivendum, & moriendum in Societate, & nihilo-*
minus Societatem, vel ejus superiorem, qui commune
bonum debet intueri, cum expedire judicaverit, posse eos
dimittere, & a sua congregatione separare, & tunc illos
omnino liberos, nullique voto obstrictos remanere. Et in
declaratione additur, *id fieri non posse sine causis iustissi-*
mis. Idem repetitur 2. p. constit. cap. 1. lit. A. cap. 4. §. 3. &
part. 5. cap. 4. lit. B. & in Bullis Pontificiis citatis expre-
sse approbatur, & confirmatur. Unde constat contra-
ctum esse iustum, & sanctum; in quo eadem est ratio, quæ
de scholaribus supra lib. 3. cap. 2. a num. 2. tractata est.
Quod vero hic modus traditionis, & votorum repu-
gnat solennitati votorum, in toto superiori a nobis
ostensum est. Votum enim solenne debet esse immutabi-
le, vel omnino, vel ad summum per solam dispensa-
tionem raram, & gravissimam: hæc autem vota non ha-
bent tantam immutabilitatem. Ex alio item effectu ma-
nifestari potest, quia vota horum coadiutorum non ha-
bent vim dirimendi præcedens matrimonium ratum,
qui effectus inseparabilis est a professione solennium
votorum: ergo, major probanda est eodem modo, quo
de votis scholarium lib. 4. cap. 2. id ostendimus; est enim
eadem ratio in utrisque, ut consideranti facile patebit:
& ex his rationi dubitandi in contrarium adductæ satis-
factum est.

Eadem
pugnant
votis so-
len.

Quid ad
rationem
dubitandi
in n. præ-
ced.

*Dubium secundum, cur dicti coadiutores spiri-
tuales ad professionem solennem non
admittantur.*

Ratio
dubitandi

4 Circa secundum dubium in fine num. 1. proposi-
tum major videtur esse dubitandi ratio, nam hi coadiu-
tores formati supponuntur in primis esse homines apti
ad ministeria Societatis spiritualia, & si non ad omnia
& majora, saltem ad multa, & satis gravia, & quidem
majora, quam sit sola chori assistentia, propter quam
solam in aliis religionibus multi religiosi recipiuntur,
& solennem professionem emittunt. Deinde supponun-
tur esse homines probatæ virtutis, & suæ religioni sa-
tis fideles, & digni, qui post sufficientem probationem
ad vitam in Societate perpetuo agendam admittantur.
Denique tantum de eis fidei Societas, ut quando alias
non oberit, eos velit esse Rectores Collegiorum 4. part.
constit. c. 10. & ad Congregationem generalem, si opus
fuerit, saltem pro negotiis tractandis eos admittat 8.
part. constit. cap. 3. lit. A. & cap. 6. lit. B. & in 4. Congrè-
gatione generali can. 16. Cur ergo ad professionem so-
lennem non admittuntur? Accedit, quod hæc tanta gra-
dum varietas in uno corpore Societatis potest esse oc-
casio divisionis, aut scandali, vel minoris unionis; non
erat ergo multiplicanda sine urgenti necessitate, quæ in
hoc speciali gradu nulla apparet.

Confirm.

Altera
dubitandi
ratio.

5 Atque eo maxime superflua apparet hæc varietas,
quod vota substantialia horum coadiutorum quo ad
materiam eadem omnino sunt, & eodem modo sunt,
quod vota professorum: nam & in voto obedientiæ eo-
dem modo explicant specialiter eam promittere circa
puerorum educationem 5. par. constit. cap. 3. §. 3. & 5. &
in 2. Congregatione generali can. 20. & per votum pau-
peritatis eodem modo profitentur se nihil habere nec in
particulari, nec in communi, ac denique eodem modo
publice, & in manibus Prælati vota sua emittunt; cur
ergo non etiam ex parte Societatis ut solennia admittantur?
Ubi etiam queri potest, cur hi coadiutores alia
vota simplicia professorum non emittant, cum professi
etiam trium votorum illa faciant: nam (ut cap. præced.
dixi) hi omnes substantialiter sunt in eodem gradu &
munere, & alioqui isti etiam sunt membra perpetua So-
cietatis, quæ oportet omnino cavere ab omni ambitione,
& prætensione dignitatis extra & intra Societatem,
ad quem finem dicta vota præcipue ordinantur.

Versa re-
solutio
puncti.

6 Nihilominus dicendum est, non sine magna causa
B. Ignatium ita hæc ordinasse, & instituisse, sufficiensque
argumentum esse debet, quod Romani Pontifices ex-
presse hanc instituti partem approbarunt: Paulus enim

III. in Bulla speciali de hoc gradu expresse declarat, hæc
vota coadiutorum fieri cum illa conditione, ut obligent
quamdiu Societas hujusmodi personas retinendas in
suo munere judicaverit, & non ultra: *nec propterea (in-*
quit) ad aliquam solennem professionem emittendam te-
neantur, neque ad eam aliter admittantur. Gregorius
autem XIII. in const. *Ascendente Domino*, expresse de-
clarat hæc tria vota esse simplicia, & per ea constitui
hominem in certo Societatis gradu, idque specialiter
approbat, & confirmat. Ratio autem inter alias, quæ
fundatorem movit, fuisse videtur, quia religioni utilissi-
mum, & ipsis religiosi minime nocivum judicavit, ut
quod id fieri comode posset, religio retineret debitam
potestatem dimittendi omnes, qui ad religionis finem,
& modum non sese accommodarent: sic enim & ipsa
religio in sua puritate melius conservatur, & securius,
ac utilius potest proximis inservire, qui est scopus illius.
Deinde commodius judicavit Ignatius, ut hi, qui di-
mittendi sunt, liberi potius, quàm votis ligati dimittantur,
cum minori dispendio utriusque partis fieri possit di-
missio: grave enim est religioni extra se abjicere eum,
qui adhuc vere religiosus ejusdem religionis maneat.
Ipsi etiam, qui dimittuntur, grave onus est privati religio-
nis commodo, & jugum retinere. Ut ergo hæc dimissio
suavius fieri possit, hoc medium tanquam commodius
electum est. Itemque ut religiosi ipsi in majori timore
conservarentur, semperque vigilantius viverent.

Probatur
authorit.

proba ur
etiam ab
utilitate
multiplici

7 Non potuit autem hæc conditio generaliter in o-
mnibus membris Societatis observari: nam (ut Philoso-
phi ajunt) omne mobile fundatur in aliquo immobili:
quo certe principio ad vestigandum Deum usi sunt, de-
cuique in hac religione esse aliqua principalia mem-
bra, quæ essent veluti columnæ & fundamenta ejus, in
quibus ipsa religio quasi immobilis esset: ideoque & ip-
si indissolubili vinculo ligarentur, & ipsa religio se illis
perfecte obligaret, nec votis liberos a se posset dimitte-
re. Atque hi sunt soli professi quatuor votorum: extra
illos vero, mens B. Ignatii fuit, ut omnes alii dependen-
tes semper essent a Societatis ordinata potestate. Hæc
ergo ratione voluit coadiutores spirituales in dicto gra-
du permanere, solumque per modum dispensationis
permisit aliquos eorum ad professionem trium voto-
rum admitti, propter graves causas occurrentes, ut capi-
te præcedenti declaravi, in quibus magis (suppositis di-
ctis causis ac meritis) devotioni eorum, qui admittun-
tur, quam generali rationi instituti attenditur.

Discre-
tates nō
habent
locum in
omnibus
membris
Societatis

8 Neque ex hoc modo institutionis aliquid detri-
mentum his religiosi sequitur: nam (ut in l. 3. cap. 2. n. 2.
dixi) apud Deum nullo merito privantur propter talem
conditionem suorum votorum; imo crescunt quodam-
modo, quia liberalius se obligant, non expectantes ex
parte religionis similem obligationem. Item, quantum
in ipsis est, æque se tradunt Deo & religioni in perpetu-
um, nec est ullum periculum de status perpetuitate &
stabilitate, si ipsi velint debito modo se gerere: ergo nullo
spirituali commodo privantur ex eo, quod ad profes-
sionem solennem non admittantur: imo etiam inde ju-
vantur, quod eo ipso monentur, ut fideles suæ religioni
sint, suoque muneri, ut par est, satisfaciant. Aliunde ve-
ro, ut conveniens ordo in toto corpore religionis serve-
tur, expedit, ut unusquisque gradum suum agnoscat, &
sciat, ad quod ministerium vocatus est: quia ergo hi non
sunt ut principales operarii, sed ut adiutores eorum, i-
deo oportuit diverso modo uniri religioni, quasi de-
pendenter a superiori gradu, & cum subordinatione ad
illum, ut ita debitus ordo, sine quo religionis unitas sta-
re non potest, conservetur.

Probatur
tandem
eodem re-
solutio a
carentia
omnis de-
trimenti
spirituali-
tis.

9 Unde ad primam rationem dubitandi in contra-
rium in n. 4. responderetur, non propterea hos religiosos
non admitti ad professionem solennem, quia non sunt
probatæ virtutis, vel quia non possint, multa, & gravia
ministeria in Societate obire: sed quia ad illorum perfe-
ctionem, & meritum satis est alio simplici modo so-
cietati incorporari, & ut in suo gradu, & humilitate
conserventur, id melius est tum ipsis, tum etiam religio-
ni, ut exposuimus. Nec in exemplum adducendi sunt
mores aliarum religionum, quia Spiritus sanctus est
unus, & multiplex, & diversis religionibus diversa tri-
buit instituta, juxta varios fines earum. In aliis ergo re-
ligionibus in admittendis personis sufficientibus ad
pro-

Ad arg.
in n. 4.

1. Diferi
men co-
runde m
coadiu-
torum
a profes-
sis voto-
rum id

eos ex constitutionibus notari possint, præter eam, quæ est in solennitate votorum. Primo enim in his professis determinatur tempus septennii, ante quod admitti non possunt secundum constitutiones: de coadiutoribus vero non fit certa limitatio, sed arbitrio generalis relinquitur, quoad in ordinationibus expressum est, ut paulo ante notavimus. Ille enim modus professionis (ut cap. 1. num. 6. dixi) est per modum cujusdam dispensationis, & ideo major probatio ad illum requiritur, siquidem in eis anticipari septennium non potest. In coadiutoribus autem non potest differri, saltem quoad informationem. Secundo de coadiutoribus expresse dicitur in citato §. 1. ut sint sacerdotes, de his vero professis non ita expresse: tamen, ut supra in dicto cap. 1. num. 2. adverrimus, in examine comprehenduntur hi professi sub coadiutoribus spiritualibus, quia cap. 1. §. 8. expresse fit mentio professorum tantum quatuor votorum, & in sequenti soli coadiutores adduntur; unde videntur sub his comprehendere professi trium votorum; ideoque omnia, quæ in eodem examine pro coadiutoribus spiritualibus requiruntur, esse intelliguntur necessaria his professis, quorum unum est sacerdotium. Unde §. p. constit. c. 2. litt. C. in his professis postulat ordinariæ, ut habeant sufficientiam in literis, quæ ad confessarii munus bene obeundum satis sit, nisi aliis Dei donis compenseretur. Unde videtur supponi debere esse sacerdotes, qui in munere audiendi confessiones possint exerceri. Atque ita videtur quidem dicendum jure ordinario. Aliquando (ut supra notavi lib. 6. cap. 1. num. 4.) admittuntur ad professionem trium votorum aliqui ante sacerdotium; sed illud est extra constitutiones, ob peculiare casus occurrentes, qui in coadiutoribus spiritualibus locum non habent, & ideo nunquam in eis fit hæc dispensatio.

14 Tertia differentia assignari potest, quia coadiutores formati non emittunt alia quinque vota simplicia, quæ professi quatuor votorum faciunt; illa vero promittunt professi trium votorum, ut declaratum est in 4. Congregat. generali. decret. 39. vel Can. 10. Coadiutoribus enim non imponitur hoc onus, quia constitutiones solum a professis illa vota exigunt §. p. cap. 2. §. 1. p. 10. §. 6. Et quia in eis locis absolute dicitur: *Quicumque in Societate professionem emiserint, vel omnes professi*, & non adhibet limitationem de professione quatuor votorum, ideo de omnibus generaliter intellectum hoc est. Quamvis enim interdum illa vox absolute prolata soleat sumi in constitutionibus, quasi principali significatione, ut patet §. p. cap. 2. §. 2. notavimusque in libro præcedenti cap. 3. num. 3. tamen quia illa constitutio erat favorabilis religioni, ample interpretanda fuit. Item quia hi sunt vere, & simpliciter professi, & ideo comprehenduntur sub regula generaliter ac indefinite obligante professos. Ratio autem hujus differentię esse potuit, quia professi sunt magis immobiliter conjuncti Societati, & possunt facilius admitti in Congregationibus generalibus, & ideo oportuit ut haberent omnes obligationes, quas professi habent ad institutum Societatis in sua puritate conservandum.

C A P U T III.

De Coadiutoribus temporalibus Societatis.

Esse in
societate
gradum
Coadi-
torum
tempor. &
quæ sit
hujus no-
minis ra-
tio.

1 Hic est ultimus gradus personarum Societatis, de quo pauca nobis supersunt dicenda; quia in votis cum proportionem sumptis non differunt ab aliis coadiutoribus spiritualibus: in ministeriis autem, & obligationibus eorum nulla fere specialis difficultas occurrat. Primum ergo supponendum est, præter eos, qui ad spiritualia ministeria peragenda in Societate recipiuntur, aliquos admitti, ut eorum actionibus occupentur, quæ ad corporis sustentationem, & alias externas, & corporales exercitationes necessariæ sunt; & hos *Coadiutores temporales* vocamus, appellatione quidem satis religiosa, & accommodata. Coadiutores enim vocantur, tum, ut vel ipsa voce quædam æqualitas, & modestia religiosa significetur; non enim ut famuli, aut servitores æstimandi sunt, sed ut fratres, Socii, & adiutores nostri, sicut Martha Christo de sorore dicebat: *Dic ergo ille, ut me adjuvet*. Luc. 10. Et Luc. 5. Si-

mon, & alii annuerunt sociis, qui erant in alia navi, ut venirent, & adjuvarent eos. Verbum ergo adjuvandi Societatis cujusdam, & æqualitatis est, & ideo ab eo Coadiutores appellantur. Tum etiam, ut significetur eos coadiuvare in ipsomet opere, quod alii pertractant; hoc enim nomine appellantur in Scriptura, qui cooperabantur Apostolis in prædicatione Evangelii, ut supra cap. 1. num. 4. vidimus in Paulo ad Philipp. 2. & 4. & epistolæ ad Philem. sic ergo dicuntur in Societate *Coadiutores*, non solum qui immediate in ipsis spiritualibus ministeriis adjuvant; sed etiam qui mediate parando ea, quæ ad talia ministeria necessaria sunt; sicut corpus dici potest animæ adiutor, etiam ad intelligendum, quia licet non simul cum anima intelligat, ministrat tamen ea, quæ ad intelligendum sunt necessaria, & animæ intelligenti suo modo cooperatur. Hac ergo ratione additur particula illa *temporales*, ut distinguantur ab spiritualibus, utriusque enim ad spiritualia adjuvant, sed non eodem modo; nam sacerdotes adjuvant partem aliquam spiritualium ministeriorum præstando, cæteri vero temporalia peragendo, liberos illos relinquunt ad spirituales occupationes, & hoc modo etiam in eis illos adjuvant.

2 Atque hinc constat primo, quæ fuerit necessitas hujus gradus in Societate; tota enim ad hoc refertur, ut sacerdotes, vel qui ad sacerdotium præparantur, liberius, & impensius possint in spiritualibus actionibus erga Deum, & seiplos, & in studiis, ac ministeriis erga proximos occupari. Tria enim præcipue sunt, in quibus operarii Societatis a coadiutoribus temporalibus juvantur. Primo in his, quæ ad corporis sustentationem necessaria sunt, in quibus omnia, quæ ad victum, vestitum, habitationem, & rerum temporalium negotiationem, ac procuracionem pertinent, comprehenduntur. Quamvis enim in his possint etiam sacerdotes, & coadiutores spirituales interdum occupari, id solum est dirigendo, & ordinando, ac præsidendo his, quæ graviora sunt, majoremque auctoritatem in ministro requirunt; executio autem sine coadiutorum temporalium auxilio fieri commode non potest. Secundo juvatur maxime Societas ab his fratribus in his, quæ ad cultum divinum pertinent, in sacellis, & Ecclesiis, sacramentum vestium, & rerum omnium, quæ ad templorum ornatum, & sacrosanctæ Eucharistiæ decentissimam custodiam, sacrificii quoque oblationem pertinent, diligentissimam curam gerendo. Tercio adjuvant in ministeriis erga proximos, vel domos cum charitate recipientes, eorumque necessitatibus, quantum in ipsis est, subministrantes, & extra domos Socii operarios existentes: nec enim decet, ut soli incedant, nec possint sacerdotes sibi invicem comites, & socii esse, quia multum in ministeriis impedirentur.

3 Ob has ergo causas necessarius fuit in Societate hic personarum gradus. Cujus nonnullum exemplum possumus sumere ex Act. 6. ubi Apostoli dixerunt: *Non est æquum nos derelinquere verbum DEI, & ministrare mensis*; & ideo ordinantur septem Diaconos, quibus ministerium illud committerent. In quo exemplo non æqualitas in omnibus, sed proportio tantum attendenda est: illi enim ministri fuerunt Diaconi ordinati ad ministerium altaris, sive tunc statim, cum electi fuerunt ad ministerium mensarum, sive aliquantopost, quod alibi disputatur: nostri autem coadiutores ad nullum clericatus gradum per se assumuntur, quia Diaconi non ordinantur per se primo ad temporale ministerium, sed ad spirituale, tam in sacrificio solenniter, & immediate sacerdoti ministrando, quam in verbo Dei, & administratione aliquorum Sacramentorum, si necesse fuerit: secundario autem illis commissum est ministerium distribuendi communes elemosynas inter pauperes, & viduas; nostri autem coadiutores immediate non assumuntur ad spirituale ministerium, & ideo nullam ordinationem requirunt. Proportio ergo solum consistit in hoc, quod sicut Apostoli, ut verbo Dei vacarent, a corporali ministerio etiam si esset charitatis, & misericordiæ, abstinuerunt, assumendo aliquos, quibus in illo opere juvarent: ita Societas exonerat operarios, & scholares ab his ministeriis temporalibus propter altiora opera, & co-

Primum
corol. de
necessita-
te hujus
gradus,
& ejus
causa;

Hujus
gradus
exemplum
ex Act. 6.

Vide Sol.
m. & Lo-
rin. Bel-
lar. de
ordin. c. 6
a. 11. ad
confirmacionem.
Vasques
de ordin.
disputat.
236. a. c. 4.

adiutores sumit, quibus juventur, & sicut illi coadiutores Apostolorum ex clero assumpti sunt, ita hos nostros coadiutores religiosos esse, & ex eadem religione assumi decentissimum fuit.

Obiectio
cont. ad
cum gra-
dum,

4 Et hinc facile solvitur, si quis obijciat, olim in reformatis religionibus non fuisse in usu hanc divisionem officiorum inter religiosos, sed omnes fuisse solitos in his humilioribus, & corporalibus ministeriis succedere, seu vicissim per hebdomadas inservire, ut constat ex Basilio de instit. Monach. serm. 1. circa finem: Porro (inquit) *que necessario in communi conventu tractanda ministeria sunt, ea mutatis in orbem vicibus circumaguntur, binique singulis hebdomadibus necessarium omne in hoc genere munus explent, ut & humilitatis merces communis sit, neque cuiquam facultas ceteros superandi in rebus, etiam laudabilibus amplior detur, & ut equaliter a laboribus requiescere omnes possint*, &c. Et hanc consuetudinem per cunctam Mesopotamiam, Palestinam, & Cappadociam, & totum Orientem servatum esse testatur Cassianus lib. 4. de institutis renunc. ca. 19. singulis (inquit) hebdomadibus vicissim fratres ad hæc officia sibi reddenda succedunt, ita ut secundum Cœnobii multitudinem, ministrorum quoque numerus deputetur. Eandem servari præcipit S. Benedictus cap. 35. Regulæ.

Reg. Bened.
ad.

Ejus di-
lucis,

5 Respondemus enim, in primis diversum fuisse institutum antiquarum religionum, & nostræ; illæ enim erant religiones monachorum, qui tunc non ordinabantur sacerdotes, nisi rarissime, ut sæpe dictum est, nec in spiritualibus alicujus ordinis ministeriis, aut studiis, sed in corporalibus laboribus, seu actionibus, versabantur; & ideo non indigebant aliis coadiutoribus, cum ipsi nullam haberent convenientem excusationem, quo minus per se possent, cum fraterna æqualitate, & distributione, hæc munera obire, in Societate autem fieri minime poterat, propter studium, & ministeriorum spiritualium occupationem, ut dictum est. Quam exceptionem addit in sua Regula S. Benedictus, dicens excusari ab eis muneribus debere, qui in rebus majoris utilitatis occupati fuerint. Et Cassian. supra cap. 22. refert apud Ægyptios, quibus (inquit) *maxima cura est operis*, non fuisse hebdomadarum vicissitudinem, ne sub occasione hujus officii omnes ab operum canone impedirentur. Quam consuetudinem jam observant monachales ordines, quia jam litteris incumbunt, & ordinantur sacerdotes: adeo, ut nomine monachorum regulariter illi tantum intelligantur, qui ad chorum sunt deputati; qui vero ad temporalia ministeria recipiuntur, conversi vocantur *c. non dubium, ca. ex tenore*, cum similibus, de sentent. excomm. vel aliis etiam nominibus. Denique ne in Societate, quoad fieri possit, desit egregium charitatis, & humilitatis illorum monachorum exemplum, usu receptum est, ut tam scholares, quam sacerdotes, etiam superiores per hebdomadas tempore corporalis refectiois aliquid muneris in culina, ac triclinio exercent; & per annum præsertim feriarum tempore his humilitatis officiis exercentur, quod specialiter, ab antiquioribus sacerdotibus, & qui aliis præfunt, observari ordinavit B. Ignatius 3. p. constit. c. 1. §. 19.

De hoc
more P.
Claud. in
instructio-
ne ad
scholares
num. 4.

3. Corol.
de num.
p. ronsa-
rum hujus
gradus.

6 Secundo colligitur ex dictis, qua mensura recipi debeant in Societate coadiutores, & quæ dotes in eis requirantur. Mensura enim esse debet necessitas ministeriorum ad eos spectantium; tot enim recipi debent, quot necessarii fuerint ad juvandam Societatem in his, quæ diximus, & non plures. Ratio enim, & mensura mediorum ex fine sumenda est, & ars non pluribus instrumentis utitur, quam ad suum finem indigeat. Item quia aliæ multa sequuntur incommoda: nam vel Societas gravabitur pluribus personis, quam alere possit, vel privabitur aliis operariis ad ministeria spiritualia necessariis; & præterea ipsi met coadiutores oriosi magna ex parte erunt, si in superabundanti numero recipiantur: debent ergo recipi in mensura sublevandis oneribus domorum, & Collegiorum Societatis accommodata; & ita statuitur p. 1. constit. c. 2. §. 1. lit. A. 3. p. c. 2. §. 7. p. 2. 3. §. 2. & Regula 39. Provinc. Exempla numeri coadiutorum habes in formula acceptandi Collegia.

De quali-
tate hujus
gradus

7 Atque his locis etiam designantur conditiones, & partes, quæ in hujusmodi personis desiderantur, quæ o-

mnes eo tendunt, ut ad finem intentum, prout ratio prudentiæ requirit, sint accommodati. Itaque ex parte corporis requiruntur vires, sanitas, &c. sustinendis laboribus sufficientes: ex parte vero animæ aptos ad devotionem, & virtutem, & ad eam propensos, & bonæ, ac facili naturæ, quoad fieri possit, & præsertim, quod sorte Marthæ contenti sint. Unde licet in eis iudicii capacitas, & ars aliqua, vel sufficiens ad illam ingenium desiderari possit; literæ autem ullæ non postulantur, nec eis conceditur, ut in Societate plus litterarum addiscant, quam ante ingressum in illam sciebant, ita in Examine c. 6. §. 6. Imo si legere, & scribere antea nesciebant, sine facultate generalis id addiscere non possunt, ut in regula 14. ex communibus dicitur. Habentque similis inter Regulas S. Francisci c. 10. ubi de suis fratribus, ait: *Non curent literas discere, qui literas nesciunt*. Ubi generaliter quidem de suis fratribus loqui videtur; mens autem ejus fuisse videtur, ut qui omnino sine literis ingrediuntur, quia non ad litterarum munera recipiuntur, de literis non curent, sed in qua vocatione vocati sunt, permaneant, juxta Apostoli consilium 1. Corinth. 7. Atque ita Cordub. ibid. qu. 7. Bonavent. in expositione Regulæ c. 10. & alii.

8 Tertio inferitur ex dictis, quam sit perfectus hic gradus Societatis in ratione religiosi status, quod considerari potest, vel ex parte votorum, vel ex parte finis, & actionum, ad quas ordinatur. Et in primis in votorum vinculo non differunt, formaliter loquendo, ut sic dicam, ab scholaribus approbatis, vel a coadiutoribus spiritualibus formatis, secundum tempora diversa. Bis enim vota Societatis emittunt, & in eam incorporantur. Primo post biennium per vota simplicia ejusdem omnino rationis cum votis scholarium approbatorum admittuntur. Unde dici tunc possunt coadiutores approbati. In eisque novitiatus per biennium, & cum eisdem spiritualibus exercitiis & experimentis, sicut in cæteris omnibus postulat. Post diuturniora vero experimenta (quæ saltem per decennium juxta consuetudinem Societatis durant, quamvis in rigore legis nullum certum tempus habeant præter arbitrium prudens superioris, juxta quod in formula data a P. Claudio Aquaviva, decennium circiter in Societate, & annus ætatis 30. determinatur) incorporantur intimius Societati per vota coadiutorum formarum, ut habetur in Examine c. 6. §. 7. 2. p. constit. c. 1. quæ omnino ejusdem rationis sunt cum votis coadiutorum spiritualium; & ideo nihil aliud de illis dicendum superest, quoad eorum materiam, vel obligationem. Ad professionem autem solennem non admittuntur hi religiosi ejusdem rationibus, quibus ne coadiutores spirituales, ut cap. præced. in puncto 2. viderimus, quæ in his a fortiori locum habent. Præsertim, quia illi non efficiuntur clerici: hæc autem religio propria clericorum est, ut diximus lib. 1. c. 5. Sufficit ergo illis in sancta humilitate Deo consecrari, nam quantum est ex parte illorum nihil diminuitur de merito apud Deum, eo quod solennia vota non emittant; & si religiose vivant, tam indissolubilem habent cum religione unionem, ac si solennem professionem emisissent, suntque vere, substantialiter, ac perfecti religiosi, ut Greg. XIII. declaravit. Nihil ergo in hac parte relinquitur, quod desiderent.

3. Corol.
De perfe-
ctione re-
quisita ad
hunc gra-
dum ex
parte vo-
torum.

9 Ex parte autem finis, & actionum, ad quas eorum status ordinatur, habent sine dubio gradum ad magnam perfectionem acquirendam aptissimum, & (in quo alios quodammodo superant) securissimum. Nam in primis participant totam illam partem vitæ contemplativæ, quam Societas in omnibus suis membris proficitur. Debent enim esse dediti exercitiis spiritualibus, & mentalibus, & suis temporibus orationi, examini conscientiæ, lectioni spirituali, & meditationi deputatis, vacare. Et quamvis sacrum non faciant, nec officiū Canonicum recitent, audite tamen Missam quotidie debent; imo & Rosarium Virginis, vel etiam ejus officium, licet non ex regula, ex pia tamen consuetudine recitare, prout lib. seq. c. 2. n. 2. exponemus. Præter hæc vero (quod Basil. regul. 37. ex superioribus valde commendat) cum actiones eorum externæ sint, & corporales, non multum animum distrahunt, quo minus possint frequenter circa Deum versari; vel eam præsentem in suis laboribus habendo, ut idem Basil. in 5. earundem regula.

Item ex
parte finis
perfectio
multis
modis
ostenditur.

larum & c. 7. constit. monast. hortatur: vel in eum omnia, quæ agunt, referendo, & auxilium postulando. Itaque magnam possunt perfectionem vitæ contemplativæ in hoc statu comparare. Unde etiam fit, ut perfectionem antiquorum monachorum multum imitentur: illi enim & clerici non erant, & post laudes suis temporibus Deo decantatas, manibus laborabant, ut se vel alios pauperes sustentarent; hi vero, & sua etiam tempora, quibus Deo mente psallant, & ore deprecantur, habent; & postea manibus laborant, non ut aliquid temporale comparent, quod se, vel alios sustentent, sed ut ministros Evangelii adjuvent, eisque ministrent. Ex quo ulterius sequitur, ut partem Marthæ, non solum corporaliter, sed etiam spiritualiter participant. Nam licet proxime circa corporalia occupentur, tamen quia illa sunt media ad proximos spiritualiter juvandos, & sub ea intentione assumuntur: ideo fructum & meritum spiritualium actionum circa proximos participant. Præterquam quod ipsi debent ad salutem proximorum suo modo cooperari tum familiaribus colloquiis, ut in c. 6. examinis §. 4. habetur, tum maxime exemplo, & præsertim patientia, & charitate omnes alacri animo suscipiendo, eorumque necessitatibus summa diligentia succurrendo, & si necessarium fuerit, omnium onera portando, & sustinendo. Tandem hinc etiam merito consequuntur, ut omnium bonorum operum, ac meritum Societatis participes sint, & illius gratiis non minus, quam cæteri professi perfruantur, ut habetur in Bullis Pauli III. Julii III. & Greg. XIII.

CAPUT IV.

Quot sint gradus personarum in Societate, & quomodo inter se distinguantur, ex dictis colligitur.

TRES tantum esse gradus personarum in Societate. **E**X dictis in hoc & superioribus libris circa varios gradus personarum Societatis, facile colligi potest, quot illi sint, & quæ inter illos distinctio intercedat. Potest autem hæc distinctio membrorum Societatis dupliciter fieri; scilicet vel juxta diversa vincula cum ipsa Societate per vota aliquo modo diversa, vel per ministeria, ad quæ proxime talis personarum status ordinatur; & utroque modo tres tantum sunt ordines personarum: priori modo distinguuntur in Societate *scholares approbati, formati coadiutores, & professi*: nam hi omnes habent inter se differentiam in modo votorum, ac vinculi cum Societate, ut satis explicatum est lib. 3. c. 6. & in hoc 7. nec oportet augere hanc partitionem propter coadiutores temporales, vel spirituales, quia illi omnes, quoad vota eandem rationem habent, vel inter se, cum formati sunt, vel cum scholaribus, quando simpliciter post biennium admittuntur. Et ita quoad hoc æquiparantur in 4. Cong. can. 1. & suo etiam modo in 7. Congr. can. 23. Unde clarius comprehendendo omnes, *scholarium* nomine sublato, dicere possumus in Societate alios esse religiosos *approbatos*, alios *formatos*, alios *professos*; vel quosdam esse religiosos quidem substantialiter, nondum tamen in ultimo termino constitutos; alios ve-

ro, qui jam sunt in termino absque solenni professione, alios vero *professos*. Et eadem ratione non oportet ibi distinguere plura membra propter *professos trium*, vel *quatuor votorum*, tum quia *professi trium votorum* & pauci sunt, & magis ex dispensatione, quam ex lege ordinarii; tum etiam, quia in modo vinculi, aut votorum, non differunt a cæteris professis, sed solum in numero votorum, & ideo aliquando comprehenduntur sub gradu professorum, ut 5. p. constit. c. 1. lit. A.

2. At vero distinguendo hos gradus ex ministeriis, tres etiam inveniuntur, diverso tamen modo: sic enim numerandi sunt *scholares, operarii, & coadiutores temporales*. Ministeria enim Societatis aut spiritualia sunt, aut corporalia: ad hæc posteriora recipiuntur coadiutores temporales. Priora vero aut considerantur in seipsis, aut in via, & præparatione ad illa; in hoc secundo ordine versantur *scholares*, in alio vero reliqui omnes, qui jam ex officio, & statu suo ad illa exercenda ministeria destinati sunt, quos *operarios* appellamus, & sub illis *tam coadiutores spirituales formatos*, quam *professos trium, vel quatuor votorum* comprehendimus. Et ita intelliguntur facile omnia, quæ de his gradibus, tam in bullis Pontificiis, quam in constitutionibus nostris inveniuntur.

3. Et quidem in examine c. 1. §. 7. & sequentibus, quatuor classes personarum Societatem ingredientium distinguuntur: tamen revera non additur aliquis gradus, sed ibi magis distinguitur intentio, vel dispositio ingredientium. Nam interdum recipiuntur definite ad aliquem ex dictis tribus gradibus, & ita distinguuntur tres classes ingredientium; aliquando vero recipiuntur indefinite ad eum gradum, qui superiori visus fuerit. Et ita additur quarta classis, quæ vocatur *indifferentium*, quæ non pertinet ad gradus personarum Societatis, sed ad classem *novitiorum*, ut sic dicam: nam in eis solis potest esse classis indifferentium, quia expleto biennio determinandi sunt omnes saltem ad statum scholarium, vel coadiutorum temporalium, ut in quarta congregatione generali decreto 37. seu can. 2. declaratum est: ubi considerandum est etiam hoc modo regulariter loquendo non posse distinguere nisi duas, vel tres classes: quia novitii vel ad temporalia ministeria, vel ad spiritualia recipiuntur: pauci autem recipiuntur ex parte Societatis indeterminati inter hæc duo membra, licet ex parte sua omnes debeant indifferentes ingredi: aliquando vero possunt aliqui recipi cum ea indifferentia; & ita constituuntur tres ordines novitiorum. Inter quos, qui recipiuntur ad spiritualia ministeria, consequenter admittuntur definite ad gradum scholarium, indefinite vero ad gradum professorum, vel coadiutorum: raro enim potest a principio fieri hæc distinctio, donec in studio personæ probentur. Aliquando vero cum personæ sunt provectæ ætatis, aut literatæ, possunt a principio, cum recipiuntur, ad gradum professorum, vel coadiutorum destinari; & ita intelligenda est illa partitio: & ad eandem doctrinam facile accommodantur, quæ de quatuor acceptionibus Societatis dicuntur 5. p. constit. c. 1. lit. A. Nam in prima comprehenduntur novitii, & ita solum tres gradus membrorum proprie dictorum Societatis relinquuntur.

Altera collectio ex ministeriis quæ occupantur.

Varietas ingredientium in Societate.

LIBER OCTAVUS.

De mediis, quibus ad propriam professionem acquirendam Societas utitur.



EXPLICATIS votis omnibus Societatis, & variis personarum ordinibus, qui ex eis oriuntur, dicendum sequitur de actibus, seu ministeriis, in quibus personæ Societatis exerceri, & occupari debent. Ordinatur autem hæc religio, ut vidimus, primo quidem ac per se, ad suorum membrorum spirituales perfectionem, deinde vero proximorum: & ideo priusquam de ministeriis erga proximos dicamus, de mediis, quibus ipsa religio in se, & in suis membris spiritualiter perficitur, dicendum est;

hæc autem media quædam sunt mere interna, per quæ anima immediate conjungitur Deo, dum æterna medietur, conscientiam recognoscit, & in interioribus actibus virtutum omnium versatur; alia sunt externa, quæ subdistingui possunt in ea, quæ per se, & ex opere operato animam sanctificant, ut sunt sacrificium, & sacramenta, & in ea, quæ ex opere operantis, ut sunt exteriores exercitationes virtutum. De his ergo omnibus ex professo dicendum est, & distinctius explicabimus aliqua, quæ in primo lib. c. 5. & 6. tacta sunt, quæ vero a c. 7. & deinceps sufficienter tractata sunt, hic omittuntur.

C A P U T I.

An, & quantum debeant religiosi Societatis ex vi sui instituti mentalibus exercitiis vacare.

1. Assertio
Mentalia
exercitia
non sunt
sub præ-
cepto ri-
gorefo.
Ejus ratio

QUoniam duplex est obligatio, alia rigorosa, & præcepti, alia regulæ religiosæ, ac perfectionis, in toto hoc libro obligationem posteriori modo sumimus, quia supponimus, quod etiam lib. 4. cap. 12. n. 13. attigimus, regulam Societatis non inducere rigorosam obligationem: ubi autem ex alio capite oriri poterit, id specialiter adnotabimus. In præsentī ergo constat primo, mentalia exercitia, quæ sunt conscientiæ examinatio, meditatio, contemplatio, & in universum mentalis oratio, non cadere sub obligationem rigorosam non solum propter rationem dictam, sed etiam quia humanum præceptum non fertur per se in huiusmodi actus: quia vel non potest, ut l. 4. de legib. c. 12. docuimus, vel licet possit mediante voto obedientiæ, certe non expedit propter periculum maioris mali, & circa hoc videri possunt quæ in tract. 4. l. 2. de oratione mentali c. 4. diximus. Dico autem *per se*, quia ratione alterius actus exterioris interdum præcipi potest; ut in præsentī recogitatio peccatorum, vel examinatio conscientiæ potest præcipi ratione confessionis; tunc vero solum eo præcepto præcipitur, quod ipsa confessio, de qua infra in c. 4. dicemus. Potest etiam interdum aliqua exterior actio, vel otium, præcipi propter hos interiores actus, ut si præcipiatur lectio propter meditationem, vel vacatio ab studio propter contemplationem. Sed tunc etiam non præcipitur rigorosius actio vel remissio exterior, quā interior meditatio: cum ergo hæc rigorose non præcipiatur, nec cætera etiam, quæ ad ipsam ordinantur.

2. Assertio
Sunt
tamen sub
regula.

Præbatur
ex constit.

Hæc as-
sertio va-
let in pro-
fessis.

Secundo vero dicendum est, religiosos Societatis ex vi suæ regulæ teneri ad exercendos huiusmodi actus temporibus præscriptis: sic enim non repugnat actus, etiam mentales, cadere sub regulam religiosam, cum illius professio, & assumptio voluntaria sit, sicut in voto obedientiæ in citato c. 12. l. 4. exposuimus. Probatur ergo assertio ex 3. p. constit. c. 1. §. 20. *Omnes suum tempus rebus spiritualibus impendant, & devotioni querendæ promissa divina gratiæ sibi communicanda insistant.* Quæ verba habentur etiam in reg. 2. ex generalibus, & similia reg. 1. ex communibus, quam infra a n. 4. expendemus. Ubi etiam declarabimus, quod, & quantum hoc tempus sit, quod etiam attigimus supra in lib. 1. c. 6. n. 4. Solum hic addendum est, ab hac obligatione nullos excipi etiam professos, & quibusvis ministeriis occupatos. Nam regula generalis nec exceptionem ullam facit, quia revera nec necessaria, nec rationabilis erat: ubi enim necessaria est, non omittitur, ut videre licet in regula 4. ex communibus, cum similibus. Quin potius de professis signatim dicitur 6. p. constit. c. 3. §. 3. debere in domibus eam partem regularum observare, quæ illis communis est: constat autem hanc partem mentalium exercitiorum maxime convenientem esse eorum statui, & conditioni: adstringuntur ergo omnes eadem regula, & ita postea in 4. congreg. decret. 16. vel can. 11. stabilitum fuit.

Obiectio
contra
nunc di-
cta de
professis.

3. Dices in 6. p. constit. c. 3. §. 1. de professis dicitur, nullam eis regulam præscribi quoad spiritualia hæc exercitia, eo quod certum ducatur eos viros spirituales futuros, & qui sic in via Christi De profecerint, ut in ea currere possint. Hoc autem ita intelligendum est, ut eis non intelligatur per regulam prohibitum, quin ultra tempora spiritualibus exercitiis omnibus definita, possint aliquid addere: imo in ea constitutione tacite admoventur, ut id faciant, quantum *discreta charitas unicuique distaverit*, & adhibito consilio confessoris. Igitur professi ex vi regulæ non limitantur ad sola opera religionis, ac divini cultus, quæ pro tota communitate Societatis præscripta sunt: & in hoc sensu dicitur eis non præscribi regulam circa hæc opera, non quia non obligentur generali regula, sed quia per illam non prohibetur, quo minus aliquid addant: quin potius ab eis hoc desideratur, & speratur, in hoc enim, quod addendum est, non præscribitur regula, quia non potest esse uniformis, cum nec vires omnium eadem sint, nec occupationes, &c. Hæc est ergo differentia inter professos, &

scholares Societatis, quod scholaribus ita sunt definita spiritualia exercitia & tempora eorum 4. p. constit. c. 4. & in Congreg. 1. generali decreto 97. & in 2. decreto 29. & in 4. decreto 5. & can. 6. ut sine facultate superiorum nihil eis addere possint: quod merito ita præscriptum est tum propter studiorum labores, tum etiam, quia in eo statu nondum supponuntur adeo in rebus spiritualibus exercitati, ut hoc illorum arbitrio committendum sit; at vero professi non habent ex regula illam prohibitionem, sed potius generalem licentiam, vel etiam exhortationem, ut frequentius in his spiritualibus operibus exerceantur, quia eorum ministeria, & status hoc requirunt. Vide Bon. in spec. disciplin. c. 13. citatur etiam similis doctrina revelata Pachomio Abbati ab Angelo sibi regulam tradente, apud Pallad. in histor. c. 38. quem locum invenire non potui, nec in Pallad. tempo 7. Biblioth. nec in vita Pachomii apud Sur. tomo 3.

4. Ut autem hoc magis explicetur, operæ pretium erit ad particularia opera, quæ in hoc genere Societas exercet, descendere; sunt enim tria genera horum operum, scilicet examinatio conscientiæ, lectio spiritualis, oratio mentalis, sub qua meditatio, & contemplatio comprehenduntur; de quibus prædictæ regula loquuntur. Regula prima ex communibus, & in dict. c. 3. 6. p. constit. §. 2. ibi, *orandi, meditando, & legendi*, & §. 1. *utantur quotidie suæ conscientiæ examinatione*; & p. 4. c. 4. §. 3. additur, ut bis fiat, itaque quod ad primum exercitium examinandi conscientiam pertinet, tenentur nostri religiosi ex regula bis in die, meridie scilicet, & noctu, utroque in tempore per quadrantem id præstare; neque circa hoc aliquid specialiter annotandum hic occurrat; nam quæ de hoc examine dici possunt, commodius lib. sequenti, tractando de exercitiis spiritualibus, explicabimus, ubi etiam de alio examine quod in Societate fieri consuevit, & *particulare* vocatur, aliquid addemus.

De exer-
citio exa-
minandi
conscien-
tiam.

Ribadini
in vita S.
Ign. lib. 5.
c. 11.

5. Quod vero spectat ad secundum, lectio spiritualis in hoc statu maxime necessaria est, tum propter meditationem, nam, ut Bernardus tract. præced. l. 1. c. 5. n. 15. reliquus dixit, meditatio sine lectione errori exposita est; tum propter spirituale fructum, quem ipsa per se solet asserere, quia & ad illuminandum intellectum, & ad accendendum affectum valde utilis est, tum denique propter alios. Nam cum nostri religiosi proximos debeant ad virtutem excitare, eosque instruere, & interdum etiam in spiritualibus dirigere, necesse est, ut Doctores sacros evolvant, a quibus lumen accipiant. Sciendum est enim huiusmodi lectionem interdum ad proprium, interdum ad aliorum profectum ordinari, & utramque esse in hoc statu necessariam; priorem tamen fructum esse præcipue intentum in hac parte, ubi spiritualis lectio commendatur, tanquam exercitium vitæ contemplativæ ad propriam spirituales perfectionem ordinatum. Non repugnat tamen, imo ad perfectionem, & industriam legentis pertinet, ad utrumque finem hoc opus ordinare. Hoc vero provectionum est, & maxime convenit professis Societatis, ratione sui status; nam ita debent incumbere propriæ perfectioni, ut aliis etiam consulant, & e converso: unde si eadem actio possit esse utilis ad utrumque finem, perfectior erit, cæteris paribus, si ad utrumque referatur. Nihilominus tamen, viris etiam perfectis, lectio spiritualis aliquando specialiter sumenda est propter affectum potius excitandum, quam propter studium, & ideo utrumque distincte commendatur omnibus, etiam professis, & viris quantumcumque perfectis, scilicet, & studium sacrarum literarum, & spiritualis lectio, quæ & in 1. regula ex communibus præcipitur, & eidem horæ quadrans in singulos dies a 7. congr. designatur in can. 5. De illius vero necessitate multa docent, qui id argumentum peculiariter assumpserunt, nominatim Puerite tract. 2. Alphonfus Rodrig. 1. p. tract. 5. c. 28. Paz tom. 1. l. 2. p. 4. c. 3. 1. & tom. 2. l. 3. p. 5. c. 2.

De exerci-
tio lectio-
nis spirit-
& præ-
paratione
ad oran-
dum.

6. Præter hæc vero necessaria est etiam in hoc statu frequens, & assidua mentalis oratio: quia non solum necessarium medium est ad propriam perfectionem acquirendam, & ad fluctuante laborandum in vinea Domini, sed etiam aliqua ex parte finis est huius religiosæ vitæ, quæ non solum activa est, sed etiam contempla-

De exerci-
tio men-
talī orationis.

tiva.

tiva, ut supra lib. I. c. 6. diximus. Unde cum hoc exercitium toti Societati sit maxime necessarium, quo gradus professorum censetur esse perfectior, eo magis illud participare debet, & otium contemplationis; ita tamen, ut ministeria erga proximos non impediatur, sed potius juret ac promoveat. Atque hæc est regula, quam constitutiones indicant, ut ea utantur professi ad vacandum contemplationi, nimirum *quantum commode potuerint, non relinquendo ea ministeria erga proximos, quæ charitas aut obedientia postulaverint*; quæ fuit regula præscripta ab August. 19. de civit. c. 19. dicente: *Negotium justum suscipere necessitas charitatis, quam sarcinam, si nullus imponit, percipiendam, atque intuemde vacandum est veritati: si autem imponitur, suscipienda est propter charitatis necessitatem*; subdit verba nostris religiosi & præfecti in professis maxime consideranda; *sed nec sic omni moda veritatis delectatio deferenda est, ne subtrahatur illa suavitas, & opprimatur ista necessitas*. Significat enim his verbis Augustinus, etiam his, quibus ex necessitate muneris, vel status incumbit cura proximorum, necessarium omnino esse, suis temporibus contemplationi vacare.

Hæc exercitium non fatiscit nisi peculiare semper impendendo

7 Nec satisfaciatur quispian suæ obligationi, etiam si dicat, in ipsis operibus, & spiritualibus ministeriis non omnino relinqui interiorem mentis considerationem, & intentionem, ac recursum ad Deum. Quamquam enim hoc prætermittendum non sit, & in eo magna ex parte præceptum, vel consilium orationis impletur, juxta doctrinam Basilii in reg. 5. ex superioribus, nemo tamen debet (ut idem sanctus subjungit) ea occasione præscripta tempora ad vacandum orationi, vel meditationi negligere; quia sine hoc adminiculo, neque attentio ad Deum in aliis operibus. nec fervor devotionis poterit conservari; & ideo D. Tho. 2. 2. q. 188. a. 8. cum dixisset solitudinem congruere religionibus prostantibus vitam contemplativam, non vero illis, quæ ordinantur ad opera vitæ activæ, sive spiritualia, sive corporalia, subdit: *Nisi forte ad tempus exemplo Christi, qui, ut dicitur Luca 6. Exiit in montem solus orare, & erat pernoctans in oratione Dei*, de quo exemplo agimus tom. 2. in 3. p. disp. 29. sect. 1.

Id tempus designatur pro singulis diebus & annis.

8 Id tempus designatur tum singulis diebus per horam, tum singulis annis per 8. vel 10. dies. Duobus autem modis potest hoc intelligi; primo ut singulis diebus tempus aliquod huic solitudini deputetur. Secundo ut interdum per plures dies activa vita intermittatur, omnisque communicatio cum hominibus omittatur, ut soli Deo vacetur. Et utriusque modi exemplum nobis præbuit Christus; & utrumque imitari debent religiosi Societatis ex vi suæ regule, & receptæ consuetudinis: nam & singulis diebus statutis temporibus se colligere, & soli Deo vacare debent per horam integram, ut in 4. Congr. generali can. 6. retinetur, ac etiam denuo stabilitur. Nec id tempus, nisi gravi de causa, abruptum decernitur in 7. Congr. decreto 2. l. n. 2. & aliquando etiam per aliquot anni dies (quos decem vel octo designat sexta Congr. can. 9. in singulos annos, & in 7. can. 4. magis adstringitur) ab exteriori actione omnino cessare, & in sola interiori vita se exercere, ut in illa 7. Congregatione, & decreto in n. 4. iterum inculcatur, & in sequenti libro c. 7. latius dicemus. Nam, ut actio postea efficacior sit, hoc otium necessarium est, quia hoc negotium spirituale, opere primum, seu exemplo, deinde sermone, seu prædicatione perficitur: neutrum autem eorum efficaciam habebit, nisi eam promoveatur oratio, ut dixit Bernardus epist. 201. ad Balduinum Abbatem.

CAPUT II.

Utrum religiosi Societatis ad aliquas orationes vocales ex vi sui instituti teneantur?

Prima assertio bini membris.

1 Quoniam vocalis oratio cum mentali proxime conjuncta est, ut facile intelligi potest ex iis, quæ initio libri 3. de oratione vocali scripsimus, de illa consequenter dicendum est, breviterque poterit expediti, supposita distinctione data initio ca. præcedentis de obligatione, vel præcepti rigorosi, vel solius regule. Dicendum est enim, nec ex rigorosa præcepti obligatione, neque ex regula specialiter ad orationem vocalem obligari singulos religiosos Societatis. Suppono sermo-

Suarez Tom. XV.

nem esse de his religiosis ex eo capite, quod religiosi sint, nam si sint in sacris constituti, clarum est teneri illo titulo ad officium canonicum recitandum; sed illa obligatio accidentaria est religioni; sic ergo facilis est ratio utriusque partis. Prioris quidem, quia nullum est principium, nec fundamentum talis obligationis: nam si ad aliquam orationem vocalem obligarentur nostri religiosi, vel esset ex communi ratione status religiosi, vel ex propria & speciali. Hoc secundum dici non potest, quia constitutiones Societatis non inducunt talem obligationem, ut sæpe monuimus. De primo autem patet, quia ex illo titulo solet oriri in aliis religiosis obligatio tantum recitandi officium canonicum, idque ex obligatione in sola consuetudine fundata, ut tract. 4. lib. 4. de h. c. canon. c. 17. numer. 6. tradidimus; hæc autem in nostris religiosis locum non habet. Quod quidem de coadiutoribus temporalibus est per se notum, quia non est obligatio, suo muneri consentanea: unde nec in aliis religionibus professi laici, seu conversi ad hoc obligantur, ut ibidem in n. 2. notavimus, & a fortiori neque novitii. De scholaribus vero expresse dicitur in 4. p. Constit. c. 4. in declaratione lit. B. *ad dicendum officium divinum non tenentur*. Professi vero & coadiutores spirituales semper sunt Sacerdotes, & ideo tituli sacerdotis tenebuntur. An vero si qui sunt professi non ordinati in sacris, obligentur, statim dicam.

2 Circa alteram partem ad obligationem regulæ pertinentem, advertendum est, solum obligari nostrum religiosum ex vi constitutionum, ad expendendum quotidie unius horæ tempus in oratione, præter Massam, & præter officium canonicum, si illud alias ex obligatione recitaverit; & præter examina conscientie: licet enim hoc postremum in Constitutionibus non continetur, sicut etiam in 1. Congregatione, can. 94. notatum fuit, additum est ab ipsa Societate, & perpetua consuetudine servatum a tempore secundæ Congregationis, & specialiter in 4. decreto 3. fuit confirmatum. Illius autem horæ tempus ex vi constitutionum non ita mentali orationi destinatur, ut non possit in eo vel Rosarium, vel officium B. Virginis recitari, pro devotione vel majori fructu orantium, ut declaratur 4. p. Constit. c. 4. §. 3. & 4. & lit. B. & c. & in dict. can. 3. Congregationis 4. generalis, licet dicatur, *ut omnino retineatur consuetudo orandi per horam integram, &c.* non tamen declaratur, ut illa oratio tota mentalis sit. Nihilominus tamen praxis, & consuetudo Societatis declaravit, ut illa hora matutina tota orationi mentali, seu meditationi, & contemplationi tribuatur, atque ita hoc censeri debet jus ordinarium Societatis, a quo sine superioris facultate, seu commutatione discedere non licet. Unde pia, ac fere generali consuetudine introductum est, ut omnes, præsertim non Sacerdotes, ultra integram horam mentalis orationis, Virginis officium aut Rosarium recitent, suum proprium tempus huic devotioni tribuendo, a qua consuetudine, qui discrepat, satis imperfecte agit, et si in decreto 102. sextæ Congregationis propriæ regulæ obligatio non sit posita:

Vocalis oratio in ora horæ quotidiana orationis non fit a fque specialis licentia.

3 Hæc autem omnia de privatis orationibus & personalibus obligationibus procedunt, ut assertione tertijmus; jam de oratione publica & communi dicendum secundo nullam esse in Societate certi temporis obligationem, ubi occurbat questio de choro, cur Societas illum non profiteatur, sed hæc satis tractata est l. 1. c. 8. & ideo plura hic dicere necesse non est. De Litaniis etiam dubitari potest, quia videtur esse antiqua consuetudo Societatis, ut a tota communitate quotidie in domibus & collegiis dicantur: ergo erit etiam sub obligatione: dicendum est autem in primis hanc orationem, etiam si pia & sancta sit, nulla constitutione, vel regula esse præscriptam. Deinde dicitur, non ita esse consuetudinem receptam, ut præcepti obligationem inducat, tum quia existimo nullam consuetudinem Societatis propriam, & specialem habere hanc vim, nec sub hoc genere obligationis posse introduci, quia est contra expressam constitutionem 6. p. c. 5. ibi: *Visum est nobis in Domino nullam constitutionem declarationem, vel ordinem ullum vendi posse obligationem, ad peccatum mortale, aut veniale inducere*, nam sub illa particula, *ordinem vendi*, consuetudines omnes comprehendendi censeo; non ergo potest consuetudo obligationem illi constitutioni repugnā-

Secunda assertio etiam negativa quoad totam communitatem.

Dubium de Litaniis, quæ recitantur a communitate.

Ufus, etiam pius, non præscribit contra institutum Societatis

tem inducere; nam eo ipso non esset nostris hominibus pia, nec religiosa consuetudo, utpote constitutioni repugnans; tum etiam, quia illa non est propria consuetudo inducens obligationem, seu ex obligatione introducta, quia constat ex speciali aliqua ordinatione præpositi generalis inchoaram fuisse, & ex eadem contrinuari semper, nec in ea maiorem obligationem agnosci, quam in ipsa ordinatione, in qua fundatur: illa autem non inducit obligationem præcepti, sed obedientiæ simplicis, ut alias diximus. Quamdiu ergo illa voluntas superiorum duraverit, tenebitur Societas litanias recitare, eo modo, quo tenetur alias simplices obedientias implere, non tamen arctiori obligatione, nec diuturniori tempore, sed cessante illa voluntate, cessabit etiam illa qualiscumque obligatio.

4 De qua obligatione sciendum est, eo ipso quod obligat communitatem, obligare etiam singulos eodem genere obligationis, & non majori, ut illi publicæ, & communi orationi adsistant, quia non possit aliter obligari communitas, cum non possit oratio illa a communitate fieri, nisi ad eam singuli conveniant, ut in simili diximus tract. 4. l. 4. de horis canon. c. 10. n. 9. nihilominus si quis absit ab illa oratione communi, non obligatur etiam illo simplici modo ad litaniam privatam & per se recitandam. Quod quidem est certum, si debito modo & iusto impedimento, vel ex superioris facultate absit, quia tunc nulla relinquitur ratio obligationis, quia non tenebatur litaniam per se dicere, sed cum communitate, & ab hac obligatione simpliciter excusatus fuit. Verum tamen idem censeo, etiam si contra obedientiæ obligationem non adfuerit; quia licet imperfecte egerit, tamen iam est transacta occasio, & materia illius obligationis, seu obedientiæ, nec tenetur aliam loco illius substituere, quæ nullo modo præcepta fuit; sicut qui omisit jejunium præscriptum uno die, non tenetur aliud servare alio die loco illius. Dices: ergo qui hora matutina cum aliis non oravit, non tenetur ex vi regulæ, in alia hora diei id supplere. Respondetur negando consequentiam, non enim est in re simili. Nam regula simpliciter statuit orationem per integram horam in die: unde ex vi regulæ, qualibet hora diei impleri posset: quod autem communi consuetudine matutina hora designata sit, non est (ut sic dicam) ad extinguendam obligationem, si tunc non impleatur, sed ad designandum certum tempus, & commodius, in quo impleatur, ita ut non differatur; & ideo si tunc non impletur, postea continue urget regula, ut quam primum fieri possit, impleatur. In præsentia autem oratio solum est respectu communitatis, & obligatio non descendit ad singulos, nisi cooperando ipsi communitati, & ideo privata oratio non est materia illius obligationis, quamvis optime facturus sit, qui illam voluntarie expleverit: esset autem exemplum simile de illo, qui uno die integram horam orationis omisit, non enim tenetur etiam ex vi regulæ alio die addere alteram horam, quamvis consultissime facturus sit, si id egerit. Sed adhuc instabis; quia religiosus professus deputatus ad chorum, si absque rationabili causa, aut etiam cum illa, absit a choro, tenetur privatim recitare horas, ut in lib. 4. de horis c. 17. n. 2. tanquam commune, & receptum tradidimus: ergo licet religiosus Societatis absit legitime a communibus litiis (necum sine causa) tenetur sub eadem obligatione, qua tenetur communitas privatim recitare. Sed negatur consequentia, quoniam in cit. loc. ostendimus saltem de consuetudine obligari professos monachos ad privatam quoque recitationem, etiam si sacris nondum sint initiati, & in Societate talis aliqua consuetudo non invaluit: quid autem dicendum sit, si tota communitas litanias omitteret, ex dictis in li. 4. de horis canon. c. 10. paulo superius citat. n. 8. atque etiam ex c. 12. n. 1. cum proportionem sumi potest; quod vero hic resolvimus de litiis, intelligendum est a fortiori de choro per hebdomadam sanctam, & in die 2. Novemb. & si quod est aliud officium certi temporis (ut in assertionem attingimus) quia a tota communitate in Societate usurpatur.

5 Nonnulla vero dubia expedienda supersunt. Primum est de orationibus vocalibus, quæ dicendæ injunguntur pro defunctis, vel pro fundatoribus, vel aliis causis, seu necessitatibus fortuito occurrentibus, quanta

sint earum obligatio, & quomodo explendæ sint. Circa prius punctum de quantitate obligationis generaliter asserendum est, non transcendere obligationem simplicis regulæ, vel obedientiæ. Patet ex generali declaratione constitutionum p. 6. c. 5. nam cum nihil distinguatur, aut limiter, hæc etiam materiam comprehendit. Ubi ergo aliqua oratio sub aliquo ex illis signis injecta non fuerit, scilicet, *in virtute obedientiæ*, vel *in nomine Domini*, non obligat ex vi præcepti: at in constitutionibus, aut regulis, nullum est tale præceptum, nec ordinatio a superioribus in hac materia solet imponi. Posset autem quis dubitare de orationibus (& idem est de Missis) quæ pro fundatoribus collegiorum fieri præcipiuntur 4. p. constit. cap. 1. aut domorum in can. 18. Congregationis teritiæ: nam illæ videntur deberi veluti ex vi pacti, ideoque ex iustitia, atque adeo sub rigorosam obligationem conscientiæ cadere. Nihilominus probabilius censeo, etiam illam obligationem non excedere vim regulæ, quia nullum est verbum, quod maiorem obligationem ostendat: nec fit aliud pactum, vel specialis obligatio fundatori, sed solum acceptatur fundatio juxta constitutiones, atque adeo cum oneribus, quæ imponunt constitutiones, & sub tanta obligatione, quanta ab eis imponitur, & non majori. Unde a fortiori sequitur in reliquis suffragiis, quæ pro benefactoribus, vel pro Societate, aut aliis rebus fieri præcipiuntur, idem esse dicendum; sicut etiam juxta communem sensum Societatis intelligitur, quoties Superior simpliciter præcipit hoc vel illud pium opus facere pro tali causa, vel intentione; nunquam enim imponere censeretur præcepti obligationem, nisi observet formam præscriptam in dicto cap. 5. 6. partis constit.

6 Ad posterius autem punctum de modo implendi hanc obligationem, respondetur, esse implendam simpliciter, ac modo, quo imponitur, seu quod perinde est, servatis debitis circumstantiis, quas oratio ipsa requirit, eo ipso quod faciendæ est, ut tract. 4. lib. 2. de orat. a c. 2. docuimus. Potest autem injungi propter hos fines, & vocalis, & mentalis oratio, quia utraque cadere potest sub obedientiam religiosam, ut attingi l. 4. de legib. ca. 12. ad finem, & specialius to. 3. de sacramentis disputat. 79. sect. 9. quæst. 1. qualis autem præcipiatur, ex verbis constabit, & ex usu religionis. Quando enim injungitur indefinite tantum orationis tempus, de mentali optime intelligitur, & per illam optime expletur; si tamen vocalis fiat vel mixta, etiam sufficit. Si autem definite injungatur Rosarium, vel litanias, &c. de vocali plane intelligo, & ita explenda est, debetque recitari attente & devote, quantum oratio vocalis ex se postulat, ut lib. 3. de oratione a cap. 3. docuimus. Aliæ vero circumstantiæ particulares, de quibus ibidem in cap. 7. ut v. g. quod dicatur in oratorio, vel flexis genibus, vel quid simile, non sunt necessariæ, nisi expresse præscribantur. Si autem quis minus attente hæc recitaverit, quam par est, non gravius peccabit, quam venialiter, secluso contemptu, quia ut dixi, talis oratio non fit ex rigoroso præcepto, & ideo nec modus ejus cadit sub arctiorem obligationem, quam cadere solet in orationibus mere voluntariis. Et ideo quando bona fide proceditur, non oportet esse de hac re sollicitos, præsertim de repetendis orationibus, quæ minus attente forsitan dictæ sunt, quia non est hæc intentio talium præceptorum, seu ordinationum, aut constitutionum.

7 Quin potius dubitari potest, an qui præscripto tempore, v. g. hebdomada, vel mense talem orationem, vel suffragium voluntarie omisit, tenetur postea illud implere. Nam ex dictis in num. 4. argumento simili videtur concludi non teneri, quia jam transacta est occasio præcepti, & non est aliquid contra iustitiam commissum, ut maneat veluti obligatio restituendi. Nihilominus censeo durare semper idem genus obligationis regulæ, vel obedientiæ, donec impleatur, nisi in aliquo casu particulari finis præcepti omnino cessaverit. Ratio est, quia illud suffragium, vel oratio per se præcipitur propter fructum ejus, & non ut onus alicujus temporis: nam licet fortasse designata fuit certa dies, vel hebdomada, non fuit ad extinguendam obligationem, sed ne amplius differretur ejus solutio; & ideo si tunc non impleatur, non extinguitur obligatio, sed de-

inceps

Qui non adest litanias communitatis, non tenetur simpliciter recitare privatim.

Instantia primo.

Instantia altera diluitur.

Altera instantia diluitur.

1. dubium bipartitum.

inceps continue, ac vehementius urget. Dixi, *voluntarie*, quia si eo mense, vel hebdomada, &c. ægritudine, navigatione, aut alio legitimo impedimento suffragia persolveri nequiverunt, non videtur urgere præterea obligatio, cum alia, vertente mense, hebdomada, &c. recurrat; nec prior suo tempore expleri potuerit; sic enim transire cum onere videtur.

8 Alia dubitatio hic specialis est de horis canonicis, an professus Societatis ex vi suæ professionis teneatur recitare officium canonicum. Dico ex vi professionis: nam ex vi sacerdotii, vel sacræ ordinationis, quæ ordinario jure supponitur in professis Societatis, ut l. 6. c. 1. n. 4. notavimus, manifestum est teneri; quia vero absolute loquendo professio potest ab ordinatione sacra separari, ideo de obligatione, quam ipsa professio ad hoc inducit, inquirimus. Et ratio dubii esse potest, quia ceteri religiosi professi tenentur divinum officium recitare, ut est certa communis sententia: sed professi Societatis nullo speciali jure hac obligatione liberantur: ergo. Nihilominus dicendum est, religiosos Societatis, etiam professos ex vi professionis non teneri ad divinum officium recitandum, ita ut, si quis fuerit professus, & non ordinatus in sacris, hoc onere non teneatur: ita colligitur ex Bullis Pontificiis: nam in Bulla 1. Pauli III. cum limitatione dicitur: *Socii omnes quicumque in sacris fuerint, teneantur privatim ad dicendum officium secundum Ecclesiarum ritum*. Ubi sermo est de omnibus sociis, sive professis, sive non professis; qui ergo in sacris non fuerint, non tenentur. Et ideo in Bulla Julii III. dicitur: *Socii omnes, cum presbyterii esse debeant, ad dicendum officium teneantur*. Ubi sociorum nomine, quasi per antonomasiam soli professi significari videntur; nam illi regulariter & seclusa dispensatione presbyterii esse debent, & tantum hoc titulo tali præcepto obligari dicuntur: ergo ratione solius professionis ad hoc non tenentur.

9 Ratione idem probatur, quia alii religiosi, ut late ostendi tract. 4. lib. 4. de horis can. c. 17. non tenentur recitare officium canonicum ex vi professionis tantum, sed adjuncta consuetudine, quæ præcipue orta videtur ex obligatione, quam habent recitandi communiter officium in choro: sed in Societate non est talis consuetudo, neque etiam fundamentum ejus; ergo. Major & communiter recepta est, ut videre licet in Cajetano verbo *Hora canonica*, quem sequitur Soto l. 10. de Justitia. q. 3. art. 3. Medina Cod. de Pœnit. tr. 6. de oratione q. 7. circa finem, Palacios in 4. d. 15. disp. 9. Castro li. 1. de lege pœnali 8. Et ratione patet, quia religiosus ex vi professionis solum tenetur ad ea, quæ vovit, & præsertim ad obedientiam secundum regulam; non vovet autem religiosus dicere divinum officium: ergo si in regula distincte non præcipiatur sub obligatione peccati, nulla est jure communi obligatio, nisi ratione consuetudinis. Unde fit, ut fateantur omnes, non teneri hac obligatione nisi religiosos ad chorum deputatos, non vero eos, qui laici dicuntur, etiam si vere professi, & religiosi sint: non ergo nascitur illa obligatio ex professione ut sic, neque etiam nascitur ex eo, quod religiosi vivunt ex eleemosynis, ut Castro cum alii sentit; id enim recte impugnatur Soto, quia nullo jure hæc obligatio annexa est eleemosynis, neque etiam eo titulo petuntur, aut tali intentione dantur a fidelibus, quod maxime verum habet in religiosi Societatis, qui ad alia ministeria longe diversa a sunt a fidelibus. Jam ergo probatur minor propositio; nam quod attinet ad consuetudinem de religiosi nondum professi, nota res est; de professis autem vix potest in Societate considerari, quia nulli sunt professi quatuor votorum non Sacerdotes; rari autem sunt, qui ante ordinem sacrum professionem trium votorum emittant, & in illis consuetudine receptum est, ut non obligentur. Fundamentum etiam contrariæ consuetudinis in Societate deest, quia professi in illa choro non deputantur: ergo quoad hoc reputantur sicut religiosi laici aliarum religionum. Cur autem hæc obligatio nostris non imponatur ante sacros ordines, ratio sumenda est ex his, quæ diximus supra li. 1. c. 8. cur Societas choro non utatur, videlicet, ut religiosi liberiores sint ad studia, lectiones, & alia Societatis munera, ut tetigit etiam Gregorius XIII. in Bulla anni 73. quæ incipit: *Ex Sedis Apostolicæ*.

10 Ultimo pro his, qui ratione ordinis tenentur officium canonicum recitare, præter illa, quæ sup. tr. 4. l. 4.

Suarez. Tom. XV.

de horis canon. c. 27. n. 3. tradidimus, notanda hic sunt nonnulla privilegia a Summis Pontificibus concessa. Unum continetur in 2. Bulla Julii III. ubi refert, ante fuisse concessam Societati, *facultatem, & licentiam anteposendi, & postponendi divinum officium*. Quæ fortasse vivæ vocis oraculo concessa fuit, nam in prioribus Bullis non invenitur, ibi autem ab ipso Julio confirmatur. Hoc autem indultum intelligendum est de antepositione, & postponitione intra tempus legitimum ejusdem diei naturalis, vel Ecclesiastici, servata proportionem ad ipsas horas canonicas, juxta Ecclesiæ consuetudinem; nam postponere horas in alium diem nunquam permisum est in Ecclesia, & ideo generalis concessio non debet, nec potest ad hoc extendi; & idem est de antepositione, præsertim quoad horas minores, nam matutinum antepositum, etiam ante initium diei naturalis, recitari enim potest ad finem vespere præcedentis diei, & ideo de illo est specialis concessio paulo infra explicanda. Deinde ut hoc privilegium aliquid operetur, intelligendum est, virtute illius posse hoc sine culpa fieri, etiam si in particulari specialis causa ad excusandum sufficiens non intercedat. Ut enim ex propria materia in citato loco de horis canonicis suppono, hæc temporis circumstantia non est adeo gravis in privato officio recitando, de quo hic sermo est, ut ejus mutatio, etiam sine causa facta, sufficiat ad culpam mortalem. Unde facile potest ex rationabili causa, licet non admodum gravi, excusari omnis culpa. Si ergo hæc causa semper expectanda esset, parum aut nihil operaretur hoc privilegium: conceditur ergo per illud generalis facultas etiam non expectata alia causa.

11 Dices illicitam esse talem dispensationem sine causa. Respondeatur, licet in particulari cesserit causa immutandi tempus, non cessare causam dispensationis, seu privilegii, nam hæc sumitur ex generali causa religionis, propter varias, & frequentes ejus occupationes, & ut tollantur scrupuli in particulari. Per hoc tamen non tollitur naturalis quædam obligatio servandi debitum ordinem, & modum in nostris actionibus, & ideo quævis non requiratur semper causa per se sufficiens ad excusationem, saltem requiritur rationalis causa sic operandi, qualis maxime erit, quam explicavit Julius Pontifex supra, dicens: *Ut quietius, & devotius in humilitate spiritus Altissimo possitis gratum præbere famularum*.

12 De matutino vero existat specialis concessio Pii V. facta Minoribus, qua nostri possunt per communicationem gaudere, ut scilicet possint sine scrupulo pridie, ante Solis occasum illud recitare. Ita refertur in compendio nostrorum privilegiorum, verbo *Hora canonice* §. 3. & eandem referunt moderni scriptores Vera Cruz & Emanuel Rodriques, qui addunt *ante Solis occasum dicto completorio*. Sed quoad hanc partem, si sequamur opinionem D. Thomæ supra a nobis explicatam, nullum fere est privilegium hoc, nam ex communi consuetudine hoc licet, sed privilegium dari possit, ut magis sine scrupulo fiat; quod in verbis ejus indicare videtur. Ad id præterea in eadem concessione, & habetur in illo nostro privilegio §. 2. ut omnes horæ, etiam completorium possint anteponi, seu recitari hora matutina ejusdem diei, ratione itineris, vel alterius occupationis. Quod privilegium, quod ad nos spectat, in prima concessione Julii existimo esse contentum, nam indefinite loquitur de hac anticipationem, tam ex parte temporis, quam ex parte horarum canonicarum, nec est cur a nobis limitetur.

13 Unde in hoc differt ab alia concessione Leonis X. facta Minoribus circa hanc anticipationem, ut habetur in supplemento, concessione 128. quæ ex parte magis ampla, & ex parte magis stricta videtur. Num de matutino ait, ut illud possint dicere ante mediam noctem, quacunque hora voluerint, quæ videtur nimia licentia, sed restringenda est, vel ad quæcunque horam ejusdem noctis, vel saltem ad quæcunque horam diei Ecclesiastici, qui quoad hunc effectum, finito completorio incipit computari. De aliis autem horis dicit, & alias horas de mane usque ad vespas exclusivæ. In quibus verbis ambiguum est, quid vespæ nomine significetur; potest enim significari, vel quædam pars, seu hora officii canonici, juxta communem modum loquendi Ecclesiæ; vel ipsam tempus pomeridianum, juxta usum scri-

Exponitur privi- legium anteposendi, & postponendi officium canonicum

Privilegium a. lud spe. c. ant. de matutino.

Exponitur p. i. legum a. liud de anticipa. tione.

pturæ vulgariter etiam retentum. Si ergo sumatur prior modo, ibi non conceditur facultas anticipandi vespere, ita ut ante prandium dici possint, estque valde restricta concessio: si autem sumatur posteriori modo, sensus erit, ut omnes horæ minores possint anteponi, & mane recitari, vel postponi, & recitari vespere, & sic fere eadē est concessio. Sic autem vix intelligo, ad quid addita sit illa particula *exclusive*, & ideo prior sensus videtur magis intentus, & fortasse ob eam causam Pius V. explicavit eam extensionem, usque ad completorium. Potest etiā in illo indulto Leonis notari alia restrictio: quia solum conceditur hæc facultas, quando religiosi habent alias occupationes; inferius vero ita hoc exponitur, ut recidat in sensum supra a nobis explicatum, & illum confirmare videatur: ait enim: *etiamsi occupatio non sit multum necessaria, sed satis est, quod cogitent nunc devotius & quietius dicere.*

CAPUT III.

Utrum ad frequenter celebrandum, vel communicandum, religiosi Societatis specialiter obligentur.

INter exteriora media, quæ ex se vim habent sanctificandi, & uniendi animam Deo, primum ac præcipuū est sacrosanctum Eucharistie sacramentum, quod duplicem usum habet, sacrificii scilicet, & sacramenti, & de utroque breviter dicendum est, tam pro sacerdotibus, ad quos spectat hoc sacrificium celebrare, quam pro aliis omnibus non sacerdotibus, qui Missam audire & communicare possunt & debent.

1. Primo ergo circa celebrationem Missæ duo illa vulgaria puncta distinguenda sunt, scilicet, exercitium actus, & specificatio, seu modus ejus, nam de utroque aliquid in constitutionibus Societatis ordinatum est, & aliquid in privilegiis est concessum, quod breviter explicandum est. Et in primis de exercitio, seu frequentia celebrationis statuitur, ut Missæ sacrificium crebrius quam octavo quoque die a sacerdotibus offeratur; ita in examine c. 4 §. 2. in 6. vero p. constit. c. 3. §. 2. solum dicitur, ne ultra octo dies differatur, *sine causis iudicio superioris legitimis*. Verum hæc negatio per priorem affirmationem explicanda est; nam intentio statuentis revera fuit commendare hanc frequentiam, unde in eodem loco generaliter dixit, sacramentorum frequentia valde commendetur, & in tertia regula sacerdotum dicitur, *ut ita vivere studeant, ut merito quotidie celebrare possint*. Non fuit autem hæc frequentia omnino determinata, ac præscripta, quia minorem, quam quotidianam, non expediebat definire: nam viris religiosis non est minor consulenda, cum hæc per se melior, ac perfectior sit, & ad maiorem Dei gloriam, totiusque Ecclesiæ utilitatem pertineat. Totam autem illam sub regula ponere non oportebat propter varias causas, & occasionem eam intermittendi, quæ moraliter occurrere possunt: & ideo consultius visum est solum generatim consilium hujus frequentię indicare. Quo factum est, ut tam recepta consuetudine in Societate hoc observetur, ut non nisi raro, & ob extraordinariam causam, quotidianum sacrificium omittatur; & hæc de primo puncto.

2. Circa punctum aliud ad specificationem actus pertinere censuimus modum tam internum, quam externum, decenter, ac religiose offerendi hoc sacrificium. In quo præter eas, quæ communia sunt omnibus sacerdotibus, & sub præceptum cadunt, de quibus to. 3. de Sacramentis disp. 81. & sequ. dictum est, peculiare est Societati, ut pro ministerio nullum stipendium temporale, etiā per modum elemosinæ accipiat. Per quod (ut alias rationes supra l. 4. c. 7. a n. 8. tactas omittamus) ablata est omnis occasio offerendi hoc sacrificium intuitu etiam secundario alicujus commodi temporalis, sed solum propter Dei gloriam, propriam sanctificationem, Ecclesiæ, & proximorum spirituale auxilium, quæ est una ex perfectissimis circumstantiis, quæ ad perfectum modum exercendi hoc ministerium pertinere possunt. Deinde adjungenda est interna præparatio per cordis munditiam, & alias congruentes dispositiones, quæ res tota hoc unico verbo proponitur in illa regula 3. Sacerdotum, nam post verba citata: *Ita vivere studeant, ut quotidie merito celebrare possint*, addi, *ad idque conducet, quævis ex constitutione octavo in minimum quoque die confiteri teneantur, sæpius in hoc domada confiteri*. Tandem pro externo ritu ita statuitur, 4. p. Constit. cap. 8. §. 2.

In ratione Missæ dicenda, ut præter intelligentiam, & devotionem internam, decentem etiam habeant exteriorum modum, omnes instituantur. Quod in regula 4. Sacerdotum magis explicatur quoad pronuntiationem, & temporis moram, quæ & propriæ devotioni satis sit, & aliis non sit onerosa, sed potius ædificationi; & in utroque loco de cæremoniis Missæ ordinatur, ut Societas accurate observet ritum, quem Apostolica sedes peculiariter approbaverit: unde etiam fiet, quod in dicta constitutione & aliis valde commendatur, ut nostri Sacerdotes inter se uniformitatem in Missa dicenda teneant, quod etiam inter media ad unionem charitatis ponitur 8. p. Constit. c. 1. §. 8. Nam cum religio per se primo Sacerdotum sit, ut l. 1. c. 5. diximus, merito in eo munere, quod inter Sacerdotalia maximum est, præcipuam curam, & diligentiam adhibere debet.

3. Occurrebat statim dicendum de his, pro quibus Missæ in Societate dicendæ sunt ex obligatione regulæ. Sed in hoc, præter obligationem offerendi sacrificium pro defunctis, vel sociis, vel fundatoribus nostris, de quibus in Constitutionibus mentio fit, nulla est alia ordinaria obligatio, nisi superiores illam imponant. De quâ tota obligatio constat non transcendere ordinariam regulæ vel obedientiæ obligationem, juxta dicta in c. præcedente, quæ hic applicari possunt. Solum oportet observare, si alicubi hæc obligatio suffragiorum suscepta sit, ut annexa alicui Ecclesiæ, vel monasterio, quod a Pontifice Collegio alicui Societatis unitur; tunc obligationem implendi illud onus esse rigorosam, & de iustitia, quia res transit cum onere suo: illud autem onus erat tali rei conjunctum: ergo cum illo transivit ad Societatem; seu sicut Societatis Collegium suscipit tales fructus & commoda, ita etiam & tale onus, & eandem obligationem; iustum est enim, ut qui sensit commodum, sentiat & onus. Nec aliud posset iuste fieri: nam licet Papa per modum commutationis posset illud onus auferre, contentus aliis oneribus Societatis, tamen nisi expresse id declararet, non præsumitur, nec fortasse fieri potest sine gravissima causa: quia vero talis obligatio est aliena ab instituto, & modo Societatis, ideo etiam raro suscipitur, & non sine Pontificis facultate.

4. Atque hinc intelligitur merito Apostolicam sedem aliquam concessisse privilegia Societati, ad hoc ministerium pertinentia, ut facilius & frequentius fieri posset. Duo vero præcipue sunt notanda. Unum est, quo conceditur religiosi Societatis, ut possint divinum officium Missæ postponere, seu quod idem est Missam dicere, Martino aut Prima (de aliis enim horis nulla erat difficultas) nondum recitatis. Ita concedit Julius III. dicta Bulla 2. his tamen verbis, quæ non parum scrupuli ingerere videntur. *Ut uti* (inquit ad Præpositum generalem) *& pro tempore existentes religiosi Societatis hujusmodi, ex legitimis, ac iustis causis, in quo tuam, & successorum tuorum præpositorum generalium pro tempore existentium, & aliorum, quos ad hoc substituerit, conscientiam oneramus, officium ipsum celebrationi Missæ libere, & absque conscientie scrupulo postponere possitis*. Ex quo tenore verborum colligitur primo, Pontificem per hæc verba non concedere omnibus de Societate immediate hanc facultatem, sed solum de licentia Præpositi generalis, vel alterius, quem ad illam concedendam ipse substituerit, alioqui non horum tantum, sed omnium conscientiam gravaret. Et ita in Compendio privilegiorum verbo *Horæ canonice* §. 1. additum est a P. N. generali: *Hac facultate dum opus fuerit uti poterunt itinerrantes, reliqui vero ex concessione superioris*. Quamvis enim ex declaratione Greg. XIII. religiosi Societatis uti nō possint facultatibus & privilegiis a Pontificibus Societati concessis, nisi de licentia superiorum: nihilominus in hac facultate ex speciali forma & modo illius hoc est necessarium.

5. Deinde difficile est intelligere, quid peculiare concedat hoc privilegium, nam ex legitima causa sine privilegio hoc fieri potest juxta probabiliorem sententiam, quam amplexi sumus to. 3. in 3. p. tractando de sacrificio Missæ, disp. 82. sect. 1. & supra tract. 4. lib. 4. c. 27. hic autem solum si concessio ex legitimis, ac iustis causis, & cum tanta exaggeratione, ut dicat Pontifex superiores teneri in conscientia ad eas examinandas, & expendendas, atque adeo ad non facile concedendam hanc

Cumque ad Missam suffragia nostris sacerdotibus obligentur

Primum punctum pro prioritate tituli de frequentia celebrationis.

Secundum punctum pro eadem parte tituli de modo, seu quod si species fieri.

privilegiū celebrandi ante recitationem matutini officii.

Quid in eo concedatur.

Et S. Benedictus c. 31. regulæ. *Fratres sic sibi invicem serviant, ut nullus excusetur, nisi causa ægritudinis, aut gravis utilitatis causa.*

Obicitur
contra
posterior
rem partem
ejusdem
regulæ.

Respondetur.

5 Circa aliam etiam partem dubitabit aliquis, quomodo jubeamur alios non reprehendere, cum c. 4. examinis § 8. doceamur, paratos esse ad aliorum correctionem debita charitate cooperari. Cumque Christus D. dixerit: *Si peccaverit in te frater tuus, vade & corripue illum inter te, & ipsum solum*, Matth. 18. Respondeo aliud esse charitative monere, aliud reprehendere; nam illud potest esse officium, non tantum æqualium inter se, sed etiam inferioris ad superiorem, ut D. Thom. 2. 2. q. 33. art. 4. docet, & eo loco Matthæi intenditur: cum omnes de fraterna charitate intelligant; hoc vero est usurpare officium superioris vel judicis, quod ad aliam virtutem spectat: itaque monere ex charitate, solum est, blande, leniter, & humiliter rem proponere, ostendere, & rogando magis, quam exasperando exoptulare: reprehendere autem est autoritate quadam oburgare, utendo aliqua verborum asperitate, quasi in poenam, & vindictam delicti, quæ ad superiores spectat. Hac ergo ratione reprehensio æqualium inter se prohibetur in nostra regula, ut charitati contraria. Atque eodem sensu S. Benedictus c. 70. suæ regulæ præcipit, ut nemo audeat alium castigare: reprehensio enim quædam castigatio est, & inter homines prudentes non parum gravis. Sic etiam Joannes de Capistrano cap. 5. *Nullus (inquit) audeat alium increpare, nisi auctoritatem habeat, vigore sui officii.*

Data responsio a fortiori roboratur.

6 Adde quod etiam superiores ipsi monentur, ut in reprehensionibus paternam lenitatem, & moderatorem servant, ita ut si fieri posset, non tam reprehendere, quam rem ostendere videantur, juxta illud Pauli Galat. 6. *Vos, qui spirituales estis, hu jusmodi instruite in spiritu lenitatis, considerans te ipsum, ne & tu teneas.* De qua re optime Conc. Tolet. XI. c. 7. *Plus (inquit) erga corrigendos agere debet benevolentia, quam severitas. plus cohortatio, quam commotio, plus charitas quam potestas.* Si ergo in superioribus ipsis tanta moderatio in reprehensione requiritur, cæteris inter se quoad hoc æqualibus merito omnis reprehensio interdicitur, quamvis fraterna monitio commendetur, quæ tamen a senioribus, licet Prælati non sint, majore quadam auctoritate, & charitate fieri potest sine acerbitate, tamen quæ reprehensionem simpliciter efficiat, ut regula, & charitas melius servantur.

Speciat 4. regula non contentendo cum alio, opinando, disputando, prædicando.

7 Ad eundem charitatis finem referendum est, quod in reg. 28. ex communibus ordinatur: *Nullus cum alio contendat, sed si qua in re nobis est diversa sententia, eaque videtur manifestanda, rationes modeste, & cum charitate afferantur, eo animo ut suus veritati sit locus, non ut in eare superiores videamur.* Cum hac regula consonat, quod 3. p. constit. c. 1. §. 18. & in Summario constit. §. 42. *Idem sapiamus omnes: idem omnes dicamus, ut Apostolus admonet. Doctrina igitur differentes non admittantur, nec verbo in concionibus, vel lectionibus publicis, nec scriptis libris. Imo & iudiciorum de rebus agendis diversitas, quæ mater esse solet discordiæ, & inimica unionis voluntatum, quantum fieri potest, evitari debet.* In quibus regulis non solum exterior contradictio, vel contentio, sed etiam interior dissensio cavenda dicitur, nec tantum in practicis judiciis, sed etiam in doctrina, & speculativa scientia. Triæ ergo prohibentur: contrarietas opinionum, exterior contentio, & contradictio verborum in eis, dissensio in judiciis de rebus agendis.

Opinionum dissensio, quomodo officiat charitati.

8 De primo est quidem recepta sententia opinionum diversitatem per se non esse charitati contrariam; ita D. Th. docet 2. 2. q. 28. ar. 3. ad secundum, ubi ex Aristot. 9. Ethic. c. 1. & 3. adducit concordiam in opinionibus non pertinere ad amicitiam. Unde infert, nihil prohibere aliquos inter se charitatem habentes, in opinionibus dissentire, nec hoc repugnare paci: quia opinioniones sunt in intellectu, qui præcedit appetitum, qui per pacem unitur. Sed licet hoc verum sit, usus ipse, & praxis ostendit, opinionum diversitatem, & frequentem contradictionem, non parum obesse unioni charitatis, & sæpe discordiam parere c. ult. 90. d. & ad minimum remittere fervorem, & perfectionem ejus minuire: vel quia licet opiniones pertineant ad intellectum, ut D.

Th. ait, tamen multum pendunt ex affectu, & pia affectione voluntatis, & quoad hoc opinio est posterior voluntate. Unde timeri potest, ne opinionum varietas ex defectu unionis voluntatum proficiatur. Vel quia opinionis contradictio apprehenditur, ut diminutio quædam propriæ æstimationis, & famæ, quæ occasio est, ut affectus ad alium minuat. Vel denique quia hæc contrarietas sæpe provenit ex quadam æmulatione circa doctrinæ propriæ existimationem, & honorem, atque alia humana commoda, quæ inde proveniunt. Hinc Abbas Joseph apud Cassianum collat. 16. c. 8. *Quemadmodum (ait) carnales adhuc & imbecilles fratres ob vilem, terrenamque substantiam inimicus ille disjungit: ita etiam inter spirituales gignit pro intellectu diversitate discordiam.* Ad eundem modum S. A. ubi, in ep. ad Rom. c. 14. exponit, propter pugnas opinionum tollendas scriptum fuisse caput illud ab Apostolo: *Disceptationes (ait) erant inter eos, quas Apostolus concordie, & saluti studens divina disputatione confutat.* Multo ergo magis ab his dissensionibus cavere debent, qui perfectam charitatem fraternam concupiscunt, prout etiam cautus est in 5. congreg. decreto 31.

Quomodo etiam officiat si exterius prodeat contentio dissensio disputando.

9 Quia vero humana conditio non fert, ut in his rebus, quæ sub fidem, aut scientiam non cadunt, omnino diversa ingenia consentiant, ideo per hanc regulam non præcipitur nullam inter nos habere opinionum diversitatem, sed ut doctrinæ differentes non admittantur. Quod in primis intelligitur quoad doctrinam solidam, magisque in Ecclesia approbatam; in ea enim non debet admitti diversitas inter nostros, cum novæ opiniones tali doctrinæ repugnantes admittendæ non sint, ut in declaratione lit. O dicitur citato loco constit. Deinde in opinionibus (ut ibidem dicitur) in quibus Catholici Doctores variant inter se, vel contrarii sunt, curandum est, ut conformitas etiam in Societate sit, utique quoad fieri possit. Tertio intelligi præcipue intentum, ac necessarium esse, ut hæc diversitas (si qua sit) non sit in toto corpore doctrinæ (ut sic dicam), ita ut videantur esse inter nostros quasi scholæ contrariæ; hoc enim maxime solet animorum divisionem efficere.

Diversitas doctrinæ ex affectu nata, maxime vetatur a regula.

10 Illud etiam maxime ex vi illius regulæ videtur intentum, ut diversitas doctrinæ, quæ ex affectu, & directa voluntate procedit, nulla ratione permittatur: namque ex instituto doctrinam alterius oppugnare, indicium vehementis est dissentientis potius voluntatis, quam intellectus, & ideo non potest non nimium nocere charitati. Tandem ad observationem hujus regulæ maxime pertinet, ut non cum offensione alterius ejus doctrina oppugnetur in publicis lectionibus, concionibus, aut scriptis libris: hoc enim est, quod non solum alterius animum offendit, sed etiam scandalum maxime inferre solet, præsertim si acerbæ & contentiose fiat; unde præ oculis habenda est illa Nazianzeni sententia orat. 26. de moderatione in disputationibus habenda: *Turpe est profecto in veste, ac vestitus ratione, non sublimiorem, sed vilioriorem eligere, ac genum callo, lacrymarum fontibus, jejuniis, vigiliis, chameuniis, labore, atque omnis corporis maceratione humilitatem præferre, ac propriam imbecillitatem agnoscere: in divinis autem disputationibus principatum, & tyrannidem sibi vindicare, nec cuiquam omnino cedere, verum supra omnes legis Doctores supercilium efferre, ubi humilitas, non solum gloriam habet, sed etiam securitatem.*

Quomodo tandem officiat diversitas iudiciorum in practicis.

11 Non satis vero est in doctrina unitatem procurare, nisi etiam in rebus agendis iudiciorum diversitatem evitemus: quia solet esse mater discordiæ, & inimica unionis voluntatum. Hæc enim dissensionis occasio, frequentius, & generalius in iudiciorum diversitate circa res agendas, quam in doctrina occurrit, estque magis perturbationibus exposita; quia non solum inter doctos, sed etiam inter indoctos, & inter magnos & parvos invenitur, & in singulis fere rebus & actionibus intervenire potest: & ideo solet esse majus dissensionum seminarium, eoque efficacius, quo majori affectu in his humanis rebus, & exterioribus actionibus versamur. Quod eleganter exaggerat Bonifacius Papa, relictus in Clem. Dudum, de sepulturis, ubi inter alia inquit: *Dissensiones & scandala pravus actibus adiutum præparant, rancores, & odia suscitant, & illicitis moribus ansam præbent.* Hæc enim discordia, & animarum

animarum

amaritudo, maxime augeri solet per verborum contenti-
 onem. Diverſitas enim iudiciorum (ut ſupra n. 9. dice-
 bam) adeo humana eſt, ut ſi lenitate, & moderatione
 verborum, animique modeſtia proponatur, neminem
 prudentem offendaſ; at contentio, temeraria contradi-
 ctio, & pertinax proprię ſententię deſenſio, plurimum
 lædit: & ideo hoc totum nobis maxime vitandum pro-
 ponitur. Quod fuiſſe Pauli conſilium ad Rom. 14. di-
 centis: *Quę pacis ſunt ſectamini*, exponit ibi Ambr. di-
 cens: *Quoniam diſceptatio diſcordiam parit, ideo ut pa-
 ciſci eſſe poſſimus a contentione edendi, & non edendi,
 diſſimulare nos docet.* Nazianz. autem etiam in rebus le-
 vioribus ab huiusmodi vitio abſtinere nos jubet, in ſu-
 præ citata oratione dicens: *maxime ita comparatum eſt,
 ut omnis ſermo contentioſus, & cum ambitione conjun-
 ctus ſit, quo ad contendendum de rebus gravioris momen-
 ti provehamur: proinde cura nobis eſſe debet, ut quemad-
 modum pueros in primis moribus, & prima inſtitutione
 fingimus, ut in ſequenti etatis improbitatem fugiant: ita
 nos quoque ne in levibus quoque, parvique momenti diſpu-
 tationibus audacia atque ineptiæ ſignificationem præ-
 beamus, ne ea tandem diſtorta conſuetudine in majori-
 bus abutamur:* ſic etiam Auguſt. in lib. 1. cōtra Academ.
 c. 3. Adoleſcentes inquit aſſuefaciendos eſſe, ne quod
 ſemel dixerint, pertinaciter defendant: inde enim con-
 tentiones maxime oriri ſolent. De quo videri etiam
 poteſt Hieron. dialog. 1. contra Pelag.

12 Præcipue vero de religioſis Baſil. in reg. 49. ex fu-
 ſioribus ſic ait: *Quotiescumque aliqui inter ſe de re ali-
 qua collidunt diſſidentes, & corrigentes, eos nequaquam
 inter ſe pugnaſcit nimis contendere debere, ſed contro-
 verſiæ deciſionem ſuperioribus reſervare.* Auguſt. vero
 in reg. c. 39. & 34. Lites, ait, nullas habeatis, aut quam
 celerrime finiatis, ne ira creſcat in odium, & trabem fa-
 ciat de feſtuca. Maxime vero vitium hoc contentionis
 exaggerare videtur Joan. Climacus gradu 4. de obe-
 dientia poſt medium, dum ait: *Is, qui dum loquitur, ver-
 bum ſuum, quamvis illud ſit verum, firmare voluerit,
 ſciat ſe diaboli morbo agrotare.* Non enim loquitur de
 confirmatione per juramentum, quæ longe ſolet eſſe a
 religioſis, ſed de contentioſa affirmatione, quæ ex ſuper-
 bia oriri ſolet, quam vocat demoniæ ægitudinem. Un-
 de ſubjungit: *Quod ſi cum ſuis æqualibus colloquendo id
 facit, forteſſe aliquando majorum increpatione curabi-
 tur: ſin vero in majorum, & ſapientiorum ſermone con-
 tra ſententiā pertinax in ſua opinione perſeverat,
 humana arte numquam ſanari poterit.*

13 Cavere ergo debent, qui in ſuis ſententiis, & ju-
 diciis nimis tenaces ſunt, facileque aliis contradicunt,
 ne ab eo charitatis vinculo, quod Societas poſtulat, de-
 clinent, & pauliſper deſiciant. Si enim haberent cor
 unum, & animam unam cum omnibus, non facile ab
 eis diſſentirent; ut enim eleganter dixit Chryſoſt. hom.
 58. ad Popul. agens de hac monachorum concordia: *cum omnibus ſit una anima, qualiter hæc ipſa contra
 ſeipſam inſurgeret.* Porro pro hoc vitio contentionis,
 tam in ſpeculativis, quam in practicis curando, viden-
 dum c. 16. induſtriarum ad ſuperiores Societatis.

14 His adjungere poſſumus medium aliud, quo vi-
 tium per contrarium extremum verę fratrum dilectio-
 ni repugnans caveretur, nimirum privarę affectiones, &
 nimix familiaritates, ac ſingulares amicitix fratrum,
 ſeu religioſorum inter ſe. De quo pauca invenio in toto
 Societatis inſtituto expreſſe, & in particulari tradita
 eſſe, licet multa ſint generaliter conſtituta, in quibus
 conſilium a fortiori includitur. Quale eſt illud, quod in
 exam. c. 4. §. 7. & in Summario conſtit. §. 8. habetur:
*curandum eſt, ut omnem carnis affectum erga ſanguine
 junctos exuant, ac illum in ſpiritualem convertant, eoſ-
 que diligant eo ſolum amore, quem ordinata charitas
 exigit, &c.* Si enim de parentibus, & fratribus, omnib;que
 conſanguineis hoc præſcribitur, multo magis de
 qualibet humana, ſeu carnali amicitia conjunctis, in-
 telligendum eſt. Eſt ergo generalis regula Societatis, ut
 neminem diligamus, niſi eo amore, quem ordinata
 charitas exigit: privarę autem amicitix, etiam inter
 fratres ſpirituales, multum derogant huic ordini cha-
 ritatis, ut offendemus; ergo, &c.

15 Præterea in eodem Summario §. 27. ex p. 3. con-
 ſtit. c. 1. §. 26. ita præſcribitur: *in omnibus querant Deum*

*excentes ſe, quantum fieri poſſit amore omnium creatura-
 rum, ut amorem univerſum in ipſarum creatorem confe-
 rant, cum in omnibus amando, & omnes in eo, juxta ſan-
 tiſſimam, ac divinam ipſius voluntatem.* Per hanc ergo
 regulā aperite prohibetur omnis privata amicitia, quæ
 ex divina charitate non deſcendat: nam ſi in illa funda-
 ra fuerit, jam privata non erit, ut declarabimus. Ad hæc
 in eodem Summario §. 43. ex p. 10. conſtit. §. 11. inter
 media maxime neceſſaria ad charitatem fraternā, hoc
 ponitur: *In Societate non ſentiat animorum propenſio
 ad alterutram factionem, quæ eſſet fortassis inter prin-
 cipes, vel dominos Chriſtianos, ſed ſit potius quidam uni-
 verſalis amor, qui partes (omnes licet ſibi invicem con-
 traria ſint) in Domino noſtro complectatur.* Nam rovera
 non ſolum ad pacem cum ipſis externis conſervandam
 & vitanda ſcandala, ſed etiam ad vitanda inter ipſos
 fratres diſidia, eſt hoc conſilium neceſſarium, quia dū
 unus uni factioni, & alter alteri afficitur, inter ſe diſjun-
 gi neceſſe eſt: ergo a fortiori, omnis privata aff. ctio,
 quæ diſiſionem reſpectu aliorum, & conſequenter ſcā-
 dalum charitati contrarium afferre poteſt, cavenda eſt.
 Et ideo inter ea, quæ in reddenda ſuperiori ratione con-
 ſcientiæ aperienda proponuntur, in particulari inſtra-
 ctione de ea re, unum eſt: *An alicui ſit plus familiaris,
 quam aliis:* & in c. 1. induſtriarum nu. 9. quomodo
 vitium hoc curandum ſit, apprime traditur.

16 Eſt de hac re egregia conſtitutio 36. S. Baſilii in-
 ter monaſticas conſtitutiones, quam hic ferè totam re-
 ferre libet, quia ſingula verba graviffima ſunt, & ad no-
 ſtrum propoſitum confirmandum apiffima: *Charita-
 tem (inquit) mutuam inter ſe fratres habere debent, non
 ita tamen, ut duo, tresve ſeorſim a cæteris ſodalibus in-
 ter ſe coeant, quandoquidem hoc non charitas, ſed diſi-
 ſio & ſeditio, & eorum, qui inter ſe coeant, improbitatis
 indicium: ſi enim communis decus diſcipline charum ha-
 berent, qui tales ſunt, ſine dubio communem, æqualemque
 adverſus omnes charitatem tenerent. Si vero ipſi a reli-
 quis ſua ſponte abſciſſi, diſjunctique in cœtu, cœtum effi-
 ciant, vitioſa huiusmodi amicitia conciliatio eſt, & di-
 verſam quandam a communibus inſtitutis rem eſſe oport-
 et, quæ hos inter ipſos conciliat; atque hoc proſecto niſi il-
 eſt aliud, quam contra veterem diſciplinam ſtabilitatem,
 conſtantiāque innovatio. Et poſtea ſubdit: *Qui hoc vi-
 tio laborat ſi poſt debitam correctionem non emendetur,
 ut omnium peſtilentia contagia ab reliquo ovili ſegregā-
 dus, ne in reliquos quoque morbi contagionem tranſfun-
 dat.* Eandem doctrinam multis in locis idem Baſilius
 commendat, atque exaggerat. Nam regula 34. ex fuſio-
 ribus, amorem hunc privatum vitioſum appellat, & vi-
 tium maxime infame, quo mutua & concors conſpiratio,
 quæ ex charitate naſci conſuevit, diſtrahitur, & in ejus
 locum ſuſpiciones prave, amulationeſque, atque obreſc-
 tiones clam arripunt. Idem ſerm. de Abſicatione rerum
 circa med. ubi ob cuſtodiam etiam, & cautelam pudicitie,
 & honeſtatis hoc maxime commendat, & conclu-
 dit: *Crede mihi, quoniam fraternæ tibi, atque ex intimo
 animi reſeſſu loquor.* Serm. autem 1. de inſtit. monaſt.
 verſus finem, pro charitatis neceſſitate hanc legem cō-
 ſtituit: *Non patitur charitatis lex aliquas cōiri ſeorſim
 amicitias, aut ſodalitates.* Et ſubdit rationem: *Quia ſe-
 ri non poteſt, quin affectiones iſtę, quæ in hanc potius, quā
 in illā partē incompēdēt, plurimū incompēdēt communī
 omnium concordie.* Et qui in hoc delinquit (ſubjūgit in-
 ferius;) caſtigandum eſſe ut injurium publicę charita-
 ti, ſi quidem in eo quod quis aliquē unum plus diligit,
 facile indicat reliquos ſe in amore inferiores habere.*

17 Hanc vero doctrinam ita moderatur idem Baſil.
 ſerm. 2. de inſtit. monach. ut licet æqualis & ſimilis cha-
 ritas adverſus omnes tenenda ſit, unicuique tamen, pro
 cuiusque decoro, bonas habeatur. Et ſicut in naturali cor-
 pore omnia membra quadam æqualitate diligimus, &
 dolore carere procuramus, magis autem illa, quæ nobi-
 liora, & utiliora ſunt: *Sic quoque (ait) in cuncto conven-
 tu, cum æqualiter miſericordia ex malis cuiusque movea-
 mur, & ſimiliter charitate adverſus omnes ſumus propen-
 ſi: nihilominus tamen iſi, qui utiliores ſunt, majorem, ut
 æquum eſt, honorem habeamus.* Quocirca hæc charitatis
 amplitudo, & æqualitas, ordinem debitum, juſtamque
 diſtributionem non excludit, ut iterum c. ſeq. nu. 4. in ſi-
 mihi attingemus; imo ejus perfectio, & cōſervatio, non
 minus

p. 3. conſtit.
 c. 1. item
 ex p. 10.
 conſtit.

Hæc di-
 verſitas
 magis a
 religioſis
 vitanda.

Adhorta-
 tio.

9. Medium
 principa-
 le eſt ne-
 gativu
 ac per cō-
 trariū
 extremū
 ne ſine ni-
 miſe fami-
 liaritates
 ſumitur
 hoc me-
 dium ex
 6. q. exam.

Suam do-
 ctinam
 temperat
 Baſil.

facultatem. Unde quis existimare potest, Pontificem in hac concessione multum favere opinioni Navarri asserentis esse peccatum mortale Missam dicere ante recitatum matutinum. Sed hoc necessarium non est, nec satis facit; nam idem Navarrus tract. de horis canonicis cap. 21. nu. 30. suam opinionem limitat, ne procedat, quando aliqua iusta de causa hoc fieret: ergo si Pontifex hic requirit iustam causam, nihil concedit: dicendum ergo est in primis non esse necessarium, ut privilegium aliquod concedat præter commune jus certum, sed satis esse, ut quando jus est dubium, detur ad tollendos scrupulos, ut in simili adnotavit Navarrus de oratione c. 19. conclus. 9. nu. 87. & hic insinuat, cum dicitur: *absque conscientie scrupulo*. Deinde dicitur, quamvis Pontifex hic postulet iustam causam, non oportere intelligi de tota causa, quæ juxta opinionem Navarri necessaria est ad interpretationem faciendam; minor enim sufficit, etiam juxta illam opinionem, adjuncto privilegio.

6 Aliud privilegium specialiter concessit Gregor. XIII. presbyteris Societatis, quod refertur in compendio privilegiorum, verbo *Missæ* §. 3. scilicet, ut per horam ante auroram, vel infra horam post meridiem possint ex legitima causa, & de licentia Præpositi generalis, vel alterius ab eo deputati, Missam celebrare, per quam magis explicatur similis concessio facta a Paulo III. in Bulla: *Cum inter cunctas*, anni 1545. Quod privilegium parum etiam concedere videtur, quia ex causa iusta, absque speciali privilegio id fieri potest; ut est communior sententia Doctorum, ut latius dixi in 3. tom. 3. p. disp. 80. sect. 4. ubi etiam privilegium hoc generaliter explicavi, & ex ibi dictis constat, quoad anticipationem multum posse operari hoc privilegium, quia intelligendum est de una hora ante totum illud tempus auroræ, in quo iure ordinario potest Missæ sacrificium inchoari: & licet fortasse in aliquo raro casu, per epichejam, possit absque privilegio id fieri, raro tamen & non sine extraordinaria causa, & necessitate; virtute autem hujus privilegii frequentius id fieri potest, & ex communibus causis, ut gratia itineris, vel propter commoditatem communicandi infirmum, vel aliam similem, etiam si necessitas magna non sit.

7 Dices: est hoc non liceat jure communi, tamen Episcopus potest in hoc dispensare, ut est communis sententia, quam loco citato retuli: ergo etiam superior Societatis, qui habet jurisdictionem quasi Episcopalem, suo jure posset hanc dispensationem concedere sine hoc privilegio; nihil ergo denuo concedit. Quod ita fatetur Emanuel Rodericus p. 43. art. 2. & 3. Dico tamen privilegium hoc semper operari, ut superior facilius, & ex minori causa, & certius, magisque sine scrupulo possit hanc licentiam dare, quam sine privilegio posset. Hæc enim est optima ratio interpretandi hujusmodi privilegia, juxta c. in his, de privilegiis, cum similibus. Denique adverto constitutionem 2. Pii V. quæ incipit, *Sanctissimus in Christo Pater*, quæ revocavit facultates hujusmodi, nihil obstat huic privilegio, quia concessio Gregorii posterior est.

8 Alia etiam sunt privilegia Societati concessa, pertinentia ad hoc sacrificium, quantum ad altare, vel locum, in quo celebrandum est, ut quod possint celebrare in privatis oratoriis approbatis a Provincialibus, ex concessione Gregorii XIII. in Bulla: *Ad perpetuam rei memoriam*, anni 1575. Item quod in missionibus possint ubique celebrare in altari portatili, dummodo locus decens sit, ex concessione ejusdem Gregorii in Bulla: *Usus altaris*, anni 1579. Sed hæc privilegia sufficienter a nobis exposita sunt in 3. to. 3. p. disp. 8. sect. 3. Quæ omnia (ut dixi) eo præcipue rendere videntur, ut nostri religiosi, quoad fieri possit, non impediatur a quotidiano usu, & frequentia hujus altissimi sacrificii. Sunt vero alia, quæ respiciunt commodum proximorum, ut facultas bis in die celebrandi in remotissimis regionibus, ubi pauci sunt sacerdotes, & ideo unus plurium populorum curam suscipere cogitur, in Bulla ultima Pauli III. & alia, quæ per se facilia sunt, & ideo de hoc sacerdotum officio hæc sunt satis.

Qua frequentia communicare debeant religiosi Societatis, qui sacerdotes non sunt.

9 Superest, ut de non sacerdotibus dicamus, quatenus Suarez Tom. XV.

nus hoc sacrificium, & fructum ejus participare possunt, in quo omnes religiosi Societatis æquiparantur, sive coadiutores temporales sint, sive scholares, & sive aliquem ordinem sacrum habeant, sive nullum. Potest autem laicus participare hoc divinum mysterium, tam ut sacrificium, audiendo Missam, vel ministrando in ea, quam ut sacramentum communicando, & utroque modo obligantur religiosi Societatis non sacerdotes ad aliquid speciale ex vi suæ regulæ. Nam in primis tenentur omnes diebus singulis Missæ sacrificio interesse, sive ministrando, sive audiendo 4. p. constit. c. 4. §. 3. & 4. & in regulis communibus reg. 2. *Omnes quotidie sacro decenter interfint*. De qua regula nihil dicere oportet, cum non sit specialis Societatis, sed valde communis, ita ut non solum a religiosis, sed etiam a mediocribus Christianis observetur, cum commode potest. Præscribitur autem superioribus localibus in suis cujusque regulis, Præpositi 49. & Rectoris 45. ut dictam regulam faciant observari.

10 De altera vero parte, scilicet, communione hujus divinisissimi sacramenti, commune etiam est, ut religiosi ex vi sui status frequentius communicare debeant. Nam in Clem. 1. §. *sane*, de statu monach. singulis mensibus injungitur monachis communio, quod ad omnes religiosos extendunt Glossa ibi, & Cardin. quæst. 3. & 4. & alii. Citatur etiam Oldradus cons. 122. & de monialibus expresse Trident. sess. 25. de regulatib. cap. 10. An vero hæc obligatio sit ex proprio præcepto, vel solum per modum simplicis ordinationis, nunc non disputo: videantur, quæ dixi in 3. tom. disput. 70. sect. 2. Ultra hoc commune jus, aliquæ religiones frequentiore usum hujus divini Sacramenti observant; nam D. Hieronymus in regula monialium (si illius est) cap. 19. statuit, ut bis in mense, vel sæpius communent, & similiter in constitutionibus Minorum factis a Guiliel. Freder. c. 4. & a Joan. Capistr. c. 7. statuitur, ut decimo quinto quoque die fratres, in conventuali Missa communent.

11 Societatis autem constitutio octavo quoque die communicare præcipit, Reg. 6. in summa. constituit. *Constituantur oportet, & sanctissimum Sacramentum Eucharistia accipiant octavo quoque die*; & habetur in exam. cap. 4. §. 25. ubi additur limitatio, *nisi confessor aliquod esse ad communionem impedimentum videretur*. Quod non solum de impedimento necessario intelligendum est, id enim addere non oportebat, sed etiam de quocumque genere impedimenti, ratione cujus consultius videatur communionem differre. Itaque qui consilio seu judicio confessoris communionem differt, contra regulam non facit: idemque est de judicio superioris, ut expresse declarat 3. p. constit. cap. 1. §. 11. ubi dicitur. *Nisi aliqua de causa aliud superiori videretur*. Est autem ibi notanda particula, *saltem*, cum dicitur, *& octavo quoque die saltem ad confessionis, & communionis sacramentum accedant*; nam per dictam particulam indicatur, hanc debere esse minimam frequentiam, & consequenter insinuat majorem non denegari, sed permitti. Tamen in 4. p. constit. c. 4. §. 3. hoc amplius explicatur in declaratione lit. B. *frequentius* (dicitur ibi) *quam octavo quoque die communicare non nisi peculiares ob causas, & potius necessitatis, quam devotionis habita ratione, permittitur*. Sed in hoc loco sermo peculiariter est de scholaribus, qui propter occupationem, vel distractionem studiorum non permittuntur frequentius communicare, nisi cum dictis limitationibus. In priori autem loco generalior sermo est de his, qui in probationibus versantur, & ideo non tanta limitatio adhibetur. Et similiter in 6. p. constit. c. 3. §. 2. ubi etiam generalis est sermo de omnibus jam Societati incorporatis, solum negative dicitur, *Differri autem non debet communicatio ultra octo dies*, & ita declaratur in regulis Rectoris reg. 34. ubi adduntur duo. Primum cum scholasticis dispensari posse, ut diebus solennibus etiam communent, cujusmodi sunt festa Apostolorum, & majora alia. Secundum, ut coadiutoribus, & his, qui literis non dant operam, longe facilius concedi possit, ut intra hebdomadam communent.

12 Hæc ergo frequentia octavi diei inviolabili fere consuetudine recepta est, ita ut rarissime illa exceptio, *nisi confessor, vel superior aliud judicet*, ad votum applicetur,

De participatione sacrificii audiendo Missam.

De participatione ejusdem per sacrificii communionem. Frequenteria mensura.

Vide A. zor. tom. 1. l. 7. c. 40.

Frequentia bis in mense.

Frequentia singulis hebdomadæ Societ.

Octo dierum frequentia antiquitatis consuetudine.

nisi causa ægritudinis; atque etiam tunc, quoad fieri potest, procuratur, ut communio infirmorum ultra octo dies non differatur, ut in regula 13. infirmarii præcipitur; estque hic mos antiquorum monachorum moribus consentaneus, nam licet separatis in cellulis habitarent, saltem dominicis diebus ad Ecclesiam conveniebant, ubi de manu præsentis Eucharistiam accipiebant, ut ex historia Palladii colligitur, cap. 38. de Pachomio & sociis, & cap. 59. & 61. de alijs: & ex Sozomeno lib. 3. Historiæ, c. 14. Hinc Cassianus collat. 13. cap. ult. reprehendit monachos, qui specie timoris, & reverentie multum differunt communionem: *Æstimantes* (inquit) *non nisi iustos & immaculatos debere presumere, & non potius ut sanctos, mundosque nos sua participatione perficiant: qui profecto (ait) maiorem arrogantie presumptionem, quam declinare sibi videntur, incurrant, quia tunc cum ea percipiunt, dignos se ejus perceptione dijudicant: multo enim iustus est, ut cum hac cordis humilitate, qua credimus, & fatemur illa sacrosancta mysteria, nunquam pro merito nos posse contingere, singulis ea dominicis ob remedium nostrarum ægritudinum presumamus, &c.* Et ita etiam receptum est in ordine Cisterciensi c. 25. suarum definitionum. Ac denique de sancto Onuphrio refertur, quod singulis dominicis diebus de manu Angeli communicaret. Volaterran. lib. 17. Sabelli. l. 2. c. 2. Idem consilium communicandi singulis hebdomadibus fuit ab Augustino traditum epist. 118. ad Januar. & nomine ejus habetur in lib. de Eccles. dogmat. ca. 53.

13 Et licet olim major frequentia fuerit in usu fidelium, non solum Apostolorum temporibus, ut ex Actibus constat, viderique potest de eo Lorio. c. 2. versu 41. a §. *deinde sequitur*, ubi alios adducit, sed etiam postea per plures annos, ut ex Anaclet. c. *peracta*, de consecr. d. 2. Hieronym. Apolog. contra Jovinian. & epistola ad Luciniam, Chrys. homil. 5. in epist. ad Timoth. & 28. in 1. ad Corinth. Cyprian. in expositione orationis Dominicæ. Ambros. lib. 5. de sacram. ca. 4. & alijs antiquis Patribus intelligimus: nihilominus his frigidis temporibus, hæc frequentia satis magna judicatur, ut etiam attrigimus disp. 69. de sacram. sect. 4. conclus. 3. præsertim pro tota aliqua communitate. Nam D. Bonav. tom. 2. de processu relig. c. 21. col. 4. vix dicit inveniri aliquem religiosum non sacerdotem, adeo sanctum, cui non sufficiat semel in hebdomada communicare, nisi ex speciali causa, vel in aliqua solennitate, vel extraordinaria devotione. Ergo toti communitati religiosæ hanc frequentiam non solum permittere, sed etiam ex regula præcipere satis magna concessio est: fuit autem huic nostræ religioni valde conveniens, tum propter generalem rationem, quia hoc sacramentum est fons totius sanctitatis, & perfectionis, tum ob specialem necessitatem hujus status; nam ad securius tractandum cum proximis, indiget majori frequentia, majorique unione cum Christo; tum præterea, quia cum Societatis institutum sit proximos ad frequentiam sacramentorum movere, expedit maxime, ut ipsa exemplo præerat: tum denique in odium hæreticorum hujus temporis, qui de hoc sacramento, ejusque frequentia male sentiunt.

CAPUT IV.

Utrum confessionis usus, & frequentia convenienter sint in Societate instituta: ac primum de generalibus confessionibus.

QUOD frequentia hujus sacramenti in quolibet statu utilissima sit, per se notum est, maxime vero in statu religioso, ubi major puritas animi postulatur, & facilius etiam potest frequentissime confessio fieri. Unde quoad hanc partem nullus est, qui non maxime laudet Societatis institutum: ex vi cujus debent omnes non sacerdotes, octavo quoque die confiteri c. 4. exam. §. v. 3. p. constit. c. 1. §. 11. 4. p. c. 4. §. 3. sacerdotes etiam debent, ut minimum octavo quoque die confiteri, ut in eodem loco examinis dicitur. Additur vero in regula 3. sacerdotum, quod licet ex constitutione ad hoc tantum teneantur, attamen *conducet sepius in hebdomada confiteri*. Quæ verba sufficiunt, ut pro regula id positum esse intelligatur ei, qui semel facere decrevit, quod melius est. In his ergo frequentia consilijs,

nulla est difficultas, nam talis frequentia sine dubio laudabilis est: imo interdum Patres majorem consulunt: Bonavent. enim in regula novitiorum c. 3. circa finem, etiam quotidianam consulit; sed aliud est de consilio particulari, aliud de regula pro tota communitate posita, in qua prædicta frequentia est sine dubio sufficiens, & in tali statu secundum prudentiam necessaria. Nihilominus tamen in quibusdam circumstantijs, quæ circa hunc usum præscribuntur, nonnulli impegerunt.

2 Primo, in eo quod confessionis generalis vel totius vitæ, vel annuæ, vel semestris exiguntur, c. 4. Exam. §. 10. & 41. ubi in primo loco postulat confessionem generalis totius vitæ; & postea, sexto quoque mense, ab ultima generali inchoando. Et idem repetitur 6. p. constit. c. 1. §. 2. & in summario §. 5. Et ratio est, quia nemo obligari potest, ut peccata semel rite confessa iterum confiteatur, ut ex tractatis in tomo de pœnitentia disp. 18. sect. 4. num. 8. suppono. Propter quod aliqui moderni auctores reprehendunt simile statutum Cisterciensis ordinis, ut Dionys. Cisterciens. in 4. d. 23. Ledesma 2. p. 4. q. 8. dub. 10 Palac. d. 17. disp. 7. col. 4. simile dubium nascitur ex alio statuto nostrarum constit. 3. p. cap. 1. §. 20. lit. G. & in summario §. 6. quo decernitur, ut, si aliquis interdum alteri, quam ordinario confessori suo confiteatur, debeat cum primum ad ordinarium redierit, integre omnia confiteri, ab ultima confessione, quam illi fecit; quod intelligitur etiam si confessiones intermedias ex legitima facultate factæ sint; in qua virtute præcipitur iterata confessio earundem culparum.

3 His vero objectionibus satisfacere difficile non est, si generalia principia sacramentalis confessionis probe teneantur. Primum enim constitutiones hæc, non ut rigorosa præcepta, sed ut regulativa consilia de meliori bono proponuntur. Nam de his constitutionibus sæpè dictum est, non obligare per modum præcepti. Unde ratio harum confessionum generalium in eis redditur: *propter multiplicem spiritus utilitatem, qua in ea reprehenditur*. Et iterum: *propter magnam ejus rei utilitatem parati esse debent*. Non ergo præcipitur ut res necessaria, sed consultatur, ut utilis; de qua utilitate nemo scriptorum dubitat, ut videre licet in D. Thoma 4. d. 17. q. 3. art. 4. q. 5. Cajet. to. 1. Opuscul. tr. 5. q. 4. Sylvest. confessio, 1. q. 3. Medina C. de confessione 9. de utilitate iterandi confessiones. Unde S. Bonavent. in regula novitiorum c. 3. in fin. monet religiosum, ut annuatim generaliter confiteatur. Et Benedictus XI. in Extravag. *Inter cunctas*: §. *ceterum*, de privilegijs, dixit, licet non sit necessarium, esse tamen salubre, saltem propter erubescientiam, quæ magna est pœnitentiæ pars. Quod eadem ratione testatur August. c. *quem pœnitet*, de pœnitentia d. 1. præter quam rationem, sunt etiam aliæ, quas in tomo de pœnitentia prosequuti sumus.

4 Quia vero dicere quis potest, religiosam regulam, non utcumque esse consilium voluntarium, sed aliquam necessitatem inducere, vel decentiæ cujusdam, vel etiam alicujus pœnæ, addimus ulterius, quamvis absolute, & omnino ab extrinseco nemo cogi possit ad iteratam confessionem; posse tamen supposito priori consensu per votum, promissionem, aut pactum, ut est communis sententia, quam loco allegato tradidimus, viderique possunt Major 4. d. 17. q. 6. Henric. quodlib. 7. q. ad 1. in contrarium. Medin. C. de confess. q. de confess. fratris ex privil. facta, dub. penult. Navar. c. *placuit*, de pœnit. d. 6. num. 18. cap. *fratres*, de pœnit. d. 5. n. 30. Gerson Alphab. 25. lit. F. In præsentia autem intervenit proprius consensus, per quem voluntarie acceptatur illa qualiscumque obligatio regulæ: nam ille, qui Societatem ingreditur, libere ingredi vult, & sub ea conditione recipitur, ut per confessionem generalem debeat ad illum statum preparari. Et eodem modo voluntarie se subditalijs constitutionibus præcipientibus confessionem generalem singulis annis, vel sexto quoque mense, non solum quatenus confuse volunt profiteri hunc statum secundum suam regulam, quod satis est; sed etiam, quia statim in principio ingressus, illis legendum datur institutum, & compendium constitutionum, & regulæ communes, ubi hoc expresse continetur, ut supra visum est tractando de ingressu Societatis. Atque hac ratione simile statutum Cisterciensium approbatum est a Summis Pontificibus, ut Navar. refert dict. c. *placuit*, de

Vide the-
at. um vi-
ta. hum.
ex Marul-
lo l. 4. c. 12
Marolum
l. 1. c. 10.

Hæc fre-
quentia
punc ac-
comoda-
tior.

Rationes
eius in so-
cieta-
te.

Confes-
sio sum-
g. neralit
annua vel
semestris
in Socie-
tate repe-
titio.

1. objectio
contra
hanc re-
petitionem.

Altera
objectio.

An 1. ob-
jectionem
in n. præc.

Instantie
occurritur

Frequens
confessio
commen-
datur.

de penitent. d. 6. n. 18. a quibus nostræ etiam constitutiones confirmatæ sunt. Cistercienses etiam dicuntur habere simile statutum annuatim generaliter confitendi. Et paulo inferius alias similes consuetudines aliarum religionum referemus.

5 Unde patet etiam responsio ad alteram objectionem, quia etiam illa constitutio proponitur per modum regulæ religionis, & voluntarie acceptatur. Nec enim existimo per illam imponi obligationem rigorosam in conscientia, seu ex vi præcepti, quia tantum est simplex quædam constitutio. Dices: qui per occasionem itineris, vel alterius necessitatis confitetur peccatum aliquod reservatum confessori ordinario, vel cuilibet inferiori (sacerdoti, tenetur postea sub mortali comparere coram superiore, cui erat peccatum reservatum, & culpā aperite ac satisfactionem offerre. Ergo similiter in presenti. Respondetur dato antecedenti, negando consequentiam: quia ibi conceditur jurisdictio sub eo pacto, & condicione, hic vero minime, sed supponitur prior confessio legitime facta simpliciter, ac per se, & aliud solum datur ut consilium perfectionis; quod patet ex tenore verborum dictæ declarationis; *qui alii quam suo confessario designato confiteretur, debet postmodum (quantum recordari poterit) eidem suo confessario totam suam conscientiam aperire, ut nihil ignorando, quod ad eam pertineat, melius in Domino possit eum juvare.* Ex quibus verbis constat, hanc solum proponi ut simplicem regulam, non ut onus necessarium ex priori confessione, seu absolutione relictum.

6 Explicaturque amplius: nam si confessio præcedens fuit tantum de materia non necessaria, seu de peccatis venialibus, constat non esse de necessitate præcepti, illa postmodum confiteri, quia neque antea fuisset, etiam si illa confessio prior proprio confessori fieri potuisset. Quamvis enim teneatur religiosus Societatis ex vi regulæ, octavo quoque die confiteri tamen non cogitur ex vi religiosi præcepti de omnibus venialibus integre confiteri; ergo multo minus obligabitur ex præcepto repetere in confessione ea peccata venialia, de quibus semel rite confessus est. Si autem prior confessio fuit de mortalibus peccatis, licet illa fuerit de necessitate prioris confessionis, tamen eo ipso, quod de illis absolutorio sacramentalis absolute, & simpliciter data fuit, jam non sunt materia necessaria, & ita venialibus peccatis comparantur. Nec dici potest remissa fuisse sub onere, tum quia illa non erant reservata, ut supponimus, cum possent ab ordinario confessore absolvi; tum etiam, quia nullum tale onus, vel condicio penitenti declaratur.

7 Sed dices gravissimum esse onus hujus regulæ, etiam si tantum per modum regulæ obliget, & ideo non fuisse etiam per modum consilii, seu directionis religionis proponendum. Antecedens declaratur; nam si priora peccata fuerunt mortalia, & plane absoluta, intolerabile videtur, imo imprudens illa iterum confiteri ordinario sacerdoti, nam est iterum infamare se absque necessitate; si autem fuerunt tantum venialia, & illa sunt ex regula necessario repetenda, sequitur teneri omnes de Societate ex vi regulæ integre confiteri de omnibus venialibus peccatis, & contra regulam agere, si aliquid omitterant, quod videtur durissimum. Sequela patet ratione supra facta: nam si tenetur quis in eo casu repetere venialia prius confessa, multo magis obligatus fuisset illa primo confiteri, si potuisset: ergo eadem ratione tenetur semper de omnibus venialibus confiteri.

8 Verumtamen simile statutum ex ordine Carthusiæ, & sancti Hieronymi infra referemus idemque consilium invenitur in S. Bonaventura in speculo disciplinæ p. 2. c. 3. imo etiam sumitur ex Benedicto XI. in dict. Extravag. ubi præcepit religiosi confessoribus privilegiatis, moneant suos penitentes, ut semel in anno confiteantur suis Parochis integre de toto anno, quia licet hoc non sit necessarium, est bonum. Multo autem majori ratione expedit religiosi, non solum propter maiorem penitentiam, & satisfactionem culpæ commissæ, sed propter meliorem directionem in futurum, ut in nostra regula significatur. Directio enim, & gubernatio in futurum multum pender ex cognitione præteritorum præsertim in spirituali, & interiori gubernatione, ut in lib. 10. c. 6. n. 2. ex doctrina Patrum confirmabimus. Confessor autem ordinarius ex vi sui muneris habet cu-

ram spiritualis regiminis suorum penitentium, quorum *vultus non agnoscit*, nisi ex confessione eorum, ideoque optimum consilium est, ut penitentes illi se omnino aperiunt, ut ab eis adjuvari possint.

9 Unde non est, cur hoc grave onus reputetur, sive præcedentia peccata mortalia fuerint, sive venialia. Nam in utroque genere multum juvari possunt, & infamia nullius considerationis est; cum secretum sit summum, & per veram contritionem, & signa penitentis omnino recompensentur apud pium, & prudentem confessorem, qualem supponimus futurum esse eum, de quo loquimur. Et quamvis negari non possit, rem esse difficilem in materia morali; tamen considerare oportet propterea rem non poni sub necessitate præcepti, sed consilii, quod de rebus arduis, & difficilioribus dari solet, potestque hæc difficultas & propositum vincendi illam dicebat, ne fortasse libertas illa confitendi alieno, vel extraneo confessori pariat etiam aliquam libertatem, vel facilitatem peccandi. Et ita responsus est ad priorē partē objectionis.

10 Ad alteram vero, fateor obligationem illam ex regula, & ex majori perfectione, ut ratio illa bene probat. Nec enim B. Ignatius cogitabat de conscientia tantum peccatorum moralium, quando dicebat, totam conscientiam debere esse manifestam confessori, ut melius possit penitentem juvare; loquitur enim de conscientia religiosa, quæ & a peccatis mortalibus esse debet longe aliena, moraliter, & regulariter loquendo: & juvanda est, non solum ad vitanda peccata mortalia, sed etiam venialia, & ad virtutum augmentum. Est autem hæc integritas prudenti, & sano modo intelligenda, quod ad venialia peccata pertinet: non enim necesse est, etiam secundum perfectionis regulam scrupulose singula confiteri, & de numero peccatorum, vel modo circumstantiarum sollicitum esse, id enim molestum esset potius, quam utile; sed hoc solum dicimus ad illam regulam pertinere, ut nihil ex industria ob verecundiam, vel pudorem, aut timorem infamiae taceatur, etiam si leve videatur, & ut bona fide, mediocriterque diligentia facta, tota conscientia ita manifestetur, prout ad maiorem confusionem propriam, vel ad moralem ac sufficientem notitiam confessoris, in ordine ad maiorem profectum satis esse videbitur. Atque eodem modo sumendum est, quod dicitur de repetenda confessione alteri facta; si enim in ea nihil speciale fuerit, satis erit de hoc ipso certiores reddere confessorem proprium, nam id satis est, ut intelligat totam conscientiam sibi esse manifestam, & ita possit securius in illius regimine procedere.

CAPUT V.

An reservatio peccatorum, quæ in Societate datur, conveniens sit?

1 Similiter sicut & in præcedenti capite dubitatum est de alia consuetudine nostræ Societatis circa hoc sacramentum, reservandi nimirum peccata superioribus, & cogendi subditos, ut eis confiteantur; nam hoc adeo est difficile subditis, ut periculo exponantur interdum committendi sacrilegium, mutilando confessionem, & ita recipiendo absolutionem & Eucharistiam, prius quam se superiori aperiant. Deinde cum in toto ordine vitæ suæ, & in omnibus actionibus, & muneribus maxime a superioribus pendeant, valde timent illis manifestari; quia, & si propriam revelationem non vereantur, vix sibi persuadebunt, quin illa notitia utantur ad gubernandos illos, & consequenter veniunt, ne aliquid molestum eis accidat, dum ea occasione, aut privantur munere, vel actione, vel socio, vel loco commodo, aut aliquid huiusmodi; & ita fit onerosa confessio, quod maxime cavendum est. Illud denique videtur in hoc usu nimis arduum, quia hac occasione coguntur sæpe subditi, etiam sub gravamine mortalis peccati, idem peccatum iterum confiteri superiori, postquam rite fuerat alteri confessori revelatum, & ab eo puniunt, & sacramentaliter remissum, scilicet quando in absentia superioris, cui peccatum reservatum est, datur licentia subdito confitendi alteri reservatum; datur enim hæc facultas cum obligatione adeundi postea superiorem, nacta occasione. Nam quod hæc obliga-

Enodatur jam uo. ad r. p. t. tionem mortaliū.

Item quo. ad repeti tionem venialiū.

Rationes dubitandi

Hæc instantia militat solum in Societate.

Et in 176

tio sit sub mortali, in Societate declaratum est ex mente B. Ignatii a P. N. Claudio Aquaviva Præposito generali. Hec ergo tanta obligatio videtur nimis acerba & periculosa.

Ostenditur
ius re-
servandi
in
Societate.

2. Circa reservationem agere possumus vel de jure speciali, quod in hoc Societas observat, vel de usu ejus seu de facto. Quod ad primum spectat, dicimus reservationem peccatorum propriam & specialem esse consensuancam regulæ, & constitutionibus Societatis. Nam 3. p. const. c. 1. §. 1. hoc supponit B. P. Ignatius, cum dicit: *confessarius non ignoret quos casus sibi superior reservat*: & subdit modum, & mensuram reservationis, non in particulari designando. Sed generatim dicitur; *illi autem reservabuntur, quos ab eo cognosci necessarium videbitur, aut valde conveniens, quo melius remedium adhibere possit, & sue cure commissos præservare ab omnibus, quæ nocitura sunt*. Hunc autem morem reservandi casus, absolute de illo loquendo, nullus catholicus improbat, nam universa Ecclesia hoc observat; tum pro universa, respectu Summi Pontificis, tum pro singulis diocæsis respectu suorum Episcoporum. Atque eadem ratione religiones idem observant, quia Prælati religionum habent in religione sua vices Episcoporum, & quo intimius gubernant & specialiori ratione officium spiritualium parentum exercent, suosque subditos ad majorem perfectionem ducere tenentur, eo tali statui magis accommodata, & quodammodo debita est hæc reservatio. Unde S. D. N. Clemens VIII. in peculiari decreto, quo huic reservationi religiosorum modum posuit, supponit eam & licitam, & convenientem esse, de qua etiam videri possunt, quæ universæ de hac re in 4. to. 3. par. disp. 29. tractavimus, unde constat hunc usum ob suam communem rationem in Societate reprehendi non posse.

Ratio communis
pro
dicto jure

Rationes
speciales
pro eodem

3. Non erit autem difficile proprias, & peculiare rationes invenire, ob quas hæc reservatio in Societate expediat. Primo ac præcipue, quia propter communicationem cum proximis in periculis versatur, & ideo necesse est, ut magis timeant quemcumque lapsum, ad quod multum deservit reservatio: nam est veluti frænum quoddam continens hominem. Secundo, quia in hac religione plures educantur juvenes, quos ob ætatem, in officio, & disciplina religiosa magis continere maxime necessarium est. Tertio, quia cum in hac religione non tam multæ corporales afflictiones, seu asperitates ex generali regula præferantur ob rationes in l. c. 9. allatas, oportet, ut spiritualis disciplina ac vigilantia rigidior sit, imo in hunc etiam finem spiritualis rigor corporeus ille fuit temperatus a B. Ignatio. Quarto quia in hac religione maxime necessarium est, ut subditi multum suis superioribus fident, ut ab eis regi possint, ne forte interdum scandalis, & occasionibus peccandi illos exponant, & ut aliis modis paterne possint ab eis adjuvari; & quædiu hæc religio nova est, & in suo primitivo spiritu durat, curandum est, ut hæc consuetudo non auferatur, nec minuat, ad quem finem hæc reservatio etiam utilissima est; igitur de substantia, ut ita dicam, reservationis controversia esse non potest.

Convenientem esse usum particularem reservandi peccata, quem Societas observat.

4. Secundo igitur de particulari ejus usu, seu modo videamus. Potest autem in hoc modo esse excessus, vel ratione nimie reservationis, vel propter nimiam difficultatem committendi aliis absolutionem, vel propter aliquem alium abusum reservationis: de singulis ergo videamus. De primo in constitutionibus, præter citata verba 3. p. Const. c. 1. §. 1. nihil specialius invenitur: in illis autem certum est rationem, & finem ibi assignatum esse genuinam, & propriissimam causam, ob quam Ecclesia consuetudinem reservandi casus introduxit; semper enim supponitur, ut in sequentibus magis exponemus, illud remedium, & medicinam præservativam adhibendam esse integro & illaeso prorsus manente confessionis sigillo. Non explicatur autem in illis verbis, cui superiori committatur hæc potestas reservandi casus, & judicium de iis, quos reservari necessarium, aut valde conveniens est. Hoc autem additum, seu explicatum est in secunda Congregatione generali canon. 4. ubi prius approbatur reservatio facta a P. Jacobo Laynez

Abusum
de ni-
mia re-
serva-
tione
exploditur.

Quid de
re-
serva-
tione de-
cretum sit
in 1. con-
g. can. 4.

secundo Generali nostro. Deinde additur: *Declaratio vero, & ampliatio, vel restrictio casuum spectat ad R. P. Generalem*. Nullus ergo inferior Prælat, neque etiam Provinciales, possunt in hoc aliquid addere, vel immutare, nec respectu sui, nec respectu Rectorum. Non tamen excluditur, quin Generalis congregatio hanc habeat potestatem, quin potius a fortiori hoc sequitur, cum ipsa sit superior Generalis: imo Clemens VIII. in illo suo decreto c. 1. hanc potestatem solis capitulis generalibus pro tota religione, & provincialibus pro tota Provincia commisit; & hoc jure utitur nunc Societas quoad casuum reservationem, quantum ad hoc, ut fiat autoritate Congregationis generalis: nam provinciales congregationes in nostra Societate non habent propriam potestatem jurisdictionis, ut etiam sumi potest ex can. 15. congreg. 5. & ideo nec casus reservare possunt; unde licet Clemens VIII. facultatem concesserit capitulis provincialibus reservandi casus pro sua Provincia, intelligendum videtur de capitulo jurisdictionem aliâ habente: soli ergo congregationi generali est hoc nunc in Societate reservatum, non ex sola vi sui instituti, sed adjuncto dicto decreto Clementis: & ita in Congregatione 5. generali, quæ post illud decretum facta est, nova etiam forma reservationis est edita, ut videre est in instructione 5. & 6. de casuum reservatione anni 1606. alias in instructione totius Societati communi c. 5. & 6. anni 1616.

Cong.
Prov. n.
non gau-
det juris-
dictione.

5. Ex his ergo per principia, quasi extrinseca colligere possumus, reservationem, quam nunc habet Societas, ex parte materiæ non esse nimiam. Primo, juxta formam a S. D. N. Clem. VIII. præscriptam facta est. Secundo, quia si speciatim expendatur, nihil continet alienum ab usu Ecclesiæ, & ab utilitate, aut necessitate religionis. Nam in primis non reservantur nisi peccata exteriora, & quæ manifeste sint mortalia: deinde non omnia, sed quædam graviora, quæ summarij sunt: peccatum mortale contra aliquod ex tribus votis, vel contra alia vota, quæ professi emittunt, perjurium, falsum testimonium, furtum, seditio in superiore, vel divisio a capite cum gravi damno religionis, detractio, & discordiarum seminatio inter fratres, accipere, vel mittere furtim literas materiam peccati mortalis continentes, tacuisse impedimentum aliquod excludens a Societate, vel mentitum esse in examine ad ejus ingressum in grave incommodum Societatis, ac denique quodlibet peccatum habens annexam excommunicationem in Bullis, aut decretis Societatis. Qui omnes casus in persona religiosa graves sunt, possuntque grave scandalum, vel infamiam religioni afferre: & si recte inspiciantur sunt valde similes his, quos ipsemet Pontifex servatos esse voluit; & non sunt nimis multi pro ratione talis status, & obligationum ejus.

Probatur
jam refer-
vationem
in hoc e-
tate ni-
miam non
esse.

6. Tertio intelligi potest moderatio hujus reservationis ex usu aliarum religionum. Nam Carthusiani habent statutum, quo reservatur superiori quodlibet peccatum mortale certum, ut refert Gerson in proprio tractatu de illo statuto p. 2. alphab. 33. lit. E. & quantum ex Gersone colligitur, idem servat in Gallia Cælestiorum religio. Et licet ipse Gerson non approbet tam latam & absolutam reservationem, subdit nihilominus: *Potest tamen fieri reservatio de certis mortalibus manifestis, quæ transeunt in opus exterius*. Rursusque ad alium Carthusiensem scribit: *Recepi, quod in constitutionibus vestris non dicitur, quod omnis mortalis culpa sit Majori reservata in foro confessionis, sed quod gravis culpa. Et certe tolerabilis, & salubris est ista constitutio, si bene fuerit declaratum, qualis culpa debeat merito gravis reputari*. Sed in prædicta reservatione Societatis non nisi gravia peccata reservantur, & satis distincte explicatur, quæ talia rationabiliter censeantur in hac religione. In regula etiam S. Francisci cap. 7. sic dicitur: *Si qui fratrum istigante inimico mortaliter peccaverint, pro illis peccatis, de quibus ordinatum fuerit inter fratres, ut recurratur ad solos Ministros Provinciales, teneantur prædicti fratres ad eos recurrere, quanto citius potuerint sine mora*. Loquitur autem de recussu in sacramento poenitentiae, nam statim subdit: Provinciales, si sint sacerdotes, per seipso debere poenitentiam imponere, sin minus, debere Presbyteris committere, ut illam imponant. Nisi enim ageretur de sacramento confessionis, non referret Provinciale esse presbyterum. Atque ita in statutis ejusdem ordinis multa peccata refer-

3. ratio
ab exem-
plis.

van-

vantur Provinciali, & fere sunt eadem scilicet peccata *gravia contra tria vota substantialia, furtum, &c.* in definitionibus etiam ordinis S. Benedicti in Hispania c. 13. numerantur duodecim casus, in quibus ordinarii confessores absolvere non possunt, sed debent penitentes ad Abbatem remittere, ex quibus aliqui coincidunt cum nonnullis casibus reservatis a Clemente, ut illi, qui ad apostasiam pertinent: alii recurrunt etiam cum nostris, ut *furtum, proprietates*: alii cum minori restrictione, vel explicatione ponuntur, ut *mittere, vel recipere literas sine licentia*. Alii sunt proprii illius ordinis, majoremque rigorem continent, ut *comedere carnes sine licentia, ingredi cellam alterius religiosi, dare aliquid de monasterio persone seculari sine licentia, revelare secreta religionis, vel monasterii, aut Prælati sui alicui extraneæ persone, incitare alium, ut sub juramento, aut voto sibi aliquid promittat, &c.* Nihil ergo singulare, aut nimis rigorosum in prædicta Societatis reservatione reperitur; imo in hoc lenior est, quam illa D. Francisci, quod nulla sit reservatio Provinciali, sed superiori domus, vel Collegii, ad quem & facilius, & familiarior potest esse recursus, & præterea liberum manet religioso, ut si velit potius ad Provinciale recurrere, possit id facere, quia respectu majoris Prælati nulla est reservatio, ut per se notum est.

7 Dicetur fortasse: (ut ad 2. calumniam veniamus) esto reservatio in se non sit nimia, tamen in usu ejus esse nimium rigorem, quia superior omnino vult peccata dicta sibi confiteri, difficilisque est in danda facultate, ut per alium absolvantur; hoc autem, licet in peccatis publicis esset tolerabile, in occultis nimis onerosum est, ut docet S. Bonav. in expositione regulæ c. 7. ubi regulam citatam exponit de peccatis publicis, quia *que secreta sunt (inquit) non sunt publicanda, & quia notorium peccatum gravius est propter scandalum, & ideo gravius est puniendum.* Gerfon etiam præcipit: *Confessio sacramentalis non debet coartari per reservationes casuum, præsertim occultorum, sed dandus est locus timori altissimi.* Et infra: *Confessio sacramentalis de peccatis occultis raro, & cautiissime debet remitti ad superiores habentes jurisdictionem coercivam in publicis, quales sunt Abbates, & Priores religionum, quia facile oritur suspicio apud correctos publice, quia occulta confessio per eos facta ledatur.*

8 Sed in hac re, si attente inspiciatur, quid jure fieri possit & debeat, & cum usu Societatis conferatur, evidenter constabit, in hoc etiam facto debitam moderationem servari. Nam jure certum est, posse superiorem obligare subditum, per se loquendo, ut peccata reservata, quantumvis per accidens occulta, sibi constentur: nam hic est finis reservationis, per se loquendo, & quidquid superior de hoc rigore remittit, ex benignitate facit, vel ex debita providentia ex accidenti aliquo necessaria, non quia jus non habeat persistendi in rigore reservationis. Unde Clemens VI. I. qui speciali decreto maxime curavit providere libertati religiosorum in confessionibus faciendis, cum in §. 3. ejusdem decreti præcepisset Prælati regularibus, ne subditos ad confessionem secum faciendam cogere, seu obligarent, addidit limitationem: *Nisi quando peccatum aliquod reservatum admiserint*: ergo pro reservatis licet his prælati confessiones subditorum audire, etiam si ipsi non sponte, aut motu proprio, sed necessitate reservationis, & severitate superioris compulsi, id faciant.

9 Sed licet hæc per se vera sint, nihilominus ad charitatem, & prudentiam superioris pertinebit in particularibus casibus considerare dispositionem & fragilitatem penitentis, eique condescendere, ne in pejus ruat; de quo non potest alia generalis regula præscribi, præter superioris prudentiam & charitatem, ut in d. 4. tom. disp. 30. sect. 4. & 5. latius declaravi, & supra tract. 8. tegulari, tractando de potestate absolvendi Prælatorum regularium: ubi etiam expendi novum decretum S. D. N. ubi in §. 4. præcipit, ut superiores duos, vel tres viros doctos & pios deputent, qui ordinarias confessiones religiosorum audiant. Et subdit: *Quibus etiam reservatorum absolutio committatur, quando casus occurrerit, in quo eam debere committi, ipse in primis confessorius judicaverit.* Ex quibus verbis notavi juxta mentem Pontificis, non debere superiorem hanc facultatem facili-

& ad nutum confessoris concedere, sed magno judicio, & consideratione, & quando necessitas penitentis, vel major utilitas illam postulaverit. Et hæc ob causam vult multum deferri in hoc judicio confessoris, quia ipse potest magis perspectum habere conscientiam, & dispositionem penitentis. Et nihilominus non cogit superiorem, ut statim pareat judicio confessoris, ut plane indicat illa particula, *in primis*, quæ significat consulendum esse confessoris judicium, & magnoam vel maximam illius rationem habendam esse, non tamen esse futuram infallibilem ac necessariam regulam. Quod ad tollendos scrupulos pro Societate nostra ita fuit ab eodem Pontifice declaratum, vel concessum, scilicet *ne judicium a reservatis absolvendi confessoris absolute relinquatur, ut in eodem §. 3. dicitur: sed liceat interdum superiori pro ratione sui officii hujusmodi facultatem denegare, in iis casibus, in quibus constat, juxta ea, quæ Doctores dicunt, & discreta charitas docet, hujusmodi licentiam esse denegandam.* Illud denique in dicto decreto observare licet, etiam cum illa licentia danda est, non cogi superiorem dare illam, vel generalem pro electione penitentis, vel particularem pro tali persona ab ipso penitente designata: nam Pontifex vult personas, quibus danda est, esse designandas a superiore ipso, & significat regulariter remittendam esse illi personæ, quæ gerit officium ordinarii confessoris ejus personæ, quæ casum habet reservatum. Imo supponit licentiam hæc per hujusmodi confessorum esse a superiore petendam, & pro illo esse dandam a superiore, quando expedire dari judicatum fuerit: qui modus est valde ordinatus, & si penitentes illum servarent, facile superiores illis acquiescerent. Quando vero subditi hanc facultatem, per alios sacerdotes, vel pro aliis suo arbitrio petunt, non teneatur superior statim condescendere, sed facile potest talem facultatem negare, vel prout conveniens judicaverit, eam moderari.

10 Hoc igitur est jus regulariter observandum circa hanc reservationem. Quam vero illi consentanea sit praxis Societatis, facile quis intelliget ex instructione, quæ est 6. ex impressis anno 1606. quamque superiores circa hoc observant. Nam in 1. illius §. admonentur, ut quando confessorius, tacito nomine penitentis a superiore petit facultatem absolvendi a casu reservato, nullo modo superior difficilis esse debeat, sed facilis potius, & promptus in ea concedenda, &c. Et in §. 2. additur, solum quando intervenit *necessitas vitandi scandalum, vel aliud grave damnum Collegii, seu domus*, illam negari posse, donec penitens per se, vel per confessorium, sufficientem notitiam superiori adhibeat, tunc enim penitens omnino teneretur hanc notitiam superiori dare, unde nec est tutus, nec satis dispositus ad absolutionem, donec justæ voluntati, & necessitati superioris in ea parte satisfaciatur; merito ergo tunc potest superior talem facultatem negare. Imo licet obligatio penitentis ad dandam illam notitiam superiori, exclusâ reservatione, non sit omnino clara, & certa, si tamen sit opus majoris virtutis & charitatis, id satis erit, ut superior juste neget licentiam, donec penitens rem totam illi manifestet, quantum ad remedium adhibendum necessarium est: quia ipse habet jus audiendi talem confessionem, & per se loquendo non teneretur illam potestatem delegare: considerando autem causas extrinsecas potius teneretur consulere bono communi, quam irrationabili, vel imperfectæ voluntati penitentis condescendere. Ad hoc autem moderandum additur in §. 4. si confessorius urgeat, eo quod judicet superioris severitatem detrimentum potius spirituale, quam eommodum allaturam, & tentatis aliis mediis, nullum sufficit, sed penitens durior fiat, tandem superiorem non debere facultatem negare, sed fragilitati subditi condescendere: habita semper ratione charitatis, cujus finis est prodesse per correctionem, vel severitatem, & illam temperare, quando illa spes deest; in eo autem casu licet superior facultatem det, debet confessorius attendere, ut penitens suæ obligationi satisfaciatur in adhibendo remedio communi malo, vel scandalo, si morale periculum illius sit, quia nisi hoc faciat, non poterit absolvi, non ex defectu jurisdictionis, sed quia dispositus non est. Ad hoc autem oportet, ut & obligatio penitentis certa sit, & quod alia remedia adhiberi non possint.

Praxis Societatis circa penitentiam a confessorio penitentis.

Quid si
petatur a
non ordi-
nario co-
fessario
penitentis.

11 At vero quando licentia non per confessarium, sed per alium sacerdotem petitur, tunc praxis Societatis (ut ex §. 5. colligitur) est, ut licentia non tam facile detur, quod etiam est consentaneum rationi, & juri, ut n. 9. ostendimus. Nec tamen semper deneganda dicitur, sed attentius circumstantias negotii, & personæ esse considerandas, & ita dari posse, vel negotium committi alteri personæ prudenti, doctæ, & religiosæ, quæ ad remedium adhibendum aptissima sit, & cujus conspectum non possit penitens rationabiliter subterfugere. Quæ omnia per sese sunt valde consentanea rationi, nam sine dubio oportet aliquam difficultatem, & severitatem ostendere, aliàs fere nullius momenti esset reservatio; semper tamen prudens illa conditio subintelligitur, ut si tandem superior intelligat, se nihil posse prodesse, condescendat tali sacerdoti (dummodo simpliciter idoneus sit) negotium committendo, ut majus periculum evitetur.

3. calum-
nia de usu
notitiæ
confess.
resolvi-
tur.

12 Tandem dicendum superest de ultimo abusu, qui in hac reservatione fingi potest, utendo scilicet hoc medio ad gubernandum vel ipsum penitentem, vel alios, per notitiam in confessione comparatam: hoc enim aliqui Societati obijciunt, sed est mera impostura. Duplex ergo intelligi potest gubernatio: una, quæ præcise necessaria est ad virandum peccatum, de quo agitur, vel scandalum aut penitentis, aut aliorum, ex peccato illo præcise ortum; alia est in rebus aliis, actionibus, vel muneribus. De hoc posteriori usu nulla est mentio, nec vestigium in Societate, ut a fortiori ex sequentibus in n. 4. patebit. De priori autem communis doctrina est posse prælatum, qui rem in confessione novit, uti illa notitia ad illum finem, si observet, ut ille usus talis sit, unde nulla revelatio directa, vel indirecta nasci possit, vel si hæc tingeri possit nullus sit talis usus sine expressa licentia penitentis: nam si hæc observentur, nulla inordinatio contra justitiam penitentis, vel contra religionem sacramenti in tali usu excogitari possit, ut in tom. 4. in 3. p. disput. 33. sect. 7. late dixi.

Qui usus
dicitur no-
titiæ per
se licet.

13 Et quamvis S. D. N. Clemens VIII. in speciali decreto, de casibus reservatis regularium, specialem prohibitionem illis imposuerit non utendi notitia confessionis ad exteriorem gubernationem: probabilissime nihilominus existimo hunc usum non comprehendere sub illis verbis, & præcepto; quia hic usus non potest dici ad exteriorem gubernationem, sed solum ad internam & spiritualem medicinam conscientie penitentis. Nam ipse penitens vitare tenetur mortalem occasionem peccati, vel non præbere scandalum alteri, ut secum tale peccatum committat: ergo usus, qui tantum ordinatur ad tollendam similem occasionem peccati, vel scandali, non potest dici exterior gubernatio: nam licet sit quædam actio, vel privatio exterior, ordinatur solum ad internum bonum animæ ipsius penitentis: adeo ut licet ordinetur etiam ad bonum complicitis, v. g. hoc solum sit, in quantum bonum penitentis cum illo conjunctum est, & non potest unum ab altero separari: hoc enim supponimus. Nam si jam omnino non ageretur de remedio penitentis, nec de implenda aliqua obligatione, ad quam ipse in conscientia teneatur, sed tantum de remedio alterius, jam ille usus magis dici posset pertinere ad exteriorem gubernationem, & non esset usurpandus sine libera, & spontanea voluntate, & facultate penitentis.

Perchilo-
tur tamē
Societ-
tatis.

16 Quamvis autem hæc in rigore vera videantur, nihilominus Societas propter majorem securitatem, libertatem penitentium, & reverentiam sacramenti, etiam ab hoc usu licito notitiæ per confessionem habitæ se abstinere. Quod apertius constabit ex gravi ordinatione R. P. N. Claudii, quam hic ad verbum referam, quia dignum est, ut ab omnibus agnoscat. *Tametsi non desunt Doctores, qui sentiant, salvo sacramentalis confessionis sigillo, justis de causis licere nonnunquam confessario (cum id fieri potest sine ulla revelata confessionis suspitione) uti extra confessionem notitia per confessionem habitæ: tamen quoniam hæc doctrina, & eam exigit in tanta re circumspectionem, quam servare perdifficile sit, & interim posset aliquando retardare subditorum libertatem, quam hujus fori sanctitas, & nostre Societatis institutum requirunt, in seipsis, rebusque suis confessario aperiendis: idcirco visum nobis est, in Domi-*

In in-
stru. 5.
& in c. 1.
ordinatio
non com-
muni-
cari Socie-
tati.

no statuere, sicut & severe statuimus pro reverentia, quæ semper Societas nostra coluit hujus sacramenti inviolabile sigillum, & libertatem, ut omnes superiores diligenter caveant, ne vel ipsi, vel nostrum aliquis, supradictam doctrinam usquam introducant, nec illam publice, aut privatim doceant, nec ea utantur, ullo modo (nisi forte de penitentis licentia); sed ita prorsus in omnibus casibus nostri se gerant confessarii, ac si in confessione nihil penitus audivissent, sibi que persuadeant, ut humanarum rerum regimen ab hoc sacramento longissime distat, ita debere nullatenus ab eo pendere. Hoc ergo est, quod in Societate de jure servatur; de factis enim particularibus hic non disputamus, quamvis de nullo nobis constet huic juri contrario.

Conclu-
ditur ad-
versus 3.
calum-
niam.

15 Unde constat non solum non committi excessum in hoc usu, verum potius videre posse committi aliquem defectum, omittendo medium licitum, & sanctum, quod interdum posset esse utilissimum penitentibus; verumtamen cum hoc ipsum omittatur propter altiores fines, reprehensibile non est, sed potius laudabile. Intelligendum autem necessario hoc est, quando non intervenit obligatio præcise ipsius superioris, qui ex officio tenetur auferre a subdito mortalem occasionem peccati, etiam si illam in confessione noverit, quando sine ulla revelationis suspitione auferri potest; tunc autem debet prius monere penitentem suæ obligationis, & illum inducere, ut consentiat, & acceptet sibi talem occasionem auferri, cum in remedium animæ suæ id facere teneatur. Prohibitio ergo illa intelligenda est pro his eventibus, in quibus non necessario, sed ob utilitatem, talis notitia ad illum usum applicari posset: & quia hoc regulare est (illa enim necessitas præcepti rara est) ideo regula simpliciter negativa circa hoc constituitur.

Utrum conveniat, aut necessarium sit superiori aliquando confiteri.

16 Ex his satis factum est (ut opinor) primo puncto hujus capituli ex propositis in fine n. 1. & sublata est omnis occasio fingendi pericula, & monstra difficultatum, ubi revera nulla sunt; oportet tamen aliquid in particulari dicere de altero puncto in numero primo tacto: videtur enim in illo dubio supponi, esse in Societate constitutionem, quæ obliget subditos, ut suo superiori confiteantur. Quod dupliciter intelligi potest, primo ratione casuum reservatorum, & hoc per se sequitur ex ipsa reservatione, & ita admittitur, seu excipitur a Clemente VIII. Quomodo autem servandum sit, explicatum jam est in puncto præcedenti. Secundo potest id intelligi extra casuum reservationem, de communibus confessionibus, vel ordinariis, & particularibus, vel extraordinariis, & generalibus, & in hoc duo dicenda occurrunt.

Præmitti-
tur du-
plex sen-
sus hujus
obligatio-
nis.

17 Primum est illud non esse per se malum, aut reprehensione dignum, seclusa humana prohibitione. Quamvis enim ad se omnino advocare confessores minus respectu subditorum juxta præsentem statum religionum violentum sit, ac periculosum, ac proinde inordinatum, ut tract. 8. disputando de prælatorum potestate in communi diximus; tamen pro aliquibus temporibus, aut vicibus id exigere per se inordinatum non est; nam multæ religiones videntur habuisse hujusmodi regulam, & consuetudinem a Pontificibus approbatam. De Carthusiensibus referunt, habere statum confitendi generaliter Priori, cum primum eligitur, forte ab ultima confessione præcedenti facta: item confitendi eidem, quando post aliquam peregrinationem ad monasterium redeunt. Quod statutum habet etiam religio S. Hieronymi c. 20. suarum constit. de quo quantum ad iterationem confessionis, cap. præcedenti a n. 2. diximus; hic vero consideratur quantum ad circumstantiam confitendi superiori. In ordine Cisterciensi dicitur esse statutum, ut monachi singulis annis confiteantur integre Abbati, quod statutum a Pontificibus Pio II. & Sixto IV. confirmatum fuisse, intelligi potest ex eorum privilegiis 91. 97. & 103. Et simile statutum fuisse ab Alberto Magno in religione Prædicatorum introductum, refert Ferdinandus del Castillo. 3. Chronic. c. 46. quod ipse approbat. Olim etiam in religionibus monachorum solum esse solebat unus presbyter, qui omnium proinde confessiones audiebat, qui tamen simul

Confiteri
prælatum
per se ma-
lum non
esse pro-
batur au-
thoritate.

CAPUT VI.

Quomodo perfectionem charitatis religio Societatis intendat.

I Cum finis religionis sit perfectio charitatis, & consequenter ad illum etiam tendant omnia religionis exercitia, sit, ut illa majoris momenti sint, magisque propria religionis, quæ propinquius ad hunc finem accedunt, illumque immediatus operantur. Sunt autem duo charitatis officia, dilectio scilicet Dei, & proximi. Ad prius officium præcipue spectant, quæ hæcenus in hoc lib. 8. tractavimus: nam divina charitas, quoad proprios, & elicitos actus erga Deum, maxime operatur, & crescit in operibus internæ meditationis, & contemplationis, prodit autem exterius in actus religionis, & divini cultus, de quibus hæcenus dictum est. Solum hic addere possumus, ad hunc finem charitatis Dei maxime conferre, ut cæterarum virtutum opera expresse, ac frequentius repetita intentione ad majorem Dei gloriam fiant, & ob hanc causam hujus rei studium, & memoriam frequenter in constitutionibus Societatis commendari, tam in actu signato, ut ita dicam, quam in exercitio. Nam in Summario constitut. reg. 10. sic dicitur: *Omnes rectam intentionem habere studeant, non solum circa vitam suam statum, verum etiam circa res omnes particulares, id semper in eis sincere spectantes, ut serviant, & placeant divine bonitati propter seipsam, & propter charitatem, & eximia beneficia, quibus nos prævenit: potius quam ob timorem poenarum, vel spem præmiorum, quamvis hinc etiam juvari debeant, & in omnibus querant Deum, &c.* In constitutionibus autem passim hoc inculcatur, & usu ipso docetur, ut in examine c. 1. §. 6. statim dicitur: *Ratio vivendi justas ob causas, majus Dei obsequium semper intuituendo, &c. & §. ultimum. Quod ideo fit, ut utrinque majori cum claritate, & cognitione in Domino nostro procedatur, ut quanto fuerit magis probata singulorum constantia, tanto stabiliiores, ac firmiores sint in divino servitio, & vocatione prima, ad gloriam, & honorem divine majestatis.* Quod verbum adeo erat familiare B. Ignatio, ut singulis fere constitutionibus illud repetat, nimirum ad vices usque 177.

Prima pars tituli de charitate in Deum exprimitur.

Hæc charitas frequenter relatione bonorum operum in Dei gloriam promovetur.

Divina gloria frequenter in ore S. Ignatii.

2 Atque hanc etiam intentionem maxime commendat Basilii in regulis moralibus reg. 14. afferens verba Pauli: *sive manducatis, sive bibitis, sive aliud quid facitis, omnia in gloriam Dei facite, 1. Corinth. 10. & illud 2. ad Thessalon. 2. Sicut probati sumus a Deo, ut credatur nobis Evangelium, ita loquimur non quasi hominibus placentes, sed Deo, qui probat corda nostra:* quæ verba quotidie versari deberent in corde, & mente religionis Societatis, & quæ subdit: *Nec querentes ab hominibus gloriam, nec a volis, nec ab aliis.* Imo addit etiam B. P. Ignatius, ut non solum hæc humana motiva contenti nati, verum etiam inter divina, amore potius quam timore moveamur. Ut enim dixit Basil. reg. 4. ex fusior: *Eis, qui ad perfectionem aspirant, præceptis sublimioribus opus est, eisque in quorum expletione universa charitatis Christiane veritas legitime absolvitur.* Unde idem Basilii reg. 137. ex brevioribus: *Bonam (inquit) animi affectionem ego esse existimo cupiditatem vehementem placendi Deo, eamque insatiabilem, & stabilem, & constantem.* Hinc vero, addit statim, contemplatione magnitudinis Dei, & recordatione beneficiorum ejus comparari. Addere item possumus, necessarium esse frequenter, & in singulis operibus, quoad fieri possit, eam intentionem repetere. Ad hoc autem (ut idem Basil. dixit, reg. 5. ex fusioribus) necesse est illud Pauli imitari: *nostra conversatio in cælis est, quia alias nullo modo scopum animi attingemus, Deo videlicet, ut placeamus. Omni ergo custodia (subdit inferius) custodiendum est cor nostrum, neque patiendum, ut assidue de Deo cogitatio ex animis nostris elabatur, si quidem hæc est ratio, per quam erga Deum acquiri charitas consuevit, &c.* quæ elegantissime prosequitur, & imitatus est B. P. N. Ignatius 3. p. constit. c. 1. §. 26. dicens: *crebro admoneantur, ut in omnibus querant Deum, exeuntes se, quantum fieri potest, amore omnium creaturarum, ut affectum universum in ipsarum creatorem conferant, cum in omnibus creaturis amando, & omnes in eo, juxta san-*

Etiffi.

superiorem fuisse, & majorem quam Præpositus, habere potestatem, clare sumitur ex regula S. Augustini in fine. Denique Hugo de S. Victore serm. 53. insinuat. monast. universaliter dicit: *In facienda confessione talis discretio esse debet, ut quotidiana & levia peccata alterum coequalibus confiteamur, ut orationibus pro invicem factis salvemur, pro graviore lepra immunditia sacerdoti, id est, nostro summo Prælato pandere debemus, ut ad ejus arbitrium justificari curemus.* Cum ergo consilium hoc tanta auctoritate, & usu antiquorum Patrum fundatum sit, non potest reprehendi, ut per se malum. Ratio autem est, quia prælatus est de se ordinarius pastor, & proprius sacerdos religionis: ergo per se & seclusa speciali prohibitione, eis non facit injuriam, si interdum velit agnoscere vultum pecoris sui.

18 Secundo vero addimus objectionem illam in n. 1. falsum supponere, quia in Societate nulla est regula, quæ absolute obliget subditos ad confitendum aliquando superiori, non solum obligatione præcepti, verum nec per modum simplicis regule. Quia ubicumque constitutiones de confessionibus faciendis, vel ordinariis, vel extraordinariis loquuntur, semper præscribunt, ut fiant confessoria superiori designato: vel ad summum sub disjunctione, superiori, vel cui ille injunxerit, & semper intelligitur ordinarias confessiones fieri ordinario confessori designato: in extraordinariis autem sex mensium, & similibus optionem relinquere penitenti, ut vel superiori, vel alteri ex designatis ab illo constiteatur. Unde in regula provincialis nu. 131. sic dicitur: *Si visitatio circa renovationem votorum incidere, ipse ad excipiendas confessiones generales nostrorum aliquos Patres probatos, & maturiores designabit, eosque, qui sibi confiteri volent, benigne audiet.* Et idem cum proportionem dicitur in regulis præpositi §. 23. & Rectoris §. 22. Estque hoc consonum modo loquendi constitutionum p. 6. c. 1. §. 2. ubi dicitur paratos esse omnes debere ad confessionem generalem, quæ ab ultima generali inchoetur ei, quem superior sibi substituerit, faciendam. In quibus verbis, non solum non dicitur confessionem esse faciendam superiori, sed insinuat potius, semper debere superiorem substituere aliquem, cui fieri possit, quamvis nunquam excludatur, quin possit subditus eligere superiorem, si velit. Denique tam longe abest Societas a prædicta calumnia, ut nec ipsos consultores superiorum velit designari ad audiendas nostrorum confessiones, ut habetur in ordinationibus impressis anno 1617. c. 1. n. 7.

19 Atque hunc morem non solum probavit, sed etiam sub præcepto imposuit S. D. N. Clem. VIII. in suo decreto de casibus reservatis religionis, ubi sic inquit: *non liceat regularibus superioribus confessiones subditorum audire, nisi quando peccatum aliquod reservatum admiserunt, aut ipsi sibi subditi sponte, aut proprio motu id ab eis petierint.* Quod præceptum intelligendum est, non solum de confessionibus ordinariis, sed etiam de extraordinariis, siue fiant occasione reditus ex itinere, siue ex regula confitendi generaliter semel, aut bis in anno: tum quia absoluta est prohibitio, & nobis non licet illam restringere: tum maxime, quia exceptio illa, *nisi quando peccatum reservatum, &c.* firmat regulam in contrarium. Per hoc ergo decretum antiquæ illæ consuetudines in nu. 17. allatæ, sublatae sunt: infirmitas enim, & fragilitas horum temporum hanc moderationem requirit.

20 Tandem ex his non erit difficile satisfacere tertio puncto, seu ultimatae parti difficultatis posita in fine n. 1. de onere comparandi: de qua multa nobis essent dicenda, nisi in 4. to. 3. disp. 30. sect. ult. late tradita essent: in eum ergo locum lectorem remittimus: ne inutili repetitione illo oneremus: ibi enim res tota, quæ in Societate observatur, tractata est, ostensumque est esse doctrinam communem, rationi & praxi Ecclesiæ consentaneam: solum hic addo, nonnullos authores censere, vel referre, in aliis religionibus, religiosos peregrinantes non posse absolvi a reservatis, donec redeant ad locum, ubi est Prælatus, & ut n. 6. attigimus, quando peccatum est reservatum Provinciali abienti, siue ejus facultate non posse absolvi: at hoc gravius onus est: ergo facultas confitendi statim cum illo onere, potius est gratia spectans ad suaviorem modum procedendi.

Non tam regu-
la datur
in Socie-
tate de
confitendo
Prælato
præter re-
servata.

Neque in
aliqua re-
ligione
dari vale-
t post de-
cretum
Clement.

Hoc onus
levius est
in Socie-
tate quam
in quibus-
dam reli-
gionibus.

Etissimam ac divinam ejus voluntatem. Et hæc sufficiunt de charitate erga Deum, nam cetera (ut dixi) tractata sunt.

3. Proximorum amor in externis actibus præcipue versatur, potestque subdividi in operibus charitatis erga externos, de quibus in libro sequenti dicendum est, & de charitate fraterna inter nos ipsos, de qua hic præcipue tractamus. Quantum autem hæc fraterna dilectio in Societate commenderetur, intelligi potest ex principio constitutionum Societatis, & Summariis illarum, ubi dicitur, *legem charitatis esse, quæ conservatura est, gubernatura, atque promotura in sancto servitio, hanc minimam Societatem Jesu;* specialiter vero in 3. p. constitutionum c. 1. §. 18. & in Summario §. 4. 2. *Unio & conformitas mutua quam diligentissime curanda est, nec, quæ ei adversantur, permittenda, quo juncti invicem fraternæ charitatis vinculo melius & efficacius possint se divino obsequio, & auxilio proximorum impendere;* & §. 1. ubi dicitur, *de iis crebro tractent, quæ ad sui abnegationem, & in virtutibus perfectum, & omnimodam perfectionem attinent, ad ea se invicem exhortando, & præcipue ad unionem, & charitatem fraternam.* Et §. 2. *Magnopere confert ea numerat obire, in quibus magis humilitas, & charitas exercetur:* nec immerito B. P. N. Ignatius in hac unione, & vinculo fraternæ charitatis præcipuum hujus religionis fundamentum posuit, nam hoc etiam fuit primum vinculum status religiosi, qui in illis fidelibus inchoatus censetur, quorum erat cor unum & anima una, qui habebant omnia communia, & dividebant singulis, prout unicuique opus erat: & ideo & sumebant cibum cum exultatione, & simplicitate cordis collaudantes Deum, & habentes gratiam ad omnem plebem: gratia magna erat in omnibus illis, ut Actor. 3. & 4. dicitur.

4. Consonantque illud Psalmi 132. *Quam bonum & quam jucundum habitare fratres in unum,* ubi Augustinus ait, peculiari ratione hoc convenire statui religioso: *Ista enim verba* (inquit) *psalterii, iste dulcis sonus, ista suavis melodia, tam in cantico, quam in intellectu multa monasteria peperit.* Et infra ait, primos, qui hanc vocem audierunt, fuisse Apostolos, & primos fideles, quorum erat cor unum, & anima una: *Sed non soli* (inquit) *audierunt. Non enim usque ad illos solos hæc dilectio, & unitas fratrum venit, venit enim & ad posteros ista charitatis exultatio.* Unde idem August. in sua regula hoc præcipuum documentum, ac primum inter cetera proponit: *Primum propter quod in unum estis congregati, & unanimes habitatis in domo Domini, & sit vobis anima una, & cor unum in Deo.* Basilii etiam in constitut. monast. c. 19. cœnobiticam vitam commendans, fundamentum ejus esse dicit, summam animorum conjunctionem, & unitatem, sine qua, (inquit Hieronymus) seu Author regulæ monialium c. 1. *Nulla vita est deterior, quam simul degere corpore, & non mente, & vere infelices sunt, quibus non inest una, sed diversa voluntas. Et sic habere poteritis religionis propositum, si unanimes in domo Dei habitetis:* & ob eandem causam dixit idem Hieronymus in regula Monachorum c. de charitate: *Quidquid dividit inter fratres, infernus dicendus est.* Unde elegantissime Bernard. ferm. 29. in Cantica: *Vos* (inquit) *expertis estis, & quotidie experimini, quam bonum sit, & quam jucundum habitare fratres in unum, si tamen in unum, & non in scandalum: alioquin nec jucundum plane, nec bonum, sed pessimum, ac molestissimum.* Ob hanc ergo causam omnes religionum fundatores hanc mutuam fratrum dilectionem maxime commendant, ut videre etiam licet in S. Benedicto c. 4. regulæ, S. Bonavent. in quæstionibus super regulam qu. 18. Basilio in constitut. monast. cap. 2. & 3. ac reliquis; quia communis vita sine hac unione nec utilis esse potest, nec jucunda.

C A P U T VII.

De mediis negativis, quibus fraterna charitas, & concordia in Societate conservatur.

1. Ad fraternam charitatem, & unionem fovendam varia media in Societate introducta & commendata sunt, quæ in 8. p. constitut. c. 1. & aliis in regulis accuratissime providentur: quæ in summam brevem redigemus, & ex iis aliqua, quæ magis, propria magisq; utilia videbuntur, pro materiæ qualitate locupletabimus. In primis ergo supponi debent ea, quæ ex ipsa lege charitatis debita sunt: quæ in media negativa, & affir-

mativa distingui possunt. De negativis pauca dicere necesse est, quia plura sunt debita ex obligatione justitiæ potius, quam charitatis; qualia sunt, nec cogitatione, nec verbo, nec opere, alteri injuriam facere, vel in re aliqua quempiam lædere. Et ideo de hoc præcepto nihil fere in constitutionibus, aut regulis statuitur, quia magis ad necessitatem legis, quam ad consilia perfectionis pertinet. Quia vero pro hominum imbecillitate aliquid hujusmodi pati contingit, quam citissime curandum præcipitur 3. p. constitut. c. 1. lit. P. his verbis: *Ferenda non est inter ullos domesticorum perturbatio, vel ira mutua: & si aliquid hujusmodi acciderit, ut statim cum satisfactioe debita in gratiam invicem redeant.* Quæ verba pro regula proposita sunt Præpositis, & Rectoribus in suis regulis nu. 32. & 33. consonant Ecclesiastici canones Concilii Tolentani XI. cap. 4. Concilium Wormatiense cap. 41. Carthag. IV. c. 93. cum aliis apud Gratianum d. 90. c. 1. Ismael d. 56.

2. Quia vero illi præcipue charitatem offendunt, qui dissensiones inter fratres seminant, ideo in 8. p. constitut. c. 1. §. 5. (quæ est etiam regula 128. Provincialis) gravissime cautum est: *si quis dissensionis, vel divisionis eorum, qui una vivunt, inter se, vel cum suo capite auctor esse cerneretur, diligentissime ab ea congregatione, velut pestis, quæ eam potest summo periculis inficere, si præsens remedium non adhibeatur, separandus est;* imo & inter casus reservatos habetur. Additur vero in declaratione, separationem hanc esse posse, vel ab eo loco transferendo personam in alium, vel a tota Societate, si ad commune bonum conveniret, ut esse posset, quando vel persona incorrigibilis est, vel scandalum adeo est grave, ut aliter sedari non possit; ac denique quo pacto hoc vitium curandum sit, habetur in industriis, pro morbis animæ c. 17. Tandem huc spectat regula 30. ex communibus: *ut omnes caveant ab illo affectu, quo alia de aliis nationibus sinistre sentire, aut loqui solent;* quia nimirum hujusmodi sermones, & quælibet signa talis affectus multum solet charitatem minuire, non solum ad externos, sed etiam inter religiosos ipsos. Unde multum magis cavendum est murmurationis vitium, quod maxime discordias patere solet: & ideo Basilii c. 34. regulæ ante omnia (inquit) *ne murmurationis malum pro qualicumque causa in aliquo qualicumque verbo, vel significatione appareat. Quod si deprehensus fuerit quis, distri-*

3. Ad media idem negativa spectat, quod in reg. 31. ex communibus prohibetur: *Nemo præter eos, quibus per superiorem licet, quidpiam aliis jubeat, alios reprehendat.* Quæ duas habet partes ad unionem fraternam ordinatas: sed circa priorem dubitabit aliquis; nam ad religiosum statum maxime spectat, ut omnes sibi invicem serviant, & ad hoc parati sint, idque maxime fraternam dilectionem conciliat: ergo ad eandem spectat, quod sibi invicem etiam jubeant, quia hæc correlativa sunt. Unde Basilii in constitut. monast. c. 19. loquens de felici religiosorum unione: *Hi* (inquit) *equabili jure inter se alii aliorum, & famuli sunt, & domini, & in invicta libertate accuratissimam sibi inter se servant servitutem.* Et Benedictus c. 7. regulæ: *Obedientia bonum* (inquit) *non solum Abbati exhibendum est, sed etiam sibi invicem obediunt fratres, scientes per hanc obedientiam viam se ituros in Deum.*

4. Respondeo spiritum obediendi, & serviendi omnibus in unoquoque esse laudabilem, & valde conciliare amorem, spiritum autem præcipiendi, & omnem significationem ejus e contra reprehensibilem, ac de se valde alienare animos. Adeo ut dixerit Bonav. in speculo disciplinæ 2. p. principali c. 3. ad religiosam charitatem præcipue pertinere se invicem obsequio, beneficio, & honore prævenire: ita ut si fortasse in aliquo negotio præire cogamur, non præcipere, sed demonstrare, quæ agenda sunt, videamur. Itaque ex parte obsequentium omnis subjectio, & servitus ostendenda est: ex parte vero aliorum, præcipue si superiores non sunt, omnis jubendi modus, & affectus vitandus est, quia superbiam redolet, & charitatem non conciliat. Et ideo Chrysost. hom. 58. ad populum, de antiquis monachis loquens eleganter dixit: *Non potest illorum quisquam audire contumeliam inferens, vel patiens, non imperans, nec cui imperetur, sed omnes ex ministrantium sunt numero.*

Et

Charitas ad invicem in Societate commendatur.

Ex hac charitate vitia ligiosa suscipi solent.

Idem attestant Patres.

Primum medium

negativæ non lædere fraitæ.

Ad hanc medium spectat primo regula non seminandis discordias.

Speciat secundo altera regula non sentiendi sinistre de aliis nationibus.

Speciat tertia regula jubendi & neque reprehendendi.

Obijciunt contra priorem partem hujus regulæ.

Satisfactio obijctioni.

minus ex hac difformitate (ut sic dicam) quā ex illa uniformitate confurgit . Nam sicut ex privatis affectionibus inordinatis oriuntur suspiciones, invidiæ, obreptiones, & similia vitia, quæ charitatem ledunt, ita ex indubita paritate ordo confunditur, & virtus debito honore, ac præmio privatur, unde fieri solet, ut ejus studium remittatur . Atque obeam rem judicio omnium sapientum non minus necessaria est ad fovendam charitatem, iusta distributio, quam communis benevolentia . Unde idem Basil. in reg. brevior. in 170. cum interrogatum esset, Numquid eodem loco habendi sint, quorum in recte factis major, & quorum minor vigeat industria . Respondet afferendo Christi & Pauli verba: ille enim Luc. 7. dixit: *Remittuntur ei peccata multa, quoniam dilexit multum, & cui minus dimittitur, minus diligit.* Et Pauli 1. Timoth. 5. *Qui bene præfunt presbyteri, duplici honore digni sunt, maxime qui laborant in verbo, & doctrina;* & concludit: *Hoc rectum arbitror, ut in omnibus, qui istiusmodi sunt, servetur.* Quod late etiam docet Cassian. collat. 14. c. 16. exemplo Christi Domini Joannem specialiter diligentis id confirmans. Non igitur omnis amor, qui ad quosdam major sit, quam ad alios, in religione reprehenditur: sed ille, qui modum excedit, ideoque singularis, ac privatus, quasi per antonomasiam dicitur.

Nimis familiaritas unum indicium.

Alterum.

Tertium.

18 Indicia autem talis amoris sunt: primo si ratio majoris amoris non sit, aut major Dei gloria, & honor, vel major religionis, aut animarum utilitas, aut major virtus, & sanctitas, quæ in tali persona cernitur, quid enim ad hæc motiva non reducitur, alienum est ab ordine charitatis religiosæ: adeo ut Basil. d. serm. 2. de instit. monast. dicat etiam sanguinis conjunctione quantumvis propinquā, in religiosa charitate non spectandā, sed pro nihilo habendā esse . Secundo si talis affectio ad unum aliquem averit aliquo modo animū ab aliorum dilectione, ita ut vel eorum consortia, & conversatione, quam communis charitas postulat, declinet, aut moleste ferat, aut eorum necessitatibus non ita libenter subveniat; signum apertū est excessum illū, non ex ordine charitatis, sed ex privata affectione oriri. Tertio ex aliis affectionibus plane cognoscitur: nam charitatis amor est ordinatissimus, non nisi debito tempore, & loco, sine cuiusque offensione ostenditur. Si ergo affectio illa inclinat ad rebus otiose terendū, vel ad aliquid aliud, quod perfectioni, ac regulæ consentaneū non sit, privata affectio est, non charitatis debitus amor. Unde maxime leditur charitas, ut Basil. supra egregie profequitur, quādo sine manifesta causa, plus uni quā alii tribuit, vel si munerū, aut honorū distributio sine debita proportionē fiat. Nam licet unusquisque religiosus, quantum in se est, debeat omnia cōtemnere, & viliorē gradū appetere, tamē respectu aliorū, singulorū merita spectanda sunt, & debito honore, & amore prosequenda; quod maxime ad superiores spectat, a quibus gravius charitas offenditur, quando privatis affectionibus, & non juxta unuscujusque facultatē, ac merita, habita communis utilitatis ratione, labores & honores singulis distribuunt, ut optime attingit idem Basil. regula 303. ex brevioribus.

CAPUT VIII.

De mediis positivis, quibus fraterna charitas in Societate conciliatur.

1 Veniamus ad alia media, quæ non in prohibitione, sed in actione consistunt, & ad eundem finem conciliandi charitatem fraternam ordinantur. Quæ partim interna esse possunt, partim externa. Illa generaliora sunt, & ex interno spiritali profectu maxime pendent: huiusmodi est, quod 8. p. const. c. 1. §. 8. dicitur: *præcipuum utriusque partis vinculum, ad membrorum inter se & cum capite suo unionem, est amor Dei, ac Domini nostri Jesu Christi, cum cujus divina, & summa benedictio, si superior, ac inferiores valde uniti fuerint, per facile inter se ipsos unientur.* Unde quia hoc vinculum oratione, ac meditatione maxime crescit, juxta illud Psal. 38. *In meditatione mea exardescit ignis;* ideo sine dubio hæc est certior, & solidior via ad hanc unitatem obtinendam . Sic etiam reduci ad praxim optime poterit, quod 3. const. c. 1. §. 4. dicitur: *Atque ita fiat, ut se mutuo considerantes omnes in devotione crescant, Deumque, ac dominum nostrum laudent, quem quisque in alio, ut in illius imagine agnoscere studeat.* Quæ regula sumpta videtur ex reg. 5. August. quam statim n. 3. referā, etque ad rem

Hæc media quedam sunt interna, ut unio cuiusque nominis in Christo.

Item oratio.

Item consideratio donorum in aliis.

presentem optima: quia nihil ita cōciliat erga aliquem veræ charitatis amorem, quam singularia virtutū ornamenta, & Spiritus sancti dona in eo conspicere, eūque ut Dei imaginem, optimis gratiæ coloribus depictum, contemplari. Si ergo omnes, & in seipsis studeant in his virtutibus & donis crescere, & in aliis ea frequenter considerare, eosque (ut ibidem dicitur) tanquā sibi superiores in animo ducere, & de illorum spiritualibus bonis gaudere, Deoque gratias agere, mirum profecto in modum mutua inter eos charitas crescat.

2 Exteriora media quedam etiam generalia sunt, & ad alias virtutes pertinent. Huiusmodi est, quod de obedientia ad hunc finem cōmendatur in 8. p. const. c. 1. §. 3. & seq. *Huiusmodi unio (dicitur ibi) magna ex parte per obedientiam vinculum conficitur.* Simile est paupertatis & humilitatis mediū, de quo ibidem §. 8. dicitur: *Ad unionem maxime juvabit rerum temporalium contemptus, &c.* inter temporalia namque honores, & dignitates, æque ac divitiæ, corporalesque commoditates computantur: nec minus illorum, quam horum bonorum contemptus ex Dei charitate sequitur, ut citatus §. 8. loquitur: peculiariter vero paupertatis medium, utpote religiosi ratione voti propriissimū, quod luculenter tradidit Basil. in const. monast. c. 19. ubi (inquit) *omnia communia sunt, animi, mentes, corpora, & ea omnia, quibus necessario ad victum, cultumque utimur, communis Deus, communis pietatis mercatura, communes labores, &c.* Idem profequitur c. 35. & Cassian. collat. 16. c. 6. afferens id Actor. 4. *Erat illis cor unum, & anima una.* Et statim subdit: *Et erant illis omnia communia.* Chrysost. li. 3. contra vitup. vitæ monast. & orat. de S. Philogonio, & alia congerit Gratian. 12. q. 2. c. dilectissimis, cum aliis.

Quædam vero sunt externa, partim generalia, ut obedientia, paupertas &c.

3 Alia vero sunt magis specialia, quale in primis est, quod in eodem §. 8. subjungitur, de uniformitate, & cōformitate in omnibus rebus etiam externis, ut in vestitu, victu, omnique vivendi modo; similitudo enim est causa amoris: & hæc vitæ uniformitas, ac communis consensus, maxime ad animorum unitatem juvat. Unde August. in Reg. c. 5. *Omnes unanimiter, & concorditer juvant:* ac si diceret, ut juvant concorditer, necesse est, ut vivāt unanimiter. Et subdit: *& honorate in vobis Deum invicem, cuius templum facti estis.* Quia Deus solus est, qui habitare facit omnes unius moris in domo; unde hæc uniformitas maxime facit, ut Deus in omnibus recognoscatur, & consequenter, ut omnes in Deo maxime uni antur. Huc spectat mensa communis, quæ adeo in Societate communis est, ut nullus quantumvis gravis, & antiquus, sive superior, sive doctior, sive cuiuscunque alterius conditionis ab illa excipiat, nisi ægritudinis causa, solo dempto Generali, cui ob grave pondus occupationum, aliasque causas, hoc singulariter cōcessum est in Congr. 3. generali c. 5. imo & in 7. Congr. decreto 7. commendatur maxime P. Generalis propensio, quam ipsi congregationi significaverat, ad tollendam privatam mensam, quod etiam non obtinuit, facto tamen ipso se illa privavit . Quam communiter antiquorum monachorum maxime commendat Chrysostom. l. 3. contra impug. vitæ monast. *Cuncta (inquit) illis communia sunt, mensa, domus, indumentum, & quod sane mirabilis est, unus etiam, idemque animus omnibus est:* indicans illam externam unitatem multum ad hanc animorum unitatem conducere.

Partim specialia ut uniformitas in vivendi modo.

4 Nec mensa solum dicitur communis in loco, & tempore, sed maxime in usu ciborum, nam iidem omnibus absque singularitate apponi debet, de quo Chryl. hom. 58. ad Populum de religiosis loquens, *una mensa & ministerium suscipientibus, & exhibentibus, eadem indumenta, habitacula eadem, eadem vita:* Et quid miraris (subdit) quod una sit omnibus dieta, vestis, & mensa, quippe cum omnibus sit una anima. Et ob hanc causā omnis etiam singularitas in communi mensa caverur, quia solet valde pusillorum animos offendere, & consequenter charitatem perturbare, ut optime docet Bernard. serm. 30. in Cantica. Quamquam hoc impedire non debeat, ut præcedenti c. nu. 17. in simili dixi, quominus necessitatibus omnium cum proportionē subveniatur, juxta illud, *dividebatur singulis, prout unicuique opus erat.* nam hoc ipsum charitas ipsa desiderat . Unde Bened. c. 34. Regule: *Non dicimus (inquit) ut per sonarum (quod absit) acceptum sit, sed infirmis acutum confici.*

Quomodo victus seu mensa communis.

consideratio: ubi qui minus indiget, agat Deo gratias, non contristetur: qui vero plus indiget, humilietur pro infirmitate, non extollatur pro misericordia, & ita omnia membra erunt in pace. Et S. August. c. 11. Reg. *Qui infirmi sunt ex pristina consuetudine, si aliter tractantur in vicio, non debet aliis molestum esse, nec injustum videri, quos fecit aliqua consuetudo fortiores: nec illos felices putent, quod sumunt, quod non sumunt ipsi, sed sibi potius gratulentur, quia valent, quod non valent illi.*

5 Huc accedit singularis ægrotorum, & infirmorum cura, quam nostra Societas proficitur, quæ illi quidem singularis non est, nā religiones omnes in ea splendent, & ab omnium fundatoribus maxime commendatur. Basil. c. 19. const. monast. ubi (dicit de vita cœnobitica) *qui infirma corporis valetudine est, complurium animos imbecillitatis sue participes habet: qui vero animo æger est, & affligitur, etiam complures præsto sunt, a quibus curetur, a quibusque quotidie erigatur; significans sub hac ægrotantium cura, omnia misericordiae opera comprehendendi, quibus fratres sibi invicem subvenirent, nunc infirmum curando, nunc afflictum consolando, nunc laborantem adjuvando, nunc etiam labantem confortando, aut jam lapsum corripiendo, & erigendo. Unde in regulis moralibus in 41. c. 2. lenitatem, & facilitatem circa infirmos valde commendat. Et in regulis brevioribus in 15. ait, ministrandum esse infirmis, ut fratribus Domini. Præterea D. August. in sua regula sæpius hanc infirmorum curam commendat c. 13. 28. 30. & 40. Et optime S. Benedictus c. 36. *Infirmorum cura ante omnia & super omnia adhibenda est, ut sicut revera Christo, ita eis serviat.* Et infra: *cura maxima sit Abbati, ne aliquam negligentiam patiantur, &c.* Quod confirmavit Innoc. III. in c. cum ad monasterium, de statu monachorum. Eidem rei providit S. Pachomius in sua regula c. 20. 22. & 23. ubi sunt illa verba notanda. *Dabunt ei ad omnem abundantiam, ut in nullo frater languidus contristetur.* Cui consonat, quod in præmio ad illam regulam de Aegyptiis monachis refer Hieronymus: *Ægrotantes miris sustentantur obsequiis, & ad omnem copiam præparatis cibis.* Et idem sumitur ex S. Dorotheo doct. 18. de vita recte instituenda.*

6 In regula S. Francisci nihil invenio de hac re expressum, tamen certum est eundem fuisse illius eximii sancti spiritum, quem copiose declaravit S. Bonav. lib. de sex alis Seraph. c. 4. to. 2. Opusc. in fine. Ubi inter alia optime advertit, non esse aliquibus denegandum infirmitatis subsidium, eo quod aliqui, vel ex illusione, vel ex malicia, interdum decipiant, sed potius subveniendum esse omnibus, ne boni, & vere indigentes fortasse patiantur. Et ideo etiam prudenter præcipit D. August. Reg. 28. *Si latens est dolor in corpore famulo Dei dicenti quod sibi doleat, sine dubitatione credatur, sed tamen ærum sanando illi dolori, quod delectat, expediat, medicus consulatur.* Præterea in Conc. Aquiligran. sub Ludovico Imper. c. 42. Clericis, seu Canonicis regularibus hæc regula maxime commendatur. Item Lupus in regula monachorum ex S. Hieron. c. pen. *Si quis (ait) caperit ægrotare, transferatur ad exedram latiore, & tanto senum ministerio confoveatur, ut nec delicias urbium, nec matris querat affectum.* Et in Regula Monachorum c. pen. sub nomine ejusd. Hieron. dicitur. *sumopere servetur in vobis, ut ægi infirmantes sorores cum omni sollicitudine, omni exhibeatur cura, &c.* quæ optime prosequitur.

7 In hoc igitur maxime studet Societas antiquos Patres religionum imitari, & hoc medio beneficentiae, & misericordiae erga infirmos charitatem fraternam conciliare. Ideo in 3. p. const. c. 2. §. 6. cum declaratione dicitur, ut ægrotorum magna cura habeatur: idque Preposito in suis regulis, §. 65. & Rectori §. 56. maxime commendatur, estque peculiare officium Præfecti sanitatis, qui in suis regulis, & infirmarius etiam in suis, accurate de hoc instruuntur, & monentur; & Provincialis in cap. 15. suarum regularum monetur, ut dum visitat, interroget, an cū infirmis, & hospitalibus debita charitas exerceatur, quod etiam invenitur in constitutionibus Minorum Guillelmi Farinarii c. 4. Præterea in Summ. const. §. 46. omnibus injungitur, ut de rebus ad salutem sibi necessariis superiores certiores faciant, ne fortasse ob ignorantiam eorum aliquid patiantur. Et in sequentibus regulis, variis modis cura subditorum in hac par-

te superioribus commendatur. Item in regulis communibus 16. & 17. & in 29. omnes instruuntur, quomodo ægrotos invisere, exhalare, & consolari debent. Quod etiam commendat Bonav. in Regula novitiorum c. 7. & ab antiquis religiosis fuisse valde observatum colligitur ex Dorotheo supra doct. 15. & Sozomeno lib. 6. Histor. c. 31. Ac denique, quod caput est, usu, & consuetudine ita est hoc charitatis officium in Societate susceptum, ut tam superioribus erga subditos, quam subditis inter se, nullum majori affectu exerceri videatur: quod a parente suo Ignatio, non solum verbo, sed etiam exemplo didicerunt, ut in vita ejus refertur lib. 5. c. 8.

8 Aliud medium superiori simile est, fratrum sociorumque ad nostra domicilia undique divertitium hospitalitatem cum omnibus signis, & operibus benevolentiae & charitatis. Quod quidem verbis satis commendatum est in Societatis regulis, multo vero magis usu receptum, & amplificatum. In consisten. enim nihil de hac re expresse habemus, sed supponitur ut clara, & præsertim in 4. p. c. 2. lit. F & 6. p. c. 2. lit. D. significatur, non solum nostros peregrinos humanissime tractandos esse, dum in loco aliquo versantur, sed etiam vestes & viaticum, si indigerint, eis esse præstandum: neque hoc posse esse paupertati contrarium, si charitati videatur necessarium; tamen in regula 82. Præpositi, & 80. Rectoris distinctius ita præscribitur: *charitatem magnam exhibeat erga alios de Societate per Collegium transeuntes, eosque amanter hospitio excipiat: ac meminerit se aliquo viatico, aut elemosyna eos, si indigerent, juvare posse.* Curet item diligenter dirigere, ac juvare expeditiones, hospitum, qui negotiorum causa domi versantur. Et in regulis Provincialis c. 35. in visitatione specialiter proponitur, ut inquirat, an erga nostros hospites debita Societatis charitas, & cura exerceatur. Unde colligitur officium hoc in unoquoque Societatis domicilio, ad totam in universum Societatem extendi, sine ulla nationum vel provinciarum distinctione, abique personarum acceptione, vel limitatione, sive professi sint, sive novitii, sive sani, sive infirmi; sive noti, sive ignoti; ad omnes magna charitas exhibenda est.

9 Quæ in primis in ipsa receptione ostendenda est; quæ esse debet cum externis signis maximæ amicitiae, qualia exhiberi solent de more regionis, a gravibus inter se amicis, aut etiam consanguineis. Et ideo cum in regula 34. ex communibus cautum sit, *ut nemo alium etiam joco tangat, ut ea, quæ religiosos decet, gravitas, & modestia retineatur*, subditur: *Præterquam in signum charitatis amplectendo eum, qui aut abis, aut redit peregre.* Deinde non solum signis, sed etiam multo magis omnibus misericordiae, & humilitatis operibus utendum est, nec laboribus, nec sumptibus parcendo, quantum & religiosa paupertas permittit, & fratris necessitas postulat. In quo plane imitatur Societas, quod de antiquis monachis refert Chrysost. homil. 58. ad Populum: *omnes ex ministrantium sunt numero, & hospitum quisque pedes abluit, & multa de hoc contentio, & hoc facit non examinans quis ille sit, & utrum liber sit, an servus, sed unicuique ministerium hoc exhibet. Nullus ibi magnus, nullus parvus.* Eandem charitatis ostensionem valde commendat Benedictus c. 53. suæ regulæ; ubi generalius quidem loquitur de omnibus hospitibus, multo vero specialius de propriis fratribus id intelligit.

10 Eodem modo loquitur Basil. in Regulis superioribus c. 20. ubi tamen multum commendat, ne in convivando cum hospitibus religiosa modestia, & paupertas excedatur: *Quid (inquit) nobis cum apparatus sumptuosus? Accessit ad nos hospes aliquis? Si frater est, & idem nobiscum vitæ institutis habet, is domesticam suam mensam agnoscat, quippe cum, quæ domi reliquerit, ea inventurus sit apud nos. At defatigatus ex itinere: eatenus cum ipso prolixius liberaliusve agatur, quatenus ad recreandam ejus lassitudinem satis sit.* Et post multa, quæ de hoc argumento eleganter prosequitur, & valde notanda sunt ad vitandos excessus, quos non charitas, sed vanitas, vel ambitio, in suscipiendis hospitibus, secularibus præsertim aliquando introducit, concludit, unumquodque debere juxta suam qualitatem, & necessitatem tractari, ita tamen, ut cibaria, quæ promiscue omnibus apponuntur, ejusmodi sint, quæ cum vili pretio, sum parvo etiam negotio comparentur. Adhibenda tamen in men-

a Princi:
pale me-
dium mu-
tue cha-
ritatis,
ægrotan-
tium cura,

3. Med um
hospitali-
tas erga
fratres.

Simulata
quorum-
dam infir-
mitas non
debet re-
tardare
ab hoc
medio.

Didia
hospitali-
tas signis
benevolæ-
tatis osten-
denda.

Diæum
medium
studiose
observat
Societas.

In ipsa
hospitali-
tate fru-
galitas
tenenda:

Sancessaria ubique munditia, atque elegantia, ita tamē ut nunquam extra fines nostros egrediamur.

4. Medi
colloquiū
inter fra-
tres fl.
hora.

11. Hec fortasse ceteris religionibus communia videbuntur: addamus igitur medium aliud, quod aliquibus ita videtur in Societate singulare, ut vel ob eam rem illud reprehendere non vereantur. Est enim in Societate consuetudo, de qua in regula Reclitoris 55. & Præpositi 56. ut singulis diebus una hora post prandium, & alia post cenam, vel dimidia, cum a cœna abstinetur, fratres omnes inter se familiariter, & amice in eodem loco, si fieri possit, conveniant ac colloquantur. Quæ consuetudo, licet occasione tuende salutis etiam introducta sit, 3. p. constit. c. 2. §. 4. lit. D. præcipue tamen ob charitatem fovendam retinetur. Quoniam amicitia, Aristotele teste, communicatione crescit, taciturnitate dissolvitur. 8. Ethic. c. 5. unde etiam Clemens I. epist. 1. monet fideles, ut frequenti inter se communicatione, etiam in mensa, charitatem fraternam foveant. Quod fuisse in primitiva Ecclesia usitatum statim dicemus, satisque pervulgatum est. Quippiam simile de antiquis Ægypti monachis indicat Hieronymus epistol. 22. ad Eustoch. de custodia virgin. solitos fuisse per decurias ad mensam convenire, & postea hymno dicto, seu post gratiarum actionem, usque ad vespem (ait) cum suis unusquisque loquitur, & dicit, vidistis illum, & illum: quanta in illo sit gratia? quam moderatus incessus? si infirmum viderint, consolantur: si in Dei amore ferventem, cohortantur ad studium.

Obiectio
contra
hoc me-
dium ab
incom-
modis.

12. Dices: esto confabulatio aliqua ad hunc finem utilis sit, tamen quotidianam, & duarum horarum, videri nimiam, tum quia silentium ab omnium religionum parentibus summe commendatur: tum etiam, quia in multiloquio non potest deesse peccatum; unde vix fieri potest, ut frequens locutio, & per horas integras, non sit occasio multa peccata, saltem venialia, committendi; præsertim eo tempore, quo animus est ad loquendum proclivior; & per calorem cibi, quodammodo inflammati facilius relaxatur, ut ait Hugo de S. Victore in Instit. novit. c. 18. unde fieri potest, & fortasse interdum contingit, ut, quod videtur esse medium ad charitatem fovendam, eam plurimum lædat, vel quia in tam prolixo sermone detractiones, aut murmuraciones miscantur, vel quia contentiones excitantur, quæ in iras, & rixas saltem leves erumpant.

Redargui-
tur ob-
iectio.

13. Hic vero ab iis, qui ita recreationem hanc reprehendunt, percontari libet, danda ne sit aliqua religiosis viris, qua ordinaria exercitia intermittant, de se quidem indifferens, sed quæ in bonum ordinari queat: Certe non negabunt, tum ne suæ ipsorum consuetudini detrahant, tum ne sanctorum etiam Patrum, ne dicam sapientum Philosophorum, communis sensui contraveniant. Sic enim Clem. Alex. lib. 3. prælagogi c. 10. supra modum laborare, & pessimum est, & morborum causa. Neque ergo oportet esse omnino otiosum, neque esse omnino nimis laboriosum. Et August. lib. 2. de music. in fine: volo tibi parcas, labor est in chartis, & apertum ire per auras animum permittas: nam sapientem interdum remittere aciem rebus agendis decet intentam. Ambros. lib. 3. de Virgin. colum. 4. quod velis prolixè facere, ali quando ne feceris, quod ibidem paræmiā esse testatur: atque hanc doctrinam de honesta, & moderata recreatione, quam nomine ludi significat, probat tandem D. Th. 2. 2. q. 168. ar. 3. At mutua colloquutio facilius est religiosis, quam ceteræ recreationes, quæ quoniam varia requirunt instrumenta, operosæ sunt, nec quotidianæ, de qua loquimur, religionum recreationem decet. Accedit, quoniam colloquutio nullo negotio potest de indifferenti reddi honestissima, si de rebus iis transigatur, quæ in Societate pro materia colloquendi proponuntur, ut infra num. 17. attingemus: præstat igitur ceteris genus hoc recreationis ordinariæ.

Formalis
responsio
ob-
iectio-
nis, hoc
medium,
si debite
usurpetur
charitati
prodeste.

14. Jam vero ad objectionem directe responderetur, nihil esse tam sanctum, ac religiosum, quod non possit per abusum perverti: sicut olim sancta intentione fecerunt inter se fideles usitata convivia, quæ Agapes vocabantur, quorum n. meminuit Clemens lib. 2. cont. Apost. c. 28. ut ibi notat Turrian. & commemorat etiam Tertullian. in Apologo. c. 39. & libro ad Martyres c. 2. & tamen tempore D. Hieronymi in tantum abusum abierant, ut dicat ipse epist. 22. ad Eustochium: Unde in

Ecclesiam Agapetarum pestis introiit. Sic igitur non negamus ex hoc sancto exercitio posse sequi incommoda, & interdum remissionem nimiam: non tamen propterea prohibendum esse, & in aliud extremum declinandum, sed per religiosam disciplinam ita dirigendum, ut inconvenientia præveniantur, & Societas suo fructu non privetur: unde hæc consuetudo hæc Societatis ad charitatem fratrum conciliandam, & nutriendā, utilissima visa est, & experimento comprobata.

15. Nec solum ad charitatem fovendam, sed etiam, ut ex constitutionibus & ex Alexandrino supra attulimus, ad corporum salutem conservandam visa est necessaria, nec multis ante annis a gravibus religiosis experimento comprobata. Nam humana conditio non fert perpetuam animi contentionem in studiis, aliisque spiritualibus exercitiis, & ideo quietem aliquam & relaxationem postulat, ut egregie D. Th. explicat citata q. 168. ar. 2. & 4. afferens vulgatum exemplum S. Joannis Evangelistæ de arcu nimium inteso, aut continue sagittas emittente, quod durare non possit. Quod etiam refert Abbas Abraham apud Cassian. collat. 24. c. 21. Et ob hanc rem tempus illud electum est, quod simul utrique fini animos laxandi, & conciliandi deserviret: quia nullum est ad mentis exercitia obeunda minus opportunum; tunc enim animus in eis parum profuit. Ut enim dixit Abbas Moyses apud eundem Cassianum collat. 2. c. 26. Recens es cæperceptio, tam in vespertinis, quam in nocturnis orationibus tenuem, levemque sensum inveniri non sinit. Et alioqui talia exercitia eo tempore multum corpori nocent. Unde etiam Jurisconsultus in l. medicus, ff. de operis libertorum, ita dicit exigendam esse operam a libertis, ut liberalis sit exactio, id est, (ait) ut acquiescere meridiano tempore, & valetudinis & honestatis suæ rationem habere sinantur. Quia ergo religiosi Societatis & literariis & spiritualibus exercitiis perpetuo intenti esse debent, neque ullam fere aliam intermissionem, aut animorum relaxationem habent, præter hanc familiarem inter se & honestissimam conversationem, imo & quorundam aliàs indifferentium recreationum instrumenta eis vetantur in 3. p. constit. c. 1. §. 14. & in regula 36. Reclitoris, ideo huic otio illa tempora aptissime designata sunt, & in 6. tandem Congr. decreto 3. post multam discussionem, dicta recreatio retenta fuit, cui etiam moderatione variæ sunt adhibitæ, tum in eadem 6. Congreg. decreto 47. 48. 105. tum in septimæ decreto 21. nu. 4. & can. 8. ac 9. quæ ibi videri possunt, atque etiam in ordinationibus toti Societati communibus c. 4. nu. 31.

Prod. se
quoque
valerudi-
ni.

16. Unde etiam existimo, si cum debita moderatio ne, & prudentia hoc medium suscipiatur, non solum non impedire, sed juvare plurimum posse ad profectum tam in literis, quam in spiritu. Ut enim dixit Basil. in constit. monast. c. 8. sæpenumero contingit, cum exortum in animo tedium suscepta peregrinatio discutit, & spatium ad colligendas denuo vires, ac sese colligendum refocillandumve dato, alacriorem ad capeffenda de integro pietatis certamina facit. Loquitur de egressu ex monasterio prætextu visendi & conveniendi fratres, quem non consulit frequenter, & sine causa fieri; tamen ob prædictum finem & ad tollendum tedium, ut majoribus animis ad consueta exercitia redeatur, non solum consulit, sed etiam, ait, inanis & inflati animi esse, austeritatis colore hoc charitatis officium evitare. Simili ergo modo nos dicimus facilius esse intra eandem domum tedium hoc congruis temporibus levare, ut inde cum majori fervore, & contentione, ad opera consueta revertamur. Aliud exemplum simile apud Cassianum invenio, qui loquitur de charitativa susceptione fratrum ad nos venientium, quæ interdum videri potest nostram animi contentionem interrompere & impedire. Et tamen in collat. 24. c. 20. sic ait Abraham Abbas: Illa remissionis, atque humanitatis intercapedo gratissima, quæ nonnumquam pro adventu fratrum intervenire consuevit, licet molesta vobis ac fugienda videatur, tamen quam sit utilis ac salubris tam corpori, quam spiritui vestro paucis accipite. Sæpe accidit, non dicam novitiis, & infirmis, sed etiam experientissimis, atque perfectis, ut nisi mentis eorum directio, atque censura, quibusdam fuerit munita vicissitudinum laxamentis, aut in teporem spiritus, aut certe in perniciosam corporis valetudinem.

Ino pro-
desse pro-
gredi in
studii, &
virtuti-
bus.

letudinem collabatur. Et ideo a prudentibus, atque perfectis cum intercesseris crebra etiam fratrum visitatio, non solum toleranda patienter, sed etiam grante est amplectenda. Quæ omnia in nostram quotidianam intercedentem per mutuam fratrum colloquutionem egregie conveniunt, nam prorsus eisdem fines, & eisdem fructus habet, quos statim commemorat, dicens: *Primum, quod provocat nos avidius semper solitudinis desiderare secretum: nam quodammodo cursum nostrum, dum interpellare creditur, infatigabilem, jugemque conservat, qui si nullo interdum obice tardaretur, usque ad finem contendere indefessa pernicie non posset.* Deinde, quod necessitas recreandi corpusculi, cum fructu humanitatis indulget, majora nobis confert lucra, cum jucundissimo corporis laxamento, quam illa sint, quæ per abstinentia fatigationem fuerant acquirenda: quæ omnia nostro proposito egregie accōmodantur: nam revera eadē omnino rationes in præsentī exercitio locū habēt.

17 Alia præterea consideratio adhiberi potest, quia hoc medium est etiam utile Societati ad finem suum præcipuum conversationis animarum, quem magnopere consequitur conversando cum hominibus, & de divinis rebus suaviter, ac discretè loquendo; ad hoc autem valde proficiunt religiosi Societatis in his, quæ inter se habent religiosa colloquia; quæ frequentius esse debent de divinis rebus, cujusmodi præscribuntur in instructione 14. de renovatione spiritus, ad finem; & ita usu addicunt suis temporibus tacere, & suis prudenter, & fructuose loqui, quod est optimū silentii genus; ut indicavit Ambr. in Psalm. 118. Octovar. 2. in princip. & optime toto c. 10. lib. 1. de offic. Pythagoras (inquit) suis silentium imposuit, ut nō loquendo loqui doceret. David, ut loquendo magis disceremus loqui, quomodo enim sine exercitio doctrina aut sine usu profectus? &c. quod late per varia artium humanarum exempla prosequitur, & concludit: Ita ergo, qui volunt discere cautionē loquendi, quod natura est, non negent, quod custodia est, exercent.

18 Accedit, quod per hanc, qualemcumque animorum remissionem majora profecto vitantur incommoda in tota communitate. Cum enim singulis fere personis intermissio aliqua necessaria sit, tam quoad labores corporis, quam quoad sanctum otium & silentium, ac solitudinem, multo major est hæc necessitas in tota communitate, quia non potest tota esse æque fortis viribus corporis, aut spiritus, sed plures in ea frequentius sunt debiles, & infirmi. Unde fit, ut nisi habeat communitas regularem aliquam, & ordinatam, ac certam intermissionem suis definitis temporibus, ac modo etiam a religione præscripto, periculum morale sit, ut multi arbitrio suo relaxationem accipiant, & quidam inter se suo arbitrio secretam familiaritatem ineant; alii non absque valetudinis periculo statim somno indulgeant, alii modos alios recreationis inveniant: in quibus sine dubio majora incommoda regulariter misceri possunt. Nec posset tota communitas, ut n. 13. insinuavi, omnibus his remediis privari, & in perpetuo rigore contineri, sine magna violentia, & coactione, quæ nec durabilis est, nec tantum fructum spiritualem afferre solet. Et ita licet ex hac nostra recreatione, quæ sola commodior videtur, ut illo n. 13. ostendimus, aliquid incommodi sequi possit, quasi nihil æstimandum est, comparatione eorum, quæ in opposito timeri possunt.

19 Eo vel maxime quod incommoda, quæ obijciuntur, vel nulla sunt, vel præveniri moraliter possunt. Nam quo ad silentium attinet, fatemur esse maximum decus & custodiam religionis, sed in illo etiam est modus, & medium servandum. Nam aliæ etiam religiones, ordinariæ loquendo, non simpliciter silentium præcipiunt, neque omni tempore, sed certis temporibus, ac locis, extra quæ facultas concedi solet modeste loquendi, & animos relaxandi; ut bene explicatur in regula monialium nomine S. Hieron. c. 22. Societas vero definitis temporibus, ac locis hanc facultatem concedit; extra tempora vero recreationi assignata, silentium ita servare præcipit, ut nemo loquatur nisi obiter, & per paucis, aut de rebus necessariis, ut in reg. 26. ex communibus dicitur; & per frequentes regulas optime explicatur. Deinde tēpus duarum horarum, considerata distributione earum, & occasione, ac necessitate, non potest videri nimium, tum quia ante quamlibet ex his horis recreationis antecede-

dere solent sex, vel septem horæ, in quibus continue exercitiis spiritualibus, aut studiis, aut ministeriis erga proximos insistitur; tum etiam, quia post prandium, quantumvis temperatum, ad minimum unius horæ tēpus necessarium est, ut possit animus sine magno corporis detrimento ad graviores occupationes redire. Ideo enim, ut dixi n. 13. tempus illud electum est. Nec refert, quod in aliquibus religionibus in eo tempore silentium commendari solet, ut patet ex regula S. Benedicti c. 48. & in regula Monach. nomine S. Hieron. c. 38. & Pachomius in sua regula 14. inquit: Si egressus fueris a cibo, ne loquaris in redeundo, donec ad locum tuum reversaris. Sunt enim diversa instituta, & in ordine ad diversos fines, aut pro temporum, ac circumstantiarum diversitate potest unum, vel alterum expedire: consideratis autem fine, & occupationibus Societatis, hoc medium existimamus esse illi magis accommodatum.

20 Quam ob rem non potest illud censeri multiloquium, in quo non solet deesse peccatum: nam illud dicitur de multiloquio superfluo, & incauto; illud autem nec superfluum est, sed de se moderatum & sperandum est a viris religiosiis, non temere, nec incaute fieri. Præferim, quia ex parte religionis maxima adhibetur cura, ut & materia illi conversationi præscripta sit, ut diximus in fine num. 17. ita ut & levare possit animos, & neminem offendere, & loquentes, ac audientes edificare: & modus sit etiam religiosus, ac moderatus, & ut contentiones, ac verborum pugna vitentur. Ac denique attenditur (quod D. Thom. dicit. qu. 168. art. 2. consultit) ne gravitas animæ totaliter resolvatur. Ubi ex Ambr. 1. officior c. 20. simile documentum adducit: caveamus, ne dum relaxare animum volumus, solvamus omnem harmoniam, quasi concentum quandam bonorum operum. Cui consonat elegans sententia Basilii in consilio monast. c. 13. vitanda omnes omnino in sermone faceria, & scurrilis dicacitas, sicut, &c. Et infra: si usus incidit aliquando ut remittenda aliquantulum tristitia causa sermone ad hilaritatem excitetur, danda omnino opera, ut spirituali lepore refecta sit oratio nostra, & Evangelico sale condita, ut recte, qua interius sit, sapientia gratum foras odorem aspires, dupliciterque auditorem, & animi relaxatione, & intelligentia festivitatis delectet. Idem quoque monet Clem. Alexandrinus lib. 2. Pædag. c. 5. Studii (inquit) nostri acrimoniam, & nimium intensam vehementiam moderate remittentes, non autem inconcinne dissolvētes. Et in opere ad fratres de monte Dei apud Bern. satis ante mediū, ita habetur: Non tam quod animū delectando ad horam detineas, quā pro spiritualibus studiis delectationem conserves, & nutrias, in quo remittatur ad horā animus. nō resolvatur.

21 Nec solum contenta est Societas ea communicatione, quæ animos eodem loco habitantium in unum cor, & animum jungat, sed etiam ab absentibus fratribus illam consulit literarum communicationem, quæ ad eundem finem inseruiat. Unde S. P. N. Ignatius 8. p. inter abbas c. 1. §. 9. de mediis ad hanc unionem totius Societatis scribens, magnopere (inquit) etiam juvabit literarum ultro citroque missarum inter inferiores, & superiores frequens commercium, & crebro alios de aliis certiores fieri, ac audire, quæ ex variis locis ad edificationem, & eorum, quæ geruntur, cognitionem afferuntur. Extat etiam hac de re instructio data an. 1594. præscribens modum in his literis tenendum, consonatque huic institutioni, quod Basil. scribit in regulis moralibus reg. 70. c. 1. Qui Dei beneficio recte aliquid fecerit, is cateris quoque notum facere illud debet, ut Dei gloria crebrior efficiatur. Afferque de hoc Apostolorum exempla Actor. 14. Ephes. 6. Unde idem Basil. ep. 55. ad Ambros. inter magna Dei dona numerat, quod quam longissime propter locorum distantiam se junctis, per literarum alloquium mutuo coalescere dedit. Et infra illum excitat ad hoc necessarium charitatis officium: Quod dilectionis (inquit) erga nos fundamentum jecisti, in ipsam structuram assiduitate nostri alloquii excitare, ac provehere stude. Nam hoc pacto spiritu poterimus conjuncti esse, licet terrestri habitatione quam longissime alter ab altero diffusi simus. Hinc etiam antiqua fuit in Ecclesia consuetudo, ut essent inter fideles comunicatorii (sic enim eas appellabant) literæ, quibus invicem inter se catholici communicare, & fidei suæ testimonium præbere solebant,

Noceat
medio in-
struimus
ad agēdū
cum pro-
ximis.

Vitantur
majora
incommo-
da, quam
ex oppo-
sito seque-
rentur.

Ad ino-
modum
allatum
n. 12.

Ad 2. in-
commodū
in eodem
n. 12.

Confule
instru-
tionē 14.
pro reno-
vatione
spiritus
c. 9.

5. Mediū
mutua
commu-
nicatio
inter ab-
sentes per
literas.

Attenda-
tur & pri-
mæ fide-
lium con-
suetudo.

lebant, de quibus mentionem facit Optatus l. 2. de schismat. Donatist. & August. epist. 163. ad Eleusium.

22 Ultimo finis ipse, & ministeria Societatis, & hanc unionem maxime requirunt, & ad illam valde juvant. Est enim Societatis finis animarum salutem procurare, & consequenter ministeria postulat huic fini accommodata. Hinc ergo in primis fit, ut quilibet de Societate prius, & impensius procurare, & desiderare debeat suorum fratrum salutem, quam externorum, quia charitas ordinatissima est: unde sicut inclinatur ad querendam prius propriam spiritualem salutem, quam alienam; ita etiam inter alios prius intendit, & querit salutem spiritualem, spirituum fratrum, totiusque corporis Societatis, quam externorum. Et hinc oriri debet summa illa cura, ac diligentia, quam Prælati Societatis de spiritali profectu suorum filiorum habere debent. Hinc etiam ortum habuit illa regula Societatis, *ut omnes parati sint ab aliis corrigi, & ad aliorum correctionem debita charitate juvare*: & illa: *ut omnes in suis colloquiis, & sermonibus se invicem ad charitatem fraternam, & alias virtutes excitare procurent*. Ex his ergo actibus, & affectibus multum hanc unionem augeri necesse est; nam, cum omnes nihil tam desiderent quam propriam salutem, & perfectionem, cum hoc desiderium mutuum in omnibus conspiciant, & ab omnibus tam verbo, quam exemplo juvari se sentiant, in mutuo etiam amore multum proficiunt. Accedit, quod omnes in zelo de salute animarum maxime conspirare debent, & se invicem ad hunc finem juvare: ad hoc autem in primis necesse est, ut multum inter se sint concordēs & uniti. Ut enim dixit eleganter Chrysost. hom. 77. in id Joan. 16. *ut sint unum, sicut ego & tu unum sumus. Nihil est concordia, & mutua voluntati equiparandum: unus enim multiplex est. Si enim concordēs sint duo vel decem, non amplius erit unus, sed eorum unusquisque sit decuplus, & invenies in decem unum, & in uno decem*, & infra: *Ecce dilectionis excellentia, quo pacto unum inseparabilem, & multiplicem reddit, & unus in multis simul locis, in Perside & Rome esse possit, & quod natura non potest, dilectio potest*. Quod hactenus per divinam gratiam in Societate mirum in modum experimur, faxitque Deus, ut in perpetuum conservetur, & augeatur.

CAPUT IX.

Quibus mediis religiosi Societatis juventur ad virtutes solidas, infra Theologales, comparandas.

1 **P**RÆter charitatem, cæteraque Theologales virtutes, ac religionem, quæ Deum ipsum, suo etiam modo, attingit, moralium omnium virtutum conventus ad exactam animi perfectionem necessarius est; tantoque erit verior ac solidior perfectio, quanto hæc virtutes solidiores fuerint. Ideoque B. P. N. Ignatius filios suos de solidis virtutibus acquirendis frequenter admonet 3. p. const. c. 1. §. 10. *Ad veras* (inquit) *solidasque virtutes consequendas insistant, sive plures adsint spirituales visitationes, sive pauciores, curent vero semper in via divini servitii progressum facere*. Et §. 27. *Studium in quod incumbunt, qui in domibus Societatis probantur, id esse debet, quod eos magis ad superius dictam abnegationem sui, & in virtutibus ac devotione profectum juvabit*.

2 Veras autem virtutes appellat S. Ignat. quæ non in externa specie, & opinione hominum, sed in Dei conspectu ex sola intentione divinæ gloriæ, & ipsius virtutis, ac honestatis affectu exercentur. Solidæ autem virtutes dicuntur, quæ in vera animi humilitate, & contemptu rerum omnium temporalium, puroque Dei amore fundantur. Sic D. August. serm. 59. de tempore explicans illa Christi verba, *nesciat sinistra tua, quod facit dextera tua. Quid est* (inquit) *nesciat sinistra tua, quod facit dextera tua, nisi quod fecit amor Dei, non corrumpat amor mundi*. Et infra exponens illud: *Cum oraveris intra cubiculum tuum, &c. Si temporalia quaeris* (inquit) *sicut jam dixi, publica est oratio tua, si aterna quaeris, secreta est oratio tua*. Ita ergo veræ, ac solidæ virtutes dicuntur, quæ ab affectu, & intentione rerum temporalium animam separant, & in solo Dei, & æternorum bonorum amore fundantur. Quod elegantissime declaravit Cyprianus lib. de Cardinalibus Christi

Snarez. Tom. XV.

operibus cap. de Jejunio, & tentatione; quod enim ipse de Jejunio & corporis maceratione dicit, nos de quovis virtutis genere, verum esse intelligamus: *Virtutum* (inquit) *sudoribus laus importuna se ingerit, & subtilissimis aculeis penetrans animam, dum extollit, emollit, & pungit, cum ungit: virtutem in hypocrisim vertit, & simpliciter inchoata pervertit. Quasi tinea, quod integrum erat, rodit, & occupat, & sanctitatis fundamenta evellit, & dissipat. Et infra: mens hoc veneno imbuta in miseriis deliciatur, & occupata hac scabie, in ulceribus gloriatur. Religio fit superstitio, & succedit ei ambitio subornata: extincto spiritu quatrigeno cadaveri solus superstit exuvie, virtutis species exanimis, & simulacrum sanctitatis*.

3 Ex his autem causam, & rationem intelligere licet, ob quam, cum veræ, solideque virtutes cujusvis gradus, & conditionis hominibus necessariæ sint, specialiter in hoc Societatis statu commendentur: Primo quidem propter periculum, quia inter proximos frequenter versamur, ut eos ad virtutis studium excitemus; & ideo cavere maxime debemus, ne ostentatione virtutis, potius quam veritate, contenti simus; timere etiam debemus, ne inanis gloria, quæ (ut Bernard. dixit) *virus virtutis est*, veritatem virtutis extenuet, aut corrumpat. Præterea in hoc statu necesse est variis occasionibus, ac tentationibus, & persecutionibus virtutes omnes probari; quare nisi solide sint, magna ruina timeri potest. Præsertim, quia, ut dicitur in eisdem Societatis constit. p. 10. §. 2. ad ipsummet finem auxilii animarum, & ad consequendam æternam salutem efficacissimum mediū est probitas, & virtus ministrorum ejus, quia & per illos disponuntur, ut a divina manu, cujus est principaliter hoc opus, recte gubernentur; & quia virtutum exempla plus proximum movent, quam verba, ut in eisdem constitutionibus dicitur p. 7. c. 4. §. 2.

4 Unde tandem accedit, quod in exteriori modo vivendi hujus religionis, quantum ad victum, & vestitum spectat, nihil est singulare, quo proximos movere, aut in admirationem rapere possit; quod alii religioni austeriorem vitam proficere magna laude, & fructu præstare solent; & ideo nisi religiosi Societatis veritate virtutum & magna prudentia, ac moderatione suarū actionum effulgeant, parū hominibus lucere, ac prodesse poterunt; & nisi cū hac ostensione veræ, ac integre virtutis soliditatem habeant, spiritum eorum extinguatur, & sola virtutum simulachra (ut Cyprianus ajebat) relinqui sit facile.

5 Sed videamus, quibus mediis ad has virtutes comparandas alumnos suos Societas instruat. Multa quidem in superioribus lib. 1. c. 3. & toto lib. 4. adduximus; nam ea, quæ de modo paupertatis hujus religionis diximus, plane continent solidissima fundamenta cujusque perfectæ virtutis, quia plane tollunt sollicitudinem omnium temporalium rerum, & omnem etiam occasionem præscindunt excessus, & voluptatis nimie, vel vanitatis in usu illarum. Quæ vero de castitate diximus, magnam animi, & corporis puritatem generare valent. Denique perfectio obedientiæ, quam declaravimus, unicum, & efficacissimum medium esse potest ad cæteras virtutes, cum soliditate, & veritate acquirendas: nam perfecte obediens soli Deo nititur, ejusque regitur voluntate, quæ regula est omnis perfectionis. Præterquam quod perfecta obedientia, sine perfecta humilitate esse non potest; humilitas autem solidum fundamentum est cæterarum virtutum. Utrumque paucis verbis (ut alia omittam) optime complexus est Joannes Climacus gradu 4. de obedientia, dicens: *vidi illic viros quinquaginta fere annos in obedientia certamine egisse, a quibus cum addiscere orarem, quam ex labore isto consolationem, quem profectum invenissent: alii quidem in abyssum humilitatis se jam pervenisse dicebant, per quam bellum omne semper excluderent, ac superarent. Alii sensum omnem laboris, & doloris in maledictis, & contumeliis se perfecte amisisse dicebat*. Quo signo nullum potest esse majus perfectæ, ac probatæ virtutis.

6 Ad hæc virtutes, quæ Deum ipsum attingunt, adibus orationis, & religionis perficiuntur: de quibus quantus sit usus, quantaque cura in Societate, lib. 8. ostensum est. Virtutes autem, quæ operantur circa proximum, in hoc verbo continentur, *diliges proximum sicut teipsum*. Quæ dilectio, quam sit cordi Societati, & quorū modis in ea exerceatur, satis perspicuum est, & in

Cur Societatis virtus specialiter commendatur hæc virtutes.

Quibus mediis instruuntur a se comparantur. 1. Est modus trium vocorum in Societate.

2. Est oratio, & alii actus religionis. 3. Est exercitium virtutum attinens, ad proximos.

Ultimum mediū augere fraterne charitatis, cura cujusque pro alterius profectu.

Item zelus quo conspirat socii ad salutem externorum.

Veras, ac solidas virtutes in suis finibus requirit S. Ignatius.

Quæ sint veræ virtutes.

Quæ solidæ.

sequenti libro dicitur copiose, & ideo nihil hic agimus de virtutibus iustitiæ, tam commutativæ, quam distributivæ, & si quæ aliæ sunt illis annexæ; quia hæc, cum in suis ordinariis actibus magis sine necessitatibus, quam consiliis, supponuntur potius, quam docentur in religioso statu; & præsertim in illo, in quo quantum rerum temporalium contemptus præcipitur, tantum proximorum dilectio commendatur. Alię denique sunt virtutes, quæ hominem in seipso componunt, ac moderantur, quarum soliditas ex duobus affectibus maxime pendet, scilicet ex contemptu honoris, cui vera humilitas respondet, & abstractione a corporis voluptatibus, quæ sensuum omnium perfectam mortificationem postulat; de his enim duobus dictum legimus B. Franc. *Amaro pro dulcibus sume, & te ipsum contemne si me vis agnoscere, Quia ratione Societas curet affectum honoris moderari in suis religiosis.*

7 In affectu honoris moderando, & humilitate nutrienda, magna ex parte institutum Societatis versatur. Hæc enim in primis tendunt omnia, quæ de non ambiendis dignitatibus, in superioribus lib. 6. a cap. 7. diximus. Deinde non solum dignitates, sed etiam omnia alia manera, quæ honoris speciem præ se ferunt, etiam si oneris, & laboris sint, non licet in Societate procurare, & impulo minus extra Societatem. Unde ob hanc causam ablata est occasio obtinendi cathedram in publicis universitatibus, per publicas oppositiones, seu congressus, ac suffragia, ut declaratum est in superioribus. Et ob eandem gradus magistrorum, aut Doctorum, nec a subditis procurari permittuntur, nec a superioribus intuitu dignitatis concedi, sed solum ubi necessitas, vel utilitas proximorum postulaverit. Et tunc etiam non admittuntur loca certa singulorum, ut ab omni ambitionis specie recedatur, ut in constitutione dicitur, & supra citato lib. 6. tractatum est.

8 Atque hæc sunt spectant, quod inter religiosos Societatis nolumus antecessione, aut præminentiæ ex antiquitate, vel ex numeribus, acquiri in sedendo, in ratione victus, aut vestitus, vel in privilegiis, aut exemptionibus ab observantia communis: sed solum habetur ratio necessitatis, generatim loquendo. Nam quoad sedendum in Refectorio sacerdotali dignitati aliquid deferretur, ut sacerdotes omnes simul, & digniori loco sedeant, nullo tamen inter ipsos antiquitatis ordine servato, sicut neque inter cæteros inter se, ut habetur in can. 30. 1. Congreg. quod ad humilitatis profectum utile esse, & consentaneum consilio Christi D. monentis, ut in convivio novissimum locum unusquisque affectet, docuit optime Basil. reg. 2. ex superioribus. Solum in congregationibus generalibus, & provincialibus ordo antiquitatis in sedendo servatur; id vero non tam propter honorem personarum, quam propter bonum ordinem in illo actu necessarium, & maxime ut suffragia prius a provecutoribus, magisque expertis proferantur; superioribus etiam honorabilior locus semper debetur, quia decencia dignitatis, & reverentia illis debita illa postulat: in reliquis vero, quæ ad personalem commoditatem pertinent, cæteris æquales sunt. Hæc autem omnia, atque tanta, tamque perpetua vitæ communitas plane requirunt magnam animi moderationem, solidamque virtutem; alioqui diu tolerari & conservari non posset. Nam, ut in simili dixit Basil. epist. ad Canonicam. *Hæc quidem dum simpliciter hoc modo dicuntur, levia videntur, ac nullius pene difficultatis, ejusmodi sunt tamen, in quibus servandis magna opus esse contentione, ipse non usus docuerit.*

9 Hæc, & alia id genus multa in Societate diligentissime observantur, ut omnis ambitionis occasio, omneque humilitatis impedimentum penitus auferatur. Quia vero hoc satis non est, sine frequenti humilitatis exercitio, tam interno, quam externo, ut prudenter sancti & religionum institutores tradiderunt Basil. qu. 98. ex brevioribus, Bernard. ep. 47. Bonav. in speculo disciplinæ c. 5. utrumque exercitium frequens in Societate existit, & primo teste D. Benedicto c. 1. suæ regulæ, primus humilitatis gradus est propriæ voluntatis abnegatio. Nam, ut ait Cassianus lib. 4. de instit. renunciatione c. 8. Humilitatem cordis veram nemo acquirere potest, qui prius voluntatem propriam non didicerit renunciare. Hic autem humilitatis gradus optime perficitur,

quando non sola voluntas, sed etiam iudicium alterius iudicio submittitur. Sicut enim suprema hominis excellentia in intellectu posita est, ita supremus humilitatis gradus in illius submissione, & subiectione conspicitur. Quantum vero huius internæ humilitatis exercitium in Societate commenderetur, in superioribus late est declaratum lib. 4. c. 14. & 15. & verba illa const. satis ostendunt. 3. p. c. 1. §. 23. *contentur interius resignationem, & veram abnegationem propriæ voluntatis, & iudicii habere.* Quod adeo necessarium in hoc instituto iudicio, ut censam in hoc maxime habere locum, quod Cassian. d. c. 8. dixit: *Nec cum fratribus unitatem perpetuam, nec firmam diuturnamque posse habere concordiam, sed nec in cenobio quidem posse diutius perdurare eum, qui voluntatem suam non didicerit superare.* Sic enim longa experientia didici, non posse quempiam, aut quietum in Societate vivere, aut diu in ea permanere, qui voluntatem & iudicium moderari, frangere, ac frequenter abnegare non didicerit. Huc accedit exercitium aperiendi conscientias proprias superioribus, omniumque consiliorum suorum, imo & cogitationum rationem reddere. Quod esse opus magnæ humilitatis, & ad illam comparandum apissimum, docet etiam Cassianus d. lib. 4. c. 9. Tanti vero æstimat Societas hoc exercitium, ut esse unum ex substantialibus sui instituti, in ultima generali congregat. declaraverit: quæ res integram postulat disputationem, quam inferius lib. 10. tractando de regimine Societatis prosequimur.

10 Venio ad exteriores actiones humilitatis, quæ humilitati comparandæ, nutriendæ, augendæ, & conservandæ maxime necessariae sunt. Nam, ut egregie dixit Chrysostom. homil. 58. ad populum, vitam sanctorum Monachorum describens: *Ipsa opera modeste se gereere docent, & exardescere non permittunt. Quis enim quæso terram fodiens, & irrigans, & sportellas, ac saccum texens, vel alia quædam huiusmodi tractans unquam altum sapiet? Quis autem in paupertate vivens, & pugnans cum fame, tali morbo laboret? nemo. Propterea facilis est illis humilitas.* Hæc igitur ratione in institutione religiosorum Societatis hoc primum jacitur fundamentum, & in annis probationis in humilioribus officiis, & operibus diligentissime exercentur, ut constet ex usu, & ex superius dictis l. 2. c. 5. de probatione novitiorum, & ex c. 4. Examinis §. 28. ubi hoc in primis ingressus proponitur. Nam, ut Bernard. egregie dixit epist. 87. *Humilitas totius est spiritualis fabricæ fundamentum: humiliatio autem via est ad humilitatem, sicut patientia ad pacem, lectio ad scientiam.* Et in eandem sententiam Cyprian. de Nativit. Domin. Christi humilis in hunc modum ingressum contemplans: *Hic est (inquit) prime religionis introitus, sicut in mundum primus Christi ingressus, ut quicumque pie vult vivere, humiliter de se sentiat, neque supra se in mirabilibus ambulare presumat. Fundamentum sanctitatis semper fuit humilitas, nec in cælo stare potuit superba sublimitas. Hanc primam gratiam ingrediens mundum noster parvulus attulit, & a cunabulis nos sibi conformes fieri volens, teneri voluit in vita, quod exhibuit in persona.*

11 Quia vero juxta institutum Societatis necesse est ad altiora ministeria, & ad actus etiam hierarchicos exercendos disponi, ac præparari, ideo non possunt diu ac continuo in his humilioribus ministeriis religiosi ejus occupari. Nihilominus tamen, nunquam exercitium humilitatis tum in actibus, tum in aliis exterioribus signis prætermittitur, sed pro ratione ætatis, officii, ac necessitatis, singulis accommodatur. Hinc fit, ut studiorum tempore aliqua etiam humilitatis officia, quæ non studiorum contentione, sed eorum elationem remittant, interim exercantur, juxta c. 6. 4. p. const. lit. B & C & alias Societatis regulas, similiter ob eundem finem vilioribus vestibus induri aliquando publice incedit, & paupertatis, ac humilitatis indicia, ac ministeria exhibent, juxta reg. 29. Rectoris, & juxta consilium Basilii in const. monasterior. c. 24. dicentis: *debet pietatis cultor viliora munera magno cum studio, magnæque cum animi alacritate suscipere, sciens nihil minutum esse, quod Dei causa fiat: sed grande & spirituale, & ejusmodi, ut cælum nobis conciliet. Quamobrem, licet communibus utilitatibus inservientia sarcinaria sequi iumenta oporteat, recusare tamen non debet.* Et c. 31. de vesti-

4. Est virtutes mo-
derant
affectu
& sensuum
volupta-
tes.

Id primo
cu at
et, et
movendo
a mare
bus h
pili s

Iren non
curandi
antiquita-
tis vel
meritorum
premiere
etiam in
religione.

Secunda
ad curat
per hu-
militatis
exercitium
internum.

Tale exer-
citiu in
quibus a-
ctibus ex-
ercitatur.

Cernitur
in danda
ratione
conscien-
tiæ.

Curat
rursus per
exercitiu
externum
ipsum hu-
militatis.

Tum tem-
pore no-
vitiatus.

Tum etiã
tempore
studioru.

vestimentis ait: *non elegantiora, sed que viliora, nobis sunt eligenda, ut in hac re etiam animi nostri humilitatem significemus, &c.* Et similia habet reg. 168. ex breviorib.

Non ter-
tio post
studia in
anno 3.
probatio-
nis.

12 Ob hanc ergo causam hoc humiliationis opus, & exercitium, non tantum novitius, vel studiorum tempore durat; sed post finita studia, iterum quasi instauratur, & renovatur, & per annum integrum principaliter exercetur, juxta 5. p. const. c. 2. §. 1. ubi de scholaribus finis studiis dicitur, debere in ultima probatione sua, in schola affectus diligentius se exercere, & in rebus spiritualibus, & corporalibus, quæ ad perfectum in humilitate, & abnegatione universi amoris sensualis, voluntatis, & judicii proprii, & ad majorem Dei cognitionem, & amore conferunt, insistere.

Denique
in reliquo
vite tem-
pore.

13 Denique etiam per totam vitam hoc exercitium durat, & hac ratione in ipsis ministeriis, ut in superiori. bus lib. 2. c. 5. nu. 8. vidimus, numquam vilia, & abjecta recusantur, sed libentius assumenda sunt, ut omnes de Societate monentur, in examine c. 4. §. 48. & 2. p. const. c. 2. §. 22. Ideoque nulla misericordie opera in hospitalibus, carceribus, &c. fugere debent, juxta 7. p. const. c. 4. §. 9. & tandem eruditio puerorum, cum Christiana doctrina, adeo in Societate commendata est, ut sit una ex præcipuis obligationibus professorum, cum tamen non parvum humilitatis exercitium includat: quia, ut Augustin. attigit lib. de catechizandis rudibus c. 10. in hujusmodi munere illud maxime solet hominem ratio afficere, quod pueros Christianis rudimentis imbueret vilis sermo, abjectusque videatur. Unde ad illud opus alacriter suscipiendum necessarium esse judicat Christo D. conformari, qui factus est infirmus, ut infirmos lucrificeret. Quomodo enim paratus esset impendi pro animabus eorum, si eum pingeret inclinari ad aulam eorum. Hinc ergo (ait) factus est parvulus in medio nostrum, tamquam nutrix fovens filios suos. Est ergo opus illud sicut magnæ charitatis, ita etiam magnæ humilitatis, quibus duabus virtutibus maxime indigent operarii Societatis. Unde elegantissime Augustinus citato loco ita concludit: Si delectat intellectus in penetralibus syncerissimis hoc etiam intelligere delectet, quomodo charitas, quanto officiosius descendit in infima, tanto robustius re- currit in intima per bonam conscientiam nihil querendo ab eis, ad quos descendit, præter eorum sempiternam salutem.

Qua ratione curet Societas motus sensuum in suis religionis moderari.


14 Superest dicendum de cæteris virtutibus, quæ corporis sensus, ac voluptatem moderantur; de quibus sigillatim dicere operosum esset, & minime necessariū: quia multa sunt in superioribus lib. 1. c. 3. & lib. 4. cap. 3. dicta de castitate, temperantia, ac totius vitæ moderatione, quæ harum virtutum perfectionem exigunt. Satis ergo nunc erit pauca generatim attingere, sub mortificationis ratione; illa enim sine dubio omnium virtutum mater est; ideoque in Societatis instituto præci-

pium quodammodo locum sibi vendicat: adeo ut S. P. N. Ignatius eam quodammodo diuturnæ orationi, ac contemplationi præponeret, ut in lib. 5. vitæ ejus refer- tur. Unde in examine c. 4. §. 44. sic inquit: *Diligenter animadvertant oportet summi momenti id esse ducendo in conspectu creatoris, ac domini nostri, quantopere ju- vet, ac conferat ad vitam spiritualis profectum omnino, & non ex parte abhorre ab omnibus, quæ mundus amat & amplectitur. & admittere, & concupiscere totis viribus, quidquid Dominus noster Jesus Christus amavit, & am- plexus est.* Et in §. 46. addit, ut melius ad hunc perfectio- nis gradum in spirituali vita tam pretiosum pervenia- tur, majus, ac impensius studium sit querere in Domino majorem sui abnegationem, & continuam in rebus omni- bus, quoad fieri poterit, mortificationem. Et c. 6. §. 6. soli- cite in abnegationis sui ipsius profectum, & virtutum studium incurando. Et in particulari mortificatio in victu, vestitu, & similibus commendatur 3. p. const. c. 2. §. 3. Et in declaratione lit. C dicitur, *vestitus ratione, ad mortificationem, & abnegationem sui, & ad mundum ejusque vanitatem sub pedibus conculcandam juvantur.* Solutumque additur habendam esse rationem finis Societatis, & necessitatis naturæ, quam ipsa metratio virtutis postulat.

Sensuum
mortifi-
catione
maxime
commenda-
ta in Socie-
tate.

15 Quibus sane omnibus valde consentanea sunt, quæ Basil. & alii Patres religionum institutores passim docent; præcipue vero libet conferre Basilii monita cum regulis S. Ignatii. Ille enim sic dixit, serm. de abdicat. re- rum: *Appetitionem, locutionem, auditionem, responsio- nem, omnia ista utilitate metitor.* Ignatius autem 3. par. const. c. 1. §. 4. & in Summat. §. 29. omnes diligentissime curent portas suorum sensuum, oculorum præcipue, au- rium, & linguæ, ab omni inordinatione custodire. Basil. in eodem serm. temperantiam valde commendat, & præ- cipue vitandas (ait) clandestinas elationes, ut ipse lo- quitur. Ignatius vero 3. p. const. cap. 1. §. 5. *In refectio- ne corpus curandum est, ut temperantia, modestia, & decen- tia interius, & exterius observetur:* & addit: in reg. 16. ex communibus, *ut sine facultate superioris nemo ex- tra consueta tempora bibat, nec extra domum cibum su- mat.* Ubi non additur, extra domum, quia domi id liceat extra consueta tempora, sed quia ex generali obligatio- ne paupertatis id erat manifestum, quæ ratio non ita ut- gebat extra domū, & facile posset id fieri titulo urbanita- tis, nisi esset prohibitum. Præterea idem Basil. reg. 16. 17. 18. & 19. ex fusius disputatis sub nomine continentie totam corporis mortificationem summa prudentia, & religione, commendat; quæ in Societatis instituto in lo- cis citatis, & aliis innumeris, & (quod magis necessariū est) in usu & praxi plane conspicio. Satis ergo (ut existi- mo) constat institutum hoc apertissimum esse ad virtutes omnes in magna perfectione comparandas, si pro di- gnitate, & status obligatione servetur.

Basilii
monita,
& Ignati-
i mire con-
cinnata.



LIBER NONUS.

De mediis, seu ministeriis, quibus ad proximorum salutem Societas utitur.



Um duplex sit, seu duas præcipuas partes habeat Societatis finis, propriam scilicet suorum religiosorum perfectionem, & proximorum salutem; media utrique parti accommodata requirit, ut bene & perfecte instituta sit; & ideo postquam lib. præcedenti de mediis ad priorem finem ordinatis diximus, de his, quæ propter proximos suscipiuntur, dicendum est. Duo tamen sunt, in quibus Societas proximos juvare princi- paliter solet, doctrina scilicet, & virtus: omitto enim opera misericordie corporalis, tum quia non principa- liter & per se intenduntur; tum etiam, quia non indigēt peculiari declaratione & cum spiritualibus obiter attingentur. De doctrina etiam in lib. 5. c. 5. & 6. satis dictum est, quia cum tractatione de scholaribus Societatis con- juncta erat: solum ergo superest, ut de aliis mediis, quæ ad excitandos affectus, & ad proximorum sanctifica-

tionem proxime ordinantur, tractemus. Possunt autem hæc media, ut ex 7. p. nostrarū const. c. 4. sumitur, distin- gui in interiora, seu mere spiritualia, & externa. Prioris generis sunt bonum vitæ exemplum, sancta desideria, & orationes continuæ pro salute proximorum, sacrificia propter eundem finem Deo oblata, quæ media om- nibus religionibus communia sunt, maxime vero Socie- tati, propter suum particulare institutum commendan- tur, & ab omnibus personis ejus juxta uniuscujusque caput exercenda sunt: tamen de illis nihil speciale di- cendum superest, præter ea, quæ in superiori libro dixi- mus. Media ergo externa, quæ in prædicatione divini verbi, sacramentorum administratione, & spirituali proximorum instructione, potissimum consistunt, ex- plicanda a nobis sunt, & simul declarabimus privile- gia, & facultates, quas ad hæc ministeria exercenda Sedes Apostolica Societati concessit.

CAPUT I.

Quid possint religiosi Societatis, ac debeant prestare circa ministerium predicandi verbum Dei: quidque ratione illius ab Apostolica Sede eis sit concessum.

Ministerium prae-
dicandi
mendica-
res parti-
cipa post
Episco-
pos.

Post actiones pertinentes ad divinum cultum, & proprium profectum, dicendum sequitur de ministeriis erga proximos. Inter quae primum locum obtinet praedicatio verbi Dei: nam, ut ait Innoc. III. in cap. inter cetera, de Offic. ordin. *Inter cetera, quae spectant ad salutem populi Christiani. pabulum verbi Dei maxime noscitur esse necessarium: quia sicut corpus materiali, sic anima spirituali cibo nutritur.* Et Conc. Trid. sess. 5. c. 2. de Reformat. dicit praedicationem Evangelii non minus necessariam esse Christianae Reipub. quam lectionem, esseque ait praecipuum Episcoporum munus. Ita ergo in Societate professas, quatenus ad juvandos Episcopos circa salutem animarum, praecipue instituta est, hoc est vel praecipuum, vel ex praecipuis ejus ministeriis: quod suo quidem modo omnibus religionibus mendicantibus commune est, praesertim religioni B. Dominici, quae propterea Praedicatorum specialiter appellatur. Nihilominus tamen verum est, Societati ex vi sui instituti, per se convenire, ut ministerium hoc a Praelatis Ecclesiae participet, & vice illorum exerceat, ut constat ex dictis lib. 1. hujus tractatus c. 2. Occurrebat autem statim disputatio cum his, qui tempore D. Thomae, & Bonaventurae eorum religiones impugnabant, eo quod ministerium hoc usurparent. Sed quia illi Patres huic quaestioni sufficienter responderunt, ut patet apud D. Th. Opusc. 19. c. 4. & S. Bonavent. 10. 5. Opusc. specialiter tractatu de hac re, & quia res ipsa per se difficilis non est, ideo circa illam non immorabimur.

Nemo di-
ctum mi-
nisterium
exerere
potest si-
ne facul-
tate.

2 Supponimus ergo primo, religiosos Societatis licite posse in Ecclesia hoc ministerium exequi. Cujus fundamentum est, quia ad hoc habent Apostolicae Sedis facultatem: nemo enim licite praedicare potest, nisi mittatur, c. cum ex injuncto, de haeretic. ubi id confirmatur testimonio Pauli ad Rom. 10. *Quomodo predicabunt, nisi mittantur?* mittere autem pertinet ad pastores Ecclesiae, & praecipue ad supremum eorum, quia pascere oves Christi ex officio ad eos spectat, nisi ex speciali revelatione alicui tale munus committatur, ut de Equiritio refert Gregorius lib. 1. Dialogorum cap. 5. Nam Christi oves pascuntur maxime verbo Dei; & ideo, & ratio iustitiae postulat, ut nemo sine eorum auctoritate illorum officium, & jurisdictionem usurpet, & necessarium omnino est, ut in Ecclesia debitus ordo servetur, caveantur schismata, & pericula seminandi errores praeviantur. Ideoque in c. excommunicamus, §. quia vero, de haereticis excommunicantur omnes, qui praeter auctoritatem ab Apostolica Sede, vel Catholico Episcopo loci susceptam, publice, vel privatim praedicationis officium usurpare praesumunt. Et in Conc. Constantiensis sess. 8. damnatur ar. 14. Joannes Wiclef, qui dicebat, licere presbytero, vel Diacono praedicare verbum Dei sine auctoritate Sedis Apostolicae, vel Episcopi Catholici. Quam condemnationem Martinus V. sua Bulla confirmavit. Quod egregie etiam comprobatur Conc. Senonensi in generali decreto ante decreta fidei, & in decretis morum, c. 35. & Conc. Treverensi. l. c. 3. ac denique Conc. Trid. dicta sess. 2. cap. 2. de Reform. idem prohibet specialiter religiosis, ut infra n. 4. explicabimus: & confirmat Concilium Senonense in decretis morum, ca. 55. & Concil. Treverense l. c. 3. Est ergo necessaria religiosis Societatis, sicut & ceteris, facultas Ecclesiastici Praelati, ut hoc munus licite exercere possint. Certum autem est facultatem Sedis Apostolicae ad hoc esse sufficientem, quia summus Pontifex est supremus, & universalis pastor, & independens quoad hoc ab omnibus inferioribus, ut in simili latius dixi tom. 4. 3. p. tractando de jurisdictione delegata ad audiendas confessiones, item disp. 26. & in defens. fidei lib. 3. a c. 3. & disp. 10. & de fide, sect. 2. Superest ergo, ut facultatem Sedis Apostolicae asseramus, & explicemus. Habetur autem in primis in Bulla Pauli III. *Cum inter cunctas anni 1554. Societatem (inquit) sub nostra, & Apostolica Sedis protectione suscepimus, & cuilibet vestrum, qui ad hoc idoneus repertus, & per vestrae Societatis Praepositum pro tempore existentem deputatus fuerit, in quibusvis Eccle-*

siis, & locis, ac plateis communibus, seu publicis ubique locorum clero, & populo verbum Dei predicandi, proponendi, & interpretandi, ac eos viam veritatis edocendi, & ad bene, beateque vivendum, ita ut in vobis verbo pariter & exemplo adficerentur, in Domino hortandi, & admonendi liberam facultatem auctoritate Apostolica per praesentes ad nostrum, & Apostolicae Sedis beneplacitum concedimus.

Observatio prima pro expendendo, & explicando proxime allatum privilegium.

3 Circa hanc facultatem primo advertendum est, licet absolute detur, & sine restrictione, nihilominus conditionem subintellectam habere: nimirum, si Episcopi in suis diocesis contenti fuerint, vel si parochus non contradixerit, respective, seu cum proportionem illam applicando. Quia in primis id est consentaneum rationi ad vitanda dissidia, & scandala, Deinde est consentaneum ordinario juri Episcoporum, & parochorum, ad quos ex officio pertinet munus praedicandi, & docendi populum, ut de Episcopis dictum est ex Conc. Trid. quod idem habet sess. 24. c. 4. idem Conc. Tolet. Xl. c. 2. Carthagin. IV. c. 20. cum similibus, & habetur d. 88. c. Episcopus nullam. De parochis vero idem significat idem Conc. Trid. eisdem locis, & expressius in Clementina Dudum, de sepult. vers. votum, & in Extrav. Inter cunctas, de privil. §. ideoque, in fine; & tradunt communiter Innocent. & Doctores in c. excommunicamus. Hoc autem jus non derogatur expresse per illam concessionem: ergo non fuit mens Pontificis illud auferre, sed potius, salvo illo jure, limitanda est concessio. Quamvis enim de plenitudine potestatis valeat Pontifex facultatem dare ad praedicandum, ubique sine licentia Episcoporum, vel etiam ipsis & parochis repugnantibus, tamen quando id expresse non declarat, censendus potius est hoc concedere salvo jure inferiorum.

Intelligitur privilegium, si non abnuet episcopus aut parochus.

4 Accedit, quod Conc. Trid. sess. 5. c. 2. de Refor. de regularibus generaliter dicit in primis, ut licet a suis Praelatis approbati sint: *Priusquam incipiant in Ecclesiis etiam suorum ordinum praedicare, se coram Episcopis praesentare, & ab eis benedictionem petere teneantur. In Ecclesiis vero, quae suorum ordinum non sunt, ultra licentiam suorum superiorum, etiam Episcopi licentiam habere teneantur.* Ubi discrimen constituit, nam in propriis Ecclesiis sufficere vult solam praesentationem, vel licentiam petitam, licet non obtineatur: in aliis vero Ecclesiis vult esse necessariam licentiam obtentam, sine qua, ut subjungit, *in ipsis Ecclesiis non suorum ordinum, nullo modo praedicare possunt.* in sess. autem 24. c. 4. videtur priorem partem elidit, dicens: *Nullus autem secularis, siue regularis, etiam in Ecclesiis suorum ordinum contradicente praedicare sumat.* Per quae verba requiritur licentiam, saltem implicite, nam postulat, ut Episcopus non contradicat; si autem non contradicit, tacite consentit, maxime cum prius ab illo benedictio postuletur; clarum est autem hoc decretum Concilii non esse derogatum per illam concessionem, tum quia est posterius illa, tum etiam, quia oportuisset expressam illius mentionem facere. Unde quamvis Julius III. postea concessionem illam Pauli III. sub generali clausula approbasset, nihilominus illa approbatio non fuisset sufficiens ad revocationem prioris decreti Concilii, quamvis jam praecessisset.

Probatur 3. concordando loca Tridentini.

5 Eo vel maxime, quod postea subsequutum est decretum sess. 24. quod factum fuit sub Pio IV. & post illud Gregor. XII. in Bulla, *Ad perpetuam rei memoriam* anni 1575. concedens religiosis Societatis, ut semel approbati ab aliquo Ordinario, & a suis superioribus deputati, dum iter agunt, possint libere ubique praedicare, duas addit exceptiones. Prior est: *Dummodo id non faciant in ipsis oppidis, aut locis, in quibus Ordinarii existunt, nisi eorum licentia desuper obtenta.* In qua manifeste supponitur, jure ordinario necessariam esse licentiam Episcopi ad praedicandum in suo Episcopatu, ex privilegio autem concedi, ut peregrinando, & transiendo, non requiratur illa licentia, ubi comode postulati non potest: & quia ubi praesens est Episcopus facile peti potest, ideo noluit ad illa loca extendi privilegium illud. Et deinde pro aliis locis, in quibus absens est Episcopus, addidit secundam exceptionem: *Non repugnantibus tamen curatis Parochialium Ecclesiarum: cum enim illi, pra-*

Confermatur ex indulto Gregor. XIII. duas limitationes habente.

præsertim in absentia Episcopi, pastores ordinarii sint, quâvis non equaliter eis deferri voluerit, eorum licentiam postulando, aut expectando, saltem propter bonum pacis, & ad tollenda scandala noluit id fieri ipsis repugnantibus. Unde hæc secunda conditio non videtur ita per se, & jure ordinario necessaria ad utendū priori privilegio Julii III. quāto licentia jã est ab Episc. obtenta; quia illa est secundū jus cō. nune sufficiens: & in hoc secūdo privilegio addita est a Greg. XIII. ex speciali ratione, quia nō supponitur obiecta licentia ab Episcopo loci.

6 Atq; hoc mihi certum est quoad prædicandum in nostris templis, quando contingit esse in oppidis, ubi nō sunt Episcopi, sed tantum parochi. Itemq; censet quoad prædicandum in plateis, vel in quibuscumque aliis locis extra proprias Ecclesias parochorum: in ipsorum autē Ecclesiis secus dicendum est, nam ipsis repugnantibus non est ibi utendum tali facultate, non solum quia non decet, neque expedit, sed etiam quia illi habent speciale jus in talibus Ecclesiis, & circa administrationem earum; & ideo per generalia verba non censetur illo privari, donec Episcopus illud expresse præcipiat, aut concedat, quod facere potest, quoties alter irrationabiliter iavitus est. Tum deniq; quia hoc est consentaneum juri communi, nam in dicta Extravag. *Inter cunctas*, sic dicitur: *In Ecclesiis autem parochialibus fratres ipsi, invitis eorum Rectoribus, seu sacerdotibus, nisi jussu a superioribus eorūdem* (id est, Episcopis) *non audeant prædicare.*

7 Dices. Ergo generale illud privilegium Pauli III. nihil confert: nam si Episcopi in suis Episcopatibus nostris religiosis licentiam prædicandi concedant, non est necessaria facultas Pontificis, quia Episcopi sufficit; e contrario vero, si Episcopus neget facultatē suam, privilegium nō prodest: ergo simpliciter inutile est. Quod argumentū valide cōfirmari videtur ex c. *In his* de privilegiis, ubi simili argumento reprobat Pontifex interpretationem quorundam Episcoporum, qui dicebant, privilegium a Sede Apostolica concessum Minoribus, & Prædicatoribus, ut possint celebrare in altari portatili, intelligendū esse de licentia ipsorum prælatorū: *Quomodo* (inquit Pontifex) *nihil eis conferret memorata indulgentia, sine qua id prælati annuentibus, liceret eis dō.*

8 Respondeo primum, nec nos in præsentem illam interpretationem admitturos fuisse, nisi ipsimet Pontifices facultatē illam ita essent moderati, ut vidimus. Deinde est in illa major quædam ratio, nam celebrare in altari portatili, parū, aut nihil refert ad proprium munus Episcoporum: prædicare autem est quodammodo usurpare propriū munus illorum, & ideo voluerunt Pontifices, ut in hoc major esset ab illis dependentia. Nec tamen propterea privilegium inutile est: nam illo secluso, possē Episcopi pro solo arbitrato suo licite negare hanc facultatem religiosis nostris, quantumvis essent digni, quia tūc illa facultas esset mere gratia, & quasi delegatio seu cōmunicatio liberalis jurisdictionis: nunc vero stante privilegio, non possunt juste negare hanc licentiam, si persona est idonea, quia est contra Pontificis voluntatē, & intentionem, qui hac ratione absolute concedit hanc facultatem: unde per se ab illo emanat, & ideo non potest infecior sine iusta causa illam impedire, quamvis ex benignitate ipsius Pontificis requiratur consensus Episcopi ut conditio necessaria. Et ideo Conc. Trid. statim subjunxit: *Ipsam autem licentiam gratis Episcopi concedant.* Et Greg. XIII. in alio indulto statim explicando, addidit: *Districte inhibentes universis, & singulis locorum Ordinariis, & quibuscumque aliis, quacumque dignitate, & auctoritate fungentibus, ne quemquam vestrum, quovis prætextu, præmissorum occasione impedire, vel molestare audeant quoquomodo.*

9 Statim autem suboriebatur quæstio, si Episcopus neget hanc facultatem evidenter injuste, an liceat nihilominus prædicare? Sed non arbitramur quætionē necessariā ad praxim, quia certū est faciendū nō esse, neq; expedire, tum quia scandalū potius, vel detrimentum timeri posset ex tali prædicatione, quā fructus sperari: tū etiam, quia difficile constabit injustitiā esse adeo evidētem, nā licet persona aliās sit idonea, potest hic & nunc non expedire, ut prædiger. Deniq; cum Concil. & Greg. XIII. absolute postulent licentiam obtentam, quacumque ratione obtenta non sit, non impletur conditio necessaria, & ideo non licet uri facultate. Hæc autē omnia locū

habent in locis subjectis Episcopis; quia vero nostri religiosi mittuntur etiam ad eas regiones infidelium, ubi nulli sunt Episcopi, ideo ibi nulla alia conditio requiritur, nisi superiorum Societatis approbatio, & deputatio.

Observatio secunda pro eodem privilegio.

10 Secundo principaliter circa eandem facultatem advertendum est, quod licet hæc facultas per se primo data sit introitu Societatis professæ, ut significavit Greg. XIII. in dicta Bulla: *Ad perpetuam*, illis verbis: *Quia ipsa Societas, inter omnia religionum instituta, ex peculiari & solenni voto specialius curam habet salutis proximorum per totum orbem discurrandi, & nihilominus facultas ipsa non solis professis conceditur, sed in favorem vel adjutorium ipsorum ad omnes de Societate extenditur, ut probant illa verba Pauli III. Cuilibet vestrum, qui ad hoc idoneus repertus, &c.* loquitur autem cum Preposito, & sociis Societatis Jesu: sociorum autem nomine clarum est omnes comprehendere. Gregor. autem clarius dixit: *Omibus & singulis ipsius Societatis prædicatoribus.* Dubitatum autem fuit, ut idem Gregorius refert in Bulla: *Dilecti filii*, anni 1584. an hæc facultas solis presbyteris cōcedatur, vel inferioribus etiam non ordinatis in sacris ea uti liceat. Et quidem quod non tantum concedatur presbyteris, ex Bulla Pauli III. videtur mihi satis potuisse colligi: nam prius habet illa verba universaliter, *cuilibet vestrum*; postea vero tractaturus de facultate audiendi confessiones, inquit: *Nec non illis ex vobis, qui presbyteri fuerint, &c.* ergo cum prius indistincte loquutus fuerit, universaliter sine dubio loquutus est.

11 Videri autem posset alicui, facultatem hanc solum ad Diaconos esse extendendam, quia illis solis convenit ratio Ordinis, & quasi ex officio posse Evangelium annuntiare, juxta doctrinam Iudori in c. d. 25. & Gregorii in c. 3. 92. d. concessio autem simpliciter facta debet secundum juris idoneitatem intelligi. Et confirmatur, nam Gregorius in priori Bulla dicit: *Omibus Societatis prædicatoribus*, non videntur autem proprie posse dici prædicatores, nisi saltem Diaconi sint. Nihilominus idem Gregorius in ultima Bulla citata non solum concedit, sed etiam declarat ex vi privilegii Pauli III. posse semper, & ab illo tempore potuisse scholares, & alios religiosos Societatis sacris ordinibus nondum initiatos hac gaudere facultate. Sicque hoc privilegium intellexerat ipsa Societas in 2. Congregatione generali, can. 27. ubi non solum de ordinibus sacris loquitur, sed absolute dicit: *Retineatur privilegium a Sede Apostolica concessum, ut nostri possint concionari, etiam si non sint ad ordines promoti.* Cujus ratio reddi potest, quia verba Pontificis: *Cuicumque vestrum*, universaliter sunt & sunt verba favorem continentia, tam ipsorum religiosorum, quam animarum, in quibus maxime locum habet illud axioma: *Ubi lex non distinguit, nec nos distinguere debemus*, & quod, *beneficium Principis ample intelligendum est*, l. ult. ff. de constit. Princip. c. dilecti. de donationibus cum similibus.

12 Nec munus concionandi ita est annexum aliquo jure divino, vel humano ordini Diaconatus, ut propterea limitanda sint universaliter verba Pauli III. ad solos Diaconos, quia prædicandi munus proprie non est actus alicujus ordinis, ut dixi in 3. to. 3. p. disp. 16. sect. 3. in fine, cum Soto 4. dist. 1. q. 1. ar. 6. Cordub. lib. 1. Quæstionarii q. 50. puncto 2. contra Cajet. ibid. q. 64. ar. 6. & 2. 2. q. 187. ar. 1. dicentem, actum prædicandi esse annexum saltem ex institutione Ecclesiæ ordini sacro Episcopi, vel sacerdotis, vel Diaconi: ipse autem nullo jure probat hanc Ecclesiasticam institutionem, seu annexionem. Videtur autem favere Leo Papa epist. 61. aliās 63. dicens: *Præter Domini sacerdotes nullus audeat prædicare, siue monachus, siue laicus ille sit, qui cujuslibet scientie nomine gloriatur.* Nihilominus nullum est Ecclesiasticum præceptum, quo prohibeantur inferiores clerici prædicare ex legitima facultate ejus, qui possit illam concedere, ut expresse declarat glossa in c. *ad iudicium*. 16. q. 1. & in c. *in sancta*. d. 92. dicens, Leonē supra citata verba dixisse contra quosdā monachos usurpantes officium prædicandi, cum eo tempore nec sacerdotes essent, nec haberent auctoritatē, vel facultatē prædicandi. Unde addit, sub sacerdotibus comprehendere Leonem

Di. An privilegium ad professos, deinde ad alios extenditur.

Quamvis non sit presbyter.

Arguitur debere saltem esse Diaconos.

Resolvitur, id non requiri, cum ex Pontificis bene utitur Societatis.

Arguitur contra Cajet. putantem Diaconi esse concionari.

In quibus locis non procedat secunda limitatio.

In quibus maxime.

Obiectio contra superiore doctrinā.

Confirmatio ex c. In his.

Satisfit obiectio 1.

Secundū.

Subortitur quæstio, cuius ex-penditur.

omnes alios clericos, qui ab ipsis Episcopis, seu praelatis Ecclesiae habuerint praedicandi facultatem: de Diaconis vero ait, quando eis attribuitur munus praedicandi, nomine praedicationis intelligi lectionem Evangelii, quae ipsis ex officio convenit. Quam doctrinam sequuntur communiter Canonistae adherentes, jure communi & absque dispensatione posse committi etiam his, qui in sacris non sunt ordinati, Panorm. in c. *decernimus*, de judic. n. 14. Decius ibi, n. 19. & Alex. consil. 216. Angel. verb. *Laicus*, n. 4. Tab. verb. *Praedicare*, §. 5. & alii, quos refert, & sequitur Didac. Perez li. 8. ordinamenti, tit. 4.

13 Sed in his auctoribus advertere oportet, eos indifferenter dicere, laicis posse delegari etiam ab Episcopo munus praedicandi; imo glossa citata idem dicit de muliere, quam in hoc merito reprobant Panormitanus, & Angelus: repugnat enim Paulo dicenti: *mulieres in Ecclesiis taceant*, 1. ad Cor. 14. & docere mulieri non permitto. Ex quibus locis colligit D. Th. 2. 2. q. 177. art. 1. munus publice praedicandi esse prohibitum foeminis, ejusque prohibitionis optimas congruentias adducit. Et quamvis dubitari possit, an illa prohibitio juris divini sit, verisimilius tamen est, factam fuisse a Paulo, & ab Ecclesia receptam, non quia illud sit intrinsece malum, sed quia minus decens, & conveniens. Quae prohibitio canonibus Ecclesiasticis confirmata est. c. *mulierem*, 33. q. 5. ex August. q. 4. 5. novi, & veteris Testamenti, & cap. *mulier*, 23. d. ex Conc. Carthag. IV. c. 98. idem in c. *nova* de poenit. & remiss. de quo vide Gerson. 1. p. tract. de examinatione doctrinarum 2. p. ejus, considerat. 2. al. phab. 18. lit. G. D. laicis autem simpliciter consentiunt dicti auctores, & esse speciale de praedicatione dicit glossa in c. *bene quidem*, d. 96. verb. *prater Romanum*.

14 Hoc autem aliis non placet, qui simpliciter negant, laicum esse capacem facultatis praedicandi. Sylvester verb. *praedicator*, q. 1. cum Panorm. in c. *sicut in uno*, de hereticis ex textu ibi, Simancas de Catholicis instit. tit. 49. n. 2. quia laicus non est capax jurisdictionis spiritualis, officium autem praedicandi, jurisdictionem requirit spiritualem, ut paulo antea a n. 2. dicebamus, ideo ejus exerceri non potest sine auctoritate Praelatorum. Et fortasse hoc sensu dixit Panormitanus supra, praedicare esse officium curatum: at vero laici sunt incapaces jurisdictionis Episcopalis, saltem jure communi: ergo etiam sunt incapaces hujus delegationis. Unde fit primo Episcopos ordinarios non posse illis hoc munus committere, quia non possunt in communi jure dispensare. Sequitur secundo, facultatem Pontificis simpliciter nostris religiosis concessam ad praedicandum, intelligendam esse de religiosis clericis, saltem prima tonsura initiatis: quia licet Pontifex possit in jure communi dispensare, & ideo possit spiritualement jurisdictionem delegare laico, ut alias dixi 10. 5. 3. p. disp. 2. lect. 3. n. 12. estque communis opinio apud Henric. lib. 3. c. 24. Avilam 1. p. dub. 6. Sayrum de censur. lib. 1. c. 5. nu. 15. post Panorm. Covarr. & Navar. nihilominus quando simpliciter conceditur, intelligitur secundum jus commune. concedere quoad alias condiciones requisitas; ergo in praesenti solum concedit illam facultatem clericis. Quae interpretationem confirmat Gregor. XIII. in posteriori Bulla dicens: *Vobis insuper concedentes, ut etiam clerici vestri prima tantum tonsura insigniti, prout huc usque fecerunt, valeant deinceps ipsum Dei verbum ubique populo praedicare*. Ubi licet utatur verbo *concedendi*, tamen vera non est nova concessio, sed antiquae declaratio, & confirmatio, ut ex prior clausula constat, & ex illo verbo, *prout huc usque fecerunt*; intelligit enim non male, sed recte ac jure fecisse, tam extendendo illam facultatem ad omnes clericos, quam coarctando ad solos illos: quod etiam ipse tacite facit, dum solis initiatis saltem prima tonsura usum talis facultatis concedit.

15 Contra hanc vero interpretationem obijci potest, quia laicum, id est, non initiatum etiam prima tonsura, praedicare, jure communi prohibitum non est, nec ex eo quod sit actus jurisdictionis prohibitio sufficiens colligitur: ergo quod illi etiam concedatur facultas praedicandi, contra nullum jus est: ergo privilegium Pontificis, praesentem concessum religiosis absolute, & sine restrictione, ample intelligendum est de omnibus, etiam si tonsurati non sint, juxta generalia principia juris supra nu. 11. innuata. Antecedens quoad priorem

partem probatur ex c. *cum ex injuncto*, & c. *sicut in uno* de heret. ubi prohibentur laici, *cujuscumque ordinis censeantur, usurpare officium praedicandi*. Ubi expendo verbum *usurpare*, quod in rigore significat propria auctoritate exercere: ergo ex commissione praedicare ibi non prohibetur: nullum autem aliud decretum, in quo sit vestigium hujus prohibitionis, invenitur. Quin potius in dicto c. *mulier*, d. 23. ait Concilium Carthaginens. laicus praesentibus clericis, nisi ipsis jubentibus, docere non audeat: potius ergo ibi supponitur capax hujus delegationis. Altera vero pars declaratur, quia duobus modis potest requiri jurisdictio Ecclesiastica ad aliquem actum: primo ut principium per se ejus, ut requiritur ad excommunicationandum, vel absolvendum: secundo ut conditio necessaria, vel quasi imperans, ut est ministrare Eucharistiam, vel benedicere conjuges, unde brevitate causa priorem vocare possumus actum elicitem a jurisdictione: posteriorem autem imperatum. Prior igitur actus non potest secundum jus commune committi laico, & hoc modo procedunt omnia, quae de censura, excommunicatione, & absolutione alibi tractavimus, tractantque Doctores communiter c. 2. de judiciis, & in c. *ab excommunicato* de rescript. & Covarr. c. *alma mater* 1. p. §. 11. nu. 13. de posteriori autem actu non videtur eadem ratio, quia non requirit jurisdictionem in exequente, sed solum in imperante. Propter quod committere talem actum non est delegare jurisdictionem, sed solum executionem ejus. Mera autem executio committi potest laico, quando alias talis actus non requirit per se ordinem, & ideo Baptismus privatus committi potest laico, solennis autem minime. Executio etiam sententiae in clericum committi potest laico aliquando, non tamen sententiae prolatio, neque etiam executio, si requirat potestatem ordinis, ut erit, v. gr. degradatio realis. Praedicare igitur non est actus elicitus a jurisdictione, ut per se est evidens, qui tantum est docere, illuminare, ac monere, & ideo passim committitur nullam habentibus jurisdictionem. Non est etiam actus ordinis, quia nullus ordo per se ordinatur ad talem actum; in nullius enim ordinis traditione talis actus mentio fit, ut de Sacerdotio, & Diaconatu, recte advertunt Soto & Corduba supra: est autem eadem ratio de reliquis, & de prima tonsura: neque e converso hic actus annexus est alicui ordini ex institutione Ecclesiae, & nullibi tale praeceptum & institutio invenitur. Solum ergo requirit jurisdictionem ut imperantem, & ad executionem non requirit ordinem: poterit ergo & ab Episcopis, & a Pontifice jure ordinario committi laico. Et fortasse glossa supra citata ob hanc causam dixit, hoc esse speciale in munere praedicandi inter actus spirituales requirentes aliquo modo jurisdictionem.

16 Nihilominus existimo veram esse dictam interpretationem, quia non est verisimile Gregorium XIII. per illam dictionem *tantum*, limitasse facultatem apud Paulum III. concessam, nam expresse voluit illam declarare in vero sensu ejus, & totam illam confirmare. Item, quia ita fuerat a Societate intellecta, & usu recepta illa facultas, quem usum Gregorius confirmat. Praeterea, quamvis jura expresse non prohibeant hanc delegationem, satis tamen indicant, per se loquendo, esse alienum ab statu laici praedicationis munus, ideoque non esse illi permittendum, aut concedendum, nisi ex speciali causa, & necessitate. Et ideo per verba generalia non censetur illi facta concessio, sed tunc solum, quando illi directe & in particulari fit, & praesertim rogantibus clericis, ut dicitur in dicto Conc. Carthag. quod tamen nunc sine licentia Episcopi locum non haberet.

17 Et confirmari hoc potest ex illa regula juris 81. *sub clausula generali non contineri specialia, quae verisimiliter non essent in particulari concedenda*: laicum autem praedicare, habet quandam specialem indecentiam, juxta communem Ecclesiae consuetudinem, nec solet illi facultas hac in particulari concedi: ergo nec generalis debet ad illum extendi. Verum est in religioso multum diminui indecentiam, ut significavit glossa in d. c. *mulier*, eo quod persona Ecclesiastica sit. Nihilominus tamen etiam ex religiosis non habet Ecclesiae consuetudo, ut mere laicus ad illud munus assumatur. Unde quia olim monachi non erant clerici, sed laici, ideo ad

1. pars obiectio nis probatur.

Praelatus

2.

Quid de pure laicis & mulieribus.

Neganda plane.

Corollaria duo ex data conclusionem.

Sustinetur tamen dictum corollarium.

Confirmatur ex jure.

Item ex usu Ecclesiae.

munus

munus prædicandi non admittentur, juxta illud Hieronymi ad Riparium contra Vigilantium: *Monachos non docentis sed plangentis habet officium*; & ad Eliodorum epist. 1. *Alia causa monachorum est, alia clericorum: clerici pascunt oves, ego pascor*. & similia, quæ 16. q. 1. referuntur. Quocirca, quamvis neque aliquis ordo per se detur propter hoc munus, neque e converso munus ipsum per se sit annexum alicui ordini: nihilominus ex jure divino & naturali rebus sacris munus prædicandi Evangelium proprium est clericorum, quia illud munus spirituale est, & sacram doctrinam requirit, quæ propria est sacerdotum, & eorum, qui ad sacerdotium tendunt, per primam saltem tonsuram, juxta illud Malach. 2. *Labia sacerdotis custodient scientiam, & legem requirunt de ore ejus: quia angelus Domini exercituum est*. Et ideo merito jure ordinario laici non admittuntur ad hoc munus. Hæc autem maxime procedunt de publica concione, quæ fit in Ecclesia, vel in quocunque loco, in quo fiat convocatio fidelium ad verbum Dei pro concione audiendum: nam si non fiat hoc modo ad illuminandum & excitandum populum, sed solum ad catechesin, & instructionem doctrinæ Christianæ, aut aliquid hujusmodi, illa non est prohibita laicis, neque est per se indecens, præsertim religiosis, quod etiam tacite sentit ecclesia, admittens in patros catechizandi laicos, & feminas.

Catechizare possunt mere laici.

Ad Societatis novitios ad sacros extenditur. Carol.

18 Quæri vero hic ulterius potest, an hæc facultas etiam ad novitios Societatis extendatur. Et ratio dubii est, quia illi vere non sunt religiosi, & ideo neque in Societate videntur proprie comprehendere nomine sociorum, quo utitur Paulus III. & multo minus possunt prædicatores appellari, ut loquitur Gregorius. Nihilominus censeo etiam illos posse uti hac facultate de licentia superioris: quia juxta communem sententiam Doctorum, licet novitius vere & in rigore religiosus non sit, nihilominus in favorabilibus venit appellatione religiosi, argumento c. *religioso*, §. *quamvis*, de sententia excommunicati in 6. ubi ut gaudeat privilegio canonis, dicitur comprehendere sub nomine religiosi. Item, quia novitii, sicut pro eo tempore sunt sub potestate prælatorum, & sustinent suo modo onus religionis, ita etiam participant privilegia, & favores religionis, ut communiter tradunt Doctores in dicto c. *religioso* & in c. *beneficium*, de Regularibus in 6. & faciunt, quæ Navarrus tractat in consilio 5. & 6. de foro compet. Denique presbyter novitius Societatis, & ab Ordinario approbatus, potest a superioribus deputari ad audiendas confessiones, communicando illi jurisdictionem totam, quam ex vi Bullarum Apostolicarum potest, ut infra videbimus: ergo eadem ratione potest quilibet clericus novitius ad prædicandum mitti, si aliâ sit idoneus. Accedit, quod in nostris constitutionibus p. 5. in principio declarat, *Societatem* in quadam lata significatione comprehendere novitios; ergo in eadem significatione sociorum nomine comprehenduntur. Ita ergo accipienda est illa vox in indulto Pauli III. cum contineat Principis beneficium. Nec vero huic doctrinæ obest, quod ait Bern. ser. 64. in Cant. *Novitio non expedit prædicare*. Loquitur enim in proprio monacho, in hæc verba: *Monachi officium est non docere, sed lugere*; & paulo post: *Certum est, quod publice prædicare, nec monacho convenit, nec novitio expedit*.

Observatio tertia.

Munus prædicandi potest doctrinæ & mores

19 Tertio principaliter notanda sunt in hac facultate verba illa: *Qui ad hoc idoneus repertus*. Circa quæ multa tractari possunt de donis naturæ, scientiæ, & gratiæ necessariis, ut aliquis ad hoc munus prædicandi idoneus reputetur. Sed hoc ad nostrum institutum nihil refert: legantur, quæ de hoc argumento tractat Augustinus lib. 4. de doctr. Christi, fere per totum, & Chrysostomus lib. 5. de Sacerdotio, in principio, & Gregorius 1. p. Pastoralis, c. 7. & 8. & lib. 1. Dialog. c. 4. & in libris Marciali non frequentissime, in Proemio, c. 2. lib. 3. c. 35. lib. 13. c. 13. lib. 21. c. 8. & lib. 31. c. 19. Omnia vero, quæ ad hanc idoneitatem requiruntur, ad sufficientem scientiam, & virtutem pertinent: nam si cæcus cæco ducatum præbet, ambo in foveam cadunt. Et ideo dixit Clemens epist. 1. *Prædicatores docti sint, ut alios prudenter instruant, & perfecte possint docere*, in illud Daniel 11. *Populus sciens Deum, obtinebit & faciet, & docti in populo docebunt multos*. Doctrina autem sine probitate vite inefficax est: nam si sal evanuerit, in quo salietur, dixit Chri-

stus Matth. 5. nam, ut monet Dionysius c. 3. de Cælest. hierar. *Præstantius, ac omnibus divinius est, Dei cooperatorem fieri, & ideo necesse est prius in se divinam operationem suscipere*, postea quantum fieri potest cum aliis communicare: *Nam quibus purgandi ceteros officium est, ingenti munditiæ copia tradere aliis sue sanctimonie consortium decet*, &c.

20 Quarta vero requiritur scientia, aut probitas, non potest certa regula definiti, neque æqualis in omnibus petenda est, sed loco, tempore, & personis proportionata. Unde Dionysius loco citato distinguens varios ordines Ecclesiæ etiam monachos, qui ad militantem applicari possunt. At vero (ait) quibus purgandi ceteros officium est, ingenti munditiæ copia tradere aliis sue sanctimonie consortium decet: qui vero illuminandi consecuti sunt munus, eos utpote lucidiores spiritus ad percipiendam, atque tradendam aliis participationem, ac societatem lucis idoneos, sacrique illius furoris gratia opulentissime plenos, exundantem omnem ex parte lucem in eos, qui mererentur, effundere. Qui autem perficiendi funguntur vice, eos ut perficientis disciplina peritissimos sacratissima institutione scientiæ sanctarum, quas contemplati sunt, rerum ad se accedentes hujus rei causâ perficere. Itaque prædicandi munus non æquale est in omnibus; alii enim ad rudem plebem erudiendam, & in communem, ac vulgari honestæ vitæ modo instruendam, & excitandam destinantur. Alii ad illuminandum Doctores, confutandos hæreticos, & mysteria fidei alius proponendum & illustrandum: alii denique ad perfectionis viam, & spirituale doctrinam subtilius tradendam assumuntur; & ideo in quibusdam major doctrina, quam in aliis, & similiter major perfectio sanctitatis, & efficacia spiritus postulatur. In omnibus autem, quod ad doctrinam attinet, ad minimum necessarium est, ut fidei dogmata, & propria, ac moralis doctrina virtutum, & virtutum, ita teneantur, ut absque periculo erroris sufficienter possint publice explicare. Quod vero spectat ad virtutem, saltem necessarium est, publicum honestæ vitæ exemplum. An vero sit peccatum mortale in peccato mortali prædicare, in dicto loco 3. com. tractavimus, & probabilius duxi non esse, secluso scandalo. In nostræ autem Societatis hominibus desiderandum est, ac procurandum, ut abundantior sit doctrina, & ut vitæ professioni ac instituto respondeat, ut ceteros possint verbo pariter, & exemplo edificare, cum in externo habitu parum ab eis discernatur.

Quanta doctrina & probitas possit, lectur.

Observatio quarta.

21 Quarto explicanda sunt illa verba, & per vestra Societatis Præpositum pro tempore existentem deputatus fuerit. Non enim obligant hæc verba, ut Præpositus per seipsum & immediate debeat omnes Societatis prædicatores exponere, aut approbare, id enim in tanta hominum multitudine impossibile est. Illi ergo hoc committitur, ut per se, vel per alios, qui ad hoc munus sufficientes sint, id possit. Quo universaliter de similibus facultatibus, Generali concessis, explicavit idem Paulus III. in sua Bulla 5. circa finem. Videtur autem hoc specialiter commissum Generali, ut intelligatur hoc peculiariter ad ejus administrationem pertinere, & ut hujus rei peculiarem curam habeat, ut dicitur in 2. Congregatione generali, can. 27. Et juxta hoc intelligendum est, quod in 7. p. Const. c. 4. §. 6. dicitur, verbum Dei proponendum esse populo assidue per eos, quos superior probaverit, & ad tale munus destinaverit. Superior enim ibi non significat Generalem, ut per se constat: intelligi autem debet, qui ad hunc actum ab ipso habuerit facultatem, vel indefinite superior, ad cujus munus hoc pertinet. Hic autem superior in Societate post Generalem est Provincialis juxta regulam 20. ejus, quæ sic habet: *Prædicatores, & confessores ipse constituet, præmissa tamen domestico examine, & approbatione Ordinariorum juxta formam Concilii Tridentini*. Hujus rei exemplum habemus in religione Minorum: nam in c. 8. Regulæ prohibentur prædicare sine approbatione Generalis: postea vero declaratum est, Provinciales posse id prædicare, ut constat ex Nicolao Papa in c. *exiit* §. *verum quia expresse*, de verb. significat. in 6. ubi etiam refertur scitatum privilegiis contineri, & ita observari. Quod confirmat Clemens V. in Clem. *exiit*, de verb. significat. & Gregorius IX. in expositione regule, articulo 6. Unde colligo, hanc potestatem in Provincialibus non esse tantum delegatam,

A quo superiore facultas concionandæ datur.

Illud hoc proxime dicitur.

tam, sed etiam ordinariam, quia ex visui muneris, & legis, ac privilegiorum virtute, illam participant, quare non repugnat, ut eam possint delegare alicui Rectori, vel alteri, si judicaverint expedire: quod tamen generali delegatione non videtur permittendum, quia nec necessarium est, nec sufficiens, ut Provincialis suo muneri satisfaciatur: in aliquo autem casu ob specialem necessitatem, & maxime respectu determinatæ personæ eam potestatem committere seu delegare, & valide & licite fieri potest.

22 Quod autem in prædicta regula Provincialis dicitur, *præmissis domesticis examine*, additum est his, quæ in Bullis Pontificijs requiruntur. Nam Paulus III. solum dixit, *qui ad hoc idoneus reperitur*: potest autem idoneus reperiri, & cum examine, & sine illo. Illa ergo forma, quod *approbatio superioris, sit per examen*, non est de substantia hujus actus, imo neque de riguroso præcepto, sed de obligatione simplicis regulæ, quam servare valde expedit, quamvis in aliquo casu, ubi res est publice nota & evidens, in ea circumstantia dispensari possit. Est autem illa regula consentanea his, quæ statuit Concil. Lateranen. (sub Leone X. sess. 11. Bulla 1. quæ incipit: *Superna majestatis presidio*, ubi sic dicitur: *Sacro approbante Concilio statuimus, & ordinamus, ut nullus tam clericus secularis, quam cujuscunque etiam Mendicantium ordinum regularis, aut quivis alius, ad quem facultas prædicandi tam de jure, quam de consuetudine, vel privilegio, aut alijs pertinet, ad hujusmodi officium exercendum admittatur, nisi prius per superiorem suum respective diligenter examinatus (in quare conscientiam ipsius superioris oneramus) ac morum honestate, ætate, doctrina, probitate, prudentia, & vitæ exemplaritate ad illud aptus & idoneus reperiatur*. In quibus verbis morum honestas, probitas, & vitæ exemplaritas, ad idem pertinent: prudentia vero a doctrina & virtute, si simul conjungantur, vix potest separari. In prædicatore autem, quatenus talis est, ea prudentia requiritur, qua ad recte loquendum, & pro dignitate de rebus sacris, & ad bonum animæ pertinentibus necessaria est. De ætate vero nihil in particulari definitum est in Decretis. Solum invenio Gregorium hom. 2. in Ezech. expendentem verbum illud, *tricesimo anno*, & decemtem, juxta rationis usum, doctrinæ sermo non suppetit, nisi in ætate perfectæ; quod late prosequitur, docens non esse hoc munus assumendum, donec homo sit in ætate solida, & matura: *Quatenus ei (inquit) cum vitæ, & spiritus omnia, quæ ad prædicandum congruunt, concordare videantur*. Sed hoc etiam prudentiæ prælati relinquendum est: quia non in omnibus, nec pro omnibus locis, aut concionibus eadem maturitas ætatis requiritur, multumque ex alijs dotibus, præsertim judicii, & solidæ virtutis suppleri potest.

Observatio quinta.

23 Quinto exponenda supersunt illa verba: *In quibusvis Ecclesijs, & locis, ac plateis communibus seu publicis, & alijs ubique locorum*. Juxta quâ facultatem dicitur in constitutionibus Societatis 7. p. c. 4. §. 7. *potest & hoc ipsum, quod dictum est (id est, prædicare verbum Dei) extra Ecclesiam Societatis alijs in Ecclesijs, vel plateis, vel alijs locis præstari, quando ei, qui ceteris præest, ad majorem Dei gloriam conferre videbitur*. Estque prædicta facultas consentanea juri communi, & alijs summorum Pontificum concessionibus, nam similis habetur pro Prædicatoribus & Minoribus in Clemen. dudum, de sepulture, versiculo, *Nos autem Statuimus (inquit) & ordinamus, ut dictorum ordinum fratres, in Ecclesijs & locis eorum, ac in plateis communibus libere valeant clero, & populo prædicare*. Simile habetur ex Benedicto XI. in extravaganti, *inter cunctas*, de privilegio, *In Ecclesijs* (inquit) *ac locis ipsorum, ac in plateis communibus seu publicis, &c.* Idemque concessit Sixtus IV. fratribus Carmelitis, & Joannes XXII. ut referunt Cardinalis in dict. Clem. & Joan. Andr. in c. *constitutiones*, de Regularib. in 6. Compendio privilegiorum mendicantium verb. *Prædicatores*, §. 8. & 10. Consideranda autem est differentia inter verba Pauli III. & Clementis V. seu Benedicti XI. nam hi duo restrictè loquuntur, *In Ecclesijs, ac locis ipsorum*; Paulus autem Societati simpliciter concessit: *In quibusvis Ecclesijs, seu locis, &c.* Quæ differentia ex eo orta videtur, quod illa prior facultas ita concedeba-

tur, ut liceret ea uti absque diocesanorum, vel aliorum prælatorum petita licentia, ut Benedictus XI. expresse declarat: & ideo non extendebatur facultas quoad loca particularia ultra proprias Ecclesias, vel domus: quia, ut ibi ait Petrus de Anchirano, voluit Papa sine aliorum præjudicio de eorum locis disponere: nunc autem juxta formam Concilii Tridentini necessaria est Ordinarium approbatio, quæ in prædicta facultate subintelligitur, ut exposuimus, & ideo generaliter conceditur facultas pro omnibus Ecclesijs, quia sic intellecta nullius continet præjudicium, ut declaratum est.

24 Contra hanc vero concessionem, quatenus plateas, & loca publica includit, obijciunt aliqui, & contra nostros religiosos obmurmurant, eo quod hac facultate utantur: quia hoc est contra decentem modum tractandi verbum Dei; pertinet enim ad reverentiam rerum & actionum sacrarum, ut non in locis profanis, & communibus, sed in sacris, & ad munera specialiter deputatis peragantur: verbum autem Dei est res valde sacra, adeo ut ab Augustino cum ipsa Eucharistia quodammodo conferatur: ergo concio sacra indecenter in plateis profertur. Et confirmatur, nam ad hunc finem, inter alios, dedicantur sacra templa, ut in 3. to. disp. 81. ostendimus: ergo sicut non licet extra illa alia sacra facere, ita nec sacram concionem. Tandem confirmatur, quia hic modus concionandi est contra Ecclesiæ consuetudinem, & sine utilitate, quia in viis & plateis neque attente, neque devote potest verbum Dei audiri: ergo talis usus neque introducendus, neque admittendus est.

25 Ad has objectiones respondendum est, de fide certum esse, per se loquendo, nec malum, nec indecens esse in plateis, & locis publicis populo prædicare. Hoc convincit auctoritas dictorum Pontificum: fuisse enim intolerabilis error facultatem dare ad rem de se malam vel indecentem. Deinde confirmari potest exemplo Christi Doct. in monte, in littore, & in navi, & ubique; prout occasio ferebat, docebat turbas, ut ex Evangelijs constat. Unde Lucæ 13. dicit, in die judicii impios dicturos: *In plateis nostris docuisti*. Deinde idem fecerunt Apostoli, ut ex Actis Apostolorum ca. 5. constat, nec sine præcepto, vel consilio ipsiusmet Christi. Nam Lucæ 14. dixit Dominus servos: *Exi cito in plateas, & vicos civitatis, & pauperes, ac debiles, & cæcos, & claudos introduc.* E. Matth. 10. dixit: *Quod dico vobis in tenebris, dicite in lumine, & quod in aure auditis, prædicare super tecta*, i. e. in quolibet loco commodo, & publico, apto ad publice prædicandum. Erant enim tunc tecta domorum (ut Maldonatus advertit) plana, & apta ad cōfabulandum, quod in eis tunc fieri solebat, sicut & nunc sit in foro. Unde perinde fuit dicere: *Prædicare super tecta*, ac prædicare in foro, & ubique: & ante Christum Dominum idem legimus de Joanne Baptista Matth. 3. & Luc. 1. & ante illum alij Propheta, ut colligitur Amos 5. *Et odio habuerunt corripientem in via*, ubi hoc ex Hieronymo notat Ribera, inde colligens antiquam esse Sanctorum consuetudinem, & a Prophetis usque repetitam temporibus concionandi in plateis, & ubicunque multitudo hominum audire poterat. Cui etiam optime consonat historia l. 2. Esdræ c. 8. ubi dicitur, congregatum fuisse omnem populum quasi virum unum ad plateam, quæ est ante portam aquarum, & ibi ex eminenti loco Esdræ legem Domini legisse, & docuisse. Consonat etiam verba illa Prov. 1. *Sapientia foris prædicat, in plateis dat vocem suam, in capite turbarum clamat, in foribus portarum urbis profert verba sua, dicens: Usquequo parvuli diligitis infantiam, &c.* Quæ verba licet exponi possint de internis inspirationibus Dei, tamen verba ipsa declarant etiam comprehendere vocationem externam per voces Prophetarum, & in eis clara fit illatio ad inoræ antiquum prædicandi in plateis, & in foribus civitatum. Unde Abulen. l. 2. Paralipomenon, c. 15. q. 5. advertit, in veteri lege extra templum esse determinatum locum ad sacrificia, non tamen ad prædicandum, hoc enim fieri poterat in omni loco. In lege autem nova multo minus datum est de hac re speciale, & quasi cæremoniale præceptum. Unde etiam post tempora Apostolorum multi sancti consueverunt prædicare populis in plateis, & in agris, ut sunt vulgates historiæ de S. Antonio Paduano, Vincentio Ferrer, S. Petro Martyre, & similibus. Ratio denique manifesta est, quia hoc nec divina lege positiva

De exa-
mine ad
concio-
nandum.

Obijciunt
contra u-
sum So-
cietatis
concio-
nandi in
locis pro-
fanis.

1. assertio
in hoc
dubio
probatur
ex Ponti-
ficibus.

Confir-
matur ex
facto
Christi,
Apostolo-
rum, &c.

In quibus
locis, &
c. concio-
nari
licet ex
dicto pri-
vilegio.

In ore
inter hoc
privile-
gium, &
aliorum
religio-
rum.

Ex facto
etiam cō-
cacionato-
rum post
Apostolo-
los.

Denique
ex ratio-
ne.

positiva prohibitum est, ut ostendimus, nec Ecclesiastica; ubi enim est decretum, aut canon hoc prohibens. Nec denique est per se, & intrinsece malum, ut eadem traditio ostendit, & patebit respondendo ad rationes.

26 Dices: Si hoc non erat prohibitum, quid necesse erat privilegium de hac re concedere: nam sine illo fieri poterat, supposita facultate concionandi? Respondetur, non semper privilegium dari, ut per illud dispenseretur in aliqua lege, sed propter alios etiam fines, ut sæpe dictum est. Hoc ergo privilegium duo præcipue operari potest. Unum est, ut non solum Societati liceat, sed etiam ratione hujus concessionis habeat aliquod jus prædicandi in hujusmodi locis, ita ut a nemine possit sine rationabili causa juste impediri, etiam ab his, qui dominium aliquod, vel jurisdictionem temporalem in talibus locis habent. Quod significavit glossa quadam marginalis in dict. Clement. *Dudum*, inde colligens, posse Papam disponere aliquid faciendum in re domini temporalis, in favorem fidei. Secundo operatur hoc privilegium, ut ora contradicentium obstrui debeant, & cogantur fateri, hoc non solum non esse malum, verum etiam de se valde expediens esse, si cum debita moderatione, & prudentia fiat. Hoc patet, tum generali ratione, quia non est verisimile Pontifices concessuros fuisse hujusmodi facultates, nisi judicarent usum earum in Ecclesia expedire etiam ex verbis ipsorum, nam Clemens V. ait, hoc concedere *ad salutis animarum fidelium incrementum, & exaltationem*; Gregorius vero XIII. dicit, id concedere, *ut populi verbo, & exemplo religiosorum edificetur*.

2. assertio
qua au-
thoritate
fulciatur.

Qua item
ratione.

Ad ob-
jectionem
24.

27 Et ideo secunda assertio fere æque certa, ac præcedens statui potest, usum hujus facultatis non solum malum non esse, sed etiam esse valde opportunum Ecclesie, & ex his rebus, quæ sub consilio cadunt, quantum est ex genere suo. Hoc præter auctoritatem Pontificum suadent maxime exempla sanctorum, qui hoc fecerunt, non tantum initio Ecclesie, quando hoc necessitati tribui poterat, sed etiam post fundata & multiplicata templa, prout constat fuisse temporibus sancti Bernardi, Dominici, Francisci, & aliorum, quos retulimus, a quibus hoc factum est, & post eorum tempora a multis aliis, ut ex historiis Sanctorum constat. Et in vita sancti Francisci, cap. 12. legimus hoc Deum miraculo confirmasse. Ratio etiam hoc ostendit, quia hominum status, & conditiones varii sunt, & magna eorum pars ad audiendum verbum Dei in templis non concurrunt, multi quia commode non possunt, alii quia propter pravam consuetudinem nolunt: ergo valde utile est Ecclesie, ut interdum extra templum in plateis, vel aliis locis publicis conciones fiant, ut vel invitati cogantur audire, qui refugiunt, vel certe ut impeditis, & impotentibus subsidium spirituale offeratur: & ita prædicator ex charitate quærat etiam eos, qui verbum Dei audire recusant, imitans eum, qui dixit: *Inventus sum a non querentibus me: palam apparui his, qui me non interrogabant*. Roman. 10, Isai. 65. Cui consonat quod Paulus ait 2. ad Timoth. 4. *Prædica verbum, infra opportune, importune*. Ubi Theophylactus: *non sit tibi statum tempus, sed importune etiā, hoc est, cum in periculis fueris, & extra Ecclesiam loquere, & prædica, & opportune, hoc est, cum extra trepidationem fueris in Ecclesia*. Opportune enim, & importune juxta vulgi opinionem dixit, nam opportunitatem doctrina vocat in Ecclesia esse: importunitatem autem extra hanc esse; & sumptis ex Chrysostom. homilia nona. D. Th. autem etiam exponit, *importune*, secundum falsam existimationem audientium: prædicator enim opportunus est volentibus: importunus nolentibus: debet autem ita instare, ut etiam nolentes audire cogantur. Ad hunc ergo modum prædicatio in plateis videtur importuna non fatis rem considerantibus, est tamen valde opportuna, ut verbum Dei ad omnes melius diffundatur.

28 Ad rationem ergo in contrarium respondetur, prædicationem proprie non esse ministracionem sacrā, ut recte advertit Abulensis supra, cujus signum est, quod propter illam, ut supra dicebamus, nec specialiter consecrantur ministri, neque etiam aliquæ peculiares ceremoniæ per se necessariae sunt: neque etiam ordinatur ad aliquam mysticam significationem, sed solum ad morem, & spirituale fidelium utilitatem, ideoque ex ratione sua non postulat sacrum locum, in quo fiat, sed tantum accommodatum, & opportunum ad utilitatem, &

ædificationem audientium. Ad primam confirmationem respondetur in primis, templa, licet confectione quadam ad munus concionandi inserviant, non tamen propter hunc finem per se primo instituta, sed propter sacrificium in eis offerendum, ac proinde non proprie benedicuntur, aut consecrantur propter concionem, sed solum ratione divinæ Eucharistie, & aliorum sacramentorum. Unde Nicephorus refert lib. 12. historie cap. 34. alicubi fuisse observatum, ut pro concionibus faciendis essent loca a templis diversa, designata: & Abulensis supra advertit, cum tempore legis veteris sacrificia in uno tantum Hierosolymitano templo offerri posset, Levitic. 17. & Deuteronom. 21. in aliis civitatibus, vel oppidis fuisse Synagoga ad orationem, & concionem deputatas. Quod etiam colligitur ex Lucæ quarto, & Actuum 13. vers. 14. & c. 15. vers. 21. Deinde dicitur, si ve templa, si ve alia loca destinata sint ad munus prædicandi, non inde fieri, illud non posse exerceri in aliis locis; nam loca illa non designantur, ut sint omnino necessaria ad illud munus, sed ut commoda, & certa ad ordinarias prædicationes, ad quas fidelis populus sponte suis temporibus concurrere solet. Sicut etiam templa sunt destinata ad orandum, quod non impedit, quominus aliis etiam locis orandum sit, cum Apostolus dicat; *Volo viros orare in omni loco*. Ad secundam confirmationem negatur in primis hoc esse contra consuetudinem Ecclesie: ostensum est enim esse antiquissimam; quod autem nunc sit minus frequens, causa esse potest, vel quod minor est in audientibus necessitas, vel in prædicantibus remissior charitatis fervor. Negatur etiam hoc esse inutile, nam licet fortasse in plateis minus commode concio fiat, quam in templo, tamen utilius est vel illo modo fieri, quam omnino omitti, cum obeam causam consuetudo prædicandi in templis neque omittatur, neque remittatur, sed illi addatur alia, per quam fructus augeri solet, maxime in his personis, quæ minus solent templa frequentare, ut diximus in n. 27.

Observatio sexta.

29 Sexto circa eadem verba, quæ circumstantiam loci attingunt, advertendum est, in hoc indulto nihil additum esse, quod ad circumstantiam temporis pertineat, sed absolute, & indefinite facultatem concedi, ideoque ad omne tempus, sine ulla restrictione extenditur. In dicta autem Clement. *Dudum*, & in extravagant. *Inter cunctas*, additur restrictio his verbis: *Hora illa dumtaxat excepta, in qua locorum Prælati prædicare voluerint, vel coram se facere solenniter prædicari, in qua prædicare cessabunt*. Circa quam limitationem dubitari potest, an juxta illam limitandum etiam sit hoc Societatis privilegium. Nam si spectemus rationem, quam Benedictus XI. expressit, affirmative respondendum videtur: *Putamus etenim dignum (ait) ut majori minor, & superiori inferior deferat in hac parte*. In contrarium autem est, quod jus illud non est generale pro omnibus religionibus, sed pro Minoribus, & ideo ex vi sui, illos tantum comprehendit, vel ad summum eos, qui per viam communicationis illo usi fuerint privilegio. Et ita etiam Societas, si præcise consideretur, quatenus est una ex mendicantibus religionibus, & per communicationem utatur illo privilegio, subiecta etiam erit illi limitationi; tamen proprium ejus privilegium non est, cur per aliud limitetur, cum generalius concessum sit.

30 Dico ergo ex vi illius juris, non limitari facultatem postea concessam a Paulo III. sed solum quantum ipsa naturalis ratio, & debitus ordo postulat, ut in eo casu inferior non utatur tali privilegio. Adde præterea ex Concilio Tridentino cit. in n. 3. colligi posse, dictam limitationem etiam in nostro casu locum habere, nam generaliter prohibet regularibus, *ut contradicente Episcopo, in suis etiam Ecclesiis prædicare non presumant*: ergo in prædictis casibus non licebit, in viris Episcopis, prædicare, etiam seclusa limitatione Clementis, ac Benedicti. Verum est quidem ex vi hujus fundamenti non satis esse, quod Episcopus in sua Ecclesia concionetur, ut statim veluti ipso facto, censeatur nostris religionis prohibitum prædicare in suis, nisi Episcopus vel specialiter, vel generaliter prohibeat: quia per solam prædicationem suam non contradicit, & quamdiu non contradicit, religiosus uti potest sua facultate, supposita generali ejusdem Episcopi approbatione; & ita existimo quoad circum-

Ad 1. re-
sponso.

Altera re-
sponso.

Ad 2. con-
firmat.

In quibus
tempori-
bus sit ex
dicto pri-
vilegio
conc. ordi-
dum.

An possi-
mus con-
cionari
qua hora
Episcopus
concionatur.

Resolutio
authoris.

cumstantiam temporis, nullam aliam moderationem tunc esse necessariam, dummodo Episcopus nullū tēpus sibi specialiter reservaverit, seu iusta ratione prohibuerit, sive de tali prohibitione constet per expressa verba ejus, sive per consuetudinem, sive per quamcunque aliā sufficientem significationem; non est enim necessarium ut expressum præceptum imponat, sed satis est quod indicet sibi displicere, præsertim in casibus in prædictis juribus designatis, qui per se sunt rationi maxime consentanei. Seclusa autem prohibitione hominis, eum in jure nulla alia sit, non relinquatur aliquod tempus, quod generaliter excipi possit, quia sermo de Deo, per se loquendo, omni tempore bonus est, & proficiuus. Sola ergo prudentia debet hoc moderari, ut nec temporibus importunis, nec nimia prolixitate fiant,

Observatio septima.

31 Septimo notanda sunt illa verba Indulgi: *Clero & populo verbum Dei predicandi, proponendi, & interpretandi.* Illis enim explicatur, de quo genere, & modo prædicationis hic sermo sit. Nam juxta doctrinam D. Th. 2. 2. q. 177. art. 2. *Dupliciter potest aliquis sermone uti scilicet privatim, & familiariter ad unum, vel paucos loquendo, vel publice loquendo ad totam Ecclesiam.* Ubi Cajetanus advertit, non addi totam, ut comprehendatur tota Ecclesia, quæ diffusa est per totum orbem terrarum; sic enim nullus publice concionaretur: sed addi ad comprehendendum partes quasi essentielles Ecclesie, scilicet clerum & populum, quia hoc est de ratione muneris prædicandi simpliciter dicti, scilicet quantum est de se indifferenter fiat ad totam Ecclesiam. Ob hanc ergo causam Pontifices tam in hac nostra Bulla, quam in prædicta Clemens, & Extravag. dixerunt, *Clero & populo*, ut significarent sermonem esse de publica, & propriissima prædicatione, nam ad alia privata colloquia, etiam si in eis proponatur verbum Dei, vel exhortatio ad virtutem, non erat necessarium speciale privilegium. Et eodem modo intelligenda sunt, quæ diximus de toto hoc munere, & præsertim quod solum a clericis, tam jure ordinario, quam ex vi hujus facultatis fieri possit. Unde simpliciter docere doctrinam Christianam ad puerorum, vel rudium instructionem, non comprehenditur proprie sub nomine prædicationis, quia per se non ordinatur ad docendam, & exhortandam totam Ecclesiam, ut comprehendit clerum & populum, doctos & indoctos. Ideoque fieri potest a nostris, etiam si primam consuetudinem non habeant, idque non tam ex vi hujus privilegii, quam ad munus illud speciale privilegium necessarium non est, sed sufficit generalis approbatio Societatis, quæ ad illud munus inter alia specialiter instituta est, ut supra l. 6. c. 3 a n. 4. vidimus, & in eadem Bulla Pauli III. expresse dicitur; & fortasse ob hanc causam in nostris privilegijs Pontificijs nullum est, quod de illo ministerio specialiter loquatur.

32 Addit præterea Cajetanus citato loco, non satis esse loqui ad totam Ecclesiam, id est, clerum, & populum, ut censeatur esse proprie prædicare, nisi fiat publice, hoc est, ex publico officio. Nam si quis per modum private personæ alloquatur ad totam Ecclesiam, exhortando ad aliquid speciale, quia tunc occurrit, illud non est prædicare, unde dicit mulieri hoc esse permittum. Non videtur autem facile explicare, quid addat illud verbum publice, si sermo est ad totam Ecclesiam, quia necesse est, ut talis sermo eo modo fiat, ut ab omnibus percipiatur; ergo necessario sit publice, alta voce, & cum notitia publica. Quod autem fiat ex loco certo eminenti, necne, non videtur esse de substantia, satis enim est, quod fiat ex quocunque loco alto, ut a cæteris audiat. Item quod fiat ex officio publico, ut ipse ait, non videtur necessarium, nam facere ex officio publico, proprie est facere ex obligatione publici muneris: hoc autem necessarium non est: nam potest quis concionari ex charitate, & propria voluntate, vel ex privata aliqua obligatione. Aut illud ex officio publica significat loqui cum aliqua speciali solennitate exteriori, ut Missa aliqua, publica oratione, vel crucis signo, vel cum speciali veste, ut super pelliceo; & hæc omnia non sunt de substantia talis actus, quatenus vera prædicatio est, ad quam requiritur privilegium, aut facultas, cujus non sunt capaces cœmici, nec laici jure ordinario conceditur.

33 Hoc ergo mihi videtur recte explicasse noster

Pontifex illis verbis: *Verbum Dei predicandi, proponendi, & interpretandi, ac eos viam veritatis edocendi, &c.* Quibus significatur tunc aliquem exercere publice hoc munus, quando illud exercet ut publicus doctor totius Ecclesie, de qua Paulus ait: *quosdam quidem posuit Deus in Ecclesia Doctores*, 1. ad Corinth. 12. & ad Ephes. 4. addit: *Ad consummationem sanctorum in opus ministerii in edificationem corporis Christi.* Quando autem se gerat quis ut publicus doctor in suo sermone, ex modo, intentione, & populi convocatione facile colligi potest, maxime tamen ex materia, ut Pontifex indicavit, scilicet quia verbum Dei, quod quantum est ex se, omnem doctrinam sacram comprehendit, Ecclesie proponit, & interpretatur. Hoc ergo est docere ex officio publico, id est, tanquam doctorem publicum: & ideo si quis loquatur de peculiari aliquo casu, quasi consulens, vel tanquam inducens ad aliquid agendum, non censetur publice docere in Ecclesia, etiam si ad totam Ecclesiam loquatur; & in hoc sensu loquutus est Cajetanus, & recte.

Observatio octava.

34 Octavo attingit Pontifex modum, quem operarii Societatis in prædicationibus suis observare debent, dicens: *Verbum Dei predicandi, proponendi, & interpretandi, ac eos viam veritatis edocendi, & ad bene, beateque vivendum, ita ut in vobis verbo pariter, & exemplo adificentur in Domino hortandi, & admonendi.* In quibus verbis duo insinuantur, scilicet & finis prædicationis, & actiones, seu media, quibus ad eum finem in ipsa concione utendum est. Nam finis esse debet, ut proximi ad bene, beateque vivendum ædificentur, & exhortentur. De utroque egregie dixit Gregorius in epist. ad Leandrum, ante libros Moralium, c. 2. *Quisquis de Deo loquitur, curet necesse est, ut quidquid audientium mores instruit, rimetur, & hunc recte loquendi ordinem deponat, si cum opportunitas adificationis exigit, ab eo se, quod loqui cœperat, utiliter derivat.* Adificationis ergo proximi esse debet scopus prædicationis: doctrina autem, & modus ejus talia esse debent, qualia illi fini fuerint accommodata. Ad debitum autem finem maxime spectat non propria laudem, nec popularem auram in concionibus querere, ut diserte tradit Paulus 1. Thessal. 2. *Non quasi hominibus placentes, sed Deo, qui probat corda nostra: nec enim aliquando finimus in sermone adulationis, nec querentes ab hominibus gloriam, &c.* ideo ut Chrysostomus ait lib. 5. de Sacerdot. in principio: *Nemo potest finem prædicationis assequi, nisi popularem auram aspernetur.* Et infra: *Nam si plausu, atque aura populari vincatur, tunc ipsi tum multitudini, quæ audit, damnum detrimentumque affert: nam suavi laudum desiderio captus, ad auditorum gratiam magis, quam ad utilitatem dicendi vim exercet, Et l. 6. in eandem sententiam dicit: Qui aliorum edocendorum provinciam susceperit, is ne de aliorum laudibus dependeat, neve alijs animum despondeat, quin orationibus hoc consilium meditatus, ut Deo gratæ atque acceptæ sint, hunc unum sibi statuat canonem ac terminum optimi illarum operis, non etiam plausum ac laudationem.* Et infra: *Abundans enim illi fuerit laborum solatium, idemque omnium certe maximum, si sibi ipse conscius esse potuerit, ad hanc serationem doctrinam, eloquentiamque suam composuisse, atque adaptasse, ut Deo illa placens, acceptæque fiat.* Similia de verborum ambitu, vanaque ostentatione in concionando eleganter reprehendunt D. Hieron. ad Nepot. post medium, ab illis verbis: *Docente te in Ecclesia non clamor populi, sed gemitus suscitetur;* & August. 4. de doctrin. Christ. c. 5. ab illo loco: *Cui affluit insipienti eloquentia, &c.* D. Greg. 22. moral. c. 12. in editione Vatican. *Quoties auditores, &c.* D. Ambros. in illud 1. Corinth. 1. *non in sapientia verbi.* Nazian. in Apologet. num. mibi 79. *Non enim plerique similes sumus, qui veritatis doctrinam adulterant, &c.* D. Bernard. serm. 59. in Cant. ad illud, *vox turturis.* Legatur etiam ser. 58. Et ideo S. Bonaventura tr. de interiori homine, 1. p. c. 15. dicit nullum religiosum debere accipere, nedum affectare prædicandi munus, donec ascendat ad illum virtutis gradum, quem ipse quodcumque annum appellat, scilicet pro bono opere laudes, & humanos honores contemnere, & fastidire, & querere solius Dei gloriam, & salutem animarum. Et subdit: *Quicumque ante hunc annum se ingerit, nec saluti animarum proficit, nec sibi meritorius propter vanitatem, & levitatem, nec alijs est proficiuus* &c.

Quem si nem sibi proponit concionator.

Datum privilegium de prædicatione pro publico privilegio.

Ad catholicizandum non requiritur privilegium.

Disquisitur quid sit publicus prædicatio.

&c. Hoc denique est, quod concionatoribus Societatis in eorum regulis statim initio proponitur, *Memores sint, vocatos se esse ad reducendas animas suo creatori, &c.*

35 Et juxta hanc finem media proponuntur, & supponitur pura intentio divini servitii, & zelus sincerus animarum ad gloriam divine majestatis; postulantur etiam solide virtutes, ac præcipue charitas, & familiaritas cum Deo in spiritualibus exercitiis. Deinde vero in ceteris regulis prudentissima media moralia consuluntur, quæ ad strenue hoc munus præstandum utilissima sunt. Omnis autem aliis, quæ magis sunt extrinseca, & per via, duo sunt valde notanda, quæ ad ipsum modum & actualem usum pertinent. Unum est in regula 9. scilicet: *Ut ea populo proponant, quæ ad captum & utilitatem audientium erunt accommodata, iisque insistant, quæ ad Christianam institutionem, atque ad extirpanda vitia, & virtutes inserendas valent, & a rerum subtilium curiosa tractatione se absteineant.* Quæ verba fere sumpta sunt ex 8. part. Constit. c. 8. §. 3. suntque veluti commentarii quidam verborum Pontificis. Prosequiturque hoc documentum Nazianz. in Apologet. n. 64. editio- nis anni 1609. *Res, ait, minime vulgaris, parvique spiritus esse videtur, verbi, perinde ac tritici mensuram opportune cuique dare, & dogmatum nostrorum veritatem cum judicio dispensare.* Et eloquentissime D. Greg. l. 17. c. 14. ubi inter alia de Apostolis ait: *Curaverunt summo opere rudibus populis plana & captabilia, non summa atque ardua prædicare.* Quod etiam cum multis aliis egregiis documentis tradunt optime Concilium Senonense. in Decretis morum cap. 36. & Treverense II. cap. & satis significatur in Concilio Tridentino supra.

36 Aliud continetur in regula 11. quæ est prudentia in correctionibus adhibenda: quanquam enim reprehendere vitia necessarium sit, quod sub illis verbis Pontificis hortandi, & admonendi, comprehenditur interpretamur, & docet optime Chrysostomus hom. 70. ad Populum; nihilominus, ut utiliter fiat, maxima prudentia, & moderatio necessaria est, præsertim illa, ut fiat generatim; unde Hieron. ad Nepot. in fine: *Neminem speciatim sermo meus pulsavit, generaliter de vitiis disputatio est; qui mihi irasci voluerit, ipse quod talis sit constabit.* Et declarat optime S. Bonaventura in Apologet. quæst. 2. ubi concludit: *Correctioni, & edificationi tantum debet intendere doctor fidelis, non confusio, vel infamatio alicujus presentis, vel absentis.* Et infra: *Quæ confundendo exasperas, hunc tardius edificas, & rancoris aculeo vulneras.* Quod cum hoc in universum verum sit, maxime vero circa pastores Ecclesiæ, sacerdotes, & primarios viros, ut adnotavit S. P. N. Ignatius in lib. Exercitiorum in fine, quadam reg. 10. Et ob eam rem specialiter admonentur in sua illa reg. concionatores Societatis, ut ab his reprehensionibus prorsus abstineant, quin etiam in Clem. f. §. 1. de Privileg. religiosis omnibus in virtute sanctæ obedientiæ & sub interminatione maledictionis æternæ districtius præcipitur, *ne in sermonibus suis Ecclesiæ prælati detrahant.* In Concilio autem Later. sub Leone X. universis prædicatoribus dicitur: *Ex divine vocis præcepto Evangelium omni creatura cum virtutum commendatione, & vitiorum detestatione enucleent, & declarent, & pacem ac dilectionem mutuam a Redemptore nostro tantopere commendatam ubique foventes, non scindant vestem inconsutilem Christi, sed ab Episcoporum, & Prælatorum, ac aliorum superiorum, eorumque status scandalosa detractione, quos coram vulgo, & laicis non modo incaute, sed etiam intemperate reprehendunt, & mordent, & ab eis male gestorum expressis quandoque nominibus aperta, & manifesta redargutione abstineant.* Et deinde innovat citatam constitutionem Clementis V.

37 Ultime ex dictis intelligitur, quid in hoc munere non solum licere, sed etiam cadere sub obligationem possit. Duplex enim hic distingui potest obligatio, scilicet de exercitio actus, & de modo, & quasi specificatione ejus. Præceptum etiam hic accipi potest vel rigore & proprie, vel late, ut comprehendit regulam religiosam. Hoc posteriori modo tenetur ex vi suæ regulæ Societas hoc munus frequenter, & assidue exercere, ut habetur 7. p. Constit. c. 4. §. 6. Hæc autem obligatio ad inferiores non descendit, nisi cum superior illud munus injunxerit, ut ibidem in declaratione dicitur. Notavimusque

Bern. serm. 58. in Cant. dicens neminem nisi vocatum tanquam Aaron concionari debere; quod eleganter repetit serm. 64. Ad superiorem ergo pertinet ex vi regulæ procurare, ut hoc munus exerceatur, quantum prudentia dictaverit; inferiorum autem erit, ad illud esse paratos, & dispositos, tam ex parte voluntatis, quam ex parte facultatis, quantum in ipsis fuerit, juxta ea, quæ in 4. p. Constit. c. 8. §. 2. statuta sunt. Hæc autem obligatio respectu inferiorum non est sub culpa, donec talis actus in virtute obedientiæ imperetur, regulariter ac per se loquendo, sicut de obligatione regulæ, & simplicium ordinationum obedientiæ, in superioribus dictum est. Dico autem regulariter, ut excludam extraordinarium casum, in quo possit charitas ipsa per se obligare, præsertim inter hæreticos, vel alios infideles, aut ubi gravis aliqua ignorantia totius populi, cum morali periculo salutis plurimorum intervenire, quæ prædicatione veritatis posset expelli. Dixi etiam per se, ut excludam molestiam scandalii, vel aliam similem, quæ per accidens potest intervenire: hæc vero communia sunt aliis muneribus, seu actionibus obedientiæ. In superiore autem gravior per se est hæc obligatio, non ut per se hoc munus exerceat, nam potius ipse facilius excusari potest, sed ut exerceri curet in loco, aut locis ad ipsum pertinentibus. Quamquam enim per se loquendo non excedat directionem regulæ, si solam positivam legem, ut sic dicam, inspicia- mus: tamen quatenus ex natura rei tenetur ratione officii ad providendum communi bono Societatis quoad partem sibi subjectam, & procurandum, ut in ea institutum servetur, potest hæc obligatio esse major, & in conscientia; raro autem erit gravis ejus transgressio, nisi pertineat ad nimiam quandam, & scandalosam negligentiam, vel quasi contemptum, quia extra hujusmodi casum, nec manifesta obligatio, nec materia gravis cernitur.

38 De altera vero obligatione, quæ pertinet ad modum actus, dicendum est, aliquem modum cadere sub obligatione regulæ, ut constat ex constitutionibus, & regulis Societatis supra adductis, in quibus multa continentur, quæ ad perfectionem pertinent, quæ ex sola rei natura non sunt simpliciter necessaria, ut actio honeste fiat, sunt tamen opportuna ut melius fiat, & ideo sub obligatione regulæ religiosæ posita sunt. Aliqua vero sunt rigore præcepta jure positivo; illa vero magis pertinent ad modum negativum, quam affirmativum, ut non concionari sine legitima facultate modo præscripto in Concilio Trident. vel abstinere ab indiscretis detractionibus aut reprehensionibus superiorum, juxta Clementinam citatam, quæ magna ex parte nituntur ipsa ratione naturali, quamvis ratione prohibitionis Ecclesiæ posset in aliquo casu esse peccatum mortale, quod ex se non esset. Et huc etiam pertinet, quod in eadem Clement. caveretur, ne concionatores religiosi retrahant laicos ab Ecclesiæ suarum frequentia, vel accessu, & ne indulgentias pronuncient indiscretas, id est, falsas, aut incertas, ut ibi glossa exposuit, ex Clement. 2. de pœnit. & remiss. Denique aliquis modus potest esse præceptus jure ipso divino, & naturali, ut est omnis ille, qui intrinsece necessarius est ad honestatem actus, ut est recta intentione prædicare, veram, & non falsam doctrinam proponere, utilia dicere, & vana non miscere, & similia, quæ recte explicat Cajetanus in summa verb. *Prædicator*, quæ communia sunt omnibus prædicatoribus, neque in nostris habet aliquid speciale, nisi quod fortasse ratione specialis status, atque etiam ratione majoris scandalii moraliter est in eis major hæc obligatio.

C A P U T II.

Quid possint, & debeant religiosi Societatis præstare in sacramenti Pœnitentiæ administratione.

Aliud præcipuum ministerium competens Societati ex vi sui instituti ad salutem proximorum, est sacramentorum administratio, ut dicitur 7. p. Constit. c. 4. §. 5. præsertim vero confessionibus audiendis, & Eucharistiam administrando id consequuntur, ut ibidem subjungitur: & ideo de his duobus prius dicemus, postea vero aliquid de reliquis attingemus. Supponimus autem nullius sacramenti administrationem potuisse licite

De obli-
gatione
debito
modo cō-
cionandi.

Quæ ex
dat in o-
bligatio-
nem so-
cietatis
conciona-
ti.

licite a nostris sacerdotibus usurpari, sine privilegio, aut facultate Sedis Apostolicæ, aut singulorum Episcoporum, in suis diocæsiis. Decuit tamen, & maxime expediens fuit, ut huiusmodi facultas ab ipsa Sede Apostolica immediate in religionem emanaret, quamvis cum ea subordinatione ad ceteros prælatos, quam recta ratio, & sacri canones postulant: & ideo sicut in præcedenti sectione fecimus, ita hic proponemus in primis Pontificiam facultatem, & eam, explicando omnia, quæ ad hæc ministeria pertinent, simul declarabimus.

1 Igitur Paulus III. in prædicta Bulla 3. aliàs 1. de facultatibus, post illam de munere prædicandi, de confessionibus audiendis subdit: *Nec non illis ex vobis, qui presbyteri fuerint, quorumcumque utriusque sexus Christi fidelium, ad vos undecumque accedentium confessiones audiendi, & confessionibus diligenter auditis, ipsos, & eorum singulos ab omnibus, & singulis eorum peccatis, criminibus, excessibus, & delictis, quantumcumque gravibus, & enormibus, etiam Sedi Apostolicæ reservatis, & a quibusvis ex ipsis casibus resultantibus sententiis, censuris, & penis Ecclesiasticis (exceptis contentis in Bulla, quæ in die Cænæ Domini solita est legi) absolvendi, ac eis pro commissis penitentiam salutarem injungendo.* Et inferius, clariusque in Bulla 5. anni 1549. declarat quemlibet fidelem cuilibet sacerdoti Societatis confiteri posse, nulla expectata sui Rectoris parochialis facultate, qui etiam non teneantur peccata, de quibus absoluti fuerint, iterum confiteri. Circa quam concessionem advertendum est, antiquiorem esse decreto Concilii Tridentini session. 23. c. 15. de Reformat. statuente, ut confessori omnes, etiam regulares, ab Episcopis debeant approbari; & ideo facultas illa vi sua, & secluso hoc posteriori jure, communis erat omnibus Societatis presbyteris, prout Bulla indistincte concedit. Nunc autem certum est, necessariam esse Episcopi approbationem, ut in proprio loco disp. 28. de pen. sect. 4. latius, & generalius declaravimus nam quoad hoc eadem ratio est de religiosis omnibus.

Quomodo singulis communicetur dictum privilegium.

2 Quæri autem potest, an sacerdos Societatis eo ipso quod ab Episcopo approbatus est, habeat hanc facultatem, & consequenter totam jurisdictionem fori penitentiarum, quæ per illam datur independentem a prælatis suis, ita ut licet ab eis prohibeatur confessiones audire, quamvis male faciat contra votum obedientiæ eas audiendo, confessiones nihilominus valide sint, nullumque defectum intrinsecum in suo genere habeant. Ratio autem dubitandi est, quia in priori facultate prædicandi expresse dixit Pontifex: *Qui ad hoc idoneus repertus, & per vestra Societatis Præpositum deputatus fuerit:* hic autem nullam huiusmodi limitationem posuit, sed absolute dixit: *Illis ex vobis, qui presbyteri fuerint:* ergo hac verborum differentia indicat non esse in hac posteriori facultate dictam concessionem necessariam. Præferimus cum inter eas possit ratio diversitatis assignari: nam munus prædicandi gravius est, & magis publicum & simpliciter loquendo plura dona requirit, ideoque potuit facultas concedi a superioribus magis dependens. Et confirmatur, quia aliàs posset Prælati Societatis non concedere hanc facultatem integram suis subditis, unde quodammodo posset reservare casus respectu etiam secularium, concedendo hanc facultatem ad absolvendum a quibusdam peccatis, & non ab aliis, vel ex parte personarum exponere ad audiendas confessiones talium personarum, & non aliarum. Nam, si hæc facultas non conceditur nisi mediante superiore, cum ipsa in se indivisibilis non sit, poterit tantum ex parte concedi ad arbitrium superioris, quod videtur absurdum, & præter communem usum; atque ita hanc partem ruetur. Eniql. lib. 7. de ind. l. c. 28. n. 2. ubi citat Emmanuel Roderic.

3 Nihilominus dicendum est facultatem hanc intelligendam esse cum dependentia subditorum a suis Prælati, non solum quoad hoc ut propter subordinationem obedientiæ non liceat uti hoc munere contra superioris voluntatem, sed etiam quia subditi facultas, ut sic dicam, audiendi confessiones, & jurisdictionem necessariam per superiorem conferentiam. In hac generaliter declaratum est a Gregorio XIII. in Bulla, *Decret Romanum Pontificis*, anni 1575. Neque aliter de hoc portione Societatis prædictæ, privilegiis, facultatibus, & aliis præmissis, aut aliquo

eorum, nisi per Generalem Præpositum, & de ejus beneplacito, aut per alium, seu alios de ejus commissione electos, ut præmissum est, uti, aut gaudere possint. Unde licet ante hæc concessionem dubium esse potuerit de mente concessionis Pauli III. tamen post illam dubitari non potest, siue dicamus illam concessionem Gregorii fuisse meram declarationem, siue restrictionem. Adde vero, mihi probabilis esse Pauli III. concessionem ita fuisse intelligendam, ut deputatio Prælati Societatis ad munus audiendi confessiones, fuerit necessaria, ut sacerdotes Societatis possent gaudere hoc privilegio, & facultate Pontificis, siue dicamus jurisdictionem ipsam immediate concedi per prælatum Societatis, siue designationem ejus esse veluti conditionem necessariam, ut Pontifex illam tribuere censeatur: nam ad re ipsam, & effectum facultatis parum hæc differentia refert. Hoc autem ita esse colligo primo ex contextu. Nam prius dicitur: *Quilibet vestrum, qui ad hoc idoneus repertus, & per vestra Societatis Præpositum pro tempore existentem deputatus fuerit, in quibusvis Ecclesiis, &c.* Postea vero finita prima facultate, nullo interjecto puncto, sed continuando eandem clausulam addit secundam dicens: *Nec non illis ex vobis, qui presbyteri fuerint, quorumcumque fidelium, &c.* Ergo subintelligendum etiam hic est, quod præmissum fuerat, ad hoc idoneis repertis, & per Præpositum deputatis: nam sub illo fundamento hæc omnia dicuntur; solum hic addita fuit conditio presbyterii, quia in priori facultate non erat necessaria, ut supra cap. præced. notavimus.

4 Secundo idem patet ratione, quia non est verisimile omnibus presbyteris Societatis concedere Pontificem hanc facultatem, & jurisdictionem, absque illa conditione: *Si idonei reperti fuerint:* quia non possunt rationabiliter præsumi idonei eo ipso, quod in Societate ordinantur, nam licet fortasse regulariter ita sit, non tamen certum est servari in omnibus, nec fuisse expediens illud tam generaliter præsumere, aut supponere. Illa ergo prior conditio sine dubio intelligitur in hac secunda facultate; ergo etiam altera de deputatione per prælatum, nam eodem modo, & contextu proponuntur. Eo vel maxime, quod est valde necessaria, tum ad convenientem ordinem religiosum, contra quem verisimile non est, Pontificem per generalia verba concedere, quod in specie non esset concessurus: tum etiam, quia in religione hoc est moraliter necessarium, ut confessor reputetur simpliciter idoneus, non tantum scientia, sed etiam moribus, quod non minus necessarium est ad debitam administrationem hujus sacramenti.

5 Dico igitur, tam jure primario Societatis (ut sic loquar) quam posteriori a Gregorio declarato, omnem facultatem, & jurisdictionem in hoc ministerio necessariam descendere a summo Pontifice ad quoscunque sacerdotes Societatis, quibus communicatur per Generalem Præpositum ejusdem Societatis, vel immediate, vel mediis Provincialibus, aut aliis superioribus, quibus vel jure ordinario, vel delegato hæc potestas creandi confessores conceditur: ordinarie autem mediis Provincialibus id fit, ut ex regula eorum 20. supra tetigimus. Et ita responsum est ad rationem dubitandi ex verbis Bullæ desumptam. Nec refert, quod munus prædicandi majorem sufficientiam requirit, quamquam fortasse non omnes id admittunt, nam revera se habent ut excedens, & excessum quoad varias qualitates, quas in personis requirunt, quæ revera in utroque ministerio sunt magni momenti, & valde necessariæ, quod satis est, quidquid sit de comparatione. Ad confirmationem concedo in primis posse prælatum Societatis auferre a subdito omnem facultatem, & jurisdictionem ad confessiones audiendas, id enim plane sequitur ex dictis, imo hoc est, quod præcipue intendimus, & reputamus necessarium.

6 An vero possit ex parte concedere hanc facultatem & non integre, in questionem verti potest. Nam alicui fortasse videbitur illam facultatem, prout a Pontifice conceditur, esse unam & indivisibilem, & ideo auferri quidem posse, aut dari totam, posita, vel ablata conditione a Pontifice requisita, non tamen posse dividi, maxime si verum est, non prælatum Societatis conferre jurisdictionem, sed Pontificem, ipso designante, vel deputante personam: nam tunc vel conditio impletur, & sic datur integra facultas: vel non impletur, & sic nihil

Pauli 3. privilegium circa penitentiam ad ministerium.

Id nunc intelligitur prævia approbatione.

Ratio dubi.

Confirm.

Resolvitur dari in medio superioris.

Suadetur ratio.

Satisfit rationi dubitandi in n. 3.

Possit ne communicari hæc privilegium non integre.

Resolvi-
tur affir-
mative.

nihil datur. Sed hoc mihi non probatur, quia licet illa facultas uno verbo detur, ut sic dicam, multa in se continet, quae dividi possunt, & ita re ipsa multiplex est: quid ergo vetat, quominus per superiorem applicetur quoad aliquid, & non in totum? Nam in primis probabilius est superiorem esse, qui immediate dat facultatem, & delegat, seu committit jurisdictionem: quia est ordinarius praelatus, & tanquam causa secunda per se sufficiens in suo ordine ad hunc effectum. Deinde, quia licet solum designaret personam, illam conditionem potest recipere divisionem, nam potest persona deputari ad audiendas confessiones virorum, & non mulierum, &c. Quapropter non dubito, quin possit Societatis praelatus partem huius facultatis concedere, & non totam, maxime ex parte poenitentium, id est ad audiendas confessiones virorum tantum, vel scholarium tantum, vel solum in tali populo: quia in generali potestate, quae illi conceditur, hoc totum continetur; neque nos possumus limitationem adhibere, quae nec ex natura rei sequitur, neque a Pontifice ponitur, praesertim cum ad debitum usum talis muneris illud possit esse necessarium. Nec refert, quod possit etiam superior aliquando indiscrete uti tali potestate: nam id est per accidens, quomodo cumque autem id faciat, factum tenebit. Atque idem in rigore sequitur de limitatione ejusdem facultatis ex parte peccatorum, concedendo illam ad absolvendum ab aliquibus peccatis, & non ab aliis, quod respectu poenitentium sibi subditorum clarum est per modum reservationis, de qua supra lib. 8. cap. 5. Respectu vero poenitentium non subditorum non habet locum propria reservatio, & ideo non censetur posse fieri prudenter, & licite talem limitationem, seu dimidiationem jurisdictionis, nisi supposita aliqua reservatione facta a praelato ipsius poenitentis, & in ordine ad observationem ejus, ut paulo post a numer. 18. explicabitur, nam extra hunc casum imponeretur grave onus poenitenti, fieret quae ipsi injuria, ideoque talis modus divisionis ac limitationis non est in usu.

Tum li-
mitando
poeniten-
tiam.

Tum li-
mitando
casus sub-
ditorum,
non secu-
larium.

Suborta
quaestio-
culi pra-
ctica.

Ejus va-
ria decisio

7 Quæret autem forsasse aliquis practice, an quoties superior prohibet alicui, ne confessiones audiat, censendus sit omnino privare illum facultate, & jurisdictione ad audiendas confessiones, vel solum vetare, ne illum actum tunc exerceat: nam hæc duo diversa sunt, & potest optime unum ab alio separari. Respondeo hoc pendere ex intentione superioris, & ideo ex verbis, vel aliis signis, & circumstantiis colligendum esse. Ac propterea superiores, quando intendunt aliquem omnino ab officio remove, vel suspendere, debent his verbis, vel similibus id satis explicare. Et e converso subditi in dubio debent abstinere, & de intentione superioris certiores fieri. Adde præterea, quando a principio non datur alicui licentia audiendi confessiones, aut datur ad hoc genus personarum, & non ad alia, signum clarum est prohibitionem illam esse totalem per denegationem facultatis. Quando vero is, cui prius erat facultas simpliciter concessa, prohibetur, ne ministerium exerceat, considerari potest, an id fiat in poenam alicujus delicti, nam tunc videtur imponi per modum suspensionis, & consequenter tolli jurisdictio. Item, an prohibitio fiat intuitu ipsius ministerii, ut sic dicam, ne indigne fiat a tali persona, aut circa talem personam: nam tunc etiam est signum ablationis totius facultatis. Si autem prohibitio fiat per modum ordinariæ obedientiæ simplicis, ut talis persona tunc non in eo munere occupetur, sed in aliis, tunc non censetur auferri jurisdictio, quia nunquam solet cum tanto rigore id prohiberi in simili casu, imo neque cum obligatione in conscientia solet talis prohibitio fieri.

Expenditur privilegii clausula: Quoscumque fideles undecumque venientes.

8 Secundo principaliter observanda sunt illa verba: *Quoruncumque utriusque sexus Christi fidelium, ad vos undecumque accedentium.* Per hæc enim conceditur Societatis privilegium, quod a Pio II. Nicolao III. Sixto IV. & Leone X. mendicantibus jam concessum erat, ut constat ex Compendio mendicantium, verb. *Absolutio*, §. 9. & 10. Unde duplici titulo illo gaudet Societas, scilicet per viam communicationis, & per directam & propriam concessionem. Unde constat, posse confesso-

rem Societatis hic residentem, & a solo praelato hujus diocesis approbatur, audire confessiones omnium, qui hoc ad ipsum venerint, etiam ex aliis Episcopatibus, etiam si ab Episcopis eorum, nec licentiam, nec approbationem talis confessor habeat, quia hoc expresse hic conceditur. Quæ concessio moraliter nullius esset utilitatis, si distantium Episcoporum approbatio expectanda fuisset. Neque hoc revocatum, aut limitatum est per decretum Concilii Tridentini postulantis Episcoporum approbationem: nam huic decreto fit satis per hoc, quod religiosus approbatus est ab Episcopo, in quo habet religiosum domicilium, ut disp. de poenit. 28. sect. 6. num. 14. latius declaravi.

9 Dubitari autem hic potest, an nostri sacerdotes, quibus hæc facultas generaliter, & sine limitatione communicata est, respectu omnium poenitentium, qui non sunt de Societate, possint virtute dictorum verborum absolvere omnes regulares aliarum religionum, qui ad ipsos veniunt. Sed hoc pendet ex privilegiis aliarum religionum; si tamen per ipsa non impediuntur, & eximantur (ut sic dicam) ab hoc privilegio, ex vi illius possent a nostris confessoribus absolvi. Quia tamen & jus aliorum sepe erit incertum nostris confessoribus, & quia odiosum esse potest alios religiosos in confessione audire sine facultate suorum superiorum, ideo facultas hæc non communicatur in Societate confessoribus ejus respectu regularium, qui licentiam non habuerint extra suum ordinem confitendi, ut notatur in Compendio privilegiorum Societatis, verb. *Absolutio*, §. 1. Dubitari vero potest circa hæc verba, an nostri confectores possint uti hac facultate tantum in suis Ecclesiis, ac domibus, vel ubicunque adfuerint? Olim enim de aliis privilegiis mendicantium hoc dubitatum est. Sed nullam hic video esse rationem dubitandi: quia privilegium hoc nullum habet verbum, quo restringat hanc facultatem ad locum, vel habitationem Societatis, sed ad personas illam refert, dum ait: *Ad vos undecumque venientes.* Ubicumque ergo fuerit Societatis confessor, secum, ut ita dicam, defect facultatem, & illa uti potest, dummodo conditio alià requisita de Episcopi approbatione observetur. Unde expeditur etiam dubitatio alia, an scilicet possit religiosus Societatis hic habitans, & hic approbatus circumiens alia loca aliarum diocesium, confessiones ibi audire hominum illarum diocesium, quam in materia de Poenitentia latius tractavi; & resolutio est, jure communi, & per hæc generalia privilegia non posse: quia non sine causa hic exprimitur, ut possint audire ad se undecumque accedentes, & non e converso. & quia in Clem. *Dudum*, de sepultura statuitur, ut religiosi, qui ad audiendas confessiones deputandi sunt, Praelatis diocesium prius praesententur. Nihilominus tamen ex speciali privilegio Gregorii XIII. in Bulla: *Ad perpetuam rei memoriam*, anni 1575. conceditur nostris approbatis in uno Episcopatu, ut dum per alios iter agunt, possint confessiones audire, cum limitationibus præcedenti c. n. §. explicatis circa facultatem concionandi.

Expenditur clausula: A quibuscumque culpis etiam Apostol. Sedi reservatis.

10 Tertio notanda sunt illa verba *Ab omnibus, & singulis eorum peccatis, usque ad illud, etiam Sedi Apostolicæ reservatis.* Circa quæ gravis difficultas occurrit, an ex vi hujus privilegii possint nostri sacerdotes absolvere a peccatis reservatis Episcopis. Supponimus autem primo ex materia de Poenitentia 2. disp. 30. sect. 1. n. 2. posse summum Pontificem, non obstante quacumque reservatione Episcoporum concedere aliis jurisdictionem ad absolvendum a talibus peccatis independentem a consensu Episcoporum: quia est superior, & absolutus, & ordinarius pastor singulorum, ita ut immediate possit circa omnes jurisdictionem exercere, vel eam sibi reservare, vel cui voluerit committere. Secundo suppono, per commune jus, non posse religiosos, etiam mendicantes, absolvere a casibus reservatis Episcoporum, ut in materia de Poenitentia dixi disp. 3. sect. 3. n. 1. 2. cum glossa, & communi sententia in Clem. *Dudum*, de sepultura. quam supra tra. 8. l. 3. probavi tractando de privilegiis religiosorum in communi.

9 Et quamvis moderni aliqui oppositum docere voluerint, tamen nituntur falsa intelligentia Clementinæ *Dudum*; supponunt enim quatuor, vel quinque casus esse jure communi reservados Episcopis: unde cum Cle.

Dubia
tria circa
clausulam.

An proce-
dat clau-
sula de
reservatis
ab Episc.

Clemens V. declarat, se non intendere majorem facultatem concedere religionis, quam Parochis sit jure concessa, hoc jus tale esse interpretantur, ut Parochi possint ab omnibus peccatis absolvere, exceptis tantum illis quatuor, vel quinque casibus, & ita concludunt Pontificem totam hanc facultatem dedisse religionis, ideoque ex vi juris communis non posse quidem absolvere ab illis quinque casibus, jure communi Episcopis reservatis, posse tamen absolvere ab omnibus aliis, quos Episcopi reservaverint: quia Pontifex solum excepit reservationem a jure, & Episcopi non possunt restringere facultatem, a Pontifice concessam.

12 Hic vero discursus & falso fundamento nritur, & non bene colligit. Primum patet, quia revera non sunt casus jure communi reservati Episcopis, ut in to. 4. 3. part. disp. 29. sect. 3. num. 6. ostenditur; ergo non potest illa reservatio juris sumi pro mensura hujus privilegii. Verum ergo jus, de quo ibi Clemens loquitur, est, ut parochi habeant potestatem absolvendi ab omnibus peccatis, his exceptis, quos Episcopi sibi reservaverint: similem ergo voluit concedere religionis mendicantibus, & non majorem. Secundum probatur: nam esse datemus esse aliquam peccata jure communi Episcopis reservata, nihilominus Parochi non habent a jure communi potestatem absolvendi ab omnibus casibus, illis exceptis, independentem omnino a jurisdictione Episcoporum, sed cum subordinatione ad reservationes alias Episcoporum: ergo ex vi illius juris communis non habent religionis potestatem magis independentem ab Episcopis. Patet consequentia ex illis verbis: *Per hujusmodi autem concessionem nequaquam intendimus personis, seu fratribus ipsis ad id taliter deputatis potestatem in hoc impendere ampliore, quam in eo curatis, vel parochialibus sacerdotibus est a jure concessum.* Eset autem longe amplior facultas fecitum, quam parochorum, si hæc esset subordinata reservationi Episcoporum, & non illa. Igitur licet concedamus, si Episcopi limitate reservent aliquem casum pro parochis, inde non sequi reservare etiam pro religionis (quod ad summum probant argumenta adversariorum); nihilominus quando absolute reservant, cum intendant omnes comprehendere, revera tenet illorum reservatio, etiam respectu religionis, cum ex prædicto jure communi non recipiant potestatem, nisi subordinationem illis, ut declaratum est.

13 His positis, difficultas est, an ex vi hujus specialis privilegii detur hæc facultas nostris confessoribus. Et ratio dubitandi est, quia per hanc facultatem non derogatur expresse illud jus commune, cum tamen conciliare sit, quod non solet nisi expresse revocari, ut notat Sanchez lib. 3. de matr. disp. 26. num. 7. Nec satis est, quod Pontifex ibi concedat omnes casus sibi reservatos; nam per hoc non satis significat se concedere casus reservatos Episcopis, non quia non possit (ut quidam male dixerunt,) sed quia juri suo potest facile cedere: jus autem aliorum non censetur tollere tanta liberalitate, & facilitate, & maxime ubi expresse id non declarat. Et confirmatur (quod maxime urget), nam illustrissimi Cardinales inter alias declarationes ad sess. 14. ca. 7. Concilii Tridentini, in una sic habent: *Regulares per privilegium, quod Mare magnum vocatur, facultatem non habent absolvendi penitentes in casibus Episcopis reservatis.* In alia vero sic: *mendicantes vigore maris magni non possunt absolvere a casibus reservatis, neque Jesuitæ.* In alia vero generalius: *Regulares non possunt ex privilegiis, præsertim ex illo, quod Mare magnum appellant, sibi concessis, absolvere quendam in casibus, quos Episcopi sibi reservaverint.* Ubi quavis addatur illa particula *præsertim*, tamen absolute excluduntur omnia privilegia religionis. Quæ declarationes videntur in hoc fundari, quod illa privilegia, si sint antiquiora Concilio Tridentino, in illo derogata sint per verba illa cap. 7. *Extra quem articulum sacerdotes cum nihil possint in casibus reservatis.* Si vero sint recentiora, non censentur per verba generalia hanc dare facultatem, sed solum quando illam exprimunt. Quod fundamentum colligo ex alia declaratione eorundem Cardinalium, quæ sic habet: *Confessores vi privilegiorum Rosarii non absolunt a casibus reservatis Episcopo, nisi privilegia ipsa talem prædent facultatem, vel sint obienta, vel confirmata post Concilium Tridentinum.*

14 Nihilominus assero ex vi hujus privilegii concessam esse confessoribus Societatis ad hoc deputatis facultatem absolvendi a casibus reservatis Episcopis, privilegiumque hoc suam vim retinere, Prior pars in hoc fundanda est, quod illa generalia verba cum extensione ad casus reservatos sufficiunt ad comprehendendos casus reservatos Episcopis. Et ita intellexit hoc privilegium Auctor Compendii privilegiorum Societatis, verb. *Absolutio. §. 1.* & sequitur est Emmanuel Rodericus q. 61. ar. 3. in fine. Sumitur etiam ex Navarro in summa, c. 27. nu. 263. ubi per similia verba Bullæ concessæ confratribus sanctissimæ Trinitatis, ait dari prædictam facultatem; & vehementer impugnatur quendam, qui hoc negaverat. Verum est magis impugnare fundamentum ejus, quod erroneum erat, nimirum, non posse Pontificem hanc facultatem dare, ipse vero solum probat habere potestatem, nam illa supposita, pro certo habet per illa verba dari. Probatur præterea, quia illa verba, *quantumque gravibus, & enormibus*, valde generalia sunt. Expendo deinde illam particulam *etiam*, quia non est limitans, vel diminuens, sed potius augens, quia si casus reservati Sedi Apostolicæ committuntur, multo magis reservati quibusvis aliis inferioribus prælati. Denique Gregorius XIII. die 10. Maii anni 1583. vivæ vocis oraculo, prout refertur in dicto Compendio Societatis, agnovit hanc facultatem esse concessam a Paulo III. Societati per illud privilegium, & declaravit non fuisse intensionem suam, illa derogate per declarationem Cardinalium citatam, & eam denuo confirmavit, per quam declarationem posterior pars resolutionis comprobata manet.

15 Unde ad rationem dubitandi respondetur, Pontificem concedendo omnes casus etiam sibi reservatos, concedere omnes, a quibus ipse potest absolvere: potest autem absolvere ab omnibus, quos sibi Episcopi reservant, & ideo æque illos committit per illa verba, ac reliquos. Neque in hoc tollit jus aliquod Episcoporum, sed fungitur suo, quod habet ad absolvendum ab illis peccatis, per se, vel per delegatos suos. Et ita docui disp. 7. de cens. sect. 5. n. 13. Ad declarationes Cardinalium, quod attinet ad Mare magnum, fortasse in illo non conceditur mendicantibus facultas absolvendi ab omnibus casibus Sedi Apostolicæ reservatis. Nam in Compendio mendicantium, verb. *Absolutio quoad seculares*, cum multa de hoc referantur privilegia, nullum refertur, quod clausulam illam, & extensionem habeat; & ideo quoad hoc non est similis ratio. At vero quoad aliam particulam, quæ in tertia declaratione additur, quæ generalis est de privilegiis, habet difficultatem illa declaratio; quia ex libro Monumenta ordinis, concess. 287. 392. & 439. varia referuntur privilegia, in quibus expresse conceditur mendicantibus, ut possint absolvere ab omnibus casibus vel sub hac forma generali: *Quantumvis enormibus, dummodo tales non sint, propter quos Sedes Apostolica merito sit consulenda.* Quæ exceptio firmat regulam quoad omnes alios. Vel etiam sub forma speciali: *Etiam reservatis Ordinario*, ut referunt moderni auctores. Verum tamen, ut ipsi etiam fatentur, hæc privilegia non sunt certa, sed dubia, vel quia non fuerunt usu recepta, vel quia non satis expressis verbis conceduntur, maxime pro secularibus; & ideo fortasse Congregatio Cardinalium, in casu dubio decrevit potius esse favendum juri communi, & Concilio Tridentino. Accedit, quod, ut in dicto Compendio Societatis refertur, in declaratione illa intercessit auctoritas Gregorii XIII. qui non solum declarando, sed etiam faciendo, potuit decernere, ut illa privilegia minus certa, quoad hanc facultatem non admitterentur. Quod vero dicebatur de derogatione talium facultatum per Concilium Tridentinum, mihi probabile non est: quia in Concilio nihil agitur de privilegiis, vel de derogatione eorum, sed declaratur jus divinum, & commune tam quoad potestatem reservandi, quam quoad effectum, qui sequitur, posita reservatione. Falsum etiam est, hanc facultatem non dari per verba generalia, quando illa talia sunt, ut casus etiam Pontifici reservatos comprehendat. Quod præter dicta patet ex alia declaratione ejusdem Congregationis Cardinalium, dicentium, per Bullam Jubilæi indictam Summo Pontifice *cum facultate absolvendi a quibuscumque enormibus peccatis reservatis*.

Resolutio
affirmativa
va lipas,
pica.

Ad rationem
dubitandi in
n. 13.

Ratio du
bit in n.
13. positi.

Vide
Marx l. 3.
decret.
T. id sup.
c. 22. pag.
in li. 411.
& 424.

Cardubi
in Addi
tione ad
comp. n.
dium Mi
norum
verbo Ab
solutio
quæ ad
seculares
§. 19. &
Roderi
cus q. 61.
a. 3.

vis Apostolica Sedi etiam in Bulla Cœne Domini, posse fideles absolvi a peccatis Episcopo reservatis. Nec videtur referre, quod in hac declaratione forma concessionis est cum extensione ad casus contentos in Bulla Cœne Domini, in nostro vero indulto est cum exceptione: quia non minus hæc exceptio firmat regulam ad omnes alios casus ibi non contentos, cuicumque reservati sint, quam ampliet dicta extensio. Alia ergo ultima declaratio citata videtur postulare ad hanc facultatem, quando non datur per verba specialia, quod indultum sit concessum, vel confirmatum post Concilium Tridentinum: quia antiquiora reputat dubia, & non admittenda, vel certe derogata non per Concilium, sed per aliam declarationem citatam Gregorii XIII. Hæc autem nostrum privilegium, licet fuerit ante Concilium Tridentinum concessum, fuit tamen confirmatum a Julio III. in Bulla anni 1552. quo anno jam erat facta sessio 14. Concilii Tridentini, nam celebrata est die 25. Novembris, anni 1551. sub eodem Julio, qui prædictum privilegium cum aliis confirmavit die 22. Octobris anni 1552. Et alia confirmatio colligi potest ex Bulla Pii V. *Dum in defunctis*, anni 1571. Ac denique Gregorius XIII. hoc in specie declaravit, & confirmavit, ut diximus in fine num. 14. video nihilominus revocatam postea a Clemente octavo facultatem mendicantium absolvendi a casibus, quos reservant Episcopi, sed ea revocatio, nec in Lusitania, neque (ut credo) extra temporale dominium Pontificis obtinuit.

Expenditur privilegii exceptio de casibus Bullæ Cœne.

16 Quarto circa exceptionem illam: *Exceptis contentis in Bulla, quæ in die Cœne Domini solita est legi*, advertendum est limitationem hanc quoad aliquos casus, vel personas per alia indulta sublatam esse. Et in primis in terris infidelium, & partibus remotissimis, a quibus non potest adiri Sedes Apostolica, potest Generalis Præpositus concedere nostris facultatem absolvendi, etiam a casibus in Bulla Cœne Domini reservatis, ut concessit idem Paulus III. in Bulla, *Licet debitum*, anni 1549. & confirmavit Julius III. & auxit Gregorius XIII. in Bulla, *ad perpetuam rei memoriam*, anni 1575. Circa quam extensionem vulgaris dubitatio locum habet, an sub illa comprehendatur etiam crimen hæresis, nam sub aliis concessionibus generalibus certum est non comprehendendi, ut disp. 21. de fide sect. 4. num. 21. diximus, & docent communiter moderni Doctores, & declaravit Pius V. speciali motu proprio, quem refert Rojas lib. de Privilegiis Inquisitorum num. 416. & lib. de Hæresi, 1. part. assert. 39. Cujus declarationis fundamentum est, quia casus specialis non venit sub concessionem adeo generali, juxta regulam 81. juris in 6. Videri autem potest hæc ratio in præsentii cessare, quia ratio, ob quam hæc concessio facta est, scilicet quia non potest Apostolica Sedes adiri, etiam in peccato hæresis locum habet, & ideo respectu earum regionum peccatum hæresis non potest considerari ut speciale, sed ut induens eandem rationem. Sic enim multa propter distantiam conceduntur, quæ aliàs negantur, ut dixit glossa in *cum ex literis*, de in integrum restitut. & Panorm. in *c. in nostra*, de sepultur. & ex Bullis eorundem Pontificum colligi potest, in quibus multa pro illis remotis regionibus conceduntur nostris operariis, quæ pro aliis locis minime permittuntur. Quæ rationes suadent hanc partem valde probabiliter, maxime pro his locis, ubi neque officium inquisitorum exercetur, nec fere sunt Episcopi, aut suum munus libere administrare non permittuntur: ad omnem tamen dubitationem tollendam, hoc in specie concessit Julius III. vivæ vocis oraculo, ut refertur in Compendio privilegiorum statim citando & habetur in Bulla ejusdem Julii anni 1552. *Dilecte fili*, ibi, & quoscunque a casibus hæresis, & aliis contra fidem, & consequentibus censuris quibuscunque, &c. conceditur autem talis facultas soli Præposito & professi idoneis per illam deputatis: non arctatur autem ad regiones remotissimas, sed simpliciter conceditur ad quoscunque a casibus hæresis, & aliis contra fidem absolvendos. Et hoc modo fuit hoc privilegium confirmatum a Gregorio XIII. die 18. Martii anni 1584. vivæ vocis oraculo pro reliquis orbis partibus Hispania excepta, ut in compendio refertur, verb. *Absolutio*, §. 3.

17 Ubi adnotatur, solum communicari Provincia-
Suar. Tom. XV.

libus extra Hispaniam, cum potestate subdelegandi hanc facultatem in casibus particularibus, quando re attente considerata judicaverint expedire. Quod pertinet ad moderatum usum illius indulti, ratione cujus non poterunt Provinciales hanc facultatem generaliter alicui concedere, nisi habuerint a Generali ampliorem facultatem, quam ipse poterit concedere extra Hispaniam, ubi judicaverit expedire. Verumtamen limitatio illa addita ibi est quoad hoc speciale privilegium, & quoad omnia loca, at in remotissimis regionibus, & utendo privilegio Pauli III. cum probanti extensione supra dicti, videri potest major facultas admittenda. Quia vero Paulus III. etiam pro terris infidelium non concedit casus contentos in Bulla Cœne, nisi quando Præpositus Generalis eam facultatem concesserit eis, quos illuc mittit, ideo semper facultas hæc pendet ex speciali illius concessionem. Nam in Compendio privilegiorum nullā invenio factam esse mentionem illius secundæ concessionis, & extensionis factæ a Paulo III. nec universalem clausulam, per quam Præpositus Generalis illam communicet confessoribus, aut Provincialibus. Semper ergo necessaria est communicatio specialis, & ab homine, ut sic dicam, ad absolvendum a quibuscunque casibus Cœne etiam in terris infidelium, & remotis, observando clausulam in præfatione illius Compendii positam, nimirum, omnem facultatem in Compendio omissam, eo ipso non esse concessam, donec a Præposito imperetur, nisi (ut ibi additur) periculum in mora esset, nam tunc censetur Provincialibus, & Visitationibus communicata solum pro casu occurrente, ac necessario, cum aliis limitationibus, quæ ibi adjunguntur.

18 Præter has extensiones est alia Gregorii XIII. facta vivæ vocis oraculo die 18. Martii, anni 1584. his verbis: *Possunt confessori Societatis absolvere eos, qui bona naufragantium rapuerunt, injuncta eis restitutione, ubi, & quomodo ea fieri poterit. Qui casus reservatus est in quarta clausula Bullæ Cœne, in cujus fine revocantur omnia privilegia ad absolvendum ab hujusmodi casu. Sed quoad hoc est notandum aliud privilegium ab eodem Gregorio eadem die concessum, ut nulla Societatis facultates censeantur revocate per Bullam Cœne Domini, ut in eodem Compendio refertur, verb. Bulla Cœne. §. 2. Præterea concessa est Societati alia specialis facultas absolvendi a peccato commisso in legendo libros prohibitos, de quo peccato in to. de fide disp. 20. sect. 2. a nu. 18. dictum est. Quam facultatem etiam concessit Gregorius XIII. cum eadem limitatione, extra Hispaniam, & pro aliis etiam locis cum magna moderatione communicatur a Præposito Generali, ut in prædicto Compendio videre licet, verb. *Absolutio*, §. 4. Pertinet autem hæc facultas ad casus contentos in prima clausula Bullæ.*

19 Ultra hæc, ex parte personarum absolutione indigentium, data est nostris confessoribus facultas absolvendi eos, qui mittuntur ad trimeas, a quibuscunque casibus non solum sine ulla exceptione, sed etiam cum hac additione, *sicut in articulo mortis*; quæ indicat amplissimam facultatem; & ideo non communicatur ipso facto omnibus deputatis, & approbatis confessoribus, sed superioribus, & quibus ipsi specialiter eam commiserint: quod spectat ad moderatum usum Societatis, nam facultas absolute concessa est a Pio IV. vivæ vocis oraculo, ut refertur in dicto Compendio, §. 5. Tandem advertendum est, hæc omnia intelligi respectu secularium, seu externorum, qui de Societate non sunt, nam pro absolutione personarum Societatis multo plures facultates quoad hanc partem sunt concessæ Prælati Societatis, ut infra suo loco lib. 10. c. 5. dicemus. De familiaribus etiam pauca addemus infra c. 4.

Expenditur alia clausula tripartita, de absolutione a sententiis, censuris, & poenis.

20 Quinto observanda sunt illa verba: *Et a quibusvis ex ipsis casibus resultantibus sententiis censuris, & poenis Ecclesiasticis absolvendi*. Ad hæc enim sunt ad explicandum, non solum concedi directam facultatem absolvendi a culpa, sed etiam a censura, quantumvis reservata, cum eadem tamen exceptione Bullæ Cœne. Quamvis enim culpa tolli non possit nisi ablata censura, & ideo concessa facultate ad absolvendum a culpis reservatis, censetur concessa facultas ad absolvendum a censuris, quæ qui dat facultatem ad aliquid, dat consequenter ad omnia,

A quo superiore hæc concessio sit communis causa.

Nullibi etiam procedit exceptio de bonis naufragantium.

Nec item procedit quoad libros hæreticorum.

Nec denique procedit de secularibus, qui mittuntur ad trimeas.

Exceptio casuum Cœne non procedit in locis remotissimis infidelium.

Idque probabitur, licet etiam quoad hæresim.

Ita in specie concessit Julius III.

Hæc clausula non solum ad hunc præcedentem, sed ad absolutionem a culpis.

quæ ad illud necessaria sunt, ut constat ex toto titulo de officio delegati: nihilominus, ne putaretur facultas restricta ad casus non habentes censuram annexam, vel quia posset censura tolli solum ad hunc effectum, ut posset obtineri absolutio a culpa, qua obrenta statim rediret censura; ideo expresse declarata est extensio illius facultatis ad absolutionem censurarum: quo fit, ut per hanc facultatem directe ac simpliciter possint remitti censuræ, ita ut necessarium non sit amplius coram iudice comparere, quoad forum conscientie, ut statim dicemus.

De prima particula clausula a sententiis.

21 Sunt autem in illa clausula tres particulae notandæ, *sententiis, censuris, & poenis*. Et circa primam quæri potest, an intelligenda sit de solis sententiis a iure, de quibus nulla dubitatio est, an etiam ab homine? Videtur enim ita affirmari, quia vox illa indefinite ponitur; non est ergo, cur a nobis restringatur. In contrarium vero est, quia si sententiæ ab homine ibi comprehenduntur, id esset verum tam de specialibus, quam de generalibus, quia respectu utrarumque verbum illud est indifferens; consequens autem est contra communem usum, & sententiam. Item obstat proprietas illius vocis, *resultantes*, quia huiusmodi sententiæ non proprie dicuntur resultare ex delicto, nisi quando delictum habet sententiam annexam ex vi iuris: nam quando per hominem ferenda est sententia, non resultat proprie ex delicto. Nihilominus certum est sub hac clausula comprehendendi censuras latas per sententiam generalem ab homine, quod supponitur in scholio addito ad hanc facultatem in nostro Compendio, ubi concessa hac facultate omnibus confessoribus additur; *Præterquam respectu excommunicatorum generaliter ab homine, quos superiores tantum, & ii, qui ab eis specialem licentiam habuerint, poterunt absolvere*. Hæc enim exceptio supponit facultatem extendi ad has sententias, alias nec superiores, nec deputati ab illis possunt illa uti in eo casu: facultas ergo data est, quamvis propter vitandam offensionem, Præpositus Generalis solum cum ea limitatione illam communicet, quod ut num. 6. diximus, juxta privilegia facere potest. Ratio vero est supra tacta, quia sententia generalis ab homine est propriissima sententia, & nihil habet speciale, ob quod in generali clausula non includatur, & illa etiam proprie dicitur resultare quoad suum effectum ex delicto contra illam commissio, nam in hoc convenit cum sententia a iure, quod supponitur lata ante delictum commissum, & ideo ex illo statim resultat effectus. Obiter etiam adverto, Eugenium IV. concessisse monachis S. Benedicti similem facultatem absolvendi ab omnibus censuris a iure vel ab homine generaliter latis, ut refertur in Compendio Mendicantium verb. *Absolutio*. §. 5. qua in rigore possent nostri confessores uti saltem quoad censuras non reservatas, quia illa non amplius extenditur. Verum, cum in nostro Compendio omissa sit, nobis non est communicata, juxta regulam generalem, in præfatione illius præmissam.

22 Idem cum proportionem dicendum censeo de sententiis ab homine etiam specialiter latis. Hoc non est tam certum; tamen in eodem Compendio supponi videtur, dum dicitur: *Excommunicatos autem nominatim ab homine, ne superiores quidem absolvant*: nam hæc verba solum denegant actum, id est, actualem communicationem dictæ facultatis, unde videntur supponere in Præposito Generali potestatem ad communicandam illam: ad hoc autem necesse est, ut privilegium de his sententiis loquatur. Deinde probatur, quia nulla est sufficiens ratio, quæ nos cogat ad faciendam hanc limitationem: ergo cum privilegium indefinite concedatur, & sit favor ac beneficium Principis, limitandum non est. Antecedens probatur, quia nullum peculiare jus obstat in sententiis specialibus, magis quam in generalibus, & sæpe potest usus unius facultatis in sententiis specialibus esse necessarius ad salutem animarum, & fieri sine offensione iudicis, vel aliorum scandalo, ut si persona non sit nota: ergo non est, cur fiat prædicta restrictio. Contrarium huius sentit in simili auctor Compendii Mendicantium, verbo *Absolutio quoad seculares*, §. 19. quem sequi se profiteretur Emmanuel Rodericus in expositione Bullæ §. 9. numer. 55. postea vero ita illam sen-

tentiam explicat, ut tamen a nostra non recedat. Clarum est enim, sine satisfactione partis, vel Ecclesiæ, vel sine iusta causa, aut cum scandalo non posse quempiam uti hac facultate; at vero intervenientibus his conditionibus satisfactionis partis, vel Ecclesiæ, potest, quod dictas auctor non negat; ut autem possit, etiam cum prædictis conditionibus, necesse est, ut privilegium det huiusmodi potestatem: quia nisi hæc supponatur, extrinsecæ rationes, aut causæ non sufficiunt: hæc autem supponi, aut haberi non potest absque privilegio.

De secunda particula clausula a censuris.

23 Circa secundam particulam, scilicet, *ab omnibus censuris*, occurrebat longa disputatio, quid sub illa comprehendatur. Sed res hæc in materia de Censuris disp. 1. sect. 3. copiose tractata est. Nunc satis sit respondere comprehendendi quamcumque excommunicationem, suspensionem, & interdictum, juxta c. *querenti*, de sent. excomm. An vero possit extendi ad irregularitatem aliquam, in materia de irregularitate tom. de cens. disp. 40. sect. 1. dictum est, & statim attingetur. Item quæri potest, quæ forma servanda sit in hac absolutione a censuris præstanda. Sed breviter dicendum est, non oportere solennitatem aliquam vel ceremoniam juris servare, sed simpliciter concedi ex privilegio Leonis X. concessio Minoribus, ut habetur in eorum supplemento concessione 174. & in nostro Compendio, verb. *Excommunicatio*, §. 2.

24 Tandem quæri potest, quod etiam supra tetigi tr. 8. l. 2. c. 24. n. 12. an danda necessario sit intra sacramentum poenitentiae, vel possit extra illud dari. Quod dubium aliàs tractari solet de Bulla Cruciatæ, & aliis privilegiis, in quibus solet hæc facultas concedi sub his verbis: *Concedimus, ut eorum confessionibus diligenter auditis a criminibus, & censuris absolvi possint*, &c. Ex qua verborum forma videtur colligi absolutionem a censuris non posse dari nisi in confessione sacramentali, & in ordine ad absolutionem sacramentalem ejus. Eadem autem forma servatur in hoc nostro privilegio. Nam hæc clausula ita incipit. *Nec non, &c. ad vos undique accedentium confessiones audiendi, & eorum confessionibus diligenter auditis, eos a quibusvis casibus, & ex ipsius casibus resultantibus sententiis, &c.* ergo talis absolutio a censuris dari non potest nisi prædicto modo, Confirmatur, nam hæc absolutio non potest dari, ut profit, nisi in foro interiori, ut declaratum est a Pio V. in quadam Bulla Jubilæi anni 1568. ubi occasione illius Jubilæi ita explicat omnes similes facultates ab Apostolica sede manantes: ubi consequenter ait, hanc absolutionem dandam esse in foro poenitentiali, &c.

25 Nihilominus auctores moderni, ut Sancius lib. 8. de matrim. disp. 15. num. 25. & disp. 16. num. ult. & disp. 34. num. 28. & lib. 4. Decalogi cap. 54. a num. 14. ubi alios citat, asserunt, per Bullam Cruciatæ posse dari absolutionem censuræ absque sacramento Poenitentiae, unde a fortiori sequitur, id posse fieri per hoc privilegium. Verum est, aliquos eorum in hoc fundari, quod Bulla non limitat, ut absolutio a censura detur, *auditis confessionibus*, quod in hoc privilegio non ita est. Et ideo alii id defendunt, non obstantibus illis verbis, quia illa non sunt posita propter absolutionem a censura, sed propter absolutionem a peccatis, de qua proxime sermo subiungitur. Huius autem interpretationis ratio est, quia secundum commune jus ad absolutionem a censura non est necessaria confessio, nec absolutio sacramentalis, ut est per se notum, & disput. 7. de cens. sect. 7. ex professo tractatum est; ergo illa verba interpretanda sunt secundum jus commune, ut scilicet addita censeantur pro illa absolutione, ad quam necessaria est confessio.

26 Hæc autem ratio retorqueri potest: nam potius essent superflua illa verba, si propter absolutionem solâ sacramentalem ponerentur: quia absolutio sacramentalis essentialiter dicit respectum ad confessionem sacramentalem, & ideo eo ipso quod conceditur facultas ad absolvendum a peccatis, subintelligitur, audita confessione: ergo videntur expresse addita illa verba, ut explicarent necessariam conditionem ad utramque absolutionem tam censurarum, quam culpæ. Eito enim verum sit, absolutionem a censura non postulare

An hæc particula comprehendat sententias ab homine generaliter.

Quid nomine censure veniat.

De forma absolvendi per dictum privilegium.

An absolviendum necessarium intra confessionem.

Item probabiliter affirmandum de sententiis ab homine specialiter latis.

sacramentalem per se, nihilominus potuit Pontifex nolle, & videtur noluisse illam facultatem concedere, nisi cum ea restrictione, quia non dabit illam, nisi ut possent removeri impedimenta absolutionis sacramentalis. Et ita censet tutius Navarrus cap. 26. nu. 31. Corduba in summa Hispana, quæst. 19. & 187. citans Covarr. in cap. Alma. 2. p. §. 11. n. 16. ubi de hoc nihil habet, sed de valore hujus absolutionis in foro interno, vel externo, quæ duo puncta confundi solent ab auctoribus, sunt tamen distincta, ut statim dicam a num. 30. In eandem ego sententiam alibi satis inclinavi, præsertim tom. 5. de Censuris disp. 7. sect. 7. sect. 5. a num. 35. & tom. 2. de relig. tract. 6. de voto lib. 6. cap. 16. num. 4. Negari quidem non potest prædictam opinionem Navarræ, per se loquendo, esse tutiorem, nam absolvendo a censura, facta integra confessione sacramentali, nihil est periculi, cum certum sit talem absolutionem validam esse: absolvendo autem extra confessionem, cum sit res sub opinione, posset esse aliquid periculi; & ideo si nulla rationabilis causa interveniret, nec consulere, nec permittere uti hac facultate, nisi in confessione sacramentali.

27 Nihilominus in rigore alia opinio nunc mihi magis placet, quia est favorabilior, & potest in omni proprietate accommodari verbis indulti. Et præter modum supra relatum num. 25, quem attingit Corduba, & probabilis est, occurrit alius; quia verbum illud, *auditis confessionibus eorum*, commune est, & de se indifferens ad sacramentalem confessionem, & ad quancumque aliam absolutionem, seu sententiam, aut poenitentiam imponendam proportionatam: ergo merito potest in sua communitate sumi, & cum partitione accommodata ad absolutionem adaptari. Confirmatur, & declaratur, nam verbum *absolvendi*, quo illa clausula concluditur, commune est ad absolutionem sacramentalem peccatorum, & ad absolutionem censuram, quæ sine dubio est distincta, & prævia, & a diversa potestate procedit. Ibi autem verbum illud *absolvendi* sumitur in sua communitate, & per illud conceditur duplex potestas ad utramque absolutionem: ergo eodem modo accipi potest verbum aliud, *auditis confessionibus*, ut sub se claudat duplicem confessionem duplici absolutioni accommodatam, & ad unamquamque requirat solam illam, quæ per se sufficiens est. Simile argumentum accipi potest ex illis verbis, quæ finita illa clausula adjunguntur: *Ac eis pro commissis poenitentiam salutarem injungendo*. Hæc enim verba etiam sunt communia ad poenitentiam sacramentalem, ad aliamque satisfactoriam, seu compensativam delicti extra sacramentum: non est enim necesse, ut sacerdos Societatis volens aliquem absolvere a censura, per delictum grave contracta, solam poenam sacramentalem imponat; sed instat iudicis ferentis sententiam in foro contentioso, potest illi poenam imponere in vindictam contumaciæ contra Ecclesiam, quam reus tenebitur in conscientia implere, non quia sit pars sacramenti, sed quia voluntarie se subiecit illi iudicio, & quasi sub eo pacto absolvitur: ergo sub eadem indifferentia accipienda sunt priora verba, ita ut ibi concedatur facultas ad efficiendum duplex iudicium, unum sacramentale de culpis, aliud quasi contentiosum de censuris; & ad utrumque requiratur sua confessio, absolutio, & poenitentia. Quamvis autem simul ad utrumque iudicium deur potestas, non propterea postulatur, ut necessario simul fieri debeant, nulla enim ratione fundatur hæc illatio: sæpe enim multa comprehenduntur eisdem, vel conjunctis verbis, non quia in re ita necessario conjuncta sint, sed vel quia ita brevius, & commodius dicuntur, vel certe quia frequentius ita sunt, non ex necessitate, sed ex commoditate. Unde fortasse in præsentī per hanc connexionem verborum ad summum significatum est, confessionem sacramentalem esse sufficientem, ut quis absolvatur a censura, non vero quod illa necessaria sit.

28 Quocirca, si quis ligatus tali censura accedat ad confessorem Societatis, & confiteatur tale delictum, paratusque sit ad acceptandam condignam poenitentiam, & obediendum Ecclesiæ, quamvis tunc non sit paratus ad absolutionem sacramentalem, vel nolit, aut non possit integram sacramentalem confessionem facere, vel sacerdos non valeat illam audire, credo posse illum absolvere a censura reservata, & illum remittere,

Suarez. Tom. XV.

ut ab alio, qui tantam facultatem non habet, possit absolvi a culpis, quarum reservatio tollitur ablata censura: & quia hæc necessitas potest sæpe contingere, ideo multum refert non plus restringere hanc potestatem, cum re vera satis probabiliter fieri possit. Atque eadem, & majori ratione, si quis audiens prolixam confessionem alicujus, quam non potest per multos dies finire, ut sacramentaliter absolvat, si interim audiatur casum, cui est annexa censura, existimo posse illum statim absolvere a censura, supposita sufficienti dispositione ad hunc finem, scilicet quod reus a contumacia recesserit, & satisfecerit, & convenientem poenitentiam acceptet: quia non oportet illum tenere ligatum censura pluribus diebus, & quia in ordine ad talem absolutionem jam est satis audita confessio, & quia absolutio illa a censura potest juvare, ut reus melius se disponat ad absolutionem sacramentalem, & ita ibi jam intervenit finis intentus per hanc facultatem, ideoque hic casus est certior, quam præcedens, mihi quæ proptus indubitatus, quidquid Corduba dicat. Denique si audita tota confessione integra, & sufficiente ad absolutionem sacramentalem, sacerdos vel ex malitia, vel ex indiscreto zelo noller sacramentaliter absolvere, veller autem absolvere a censura, sine dubio absolutio esset valida, tum quia etiam ad litteram ibi impletur conditio, *auditis confessionibus*: tum etiam, quia absolutio a censura semper antecedit tempore absolutionem sacramentalem, & non pendet ex futuro eventu: quamvis ergo illa non sequatur, altera valida permanebit. Neque etiam est verisimile, quod valor absolutionis a censura pendeat ex intentione absolventi postea sacramentaliter, quia hæc per se est extrinseca, & ejus necessitas neque in hoc indulto postulatur, neque aliunde colligi potest.

19 Atque hinc etiam sumitur argumentum valde probabile, ad absolutionem a censura, non esse necessariam confessionem sacramentalem, ex vi hujus indulti, quia non est necessaria absolutio sacramentalis: nam confessio sacramentalis solum propter sacramentalem absolutionem exigi debet. Et quamvis verum sit, hanc gratiam concedi in ordine ad absolutionem sacramentalem, non est tamen ille finis adæquatus, neque intrinsecus, ut paulo inferius dicam, sed est ratio quædam adjuvans, & extrinseca, quæ semper potest respici, & considerari in dando absolutione a censura, quamvis non simul danda sit absolutio a peccato, quia semper paratur aliquo modo via ad illam.

30 Per hæc ergo satisfactum est priori rationi dubitandi in nu. 24. sumptæ ex verbis indulti: nunc dicendum superest de difficultate tacta in confirmatione ejus, scilicet, quia hæc absolutio a censura solum valet in foro interno, ac poenitentia. Quod quidem in nostro Compendio ut certum supponi videtur: nam verb. *Absolutio*, in scholio ad §. 1. dicitur: *Admoneant poenitentes absolutionem a censuris, si quam impendent, nihil eis prodesse in foro exteriori*. Et in fine totius verbi iterum notatur, ea, quæ ibi dicuntur de absolutione a censuris, quoad externos, intelligi de absolutione in sacramento Poenitentia. Tenet etiam hanc opinionem Covarr. in c. Alma mater, p. 1. §. 11. n. 16. & eam supponunt Corduba & Navarr. supra in n. 26. quorum mens est, Pontificem quidem posse hanc facultatem concedere etiam pro foro exteriori, si velit, ut per se est certum, non tamen illam concedere, nisi expresse id declarat, quia plurimum detraheret authoritati jurisdictionis Ecclesiasticæ, si frequenter eam concederet, & ideo quando eam vult concedere, quod raro facit, verbis expressis, & in speciali id declarat; ergo per generalem clausulam illam non concedit. Paret consequentia, tum ex regula juris 81. in 6. quod sub generali non continetur particulare, quod Princeps non esset verisimiliter concessurus: tum etiam quia peculiaris expressio, quæ interdum fit, indicat generale non sufficere, alioqui superflua esset illa additio.

31 Quamvis autem hanc sententiam admittamus (ut necessario admittenda est, saltem quando in ipso indulto expresse additur, *in foro conscientia*, ut additur in Concilio Tridentino sess. 24. c. 6. de reform. in facultate concessa Episcopis ad absolvendum a casibus occultis, licet (inquam) hoc concedatur, non propterea sequitur talem absolutionem solum posse dari in sacramento

Responsū
ad rationē
dubii 14
u. 14.

Confirmatio
ibid ē
posita
quid con-
cludat.

Non tamē
concludit
contra
partem
probatam
a n. 27.

Pœnitentiæ, quia absolutio non ideo dicitur esse in foro conscientię, quia in sacramento Pœnitentię datur, sed quia hominem liberat ab omni obligatione in foro conscientię, ita ut ipse non teneatur alicui pœnæ se subicere ultra pœnitentiam, vel satisfactionem sibi injunctam a sacerdote absolvente, non tamen reddit immunem ab omni pœna fori contentiosi, neque aufert jus tertio, ut in foro exteriori possit justam vindictam postulare, nec judici, ut ex officio possit contra illum procedere in exteriori foro ad publicam pœnam. Exemplum est evidens in dicta facultate Concilii Tridentini, per quam potest Episcopus absolvere extra confessionem, cum tamen solum absolvat in foro conscientię. Dispositio etiam in irregularitate non fit proprie in sacramento Pœnitentię, quia nullam habet connexionem cum illo, & nihilominus dicitur sæpe concedi in foro conscientię; ergo. Denique idem constat ex declaratione Pii V. supra allegata in num. 24. quam statim amplius ponderabimus num. seq. & 38. ex alijs juribus, quæ adducit Covarr. dict. num. 16.

Distinctio
quorundam
fori con-
scientię &
pœnitentię.

42 Distingunt autem aliqui, ut Sancius lib. 8. de matrim. dispnt. 34. numer. 29. Rodriq. quæst. 61. artic. 19. inter forum conscientię, & pœnitentiale, quod forum conscientię præcise postulet, ut absolutio fiat ad levamen conscientię: forum autem pœnitentiale addit, quod fiat in ipso sacramento Pœnitentię. Unde absolutio in foro conscientię dari potest a clerico in minoribus: absolutio autem in foro Pœnitentię non nisi a sacerdote. Quæ sententiæ tribuitur Sylvestro verb. *Absolutio*, 1. & Navarro cap. 27. numer. 41. & D. Antonino 3. p. tit. 24. cap. 77. in quibus nihil ad rem præsentem invenio. Unde, quamvis verum sit, forum Pœnitentię, rigorose sumptum pro sacramentali, esse distinctum a contentioso, & a foro conscientię, prout extra sacramentum exerceri potest; nihilominus in præsentem existimo cum Præposito in c. *præterea* 2. de sponsal. pro eodem accipi forum pœnitentię, & conscientię, & neutram vocem arctari ad pœnitentiam sacramentalem, sed extendi ad omnem illam, quæ ad satisfaciendum conscientię, & ad tollendum vinculum censuræ coram Deo ordinatur, ut dixi lib. 8. de legibus c. 6. num. 16. Et colligi potest ex prædicta declaratione Pii V. in Jubileo anni 1568. *Declarantes in super (inquit) tam præsentem, quam alias quascumque supra concessionem similium, vel dissimilium indulgentiarum a nobis aut prædecessoribus nostris hæcenus emanatas, & in futurum quomodolibet emanandas literas, Christi fidelibus ipsis, nisi ad earum effectum in foro conscientię & pœnitentiale consequendum duntaxat, non autem foro fori, aut contentioso, nisi satisfecerint, ullatenus suffragari.* Nam ex his verbis constat, forum conscientię, & pœnitentiale in hac materia pro eodem sumi, & solum condistingui a foro contentioso. Quoties ergo pœnitentia imponitur solum ad remedium conscientię, forum illud & pœnitentiale, & conscientię esse potest, siue id fiat intra sacramentum, siue extra, dummodo fiat per potestatem judiciariam a superiore commissam. Ergo ex illis verbis nunquam colligi potest, absolutionem a censura dandam necessario esse in sacramento Pœnitentię. Quapropter ex illis verbis non potest colligi talem absolutionem in foro conscientię a solis sacerdotibus dari posse, ut bene, notavit Navarrus c. 27. nu. 41. quia absolutio a censura separata ab absolutione sacramentali dari potest a non sacerdote, dummodo clericus sit, ut ex propria materia nunc suppono. Consideranda ergo sunt verba indulti, nam si dirigantur ad presbyteros, ut in hoc nostro indulto, vel ad confessores, ut in Jubilæis, tunc clarum est, potestatem solis sacerdotibus delegari; si vero verba sint generaliora, ut solent esse in aliquibus privilegijs pro articulo mortis, ut in eo possit quis absolvi ab omnibus censuris, &c. a quocumque; tunc si absit sacerdos, posset inferior clericus absolvere a censura, quamvis non posset a culpa.

Absolutio
data in fo-
ro interno
an valeat
pro ex-
terno.

33 An vero potestas absolvendi solum extendatur ad forum conscientię, quando expressa limitatio non additur, etiam si non fiat expressa extensio, magis incertum est, ut etiam Navarrus, & Covarruvias intellexerunt, uterque enim satis dubius est de sua opinione: nam privilegia & favores, præsertim animarum, ampliandi sunt: sed hujusmodi est hæc facultas, & extensio illa non

est præter proprietatem verborum, imo videtur ad integritatem eorum veritatem necessaria, quia per ea conceditur absolutio simpliciter: absolutio autem censura, quæ non se extendit ad forum externum, non est absolutio simpliciter, sed tantum secundum quid: ergo. Probatum minor, tum quia vinculum censuræ maxime respicit forum externum, & contentiosum; tum maxime, quia absolutio in foro conscientię videtur parum utilis, quia de illa non potest constare Ecclesię, & ideo sic absolutus manet valde perplexus, quia non potest exterius agere contra censuram, saltem ratione scandalij, unde si agat, Ecclesiasticas pœnas incurrit. Confirmatur tandem argumento sumpto a contrario ex dicta declaratione Pii V. declarat enim, non posse hanc absolutionem suffragari pœnitentibus sic absolutis, *nisi satisfecerint*: ergo si satisfecerint, suffragabitur talis absolutio etiam in foro contentioso. Propter quam declarationem id affirmant saltem in eo casu, & sub ea conditione hanc partem asseruit Emmanuel Roder, quæst. 61. art. 6. & generalius Medina in Instructione Confessorum 2. p. c. 12. citatur etiam Navarrus consil. 26. de senect. excommuni. juxta primam impressionem.

34 His vero non obstantibus negantem sententiam veram censeo juxta dicta in disp. 7. de cens. sect. 5. a nu. 20. in qua plane constans fuit semper Navarrus, ut videre licet consil. 47. & 48. de sent. excomm. juxta impressionem Lugdunensem anni 94. & in alijs consilijs sæpe id supponit, & Sancius num. 29. citato, & lib. 6. de Decal. cap. 17. numer. 43. eamque late defendit Joannes Gutierrez lib. 1. cap. 2. Ut autem res magis intelligatur, & certa ab incertis separentur, explicandum accurate est, quid sit, quemve effectum habeat, quod absolutio valeat in foro exteriori. Duplex enim potest intelligi effectus: primus est, ut iudex Ecclesiasticus, si illi sufficienter constet de tali absolutione, non possit amplius iudicium ferre de delicto, per quod censura illa contracta est, nec de contumacia præterita, nec de quacumque irreverentia, vel injuria, quæ in progressu illius delicti, vel censuræ facta sit contra claves, vel pastores Ecclesię: & quoad hoc evidentissimum esse existimo non esse mentem Pontificis quod talis absolutio valeat in foro exteriori. Et hoc maxime probant rationes posterioris sententię, præcipue illa, quod absolutio in foro animæ non obstat, quominus reus possit accusari, vel inquiri, & puniri in foro exteriori, nam diversus finis est unius, & alterius, quia publica punitiõ ordinatur ad commune bonum, & ad exemplum & emendationem aliorum, & ideo non debet impediri propter solam emendationem, & punitionem rei, in foro animæ: nam contrarium posset vergere in grave nocumentum Ecclesię. Unde hoc etiam satis confirmat praxis Ecclesię, quam dicti auctores late commemorant. Occurrit autem peculiare exemplum ex Bulla *Compositionis*, per quam aliquis redditur tutus in foro conscientię, & tamen si contraxit illa debita, pro quibus compositionem accepit, per usuras, vel indebitam acceptionem, vel omissionem contra munus suum, posset nihilominus juxta satis probabilem sententiam de tali delicto accusari, & judicari, ac puniri, convictus in foro exteriori; nunquam ergo intelligitur fieri tam plena remissio per hæc privilegia, nisi verbis expressis concedatur.

35 Alius effectus hujus absolutionis, quoad forum externum, esse potest, quod si de illa sufficienter constiterit in foro externo, tanquam vera absolutio recipiatur, & consequenter non sit necessaria nova absolutio, sed solum quod a iudice, qui censuram tulerat, vel ad quem de illa cognoscere pertinebat, eam ratam habeat: neque etiam possit ille pœnitens a tali iudice puniri eo quod post talem absolutionem censuram non servaverit, nec judicare illum irregularem eo quod celebraverit v.g. & similia. Et quoad hunc effectum posset facilius sustineri prior opinio, nam rationes posterioris opinionis contra hoc minus urgent: nam per hoc vel nihil, vel parum fit contra rigorem Ecclesiasticę censuræ: nec minuitur jus, aut auctoritas Ecclesiastici prælati. Sicutque minora hæc incómoda in absolutione lata a jure, quàm ab homine, & ideo in priori est verisimilior illa sententia.

36 Nihilominus tamen dicendum est, in rigore non teneri iudicem ad admittendam illam absolutionem quoad

quoad hunc etiam effectum, ut nimirum aestimare debeat illum poenitentem, tanquam liberum ab illis censuris ab eo die, quo fuit absolutus; sicut quando dispensatur irregularitas tantum in foro conscientiae, si de irregularitate postea in foro exteriori constet, potest dispensatus nihilominus expelli a susceptione ordinum: & in dicto exemplo *Compositionis* potest, qui compositionem accepit, per iudicem compelli ad restituendum totum debitum, &c. quia non teneretur iudex Ecclesiasticus in suo foro servare privilegium illud, nisi per ipsum privilegium expresse compellatur, alioqui recte interpretabitur datum esse *saltem jure suo, & intra fines poenitentiae fori*, & ita etiam habet usus, & consuetudo. Ex aequitate autem poterit, & suo modo debet iudex, si illi constiterit, poenitentem per actus factos contra censuram post absolutionem nihil peccasse coram Deo, non illum ita punire, ac si vere deliquisset, sed quantum expedire judicaverit, vel ad vindictam prioris contumaciae, vel ad publicam satisfactionem, & ad auferendum scandalum, si quod intercessit: nam hoc postulat tunc ratio iustitiae ex natura rei, quia veritas debet praferri praesumptioni, quando de illa constat, ut poena non excedat culpam.

Ad ratio.
nem cum
suis pro-
bationib.
in n. 33.

37 Ad rationem ergo in contrarium responderetur, privilegium ex ea parte, qua potest continere odium, id est, in alterius injuriam, vel commune damnum redundare, stricte esse interpretandum, & ita fieri in praesenti, maxime in recedente consuetudine, quae est optima legum interpres. Neque hoc est contra proprietatem verborum: nam absolutio in foro conscientiae est vera & simpliciter absolutio, nam in re ipsa vere tollit censuram, & obligationem in conscientia, quae ex illa nascitur. Nec refert, quod censura per se pertineat ad jurisdictionem fori contentiosi, quoad impositionem ejus, quia postquam illa posita est, obligatio, quae ex illa nascitur, maxime est in conscientia. Et ideo quando absolutio datur in conscientia, etiam manat a participatione aliqua jurisdictionis fori contentiosi, nam sola jurisdictio in foro sacramentali non sufficeret, tamen illa communicatur per hanc privilegia, cum limitatione ad privatum absolutionis modum, ut sufficiat ad tollendum reatum, & obligationem coram Deo, non tamen omnino coram Ecclesia, quae est diminutio quaedam secundum quid. Unde etiam constat, talem absolutionem non esse inutilem, tum quia vere restituit hominem consortio Ecclesiae, & facit illum participem suffragiorum ejus, quod maximi momenti est. Tum etiam, quia revera tollit omnes inhabilitates, & facit capacem beneficiorum, jurisdictionis Ecclesiasticae, &c. tum denique, quia si censura erat occulta, tam occulte, quam publice potest se gerere ut absolutus; si vero erat publica, saltem occulte, & caute poterit eodem modo se gerere, & facilius etiam poterit Praelato Ecclesiae in foro exteriori satisfacere, & ad hunc effectum deservire poterit testimonium confessoris, quod ut sit efficacius, posset interdum absolutio a censura de voluntate ipsius poenitentis coram testibus fide dignis dari, ut Navarrus in consiliis advertit, praefertim consil. 26. de sent. excomm. incipit: *An absolutus*, in impressione Romana anni 1591. quod omnidum est in Lugdunensi anni 94.

Ad con-
firm. in
eodem
num. 33.

38 Ad ultimam confirmationem ex declaratione Pii V. ut melius illius mentem percipere possem, desideravi Bullam ipsam videre, & non potui. Quantum autem a dictis auctoribus refertur, ex illa in primis colligo, non extendi ad hoc nostrum privilegium, neque ad similia, sed solum ad eas gratias, quae conceduntur in ordine ad aliquam indulgentiam consequendam. Verba enim sunt: *Declarantes in super tam praesentes, quam alias quascunque super concessione similium indulgentiarum a nobis, & praedecessoribus nostris hactenus emanatas, vel in futurum quomodolibet emanandas literas, &c.* Expendenda enim sunt illa verba, *super concessione similium indulgentiarum*, nam plane restringunt declarationem, & materiam ejus. Deinde assero, declarationem illam non ad hoc factam esse a Pio V. ut exponeret, in quo foro valeat illa absolutio, quamvis hoc obiter, & in transitu dixerit, ut statim notabo num. sequenti, sed ad hoc ut declararet illam absolutionem non simpliciter & permanentiter concedi, sed solum ad talem effectum, & ad reinci-

dentiam, ut doctè notavit Gutierrez supra, n. 19. & 20. patet ergo ex verbis ipsis istis: *Declarantes in super tam praesentes, &c. literas Christi fidelibus ipsis nisi ad eam effectum, &c. nullatenus suffragari eosdemque Christi fideles juxta hujus nostrae declarationis formam, & tenorem tantum, & non aliter nec alio modo uti, aut eis sequi, vane quoquo modo potuisse, aut posse: quin imo eos in illas postmodum reincidente, & in futurum reincidente.* Quae verba adeo sunt clara, ut nulla indigeant expositione. Atque ita quamvis concederemus, ut Gutierrez concedit, illam Bullam & similes valere ad absolvendum etiam in foro exteriori satisfacta parte, ut prima facie verba indicant; nihilominus nullum inde sumi posset argumentum ad alia indulta, quae concedunt facultatem absolvendi simpliciter. Nam illa absolutio, quae solum est ad effectum consequendi indulgentiam, est tantum secundum quid, & ideo nihil mirum esset, quod pro tunc valeret pro utroque foro, cum statim consequto Jubilaeo, reincidentur in utroque etiam foro, & ita non sequantur incommoda, quae ex absolutione simpliciter, & permanente sequerentur.

39 Adde vero tertio, probabiliter dici posse, neque hoc colligi ex praedictis verbis, & ita potius ex illa declaratione sumi posse argumentum pro nostra sententia: nam si Pius V. noluit absolutionem illam etiam secundum quid valere in foro exteriori etiam satisfacta parte, multo minus valebit absolutio permanentiter data. Quod autem illa fuerit mens Pii V. patet, quia illa particula, *nisi satisfecerint*, non est contrahenda solum cum proximis verbis, non autem in foro fori, aut contentioso, sed cum tota clausula praecedenti, ita ut illa verba, *non autem in foro fori, aut contentioso*, quasi per parenthesis interponantur. Ita ut sensus sit, illam absolutionem non valere in foro conscientiae, & poenitentiae, nisi ad effectum indulgentiae, & satisfacta parte: nam in foro exteriori nec isto modo valet. Hanc autem esse sententiam patet, quia aliàs posset per tale Jubilaeum dari absolutio in foro interiori, & ad talem effectum, non satisfacta parte, quod Gutierrez concedit, & loquitur consequenter. Sed videtur difficile creditu, tum quia est contra communem usum omnium similium indultorum, & communem interpretationem Doctorum: tum etiam, quia Pius V. non fecit illam declarationem ad ampliandam, sed ad restringendam facultatem absolvendi. Antea vero non concedebatur illa facultas ullo modo pro foro exteriori, & pro interiori nunquam fuit concessa, nisi satisfacta parte, ut constat ex auctoribus interpretantibus indulgentias ante Pium V. concessas: ergo verisimile est Pium V. non fecisse illam extensionem. Tum denique, quia ex natura rei videtur injusta, & aliena ab intentione Pontificis absolutio in foro interiori, non satisfacta parte: maxime prout communiter exponitur illa condicio, scilicet, *satisfacta parte*, vel realiter, si fieri possit, vel praestita sufficienti cautione, quantum fieri potest, quando actualis satisfactio fieri non valet: sic enim contra rationem est absolvere quemquam non satisfacta parte, quia & est in praedictum tertii; & ille non se disponit quantum potest, vel debet ad absolutionem.

40 Sed licet haec interpretatio, solam rationem spectando, videatur apparens, nonnullam tamen vim inferat, quia vix potest juxta illam contextus ordinari. Et ideo retinendo planum sensum, consequenter dicendum est, ibi satisfactionem partis debere esse realiter exhibitam, & cum effectu, ut talis absolutio valeat in foro exteriori, hoc enim convincit ratio in ipsa confirmatione num. 33. a nobis facta. Et in hoc sensu extensio illa fuit pia, & rationalis, voluit enim Pontifex, ut ad effectum consequendi indulgentiam absolutio illa, & effectus ejus non posset impediri, etiam in exteriori foro, quando creditori ita satisfactum est, ut sit contentus; non interveniente autem tali satisfactione, licet quoad Deum possit poenitens esse dispositus, & facere quod in se est, & ideo possit iuste absolvi in foro poenitentiae ad eundem effectum: nihilominus, quia de satisfactione partis Ecclesiae non constat, noluit Pontifex, ut in foro contentioso valeret illa absolutio, vel potius noluit, ut iudex, vel parochus teneretur illum publice excommunicatum, ac denunciatum, v. g. admittere ad communionem, propter talem absolutionem.

nem. Sic ergo extensio illa specialis fuit in illo modo absolutionis, propter brevitatem ejus, & necessitatem, absque præjudicio tertii, & ideo non licet ab illa sumere argumentum, ut dixi, ad alia indulta, quæ absolutam facultatem concedunt ad simpliciter absolvendum: imo per argumentum a speciali potest inde contrarium colligi.

De tertia clausula particula, a pœnis Ecclesiasticis.

41 Ultimo superest explicanda illa particula, & pœnis Ecclesiasticis, quid nimirum significet, vel comprehendat, & præsertim occurrit morale dubium, an comprehendat illam irregularitatem, quæ propter delictum imponitur; esse enim non fit censura, est tamen vere pœna Ecclesiastica, adeo ut si quis excusetur a culpa, illam non incurrat, ut patet de irregularitate, quæ imponitur celebranti cum excommunicatione majori, & similibus. Ergo comprehenditur saltem sub illa particula, & pœnis, aliàs vix intelligi potest, quid per illam particulam addatur ultra censuras. Atque hanc partem habere auctoritatem gravium Doctorem, & probabiles rationes, ideoque in praxi posse ut probabilem admitti, urgente casu, in quo non sit facilis recursus ad Episcopum, affirmat Henriquez lib. 7. de Indulg. c. 13. n. 6. Hanc sententiam licet alio modo explicatam, late defendit Gutierrez lib. 1. Canoniarum quæstionum, c. 3. citans Sotum, Cordubam, & alios modernos; limitat tamen illam, ut habeat locum solum in irregularitate, quæ propter delictum imponitur, commissum contra Ecclesiasticam censuram, seu quod a censura ducit originem, ut est excommunicatum celebrare, ordinare, aut ordinari, ut ita excludat irregularitatem contractam ex homicidio voluntario, nam hæc non est pura pœna, sed etiam inhabilitas propter indecentiam effusionis sanguinis: prior vero irregularitas est tantum pœna. Imo addit, etiam si in indulto non adderetur particula hæc, & pœnis, ratione prioris, & censuris, posse tolli hanc irregularitatem, quia trahit originem a censuris.

42 Hæc vero opinio in materia de irregularitate disp. 40. sect. 3. n. 3. & generatim de censur. in gen. disp. 1. sect. 3. a nobis improbatæ est, & nunc etiam displicet. Et in primis non sufficienter numerantur irregularitates ab illis auctoribus; aliquæ enim sunt irregularitates, quæ sunt puræ pœnæ, & non ducunt originem a censuris, ut est illa, quæ contrahitur ex rebaptizatione passiva, vel activa: vel quæ (secundum sententiam multorum) contrahitur propter delictum suscipiendi ordines furtive, aut extra tempora, vel sine licentia proprii Prælati, & similibus. Item de illa, quam quis contrahit ministrando in ordine, quem non habet: item per crimen hæresis, & si quæ sunt similes, nam hæc omnes puræ pœnæ dicendæ sunt, juxta illam sententiam, non minus quam illæ, quæ imponuntur propter violationes censurarum, & tamen in illa partitione omittuntur. Deinde quod irregularitas ducat originem a censura, non refert, ut sub nomine censurarum includatur, vel (quod idem est) ut per potestatem absolvendi a censuris ut sic tolli possit, quia non est per se conjuncta cum censura, ut putetur comprehensa, tanquam accessorium cum principali, sed est omnino per accidens, & remote contracta propter novam culpam contra censuram commissam. Item quamvis incurratur occasione censuræ, tamen ipsa non est censura, ut constat ex c. querenti de verb. signif. & quia non est medicinalis pœna, sed tantum vindicativa. Ergo nulla probabili ratione comprehendendi potest sub nomine *censura*: aliàs si mihi daretur tantum potestas absolvendi ab excommunicatione, possem nihilominus tollere omnem aliam censuram, vel irregularitatem contractam per peccatum commissum occasione excommunicationis, quia licet non sit excommunicatio, ducit originem ab excommunicatione. Consequens autem plane est absurdum, & inauditum: nihil ergo refert ille modus originis a censura, sed intrinseca natura, & conditio ipsius irregularitatis pensanda est: unde dubitari non potest, quin idem judicium ferendum sit de omnibus irregularitatibus, quæ sunt pœnæ delictorum (saltem excepto homicidio) sive illa delicta sint contra priores censuras, sive contra Baptisma, Ordinem, & similes.

43 Neque etiam (quod ad rem præsentem magis spectat) sub pœnis comprehenduntur hæc irregularitates in

hoc indulto, ut recte docuit Navarrus in Summa, c. 27. n. 250. alias 254. & num. 194. ubi citat Dominicum Alexandrum, & Villadiegum, quam etiam in consiliis sepe repetit, consilio 18. de simonia, 66. de sent. excomm. Probatur primo, quia juxta consuetudinem, & stylum Curie sub generali clausula absolvendi a pœnis, non venit irregularitas, ut dicti auctores testantur, sicut etiam non venit depositio, degradatio, imo (ut existimo) nec perpetua suspensio, cujus rationem infra num. 48. assignabimus. Nunc vero de irregularitate specialiter dici potest, nunquam esse puram pœnam, sed aliquid indecentiæ, vel mysticæ significationis, in ea semper considerari. Propter quod ejus dispensatio, generaliter loquendo, summo Pontifici reservata est, c. 1. de sentent. excomm. in 6. ubi etiam significatur multo difficilius tolli irregularitatem, quam suspensionem: quod etiam habetur in c. 1. de sent. & re judicat. in 6. & expresse in c. cum illorum, de sent. excomm. major censetur dispensatio ab irregularitate, quam absolutio ab excommunicatione, etiam majori, & contracta propter cleriçi percussione. Secundo, quia irregularitas non tollitur per absolutionem, sed per dispensationem; quæ duo sunt valde diversa, ut dicemus, traditque Burgisus de irregularitate 6. p. tit. de Schismaticis n. 19. & tit. de for. legiis, n. 11.

44 At vero Gutierrez supra indicat, hoc verum esse in foro exteriori: quia irregularitas etiam pœnalis, de qua agimus, licet proveniat (inquit) ex censura, habet quiddam plus in foro exteriori delendum, nempe impedimentum, quo ligatus est clericus in eodem foro, ut celebrare non possit, quod non tollitur absolutione, sed dispensatione, & habilitatione: Ecclesia autem in foro exteriori nunquam introduxit formam absolvendi ab irregularitate, sed dispensandi: in foro autem interiori talis irregularitas tollitur quibuscumque verbis, sive absolvendi, sive dispensandi. Unde sentit, quod licet indultum expresse concedat potestatem confessori ad absolvendum ab omni censura, & pœna in foro interno, & externo, facta satisfactione: nihilominus non posset tollere irregularitatem in foro exteriori, sed tantum in interiori, quia in illo non datur absolutio irregularitatis, sed in hoc tantum.

45 Nullo autem jure, aut ratione probat hanc distinctionem Gutierrez, nec ego video, quomodo fundari possit: si enim Ecclesia non introduxit formam absolvendi, sed dispensandi tantum irregularitatem in foro exteriori, pero, ubi illam introduxerit in foro interiori: nam si illam non introduxit etiam pro illo foro, non possunt confessores sua auctoritate illam introducere, ut per se constat: at Ecclesia non magis pro uno foro, quam pro alio illam introduxit, aut certe ostendatur ubi locorum: nulla enim lex scripta de hoc ostendi potest: nec consuetudo, quia hæc ad factum pertinet, & ostendi non potest: præsertim cum graviore auctores dicant id esse contra consuetudinem, & stylum Curie. Neque etiam dici potest, per hoc indultum illam formam introductam esse, nam de hoc disputamus, & ita supponitur, quod probandum est. Maxime quia hæc indulta non introducunt formam, sed supponunt, & dant potestatem ad utendum illa: ergo si ante talia indulta non erat in Ecclesia introducta absolutio, sed dispensatio irregularitatis in quocunque foro, certe per illa non fuit introducta, sed facultas per illa data est accommodata verbo *absolvendi*. Præterquam quod si hoc admittitur quoad forum internum, eadem ratione esse admittendum quoad externum, quando indulta expresse extenderent concessionem suam ad forum externum. Accedit, quod forma, sive absolvendi, sive dispensandi, quantum ad substantialia verba, ut sic dicam, non potest esse diversa in interno & externo foro, tum quia ad eundem substantialem effectum ordinatur: tum etiam, quia in secreto foro assumitur ex usu Ecclesiæ in exteriori foro, quia non est multiplex Ecclesiæ institutio, nec aliunde sumi potest. Aliud etiam in ea responsione, quæ ex Medina sumpta est, mihi displicet, quia totam differentiam inter absolutionem, & dispensationem ponit in verbo absolvendi, ac dispensandi, cum tamen differentia non in vocibus, sed in re ipsa ponenda sit, alioqui non multum referret diversitas vocis, si res esset eadem, & per utramque vocem significaretur: absolutio autem,

Impugna-
tu. quar-
to. &
prin-
cipa-
lite. quod
irregula-
ritas non
sit pœna
proprie.

Opinio
per pœn-
as intelligi
irregula-
ritatem
ex delicto.

Impugna-
tur dicta
opinio
quamvis
illa irre-
gularitas
sit puræ
pœnæ.

autem, & dispensatio non vocatur tantum, sed re ipsa differunt, ut disp. 1. de cens. sect. 3. n. 6. notavi, & infra in n. 48. attingam, & hoc modo cadit in irregularitatem dispensatio, non absolutio, ideoque non comprehenditur sub potestate absolventi: in quo autem illa differentia posita sit, explicabitur in sequenti puncto.

46 Restat ergo declarandum, quid addatur in illo indulto poenarum nomine ultra censuras. Non enim possumus de quacumque poena illud intelligere, alias posset etiam suspensio, vel depositio per illam facultatem absolvi: nec etiam potest coartari ad solas illas poenas, quae impediunt absolutionem a peccatis, ut Navarrus supra sentire videtur, quia nulla poena praeter excommunicationem, aut interdictum personale illam impedit. Dicendum ergo censeo, illo verbo comprehendere poenas Ecclesiasticas, quae ex vi sententiae, per quam imponuntur, non habent positam perpetuitatem, aut definitam durationem, sed pendent semper ex arbitrio iudicis, nam hoc arbitrium committitur confessori per hanc clausulam, & in huiusmodi poenas cadit propria absolutio, abque ulla dispensatione proprie dicta. Hoc non invenio sub his verbis, nec sub alia generali regula explicatum ab auctoribus, sed solum utuntur exemplis, & fatentur quasdam poenas posse tolli, & non alias, rationem tamen differentiae non assignant. Primum ergo, quod poena debeat esse Ecclesiastica, in ipso indulto expresse declaratur: ut autem aliqua poena Ecclesiastica sit, duo videntur necessaria. Primum, ut sit poena aliquo modo spiritualis, & non mere temporalis, aut corporalis. Et hac ratione poena pecuniaria non comprehenditur sub hac clausula, ut Navarrus aperte sentit, & Henriquez ex illo, & Soto expressius declarat. Idem ergo existimo de quacumque poena, quam reus non debet voluntarie suscipere, sed pati: nam talis poena nec Ecclesiastica est proprie, cum a quolibet iudice imponi possit; nec ab illa potest reus absolvi, nisi tollendo a iudice potestatem, & jus, quod habet ad puniendum illum, quod per hoc privilegium non conceditur. Deinde necessarium est ad Ecclesiasticam poenam, ut per Canonem, vel iudicem Ecclesiasticum sit imposita. Unde, si quis promisit jejunare, v.g. si hoc, vel illud ageret, & postea poenam incurrat, non poterit absolvi a tali poena ex vi huius clausulae, quia licet illa poena sit spiritualis, non est ab Ecclesia illata, sed ex voto, & ideo ad aliam clausulam commutatio ejus spectat, licet oppositum sentiat Navarrus supra sine probatione. Contra quem etiam facit, quod votum penale non absolvitur proprie, sed dispensatur, commutatur, vel irritatur: illud autem est proprie penale votum. Per Ecclesiasticum autem iudicem intelligimus praetatum, sive per legem, sive per sententiam poenam imponat.

47 Dubitari autem potest, an includatur etiam confessor. Nam partem affirmantem tenet etiam Navarrus supra, & videtur probabilis, quia ille etiam est Ecclesiasticus iudex. In contrarium autem est, quia sequeretur posse poenitentem per hanc clausulam absolvi ab omnibus poenitentis sacramentalibus, a prioribus confessoribus impositis, quod fieri non potest, ut constat ex materia de sacramento Poenitentiae. Sequela vero patet, tum quia illa est quaedam poena Ecclesiastica a paritate rationis; tum etiam, quia confessor non potest aliam poenam propriam imponere, nisi sacramentaliter: nam si aliquid aliud praecipit faciendum, vel omittendum, in remedium peccati, illud non est poena, sed medicina, quia non est ad vindicanda praeterita peccata, sed ad praevenda futura. Unde, si necessitas durat, non potest tolli a sequenti confessore propter quodcumque privilegiū, quia esset irrationabile: si vero necessitas cessavit, poterit tolli non tam absolute, quam interpretatione, quod non proprie est tollere, sed declarare obligationem cessasse; quia cessante adaequato fine obligationis legis cessat lex. Qui discussus videtur mihi efficaciter probare, hanc absolutionem a poena non posse habere locum in poenis impositis a confessario ut sic: quod addo, quia si confessarius simul esset praetatus, posset ut talis aliquid praecipere, sed non ex notitia confessionis invito poenitente, de quo alias. Igitur poena Ecclesiastica proprie est illa, quae per Ecclesiasticas leges, aut praetatos Ecclesiae extra confessionem imponitur, & aliquo modo spiritualis est, ac voluntarie exer-

cenda seu servanda ex conscientiae obligatione.

48 Ultra hoc autem diximus necessarium esse ad effectum huius clausulae, ut talis poena non sit perpetua positiva, id est, non tantum indefinite lata sine praefixione termini, quae solet vocari perpetua negative, sed excludendo omnem remissionem, seu finem. Et hoc modo probatur inductione in depositione, aut degradatione reali, aut verbali, quam nullus dixit posse per hanc clausulam tolli; cujus ratio non potest aliunde sumi, quam ex perpetuitate. Idem ergo erit de omni poena sic perpetua. Et ob hanc causam existimo non comprehendere etiam irregularitatem, quia est poena positiva perpetua. Ratio etiam reddi potest, quia poena perpetua non potest tolli, nisi interveniat dispensatio, & ideo ubi comprehenditur sola absolutio, non includitur talis poena. Antecedens explicatur: nam in hoc differt absolutio a dispensatione, quia per absolutionem non derogatur communi, & ordinario juri, sed potius exercetur actus debitus secundum jus, quando subiectum est dispositum: per dispensationem autem derogatur communi juri aliquo modo, quatenus particularis persona eximitur ab ordinaria regula juris. E hinc est, ut absolutio ab excommunicatione, quantumvis reservata, non habeat dispensationem adjunctam, si iusta sit. Unde cum conceditur facultas ad absolvendum a tali censura, non conceditur actus, qui secundum se sit praeter jus, sed solum delegatur jurisdictio ad exercendum actum consentaneum juri communi ei, qui illam non habebat. At vero irregularitas nunquam tollitur nisi ex parte infringendo illud jus, quod illam ut perpetuam imponit, ideoque nunquam sine dispensatione tollitur, & ideo existimo dictum esse in iure, plus esse tollere irregularitatem, quam canonis excommunicationem. Unde etiam sequitur alia differentia inter absolutionem, & dispensationem, quod absolutio non requirit specialem causam, sed solum quod ex parte personae absolventis sit dispositio, seu non repugnantia, & in alio sit potestas: dispensatio vero praeter potestatem requirit causam, vel ut valide fiat, ut in votis etiam penales, vel saltem ut licite, ut in irregularitatibus, & aliis, quae sunt de iure humano. Quia ergo nulla poena perpetua secundum jus ordinarium auferri potest, ideo in ea non habet locum mera absolutio, sed dispensatio necessaria est, ac proinde non comprehenditur sub potestate, quae ad absolvendum tantum datur, & non ad dispensandum.

49 Ex quo infero, idem censendum esse de quacumque poena in vindictam delicti praefixe ac definitive, ut sic dictam, imposita sive per legem, sive per sententiam hominis, etiam si non sit perpetua, si sit ad certum terminum ita praefixum, ut immutari non possit secundum ordinarium jus, quantumvis reus sit emendatus, ut est inhabilitas, vel privatio, aut suspensio ab officio ad certum tempus, vel prohibitio, v.g. ab ingressu Ecclesiae, similiter ad praefixum terminum, & similes, de quibus diximus supra non esse proprie censuras, quod etiam fatetur Navarrus dict. n. 254. vult tamen additionem huius particulae, & poenis, quae in huiusmodi indultis sit, propter has poenas fieri: tamen consequenter loquendo, videtur esse eadem ratio de his poenis, quae de perpetuis; quia sicut perpetuae tunc praefixe imponuntur pro semper, ut sine dispensatione Principis auferri non possint, quia repugnat ordinario iuri; ita haec poenae praefixe imponuntur pro tanto tempore, & ideo quod pro illo cessent, repugnat legi, & consequenter fieri non potest sine dispensatione: ergo etiam haec poenae non sunt absolubiles, ut sic dicam, sed dispensabiles: ergo eadem ratione non comprehenduntur sub hac clausula. Et confirmatur congruenti ratione, nam postquam dictum est definitive iudicatum, ac punitum, & res transiit, ut sic dicam, in rem iudicatam, non est verisimile velle Pontificem dare facultatem ad immutandam poenam, quia hoc multum derogaret rigori iustitiae, & disciplinae Ecclesiasticae, maxime cum illa poena talis sit, ut jam non pendeat ex dispositione, aut conversione poenitentis, sed praefixe propter peccatum praeteritum sustineatur, & ideo jam non pertineat ad absolutionem, vel conversionem poenitentis, propter quam maxime videtur haec facultas concedi.

50 Quae ergo poenae per illa verba adduntur ultra censuras, videmus enim exclusisse omnes, quae cogita-

Intelligitur deinde de talis poena quatenus sit perpetua simpliciter.

Imo nec intelligitur poena temporaria certi termini.

Secunda opinio verior per poenam intelligi in primis Ecclesiasticam.

1. Condicio poenae Ecclesiasticae.

2. Condicio.

An confessorius sit iudex Ecclesiasticus.

Confessorius per hoc privilegium non tollit poenas alias possit.

Explicatur
quid per
vocat a
pœnis in-
telligatur

ri possunt, quæque a Navarro, & Henriquez numeratæ sunt, & quæ sumi possunt ex glossa in *c. ad reprimendam* de offic. ordin. verb. in *canonibus*. Respondetur consequenter ad dicta, comprehendere omnem pœnam Ecclesiasticam, quæ sine dispensatione per propriam absolutionem ab auctore legis, vel a iudice, qui illam imposuit, auferri potest: nonnullæ enim pœnæ huiusmodi sunt, etiam si non sint propriæ censuræ, & propter illas additum fuit in indulto verbum illud, & a pœnis Ecclesiasticis. Sunt autem huiusmodi illæ pœnæ, quæ non sunt medicinales, sed vindicativæ, & ideo non sunt censuræ, & tamen nec perpetuæ sunt, nec ad tempus præfixum imponuntur, sed vel indefinite ad arbitrium imponentis, vel licet assignentur terminus, semper est cum subordinatione ad iudicium superioris, ut si persona id meruerit, possit antea personam absolviere a tali pœna. In huiusmodi enim pœnis non est necessaria dispensatio, sed iure ordinario tolli possunt ad prudens arbitrium iudicis, nec requirunt aliam causam, præter bonam dispositionem penitentis. Has ergo pœnas intelligo comprehensas sub hoc verbo, ut est suspensio ad arbitrium sedis, prohibitio a communione per annum, v. g. nisi superior iudicet personam ita esse dispositam, ut remitti possit pars temporis, & similes. Hanc autem sententiam sic explicatam probo, tum a sufficienti enumeratione: non enim possumus dicere per illa verba nihil addi, sed solum poni ad maiorem explicationem: quia potius confunderent, & obscuriorem redderent facultatem, si nihil adderent: nullus autem alius modus explicandi hoc additum probabilior, aut æque probabilis apparet: hic autem sufficienter rem declarat, & optime etiam consonat cum verbo absolviendi, nam materia circa quam debet esse proportionata actui, & potestati: ergo.

De clausula alia privilegii pro commutandis votis & petendo debito.

Hæc explicatio
suadetur.

52 Supererat explicanda alia clausula, quæ huic facultati adiungitur in prædicta Bulla de commutatione votorum, quæ confessorii Societatis conceditur. Sed de hac facultate nihil speciale occurrit, præter ea, quæ supra in materia de voto generaliter dicta sunt. Solum oportet observare, illam facultatem expresse fuisse extensam ad vota iurata, dummodo commutatio in alterius præjudicium non cedat, per Greg. XIII. in Bulla: *Ad perpetuam rei memoriam*, anni 1575. Præter hanc vero per communicationem cum aliis religionibus, possunt confessores Societatis uti facultate Benedictionis concessa a Mart. V. ad dispensandum eis votis non reservatis Papæ, juxta modum eis præscriptum in nostro Compendio, verb. *Dispensatio* §. 10. De qua facultate videnda etiam sunt dicta in genere in materia de voto. Præter hæc sunt duæ alie facultates, quæ in Societate concedi possunt confessoribus ad dispensandum in impedimento petendi debitum contracto per illicitam copulam habitam post factum matrimonium cum consanguinea conjugis, vel etiam ortum ex voto simplici castitatis, ut habet, ut in eodem Compendio §. 8. & 9. ubi consideranda sunt, & observanda, quæ pro usu harum facultatum notantur. Cætera autem, quæ desiderari possent, ex generali materia de dispensatione petenda sunt.

C A P U T III.

Quid possint, & debeant religiosi Societatis præstare in sacramento Eucharistie administratione.

DE hoc ministerio societatem addidit facultatem idè Paulus III. in eadem Bulla, in qua postquam concessit facultatem supra lib. 8. c. 3. a nu. 6. explicatam dicendi Missas ante lucem, vel post meridiem, subdit: *Et post seu ante illarum celebrationem, aut alias Christi fidelibus ipsis Eucharistia, & alia Ecclesiastica sacramenta sine alicujus præjudicio ministrandi, diæcesanorum locorum Rectorum parochialium, & aliarum Ecclesiarum, aut quorumlibet aliorum minime requisita.* Circa quam facultatem duo a nobis breviter explicanda sunt, scilicet potestas per illam concessa, & usus ejus.

Minist. a
societate
habere
potestatem.

Circa primam partem supponendum est, in hoc sacramento locum habere, quod supra initio c. 2. generatim diximus, neminem posse illud licite ministrare fidelibus, nisi ad hoc habeat jurisdictionem ordinariam, vel

delegatam, seu licentiam alicujus ordinarii pastoris: quia præbere hoc sacramentum fidelibus est unus ex potissimis actibus pascendi illos, & ideo per se pertinet ad pastores, nec potest licite ab aliquo, propria auctoritate usurpari, ut latius dixi in 3. tom. 3. p. disp. 72. sect. 2. Cum ergo presbyteri Societatis jurisdictionem ordinariam non habeant, indiguerunt hac facultate ad hoc ministerium præstandum.

Id est
datur.

2 Deinde suppono posse Pontificem concedere hanc facultatem independentem ab inferioribus prælatis, seu pastoribus. Hoc certissimum est, ac de fide, & constat ex suprema Pontificis potestate prorsus independente ab omnibus inferioribus. Item ex dictis supra c. 1. n. 2. & latius in materia de Penitentia disp. 26. de facultate audiendi confessiones, quæ difficilior videri poterat, quia majorem jurisdictionem requirit. Denique id constat ex facto, nam expresse Paulus III. hanc concedit facultatem in dictis verbis, & iterum in alia Bulla, *Paulus Episcopus*, anni 1549. ubi quoad aliqua magis illam explicat, dicens: *Nec non omnibus, & singulis Christi fidelibus, tam forensibus, quam in civitatibus, & locis, in quibus socii prædicti consistunt, commorantibus, aut illac transiensibus, Eucharistie sacramentum (quod in suis Ecclesiis tenere decenter socios præfatos volumus) quocumque anni tempore, præterquam in festo Paschæ resurrectionis Dominice, & mortis articulo, nisi necessitas urget, eorumdem fidelium, parochialium Ecclesiarum Rectorum licentia minime requisita, accipere libere, & licite valeant.* Et similia privilegia fuerunt antea Mendicantibus concessa, scilicet Minoribus a Nicolao V. ut habetur in libro Monumenta ordinum, concessione 249. & in supplemento, concessione 159. Idem Sixtus IV. in eodem Monumenta, concessione 160. Quibus privilegiis etiam gaudet Societas per viam communicationis. Quare non est dubium, quin nostris religiosis hoc liceat, nulla requisita inferiorum pastorum facultate.

Dictam
potestatem
valet P. S.
titex im.
mediate
dare.

Imo de fa-
cto dedit

3 Obijci vero potest prohibitio sub censura facta a Clemente V. in Clem. *Religiosi*, de privileg. qua prohibet omnibus religiosis, sacramentum Eucharistie ministrare sine licentia speciali parochorum, & concludit: *nullo religiosi eidem super hoc exemptionis, vel alio privilegio suffragante.* Respondeo, de hac Clementina dubitari posse, an revocet privilegia prius de hoc lata, vel potius supponat (quod forte probabilius est) nulla circa hoc fuisse antea concessa, quod paulo inferius examinabimus. De privilegiis autem postea concessis certum est, non posse per illam Clementinam revocari, nec impediri, eum par in parem non habeat imperium, & posterior voluntas semper efficacior sit: constat autem, omnia privilegia, quæ citavimus, esse posteriora. Dices, in eis non revocari expresse dictam Clementinam, quod necessarium esset. Responderetur in primis, in huiusmodi indultis semper adungi revocationem sufficientem. Deinde quando revocatio fit in actu exercito, ut sic dicam, dando contrariam facultatem, non esse necessariam revocationem in actu significato. Denique cum in illa Clementina dicatur, *sine licentia parochialis presbyteri*, a fortiori intelligitur sine licentia Episcopi, ut infra dicam, & multo magis sine licentia Papæ, & ita impletur conditio in ea postulata.

Obijci-
t diluitur.

Replica
remove-
tur tripli-
titer.

4 Tercio circa illa verba, *sine alicujus præjudicio*, inquiri potest, quid per illa significetur, aut quæ limitatio, vel exceptio illa sit. Et ratio dubitandi est, quia ministrando Eucharistiam alicui, nemini potest fieri injuria nisi tantum parochi, aut prælato illius, ad quem spectat jus administrandi illam: sed hæc injuria cessat ratione aliorum verborum: *Quorumlibet licentia minime requisita*: ergo vel illa verba nihil operantur, vel repugnant his ultimis. Responderi potest primo, illa verba non esse addita propter Eucharistiam, sed propter alia sacramenta, de quibus ibi etiam generatim mentio fit: sed quomodo hoc in aliis locum habeat, infra cap. seq. videbimus. Secundo ergo dicitur, illa verba fortasse addita esse, quia per hanc facultatem non tollitur jus Prælatorum, quod habent ad prohibendum subdito propter justas causas, ne communicet; id enim facere possunt, non solum per censuram excommunicationis, aut interdicti (quod est certum in his, qui talem jurisdictionem habent), sed etiam per simplicem prohibitionem in pœnam alicujus delicti, vel propter aliam justam causam. Tunc

Arguitur
jam cetera
hoc pri-
vilegium
quoad
clausulam
Sine ali-
cujus præ-
judicio.

Tunc ergo in præjudicium superiorum esset, si contra hujusmodi prohibitionem alicui Eucharistia daretur, & maxime si ei persuaderetur, licitum sibi esse a nostris sacerdotibus Eucharistiam accipere, non obstante sui prælati prohibitione. Hac ergo de causa dici potuit, si ne præjudicio alterius, scilicet habentis jurisdictionem in eum, cui administranda est Eucharistia, ut bene argumentum probat, non vero propter solam jurisdictionem administrandi, in hac enim non potest fieri præjudicium, ut recte etiam probatum est, sed propter jus prohibendi talem usum ex justa causa. Unde sit, si prohibitio superioris sit omnino injusta, licitum esse, illa non obstante, ministrare, quia tunc non sit ei præjudicium; oportet tamen ut injustitia sit evidens, nam in dubio pro superiore præsumitur. Sequitur etiam, si proprius parochus, vel Episcopus prohibeat subdito non quidem communionem simpliciter, sed ne illam a nostris sacerdotibus recipiat, talem prohibitionem nihil obstat huic facultati, quia illa supposita, præceptum est injustum, & directe repugnans privilegio Pontificis, & ideo nullum est præjudicium talis superioris, etiam si contra hujusmodi prohibitionem ejus agatur. Alio item modo potest intelligi præjudicium tertii excludi per illam particulam quoad circumstantias talis actus, ut, v. g. quoad circumstantiam loci, quia ex vi hujus facultatis non potest religiosus Societatis ministrare Eucharistiam in aliena Ecclesia contra voluntatem Rectoris ejus, nam hoc cederet in præjudicium ejus. Item quoad circumstantiam temporis, ut v. g. si eo tempore daretur, quo parochiani tenentur vel in suis Ecclesiis adesse, vel Eucharistiam a propriis pastoribus accipere.

5 Et quidem verisimile est, propter hanc ultimam causam præcipue positam esse illam limitationem: & ideo fortasse in altera Bulla, quam citavi, idem Paulus III. omissa illa exceptione de præjudicio tertii, addit alteram de die Paschatis, & de articulo mortis: nam quia his temporibus obligat præceptum Eucharistiæ divinum, vel Ecclesiasticum, & ad pastores ordinarios animarum pertinet cura ovium, præcipue quoad observationem præceptorum, ideo pro illis duobus temporibus censetur habere speciale jus, fierique illis præjudicium, si absque eorum facultate, vel consensu Eucharistia ministraretur: non quod si vellet Pontifex, non posset, cum possit sibi illam curam reservare, & cui voluerit committere, sed quod multum per hoc derogaret juri propriorum pastorum, & ideo non faciat, nec fieri expediat. Unde etiam in antiquis privilegiis similis exceptio fere semper posita est, & existimo, quamvis non fuisset expressa, subintelligendam semper fuisse, ita ut in clausula generali non comprehendantur illi duo casus, nisi in specie concedantur, ut in citato loco 3. tomi dixi. Et ideo quamvis Julius II. concesserit Minimis, (ut habetur in eorum supplemento, concessione 143. & in nostro, verb. *Eucharistia*, §. 4.) ut possint ministrare in suis Ecclesiis, ac ministrari facere sacramentum Eucharistiæ quibuscumque personis, quoties opus fuerit: nihilominus non existimo ibi esse comprehensam communionem Paschalem, seu annuam, quia casus adeo specialis non comprehenditur in generali clausula.

6 Dubitari autem potest, an ex aliquo alio privilegio, in quo expresse hoc concedatur nostris religiosis, vel aliis Mendicantibus per communicationem, liceat. Et ratio dubii est, quia tale privilegium concessum est (ut refert Emmanuel Rodericus qu. 56. ar. 3.) in speciale favorem monasterii ordinis S. Hieronymi S. Mariæ de Guadalupe, ex compendio privilegiorum ordinis S. Hieronymi, §. 2. & 6. Et addit prædictus auctor, quod licet hoc privilegium in principio fuerit speciale illius loci propter insignem religionem, & devotionem ejus, postea per concessionem Pii IV. & Pii V. extensum esse ad totum illum ordinem per generalem clausulam, quia omnia similia singularia privilegia cuiusque monasterio specialiter concessa, omnibus aliis monasteriis communicantur, etiam si in eis propria, & peculiaris ratio, quæ movet ad primam concessionem, non inveniatur. Unde ulterius infert per viam communicationis posse omnes religiones Mendicantes gaudere eodem privilegio, sicut gaudent omnibus aliis religioni S. Hieronymi concessis. Hec tamen tam ampla extensio nullibi (quod ego sciam) est usu recepta,

nec facile posset introduci sine scandalo pastorum Ecclesiæ: & ideo (quidquid sit de ipsius rei probabilitate) non consulerem usum talis privilegii, imo admonerem fideles communicantes in die Paschatis in Ecclesiis religiosorum sine licentia parochorum, ut timerent censuras a diæcesanis latas in eos, qui suis parochiis non satisfecerunt. Imo etiam monerem religiosos introducetes talem usum, ut timerent excommunicationem dictæ Clementinæ *Religiosi*, de privilegiis, quia non cenfeo illam doctrinam adeo probabilem, & securam, ut liceat illa in praxi uti, tum quia illa tam ampla extensio per duplicem communicationem, & in re odiosa contra jus parochorum, & parum fructuosa fidelibus, videtur profecto aliena ab intentione Pontificum, atque talem esse, ut sub generali clausula numquam sit comprehendenda propter specialem rei difficultatem. Tum etiam, quia hinc ortum est, ut etiam post concessionem Pii IV. & Pii V. numquam Mendicantes, vel alii religiosi ausi fuerint tali uti privilegio. Imo dubito, an reliqua monasteria ejusdem Ordinis S. Hieronymi illo utantur, nisi pro suis familiaribus, vel aliis ita sibi conjunctis, ut difficile possint obligari ad communicandum in parochia fortasse distante. Tum denique, quia privilegium illud datum videtur non tam in favorem monasterii, vel religionis ut sic, quam peregrinantium ad illam Ecclesiam B. Virginis: unde verisimile est non comprehendi sub illa generali ampliatione, imo eo ipso, quod transferatur privilegium ad aliam domum, videtur cessare fundamentum ejus. Ob has ergo fortasse causas, vel saltem ad tollendas occasiones offensionum, nulla in privilegiis Societatis, seu Compendio eorum facta est mentio hujus ampliationis; imo regula 27. nostrorum sacerdotum præcipit, ut moneantur penitentes de communicatione in sua parochia tempore Paschæ.

7 Occurrebat autem statim declarandum, quomodo intelligenda sit hæc exceptio diei Paschatis: sed quia de hac re late dixi in citato loco 3. tomi, ea hic repetere non erit necesse. Solum hic addo (quod ibi consulto prætermisi) expositionem ibi datam de die Paschæ, id est, de communionem Paschali, esse consentaneam declarationi nostrarum Const. p. 7. c. 4. §. 5. ubi dicitur: *Pascha intelliguntur octo dies ante, & totidem post ipsum festum*: quod dictum est, quia secundum communem Ecclesiæ consuetudinem intra omnes illos dies impleri potest Ecclesiasticum præceptum communicandi intra annum. Unde ubi consuetudo plures dies complecteretur ad implendum præceptum, omnes illi nomine Paschæ comprehenderentur. Et ideo additur in eadem declaratione, posse ad communionem admitti in nostris Ecclesiis illos, qui cum jam suis parochiis satisfecerint, vel lent iterum, aut sæpius illis quindecim diebus communicare. Quod recte & juxta mentem Pontificum mihi dictum videtur, ut dicto loco probavi, & sequutus est Emmanuel Rodericus supra, ita etiam mecum intelligens similem exceptionem positam in privilegiis suæ religionis, etiam si festum Resurrectionis expresse nominent, quamvis alii vocem illam aliter interpretati fuerint.

8 Quæri ulterius potest, in quibus casibus liceat religioso Societatis communionem Paschalem dare fidelibus, non obstante hac exceptione. Respondeo breviter, ex vi prædicti indulti numquam licere, nisi necessitate urgente, nam hæc limitatio his verbis ibidem additur: *conferetur autem necessitas urgere tunc solum, quando persona est impotens ad communicandum in sua parochia, vel ad petendam facultatem a suo parochio, tunc enim in ordine ad occasionem implendi præceptum est vera necessitas, & non concurrentibus illis duabus circumstantiis nulla esse potest*. Tenebitur autem in eo casu fidelis satisfacere postea suo parochio, & similiter parochus, si de necessitate, & de communionem suscepta ei satis constiterit, non poterit subditum cogere ad communicandum iterum. Hinc vero inferunt aliqui, posse dari communionem Paschalem omnibus iter agentibus, in nostris Ecclesiis, absque alicujus parochi facultate: quia occurrat dicta necessitas. Sed hoc ex vi hujus privilegii incertum mihi est. Et in primis distinguendum est de vagabundis, & de iter agentibus: nam de prioribus certum existimo non posse ex vi hu-

Quid intelligatur per diem paschæ.

Ob urge-
tiam præ-
cepti an-
nui pos-
sunt fide-
les acci-
pere a No-
stris Eu-
charisti-
am in de-
fectu pa-
rochi.

Id tamen
non pro-
cedit quo-
ad vaga-
bundos.

An ob
aliud pri-
vilegium
esset præ-
judicium
dando
Eucharis-
tiam in pa-
schate.

Judicium
authoris.

jus privilegii communionem Paschalem accipere in nostris Ecclesiis: quia tenentur implere præceptum in ea parochia, in qua eo tempore inveniuntur, nam ibi sunt vere subditi, & non habent alium certum parochum, vel pastorem: unde ibi censentur habere domicilium eo modo, quo illius sunt capaces.

In peregrinis etiam non videtur dari easdem necessitates.
 9 De peregrinis autem non est res adeo certa, quia habent suum firmum domicilium, in quo proprium parochum habent, cui satisfacere postea tenentur, si occasione itineris alibi communicent. Et ideo de illis probabile est, quod in eo casu possint communionem accipere ab omnibus, qui privilegium habent illam administrandi aliis temporibus, quia ratione excusationis illud tempus tamquam liberum reputatur. Addi etiam potest, tunc etiam intercedere voluntatem præsumptam parochi, quia ejus nihil interest, quod in alia parochia, vel in regulari Ecclesia subditus communicet, dummodo sufficientem fidem afferat suæ communionis. Unde maxime faver prius privilegium Pauli III. in quo privilegium hoc concedit pro omni casu, in quo non intervenit præjudicium tertii; nam in prædicto eventu nullum præjudicium parochorum intervenit, nec fit contra eorum jus, aut rationabilem voluntatem.

Probabilis tamen eos æquè parari videri debet.
 10 Sed licet hæc probabilia sint, nihilominus obstare potest, quod peregrini reputantur tamquam incolæ illius loci, in quo Paschali tempore inveniuntur, & ideo jure ordinario tenentur parochi illius loci, in quo existit ipsorum hospitium, in quo habitant, confiteri, & ab eo communicari; quod constat ex his, quæ in 4. rom. dixi de proprio sacerdote. Unde cum Eugenius IV. (refertur in lib. Monumenta ordinum, concessione 8. & in supplemento, concessione 315.) declaraverit, peregrinantes tempore Paschali reputari incolas illius loci, in quo inveniuntur, ideoque posse confiteri, & communicare in Ecclesiis talium locorum: nihilominus Collector privilegiorum Mendicantium verb. *Communicare*, §. 2. adjunxit, id intelligendum esse de Ecclesiis parochialibus talium locorum, additque sine licentia parochi talis loci non licere religiosis hos peregrinos communicare. Unde in hoc deficiunt priores in num. præced. rationes de tempore libero, & voluntate præsumpta, quia solum considerant jus alterius parochi stabilis, seu firmi, ut sic dicam, & non illius, qui pro tunc habet jurisdictionem, respectu cuius usurpare ministerium non esset sine præjudicio. Quapropter hanc partem non solum securiorem, sed etiam in rigore veriorum existimo. Dixi autem, *quantum est ex vi hujus privilegii*, quia si intercedat tacitus, seu interpretativus consensus parochi loci, quem facile potest judicare consuetudo, quia regulariter hi parochi non multum curant de peregrinis; tunc ex alio capite posset hoc licere scilicet, quia intervenit sufficiens licentia parochi loci, & tunc procedunt optime conjecturæ factæ de altero parochi proprietario. Item id dictum est ad excludendam quæstionem de aliis privilegiis, quæ supra in n. 6. tacta est.

Andari queat Eucharistia ægrotantibus.
 11 Circa alteram exceptionem de communione in articulo mortis, interrogari potest in primis, quæ communicatio sub hac exceptione comprehendatur: nam potest quis sæpius communicare in infirmitate, vel in mortis periculo, vel etiam per modum viatici (juxta probabilem opinionem:) debent igitur intelligi exceptæ omnes hæc communioniones, vel cur potius una, quam alia? Respondeo in primis, non esse prohibitum ex hoc capite communicare infirmum in lecto jacentem, quando devotionis causa, & non propter mortis periculum communicat. Probatur; quia in exceptione solum dicitur, in mortis articulo. Dico autem, *ex hoc capite*, quia ex circumstantia loci videri potest hoc non esse concessum, quia communicatio non fit in Ecclesia, sed in propria domo. Verum tamen neque hoc etiam impedit, quia in nulla ex prædictis Bullis limitatur hæc facultas ad communionem quæ fit in Ecclesia Societatis, vel alia. Et ratio est, quia hoc ministerium per dictum privilegium conceditur religiosis certo loco non additis, ac proinde personarum, non loci privilegium censetur, nam licet in secunda Bulla interponantur illa verba: *Quod (scilicet Eucharistiæ sacramentum) in suis Ecclesiis decenter tenere sacros præfatos volumus*, non sunt interposita ad limitandam facultatem, sed potius ad concedendum

obiter Societati novum favorem, ut intellectum est in Compendio nostrorum privilegiorum, verb. *Eucharistia*, §. 1. vel ad laudandam, & probandam Societatis consuetudinem, propter quam, (ut ibidem dicitur) libenter populi ad confitendum sociis, & sacratissimam communionem de manibus eorum accipiendam conflunt: quia ergo administratio hujus sacramenti ordinarie a nobis fit in nostris Ecclesiis ex formulis præconsecratis, & decenter servatis, ideo illius usus facta est mentio, non quia ad illum coarctetur privilegium. Unde in priori Bulla ait idem Pontifex: *Et post, seu ante Missarum celebrationem, aut alias Christi fidelibus Eucharistiam ministrare*. Ubi adverbium *alias* amplissimum est, & extendit facultatem ad omnem modum decenter ministrandi hoc sacramentum: nullum ergo locum per se excludit. Denique antiqua privilegia concessa etiam Mendicantibus Nicolai V. & Sixti IV. & Leonis X. eadem facultas conceditur sine limitatione ad proprias Ecclesias, vel ad aliquod templum. Ex quibus obiter intelligitur non posse Societatem indulgere externis sacerdotibus, ut in sua Ecclesia Eucharistiam ministrarent fidelibus, repugnante eorum pastore, cum privilegium sit religiosorum non loci, ut dictum est.

12 Dices: ergo licebit religioso ex vi hujus facultatis deferre publice per vias, & plateas Eucharistiæ sacramentum ad ægrotos, quando non propter necessitatem, sed propter devotionem communicant. Respondeo negando sequelam, quia illud est contra communem consuetudinem, quæ satis declarat illum modum administrationis pertinere ad proprium jus parochorum, ideoque illud ministerium optime comprehendendum sub illa exceptione, *sine alicujus præjudicio*. Ratio autem esse potest, vel quia ille modus regulariter non est in usu, nisi ad implendum divinum præceptum; leges autem, & jura attendunt, quæ regulariter, seu frequenter accidunt: vel quia tunc ministerium fit cum speciali solemnitate publica, ad quam debent concurrere alii fideles, ut decenter fiat, & fit per loca, quæ in ordine ad hunc usum subsunt jurisdictioni Episcoporum, & ideo non comprehenditur illud ministerium sub generali concessione, sed requiritur specialis facultas vel Episcopi, vel parochi. Potest autem aliter ministrari sacramentum ægrotis, privatim faciendo sacrum in proprio oratorio ad hoc approbato, vel in alio loco ejusdem domus de licentia Ordinarii: unde quoad hoc semper hoc ministerium pendet ab Ordinario; obtemperantem facultate ad faciendum sacrum in loco accommodato, non erit necessaria specialis licentia ad dandam Eucharistiam, sed ex vi privilegii licebit.

13 Secundo idem dicendum cenfeo, etiam si ægrotus sit in periculo mortis, quoties non communicat ad præceptum divinum implendum, sed ex abundantiori devotione; atque ita fit, ut sola illa communicatio, per quam impletur præceptum in articulo mortis, excepta censetur. Pro quo est advertendum, præceptum illud uno actu expleri intra tempus illius periculi facti, quia nihil aliud præcipit, nisi viaticum sumere in illo articulo, quod satis fit per unum actum. Deinde, cum tempus illud habeat latitudinem interdum plurimorum dierum, & præceptum sit affirmativum, non obligat pro singulis momentis, vel diebus illius temporis, sed determinatio illius potest esse arbitraria. Quamdiu ergo status infirmitatis, & periculi nondum pervenit ad talem statum, ut statim, & pro eodem die obliget ad communicandum, si ægrotus velit communionem recipere devotionis gratia absque animo implendi præceptum, & cum proposito postulandi alio die viaticum a parochi, si periculum creverit, & obligatio magis urgere visa fuerit, tunc licitum est religiosi, ex vi hujus privilegii ministrare illi sacramentum, quia ille nondum dicitur articulus mortis; manebit tamen integra obligatio divini præcepti pro illo articulo, seu periculo, quando ad illud pervenit fuerit. Simili modo si ægrotus jam communicavit tempore apto ad implendum divinum præceptum, & cum intentione implendi illud, quamvis postea, perseverante eodem periculo, per plures dies Eucharistia ex devotione accipiat, poterit a religioso ministrari iterum atque iterum. Nec refert, quod ille videatur esse articulus mortis; est enim quasi materialiter, non quia communicatio fiat ad satisfaciendum.

An liceat nostris deferre Eucharistiæ ad ægrotos per plateas.

ciendum obligationi illius articuli, sicut aliàs de communione Paschali cum proportionē dicebamus, indicavimusque supra in num. 7.

14. Ulterius interrogari potest, an articulus, & periculum mortis idem sint, ita ut hæc exceptio ad periculum mortis extendenda sit. Unde oriuntur dubitationes aliquæ, scilicet, an is, qui communicat eo quod navigationem longam, & periculosam inchoaturus sit, vel quia actuale bellum est ingressurus, si in similibus casibus possit a nostris ex vi hujus privilegii communicari, vel debeat ad parochum remitti. Sed de primo dubio dictum est in 4. tomo, tractando de absolutione in articulo mortis, ubi dixi, quæ pro articulo mortis conceduntur, ad periculum extendi. Quæ quidem regula in favoribus certa est: hæc autem exceptio, de qua agimus, potius est favoris limitatio, & ideo ad vocis proprietatem, & rigorem videri potest restringenda. Nihilominus tamen, si applicetur principium prius positum de observatione divini præcepti, nihil etiam oportebit inter illa duo in præsentī distinguere, sed inspicendum est, an tale sit periculum mortis, ut ratione illius obliget divinum præceptum ad communicandum, & tunc generalis regula est, quoties communio est suscipienda, ad implendam hanc obligationem provenientem ex mortis instantia, si hæc tam proxima sit, & tam certa, ut vocetur articulus mortis, si sit magis distans & dubia, ideoque periculum appelletur, talem communionem sub hac exceptione comprehendī, quia in re ipsa, ac moraliter loquendo, ille est articulus mortis, etiam si vulgaris modus loquendi fortasse alius sit; & quia formalis ratio hujus exceptionis non est propinquitas, vel distantia mortis, sed obligatio divini præcepti, cujus observantia pertinet maxime ad curam, & sollicitudinem pastoris, & ideo illi peculiariter reservatur. Quo circa in illis casibus propositis concedendum est, recurrendum esse ad parochos, & non esse communionem ab aliis sumendam sine eorum licentia. Idemque censeo de muliere prægnante, & proxima partui, si revera timeret simile periculum. Aut si fortasse in hujusmodi casibus hoc non est in usu, & sine scrupulo accipitur, & datur Eucharistia a religiosis, ideo est, quia non existimatur tantum esse periculi, ut inducat obligationem, & ita communio magis sit ex devotione, quam ex necessitate, vel certe bona fide proceditur, quia non cogitur de tali obligatione, neque hæc exceptio ad illos casus applicatur, quia non est facile omnibus id considerare, & advertere: vel denique illa bona fides fundari potest in præsumpta voluntate parochorum, quibus potius gratum est hoc ministerium, quando eorum contemptus, vel aliud præjudicium non inest.

15. Tandem inquiri potest, quid significatum sit a Pontifice per limitationem additam huic exceptioni, scilicet, *nisi necessitas urgeret*. Et ratio dubii est, quia si hoc intelligatur de necessitate extrema, non erat necessaria exceptio, & ita ex vi illius nihil conceditur per hoc privilegium: si vero sermo sit de minori necessitate, ut privilegium aliquid concedat, difficile erit gradum necessitatis præscribere, aut designare. Respondeo breviter, intelligendum hoc esse de necessitate gravi, ad quam duo requiruntur. Unum est, ut proximus sit in probabili periculo mortis, neque est necessarium, ut sit jam desperatus, sed sufficit probabilis conjectura. Neque in hac parte erit difficile judicium ferre: nam si periculum non judicaretur tale, ut sufficiat ad obligationem divini præcepti, tunc facilius licebit communionem dare virtute hujus privilegii, quia jam non erit communio in articulo mortis. Si vero periculum judicetur sufficiens ad prædictam obligationem inducendam, tunc etiam sufficiet ad prædictam limitationem, quantum est ex hoc capite necessitatis proximi. Secundo vero necessarium est, ut parochus absit, vel non possit, aut nolit Eucharistiam indigenti dare, nam tunc proximus constituitur in vera necessitate. Ad difficultatem autem respondeo, non omnes concedere, posse religiosam, secluso privilegio, Eucharistiam dare ob solam necessitatem, quia non putant illud esse sacramentum tantæ necessitatis; & licet eorum sententia falsa sit, ut notavi dicto 3. o no, dist. 82. sect. 2. viderique potest Henriquez lib. 8. de Eucharist. cap. 55. §. 1. A nihilominus ad tollendam omnem dubitationem utile fuit, hoc in

privilegio declarare. Hæc autem omnia, quæ diximus, procedunt generaliter de administratione hujus sacramenti circa externos: quid vero dicendum sit de familiaribus Societatis, adnotabimus cap. seq. & hæc de potestate hujus ministerii Societati concessa.

16. Circa usum vero hujus potestatis, de quo in principio hujus capituli dicere proposui, duo tractari possunt, scilicet, quid expediat, & quid fiat. De priori parte videri possunt, quæ de frequenti usu Eucharistiæ dixi in tom. 3. 3. p. disp. 69. sect. 4. nam ex doctrina ibi data constat multum expedire liberaliter uti hac facultate a Pontificibus concessa, ita ut vel ipsa commoditas, & opportunitas invitet fideles saltem ad eum usum Eucharistiæ, quem Augustinus epist. 118. & nomine ejus liber de Ecclesiasticis dogmatibus, c. 53. consulit, scilicet, ut saltem singulis hebdomadibus fiat. Quod consilium aliis etiam Patribus consentaneum est, ut videre licet in Chrysostomo homil. 28. in 1. ad Cor. 4. & in 2. ad Timoth. Bonavent. tom. 2. Opuscul. de Process. relig. cap. 21. ultimi processus, & aliis, quos loco citato adduxi. In præsentī vero addo nostros sacerdotes specialiter regula 26. teneri, ut *sicut pium est fideles ad frequenter communicandum hortari, ita monere illos debere, ne crebrius quam octavo quoque die communicent, præsertim si conjuges fuerint*. De altera vero parte, quia ad factum pertinet, nihil nos dicere oportet, sed aliorum considerationi relinquere. Testatur autem Paulus III. in 2. indulto citato, se intellexisse populos civitatum, terrarum, & locorum, apud quæ habitationem socii habent, vel ubi eosdem versari, aut transire contingit, exemplo alleetos, & inductos religiosæ vitæ, quam Domino concedente ducunt, libenter ad confitendum eidem, & sacratissimam communionem de manibus eorum accipiendam confluere, quam populorum devotionem hæcenus conservari, & hac occasione, frequentiam hujus Sacramenti per divinam gratiam multum in Ecclesiâ renovatam esse, omnibus notum est.

CAPUT IV.

Quid circa aliorum sacramentorum administrationem possint religiosi Societatis.

1. Ratio difficultatis est, quia in verbis citatis initio superioris capituli ex primo indulto Pauli III. eodem tenore dicitur: *Christi fidelibus Eucharistiam, & alia Ecclesiastica sacramenta sine alicujus præjudicio administrandi*. Videtur ergo ita licitum esse nostris sacerdotibus cætera sacramenta libere ministrare, sicut Eucharistiam. In contrarium autem est, quia hoc neque usu receptum est, neque ad finem Societatis est necessarium, neque ad pacem & unionem cum ordinariis pastoribus animarum, vel ad conveniens regimen earum expediens est talis facultas: non est ergo verisimile in eo sensu esse concessam.

2. Ad hoc breviter dicendum est, nostris religiosis, per se loquendo, non licere cætera Sacramenta fidelibus administrare; sed solum in aliquibus casibus, & occurrentibus quibusdam circumstantiis. Prior pars præter probationem adductam, quæ videtur sufficiens, colligi etiam potest ex illa limitatione Pontificis, *sine alicujus præjudicio*: nam aliorum sacramentorum administratio, per se loquendo, usurpari non potest sine præjudicio parochorum, aut Episcoporum, absque illorum facultate. Quod explicabitur melius descendendo ad singula sacramenta, simulque altera pars conclusionis ostendetur. De tribus ergo Sacramentis tantum potest esse sermo, Baptismo, extrema unctione, Matrimonio: nam de Pœnitentia, & Eucharistia jam dictum est: Confirmatio autem & Ordo non sunt sacramenta pertinentia ad sacerdotes ut sic, sed ad Episcopos; hæc autem facultas conceditur sacerdotibus. Et licet in aliquo casu, vel aliqua administratio possit per sum nam Pontificem committi sacerdoti simplici, id tamen nunquam fit per generalem clausulam, sed per privilegium valde speciale, nec conceditur quasi ordinaria delegatione, sed valde extraordinaria, & ex causa multum urgente: & ideo certum est, hic non esse sermo.

Frequens
usus disti
privilegi
expedit.

Et de fa-
cto datur.

Diffusio-
ne variis
casus de
periculo
mortis.
De susci-
pientibus
bellū vel
longam
naviga-
tionem,

De proxi-
ma par-
tui.

Quæ ne-
cessitas
sufficiat
ut in mor-
tis articu-
lo possint
nostris Eu-
charistia
ministra-
re.

sermonem de illis Sacramentis. Quid autem in hoc genere concessum sit Societati, dicam in fine hujus capituli.

Circa Baptismum ministrandum enucleatur resolutio data num. precedenti.

3 De Baptismo igitur certum est, non licere nostris sacerdotibus illum solenniter ministrare fidelibus ordinariis, & in his regionibus, in quibus singuli fideles habent ordinarios pastores, ad quos ex officio pertinet talis sacramenti administratio. Hoc indubitatum est apud omnes, quia jure communi hoc prohibitum est, c. *placuit*, 2. 16. q. 1. ubi Eugenius Papa prohibet monacho baptizare; & licet dici possit, appellatione monachorum non venire clericos regulares, juxta doctrinam receptam apud Navarrum Comment. 4. de Regularibus n. 40. & 41. nihilominus omnes intelligunt sub ea prohibitionem comprehendere universos religiosos, quibus cura animarum commissa non est: quod glossa ibi dixit: *Non habentibus populum*, quia ut ratio prohibitionis non fundatur in speciali conditione monachatus, sed in generali statu religioso, appellatione *monachi* omnes religiosi veniunt, ut notavit idem Navarrus consil. 10. de statu monach. ex Panorm. c. 2. de postulando. Hoc autem commune jus speciali aliquo privilegio nobis concessio, derogatum non est, nec credendum est per illa generalia verba derogari propter ea, quæ ponderavimus in n. 1. arguendo pro parte negativa, & quia privilegium quatenus juri contrarium, stricte est interpretandum, & non est ad id extendendum, si alio modo potest habere effectum; hic autem potest, ut explicabimus.

4 Atque hinc colligitur, extra casum necessitatis, nullo modo licere nostris religiosi virtute hujus privilegii, Baptismum ministrare. Probatur, quia absque necessitate non est Baptismus ministrandus nisi solenniter, ut tomo 3. disp. 3. t. sect. 5. ad finem dixi; sed solenniter non potest ministrari, ut ostensum est ergo. Item, quia extra necessitatem solus parochus habet jus baptizandi; & privilegium nihil concedit contra hoc jus, juxta verbum illud, *sine præjudicio tertii*. Sicut enim supra dicebamus jus ministrandi Eucharistiam tempore necessitatis divini, aut Ecclesiastici præcepti, esse adeo proprium pastoralis muneris, ut contra illud noluerit Ecclesia privilegia concedere: ita majori ratione judicandum est de jure baptizandi, quia Baptismus multo magis necessarius est ex divino jure, & quia per illum admittuntur homines in gremium Ecclesiæ, quod maxime pertinet ad illius pastores. Unde tandem concluditur, nihil speciale concessum esse Societati, quoad ministerium hujus sacramenti, saltem pro his regionibus, in quibus Ecclesia satis fundata est; quia licet in necessitate possint religiosi Societatis baptizare sine solennitate, hoc non est privilegium, sed commune jus. Et ideo in Compendio Societatis, verb. *Sacramenta*, adnotatum est, id posse nostros quoad hoc in necessitate, quod jus commune habet. Quamvis in tali articulo fortasse præferendus esset minister Societatis, ratione privilegii, ut statim circa Extremam unctionem explicabo num. 9. in fine.

5 Deinde, si Societati, vel aliquibus operariis ejus, populi aliqui commisi sint, tunc baptizare poterunt etiam cum solennitate, non ex privilegio, sed ex jure communi, c. *doctas*, 16. q. 1. nam ratione muneris commissi necessario convenit talis facultas. Atque hoc modo possunt nostri sacerdotes, qui in terris Gentilium versantur, eis Baptismum ministrare: quia eo ipso, quod ad prædicandum gentibus, vel aliis infidelibus mittuntur, eis committitur, ut ad Ecclesiam recipiant qui ingredi voluerint, eisque demandatur tota cura illarum animarum. Præterquam quod etiam ibi concurrat titulus necessitatis, quia non sunt alii ministri, a quibus gentes illæ baptizentur. Unde etiam ibi habere potest locum privilegium Pauli III. quia talis Baptismus *sine alienius præjudicio* datur, cum ibi proprii pastores animarum non inveniantur, præter summum Pontificem, cujus proximi delegati sunt nostri prædicatores. Inter nostros autem oportet subordinatam servari, non eam omnibus hæc cura æque tributa est, sed inferioribus per superiores: & ita unusquisque tantum habebit potestatis, quantum ei fuerit a superiore commissum.

6 Hæc autem locum habent, quamdiu in illis regionibus non sunt fundatæ Ecclesiæ, in quibus sint proprii Episcopi, vel parochi, nam tunc cessat necessitas, quia eis ministerium incumbit, & jam intercedit præjudicium tertii sine facultate pastoris illius ministerium usurpando. Cessat denique quoad hanc partem delegatio facta; nam intelligenda est solum fieri, quamdiu ordinarii pastores deficiunt. Atque eodem modo intelligenda esse opinor privilegia, quæ a Leone X. Paulo III. & IV. referuntur concessa nonnullis religiosi mendicantibus, ut inter Indos, & infideles possint baptizare eos, qui ad fidem convertuntur: & semper enim talia privilegia sine præjudicio tertii, & sine confusione, & perturbatione Ecclesiastici ordinis intelligenda sunt, & ideo pro illis locis dantur, quæ earent propriis pastoribus, & parochis distinctis ab ipsis religiosi: ideoque ubi Ecclesiæ sunt fundatæ, & jurisdictiones sunt distinctæ, & populi propriis parochis commissi sunt, non possunt religiosi ex vi talium privilegiorum, baptizare solenniter etiam in suis Ecclesiis, sine licentia parochorum, neque etiam privatim, nisi in articulo necessitatis. Quod etiam ex fine talium privilegiorum intelligi potest; ordinantur enim ad convenientem fidei plantationem, & propagationem in illis regionibus: ad hunc autem finem non est necessarium, nec conveniens, ut usurpent jus parochorum, quando illis jam cura commissa est. Et ideo Pius V. anno Domini 1567. quasi interpretans priora indulta, solum concessit religiosi, ut possint baptizare in locis illarum regionum, ipsorum curæ commissis, vel committendis: ergo in his, quæ aliorum curæ commissa sunt, se intromittere non debent. Quod ipsa etiam ratio naturalis postulat: nam ubi populi illi sunt inter religiosos diversorum ordinum distributi, jurgia inter eos excitarentur, si unus veller baptizare in populo alteri commisso, & singuli volunt jus suum servari: debent ergo etiam ipsi aliorum jura servare, si vel alii religiosi sint, si vel seculares clerici.

7 Hæc autem maxime locum habent quoad Baptismum parvulorum, qui ex fidelibus jam baptizatis oriuntur; nam si parentes habent aliquem proprium parochum, ad illum sine dubio spectat baptizare filios eorum; & procedunt omnia, quæ diximus n. præced. De his autem, qui de novo convertuntur ad fidem, & adulti baptizantur, vel parvuli ex voluntate parentum infidelium, aut simul ad Baptismum venientium, potest esse diversa ratio: quia illi non sunt de Ecclesia, & ita nondum sub sunt jurisdictioni parochorum: ergo adhuc circa illos durat Pontificia facultas per privilegia concessa. Item in illis etiam durat ratio, & finis illius facultatis scilicet, ut fides possit propagari: imo & verba ipsa proprie verificantur, quia omnes hi revera sunt denuo conversi ad fidem, & ad hos baptizandos dantur hæc privilegia. Est igitur hoc mihi valde probabile. Ut tamen clarius, & certius loquamur, distinguere possumus inter hujusmodi infideles: nam quidam esse possunt incolæ eorumdem locorum, vel diocesis, quæ propriis parochis, vel Episcopis sub sunt. Voco autem incolas non solum eos, qui ibi domicilium habent, sed etiam omnes, qui ibi ad tempus commorantur, vel peregrinantur, & ibi ad fidem convertuntur, si vel ad hunc finem illuc pervenerint, si vel quacunque alia ex causa: alii vero sunt omnino extranei, qui extra totam diocesim commorantur. De his ergo posterioribus mihi non est dubium, quin possint baptizari a nostris religiosi, inconsultis Episcopis, vel parochis earum regionum. Ut, v. g. si religiosi habitantes in Episcopatu Mexicano, inde egrediantur, ut per alias insulas, vel provincias infidelium discurrant, ibi baptizare poterunt quos converterint, quia illi non sunt aliorum curæ commissi, & ideo baptizari possunt sine alterius præjudicio: non enim fit injuria Episcopo unius loci, baptizandi extra territorium ejus, argumento illius regulæ juris, *quod extra territorium jus dicenti non pareatur impune*, c. 2. de consil. in 6.

8 De prioribus vero infidelibus videtur esse dubium; securius tamen existimo in hoc parere Episcopo diocesis: nam ille habet jus in totum illud territorium, eique est commissa cura omnium animarum ibi existentium, si vel ut nutriantur in fide, si vel etiam ut generentur, seu ad fidem convertantur. Quamvis enim Ecclesia non habeat jurisdictionem coercivam, seu coactivam in infidelibus

Limitatur præcedens pronuntiatio.

Referuntur a Rodrico q. 31. ar. 2.

1. Pronuntiatio.

Baptismus extra casum necessitatis solenniter est ministrandus.

3. Pronuntiatio.

3. Pronuntiatio.

Hoc pronuntiatio ubi maxime locum habeat.

Ubi etiam minus sit probabile.

fideles non baptizatos, habet tamen jurisdictionem, ut sic dicam, voluntariam, & curam pastorem, quæ in summo Pontifice est respectu totius orbis, & in singulis Episcopis pro suis diocæsis. Et ideo sicut jus administrandi alia sacramenta fidelibus in tali diocesi pertinet ad Episcopum ejus: ita ministrare Baptismum infidelibus in eadem diocesi sub eodem jure per se, ac ordinariè continetur. Contra hoc autem jus non est data religiosus facultas administrandi sacramentum Baptismi, nullibi enim invenitur, & generalia verba non sufficiunt, ut sæpe dixi. Consulenda sunt tamen alia indulta, & privilegia Apostolica, si qua fortasse sunt a Sede Apostolica aliis religionibus concessa: nam illis poterit etiam uti Societas ad arbitrium Præpositi Generalis.

Circa Extremam unctionem enucleatur dicta resolutio num. 2.

9 De sacramento Extremæ unctionis certum est, per se loquendo, non posse a nostris religiosi ministrari ex vi dicti privilegii Pauli III. neque alterius, quod specialiter Societati concessum sit, nullum enim aliud reperitur, & illa verba generalia dicti indulti Pauli III. non sufficiunt propter illa omnia, quæ adduximus c. 3. nu. 3. quæ hic merito applicari possunt. Nam hic etiam extat jus generalis Concilii prohibentis religiosi hoc ministerium sub censura excommunicationis in Clement. 1. de privil. quod non derogatur, nisi per expressam, vel specialem clausulam. Hic etiam facit illa particula, *sine alicujus præjudicio*, quod in hujus sacramenti administratione etiam interveniret. Dixi autem, *ex vi dictorum privilegiorum*, quia aliud est ratione necessitatis: si enim ægrotus indigeat, & in vero periculo sit constitutus, & parochus non adsit, aut nolit hoc sacramentum ministrare, poterit a nostris conferri sine illius licentia, & secluso scandalo: illud tamen non est illis solis concessum, sed cuilibet simplici sacerdoti, ut in materia de Extremâ unctione dixi disp. 36. sect. 2. quia licet hoc sacramentum non sit absolute necessitatis, est tamen magnæ utilitatis, & aliquando potest esse valde necessarium, ideoque ex voluntate interpretativa superiorum prælatorum, in eo casu legitime confertur a quocumque sacerdote idoneo. Et ob eandem causam censui in materia de Excommunicatione, illam Clementinam non extendi ad hunc casum: quia non est verisimile, Concilium voluisse, ut religiosi non subvenirent proximis extreme indigentibus, sed ut jura parochorum non usurparent: tunc autem non usurpant, quia ipsi irrationaliter essent inviti. Ob eandem rursus causam pro eo eventu locum habet privilegium Pauli III. quia jam non intervenit præjudicium tertii, quod saltem ad hoc deservit, ut sine ullo scrupulo, & contentione opinionum (non enim deest in prædicto puncto) hoc fieri possit. Conferre etiam potest, ut nullus possit nostros in eo casu impedire ab hujusmodi ministerio. Videtur etiam ratione hujus privilegii præferendus religiosus Societatis in eo casu cuilibet simplici sacerdoti, qui jus, aut facultatem non habeat ad ministrandum illud sacramentum, quia ille non potest usurpare hoc ministerium nisi præcise ratione necessitatis: tunc autem respectu illius nulla est necessitas, quia adest minister delegatus a summo Pontifice pro tali casu.

10 Potest præterea Societas ministrare hoc sacramentum non solum suis religiosi, quod clarum est, sed etiam familiaribus suis, ac domesticis famulis. Hoc concessit Paulus III. in secundo indulto supra citato his verbis: *his vero, qui in ipsorum Præpositorum, & sociorum morantur obsequio, cuncta libere possint ministrare Ecclesiastica sacramenta, & ipsos cum decedunt, in eorum cæmeteriis sepelire*. Ubi licet in specie non loquatur de Extremâ unctione, sine dubio illam comprehendit, tum quia illa distributio, *cuncta*, propter illam maxime addita videtur: tum quia concedendo sepulturam, declarat se comprehendisse omnia sacramenta, quæ ad illam præparant. Tum præterea, quia aliis nihil speciale concederet pro his familiaribus: nam quæ ratione non comprehenderet Extremam unctionem, eadem non includeret viaticum. Tum denique, quia hic non est addita aliqua exceptio, neque illa limitatio, *sine præjudicio tertii*: quia supponitur in his familiaribus propter specialem conjunctionem ad Societatem esse peculiatem rationem, ob quam nullum

fit præjudicium parochis administrando eis sacramenta, maxime propria parochorum, quia quodammodo illi sunt sub cura Societatis. Præter hanc vero concessionem Leo X. concessit Minimis, ut possint hoc sacramentum ministrare familiaribus suis in habitu seculari servientibus, ut in eorum Compendio refertur v. 57. & in nostro, verb. *Familiares*, §. 2. & §. 1. refertur similis concessio Martini V. facta monachis S. Benedicti ex Compendio Minorum, verb. *Familiares*, §. 10. quibus privilegiis Societas per viam communicationis gaudet,

11 Inquiri autem hic potest, qui sint *familiarium* nomine in præsentem intelligendi; alias enim amplas habet significationes, ut nu. 14. attingam. Et est ratio dubii, nam in Concilio Tridentino sess. 24. c. 11. de Reformatione, ubi de his privilegiis tractat, declarat, solum extendi ad eos, *qui actu serviunt religiosi, & intra eorum septa, ac domos resident, subque eorum obedientia vivunt*. Unde duas condiciones in his requirit, ut ad hunc effectum censeantur familiares: una est, ut intra septa, ac domos religionum habitent: altera est, ut actu serviant, & sub obedientia religionis vivant; hanc enim unam esse exitimo: non enim necesse est, ut familiares promiserint obedientiam religiosam, nam hi non familiares, sed conversi essent: dicuntur ergo esse sub obedientia, quia ratione muneris serviendi consequens est, ut obedire debeant. Dubitari autem potest, an hæc due condiciones conjunctim requirantur, ut particula & a Concilio posita in rigore postulare videtur, vel divisim quolibet dictarum conditionum per se sufficiat: quia indultum Pauli III. solum requirit, ut in obsequio Societatis quispiam moretur, id est, occupetur: sufficit ergo condicio servitutis sine habitatione: multi enim actu servire possunt domibus Societatis, quamvis non intra eas, sed in propriis habitent. Et in privilegio monachorum S. Benedicti expresse dicitur: *Tamen intra, quam extra septa commorantibus*.

12 Circa hoc in primis dicendum est, stando decreto Concilii Tridentini, utramque conditionem esse necessariam, ut ex contextu manifeste constat. Illud autem decretum hodie non obstat, quominus si in privilegiis plus conceditur, possit Societas illis uti, quia Pius V. declaravit, ut gratiæ hujusmodi non censeantur derogatæ per Concilium Tridentinum, nec restrictæ; ita refert absolute, & sine limitatione Emmanuel Rodericus qu. 56. art. 14. Tamen in nostro Compendio, verb. *Concilium Tridentinum*, §. 3. in scholio additur, hanc confirmationem seu revalidationem Pii V. intelligendam esse quoad casus occultos, seu non manifestos, quia pro hujusmodi tantum fieri solent hujusmodi concessionem, vivæ vocis oraculo. Ego videre non potui originalem literam, in qua illud oraculum continetur: tamen si in ea non additur limitatio, sed absolute sit concessio, ut mendicantes possint uti gratiis antea sibi concessis, etiam quoad illas, quæ per Concilium Tridentinum sunt derogatæ, aut restrictæ, prout revera videtur concessisse: ita enim in nostro Compendio, & a dicto auctore refertur; non dubito, quin quantum ad præsens attinet, illa privilegia integra sint, etiam quoad illa ministeria, quæ non occulte, sed publice fiunt, ut sunt ministerium Extremæ unctionis, vel Eucharistiæ in articulo mortis, vel etiam sepulture. Quia vero concessio Pii V. non est absoluta, sed solum in foro conscientie, seu occulto, ideo si parochi velent sibi vindicare aliquod jus circa hujusmodi personas, & in exteriori foro illud postularent, non posset eis resisti virtute privilegiorum, nisi quatenus per Concilium Tridentinum non sunt restricta: quamdiu autem ipsi non resistunt, tuta conscientia possumus uti privilegiis juxta concessionem Pii V.

13 Ad id vero ulterius in præsentem punctum non esse necessariam concessionem Pii V. saltem in nostra Societate, considerato solo privilegio, quod habet a Paulo III. & usu, quem circa illud observat, quidquid sit de concessione potestatis. Hoc constat ex Compendio privilegiorum, verb. *Familiares*, §. 1. ubi in scholio additur: *Familiaribus Extremâ unctione poterit administrari, atque adeo iis solis, qui in domibus, Collegiis, residentiis, & aliis locis Societatis habitaverint: extra septa vero cum illis perinde ac cum aliis agatur*. Dux igitur condi-

Ut familiaris non sacerdotetur, duas condiciones requiruntur,

1. Afferri in proximo dubio.

2. Afferri.

Ad hoc Sacram. non datur privilegium,

In necessariis tam de jure cõmuni possumus ministrare hoc Sacram.

Imo & privilegium tunc locum habet.

Excoiunatur fam. liares nostri quos possumus agere.

Ad idem
que ad
primam
conditionem
habitationis
pertinet a se-
pta.

Pius V. non
videtur
derogasse
hanc con-
ditionem.

Idem ostenditur
quod ad
conditionem
actualis
servitii.

Vox fa-
miliaris
paria in
jure, &
Deo.

Ad idem
servitium
quod
iam licet
non semper
serviat,
vel
serviat
gratis.

iones posita a Concil. Trid. a nostra Societate quoad usum hujus facultatis acceptantur. Nam prior, quæ est de habitatione infra septa monasterii, expresse in prædictis verbis postulat, quæ non continent solam privatam declarationem, sed etiam applicationem facultatis, quæ a Præposito Generali fit, juxta potestatem a Sede Apostolica sibi concessam. Estque illa conditio valde consentanea rationi, tum quia non expedit religiosos extra suas domos exire ad ministranda publice sacramenta Eucharistiæ, vel Extremæ unctionis infirmis, in privatis eorum domibus, cum in illis locis facile possit hoc ministratum per parochos fieri, & jure debeat. Tū etiam, quia hoc utile est ad pacem, & unionem cum eis conservandam, & ad tollendum omne scandalum, cumque quoad hanc partem facile possit Conc. Trid. observari sine ullo gravamine, vel dispendio religionis, imo cum ejus commoditate, consultius profecto est illud observare. Imo hac ratione verisimile est, non fuisse mentem Pii V. quoad hanc partem aliquid concedere contra decretum Concilii, quia ipse solum intendit conservare eas gratias religionis, quæ vere cedunt in favorem ejus, & exterius non possunt pastores Ecclesiæ perturbare; ideo enim addidit illam restrictionem, *in foro conscientie*: hæc autem gratia quoad hunc usum nihil ad favorem religionis pertinet, & aliquam perturbationem exterius asserere potest.

14 Aliâ vero conditio de actuali servitute a Paulo III. in nostro indulto postulat, per illa verba: *Qui in sociorum m rantur obsequiis*: idem enim est morari in obsequiis, quod actu servire. Eandemque in rigore postulat nomen *familiarium*, quotiescumque in Apostolicis indultis talis gratia pro familiaribus conceditur. Ad quæ indulta, & multa alia privilegia intelligenda necessarium esset exponere, quid nomine familiaris in jure significetur. Quod tractant ex professo Doctores in c. *in literis*, de Testib. c. ult. de verbor. signif. in 6. & Speculator in summa, et de teste, & Franciscus Penna in Directorio inquisitorum, comment. 119. qui dicit, nulla lege in jure communi præscribi, quinam sub ea appellatione comprehendantur. Felinus autem d. c. *in literis*, p. 1. dicit, cum familiaris a familia derivetur, sicut familia multipliciter dicitur, ita & familiares. Familia autem interdum significat gentem, vel cognationem, vel servos, vel filios, vel totam congregationem unius domus. Nihilominus tamen frequentiori usu familiares dicuntur respectu alicuj. s. qui illi aliquo modo interviunt, & compensales sunt, ita ut expensis ejus alantur, & cum illo regulariter cohabitent: ita colligitur ex d. c. ult. de verb. signif. in 6. ibi, *in tuis expensis continuo domestici commensales*. Ubi glossa advertit illud *continue*, civili modo esse intelligendum, quia non obstat, quominus aliquando possit abesse, non solum pro negotiis domini, ut statim in textu declaratur, sed etiam pro negotiis propriis, ut recte glossa declarat. Quæ etiam addit (quod ad intelligentiam Conc. Trid. notandum est) quod licet ægrotet, actu servire intelligitur, juxta l. *cum heres*, §. *Stichus*, ff. de statu lib. Non est autem simpliciter necessarium, ut aliquis familiaris censeatur, quod propter stipendium vel mercedem interviat; nam licet gratis id faciat, familiaris censeatur, ut cum Joanne Andrea docuit Felinus supra, faveatque Conc. Trid. sess. 14. c. 5. de Reformatione, ubi privilegium literarum conservatoriarum ad duos familiares limitat, & addit: *Si tamen illi propriis sumptibus ejus vixerint*: significans non esse hoc de ratione familiaris, quamvis illa conditio augeat quodammodo, ac commendat familiarium conjunctionem: in rigore autem satis est, quod interserviant, seu in obsequiis alicujus morentur. Et hoc modo loquitur stripe de familiaribus Episcoporum Conc. Trid. sess. 23. c. 9. de Reformatione, sess. 25. c. 1. de Reformatione, ubi familiares a consanguineis distinguit, indicans, dici a familia, ut significat domum, non ut de cognatione, seu genere dici solet. Nec dubium est, quin in præsentem hoc modo sumatur, & respectu religionis non potest alia familiaris acceptio accommodari. Ex quo inferri videtur, etiam requiri in his familiaribus, quod intra septa monasteriorum habitent, nam in illa significatione familia propria non dicitur una, nisi quæ unam & communem habet habitationem. Unde Felinus supra dicit, quemcumque familiarem appellari etiam domesticum, juxta

jura civilia, quæ citat: domesticus autem proprie non dicitur, nisi qui in eadem domo habitat: ergo non immerito hæc conditio postulat ad usum prædictæ facultatis circa familiares.

15 Nihilominus tamen assero tertio, quod licet hic usus, & valde prudens, & tutior sit, nihilominus in rigore privilegiorum non requirit utramque conditionem. Nam in primis ex vi nostri privilegii Pauli III. & alterius similis concessi Minoribus I. Monumenta ordinum concessione 315. non requiritur, nisi *ut in obsequiis religionis morentur*, quod potest esse sine habitatione intra septa monasterii, ut per se constat. Deinde, etiam nomen familiarium in rigore id non postulat, ut ex communi usu constat, nam de familia Episcopi dicuntur famuli, etiam si non habitent intra domum ejus, hoc enim accidentarium est. Denique in privilegio Martini V. concessio Benedictinis expresse dicitur, *intra, & extra septa suorum monasteriorum commorantium*, ut refertur in Compendio Minorum, tit. *Familiares*, §. 10. & in nostro, §. 1. unde vel non omnes familiares sunt domestici, vel latius sumenda est appellatio Domestici non a domo materialiter sumpta, sed formaliter, ut dicitur congregationem domesticam, seu familiarem ac æconomicam.

16 De altera vero conditione habitationis in eadem domo, quod interdum per se sola sufficit, colligi potest ex concessione facta Benedictinis, quæ sub his verbis refertur in nostro Compendio, verb. *Extrema unctio*, *Possunt nostri iis, qui intra septa collegiorum seu domorum infirmati fuerint, Extremam unctionem Apostolica auctoritate libere & licite parochialis presbyteri, vel alterius cujuscunque Episcopi, vel superioris licentia, vel assensu nullatenus requirito ministrare*. Quæ concessio videtur distincta ab alia superius citata, nam hæc habetur in Compendio Benedictino verb. *Unctio extrema*, §. 1. illa autem in verb. *Familiares*, §. 10. At vero in hac nulla familiaritatis, obsequii, aut servitii mentio fit, sed solum postulat, ut intra monasterium aliquis ægrotet, quod potest contingere, vel occasione hospitalii, vel si contingat aliquos seculares intra monasterium, vel Collegium studii causa, vel per aliam similem occasionem diutius commorari. Quod olim consuetum esse, ex regulis Basilii, & Benedicti constat. Nostræ etiam constitutiones permittunt aliquando in nostris Collegiis hujusmodi juvenes educari p. 4. c. 3. §. 3. in Declar. lit. B & c. 9. lit. A. Pro hujusmodi ergo casibus nullissimum erit hoc privilegium hoc modo intellectum, & dum aliud in contrarium non occurrit, is videtur legitimus sensus ejus, imo in hoc sensu videtur pro Societate admissum, & applicatum in dicto Compendio, verb. *Extrema unctio*.

17 Ultimo circa facultatem hanc ministrandi sacramenta familiaribus, vel secularibus in domibus nostris commorantibus, dubitari potest, a quibus religiosis possit hæc ministratio fieri, id est, an ab omnibus sacerdotibus simplicibus etiam si ab Episcopis approbati non sint, vel indigeant hujusmodi approbatione. Sed hoc nullam fere dubitationem apud me habet. Primo enim de sacramentis Eucharistiæ, & Extremæ unctionis generaliter censeo, nullam approbationem necessariam esse ad illa ministranda. Quod de Eucharistiâ ostendi in 3. to. p. disp. 72. sect. 2. & rationes ibi factæ idem probat de Extrema unctione: quia Conc. Trid. ubi de illa approbatione agit, solum ad confessiones audiendas illam requirit, sess. 23. c. 15. de Reformatione. Ubi vero agit de ministro Extremæ unctionis, solum dicit esse aut Episcopos, aut sacerdotes ab ipsis rite ordinatos per impositionem manus presbyterii sess. 14. c. 3. & can. 4. de Extrema unctione. Ergo ex decretis Concilii specialis approbatio non est necessaria: neque etiam ex alio jure, quod ostendi possit, nam ad sacramenta ministranda ex communi jure tam divino, quam Ecclesiastico, sufficit potestas ordinis, quæ in præsentem est in omnibus sacerdotibus, & jurisdictionis, quæ quoad illa duo sacramenta per prædicta privilegia a nostro Generali applicata sufficienter nostris sacerdotibus delegatur.

18 Pro sacramento autem confessionis, necessariam ex ultimo approbationem Episcopi ad usum horum privilegiorum circa familiares, quamvis nonnulli moderni dubitare videantur. Probat autem, quia Concilium dicto

1. Afferat ex vi privilegii alteram conditionem sufficere.

Ad ministrandam familiari-bus Euchar. & unctionem non requiritur approbatio episcopi.

Requiritur tamen pro confessionibus audiendis.

dicto c. 15. hanc approbationem requirit in omnibus regularibus, ut audire possint confessiones secularium: hi autem familiares, seu domestici habitatores, seculares sunt: ergo comprehenduntur sub dicto decreto. Cui exi-
stimandum non est derogatum esse per concessionem Pii V. qua confirmavit privilegia mendicantium, etiam in his, quæ per Conc. Trid. restricta videbantur. Nam decretum illud de approbatione confessorum non est per se ad restringendum hoc privilegium circa familiares, sed ad constituendam conditionem necessariam, ut aliquis sit sacerdos idoneus ad confessiones audiendas, quam idoneitatem necessario, ac veluti ex natura rei, supponit illud privilegium, & quodcumque simile. Et ideo unum decretum alteri non repugnat, sed privilegium semper accommodari debet ad eum, qui secundum sacros canones idoneus fuerit confessionibus audiendis. Quod si inde sequatur aliqua restrictio quoad personas, nihil refert, nã accidentaria, & materialis est.

Circa matrimonium denique explicatur resolutio posita in num. 2.

19 Superest dicendum de matrimonio, in quo sacerdotis ministerium ad deo tantum desiderari potest. Primo ad substantialem valorem ejus, juxta novum decretum Conc. Trid. sess. 24. c. 1. de Refor. ubi requirit præsentiam parochi, vel alicujus sacerdotis de licentia ejus ad valorem matrimonii. Unde constat ministerium hoc a nostris sacerdotibus usurpari non posse, quia non sunt parochi animarum: ergo sine licentia parochorum, vel ordinariorum non solum non possunt licite hoc præstare, verum etiam neque eorum præsentia aliquid conferret ad valorem matrimonii. Et quamvis Pontificis licentia posset ad hoc sufficere, quia hæc nunquam excludi potest, semperque a fortiori comprehenditur, etiam si de parcho, aut de ordinario solum mentio fiat: nihilominus talem facultatem hactenus Societati non concessam, nec per specialia ejus privilegia, nec per communicationem aliorum, quia nulli etiam religioni concessum est, nisi ubi religiosis concessum est, ut parochorum munus sustineant, ut in superioribus tactum est n. 5. & statim n. 8. seq. etiam dicimus: tunc autem non operantur proprie ex privilegio, sed ex jure ordinario, quia tunc ad sunt matrimonio contrahendo ut parochi.

20 Aliud ministerium circa hoc sacramentum est, solennis benedictionis nuptiarum, quod specialiter, & sub gravi censura religiosis prohibitum est, in Clem. *Religiosi*, de privilegiis. De quo etiam nullum invenio privilegium, quo facultas detur religiosis ad solennizandum matrimonium, vel quo dicta prohibitio derogata sit. Nihilominus in Compendio Societatis verb. *Sacramenta*, in fine additur in scholio ab auctore ejus, non licere nostris matrimonium ministrare, nisi in illis provinciis, in quibus necessitatis causa a Præposito Generali permittum fuerit. In qua declaratione supponitur, Præpositum habere potestatem concedendi hanc facultatem, saltem necessitatis causa. Hæc autem necessitatem intelligo esse solum in eis regionibus, in quibus nulli sunt proprii Episcopi, aut parochi, seu pastores animarum, quia extra illas regiones nulla potest reputari necessitas: nam licet in aliquo particulari casu possit deesse parochus, tamen cum ille defectus non sit de re admodum necessaria, non statim ratione illius licitum est hoc ministerium usurpare, sine peculiari indulto, quod circa hoc non invenio. Potestas autem concedendi prædictam facultatem pro illis remotissimis regionibus in prædicta necessitate existentibus, solum videtur fundari posse in indulto Pauli III. quo concedit facultatem ministrandi omnia sacramenta sine præjudicio tertii. Nam sub administratione sacramentorum comprehenditur quidquid ad substantiam vel solennitatem eorum pertinet: & in illo casu, seu in illis locis non intervenit præjudicium tertii: ergo nihil est, cur hæc facultas sub illa generali clausula non contineatur.

21 Maxime, quia, ut supra dicebam, eo ipso quod nostri auctoritate Apostolica ad has regiones mittuntur, illis cura illarum animarum committitur, quæ ad fidem convertuntur, vel quacumque occasione ibi degunt, & fideles, ac baptizari sunt. Confirmatur ex alio indulto Pauli III. anni 1549. *licet debitum*, &c. ubi Præposito Societatis conceditur, ut cum aliquos ex focus in Sacerdotum, paganorum, aliorumque infidelium terras, &

provincias alias remotissimas miserit, possit eis auctoritate Apostolica cōcedere varias facultates longe graves, ut dispensandi aliquando in gradibus prohibitis, benedicendi cœmeteria, & paramenta Ecclesiastica. Et quamvis in his gratiis non liceat argumentari a simili, neque etiam a majori ad minus, quia pendet ex voluntate expressa concedentis, nihilominus ex illa concessionem colligimus hanc facultatem nec fuisse negatam a Pontifice, nec denegandam, si postularetur: non fuisse autem postulatam, non quia usus ejus non esset in illis regionibus necessarius, sed quia supponebatur cōcessa Societati in prioribus privilegiis; & jam esse usu receptam.

C A P U T V.

*De spiritualibus exercitiis, quibus ad proximos juven-
dos Societas utitur; ac primo de eorum
quidditate & doctrina.*

1 Principio explicandum a nobis est, quid exercitiorum nomine intelligimus. Quamvis enim aliis quibus nomen hoc novum videatur, non tamen est, sed a Patribus usurpatum. Nam D. Bonav. in fine primi tomi Opusculorum scripsit, quod *spiritualia exercitia* nominavit, quæ adeo necessaria esse censuit, ut his verbis librum inchoet: *Ut in virtutibus conservaveris, oportet te habere exercitia spiritualia, quibus animum tuum occupes, quia nisi sit, non poteris in virtutibus perseverare.* Et deinceps breviter ponit tredecim exercitia, in quibus non tantum interiores actus pertinentes ad contemplationem, vel meditationem, aut eorum materiam vel modum, sed etiam alios actus, & studia virtutum, sub eo nomine comprehendit; quod frequens est in aliis Patribus, & spiritualibus viris, quorum sententiam statim attingemus. Non est autem minus usitata loquutio, quæ exercitia spiritualia a corporalibus distinguuntur, significanturque internæ animæ meditationes, ac cogitationes, quibus ad internam animæ puritatem, & cum Deo unionem progreditur: sic dixit Bernardus in lib. de vita solitaria ad Fratres de Monte Dei, col. 15. (si ejus est illud opus.) *Singulis horis tua distribue exercitia, quid spiritualia spirituali, quid corporalia corporali, in quibus sic excolat omne debitum spiritus Deo, & corpus spiritui, ut si quid fuerit intermissum, si quid neglectum, si quid imperfectum, suo modo, suo loco, suo tempore, non abeat impunitum.* Et col. 12. cum dixisset: *Queris quid agas, aut in quo te occupes? Primum extra quotidianum orationum sacrificium, vel lectionis studium, quotidiana conscientie discussioni, emendationi, marum compositioni pars sua diei deneganda non est.* Deinde operandum est aliquid manibus, quod injungitur, non tam quod animum delectando ad horam detineat, quam quod spiritualibus studiis delectationem conservet, & nutriat: subdit inferius: *Non spiritualia exercitia sunt propter corporalia, sed corporalia propter spiritualia.* Unde constat exercitia spiritualia vocare lectionem, meditationem, orationem, & conscientie examinationem. Et eodem modo loquitur S. Bonav. in lib. Meditationum vitæ Christi, c. 56. Sic etiam Ludovicus Bloisius in Institutione spirituali, c. 5. *Bona quidem (ait) & Deo grata sunt externa exercitia, sed incomparabiliter melius est exercitium internum, quo homo desideranter, ardentem se ad Deum non per sensus, & imagines, sed modo quodam supernaturali exiit, ut ei uniat.* Et in Canone vitæ spiritualis c. 16. *Lectione, (inquit) precatione, ceterisque spiritualibus exercitiis delectus esto.* Item in Speculo spirituali c. 11. Sic etiam dicit Laurentius Justinianus lib. de Vita solitaria cap. 1. *Sunt spiritualia exercitia sedula cordis intentione colenda.* Et similia habet in serm. de Christi nativitate, & in lib. de Obedientia c. 16. *Ambulantibus (inquit) in via prorsus necessaria est lux: hoc in corporalibus itineribus, hoc etiam in spiritualibus exercitiis patet: nam spiritualis quis sine spirituali lumine effugit laqueos? non sufficit naturalis acumen ingenii, si non introrsus erudiatur a Deo.* In hac ergo significatione exercitia spiritualia in præsentibus videntur.

2 Est igitur advertendum secundo, B. P. Ignatium inter alia virtutis instrumenta, quæ suæ reclusioni reliquit, peculiarem librum non sine magno Dei auxilio, & diuturna experientia edidisse, quem *Exercitia spiritualia* appellavit. In cujus initio ita ipse loquitur: *Nomine spiritualium exercitiorum intelligitur quilibet modus exa-*

Quid per exercitia hæc significetur.

S. Ignatius librum exercitiorum composuit pro suis ac pro exercitiis.

min. 22.

Ubi sunt pastores non valet privilegium assistendi matrimonio.

Nec item valet ad benedicendas nuptias.

Ubi non dantur pastores valet privilegium assistendi.

Imo in illa locis nullo ordinario nostri assistunt.

minandi propriam conscientiam, item meditando, contemplando, orando secundum mentem, & vocem, ac postremo alias quascumque spirituales operationes tractandi. Sicut enim deambulare, ita facere, & currere, exercitia sunt corporalia: ita quoque preparare, & disponere animum ad tollendas affectus omnes male ordinatos, & his sublati, ad querendam, & inveniendam voluntatem Dei circa vitam suam institutionem & salutem anime, exercitia vocantur spiritualia. Hunc autem librum non solum, ut per illum loci proficerent, Ignatius conscripsit, sed etiam ut illius exercitiis, & documentis ad totius Christiani populi spirituales utilitates strenue operarentur. Unde gravissimus & D. Bernardi sacra familia vir libellum hunc novitatum toti generi humano institutum dixit, ut refertur lib. 16. historiae Societatis n. 127. Quae res, quoniam aliquibus nova videri, & suspecta esse cepit, & calumniis exposita, ut late habetur in eadem historia lib. 13. a n. 33. ideo Franciscus Borgia singularis Ignatii discipulus, & illustre Societatis exemplum a Paulo III. Pontifice Maximo humiliter supplicavit, ut praedictum opus examinari faceret, & sua auctoritate probaret: quo latius ejus fructus pateat, & plures Christi fideles majori cum devotione ad utendum illius exercitiis invitentur, ut in literis ab eodem Pontifice de hac re anno 1548. expeditis legitur. Ubi etiam refert illius operis diligentem examinationem Cardinali Burgeni, & Episcopo Salutii suo Vicario generali, & Aegidio Foscarario sacri Palatii Magistro commississe, eorumque testimonio intellexisse, *Dicta exercitia pietate, ac sanctitate plena, & ad edificationem, & spirituales profectum fidelium valde utilia & salubria esse & fore*: ac tandem his verbis illa approbat: *Debitum etiam respectum ad fructus uberes, quos Ignatius, & ab eo instituta Societas praefati, in Ecclesia Dei ubique gentium producere non cessant, & ad maximum adjumentum, quod ad id praedicta exercitia tulerunt, non immerito habentes, hujusmodi supplicationibus inclinati, documenta, & exercitia praedicta, ac omnia & singula in eis contenta, auctoritate praedicta tenore praesentium ex certa nostra scientia approbamus, collaudamus, ac praesentis scripti patrocinio communitus*. Postremo idem Pontifex fideles omnes ad illorum usum exhortatur.

3 Quamvis autem haec Pontificis sententia sufficere possit ad commendationem hujus operis, ministerii, seu medii a D. Ignatio inventi, vel excitati ad animarum juvamen: nihilominus ut plenior illius notitia habeatur, & ut omnibus satisficiamus, his praefertim, qui de hoc usu exercitiorum obmurmurare ausi sunt, pauca breviter in illius defensionem, & declarationem quoad substantiam, seu veritatem doctrinae hoc in capite addimus, in sequenti explicabitur industria seu ars tradendi modum in hujusmodi exercitiis servandum. In septimo tum Authoris Ignatii prudentia in tradendis multis regulis ac spiritualibus consiliis, quae in dicto opere continentur, tum etiam usus, seu applicatio ad ipsum.

De doctrina exercitiorum.

4 Quod ergo attinet ad doctrinam, nemo jute revocare potest in dubium aliquid in eo libro contentum: omnia enim sunt aut principia certa, & dogmatica, aut ex doctrina Theologorum magis recepta fuisse desumpta. Quod ut clarius constet, adverto, illud opus per se, & ex instituto non esse ad Theologicam doctrinam tradendam: ut enim ita dicam, magis doctrinam practica, quam speculativam continet, traditurque per modum artis magis quam per modum scientiae, ideoque in eo magis veritas practica, seu potius utilitas spectanda est, quam speculativa. Quia tamen meditatio, ut sit utilis, veritatem ex parte materiae debet supponere, ideo in hoc opere praecipue in singulis exercitiis, seu meditationibus supponitur veritas historiae, quando in illa fundatur, ut sunt exercitia omnia, quae de vita Christi Domini nostri traduntur, aut de peccato Angelorum, vel de lapsu primi hominis, & similibus. In aliis vero, quae sunt vel de praemio bonorum, aut poenis reprobatorum, vel de Deo ipso, aut ejus beneficiis, vel amore ei debito, sepe jacitur fidei fundamentum, & fere in eo solo fundatur. Quod si aliquid ulterius additur, aut ex certa experientia, aut ex Patrum doctrina desumptum est. Idem quoque in tradendo spiritualibus documentis observatur, nam ubi necessarium est, quaedam praeponuntur, moralem doctrinam

nam vel dogmaticam, tamquam necessaria fundamenta continentia; & ubi necessarium est, tacite objectioni occurrunt, ne spirituale consilium Theologiae doctrinae repugnare videatur. Exemplum esse potest, quod in quattodecima annotatione ex his, quae in principio traduntur de cautione adhibenda, ne quis fervore exercitiorum ductus facile se aliquo voto obliget, statim additur, quavis majoris meriti sit opus ex voto, quam sine voto factum, nihilominus habendam esse rationem periculi, vel incerti modi, quod in emittendo voto esse potest: & sic de aliis.

Primum dubium circa doctrinam exercitiorum.

5 Ut autem veritas haec magis constet, insinabimus nonnulla exercitiorum loca, in quibus posset aliquis scrupulum, vel dubium movere, & illud facile removebimus. Primum in principio regulae 3. dicitur, *dum voce, aut mente cum Domino Deo vel Sanctis colloquimur, praecipue exercere operationem voluntatis, & ideo maiorem exigi a nobis reverentiam, quam dum per usum intellectus circa intelligentiam potius moramur*. Nam in primis dubitare quis potest, quia juxta doctrinam Divi Th. oratio magis est opus intellectus, quam voluntatis; cum autem mente colloquimur ad Deum, vel sanctos, id facimus orando: ergo magis tunc exercemur in operatione intellectus, quam voluntatis. Deinde etiam circa illationem non apparet, cur major reverentia exigatur, exercendo operationes voluntatis erga Deum, quam intellectus, quia reverentia est quidam timor reverentialis, qui versatur directe circa personam excellentem, unde oritur praecipue ex divinae excellentiae consideratione. Sicut Luca 5. dicitur: *Repleti sunt omnes timore*, (scilicet reverentia) *dicentes: Quia vidimus mirabilia hodie*. Unde ad hanc reverentiam pertinet non nimium scrutari mirabilia Dei, juxta illud Ecclesiastic. 3. *Altiora te ne quaesieris*. Ergo magis adjungenda est reverentia considerationi divinae, quam affectus.

6 Ad priorem partem respondeo, in illis verbis non tractari de speculativa quaestione, an oratio, quoad actum petitionis, sit actus intellectus, vel voluntatis, quantum ad modum probabile sit, in nobis petitionem formaliter consistere in ipsa locutione mentali, vel vocali, & ut sic esse in intellectu, manare autem, ut omnes faterentur, proxime ab affectu, qui per ipsam petitionem potissime explicatur. Et hoc est, quod in illis verbis declaratur: nam quando cum Deo loquimur, praecipue versamur in operibus affectus: quia licet ipsa loquutio praecipue fiat per intellectum, tamen solum sumitur ut signum affectus, & propter illum fit: ergo ipse affectus est, quod praecipue exercetur, siquidem propter quod unumquodque tale, &c. Immo totum id est quasi unum opus voluntatis perfectum, quia ubi unum est propter alterum, ibi est unum tantum.

7 Ad alteram vero partem responderetur, aliud esse considerare radicem illius affectus, qui reverentia dicitur, aliud necessitatem ejus. Ratio ergo facta probat, reverentiam, licet consistat in affectu, oriri ex consideratione intellectus, quod suo modo commune est omnibus actibus voluntatis. Noster autem B. Ignatius non hoc negat, nec de hoc tractat, sed docet magis esse necessariam reverentiam erga Deum (quatenus nimirum per nostram libertatem cum divina gratia eam in nobis excitare, & efficere possumus) quando per affectum & colloquium ex illo ortum cum Deo agimus, quam cum circa intelligentiam solum versamur. Quod verissimum est, quia si consideratio intellectus etiam de rebus divinis sit mere speculativa, non ita solet excitare affectum, nec versatur proprie circa Deum ut circa personam, cum qua tractamus, aut negotiamur, sed solum ut circa objectum quoddam, quod speculamur, & ideo in illo opere nec reverentia tam necessaria est, nec ex illo regulariter nascitur, nisi consideratio ad proximum applicetur. Si ergo consideratio practica sit, ipsa conciliabit reverentiam, si sit de rebus aptis ad excitandam illam: & ideo etiam tunc non exigitur a nobis tanta cura habendi hunc reverentiae modum, quia veluti naturaliter nascitur ex dicta consideratione, quamquam non negatur etiam tunc reverentiam esse adhibendam, esto ejus cura non sit tam necessaria, sicut quando in colloquiis, & affectibus versamur: quia tunc tractamus, & negotiamur cum Deo, tamquam cum amico, vel patre, aut domino: & ideo ne familiaritas (quod contingere solet) pariat

Divisio
tractandi
doru circa
hunc
librum
exercitiorum.

Doctrina
hanc magis
practicam
quam
speculativam
est.

repperit
reperit in
q. lucet
sua co-
gnita.

Impugnatur
regula 3. exercitiorum.

contemptum, aut negligentiam aliquam, magna cura adhibenda est, ut summa reverentia exhibeatur, nam est valde necessaria, ut debito modo cum Deo versemur; colloquia autem ipsa & affectus de se non ponunt illam, & ideo necesse est, ut ad illam homo speciali cura attendat, & invigilet: & hæc est mens illius regule ad tractandum cum Deo valde necessaria.

Secundum dubium.

8 Secundo in decima earundem annotationum dicitur, humani generis inimicum magis solere oppugnare eos, qui in via spiritus jam progrediuntur, per viam scilicet quam illuminativam vocant, quam eos, qui inchoant per viam purgativam. Quod licet non tam pertineat ad doctrinam, quam ad factum & experientiam, videtur creditu difficile: quia verisimile est dæmonem in principio magis contradicere nequiter, ut dicitur illo principio: *Principiis obsta*, quia facilius poterit hominem vincere prius, quam virtutis dispositionem, ne dum habitum acquirat. Respondetur tamen in primis in ea regula non simpliciter dici dæmonem vehementius oppugnare proficientes, quam incipientes, sed cum hoc addito, *per boni* (id est, honesti, ac virtutis) *speciem*. Quod si ne dubio ita est, regulariter loquendo, ita enim hæc res morales intelligendæ sunt: aliis enim interdum incipientes non ex eo, quod non tententur, pacem sentiunt, sed quia juxta Aug. in Pl. 29. *Tormenta animi non sentit qui non proficit: putat enim quia pax est; sed incipiat proficere, & tunc videbit, in qua pressura est, quia cum crevisset herba & fructum fecisset, apparuerunt & zizania*: ordinarie ergo illa 10. regula intelligenda venit. Ratio autem ejus est, quoniam incipientes adhuc habent passionnes immoderatas sine ulla fere viriosorum habituum diminutione, & ideo aperte, & sine ullo velamine conatur dæmon eos ad priora vitia revocare, non sub specie virtutis, sed vel carnis delectationem, aut mundi honorem, aut divitias tamquam bonum maximum proponendo: postquam vero aliquis in virtute se aliquantulum exercuit, & ad illam est affectus, & per acquisitum habitum magis propensus, non est ita dispositus, ut propositis pravis objectis tam facile moveatur, ideoque sub aliqua boni specie a dæmone tentantur.

9 Deinde dicitur, etiam absolute loquendo, moraliter verum videri, tentationes dæmonis minus fortes esse statim in principio conversionis, quam post aliquem progressum in virtute factum: quod partim ex divina gratia & providentia, partim ex astutia dæmonis provenire potest. Ex Deo quidem, quia quando efficaciter vult aliquem ad se convertere, vehementius illum interioriter movet, & spiritualibus consolationibus, ac delectationibus faciliore ei reddit viam spiritus, & virtutis; unde fit, ut ad ejus providentiam pertineat etiam contraria impedimenta remove, quæ maxima esse solent ex parte dæmonis: & ideo illius tentationes pauciores, & remissiores eo tempore permittit. Postea vero quando jam homo habet majores vires virtutis & gratiæ, majorem etiam licentiam Deus præbet dæmoni, ut illum exerceat, quo solidioribus, magisque probatam virtutem obtineat. Unde Greg. lib. 24. moral. c. 7. *relinquentibus* (inquit) *seculum quædam prius tranquillitas ostenditur, ne in sua teneritudine & inchoatione turbati redeant ad id, quod evaserunt: prius ergo suavitatem sentiunt securi, prius pacis quiete nutriuntur: post cognitam vero dulcedinem tanto tolerabilius tentationum certamina sustinent, quanto altius in Deo cognoverunt quod amant*. Fieri etiam potest, ut dæmon in principio astute se contineat; cum enim partim ex rei novitate, partim ex majori auxilio gratiæ major esse soleat fervor spiritus in principio conversionis, timet repulsam, imo etiam veretur, ne ipsa retatio fiat occasio magis obfirmandi animi in proposito, & inchoato virtutis studio: & quia perseverantia difficilis est, valdeque humanum est, ut discursu temporis homolanguescat, vel tædio afficiatur, ideo hujusmodi occasionem expectat per longum etiam tempus, etiam si homo interim aliquantulum in virtute proficiat, & tunc nata opportunitate exercit vires suas.

Tertium dubium.

10 Tertio in principio, seu fundamento exercitiorum, optimū consilium datur charitati proximi, & virtuti consentaneum, scilicet ut cujusque sententiam, seu propositionem, si obscura sit, in bonā partem interprete-

mur, quia de omnibus bene præsumere debemus, ubi non constiterit male agere, aut sentire. Si autem propositio ipsa non possit ab errore vindicari, mentem dicentis exquiramus, ut si fortasse mente non errat, linguam corrigere illum moneamus: si vero etiam male sentit, illi totis viribus emendare, & ab errore securum reddere conemur. In hoc autem potest aliquis statim hesitare: nam si error sit contra fidem, non satis est fratrem corrigere, sed sæpe tenemur eum denunciare, præsertim quando ex contumacia lapsus esse satis constat. Verumtamen, quamvis in illa notatione hoc non explicetur (quia non pendet ex solo jure naturali, sed etiam ex Ecclesiasticis præceptis, multaque indiget morali doctrina, quæ ibi erat extra institutum B. nostri Patris) non tamen excluditur, sed universaliter dicitur: *Vias omnes opportunas tenet, quibus illum sanum intellectu, ac securum reddat ab errore*. Inter quas vias dicta denunciatio numeranda est, quando secundum rectam rationem, vel superiorum præcepta fuerit necessariū: illa autem verba sufficiunt loco animadversionis, ut si persona docta sit, & per se sufficiens ad intelligendum, quas vias retare teneatur, id faciat: si autem sit indocta, saltem dubitare sciat, & interrogare.

Quartum dubium.

11 Quarto in principio, seu fundamento exercitiorum ea indifferentia affectus homini commendatur circa res creatas non prohibitas, ut non magis queramus sanitatem, quam ægritudinem, nec vitam longam brevem præferamus. Statim vero occurrit objectio, quia salus, & vita sunt ex his rebus, quas homo tenetur ex præcepto custodire, & querere mediis honestis ac decetibus: non est ergo laudabilis indifferentia non magis querendi sanitatem, quam ægritudinem, &c. Deinde non recte æquiparantur ibi hæc duo genera bonorum divitiis, & honori: nam divitiæ, & honor non sunt bona propter se appetenda secundum rectam rationem, quia non sunt per se honesta, aut convenientia naturæ, sed indifferentia, ac propterea solum ut instrumenta virtutis, vel naturæ conservandæ, appetenda sunt, & ideo ad illa secundum se debet esse indifferens animus recte compositus: salus autem & vita sunt ex bonis per se appetibilibus, quia sunt per se naturæ convenientia: & ideo rectitudo virtutis non postulat circa illa eandem indifferentiam. Dicendum vero est, sermonem esse posse de dispositione affectus necessaria ad honestatem, & ad vitandam culpam etiam venialem, vel solum de meliori, magisque perfecta dispositione. Loquendo priori modo, recte procedit objectio: nam revera non postulatur eadem indifferentia affectus circa illa duo genera bonorum. Nam homo non recte faciet, si sit affectus ad honores vel divitias propter se, eritque talis dispositio actualis, culpa ad minus venialis saltem ex objecto, quia fertur in objectum aliter, & altiori modo, quam ipsum dignum sit, fruendo nimirum utendis: & ideo circa hæc bona indifferentia affectus ad habendum, vel carendum illis per se spectatis, & (quod consequens est) solum velle illa, quatenus esse possunt instrumenta virtutis, est ad rectitudinem voluntatis necessarium.

12 At vero bonum vitæ & salutis est ex his, quæ propter se appeti possunt, id est, quatenus per se sunt convenientia naturæ, & necessaria ad quædam ejus integritatem, propter quam honeste appetuntur sine respectu ad alium finem: & ideo sine culpa potest affectus, non esse omnino indifferens circa hæc bona, secundum se spectata. Nihilominus tamē ad majorem perfectionem spectat (& hanc existimo fuisse mentem S. P. N. Ignatii) hæc ipsa bona non amare nisi ut sunt instrumenta virtutis: quævis enim per se amabilia sunt, interdum solet homo ex illis occasionem sumere vel peccandi, vel non proficiendi in virtute, & ideo utilissimum est non plus ad illa affici, quā ut conducere possant ad majorem virtutis profectum. Accedit, quod interdum est vel ad virtutem necessariū, vel saltem ad perfectionem virtutis, hæc bona continere, & prodigere propter Deum. Ut ergo homo, & paratus, & promptus sit ad hoc præstandū, oblata occasione opus sine dubio cōmū est, illā indifferentiā exercere, & in ea conservari. Quod dictū intelligatur de omnib. bonis, quæ licet per se amabilia sint, homo potest eis bene, & male uti. In virtutibus enim, quibus homo male uti non potest, illa indifferentia laudabilis non est. Occurrebat autem hic alia dubitatio, quā infra in dubio 9. attingemus.

ex parte
impugna-
tur.

Impugna-
tio regu-
le 20.
exercit.

1. Defen-
sio.

2. Defen-
sio.

Vide Th.
a Kempis
lib. 1. de
imitatio-
ne Christi
c. 31.

Documē-
tū de con-
scripção
proxima

Quintum dubium.

13 Quinto ubi ratio examinandi generaliter conscientiam traditur, multa ad moralem doctrinam de peccatis pertinentia valde utilia, & cum summa brevitate proponuntur, tam clare, & distincte, ut magnam rei comprehensionem indicet, quam tamen habuisse Ignatium priusquam in Theologiae doctrina plene esset instructus, ex lib. 1. vitæ ejus, c. 15. licet colligere: ubi cum argueretur, cur sine exacta doctrina auderet rem difficultissimam definire, differentiam mortalis, & venialis peccati, etiam in internis cogitationibus constituendo, respondisse dicitur: *Vera ne sint, aut falsa qua scripsi, vestri judicii est: ego enim meum non interpono, si vera sunt, probate; si falsa, rejicite.* Nemo autem (ut ibidem refertur) ausus est quidquam eorum improbare. Dubitare autem aliquis potest, nam ibi sub titulo de cogitatione dicitur, in cogitatione de materia mortalium venialiter tantum peccari. *quoties homo aliquantulum moratur quasi auscultando, vel quando aliqua obiter sensus delectatione afficitur, vel in ea retundenda sese exhibet negligentem*: nam hoc ultimum membrum cum indefinitè utatur, & doctrinale sit, æquivalere universali. Hoc autem modo sumptum nimiam licentiam continet. Nam delectatio morosa per solam negligentiam potest fieri peccatum mortale, ut ex prima secundæ constat: quia ad peccandum mortaliter non semper requiritur expressus & directus consensus, sed sufficit crassa & supina negligentia. Respondetur tamen B. Ignatium loqui præcise de negligentia, quæ non transit in consensum, nec directum, nec interpretativum: quod & antecedenti, & consequenti verbo satis indicatur. Expendendum enim est illud verbum *aliquantulum & obiter*, &c. quod idem significat ac subreptitæ & antecederet ad plenam judicii, & rationis animadversionem: quamdiu autem delectatio in eo statu durat, etiam si aliqua negligentia interveniat, tantum est peccatum veniale: nam sine plena advertentia rationis consensus etiam interpretativus mortalis non intervenit. Ac propterea inferius subditur, peccari mortaliter, quando cogitationi præberetur quacumque ratione assensus. Ponderandum enim est verbum illud, *quacumque ratione*, additum enim est ad comprehendendum expressum & virtuale consensum.

Sextum dubium.

14 Sexto circa idem examen, ubi de peccatis agit, quæ in opere consistunt, sub titulo de opere difficultatem habet, quod dicitur: *ad jussa superiorum reduci diplomata, seu indulta Pontificum pro infidelium expugnatione, vel Christianorum pace concedi, vel promulgari solita, per quæ ad confessionem peccatorum, & Eucharistia sancta susceptionem Christi fideles invitantur.* Et subiungitur: *Peccat siquidem non leviter quicumque tam pijs Rectorum Ecclesie cohortationes, sanctionesque aspernari audeat, ac transgredi.* Non enim apparet, quale hoc peccatum sit, aut quæ præcepti obligatio ibi interveniat. Nam Pontifices non jubent per hæc rescripta, sed incitant, ut in eodem loco dicitur, & ex tenore ipsorum, & ex usu satis constat: ergo solum se habent ut consilia quædam, quia sub præceptum nihil immediatius continetur, quam consilium: non acceptare autem consilium, per se nullum peccatum est, ut constat tum ex divinis consiliis, tum ex generali ratione eorum: nam in hoc maxime differunt a præceptis, quod nimirum obligationem, aut moralem necessitatem non imponunt: ergo has cohortationes Pontificum prætermittere, per se nullum est peccatum. Respondeo, illa duo verba, *aspernari audeat, ac transgredi*, dupliciter accipi posse, conjunctim scilicet, ac divisim. Et quidem si primo modo accipiantur, res erit facilis, & sine controversia: nam sensus erit, non esse leve peccatum talia indulta contemnere, & ex contemptu illa transgredi, & solvitur difficultas tacta, nam contemnere consilia, & ex contemptu illa non servare grave peccatum est, ut in superioribus diximus, tractando de consiliis Evangelicis: & hanc fuisse existimo Ignatii mentem.

15 Si autem illa duo verba divisim accipiantur, est nonnulla difficultas in posteriori explicando, in priori enim nulla est: nam aspernari indulgentias, & exhortationes ad illas lucrâdas, per se, & ex objecto malum est, imo vix fieri potest sine errore circa fidei dogmata:

quod si tantum sit contemptus practicus, saltem continet injuriam rerum sacrarum, & indicat animû a spiritualibus bonis valde alienum. Secluso autem contemptu transgredi hæc diplomata, id est, non observare illa ex quadâ animi remissione, aut negligentia, non videtur esse peccatum, & ex objecto ullum peccatum: & hoc probat ratio facta. Tamen, moraliter loquendo, si homo sciens & videns, ac directâ voluntate illa omittat, vix fiet sine aliqua culpa, vel quia est quasi prodigalitas quædam spiritualium bonorum, vel quia *turpis est pars, quæ non conformatur toti*, quod etiam moraliter non fit sine aliquo scandalo, vel quia homo est nimis negligens in subveniendi spiritualiter communi bono, propter quod tales gratiæ conceduntur, ut supponitur. Igitur in hoc etiam sensu dici potuit, in eo non leviter peccari: nam ad hanc locutionem sufficit, quod moraliter conjungatur culpa, undecumque proveniat. Illud autem *non leviter*, non debet in hoc sensu accipi pro peccato mortali, sed pro gravi, & non contemnendo veniali.

Septimum dubium.

16 Septimo in primo exercitio primæ hebdomadæ circa finem in colloquio, offendere quis posset in illis verbis: *Exquiram tecum rationem, quæ creator ipse infinitus fieri creatura, & ab æterna vita ad temporalem mortem venire pro peccatis meis dignatus sit.* Nam Verbum Dei, licet factum sit homo, non tamen proprie dicitur factum creatura, quia ille homo creatura non est, & quia repugnat hæc divinitati ejus. Verû tamen Ignatius, quia non tractabat de Scholastica subtilitate, modû loquendi sanctorum (quorum aliquos retuli to. 1. in 3. p. q. 16. art. 8. in comment.) imitatus est pro eodem accipiens fieri creaturam, ac fieri hominem, & creaturam vocans omne compositum ex natura creata, in tempore productum: quod maxime facere licet, quando ex contextu sermonis, & ex antecedentibus, & consequentibus verus sensus constat, ut in illo exercitio manifestum est, & latius explicatur inferius in primo exercitio secundæ hebdomadæ.

Octavum dubium, ubi aliqua in specie apocrypha complanantur.

17 Octavo in exercitiis ad vitam Christi D. N. pertinentibus animadverti potest, interdû aliquid addi historiæ Evangelicæ, vel ex pia consideratione, vel ex observatione sacrorû locorum, numquã tamen sine sufficienti auctoritate, ut in exercitio de Nativitate, ad finem cõsideratur B. Virgo ex oppido Nazareth egrediens, insidens asinæ, & Joseph comes cû ancillula, & bove. Ubi tria adduntur, quæ Evangelistæ non narrant: primum quod B. Virgo non pedes iverit, sed insidens asinæ, & ideo statim ibi additur, *ut pie meditari liceat.* Fuitque hæc sententia Lyrani in Luca 1. quæ sequuti sunt Carthus. & Joan. Major, & noster Toletus Salmer. to. 3. in Evang. tract. 33. *Neque enim par erat (inquit) puellam tenerã, vicinãque partui, pedibus illud iter emetiri, nisi sine causa velimus multiplicare miracula.* Non desunt tamẽ viri docti, quibus magis placeat credere, Virginẽ iter illud pedibus confecisse, eo quod paupertati magis conveniat, & nihil repugnet graviditati Virginis, ut dixi to. 1. in 3. p. disp. 5. sect. 1. quia nullam inde molestiam, nullũ impedimentũ sentiebat, juxta Patrum doctrinã, Fulgentii serm. de laudibus Virginis, Bernardi in serm. *Signũ magnum*, Nicephori lib. 1. c. 12. Quibus ego libenter concedã, potuisse Virginẽ non majore labore iter pedibus conficere, quã si gravis non esset. Nihilominus a priori sententia recedendũ non cenfeo. Nã insidere asinæ paupertati non repugnat, imo illã maxime commendat, ut dixit Chrys. hom. 67. in Matth. quando necessitas cogit, tunc enim non ulterius progredi, sed necessitati usum terminare perfectæ paupertatis est. Tunc autem quamvis non esset specialis necessitas ex pondere, aut impedimẽto urei proveniens, erat sufficiens ex naturali corporis debilitate. Erat etiam major quædam decentia, quam Joseph observare par erat: ac denique, licet propter se, Virgo partui proxima non indigeret illo juvamine, tamen propter alios, qui supernaturale auxiliũ agnoscere non poterant, erat valde expediens, ne Joseph nimis acerbus, & inhumanus in suam sponsam videretur.

18 Secundum est, bovem etiam secum adduxisse: quod expresse affirmavit Bonav. in lib. Meditationis vitæ Christi, Lyra etiã, & auctores superius citati, & cõsolantur.

Obje-
ctio
contra ci-
tati locũ
exercitio-
rum.

Dilutio.

Obje-
ctio.

Respon-
sio
ad ob-
jectionem
in una
senten-
tia.

Quæ-
ritur
an
hic
locus
in
vulgata

1. An in-
sidens as-
inẽ iverit
B. Virgo.

nat communis traditio Patrum dicentium, Christum jacuisse in praesepe inter bovem, & asinam, quos reuli in 2. tom. disp. 13. sect. 3. paulo ante finem: nam licet illa animalia potuerint esse aliena, verisimilius tamen est in illo loco, seu angulo nihil fuisse, quod ad ipsum Joseph non pertineret. Notantque praedicti auctores, bovem adduci potuisse, ut venderetur ad solvendum tributum, & alias expensas, quia per multos dies morati sunt in Bethleem. Tertium, quod in ea consideratione additur, est de ancillula, quod nullo alio in loco legisse me recolo: imo invenio Chrysostomum homil. de Nativitate Domini tom. 2. dicentem: *Joseph & Maria mater Domini non habebant servulum, non ancillam, de Galilea, de Nazareth soli veniunt: ipsi sunt domini, & famuli.* Hæc autem verba non admodum nos cogunt, tum quia non satis constat illam homiliam esse Chrysostomi: tum etiam, quia ibi interponit hæc verba, *non habebant jumentum*, quod minus receptum est. Alterum ergo etiam est incertum, & quamvis alterum etiam, quod hic consideratur, non constat, probabilitate tamen non caret. Nam ille famulatus non excedebat statum, & pauperatam Joseph, ut ex munere etiam ejus conjectare possumus, & ex his, quæ de statu illius, & parentum Virginis tractat Canisius lib. 1. de B. Virgine, c. 4. Unde non dubito, quin domi suæ hujusmodi adiutorium, seu famulatum haberet; erat enim moraliter necessarium, praesertim propter decentiam, & clausuram, ac custodiam virginalem Mariæ, & propter assiduam ejus contemplationem, & quietem. Si autem illud habebat domum, nihil profecto obstabat, quominus illud secum deferrent: quia nec tanta velocitate peregrinaturi erant, quin ancillula posset illos sequi: neque, ut dixi, id excedebat eorum pauperatam, ut propterea oporteret familiarem ancillulam dimittere, aut in aliena domo relinquere. Adde insuper, illud genus curæ, & providentiæ fuisse consentaneum amoris, & prudentiæ S. Josephi, qui non igno-
9. An B. Virgo ancillulam habuerit;
 pabatur partum Virginis in illo itinere esse eventurum; fortasse autem modum ejus non praesciebat, & ideo merito providere potuit, ut sponsam comitaretur ancillula, cujus opera uti posset, in his praesertim rebus, quæ & per feminas decentius fiunt, & per extraneas fieri non decebat. Sed de his rebus sic, vel aliter sentire non multum refert, cum nec Evangelio, nec traditioni repugnet, & congruentia ambigua sit.

19 Aliud exemplum sumi potest ex prima contemplatione tertiæ hebdomadæ, ubi dicitur, Christum D. post agni Paschalis esum, & peractam cenam, pedes omnium discipulorum lavisse, & sacrosanctum corpus & sanguinem suum largitum esse. Ubi nonnulla adduntur Evangelicæ historiae, praesertim quod Judæ etiam dedit sacram Eucharistiam, de quo plura dici possent, nisi a nobis essent tractata disp. 41. sect. 3. de Eucharistia. Illud magis notandum hic est, quod in secunda meditatione ejusdem hebdomadæ dicitur Christus post cenam una cum undecim Apostolis descendisse ex monte Sion, ubi fuerant cenati, & transiens per vallem Josaphat, relictis ibi ex illis octo, aliis vero tribus in horti parte, seorsum ipse digrediens orasse, &c. Ubi primum advertere oportet, in Evangelio nullam fieri mentionem vallis Josaphat. Et non desunt, qui dubitent, an vallis Josaphat, de quo fit mentio Joel. 3. sit aliquis particularis locus, vel sit peculiare nomen impositum ad significandum locum, in quo ultimum judicium peragendum est, quicumque tandem ille futurus sit. Verumtamen per illa verba nihil aliud significatur, nisi quod Joannes c. 18. dixit: *Egressus est Jesus cum discipulis suis trans torrentem Cedron*, in montem Oliveti, qui proxime trans illum torrentem existit; nam inter montem Oliveti, & montem Sion est vallis quædam angusta, per quam fluit Cedron, & hæc vallis Josaphat nominatur, juxta modum loquendi Judæorum ab universa Ecclesia Latina usurpatum, de quo in n. 2. in 3. p. disp. 53. sect. 3. dixi. In qua valle existit pulchrum B. Virginis, ubi ædificata est Ecclesia, quæ sancta Maria Josaphat vocatur.

20 Majus dubium esse potest, quia in praedictis verbis significat B. Ignatius octo Apostolos non fuisse ingressos in hortum cum Christo, sed relictos esse in ipsa valle Josaphat. Nam de primis octo dicit: *Relictis ibi octo*, &c. illud autem adverbium *ibi* designat vallem Josaphat, nam proxime praecesserat: statim vero addit,

aliis vero tribus in parte horti: condistinguit ergo hortum a valle, & in illo nullam partem tribuit aliis octo discipulis; non ergo ingressi sunt in hortum. At videntur repugnare verba Joan. 18. *Egressus est Jesus cum discipulis suis trans torrentem Cedron, ubi erat hortus, in quem introivit ipse & discipuli ejus.* Nec potest dici indefinitam esse locutionem, ad cujus veritatem sufficit, quod tres discipuli ingressi fuerint cum eo, nam in toto illo contextu indefinita æquivaler universalis, nam quod proxime praecedat: *Egressus est Jesus cum discipulis suis trans torrentem*, generale est, quis enim audeat aliquem excipere, vel negare jvisse cum illo? Et hæc ratio etiam per se cogit, quia nullum est fundamentum ad negandum omnes discipulos ingressos fuisse hortum: nullus enim aliorum Evangelistarum hoc significat: & quamvis dicat prius reliquisse octo discipulos, & cum tribus seorsum secessisse, & postea ab eisdem tribus, quantum jactus est lapidis, se separasse, omnes tamen illi loci poterant esse intra hortum, quia vix ducentis passibus primus illorum locorum ab ultimo distat, ut refertur ab Aranda in descriptione Terræ sanctæ c. 13.

21 Respondeo, B. Ignatium (ut opinor) nihil peculiare voluisse circa hoc definire, sed advertere solum illam separationem discipulorum, quam Evangelista refert. Sciendum est ergo, totum illum locum, in quem Dominus exivit, ab aliis Evangelistis vocari villam, non quia esset oppidum aliquod, vel pagus, sed quia erat prædium (ut Marcus illud appellat) habens ruralem domum, Lusitanæ *Quinta*, quæ Gethsemani appellabatur. Et intra illud prædium verisimile est fuisse hortum, id est, peculiarem locum arboribus confectum, & quasi viridarium, quod recreationis gratia in hujusmodi villis haberi solet, ut graves auctores annotant, Toletus annotatione 3. Natalis in suis meditationibus. Totus autem ille locus erat ad radicem montis Oliveti, unde necesse est, ut vel totus, vel magna pars ejus fuerit in valle Josaphat. Hoc supposito, unum est certum, scilicet, Christum cum omnibus discipulis ingressum esse prædium illud, quia hoc clare significant Matthæus, c. 26. dicens: *Similiter omnes discipuli dixerunt. Tunc venit Jesus cum illis* (uique omnibus) *in villam, quæ dicitur Gethsemani, & dixit discipulis ejus: Sedete hic donec*, &c. quæ verba referuntur ad octo discipulos, nam statim additur: *Et assumpto Petro*, &c. Jussit ergo illos sedere intra villam Gethsemani: quod recte consideravit beatus Ignatius paulo inferius, in consideratione de mysteriis post cenam, dicens: *Et octo remanere jussit Gethsemani.* Est autem verisimile jussisse illos manere statim in principio prædii, & ideo in alio loco, quem tractamus, dixi, reliquisse illos in valle Josaphat, quia, ut notavimus, prædium illud attingebat, vel magna ex parte erat in valle Josaphat. Imo refert Burchardus l. 1. p. descrip. Terræ sanctæ, cap. 7. §. 46. locum illum Gethsemani esse in latere montis Oliveti adhærentem cuidam rupi concavæ de monte pendenti, sub qua discipuli federunt, cum dixit Dominus: *Sedete hic, donec vadam illuc, & orem.* Quod si ita est, recte colligitur reliquisse discipulos satis in principio Gethsemani. Tandem fit etiam verisimile octo discipulos non fuisse ingressos prout illam prædii Gethsemani, quæ in propria, & rigorosa significatione hortus dici potest. Neque hoc repugnat Joanni, quia a parte totum nominando, quod etiam in vulgari modo loquendi satis usitatum est, nomine horti totum prædium Gethsemani significavit, ut etiam Toletus supra intellexit; nihil enim aliud, quam quod alii Evangelistæ, referre voluit. Quod si fortasse quis contendat, vel ibi non fuisse partem prædii, quæ magis proprie dici possit hortus, quam reliquæ, vel si erat, in illam fuisse ingressos omnes discipulos, quavis neutrum satis probari possit, verba Ignatii non repugnât, sed ab ea disputatione abstinere. Nam priora generalia sunt, scilicet, octo discipulos in valle mansisse, id est, in principio illius horti, ut loquitur Aranda supra c. 25. vel ad radicem ejus, ut ait Burchardus: & in hoc tantum sensu distinguit appellationem hujus loci ab illa parte horti magis interiori, & quæ fortasse jam erat in monte Oliveti, ut Lucas significat, in qua permanserunt alii tres discipuli. Ad hunc modum poterit lector facile expedire (ne prolixiores simus, & ad explicanda Evangelia divertamur) si quid occurrerit in eodẽ lib. in omnibus punctis, seu meditationib. vitæ

Expediatur
proxima
objectio.

Apud
Bed. de
loco san-
ctis, c. 6.

An in
no-
die pas-
sionis 8.
Apostoli
intrave-
runt hor-
tum.

Christi D. quæ ex Evangeliiis desumptæ sunt, si quid enim illis interdum additur, solum est per modum brevis expositionis, cujus vel auctoritatem, vel probabilem rationem invenire semper facile unicuique erit.

Nonum dubium.

Doctrina
B. Ignatii
de 3. gra-
dib. hu-
militatis.

22 Nono inter præludia, seu dispositiones, ad rectam electionem faciendam ponuntur tres gradus humilitatis. Primus dicitur necessarius ad salutem, nam consistit in subiectione hominis ad divinam & humanam legem. Secundus dicitur esse perfectior: nam duo includit, scilicet voluntatem nunquam admittendi venialem culpam, & indifferentiam affectus ad omnia temporalia commoda, vel incommoda; ita ut æque sit animus propensus ad illa, vel carentiam illorum, ubi æqualis Dei gloria, & occasio propriæ salutis intercesserit. Tertius dicitur esse absolutissimus, nam in eo eligit homo paupertatem, & omnem mundi contemptum plusquam honores, vel divitias, etiâ cum æquali Dei obsequio, vel gloria, vel spiritali fructu propter maiorem Christi imitationem.

Tres, quæ
hic eir-
ca eos
gradus.

23 In qua doctrina tria desiderari, vel quæri possunt. Primum, cur hi dicantur gradus humilitatis: nam videtur potius esse gradus omnium virtutum, quippe servare præcepta, & vitare peccata, ad omnes pertinet, & si ad aliquam specialem, potius ad charitatem, vel penitentiam, quam ad humilitatem. Illa etiam universalis moderatio affectus circa omnia temporalia bona officium est virtutum omnium. Secundum, cur gradus humilitatis tres tantum esse dicantur, cum D. Benedictus in sua Regula c. 7. duodecim gradus humilitatis posuerit, quos D. Th. interpretatur, & defendit 2. 2. q. 161. art. 6. Divus autem Gregorius 23. Moralium, c. 4. aliâ 7. quatuor ponit gradus superbiæ, quibus respondere debent quatuor gradus humilitatis, quos attigit Augustinus in li. de Spiritu, & litera, c. 13. in fine. Et illam partitionem defendit idem D. Th. q. 162. art. 4. Bernardus autem in proprio tractatu de duodecim gradibus humilitatis, partitionem S. Benedicti amplectens totidem gradus superbiæ enumerat, ut notavit D. Th. d. ar. 4. ad 4. At vero Anselmus lib. de similitudinibus, c. 10. & sequens, septem gradus humilitatis enumerat. Cur ergo ab Ignatio tres gradus tantum numerantur? Tertio difficile videtur quod ad perfectam humilitatem spectat, cum æquali Dei gloria, & spiritali profectu, eligere paupertatem præ divitiis, contemptum præ gloria, & c. nulla enim ratio virtutis, vel honestatis in huiusmodi electione apparet. Nam illa, quæ alioqui sunt naturæ incommoda, non sunt per se eligibilia, secundum rectam rationem, sed solum propter spiritualia commoda, vel quodlibet Dei obsequium; sed hic finis cessat in eo casu, quia supponitur æquale obsequium Dei, & spirituale commodum sine his malis naturæ contrariis: cor ergo ad perfectionem spectat, tunc illa eligere? Nec satis facit, quod ibi insinuat de imitatione, vel similitudine Christi: nam imitatio hæc non est ponenda in his rebus, quasi materialiter sumptis, sed formaliter, id est, quatenus ad Dei gloriam cōferunt: non legimus autem Christum æquali Dei gloria, paupertatem præ divitiis elegisse, sed propter maiorem Dei gloriam, paupertatem elegit, & mortem. Ergo ad ejus imitationem solum debemus nos similem affectum exercere, non vero ad hæc affici, absque ulla utilitate ad gloriam, vel obsequium Dei. Imo videtur clara repugnantia, quod sit major perfectio hoc eligere præ illo, & tamen quod in illo non sit major gloria Dei, nam quicquid perfectius est in ratione virtutis, eo ipso ad maiorem Dei gloriam pertinet.

Ad 1. quæ-
stionem in re
præceden-
ti.

24 Ad primum respondetur, juxta doctrinam Div. Thom. d. q. 161. ar. 1. ad 5. *Humilitas secundum quod est specialis virtus, præcipue respicit subiectionem hominis ad Deum, propter quem etiam aliis humiliandus, se subijcit.* Unde in hoc videtur humilitas habere quandam similitudinem cum obedientia, vel cum penitentia, seu iustitia ad Deum: tamen formaliter ab eis differt, quia proprie ac per se non inclinat ad alterum, sed moderatur affectum propriæ excellentiæ, & ita continet hominem sub Deo, & sub quocumque; participante excellentiâ Dei; & hac ratione dicitur subijcere hominem Deo: & quia hæc subiectio maxime a nobis exercetur per observationem mandatorum, ideo per hanc humilitas declaratur. Et ita etiam S. Benedictus præcipuos gradus humilitatis ponit in perfecta abrenuntiatione propriæ

voluntatis, & observatione præceptorum regulæ, ac totius obedientiæ, ut patet ex quatuor ultimis gradibus, quos D. Thomas refert, qui in ipsa regula sunt quatuor primi. Tamen in primo, qui est duodecimus apud D. Thomam, attigit substantiam humilitatis, quæ consistit in abiectione sui in conspectu excellentiæ divinæ: ejus autem perfectio in effectibus obedientiæ primario manifestatur. Hac ergo ratione per obedientiam mandatorum, & voluntatem cavendi in omnibus offensionem Dei, & intendendi potius gloriam ejus, perfectionem, & gradus humilitatis declaravit B. Ignatius.

25 Unde facile responderetur ad secundam interrogationem; gradus enim virtutis variis modis considerari possunt, & juxta varias considerationes per diversa & plura, vel pauciora membra dividi. Hæc autem tri-membris divisio graduum virtutis valde frequens est apud morales Philosophos, & Theologos: nam Philosophi distinxerunt virtutes morales, prout sunt in homine, in politicas, purgatorias, & purgati animi, ut videre licet apud D. Thomam 1. 2. q. 61. art. 5. ubi recte Cajetanus advertit illis verbis tres status ejusdem virtutis significari. Nam politice dicuntur, quatenus hominem recte moraliter componunt: purgatorie, quatenus incipiunt hominem magis abstrahere a rebus humanis, & corporeis, cumque sublevare incipiunt ad imitandam divinam, & spiritualem perfectionem; purgati autem animi dicuntur, quando jam attigerunt perfectissimum gradum, cum despicientia omnium rerum, quæ animum perturbare possunt. Similis est alia partitio, qua virtutis gradus distingui solent in statum continentie virtutis simpliciter, & virtutis heroicæ. Item perfectionem charitatis distinguunt in incipientem, proficientem, & perfectam. Denique Glossa Ordinaria Matth. 3. circa illa verba Christi: *Sic decet nos implere omnem iustitiam*, tres gradus humilitatis distinguit, scilicet, subdi majori, æquali, & minori, quos vocat sufficientiæ, abundantie, & perfectæ iustitiæ. Ita ergo potuit recte B. Ignatius distinguere tres gradus humilitatis, ex tribus modis contemnendi seipsum, & suam voluntatem, ac temporalia commoda, scilicet, vel quantum necesse est ad servanda rigorosa præcepta, vel quantum sufficit ad vitandas etiam veniales culpas, & querendam maiorem Dei gloriam, vel quantum confert ad maiorem Christi imitationem. In quo etiam advertit S. Benedictum in distinguendis gradibus humilitatis, non tantum posuisse, quæ pertinent ad interiorum affectum, sed etiam, quæ ex parte intellectus conferunt ad illam perfectionem consequendam, & quæ in exterioribus actibus, ad eam conservandam, vel ostendendam, observare oportet. Et ad eundem fere modum procedit Anselmus, ut D. Thomas superius explicat: quod illis Patribus fuit opportunum, quia instruebant hominem in omnibus, quæ ad humilitatem conferebant. At vero B. Ignatius solum distinxit gradus humilitatis quoad interiorum affectum, prout variis modis potest esse magis, vel minus perfectus, quia solum eam distinctionem præmittebat ad electionem status faciendam, quæ maxime pendet ex affectu magis, vel minus subiecto Deo, & abstracto a temporalibus rebus. Divisio autem Gregorii quoad gradus superbiæ nihil obstat, quia illi omnes opponuntur humilitati, in quocumque gradu existenti: quia eadem virtuti multa vitia opponi possunt.

26 Ad tertiam interrogationem responderetur primo, illud genus humilitatis esse valde conforme modo loquendi, & exemplis Sanctorum, nam conformitatem ad Christum putant esse sufficientem rationem amandi omnem abiectionem, & humilitatis modum, juxta illud Petri: *Christus passus est pro nobis, vobis relinquens exemplum, ut sequamini vestigia ejus*, 1. canonic. c. 2. & c. 3. *Melius est beneficientes pati, quam male facientes, quia Christus semel pro peccatis nostris mortuus est.* Fateor tamen ab hoc motivo nunquam esse separabilem maiorem Dei gloriam, & maiorem fructum gratiæ, ac perfectionis spiritualis, cæteris paribus. Unde idem Petrus capit. 4. subdit: *Communicantes Christi passionibus gaudere, ut & in revelatione gloriæ ejus gaudeatis exultantes*; nunquam ergo hic fructus separatur ab illa communicatione, si cætera sint paria. Et ratio est clara, quia in eo

Ad 2. quæ-
stionem in
eodem u.
13.

Ad 3. quæ-
stionem ibi-
dem.

in eo motivo includitur major amor, & major reverentia ad Christum Dominum. Et præterea in eligenda majori temporalium rerum abiectione (etiam si in aliis sit æqualitas) in hoc semper est excessus, quod illa via est securior, & aptior ad magis merendum, vel saltem magis satisfaciendum coram Deo, vel pro nobis, vel pro proximis. In quo etiam consideratur quædam major similitudo Christi: nihilominus tamen verum est, quod Philosophus 2. phys. c. 2. & 13. metaph. c. 3. dixit: *Abstrahentium non est mendacium*; & ideo ad purificandū affectum, illumque magis abstrahendum ab affectu temporalium, recte proponitur ille perfectus gradus humilitatis, quo homo humiliora, & abiectiona magis appetit, etiam si præscindatur omnis alia utilitas, præter conformitatem ad Christum in profunda humilitate.

Decimum dubium.

27 Decimo explicandus est similis locus, qui habetur in meditatione quartæ dici secundæ hebdomadæ, puncto 3. ubi proprio ac singulari modo distinguuntur tres perfectionis gradus, videlicet, paupertas, abiection sui, & humilitas, quæ ex diametro, ut ibi dicitur, divitiis, honori, & superbiz opponuntur, a quo omnes virtutes statim introducuntur. Videri enim potest novus hic modus explicandi gradus perfectionis, & radices oppositorum vitiorum. Nam, si per gradus perfectionis intelligantur diverſi status virtutum, ut in præcedenti puncto dicebamus, non recte illo modo explicatur: nam ad virtutem, seu perfectionem in quocumque statu existentem requiritur humilitas in proportionali gradu, seu statu, & ita illi tres gradus non sunt separabiles in statu perfectionis. Si autem illæ tantum numerantur ut conditiones, vel dispositiones ad perfectionem, insufficienter numerantur: nam omittitur castitas, & propriæ voluntatis abrenunciatio, quæ maxime necessaria est. Et similiter in contrariis radicibus vitiorum omittitur concupiscentia carnis, quæ ponitur a Joanne 1. canonica, cap. 2. qui non distinguit inter honorem & superbiam, sed utrumque concludit sub superbia vitæ; nam concupiscentia oculorum pro divitiis posita est.

28 Responderetur, considerandam esse occasionem, & rationem eorum, quæ dicuntur, ut verus sensus intelligatur; ibi enim incipiebat tractare B. Ignatius de mediis, quibus homo paulatim disponi debet ad spiritualem affectum in se formandum, & ad electionem faciendam illius status, in quo melius & saluti suæ consulat, & Deo famuletur: progressum ergo, & perfectionem hujus dispositionis per illos tres gradus explicat. Recte enim existimat (quod Christus D. sæpe docuit) initium lumen, dum esse a rebus externis, quæ per paupertatem dimittuntur, atque adeo a moderatione affectus circa temporalia bona. His autem bonis proximus est honor, & ideo secundo loco ponit moderationem affectus circa honorem, quem vocat contemptum, scilicet, rationi consentaneum, qui virtus est innominata, ut dicit D. Thom. 2. 2. q. 129. art. 2. Quia vero non satis est circa exteriora bona moderari affectum, nisi circa propriam excellentiam moderatus sit, (nam appetitus excellentiæ secum affert appetitum honoris, & divitiarum, & maxime perturbat animum ad electionem faciendam,) ideo ponit in tertio, & perfectiori loco humilitatem.

29 Est autem ulterius considerandum, aliud esse agere de perfectione, aliud de statu perfectionis: ibi ergo non agitur de statu perfectionis, sed absolute de perfectione: quia electio status non limitatur ad statum perfectionis, quamvis ad perfectionem in quocumque statu ordinandam ordinetur. Ob hanc ergo causam non fuerunt ibi numerandæ castitas, vel obedientia: nam quatenus sunt necessariae ad salutem, supponuntur ad perfectionem; quatenus vero sunt in consilio, non sunt necessariae ad perfectionem ut sic, licet sint necessariae ad statum perfectionis: nec disponunt ad electionem, sed potius sunt terminus electionis. Atque idem est de perfecta paupertate quantum ad effectum, ut ipsemet B. Ignatius judicavit: & ideo in primo gradu præcipue posuit spiritualem affectum paupertatis, qui ad omnem bonam electionem in primis necessarius est. Unde etiam constat, cur illa tria potissimum numeraverit, divitias, honorem, & superbiam, seu propriam excellentiam, quia maxime perturbare possunt rectam electionem. Omisit autem concupiscentiam carnis, quia illi propo-

sito non inserviebat propter rationem dictam: nam quidquid in eo genere vitiosum est, non cadit sub electione, sed per se notum est, debere moderari ante omnem electionem de majori perfectione: quidquid autem amplius est, non disponit ad electionem, sed de illo est electio.

Undecimum dubium.

30 Undecimo occurrent in hujus libri lectione nonnulli termini, quos calumniari possent, qui vel in rebus Theologicis non essent eruditi, aut spiritualium rerum in experti, vel in eis non satis instructi. Sepe enim mentio in hoc opere fit *divinarum illustrationum*, & *illuminationum*: & quoniam olim quidam hæretici Illuminati appellati sunt, formidare quis potest, ne aliquis error in hujusmodi verbis involvatur. Non enim defuerunt, qui hoc obicerent. Item sæpe dicitur, hominem in oratione sentire *varios spiritus*, *agitari variis spiritibus* consolationis, aut desolationis, & ad eos discernendos variæ regulæ assignantur, in quibus significatur, posse interdum *evidenter discerni, an auctor interni motus sit Deus, aut bonus, vel malus spiritus*: quod videtur periculis expositum, & in rigore falsum, quia sine revelatione non potest haberi hæc certitudo. Unde etiam aliquando significatur, posse hominem interdum *certo in se experiri beneplacitum divinum docente id aliquo consolationum, desolationum, vel diversorum spirituum prævio experimento*, ut dicitur in quadam secunda notatione circa tempus ad electionem aptum. Sic etiam in 4. regula ad victum temperandum dicitur, perfectam abſtinentiam esse dispositionem, ut homo interdum *sentiât quosdam cognitionis internæ radios, & consolatorios motus ibi cælestis immixtos*.

31 Verumtamen hæc, & similia, quæ in hoc opere passim occurrent, & egregie sunt in scholastica doctrina fundata, & ad Theologiam mysticam sapienter applicata. Nam in primis certum est dari in anima nostra internos quosdam motus, tam intellectus, quam voluntatis, ex speciali Dei motione gratis preventientis, ut ex materia de gratia constat prologom. 3. de gratia c. 6. a n. 9. & latius lib. 3. & hi vocantur a sanctis Patribus illuminationes, illustrationes, inspirationes, & motiones divinæ, ut constat ex Concil. Trid. sess. 6. & ex antiquioribus Conciliis, & modo loquendi Augustini: & fundatus est in modo loquendi Scripturæ, ut patet ex toto Psalmo 118. & ad Rom. 8. *Qui spiritu Dei aguntur, hi sunt filii Dei*, & similibus. Deinde certum est, hujusmodi internas inspirationes, vel illuminationes, interdum fieri immediate ab ipso Deo, qui est principalis auctor omnis gratiæ, & aliquam specialem vocationem seu motionem habet sibi soli reservatam, ut attrigimus disp. 17. de Incarnatione, sect. 2. *Si sed occurrit*; interdum vero, & sæpe sunt per bonos Angelos custodes, nam hoc est præcipuum munus eorum, ut lib. 6. de Angelis c. 16. late ostendimus. Unde e contrario etiam est certum, dæmones conari ad imitandū, quantum possunt, hanc internam motionem, convertendo illam in malum, excogitando intellectum, seu prava objecta, quantum possunt, illuminando, & mediantibus illis ad pravos motus, appetitum, & voluntatem excitando, interdum aperte, interdum sub specie boni: quia *Angelus satana interdum se transfigurat in Angelum lucis*, ut Paul. dixit 2. ad Corinth. 12. Denique optima, & certa doctrina est, inter alias hæc esse differentiam inter Deū, & quemcumque spiritum creatum: quod Angelus solū potest excitare voluntatem, medio intellectu & appetitu sensitivo, & utrumque horū mediis phantasmatis, seu objectis scilicet, & imaginariis: Deus autem immediate potest movere ipsum intellectum, & voluntatē juxta illarum facultatum capacitatem: ipse enim solus habet infinitā efficaciam, & solus etiam est auctor harū potentiarum, quæ sicut ab ipso solo immediate pendent in esse, ita etiam ab ipso solo immediate possunt moveri, & excitari. Neque Angeli possunt in rebus quidquam efficere immediate, nisi motum localem, ut lib. 4. de Angelis dictum est: immediata autem motio intellectus, & voluntatis, non fit per localem motum. Et ideo dicit interdum D. Th. (& ita etiam loquuntur Patres) solum Deū posse influere interius rationali menti, 3. part. quæst. 8. ad 1. item solum Deum posse illabi animæ, 3. part. quæst. 64. art. 1.

Locutiones quædam ex lib. exteriorum locutionibus vel documentis.

Notatio una prædictis locutionibus vel documentis.

Dilemma contra enumerationem graduum perfectionis.

Notatio
altera.

32 Ex his colligitur necessarium esse homini posse discernere inter hos motus internos, a quo principio sunt: ideo enim dicebat Joan. 1. canonica, c. 4. *Probate spiritus, an ex Deo sint*, quoniam nisi exquisitè ac diligenter hæc discretio fiat, magnum periculum est errandi: quia (ut ex Paulo dicebamus) *transfigurat se Angelus satana in Angelum lucis*. Et ideo inter gratias gratis datas numeratur discretio spirituum 1. ad Corinth. 12. Quævis autem hoc donum datur interdum ab Spiritu sancto, extra ordinario, & peculiari modo supernaturali: nihilominus necessarium est, ut sit aliquis modus ordinarius in Ecclesia, quo per principia supernaturalia adhibito rationis discursu, & experientie, & prudentiæ iudicio, discerni possint interiores motiones, seu spiritus. Sicut licet datur specialis gratia sanctorum, linguarum, interpretationis sermonum, &c. non expectantur semper in Ecclesia huiusmodi singulares gratiæ ad illos effectus, quatenus ordinariæ in Ecclesia necessarii sunt, & per doctrinam, scientiam, vel artem humano modo comparatam cum divino auxilio fieri possunt.

Notatio
secunda.

33 Uterius his omnibus addendum est, quod licet impulsus divinæ gratiæ per illuminationes, & inspirationes secundum totam latitudinem, seu collectionem suam, non expectent hominis dispositionem; quia ipse Deus est, qui in nobis incipit: nihilominus postquam Deus per suam gratiam prævenit hominem, & cœpit in illo operari vel fidem, vel charitatem, vel quancumque aliam bonam voluntatem, aut perfectionis affectum; potest homo, & debet (si vellet proficere spiritualiter) se disponere, & preparare ad maiorem Dei illustrationem, ac motionem obtinendam: quia supposita priori gratia præveniente, potest homo illi cooperando mereri aliam, vel maiorem gratiam prævenientem, vel orando illam impetrare: & ideo Ecclesia sæpe orat Deum, ut sua gratia nos præveniat; & ex doctrina de gratia id certissime constat. Inter has autem dispositiones præcipua est vitæ puritas, & munditia a peccato, tam dolendo de præteritis, quam cavendo futura. Deinde augetur hæc dispositio, minuendo affectum temporalium bonorum, & commodorum. Quomodo dixit B. Ignatius in ultimis verbis secundæ hebdomadæ, circa electiones faciendas: *Hoc unusquisque persuasum habeat, tantum se in studiis spiritualibus promotorum esse, quantum ab amore sui ipsius, & commodi proprii affectione sese abstraxerit*. Tandem optima dispositio ad huiusmodi effectus divinæ gratiæ in oratione præsertim mentali, quasi perficitur, non solum quia efficacissimum medium ad obtinendum a Deo huiusmodi motiones est oratio, & petitio, sed quia cum oratione mentali eleveur anima ad Deum, & ad considerationem rerum æternarum, est magis separata a rebus temporalibus, & ideo magis disposita, ut a Deo illuminetur, & moveatur, juxta illud. *Ducam eam in solitudinem, & ibi loquar ad cor ejus*, & illud: *In meditatione mea exarscet ignis*. Accedit etiam, quod ipsa met oratio mentalis, quia est actio valde spiritualis, & supernaturalis, multumque elevata supra sensus & corporalia bona, indiget maxime afflatu Spiritus sancti, qui frequentî inspiratione, & illuminatione sua, hominem in eo exercitio sustineat, & promoveat. Quo licet interdum pro sola sua gratia abundanter faciat, quia *prout vult spirat, & dividit singulis prout vult*, tamen ordinariæ, & secundum justam dispositionem suæ providentiæ *presentior est diligentibus, negligentibus absens*, ut dixit Ambros. lib. 9. in Lucam, c. 20. & egregie tractat Bern. ferm. 56. in Cantica. Et ideo qui in huiusmodi orationis exercitio, quod in se est, cum divina gratia diligentius præstat, & divinis vocationibus, quæ in ea dantur, fideliter respondet, magis etiam a Deo illuminatur, & perfectius vocatur.

Satisfit
jam addu-
ctis in
p. 30.

34 Ex his ergo satis intelligitur, cur necessarium fuerit B. Ignatio in hoc opere frequenter loqui de internis illuminationibus, motionibus, seu inspirationibus, quia in hoc opere agebat de instruendis hominibus in exercitio spiritualis vitæ, & mentalis orationis, ac considerationis, in qua maxime exercentur, seu recipiuntur huiusmodi impulsus: neque in illis terminis aliquid est invidiæ, cum & vix possint illi motus aliis nominibus magis propriis significari, & ex usu Conciliorum, & Patrum, sumpta sint. Quod si aliqui hæretici illis interdum abusi sunt, nihil hoc veritati nocet, nec catholi-

cum scriptorem impedit, dummodo veritatem satis ab errore discernat. Quod in eodem opere a B. Ignatio diligenter præstitum est in regulis, quas tradidit ad discernendos spiritus, tam pro incipientibus, quam pro proficientibus, vel perfectis.

35 In quibus illud etiam advertendum est, tria capita in eis insinuari ad dignoscendos hos motus. Unum est ex parte objecti, seu materiæ, circa quam versantur; nam, si sit peccatum aliquod, manifestum est, impulsus esse a dæmone, & non a bono spiritu: si autem materia honesta sit, non statim constat motionem esse a bono spiritu; & ideo evidentius constare potest, impulsus esse a malo spiritu, quam a bono: & hoc significavit Ignatius in quarta regula supra citata. Ratio autem est, quia malum non potest bene fieri: bonus autem spiritus non potest esse auctor mali; bonum autem potest male fieri, & ideo bonum aliquando suggeri a dæmone, quamvis non bene.

Tria capi-
ta dis-
cernendi
internos
motus 1.
ex parte
materiæ
ipsorum.

36 Et ideo necessarium est secundum caput, quod est consideratio finis, ad quem tendit impulsus seu motio interior: nam, si ille finis malus est, evidens argumentum est, motionem esse a malo spiritu. Si autem finis sit honestus, magnum indicium est boni spiritus moventis, non tamen est sufficiens; tum quia ut actio sit bona, non satis est finis bonus, nisi etiam materia, seu objectum, aut medium ut propositum cum talibus circumstantiis nec per se malum, nec prohibitum sit; tum etiam, quia sub illa specie boni potest non intendi bonitas, sed impedi potius major bonitas, seu perfectio. Ad hoc item caput reducuntur effectus talis cogitationis vel motionis: nam finis, qui est primus in intentione, est effectus motionum, quæ ad illum ordinantur; & quamvis interdum talis effectus ab ipso homine non intendatur, quia vel non præcognoscuntur, vel non queruntur, saltem pro tali tempore: nihilominus a bono, vel malo spiritu interiori præmovente, sine dubio intenduntur, vel saltem prævidentur, ac præmittuntur: & ideo ex illis tanquam ex fructibus cognosci potest qualis sit qui moveat.

2. caput
ex parte
finis &
effectuum.

37 Tertium caput est modus motionis, nam quod ad præsens attinet, potest esse duplex, scilicet sensibilis, sive medijs sensibus externis, sive per internam motionem phantasmatis, vel omnino internus, & spiritualis. Prior facile cognosci potest, de quo consulendus Arhanas in vita S. Antonii, circa medium, apud Sur. 17. Janu. tamen ex illo præcise non potest discerni, an sit a bono, vel malo spiritu. Quamvis autem hoc verum sit de iudicio certo, & infallibili, tamen ex alio movendi modo supponit optimam conjecturam B. Ignatius in posterioribus regulis de hac re, reg. 7. nam interdum hæc interior motio sit placide ac suaviter, & cum magna animi tranquillitate, interdum vero duriter, & quasi violenter, & cum aliqua perturbatione animi. Tunc ergo ait considerandam esse conditionem personæ, quæ movetur: nã si alioqui curam habeat procedendi in virtute, & in obsequio divino, & suaviter movetur, signum est a bono spiritu moveri; si autem aspere, a malo. E contrario vero si persona est in peccatis, vel negligens in divino obsequio, a bono spiritu aspere, a malo blande, & suaviter movetur: nam uterque spiritus intendit vel mutare animam a dispositione sibi contraria, vel promovere in sibi conformi: mutatio autem illa ordinariæ requirit commotionem, & asperitatem; continuatio autem, vel promotio in vita simili, suavis fit. Item, quia dum homo resistit bono spiritui, respectu illius, indiget reprehensione, & aspera motione; tamen si ei obediat, meretur consolationem, & suavem promotionem: & e contrario dæmon in eum, qui crescit in bono, tanquam hostem insurgit, & in contrarium duriter impedit; in eo vero, qui negligens est, quiescit, & suaviter illum movet, ut in eo statu permaneat: quæ est optima conjectura, licet non infallibilis. In qua etiam est advertendum, quod licet ex ea, vel ex aliis constet motionem esse a bono spiritu, tamen non potest ab homine cognosci, an sit immediate a Deo, an mediante Angelo: quia cum spiritus creatus possit hoc modo hominem movere, nihil in eo relinquitur (quod homini saltem notum sit) ita proprium Deo, ut ex illo discernere possit homo, an Deus ipse immediate moveat. Verum tamen si aliunde constet motionem esse a bono spiritu, ad mora-

3. ex parte
modi
sensibilis
internorum
motuum.

De hoc
documen-
to vide
que tra-
dit Añ. 1.
in vita S.
Antonii
apud Sur.
17. Janua-
rii. Nunc
jam.

les actiones parum refert, quod morio sit immediata a Deo, vel mediante Angelo custode, quia hic semper operatur ut minister Dei, & juxta illius voluntatem.

38 At vero e converso contingit in posteriori modo, nam si ille semel cognoscatur, ex illo optime intelligitur, Deū esse, qui movet nam, ut prenotavimus, talis morio immediate in superiorem partem animæ, divinæ virtutis est propria: igitur ex illa tanquam ex proprio effectu cognoscetur motor divinus. Dices: Illuminatio Angelorum inter se est mere spiritualis, & nihilominus non fit a Deo immediate, sed mediis superioribus descendit ad inferiores. Respondetur, modum illius illuminationis incognitum nobis esse, & ideo non posse ab illo sumi argumentum; fortasse enim non est per efficientiam unius Angeli in alium: hi autem effectus, de quibus agimus, non sunt sine efficientia circa ipsum hominem: vel certe, si aliqua efficientia in illa illuminatione intervenit, ad summum est alicujus speciei intelligibilis, omnino abstractæ & independentis ab objectis sensibilibus: quæ species non potest fieri in anima conjuncta corpori naturali virtute: & ideo si aliqua illuminatio, vel morio in hac vita immediate fit in intellectu, vel voluntate hominis, sine dubio est immediate ab ipso Deo, præsertim, quia non sinit in ipsis speciebus, sed immediate versatur circa actus secundos intelligendi, judicando, vel saltem apprehendendo; & voluntatis amando, timendo, &c. saltem per actus simplices, seu imperfectos.

39 Difficultas autem circa hunc modum est in cognoscendo, quando hæc morio tam intima, tamque intellectualis, & spiritualis sit. Et ideo ad hoc dignoscendum 7. regulam posuit B. Ignatius his verbis: *Solius Dei est consolari animam, nulla precedente consolationis causa, cum sit hoc proprium creatoris suam ingredi creaturam, & illam in amorem sui totam convertere, trahere, & mutare: causam vero præcedere nullam tunc dicimus, quando nec sensibus, nec intellectui, neque voluntati nostræ quidquam objectum est, quod hujusmodi consolationem causare possit.* Quorum verborum intelligentiam facilem esse non existimo. Nam, ut paulo superius in quadam 3. regula dicitur, consolatio spiritualis est, quando anima Dei amore exardescit, quando interna lætitia perfunditur, quæ animum ad studium salutis, vel ad quietem, & pacem cum Deo habendam, faciliorem reddit. Hæc autem, vel similis consolatio non potest fieri in nobis sine causa, saltem intellectu apprehensa, quia non potest moveri affectus, nisi medio intellectu: quomodo ergo intelligi potest tunc nullam præcedere causam, quando nec sensibus, nec intellectui, nec voluntati quidquam objectum est, &c. si enim nihil objectum est, quid amabit, aut de quo lætabitur? quomodo ergo poterit consolari? Et augetur difficultas, quia in hac vita non potest esse talis consolatio adeo intellectualis, quin aliquo modo participetur a sensu, tum quia cogitatio in hac vita non est sine phantasmate, & consolatio (ut dixi) non est sine cognitione: tum etiam, quia appetitus spiritualis, & sensitivus, ita sunt in homine connexi, ut superior moveri non possit, quin aliquo modo secum ferat inferiorem, juxta illud: *Cor meum & caro mea exultaverunt in Deum vivum.*

40 Hic discursus ostendit, difficile esse hanc morionem percipere; non est tamen dubium quin possibilis sit, & quod aliquando detur, quamvis fortasse raro, & non nisi viris valde perfectis, & specialiter a Deo dilectis. Et quando talis morio revera datur ab Spiritu sancto, ipsa se aliquo modo prodit, & ostendit suam originem esse a Deo. Hoc autem non est, quia vel moveatur anima per affectum sine aliquo objecto cognito, nec quia intellectus humanus operetur sine cooperatione phantasie: primum enim fortasse omnino repugnat: secundum autem licet possit a Deo fieri, & interdum factum sit, tamen est valde extraordinarium, & miraculosum, de quo genere elevationis nunc non agimus. Indicium ergo hujus morionis est, ex parte quidem intellectus, quia in eo fit aliqua apprehensio, vel cognitio, quæ, prout hic, & nunc in tali homine fit, non potuit per imaginationem excitari; vel est de objecto nobiliori, quam in sensum unquam aliquando ceciderit, vel quia sit tam subito, vel cum tanta intelligentia veritatis, ut ex vi phantasmatum comparari non poruerit, ut

v.g. Gentili, qui nunquam de Creatore cogitavit, subito, & sine discursu sese offerat, verum, & credendum esse aliquem supremum auctorem, & sentiat hanc cogitationem esse ita infixam menti, ut non possit illam removere, & cum illi statim sese offerant multa, quæ veritatem illam credibilem faciant, quæ nunquam antea homo cogitavit, nec per se erat sufficiens ad invenienda illa, tunc signum fere evidens est, Deum esse, qui in intellectu immediate operatur. Simile cum proportione est de fidei simplici, cui subito offertur cognitio de Deo trino, & uno, vel de alio mysterio fidei cum tali modo, & tam distincta representatione veritatis, ut plane superet capacitatem, vel discursum ejus. Hoc etiam maxime contingere potest in judiciis practicis de diligendo, aut pœnitentia agenda, perfectione sectanda, aut similibus; nam aliquando tam subito, & tam vehementer proponuntur menti, ut fere aperte constet non habere originem ab objectis sensibilibus, & phantasmatibus, sed potius si aliqua phantasie apprehensio tunc comitatur, a mentis cogitatione excitatam esse. Ex parte autem affectus indicium potissimum sumendum est ex modo, quia nimirum licet operetur circa objectum cognitum, tamen vehementius movetur, quam objectum ipsum per se posset, aut soleat movere. Ut, v.g. si objectum ut prosequendum proponatur, voluntas sentiat impetu, ac veluti necessitate quadam ad illud affici, saltem per simplicem affectum, vel majori voluptate, & suavitate de illo cogitare, & ad illud inclinari, quam soleat, vel quam possit sua industria quærere, vel comparare. Si autem objectum proponatur, ut fugiendum, vehementius terreat: & sic de aliis affectibus quando enim hi affectus immediate versantur circa superiora, & spiritualia bona, & per se honesta, & prædicto modo fiunt, signum est, ab ipso Spiritu sancto movere voluntatem immediate fieri, quia nulla creatura habet tantam efficacitatem in humanam voluntatem. Et hæc omnia significavit P. Ignatius in illis ultimis verbis, quibus explicat nullam causam præcedere, quando nihil objectum est, quod hujusmodi consolationem causare ex se possit.

41 Unde tandem concluditur, quo sensu dictum sit agitari hominem in oratione, vel etiam extra illam variis spiritibus consolationis, aut desolationis. Spiritus enim vocari possunt, vel spirituales motiones, quæ in anima hominis fiunt, vel spirituales substantiæ, a quibus illæ motiones fiunt, utroque enim modo sumi potest apud Paul. 1. ad Corinth. 4. & apud Joan. 1. Canon. c. 4. Ex quibus locis etiam constat merito tradi nobis rationem aliquam, & viam discernendi hos spiritus: nā licet evidenter, aut cum certitudine fidei dijudicari nō possint sine Dei revelatione: nihilominus valde probabili conjectura, & interdum moraliter certa, potest de illis judicium ferri, ut li. 9. de Gratia a c. 9. differuimus: & ad illud maxime deservire possunt regulæ fundatæ in veris principiis Theologiæ, & in magna experientia: hujusmodi autem sunt illæ, quæ traduntur ab Ignatio, nam si quis eas recte consideret, inveniet omnes revocari ad illa tria capita, quæ a n. 35. proposuimus. Quod autem sit necessarium spirituales viros esse in hac arte instructos, per se notum est, quia nec temere est credendum cuicumque spiritui, juxta præceptum Joannis loco citato: *Nolite omni spiritui credere*: neque etiam nimium timendum est, ita ut divinæ etiam motiones vel contemnantur, vel reproberentur, contra præceptum Pauli: *Spiritum nolite extinguere: prophetias nolite spernere: omnia probate, quod bonum est, tenete.* Quamvis autem generales regulæ, & indicia designentur, non tamen omnibus concedum est eis uti, aut per illas judicare: sed requiritur aut speciale Dei donum, aut sapientem, & in rebus spiritualibus valde exercitatum virum, ut recte dixit Gerson tractat. de probatione spirituum, Alphab. 17. lit. R. Qui etiam videri potest in tractatu de Distinctione verarum visionum a falsis, Alphab. 17. in fine, ubi quinque signa adducit, quæ in his, quæ diximus, & in documentis B. Ignatii continentur. Recte etiam de hac materia loquitur in Gentilogio de impulsibus, decade 3. & sequentibus Alphab. 63. lit. I. & in tom. 4. habet tractatum de signis bonis, & malis, Alphab. 17. lit. B. quod huic etiam proposito deservire potest. Optime etiam Bonav. de procedu relig. c. 18.

Aus etiam ex parte modi mere spiritualis.

Regula B. Ignatii pro discernenda morione mere spirituali.

Difficultas dictæ regulæ.

Expediunt hæc difficultates.

Unum indicium sumptum ex parte intellectus.

Alterum ex parte voluntatis.

Duodecimum dubium.

42 Duodecimo occurrere potest in hoc opere difficultas, quia interdum videtur nimium tribuere viribus rationis naturalis, & liberi arbitrii, interdum vero nimium motioni gratiæ. Primum intelligi potest ex quadam meditatione de tribus hominum classibus, ubi in 3. dicitur, quosdam esse paratos ad id, quod intellexerint majus esse obsequium Dei: *Vel ex divino instinctu, vel ex rationis dictamine*: in regula 7. ad discernendos animæ motus, dicitur cogitandum esse nos interim a Domino nobis ipsis probationis causa relinquere, ut per naturales quoque vires insulibus inimici nostri obstitamus. Et tractando de tempore electionis dicitur: *Porro tranquillitas tunc noscitur adesse, quotiescumque anima nullis agitata variis spiritibus, vires naturales suas libere exercet*. Alterum autem membrum sumi potest ex eodem loco, ubi dicitur, aliquando divina virtus sic impellit voluntatem, ut omnis dubitatio, imo etiam dubitandi facultas animæ sublata sit, quominus sequatur impulsione[m] talem.

43 Hanc difficultatem, non quia loca citata difficilia sint, sed ut occasionem sumam advertendi, zelum, quem nunc habet Societas recte explicandi concordiam gratiæ cum libero arbitrio, & convenienter loquendi, & accommodare ad resistendum Lutheri aliique hujus temporis hæreticis, eundem fuisse in Patre nostro Ignatio, & vel ab illo in Societatem mansisse, vel eundem spiritum, qui hanc religionem movere ad resistendum hæreticis, hujus esse doctrinæ auctorem. In primis ergo in quibusdam regulis, quas in fine totius libri S. Ignatius proponit, ut cum Orthodoxa Ecclesia vere sentiamus, generaliter notari potest, omnes ad hoc tendere, ut ab erroribus hujus temporis maxime avertant, in omnibus, tam verbis, quam factis contrariam doctrinam proficundo, ut de obedientia Ecclesiæ præstanda, de usu frequenti communionis Eucharistiæ, de sacrificio Missæ, & cantibus ac ceremoniis Ecclesiasticis, ac divinis officiis, de votis monasticis, ac celibatu, de cultu ac veneratione Sanctorum, Reliquiarum, ac Imaginum, de Jubilæis, ac peregrinationibus, & operibus satisfactoriis, & in universum de fide, & operibus, ac timore Dei tam servili, quam filiali, & denique de tuendis traditionibus Patrum, & doctrinis sanctorum, ac probatorum Theologorum, & similia, quæ plane ostendunt spiritum Lutheri directe contrarium, quem sine dubio Deus Ignatio præbuit, tanquam uni ex primariis ducibus, quos adversus eum excitavit. Tandem vero circa finem illarum regularum in 14. ita de prædestinatione loquitur: *Advertendum est, etiam si plane compertum definitumque sit, nemini contingere salutem, nisi Prædestinatione circumspicte tamen super hoc loquendum esse, ne forte gratiam, aut prædestinationem Dei nimis extendentes liberi arbitrii vires & operum bonorum merita excludere velle videamur: vel e converso, ne plus aquo hisce tribuentes, illis interim derogemus*. Et in regul. 17. magis hoc declarans, subdit: *Neque prædicanda, & inculcanda gratia Dei usque adeo insistendum fuerit, ut serpere interdum possit auditoribus lethalis error, negata liberi arbitrii nostri facultate. De gratia ergo ipsa diffuse quidem loqui fas est, Deo aspirante, sed quatenus in gloriam ejus uberius redundat, idque juxta modum convenientem, nostris præsertim temporibus tam periculosis, ne & liberi arbitrii usus, & operum bonorum efficacia tollatur*. Hoc ergo aptum, quod faciendum præmonuit S. Ignatius, usque & exercitio in suo opere observavit, & hoc insinuat voluit locis in principio citatis, & in aliis, præsertim in posterioribus regulis, de discernendis spiritibus, in c. egregie explicat efficaciam gratiæ, dicens, proprium esse Creatoris suam ingredi creaturam, & illam in amorem sui totam convertere, trahere, & mutare. Et in 8. recte gratiam Dei excitantem, seu prævenientem, ejusque efficaciam declarat dicens, immediate divinitus imitari, nulla ex parte hominis præcedente causa, & sufficientem esse ad consolandam animam. Advertit autem ibidem sapienter & subtiliter, hanc gratiam esse, veluti semen quoddam, quod sui reliquias in anima relinquit, per quas potest homo postea aliquid operari, in qua cooperatione misceri potest aliqua alia intentio, vel morio a proprio, vel contrario spiritu proveniens, quam proinde observare, ac discernere necessarium est.

Rursus in prioribus regulis de eadem discretionem spirituum in undecima egregie docet estimare divinam gratiam, ut cum aliquis operationem in se sentit, seipsum deprimat, ac vilefaciat, reputando se cum, quam imbellis, quamque ignavus apparebit de solatione impugnante, nisi per gratiæ, & consolationis divine opem cito sublevetur. Et e converso etiam docet, non despondere animum, etiam si quis gratiæ consolationem, vel abundantiam non sentiat: *Quia unusquisque estimare debet cum Dei gratia possesse plurimum & adversarios suos devicturum, dummodo in Dei virtute collocet spem suam, & animum suum corroboret*. Ubi ostendit necessitatem gratiæ respectu omnium, & gratuitam abundantiam respectu aliquorum, & sufficientiam, quæ omnes sperare debent. Et paulo superius in reg. 9. Certi (inquit) simus nostrarum virium non esse, vel acquirere, vel retinere fervorem devotionis, vehementiam amoris, abundantiam lacrymarum, aut aliam quamcumque internam consolationem, sed omnia hæc gratuita esse Dei dona, quæ si vendicemus nobis, ut propria, superbiæ, & vanæ gloriæ crimine non sine salutis gravi periculo incursumus.

44 Cum ergo in 7. regula ex eisdem dicitur, interdum probationis causa nos Deum sine consolatione relinquere, ut per naturales quoque vires insulibus inimici nostri obstitamus; non dicitur, ut gratia excludatur simpliciter, & sed solum quoad majorem quandam abundantiam, & consolationem; nam statim additur: *Id, quod possumus haud dubie assistente nobis jugiter præsidio divino, licet tunc nequaquam sentiatur, eo quod fervorem pristinum charitatis Dominus subtraxerit, relicta nihilominus gratia, quæ ad bene operandum, & ad consequendam salutem satis esse queat*. Unde per naturales vires, tum ibi, tum alio loco significari videntur naturales facultates, seu potentie, non tamen ut operantes per solam naturalem virtutem, sed ut adjutas divina gratia, & cooperantes illi. Postquam enim Deus sufficienter prævenit voluntatem per suam gratiam, & fidem, interdum relinquit illam, ut bene utatur acceptis donis, vel ut resistat occurrenti tentationi, absque novo præveniente auxilio, quamvis non sine adjuvante, & cooperante, ut in prædicto loco satis explicatum est. Alter etiam locus ex meditatione de tribus hominum classibus, facilis est: insinuat enim ibi duplex modus, quo movetur homo a Spiritu sancto, quos Theologi distinguunt. Unus est per Spiritum sancti donum, quem optime vocat Ignatius, ex divino instinctu, in quo homo magis agitur, quam se agat: alius pertinet ad virtutes, in quo homo operatur per discursum, & dictamen rationis, non quidem sine lumine, & auxilio supernaturali, sed illis adjutus. Sic enim ex principiis fidei, & doctrinis Patrum discursamus, & dictamus per insulam prudentiam de agendis. Et uterque modus insinuat a S. Ignatio, dum inter media ad bonam electionem, tertium ponitur, obsecrare Deum clementiam, ut dignetur mentem instruere, & implere voluntatem, quocumque potius mihi tendendum sit adhibito nihilo secius pio, fidelique intellectu mei ratiocinio, per quod apprehensa Dei voluntate, ad electionem ferar: ubi notanda sunt illa verba, pio fidelique ratiocinio, quibus supernaturalis discursus significatur. Et sic ratiocinari, & eligere, est vires seu facultates naturales libere exercere, & voluntatem Dei cognoscere ex rationis dictamine, non quam excludendo divinum lumen & gratiam. Quævis negandū etiam non est, aliquando naturalis rationis dictamen conferte ad electionem honestam faciendam, non tamen de supernaturalibus bonis, de quibus in illis locis sermo esse videtur, sed de aliquo bono morali, & honesto, ut late lib. 1. & 2. de gratia ostensum est.

45 Tandem, quod in ultimo loco dicitur de divino impulsu ira efficaci, ut facultatē dubitandi auferat, pertinere credimus ad priorem modū divine motionis, per dona Spiritus sancti: nā interdū potest esse tam efficax, ut necessitatem quādam inferat, saltem intellectui ad judicandū de aliquo agendum per donū consilii, vel per aliquā revelationē adeo efficacē, ut ex parte intellectus non relinquat facultatē dubitandi. Quævis autem tunc homo necessario judicet, impulsus Dei esse sequendū, nihilominus in voluntate manere potest eligendi libertas; hæc enim non auferretur per motiones gratiæ (esto posset Deus illam auferre) ne moralis fructus, & meritum actionis impediatur: sicut Christus Dominus necessa-

Responso ad primū membrū dubii in num. 24.

Responso ad 2. membrū in eodem num. 43.

x. membrū dubii.

a. instrumēt.

S. Ignatii, & Societatis spiritus consiliandi gratiam cum natura virtutibus.

Is spiritus in S. Ignatio fuisse ostenditur.

Recentius hæreticorum erroris.

rio recte iudicabat de omnibus agendis, & tamen libere eligebat. Hic autem motionis modus nec accessarius est ad supernaturaliter operandum, nec ordinarius est, sed ex speciali Dei gratia aliquando liberaliter conceditur, ut de Matheo, & Paulo in eodem loco exempla ponuntur. Et hactenus de doctrina libri exercitiorum.

CAPUT VI.

De arte, seu methodo exercitiorum.

SECUNDO loco dicere proposuimus de arte, seu methodo ad orandum, seu ad exercendam mentem in rebus spiritualibus data in hoc opere a B. Ignatio. Circa quam primo dubitare quis potest, quia vel infructuosum, vel impossibile videtur huiusmodi opus ad artem redigere, & sub regulis constituere: quia non humana industria, & virtute, sed Spiritus sancti inspiratio, & auxilio fieri debet juxta illud Psalmi 83. *Beatus vir, cujus est auxilium abs te: ascensiones in corde suo disposuit.* Spiritus sanctus autem nullis arctatur legibus, sed variis & infinitis modis movere, & illuminat animam prout vult. Non est ergo hoc opus artis, sed gratiæ, nam si homo velit legibus alicujus artis astringi, sæpe impediet Spiritus sancti motum. Deinde contemnere quis potest simplicitatem, & brevitatem hujus operis, nam in meditationibus, quæ in eo traduntur, brevissima puncta ex historia Evangelica, aut ex consideratione vel comparatione aliqua vulgari desumpta proponuntur per simplicia verba, nihil fere addendo, quod ad materiæ ubertatem, ad unius hore, vel plurium discursum, & meditationem viam aperiat. Tertio cum supremus gradus interni exercitii sit contemplatio, admirari quis potest, quod in toto hoc opere nihil de ratione, aut modo contemplandi traditur, sed totum circa orationem, & meditationem versatur. Item cum in hac via spirituali tres gradus seu viæ distinguantur, scilicet, purgativa, illuminativa, & contemplativa; prima traditur in prima exercitationum hebdomada; circa secundam autem reliquæ omnes meditationes versare videntur, tertia omnino prætermissa. Item cum nostra oratio, & consideratio ita debeat a creaturis, & a nobis ipsis incipere, & per Christi humanitatem progredi, ut ad Deum ipsum in se terminetur, ei præcipue anima adhæreat, ut late prosequitur Bonaventura in Itinerario mentis, & D. Bernard. in Scala claustrali, seu de modo orandi: in hoc opere de initio, & progressu variæ meditationes tam de creaturis, quam de nobis ipsis tradantur; de Deo ipso, aut modo cogitandi, de attributis, & perfectionibus ejus, vel de modo unionis animæ cum ipso nihil docetur; & ex hac parte dicitur saltem imperfecta hæc doctrina.

B. Ignatii consilium in hac methodo tradenda fuisse optimum.

2 Tria igitur in hac parte a nobis ostendenda sunt: primum, consilium Ignatii de tradenda aliqua directione, & quasi arte hujus mentalis exercitii, fuisse prudentissimum, ac plane divinum. Secundum quam rationem in ea directione tradenda servaverit, ut majori se exercitium utilitati consuleret. Tertium quomodo modis omnibus, seu statibus satisfecerit. Primum efficacissime probatur ex effectu ipso; experimento enim constat, per hanc artem in spirituali vita multos profecisse. Quod etiam Paulus III. in Bulla superius citata agnoscit. Secundo confirmari hoc potest exemplis Sanctorum, qui non solum ad mentalem orationem, & considerationem homines excitant, sed etiam modum orandi, & ascendendi ad Deum, docere conantur, quoad possunt. Hæc fuit intentio Dionysii, præsertim in libro de mystica Theologia. Et fortasse eadem fuit mens Augustini in lib. Meditationum, qui 9. tom. habetur, & in altero lib. de diligendo Deo, & soliloquiis, cum aliis opusculis, quæ eodem tom. 9. Augustino ascribuntur. Differentia autem esse videtur, quod in omnibus illis libris Augustinus non tam docet meditandi, aut contemplandi modum, quam ipsam meditationem exercere, seu affectus, quia ea exercentur, profert, & describit, in aliis vero duobus libris soliloquiorum, potius speculative inquirendo, & disputando, (ut solet) quam affectum exercendo procedit. D. etiam Prosper tres libros scripsit de vita contemplativa: sed in eis non tam ratio-

nem contemplandi docet, quam generalem doctrinam tradit de vita activa, & contemplativa, & ministeriis, vel laudibus earum, & consequenter de omnibus virtutibus differit. Sic etiam alii Patres de hac materia ad instructionem eorum, qui contemplationi, aut meditationi incumbere cupiunt, varios tractatus scripserunt, præcipue Bernardus de interiori Domo, & in Scala claustrali, &c. & Richard. de S. Victore in tractatu de eruditione hominis interioris, & libro de præparatione ad contemplationem, cum aliis, quæ in 1. p. operum ejus habentur: & Bonaventura, (ut in principio dixi) proprium librum scripsit de exercitiis spiritualibus, & alium de quatuor mentalibus exercitiis præter plura alia opuscula de meditationibus, de septem itineribus æternitatis, & itinerarium mentis, & similia: Laurentius etiam Justinianus multa habet egregia opuscula, præsertim lib. de vita solitaria, ubi de modis orandi, & de discretionem spirituum, & necessitate mentalium exercitiorum, & quæ illa futura sint, specialiter differit cap. 15. 16. & 18. Omitto alia, quæ Blossius, Taulerus, Gerson, & Dionysius Carthusianus, & alii inter sua opera de hac materia scripserunt. Qui tamen omnes potius exhortando, quam instruendo procedunt, & ideo fufius scribunt de laudibus, & effectibus meditationis, vel contemplationis: peculiarem autem methodum orandi, non ita distincte tradunt. B. autem Ignatius brevissimis regulis, ac verbis mirabilem hanc instructionem comprehendit, quam non tam ex libris, quam ex unctione Spiritus sancti, & ex magna experientia, & usu hausisse videtur.

3 Tertio ratione id ostendi potest: quia in omnibus actionibus suis, tam externis, quam internis indiget homo instructione, & doctrina, ut eas recte, & utiliter præstare possit: sed hæc operatio interior, quæ generali nomine oratio mentalis appellatur, est una ex præcipuis, ac difficilioribus, & utilioribus, quæ ab homine exerceri possunt; ergo multo magis homo indiget aliqua instructione, & directione, ut in ea recte procedere, & proficere possit. Complectitur enim huiusmodi opus plures, & nobilissimos actus humanos intellectus res æternas & divinas cogitantis, & voluntatis desistentis peccata, diligens Deum, & contemptis temporalibus æterna desiderantis. In quo exercitio magnus fructus esse potest, si recte fiat; multum vero tædii & otiositatis, aut etiam periculi, si male fiat; ergo habere aliquam viam brevem ordinatam, & varietati hominum accommodatam, & perfectorum hominum usu, & experientia probatam, non potuit non esse utilissimum opus, ac plane divinum. Atque ita Societas cum ad procurandam propriam, & aliorum perfectionem, vocata sit, quæ ab oratione, & communicatione cum Deo maxime pender, peculiarem hanc methodum, ac modum meditandi & orandi tanquam præclarum quoddam donum ac munus a Deo datum, & medium efficacissimum ad suum finem consequendum, æstimare debet. Quamvis enim principalis auctor interioris profectus, & exercitii, quo id obtinetur, sit Spiritus sanctus, nihilominus ex parte nostra plantare, & rigare necesse est, ut incrementum det Deus; gratia enim, & illuminatio divina, non excludit cooperationem & præparationem hominis, sed potius illam requirit. Ut ergo homo quod in se est, faciat, consiliis, & regulis juvari poterit, quæ tamen non ea intentione traduntur, ut hominem ligent, vel ut legem ponant Spiritui sancto, quominus creaturam suam moveat, prout voluerit, sed solum instruunt hominem, tum ut operari incipiat, & meditari, ac discurrere, quando a Spiritu sancto specialiter non præmoveretur, tum ut Spiritus sancti impulsu recipere aptus sit, eumque sentire, & sequi valeat. Et hoc ipsum in eisdem exercitiis animadvertitur, ut ex annotationibus, quæ in principio eorum traduntur, & ex multis aliis locis eorum constat. Et his patet solutio ad 1. objectionem n. 1. propositam.

Exercitiorum methodum ad finem intentum salutis animarum esse accommodatissimam.

4 Circa secundum punctum n. 2. positum advertendum in primis est, mentem Ignatii fuisse brevissime comprehendere omnia, quæ ad spirituale instructionem & interiorem animæ salutem conducere possunt, tum

3. Probatio ex ratione.

Ratio brevitas hujus libri.

Arguitur contra methodum exercitiorum.

1. Probatio ab experientia.

2. Ab exemplis Patrum.

tum ut facilius addisci, & exerceri possent tum etiam, ut exercitium ipsum suavius, & delectabilius fieret, ut statim dicitur in num. 7. tam etiam, quia sola principia generalia possunt esse omnibus communia, applicatio autem in particulari cum majori, vel minori extensione, aut cum his, vel illis circumstantiis relinquatur prudentiæ spiritualis magistri, & instructoris, quam in ipsis primis notationibus exercitationum supponit nunquam defuturam ei, qui in spiritualibus exerceri incipit, juxta consilium Bernardi ad fratres de monte Dei column. 16. *Quamdiu parvulus es, & donec plenius addiscas divinam cogitare presentiam, Pedagogum tibi procura: cui statim dicis cogitationes omnes esse aperiendas.* Nam, ut ipsemet scribit lib. de ordine vitæ column. 7. *magnum hujus vitæ solatium est, ut habeas, cui pectus tuum aperias.* Spiritualis autem vita duo potissimum requirit, morum correctionem, & unionem cum Deo. Ad morum autem correctionem in primis pertinet purgatio præcedentium delictorum, quotidiana conscientia cura, & frequens etiam peccatorum confessio. Secundum vero frequenti meditatione, & oratione, & virtutum exercitio comparatur. Ad utrumque autem recta electio circa vitæ statum maxime necessaria est. In his ergo omnibus convenientissimo ordine instruitur homo per hæc exercitia. Quia vero conveniens æstimatio, & recta intentio finis ultimi principium est omnium bonarum actionum, ideo S. Ignatius ante particularia exercitia hoc præmisit tanquam fundamentum totius reformationis spiritualis.

5 Deinde vero quatuor hebdomadas exercitiorum distinxit, quas ita appellavit, non quia necesse sit in singulis septem dies, & non plures, vel pauciores infumi, sed quia commodè ita distribui possunt, & regulariter illud tempus videtur sufficiens, & accommodatum. Proprie ergo distinguuntur in materia, & fine, ad quem singula proxime ordinantur. Prima enim viam purgativam continet, & ideo materia ejus est divinæ offensionis gravitas, & omnes considerationes, quæ ad hunc finem, & ad veram poenitentiam de peccatis agendam conferunt. Et propterea illi adjungitur duplex conscientia examen mane, & vespere quotidie facientium, quod & ad conservandam conscientia puritatem, & ad frequentem confessionem utilissimum est, de quo Bernardus lib. de vita solitaria colum. 15. *Sedeat judicans justitia, stet rea, & se accusans conscientia: nemo te plus diligit, nemo te fidelius judicabit, mane præterita noctis fac a te metipso exactionem, & ventura diei tibi indicitocantionem: vespere præterita diei rationem exige, & supervenientis noctis fac indictmentem.* Farique consuetudo antiquorum Patrum: nam de D. Antonio refertur lib. I. Tripartita, c. 11. quod præcipiebat semetipsum discutere, & secum ponere rationem eorum, quæ gessit diu, nocturne: si quid autem indecens ageret, conscriberet, ut de cæteroparceret in delicto semetipsum scilicet erubescens, si plurima sui delicta comperisset. Et apud Surium 17. Januarii 6. Tandem, præcipiebat monachis, ut rationem diei, noctisque facientes, si in se comprehendissent, peccare desisterent, &c. Basilii etiam sæpe hoc consilium repetit: nam in sermone de abdicatione rerum post medium. *Quæ singulis (inquit) diebus feceris opera, ea vespere tecum ipse commemora, & cum his, quæ feceris pridie, conferto, ut melior in dies existas.* Et sermone de Alcesi, seu exercitatione monachi, inter alia consulit, quotidianas suas, & cogitationes, & actiones omnes diligenter examinare, & serm. I. de instit. Monach. in fine: *Completo (ait) jam die, omni que opere tum corporis, tum spiritus absoluto, præclare fiet, si diligenter unusquisque, antequam cubitum eat, cum animo suo conscientiam suam exquirat, &c.* Et Joannes Climacus 4. gradu de obedientia circa finem: *Optimus (inquit) trapezita est, qui quotidie vespere lucrum, ac detrimentum omnino computat, quod scire manifestius non potest, nisi in horis singulis, in tabulis omnia denotes: nam cum calculi singulis horis ponuntur, tati diei ratio postmodum clarius agnoscitur.* Et paulo superius refert de quodam religioso: *Ad cuius latruncum appensum cingulo brevem libellum conspicerem, didici curam quotidie cogitationes suas in eo notare, hæcque omnes nunciare pastori solitum: non solum autem illum, sed alios quosplurim. id facere ibidem conspexi: erat enim (ut comperi) Patris sancti mandatum.* Chrysostom.

etiam homil. 2. in Psal. 50. circa illa verba: *Peccatum meum contra me est semper*; consulit, ut qui diuturno tempore, vel alio commodiore non potuerit, saltem in ipso lecto, antequam somnus irrepat, examinet, quid boni fecerit, quidve mali admiserit, & gehennæ recorderetur, ut metu affectus bonum augeat, & malum auferat. Idem videre licet in Bonaventuræ opuscul. de puritate conscientia c. 6. & in speculo disciplina, Thoma de Kempis lib. 2. de disciplina monastica cap. 11. Imo & Seneca hoc præbuit consilium lib. 3. de Ira cap. 36. In hoc vero omnium defectuum quotidiano examine, quod propterea generale vocat, monet B. Ignatius, ut a gratiarum actione pro beneficiis incipiamus, vel quia non minus id debetur in fine diei, quam peccatorum recogitatio, vel certe quia multum juvat ad magis dolendum de benefactoris offensa. Invenio autem consilium hoc in Clem. Alex. lib. 4. pædag. cap. 4. *Postremo, ait, antequam nos somnus invadat, pium & sanctum est Deo gratias agere, ut qui ejus benignitatem, & gratiam fuerimus consequuti, ita ut cum divino quodam afflatu nos ad somnum conferamus.* Illud tamen animadvertere libet, dictos Patres solum generaliter attigisse conscientia examen semel aut bis, vel sæpius in die peragendum, particulare autem examen, quod assumit contra unum vitium speciale, ut in illo emendando major cura adhibeatur, & sic procedendo per singula facilius omnia eradicentur, sapienter fuisse a B. Ignatio excogitatum: insinuavit autem illum Basilii in regulis brevioribus reg. 289. ubi ait, quando aliquis frequentius in aliquo peccat, considerare debere radicem, & ibi specialiter medicinam adhibere, atque *in singulis peccatis (inquit) simili modo.*

6 Secunda hebdomada ad hoc ordinatur, ut homo recte eligat, & constituat statum vitæ futuræ. Quia vero fundamentum rectæ electionis quoad statum vitæ in homine Christiano esse debet, sequi, & imitari Christum, ideo statim in principio illius hebdomadæ proponuntur considerationes, quæ ad hoc firmiter statuendum inducant, & præsertim de Incarnatione, & vita Christi Domini, quæ nobis proposita est, tanquam exemplar, ad quam nostra formanda est. Deinde proponuntur media ad rectam electionem faciendam, & documenta omnia ad illum finem necessaria. Unde ab hac hebdomada incipit homo instrui in via, quam vocant illuminativam, nam facta purgatione peccatorum in priori hebdomada, incipit homo ulterius rendere per virtutis viam, & consequenter incipit circa illam illuminari. Inchoatur etiam hic status proficientium: nam status incipientium ad partem purgativam maxime pertinet. Quia vero perfectio vitæ Christianæ longo tempore comparatur, & præcipue per virtutem passionis, & mortis Christi, & meditationem ejus: ideo hoc agitur in tertia hebdomada, in qua passio Christi ad meditando proponitur. Unde etiam ad statum proficientium, & ad viam illuminativam pertinet, ideoque exercitia hujus, & præcedentis hebdomadæ ad frequentiorum usum totius vitæ spiritualium hominum pertinet, quia major pars hominum, etiam bonorum, & ex instituto, ac electione Deo servientium est in statu proficientium: status enim perfectorum paucorum est. Et fortasse ob hanc causam in fine tertiæ hebdomadæ adducuntur quædam regulæ ad victum temperandum. Nam ad usum mentalis orationis, ut continuari possit, hæc moderatio in primis necessaria est. Denique additur quarta hebdomada, in qua Christi gloria, & resurrectio ad considerandum proponitur, attingitque viam unitivam, ut statim dicam.

7 In his autem meditationibus duo animadvertenda sunt, materia scilicet, & forma. Materia consistit in re, quæ ad considerandum datur; forma in modo & directione, quæ ad recte & fructuose considerandum traditur. Et hoc posterius est, in quo maxime laboravit Ignatius: & revera fuit donum, speciali gratia illi concessum, & non sine magno usu & experientia comparatum cum divina gratia, & ideo in hac forma proponenda & declaranda, & diversis hominum statibus, & ingentis accommodanda, versantur fere omnia documenta hujus operis, nihilque deest, (ut existimo) quod desiderari possit.

8 Circa materiam autem solum hoc observandum est,

Quatuor hebdomadarum hujus libri brevis electio,

De 1. hebdomada,

De 2. hebdomada.

De tertia.

De quarta

Formam meditationis, de præcipue tradidit B. Ignatius in suo libro.

Cur in
materia
ad medi-
tandum
suppedi-
tanda
brevior
fuerit.

est, ut sufficiens, & accommodata sit ad scopum proxime intentum, & ad viam seu gradum spiritualis vite, qui procuratur, non vero traditur in unaquaque hebdomada omnis materia, vel meditatio, quæ ad illam pertinere potest, quia hæc infinita est, & facile ab unoquoque in veniri potest. Et ita constat responsio ad secundam objectionem in numer. 1. nam quod ipsamet materia ad brevia puncta redacta simpliciter, & sine multiplicatione discussum, vel conceptuum proponatur, ex instituto factum, pertinetque ad sapientem formam artificis, ut ipsemet statim in principio regule 2. adnotavit, ut scilicet is, qui meditaturus est, accepto solum meditationis fundamento, postea per se, vel ex discursu proprio, vel ex divina mentis illustratione ratiocinetur, & ita cum majori spirituali gustu, majorique fructu in oratione, & meditatione versetur. Simili consilio Cyprianus in præfatione libri de exhortatione martyrum sola capitula Dominica se attigisse dicit: *Ut non tam tractatum meum (inquit) videar tibi misisse, quam materiam tractantibus tribuisse, quæ res in usum singulis proficit utilitate majore. Nam si confectam, & paratam jam vestem darem, vestis esset mea, quæ alius uteretur, & forsitan non pro habitudine stature, & corporis res alteri facta, minus congruens haberetur. Nunc vero de agno, per quem redempti, ac vivificati sumus, lanam ipsam, & purpuram misi, quam cum acceperis, tunicam tibi pro voluntate conficias, & plus, ut in domestica tua, atque in propria veste lataberis, & cæteris quoque, ut & conficere ipsi pro arbitrio possint, quod misimus, exhibebis.* Addit præterea rationem aliam non minus instituto nostro accommodatam, dicens: *Nec non & illud consilium utile, & salubre propexi in exhortatione tam necessaria amputandas esse verborum nostrorum moras, & tarditates, atque ambages sermonis humani subtrahendas, ponenda sola illa, quæ Deus loquitur, & præcepta ipsa divina velut arma pugnantibus suggerenda sunt, inde aures erigantur, inde instruuntur mentes, inde & animi, & corporis vires ad omnis passionis tolerantiam roborentur.* His ergo & similibus rationibus motus B.N. Ignatius exercitiorum materias paucis, & simplicibus verbis proponendas duxit, idemque spiritualibus magistris servandum præcepit, habita nihilominus ratione personarum, quæ instruuntur, ut indoctis, & rudioribus nonnulla via aperiatur, & materia ipsa aliquantulum digeratur, quantum satis sit, ut unusquisque pro capta suo circa illam discurrere, ac meditati possit.

Per hanc methodum omnibus vite spiritualis statibus satis provisum esse.

Ad 3. objectionem in n. 1

9 Tandem hinc etiam constat, quod tertio loco in num. 2. proposuimus, per hanc scilicet exercitiorum rationem, omnium statibus, seu ordinibus sufficienter provisum esse, satisque facile tertiæ difficultati in principio num. 1. tactæ: non enim omnis fuit in his exercitiis ultimus gradus contemplationis, sed traditus, vel insinuatus fuit, quantum per humanam industriam fieri expediebat. Nam in primis quarta hebdomada, quæ est de Christi gloria, & gaudio resurrectionis, ad viam unitivam pertinere non enim ad morum emendationem, aut profectum directe ordinatur, sed ad spem, & amorem excitandum rerum æternarum, & ad participandū in hac vita aliquo modo æternas delicias, in aula mentis vacando divinæ sapientiæ, ut serm. 8. de jejunio Leo Papa dixit. Deinde in fine illius hebdomadæ addita est contemplatio ad amorem spirituales in nobis excitandum, quod maxime pertinet ad contemplationem. Est autem animadvertendum in hoc gradu contemplationis, seu viæ unitivæ distinguendum esse initium ejus, seu totum id, quod habet rationem viæ, a termino, qui est ipsa unio cum Deo, cum quadam veluti simplici intuitionem veritatis. Nam in priori parte hujus viæ servanda est eadem forma orandi ac meditandi, quæ in cæteris servatur, paucis mutatis, & accommodando materiam scopo, & fini intento: in posteriori autem parte nulla certa forma, vel modus præscribi potest, quia in simplicissimo actu consistit, magisque recipiendo, quam inquirendo perficitur, quamvis cooperatio hominis non excludatur. Hac igitur ratione P.N. Ignatius attingendo hunc gradum ultimum contemplationis, ea, quæ pertinent

In contemplatione via & terminus reperitur.

ad initium ejus, & ad formam, & materiam, in illo servandam, & applicandam sufficienter proposuit, contentusque fuit ponendo sapientes in via; nam quod reliquum est magis ad magisterium Spiritus sancti, quam hominis spectat, ideoque de ipsa unione cum Deo, & de ipso actu simplicis contemplationis pauca dixit.

10 Et ob eandem causam potissime nos docuit versari circa Christi humanitatem, quia illa est ostium, per quod ad divinitatem introducimur. Joan. 10. de quo videri potest Bonavent. opuscul. de septem itiner. æternitatis, sect. 1. & 3. Richard. de S. Victor. lib. 5. de contemplat. cap. 12. & sequent. & Blossius in Canone vitæ spiritualis c. 21. ubi post nonnulla documenta circa meditationem passionis Christi concludit: *Supradictis igitur rationibus occupa te pro tuo modulo circa humanitatem Christi, hac mentem tuam ita possideat, ut quidquid phantasmatum aliunde vitiose se ingererit, mox dissipetur; hanc elige, in qua tutus requiescas, quamdiu ad altiora non proveheris. Navis enim est, quæ mare seculi hujus citra periculum pertransire, atque ad beatam illam patriam feliciter pervenire poteris. Quamquam Dominus etiam te hic navigantem eo aliquando forte sustollet, ubi ab omnibus rerum formis atque simulacris intus nudaberis, ubi a te ipso deficiens, feliciter transis in Deum; eo interdum deducet te manus Domini, si expedierit, ut tempore hujus exilii eo perducaris, si non expedierit, non perduceris.* Unde intelligimus hanc spirituales artem ad summum posse nos dirigere circa meditationem humanitatis Christi, sub qua comprehendere potest, quævis elevatio mentis ex creaturis ad Deum: nam quod aliud est, non cadit sub humanam industriam; & ideo monet idem Blossius in specul. spirit. c. 11. eos etiam, qui speciali gratia ad unionem cum Deo elevarunt, cessante illa Dei operatione, debere statim resumere propriam actionem, & sanctas imagines, id est, ad officium meditationis redire, ne otio torpescant. Quod hanc ergo causam hæc exercitia in his meditationibus potissime insinuant.

B Ignatius de via contemplationis potissime insinuat.

11 Si quis tamen recte animadvertat, a principio docent, seu manu ducunt eum, qui spiritualiter exercitatur ad intuendam, vel ponderandam veritatem aliquam, cum interna animi quiete, & affectibus, qui illam comitantur. Huc enim tendit, ut existimo, illa sensuum applicatio de qua fit mentio in hebdomada secunda; nam illa applicatio magis intellectualis esse debet, ut per eam quis mente inqueatur factum aliquod, quod admiretur, ut ad illud afficiatur, vel audiat verba, quorum pondus consideret, ut illis moveatur, vel odoretur fragrantiam virtutum, aut donorum alicujus animæ, & sic de aliis; hujusmodi enim applicatio mentis participatio quædam contemplationis est, saltem quantum ad modum operandi. Quamvis enim tres illæ viæ quantum ad principales actus suos sint distinctæ, non tamen necessarii sunt, imo nec regulariter esse debent omnino impermixtæ, sed in unaquaque illarum aliquid necessarium est de secunda, & tertia, ut suavior fiat, & magis fructuosa: nam timor, & dolor, ac desertio peccatorum per amorem Dei, & affectum virtutum perficitur, & delectabilior fit. In tertia vero aliquid de prima, & secunda retinere frequentius expedit propter majorem securitatem. De qua re legi potest Blossius, qui optime loquitur in speculo spirituali cap. 11. Secunda vero ob utraque rationes, & tanquam media inter duas extremas aliquid de illis participare debet. Hoc ergo in universum in prædictis exercitiis significatum est; nihil igitur ad spirituales instructionem necessarium in eis desideratur, quantum per brevem methodum tradi poterat: nam illa, quæ per vivam vocem adjicienda est, nunquam excluditur, utramque vero perficere debet experientia, & Spiritus sancti illuminatio.

Non tamen determino ejus instructionem, & terminum prætermittit.

Via tres purgillum, & unitivæ permixte exercendæ.

CAPUT VII.

De prudentia in opere exercitiorum ab Ignatio servata, & usu eorum servando.

1 Quod ad 1. tituli partem attinet multa in superioribus punctis attigimus, quæ non oportet verbis

Prudentia
Ignat. in
regulis
temperat.
et c.

bis commendare, nec defendere, quia per se nota sunt, neque aliquid invenio, quod aliquem offendere, aut de quo aliquis jure dubitare possit. Præterea vero, quæ de ratione, & methodo orandi ibi traduntur, prudentia Auctoris maxime inspicitur in varijs regulis, quas spiritualibus exercitijs adjunxit, in quibus egregie tradit consilia ad componendos mores hominum circa seipsum quoad exteriora per regulas temperantiæ, quas in fine secundæ hebdomadæ tradidit, & per documenta circa exteriorem poenitentiam, quæ adjunxit ad finem primæ hebdomadæ, quoad interiora vero per regulas, quas de scrupulis tradidit in fine exercitiorum. Quoad alios vero per regulas, quas in distribuendis elemosynis servare docuit. Ita pro his actionibus, quibus circa Deum per intellectum, aut voluntatem potissime versamur, in quibus error vel speculativus, vel practicus multum potest habere periculi, egregia consilia tradidit tum in regulis ad dignoscendos internos animi motus, & discernendos spiritus, tum etiam, ut cum orthodoxa Ecclesia vere sentiamus. Nihil itaque, quod in consultationem spiritualem ordinarie venire possit, intactum omisit, & in omnibus magnam prudentiam, atque adeo magnam experientiam, & divini luminis illustrationem ostendit.

2 Et quia fere de his omnibus, quod ratio nostri instituti postulat, jam adnotatum est: unum vel aliud tantum breviter advertam; nam in 4. circa temperantiæ regula consilium datur, ut ad inveniendum temperantiæ medium aliquid de convenienti victu sibi quis adimat: imo additur, quanto plus abstulerit, tanto celerius juxta mensuram cibi, & potus esse reperturum: hujus autem contrarium docere videtur Gerson Alphab. 72. lit. K. in quadam doctrina contra conscientiam scrupulosam, ubi ait, ita debere regi corpus, ut nec sit rebelles animæ, neque ad illi cooperandum deficiat, & addit: *Et esset minus malum excedere nimis nutriendo corpus suum, quam non satis, quia difficilior potest poni remedium, cum corpus est laesum per nimiam abstinentiam.* Sed hæc non sunt contraria, nam ad diversos fines, & pro hominibus diversimode affectis dicuntur. Nam P. Ignatius tractat de homine, qui moderatione indiget, ne excedat contra temperantiæ; & huic rectissime consulit, ut si errare timeret, potius erraret subtrahendo de necessariis, quam aliquid ultra necessitatem addendo, quia & in hoc magis meretur, meliusque se disponit, ut a Deo juvetur ad medium inveniendum, & facilius experiretur illum defectum, ut ita possit ad mediocritatem pervenire. Nec tamen absolute, & sine aliqua correctione hoc dicit Ignatius (in quo ejus prudentia cernitur,) sed hæc verba interposuit, *vitato interim valetudinis adversus gravi periculo.* Per quæ verba tollit omnem contrarietatem cum documento Gersonis, qui loquebatur de homine scrupuloso, & ad nimiam austeritatem, & abstinentiam propenso: in quo verum est, minus esse periculi, si aliquid ultra necessitatem addatur, quam si nimium subtrahatur.

Scrupulo-
rum gene-
ra duo.

De poste-
riori: Ge-
nere cura,
viz Ignatius
in suis regu-
lis.

Quid de
priori.

3 Secundo circa ea, quæ de scrupulis notantur, observari potest conscientiam aliquando angere scrupulis circa præterita, an rite sint confessa, nec ne, aliquando vero circa præsentia, vel futura, seu circa actiones, quæ quotidie occurrunt. B. ergo Ignatius solum de hoc posteriori genere scrupulorum videtur rationem habuisse, eisque aptissima remedia adhibuisse, docens, quibus prodesse aliquando possit hujusmodi scrupulorum anxietas, vel sollicitudo, & quantum etiam possit nocere, si nimia sit, & quomodo tunc sit cavenda, in contrariam partem aliquantulum inclinando, vel constanter perseverando in actione inchoata, scrupulosa cogitatione contempta, quando vel ex certis principiis, vel ex judicio ejus, cui secure potest fides adhiberi, nihil mali in tali actione juste timeri potest. De alio vero genere scrupulorum nihil attigit, vel si servantur ea, quæ de examine conscientia, & confessione generali (quando illa opus est) rite faciendi superius dixerat, facile existimavit posse hanc tentationem superari, vel certe, quia remedia de prioribus scrupulis data cum proportionem possunt applicari, Gerson vero in loco proxime citato de illis scrupulis distincte tractat, & duo observanda dicit; unum est oblivioni dandum esse tempus præteritum, nisi in generali ad petendam a Deo veniam per generale

contritionem; alterum est, quando tempus præteritum sollicitat, timendo, quod non fuit facta sufficiens confessio, occurrendum esse illi, recurrendo ad Deum cum vera cordis humilitate, & contritione, & in memoriam revocandam esse voluntatem, quam habuit integrè ac perfecte consistendi, & quod tunc fecerit quantum in ipso erat, suoque confessori satisfecerit, cujus consilio statuit præteritum non amplius recordari, ut Deo melius possit inservire, atque ita in eo proposito perseveret, nimiumque timorem contemnat.

4 Tercio in quadam notatione 15. earum, quæ in principio exercitiorum traduntur, & sæpe aliàs, præsertim cum de electionibus agitur, consilium datur confessori, vel spirituali magistro, qui alium in his exercitijs instruit, ne eum, qui exercetur, ad unam partem magis, quam ad aliam moveat, nimirum ad religionem potius quam ad statum secularem, vel ad hanc religionem potius quam ad illam, sed relinquendum esse, qui instruitur, ut Dei voluntatem quærat, per seipsum ratiocinando, & lumen petendo, ut ab ipso immediate vocetur, & inspiretur. Circa quod consilium dubitare aliquis potest, quia ordinarie solet Deus homines per homines docere, illuminare, & vocare; ergo non est expectanda immediata vocatio ab ipso Deo; sed quotiescunque certa ratio dicat melius esse huic proximo, seu spirituali discipulo hunc statum eligere, optimum erit illum suadere, & ad illam partem inclinare. Etenim si altera pars esset prava, sine dubio omni conata avertendus esset ab illa, & ad contrariam inclinandus: ergo si altera etiam pars evidenter est minus bona, erit saltem melius, & consilii opus contrariam consulere. Nihilominus consilium Ignatii prudentissimum est, & experimento comprobatum, esse necessarium, quia regulariter plus nocet, quam proficiat. Ratio enim facta probat optime actum consulendi ea, quæ sunt majoris perfectionis, per se optimum esse, & opus charitatis, tamen quia finis ejus est utilitas proximi in particulari, non erit melius, nisi sit etiam utilis; sicut correctio fraterna bona non est, nisi speretur utilis.

5 Distinguere autem oportet inter consilium sponte oblatum, vel ab alio petitum, & efflagitatum, nam hic agimus de priori modo dandi consilium, & de hoc dicimus non expedire, præsertim tempore exercitiorum, quando aliquis per seipsum cum Deo, & secum tractat de eligendo statu vitæ suæ, antevertit, & quasi obtrudet ei consilium; tum quia statim suboritur alteri suspicio, quod ea res humana sit, vel ex humano affectu procedat, & ita impeditur divina vocatio: tum etiam, quia licet contingat persuaderi, minus firma sit electio: nam subortis postea tentationibus statim occurrit illam fuisse quandam humanam persuasionem, unde periculum imminet, ne facta electio leviter mutetur; quando vero aliquis, vel a Deo specialiter moveretur, & inclinatur, vel ejus gratia adjutus, proprio discursu, & ratione convincitur, firmiter adhæret electioni factæ, & majori fiducia a Deo sperat auxilium ad perseverandum in illo. Quando autem consilium postulat ipse, qui electurus est, quoniam anceps est, & dubius, tunc non erit malum illud præstare, quia jam non recipitur, ut omnino alienum, sed ut ab ipso postulante aliquo modo ortum: quia etiam facilius accipit illud medium, per quod a Deo ipso illuminatur. Solum observandum est, ne quis nimium facilem, & promptum se exhibeat ad hujusmodi consilium præstandum, sed prius efficaciores rationes, & commoda, vel incommoda utriusque partis proponat, easque alteri considerandas, & electionem faciendam committat. Quod si nihilominus alter insisteret, & magistri judicium intelligere velit, priusquam eligat, non est illi denegandum regulariter loquendo; quia tunc & opus ipsum secundum se melius est, & ex illo major utilitas non immerito sperari potest.

6 Ultimo circa regulas citatas in distribuendis elemosynis servandas animadverti potest, documenta, quæ in eis traduntur, generalia videri ad quodcunque opus recte faciendum, videlicet, ut ex recta intentione amoris divini proficiatur, & ita fiat a unoquoque, sicut ipse consuleret alteri, ut faceret, vel sicut vellent fecisse, si mortis articulus, aut iudicii divini instaret. Sed hoc nihil incommodi est; nam præcipua ratio prudentiæ consistit in applicatione principiorum generalium ad particula-

B. Ignatius
documentum
pro
instruendo
re.

Arguitur
contra
documenta
de elec-
mosynis
distribu-
endis.

ticulares materias. Duo autem principia sunt, quibus potissimum utitur B. Ignatius in hoc opere, suntque maxime consentanea & Evangelio, & naturali prudentiæ. Unum est, ut intentio operantis sit pura & perfecta quærendi majorem divinam gloriam. Hoc fundamentum ponitur in principio Exercitiorum, hoc item repetitur in præludio ad rectam electionem, & iterum in his regulis & fere in singulis suis constitutionibus, & documentis hoc repetit Ignatius, quia ex abundantia cordis os loquebatur, & quia revera est res maximi momenti. Quæ tamen prudenter applicanda est, ut in prædicta materia de elemosynis faciendis non est existimandum per hanc intentionem divini amoris excludi omnino affectionem erga cognatos, vel amicos, nam ipse ordo charitatis postulat, ut cæteris paribus illis prius subveniatur; quia vero naturalis affectio solet nimium inclinare, & quasi excæcare hominem, ideo specialiter advertitur, ut in eo opere hujusmodi affectio temperetur, & ad regulam divini amoris, quoad fieri possit, accommodetur.

Unum B. Ignatii in operibus prædictis familiare principium

Alterum principium

7 Aliud principium est, supposita prædicta intentione habere animum indifferentem circa media, nam sæpe erratur in electione medii, etiam si intentio bona sit, propter indispositionem subjecti proveniente ex aliqua alia affectione, quæ in causa est, ut id, quod eligitur ut medium, non ut pure medium moveatur, sed secundum aliam rationem, quæ inefficacem reddit, vel diminuit alteram intentionem. Et ad hoc tendunt alia documenta, quæ ibi dantur de moderatione in quærenda propria commoditate, quæ valde necessaria est, ut animum relinquat liberum ad elemosynas faciendas. Quæ doctrina, si ad alias materias cum proportionem accommodetur, utilissima erit ad eas non solum honeste, sed etiam perfecte exercendas: & hæc de prima parte tituli.

De usu Exercitiorum.

8 Quod ad secundam tituli partem attinet, duplex est in Societate horum exercitiorum usus: unus pro ipsismet religiosis Societatis, quem passivum vocare possumus; alius est activus pro externis proximis, quibus per sacerdotes Societatis hæc exercitia tribuuntur ad vitæ emendationem, vel profectum. Prior usus incipit in nostris religiosis, a primo ingressu in Societatem, nam opus horum exercitiorum in prima probatione purgati incipiunt, & in discursu Novitiatus iterum atque iterum ea repetunt, partim, ut magis probentur, præcipue vero, ut in spiritualibus rebus amplius instruantur, & exerceantur, ut supra lib. 2. cap. 5. num. 5. tractando de probationibus declaravi. Durat præterea hic usus toto tempore vitæ: idque dupliciter, primo per quotidianam meditationem, orationem, & conscientię examinationem, de quibus etiam jam lib. 8. cap. 1. & aliis locis diximus. Secundo, semel, aut bis in anno, ut ibidem vidimus, sese per aliquot dies colligendo, ut relictis studiis vel aliis occupationibus externis, in his, vel similibus meditationibus exerceantur, & soli vitæ contemplativæ attendant: quod huic instituto valde est opportunum, ac fere necessarium, & in exemplo Christi fundatum. Nec fuit a D. Thom. prætermisum, qui (ut etiam lib. 6. cap. 2. num. 5. retuli) in 2. 2. qu. 188. art. 8. cum dixisset solitudinem non esse congruentem religionibus, quæ sunt ordinatæ ad opera vitæ activæ, addit: *Nisi forte ad tempus exemplo Christi, qui, (ut dicitur Luc. 6.) exiit in montem solus orare, & erat pernoctans in oratione Dei.* Quod exemplum magis ad quotidianam solitudinem, seu separationem pro aliquo tempore contemplationi præstando, referendum videtur. De quo etiam loqui videtur Joannes cap. 18. cum ait: *Sciebat autem Judas, qui tradebat eum, locum, quia frequenter Jesus convenerat illic eum discipulis suis;* scilicet ad orandum in horto separato.

Hic usus in Societate partim quotidianus est

Partim annuus.

Annui usus exemplum in Christo & antiquis monachis

9 De alia vero diuturniori separatione per aliquot dies, habemus in Christo Domino exemplum in separatione quadraginta dierum in desertum, ut cum eodem D. Thom. latius explicavi in 2. tomo 3. part. disput. 29. section. 2. Optimum etiam exemplum est antiquorum Monachorum, quod supra adnotavimus ex D. Augustino lib. de opere Monachorum c. 23. ubi de quibusdam Monachis, ait: *Per multos dies a conspectu hominum separatos, & nulli ad se præbentes accessum includunt se-*

ipso viventes in magna intentione orationis. Subditque inferius: *Et horum quidem exercitationem in tam mirabili continentia quandoquidem habent otium quo hac agant, seque imitandos non superba elatione, sed misericordis sanctitate proponunt, non solum non reprehendo, sed quantum dignum est laudare non possum.* Unde constat consuetudinem hanc, non tantum pro tyronibus, vel proficientibus utilem esse, sed etiam pro viris perfectis, tum quia fieri non potest, quin externis actionibus, & occupationibus interior devotio remittatur, quæ per hanc exercitiorum vicissitudinem compensatur; tum etiam, quia hoc opus per se est valde appetibile & perfectum, & ideo cum fieri possit absque impedimento aliarum actionum proximis necessariorum prætermittendum non est.

10 Alter usus exercitiorum circa externos præcipue sæculares & rudes spiritualium rerum aliquibus probari non videtur. Ad hoc enim videtur alluisse modernus ille, cujus meminimus in lib. 1. cap. 7. num. 2. in fine, qui exponens Psalmum 118. statim in versiculo 2. adnotat primum versum illius Psalmi: *Beati immaculati in via, qui ambulant in lege Domini,* pertinere ad vitam activam; secundum autem: *Beati, qui scrutantur testimonia ejus, in toto corde exquirunt eum,* ad vitam contemplativam: *Quia exercitia (inquit) vitæ activæ præcedere debent, priusquam ad contemplationem quisquam erigatur, juxta doctrinam Gregorii homil. 4. in Ezechielem, & li. 6. Moralium cap. 17.* Et subiungit: *Quæ consulto tam longe recensuimus, ut sciant nonnulli non adeo facilem, & scitam esse viam ad contemplationis fastigium, sicut ipsi faciunt, qui homines perditissimos illecebris, & cæteris mundi, carni, & spurcitii & diaboli dolis, & inquietudinibus deditos per exercitium octo, aut quindecim dierum ad contemplationis culmen eos jam evolasse autumant, vixque pedem a mundo avertunt, & jam ultimum apicem perfectionis attingisse affirmant.* Hæc ibi.

Usus exercitiorum circa externos quidam reprehendunt.

11 Quod si qui sunt, qui de comparata perfectione leviter gloriantur, non illa solum, sed multo majori reprehensione digni sunt. Si quis etiam ita opinatur de exercitiis octo, aut quindecim dierum, ut in eis non solum ad fastigium contemplationis ascendi, verum etiam in eis perfecte purgari, aut illuminari, vel exercitium meditandi satis se jam comparasse opinetur, turpissime, & pueriliter errat; quia non solum perfecta unio cum Deo, sed etiam mediocris perfectio orationis aut meditationis diuturno tempore, & multo usu indiget, prærequiritque longam exercitationem, in vitiis extirpandis, & virtutibus acquirendis, ut per se satis notum est, & tradit D. Thom. 2. 2. quæst. 180. art. 2. & in superioribus etiam diximus lib. 2. cap. 4. & lib. 6. cap. 1.

Quo sensu hac reprehensio locum habere possit

12 Si autem reprehendatur usus exercitiorum in iis, qui male vixerunt, & desiderant converti ad Deum per veram poenitentiam, vel quemcunque alium statum melioris vitæ, si a Deo vocentur, sine causa, ac proinde temere, datur reprehensio, cum res per se sit sancta, & valde laudabilis, & a summis Pontificibus Paulo III. in dicta Bulla valde commendatur. Et præterea idem Paul. III. & Julius III. in Bullis, quibus confirmant Societatis institutum, & Gregorius XIII. in constitut. *Ascendente Domino*, inter alia media, quibus Societas utitur ad animarum profectum, specialiter numerant *spiritualia exercitia*; constat autem eos loqui de exercitiis & usu eorum, prout sciebant esse in Societate, & prout in ejus constitutionibus, & in ipsomet exercitiorum libro continentur. Nam 4. p. Constit. cap. 8. §. 5. sic dicitur: *Ad exercitia spiritualia aliis tradenda, postquam quisque in se ea fuerit expertus, assuescant, & dent operam omnes, ut eorum reddere rationem & in hoc armorum spiritualium genere tractando, (quod Dei gratia ad ipsius obsequium tantopere conferre cernitur) dexteritatem habere possint.* Et in annotationibus, quæ in principio exercitiorum habentur, hoc ipsum supponitur. Et in 9. earum expresse dicitur, dari posse etiam rerum spiritualium inexpertis. Præterea effectus hujus medii, de quibus late Orlandinus lib. 2. historię Socier. n. 70. & lib. 7. nu. 21. evidenter convincunt illud de se esse optimum, & aptissimum pro cujuscunque status hominibus; experientia enim constat, multos per hoc medium seculo renunciaisse, alios in suo statu mores correxisse, vel de peccatis poenitentiam agentes, & vitam bonam instituentes, vel in bo-

Quo sensu temeraria sit, ostenditur auctoritate.

no statu jam constituti in melius proficientes.

13 Ratio etiam hoc convincit, quia hæc exercitia ordinantur in primis ad impetrandam gratiam a Deo ad hujusmodi effectus: deinde ad se disponendum, & tollendum, quoad fieri possit, impedimenta divinæ gratiæ, sed potius ad cooperandū illi. Modus autem, quo ad hunc finem, convenientissimus est: nam in primis separant hominem ab aliis curis & sollicitudinibus, & propterea consulunt, ut pro eo tempore aliquis locus separatus eligatur, quod ad prædictum finem maxime necessarium est, ut ex sacra Scriptura, & ex Patribus constat. Deinde docetur homo interius discurrere, & cogitare de rebus ad salutem animæ maxime pertinentibus, ut sunt novissima, quorum recordatio tam utilis est, ut sapiens vitam innocentem promittat habenti memoriam illorum in omnibus operibus suis, Eccles. 7. Item verba, & exempla Christi Domini, in quorum imitatione, & obedientia salus nostra consistit. Denique per hoc medium comparatur pax, & quies animi, & lumen internum, & cognitio ad bonam gubernationem vitæ in quocumque statu.

14 Præterea, quod incipientibus datur, non est contra ordinem, quem Sancti requirunt inter vitam activam, & contemplativam. Primo quidem, quia ut in superioribus lib. 1. c. 6. attigi, quamvis vita, in qua Martha potissimum exercetur, antecedere debeat puram contemplationem; nunquam tamen debet carere aliqua participatione vitæ contemplativæ; quia actio sine oratione, vel non recte, vel non perseveranter fiet. Imo si exacte comparentur hæc vitæ quoad sua initia, primus gressus vitæ honestæ debet esse vitæ contemplativæ, quia initium salutis a sancta cogitatione sumitur, ut sæpe Augustinus docet, lateque disseruimus lib. 1. de Gratia: cogitatio autem sancta secundum se ad contemplationem pertinet. Ad hanc autem cogitationem, & recitationem in homine excitanda, & nutrienda ordinatur hæc exercitia; ergo non pervertitur ordo, eo quod in initio conversionis dantur, vel etiam ad ipsam conversionem, etiam a magnis peccatis obtinendam. Secundo, quia ipsæ exercitia, quæ in principio dantur, involvunt eam partem vitæ activæ quæ in principio studiosæ vitæ maxime necessaria est, scilicet, poenitentiam internam, & externam superioris vitæ, & passionum mortificationem, & alia, quæ ad primam hebdomadam pertinent, ut in superioribus vidimus c. 6. a. n. 5. & idem consequenter servatur in cæteris exercitiis. Nam, ut adnotavimus n. 1. licet aliquibus temporibus intensius, & frequentius fiant, non ideo est, ut tota perfectio alicujus gradus contemplationis vel meditationis in illis diebus acquiratur, sed ut inde initium sumatur, cum majori aliqua instructione, & consuetudine, quæ postea cum moderatione statui accommodata perseveret. Tertio, quia hæc exercitia non æqualiter, & indifferenter omnibus dantur, ut nostræ constitutiones admonent, 7. p. cap. 4. §. 8. cum declaratione in lit. F. ubi dicitur spiritualia exercitia paucis esse plene tradenda, a quibus non vulgaris fructus ad Dei gloriam sperari posset; exercitia autem primæ hebdomadæ, cum modo examinandæ conscientiæ pluribus communicari posse, simpliciorum autem orandi modum etiam in ipsis exercitiis triplicem assignari pro rudioribus, quibus bona voluntas, & fides sufficit, ut ad illum idonei sint. Atque ita licet exercitia deserviant omnibus, non omnes fiunt contemplativi, neque ad fastigium orationis elevandi existimantur; quia non omnia pro omnibus instituta sunt, sed cum debita partitione ac distributione, ut in ipsis etiam exercitiis in principio annotat. 18. sufficienter docetur.

15 Unde intelligitur hæc exercitia nec solis religiosi, nec solis laici, sed utrisque posse esse utilia. De religiosi constat, quia officium meditandi ratione status eis convenit: pro laici vero facit interrogatio Basilii 312. in regulis brevioribus: Numquid visitantes nos laici ad orationem exhortandi sint? Respondet: Si sunt amici Dei, haud abs re est, cum ad eos Apostolus scripserit. Orate & pro me, &c. ad Ephes. 6. Itaque officium orandi omnibus commune est. Unde licet unus ex præcipuis finibus exercitiorum sit electio melioris status, non contendunt, ut omnes eligant religiosum statum, tum quia licet status ille secundum se melior sit, aliquando non

expedit respectu eligentis: unusquisque autem debet eligere id, quod sibi melius est. Tum etiam quia non omnes habent hujus vocationis gratiam, & tunc profunde ad eligendum vel alium statum, vel certum vivendi modum suæ saluti magis accommodatum. Et ideo licet religiosus jam non debeat de statu deliberare, potest merito exerceri, ut in suo statu eligat optimum procedendi modum; vel si de illo jam antea satis deliberavit ac proposuit, ut propositum renovet, & impedimenta denuo consideret, ut ea diligentius auferat. Ac denique, ut in actibus per se maxime consentaneis suo statui in dies proficiat: seculares autem etiam si in seculo permansuri sint, indigent etiam hoc auxilio, ut adversus pericula, in quibus versantur, magis sint præparati, majoremque gratiam a Deo obtineant. Denique magnis etiam peccatoribus dandum est hoc remedium, non ut subito perfecti fiant, sed potius quia non modo perfici, verum etiam a priori statu mutari eis valde difficile est, ideoque his efficacissimis remediis indigent. Merito ergo Societas, quæ ad omnes homines juvandos instituta est, pro omnibus hoc remedium accommodavit.

C A P U T VIII.

Utrum debeant religiosi Societatis cum proximis familiariter conversari ad illos juvandos.

1 **R**atio difficultatis est, quia hujusmodi colloquia cum secularibus multum impediunt perfectionis profectum, quem religiosi maxime debent intendere. Assumptum experientia constat, & valde commendatur a Patribus institutoribus religionum, ut videre licet apud Basilium regul. 5. & 13. ex fufius disputatis, ubi inter alia dicit: *Nisi ab ea nos, quæ ex sanguinis necessitudine nobiscum intercedit, conjunctione omnino alienaverimus, & a familiari congressu secularium, ac mentis habitu in alium veluti mandum transmigraverimus, nullo modo scopum animi attingemus.* Et in præfatione illarum regularum, & duobus sermonibus præcedentibus, & latius in constit. monast. cap. 7. Danda (inquit) omnino nobis opera est, ut non nisi magna adhibita diligentia circumspeditioneque in congressu cum hominibus extraneis veniamus, &c. Et confirmatur, nam ex hujusmodi familiaritate cum secularibus plerumque sequitur, ut & eos visitare, & ab eis invicem visitari plerumque necesse sit; utrumque autem est contra religiosorum clausuram, quam omnes Patres commendant. Tandem confirmatur, quia hinc etiam fit, ut nostri religiosi sæpe se implicent negotiis secularibus contra Pauli præceptum: *Nemo militans Deo implicat se negotiis secularibus.*

2 Dicendum nihilominus est primo, medium hoc familiariter conversandi cum proximis ex suo genere non esse alienum ab statu perfectionis, & juxta proprium Societatis institutum esse illi maxime conveniens. Utramque partem certam existimo. Prior constat exemplo Christi Domini, qui vitam ita instituit, ut cum hominibus conversaretur, & cum eis manducaret, & biberet, ut ex Evangelio constat, cum tamen non solum perfectionem servaverit, sed etiam perfectissimum vitæ statum coluerit, ut latius in 2. tom. 3. p. disp. 28. sect. 1. & 2. diximus. Idem ostendit exemplum Apostolorum, quos statum religiosum & perfectionis habuisse supra ostendimus tom. præced. & supra lib. 1. c. 5. n. 6. & tamen constat, inter homines familiariter conversatos fuisse, & omnibus omnia factos, ut omnes lucrifacerent. Unde Concilium Mogunt. sub Leone III. c. 14. cum dixisset, *Ministri altaris Domini, vel Monachi a negotiis secularibus omnino abstineant*, subdit; *non tamen justum negotium est contradicendum propter necessitates diversas, quia legimus sanctos Apostolos negotiasse.* Sic ergo nos in negotiatione Apostolorum circa animarum salutem, recte colligimus non esse contra religiosum statum eo sine cum proximis conversari ex vi instituti.

3 Confirmatur, quia antiqui Monachi, etiam si solitariam vitam profiterentur, quando proximis expediebat, solitudinem deferabant, ut inter proximis versarentur, ita legitur in vita D. Antonii apud Athanasium, & Surium, & Sozomenum l. 1. historiæ c. 13. ubi dicit Antonium hominum gratia solitum fuisse civitates ingredi.

Accedit ratio,

Nihil est stare obiecta in n. 10. convincitur tripliciter

Exercitia religiosi utilia & quomodo.

Utilitas etiam secularibus ac magnis peccatoribus.

Ratio pro parte neg

1. assertio bipartita.

Probatur prior pars

di. Multi etiam (inquit) graviter apud eum conquesti coegerunt illum legationem pro se ad magistratus, & primarios viros obire. Et Theod. l. 4. histor. c. 24. & 25. Relicta solitudine totam illam circuibat civitatem, id est, Alexandriam, quo omnes doceret; quod de multis aliis ibi, & c. 16. refert. Idem habet Cassiodorus li. 8. Tripartit. c. 4. & 5. Et Basilii in regulis brevioribus in 311. querit, an conveniat monachos ire ad visitandum alios, respondet: omnino visitandi officium unum est ex iis, quae grata sunt Deo, verumtamen qui eo fungitur, is & ad intelligendum esse sagax debet, & ad respondendum prudens, & illud facere, quod dictum est, sit sermo vester semper in gratia sale conditus, & sciatis, quomodo oporteat vos unicuique respondere, ad Coloss. 4. & regula 312. & 313. docet quomodo excipiendae sint visitationes secularium ad religiosos venientium. Signum est ergo etiam solitarios monachos non omnino hanc conversationem repudiasse.

4 Ratio autem est, quam tangit D. Th. 2. 2. q. 187. ar. 2. ubi inquit, an liceat religiosi secularia negotia tractare, & respondet ob necessitatem proximorum id licere, quia tunc potest dici negotiatio secularis, sed actio religiosa, juxta illud Jacob. 1. Religio munda, & immaculata apud Deum & Patrem hac est, visitare pupillos, & viduas in tribulatione eorum. Si ergo hoc verum est de negotiatione materialiter (ut sic dicam) seculari, quando habet rationem operis misericordiae corporalis, multo magis verum erit de exteriori, & humana conversatione per mutua colloquia, & visitationes, si sancte & religiose fiant propter bonum spirituale proximi. Atque ita hoc ipsum confirmat decretum Melchiadis Papae cum synodo Romana, quod habetur c. 1. d. 88. Decrevit sancta synodus nullum deinceps clericum, aut possessiones conducere, aut negotiis secularibus se miscere, nisi propter curam pupillorum, orphanorum, & viduarum. Sic etiam induci potest, quod ex citato Concilio Moguntino paulo ante adduximus, ubi etiam assertur, quod in regula S. Benedicti praecipitur providere, per quorum manus negotium monasterii transeat. Simile habetur in Concilio Chalcedonensi, c. 3. & in c. 2. d. 86.

5 Ex his facile probatur altera pars assertionis, in qua supponitur id, quod supra li. 1. c. 2. late tractatum est, finem Societatis esse non solum propriam, sed etiam proximorum saluti maxime incumbere, ita ut hic finis non sepatetur a primario, & adaequato fine hujus religionis. Ad hunc autem finem valde accommodatum, & moraliter necessarium medium esse cum proximis familiariter tractare, & conversari per se evidens est, & experientia id docet. Ratio autem est, quia in primis ad perfecte tractandum confessoris munus, necessarium saepe est cum poenitentibus, etiam extra confessionem, familiariter agere, vel propter majorem eorum instructionem, aut spirituales consolationem, vel ad conservandos illos in usu frequenter confitendi, & in bonis operibus, quae ex illo nascuntur. Deinde, quia generales sermones, seu conciones, licet pro communitate necessariae sint, nisi calore familiaris conversationis sancte foveantur, & quasi digerantur, facile oblivioni traduntur; praeterquam quod necessarium saepe est illa generalitate descendere ad modum, & mensuram, ac particulares circumstantias unicuique accommodatas, quod maxime fieri debet in colloquiis privatis. Denique, quia seculares homines plerumque animales sunt potius quam spirituales, necesse est aliquantulum eis condescendere, & honesta conversatione familiari eos lucrari, & attrahere, ut ad sermones spirituales paulatim inclinentur. Quamvis enim interdum sermones indifferentes misceantur, si hac intentione accipiantur, vel potius tolerantur, non erunt otiosi, sed utiles, ac religiosi. His ergo rationibus Societas hoc medio tanquam sibi convenienti utitur ad proximorum salutem.

6 Quod his verbis monuit B. P. N. Ignatius 7. p. Constit. c. 4. §. 8. Curabunt etiam privatim proximum piis colloquiis ad meliora promovere, tum consilio, & exhortatione ad bona opera, ubi cum operariis generaliter loquitur. Ad scholares vero in particulari sic loquitur 4. p. Constit. c. 4. in fine his verbis: Horum colloquia cum scholasticis externis sint solum de rebus ad literas, vel profectum spiritibus pertinentibus, prout ad majorem Deigloriam omnibus utilius fore judicaverint. Quin potius etiam de coadiutoribus temporalibus, cum in examine c.

6 §. 3. dixisset eos praecipue in corporalibus ministeriis debere occupari, subdit §. 4. Et nihilominus eniti debent in colloquiis spiritualibus ad majorem utilitatem spiritualem proximorum aliquid conferre, & quod noverrint docere, & ad bene agendum quoscunque poterunt, quandoquidem Deus unicuique proximi sui curam dedit, excitare.

7 Secundo dicendum est, ut hoc medium, tam religioni in genere, quam nostrae Societati, sit accommodatum, duo observanda esse. Unum est, ut recta intentione, id est, propter solam necessitatem, vel piam utilitatem assumatur. Aliud est, ut magna moderatione & circumspectione fiat. Utrumque facile suaderi potest, quia in omni honesta actione, haec duo cum proportionem applicata sunt necessaria ad rectitudinem ejus, peculiari autem ratione hic observantur, quia actio non solum de se est indifferens, sed etiam nocuum facile afferre potest, nisi magna diligentia circa illa duo observanda adhibeatur. Unde hanc etiam assertionem probant rationes dubitandi in principio posita. Tandem singulae partes ita declarantur, quia in omnibus Patribus, & juribus citatis, sub hac tantum conditione permittitur religiosi quodcumque negotiumulare, ut ex intentione fiat opus charitatis, vel misericordiae, quia alias si seculare maneat, per se non licet; at vero amicitia, vel conversatio cum secularibus per se spectata pertinet ad secularia negotia, nisi ex fine ad altiorum ordinem sublevetur; ergo haec conditio in primis necessaria est. Unde D. Basilii dicta regula 311. ex brevioribus post verba supra citata subdit: Illud autem quempiam visere, vel consanguinitatis, vel amicitiae causa alienum est a nostra professione. Ubi duo motiva posuit, quae inter mere humana videri poterant honestissima, & nihilominus aliud altius postulat, ut talis actus religioso statui sit consentaneus. Idemque sentit D. Th. dicto art. 2. ubi intentionem charitatis, vel religionis postulat.

8 Ubi adverto non esse idem, actionem esse honestam, vel non malam moraliter, & esse per se convenientem, ac decentem statui religioso. Ad primum enim sufficere potest in praesenti actione motivum cognationis, vel amicitiae humanae recta ratione naturali regulatum. Ad secundum autem altius motivum necessarium est, quia status religionis ordinatus est ad perfectionem charitatis Dei principaliter, & proximi secundario, ideoque actiones illi statui consentaneae esse debent; aut ex vi sui objecti tendentes in hujusmodi finem, aut ex intentione operantis ad illum elevari. Et propterea Basilii non dixit esse malum visitare cognatos, vel amicos hoc solo titulo, sed dixit esse alienum a religioso statu. In quo etiam considerandum est plus requiri in opere, quatenus a religione ex vi sui instituti postulatur, quam ut fieri potest a singulis religiosi privata intentione; nam religio non debet postulare opus nisi prout ordinatum ad finem perfectionis, maxime quando ipsum opus de se spectatum potius potest remittere, vel impedire fervorem charitatis, quam ad illum juvare: privatus autem religiosus interdum poterit tale opus efficere, ex inferiori, & humano motivo, in quo non necessario peccabit, quamvis imperfecte juxta suum statum operetur. In praesenti ergo familiaris conversatio cum secularibus, etiam amicis, & consanguineis, per se spectata non juvat ad spirituales perfectionem, & ideo ex vi instituti non postulat, nisi ut ordinata ad proprium finem Societatis. Si qui autem particulares religiosi alio fine in hujusmodi colloquiis, aut visitationibus infirmorum conversantur, imperfecte agunt, & constitutiones suas integre non observant.

9 Nam 6. p. Constit. c. 2. §. 9. inter alia dicitur: Primarios viros invisere nostri non consuecant, nisi sancto studio piorum operum ducerentur, vel quando intima benevolentia in Domino tam essent conjuncti, ut hujusmodi officium aliquoties eis debere videretur. Quod si hoc de primariis viris dicitur, multo magis cum ceteris omnibus servandum est. Nam de consanguineis statim a principio in examine c. 4. §. 7. admonetur religiosus Societatis, ut omnem carnis affectum erga sanguine junctos evulset, ac illum in spirituales convertat, eosque diligat, solum amore, quem ordinata charitas exigit. Et in §. 6. sic dicitur: Cum communicatio, quae cum amicis, & sanguine junctis verbo, aut scripto fit, potius ad quietis periculum.

2. Assertio bimembra.

Probat utrumque simul membrum.

Probat unde deinde prius membrum singulatim.

Enucleatur probatio orationis factae.

Quam sit consonum Societatis instituti huic membrum assertio.

B. Ignatius suis injungit hoc medium attrahendi proximos

bationem, quam ad eorum, qui spiritui vacant, profectum, praesertim in initiis, facere soleat; interrogentur, num contenti sint cum huiusmodi non communicare, nec literas accipere, vel scribere, nisi aliqua occasione superiori aliter videretur. Denique 7. p. Constit. cap. 4. §. solum pia colloquia cum proximis commendantur, quibus possint ad meliora promoveri; quin etiam domesticum a domestico separandum, si alter ex alterius consortio a profectu spirituali retardaretur, ut in 3. p. c. 1. & lit. A. expresse caveretur.

10 Ex his facile demonstratur altera pars de moderatione in huiusmodi familiaritate proximorum adhibenda, sub qua comprehendimus colloquia, visitationes mutuas, & quamcunque aliam negotiationem, vel curam exteriorem, vel temporalem propter proximos susceptam. Nam quia hoc totum non propter se admittitur, sed propter aliud, ut diximus, non sine mensura accipiendum est, sed quantum finis declaratus postulat, & quidquid ultra additur non est consentaneum religioso statui, quantumvis ad proximorum salutem sit ordinatum: unde in cap. 6. industriarum P. Claudius Aquaviva superiores instruit de moderandis subditis nimium agentibus cum externis, & in capite 15. peculiariter caveret, ne nostri in magnatum familiaritatem specie lucrandi eos Deo, & Societati conciliandi sese insinuent. Duo autem in praedicto fine spectanda sunt; unum est ad Deum pertinens, seu (quod idem est) ad proprium profectum in dilectione ejus. Aliud est pertinens ad bonum proximorum. Moderatio ergo in huiusmodi actione duo requirit; unum est, ne cum detrimento propriae perfectionis, & divinae dilectionis religiosus cum secularibus converteretur; aliud est, ut cum fructu spirituali proximorum id faciat. Ratio prioris partis est, quia ordine charitatis praerendus est Deus proximo, & proprius profectus spiritualis alieno, ut disputat. 9. de charit. dixi; de quo recte Bernardus epistola 8. *Rectus ordo requirit, ut prius propriam, deinde alienam curare studeas conscientiam. Primus quippe pietatis gradus, de quo scriptum est, Miserebere animae tuae placens Deo. Ex hoc autem ad miserandum proximum recto jam tramite charitas ordinata procedit, quippe quem ad sui quisque mensuram amare praecipitur.* Vide illum epistola 42. circa medium, & lib. 2. de considerat. c. 3. fer. 18. in Cant. ab illis verbis: *Rursum quod tuum est spargis & perdis.* Et optime August. epist. 81. Ratio alterius partis est, quia nisi medium sit utile ad finem, otiosum est; ergo in praesenti si non speretur fructus proximorum, otiosa est omnis cum illo confabulatio, quae ad aliud religionis negotium necessaria non sit; de illa enim nunc non agimus.

11 Ad priorem partem huius moderationis pertinet in primis, ut haec conversatio cum proximis nimia non sit, quia haec non potest non impedire proprium spirituale profectum; perit autem nimia juxta doctrinam D. Thom. dicto artic. 2. Primo si praeter obedientiam praelati fiat; secundo si impediatur spiritualia exercitia, & opera divini cultus, quae religiosus juxta regulam suam implere tenetur; tertio denique si religiosum animum ita occupent, ac distrahant, ut quodammodo secularem reddant. Et quidem quoad duo priora, regula moderationis facilis est, quia regula certos habet limites, & voluntas superioris potest etiam esse sufficienter nota. In tertio vero est major difficultas, quia medium non est idem in omnibus, sed uniuscujusque conditioni, & naturae accommodari necesse est. Qui autem in duobus primis fidelis fuerit religioni, & rectam erga Deum intentionem servaverit, sperare potest divinum auxilium, ut in tertio non deficiat, sed medium observeat. Optimum autem consilium, & in Societate maxime necessarium est propriam in hoc fragilitatem & conditionem, quoad fieri possit, superiori notam facere, ne fortasse quempiam applicet ad negotia, quibus implicetur, vel oneret illum tot actionibus erga proximos, ut sine proprio spirituali dispendio eos sustinere non possit.

12 Deinde pertinet ad eandem moderationem, ut actio, quae propter proximum assumitur, sit decens, ac conveniens statui religioso, ut notavit Cajet. circa dictum art. 2. D. Th. quia bonum religionis praerendum est particulari, & hac ratione non debet religiosus mer-

caturam agere, aut similibus negotiationibus implicari, ut proximo subveniat, etiam si inde spirituale fructum speret. Dices, interdum in historiis legi sanctos viros quidpiam simile egisse, ut proximis in spiritualibus subvenirent. Sic Theodoretus in historia sanctorum Patrum c. 17. de Abrahamo monacho, & postea Episcopo, quem admirabilem vocat, refert, cum didicisset virum quendam teneri magna impietatis caligine, mercatoris personam induisse, ut illum posset ad pietatem convertere. Respondetur aliud esse mercaturam exercere propter lucrum temporale, quo subveniatur proximis, quod negamus esse faciendum; aliud vero habitum mercatoris sumere, vel officium fingere, ut aditus ad praedicandam fidem, vel aliud simile pietatis opus inveniantur; quod fecit ille sanctus, & non minori admiratione B. Franciscus Xavier, qui non mercatorem tantum, sed famulum mercatorum infidelium cum magno labore, & dimissione, se exhibuit, ut introitum ad Sinas invenire posset. Et eodem modo licitum est inter haereticos habitu militari, vel alio seculari incedere, vel se negotiorum simulare, propter eundem finem conversandi cum catholicis occultis, fidemque inter eos conservandi, vel augendi, quod nostri alicubi faciunt, quia ibi nec mendacium intervenit, sed occulatio, neque aliquid minus decent religiosum statum, cum constet, quo fine, & qua necessitate id fiat. Sic Bernard. epist. 42. aliquanto ante medium, inter alia ad hoc institutum de eo, qui proximum vult lucrificare, scribit: *Fiat etiam (si ita oporteat) cum Judaeis Judaeus, nihil formidet cum bona conscientia exemplo Hieremiae, & Ezechielis cum transgressoribus captivari, & cum sancto Job frater fieri draconum, & socius struthionum, cum Moyse quoque (quod gravius est) deleri de libro Dei, & cum Paulo anathema esse a Christo pro fratribus, &c.* Item objici potest, quod olim religiosi artis opera faciebant, ut illis venditis, ex pretio proximis subvenirent. Sed illa non potest dici negotiatio secularis, nam licet emere ad vendendum, indeque lucrandum, sit negotiatio secularis prohibita religioso, de qua intelligendus est Cajet. supra: tamen laborare propriis manibus non est negotiatio secularis specificae, (ut sic dicam) sed communis, sicut late in superioribus diximus, vel sicut Gregorius statim citandus de piscatura dixit. Et similiter vendere res proprias ad subveniendum sibi, vel proximo, non est proprie negotiatio, sed res indifferens & communis. Unde utrumque conjungere (quod faciebant religiosi antiqui) non est negotiationem exercere.

13 Quod si quaeras, quando actio talis censenda sit, ut non deceat religiosum etiam propter bonum proximi. Respondetur duo esse principia, quibus discerni possit. Primum si sit prohibita vel ex se, quia per se est mala, vel jure communi, quia scilicet prohibita est clericis, quibus in hoc pares sunt religiosi, ut D. Th. dicto artic. 2. dixit, vel si proprio, & speciali jure religionis prohibeatur, quia religiosus tenetur regulam suam servare; non loquimur enim de casibus extremae necessitatis, sed de ordinario jure. Aliud principium est, si opus de se tale est, ut vix possit sine periculo peccati fieri, ut dixit Gregor. homil. 24. in Evangelia. Idemque cum proportionem est, si opus nimium occupet animum cura, & solitudine rerum temporalium. Quia vero in hoc potest esse magna latitudo, ideo seclusa lege, vel obedientia Praelati, non potest certa regula praescribi, sed prudenti arbitrio utendum est, & multo observanda est consuetudo Observantium, & timoratorum religiosorum, & communis sensus recte sentientium, & judicantium tale opus esse, vel non esse alienum a statu religioso.

14 Atque haec omnia fere praescripta sunt religiosi Societatis in suis constitutionibus. Nam 7. p. cap. 4. fere omnia praescribuntur, & in quarta instructione P. Claudii pro confessoribus numer. 3. repetuntur, quibus nostri proximis juvare debent: quae omnia sunt pietatis opera, & ab omni negotiatione seculari aliena. Sexta vero parte cap. 3. §. 7. expressius id prohibetur his verbis: *Ut plenius possit Societas rebus spiritualibus juxta suum institutum vacare, quoad ejus fieri potest a negotiis secularibus abstineat, qualia sunt testamentariorum vel executorum, vel procuratorum rerum civilium, aut id genus officia, nec ea ullis precibus adducti obeunda suscipiant, vel*

Probatur membrum posterius ejusdem assertionis.

Duo requirita ad moderandam non convertendi cum proximis.

Cavenda cum proximis triplex nimietas.

Cavenda etiam in decens occupatio cum proximis.

Vide Luc. cenam li. 10. c. 26.

Quibus regulis dignoscatur dicta indecentia

Data cautiones ex instituto Societatis habentur

vel in illis se occupare sinant. Et 9. part. capit. 6. §. 4. ubi dicta constitutio refertur, additur eos, qui de Societate sunt, implicari non debere his negotiis secularibus, licet pia aliqui essent; in his tamen admitti potest aliquando dispensatio ex gravissimis causis, quæ soli Generali, vel alteri ex speciali commissione ejus ibidem reservatur. Et sic etiam dicitur in regula 41. ex communibus, ut negotium etiam pium sine facultate superioris nec suscipiatur, nec promittatur: secularia autem negotia omnino vitentur. Denique circa hanc moderationem maxime observandum est, quod in 6. p. Constit. c. 3. in fine dicitur: *Institui nostri est, sine cuiusquam offensione, quantum fieri potest, omnium in Domino inservire commodis.*

Modera-
tio expli-
cata pro-
cedit ma-
xime cir-
ca fœmi-
nas.

1. Ratio
cur mo-
nialium
curam non
habeat
Societas.

15 Præterea ad moderationem circa hoc ministrium in Societate necessarium pertinet, ut major cura adhibeatur in eo circa fœminas exercendo cum pluribus circumstantiis. Et primo quidem ob hanc causam præter illam potissimam, quam l. 1. c. 3. ad finem attulimus, voluit D. Ignatius, ut Societas monialium curam non susciperet, 6. p. Constit. c. 3. §. 5. ubi generaliter prohibet, ne nostri curam animarum suscipiant: *Neque item (ait) mulierum religiosarum, vel aliarum quarumcunque, ut ordinarie illarum confessiones audiant, vel ipsas regant, quamvis nihil repugnet semel unius monasterii confessiones ab specialibus causis audire.* Ratio autem hujus institutionis magna ex parte esse potuit ad vitandam frequentem occasionem loquendi cum fœminis, & familiaritatem aliquam contrahendi, quæ occasio multo major est cum fœminis subiectis, quam cum reliquis, propter quod omnes canones, & regulæ religiosorum advertunt, ut earum gubernatio cum summa vigilantia, & cautione, suscipiatur, ut in superioribus tr. 8. tractando de monialibus, & clausura earum adverti. Nihilominus tamen ratio, quam adducit B. Ignatius in dicta constit. sumitur ex prædicta moderatione Societati necessaria in suscipiendis quibuscumque negotiis seu curis exterioribus, quæ præcipue ejus finem possunt impedire. Dices: finis Societatis est omnes proximis in spiritualibus juvare. Hæc autem cura monialium ad eundem finem ordinatur: cur ergo censetur impedire finem Societatis? Respondetur etiam, quælibet cura animarum ordinatur ad spirituale salutem earum, & nihilominus non est accommodata fini, & instituto Societatis; non ergo omnes actiones, vel sollicitudines, quæ ordinantur ad auxilium etiam spirituale proximorum, Societati congruunt, tum propter multitudinem earum (non enim posset omnibus satisfacere); tum etiam, quia nonnullæ afferunt secum obligationes, & vincula repugnantia intentioni Societatis; & hujusmodi præcipue est cura animarum, quæ nimium impediret plures operarios Societatis, quos oporteret esse ex fidelioribus, & aptioribus ad discurrendum per totum mundum, ad quem finem ex vi instituti ordinantur. Prætere autem id non posset, si monialium curæ essent alligati.

16 Accedit etiam optima ratio, quia monasteria monialium regi debent per illos religiosos, sub quorum regula vivunt, quorum institutum suo modo observant; non enim Moniales S. Claræ commode prædicatoribus subicerentur, aut e contra; & sic de aliis; institutum autem Societatis ita est proprium virorum, ut non possit fœminis accommodari, quia non ordinatur solum ad contemplandum, nec præcipue ac per se primo ad vitæ austeritatem, neque ad psallendum, neque ad labores manuum, nec denique ad alios fines, qui viris, & fœminis possint esse communes, sed ad spiritualia ministeria, quæ a fœminis fieri non debent, nec possunt, ad quem finem habet regulam, & vivendi modum accommodatum. Ac propterea non possunt commode institui monasteria fœminarum, quæ sub regula Societatis vivant, sed necesse est, ut habeant modum vivendi valde diversum: merito ergo abstinet Societas a gubernatione, & cura monialium.

Imo nec
secularium
fœminarum
curam sus-
cipiit So-
cietas.

17 Imo si quis recte consideret verba citatæ constitutionis, non tantum religiosarum, sed quarumcunque fœminarum cura nobis interdicta est, sicut etiam in 7. Congreg. decreto, 6. tandem stabilitum est, quod alicui videri potest contra praxim Societatis; nam sacerdotes ejus frequenter habent curam secularium fœminarum, vel nuptiarum, vel virginum, aut viduarum, quarum

Suarez. Tom. XV.

confessiones ordinarie audiunt, easque in spiritualibus regunt, & sæpe etiam quasi consequenter, etiam in exterioribus, & familiaribus rebus, quatenus cum puritate conscientiæ connexionem aliquam ordinarie habent. Respondetur in primis constitutionem illam proprie intelligi de cura, quæ suscipitur quasi ex officio vel obligatione utriusque, aut alterius partis. Sic enim non potest religiosus Societatis juxta suum institutum constitui tanquam proprius sacerdos quarumcunque fœminarum, etiam si religiosæ non sint, sed alium vivendi modum habeant, ita ut ex officio, & suo modo ex justitia teneatur Societas ministrare illis sacramenta, aut alia divina. Dixi autem, *utriusque, aut alterius partis*, quia non solum non potest hoc modo obligari Societas, verum etiam nec possunt religiosi ejus acceptare obligationem, qua per obedientiæ votum possunt seculares fœminæ interdum obligari. Ita explicatur in regul. 19. sacerdotum, *Particularem personarum (dicitur ibi) præsertim fœminarum, curam nemo suscipiat* (nimirum ultra id, quod necessarium postulat ordinarium confessoris munus) & *quamvis confessorius pro suo munere in vita spirituali penitentem instituat, nullius tamen obedientiam admittat.* Quæ regula, si recte inspicitur, non solum de fœminis, sed etiam de viris loquitur, quamvis principaliter propter fœminas prohibita posita sit, propter majus periculum, quod in hujusmodi vinculis, & obligationibus inter viros, & fœminas esse potest; & inter regulas Minorum aliquid simile invenitur in speculo Minorum 3. p. fol. 115. in quibusdam regulis Guilielmi Farinarii Ministri Generalis cap. 6. ubi prohibet inducere fœminas ad hujusmodi votum emittendum, vel etiam requirere ab eis, vel admittere votum continentiæ; nobis autem non solum inducere, sed etiam acceptare obedientiæ votum tam a viris, quam a fœminis prohibitum est.

18 Præterea pertinet ad hanc moderationem respectu fœminarum, quia non omnibus permittendum est, earum confessiones audire, & consequenter neque ordinarie cum eis colloqui, sed illis, qui fuerint maturioris ætatis, ut dicitur in officio Provincialis c. 12. Quibus etiam confessoribus commendatur, ut ab eis breviter se expediant, neque extra confessionem colloquia miscant, nisi de re aut gravissima, aut multum necessaria, & quod severe potius, quam blande cum eis tractent in regulis 16. & 17. sacerdotum. Denique in ordinationibus totæ Societati communibus c. 1. n. 9. mandatur Provinciali, ut inquirat de fœminarum visitationibus; & latius in instructione pro confessoribus. Quæ omnia per se sunt rationi consentanea, & in antiquis decretis innuata, quæ supra tr. 8. agendo de monialibus adduximus. Fertur etiam sententiam hanc, seu consilium Augustini fuisse: *Sermo brevis, asper, & rigidus, cum fœmine habendus.* Refert Carthusianus in Opusculo de curatorum vita, art. 65. in to. 1. quod tamen neque in vita, neque in scriptis ipsius Augustini invenio, præter id quod de non admittendis intra domum, vel ad solitarium sermonem fœminis, refert Possidonius in vita ejus c. 26. Denique etiam quoad locum circumscriptio magna jubetur, & observatur, quia ordinarie hujusmodi ministerium fieri debet in Ecclesia, & in aliqua parte ejus clara & aperta, ubi ab aliis videri possint, & ipsi inter se non se respiciant, quoad fieri possit. Quod etiam Minoribus præcepit Benedictus XII. in suis constitutionibus c. 25. & Joannes de Capistrano in suis, c. 11. de quibus videri etiam potest Conc. Mediolan. sub Borromæo p. 2. tit. de sacram. pœn. & p. 3. tit. de Concionatoribus, & confessoribus Monialium. Si autem confessio fœminæ in privata domo necessitatis causa facienda sit, vel quolibet alio titulo cum ea sit alloquendum, debet confessorius vel sacerdos Societatis habere locum semper ita præsentens, ut possit esse testis omnium, quæ fiunt, licet non audiat, quæ dicunt ex regula 18. sacerdotum; quia vero interdum locus id non permittit, additur ibi: *Quantum loci dispositio patiatur*; quod si non pateretur, curet omnino sacerdos, ne ostium sit clausum, nec locus obscurus.

Quomodo
id verum
habeat.

Etiam mi-
nisterium
erga fœmi-
nas in So-
cietate ad-
missum
suas peti-
tiones
stantias
Maturam
ætatem.
Brevem
sermonem
sermonem.

Locum
conspi-
cium.

CAPUT IX.

Utrum peculiarem curam adhibere debeat Societas in adjuvandis proximis in periculo mortis.

CUM ministeria, quæ hæcenus tractavimus, generatim omnibus proximis exhiberi debeant, eisque maxime, qui magis indigent, constat illa omnia exercenda cum morientibus esse quantum in nobis fuerit, quia ille est articulus maximæ necessitatis propter multa impedimenta, & pericula, quæ tunc occurrunt, quæ optime recensent Innocentius III. li. 2. de contemptu mundi c. 42. Bernard. I. de interiori domo c. 43. & in meditationibus c. 2. & Hugo de S. Victore lib. 2. de anima c. 2. & nomine Augustini serm. 48. fratres in Eremo. Summa omnium est, quia tunc corpus maxime impedit animam, quia illic capitur tota intentio mentis, ubi est vis doloris; & quia tunc dæmon vehementius tentat, & calcaneo insidiatur, quia tunc exitum vite & consequenter finem vite, instare conspicitur, licet in corporali etiam pretermittere non debeat convenientia charitatis officia, juxta regulam datam 7. p. Const. c. 4 §. 9. & juxta ea, quæ in principio hujus materiæ l. i. c. 6. n. 2. diximus de operibus misericordiae corporalis; quod vero attinet ad spirituale, in 4. p. Const. c. 8. §. 7. sic dicitur: *ut in superius dictis proximi ad bene vivendum juvantur, ita curandum est, ut ea, quæ ad bene moriendum illis conferunt percipiatur, quia; modus in eo tempore, in quo tantum est momenti ad finem ultimum aeternæ salutis consequendum, vel ab eo excidendum, teneri debeat, intelligatur.* Et in regula 40. Præpositi, procuret (dicitur) diligenter, ne desint, qui extra domum, ægrotorum confessiones audire, & morientibus opem ferre possint. Est ergo hoc unum ex ministeriis maxime propriis Societatis, ad quod ex proprio Instituto peculiariter tenetur, ea nimirum obligatione, qua ad cætera opera sui Instituti obligatur.

2. Quod autem hoc opus sit consentaneum religioso statui, sufficienter probatur, quia est maxime consentaneum charitati, & nihil aliud continet repugnans prædicto statui, si in eo debitus modus servetur. Et confirmatur, nam sacra Concilia maxime commendant parochis hoc ministerium, ut videre licet in Concilio Nannetensi c. 4. quod hoc loco ad litteram inseram, quia egregie describit modum in hoc munere servandum. *Cum Sacerdos (inquit) audierit aliquem infirmari in sua plebe, quam citius ad eum pergat, & ingressus cubiculum aquam benedictam super eum, & per omne cubiculum aspergat cum antiphona: Asperges me Domine, & oratione, &c. Et infra post hæc omnes jubeat extra cubiculum secedere, & appropinquans lecto, quo infirmus decumbit, cum leniter, blandeque alloquatur, ut omnem spem suam in Deo ponat flagellum Dei patienter toleret, ut hoc ad purificationem, & castigationem suam provenire credat, ut peccata sua confiteatur, ut emendationem promittat, si Dominus vitam concesserit, penitentiam pro peccatis commissis spondeat, ut substantiam suam, dum adhuc sensus & ratio vigent, disponat, ut peccata sua elemosynis redimat, ut his, qui in se peccaverunt, indulgeat, ut rectam fidem & credulitatem teneat, ut de Dei misericordia nunquam desperet; cum his, & hujusmodi alloquutionibus fuerit mens infirmis relevata, data benedictione recedat Sacerdos, non post multum reversurus, detque locum, ut ægrotus de peccatis suis possit cogitare.* Concilium etiam Colonienſe celebratum anno 536. p. 7. c. 50. monet parochos, ut post Extremam unctionem curam habeant præparandi infirmum ad mortem. Idem Synodus Augustinensis ca. 20. Imo olim Episcopi, dum eis vocabatur, hoc munus per se exercebant, præsertim si ab infirmis vocarentur. Quod de Augustino refert Possidonius c. 27. *In visitationibus (inquit) modum tenebat ab Apostolo definitum, ut non nisi pupillos, & viduas in tribulationibus constitutas visitaret, & si fortasse ab ægrotantibus ob hoc peteretur, ut pro eis in præſenti Deum rogaret, eisque ma-*

nus imponeret, sine mora pergebat. Merito ergo Societas hoc ipsum proficitur, ut parata sit ad juvandos omnes infirmos, a quibus fuerit requisita, sive sint pauperes, sive divites, sive hoc sive illo morbo laborent, & quacumque hora diei, vel noctis vocetur. Neque propter obligationem parochorum (quod l. 6. c. 4. n. 13. & aliàs sæpe respondimus) supervacanea videri debet hæc Societatis cura, tum quia vel sæpe non potest unus parochus pluribus infirmis satisfacere; vel interdum non est in eo munere adeo facilis, & sollicitus, sæpe etiam non est satis idoneus, vel certe ægrotus sæpe aliorum ministeriorum opera magis juyatur, ac recreatur, & ideo non tantum nostri, sed etiam multi alii religiosi magna charitate hoc ministerium exercent; quamvis fortasse ex vi sui Instituti non ita obligentur, sicut religiosi Societatis.

Repellitur duplex calumnia, qua Societas propter dictum ministerium a male affectis pungitur.

3. Nullum vero opus est tantæ charitatis, quod non possit, vel per calumniam, vel propter aliquorum negligentiam reprehendi. In duobus ergo solet argui Societas circa hoc ministerium. Unum perſinet ad sollicitudinem circa eos, qui ex ægitudine moriuntur; aliud circa eos, qui in penam delictorum, violentam mortem patiuntur. In priori ministerio reprehenditur avaritia; quia Sacerdotes Societatis ideo cupiunt morientibus assistere, ut bonorum illorum possint esse participes eos inducendo, ut de illis per testamentum, vel alium modum in suam utilitatem disponant. Sed hoc valde alienum est ab spiritu, & intentione Societatis, quidquid sit de privatis erroribus, seu defectibus, si qui fortasse, vel ex humano aliquo affectu, vel ex zelo, non secundum scientiam committerentur, de quibus nec nobis constat, neque si sint, religioni nocere possunt, quæ intentionem hujusmodi detestatur, & ideo omnes etiam actiones prohibet, quæ aliquam illius speciem præbere possunt. Hinc in ultima suarum regularum monentur Sacerdotes, ut cum vocantur ad adjuvandos eos, qui morti vicini sunt, tamdiu illis adsint, quamdiu sola necessitas postulaverit, & additur: *Ceterum etsi cum opus est ægrotos ad condenda testamenta hortari coveniat, iis tamen consuevis non assistant.* Admonere enim illos, ad officium confessoris spectat, quia est de re vel necessaria, vel valde utili ad bonum animæ ægrotantis. Et ideo in verbis supra citatis ex Concilio Nannetensi hoc consilium inter alia ponitur: assistere autem testamento, nec pertinet ad munus confessoris, neque per se loquendo est ministerium spirituale, quod religiosi expendat; & quamvis in aliquo casu possit esse opus pietatis ad juvandam infirmum propter speciales circumstantias, quæ occurrere possunt, vel ex debilitate, & impotentia intrinseca ipsius infirmi, vel ex aliqua morali vi extrinseca, nihilominus regulariter id non expedit, propter vitandas cognatorum querelas, & tollendam omnem occasionem supra dictæ suspitionis; quod si necessitas coegerit, nec sine superioris dispensatione, nec sine magna circumſpectione faciendum est, ita ut omnis probabilis suspicio vitetur, & tunc temeraria judicij contemnenda sunt, quis enim illa effugere potest?

4. Et eadem ratione, quamvis ubi opus fuerit, admodum sit infirmis, ut pro ratione periculi, de rebus suis disponat; non tamen ei est offendendum consilium circa dispositionis modum, nisi in his tantum, quæ ad salutem ejus fuerint necessaria, ut de restituendo alieno, de solvendis debitis, de necessariis hæreditibus instituendis, ita ut quantum in ipso fuerit omnis occasio jurgiorum, & litij tollatur; ad particularia autem descendere non expedit, quia eadem habet incommoda. Quamquam si infirmus consilium petat circa ea, de quibus libere potest disponere, ad officium confessoris spectat id consulti, quod majus Dei obsequium esse, & ad majorem utilitatem animæ testantis expedire judicaverit. Ut autem nostri debito modo hoc faciant servare debent quod 6. p. Const. c. 2. §. 6. dicitur: *quamvis ad bona, & sancta opera, & maxime perpetuo duratura incitare laudabile sit, ob majorem tamen edificationem nullus de Societate debet, nec potest quenquam ad elemosynas perpetuas domibus, vel Ecclesiis ejusdem Societatis relinquendas incitare.* Quæ constitutio amplius videtur coarctari in 2. Congreg. generali can. 22. ubi sic dicitur: *Ad majorem edificationem, & paupertatis nostræ sinceritatem, & puritatem,*

Ministerium hoc necessarium, & in Societate commendatum.

Ministerium hoc religiosum statui debet.

Vide Poſſidonium in libello de hac re.

Primum quod nobis obijciunt.

Infringitur obijctio.

Nostri consilium moribus quoad dispositiones liberas ultra dare non permittuntur.

Quid quando consilium petitur.

pla-

placuit precipere nostris omnibus, ut nulli externo suadeant, ut nobis potius quam aliis pauperibus dent eleemosynam, sed contenti simus, ubi petimus eleemosynas quotidianas, illas simpliciter, & plane amore Dei petere.

5 Ubi ponderandum est verbum *precipere*, quod valde rarum est in constitutionibus & regulis Societatis, & ideo videri potest positum esse ad rigorosam obligationem inducendam, quam solet illud verbum præ se ferre in aliis legibus, ut cum Cajetano 2. 2. q. 186. a. 9. dub. 4. circa finem, Navarro in summa c. 23. n. 52. & aliis ex Clementina: *Exivi de paradiso*, §. cum autem, de verborum significatione, lib. 3. de legib. cap. 15. a. n. 8. attulimus. Nihilominus tamen non plus obligat decretum illud, quam alia regulæ, quia jam est in Societate declaratum proprium signum obligationis in conscientia solum esse, cum additur: *In virtute obedientia, vel in Nomine Domini Jesu Christi* 6. p. const. c. 5. ibi autem nullum ex his signis adjungitur. Nec etiam additur pœna excommunicationis, quæ ex se etiam includit rigorosam obligationem, quæque interdum additur in constitutionibus 8. p. c. 6. §. 2. Solum ergo positum est illud verbum ad exaggerandam necessitatem, & gravitatem illius decreti. In quo est etiam observandum non loqui solum de eleemosynis, quæ a morientibus peti possunt, sed a quibuscumque, & ideo non prohiberi petitionem simplicem, sed comparativam *præ aliis*: nam hoc invidiosum est, & offensivum; specialiter vero hoc magis explicatur ad rem, de qua agimus, sequentibus verbis: *Ad donationes vero quas cumque, sive legata simpliciter etiam, & plane possimus tantum nostras necessitates explicare; definitionem tamen ejus devotioni relinquamus a quo eleemosynam postulamus, &c.*

6 Quo loco est advertendum etiam jure communi male audire in religiosis hanc petitionem, cum expressa comparatione, ut legata potius sibi relinquuntur, quam aliis, quia licet hoc non sit per se malum, imo nec sit contra justitiam moderatis precibus procurare voluntatem infirmi inducere, aut mutare, ut mihi potius, quam alteri donet, quia nullum erat alteri jus acquisitum, ut cum Antonino, Saliceto, & aliis resolvit Navarrus in summa c. 26. n. 36. & sumitur ex c. 13. n. 72. Nihilominus in religiosis, talis inductio, etiam si non sit injusta, reprehensibilis est. Quia & speciem quandam habet avaritiæ, & charitatem potest minuere, vel certe depravare intentionem in spiritualibus obsequiis circa proximos, quanquam in rigore, & absolute, ac per se loquendo id facere non semper peccatum sit, quia nec est per se intrinsece malum, neque invenitur aliquo jure absolute prohibitum. Solum enim in Clementina 1. de privilegiis districte prohibentur religiosi, ne cum confessionibus testamentorum intererunt, a restitutionibus debitis aut legatis matricibus Ecclesiis faciendis retrahant testatores, nec legata vel debita aut male ablata incerta, sibi, aut aliis singularibus sui ordinis fratribus vel conventibus fieri, aut erogari procurent.

7 Quæ prohibitio universalis non est, sed in duobus tantum casibus, & ideo potius inde sumitur argumentum extra illos id non esse prohibitum Ecclesiastico precepto. Prior autem ex illis casibus est, ne religiosi retrahant testatores a restitutionibus debitis, aut legatis matricibus Ecclesiis faciendis. In quo adverti potest, non solum hæc prohiberi, si fiant in proprium commodum, vel suæ religionis, sed absolute, & simpliciter. & consequenter quocumque respectu fiant, contra illud præceptum agitur. Et prior quidem pars de restitutionibus clara est, & ex natura rei necessaria. In posteriori autem duo adverti possunt, unum est non posse dici religiosum retrahere testatorem a legato faciendo, nisi prius novit ejus voluntatem, & illam mutare conetur. In quo expendo differentiam inter restitutionem, & legatum; nam ut quis dicatur retrahere a restituendo, satis est, quod sciens debitum restituendi nihilominus inducat, vel ad non restituendum, vel ad donationem faciendam repugnantem restitutioni: quia debitum restituendi includit voluntatem saltem debitam, vel præsumptam, quæ satis est, nisi fortasse constaret de voluntate non restituendi, sed legendi alias; nam tunc inducere ad mutandum legatum revera non esset inducere ad non restituendum, sicut qui inducit ad minus malum eum, qui decrevit malum agere, non inducit illum ad maius.

Suarez Tom. XV.

lum; sic ergo ut quis dicatur retrahere a restituendo, necesse quidem est, ut alter non sit jam in deliberato proposito non restituendi: sufficit tamen ad prædictam obligationem, ut de neutra voluntate constet, sed tantum de debito. In legato autem liberali non dicitur quis proprie retrahi ab illo faciendo, nisi qui est in proposito illud faciendi, & ita religiosus non peccat contra hoc præceptum, quando ignorans ægrotum habere tale propositum ab illo petit, ut suo conventui, v. g. legatum relinquat, quod notavit Sylvester *Religio* 6. quæst. 1. §. 4. Secundo adverte in illa secunda parte, prohibitionem tantum fieri respectu Ecclesiæ matricis, ut ibi expresse dicitur, per quam vocem cathedralis Ecclesia intelligitur, juxta cap. *venerabili*, de verb. signif. Et ideo non est extendendum illud præceptum ad omnes religiosos, qui retrahunt testatores a quibuscumque legatis faciendis aliis locis, vel personis, sed sola ratione naturali, vel secundum uniuscujusque regulam de illa actione judicandum est.

8 Alter casus illius legis est, *ne legata, vel debita, aut male ablata incerta sibi, aut aliis singularibus sui ordinis fratribus, vel conventibus in aliorum præjudicium fieri, seu derogari procurent*. In quo duo etiam adverti possunt. Primum est, quando hoc dicatur fieri in præjudicium alterius. Nam Cardinalis ibi quæst. 5. sentit non solum fieri in præjudicium, quando fit in injuriam, contra id, quod ex justitia debebatur; sed etiam quando retrahit testatorem a proposito, quod habebat legendi alteri, etiam si legatum non esset aliis debitum. Et est probabilis expositio, quamvis nimis rigorosa, nisi intercedat vis, aut deceptio, vel preces adeo importunæ, ut coactioni equiparentur: quia tunc revera fit injuria tertio; tamen si nulla intercedit injuria, non videtur in rigore fieri persuasio in alterius præjudicium. Aliud notandum est, illud præceptum solum ferri contra persuasionem, quæ fit in utilitatem propriam, vel propriæ religionis, aut personarum ejus. Unde si fiat persuasio in commodum alterius extranei, etiam si aliis peccaminosa sit, non erit contra aliud speciale præceptum, quod specialiter latum est ad reprimendum peculiarem affectum, quem religiosi ad se, vel ad suos habere possunt.

9 Nullum ergo invenitur commune jus, quod tam generalem contineat prohibitionem faciendi hujusmodi persuasionem, vel inductionem, per comparationem ad alios, sicut fit in propriis regulis Societatis: in quibus primo prohibetur fieri non solum retractio a voluntate legendi aliis, verum etiam petitio cum tali comparatione: quod intelligo tam de formali, & expressa, quam de implicita & per circumloquia, quia moraliter æquivalent. Secundo simplex petitio permittitur, cum tanta vero moderatione, ut sola necessitas explicanda dicatur. Unde si sit fortasse collegium, nullam habens veram necessitatem, ibi, juxta regulam, nulla debet fieri postulatio. Tertio etiam tunc non permittitur aliquid determinate postulare, sed necessitate propolita, voluntati testatoris definitionem relinquere, solumque ei consulere, ut oret & petat divinam inspirationem, ut id statuat, quod Deo gratius fuerit. Quæ omnia constant esse valde aliena ab affectu avaritiæ, potiusque esse consentanea spiritui paupertatis, ut in simili dixit Clement. V. in Clement. *Exivi*, vers. *Nos autem*, de verb. signific.

10 Secunda obiectio pertinet ad auxilium eorum, qui propter delicta damnantur ad mortem: reprehenduntur enim nostri, eo quod sint nimium solliciti circa vitam corporalem eorum, importunis precibus, vel aliis mediis procurando hujusmodi pœnam impedire. Verum tamen hæc reprehensio (si hoc nomine digna est) non est peculiaris Societatis, sed religiosorum omnium, non solum præsentium temporum, sed etiam præteritorum. Refert etiam Cassianus collat. 14. c. 4. quorundam monachorum institutum fuisse pro miseris & oppressis intercedere. Et de B. Antonio, quamvis genus vitæ solitarii maxime coleret, (inquit Sozomenus l. 1. Histor. c. 13.) Porro autem in defensionibus eorum, qui erant in injuria affecti, nemo plus operæ studii ve posuit, adeo ut eorum causa sæpe ad urbes se contulerit. Clarius exemplum est, quod de Ambrosio refert l. 7. c. 23. scilicet Ambrosiū ad Gratianum Imperatorem accessisse, ut quendam Illustrem virum ad mortem damnatum liberaret. Et non antea cau-

Jus Societatis contra negotiationem legatorum latius est quam commune.

Secunda obiectio etiam refellitur exemplis.

sam omisisse, quam veniam a Gratiano impetrasset. De Augustino refert Possidonius in vita sua ca. 20. solitum fuisse pro reis intercedere. *Tam honeste* (inquit) *ac temperate, ut onerosus, ac molestus non videretur, verum etiā mirabilis extitisset.* Cujus egregium testimonium extat inter epistolas Augustini in 51. quæ est Macedonii Judicis ad ipsum Augustinum: cum enim pro quibusdam reis Augustinus apud Macedonium interpellasset, ille respondit. *Miro modo afficior sapientia tua, & in his quæ interveniunt pro reis mittere non gravaris: nam & illa tantū habent acuminis scientia, & sanctitatis, ut nihil supra sit, & hæc tantum verecundia, ut nisi faciam quod mandas, culpam penes me remanere, non in negotio esse dijudicem: non enim instas (quod plerique homines istius loci faciunt) ut quodcumque sollicitus petieris, extorqueas, sed quod tibi a iudice tot curis obstricto petibile visum fuerit, admones, & rogas, subserviente verecundia, quæ maxima difficilium inter bonos efficacior est.* Proinde statim commendatis effectum desiderij tribui; nam sperandi viam antepatefeceram. Et in ep. 53. idem Macedonius ad Augustinum scribens ait, se fecisse, quod in altera epistola Augustinus ab eo postulaverat, quæstionemque movet, an ad officium sacerdotis pertineat intervenire pro reis, quod Augustinus ad illum scripserat. Augustinus autem in epist. 54. late responderet, declarans quomodo humanitatis officium sit, ita esse criminis persecutorem, ut procuraret quis quoad iuste fieri possit esse hominis liberatorem. Quod late persequitur, adducens Christi exemplū, qui magna sapientia & benignitate adulteram a pœna mortis liberavit, & S. Iosephum, qui in suspitione, quam de virgine habuit, eam ab omni pœna, & infamia liberare studuit. Quibus addere possumus Paulum, qui apud Philemonem pro Onesimo intercessit. Et multa alia ex eodem Augustino, & Greg. refert Gratianus 23. q. 5.

1) Hoc ergo officium & sanctum, & religiosum est: licet prudentia & moderatio iustitiæ servandæ sint, quæ hoc loco prosequi non est necesse, quia quod ad prudentiam attinet, sufficienter exemplo Augustini verbis Macedonii commendato insinuatū est. Quod vero spectat ad iustitiam, habet proprium locum in illa materia, & tractando de lege pœnali a nobis tactum est. Summaque omnium est, ut nihil postuletur in præjudicium Reipub. vel tertiæ personæ, nec quod ab ipso iudice licite præstari non possit. Inter ea vero, quæ ab eo fieri possunt, & sine detrimento tertiæ, vel boni communis, id quod benignius fuerit, pro miseris hominibus procurare, charitatis officium est; neque aliud a nostris sacerdotibus, vel confessoribus fieri, jure potest ab aliquo affirmari: multoque certius ex instituto Societatis nihil aliud postulari. Nam de hoc genere intercessionis nihil peculiare in eo traditum invenio, sed illud solum, quod 7. p. const. c. 4. §. 9. inter alia pietatis opera generaliter dicitur. *In custodijs publicis detentos, quoad ejus fieri poterit per se sublevando, & ut alii sublevent curando.* Et in Bulla 1. Julii III. inter alia dicitur: *Et eorum, qui in carceribus inveniuntur, piam subventionem, & ministerium, ac reliqua charitatis opera, prout ad Dei gloriam, & commune bonum expedire visum erit.* Constat igitur, ex vi instituti prædictas circumstantias in hoc munere servandas. Illud autem proprie solum habet locum ante rei condemnationem ultimam ac definitivam: nam si hujusmodi non sit, poterit locum habere intercessio, ut appellatio concedatur, in qua eadem æquitas, & prudentia servanda est; re vero seu causa jam definita, cessat intercessio, & solum agitur de spiritali salute, & convenienti præparatione ad mortem ipsius rei; obiter autem procurare, ut in ipso met supplicio, & usque ad mortem benigne & humane tractetur, charitatis etiam officium est.

Officium intercedendi pro reis, quomodo moderamine præstandum.

Quando licet habeat vel non habeat beatitudinem officium.

LIBER DECIMUS.

De regimine Societatis, & consequenter de Prælati ejus.



Explicuimus omnia, quæ ad statum, perfectionem, & ministeria hujus religionis spectant, solum superest ut dicamus de modo gubernationis ejus: nam ex illa maxime penderet, & conservatio religionis, & executio omnium mediorum, quibus ad suam, & aliorum perfectionem uti debet. Quoniam autem gubernatio per Prælatos, & secundum regulam fit, simul de utrisque hoc in libro dicemus; primo quidem generalitatem, seu in communem; deinde vero ad illa particularia descendendo, quæ ad hujus tractatus complementum necessaria videbuntur.

C A P U T I.

Utrum Societas per modum monarchiæ convenienter gubernetur.

1) Suppono in primis hoc esse commune Societati cum alijs religionibus fere omnibus, ut ejus ordinarium regimen monarchicum sit, habens aliquid Aristocratiæ admixtum; nam & monarchicum regimen secundum se melius est, & in hominibus propter eorum fragilitatem, & periculum errandi, vel in judicio, vel in affectu, aliquo adminiculo Aristocratiæ oportet esse temperatum, ut etiam Philosophorum moralium, quam Theologorum recepta sententia, quam in tr. 8. attigi, & latius in materia de legibus l. 3. c. 4. & de Ecclesiastica hierarchia tradi solet, attigiq; disp. 9. de fide sect. 6. a. n. 8.

2) Secundo suppono monarchiam hujus religionis reduci ad unum generalem Præpositum, sub quo tota religio militat, quæ ut illi conjuncta, soli Summo Pontifici in spiritalibus ordinariè subjecta est. Hoc satis constat ex prima institutione & approbatione Societatis in Bulla Pauli III. & Julii III. & ex Const. præsertim p. 9. sub hoc autem Generali immediatè constituuntur Præposi-

ti Provinciales, & sub Provinciali, singulorum locorum superiores, sicut citato tr. 8. declaravimus, nam in his convenit hæc religio cum alijs: quia moraliter necessaria sunt in quacumque religione, quæ cum sit unum politicum corpus per universum orbem simul cum Ecclesia catholica diffunditur, habetque membra secundum locorum diversitatem valde distantia. Unde sit primo membra hæc ratione unitatis, quam inter se habent, indigere uno capite, quod in omnia infuset, & universali bono totius corporis provideat, & singulis membris in aliorum utilitatem uti possit: & hoc est Generalis munus, ut copiose & prudenter satis tradit S. P. Ignatius in 9. p. Const. a principio. Ratione vero distantia, & extensionis, & alicujus diversitatis, quam necessario inter se habent variæ regiones, seu nationes, necesse est sub Generali Provinciales constituentur, quorum singuli suas provincias proxime administrent, & regant. Quoniam vero in unaquaque Provincia varia sunt loca, domos, vel collegia Societatis habentia, necessarium erat, ut unicuique loco aliquis præsit, sive Rector, sive Præpositus appelletur. Unde etiam hic secundo hos omnes ordinarios, & spirituales jurisdictionem habere: unumquemque juxta modum sibi concessum, suoque muneri accommodatum: nam sine jurisdictione administrari non potest, ut ex generali doctrina de statu religionis constat, & c. 4. n. 1. attingetur. Quanta vero sit hæc jurisdictionis in singulis numeratis superioribus juxta peculiaritatem modum hujus religionis, ex discursu hujus libri constabit. Denique colligitur ex dictis, omnes prædictos Societatis superiores esse Prælatos Ecclesiasticos cum omni proprietate & rigore. Habent enim animarum curam cum jurisdictione Ecclesiastica fori contentiosæ ordinariæ, seu ex vi muneris; quæ duo tantum sunt necessaria ad hujusmodi prælationem, ut in superioribus visum est, & attingemus c. 4. viderique possunt Sorus l. 7. de Jus. q. 4. art. 3. Navar. conf. 23. de Privileg. & comm. 3. de Regular. n. 4. D. Th. 2. 2. q. 33. ar. 7. ad 5.

Ter-

1. Suppono societatem monarchicam Aristocratiæ in Societate.

2. Suppono societatem monarchicam Aristocratiæ in Societate.

Primus
modus in
quo visi-
tur Ari-
stocratia
in soci-
tate per
congrega-
tiones ge-
nerales.

3 Tertio suppono, Aristocraticum regimen multis modis participari a Societate. Primo in hoc, quod suas habet congregationes generales, quæ, licet non habeant certam definitam tempora, opportunis tamen occasionebus non sunt omittendæ. Primo quidem, ac necessario, cum in defectum Generalis mortui, vel privati, aut privandi suo officio quacumque ex causa, alius eligendus est. Deinde quando alia causa gravis occurrit ex his, quæ numerantur 8.p. Const. c. 2. Ad huiusmodi autem congregationem pertinet proprie, & in omni rigore Aristocraticum regimen, nam in illa qui congregantur, habent suffragium decisivum, & quamdiu illa durat, in ea est suprema potestas totius Societatis, etiam supra ipsum Generalem, ut declaratur p. 10. Const. §. 8. & 9. p. c. 3. 4. 5. & 6. a quo autem convocanda sit huiusmodi congregatio, & qui sint ad eam vocandi, & quomodo, quæve negotia in ea tractanda, ac definienda sint, tractatur late in 8.p. Constit. & nonnulla attinguntur in 9. & 10. specialius in peculiari forma generalis Congregationis.

Secundus
per cong-
Procura-
torem.

4 Secundo participatur hoc regimen in alio genere congregationum, quæ licet ex universa Societate cogantur, non sunt tamen generales, quia ad illas, nec Provinciales, nec plures suffragium habentes ex singulis provinciis conveniunt, sed solum singuli ex singulis provinciis nomine earum, & tanquam earum Procuratores missi, & ideo congregatio Procuratorum hæc appellatur: habetque fundamentum in 8.p. Const. c. 2. in declaratione lit. B. ejusque forma magis declarata est in 2. Congregatione generali c. 29. & in speciali formula de hoc edita in 5. congregatione generali; pertinet autem ad hanc congregationem primo, ac precipue decernere, an congregatio generalis cogenda sit, necne, & in hoc habent congregati suffragium decisivum. In reliquis autem negotiis, quæ in ea tractari possunt, ex vi instituti, & constitutionum, solum habent consultivum, ut ex eodem c. 2. 8. partis constitutionum colligitur.

Tertius
per cong-
provin-
ciales,

5 Tertio participat Societas hoc regimen, per Congregationes provinciales, quæ in singulis provinciis quolibet triennio fieri debent, earumque finis est, ad eligendam personam, quæ nomine totius provincie Præpositum Generalem adeat, & in congregatione Procuratorum suffragium habeat. Huius ergo Procuratoris electio fit in congregatione provinciali, & solum in ea electione habent votum decisivum, qui in huiusmodi congregatione suffragium habent. Fit etiam hæc congregatio in singulis provinciis, quotiescumque totius Societatis Generalis congregatio cogenda est; nam in illa provincia eligendi sunt, qui cum Provinciali suffragium habituri sunt in congregatione generali, & in eorum electione habent propriam vocem activam omnes, qui legitime ad congregationem provincialem conveniunt. Porro quinam, & quot convenire debeant ad hanc provincie congregationem; qui etiam vocem passivam in ea habeant, in formula ejusdem congregationis c. 3. traditur. Et in 5. congreg. decret. 60. & 81. contractus fuit numerus, qui in const. p. 8. c. 3. indefinitus erat. Præter has vero electiones nulla lex vel statutum fieri potest in congregatione provinciali, neque in aliqua ordinatione facienda votum decisivum habent, qui ad eam conveniunt, sed solum consultare possunt de rebus necessariis, vel opportunis, ut in congregatione generali, si illa cogenda sit, decernantur; vel si non cogenda, Præposito generali proponantur. Quæ omnia constant ex 8. p. Const. c. 2. 3. & 5. & p. 9. c. 5. §. 4. & 2. congregatione generali, c. 29. & ex speciali formula congregationis provincialis, in quibus locis fusc etiam declaratur, qui sint ad hanc congregationem vocandi, & a quo indicenda sit, & quis procedendi modus in illa sit servandus.

Quartus
per con-
sultores.

6 Quarto participat Societas regimen Aristocraticum in multitudine Prælatorum, per quos gubernatur sub uno supremo generali, ut sunt Provinciales & locales Præpositi, qui totum gubernationis pondus inter se habent distributum: nam hoc etiam pertinere ad participationem Aristocratice infra n. 1. declarabo. Perficitur autem hæc participatio in consiliis, quæ ad res statuendas, atque ordinandas simul cum Prælati adhibentur. Nam in gubernatione Præpositi Generalis a tempore 1. congreg. decreto 85. adhibetur consilium quatuor assistentium, in 6. vero congreg. additus est quintus pro

Suarez Tom. XV.

Gallia, ut habetur, tum in decreto 1. ejusdem congreg. in formula congreg. generalis n. 15. & 78. qui Assistentes a congregatione generali, ex diversis nationibus simul cum ipso Præposito eliguntur, ut per eos possit majorem lucem de rebus omnibus accipere, & eorum consilio, & prudentia in rebus definiendis uti, ut videre licet p. 9. Const. c. 4. n. 5. & 6. & in propriis regulis Assistentium, & in formula eligendi illos. Provincialibus etiam proprii consultores assignari debent. Idemque de inferioribus Prælati localibus cum proportionem statuitur 9. p. Const. c. 6. §. 4. & de Rectoribus in particulari p. 4. c. 10. §. 7. & c. 17. §. 1. De numero autem eorum solum dicitur, ut consultores Rectorum in Collegiis ad minus duo sint, universitarum vero consultores ordinarie debeant esse quatuor: unde constat a fortiori consultores Provincialium quatuor esse debere, & ita usu receptum est. Imo in gravioribus domibus professis & gravioribus collegiis, idem servatur. Est autem his omnibus Assistentibus, & consultoribus commune, ut in suis consiliis solum habeant suffragium consultivum (nisi quod de Assistentibus excipitur in cong. 4. decret. 23. & in cong. 5. decret. 16.) & decisio tota, ac judicium rei penes Prælatum respectively maneat. Ita de Generali statuitur p. 9. c. 6. §. 1. & de cæteris superioribus p. 4. c. 17. & p. 9. c. 6. §. ult. & p. 10. §. 8. generaliter dicitur magnopere referre, si Præpositi in subditos multum potestatis habeant. Et in hoc puncto explicando consistit tota difficultas præsentis capituli, nam reliqua clara sunt.

Cur Prælati Societatis soli vendicent definitionem in agendis.

7 Dubitant enim aliqui, cur Societas tantam potestatem Generali, & cum proportionem cæteris Præpositis tribuat, ut res omnes suo judicio, & voluntate definire possint, etiam contra judicium suorum consultorum, si velint. Nam hoc potius est monarchia pura, quam mixta nisi valde secundum quid, quod non sufficit ad excludendum periculum, ne monarchia in tyrannidem convertatur: propter quod periculum in hominibus vitandum monarchia mixta ex Aristocratia præferatur puræ: mixtio autem solius consilii inefficax valde est, tum quia nullus est tyrannus adeo iniquus, qui aliquorum consilio non utatur; tum etiam, quia si potestas in uno manet, cujus voluntas sufficit, ut factum teneat, etiam si contra consilium suorum Assistentium fiat, subditi manent in eodem periculo patiendi plures injurias. Unde Navar. Comm. 3. de regularib. dicit, licet monarchia pura secundum se melior sit; tamen propter concordiam, & alios respectus convenire, ne Prælati solus gubernet, sed adjutus consilio, & consensu aliquorum. Ubi expendo illam particulam consilio, & consensu: nam per illam significatur suffragium non solum consultivum, sed etiam decisivum. Et rationem amplius declarat n. 15. quia experientia cōpertum est, regimen unius magis absolutum, etiam in religionibus, præsertim non mendicantibus, degenerare in tyrannidem. Et ideo (inquit) introducta est monarchia restricta, qua unus de consensu multorum ad deputatorum gubernat. Ubi iterum de consensu dixit, non de consilio tantum, quia per consilium solum, non videtur satis illi periculo occurrere. Facit etiam, quod antiqui Patres religionum hunc modum regiminis elegisse videntur, ut intelligi potest ex Basilio in regulis 45. 48. & 54. ex fufioribus, & in 112. ex brevioribus, & ex regula Carmelitarum c. 2. & 3. & ex statutis Carthusianorum p. 2. c. 4. & ex regula monachorum c. 7. inter opera Hieronymi tom. 9. Denique fere omnes religiones mendicantes hanc formam regiminis observare videntur.

8 Nihilominus dicendum est P. N. Ignatium non sine antiquorum Patrum exemplo, nec sine sufficienti ratione, hunc modum regiminis elegisse. Probat, nam in primis D. Benedictus in sua reg. c. 3. monet quidem Abbatem, ut cum consilio fratrum gubeat; subjungit tamen: In Abbatis pendeat arbitrio, ut quod salubrius judicaverit esse, ei cuncti obediant. Et in c. 65. omnia constituit in arbitrio, & voluntate Abbatis, quavis dicat illi uti debere consilio fratrum timentium Deum. Deinde Basilius idem sentit, si attente legatur in cir. loc. nã in reg. 48. ex fufioribus primū ait: Nullo modo quis curiose Antistitis consilia pervestiget, aut in ejus facta anxie inquirat, his autem exceptis, qui cum dignitatis gradu, tū consilii prudentia Antistiti ipsi proximi sūt: & statim subjūgit. Quos quidē ille

Ratio du-
bit.

Authoris
resolutio
probat
authoris
tate.

*necessario sibi, quandocumque de re aliqua erit delibera-
turus, in consilium, ac maturam considerationem adhibe-
bit, nimirum præcepto illi obtemperans: Omnia fac cum
consilio.* In quibus verbis solum consultationem matu-
ram requirit. Et eodem sensu loqui videtur c. 54. ubi do-
cet esse cogenda capitula, seu congregationes fratrum, in
quibus defectus corrigantur, & honesti mores lan-
dentur. *Quo videlicet (inquit) adhibita locuplete multorū
sententia, majore cum auctoritate, quod in medium addu-
ctum est, quale sit, judicetur.* Non tamen dicitur iudicium
definitivum futurum esse omnium, nec verisimile id est
pro singulis, & ordinariis defectibus religiosorum judi-
candis. Solum ergo vult, ut in plurium consensu, & con-
silio, atque adeo majori cum auctoritate fiat. In aliis ve-
ro duobus locis non tractat de gubernatione, sed de ele-
ctione Prælati, de qua postea c. 2. & 3. dicemus, & de re-
ceptione novitiorum, de qua jam lib. 2. c. 3. n. 7. diximus,
quid peculiariter in hoc observet Societas, & cur.

9 Præterea D. Augustinus in sua regula multum de-
fert Præposito, omniaque constituit in arbitrio illius, vel
presbyteri, majorem habentis potestatem, ut in superio-
ribus tr. 8. tractando de Prælati religionum in genere
explicuimus. Unde Navarrus supra fatetur, Augusti-
num in sua regula significasse, ut in suis monasteriis mo-
narchia potius, quam Aristocratia servaretur: addit ta-
men hoc fore utilem, si unus, qui regit, esset Augustinus,
& subditi essent Possidonii. Quia vero Prælati, & sub-
diti multum a moribus Augustini, & Possidonii dege-
nerarunt, ideo aliquid oportuisse illi regulæ addere. Ve-
rum tamen in primis ego non ita judico de præsentibus
moribus, omnium religionum, & religiosorum, ut monar-
chia non possit eis esse utilissima, etiam si ordinaria po-
testas (servata proportionem) in uno tantum sit, cum
regulæ obligatio illam exercendi ex prudenti con-
silio, ut statim dicemus. Deinde, quidquid sit de statu a-
liarum religionum, certe B. Ignatius, qui novam religio-
nem instituebat, non debuit modum illum eligere, qui
solum ob depravatos, vel imperfectos mores expedire
censetur; sed tentare potius debuit perfectiorem mo-
dum instaurare, & aliis remediis providere, ut si fieri
possit ex tali regimine ea incommoda non sequantur,
quæ fortasse in aliis ob incuriam, vel temporum condi-
tionem sequuta sunt.

10 Hanc igitur existimo fuisse rationem, ob quam I-
gnatius voluit, ut unusquisque superior Societatis pro
ratione, & mensura sui muneris, integram haberet po-
testatem, solumque consiliarios, non conjudices illi ad-
junxit. Primo quidem, quia hoc secundum se, & ex ge-
nere suo, melius est, ut supra n. 1. ex communi sententia
supposuimus: deinde quia in statu religioso sine dubio
potest maxime conferre ad perfectionem, tum quia hoc
modo purior, & perfectior obedientia exercetur; tum
etiam, quia hoc modo est major dependentia membro-
rum a capite, & ita etiam erit major unio, qualis inter
patrem, & filios esse debet. Tum etiam, quia hoc modo
tollitur occasio multiplicandi dignitates tot judicum,
& quasi prælationes in religione, & consequenter etiam
minuitur ambitionis occasio. Tum denique, quia si or-
dinationes, judicia, & aliæ negotiorum expeditiones, a
plurium sententia & voluntate pendeant, multiplican-
tur pericula schismatum, & divisionum, ac subordina-
tionum, quæ videntur esse majoris momenti, magisque
frequentia, quam sint in pura monarchia temperata
solum per consilia sapientum,

11 Accedit præterea, quod (ut recte indicavit Bel-
larminus l. 1. de Romano Pontifice, cap. 3.) Aristocratia
non solum miscetur monarchiæ per hoc, quod Princeps
non possit definire ea, quæ ad gubernationem pertinent,
sine aliorum suffragiis decisivis, sed per hoc maxime,
quod non per se ipsum homo immediate gubernat, sed
per subordinatos Principes, vel Prælatos, in quorum
singulis monarchia participatur, ex omnium tamen
collectione quedam participatio Aristocratæ confur-
git. Imo prior illa mixtio, suffragantium decisiva, potius
est mutatio quedam regiminis monarchici, nam in ef-
fectu non est monarchia, saltem in his, quæ pendunt ex
plurium judicio, & voluntate: unde si regimen majori
ex parte ita fiat, non poterit dici monarchicum, sed po-
tius Aristocraticum, vel quarta species regiminis, ut
Navar. illam appellavit. In posteriori autem mixtionis

genere, suffragantium scilicet consultive tantum serva-
tur semper propria & perfecta monarchia, cum ultima
resolutio ad unum pertineat: miscetur autem Aristocra-
tia per gubernationem plurium, ac subordinatorum
Principum, ac Prælatorum, quia non est de ratione A-
ristocratæ participatæ, quod gubernatio fiat a pluribus,
ut componentibus unum corpus, seu tribunal, sed satis
est, ut quacumque ratione integretur ex pluribus, inter
se aliquo modo unitis, & ordinatis ad completum regi-
men totius corporis, & ita hoc genus mixtionis inveni-
mus in præcipuis temporalibus regnis, maxime vero in
Ecclesia Catholica, ut egregie supra Bellarminus decla-
rat, perfectionem talis monarchiæ ostendens. Quomo-
do autem Societas hanc gubernationem Ecclesiæ mo-
do religioni accommodato imitetur, satis jam declara-
tum est in num. 2.

12 Denique in hoc etiam servatur similitudo, quod
in Ecclesia, licet Pontifex de consilio Cardinalium gra-
viora disponat, semper tamen servatur perfecta monar-
chia, quia in rigore decisio ex solo Pontifice pender,
Nam licet frequentius fortasse Pontifex, in rebus præ-
sertim gravioribus, non decernat contra plura suffragia
Cardinalium, id tamen est ex sua prudentia, & libera vo-
luntate, non ex dependentia, quam habeat ab eorum
suffragiis. Episcopi etiam in suis diocesibus habent mo-
narchicum regimen, in quo ordinariæ plurium suffragia
decisiva non requirunt: ergo etiam in religione poterit
comode hoc regimen participari, cum in illa, & subdi-
orum obedientia debeat esse promptior, & in superio-
ribus suavior quedam, & magis paterna gubernatio. Et
præterea, quia religiosi ex vi sui status tenentur perfecte
operari secundum regulam suam; & ideo licet solus su-
perior habeat potestatem decisivam, ut convenienter il-
la utatur, sufficit, quod ex regula habeat obligationem su-
mendi consilia suorum assistentium, seu consultorum,
ut possit prudenter sua potestate uti, ad quod & regulæ
ipsa & recta ratio ipsum obligat.

13 Dices hoc quidem sufficere quoad vim directi-
vam (ut sic dicam), non tamen quoad coactivam, nec
quoad impediendum cum effectu, ne superior sua po-
testate abutatur. Respondeo primo idem dici posse, etiam si
suffragia consultentium sint decisiva, licet enim videri
possit facilius posse unum errare, quam plures, tamen a-
liunde facilius est in religione unum invenire, qui ex
malicia, vel pravo affectu non errer, ac proinde illi suffi-
ciant prudentia consilia, quam invenire plures, qui ejus-
dem integritatis sint. Deinde dicitur, inferiores Prælatos
per providentiam suorum superiorum continendos esse
in officio, ut non facile pro arbitrio suo utantur po-
testate, vel contra eorum consultorum sententiam fre-
quenter disponant, præsertim in rebus gravioribus: Ge-
neralis autem Præpositus cum debita reverentia admo-
nendus est ab eo sit, qui hanc curā a Societate habet cō-
missam. Quod si hoc non sufficiat, per ipsam Societatem
compelli poterit; atque ita moraliter loquendo, satis
subventum est incommodis, vel periculis, quæ ex talipo-
testate oriri possent. Quod breviter B. Ignatius in 10. p.
Const. §. 8. his verbis complexus est *Refert etiā magnope-
re, si Præpositi particulares in sibi subditos, & Generales
in particulares (scilicet Præpositos) ac contra Societas in
Generalem multū potestatis habeant, ita ut omnes ad bo-
num omnia possint, etsi male agerent omnino subiecti sint.*

14 Unde est notanda hic differentia inter hanc mo-
narchiam & Ecclesiasticam, ne similitudo supra addu-
cta putetur æqualitas, cum revera non sit nisi imitatio,
& participatio quedam. Est ergo differentia, quia regi-
men Ecclesiasticum reducitur ad unum supremum Prin-
cipem, qui non solum alteri homini in terris, verum ne-
que alicui communitati subiectus est. Sed est supra to-
tam Ecclesiam, non solum divisim quoad singulos, sed
etiam collective quoad universitatem. At vero in Socie-
tate Generalis Præpositus non solum habet superiorem
personam, cui subiectus sit, scilicet Pontificem, quod
ex generali ratione religionis Christianæ, & ex speciali
statu religioso, & ex specialissima Societatis necessa-
rium est, ut ex lib. 6. cap. 4. intelligi potest: sed et-
iam est subiectus ipsi Societati, a qua & dirigi, & corri-
pi, & si necesse sit, puniri, & deponi potest, ut cap. se-
quenti num. 7. attingemus. Ratio autem differen-
tiæ clata est, quia Pontifex non ab Ecclesia, sed a
Christi.

Accedit
Augusti-
nus.

Addita-
mentum
Navarri
non satis
probat.

Adductos
Patres
multis de
causis imi-
tatus est
B. Ignatius

Collectio
Prælatorū
subordi-
nat. rum
participa-
tio est A-
ristocratæ

Satisfit
oppositis
in a. 2.

Interest
inter mo-
dum mo-
narchiæ
Societa-
tis, & Ec-
clesiæ.

Christo habet immediate potestatem. Generalis vero habet a Societate, juxta modum in ejus constitutionibus præscriptum, & a summis Pontificibus confirmatum. Unde etiam oritur diversa necessitas: nam Pontifex sicut singulari, & excellentiori modo, habet a Deo potestatem, ita etiam habet peculiarem Spiritus sancti assistentiam, quæ potest supplere cujuscunque superioris directionem, vel coactionem. Alii vero inferiores prælati, sicut ab hominibus constituuntur, & eliguntur, ita convenienter saltem toti communitati seu congregationi generali subijciuntur.

15 Atque ex hac differentia & ejus ratione oritur alia, per quam magna ex parte Societatis regimen Aristocraticum participat. Nam in Ecclesia majores causæ Pontifici summo reservantur, juxta cap. *Majores*, de Baptismo, & ita ejus monarchia inter humanas maxima est, quia proxime accedit ad divinam. At vero in Societate ea, quæ majoris momenti in illa esse possunt, Generali congregationi reservata sunt, juxta primam Bullam Pauli III. quæ sic habet: *Qui quidem Præpositus de consilio consociorum constitutiones ad constructionem hujus præpositi nobis finis conducentes in consilio condendi auctoritatem habeat, majori suffragiorum parte semper statuendi jus habente: consilium vero intelligatur esse de rebus quibusvis gravioribus ac perpetuis, major pars totius Societatis, quæ a Præposito commode convocari poterit.* Addebantur vero statim sequentia verba: *In levioribus autem, & temporaneis omnes illi (scilicet professi) quos in loco, ubi Præpositus noster residebit, presentes esse contigerit.* Tamen in Bulla Julii III. prior pars multo magis declarata, & posterior immutata est. Nam quoad priorem partem declaratur, consilium illud, quoad habet jus statuendi ad plura suffragia, intelligendum esse de *majori parte Societatis professæ* (juxta nostrarum constitutionum declarationem) quæ sine magno incommodo potest a Præposito Generali convocari. Deinde ad hoc consilium pertinere dicitur, *condere vel mutare constitutiones, declarare dubia circa institutum orientia, & alia graviora, ut alienare, vel dissolvere domos ac Collegia semel erecta.* Quoad alteram vero partem subjungit, *in aliis, quæ non ita magni momenti sunt, idem Præpositus adjutus quatenus ipse opportunum judicabit, fratrum suorum consilio per seipsum ordinandi, & jubendi, quæ ad Dei gloriam, & commune bonum pertinere in Domino videbuntur, jus totum habeat, prout in constitutionibus ipsis explicabitur.* Ex quo intelligimus, hanc fuisse ultimam fundatoris cogitationem, ac resolutionem, ut extra ea negotia, quæ generalis congregationis propria sunt, in reliquis omnibus Generalis supremam potestatem habeat: quod late declaravit p. 8. Constit. c. 4. §. 9. c. 3. p. 10. §. 8. & aliis locis frequenter, ut in sequentibus adnotabo.

C A P U T II.

Utrum expediat Generalem Societatis esse perpetuum.

I D E modo creandi Præpositum Generalem in Societate, nihil est, quod specialiter dicamus, quia per electionem canonicam fit, ad quam applicari possunt omnia, quæ in superioribus tract. 8. l. 2. de electione Prælati regularis dicta sunt. Circumstantiæ autem particulares, quæ juxta propriam institutionem & formam servandæ sunt, ex Constitutionibus, & propriis regulis sunt manifestæ, nec difficultatem aliquam habent, quam explicare hoc loco necesse sit. De munere autem isto ejusque potestate generatim constat, partim ex c. præced. partim ex doctrina communi de hujusmodi prælatione: in particulari autem de aliquibus actibus & obligationibus ejus juxta nostrum peculiare institutum dicemus in sequentiis. Solum ergo superserere dicendum de duratione hujus muneris: non enim defunt, quibus magis expedire videatur, ut Generalis non ad vitam, sed ad certum aliquod tempus eligeretur. Nam, ut diximus, omne regimen monarchicum homini commissum in periculo versatur, ne in tyrannidem vergat; hoc autem periculum majus est, per se loquendo, quo potestas superioris major, magisque absoluta fuerit. Si autem huic potestati supremæ, & absolute duritatis, & perpetuitas adjungatur, profecto nimium prædictum periculum augebitur.

Suarez Tom. XV.

tur: nam ipsa perpetua consuetudo regendi & præcipiendi creat spiritum quandam dominandi, & facere solet, ut homo propriæ infirmitatis oblitus, aliis velit severius imperare: ergo immerito Societas hunc modum regiminis elegit.

2 Nihilominus contrariam partem suadere possumus primo auctoritate B. Ignatii, quæ non parum debet quemlibet prudentem hominem movere, tum propter magnam viri prudentiam & sanctitatem; tum propter magnam notitiam, & comprehensionem, quam habuit rerum Societatis: tum quia etiam post magnam considerationem, & diuturnas orationes constitutiones edidit, in quarum 9. p. c. 1. statuit, ut Generalis ad vitam eligatur, propter multas rationes, quas ibi attingit, & statim commemorabimus. Secundo accedit auctoritas totius Societatis, nam in congregatione prima generali, ut patet ex toto decreto 45. cum de successore Ignatii eligendo tractaretur, eadem res in deliberationem adducta est, tum ante, tum post electionem P. Jacobi Laynez secundi Generalis Societatis, semperque judicium congregationis, nullo suffragio discrepante, fuit Generalem debere esse perpetuum. Atque hanc suam sententiam omnium suffragiis, præter ipsum electum atque unum vel alterum, qui discesserant consignatam ad Paulum IV. Pontif. Maxim. eam postulantem misit. Tercio (quod caput est) confirmat hoc auctoritas summorum Pontificum. Nam in Bulla 5. Pauli III. anni 1549. manifeste supponitur Præpositum debere esse perpetuum, quatenus in principio ejus declaratur, in certis casibus posse per Societatem amoveri, & alium loco illius substitui.

3 Secundo principaliter hoc confirmare possumus exemplo antiquarum religionum, nam, ut supra tr. 8. ostendimus, Abbates olim erant perpetui, estque id consentaneum juri communi, & sacris canonibus, & regulis, Benedicti modo ibi explicato. Deinde nunc etiam in multis religionibus Generales perpetui sunt, quamvis inferiores Prælati sint amovibiles, ut in religione Carthusianorum, ac Prædicatorum & Carmelitarum, & suo modo in religione Eremitarum S. Augustini, ut explicatum est in citato tr. 8. c. 7. n. 4. Præterea etiam afferri possunt exempla de Ecclesiastica monarchia, non solum in universali Ecclesiæ Pontificatu, sed etiam in particularibus Episcopatibus. Nam ex his omnibus intelligimus ex se melius esse, ut monarchia perpetua seu vitalis sit, & consequenter, cæteris paribus, esse præferendam, etiam in statu religioso, quando evidentia incommoda in ea non apparent, & quæ majora sint, quam quæ ex frequenti mutatione Præpositis Generalis sequi possunt.

4 Tercio possumus hoc ratione persuadere. Et primum afferri possunt omnes, quæ supra citato tractatu religimus generaliter tractando hanc questionem de Prælatibus religionum, quas etiam attingit B. Ignatius in dicto c. 9. p. Constit. in declaratione lit. A. deinde applicando eas ad particulare institutum Societatis, & ad munus Generalis ejus, habent sine dubio majorem vim. Prima ergo ratio est, quia gubernatio, & influxus generalis in totam Societatem, est cum magna potestate ex parte sua, & magna dependentia ex parte corporis, & omnium membrorum ejus, & ideo indiget magna notitia totius Societatis, & omnium personarum ejus, quam non potest brevi tempore acquirere: expedit ergo, ut multo tempore duret, quo possit statum universæ Societatis comprehendere per diuturnam experientiam, quæ ad prudentem gubernationem maxime necessaria est, & brevi tempore acquiri non potest, maxime in tanta rerum, personarum, ac negotiorum varietate: non ergo expedit, ut tunc duratio prælationis finiatur, quando persona incipit hujusmodi notitiam & experientiam obtinere: quod plane contingeret, si ad breve tempus Generalis constitueretur, quale esset sex, vel octo annorum: nam vix intra illud potest semel, aut iterum habere relationem & notitiam Societatis, per universum orbem dispersæ. Nullum ergo brevius tempus, quam sit vita hujus hominis, designari potuit, præsertim cum ad hoc munus regulariter loquendo assumi non possint, nisi homines ætate senes, & laboribus confecti. Nec obest, quod opponeretur de tribus Generalibus Jacobo Laynes, Francisco Borgia, Everardo Mercuriano, qui ad septem plus minusque annos tantummodo eo munere sunt egregie defuncti.

N 4 cti.

Vera resolutio suadetur primo auctoritate Bullæ Ignatii.

Tum etiam Societatis universæ.

Suadetur etiam ex exemplo antiquarum religionum.

Suadetur ratione generali.

Item rationibus prælatibus.

Altera differentia ex præcedenti oritur.

Brevis expeditio quorumdam huc attinentium.

Arguitur contra perpetuitatem Generalis sub incommodis.

Et. Occurrendum enim legem, seu constitutionem de perpetuitate Generalis prospicere futuris temporibus, pro quibus noluit nobis certo promittere tales semper habendos aut eligendos viros, qui tribus illis Generalibus satis comparentur.

5 Secunda ratio sumitur ex electionibus, per quas Generales creandi sunt: in 8. enim rr. l. 2. c. 1. ostendimus non posse esse alium modum successionis religioni congruentem: expedit autem multum Societati, ut hujusmodi congregationes Generales crebro non fiant; quia cum Societas in rebus magni momenti, & ad Dei gloriam pertinentibus satis semper occupata sit, non debet, quoad fieri possit, his congregationibus occupari, & distrahi. Quod cum in universum de his congregationibus verum sit, propter longa itinera, labores & distractiones Provincialium, Prælatorum, & aliorum electorum, qui semper esse debent ex præcipuis viris & operariis, peculiari, & urgentiori ratione verum est de his congregationibus, quæ ad eligendos Prælatos fiunt: habere enim solent maxima incommoda & dissidia, non sine magno detrimento religionis & oblocutionibus externorum de ambitu taxantium religiosos, ut in superioribus cap. præced. num. 10. adnotavimus: ergo etiam hoc titulo utilissimum est Generalem esse ad vitam, ut hoc modo tota Societas cum majore quiete & pace vivat.

6 Terrio hinc sequitur alia utilitas magni momenti, nimirum ut vel nulla, vel quam minima sit ambitionis occasio in Societate; sic enim dicitur in prædicta declaratione lit. A. *Longius recedet omnis cogitatio, & occasio ambitionis, quæ hujusmodi officiorum pestis est, si Generalis ad vitam eligatur, quam si certis temporibus esset eligendus.* Cum enim, sicut est incerta mors, ita etiam sit incerta electio, non ita excitantur animi ad præveniendam, vel procurandam electionem, sicut solent excitari, quando certa tempora electioni præfixa sunt.

7 Ultimo denique dubium non est, quin perpetuas muneris multum authoritatis conciliet ipsi Generali, tum cum externis, tum etiam cum nostris, ut in eodem c. 1. significatur: nam dignitas perpetua majoris æstimationis apud omnes est, quam temporalis. Item quod Prælati habet magis firmam jurisdictionem, minus dependet a subditis, ac consequenter majorem authoritatem cum ipsis habere potest, magisque ab ipsis timeri, & liberior etiam erit a respectibus timoris, vel amoris humani. Hujusmodi autem authoritas ad gubernationem Societatis utilissima sine dubio est, cum ad omnia negotia, quæ cum externis occurrunt, tum etiam ad rectitudinem, & efficaciam necessariam in ipso regimine adhibendam.

8 Periculum autem incommodi solum est, ne in usurpanda hujusmodi authoritate, vel abusu ejus, nimium excedat Præpositus Generalis, vel contra justitiam, vel contra charitatem. Hoc autem periculum comparatione facta ad commoda, & utilitates hujus perpetuitatis, & ad incommoda & pericula frequentis electionis, & mutationis, fere nullius considerationis est, & ideo juxta regulas humanæ prudentiæ non obstante illo periculo perpetuas hæc eligi debuit, & provideri modus, quo illo modo vel periculo occurratur. Hoc autem magna etiam diligentia, & prudentia in Societatis instituto factum est: nam ob hanc causam in 9. p. Constit. c. 4. Præpositus subijcitur Societati in omnibus, quæ ad modum vivendi, & gubernandi pertinent, & casus etiam numerantur, in quibus potest Societas illum deponere, & si opus sit a Societate remove. Et c. 5. §. 4. modus præscribitur, quo id possit executioni mandari, cum necesse sit.

9 Accedit præterea in Societate magna ex parte amputatas esse occasiones hujus periculi, saltem in eo gradu, ut possit in grave nocumentum Societatis redundare. Explicatur antecedens: nam duæ sunt potissimæ occasiones hujus damni: una est excessus in temporalibus sumptibus, vel in cibis & deliciis corporis, vel in aliis sumptuosius expensis, aut donationibus temporalium bonorum. Alia est appetitus majoris dignitatis, vel honoris. Prior magna ex parte per hoc ablata est, quod videtur, vestitus, & expensæ Generalis juxta ordinationem Societatis esse debent, cui ordinationi ipsum acquiescere oportet, ut in dict. c. 4. dicitur. Huc etiam spectat, quod unus ex casibus, propter quos deponendus est Ge-

neralis, est ex redditibus Collegiorum aliquid ad proprios sumptus assumere, vel cuivis extra Societatem donare (exceptis elemosynis), vel aliqua stabilia bona domorum, aut Collegiorum alienare, ut in eodem c. 4. §. 7. cum declaratione lit. D. dicitur. Altera vero occasio tollitur, quantum est ex parte instituti, per votum non procurandi, vel acceprandi dignitatem aliquam sine obedientia Sedis Apostolicæ. Solum ergo videntur superesse vel humani defectus alicujus negligentiae, vel præcipitationis, vel etiam humani affectus, quibusdam magis favendo, quam aliis, &c. His autem occursum est per consilia Assistentium, de quibus cap. præced. n. 6. & per officium monitoris, de quo in eodem ca. 4. 9. p. Constit. §. 4. ratione cujus tenetur Monitor (qui a tota Societate debet esse electus) præmissa ad Deum oratione cum modestia debita, ac humilitate quidquid sentiat in ipso Præposito requiri ad majus obsequium, & gloriam Dei, eum admonere. Nam hoc officium erga Prælatos necessarium valde est, ut docuit Basilii in reg. 27. ex fusioribus, ubi etiam addit. Ne ordinariæ disciplinæ injuria fiat, hujusmodi admonitio ad eos est deleganda, qui cum ætate, tum prudentia in Societate reliquis præstant. Ergo quantum humana conditio patitur, sufficienter est huic incommodo provisum, ut vel nullum, vel non admodum grave, vel saltem rarissime ex hoc modo regiminis sequatur.

C A P U T III.

Utrum convenienti modo reliqui Prælati in Societate instituantur.

1 **D**E duobus in præsentia inquiri potest, scilicet de creatione & de duratione horum Prælatorum; & in utroque dicemus, prius quid Societas observet; deinde rationem utriusque reddemus. Quoad priorem partem institutio Societatis est, ut Prælati omnes inferiores sub Generali non fiant per electionem, vel suffragia subditorum, sed per voluntatem seu provisionem Præpositi Generalis: ita habetur in 9. p. Constit. c. 3. §. 14 ubi de Generali dicitur: *Constituatur per seipsum Rectores Collegiorum, & universitatum, ac Præpositos locales domorum, quos aptiores fore judicaverit. Provinciales item, Præpositos, &c.* Similia sumuntur ex eodem c. 3. §. 3. & c. 5. §. 1. & 4. p. c. 2. sæpe aliàs. Propter illam autem particulam, *per seipsum* additur in eodem c. 3. §. 15. *Quod si Provinciali facultatem constituendi Præpositos locales & Rectores communicaverit, ejusdem Generalis erit eosdem confirmare, vel remove.*

2 Quibus verbis significatur, non posse aliis committere electionem seu creationem Provincialium, quamvis per Provinciales, vel per alios, prout sibi videbitur, posset inferiores Præpositos vel Rectores instituere. Quia vero expresse ibi non denegatur hæc potestas delegandi facultatem ad creandum Provincialem, sed solum tacetur, ideo non existimo esse illi absolute sublatam: nam cum hæc potestas constituendi Provinciales in Generali sit ordinaria, communi jure delegabilis est; ergo si non expresse prohibetur, aut limitatur, ex jure communi obtinetur, quamvis expresse, & specialiter non concedatur. Nec sola taciturnitas sufficit ad eam limitandam: nam licet qui unum exprimit, & aliud tacet, illud excludere præsumatur, c. *Nonne*, de præsumptione, cum similibus, nihilominus illa præsumptio non est sufficiens quando jus commune in contrarium existit. Maxime quia potuit id fieri ad significandum frequenter posse accidere, ut inferiores Præpositi, vel Rectores per alios, scilicet Provinciales, eligantur, Provinciales autem cum jure ordinario immediate subint Generali, regulariter non debere per alium immediate eligi. Hoc tamen non obstat, quominus in aliquo casu possit Generalis hoc committere Visitori v. g. vel alicui commissario; imo & in praxi id positum esse nobis constat, & ideo hæc pars ut certa tenenda est, præsertim si non absoluta electio, sed inter duos aut tres a Generali designatos committatur. Confirmatio etiam, quæ in hujusmodi casu Generali reservatur, esse potest vel consequens, (ut sic dicam) vel antecedens. Consequentem appello, quando facta electione per commissarium Generali notificatur, & ipse ratam illam habet.

Prælati alii in Societate a Generali ordinariæ creantur.

An quæ generalis delegare alteri electionem provincialis.

Ad incommodum in num. 1.

Pericula quæ ex perpetuitate Generalis amputata in Societate.

habet. Et hic est ordinarius modus confirmandi hujusmodi electiones. Nihilominus non cenſeo eſſe abſolute prohibitum, quominus Generalis poſſit, ſi velit, ſimul committere hanc poteſtatem ipſo facto confirmando electionem, ex quo facta fuerit, quod voco antea confirmare; quia ibi non præcipitur, ut confirmatio ſubſequatur, nec propter hoc poſita eſt illa conſtitutio, ſed ad poteſtatem Generalis declarandam.

An conveniat creari ſuperiores per unius Generalis judicium.

Primo ob-
jectio bi-
membris.

3 Superest, ut rationem hujus regiminis reddamus, videtur enim novum & alienum a communi jure, & uſu cæterarum omnium religionum, & ideo non debuit ſine magna & urgente neceſſitate, ac ratione introduci. Eo vel maxime, quia vix fieri poteſt, ut unus Generalis Præpoſitus poſſit juſte ac convenienter eligere Superiores, in tot provinciis, loco & noſſitia remotiſſimis, & in tanta hominum multitudine, quorum omnium ſufficientem noſſitiam habere, ut ex eis digniores ad hæc munera eligantur, prout ratio juſti- tiæ poſtulat, difficillimum eſt. Nec ſatis eſt dicere per informationem ac relationem aliorum, poſſe Generalem comparare hanc ſufficientem noſſitiam perſonarum: nam in hujusmodi informationibus poſſunt facile errores & deceptiones miſceri, vel propter ignorantiam eorum, qui informant, vel etiam propter affectionem, vel aliam humanam paſſionem: ſumus enim homines, & in tanta multitudine vix fieri poteſt, quin aliqui hujusmodi affectus inveniantur, vel e contrario fieri non poteſt, ut in multis ſit prudentia & rectitudo neceſſaria ad hujusmodi informationem præſtandam, eo vel maxime, quia hujusmodi informatio petenda eſt ab hominibus ejuſdem ordinis, ut ſic dicam, id eſt, aptis ad eadem munera & officia, & ideo facile accidere poteſt, ut unus de alio ſiniſtre informet, ne ſibi ad tale munus aliquando impedimento ſit. Denique in hujusmodi informatione non poteſt non eſſe magna judiciorum varietas, quæ conſuſionem magnam pariat in eo, qui in loco eſt valde remoto, & veritatem per ſe inquirere non poteſt: & ideo hic modus videtur expoſitus multis erroribus circa electionem dignarum perſonarum: præter alia incommoda, quæ ex his informationibus ſequi poſſunt, ut falſæ detractiones, manifeſtationes occultorum peccatorum, exaggerationes minimorum defectuum: vel e contrario, falſæ laudes, & commendationes pro infinita varietate judiciorum & affectuum.

4 Secundo principaliter obijci poteſt contra hunc modum regiminis, quia electio proprii Prælati videtur eſſe multo magis accommodata ſtatui religioſo, quia in eo eſſe debet obedientia maxime filialis, & voluntaria. Ad hoc autem, conſiderata humanæ naturæ conditio- ne, multum conſert, ut ſuperior & antea ſit cognitus, & amatus a ſubditis, & ſpontaneè ab ipſis aſſumptus. Nam ſi ab extrinſeco proveniat, quodammodo violentum eſt, & ideo minus amabile, & ipſe etiam qui eligitur, priuſquam cognoscat ſubditos, eoſque ut filios tractare & diligere incipiat, ſuum tempus fortaiſſe explebit, maxime ſi ex una provincia ad regendam aliam, prout nonnumquam ſit, a Generali mittatur. Atque hinc in Eccleſia factum eſt, ut monachis juſ ſibi eligendi ſuperiores fuerit conſeſſum, ut in tract. 8. generatim oſtendimus, & refert etiam ex Conc. Toletano Gratianus in c. ult. l. 7. q. 7. habetur autem in Conc. Cabilonenſi 2. c. 7. & l. 7. q. 2. ſuntque multa alia jura, quæ ob eamdem cauſam ſtatuant, ut Prælati religionis eligatur ex eadem religione, & ex eodem habitu, & ſi fieri poteſt, ex eadem domo, quod ſpecialiter de monialibus ſignificavit Concilium Tridentinum, ſeſſ. 25. c. 7. de Regular.

Reſolutio
affirm.
probat
authori-
tate.

5 Nihilominus credo non ſine peculiari Dei providentia & Spiritus ſancti inſpiratione B. Ignatium hunc modum regiminis Societati reliquiſſe, cumq; cenſeo eſſe ex rebus in primis neceſſariis ad Societatis conſervationem, & profectum, & præſertim ad ejus pacem, & tranquillitatem. Et ad hoc comprobandum præter authoritatem fundatoris, & ſociorum ejus, & conſenſum perpetuum totius religionis habemus authoritatē Pontificum Pauli III. & Julii III. in quorum Bullis de confirmatione inſtituti, hæc verba habentur: *Proprii cujuſque gradus judicium & officiorum diſcretio ac diſtributio tota ſit in manu præpoſiti per nos eligendi, vel eorum, quos*

ipſe ſibi a cum authoritate ſubſtituerit, ut congruus ordo ſervetur in omni bene inſtituta cōmunitate neceſſarius. Habemus deinde per diuturnam experientiam ex hoc modo regiminis nulla incommoda alicujus momenti haſtenus ſequuta fuiſſe; imo ratione illius cum magna pace, & tranquillitate, & ſervato juſti- tiæ, & charitatis ordine fuiſſe Societatem gubernatam. Merito ergo credimus hunc modum regiminis eſſe accommodatum huic inſtituto, juxta ſuum peculiarem vivendi modum, quidquid ſit de aliis religionibus, vel congregationibus, quorum proprios mores non improbamus.

Item ex-
pe. imēto.

6 Rationes, quæ utilitatem hujus regiminis oſtendunt, præcipue ſumuntur ex majoribus incommodis, quæ ex alio modo creandi Prælatos ſequerentur Societati, & per hunc vitantur. Tribus enim modis creati poſſunt Prælati inferiores; primo per electionem faciendam a tota cōmunitate proportionaliter, ſeu reſpectivè: ſecundo ab aliquo ſuperiore Prælato, cum aliquo conſilio deſinitivo, ſeu ad plura ſuffragia: tertio a Prælato, ita ut in illo ſolo ſit poteſtas, quamvis uri debeat prudenti conſilio ſuorum miniſtrorum. Primus modus habet in primis magnum periculum generandi ſpiritum ambitionis, quæ peſtis eſt religionis, ut noſtræ conſtitutiones ſæpe dicunt, & ſupra lib. 6. c. 7. agentes de votis profeſſorum ex ſanctis Patribus confirmavimus: nunc ſufficit illud Baſilii in conſtit. monaſt. c. 10. *Inter fratres principatum nullo modo appetere monachus debet, ſiqui dem diabolica iſta peſtis eſt, & libidinis dominandi labes.* Et infra: *qui autem ab eo vicio captivi tenentur, eos invidioſos, contentioſos, inſimulatores, imprudentes, calumniatores, aſſentatores, veteratores, humiles ubi non convenit, illiberales, glorioſos, ſexcentis denique aliis hujusmodi turbis reſertos exiſtere neceſſe eſt.* quæ ſigillatim explicat & proſequitur. Quod autem hoc vitium regulariter valde conjunctum ſit cum hujusmodi electionibus, ſatis experientia ipſa oſtendit, & ſere in omnibus congregationibus, & in ſuperioribus ſæpe declaratum eſt; maxime vero eſſe poteſt hoc periculum in electionibus, quæ per ſuffragia multitudinis ſunt; quāto enim talis electio declinat magis in regimen democraticum, tanto eſt minus perfectæ, & hujusmodi vitiis expoſita. Nam in quocumque ſtatu hominum pauciores ſunt viri prudentes & a privatis affectionibus liberi, & ideo quando electores ſunt omnes de populo, vel congregatione, vel magna multitudo, plures eorum ſunt vel juvenes, vel minus prudentes, vel in ſuis affectibus non ſatis moderati, atque ita facile eſt multos corrumpere, aut decipere, aut aliis modis ſubornare, & inde oritur ſpiritus ambitionis in his, qui ſperant ſe poſſe his mediis conſequi prælationem.

Denique
ab incom-
modis ali-
ter elige-
di.

Incommo-
da varia
ex uno eli-
gendi mo-
do.

7 Præterea ex hujusmodi electionibus plerumque ſequi ſolent diviſiones & ſchiſmata, quæ eleganter, & ſuſe proſequitur Chryſoſt. lib. 3. de ſacerdotio a medio, & experientia notiora ſunt, quam ut verbis a nobis exaggerari neceſſe ſit. Aliud etiam incommodum ex his electionibus ſequitur: nam periculum eſt, ne Prælati electi his inſeſti ſint, qui ſuffragium eis non dederūt, aliis vero nimium conniveant, & quæ puniri eſſe oportebat, diſſimulent, & (quod gravius eſt) ad officia vel dignitates ordinis eos immeritos, & indignos promoveant: nam, ut dixit Gregor. lib. 2. epistolarum cap. 61. alias epistol. 22. *Si quorundam patrocinio fuerit quiſquam electus, voluntatibus eorum cum fuerit ordinatus obedire, reverentia exigente, compellitur: ſicque ſit, ut & res illius minuantur Eccleſia, & ordo Eccleſiaſticus non ſervetur.* Multa denique alia incommoda in hujusmodi electionis modo, ipſo uſu reperta ſunt, propter quæ vitanda, multæ religiones illum modum reliquerunt, aliæ relinquendum judicant, & exoptant, & in Eccleſia univerſali videmus ablatas eſſe electiones Episcoporum, quæ olim a populo, vel clero fieri ſolebant, & in graviſſimis electionibus, ut Papæ, quæ ob aliquam neceſſariam cauſam in uſu conſervantur, procuratum eſt, ut a paucis & ſelectis perſonis ſiant.

Item diſ-
ſenſio.

Item ele-
cti erga
eligent-
es conni-
ventia & in-
digna
proviſio.

8 Circa ſecundum eligendi modum per definitorem conſilium, occurrunt in primis rationes omnes, ob quas in c. 1. a. n. 8. diximus ordinarium regimen Societatis quoad omnia, quæ extra Congregationem generalem ſunt, eſſe a ſolis Prælatiſ cum ſuffragiis aliorum conſultivis, non definitivis; unus enim ex actibus ju- riſdictio-

Contra
alterum
quendam
eligendi
modum
quæ ratio-
nes mili-
tante.

Que item
incom-
moda.

ditionis est providere, seu instituire superiores: quæ igitur ratione alii actus jurisdictionis, vel administrationis Societatis committuntur judicio, & potestati Generalis, hæc etiam provisio commissæ est: deinde quæcumque ratione electiones fiant, non evitantur, licet forte minuantur incommoda electionum, quæ sine dubio attente considerata, majora sunt, quam in prædicto Societatis providendi modo; quod in præfenti amplius declaro: nam si Provinciales, v. g. futuri essent in Societate per electionem, vel talis electio facienda esset a tota Provincia in congregatione provinciali, & sic illa electio jam esset totius multitudinis, & in ea locum haberet omnia dicta in n. 6. & 7. & quidem si qua incommoda visa sunt experiri cognita in electionibus religionum, maxime in his electionibus Provincialium factis a toto provinciali capitulo inventa sunt. Nam quo illa dignitas major est, eo magis appeti potest; & quia personæ, quæ ad illam electionem conveniunt, ejusdem sunt, & rationis, & provinciæ, majus habent inter se commercium, & ideo facilius possunt negotiationes & prætensiones intercedere. Hæc ergo electio nullo modo expediebat Societati, & in aliquibus provinciis ejus esset valde difficilis, & incommodus talis electionis modus. Ut in Indiis, in quibus præter difficultatem congregandi omnes, qui existunt in locis valde remotis, & in conversione animarum sunt occupati, sæpe haberi non potest tanta notitia eorum, quos eligere oportet; præsertim cum sæpe expediat ex Europa novos Provinciales admittere.

Sive in-
terveniat
puci co-
lliarii.

9 Alia esse poterat, ut a paucis & selectis hominibus ejusdem provinciæ talis electio fieret: & ex hoc plura insurgerent incommoda, quam vitarentur. Nam prius oporteret invenire modum designandi vel eligendi hos electores, quod esset difficultates augere, quia non minor prudentia, & rectitudo necessaria esset, ad quemlibet eorum eligendum, quam ipsum Provinciale. Vel necessarium fuisset munus illud veluti jure ipso committere quatuor, v. g. antiquioribus professis, vel habentibus alia officia, quod sine dubio esset absurdissimum: nam antiquitas professionis, (& idem est de qualibet alia simili conditione) non affert secum tam ordinarie omnia dona necessaria, quam oportebat ad munus eligendi adeo grave: ac deinde constitutis hujusmodi electoribus, super sunt alia generalia incommoda n. 6. & 7. allata, circa electionem ab ipsis faciendam, propter diversitatem judiciorum, & affectuum. Et præterea potest unum peculiare animadverti: nam vel illi electores habituri erant potestatem eligendi aliquem ex ipsis, vel non. Hoc posterius esset moraliter impossibile, vel valde incommodum, quia, si difficile est, in una aliqua tota provincia dignum moderatorem invenire unius etiam monasterii, ut aliàs dixit Basilii, quem in Superioribus attulimus; quomodo quæso excludi poterunt ab hujusmodi munere, seu voce passiva, omnes illi electores, cum necessario futuri essent ex præcipuis totius provinciæ viris? Illud autem prius, quod scilicet ipsi simul essent & electores, & eligendi, non parum haberet incommodi in tam parvo electorum numero.

Conclu-
ditur non
expedire
iplos etiam
provin-
ciales fieri
per vo-
ca cõgreg.
generalis.

10 Moraliter ergo rem considerando, necessarium fuit Societati, ut Provincialium provisio Generali committeretur eo ipso, quod per Provinciale congregationem fieri non expediebat. De ipso autem Generali jam reddita est ratio c. 1. n. 6. cur Assistentium suffragia non sint definitiva, & ulterius cõsidero, si quid incommodi est in hoc, quod hujusmodi provisiones per Generalem fiant, illud non minui ex eo, quod suffragia cõsultorum, seu Assistentium definitiva sint: quia eandem notitiam requirunt, quam non possunt nisi per informationem obtinere, & in rigore major videtur necessaria ad definiendum, quam ad consulendum: nam consilium sæpe datur, supponendo factum, vel informationem potius, quam examinando veritatem ejus; judicium autem definitivum postulat diligens examen, & cognitionem facti, seu conditionum personæ, quæ majori diligentia, & sollicitudine fit ab uno, quando totum opus, & obligatio digne providendi officium ad illum pertinet. Ergo per suffragia definitiva non occurrit huic incommodo, & aliunde non vitantur ea, quæ in diversitate judiciorum, & affectuum inveniuntur.

11 Idem fere discursus fieri potest de Præpositis localibus, seu Rectoribus: nam si electio a subditis facienda non est, necesse est, ut per aliquem Superiorem Prælatum provideantur: constat autem id faciendum esse ex consilio prudentum, nam in omni gravi negotio hoc semper necessarium est. Quod autem hoc consilium in Societate consultivum sit potius, quam definitivum, eandem rationem habet in hoc negotio, quam in aliis. Quod ergo hæc provisio potestate ordinaria, non provincialibus, sed Generali committatur, plures habet rationes morales valde congruentes. Prima, quia verisimiliter creditur Generalem liberiores futurum a singularibus affectionibus, ut plurimum loquendo, tum propter majorem muneris obligationem, tum propter minorem dependentiam ab aliis, tum propter minorem familiaritatem cum singulis personis distantium provincialium. Secundo, quia hoc modo melius servatur perfecta subordinatio, & unio totius corporis cum suo capite, quæ maxime necessaria est ad bonum ejus. Tercio, quia in Societate tanta est unitas, ut quantum ad mutuum juvamen & affectionem, omnium inter se perinde reputanda sit, ac si esset una provincia, & una natio. Quod enim multiplicentur provinciæ, solum est propter necessitatem provenientem ex distantia locorum: in reliquis vero, quantum ratio instituti postulat, servanda est maxima unitas & communicatio bonorum omnium, & mutuum auxilium, quoad fieri possit: unde fit, ut Rectores & Superiores unius provinciæ, sæpe ex alia provideantur, vel e converso, ut qui in una est superior, ad aliam mittatur, ut concionandi, vel docendi munus exerceat. Ob hanc ergo causam necessarium est, ut potestas conferendi, & auferendi has prælationes sit in supremo capite.

Imo non
Prælatos
locales
aliter,
quam per
Generalem
fieri mul-
tipliciter
ostenditur.

12 Accedit quarto, quod Generalis, cum perpetuus sit, habere debet comprehensam, ut ita dicam, totam Societatem, & alius prospicere, quæ personæ singulis locis necessarie sint, & ex quibusdam locis, vel provinciis, aliarum Rectores providere, si magis expediens esse judicaverit. Et similiter cum omnes expositi esse debeant ad missiones Pontificias, quæ plerumque per Generalem fiunt, optime potestas providendi superiorem cum potestate mittendi illos in eodem Generali conjungitur, ut cum aliquem Rectorem, v. g. inter infideles mittit, statim possit alium loco illius sufficere. Accedit tandem, quod licet potestas principalis sit in Generali, uti nihilominus debet auxilio Provincialium, ut digne & convenienter possit de superioribus providere, & sæpe potest hoc illis committere. Unde fit, ut per hunc modum non excludatur omnis utilitas, quæ provenire posset ex potestate Provincialium, si eis committeretur, & additur alia major, quæ ex eo sperari potest, quod Generalis super omnes vigilet, & possit, vel confirmare, quod recte a Provincialibus propositum, aut factum fuerit, juxta potestatem eis concessam, vel certe emendare, quod minus expedire judicaverit.

13 Ad primam ergo objectionem in contrarium dici potest primo, hunc modum providendi Superiores non esse novum in religionibus: nam olim Episcopi, qui erant quasi supremi Prælati religionum, Abbates in monasteriis constituebant, juxta Conc. Tolet. IV. can. 50. habetur in c. 1. 18. qu. 2. ibi: *Abbates aliæque officia instituire*. Hæc tamen verba glossa ibi ita limitat & exponit, ut semper intelligatur electio Abbatis pertinuisse ad monachos: nam *instituire*, exponit, id est, confirmare, vel si proprie sumatur, intelligit cum limitatione, scilicet quando monachi negligentes sunt, aut indignum eligunt, argumento *c. si quis Abbas*, eadem causa & quæ. Quam expositionem sequuntur ibi Doctores communiter, fundanturque in aliis juribus tribuentibus hanc electionem monachis, quæ jura sine dubio antiquiora sunt, præcipue enim sunt Gregorii & Pelagii Papæ, quos antecessisse Conc. Toletanum IV. certum est. Neque aliquid ex illis verbis colligi potest: sicut etiam nunc potest dici Episcopus habere jus instituendi Abbatissas, quamvis non possit illas creare sine electione monialium. Quocirca probabilius est a principio religionum illam consuetudinem fuisse magis receptam, ut supra etiam tract. 8. suo loco probavimus.

Ad 1. ob-
ject. in 2.
Quoad
prius me-
brum.
Responsio
prima.

14 Dicitur ergo secundo nostra nihil referre, quod hic modus providendi prælatos novus sit, vel antiquus, sed

sed id solum attendimus, an sit expediens, nam constat de se malum non esse, & in Ecclesia in providendis pastoribus animarum frequentius usurpari: si ergo etiam huic statui religioso magis expedire constiterit, recte faciet illo utendo, etiamsi aliæ religiones ob alias iustas causas electionibus utantur, vel sæpe usque fuerint. Quod autem nobis hic modus expediat, rationes a n. 6. adductæ, ut credimus, satis persuadent, & non minus diuturna experientia quinquaginta annorum, vel amplius, cum hæc scribimus, in quibus cum magna pace, & quiete Societas hoc modo gubernata est, semperque ad huiusmodi officia ex dignioribus & aptioribus personis, quantum moraliter intelligi potest, assumptæ sunt, ideoque etiam ab externis hominibus prudentioribus, & gravioribus modis, quem Societas in hoc observat, magis, ac magis commendatur, inter quos numerari potest Navarrus comment. 3. de Regularib. n. 3. in fin. unde eadem experientia satis ostensum est non esse impossibile, quod in objectione posita tamquam impossibile assumitur. In aliis enim religionibus, in quibus non est tanta dependentia vel communicatio cum Generali, forte illud videretur impossibile; tamen in Societate, ubi est multo maior dependentia, & communicatio, non est admodum difficile, si inferiores Prælati, & alii officiales seu consultores fideliter sua munera exequantur, & Generales omnem curam, & sollicitudinem adhibeant, ut quisque illorum sit fidelis dispensator ac prudens, sicut per divinam gratiam hæcenus conservatum est.

Responso ad posterius membrum in eod. n. 3.
 15 Quod autem interdum aliquis error, vel defectus per ignorantiam committatur, licet in particulari hoc nobis non constet, nullum argumentum est, ut propterea mutari regimen debeat, quia providentia humana non potest omnia incommoda præcavere, sed illa præfertur, in qua regulariter pauciora inveniuntur. Illa autem pericula, quæ circa informationes exaggerantur, communia sunt ad quæcumque modum electionis, seu provisionis, quæ per homines fieri possunt. Et ita constat experientia nec Summum Pontificem, neque Episcopos, neque Reges, vel alios Principes, posse aliter officia vel dignitates providere, nisi accepta informatione quarundam personarum ab aliis fide dignis. Unde ubi plures sunt electores, ad huiusmodi officia singulos per informationes duci necesse est ad recte eligendum: non ergo caventur dicta incommoda propter illum modum electionis, sed potius augentur, nam certe minora timeri possunt, quando una tantum persona informanda est, & illa est adeo gravis, ut omnes illi maiorem reverentiam, & fidelitatem debeant, & adeo prudens, & potens, ut alii nec facile possint, neque audeant illam decipere: ex parte etiam eorum, a quibus informatio sumenda est, minus etiam est periculi, quia non solum religiosi sunt, & timorati, sed etiam specialiter profitentur, ut lib. 6. a c. 7. vidimus, ne inter eos genus aliquod ambitionis aut negotiationis inveniatur. Quantum ergo humana conditio patitur, videtur huic errori sufficienter provisum; quod evidentius constaret, si omnia particularia media hic proponeremus, quibus Societas utitur, ut Generalis sufficientem notitiam personarum ad suum munus exequendum obtineat; sed hoc nec necessarium videtur, nec paucis verbis fieri posset; consulantur vero, quæ hac de re scripta sunt in ordinationibus contractis ac toti Societati communibus c. 17. a nu. 4. usque ad finem capituli, & c. 19. n. 4.

Ad 2. objectionem in n. 4. multipliciter excluditur.
 16 Ad secundam objectionem, fatemur in primis electionem per suffragia subditorum habere illam humanam commoditatem, quod erit illis magis gratus & dilectus, si eorum voluntate fuerit assumptus: tamen hæc ipsa commoditas comparata ad incommoda, quæ ex electionibus sequuntur, quasi nihil a nobis reputatur. Deinde si electiones fierent semper unanimi consensu, vel saltem rectissima intentione, esset illa utilitas æstimanda; tamen cum sæpe fiant per contentionem, & æmulationem, illa, quæ respectu quorundam videtur commoditas, respectu illorum, qui non consenserunt electioni, solet esse magna perturbatio, quia vix possunt non solum diligere, verum etiam patienter ferre Prælatum suum, præsertim si propter negatum suffragium illum sibi bene affectum non sentiant. Tertio dicimus illud commodum esse mere humanum, ut sic dicam, nam qui perfectionem obedientiæ proficietur, contentus est

ea electione Prælati, quam intelligit esse magis consentaneam divinæ voluntati, & per se meliorem; B. autem Ignatius potissimum optavit cum hoc spiritu suos alumnos educare, ut abstracti ab humanis affectibus & respectibus, eum velint habere Prælatum, qui aptior in Domino sit ad gubernandum. Quarto speciali ratione est hoc magis necessarium in hominibus Societatis, quia non habent, ut ita dicam, firmum domicilium, seu ex vi instituti parati esse debent ad peregrinandum, vel habitandum in diversis provinciis & regionibus, & ideo affueri esse debent, ut a cognitis & incognitis superioribus gubernentur. Quinto in Societate etiam minus habet incommodi, quod superiores ex una domo ad aliam, vel ex una provincia ad alteram afferantur, tum quia in Societate non sunt filiationes domorum, vel provinciarum, sed omnes quoad amorem & omnem beneficentiam, tamquam ejusdem domus reputantur; & tota Societas tamquam una provincia, ut supra n. 11. dicebamus, tum etiam propter multam communicationem per litteras, & varias missiones, ex qua nascitur, ut personæ, præsertim graviore, & quæ ad hoc munus possunt assumi, sufficienter cognoscantur, & facile etiam possint alios cognoscere ad regendum illos; tum denique quia regimen ipsum est valde uniforme, & quasi ejusdem rationis in omnibus domibus & provinciis, & ideo facile omnibus accommodatur.

17 Nihilominus dicimus in Societate non præferri hoc genus suavis providentiæ in electionibus superiorum, quantum commode fieri potest. Nam in primis, fere semper, seu regulariter eliguntur superiores ex eadem natione, & frequenter ex eadem provincia; quod si aliquando aliter fit, vel intercedit causa, vel necessitas urgens, vel certe, quia persona in eadem provincia educata est, & quasi naturalis effecta. Deinde nunquam huiusmodi electiones sunt sine magna consultatione præcipuarum personarum uniuscujusque provincie, nec sine plurium iudicio & assensu. Denique etiam habetur ratio affectuum, seu propensionum subditorum, procuraturque, ut quoad fieri possit, ab hominibus alijs sibi gratis & acceptis gubernentur. Nam quod electiones fiant ab uno capite, non excludit hoc genus providentiæ, & prudentiæ, imo facilius potest ab illo observari, qui totius religionis maiorem notitiam habet.

De duratione superiorum infra Generalem.

18 Superest, ut aliud punctum, in principio capituli propositum, de duratione superiorum sub Generali expediamus. Hi enim non sunt positive, ut sic dicam, perpetui, hoc enim Generalis proprium est, & merito, tum quia ille solus, intra religionem a nullo pendet, omnes vero alii pendunt ab ipso: tum etiam, quia non est eadem necessitas in alijs, solus enim Generalis per electionem Congregationis generalis fit; cujus frequentia viranda fuit, ut c. præcedenti n. 5. notavimus; reliqui vero sine electionibus facile possunt ab ipso Generali mutari, & institui: tum denique, quia etiam Philosophia docet omnia mobilia niti, & fundari in aliquo immobili, ut per mutationes proprias sese mutuo juvent, & conservent fundata & radicata in principio immobili: ita ergo in hoc corpore religioso Societatis, mutatio inferiorum Prælatorum necessaria est, propter varias causas, & occasionem, quæ moraliter occurrunt, & quia pauci apti sunt ad magistratum perpetuo gerendum cum suo & aliorum profectu, ut supra etiam tract. 8. dixi, tractando de Prælatibus regularibus in communi. Hæc autem mutationes facilius & utilius sunt existente uno principio, seu capite immobili, quantum patitur humana vita mortalis, juxta dicta in c. 2.

19 Secundo, ex vi constitutionum Societatis, hi Prælati inferiores nullum fere habent terminum præfixum, sed a voluntate Generalis pendunt: nihilominus in 9. p. const. de Provincialibus dicitur, ad triennium, ut plurimum esse constituendos; additur vero, *quamvis et contrahi, & prorogari etiam id spatium temporis possit; quando ad maiorem Dei gloriam id fore videbitur*: unde ille terminus triennii (ut etiam in declaratione significatur) solum præfigitur, ut ordinarie possint commode & sine nota finito illo tempore a munere removeri: nam si oporteret tempus prorogare, sine ullo incommodo fieri posset, quia id cederet in personæ commendationem. Majus posset sentiri inconveniens, si ante

Adde commo-
ditas n. 2.
objecto-
ne alimna-
litter in-
venitur
in Socie-

Convenie
prælatos
infra Ge-
neralē nō
esse per-
petuos.

Quid de
Provi-
dentiali
duratio-
ne.

illum terminum quis esset removendus: verumtamen hoc etiam raro potest esse necessarium, & prudenter ita fieri potest, ut nulla inde infamia oriatur, vel certe interdum propter majus commune bonum permitti, vel etiam in poenam potest infligi. De aliis autem inferioribus Præpositis nihil dicitur quoad tempus administrationis eorum, sed solum quod Generalis eos constituere, ac removere potest, ita in d. cap. 3. d. 9. §. 3. & p. 4. cap. 10. §. 3. ubi dicitur: *Penes eundem* (id est, Generalem) *erit Præpositum. Rectorem amovere, talique cura, prout in Domino convenientius videbitur, liberare.* Nam quia frequenter expedire potest, hæc inferiora officia mutare, vel etiam eorum tempus prorogare, ideo B. Ignatius in constitutionibus, & 2. Congr. generali, can. 33. nullum certum tempus, etiam ut plurimum observandum, his muneribus præscripsit.

20 Sed quamvis hæc ita sint, nihilominus a tempore 5. Congregationis generalis decreti 51. in junctum est, ut omnes etiam superiores locales (exceptis Rectores domorum probationis & seminariorum, in quibus jus declaratum integrum manet) per triennium tantum durent, infra quod tempus possunt a Generali jussis ex causis, vel propter commune bonum, eos removere, aut alio mittere: prorogare autem tempus non potest, & finito triennio, saltem per annum vacare debent a munere prælationis, nisi necessarium sit aliquem ad munus Provincialis promoveri, nam propter illius muneris gravitatem, & quia non possunt semper plures inveniri, ab aliis muneribus liberi, & aptissimi ad illud exercendum, ideo liberum relictum est Generali, ut ex quocumque inferiore munere, etiam per triennium peractum, possit ad illud quaecumque personam assumere. Pro ipsis autem Provincialibus etiam statutum est, ut finito suo triennio subditi sint, saltem per annum, ita ut nec inferiorem aliquam prælationem habere possint. Hæc autem temporis determinatio non ideo facta est, ut dignitas prælationis pluribus communicari possit, cum Societas maxime cupiat omnem prælationis affectum extirpare, ut in superioribus visum est lib. 6. c. 7. & revera hæc munera in Societate multo plus habent oneris, & sollicitudinis, quam dignitatis, honoris, aut commodi, sed facta est, ut munus prælationis facilius sustineri possit. Item ut hi, qui apti sunt ad prælationem, & ideo frequentius ad illam assumuntur, non obliviscantur humilitatis & subjectionis, & ut experientia etiam discant subditis suis temporibus comparari. Item ut hoc modo plures sint in Societate viri ad gubernandum apti, quia prudentia, ad illud munus necessaria, usu ipso, & experientia maxime acquiritur. Denique per hoc nihil impeditur principale institutum Societatis, circa ministeria animarum, & missiones, propter hunc finem faciendas, cum semper possit Generalis quemlibet mittere, vel ad aliud opus, seu ministerium applicare, nihil obstante (ut sic dicam) jure triennii, quia revera proprie loquendo, nullum tale jus in Societate acquiritur personis, quæ ad has prælationes assumuntur: aliunde vero facta ita determinatione, liberius possunt saltem finito triennio ab illis muneribus removeri. Et quamvis interdum expedire possit, tempus hoc aliquibus personis prorogari, tamen, quamvis id non fiat, parum incommodi sequitur, cum moraliter nunquam desint, qui sufficienter possint in his muneribus substitui, & propter alia commoda, quæ videntur majora, potest hoc quaecumque incommodum tolerari. Hæc tamen triennialis determinatio in dicta Congregatione 5. pro superioribus localibus facta ex significatione Pontificis, postea ab eadem Sede Apostolica ad jus nostrarum constitutionum fuit restituta.

C A P U T IV.

De potestate jurisdictionis in Societate JESU, ac primum de suprema.

1. Affer-
tio, exis-
te in So-
cietate ju-
risdictio-
nem Ec-
clesiasticam
in foro
confessio-
nis.

IN primis supponendum est, in Societate esse jurisdictionem ecclesiasticam, tam in foro confessionis (de quo nunc agimus, quia res est clara, & sufficienter tacta superius lib. 8. cap. 5. circa usum confessionis) quam in foro contentioso, seu exteriori respectu suorum membrorum omnium, & causarum ad eorum per-

sonas pertinentium, etiam si criminales sint, vel cujuscunque alterius generis. Hoc constat, tam ex communi doctrina religionis status exempti, superius tractat. 8. data, quam ex multis Bullis Pontificiis, in quibus eximitur Societas a jurisdictione omnium ordinariorum a principio sue confirmationis, ut constat ex Bulla 1. & 5. Pauli III. & Bulla 1. Julii III. & ex constitutione: *Ascendente Domino*, Greg. XIII. & alia Bulla ejusdem, quæ incipit, *satis superque*, ex quibus literis Pontificiis constat, & habere Societatem jurisdictionem quasi Episcopalem in suos subditos, quam jure communi habent religionis exemptæ, & habere illam cum omni extensione, & perfectione aliis religionibus concessa, per communicationem, quam cum illis habet, juxta eadem indulta Apostolica, & præsertim cum mendicantibus, juxta Bullam: *Dum in defesse*, Pii V. & cum multis specialibus illi proprie, & directe concessis in variis Bullis Pontificiis, a Paulo III. & Julio III. & præsertim a Gregorio X. II. concessis, ex quibus etiam constat, jurisdictionem hanc in Societate esse ordinariam respectu propriorum subditorum; quia licet per privilegia Pontificia liberaliter concessa sit, data est tamen ut exercenda ex proprio munere, & per proprios talium animarum pastores, superiores, ac judices, & ideo data est ut tamquam ordinaria habeatur. Quod confirmandum est, & cum proportionem explicandum ex his, quæ de Prælati regulariis in communi diximus in tract. 8.

2 Secundo principaliter dicendum est, jurisdictionem hanc considerari posse, vel prout existit in communitate aliqua Societatis, vel in singularibus personis; utroque enim modo potest jurisdictio Ecclesiastica communicari. Imo una & eadem jurisdictio potest nunc esse in singulari persona, & postea in communitate aliqua, ut jurisdictio Episcopalis ordinarie est in Episcopo & sede vacante in Capitulo. Uterque ergo modus habendi jurisdictionem in Societate reperitur, sicut in aliis etiam religionibus. Est autem hoc peculiare Societatis, ut nulla communitas ejus habeat propriam jurisdictionem gubernativam, nisi sola Congregatio generalis totius Societatis; nam Provinciales Congregationes hanc jurisdictionem non habent, & multo minus quælibet inferiores. Dico autem non habere propriam jurisdictionem ad gubernandum, quia & Congregatio Provincialis habet jus eligendi, vel procuratorem ad Generalem mittendum, vel eos, qui cum Provinciali ad generalem Congregationem mittendi sunt, ut constat ex 8. p. const. c. 3. & in §. 1. & c. 5. §. 3. & ex formula Congregationis Provincialis: illud autem jus eligendi cum omnibus, quæ illud concernunt, cujuscumque sunt electiones definitorum earum rerum, quæ in ipsa Congreg. Provinciali tractandæ sunt, & secretarii ejusdem Congregationis, non computatur nunc a nobis in propria jurisdictione, de qua agimus, neque ulla expositione indiget, præter eam, quæ in dicta formula Congregat. Provincialis sufficienter tradita est.

3 Congregatio autem generalis sine dubio habet jurisdictionem, eamque maximam in Societate; maximam dico intensive, non autem extensive (ut ita nunc breviter loquamur, postea enim a n. 8. latius id explicabimus:) dico enim esse intensive maximam; nam primo potest Generalem eligere, cui consequenter communicat totam jurisdictionem, quam ipse habet. Secundo, quia etiam post illum electum manet illi superior, ut supra visum est in c. 2. n. 7. satisque etiam inter alia indicatum est in 4. Congregatione generali decreto 20. illis verbis, ut *Congregatio Præposito mandet*, &c. Unde potest non solum illum obligare suis legibus & præceptis, sed etiam cum punire, vel interdum deponere, si causæ legitimæ intercedant, juxta 4. c. 9. p. constit. Tertio habet potestatem statuendi jus perpetuum, & illud mutandi in eadem Societate; de quo videri potest decretum 76. Congr. 7. Quarto habet potestatem alienandi, vel dissolvendi collegia, aut domos semel erectas, & acceptatas, juxta c. 3. 9. p. constit. §. 17. & 18. & 4. p. constit. c. 2. §. 3. & habetur in Bullis Pauli III. & Julii III. Atque hi actus ita sunt proprii Congregationis generalis, ut jurisdictio ad eos exercendos in nulla singulari persona inveniat, ut ex eisdem locis constat.

4 Ad eandem autem Congregationem solam (per se loquendo) spectat Assistentes Generalis eligere, ut

2. Affer-
tio de sub-
jecto dictæ
jurisdictio-
nis.

Congregatio Pro-
vincialis non sub-
jectat juris-
dictionem.

Subje-
ctio men-
tis Co-
gregatio
generalis
multis
modis, ac
sola.

Revo-
cat
dicta
mutatio.

Quid de
localibus

Circa su-
periores
locales
mutatio
facta in 5.
Congreg.

Mutatio
predicta
quas cau-
sas ha-
bit.

constat ex 9. p. constit. c. 5. §. 3. Hoc autem non adeo necessarium est, quin aliquando possit hæc electio fieri absque Congregatione generali, quando necessitas aliqua occurrerit subrogandi aliquem in locum alterius demortui, vel sufficienter impediti; tunc enim Generalis poterit illum substituere, concurrentibus tamen suffragiis decisivis omnium Provincialium Europæ, vel majoris partis eorum, ut in eadem constitutione dicitur; atque idem dicendum videtur de electione Admonitoris Generalis: nam illa etiam ad Congregationem generalem spectat, ut colligitur ex eadem 9. p. constit. c. 4. §. 4. ibi: *Per Societatem designatus*; Societas enim ibi necessario sumitur, prout in Congregatione generali necessario existit, & representatur. Quia nec tota Societas formaliter, (ut sic dicam) & per seipsam potest illum designare, nec supponitur aliqua alia Congregatio vel persona, cui Societas hoc munus commiserit, maxime enim esset ipsemet Præpositus Generalis, nullibi autem legimus hoc munus illi esse commissum. Poterit autem, ut existimo (quamvis in constitutionibus expresse non legatur) cum necesse fuerit, substituere Admonitorem in casu aliquo necessitatis cum suffragiis Provincialium, sicut de Assistentibus dictum est; atque ita declaratum est in 3. Congr. can. 19. & Congreg. 4. generali can. 24. & 25.

Tertia af-
fectio: ju-
risdictio
existens
in Con-
greg. ge-
nerali, di-
ceda sim-
pliciter
extraor-
dinaria.

5 Atque hæc sunt, ad quæ proprie extenditur jurisdictio Societatis, prout ab ipsamet in Congregatione generali existente immediate exerceri solet & debet. An vero ad alios etiam actus ampliari possit, paulo post a n. 8. videbimus. Quamvis autem hæc jurisdictio Congregationis ordinaria sit, prout ordinaria a delegata distinguitur, potest tamen dici extraordinaria, prout distinguitur ab ea, quæ ordinariæ, & continue regitur Societas: quod enim illa jurisdictio non sit delegata, certum est: tum quia convenit illi ex certa, & statuta lege a Pontificibus confirmata, & ex vi sui muneris: tum etiam a posteriori, quia potest illam delegare & committere, imo etiam tamquam ordinariam conferre. Extraordinariam autem eam voco, quia non pertinet ad ordinarium regimen Societatis, neque ad perfectionem, & integritatem ejus, ut Congregatio generalis actu semper existat, neque ut ab ea immediate manet ordinarius influxus suæ jurisditionis Societati necessarii: sed solum in casibus necessariis cõgreganda est, qui extraordinarii dici possunt. Hæc autem jurisdictio actu non existit, nisi pro tempore: hoc constat ex Bullis, & constitutionibus. Nam in prima Bulla confirmationis instituti a Paulo III. edita statim in principio dicitur: *cujusque gradus judicium & officiorum discretio, ac distributio tota sit in manu Præpositi*. Et infra: *Jubendi autem justotum penes Præpositum erit*. Et idem repetitur in Bulla I. Julii III. & additur, prout in constitutionibus explicatur. Et in eisdem Bullis dicitur habere Præpositum omnimodam gubernationem, seu superintendentiam super Collegia, & scholares. Quæ omnia a posterioribus Pontificibus, præsertim Gregor. XIII. & confirmata & aucta sunt. Explicatur autem late hæc potestas per suos actus in 9. p. constit. c. 3. ubi primum ei tribuitur potestas admittendi, & dimittendi personas Societatis: item mittendi illas ad varia loca, vel ministeria, vel ab eis revocare: item providere Rectores, & officiales, per quos Collegia, & universitates administret, ac regat, tam in spiritualibus, & literariis, quam in omnibus temporalibus bonis, quæ ad Collegia spectant. Idemque de domibus probationis, & professis intelligendum est, & de Provincialibus, quorum creatio illi etiam committitur. Apud illum etiam esse dicitur per se, ac primario potestas dispensandi, & usus facultatum omnium a Sede Apostolica concessarum Societati, ut lib. 9. c. 2. a n. 2. vidimus; ac potestas etiam corrigendi & puniendi cum opus fuerit, ac denique cætera omnia, quæ ad universale regimen spectant, ut sunt acceptare Collegia, vel domus, vocare ad Congregationem generalem,

4 Affectio
so Gene-
rali resi-
det sim-
pliciter
suprema
jurisdi-
ctio.

quando ipso vivente congregari opus est, & quod amplius est, Vicarium etiam Generalem sibi post mortem substituere, qui Societatem ad Generalem eligendum convocet, eamque regat, donec Generalis eligatur, ut habetur in 8. p. constit. c. 4. §. 1. Quod illi etiam peculiari-ter commendatum est in Congregat. 4. generali can. 18. Cur autem tam ampla potestas ei data sit, & an ita fieri expediens fuerit, in superioribus satis declaratum est c. 1. n. 7.

Quæstioncula prima circa dictam potestatem Societatis.

7 Quæri vero hic potest, an Generalis habeat hanc jurisditionem suam immediate a Summo Pontifice, vel a Congregatione generali: hoc enim posterius ex eo videtur colligi, quod Generalis a Congregatione eligitur: ergo sicut ab illa habet esse, ita & potestatem: imo totum esse Generalis, ut Generalis est, in potestate seu jurisditione consistit. In contrarium autem est, quia recte intelligi potest Congregationem solum designare personas: Pontificem autem immediate atque ipso jure conferre dignitatem & potestatem, ad similitudinem videlicet electionis Pontificis. Quod autem ita fiat, videtur colligi ex Bullis Pontificiis, præsertim ex Bulla 5. Pauli III. ubi sic ait: *Nos ejusdem ordinis sup-
plicationibus inclinatis sibi, ut Præpositus Generalis dic-
ta Societatis pro tempore existens, cum primum juxta
constitutiones ejusdem Societatis electus fuerit, eo ipso
verus ipsius religionis Generalis Præpositus cum libera,
generali & omnimoda cura & administratione omnium,
& singulorum ad felix regimen, & prosperam directio-
nem dicta Societatis spectantium sit, & esse, censeatur,
& concedimus*. Ergo ipsemet Pontifex est, qui jurisdi-
ctionem & potestatem concedit personæ a Societate designatæ. Et Greg. XIII. in suis Bullis plures facultates directe ipsi Præposito concedit: specialiter vero in Bul-
la de usu facultatum anno 1575. concessa declarare vi-
detur omnes gratias, & facultates, & indulta concessa,
seu in posterum concedenda prædicto & pro tempore exis-
tenti Præposito Generali Societatis hujusmodi concessa
esse. Ergo non Societas, sed Pontifex confert illi imme-
diatam jurisditionem: nam hæc per talia privilegia,
& indulta datur.

Arguitur
Præposi-
tum ha-
bere ju-
risdictio-
nem im-
mediate a
Congre-
gat. gene-
rali Ar-
guitur ha-
bere a
Pontifice

Quæstioncula secunda.

8 Secundo interrogabit aliquis, an possit generalis Congregatio potestatem Generalis restringere, seu (quod idem est) ex parte auferre. Nam si vera est posterior pars, quam modo suadebamus, videtur sequi non posse, quia ipsa non dat ei jurisditionem: ergo nec at-
ferre, aut limitare potest. Confirmatur exemplo a simili de Summo Pontifice, qui licet eligatur a Congregatio-
ne Cardinalium, imo licet eligeretur a Concilio gene-
rali, potestas ejus non potest ab Electoribus limitari,
nec diminui, etiam in re minima; quia ipsi non conse-
crant potestatem, sed tantum designant personam; ergo
similiter, &c. In contrarium autem est, quia Congrega-
tio manet superior Generali electo: ergo potestas gene-
ralis semper manet pendens a Congregatione: nam hoc
postulat debita subordinatio inferioris ad superiorem;
& in hoc multum deficit exemplum adductum, ut c. 1.
n. 14. dicebam; quia Pontifex semper manet supra om-
nem Congregationem ipsam eligentem. Confirmatur,
nam generalis Congregatio habet potestatem faciendi
perpetua statuta, & mutandi constitutiones, ut supra
n. 3. ex Bullis Pontificiis, & ipsis constitutionibus ostē-
sum est; ergo etiam habet potestatem immutandi pote-
statem Generalis, sive augendo, sive minuendo illam.
Patet consequentia, quia ille non habet hanc suam po-
testatem sine adminiculo constitutionum, quia recipit
illam secundum constitutiones, & ideo non potest, v.g.
dissolvere Collegium, quia constitutiones negant illi
hanc potestatem, potest vero acceptare illud, quia ex-
dem constitutiones concedunt: ergo Congregatio,
quæ potest has constitutiones immutare, potest etiam
immutare potestatem, quæ ex illis pender.

Arguitur
non posse
Congreg-
limitare
potestatem
Generalis.

Arguitur
posse.

Quæstioncula tertia.

9 His annexa est tertia interrogatio, an scilicet Congregatio generalis, quamdiu durat, possit per seipsam immediate efficere omnes actus jurisditionis, quos Generalis potest exercere. Pars enim affirmans suaderi potest, quia Congregatio supra Generalem est: ergo potest per se efficere, quicquid per Generalem potest.

Arguitur
pro parte
affirmati-
va.

Con.

Consequentia in his causis subordinatis bona est; ideo enim potest Provincialis, quidquid Præpositus localis, & Generalis, quidquid Provincialis. Item quia Generalis habet suam potestatem a Congregatione generali; ergo quidquid per illam jurisdictionem ipse potest, a fortiori poterit Congregatio per se ipsam. In contrarium autem est, quia sequeretur posse Congregationem generalem per se eligere Provinciales omnes, & alia similia facere, quæ sunt valde aliena ab hoc instituto. Item quia in ipsis constitutionibus, & Bullis Pontificiis determinantur, & limitantur ea, quæ Congregatio generalis per se potest præstare, tam quoad electiones, quæ quoad leges ferendas, & alios actus jurisdictionis; ergo nihil aliud potest Congreg. per se ipsam immediate exequi.

Resolutio prima quaestiuicula n. 7.

10 Difficultas præcipua in præsentis est in explicanda dependentia, quam habet jurisdictio hæc, prout est in Generali Præposito, ab illa, quæ est in generali Congregatione, & e contrario; in qua dicendum cenfeo jurisdictionem Generalis, simpliciter loquendo, pendere a Societate ut legitime congregata in unum corpus, & non e converso. Hoc posterius evidenter probatur ex dictis; quia Congregatio generalis est simpliciter superior, & quia Generalis in nulla re potest minuire potestatem talis Congregationis: solū ergo ab illo pendet in congregari, ut sic dicam, quia ad Generalē pertinet illam indicare, vel ad Vicariū Generalem, quando generalatus vacat, exceptis casibus, in quibus hoc committitur Assistentibus, vel Provincialibus ob Generalis defectus, ut constat ex 8. & 9. p. constit. postquam autē semel congregata est, ipsa habet simpliciter supremam jurisdictionem independentem a suo Præposito, adeo ut nec dissolvi possit ex sola illius voluntate sine consensu ejusdem Congregationis, ut declaratur in formula ejus c. 7. n. 75.

11 Altera vero pars probatur sufficienter rationibus positis nu. 8. secundo loco in secunda dubitatione, seu quaestiuicula. Et ratio a priori est, quia Generalis habet suam jurisdictionem juxta constitutiones; constitutiones autem hanc jurisdictionem dant Congregationi generali, ut constat ex 8. p. illarum & ex 9. c. 4. & ex formula Congregationis generalis: nam licet in his locis verbis formalibus & expressis non explicetur hæc dependentia: tamen eo ipso, quod dicitur Congregationē esse simpliciter superiorem, sufficienter significatur. Maxime vero hæc dependentia ex eo colligitur, quod Congregatio generalis habet potestatem condendi decreta perpetua, ut constat ex 8. p. constit. c. 7. & per ea decreta potest constitutiones immutare, ut ex eodē loco colligitur, & ex Bullis confirmationis instituti Pauli III. & Julii III. ex quibus colligitur constitutiones condere ad generalem Congregationem pertinere; ejusdem autem est legem mutare, cujus est condere, & quælibet Congregatio generalis æqualis auctoritatis & potestatis est cuicumque præcedenti. Denique Paulus III. in Bulla 2. expresse concedit Societati facultatem mutandi, alietandi, & in totum cassandi constitutiones, tam hæcenus factas, quam in posterum faciendas, juxta locorum ac temporum & rerum qualitatem, & varietatem, ita ut postquam mutaræ, alteratæ, seu de novo conditæ fuerint, eo ipso Apostolica auctoritate confirmatæ censentur. Cum ergo tota jurisdictio Præpositi generalis ex constitutionibus pendeat, consequenter fit, ut etiam pendeat a Congregatione generali.

12 Hoc ergo posito quod ad rem spectat solum videtur in prima interrogatione posse relinqui ambiguitatem de modo loquendi; parum enim refert, quod dicamus hanc potestatem dari immediate ipsi Generali a Summo Pontifice, dummodo fateamur datam esse cum prædicta dependentia a Congregatione generali. Deserviet autem ille modus loquendi ad explicandū facilius verissimū proloquium in Societate, ac constitutionibus consentaneum; nimirum, Generalē habere omnē potestatem Societati concessam a Summis Pontificibus, tam communi, quam speciali jure, & tam directe per propria privilegia, quam indirecte per communicationem aliorum: his tantum actibus, seu rebus exceptis, quæ per Constitutiones, seu decreta Congregationum generalium illi prohibita sunt; non tamen id proloquium pendet ex illo principio, seu loquendi modo, unde in rigore fortasse verius est, jurisdictionem

hanc immediate fuisse communicatam Societati a Summo Pontifice; & per Societatem in Congregatione generali existentem, transferri in Præpositum Generalem; nam hic est melior ordo providentiæ, ut influxus capituli veniat ad inferiorem Prælatum per medium. Congregatio autem generalis revera est medium inter Pontificem, & præpositum. Deinde quia Pontifex per se solum intendit dare huic religioni sufficientem jurisdictionē, & potestatem, qua se possit gubernare: applicationem autem hujus potestatis ad hanc, vel illam personam, imo etiam ad hunc, vel illum modum regiminis, ipsi Societati commisit; ergo. Denique numquam Pontifex contulit hanc potestatem B. Ignatio; sicut Christus contulit Petro Ecclesiasticam potestatem, sed tradidit Societati.

13 Non est ergo similitudo querenda inter utranque cōcessionem, & consequenter neque inter electionem Pontificis, & Generalis, ut in utraque scilicet tantum fiat designatio personæ; nam de Pontifice est longe alia ratio, siquidem ejus potestas altiori modo descendit immediate ab ipso Christo omnino independentem ab hominibus, in præsentis autem jurisdictione immediate communicatur per homines, & non solum pendet a Papa, sed etiam suo modo a Societate, ut declaratum est. Recte ergo dicitur Generales habere hanc potestatem proxime a Societate, nec Paulus III. in citatis verbis aliud significat, sed confirmat, & approbat institutionē Societatis quoad hanc partem, & ratam habet Generalis electionem cum omni potestate, quam illi Societas concedit. Et simili modo intelligo verba Gregorii: loquitur enim ex suppositione, quod Generalis a Societate creatur cum suprema potestate; nam eodem modo vult intelligi omnem facultatem illi esse concessam, & per illum dimanare ad alios: non enim dubito, quin Societas ipsa in Congregatione generali existens habeat per se ipsam usum facultatum, & privilegiorum, & possit immediate illum concedere aliquibus, si judicaverit expediens. Neque enim Gregorius intendit hoc jus Societatis immutare, nec superioritatem Congregationis Generalis minuire: non ergo nominat Præpositum generalem ad excludendam Societatem, quam aliàs sæpe conjungit, & primo loco ponit, sed ad excludendum ab inferioribus liberum usum talium facultatum, & absque Præpositi licentia. Quia enim ordinarium regimen Societatis est per generalem Præpositum, per Congregationem autem generalem raro, & extraordinarie fit, ut n. 5. asseruimus; ideo in concessionibus, seu privilegiis harum facultatum generalis Præpositi, tamquam supremi Prælati mentio fit; semper tamen intelligendum est concessionem fieri cum subordinatione Præpositi generalis ad Congregationem generalem, quam Societas proficitur juxta 10. p. constit. §. 8. & 9. p. constit. c. 3. §. 10. Ubi de Generali sic dicitur, *ejus erit uti facultatibus a Sede Apostolica Societati concessis*, &c. in quibus verbis plane significatur concessionem Sedis Apostolicæ Societati immediate fieri; ipsam vero Societatem potestatem transferre in Præpositum, ut per eum ad reliquos inferiores officiales derivetur, juxta 8. parr. eorundem constit. c. 1. §. 6.

Resolutio secunda quaest. in n. 8.

14 Ad secundam interrogationem responderetur, per nova decreta, & mutando priores constitutiones, loquendoque de absoluta potestate, non esse dubium, quin possit congregatio generalis restringere potestatem, & jurisdictionem Præpositi, ut probant superius adducta, & quæ modo diximus de emanatione hujus jurisdictionis a Summo Pontifice in Præpositum per Societatem. Quamvis autem hæc potestas absolute non desit, usus ejus rarus esse poterit, & cum magna moderatione, nam mutatio constitutionum rara esse debet, & non nisi ex magnis, & urgentibus causis, præsertim in re adeo gravi, & quasi substantiali, ut est potestas Generalis Præpositi. Aliiter etiam posset intelligi hæc restrictio solum de facto circa talem personam, restringendo illius potestatem, quamvis non condatur jus novum, nec fiat mutatio in ipso munere secundum se, & hoc videretur habere majorem invidiam, propter injuriam talis personæ; & ideo adverti potest, dupliciter hoc posse fieri, scilicet vel ante electionem Generalis, vel vivente Generali semel jam absolute & cum integra potestate creato. Priori modo posset facilius fieri, ut si ad sumendam experi-

Data similitudo de electione Pontificis non valet.

Nec adducta ex Bullis Pauli & Gregorii coguat.

Optimus locus constitutionis pro parte in rigore veriore.

Pars affirm. quæst. uniusq. simpliciter vera, & quomodo.

Modus alter bipartitus pro eadē parte affirm.

Agitur pro negativ.

Posterior pars declaratur.

Offenditur pars prior.

Quousque probent adducta in n. 7 in 2. loco.

In rigore verius quod probatur.

tiam alterius regiminis, quoad aliquam potestatem, vel actum ejus, vel ob aliquam temporalem causam urgentem, Societas ante electionem Generalis statuerit, ut pro hac vice Generalis electus non haberet talem, vel talem potestatem: nam sicut Societas potest absolute mutare constitutionem aliquam in tali materia, ita potest pro aliquo tempore, vel occasione illam suspendere, vel quasi in illa dispensare. Posteriori autem modo id regulariter fieri non poterit, nisi interveniente magna causa, quæ vix erit sine culpa ex parte ipsius Præpositi, vel ob impotentiam ex nimia senectute, aut aegritudine, vel alia simili causa exorta; in his enim casibus constitutiones ipsæ satis declarant, quantam in hoc potestate habeat Congregatio 9. p. constitut. c. 4. §. 6. Extra hos vero casus cum generalis electus habeat acquisitum, sicut non potest sine causa privari prælatione ipsa, ita nec integra & debita potestate illius: quod si ad bonum commune pertinuerit pro aliquo tempore non uti aliqua potestate, generalis Congregatio poterit Præpositum injungere, & ipse tenebitur consentire.

Resolutio tertia quæstionculæ in n. 9.

1. Pars resolutionis affirmans, quo ad absolutam potestatem.

15 Ad tertium punctum responsio clara est ex dictis: si enim spectemus nudam potestatem, non deest in Congregatione generali ad efficiendum per se, & immediate alios actus jurisdictionis, seu provisiones, aut electiones ad officia, sive per legem statuendo, vel aliquid hujusmodi deinceps pertineat ad Congregationem generalem præter ea, quæ nunc per se solet efficere, sive in casu aliquo particulari dispensando, seu aliquem de facto exequendo, juxta occurrentes occasiones. Quod plane sequitur ex dictis, & ex suprema potestate Congregationis, & nullum manet incommodum. Et potest confirmari ex quodam decreto primæ Congregationis generalis n. 32. quod sic habet: *Non licet Præposito generali (durante scilicet Congregatione generali) mutare hujusmodi officiales, qui ab ipso Generali creantur (id est, Provinciales, Rectores, &c.) usque ad dissolutionem Congregationis, nisi eidem Congregationi aliquem esse mutandum videretur.* Ex quo decreto fere confirmatur omnia dicta; nam in illo quodammodo limitatur potestas Præpositi, nam antea non erat illi prohibitum ex vi constitutionum mutare hujusmodi officiales. Idem ergo fieri posset a Congregatione in aliis rebus, si expederet.

2. Pars negans, quo ad usum talis potestatis.

16 Quamvis autem potestas absolute loquendo non desit, nihilominus in usu hujus potestatis ordinarie servandum est, quod in constitutionibus est præscriptum, quia non datur potestas in perturbationem, sed in ædificationem, & credendum est Congregationem non esse abusuram sua potestate, ad mutationem aliquam faciendam in instituto, vel in usu ejus, sed semper rationem majoris boni habituram. Unde intelligitur, quomodo assignentur in Bullis, vel constitutionibus quidam peculiare actus Congregationi generali: ideo enim id fit, quia tales actus a sola Congregatione fieri possunt, non vero, quia illos tantum possit ipsa efficere, nam quandiu durat, plures jurisdictionis actus exercere potest: prudentiæ autem illius est, non se intromittere, neque immorari in aliis, nisi evidens necessitas, vel utilitas id postularer, & ideo considerando ordinarium usum, dixi supra in n. 3. potestatem Congregationis non esse maximam extensive, quia jurisdictio Præpositi ordinarie circa plura versatur.

nicare, quam senserit in Domino convenire. Et §. 7. *Præpositi Provinciales, ac locales & Rectores, & alii ejus commissarii eam partem hujus facultatis habebunt, quæ ipsis Generalis comminaverit.* Item §. 16. & sepe aliàs; quæ omnia in Bullis Pontificiis approbata sunt. Ratio autem hujus assertionis ea est, quæ in ipsius constitutionibus insinuat. Nam in primis necessarium est, ut Prælati suam jurisdictionem habeant, sine qua propria munera exercere non possunt; modus autem perfectior, & aptior ad maiorem unionem religionis, & ad perfectiorem obedientiam est, ut inferiores Prælati habeant illam a suis superioribus, & dependentem ab illis, & quia non debet esse in omnibus equalis, sed major in majoribus Prælatibus, ideo recte uniuscuiusque mensura a superiore præstabitur.

Obje. 3io

2 Una vero superest difficultas, quia sequitur in Prælatibus Societatis infra Generalem constitutis, non esse certam ac definitam jurisdictionem, sed arbitriam juxta voluntatem Generalis: consequens videtur absurdum, tum quia sequitur Provinciales, & Rectores non habere jurisdictionem ordinariam, sed tantum delegatam; atque ita non esse veros Prælatos, nec posse subdelegare, nisi quatenus hoc est in commissione sibi facta expressum. Sequela pater, quia jurisdictio, quæ non obtinetur ex præscripta lege, non est ordinaria, juxta glossam in cap. cum ab Ecclesiis, de officio ordinarii verb. *Ecclesiastica sententia* addita doctrina Innocentii ibidem num. 1. Tum etiam, quia res adeo gravis non videtur committenda arbitrio, & voluntati alicujus, quia potest esse occasio dissensionum, & acceptionum personarum, & frequentium mutationum in regimine, quod debet esse stabile, & certum. Et confirmatur, nam ex dicta assertionem sequitur Provinciales & Rectores Societatis nihil posse, nisi quod eis expresse concessum est, & consequenter si occurrat casus, eis quidem non expresse concessus, neque etiam negatus, sed omissus, non habere jurisdictionem in illo, sed debere ad Generalem recurrere. Consequens autem durum est, nam & est præter communem consuetudinem talium Prælatorum, & est nimia restrictio perplexitatis & difficultatibus exposita: convenientius enim videtur, ut quidquid eis non prohibetur, censeatur concessum, nam facilius est præscribere, quæ prohibentur, quam quæ conceduntur, cum infinita varietas rerum & casuum in hujusmodi gubernatione possit occurrere.

3 Respondetur in primis certum esse Provinciales & Præpositos locales, seu Rectores Societatis habere jurisdictionem ordinariam, & non tantum delegatam. Probatur, quia sunt ordinarii pastores ac veri Prælati, ut constat ex jure communi religionum supra adducto in tract. 8. quod Societati commune est quoad hanc partem. Item patet ex constitutionibus, in quibus hæc munera vocantur prælationes, & dignitates Societatis, & hæc intelliguntur comprehendere in voto, quod professi emittunt, non præcedendi prælationem, aut dignitatem in Societate 10. p. constit. §. 6. de qua re lib. 6. c. 7. a n. 13. Non est autem vera prælatio, nisi jurisdictionem habeat ordinariam. In hac porro jurisdictione duo considerari possunt, scilicet substantia ejus, ut sic dicam, & quantitas: simpliciter ergo habere jurisdictionem intrinsecam est his muneribus, & hoc satis est, ut talis jurisdictio ordinaria sit. Unde non solum non potest Generalis tollere a Provinciali, vel Rectore jurisdictionem absolute, imo hoc repugnantiam involvit, quia de intrinseca ratione: talium munerum est jurisdictio: verum etiam nec potest facere, ut Societas sine propriis Provincialibus, & Prælatibus localibus gubernetur, quia hoc pertinet ad primariam institutionem hujus religionis, quam ipse immutare non potest. Solum ergo quoad quantitatem, seu extensionem jurisdictionis pendet hi Prælati a Generali, quod non repugnat ordinariæ jurisdictioni: nam hoc fere modo pendet Episcopi a Papa, & multo magis legati, qui tamen ordinariam jurisdictionem habent, unde etiam in 4. Congreg. generali decret. 28. sancitur legimus posse P. Generalem delegare vice præpositum domus Romanæ, cum ordinaria potestate.

Refellitur objectio proponendo dictos Prælatos habere ordinariam jurisdictionem substantia licet non in quantitate.

4 Sed in hoc etiam addendum est, aliquam esse quantitatem hujus jurisdictionis, ex natura rei necessitate conjunctam cum tali munere, ut est illa, sine qua moraliter

Imo quoad aliquam quantitatem illam habent.

C A P U T V.

De potestate jurisdictionis infra supremam.

1 Quod attinet ad inferiores Prælatos sub Generali, dicendum primo est illos participare, hanc jurisdictionem & potestatem majorem, vel minorem, proportionem sui muneris, & juxta distributionem, seu communicationem a Præposito generali manantem: ita statuitur in 8. p. constit. c. 1. §. 6. ubi de Generali dicitur, *suo fungetur officio erga omnia membra Societatis, capitulis videlicet, a quo in illam influxus ad præfixum sibi finem necessariis descendat: & sic a generali Præposito ut a capite universo facultas Provincialium egredietur, ac per eos ad locales, per hos autem ad singulares personas descendat.* Et in 9. p. cap. 3. §. 3. de eodem dicitur, *Poterit eam facultatem eisdem, scilicet, Rectoribus, commu-*

liter ac debito modo fieri non potest. Deinde unusquisque ex his Prælati habet in Societate proprias regulas & constitutiones ad illum pertinentes, in quibus potestas suo muneri attributa declaratur, & illa censeri debet potestas ordinaria, quia jam est certa lege præscripta, & adjuncta tali muneri. Similiter in Compendio privilegiorum declaratae sunt facultates omnes ad dispensandum, vel absolvendum, vel ad alias gratias concedendas illis commisse, ut in officio Provincialis adnotatur regula 8. & in officio Præpositi reg. 13. & Rectoris 12. Quod si præter has voluerit Generalis plures potestates concedere, vel omnibus, vel aliquibus Prælati inferioribus, illæ revera erunt tantum delegatae.

Ad objectionem 2. fortius majorem respondetur.

5 Ad difficultatem ergo respondetur jurisdictionem horum Prælatorum dupliciter dici posse arbitriam respectu Generalis: uno modo, quia non est certa lege definita, ac debita, vel quia sine causa auferri potest, etiam quantum ad eam partem, quæ ex vi muneris comparatur; & sic falsum est, ut patet ex dictis: unde responsio in forma erit negando in hoc sensu primam sequentiam. Secundo dici potest arbitraria, quia semper pendet ex voluntate Generalis, qui ex causa potest illam restringere, & ex gratia potest illam augere; & hoc est, quod constitutiones intendunt; & inde non fit ralem jurisdictionem non esse ordinariam, ut declaratum est. Neque hoc habet ullum inconveniens, sed ad debitam subordinationem expedit; nec propterea timeri possunt frequentes, aut indebitæ mutationes, cum ea, quæ ad ordinarium regimen necessaria sunt, certis legibus sint definita, quæ non facile, nec sine gravi causa mutari debent. Quæ vero extraordinaria sunt, vel ad specialem favorem pertinent, ratio postulat, ut pendeant ex suprema potestate gubernatoris.

Ad confirmationem, eundem.

6 Ad ultimam confirmationem fatemur in Societate ad cognoscendam uniuscuiusque Prælati facultatem, utendum potius esse affirmativa, quam negativa regula, id est, id unumquemque posse, quod sibi est concessum; non vero quidquid sibi non est prohibitum; unde in citatis regulis Præpositi, & Rectoris dicitur, *quas habeat facultates, partim ex his, quæ ipsi in his regulis conceduntur, partim ex compendio facultatum Societatis intellegat, ut in iis, quas non habet, sciat ad superiorem recurrere*. Neque hinc sequi potest aliqua perplexitas, vel difficultas, quin potius unicuique magis clara & nota erit potestas, quam habet, & alioquin potestas ipsa satis est ampla, & facultates non dantur ad singulares casus, sed per generales regulas sufficientes, & specialiter in regulis Provincialis n. 7. & cum proportionem in regulis Præpositi nu. 11. & Rectoris nu. 10. advertitur ubi necessaria fuerit dispensatio constitutionum, in gravioribus casibus recurendum esse ad superiorem Prælatum, quod est juri communi consentaneum, c. fin. de officio Archipresbyteri, adjuncta glossa verb. *Referat*. & cap. *maiores* de Baptismo. Et nihilominus additur, ut si absque gravi incommodo non possit Generalis responsum expectari, possit Provincialis dispensare, & postea rationem totius rei reddere Generali, idemque cum proportionem de inferioribus respectu Provincialis; & ita omnibus incommodis sufficiente est provisum.

9. Assertio 1. membrum.

9. Membrum ostenditur.

Erroneæ sententia circa 1. membrum, assertionis instigatur.

7 Secundo dicendum est potestatem hanc Prælatorum Societatis extendi ad omnes religiosos ejus, & ad omnes actus, seu materias, ad quas religiosa jurisdictio, sive communi jure, sive per privilegia communia, aut specialia hætenus concessa extenditur. Prior pars quoad professos, sive quatuor, sive trium votorum extra controversiam est; quoad reliquos vero religiosos, qui per simplicia tantum vota incorporati sunt, fuit in dubium revocata, ut latius dictum est lib. 3. a principio usque ad cap. 4. existimant enim aliqui, jurisdictionem religiosam fundari necessario in professione per vota solennia, & ideo dixerunt Societatem nullum in eos jus habere, nec Pontificem ex vi votorum hujusmodi potuisse illud conferre, ac proinde ordinariam jurisdictionem subditos existere; ita refert Gregorius XIII. Pontifex in constitutione, *Ascendente Domino*. Verumtamen quatenus hæc sententia potestatem Pontifici negat, est error in fide; quia certum est Pontificem posse sub protectione, & jurisdictione sua suscipere quamlibet personam Deo specialiter consecratam, modo ab Apostolica Sede approbata. Item alias non potuisset Pontifex ex-

mere clericos tantum per primam tonsuram initiatos, quia illa cæremonia tantum est per Ecclesiam instituta. Item non potuisset privilegium canonis vel fori ad novitios extendere, quæ omnia & similia sunt contra receptum usum Ecclesiæ, & contra supremam potestatem, quam Pontifex habet in ordine ad spiritualia.

8 Quatenus vero illa sententia de facto loquitur, aut procedit ex prædicto errore, aut ex clara ignorantia juris proprii Societatis, de quo sine illius notitia loqui non deberet. Itaque expressæ sunt in hoc concessionem, & declarationem Pontificum Pauli III. Julii III. Pii V. & Gregorii XIII. ac Gregorii XIV. qui dum Societatem eximunt, & sub protectione sua illam specialiter suscipiunt, de tota Societate loquuntur, & omnes suos ac veros religiosos complectitur, eum ex illis constat. Unde interdum de *sociis*, interdum de his, qui *sub obedientia Præpositi militant*, interdum denique de *religiosis Societatis* loquuntur: ergo extendunt hanc jurisdictionem ad omnes etiam scholares, quia illi sunt veri religiosi, ut supra est ostensum, veraque membra Societatis. Confirmatur, quia quicumque ex his religiosi, si apostatet a Societate, potest ab eadem compelli, tum per censuras, tum per violentam detentionem, & incarcerationem, ut constat ex eisdem Bullis, præsertim Pauli III. & Gregorii XIII. ac Pii V. nec solum per sola specialia privilegia Societatis, sed etiam per alia concessa mendicantibus, circa suos religiosos professos potest illos cogere & punire juxta concessionem & communicationem Societati factam a Pio V. cum speciali declaratione, quod ad omnes etiam scholares extendatur. Quæ omnia & alia in Compendio Societatis verb. *Apostata*, late referuntur. Comprehenduntur ergo hi omnes sub jurisdictione Societatis.

Offenditur veritas opposita ex Pontifici.

Confirmatur.

9 Dicendum vero supererat de novitiis, sed de his eadem est ratio Societatis, quæ aliarum religionum, non enim habet in illos propriam jurisdictionem involuntariam (ut vocant) id est, directivam, qua possit eos specialiter obligare in conscientia, vel coactivam, qua possit eos simpliciter repugnantes cogere, quia obedientiam non voverunt, vel si fortasse eam particulari affectu promiserunt, Societas illam non acceptavit, neque illos sibi incorporavit. Quoad jurisdictionem autem voluntariam subduntur aliquo modo Societati, & sunt capaces gratiarum spiritualium, quas Præpositus Generalis secundum concessionem Sedis Apostolicæ potest in Societate concedere, ut dicitur in 5. part. constit. cap. 1. lit. A. existimoque, quod in Bullis, seu privilegiis sit concessio in ordine ad omnes, qui sub obedientia Societatis vivunt, comprehendendi etiam novitios; cujus exemplum clarum est in Bulla ultima Pauli III. de gratiis & facultatibus, & habetur etiam in Compendio, verbo, *Dispensatio* §. 1. Et ratio est, quia etiam novitii vivunt proprie sub obedientia Societatis, etiam si non sub obligatione voti, præsertim cum favores ampliandi sint, ut de reservatis quoad novitios; tract. 8. l. 2. c. 17. a. n. 1. satis dictum est.

Quousque hoc 1. membrum assertionis procedat de novitiis

10 Altera pars assertionis certa est. Nam in primis Prælati Societatis habent omnem potestatem, quasi Episcopalem, quam habent ceteri Prælati religionum in utroque foro; imo per se possunt, quidquid Episcopi possunt in clericos & laicos sibi subiectos tam quoad facultatem absolvendi & dispensandi in irregularitatibus, de quibus in Conc. Trid. sess. 24. c. 6. quam alias quascunque facultates, ut habetur in Compendio Societatis, verbo *Prælati*; §. 3. quamvis hanc gratiam non participant inferiores Prælati, nisi juxta concessionem Generalis: nunc autem indefinite de Prælati loquimur. Deinde per communicationem facultatum, & gratiarum factam a Pio V. possunt Prælati Societatis æque principaliter, quidquid possunt Prælati mendicantium per sua propria privilegia, vel per communicationem aliorum, ut in Compendio Societatis late continetur verbo, *Communicatio* §. 2. & sequentibus, & specialiter §. 5. declaratur hanc communicationem, etiam novitiis fieri posse; quod intelligitur quoad gratiarum concessionem, non quoad rigorosam jurisdictionem, ut jam diximus. Denique similem generalem concessionem fecit Societati Gregorius XIV. his verbis; *quin etiam omnes facultates, omnemque jurisdictionem, quoad subditorum punitionem, & correctionem pertinet, quibusque ordinibus eorumque generalibus hætenus concess-*

2. Membrum assertionis declaratur.

fas, non ad instar, sed eque principaliter ipsi Societati ejusque Praeposito Generali concedimus & elargimur. Præter hæc habet Societas plures facultates sibi specialiter factas, ut ex ejus Bullis, & Compendio privilegiorum constat; potestas autem per eas collata præcipue residet in Praeposito generali, per quem inferioribus Prælati communicatur. Est ergo in Societate, & in Prælati ejus respective tota potestas, & jurisdictio, quæ in religioso statu invenitur, & secundum ordinarium modum Pontificiæ providentiæ inveniri potest; semper tamen intelligendum est, habere hanc jurisditionem suo instituto accommodatam, nam Prælati ejus nihil contra institutum agere possunt (excepta justa dispensatione, quæ dici non potest contra institutum) & ideo quoad aliquos actus jurisditionem non habent, quam fortasse habent aliæ religiones, ut ad dandam facultatem recipiendi eleemosynam pro spirituali ministerio, vel quippiam simile: sicut etiam e contrario aliqui sunt actus jurisditionis huic instituto accommodati, qui in aliis religionibus non exercentur, ut est expellere aliquem votis expeditum.

1. Non censeo autem necessarium explicare in particulari potestates omnes, quas ratione hujus jurisditionis Societas habet; quia de his, quæ generales sunt, vel in quibus cum aliis religionibus Societas communicat, in tract. 8. lib. 2. sufficienter tactæ sunt, quæ vero sunt propriæ, in Compendio Privilegiorum, & in constitutionibus ac regulis sufficienter declarantur, & in sequentibus capitulis nonnulla attingemus, explicando magis in particulari usum hujus jurisditionis; ex dictis etiam in l. 1. c. 3. & latius l. 8. de mediis, quibus Societas utitur ad profectum suorum subditorum, constat hanc jurisditionem esse plenam in foro pœnitentis, & in foro etiam exteriori quoad potestatem directivam per leges & præcepta, & per coercitivam, quoad correctionem secundum regulam, etiam remota appellatione, & quoad potestatem dispensandi in his, quæ necessaria sunt. Ac denique quoad alia multa, de quibus late in Bulla 5. Pauli III. 2. Julii III. 3. Pii V. & fere in omnibus Gregorii XIII. Supererat hoc loco dicendum de potestate administrativa bonorum temporalium, id tamen opportune factum est in tract. 8. qui est primus hujus voluminis l. 2. c. 28.

CAPUT VI.

An Societatis Prælati ad particulare subditorum regimen, merito ab illis exigant rationem conscientie.

De quibus ageodum in reliquo libro. **P**OST explicationem universalis regiminis in Societate, dicendum sequitur de particulari subditorum gubernatione, quod ad finem usque præsentis lib. prosequemur. Id vero præcipue instituimus ad satisfaciendum difficultatibus, quas aliqui objiciunt, quæ fortasse magis ex ignorantia facti, quam juris procedunt, & ideo non descendam in particulari ad omnia, quæ circa gubernandos subditos in Societate peraguntur, sed solum ad ea, in quibus prædicta difficultas poterit inveniri. Quia vero ordinarium hoc regimen semper est secundum regulam, simul illius rationem reddemus, ubi oportebit, & hujus occasione brevem quandam notitiam totius regulæ in postremo capite summarim attingemus. Ut autem rem totam comprehendamus, nec tractata repetamus, tria breviter sunt, in quibus totum hoc particulare regimen consistit. Primum est receptio personarum. Secundum conservatio earumdem & providentia circa illas. Tertium dimissio earum, si necessaria fuerit. De primo membro satis dictum est a nobis in l. 2. & de tertio in l. 3. c. 9. Tantum igitur superest, ut de secundo membro dicamus, circa quod duo necessaria ad hujusmodi gubernationem, & providentiam distinguere oportet iuxta duplicem potestatem in Prælo necessariam; directivam, & coercitivam. Quædam enim pars regiminis consistit in debita directione per præcepta & consilia (ad quam rem etiam spectat conveniens distributio onerum, & honorum); altera vero pars posita est in debita correptione, & justa punitione; de his ergo breviter dicendum est.

2. Ut vero primæ parti satisfacere incipiamus, a Suarez Tom. XV.

tionem conscientie ordiemur. Per rationem autem conscientie intelligimus manifestationem status conscientie propriæ, quam subditus facit superiori, ut ab eo intime cognoscatur, tam in moribus, quam in affectibus, vel propensionibus suis; ex qua vocis interpretatione, statim oritur dubitandi ratio, quia vel hæc manifestatio superiori facienda est in confessione sacramentali, vel extra illam. Primum dici non potest, aliàs & obligarentur subditi ad confitendum superiori, & confessio sacramentalis ordinaretur ad exteriorem gubernationem, quæ duo absurda sunt, & ideo supra ostendimus, esse aliena ab instituto Societatis: secundum autem & videtur nimis durum subditis, & parum utile Prælati ad gubernationem. Primum incommodum patet, quia aperire suos defectus, & secreta cordis extra sigillum confessionis, difficillimum est tum propter infamationem sui erga ipsummet Prælatus, tum propter periculum, ne Prælatus id aliis manifestet, vel bono zelo, & non secundum scientiam; vel per negligentiam aliquam, seu inadvertentiam, aut certe interdum per æmulationem, invidiam, vindictam, aut alium similem affectum; tum denique propter alia incommoda, quibus exponitur subditus, ita se manifestando Prælati suis, quia ob eam causam poterit, vel removeri ab officiis, vel loco mutari, vel aliis similibus modis male tractari, & ideo videtur hic habere locum consilium Chrysostomi hom. 31. ad Hebr. *Non dico tibi, ut te prodas, neque apud alium accuses.* Et augetur 1. difficultas seu incommodum, primo, quia si hæc manifestatio uni tantum Prælo esset facienda, & cum illo solo esset semper continuanda, saltem pro tempore vitæ eius, esset res utcumque tolerabilis; tamen hoc in Societate non sufficit; quia hæc ratio conscientie non soli Generali reddenda est; imo pauci sunt, qui in præsentia possint id facere: ab accusantibus autem, & per scriptum nec fit, nec ordinarie fieri expedit. Imo nec soli Provinciali fieri debet, quia non minus indigent illa notitia, qui proxime gubernant: oportebit ergo pluribus superioribus se manifestare etiam pro eodem tempore. Augetur secundo idem incommodum, nam qui superiores sunt, brevi tempore mutantur, & ipsi etiam subditi, ab una domo in aliam facile transmutantur, atque ita necessarium erit unicuique subdito paulatim, seu successively, se manifestare plurimis Prælati, & fortasse intra paucos annos se manifestare fere omnibus gravioribus patribus provincie, quod certe est asperum ac difficile. Deinde secundum incommodum declaratur, quia testimonium hominis in re propria non est tanta fide dignum, ut possit Prælatus in eo niti ad gubernandum subditum; aut enim debet illi credere, tam bene, quam male de se loquenti, & sic facile poterit ab eo decipi, quia unusquisque bene de se sentit, & loquitur; imo licet non sentiat, frequentius dissimulat, aut mentitur, vel saltem defectus extenuat, & bona exaggerat: vel superior debet credere mala; & non bona, & in hoc injuriam faceret ipsis subditis, & vix posset eos commode gubernare, aut eis uti ad aliqua ministeria, quia de omnibus haberet minus bonam existimationem, quam par esset.

Quid circa rationem conscientie in Societate statutum sit.

3. Circa præsentem difficultatem puncta quatuor explicanda sunt: primo quid in hoc Societas observet secundum suam regulam; secundo quam sit hoc consentaneum antiquitati religionis, & professioni perfectionis; tertio ad quod secretum inde Prælatus obligetur; quarto denique ad quem finem & usum hæc notitia ordinetur, & a superiori applicari possit; ex quibus etiam constabit, quantum differat hæc ratio conscientie a confessione sacramentali, & solventur rationes dubitandi. Circa primum regula Societatis est, ut statim ab ipso ingressu omnes se aperiant superiori, & deinceps in discursu vitæ, per certa & designata tempora, id prosequantur; hoc constat ex examine cap. 4. §. 34. 35. & 36. in quorum primo sic dicitur: *Re in Domino considerata visum nobis est in divine Majestatis conspectu, mirum in modum conferre, ut superioribus subditi omnino perspecti sint, quo melius regi, & gubernari, & per eos in viam Domini dirigi possint.* Deinde in 35. dicitur: *Præterea quanto exactius*

Ratio dubitandi per dilectum. Arguitur contra 1. memb. dilectum.

Arguitur contra 2. memb. dilectum. Arguitur contra 3. memb. dilectum.

Alioquin incommodum.

Declaratur 1. punctum de professis, ac non professis.

superiores res omnes internas, & externas suorum novenerint, tanto majori cum diligentia, amore, & sollicitudine juvare eos, ipsorumque animas, a variis malis, & periculis, quæ in progressu possint accidere, conservare poterunt. Et infra, ut melius secundum Dei voluntatem hujusmodi missiones fiant, his & non illis mittendis, vel his ad hoc munus, illis vero ad alia, non solum refert valde, sed summopere, ut superior plenam habeat notitiam propensionum, ac motionum animi, & ad quos defectus, vel peccata fuerint, vel sint magis propensi, & incitati, qui sub ejus cura sunt, ut ejus rei habita ratione, melius ipsos dirigere possit, nec supra mensuram virium suarum in periculis, vel laboribus gravioribus, quam in Domino ferre suaverit possit, constituat. Ex quibus rationibus in §. 36. ita concluditur: Ideo quicumque hanc Societatem in Domino sequi volet, & in eadem ad majorem Dei gloriam manere, priusquam ad primam probationem accedat, vel postquam ingressus fuerit, antequam generaliter examinetur, vel post examen, intra aliquot menses (si superiori differendum videretur) sub sigillo confessionis, vel secreti, vel quacunque ratione ei placuerit, & ad majorem ipsius consolationem fuerit, debeat conscientiam suam magna cum humilitate, puritate, & charitate manifestare, re nulla, qua Dominum universorum offenderit, celata: & totius antea vite rationem integram, vel certe rerum majoris momenti, superiori, qui tunc fuerit Societatis, vel cui ex Præpositis, vel aliis ex inferioribus ille in jungeret, prout magis convenire videretur, reddat, ut melius omnibus in Domino prospiciatur, ipseque magis in spiritu cum gratia uberiori ad majorem divine bonitatis gloriam proficiat. Et §. 38. additur sexto quoque mense rationem hanc esse reddendam, incipiendo semper ab ultima, quæ data fuerat; cui non dissimilis constitutio reperitur in regula Monacharum D. Hieronymo attributa c. 17. & §. 39. additur, scholasticos finitis studiis, rationem vitæ suæ reddituros, ab ultima, quam reddiderunt in domo, ubi ad studia missi sunt. Et de iisdem scholaribus additur in 4. p. c. 10. §. 5. Rectorem suum magnopere revereri, ac venerari debere; & infra: nihil ei clausum, ne conscientiam quidem propriam, tenendo, quam ei aperire, ut in examine dictum est, suis constitutis temporibus, & sapiens si causa id posceret, oportebit. De professis autem, & coadjutoribus formatis additur in dicto loco examinis c. 4. singulis annis reddituros esse hanc rationem conscientie incipiendo semper ab ultima, vel crebrius, si Præposito videbitur; quod multum etiam commendatur in 6. p. c. 1. §. 2. addita etiam illa ratione: Quomelius in via salutis, & perfectionis se dirigant. Et in 9. p. c. 3. §. 19. de Generali dicitur: cognoscat quoad ejus fieri poterit, conscientias eorum, qui sub ejus obedientia sunt, ac præcipue Præpositorum Provincia- lium, & aliorum, quibus munera majoris momenti committit. Denique de eadem re est egregius locus 3. p. c. 1. §. 12. quem infra expendemus. Ex his ergo satis constat primum punctum, scilicet quid in hac parte Societas observandum statuit, & ob quam causam, & quam fuerit cordi B. P. N. Ignatii institum hoc medium. Propter quæ in congregatione 5. Generali §. 17. inter substantialia hujus instituti ponitur reddendam esse superiori conscientie rationem.

Usus aperiendi conscientiam superiori extra confessionem antiquissimum esse, & professioni perfectionis maxime consentaneum.

4 Hunc autem fuisse spiritum antiquorum Patrum, & fundatorum religionum, ostendi facile potest. Nam in primis Basil. in reg. 26. ex fusioribus: Debet (inquit) vicissim unusquisque eorum, qui inferiores sunt, si quidem memorabilem nullam facere progressionem student, & ad perfectionem vite illius, quæ præceptis D. N. JESU Christi est consentanea, pervenire, cum nullum animi sui motum apud seipsum celatum retinere, tum in sermone nihil non diligenti ante cura consideratum proferre, sed mentis sue arcana aperire fratribus iis, quibus datum illud negotium sit, ut adhibitis facilitate, & misericordia ægrotantes curent. Et reg. 44. specialiter de his, qui extra monasterium aliquo tempore peregrinati sunt, explicat, cum primum redeunt, perfectam rationem reddituros Prælato, non solum suarum actionum & ser-

monum; sed etiam cogitationum: Ita enim (inquit) & attentiores esse assuescant, qui itineribus se dabunt, si de reddenda ratione solliciti sint: & nos, quamdiu abjuncti illi a nobis permaneant, nequaquam videbimur illorum vite curam negligere. Ad idem facit reg. 46. & reg. 237. ex brevioribus, ubi adducit illud Isaïæ 5. Væ qui sapientes estis in oculis vestris. Præterea S. Benedictus in c. 7. suæ regulæ quintum humilitatis gradum esse dicit: Si omnes cogitationes malas cordi suo advenientes, vel mala a se absconse commissa per humilem confessionem Abbati non celaverit suo. Et quamvis ibi Turrecremata de confessione sacramentali locum illum intelligere videatur, tamen si quis consideret ipsummet S. Benedictum Sacerdotem non fuisse, & illo tempore Abbates ordinarie non fuisse presbyteros, facile intelligit Benedictum non limitare illud consilium ad sacramentalem confessionem. Et c. 46. defectus publicos in congregatione fratrum ait esse proponendos: Si autem (inquit) peccati causa fuerit latens tantum, Abbati, aut spiritualibus senioribus patefaciat, qui scient curare vulnera, non detegere. Et cap. 49. omnia vult proponi Abbati, ut ex voluntate ejus fiant.

5 Præterea Cassianus l. 4. de institutis renunciatum c. 9. Ad quod (inquit, id est ad veram humilitatem) ut facile valeant pervenire, consequenter instituntur nullas penitus cogitationes prurientes in corde perniciose celare, sed confestim ut exortæ fuerint, eas suo patefacere seniori. Et infra, præter humilitatem maximam hujus exercitii, utilitatem esse dicit, quia hoc modo instruuntur religiosi, & armantur contra insidias diaboli: unde concludit: Generale namque, & evidens indicium diabolicæ cogitationis esse pronunciant, si eam seniori confundimur aperire. Et cap. 39. ponens decem signa veræ humilitatis: Secundum est, si non solum actuum suorum, verum etiam cogitationum nihil sum celaverit seniori. At vero Moyse Abbas apud eundem Cassianum collat. 2. cap. 10. primo loco hoc indicium posuit, dicens: Vera discretio non nisi vera humilitate conquiritur, cujus humilitatis hæc erit prima probatio, si universa non solum, quæ agenda sunt, sed etiam quæ cogitantur, seniorum referuntur examini. Et in discursu illius cap. egregie declarat, quantum momenti in hoc negotio sit ad vitandas dæmonum fraudes, & spirituales vitam recte instituendam. Et cap. 11. exemplo & sententiis antiquorum id confirmans, concludit: Et ideo semper seniorum summa cautione sunt sectanda vestigia: atque ad eos cuncta, quæ in nostris cordibus oriuntur, sublato confessionis velamine, deferenda.

6 In his autem Cassiani & aliorum Patrum sententiis observare licet, loqui fere semper de junioribus religiosis. Unde respondere potest aliquis, hæc intelligenda esse de novitiis, vel ad summum de novioribus, qui per se non possunt, nec sciunt cogitationes, & actiones suas moderari: regulam autem B. Ignatii durioris esse, quæ hoc onus etiam professis, & quantumvis pro- vectis toto vitæ tempore imponit. Verumtamen licet hæc manifestatio quoad singulos motus, & tentationes magis necessaria sit junioribus, tamen fidelis conscientie manifestatio, proportionata personæ subditi, & voluntati Prælati, omnibus ratione status sui, semper a Patribus necessaria judicata est, quia hæc non solum ordinatur ad instructionem propter vincendas tentationes, sed ad totum spirituale regimen animæ, cum perfecta obedientia, & humilitate, & ad obtinendam a Deo majorem gratiam mediantē superiore. Unde Esaias Abbas tom. 2. Biblioth. oratione 8. (qui etiam videatur in orat. 6.) in præceptis ad fratres, qui cum ipso vivebant: Aperi (inquit) cogitationes tuas patribus tuis, & gratia Dei proteget te. Et S. Dorotheus doctrina 5. a principio exaggerat, quam necessarium sit homini habere, a quo regatur, nec sufficientem sibi existimari. Et inde postea concludit, necessarium esse religioso omnia occulta sua manifestare, ut a sapientiori instrui & regi possit. Et inferius refert exemplum vulgare de quodam Abbate, qui dæmonem vidit offerentem fratribus varias potiunculas, & solum unum invenit, qui suam biberit: & postea intellexit causā esse, quia solus ille conscientiam suā spiritali patri occultabat: Nam quisquis (inquit) illius presentis insidias, accurrit illico, & cogitationes

Objectio-
ni, quæ
fier, oc-
curritur,
& confir-
matur ad
huc ex
Patribus
institutū.

Squadetur
hoc pun-
ctum ex
Patribus.

nes suas quascumque latentes aperuit Patri, & sic auxilium invenit in tempore tentationis, & hac de causa non potuit adversus eos iniquus insidiator. Infelicem illum unum invenit, qui seipsum regeret, & instrueret. Unde in Joanne Climaco gradu 4. de obedientia intelligimus hunc fuisse morem antiquorum Patrum; refert enim, se vidisse in monasterio quendam monachum habentem libellum, in quo totam suam conscientiam scribebat, ut eam postea Prælato manifestaret, aitque illum fuisse morem reliquorum monachorum: quem morem etiam posteriores religiosos imitatos esse, & imitari debere, sumimus ex S. Bonav. lib. de sex alis Seraph. c. 7. satis post medium to. 2. ubi inter alia inquit: *Ad Prælatum pertinet conscientias singulorum agnoscere.* Et rationes indicans subdit: *& de quibuslibet perplexitatibus expedire, pericula peccatorum prævidere, & præcavere, monere fratres ut proficiant, corrigere corrigendum, elucidare dubia, informare singulos, qualiter officia sibi commissæ congrue administrent, quo & fratribus, prout convenit, sufficiant, & conscientiam non offendant.* Et paulo antea dixerat, hæc esse de substantia officii pastoralis. Ex quo dicto confirmare possumus, quod in fine numeri 3. diximus, in Societate declaratum esse, hanc rationem conscientiae esse de substantia instituti; quia si de substantia officii Rectoris est conscientias subditorum agnoscere, profecto de substantia subditi religiosi est, suam conscientiam Rectori manifestare; fieri enim humano modo non potest, ut ille conscientiam agnoscat, nisi is eam manifestet. Ut enim dixit Augustinus in tractatu de ovibus, c. 9. *Neque enim homo pater tuus, aut frater tuus intrare potest in conscientiam tuam, quam novit Deus.* Merito ergo regula hæc reddendi rationem conscientiae ad substantiam instituti pertinere dicitur.

Ad quod secretum obligetur superior Societatis in omnibus, quæ illi in ratione conscientiae manifestantur.

Manifestatio conscientiae de vita seculari ordinatæ sit in confessione.

7 Circa tertium de secreto observando a Prælato in omnibus, quæ per hanc conscientiae rationem illi manifestantur, distinguere oportet, quo in foro hujusmodi ratio reddatur. Nam in 4. c. Examinis de novitio in Societatem admittendo dicitur: *Præquam ad primam probationem accedat, vel postquam ingressus fuerit, antequam generaliter examinetur, vel post examen, intra aliquot menses, si superiori differendum videretur, sub sigillo confessionis, vel secreto, vel quacumque ratione ei placuerit & ad majorem ipsius consolationem fuerit, debeat conscientiam suam magna cum humilitate, puritate, & charitate manifestare.* Ergo hæc ratio conscientiae dari potest in confessione sacramentali, quia non potest sub sigillo confessionis aliter committi; quantumcumque enim aliquis præmittat se dicere aliquid sub sigillo confessionis, nisi vere confiteatur sacramentaliter, & in ordine ad illam loquatur, non obligabit alterum sub sigillo, ut in to. 4. 2. partis ostendimus, ac docent plurimi relati a Sancio lib. 3. de matrimonio disp. 13. nu. 6. potest etiam hæc ratio extra confessionem reddi, & optio inter hos duos modos ipsi religioso committitur ex vi prædictorum verborum, & ob alia, quæ n. 10. afferemus.

Differentia prima inter manifestationem conscientiae & confessionem.

8 Secundo ergo suppono, hanc conscientiae rationem multum differre quoad materiam a confessione sacramentali; nam materia confessionis tantum sunt peccata ab homine commissæ, hæc vero conscientiae manifestatio multo plura includit: quia in primis non tantum esse debet de malis, sed etiam de bonis, ut expresse monemur 3. p. const. c. 1. §. 1. 2. ibi: *Nec solum defectus aperiant, sed etiam penitentias, vel mortificationes & devotiones, ac virtutes omnes, &c.* Quod etiam significavit Basil. regula 36. ex superioribus, dicens: *Hoc enim modo fiet, ut & quod laude dignum sit in nobis confirmetur, & quod minus probandum congruo remedio sanetur.* Supponit ergo utrumque manifestandum esse. Deinde idem colligitur ex aliis testimoniis n. 3. adductis, quatenus dicunt totam animam, & conscientiam manifestandam esse, in conscientia enim non solum mala, sed etiam bona scripta manent: & ex fine hujus manifestationis id plane colligitur, ut statim dicam. Præterea ex malis non solum actualia peccata, sed etiam tentationes, pravæ consuetudines, vel inclinationes aperiendæ sunt, & non solum mali actus, sed etiam imperfectioes, imo etiam occasiones malæ, vel cujuscumque trās-

Swarez. Tom. XV.

gressionis regulæ, etiam si ex se peccatum non sit; hæc enim omnia sub conscientiae latitudine comprehenduntur, & eorum cognitio ad spirituale regimen personæ religiosæ necessaria est; & hoc significant subjuncta verba prædictæ constitutionis: *voluntate pura optantes ab illis dirigi, seculi a rectitudine deflecterent; nolentes suo proprio sensu duci, nisi conveniat cum judicio illorum, quos Christi D.N. loco habent.*

9 Unde etiam differt hæc ratio conscientiae a sacramentali confessione in fine intrinseco, ac per se; nam confessio sacramentalis per se solum ordinatur ad comparandam remissionem peccatorum, & satisfaciendum digne Deo pro illis, & consequenter ad emendationem eorum, quatenus propositum hujus emendæ pars est illius necessitatis satisfactionis: omnis autem alius finis, qui huic adjungitur, licet non sit malus, nec repugnans fini, & circumstantiis debitis confessioni, est accidentarius confessioni sacramentali ut sic. At vero ratio conscientiae, de qua nunc agimus, non ita per se ordinatur ad remissionem peccatorum, quamvis etiam possit per modum consultationis ad illam deservire, & ita propter illam fieri; sed ordinatur præcipue ad directionem vitæ in futurum, & in tantum requirit manifestationem præteritorum actuum, in quantum ad providentiam futurorum necessaria est præteritorum notitia. Et quia hæc directio, non solum ordinatur ad vitandum malum, sed etiam ad proficiendum in bono, & non tantum in bono necessario, sed etiam in meliori, & perfectiori, ideo non tantum vitiorum, sed etiam virtutum notitia necessaria est. Item ad utrumque multum refert inclinationes cognoscere, & tentationes, vel etiam divinas inspirationes, & auxilia: recte ergo hæc omnia sub materia hujus observantiæ comprehenduntur. Accedit præterea, quod hæc directio non solum potest intelligi ex parte ipsius subditi, sed etiam ex parte ipsorum Prælatorum: quia per hanc notitiam conscientiae subditi maxime juvari debent, ad gubernandum illum non solum per consilia, & admonitiones, sed etiam in ministeriis, & occupationibus, ita ut illum non constituat in periculo cadendi, sed in statu proficiendi, quod maxime necessarium est in religionibus, quæ vacante ministeriis cum proximis: nam in eis facilius possunt pericula occurrere, nisi Prælatus sciat ea prævidere, & præcavere, ut Bonav. n. 6. allatus dixit, quod vix potest proficere, nisi conscientiam subditi cognitam habeat. Ut ergo Prælatus Societatis possint officia sibi commissæ congrue administrare, ita ut fratribus sufficiant, ut idem Bonav. loquitur, & conscientiam non offendant, necessarium est hoc medium in Societate servari.

10 Ad hos autem fines, quando eorum necessitas intervenit, necessarium est, ut hæc ratio, & notitia extra confessionem, aut licentia utendi ea, quæ habita est ex confessione, a subdito detur: quia notitia confessionis non potest applicari postea ad hujusmodi usum, est enim res sacratiores, & altiori secreto claudenda. Et ob hanc causam notitia hæc non sigillaris superiori danda est: ad confessionem autem sacramentalem secum faciendam compellere illum non debet, nec potest: præsertim nunc post summi Pontif. Clemenr. VIII. decretum de reservatione casuum pro regularibus. Quæ omnia constitutionibus Societatis consentanea sunt. Nam in 6. part. c. 1. §. 2. prius dicitur: *Omnes, tam professi, quam formati coadiutores, semel singulis annis, & quoties præterea superiori visum fuerit, ad suas conscientias in confessione, vel secreto, vel alia ratione eidem aperiendas, propter magnam ejus rei utilitatem, parati esse debent: ubi notandum est illud relativum eidem, nam refert superiorem: illi ergo est hæc ratio reddenda.* Modus autem videtur plane constitui in arbitrio religiosi (statim præsertim prædicto decreto), imo ita demum explicuit P. Claudius in 14. instructione pro renovatione spiritus c. 2. n. 2. paulo ante finem, & initio ejus instructionis, quæ p. 154. inter omnes regulas impressas anno 1607. invenitur: juxta id, quod in 4. Congreg. decreto 40. fuerat commendatum; itaque poterit vel communicare solam notitiam confessionis, si modus ille gratior sibi fuerit, nec necessitas alterius notitiæ interveniat: vel extra confessionem rationem reddere, ad quam saltem exigendam jus habet superior. Et quia hoc posterius, de reddenda ratione extra confessio-

Differentia

Sub quo secreto possit, aut debeat subditus manifestare superiori conscientiam.

nem, laudabilius dicitur in citata instructione, estque proinde regulariter observandum, ideo in ipsa regula statim subditur: *tum etiam* (scil. parati esse debent) *ad confessionem generalem, quæ ab ultima generali inchoetur ei, quem sibi superior substituerit, faciendum.* Ubi aliter fit mentio de confessione, quæ non eidem superiori, sed de ejus licentia facienda dicitur, ut in superioribus adnotavimus,

Responsio ad 3. quæstionem, quando manifestatur conscientia in confessione.

11 Ex his ergo facile est respondere ad tertium punctum propositum, de secreto a superiore servando. Aut enim rationem conscientie sumit in confessione, vel extra: in priori casu tenetur servare sigillum confessionis, ut per se constat: & ideo tunc non poterit uti illa noticia extra confessionem, nisi de consensu ipsius pœnitentis, juxta certam doctrinam a nobis, tam in 4. to, 3. p. disp. 33. sect. 1. quam in hoc opere sæpius traditam; solum oportet distinguere, an aliquid dicatur in confessione proprie, ac formaliter: an vero solum concomitantem, & per accidens: nam illud prius cadit proprie sub sigillum confessionis; posterius autem non ita proprie, ut ex doctrina de sigillo in citato tomo constat. In præsentia autem si quis in confessione integram conscientie suæ rationem reddat, multa videretur necessario dicturus, quæ non formaliter, sed concomitantem tantum ibi dici censenda sint, ut sunt virtutes, & multa alia, quæ supra n. 8. numeravimus, & quidquid non conduxerit ad manifestanda ea peccata, de quibus confessio fit. Sed in hoc confessorem oportet esse valde cautum, & potius inclinare ad claudenda omnia sub sigillo, quam aliquid excludendum; quia facile possunt fere omnia reduci ad circumstantias, vel necessarias, vel utiles, ad declarandum melius peccatum, & postulandum remedium illius in futurum & præsumendum est a pœnitente hac ratione dici: ideo enim eligit medium confessionis, ut secretum sigilli in omnibus obtineat, quantum fieri potest. Igitur sine illius consensu nihil est revelandum, siue pertineat ad tentationes, quæ non sunt peccata, siue ad naturalem inclinationem ad aliquod vitium, siue quidpiam simile, cujus revelatio possit esse onerosa pœnitenti. Unde si aliquis usus talis notitiae extra confessionem sit necessarius, oportet exigere a pœnitente, ut illud extra confessionem dicat, vel ut solum concomitantem in ea esse dictum declaret; quod ipse tunc secundum regulam facere tenetur. Quæ necessitas exigendi licentiam a pœnitente maxime verum habet, quando ille usus vel est mere externus, & quasi politicus, vel habet adjunctam aliquam suspicionem revelationis, nam si esset tantum spiritualis cura, & providentia erga ipsum pœnitentem, sine ullo timore, vel suspitione revelationis, & alioqui materia non est directe, nec proxime pertinens ad confessionem peccatorum (de ea enim quæ sic pertinet jam diximus lib. 8. cap. 5.) tunc facilius potest ille notitiae usus permitti, non requisita a pœnitente licentia.

Responsio ejusdem quæstionem, quando manifestatio fit extra confessionem.

12 Quando autem ratio conscientie redditur extra confessionem, non habet locum secretum sigilli, ut per se constat: nihilominus tamen dicendum est oriri inde maximam obligationem secreti naturalis, quanta oriri solet ex secreta consultatione conscientie. Probatum primo, quia hoc est moraliter necessarium, ut hoc onus, seu medium tolerabile & rationabile sit. Quod suadent rationes dubitandi in principio positæ, nu. 2. Deinde quia hoc exigit ratio charitatis, & justitiæ, & quia hæc est intentio ejus, qui suam conscientiam aperit, & est justa, quia non vult se infamare, sed solum necessitati suæ spirituali providere; quod merito potest facere, & debet. Denique in ordinationibus totius Societati communibus, atque ex autoritate 7. Congregationis tractat. c. 1. nu. 17. magna exaggeratione dictum secretum commendatur, ac superior illud fortasse violans, severe puniendus, etiam officii depositione, si opus fuerit, pronuntiatur; & confirmatur a fortiori ex cap. 15. earumdem Ordinat. p. 2. ubi superior stricte jubetur secretum servare in defectibus ab altero fraterne delatis, nedum in iis, quos de seipso quis manifestat. Est tamen magna differentia inter hoc secretum, & sigillum confessionis. Primo, quia hoc non expedit, quominus liceat superiori loqui postea cum subdito de rebus sub tali secreto commissis, & illum secreto reprehendere, si necesse sit, vel monere suæ fragilitatis, ut talem occasionem

1. discrimen inter utramque manifestationem.

vitet, vel talem occupationem non appetat, vel procuret, & similia. Deinde potest ex illa notitia operari, gerendo erga subditum illum providentiæ modum, qui saluti ejus spirituali, vel magis necessarius, vel utilior sit; etiam si ipsi subdito sit involuntarius, quia irrationabiliter resistit. Solum cavere debet, ne illum infamet, aut malam suspicionem de illo generet; quia hoc de se repugnat justitiæ, & solet aliis scandalum parere, & subditos reddere difficiliore & timidiore in hujusmodi ratione suæ conscientie reddenda: quanquam in hoc aliqua moderatione opus est: nam si res sit moraliter necessaria ad salutem subditi, ut est vitare proximam occasionem alicujus peccati gravis, & alioqui suspicio non est cum firma & sinistra opinione aliorum, sed cum quadam dubitatione, & admiratione; tunc propter salutem animæ, contemnendum est illud incommodum, aliis remediis impediendo illud, quantum fieri possit; quia salus animæ præferenda est, & ipse subditus hoc velle tenetur; imo tanta esse posset spiritualis necessitas, ut etiam infamia contemnenda sit. Quapropter si superior bona intentione, & facta morali diligentia ad prudenter procedendum operetur, raro in hoc delinquet. Quando vero non ob necessitatem, sed ob majorem utilitatem, & perfectionem hoc fit, majore circumspectione opus est, & regulariter non videtur faciendum sine subditi consensu, quia in his rebus raro est utilius, quod est involuntarium.

Infamia resultans ex manifestatione confessionis, aliquando non curanda.

13 Tandem potest superior tri hac notitia ad convenienter gubernandum subditum in ordine ad bonum commune totius religionis, tum quia naturale secretum non obligat cum dispendio boni communis: tum etiam, quia ex ipsa regula constat, ad hunc finem hoc medium ordinari. Unde intervenit tacitum pactum, & consensus ipsius subditi, quando Societatem ingreditur. Tum denique, quia ex hoc usu; per se loquendo, non sequitur nocumentum particulare ipsius subditi; nam licet fortasse ob eam causam applicetur ad hunc locum, vel ministerium ei minus gratum, non debet illud tamquam nocumentum reputari, si communi bono religionis ita expediat, cum inde nulla sequatur infamia, neque aliud simile incommodum quasi privativum, ut sic dicam; sed ad summum carentia negativa alicujus majoris commodi, vel honoris, qui nec per se debet tanti æstimari, præsertim in personis, nec debet comparari cum communi bono. Cavendum est autem, ne ratione hujus notitiae aliquid fiat in vindictam, seu punitionem delicti, quando illud est occultum, & solum per hanc viam superiori ab ipsomet delinquente manifestatur: quamvis enim tunc possit superior secretam etiam pœnitentiam imponere, quæ magis sit in medicinam, quam in vindictam: tamen publice punire delictum, nec debet, nec moraliter potest, quia est contra debitum ordinem, ut per se constat: quomodo autem possit remedium adhibere in futurum, jam dictum est.

3. discrimen.

Ad quem finem & usum ordinetur notitia per rationem conscientie comparata, simulque impugnationibus satisfiat.

14 Ultimo ex dictis declaratum est, quod quarto loco proposuimus de usu, & utilitate hujus scientie, & quantum distet a notitia, quæ per confessionem habetur. Solvuntur etiam facile ex dictis rationes dubitandi in principio positæ. Ad primam enim interrogationem jam dictum est, utroque modo posse rationem conscientie reddi: scilicet, & in confessione, & extra: tamen quando in confessione fit, non ordinatur ad exteriori gubernationem, sed ad perfectam satisfactionem delictorum, judicio superioris imponendam in eodem foro, & ad meliorem directionem, & curationem spirituales, etiam in futurum.

Ad distinctionem positam in nu. 2. quoad ejus 1. mem. b.

15 Quando autem fit extra confessionem, potest ordinari ad gubernationem exteriori, pertinentem ad bonum ipsius personæ, & religionis cum debita circumspectione secreti, famæ, honoris, & consolationis ipsiusmet subditi, ut explicatum est. Unde ad primum incommodum de difficultate hujus manifestationis suæ conscientie extra confessionem respondemus concedendo esse rem difficilem ei, qui non decrevit viam perfectionis profiteri, vel in eo proposito non fideliter perseverat, atque progreditur: tam ei, qui recte affectus, & dispo-

Ad membrum posterius quoad 1. incommodum.

& dispositus est in desiderio consequendi perfectionem, & perfecte moderandi passiones omnes, & vitandi omnes occasiones, vel occupationes, quæ hunc progressum impedire possunt, sicuti debet qui religiosam vitam proficetur, querendi denique in omnibus majus Dei, & religionis obsequium, non erit difficile hoc medium amplecti: nam amor finis facile reddit medium ad illud consequendum necessarium, aut conducens, quantumvis aliàs difficile esse videatur. Sic enim Christus D. dixit jugum suum suave esse, non quia in se difficile non sit, sed quia verus amor levem, & suavem illum reddit, ut significavit August. li. 6. de Musica, c. 14. Unde etiam Plutarchus Dialogo de profectu morum primum fundamentum virtutis dicit esse amoris immensitatem circa studium philosophandi, id est, virtutem insequendi. Unde idem Philosophus inferius eodem opere hoc medium posuit inter principia ad proficiendum in virtute: *Omnes (ait) æquo ferentes animo reprehensionem, potissimum, si ipsos etiam morbi animorum gratia accedant reprehensores, bonam spem exhibent melioris cuiusdam habitudinis; qui enim sese ingenue offert corripientibus, peccatum proferat, malum fatetur, non passus latere aut ignorari proditque corrigenti, adjunctis etiam precibus: is demum Specimen præstiterit non contemnendi in Philosophia progressus: nam qui quis ad bonam frugem ex corruptis moribus pervenire desiderat, opus habet, authore Diogene, diligenti amico, vel acri fervidoque hoste, ut peccatum fugiat, aut correptus, aut certe humaniter ac blande curatus.* Si ergo medium hoc non est visum adeo difficile cuidam Philosopho propter ordinariam virtutem assequendam: cur debet videri arduum religioso propter perfectionem charitatis, & cordis puritatem obtinendam, eo vel maxime quod difficultas hæc statim in principio examinis proponitur iis, qui Societatem ingredi cupiunt, iuxta regulam Magistri novitiorum c. 2. n. 15. si ergo tunc illam admittunt, & cum hoc onere religionem postea proficentur, non est, quod difficultatem causentur, cum de perfectione & veritate actionis dubitare non possint.

16 Quod autem ad exaggerandam difficultatem additur de incommodis, quæ sequi possunt ex parte superiorum propter eorum imperfectionem, vel defectus, nihil obstat. Primo quia, moraliter ac regulariter loquendo, presumendum non est de Prælo religioso, ubi religio reformata est, & tanta diligentia, & sollicitudo, quanta supra in c. 3. n. 15. indicata est, adhibetur in providendis superioribus Prælati, qui prudentia & charitate maxime præsent. Apud quos hæc notitia voluntarie data ab ipso subdito, etiam si de peccatis sit, non infamat illum, quia, ut etiam sapienter animadvertitur in instructione P. Claudii pro superioribus, c. 9. n. 5. (quod integrum caput pro hac ratione conscientie, quam tractamus, videri debet) plus acquirit benevolentie, & æstimationis per illam fidelitatem erga superiorem, & per signa penitentiae, & emendationis propositum, quam propter commissa peccata posset amittere; præterita enim peccata per penitentiam deleta, etiam apud Deum ipsum non infamant hominem: unde nec infamare debent apud spirituales Patrem, qui Deum maxime imitari debet.

17 Ideoque tenentur Prælati summo studio animadvertere, ut ratione hujus notitiæ nihil faciant, quod jure possit subditum offendere, & inde occasionem sumere sese occultandi, & paulatim fortasse in majora vitia, vel incommoda cadendi; ut enim refert Cassian. collat. 2. c. 12. *Occasionem nobis perniciose verecundia, qua cogitationes malas studeamus obtegere, illa præcipue creat causa, qua novimus quendam in Syria partibus, ut credebatur, præcipuum, seniorum cuidam fratri cogitationes suas simplici confessione prodenti postmodum quadam indignatione commatum easdem graviter exprobrasse, unde fit, ut dum eas in nobis premimus, & senioribus erubescimus publicare, curationum remedia consequi nequeamus.* Debent ergo superiores in hoc esse cautiissimi, ne potius ut iudices, quam ut Patres a subditis tractentur. Nam quod Chrysostomus dixit, *non dico tibi, ut te prodas*, intelligitur vel in ordine ad iudicium externum, quod ad vindictam tendit, vel in ordine ad illos, qui tali notitia male usuri sunt; subditi vero non debent esse nimium delicati, ut vel ea omnia, quæ ipsis non placent, injuste fieri censeant; vel certe, si Prælatum aliquem in-

terdum in hoc errare, aut imprudentem esse contingat, ideo ceteros omnes similes esse judicent, aut ob eam tantum causam, necessariam regulam, & sanctam consuetudinem immutandam putent: *Abstine enim (ut recte dixit August. ad Publicolum epist. 154. & habetur in c. de occidendis 23. q. 5.) ut ea, quæ propter bonum aut licitum facimus, aut habemus, si quid per hæc præter nostram voluntatem cuiquam mali acciderit, nobis imputetur: quid enim est in usu bonum, ac licito, unde non possit etiam perniciem irrogari.*

18 Alia denique exaggeratio difficultatis ex mutatione superiorum, vel eorum pluralitate, humana quidem est, & sensibilis, ut sic dicam, parvi tamen momenti apud eos, qui spiritualiter vivunt, & simpliciter, ac confidenter ambulant: talem enim habent conscientie statum, ut non vereantur illam multis personis manifestare. Quin potius hæc ipsa obligatio potest hominem reddere cautiorem circa statum conscientie suæ, & plurimum etiam consilii, & orationibus magis juvari poterit. Denique ex ipso usu, & praxi constat minus difficultatis in hoc negotio esse, quam in speculatione, vel apprehensione appareat, si sermo sit de his personis, quæ recte volunt in religione procedere. Quod enim aliis difficillima res sit, non dubitatur, verum tamen difficultas illa non solum vitanda non est, verum potius merito est intenta, ut saltem illa religiosos in officio contineat.

19 Ad alterum denique incommodum contra utilitatem hujus medii responsum satis est ex his, quæ diximus. Debet enim Prælati fides adhibere subdito suæ conscientie rationem reddenti, dum aliud sibi non confiteri; per hoc tamen non tollitur, quin prudenter omnia observet, & dicta illius cum factis ejusdem, quæ superior aliàs novit, vel vidit, conferat; ita enim vix fieri potest, ut in re magni momenti decipiatur.

C A P U T VII.

Utrum fraterna denunciatio recte fiat secundum regulam, & particulare regimen Societatis.

1 **A**D convenientem religionis gubernationem non solum necessarium est, ut Prælati possint delicta, seu defectus cognoscere per propriam & spontaneam manifestationem uniuscujusque de seipso, sed etiam per denunciationem ab uno factam de lapsu alterius. Sicut enim prior manifestatio, ad privatam, & voluntariam directionem uniuscujusque necessaria est; ita posterior denunciatio ad communem correctionem delictorum, & propter eos maxime, qui delicta sua abscondere & excusare procurant, admittenda omnino est in omni bene ordinata communione. Atque ita hæc, quam in primis aggredimur, ac fraterna vocatur (nam judiciaria quarum loci in Societate habeat, c. 13. explicabitur) in jure & in Evangelio multum commendatur, ut statim videbimus. Quod ergo hæc denunciatio iuste præcipiatur, vel in constitutionibus ordinetur, manifestum est, quia ipsa est actio honesta, & communi bono necessaria, dummodo legitimo prælato, & cum debitis circumstantiis fiat; una autem ex debitis circumstantiis est debitus ordo, de quo maxime in presenti dubitatur.

2 Nam regula Societatis hæc est: *Ad maiorem in spiritu profectum, & præcipue ad maiorem submissionem, & humilitatem propriam contentus esse quisque debet, ut omnes errores & defectus ipsius, & res quæcumque, quæ notata in eo, & observata fuerint, superioribus per quem vis, qui extra confessionem eas acceperit, manifestentur.* Habetur in Compendio Constit. n. 9. Ex quibus verbis colligi videtur omnes defectus, etiam si sint gravia peccata, & omnino occulta, esse a quocumque, qui illa certo sciverit, manifestanda superiori, nulla præmissa monitione, nec spectato fine emendationis, sed solum intuitu majoris perfectionis, submissionis, & humilitatis. Hoc declarant singula verba, si expendantur, nam finis non alius proponitur nisi ad maiorem spiritus profectum, &c. Materia verbis valde universalibus declaratur: & ideo cum dictum esset *omnes errores, & defectus*, ne quis putaret solum esse sermonem de communibus imperfectionibus religiosorum, additur, *& res quæcumque.* Deinde vero subiungitur exceptio notitiæ confessionis, per quam firmatur regula, quod quæcumque alia via etiam occultissima recognoscatur, superiori denuncianda sit. Additur denique unumquemque debere esse contentum, ut

Ad 2. exaggerationem.

Ad alterum incommodum ejusdem posterioris membri dilectis.

Dehinc facta de offensione iusta est.

Proponitur & præderatur regula Societatis de denunciatione fraterna.

Ad 1. exaggerationem circa idem incommodum.

Prælati ne prodant subditum se manifestantem.

Subditi ne plus nimio circumspiciant suam honorem.

hæc denunciatio de se fiat nulla alia conditione postulat, quo significatur non esse necessariam præviam monitionem. Atque ita in examine c. 4. §. 8. novitius ingressurus Societatem statim interrogatur, an contentus sit futurus, ut omnes errores, defectus, &c. ut ex tunc præbeat suum consensum, neque habeat postea querelæ occasionem. Atque in hunc modum videtur interpretari hanc regulam usus, & praxis Societatis; nam prælati ipsi hanc integram illius observantiam requirunt.

3 Difficultas autem contra hanc regulam & communem praxim est. Primo, quia videtur repugnare Evangelio Matt. 18. ubi Christus Dominus ait: *Si peccaverit in te frater tuus, vade, & corripe eum inter te & ipsum solum: si te audierit, lucratus es fratrem tuum: ex quib. verbis duo colligunt Doctores communiter. Unum est, ante denunciationem, quæ infra significatur illis verbis: Dic Ecclesia, præmittendam esse fraternam correctionem secretam. Aliud est, finem hujus negotii esse lucrari fratrem, scil. per emendationem ejus, ideoque si crimen fuerit occultum, & emendatum, non esse ad denunciationem procedendum: utrumque autem repugnat superiori regulæ. Secundo obstat textus in c. licet Heli, de Simonia ibi: sicut accusationem præcedere debet legitima inscriptio: sic & denunciationem charitativa correctio; & in c. cum dilectus, de accusat. denunciatio repellenda dicitur, quam secreta monitio non præcessit. Idem habetur in c. si peccaverit, 2. q. 1. ex Augusti. ferm. 16. de verbis Domini: Quia secretum (inquit) fuit, quando in te peccavit, secretum quare cum corrigis, quod in te peccavit: nam si solus nosti, quia peccavit in te, & eum vis coram omnibus arguere, non es corrector, sed proditor; & in Conc. Aquisgran. l. c. 134. de subdito delinquenti dicitur: hic primum secundum Domini præceptum, non solum semel, ac secundo, ac tertio, quinimo crebrius admonetur, &c.*

4 Tercio ne quis forte dicat hunc ordinem pertinere ad sæculares, non ad religiosos, qui sunt velut mortui, dicitur, quia antiqui Patres, & fundatores religionum eundem ordinem servare præcipiunt. Basil. in epist. ad Canonicam, circa finem: *Oportet (inquit) eum, qui post unam & alteram monitionem obstinate nihilominus in vitio perseverat, ad Antistitem deferri.* Et in regulis monachibus reg. 5. c. 2. & 4. pro regula ponit ipsa Christi verba Matt. 18. & in regulis fusiis disputatis reg. 46. *Quidquid est (inquit) in quo peccetur, id referri ad Antistitem debet, sive ab eo ipso, qui peccatum admisit, sive ab iis, qui illius consilii sunt, si illud ipsi curare non possint, & mederi eo modo, quo præceptum est a Domino.* Unde in regulis brevioribus interrogationi tertiæ, quæ erat, quomodo convertertemus peccantem, responder, *quemadmodum jussi sumus a Domino, &c.* Et interrogationi 25. quæ erat, quid sit detractio, responder revelare peccatum alterius in duobus tantum casibus licere, scil. vel consilii causa, vel ad vitandum damnum aliorum, extra hos vero semper esse detractorem. Regulæ etiam 47. 178. 182. 232. sunt de hac re, & in eis eodem fere sensu explicat Christi D. verba; & in consil. monast. c. 30. *Si quis, inquit, disciplinam labefactare in animo habeat, & alios de fratribus secum comites trahat; hic primo quidem ab eo, qui sanus sit, secreto admoneri tamquam parum sanus debet, sin arcano curari noluerit, adhibendi sint de fratribus, &c.* Ubi prosequitur ordinem correctionis. Eodem modo loquitur Augustinus in sua regula, dicens: *Si oculi petulantiam in aliquo vestrum adverteritis, statim admonete, ne caepo progrediatur, sed de proximo corrigatur. Si autem & post admonitionem, &c. prosequitur ordinem correctionis. Quem tamen paulo inferius immutat, dicens: sed antequam aliis demonstretur, per quos convincendus est, si negaverit, prius Præposito debet ostendi, si admonitus non glexerit, corrigi, ne forte possit secretius correptus non innotescere ceteris.* Ubi semper postulat, ut monitio præcedat, antequam delictum manifestetur Prælato, & ut secretum servetur, quoad fieri possit. Accedit tandem auctoritas B. Th. qui quodliq. 1. ar. 16. expresse dicit, correctionis ordinem a Christo præceptum, etiam in religionibus esse servandum, ita ut si Prælati præcipiat sibi denunciari delictum occulte ante admonitionem, quando est spes fructus, non sit ei obediendum.

5 Quarto argumentari possumus ratione, quia lex

ipsa charitatis, etiam secundo Christi D. præcepto, postulat, ut sine causa necessaria nec secretum frangatur, nec peccatum occultum proximo alteri reveletur; imo etiam ratio justitiæ, vel fidelitatis hoc postulat: sed quando peccatum fratris est emendatum, vel moraliter emendandum per secretam admonitionem, nulla est necessitas manifestandi illud superiori: ergo non potest justè fieri, sicut non potest justè manifestari alteri fratri, aut amico. Quid enim refert ad injuriam minuendam, quod persona, cui revelatur peccatum, Prælati sit? quin potius illa circumstantia videtur augere injuriam, quia infamia major est, magisque involuntaria, quia pluris æstimat subditus bonam opinionem apud unum Prælatum, quam apud multos alios. Et confirmatur; quia recta ratio postulat, ut curatio ægroti fiat cum minimo nocumento, & diminutione aliorum bonorum: ergo etiam postulat spiritualis curatio animæ, ut fiat cum minimo nocumento famæ: ergo si facta jam est, injustum est denuo infamare, vel si fieri potest, per solam secretam admonitionem, non licet medicinam adhibere cum detrimento famæ.

6 Propter hæc, & similia argumenta, nonnulli illicitum putant statutum religionis obligans religiosos ad manifestandum Prælato delicta occulta ante præmissam monitionem. Alii vero, ut Bannes 21. q. 33. ar. 4. existimant esse nimium rigorosam, & non expedire communitati: quia potest nimium perturbare fratres inter se, quia licet perfecti possint patienter tolerare, ut delicta sua Prælato manifestentur, imperfecti nihilominus, vel quicumque non adeo perfecti sunt, viz poterunt sine perturbatione id ferre: cumque communitas majori ex parte ex hujusmodi hominibus constet, non videtur tale statutum esse posse pro tota communitate accommodatum: ut ergo rem totam ordinate explicemus, videbimus prius generatim, & abstrahendo a Societate, an tale statutum licitum sit, deinde an sit expediens, ac tandem totam doctrinam ad regulam & praxim Societatis in c. 9. accommodabimus: quia vero fundamentum totius doctrinæ partim ex Evangelio, partim ex discursu rationis sumendum est, inde initium sumemus: nam licet hoc tractari soleat in 2. 2. q. 33. ubi olim publice docendo sententiam nostram aperuimus, tamen quia illa non versatur in manibus omnium, non possumus hic prætermittere fundamenta hujus materiæ. Explicatur locus Matth. 18. si peccaverit in te, &c.

7 Primo ergo dixerunt aliqui Christum D. Matth. 18. non fuisse locutum in universum de correctione fraternæ in quocumque delicto fratris, nec posuisse specialem præceptum de illa, vel de ordine ejus, sed specialiter locutum fuisse de injuria facta unicuique a suo proximo, & de modo patienter illam ferendi, & curandi magis animo lucrandi proximum, quam vindicandi seipsum. Fundatur maxime in illo verbo, *si peccaverit in te*: nam illud non significat, coram te, ut multi exposuisse videntur, sed contra te, ut proprietates verbi, scripturæ usus, Evangelii contextus, & multi Patres docere videntur. Nam juxta Latinam proprietatem particula, in, talem habet significationem, in simili contextu, juxta illud Virgilii Æneid. 1.

Quid meus Æneas in te committere tantum,

Quid Troies potuere?

Nunquam autem significare solet, in te, id est, coram te, aut te sciēte: non est autem, cur literam ad improprium sensum torqueamus. Sic etiam Genes. 39. & Exod. 10. dicitur peccare in Dominum, &c. 1. Reg. 2. si peccaverit vir in virum, placari ei potest Deus: si autem in Dominum peccaverit vir, quis orabit pro eo? & Luc. 27. si peccaverit (inquit) in te frater tuus, increpa illum, & si penitentiam egerit, dimitte illi, & si septies in die peccaverit in te, & septies in die conversus fuerit ad te, dicens: Pœnitete me: dimitte illi; quæ verba, vel sunt eadem, vel similia his, quæ Matth. refert, & tamen in illis idem est, peccare in te, ac injuriam tibi facere, ut probant verba subjuncta, dimitte illi: non enim potest homo dimittere omnia peccata, quæ corā se sunt, sed quæ sunt in suam injuriam. Unde hunc etiam sensum confirmant verba, quæ Matth. 18. Petrus subjunxit: Domine quoties peccabit in me frater meus, & dimittam ei, id est, quoties me offender; intellexerat ergo verbum Christi in illo sensu: nam propterea subjunxit illam interrogatio-

4. argum. ex ratione.

Confir-matur.

Quid ob præcedentia argumenta alii aduersarii sentiant.

Jam habetur a dispo. 8. sect. 6. de charitate.

1. dispositio.

Primum argumentum ex duplici repugnantia regulæ contra evangelium. 1. repugnantia. 2. repug.

Secundum argumentum ex iure canonico.

Tertium argumentum ex Patribus.

nem, ejusque intelligentiam confirmavit Christus sub-
jecta parabola de Rege, cui servus debebat decem mil-
lia talenta, quæ dimisit ei: ipse autem postea urgebat
conservum sibi debitorem, nolens ei remittere: ergo
est sermo de peccato in aliquem, ex quo debitum ratio-
ne injuriæ nascitur.

8 Præterea ita intellexit hunc locum Innocentius
III. in c. novit. de judiciis, ibi: *Et Rex Angliæ sit para-
tus sufficienter ostendere, quod Rex Francorum peccat in
ipsum*, id est, offendit ipsum; quamvis glossa ibi dicat
Christum Dominum in alio sensu fuisse loquutum;
quod tamen non probat. Favet etiam idem Innocentius
III. in c. cum ex injuncto, de hæret. & Chrysost. qui ho-
mil. 70. ad populum ita alludit ad hunc locum, *si contra
me peccantem, postquam me non audierit; ita præceptum
averfari*, &c. & eodem modo exponit Basilus in regu-
la 232. ex brevioribus, ubi confert verba illa Christi
Matth. 11. *dimittite, si quid habetis adversus aliquem,
cum illis, si peccaverit in te frater tuus*; sentiens in utro-
que esse sermonem de inferente injuriam, quam tamen
ita dicit esse dimittendam, ut tamen admonitione leni,
& castigatione adversus ipsum injuriæ auctorem uti
oporteat. Idem sentit in regulis fustius disputatis resp. 9.
Ubi cum dixisset non esse religiosi litigandum cum
his, a quibus injuriam patiuntur, subdit: *Admonendi
sunt tamen, qui tales sunt*, &c. ut pareamus præcepto Do-
mini, qui dixit, *si peccaverit in te frater tuus*. Eandem
expositionem indicant Hilarius, & Hieronymus in
Matth. & Ambrosius in Lucam, imo & Innoc. III. in
c. cum ex injuncto, de hæret. idem significans, & dicens:
*cum aliud sit fratrem in te peccantem occulte corrumpere
secundum regulam Evangelicam*, illud enim in te, idem
significat ac contra te. Denique etiam D. Augustinus
serm. 16. de verbis Domini de injuria propria illa ver-
ba intellexit, dicens: *Ille injuriam fecit, & injuriam fa-
ciendo gravi se ipsum vulnere percussit, tu vulnus fratris
contemnens, peior es tacendo, quam ille convitiando*, &
inde colligit non esse leve peccatum, peccare in homi-
nem: intelligit ergo peccare in te, idem esse, quod pecca-
re contra te. Denique D. Thom. super Matth. ita cum
gloss. exponit: *si injuriam vel contumeliam intulerit ti-
bi*. Et Cajet. ibi ait: *si peccaverit in te*, positum esse ad
differentiam peccati in alterum. Probat etiam Abulen-
sis ibi q. 84. Theophylactus, & Euthymius.

Ex data
interpre-
tatione
non colli-
gitur or-
do vel
præcepti
correctionis
fra-
tæne.

9 Juxta hanc ergo interpretationem non solum non
agitur de omni peccato fratris, sed etiam colligitur ul-
terius Christum Dominum hic non egisse de modo fra-
terne corripiendi omnia peccata, sed de perfecto modo
tolerandi injurias, ut non solum eas non vendicemus,
verum etiam injuriantem lucrari procuremus. Proba-
tur, quia ibi Christus non agit de omni peccato, sed so-
lum de injuria propria: ergo inde non potest colligi ge-
nerale præceptum; quia potius neque in propria injuria
curanda videtur ille ordo a Christo Dominino præce-
ptus, tum quia nullum est ibi verbum, quod rigorem
præcepti præ se ferat, sed tantum cuiusdam utilis do-
ctrinæ, vel consilii; tum etiam, quia Christus Dominus
nullum dedit præceptum positivum, nisi sacramento-
rum, ut aliàs constat ex materia de legibus: ille autem
ordo non est ex natura rei necessarius, nulla enim evi-
denti ratione naturali probari potest, præsertim quoad
testium inductionem, quæ summam habet difficulta-
tem, & vix potest ad praxim reduci, ut ex usu constat:
ergo verisimile non est ibi esse latum speciale præce-
ptum a Christo de hujusmodi ordine. Et confirmatur,
quia Christi D. verba indifferencia sunt ad injuriam il-
latam, tam occulte, quam publice: nam absolute dixit, *si
peccaverit in te*: ergo indefinite etiam constituit il-
lum ordinem pro quacumque injuria, sive occulte, sive
publice fiat, cum tamen certum sit non esse necessarium
præmittere correctionem secretam, ubi peccatum est
publicum. In injuria autem propria videtur id utiliter
consuli, ad ostendendam animi lenitatem, & benevo-
lentiam erga eum, qui injuriam intulit: non enim est
corripiendus propter commodum corripientis, sed
propter ipsum, ut significavit Christus, dicens: *lucratus
es fratrem tuum*; & exposuit August. serm. 16. de verbis
Domini. Unde idem August. lib. 2. de serm. Domini in
monte, c. 19. *Raro* (inquit) *& in magna necessitate objur-
gationes adhibende sunt, ita tamen ut etiam in his ipsis*,
Suarez Tom. XV.

non nobis, sed Domino ut serviatur, instemus. Et dum
hoc fit inter te & ipsum solum, aptior est modus ad con-
ciliandam amicitiam. Imo etiam si petenda sit satisfac-
tio, vel solutio debiti a creditore, qui dum est in mora
solvendi, dici potest peccare in creditorem; optimus or-
do est, prius ab eo privatim petere ut solvat, & deinde, si
neceffe fuerit, coram uno vel altero amico instare apud
illum, prius quam ad petendum coram judice proceda-
tur, quamvis hic ordo non sit simpliciter necessarius, &
in præcepto, quando alioqui debitum & tale est, ut an-
te omnem petitionem solvi debeat, & alioqui probari
potest in judicio. Ergo quamvis Christus D. in ordine
ad emendationem fratris illum ordinem posuerit me-
liorem, non sequitur illum constituisse sub præcepto.
Unde Bonav. Luc. 17. in illa verba *si peccaverit in te*,
&c. *Hic autem ordo* (inquit) *congruitatis est, non necessi-
tatis, & maxime si percipiatur, quod proximus incorrigi-
bilis est ad verbum fratrum, & corrigibilis manu forti*; &
hanc sententiam late confirmare conatus est Bernard.
de Arevalo in speciali opere de correctione fraterna.

10 Sed quamvis in his duobus punctis, scilicet an cor-
rectio sit de quovis peccato, non vero solum de injurio-
so corripiendi, & an de correctione ipsa detur præce-
ptum in verbis Christi, magna videatur esse dissensio,
quoad explicationem textus Evangelici, fortasse in re
ipsa, & quod attinet ad doctrinam moralem, nulla fere
est, nec esse potest; nam in primis circa prius punctum
suppono non esse dubium, quin detur naturale præce-
ptum correctionis fraternæ, quod omnes Theologi
agnoscunt cum D. Th. 2. 2. q. 33. Richardo, Durando, &
aliis in 4. dict. 19. Soto in Relect. de tegendo secreto,
membr. 2. quatuor primis questionibus. Altius lib. 3.
summ. Tractat. 21. c. 1. Summis omnes verb. *Corre-
ctio fraterna*. Canonistæ in c. novit. de judiciis, c. si pec-
caverit. 2. q. 1. & habetur expresse ex Anacleto Papa in
c. tam Sacerdotes 25. q. 3. ubi glossa destruit textum per
fideles Prælatos interpretanda. Facit etiam illud Am-
brosii lib. 1. de officiis c. 36. *Qui non repellit a socio in-
juriam, si potest, tam est in vitio, quam ille, qui facit*, cap.
non inferenda 23. quest. 3. Item illud August. tract. 7. in
Joann. *Non putes te amare vicinum tuum, quando eum
non corripis: non est ista charitas, sed languor*, c. non pu-
tet 23. q. 5. Item illud Gregorii in c. 3. d. 83. *Consentire
videtur erranti, qui ad refecanda, qua corrigi debent,
non occurrat*, habetur lib. 7. epist. 117. Ubi melius dicitur:
Qui corripienda, ut refecari debeant, non occurrat.
Et in eodem lib. epistola 114. *Faciens culpam proculdu-
bio habet, qui quod potest corrigere, negligit emendare*:
sed potissimum fundatur hoc præceptum in ratione
charitatis, & misericordie, quæ obligat ad sublevan-
dam proximi miseriā; peccatum autem est maxima
miseria; & correctio fere est unicum medium, quo po-
test unus subvenire alteri proximo in tali miseria, &
necessitate constituto; ergo quandiu quisque commo-
de potest, & alius indiget, charitas ex se inducit talem
obligationem.

11 Ex quo inferitur præceptum hoc non limitari ad
peccatum injuriosum corripiendi, ut etiam in tractatu
de charitate d. 8. sect. 2. n. 2. & in tractat. de fide disp. 20.
sect. 4. n. 14. dixi, quia fundamentum, & ratio hujus obli-
gationis, non respicit rationem propriæ injuriæ, sed ab-
solute necessitatem proximi, & hoc est etiam certum, &
receptum ab omnibus Theologis, ex quo factum est, ut
ipsi intellexerint verba Christi, de quocumque gravi la-
psu proximi, quod secundum rectam rationem corre-
ptionem fraternam postulet: verisimile ergo est Christum
D. voluisse, universalem doctrinam de corrigendis fra-
tribus tradere, quod etiam significant illa verba, *lucratus
eris fratrem tuum*: nam hic fructus in omni lapsu
gravi proximi procurandus est, si sperari potest; unde
& Origenes tractatu 6. in Matth. generaliter verba
Christi intelligit de peccatis quibuscumque, sive facta
sint in injuria corripientis, sive non, quamvis in le-
vioribus peccatis, & non in grandioribus, ordinem
illum servandum putet; sed fortasse per leviora non in-
telligit illa tantum, quæ nos vocamus venialia, sed il-
la, quæ facilius emendari possunt, in quibus correctio
potest per secretam monitionem facilius operari. An-
selmus etiam in Matth. prius exponit de injuria homi-
ni facta: deinde addit alteram expositionem, & cum

Statu-
tur duo
puncta.

Traditur
jam 1.
Punctum,
materiam
dñi præ-
cepti non a
limitari
ad solam
injuriā
corri-
pientis.
Id suadet
tur au-
thoritate.

ea pertransit. Exponit vero speciali modo illud *in te*: id est, publice. Existimo autem appellare publicum, ne duriuscula videatur interpretatio, non in rigore juris, prout publice dicitur fieri, quod coram multis sit, sed quod est publicum seu apertum respectu illius in cujus præsentia fit, licet respectu aliorum, sit occultum, quem sensum significat idem Anselmus, dicens, *corrige privatim, ne videaris alieni criminis proditor potius, quam corrector*; non esset autem proditor si peccatum esset publicum priori modo. Vocat ergo publicum corripienti, & ita eadem est expositio cum communi Scholasticorum, *in te*, id est, *coram te*. Et eandem subdit rationem dicens: *omne enim publicum peccatum contra unumquemque dicitur fieri, quia publice peccans proximum suum corrumpit*.

Snadesur
præterea
ex cōtex-
tu & in-
tentione
Christi.

12 Nec videtur hæc expositio aliena ab intentione Christi, si ita uno verbo exponamus, *in te*, id est, præbens tibi scandalum, quantum in ipso est. Nam consequentiorius cap. hunc videtur sensum postulare, siquidem in præcedenti parte cap. usque ad illum locum, multum commendaverat, ne scandalum aliis tribuamus, & deinde occasionem fratri, ut pereat, propter cujus salutem filius hominis in mundum venit, ut ibidem Christus dicit, adducta parabola centum ovium, & concludit: *sic non est voluntas ante patrem vestrum, qui in cælis est, ut pereat unus de pusillis istis*. Deinde vero convertit sermonem ad eum, qui scandalum præbet, ut ostendat illius etiam salutis se curam gerere, eandemque unumquemque nostrum esse habiturum, etiam si nobis ipsis scandalum dent. Sic ergo subdit: *Si autem peccaverit in te frater tuus*. Hic enim sermo non potest habere ad superiora eam consequentiam, quam particula *autem* significat, nisi in prædicto sensu explicetur. Atque in hunc modum connectit textum Chrysost. homil. 61. dicens: *Quoniam acriter oratione adversus scandalizantes usus, multis eos argumentis terruit, ne supini, atque desides hac ratione hi fiant, quibus scandala inferuntur, & ne putantes totam in alios culpam esse rejectam, & ad mollitiei vitium delabantur, & quasi omni favore digni in arrogantiam incidant, perspicite, quomodo ipsos etiam comprimit, atque coercet*. Postea vero in discussa expositione de corripiente loquitur, tanquam de eo, qui passus sit injuriam; vel quia omnem offensionem, quæ per scandalum datur, injuriam vocat; vel quia in propria injuria maxima ratio scandali dari solet, & tunc etiam perfectio charitatis in corripiedo proximo magis cernitur. Sic etiam idem Chrysostomus homilia 1. de verbis Isaïæ ait, per illa verba adhortatum esse Christum, ut id facerent homines, quoties invicem peccaverint: dicuntur enim peccare invicem, non solum quando mutuas injurias sibi faciunt, sed etiam quando invicem sibi scandalum præbent. Et ad eundem modum exponit ibi Theophylactus, dicens: *Sermonem contra offendentium dantes, valde extenderat, nunc & eos qui offendentur corrigit, &c.* Sicque tandem possunt cæteri Patres intelligi, nec est alienum a modo loquendi scripturæ: nam 1. ad Corinth. 8. ait Paulus: *Sic autem peccantes in fratres, & percutientes conscientiam eorum infirmam, in Christum peccatis*; ubi peccare in fratres, vocavit eis scandalum inferre: cum ergo materia scandali non sit tantum propria injuria, sed quodlibet peccatum, præsertim grave, non sine magno fundamento Theologi Christi serm. ad omne peccatum extenderunt.

Licet textus
exp. i-
mat inju-
riam deri-
pientis
non ex-
cludit
alia pec-
cata.

13 Eo vel maxime quod licet demus (quod admodum probabile est) Christum loquutum esse de propria injuria, seu læsione, non id fecit, ut alia peccata excludat; sed potius, ut a fortiori comprehendat. Nam si de sibi illata injuria debet quis alium admonere, multo magis de injuria Dei, vel de proprio spiritali nocumẽto ejus, qui graviter peccat; cur enim magis obligaretur quis ex Christi præcepto circa propriam injuriam, quam circa alia peccata, cum admonitio in propria injuria non respiciat commodum proprium, sed alterius? quin potius in propria injuria posset homo habere aliquam excusationem, tum ne videretur seipsum vindicare, tum quia non tenetur quis inimico ostendere peculiaria signa amicitie, sed satis est non ostendere odium, nec excludere a generalibus benevolentie signis, & operibus. Ergo vel Christus generaliter loquutus est de hoc opere admonendi fratrem, vel certe si

locutus est de fratre inferente injuriam, supponit esse opus charitatis commune omnibus, atque adeo a fortiori exercendam cum amico, seu fratre, qui non intulit injuriam, graviter tamen lapsus est, & in eadem necessitate constitutus, & in hoc plene supponit Innocentius III. in dicto c. novit, cum ex Christi verbis subinfert: *licet autem hoc modo procedere valeamus super quolibet criminali peccato, ut peccatorem revocemus a vitio ad virtutem: præcipue cum contra pacem peccatur, quæ est vinculum charitatis*: sentit ergo doctrinam esse generalem; ergo quod ad rem moralem attinet, parum refert uno vel alio modo illam particulam, *in te*, interpretari.

14 Secundo infero idem fere dicendum esse de alio puncto, in quo dicta opinio a communi Theologorum sententia differre videtur. Nam Theologi etiam fatentur ibi non esse latum a Christo Domino speciale præceptum positivum divinum particulare legis gratiæ: ita sentit D. Th. 2. 2. q. 33. art. 2. & 7. & hi expositores, & Soto d. relect. membr. q. 4. & optime probatur rationibus factis in nu. 9. præsertim illa, quod in lege gratiæ non sunt præcepta divina positiva, nisi sacramentorum. Ergo etiam si concedamus cum multis Theologis Christum Dominum ibi tulisse præceptum; nihilominus fatendum est, non addidisse novum, sed explicuisse morale præceptum connaturale ipsi charitati, & dilectioni fraternæ: & e converso, quamvis verba Christi possint explicari, ut generalem doctrinam continentem abstrahendo a rigore præcepti, vel suavitæ consilii, tamen negare non possumus, quin materia ipsa includere possit præcepti obligationem, & maxime quoad secretam monitionem, de qua nunc agimus; nam de testium inductione major posset esse dubitandi ratio. Priorem partem probant rationes in principio factæ, & communis opinio Theologorum, qui sentiunt ordinem hunc, quoad prætermittendam monitionem secretam, esse ex suo genere materiam sufficientem ad obligationem sub mortali; quia non infamare proximum est materia talis obligationis, cui interdum opponitur, non tantum moraliter sed etiam formaliter, id est, sine legitima excusatione in verso illius ordinis: ergo e converso servare illum ordinem est etiam materia gravis obligationis, atque ita simpliciter docuimus in tract. de charitate, disp. 8. sect. 6. n. 2. Advertit autem omnes hoc præceptum prout ad correctionem fraternam obligat esse affirmativum, ideoque non obligare pro semper, sed cum determinatis circumstantiis, quas infra attingemus, quæ in summa explicantur per illum effectum non infamandi proximum, si ad effectum emendationis ejus necessariū non sit. Hæc autem explicatio illius præcepti æque habet locum, siue dicamus Christum Dominum loquutum fuisse de hoc præcepto, siue non, quia licet de illo fuerit loquutus, nihil ei addidit, ut morale & naturale erat: ac proinde quem sensum postulat ex natura rei, eundem admittit in Evangelio esse contentum; ergo ad doctrinam moralem, de qua agimus, parum refert, uno, vel alio modo verba Christi Domini intelligere.

15 Idem cum proportionem dicendum est de posteriori membro, in quo (ut dixi) difficilius apparet præceptum ex natura rei: quia illa inductio testium non videtur ita necessaria ad conservandam famam proximi, & secluso hoc capite non videtur esse aliud, ex quo talis obligatio oriatur. Nam quod Div. Th. ait, naturæ ordinem postulare, ut non fiat transitus ab extremo ad extremum, nisi per medium, & ideo non esse transeundum a monitione secreta ad denuntiationem coram Prælato, nisi media testium inductione, est quidem bona congruentia ad declarandam illius ordinis convenientiam & honestatem; non videtur tamen sufficiens ratio ad ostendendam necessitatem obligationis. Nihilominus probabile est etiam illam esse materiam præcepti; præsertim si procedendum sit ad denuntiationem publicam, & judicariam, de qua Christus loquutus fuisse colligitur ex illis verbis, *si Ecclesiam non audierit, sit tibi tanquam ethnicus & publicanus*; supponunt enim hæc verba excommunicationem latam ab Ecclesia, ad quam non pervenitur nisi per denuntiationem judicariam. Ante illam vero potest esse testium inductio necessaria, tum ut per eos constare possit Ecclesiæ fraternam correctionem præcessisse, quod necessarium esse significatur in d. c. licet Heli. de Simoniacis, quam rationem indi-

2. Punctum
quali-
cumq;
fuerit in-
tentione
Christi,
materia
ipsa ex-
pax est
præcepti
naturalis.

Probatur
dicta ca-
pacitas
materiæ
quoad il-
lam par-
tem inter-
te & ipsi
solum.

Probatur
deinde
quod ad al-
teram par-
tem, ad-
hibe unū
vel duos
testes.

cant verba Christi, *ut in duorum, vel trium testimonio sit omne verbum*; illi enim non possent esse testes delicti ex vi illius inductionis, sed solum testes esse possent præmissæ admonitionis; tum etiam ut major, & debita cautio circa famam proximi adhibeatur.

Probabile
textu lo-
qui solum
de pecca-
to occul-
to.

16 Ultimo hinc colligo, posse non incommode intelligi Christum D. fuisse loquutum de peccato occulto, ut ab Augustino intelligitur, quem scholastici sequuti sunt: quia licet fortasse litera non cogat, non tamen repugnat, & alioqui est sensus accommodatus aliquibus circumstantiis literæ: cur enim Christus postulasset monitionem secretam in peccato publico, etiam si sic injuriosum corripienti? vix enim potest aliqua utilitas expectari ex tali monitione secreto facta, quæ non possit eadem vel major sperari ex monitione facta, saltem coram eis, qui delictum viderunt. Quod ergo Christus dixit: *Corripe illum inter te & ipsum solum*, indicat illam particulam exclusivam, etiam subintelligendam esse, cum dixit, *si peccaverit in te frater tuus*. Ideo enim dicit *in te*, quia tibi, & non aliis scandalum dedit. Unde Augustin. d. serm. 16. de verbis Dom. *Peccavit* (inquit) *in te frater tuus, si tu solus nosti, tum vere in te solum peccavit, nam si multis audientibus tibi fecit injuriam, & in illos peccavit, quos testes sue iniquitatis effecit*. Potest ergo optime sermo Christi de peccato occulto intelligi, quia in solo illo tenetur quis privatam correctionem præmittere. Quam obligationem ex regula Christi colligit Innoc. III. in c. *cum ex injuncto* de hæreticis; sentit ergo ibi esse sermonem de peccato occulto.

Licet de
peccato
omnino
occulto
loquere-
tur Chri-
stus, ordo
ejus loci
habet cū
propor-
tione.

17 Nec tamen propterea excluditur, quia etiam correctio fraternalis locum habeat circa peccatum publicum, vel simpliciter, vel secundum quid, respectu duorum, vel trium, quod *probabile* dici solet, sed interest multum quoad ordinem in correctione servandum: quia tunc non est tanta necessitas, ut prima monitio fiat, *inter te, & ipsum solum*. Tamen quia, ut dicitur ex Aristotele, maximum in unoquoque genere est mensura cæterorum, juxta proportionem ad omnino occultum servandus est ordo in aliis. Nam si peccatum proximi sit uni, vel alteri notum, quoad hoc potest ordo ille habere locum, ut coram aliis non corripiatur, saltem a principio: quia quoad hoc habet locum ratio non infamandi proximum. Interdum etiam erit valde expediens solum prius admonere, saltem propter pudorem ejus, & ut melius accipiat admonitionem, & talis potest esse conditio personæ, ut possit ad hoc charitas obligare, habito respectu ad fructum per correctionem intentum, qui fortasse uno modo obtinebitur, & non alio; quando autem peccatum est simpliciter publicum, publice corripiendum est, juxta sententiam Pauli 1. ad Tim. 5. *Peccantem coram omnibus argue, ut & ceteri timorem habeant*. In quo etiam servari debet, ut ibi fiat talis correctio, ubi publicum est delictum, non alibi, juxta rationem charitatis, quæ omnia vel virtute, vel formaliter continentur in verbis Christi uno vel alio modo expositis. Prædictis vero expositionibus suppositis, ad explicandam & defendendam nostram regulam accedamus.

Ostenditur regulam Societatis de correctione fraterna, neque doctrina Evangelicæ, neque naturali juri fama adversari.

18 Tota difficultas est, qua ratione regula Societatis, omnium defectuum, vel criminum, quantumvis gravium, & occultorum, denunciationem per quemvis, qui extra confessionem ea acceperit, contempta monitione secreta fieri permittat; & nihilominus verbis Evangelicis: *Corrige eum inter te & ipsum solum*, Matth. 18. ac naturali præcepto de monitione præmittenda, non adversetur? Facile tamen omnia componuntur, si advertamus non esse omnino eandem materiam hujus regulæ, atque juris naturalis, & Evangelii: nam regula procedit supposita renunciatione, quam expresse faciunt omnes, qui Societatem ingrediuntur, renunciando omni juri famæ, quod dictæ denunciationi patenter ob stare possit, ut mox ostendemus: volenti autem & consentienti nulla sit injuria. Præceptum vero naturale in hoc casu (& idem est de doctrina Christi Matth. 28.) procedit absolute, nulla supposita renunciatione, totumque fundatur in jure famæ, quod quis habet, ne se invito apud alios infametur: ac proinde quamdiu quis

hoc jure non cedit, tamdiu materia præcepti, ejusque obligatio subsistit: eo vero jure per renunciationem sublato, consequenter etiam & materia & præceptum ejus tollitur. Huic autem juri quilibet renunciare potest efficaciter, seu quoad validitatem, ut ita dicamus: tum quia unusquisque renunciare potest favori proprio, & si de terra, in fine, de privilegio etiam, quia homo est dominus suæ famæ: ergo si renuntiet, & det alteri facultatem denunciandi superiori suum delictum, se non admonito, cessabit obligatio hujus præcepti justitiæ. Hinc enim juxta receptam doctrinam, peccatum injustitiæ non est bona suæ famæ, aut fortunarum prodigere, neque in aliis consequenter obligatio restituendi confurgit, si ex prodigia illius licentia præcise tale aliquod ejus bonum auferant. Atqui in Societate juri famæ apud superiorem, ut patrem, renunciatio illis verbis regulæ ex 4. c. examinis §. 8. *interrogetur* (is scilicet qui Societatem ingredi vult) *an contentus sit futurus, ut omnes errores & defectus ipsius, & res quascumque notate in eo, & observate fuerint superioribus per quemvis, qui extra confessionem eas acceperit, manifestentur*. Quæ tandem regula, seu renunciatio, ne ullus ambigendi locus esset, declarata fuit in 6. Congregatione generali a decreto 32. usque ad 34. & Congreg. 6. can. 10. §. 1. his verbis: *licitum est omnibus nostris manifestare superiori, ut patri, quodcumque delictum alterius, sive leve, sive grave, & hic est sensus regulæ cum ex illis verbis capituli 4. examinis constet, nostros cedere cuicumque juri famæ, quod huic manifestationi ob stare posset, & facultatem facere omnibus deferendi ad superiores, quæcumque ab illis notata fuerint*. Est igitur iam expressa hodie in Societate talis renunciatio, omnibusque in illam ingredi volentibus adeo patenter exponitur, ut nullam profecto injustitiam contineat dicta apud superiorem, ut patrem, immediata manifestatio.

19 Verum opponet aliquis, cum ad absolutam hujus regulæ honestatem non sit satis, si contra justitiam non militet, sed etiam oporteat, ne ulla alia inhonestate laborer (bonum enim absolute non nisi ex integra causa confurgit) contingere poterit, ut licet ex renunciatio jure optime concludatur, actionem illam manifestandi non esse injustam, non tamen id sufficiat, ut sit undique licita, quia sola charitas, seclusa ratione justitiæ, potest obligare ad non infamandum proximum; sicut in exemplis præcedenti numero adductis, nemo tenetur ex justitia non se infamare, & tamen ex charitate propria tenetur non prodigere famam; sic ergo quantumcumque frater renunciaverit juri suo, teneor ego ex charitate non infamare illum, quando possum eidem sufficienter prodesse sine tali infamia. Nec contendo nunc, an in eo casu sit culpa mortalis, an venialis tantum, quia jam non est injuria; satis enim nobis est, quod sit aliqua culpa, quam non potest renunciatio proprii juris impedire; ut si quis velit proprias fortunas in flumen pro sua tantum prodiga libertate projicere, charitas obligat, ut illum impediam, si commode possum. Et quamvis ipse permittat, ut ego projiciam, contra charitatem agam id faciendo, etiam si non sim injustus. Et confirmatur: nam in hoc sensu tradunt Doctores, non posse aliquem renunciare naturali, & divino juri, Abbas in c. *si diligentis* de foro competenti n. 7. ex Bartolo in l. *jus publicum*, ff. de pactis, & in l. *si quis in conscribendo*, C. de pactis. Constat autem hoc jus esse divinum, aut naturale, non solum quatenus ad justitiam spectat ratione dominii, quod quisque habet in suam famam, sed etiam præcise ratione charitatis; ergo in illud, ut sic, non cadit renunciatio, ac proinde saltem ex hac parte honesta esse non poterit illa apud superiorem immediata manifestatio.

20 Ad hanc tamen objectionem præter illa, quæ c. 9. n. 17. observabimus, respondendum, cum renunciatio juris prædictæ in Societate fuit ob majorem in spiritu profectum, ut regula ipsa præmittit, cumque major sit ordinarie hic profectus, cum a superiori sit emendatio, quam cum a privato (ut inferius late ostendemus, ubi etiam de particula *ordinarie* redibit sermo) non posse ordinarie contra charitatem militare immediatam manifestationem defectus alterius apud superiorem. Imo pro charitate facere, cum majus bonum per talem manifestationem intendatur, & sequatur, ut supponimus. Neque

Instantia
circa pro-
xime di-
cta.

Expedi-
tur.

Neque enim in Evangelio (quod nulli unquam majoris profectus viam præclusit) aut declaratur, aut confertur jus erranti, ut prius a fratre moneatur, quam a patre, si velis perfectiori modo corrigi. Atque hoc modo verificari posset, quod alii senserunt, regulam scilicet quam tractamus, ipsam esse regulam charitatis, seu in charitate fundari, quatenus videlicet per dictam manifestationem bonum (quod charitatis objectum est) non qualecunque, sed perfectum, ac efficaciori medio, ut infra dicemus, fratri procuratur. Hoc igitur modo non iustitia tantum, sed & sanctitas regulæ Societatis defenditur, atque etiam commendatur.

21 Recolenda vero hoc in loco veniunt, quæ circa illam ac circa allatum decretum paternæ correctionis in eadem Congreg. 6. & ordinationibus etiam aliis toti Societati communibus in cap. 15. sunt stabilita. Primo enim regula solummodo licitum esse declarat aliorum defectus manifestare, idque etiam non interrogante superiore, ut in citato can. 10. 6. Congregationis n. 3. subditur, non tamen obligat per se loquendo; nec certe esset expediens omnibus imponere hoc onus, imo nec passim illud permittere, quia Prælati esset molestissimum, & fratribus odiosum, possetque multum minuire charitatem & fraternam unionem. Ad superiores ergo spectat hanc curam aliquibus committere; & tunc illi tenebuntur juxta gradum obligationis sibi impositum, quæ in hoc suavior est, & minor, quam in aliis religionibus: nam (ut credo) in aliis zelatores, seu acclamatores (quos vocant) sub juramento astringuntur acclamare, quæ viderint in Societate vero nulla obligatio ponitur jure ordinario, sed simplex tantum ordinatio; quamquam interdum materia ipsa poterit majorem obligationem ex charitate inducere (imo & superiorem cogere ad stricte præcipiendum alicui, ut vigilet) ut etiam in n. 4. ejusdem canonis 10. 6. Congreg. stabilitum est in hanc formam: *In delictis, quæ vergunt in detrimentum boni communis, aut damnum imminens tertie personæ (qualia sunt infectiva aliorum, & nociva bono religionis, &c.) non solum posse, sed etiam teneri quemquam ea manifestare superiori, ut patri, ut provideat secreto & prudenter, tam bono subditi, quam religionis.*

22 Secundo in 7. Congreg. can. 20. & uberius in decreto 12. severe puniri jubentur, qui temere, & ex inanis suspicionibus, vel ex alia quapiam minus probata causa, falsum alteri crimen imponunt: etiam si (ut necessario intelligendum videtur) apud superiorem tantum id faciât, cum revera incuriosum sit. Et additur ibidem, *ut caveant superiores, ne faciles delatoribus aures præbeant, disquirantque singula, donec in delata rei cognitionem veniant, ut aut innocentem liberent, aut noxium falsumque delatorem pro rei magnitudine puniant.* Imo & si verus aliq̃ defectus commissus fuerit, vult Societas, ut debito cum amore, & charitate manifestetur.

23 Tertio delator non solum ea notitia, quæ ex confessione sacramentali immediate, vel mediate processit, uti non potest, ut ipsa regula monet, ac per se notum erat, sed neque illa etiam, quæ sibi secreto, & consilii petendi gratia, ut alter dirigatur, vel juvetur, communicata fuit, quæ verba sunt ejusdem canonis 10. illius 6. Congr. §. 2. De quibus dubitari potest, an dictiones illæ *secreto, & consilii gratia*, disjunctum, an copulatum sensum efficiant; nam conjunctio & non semper efficit copulatum. Etenim, si hoc in loco copulatum revera faciant, poterit is, cui consilii quidem petendi causa defectus aliquis communicatus est, non tamen secreto, aut e contra communicatus secreto est, non tamen consilii, sed amicitie, aut alterius finis humani gratia, ad superiorem immediate deferre; quod si sensum disjunctum reddant, duplici ex principio prohibetur usus notitiæ; tum, si secreto communicata fuit, etiam absque ordine ad consilium, vel directionem, &c. tum, si cum tali ordine, absque conditione tamen illa secreti; quod per se nihilominus servare teneatur is, qui consultatur ex alio principio, reverentia scilicet. ut ita dicam, negotii conscientie, Censeo tamen sensum esse copulatum; tum quia conjunctio & communiter illam sensum reddit; tum quia citatus canon. 10. §. 1. declarat amplissimam juris renunciationem, dicendo renunciare nos cuiusque juri famæ. Cum ergo in bonum spirituale animæ conditus sit, eam solum notitiam excipit, cujus usus spi-

rituali bono alioquin obesser, cujusmodi est usus notitiæ ex confessione, aut ex communicatione gratia consilii, & directionis; averterent siquidem homines a querendo animæ remedio, si talis usus concederetur. Admittit ergo regula usum notitiæ humano modo communicatæ, atque implicite irritam facit quamcunque promissionem, etiam juratam de non revelando superiori, cum id sit contra bonos mores, imo contra primarium ejus finem.

C A P U T VII.

Præmittitur generalis doctrina denunciationis, ut ostendatur quousque juxta regulam Societatis locum habeat.

1 **U**T altius explicemus justitiam, & honestatem dictæ regulæ, eamque veræ doctrinæ de correctione accommodemus, nonnulla principia generalia præmittenda sunt, præsertim, quid denunciatio sit, & quorū modis fieri contingat: nam hoc necessarium est ad intelligendum, quousque secreta monitio præcedere debeat denunciationem; quam distinctionem tradidimus circa crimen hæresis in disp. 20. de fide sect. 4. a n. 2. Et in primis denunciatio latissime sumi potest pro manifestatione delicti facta Prælato, & sic comprehendit etiam accusationem, de qua hic non agimus, sed in c. 12. a 3. finem non nihil circa illam attingemus, quia certum est ad illam non prærequiri monitionem, nam per eam non intenditur per se emendatio fratris, sed vel interesse proprium, & ut accusatori fiat satisfactio, vel publica etiam vindicta & punitio delicti; & in ea se gerit accusator, ut actor exigens a iudice punitorem, & satisfactionem condignam rei, quam iudex reddere teneatur servato justitiæ ordine; ideoque accusatio in scriptis necessario fieri debet, seu inscriptio debet ad illam præcedere, nisi in rebus levissimis, juxta legem *levia ff. de accusat.* quæ omnia simul ad denunciationem necessaria non sunt: proprius ergo sumpta denunciatione, ut ab accusatione distinguitur, est legitima delatio, seu manifestatio delicti facta superiori, ut suo munere, vel providentia utatur ad aliquod damnum emendandum, vel impediendum. Quæ descriptio ex dicendis patebit, ne in ejus declaratione immoremur. Addit vero Hostiensis in Summa lib. 5. tit. de denunciationibus, esse delationem sine inscriptione; sed licet verum sit denunciationem sæpe fieri legitime sine scripto, tamen aliquando potest scripturam postulare, ut notavit Soto, & ideo non oportet hoc in generali descriptione ponere. Melius ergo facta aliqua divisione, ratio denunciationis declarabitur.

2 Sæpe ergo multipliciter dividi denunciatio. Patet norm. in c. *novit.* de judiciis n. 23. quem sequitur Soto dicta Relect. membr. 2. q. 5. quatuor genera denunciationis distinguit, scilicet judicialis, Evangelicæ, canonicæ, & regularis. Adrianus vero in 4. materia de correctione fraterna q. ult. ad 1. omisso ultimo membro alia tria numerat. Innocentius autem in c. *novit.* de judiciis, distinguit quidem Evangelicam & canonicam denunciationem, omittit autem judicialem, & ponit aliam, quam dicit non esse actionem, nec denunciationem propriam, sed præcedere actionem, vel denunciationem, non autem declarat, quid sit, sed exempla ejus dicit esse frequentia in jure, c. *quapropter*, c. *si quid*, 2. qu. 7. in quibus solum præcipit Pontifex, ut sibi manifestentur, quæ in Episcopis, vel aliis Prælati notata fuerint, & in c. fin. de accusatione. fit mentio similis denunciationis, quæ solum videtur esse quædam simplex delatio ad aures Prælati, ut ipse inquirat; tamen si attente considerentur citata iura, & similia, illa denunciatio vel judicialis est, vel ad eam reducitur, nam est inchoatio quædam, vel excitatio iudicis, ut inquirat, & iudicet, quam admonitionem interdum facit Episcopus Principi, aut iudici seculari, ut in Authent. ut iudices sine quoquo suffragio fiant, §. *si quis autem*, & sequentibus. Denique Hostiens. in d. tit. de denunciationibus, duplicem tantum distinguit denunciationem, scilicet Evangelicam, & judicialem, quem sequitur D. Antoninus 3. part. 9. c. 9. & in rigore videtur sufficiens divisio, si recte explicetur.

3 Adverte igitur tertio peccatum fratris esse posse, vel

Notatio i. quid sit denunciatio latissime sumpta.

Notatio 2. quotuplex sit, secundum quosdam.

Regi le prædictæ superior explicatio, & temperamen- talis, & temper-

3. temper.

3. temper. ad dubium circa illud resolvitur.

vel jam commissum, vel in periculo, ut committatur, vel utrumque simul, quia & commissum est, & est in periculo continuationis, vel iterationis. Denunciatio igitur, de qua agimus, habet pro materia propria peccatum commissum, quia correctio non est de actu futuro, sed de jam commissio, unde non dixit Christus, *si quis peccaturus sit*, sed, *si peccaveris in te*. Nihilominus tamen latius loquendo de denunciatione, etiam peccatum futurum, ut est in periculo, vel occasione, denunciari potest Prælati, ut præveniat, vel impediatur, & hanc aliqui vocant canonicam denunciationem, quia Evangelica non est id, quod Christus de peccato commissio sit loquutus, ut nunc expendimus; verumtamen etiam hæc denuntiatio, quatenus respicit bonum fratris, dici potest Evangelica, quia, licet non formaliter, virtute tamen in verbis Christi continetur; tum quia in moralibus periculum quasi actus reputatur; tum maxime, quia ejusdem charitatis fraternæ actus est, & ad idem præceptum pertinet, quod per se primo obligat ad subveniendum proximo (spiritualem necessitatem patienti; non solum autem necessitatem patitur, qui jam lapsus est, sed etiam qui in morali periculo cadendi versatur; ergo si moraliter indigeat superioris auxilio, ut vel a periculo tollatur, vel in periculo existens confortetur, opus ejusdem charitatis fraternæ erit, talem statum fratris Prælati revelare. Dices: qui in tali periculo se constituit, eo ipso peccat: ergo jam lapsus est, nec differt hic actus a præcedenti. Respondetur primo, quidquid sit de antecedenti, distingui consideratione (ut sic dicam) præcisiva, quia per se primo intenditur, ne peccatum futurum committatur, si periculum sit cum peccato, si vero non. Unde secundo dicitur sæpe posse esse sine peccato, ut cum quis gravi tentatione urgetur, vel alia simili ratione. Quamvis ergo tunc non habeat locum propria correctio fraterna, nihilominus locum habet delatio ad superiorem ex charitate fraterna: & ad hanc (ut statim n. 3. dicam) per se non est necessaria secreta monitio: & ideo in Societate reg. 20. ex communibus ita statutum est: *qui gravem tentationem alicujus noverit, superiorem admoneat, ut ei ipse pro paterna in suos cura, ac providentia, convenienti remedio possit occurrere*. Talis ergo denunciatio (si ita appelletur) & fraterna, & Evangelica dici potest; nec video, cur canonica appellanda sit, cum non sit per canones introducta magis quam denunciatio delicti commissi.

Notatio 4
duplex
fines denunciationis
unde quidam
falso diff.
criminant
inter denunciationem
canonicam
& Evangelicam.

4 Est autem ulterius advertendum denunciationem Evangelicam, seu fraternam per se primo & sufficienter ordinari ad bonum fratris, si ut resurgat, si ut præveniat, ne amplius cadat, vel etiam ne simpliciter cadat: ultra hunc vero finem potest, & interdum debet intendi per hanc denunciationem bonum tertii, & multo magis bonum commune, ut si peccatum fratris vergat in nocuum injuriosum proximi, & multo magis si in damnum communis. Juxta hos ergo duos fines distinguunt aliqui denunciationem Evangelicam a canonicam. Nam prior Evangelica dicitur juxta illud, *lucratu eris fratrem tuum*: posterior canonica, fortasse quia propter illum finem boni tertii persone, vel communis, non fit de illa mentio in Evangelio, sed magis in jure canonico. Verumtamen non multum hæc dūm est in nominibus, dummodo in re ipsa falsa aliqua differentia non constituitur, qualem esse illam censeo, quam aliqui assignant, nisi sano modo explicetur, ut in n. 7. & 8. attingam: scilicet, ad hanc posteriorem, id est, canonicam denunciationem, non oportere secretam monitionem præcedere, sicut in prima, quia in illa non habet locum illa conditio, *si peccaveris in te*; quia tunc non peccat frater in te, sed in alios, quibus nocuum parat; & bonum innocentis, & præsertim communis, præferendum est bono privatæ personæ peccantis.

Arguitur
per dilectum
contra
dilectum.

5 Hæc enim differentia primo non recte fundatur in Evangelio, ut præced. c. a. n. 1. tractatum est, quia illud præceptum non limitatur ad peccatum, quod lædit corripientem; deinde nec satis ratio fundatur, quia licet bonum innocentis vel commune præferendum sit, tamen si potest simul servari, bonum, & fama peccantis prodigenda non est. Unde argumentor in hunc modum: quando peccatum proximi vergit in damnum tertii, vel communis, aut ego possum per meipsum admonitione secreta illud impedire, & de hoc habeo spem moraliter

certainam; & tunc non est, cur illum denunciem alteri, neque ibi intervenit bonum commune, vel innocentis, quod præferendum sit famæ peccatoris, quia non pugnant inter se, sed simul possum omnia tueri: ergo tunc æque teneor per secretam monitionem remedium adhibere, ac si solum intenderem fratris emendam. Et confirmatur, nam si peccatum proximi vergat in meum nocuum, & ego simul cum illius emendatione intendam me indemnem servare, ut licite possum, & interdum debeo, præcipue si nocuum, quod timeo, spirituale sit, nihilominus teneor secretam monitionem præmittere, si per illam spero utrumque fructum, ut constat ex verbis Christi: *si peccaveris in te*, etiam in omni rigore intellectus, id est, contra te tantum; ergo quando peccatum vergit in detrimentum alterius, si uterque fructus per secretam monitionem speratur, ex eadem obligatione præmittenda erit: quid enim refert, quod sit defensio mea vel alterius innocentis; nam etiam ego in ea re sum innocens, & ira ex charitate obligor, seu inducor ad me defendendum, sicut alium. Unde etiam fit, ut denunciatio illa, quando ad eam pervenitur, substantialiter sit Evangelica, id est, ejusdem rationis, virtutis, & ordinis; nam quod aliquis per correctionem intendat defensionem propriam, si non excludat emendationem fratris, non obstat quominus illa sit correctio fraterna, & Evangelica: ergo quod intendat defensionem alterius innocentis simul cum emendatione fratris, non est extra rationem correctionis fraternæ: ergo denunciatio etiam subsequens potest dici fraterna, seu Evangelica.

6 Aut certe tale est nocuum alterius, ut non sit moralis spes impediendi illud per secretam monitionem; & tunc cessat quidem obligatio præmittendi illam, tamē idem est, quando peccatum fratris vergit in meum nocuum, & despero me posse illud impedire per meam monitionem, sine auxilio Prælati: idem est licet peccatum nulli homini nocuum inferat, nisi ipsimet peccati, nam tunc etiam denunciandus est Prælati prætermissa monitione secreta, de qua fructus non speratur, quia hæc esset tunc otiosa, & aliunde spirituale bonum fratris præferendum est famæ ejus: ergo formaliter loquendo, non intercedit talis differentia inter illas duas denunciationes, quæ Evangelica & canonica appellantur; ergo ob hanc rationem, nec est necessaria illa distinctio, neque illa nomina fundamur habent.

7 Dico autem *formaliter loquendo*, quia quando peccatum vergit in damnum tertii, difficilius poterit per solam correctionem secretam emendari, quam peccatum, quod soli nocet peccanti. Item est alia differentia, quod cum peccatum nocet alteri, intervenit jus tertii, cui non possum ego cedere, & ideo requiritur spes magis certa, magisque excludens periculum nocuum, ut monitio privata omittenda sit, quam cum peccatum vel nemini nocet, vel mihi tantum, qui de meo periculo, vel nocuum melius judicare possum. Ob hanc ergo causam in peccatis, quæ vergunt in damnum tertii, frequentius licebit a denunciatione incipere, vel sæpe etiam erit necessarium, maxime quādo bonum commune periclitatur, ut est in peccato hæresis, prodicionis, &c. Hæc autem differentiam *materialem* voco, quia præceptum charitatis semper est idē, sed quia affirmativum est, requirit suam opportunitatem: hæc vero in una materia, vel uno genere peccati frequentius occurrit, quam in alio.

8 Addo insuper, quando ita timetur nocuum tertii, vel boni communis, ut nondum inchoatum sit, nec peccatum aliquod sit actu commissum a proximo, ex quo illud periculum timeatur, tunc in rigore necessarium non esse monitionem secretam præmittere, sed posse immediate denunciari rem, seu periculum Prælati; quia tunc non infamatur proximus, neque intervenit propria materia correctionis, sed solius defensionis, & ideo cessat ratio prædicti ordinis. Hoc autem ita verum est in peccato, quod vel nemini nocere potest nisi peccanti, vel solum ipsi emendanti, sicut in peccatis, quæ aliis nocent. Quia si frater nondum peccavit, nec mihi nocuit, versatur autem in periculo cadendi, aut mihi nocendi, licet sperem per meam admonitionem posse sufficiens remedium adhibere, non teneor, per se loquendo, sed possum immediate uti auxilio Prælati, quia ratio facta hic etiam habet locum; non enim infamatur frater, cum nullum ejus delictum manifestetur, neque

Quo sensu
verificari
possit d. f.
crimen
expugnatum.

Eventus
alius, in
quo amplius
verificari
possit.

que actio illa ordinatur ad ejus correctionem, ut ordinem correctionis observare necesse sit; & ita nullo modo accommodatur illa differentia, nisi tantum materialiter, ut num. præced. dixi. Igitur illa differentia inter Evangelicam & canonicam monitionem ex illis finibus desumpta, parvi momenti est, neque oportet ob eam causam membra multiplicare: quartum vero membrum de denunciatione regulari, quod Soto n. 2. allatus posuit cum Panorm. magis habere locum potest juxta dicta in c. præced. n. 18. de denunciatione juris, siquidem tunc regularis denuntiatio incipit a secundo actu, cum Evangelica per se loquendo requiratur etiam primum, quamquam Soto hunc sensum non intendit, improbamus autem quem intendit. Nam illa etiam denuntiatio regularis, quam affert, solum est materialis, eo quod denuntiatio fit in religione, & secundum regulas, vel constitutiones ejus; tamen illa etiam si necessario postulet integrum ordinem, semper est aut Evangelica, seu paterna, aut judicialis denuntiatio.

9 Est ergo simpliciter sufficiens illa bimembris divisio denunciationis, in Evangelicam & judicialem (quæ enim admittimus *religiosam*, charitatis terminis continetur), quæ membra in primis differre censentur ex fine, nam per Evangelicam non intenditur vindicta delicti, sed emendatio fratris, & ad summum extenditur ad evitanda aliorum nocumenta, juxta proxime dicta a nu. 4. Judicialis autem ad hoc tendit, ut delictum puniatur, quatenus expedit bono communi, ne delicta maneant impunita; sed hoc sano modo intelligendum est, nam etiam denuntiatio judicialis per se primo, ordinatur ad bonum fratris, ut ex Evangelio constat: *luc. 17. fratrem tuum*, & deficiente hoc fine, præcipitur denuntiatio Ecclesiæ, quam esse judicialem ex dicendis constabit. Ratione etiam declaratur, nam intendere vindictam proprium est accusatoris, qui propterea ad probandum delictum obligatur; ergo per denunciationem non intenditur per se ac principaliter ille finis; nec facile quis admitti debet ad petendam vindictam, vel punitionem delicti, nisi ad probandum obligetur; solum ergo potest esse differentia, quod per denunciationem paternam, numquam intenditur vindicta, sed emendatio; judicialis autem aliquando extendi potest ad intendendam punitionem, quando censetur necessaria ad bonum commune, quod per hanc denunciationem potest quis intendere, quando iustis de causis non vult suscipere munus accusatoris.

10 Assignatur præterea alia differentia, quod paternam denunciationem numquam fit propter proprium commodum vel interesse denunciantis: altera vero potest; existimo tamen hunc finem non necessario excludi a denunciatione Evangelica: quod in præcedenti puncto a nu. 4. satis probatum videtur, neque est alienum a verbo Christi: *si peccaverit in te*, id est, contra te: nam fortasse ideo fecit mentionem propriæ injuriæ (juxta illam expositionem) ut significaret inter Christianos etiam propria nocumenta, quæ repellere, aut reparare sepe necessarium est, media correctione fraterna reparanda esse, si fieri possit. Quod etiam significavit Innoc. III. in c. *novis*, de judiciis, dicens: *cum Dominus dicat in Evangelio, si peccaverit in te frater tuus*, &c. Et Rex Angliæ sit paratus sufficienter ostendere, quod Rex Francorum peccat in ipsum, & ipse circa eum in correctione processit secundum regulam Evangelicam, & tandem quia nulla modo profecit: dixit Ecclesiæ, &c. Constat autem Regem Angliæ intendisse propulsare injuriam, vel nocumentum, quod a Rege Francorum patiebatur. Itaque hic finis communis est, qui via utriusque denunciationis, imo etiam via accusationis intendi potest: discrimen tamen est potest, quod in Evangelica denunciatione hic finis est secundarius, in alia, vel in accusatione potest esse primarius: imo in his potest esse unicus: in fraterna autem denunciatione numquam separatur ab emendatione fratris: nam si de hac non sit spes, propter solum proprium interesse, statim proceditur ad denunciationem judicalem, vel accusationem fratris. Quid autem tunc intersit inter hæc duo, non est hujus loci explicare: satis nunc sit, quod per accusationem intretur propria actio, per denunciationem vero imploratur potius officium judicis: unde in jure civili aliquibus personis, quibus actio accusandi denegatur, conceditur

denuntiatio, ne remedio careant, ut servo, s. *Sed & major*. Inst. de his, qui sunt sui vel alieni juris, & de religio: solo idem habetur in c. *insinuante*, qui cleric. vel vovent.

11 Tertia differentia inter prædictas denunciationes est, quod denuntiatio judicialis versari potest circa delictum præteritum ut sic, id est, ex eo solum quod commissum est, quamvis peccator emendatus sit, & patri satisfecerit, quantum debeat, quia semper manet reus peccati, quam ut luat, denunciari potest, si communi bono expedit. In quo convenit hæc denuntiatio cum accusatione, quamvis Soto supra contrarium sentiat sine causa, & contra praxim: nam denunciamus hæreticum etiam ut puniatur propter commune bonum, non tamen proprie accusat, qui sic denūciat, quia non accipit proprie officium actoris: sicut enim ad interesse proprium denunciando imploratur aliquando officium judicis, ita etiam ad vindictam delicti propter commune bonum: in hoc ergo sine convenit denuntiatio judicialis cum accusatione, licet differat in aliis solemnitatibus: nam accusatio debet in scriptis fieri, c. *licet Heli*, de Simonia, in denunciatione vero non est semper necessaria. Accusator etiam obligatur ad probandum: denunciator vero non semper. Imo Hostiensis supra ait, denunciationem esse delationem legitimam sine inscriptione, quod permissive intelligo, nam simpliciter necessarium non videtur: at vero denuntiatio Evangelica non versatur circa peccatum commissum, eo solum quod commissum est, sed quatenus aliquo modo pendet in futurum: id est, quatenus non est emendatum, vel pro eo non est satisfactum, vel est periculum reincidendi, aut alterius nocumenti, quia si nihil horum intersit, cessat finis principalis talis denunciationis.

12 Quarta differentia est, quod denuntiatio judicialis fit superiori, ut iudex est, implorando officium ejus: denuntiatio autem Evangelica fit superiori, ut patri, & ideo dici etiam solet denuntiatio paterna, quæ correspondet correctioni fraternæ: nam sicut hæc fit inter fratres inter se, ita quando non sufficit, fit recursus ad superiorem, ut pater est. Item quia, ut proxime dictum est, per hanc denunciationem per se non intenditur vindicta, neque absoluta coactio, quæ per se spectat ad officium judicis, sed intenditur emendatio cum correctione tantum, seu disciplina ad illam necessaria, quæ per se pertinet ad officium patris, & ideo per hanc denunciationem hoc officium maxime imploratur.

13 Potest denique quinta differentia assignari, quia, per se loquendo, non tam est necessarium, ut præcedat monitio fraterna ante judicialem denunciationem, sicut postulat ante denunciationem Evangelicam, nam ante Evangelicam præcise, seu nulla addita regula alicujus religiosi status, per se requiritur, quando & fratris emendatio, & præventio omnis periculi, & nocumenti sufficienter per illam speratur: in alia vero non ita. Nam quando oportet illam fieri propter publicam vindictam delicti commissi non est simpliciter necessaria monitio secreta, etiam apud patrem, quia etiam si per illam emendandus sit frater, & cavenda omnia futura incommoda, quantum est ex parte illius: nihilominus facienda est denuntiatio, ut publico, & communi bono per punitionem satisfiat: ergo nulla est necessitas talis ordinis, sed statim potest ad superiorem recurri, tamquam judicem, ut tam emendatio, quam vindicta per illum fiat: quia propter eam rem non magis infamatur proximus, & ita cessat necessitas illius ordinis.

14 Atque hinc sequitur, (quæ potest esse sexta differentia) denunciationem Evangelicam magis fieri posse de peccato occulto, quam judicialem: nam illa cum tantum fiat Prælato, ut patri, & præcipue sit ob bonum peccantis, nec per illam procedi possit ad propriam punitionem, fieri potest de peccato omnino occulto, ut scholastici omnes cum Augustino docent; imo multi ita intelligunt verbum Christi, *si peccaverit in te*, ut supra c. præced. n. 16. declaravi. Denuntiatio autem judicialis cum eo tendat, ut in foro externo, & per ministerium judicis, ut sic, finis intentus compareatur, regulariter postulat, ut sit de re non omnino occultâ, sed probabili, vel saltem improbabili, ut iudex possit postea iudice procedere: quod sumi potest ex c. ult. de calumniatoribus, ubi puniuntur denunciatores, quia probatio inventa non est, nisi se sufficienter purget, quod non calumniandi

Quo sensu
verificari
possit
quod Soto
dixit de
denuncia-
tione re-
gulari

Approba-
tur divisio
denuncia-
tionis in
duo mem-
bra, & eo-
rum dis-
crimina
expendi-
tur.

miandi animo denunciaverit. Dixi autem *regulariter*, quia quando delicta sunt valde nociva communi bono, veluti hæresis, proditio patriæ, & si quæ sunt ejusmodi, etiam si occulta sint, deferri possunt ad aures judicis, ut ipse vigilet, vel inquirat, quod legitime potuerit.

15 Potest tamen objici contra quintam differentiam, quia jura æque videntur postulare præviam monitionem ad denunciationem judicalem, sicut ad paternam, ut colligitur ex c. *novit*, de judiciis, ibi: *In correctione processit secundum regulam Evangelicam*, juncta gloss. dicente: *Alias denunciatio non auditur nisi monitione præmissa*, quod videtur expressum in c. *cum dilectus*, de accusationibus, ibi: *si constiterit præfatum Episcopum de jam dictis excessibus non fuisse præmonitum ab eisdem, a denunciatione repellatis eosdem*; ubi glossa alia jura refert. Et in c. *licet Heli*, de simonia, tam necessaria dicitur esse præmonitio ad denunciationem, sicut inscriptio ad accusationem, quæ simpliciter necessaria est, & tamen in his juriis manifeste videtur esse sermo de denunciatione judiciali, cum ratione illius judex procedat ad probationem & punitionem in foro exteriori. Respondetur propter vitanda pericula calumniarum, ordinarie & regulariter non admitti ad denunciandum in foro exteriori eum, qui accusare potest, quando denunciatio ordinatur ad punitionem delicti, quia, per se loquendo, expedit, ut se obliget ad probandum, qui defert alterum ad judicium, ut puniatur. Et hinc fit, ut in eodem exteriori foro regulariter non admittatur denunciatio judicialis, nisi præcedat monitio: quia si denunciatio ordinatur ad alios fines, via charitatis tenenda erit; si vero ordinatur ad vindictam publicam, denunciatio regulariter non admittitur, ut dixi: nihilominus tamen ex natura rei loquendo, & in foro interiori, quando denunciatio bona fide & intentione fit, & judicatur moraliter necessaria ad finem intentum publicæ vindictæ, sive frater secreto emendetur, sive non, non est necessaria ex natura rei præcedens admonitio, ut ratio facta probat. Et hoc modo procedit assignata differentia.

C A P U T IX.

Utrum denunciatio Evangelica recte in Societate procedat.

1 **E**X his ad nostrum institutum descendentes dicimus, quod utrumque genus denunciationis Societati necessarium est, sicut omni bene gubernatæ congregationi, in qua & singulorum salus, & commune aliorum exemplum procuranda sunt, ut conservari possit, quia nulla est tam perfecta congregatio, in qua pro humana fragilitate lapsus aliqui non inveniantur, quos interdum necesse est a Prælato, ut a patre corrigi, & emendari: interdum ut a judice castigari & præcaveri, ne in aliorum detrimentum serpent. De modo ergo utendi judiciali denunciatione, qualiscumque ille in usu sit in hac religione, dicemus c. 13. præmittendo in c. 11. & 12. generalem doctrinam ea de re, hic solum de Evangelica disputamus. Et difficultas præcipua est, quando materia ejus est aliquod grave peccatum; nam in communibus defectibus, qui in viris etiam perfectis inveniuntur, non oportet tam scrupulose servari dictum ordinem, ut scilicet privata monitio præcedat. Imo poterit etiam superior hujusmodi defectus ad se delatos, & cognitos manifestare in publicis reprehensionibus, & ordinarias pœnitentias imponere juxta praxim Societatis, dummodo alicujus momenti non inferant infamiam, ac consentiat secretus delator.

2 **H**æc ergo sit prima assertio, merito in hac religione servari, ut in levioribus delictis omissa privata monitione, statim superiori manifestentur. Hujus assertio nis veritas (præter cessionem illam iuris, de qua in c. 7. n. 8.) constat a fortiori, quia si iuxta praxim Societatis leves defectus a superioribus manifestantur in publicis reprehensionibus, ac pœnitentiæ imponuntur, cum inde nulla infamia alicuius momenti creatur, neque detrimentum deferente, atque eius beneplacitum obtineatur, ut in ordinationibus contractis c. 15. p. 2. n. 6. habetur, multo magis a fortiori licebit talem aliquem defectum soli superiori revelare: dicta vero praxis est conformis doctrinæ D. Th. 2. 2. q. 33. art. 7. ad 3. ubi ait pro-

clamationes, quæ in capitulis religiosorum sunt, esse de aliquibus levibus, quæ famæ non derogant, & ideo posse sancte fieri sine admonitione præmissa, ut in argumento propositum fuit. Idem habet Soto dict. Relect. membro 2. q. 4. ad 1. confirm. 2. argumenti. In quo auctore expendo illa verba: *Voco autem graves, non solum illas, quæ sunt peccata mortalia, sed quæ sunt contra famam, & honorem proximi, ut si quis intraret domos suspectas*. Ex quibus verbis & exemplo colligo, in persona religiosa omne peccatum mortale, & omnem defectum, qui possit suspicionem talis peccati generare, censeri rem sufficienter gravem, & consequenter (quod ad præsentem assertionem facit) omnes defectus, qui huiusmodi non sunt, censeri leves, & posse sub hac assertionem comprehendere. Eandem fere doctrinam habet Abulensis in c. 18. Matth. 1. q. 97. ad 8. ubi omnia peccata venialia levia censet ad hunc effectum non præmittendi monitionem privatam; quin potius Theologi communiter docent, peccatum veniale non esse materiam præcepti correctionis fraternæ, quia est res admodum levis, & charitas non obligat ad subveniendum proximo in quacumque levi necessitate; quod videtur etiam insinuasce Christus Dominus in illis verbis; *lucratu eris fratrem tuum*, ut disp. quoque 8. de charitate sect. 2. n. 5. ponderavimus, hæc enim supponunt fratrem perisse, ut Augustinus infert: ergo multo minus erit præceptum servandi ordinem in correctione venialium, atque ex his intelliges, quam recta sit dicta Societatis ordinatio.

3 **D**ices, collectionem hanc non esse validam, sæpe enim non tenemur ad exercendum aliquem actum, & tamen si exercere volumus, obligamur ad certum modum servandum; ut non teneor orare, si tamen oro, de beo orare cum debita reverentia, & attentione. Sic ergo licet non teneat fratrem corrigere de veniali lapsu, si tamen volo corripere, de beo modestis verbis, & cum debito honore illum monere; ergo pari ratione de beo ordinem servare, ut famæ proximi prospiciam, quæ non nihil, & inter religiosos non parum lædi solet ex manifestatione culparum venialium. Quæ obiectio videtur procedere contra assertionem positam. Cui tacite duo respondent D. Th. & auctores citati. Primum est illos leves defectus non derogare famæ religiosi. Secundum est, illam non esse denunciationem, sed recordationem oblitatum culparum. Quod ita explicat Abulensis, quia in illis capitulis debet quilibet religiosus dicere suas culpas leves, & si aliquas omittit ex ignorantia, vel oblivione, alii proclamant eas, non tanquam accusantes, vel denunciantes, sed reducetes eum ad memoriam culparum suarum, quas ipse ex statuto dicere teneatur.

4 **S**ed hæc posterior videtur & res incerta, & nimia restrictio; sæpe enim moraliter evidens est, alium non tacere culpam suam propter ignorantiam, & oblivionem, sed propter verecundiam, vel ne cogatur pœnitentiam agere, & nihilominus fieri potest, & fit illa proclamatio, sæpe etiam alter non tenebatur propria obligatione conscientie se prodere, sed ad summum ex regula, & fortasse interdum neque ex præscripta regula, sed ex generali consilio majoris humilitatis, vel pœnitentiæ agendæ, & tunc etiam proclamatio licita est. Est ergo illa denunciatio, imo & aliquid amplius esse videtur, quia est publicatio. Prior ergo ratio videtur præcipua, quia illa moraliter non est infamatio alicujus momenti, & ideo oportet, ut recte significabat Soto, quod ita esse leves, ut non inducant in suspicionem graviolem; quod ego ita explico, ut sint defectus ordinarii circa regulam, vel opera perfectionis, qui ab omnibus, vel fere ab omnibus, committi solent, quamvis a quibusdam frequentius, quam ab aliis committantur. Nam si sint defectus extraordinarii, qui licet non sint peccata mortalia, nec ingerant suspicionem illorum, graves inter religiosos computantur, & solent impedire graviora munera, quia plurimum minuant estimationem personæ, & ideo non facile sunt in publicum deducendi, si aliis publici non sunt, cujusmodi esset, non servare secretum, etiam de rebus levioribus, deditum esse privatis familiaritatibus, etiam intra religionem. Imo si sint materia detractionis injustæ, existimo aliquando posse sufficere ad gravem, & moralem lapsum, quia revera, licet culpa, de qua fit detractio, apud Deum non sit gravis, nocuum, quod inde resultat inter homines, non est leve, & ideo

Obiectio
contra
proxime
dicta.

& ideo sufficere potest ad mortalem injuriam; sed de hoc aliàs; ac videri interim potest Molin. de Justit. tract. 4. tom. 5. disp. 16. Acclamationes ergo illæ aliarum religionum, & publicæ reprehensiones in Societate usitæ, nullam moralem infamiam habent, quia de levibus tantum & ordinariis defectibus sunt. Quibus adde ejusmodi publicas manifestationes magis pertinere ad denunciationem judicalem, quam ad fraternam, quantum est ex parte finis, quamvis ex parte materiæ non excedant paternam correctionem, Nam per se primo ordinantur ad punitionem, seu disciplinam religiosam, publicamque satisfactionem, cujus signum est, quia fieri debent, etiam si frater omnino emendatus sit: & quia non sunt ab omnibus, sed ab illis, quibus id in religione incumbit ex officio, quibus etiam tamquam personis publicis fides datur; & ideo mirum non est, quod ad hujusmodi manifestationes secreta monitio necessaria non sit, cū facienda sit, etiam si persona sit emendata.

3. Affer.

5 Secundo dicendum est etiam in gravibus defectibus superiori manifestandis, ad effectum fraternæ emendationis, licitum esse in hoc statu religioso Societatis, omittere privatam monitionem: hæc etiam assertio expressa est in eodem can. 10. Congreg. 6. §. 1. loquimur vero in præsentis de hoc statu in specie; tum quia de illo institutus est sermo, tum etiam, quia non est in animo legem præscribere universalem, nec comparisonem facere cum aliis religionibus. Nam hæc materia multum pendet ex particularibus circumstantiis, quibus variatis, ratio obligationis & convenientiæ multum variari potest. Quamquam non possumus de hac religione in particulari varietatem hanc, quam suo canone definivit, ostendere, nisi præmittamus prius, quid de religioso statu, ut sic, certum habeatur, ex quo in n. 15. dicta veritas circa Societatem patebit.

Probatum
positam
assertionem
veram esse
de potest.
abili;

6 Quod ergo in eo statu hæc denunciatio facta superiori immediate, licita esse possit, ac sæpe de facto liceat, ostendendum est. Ac de possibilitate quidem id facile ostenditur. Nam leges morales respiciunt ea, quæ ut plurimum expediunt, & in hac saltem religione frequentius expedire immediatum recursum ad superiorem in citato n. 15. probabimus; ergo nihil obstat, quominus de illo recursum possit fieri generalis lex. Et confirmatur, quia mutuus religiosorum consensus potest licentiam hanc ad invicem concedere, per quamdam veluti renunciationem mutuam juris proprii, ob finem melioris correctionis, sine quo certe sine talis renuntiatio absoluta prodiga foret, atque adeo contra propriam charitatem: ergo licite, & sancte, utpote ob illum finem, proponi potest regula, quæ ab ingressuris religionem quamlibet, vel saltem aliquam, exigat illam renunciationem, siquidem non minoris virtutis est talis consensus præstitus religioni, quam qui inter ipsos privatos religiosos propria autoritate præstaretur, ad mutandam materiam, ut jam non sit contra charitatem, hoc est, contra bonum temporale famæ, sed potius pro charitate, hoc est, pro bono melioris correctionis prædicta manifestatio. Neque authores, qui nobis adversantur, negant possibilitatem dictæ regulæ, quam satis nunc ostendimus, sed dari de facto dictam juris renunciationem, idque a viris nostræ Societatis fide dignissimis se accepisse testantur, quibus nihil aliud erit respondendum, quam offerendo citatum canonem, in quo renunciatio, de qua loquimur, in regula contineri, manifestissime declaratur.

Probatum
deinde esse
veram
de facto
authoritate
quarundam
religionum;

7 Jam quod de facto licitum fuerit, aut etiam licitum sit hodie in variis religionibus immediata manifestatio, suaderetur primo auctoritate. Nam Smaragdus Abbas in regula S. Benedicti c. 24. hanc regulam refert: *Si quis enim, quem distractionem monasterii non ferentem, fugam meditari cognoverit, non statim prodiderit, perditionis illius participem se esse non dubitet, & tandem a conventu fratrum sequestrandum, quamdiu ille valeat revocari.* Et c. 32. ex Paulo & Stephano Abbatibus sic inquit: *Si quis alterum quacunque parte viderit quodcumque illicitum, vel sermone, vel opere facientem, & priori distulerit publicare, cognoscat se esse nutritorem peccati, & per omnia aequalem peccanti, quia & anima sua, & illius, quem tegit, est durissimus inimicus.* Et in constitutionibus prædicatorum dist. 5. c. 13. §. 4. dicitur: *ne vitia occultentur Prælati suo, quilibet denunciaret quæ vi-*

derit, vel audierit. Et c. 18. §. 6. *si quis tale quid* (id est, graviorem culpam) *extra monasterium commiserit frater, qui cum eo est, studeat ejus excessum Prælati quantocius corrigendum intimare.* Et in constitutionibus Minorum editis a Guilielmo Fatinario, ac probatis in capitulo generali tempore S. Bonaventuræ dicitur: *teneantur fratres per obedientiam exeuntes, in reditu suo secreta guardiano excessus notabiles intimare.* Hujusmodi ergo lex non est usu aliena a statu religioso.

8 Jam ex scholasticis Rich. in 4. d. 19. ar. 3. q. 1. ad 2. sic inquit: *circa regulares personas non est tanta necessitas hunc ordinem observandi, sicut circa seculares: quia regulares, cum causa requirit, facilius & liberior a suis possunt administrationibus amoveri.* Et in corpore dixit, quamvis frater sit emendatus per correctionem secretam, non esse omittendam Prælati denunciationem: quia valet, inquit, *ad præcavendum fratri a recidivo, nec cedit in famam fratris præjudicium, si talis est Prælati, qualis esse debet.* Et eum refert ac sequitur Summa Rosella verb. *Correctio fraterna*, in principio. Et Angelus verb. *Denunciatio* n. 10. ubi in hanc sententiam inter alios refert August. q. 1. in Levit. & habetur 22. q. 5. c. *hoc videtur*, item Bonav. Luc. 17. circa illa verba, *si peccaverit in te: Prælati* (inquit) *qui vult prodesse, etiam nulla præcedente correptione potest, & debet culpa proximi accusari extra judicium, si sit occulta; quæ doctrina ita fuit a S. Bonav. in sua religione introducta, ut contrariam docentes graviter puniret, voceque activa, & passiva privaret, & si pertinaces essent, in carcerem conjiceret, ut refertur in lib. *Serena conscientia*, q. 85. & 100. & Corduba super regulam qu. 1. refert idem fuisse statutum in capitulo generali tempore ejusdem Bonav. Præterea S. Th. hanc movens quæst. quod lib. 1. ar. ult. quamvis prius absolute dicat: *Sic ego scio, quod frater per me corrigitur, tunc non debeo hoc denunciare Prælati*, statim nihilominus subdit: *Si autem videtur, quod hoc melius fiat per Prælatum, & Prælatum nihilominus sit pius, discretus, & spiritualis, non habens rancorem seu odium adversus illum subditum, tunc licite potest hoc denunciare sibi, & tunc non dicit Ecclesie, quia non dicit ei sicut Prælati* (id est, sicut iudici) *sed sicut persona proficiente ad correctionem proximi & emendam.* Et subjungit, quia *varie sunt conditiones subditorum, & Prælatorum, ideo tenendum est hoc pro regula, quod in omnibus istis servanda est charitas, & quod melius, & magis expedire videtur, & si hoc intendat* (scilicet, emendam proximi) *& servet quantum potest bonum charitatis, tunc denunciando non peccat.* Et solut. ad 1. si statim aliquis referat Prælati adhibens debitas circumstantias, & considerans magis expedire, non facit contra præceptum Evangelii. Et ad 3. si aliquis referat Prælati culpam proximi intendens vel cautelam in futurum, vel aliquid hujusmodi, quod ad emendam proximi viderit expedire, non peccat. Hanc doctrinam D. Th. refert & sequitur Sylvest. verbo *Correctio*, qu. 7. Tabien. §. 2. Antoni, 2. p. tit. 9. c. 6. §. 4. Gabr. lect. 74 in Canon. lit. V. addens cum Richardo: *Nota, quod frater delinquens, non tantum est denunciandus Prælati, ut privata persona, ut emendetur, sed etiam emendatus, ut præservetur a recidivo.* In quo plane sentit, præviam monitionem, etiam si præcedat spes emendæ, non esse absolute necessariam, quandoquidem non obstat fructu ejus, procedendum est ad denunciationem, per quam poterit etiam idem fructus melius sperari. Præterea Astenis l. 2. summæ tit. 67. ar. 6. ex sententia Gualteri ait, formam & ordinem denunciationis non esse usquequaque servanda circa regulares personas: & ideo (inquit) *modus ejuslibet religionis est approbandus, si non est plane contra Deum, & charitatem fraternam, magisque attendi debet finis correctionis, scilicet emendatio peccantis, quam ordo verborum, & deinde fere subjungit doctrinam ex D. Thom. citatam.* Et eandem fere doctrinam habet Ubertus super regulam B. August. c. 90. Præterea Gerson. 2. p. tract. de Correctione proximi, alphab. 34. lit. T. docet quidem admonitionem debere præcedere denunciationem ex vi præcepti; postea vero ponit quatuor exceptiones: prima est, quando fiat eventualiter, non mortaliter peccat, quia ad veniale (inquit) non est præceptum. Sed de hac re jam diximus in assert. 1. Secunda exceptio est, quando non est spes emendæ per secretam moni-*

Item ab
authori-
tate scho-
lasticorum.

monitionem. Tertia, quando licet sit spes, est tamen periculum in mora. Quarta, quando quis corripere non valet sine proprio periculo. Inferius vero magis explicans secundam, & tertiam exceptionem, quæ ad rem præsentem magis facit, subiungit regulam ab aliis auctoribus tactam, dicens: *Hic magis debet attendi finis correctionis, scilicet emendatio peccantis, quam forma verborum*; quia, ut Arist. ait, 1. Rhetor. c. 9. ex utilitate reipublicæ, non ex verborum inspectione, lex interpretanda est, unde subiungit: *Si quando videatur frater peccans salubrius corrigi per alium, qui potest, & vult prodesse, quam per se, secure potest ei indicare: unde etiam Prælati potest dici peccatum non præmissa monitione, vel secreta correctione, non tanquam iudici, sed tanquam amico peccantis, & quia hic magis potest prodesse, quam alius.* Imo addit quippiam difficilius, peccatum, de quo frater peccans fuit secrete correptus, seu admonitus, & de quo se emendavit, posse dici Prælati præcipienti per obedientiam; ita tamen quod si denunciatus solus noverat, soli Prælati dicat; si autem alii noverant, coram illis, & non coram aliis Prælati revelet; quod semper intelligendum est, servata dicta regula, & sine charitatis, scilicet, ut vel ad commune bonum religionis, vel ipsiusmet peccantis, ut in futurum melius præservetur, id censetur necessarium; vel saltem magis conveniens. Hoc enim nobis præcipue observandum est in citata doctrina, quæ est Div. Thom. & omnium, & maxime locum habet in religionibus, nempe ad omitte-
tendam licite præviam monitionem secretam, non oportere, ut illa reputetur inutilis, sed satis esse, ut per Prælatum major utilitas, vel circa satisfactionem, & emendationem commissi, vel circa futurum periculum speretur.

Probatur
ulterius
ex Innocen-
t. 3.

9 Denique confirmari hoc potest ex Innoc. III. in c. *qualiter*, & quando, 2. de accusationibus, ubi cum dixisset: *sicut ante accusationem legitimam præcedere debet inscriptio, sic & denunciationem charitativa monitio & inquisitionem clamorosa insinuatio*, subdit statim: *Hunc tamen ordinem circa regulares personas non credimus usquequaque servandum, quæ, cum causa requirit, facilius, & liberius possunt a suis administrationibus amoveri*; ex quo loco videtur plures ex dictis auctoribus illum modum loquendi sumpsisse. Et videntur illa ultima verba ad omnes tres modos inscriptionis, scilicet monitionis, & inquisitionis referenda, quia super omnes immediate cadunt: quia nulla est ratio, cur ad primum, vel tertium, & non ad secundum referatur. Et de aliis quidem dicemus cap. 11. & 12. de secundo vero, quod ad præsens spectat, ratio multiplex reddi potest.

Ratio pro
eadem af-
fectione.

10 Prima, quia religiosos ex vi sui status profectur perfectionis viam, & consequenter etiam emendationem morum per remedia meliora & convenientiora; & ideo quamvis forte circa seculares non sit facile omitte-
nda prævia correctio, propter spem majoris boni, quando sufficiens emendatio per idem speratur, nihilominus in religioso statu illa existimari debet ratio sufficiens. Sed objicit Soto dist. 94. dub. 3. post 3. conc. quia fama subditi apud Prælatum magni æstimanda est, ut n. 3. indicavi; ergo sine extrema necessitate non est prodigenda; ergo non satis est, quod correctio melius fieri possit per Prælatum, sed oportet, ut aliter fieri non possit. Atque ipse sentit, etiam inter religiosos, sed in hoc contradicit plane D. Th. & communi sententiæ Doctorum quos n. 7. 8. 9. retuli. Unde licet fortasse inter seculares illa doctrina Soti in praxi regulariter sit securior, quia secularis magis pendet ex huiusmodi fama, & quia raro inter eos est hic usus paternæ denunciationis, & rursum quia non sunt professi viam majoris perfectionis; tamen inter religiosos non est dubium, quin si Prælati sit, qualis esse debet, hoc liceat non solum propter absolutam necessitatem, sed etiam propter quodlibet majus spirituale bonum, cui non est fama illa comparanda, præsertim quia illa infamia non est tanti momenti, ut statim dicatur in tertia ratione, attingitque supra c. 6. n. 2.

a. Ratio.

11 Secunda, quia inter religiosos propter maiorem unionem inter Prælatum & subditum, maioremque dependentiam fere in omnibus rebus, & occupationibus vitæ, regulare, ac morale est, ut per providentiam Prælati perfectior & firmior emendatio speretur; quin potius addit Cajet. to. 1. Opusc. tract. 3. 1. qui est 17. responsionum resp. 5. ad 1. dubium, in religiosis non facile cre-

dendum esse, quando aliquis graviter labitur, esse ita emendandum per privatam correctionem, ut non sit amplius peccaturus: *Et propterea* (subinfert) *tutius est in huiusmodi casibus Prælati petenti per se, vel alium* (addo vel expresse, vel tacite) *& volenti salvare, non perdere oves suas, & curam famæ proximorum solito habere, ut pastorem decet, complices, sive non complices sibi notos revelare.* Et explicari potest vis huius rationis in hunc modum; nam vel religiosus peccat per occasionem aliquam morale, quam domi vel extra habeat, vel sine illa: in priori casu necesse est Prælatum habere notitiam, quia vix potest alius occasiones huiusmodi prævenire, & auferre, imo interdum neque ipsemet delinquens poterit occasiones vitare, quia fortasse prælatus ignorans ipsum in eis constituet, & ipse cogetur obedire. Si autem sine occasione labitur, necesse est, ut sit vel ex prava consuetudine, vel ex nimia fragilitate, & in utroque eventu moraliter necessaria est auctoritas Prælati, quia in utroque casu difficilis est præservatio, & multis indiget remediis, quæ non solum potest Prælatus consulere sicut alius frater, sed etiam præcipere, & secrete cogere, vel ad secreta opera pœnitentiæ, vel ad frequentem orationem, & alia huiusmodi. Video esse posse alium modum peccandi ex repentina tentatione, aut vehementi occasione raro contingente, quæ moraliter amplius timeri non potest, sed hoc & rarum etiam est, & pertinere potest ad exceptiones, de quibus infra n. 17. præterea licet in eo casu cesset hæc proxima ratio, raro cessabunt omnes, quæ maiorem utilitatem huius denunciationis, vel respectu religiosi, vel respectu religionis, ostendunt, ut ex dicendis constabit.

Explicatur
vis
huius
rationis.

12 Tertia, quia infamia, quæ hinc sequitur religioso, quam minima est, & ideo non solum propter necessariū remedium, sed etiam propter majus spirituale commodum est postponenda. Nam in primis supponimus Prælatum servaturum secretum, & non diffamaturum subditū suum; nā si aliud probabiliter timeatur, nullo modo est illi revelandū delictum. Nam etiam in sacramentali confessione taceri potest proprium delictum, si infamatio timeretur; ergo multo magis cavenda est denunciatio alieni delicti cum tali discrimine, præsertim quia non potest sperari fructus ex notitia illius Prælati, qui non valet servare secretum. Si autem infamia non transcendit sinistram illam opinionem, quæ in Prælati generari videtur, non debet esse magni ponderis apud religiosos, nam revera, si emendari unusquisque velit, & condignam pœnitentiam sui peccati agere, & sufficientia media ad non reincidentum adhibere, non solum recuperabit bonum nomen, sed etiam in bona opinione crescet apud spirituale & prudentem Prælatum, ut c. 6. n. 16. in simili dicebamus. Deinde, quia fama non est bonum per se amabile, sed solum quatenus confert ad virtutem, vel ad alia bona naturæ convenientia ac necessaria; si ergo illa opinio, seu cognitio mei peccati in superiore non redundat in aliquod damnum meum, sed potius in utilitatem spirituale, & simpliciter in majus bonum, profecto non est reputanda infamia, quæ sit verum aliquod malum. Præterea fama religiosi potius est religionis, quam sua, quia ipse totus non est tam suus, quam religionis, unde si injuriam aliquam patiatur, & per judicem expedit illam repellere, aut vindicare, non ad ipsum, sed ad monasterium, hæc cura spectat, juxta doctrinam Panorm. Felin. & aliorum in c. cum dilectus, de rescriptis, de qua Navarr. comment. 2. de Regularib. n. 65. & 66. ergo si manifestatio peccati personæ religiosæ sit Prælati, ex mandato vel licentia ejus, in majus commodum religionis, vel religiosi non fit injuria religioso, quia de voluntate principalioris domini, vel dispensatoris ejus fit illa qualiscumque jactura famæ: neque etiam fit contra ordinem charitatis, quia illa denunciatio ordinatur ad finem consequentem perfectioni charitatis, & est medium moraliter utilius ad illum finem.

3. Ratio

4. Ratio

13 Quarta in statu religioso est peculiaris ratio, ob quam regulariter timeri potest, ne quilibet gravis lapsus in aliorum, vel saltem in alicujus spirituale damnum, vel scandalum cedat, propter magnam societatem, & familiaritatem, quæ inter ipsos esse solet, ex qua provenit, ut exemplo unius facile alii corrumpantur; præsertim, quia illi, qui similiores sunt moribus, vel affectibus, facilius solent inter se conjungi: atque ita vitium unius facile

facile in alium redundat. Est autem communis doctrina Doctorum, quoties peccatum fratris in aliorum detrimentum vergit, sine mora denunciandum esse Prælati, ne aliis noceat; ergo regulariter ita fieri poterit in religione propter vitandam aliorum nocumtum, quia sine Prælati auxilio vix potest fieri aut sperari. Accedit præterea, quod ex hac unione, vel potius unitate corporis provenit, ut peccatum unius religiosi in infamiam totius religionis, vel monasterii cedat, præsertim apud vulgus, quod propter magnam vitæ similitudinem statim existimat tales esse reliquos, qualem unum aliquem conspicit, ut optime dixit August. epist. 137. & S. Bonaventura super regulam qu. 16. Hac ergo ratione quodlibet peccatum grave religiosi commune est detrimentum religionis, ac propterea ad Prælatum, qui boni communis curam gerit, maxime spectat huic modo subvenire; ac propterea moraliter necessarium est, ut ejus notitiam habeat, ut famæ religionis prospicere possit, quæ multo majoris momenti est, quam fama unius religiosi circa Prælatum suum.

3 Ratio.

14 Ultimo ex omnibus conjecturis, & circumstantiis hæcenus adductis simul spectatis, colligitur valde expedire ad commune bonum status religiosi, ut singuli eorum intelligant graves lapsus, qui in eis observati fuerint, superiori esse statim denunciandos; nam hoc fræno cautiore sunt, magisque formidabunt hujusmodi lapsus, saltem propter timorem sui nominis erga superiorem, & propter ejus correptionem; possumusque exemplo reservationis casuum hoc declarare, quæ ideo ab Ecclesia inventa est pro gravioribus culpis, ut ipsa difficultas & timor accedendi ad superiorem contineret homines. Quod maxime factum est in illis peccatis, quæ republicam maxime offendunt, aut scandalizant. Sic ergo dici potest Prælati religionis, quodammodo reservare sibi emendationem delictorum in suis subditis, etiam per secretam correctionem, ut illo medio non solum melius emendet lapsos, sed etiam reliquos contineat ac præservet. Vel potius dici potest consideratis conditionibus talis status ex natura rei hoc munus pertinere ad ipsum Prælatum, eique deferendum esse, quia, moraliter loquendo, non potest aliter communi bono religionis & singulorum religiosorum saluti, & perfectioni satis consuli, itaque ob magnam diversitatem status religiosi a communi statu fidelium, dici potest mutari materia illius sive præcepti, sive consilii Evangelici, atque adeo immediate transire fraternam monitionem in paternam.

Rationes hæcenus politæ maxime locum habent in Societate.

Ex his autem, quæ communia sunt statui religioso, ad minimum colligitur morali quadam evidentia (ut existimo) hoc sæpius esse licitum; si ergo ulterius consideremus ea, quæ Societatis propria sunt, plane concludemus, moraliter loquendo, semper ac de facto hoc licere, & expedire, quia fere in omnibus circumstantiis, quas consideravimus, est aliquid speciale in hac religione, propter quod talis Prælatorum providentia in hujusmodi lapsibus subditorum maxime necessaria est; præcipue vero propter ministeria Societatis circa proximos, & varias occasiones, in quibus ratione illorum ministeriorum possunt religiosi a suis Prælati constitui. Item propter majorem dependentiam, quam subditi habent a suis Prælati, non solum in muneribus & ministeriis suis, sed etiam in operibus penitentiae, mortificationis & orationis, quibus in hujusmodi occasionibus juvari debent. Præterea propter specialem quandam communicationem, & fraternam unionem, quam hæc religio proficitur, ratione cujus peccatum unius magis posset alios inficere, nisi summa vigilantia præveniretur. Accedit, quod juxta hujus religionis institutum necessarium est ab adolescentia, & juventute religiosos in ea educari & institui: atque ita magna ex parte religiosos esse adolescentes, in qua ætate magis indigent providentia & disciplina Prælatorum: in illis ergo regulariter hæc notitia Prælatorum necessaria est; in aliis vero, qui jam sunt provectoris ætatis, diuque fuerint in religione probati, bonumque sui specimen dederunt, raro cum divina gratia erit necessarium hoc providentæ genus; raram quia semper in periculis versamur, & quia non habemus locum fixum & certum, & quia non semper domi continemur & includimur, sed propter salutem proximorum per varia loca peregrina-

mur, ac denique quia superiorum providentia ad omnes generalis esse debet, & non omnes sunt æque constantes, ac firmi; ideo generaliter optimum est, ut circa omnes hic modus custodiatur, ac providentiæ observetur. Tandem quanto hæc religio magis erga proximos versatur, tanto magis indiget bono nomine, & fama apud illos, tum ut ipsi proximi majori cum fiducia & securitate conscientias suas operariis Societatis aperiant; tum ut ex parte sociorum ministeria cum majori fructu, & efficacia peragantur; ad utrumque autem finem maxime oportet, ut bonum nomen non fictum & fucatum sit, sed in vera ac solida virtute fundatum: quod vix aut nullo modo fieri aut conservari potest, nisi superior suorum subditorum defectus agnoscat, ut unumquemque applicet ad eam rem, cui sine suo detrimento & proximorum scandalo possit deservire, & ut quem infirmum esse cognoverit, ad lucrandos alios non applicet, donec ipse curatus & lucratus sit; propter hæc ergo, & alia fortasse, quæ sexta Congregatio generalis consideravit, canonem illum 10. edidit, quo utraque assertio continetur, ita ut jam de illis nobis non sit intergrum dubitare.

16 Dices: si intra latitudinem charitatis possunt esse varii modi aut ordines corripiendi, vel denunciandi, ut ex hæcenus dictis deducitur, certe ille, qui a Christo D. est traditus, existimandus est ex suo genere perfectior, namque illa ejus verba, aut verum præceptum continent, aut saltem consilium, ut c. 7. n. 9. ostensum fuit: ergo propter neutrum titulum præcepti, scil. vel consilii potest ille ordo dimitti, aut renunciari, quia vel semper (licet non pro semper, cum sit affirmativus) obligat, vel perfectio charitatis illum postulat. De hac objectione iterum in c. seq. respondendo ad 4. rationem recurrere feremus; nunc dicimus sive obligationis sit ille ordo; sive consilii, non fuisse a Christo datum nisi stante jure cuiusque proprio in sua fama, non autem eo renunciatio: regula vero Societatis supponit perfectam illius juris renunciationem. Neque absolute verum est, Christum semper perfectissima docuisse, sed perfectissima huic, vel illi personarum statui. Nam Apostolos multa docuit in sermone habito in monte, Matth. 5. Turbis vero minora, ut August. l. 1. de sermone Domini in monte, & Ambros. l. 5. in Lucam c. 6. notat; imo & idem servati in eisdem personis pro diversis temporibus vulgare documentum est, juxta Pauli metaphoram de lacte & cibo solido, Hebr. 5. Ergo eo ipso, quod in sua Ecclesia Christus D. religiosum statum esse voluit, virtute docuit, quidquid perfectionis in eo operari rationabiliter potest.

17 Ultimo vero præter illas regulæ moderationes, in c. 7. a. 21. ponderatas addendum est, per hæc omnia non excludi, quin in singularibus actibus considerandum sit, an cesset omnino ratio immediate relationis ad Prælatum; cessare autem poterit, si in aliquo particulari casu contingat, ut pensatis omnibus circumstantiis, prudenter judicetur notitiam superioris, nec necessariam, nec utilem esse futuram, ad emendationem fratris, securitatem religionis, & alios fines honestos, qui per talem denunciationem intendi possunt (quod quia rarissimum erit, ideo a lege seu regula non curatur) nam tunc abstinendum est a tali denunciatione, si lapsus sit occultus, & nullum offendiculum aliis præbuerit, nec in futurum timeatur. Tunc enim urget ratio illa charitatis, ut subveniatur proximo in majoribus bonis, cum minimo, vel nullo incommodo in bonis inferioris ordinis, si fieri possit: & hoc solum probat communis schola Theologorum, quando affirmat præceptum correctionis fraternæ obligare etiam ad servandum ordinem ejus: semper enim intelligunt, quando cæteris paribus, in spiritualibus bonis servari potest, conservando proximi famam. Quavis enim hæc famæ diminutio apud Prælatum prudenter, & qui subditum diligit ut filium, & servaturus est secretum, non videatur magna jactura: nihilominus si absque rationabili causa fiat, non potest excusari a culpa. Quotiescumque enim occultum peccatum fratris alteri (quicumque ille sit) sine justa causa revelatur, vitium est detractionis, juxta doctrinam communem, cum D. Thom. 2. 2. quæst. 73. art. 1. & 2. de qua videri potest Navarr. in cap. inter verba, conclus. 6. coroll. 1. & 33. & Soto d. relect. de detegendo secreto membr. 2. dub. 3. Unde constat tale peccatum ex genere suo mortale esse.

Obiectio-
ni satis est

3. Assertio, seu potius moderatio duarum præcedentium.

Deferre fratris defectum ad prælatum absque fine utili detractum est.

esse, in individuo autem facile esse poterit veniale in presenti materia: quia supponimus denunciationem bona intentione fieri, etiam si fortasse non prudenter fiat, quia illa intentio facit, ut illa detractio non sit formalis, sed tantum materialis, quam frequenter esse peccatum veniale, dixit D. Thom. supra, & aliunde nocuum, si quod est, multum minuitur, tum quia revelatio fit uni tantum personæ, & ita corrumpit famam, non in totum, sed in parte, ut dixit idem D. Tho. dict. ar. 1. ad 2. Tum etiam, quia licet persona Prælato gravis sit, tamen si sit talis, qualis esse debet, nihil propterea nocebit subdito, qui jam supponitur perfecte emendatus, vel emendandus per admonitionem ejus: quin potius semper afferet aliquam utilitatem spiritualem, moraliter loquendo, nam saltem impenitus orabit pro illo, quando omnis alia occasio procurandi majorem ejus profectum desit, quod vix potest contingere. Quocirca ratio poterit hoc ad culpam præferri mortalem damnari: nisi quando ex parte superioris timetur, quod non recte uteretur illa notitia in bonum ipsius subditi, quia, v.g. vel concipiet odium in illum, vel injustam, aut saltem imprudentem indignationem, quæ solet nimium affligere & inquietum reddere subditum. Idemque erit si ob fragilitatem, & peculiarem fratris conditionem, similis perturbatio timeatur, etiam sine culpa superioris, quia si de facto denunciatio non est illi profutura, & alioquin non judicatur necessaria ad bonum commune, aut aliorum, quia per admonitionem secretam speratur prudenter sufficiens emendatio, non solum otiosum, sed etiam alienum a charitate esset talem denunciationem facere.

CAPUT X.

Satis fit objectionibus in capite septimo propositis.

Regula
initio c. 7.
allatæ ex-
ponuntur,
& com-
mendantur.

IN hac resolutione non est difficile respondere ad objectiones in cap. 7. factas. Nam in primis in regula Societatis nihil est huic doctrinæ contrarium. Nam prima regula ibi citata solum loquitur cum ipsis delinquentibus, non cum denunciantibus, & ab illis solum exigit, ut contenti sint, & per quod verbum non datur aliis licentia, vel faciendi injurias, vel non servandi in hoc negotio non solum obligationem, sed etiam perfectionem charitatis: hoc enim nec rationi, nec religioni consentaneum est, ut per se constat. Duo ergo intelligi ibi postulari: unum est, ut religiosus patienter, & sine perturbatione sustineat quicquid in hoc genere cum ipso factum fuerit, sive prudenter, sive ex nimio zelo, non secundum scientiam factum sit: nam hæc præparatio animi digna est viris proficientibus perfectionem: neque ob eam aliis licet, quod aliis non liceret, ut notum est. Alterum, ut plane intelligant, & consentiant lapsus suos, quantumvis graves, & occultos manifestandos esse Prælati, non solum propter necessitatem, sed etiam propter majorem spiritualem profectum ipso- rum; nam licet hoc per se bonum sit, & liceat, maxime in statu perfectionis, tamen quia res est difficilis, optimum est, ut in principio distincte proponatur, & consensus per proprii juris famæ cessionem postuletur, ut etiam inde constet non solum hoc licere ex lege charitatis; sed etiam fieri ex regula ejusdem charitatis perfectissimæ materiam. Et hoc significant verba illa, *ad majorem in spiritu profectum, &c.* In illis enim tacite supponitur hunc finem maxime esse spectandum in hac denunciatione, unde illo deficiente non esset ad illam progrediendum, nisi ratio boni communis illam postuleret, quæ a multis *Canonica* appellatur, ut cap. 8. num. 4. dixi. Alia vero regula, quæ ad denunciandos loquitur, solum petit præparationem animi ad manifestandos alios *debito cum amore & charitate*. Per quod verbum, sicut exigitur manifestatio consentanea *debito cum amore & charitate*, ita excluditur omnis alius inordinatus affectus, quo manifestatio fieret apud superiores, ut c. 7. nu. 21. est annotatum. Unde cum Romæ (ut mihi constat) hæc regula a quodam scriptore in sua Summa casuum conscientie acriter impugnaretur, Gregor. XIII. regulam petiit, & legit, multumque illam commendavit, præsertim propter illa verba, *debito cum amore & charitate*, jussitque partem illam illius libri

Suarez, Tom. XV.

expungi tanquam rem bonis religiosorum moribus contrariam.

2 Ad primam ergo objectionem in cap. 7. ex textu Evangelii, jam responsum est, ibi non contineri aliam legem nisi charitatis, & in tantum ea omnia servanda esse, in quantum charitas postulat, & ita in Societate servanda esse conceditur. Verumtamen ipsa charitas majoris boni, quod regula intendit, docet habendam esse rationem fratris, non solum quoad emendandum præteritum, sed etiam quoad cavendum futurum perfectio modo ac magis securo, nec solum consulendum esse eo perfecto modo fratri peccanti, sed etiam aliis, quibus potest nocere, & multo magis bono communi. Deinde dico cum D. Th. dict. quodlib. ex vi verborum Christi secretam monitionem postulari, antequam peccatum dicatur Ecclesiæ, id est, Prælato ut judici, qui excommunicare possit contumacem, & consequenter ex verbis Christi colligi non posse ante denunciationem, quæ sit superiori ut patri, esse necessariam secretam monitionem: ergo in rigore verba Christi parum urgent. Unde ad aliud membrum sumptum ex fine hujus præcepti, qui est fratrem lucrari, ex dictis etiam pater responso: nam si id interpretemur de denunciatione judiciali, illa proprie non ordinatur, nisi ad præteritum: sic vero non recte accommodatur objectio, quia non agimus de tali denunciatione: si vero generalius loquamur de correptione, quam postulat charitas, sic non ordinatur tantum ad emendandum præteritum, sed etiam ad cavendum futurum, & ad alios fines boni communis, propter quos expedit scire, ut Prælatus habeat notitiam facti commissi, etiam si emendatum sit, & ad hæc omnia extendi potest lucrum fratris; nam ipse quando religiosus est, debet ad perfectionem aspirare, atque adeo illi perfectioni proportionatam emendationem amplecti, & communi bono consulere, unde hoc totum tanquam lucrum suum æstimare debet.

3 Ad secundum probabile satis est jura omnia, quæ de denunciatione loquuntur, & ad illam postulant, ut præcedat charitativa monitio, quæ etiam a Prælato facta secreta est in suo gradu, ut statim dicemus, loqui de denunciatione judiciali, & sine dubio de illa est sermo in dict. c. *cum dilectus*. Et idem colligitur ex cap. *qualiter & quando*, & ex his, quæ ibi notantur per Doctores, & per se hoc est credibile, quia illa jura statuunt ordinem judicialem & forensem, quoad omnes vias, quibus in eo procedi potest, quas attingemus cap. seq. ubi hujus etiam ordinis rationem reddemus. Neque obstat, quod illa jura fundantur in Christi verbis, tum quia illud potest intelligi per quandam imitationem, non quod designat illum esse sensum verborum Christi: tum etiam, quia, ut dixi in illo c. 7. n. 15. satis probabiliter intelligitur illud verbum Christi, *dic Ecclesiæ*, de denunciatione judiciali: illa ergo jura non statuunt aliquod jus positivum (quod notandum est) circa denunciationem paternam, & ideo illis non obstantibus, solus ille ordo est in præcepto in tali denunciatione, quo sublato charitas offenditur: an vero respectu denunciationis judicialis præceptum illud & latum sit, & semper obliget, sequenti capite videbimus.

4 Nunc solum adverto denunciationem hanc paternam ad hoc proxime ordinari, ut frater secreto moneatur, & corripiatur, quamvis non immediate per ipsum fratrem, sed per Prælatus. Unde si Prælatus monitio non sufficiat, illa erit satis, ut ad denunciationem judicialem procedi possit, si aliæ circumstantiæ concurrant ad transeundum ad tale forum. Quia cum jura dicunt ante denunciationem illam debere præcedere monitionem secretam, non dicunt illam monitionem necessariam debere fieri immediate ab ipso fratre, qui vidit vel novit delictum, sed solum quod fiat; ergo si per eum facta est, qui maxime prodesse posset, nempe per superiorem, id satis est. Unde etiam obiter addo hunc modum corrigendi fratrem media correctione paterna non esse alienum a verbo Christi, *Corripe eum inter te & ipsum solum*, nam intentio horum verborum solum est, ut frater occulte peccans occulte cum omni secreto, quoad fieri possit, corripiatur. Uti autem ministerio Prælato ad hujusmodi correptionem propter majus bonum fratris, vel commune, non est contra hoc secretum, nec excedit modum occultum,

Ad 1. arg.
in c. 7. n. 3.
quoad
priorem
repugnantiam.

Quoad
repugnantiam
potestatiorem

Ad 2. arg.
ex jure
can. in
eodem
num. 3.

Monitio
facta a
Prælato,
ex notitia
deferentis
adhuc secreta est
& conformis evangelio

quem talis actio secundum rectam rationem acquirit, & ideo in eo casu particula, *solum*, non excludit quemcunque alium, sed solum alium, qui ad talem correctionem, neque necessarius, neque utilis est: vel etiam excludit alium simpliciter, subditus autem, ejusque superior, ad hunc effectum non ponunt in numero, ut dialectici loquuntur, atque hoc solum sensit August. citatus in dict. cap. *Si peccaveris*, 2. q. 1. ut indicant illa verba: *Quia secretum fuit, quando in te peccavit, secretum querere, cum corrigis, quod in te peccavit: nam si solus nosti, quia peccavit in te, & cum vis coram omnibus arguere, non es corrector, sed proditor*: ubi secretam correptionem solum distinguit a publica, unde non excludit tertiam personam, si necessaria sit, sed alias: & infra ponit exemplum in Episcopo, qui solus scit delictum, & ideo solus corrigit: dicitur autem solus scire, etiam si per alium sciat, qui paterne denunciavit. Unde subdit: *sunt homines adulteri in domibus suis in secreto peccantes, aliquando nobis produntur ab uxoribus suis, plerumque zelantibus, aliquando maritorum salutem querentibus: nos non prodimus palam, sed in secreto arguimus: ubi contigit malum, ibi mori atur malum*. Ex quo plane constat secretam correptionem apud Augustinum non excludere denunciationem paternam, factam Prælato. Conciliū denique Aquiligran. non loquitur de subditis, sed de Prælatis ipsis, quos monet tanta lenitate procedere, ut sapienter prævoneant, priusquam ad publicam vindictam procedant. Unde post citata verba, subdit: *Et si his admonitionibus non cessaverit, in publica oburgatione corripiatur*. Posteaque prosequitur modum vindictæ juxta qualitatem delicti, & dispositionem delinquentis.

Ad 3. arg.
in 4.

5 Major difficultas esse videtur in tertia objectione; nam Basilii & Augustini in ea citati de religiosis in particulari loquuntur: imo eis regulam tradunt, & tamen absolute eis commendant hunc ordinem prius monendi, quam res ad Antistitem deferatur. Sed potest primò responderi eos loquutos esse de denunciatione judiciali: quod in Augustino habet difficultatem, quā statim attingam. In Basilio vero potest facile sustineri: simplicior vero responsio est, Basilium in primis intellexisse Christi verba de ordine servando in correctione fraterna, & illudmet præceptum nulla alia expositione addita suis monachis commendasse, neque aliquam aliam specialem regulam de hoc dedisse, quia fortasse eo tempore non existimavit aliud esse necessarium. Non tamen tacuit in illa regula 46. ex superioribus, quidquid est, in quo peccatur, id referre ad Antistitem debere: addidit vero limitationem, *si illud ipsi curare non possint*: cui nos intelligimus æquivalere illam: *cum debito amore & charitate*: nam curatio illa intelligi debet perfecta, & quæ morale periculum in futurum excludat, tam in ipso fratre, quam in aliis, & in communi bono, & nomine totius communitatis. Et ideo in alia regula 25. ex brevioribus expresse dixit, consilii causa, & propter bonum aliorum licitum esse alteri revelare peccatum fratris: sub quibus causis comprehenduntur omnes, quæ fuerint consentaneæ statui religioso. Atque ita doctrina eadem est, & nullo modo contraria, quamvis necessitate, & discursu temporum magis fuerit explicata.

Locus Augustini in eod. arg. adductus videtur in 4.

6 In Augustino illud difficile videri potest, quod ante denunciationem Prælati postulat monitionem secretam, & tamen statim consulit, ut testes non inducantur, antequam denunciatio Prælato fiat: *ne forte (inquit) possit secretius correptus non innotescere ceteris*. Nam si loquatur de denunciatione judiciali, cur non præcedet inductio testium, quæ necessaria est, ut constet adhibita esse alia convenientia remedia? Si vero loquitur de denunciatione paterna, videtur nobis esse contrarius. Deinde illa August. regula, vel fundata est in Evangelio, & sic cur potius quoad unam partem, quam quoad alteram servanda proponitur? vel fundatur solum in congruentia morali, & sic etiam videtur Augustinus sentire, considerato prudenter ordine charitatis secundum se, vel necessarium, vel saltem melius esse, etiam inter religiosos, ut monitio privata præcedat.

7 Respondetur ex D. Thom. 2. 2. qu. 33. art. 8. ad 4. Augustinum partim loquutum esse de judiciali denunciatione, partim de paterna, & quoad primam velle, ut observetur ordo Evangelicus, ita tamen ut si post monitionem secretam inducendi sint testes, quia frater no-

luit corrigi, primus illorum testium sit Prælatus, quod sit deferendo ad illum delictum, non ut judicem, sed ut patrem, ut si forte id sufficiat, non innotescat ceteris: unde subdit, si negaverit, tunc alios adhibendos esse, ut convincatur, & puniatur. Unde jam loquitur de transitu ad denunciationem judicialem. Ergo saltem habemus ex loco Augustini totum ordinem judicialem non esse necessarium ad denunciationem paternam; unde etiam sit, ut ex vi illius præcepti nec monitio fraterna necessaria sit, quia, ut D. Thom. repetit in prædicta solutione, cum dicitur Prælato ut patri, non dicitur Ecclesie. Negare autem non possumus, quin August. ibi consilium præbeat, prius secrete monendi: subintelligit tamen conditionem, si sit spes, quod illa sufficiat ad perfectam correptionem. Et verisimile est in eo statu, & juxta occurrentes illo tempore circumstantias Augustinum prudenter judicasse, illud medium sæpe futurum fuisse sufficiens, & ideo illud consuluisset, nihilominus tamen si consideratis aliis circumstantiis, judicaret melius statim convenire Prælatum, propter majorem efficaciam, vel securitatem, non negat Augustinus posse ordinem mutari.

8 Quin potius si attente ibi legatur, solum postulat, ut frater prius moneatur, quam prava indicia levioris animi in eo appareant, ut patet ex illis verbis: *Si hanc, de qua loquor, oculi petulantiam in aliquo vestrum adverteritis, statim admonete, ne capta progrediatur, sed de proximo corrigatur*. Et subjungit: *Si autem & post admonitionem iterum, vel alio quocumque die id ipsum eum facere videritis, jam velut vulneratum sanandum prodatur quicumque hoc potuerit invenire*. Et paulo post declarat tunc delictum prodendum esse Prælato. Ergo ex mente Augustini, quando fratris conscientia graviter vulnerata esse intelligitur, satis consultum est statim ad patrem recurrere, ut ei medeatur: quamvis ubi nondum de lapsu constat, sed solum aliquod leve indicium, quod ex negligentia, aut ex levitate animi procedere potest, non oportet statim ad Prælatum recurrere pro incerto lapsu fratris, sed fratrem monere. Denique (ut supra nu. 5. & 7. dicebam) licet hoc arbitrium seu consilium Augustini regulariter forte fuerit expediens eo tempore, & in eo vitæ genere: nunc ubi aliud est vitæ institutum, & majora pericula, majorque dependentia subditi, totum a Prælato, potest frequentius expedire etiam in simili casu, in quo scilicet *petulantia oculorum erga faminas in fratre cernitur*, statim Prælatus moneatur, ut radicibus occasionem auferat. Denique ad D. Thom. ibidem citatum responderetur ibi loquutum esse de denunciatione judiciali: alio vero loco a nobis citato satis explicuisse, quid de denunciatione paterna sentiendum.

Ad D. Thom. in fine ejusdem num. 4.

9 Ad quartam rationem concedi potest totum, quod per eam intenditur, nimirum ubi noticia superioris ad spiritualem aliquem fructum necessaria non est, neque ad commune bonum, tunc non esse licitum illi denunciare lapsum fratris: hoc enim solum probat discursus ibi factus. Nos autem dicimus in religionis statu, & præsertim in nostra Societate, per se loquendo, & ut in plurimum necessariam esse, aut saltem valde proficuum hanc notitiam superioris, & infamiam, quæ ex illa generatur, si frater vere & ex corde emendari velit, esse prope nullam, & ideo regulariter ac per se loquendo, intercedere sufficientem rationem, ob quam in hoc genere denunciationis paternæ prævia monitio prætermittatur.

Ad 4. arg. in n. 5.

10 Sed instabit aliquis: nam hinc sequitur hunc ordinem corrigendi saltem in statu religioso esse simpliciter meliorem; quod videtur absurdum, cum Christus D. alium ordinem simpliciter docuerit. Circa hanc objectionem Bannes 2. 2. qu. 33. art. 8. dub. 2. ad primam confirmationem 7. argumenti, tacite de Societate sub nomine cuiusdā religionis agens, existimat in primis constitutionem Societatis in hac parte esse justam, eo titulo, quod religiosi ejus renūcient juri suo quoad famam erga Prælatum. Addit vero ulterius maxime attendendum esse, ne prædicta constitutio, quæ ratione renunciationis proprii jatis potest esse justa, sub alia ratione falsa defendatur; videlicet quoniam alio modo nulla communitas potest bene gubernari; nam hoc esset dicere ordinem correctionis Evangelicum, & naturalem esse perniciosum communitatibus, ac proinde neque

Instantia contra hunc dicta.

in præcepto, neque in consilio esse, quod erroneum esset, cum ordo ille ab ipso Christo traditus sit, & a Patribus & Theologis summa veneratione susceptus. Hæc fere prædictus author: quæ nihil repugnant his, quæ hæcenus diximus, neque in his, quæ spectant ad naturale jus, potest fere esse diversitas sententiarum, nam (ut idem bene subiungit) varietas iudiciorum, quæ in hoc esse potest, non tam circa legis obligationem, quam circa eius applicationem ad opus versatur.

Authoris
decisio.

11 In hoc ergo sensu loquendo, addendum nobis superest reterariū quidem, & contra omnem prudentiam esse asserere, nullam communitatem posse bene gubernari, nisi constitutionem habeat, vel usum denunciandi Prælato peccata occulta, nulla prævia monitione; nam hoc licet non sit directe contrarium verbis Christi (ut falso supponit Bannes,) quæ multis aliis modis commode explicantur, ut vidimus; est tamen præter omnem rationem, & præter omnem usum Ecclesiæ, & nulla autoritate fundatum. Nihilominus tamen loquendo de communitate religiosa, vere & prudenter dici potest, non posse æque bene gubernari & conservari, si omnes subditi persuadeantur se non posse licite denunciare Prælati lapsus fratrum, nisi tentando prius illos emendare per secretam monitionem: nam (ut Innocentius III. significavit) in religioso statu habere tantum curam privatæ famæ fratris erga solum Prælatum, sine respectu ad majus bonum spirituale fratris & sociorum, ac totius religionis, esto malum non sit, non potest generaliter loquendo esse utilius ad maiorem perfectionem. Vel saltem licet quis nolit admittere in communi de religioso statu, quia in illo potest esse magna varietas, & in aliquo vivendi modo posset fortasse aliud expedire: nihilominus loquendo de aliqua communitate in particulari optime & prudenter potest quis sentire & dicere doctrinam illam non esse convenientem ad meliorem gubernationem ejus; quin potius regulariter in ea expedire uti prudentia Prælati ad emendandum subditum, & præveniendā incommoda, quamvis neque conveniat, neque liceat in particulari alium ordinem semper excludere, ut declaratum est. Unde etiam addo per hanc doctrinam nunquam illi excludi monitionem secretam, quin possit aliquando frater prius convenire fratrem, non ut sua aliqua correptione contentus sit, sed ut illum disponat ad Prælati correptionem, eique persuadeat ipsi expedire, ut Prælatus conveniens remedium illi malo adhibeat: per hoc enim non impeditur, quo minus denunciatio fiat Prælato ut patri, sed suaviori modo fiat, & ita minus exasperetur, aut perturbetur.

Alteri in-
stantiæ ob-
curritur.

12 Dices, si tunc frater penitentiam ostendat, & non repugnet emendationi delicti, superfluum esse ultra progredi. Respondetur negando consequentiam, tum quia etiam post emendationem necessaria esse solet providentia Prælati ad tollendas occasiones in futurum: tum etiam, quia raro possumus adeo confidere de præsentis proposito, aut ostensione penitentiae, ut propter commune bonum, & maiorem profectum ipsius fratris, non sit saltem melius & utilius rem totam ad Prælatum deferre, ut etiam in disp. 8. de charitate sect. 6. a n. 11. tradidimus. Quod inde etiam confirmatur; nam ex sententia sanctorum Patrum, quos supra cap. 6. a n. 4. retuli, unusquisque religiosus debet statum conscientie suæ Prælato aperire, ut ab eo melius dirigatur, quia signum est illam notitiam apud superiorem non reputari infamiam tanti momenti, ut propter spiritualem directionem contemnenda non sit: merito ergo in prædicto casu, unus frater alium inducit, ut tota res ad Prælatum deferatur, & tunc si delinquens consenserit, negotium (ut dixi) suavius & cum majori fructu transigetur: si autem repugnaverit, erit rationabiliter invitatus, & eo ipso timere potest de illius efficaci penitentia & constanti emendatione, regulariter loquendo, ut dixi, quia in individuo aliquando & rarissime decurrere possunt rationes & indicia, quæ contrarium persuadeant, ut in fine capitis præcedentis advertimus.

Primus
processus
quem te-
nebit Præ-
latus, cum

13 Jam vero superest inquirendum, quid possit ac debeat Prælatus cum subdito agere, postquam illius lapsum per hanc paternam denunciationem agnovit. Id quod breviter dicendum est: debere in primis Prælatus secreto monere & corrigere subditum, qui si de-

lictum suum agnoscat, & emendationem promittat, ultra progrediendum non est, neque ad vindictam publicam, neque ad aliquam infamiam: potest tamen superior (quod satis conforme est decreto Clementis VIII. de casibus reservatis §. 7. ibi, *licet tamē superioribus, &c.*) secretam penitentiam pro ratione delicti imponere, vel ad satisfactionem, vel ad medicinam: ita fere Soto dict. memb. 2. quæst. 4. concl. 7. Navar. in cap. inter verba conclus. 6. nu. 230. Ait etiam Soto jure posse subditum paterne castigare, aut flagellare non ad punitionem præteriti, sed ad terrorem in futurum: sed difficile est hæc duo separare, nec video, cur non possit tanquam pater secreto castigare delictum, quia commissum est: quamvis verū sit finem hujus castigationis præcipuum esse terrorem in futurum: potest autem etiam esse perfecta satisfactio pro præterito. Rursus potest Prælatus occasiones peccandi subito auferre, & ea ratione mutationem aliquam in occupatione vel habitatione, circa eum facere, ita tamen ut nullum scandalum, vel infamia sequatur. Si tamen ad eum finem necessarium non sit, nulla ratione debet illum contristare, aut ab officio amovere, nec minus quam antea honorare. Unde Calixtus Papa epist. 2. cap. *ponderet d. 50. Si aliquis* (inquit) *lapsus quocunque modo fuerit, portemus eum, & fraterno corripiamus affectu.* Et infra. *Porro sanctus David de mortiferis criminibus egit penitentiam, & tamen in honore permansit;* & similia multa ex alis Patribus ad hanc rem sumi possunt ex Gratiano dicta dist. capitulis sequentibus.

14 Secundo si subditus post superioris correptionem nec crimen agnoscat, nec emendationem promittat, & alioquin moraliter constet Prælato de delicto, saltem per fidem unius testis oculati, omni exceptione majoris, potest illum graviter reprehendere, etiam adhibitis duobus, vel tribus viris gravibus, si ad illum confundendum, & commovendum expedire censuerit. Potest etiam minas adhibere, quod explorabit ejus virā, quod de illo nihil confidet, & similia. Imo juxta personæ qualitatem poterit aliquam religiosam correptionem, vel flagellationem, aut similem penitentiam injungere, aut exequi, si ad timorem in futurum incuriendum opportunū esse prudenter judicaverit, quia ad hæc omnia sufficit illa probatio, & notitia, & ad illa extenditur munus paternum, etiam seclusa jurisdictione. Sicut pater naturalis potest in simili eventu castigare filium, si prudenter sibi persuadeat esse verum, quod sibi dictum est, etiam si juridica, & plena probatio non intercedat. Denique poterit etiam illi præcipere cum omni rigore, & si oportuerit sub pœna excommunicationis ipso facto incurrendæ, ut talem occasionem evitet, scilicet ut non eat in talem locum, vel talis personæ familiaritatem fugiat, &c. Quod præceptum potest imponere coram denunciatore & testibus, ut si oportuerit, postea de illius transgressione constet: nam illud præceptum etiam est justum, & satis conveniens medium ad impediendum periculum subditi, qui tanto magis in illo versatur, quanto minus illud agnoscat, minusque voluntarie tollere vult. Hæc partim docuit Soto dict. quæ. 4. concl. 7. partim addidit Bannes 2. 2. qu. 33. ar. 8. dub. 4. concl. 3. contra eundem Sotum, qui sine causa negat id, quod diximus de paterna punitione. Verumtamen hæc omnia ex prudentia pendunt, quia nulla lege humana vel prohibita, vel præscripta sunt, & ex se non excedunt potestatem dominativam patris, neque cedunt in infamiam notabilem subditi, cum ejus delictum non publicetur ultra limites correctionis fraternæ.

15 Tertio si his non obstantibus subditus est pertinax, & admonitionem nullam admittit, & delictum nec notorium est, nec probabile in judicio, nec vergit directe in damnum communitatis, non habet Prælatus amplius, quod faciat circa delinquentem, sed orat pro illo, vigilet, & occasiones, quas potuerit, auferat sine scandalo, aut infamatione subditi: quia non potest, propter occultum delictum illum infamare, neque ad aliud genus inquisitionis debet procedere, ut dicemus cap. 12. ubi etiam a num. 34. exponemus, quid agendum sit, quando delictum est probabile, aut directe vergit in damnum communitatis.

Tertius
processus.

CAPUT XI.

*De triplici modo procedendi in externo judicio
contra delicta subditorum; ac primum
de visitatione, seu generali
inquisitione.*

I Diximus a cap. 7. de fraterna denunciatione, sed priusquam in particulari declaremus necessarium non esse in Societate nostra usurpari totam judicialem formam in puniendis subditorum delictis, etiam usque ad ejectionem, quod cap. 13. præstabitur, generalem doctrinam & frequentius in hac materia receptam præmittere necesse est per tria sequentia capita: nam inde melius intelligitur, an aliquid peculiare in hoc habeat Societas, & qua ratione nitatur. Primo ergo supponenda est communis illa distinctio de triplici modo, quo Prælati & judices possunt procedere in exteriori judicio ad cognoscenda vel punienda subditorum delicta, quæ circa crimen hæresis attulimus disp. 20. de fide sect. 4. scil. per viam accusationis judicialis, denunciationis, & inquisitionis, quæ in jure sæpe distinguuntur: ut patet ca. *qualiter*, & *quando*, 2. cum similibus, de accusationibus, & cap. *licet Heli.* de simonia. Inter quos tres modos potissima differentia posita est in inchoando judicio, seu processu: nam in ejus medio & sine multum conveniunt, quamvis nonnullæ differentię intercedant, ut videbimus. Est præterea supponendum, in his tribus procedendi modis aliquem ordinem & formam postulari ex jure positivo Ecclesiastico, vel civili, quæ a secularibus iudicibus servanda est, ut iuste, & interdum etiam valide procedant: præter hanc autem formam considerari posse solam illam, quæ ex jure naturali & gentium requiritur, & sufficit, ut facti veritate sufficienter inspecta possit fieri humanum judicium, sufficit, inquam, per se loquendo, seu ubi peculiare jus positivum non obligaverit. Hæc ergo posterior forma, in qua sine strepitu, & figura judicii secularis, plane & simpliciter procedi potest ad justitiam servandam, explicanda a nobis est, quia in statu religioso tanquam magis conveniens est consuetudine recepta, & per canones & Doctores approbata: ita significavit Innocentius III. in dict. cap. *qualiter & quando*, ubi explicato progressu judiciali, concludit: *Hunc tamen ordinem circa regulares personas non credimus usquequaque servandum.* Et Bonifacius VIII. de hac re speciale privilegium mendicantibus concessit, quod refertur in compendio mendicantium verb. *correctio fratrum*, & in lib. *Monumenta ordinis*, concessione 499. & in Compendio privilegiorum Societatis verb. *correctio*. §. 1. adnotatur etiam Cajer. 2. 2. qu. 70. ar. 2. & cum eo Soto lib. 5. de justitia, qu. 7. ar. 2. in fine, & congruentias insinuant, quia in religionibus debet esse sincera & plana cognitio criminum, & quia ibi supplicia non sunt adeo acerba, eo quod non sunt tam ad puniendum, quam ad salutem animæ: item in favorem regularis observantiæ: ac denique, quia per se credibile est procedere iudices cum majori charitate, & puriori intentione, & testes etiam, & alias personas, quæ intervenirent, esse fide dignas.

2 His positis, inquisitio in hoc differt ab aliis duabus, quod in ea iudex ipse incipit, & non alius eum provocat, deferendo ad aures ejus delictum, & postulando cognitionem ejus, sed ipse incipit eam inquirendo, & ideo vocatur hæc via inquisitionis. Quæ dupliciter fit, scil. in generali, vel in particulari. Inquisitio generalis fit in visitationibus religionum, quæ est per se iusta & necessaria ad bonum regimen religionis, & cuiusque reipublicæ, vel communitatis bene institutæ, ut constat ex usu Ecclesiæ, quia aliàs crescerent vitia cum libera facultate peccandi, quam multi acciperent, si superioris vigilantiam & correctionem non timerent, Et ideo Conc. Trid. sess. 25. c. 20. de regularibus præcipit regularibus Prælati exemptis, ut monasteria sibi subdita visitent, & de monasteriis, quæ sunt ordinum capita, etiam statuit, ut juxta sanctæ Sedis Apostolicæ, & cuiusque ordinis constitutiones visitentur. Et in sess. 21. c. 8. de reformatione statuerat, ut Episcopi visitent commendata monasteria, in quibus non viget regularis

observantia, quæ aliis monasteriis, quæ sunt capita ejusdem ordinis, non sunt subiecta, & jure communi, ac per constitutiones omnium religionum huiusmodi visitationes commendatæ sunt.

3 Unde constat non solum licere, sed etiam ex debito, & obligatione officii ad eas teneri Prælatos religionum, quibus hæc cura demandata est. Ut sunt ordinarie in nostra Societate Provinciales, extraordinarie vero Visitatores a Generali delegati, cum suo nomine & Provincias & Provinciales visitent, ut ipse non possit, propter innumeras alias, & gravissimas occupationes, per seipsam Societatem visitare. Hoc enim respectu totius Societatis ad illius munus maxime spectat, cum supremam habeat jurisdictionem in omnes: regulariter autem id non facit, quia, ut dicitur 8. p. constit. c. 1. §. 7. *ad communicationem capitis cum suis membris confert plurimum, ut Generalis magna ex parte Romæ resideat, ubi cum aliis omnibus locis Societatis faciliori utatur commercio*: nam propter magnam dependentiam huius religionis a suo capite regulariter necessarium est, ut firmam aliquam habitationem habeat, & propter specialem dependentiam ipsius a Sede Apostolica nullam potest habere magis commodam, quam Romam. Nihilominus tamen prout occasio, & necessitas occurrerit, visitare poterit loca Societatis, prout ibidem dicitur in Declaratione lit. H. Additur vero statim lit. I. munus visitandi valde proprium esse officii Provincialis.

4 Supposita ergo necessitate, & legitimo usu harum visitationum, dicimus inquisitionem, quæ ex vicarum fit, quando alia specialis circumstantia non intercedit præter obligationem proprii muneris, solum posse fieri in generali ex parte personarum. Tribus enim modis potest Prælatus inquirere de delictis. Primo in generali tam ex parte delictorum, quam personarum, ut quando Prælatus visitans interrogat, an in communitate sint aliqua crimina, vel an leges & statuta servantur, vel an sciat aliquem commisisse aliquod crimen, &c. & hic modus inquisitionis est per se iustus, nullamque aliam circumstantiam prærequirit, præter jus & actum visitandi; quia per illum modum interrogandi nulli fit injuria, & est moraliter necessarius ad inchoandam visitationem: nam illa interrogatio non est proprie actus judicialis, sed generalis gubernationis, & quasi præambulum quoddam ad iudicium, si necessarium fuerit. Secundo fit inquisitio per interrogationem specialem ex parte delicti, generalem vero ex parte personarum, ut si Prælatus interroget, an scias quempiam in hac domo habere proprium, vel noctu exiisse, vel similia. Et hæc inquisitio convenit cum præcedenti, quod sine ulla præcedente infamia personæ alicuius fieri potest: quia cum de nulla persona in particulari fiat interrogatio, nulli fit iniuria, etiam si infamia non præcesserit; ideoque quantum ad præsens attinet, utrumque modum sub generali inquisitione comprehendimus, & uterque de se licitus est: & ita quotidie fit ab Inquisitoribus, Episcopis & aliis visitatoribus.

5 Nihilominus tamen circa hunc secundum modum advertunt auctores, non debere usurpari, præsertim in religionibus, nisi speciale delictum, de quo interrogatur, præcesserit, vel de illo sit communis rumor, & suspicio, quamvis de auctore nec infamia, nec notitia sit; quia ubi nullus rumor de delicto etiam præcessit, nonnulla injuria videtur fieri communitati eo modo interrogando; quia eo ipso videtur generari suspicio aliquid hujusmodi in tali communitate factum esse. Quam quidem circumspeditionem justam esse censo in visitationibus religionum, præsertim quando peccata, de quibus inquiritur, sunt gravia & indecentia religiosi: nam si sint ordinarii defectus, qui frequenter, & communiter committi solent, etiam a religiosi; vel si timeatur majus periculum circa aliquem defectum in particulari interrogare, etiam si gravis sit; hæc enim ratione Inquisitores, & Episcopi de multis delictis in particulari inquirunt. Denique licet Prælatus in hoc interdum bona intentione procedat, dummodo ad personas non descendat, non peccabit graviter: quia illud detrimentum communitatis fere nullum est, nam illa suspicio fere nullum habet fundamentum, nec minuit probitatem communitatis.

1. Suppositio triplicis modi procedendi in judicio.

2. Suppositio dupli-
cis formæ, juris
scilicet positivi,
vi, aut
naturalis.

Forma juris naturalis
scilicet religionibus.

Inquisitio seu visitatio generalis in religionibus licita est.

Imo est obligatoria

In Societate persinet visitatio ad Generalem Primario

Cur ordinarie in tota Societate non fiat per Generalem.

1. Modus inquisitionis ejusque justitia.

2. Modus ejusque usus licitus.

Cautela circa hunc modum.

Admittitur cautela cum temperamento.

6 Tertio potest inquisitio fieri in particulari de tali persona, quæ etiam potest fieri in particulari de delicto, ut an Petrus furatus fuerit, vel in generali, an commiserit aliquod delictum grave. Et uterque modus comprehendit sub inquisitione particulari, de qua communis regula est non licere huiusmodi particularem inquisitionem, nisi de tali persona præcedat infamia proportionata delicto, de qua regula statim dicemus. Hic solum adverto, quando hæc inquisitio non fit occasione alicujus delicti publici ad vindicandum illud, vel tollendum scandalum, vel iniuriam; sed fit tantum titulo visitationis ratione officii, & usitæ gubernationis, tunc considerandam esse personam, vel communitatem, ad quam directe ordinatur & instituitur visitatio. Nam si visitatio dirigatur ad totam communitatem, non licet de uno interrogare magis in particulari, quam de aliis, nisi præcedente infamia proportionata interrogationi, id est, vel de tali vitio, si de illo fiat interrogatio, vel de vita ejus in genere, quod sit minus proba, vel religiosa, si de vita ejus tantum inquiratur, quia tunc locum habet regula posita, & omnia fundamenta ejus infra tradenda. At si visitatio instituitur in particulari de aliqua persona ratione specialis muneris, tunc licitum est in particulari de illa interrogare sine ulla prævia infamia, quomodo se gerat in suo munere, vel aliquid in ea notatum fuerit, non descendendo ad particularia. Ratio est, quia sicut in visitatione communitatis generalis interrogatio necessaria est ad inchoandam visitationem, ita cum visitatio per se instituitur de Provinciali, v.g. necessario inchoanda est per particularem interrogationem quoad illius personam, generalem vero de moribus, aut officio. Item, quia tunc nulla generatur suspicio de tali persona, etiam si de illa in particulari fiat interrogatio, jam enim constat illam non fieri propter specialem suspensionem, quæ de illa haberetur; sed quia illa est proprium & speciale objectum, ut sic dicam, talium visitationum. De particulari autem vitio ejus interrogari non poterit, nisi præcedat infamia propter rationem contrariam.

7 Atque hinc sequitur, in huiusmodi visitationibus non teneri subditum interrogatum etiam sub juramento ad manifestandum eum, quem deliquisse novit, quando adeo occulta est persona, ut nulla infamia laboret. In quo conveniunt omnes Doctores infra citandi. Et ratio est, quia iudex non potest de tali persona juridice interrogare; ergo neque alter tenetur respondere illam personam manifestando. Unde licet Prælati absolute interroget, semper subintelligitur, an subditi sciant delictum de aliquo, qui de tali delicto infamatus sit: ita fere D. Tho. 2. 2. qu. 33. ar. 7. ad 5. & ibi Cajet., Soto, & alii infra referendi. Dices: ergo peccat Prælati simpliciter interrogando, quia præbet occasionem his, qui sunt minus prudentes, revelandi peccata secreta & infamandi? Respondetur; ita faretur Navar. corollar. 47. n. 179. dict. ca. *Inter verba*, dicens illum modum interrogationis esse contra jus, in cap. *qualiter & quando*, de accusationibus. Ubi Innocentius III. proponit formam servandam in huiusmodi visitationibus generalibus; *ut jurent subditi, quod super his, vel sciunt, vel credunt esse in sua Ecclesia reformandum tam in capite, quam in membris, exceptis occultis criminibus, meram & plenam dicant inquisitori veritatem*. Hoc ergo videtur profecto observandum a visitatoribus, quando a subditis exigunt, ut statim respondeant, & aliis non sunt satis instructi & prudentes, ut sciant, de quibus possint licite aut debent respondere. Si autem non coarctet, ut statim respondeant, non oberit generalis interrogatio, ut frequenter fieri solet in delictis generalibus: qui locus conceditur, ut etiam ignorantes possint consulere alios doctiores, ut prudenter respondeant. Similiter, quando subditus est sufficienter discretus, potest absolute interrogare, etiam si statim debeat respondere, & ita in simili annotavit idem Navar. corol. 67. num. 434. & 435.

8 Sed obijci potest, quia subditus potest licite denunciare Prælati tale crimen etiam si non præcesserit infamia, juxta dicta in c. 8. ergo Prælati in generali visitatione potest ei præcipere, ut manifestet quemcumque noverit deliquisse, quantumvis occultus & sine infamia sit. Respondetur negando antecessas intellectum

de denunciatione judiciali, quæ per hanc generalem visitationem intenditur; in illo autem cap. loquuti sumus de paterna, secreta, ac privata denunciatione facta soli prælati. Quapropter oportet attendere non eas confundere, neque ab una ad aliam transitum inordinatum facere. Unde si Prælati idem deposito visitatoris judicialis munere (ut sic dicam) postulet vel præcipiat sibi ut patri, & in ordine tantum ad emendationem secretam denunciari ea, quæ ad bonum communitatis, vel cuiuscunque particularis personæ opportuna fuerint, debet in primis subditus considerare, an sit Prælati ordinarius, ad quem utrumque munus pertinet, vel sit tantum delegatus ad inquirendum, vel visitandum in tali causa in ordine ad punitionem delicti. Nam in hoc posteriori casu non debet parere, quia in tali persona non habet locum illa duplex consideratio; secus vero si esset delegatus cum plena commissione & superioritate, tunc enim ordinarii Prælati quoad hoc æquiparatur. Uterius vero debet sibi persuadere subditus Prælatum vere, & ex animo ita interrogare, & non ut ea noticia utatur ad visitationem juridicam, quam principaliter intendit: nam si de hoc non sit moraliter certus, non debet personam manifestare; supposita autem morali fide de recta intentione Prælati, potest, & debet illi obedire, quando juxta dicta in citato c. 8. per talem manifestationem majus bonum fratris, vel communitatis revera intenditur.

9 Dicit ulterius aliquis: esto non possit quis juridice denunciare delictum fratris, quando non præcesserit infamia regulariter loquendo, tamen in duobus casibus potest. Primus est, quando delictum vergit in damnum communitatis, & facile potest alios inficere; ob hanc enim causam in peccato hæresis tenetur quis denunciare hæreticum, etiam si infamatus non sit: & idem est de quolibet alio delicto, quod vergat in damnum communitatis, vel alterius tertii: ut sumitur ex D. Th. 2. 2. qu. 33. ar. 7. & Doctores communiter in 4. d. 19. & Soto dicta q. 4. conclus. 2. Adrianus in 4. materia de Correct. fraterna, & quodlib. 1. r. ad 4. difficultatem, & Canonistæ communiter in ca. *novit*, de judiciis, & Navar. dict. cap. *inter verba*. sed gravis lapsus in religioso regulariter, & quasi ex intrinseca conditione talis status, vergit in commune damnum religionis, vel saltem aliorum religiosorum, ut supra cap. 9. num. 13. dicebamus: ergo hoc satis est, ut subditus teneatur respondere Prælati generaliter interroganti manifestando personam, etiam si infamia non laboret. Alter casus est, quando subditus secreto monuit delinquentem, & non potuit illum emendare: tunc enim bene potest licite juridice denunciare Prælati talem personam absque alia infamia, quia jura citata ad hanc denunciationem non requirunt infamiam, sed solam præviā monitionem: ergo in eo casu tenebitur subditus manifestare talem personam Prælati generaliter interroganti.

10 Respondetur ad priorem partem, non omnia peccata religiosorum censenda esse ita vergere in commune damnum, ut ea ratione liceat illud statim juridice denunciare: multa enim sunt peccata privata & occulta, quæ nec ratione objecti, nec ratione scandali vergunt in aliorum damnum. Et quamvis verum sit in religiosis esse majus periculum infectionis, vel scandali, aut infamæ, propter peculiarem status conditionem; hoc tamen non satis est, ut peccatum statim juridice denunciatur, quamvis sufficiat, ut intra latitudinem correctionis fraternæ efficacissimum remedium procuretur. Dico autem id non esse satis in ea præcise generalitate spectatum: nam si in individuo sit periculum instans & urgens contra tertiam personam, vel in religionis infamiam & scandalum, & denuntiatio paterna aut non credatur sufficiens, aut sit periculum in mora, tunc denunciari statim potest Prælati ut iudici, modo infra declarando.

11 In eo autem casu, & in secundo supra posito, addendum est, aliud esse respondere Prælati interroganti tantum per viam inquisitionis: aliud vero esse obedire illi præcipienti mihi, ut denunciem quidquid ita scio, ut vel aliàs debeam, vel saltem possim licite denunciare. Hic loquimur tantum de priori modo, in quo subditus revelando delictum alicujus personæ in particulari magis subit officium testis, quam denunciantis, & ideo

9 Obiectio
bipartita
Pars prior

Pars posterior

Satisfactio
priori
parti.

Satisfactio
posteriori

3. inquisi-
tionis
modus
quousque
licet.

Non re-
velandum
juridice in
visitatione
nibus or-
dinariis
quod oc-
cultum
est.

1 Obiectio
contra
proxime
dicta

non potest revelare eum, qui non laborat infamia, ut statim probabitur. At vero si Prælatus non ita interroget, sed absolute præcipiat subdito, ut sibi denuntiet quidquid debet, vel potest licite, tunc supposita capacitate ex parte materiæ præceptum obligabit, quia justum est, cum sit de re honesta, & quæ potest esse vel necessaria, vel valde utilis ad commune bonum. Et quidem si præceptum sit solum de denunciatione aliàs debita ex lege charitatis, vel regulæ, erit valde rationabile: quia & supponit gravem necessitatem talis denunciationis, & ordinatur etiam ad exonerandam ejusdem subditi conscientiam: si autem sub præcepto imponatur omnis denunciatio, quæ aliàs licite posset fieri, valde rigorosum est, & meo consilio non deberet imponi, quia exponitur subditus alicui periculo, & sæpius scrupulis, & difficultatibus implicabitur: tamen si de facto imponatur, tenendum est etiam quoad omnem denunciationem, quæ manifestam injustitiam non contineat.

CAPUT XII.

De modo procedendi per viam specialis inquisitionis, aut judicialis denunciationis, aut accusationis.

Alius ergo modus inquirendi Prælatorum, quem in 1. parte tituli proponimus, est interrogando in particulari de tali persona, an fecerit tale vel tale delictum? Et in hoc processu dicendum primo (estque regula generalis pertinet ad obligationem ipsius Prælati etiam regularis) non posse Prælatum ita inquirere, nisi supposita infamia talis personæ: ita D. Thom. dict. ar. 7. ad ult. Cajet. ibi, & Soto dict. quæ. 4. & ibi Corduba in Additionibus Div. Antonin. 3. p. tit. 6. ca. 7. §. 8. Summistæ omnes verb. *Inquisitio*, Angelus n. 2. Armilla n. 1. Sylvester *Inquisitio* 1. qu. 3. & *Inquisitio* 2. q. 1. Doctores Canonistæ communiter in ca. *qualiter* 2. de accusationibus, & in ca. *licet Heli*, de simonia, Panorm. in cap. *olim*, de accusationibus n. 4. Navar. in cap. *inter verba*, corol. 63. per totum, & specialiter nu. 293. Navar. lib. 2. de restitutione c. 4. n. 174. Umbertus super regulam D. Augusti. Habeturque hæc regula in dict. ca. *qualiter*, & ca. *cum oporteat*, & ca. *inquisitionis*, de accusationibus, ubi decernitur non posse judices procedere ad inquisitionem particularem, nisi præcedat infamia.

2 Dices, illud procedere in judicio seculari, non vero in regulari, nam idem Innocentius III. in eodem cap. *qualiter*, in fine dicit non esse necessarium servare ordinem ibi propositum cum personis regularibus. Sed contra hoc est, primo quia in dicto cap. *licet Heli*, de correctione regulari tractabatur, & tamen Pontifex ait necessariam esse clamorosa insinuationem, id est infamiam. Deinde, quia, ut Doctores exponunt, quod Innocentius III. ait de processu circa regulares, intelligitur quoad solennitates accidentales judicii, non quoad substantialia, quæ ad veritatem & justitiam servandam necessaria sunt, ut ibi notant Panorm. nu. 10. & Felin. n. 16. At vero quod ad inquisitionem particularem præcedat infamia, est de substantialibus judicii, quod per talem modum inchoatur, & magis ex natura rei necessarium, ne innocentes infamentur, quam ex jure positivo; & ideo jura citata indifferenter de omni judicio loquuntur, & ita intelligenda sunt.

3 Dices rursum: esto hoc sit verum in aliis religionibus, tamen in Societate non videtur habere locum, eo quod censeantur in ingressu renunciare juri suo quoad famam, ut superius in ca. 7. n. 18. in 2. modo defendendi regulam visum est. Respondetur non habere quidem locum in Societate, quoad fraternam correctionem propter dictam saltem renunciationem juris; habere tamen quoad judicialem. Nam in §. 8. c. 4. examinis, unde maxime illa renunciatio elici potest, dicitur, *Ad majorem in Spiritu profectum*, qui est finis correctionis fraternæ: non ergo renunciatur in ordine ad punitionem, qui est finis inquisitionis judicialis. Et ideo neque in Societatis, neque alicuius religionis regula hoc permittitur Prælati: neque habent aliquod privilegium, quod eos eximat ab obligatione servandi hunc ordinem in judicio, ut prædicti auctores, præsertim Antoninus, Sylvester, & Armilla advertunt. Dices in canone 10.

Congregationis 6. cum in §. 4. ageretur de denunciatione secreta, ac facienda Prælato ut patri, statim subditur in §. 5. si credatur non profecturam correctionem paternam, teneri de laporem denunciare juridice; ergo renunciatur juri famæ in Societate etiam in ordine ad judicialem correctionem; probatur consequentia, quoniam circa talem renunciationem iniuria fieret delinquenti, cujus secretum delictum in judicio propalaretur. Respondetur falsum esse injuriam fieri reo, qui corrigi privatim non vult, si juridice deferatur, quia sibi imputare debet juridicam manifestationem sui delicti. Supponitur autem ad citatum decretum concurrere debere omnia, quæ licitam faciant juridicam delationem.

4 Ab hac vero generali regula excipi solent nonnulli casus. Primus est, si delictum vergat in commune damnum Reipubl. ut maxime esse solet peccatum hæresis, de quo hic non loquimur, quia illud Inquisitoribus statim denunciandum est. De qua exceptione videri potest Simanquas de Catholicis institut. tit. 19. ubi & alios auctores, & optimas sententias Patrum refert; videri etiam possunt, quæ diximus tractatu 1. de fide disp. 20. sect. 4. & in tractatu de charitate disp. 8. sect. 6. a nu. 3. In præsentia autem censendum erit delictum contra commune bonum religionis, quando vel directe continet machinationem alicujus gravis nocuenti contra religionem, vel periculum imminet alicujus gravis infamiae, aut scandali religionis. Sed obiiciet aliquis, quia hæc exceptio magis spectat ad viam denunciationis, vel inquisitionis generalis, quam particularis. In denunciatione enim, ut supra c. 8. n. 14. innotuimus, non requiritur præcedens infamia, sed monitio: hæc autem in hujusmodi delictis omitti potest, vel etiam debet. In inquisitione autem generali ex parte judicis non fit exceptio; tamen ex parte eorum, qui interrogantur, fit exceptio, ut teneantur particulares personas aperire, etiam si infamata non sint in hujusmodi delictis. At vero in particulari inquisitione non videtur habere locum illa exceptio; quomodo enim potest in particulari interrogare de persona, quam omnino ignorat commississe tale delictum solum propter delicti qualiter? aliàs posset Prælatus visitans, de quacunque persona particulari suo arbitrio inquirere, an machinetur aliquid contra religionem, vel aliquid simile, quod absurdum plane est, & scandalosum: ergo qualitas delicti non satis est, ut Prælatus ex officio procedens per viam inquisitionis interroget de particulari persona determinate. Respondeo necessarium sine dubio esse, ut aliquid præcedat, quod Prælatum moraliter inducat ad hujusmodi interrogationem. Differentia ergo solum esse potest, quod in his delictis aliquid sufficere potest sine infamia ad interrogandum in particulari, quod in aliis non sufficit. Quid autem illud sit, & an pertineat ad solum progressum per viam inquisitionis particularis, vel participet aliquid de aliis viis, seu modis procedendi, statim explicabitur a n. 7.

5 Secundo excipi solent vitia nimis gravia, & atrociora, ut propter eorum qualiter possit de illis in particulari inquiri absque præcedente infamia; ita significat Angles quæst. de correctione fraterna ar. 3. conclus. 1. in fin. & refert esse opinionem communem in dicto ca. *qualiter* & *quando*. Adhibetque exemplum in peccato nefando, de quo dicit posse inquiri in speciali sine infamia, quia est contagiosum, & atrocissimum, quodque moraliter non præbet spem correctionis; idem dicunt aliqui de peccato blasphemiae, ob easdem rationes. Idem de sacrilegio fornicationis in persona religiosa. Verum tamen hæc exceptio habet eandem difficultatem quam præcedens. Et deinde eo modo, quo præcedens declaratur, non debet, nec potest admitti tanquam distincta a præcedenti. Aut enim sunt atrociora delicta, quia bono communi nocent, vel directe & ex objecto, ut proditio, seditio, assassinium, vel indirecte & per redundantiam, ut peccatum grave cum gravi scandalo, aut cum gravi infamia communitatis. Et si peccatum dicatur atrox propter hujusmodi circumstantias, continetur sub priori exceptione, & habet idem fundamentum, scilicet quia illa non tantum est punitio criminis, sed multo magis defensio boni communis, cujus major ratio habenda est, quam famæ delinquentis. Quod argumento inducor ad extenden-

2 Exceptio a superiori assertionem, seu regula explicatur

Obiectio contra proxime dicta.

Responsio

Secunda quorumdam exceptio simpliciter refellitur per dilemma.

dendum hanc exceptionem ad peccata, quæ vergunt in aliquod grave damnum alicujus innocentis, cui alia via subveniri non potest, quia tunc etiam defensio innocentis præferenda est famæ hominis iniqui. Ac denique idem erit quotiescumque sufficiens ratio intercedit ad contemnendam famam proximi propter aliud majus bonum, quod sæpe licere constat ex communi doctrina cum D. Thom. 2. 2. q. 73. art. 2.

6 At vero si peccatum nullo modo redundet in damnum aliorum, sola gravitas ejus non sufficit, ut de illo in particulari inquiratur, si non præcessit infamia, ut satis grave erat peccatum filiorum Jacob, & tamen D. Thom. 2. 2. q. 33. art. 7. ad 2. existimat præcessisse infamiam, & fuisse publicum, & aliàs non potuisse denunciari, scil. patri, ut judici, & Innocentius III. in c. *qualiter & quando*, 2. de accusat. adducit in exemplum illud Genes. 18. *Descendam & videbo, utrum clamorem, qui venit ad me, opere compleverint.* Ubi per clamorem intelligit significatam infamiam, & tamen agebatur de atrocissimo delicto Sodomorum. Ratio vero est, quia atrocitas delicti non dat licentiam infamandi proximum, si aliàs occultum sit, nec minora incommoda & absurda inde sequi possent in Republ. Item quia illa inquisitio tunc solum ordinatur ad punitionem, & propter hunc finem non licet infamare proximum de illo inquirendo; debet ergo supponi infamia. Unde quoad hoc parum refert, quod sic peccans credatur incorrigibilis, cum hæc inquisitio non ordinetur ad correctionem, sed ad punitionem. Verum est quidem esse esse quædam delicta natura sua adeo occulta, quæ vix possunt corrigi, aut puniri, si expectanda esset infamia, ut est peccatum nefandum, in quibus aliquid dispensari potest, ut sic dicam; semper tamen necessaria est aliqua infamia, vel aliquid, quod ejus vicem suppleat, nimirum nocumentum communitatis, aut alicujus innocentis, ut explicatum est numero præcedenti.

3. Executio.

7 Tercio excipiuntur crimina publica, seu notoria; hæc potest fundari in c. *licet Heli*, de simonia, ubi dicitur, *contra quos (ut de notoriis excessibus taceatur) tribus modis procedi potest, &c.* ubi gloss. & Doctores notant excipi notoria, quia in illis necessarium non est, aliquem ordinem ex dictis tribus servare, c. *ad nostram* 3. de jurejur. & ita significat Navarr. corollar. 48. nu. 181. & 184. sed non est exceptio necessaria, vel quia solum delictum est publicum, & non delinquens, vel utrumque: in priori casu potest Prælatas incipere inquirendo, ut est communior doctrina, licet pauci contradicant, ut Cajetan. 2. 2. q. 69. art. 2. Soto 5. de jur. q. 6. art. 2. & dict. Relict. Prædictam vero sententiam tenent plures alii statim citandi, & videri potest Navar. in d. c. *inter verba*, concl. 6. corol. 56. n. 213. & Petr. Navarra lib. 2. de restitutione c. 4. & sequentibus, Corduba in Summa Hispana, c. 64. Et quamvis de modo inquirendi, quem iudex in eo casu servare debet, sit controversia inter auctores, mihi tamen ea sententia omnino probanda videtur, quæ negat posse Prælatum inquirere de aliqua persona particulari, de qua infamia talis delicti commissi non præcessit. Quod tenet Sylvest. verb. *Correctio*, §. 8. Armilla verb. *Accusatio*, §. 28. Cajet. 2. 2. q. 69. art. 2. Soto & Corduba dict. Relict. memb. 2. q. 6. concl. 1. dub. 4. Plures juris periti, quos refert & sequitur Navar. corol. 50. & aperte colligitur ex juribus supra citatis, quæ docent de occultis delictis non esse interrogandum, nisi præcedat infamia, & expresse habetur in legibus Hispaniæ l. 3. tit. 17. partit. 3.

Objectio
Soti contra
dicta
& artem.

8 Sed objicit Soto supra, nam licet interrogatio fiat in genere ex parte personatum, vel interrogatus teneatur manifestare personam in particulari, & hoc intendit iudex, quamvis persona sit occulta, atque hoc injustum est; vel solum intendit scire delinquentem in communi, & hoc inutile est. Respondetur sensum interrogationis esse, an sciat testis, quis commiserit delictum, ita ut illum juste manifestare possit, & in eo sensu non est inutilis inquisitio, quia licet persona sit occulta, fieri potest, ut sit de illa aliquis rumor sufficiens, ut possit manifestari, & quod hoc ipsum Prælatas ignoret. Neque etiam est injusta interrogatio, quia nulli personæ sit injuria, & interrogatur de eo, quod publicum est. Solum cavendum est, quod supra cap. præcedent. n. 7. dixi.

Suarez Tom. XV.

mus, ne subditus sic interrogatus exponatur periculo imprudenter revelandi personam occultam, ignoranter existimans se posse, aut debere, ideoque melius faceret Prælatas interrogando distincte de infamia, an scilicet noverint esse rumorem, vel murmur contra aliquem de tali delicto, aut nonnulla gravia indicia, quæ generent alicujus suspicionem, juxta ea, quæ statim dicemus in nu. 11. Sic ergo loquendo de publico delicto, illa non est exceptio, quia revera talis inquisitio particularis non est, sed generalis, ut supra dixi c. præc. n. 4.

9 Si autem delictum non solum est publicum, sed etiam delinquens, tunc procedit, quod iura dicunt, contra illum posse iudicem progredi non servato ordine juris: illa vero non est exceptio, quia præcedit plusquam infamia, scil. publica notitia personæ, & in hoc conveniunt omnes in cap. *evidentia*, de accusationibus, & videri potest Navar. supra corol. 48. nu. 184. & 185. statim vero occurrebat tractandum, quando dicatur publicum delictum. Dupliciter enim dicitur apud Doctores delictum notorium. Primo notorietate juris, & de hoc non est sermo in præsentia, quia agimus de delicto publico ante officium iudicis: notorietas autem juris sequitur post officium iudicis per sententiam ejus, vel per confessionem rei, aut per sufficientem probationem testium, juxta cap. ult. de cohabit. cleric. & mulier. juncto cap. *cum olim*, de verborum significatione. Alio ergo modo dicitur notorium notorietate facti; & definitur in eisdem jurib. esse illud, quod per evidentiam rei ita notum est, ut nulla tergiversatione possit celari: de quo dicitur in cap. *evidentia*, de accusationibus: *Evidentiæ patrati sceleris non indiget clamore accusatoris*; & 2. q. 1. c. 17. dicitur: *De manifesta & nota pluribus causa non sunt querendi testes, &c.* & infra: *Neque testibus opus erat, neque tergiversatione poterat regi crimen.*

Publicum
delictum
dupliciter.

10 Quia vero in hoc textu dicitur nota pluribus, est communis dubitatio, quot esse oporteat illos, quibus notum sit crimen. Sed, ut 4. tom. 3. p. disp. 30. sect. 2. dixi, sentitque Soto in 4. d. 12. qu. 1. art. 6. non potest hoc revocari ad certum numerum personarum: quia in uno loco minori potest etiam minor numerus sufficere, quam in alio; prudenti ergo arbitrio hoc æstimandum est, ut etiam attingi lib. 6. capit. 10. nu. 20. sufficietque, ut coram majori parte vicinæ delictum patratum sit, & in universum si decem personæ illud viderint, moraliter dici potest notorium, quia illud moraliter non potest celari. Et quamvis proprie dicatur notorium, seu publicum, quando multi viderint, & evidenter cognoverint personam committentem delictum, tamen in præsentia satis erit, si aliqui viderint, a quibus per publicam famam divulgatum sit, ita ut per moralem certitudinem pluribus nota sint & delictum, & persona delinquens, & quod aliqui illam viderint committentem delictum.

Primo.
Quot per-
sonæ suffi-
ciant ad
notoriū.

11 Quarto excipi solet casus, in quo præcedunt sufficientia indicia personæ delinquentis, nam illa censetur sufficiens ad inquirendum in particulari de illo, etiam si infamia non præcesserit: ita sentit Cajet. 2. 2. q. 69. art. 2. & Soto d. Relict. memb. 2. q. 6. dubio 3. Ratio est, quia manifesta indicia æquipollent infamiae. Unde S. Tb. d. q. 69. art. 2. ait reum juridice interrogari, si testis, infamia, aut manifesta indicia præcesserunt. Hanc autem sententiam improbat Navar. supra corol. 48. n. 182. Primo, quia illa exceptio nullo jure, vel sufficiente ratione fundatur; iura enim absolute requirunt infamiam ad procedendum via inquisitionis, & nunquam dicunt indicia æquipollere infamiae. Nec ratio id suadet, quia quantumvis indicia sint manifesta, possunt esse occulta & paucis nota; ergo adhuc crimen erit occultum: ergo non est, cur illa indicia æquiparentur infamiae, nec cur possit inquiri de tali crimine, cum non sit extra latitudinem occultis. Secundo indicia, quantumvis manifesta, non faciunt plenam probationem in iudicio, neque æquivalent duobus testibus: sed duo testes etiam oculares, & jurati, non satis sunt ad inquirendum de delicto, ut dicitur in cap. *inquisitionis* §. 1. de accusationibus, quod Panormit. intelligit, etiam si contingat deponere de tali delicto in iudicio, in quo non de veritate delicti, sed de sola infamia interrogabatur: ergo multo minus possunt sufficere indicia sola ad

4. Executio.

inquirendum. Nec D. Thom. de processu per viam inquisitionis loquutus est, sed de juridica interrogatione rei, de qua est longe diversa ratio. Nam reus legitime interrogatur, quoties post accusationem, vel denunciationem semiplena probatio præcessit: faciunt autem semiplenam probationem illa tria, unus testis, infamia, vel vehementia indicia, & quoad hoc tantum a D. Thom. æquiparantur. Dices: si infamia non facit majorem probationem, quam indicia, cur indicia non sufficiunt ad inquirendum, sicut infamia. Respondeo idem posse interrogari de uno teste, vel multo magis de duobus. Dico ergo infamiam proprium esse, ut & testis, & accusatoris vicem subeat: nam quatenus veritatem rei aliquo modo ostendit, habet vicem testis, & in hoc convenit cum judiciis: quatenus vero infert publicum scandalum, & quasi clamorem petentem iudicium, habet vim denunciationis: & in hoc superat indicia, & unum, imo & duos testes.

Judicium
authoris
in proxi-
mo diffi-
dio.

12 Ex quo infero posse fortasse illas sententias in concordiam redigi, si distinguamus inter indicia occulta, & publica. Navarri enim sententia sine dubio est vera, quando indicia, etiam si sint sufficientia ad vehementem suspicionem efficiendam, paucis tamen nota sunt: tunc enim licet in notitiam iudicis deveniant, non potest de persona in particulari inquirere, & hoc probant evidenter fundamenta adducta pro opinione Navarri. At vero si indicia sint publica simul cum ipso delicto, sufficientia erunt ad inquirendum, & possent hoc modo exponi Cajer. & Soto, si quidem vocant illa indicia *manifesta*. Verum est in hac voce posse esse equivocationem, possunt enim indicia vocari *manifesta*, vel quia manifeste & satis clare ostendunt delictum, quo sensu loquutus est D. Thom. loc. cit. & clarius illa vocavit indicia expressa, quamvis Cajeranus vocem postea mutaverit. Alio ergo modo possunt dici manifesta, quia ipsamet omnibus nota sunt, & sic de illis dicimus sufficere ad inchoandam viam inquisitionis. Verumtamen in hoc sensu non est hæc propria exceptio a regula proposita. Nam si illa indicia sufficiunt, ex eo est, quia generant publicam infamiam de tali persona, quod pertinet ad aliam dubitationem, quæ scilicet infamia satis sit ad hujusmodi inquisitionem, de qua inferius dicemus.

Vera quæ
dam ex-
ceptio co-
surgens
ex 4. præ-
cedentib.

13 Unum etiam occurrit addendum circa has quatuor exceptiones, quamvis singulæ per se non sufficiant ad aliquam propriam exceptionem faciendam, nihilominus ex omnibus simul sumptis posse admitti aliquem casum, in quo possit de aliqua persona in particulari inquireri, etiam si sufficiens infamia de illa non procedat; nimirum si delictum sit publicum & enorme, & iudici constet esse sufficientia indicia de aliqua persona, & aliunde iudicet moraliter esse necessarium ad bonum commune auctorem delicti cognoscere, vel ad præveniendum aliquod malum, quod in futurum timeretur, vel quia delictum pender in futurum, & vergit in damnum aliorum, vel alicujus innocentis, vel talis conditionis est, ut nisi de illo inquiretur cum similibus indicibus, publice vindicari non possit, & ideo serpat, seu frequenter fiat; quando enim hæc omnia concurrunt, (quod non raro accidere potest) ratio boni communis obligat, ut ejus cura & providentia habeatur, contempta particulari fama unius personæ, tunc enim delictum publicum provocat sufficienter iudicem ad inquirendum generaliter, indicia vero quantum est de se, determinant ad talem personam: gravitas autem delicti, & necessitas boni communis faciunt, ut in tali delicto indicia habeant sufficientem rationem accusatoris; quia naturale præceptum obligans ad non obscurandam aliquo modo famam proximi non est de re adeo intrinsece mala, quin ex iusta causa desinat interdum obligare; vel solum obligat, quando sine debito fine & circumstantiis sit, ut docet D. Thom. 2. 2. qu. 73. & per se facile constat: si qua autem ratio iusta esse potest ad faciendum aliquid non obstante fama proximi, est necessitas boni communis: ergo propter illam censeri potest illa sufficiens provocatio iudicis ad inquirendum in particulari, non obstante fama proximi. Et tunc subditus interrogatus tenebitur revelare personam, etiam si infamia non laboret, quia iuste interrogatur, & non habet rationabilem causam se excusandi, neque probabilem sensum, in quo possit fugere mendacium, si veri-

tatem cognitam neget. Mendacium autem illud perniciosum est, utpote contra bonum commune, & contra obedientiam debitam Prælati in re gravi. Et præterea erit perjurium, imo etiam tenebitur revelare, quamvis non possit probare delictum, quia tunc ille non interrogatur ut accusator, sed ut testis, qui tenetur verum testimonium dicere, quamvis aliter probare illud non possit, nisi sua fide & juramento.

14 Neque hæc exceptio est contra jura superius citata, quæ requirunt infamiam ad specialem inquisitionem: tum quia illa expresse excipiunt publica delicta, d. c. licet Heli, & c. ad nostram, 3. de jurejur. quæ licet potissimum intelligantur de criminibus notoriis quoad factum & personam, tamen extendi possunt ad omnia publica, in quibus sufficiens ratio boni communis intercedit, & aliàs persona non est omnino occulta, quia saltem sunt de illa indicia probabilia: tum etiam, quia regula generalis non excludit specialem exceptionem in casu raro & ad bonum commune pertinente, Præsertim, quia illa non tam videntur condere jus novum, quam explicare naturale, ut in eisdem decretis indicatur. Et ideo ubi ratio naturalis ostendit cessare regulam illam, quia cessat injuria proximi, non procedunt illa jura; & hanc sententiam præter auctores citatos indicat Palud. in 4. d. 15. qu. ultim. Armilla verb. *Accusatio*, §. 28. & alii, quos refert Petrus Navarra supra, & faciunt ea, quæ tractat Navar. supra 50. corol. n. 187. 188. & 189. Aragon. 2. 2. q. 69. art. 2. & Soto dicta q. 6. circa fin. 3. concl.

15 Quinta exceptio additur ab aliquibus nisi iudex procedat ad inquisitionem ad instantiam alicujus, quia tunc sufficienter provocatur iudex ad interrogandum de tali persona; significat Sylvest. *Inquisitio* 2. dicto 8. sed hæc exceptio admittenda non est: nam ille, qui iudicem provocat, vel vult subire vicem accusatoris, ac denunciatoris, vel non; sed tantum defert crimen ad aures Prælati, ut ipse suo munere fungatur & inquireat. In hoc posteriori casu nullo modo licet iudici procedere ad inquisitionem specialem de tali persona, si non præcessit infamia, quia est expresse contra jura citata: quæ negant sufficere unius vel duorum testimonium ad inquirendum hoc modo. Quin potius, si delictum ipsum aliàs publicum non est, aut famosum, tunc nec generaliter quoad personas, & specialiter quoad tale delictum debet iudex inquirere seu interrogare, nisi juxta modum inquisitionis generalis, superius declaratum; quia unius vel alterius personæ clamor per se non est sufficiens ratio inquirendi. Unde in legibus Hispaniæ lib. 8. novæ recopilationis tit. 1. libr. 6. ordinatur, ut in eo casu iudex non audiat denuntiantem, nisi ipse ad probationem se offerat: excipit tamen, nisi delictum noctu aut loco deserto factum esse dicatur, tunc enim commendatur iudici, ut veritatem inquireat, non quidem incipiendo ab speciali inquisitione, sed prius inquirendo, an tale delictum vere factum fuerit. Deinde a quo factum fuerit tale delictum, & postea si aliquem laborare infamia intellexerit, poterit de illo particulariter interrogare.

5. Exce-
ptio ex-
cluditur
per dile-
ma.

Posterior
membru
dilematis
expendi-
tur.

16 Si autem persona illa, quæ manifestat Prælati alium delinquentem, velit sustinere munus accusatoris, & denunciantis, tunc procedere quidem potest iudex ad interrogandum in particulari de tali persona; sed tunc jam non procedit via inquisitionis, sed via denunciationis, vel accusationis, de qua nunc non agimus, & ita illa non est exceptio a proposita regula. Solet autem interdum, quando persona, quæ rem manifestat iudici, aut Prælati, non vult sustinere munus denunciatoris, nec se offerre ad probandum, si potest esse testis sufficiens, & omni exceptione maior ad faciendam semiplenam probationem, solet, inquam, creari a iudice fiscalis, qui causam promoveat, & munus accusatoris suscipiat, & priorem denuncia- torem ut testem præsentet, ut ita fiat semiplena probatio, & possit procedi ad interrogationem rei, & aliorum testium: tunc autem jam relinquitur via inquisitionis, & fit transitus ad aliam accusationis. Hoc tamen non fit in omnibus criminibus, sed in his, quæ contra commune bonum, aut contra religionem, aut fidem vergunt, ex quo capite posset hæc exceptio, si aliquo modo admittenda est, ad superius positā revocari.

Expendi-
tur prius
membru.

Quo casu
fiscalis
adhibea-
tur, ut
enunciant
fias testis.

6. Exce-
ptio quo-
fundam
Dotoru,

17 Ultimo excipiunt omnes, ut videre licet in Soto, Navarro, & aliis citatis supra, & apud Sancium lib. 3. de matrim. disput. 13. & 14. casus illos, in quibus non fit inquisitio ad punitionem inquisiti, sed ad alios fines iustos, ad quos est necessaria cognitio talis personæ, & qualitas ejus: ut cum inquiratur de impedimento matrimonii inter Petrum, & Mariam, vel de causa ejus, etiam si peccaminosa sit, vel cum inquiratur de irregularitate, aut inhabilitate ad beneficium, vel ad suffragium ferendum, vel cum inquiratur merita alicujus ad officium, vel ministerium, &c. in his enim casibus habet Prælati jus interrogandi de tali persona: quia non potest aliter convenienter exercere munus suum, quod necessarium est ad commune bonum, quia plerumque ipsemet, de quo fit inquisitio, voluntarie se immiscet tali negotio, & vult aut contrahere, aut suffragium ferre, &c. & consequenter etiam virtute consentit, ut de ipso inquiratur, unde etiam fit, ut ipsemet teneatur sæpe respondere, & veritatem aperire. Hæc vero exceptio licet veram doctrinam contineat, proprie non est a regula posita, cum in ea tantum sit sermo de inquisitione judiciaria, quæ ad vindictam delicti ordinatur. Aliæ præterea exceptiones fieri solent, quas attingit Soto dict. q. 6. concl. 3. & latius Navar. corol. 63. sed quæ tractæ sunt ad rem præsentem sufficiunt, reliquæ vero ex sequenti assertionem notoriæ erunt.

2. Affertio
tripar-
tita.

18 Secundo vero dicendum est, præcedente infamia de debito & de persona, iuste posse, imo & debere Prælatus inquirere interrogando in particulari de tali persona, & obligando subditos etiam sub juramento ad dicendam veritatem. Est certa sententia omnium, & colligitur plane ex iuribus citatis; nam dum negant, sine infamia posse inquiri hoc modo, cum illa affirmant posse. Ratio autem primo, quia tunc infamia merito supplet vicem accusatoris, quia ipsa vox publica, quæ infamat personam, contra eam clamat, postulando justitiam, ut indicant jura & verba, & verba illa Domini Gen. 18. *Clamor Sodomorum, & Gomorrhæ multiplicatus est, descendam, & videbo, utrum clamorem, qui venit ad me, opere compleverint.* Secundo quia tunc iudex ratione officii habet jus inquirendi, & ratione infamiae nullam facit injuriam tali personæ, inquirendo de illa; ergo iuste id facit. Tertio, quia hoc est necessarium ad bonum commune, aliàs vix possent delicta puniri, aut impediti. Quia ratio probat Prælatus non tantum posse, sed etiam debere ita inquirere, quia tenetur habere curam boni communis, hoc autem medium est moraliter necessarium ad illud bonum. Unde si Prælatus in simili casu esset remissus, aliis daret grave scandalum, quod est magnum argumentum obligationis ejus.

19 Denique inde etiam facile concluditur 3. pars assertionis, nimirum obligatio subditorum ad veritatem dicendam. Primo, quia, per se loquendo (licet nonnulli moderni contrarium sentiant) optima est regula. Quoties Prælatus iuste interrogat, teneri subditum ad respondendum, ne detur bellum iustum ex utraque parte, nulla interveniente ignorantia, neque alia legitima excusatione, ut est in præsentia; quia supponimus subditum scire se iuste interrogari, & nullam fieri injuriam reo veritatem fatendo. Præterea esset inutilis & inefficax interrogatio Prælati, si non posset cogere subditum ad veritatem dicendam; non cogit autem per poenam, imo nec iuste potest, donec aliàs constet ipsum falsum respondisse: quæ non erit coactio ad cognoscendam veritatem, sed punitio delicti, quæ supponit illud aliàs cognitum; ergo ut interrogatio possit esse efficax ad veritatem inveniendam, necesse est, ut Prælatus possit obligare subditum in conscientia. Denique tale præceptum est de re iusta, & bono communi necessaria: cur ergo non poterit Prælatus illud ita imponere, ut obliget. Omitto casus speciales, in quibus potest quis excusari, vel ne se prodatur, si sit complex, vel propter alias rationes extrinsecas, quas pene tractare necessarium non est.

20 Quæret autem aliquis, primo circa positam conclusionem, quænam infamia sufficiat ad huiusmodi inquisitionem. Quam rem late tractant citati auctores; breviter tamen dico necessarium in primis esse, ut infamia sit de tali persona circa tale delictum: itaque non satis est, quod religiosus v.g. male audiat, vel generatim de vita sua, vel speciatim de aliquo delicto, ut de il-

lo inquiratur, an commiserit aliud delictum, cuius auctor ignoratur; ita docent omnes, præsertim Navar. corol. 51. num. 190. referens S. Thomam 2. 2. quæst. 70. art. 1. & Cajetanum ibi, & quæst. 69. art. 2. & in opuscul. 17. responsionum, respons. 5. dicentem sæpe in hoc multum errari, etiam a religiosis Prælati, Adrian. quodlib. 11. quæst. 1. Soto dict. quæst. 6. dub. 5. & alii communiter contra Palud. in 4. d. 19. quæst. 4. & colligitur ex c. cum oporteat, ibi, *Nisi super dictis famam ipsius lasam esse noveritis, & cap. inquisitionis*, de accusationibus, ibi: *Nullum esse pro crimine, super quo non laborat infamia*: nam illæ particule, *super quo, & super quibus*, aperte significant infamiam debere esse de eodem crimine, de quo fit inquisitio. Et ratio est manifesta, quia alia infamia impertinens est, quia non accusat vere, aut fictitiam personam de tali crimine, unde sicut in via accusationis, accusatus de uno crimine non potest in interrogari de alio, ita nec in via inquisitionis. Addunt Doctores, nisi crimina ita sint conjuncta, ut unum sit circumstantia alterius, vel prout hic & nunc factum est, generet generalem suspicionem de alio; ut si Petrus invenitur mortuus in via, & spoliatus, & Joannes laboret infamia, quod spoliaverit illum, consequenter est suspectus de homicidio. In hoc autem & similibus casibus non fit inquisitio de delicto sine infamia de illo: quia licet non sit de illo per se primo, ut sic dicam, tamen illud redundat, quia infamatus de uno delicto, est etiam infamatus de circumstantiis ejus, quando aliàs constat vel ex natura rei, vel ex evidentiæ facti, de connexionione unius cum alio.

21 Deinde pronuntio infamiam debere esse talem, ut generet publicam & probabilem suspicionem, & (ut juriloquuntur) clamorofam insinuationem. Hæc enim duo, infamia scilicet, & clamorosa insinuatio, non sunt duo ita distincta, ut unum possit ab alio separari quoad præsentem effectum, licet aliqui oppositum significant, quod sentit Navar. corol. 63. num. 299. contra multos, quos refert & sine fundamento: nam jura, quæ citat, potius probant oppositum. Id vero constat ex dicto cap. *inquisitionis*, ibi, *super quo aliqua non laborat infamia, seu clamorosa insinuatio non præcessit*, nam illa particula, *seu*, indicat illa esse æquivalentia: & infra subdit, *cum inquisitio fieri debeat solummodo super illis, de quibus clamores aliqui præcesserunt*. Ubi nulla fit mentio de infamia, quia clamores indicant illam, atque ita illam includunt, vel supponunt, & e converso in dicto cap. *cum oporteat*, fit mentio solum infamiae, quamvis sine clamoribus non sufficiat, quia debet esse publica: fit autem publica per publicum rumorem, seu clamorem, per quem supplet etiam vicem accusatoris. Unde hoc modo loquendo de fama, in definitione ejus poni solet, ut sit *communis opinio ex suspitione generata, & voce manifestata*, quæ si sit de malo, dicitur infamia, ut tradit Bartolus in l. de minore, §. tormenta, numer. 7. ff. de quæstionibus.

22 Circa quas tres particulas breviter advertendum est, in prima non esse certam aliquam regulam ad definiendum, quam communis debeat esse opinio, quæ ad infamiam sufficiat, sed prudenti arbitrio esse determinandum, ut ait Soto supra; quia licet aliqui dicant requiri denarium numerum personarum, nullo jure vel necessaria ratione id ostenditur: ipse vero Soto pro regula assignat, quod rumor sit sparsus per majorem partem viciniae, aut Collegii, aut universitatis, in qua quis commoratur, & citat glossam ultimam in dicto cap. *inquisitionis*, quæ requirit majorem partem viciniae: quam viciniam recte exponit Soto cum proportionem esse intelligendam: nam in religionibus, de quibus agimus, non est necessarium, ut infamia extra monasterium egrediatur, sed totum monasterium, tanquam quædam vicinia reputatur, & merito; cum enim inquisitio intra illud tantum fiat, satis est, quod in illo sit sparsa infamia, unde secus esset, si inquisitio de religioso esset inter seculares, seu in populo aliquo facienda, tunc enim necessarium esset infamiam etiam ad eos redundasse, aliàs non solum religioso, sed etiam religioni injuria fieret. Quod autem debeat esse hæc opinio majoris partis viciniae, nullo jure probatur, sed solum ait dicta glossa, ideo majorem partem viciniae requiri, quia fama loci requiritur, non fama aliquorum, argumento cap. illud, de præ-

Alterum
pro qua-
tium.

Quæ com-
munis o-
pinio de
male sus-
ficiat ad
infamiam.

Dubium
1. circa
proximam
assertionem
Unum
pronun-
tium
pro re-
lutione.

præsumptionibus, ibi, *quia fama viciniæ magis debet attendi, si fama loci habet, &c.* Verumtamen non existimo esse necessariam majorem partem viciniæ, quoad numerum personarum, nam in dicto cap. *inquisitionis*, solum dicitur, *propter dicta paucorum*, non reputari aliquem infamatum, *cujus apud bonos, & graves laesa opinio non existit*, in quibus verbis, si recte attendatur, potius innuatur, paucos sufficere, si probi & graves sint: non est ergo semper necessarius major numerus personarum. Quod sentit Navar. in dict. corollar. 48. in fine, dicens, non oportere, ut fama sit in aliquo loco, sed ut sit communis opinio eorum, ad quos spectat hoc scire, ut in hac universitate Conimbricensi dicitur aliquis scholasticus bonæ vel malæ famæ in literarum profectu, si inter magistris suos vel condiscipulos habet illam communem opinionem, quæ est doctrina Bartoli supra numero 70. & 11.

23 Idem vero Navar. in commentar. de fama & infamia, num. 7. 8. & 9. necessarium esse putat ad famam, ut sit omnium, vel majoris partis eorum, apud quos allegatur esse illa, citans Bartolum supra nu. 13. & glossam eundem Bartolum in lib. 3. §. *ejusdem*, ff. de testibus. Fundamentum eorum est: quia communis opinio tunc dicitur esse, quando est omnium, vel majoris partis universitatis, ad quam spectat, ex quibusdam legibus, quas citant; sed neque hoc videtur mihi satis probari, quia ut aliqua vere dicatur communis opinio, non oportet, ut major pars authorum illam teneat, aliàs quis posset nescire aliquam opinionem vocare communem, cum nullus possit ita recensere, & conferre inter se auctores utriusque partis; ergo ad opinionem communem satis est, quod absolute multi auctores illam teneant, præsertim si sunt graves. Hinc de eadem re dicunt sæpe Doctores dari opiniones communes contrarias, quod esse non posset, si sola major pars faceret communem opinionem; sic etiam in præsentī de eadem persona, & secundum idem, possunt dari duæ famæ contrariæ. Quod tenet Felin. in c. *cum oporteat*, n. 5. in fin. de accusationibus citans Zochum in cap. *cum in tua*, de sponsalibus, & plures alios.

24 Non ergo videtur semper ponderandus numerus personarum: quare si talis opinio sit apud graviore, & meliores, licet non sint plures numero, dummodo sint absolute multi, existimo sufficere ad infamiam. Si autem quoad qualitatem personarum essent cætera paria, probabile est requiri opinionem majoris partis, vel quia de hoc, ut dicebam, moraliter constare non potest, sufficere, ut vel probabiliter id credatur, vel certe quod censetur esse vulgaris opinio, quia hæc facile diffunditur ad majorem partem. Addit præterea Navar. dict. comment. num. 9. opinionem pauciorum quam decem non sufficere ad infamiam, etiam si sit major pars illius loci, vel communis, vel tota communitas, in qua versatur fama: quod non probat nisi auctoritate Panormitani & Ananias: sed plane est incredibile in materia, de qua tractamus: aliàs si in monasterio essent quindecim religiosi, & unus esset diffamatus apud novem illorum de aliquo delicto, non posset superior de illo inquirere, quod est contra omnem rationem, vel bonos mores: cur ergo illud credendum est, cum nulla ratione vel textu sit fundatum? Præterea jura supra citata solum requirunt illam infamiam, quæ sufficit ad publicum scandalum communitatis: in eo casu revera est publicum scandalum, & novum sequeretur, si nullum remedium illi malo adhiberetur: ergo, &c. Oportet igitur, ut ad primum responsum revertamur, prudenti scilicet judicio opus esse, considerata qualitate communitatis & conditione personarum.

25 Addit etiam Bartolus supra, & cum eo reliqui, considerandam esse radicem infamiæ, nam oriri potuit ex odio & inimicitia alicujus, vel ex levibus indicis, & vulgi suspitione ac locutione, & tunc non est vera infamia, quia non potest probari per opinionem generalem, quare si de tali radice constet, non sufficere ad inquirendum, sed oportet, ut suspicio, quæ generavit infamiam, ex iusta, & probabili causa processerit, & inter probos, & non suspectos homines divulgata sit, ut ex dictis capitulis, *inquisitionis*, & *qualiter*, & *quando*, 2. aperte colligitur.

26 Quæritur secundo potest circa eandem secundam

conclusionem, quomodo debeat judici de infamia constare, ut tunc possit iuste inquirere; aut enim debet constare in judicio, vel extra: si in judicio, procedemus in infinitum, unde enim illud aliud judicium incipiet? oportebit enim alia infamia præcedat; alioqui non poterit ex officio iudex inchoare processum: si autem sufficit ut extra judicium cognoscatur, accusatio extra judicium facta sufficere ad procedendum, ad interrogandum reum vel testes judicialiter, quod est falsum. Sequela vero patet, quia fama supplet vicem accusatoris. Item est similitudo rationis, quia privata notitia non videtur sufficiens ad exercendum officium iudicis ut sit. Circa hoc Angelus verb. *Inquisitio* num. 4. sentit necessarium esse, ut infamia deferatur ad iudicem, ut de illa primo iudice cognoscat, & num. 2. ait oportere, ut fama deferatur ad iudicem sedentem pro tribunali, citaturque juris peritos; sed hoc non potest in universum probari, ut notavit Sylvest. verb. *Inquisitio* 1. quæst. 8. num. 14. aliàs nunquam possent iudices inchoare inquisitionem specialem, nisi ad petitionem vel denunciationem alicujus: quod est contra jura, & contra bonum regimen Reipublicæ.

27 Illud ergo habet locum, quando fama per seipsum, seu clamor ejus non pervenit ad aures iudicis, sed unus vel alius illi denunciant Petrum esse infamatum de tali delicto, tunc enim priusquam de illo inquirere incipiat, necesse est, ut infamia iudice probetur: quia cum respectu iudicis per se non sit publica, oportet, ut per publicam probationem de illa constet, & hoc probat ratio facta, idemque sentit Navar. dict. corollar. 63. in fin. Nec tunc sequitur processus in infinitum, quia initium tunc sumitur a via denunciationis, non a via inquisitionis; & ita prima causa, quæ tunc tractatur, non est de ipso delicto, sed de infamia delicti, an sit, necne: & illa sufficienter probata iudice, incipit inquisitio de delicto, de quo videndus Sylvest. *Inquisitio* 2. dict. 5. Antonin. 3. part. tit. 9. At vero interdum fama per seipsum pervenit ad aures Prælati, & clamat contra eum: & de hac loquuntur frequentius jura citata, quæ propterea cum infamia conjungunt clamorose infamiationem. Tunc ergo non oportet, ut præcedat judicialis probatio infamiæ, ut sentit Sylvest. & tenet Navarrus & alii, & probat plane ratio facta, quia aliàs nunquam posset Prælati incipere ex officio ab inquisitione speciali. Ratio vero a priori est, quia in publicis, & evidentibus non est necessaria specialis probatio: tunc autem infamia est per se evidens, & publica, & ideo non est simile, quod afferebatur de privata accusatione; infamia enim clamat & accusat publice, & ideo per se sufficit ad inchoandam inquisitionem.

28 Unde fit, si Prælati ordinarius ex officio procedat ad inquisitionem, satis esse, quod sit certus de infamia, & tunc sua assertionem sufficienter illam probet & confirmet. Quapropter si munus inquirendi deleget alteri, instruens illum, & affirmans sibi constare Petrum esse infamatum de tali delicto, id satis esset, ut delegatus posset immediate incipere, inquirendo in speciali de delicto talis personæ, non inquirendo de infamia, nec probationem ejus investigando: quod tamen facere non posset, si delegatio simpliciter facta fuisset, & delegatus nihil de infamia affirmasset: tunc enim oporteret delegatum inchoare ab inquisitione infamiæ, nisi tanta illa esset, ut per se etiam nota esset & evidens delegato; ut, v. g. si committeretur delictum inquirendum in tali loco, & delegatus ad illum locum pervenirens statim intelliceret per publicum rumorem & sermonem multorum Petrum esse infamatum de tali delicto, statim posset inquirere de delicto, & de persona: quod insinuat in ca. *cum oporteat*, de accusationibus, ubi sermo est de iudice delegato, & illi dicitur, *nisi super prædictis famam ipsius laesam esse noveritis, vos ad inquisitionem illius non subito procedatis*: ergo si novisset famam esse laesam, statim procedere posset. Neque ibi postulat, ut illa notitia sit per aliud judicium & probationem in illo: sufficit ergo quod sit publica & moraliter evidens.

Praxis inquisitionis specialis post sufficientem infamiam.

29 Supposita ergo sufficienti infamia, & notitia ejus procedere potest Prælati ad inquisitionem specialem de subdito, sive speret ejus emendationem, sive non: quia jam non intendit principaliter emendationem, sed

Dubium
secundum
circa an
dem alter-
tione.

Adæquata
dubii re-
sponso.

Incertum
inter præ-
latum &
ejus dele-
gatum in
inquirendo
de infamia.

Pro nobis
alio rem-
edium ad
infamiam
positum in
2. 22.

punitionem, & remedium scandali, quod ex infamia oriri solet, ut Antonin. supra §. 8. & Sylvest. *Inquisitio* 2. dicto 3. notant. Modus autem procedendi ad prædictam inquisitionem, quamvis in religione non requiratur omnes juris subtilitates, tamen esse debet sufficienter iudicialis, ita ut faciat publicam fidem; & ideo supposita infamia examinari debent testes coram notario, seu secretario, quem ipse Prælatas ex suis religiosus ad hoc munus constituerit, ut omnes actus inquisitionis fideliter conscribat, eisque simul cum ipso Prælatato subscribat ad eorum probationem. Interrogandi etiam sunt distincte & clare per articulos & capitula, quæ ad hunc finem ab ipso Prælatato cum notario erunt distincte confecta. Et quamvis dixerimus proclamante fama non esse necessariam aliam probationem ejus, hoc maxime intelligendum est, ut iudex iuste possit inquisitionem incipere, & testes ad respondendum obligare. Nihilominus tamen optimum est nonnullos testes saltem in principio, non solum de delicto, sed etiam de infamia interrogare, ut de utroque magis convincatur reus. Debent etiam interrogari sub juramento, quia aliàs non facit testis sufficientem fidem in iudicio, quod etiam in regulari iudicio verum habet; quia illa conditio, tanquam substantialis reputatur, significat vero Sylvest. *Inquisitio* 2. dicto 6. (ubi de reo loquitur, est autem eadem ratio de testibus) sufficere, ut Prælatas in virtute obedientiæ, vel sub excommunicatione præcipiat dicere veritatem. Ego tamen consulerem juramentum dari juxta ea, cum delictis de accusationibus: nisi recepta consuetudo religionis alium modum teneret, & juramentum non est tam substantiale, quin possit renuntiari per partes, cap. *uis*, de testibus. Illa autem consuetudo renunciationi æquivaleret: nam consuetudo dat jus, & tollit, ac renunciat, quod perinde est,

30 Postea vero procedendum ulterius est juxta merita causæ ex testium interrogationibus resultantia. Nam si nullus testis condemnat reum de delicto, ita ut insurgat saltem semiplena probatio, non potest reus ipse legitime interrogari, & ita ulterius inquirendum est ab aliis testibus, vel non ultra procedendum: tamen existimo sufficere infamiam probatam sufficienter, præsertim si accedant indicia gravia, ut citari possit, & interrogari reus, quia infamia talis facit semiplenam probationem. Nec refert, quod in hoc processu infamia habeat vicem accusatoris, & ideo videatur non posse sustinere locum testis: nam (ut bene sentit Navar. corol. 63. num. 294.) sub diversis rationibus, utrumque potest, præsertim cum non sit verus accusator, sed fictus. Quatenus ergo antecedit clamando ad iudicem, habet vicem denunciantis: quatenus vero veritati facti aliquid testimonium publicum præbet, facit semiplenam probationem. Vel aliter, infamia secundum se, & per se cognita accusat: ut vero per testes probata in iudicio, & præsertim indicibus etiam probatis confirmata, facit semiplenam probationem. Itaque existente semiplena probatione post aliquam inquisitionem, debet citari, vel (ut Sylvest. ait) vocari religioso modo inquisitus, & de veritate sub juramento interrogari; ut autem ad respondendum obligetur, necesse est, ut illi constet de legitimo processu contra illum facto & probatione, quæ contra illum resultat. Debet ergo illi legi, ut colligitur ex Divo Thoma 2. 2. quæst. 69. artic. 1. ad 2. & ex Cajetano ibidem, Soto dict. membro 2. quæst. 7. Navar. in Summa c. 25. num. 36. & in dict. cap. *inter verba*, in antiquo, corol. 64. num. 730. Bernard. Dias in Practica c. 126. n. 4. & ibi Salzedo, qui advertit satis esse, ut notarius legat coram reo depositiones testium tacitis eorum nominibus, neque oportere eorum transumptum dare, nam potest cogi statim ad respondendum, cum jam illi sufficienter constet de legitima interrogatione, quam esse communem statuit Jul. Clarus l. 5 §. fin. q. 45. n. 7. & 8.

31 Sumpta igitur confessione a subdito, vel ipse factetur delictum, vel negat; si confitetur, postea in rigore statim contra eum ferri sententia, nihilominus non eo rigore utendum est, sed terminus est ei concedendus, ut si quam habet excusationem, quæ saltem minuat delictum, eam asserere possit. De quo videri potest Julius Clarus libro quinto §. fin. quæst. 65. & Antonius Gomez tom. 3. variatum, cap. 12. Si autem reus interrogatus neget, procedi ulterius debet ad convincendum illum,

tam ratificando priora testimonia, quam alia de novo examinando, si necessarium visum fuerit ad moralem certitudinem veritatis: hic enim debet esse præcipuus scopus in hoc regulari iudicio, in quo non sunt ita necessariæ illæ circumstantiæ iterum interrogandi, seu ratificandi, quando de fide testium moraliter constat; & hoc præcipue debet animadvertere Prælatas, scilicet ut testes suspecti non sint de inimicitia, aut levitate, vel de alia occasione falsitatis, ut plene interrogentur de omnibus circumstantiis; & ob eandem rationem, quamvis in secularibus iudiciis (excepta inquisitione in crimine hæresis) soleant nomina testium manifestari reo, juxta cap. *qualiter*, & *quando*, 2. §. *debet igitur* de accusationibus, tamen in nostro iudicio regulari id non est necessarium, sed satis est dare reo copiam testimoniorum, ut possit se defendere, tacitis nominibus propter vitanda majora incommoda, & quia in regulari iudicio non est necessarium omnes has circumstantias servare, ut dicitur in dict. c. *qualiter*, & *quando*; quod si aliqua omitteri potest, maxime hæc. Unde etiam in generalibus visitationibus non servatur, ut notavit Simanquas de Catholic. inst. tit. 64. n. 30.

32 Addunt Doctores, etiam inter regulares posse habere locum torturam, quando subditus est semiplene, non tamen plene convictus, & adhuc negat delictum: ita Bernardus Dias dict. cap. 125. & 126. & ibi Salzedo, Divus Antonin. 3. part. tit. 9. cap. 7. & 8. Sylvest. *Inquisitio*, 2. dict. 9. & Armilla verb. *Inquisitio*, numer. 12. quamvis aliqui ex his non loquantur in specie de regularibus, sed generatim de clericis, sub quibus personas Ecclesiasticas, & consequenter regulares comprehendunt, quia non habent de hoc speciale privilegium, quæ est ratio a priori hujus assertionis, quia Prælatas habens potestatem coercivam perfectam, habet etiam potestatem torquendi ad veritatem comprobendam, si aliæ circumstantiæ necessariæ occurrant, & specialiter prohibitus non sit; sed Prælatas regularis habet hujusmodi potestatem, ut supra tomo præcedenti ostendimus disputando generatim de potestate eius, & nulla est de hoc prohibitio positiva, saltem iure communi, neque etiam iure speciali Societatis (de aliis enim religionibus proprii eorum Prælati videbunt) neque etiam ex natura rei hoc prohibitum est magis in religioso, quam in clerico, quia sicut peccatum facit dignam poenam personam, etiam sacram, ita etiam facit dignam torturam. Verum est tamen modum torquendi regulares debere esse accomodatam statui & consuetudini eorum, non etiam per violentas actiones instar secularium, sed per strictiorem carcerem, humicationes, strictiora ieiunia, & similes corporis afflictiones torquendi sunt; an autem per laicum fieri possit, diximus disputat. 22. de Censur. sectio. 1. numero 44. Si reus in confessione sua negavit, & per testes sufficienter convinci non potuit, regulari modo torqueri potest, si gravitas delicti id exigat. Quod si in tormentis veritatem adhuc neget, absolvendus est, si autem confiteatur, & postea extra tormenta ratificet confessionem (quod necessarium est) debet procedi ad proferendam sententiam, iuxta ea, quæ tradunt dicti auctores, præsertim Bernard. Dias, Jul. Clarus, Simanquas tit. 65. n. 74. & sequentibus, & Greg. Lopez in lib. 4. tit. 30. partita 7.

33 Denique, quando delictum plene probatum est, neque est necessaria, neque iuste potest adhiberi tortura, per se loquendo, quia iam cessavit finis eius, ut iidem auctores dicunt: est autem delictum plene probatum, quando ad minimum per duos testes oculares & confites, & omni exceptione majores convictus est reus, iuxta illud Christi; *In ore duorum, vel trium stet omne verbum*, & omnium sententiam, ac praxim. Duo autem testes singulares, id est, de diversis numero factis, aut de distinctis temporibus, vel locis, imo nec plures sufficient ad plenam fidem faciendam, ut docet Divus Thomas 2. 2. quæst. 70. artic. 2. ad secundum, & ibi Cajetanus, & Soto 5. de iust. quæst. 7. art. 2. qui advertit, etiam in religione hoc servandum esse, ut testes singulares non sufficiant ad condemnationem, licet sufficient ad torquendum, vel alio modo exquirendam veritatem: quia (ut dicitur 2. quæst. 1. cap. 1.) *nos in quæquam sententiam* (scilicet condemnationem) *ferre non possumus, nisi aut in convictum, aut sponte confessum*. Hoc autem

Quid quando negat.

De tortura reo ecclesiastico neganti delictum.

Cur etiam in religioso sum cadat tortura.

Tortura religiosi qualis.

Duo testes sufficientes ad poenam legis, si sint confites.

Quid si singulares.

De examinatione testium

De juramento.

Præceptum aliud absque juramento an sufficiat.

Utrum testes reum non damnant, interrogari adhuc potest iudice, si dentur indicia vel infamia. Infamia subit vice accusatoris, & testis.

Reo legendus processus.

Non oportet ei aperire testes ante transumptum.

Quid agendum quando reus fatetur delictum.

rem intelligendum cenſeo quoad pœnam integram. Nam quoad aliquam punitionem, vel gravem correptionem, poteſt condemnari, quando præter famam factis comprobata, ſunt aliqua gravia indicia, vel gravis aliquis teſtis; quia licet tunc non plene conſtet de delicto, eſt vehemens illius ſuſpicio, vel opinio, quæ ad aliquam pœnam ſatis eſſe debet. Imo in hoc proceſſu per inquisitionem, quamvis plena probatio obtineatur, mitius agendum eſt in pœna imponenda, quam ſi per accusationem criminalem proceſſum eſſet: quia cum reus, neque accusatus ſit ab aliquo, neque ipſe confeſus ſit ſuum delictum, jura volunt, ut judex prudenti arbitrio moderetur pœnam, cap. *inquisitionis*, de accusationibus: ſentiunt citati Doctores Antonin. 3. p. titul. 9. cap. 7. §. 6. Sylveſt. *inquisitio*, 1. qu. ult. Soto dicto membr. 2. q. 6. dub. 1. Navar. cap. *inter verba*, in antiquo, corrolat. 48. nu. 582, Anton. Gomez tom. 3. variar. c. 1. n. 51.

Per viam
inquisitio-
nis in tuis
agitur cõ
copvicio.

Appellatio
non in
religionibus
locum
habeat.

34 Poſt ſententiam ſequi ſolet appellatio in ſeculari foro: in regulari vero audiri non debet, niſi Prælatuſ manifeſte, & notabiliter excedat modum in regula præſcriptum, & præſertim in Societate eſt ſpeciale privilegium Pauli III. ut in ea appellare non liceat a regulari correctione: eſt autem uſus, ut hoc ſervetur, quando correctio ſit ſecundum ordinationes Societatis, ut conſtat ex Compendio privilegiorum, verbo *Appellatio* §. 1. Et ita non admittitur appellatio ab ordinaria correptione, reformatione, mandatis, & ſimilibus, de quibus in d. verbo *Appellatio* §. 2. A ſententia autem condemnatoria non negatur, niſi ipſamet appellatio ſit manifeſte frivola, vel injuſta; plura de hoc appellationis puncto dixi in tract. 8. lib. 2. c. 11.

De modo procedendi in regulari judicio per viam denunciationis judicialis.

35 Duobus modis poteſt hæc via inchoari, primo per ſe & immediate, quando aliquis incipit cauſam ſumendo munus denunciatoris apud Prælaturam, ſeu judicem; ſecundo tranſeundo a denunciatione Evangelica ad judicialem: nam ſiſis unius ſolet eſſe inchoatio alterius, ut in cap. 10. in fine inſinuvimus, remittendo in hunc locum exactam declarationem, quæ erit facilis, explicata prius denunciatione ipſa ſecundum ſe. Ut ergo aliquis juſte denunciaret judicialiter, neceſſarium non eſt, ut præcedat infamia, ut conſtat ex juribus ſæpe citatis, cap. *inquisitionis*, cap. *qualiter & quando*, cum ſimilibus, & ex omnibus auctoribus. Ratio vero eſt, quia in via inquisitionis infamia requiritur, ut ſuppleat vicem accuſatoris; in hac autem via denunciator ſuſtinet vicem accuſatoris, quamvis non omnino ſuſcipiat totum onus illius, quia non ita obligatur ad probandum, ſicut accuſator.

Ad denuncian-
dum judi-
cialiter
non requi-
ritur infamia.

An requi-
ratur præ-
monitio
ſecreta.

Reſponſio
quando denun-
ciatio ſit
ad ſolam emenda-
tionem
ejuſ.

36 Eſt autem quaſtio, an debeat præcedere monitio fraternalis ante hanc denunciationem, id enim ſignificant jura citata. Et conſequenter eſt dubium, utrum ſi per ſolam admonitionem frater corrigatur, liceat nihilominus ad hanc denunciationem procedere. Hæc vero dubia ex dictis a c. 8. ſere reſoluta ſunt. Aut enim talis denunciatio ordinatur ſolum ad emendationem delicti, qui eſt ordinarius, & maxime proprius ſiſis ejus, aut ad damnum tertii, vel communis boni nocumentum vitandum. In priori denunciatione, quæ Evangelica dicitur, ſi eſt ſpes emendæ, ſine dubio debet præcedere correctio fraternalis: nam & naturalis ratio charitatis, & juſtitia id poſtulat, cum talis denunciatio (ſurpote judicialis) non fiat ſine magna & publica læſione famæ: quæ tunc neceſſaria non eſt, & hic ordo eſt maxime conſentaneus Evangelio, imo juxta communioſorem opinionem Theologorum cenſetur in eo præceptus, maxime pro hujusmodi cauſa ſpei emendæ, conſervata famæ; & jura canonica etiam hoc diſponunt, præſertim in c. *licet Heli*, de ſimonia, & notavit gloſſa in cap. 2. de calumniatoribus, ex quo textu mihi colligo, tam neceſſariam eſſe hanc admonitionem, ut ſi denunciator in probatione deficiat, & non oſtendat prius ſecrete monuiſſe, vix poſſit a calumnia purgari, ideo enim videtur ibi denunciator ab officio & beneficio fuiſſe ſuſpenſus, donec canonice ſuam purgaret innocentiam, quod non calumniandi animo ad talia crimina proponenda proceſſiſſet. Nec religioſi ab hoc onere eximuntur, quia nullum de hoc habent privilegium, & alioqui eſt per ſe maxime conſen-

taneum non ſolum perfectioni, ſed etiam neceſſitati charitatis. Unde etiam in Societate pro comperto eſt apud omnes, in ordine ad hanc judicialem denunciationem, nullam eſſe renunciationem famæ, ut jam n. 3. attigimus, ſervandum eſſe hunc ordinem.

Data re-
ſponſio
valeret
etiam inter
religioſos

37 Atque hinc ſequitur multo minus poſſe fieri hanc denunciationem poſt monitionem ſecretam, ſi ſuum effectum conſequuta eſt: nam emendato fratre ceſſat ſiſis talis denunciationis, & ideo jam non eſſet denunciatio, ſed gravis detractio. Sequitur etiam Prælaturam in hujusmodi denunciatione præciſe propter hunc ſinem facta teneri ad ſervandum Evangelicum ordinem & totum illum, quem charitas poſtulaverit. Itaque facta denunciatione, nõ poteſt de ſubdito inquirere, cum non laboret infamia: debet ergo illum ad ſe vocare, & cum illo de emendatione agere. Quod ſi recognoſcat delictum, & emendationem ac ſatisfactionem offerat, non poteſt puniri publice, quamvis occulte, præſertim inter regulares, poſſit aliquam ſecretam pœnitentiam injungere, magis in medicinam præſervativam, quam in vindictam: ſi vero reus ſit pertinax, negando delictum, adhibendi ſunt unus vel duo teſtes, ut convincatur, ſi delictum non ſit omnino occultum. Atque ſi denunciator antequam rem ad ſuperiorem deferret ſervato Evangelico ordine, unum vel duos teſtes adhibuit, illi prius vocandi ſunt, ne infamia ulterius creſcat: ſi autem illud fuit prætermiſſum (interdum enim, ut ſatis conſtat ex ca. 9. fieri poteſt ſine culpa) Prælatus arbitrio ſuo prudenti poterit duos viros graves vocare, & ſubditum gravius etiam reprehendere, & minis etiam terrere, quia ad hæc omnia habet juſ, & propter ſpirituale bonum illa qualiſcumque infamia admittenda eſt. Neceſſarium autem eſt, regulariter loquendo, delictum non eſſe adeo occultum, ut ſolus denunciator illud noverit propter periculum calumniæ, quod eſſe poteſt, & ne forte innocens amplius infametur: oportet ergo, ut concurrant aliqua vehementia indicia, de quibus certe conſtare poſſit, vel certe ut perſona denunciantis tantæ ſit fidei, integritatis & auctoritatis, ut faciat magnam probabilitatem. Cum enim in hoc progreſſu ſolum commodum ſubditi quaeratur, non eſt integra probatio exigenda, neque etiam impedit, quod ipſemet denunciatus, quoad ſubeat vicem teſtis, ut propter ſolum teſtimonium ejus poſſit ſecretum illud remedium adhiberi, ex cap. *in omni*, de teſtibus, dicente, in omni negotio (ſc. cauſa denunciationis, ut exponit gloſſa) principalis perſona dicens veritatem de re ſibi nota, rectiſſime habenda eſt pro teſte, quod ex verbis Chriſti D. optime ibidem colligitur.

1. Primum
coroll. ex
prædicta
reſponſione.
2. Coroll.
Prælaturam
ſervare
debere
ordinem
Evangelii
cum denun-
tiatione
ſecrete.

Quid ſi
denunciatus
ſe ſateatur.

Quid ſi
neget.

38 Præterea contingere poteſt, ut ſubditus poſt totam hanc diligentiam, quia convinci non poteſt, pertinax ſit negando, & tunc putat Soto dict. membr. 2. q. 4. concl. 8. nihil poſſe facere Prælaturam, niſi monere ſubditum, & orare pro illo. Senſus autem ejus eſt non poſſe procedere Prælaturam ad inquirendum amplius de ſubdito, qui non laborat infamia, neque etiam poſſe illum publice punire. Poterit tamen (ut cap. 10. num. 13. dixi) pro qualitate ſemiplenæ probationis cum ſevere reprehendere, & correctionem aliquam ſecretam ad terrorem & medicinam in futurum adhibere. Poteſt etiam miniſterium auferre, quod pendet ex voluntate Prælati, ſi abſque ſcandalo & infamia fieri poſſit, & fuerit neceſſarium ad tollendas illi occaſiones peccandi, non tamen in vindictam commiſſi: de & idem eſt mutatione loci, & ſimilibus. Contringere ulterius poteſt, ut ſubditus duplici teſtimonio ſufficienter convincatur, & nihilominus ipſe ſit pertinax negando, vel certe licet recognoſcat delictum, illud defendat, & ſatisfactionem, aut emendationem non promittat, neque illius ſpem præbeat, ſed potius indurationis, ſi aſperius cum illo agatur. Et tunc diſſenſio eſt inter Doctores, quomodo ſe debeat gerere Prælatus. Panormit. in cap. *novit*, de judiciis nu. 46. dicit poſſe tunc Prælaturam excommunicare, vel aliis cenſuris ligare ſubditum, & beneficio, vel officio privare; quia poteſt illum tractare ſicut ethnicum & publicanum, juxta Evangelium, & nu. 53. dicit poſſe etiam cogi ad rem reſtituendam, vel ſolvendum debitum, ſi de eo convincatur: & in hoc ultimo omnes videntur convenire, ſi probatio eſt ſufficiens, & ſubditus nullam afferre ſufficientem excuſationem. Soto etiam dict. concluf.

Quid a-
geudum
quando
reus con-
vinci ne-
quit.

8. videtur priorem partem admittere, dum aut denunciatione fraterna omnia esse agenda propter emendationem fratris; in iudiciali autem contra pertinacem procedendum esse via juris, etiam ad incarcerationem, & torturam. Aliis autem videtur tunc non posse Prælatus ulterius procedere; quia cum delictum sit occultum, licet probabile, non debet publice puniri, quia nullum generavit scandalum, & ideo non postulat publicam satisfactionem, nec tunc pertinet talis pœna ad bonum commune. Pœna autem occulta non est etiam imponenda, nisi propter utilitatem spiritualem ipsius rei: quia etiam hoc iudicium ad hunc finem ordinatur, ut diximus; ergo si nulla est spes huius fructus, sed potius timetur maior induratio, cessandum omnino est a punitione: ita insinuat Bannes 2.2. qu. 33. art. 8. dub. 4.

39 Ego vero censeo in neutra parte istarum esse intrinsecam iniustitiam, & ideo pendere ex prudenti arbitrio servando leges non solum iustitiæ, sed etiam charitatis. Declaro hoc; nam in primis si delictum est probatum per dictos testes, præter denunciantem, potest Prælatus sub excommunicationem latæ sententiæ præcipere subdito reo, ut fateatur veritatem, & si fuerit contrarius, reuera incurrat illam in conscientia, ita ut denunciator, & testes possint illum ut excommunicatum habere, & juxta antiquum jus tenerentur vitare, licet hodie propter Extravag. *Ad evitanda*, non teneantur. Similiter si reus confiteatur delictum, nolit tamen emendari; potest sub eadem censura cogi ad acceptandum & offerendum satisfactionem; quod si nolit, incurret eodem modo excommunicationem occultam. Hoc totum sufficienter probatur ex verbis Christi: *Si Ecclesiam non audierit, sit tibi tanquam ethnicus &c.* Et ratio est, quia Prælatus in eo casu habet jus cogendi subditum ad emendationem per media ab Ecclesia instituta, & a Christo insinuat; illud autem medium huiusmodi est, atque ita docuit Soto lib. 5. de Iustitia, q. 6. art. 2. citans D. Thom. Palud. & Cajetanum. Addit tamen posse hoc facere Prælatus, etiam si nulla sit spes emendæ, ex cap. *tam Sacerdotes* 24. q. 3. ubi dicitur, inquit, *huiusmodi incorrigibiles esse ab Ecclesia separandos*: sed illud procedit (ut existimo) quando illa separatio ad aliquod bonum est necessaria: vel quando per illam speratur correctio ipsiusmet incorrigibilis. Si autem primum necessarium non est, nec secundum speratur, non video, quia honesta ratione possit inferri illa censura: nam licet non appareat contra iustitiam, quia ille revera est dignus illa coercitione, repugnet charitati, quia augetur subdito periculum gravius peccandi, sine spe fructus. Quia vero moraliter vix potest desperari uterque fructus, quia vexatio solet dare intellectum, ideo absolute dici potest, posse Prælatos tentare hoc medium: nam in potestate eorum manet auferre vinculum, si viderint nocere potius, quam prodesse.

Prælatus potest secrete delatum & convictum punire in vindicta.

40 Eadem ratione censeo posse Prælatus secrete punire subditum, etiam in vindictam peccati commissi; quia de illo convictus est, in tali foro & modo procedendi, cur ergo non potuit digna & proportionata pœna punire, absque nova infamia, vel scandalo? præsertim inter regulares, ubi simpliciter, & de plano proceditur, & nunquam officium iudicis separatur ab officio patris, quamvis non e contra. Item licet talis pœna non proficiat aliis per exemplum, quia illis non manifestatur, tamen in genere proderit scire delicta non debere relinqui impunita, si sufficienter probantur, præsertim quando subditus perrinax, aut incorrigibilis ostenditur. Item quia licet videatur talis pœna in præsentem non prodesse ipsi reo, tamen moraliter semper debet & potest sperari fructus in futurum, nam saltem timebit similem pœnam. Unde confirmatur; nam quando est probabilis spes, quod pœna proficiet in præsentem, & inducet subditum in meliorem mentem, omnes fatentur posse Prælatus subditum convictum punire; sed non debet esse melioris conditionis, eo quod se durum & incorrigibilem ostendat: ergo tunc etiam puniri potest. Quæ ratio probat manifeste talem pœnam non esse contra iustitiam. An vero ex charitate suspendenda sit; prudentia docebit, considerata conditione personæ, & aliis circumstantiis.

41 Nunquam vero licet Prælato ad publicam puni-

tionem procedere, nisi ad commune bonum necessarium iudicetur, quia talis pœna non est proportionata huic iudicio: interveniente autem necessitate boni communis, habebit locum hæc pœna, ut auctores citati fatentur: quia bonum commune præfertur particulari famæ. Tunc autem oportet transitum facere a via denunciationis ad viam accusationis. Nam vel denunciator, vel alius fiscalis tanquam minister publicus sumere debet officium accusatoris, & formare processum, sicut in via accusationis, de qua statim; & aliquando tanta & tam gravis est necessitas communis boni (sicut est in peccato hæresis, vel prodicionis) ut existente tantum semiplena probatione, possit hoc fieri, & tunc habet locum, quod Soto supra citatus dixit, posse incarcerationem reum & torqueri, si necesse sit. Tandem vero in ferenda sententia condemnatoria mitius semper agendum est in hoc progressu, quam in rigurosa accusatione, ut similiter dicebam in num. 32. nisi ratio boni communis cogat rigorem retinere. Et ita intelligendum puto, quod Soto docet utroque loco supra citato, & Navar. in antiquo coroll. 48. n. 583.

52 Arque hinc facile intelligitur, quomodo procedendum sit, quando a principio denunciatio principalis fit propter commune bonum, seu ad evitandum dampnum tertii, quam (ut nu. 35. dixi) multi vocant denunciationem canonicam: tunc enim moraliter loquendo non est necessaria prævia monitio secreta, non quia omittenda sit, si credatur allatura sufficiens remedium, sed quia moraliter non potest ita sperari, ut bonum commune vel innocentis illi periculo exponendum sit: bonum autem commune, vel innocentis præferendum est commodis, & famæ nocentis. Et eadem ratione debet tunc Prælatus procedere non respiciendo principaliter ad emendationem subditi, sed ad indemnitatem communicatis, vel innocentis: quia vero proprium bonum ipsius subditi, quantumvis delinquentis, nunquam separari debet a bono commune, quantum est ex parte Prælati, quia utrumque cadit sub eius cura, & obligatione, ideo licet in rigore iustitiæ legalis possit Prælatus statim per rigorem juris procedere præmissa alterius partis citatione ad examinandos testes, & sumendam rei confessionem, &c. nihilominus si Prælatus speret per se posse emendare subditum, & illi malo sufficienter occurrere, ex charitate, & ex pastoralis officio, teneatur illum prius secrete corripere, & emendare. Quod si obtineat, non poterit ultra progredi ad publicum iudicium, vel punitionem: oportet tamen, ut de aliorum indemnitate sit certissimus, & quod delictum non sit ex illis gravissimis, quæ statim ad iudicium deferenda sunt, ut hæresis, vel proditio. Arque ita sentiunt Soto dict. q. 4. concl. 7. & Navar. n. 230. Si secreta correctio non obtinet effectum, vel non reputatur sufficiens, procedendum ulterius est iudice ad punitionem, & ad subveniendum communi bono, vel innocentis, ad quod tenetur Prælatus ex peculiari obligatione iustitiæ, ratione sui officii: & denunciatus juxta superius dicta poterit subire officium testis, imo & ex charitate, vel obediencia potest obligari, nisi habeat legitimam excusationem.

43 Ultimo intelligitur ex dictis, quid dicendum sit de transitu & denunciatione paterna ad iudicialem, aliquando enim fieri potest, licet non semper. Cum enim illa fiat secrete propter solam emendationem subditi, & ad præcavendum omne malum futurum, obento hoc sine ulla permittitur ulterior progressus, ut supra n. 36. dictum est. Si autem post omnem paternam diligentiam Prælatus, subditus vel negat, vel incorrigibilis est, & alioqui nulla est de illo infamia, non potest inde moveri Prælatus ad inquirendum de illo, ut ex superius dictis eodem num. 36. constat. Quapropter si delictum sit omnino occultum, & non sit ex his, quæ vergunt in damnum communicatis, nihil amplius potest Prælatus facere, nisi orare & vigilare, & per suam providentiam tollere occasiones peccandi: cum enim hoc secerum, de quo agimus, non sit confessionis sacramentalis, potest illo uti ad omnem effectum, qui possit subdito prodesse absque infamia ejus, vel scandalo, etiam si fortasse illi molestus sit. Non poterit autem Prælatus ad iudicialem progressum transitum facere, præsertim invito subdito denunciante, cum ea non ut iudici, sed ut patri, & secrete;

Dicta puni-
tio erit
secreta
nisi fiat
transitus
ad accu-
sationem

Resolutio
eiusdem
dubii in
n. 35.
quando
fit denun-
ciatio ad
vitandum
necumen-
tum alio-
rum.

De transi-
tu denun-
ciationis
paternæ
ad iudi-
cialem if-
finito

eo loquutus sit. Neque etiam potest in prædicto casu subditum per præceptum cogere, ut quod sibi dixit ut patri, dicat ut iudici; vel ut tollat secreti obligationem; tum quia si id frequenter faciat, terreat subditos, ne ad illum, ut ad Patrem audeant accedere: tum etiam, quia tunc nulla est sufficiens ratio præcipiendi denunciationem judicialem, quia supponimus delictum esse occultum, & nemini nocere nisi ipsi peccanti, & cum illo factam esse omnem diligentiam, quæ ad secretum ejus emendationem fieri posset: ergo inutilis tunc esset judicialis denuntiatio, cum per illam ad meram punitionem progrediendum non sit, nec cogi possit subditus, ut propter solum hunc finem judicialiter denunciaret in hujusmodi criminibus. Atque idem censeo, etiam si delictum sit probabile, nemini autem nocivum: quia tunc etiam non potest obligari subditus ad denunciandum judicialiter propter solum punitionem, cum de emendatione desperetur, quia ille finis est valde extrinsecus denunciationi ut sic, pertinetque ad accusationem, de qua nunc non agimus.

44 Secus vero erit, si delictum vergat in damnum communitalitatis; nam tunc obligari potest subditus per præceptum Prælati, ut sibi denunciaret iudice delictum fratris, ut possit communitalitatem indemnem servare: nam hæc est legitima causa talis præcepti, & ideo non obstante secreto prioris denunciationis paternæ, potest iuste illud imponere. Imò si subditus suo præcepto nolit obedire, potest Prælati judicialiter procedere, non via inquisitionis, quia non præcessit infamia (ut supponimus) sed via denunciationis, creando fiscale, qui causam assumat, & denunciaret, & tunc poterit etiam interrogare primum denunciante tantquam testem, qui tenebitur sub juramento veritatem dicere, quia jam legitime interrogatur, & post testimonium ejus, si sit omni exceptione majus, poterit interrogari reus, ita ut obligetur ad veritatem fatendam, & ita ulterius procedi, juxta superius dicta a n. 29. Excusabitur tamen merito ab hoc onere subditus, qui paternè denunciavit, si fuit complex ejusdem delicti, & ob affectum religionis, vel perfectionis illud Prælati ut patri manifestavit, fortasse etiam manifestando seipsum: tunc enim obligari non potest, ut alium denunciaret judicialiter, vel contra illum ferat in iudicio testimonium, quia nemo tenetur se judicialiter prodere, & prodere complice est moraliter prodere seipsum. Nemo etiam tenetur cum gravi suo detrimento, vel infamia testimonium in iudicio contra alium ferre, ut est communis sententia, de qua videri potest Covarruv. in Practicis q. cap. 18. & D. Thom. cum interpretibus, 2. 2. quæst. 70. art. 1. Reliqua, quæ ad hunc progressum pertinent, ex superioribus sumenda sunt. Et ideo hæc de 2. parte tituli præsentis capituli dicta sufficiant.

De via accusationis.

45 Hæc via minus est in religionibus usitata, non tamen omnino excluditur, quia potest, qui injuriam passus est, apud Prælatum accusare injuriantem, quod facere potest sine injuria, etiam si non præcedat infamia, quia in hac via non est necessaria, & nulla præmissa correctione, siquidem, ut initio capituli 8. dicebamur, non ordinatur ad emendationem fratris, sed ad justam vindictam. Potest etiam fieri sine peccato contra charitatem, si non ex odio, sed vel ex affectu religionis, ne similes injuriæ in ea introducantur, vel ex affectu proprii commodi, scilicet iusti honoris, vel boni nominis, &c. talis accusatio fiat. Imò ex priori capite potest aliquando cadere in obligationem, ut est communis sententia Theologorum in 4. d. 39. & 2. 2. q. 68. & Canonistarum in c. novis, de iudiciis, a qua obligatione non liberantur religiosi, cum non minus teneantur ex charitate commune bonum suæ religionis tueri, quam reliqui. Verum est tamen (quod Soto Relect. de regendo secreto membr. 2. qu. 5. generatim adnotavit) si per denunciationem sufficienter subveniant communi necessitati, excusari ab onere rigorose accusandi, quia quocumque medio sufficienti satisfaciunt suæ obligationi: si tamen excogitur casus, in quo denuntiatio non sufficiat, tunc urgebit obligatio accusandi; raro tamen id contingit, & ideo (ut dicebam) non est frequens in religionibus hujusmodi accusatio. Nam accusare propter vindictam, & in recompensationem proprii nocuamenti, quamvis per

se malum non sit, est tamen periculosum, & regulariter alienum ab his, qui statum religionis profitentur, & ideo a religiosis vitari debet. Nihilominus tamen si legitime fiat, debet superior eam acceptare & per Notarium scriptam eam recipere, ita enim jura disponunt, & licet regulares non teneantur ad omnes solemnitates juris, hæc reputatur maxime substantialis: quia (ut recte D. Thom. 2. 2. qu. 68. art. 2. docuit) est moraliter necessarium, ut constet, quid accusator probare teneatur, & ideo etiam in regulari processu non est prætermittenda; postquæ vero accusatio formata, & recepta est, procedendum est in causa eodem fere modo, quo de denunciatione diximus, citando reum, & interrogando illum, prætermittendo ut minimum semiplena probatione, & in reliquis usque ad sententiam, quæ in hoc processu fieri debet (per se loquendo) secundum integritatem præter.

Quomodo procedendum in hac via.

C A P U T XIII.

Quæ forma iudicii in Societate servetur.

1 **H**is generatim a cap. 11. hucusque explicatis, videndum, an Societas iuste procedat in puniendis subditorum excessibus, etiam usque ad ejectionem, absque forma judiciali communis juris. Atque in primis, quoad denunciationem in constitutionibus, aut Bullis Pontificiis, nulla talis denuntiatio judicialis præscribitur; sed quoties sermo incidit de denunciatione, aut correctione defectuum, semper additur, ut fiant omnia ad majorem Dei gloriam, vel prout charitas exigit, aut aliquid æquivalens, quod ad fraternam denunciationem, paternamque correctionem proprie refertur. Similiter, cum loquuntur de inquisitione, seu interrogatione, solum de paternali (ut sic dicam) procedunt, sicut enim ex parte subditi datur denuntiatio facta superiori ut patri, & non ut iudici, ita potest superior interdum interrogare, ut pater, & non ut iudex, par enim est utriusque ratio. Ad interrogandum vero hoc modo, facilius potest habere jus, sicut etiam e contrario, subditus facilius potest hoc eodem modo, quam judicialiter interrogari; quia hæc duo fere correlativa sunt, & ad eundem finem, ac etiam servando sub eodem secreto famam proximi, ordinantur.

Forma denuntiationis, inquisitio, nis, & accusationis iuri communi præscripta raro in Societate locum habet.

2 Et nihilominus, nulla est in Societate regula, quæ det Prælati licentiam ad inquirendum etiam hoc paternali modo de vita alterius subditi in particulari, aut de aliquo ejus crimine, quando nulla infamia, nec rumor de illa præcessit; id enim non solum ad perfectionem providentiæ illius necessarium non est, verum etiam generare potest suspicionem sinistra in subdito interrogato de alio, de quo bonam opinionem forte habebat: & ideo nunquam Prælati interrogant, etiam ut patres, de defectibus aliorum, nisi tantum generaliter, si infamia non præcessit. Hoc tamen semper intelligitur in defectibus gravioribus, qui generant infamiam; nam in communibus ad inquirendum etiam in particulari, sufficiens quæcumque suspicio, vel occasio, quæ in parte sufficiens esse solet ad similem providentiam paternam filiorum. Denique quod ad accusationem attinet, multo minus ejus vestigium relictum est in Societate; in formula quidem generalis congregationis n. 36. deferendus præcipitur, qui informationem de persona in generalem eligenda obtulerit; qualis tamen ea delatio, judicialis ne, an fraterna debeat esse, non explicatur: quemadmodum quando in formula congregationis provincialis n. 24. aliis 16. privandus dicitur voce activa, vel passiva, qui de ambitu fuerit convictus, nulla probationis forma exprimitur, præter sufficientiam illam, quæ jure naturali in aliqua tali probatione requireretur: unde tandem concluditur, de toto ordine judiciali, quacumque via ex supradictis procedatur, nihil peculiare dispositum esse a P. N. S. Ignatio in constitutionibus suis, nec in Pontificiis diplomatis, quibus illas conformari oportebat, præter id, quod de denunciatione ambitionis alterius libr. 6. cap. 10. a num. 10. tractatum est: unde videri posset in Societate utendum esse juris communis forma judiciali, cum opus esset aliqua judiciali uti.

Neque ad paternam correctionem licet Prælati inquirere in particulari absque ulla infamia.

Limitatio.

3 Cæterum in septima congregatione generali proposita

De transi-
tu iudici-
to.

Complex-
tum de-
nuncians
cogi ne-
quit ad
hunc tri-
stium.

Hæc via
non petit
infamiam
vel priva-
tam mo-
nitionem.

Iniri pot-
est illa etiam
charitate.

Imò & a-
liquando
est obli-
gatoria.

Inter re-
ligiosos si
aliter sub-
venitur
nuquam
accusatio
obligat.

Ad Ge-
neralem
eum opus
erit, pro
ali ali-
qua for-
ma recur-
rendum.

postea quidem fuit forma judicialis a Patribus per eam deputatis, ut habetur in decreto 94. Non censuit tamen congregatio pro tunc, decreto ullo esse firmandam, sed iudicio Patris generalis committendam, qui eam provincialibus communicaret, maxime cum gravior aliqua necessitas id postulasset. Unde indicari videtur pro singulis casibus, iudicalem formam requirentibus non illico adhibendam formam juris communis, sed recurrendum esse ad Generalem. Rursus in canone 10. §. 5. 6. congreg. iudicis quidem officium assumi, ac denunciationem iudicalem fieri præcipitur, quoties bono communi, aut tertiæ personæ non provideretur sufficeret per paternam correctionem: quis autem modus seu processus tunc adhibendus sit, ad instructionem ea de re remittitur, quæ tamen post editum canonem data non est.

s. Obje-
ctio seu
querela,
quod So-
cietas nõ
servat
formam
juris,

4 Sed nonnullorum querimoniis satisfaciamus, difficilis quippe eis apparet consuetudo, quam habet Societas expellendi aliquos ex suis religiosiis, nulla servata forma iudiciali, sed ex sola privata informatione, & interdum (ut ajunt) parte non audita. Nam expulsio a religione est gravissima omnium pœnarum, quæ a religione infligi potest: ergo in illa imponenda maxime servari deberet judicialis ordo: si ergo in ea non servatur, conjectura fit multo minus servari in quibuscumque aliis criminibus pœnendis, vel pœnis inferendis. Accedit alia querimonia, quia frequentius hæc pœna (& idem est de aliis gravibus) imponitur a Generali, qui longe distat a reo: & ita non potest causam per seipsum examinare, neque excusationes ejus audire, quod videtur grave onus subditorum.

s. Quere-
la, quod
distet ni-
mum Ge-
neralis ad
terminan-
das cau-
sas.

5 Ad principalem objectionem responderetur, duobus modis posse Societatem aliquem expellere; scilicet, aut in pœnam delictorum, aut propter alias causas, quæ reddunt personam inutilem huic instituto, vel minus convenientem tali religioni, etiam si delicta non sint, neque in toto iustitiæ rigore puniri possint. Ex quibus duobus modis prior ex se est involuntarius ejiciendo: nam parum refert, quod consentiat, vel repugnet reus respectu pœnæ, si aliàs illam meretur. Posterior autem modus fieri etiam potest, aliquando invito religioso, sæpe vero fit ex consensu & quasi conventionione partium. Quando ergo ejectio fit, in pœnam tantum, & nullo habito respectu, qui per se sufficiat ad excludendam personam, seclusa ratione pœnæ, tunc nunquam fit, nec potest legitime fieri ejectio, nisi servato ordine regulari in iudicio ferendo de delicto, propter quod talis pœna imponitur. Probat argumentum factum in objectione. Item quia tunc ejectio est pœna judicialis, seu legalis; sed in huiusmodi pœnis maxime necessarium est servare iudicalem ordinem, saltem substantialem, ac in religione præscriptum: ergo. Item constitutiones Societatis non disponunt, ut hæc pœna aliter imponatur, nec per indulta Pontificia habet Societas in hoc aliquod speciale privilegium; ergo debet servare communem ordinem, quem recta ratio requirit ad huiusmodi pœnas inferendas, etiam si rigorem juris communis servare non teneatur.

De quibus
maxime
procedat
pronun-
ciatum.

6 Hæc autem assertio præcipue locum habet in professis, nam in cæteris nunquam ejectio est ita pœnalis, seu judicialis, quin sit etiam conventionalis, ut infra n. 7. & 8. explicabimus, & ex hoc capite fieri potest, ut iudicialis ordo, quicumque ille fuerit, non ita necessarius expectandus sit. In professis vero proprie habet locum hæc assertio, nam infra lib. I. cap. I. ostendam eos posse elici a Societate propter delicta, & non propter aliam causam, illis invitatis. Ut ergo sic eliciantur, convinci debent de delicto, procedendo judicialiter contra eos, aliquo modo sufficienti ad servandum jus naturale, ut diximus. Dices, interdum contingere posse, ut professus expellatur magis propter indemnitate religionis, quam propter supplicium ejus: ergo quando hæc ratio boni communis intervenit, nullus est expectandus judicialis ordo, si bonam commune periclitetur. Responderetur primo, jam tunc non considerari puram rationem pœnæ, de qua assertio loquitur, sed rationem remedii, & cautela ad præveniendam mala, & ideo objectionem non esse directè contra assertionem. Unde secundo dicitur, tunc quidem ob illam rationem adjunctam, non esse necessarium eundem iudicalem ordinem, qui absque illa servandus esset; nam tunc propter indicia, vel probabilem

denunciationem inquiri potest de tali persona, quod aliàs non liceret, ut supra c. I. 2. a num. 20. dictum est: nihilominus tamen etiam servandus est aliquis ordo iudiciarius, ad illum finem sufficiens & accommodatus; juxta superius dicta: nam aliqua denunciatio, vel indicia saltem talis personæ præcedere debent, & subsequi sufficiens probatio, ita ut faciant rem moraliter certam in humano iudicio, & in eo conferant notitiam publicam, id est, de qua possit publico testimonio constare. Addendum etiam est propter hunc finem vitandi alia mala, seclusa ratione condignæ pœnæ, non esse aliquem dimittendum, quando alia media sufficere possunt ad vitandum illud malum: quia cessat necessitas, & abscissio membri non potest nisi ex necessitate honestari; unde in universum, si subditus corrigatur, & probabilis timor recidivi auferatur, non potest talis imponi pœna, cum necessitas, seu periculum communis detrimenti cessaverit.

7 Secundo dicendum est, quando quis excluditur, non in pœnam, nec propter incorrigibilitatem, sed propter alia commoda religionis, ipso non repugante, sed potius consentiente, nullus est necessarius judicialis ordo, sed quælibet informatio, seu notitia secundum prudentiam sufficiens ad alia gravia negotia, ad hoc etiam satis est. Loquimur semper de notitia extra confessionem habita, nam sacramentalis non potest esse principium huiusmodi actionum. Ratio ergo est, quia ad humanos contractus non est necessaria juridica probatio, aut notitia; hic autem est veluti quidam contractus, cum fiat ex communi consensu utriusque partis. Item quia tunc cessat omnis ratio injuriæ, aut violentiæ. Hic autem modus dimissionis non habet locum in professis, quia nec religio habet potestatem dimittendi illos, nisi cogente causa omnino necessaria boni communis, vel iustitiæ id exigente: neque ipsi possunt voluntarie exire, cum omnino absolute promiserint. Existimo etiam in coadiutoribus formatis non esse permittendum hunc modum dimissionis, quia illi jam non sunt ullo modo in probatione, sed suo modo in termino: & ideo quamvis possit religio illos expellere etiam solutus votis, non tamen quasi ex conventionione, vel pacto cum illis, sed tantum ex causa ita urgente, ut possit religio etiam invitos iuste compellere ad egressum; quia strictiori modo eorum vota ad traditionem acceperunt, ut in superioribus lib. 7. cap. 2. visum est. In scholaribus ergo approbatis habet locum prædicta assertio: nam licet expelli non possint sine causa iusta, interdum potest esse talis, quæ sufficiat ad hunc modum expulsionis, & ad alium non obliget, ut constat etiam ex superioribus lib. 3. c. 9.

Hoc præ-
nunciati-
um de pro-
fessis aut
formatis
non præ-
cedit.

8 Tertio dicendum est, quando aliquis e Societate excluditur in pœnam in pacto, & conventionione fundatam, posse expelli absque iudiciario ordine de plano procedendo ex notitia sufficiente, & moraliter certa, ac exterius probabili: quod multo magis licet, quando cum ratione pœnæ conjungitur respectus ad religionis indemnitate, vel iustam utilitatem in futurum. De hoc modo expulsionis videtur loqui objectio facta: nam hic est, qui frequentius in usu habetur, & qui est maxime proprius huius religionis: nam alii modi expellendi propter incorrigibilitatem, vel scandala, rariores sunt, & suo modo in aliis religionibus usitati; nec potest cum fundamento argui Societas, quod majori facilitate, aut minus exacta causarum examinatione & probatione, quam in cæteris fiat, aut non servato iustitiæ ordine, quem regularis status patitur, & requirit. Alius ergo usitator modus consideratus est in objectione: oportet tamen advertere duplicem esse pœnam, quandam legalem, & quasi debitam ex vi delicti per se spectati; aliam vero conventionalem, quæ debetur ratione delicti ex conventionione antea facta. In priori exigenda necessaria est judicialis probatio, & condemnatio: in posteriori vero minime; sed juxta conventionem, quæ inter partes præcessit, exigi potest supposita rei veritate, ejusque morali certitudine, & notitia exterius probabili. Quia tota iustitia huius pœnæ fundatur in conventionione iusta; ergo etiam modus exactiōis ex conventionione regulandus est: & si fuerit illi conformis, erit iustus, cum aliàs intrinsecam iniquitatem non contineat. In præsentiergo ejectio scholaris approbati a Societate, principaliter fun-

fundatur in pacto & conditione, sub qua intra Societatem admittitur: hæc autem conditio est, ut quando vel ipse meruerit, vel Societati ad suam indemnitate necessarium fuerit, expelli possit, iuxta constitutiones; ergo ut iuste hoc fiat, nullus alius modus necessarius est, nisi quem constitutiones requirunt: ergo si talis conditio servetur, nulla sit injuria ei, qui dimittitur.

Dimissio
scholaris
Societatis
duo requi-
ritur.

9. Modus autem ille, in summa, in duobus consistit. Primum est, ut causa dimissionis sit iusta, & ut sic dicam, satis justificata. Secundum est, ut de illa sit sufficiens & moraliter certa notitia apud superiorem. Ad primum spectat, ut subditus semel & iterum de delicto admonitus sit, ut emendetur, & quod incorrigibile se ostendat, vel spem moralem afferat emendationis, & consequenter utilitatis ad ministeria Societatis, & hoc modo intelligi debere esse causam justificationem. Quod regulariter intelligendum est; nam interdum esse posset tam enorme delictum, ut ad ejectionem statim sufficiat, vel ad præcavendam infamiam religionis, vel quia vix potest concipi spes de securitate talis personæ, & a proutine ad hoc institutum, ut latius in superioribus dictum est. Ad secundum autem pertinet, ut non facile credatur uni vel alterius denunciationi. Et in primis observandum est, ut si delictum denunciatur superiori ut patri, etiam si certissime comprobetur, non procedat ad ejectionem, sed ad solam emendationem subditi, qui est finis illius denunciationis, & ideo quasi sub hac lege, vel conditione datur illi talis notitia.

Limitatio
requiritur

10. Hoc autem limitandum est, nisi aliqua magna, & urgens ratio boni communis ejectionem postulet: nam tunc sufficit quæcumque certa notitia causæ: quia & ipse denunciatus tunc tenetur rem proderet eo modo, quoad subveniendum bono communi fuerit necessarium, ac sufficiens. Deinde quando post denunciationem paternam omnis diligentia ad emendationem subditi adhibita est, & non sufficit, licite sit transitus ad iudiciale, quia id jam meretur contumacia subditi: & ideo, si de delicto & contumacia moraliter certo constat, sufficit. Idemque est, quando non præcessit paterna denuntiatio, sed superior ipse vigilans & observans mores singulorum advertit in aliquo manifeste indicia aliquorum defectuum: vel ipsi ut iudici per alios deferuntur, vel ipse reus confitetur delictum extra confessionem, & extra secretam & paternam consultationem: quicumque enim ex his modis sufficit, dummodo ad notitiam moraliter certam perveniatur. Quis autem debeat esse modus huius certitudinis, non est per ullam legem, & constitutionem præscriptum, sed prudentiæ relinquatur, nam pendet ex qualitate testium, & ex modo iudiciorum, vel conjecturarum, & ex qualitate etiam delicti, & aliis circumstantiis: & propterea non solum permittitur, sed etiam injungitur, superiori, ut priusquam de aliquo ejiciendo decernat, maturo consilio id tractet cum aliquibus prudentibus viris, ut videre est tum in instructione latiori de dimittendis data anno 1604. tum in contractiori, c. 15. p. 2. Denique etiam monetur, ut prius reum audiat, & si quam habet excusationem, aut purgationem, illam tribuat. Atque ita omnis æquitas naturalis in hoc negotio servatur.

Dubium
conferens
non videtur
ejectionem
scholaris
discerni
ab alio.

11. Dices: quæ ergo differentia est inter hanc ejectionem, cum sit per modum pænæ legalis, vel conventionalis: quia in neutra requiritur exactus ordo juris, sed de plano procedi potest iuxta consuetudinem regularem: in utraque autem requiritur ille modus procedendi, & examinandi causam, qui ad moralem certitudinem sufficiat? Respondeo in primis in qualitate causæ magnum esse discrimen, ut in superioribus tractatum est. Deinde etiam in certitudine, quæ postulat, est magna differentia: nam ad pænā legalem necessaria est probatio plena, ut in superioribus declaratum est, & maxime habet verum in pænā tam gravi, qualis est ejectio professa sua religione. In altera vero conventionali pænā non est necessaria tam manifesta probatio, sed sufficit ita probabilis, ut prudenter & sine temeritate judicari possit, ita factum esse. In quo etiam est considerandum, in hac ejectione in conventionem fundatam nunquam considerari præcipue rationem pænæ, sed quod magis expedit religioni, & ministeriis ejus; ideo, quæ ea notitia ordinari sufficit ad ejectionem, quæ suf-

ficit ad prudenter judicandum hanc personam non esse aptam huic instituto, vel religionem non posse illi secure confidere sua ministeria. Denique etiam quoad ordinem, & modum procedendi in huiusmodi iudicio est magna differentia inter has duas causas & pœnas: quia in pænā iudiciali ferenda licet non oporteat rigore servare ius canonicum iudiciale quoad omnia accidentalia, tamen servare oportet ea, quæ sunt de substantia publici iudicii aliquo ex modis in discursu capitis duodecimi declaratis. In posteriori vero pænā hoc necessarium non est, sed sufficit moralis diligentia, quæ arbitrio prudentis Prælati adhibenda est, servatis legibus iustitiæ & charitatis: sicut in faciendo, vel dissolvendo aliquo gravi contractu adhiberi solet.

12. Per hæc satisfactum est priori querelæ. Altera vero, quæ subiungitur, potius ostendit suavitatem, & maturitatem, quam in his rebus servat Societas. Nam regulariter huiusmodi causæ, si quæ sunt, per immedios superiores, si sint de rebus communibus, & ordinariis; vel per Provinciales, si sunt graviores terminari possunt. Quando autem res est gravior, & in universum quando aliquis post vota emissā dimittendus est, ultima resolutio Generali præposito reservata est, non in gravamen, sed potius in favorem subditorum, ut nimirum cum maiori consilio, atque adeo cum maiori difficultate talis pænā, vel tale remedium applicetur. Neque per hoc privantur subditi omni auxilio ad suam defensionem, non solum per literas, recurrendo ad Generalem, quod minus commodum videri potest, sed etiam coram proximioribus Prælati pro se respondendo, & omnes causas excusationis allegando, vel (quod efficacius esse solet) emendationem offerendo. Nam si Provincialis v. g. per seipsum esset totum negotium absolurus, per hoc censeretur satisfactum iuri subditi: ergo etiam si totum negotium, quoad resolutionem, ad supremum Prælatum deferendum sit, remedium illud sufficit ex parte subditi, cum de re tota habiturus sit Prælati integram notitiam prius, quam sententiam suam proferat, quemadmodum etiam in instructione citata in fine numer. 12. de dimittendis late declaratur.

Ad 2. quæ
relam in
fine ejus-
dem n. 6.

C A P U T XIV.

Utrum regula Societatis ad ejus convenientem gubernationem & religiosam directionem apta & sufficiens sit.

1. Quoniam humanum regimen bene institutum præter naturalem & divinam legem, aliquam etiam regulam, & quasi normam sibi propriam & accommodatam requirit: ideo in fine huius libri pauca de Societatis regula addenda censui: nam licet in superioribus fere totam vivendi rationem Societatis, & consequenter constitutiones eius explicuerimus, hic tamen oportet summam universas Societatis regulas, earumque methodum, ac rationem proponere, & omnes vulgares obiectiones commemorare, ut iam illis satisfactum fuerit, loca præ manibus habeantur, vel si quid residuum fuerit, addatur.

Ratio
prælati
capitis.

2. Diximus autem in superioribus tract. 8. c. 1. solere in multis regionibus frequenter distingui regulam a constitutionibus, vel statutis: nam regulam vocant, quæ a primo fundatore orta est, ut regula Augustini, Benedicti, Francisci, vel quæ a fundatore alicuius religionis sumpta est ab alio antiquiore, ut fundamentum religionis suæ, sicut est regula Augustini in religione Prædicatorum, vel S. Benedicti in religione S. Bernardi, & multi putant ita se habere regulam S. Basilii ad ordinem Carmelitarum. Constitutiones autem dicuntur, quæ a posterioribus capitulis, aut Prælati additæ sunt. Societas vero nullam antiquam regulam assumpsit, quam profiteretur, sed a suo fundatore habuit constitutiones a Sede Apostolica approbatas per modum propriæ regulæ, (quanquam fere omnia in eis inveniantur ex usu antiquorum Patrum, & aliarum religionum) unde potius dicere possumus constitutiones Societatis esse regulam eius, nam illas habuit a suo fundatore tanquam propriam vivendi normam, cui conformari debent omnia alia statuta, vel ordinationes, si quæ fuerint.

Regula, &
statutum,
quomodo
in aliis re-
ligionibus
usurpen-
tur.

Quomodo
in Societa-
te.

rint; imo in illis virtute continentur. Præter constitutiones vero, sunt multæ aliæ ordinationes in Societate, quæ generali nomine regulatum comprehenduntur. Quod si velimus cum proportionem applicare distinctionem illam de regula, & constitutionibus, possumus in præfenti dicere, regulam Societatis esse compendiarium illam rationem & summam totius instituti, quæ in Bullis Pontificiis 1. Pauli III. & 1. Julii III. continetur, nam finem & substantialia media Societatis complectuntur, & ita ipsa Bulla appellatur ibi: *Quæ ad regulam hujus nostræ observationem faciunt*: reliquas vero leges omnes nomine statutorum, aut constitutionum comprehendit.

De propria regula & constitutionibus Societatis.

Capita quidem regulæ, seu instituti Societatis.

3 Regula ergo hoc modo accepta, quantum ex citatis indultis colligitur, hæc capita continet. Primum, finem Societatis esse propriæ perfectioni, & proximorum salutis incumbere. Secundum, in Societate varios esse debere personarum gradus, ut unusquisque possit juxta gratiam a Spiritu sancto sibi subministratam ad prædictum finem cooperari. Tertium, unum esse debere in Societate Præpositum Generalem, ad quem pertineat hos gradus & officia, ac ministeria omnia distribuere: & universam Societatem regere. Quartum, hanc religionem totam speciali ac proprio modo sub obedientia Pontificis militare, & ideo speciali voto obedientiæ illi consecrari, & astringi. Quintum, ut professi Societatis solenne votum paupertatis, castitatis, & obedientiæ emittant. Sextum, ut nominatim commendatam habeant puerorum, ac rudium in Christiana doctrina instructionem. Septimum, ut Societas professæ non tantum in particulari, sed etiam in communi paupertatem profiteatur & observe. Octavum, ut Societas habere possit Collegia, quæ proprios habeant redditus ad scholares Societatis alendos; quorum Collegiorum, & studentium gubernatio, & bonorum Collegiorum administratio ad Societatem professam pertinet, ita tamen ut in suum emolumentum bona dictorum Collegiorum convertere non possit. Nonum, ut scholares Societatis post sufficientem probationem in Societatem admittantur per vota substantialia religionis, juxta constitutiones Societatis emissæ, id est, non solennia, sed simplicia, ita ut in potestate Societatis maneat sic admissos liberos dimittere, si expediens fuerit. Decimum, ut Societas coadiutores spirituales, & temporales admittere possit per vota etiam simplicia, juxta constitutiones Societatis emittenda. Undecimum, ut in Societate sint congregationes generales, ad quas perpetuas constitutiones condere, declarare, & mutare, & res graviores transigere pertineat. Duodecimum, ut Præpositus Generalis per electionem generalis Congregationis creetur: quoad reliqua vero omnia, & provisionem omnium inferiorum Prælatorum potestas sit penes ipsum Generalem. Decimum tertium, ut socii etiam professi non teneantur communiter vel in choro officium canonicum canere, aut recitare, sed tantum privatim, si in sacris ordinati sunt. Decimum quartum, ut in exteriori modo vivendi, in vestitu scilicet, victu, &c. consuetudinem honestorum, ac pauperum sacerdotum retineant. Decimum quintum, ut ad solemnem professionem non recipiantur, nisi post diurnas, & diligentissimas probationes, per quas vita & doctrina admittendorum explorata fuerit. Hæc est summa instituti, & quasi regula Societatis, quæ expresse quoad hæc omnia capita in dictis indultis Summis Pontificibus proposita sunt, & ab eisdem confirmata, & postea a Gregorio XIII. XIV. & Paulo V. in suis constitutionibus exactissime declarata, approbata, & defensa. De singulis etiam a nobis est in superioribus disputatum; ita ut quoad hanc partem nihil in præfentiarum addendum supersit.

4 Post hanc regulam inter leges, seu Societatis statuta primum locum obtinent constitutiones, quas summo consilio, & non sine magno Dei lumine diuturnis orationibus impetrato, B. P. N. Ignatius edidit, ut in vita ejus lib. 4. cap. 2. Petrus Ribadeneira non minus eleganter, quam fideliter refert, qui etiam addit, eam fuisse sancti viri modestiam, ut noluerit constitutiones a se editas, ratas esse ac firmas, donec eas Societas universa suo etiam judicio comprobaret. Quod factum est in

prima Congregatione generali post ejusdem Beati Ignatii felicem mortem can. 4. his verbis: *Constitutiones firmæ, ac ratæ habende, & etiam observandæ sunt, prout in exemplari originali Patris nostri Ignatii habentur*. Circa quæ verba adverto, in volumine constitutionum in rigore distingui constitutiones ab examine, & a declarationibus constitutionum. In hoc autem canone intelligo constitutionum nomine omnia illa comprehendit; quia examen, licet extra decem partes constitutionum numeretur, quia non tam ad religiosorum regimen, quam ad cognitionem de recipiendis comparandam ordinatur: tamen vera constitutiones continet æque immobiles, & ad bonum Societatis regimen æque necessariae, & eodem modo obligantes Prælatos vel officiales Societatis, quatenus per eos illud examen mandandum est executioni. Declarationes etiam (ut in principio eorum, & 6. p. cap. 1. liter. A. dicitur) ejusdem auctoritatis sunt enim constitutionibus, solumque ad majorem claritatem, & explicationem aliquarum rerum particularium illo modo positæ sunt. Denique illa tria eundem habent authorem Ignatium, ideo æque rata, ac firma declarantur in prædicto canone. Et ita etiam intelligenda censeo multa loca constitutionum, & Bullarum Apostolicarum, in quibus constitutionum observantia commendatur, vel aliquid secundum constitutiones agendum dicitur: semper enim constitutionum nomine illa omnia comprehenduntur, quia revera talia sunt. Sic etiam intelligo 2. canonem 3. Congregationis, ubi Societas satis declaravit, quanta reverentia has constitutiones prosequeretur, cum sic statuit: *Nulla modo expungendæ sunt constitutiones, quæ ratione temporum, vel alias ob causas in praxi non sunt, sed potius oportet, ut inviolatæ permaneant, ut quales a sanctæ memoriæ Reverend. Patre nostro Ignatio acceptæ sint, tales omnino ad posteros transmittantur*. Et quia Beatus Ignatius in vulgari Hispana lingua constitutiones conscripserat (quorum exemplar apud nos habemus) in Latinam, ac communem linguam verti necessarium fuit; id tamen non solum summa diligentia factum est, sed etiam in duabus Congregationibus generalibus, tertia, & quarta, iterum atque iterum recognita revisio est, emendata, & approbata, ut ex canon. 3. Congregat. 4. constat.

5 Ex his ergo colligimus proprie, & in rigore totum hunc constitutionum librum esse regulam Societatis, quam Pontifices approbaverunt, & confirmaverunt sub nomine *Constitutionum*, ut videre licet in dictis indultis Pauli III. & Julii III. & in constitutione: *Quanto fructuosius, & Ascendente Domino*, Gregorii XIII. Continent autem hæc constitutiones, si attente legantur, omnia, quæ ad perfectum regimen hujus religionis per proprias constitutiones tradi poterant. Dico autem per proprias constitutiones, hæc namque sunt, quæ ad res immutabiles pertinent, & universaliter observari debent, ut in præmio earum declaratur, ideoque non oportet, ut ad particularia nimium descendant, tamen in suo ordine, & generalitate plenam, & perfectam providentiam, cum magna brevitate & summa perspicuitate, ac mirabili methodo conjunctam habent.

6 In primis enim omni religioni necessarium est in delectu recipiendorum summam curam ac diligentiam adhibere: quia nisi ingenium, & conditio personæ ad religionem & ad tale institutum religiosum accommodata sit, crescit quidem religiosorum multitudo, multum autem ejus splendor, & perfectio minuetur: & ideo sancti Patres hanc curam plurimum commendant, ut constat ex Basilio regul. 11. ex fusioribus, Cassian. lib. 4. de institut. renunc. Bonaventur. quæst. 9. & 10. super regulam. Quos Patres imitatus noster Ignatius primum membrum, seu præambulum suarum constitutionum esse voluit, examen recipiendorum, in quo accuratissime hanc diligentiam præscribit juxta modum huic instituto accommodatum. Et in 1. p. constituit. quæ in eorum admissione servanda sunt, statuit. Quoniam vero non solum in recipiendo, sed in retinendo, & conservando magna cautela & prudentia necessaria est, & quia dimissio admissioni contraria est: ideo statim in 2. p. constit. de his, quæ observanda sunt in dimittendis illis, qui Societati non inserviunt, vel utiles futuri non sperantur, copiose disponit. In reliquis vero partibus constitutionum, singulis membris

Nomine constitutionum veniunt examen & declarationes.

Diæcesis constitutiones vere sunt regulæ Societatis.

Constitutionum distributio.

Quid sit examen tractetur.

hujus corporis sapientissime providet. Et quidem in 3. docet modum regendi, & promovendi eos, qui in probatione versantur, sub quibus tam novitios, quam religiosos scholares complectitur, imo cum vita religiosa, fere omnibus eodem modo communis, & ejusdem rationis sit, in illa parte generatim statuit de his, quæ ad regimen propriarum personarum Societatis, tam in spiritu, quam in corpore, pertinent: quarta vero ea continet, quæ ad profectum in literis, & in universum ad studia Societatis necessaria sunt. In quinta & sexta traduntur varii modi, quibus religiosi corpori Societatis per religiosa vota, seu professionem uniuntur, & quæ unusquisque in suo gradu jam constitutus servare debet, & præsertim in sexta, perfectio votorum Societatis, & regularis observantia, quæ ab his religiosis postulat, dum vivunt, & pietas, quæ circa illos jam defunctos exercenda est, accurate declaratur. Septima pars de ministeriis erga proximos disserit. Et quia occasione talium ministeriorum non potest Societas non esse per varias mundi partes dispersa, ideo in 8. p. summa providentia præscripsit S. Ignatius modum, quo membra hujus corporis, & inter se, & cum suo capite unionem essent servatura: nihil enim ad illius conservationem, & in suis ministeriis efficaciam magis necessarium excogitari poterat. Nona pars tota est de ipso capite seu Generali Societatis: in ultima vero, generalia consilia traduntur, quæ ad totius corporis conservationem, & augmentum plurimum conferre possunt, & ita nihil videtur relictum, quod ad hujus religionis regimen, juxta suum peculiarem finem, & institutum, conferre posse videatur.

Contenta
in his
constitutioni-
bus conser-
vant an-
tiquitati.

7 In his autem constitutionibus, ut n. 2. dixi, fere omnia inveniuntur, ex usu antiquorum Patrum, & aliarum religionum desumpta, & licet aliqua nova visa fuerint, secundum mores & consuetudines jam receptas in communi statu regularium, revera sunt antiquitati consentanea, & præsertim vitæ & religioni, quam ipsi Apostoli, & eorum coadiutores professi sunt, ut latissime ostensum est, per totum hunc tractatum explicando singula puncta paulo antea in num. 3. proposita, in regula compendiaria (ut sic dicam) Societatis, & in n. 4. ad brevem summam redigimus.

De summario constitutionum.

8 Quia vero constitutionum omnium observantia, praxis, & comprehensio, non pertinet ad singulos de Societate, sed ad eos, quibus regimen illius commissum est, ad eos maxime pertinet integrum illorum volumen diligenter evolvere, & præ manibus habere, & cum oportuerit, vel ad earum executionem, vel ad earum rationem reddendam parati sint: pro aliis vero omnibus simplicibus religiosis, summarium breve constitutionum extractum est, quod nomine etiam regularum generalium appellari solet, quia in eo generalia capita perfectionis ab omnibus hujus instituti professoribus servanda proponuntur. Soler autem regula religiosa primum proponere finem talis status, & deinde media, quæ tres vel quatuor partes habere possunt, juxta doctrinam D. Thom. 2. 2. q. 186. art. 9. juncto quodlib. 1. art. 2. scilicet, consilia pura, ordinationes simplices, & præcepta propria: in illo ergo summario, imo (ut in superioribus dictum est) in omnibus ejus regulis, nulla sunt propria, & rigorosa præcepta, præter pauca, quæ in constitutionibus, vel in generali aliqua congregatione, habentur, quæ sunt de rebus valde universalibus, & quæ raro occurrunt, ideoque in ordinaria regula non ponuntur.

Percu-
runtur re-
gulæ sum-
marie.

Tria pun-
cta. Ord-
narium
modum
vivendi
exterior
quem re-
gula præ-
scribit.

9 Primo ergo in dicto Compendio, sive summario post præambulum de necessitate, & ratione condendi regulam, & constitutiones in 2. §. finis Societatis proponitur, qui satis a nobis lib. 1. cap. 2. declaratus est, & de cujus perfectione nulla est, nec esse potest controversia. In 3. vero & 4. §. statim proponitur generalis ratio & modus vivendi in exterioribus, ubi tria tanguntur. Unum de habitu communi clericorum, aliud de moderatione in austeritate vitæ quoad corporales penitencias, non præscribendo illas in regula scriptas, sed per regulam vivam, id est, superiorem. Tertium punctum ibi insinuat, quod de modo clausuræ Societatis: non est enim instituta hæc religio ad vivendi modum omnino a consortio hominum sejunctum, nec ut religiosi intra

claustra semper degant, sed ut huc, illucque suis temporibus discurrant, & inter proximios ad illos lucrandos versentur: circa quæ triplex disputatio principalis occurrebat. Prima de habitu Societatis, quam li. 1. c. 3. expeditimus, cujus rei summa est, quam Basilii in regulis brevioribus, ad interrogationem 210. tradidit: erat enim interrogatio: *Quis est ille, qui traditus est ab Apostolo habitu ornatus?* Responso vero est: *Nempe usus ad propositum cujusque finem accommodatus, cum decore ac dignitate, habita ratione temporis, loci, personæ, utilitatisque.* Quare licet idem Basilii reg. 2. 2. ex fustioribus, Benedictus, Franciscus, alique Patres, in suis regulis, proprio unusquisque modo religiosum habitum requirant, non sunt contrarii, nec inter se, nec nobis, quia unusquisque juxta finem a se propositum locutus est. Secunda, de exteriori ratione, ac modo tractandi corpus in viâ, somno, aliisque austeritatibus, & penitentiis, quam ex professo tractavi eodem li. 1. c. 9. nuncque illam reduco ad eandem regulam, ut tractatio hæc corporis sit finis religionis accommodata, quam etiam significavit Basilii, serm. 1. de Instit. monachorum. col. 4. dicens: *ut neque corpus deliciis destuat, nec maceratione nimia alteratur, nec aut variis perturbationibus reddatur obnoxium, neque, si efficiatur morbosus, Dei mandata (religionis leges & instituta interpretor) exequi non possit.* Et satis ad rem nostram accommodatè in responsione ad interrogationem 196. ex brevioribus, quæ fuerat: *Quomodo manducat quis, & bibit ad gloriam Dei,* & respondet inter alia: *Qui non tanquam ventris mancipium propter voluptatē manducat, sed tanquam operarius Dei, ut in operibus iis, quæ sunt ex mandato Christi, exequendis esse fustior possit:* similiaque multa habet in regula 19. ex fustioribus. Tertia disputatio erat de clausura tam commendata religiosis, quæ nulla, vel minima in hac regula præscribitur: sed de hac re dicemus statim circa alias regulas in fin. num. 12.

1. Punctum
de habitu
Societatis

2. De modo
tractandi
austeriori-
tatem.

3. De clau-
sura.

10 Postea vero in eadem summa constitutionum a §. 5. ad 8. de usu Sacramentorum in Societatis ingressu, & progressu servando, statuitur. Deinceps usque ad §. 19. egregia consilia traduntur ad quærendam perfectionem, tam in perfecta seculi renunciatione, quam in abnegatione sui, tum externa, tum maxime interna, & præterea in solidarum virtutum acquisitione & exercitio, præsertim charitatis, & humilitatis. Et in 14. notari potest remedium curandi superbiam, & alia similia vitia, adhibitis contrariis, in usu & exercitio actionum, quod est Basilii in regula 35. ex eisdem, & regula 289. ex brevioribus, specialiter vero in §. 20. stabilita, non solum in ipso statu religioso, sed etiam in eo gradu ejus, in quo unusquisque a superioribus constituitur, commendatur. Ad hæc spirituum rerum, & exercitiorum cura §. 20. & 22. præscribitur. Ac deinceps, de perfectione votorum, usque ad §. 4. tractatur, & præcipue circa obedientiam instituitur, tam in operibus humilioribus, quam altioribus, & non solum in rebus agendis, sed etiam in pœnis pro defectibus sustinendis. In particulari vero prohibetur scriptio, vel receptio literarum, nisi per manus superioris. Quod etiam Augustinus in sua regula statuit c. 4. & cum superioribus claritas, & totius animæ, ac conscientie manifestatio sub debito religiosæ regulæ constituitur, tanquam huic instituto maxime necessaria, ut supra in cap. 6. visum est. Denique de unionem fraterna, & aliis, quæ ad mutuam charitatem, & ad perfectionem juvare possunt, usque ad finem illius summarii statuitur. In quibus nihil occurrit, quod difficultatem habeat, vel novam explicationem requirat.

Quid in
exeritiis
summarie
regulis
præscri-
batur.

Vide Nav.
cap. non
dicatis 13.

De regulis quæ communes appellantur.

11. Præter hæc omnia, sunt in Societate aliæ regulæ, quæ communes dicuntur, non tam ex objecto, ut præcedentes, quam ex subiecto, seu ex parte personarum, pro quibus feruntur. Pro omnibus enim religiosis Societatis constituuntur, in quo differunt a regulis specialium officiorum, de quibus statim, licet utrarumque nullus superior infra Generalem auctor esse possit, ut in 1. Congregatione decreto 143. habetur. Sed in hoc conveniunt cum regulis generalibus, seu summario constitutionum, quia etiam illud ad omnes pertinet, tam in materia circa quam, videtur esse diversitas: nam constitutiones hæcenus insinuatæ circa generalia quædam prin-

Interest
inter hæc
regulas,
& summa-
rium ap-
pelles.

principia perfectionis versantur, & ea consilia tradunt, quæ substantiam (ut ita dicam) internæ & externæ perfectionis attingunt; in regulis autem communibus, quæ exterioribus observanda sunt, & ad communis vitæ ordinem & convenientem dispositionem pertinent, in particulari statuuntur.

12 Videtur autem in quatuor præcipuas partes dividi. Nam primum ordinantur ea, quæ spectant ad observantiam spiritualium exercitiorum, & divini cultus, quæ in omni religione primum locum habere debent, & consonant illis regulis, quæ tradit Basilii regul. 27. ex superioribus. Deinde a regula 5. quæ ad exteriorem decentiam, temperantiam, paupertatem, obedientiam, unionem animorum, & alias religiosas virtutes, & particulares circumstantias circa illas observandas, prudentissime & accuratissime disponuntur. Docetur enim, quomodo unusquisque, in toto ordine vitæ, & circa seipsum, & circa superiores, & circa fratres suos, se gerere debeat: legatur Basil. epist. ad Canonicam, ibi enim multæ ex illis regulis reperiuntur, præcipue non ingrediendi cubiculum alterius, nec se ingerendi aliorum officiis, vel ministeriis sine Superioris ordinatione: legatur etiam regula ejusdem Basilii 50. 52. 53. & c. 41. ex fusius disputatis, ubi modum fere eundem dependendi in omnibus a superioribus tradit. Postea vero a regula 36. traduntur ea, quæ circa proximorum conversationem, & ministeria servanda sunt, & omnia ad hoc revocantur, ut ex voluntate, & arbitrio superiorum, ea tantum negotia suscipiantur, quæ ad spirituales proximorum fructum, & ædificationem sine perturbatione, vel detrimento spiritualium bonorum religionis expediri possunt. Quibus etiam consonant, quæ tradit Basilii regula 312. & 313. ex brevioribus; ac denique a regula 43. de modo egrediendi domo disponitur, ubi religiosa clausura in sua perfectione juxta finem instituti observanda proponitur. Ut enim dixit Basil. regula 311. ex brevioribus, religiosa clausura non in hoc posita est, ut nunquam ex cella, vel domo religiosus egrediatur, sed ut non sine fructu, nec cum periculo morali, nec sine facultate Prælati: & hæc tria sunt, quæ in illis regulis intenduntur, ac præcaventur, quantum in generali necessarium est: in particularibus enim regulis de Sacerdotibus, si quid amplius necessarium est, non omittitur, ut videbimus.

De regulis propriis cujusque officii Societatis.

13 Præter has ergo generales, & communes regulas, sunt in Societate pro singulis ministeriis, seu officiis, propriæ, ac peculiare regulæ digestæ, quod non esse novum ex illis verbis Basilii intelligimus in regul. 147. ex brevioribus, *unusquisque in munere suo regulam propriam conservet*. Neque id onerosum, aut grave censei debet, sed utilissimum, ut unusquisque magna luce, & claritate procedat, sciatque, quomodo muneri suo satisfacere debeat. Regulæ igitur Præpositi Generalis sunt constitutiones ipsæ, & totum institutum, ideoque pro illo peculiare regulæ non traduntur; dantur vero Provincialibus, & omnibus inferioribus Prælati, de quibus in superioribus satis dictum est: & quia illi etiam consilio, & auxilio indigent, & admonitione, pro Ministro etiam, consultiore, & admonitori propriæ traduntur regulæ; pro quibus videri potest regula 48. & 54. ex fusius disputatis a Basilio. Item dantur pro Magistris novitiorum, & præfectis spiritualibus, quorum munus quam sit grave, & religioni necessarium, satis indicavit Basil. serm. de Abdicatione rerum, dicens; *Summa vigilantia, acerrimæque animi circumspeditione operam dato, ut aliquem tibi virum invenias, quem in omnibus deinceps delecte tibi vite studiis certissimum ducem sequare, qui rectum iter ad Deum volentibus pergere, sciat demonstrare*; cuius virtutes & proprietates deinceps late describit. Et quamvis hæc possint ad superiorem, seu Prælatum religionis adaptari, tamen cum ipse non semper possit per seipsum omnibus providere, sicut in administratione rerum temporalium ministris uritur, ita in spiritualium rerum cura illis uti necesse est, pro novitiis quidem proprio illorum Magistro, pro aliis jam profectionibus perfectis spiritualibus, qui propriis regulis unicuique statui accommodatis utantur. Sic etiam Procurator, qui in temporali administratione instrumentum potissimum

Prælati est, suas proprias habet regulas, quarum necessitas quanta sit, satis declarant verba Basilii reg. 35. ex superioribus, ubi attingens hoc munus, ait: *Quam vero difficile sit virum aliquem nancisci, qui Christi nomen non aliquo pacto dedecoret, & cum foris sit, cum iis, qui communis vite consuetudinem tenent, ita congregari sciat, ut cum sua ipsius professione congressio illa aliqua ex parte non discrepet, id me tacente, etiam vos intelligitis*. Sic etiam de cæteris ministeriis, & officiis intelligendum est, tam in temporalibus ministeriis, quam in literariis, ut Scholasticorum, quam etiam in spiritualibus erga proximos, ut Sacerdotum & concionatorum, & de quibus hic in particulari dicere non est necessarium, quia nullam specialem doctrinam requirunt, & quæ notari digna sunt, in superioribus, & in locis suis opportunius non sunt prætermissa.

De decretis, vel canonibus Societatis, deque ordinationibus Generalium.

14 Ultra hæc, adduntur decreta, seu canones Congregationum generalium; quamvis enim hic modus Concilii rarius in Societate, quam in aliis religionibus congregetur, quia cum habeat generalem perpetuum, & omnia, quæ ad institutum pertinent, plenissime disposita & digesta sint, raro occurrit necessitas faciendi totius religionis convocationem, quæ sine aliis magnis incommodis non fit. Quamvis (inquam) hoc ita sit, nihilominus aliquando fieri necesse est. Quando ergo sit, auctoritatem habet condendi decreta, & leges perpetuas, & declarandi constitutiones, vel etiam mutandi, si necesse sit, juxta Bullam I. Pauli III. & aliam Julii III. Ordinarie vero talia decreta sunt ad declaranda dubia emergentia, vel ad aliquid addendum, quod juxta temporum varietatem, vel novam observationem, seu experientiam rerum, necessarium, aut conveniens videtur, neque ad hunc locum spectat plura de hujusmodi decretis dicere. Possunt autem Generales suas ordinationes condere, quæ non expirant per mortem eorum, donec revocentur, ut ex declaratione quartæ Congregationis decreto 19. constat, in qua participant perpetuitatem legum. Nihilominus in hoc differunt a decretis Congregationum generalium, quod posterior Generalis potest ordinationem sui antecessoris revocare, non tamen potest ullus Generalis canones, vel decreta Congregationum generalium abrogare, quia congregatio est illi superior, & in hoc sensu dicitur in dicta Bulla Julii III. esse proprium generalis Congregationis constitutiones condere, vel mutare.

15 Et in eodem sensu intelligi, esse dictum in Congregatione 4. generali can. 21. Præpositum Generalem potestatem suam ordinariam posse constitutiones declarare, ejus tamen declarationem non habere vim legis universalis, sed tantum valere ad praxim bonæ gubernationis, quia sicut Congregationis generalis est leges condere, ita & hoc modo declarare: nomen enim legis interpretor esse ibi strictè sumptum, sicut nomen constitutionis, pro statuto immutabili, nisi ex potestate totius religionis & gravissima causa: sic enim non potest declaratio generalis habere vim legis, atque hæc interpretatio contrahit ex 7. Congr. decr. 76. Nihilominus tamen, sicut potest declarare, ita potest ordinare, ut sua declaratio in praxi, & gubernatione servetur, quamdiu aliqua Congregatio generalis aliud non declaraverit: alioqui ejus declaratio non haberet majorem efficaciam, quam data ab homine literato, quod dici non potest, quia sicut in aliis materiis habet potestatem præcipiendi, seu ordinandi, ita etiam in hac. Talis autem ordinatio non cessat ipso facto per mortem Generalis, juxta decretum 3. ejusdem 4. Congr. & decretum 72. Congr. 7. quod universale est. Atque hæc attigisse de regulis Societatis sit satis.

Concluditur Societatem regulis suis esse optime, satisque instructam.

16 Ex quibus omnibus (ut questioni præpositæ respondeamus) satis constat Societatem, optimis & sufficientibus regulis institutam, & munitam esse, ideoque ex hac parte nihil amplius ad ejus convenientem gubernationem, optimamque religiosorum institutionem desiderari posse. Nam si personas spectemus, omnibus gradibus & ordinibus provisum est: si virtutes, nulla prætermissa est tali religioso statui accommodata, quæ suis peculiaribus legibus, & documentis non

Schola-
Ric. Sa-
cerdot.
&c.

Sola Con-
gregat.
Gen. hæc
condere
valet &
mutare.

Utraque
tamen
potest
Præposi-
tus decla-
rare em-
cassare.

Exorum
distribue-
tio qua-
drupari-
ta.

Brevis
excursio
per regu-
las spe-
ciales cu-
jusque of-
ficii.

Regula
superioris

Ministri
consulto-
rum, &
admoni-
toris.
Magistri
Novitio-
rum &
Præfecti
spiritua-
lis.

Procuratoris.


fuerit communis: si officia, singulorum est ratio habita, & generatim erga Deum, erga Prælatos, erga seipso, erga proximos, tum domesticos, tum etiam externos debita officia præscripta sunt; & speciatim pro singulis ministeriis, & sollicitudinibus religionis peculiariter directiones stabilitæ sunt. Quod si in legibus, & regulis auctoritas postuletur, habent profecto regulæ Societatis maximam. Nam in primis pie credimus non defuisse Societati speciale illud auxilium, quod Deus fundatoribus religionum dare solet in suis regulis condendis, ut de Sancto Benedicto ait Bernardus in Evangelio: *Ecce nos reliquimus omnia*, & de ipso Bernardo refertur in ejus vita lib. 1. c. 8. & de Sancto Francisco in ejus historiis, estque moraliter necessarium; quia non valet humanum ingenium suis viribus assequi omnia substantialia, & convenientia media, ad finem adeo supernaturalem, & perfectum. Hoc ergo pie etiam credimus de regulis Societatis, saltem prout continent bases & substantialia media hujus instituti: unde supra etiam lib. 1. cap. 4. de constitutionibus, quæ sunt cæterarum regularum fundamentum, ostensum est, quam grave habeant ab auctore suo, & a modo, quo illas edidit, prudentiæ, & sanctitatis, testimonium: cui accessit quinque Congregationum generalium approbatio, proferens, & ostendens totius Societatis consensum, plurimum jam annorum usu, & experientia confirmatum; & quod majus omnibus est, Apostolica Sedes, suprema sua auctoritate illas consignavit multis doctissimis, atque sanctissimis Pontificibus fere in unam, eandemque sententiam concurrentibus, Paulo III. Julio III. & Pio V. Gregorio XIII. & Gregorio XIV. Paulo V. quam in suis diplomatibus gravissimis verbis testatam reliquerunt. Reliquæ vero regulæ, seu ordinationes, quas in Societate diximus esse in usu, vel ab eisdem congregationibus, & constitutionibus fidem habent, vel certe a Præpositis Generalibus, qui post fundatorem S. Ignatium, quatuor tantum, cum hæc scribimus, in Societate numerantur, Jacobus Laynez, Franciscus Borgia, Everardus Mercurianus, Claudius Aquaviva, omnes vita, doctrina, & aliis naturæ dotibus satis illustres, prudentiaque, ac rectitudine gubernandi insignes, & tam in condendis, quam in cognoscendis, ac stabiliendis regulis magnorum virorum consilio semper usi sunt: ergo ex parte regularum, & instituti, est sine dubio in Societate sufficiens instructio, & ad regendum aptissima; solum a Domino efflagitanda est, ex parte Prælatorum, vigilantia & charitas, ex parte vero subditorum, humilitas, & obedientia, ut religio hæc cum divinæ gratiæ auxilio, optatum finem consequatur.

17 Atque ex his omnibus (ut opinor,) non solum satisfactum est omnibus communibus objectionibus, quæ communiter contra institutum ejus fieri solent, sed etiam omnium præcipuarum ac propriarum rerum hujus religionis ratio reddita est: unde merito concludere, ac religiosos nostros graviter admonere possumus, ut hanc regulam, ac vivendi institutionem immutatam, illibatamque retineant: quod profecto, sine eodem spiritu, & speciali gratiæ auxilio, quo ipsa fuit condita, diu fieri non poterit; quia in hujusmodi rebus non minor, imo quodammodo major gratia necessaria est ad earum conservationem, quam ad inchoationem. Non deerit autem divina gratia, si non desit integra ejusdem regulæ observantia, quam omnibus hominum statibus, quibus speciali providentia Dei propria vivendi norma tradita est, commendatam intelligimus in illis verbis Deut. 5. *Hæc est via, ambulate in illa, & non declinetis neque ad dexteram, neque ad sinistram.*

18 Quapropter suspecti nobis esse debent omnes, qui mutationem aliquam in præcipuis rebus hujus instituti introducere voluerint, etiam si sub specie, & nomine ejusdem Societatis, id se intendere profiteantur: non enim moventur eo spiritu, quo Societas ipsa condita fuit, sed nescio quo alio peregrino, & fortasse non est nisi ambitionis spiritus, qui omnia semper inturbare conatur. Quibus respondere possumus, quod Bernardus in Apologia ad Gulielmum Abbatem, religiosis a sua prima institutione deficientibus objicit: *sic Macharius vixit: sic Basilus docuit: sic Antonius instituit: sic Patres in Aegypto conversati sunt: sic denique S. Odo, Majolus, Odilo, Hugo, quos se sui utique ordinis principes, & præceptores habere gloriantur, aut tenuerunt, aut teneri censuerunt.* Res itaque tanta auctoritate, & consideratione stabilitæ, & tam diuturna experientia confirmatæ, non facile mutandæ sunt: donec plurimum annorum contraria experientia doceat, ex aliqua illarum majora sequi incommoda: quod de nulla constitutione præcipua hujus instituti, cum minima specie veritatis affirmari potest. Resistendum ergo est totis conatibus hujusmodi inquieto spiritui: quod si qui fuerint ejusdem Societatis ingratii filii, quibus hæc mutatio in desiderio est, aut monendi sunt, ut mutant affectum suum, & spiritu humilitatis & obedientiæ cum divina gratia induantur: statim enim inordinatus ille affectus per se cadet: aut si huic instituto accommodari nolunt, aut non posse causantur, melius est, ut ipsi de Societate mutentur, quam ut propter paucorum affectum tota Societas tam grave malum patiatur.

Exhortatio ad hæc regulam.

Dehortatio a mutatione illius.



LIBER UNDECIMUS.

De iis qui religiosum statum a Societate mutant,

Variis modis hujus mutationis alio remittuntur.



DUPLEX mutatio status religiosi potest in Societate contingere: unus est, quando persona ita mutatur, ut ex religioso fiat non religiosus; alter est, quando perseverante religioso statu mutatur vivendi modus. Hic posterior modus communis est Societati cum aliis religionibus. Prior vero est proprius ejus, locumque habet, non in religiosis professis, sed in cæteris gradibus, qui per vota simplicia constituuntur, ut supra lib. 3. cap. 9. visum est. De priori ergo modo mutationis nihil nobis superest dicendum, quia in superioribus satis exposita sunt causæ, ob quas in Societate hæc libertas & facultas retinetur, & quomodo, & quo ordine, & quibus ex causis illa utendum est, & quem effectum habeat circa personam ejectam, nam relinquit illam liberam religionis vinculo, & votis. Quare nihil etiam dicendum superest de obligationibus talis personæ, post factam mutationem, quia cum religiosa non sit, nullas obligationes habet, quæ ad præsentem considerationem

pertineant per se loquendo; per accidens vero habere poterit, quia si forte ante ingressum in Societate voto aliquo tenebatur, id plane post dimissionem revivisset; nisi ejus materia jam cessaverit, aut lapsu temporis transferit obligatio; qua de re extat decretum 13. 1. Congregationis generalis: & canon. 22. ejusdem. An vero maneat tutus in conscientia, qui dedita opera male vixit, ut liber dimitteretur, in superioribus libro 3. etiam declaratum est. Quapropter de his, qui de Societate dimittuntur, nihil nobis dicendum superest. Alter modus mutationis variis habet modos, & gradus, de quibus satis diximus supra in tract. 8. libro 3. ex quibus multi, vel nihil habent speciale in Societate, vel in ea locum non habent. Unus modus est involuntarius, & injuriosus religioni, scilicet per fugam, vel apostasiam religiosi: & de hoc videnda sunt dicta in citato loco de religione in communi, quia si quid in hoc habet proprium Societas, ibi declaratum est, & in superioribus etiam est dictum hunc modum habere locum in omnibus gradibus Societatis, etiam in his, qui votis simplicibus incorporati sunt, & easdem penas incur-

De sub-
stantiali
impedi-
mento

Acciden-
tale imo-
dumque
sufficit
ad ejectionem.

Impedi-
mentum
post in-
gressum
duplex est.

1. Si con-
trahatur
ante pro-
fessionem.

currere, &c. Alia mutatio est, vel ad Episcopatum, vel ad beneficium seculare, vel ad habitationem perpetuam extra obedientiam religionis: & hæc mutationes non habent locum in Societate secundum regulam ejus: unde vel nunquam, vel rarissime fiunt: si autem ex speciali dispensatione fiant, sequuntur naturam religiosi status, juxta dicta in superioribus. Idemque fere est de mutatione per transitum ad alias religiones; & si quid habet speciale, supra in communi doctrina tactum est, & ex dicendis hic accipi poterit: quare in his mutationibus immorari non est necesse. Est ergo alia mutatio per dimissionem, seu ejectionem ab ipsa religione per potestatem, seu jurisdictionem ejus, quæ solum contingit in professis, nam alii solent liberi dimitti, ut dictum est. Si autem aliquando dimittantur ligati, eandem proportionem servabunt: & ideo de sola dimissione professorum superest nobis dicendum: & poterit res paucis expediri: quia præter ea, quæ communia sunt religioso statui, quæ hic repetenda sunt, pauca sunt specialia puncta, quæ aliqua declaratione indigeant.

C A P U T I.

Utrum professus possit a Societate expelli, & quas ob causas.

1. Assertio **1.** *C*ertum in primis est, in aliquibus casibus posse professum quatuor votorum a Societate expelli, ut in multis locis constitutionum declaratur. Nam 2. p. constit. c. 1. §. 1. *Quamvis causas ad dimissionem dignas eo graviores esse oporteat, quo quis artius Societatis corpori conjunctus est: quantumlibet tamen quisque conjunctus, in quibusdam casibus separari ab ea posse & debere.* Quod de separatione per dimissionem in declaratione exponitur, & ad professos quatuor votorum in specie extenditur: *Cujuscumque gradus (dicitur ibi) & dignitatis in Societate sint.* Adeo, ut 9. p. constit. c. 4. §. 7. de ipsomet Generali idem dicatur: potest enim in primis a generalatu deponi iustis de causis: deinde vero si causæ obligent, etiam a Societate excludi. Ex quibus constitutionibus constat, cum professio & vota in Societate fiant juxta constitutiones ejus, nihil fieri contra iustitiam, aut contra pactum in professione inclusum, ejicendo professum iustis de causis juxta constitutiones, quia Societas sub hac conditione, & non aliâ, se obligat ad professos suos retinendos. Nec vero in eo genere contractus est inæqualitas, vel iniustitia aliqua, ut a fortiori constat ex superius dictis de scholasticis l. 3. c. 2. n. 4. & ex his, quæ supra tr. 8. l. 3. in genere diximus de potestate ejiciendi professos in quacumque religione. Denique hæc libertas Societatis ad ejiciendos professos suos generatim approbata est a Pontificibus Societatem, & constitutiones ejus approbantibus, & confirmantibus, & specialiter a Greg. XIII. loco statim citando in nu. 6.

2. Assertio **2.** *S*ecundo dicendum est, posse Societatem expellere aliquem professum, non solum propter nimiam contumaciam & incorrigibilitatem, sed etiam propter grave crimen, quod in scandalum, vel infamiam Societatis verteretur. Prior pars communis est omnibus religionibus, ideoque satis patet ex his, quæ in communi diximus. Posterior vero posita est ad explicandum, quid in hoc habeat peculiare Societas: sine dubio enim habet ampliorem in hoc genere facultatem, majoremque libertatem, quam regulariter aliæ religiones habent. Probatur ergo primo ex 2. part. constit. c. 2. ubi præter incorrigibilitatem, aliæ ponuntur causæ, ob quas dimitti possunt religiosi Societatis. Et quamvis illæ præcipue videantur habere locum in his, qui in probationibus versantur, tamen revera sermo generalis est, ut constat ex præced. c. 1. 2. part. constit. §. 1. in fin. ubi ita concluditur: *quantumlibet sit conjunctus Societati, in quibusdam casibus separari ab ea posset, ac deberet, ut sequenti c. v. debetur:* ergo doctrina illius c. 2. ad omnes de Societate, quantumvis illi conjunctos ac professos, extenditur. Est autem considerandum, causas in illo cap. 2. numeratas ad duo capita revocari. Prius est impedimentum aliquod antecedens primum Societatis ingressum, per mendacium, vel injustam taciturnitatem in examine, & probationibus occultatum. Hoc autem impedimentum potest esse duplex, substantiale, & accidentale.

Suarez Tom. XV.

Si ergo sit ex substantialibus, non est dubium, quin statim ac detegitur, etiam post professionem emissam, ejicienda sit talis persona a tota Societate. Sed illa non est emissio, de qua nunc loquimur, quia juxta doctrinam a nobis supra lib. 2. c. 1. datam, illa professio non est valida: tunc ergo non ejicitur verus professus, sed fictus & apparens, nec dimittitur cum votis, sed sine illis, quia illa nunquam habuit.

3. At vero si impedimentum sit accidentarium, tunc non obstitit, quominus professio valida fuerit, & ideo maturius considerandum est, an eam ob causam debeat ejici professus. Quod enim possit, videtur colligi ex dicto cap. 2. §. 3. & 5. quia illa doctrina, ut dixi, generalis est: tamen, quia moraliter difficillimum est, etiam si in principio hujusmodi defectus occultetur, tanto tempore, & per tot, tamque diuturnas probationes non detegi, & cognosci a Societate, ideo quando tales defectus (ut sunt, v.g. antiquus morbus, ingens æ alienum, & similes) non cognoscuntur publice usque ad professionem factam, moraliter præsumitur Societatem illos non ignorasse, sed dissimulasse propter aliquod majus bonum. Quod si ita contingerit, non habebit iam Societas ius dimittendi talem personam propter illam causam, quia voluntarie consensit in eius professionem, illa non obstante. Posito autem casu, in quo cesseret præsumptio, & revera constet defectum latuisse usque ad factam professionem, tunc ulterius duo ponderanda sunt: unum est, an res sit adeo gravis, ut merito censeatur Societas involuntarie admisisse talem professionem cum absoluta obligatione retinendi talem personam, non obstante tali defectu: aliud est, an defectus ille, qui fortasse fuisset sufficiens ad non admittendam talem personam, satis etiam moraliter sit ad prudenter dimittendam illam: quia *turpius ejicitur, quam non admittitur hospes*, etiam si fortasse per aliquam piam, vel indisceritam deceptionem admisus sit. Ponderandum ergo est, quid majoris momenti sit, vel scandalum, aut rumor, qui ex hujusmodi ejectionibus oriri solet, vel damnum Societatis in retinenda tali persona: si enim hoc damnum non sit magni momenti, nec redundet in res spirituales, aut in decentem famam, aliud remedium videretur adhibendum: quanquam in rigore potestas dimittendi non desit, quæ etiam uti licebit, & expediet, si nocuum sit Societatis gravius sit. Quæ omnia sunt contentanea declarationibus illius c. 2. litera B.

4. Posterius caput causarum hujus dimissionis esse potest vitium aliquod, aut peccatum post ingressum in Societatem commissum. In quo est ulterius animadvertendum, fieri posse, ut hoc peccatum sit ante solennem professionem intra Societatem commissum, vel post illam. Quando est prioris modi, minoris est considerationis, tum quia jam supponitur emendatum: (nam si adhuc duraret, non posset dici solum ante professionem commissum, sed etiam post, nam ipsa perseverantia peccatum novum est; esset ergo antea inchoatum, postea vere quasi consummatum, quod non minueret, sed augeret causam ejectionis propter duritiam & infordeſcentiam) tum etiam, quia tale peccatum supponitur in ipsa professione extinctum, ac plane dimissum, & ideo si non reincidat in illud, nec sit morale periculum recidivi, quod auferri non possit intra Societatem, non est sufficiens causa ejectionis, nec potest iuste puniri talis persona, regulariter loquendo. Quod si contingat tale delictum esse occultum usque ad professionem factam, & ita licet forte quoad Deum fuerit dimissum, in foro tamen humano non esse vindicatum: postea vero publice detegi, & infamiam, aut scandalum oriri, cui non possit nisi per ejectionem occurrere, fieri aliquando poterit, sed raro (ut existimo) id expediet, aut licebit; quia semper poterit præterita culpa aliis modis ita puniri, ut infamia & scandalum sufficienter tollantur; & ideo cum apud Deum jam sit omnino dimissa (ut suppono) per professionem, & in futurum non pendeat, non est rationabilis causa separationis.

5. De peccato autem commissio post ipsam professionem, alia ratio est, etiam si emendatum appareat, tum quia per illud major injuria fit Societati professæ, magis

a. Si post
professio-
nem, etiā
tunc valeat
erec-
tio. Id ostē-
ditur ra-
tione.

Confir-
matur a
fortiori
pe Gene-
rali.

que illius famam & existimationem elevat, & ideo sepe potest esse necessarium ad bonum nomen Societatis conservandum, ut ob huiusmodi causam quispiam ejiciatur. Tum etiam, quia de tali persona minor spes concipi potest, quod vere emendata sit, aut certe quod in poenitentiam stabilem emendata sit, ita ut sit perseveratura inter eas occasiones, & pericula, in quibus professus Societatis necessario versari debet. Et ob hanc specialem rationem existimo Societati permissum esse, ut majorem in hoc licentiam habeat, etiam circa professos suos, qui & apud proximos, & propter ipsorum bonum magis indiget bono nomine, & quadam majori fiducia, & veluti securitate suorum minorum, quod nomen maxime conservabitur, si omnes intelligant infideles ministros esse a Societate dimittendos, etiam si professi sint: & ad bonum ipsorum professorum est maxime conveniens propter pericula, in quibus versantur, ut in illis cautiore sint. Quod etiam maxime confirmatur ex his, quæ de Præposito Generali dicuntur 9. p. const. cap. 4. §. 7. ubi casus numerantur, in quibus per Societatem deponi potest; *Cujusmodi (inquit) sunt peccata mortalia in externum a seum prodeuntia, copula carnalis, vulnerare quemquam, redditus Collegiorum usurpare ad proprios sumptus, vel extra Societatem donare, vel stabilia bona Societatis alienare, vel pravam doctrinam habere.* Propter hæc ergo si sufficientissime consent, deponendus dicitur: & additur: *Et si opus est, a Societate removendus, &c.* Quæ limitatio, si opus est, indicat plus requiri ad expellendum illum, quam ad eum officio privandum, & merito, quia major est poena, majoremque causam & pertinaciam requirit. Nihilominus etiam in illa persona non postulat incorrigibilitas, & pertinacia sed prudentiali judicio Societatis relinquitur, *præ oculis habendo, quod ad majorem Dei gloriam & universale bonum Societatis fore judicabitur.* Igitur a fortiori in quolibet alio similes causæ sufficiunt, eademque regula majoris boni universalis servanda est: nam, ut dixit Pelagius Papa c. Scias 7. quæst. 1. *Plurimorum utilitas unius militati, aut voluntati preferenda est.*

Confir-
matur i-
dem ex
Greg.
XIII.

6 Tandem id declaratur ex speciali Bulla Gregorii XIII. concessa mense Septembris anni 1582. quæ incipit *Cum alias &c.* in qua concedit facultatem Præposito Generali, ut possit ex causis justis quemlibet professum a Societate ejicere, vel ut ad aliam religionem etiam laxiorem transeat, facultatem concedere. In qua Bulla primum omnium perpendendus est tenor, & discursus ejus. Prius enim proponit dubitationem subortam, *an Præpositus Societatis valeat professos ex causis id exigentibus a Societate emittere, aut eis sic emissis liberum sit de ejus licentia se ad quemvis alium ordinem transferre.* Et ratio dubitationis fuerat, quia Paulus III. & Pius IV. statuerunt, ut nemo de Societate possit ad alium ordinem transire (Carthusiensem excepto) nisi de licentia Romani Pontificis, aut Præpositi Generalis Societatis. Unde per illam exceptionem videbatur jam hæc facultas Præposito concessa: quia vero non erat directe facta concessio, nec satis in particulari, nec cum sufficiente declaratione, ideo forte oriebatur dubitatio: ad quam Gregorius XIII. non videtur directe voluisse respondere, sed novam facere concessionem pro futuro tempore, dicens: *Nos re perpensa atque diligenter examinata Societatis ipsius puritati, atque incremento, emissorumque pro tempore salutis consulere volentes, statuimus, ut deinceps in perpetuum liceat dicto Præposito, quos judicaverit ab ipsa Societate emittere, &c.*

Idem Gre-
gorii ver-
ba quantū
operentur

7 Per quæ verba, ut ex eorum tenore constat, nihil de dubitatione proposita, quoad potestatem, quam antea Præpositus habebat, respondet, sed in posterum eam dubitationem absoluit absolutam facultatem concedendo. Per quod tamen, ut existimo, non intendit negare, quin antea potestatem hanc haberet, sed quia parum referebat, ab illa quæstione abstinuit, & absolutam facultatem concessit. Hæc vero licet nunc elatior, & certior sit, non tamen magis ampla, ut opinor, quoad potestatem dimittendi professos in justam poenam delictorum, nam hæc expulsio jure communi concessa est. Et sic in Bulla Pii dicitur justis de causis posse Præpositum quoslibet expellere: & quoad

hoc eodem modo intelligi potest, quod Gregorius dicit, *quos judicaverit, possit e Societate emittere*: nam hoc judicium semper intelligitur debere esse justum, atque adeo justis de causis fieri debere, ut amplius sequenti capite intelligitur. Quia vero hoc non limitatur ad pertinaciam, & incorrigibilitatem, ideo in eadem amplitudine concedi censetur, qua fuerat in constitutionibus declaratum.

C A P U T II.

Utrum professus in Societate possit ad aliam religionem transmitti, & quomodo?

1 IN Bulla Gregorii XIII. superiori capite allata non solum concedit Pontifex potestatem ad expellendos professos, sed etiam licentiam eis dandam, ut ad alios ordines, ultra Carthusienses, transferri possint, justis de causis, sed judicio Præpositi Generalis. Quæ duo, scilicet, expulsio, & transitus, diversa sunt; nam expulsio, ut ex præcedenti capite constare potest, habet rationem poenæ, unde habet pro causa adæquata culpam aliquam gravem, & regulariter incorrigibilem: transitus vero non semper est poena, & fieri potest non propter culpam, sed ob alias causas. Dubitari ergo potest, an ex vi illius indulti habeat Generalis facultatem concedendi professo, qui nihil peccavit, licentiam transeundi ad aliam religionem, ipso nimirum petente & efflagitante, vel saltem voluntarie acceptante: nam si ipse nolit, ac resistat, certum est jure non posse expelli, nec cogi, ut ad aliam religionem transeat, tum quia habet jus perpetuo vivendi in hac religione, & bonis ejus fruendi, quo jure sine culpa vel voluntate sua privari non potest: tum etiam, quia nemo potest compelli, ut aliam religionem profiteatur, transitus autem ad aliam religionem, novam in illa professionem requirit, seu ad illam ordinatur. De consensu autem ejus dubitari potest propter illa verba Greg. XIII. *Dubitari contingit, an Præpositus pro tempore existens valeat etiam professos ex causis sic exigentibus a Societate emittere, aut eis sic emissis liberum sit de illius licentia se ad quemvis alium ordinem transferre?* Et infra: *Nos Societatis puritati, atque incremento & emissorum salutis consulere volentes, &c.* & infra: *liceat dicto Præposito, quos judicaverit ab ipsa Societate emittere, eosque de illius licentia, &c.* Ex his enim verbis omnibus colligi videtur Præpositum Generalem solum posse dare hanc licentiam transeundi ad aliam religionem his, quos posset a Societate ejicere: nam quæstio solum mora erat, de sic emissis, & ratio facultatis est consulere emissorum salutem. Et eisdem emissos, seu ejectos refert illa particula *eosque*, in ultimis verbis, quibus licentia Præposito datur. Cum ergo nullus professus possit a Societate ejici sine culpa, & facultas hæc transeundi ad aliam religionem solum possit dari juste ejectis, non videtur posse a Generali propter alias causas, sed solum supposita sufficiente ratione ejiciendi professum a Societate, etiam invitum; tunc enim ipso acceptante poterit ei concedi, ut ad aliam religionem transeat.

Arguitur
circa 1.
partem
tituli.

2 Nihilominus probabilius cenfeo posse Præpositum Generalem dare licentiam professo Societatis transeundi ad quamcunque aliam religionem ex justa causa, etiam si illa propriam culpam, vel incorrigibilitatem non includat. Quod quidem respectu strictioris, aut æqualiter strictæ religionis fundari posset in jure communi, quia, ut supra tract. 8. lib. 3. vidimus, transitus hic licitus est de consensu Prælatorum utriusque religionis, a qua, & ad quam transitur sine dispensatione Papæ, solo jure communi, quod etiam in Societate locum habet: quamquam nonnulla ratio dubitandi in ejus professis oriri possit ex quarto voto obediencie, quod specialiter Pōtifici faciunt: nā per professionem in alia religione necesse est hoc votū extinguere, ut supra vidimus. Ergo ex hoc capite videri potest specialiter necessariam his professis Societatis licentiam Pontificis, propter speciale jus illi acquisitum. Sed nihilominus hæc ratio non urget saltem respectu strictioris religionis, quia omnia huiusmodi vota cēsentur includere conditionem, dummodo majus bonum non impediatur. De æqualiter vero stricta religione est illa ratio apparentior: sed nihilo-

Assertio
affirm. his
partia.

Probatur
prior
pars, quoad
transitum ad
strictiorē
religionē.

solimus solvi potest, vel quia commutatio in æquale licita est in votis, jure communi, etiam si talia vota respiciant tertiam personam, præsertim quando non intenditur commodum ipsius tertie personæ, sed potius votantis, vel Dei obsequium: vel quia hoc votum est annexum professioni, & sequitur conditionem ejus; unde si professio est commutabilis in æqualem, etiam si una sit quatuor votorum, & alia trium, si omnibus pensatis nihilominus est æqualitas, fieri poterit commutatio, & accessorium sequitur naturam principalis.

Deinde
quoad la-
tioris.

3 At vero respectu religionis laxioris aliter probanda est conclusio posita ex privilegio seu jure speciali Societatis, nam ex communi non licet, ut supra in citato tomo diximus tractando de transitu ad religionem in genere. Probari autem potest hoc speciale jus ex Bulla ultima Pauli III. ubi in generali prohibitione transeundi ad aliam religionem additur exceptio, nisi de licentia Præpositi, aut sedis Apostolicæ. Idem habetur in Bulla ultima Pii IV. vel potius Pii V. ubi illa refertur & confirmatur. Ergo sicut de licentia Sedis Apostolicæ licet transitus ad laxiorem religionem, absque culpa transeuntis, sed ob aliam causam, ita in Societate licet de licentia Præpositi Generalis, quia æqualiter excipitur ejus licentia, & Pontificis.

Evasio
proximæ
probatio-
nis.

4 Responderi autem potest ibi non fieri directam concessionem, sed obiter illam facultatem poni per modum exceptionis, & ideo intelligendam esse secundum commune jus, & cum partitione accommodata: excipiuntur enim Pontifex, & Præpositus, sed cum distributione accommodata, ut utriusque licentia sufficiat, quatenus potest illam dare secundum jus commune, Pontificis quidem, respectu omnium religionum, Præpositi autem, in ordine ad strictiorem, vel æqualem. Quæ responsio est apparens, quia verba sunt secundum jus interpretanda, maxime quando non concedunt directe privilegium, sed solum explicant juridicam exceptionem: sicut enim respectu Pontificis juridica est, cur non etiam respectu Præpositi Generalis?

Remove-
tur.

Ad minimum ergo erat res dubia, & ad tollendam dubitationem Greg. XIII. expressam fecit concessionem dans facultatem Præposito Generali concedendi professis licentiam transeundi ad religionem aliam laxiorem, ut illis verbis evidenter exprimitur: *Paris, laxioris, aut strictioris observantia ordinem, per ipsum Præpositum illis prescribendum.* Per quæ ultima verba videtur limitari hoc indultum, ut scilicet non possit Præpositus licentiam generalem concedere transeundi ad quemcunque ordinem laxiorem, sed determinate ad hunc, vel illum; oportet enim, ut ipse locum præscribat, & merito id factum est, ut prudenter fiat commutatio, & non detur generalis licentia, quæ magis esset in destructionem, quam in ædificationem.

Probat
deinde
posterior,
pars as-
sertionis:
Primo

5 Quod autem hæc facultas non extendatur solum ad illos professos, qui propter culpas solum possunt a Societate ejici, probatur primo, quia aliàs fere nullius utilitatis esset hoc privilegium, quod est manifeste contra intentionem concedentis expressam illis verbis: *Nos re pensata, atque diligenter examinata, Societatis ipsius puritati, ac incremento, emissorumque saluti pro tempore consulere volentes, &c.* Sequela autem patet, quia religiosus omnino ejectus involuntarie a sua religione, suo jure videtur posse quamcunque religionem laxiorem ingredi, ut in superioribus tractatum est, tr. 8. l. 3. quia si potest tutus manere in seculo, cur non ingredi quamecunque religionem? Sed quia hoc non est ita certum, probatur secundo. Quia Gregorius nullam ibi fecit mentionem culpe, aut peccati, sed tantum dixit: *liceat Præposito, quos judicaverit ab ipsa Societate emittere.* Verbum autem *judicandi* non restringitur ad iudicium punitivum, seu vindictivum, sed de se indifferens est, & magis indicat iudicium prudentiale ex quibuscunque iustis causis.

Secundo.

Tertio
exponde-
ratione
verborum
Pontificis

6 Deinde expendenda sunt illa verba, *Societatis puritati, atque incremento, emissorumque saluti consulere volentes.* Nam primum illorum videtur respicere delicta, & peccata, quæ in his personis esse possunt: nam puritas religionis in carentia talium peccatorum & personarum delinquentium consistit: tamen secundum verbum, scilicet *incrementum*, etiam potest respicere alias causas: nam sæpe expedit ad incrementum religionis

Suarez Tom. XV.

dare licentiam alicui, qui licet malus non sit, est tamen parum utilis, vel parum quietus, aut in perfectione remissus. Ultima denique particula magis hanc causam amplificat: nam fieri sæpe potest, ut licet aliquis culpas non commiserit ejectione dignas, majorem spirituales profectum speret ex transitu ad aliam religionem, quæ licet in se laxior sit, sibi est magis proportionata propter minorem repugnantiam cum natura, vel minorem actionem externam, vel alias similes causas: ergo facultas hæc ad hos casus extenditur, ut sit intentioni Pontificis proportionata. Denique licet Pontifex de emissis loquatur, & de eorum transitu, non ideo necesse est, ut de solis involuntarie, & propter peccata ejectis loquatur, quia etiam illi, quibus licentia datur transeundi ad aliam religionem, ipsis etiam volentibus & petentibus dicuntur proprie, & juxta usitatum modum loquendi a Societate emissi: nam hoc verbum non dicit necessarium vim ex parte emittentis, aut repugnantiam ex parte emissi; nec etiam dicit ordinem ad culpam, sed solum ad causam potestati proportionatam. Nec etiam necesse est, ut emissio & transitus sint actus re ipsa distincti, & quod præcedat emissio, postea vero sequatur transitus jam emissi: sed fieri optime potest, ut simul ac per modum unius emissio, id est, exitus a Societate propter transitum, & non aliàs concedatur: & e converso transitus propter emissionem præcipue permittatur.

7 Ex quibus omnibus amplius constat, non solum quod in fine superioris capitis promissimus, scilicet, quas ob causas fieri possit hæc expulsio, sed etiam quis modus in ea servandus sit. Nam si sit expulsio punitiva, & involuntaria, requiritur delicta proportionata juxta exigentiam constitutionum, ut præcedenti capite declaratum est, & tunc non est necesse, ut exitus a Societate concedatur cum transitu ad aliam religionem: nullus enim cogi potest ad hunc transitum, nec aliqua religio invitum aliquem recipiet: cum tamen conditio necessaria ad hunc transitum sit alterius religionis consensus, ut in eadem Bulla Greg. exprimitur: tunc ergo cum Societas habet jus, & causas expellendi professum, etiam reluctanter, & ille non vult transitum ad aliam religionem acceptare, poterit Societas illum cogere, ut exeat, non tamen absolute præcipere, ut religionem aliam ingrediatur: sed semel dimissus poterit in seculo manere, sicut alii expulsi, ut statim dicetur capite sequenti a. n. 5. Si autem ille acceptet transitum ad religionem laxiorem, poterit Societas illum permittere, quod est peculiare privilegium ejus, adeo ut cæteris religionibus prohibeat ibi expresse Pontifex participationem ejus, per viam generalis communicationis privilegiorum. Hinc etiam potest Societas delinquentem professum non excludere, sed aliter intra suam religionem punire, & consequenter illi optionem dare, ut vel in tali pœnitentia intra Societatem maneat, vel ad talem religionem etiam austeriorem, vel magis solitariam transeat, nam in hoc nullam facit injuriam, nec iniquam coactionem: nam habet jus puniendi delictum illo modo intra suum ordinem, & potest juste nolle concedere libertatem vivendi in seculo propter vitanda scandala, vel infamiam religionis, vel majus malum ipsius religiosi: ergo concedendo illam optionem potius benigne agit, quam severe.

Resolvi-
tur 2. pars
titul. pro-
fessum ex
culpa eje-
ctum non
posse in-
vitum tran-
sire.

Potest tan-
men in se-
culo co-
sistere.

8 At vero quando non subsunt causæ, nec delicta ad expellendum professum invitum, nullo modo potest Societas illum a se expellere, ut in seculo maneat, etiam si ipse consentiat: quia nec jure communi est hæc potestas in religionibus, ut supra visum est, nec per hanc Bullam, vel aliàs data est specialiter Societati; nam in omnibus sic mentio de transitu ad aliam religionem, non de exitu simpliciter. Item quia alio modo facta esset irrationabilis talis ejectio, & in detrimentum status religiosi: quod si subit causa dispensandi, ad Pontificem pertinebit. Nec etiam potest in eo casu Societas cogere professum suum, ut ad aliam transeat religionem, si nolit, quia nec absolute potest directe cogere, ut a fortiori patet ex dictis in proximo puncto num. præced. nec indirecte sub aliqua conditione onerosa, quæ excedat suum regularem vivendi modum, quia nullum habet jus illam imponendi.

Nequit
professum
etiam vo-
lens di-
mitti ad
seculum
sine cau-
sa.

Nec etiam
volentem
ad aliam
religionem
transmit-
ti.

9 Igitur solum potest licentiam dare ei, qui vult

transire ad aliam religionem. Hanc vero respectu strictioris facile potest dare: existimo tamen practice, & ad hunc finem nullam debere judicare strictiorem, vel severiorem, rebus ut nunc stantibus, præter Carthusiam, quia nec Pontifices aliam excipiunt, nec facile inveniri poterit, si omnia spectentur, quæ supra de rigore regulæ Societatis lib. 1. c. 9. explicavimus. Ad dandam ergo licentiam transeundi ad quamcunque aliam religionem, magna causa necessaria est, tantoque major, quanto religio minus fuerit perfecta, vel stricta. Quia in hoc consulendum in primis est religioni, quæ detrimentum patitur, dum privatur quodam membro jam consummato & perfecto, & omnibus laboribus & expensis cum illo consumptis. Deinde etiam bono ipsius religiosi, ne detur illi occasio, ut deterius, aut minus perfecte vivat. Igitur optima causa erit, & fere unica, si ad ministeria Societatis quispiam judicetur inutilis, quia sc. est inhabilis, vel quia non applicatur, nec moraliter applicari potest, sine majori suo detrimento: tunc enim ex consensu utriusque partis poterit fieri divorcium per transitum prædictum: & ad hoc est sufficiens auctoritas in Societate a Greg. XIII. concessa.

In Generali refidet facultas ejicere di vel transmittendi pro festum ex causa.

Hanc facultatem delegare potest.

Arguitur residere etiam in congregatione.

10 In quibus autem personis Societatis sit hæc auctoritas, ex eisdem scriptis Pontificis manifestum est. Nam solus Præpositus Generalis in eis nominatur, eique facultas hæc conceditur: nullus ergo alius Præpositus, sive Provincialis, sive localis jure ordinario hanc habet potestatem; quia vero in prædictis Bullis non restringitur hæc facultas, ut necessario debeat per ipsum Generalem immediate exerceri, ita ut delegabilis non sit: ideo non est dubium, quin possit illam aliis delegare, ut expresse supponitur 2. parte constit. c. 1. lit. C. ubi additur, rarius esse hanc potestatem communicandam inferioribus Præpositis, & non nisi in speciali, & postquam res ad Generalem esset delata, & gravi considerationi expensa foret.

11 Solum dubitari potest, an Societas tota habeat hanc potestatem, id est, an Congregatio generalis illam habeat, sive cogatur vivente Generali, sive sede vacante. Et ratio dubitandi est, quia in prædictis Bullis nunquam datur hæc potestas Societati, sed Præposito. In contrarium autem est, quia non videtur dari Præposito, nisi in quantum suo modo repræsentat Societatem, & ab illa proxime habet potestatem. Quia enim communiter suprema Societatis jurisdictio per illum exercetur, & hæc facultas datur ad ordinarium regimen, ideo illius facta videtur mentio, illique conceditur potestas: tamen intentio Pontificis fuisse videtur illam dare Societati principaliter, cum ipsa sit Generali superior. Confirmatur, quia in eo casu, in quo Generalis congregatio posset Præpositum suum a munere deponere, & a Societate expellere, potest utrumque facere per seipsam, & antequam alium Generalem eligat; ergo etiam poterit Præposito sic ejecto facultatem concedere transeundi ad aliam religionem. Item si in Congregatione generali coram ipso Præposito tractaretur de alterius professi ejectione, vel transitu ad aliam religionem, non videtur posse Præpositus contra sententiam Congregationis illum expellere, aut talem facultatem dare, quia cum congregatio sit superior, verisimile non est, datam esse hanc potestatem Præposito, ita ut illa uti possit contra voluntatem sui superioris. Item cum principaliter sit data in bonum Societatis, non videtur ejus usus concessus contra voluntatem totius Societatis. Igitur Præpositus in illis locis Societatem repræsentat. Unde videtur fieri consequens in potestate Congregationis generalis esse, hanc potestatem limitare Præposito, ut nimirum illa uti non possit sine consilio, vel etiam sine suffragio unius, vel plurium, aut alio simili modo. Quia ita intelligitur hæc potestas concessa Præposito, ut principaliter sit concessa toti Societati, quæ non nisi in Congregatione generali existit, vel repræsentatur: ergo potest dicta Societas, si judicaverit sibi expedire, sibi potestatem illam reservare, vel aliquem modum, aut limitationem illi addere.

12 Huic autem ultimæ illationi videntur ob stare illa verba Greg. XIII. *Statuimus, ut deinceps in perpetuum liceat dicto Præposito, &c.* Nam juxta eorum vim nullus inferior Pontifice potest Præpositum hac potestate

privare, nec ponere modum, quem Pontifex non posuit. Quis enim potest voluntatem Pontificis limitare, aut impedire? ipse autem absolute & sine restrictione ait, se concedere Præposito hanc potestatem in perpetuum: ergo nunquam potest illa privari, nec immutari, nisi per alium Summum Pontificem. Dicere autem, subintelligi subordinationem & dependentiam a Societate, propterea quod congregatio sit supra Generalem, voluntarium est, ideoque improbabile, utpote contra absolutam formam verborum; & sine sufficiente ratione, siquidem non obstante illa subjectione Generalis ad congregationem, potuit Pontifex concedere absolute & simpliciter hanc facultatem huic dignitati Præpositi, quia licet in casu possit habere superiorem intra Societatem, scilicet quando generalis congregatio acta coacta est, tamen regulariter & ordinarie illum non habet. Pontifex autem videtur attendisse ad ordinarium modum gubernandi, & ad dignitatem illius muneris Præpositi generalis. Ergo licet Præpositus Generalis a Societate emanet, & potestatem habeat ordinariam, nihilominus postquam semel electus est, aliquam potestatem habere facultatem a Summo Pontifice, qua non potest privari per ipsam Societatem, quamdiu Generalis est, seu nisi munere Præpositi privetur. De qua re est optimum exemplum in Bulla ejusdem Gregorii XIII. concessa anno 1575. die 3. Martii, quæ incipit: *Decet Romanum Pontificem*, in qua distincte concedit plures facultates Societati & Præposito ejus, & postea concedit, ut aliæ personæ Societatis non possint uti gratis concessis Societati, nisi per Generalem Præpositum, & de ejus beneplacito. Ubi sine dubio loquitur de propria persona & munere Generalis: nec posset universa Societas immutare hunc modum gaudendi privilegiis & gratis a Pontifice præscriptum, quia Pontifex voluit hanc potestatem esse penes Generalem: idem ergo in præsentis dicendum est.

13 Ergo quod attinet ad hoc ultimum punctum, seu illatum, non potest Præpositus per Societatem privari potestate sibi a Pontifice concessa ad expellendum professum, vel dandi ei facultatem transeundi ad aliam religionem iustis de causis. Quod vero spectat ad superiora puncta, ex quibus illatum colligebatur, consequenter videtur probabile soli Generali hoc datum esse, quia verba indulti hoc sonant, & interpretario de repræsentatione Societatis in ipso Generali est nova & inusitata, ut patet ex alia Bulla citata, & multis similibus. Unde quamdiu Præpositus vivit, probabile est, Congregationem etiam generalem non posse id facere sine consensu ejus, propter rationem factam, quia illi data est potestas. At vero generalatui vacante probabile est congregationem habere potestatem, quia Capitulum succedit loco Prælati in omnibus potestatibus ordinariis ejus: & hæc potestas jam comperit jure ordinario Prælati Societatis. Quidquid vero sit de hoc scholastico rigore, securius est, non uti tali potestate ante electionem Generalis. Nam de vicario Generali, qui ad gubernandam Societatem eligitur mortuo Præposito, dicitur in ejus reg. 9. non posse aliquem professum a Societate emitte: & ibidem significatur rem hanc adeo gravem reputari, ut tentanda non sit in eo casu ante electionem novi Generalis. Unde sit tandem, ut in eo casu, in quo Præpositus ipse deponendus & expellendus esset, depositio ab officio præcedere debeat, non vero fieri possit a Societate expulsio, donec alius Præpositus electus sit, cujus autoritate, & judicio, simul cum tota congregatione, si oportuerit, id fiat.

Resolutio circa disputata in n. 11. & 12.

Ejectio unius Generalis supponit electionem alterius.

C A P U T III.

Ad quid teneatur professus a Societate ejectus; vel qui quovis modo ab illa deficit, seu mutatur.

1 Hæc quaestio in coadiutoribus formatis moraliter loquendo locum non habet, quia hi possunt expelli libere ab obligatione vororum, & si aliquando ejiciantur, ita ut in seculo manere possint (quod raro accidit) vororum vinculis liberantur, quicquid sit de iis votis, quæ forte in seculo nuncupaverant, ut de scholasticis tractatum est l. 3. c. 4. a n. 23. quo fit, ut nulla

Absolutio omnino a votis huius non pertinet.

speciali obligatione postea teneantur: quia votorum dissolutio (ut supponimus) valida est, quibus sublatis non est, unde maneat specialis obligatio. Itaque in eo casu eadem ratio de his est, quæ de scholaribus approbatis. Si autem contingeret huiusmodi coadiutorem formatum expelli sine absolutione ab obligatione votorum, vel cum onere ingrediendi religionem, vel simpliciter & absolute, sic eadem de illo ratio est, quæ de professio trium votorum, nam quoad obligationem eadem est in votis simplicibus, quandiu manent, quæ in solennibus.

Resolutio
questionis
in duplici
casu.

1. Casus
de profes-
so ejecto
acceptan-
te condi-
tionem
proficendi
alibi.

2 Veniendo ergo ad professum Societatis dupliciter potest expelli a Societate: primo cum onere ingrediendi religionem aliam, vel redeundi ad Societatem, si illam non profiteatur: secundo expellendo illum sine receptione, & sine speciali obligatione, præter eam, quæ ex professione ex natura rei nascitur. Prior casus nullam habet difficultatem: supponimus enim in primis, quod licet religiosus, dum ejicitur, non possit a suis superioribus obligari ad ingrediendum religionem aliam, ut supra probatum est tract. 8. lib. 3. estque eadem ratio de professio Societatis. Nihilominus per modum pacti mutui potest ad hoc obligari: cum enim professus ejicitur propter sua demerita condemnari potest, ut vetealem, tantam, ac tam diuturnam poenam in Societate sustineat, vel si malit, talem, vel talem religionem profiteatur. Si ergo ipse hanc posteriorem conditionem potius quam priorem acceptet, tenebitur sine dubio, vel illam implere, vel ad Societatem reverti, quia sententia fuit iusta (ut supponitur), & illam religiosus acceptavit, eamque implere specialiter promissit. Quocirca si ille conditionem impleat, & cum effectu religionem aliam profiteatur, cessat omnis superior obligatio, & solum tenetur ad servandum id, quod denuo professus est, siue sit strictior, siue laxior religio, quia commutatio est legitime facta: solum posset dubitari de quarto voto professorum Societatis, & de aliis votis simplicibus eorum. Verumtamen idem dicendum est: nam cum duæ professiones sint repugnantes, si posterior valida est, extinguit priorem, & consequenter quidquid illi annexum est; item propter alia quæ statim dicam.

Non im-
pletur con-
ditionem,
nec redi-
ens, apo-
stata est.

3 Si autem talis ejectus conditionem non servet, siue omnino non ingrediendo aliam religionem, siue post ingressum, illam relinquendo ante professionem, tenebitur ad Societatem redire: quod si subterfugiat, jam non ut ejectus, sed ut apostata & fugitivus judicandus est; quia non fuit absolute ejectus, sed sub conditione; illa vero non impleta ejectio est nulla, quia condicionalis, non impleta conditione, nihil ponit in esse; ergo eo ipso, quod incipit esse in mora, incipit esse transfuga, & apostata, & consequenter tenetur omnibus obligationibus suæ religionis, & censuris apostatarum, de quibus supra in genere dictum est.

4 Dices: si ille redeat ad religionem, graviter puniendus est: & fortasse perpetuo carcere includendus, vel alia simili poena afficiendus; nemo autem tenetur se ipsum tam gravi poenæ offerre: ergo potest fugere, & non redire ad religionem. Quod maxime videtur procedere, quando bona fide aliam religionem probavit, & iustus de causis illam non est ausus profiteri, quia tunc jam videtur fecisse, quod in se est ad bonum proficendum (ut sic dicam), se autem tradere, ut gravibus poenis affligatur, durissimum est, nec videtur ad hoc obligandus. Respondeo religiosum sic seu sub tali conditione ejectum semper teneri ad statum religiosum, nec posse tuta conscientia in seculo manere; & ideo teneri religionem suscipere, & in conditione positam, atque acceptam profiteri, quod moraliter ac regulariter loquendo, semper poterit: si autem revera habet legitimas causas non proficendi, tenebitur eas proponere Prælati Societatis, ut facultatem faciant aliam religionem faciliorem ingrediendi, quod semper facient: alioqui tenebitur ad Societatem redire, nisi revera timeat graves corporales poenas diuturnas, ut carcerem perpetuum, & similes, nam tunc ad providentiam Prælatorum pertinebit ita reum custodire, ut redire ad suam obedientiam, & correctionem cogatur: obligare enim illum, ut ipse se tradat, certus de huiusmodi poenis, difficile est. Quia vero poenæ ordinariæ

non sunt adeo graves, neque excedunt modum disciplinæ religiosæ, quæ magna ex parte pendet ex bona dispositione peccatoris: nam si voluntarie emendetur, & satisfaciatur religioni, facile aliæ poenæ temperantur: ideo regulariter etiam verum est hunc teneri in eo casu ad religionem redire.

5 Superest dicendum de alio casu, quando professus absolute dimittitur. In quo in primis locum habent omnia, quæ de obligatione ad castitatem, paupertatem, & obedientiam servandam dicta sunt tract. 8. lib. 3. in communi de ejectis a religione, quia est eadem proportionalis ratio. In Societate vero sunt speciales difficultates de aliis votis, quæ professi emittunt, in primis de voto obedientiæ ad summum Pontificem in missionibus, nam professio integra manet: ergo & votum illud, & obligatio ejus: talis enim est, ut extra religionem impleri possit. Idem est de votis simplicibus, præsertim de voto non ambiendi, nec acceptandi dignitatem extra Societatem: nam hoc per se est optimum, & potest in quocunque statu servari, & votum absolute factum est: unde etiam durat post ejectionem. De aliis autem votis simplicibus minor est difficultas: nam materia eorum manifeste requirit actualem vitam, & conjunctionem in Societate, & ideo eorum obligatio cessat, vel suspenditur in eo statu. Verumtamen idem dicendum censo de aliis duobus votis; imo generali ter de voto obedientiæ existimo non posse professum ejectum ex vi illius obligari ad ministeria Societatis, ut ad docendam doctrinam Christianam, ad audiendas confessiones, & similia. Nam religiosus ejectus non tenetur servare regulam, ut supra tract. 8. lib. 3. suo loco dixi: ergo nec professus Societatis regulam Societatis: ergo nec potest obligari ratione voti ad servandam illam, sed occupari in his ministeriis solum ex ratione regulæ, & in tantum possunt præcipi, in quantum sunt secundum regulam: ergo talia præcepta non habent locum circa ejectum, quandiu extra Societatem manet.

6 Ita ergo dicendum censo de obedientia Pontifici præstanda circa missiones; nam illa etiam promittitur secundum regulam & constitutiones Societatis: qui ergo jam non agit vitam secundum regulam, neque ad id tenetur, non poterit obligari ad implendum illud votum durante illo statu, quia revera cessavit materia ejus. Confirmatur, quia ita necessario interpretanda est intentio votantium, & instituentium talia vota: tum quia nemo promittit sustinere onera religionis nisi in ipsa religione, & adjutus spiritu, providentia, autoritate, & aliis auxiliis ejus, quæ omnia maxime necessaria sunt in re adeo difficili, & ardua, ut est obedire in huiusmodi missionibus. Tum ex illo generali principio, quod nulla promissio obligat, quando tanta sit mutatio in statu promittentis, ut verisimile non sit ejus intentionem fuisse pro illo statu se obligare; de quo tractat. 6. lib. 4. de voto, cap. 19. multa diximus: talis autem mutatio in præsentis casu manifeste procedit, nam longe alia est conditio religiosi actu uniti suæ religioni, qui ut membrum ejus movetur: vel separati, qui nec a religione movetur, nec in ejus finem tendit. Atque hic discursus æque probat de voto simplici non quærendi, vel acceptandi prælationem, nam usus ejus erat accommodatus religioni, durante unionem ad illam; mutato autem statu minime. Unde etiam tunc cessat ratio talis voti in constitutione expressa, quæ mentem ejus, & intentionem declarat. Est autem ratio in 10. p. Constitutionum §. 6. *Ut perpetuo felix status Societatis conservetur*. Postquam autem aliquis a Societate ejectus est, nihil ad statum ejus refert, quod dignitatem ambiat, vel accipiat. Item *ne Societas his hominibus, qui ad propositum sibi finem sunt ei necessarij privetur*; at hic ejectus nec Societati necessarius est, nec illo privabitur, etiam si Prælati fiat, quia jam privata supponitur. Item *ut unusquisque videat, quæ ratione animarum saluti juxta nostræ professionis humilitatem, & submissionem inservire possit*. At ejectus jam non tenetur ad hunc finem aspirare, nec illi incumbere. Cessat ergo in his ejectis talium votorum obligatio, vel potius necessarius usus, quandiu in eo statu permanet: nam si contingat iterum in Societatem recipi, vota integra manent, & statim obligare incipiunt.

a. Casus
de profes-
so absolute
ejecto.

Ejus vota
simplicia
cessant.

Imo, &
quartum
votum so-
lemne.

Dicta vo-
ta revivif-
cant, si
professus
revocatur.

Quæ obli-
gationes
durent in
professo
mutatio ad
alterum
statum

7 Ex his inferitur idem dicendum esse de omnibus translatis a Societate in alium statum altiorē; nam de transitu ad aliam religionem per professionem ejus dictum jam est: idem ergo est si professus Societatis fiat Episcopus, vel Cardinalis, non enim tenetur amplius voto obedientiæ circa missiones, nec voto non ambiendi, aut non acceptandi altiorē dignitatem, propter easdem rationes, ut etiā supra tetigi de his votis tractando. Solumque manet ex votis simplicibus illud, quod per se, & ex materia sua ad hoc ordinatur, ut in eo statu obliget, ut ibi etiā exposuimus: unde fit, ut de his translatis a Societate ad Episcopatum, vel altiorē dignitatem nihil nobis dicendum super sit, præter ea, quæ communia sunt omnibus religiosis Episcopis, & quæ de illo speciali voto diximus. Nec etiā de translatis ad aliam religionem, quia factō transitu legitime, & valide, ille perinde reputatur, ac si in Societate nunquam extitisset.

Conditio-
nes legiti-
mi transi-
tus ad
aliam re-
ligionem.

8 Ut autem talis transitus legitime fiat, oportet, ut juxta privilegia Societatis servantur; quæ autem illa sint, attingimus supra in lib. 3. tractantes de votis scholasticum, & summa est, ut transitus non fiat sine licentia obtenta Præpositi Societatis ordine Carthusiensium dumtaxat excepto, juxta Bullam Pauli III. anni 1549. *Licet debitum*, ubi ingressus aliter factus irritatur, & persona ut apostata condemnatur; & latius confirmarunt Pius IV. & V. in Bulla anni 1565. *Æquum reputamus*. Idem autem Pius V. vivæ vocis oraculo, & Gregorius XIII. in Bulla anni 1584. *Dilecte fili*, circa superiorem exceptionem de transitu ad Carthusianos limitationem addiderunt, ut nimirum semel liceret, non aut bis, aut sæpius, sine consensu Societatis Præpositi, Quam gratiam ita Societatis voluit Gregorius esse propriam, ut per viam communicationis non posset ab aliis religionibus participari. Cum licentia autem Præpositi fieri potest hic transitus etiā a professis, non solum ad arctiorem, sed etiā ad laxiorem religionem justis de causis, ut idem Greg. XIII. declaravit in Bulla anni 1582. *Cum aliis*; post quem transitum, si professio subsequatur in alia religione, liber (ut diximus) manet professus Societatis ab omnibus aliis votis specialiter in Societate emissis, sicut manet liber ab obedientia Societatis. Si autem non sequatur professio, redeundum illi necessario est ad Societatem, nam omnia vota, omnisque eorum obligatio integra manet; nec de hoc transitu plura hic dicere necesse est.

Apostata
nullas ob-
ligationes

9 Ultimo colligitur ex dictis per contrariam rationem longe aliter judicandum esse de professō apostata, vel etiā sine peccato apostata extra Societatem, &

cum exemptione etiā ab obedientia ejus ex dispensatione Pontificis commemorante. In utroque enim omnium votorum obligatio integra perseverat; & de apostata quidem id patet, quia ligatus manet omnibus votis, & jure actu subiectus Societati, ad quam redire tenetur. Item quia omnis apostata tenetur etiā pro illo tempore ad observationem regulæ, quantum in se est, quia non debet iniquitas ei patrocinari, ut supra ostensum est: ergo multo magis tenetur ad specialia vota servanda, quæ secundum regulam fecit. Denique rationes factæ de ejecto non militant in profugo, imo si attente considerentur & applicentur contra apostatas, convincunt.

religionis
ex se
cauunt.

10 De aliis vero extra Societatem manentibus de licentia Papæ, etiā si in ejus palatio, & sub immediata obedientia ejus vivere contingat, certum est professionem, & statum antiquum in eis manere integra; ergo & omnis obligatio votorum, quantum in se est. Quod addo, quia si talis persona sit exempta ab obedientia Societatis, pro tunc non tenebitur ex vi quarti voti obedire Generali in missionibus, sicut non tenetur in aliis rebus. Votum tamen ipsius de obediendo Pontifici in missionibus integrum, & speciale manet. Atque eadem ratione perseverat votum non ambiendi dignitatem intra, vel extra Societatem, nec acceptandi illam extra Societatem, nisi præcipiatur, quia obligatio horum votorum non pender ex actuali obedientia ad Præpositos Societatis, sed per se, & recte obligat in tali materia, quæ in illo etiā vitæ genere locum habet. Item talis persona adhuc est membrum Societatis, substantialiter (ut sic dicam) illi conjunctus, licet quoad actualem usum aliquo modo separata sit; illud tamen sufficit, ut in eo locum habeant rationes omnes horum votorum, & præsertim ea, quæ respicit conservationem Societatis in sua puritate, & felici statu, qui maxime perturbari posset, si tales personæ possent in ea dignitatem ambire, sine violatione sui voti. Imo facile possent illo modo dicta vota eludi procurando prius exemptionem a Societate, & postea ambiendo: non est ergo dubium, quin maneat tunc integra obligatio. Neque difficultas alicujus momenti circa hoc occurrit. Atque hæc de toto religioso statu, atque instituto Societatis Jesu, si non quantum ejus dignitas, atque excellentia postulabant, certe quantum ingenii mei vires affecutæ sunt, tractanda occurrerunt, ad laudem & gloriam ejusdem JESU, qui cum Patre, & Spiritu sancto vivit, & regnat in sæcula sæculorum, Amen.

Quid de
manenti-
bus extra
Societatis
de licen-
tia Papæ.

I N D E X

L O C O R U M S. S C R I P T U R Æ,

Q U Æ H O C O P E R E A U T C I T A N T U R, A U T E X P L I C A N T U R.

Primus numerus paginam, secundus marginalem ejusdem pagina numerum indicat.

E X V E T E R I T E S T A M E N T O.

Liber IV. Regum,

- Cap. 2.** **C**um levare vellet Dominus Eliam perturbinem in cœlum, ibant Elias & Eliseus de Galgalis. 299.10
5. Utinam fuisset Dominus meus ad Prophetam, qui est in Samaria. 300.14
- Job,
38. Super bases illius solidata sunt. 304.1
- Psalmi.
- Psal. 47. Vacate, & videte, quia ego sum Dominus. 247.4
83. Beatus vir, cujus est auxilium abs te: ascensiones in corde suodisposuit. 553.1.1
118. Beati immaculati in via, qui ambulant in lege Domini. 557.10
- Beati qui scrutantur testimonia ejus, in toto corde exquirunt eum. *ibid.*
132. Quam bonum & quam jucundum habitare fratres in unum. 508.4
144. Memoriam abundantie suavitatis tue erubunt, & in justitia tua exultabunt. 320.7
- Proverbia.
1. Sapientia foris prædicat, in plateis dat vocem suam, in capite turbarum clamat, in foribus portarum urbis profert verba sua, dicens: usquequo parvuli diligitis infantiam. 522.25
4. Justorum semita quasi lux splendens procedit, & crescit usque ad perfectum diem. 378.10
- Sapientia,
8. Scivi quoniam aliter non possem esse continens, nisi Deus det, & hoc ipsum erat sapientie scire cujus esset hoc donum. 382.2
- Ecclesiasticus.
8. Ne spondeas supra virtutem tuam. 348.3
11. Fili, ne in multis sint actus tui, 321.10
- Jeremias.
12. Desolatione desolata est omnis terra, quia nullus est qui recogitet corde. 248.4
- Threni.
3. Bonum est viro cum portaverit jugum ab adolescentia sua, sedebit solitarius, & tacebit, &c. 247.3

E X N O V O T E S T A M E N T O.

Matthæus.

4. **V**enite post me, & faciam vos fieri piscatores hominum. 317.6
5. Beati misericordes. 247.3
- Beati mundi corde. *ibid.*
- Si oculus tuus dexter scandalizat te. 169.3
6. Nemo potest duobus Dominis servire. 247.1
- Non potestis Deo servire, & Mammonæ. *ibid.*
- Tu es Petrus, & super hanc petram edificabo Ecclesiam meam, & porte inferi non prevalebunt adversus eam. 413.5
10. Quod dico vobis in tenebris, dicite in lumine, & quod in aure auditis, prædicate super tecta. 522.25
18. Si Ecclesiam non audierit, sit tibi tanquam ethnicus, & publicanus. Quæcunque ligaveritis, & solveritis, &c. 44.9

- Si peccaverit in te frater tuus, vade & corripe eum inter te & ipsum solum: si te audierit, lucratus es fratrem tuum. 582.7
19. Vade & vende omnia que habes & da pauperibus. 388.19
25. Quod uni ex minimis istis fecistis, mihi fecistis. 247.3
26. Similiter omnes discipuli dixerunt: Tunc venit Jesus cum illis in villam, que dicitur Gethsemani, &c. 547.21

Marcus.

10. Nemo est qui reliquerit domum, aut fratres, &c. 305.6

Lucas.

5. Simon & alii annuerunt sociis, qui erant in alia navi, ut venirent & adjuvarent eos. 493.1
7. Remittuntur ei peccata multa, quoniam dilexit multum, & cui minus dimittitur, minus diligitur. 511.17
9. Sequere me. 285.2
- Tu autem vade, & annuntia regnum Dei. *ibid.*
10. Manducate que apponuntur vobis. 569.7
- In eadem domo manete, edentes & bibentes que apud illos sunt. *ibid.*
- Optimam partem elegit. 247.3, 249.10, 251.1
- Dic illi ut me adjuvet. 493.1
13. In plateis nostris docuisti. 522.25
14. Nisi quis renunciet omnibus que possidet, non potest meus esse discipulus. 386.10
- Exi cito in plateas, & vicos civitatis, & pauperes ac debiles & cæcos & claudos introduc, 522.25
22. Tu es Petrus, &c. 360.5
- Joannes,
13. Quod facis fac citius. 133.3
- In hoc cognoscent omnes, quia discipuli mei estis, si dilectionem habueritis ad invicem. 313.7
14. Hæc est vita æterna, ut cognoscamus te solum verum Deum. 247.3
18. Sciebat autem Judas, qui tradebat eum, locum, quia frequenter Jesus convenerat illuc cum discipulis suis. 557.8

Acta Apostolorum.

5. Nos autem orationi & verbo instantes erimus. 249.10
- Si est ex hominibus consilium hoc aut opus dissolvetur, si vero ex Deo est, non poteritis dissolvere illud. 314.8
6. Non est æquum nos relinquere verbum Dei, & ministrare mensis. 317.6, 324.1
20. Posuit vos Spiritus sanctus Episcopos regere Ecclesiam Dei. 44.10
- Epistola D. Pauli ad Romanos.
10. Quomodo prædicabunt, nisi mittantur. 518.2
13. Qui diligit proximum, legem implevit. 323.9
- Epist. I. ad Corinthios.
1. Fidelis Deus per quem vocati estis in Societatem filii ejus Jesu Christi. 358.9
- Auferite malum ex vobis ipsis. 169.3, 5
- Vidua eligatur in operibus bonis, testimonium habens. 266.7
- Si hospitio recepit, si sanctorum pedes lavit, si tribulationem patientibus subministravit. *ibid.*
7. Si

7. Si infidelis discedit, discedat. 169.3
 Volo autem vos sine solitudine esse, Qui sine uxore est, sollicitus est, que domini sunt, quomodo placeat Deo, &c. 241.1
 Porro hac ad utilitatem vestram dico, non ut laqueos vobis injiciam, sed ad id, quod honestum est, & quod facultatem præbeat sine impedimento dominum obsecrandi. ibid.
 Reliquum est, ut qui habent tanquam non habentes sint, & qui emunt tanquam non possidentes, & qui utuntur hac mundo, tanquam non utantur. 387.2
 10. Sive manducatis, sive bibitis, sive aliud quid facitis, omnia in gloriam Dei facite. 507.2
 13. Videmus nunc per speculum in enigmate, 747.3
 Epist. II. ad Corinthios,
 8. Ordinatus est ab Ecclesiis comes peregrinationis nostræ, 491.4
 Epistola ad Galatas.
 6. Vos qui spirituales estis, hujusmodi instruite in spiritu lenitatis, considerans teipsum, ne & tu tentoris, 509.6
 Epistola ad Ephesios.
 3. Ejus factus sum ego minister secundum donum gratiæ Dei, que data est mihi secundum virtutem operationis ejus: mihi enim sanctorum minimo data est gratia evangelizare investigabiles divitias Christi. 321.9
 Epistola ad Philippenses,
 2. Spero in Domino Jesu Timotheum me cito mittere ad vos &c. 489.4
 Epistola ad Colossenses,
 1. Sine intermissione orate. 247.4
 Epist. I. ad Thessalonicenses,
 2. Non quasi hominibus placentes, sed Deo, qui probat corda nostra; nec enim aliquando fuimus in sermone adulationis, nec quærentes ab hominibus gloriam. 524.34
 Epist. II. ad Thessalonicenses.
 2. Sicut probati sumus a Deo, ut credatur nobis

Evangelium, ita loquimur, non quasi hominibus placentes, sed Deo, qui probat corda nostra. 502.6.

Epist. I. ad Timotheum.

4. Exercitatio corporalis ad modicum utilis est, pietas autem ad omnia. 331.18
 Attende tibi & doctrinæ. 310.11
 5. Qui bene præsunt presbyteri, duplici honore digni sunt, maxime qui laborant in verbo, & doctrina. 511.17
 Peccantem coram omnibus argue, ut & ceteri timorem habeant. 585.17

Epist. II. ad Timotheum.

2. Nemo militans Deo implicat se negotiis secularibus, ut ei placeat, cui se probavit 247.1.1
 4. Prædica verbum, instæ opportune, importune, 523.27.

Epistola ad Titum.

1. Amplectentem eum, qui secundum doctrinam est est, fidelem sermonem, ut potens sit exhortari in doctrina sana, & eas, qui contradicunt, arguere. 310.11

Epistola Jacobi.

1. Religio munda & immaculata apud Deum & Patrem hæc est, visitare pupillos, & viduas in tribulatione eorum. 559.4

Epistola I. Petri.

2. Christus passus est pro vobis, vobis relinquens exemplum, ut sequamini vestigia ejus. 548.26
 3. Melius est benefacientes pati, quam male facientes, quia Christus semel pro peccatis nostris mortuus est. ibid.
 4. Communicantes Christi passionibus gaudete, ut & in revelatione gloriæ ejus gaudeatis exultantes. ibid.

Epistola I. Joannis.

1. Quod vidimus & audivimus, annuntiamus vobis, ut & vos societatem habeatis nobiscum, & societas nostra sit cum Patre, & cum filio ejus Christo. 303.13

I N D E X

CONCILIORUM, CONSTITUTIONUM,

MOTUUM PROPRIORUM, &c.

| | | | |
|--|--|--|----------------|
| B ulla Alexandri III. | 243.2 | XI. c. 7. | 509.6 |
| & seq. | | Tridentinum sess. 25. c. 4. de regularibus. | 20.6 |
| Gregorii XIII. an. 1575. | 124.3.312.2.313.6 | Eadem sess. c. 7. de reg. 66.7, & seqq. c. 4. de regul. | 87.14 |
| Gregorii XIV. de confirmatione instituti Societatis. | 344.13 | Sess. 24. c. 6. | 90.8 |
| Julii III. | 143.12.312.2.329.10.401.1.450.14 | Sess. 25. de regul. cap. 1., 93.25, ibid. 27. & seqq. cap. 5. de reg. 27.12.13, ibid. 33.2 | |
| I. Pauli III. | 302.10.305.8.312.2.401.1.451.14.457.7.518.2 | Sess. 22. c. 1. de reform. & sess. 24. c. 12. in fin. 40.2. | |
| 2. Eiusdem. | 303.10.312.2 | Sess. 25. de reg. c. 10. | 104.17 |
| 3. Eiusdem. | 312.2 | Sess. 24. c. 6. | 131.12 |
| ult. Eiusdem. | 111.15.124.8.129.5. & seqq. | Sess. 23. c. 10. de reform. | 147.19.151.10 |
| I. Pii IV. | 313.6 | Sess. 14. c. 11. | 215.6, ibid. 8 |
| Pii V. dum <i>indefesse</i> . | 123.3.260.5 | Sess. 25. c. 19. de reg. 368.6. c. 1. de reg. 386.11 | |
| 2. Eiusdem. | 313.6 | Sess. 5. c. 2. de reg. | 518.4 |
| Concilium Agathense c. 18. | 34.1 | Sess. 24. c. 4. | ibid. |
| Arelatense IV. cap. 7. | ibid. | In declaratione ad sess. 14. c. 7. 528.13. | |
| Aurelianense can. 21. | 45.13 | Congregatio VIII. generalis can. 26. 339.31. | |
| Cabilonense II. can. 65. | 27.11 | Constitutio Gregorii XIII. | 39.26 |
| Carthagenense III. can. 33. | 25.2.26.11 | Eiusdem <i>Ascendente Domino</i> 158.3.233.2.313.6, 321.9.453.2, & alibi. | |
| IV. c. ult. | 16.5, cap. 11.18.18, can. 30. & 32.137.2, cap. 11. 270.3 | Eiusdem in Bulla anni 1573. incip. | |
| Chalcedonense cap. 4. 20.5, 237.4 | | <i>Ex Sedis Apostolica.</i> | 324.3 |
| Colonienfe. | 1.p.c.3.447.6 | Alia ejusd. | 352.4 |
| Gangrense. | 316.4 | B. Ignatii c. 3. §. 4. | 324.3 |
| Hispalense II. cap. 9. c. <i>innova</i> 16. q. 7. c. 11. 265.5 | | Eiusd. in fine c. 2. | 344.13 |
| Lateranense. | 45.11. cap. 6. 446.4. & seqq. | Eiusd. p. 3. c. 1. §. 6. | 383.6 |
| Matiscenense I. c. 2. | 33.1 | Decretum Clementis VIII. de reservatione casuum pro regularibus | 103.4 |
| Nannerense c. 4. | 562.2 | Morus proprii Pii V. & Gregorii XIII. | 23.4 |
| Nysenum. | can. 14.54, can. 56.45.13 | Ordinatio P. Claudii. | 506.13 |
| Toleranum II. c. 1. | 352.5 | Responsum congregationis Cardinalium. | 39.27 |
| IV. cap. 8. | 237.7, c. 35.342.8, cap. 23.352.5 | Synodus VII. sess. canon. 10. | 33.1 |
| VI. c. 6. | 16.5 | | |
| X. | 18.18 | | |

LOCA JURIS CANONICI, ET CÆSAREI.

Ex decreto.

| | |
|--|-----------------|
| A Bbas 2. 18. q. 2. | 54.11 |
| Abbati d. 54. | 135.11 |
| Abbatem 2. 18. q. 2. | 65.2, 69.19 |
| Abbatem 18. q. 2. | 46.2 |
| Consideret. de pœnit. d. 5. | 41.6 |
| Decimas. 16. q. 1. | 264.9 |
| Definimus. 18. q. 2. | 324.4 |
| De viduis. 27. q. 1. | 16.5 |
| Devotis. 20. q. 1. | 268.6 |
| Diaconissam. 27. q. 1. | 270.15 |
| Gesta. 74. d. | 26.7 |
| Hoc nequaquam. 7. q. 1. | 304.4 |
| In decima. 18. q. 2. | 39.26 |
| In nova. 16. q. 7. | 66.6 |
| Juxta. 16. q. 1. | 19.2 |
| Monachum. 20. q. 3. | 16.5 |
| Monachi. 2. 16. q. 1. | 19.2 |
| Monasteria. 18. q. 2. | 33.1, 46.2 |
| Nullam. 18. q. 2. | 48.11, 133.2 |
| Perniciosam. 18. q. 2. | 2.2 |
| Placuit. 1. & 2. 16. q. 1. | 19.2, 181.4 |
| Qua contra mores. d. 8. | 77.23 |
| Quam sit necessarium. 18. q. 2. | 46.16, 54.11 |
| Qui vere. 16. q. 1. | 19.2, 238.10.11 |
| Quisquis. 14. q. 1. | 4.6 |
| Quoniam. 69. d. ex VII. Synodo. c. 14. | 141.3 |
| Sacrorum. 12. q. 2. | 138.5 |
| Sanctimonialis. 23. d. | 18.18, 270.3 |
| Sicut. 27. q. 1. | 16.5 |
| Sine exceptione. 12. q. 2. | 98.6 |
| Statuimus. 19. q. 3. | 193.12, 197.3 |
| Statutum. 18. q. 1. | 221.21 |
| Vidua. 20. q. 1. | 18.18 |
| Viduas. 27. q. 1. | 16.5 |
| Vixit. 16. q. 2. | 71.5 |
| Ult. d. 50. | 98.3 |
| Un. 15. q. 2. | 264.9 |

Ex decretalibus.

| | |
|--|--------------------------|
| A crapula. de vita & hon. cler. | 40.2 |
| Ad aures. de reb. Eccl. non al. | 138.6 |
| Ad nostram. de appell. | 18.17 |
| Clerici 1. de vita & hon. cler. | 17.13, 40.2 |
| Clerici 2. de vita & hon. Cler. | 16.4, 17.13, 225.9 |
| Contingit. de arbit. | 56.23 |
| Cum ab Ecclesiarum. de offic. ord. | 43.6, 48.8 |
| Cum accessissent de constit. | 73.5 |
| Cum ad monasterium. de statu monach. | 2.5, 40.3, 93.25 |
| Cum ad nostram. de elect. | 53.8 |
| Cum causam de elect. | 43.7, 44.12, 53.8 |
| Cum dilectus. de relig. dom. | 44.11, 46.16 |
| Cum sit de etate. & qual. | 339.2 |
| De causis. §. 1. de offic. deleg. | 17.14 |
| Deus qui. de vita & hon. cler. | 15.3, 16.4, 17.11, 18.16 |
| Ea que. de statu monach. | 48.7 |
| Episcopum. de cler. ven. | 40.2 |
| In singulis. de statu mon. | 46.16, 47.3, 48.7 |
| Insinuantes. qui cler. vel von. | 231.21 |
| Inter cetera. de offic. ord. | 518.1 |
| Licet de Eccl. edific. | 196.31 |
| Monachi. de statu mon. | 132.4 |

Monasteria. de vita & hon. cler.

| | |
|--|----------------|
| Multa. ne cler. vel mon. | 38.24 |
| Nam concupiscentiam de consti. | 40.2 |
| Nisi cum pridem. de renunc. | 6.2 |
| Non licet. de reb. Eccl. non al. | 238.15, 239.18 |
| Novit. de judic. | 138.7 |
| Nullum. de statu monach. | 589.15 |
| Nuper. de sent. excom. | 134.5 |
| Officii. de elect. | 125.10 |
| Omnis utriusque sexus. de pœnit. & remiss. | 55.16 |
| Omnibus. de cler. ven. | 98.4 |
| Quanto. de offic. ord. | 40.2 |
| Quia propter. de elect. | 20.5, 48.8 |
| Quod Dei timorem. de statu reg. | 60.2 |
| Quod a te. de cler. conjug. | 45.12 |
| Recolentes. de statu mon. | 210.3 |
| Relatum. ne cler. vel mon. | 278.4 |
| Reprehensibilis. de appell. | 6.2 |
| Sane de regul. | 85.2. & seq. |
| Statuimus. de suppl. neglig. pralat. | 189.17 |
| Super eo. de regul. | 147.16 |
| Transmissam. de elect. | 26.7, 148.26 |
| Tuam. de etate. & qual. | 35.11 |
| Uxoratus. de convers. conjug. | 56.22. & seq. |
| Ult. de offic. ord. | 271.5 |
| | 11.12 |

Ex sexto decretalium.

| | |
|-----------------------------------|-----------------------------------|
| Abbatem. de privil. | 43.7, 45.13, 48.9, 146.13, & seq. |
| Accusatus. de haret. | 40.4 |
| Ad nostram de appell. | 26.7 |
| Ex eo §. in Ecclesiis. de elect. | 58.3 |
| Exiit. de verb. sign. | 2.6 |
| Indemnitatibus. | de elect. 68.14 |
| Nullus. | de elect. 45.12 |
| Quod omnes. de reg. jur. | 26.7 |
| Statuto. §. statuimus de decimis. | 33.15 |
| Ut periculosa ne. cler. vel mon. | 18.18. |
| Unic. §. sane de relig. dom. | 3.2 |
| Un. §. verum. de statu reg. | 30.5, 33.2, 34.5 |

Ex Clementinis.

| | |
|----------------------------------|----------------------------------|
| 1. de constit. | 18.18 |
| 1. De elect. | 43.7, 45.12, 54.11, 66.3, 232.27 |
| 1. De statu monach. | 20.5, 40.2, 98.4 |
| Exiit. de verb. sig. | 2.4 |
| Ut ii. de etate & qual. | 58.5 |
| Ex Extravagantibus Joan. XXII. | |
| Antiqua. de voto. | 383.9 |
| Ex Extravagantibus communibus. | |
| Ambitiosa. de reb. Eccl. non al. | 140.19. & seq. |
| Inter cunctas. de privil. | 108.15 |
| Ex Digestis. | |
| l. 1. de jure delib. | 17.14 |
| l. 1. De reg. jur. | 1.1 |
| l. 9. De jur. & fact. ignor. | ibid. |
| l. 17. De edil. edict. | 159.10 |
| l. Si constante. sol. matr. | 32.15 |
| l. Si ita scriptum de leg. 2. | 55.16 |
| Ex Codice. | |
| l. Sancimus. de sacr. Eccl. | 138.5 |
| Ex Authenticis. | |
| Auth. de alien. & emphyt. c. 9. | 138.5 |
| Auth. de monach. coll. 5. | 336.17 |

INDEX RERUM, QUÆ IN HOC VOLUMINE CONTINENTUR.

Primus numerus paginam, secundus marginalem ejusdem pagine numerum designat.

A

Abbas.

Abbatis nomine veniunt in jure prælati omnes religiosi. 97.2
Abbates regulares quidam sunt benedicti, quidam non benedicti. 145.2
 Hujusmodi benedictio est veluti quoddam ornamentum illius dignitatis, & iterari non potest. ibid.
 Per hanc benedictionem datur potestas ad aliquos actus ordinis exercendos, ut ad benedicendum. ibid.
 Vide in verb. *Ordines.*
Abbates regulares benedicere possunt sacras vestes & corporalia, & quo jure hanc potestatem habeant? 149.2. & seq.
 Quibus Abbatibus seu prælati hæc potestas concedatur? 151.9.10.11
 Vide in verb. *Benedictio.*
Abbatissæ cur per electionem monialium creentur, & non potius ab Episcopis constituentur. 52.2
 In Abbatissam eligi non potest nisi monialis ejusdem monasterii. In casu vero necessitatis potest eligi ex alio monasterio ejusdem ordinis. 66.7
 Quæ causa sit sufficiens, ut Abbatissa eligi possit ex alio monasterio ejusdem ordinis? ibid.
 In Abbatissam ut aliqua monialis eligatur debet habere ætatis annos saltem 40. & religionis 8. post expressam in ea professionem. ibid. 8
 Hæc vero conditio substantialis non est; & quando observari debeat? ibid.
 Si ea servari nequeat, quantæ ætatis & antiquitatis in religione debeat esse monialis eligenda? vel an assumi debeat ex alio monasterio ejusdem ordinis? vel certe postulanda sit dispensatio a Summo Pontifice? 67.10
 Quænam e duabus concurrentibus, quarum altera habet tantum annos ætatis acquisitos, altera vero tantum annos antiquitatis, sit potius eligenda in Abbatissam? ibid.
 In Abbatissas an eligi possint illegitimæ? 68.12
 An possint eligi corruptæ, ut videtur &c. 69.16
Abbatissatum electrices debent esse professæ tacite, vel expresse. ibid. 18
 Utrum conversæ possint eligere? & quæ ætas ad hujusmodi suffragium ferendum requiratur? ibid.
Abbatissis secluso privilegio aliquo non competit potestas ad ferendas censuras. 81.10
 An saltem eis competat minor aliqua potestas ad imponendas alias penas, quæ spirituales non sunt, ad spirituales tamen accedunt? ibid.
Abbatissæ utrum saltem ex privilegio habeant, aut habere possint potestatem spirituales, tum ad penas spirituales imponendas, tum ad conferenda beneficia? ibid. 11
 An habeant saltem aliquod dominium quodammodo spirituale, non solum in moniales, sed etiam in alias personas, ut in clericos, qui interdum eis subijciuntur? Et quodnam hujusmodi Dominium esse possit? 82.13
Abbatissæ licet per se non possint, poterunt tamen per suos officiales (quos habere possunt) excommunicare, &c. Hanc tamen potestatem, non ipsæ, sed Summus Pontifex talibus officialibus conferet. ibid. 15
Abbatissa an, & qua ratione obligare possit subditas suas in conscientia? 102.7. & seq.
Absolutio.
Absolutio duplex tantum est, a peccatis scilicet, & a censuris, vel penis Ecclesiasticis. 103.1
Absolvendi potestatem ordinariam & immediatam habent omnes prælati regulares tam infimi, quam medii & supremi in suos subditos religiosos. ibid. 23.
 Possunt dicti prælati, imo pro casibus non reservatis tenentur sub gravi obligatione delegare alteri, cui religiosi libere confiteantur. ibid. 4
 An teneantur assignare in qualibet domo duos vel tres confessarios pro casibus non reservatis, ita ut singuli confessarii possint omnes religiosos ejus domus absolvere?

104.6,7

Absolvendi potestas prædictis confessariis commissa, censenda est tantum delegata & non ordinaria ibid. 8
 An superior possit dictam potestatem absolvendi pluribus delegare: & qua moderatione id debeat facere? ibid. 10
 Cætera vide in verb. *Confessio & Confessor.*
Privilegia ad absolvendum, v. in verb. *Privilegium.*
Absolutio in articulo mortis, v. in verb. *Articulus mortis.*
Absolutio a censuris, v. in verb. *Censura & Excommunicatio.*
Absolutio a casibus reservatis, v. *Casus reserv. & Bulla Cœna.*
Absolvere peregrinos religiosos, quis possit? vide verb. *Peregrinus.* Novitios etiam quis? vide *Novitius.*
Absolvere, verbum, aliquando in jure idem valet atque dispensare. 123.16
Absolutio in quo differat a dispensatione. 535.48
Absolvere missos ad trirèmes, ut in articulo mortis, possunt religiosi Societatis ex privileg. vivæ voc. orac. accedente tamen licentia suorum superiorum. 529.19
Absolvere Apostatas a religione nemo potest nisi eorum superiores: si tamen detur necessitas, & ad eos non possint recurrere, absolvi possunt a quolibet confessore, cum onere tamen comparandi. 363.21
Abstinencia.
Abstinentia qua potius ratione sit medium ad conferendam castitatem. 382. & seq.
Acquisitio bonorum.
Acquisitio bonorum monasterio de se bona est; & ad prælatum potestas acquirendi monasterio spectat. 134.5
 Alii religiosi de licentia prælati acquirere possunt monasterio, non tamen sine illa; nec sibi etiam cum illa. ibid.
Acquirere alteri monasterio, vel aliud monasterium suæ religioni, an & quomodo possint prælati regulares? ibid. 6
 Cætera vide in verb. *Bona.*
Accusatio.
Accusatio ad quem finem dirigatur? 603.33
Accusatio licite potest, imo aliquando debet fieri in religione; nec requirit præviam admonitionem secretam. 606.44
 Quomodo hujusmodi accusatio intendenda & prosequenda sit? ibid.
Activa vita, vide Vita activa.
Actus.
Actus interior cum prodit in exteriorem est magis meritorius, & unde hoc illi proveniat? 255.24
Administratio bonorum religionis, vide verb. Bona temporalia.
Admonitor.
Admonitor Præpositi generalis Societatis quod habeat munus; & quomodo illud obire debeat? 568.9
 Quomodo, & a quibus sit eligendus? 573.4
Adulatio.
Adulatio quam perniciofa? 598.2
Alienatio.
Alienatio bonorum immobilium religionis, an & a quibus prælati fieri possit juxta jus antiquum? 140.18
Alienare jure communi posteriori possunt prælati regulares bona etiam immobilia, & mobilia pretiosa religionis, cum certis tamen conditionibus. 137.1
 Quænam sint ea bona? 140.16. & seq.
 Quæ deinde sint conditiones requisitæ ad eorum alienationem? ibid. 17. & seq.
 Qua certitudine constare debeant dictæ conditiones? 138.7. & 8
 Alienatione sine dictis conditionibus esse irritam. 141.20
Alienare ne possit prælatus bona immobilia monasterii accedente solo consensu capituli, aut conventus; an requiratur etiam consensus alicujus prælati superioris? 139.13
 Quomodo præstari debeat hujusmodi superioris prælati consensus? ibid. 14. & 15
Alienare bona conventuum qua ratione possint aut non possint prælati regulares juxta sua statuta & privilegia. 137.1. & 2

Alie.

- Alienate omnia mobilia Collegiorum & domorum suæ religionis potest Præpositus generalis Societatis per sua statuta. Et quid possit circa mobilia simul cum Societate, seu congregatione generali?** 143.13
Vide etiam in verb. Bona.
- Alienantes bona Ecclesiastica alienari prohibita, quas pœnas incurrant?** 141.21
- Ambitio.*
- Ambitio dignitatum omnibus, & maxime religiosis perniciofa.** 467.2.& 4
- Ambitionis dignitatem, verb. Dignitas, & verb. Professus Societatis.**
- Amicitia.*
- Amicitia particularis religiosis Societatis vitari præcipiuntur, & sunt religiofa charitati contraria.** 510.14
Quænam sint hujusmodi amicitia reprehensibiles, & unde dignosci possint? 511.18
- Amar.*
- Amor virtute conciliatur.** *ibid.* 1
Amor Dei perficitur cum ad amandum & benefaciendum proximo ostenditur. 255.25
- Anachoreta.*
- Anachoretæ antiqui, ut Paulus, & alii, an fuerint veri religiosi?** 238.12
- Animarum cura.*
- Animarum cura, seu regimen, ars est artium.** 341.2
Quantam prudentiam requirat? 479.5. & 6
- Apostasia & Apostata.*
- Apostasia a religione committitur fugiendo a religione animo non redeundi, sive id fiat habitu retento, sive dimisso.** 154.13. & 14
Quantum sit peccatum? *ibid.* 11
An differat specie a fuga, quæ solum fit ad tempus? *ib.* 15
Licet non differat specie, est tamen circumstantia necessario aperienda in confessione, in omni opinione. 155.16
- Apostata a religione, retento tamen habitu, jure communi excommunicationem non incurrit.** *ibid.* 17
Potest tamẽ eam incurrere jure particulari religionis, ib.
- Apostata a religione est quodammodo irregularis ad ordines sacros; etiam Episc. accipiendos.** 157.28. & 30
Suspiciens vero illos ordines in tali statu pœnam suspensionis à suscepto ordine incurrit. 155.18
- Apostata sit, nec ne, qui a religione fugit retento habitu, & cum animo aliquando redeundi?** 156.24. & 160.14. & 15
Item an sit Apostata, qui fugit dimisso habitu, sed cum animo redeundi? 155.20. & seq.
Quæ mora facta in seculo a religioso fugitivo sufficiat, ut ille censeatur Apost. & pœnas Apostatarum incurrat? 156.25
- Apostata etiam est ille, qui relinquit habitum suæ religionis ut in sæculo permanenter vivat, quamvis simul habeat animum ingrediendi in aliam religionem.** *ibid.* 24
Quid si statim ubi dimittit habitum sine licentia sui superioris aliam religionem valide ingrediatur? *ibid.*
Quid si invalide aut illicite ob defectum necessariæ alicujus conditionis? 190.21
Quæ conditiones necessariæ sint ad validam aut licitum transitum in aliam religionem? Vide verb. Religiosus ad aliam religionem transiens.
- Apostasia consummatissima committitur relinquendo & religionem & habitum, animo non redeundi.** 157.26
- Apostasia censetur consummari, ubi primum religiosus animo non redeundi septa monasterii egreditur.** *ib.* 27
Antequam consummetur non incurruntur pœnæ Apostatis impostæ. *ibid.*
- Apostata a religione esse non potest, qui non est verus religiosus.** 158.1
Secus si sit vere religiosus, quamvis vota solennia non sit professus, sed tantum simplicia. *ibid.* 2.3. & seq.
- Apostata non est, qui sine peccato a religione recedit, quamvis alioquin ad talem recessum peccaminose, seclusa tamen fraude, vi, &c. causam dederit, aut ex malo fine in illum consenserit.** 159.7
- Ab Apostasia autem securus non est, qui ex instituto male vixit, ut dimitteretur a religione.** *ibid.*
- Apostatæ a religione Societatis, præter pœnas juris incurrunt excommunicationem reservatam Generali ejusdem Societatis; idque quamvis habitum non dimittant, vel etiam si ad aliam religionem transeant.** *ibid.* 8
Non sunt vero censendi Apostatæ hujusmodi religiosi, si retento habitu ad breve tempus in sæculo vivant, animo redeundi. *ibid.*
Ubi vero censuram Apostasiae incurrerint, ab ea non possunt, etiam per bullam Cruciatæ, absolvi, nisi a suis superioribus. *ibid.* 9
Quas deinde obligationes religionis retineant? 618.9
Apostatæ quas pœnas incurrant jure communi? 157.28
Quas jure novo seu speciali? 160.11. & 12
An eas incurrant ipso facto ante sententiã, vel post illã? *ib.* 16
An pœnæ jure communi Apostatis impostæ ab omnibus religiosis, an solum a monachis incurrantur? 163.29
Apostatæ & fugitivi a religione possunt puniri a suis superioribus juxta suas regulas, vel ad arbitriũ prudentis. 160.16
Apostatæ a quibus & quomodo possint absolvi, vide verb. Absolutio.
- Apostata non est religiosus, qui extra claustrum habitat cum licentia, etiam invalida superioris.** 181.13
Apostata an peccet contra votum paupertatis bona in seculo acquirendo? 161.21
Apostatarum bona sine turpi negotiatione acquisita, an, & quomodo pertineant ad religionem, & quomodo illis uti possint Apostatæ ante reditum ad monasterium? *ibid.*
Apostatarum bona contra justitiam acquisita proprio Domino restituenda sunt. *ibid.* 20
An si sit incertus Dominus, possint ab ipsis Apostatis erogari pauperibus inconsulto superiore? Aut saltem possit prælatus eis modum præscribere in dictis bonis distribuendis? *ibid.*
Apostatarum bona turpiter, non tamen contra justitiam acquisita, an, & quando pertineant ad Cameram Apostolicam, non vero ad monasterium? 162.22. & seq.
Apostasia cooperari dando consilium, auxilium, &c. peccatum est mortale. 163.1.1
Recipere vero Apostatam vel occultare in domo aliquando excusatur a peccato cooperationis; & quando? 164.2
Apostasia cooperans excommunicatione Pontifici reservata ipso facto incurrit. Excipiuntur tamen receptatores Apostatarum, respectu quorum hæc censura declarationem admittit, & quam? 168.26
Apostasia cooperari quis censeatur, eo quod illam non impedit? 164.3
Apostasia cooperans inducendo religiosum ut religionem deferat, an aliquam restitutionem religioni debeat? *ibid.* 4. & seq. usque ad fin. cap.
Qui per vim aut fraudẽ religiosum adduxit a religione, an, & quid teneatur restituere ipsi religioso? 165.10. & seq.
Et quid ipsi religioni? 166.13. & seq.
Qui per vim ad Apostasiam concurret, averrendo religiosum a sua religione non tenetur, imo nec potest propria auctoritate per similem vim illum reducere. 165.8
An possit auctoritate ipsius religionis. *ibid.*
Cooperans religioso volenti apostatare, nihil restituere tenetur. 168.26
- Apostoli.*
- Apostoli fuere primi clerici regulares.** 174.3. & seq.
Apostolorum nomen quo fundamento, & occasione religiosis Societatis Jesu in Lusitania, & in India orientali fuerit accommodatum? 302.7
- Appellatio.*
- Appellare an possint religiosi a sententiis & præceptis superiorum prælatorum?** 84.1. usque ad fin. cap.
Appellationis effectus quis sit? 86.6
Appellatio a sententia an habeat locum in Societate? 603.33
- Articulus mortis.*
- In articulo mortis non potest Sacerdos ordinarius absolvere a reservatis moribundum, si adsit superior, vel alius, qui habeat potestatem absolvendi a reservatis.** 116.14
In articulo mortis potest quilibet confessor ordinarius religionis absolvere religiosum mendicantem ab omnibus casibus & censuris, & concedere ei indulgentiam plenariam. 115.8. & seq. *Vide verb. Mendicantes.*
In articulo mortis potest absolvere a censuris quilibet clericus etiam non ordinatus in sacris. 532.32
- Assistentes Societatis.*
- Assistentes Præposito Generali Societatis, quot sint, quod munus, & quod suffragium habeant?** 607.6
A quibus possint aut debeant eligi? 573.4
Omnes Societatis religiosi tenentur manifestare Generali, quoscunq; sciverint Assistentiũ munus procurare. 561.16
- Augustinus.*
- Augustinus post Baptismum & ante reditum in Africam religiosus**

ligioſæ vitæ modum inivit, non tamen proprie religioſus fuit. 287.2.& ſeq. uſque 9. & 291.18
Poſt reditum vero in Africâ, etiâ ante preſbyteratû vere fuit religioſus, & Monachorum inſtitut. 289.10.& ſeq.
Regulam religioſam ſcripſit, & quam? 290.14
An regulam ſcripſerit pro Canonicis regularibus, an pro Eremitis? 291.15.& ſeq.
Vide etiam in verb. *Canonici regulares, & Eremita*,

B

Baptiſmus.

Baptiſmum an, ubi, & qua ratione religioſi ex vi ſuorum privilegiorum miniſtrare poſſint. 540.3
Baptiſmum infidelibus adultis, aut parvulis infidelium an poſſint miniſtrare religioſi virtute ſuorum privilegiorum? ibid.7.& 8
S. Baſilius, & ejus religio.

A ſancto Baſilio regulas & præclara inſtituta religionis edita fuiſſe. 273.6
Hujus inſtituti & religionis antiquitas. ibid.
Finis hujus inſtituti, ac media ad illû cõſequendû. ib.7.& ſeq.

Benedictio.

Benedictiones aliquæ ita ſunt propria Episcoporum, ut nec per Pontificem committi poſſunt ſimplici ſacerdoti, & quænam illæ ſint? 149.1
Benedicere ſacras veſtes & corporalia poſſunt Abbates regulares, & quo jure hanc poteſtatem habeant? ibid.2
Benedictiones, quæ unctionem chriſmatis requirunt, an poſſint a dictis Abbatibus conferri? 150.8
An d. poteſtas benedicendi poſſit conſuetudine præſcribi? ib. Ad quas res benedicendas extendatur d. poteſtas? 151.9. & 11
Quibus prælatis hæc poteſtas concedatur? ibid.9.10. & 11
Benedictiones nuptiales conferre ſub gravi cenſura religioſis interdicitur. 543.20
An religioſi Societatis propter ſua privilegia in aliquo caſu, aut loco eas conferre poſſint. ib. & n.21
Abbates benedicti, vide verb. *Abbas*.

S. Benedictus & Benedictinorum ordo.

S. Benedicti religio, quando & quomodo cœperit? 274.4
Quod inſtitutum ſeu profeſſio ejus? 275.5
Alia monaſteria, quæ ante Benedictum non pauca erant in Occidente, ejus regulam ſunt amplexata. ib.9. & 7
Obligationes quæ religioſis Benedictinis jure communi imponuntur, quomodo intelligantur, & an comprehendant etiam alios religioſos? 282.11. & 12
Benedictinæ familiæ viri inſignes, & cur varie numerentur? 276.10
Benedictino ab ordine an manarit Cluniacenſis? 277. initio.
An Cifterciensis & alii? ib.3. & ſeq.

Beneficium & Beneficiatus.

Beneficium regulare in quo differat a ſeculari? 228.2
Beneficiû regulare, non tamen religioni pleno jure ſubjectum, non poteſt a ſolo prælato religionis conferri religioſo, ſed ſimul & præcipue ab Episcopo faciendâ eſt talis collatio. 232.22
Non tamen opus eſt ſpeciali diſpenſatione ad huiſmodi collationem religioſo faciendam, ibid.
Utrum ad alia beneficia ſit neceſſaria diſpenſatio? Et a quo concedi poſſit, ſi neceſſaria ſit? 226. per tot. c. 19
Beneficium ſeculare etiam curatum haberi non poteſt a religioſo, qui relicta propria religione ad aliam diverſi ordinis tranſiit. 216.12
Beneficiatus regularis habens beneficium regulare ſuæ religioni pleno jure ſubjectum, an teneatur ad omnem religioſam obſervantiam, ſicut cæteri ſimplices religioſi? 228.6
Cui nam acquirat, ſuæ ne Eccleſiæ, an religioni, an utrique? 229.8. uſque ad 17
Quomodo expendere poſſit aut debeat bona, quæ Eccleſiæ acquirat? ib.10
An rediens ad monaſterium poſſit ſecum ad illud deferre peculium, & omnia bona mobilia, quæ Eccleſiæ acquiſierat? ib.11
Retinere, & adminiſtrare non poteſt bona, quæ monaſterio acquirat. 230.17
An, & quam obligationem habeat obediendi prælatis ſuis, tû in aliis, tû in adminiſtratione ſuæ Eccleſiæ? 231.18. & ſeq.
Utrum poſſit revocari ad monaſterium pro arbitrio ſui ſuperioris, ſine aliqua ſpeciali cauſa? ibid.20
Non poteſt dictus beneficiarius ſine ſocio ſuæ religionis habitare. 232.26
Beneficiarius regularis habens beneficium regulare, non tamen ſuæ religioni pleno jure ſubjectum, an ad aliquam obſervantiam regulæ, votorum, & ſubordinationis ad prælatos regulares obligetur? ib.24. & ſeq.

Suarez. Tom. XV.

Omnia acquirat ſuæ Eccleſiæ.

ibid.

Non poteſt talis beneficiatus arbitrio prælati ſui regulatis revocari ad monaſterium, & a beneficio amoveri. ib.23
Beneficiarius regularis habens beneficium ſeculare, ab omni obſervantia regulæ, & ſubordinatione reſpectu prælatorum ſuæ religionis eſt exemptus, nec tenetur ſecum habere ſocium ſuæ religionis. 233.28.
Statim vero incipit eſſe ſub ſpeciali obediëntia Episcoporum. 177.6
Bernardus, & ejus religio.

D. Bernardi religio quæ? ejus regula, origo, perfectio, &c. 197.3. & ſeq.

D. Bernardus neque inſtitutor, neque ſupremus prælatus totius Cifterciensis ordinis fuit. 192.6

Birrus.

Birrus eſt quoddam veſtimenti genus proprium olim clerico-rum. *Bona.* 234.4

Bonorum temporalium monaſterii adminiſtratio primatio competit ipſi communitati, & mediante ipſa prælato, in quem ipſa tranſferre poteſt hanc ſuam poteſtatem. 133.2
Hæc poteſtas non eſt poteſtas juridiſctionis, ſed reducitur ad dominativam. ibid.

De facto in prælatum fuit tranſlata initio religionum. ibid.3
& a jure communi approbata. 134.4

Bonorum monaſterii acquiſitio, vide verb. *Acquiſitio*.

Bonorum monaſterii alienatio, vide verb. *Alienatio*, & verb. *Donatio*.

Bonorum monaſterii conſervatio qua ratione, & ſub qua obligatione ad prælatum & officiales illius, & ad alios etiam ſubditos pertineat? 134.7

Quos pecuniæ monaſterii ſumptus, in quibus rebus, & ſub qua obligatione prælati regulariû facere poſſint & debeant? 135.9

Qua æquitate ſibi & aliis teneatur prælatus ſubvenire de bonis monaſterii? ibid.10

Bona mobilia monaſterii expendere & conſumere quatenus poſſit aut debeat prælatus regularis? 136.16. & 17

Bona immobilia monaſterii quomodo adminiſtrari debeant a prælato? ibid.18. & 19

Bona monaſteriorum ſemper fuerunt Eccleſiaſtica, ac proinde diſpoſitioni ſacrorum canonum ſubjecta. 137.20

Bona immobilia Collegiorum Societatis alienari, mutari, ac diſſolvi non poſſunt a ſolo Generali, ſed ulterius requiritur conſenſus ipſius Societatis. 141.3

Quomodo huiſmodi conſenſus Societatis haberi poſſit ſufficienter, an per ſe ſufficiat ſine conſenſu Generalis? 142.5

Qua ex cauſa fieri poſſit dicta alienatio? ibid.7

An a Generali ſimul cum Societate poſſint ſuperabundantia bona immobilia unius Collegii applicari alteri? ib.8. & 9

Explicantur indulta & privilegia Apoſtolica confirmantia & ampliandi ſtatuta Societatis quoad poteſtatem alienandi, mutandi, contrahendi ſuper bona mobilia, & immobilia ipſius Societatis. 143.11. & ſeq. uſque ad fin. c.

Bonorum mobilium Societatis alienatio, vide verb. *Alienatio*.

Bona religioſorum beneficiariorum, vide verb. *Beneficiarius*.

Bona ab Apoſtatis extra religionem acquiſita, vide verb. *Apoſtata*.

Bona Episcoporum regularis, vide verb. *Episcopus*.

Bona religioſi tranſeuntis ad aliam religionem; vide verb. *Religioſus ad aliam religionem tranſiens*.

Bona religioſi expulſi, vide verb. *Religioſus expulſus*.

Bona a Clerico regulari, etiam in clauſtris degenti, per turpem negotiationem, vel contra Canones acquiſita, an pertineant ad religionem, vel ad Cameram Apoſtolicam? 163.30

Bona ſua diſtribuire promittunt omnes, qui in Societate recipiuntur, & hanc promiſſionem faciunt antequam per vota Societati incorporentur. 388.17

Quomodo hæc promiſſio intelligenda, & quos effectus habeat? ibid. & 18

Huiſmodi bona, quibus, quando, & an absolute diſtribuenda ſint, ſine conditione, ſi perſeveraverit, &c. ibid.39

Bona ſua pauperibus potius, quam conſanguineis diſtribuire, quibus maxime rationibus religioſis expediat? ib.2. & ſeq.

Bona ſcholaſticorum Societatis ab ipſis ſcholaſticis ſunt in pauperes diſtribuenda. ibid.

An & qua ratione in conſanguineos etiam ea poſſint diſtribuire? ibid.2. & 4

Quo ſuperioris conſenſu, & conſilio. ibid.4. & 5

An poſſint etiam Societati ea applicare, & ad id quoque induci? 390.6. & 7

Ante omnia ex his bonis debita ſolvenda ſunt. ibid.6

An bona ſua, ſaltem in uſus pios, diſtribuire licite poſſint religioſi non profeſſi Societatis abſque directione & conſenſu.

- sensu superiorum? 391.3
An valide saltem ea distribuere valeant absque tali consensu superioris. 393.11.&12
Bona sua in usus profanos ut possint distribuere religiosi non professi Societatis, ultra consensum superioris adhibere tenentur consilium duorum aut trium patrum, quos superior approbaverit. 392.10
At vero in usus pios pro sua devotione ea distribuere possunt, cum consensu tamen superioris. 391.3.&10
Utrum divisi a Societate, qui vota tantum simplicia in ea emisissent, possint deferre secum bona, quæ ipsi Societati donaverant? 135.11
- Bulla Cœne.*
A casibus occultis bullæ Cœne, etiam hæresis, non possunt absolvere Episcopi, propter revocationem factam in eadem bulla Cœne. 119.10
Prælati religionum mendicantium per sua privilegia absolvere possunt suos subditos religiosos ab omnibus casibus bullæ Cœne etiam a lapsu in hæresim. 120.1.&2
Facultas ad absolvendum a casibus bullæ Cœne, quando censenda sit revocari per ipsam bullam Cœne? 121.6.& seq.
Facultas generalis ad absolvendum ab omnibus casibus reservatis Papæ, cur non comprehendat casus bullæ Cœne. 122.8
Ab omnibus casibus bullæ Cœne absolvere possunt religiosi Societatis de licentia sui Generalis in terris infidelium, & partibus remotissimis, a quibus facile adiri non potest Sedes Apostolica. 529.16
An etiam sub hac generali concessione comprehendatur casus hæresis? ibid. & 17
Qua ratione possint religiosi Societatis absolvere raptores bonorum naufragantium; & extra Hispaniam, legentes libros prohibitos. ibid.18
Vide verb. *Casus reservati*, & verb. *Censura*
- Bulla Cruciatæ.*
Bulla Cruciatæ uti non possunt religiosi ad effectum eligendi confessorem; quemadmodum nec aliis bullis, ut Trinitatis, &c. ad eundem effectum, sine licentia suorum superiorum. 105.3. usque ad 8
Possunt tamen uti prædictis bullis de licentia suorum superiorum. 106.9
Bulla Cruciatæ uti possunt Novitii ad effectum eligendi confessorem, etiam sine licentia superiorum religionis. ibid.10
- C.*
Canonici regulares.
Canonici regulares unde dicti. 1.1
Canonici regularibus olim non licebat transire ad religiones Monachales, & cur ita? 191.2.& seq.
An Monachi, saltem laici, transire possint ad Canonicos regulares. 192.9.& seq.
Canonici regulares in quo differant a Clericis regularibus. 263.6.& seq.
Canonici regulares unde ortum habuerint, & quæ sint proprietates illius status? ibid.
Regula Augustini scripta non fuit pro Canonicis regularibus, sed pro Eremitis tantum. 291.15.& seq.
Postea vero Canonicis regularibus ab eodem Augustino fuit accommodata. ibid.& seq.
Canonicorum regularium statum non inchoatum, sed reformatum fuisse ab Augustino probabile. 257.3
Eosque esse a tempore Apostolorum in Ecclesia aliqui senserunt. ibid.
Canonicorum regularium quot sint genera? 264.12
Canonici nomine quid veniat? 263.6.& seq.
- Capilli.*
Capillos nutrire an liceat monialibus. 270.4.& 5
- Capitulum.*
Solum capitulū, sive congregatio generalis religiosorum infra Papam habet potestatem condendi statuta religionis. 73.4
Et an ad hoc indigeat consensu generalis, vel præsidio? 74.8
Capitulū universale religiosorum est supra ipsū generalem. ib.
Capitulum vero Ecclesiæ Cathedralis non est supra Episcopum, nec Concilium generale supra Papam. ibid.
Capitulum generale religiosorum sede vacante ante electionē Generalis, an possit leges concedere? ibid.9.&10
Capitulum generale religiosorum tantum potest, quantum ei universa religio per suas constitutiones concedit. 75.10
Capitulum generale religiosorum, pro tota religione, & provinciale pro tota provincia an, & quos casus post decretum Clementis VIII. reservare possit. 113.15
Capitulum Ecclesiæ Cathedralis sede vacante potest Dioc-
- sanas leges condere. 74.9
- Cardinalis.*
Cardinalis religiosus quas obligationes suæ religionis retineat. 227.4
- Carmelitarum ordo.*
Carmelitarum regula a D. Basilio traxit originem; 3.6
Carmelitarum ordo ab Elia manavit. 298.1
- Carthusiensium ordo.*
Carthusiensium origo, & institutum. 279.1.&2
Qui talis instituti author? ibid.2.3
Quæ & qualis ejus approbatio ab Ecclesia. 280.9
Eorum observantia. 279.2
An liceat illis in omni casu abstinere a carnibus? ibid.4
Comparatur hæc religio in perfectione cum aliis. 280.7
Carthusiensium clausura quanta. ibid.6
Transitus a quavis religione ad Carthusiam licitus est; & ob quam maxime rationem, ibid.
An liceat etiā a Carthusia ad aliā religionē transire? ib.7.&8
Carthusianorum regula a nulla antecedenti traxit originē. 2.6
- Castitas.*
Castitas conjugalis sufficit ad statum religionis, 244.19
Quomodo sit materia consilii? ibid.18.& seq.
Castitatis votum militarium ordinum, præter Maltensem, non est solemne, nec dirimit præcedens matrimonium ratum, aut futurum impedit. 246.28
In quibusdam vero participat solemnitatem. ibid.29
Simplex castitatis votum quod in Societate emittitur, quantum extendatur, & utrum in eo, durante statu religionis, saltem a Pontifice dispensari possit? 376.1
Hujusmodi votū a principio Societatis impendebat quidem, non tamen irritabat matrimonium subsequens. 377.3.& seq.
De facto tamen jam illud irritat, personamque inhabilem reddit ad contrahendum ex decreto Greg. XIII. 378.8.& seq.
Idque maxime fuit expediens. ibid.9
An scholastici Societatis, qui jam votum castitatis emiserant ante decretum Gregorii, per illud decretum subsequens redderentur, aut reddi possent inhabiles ad matrimonium? ib.11
Ad castitatis votum perfectissime servandum quibus mediis utatur Societas? 382. per totum cap. 3
Castitatis perfectio a Societate intenta omnium est maxima. ib.1
Ad castitatem servandam mediā accommodatissima, quæ? ibid. per totum cap. 3
Peccatum contra castitatem opere consummatum non censetur tantum copula, sed etiam pollutio. 112.12
Ubi reservatur quodlibet peccatum externum in hac materia, etiam si non sit consummatum (quæ reservatio datur in Societate) requiritur & sufficit ad reservationem incurrendam, ut detur opus externum, quod ex se sit mortale; ut sunt verbi gratia tactus impudici, &c. si vero actio ipsa externa de se sit levis, quamvis actus internus sit mortale peccatum, non erit reservatum. ibid.
- Casus reservati.*
Casus reservandi potestatem ordinariam habent Prælati religionum erga suos subditos religiosos. 111.1
Hanc vero potestatem limitavit Clem. VIII. ita ut undecim tantum casus possint reservari. 113.14
Assignantur, & explicantur prædicti undecim casus. 111.2. usque ad 13
Peccata venialia reservari proprie non possunt. ibid. 3
Peccata mortalia mere interna, etiam si reservari possunt, ex usu tamen ecclesiæ non reservantur. ibid.
Congregatio, seu Capitulum generale religionis pro tota religione, & Provinciale pro tota provincia non prohibetur a Clemente VIII. plures casus, quam prædictos undecim reservare, sed solum Prælati religionis ea prohibitionē inhibentur. 113.15
Non poterit tamen Congregatio, seu Capitulum provinciale casus alios reservare, si forte per sua statuta ad similes actus potestatem non habeat, ut contingit in Societate. ibid.
Utrum prælati licet prohibeantur a Clemente VIII. plures casus reservare, possint nihilominus censuras reservare? ibid.17
A casibus reservatis religiosos jure ordinario absolvere nemo potest extra suam religionem, nisi solus Summus Pontifex. ibid.1
A casibus reservatis absolvi non possunt religiosi ab habentibus jurisdictionem delegatam a Papa per generalia privilegia ad absolvendum omnes fideles. ibid.
A casibus reservatis absolvi non possunt religiosi a confessoribus suæ religionis, nisi de licentia sui superioris ad hoc spec-

specialiter concessa, vel aliter ex regula, aut ex usu tali muneri confessoris annexa. 114.6

Possumt Prælati religionis, quibus subditorum peccati reservantur, eos a reservatis absolvere, vel eam jurisdictionem alteri committere. 116.16.& 17

Fieri tamen potest, ut alicui Prælato religionis committatur a superiori potestas tantum delegata ad absolvendum de aliquo certo peccato reservato, & tunc hanc potestatem alteri subdelegare non potest. ibid.

A quibus casibus & censuris reservatis Pontifici Prælati regulares possint suos subditos religiosos absolvere; vide verb. *Censura*.

Petita facultate a superiore ad absolvendum de aliquo reservato, & ab eo injuste negata, non potest ordinarius confessor de illo absolvere penitentem. 117.21

Quid in eo casu facere possit penitens, si urgeat necessitas communicandi ad vitandam infamiam vel scandalum? ibid. 22.& 23

An casus reservari Summo Pontifici, a quibus Prælati religionum possunt per sua privilegia subditos absolvere, reservari possint a prælatis superioribus ita, ut inferiores prælati ab eis non possint absolvere? 125.15

Quando prælatus assignat confessarium pro suis subditis, aut ei concedit facultatem absolvendi a reservatis, non ei delegat eo ipso facultatem absolvendi a reservatis Summo Pontifici. 126.18

Et quando censendus sit eam facultatem concedere? ibid.

A quonam possit absolvi prælatus supremus religionis de casibus Summo Pontifici reservatis? 128.7.& 8

An Episcopus saltem in aliquo casu possit absolvere religiosos a casibus reservatis Summo Pontifici. 137. per totum cap. 23

Ab omnibus casibus Papæ reservatis, quoties non patet aditus ad Summum Pontificem, vel commissarium ejus, nisi cum magna difficultate & mora, potest absolvere quilibet confessor cum onere comparendi coram Pontifice vel habente jurisdictionem ab illo circa tales casus respectu talis personæ. ibid. 5

Semel in vita possunt religiosi minores, & omnes alii, qui cum illis communicant in privilegiis, absolvi a confessario suæ religionis de omnibus peccatis, & censuris reservatis. 117.17

Idem privilegium eisdem conceditur pro articulo mortis; & quid operetur, cum in articulo mortis nulla sit reservatio? 115.8.& seq.

Debet vero confessor esse approbatus vel expositus a prælato religionis ad audiendas confessiones suorum subditorum. ibid. 7

Vide etiam in verb. *Mendicantes*.

Religiosi, præcis privilegiis, absolvere non possunt a casibus Episcopo reservatis; quemadmodum nec parochi. 527.10

Quantum vero possint religiosi, præsertim Societatis, per sua privilegia circa casus, etiam Pontifici reservatos? Vide verb. *Pœnitentiæ sacramentum*.

Usus reservandi aliquot casus, qui in Societate datur, esse instituto Societatis, & rationi consentaneum. 504.2.& 3

Nimiam non esse talem reservationem. ibid. 5.& seq.

Qui casus in particulari reserventur in Societate? ibid.

In Societate sola generalis Congregatio habet potestatem reservandi peccata. ibid. 4

Casus reservandi usus quam varius in diversis religionibus fuerit? ibid. 6

Superior in rigore potest cogere, ut subditus incidens in reservatum sibi confiteatur. 505.8

Non tamen id semper expetit: & quomodo in hoc se gerere debeat superior, quando facultas per confessarium ordinarium postulatur? ibid. 9.& 10

Quid si per alium Sacerdotem? 506.11

Quod etiam sit munus confessorii, cui facultas ad absolvendum in eo casu conceditur? 505.10. in fine.

Privilegia regularibus prælatis concessa ad absolvendum a casibus Pontificiis suos religiosos, vide verb. *Privilegium & Prælatus*.

Peregrini religiosi a quibus, & quo modo absolvi possint a reservatis, vide verb. *Peregrini*.

Novitii a quo possint absolvi, de reservatis, v. verb. *Novitii*.

Cetera pro casibus reservatis, vide in sequenti verb. *Censura*.

An, & quas censuras prælati religionis imponere possint suis subditis? 80.4. & seq.

Suarez Tom. XV.

Vide etiam in verb. *Prælatus regularis*.

Censuras reservare possunt prælati regulares, non obstante decreto Clementis VIII. prohibente reservationem plurimum casuum, quam eorum undecim, quos reservare prælatis religionum permittit. 113.17

A censuris a jure, imo & ab homine per sententiam generalem, non reservatis absolvere potest ordinarius monasterii confessor eo ipso, quod habet jurisdictionem ad absolvendum de peccatis mortalibus. 118.1.& 3

Ab omnibus censuris non reservatis, tam a jure, quam ab homine per sententiam generalem absolvere jure ordinario possunt prælati religionum suos subditos religiosos. ib. 1.& 2

Possunt etiam eosdem absolvere a censura specialiter ab homine, nisi lata sit a superiore suo, vel ab Episcopo, in casibus, in quibus excommunicare potest religiosos exemptos. ibid. 3.& 4

An per sua privilegia aliquid amplius possint circa censuram specialem ab homine, etiam erga novitios? 132.5.& seq.

Quæ satisfactio præmittenda sit ante hujusmodi absolutionem? ibid. 7

A censuris in religione reservatis potest absolvere prælatus, ad quem reservatio facta est, & a fortiori prælatus superior. 119.6

Licentia data generaliter a prælato ad absolvendum a censuris, non extenditur ad reservatas. ibid.

A censuris Papæ in jure reservatis, a quibus Episcopi jure ordinario suos subditos possunt absolvere, possunt etiam absolvere prælati religiosi suos subditos. ibid. 8

Non possunt tamen ab iis absolvere, a quibus Episcopi ex commissione speciali, & tanquam legati Sedis Apostolicæ, possunt. ibid. 9

Poterunt tamen ex propriis privilegiis, quæ consulenda sunt.

Possunt vero prælati regulares absolvere ab omnibus casibus occultis bullæ Cenzæ, etiam hæresis, concessis a Tridentino Episcopis, nisi hæc concessio per eandem bullam revocata esset. ibid. 9.10.11

Per privilegia religionum, præsertim mendicantium possunt prælati regulares absolvere suos subditos ab omnibus censuris a jure, vel ab homine latis, etiam bullæ Cenzæ, excepto tantum casu Simoniz in susceptione, vel collatione ordinis admittæ. ibid. 12. juncto integro cap. 21

Quibus prælatis religionis sit commissæ prædicta potestas absolvendi, infimis ne, an solum supremis, vel etiam mediis? 133. per totum cap. 22

Per privilegia religionum non tollitur proprie reservatio censurarum & casuum pontificiorum, quamvis prælati religionis ab eis possint suos subditos absolvere. 126.16

A censura extra confessionem absolvere an possint, qui habent privilegium, ut auditis confessionibus penitentium, eos a censuris & casibus reservatis absolvant? 530.24.& seq.

Utrum per tale privilegium possint eos absolvere, non tantum in foro conscientiz, sed etiam in externo? 531.30

Absolvere a censura in foro conscientiz, quid sit?

Et an absolutio a censura extra confessionem possit esse tantum in foro conscientiz? ibid. 31.& 32

Et quid operetur absolutio censuræ pro foro externo, supra absolutionem pro foro conscientiz? 532.34

Facultas generalis absolvendi a censuris, utrum intelligenda sit pro foro tantum conscientiz an etiam pro externo. ibid. 33. usque ad 37

In articulo mortis quilibet Clericus potest absolvere a censuris, quamvis non sit ordinatus in sacris. ibid. 32

Quid possint religiosi, præsertim Societatis circa absolutionem a censuris, etiam Summo Pontifici reservatis; vide in verb. *Pœnitentiæ sacramentum*.

Charitas.

Charitas fraterna & concordia inter fratres maxime procuranda in religione. 508.3.& 4

Quibus mediis utraque foveatur & promoveatur in Societate? ibid. & cap. 7.& 8

Charitas in Deū qua ratione in Societate promoveatur? 507.1

Vide etiam in verb. *Proximus*.

Chorus.

Chorum & cantum ordinarium cūr Societas non habeat? 311.13.& 324.3.& seq.

Chori & cantus Ecclesiastici ordinarius usus ministerio prædicationis præponendus non est. 325.6

Neque ex ejus defectu præcise Societas judicari potest minus perfecta, quam aliæ habentes chorum. ib. 8.& 9

R r 2

Chori

- Chori & cantus Ecclesiastici usus non tam ordinatur ad propriam perfectionem & contemplationem cantantium, quam ad devotionem audientium. *ibid.* 8
- Christus.*
- Christus Dominus cur communem vivendi rationem in terris habuerit? Et qua ratione id intelligendum sit? 328.7.& 8
- Cisterciensis ordo.*
- Cisterciensis ordinis origo, regula, &c. 274.3.& seq.
- Clausura, & Clausura.*
- Clausuram fervare tenentur religiosi, non solum ex regula, sed ex rigoroso præcepto obligante juxta materiam capacitatem. 66.5
- Explicatur quæ sit materia gravis in clausura sufficiens ad peccandum mortaliter contra illius præceptum. *ib.* 6.& seq.
- Clausuræ violatio potest esse venialis ex levitate materię. 67.9.& 10
- Quin etiam potest ab omni culpa excusari, si fiat ex juxta causā. *ibid.* 11
- Egredi claustrum sine licentia prælati, saltem petita, animo transgrediendi ad aliam religionem strictiorem, an sit illicitum? 487.4.usq; ad 7
- Contra quas virtutes peccet violator clausuræ? 151.1
- Ad licitum exitum e claustrum qualis licentia sufficiat? 21.12
- Hujusmodi licentia non est per modum dispensationis in jure communi, quæ ut sit valida requirit justam causam. *ibid.* 7
- Ut vero sit licita, ex qua causa concedi debeat? 181.8.& seq.
- Quid de licentia ad vivendum extra claustrum vide infra.
- Prælati ut licite claustrum egredi possit nulla eget licentia ex vi juris communis. 22.14
- Quæ vero licentia requiratur juxta particularia jura religionum, id ex regulis singularum pensandum est. *ibid.* 15
- Furtive noctu e claustrum egredi, non solum ille censetur, qui infcio aut invito prælato egreditur, sed etiam qui eo inique consentiente egreditur: & reservationem incurrit, ubi furtiva egressio nocturna reservatur. 111.4
- Imo & ipse prælatus sic inique egrediens eandem incurrit reservationem. *ibid.*
- Claustura religionum ingredi, unde & quantum sceminis prohibeatur? 24.9
- Cum illis permittitur ingredi in Ecclesiam, an nomine Ecclesię intelligatur etiam sacristia? 22.2
- Claustura religionum ingrediendi licentia, quam olim aliquæ graves sceminæ habebant, omnino est revocata, paucis tantummodo exceptis; quales sunt reginæ, filię earum, & monasteriorum fundatrices, pro quibus nihil derogatum est. 23.5.& 6
- Insuper sceminis prædictis, pro quibus ea facultas derogata est, sub excommunicatione latæ sententię prohibetur, ne pretextu facultatis religionum claustra ingrediantur. *ibid.*
- Aliæ vero sceminæ, quæ talem facultatem nunquam habuerunt, vel si habuerunt, non ingrediebantur pretextu illius, prædicta prohibitione non comprehenduntur. *ibid.* 6.& 7
- At per alia posteriora decreta sub eadem pœna cautum est, ne cum pretextu aut sine illo monasteria virorum ingrediantur. 112.9
- Claustura fratrum minorum ingredi possunt sceminæ causa alicujus divini officii: quæ facultas ad omnia alia religionum claustra extendi potest. 24.9
- Religiosi sceminas in claustra admittentes, præter alias pœnas per sententiam ferendas incurrunt ipso facto excommunicationem reservatam Summo Pontifici & suspensionem non reservatam. *ibid.* 10
- Clausura monialium, tam quoad ipsas moniales, quam quoad alias personas ne earum monasteria ingrediantur. Vide in verb. *Monialis.*
- Vivere extra claustrum an liceat religioso de licentia superioris, & qui superior hanc licentiā dare possit? 22.2.& seq.
- Peccat mortaliter Prælati dantes licentiā religioso ad vivendum extra claustrum sine causa rationabili. 181.7
- Quæ censeatur causa rationabilis? 253.17
- An ea licentia sine causa rationabili sit valida? 197.1.10.& 11
- Et an relinquat subditum tutum in consciētiā? 182.12.& seq.
- Quid si talis licentia concedatur a Summo Pontifice? *ibid.* 15.& 16
- An religiosus teneatur, vel possit obedire prælato sine justa causa habitationem extra claustrum præcipiendi? *ibid.* 12
- Licentia habitandi perpetuo extra claustrum concedi non potest religiosi irrevocabiler a prælato. 183.18
- Religiosus extra claustrum habitans de licentia superiorum, quomodo paupertatis votum servare possit & debeat? *ibid.* 19.& 20
- Clericus.*
- Clericus secularis potest eligi in Episcopum ad Ecclesiā regularem, quæ Cathedralis sit. 45.12.in fin.
- Clericorum regularium status proprie religiosus incepit in Apostolis, fuitque a Christo institutus: & nunquam interruptus fuisse videtur in Ecclesia. 257.3.& 4.259.14.& seq.
- Ejus antiquitas comparatione status Monachalis. *ibid.* 11.& 317.6.& seq.
- Et quis eorum sit perfectior? 259.17.& seq.
- In quo differant? 258.6.& seq.
- Clericorum regularium proprie religiosorum alii Canonici, alii simplices presbyteri. 263.5.& seq.
- Quomodo hi ab illis discriminentur? *ibid.* 8.& seq.
- Rursus clericorum simplicium religio in quot membra dividi possit? 264.14
- Clericorum regularium, improprie tamen religiosorum congregationes aliquæ assignantur. 262.1
- Clericorum religio est illa, quæ per se ordinatur ad perficiendos sacerdotes, ut sacerdotes sunt. 320.8
- Cluniacensis ordo.*
- Cluniacensis ordinis origo, regula, institutor, &c. 274.1.& seq.
- Coadiutores Societatis.*
- Coadiutores spirituales Societatis quinam sint, quis eorum gradus in Societate, & ad quid in ea admittantur? 343.12
- Convenienter hos coadiutores in Societate admitti. 488.2.& 3.
- Eorundem coadiutorum jam formatorum vota, quibus Societati incorporantur, simplicia sunt. *ibid.* 1
- Quid illis votis desit, quominus solennia sint? *ibid.* 2.& seq.
- Ea non dirimere præcedens matrimonium ratum. 491.9.& 10
- Vide verb. *votum.*
- An dicti Coadiutores spirituales convenienter ad solennem professionem non admittantur? *ibid.* 4.& seq.
- In quo hic gradus spiritualium coadiutorum, eorumque vota differant a gradu, & votis scholarium? 492.10.& seq.
- In quo gradu & votis tria tantum vota professorum? 493.13.14
- Coadiutores spirituales formati incapaces sunt domini & hereditatis. 492.10
- Coadiutores spirituales formati debent esse sacerdotes. *ibid.* 12
- Coadiutores spirituales dimitti possunt a Societate. 491.6
- Eorum tamen dimissio graviore requirit causas, quam scholarium: & quænam illæ esse possint? 492.11
- Coadiutores temporales Societatis quem gradum in ea habeant, & ad quid admittantur? *ibid.* 12
- Cur ita appellentur, & an convenienter? 493.1
- Horum coadiutorum jam formatorum vota, habita proportionem, non differunt a votis Coadiutorum spiritualium formatorum. *ibid.* 1.& 8
- Quæ necessitas & convenientia fuerit hujus gradus coadiutorum temporalium in Societate? *ibid.* 2.& seq.
- Quo numero recipiendi sint? 494.6
- Quæ dotes & conditiones in eis requirantur? *ibid.* 7
- Quam sit perfectus hic gradus, & quomodo ad alios gradus Societatis comparetur? *ibid.* 8
- Coadiutores temporales ad professionem solennem nunquam admittuntur, & cur? *ibid.*
- Quam sit aptus hic gradus ad perfectionem acquirendā? *ib.* 9
- Coadiutorum formatorum incorporatio in Societate per vota simplicia in quo differat ab incorporatione scholarium? 366.8
- Coadiutores formati expulsi a Societate an aliquas retineant obligationes? 616.1
- Cenobitica vita.*
- Cenobitica vita cur sic dicatur & quam sit in Ecclesia ad perfectionem conveniens? 236.1.in fine, &c.
- Perfectior ne sit, an solitaria? 238.14
- Collegia Societatis.*
- Collegia Societatis mutari, aut dissolvi, qua potestate possint? 143.13.& seq.
- Qua ex causa? 142.7
- Vide in verb. *Alienatio.*
- Collegia Societatis, & domos probationis convenienter habere annuos redditus quibus sustententur. 407. fere per totum cap. 12
- Quib. modis dicta Collegia acquirere possint? 408.9.& seq.
- Horum reddituum, & bonorum administratio est pœnes Societatem professam per se, vel per Generalem suum. *ibid.* 7
- Collegia Societatis non succedunt ipso jure in bona religiosorum in ea proficentium; & cur ita fuerit statutum? *ibid.* 9
- An

- An admittere possint elemosynas & donationes cum obligatione Missarum, &c. *ibid.* 10
 Vide etiam in verb. *Bona*.
Communitas religiosa, vide verb. *Religio*.
Confessio, & *Confessor*.
 Confessorem eligere non possunt religiosi per bullam Cruciatæ, nec per alias. 227.3. & seq.
 Confiteri de peccatis venialibus, & de mortalibus jam confessis valide possunt religiosi cuilibet sacerdoti, licet in hoc faciant contra regulam. 217.1
 Confiteri vero de mortalibus jure ordinario, & secluso privilegio, non possunt nisi Confessariis a suis superioribus deputatis. *ibid.*
 Religiosi peregrini quibus sacerdotibus possint, ac debeant confiteri. vide verb. *Peregrinus*.
 Novitii quibus possint confiteri vide verb. *Novitii*.
 Confessores privilegiati habentes jurisdictionem a Summo Pontifice, an possint audire confessionem religiosi, absque licentia prælatorum illius? 219.12. & seq.
 Jurisdictio in foro penitentiae a Summo Pontifice religiosis concessa ad audiendas confessiones omnium fidelium, an, & a quibus religiosi limitari possit? 225.13
 Confitendi frequentia quanta in Societate. 502.1
 Confessionum generalium usus, qui in Societate præcipitur, conveniens sit, necne? *ibid.* 2. & seq.
 Ad Confessiones iterandas utrum, & qua ratione obligari quis possit? *ibid.* 4. & seq.
 Regula Societatis, qua præcipitur, ut qui confitetur alteri, quam ordinatio suo confessori, debeat postea eadem suo confessori eadem peccata confiteri, non inducit proprium onus comparandi, sed tantum simplicem directionem regulæ. 503.5. & 6
 Utrum hæc regula sit conveniens? *ibid.* 7.8. & seq.
 Hanc regulam non solum intelligi de mortalibus, sed etiam de venialibus. *ibid.* 10
 Confessarii a superioribus regularibus in quolibet conventu deputandi, vide verb. *Absolutio*.
 Confiteri superiori in variis religionibus usitatum fuisse, idque per se malum non esse. 506.17
 Quid circa hoc observetur in Societate. *ibid.* 18
 Superior in rigore potest cogere, ut subditus incidens in reservatum sibi confiteatur. 505.8. Vide verb. *Casus reserv.*
 An in aliquo casu liceat superiori uti notitia confessionis ad dirigendum subditum. 506.12. & 13
 Quid in hoc Societas observet? *ibid.* 14
 Qua ratione debeat superior non utendo notitia confessionis, peccatis nihilominus subditorum occurrere, cum morale periculum eorum per solam notitiam confessionis agnoverit? *ibid.* 15
 Confessarii Societatis quibus privilegiis fruuntur ad audiendas confessiones fidelium, eosque a casibus & censuris reservatis absolvendos, vide verb. *Penitentia sacramentum*.
Congregatio, vide etiam verb. *Capitulum*.
 Congregatio religionis ut sit legitima ad electionem sui Generalis, quas requirat conditiones? 58.1
 Congregationes Societatis, tam generales, quam provinciales, & Procuratorum, quam potestatem habeant, & ad quem præcipue finem cogantur? 565.3
 Specialiter de potestate Congregationis generalis. 562.2. ad 5
 Congregationis generalis Societatis, quid possit circa dimissionem professorum, aut licentiam eis concedendam ad transitum in alias religiones? 616.11. & seq.
 Congregatio generalis an possit limitare Præpositi generalis facultates ipsi Præposito a Summo Pontifice concessas, quales sunt, potestas ad dimittendos profectos, &c. *ibid.*
 Congregatio provincialis Societatis propriæ jurisdictionis potestatem non habet. 534.4
 Neque potest casus reservare pro sua provincia. 113.1
Conjuges, vide etiam verb. *Matrimonium*.
 Quando conjuges propter adulterium alterius separantur, licet adulter non possit alium obligare, ut sibi cohabitaret, potest tamen ab illo obligari ad cohabitandum. 173.9
 Dissoluto matrimonio rato per professionem alterius conjugis revocantur donationes absolutæ inter eos factæ; non tamen si dictum matrimonium per dispensationem dissolvatur. 211.10
 Conjug, qui post matrimonium ratum ingressus est religionem, an teneatur redire ad alterum conjugem, nisi statim post annum professionem emittat? 337.23
 Suarez Tom. XV.
 Et si ingrediatur Societatem, an debeat dispensari in biennio novitiatus, ut statim expleto uno anno novitiatus professionem emittat? 381.13
 Si Conjugatus post consummatum matrimonium, ex solo consensu uxoris, sine aliis juris circumstantiis, ingrediatur religionem (excepta religione Societatis) validam professionem emittet; poterit tamen quoad usum talis professionis impediri, & ab uxore ad cohabitandum revocari, si illa velit. 337.22
 Conjugatus ingrediens Societ. post matrimonium consummatum, & in ea proficiens, professionem invalide facit, voto tamen castitatis manet ligatus. 338.7
Conscientia ratio.
 Conscientiæ ratio, quæ in Societate postulat, quid sit? 577.2
 Quid circa illam in Societate statutum sit? *ibid.* 2
 Ad quod secretum obligetur superior in iis, quæ in ratione conscientie illi manifestantur? 580.11. & seq.
 Superior obligare non potest, ut ratio conscientie sibi in confessione reddatur, potest tamen ut extra confessionem. 579.10
 De quibus reddenda sit conscientie ratio? 692.8
 Ad quem finem hujusmodi ratio conscientie ordinetur? 577.3
 Quando, in quibus, & quomodo potest superior uti notitia rerum sibi in ratione conscientie manifestatarum? 580.11. & seq.
 Conscientiam superiori aperire, etiam extra confessionem, sanctis olim patribus receptissimum fuit. 578.4. & seq.
 Est signum non mediocri progressus in virtutibus faciendi, si integre aperiatur. 581.15
 Est etiam unum e potissimis mediis, quibus ad perfectionem castitatis Societas juvatur. 384.3. & 4
Consecratio Virginum.
 Consecrari solæ virgines sanctimoniales solebant. 268.6
 An etiam in aliquo casu non virgines? *ibid.* 7. & seq.
 Consecratio virginum sanctimonialium a solo Episcopo consecrato peragenda. 269.11
 Vide verb. *Velum*.
Consilium.
 Consilia Dei rejicere ex errore intellectus prave de illis sentientis, aut ex pravo affectu in res divinas, quia scilicet consilia Dei sunt, est peccatum mortale, aliàs nec veniale. 13.21. & 22
 Consilium aliorum ab omnibus, maxime iis, qui curam animarum gerunt, audiendum est. 479.6
Constitutio.
 Constitutio religionis, & regula quomodo differant? 2.5
 Constitutiones integras & regulam totam nulla religio propria austeritate mutare potest. *ibid.*
 Constitutiones cujusque religionis, quæ approbatae sunt a Summo Pontifice, prævalent juri communi in ipsa religione, secus si non sint approbatae. 70.21
 Constitutiones condendi potestatem non solum habet Societas, sed etiam ut eo ipso, quod eas condiderit, confirmatæ a Sede Apostolica censeantur. Et quid hoc privilegium importet? 315.12
 Constitutiones Societatis a S. Ignatio editæ, quando ceperint habere vigorem & auctoritatem ad obligandum? 609.4
 Quid nomine Constitutionum Societatis comprehendatur? *ibid.* 4. & 5
 Constitutionum Societatis materia, & dispositio. *ibid.* 5. & 6
 Earum summarium quid maxime contineat? 610.9.10
Consuetudo.
 Consuetudo in religione Societatis nunquam intelligitur introducere gravem obligationem, nisi fundetur in expresso præcepto obedientie. 497.3
Consultor.
 Consultores prælatorum Societatis quot sint, & quod suffragium habeant in consultatione? 489.6
 Consultatio an, & quam necessaria sit, ut prælati religionis præcepta possint imponere, aut leges condere; vide in verb. *Lex*.
Contemplatio.
 Contemplatio nobilior cum sit actione, ad eam nihilominus ordinatur, & qua ratione? 250.20
Contemplativa vita, Vide *vita Activa* & *Contemplativa*.
Contemptus.
 Contemptus regulæ religiosæ quando sit peccatum mortale. 14.22. & seq.
 Contemptus consiliorum an, & quando sit peccatum mortale? vide supra verb. *Consilium*.
 R r 3 *Con.*

Contentio, & Contentiosus.

Contentio, propriæque judicii tenacitas in defendendis opinionibus, quando sit reprehensibilis, & vitanda? 509.8. & seq.
Nimis contentiosus incurabilis est. 510.12

*Conversa, vide Monialis.**Conversus.*

Conversi, qui propriam professionem non emisunt in sua religione, transire possunt ad aliam etiam laxiorem. 190.1
Vide etiam verb. *Donatus.*

Correctio.

Explicatur locus Matth. 18. *Si peccaverit in te frater tuus, &c.*
Et utrum Christus ibi speciale præceptum correctionis imposuerit? 582.7

Dati præceptum naturale correctionis fraternæ indubitatum est apud Theologos. 583.10

Ejus materia est, non solum peccatum corripienti iniuriosum, sed quodcumque aliud, ex cujus correctione fructus speratur. ibid. 11

Utrum verba illa Matth. 18. *Adhibe unum, vel duos testes,* contineant præceptum, vel tantum consilium? 584.15

Et utrum Christus Dominus dicto loco Matth. egerit tantum de peccato publico, an etiam de occulto? 585.16

Quis correctionis ordo servandus sit in peccato publico, seu probabili? ibid. 17

Correctio qua lenitate, & charitate temperanda? 509.6
Vide verb. *Reprehensio.*

Correctionis fraternæ obligatio non solum extenditur ad subveniendum proximo, jam lapsio, sed etiam in morali labendi periculo constituto, ne labatur. 587.3

Quæ forma publicæ correctionis in religionibus servanda sit? 596.1

Correctionis judicialis strepitus in religionibus servari necesse non est, & quare? ibid.

Correctionis judicialis forma certa, adhuc in Societate speciali jure statuta non est. 606.2

Cætera pro Correctione, vide verb. *Denunciatio.*

Crimen.

Criminis occulti, & publici varius gradus. 484.18

Crimen notorium dupliciter dicitur, vel notoreitate juris, vel notoreitate facti. Et quando utraque notoreitas detur? 599.9.10

*B.**Debita.*

Debita in seculo contracta an impedire possint ingressum in Societatem, quemadmodum in quamlibet aliam religionem? 369.16

Ea posse ac debere solvi a religioso Societatis non professio habente aliquot bona. ibid.

Denunciatio.

Denunciatio quid & quoruplex sit. 586.1. & seq.

Monitio secreta ante denunciationem paternam est materia gravis, sufficiens ad obligationem sub mortali, nisi legitima causa ab ea præmittenda excuset. 584.14

Utrum Christus Dominus Matth. 18. speciale præceptum imposuerit tam de substantia, quam de ordine correctionis & denunciationis? ibid. & seq.

Explicatur totus locus Matth. 18. *Si peccaverit in te, &c.* 582.7. & seq.

Utrum regula Societatis secretam monitionem ad denunciationem superiori, ut patri, faciendam non prærequiritur iusta sit? 582.3. & seq.

Dictam regulam neque præcepto naturali, neque doctrinæ Evangelicæ repugnare. 585.18. & seq.

Hanc denunciationem ex vi regulæ Societatis extendi ad omnes defectus, quantumvis graves, & occultos, quos quis extra confessionem accepit. 586.22

Non solum crimen in confessione cognitum, sed etiam illud, quod quis secreto, & consilii salutaris petendi gratia revelavit, superiori Societatis denunciari non potest. ibid. 23

In Societate superiore non cogente non datur regulariter obligatio denunciandi aliorum defectus prætermittenda monitione secreta, potest tamen licite servatis debitis circumstantiis prætermitti. ibid. 21

Denunciandum est superiori non tantum crimen jam commissum, sed etiam quod in proximo periculo est ut committatur. ibid.

Neque tunc regulariter monitionem secretam præmittere opus est. 587.3.8

Qui fructus, ex denunciationem paternam, seu Evangelicam intendatur? aut intendi possit? ibid. 4. & 9

Utrum secreta monitio præmittenda sit tantum in peccato, quod solum nocet peccanti, an etiam quando peccatum vergit in damnum tertii, vel communis. Et quid in hoc observandum sit? 589.15. & seq.

Facilius omittenda est monitio, quando peccatum vergit in damnum alterius, vel communis, quam cum solum in damnum peccantis, vel corripientis. 587.7

Denunciatio paternæ quæ sit in Societate absque prævia monitione, ad quid proxime ordinetur. 709.4

Quibus circumstantiis vestiri debeat huiusmodi denuntiatio in Societate, ut licita & honesta sit? Et quomodo in hoc peccari possit mortaliter, aut venialiter. 362.17

Denunciatio Evangelica, & judicialis in quo differant? 594.9. & seq.

Quid per judicialem denunciationem intendatur? ib. 9. & 10

Denunciatio judicialis in quo differat ab accusatione? ib. 10. & 11

Ante denunciationem judicialem per se loquendo prævia monitio non postulat; secus ante Evangelicam. 595.13.15

Denunciatio Evangelica fieri potest de peccato omnino occulto, non ita tamen judicialis regulariter. 588.14

Ut ad denunciationem de crimine aliquo faciendam aliquis obligetur, quam certam notitiam criminis habere debeat? 483.11.12

Denunciare superiori regulari, imo & publicare in Capitulis religionis defectus leves religiosorum, nulla prævia monitione facta, licitum est. 589.2. & seq.

Quinam sint ejusmodi defectus leves? ibid. 4

In religionibus monitionem secretam omitti posse, etiam in gravibus defectibus, procedendo statim ad denunciationem prælato, ut patri, faciendam. 590.6

Item de facto ita observatum esse, & gravium Doctorum autoritate munitum. ibid. 7. & seq.

Huiusmodi monitionem sæpius omitti posse in Societate, quam in aliis religionibus, etiam seclusa renunciatione juris famæ. 592.15

Aliquando expedire in religione fratrem secreto admonere non tantum de crimine ab ipso patrato, sed etiam de denunciatione illius prælato faciendam, sicque admonitum, immo & jam emendatum illum ad prælatum deferre. 595.11. in fine, & 12

Quid possit, aut debeat Prælati agere cum subdito, cujus crimen per denunciationem paternam agnovit? ib. 13. & seq.

Denunciatio judicialis ut fiat, necessarium non est, ut præcedat infamia. 604.34

Utrum denunciationem judicialem propter bonum delinquentis faciendam præcedere debeat monitio fraternæ? ibid. 35

Utrum vero si frater monitus secreto tunc corrigatur, liceat nihilominus ad denunciationem procedere? ib. 35. & 36

Ut forte subditus nondum diffamatus judicialiter denunciaretur Prælato ad finem tantum majoris emendæ, & punitio necessaria non est ad bonum commune, Prælati ea denunciatione uti non potest ut judiciali, sed ut Evangelica: & quid præterea facere possit, subdito fatente, aut negante crimen, de quo denunciatur? ibid. 36. & seq.

Utrum quando denunciatio judicialis principaliter sit propter bonum commune, seu ad evitandum damnum tertii, necessaria sit prævia monitio? 605.41

Et quomodo in eo casu procedere debeat Prælati? ibid.

Denunciatio quando, & quomodo transire possit ad accusationem? ibid. 40

A denunciatione paternæ quando, & quomodo fieri possit transitus ad judicialem? ibid. 42.43

Et quando denunciatio paternæ obligari a superiori queat, aut nequeat ad denunciandum judicialiter? ibid.

Denunciatio, quæ professi religiosi Societatis ex vi voti facere tenentur de procurantibus dignitatem, v. verbo. *Professus.*

Dignitas.

Dignitatem non ambiendi directe, vel indirecte votum simplex emittunt professi Societatis. 470.2

Sub qua forma? ibid. 1

Id esse maxime conveniens, ibid. 2. & seq.

In rarissimo casu celsare posse materiam hujus voti eo quod majus bonum sit prælationem procurare? 471.7. & 8

Quæ actiones ex vi hujus voti sint prohibita? ibid. 9. & seq.

Dignitatis nomine quid veniat in dicto voto? 472.13. & seq.

Quam poenam incurrat hujus voti violator? 473.16. & seq.

Votum non ambiendi dignitates extra Societatem, quod professi Societatis emittunt, an obliget etiam illos, qui jam dignitatem aliquam extra Societatem obtinent, & extra

cuius obedientiam vivunt? 480.12. & seq.

Votum non acceptandi dignitatem extra Societatem, quod professi Societatis emittunt, quam materiam habeat, &c. vide verb. *Episcopatus*. Ex vi hujus voti an teneatur professus Societatis non acceptare etiam Summum Pontificatum absque præcepto ad id obligante? *ibid.* 11. usque ad 15

Dignitatem extra Societatem, præter Summum Pontificatum, acceptare non potest ullus religiosus Societatis etiam non professus sine licentia sui Generalis, quam nec ipse dare potest, nisi Sedis Apostolicæ præcepto compulsus. 481.17

Quod si dignitas offeratur ipsi Generali, nec ille eam acceptare potest absque licentia Societatis, quam ipsa etiam dare non potest, nisi præcepto Summi Pontificis adstricta. *ibid.*

Dictos religiosos, etiam non professos, graviter obligari ad non acceptandam dignitatem absque legitima licentia. *ib.* 19
Et si acceptent nullam esse talem acceptationem. *ibid.* 20
Erit autem valida, si Generalis, etiam non coactus a Summo Pontifice licentiam det. Et utrum etiã tunc sit licita? *ibid.*

Dimissio, & dimissi e Religione.

Conveniens esse religioni Societatis habere potestatem dimittendi. 354.5

Dimitti posse religiosos non professos e Societate, si minus idonei sint, nullam habet injustitiam, neque est contra charitatem. *ibid.* 4. & 5

Neque est inconveniens, quod multi e Societate dimitti possint. 355.7. & seq.

Quæ causæ sufficiant ad dimittendum e Societate? 374.11. & seq.

Quam justificata, & certa debeat esse causa dimissionis Scholastici approbati? 608.9. & seq.

Propter parentum indigentiam dimittere potest Societas non professos. 387.13

An ad id teneatur? *ibid.* 14. & 15

Dimissio coadiutorum formatorum e Societate graviores requirit causas, quam scholasticorum. Et quænam illæ esse possint? 492.11

An, & cur Societas scholasticos dimittat votis solutos? 354.6

Cætera pro solutione votorum in dimissione religiosi non professi e Societate, vide verb. *Votum*.

Utrum Societas, ejusve prælati possint pro sua libertate, & absque justa causa valide dimittere non professos? 373.7. & seq.

Laudabile regulariter non est suæ dimissioni consentire, etiam quando Societas consensum religiosi expectat ad eum dimittendum. 375.15

Licite tamen talis religiosus consentire potest. *ibid.*

Dimissio tam professorum, quam non professorum e Societate, an fieri possit absque judiciali processu in probandis delictis, vel causis, ob quas dimissio fieri possit? 606. & seq.

Dimissio religiosi professi e Societate, vide verb. *Professus*.

Dimissio religiosorum professorum, universim e suis religionibus, vide verb. *Religiosus*.

Discordia.

Discordia in religionibus quam perniciofa? 508.4

Discordia in opinionibus, & rerum gerendarum judicio quæ ratione vitanda sit, ne charitati officiat? 509.8. & seq.

Vide verb. *Opinio*.

Dispensatio.

Dispensatio in quo differat ab absolutione? 535.48

In quo item differat a licentia superioris? 97.45

Utrum aliquando licentia involvat aliquam rationem dispensationis? *ibid.* 46

Dispensatio non requirit distinctionem inter dispensatum, & dispensantem. 101.4

Dispensandi potestatem ordinariam habent omnes prælati religionum exemptarum erga suos subditos religiosos. 88.1

An possint dispensare cum suis subditis in omnibus casibus, in quibus Episcopi possunt cum suis subditis, & quanta sit hujusmodi potestas? *ibid.* 2. usque ad 9

An ratione suorum privilegiorum habeant majorem potestatem dispensandi cum suis subditis, quam Episcopi cum suis? 90.9

Dispensationis materia ad quatuor capita reducit: & an in omnibus possint prælati Regulares cum suis subditis dispensare? *ibid.* 10. & seq.

Utrum possint dicti prælati dispensare cum suis subditis in omnibus votis, an aliqua sint excipienda? *ibid.* 10

Utrum specialiter dispensare possint in votis peculiaribus suæ

Suarez, Tom. XV.

religionis, seu status, præter tria substantialia? 94.27. usque ad 39

Dispensatio in voto sine justa causa semper est invalida, etiam si concedatur a Summo Pontifice. 190.21

Vide etiam in verb. *Votum*.

Dispensare ne possint Prælati regulares in suorum subditorum irregularitatibus: & quænam illæ sint? 90.11

An possint religiosi exempti dispensari ab Episcopis in irregularitatibus reservatis, in quibus speciali jure, & seclusis religionum privilegiis, soli Episcopi possunt dispensare. *ib.* 12

Et an ad hujusmodi dispensationem sit necessaria licentia prælati regularis, vel saltem ne ab eo prohibeatur? 91.13

An possit religiosus dispensari in irregularitatibus, aut in aliis materiis ab Episcopo, si ejus prælatus regularis similem habeat potestatem in suis privilegiis? *ibid.* 14. & seq.

Utrum, & in quibus præceptis Ecclesiasticis possint prælati regulares dispensare cum suis subditis? 92.18. & seq.

An possint in omnibus, & solis præceptis Ecclesiasticis dispensare in, quibus Episcopi jure communi dispensare possunt? *ibid.*

An etiam in iis, in quibus ex solo jure speciali Episcopi dispensare possunt? *ibid.*

An seclusis privilegiis possint dispensare in interstitiis ordinum cum suis subditis? *ibid.*

Dispensare in regula an possint superiores regulares cum suis subditis? 93.25

In regulis substantialibus suæ religionis, quæ tales sunt, dispensare non possunt dicti prælati. 96.41

Possunt tamen dispensare in eisdem pro aliquibus casibus, aut personis in particulari. *ibid.*

Dispensatio in regulis religionis concessa a prælatis sine justa causa, valida non est. *ibid.* 42

Et sic dispensatus non excusabitur a culpa & pena annexa, nisi bona fides eum excuset. 97.43. & 44

Quomodo, & a quo sit puniendus? *ibid.* 45

Erit tamen valida dispensatio, si in regula, si in qualibet ordinatione, etiam sine justa causa, si concedatur ab ipso conditore, aut a potente eam condere, vel abrogare. 96.42

Dispensare in lege potest sæpe, qui non potest eam tollere; in voto autem secus contingit; & unde hæc differentia proveniat? 95.36

Superiores regulares tantum dispensare possunt, quantum ex jure communi, privilegio, aut regula eis concessum est. 97.1

Dispensandi potestas duplex esse potest in prælatis religionis; altera dominativa, altera jurisdictionis. Et undenam utraque proveniat? 98.7. & 8. in fin.

Prælati, & prælati non exempti solam habent dominativam, quæ resultat ex voto obedientie subditorum. *ibid.* 7. & 10

An dicenda sit proprie potestas dispensativa; & quantum extendatur? 99.8

Prælati vero exempti utramque potestatem habent dispensandi. *ibid.* 9

Utrum Abbates antiqui non exempti aliquam jurisdictionem habuerint ad dispensandum? *ibid.* 11

Quibus religionis prælatis concessa sit jurisdictionalis dispensandi potestas? *ib.* 12. & seq.

Quanta sit in singulis hujusmodi potestas ex vi juris communis? 100.14

Quanta ex vi juris specialis? *ib.* 15. & seq.

Cum quibus personis prælati religionum dispensare possint? *ibid.* 14

An possint dispensare cum se ipsis in omnibus, in quibus possunt cum subditis? 101.5. & 6

An & in quibus materiis possint prælati regulares dispensare cum novitiis seclusis privilegiis. 102.8. & 9

An possint etiam dispensare cum familiaribus & famulis seclusis privilegiis? *ibid.* 10

Distributio, seu Distributiva Justitiæ æquitas.

Distributio bonorum Monasterii, quæ æquitate facienda a prælato in victu, vestitu, &c. 135.10

Distributivæ justitiæ æquitas in muneribus religionis distribuendis sub gravi obligatione a superioribus religionis servanda est. 511.18

Divortium, Vide verbo Conjuges.

Docendi usus, & Doctrina.

Docendi actus, an, & quæ ratione spectet etiam ad vitam contemplativam? 250.16

Usus docendi Societatis, non solum majores literas, sed etiam prima linguarum rudimenta, quam laudabile? 320.7

Doctrinæ novitas plerumque vitanda, antiquitas amplectenda & illustranda. 437.8

Docere pueros Christianam doctrinam possunt novitii Societatis, quamvis primam tonsuram non habeant, neque id prædicatio censetur. 524.31

Cætera pro doctrina Christiana pueros edocenda, vide verb. *Puerorum institutio*.

Vide etiam in verb. *Studia*.

D. Dominicus, vide verb. *Prædicatorum ordo*.

Domus professe Societatis.

Domus professe Societatis habere non possunt jura, aut annuos redditus, etiam Sacrificii tantum, aut fabricæ applicatos; neque ulla alia bona immobilia, præter illa, quæ ad habitationem, & convenientem aliquam recreationem necessaria sunt. 401.1.2.6

Quam late pateat hujusmodi incapacitas habendi? ibid. 3

Quid nomine reddituum, & possessionum, quæ a domibus professis haberi non possunt, intelligatur? 403.10

Quæ præterea sint bona immobilia ad habitationem, vel recreationem pertinentia, quæ habere permittuntur? ibid. 12

Domus professe Societ. non solum habere nequeunt jus civile ad annuos redditus, & prædicta bona stabilia, sed nec etiam jus naturale. 391.6

An si quis alteri leget, vel donet aliquid cum onere dandi singulis annis pensionem alicui domui professe Societ. vel ejus fabricæ, talis domus eam accipere possit? Et quid veniat nomine fabricæ? 402.7. & seq.

Domibus professis Societ. non solum prohibetur dominium bonorum immobilium, sed etiam usus fructus. 403.13

Hoc verò non tollit, quominus in aliqua aliena possessione habere possint usum facti: habere autem non possunt jus utendi. ibid.

Domibus professis Societ. applicari non possunt aliqui redditus Collegiorum, aut domorum probationis. 143.10

Hoc tamen non tollit posse Collegia, in aliqua domorum professorum necessitate, illis per aliquam eleemosynam subvenire. ibid. & 405.8

Possessio domui professe Societ. legata sub conditione, ut perpetuo suo dominio, vel usufructu Societatis professe conferretur, acceptari non potest sub ea conditione. 404.14

An vero tale legatum sit validum, & illa conditio habeatur pro non adiecta; ac proinde acceptari possit a Societate convenienter ad suum institutum? ibid. 14. & 15

An alia legata sine simili conditione relicta acceptari possint a domibus professis? ibid. 16

In domibus professis Societ. earumve Ecclesiis, admitti non potest obligatio ad aliqua ministeria spiritualia obsecunda. 401.2

Domorum professorum Societ. paupertas, in quo excedatur, & excedat paupertatem Minorum? 449.4

An dicta paupertas professorum domorum Societ. conveniens sit? 404. per totum c. 10

Domus professe Societatis cur sint pauca numero? 406.11

Domus professe Societ. sunt tanquam castra, unde professi ad gloriosam conversionis animarum expeditionem prodeunt. ib. 12

Donatio.

Donationes de bonis monasterii solo titulo liberalis facere non possunt prælati illius. 135.11

Alias vero gratias, titulo misericordiae, vel gratitudinis, vel ad conciliandam aliorum gratiam in bonum monasterii, vel ad ædificationem proximorum facere potest prælatus de bonis religionis. ibid. 12. & seq.

Donationes turpes de bonis Monasterii faciendo quantum prælatus peccet? ibid.

Donatio absoluta facta inter sponso de præsentii revocatur dissoluto matrimonio rato per professionem alterius? Non tamen si per dispensationem illud matrimonium dissolvatur. 213.20

Donatus.

Donati an absolvi possint per privilegia religionis a cælibus pontificiis, quemadmodum alii religiosi? Et quanam veniant nomine Donati? 130.10

Vide etiam verb. *Conversi*.

E.

Ecclesia.

Ecclésiæ suæ semper Deus providit peculiare defensor, quoties insectatores aliqui eam impugnare instituerunt. 312.5

Ecclesiæ Catholicæ veram & divinam fidem continere, quibus argumentis fiat evidenter credibile? 314.9

Ecclesiæ particularis dupliciter potest dici, & esse Collegiata. 264.11

Educatio.

Educatio puellarum in Monasteriis Monialium, an ex sola prælati facultate licita sit; & cum quib. conditionibus? 37.21

Electio, & Elector.

Prælatus supremus in qualibet religione per legitimam electionem est creandus. 52.2

Quomodo hujusmodi dignitas prælati supremi religionis per electionem incipere poterit? ibid. 3. & seq.

Ut electio prælati regularis sit valida, aliquæ conditiones jure divino & naturali concurrere debent in persona eligenda, & quænam illæ sint? ibid. 5

Aliæ etiam conditiones requiruntur ex jure positivo; & quænam sint? 53.7

Quæ ætas requiratur in persona eligenda in Generalem religionis? ibid.

Quæ antiquitas in religione? 55.16

Quæ professio? an scilicet sufficiat tacita, an requiratur expressa, & in eadem religione? 53.8. & seq.

An casu quo in una religione non reperitur persona idonea ad generalatum, assumi possit religiosus alterius religionis? 54.11

An prælatus infra generalem assumi possit ex diversa provincia, vel monasterio? 65.3

An, & qua ratione debeat esse ejusdem habitus cum illis, quibus præfesse debet? 66.5. & 6

Si quis vacante Generali prælatura, e seculari fiat religiosus, & proficiatur, ut in prælatum eligatur, talis personæ electio irritanda est. 55.16

Non irritabitur tamen, si persona aliunde sit digna & bene instructa. ibid.

Quod si tempore vacationis non sit professus, sit tamen tempore electionis, bene poterit eligi. 59.6

Persona eligenda in prælatum religionis, non opus est ut sit sacerdos, sed satis est, si post electionem debito tempore ordinetur. 56.20. & seq.

Regulariter quidem loquendo aliquem factum ordinem habere debet; necessarium tamen non est, ut habeat, nisi tantum primam tonsuram. ibid. 22.23

Ut electio alicujus personæ in prælatum sit valida opus est, ut talis persona non sit totaliter irregularis. 57.24

Quid si persona sit partialiter irregularis? ibid. 26

Quantum impediatur dicta electio per defectum natalium personæ eligendæ, quoad ortum illegitimum? ibid. 28

Item quomodo impediatur per defectum originis ex radice infecta hæresi aut infamia? ibid.

Electores alicujus Prælati religionis, ut legitimi sint, quatuor præcipue habere debent conditiones; prima, ut sint religiosi ejusdem religionis. ibid. 1

Et si eligendus sit provincialis, aut superior localis, ut electores sint ejusdem provincie, aut conventus, nisi jure speciali, aut consuetudine in hac parte juri communi derogatum sit. 69.17

Secunda, ut sint professi tacite vel expresse in eadem religione. 58.2. & 69.18

Tertia, ut sint clerici, & in sacris constituti. 58.4. & seq.

Utrum ordinatus in sacris ante legitimam ætatem sit inhabilis ad electionem? 59.7

Hæc tertia conditio omnino requiritur ad valorem electionis. ibid. 8

Qua ætate esse debeant electores? 69.18

Quarta denique conditio est, ut elector non sit excommunicatus virandus, aut aliqua pena Ecclesiastica a facultate eligendi impeditus. 59.9. & 70.20

Inhabilitas vero unius vel alterius electoris non vitiat totam electionem, si alii non consenserunt; secus si inhabilem, cujus defectum supplere non poterant, voluntarie admiserunt. ibid.

Electio prælati religionis, ut legitima sit, tres condiciones antecedentes requirit. Prima, ut convocentur antecedenter omnes, qui habent jus eligendi, si commode hoc fieri possit. 60.2

Hæc vero commoditas magis spectanda est ex parte ipsius religionis, quam electorum, & quomodo facienda sit convocatio? Sufficiet tamen, & requiritur omnino ad valorem electionis, ut saltem duæ partes electorum convocentur. ibid. 5

Ipsi vero suffragatores non tenentur convenire; unde si vocatis omnibus, major illorum pars voluntarie desit, electio valide fiet. ibid. 2. & 5

Si autem aliquis electorum absens contemnatur, & non vocetur,

vocetur, injuste id fiet, ac electio erit valida: poterit tamen irritari ad petitionem illius, nisi ille jure succedat, aut consensum adhibeat. 61.6

Si vero elector præsens sit, & invitatus non admittatur ad suffragia, electio ipso facto est irrita. 62.14

Secunda conditio, ut electio sit legitima, est, ut electio peragatur præsentibus inter se electoribus in forma congregationis, sive universitatis. Estque hæc conditio substantialis. 61.5

Si aliquis electorum vocatus se excusat, allegans se esse jure impeditum, debet probare impedimentum, & tunc poterit vices suas committere alicui ex aliis electoribus. ibid.6

Tertia denique conditio est, ut assumantur tres de congregatione, qui cunctorum vota exquirant. ibid.7

Utrum assumendi sint per vota, aut alio modo? ibid.

An sit de substantia electionis, ut hi tres commissarii sint de Congregatione electorum? ibid.8

Et ut tres tantum, non plures, neque pauciores. ibid.8. & 62.10

Solennitas electionem prælati regularis concomitans triplex includit præceptum. Primum ut ab illis tribus commissariis suffragia secreta, & sigillatim exquirantur, & inscriptis redigantur: & quomodo hoc præceptum sit intelligendum? ibid.9. & 10

An sit de essentia electionis, ut suffragia in scriptis redigantur? ibid.13

An etiam, ut ferantur sigillatim, & omnia, nullo excepto suscipiantur? 63.14

Secundum præceptum concomitans formam electionis est ut postquam omnia suffragia suscepta fuerint, mox in communi publicentur. Quomodo id intelligendum, & an pertineat ad essentiam? ibid.15

Publicatio suffragiorum ante consummatam electionem, ea irritam reddit, etiam si unum tantum publicetur. 62.11. & 12

An, tam dicti Commissarii, quam suffragatores, teneantur sub præcepto nunquam, etiam post electionem, suffragia revelare? ibid.13

Tertium præceptum est, ut habita collatione suffragiorum, is eligatur, in quem omnes, vel major & sanior pars capituli consensit. Quomodo id intelligendum? qualis sit illa collatio? & a quibus facienda? 61.8. & seq.

An habenda sit ratio non tantum numeri suffragiorum, sed etiam qualitatium? 63.18. & 19

Major pars suffragiorum non sufficit, nisi etiam sit sanior, & qua ratione sanior sit præsumenda? 64.22. & 23

Si major pars eligat indignum, electio alterius partis minoris erit valida. ibid.22.

Quænam sit electio post collationem facienda? an sit de substantia ut statim post collationem fiat? & quomodo sit facienda? ibid.24

Post electionem consummatam requiritur confirmatio illius. Ad quem spectet hæc confirmatio? qua necessitate requiritur & an semper debeat esse specialis? 63.15

Electiois prælatorum forma jure communi præscripta servanda est a religiosis, nisi aliter disponatur per eorum constitutiones a Summo Pontifice approbatas. 71.21

Potestas eligendi prælatos tam regulares, quam seculares a Summo Pontifice manat. 65.1

In electione Monasterium quæ forma servanda sit? 70.21

Pro electione Abbatissæ vide verb. *Abbatissa*.

Electio superiorum Societatis infra Generalem per solum definitivum generalis judicium paucissimis incommodis expositam, & simpliciter convenientissimam esse. 569.5

Quot habeat commoda hujusmodi electio? 570.11. & seq.

Electio superiorum religionis infra Generalem ad plura suffragia communitatis quot habeat pericula, & incommoda? 569.6. & 7

Item electio eorumdem superiorum per suffragia aliquorum tantum definitivum non ita expediens est, ut equiparanda sit electioni per solum Generalis judicium: multaque habet incommoda præsertim in Societ. ibid. 8. & seq.

Electores Præpositi Generalis Societatis sub excommunicatione lata sententiæ manifestare jubentur quoscumque sciverint affectasse, vel tunc affectare munus Generalis, illud directe vel indirecte procurando. Et quomodo hoc præceptum sit intelligendum. 484.15. & 16

Eleemosyna.

Eleemosynas facere, quantum possit, & debeat Prælatus regularis de bonis Monasterii? 135.12. & 13

Elias.

Elias vitam activam & contemplativam exercebat, sedemque in monte Carmelo fixam habuisse prohibere. 298.2. & seq.

Successorem tam in sede, quam in ratione vivendi habuit Eliseum. 300.13. & 14

Ædiculam sive oratoriū fectur in Carmelo edificasse. 299.9

Vide etiam in verb. *Carmelitarum ordo*.

Emptio, & Venditio.

Emptio & venditio mobilium bonorum non prohibetur religiosis, sed tantum ea, quæ sit per modum negotiationis. 136.16

Episcopatus, & Episcopus.

Episcoporum potestas ordinaria ad quamvis extendatur? 88.3. usque ad 8

Eam non esse de jure divina. 125.19

Episcopo subjecta sunt omnia loca sacra sui territorii, nisi prohibentur exempta, 265.5

Episcopi utrum in aliquo casu possint absolvere religiosos exemptos? 126. per totum c.23

Episcopus religiosus manet strictus votis castitatis, paupertatis, & obedientiæ, & quos effectus in eo habeant. 217.c.16. & seq.

Episcopus regularis violans votum castitatis gravius peccat, quam quilibet alius sacerdos regularis, non tamen ita gravius, ut sit circumstantia necessario aperienda in confessione. 218.5

Votum paupertatis quoad vinculum non pugnat cum statu Episcopali, imo potius illum perficit. ibid.6

Episcopus religiosus non solum manet strictus voto paupertatis quoad vinculum, sed etiam quoad aliquem usum regulæ sue accommodatum. ibid.9.

Episcopus religiosus quæ bona possit possidere & acquirere? 219.12

Episcopus religiosus habet jus succedendi in bonis paternis, & quando de facto in illis succedat? ibid.13

Episcopus religiosus acquirit sue Ecclesiæ. 220.18

Episcopus tantum titularis cui acquirit. 224.5

Episcopus religiosus retinere non potest peculium, nec cetera, quæ in religione acquisivit, sed omnia religioni sunt relinquenda. 221.22

Episcopus regularis transiens ad alium Episcopatum, an deferre possit bona, quæ in priori Episcopatu acquisivit? ibid.23. & seq.

Episcopus regularis minorem facultatem habet extendendi bona, quæ in Episcopatu acquirit, quam Episcopus secularis: sæpiusque & gravius illo peccat in multis casibus, & quinam illi sint? 222.29. & 30

Facultas extendendi bona Episcopo regulari sine causa, & illicite a Summo Pontifice concessa, nulla est: secus si sit concessa Episcopo seculari. ibid.30

Episcopus regularis per nullam consuetudinem acquirere potest ius testandi de bonis, quæ possidet; secus dicendum de Episcopo seculari. ibid.

Quomodo in Episcopo regulari maneat vinculum voti paupertatis cum libero usu rerum? 223.31

Episcopus regularis retinet vinculum voti obedientiæ, ac soli Summo Pontifici obedire tenetur ex vi illius. ibid. & seq.

An teneatur ad aliquam observantiam regulæ, seu statuti seu religionis? 224.6. & seq.

In Episcopo regulari, præter vota substantialia religionis manent etiam alia specialia sue religionis, quæ statui Episcopali non repugnant. Et quem effectum obligationis in eo habeant? ibid.7. & seq.

Episcopus regularis tenetur ad habitum sue religionis gestandum. 225.9

Utrum sub excommunicatione, ut alii religiosi, & sine rochero? ibid.10. & seq.

Episcopus regularis non tenetur ad jejunia, & poenitentias regulæ sue religionis. ibid.15. & seq.

Episcopus regularis an gaudeat privilegiis, & indulgentiis sue religionis? 226.1. & seq.

Episcoporum est proprium aliorum profectum procurare. Et qua virtute ad hoc munus pollere debeant? 227.4. & 8

Episcopi status cur sit perfectionis acquisitæ, & non acquirendæ, ut religiosi? 322.5

Utrum peccent mortaliter Episcopi non intendentes perfectionem charitatis per opera consiliorum. 15.29

Episcopus qua ratione ministerium suum optime obicit? 479.6

Episcopus ad gradum scholasticorum Societatis per vota simplicia admitti non potest sine Pontificis licentia. 385.2

- Episcopatum procurare an sit licitum? 369.2.& seq.
 Episcopatum habere possunt religiosi absque speciali dispensatione. 232.26
 Episcopatum non acceptare per se loquendo licitum, & laudabile est. 491.8.& seq.
 Utrum validum & conveniens sit votum, quod professi Societatis emittunt de non acceptando Episcopatu, nisi accedente superioris præcepto ad id obligante. 473. per totum c.8
 Non solum autem qui obligatur ad acceptandum Episcopatum, quando superior expresse jubet, sed etiam quando charitas id postulat. 475.15
 Utrum liceat aliquando non expectare rigorosum superioris præceptum, sed sufficiat simplex tantum illius ordinatio? 476.16.& seq.
 Episcopus Societatis quam obligationem habeat audiendi consilia Præpositi generalis Societatis. Vide verb. *Professus*.
Epistola.
 Epistolas superiorum ad inferiores, aut inferiorum ad superiores malitiose impedire, retardare, aut aperire, qua ratione in religionibus sit peccatum reservatum, aut reservari permittatur a Clemente VIII. 113.13
 Communicatio per Epistolas maxime fovet charitatem inter religiosos. Et quid in hoc Societas observet? 514.21
Eremita, & Eremitica vita.
 Eremitica vita proprie vix hodie in Ecclesia invenitur. 237.9
 Neque Eremitæ, si qui hodie extant, veri sunt religiosi. ib.10
 An saltem personæ Ecclesiasticæ, & gaudeant privilegio fori? ibid.
 Posse ab illis condi testamentum. ibid.
 Cum vita solitaria, seu Eremitica presse sumpta compatibilis est status religionis quoad substantiam. ibid.7.8
 Utrum antiqui sancti Anachoretæ, ut Paulus, Antonius, &c. vere fuerint religiosi? 238.12
 Eremitarum in Africa institutor, an fuerit D. Augustinus? 291.16.& seq.
 An pro hujusmodi Eremitis regulam scripserit, vel pro Canonicis regularibus? ibid.17
 Horum Eremitarum in Africa progressus. ibid.20
 Eremitæ, qui Divi Augustini appellantur, formam Ordinis mendicantis, qualis nunc est, ab Innocentio IV. & Alexandro IV. accepit. 292.2
 Ordo ille Eremitarum, quem Augustinus instituit, an duraverit usque ad Innocentium IV. ibid.2.& 3
 An Eremitæ, quos Innocentius IV. in ordinem redegit, fuerint ex illis Augustinianis? ibid.4
 An Eremitæ Augustiniani cum novam formam ordinis acceperunt, fuerint ita immutati, ut potius nova religio fuerit instituta, quam antiqua instaurata? 294.15
 An dicta religio Augustini fuerit olim ab Ecclesia approbata? 297.30.& seq.
 Cur post Alexandrum IV. denuo fuerit approbata? ibid.34
 Eremitæ Augustiniani an fuerint, quotquot Monachi post Augustinum, usque ad Benedictum extiterunt? 293.10.& seq.
 Eremitæ Augustiniani non fuerint a Guilielmo reformati. ib.6
 Quomodo potuerint nihilominus a Guilielmo vocari Guilielmitæ? ibid.8
 Nec item hos Eremitas a Joanne Bono fuisse institutos. ib.9
 Inter Eremitas & Monachos, an aliqua fuerint discrimina, & quæ? 294.11.& 14
 An omnes Eremitæ Africani regulam Augustini professi fuerint? ibid.12
Esseni.
 Esseni dicuntur religiosi illi, qui tempore D. Marci floruerunt. 325.5. prope fin.
Eucharistia.
 Eucharistiæ sacræ frequens usus maxime confert ad castitatem conservandam. 383.10
 Qua frequentia in Societate a non sacerdotibus suscipiatur? 501.11
 Qua olim ab antiquis religiosi, quæque maxime religiosi convenit? ibid.10.12.13
 Eucharistiam ministrare nemo potest, nisi ad id habeat jurisdictionem ordinariam, vel delegatam. 536.1
 Eucharistiam ministrare, an, quando, & qua ratione possint religiosi Societatis ex privilegio? ibid.2
 Eucharistiam ministrare tempore paschali peregrinis, aut iter agentibus an liceat religiosi Societatis. 537.8.& seq.
 Eucharistiam ministrare extra suas Ecclesias an possint religiosi Societ. 538.11.& 12
 Eucharistiam quibuscumque fidelibus ministrare in articulo mortis non possunt religiosi absque parochorum facultate, & quomodo hoc sit intelligendum. ib.11. usque ad 14
Examen conscientie.
 Examen conscientie semel, aut sæpius quotidie facere sancti olim Patres consueverunt, ac docuere. 554.5
 Illud bis in die facere tenentur ex regula Societatis religiosi. 489.4
 Examen & Probatio eorum, qui admittendi sunt in religionem, vide verb. *Probatio*.
Excommunicatio.
 Prælati religionum per sua privilegia absolvere possunt suos subditos etiam novitios, ab excommunicatione speciali ab homine. 132.5.& seq.
 Vide cætera in verb. *Censuras* & verb. *Prælati*.
 Ubi tamen duo sunt sacerdotes religiosi, alter prælatus, & alter subditus, & ambo sunt excommunicati occulti, potest prælatus excommunicatus absolvere subditum; & deinde a subdito ipso absolvi. 128.10
 Si vero ambo sint publici excommunicati, tunc prælatus potest & debet eligere confessorem extra religionem, a quo absolvatur, & deinde absolvere subditum. ibid.11.& 12
 Et si nullus detur sacerdos extra religionem, solum in articulo mortis se possunt ad invicem absolvere. ibid.
Exercitia spiritualia.
 Quid nomine exercitiorum spiritualium intelligatur? ib.1.2
 Exercitiorum spiritualium liber a S. Ignatio editus auctoritate Apostolica examinatus & approbatus maxime commendatur. 544.2
 Hujus libri doctrina vera est, & magna ex parte ad fidem pertinens. ibid.4
 Variæ illius propositiones obscuræ explicantur, & approbantur. ibid.5.& seq.
 Varii item termini & propositiones ejusdem libri circa internas illuminationes & inspirationes defenduntur, & explicantur. 549.30
 Methodum & dispositionem illius optimam esse, doctrinamque ejusdem ad finem intentum profectus animarum maxime accommodatam. 553.2
 Satis per eam omnibus vitæ spiritualis statibus provisum esse. 557.9
 Exercitiorum spiritualium usus, qualis in Societate servetur, illumque fini & instituto hujus religionis maxime esse convenientem. 555.8
 Exercitiis mentalibus, quibus, & quanto tempore religiosi Societatis ex vi regulæ vacare debeant. 496. per totum c.1
 Vide in verb. *Oratio*.
 Exercitia spiritualia Societatis hominibus secularibus, etiam perditissimis tradere, non solum irreprehensibile, sed maxime laudabile, & conveniens esse. 557.12.& seq.
 Ea vero sumere, non tantum religiosi, sed etiam secularibus maxime utile. 558.15
Exilium.
 Exilii poena, an, & qua ratione prælati religionis punire possint suos subditos? 84.8.& 9
Expulsi a religione, vide verb. *Dimissio*, & verb. *Religiosus expulsus*.
Extrema unctio.
 Extremam unctionem ministrare in casu necessitatis omnibus fidelibus, speciali ratione possunt religiosi Societ. Extra talem vero casum non possunt sub poena excommunicationis. 541.9
 Suis autem religiosi & familiaribus hoc sacramentum ministrare libere possunt. ibid.10
 Quinam censendi sint familiares ad hunc defectum? ibid.11.& seq.
 An omnes sacerdotes simplices Societatis ad hoc ministerium sint idonei, an aliqua specialis conditio seu approbatio ultra sacerdotium requiratur? 542.17
 F
Fama.
 IN Societate sit renunciatio juris famæ, quod ob stare posset, ne omnes defectus & crimina superiori, ut patri manifestarentur per quemvis, qui ea extra confessionem agnoverit, prætermittenda monitione secreta. 585.18
 Hæc autem renunciatio juris famæ non fit in ordine ad denunciationem judicalem, sed tantum ad Evangelicam, & paternam. 598.3
Familiares, & famuli.
 Familiarium nomine quid veniat in jure. 542.14.15
 Familiaribus Societatis possunt religiosi ejusdem Societatis
 ; fa-

sacramenta ministrare, quæ, & quâ ratione? 541.10. & seq.
An omnes sacerdotes Societatis hæc sacramenta libere ministrare possint, an aliqua conditio, vel approbatio Episcopi requiratur? 542.17. & 18

Fides.

Fidem Catholicam veram esse, quibus argumentis fiat evidenter credibile? 314.9

Qua ratione se occultare liceat ad prædicandam fidem? 588.12. & 13

Finis.

Ex fine, urbanitas & perfectio actionis, ita & status religiosi desumitur. 304.1

Finis generalis ad quem omnes religiones ordinantur est perfectio charitatis. Et quomodo ad hunc generalem particulares earundem fines ordinantur, & comparentur? 233.1

An & qua ratione possit esse particularis finis intentus alicujus religionis proximorum salutem procurare? 304.5. usque ad 8.

Religionum distinctio ex finibus desumenda. 234.3. & seq. Varii gradus, & modi hujus distinctionis. ibid.

Finis formaliter diversus sufficit ad quamlibet religionem diversificandam, quamvis materialiter idem sit. ib.4. & 306.9

Fœmina.

Fœminas qua moderatione & circumspectione Societas tractet. 561.15. & seq.

Fœminas alloquendi egregia forma, ab Augustino, ut referunt, tradita. ib.18

Fœminæ ingredientibus claustra religiosorum, vide verb. *Claustrum & Clausura*.

Forum.

Censuræ absolutio in foro conscientiæ, quid sit, & in quo differat ab absolutione in foro externo? Explicanturque hujusmodi fora. 532.31

S. Franciscus Minorum Fundator, vide in verb.

*Minorum ordo.**S. Franciscus Xaverius.*

S. Franciscus Xaverius ob singularem prædicationis, & vitæ suæ rationem nomen Apostolorum sibi, & suæ religioni promeruit in Lusitania, & India Orientali. 302.7

Fugitivus Religiosus, vide verb. *Religiosus*

*Fugitivus.**Furtum.*

Ubi reservatur peccatum furti de rebus monasterii, non tantum intelligitur furtum de rebus ad usum particularem alicujus religiosi nondum applicatis, sed etiam de jam applicatis. 112.11

*G**Generalis religionis.*

Generales religionum per electionem sunt creandi, & cur de facto ita creentur? 52.2

An etiam primi cujusque religionis generales potuerint vere creari per electionem; & an de facto ita creati sint aliqui? ibid.3. & 4

Generalium electio, ut legitima sit, quas conditiones requirat? vide verb. *Electio*.

Generales religionum, quinam sint perpetui, & qui temporales? & horum quam varia duratio in singulis religionibus? 71.4

Generalis totius religionis, an, & quomodo obligetur statutis laris in Capitulo, seu Congregatione generali? 76.18

An etiam ligetur legibus a se conditis, si eas possit condere? ibid.19

Præpositus generalis Societatis perpetuus est; idque maxime Societati conveniens esse. 567.c.2

Potestatem habet constituendi reliquos superiores Societatis sibi inferiores. 568.1

Utrum possit hanc potestatem alteri delegare; an per se ipsum saltem provinciales debeat eligere? ibid.2

Quanta & qualis sit ejus potestas in suos subditos; & ad quos præcipue actus extendatur? 573.6

Utrum hæc potestas ei conferatur immediate a Congregatione generali, a qua eligitur; an a Summo Pontifice? ibid. 7. & 574.10. & seq.

Utrum Congregatio generalis eam possit restringere? 573.8.14

Præpositus Generalis Societatis potest condere ordinationes communes toti religioni: & quem vigorem, & stabilitatem habeant mortuo conditore? 611.14

Habet potestatem interpretandi constitutiones Societatis; & quantum valeat ejus interpretatio? ibid.15

Præpositus Generalis Societatis quam potestatem habeat ad dimittendos professos, vel eis licentiam concedendam ad transitum ad alias religiones? 614.c.2. fere per totum.

Utrum hujusmodi potestas ad dimissionem professorum limitari vel reservari possit a Congregatione generali? 616.11
Quid possit Generalis Societatis in administratione bonorum Societatis: vide verb. *Alienatio*, & verb. *Bona*.

Gradus.

Gradus in Societate, quando, & sub qua obligatione acceptandus a religiosis non professis? 427. per totum cap.17

Vide verb. *Promissio*.

Gradus personarum Societatis quot sint: & quæ inter illos distinctio? 495. per totum cap.4

Gradus literarii, ut Doctoratus, &c. vide verb. *Studia*.

Gratia.

Cum Deus certo alicui ministerio aliquem destinat, gratiam specialem & accommodatam ad tale ministerium confert. 321.9

Gratia a Pontifice motu proprio concessa, subreptitia censi non potest. 360.9

Grandimontensis ordo.

Grandimontensis ordinis fundator quis? 280.2

Quando cœperit, & sub qua regula? 274.3. & 4

S. Gregorius magnus.

S. Gregorius magnus an fuerit Monachus Benedictinus? 275.8. & seq.

S. Guilielmus.

S. Guilielmus an fuerit reformator Eremitarum Divi Augustini. 293.6

An verus religiosus? ibid.7

*H**Habitus.*

Habitus Monachalis antiquitas & causa. 15.1. & 3

Habitus suæ religionis proprium non mutare sub mortali religiosi tenentur. 16.4

Idque ex Jure præsertim positivo; & quodnam sit hoc jus? ibid.6

Potest tamen hæc mutatio habitus esse venialis ex levitate materiæ: & quæ sit censenda materia levis? 17.9. & 11

Quod peccatum sit partem tantum habitus mutare? ib.11

Quando censetur quis sufficienter habitum dimittere, ad effectum incurrendi censuram dimissioni annexam? 156.25

Habitus proprium suæ religionis occultare alium superinducendo, peccatum mortale non est ex objecto. 17.12

Habitus religiosum mutare ad tempus ex justa causa licitum est. ibid.13

vel etiam ex dispositione; quam tamen solus Papa directe potest concedere. 18.15. & 16

Habitu se nudare non est prohibitum religiosis jure communi, aut naturali: sed tantum ex peculiari regula prohibitum esse potest. ib.18

Habitus religiosum dimittens intra septa monasterii non incurrit excommunicationem, donec extra monasterium habitu dimisso existat. 157.27

Habitus alicujus religionis, etiam per unum tantum diem assumpsisse est impedimentum substantiale ad ingrediendum in Societatem: & quare ita fuerit institutum? 336.17. & seq.

Habitus peculiarem cur Societas non habeat, nisi solum clericalem? Neque id esse reprehensione dignum. 316.4.5

Debet tamen habitus Societatis ad usum loci, in quo vivitur, esse accommodatus. ibid.5

Habitus austerum, & asperum cur Societas non habeat. 330.16

Habitus decentia, & munditia qualis competat clerico religioso? ibid.

Vide etiam in verb. *Apostata*.

Hæresis.

Absolutio ab hæresi utrum comprehendatur sub generali clausula absolvendi ab omnibus casibus Bullæ Cœnæ? 529.16

Ab hæresi absolvi potest Generalis Societatis, eamque potestatem alicuius professis committere. ib.16.

Quibusnam eam committat, & qua moderatione ea utendum sit? ibid.17

Vide etiam in verbo *Bulla Cœnæ*.

Hieronymitarum ordo.

Hieronymitarum ordinis origo, regula, & perfectio. 281.7. & seq.

Cur hæc religio sancti Hieronymi nuncupetur? ib.8. & 9

Ejus progressus in Hispania & Lusitania. 282.10

Similis ordo D. Hieronymi in Italia sub diverso generali: & quis ejus institutor? ibid.

Aliæ

- Aliæ denique Congregationes in Italia ejusdem nominis ,
sed non instituti . *ibid.* 12
- Homicidium.*
Homicidium , an , quomodo , & quando impediatur ingressum in
Societatem . Vide verb. *Impedimentum* .
- Honor.*
Honorum contemptus , quantum , & qua ratione in Societate
procuretur ? 516.7. & seq.
- Hora Canonica.*
Horas Canonicas antepponendi , vel postponendi privilegium
Societati Jesu concessum quomodo intelligendum ? 483.
10. & seq.
- Missam ante Horas Canonicas dicendi privilegium iisdem re-
ligiosis concessum , quid operetur ? 500.4. & seq.
- Hospes , & Hospitalitas.*
Hospites religiosi an obligentur legibus particularibus Mona-
sterii sui ordinis , si in eo aliquandiu commorentur ? 77.21.
& seq. Vide etiam verb. *Peregrini* .
- Hospitalitas quam exacte in Societate servetur erga proprios
religiosos ? Et quidem an hoc ab antiquis religionum funda-
toribus sit maxime commendatum ? 512.8. & seq.
- Humilitas.*
Humilitatis supremus gradus in submissione intellectus con-
spicitur , 516.9
Varii alii gradus illius . 548.25
Humilitas qua specialis est virtus moralis , in quo consistat . *ib.* 24
Humilitas quantum , & quibus mediis in Societate procuretur ?
516.9. & seq.
Humilitas Christi , maxime in ingressu religionis , propo-
nenda , & imitanda est . *ibid.* 10
- I**
- Jesai.*
Jesai nuncupati olim Catholici a nomine Jesu , sicut & Chri-
stiani a Christo . 301.5
- Jesu nomen.*
Jesu nomen quo fundamento & proprietate Societati accom-
modatum . *ib.* 5
A quo , & quando ? 302.8
Jesu nomen significat Salvatorem , ac medicum . 322.5
- Jesuatorum religio.*
Jesuatorum religio quæ , ejus institutor , regula , &c. 282.12. &
302.6
S. Ignatii Societatis fundator .
- S. Ignatii fundatoris Societatis humilitas in proprio nomine
occultando . 303.11
Eodem fere tempore natus est , quo Lutherus insanire in
Ecclesiam Dei cepit . 312.3. & 5
- Illegitimi.*
Illegitimi non possunt eligi in prælatos religionis . 57.28
An illegitimæ possint eligi in Abbatisas , vide verb. *Abba-
tissa* .
- Impedimentum.*
Impedimentum irritans professionem an possit a qualibet reli-
gione institui ? 339. cap. 2. o. præsertim 6.
Impedimenta substantialia ingressum in Societatem irritantia
sunt quinque . Quænam illa sint , quomodo intelligenda ;
& an convenienter inducta ? 333. cap. 1. per totum .
Hæc impedimenta quancunque incorporationem in Socie-
tatem ipso facto non irritam reddunt . 338.27. & seq.
Dato quod ipso facto non irritent , an impediatur peccet mor-
taliter ea occultando ; & an post ingressum ad se manifestan-
dum , vel ad egrediendum ? *ibid.*
Solutus Summus Pontifex potest in his impedimentis dispen-
sare . *ibid.* 18
An maneat ligatus aliquo vinculo , qui vota cum aliquo ex
dictis impedimentis in Societate emittit ? *ibid.* 30
Quid si ea emisit suum impedimentum ignorans ; illud ta-
men sciente , & consentiente prælato religionis ? 339.31
Impedimentum ob defectum originis substantiale non est ad
ingressum in Societatem . *ibid.* 1
Utrum convenienter fuerit inductum ? *ibid.* 2
An potuerit a Congregatione generali induci ut substantia-
le , & irritans ipso facto ? *ib.* 3. & seq.
Impedimenta accidentalit , quæ reddunt personam minus ido-
neam , ut in Societate admittatur , quæ sint ; & quam pruden-
ter inducta ? 343.12
- Imperare.*
Imperandi effectus est maxime reprehensibilis , & odiosus . 508.4
Incorrigibilis , vide verb. *Religiosus expulsus* .
- Indulgentia.*
Indulgentia plenaria mendicantibus concessa in articulo mor-
tis , vide in verbo *Mendicantes* .
- Infamia.*
Infamia delinquentis subit vicem non solum accusatoris , sed
etiam testis . 598.2
Infamia sufficienter probata efficit semiplenam probationem ,
præsertim si accedant gravia indicia . *ibid.*
Cætera vide verb. *Inquisitio* .
- Infirmus.*
Infirmis qua charitate in religione condolendum , & subve-
niendum . 511.4. & 5
Quid in hoc præstet Societas . 512.7
- Inhabilitas.*
Inhabilitare aliquas personas ad officia , collegia , vel religio-
nem aliquam an sit licitum ? 339.1
- Inobedientia.*
Inobedientiæ peccatum quibus modis committatur , & quibus
virtutibus adversetur ? 414.3. & 5
Vide etiam in verbo *Obedientia* .
- Inquisitio.*
Inquisitio judicialis in quo differat ab accusatione , & denun-
tiatione ? 593.2
Duplicem esse Inquisitionem , generalem & specialem . *ib.*
Inquisitio generalis in religionibus non solum licita , sed etiam
ex obligatione officii a Prælati facienda est . *ib.* 3
Quibus modis inquiri possit de delictis , & quando cuilibet
eorum liceat , aut expediat ? *ibid.* 4. & seq.
In inquisitionibus generalibus , seu visitationibus quando quis
interrogatur , etiam sub juramento , ut manifestet eum ,
quem deliquisse novit , non tenetur eum manifestare , si de-
linquens nulla laborat infamia . 597.7
Utrum licite possit eum manifestare ? *ibid.* 8. & seq.
An peccet visitator , seu Inquisitor , qui absolute interrogat
abstrahendo a delinquentis occulto , vel non occulto , præ-
sertim quando interrogat subditos indoctos ? *ib.*
Inquisitio specialis fieri non potest , nisi personæ , de qua inqui-
ritur , præcedat infamia . 598.1
Excipiuntur , & explicantur aliqui casus de crimine vergen-
te in damnum commune , vel admodum gravi & atroci , vel
denique publico , & notorio . *ibid.* 4. & seq.
Utrum possit fieri Inquisitio in particulari , quando dantur
aliqua indicia personæ delinquentis , quæ tamen nulla labo-
rat infamia ? 599.11. 12
Utrum possit judex specialiter inquirere ad instantiam ali-
cujus , quamvis non detur infamia ? 600.15. & 16
Utrum inquisitio criminum , inhabilitatum , &c. quæ non
fir ad punitionem , sed ad alios fines , ut ad provisionem
beneficii , &c. possit fieri in particulari , quin præcedat infamia
eorum , de quibus inquitur ? 601.17
Inquisitio particularis præcedente infamia non solum potest ,
sed etiam debet fieri a prælato , interrogando in particulari
de tali persona . *ibid.* 18
Et subditus interrogatus regulariter tenetur in conscientia
veritatem aperire . *ibid.* 19
Quæ infamia requiratur , ut inquisitio particularis fieri pos-
sit ? *ibid.* 20. & seq.
Quomodo hujusmodi infamia judici consistere debeat . 602.26
Inquisitionis specialis praxis quomodo in religione procedere
debeat ? *ibid.* 29. & seq.
Quomodo inquirendi testes ? *ibid.*
Quando interrogandus reus ? 603.30
Quando si hic fateatur , aut neget ? *ibid.* 31. & sequ.
- Intellectus.*
Intellectus qua ratione juvet voluntatem ad actus studiosos ?
421.12. & 13
- Interstitia.*
An prælati regulares dispensare possint in interstitiis ordi-
num cum suis subditis ? 92.21. & seq.
Dispenatio in interstitiis an competat Episcopo ordinanti ,
vel potius dimissorias concedenti ? *ib.*
- Joannes Bonus.*
Joannes Bonus quis fuerit , & an sub regula Augustini Ere-
mitas instituerit ? 293.9
- Irregularitas.*
Irregularitatem non possunt Prælati religionis imponere suis
subditis . 80.7
An , & quantum possint prælati regulares dispensare in irre-
gularitatibus cum suis subditis ? Vide verbo *Dispenatio* .
An per privilegia & indulta concedentia potestatem ad ab-
solvendum ab irregularitate & pœnis Ecclesiasticis , possit
privilegiatus dispensare in irregularitate ? 122.13
- Ju-*

Jubilæum.

Jubilæa quando censenda sunt extendi ad religiosos quoad effectum eligendi confessorem? 106.7.& 8

Judex, vide verb. *Inquisitio*.

Juramentum.

Juramentum falsum in judicio est unum e peccatis, quod refervari permittitur a Clem. VIII. requiritur autem ad incurrendam reservationem, ut religiosus iuste interrogetur, & ut iudicium sit legitimum. 112.7

Cum aliquis sub juramento interrogatur de his, quæ scit, non solum potest jurare se scire ea, quæ vidit, sed etiam quæ indubitanter credit, propter auctoritatem humanam. 483.12

Jurisdicctio.

Jurisdictionis potestas quod duplex sit? 72.1

Quænam sit ordinaria, & quæ delegata? 48.8

Jurisdicctio quasi Episcopalis quænam dicatur? 49.13. & 14

Jurisdicctio Episcopalis ordinaria ad quænam extendatur? 88.3. & seq.

Quomodo participetur a prælatis religionum habentibus jurisdictionem quasi Episcopalem? ibid.

Jurisdictionem Ecclesiasticam potest Summus Pontifex de potestate absoluta conferre laico. in personas Ecclesiasticas, 54.15

Non vero de potestate ordinaria. ibid.

Jurisdicctio inferioris prælati quomodo pendeat & restringi possit a superiore prælato, vide in verb. *Prælatus religionis*.

Jurisdicctio potest acquiri consuetudine, 83.3. in fine.

Jurisdicctio in foro pœnitentiæ, quam religiosi habent a Summo Pontifice ad audiendas omnium fidelium confessiones, an, & a quibus prælatis religionis limitari possit? 110.13

Jurisdicctio Societatis in suos religiosos, vide verb. *Societas*.

Cætera vide in verb. *Prælatus*.

*L**Laicus.*

Laici religionis, quantumvis superiores sint, potestatem Ecclesiasticam non habent, ad ferendas censuras, &c. 81.10

Laicis potest Summus Pontifex de potentia absoluta potestatem Ecclesiasticam conferre in personas Ecclesiasticas, quamvis non de potentia ordinaria. 54.15

Vide etiam in verb. *Conversus*, & *Donatus*:

Lectio spiritualis.

Lectio spiritualis quam utilis ad meditationem & orationem, 249.15

In lectione spirituali Deus nobiscum loquitur, in oratione nos illum alloquimur. ibid.

Lectio spirituali quanto tempore, & quo fine vacare debeant religiosi Societatis? *Lex*. 330.15

Leges divinæ positivæ, aut naturales obligant graviter aut leviter juxta capacitatem materiæ; non ita tamen semper accidunt in legibus humanis. 3.4

Leges, & præcepta humana quas debeant habere conditiones, ut obligare possint in conscientia? id est, quam potestatem supponant in superiorem; quam convenientiam in materia, quam intimationem, promulgationem, &c. 75.11. usque ad 17

An necessaria sit aliqua consultatio ad hoc, ut superior præcepta possit imponere, aut leges condere? 74.6

Vide etiam Verb. *Prælatus*, & verb. *Præceptum*.

Libri.

Libros cito, & ante maturam scientiam scribere levis est infamia ex D. Hieronymo. 434.4

Libri obsecræna continentes quam perniciosi legentibus. 447.6. & 7

Libri quo delectu legendi sint? ibid.

Liber Exercitiorum spiritualium Societatis, vide verb. *Exercitia spiritualia*.

Licentia.

Licentia in quo differat a dispensatione. 97.45

Licentia necessaria religiosi ad egrediendum e Claustro, vide verb. *Claustum*, & verb. *Monialis*.

Ad transcendendum ad aliam religionem, vide verbo. *Religiosus transiens ad aliam religionem*.

Litania, vide verb. *Oratio*.

Ludus.

Ludi aliæ ex jure non prohibiti, specialiter religiosi non prohibentur. M 40.2

Maltenfes milites, vide verb. *Militares ordines*,

B. Maria Virgo.

Utrum B. Virgo Maria iter in Bethleem pedes confecerit, an aliquæ insidens? 546.17

Matrimonium.

Matrimonium consummatum qua ratione sit impedimentum ad ingressum Societatis? 337.22. & seq. & 368.10

Matrimonium ratum non dissolvitur per vota simplicia Societatis, 337.23. & 379. per totum cap. 2.

An dirimatur per eadem subsequens matrimonium? vide verb. *Castitas*.

Valide tamen fiunt talia vota post matrimonium ratum etiam repugnante sponsa: quæ tamen poterit petere suum jus, & sponsus obligabitur ad cohabitandum. 337.24

Sic rediens ad sponsam quas obligationes deferat, nisi illi vota irritentur? ibid.

Cum quibus conditionibus post matrimonium ratum admitti possit aliquis in Societatem? ibid.

Ut quis in Societate admittatur post matrimonium ratum, statim finito novitiu emitte debet professionem. 381.12

An in eo casu transigendum sit integrum biennium novitatus Societatis, an unus tantum annus? ibid. 13

Quid si vota simplicia ejusdem Societatis antecedens matrimonium ratum irritarent, expectandum ne esset integrum novitatus biennium, antequam emitterentur, an unus tantum annus? 337.22

Matrimonii sacramentum ministrare non possunt religiosi Societatis absque parochi facultate. 543.19

Utrum in aliquo saltem loco, vel casu possint virtute suorum privilegiorum? ibid. 20. & 21

Pro Matrimonio etiam vide in verb. *Conjux*. & *Ordo*.

Meditatio, vide *Oratio*.

Mendicans.

Ut religio sit mendicans quid requiratur? 261.11. & seq.

Quor sint modi religionis mendicantis? ibid. 13. & seq.

Mendicantes, & eorum novitii habent privilegium, ut semel in vita absolvantur ab aliquo confessore suæ religionis de omnibus casibus & censuris reservatis, imo & ut dispensentur in qualibet irregularitate, excepto homicidio & mutilatione voluntaria. 115. ibid.

Debet tamen talis confessor esse ex approbatis a superiore ad audiendas religiosorum monasterii confessiones. ibid.

Mendicantibus conceditur in articulo mortis quilibet legitimus confessor eos absolvere possit ab omnibus casibus & censuris, ac si esset Summus Pontifex. ibid. 8. & seq.

Idem confessor auctoritate Pontificia eis potest concedere indulgentiam plenariam. ibid.

Hæc probabiliter concedi possunt eidem religioso, quoties in periculo moriendi constituitur. ibid. 12

Hoc privilegium tam quoad absolutionem, quam quoad indulgentiam extenditur ad novitios mendicantium. ibid. 9

Semel ita absolutus in periculo mortis, si evadat, potest iterum recurrente alio periculo mortis eodem modo absolvi. 116.13

Quid hoc privilegium quoad absolutionem operetur, cum in articulo mortis nulla sit reservatio? ibid. 14. & 15.

Mendicare, an, qua ratione, & quando debeant religiosi & novitii Societatis? *Metus*. 397.15

Metus cadens in virum constantem an irritet vota simplicia, per quæ Scholastici Societatis religiosi constituuntur? 444.6

Militares ordines.

Militaris ordo vera religio esse potest. 318.1. & seq. Quomodo in eo statu tendatur ad perfectionem? 241.9. & seq.

Militares ordines, qui nunc existunt, an sint veræ religiones? ibid. 1. & seq.

Clerici, qui has religiones profitentur, non dubium quin veri sint religiosi. ibid. 1

Item milites Maltenfes veri sunt religiosi. 242.5. & seq.

Maltenfes votum solenne castitatis emittunt, & hoc votum matrimonium dirimit. ibid. 6

Milites alii a Maltenfibus verum statum religionis habent. ib. 9. & seq.

Votum emittunt castitatis conjugalitatis; & quomodo hoc votum ad Christi consilia, & verum statum religionis pertinere possit? 244.16. & seq.

Hoc votum solenne non est, nec dirimit matrimonium. 246.28. & 29

Hujusmodi milites conjugati religiosum quidem habent statum, non tamen usum. 245.26

Sunt autem personæ Ecclesiasticæ, & gaudent privilegio canonis, & fori. ibid.

Eorum religio approbata est a Summo Pontifice; nec sine tali approbatione, talis aliqua religio institui potest. ibid. 27

Minimi.

Minimorum regula a nulla antiquiori originem traxisse dicitur. 3.6

Ministeria spiritualia.

Utrum pro ministeriis spiritualibus stipendium accipere, quacumque ratione id fiat in Societate, sit contra vorum paupertatis, an aliquando tantum contra regulam? 399.6
An saltem Generalis dispensare possit in constitutione prohibente dictum stipendium accipere? 400.13

Pro ministeriis spiritualibus stipendia non accipere, quam sit perfectum, & gloriosum? 394.c.7. n. præsertim 11. & 12
Vide etiam in verb. *Paupertas*.

Minorum ordo.

Minorum ordinis fundator S. Franciscus qua ætate eum instituerit, & quo anno? 285.1

Hæc religio fuit approbata prius quam Prædicatorum vivæ vocis oraculo; posterius autem per Pontificia diplomata. ib. 2

Ad quem finem ordinetur? ibid.

Maxime eminet in paupertate, & est propriissime mendicans. ibid. 3. & 4

Confertur cum ordine Prædicatorum. ib. 4

Quam sit austera? 286.5

Diversæ ex ea familiæ derivatæ, & quæ hujus diversitatis causa? ibid. 6

Hæc diversitas unitatem religionis non tollit, sed potius ejus perfectionem arguit. ibid. 7

Quæ difficultates versentur circa hujus religionis paupertatem? ibid. 8

Pecuniæ ab illis non acceptandæ regula discutitur & explicatur. 287.9

An contractum mutui celebrare possint Minoritæ? ibid. 10

Obligatio ad paupertatem nudæ regulæ, absque ulla declaratione & modificatione a quibusdam eorum acceptata, quomodo temperanda? ibid. 11

Regulæ Minorum quâdo censeantur obligare subditum? 7.7

Minores religiosi, si ad aliam religionem transeant, & post professionem in illa fugiant ad seculum, vel ad aliam laxiorem religionem, eo ipso primæ suæ religioni Minorum subijciuntur, ut possit contra eos tanquam Apostatas procedere. 206.31

Non ita tamen si se ad æqualem saltem religionem conferant. ibid. 32

Missæ.

Missam dicere qua frequentia, & decencia, & devotione debeant sacerdotes Societatis? 500.2

Missas pro fundatoribus, aliisve causis in Societate dici solitas, quando teneantur ejus religiosi dicere sub gravi; & quando ex vi tantum regulæ? ibid. 3

Missam ante divinum officium dicendi privilegium religiosi Societatis concessum, quomodo intelligendum; & quid operetur? ib. 4. & seq.

Privilegium dicendi Missam per horam ante auroram, vel post meridiem Societati concessum quomodo intelligendum? 501.6. & 7

Missam audire singulis diebus debent ex regula omnes religiosi Societatis, qui sacerdotes non sunt. ibid. 9

Modestia.

Modestia in omnibus sensibus, præcipue in oculis, unum est ex mediis ad castitatem necessariis. 459.7

Monachalis religio & Monachus.

Monachalis religio in quibus conveniat cum clericali, & in quibus differat? 263.5. & seq.

Utriusque antiquitas quanta? 258.11. & seq.

Monachalis religionis divisio in mendicantem, & monachalem preste, qualis sit? ibid. c. 8

Quas utrumque membrum divisionis habeat proprietates; & quomodo differant? ibid. 2. & seq.

Hanc divisionem non esse adæquatam n. 7. nec fieri in membra simpliciter opposita. 261.10

Monachalis religionis preste sumptæ quot sint modi? 262.16

Monachorum nomine an & quando veniant exteri omnes religiosi? 258.10

Monachi olim omnes erant laici; eisque præsidebat quidam presbyter. 291.19

Monachatus origo in Oriente. 272.1. & seq.

Monachatus quale viri genus fuerit ante Basilium. ibid. 2.

Monachatus origo in Occidente posterior quam in Oriente 274.1. initio.

Monialis.

Monialium clausura de se non spectat ad substantiam status

religiosi.

25.7

Potest tamen Ecclesia non admittere aliquam fœminam ad professionem religiosam, nisi sub clausura in monasterio viveat. ibid. 3

Unde provenire possit rigorosa obligatio clausuræ, quæ moniales astringuntur? ibid. 4. & seq.

Si obligatio clausuræ in monialibus oriatur ex aliquo voto, quantum extendetur? 26.10

Moniales omnes professæ omnino prohibentur a Concilio Trident. ne monasterio egrediantur, nisi interveniente legitima causa exeundi ab Episcopo approbata. 27.13

Quæ sit legitima causa exeundi? 30.2.3. & 14

Varii casus circa hoc expediuntur. ibid. 4. & seq.

Aliquando talis est necessitas exeundi, ut prælati licentia expectanda non sit; & quænam censeatur sufficiens necessitas? 32.12

Hæc clausura monialium maxime præcepta est propter castitatem? 270.3

Moniales utrum aliquando exire possint e claustro petita licentia, & non obtenta? 32.12. & 16

Cum monialibus solus Papa proprie dispensare potest in clausura. Et quid Episcopi, sive ordinarii, & proprii eorum prælati possint in concedenda illis licentia ad egrediendum. ibid. 13

Utrum hujusmodi licentia ab illis sine legitima causa data valeat, & moniales excuset a culpa & censura? ibid. 14

Si detur causa legitima exeundi, & Episcopus nolit eam approbare, monialis Episcopo subiecta exire non potest: exempra vero de licentia sui prælati potest. ibid. 16

Quid si e contrario Episcopus causam approbet, & proprius prælatus nolit licentiam dare? ibid.

Moniales omnes in his, quæ ad clausuram spectant, Episcopis subijciuntur. 271.11

Prohibitio Tridentini, ne moniales a monasteriis egrediantur, solas profectas comprehendit. 27.15

Quas pœnas incurrant hujusmodi prohibitionem, & clausuram violantes? 33.17

Hæc clausura monialium extenditur adeo, ut ne ad Ecclesiam quidem, in quam seculares intrant, egredi possint. 29.23

Monialis novitia semel monasterio egrediens an interrumpat, vel amittat novitium? 28.16

Moniales conversæ ad quam clausuram teneantur? ib. 17

Utrum, quot, & ad quid in monasteriis possint nunc admitti, & esse conversæ professæ? ib. 19. & seq.

Conversæ non professæ admitti non possunt, ut intra monasteria degant. ibid. 18

Extra monasteria tamen eas habere prohibitum non est jure communi aut naturali. 29.21. in fine.

Monialium clausura quantum extendatur quoad externas personas, ne in earum monasteria ingredi possint? 33.c.10

Pueri ante usum rationis introduci possunt in monasteria monialium. ibid. 2

Utrum & amentes? 34.3. & 4

Quis sit terminus clausuræ in quem seculares ingredi, & a quo moniales egredi prohibentur? ibid. 7. & 8

Quis possit dispensare, vel facultatem dare ad ingrediendum monasteria monialium? ibid. 10. & seq.

An valeat licentia Episcopi sine legitima causa cõcessa? 35.10

Quæ sit legitima causa ad hanc licentiam concedendam? 36.16. & 17

Utrum præter licentiam prælati requiratur etiam consensus Abbatissæ? 35.12

Cui possit delegari potestas ad concedendam dictam facultatem? 36.14

Licentia ad ingrediendum dicta monasteria debet dari in scriptis, alioqui erit insufficiens ad vitandam culpam & excommunicationem. ibid. 15. in fine.

In casibus necessitatis repentinis, quando abest prælatus, potest Abbatissa uti Epicheja in admittendis secularibus intra monasterium. 37.17

Monialium famulæ, an, qua necessitate, & cum quibus conditionibus concedi possint a prælatis, ut sint & habitent intra monasteria? ibid. 18. & seq.

In monasteriis monialium an educari possint puellæ, aut alia graves fœminæ in eis commorari, ex sola prælatorum facultate? ibid. 21. & 22

Monialium monasteria ne ipsi quidem prælati possunt ingredi, nisi in casibus necessitatis. 38.23

Monialium monasteria adire visitandi, & colloquendi gratia, & si olim fuerit jure communi prohibitum, hodie tamē

men ita censendum non est. 39.26. & 27
 Frequentia tamen adeundi jure est prohibita. ibid. 27
 Ad eas vero epistolas mittere prohibitum non est jure communi. ibid. 18
Moniales furtive alloqui est peccatum mortale, præsertim si fiat per loca inustata; idque etiam si collocutio neque ex pravo sine habeatur, neque in se mala sit. ib. 27
 Moniales nulli confessori possunt confiteri, nisi de licentia suorum prælatorum. 107.15. in fine.
 Moniales ex vi juris communis transire possunt ad religionem strictiorem; indigent tamen licentia ad exeundum de suo monasterio, 190.1
 Moniales ab initio, quamvis Episcopis subjectæ, monasteriis nihilominus virorum erant subordinatæ, quorum regulam, & vivendi modum imitabantur. 265.5
 In eas tamen non cadit distinctio laicorum, & clericalium, quemadmodum in alios religiosos, 266.7
 Cadere tamen aliquo modo potest mendicantium, & non mendicantium, canonicarum, militarium, &c. idque qua ratione? ibid. 8
 Item distinctio per respectum ad prælatum, Episcopum, vel regularem, ibid. 9
Monialium religio institui non potest nisi sub aliqua regula a Summo Pontifice approbata, ibid. 10
 Monialium antiquitas quanta? 267.11
 Moniales a quo recipi possint in monasterium? quo numero, & qua dote? ibid. 1
 Non oportet esse virginem quæ recipitur. ibid. 2
 Quid si fiat corrupta? ibid.
 Annus in novitiatu explendus, ibid. 3
 Libertas ingredientium exploranda; Dos quando tradenda monasterio; & in cujus manibus professio facienda? ibid. 4
Monialium paupertas quæ? 270.1. & seq.
 Qua ratione habere possint pensiones, eisque uti? ibid. 3
Monialium castitas ex voto, ibid. 3
 An eis liceat nutrire comam? ibid. 4. & 5
Monialium obedientia ad prælatum & prælatam quæ? 271.6. & seq.
 Abbatisa potest eas obligare in conscientia virtute voti obedientiæ servatis debitis conditionibus. ibid. 9. & 10
 Quam obligationem habeant ad regulam? ibid. 11
Monialium, aliarumve sæminarum curam cur Societas non suscepit? 561.15. & seq.
 Cætera pro monialibus, vide in verb. *Abbatisa*.
Monitio secreta, vide verb. *Correctio*, & *Denunciatio*.
Mortis articulus, vide *Articulus mortis*, *Moribundus*.
Moribundi quot pericula & tentationes patiantur? 562.1
Moribundi qua cura, & modo juvandi sint? Eamque curam esse maxime propriam Societatis, & statui religioso consentaneam. ibid. 2
Moribundos inducere ad condenda testamenta munus est confessorii. ibid. 4
 Non tamen ea illis conficere, conficiendisve assistere, ib. 3
Moribundum inducere, ut propriæ potius religioni legatum aliquod relinquat quam aliis, licitum simpliciter est religiosi, minime tamen expediens. Et in particulari religiosi Societatis hoc per suas constitutiones prohibetur. ibid. 4 & seq.
Moribundum in confectioe testamenti retrahere a restitutionibus debitis, aut legatis matricibus Ecclesiis relinquendis, eosve inducere, ut legata, vel debita, aut male ablata incerta, sibi aut religiosi sui ordinis relinquunt, omnibus religiosi in jure prohibetur. In duobus autem tantum casibus ea prohibitio viget: & quinam illi sint? 563.6
Mortificatio.
Mortificatio sensuum quantum in Societatis instituto ejus religiosi commendetur? 517.14
Multitudo.
Multitudo hominum, etiam religiosorum, inurbanior, & imperfectior plerumque est, quam paucitas. 339.2
 Vide *Rarum*.
Munus.
 Cum Deus speciale alicui munus confert, specialem simul gratiam donat ad illud implendum. 321.9
 N
Negotiatio.
Negotiatio religiosi non prohibita quænam sit? 560.12
Notorium, vide *Crimen*.

Novitas doctrine, vide *Doctrina*.

Novitiatus, & *Novitius*.

Novitii an obligentur præceptis prælatorum religionis? 76.17
 Cum novitiis, an, & in quibus dispensare possint prælati religionis seculis privilegiis? 102.8. & 9
 An possint cum eis dispensare in interstitiis ad ordines: aut ut ordinentur extra tempora per particulare privilegium quod habent ad dispensandum in hoc cum suis religiosi? ibid.
Novitii an ordinari possint a prælatis regularibus habentibus potestatem ad aliquos ordines suis religiosi conferendos? 146.12. & 13
Novitii confiteri possunt sacerdoti regulari habenti jurisdictionem a Summo Pontifice, nisi talis sacerdos eam jurisdictionem a suis prælatis expresse limitationem habeat, ne ad novitios extendatur. 110.12. & 13
 Non tamen confiteri possunt, juxta probabiliorem sententiam, sacerdoti habenti solum jurisdictionem Episcopalem, sive ordinariam, sive delegatam. ibid. 14
Novitii a quo possint absolvi de reservatis? 113.1
Novitii possunt absolvi per superiores suæ religionis ab omnibus casibus, censuris & pœnis Pontificiis ante vel post ingressum commissis, 129.5
 An ea absolutio quoad censuras detur ad reincidentiam, si religionem postea aut non ingrediantur, aut non profiteantur? ibid. 6
 Explicantur duo privilegia, per quæ novitii a suis superioribus absolvi & dispensari possunt, 130.8. & 9
Novitii mendicantium, qua ratione semel in vita, & iterum in morte absolvi possint ab omnibus casibus: & quam tunc indulgentiam consequi valeant, vide verb. *Mendicans*.
Novitius animo ficto religionem ingrediens, id est, cum deliberatione non perseverandi in ea, peccat mortaliter, teneturque ad restituendas expensas, & damna religionis inde provenientia, nec pro tunc validum agit novitiatum. 63.15
 At probabile est, si postea propositum mutet, tale propositum retrahatur, validamque evadere probationem. ibid. 16
Novitii subjiciuntur prælatis religionis quoad jurisdictionem voluntariam, & non aliter. 576.9
Novitius in favorabilibus venit etiam nomine religiosi. 521.18
Novitius presbyter cum sola approbatione ordinarii deputari potest a superioribus religionis ad confessiones audiendas, per eadem privilegia, per quæ cæteri religiosi professi deputantur. ibid.
Novitius Societatis quomodo possit & debeant testamentum condere? 395.6
 Essentia novitiatus Societatis quid includat? 350.15
Novitiatus Societatis per integrum biennium durans conforme est tum antiquorum religiosorum probationibus, tum maxime fini Societatis. 344.2. & sequ.
 Ut quis admittatur ad novitiatum Societatis, non requiritur susceptio habitus, sed tantum libera superioris voluntas illum recipientis. 346.6
 Imo totus novitiatus cum solis secularibus vestibus transigi potest. ibid.
 Necessarium non est integrum biennium novitiatus in Societate ad valorem professionis, sed sufficit unus tantum annus moraliter cum professione continuatus. ib. 7. & 347.11
 Per dilationem professionis in Societate non interruptur moraliter probatio novitiatus. 346.8
 Raram debere esse dispensationem in dicto biennio novitiatus: & quis possit eam concedere? 347.10
 Annus integer novitiatus an requiratur ad validam incorporationem in religionem per vota simplicia, quemadmodum requiritur ad solennem professionem? 367.2. & seq.
 Observantia, quibus novitii Societatis juvantur, ut cum majori libertate, & notitia instituti de statu suo deliberent. 345.2. & seq.
 Has observantias non esse substantiales, sed tantum conductas. ibid. 2. & 4
 Experientia, quibus novitii Societatis probantur. 348.5
 Locum, aut domum separatam pro novitiatu magis expedire cum in aliis religionibus, tum maxime in Societate. 349.12
 Vota quæ novitii Societatis solent emittere, vide *Votum*.
Novitiorum Societatis bona, vide verb. *Bona*.
 Pro novitiis Societatis, vide etiam in verb. *Probatio*.
Novitia monialis semel egrediens ex suo monasterio, an interrumpat, vel amittat novitiatum? 28.16
 O

O

Obedientia.

- O**bedientia votum non tantum obligat subditum ad obediendum superiori actu imperanti, sed etiam ad persistendum in proxima subjectione, ut mandari possit. 2. 21.8
- Obedientia perfectio quoad executionem quanta esse debeat; & quanam sit in Societate? 412.3. & seq.
- Obedientia quas excusationes admittat, aut rejiciat? 413.5
- Qua voluntatis alacritate & integritate obediendum? 417. 19. & seq.
- Obedientia formalis tunc datur, quando quis rem præceptam facit, quia præcepta est: & materialis, quando rem præceptam ex aliis motivis facit. Et idem cum proportionem de inobedientia judicandum. 414.3
- Ad impletionem tamen præcepti non requiritur formalis obedientia, sed satis est materialis. ibid.3. & 5
- Quando sit peccatum generale contra obedientiam, & quando speciale? ibid.
- Qui non vult obedire prælato, ut ostendat se eum nihili facere, peccat mortaliter. 14.23
- Obedientia actus ut habeat honestatem religionis, id est, observationis voti, necessario præsupponit præceptum superioris. 414.7. & seq.
- An vero ut habeat honestatem obedientia, quatenus est specialis virtus, satis sit voluntatem superioris exequi, quamvis nullum intercedat præceptum? Et utrum omnis voluntas superioris habeat rationem præcepti? 188.10. & seq.
- In quibus materiis expedit præceptum superioris expectare, & in quibus prævenire, ad nutum prompte obediendi? 417.20
- Obedientia purior, & securior est illa, quæ sequitur imperium alterius contra propriam inclinationem, præsertim circa vitam, vel honorem. ibid.21
- Obedientiam faciliat amor, tum in rem præceptam, tum in superiorem præcipientem. ibid.21. & 22
- Obedientia in superiore Christum agnoscens a Patribus commendatur. 418.3
- Explicatur, & approbatur ratione. 421.14. & seq.
- Obedientia cæca auctoritate commendatur. 419.4. & seq.
- Declaratur ratione, in quonam consistat ejus perfectio? 424.26
- Obedientia perelegans descriptio. 420.8
- Ut in omni dubio an res præcepta sit peccatum, possit subditus superiori præcipienti obedire? 422.18. & seq.
- An etiam debeat? 424.24
- Obedientia gradus ex D. Bonav. ibid.24. & 25
- Obedientia exempla admiranda, & miraculosa? 425.32
- Quid per illa intenderit Spiritus sanctus? & qua ratione a sanctis proponantur ut imitanda? ibid.33
- Obedientia perfectione maxime Societas eminet, & ab aliis distinguitur religionibus. 306.11
- Obedientia votum in Societate non obligat in quacumque materia præcepta, licet honesta sit, sed tantum in materia conformi ad finem ejusdem Societatis: & quanam ea censenda sit? 411.10
- An ex vi illius obligari possint etiam non professi ad prædicandum inter infideles Indos, Turcas, &c. 412.16. & 17
- Votum obedientia ad Summum Pontificem, quod professi Societatis specialiter emittunt, obligat ad aliquid amplius, quam votum obedientia, quod in aliis religionibus emittitur. 461.21
- Ad quidnam obliget tale votum, & quanam sit materia illius? 459.4. usque ad 16
- Hoc votum addit obligationem intensivam supra commune votum obedientia, quod in Societate sit. 463.28. & seq.
- Ut addat etiam extensivam, quoad novam materiam? ibid.32. & seq.
- Hoc votum est solenne 464.38
- In quo ejus solennitas consistat? ibid.39
- Officium.*
- Officium aliquod Ecclesiasticum assumpturus scire prius debet illius obligationes, ac deliberare an possit illis satisfacere. 342.8
- Officium, sive munus, vide *Munus*.
- Officium canonicum, sive divinum, vide in verb. *Hora Canonica*.
- Opinio.*
- Opinionum diversitas an sit contraria charitati: illive officiat? 509.8

Quid hac in re in Societate præcipiatur, cum in ejus regula prohibetur, ne doctrinae differentes admittantur. ib.9. & seq.

Cætera vide verb. *Contentio*.

Oratio.

- Orare tantum pro salute proximorum, absque externa actione, qua ipsi immediate juventur, & moveantur, ad perfectam proximi charitatem non sufficit? 255.27
- Orationis & contemplationis interruptio propter actiones ad bonum spirituale proximi non minuit, sed potius auget propriam perfectionem. 256.28
- Oratio est medium efficax ad conservandam castitatem. 382.2
- In oratione quanta requiratur reverentia, & unde ea oriri soleat? 544.7
- Oratio mentalis quam frequens esse debeat religiosis Societatibus, præsertim professis? 496.6. & seq.
- Ut oratio mentalis sit potius opus intellectus, an voluntatis? 544.5. & seq.
- Est optima dispositio ad illuminationes divinas. 550.33
- Orandi ac meditandi artem, & utilissimam esse, & prudentissime a S. Ignatio Societatis Jesu fundatore inventam. 553.2
- Orationis & meditationis perfectio, etiam mediocris, non nisi multo usu orandi, exercitioque virtutum comparatur. 557.11
- Ad orationem aliquam vocalem quotidie privatim recitandam non tenentur religiosi Societatis, nisi aliunde ad id obligentur, & quod ordinati sint in sacris, 497.1. & 2
- Tenentur tamen ad Litanias quotidie in communi publice dicendas: non tamen sub obligatione præcepti, sed tantum simplicis ordinationis. ibid.3
- Ut sub hac qualicumque obligatione eas privatim recitare teneantur, quando eas in communi non dicunt? 498.4
- Orationes vocales, tam ordinariæ, quam extraordinariæ, quæ religiosis Societatis injunguntur, pro defunctis, vel fundatoribus, vel aliis etiam causis, sub qua obligatione recitandæ? ibid.5
- Quomodo huic obligationi satisfaciendum sit: & quæ circumstantiæ in his orationibus servandæ? ibid.6
- An si pro certo tempore præscriptæ in eo non dicantur, postea sub eadem obligatione dicendæ sint. ibid.7
- Ordinationes Societatis, vide verb. *Generalis Ordo*, id est, religio, vide sub specialibus vocabulis.
- Ordo Sacramentum.*
- Ordo sacer non dirimit antecedens matrimonium ratum. 337.24
- Ordinatus in sacris post matrimonium ratum, non consummatum, suspenditur, nisi professionem faciat in aliqua religione approbata, quam conditionem non implet emittendo tantum vota simplicia scholasticorum Societatis. 366.5
- Aliqui ordines conferri possunt ab aliquibus prælatis regularibus: & quanam sint hi prælati? 145.1. & seq. usque ad 4. & 147.16.17. & 148.23
- An hoc privilegium ordinandi communicetur aliis prælatis? 149.27. & 28
- Quos ordines conferre possint dicti prælati jure antiquo? 147.15. & 148.24
- Quos ex novo jure speciali. 148.23. & 25
- Qui ordinari possint a dictis prælatis, ex vi juris antiqui; & quo in loco? 145.5. & 6
- An saltem de licentia ordinarii loci ex vi ejusdem juris possint dicti prælati ordinare extra sua monasteria? ib.6.7. & 11
- An ex eodem jure possint ordinare subditos alterius prælati de illius licentia? ibid.7.8. & 9
- Ut dicti prælati regulares valide ordinent ex vi illius juris, si formam ejus excedant, ut ordinando non subditos, aut extra suum monasterium. ibid.
- Quanam ordinari possint a dictis prælatis ex vi novi juris specialis, præsertim si prælatus ordinans sit mitratus? 147.20. & seq.
- Ordinum interstitia, vide verb. *Interstitia*.
- Otiositas.*
- Otiositas castitatis inimica. 383.6
- P**
- Papa.*
- P**apa in iis, quæ ad doctrinam pertinent, errare non potest ex Christi institutione, promissione, & concessione. 360.5. & seq.
- Papa in approbando aliqua religione errare non potest. ibid.7
- Unde dignoscendum sit Papam non ex falsa informatione, neque ut privatum Doctorem, sed ut Pontificem aliquid definire. ibid.9
- Vide

Vide etiam in verb. *Gratia*.

Parentes.

Parentum indigentiam, an, & quomodo impediatur, ne quis admittatur in Societate, etiam per vota simplicia? 387.13

Patres docere tenentur filios suos doctrinam Christianam. 456.6

Patrinus.

Patrini docere tenentur doctrinam filios suos spirituales. ibid.

Patronus.

Patronus alicujus monasterii non habet jus eligendi ejus prælatum. 69.19

Electiōni tamen factæ præbet assensum. ibid.

Parochus.

Parochi docere tenentur filios suos spirituales doctrinam Christianam. 456.6

Pauper, & Paupertas.

Pauperibus potius, quam consanguineis bona eroganda esse. 389.2. & seq.

Paupertas religiosa, modusque communis vivendi mutuam charitatem, & unionem conciliat. 511.2. & 3

Paupertatis optimus usus est ita superflua abjicere, ut necessaria non desint. 397.15

Paupertatem maxime convenientem esse ad expeditam verbi Dei prædicationem. 405.6.8. & 9

Dispensari non potest cum religioso, ut utatur re aliqua ut propria. 387.16

Solenne paupertatis votum habet duos effectus; alterum naturalem, qui est obligare ad non habendum, vel non utendum re aliqua ut propria; alterum legalem, quod est reddere personam perpetuo inhabilem ad dominium & proprietatem bonorum temporalium. 218.10

Paupertatem perfectam, etiam quoad carentiam domini in communi proficetur Societatis professa. 308.5

Quanto rigore & perfectione hujusmodi paupertas in ea observetur? ibid. 5. & 6

Cætera pro paupertate Societatis professe propriæ, vide verbo *Domus professe Societatis*.

Qui paupertatis modus in Collegiis Societatis servandus sit, rã in administrandis, quam in acquirendis bonis. 408.7. & seq.

Paupertatis votum quod scholastici Societatis emittunt, non eos statim privat dominio & proprietate suorum bonorum, 384.2.

Est tamen sufficientissimum ad omnem perfectionem acquirendam, 386.1.2. & seq.

Ex vi hujus voti tenentur scholastici omne dominium suorum bonorum abdicare, cum primum superiori visum fuerit. 384.3

Neque etiam possunt usum, aut possessionem habere alicujus rei ut propriæ. ibid. 4

An aliquod dominium de novo acquirere possint absque licentia superioris, vel cum illa? ibid. 4. & 5

Cum capacitate ad habendum dominium stare potest paupertas substantialis, & perfectio religionis. 318.8. & seq.

Imo & cū ipso actuali dominio & proprietate. 386.11. & seq.

Quem paupertatis usum observent religiosi Societatis ex vi regulæ quoad esculenta munera missilia, vestitum, libros, & communicationem denique dandi, accipiendi, mutuandi, &c. 394. per totum c. 7

Qui usus circa eadem observandus sit ex vi voti? 396.8. fere per totum.

Paupertatis usus in rebus omnibus spiritualibus sine stipendio administrandis, quantus, & qualis in Societate? ibid. 8. & seq.

An accipere hujusmodi stipendium, quacunque ratione accipiat, sit contra votum paupertatis; an aliquando sit tantum contra regulam? 482.6. & seq.

Habere aliquid sub clavi, an sit tantum contra regulam, vel sit etiam semper contra votum paupertatis, quoties clavis usus sine facultate habetur? ibid. 4. & seq.

Observantiæ paupertatis maxime prospiciendum est in religione, & quas ob causas? 391.5

Paupertatis non relaxandæ votum, quod professi Societatis emittunt, quo sine fuerit ultra professionem adjunctum? 467.6

Quæ ejus materia? ibid. 7.8. & 18

Cur soli professi quatuor votorum illud emittant? 468.8

Ad quid obligentur professi ex vi hujus voti? ibid. 9. & seq.

Quando possit cessare illius materia? ibid. 11

Quid fieri possit in dubio, an melius sit paupertatem relaxare? ibid. 12

An obliget etiam hoc votum ad non acceptandam paupertatis relaxationem a Summo Pontifice præceptam, vel concessam? 469.13. & seq.

Suarez Tom. XV.

Utrum possit Pontifex hoc votum, aut aliud simile substantiæ religionis annexum, irritare? ibid. 14

Paupertatis votum quomodo servandum religioso Episcopo, Beneficiario, Expulso, Apostatæ, aut extra Claustrum de licentia superiorum viventi? Vide in verbis *Episcopus, Beneficiarius, Religiosus, Expulsus, Apostata, Claustrum*.

Peccatum.

Peccati gravitas, aut levitas, quando est contra legem divinam aut naturalem, pensanda semper est ex levitate, aut gravitate materiæ. 3.4

Ex negligentia vitandi peccata venialia raro datur periculum proximum peccandi mortaliter: aliquando tamen datur: & quando? 13.18

Pensio, & Pensionarius.

Pensionarius regularis non eximitur jugo & obedientiæ suæ religionis nisi tantum quoad administrationem pensionis: & suo monasterio acquirit. 232.28. in fine.

Pensiones qua ratione haberi, & expendi possint a monialibus? 270.2

Peregrinatio, & Peregrinus.

Peregrinationes an, & quibus maxime religiosis conveniant? 348.7

Peregrini religiosi an obligentur particularibus legibus ejus provinciæ, vel domus, in qua ad tempus commorantur? 77.21. & seq.

An etiam ipse Generalis religionis, vel provincialis, quando accedit ad aliquam particularem domum sibi subjectam, teneatur se conformare cum particularibus illius legibus, sicut cæteri peregrini religiosi? 78.24

Peregrini religiosi, sive hospites, qui ad tempus commorantur in aliqua domo suæ religionis, dispensari non possunt a superiore locali talis domus. 101.1

Peregrini religiosi ei tantum sacerdoti possunt & debent confiteri, quæ eorū regula, & prælati designaverint. 108.1. & seq.

Seculæ vero speciali directione regulæ, vel prælatorum, si peregrinentur cum sacerdote ejusdem religionis, ei solum confiteri debent. ibid. 2

Et si pervenerint ad aliquem conventum sui ordinis, in quo per aliquod tempus sint hospites, confiteri debent prælato monasterii, vel alteri de illius licentia, vel confessori conventuali, qui est quasi ordinarius illius loci. ibid.

Vel certe, si maluerint, poterunt etiam confiteri socio sacerdoti suæ religionis, cum quo peregrinantur. ibid. 4

Dum vero religiosus peregrinus extra sua monasteria versatur, nec habet socium sacerdotem, potest eligere confessorem secularem, vel regularem. 109.5. & 8

An sacerdos ab eo eligendus in confessorem debeat habere aliam jurisdictionem? ibid. 6

Vel saltem debeat esse approbatus ab Episcopo? ibid. 7

An facultas, quæ conceditur religiosis peregrinis, ut possint eligere confessorem, sit cum onere iterum confitendi eadem peccata suo confessori ordinario; præcipue in religionibus, in quibus est aliqua regula præscribens hujusmodi peccatorum repetitionem apud confessorem ordinarium? ibid. 9

Peregrini religiosi absolvi possunt, & debent a casibus reservatis juxta propria religionum statuta, sub onere comparendi coram superiore, ubi ad illum redierint. 114.4

Quod si in aliqua religione nihil circa hoc regula, aut consuetudine determinatum sit, sed soleat peti facultas, ea necessario petenda est a superiore: & si contingat aliquando, propter naturalem oblivionem, ea non petita discedere, habenda est pro concessa cum onere tamen comparendi: vel etiam potest absolvi directe a non reservatis, & indirecte a reservatis, sed illud probabilius est. ibid. 5

Peregrini religiosi, quando commorantur in domibus suæ religionis, absolvi possunt de casibus Papæ reservatis a prælatis illarum, sicut cæteri eorum subditi. 129.2

Religiosi Societatis cum peregrinantur, an, & qua ratione prædicare, & confessiones audire possint in diocesis, ubi approbati non sunt? 518.5

Perfectio.

Perfectionem aliquo modo procurare & intendere tenentur religiosi sub mortali. 11.10

Huic autem obligationi satisfaciunt intendendo, & procurando servare vota, & si qua sunt alia præcepta religionis propria obligantia ad mortale. ibid. 11

Propositum non habere servandi universim ea, ad quæ in particulari religiosus non tenetur sub mortali, peccatum mortale non est, quamvis sit periculosum. ibid. 12

Perfectio propria prius procuranda, quam proximorum. 45.2.

Sf

c.2.

c.2.n.præferti9.

Pœna.

Pœnam nomine quid intelligatur in privilegiis, in quibus conceditur facultas ad absolvendum a censuris, & pœnis? 534.41

Pœna Ecclesiastica quænam sit? 535.46

Quas pœnas sive spirituales sive temporales prælati religionis imponere possint suis subditis religionis? vide verb. *Prelatus*.

Pœna tritemium an sit conveniens religionis? 83.4. & seq.
An religiosi obligari possint a suis prælati ad aliquas pœnas in se ipsis active exequendas? 84.10

Pœnitentia.

Pœnitentia antiquorum Monachorum a variis Patribus commendatur. 322.2

Pœnitentias ordinarias ex obligatione nullas habet Societas. 326.3

Cur eas non habeat? 327.5.6.7.12

Quas utilitates hæc moderatio pœnitentiarum secum affert? 330.13. & 14

Nullam arguit imperfectionem in Societate ordinariam pœnitentiarum defectus. 331.18. & 10

Pœnitentiis tamen corporalibus uti debet Societas: idque quo consilio, mensura, & obligatione? 326.4

Pœnitentiæ corporales ad sanctitatem formaliter non spectant, multum tamen ad illam conducunt. ibid.

Pœnitentiæ corporales, non proprio, sed superioris arbitrio faciendæ. 330.13. in fine.

Pœnitentiæ, seu pœnæ pro delictis imponit, vid. verb. *Pœna*.

Pœnitentia Sacramentum.

Pœnitentiæ Sacramentum ministrare ex privilegio possunt omnes confessores Societatis quibuscumque Christi fidelibus undecumque ad se venientibus, eosque ab omnibus casibus, censuris, & pœnis Ecclesiasticis absolvere, exceptis tantum in Bulla cœnæ contentis. 525.1

Quaratione singulæ huius privilegii clausulæ intelligendæ sint? 373.8

Utrum per dictum privilegium possint confessarii Societatis audire confessiones, etiam regularium ad se venientium? 374.9. & seq.

Hoc privilegio non tantum in Ecclesiis Societatis, sed etiam in quolibet alio loco uti possunt prædicti religiosi. ibid.

Utrum hoc privilegium dictis Sacerdotibus communicetur dependenter a superioribus ejusdem Societatis: & an restringi possit ab eisdem? 526.2

Utrum per illud absolvere possint a casibus Episcopo reservatis? 527.11

Utrum superiore subditis prohibente, ne aliquarum personarum confessiones audiant, non solum licitus usus, sed etiam jurisdictio ad absolvendum censeatur ablata? ib.7.

Pœnitentiæ Sacramentum ubique ministrare possunt sacerdotes Societatis, cum peregrinantur, si semel ab aliquo Ordinario sint approbati, & proprius loci Episcopus absit. 374.9

Cætera vide in verbo *Absolutio*, & *Confessio*, & *Confessor*.

Potestas.

Potestas jurisditionis, & potestas dominativa, inter se diversæ sunt, & unde utraque prælati religionis oritur? 43.7. & seq. & 409.2

Unam posse esse sine alia, itemque unam ab alia juvari: & quomodo? 410.5

Cætera vide verb. *Jurisdictio* & *Prelatus*.

Præceptum.

Præcepta humana ut obligent in conscientia, quas conditiones habere debent? 75.11. usque ad 17

Præcepta a superioribus absolute imposita quantum obligent; graviter ne, an leviter? 78.25

Quando censeantur graviter obligare? ib.26

Præceptum quando imponitur sub pœna excommunicationis ferendæ, apud religiosos est signum graviter obligare. ibid.26.

Quibus ex causis religiosi excusentur ab observatione præceptorum suorum superiorum? ib.27

An præceptum superioris regularis obligare possit etiam cum periculo vite? ib.28. & 29

Et quando censendus sit superior obligare velle non obstante gravi periculo? ib.29.31

An & quomodo superiores præceptis & ordinationibus a se latæ obligentur? 77.20

An omnis voluntas superioris sit præceptum? 420.10. & seq.

Cætera pro præceptis prælatorum regularium, & potestate ad ea imponenda, Vide in verb. *Prelatus*.

Prædicatio, & Prædicator.

Prædicandi munus est proprium Episcoporum: aliorum vero non nisi de eorum, vel Pontificis licentia. 518.1. & 2

Prædicandi ubique locorum privilegium religionis a superiore ad id munus deputatis concessum. ibid.3

An, & quod beneplacitum Episcoporum, & parochorum requiratur ad usum talis privilegii? ib. & seq.

An dictum privilegium solis religionis professis Societatis, an etiam novitiis concedatur? 519.10. & seq.

Qui superior potestate ordinaria dictos religiosos ad prædicandum deputare, & approbare possit? 521.21

An debeat præcedere examen de vita & moribus, ut valide & licite eos deputet? 522.22

Prædicandi munus potest committi clericis adhuc factis non ordinatis. 519.12

Utrum etiam laicis? 520.13. & 14

Prædicare publice quid sit, & in quo distinguatur a ministerio docendi catechismum, & doctrinam Christianam? 524.32. & seq.

Prædicare an, & qua ratione sit actus jurisditionis? 524.14 & seq.

Prædicandi actio mulieribus jure humano, non divino est interdicta. ib.13

Prædicandi usum in plateis, & aliis locis profanis, indecentem non esse, sed potius & convenientem, & antiquissimum. 522.25. & seq.

Prædicandi actio ut recte & honeste fiat, quas condiciones, & circumstantias habere debet. 525.38

Prædicare non licet in aliis Ecclesiis eo tempore, quo Episcopus in aliqua prædicat, vel coram se prædicare facit. 523.29

An hæc prohibitio comprehendat etiam religiosos Societatis habentes privilegium omni tempore, & loco prædicandi? ibid.

Prædicandi verbum Dei obligatio quænam sit in Societate? 525.37

Prædicator ut idoneus sit, non tantum scientia, sed etiam virtute eminere debet. 523.19. & 20

Prædicator doctrinam captui auditorum accommodare debet. 525.35

Prædicator qua prudentia, & moderatione vitia debet reprehendere? ib.36

Prædicator prius sibi, deinde aliis debet consulere. 317.6

Prædicatori studendum est non popularem auram captare, sed populum verbo & exemplo ædificare. 524.34

Prædicatori qua ratione se occultare liceat ad prædicandam fidem? 560.13

Prædicatorum ordo.

Prædicatorum ordinis fundator S. Dominicus. 367.2

Hic ordo prius cæteris solenni ritu fuit approbatus a Sede Apostolica. ibid.3

Est perfectissimi instituti. ib.4. & seq.

Enumerationem juris Canonici est primus mendicantiū. ib.1

Trium votorum substantialium in hac religione perfectio, & ad ea custodienda observantiæ. 368.8

Variatio in paupertate, quam hæc religio subiit, redditus in communi, quos prius reliquerat, admittendo, rationem mendicantis ab ea non sustulit. ib.10

Augustini regulam proficitur, additis propriis constitutionibus. ib.12

Illæ autem per se non obligant ad culpam. 369.15

Imo nec ad pœnam, nisi nunc ex usu aliud sit introductū. ib.9

Viri insignes huius religionis. 284.14

Duo religiosæ vitæ ordines sub illius regula a D. Dominico institutæ. ibid.13

Persecutionibus sæpe infestati Dominicani caput semper altius extulerunt. ibid.14

In perfectione cum aliis religionibus comparatio. ibid.15

Prelatio, & Prelatus.

Prælati in religione quot, & quanam sint? 46.1. & 2

Quæ eorum potestas ad necessariam gubernationem necessaria? 42.1

Vide etiam verb. *Potestas*.

Prelatus supremus, seu generalis religionis quis sit: & an in eadem religione plures generales esse possint. 46.3. & 4

Prælati medii, seu Provinciales religionis, quanam sint: & an præter generalem, provincialem, & superiores locales dentur alii intermedii habentes etiam jurisditionem. 340.5. & 6.

Præ-

Prælati omnes religionis, etiam locales habent jurisdictionem tam in foro pœnitentiæ, quam in exteriori. 47.7
Utrum eam habeant ordinariam, vel delegatam? ibid.
Prælati religionis habent jurisdictionem ordinariam quasi Episcopalem. 48.9
Quænam & quanta sit hujusmodi jurisdictio, quasi Episcopalis? 49.13. & 14
Prælati omnes religionis, tam mediati, quam immediati, jurisdictionem immediatam habent in omnes religiosos sibi subiectos: & quænam sit hujusmodi jurisdictionis immediatio. ibid. 15. & 16
Prælati majores quantum excedant inferiores prælatos sibi subordinatos, quoad extensionem jurisdictionis? 50.17. & seq.
Quæ & quanta sit dependentia in jurisdictione prælatorum inferiorum a superioribus. Et e contra quanta independentia superiorum ab inferioribus prælatis? ibid. 19
Prælati superior variis modis potest restringere jurisdictionem tam ordinariam quam delegatam inferioris prælati. 51.22
Hujusmodi vero restrictio ordinariæ jurisdictionis requirit justam causam, ut licite fiat. ibid. 23
Non tamen ut valide. ibid. 24
Quod si aliunde contineat intolerabilem errorem contra bonos mores, nulla erit. ibid.
Restrictio sine justa causa facta quibus virtutibus advesetur? ibid. 23
Restrictio jurisdictionis delegatæ sine ulla causa licite fieri potest a superiore. ibid. 24
Pro restrictione potestatis per privilegium a Summo Pontifice concessæ. Vide verb. *Privilegium*.
Prælati superior an possit inferiorem Prælatum officio privare: & qua ratione id licite, aut valide fieri possit? 51.25. & 26
Prælati inferiores Generali possunt per electionem creari; non tamen id est ita necessarium in eis sicut in Generali. 65.1
Prælatorum, qui per electionem non creantur, provisio quas conditiones requirat in persona perficienda: a quo, & qua forma facienda? 70.22
Prælatorum regularium electio quas solemnitates, & conditiones tam in persona eligenda, quam in electoribus requirat? Vide in verb. *Electio*.
Prælati diversæ provinciæ debet se conformare in habitu, saltim exteriori, cum iis, quibus præest. 66.6
Nulla prælati in Ecclesia Dei est perpetua jure divino, ita ut non possit quis invitatus ea privari, præter solum Summum Pontificatum. 70.22
Prælati religionum an jure communi sint, vel possint esse perpetui. 70.2. & 3
Quid sentiendum secundum specialia jura? 71.4
An convenienter introductum fuerit, ne superiores locales essent perpetui? ibid. 5. & 6
Quando expediat creari potius Prælatos ad tempus, quam perpetuos? 72.7
Quando potius perpetuos, vel admodum diuturnos? ibid. 8
Præstat ne prælationem temporalem esse pro tempore definito, an indefinito? ibid. 9
Prælati regularis potest obligare subditum in conscientia per legem vel præceptum suum, idque non tantum titulo voti obedientiæ, sed etiam jurisdictionis Ecclesiasticæ. 73.2 & 3
Prælati omnes regulares possunt obligare per præceptum, non tamen omnes id possunt per leges aut statuta condendo illa. ibid. 4
Qua consultatione & consilio imponendum sit præceptum, & an peccet Prælati consultationem omittendo. 74.6
An deficiente consultatione, ubi ea ex statutis religionis prærequiritur, præceptum impositum sit nullum? ibid. 7
Cætera pro obligatione per præceptum, vide verb. *Præceptum*.
Qui prælati religionis possint leges & statuta condere, & per ea obligare? 73.4. & 5
Qua consultatione & consilio prælati possint, aut debeant statuta condere? 74.8
Prælati religionis in qua materia possint obligare subditos per potestatem jurisdictionis, & quantum hujusmodi illorum potestas extendatur? 75.11
An illis potuerit conferri major potestas Ecclesiastica in suos subditos, quam Episcopi habeant in suos? ibid. 12
Prælati religionis an, & quomodo obligentur suis legibus, & præceptis? 77.20
Prælati religionis potestatem coercivam habent in suos subditos. 79.1

Quanta sit hujusmodi potestas in superioribus, ex vi voti obedientiæ subditorum? ibid. 2.
Quanta etiam sit & quoruplex ratione jurisdictionis Ecclesiasticæ? ibid. 3
An extendatur ad coercendos subditos per censuras? 80.4
Per eam non potest imponi interdictum locale. ibid. 5
An imponi possint censuræ, quæ communitatibus imponuntur, ut interdictum personale, aut suspensio capituli? ibid.
An, & quanta potestas censurandi superioribus localibus concessa sit? ibid. 6
An alias pœnas spirituales, præter censuras, prælati religionis imponere possint suis subditis? ibid. 7.8. & 9
Prælati religionis an, & quando debeat punire, & judicare subditos secundum jus commune? ibid. 8
Prælati religionis quas pœnas temporales imponere possint suis subditis? 82. per totum cap. 10.
Non potest eos relaxare brachio seculari. ibid. 1. & 2
Nec punire pœna mutilationis, aut publicæ flagellationis per plateas. 83.3
Potest tamen pœna treremium? ibid.
An talis pœna treremium sit conveniens? ibid. 4. & seq.
Potest etiam pœna exilii, intra ipsam religionem, relegando subditum ad aliquam domum suæ religionis. 84.8
Non vero extra religionem, ejiciendo illum a religione, & simul relegando. ibid. 9
Quas denique alias corporales pœnas subditis suis imponere, & ad eas in se ipsis active exequendas obligare possint? ibid. 10
Denegare non debet suis subditis recursum ad prælatos superiores, si ad eos recurrere velint, ut pœnæ sibi impositæ ab eis vel tollantur, vel leniantur. 85.6
Prælatorum religionis potestas ad solvendum in foro pœnitentiæ. Vide verb. *Absolutio, Bulla cœne, Casus reservati, Censura, & Excommunicatio*.
Prælatorum religionis potestas ad dispensandum in votis, irregularitatibus, præceptis juris communis, & regulis, vide verb. *Dispensatio, & Irregularitas*.
Potestas inferiori prælato concessa eo ipso concedi censetur superiori, nisi aliud exprimitur. 100.16
Prælatorum nomine quinam veniant in privilegiis? 123.1.4.5.6
Prælati supremi religionis, a quo possint absolvi de casibus Summo Pontifici reservatis? 128.7.8
An, & qui Prælati regulares possint ordines aliquos conferre? Vide etiam verb. *Ordo*.
Prælati religionum tenentur, per se loquendo, querere, & reducere ad religionem Apostatas, & fugitivos. Et quomodo huic obligationi satisfaciant? 161.17
An, & quando excusetur prælati ab hujusmodi obligatione? ibid. 18
An teneatur revocare fugitivum, quæ postea ejecturus esset? ibid. 19
Qui prælati religionis expellere possint religiosum incorrigibilem? 171.17
Prælati sub mortali tenentur concedere licentiam petenti eam ad transeundum ad strictiorem religionem. 193.17
Hoc tamen non habet locum in Prælati Societ. Jesu. 207.35
Qui Prælati concedere possint licentiam religiosi, ut transeat ad religionem laxiorem? 88.16
Vide verb. *Religiosus transiens ad aliam religionem*.
Prælati regulares quomodo gaudeant, & uti valeant privilegiis sibi vel religioni concessis? Vide verb. *Privilegium*.
Prælati Societatis Jesu quam potestatem habeant in subditos. 409.2. & 3
Quam sit ampla hæc potestas tam voluntaria, quam involuntaria? 576.10
Quor titulis diversis subditos obligare possint? 575.4
Quanta & qualis potestas specialiter resideat in Præposito Generali Societatis. Vide verb. *Generalis*.
Quanta in aliis prælati inferioribus? 576. cap. 5
Hæc potestas prælatorum inferiorum est dependens, & communicata a Generali. 575.1
Est autè ordinaria in provincialibus, & rectoribus. ibid. 3. & 6.
Sub ea comprehenduntur non tantum professi, sed etiam ceteri religiosi non professi Societatis. ibid. 7. & 8
Prælati Societatis jurisdictionem usumque illius habent independentem a suffragiis consultorum vel assistentium. 565.6
An sit conveniens tantâ potestatem penes illos esse? ibid. 7. & seq.
Prælati Societatis possunt concedere facultatem suis religiosi, qui habent tantum vota simplicia, ut transeant ad aliam religionem, etiâ laxiorem; nō tamē eos ad id possunt cogere. 207.36

- Prælati Societatis** possunt dare licentiam professis suæ religionis, ut transeant, etiam ad religiones laxiores, non tamen per modum dispensationis, sed propter tales culpas, ut expellat eos a Societate ejicere. 208.40
Non possunt tamen eos absolute cogere ad talem transitum. ibid.42
- Prælati Societatis** omnes sunt æquales in potestate dispensandi in votis suorum subditorum. 95.37
- Prælati Societatis**, infra Generalem, quanto tempore in officio durare possint. 571.19.& seq.
- Pro electione**, & aliis facultatibus, ac potestate Prælatorum Societatis. Vide verb. *Electio*, & *Generalis*.
Præmonstratensis Ordo.
- Præmonstratensis ordinis** origo, & regula, &c. 273.6
Privilegium.
- Privilegium** cur aliquando concedatur in materia alias licita, vel jure communi concessa; & quid circa illam operetur? 92.19.& 93.26
- Privilegia religionum mendicantium**, quam ampla, & ad quas dispensationes, & absolutiones extendantur? 90.9
- Privilegium** & potestas inferiori prælato religionis concessa eo ipso concedi censetur ejus superiori, nisi aliud exprimitur. 100.16
- Privilegia** ad absolvendum a casibus & censuris reservatis concessa, valent etiam si reservatio post concessionem fiat. 46.3
- Privilegia religionibus concessa**, ut possint suos subditos absolvere a peccatis & censuris omnibus reservatis, non revocantur per bullam Cœnæ. 47.5
- Privilegium** ad absolvendum de reservatis, an profit etiam illis, qui spe, & fiducia talium privilegiorum reservata committunt? 122.10.& 11
- Privilegiis**, quæ prælati religionum ad subditos absolvendos conceduntur, an uti possint vicarii, qui absentibus propriis prælati loco eorum manent. 125.6.& seq.
- Privilegia**, & facultates, quas prælati regulares habent ad absolvendos subditos, eas aliis delegare possunt. ibid.8
- Privilegia Societatis** conceduntur Generali, & mediante illo prælati inferioribus: & utrum hi etiam aliis committere possint vices suas? 125.13
- An** Prælati superiores restringere possint inferioribus prælati privilegia, quæ absolute prælati religionis fuere concessa? ibid.14.& seq.
- An** Congregatio generalis Societatis possit limitare Præposito generali facultates ipsi generali immediate a Summo Pontifice concessas? 616.11.& seq.
- Privilegium Societati** concessum ad prædicandum ubique, & audiendas omnium fidelium confessiones, eosque ab omnibus casibus & censuris exceptis bullæ Cœnæ absolvendos. Vide verb. *Prædicatio*, & *Penitentia Sacramentum*.
- Privilegia aliquorum religionum**, quibus conceditur, ne eorum religiosi ad alias religiones etiam strictiores transire possint, quomodo intelligenda? 201.1.& seq.
Vide etiam in verb. *Gratia*.
- Probatio admittendorum in religionem*.
- Probatio admittendorum in religionem** interrogando, & examinando eos, quomodo fieri debeat; & quam expediens sit? 341.2.usque ad 6
- Probandum obligatio** quanta sit ad veritatem interroganti aperiendam. Et an decipientes graviter examinatore, invalide in religionem admittantur? 342.5
- Probatio prima in Societate**, quamnam sit; quam conveniens, & conformis juri, & antiquæ religionum consuetudini? ibid.7
- Tempore primæ probationis** quid præstare debeat novitius Societatis? ibid.8.& seq.
- Tertius Probationis annus** ante professionem quo præsertim sine exigatur in Societate? 453.5
- Non esse talem probationem omnino necessariam** ad valorem professionis. ibid.3
- Quid circa hujus probationis annum** agentes observandum sit? ibid.4.
- Processus Judicialis*, vide verb. *Inquisitio*.
Professio, & *Professus*.
- Professionis nomine** quid veniat in jure? 365.3.& seq.
- Professio solennis** quotuplex fiat in Societate; & quid unaquæque specialiter importet? 456.3
- An** convenienter differatur per longum & indeterminatum tempus? 448.per totum cap.1
- Ad professionem** quatuor votorum solennium in Societate quæ antiquitas religionis jure ordinatio requiratur? 449.7
- Quæ etiam ad professionem solennem trium votorum?** 450.9
- Emitti potest professio** quatuor votorum ex dispensatione statim post biennium, imo etiam post solum primum annum novitatus. ibid.11
- Quæ aliæ conditiones jure ordinario**, & seclusa dispensatione requirantur in persona ad professionem quatuor votorum admittenda? 449.& seq.
- An** & quam professionem emittere debeant in Societate, qui habent Majoratus? ibid.4
- Professionis quatuor votorum solennium**, quæ sit in Societate, forma substantialis quæ, & quomodo intelligenda? 464.1.& seq.
- In** cujus manibus facienda sit talis professio? Et quis habeat potestatem acceptandi, & admittendi ad illam, jure ordinario? 465.4
- Quis jure delegato?** ibid.
- Professionem quatuor votorum in Societate** quæ solennitates accidentales comitentur & consequantur? ibid.7
- Professi Societatis post solennem professionem** alia quædam vota simplicia emittunt, & an convenienter? 464.1.& seq.
- Nō potest a generali** dispensari cū illis, ne ea emittant. 95.34
- Talia item vota** neque dispensari, neque irritari possunt, tam quoad substantiam, quam quoad usum, per superiores Societatis. 94.10.& seq.
- Professi Societatis inter alia vota simplicia**, quæ post solennem suam professionem emittunt, unum est, si eligantur in Episcopos, audituros se esse consilia Præpositi generalis Societatis; eaque sequuturos, si meliora judicaverint. Et quo pacto hoc votum intelligatur? 478.1.& seq.
- Quæ utilitates ex hoc voto** sequantur? ibid.4
- In** qua materia obliget? 479.9
- Si professus promoveatur ad pontificatum**, an teneatur hoc voto? 481.16
- Quid si ad Cardinalatum?** ibid.
- Professi Societatis peculiari etiam voto** astringuntur ad non procurandam dignitatem intra, vel extra Societatem: quomodo, & quantum hoc votum obliget; & cætera ad illud pertinentia. Vide verb. *Dignitas*.
- Professi Societatis emittunt inter alia votum manifestandi Societati**, vel ejus Generali subditos illius procurantes dignitatem aliquam. 482.1
- Hoc votum intelligitur tam de procurantibus dignitatem intra Societatem**, quam extra illam. ibid.2
- Esse hoc votum utile**, & honestum. ibid.& seq.
- Non obligantur professi ex vi hujus voti** denunciare nisi tantum alios Societatis professos dignitatem procurantes. ibid.7
- Non obligantur etiam ad faciendam denunciationem judicalem**, aut paternam determinare, sed tantum alteram ex illis, quam licite potuerint, vel maluerint. 483.9
- Quæ notitia delicti** requiratur, ut professus ex vi hujus voti teneatur ad dictam denunciationem faciendam? ibid.10.& seq.
- An** teneatur ex vi dicti voti denunciare crimen præteritum etiam jam omnino emendatum? 484.14
- Quando** censeatur crimen emendatum? ibid.17
- An** hoc votum obliget, quando delictum occultum est? ibid.18.& seq.
- Quando denuntiatio facienda est**, an debeat professus præmittere secretam monitionem. 487.31
- An** monitione præmissa adhuc facienda sit denunciatio? ib.31
- Non tenentur professi Societatis**, imo nec possunt denunciare ambitionem eorum, qui eam sub secreto, & gratia tantum consilii salutis postulandi illis manifestarunt. 486.30
- Professi trium tantum votorum convenienter in Societate** admittuntur; & cur quartum votum solennæ obedientiæ ad Summum Pontificem non emittant? 489.3.& 4
- Cur** vota horum professorum sint solennia, & non simplicia sicut aliorum Coadiutorum spiritualium? ibid.5
- Gradus horum professorum non est per se intentus in Societate**, sed propter aliquas speciales causas admissus. ib.6
- Quod de se specimen præbere debeant**, qui ad hanc professionem trium votorum promovendi sunt? ibid.7
- Professi trium votorum in Societate** ad quæ ministeria admittantur, & a quibus excludantur? 490.8.& seq.
- Professi trium votorum Societatis**, debent esse sacerdotes; & veniunt etiam aliquando nomine Coadiutorum spiritualium. 493.13
- Dicti

Diſci profeſſorium votorum emittere etiam debent quinque ſimplicia vota, quæ profeſſi quatuor votorum emittunt. *ibid.* 14

Profeſſis Societatis tempus orandi non limitatur, & qua ratione id eis concedatur? 496.3

Profeſſorum Societatis paupertas, vide in verb. *Domus profeſſa*.
Profeſſi Societatis quibus in caſibus habitare poſſunt in Collegiis, aut redditibus eorum juvari, vel ſuſtentari? 406.13

Profeſſi Societatis an ex vi ſolennis profeſſionis teneantur ad horas Canonicas dicendas? 497.8

Profeſſi Societatis an per aliquot ſaltem dies ſpecialiter ex vi voti obligentur ad doctrinam Chriſtianam pueros edocendam? 457.11. & 12

Profeſſi Societatis juſte ab ea expelli poſſunt. 613.1
Quas ob cauſas? *ibid.* 2. & ſeq.

Quam poteſtatem circa hoc habeat Societas, vel ejus Generalis. vide verb. *Congregatio*, & *Generalis*.

Profeſſum dimittere, ut in ſæculo vivat, abſque culpa ſufficiente ad ejectionem, nullo modo poteſt Societas; ſed ſi neceſſaria ſit diſpenſatio, a Summo Pontifice poſtulanda eſt. 615.8

Profeſſus Societatis expulſus, vel tranſiens ad aliam religionem quas obligationes, cum aliàs, tum votorum deferat, aut deferre poſſit? 617.2

Profeſſus Societatis expulſus cum onere ingrediendi aliam religionem, an teneatur ad Societatem redire, vel ejus prælatiſ ſe præſentare, ſi in alia religione non perfeveraverit? *ibid.* 4

Profeſſus Societatis ad alium ſtatum translatus, ut ad Episcopatum, Cardinalatum, &c. quas votorum obligationes retineat? *ibid.* 7

Vide ſupra, & verb. *Dignitas*, & *Episcopus*.

Profeſſus Societatis Apoſtata quas retineat obligationes? *ib.* 9

Profeſſus Societatis, cui conceditur licentia tranſeundi ad aliam religionem, non tenetur eam acceptare. 208.42

An vero, & qua ratione profeſſus Societatis tranſire, aut tranſmitti poſſit ad aliam religionem, vide verb. *Religioſus ad aliam religionem tranſiens*.

Promiſſio.

Promiſſio ingrediendi Societatem, quam ſcholæſtici approbati, ſimul cum tribus ſubſtantialibus votis faciunt, verum eſt votum. 426.2

Idque illi ſtatui maxime conveniens. *ibid.* 4. & ſeq.

Obligat hæc promiſſio ad acceptandum quemcunque gradum in Societate, quem Præpoſitus generalis designavit, non tamen ad eum procurandum. *ibid.* 5

Si ſcholæſtici approbatus admittatur a generali ad gradum Coadiutorum temporalium, an teneatur acceptare ex vi dictæ promiſſionis? 428.7

An qui jam in uno gradu eſt conſtitutus, obligari poſſit ex eadem promiſſione, ut tranſeat ad alium? 429.11

Ut aliquis obligetur ad acceptandum gradum in Societate, non opus eſt, ut hoc illi præcipiatur in virtute obedientiæ, ſed tantum ut id ab eo abſolute, & efficaciter ratione dictæ promiſſionis exigatur. *ibid.* 13. & ſeq.

Quando quis hanc promiſſionem implere teneatur? 430.15

Proximus.

Proximorum ſalutem procurare qua ratione ſit proprium Episcoporum? 304.4. & 8

Quam excellens munus ſit hujusmodi procuratio? *ibid.*

Proximorum ſalus an, & qua ratione poſſit eſſe finis alicujus religionis. 305.5. & 8

Proximos inſtruere & regere ars eſt artium. 341.2

Proximorum ſalutem quibus mediis Societas procuret? 310.10. & ſeq. 233. per totum lib. 1.

Societatis in proximos beneficentia, & charitas. 235.9

Proximis in ratione vivendi ſe debet ad exemplum Chriſti accommodare, qui eos velit Chriſto lucrificare. 263.7

Cum proximis familiariter agere, neque a ſtatu perfectionis, neque a Societatis inſtituto alienum eſt, ſed potius maxime conveniens. 558.2. & ſeq.

Pro cura proximorum, quam Societas habet, vide etiam verb. *Puerorum inſtitutio*.

Prudentia.

Prudentia quam neceſſaria ſit prælatiſ, & gubernatoribus? 479.5. & 6.

Puerorum inſtitutio.

Puerorum in primis literarum rudimentis inſtitutio, quam utilis & conveniens reipublicæ? 443.2

Pueris magis expedit in literis inſtitui a Magiſtris religioſiſ. *ibid.* 3. & ſeq.

Suarez Tom. XV.

Utrum etiam ipliſ religioſiſ expediat hoc munus ſuſcipere?

444.6. & ſeq.

Pueros inſtituere ars eſt, qua nulla ſublimior. 443.4

Puerorum cura & in literiſ inſtitutio a multis ex ſanctiſ antiquiſ ſuſcepta. 444.7. & 8

Puerorum in literiſ inſtitutionem convenienter a Societate ſuſceptam eſſe. 442. c. 5. n. præſertim 13. & 14

Quibus mediis eos in moribus ac literiſ formet? 446. per totum c. 6

Qui libri pueriſ prælegendi? 447.6. & ſeq.

Puerorum in Chriſtiana doctrina inſtitutio ad quas perſonas ſpecialiter pertineat? 456.6

Quam utilis ſit hæc inſtitutio? 457.9

Merito a Societate ſpecialiter ſuſceptam eſſe. *ibid.* 7. & ſeq.

An ad eam per aliquot ſaltem dies profeſſi Societatiſ ex vi voti obedientiæ ſpecialiter obligentur? *ibid.* 11. & 12

Quam commendatam ſuiſ religioſiſ Societas velit? 458.13

Patres, patrini, & parochi doctrinam Chriſtianam docere tenentur filioſ ſuoſ parvuloſ, ſive naturales, ſive ſpiritualeſ. 456.6

R

Recreatio.

Utrum recreatio, quæ religioſiſ Societatiſ conceditur ad loquendum quotidie per unam horam poſt prandium, & aliam poſt coenam, utilis ſit & conveniens? 513.11. uſque ad 20

Qua verborum circumſpectione tranſigenda? 514.20

Recreatio aliqua moderata convenit, religioſiſ, præſertim iſ qui mentalibuſ exercitiis occupantur. 513.13. & ſeq.

Recurſus.

Recurſus ad prælatoſ ſuperioreſ uſque ad Summum Pontificem, ut ab eiſ tollantur, aut leniantur pœnæ, vel præcepta ab inferioribuſ prælatiſ impoſita, religioſiſ nunquam denegandus. 85.6

Non licet tamen ſimiliſ recurſus ad prælatoſ alioſ externoſ. Neque eorum interceſſioneſ permittendæ ſunt in religione, quamvis eaſ procurare ex natura rei non ſit illicitum, 86.8.

Redditus annui.

Redditus annui an aliqua ratione haberi poſſint a domibuſ profeſſiſ Societatiſ? 401.1.6. & ſeq.

Vide verb. *Domus profeſſa*.

Reddituum nomine quid veniat? 403.10

Regimen.

Regimen Monarchicum, quo Societas utitur non admittendo ordinariæ ſuffragia deciſiva, ſed tantum conſultiva optimum eſſe. 370.5

Regimen Societatiſ eſt Monarchicum habens aliquid admiſtum Ariſtocraticiſ. 564.1

Ad quotoſ ſubordinatoſ & ordinarioſ ſuperioreſ reducatur; & quinam illi ſint? *ibid.* 2

Quotoſ modiſ Ariſtocraticum participet? 565.3

Regula.

Regulæ acceptio & ſignificatio multiplex. 1.1

Regulæ approbatæ quatuor tantum numerabantur: quænam ſint; & quæ religioneſ ſub ſinguliſ illarum hodie militent? 1.2

Regula & conſtitutio quomodo differant? *ibid.* 5

Regulam totam, aut conſtitutioneſ ſimul ſumptaſ nulla religio propria auctoritate mutare poteſt. *ibid.*

Regula habet rationem veræ legiſ ex jurisdiſtione ab Eccleſia ipſiſ religioſiſ, vel prælatiſ religioſiſ regulam condentibuſ conceſſa, & non ex mutua religioſorum conventione. 3.1

Regula religioſa pluſ obligat, quam conſilium. *ibid.* 2

Quantum eſt de ſe obligare poteſt ad mortale, ſi materia ſit gravis, & voluntas inſtituentium concurret. *ibid.* 3

Poteſt item obligare ſolum ad veniale, licet materia ſit gravis, ſi inſtituens id ſolum intendit. *ibid.* 4

Quin etiam poteſt obligare ad ſolam pœnam, & non ad culpam; qui moduſ ſemper involvit aliquam obligationem in conſcientia. 4.6

Quænam ſit hæc obligatio? 5.13

Regula religioſa quatuor modiſ obligare poteſt. 4.8

Regula religioſa quando intelligatur obligare ſub mortali, aut veniali; etiam ad ſolam pœnam. *ibid.* & ſeq. & 6. per totum c. 3.

Regula religioſa nunquam cenſenda eſt obligare ad mortale, niſi contineat materiæ voti, aut aliquo ſpeciali ſiguo talis obligatio per ſe ſignificetur. 7.6

Regula, in qua expreſſa aliqua obligatio non declaratur, obli-

gat

- gar sub veniali, nisi ex consuetudine aliud constet. 8.8
 Regulis aliquando miscetur consilia; & qua ratione discernenda sint? ibid.
 Quid ea consilia regulis admista operentur? ibid. 10
 Regulæ transgressio per se loquendo sine ulla culpa esse potest, licet per accidens frequenter incurratur. ibid. 12
 Regulam frangere cum animo illam conculcandi, aut profanandi, ex ira, aut odio contra suam religionem, vel personas ejus, est peccatum mortale. 13.22
 Regulæ subjici nolle, quia eam sibi in particulari minus utilem judicat religiosus, quamvis sit periculosum, ex suo tamen genere peccatum mortale non est. 14.23
 Habere propositum non servandi regulam, quæ ad mortale non obliget, quando, & quodnam peccatū sit? 11.1.2. usq. ad 16
 Regula obligans sub mortali supponit votum obedientiæ; an & inducat diversam obligationem ab obligatione voti? 94.28
 Regula approbata a pontifice, statuens aliquid contra jus commune, derogat illud: secus si non sit approbata. 62.10. in fine.
 Regulæ religiosæ major, vel minor austeritas unde metienda sit? 326.2
 Regula S. Francisci obligat sub mortali, quando apponitur verbum *Præcipio*. Quod tamen in tribus tantum casibus ponitur. 7.7
 Cur solum dicta regula ita obliget? ibid.
 Regula Societatis est propria illius, & a nulla antiquiori trahit originem. 2.6
 Nec ad mortale, nec ad veniale obligat, sed tantum ad penam a superiore imponendam. 6.14
 Ipsa nullam penam taxat, & quare? ibid.
 Est tamē regula Societ. simpliciter stricta, & rigorosa. 331.17
 An distinguatur a Constitutionibus ejusdem religionis? 602.2
 Quindecim capitibus præcipuis tora regula, & institutum Societatis continetur, & quænam illa sint? 609.3
 Regulæ Societatis, quæ *Communes* appellantur, in quo differant a summario constitutionum? 610.11
 Earum materia, & dispositio. 611.12
 Regulas particularium officiorum proprias Societas convenienter instituit. Et quænam sint officia, quorum propriæ dantur regulæ? ibid. 13
 Regulæ Præpositi generalis Societatis sunt ipsæ Constitutiones, & totum institutum Societatis. ibid.
 Dispensare in regula, vide verb. *Dispensatio*.
Religio.
 Religio est status ad perfectionem tendens, & ab Ecclesia approbatus. 301.2
 Religionis substantia in quo consistat? 234.3
 Non requirit summam perfectionem votorum, aut aliorum mediorum, sed tantum suo fini proportionatam. 243.14
 Specialiter quoad votum castitatis quæ perfectio ad substantiam religionis sufficiat? 244.16. & seq.
 Quæ censentur esse de substantia, præter tria vota substantialia? 89.4
 Religionum finis, vide in verb. *Finis*.
 Religionum distinctio unde desumenda? 234.3. ad 6
 Unde item desumenda unitas? ibid. 8. & seq.
 Vide etiam in verb. *Finis*.
 Religio diversa non est, ubi non est diversa professio. 66.4
 Religionum varietas ab hæreticis impugnatur. 275.1
 Contra eos defenditur. 235.13
 Hujus varietatis convenientia, austeritate Ecclesiæ munitur, unde tanquam de fide habenda est. 233.2
 Ratio dictæ varietatis quæ? 235.12
 Religio tripliciter dividi potest in activam, Contemplativam, ac Mixtam. 248.6. & seq.
 Explicatur hæc divisio. 318.1
 Quomodo religio mixta efficiat membrum distinctū? 249.13
 Religio mixta per se intendit actionem & contemplationem tanquam finem: cum quo stat, ut possit unam ad alteram ordinare. 250.18
 Talis tamē religio magis dicitur activa, quā cōtemplativa. ib. 19
 Religio contemplativa perfectior est religione pure activa. ib. 1
 An etiam Religione mixta? 251.2. & seq.
 Religio mixta est perfectior & commodatior contemplativa. ib. 8
 Non tamen securior. 256.29
 Quomodo pars activa non minuat perfectionem contemplativæ? 254.19. & seq.
 Religionum major vel minor perfectio unde discerni debeat? 256.32
 Religio integra, & perfecta constitui potest per vota tantum simplicia. 456.1
 Imo potest esse perfectior alia religione, quæ per solennia vota constituitur. 362.18
 Religionis status per vota simplicia an dici debeat de jure humano, & status per vota solennia de jure divino, ita ut in hoc maxime differant hi status? 357.4. & 5
 Religio, sive Religiosa communitas, an, & quo superiore indigeat, ut gubernetur, & conservetur? 42.1
 An indigeat superiore habente potestatem jurisdictionis, an solum potestatem dominiativam? ib. 2. ad 6
 Religionis quando inceperint esse exemptæ ab Episcopis. 36.16
 Religio eo ipso, quod est exempta, a solo Papa habet jurisdictionem, & non ab Episcopis. 90.11
 Religio non potest cedere in perpetuum jure, quod habet ad revocandum religiosos expulsos, quando expedierit. 173.8
 An religio teneatur recipere iterum a se expulsos? 174.13. & 14
 Religionem ingredi volentes vero animo proficendi in ea, absolvi possunt a superioribus illius ab omnibus casibus & censuris, etiam Pontificiis, ac si jam essent veri religiosi: reincident tamen in easdem pœnas, si mox ingredi noluerint. 129.5. & 5
 Religio habens potestatem condendi sibi statuta potest condere statum contrarium juri canonico vel etiam naturali, concedenti, ut vocant; seu (quod idem est) contrarium illi negative: non tamen prohibenti, seu illi contrarium positive. 340.5
 Religio per specialia sua statuta potest instituere impedimenta substantialia ad professionem, seu ad valorem illius, licet jure communi necessaria non sint. ibid. n. præsertim 6
 Religionis bonum non multitudine, & quantitate personarum, sed in qualitate situm est. 341.1. 2
 Qui delectus & diligentia adhibenda in admittendis personis ad religionem? ibid.
 Sub qua obligatione? ibid. 3
 Religio capax hereditatis, ad quam religiosus transit, succedit in bonis paternis talis religiosi, si parentes ejus decedant post transitum ad illam, secus si ante illum. 220.17
 Qui aliquem avertit a religione, an teneatur ad aliquam restitutionem? 164.4. & seq. & præcipue a n. 21
 Vide etiam verb. *Apostata*.
 Religionem ingredi volens, si prælatos ejus graviter decipiat, occultando proprios defectus, quorum interrogatur, graviter peccat. Et an valide cum tali deceptione recipiatur? 342.5
 Religionem fiste ingrediens, vide verb. *Novitius*.
 Religionem aliquam in particulari aliis ingrediendam suadere, an, & qua ratione expediat? 556.4. & 5
 Religionis Prælati, vide verb. *Prælati*.
 Religio Societatis Jesu, vide verbo *Societatis Jesu religio*.
 Cætera vide in verbis sequentibus. *Relig.*
Religiosus.
 Religiosi tenentur sub mortali habere propositum progrediendi in via perfectionis. 11.10
 Huic autem obligationi satisfaciunt habendo propositum servandi vota, & si qua sunt alia præcepta sub mortali in religione. ibid. 11
 Ad habendum vero propositum servandi cætera non tenentur sub mortali. ibid. 12
 Quod si regulæ tantum obligent ad penam, & religiosus habeat propositum eas non servandi, sed tantum sustinendi penam, nec venialiter peccabit ex objecto. 12.14
 At si propositum habeant nec penam omnino sustinendi, peccabit mortaliter. ibid. 13
 Si vero regula ad veniale tantum obligat, propositum violandi illam, secluso contemptu & periculo peccandi mortaliter, veniale solum est. ibid. 16
 Religiosi non magis obligantur præceptis, quam non religiosi. 40.5
 Regulariter tamen loquendo gravius peccant, quando cum perfecta deliberatione peccant, levius autem cum ex subreptione. 41.6
 Quanta sit ea major gravitas in peccato religiosi? ibid. 7
 Religiosus an teneatur ad opera religionis, saltem ad obediendum prælato, non solum ex vi regulæ, aut voti, sed etiam ex justitia ratione traditionis & pacti in professione inclusi? ibid. 9
 Religiosus an possit habere curam animarum, ministrando in parochiali Ecclesia: idque an debeat esse de licentia sui prælati? 89.5
 An possit habere beneficium? Vide verb. *Beneficium*.
 Re-

Religiosi quousque puniri possint a suis praelatis? 82. per totum cap. 10
 Vide etiam verb. *Praelatus*.
 Religiosis qui casus reserventur, aut reservari permittantur, vide *Casus reservati*.
 Religiosi quousque absolvi possint de casibus & censuris a suis praelatis, vide in verb. *Bulla cœna, Casus reservati, Censura, & Excommunicatio*.
 Religiosi an uti possint bulla Cruciatæ ad effectum eligendi confessorum, vide *Bulla Cruciatæ*.
 Religiosi exempti an possint in aliquo casu absolvi ab Episcopis? 126. per totum c. 23
 Religiosi, qui juxta suam regulam non prohibentur confiteri de casibus non reservatis cuicumque habenti aliâ jurisdictionem in eo foro, possunt de illis confiteri, & absolvi a quibuscumque religiosis habentibus generalem facultatem a Summo Pontifice ad audiendas omnium confessiones. 107. 12
 Secus omnino dicendum, si juxta suam regulam prohibentur cuicumque confiteri. ibid. 13. & seq.
 Religiosi quo pauciores, eo altiores, & observantiores. 341. 2
 Religiosi literis addiscendis aptiores sunt; & quare? 432. 8
 Religiosi ejusdem ordinis mutua servitute, subjectione & obsequio se prosequi debent in charitate, & humilitate. 508. 4
 Ad religiosum injuria affectum non spectat vindictam apud judicem postulare: sed spectat tantum ad religionem. 591. 12
 Religiosus vivens extra claustrum de licentia sui superioris, tenetur servare suam regulam pro loci & temporis opportunitate. 71. 6
 Religiosorum clausura, & cætera ad claustrum eorum pertinentia, vide in verb. *Claustrum, & Clausura*.
 Religiosi professi Societatis, vide verb. *Professus*.
 Religiosus fieri potest Episcopus; nec illi per se illicitum est Episcopatum desiderare. 215. 1. & 2
 Religiosus transiens ad Episcopatum deferre non potest peculiū, nec cætera, quæ in religione acquisivit, sed religioni ea debet relinquere. 221. 22
 Cætera pro religiosis Episcopis, vide in verb. *Episcopus*.
 Religiosus peregrinus, vide verb. *Peregrinus*.
 Religiosus Beneficiarius, v. in verb. *Beneficium, & Beneficiarius*.
 Religiosus factus Cardinalis quas obligationes religionis retineat? 227. 4
 Religiosus transiens ad sæculum ex legitima dispensatione in votis, non potest secum deferre, quæ religioni absolute donaverat. 213. 18
 Succedit tamen in bonis paternis, si pater ejus decedat, postquam ipse ad sæculum transit. 221. 20
 Religiosus expulsus aut expellendus a sua religione.
 Religiosi professi incorrigibiles juxta expelli possunt a religione. 168. 2
 Quando censendi sint incorrigibiles? 170. 10
 Religiosi professi expulsio ad bonum religionis potius, quam prius religiosi ordinatur. 169. 5. & 8
 Ad hanc expulsionem non requiritur actualis contumacia, sed sufficit incorrigibilitas. ibid. 7. 8
 Quæ causæ requirantur, ut expulsio sit justa? ibid. 9. & seq.
 Religiosi expulsio justa in foro externo nunquam est contra justitiam in interno. 171. 12
 Et raro admodum erit contra charitatem. 171. 16
 Religiosum professum justa de causa expellere a sua religione potest primo Summus Pontifex; deinde corpus ipsius religionis, nisi hac potestate a summo Pontifice privetur. ibid. 17. & 18
 Est etiam hæc potestas in Generalibus religionum jure ordinario, non ita tamen in aliis praelatis inferioribus, sed potest illis specialiter, vel generaliter committi. 172. 19
 An, & in quibus religionibus, præter consensum praelati, requiratur etiam consensus aliquorum adjunctorum, ut dicta expulsio sit valida? ibid. 20
 Religiosus professus quantumvis expellatur semper manet ligatus votis substantialibus religionis; ibid. 1
 Deinde tenetur se emendare, & dignum facere, qui iterum ad suam religionem admittatur. 173. 4
 Tenetur etiam, quantum in se fuerit, in eam iterum recipi; & quandoque recipiatur in eam ingredi, nisi jam aliam religionem sit ingressus. ibid. 5. & seq.
 Religio non potest cedere in perpetuum jure, quod habet ad revocandum expulsos, quando expedit. ibid. 8
 An teneatur eos recipere? 174. 13. 14

Qui praelati ejusdem religionis eos possint recipere? ibid. 15
 Religiosi expulsi a quibus praelatis iterum admitti possint ad religionem? ibid.
 Religiosi expulsi cum iterum admittuntur, an novam professionem emittere debeant? 175. 16
 An ad eundem gradum antiquitatis & præminentie sint restituendi? ibid. 17
 Religiosi expulsi, qui clerici non sunt, an possint puniri propter sua delicta a judicibus secularibus? 82. 2
 An possint relaxari brachio seculari a suis praelatis? ibid. 1
 Religiosi expulsi jam non sunt subditi praelatorum religionis, nec eis tenentur obedire. ibid.
 An saltem ex aliquo pacto manere possint obligati praelatis religionis? ibid.
 Religiosus expulsus a sua religione potest statim suo arbitrio in aliam religionem strictiorem, vel saltem æque strictam ingredi, non vero laxiorem. 175. 18
 Quando possit etiam in laxiorem? ibid. 19
 Religiosus expulsus a sua religione, & in aliam ingrediens, an debeat novam professionem emittere? ibid. 16
 Religiosus expulsus non tenetur absolute aliam religionem ingredi, licet in suam non recipiatur. ibid. 20
 An possit ad id obligari a suis superioribus? ibid.
 Quid si ante primum ingressum in religionem voverat absolute ingredi religionem? 176. 21
 Religiosus expulsus an teneatur specialiter obedire Episcopo ratione voti obedientie; vel ratione status religiosi? ibid. 2. & seq.
 Cui Episcopo debeat obedire? 177. 7
 An se illi præsentare teneatur? ibid. 6
 In quibus illi debeat obedire? ibid. 10. & seq. & præsertim 18
 Religiosus expulsus an teneatur ad regulam suæ religionis, ad recitandum divini officium, licet non sit ordinatus in sacris; habitum gestandum, poenitentias, clausuram, &c. an saltem ad id possit obligari ab Episcopo? 178. 11
 Religiosus expulsus habitum suæ religionis gestare non potest; & an alium certum habitum gestare teneatur, saltem ex præcepto Episcopi? ibid. 14
 Religiosus expulsus potest suo arbitrio mutare domicilium ab una diocesi in aliam; & eligere Episcopum, cui se subiciat. 179. 16
 Religiosus expulsus cui acquirat, & sub cujus dominio sint ejus bona? ibid. 19. & seq.
 Religiosi professi Societatis, an, a quo, & ex quibus causis expelli possint, & cætera ad specialem eorum expulsionem pertinentia, vide verb. *Congregatio, Generalis, & Professus*.
 Religiosorum non professorum Societatis expulsio, seu dimissio, & quidquid ad illam pertinet, vide verb. *Dimissio & Dimissus*.
 Religiosus fugitivus.
 Religiosus fugiens a monasterio per aliquod tempus notabile, etiam si non fugiat animo apostatandi, & manendi in sæculo, peccat tamen mortaliter contra justitiam, & religionem. 152. 2
 Potest tamen talis transfuga excusari a culpa, si fugiat ex justa causa. Et quæ censeatur causa justa? ibid. 4. & seq.
 An religiosus, qui cum manifesta injuria vexatur ab inferiori praelato, possit licite in aliquo casu fugere ad praelatum superiorem? 87. 14. 15. & 153. 4
 An specialiter ad Summum Pontificem se conferre possit? 87. 16
 Et quid observari debeat, ut ad superiorem aliquando talis fuga liceat? 153. 4
 Religiosus damnatus ad perpetuum carcerem an possit licite fugere? 84. 10. & 11
 Religiosus damnatus ut fame paulatim pereat, an licite fugere, & comedere possit? ibid. 11
 Religiosi fugitivi per aliquod tempus, sine animo tamen apostatandi, an aliquas certas penas incurrant? 154. 9. 10
 Religiosi fugitivi cum animo non redeundi ad religionem, etiam si habitum retineant, sunt vere apostatæ. ibid. 12
 Qualenam peccatum committant? ibid. 11
 Religiosi fugientes a religione relicto habitu, licet fugiant cum animo redeundi, incurrunt excommunicationem; & in confessione circumstantiam dimissionis habitus aperire tenentur. 155. 19
 Si vero retento habitu fugiant excommunicationem non incurrunt jure communi. 160. 11
 Fugitivi a religione quinam censendi sint? ibid. 10
 Religiosi fugitivi, qui apostatæ non sunt, in quibus puniri possint ut apostatæ? ibid. 16
 Re

- Religiosi fugitivi an sint a praelatis religionis querendi, & reducendi? 161.17
- Religiosi fugientes a monasterio, inconsulto praelato, sed cum animo transeundi ad religionem perfectiorem, an sit peccatum grave? 186.4
- Cetera pro religioso fugitivo, Vide verb. *Apostata*.
Religiosus transiens ad aliam religionem.
- Religiosis ex natura rei, & secluso jure humano, licitum est relicta propria religione ad strictiorem aliam propria auctoritate transire. 184. per totum c. 8.
- Non ita tamen ad laxiorem, vel æqualem. 186.1
- Quæ religio censenda sit perfectior, ut ad illam liceat transire? 187.8. & seq.
- Religiosis esto sit licitum transire ad aliam religionem, an sit xpediens, & consulendum? 186.2
- Nec laudandi, nec facile sunt admittendi, qui ad aliam religionem transire volunt. 336.17
- Religiosus habens facultatem transeundi ad religionem laxiorem, eo ipso eam habet ad transeundum ad aliam religionem strictiorem illa, ad quam habet facultatē. 185.4. & seq.
- Religiosus transiturus ad aliam religionem an expectare debeat consensum sui praelati? 187.5. & seq.
- Religiosis non tantum ex natura rei, sed etiam ex vi juris communis licitum est transire ad religionem arctiorem, de licentia tamen, saltem petita, sui praelati. 190.1. & seq.
- Ea vero licentia petita necessaria est sub gravi præcepto. 193.17
- Peccabit vero mortaliter praelatus eam negans. ibid.
- An talis licentia sit ita necessaria, ut sine illa transitus sit irritus? ibid. 18. & seq.
- Quando autem dubitatur, an religio, ad quam transeundum est, sit arctior, necne, non sufficit sola licentia petita, sed requiritur obtenta. 195.27
- Quod si praelatus eam nolit concedere, ad superiorem utriusque religionis spectabit dubium definire, & quifnam sit hujusmodi superior? ibid. 28
- A quo, quando & quomodo sit dicta licentia postulanda, ut solum petita sufficiat? 196.29. & seq.
- Dicta licentia petita, iuste tamen a superiore negata uti non potest licite religiosus. ibid. 32
- In petitione hujus licentiæ tenetur religiosus exprimere cum puritate, & veritate causam, qua movetur ad transeundum ad aliam religionem. ibid.
- Religiosus transiens ad aliam religionem strictiorem sine ulla licentia sui superioris, ex vi juris communis non est apostata. 204.15
- An talis sit non transeundo ad strictiorem, vel suppositis indultis suæ religionis, quibus prohibetur hic transitus sine licentia in re obtenta? ibid. 16. & seq.
- Privilegia religionum, quibus conceditur, ne religiosi eorum, etiam ad strictiorem aliam, transire possint sine facultate obtenta quomodo intelligenda? 201.1
- An, & quæ ratione talis transitus prohiberi possit a Summo Pontifice? ibid. 3. & seq.
- Religiosis qua ratione liceat transitus ad religiones strictiores tentis privilegiis suarum religionum? ib. c. 1. 2. per totum.
- An religio privilegiata, ne ab ea fiat transitus ad alias sine legitima facultate obtenta, tale privilegium amittat, si nimis relaxetur? 203.14
- Praelatus religionis privilegiatæ, ne ab ea fiat transitus ad arctiorem absque facultate obtenta, tenetur facultatem concedere ad hunc transitum religioso eam petenti. 203.9
- Religiosus expulsus a sua religione, potest statim suo arbitrio ad aliam religionem strictiorem, vel saltem æque strictam transire, non vero ad laxiorem. 175.18
- Quando possit etiam ad laxiorem. ibid. 19
- Religiosus expulsus non tenetur ad aliam religionem transire: & an ad id possit a suis superioribus obligari? 167.20
- Quid si ante ingressum in religionem votum religionis absolute emiserat? ibid. 24
- Religiosus non potest transire ad religionem equalis perfectionis sine facultate sui praelati in re ipsa obtenta. 197.1
- Quis hanc facultatem dare possit? ibid. 2. & seq.
- Hujusmodi licentia a Summo Pontifice absque justa causa concessa, illicita est, sed tamen valida. ibid. 6. & seq.
- Quid si ab aliis praelatis concedatur? 198.9
- Religiosis an, & ex qua facultate liceat transitus ad religionem laxiorem? 199.13
- Dispensatio sine justa causa ad transeundum ad religionem laxiorem, etiam a Summo Pontifice concessa, illicita, & invalida est. ibid. 14
- Et professio subsecuta irrita. ibid. 15
- Quis dictam licentiam ex causa concedere possit? ibid. 16
- Quæ sit causa justa hujus licentiæ, seu dispensationis? 200.21
- Religiosus utrum aliquando teneatur postulare dispensationē ad transeundum ad religionem laxiorem? 190.22.23
- Conversi, & Conversæ, qui professionem in sua religione non emiserunt, transire licite possunt ad aliam etiam laxiorem. ibid. 1
- Religiosis quibuslibet transire licet ad Carthusiam. 280.6
- An liceat etiam ipsis Carthusiensibus transire ad alias religiones? ibid. 7. & 8
- Religiosus, cui assignatur certum tempus, intra quod aliam religionem, ad quam vult transire, ingreditur, quam obligationem habeat redeundi ad propriam religionem, si propositum mutet, aut intra præfixum terminum ingredi non possit? 205.22. & seq.
- An possit manere in sæculo per totum assignatum tempus, si statim, ubi a propria religione egreditur, ad aliam admittatur? 206.28. & seq.
- Religiosis Societatis JESU, qui velint ad Carthusiam transire, conceduntur tres menses, intra quos illam ingrediantur: si autem ad alias religiones de licentia superioris sint transituri, certum etiam tempus ab eodem superiore præfigitur, intra quod ingrediantur. 205.22
- Eisdem vero præcipitur sub excommunicatione ipso facto, ut nisi intra præfixum terminum ingrediantur, ad propriam religionem redeant: excommunicationem tamen non incurrunt, si præfixo tempore transacto brevem aliquam moram fecerint, antequam redeant. ibid. 23. & 24
- An & quantum dicti religiosi peccent manendo in sæculo per totum præfixum tempus, si ante, vel post egressum a propria religione mutaverint propositum ingrediendi aliam, vel certe intellexerint non esse ad illam admittendos. ibid. 25. & seq.
- Præterea si dicti religiosi in ea religione, ad quam transierunt, non perseverent, nec profiteantur, tenentur sub eadem pœna ad propriam religionem redire, quæ etiam eos iterum admittere tenetur. 206.29. & 30
- Si vero in religione, ad quam transierunt, professionem fecerint, & ab ea postea ad seculum, vel ad laxiorem religionem fugiant, eo ipso iterum jurisdictioni Societatis subiacent, ut contra eos, tanquā Apostatas procedere possit. ib. 31
- Non ita tamen si se ad æqualem religionem conferant. ib. 32
- Vide etiam in verb. *Professus*, & *Scholastici*.
- Religiosis professus Societatis an, & quibus ex causis de licentia sui Generalis transire possit ad aliam religionem etiam laxiorem? 614. a. 1. ad 9
- An possint directe in aliquo casu cogi ad hunc transitum. ib. 2.7
- An saltem indirecte? 615.7
- Vide etiam verb. *Praelatus*.
- Religiosus Societatis, qui vota tantum simplicia emisit, si votis liberetur sub conditione, ut in aliam religionem transeat, & ille postea nolite eam ingredi, Apostata non est: & quomodo cogi, aut puniri possit? 207.37
- Religiosus transiens ad aliam religionem, nulla bona eorum, quæ acquisivit in priori religione, secum transferre potest, nisi de licentia superioris primæ religionis. 208.1. & seq.
- Vestem tamen deferre potest sine onere restituendi eam; an etiam manuscripta, vel instrumenta exquisita alicujus artis, quam exercebat? 209.8. & seq.
- Religiosus transiens ad aliam religionem, an saltem deferre possit bona, quæ ratione sui jure hæreditatis primæ religioni obvenierunt? 210.1. & seq.
- Quid, si non jure hæreditatis obvenierunt, sed mera liberalitate ipsius religiosi ea absolute religioni donantis, vel legantis? 211.10. & seq.
- Quid si religiosus non absolute ea donavit, vel legavit, sed tantum sub conditione, nisi postea religionem mutet. 212.16. & seq.
- Quid, si transitus fiat ad religionem ejusdem ordinis, seu instituti. 217.16
- Religio capax hæreditatis, ad quam aliquis religiosus transit, succedit in bonis paternis talis religiosi, si parentes ejus decedant post transitum ad illam; secus si ante illum. 220.17
- Quid si religio non sit capax hæreditatis; aut religiosus transeat ad seculum. ibid. & seq.
- Religiosus transiens ad aliam religionem eo ipso amittit omnes prærogativas antiquitatis, loci, praelationis, &c. quæ ei competeant ratione professionis in priori religione. 214.1

- R**atione tamen professionis omiffæ in fecunda religione, ad quam tranfit, per fe loquendo eft capax omnium prerogativarum ficut cæteri religiofi ejufdem religionis. *ibid.* 2
- S**i vero tranfitus fuit a religione aliqua mendicanti ad non mendicantem, eo ipfo eft incapax multarum prerogativarum, & quænam illæ fint? *ibid.* a. n. 3. ad 7
- N**ullus religiofus licite transferri poteft ad aliam religionem diverfi ordinis, five inftituti, nifi ut in clauftro fub obedientia maneat: neque ulla beneficia fecularia, etiam curata, habere poteft. *215.8. & feq.*
- S**ecus dicendum, fi ad religionem ejufdem ordinis tranfeat. *216.14*
- P**oteft vero religiofo translato concedi facultas vivendi extra clauftum, ficut cæteris religiofis. *217.17*
- P**oteft etiã religiofus translatus efle vicarius Epifcopi. *ib.* 18
- P**ro voto tranfeundi aut non tranfeundi ad aliam religionem, vide *Votum*.
- Reprehensio.*
- R**eprehendere alios folius fuperioris eft munus, non aliorum. Cum charitate tamen monere omnibus competit, etiam fuperioribus. *509.5.6*
- R**eprehensio lenitate temperanda eft. *ibid.* 6
- Reservatio cafuum, vide Cafus reservati, Reus.*
- R**eos morte, & fuppliciis liberare, veniam apud judicem impetrando, officium eft charitatis, & religiofis maxime conveniens. *563.10*
- Q**ua ratione hoc officium fit obeundum, & an illud in particulari Societas obeat? *564.11*
- R**eus quando interrogari poffit, cum proceditur via fpecialis inquisitionis. *579.10*
- R**eus ad hoc, ut teneatur judici respondere, debet illi prius legi processus, ut illi conftet de legitimo processu, & probatione contra illum facta, *ibid.*
- S.**
- Sacerdotium.*
- S**acerdotalis ftatus perfectio. *322.4*
- S**acerdotes funt quali cor, & Romachus Ecclefie ex Chryfoft. *ibid.*
- Sapientia, vide Scientia.*
- Scholastici approbati Societatis.*
- S**cholastici Societatis in quo gradu fint in illa, & ad quid admittantur, & ordinentur. *311.12*
- S**cholasticos juvenes bonis literis in Societate imbui, priusquam ad ejus ministeria applicentur conveniens & neceffarium eft. *352.2.3*
- N**ec minus neceffarium, ut in ea per vota fimplicia incorporentur. *ibid.* 4.5
- P**er hanc incorporationem ipfi Societati obligantur, non vero Societas ipsis. *353.6.7*
- E**t his non obftantibus talis incorporatio licita & fancta eft. *ibid.* 2. & feq.
- E**t verum ftatum religionis conftituit. *356.c.3. per totum; & 361.12*
- N**ec fine errore in fide dici poteft dictos fcholasticos Societatis non efle vere ac proprie religiofos. *360.a.n.5. & 12*
- N**ec folum hodie vere & proprie funt religiofi, fed etiam ab initio confirmatæ Societatis tales fuerunt. *359.1. & feq.*
- G**audent privilegio fori, & exemptione religionis. *361.13*
- G**audent etiam privilegiis professorum ejufdẽ Societatis. *ib.*
- I**psique Societati per vota fimplicia fufficienter traduntur, & fubiiciuntur. *ibid.* 14. & feq.
- S**cholasticorum Societatis incorporatio per vota fimplicia in qua differat ab incorporatione Coadiutorum formatorum per vota etiam fimplicia in eadem Societate? *366.8*
- A**n hæc incorporatio dicenda fit profeffio, aut nomine illius venire poffit? *367.c.6. fere per totum.*
- A**n requirat 16. annum ætatis expletum, & integrum etiam novitiatus annum, ut valida fit? *ibid.* 2. & feq.
- Q**uas alias requirat conditiones ex parte Scholastici incorporandi. *ibid.* 6. & feq.
- Q**uas etiam ex parte religionis, feu prælati ad illam Scholasticum admittentis? *c.7. per totum.* *369*
- S**cholasticis Societatis dicta vota fimplicia religionis ante legitimam ætatem, vel per vim aut metum emittentibus, quinquennium tantum conceditur ad reclamandum. *360.6*
- H**oc autem intelligitur, nifi interfuerit ignorantia, aut impotentia petendi fuum jus. *ibid.*
- U**trum in eis habeat locum tacita profeffio, feu incorporatio? *370.c.8. totum*
- S**cholasticorum Societatis ingreffus & incorporatio in Societate, an, & quomodo impediatur propter parentum indigentiam? *368.13*
- Q**uomodo item per fervitutem? *ibid.* 8
- S**cholasticorum Societatis gradus perfectione ab ulterioribus, five professorum, five Coadiutorum formatorum, perfectione fuperatur. *426.5*
- S**cholastici Societatis an veniant in jure nomine professorum, Regularium, & Religioforum. *365.3. & feq.*
- S**cholastici juniores quo fine per biennium ad minimum a reliquis feparentur? *453.5*
- S**cholastici Societatis ad nullam religionem præter Carthufiam, libere poffunt tranfire, propter privilegium Societati conceffum. *362.17*
- S**ed neque id poffent tali privilegio feclufo. *ibid.* 18
- S**cholastici Societatis neque ad feculum libere poffunt redire, neque fi redeant, ab aliquo Epifcopo in votis difpenfari, aut etiam per bullam Cruciatæ abfolvi poffunt. *363.21.22*
- S**cholastici Societatis quomodo de fuis bonis difponere poffint? *Vide in verb. Bona, Paupertas, & Testamentum.*
- S**cholasticorum Societatis ftudia, & fcientiæ, vide verb. *Studia.*
- P**ro votis fimplicibus, quibus dicti Scholastici Societati incorporantur, vide etiam verb. *Votum.*
- E**orundem Scholasticorum dimiffio, vide verb. *Dimiffio, & Dimiffus.*
- Scientia.*
- S**cientia, feu fapientia vera, cum iuftitia eft conjuncta, illamque fupponit. *432.4.8*
- S**cientia, maxime Sacrarum Scripturarum, ut bene addifcatur, iuftitia fimul ac animi puritas procuranda eft. *ib. & 438.12*
- S**cientiæ oftentatio aliquando honefta, & utilis ad falutem proximorum efle poteft: & quando? *350.15*
- V**ide etiam in verb. *Studia.*
- Scrupulus.*
- A**d fcrupulos tollendos documenta. *556.3*
- Seculares.*
- C**um fecularibus familiaritas, qua ratione, mefura, & circumfpectione a religiofis admittenda? *559.7*
- Sensus.*
- S**enſuum cuſtodia, maxime oculorum, ad caſtitateſervandam neceſſaria. *383.7*
- S**enſuum mortificatio, vide *Mortificatio.*
- Servitus.*
- S**ervitus quomodo impediatur ingreſſum in Societatem? *385.8*
- Sigillum.*
- S**igilli & manus falſificatio quæ, & quando fit peccatum reſervatum in religione? *112.8.9.10*
- O**fficiales monaſterii uti poſſunt particularibus & diſtinctis ſigillis, *ibid.* 8
- Simonia.*
- A**n a Simonia in ordinum ſuſceptione commiſſa abſolvere poſſint prælati regulares ſuos ſubditos? *122.9*
- Societatis JESU Religio.*
- S**ocietatem JESU efle vere ac proprie religionem de ſi de efle. *301.2*
- I**n quo hæc religio a cæteris differat? *ibid.* 3
- V**aria illi nomina ab imperitiis accommodata. *ibid.* 4. & feq.
- Q**uod illi nomen proprium, a quo, qua occaſione, fundamento & proprietate inditum? *ib.* 5. & 302.8.13
- H**oc ejus nomen a calumniatoribus defenditur. *302. a. 9. ad 14*
- S**ocietatis finis intentus quis? *304.2. & feq.*
- Q**uo pacto perfectio propria & proximorum fit proprius finis illius? *306.9. & feq.*
- P**erfectionem propriam quibus mediis Societas procurat? *308.a.1. ad 9. & lib.8. per totum.*
- Q**uibus proximorum ſalutem? *310.10. & feq. & lib.9. per totum.*
- Q**uo affectu & fructu? *313.6. & feq.*
- S**ocietas a S. Ignatio fundata. *312.2*
- I**dque indubitato Spiritus Sancti inſtinctu, qui præcipuus hujus religionis efle auctor. *ibid. & feq.*
- Q**uo pacto id intelligendum? *315.13*
- Q**uos in ea effectus Spiritus ſanctus operetur? *312.4. & feq. præcipue n. 7*
- C**onvenienter ad neceſſitates Eccleſiæ fuit fundata hæc religio. *ibid.* 5
- Q**uam copioſa gratia credendum efle a Deo præveniri? *323.10*
- Societ.

- Societas* persecutionibus non solum in fracta, sed aucta & erectior. 314.8
 Longe lateque brevi dilatata, & sanguine Martyrum fundata, & decorata. ibid.
Societas est religio clericorum, non solum ratione habitus clericalis, sed ratione proprii instituti. 315. cap. 5. per totum.
 Estque quoad substantiam antiquissima. 317.6.7
 Et una ex perfectissimis Ecclesiae religionibus. 322.3 & seq.
Societas est religio mixta, participans aequaliter activam & contemplativam. 318.2. & seq.
 Quomodo in ea actio cum contemplatione cohaereat? 321.10
Societas brachium dextrum Sedis Apostolicae a Clemente VIII. appellata. 322.5
Societas cur vitam communem, & ab extraordinariis austeritatibus alienam instituerit? 327.5. & seq. & praesertim n.9. & 12
 Quantum in hac vitae ratione Christum, & Apostolos imitetur? 328. a.7. ad 10. & 330.15
 Quomodo in hoc vitae genere regulam simpliciter strictam & rigorosam proficetur? 331.17
Societatis bonum non in multitudine & quantitate personarum, sed in qualitate positum est. 341.2
Societas prius fuit vera religio, quam in ea esset solennis professio; imo priusquam in ea fierent vota auctoritate Pontificia. 52.4
Societatem ingressuri quo delectu, & diligentia examinandi, & admittendi? 341.2. & seq.
Societatem ingressuri tenentur veritatem aperire ad interrogationes, quae illis fieri solent: sub qua obligatione: & an graviter interrogantem decipientes, valide recipiantur? ibid. 5. & seq.
Societatis in suos potestas & jurisdictio quae & quanta sit? 572.1
 Quanta & qualis resideat in Congregationibus ac praelatis illius? Vide in verb. *Congregatio Generalis & Praelatus*.
Societatis institutum nunquam immutari debere quoad substantialia. 612.17.18
 Quibus modis contingere potest religiosum Societatis statum immutari. 612. lib. 11. in proem.
Societatis Professores, Coadiutores, Scholastici, Domus, Collegia, &c. Vide in propriis verbis.
Solitarius, vide *Eremita & Eremitica vita*.
Spiritus.
Spiritus dignoscere necessarium, est iis, qui ad perfectionem tendunt. 550.32
 Ad eos dignoscendos regulae. ibid. 35. & seq.
 Non quilibet dictis regulis uti potest, sed tantum viri spirituales, & sapientes. 551.41
 Spirituum nomine quid intelligatur? ibid.
Spiritus Sanctus.
Spiritus sanctus principalis fuit auctor Societatis. 312.4
 Quomodo id intelligendum? 315.13
 Quos in ea effectus operetur? ibid.
Sponsus, vide *Conjuges*.
Status.
 Ad statum constituendum quae stabilitas requiratur? 358.10
 Statum alius eligendum determinare, vel suadere, an & qua ratione expediat? 556.4.5
 Status religionis per vota simplicia constitutus an dici debeat de jure humano, & status per vota solennia de jure divino? 357.4.5
 Status religionis per vota simplicia potest esse perfectior statu per vota solennia. 362.18
Statutum.
 A religione habente potestatem condendi statuta condici potest statutum contrarium negative juri canonico, vel etiam naturali; non tamen positive. 340.3.5
 Vide etiam in verb. *Constitutio & Regula*.
Stipendium.
 Stipendii acceptio pro ministeriis spiritualibus, vide *Ministeria spiritualia & Paupertas*.
Studia.
 Studium literarum, maxime sacrarum, utile & conveniens est omnibus religionibus, & Societati, aliisque salutem proximi procurantibus necessarium: neque impedit spiritus profectum. 310.11. & 301.2.3. & seq.
 Studiis literarum aptiores sunt religiosi, quam seculares. 432.8
 Studium literarum tria impediunt; quanam illa sint, & quomodo illis occurrendum? 407.3. in fine.
 Studium ac peritia literarum humaniorum, linguarum, ac liberalium artium, maxime convenit Evangelicis praedicatoribus, neque statui religioso repugnat. 433. cap. 2. per totum, praecipue vero religiosi Societatis est necessarium. 434.5. & seq.
 Studia Societatis convenienti modo & ordine instituta esse. 436.1. & seq.
 Studia literarum quo fine prosequenda. ibid. 4. & seq.
 Quis ordo in eis servandus? ibid. 1.2
 Quibus mediis Societas suorum scholasticorum studia promoveat? 438.11. & seq.
 Studiis literarum infestissimi quinam fuerint, & quanto cum Christianae reipub. detrimento? 439.1
 Studia publica & universitates habere, & in eis docere an Societati, & religioso statui conveniat? 440.3. & seq.
 Quae disciplina a religiosis ibi tradenda? ibid. 4
 Convenienter institui potest religio, quae ad finem docendi in universitatibus ordinetur. 441.7
 Quin etiam ex antiquis religiosis multi hanc docendi curam susceperunt. 440.5. & 6
 In studiis, seu universitatibus, quae per Societatem non administrantur, ejus religiosi acceptare possunt cathedras, non tamen eas procurare, opponendo se, &c. 441.9
 Et in iis etiam (nec dum in suis) gradus Doctoratus, & alios possunt accipere: cum certis tamen conditionibus. 442.10 & seq.
 Universitates admittere potest Generalis Societatis solo suo consensu, eas vero dissolvere, non sine consensu Congregationis Generalis. 144.16
Superior, vide *Praelatus*.
Suspensio.
 Suspensio clericis imposita ob concubinatum vera censura non est, & potest tolli per solam poenitentiam. 123.15
 T.
Temperantia.
 Temperantiae medium quod? 328.6
 Qua ratione hoc medium in victu dignosci possit? 556.2
 Quantum juvet ad castitatem? 382.5
Tentatio.
 Tentationes daemonum gravius oppugnant proficientes in via illuminativa, quam incipientes in purgativa. 545.8.9
 Tentationes gravissimas patiuntur moribundi. 562.1
Testamentum.
 Testamentum validum condere possunt religiosi Societatis solenniter non professi absque licentia superioris, qui tamen illud irritare poterit, si velit. 393.13
 Nec solum vivente testatore, sed etiam post ejus mortem potest superior testamentum ejus sine licentia factum irritare, eique tunc succederet ab intestato. ibid. 14
 Testamentum condentes sine licentia superioris quantum peccent dicti religiosi Societatis. ibid. 13.15
 Quid facere possint dicti religiosi in casu necessitatis absente superiore, a quo facultas testandi postuletur? ibid. 13. & 14
 An etiam, & quantum peccet novitius Societatis condens testamentum, post expletum primum annum novitiatus, absque licentia superioris? 394.16
 Testamentum moribundis conficere, eisque conficiendis assistere, regulariter juxta suas regulas non possunt religiosi Societatis. 562.3
 Vide etiam verb. *Moribundus*.
Testis.
 Testes in regulari judicio publicandi non sunt. 620.13
 An sufficient singulares in eodem judicio ad plenam probationem. 603.32
 Vide etiam verb. *Inquisitio*.
Theatini.
 Theatinorum religio quem habeat fundatorem, & quam similitudinem cum Societate? 301.4
Tortura.
 Tortura etiam habet locum in religiosis, quando reus interrogatus post semiplenam probationem delictum negat. 603.32
 Transitus religiosi ad aliam religionem, vide verb. *Religiosus ad aliam religionem transiens*.
Triremes.
 Triremium poena an sit conveniens pro religiosis? 85.4
 Damna ad triremes qua ratione absolvi possint a confessoribus Societatis? 529.19
 Ve.

V.

Velum.

- V**elum sanctimonialium quoruplex? 268. a 5. & 15
 Velum consecrationis olim solis virginibus dari poterat. ibid. 6
 An in aliquo casu etiam corruptis? ibid. 7. & seq.
 An corrupta possit illud procurare? 269. 11
 Quo tempore, & ætate dandum? ibid. 13
 A quo prælato? ibid. 12
 An veli consecratio aliquam spirituale gratiam conferat? 270. 14

Venatio.

- Venatio religionis prohibita peccatum mortale non est secluso scandalo. 40. 2

Virgines, vide in verb. Consecratio.

Monialis, & Velum.

Virtus.

- Virtus amorem conciliat. 511. 1
 Virtutes veræ & solidæ quænam sint. 515. 2
 Maxime in Societate commendantur, & quare? ibid. 3
 Quibus mediis in Societate procurentur? ibid. 3. & seq.
 Virtutum gradus varii numerantur, & explicantur. 548. 25

Visitatio.

- Quibus prælatis in Societate ex officio incumbat visitare domos, & Collegia? 617. 3

Cætera vide verb. *Inquisitio.*

Vita.

- Quæ sit perfectior, vita solitaria, an cœnobitica? 238. 14
 Quæ antiquior? 239. 19
 Vtra vita sit perfectior activa, an contemplativa, an ex utraque mixta? 247. cap. 5. per totum.
 Utra tutior? ibid. 2
 Quomodo hæc membra inter se distinguantur, & quid unumquodque sibi peculiare includat. ibid. cap. 5. a principio.
 Vita mixta a multis Patribus commendatur. 252. 11
 Et simpliciter perfectior cæteris judicatur. 251. 2. 8
 Vide etiam in verb. *Religio.*
 Vita activa ut oritur ex contemplativa est sigillum & consummatio perfectionis. 330. 15
 Vita activa an præcedere debeat contemplativam, an e contra. 454. 6. & seq.

Unctio extrema, vide Extrema unctio.

Unio.

- Unio & charitas inter fratres quibus mediis in Societate conciliatur & foveatur. 509. e 7. & 8. per omnia.

Unitas.

- Unitas pluralitati præfertur. 235. 8
 Unitas religionis unde desumenda? vide verb. *Religio, & Finis.*

Universales, vide in verb. Studia.

Voluntas.

- Voluntas qua ratione pendeat ab intellectu? 421. 12. 13

Votum.

- Vota reservata Pontifici æque sunt indispensabilia a prælatis regularibus, atque ab Episcopis. 90. 10
 Quam vero potestatem ad dispensandum in votis subditorum habent prælati regulares, vide in verb. *Dispensatio.*
 Votum religionis arctioris, quod religiosus professus emittit, non est simpliciter votum religionis, nec reservatum. ib. 10
 Votum simplex religionis arctioris extinguitur per professionem in qualibet religione etiam laxiori. 176. 21
 Votum transeundi ad religionem perfectiorem irritari non potest a superiore religiosi voventis. 87. 5
 Votum non transeundi ad aliam religionem quando & quomodo obliget. 185. 7. & seq.
 An addat aliquod vinculum supra professionem. ibid. 8. & 9
 Vota personalia religiosorum tolli possunt a prælatis eorum, non ita tamen vota status, & quæ sint vota status. 95. 33. 37
 Utrum possit summus Pontifex votum aliquod substantiæ religionis annexum irritare. 499. 14
 Vota substantia religionis quomodo obligent religiosum factum Episcopum? vide verb. *Episcopus.*
 Voti religiosi obligatio est diversa ab obligatione regulæ tale votum fieri obligantis. 94. 28
 Vota simplicia sufficiunt ad verum statum & traditionem religiosam, si ita acceptentur ab Ecclesia. 159. 5
 Votum quo aliquis tertiæ personæ obligatur, non extinguitur per professionem, si tertiæ personæ præjudicet. 285. 16
 Vota simplicia, per quæ religiosi Societatis JESU finito novi-

ratus biennio religioni incorporantur, non extinguitur eo ipso, quod illis concedatur licentia transeundi ad aliam religionem, extinguuntur tamen per professionem, quando eam emisserint. 207. 37

Imo neque per professionem extinguuntur, nisi legitimæ facultas a superioribus Societatis eis concedatur ad talem transitum. 69. 16

Quæ votorum obligatio & perfectio sufficiat ad substantiam status religiosi constituendam? 244. 16

Vota castitatis, paupertatis & obedientiæ, qua vigilantia, rigore & perfectione in Societate observentur? 308. 4

Vota, quæ novitii Societatis in novitiatu emittunt, quantum obligent, & quanta cum consideratione illis sit danda facultas ad ea emittenda? 347. 10

Vota simplicia scholasticorum Societatis verum & proprium statum religiosum constituunt. 356. c. 3. per totum.

Neque id negari potest sine errore in fide. 360. 5

Nec solum hodie, sed semper ab initio confirmata Societatis verum religiosum statum constituerunt. 359. 1

An talis status per vota simplicia dicendus sit de jure humano, sive Pontificio, status vero per vota solennia de jure divino, ita ut maxime in hoc differant hi status? 357. 4. 5

Vota simplicia scholasticorum Societatis ex dispositione Pontificis irritant professionem in qualibet alia religione (exclusa Carthusia) absque licentia superiorum Societatis postea factam. 363. 19

An etiam seclusa dispositione Pontificis? ibid.

Irritant etiam subsequens matrimonium. 378. 8

An etiam antecedens matrimonium ratum? vide *Matrimonium.*

Qualibet vota in sæculo emissa commutari possunt in dicta vota simplicia Societatis. 363. 23

Et quidem vota impossibilia cum statu & votis simplicibus Societatis in sæculo emissa, non solum commutari possunt in illa vota, sed etiam ex vi ingressus in Societatem suspenduntur. 364. 24

An idem dicendum sit de compossibilibus? ibid. & 25

An vota per dictum ingressum in Societatem suspensa reviviscant, si religiosus ab ea ejiciatur? ibid. 24

Vota simplicia scholasticorum Societatis, ut vovens valide per ea Societati incorporaretur, & fiat religiosus, emitti debent publice. 369. 1

Et coram aliquo habente potestatem incorporandi in Societate. ibid. & 3

Et coram aliis etiam tanquam testibus, quamvis hoc non sit de substantia. 371

Quæ forma necessario servanda in emittendis dictis votis? ib.

An forma a Societate præscripta quoad omnes particulas sit substantialis? ibid.

Defectus substantialis in emissionem horum votorum suppleri potest de consensu superioris in publica renovatione votorum, quam sexto quoque mense faciunt religiosi Societatis non professi, neque formati. ibid.

Vota simplicia scholasticorum Societatis an aliquando possint esse nulla, & quomodo validari possint? ibid.

Vota simplicia scholasticorum Societatis, quibus modis dissolvi possint? 372. 1. & seq.

Ab Episcopis, & prælatis etiam Societatis sunt indispensabilia. 95. 38

Solus Papa in eis potest dispensare, sicut in qualibet alia professione. 372. 3. 4

Irritari vero possunt jure ordinario a Societate, & ejus Præposito Generali; ab aliis vero non nisi ex commissione Generalis, vel Societatis. 373. 6

Utrum id libere & sine justa causa valide fieri possit? ibid. 7. & seq.

Vide etiam verb. *Dimissio.*

Vota Castitatis, Paupertatis, & Obedientiæ, vide in verb. *Castitas, Paupertas, Obedientia.*

Promissio, quam scholastici Societatis ultra tria vota substantia faciant, an sit votum, & ad quid obliget? vide *Promissio.*

Vota, quæ professi Societatis post professionem suam emittunt, quam sint convenientia. 443. 2

Hæc vota non sunt solennia, sed tantum simplicia. 487. c. 11. per totum.

Cætera pro his votis in particulari, vide in verb. *Dignitas, Episcopus, & Professus.*

Vota religionum militarium, vide verb. *Militares ordines.*

Washburn

